

SENATVS

POPVLIVÆ

GENVENSIS

RERVM DOMI FORISQVE

GESTARVM HISTORIÆ

ATQVE ANNALES:

CVM LVCULENTA VARIARVM
rerum cognitione dignissimarum, quæ diuersis
temporibus, & potissimum hac nostra tempe-
state contigerunt, enarratione.

Auctore PETRO BIZARO SENTINATI.



ANTVERPIÆ,

Ex officina Christophori Plantini
Architypographi Regij,

M. D. LXXIX.

Del islegio de S. Hermenegildo.



7
45



SERENISSIMO

PRINCIPI,

AVGVSTISSIMO

SENATV I,

ET

REIPVBLICÆ GENVENS I.



NON SINE saluberrimo consilio atque gra-
uissimo iudicio Maiorum nostrorum institu-
tum esse arbitror, Serenissime Princeps, Am-
plissimiq; Patres, ut gentium, clarorumq; vi-
rorum dicta & facta litteris consignarentur,
ac rerum memorabilium gestarum memoria,
temporibus suis distincta, posteritati ceu per ma-
nus traderetur. Quippe cum nihil utilius, vel
salutarius hominibus, in huius fragilis & lubrica vita cursu obtingere,
ac ne excogitari, vel optari quidem possit, quam ob oculos, ac quasi in
promptu habere, unde honesta atque pia vita institutio, sanorum con-
siliorum ratio, iudicii rectitudo, & variarum rerum cognitio summi ac
mutuari queant. Hac uniuersa & singula cum affatim præstet ac sup-
peditet historia, animum meum subinde de præstantissima Reipub. Ve-
stra cum diuturnitate ac dignitate, tum etiam conuersionibus cogitan-
tem, subiit cupido, ea obiter, & quasi summam litteris comprehendere,
ac posteritati legenda tradere, quæ in ipsa Reipub. Vestra inde statim ab
initio memoratu digna gesta sunt. Magnum me hercle ac perdifficile
opus, & planè huiusmodi, ut maiorem ingenij sublimitatem, & acumen
sibi deposcat. Vicit tamen difficultatem, quæ sese undique ostendebat, om-
nem, partim improbus labor, omnia, licet ardua, emolliens, partim ferui-
dum studium, ac extremus quidam gratificandi Reipub. Vestra ardor,
qui unde ortus sit, & quare tam altas in animo meo radices egerit,
paucis accipite. A multis annis mihi cum non paucis Urbis Vestra or-
natissimis ciuibus, præsertim verò cum clarissimis viris, ut splendidis
natalibus ortis, sic etiam fidei integritate, prudentia, omniumq; virtu-
tum laude conspicuis, Benedicto, Pasquali, & Iacobo Spinulis, talis con-
suetudo ac familiaritas intercessit, ut & illos ad omnia humanitatis

officia natos esse cernerem, simulq; mihi quàm coniunctissimos experirer. Cum igitur non modo ex horū sermonibus, sed multò magis ex veterum & recentiorum scriptorum monumentis deprehenderem, tam antiqua & florentis Reip. vestra, quæ omnibus ætatibus, cum optimos ac celeberrimos, tum verò patria amantissimos, & variarum rerum cognitione instructos ciues genuit; extitisse tamen hucusque, quod equidem sciam, neminem, qui eius statum, & res domi forisq; præclare gestas, pro dignitate ac diuturnitate imperij Latinis literis comprehenderet; indignabar non immerito, ut verum fatear, & subinde mecum tacitus hanc unicam civitatis vestra infelicitatem deplorabam, potissimum, quòd extra dubium & controuersiam sit, Maiores vestros multa sapienter cū excogitasse & constituisse, tum res gessisse pulcherrimas, exemplorq; multis ciuibus utiles, adeò sane, ut politicam Reipub. vestra administrationem multi summoperè suspexerint, & predicauerint. Proinde multorum amicorum omninò efflagitantium, ut has mihi partes ipse desumerem, idq; officij hætenus nescio quo fato neglectum, in gratiam Reipub. vestra, in me deriuarem, rogatu instinctus, nolui esse multorum more hac in parte refractarius, sed in re tanta virium fiduciam ex singulari voluntatis propensione mihi arrogans, aggressus sum hoc opus, magno quidem impetu, sed quàm feliciter, aliorum esto iudicium; ac non antea cessavi, quàm conquisitis undique optimis, iisdemq; fidelissimis scriptoribus, quos in his meis lucubrationibus adhibui in consilium, ultimam, quod aiunt, manum huic nostra opella (quod felix & faustum sit) imposuerim. Quod autem, præter receptam & usitatam ferè plerorumq; scriptorū consuetudinem, rerum politicarum enarrationem à bellorum gestorum historia seiungam, hæc insolentia mihi cum multis, iisdemque grauissimis viris communis est. Siquidem Xenophon, non minus insignis historicus, quàm excellens philosophus, res bellicas Cyri separatim à politicis eius actionibus descripsit. Et Iulius ille Cæsar, secundus à Cicerone Romana eloquentiæ fons & pater, singula bella per se gesta, totidem libris complectitur. Crispus etiam Sallustius, cuius breuitate nihil apud aures vacuas atq; eruditæ potest esse perfectius, Catilina coniurationem à bello Jugurthino seiunxit. Huius itidem instituti Luceiū celebratissimum suo tempore scriptorem, qui integram de rebus Romanis historiam scripsisse putatur, quæ, utrum iniuria temporum, vel hominum potius incuria, supina quadam oscitantia omnia negligentium, penitus sublata sit, addubitare licet, pleraq; res, ut ex Ciceronis epistola ad eū exarata,

coniici

coniungi potest, singulatim conscripsit. Quod certè vel hinc patet, cū Cicerō eadē epistolā ipsum roget, num res suas in Consulatu suo gestas, seorsum tractare debeat, vel aliis plerisque immiscere. Quorum quidem consilia non absurda fuisse existimandum est, nimirum quod magnum & arduum sit opus, integram historiam, singula rerum momenta, variosq; euentus adnotantem, recte describere; & haud scio, an inter eloquentia opera omnium difficillimum. Non caret etiam, meo equidem iudicio, haud minori difficultate & labore, eligere ea ex scriptorum Annalibus, quæ plurimum habent ponderis, & hominū animos informant atq; erudiant. Quandoquidē intelligere consilia & occasiones negotiorum, hominis est, me herculē, non solum non hebetis, sed etiam tu periti, & in Repub. non parum versati, cū apta distributio, & dilucida enarratio absque liberali doctrina fieri nequeat. Ceterum, nunc restat, ut hic meus labor ab optima voluntate, & iuuandi studio profectus, vobis nō improbetur: qui sanē eò gratior vobis videri debet, quod etsi exempla ipsa per se multum valeant, undecumque etiam petita, tamen propriæ Reipub. vestra diuersa, atq; subinde immutata administratio de maximis quibuscq; rebus vos proculdubio cū admonebit, tum etiam prudentiores faciet. Proderit namque non parum, ut equidem arbitror, ad pietatem in omnium ciuium vestrum animis instillandū, & pacem ciuilem, sine qua nulla Respub. diu ac feliciter consistere potest, confirmandum, videre sua ciuitatis initia, incrementa, deprauationes, lapsus, ac rursus correctiones, & post seram poenitentiam vita statusq; emendationem. Iuuabit etiam haud mediocriter considerare, quomodo Respub. vestra post tot exantlatos & desudatos labores, non humano tantum consilio & viribus, sed legum aequitate, atque morum disciplinaq; conseruatione sensim ad meliorem formam deuenerit. Hic profectō omnibus elucebit, Imperia non fortuito aliquo casu, sed diuinitus constituta esse, & contineri, cū nemini dubiū esse debeat, quod sæpius multe ciuitates & Respublicæ, vel propter illorum tyrannidem qui ad gubernacula sedebant, vel propter priuatorum ciuiū libidines, factiones, & intolerabile ambitionem & fastū concidisse, rursumque paucorum consilio, recte in Repub. de legibus & institutis sentientium, erectas esse, ac tantisper saluas & incolumes permansisse; quantisper iustitia, pietate, ac religione submixta forent. Nunc, cū nulla unquam ciuitas in Italia sit, quæ plures, vel periculosiores calamitates atq; conuersiones perpessa fuerit quàm vestra, erit haud dubiè non modò vobis omnibus utile, ve-

rum etiam omnino necessarium, occasiones observare, ob quas Maiores Vestri propria potentia & dominio excidentes in aliorum potestatem deuenerint, florentissimumq; imperium sæpè leuissimis de causis, quæ tamen maximarum rerum momenta extiterunt, ad externos Principes translatum sit. Ac me quidem penitiùs in huius Reipub. Vestra statum intuentē, non semel subit admiratio, simulq; oritur haud triuialis difficultas, cui scilicet potissimum causa hæ tot ac tam multiplices eius immutationes assignari debeant; siquidem licet Plato multa de periodis, atque Urbium & regnorum mutationibus differat, rem nihilominus tantam inuoluit anigmatibus, quæ nec Oedipus quidem ipse solueret. Dicit enim causam esse, cur mutantur imperia, quod sexquitercia radix iuncta quinario duas afficiat harmonias, ultra quas, cum natura postea deteriores gignat, circumactam periodum finire imperia. Obscura certè ratio, & planè eiusmodi, quæ numquā satis inuestigari, vel deprehendi potuerit, aded ut multos grauissimos viros torserit, qui nulla iudicij maturitate, vel ingenij sollertia & acumine, consilij tam arcani causas eruere valuerunt. Tradunt etenim, Cnæum Pompeium, qui à rerum præstantia & magnitudine Magnus vocari meruit, hac de causa cum in prælio Pharsalico à socero superatus, Mitylenen ad coniugem concederet, congressus ciuium atque amicorum fugitantem, ad unum Cratippum, celeberrimum ea tempestate philosophum, solatij causa diuertisse, & apud eum contra prouidentiam multa sapienter & grauitè disseruisse, quod in causa æquiore, ut sibi videbatur, post tot, & tam præclaras victorias, deuexa iam atate, à Diis derelinqui sibi videretur. Ibi Cratippus, quò tantum virum deliniret; ostendit multas esse causas, partim phycas & fatales, partim verò morales, & harum alias propiores, alias remotiores, cur mutationes in imperijs fiant. Hac fortassis pro illa atate, & tantis viris philosophis, absurda non videbantur, habebantq; certè rationes quibus niterentur. At nobis, Christianis sacris imbutis, nullo pacto ambigendum est, nunquam aliquam insignem alicuius imperij, vel ciuitatis immutationem fieri, vel temerè immitti, sed tam multa tristia pœnarum spectacula, supplicia nempe publica, morbos, bella, cades, famas, dissipationes familiarum, discordias publicas, & magnos dolores, tam publicos quàm priuatos, qui etiamnū in hac delira mundi senectæ, & in tanta rerum omnium confusione omnium oculis obuersantur, esse haud dubiè commonefactiones, ut normam vitæ, diuinitus in legibus, & recta gubernatione propositam, discamus atq; sequamur. Hac

ita

ita cum sese habeant, alterum nunc reliquū est, ut vos, Serenissime Prin-
ceps, atque optimi & sapientissimi Patres, studiosè obnixèque rogem,
velitis hanc qualemcumque nostram operam & laborem equi boniq;
consulere, & pretium non ex operis prastantia, sed ex unica animi &
voluntatis propensione metiri atque aestimare. Id si feceritis, nā tanti no-
stri temporis nullo modo iacturam faciemus, sed eum fructum referemus
oberrimum, qui à tanta Repub. cum opibus, tum infinita propemodum
hominum praeclarissimorum multitudine florenti, ab omnibus bonis, ac
de illa bene meritis, vel bene mereri contendentibus, non immeritò expe-
ctari debet. Interea temporis Deum opt. max. summis votis & fla-
grantissimo animi studio precor, ut vos, vestramq; inclytam Rempub.
perpetuò ac felicissimè ad nominis sui gloriam incolumes tueatur atque
conseruet. Antverpia, postridie Kal. Ianuarias, 1579.

Vestrae Serenitatis atque amplitudinis

obsequentissimus

Petrus Bizarus.

IOANNES LEVNCLAVIVS
AMELÆBVRANVS, NOBILIS
ANGRIVARIVS, IN PETRI BIZARI HISTORIAS
ET ANNALES, &c.



QVOD Veneti Bembo, Genuates hoc tibi debent,
Ausoniꝝ decus & gloria, Petre, soli.
Vel debent potius, cui quàm patria Bembo,
Non una Ligures plus ratione tibi.
Nam Ligurum genti quæ controuersia dudum
Cum Venetis, equa condicione, fuit:
Hanc Venetum Bembus res gestas ordine pandens
Discutit, & primas vindicat arte suis;
Dum Ligurum nemo fortissima facta recenset,
Sparsa per eoas occiduâsque plagas.
Nunc Latio per te postquam sermone per orbem
Cæperunt Ligurum gesta, Bizare, legi:
Res redit ad priscas leges, nec habet Venetum gens
Quidquam, se Ligurum præferat ut populo.
Bembus id officium patriæ præstabat alumnus:
Tu quod agis, testis liber, & hospes agis.
Ergo pro meritis insignibus hisce Bizari,
Qui Ligurum verè primus in historia est,
Æmula virtutis Venetæ Genua alma Bizarum,
Plus quàm etiam Bembum patria grata, colat.

SENATVS POPVLIVQVE GENVENSIS RERV DOMI FORISQVE

gestarum memorabilium Historia.

LIBER I.



DE REIPUBLICAE Genuensis statu, atque rebus domi forisqve gestis scripturus, operæpretium mihi facturus videor, si breuiter Ligusticæ gentis incunabula, atque adeò ipsius Genuensis ciuitatis originem & situm ob oculos omnium obiter posuero. Nam cum Genua Ligurû in Italia caput sit, magnisqve incrementis à paruis initiis subinde aucta, in immensum excreuerit, historiæ nostræ series postulare videtur, vnde nomen traxerit, quòue in loco sita sit, quàm paucissimis fieri poterit verbis perstringere ac enarrare. Et licet multi scriptores circa huius vrbs initia multum inter se varient, adeò vt omninò difficile sit aliquid super hac re citra aliquam controuersiam pronunciare & asserere, tamen à veteribus memoriæ proditum esse reperio, & in hoc omnium fermè scripta consentiunt, Genuam à Iano Italiæ rege, primò eo loco, quo nunc est, edificatam esse, deinde post aliqua temporum interualla à Iano Troianorû rege, auctam, & adornatam. Sunt qui putent, huius vrbs primordia Iano Genio Prisco, vel, vt aliqui volunt, Genuino Ægyptio Phaëthontis socio iurè deberi. Reperiuntur etiam, qui Genuum Saturni filiû, huic vrbi nomen imposuisse credant. Sunt præterea qui à superioribus dissentientes, existimēt, nomen vrbs à situ loci curuaturæ genu respondente, Genuam esse dictâ, quasi ianuam, id est portam Italiæ denominatam. Plurimi autem omninò arbitrantur, quòd sicuti Pisas Græci, & Romani Florentiam, sic olim Ligures hanc urbem condiderint. De his autem populis, & quàm longè lateq. dominati sint, quæue illorum mores ac studia fuerint, nunc verba facere, nimis sanè prolixum foret, idq. facile videre est apud Plinium, Ptolemæum, Strabonem & reliquos veteres auctores. Verustissimam verò hanc gentem esse, multisqve sæculis, antequam Dei filius humanam in terris naturam assumeret, extitisse, & floruisse, præter alia magnæ antiquitatis argumenta, satis constat & apparet ex ærea tabula, quam in Pocifera valle rusticus quidam effossa humo, anno salutis millesimo quingentesimo sexto eruit, & quam Genuenses in urbem delatam, memoriæ vetustatisque causa, in summo templo collocandam curauerunt, & in hunc vsq. diem diligentissimè asseruant. Nam cum inter ipsos & Vitturos, gētem sibi conteminam, rixæ & contentiones de agrorum finibus essent exortæ, à Senatu populoq. Romano, L. Cæcilio & Q. Manilio Coss., iudices missi fuere, quorum arbitrio & iudicio lites ipsæ & controuersie dirimerentur & deciderentur. estqve tabula ipsa in hunc ferè modum conscripta: Q. M. Minuticis. Q. F. Rufeis de controuersieis inter Genuates, & Veituros in re præsentē cognouerunt, & coram inter eos controuersias composuerunt: & qua lege agrum possiderent: & qua fineis fierent: dixerunt eos fineis facere terminos quæ statui iusserunt, vbei ea facta essent, Romani coram venire iusserunt. Rom. coram sententiā ex senatus

Genua à quibus condita.

Genua urbis antiquitas.

Tabula ærea reperta anno 1556.

A con-

consulto dixerunt, idib. Decemb. L. Cæcilio Q. F. Q. Minutio Q. F. Coss. Qua
ager priuatus Casteli Veituriorum est, quem agrum eos vendere, hæredemque
sequi licet. Is ager vectigal nec fiet. Langatium sineis agri priuati ab riuo infimo,
qui oritur ab fonte in Mamcelo, ad Flouiu Lemurum, inde Flouio Lemuri su-
sum vsque ad riuum Comberane, &c. Facta est autem anno centesimæ sextæ
Olympiadis, ab vrbe Roma condita DCXXXVII. ante Christum natum CXVI.
vt quidam supputant, vel, vt aliis placet, CXV. L. Cæcilio Metello Diademate,
Q. Mutio Scæuola Coss. Et quia sublati diffidijs & contentionibus, sententiæ
latæ potissimum Genuæ locus constitui debebat, adeò vt captiui ea de causa in
vinculis asseruati, publica auctoritate liberandi essent, verisimile est, hanc ciui-
tatem etiam eò tempore maximo in pretio & honore apud Romanos fuisse.
Illud etiam, quod extat apud Val. Max. lib. primo, capite de prodigijs, haud sanè
leue argumentum eius antiquitatis præbet. Flaminij autem, inquit, audaciam
C. Hostilius Mancinus vesana perseverantia subsequitur: cui Consuli in Hispa-
niam ituro, hæc prodigia acciderunt. Cum Lanuij sacrificiū facere vellet, pul-
li cauea emissi, in proximam siluam fugerunt, summæque diligentia quæsit, re-
periri nequiuerunt. cūque ab Herculis portu, quò pedibus peruenerat, nauē
conscenderet, talis vox sine vlllo auctore ad aures eius peruenit: Mancine mane.
qua territus, cū itinere cōuerso Genuam petiisset, & ibi scapham esset ingres-
sus, anguis eximæ magnitudinis visus, è conspectu abiit. Hæc Val. Enarratis igitur
huius præclarissimæ vrbs auctoribus & conditoribus, simulque illius
verustate aliqua ex parte ob oculos posita, nunc reliquum est, vt eius situm na-
turamque loci quàm breuissimè delineem. Totus itaque eius tractus est mariti-
mus, ac sinuosa quadam incuruatione in continentem excurrent, fronte ad me-
ridiem spectans, dorso septentrioni obuerso, leniter in planitiē, veluti ad quie-
scendum descendēs, montium innixa radicibus, quorum à tergo contra seuorū
septentrionum afflatum vallo munitur, ita vt proportionē quadam inter se æ-
quali, pars ciuitatis in plano sit, pars verò in montes assurgens, & vtriusque loci
ita particeps, vt singulari specie & pulchritudine vndiquaq, cōspicua reddatur.
eiusque ambitus ultra sex millia passuum continet. Habet hæc vrbs portum
memorabilem, & fortissima mole securæ stationis causa præmunitum, & ad
Africam extensum. quæ verò vrbs situs ad Orientem vergit, Feritore amne,
qui hodiè Bisamnis vocatur, prope ipsa mœnia alluitur. Habet ab eo etiā latere
amnem potius torrenti, quàm fluuiio similem, Ferixanum dictum, qui è proxi-
mis montibus confragoso cursu præcipitatus, sese in conspectū ciuitatis Bisami-
ni immiscet, atque ita inter se mixti, mare ipsum influunt, & ab occasu flumen
Pociferum, à quo vallis habet nomen, decurrit. totiusque illius tractus, præsertim
littori maris vicinus, multis nobilibus municipiis atque commodis pagis com-
mendatur, inter quos sanè vicos hi fermè sunt omnium fertilissimi & amœnissi-
mi, Neruium, Buhascum, Saulum, Rechum & Camulcum, passimque totis
vallibus & collibus villæ, instar arcium conspicuæ, ac porphyrio lapide admodū
splendide, summam ciuium opulentiam & magnificentiam in primis testantes,
cum mira spectantium omnium admiratione & oblectamento cernuntur. Præ-
terea Genuensis tractus, licet per se sit longè omnium amœnissimus, tamē pro-
pter locorum varietatem, omniumq. rerū abundantiam, atque adeò Promon-
torij, caput montium appellati, eximiam pulchritudinem, mirum in modum
celebratur. Est enim hoc Promotorium ita ab ipsa natura summa industria ela-
boratum, vt non secus ac si ex alta quadam rupe excisum esset, in mare ipsum
magna

Situs Ge-
nue.

magna cum saxorum mole excurrat. Nunc, ut aliquid de cæli bonitate aërisq; temperie referam, vrbs ipsa sub temperatissimo cælo constituta esse, vel inde comprehenditur, quod populus Genuensis non solum summa industria, rerumque terra marique gerendarum peritia, verum etiam à corporis optima constitutione & proceritate semper apud omnes commendetur. Viuit enim valetudine, quæ rarius in morbos excurrat, & adeò sunt firmi & robusti, ut vbiuis gætium, ac sub quouis cælo citra aliquam valetudinis iacturam viuere possint: quod cum nunc longa temporum serie multisque regionibus ab ipsis frequentatis innouerit, non est quod aliquis hac in re mihi fidem deroget. De industria autem, cum vbiue terrarum cognita sit, non puto operæ pretium, ut longâ prædicatione ipsos hoc nomine extollam. satis est, omnium scriptorum Annales in hoc consentire, Genuensem populum summo cum animi ardore atq; indefatigatis armis Christianæ Religionis hostes fortiter debellasse, & suppressisse, omnemque victoriæ gloriam & laudem in Christianæ fidei propagatione reposuisse. Utinam tam fortiter nunc imminentis hostis vim atq; strictos mucrones à cervicibus nostris depellamus, quàm ipsi sæpius, nullis, quàm propriis viribus subnixi, cum magno Reip. emolumento & beneficio fecerunt, atque repulerunt. Taceo hic Pisanos, & Venetos sæpius victos & expugnatos, cum quibus populis bella gesta certis suis voluminibus à me, si ita Diis visum fuerit, reddentur. Quid alios potentissimos populos & reges hinc commemorem? de quibus, & præclaris victoriis relatis, Genuenses ita clari & celebres euaserunt, ut frequenter opima hostium spolia, & glorióssimos triumphos in patriam reportaerint, adeò ut de hac nobilissima Rep. idem iure optimo dici posse videatur, quod de Scipionum gente scriptores antiqui perhibent, eam fuisse stirpem, ut ipsi loquuntur, fatalem ad hostes terra marique vincendos & sub iugum mittendos. Proinde cum hæc ciuitas tanta populorum & priuatarum fortunarum accessione aucta sit, non mirum si hac tempestate pulchritudine, & palatiorum laqueatorum amplitudine atque magnificentia cum præclarissimis Christiani orbis vrbibus certet & contendat. Nam quod ad eius vrbs opulentiam attinet, cum homines suapte natura industrios & solertes habeat, non dubium est, quin omnibus ferè temporibus opulentia ciuium priuatæque eorum fortunæ quàm amplissimæ extiterint. Et ne videar explicandis & recensendis Reip. opibus diutius immorari, studio præteribo magnum & instructum ipsius Reip. ærarium ad omnes vsus Reip. summa cum diligentia & prudentia reseruatum. Tacebo etiam pretiosissimum illud vas ex solido smaragdo excisum, quod anniuersario tempore populo cum summa admiratione tum religione ostenditur. Vnde autem postmodum acciderit, ut hæc vrbs longè præstantissima & celeberrima, tot insularum & oppidorum, quibus olim non solum in Ægeò mari, sed etiam Euxino enauigato, in ora Pontici maris, atque adeò in ipsa Syria, & Palæstina regione, aliisque in locis diu felicissimè potita est, imperium amiserit, eoque deuenit, ut sæpè amissa libertate, se vltro diuersis Principibus regendam permiserit, cuius facile constabit, si partim humanarum rerum vicissitudinem, partim atrocissimos ciuiliū dissidiorum fluctus ac tempestates, quibus hæc Resp. tories iactata est, secū animo volutauerit. Fieri sanè vix poterat, ut Memphitico rege, ac Othomannica familia tam longè lateque imperantibus, deinde Græcorum Cæsarium simultatibus amisso Byzantio, ipsi, nulla Foederatorum Principum ope innixi, quæ prius in remotissimis locis possederant, ea contra hostilem vim ac potentiam diutius retinerent. Nam Venetos, quorū etiam dominiū latissimè extendebatur, aliosque potentissimos populos ac etiam reges, pa-

*Genua quo
cæli climate
posita.*

*Genuense
industria, &
victoria.*

*Genuense
pes.*

ri fortuna subinde vsos, historiæ omnes testantur. Ceterum, quòd interdum sub alieno imperio vixerint, suamque patriam dira seruitute ac tyrannide opprimi, magno cum omnium dispendio & Ligustici nominis iactura conspexerint, potius priuatis ipsorum dissensionibus, ac ciuilibus odiis, quàm externæ potentiæ acceptum referri debet. Quónam verò in cardine Reipublicæ Genuensis status versatus, quisue eiusdem administrationis tenor ac vicissitudo à multis retroactis sæculis fuerit, siue scriptorum pænuria, siue temporum difficultate, quæ solent etiam diligentissimis quibusque ansam scribendi diligentiaque stimulum vel addere, vel auferre, fatali quadam, vt puto, vi, diuersis sententijs à multis viris in historia non mediocriter versatis, adhuc certatur, sic profectò, vt in re tanti momenti temerè aliquid scripsisse, prudentioribus id semper piaculum fuerit. Nam de rebus post tanta temporum volumina aliquid certi in medium afferre, nisi quis firmis subnixus fuerit præsidiis, non video quem laborum suorum fructum iure vnamquam referre possit. Porro, vt ceteras difficultates sileam, quibus etiam in otiosa alioquin Repub. scriptores laborare solent, quid est rogo ita extra aleam reprehensionis positum, quàm propter temporum condiciones aliquid huiusmodi committere, quod vel leuitatem, vel certè perfidiam scriptoris non arguat, potissimum cum humana ingenia ita suapte natura sint comparata, vt interdum ad gratiam loquentes, à fide historica non parùm discedant, & styli dignitatem arbitrijs Principum permittentes, eorum sese moribus ac sensibus attemperant, & inflectant, in hunc videlicet scopum intenti, vt vel apud illos gratia floreat, itaque opibus augeantur, vel ad ostentationem ingenij, famam immortalitatis apud posteritatem inani dicacitate aucupentur. Hinc est, vt, dum diuersis studijs scriptorum animi captiuantur & ducuntur, rarò aliquis in publicum prodeat, qui remotis omnibus affectibus & præstigijs, hoc vnum agat, vt veritatis lucem ob oculos omnium, ceu in publicum theatrum producant, ponat, & vtilitatem laboris ex rerum gestarum vera narratione metiatur. Qua sanè in re quantus sit habendus iudicij delectus, facile per me conijcere possum: ideoque statim ab initio nihil magis habui in votis, nihil, dico, mihi fuit antiquius, & pro hoc vno excubuit omnis diligentia mea, ne hunc qualemcunq. laboris & industriæ meæ fructum aliqua vanitate polluerem & contaminarem, eaque ratione, quod in prouerbio dici consuevit, oleum & lychnum perderem. Nam vt nihil præclarius de me pollicear, nèue Thrasonico more de me glorier, in hoc dedi potissimum operam, vt scripta mea facilitate & simplicitate sua placerent, & veritatis studio probarentur. Proinde cum videam pleraque propter causas à me adductas ignorari, vel saltem ita esse perplexa, & varijs inuolucris intricata, vt nisi cum summa difficultate crui possint, coërcebo me intra eos limites quos mihi rerum cognitio suppeditabit. Etenim cum in Reipub. Annalibus temporum series, præsertim eorum quæ ante annum salutis humanæ millesimum centesimum gesta sint, magnam nobis difficultatem adducant, & plusquàm Cimmerias quodammodo tenebras offundant, cum pauca quædam, ceu magnæ cuiusdam ruinæ rudera tantummodò supersint, & extent, difficile profectò fuerit ex ijs fragmentis aliquid de maiestate totius operis pronunciare. Quamobrem cum hæc ita sese habeant, ea potissimum aggrediemur quæ citra vllam cōtrouersiam ita tractari possunt, vt nemini, tametsi alioquin severo & moroso rerum æstimatori, in dubium, vel suspicionem iure venire, & deuocare liceat. Priusquam verò de his aliquid ordiamur, omissis in præsentia quæ veteres Annales memoriæ prodiderunt de

Christia-

Cur quàm plurimi a fide historica aberrarent.

Quo tempore incipiant Genuens. annales.

Christianæ fidei religionisq̃ penes Genuenses initiis, deq̃ue eius per quosdam
 pios homines propagatione, qui ob morum vitæq̃ue sanctimoniam, in Diuo-
 rum numerum relati, postmodum à grata memoriq̃ue posteritate magna cum
 reuerentia instar Numinum apud ipsos semper habiti & conseruati fuerunt,
 nonnulla breuiter subiiciam, quæ in vrbe ante Seruatoris nostri aduentum con-
 tigere, moxq̃ue illa enarrare incipiam, quæ post annum millesimum centesi-
 mum ab orbe redempto ad hæc vsq̃ue tempora domi forisq̃ue in Repub. gesta
 sunt. Quò autem priora multò magis conspicua reddantur, oratione paulò al-
 tius repetita, perpaucis verbis ostendam, ipsis Genuens. nihil vnquam fuisse
 antiquius, quàm vt Populi Romani amicitiam atque beneuolentiam summa
 fide & constantia retinerent. Nunquam enim committere voluerunt, vt aliqua
 de causa Romanis incommodarent, Rhodiorum, vti puto, & Masinissæ regis
 exemplum imitati, qui mira animi constantia, fideiq̃ue integritate dubiis tem-
 poribus, atque accisis Romanorum rebus, ipsis fidem inuiolatam præstiterunt,
 eaq̃ue de causa licet populus Romanus multa & varia cum diuersis Italiæ po-
 pulis, præsertim verò Liguribus Occidentalibus, bella gesserit, de quibus ad se-
 ptendecim triumphos diuersis quidem temporibus reportasse dicitur, nūquam
 tamen, vt satis ex veterum monumentis apparet, ei cum Genuensibus aliquod
 bellum intercessit. Nec id sanè mirum videri debet, cum ipsi Ligures semper
 ita latè patentem regionem habuerint, vt plures diuersasq̃. in partes, cœu tribus;
 diuisi, diuersorum etiam Principum factiones ac studia sint secuti, adeò vt tem-
 pore, quo Punica arma duce Hannibale in Italiam transportarentur, plerique
 ipsorum, eius fidem amplexi, Barbaris auxilium contra Romanos ferre non sint
 veriti. Ceterum Carthaginenses cum constantiam Genuensis populi atque in
 Romanos fidem palàm viderent, ac intelligerent, ipsum ingenti odio prosequen-
 bantur: ideoq̃ue Mago Carthaginensis, Amilcaris filius, cum in secundo Punico
 bello ex minore Balearum insula, vbi hibernarat, lectissima iuuentute in clas-
 sem imposita, in Italiam triginta fermè rostratis nauibus & multis onerarijs,
 duodecim millia peditum, duo fermè equitum trajiceret, eo consilio, vt se
 Hannibali coniungeret, Genuam nullis præfidiis tunc firmatam, repentino im-
 petu cepit, diripuit, ac deleuit, prædamq̃ue Sauonam oppidum Alpinum af-
 portauit: quod quidem, vt ex Liuiο videre licet, consulatu P. Cornelij Scipio-
 nis, & P. Licinij Crassi accidit, & per totum ferè biennium miserrimo cum spe-
 ctaculo vrbs ipsa euerfa & prostrata iacuit, donec tandem iussu S. P. Q. Roma-
 ni Lucretius Spurius, cui potissimum ob eam causam imperium prorogatum
 fuit, eam in pristinum statum restitueret: quod sanè Gn. Seruilio Cæpione, &
 Gn. Seruilio Gemino Coss. euenit, sicuti hæc omnia fusius in ipso Liuiο lib.
 octauo circa finem, & initio libri decimi tercię Decadis tractantur. Post instau-
 rationem à Lucretio factam, nullam Romanos coloniam illuc traduxisse,
 apud veteres historicos reperio. Ceterum, quamuis Genua statim ab initio
 propter loci sterilitatem, aliorumq̃ue vitæ necessariorum pænuriam, diu mul-
 tisq̃ue temporibus non secus ac solitudine quadam damnata, etiam infra me-
 dioctritatem ipsam paucis ciuibz cõtenta steterit, nihilominus tamen crescente
 Romano imperio, Punicisq̃ue armis extra Italiam longè lateq̃ue profligatis,
 sensim augeri cœpta est, ita vt successu temporis, cum alioquin viros suapte
 natura sollertes & ingeniosos gigneret atque aleret, hominum exterorum fre-
 quentia, & opibus mirum in modum ampliaretur, sic sanè, vt perpaucæ in Italia
 existerent ciuitates, quæ huic antecellere, vel aliqua ex parte rerum opulentia

*Genuensium
amicitia erga
Romanos.*

*Ligures olim
Romanorum
hostes.*

*Genua à Car-
thaginensibus
euerfa, & à
Rom. instau-
rata.*

comparari possent. Hinc magnam sui inuidiam, quod opibus domi forisque floreret, apud exteros concitauit, conterminisque regibus dira cupiditate proferendi imperij accensis, non leuam occasionem præbuit, ut eorum vires atque potentiam experirentur. Inter quos, ut alios, qui hanc urbem infestissimis armis sæpius tētarunt & inquietarunt, breuitatis causa taceam, Rhotaris decimus septimus Longobardorum rex, totum ferè orbem infestis armis miserè diuexans, atque omnia sacra profanis miscens, Genuam etiam post varias oppugnationes tandem anno à partu virginis sexcentesimo septuagesimo diripuit, & immaniter dilacerauit. Genuenses, licet ad tantam cladem summoperè consternati, ac in extremam quandam angustiam coniecti essent, nihilominus tamen magna animositate non commiscere, ut, desperatis rebus, sedes suas, vel Penates aliò transferrent, vel sese aliquo modo commouerent, sed magna cum celeritate & cura ciuitatem collapsam ita instaurarunt, ut facile omnem hostilem impetum & conatum sustinere & coercere posset. Tandem anno septingentesimo septuagesimo quarto, quo Desiderius Longobardorum regum vltimus, à Carolo Magno Ticini post longam obsidionem fuit oppressus & extinctus, cum vniuersa Italia, atque adeò totum Romanum imperium in ipsius Caroli potestatem deuenisset, Genuenses sese illius imperio libentissimis animis subiecerunt; in cuius fide & obsequio tanta me herculè cum constantia permanere, ut Pipinum eius filium, ipso adhuc superstite, Italiæ regem declaratum, ac deinceps omnem eius posteritatem citra aliquam perfidiæ seu perduellionis notam, vel suspicionem vllam, semper summo studio & veneratione sint prosecuti, eò certè libentiùs, quo diuersorum Barbarorum regum crudelissimam tyrannidem magis haberent exploratā: & cum eius stirpem veris Imperatoriis virtutibus exornatam animaduernerent, facile fuit, benignissimis Principibus debitum obsequium præstare, ac inter cetera quidem optimæ voluntatis & debiti obsequij argumenta, vnum exempli causa referam, quod mihi instar multorum erit.

Anno octingentesimo sexto. cum Saraceni, rerum potiente Pipino, insulas & pleraque Italiæ littora crudelissimis latrocinis & rapinis infestarent, Genuenses, quò Pipinus commodius tantam vim ac gentis eluionem in periculum totius Italiæ, atque adeò totius Christiani orbis perniciem exundantem, ac latè sese vndiquaque miris incrementis effundentē, reprimeret, classem opulentissimam duce Audomaro Comite instruxerunt, eo animo, ut Audomarus illorum dux, pro Reip. Christianæ salute Saracenos tunc temporis Corsicam deuastantes, inuaderet, atque ab Italiæ faucibus tam potentem hostem auerteret. Itaq. comparatis omnibus ad tantam expeditionem necessariis, Ligur felici omine classem suam ex portu Genuens. in altum educens, breui nauigatione in Corsicam delatus est. Hostis verò cum præter spem & expectationem repentino motu se adoriri à Ligustica classe animaduerneret, magno metu perculsus, omnibus viribus annitebatur, ut, incisis rudentibus, atque relictis impedimentis omnibus, quamprimùm sese cum sua classe subduceret. Sed alacritate Ligustici ducis, ac militum suorum strenuitate, factum fuit, ut nullo ipsi concessio effugij tempore, magnis viribus aliisque bellicis apparatus vndique obsideretur, adeò sanè, ut planè inuitus, & summa necessitate adductus, manus conscruerit. In quo quidem certamine Audomarus Comes, postquam omnia periti ducis, ac fortis militis munera expleuisset, strenuissimè in acie inter primipilares ex prætoria sua puppi in hostem pugnans, magno cum Ligustici nominis detrimento ac totius classis mærore, fatali casu occidit. Quo è viuis sublato, cum res quodammodo

Genua à Longobardis deleta.

Genua instauratur.

Desiderius Longob. rex à Carolo Magno deuictus.

Genuenses Audomaro duce Corsicam inuadunt.

Audomari interitus.

dammodò ad extremum esset perducta, centuriones, alijsque classis primates, inchoatæ pugnae exitum auidè expetentes, multò cum maiori, quàm antea, ardore, finem pugnae eo successu fecerunt, ut superatis, & contrucidatis ipsis Saracenis, maior illorum classis pars deleta fuerit. Hac tam præclara Ligures potiti victoria, insulam illam in suam potestatem redegere, ac tredecim naues ex hoste captas, Genuam, ad speciem iusti triumphii perduxerunt, & deinceps illius insulae ditionem, sibi tanquam veri domini, iure belli vendicarunt. Verùm Saraceni ob hanc perpeſſam cladem valdè laborantes, & quòd viderent suas vires in Europa non ita facile coalescere posse, pro solita sua feritate, ac in Christianum nomen odio, dicto citius vires suas restaurarunt, & anno nongentesimo trigésimo secundo sub rege Hugone, prius cum Carthaginensibus fœdere icto, magna & instructissima classe ex Africa Corsicam repetiuerunt, eo animi decreto, ut acceptam cladem & iniuriam probè vlciscerentur. Proinde cum præteriti damni memoriam in illiusmet ciuitatis conspectu, ad quam infelicitè recens pugnaſſent, vellent deponere & abolere, cum omni classe ex-inopinatò urbem adorti sunt, ac repentino impetu oppressam, magnam multorum hominum cædem ac stragem fecerunt, atq. etiam innumeros vtriusque sexus in duram captiuitatem ac seruitutem secum abduxere. Verùm ipsi hac victoria haud sanè diu gauisi sunt. Nam ubi primum classis Ligustica, quæ tunc tēporis procul ab eo mari aberat, Genuam reducta est, simulque de urbis direptione cognitum fuit, Genuenses, nihil prius, magisque in votis habuere, quàm ut de hoste supplicium fumerent, & captiuos ab illorum manibus eriperent. Igitur eos summa celeritate inſecuti, iuxta Sardiniam circa insulas, vulgò Busfinaras, cum illis conflixerunt, eo quidem euentu, ut tandem post longum atq. atrox certamen, fortuna ad Ligures inclinaret, & sicuti probati auctores tradiderunt, magna illorum parte contrucidata, vniuersam prædā & captiuos recuperarunt, ac reduxerunt. hisque patriæ restitutis, immortalem sibi gloriam ex tam præclaro & egregio facto omnium consensu parauerunt. Constans opinio est, ac multorum literis fama celebrata, Genuæ paulò antè subsecuti temporis cladem, portenta aliqua visa fuisse, & inter cetera quidem, fontem viua scaturigine sanguinem profudisse, futuræ certè atque imminētis calamitatis magnum argumentum, & huiusmodi, quod posteritati non immeritò tradi debeat. Hæc verò sunt potissima & præcipua, quæ in hac Rep. vsque ad annum millesimum centesimum, quod equidem sciam, contigerunt, à quo sanè tempore iustæ historiæ series continuo ferè nexu deducta fuit, eaque memoriæ ac posteritati mandata, quæ ibi ad hæc vsque sæcula inciderunt, adeò ut nihil domi, vel foris gestum sit, quod priorum temporum historiis non comprehendatur. Ceterum, antequam de his aliquid ordiamur, breuiter mihi præfandum esse arbitror, de ordine, qui deinceps in huius historiæ descriptione à me obseruabitur. Nam cum omnium scriptorum non sint ijdem sensus, fit, ut sæpius variis de causis eorum consilia inter se discrepent. Mihi igitur in animo est, huius Reip. statum, qualis nam scilicet ab anno Seruatoris nostri supra millesimum centesimo extiterit, simulque de illius perpeſſis calamitatibus, ac miris, propter varias factiones ac studia conuersionibus, & quomodo eius Principatus interdum ad externos etiam emanarit, describere ac enarrare. Quibus absolutis, sensim ad illa bella, quæ Respub. primò aduersus Christianæ fidei hostes, deinde, quæ in Pisanos, ac Venetos, imperij sui æmulos, variis temporibus gessit, digrediar, ut ex his, quanta fuerit populi Genuensis religio, potentia, & virtus, clarissimè intelligatur.

Corsica à
Genuensibus
acta.

Genua à Sa-
racenis occu-
pata.

Saraceno-
rum clades.

Genuæ fons
sanguinem
manans,
quid porten-
derit.

Quis ordo in
hac historia
obseruatus.

Genuensium
Annales in-
cipiunt ab
anno salut.
1100.

tur. Quæ sanè res, cò, vti spero, erit gratior, quò exemplorum varietate, & fortunæ, modò in hanc, modò in illam omnia propellentis partem, inconstantia, omnium ob oculos ponetur. Proinde cùm nihil vtilius sit in hac humana vita, quàm omnes nostras actiones ita instituire, vt cum legibus ipsis consentiant, tamen numquam magis vitæ nostræ ratio felicius ac prosperius instruitur & confirmatur, quàm cùm alienis edocti exemplis, eam adhibemus cautionē, sine qua vitæ nostræ cursus præpeditus, & mirum in modum anxius esse videtur. Quod cùm summa diligentia obseruatum esset ab omni præclara & bene instituta Rep. atque adeò omni bene morata ciuitate, nihil habuere antiquius, quàm diuersarum gentium mores & ritus cognitione adire, & ex eisdem, ceu rutissima quadam specula, vitæ subsidia petere atque cognoscere. Priusquàm verò instituti operis seriem prosequar, à meo instituto minimè alienum esse duxi, si huius præstantissimæ ciuitatis antiquas familias nobilitate & opum splendore insignes, recenserem atque describerem. Nam licet in plerisq; Annalibus, in primis verò Georgij Stellæ, & Nebiani Præsulis, earum fiat mentio, tamen exiguam rationem habere videntur earum familiarum, quæ postmodum propter temporum vicissitudinem, aliaque in ipsa ciuitate graua & magna subsecuta certamina, inclaruerunt. Quapropter licet hac nostra ætate multæ insignes sint, & habeantur, quæ retroacti temporis scriptoribus prorsus ignotæ fuerunt, tamen verisimile est, eas, mutatis subinde nominibus, veram originem ab antiquis istis familiis traxisse. Harum igitur nomina hæc ferè censebantur: Aduocati, Alscati, Aldi, Antiochij, Bombelli, Battigatti, Bufferij, Burones, Boncouij, Bulgari, Bonifantes, Barattieri, Bolletti, Borgi, Brusci, Bacenij, Barbauari, Buncheri, Bolonelli, Bottacij, Bianchi, Bechignoni, Belmosti, Carmandini de Castello, Caffari, Contardi, Cannelli de Campo, Crespini, Cancellarij, Cicadæ, Cauaronchi, Gebi, Corti, Caput orgij, Capreæ, Godegæ, Camaini, Camilli, Cruces, Castanij, Aurij, Demecaroti, Embriaci, Eliæ, Embrones, Frendenzenij, Fornarij, Flessi, Fallamonica, Ferrarij, Finamori, Flisci, Ficomatari, Garaldi, Iudices, Guarachi, Garrij, Guerci, Ganfones, Guisolfi, Gobbi, Guidones, Catalusij, Grilli, Galletti, Giusti, Golie, Guirardi, Galliani, Sangenesij, Gaberini, Ginates, Grimaldi, Infantes, Ionaræ, Insulani, Ingones, Lauaggij, Lusij, Lamberti, Longhi, Lodes, Lercari, Luchesi, Lecanottij, Lecaueli, Mallones, Marij, Muzi, Morre, Malocelli, Mauri, Moscoli, Mignardi, Malabotti, Marini, Mazanelli, Mezziferri, Malfantes, Nigrij, Nigrones, Nauarri, Oggerij, Oltramarini de Odone, Orti, Peueres, Porci, Picamilij, Pedegoli, Pezzuli, Porzelli, Pignatari, Pinaschi, Rinaschi, Pollezini, Pignoli, Polpi, Panfani, Rezzi, Rustici, Ruffi, Recalatti, Rodulphi, Rozini, Richerij, Reccij, Rozi, Spinulæ, Sardeni, Stancones, Stalandi, Serræ, Sigismundi, Scotti, Sozopoli, Scalij, Straleri, Streggiaporci, Squarciafichi, Sauri, Sauvignones, Silvagni de Turca, Tibæ, Tetuici, Torni, Taschifellones, Tancleri, Tornelli, Volti, Vegij, Vfusmarij, Venti, Versetti, Varagines, Zurli, Zerbini, Zachariæ, & pleræque alia, quarum hac tempestate exoleuit memoria, & vix aliqua earum extant vllius antiquæ nobilitatis indicia. Verùm, interea non me latet, atque omninò verisimile est, plurimas familias successu temporis mirum in modum extenuatas, & inclinatas cum aliis familiis, suo tempore integris & florentibus coaluisse, & quasi in eas insitas & translatas fuisse, adeò vt postmodum abolito & antiquato pristino nomine, illius familiæ, in quam transiissent, nomen assumpserint. Itaque subnascentibus subinde aliis familiis, atque inuicem succedentibus, Genuæ certa domicilia ad familiarum ipsarum

Veteres Genuensium familiae.

ipfarum distinctionem & discrimen faciendum erecta fuerunt, quæ patrio idiomate Alberghi appellabantur, vt exempli gratia, Catanei in Gentiles, in Centuriones, in Pinellos, in Saluagos, & sic de reliquis. Extant tamen hac nostra tempestate Genuæ potentissimæ, & nobilissimæ familiæ, quæ ab iis quas recensuimus, gentibus nullo modo deriuatæ fuisse videntur, sed potius ex externis nationibus in ciuitatem ipsam irrepisse, atque vrbe donatas, pro veris ciuibus sese gessisse, & continua quadam propagine posteritatem suam citra aliarum familiarum discrimen condidisse, ac etiã in hunc diem cum magno honoris incremento reseruasse, cuiusmodi sunt, Lomelini, Palauicini, Viualdi, partim ex Germania, partim ex Insubria maiorum suorum & familiarum ortu atque initia repetentes. Vt verò iam (quod felix faustumq. sit) Notis vela explicemus, & quod nostri propositi ac instituti est, aggrediamur, initio summa Reipub. penes Consules fuit, quorum sanè administrationem neque temporis diuturnitate, nec etiam numero æqualem & conformem extitisse, vetusti Annales prodiderunt. Si quidem ipsi hunc supremum Magistratum adepti, eo interdum breuiori, modò etiam longiori spatio, publicis muniis inter se distributis, fungebantur. Pars enim in earum rerum quæ domi forisque gerebantur, gubernationem ac studium incumberebat: Reliqui circa forenses controuersias & ciuiles causas versari, numerusq. variabat, prout rei necessitas ac temporis cōditio exigere videbatur. Porro hæc regiminis forma & ratio circiter nonaginta annis cōtinua quadam serie integra atq. illibata permanfit, quoad scilicet ad coërcendā non nullorum ciuium ambitionem animiq. impotentiam, omnibus viribus atque artibus ad hunc præcipuum honorem & dignitatem anhelantium, externus Prætor, sicuti suo loco enarrabitur, introductus fuit. Primi autem publica & vnanimi Patrum suffragatione anno ab instaurata salute millesimo centesimo Amicus Brusca, Morus, vulgò de platea longa, Guido Rusticus Ritus, Paganus Voltus, (hæc familia nunc est Cataneorum) Ansaldus Bracilis, & Bonomatus de mole consules designati, qui biennium eam potestatem retinuerunt, quò exacto, Senatus decretis Gulielmus Embriacus, Idus Carmandinus, Guido Rusticus Ritus, & Guido Spinula Beli Vicecomitis filius, vires egregiis animi corporisque dotibus insignis, vnde hæc longè celeberrima & laudatiss. familia ortum atq. originem traxit, Consules renunciati, & post illos, complures alij, diuersis familiis geniti, hanc supremā dignitatem adepti fuerunt. Ceterum, anno supra millesimū centesimum trigesimo quarto, quo quidem tempore Resp. opibus ac populi frequentia mirificè aucta & ampliata fuerat, Ansaldus Cataneus, Fabianus N. & Ansaldus Auria, vir togæ bellique artibus conspicuus, vnde Auriorum familia longè clarissima & nobilissima originem habuit, Consules creati, duodecim ferè annis antequam Genuens. post Syriacas expeditiones, ac res præclare in Oriente gestas sub Ansaldi Catanei, Gulielmi Nigrij, Caffari & Lanfranci Peueris, Bæmundi, Marini Portæ, Sigismundi & Rinaldi Gobbi consulatu, victoricia arma in Saracenos, gentem Barbaram, cōuertere, eisq. Baleares insulas, vti suo loco demonstrabitur, cum magna Barbarorum cede ademerunt. Cuius temporis ratio, si ad nostrum calculum reuocetur, incidit in annum à Christo nato millesimum centesimum quadagesimum sextum. Et quò familiæ Aurie, cuius hic proximè meminimus, origo magis omnibus innotescat, non absurdum mihi videbitur, breuiter perstrinxisse, quibus natalibus hic Ansaldus ortus fuerit, vt demonstratis huius gentis initiis, deinceps, cum sæpius mihi Auriorum faciendā sit mentio, non hæsitemus circa illius familiæ cognitionem. Natus est

*Genua primò
à Cons. admini-
strata.*

1100.

1101.

*Spinula Fam.
origo.*

1134.

*Origo Aurie
familie.*

tus est igitur ipse Anfaldus ex quadam matrona nobili, cui nomen Oria fuit, ex prisca familia, Volta dicta, quæ nunc, uti diximus, Cataneorū est, quam, posteaquam Arduinus ex Prouincia Narbonensi regulus oriundus, propter venustatem formæ atque familiæ nobilitatem ambiuisset, in matrimonium tandem accepit. Nam cum profectiōem in Palæstinam religionis ergo instituisset, casu Genuam delatus, in huius præstantissimæ feminæ ex occasione, ut sit, in familiaritatem & consuetudinem incidit, adeo ut formæ pulchritudine illectus, postmodum in Voltorū familiam receptus, ad nominis & familiæ auitæ differentiam ORIÆ vxoris suæ nomen retinuerit. Et quia iisdem ferè temporibus magnum Consulum numerum assignatum esse reperio, hinc coniecere licet, non absque grauitate iudicij eorum numerum auctū fuisse, ea, ut arbitror, potissimū de causa, quod ex illorum numero qui consulatum gessissent, ingruentibus bellis duces exercitus, classis præfecti, equitum magister peti solerent, ita ut præter eos, quos superius recensuimus, Consules, Vbertus Turrius, & Hugo Caffarus consulatus titulo in illa vrbe floruerint, & dignitate excelluerint. Porro uti antea ostendimus, pro temporū rerumque conditione mittebantur cōsulares viri plures, vel pauciores, prout rei magnitudo expostulabat, & eo tempore, quo Cæsar Fridericus Aenobarbus, cognomento Barbarossa, mortuo Chunrado tertio, ad imperiū euectus est, ex præcipua nobilitate Genuensi designati sunt octo Coss. inter quos fuerūt Martinus Morus, Hēricus Guercius, Ioānes Marocellus, Idus Contardus minor, & Gulielmus Ripa Iudex, quorum consilio & auctoritate omnia domi forisque administraretur, quō etiam ferè tempore Liguribus cum Marchionibus Carreti aliisque finitimis populis, propter limitum atque confinium lites & controuersias, grauissimæ contentiones & iurgia intercessere. Cæsar quoque Byzantius, Emanuel nomine, Caloioannis frater, siue, ut nonnullis placet, filius, ad consopendas & de medio tollendas certas controuersias, quæ sibi cum Genuensibus erant, Demetrium Metropolitum Genuam ablegauit, quarum controuersiarum causa & ipsi Genuenses ad eum prius legationem miserant. Verū, audita vtriusque partis legatione, re infecta, vtrinque discessum est. Et quoniam ipse variis de causis Venetorum, aliorumque Principum Occidentalium potentiam mirum in modum habebat suspectam, cum sub religionis pietatisque prætextu varias expeditiones in Græciam, atque Asiam parauissent, operæ pretium se facturum arbitrabatur, si Genuensium amicitiam sibi coniungeret, eosque fœderis iure deuinciret, adeo ut hoc nomine oratorem ad Reip. specialiter habuerit: cuius diligentia rerumque gerendarum peritia factum est, ut Senatus populisque Genuensis hac ratione cum Cæsare Byzantino pacisceretur & transigeret, ut inter cætera constantissimæ amicitiae argumenta, Cæsar ipse Genuensi Reip. eiusque antistiti aureum paludamentū dono quotannis daret, addita magna certæ signatæ pecuniæ, cuius tunc frequens vsus erat, summa, vltra veteres illas immunitates & priuilegia, quibus Veneti & Pisani, Græci imperij socij & confœderati in vrbe Constantinopolitana fruebantur, quorum omnium Genuenses pari & æqua ratione participes faciebat. Dum hæc agerentur, Fridericus, post adeptum imperium, rebusque in Germania constitutis, in Italiam cōtendit, quod quidem accidit mense Octobri, anno supra millesimum centesimum, quarto & quinquagesimo, deinde mense Decembri proximè insecuto, comitia in Roncaliis, qui locus haud sanè procul est à lacu Benaco, ingenti principum virorum ac ciuitatum concursu habuit. Et inter ceteras multorum principum & Rerumpublicarum legationes, Reip. Genuensis

*Fœdus inter
Græcum im-
per. & Ge-
nuens.*

*Friderici
Barbarosse
in Italiam
aduentus,
& quid nā,
præter cete-
ra, inter ip-
sum & Ge-
nuens. gestū
sit.*

nuensis legatio fuit cum maximo honore excepta. Nam cum ipsi duos præcla-
 rissimos viros, Hugonem Archidiaconum à singulari quadam eruditione com-
 mendatum, & Caffarum N. pari eruditione celebrem, Annaliūque suæ ciuita-
 tis scriptorem clarissimum, ad Cæsarem destinassent, postquam nomine suæ
 Reip. debitum Cæsaris obsequium detulissent, propensissimam Genuensis po-
 puli voluntatem & studia etiā præsentibus muneribus declararunt: Obtulerunt
 siquidē, inter cetera, haud parui momēti munera, Strutiones, Camelos, Psittacos,
 ex Indiæ visceribus petitos, pānos holosericos, aliāq. id genus multa Saracenica
 expeditionis ac victoriæ in Hispaniæ oris nuper habitæ, nō obscura testimonia
 & indicia, quibus Cæsar mirificè gauisus est, atque hanc illius populi animi vo-
 luntatem sibi caram esse, non obscure, habita de illis honorifica mentione, te-
 status. Sed comitiis habitis, cum Cæsarem aliæ curæ circumstarent, ita vt serio
 Romam euocaretur, solutis comitiis, atque legatis domum abire permissis,
 proximo anno cum summa omnium Romanorum lætitia atque gratulatione,
 magnæque stipatus nobilium procerumque caterua, in urbem venit, in qua, à
 Pontifice Hadriano ex Britannia oriundo, sollenni cum pompa exceptus, in
 Vaticanū sub umbella aurea præcedentibus purpuratis omnibus, deductus est,
 & die Sabbati vi. Cal. Iulij, postquam Pontifex ipse sacris operatus fuisset, de
 more maiorum Imperiali diademate, seu tiarā, vt vocant, faustis vndique ac-
 clamationibus insignitus, & deinde vbi in Cæsarem esset inauguratus, in Ger-
 maniam concessit. Sed duobus ferè annis postea, rursus vrgentibus multis & ar-
 duis negotiis, postliminiò rediit, eo animo, vt in Mediolanenses, à quibus armis
 primò laceratus, multas iniurias & contumelias pertulerat, bello adoriretur, e-
 iusque gentis temerarios ausus contunderet. Itaq; vrbe tandem in deditionem
 accepta, sedatis compositisque rebus, ac suppressis in Insubria concitatis tumult-
 ibus, ne quid in posterum, se absente, innouaretur, quàm primum Cæsar iterū
 ad Roncalias conuentum indicere habuit. Statutus est igitur comitiis dies D.
 Martino facer, ad quem Roncalias diuersos Principes ac proceres euocauit.
 Pontifex etiam, vt honore & magna gratia ipsum Cæsarem prosequeretur,
 quatuor ex purpuratis suis etiam ad comitia suo nomine destinauit, coniun-
 ctis plurimis Episcopis atq; aliarum urbium oratoribus: quibus peractis, Cæsar
 Conradum Episcopum Eistatensem, & Comitem Emichonem in Sardiniam &
 Corsicam, ad eas insulas constituendas legatos misit, eosque ea de causa Ge-
 nuensibus & Pisanis tunc Romani imperii sociis, commendauit. Verū, cum
 Pisani, perinde ac Genuenses, in animo statuisent earum insularum possessio-
 nem retinere, legati, re ipsa intellecta, ad insulas ipsas non transfretarunt, sed re-
 bus infectis, totius negotij statum ad Cæsarem detulerunt. Quapropter ipse
 valdè conturbatus, in Genuensium fines exercitum admouit, ac ad Boscuin op-
 pidum in finibus Galliæ Cisalpinæ progressus, cum ibi cognouisset, Ligures no-
 uo metu exterritos, Genuæ sese in vrbe sua continere, & muniendis mœnibus
 operam dare, legatos illorum ad se mitti postulauit, statimque ex Senatus con-
 sulto ad eū missi sunt, Idus Gontardus vir consularis, Caffarus, Vbertus Spinula,
 Gulielmus Cicada, Guidus Laudus, Ogerius Bocheronus, Otho Iudex, & Albe-
 ricus, viri à longo rerum usu & singulari virtute commendati: cum quibus Cæ-
 sar tandem hac ratione pacem pepigit, vt Friderici Genuenses essent benefi-
 ciarij, eoque nomine Cæsar Genuam in tutelam susceptam, ab omnibus in po-
 sterum iniuriis defenderet atque tueretur, eamque, quoad fieri posset, in pace &
 tranquillitate conseruaret. Si verò ipsi aliquid nouandarum rerum studio con-
 tra pacta

*Genuens-
munera Cæ-
sari oblata.*

tra pacta molirentur, se tunc de eis meritas pœnas exacturum. Quæ omnia iureiurando à populo Genuensi sancita & confirmata sunt, ea tamen cautione, vt propter iusiurandum Cæsari hoc nomine prælitum, non obligarentur milites neque stipendium conferre: sed Cæsar tantummodò ipsis imperaret, quæ pro rerum necessitate iis iure, tanquam beneficiariis, imponi & iniungi possent. Interim præsentī pecunia, scilicet, mille marchas argenti, siue, vt aliis placet, mille ac ducentis, multati fuerunt, & à munienda vrbe prohibiti. Sunt etiam qui asserant, Senatum Genuensem vtrò ac sponte ipsi Cæsari hanc pecuniæ summam dono dedisse. Quæ omnia, vt planiora fiant, operæpretium esse duxi, hæc paucula subiicere. Genuenses enim, cum viderent, Mediolanum, Derthonam, aliaque Galliæ Cisalpinæ ac Etruriæ oppida, in amicitiam Cæsaris prius recepta, grauissimas propter inconsultam & turpem defectionem pœnas dedisse, summopere verebantur, ne in par periculum venirent, præsertim cum intelligerent, Cæsarem cum ingenti exercitu & apparatu bellico, ad Genuam expugnandam non procul abesse. Quibus rationibus commoti, & mirum in modum animis consternati, nihil reliqui ad summam diligentiam fecere, quod ad suam propugnationem & tutelam pertinere iudicarint. Proinde ex vnanimi omnium consensu octo dierum spatio illam veterum mœnium partem temporum iniuria atq. vetustate collapsam & prostratam, quæ iam reparari ac instaurari cœperat, in integrum restituerunt, tanta me herculè cum diligentia & celeritate, vt nullo habito sexus vel ordinum discrimine, omnes promiscuè operæ intenti, opus ipsum, quod alioquin anni vnus spatio vix absolui potuisset, spatio octo, vt diximus, dierum, vel circiter, ad absolutam quandam perfectionem perductum fuerit. Nam primus veterum murorum ambitus non amplectebatur amplius, quàm interstitium illud quod à tēplo D. Petri, vulgò de Banchis, vsque ad publicum prætorium longo pòst tempore erectum, interiaceret, totiusque veteris ciuitatis circuitus non amplius in se continebat, quàm illum tractum qui ex vna parte versus Auriorum forum, ex altera verò, versus ædem D. Ambrosio dicatam, ad mare vsque protenditur: sed ciuitate his secundis mœnibus, de quibus nunc loquimur, successu temporis aucta, ea omnium iudicio censentur esse, quæ ab æde S. Sabinæ incipiunt, & versus regionem illam vrbis quæ Franciscanos & Dominicanos & D. Catharinæ fanum includit, rectà ad templum D. Andræ Serefanam vsque porriguntur. Interea, dum Ligures intentis atq. sollicitis animis Cæsarianum bellum à se auertere, ac Cæsaris gratiam modis omnibus prometeri student, Vintimilius populus in agro Ligustico positus, ex Cæsaris in Italiam aduentu defectionis anfa ostensa, à Rep. atque populo Genuensi, tametsi anno præcedenti cum ipso pro loci illius securitate transegissent, contra ius gentium fœdè ac turpiter descuerunt, & fidem datam violarunt, ita vt arcem Vintimiliæ à Genuensibus constructam, illorumque præsidiis firmatam, prorsus euerterint ac deleuerint. Verum, Genuenses indignatione facti valdè exacerbati, citra aliquam negligentiam, vel temporis intermissione[m] militarem manum ad hoc compararunt, vt sese de Vintimiliensibus acriter vindicarent. Sed vix ab ipsis oppidanis conspecto milite, futuri periculi magnitudinem ob oculos ponentes, non expectatis extremis, neq. irritatis vltierius Genuensium animis, legatione habita, obsides obtulerunt, & tradiderunt: quibus acceptis, inter eos, & Genuenses ea cautione transactum fuit, vt vltra vetus obsequium & fidei integritatem, nouas condiciones oppidani ipsi admitterent: quas vt ratificarent, sollempni iureiurando de

Veterum
murorum
ambitus.

Vintimili
defectio &
recuperatio.

more

more conceptis verbis sese obligarunt. Quibus ita constitutis, populus Genuensis, ut antea demonstrauius, enixè dabat operam, ne quicquam huiusmodi committeret quod Cæsaris animum offenderet, vel quacumque ratione gratia eius excideret. Cū verò in Cremonenses ac Mediolanenses, propter noua studia & turpem ab eo defectionem, ab ipso Cæsare grauiter esset animaduersum, adeò ut multatis seditionum & defectionis auctoribus, ab ipsismet urbibus minimè abstineret, sed victricibus armis euerteret, reliqua omnia oppida & ciuitates quæ pari modo harum urbium exemplum secutæ, antea aperte, vel clanculum aduersus ipsum arma sumpserant, vel nouis fœderibus cum aliis Principibus initis, nouo etiam iuramento sese obstrinxerant & defecerant, legatos ad eum tunc Papiæ commorantem, ad culpam diluendam, & admissi erroris veniam implorandam misere, inter quos fuere ipsi Genuenses, Brixiani, & Placentini, ferè præcipui, qui antea cum Alexandro Pont. Senensi Adriani successore, ac Cæsaris æmulo consenserant, auditisque per ipsum Cæsarem legationibus, ferè ad Nonas Iulias illos in clientelam & gratiam ea cautione recepit, ut iureiurando, obsequij perpetuandi gratia interposito, sese etiam obstringerent, & ad Cal. Septembris suppetias & auxilia daturus ad classem instruendam, ac expeditionem in Siciliam faciendam. Cæsar enim cum Gulielmo Sicanorum rege grauiter expostularat, multis de causis, sed præcipuè, quòd magnam inter eos propter Apuliæ & Capuanos agros esset disceptatio, quam ipse armis dirimendam esse censebat. Proinde, hi, quos diximus, populi, pollicebantur etiam ulterius, se iniussu Cæsaris nunquam cum ipsius æmulis & hostibus pacè, vel fœderis iura inituros. Quæ omnia ut rata, & facta tecta essent, promittebant, se Senatus consultum suæ ciuitatis interposituros, hisque conditionibus ab ipso Cæsare omnem oram à Monaci, siue mauis, Monæci, vsque ad Lunarè portum feudatario nomine, ac iure municipali saluo impetrarunt & obtinuerunt. Verum, paruo post tempore, anno scilicet supra millesimū centesimū sexagesimo septimo, cū Gulielmus Rogerij filius Siciliæ rex, summopere Cæsaris vires atq; potentiam vereretur, eoq; ventum esset, ut Cæsar non obscure expeditionem in illum pararet, cū vndiq; Principum circumuicinorū animos partim precibus, partim verò longis pollicitationibus ad amicitiam firmandam sollicitaret, ut eorum scilicet potentia fretus, Cæsaris viribus fidentius sese posset opponere, operæpretium esse duxit, & populum Genuensem sibi associandum esse, in cuius rei gratiam duos præstantissimos viros, quibus propter fidei constantiam & rerum vsum multum deferebat, Genuam ablegauit, quorum alter fuit Amicus Grillus, alter verò Rogerius Iustinianus: sed senatus Genuensis, audita ea legatione, de communi omnium consensu respondit, sibi summopere displicere, illorum regi hac in parte satisfieri non posse, quippe cū iam Friderico Cæsari adeò essent deuincti, ut non nisi cum perfidiæ nota, ipso inconsulto, cum aliquo Principe amicitiam inire, vel fœdus icere possent, ac vehementer rogabant, ut huius suæ voluntatis constantiam rex ipse in peiorem partem non detorqueret vel inflecteret. In ceteris autem eius rebus, si aliqua ratione in illorum potestate esset, ut illi commodarent, promptissimis atq; paratissimis animis omnia sese enixè facturos pollicebantur. Quo responso audito, cū legati Siculi regis viderentur incasum ibi tempus terere, nullisque rationibus senatus constantiam posse infringi, domum, infecta re, quàm citissimè redierunt. Habuerant etiam superioribus annis ipsi Genuenses ad prædictum Siciliæ regem suos legatos, scilicet Ansaldum Auriam, & Gulielmum

Gravis controversia inter Frid. & Gul Siciliæ regem.

1167.

Ventam, qui communi Reip. nomine apud eum darèt operam ac strenuè procurarent, ne populi Galliæ Narbonensis Ligurum æmuli, in Sicilia mercium & aliarum rerum commercia exercerèt, præsertim cùm id in suæ Reip. detrimentum mirum in modum cedere ostenderent. Quibus postulatis rex cùm eorum amicitiam & societatem magni faceret, licet non absque suo incommodo & dispendio fieret, noluit tamen committere, quin illis assentiretur, ea quidem spe, vt eorum opera pro temporū conditione tam mari quàm terra subinde vteretur, præsertim in illa nauali expeditione quam in Cæsarem ad eius regnum aspirantem, moliebatur & decreuerat: qua certè in re frustrà & nequicquam illorum opem atque auxilium implorauit. Quo ferè tempore Genuenses etiam Guidonem Lodum ad Romanum Antistitem, & Ionatham Crispinum in Syriam ad eos Principes occidentales qui sacram expeditionem susceperant, legatos destinarent. Pari prudentia & diligentia ad Emanuelem Byzantinum Imperatorem primò Amicum Mortam, deinde aliquot mensibus interiectis, Henricum Guercium virum Consularem, & postremò Anselmum Cataneum vnà cum Nicolao Rodulpho & Corso Sigismundo, ac tandem eundem Amicum Mortam ablegarunt. His fermè temporibus Ligures etiam legationem in Insubria habuerunt, Othonum scilicet, & Vbertum ex Cancellaria familia oriundos, quorum opera lites ac iurgia inter Insubres multis de causis orta tollerentur. Intereà Alexandrini Salasiorum populi, & in Pedemontana regione positi, cùm finitimas gentes indies magnis incrementis viderent inualescere, atque fines proferre, veriti, ne etiam ipsi earum telis & potentiæ essent expositi, summa cum prudentia de amplificanda & munienda sua vrbe non semel seriò cogitarunt. Verùm, cùm tam honesti conatus iis viribus & planè neruo instituerentur, quibus maximè necessarium erat niti, cōsultatione habita, Genuensis populi animum & liberalitatem tentandam esse censuere, missisque ad hoc Genuam legatis, subsidium valde ad præsentē suum vsum opportunum, quàm demississimè rogauerunt, & accommodata oratione implorarunt. Genuenses verò etsi multis bellis tenerentur, & propter antea acti temporis cōtinua bella ærarium esset valdè exhaustum, tamen se suæque Rep. dignum existimarunt, si finitimas gentes rerum angustia atque pecuniæ inopia laborantes, præsentibus remedijs, quoad eius fieri posset, iuuarent & auxiliarentur, adeò vt Senatus consulto super hoc habito, Alexandrini cum summa satisfactione dimissi fuerint. Vix externas res composuerant, cùm alia domestica subnascerentur, quæ eos valde defatigarent, & summa molestia afficerent. Nam progressu temporis Genuæ siue Patrum incuria, & indulgentia, siue, quod plerumque fieri solet, maxima populi peruersitate, ac desperata nequitia, bonorum morum disciplinæ & omnium liberalium artium tractationes sic erāt cum summa Reip. perniciē deprauatæ & prolapsæ, vt nisi nouis Consulibus creatis, tantæ ciuitatis licentiæ & flagitijs nouis remedijs itum obuiam fuisset, verendum esset, ne omnis ciuilis & politica ratio prorsus corrueret, & ad internecionem vsque extingueretur: Nam labe illa domestica tam longè lateque serpserrat, & contagione quadam proximum quemque inuaserat, vt sublata omni morum ac legum dignitate, Magistratus ipse, ac etiam consularis dignitas paruo in pretio ac estimatione haberetur, tanta in herculè cum audacia, vel potius securitate, vt nullum esset scelus tam abominandum & horribile, quod nouis quotidianis exemplis non committeretur & confirmaretur. Creuerat enim ex vrba-
urba-

Alexandrini Genuensium opem implorant atque obtinent.

urbanum ita progressa erat, ut municipes ac rustici, pari insolentia in omne vitiorum genus ruerent & precipitarentur. Proinde cum Censoriis viris ad tantos impetus inhibendos, & mores hominum regendos, adque modestiam & legum normam reuocandos, valde necessarium esset, quidam patricij ac senatorij ordinis singulari auctoritate ac prudentia conspicuus, de bono publico mirum in modum anxius atque sollicitus, in frequenti Patrum corona, tempore sermoni orato, & accepto, sententia loco in hunc modum disseruit. Quanta, & quam magna fuerit maiorum nostrorum, Patres conscripti nobilissimiq; conciuēs, prudentia, vel ex hoc videre & intelligere licet, quod inter cetera bene constituendae Reip. ornamenta, & retinendae conseruandaeque pacis artes, nihil praeclarius, nihil vtilius, nihil denique se dignius excogitare potuerint, quam in hac extrema, veraque languida & delira mundi senectū, legum seueritatem atque optimorum retinendorum morum censuram proponere & diligenter conseruare. Nam, ut cetera breuitatis studio praeteream, quis est qui non clare atque aperte videat, omnia ruinam non obscure denunciare, multas malas artes & varia morum vitia, & communis vitae corruptelas quotidie magis atque magis exoriri, adeo certe, ut viri boni omnes vno ore conquerantur & fateantur, mores hominum omnis generis vitiis esse ita inquinatos & deturpato, ut contagione quadam continuo nexu late serpent, & aegri corporis instar late diffundantur, & quasi ab vno membro in aliud deducantur? Nam, si vitae nostrae humanae actiones ad trutinam exigantur, & vitam ipsam, ac mores praesentes intueri placeat, quis est, per Deum immortalem, aetatis gradus, qui non valde immutatus sit, & superioris saeculi non multum absimilis? Quis ordo & status hominum de curriculo maiorum & veterum institutis non longe deflexit, & a signata orbita procul aberrauit? Vbi senilis quæso illa grauitas & virtus, quam in maiorum nostrorum & dictis & factis elucere cum summa dignitate conspiciamus? Vbi firmitatis & virilis aetatis fides & constantia, quam superiora tempora in viris suis maxime admirantur & praedicant? Quae est, rogo, mollietis, quae libido, quae leuitas, ad quam florentis aetatis nostrae mores, qui antea cum summo omnium hominum iudicio, verecundia & pudore nobis commendabantur, & retinebantur, non sint, horresco referens, impudenter collapsi & deprauati? Quis, dico, ordo a virtute veterum, & laude maiorum non turpiter aberrauit & flagitiose desciiuit? Aut quid denique in vita communi & moribus hominum vsquam simplex, integrum, & purum relictum esse videmus? Haec ita cum sese habeant, in primis necessarium esse existimo, ut Magistratus omnes, alique, qui cum dignitate priuatim, vel publice regendis moribus, ac exercendis legibus sunt praefecti, hoc praesertim corruptissimo saeculo & iniquissimo morum tempore euigilent studiis omnibus, ac tandem de veterano illo quo hactenus consopiti fuerunt, expergiscantur, ac stationem illam, in quam non citra delectum atque iudicij grauitatem diuinitus collocati sunt, summa fide, summis, dico, laboribus atque animi constantia tueantur, ac faciant id quod bonos & strenuos milites decet, ut ne minimum quidem ab ordinibus & instructa ipsa acie discedant & digrediantur, verum vniuersa, tanquam ex alta specula, diligenter circumspiciant, atque animum in mores, veluti arcum intentum, semper habeant, vitiaque ipsa adeo propè examinent & speculentur, ut in iis tollendis, quae iam in vita & moribus hominum infederunt, & penè, quod citra animi magnam indignationem & iustum dolorem referre non possum, inueterarunt, seueritate planè censoria, quae omni tempore optimo iure pudoris

*Oratio pro
Reip. statu
corrigeno.*

& modestiæ habetur magistra, vtantur, & plurimis malis, quæ ex hac leuitate & libidine, ceu ex perenni fonte, quotidie enascuntur, opportuna medicina & antidotis obuiam eant, & medeantur: qua in re cum quantis incrementis quam plurimæ Resp. hac sola arte & studiis, vel potius, vt verum quod res est, eloquar, hac vna sola via contenderint, & à paruis initiis ad summum honoris & potentiæ apicem deuenerint, cum neminem vestrum latere putem, non est, quod hac quidem tempestate in his commemorandis sim prolixior. Proinde quemadmodum veteres Rerumpub. gubernatores semper fecisse compertum habemus, adeo vt nunc vulgò vsu feratur, ex malis moribus bonas leges nasci, apertè constat, & satis dilucidè demonstratur, præstantissimis quibusque temporibus atque omnibus ætatibus felicitate quadam insignitis, eos qui ad Reip. gubernacula & clauum federunt, exactissimam sui muneris rationem summa cum religione habuisse. Nam, vt ceteras commoditates Reip. taceam, quibus Resp. ipsa his artibus crescit & augetur, quis est quæso, qui non videat, ad hunc finem à Deo opt. max. Magistratus Rebuspublicis esse datos, & præfectos, vt iis, & ceteris morum magistris, normas vitæ humanæ & certas leges Deo acceptas & conformes, dent, conseruent, & elargiantur, ad quas demum ipsi suos, suorumque ciuium & discipulorum mores, in his vitæ nostræ tenebris & mundi caligine non secus ac nautæ suum cursum ad Helicen, & clarissimos septentriones inflectere solent, dirigant: à qua certè officij cura si qui sint, vel reperiuntur, qui aut voluptatum illecebris, & exoptandarum rerum aucupio, aut priuati commodi studio, vel saltem laborum & molestiarum fuga abducantur, hi certè nō solummodò meo, verum omnium saniorum hominum iudicio, locum ipsum à Deo designatum & statutum, nefariè deserunt, & magna cum incōstantia derelinquunt. Quapropter cum ego penitus in rerum nostrarum cardinem oculos coniicio meos, non absque tacita quadam animi reuerentia exosculor maiorum nostrorum summam prudentiam atque animi magnitudinem, qua vsi, hanc Reip. nostræ formulam in hanc nostram ætatem, annuentibus ipsis Superis, cum summo emolumento, atque rerum domi forisque gerendarum fausta propagatione mirabiliter conseruarunt, & stabilierunt, adeo profectò, vt nihil splendidius, nihilque præclarius, excogitari potuerit, quam hisce artibus, atque, vt ita dicam, passibus, in dirigenda & conseruanda Reip. ipsa publica insistere atque progredi, ac non ante finem motus facere, quam omnia excogitata, perspecta & intellecta fuerint, quæ ad huius vrbs incolumitatem atque præstantiam nostræ Reip. maiestatem & statum pertinere arbitrantur, hoc etiam nomine gratis animis anniuersaria quadam memoria grati atque prudētī nostræ antiquitati pro gratiarum actione sollemni voce grates atq. laudes celebremus, ac nostrorum maiorum prouidè excogitata & instituta ad posteritatem ipsam cum immortalis famæ gloria & conseruatione propagemus. qua certè in re quam bene animi vestri mecum consentiant, satis probè intelligo, dum oculos meos in hunc præstantissimorum virorum confessum circumfero, ac quantis studiis & animi attentione hanc meam orationem publicam excipiatis, video. Penetret igitur hæc mea vox, publico testimonio quidem ad vniuersos facta, sed seorsum ad omnes habita, in penetralia vestri pectoris, ac non antea obliuione aliqua in posterum deleatur, quam extremi spiritus calor ipse ossa & artus dereliquerit. Hoc sanè dico eò vehemētius, quò Res ipsa per se magis sit ardua, & maioris negotij. Nam si de rebus leuibus, vel saltem mediocribus, verba facerem, non ita medius fidius rem ipsam seriò tractarem. Verum,

cum

cum neruus Reip. & societatis humanæ vinculum hoc potissimum nexu continetur, ut & leges iuste præscribantur, & cum summa obseruantia colantur, quis est, rogo, in hac præstâtissima optimorum ciuium caterua, vel adeò in huius Reip. ditione & imperio, tam deprauatus ciuis, qui facile non intelligat, nihil esse perniciosius in ipso vniuerso orbe, quam legum reuerentiam abrogari, & peccandi licentiam impunitate confirmari? Quid denique vtilius in totius vitæ humanæ cursu, quam propositis vitæ innocenti præmiis atque laudibus, omnes nostras actiones ita instituere, ut cum legibus ipsis consentiant, ab harum norma ne minimum quidem discedat, vel inflexo in hanc, vel illam partem cursu, à vero tramite aberrant? Cuius certè institutæ meæ orationis seriem longiori, quod aiunt, filo prosequeretur, nisi me plura dicere volentem admoneret temporis ratio, & cum quibus viris mihi negotium esset, satis probè intelligerem. Superfedebo igitur in præsentiarum, ac si quid sit in me virium, & eloquentiæ, quod quam parum sit, facile intelligo, reseruo hæc omnia ad Reip. nostræ, adeoque vestrum omnium salutem ac meliorem temporis commoditatem. Hæc oratio cum attentis auribus magnoque silentio atque assensu ab omnibus decuriis, ac tribus, adeoque à Patribus ipsis conscriptis, esset admissa, & excepta, orator ipse de more antequam suggestum publicum defereret, pauca in sui commendatione præfatus, summo cum honore per præconem publicum suo loco restitutus fuit, ac tandem senatus ipse dimissus atque solutus. Verum, postero die cum res ardua adhuc Patres conscriptos perplexos tenerent, de more in curiam conuenire, ac per suffragia seuerissimo edicto graui senatus consulto confirmato, hoc vnum enixè dederunt operam, ne deinceps ex simili peccandi licentia corruptellæ alerentur, vel propagarentur, magno mediisfidius & prudenti cum consilio, nec minori iudicio. Quippe cum nihil in ipsis ciuibus perniciosius excogitari, vel reperiri possit, quam peccandi cupiditatem impunitate & licentia confirmare. Itaque composito utcumque pro temporis conditione ciuitatis statu, Senatus cum putaret omnium tumultuum atque seditionum ansam esse sublata atque extinctam, reuocata veteri disciplina, togati longè tutius quam antea, versabantur. Verum in ipsa vrbe breui postea emergere noui perturbatores, qui sacra profanis commiscentes, nihil non audebant, & subinde nouis turbis excitatis, Remp. ipsam in maximum discrimen adduxere ac implicarunt, adeò mediisfidius, ut cum Consules, omnia vi, atque armis fieri viderent, & quemque eò esse securiorem, quò plures satellites & sicarios penes se haberet, veriti, ne si ad constituendos mores & turbas tollendas, quarum præcipui Fulco Iustinianus & Orolandus Aduocatus auctores erant, maximum vitæ periculum adirent, si inermes per vrbis regiones versarentur, cohortem prætoriam trecentorum fere militum, aliamque validissimam manum sibi compararunt, & postquam urbanas seditiones ac simultates repressissent, in agrum suburbanum egressi, questionibus de commissis maleficiis seuerissimas habuerunt, eosque, qui criminis conuincerentur, capite damnabant, vel, si plura scelera admisissent, exquisitis tormentis in eos animaduvertebant. Deinde ad urbana mala penitus tollenda conuersi, ciues omnes iurisiurandi sacramento adacti sunt, & sese vtrò obstrinxere, in posterum legibus atque Magistratus præceptis se enixè citra aliquam exceptionem obtemperaturos. Ceterum, inter discordias ciuiles componendum, magna Patres ipsos difficultas torsit, quòd multi, præsertim ex nobilitate, in tanta omnium dissensione se singulari certamine & ad mutuam duellum prouocassent, nec sine ipso inuicem in gratiam redire saluo honore, se posse

*Gliscetes tu-
multus inte-
stini Coss.
prud. re-
pressi.*

asseuerarent. Qua recognita, negotio ipso in consultationem vocato, nullæ potuerunt commodæ iniri rationes, quibus huic malo occurri posset, præter vnain, quod nimirum de omnium consensu aream in platea Episcopali in speciem parari ipsis pugnaturis præceptum fuit. Interim, neque etiam precibus propinquorum & affinium, tantam humani & ciuilis sanguinis effusionem deprecantium, simulata quadam animi pertinacia & obstinatione adduci potuerunt, quin pugnae auidos committerent. Verum, postridiè consilio conuocato, non ita longè ab ipsa palæstra pugillari Patres consedère, atque eò Ioannis Baptistæ reliquias, permittente ipso Antistite, perferri iussere. Quibus peractis, cum Archiepiscopus, & Consules, certatim quisque per se factionum Principes rogarent, ac summis precibus instarent, vt familias suas simultatibus, ciuitatem dissidiis ac cæde liberarent, ægrè impetrare potuerunt, vt suas iniurias ipsi Præfuli, & Consulibus totius ciuitatis nomine rogantibus condonarent, adeò vt potius religione, factionum Principes, qui in iras implacabiles exarserat, quàm tantorum virorum precibus inflecterentur. Exinde Consulibus accreuit multum existimationis ac dignitatis, & maior deinceps autoritas attributa atque habita. Hæc ferè gesta sunt sub annum millesimum centesimum vnde septuagesimum. Ceterum, octennium ferè postea, cum Ioanna Henrici Britanniae regis filia Gulielmo Siciliae regi desponsata esset, in profectioe Sicula Genuam etiam diuertit, ibique magno cum apparatu, atque non citra optimæ in illam voluntatis indicia & clara argumenta à senatu honorificentissimè excepta est. subsequenti verò anno Fridericus Imperator cum Beatrice coniuge sua & filio Henrico Parma profectus Genuam venit, ibique aliquot dies commoratus, & summa liberalitate, amplissimisque donis prosecutus, Mediolanum contendit, magna cum senatus Genuensis satisfactione. Nam, antequam urbem excederet, nihil habuit antiquius, quàm Reip. immunitates & priuilegia iterum confirmare & constabilire. Quo ferè tempore Genuenses cõsimili hospitalitate atque magnificentia Ludouici Galliarum regis filiam ad se transfuētam, excepere, & ad Alexium Emanuelis Byzantini Cæsaris filium, futurum eius coniugem, Constantinopolim, instructis triremibus, deuchendam procurauere. Quibus certè meritis, magnam apud omnes Principes gratiam sibi parauerunt. Verum, non ita multo post, in vrbe eiusque agro suburbano ciuiles iterum simultates atque dissensiones auctore Fulcone Iustiniano, cuius proximè mentionem habuimus, excitatæ, & exortæ fuerunt. Is enim familiae suæ Princeps, quietis atque otij impatiens, extincto priore otio quod cum Aduocatorum gente habuerat, graues discordias cum Cortenellæ urbis ciuibus exercuit, utque illos maioribus damnis afficeret, cum Aduocatis prioribus & veteribus suis aduersariis, nec non cum Ventorum familia fœdus icit, & nouas necessitudines coniunxit. Et si verò consules, ac plerique optimates magnam darent operam, vt publicæ paci consuleretur, neque ad vetera odia recurreretur, tamen nunquam fieri potuit, vt conciliatis animis, inuicem in gratiam redirent: sed acerrimis odiis sæpius inter se decertarunt. Et cum in ipsa vrbe conserendi manus nulla facultas daretur, vtriusque factionis Principes cum suis clientibus in suburbanum Bisamni propinquum, ad dirum & cruentum certamen confluxerunt, eo certè euentu, vt plerisque illorum vtrinque interfectis, tandem ipsi factionum Principes progressu temporis in mutuam gratiam venerint: nec maior securitas, vel tranquillitas in ipsa vrbe ostendebatur, nouis subinde erumpentibus odiis, & factionibus, quibus tam manifestè certatum & grassatum est, vt

*Fridericus
vnâ cū uxore
Genuam
venit.*

est, vt Lanfrancus Turcius, vulgò de Turca dictus, vnà cum plerisque aliis sceleratis hominibus, ob priuatas inimicitias & discordias Augelerium Vfusmariū, virum consularem, trucidare nō fuerit veritus: quod scelus in ipsa vrbe magnas turbas dedit, adeò vt nobilitas & populus in Cōsulum gratiam antiquatis omnibus discordiis atque odiis, hac potissimum de causa in mutuam beneuolentiam coierint, vt tam nefarium flagitium, tantique Consulis mors seuerissimè vindicaretur & expiaretur. Proinde cū parricida cum suis sicariis fuga elapsus esset, constitutum fuit, vt illorum domos, qui Consulari sanguine manus fœdassent, solo ad posteritatis memoriam æquarentur, & bona omnia, fisco adiiicerentur, ipsi verò proseriberentur, ac vbicumque agerent, pro nefariis & sceleratis haberentur. Ceterum composito ac sedato Reip. vrbanò statu, sublatisque discordiis & controuersis, quæ mirum in modum tranquillitatem publicam interruperant & conturbabant, summa prudentia senatus factum fuit, vt subsequētib; annis Genuæ non solummodò domi pacata essent omnia, verum etiam foris illius status mirificè floreret & augeretur. Sed pristinæ tranquillitatis perturbatores hanc vrbis felicitatem nō tulerunt, atque otij fructū optimo cuiq; inuidere, ita vt excitatis subinde nouis studiis, populus ipse distraheretur, & inter se valdè discordes, & publicæ, vt diximus, quietis impatientes, nouā gubernationis formā contentiosè expeterent, summaq; cū importunitate Patres cōscriptos ea de causa defatigarēt. Igitur anno eiusdē seculi nonagesimo, 1190. Raimundo Fressia, Morino Rodoani filio, Simone Vento, Ida Carmandino, Lanfranco Peuere, Henrico Picamilio, Othone Iustiniano, Bonifacio Vgerio, Vgone Alberigo, & Ialone Iusto Coss. cū senatus videret populi pertinaciā, simulq; animaduerneret, nouorum studiorum auctores non ita facilè ad morum seueritatem & modestiam reuocari posse, nisi certa temporis ratione ac temperamento, conuocatis in curiam omnibus ordinibus, atque habitis centuriatis comitiis, Senatus consulto decretum est, vt Prætori externo totius Imperij summa permitteretur; & primus, quem ciuitas ea dignitate ac titulo insignitum vidit, fuit Manegoldus Terocius Brixia oriundus. Ceterum & si ob graues Consulū dissensiones, illum proximo anno accersiri placuerit, nihilominus tamen aliorum Prætorum postea subsecutorum electio, nisi post triennium continuata est; siquidem medio illo tempore, denuò, vti sæpius contigit, Consules cum supremo imperio ac potestate creati fuerunt. Huius verò instituti præcipua & intima causa, maiori ex parte ipsorum Consulū ambitioni & æmulationi, cū inuicem cedere, vel obtemperare nollent, proculdubio accepta debetur. Nam cū hæc ciuitas, vti antea dictum est, progressu temporis immensis opibus ac populorum frequentia & numero mirificè excreuisset, populares, honoribus ac dignitatibus plus iusto inhiantes, minimè committendum putabant, vt Consules eo, quo diximus, modo crearentur, præsertim cū putarent, sibi ea ratione aditus ad honores capeßendos obstrui ac impediri. Quare cū vnicum remedium ostenderetur, ad illud confugiendum, licet per se ignominiosum esset, existimarunt, cū in primis maiorem Reipub. quàm priuati dedecoris habendam esse rationem sibi persuaderent. Itaque ex communi Patrum decreto sancitum & constitutum fuit, vt externorum Prætorum electio fieret, penes quos per spatium vnius anni, duorum, vel trium, prout scilicet senatui expedire videretur, totius Reip. regimen atq; administratio consisteret, ea tamen cautione adhibita, vt interim, tam ciuiliū, quàm publicarum rerum causa, Consules minoris auctoritatis, & certorum

*Genua sub
externo
Prætoris.*

nobilium numerus, qui eis, ceu perpetui collegæ, ac focij in gubernatione adessent, substituerentur. Ab huiusmodi autem administrationis genere subinde, prout nempe ciuium animi hos, vel illos effectus induerant, & in varia distrahebantur, variatum fuit, & interdum ad pristinæ gubernationis formam recursum, adeo ut temporis decursu ipsi Prætori externi iudices, quorum consiliis in rebus arduis & perplexis vteretur, sæpius adhibiti fuerint. Hæc summam ac breuiter in præsentiarum de Rectoris creatione recensuimus. At breui post, ciuitas internis odiis mutuisque simultatibus tantoperè iactata est, ut nulla ferè fuerit familia, quæ nouis factionibus & turbis aliqua in parte non pollueretur, & præter Ingonem Flessium, Augellerium Marium, & plerosque alios egregios ciues deque patria optimè meritos, à nefariis ac perditissimis hominibus circa hæc tempora contrucidatos, etiam Lanfrancus Peuere familia genitus, vir consularis, alioquin, ut multi arbitrantur, nouarum rerum studiosus, postquam cum Castellano familia, quæ postmodum in Iustinianos transijt, diu acres inimicitias exercuisset, tandem à tribus eius familiæ, quorum duo Fulchini, tertius verò Gulielmus dicebatur, quàm miserrimè interemptus fuit. Hæc enim familia, cum magnis opibus ac potentissimis clientelis esset subnixa, plus sibi iuris & auctoritatis, quàm reliqui, in vrbe sibi arrogabat, sic ut non vereretur per summam insolentiam debacchari, & optimo cuique insidiari, tanta cum omnium bonorum indignatione, ut Magistratus ipse illorum ausus atque conatus vix reprimere atque compescere posset: adeoque erant intolerabiles, & in omnes iniuriosi, ut Præses ipse paulò antè ad id muneris assumptus, cum de auctoribus admissi sceleris cogitare vellet, atque pro causæ factique cognitione pœnas erogare, Fulconem Castellano totius familiæ Principem in ius vocaret, ipsius potissimum suasu atque instinctu accidisse, eo certè euentu, ut excussis atque penitus introspectis meritis causæ, Fulco publica sententia damnatus fuerit. Sed eum fuga capitalem pœnam declinasset, tandem eius domus ac ædificia omnia diruta & solo æquata. Nec solummodò Castellana familia siue Iustiniana, plerisque aliis ex præcipua nobilitate sibi associatis, multas in Repub. turbas dedit, sed habuit multas sibi hac in re pedissequas, quæ pari modo illam miris studiis atque artibus perturbarent, & perplexam tenerent, inter quas, primas sibi vendicarunt Curiales, aliàs de la Cortè, dicti, gratia & opibus ea itidem tempestate potentes, qui cum ipsis Iustinianis, ac etiam Cataneis varias inimicitias exercebant, tanta cum audacia, ut sprete omnium legum & magistratus reuerentia, & auctoritate, in plurimis locis extra urbem, cum in ciuitate id commodè fieri nequiret, varios conflictus haberent, plurimæque cædes utrimque committerentur: quibus omnibus Consules nulla ratione obuiam ire poterant, nec impedire, quò minus illorum causa grauissimi tumultus & ingentes perturbationes cum magno totius Reip. detrimento ac publici boni iactura passim exorirentur. Quorum sanè temeritati cum pleræque aduersæ familiæ ex præcipua nobilitate vellent omnibus viribus reniti atque resistere, multò maiores motus subsequerentur: eoque tandem deuentum erat, ut cum nulla ratione reprimi vel restringi possent, omnia aperto Marte agerentur, omnibusque legibus dignitas & auctoritas prorsus abrogaretur, adeo sanè, ut Curiales in contemptum ipsius Senatus, tres Consules, scilicet, Ioannem Aduocatum, Rubaldum Curialem, & Henricum Embrunum, qui suas partes ac studia foueret, sibi priuata quadam arrogantia & auctoritate eligerent. Ceterum, in tanta rerum omnium confusione, tamque deplorando Reip.

do Reip. statu peropportune, ac omnino diuinitus, accidit, ut iisdem ferme diebus Marcoaldus Henrici Cæsaris dapifer Genuam appulisset. Hic enim, ubi primum Fridericus cognomento Aenobarbus, eius pater, è viuis substractus esset, nihil prius atque antiquius habuit, quam ut præter cetera, Tancredum Gulielmo Siculorum regi suffectum & surrogatum, regno deturbaret. Proinde cum haudquaquam ignoraret, quantum Resp. in ea expeditione sibi emolumentum afferre posset, statim Othonem Antistitem Rauennatem, & Arnaldum Stretum Placentinum, legatos Genuam misit: quorum legatione audita, Senatus vicissim Hugonem Cataneum, & Idonem Picium ad Cæsarem ablegauit, eiusque postulatis benignissime assensus est. Triennio post, anno scilicet millesimo centesimo nonagesimo quarto, rursus nouam legationem per Marcoaldum, cuius proximè mentionem fecimus, ad eundem habuit. Cum enim ipse plurimum auctoritate & consilij apud omnes Imperij ordines valeret, illum primò quidem ad varios Principes, & mox ad Genuens. ablegauit, ut inter cetera, quæ in mandatis habebat, expeditionem naualem, prout Ligures se facturos receperant, sedulo expedire curaret, ita ut cum ipse legationem Genuæ subiret, ipsius opera & auctoritate ciuili illa licentia & domesticæ contentiones maiori ex parte suppressæ & consopitæ fuerint, cum præsertim Ligures iustis auxiliis & non contemnenda classe ipsum Cæsarem, hoc à Senatu mirum in modum efflagitantem, adiuuare decreuissent. Qua expeditione detenti, multi domestica arma in exteros, magna cum sui nominis laude, nec minori patriæ beneficio, contulere. Nam cum Genuens. populus otij ac tranquillitatis sit impatiens, bene, cum illorum Repub. agitur, si arma & vires, quibus subinde in perniciem patriæ abusi fuerunt, in exterum hostem conuerterent ac detorquerent. Ut verò deinceps commodius omnia domi forisque gererentur, senatus cōsulto, ac etiam Cæsariani oratoris suasu, nouus Prætor designatus fuit, nempe Vbertus Oleuanus nobilis Papiensis, vir manu consilioque promptus, cuius fides, virtus atque industria plurimum sanè ipsi Reipub. profuit. Interea temporis, Resp. ut Cæsari obsequeretur, pro Neapolitana & Sicula expeditione validissimam classem ductu Prætoris, recens omnium suffragiis atque sententia electi, qui Draconem Gambolum Genuæ in suum locum substituerat, Marcoaldo Cæsaris, uti diximus, legato, & Marchione Montferratensi comitantibus, emisit: breuique post effectum est, ut Gaeta deditio occuparetur, indeque, relictis prius in ea ciuitate Beltrabo Selimbono rectoris iudice, & Othobono Reip. scriba, qui à Gaetanis iuramentum ac fidem acciperent, & mox Neapolim versus nauigatione suscepta, illuc die, qui D. Bartholomæi festum præcedit, appulerunt, breuique temporis spatio consimili fortunæ abblandientis aura, Neapolim vnà cum finitimis insulis receperunt. Deinde Cal. Sept. prospera nauigatione Messanam peruentum, ibique atrocissimum bellum inter Ligures ac Pisanos cum magna vtriusque gentis clade redintegratum: quo quidem tempore, Prætor in aduersam valetudinem prolapsus, haud multo post, vita excessit. in cuius locum Otho Carretus, pari cum dignitate substitutus fuit, sub quo Catania & Syracusa partim vi, partim deditio occupata, & tandem Panhormus vnà cum arce secundis fortunæ auspiciis recepta. Dum hæc in Sicilia feliciter geruntur, Senatui populoque Genuens. legatos ad Emirnum. nemin Numidiæ regem mittere placuit, eaque de causa Vbertus Nigrius & Gulielmus Zerbinus, præclari viri, atque longo vsu rerum periti, delecti fuerunt, qui communi Reipub. nomine cum illo fœdus ac societatem iniuerunt.

Nouus Prætor.

Genuens. & Pisani ad-sunt Henrico Imp. in oppugnanda Sicilia.

Bellum inter Genuens. ac Pis. redintegratum.

Fœdus Genuens. cum rege Numidiæ.

Pro-

1192. Proximo anno, scilicet eiusdem sæculi nonagesimo secundo, & duobus subsequentibus, ciuitas Consulari auctoritate atque imperio recta & administrata fuit. Quo tempore exacto, de communi Senatûs consulto Iacobus Mainerus patria Insuber, Præses designatus, & post illum Drudus Marcellinus & ipse Insuber, vir pacis bellique artibus egregiè instructus atque ornatus, sub 1194. quo publicis Patrum suffragiis decretum atque sancitum fuit, vt ipsi Prætori quotannis octo ciues adhiberentur, qui vnà totius Reip. redditus & impensas 1195. diligenter cognoscerent, simulque vectigalium, armamentorum, rei que naualis & aliarum rerum ad Remp. pertinentium, curâ ac regimen susciperent. quorum quidem nomina hæc fuerunt, scilicet, Hugo Embriacus, Nicolaus Iecanceus, Ingo Longus, (hæc autem familia in Iustinianos transijt) Gulielmus Fornarus, Belmustus Iercarus, Montanarus Auria, Gulielmus Nigrius, & Ansalmus Guaracus: in causis verò ciuilibus & forensibus, Rogerius Nelius, Philippus Cauaroneus, Simon Iecanceus, Opicius Guercius, Gulielmus Panerius, Gulielmus Rotius, Vbertus Porconus, & Ido Baldizonus, Consules renunciati. Sub huius optimi ac præclarissimi rectoris administratione, præter cetera, contigit, vt Pisani occultè mitterent, qui Bonifacium oppidum in Corsica repentino motu adorirentur. Qua quidem re per ipsum Marcellinum comperta & intellecta, euestigiò illorum ausus frangendos esse censuit, & aliquot naues ea de causâ instructas, aduersus eos educendas curauit. Quod quidem cum primum illis innotuisset, nulla mora interposita, sese illinc Sardiniam versus proripuerunt. At Præses, qui classi cum imperio præerat, tanta celeritate in præoccupandis hostium studiis vsus est, vt, relicto Bonifacio, statim ad Callarim, qui locus est in Sardinia, quò per fideles speculatores hostem iuisse compererat, adnauigarit, ibiq; licet Pisani Ligustica potentia deterriti, fugam caperent, & hinc inde circumuagarentur, copias suas in continentem exposuit, & cum Marchione Gulielmo, qui Caralitanam toparchiam vi inuaserat, prælio haud semel decertauit: eoque tandem superato, Bonifacium rediit, vt illud valido præsidio firmaret, rebusque in vtraque insula prosperè ac ex voto gestis, Genuam quanti similis reuersus est. sed postquam decursu temporis, Pisanis vnà cum viribus audacia excreuit, importuna nauigatione omnia infestantes, nihil prius habuerunt, quàm cum hostili classe concurrere: quorum optatis cum ex occasione temporis plenè satisfactum esset, magna cum vtriusque partis clade naumachia commissa fuit, sicuti hæc omnia suis locis ac temporibus enarrabuntur. Post quarum rerum successum cum Prætor, rebus, vti diximus, benè ac feliciter peractis, Genuam postliminiò rediisset, in ciuitate multa omninò præter spem & voluntatem accidisse reperit, quæ & legibus valdè repugnarent, & publicæ quietis neruum mirum in modum incideret. Ido quippe Cataneus, siue, vt aliis placet, vnus ex ipsius liberis, vir factiosus, & nouarum rerum cupidus, nonnulla Reip. statuta & sanctiones recens contra omnem æquitatem violauerat, ac multa bono viro & tranquillo ciue indigna commiserat, adeò vt Prætor hac de causa ipsum ad se continuò accersiri iuberet. Verùm, cum ille dicto audiens non esset, iussit Præses, vt domus eius excisa funditus euerteretur. Quo sanè facto, licet à plerisque improbato & damnato, tamen hoc assecutus est, vt tali sub exemplo optimatum arrogantiam & fastum aliqua in parte cohiberet, qui cò vsque deuenierant, vt ob deprauatam viuendi consuetudinem ægrè legibus & magistratibus obedirent. Transacto anno, quia sese in Prætura non minus prudenter, quàm fortiter gesserat, rursus in eadem dignitate ac mune-

munere confirmatus est, qui statim sub initio suæ confirmationis publico edicto magnificentiam & sumptuositatem intolerabilem inhibuit, ac priuatorum ciuium turres, aliâq; laqueata ædificia, in ordinem, depressione facta, redegit, præsertim cum per leges non liceret ultra octoginta pedum altitudinem ædificia attollere. Pari seueritate in alios præcipui ordinis viros usus est, qui impotentia animi eò lapsi erant, ut dominandi libidinem non obscure præ se ferrent, & inter reliquos, in Nicolaum Auriam absentem seuerè animaduertit, qui contra publicum edictum atque patrias leges priuatim cum multis nauigiis in Siciliam adnauigarat, eaq; propter, illius ædificia pari modo destrui ac euertere iussit. Verùm Auria reuersus, cum potentia, stirpisque antiquitate valdè floret, ratus huiuscemodi contumeliam non esse ferendam, vel pro dignitate sua aliquo modo dissimulandam, cum armata manu in Rectoris palatium contendit, & ibi irruptione facta, omnia variis cædibus complebat: sed beneficio pontis cuiusdam ad euitanda pericula, ut aliqui putant, ab ipso Præside constructi, saluus & incolumis illius manus euasit, & ita sese clanculum ad ædes Archiepiscopi è regione positas subduxit, magnoque cum animi ardore & impetu Auria ipsius Præsulis ædes occupare annixus est; quod profectò assecutus fuisset, nisi à promiscua plebe subito ad tantum spectaculum prouocata, impeditus ac strenuè repulsus esset. Tandem Auria suorum intercessione inflexus, cum Prætor, mitigatis animis, in gratiam rediit. Postero anno, nempe eiusdem sæculi duodecentesimo, sub Alberti Mandelli ciuis Mediolanensis Prætura, Pisani suapte natura inquieti, & occasionum haud segnes, cum viderent, præter ciuiles contentiones & urbanas simultates, etiam pleraque municipia, præsertim in ora Susiniana orientem Solem spectantia, ratione feudorum, quorum cognitio ad Senatum Genuensem spectabat, indies tumultuari, & turbas ciere, nequaquam sibi quiescendum statuere, existimantes, opportunitatem ex temporis occasione sibi esse datam, ut sollicitatis ad defectionem turbarum & tumultuum auctoribus, ipsi, Lunensi portu, in primis suis rebus idoneo & opportuno, potirentur. Verùm ipsorum consiliis atque votis nulla ratione fortuna respondit: Quando quidè, ut primū id ad Genuensium cognitionem peruenit, citra aliquam temporis cunctationem ex Senatus cōsulto præualidum præsidium eò destinatum fuit, breuiq; post, in suburbanis tectis cum hoste congressi, & ubi aliquandiu vario atque ancipiti euentu pugnatum esset, tandem victoria ad Ligurem inclinauit, plerisque ex parte aduersa vulneratis, atque aliis interfectis. Quo sanè factum est, ut, cum essent viribus & fortunæ prosperitate destituti, desperatis quodammodo rebus, nonnulli eorum ex præcipuis ad urbem eo consilio accederent, ut supplices veniam implorarēt, quam certè pro senatus solita humanitate, non citra tamen aliquam pœnæ irrogationem impetrarunt. Per idem fermè tempus, etiam in Insubriæ finibus Liguribus conterminis, tumultuatum fuit. Nam cum Insubres plerisque in locis imperij sui fines proferre ac dilatare cuperent, hoc vicinæ vrbes, quæ licet mira inconstantia & propensionis volubilitate in diuersum traherentur, ita ut interdum pro Cæsare, interdum verò contra ipsum starent, quàm ægerrimè ac molestissimè ferebant, & in primis quidem Derthona & Alexandria, quæ vrbes Liguribus finitimæ, potentiam eorum magis quàm ceteræ, reformidabant. Verùm, cum interea indigenæ Tassaram Ligustici imperij oppidum, sibi contiguum, summa astutia, aliisque malis artibus occupassent, populus Genuensis de re tam atroci ac repentina certior factus, illuc statim cum aliquot militū

Turres Genuensium in iussu Prætoris destruxit.

1198.

Genuensium victoria.

man-

manipulis Prætorem ablegauit, eo consilio ut si omnia hostiliter agi deprehenderet, oppidum ipsum obsidione premeret, ac non antea discederet, quam deditione facta, recuperasset. Sed cum præter spem oppidanos sic esse animatos reperiret, ut non solum hostilem impetum fortiter ac strenuè ferrent, verum etiam cum summa alacritate & ardore illud defenderent atque propugnarent, plus temporis in ea expeditione absumpsit, quam unquam antea existimarat. Is tamen oppugnationis exitus fuit, ut tandem non sine utriusque partis cæde, præsertim propugnantium, denuò is locus in Ligurum potestatem rediret & reciperetur. Et quia multorum iniuriis expositus, subindè plurimorum telis impetebatur, & Reipub. propter graues sumptus ac intolerabiles expensas, inutilis reddebatur, communicatis in senatu super hoc sententiis, tandem decretum & statutum fuit, ut, oppidanis in coloniam deductis, & aliò transmissis, oppidum excinderetur. Paucis diebus interiectis, populus Vintimilius, sub nouo Prætore, videlicet Beltramo Christiano ciue Papiensi Genuæ substituto, excitata seditione, à Ligurum fide atque obsequio recessit: cuius rei fama ut primum Genuam perlata est, protinus communi omnium Patrum sententia sancitum est, ut coacto milite armis ad pristinam fidem & officium redire compellerentur. Ceterum, ea expeditio hunc tandem euentum sortita est, ut ob rem, minus prudenter exque militari disciplina & ordine administratam, infeliciter omnino succederet, adeò ut post duorum mensium oppugnationem, tandem infecto negotio, domum reuersi fuerint. His autem ferme temporibus, res Genuensium in Sicilia fortunam longè benigniorem expertæ sunt. Nam cum Gulielmus Tornellus cum octo triremium classe à Rep. instructarum, in eam insulam secunda & prospera nauigatione transfretasset, eò quidem animi decreto, ut quendam maris prædonem ac piratam Ligustico nomini longè infensissimum, adoriretur, insigni victoria potitus est. Nam licet ipse pirata, pari nauigiorum numero instructus, reginæ Constantiæ, Rogerij Normanni filiae quæ Henrico nupserat, gratia & fauore innixus esset, quaquidem fiducia se iuxta littus Panormitanum receperat, cum eo tamè confertis manibus, post longum & cruentum prælium, tandem illum cum omnibus suis nauigiis in suam potestatem reductum, captiuum fecit, & mox in gratiam eiusdem reginæ liberum dimisit. cuius certè beneficii cum Siculi reges memores essent, postea effectum fuit, ut Resp. quæ ad ea ferè tempora cum Siculis magnas grauesque inimicitias & controuersias habuerat, statim post obitum Henrici regis, opera & auctoritate Nicolai Auricæ, in mutuam gratiam & amicitiam rediret: qui, haud multo post, cum non contemnendo nauigiorum numero in Siciliam profectus est, ut Ligusticæ classi ex Syria redeunti obuiam iret, atque præsidio esset: & sic in eam insulam appulsus, reginæque legatione exposita, tam ipsa, quam omnes regni proceres, mirum in modum commodis & tranquillitati Reip. fauere cœperunt, præsertim cum Genuensium operam & studium sibi quàm maximè opportunum ac utile intelligerent: faciliq; negotio impetrauit, ut sublatis omnibus controuersiis atque aliis similitatibus, omnes Ligures in vinculis ibi asseruati, cōtinuò pristinae libertati restituerentur, & in posterum omnes iminuitates ac solita priuilegia locum pristinum sortirentur.

*Vintimilium
frustra à
Gen. oppu-
gnatum.*

*Geniens.
cum Siculis
reconciliati.*



N N o Christianæ salutis supra millesimum ducentesimo, Senatus 1200.
 decreto Orlandinus Malapresius Luca oriundus, Prætor designatus
 fuit, cui, exiguo post tempore, è viuis subtracto, Gulielmus Henri-
 cus eius vicarius successor datus. Consules autem iisdem diebus,
 Rugerius Helias, Amicus, & Balduinus Catanei, Philippus Cauaroneus, Gu-
 lielmus Pallus, Belmustus Lercarus, & Gulielmus Rozzinus, renunciati. Circa
 hæc tempora, cum in Syria, à Memphitico rege, quem ipsi Sulthanū vocabant,
 propter bella in Christiani nominis Principes gesta, nonnulli Genuens. ex
 præcipua nobilitate in arcta custodia detinerentur, ad eū Fulco Iustinianus vir,
 tametsi immodicus gloriæ, semperque animi inquietus, singulari tamen pruden- Legatio ad
Sulthanum.
 tia & rerum gerendarum peritia insignis, cum amplissimis muneribus aman-
 datus, ei que à senatu seuerè iniunctum atq. imperatum fuit, vt eorum libera-
 tionem omni studio ac diligentia procuraret. Is itaque prospero ventorum af-
 flatu illuc circumuectus, regem, tunc temporis Alexandria subsistentem, adi-
 uit, & in familiare colloquium admissus, initio haud sanè mediocrem spem
 concepit, fore, vt breui, rebus ex animi sententia succedentibus, ad suos remi-
 graret. Verum enim verò cum id negotij præter spem atque opinionem magno
 cum suo aliorumque incommodo indies prorogaretur, veritus, ne nimia cun-
 ctatione, ob nouas bellorum faces tum à plerisque Christiani orbis Princi-
 pibus in eum accensas, sibi in patriam redire integrum foret, Genuam quàm
 primum reuersus est, sub idem ferè tempus, quo in sinu Tunetano tres Pisanae
 onerariæ, nempe Castellana, Diana, & Pauona, ab his, qui naui, vulgò Bucca-
 nigra, deuehebantur, expugnatae fuerunt, & multis armentis ac pretiosis
 mercibus onustæ, Genuam perductæ. Anno eiusdem sæculi vno ac ducente- 1201.
 simo, vnanimi senatus voluntate Gulielmus Embriacus, Nicolaus Cataneus,
 Iordanus Richerius, Gulielmus Guercius, Nicolaus Auria & Guido Spinula
 Coss. designati, sub quibus octo triremes, duce Nicolao Auria, pro earum na-
 uium, quæ variis mercimoniis refertæ, è Syria expectabantur, præsidio ac
 securitate, instructæ ac eductæ fuerunt: isque secundis ventis in Siciliam dela-
 tus, pacem cum Regni proceribus constabiliuit, & in reditu tantum auri, ar- Nicolaus
Auria.
 genti ac gemmarum secum attulit, vt hæc omnia mille & quingentarum libra-
 rum summam adæquaret: eaque pecunia in publicum ærarium congesta. Iisdem
 quoque temporibus, Leo Armenia rex in vniuerso suæ ditionis regno, & Cili-
 cia, quæ etiam sub illius imperio tenebatur, multas immunitates Reip. con-
 cessit, & præter ceteras, vt Ligures in vrbe Sisa, Malmistra, & Tarso, templum,
 vicum, publicam domum, quam ipsi Fundicum vocant, ac etiam priuatum fo-
 rum seorsum haberent. quod sanè priuilegium adhuc in archiuis Senatus illæ-
 sum atque integrum adseruatur. Initio proximi anni Guifredottus Grassellus 1202.
 patria Insuber, ad Præturā promotus, cui ex S. C. quatuor ciues singulari pru-
 dentia & fide conspicui, quorum præcipua cura & administratio circa publi-
 corum reddituum & impensarum rationem versaretur, adhibiti fuerunt, sci-
 licet, Nicolaus Cataneus, Gulielmus Tornellus, Belmustus Lercarus, & Hen-
 ricus Nigrius: At pro causis forensibus, quatuordecim Coss. designati, sub
 quorum præfectura, & gubernatione, Albertus, Gulielmus, & Rainerus, Lora Ge-
nuens. diuē-
dita.
 Gulielmiq. filij, Gauij Marchiones, Gauium oppidum & arcem, omniaq. loca
 finitima suæ ditionis, pro quatuor librarum millibus Reipub. diuendiderunt,
 C omniaque

1203.

*Sorleonis
Peneris in-
venitur.*

*Multe ciui-
tates à Ge-
nuens. defi-
ciunt, que
mox in gra-
uiâ recepte.*


1203.

*Byzantiū à
Christianis
occupatum.*

omniaque sua iura in eam transtulere, ipsique, præter acceptam pecuniam, in patriciorum ordinem cooptrati, atque vrbe donati sunt. Sequenti anno, Senatus eundem Prætorem habuit, ei que rursus quatuor nobiles, ceu fidissimos consiliarios, attribuit, videlicet, Gulielmum Barcam, Othonum de Cruce, Idum Carmandinum, & Guidonem Spinulam. Consules autem, pari numero, ut superiori anno, designati, sub quibus, præter ceteros, indigenæ Vallis Arociæ sese vltro Reip. tutelæ atque obsequio permisere. Cum verò hac tempestate, Genuæ, more solito inter Nobilitatem, & Popularem partium studiosos, propter politici status administrationem nouæ similitudines ac dissidia exorirentur, non defuerunt etiam priuata contentiones ac iurgia, ne aliqua in parte scilicet, Reipub. tranquillitas consisteret: quibus postmodum factum fuit, ut Cataneis instigantibus, ac ea in ciuitate opibus & dignitate florentibus, Sorleo Puer suæ familiæ præcipuus, per insidias interfectus fuerit. simulque grauissimæ turbæ & molestissimæ commotiones, præsertim inter Auriolos, Cassicos, & Malinfantes, data & excitata fuerunt. Et quamuis qui rerum gubernaculis admoti erant, omnibus modis & viribus eas restringere & componere niterentur, tamen post sudatos multos labores, res ipsa irrita & nequicquam attetata fuit, sic, ut citra aliquam temporis intermissionem ad arma furenter concurrerent, atque acerrimis odiis inter se dimicarent. Nec statui poterat aliquis controuersis & dissensionibus finis, nisi summa prudentia & autoritate Prætoris effectum fuisset, ut, reuocatis eorum animis, tandem post multam cohortationem ab eis impetrasset, ut derelictis tandem perniciosis Reip. studiis, arma dexteraque ad salutem patriæ reseruarent, præsertim cum ex temporis occasione Resp. ipsa illorum opera mirum in modum indigeret in præsentī expeditione, quam contra occidentalis Liguriæ oræ populos nuper temeraria defectione alienatos, susceperat. Sauonenses enim, inter reliquos, qui à reuerentia Reip. descuerant, omnium primi extiterant, qui post multas difficultates superati, tandem ad pristinam fidem atque obseruantiam cum cæteris redacti sunt, multis interim captis, qui turpis defectionis primarij authores fuerat, in quos seuerè, ut par est, animaduersum fuit. mox in Tabianos arma sunt conuersa, & illorum arx, alioquin munitissima, diruta, totusque ager deuastatus. Quibus exemplis & rebus gestis commoti Albingauni, qui summa cum animorum pertinacia Ligusticum imperium detrectauerant, vltro sese submissis animis pristina Genuensium potentia atque fidei submisere. Postero anno, Prætura in eundem collata fuit. quo quidem tempore Flandriæ Comites cum Venetis, Co. S. Pauli, Bonifacio Marchione Montferratensi, & plerisque aliis Christianis proceribus fœdere simul iuncto, Byzantium occuparunt: & cum Veneti in eius vrbe expugnatione, quorundam Diuorum reliquias, nec modicam crucis Dominicæ partem nacti essent, eamque cum nonnullis aliis mercibus Venetias transmississent, nauis, qua hæc omnia deuehebantur, à duabus Ligusticis triremibus duce Bondelio intercepta est, ac direpta, & inter cætera, ipsius S. Crucis particula Genuam delata: quod sanè Venetorum animos ad maximam indignationem concitauit, missisque Genuam qui ablata repeterent, cum de his restituendis, nulla, vel certè perexigua ratio haberetur, ob id, & pleraque alia, nouæ rixæ ac bellorum semina inter vtramque gentem exorta sunt, Pisanis interim hac de causa non mediocriter in gaudium & lætitiā effusis, qui vtriusque partis æmuli, hoc vnum in primis studebant, ut subinde hæc odia & similitudines vehementius, ceu admotis facibus, incenderentur. Ceterum, licet inter

inter ipsos ac Genuenses aliquandiu ab armis temperatum fuerit, nihilominus tamen consistentibus ac durantibus indutiis, sub eodem prætoris in Sardinia, Galliaque Narbonensi, & plerisque aliis locis, non exigua detrimenta vltro citroque variis temporibus illata sunt, & nonnulla nauigia vtrinque occupata: cuius rei vnicum exemplum, quod mihi nunc occurrit, obiter referam. Cum Rico-^{1204.} uerus Pisanus, pirata ea tempestate admodum celebris ac insignis, ob plurimas iniurias & contumelias in sinu Ligustico aliisque in locis, ipsis Genuensibus illatas, non mediocrem sibi gloriæ laudisque famam comparasset, Hugo Caffarus^{Egregium facinus Hugonis Caffari.} iuuenis excelsi animi ac spiritus, rei que naualis supra ætatem peritissimus, mira quadam nominis propagandi cupiditate ac studio incensus, hunc prorsus adoriri atque inuadere constituit, missisque exploratoribus, ubi eum cum vnicâ duntaxat triremi in sinum Ligusticum delatum didicisset, hanc occasionem non deferendam ratus, nihil reliqui ad summam diligentiam fecit, quin statim illum paribus viribus sibi adoriendum statueret. Proinde sola triremi optimè instructa præteruectus, illi summa animi alacritate obuiam processit, & ad primum hostis prospectum, ut ventos haberet secundiores, dedita opera coepit oblique tergiuersari, ac postremò apertè retrogredi: quod postquam à Pisano animaduersum esset, magna sui fiducia permotus, ad metum potius, quàm ad stratagemam, tam repentinam fugam referebat. Sed ut Ligurem contra spem & opinionem, obuersis proris in se impetum facere conspexit, initio haud parum exterritus, & mox animum colligens, suos ad certamen cohortatus est, simulque configendi potestatem fecit: atque ubi longo certamine, varioque euentu acriter vtrinque dimicassent, tandem hostili telo transfixus, vnâ cum vita triremem suâ reliquit. Qua quidem re prosperè ac feliciter gesta, domumque cum præda reuersus, faultis omnium acclamationibus, ac summis etiam honoribus ab vniuersis Patribus & promiscua multitudine exceptus est, & ab ipso Senatu perliberali munere donatus, quod patriam ab acerrimo hoste liberasset. Nec multò post, ex grauiſſ. Patrum consilio bellum non solummodò in Pisanos, Syracusas ex mera Friderici Aënobarbi Cæsaris liberalitate ac beneficentia populo Genuensi paulò antè donatas, occupantes, decretum fuit, verum etiam paucis interiectis diebus, bellum pari consilij grauitate in Venetos magna mole restauratum, quod sanè temporis progressu plurimas calamitates & miras conuersiones vtrique populo attulit: sicuti postea separatim suo loco enarrabitur. In hoc rerum tractu, cum vallis Arociæ atque Oneliæ indigenæ turpi & nefaria seditione excitata, à Rep. descuiſſent, Prætor, cum expedita manu illos adortus, facile debellauit, eosque ad pristinum officium atque obsequium redactos, propter damna & clades, cum in ora maritima, tum etiam in portu, vulgò Mauritij, Genuens. illata, mille libris multauit: simulque duas arces ab eis paulò antè erectas, ut sese in illas, cum ita vsus ferret, ceu in tutissimum asylum ac refugium subducerent, funditus excindi, ac solo æquari iussit. Illud verò hinc obiter haudquaquam silentio prætereundum videtur, mense Octobri eiusdem anni, atro nubium globo tantam calitùs effusam grandinem, ac mare ita fluctibus & procellis vndiquaque agitarum fuisse, ut quatuor naues onerariæ ac eximie magnitudinis, videlicet Gazella, Regina, Dulcis & Falco, variis ac pretiosis mercibus repletae, violentia tempestatis portu in ipso perierint, licet postero die remittentibus ventis, & pelago mitiori effecto, aliqua illarum pars, tametsi non citra summum nautarum laborem ac difficultatem, recuperaretur. Idem annus graui igne urbem affecit, deustis quàm plurimis ædificiis quæ subito incendio conflagrarunt.

Egregium
facinus Hu-
gonis Caf-
fari.



Genuens. eo-
dem tempore
cum Pisanis
ac Venetis
bellum gerunt.

Quatuor
naues vi te-
pestatis in
portu sub-
mersæ.

Incendium
in urbe.

1205.

*Gemens.
privilegia in
urbe Tripoli.*

1206.

*Creta Ve-
netis adem-
pta.*

*Quatuor
naues Ligu-
stice nau-
fragio amij-
se.*

1207.

1208.

Sunt etiam haud contemnendi auctores, qui tradant, circa finem huius anni Regem Tarraconensem Genuam appulisse: Ceterum, quæ huiusmodi profectio-
 ctionis causa extiterit, iidem, quod sanè miror, nullam prorsus mentionem faciunt. Proximo anno, habitis comitiis, S. C. Fulco Iustinianus Præturæ dignitate insignitus fuit, cui à senatu quatuor præstantes viri, quorum opera & cōsilio in rebus dubiis & difficilibus, nec nō in publicorū redituū ac sumptuum ratione vteretur, nempe, Nicolaus Cataneus, Gulielmus Tornellus, Belmustus Lercarus, & Gulielmus Nigrius, adhibiti fuerunt, simulque ab eodem duodecim Consules renunciati. Eodem anno, ut omittam quæ inter Ligures ac Pisanos contingere, cum de his suo loco speciatim dicturus sim, Comes Tripolitanus privilegia & immunitates, quibus Resp. hæcenus in ea ciuitate ac etiam Antiochia, ob res præclare ac fortiter gestas, frui consueuerat, denuò confirmari iussit; ipsiq; Ligures, ab omnibus portoriis & vectigalibus immunes redditi, & vicus, balneum, ac templum, sicuti antea, concessum. Initio proximi veris, Præturam adeptus est Ioannes Strussius, de cuius patria nihil certi apud veteres inuenitur, eiq; præter Coss. in causis forensibus, quatuor ciues, vulgò Consules maris, seu fidelissimi socij & consiliarij, videlicet Ogerius Scottus, Ido Carmandinus, Vbertus Vfusmarius, & Iacobus Picamilius, adgregati. Circa hoc tempus, Genuæ Senatus decreto quatuor triremes instructæ, quæ Reguli Montisferrati filiam Græco Augusto desponsarā, Byzantium deuexere. Iisdem quoque diebus, Henricus Manliacæ oræ Princeps, Reipub. amantissimus, & beneficiarius, Cretam insulam Venetis ademit, eamque sibi tributariam & vectigalem effecit. de quo sanè fusius suo loco explicabitur. Resp. interim haud mediocre damnum perpeffa est ob quatuor nauium iacturam, quæ Seutam versus adnauigantes, in angustiis freti Herculei, ut vocant, naufragium fecerunt. At Prætoris & Consulū iussu, octo triremes, sicuti etiam octo aliæ præcedenti anno fabricatæ fuerant, pari studio ac diligentia in commune beneficium exædificatæ. His rebus ita peractis, anno eius æui septimo, externus Prætor creari desuit, & præter ceteros, qui forenses causas, & reliqua munia exercerent, pro Reip. administratione, sex Consules, nimirum Fulco, Fulconis Iustiniani filius, Lanfrancus Rossus, Gulielmus Marocellus, Nicolaus Auria, Henricus Nigrius, & Vbertus Spinula, publico suffragio designati: qui ubi primum ad Consularem dignitatem promoti sunt, nihil habuere antiquius, quam, ut composito Reip. statu, varia nauigia recens fabricata, suis armamentis aliisque rebus opportunis instructa, in promptu & ad manus haberentur. Et quia tunc temporis ratio expediendæ pecuniæ supra modum difficilis atque ardua videbatur, ipsi consules, ultra decem millia librarum à ciuibus, tradita cautione ac securitate, mutuò sumpserunt, & statim ad viginti triremes, & quatuor longas naues, quas tunc Taridas vocabant, nūc Galeatias appellamus, simulq; vnā Sauonæ, alteram in portu Naulitano exædificari iusserūt, & vna etiam à Nicensibus coëmpta: quibus omnibus egregiè instructis & præparatis, mense Maio, duce Nicolao Auria suscepta fuit expeditio in Pisanos: de qua, etiam seorsum dicetur. Insequenti anno, Senatus de vnanimi voluntate Gulielmum Embriacum, Othobonum de Cruce, Gulielmum Guercium, Montanarum Auriam, Gulielmum Nigrium, & Gulielmum Spinulam Consules declarauit: sub quorum regimine nonnullæ ad varios Principes legationes missæ, præsertim Repub. non solum priuatis mutuisq; similitudinibus & dissensionibus laborante, verum etiam externis bellis grauissimè implicita: quo quidē tempore Gulielmus Spinula, qui dudum antea in Ægypto & Syria comoratus fuerat, à Sulthano

thano Ægyptio, cum quo propter eximias animi corporisque dotes, haud mediocrem necessitudinem & familiaritatem contraxerat, euocatus est: cuius rei opportunitate Senatus, & collegæ vfi, inter cetera, quæ illi summa cum fide commiserunt, etiam iniunxere, vt ad maiorem Reip. securitatem enixè daret operam, vt omnes controuersias ac lites inter Asiaticos, & Genuens. populū exortæ, ipsius regis auctoritate deciderentur & componerentur. In Mauritaniā verò ad Maroci ac Libyæ regem, nomine Muleimolinon, Nicolaus Cataneus, & Henricus Dietisaluuus pari iudicio ac sedulitate ablegati, eo consilio, vt cum eo rege initis nouis fœderibus, vetera mutux amicitix iura vtrinq; confirmarentur. Nam à paucis retroactis annis multæ controuersix variis de causis inter ipsum & Ligures intercesserant, adeò vt ad eas consopandas, haud rarò apud illum suos oratores habuerint. Sed propter rerum controuersarum difficultatem hætenus nihil omninò, quod ex vtriusque gentis re esset, statui atq; concludi poterat. Quocirca hi duo oratores missi, quorum alter, post negotia feliciter cōstituta, & biennales indutias impetratas, pestilenti feбри correptus, in minori Africa supremum diem obiit: alter verò, sanus atq. incolumis postliminiò domum reuersus. Dum hæc ita geruntur, initio proximi veris, Patrum decreto Gulielmus Einbriacus, Gulielmus Cataneus, Idus Carmandinus, Daniel Auria, Vbertus Vfus marius, 1209. & Henricus Nigrius, ad Consulare dignitatis fastigium promoti, quibus deinde 1210. post vnius anni curriculum Gulielmus Nicolaus Embriacus, Henricus Dietisaluuus, Henricus Demecota, Simon Camillius Aduocatus, & Marocellus, ambo sine prænomine, cum pari imperio ac potestate successerunt. Et licet ea tempestate Resp. adhuc Pisano bello distineretur, nihilominus tamen etiam atrocissimum prælium inter ipsam, & Venetos redintegratum fuit, sicut inferius patebit. Sub horum Consulatu, Lanfrancus Turcus, Porcellinus & Conradus cognomento Porcellus, in Mauritaniā ad regem Masemutum oratores destinati fuerunt. Memoria quoque proditum est, circa hoc tempus, Othonem Boschi Marchionem, Reip. propter accepta beneficia, quò vicissim aliquod minoris gratiæ animi testimonium exhiberet, partem oppidi Ouadæ, Rosilionis, ac etiam totum Tagium donasse, vti etiam Henricus Ponsolus eandem ob causam, *Donationes factæ Reip.* dimidiā partem oppidi, vulgò Vernatij, dono dederat, atque concesserat. Postero anno, scilicet eiusdem xui vndecimo, Raynerius Cotta nobilis Mediolanensis, 1211. Prætor substitutus, eiq; octo Patricij, nempe Fulco Iustinianus, Bonifacius Cataneus, Lambertus Fornarus, Gulielmus Guercius, Nicolaus Auria, Vbertus Vfusmarius, Gulielmus Nigrius, & Sorleo Peuer, ceu fideles socij, omniumque arcanorum participes & consultores adhibiti. His temporibus inter Ligures & Massilienses grauiissima iurgia & dissidia intercesserant, indeque graue bellum conflatum, & propterea Genuæ quatuor naues, ac totidem triremes instructæ, paucisq; interiectis mēsis, quatuor itidem sub Idi Longi præfectura exornatæ. Verum enimverò circa mensem Augusti, Hugo Bussus vnā cum duodecim ciuib; Massiliensibus Genuam appulit, vt pax certis conditionibus vtrinq; constitueretur, eaque tandem de vtriusque partis consensu per vnum & viginti annos transacta. Inter hæc, Beghinus Crouaræ dominus, illius oppidi arcem Senatui pro mille & octingentis libris diuendiderat: quod sanè Gulielmo & Conrado Malaspinæ regulis vehementer displicuit, eaque de causa Reip. bellum intulere. At Prætor, ad illorum conatus inhibendos, statim ex urbana militia ducentos cataphractos describi, & illos vnā cum reliqua manu contra hostem educi imperauit. Et quoniam Albertus Gauijq. regulus, cuius antea meminimus,

1212.

Fridericus
Aenobarbus
Cæsar Ge-
nuam profi-
cisitur.

Germano-
rum stultia
persuasio.

Vivaldi.
Indutæ cum
Pisanis ac
Ven. transf-
actæ.

Prætoris dicto audiens non fuerat, sed potius sese fœderis iure cum aduersariis coniunxerat, præterquàm quòd illum Senatus omni iurisdictione, quam sibi vendicabat, priuauit, eiusdem iussu ac mandato mille libris, ac etiam decennali carcere multatus fuit. Interea temporis, anno scilicet eiusdem aui duodecimo, Gulielmo Embriaco, Bonifacio Cataneo, Gulielmo Guercio, Nicolao Auria, Gulielmo Spinula, ac Sorleone Peuere, Coss. Malespinæ, Marchionatus titulo insignes, cum Repub. in gratiam redierunt, seq̃ue illi, cedentes omni iure, quod prius in oppido Crouara & finitimis locis ad illud pertinentibus, habuerant, fidei sacramento obstrinxerunt, quibus Senatus pro hac venditione mille & quingentas libras persoluit. Rebus ita constitutis, Fridericus secundus, Siciliae rex, de mutuo septemuirum Procerum consensu ad Imperij supremum apicem ac dignitatem euectus, emensis Alpibus, in Italiam venit, & paucis post diebus Genuam perrexit, vbi ad spatium trium mensium commoratus est. Et quamuis Resp. subinde atrocissima bella cum Pisanis ac Venetis, vti antea recensuimus, gereret, nullum tamen genus immensi honoris, ac regiae magnificentiae prætermisum est, quod in illum non publicè ac priuatim conferrent. Nam, vt taceam theatralia spectacula, multarum ferarum pugnas, hastiludia, & equestriū turmarum certamina, nullus fuit apparatus in vlla vnquam gente, tam splendidus, qui huic iure comparari possit, adeò vt nullo ferè tempore, splendidiora, vel maiora suarum opum & priuatæ potentiae dederint testimonia, quàm eo, quo Cæsar Genuæ subsisteret. Vt verò illum sibi in posterum magis magisque deuinciret, abeuntem Senatus amplissimo munere, quod quidem fuit amplius duarum millium, & quadringentarum librarum, prosecutus est. Nec sanè hîc aliquo modo silentio prætereundum esse arbitror, aliquos esse qui literis tradiderunt, eiusdem anni mense Augusto incredibili cum omnium admiratione in Germania ingentem multitudinem fuisse vtriusque sexus, & in ea plerosque nobilium virorum adolescentes, quæ, nescio quo entusiasmo, vel falsa reuelatione persuasa, omninò existimabat, tantam eo anno siccitatem subsecuturam, vt etià maris abyssi omninò exarescerent, adeò vt hac infantili opinione abducti & decepti, agminatim vsque ad septem hominum millia, transcensis Alpibus, ductu & auspiciis cuiusdam puelli Teuthonici Nicolai nomine, Genuam peregrinorum habitu contenderint, eo animo, vt compendiarie via per exsiccatum, vt ita dicam, maris alueum, pedibus Christi sepulchrum inuiferent, & ibi hac de causa ex Senatus indulgentia & voluntate sub dubia spe circa spatium sex, aut septem dierum, (nec enim Senatus illos diutius ibi herere permisit) substiterunt. Verùm, cum re ipsa comperirent, quàm magna fuisset illorum infantia, & quàm longè à vero & ratione aberrassent, poenitentia ducti, eadem leuitate, qua venerant, domum & ad proprios penates postliminò redierunt. Hæc nō ascriberem, cum à vero remotiora esse videantur, nisi tam magna hominum frequentia ita excæcata fuisset, vt præter naturam tam potens elemētum defecisse existimare potuerit. Sed cum habeam grauiissimos auctores, quos hac in parte secutus sum, videor in eo equidè iudicio ab omni reprehensionis nota tutus esse. Constantem opinionem hîc obtinuisse animaduerto, Genuæ, ex eo Germanorum confluxu, aliquot, nominis splendore & nobilitate præcipuos, ciuitate à Senatu donatos fuisse, qui postmodum ita coaluerunt, vt in patriciorum ordinem transfuerint, & ab his, aliquot nobiles familias hac nostra tempestate opibus & dignitate florentes, originem traxisse, inter quas Viualdorū familiam dicunt esse principem. In hoc rerum cardine, cum Pisanis indutiæ ad quinquennium, & cum Venetis in

trien-

triennium transactæ & constitutæ fuerunt, atque ita deuentum est ad initium anni subsecuti, quo in Repub. præter alios, qui causis forensibus, aliisque mu-
 niis & magistratibus admoti sunt, Nicolaus Embriacus, Vbertus Cataneus, Gulielmus Scottus, Montanus Auria, Fridericus Grillus & Herodes Marius Coss. publicè declarati. At quinto Idus Ian. in veteri foro amplius quatuor & quinquaginta ædificia fortuitus ignis absumpsit, per idem ferè tempus, quo etiam portu in ipso tres maiores naues consimili clade perierunt. Postero anno
 Ioannes Russus Cataneus, Wilhelmus Tornellus, Henricus Guercius, Ansaldus Marius, Vbertus Spinula & Oggerius Peuer, communibus Patrum votis & suffragationibus Remp. consulari potestate administrarunt, sub quibus Ligures, rebus externis maiori ex parte cõpositis, ad res vrbanas & domesticas animum, & præcipuam curam adiecerunt. Non pauca etenim in ipsa ciuitate erant, quæ diligentem inquisitionem & considerationem requirerent. Quare nihil à Patri-
 bus omissum est, quod ad publicam vtilitatem pertinere existimarent. Et in pri-
 mis quidem Senatusconsulto decretum fuit, vt deinceps maior vectigalium & publicorum censuum ratio, quàm antea, haberetur. Erant enim, vt aliæ pleræq; disciplinæ, sic etiam publicorum reddituum ratio, propter temporis incuriam mirum in modum neglecta & labefactata. Pari modo quia vectigalia exoticarum rerum & maritimarum negotiationum ad aliquot annorum spatia in nonnullorum gratiam erant diuendita, nullaque, vel certè perexigua hætenus potuerat à Senatu haberi ratio, concordibus suffragiis, & mutua consensione decretum fuit, vt in posterum eorum elocatio dumtaxat ad sexennium foret, eaq; in foro publico publicæ auctionis instar, fieri deberet: quorum quidem censuum & vectigalium fructus & emolumenta subsidio Reip. venirent. Nam cum plurimæ extarent exactiones, quibus Ligustici nominis subditi mirum in modum premebantur, expedire visum fuit, vt illæ, & similia onera, huiusmodi fructibus redimerentur, satius arbitranter, proprios ciues, quàm externos subditos aggruari. Statutum fuit præterea, vt priuatorum ciuium facultatum & fortunarum haberetur ratio, & pro earundem modulo & qualitate vectigal, quod ipsi generale vocabant, imponeretur, vt hac scilicet ratione vectigal salis, quod per vndetriginta ferè annos propter certam pecuniæ summam erat diuenditum, pro media rata portione rependeretur. Et insuper, quò in posterum publico bono commodius prospiceretur, & nihil non fieret quod non publica cum vtilitate ac beneficio coniunctum esset, seuerè atque grauitè edictum fuit, vt nulli redditus ad Remp. spectantes, vltra vnus anni spatium diuendi, oppignerari, vel aliquo modo elocari possent, vno vectigali, scilicet salis, excepto, de quo nullus fructus ad emptorem redire poterat, nisi maiori tempore concessio, & idcirco bien-
 nium indultum, quamuis longiori tempore huiusmodi vectigalis ratio indigeret. His cautionibus & exceptionibus à Senatu promulgatis, externi etiam redditus comprehendebantur, tam scilicet Ligustici agri, quàm Syriæ, & aliorum locorum Reipub. parentium. Hæc tempora insecuta est magna Reip. felicitas, & rerum tam domi, quàm foris affluentia, ita vt quamuis grauissimis bellis diu diuersis in locis implicata & defatigata fuisset, nihilominus tamen ciues, alijque Reip. clientes ac subditi, omni onere, hac vna oppigneratione excepta, quæ tamen quadraginta millibus florenorum redimi poterat, liberati & exempti erant. Inde fiebat, vt esset tanta patriciorum, aliorumque præcipuorum ciuium promptitudo, & ad subleuanda onera publica animorum propensio, vt, si quid vsus, vel necessitas Reipub. requireret, ipsi libenter in gratiam plebis in se deriuarent,

*Genua gra-
uissimo in-
cendio &
maris tem-
pestate ve-
xata.*

1213.
1214.

*Novus ordo
circa publi-
cas impen-
sas & vecti-
galia.*

*Genua in
florentiss.
statu.*

adeò profectò, vt ad locupletandum ærarium publicum, quod propter assidua bella ferè erat exhaustum, ipsi, si qua pecunia, vel nouum onus à Senatu imperaretur, citra aliquam recusationē vel difficultatem expedirent atque præstarent. Ceterum, tametsi diligenter ac sedulò inuestigauerim, quamnam ea tempestate publicorum censuum fuerit ratio, nunquam tamen aliquid veri diligentia assequi potui; Quandoquidem quantam pecuniæ summam vectigalia Syriæ constituerint, puto magis scriptorum incuria, quàm eorum temporum ignoratione in literas relatū non esse. Id citra aliquam controuersiam ab omnibus asseritur, eo anno, quò circa vectigalia nouus ordo à Senatu institutus est, negotiationum maritimarum vectigalia ad sexennium in aliorum onerum & grauaminum subsidium diuendita, non vltra triginta octo millia florenorum constituisse. Circa omnes etiam alias merces, Senatus singulari temperantia agebat, nimirum cum Respub. his temporibus nullo ære alieno esset obstricta; nam pro quolibet floreno non vltra quatuor nummulos eorū temporum exsoluebant. Pari modo nos latet, quod salis pretium eo sæculo fuerit, cum verisimile sit, non exiguum inde fructum ad Rempub. emanasse. Minimè autem dubium est, quin hæc Respub., postquam temporis decursu amplitudine, & incolarum frequentia mirum in modum excreuerit, ac multò maiorem mercibus exercendis commutandisq̃ue rebus, quàm militiæ ac bellis gerendis, operam nauarit, longè complures & vberiores ex ipsis vectigalibus redditus, ac emolumēta perceperit. Circa hæc tempora, Otho Carrettus Finarij regulus, mense Iulio Genuam profectus est, ac Reip. de se optimè meritæ, suam arcem, vulgò Cairum, & Vinarolum, ac dimidiam partem Carcarari, Roccandamali, montis Canilionis, Bazoli, & Castrum, cui nomen Dius, dono dedit, seque spontè illius, præstito fidei iuramento, beneficiarium constituit: quæ omnia loca Senatus illi tamquam feudatario, vt vocant, concessit, suæque ditioni attribuit. Anno eiusdem sæculi quinto decimo, Gulielmus Embriacus, Fulco Iustinianus, Bonifacius Cataneus, Emanuël Auria, Lanfrancus Marius, & Aduocatus N. Consules renunciati, eorumque legatus fuit Otho Vicedominus Albæ, insignis legum interpretes. Patres interim, composito ciuili rerum statu, Darsenam cingi mœnibus iussere, ac deinde ad Monæci ædificationem omnem curam & diligentiam transulerunt. Obtinuerant siquidem ex singulari Friderici Cæsaris cognomento Aenobarbi liberalitate ac beneficentiâ eum locum, in quo Monæcum hodie extat. Proinde statim illuc missus est Fulco Iustinianus, qui eum locum tunc temporis inhabitatum, & scopulosum, Reipub. nomine ad iustæ vrbis formam delinearet; mœnibusque atq; aggeribus communiret. Is itaque summa cum diligentia quatuor turres quadrangulæ forma inuicem oppositas triginta septē palmarum longitudine erigi atq; fabricari curauit. Ægrè ferebant Nicenses in tãta vicinîa nouam urbem exurgere, veriti, ne illud propugnaculum, maximum sibi in posterum detrimentum afferret. Sed cum scirent, populum Narbonensis Galliæ cum Genuens. in gratiam rediisse, ipsi Ligusticam potentiam veriti, circa mensem Nouembris Miroadadum ciuem Nicensem, & Antepellicanum eiusdem vrbis Antistitem Genuam miserunt, seque vltro Reip. tamquam vicinos ac socios obtulerunt, ac in eorum tutelam & obsequium tradidere. Senatus, quod existimaret, hanc nouam Nicensium spontaneam accessionē ex vsu & dignitate Reip. esse, conditionem haudquaquam auersatus est, ita vt quo magis eos in proposito & officio confirmaret, euestigiò Vbertum Spinulam, associatis illi aliquot præclaris viris & nō infimæ auctoritatis, ad eos ablegauerit, eo potissimum nomine,

1215.

*Genuens. à
Frid. Monæci agro
donati.*

*Nicia sub
Genuensium
potestate.*

nomine, ut ab ipsis ciuibus fidem & iuramentū sollemniter reciperet. Quo iuramento ab oppidanis præstito, Spinula ex Senatus mandato iussit quamprimum Nicensem arcē, quod plerumq; Aragoniis, ceterisque Ligustici nominis hostibus tutum effugium & latebram præbere soleret, demoliri & funditus solo æquari. Proximus annus Genuæ Philippum Embriacum, Raimundum Caraneum, Simonem Borgarium, Perciualem Auriam, Gulielmum Spinulam, & Lanfranchū Turcium Consules habuit. Etsi verò hæcenus in Rep. vnā cum Coss. quorū nomina recensuimus, quotannis à Senatu aliquot ciues, quorum alij rebus externis intenderet, alij causas ciuiles dirimerent, creabantur, tamē hoc anno, noua Reip. forma introducta, hic Magistratus omninò desuit, prout etiam alter præcedenti anno abolitus fuerat, & quinque ciuiles ac Pōtificij iuris Doctores, quorum præcipua cura & studium circa forenses controuersias & lites versaretur, nempe, Gulielmus Agadus Placētinus, Iacobus Briscus Insuber, Bertoldus Bōzella Papiensis, Gherardus Montanarus Parmensis, & Monferratus Cremona oriundus, in urbem cum amplissimis præmiis accersiti. Si quis autem huius Reip. statum penitus introspexerit, proculdubiò inueniet, ipsam, ab anno millesimo octogesimò, vsque ad annum millesimum centesimum nonagesimum, quod quidem centum ac decem annorum spatium continet, quatenus ad publicum regimen, & politicas causas spectat, liberè ab ipsismet ciuibus absque vllò externo adminiculo continua quadam serie gubernatam & administratā fuisse. Ceterum, ab anno millesimo centesimo nonagesimo, vsque ad annum millesimum ducentesimum, decimum septimum, licet administratio libera extiterit, eam nihilominus variam & diuersam deprehendet. Et in hoc temporis curriculo, quod fuit circiter viginti septem annorum, interdum Patres euocarunt qui Prætoris munere fungeretur, modò huiusmodi Magistratum omittē, & aliquando etiam horum consensu, ipsi Prætori rectores, ceu consiliarij, attributi, interdum verò is solus Reip. cum imperio præerat, sic tamen, ut semper Consules ex ciuibus, qui prudenti ac maturo iudicio forenses & ciuiles causas diiudicarent, ac definirent, designarentur. Verum, hoc anno, propter ciuium ambitionem & interna ac domestica dissidia, vterque Consularus desuit, adeò ut Resp. deinceps per multa annorum volumina, sicut inferius enarrabitur, externi Præsidis & iurisperitorum auctoritate pouissimum innixa atque administrata fuerit. Et quoniam ea tempestate nondum erat id genus fori, quod iam longo vsu & consuetudine receptum, vulgo Rotam appellant, dumtaxat quilibet ciuilis iuris cādidatus, priuatim hominum causas in ea parte vrbis quæ illius arbitrio ac sententiæ permittebatur, diiudicabat. Paulo antequam hæc noua Reip. forma sanciretur, Genuæ Nouellus Camilius, Gulielmum Pignolum, cum quo priuatas similtates diu exercuerat, grauiter vulnerauit, adeò ut cū vulnus lethale esset, breui temporis spatio post interiret. Cuius planè interitus graues turbas, cum vterq; patricij ordinis esset, excitauit. Quandoquidem cum Nouellus haberet maximos in ciuitate viros, quorum patrociniò valdè nitebatur, ita ut se illorum auctoritate ex reis eximendum haud quaquam vereretur, defuncti Pignoli consanguinei & amici, non minoribus clientelis subnixi, hoc vnum agebant, ut ipse legibus pœnas daret. Hinc grauias iurgia & rixæ, indeque discordiæ & factiones quàm plurimæ exorta sunt. Quas ut restingerent vrbis Præfecti, & ne latius in perniciem Reip. serperent, enixè darent operam, lege cum ipso reo sibi contendendum putarunt: quod ipse, cum esset excelsi animi ac spiritus, ægiè ferens, animi vecordiam in patriam conuertit, & clām vrbe excedens, foris sese ali-

*Arx Nicen-
sis à Ge-
nuens. diru-
ta.*

1216.

*Noua Reip.
forma.*

se aliquot clientibus & municipalibus suis instruxit: quibus auctus, Crouariopidi arcem, quam paucis antè mensibus in Reipub. potestatem venisse ostendimus, per absentiam illius Præfecti, dolo atque astu occupauit, quam in contemptum Reipub. Gulielmo Malespinæ, tunc propter nouam defectionem, à Senatu pro inimico habito, & declarato, dono dedit. Cuius rei fama vt primùm à Senatu intellecta est, nulla mora interposita, Patrum decreto miles subitarius conscriptus est, quò eam ex tam vicini ac tam potentis inimici manibus eriperet. Arcis defensores, vbi primùm apparatus bellicos viderunt, tanta animi consternatione attoniti sunt, vt non expectata obsidione, summa cum celeritate, omni spe defensionis abiecta, fuga sibi salutem quærerent. Interea temporis, anno scilicet eiusdem sæculi decimosextimo, ex S. C. Vbertus Buccafollis ciuis Papiensis, Prætor renunciatus, eique de more, quatuor legum interpretes, qui ius ciuile administrarent, associati, & sub eius regimine, cùm inter Pisanos ac Ligures indutiarum terminus expleretur, opera & auctoritate Innocentij tertij, siue, vt aliis placet, Honorij tertij, Romani Pont. alterius successoris, pax inita & constituta est, sicuti suo loco plenius demonstrabitur. Post hæc, Prætor misit in Sardiniam, qui à Iudice Turritano viginti millia librarum, quas singulis annis Reip.

Genua terramotupercussa.

persoluere tenebatur, exigeret. Fine anni, mense Ianuario ciuitas nocturno motu terræ cum maxima omnium trepidatione concussa, sed tamen breui pòst, omni terrore ac metu liberata. Sub Veris autem initium, Rambertino Guidone Bonarello ciue Bononienfi Prætor, inter Venetos ac Ligures, missis Parmam vtrinque oratoribus, pax tandem de communi consensu ac voluntate in decennium trāfacta fuit. Per idem fermè tempus, denuò Senatus cum Derthonensibus, mitigatis animis, in gratiam rediit. Principio subsequēntis anni, Henricus Manliacæ oræ Princeps, Reip. studiosissimus, & confœderatus, Genuam appulit, atque inde in Germaniam ad Fridericum Augustum profectus est; ibique confectis negotiis, & ad urbē reuersus, benignissimas litteras secum detulit, in quibus, præter cetera, continebātur multa priuilegia Liguribus, à Cæsare in regno

Pax inter Venetos à Genuens.
1218.

Fridericus multis priuilegiis Genuens. in regno Siculo donauit.

Siciliæ concessa, & inter reliqua, vt ipsi ab omnibus portoriis & vectigalibus immunes forent. Postquàm verò Henricus ibi aliquandiu substitisset, summisque honoribus ab Senatu affectus esset, triremi eius causa Genuæ præparata atque instructa, in suam ditionem remigravit. Mense Octobri eiusdem anni, qui Capriatam incolebant, sese Reip. iureiurando interposito, Genuensibus dediderūt, atque vltro illius beneficiarios constituere. Circa hæc tempora, Gulielmus & Conradus Malespinæ reguli, Reip., fidei sacramento adhibito, omnem beneuolentiam & obsequiū detulere, sicuti etiā haud multo pòst, Albintimilij, qui multò submissius sese erga Remp. gerentes, Zachariæ Iustiniano, Vberto Gallettæ, Emanueli Auria, Vberto Spinulæ, & Iacobo Picamilio Genuensibus legatis, nomine Reip. in templo D. Mariæ sacro, in quod maxima incolarum frequentia conuenerat, sollenni pompa ac carimonia, totius vrbis dominium atque imperium tradidere. At Vere appropinquante, sub eiusdem Rectoris, viri prudentis ac strenui, rursus in ea dignitate à Patribus per biennium confirmati, Præfectura, ne scilicet vnquam Reip. citra aliquam sollicitudinem vel securitatem respirare liceret, ipsi contra fidem ac præstitum iuramentum, denuò, nulla iusta causa præbita, ab ea desciuerunt. cuius facti indignitas tantoperè cōmouit omnium ordinum animos, vt statim, quò de temerè rebellantibus pœnas exigerent, de communi omnium sententia cōpluribus regulis finitimis, inter quos fuerunt Otho, & Henricus Finarij, D. & Conradus atque Opizo Malespinæ, iure amicitiae ac

Albintimilij se vltro dedunt Genuens. & mox ab eis deficiunt.

1219.

fœderis

fœderis sibi associatis atque coniunctis, breui iustum exercitum, in quo erant amplius quingenti equites grauioris armaturæ, in promptu atque in armis haberent. Et quoniam ipsos perduelles terrestribus ac maritimis copiis premere constituerāt, eodem tempore summa cum diligentia rē naualem in huius belli vsum expediuēre, omnibusque rebus ritè dispositis ac præparatis, oppugnationem, duce eodem Pratore, aggressi sunt, statimque sub eius initio nauim onerariam frumento onustam, qua cōmeatus in eam urbem importabatur, citra magnam difficultatem interceperunt. Verū quod hæc suscepta expeditio tunc paruos haberet successus, & minimè ex sententia absoluta fuerit, inde potissimum euēnit, quod videlicet, tempore minùs bellis gerendis idoneo, vtpotè brumali, & asperissima hieme, inchoata atque instituta fuerit. Temporis igitur iniquitas effecit, vt illinc, re infecta, discessum sit. Ne verò tum aliquis commeatus in oppidum importari posset, classis ibi relicta fuit, ita vt postmodum aliquot vtrinque velitationes & leuiora proelia subinde vario atque ancipiti euentu committerētur. Prætor Genuam reuersus, cū intelligeret, inter Gulielmum Albintimilij præfectū, ac Emanuele eius fratrem, graues simultates & inimicitias recēns fuisse exortas, operæ pretium se facturum existimauit, si ad rem ibi feliciter, & ex vfu Reip. conficiendam, alterutrum, tali ansa oblata, & peramplo stipendio, nempè singulis mensibus centū & quinquaginta libris proposito, in suas partes pertraheret. Fieri enim animo prospiciebat, vt si quē eorum sibi haberet fautorem, citra magnam difficultatem oppidani superari possent. Gulielmus verò, licet fide tradita atque accepta, Reip. adhæsisset, tamen paucis post diebus perfidē ab ea defecit. Interim ipsi, statim post terrestrium copiarum discessum, eruptione facta, Cespellum oppidum sibi contiguum, repentino & summo impetu adorti sunt: idque vt classis Præfecto innotuit, milite in insidiis collocato, sic rem egit, vt circiter quadraginta ex illis captiuos faceret: eosque quā primum Genuam ducendos procurauit. Oppidani, quò captiuos in libertatem assererent, miro dolo & astu Genuensibus imponere tentarunt. Cū enim sub specie colloquij & rerum componendarum prætextu, aliquot eorum triremi Genuam appellerent, decreuerant, captiuos ibi asseruatos, opera Prioris, vt ipsi vocant, Abbatia Sextri tunc temporis ibi subsistentis, & Raimundi iudicis, cuius Albintimilij, in tempesta nocte liberare. Ceterum, detecta illorum fraude, res huic exitum tulit, vt certè parum abfuerit, quin & ipsi iisdem artibus in Ligurum potestatem deuenissent, quibus illos ludificare studebant, beneficio tamen velocitatis, fuga suæ saluti consuluerunt. Quo sanè factum est, vt obsidio in longius tempus protracta sit, quā plerique initio arbitrabantur. In hoc rerum cursu, Fridericus Henrici secundi filius, qui ante patris mortē, de septemuirū procerū voluntate atque consensu Cæsar designatus fuerat, patre è viuis subtracto, in Italiam ad Honorium tertium Pont. confirmationis atque imperij suscipiendi diadematis gratia, cum magna principum atque illustrium virorum frequentia & comitatu venit: de cuius quidem aduentu Genuenses certiores facti, cū ad suum officiū valdè pertinere existimarent, vt nouum Cæsarem recentibus officiis sibi adiungerent, ac eius gratiam promererentur; Senatui placuit, legationem honorificam ad illum mittere, in qua, quò gratior Cæsari esset, summum personarum delectū habuēre, & enixè contendere, vt ipsi quodammodò inter ceteros Italiae Principes primi essent, qui ipsum Imperatorem officiis atque debito obsequio sequerentur, adeò vt missō Rambertino Guidone ciue Bononiensi, suo præside, & adiunctis illi non paucis ex totius Reipub. præcipua nobilitate collegis, ad ipsum, in

Albintimilij obfessio

Friderici imper. in Italiam aduentus.

1220.

sum, in Gallia Cisalpina adhuc subsistentem, perrexerint. A quo cum humaniter excepti essent, & benignè in colloquium admissi, nomine Reipub. suæ, ipsi primum supremi imperij dignitatem ac felicem in Italiam profectionem congratulari sunt, deinde debitum illi officium detulerunt, & pristinam cum eius prædecessoribus omni ferè tempore habitam atque continuatam obedientiam sponponderunt. Qua in parte cum Cæsari non parum satisfactum esse animaduertent, ad serios sermones digressi, sensim ad ea quæ in mandatis habebant, deuenire, ac commemoratis iis, quæ tum ferè temporis ad rem maximè pertinebant, ostendebant, Cæsarium beneficio atque munificentia factum esse, ut ipsi semper pro sociis atque amicis ab iisdem habiti essent: quo etiam potissimum nomine multis priuilegiis, & immunitatibus à Cæsarium beneuolentia, ac mera liberalitate profluere consuetis, donati essent. Petere igitur se, ut ipse Cæsar nouo diplomate Maiorum suorum indulta Reipub. Genuensi confirmare atque constabilire dignaretur. Verum cum Cæsar, contra omnem illorum spem ac voluntatem responsum differret, simulac Mutinam venerunt, inde comiteatu ac uenia impetrata, ad suos, rebus infectis, redierunt, valdè demirante Senatu, quod nouus Cæsar, qui Principes atque Respub. liberalitate sibi deuincire debebat, non solum se hac in parte difficilem ostendisset, sed contra omnium maiorum suorum instituta, optimè de se merito populo inhumanior, quàm par esset, extitisset. Legatione itaque Genuam reuersa, breui post, Lotharingus Martinengus Brixienfis, vir, præter generis splendorem, laudis appetens, & militari gloria insignis, de Patrum atque ordinum uoluntate in alterius locum, exacto iam anni spatio, subrogatus est: qui cum ægrè ferret, Senatum ipsum, propter repulsam iusto propemodum dolore torqueri, eidem auctor fuit, ut noua legatio ad Cæsarem mitteretur. Arbitrabatur siquidem, Cæsaris animum; alioquin hac in parte il- liberalem, continuis officiis atque Senatus auctoritate commoueri & expugnari posse. Proinde denuò ad ipsum Vbertus Cataneus, Sorleo Peuer, & Vbertus Nouara oratores, nomine Reip. ablegati sunt, qui, tametsi serio cum ipso agerent, multisque rationibus ostenderent, Reip. suæ, optimè semper de eius maioribus merita, parum satisfieri, si hanc priuilegiorum confirmationem recusaret, nihilominus tamen adeò ipsum immitem atque inhumanum experti sunt, ut nihilò magis quàm alij, impetrare potuerint: imò sunt aliqui, qui dicant, hanc secundà Genuensium legationem adeò atroci vultu ac minitabundis oculis fuisse exceptam, ut non solum illorum postulatis assensus sit, verum etiam multa alia illis antea concessa, abrogauerit atque ademerit. Sunt præterea qui adiiciant, ita fuisse exacerbatum, ut Reipub. hanc necessitatem imposuerit, ut ceterarum gentium more & consuetudine omnia portoria & vectigalia regni Siculi persoluerent. Nec his contentum, Messanæ prætorium illis antea à suis maioribus donatum, abstulisse, & Alemannum Costam Genuensium beneficiarium, Syracusarum ciuitate exuisse. Quarum rerum indignitate commoti oratores, indignabundi Genuam reuersi sunt. Cæsar, quò etiam euidentius animi sui in Reip. Genuensem testimonium ac voluntatis argumentum præberet, haud multò post, cum Pisanis, quibus cum indutiæ factæ iam effluerant, societate ac fœdere inito, atrocissimum bellum in Ligures terra marique facere decreuit. de quo vnà cum causis & euentibus suo loco ac tempore luculenter diceretur. Interea temporis, cum Prætor, vnà cum Patribus ægerrimè ferret, obsidionem Albitimiliam tamdiu ab oppidanis sustineri, maximeque cuperet, illos in Reip. fidem atque obsequium redigere, nouo instructo exercitu, in quo, præter aliam

Fridericus
Cæsar Ge-
mens. in-
fensus.

Lotharingus
Martinengus.

1221.

Albitimi-
lium obside-
tur.

militarem

militarem manum, erant amplius trecenti cataphracti: rebusque omnibus egregiè dispositis, subsecuti veris initio, ad oppidum, vulgò D. Remi, quem locum recensendo militi destinarat, cum suis clientibus, ac Reipub. subiectis profectus est, paulò antequàm Gallia Narbonens. Comes, cum aduersariis percusso fœdere, cum suis copiis Albintimilium concessisset. Verùm ille, siue cōmeatus inopia; siue aliis incommoditatibus adductus, legitimam protectionis suæ causam prætexebat, adeò vt breui pòst, Gulielmo Cottigna, cum parte copiarum ibi subfugato, furtim summoque silentio sese illinc subduceret. At Præses, cui hæc omnia per fideles speculatores optimè explorata fuerant, simulac eum abisse compertum est, nulla mora interposita, urbem inuadere statuit: eiusq. mœnibus admoto exercitu; dum aciem instruit, & loca figendis castris aptiora diligenter explorat, oppidani continuò eruptione facta, hostem inuadunt, & vndecim ex Genuens. interfectis; ac plerisque vulneratis, reliqui sese incolumes ad suos recipiunt. At Prætor, his incommodis acceptis, grauissimè commotus, & nihil interim de priori studio atque industria remittens; omnes, qui superiori anno capti, Genuæ in publicâ custodia asseruabantur, ad se perducere imperauit; quibus adductis, vndecim illorū oculos erui ac effodi iussit: & mox per internuncios oppidanis significauit, se, nisi infra octiduum deditionem facerent, singulos eorum qui supererant, crudeli & ignominiosa morte interempturum esse. His auditis, aduersarij ad solitas artes & dolos reuersi, circiter trecenti, iureiurando adhibito, polliciti sunt, se postera die portarum clauibus ad eum missis, deditionē facturos, si aliquot destinarent, qui arcis, vulgò Appiæ, possessionem, eius nomine acciperent. Præses bona fide rem geri existimans, protinus aliquot ex præcipuis ad eum ablegauit, quos ipsi, contra omnium gentium mores & belli iura; magis quàm Punica fide, penes se retinuerunt. Cuius rei indignitas & datæ fidei violatio, adeò ipsum Præfectum, aliosque primipilares ac vniuersum exercitum ad iustā iram commouit & inflammauit, vt seriò expugnationem adoriri proponerent, eaque de causa tam excellens, atque arduum ex bellica disciplina opus inchoauerint & perfecerint, vt meritò cum antiquis operibus conferri & certare posset: quippè, quò oppidanis vsum proximi fluminis adimerent, fossam altissimam, & ferè duorum millium latitudine, vt eius alueum in hanc deducerent & deriuarent, effodi summa cum diligentia iusserunt, ita vt flumen mutato cursu, magna cum Genuensium commoditate ac beneficio, relicto pristino alueo, in hanc fossam coaceruaretur. Deinde duæ machinæ erectæ sunt, quas vulgò Manganellos vocant, & duo itidem alia instrumenta, patrio sermone Trabuchos, nuncupata, ex quibus machinis saxeas pilas ingentis molis intra moenia & muros contorquebant. Præterea, in eiusdem fluminis ostiò atque introitu, ingens nauigium plurimis lapidibus aliisque rebus grauioribus oppletum, depressere; & cum quibusdam aliis nauigiis, ex eorum genere quæ ipsi Pontonos appellant, illius ostiū atque aditum occludere, vt ea ratione obsessos omni illius opportunitate multarent, quò minus vilo comæatus genere subleuari possent. Postremò, in monte, vulgò D. Christophori, vrbi proximo, quatiendis mœnibus valdè commodo, inferiori parte, ad mare scilicet vergēti, noua vrbs validis muris, & propugnaculis, vt se suosq; non minus contra hostes tueretur, constructa est. Quod etiam opus tanto militum studio & alacritate, ac etiam tam breui temporis interuallo perfectum atque absolutum est, vt fermè omnem fidem excedere videatur, eiusque præsidio ac tutelæ Sorleonem Peuerem cum duobus armatorū millibus præposuerunt, adeò vt obsessi vndiquaque oppressi, plerique illorum;

*Noua vrbs
ex arces
Genuens.
aduersus
Albingau-
nos constru-
ctæ.*

*Noua vrbs
constructa*

relictis suis penatibus, sese vltro Genuensibus traderent, atque inermes ad nouā urbem proficiscerentur, & contra veterem arma susciperent. Erat tamen melior & potior obsessorum pars, ita animati, & in sustinendis omnibus obsidionis incommodis pertinaces, vt magna cum animorum tolerantia omnes molestias & labores deuorarent. eaque potissimum de causa obsidio valdè ducebatur, sic vt Prætor longæ obsidionis pertæsus, nec non grauioribus auocamentis interpellatus, Genuam, adulta iam ætate, redire statuerit. Ne tamen per suam absentiam aliquam benè gerendæ rei occasionem prætermitteret, classem, & maiorem copiarum suarum partem, sustinendis oppidanorum velitationibus & eruptionibus, si quæ fierent, sufficientē, in præsidiis reliquit: ipse reliquas secum adduxit. Cui post aliquot menses, cum iam sui muneris tempus exactum esset, senatus alium Prætorem, nempe Spinum Sorsinum, de more subrogauit. Interea populus Albintimilius cum se plurimis, iisque grauissimis incommodis & calamitatibus premi, seque ad exiguum numerum, & rerum omnium inopiam redactū animaduerneret, post graues consultationes, de communi omnium consensu quosdam ex præcipuis, qui publico nomine submissè deditionem offerrent, ac facerent, Genuam destinauit. Quorum audita legatione, senatus pro solita atque pristina sua prudentia cum longè satius arbitraretur, clementia & humanitate sibi alienatum populum deuincire, quàm seueritate & sæuitia, ac illud aureum dictum haberet præ oculis, se malle vnum ciuem seruare, quàm mille hostes vincere, omnium suffragatione decretum est, vt condonata venia, Albingauni, ea tamen lege & conditione, in gratiam reciperentur, vt æstimationem susceptæ expeditionis quàm primum post subsecutam deditionem, Reipub. in prompta & parata pecunia soluerent. Ceterum, quia summoperè verebantur, ne ipsi rebelles, vt sæpè vsu venire solet, composito rerum statu, ad noua studia in posterum spectarent, Patres, præcauendi omnis tumultus ac seditionis gratia, prudenter ipsis iniunxerunt, vt propriis sumptibus duas munitiones, vnā quidem in monte Apio, alteram in superiori parte vrbs, extruerēt, quarum præsidio novos tumultus in ipsa ciuitate reprimerent. Datum tamen illorum precibus, vt nouæ constructæ vrbs mœnia maiori ex parte demolirentur. His rebus feliciter peractis, & Sorleone Peuere ibi prætore substituto, Genuam reuersum. At Resp. breui post, nouarum simultatum & dissensionum fluctibus denuò atrociter iactari atq. agitari cœpit. Nam cum Castellani, quos nunc, mutato nomine, Iustinianos appellari diximus, consuetam insolentiam nunquam omninò dēponerent, recens contra Balbos arma expediuerunt: Camilij verò cum Belmonstanis priuatas lites atque inimicitias exercebant, adeò certè, vt inter ipsos haud leues conflictus vltro citroque variis temporibus non citra multorum cædem atque interitum haberentur: sed tandem singulari ipsius Prætoris prudentia & auctoritate lenitis conciliatisque animis, in mutuam gratiam & concordiam redierunt. Fine anni, festo scilicet natalis Seruatoris nostri circa meridiem vrbs ingēti terræmotu iterum concussa, eaque de causa supplicationes passim habitæ fuerunt, quibus diuini numinis ira placaretur. De ipsis verò terræmotibus, & quæ eorum sit natura, & cur eueniant, ac de aliis, quæ in illis vsu venire solent, plenissimè traditur ab Aristotele libro 2. Meteorologicorū cap. vii. & inter cetera, in iis locis maximos terræmotus ait existere, in quibus mare fluctuat, vel regio raritates & concauitates quasdam habet. Itaque in Hellesponto, inquit, in Achaia, Sicilia, & in talibus Eubœæ locis existunt maximè, quod in terram veluti per tubos quosdam mare irrupere videatur, & c. De iisdem eleganter etiam disserit Pausanias libro sept.

1222.

Albingauni
tandem in
gratiam re-
cepit.

Novi terræ-
motus Ge-
nie.

sept. cū in Helicis, quondam celeberrimæ vr̄bis, mentionem incidit, atq. ostēdit, hanc cladem illis diuinitus inflīctam, propterea quòd Achæi supplices è templo abstractos trucidarint, & idcirco inquit, non fuit lenta aut segnis Dei ad pœnam reposcendam ira: ingens enim terræ ac repentinus motus non ipsa tantum mœnia, & ædificiorum superficiem subuertit; sed vr̄bis etiam totius aream ita obruit, vt ne vestigia quidem vlla posteris agnoscenda relinquerentur. Et antè quidem, quoties labe huiusmodi aliqua insignior facta est, quæ terram longè lateque concusserit, præcesserunt certa quædā diuinitus rerum miracula, perpetui imbres, diuturnæ siccitates, tepidæ hiemes, æstate anni Solis orbis vel caligine obductus, vel incensus rutilo, vel subatro liuidus fuit colore: fontes exsiccati: ventorum turbines, quocunque vehementius irrupissent, præualidas arbores radicibus conuellerunt. Iam verò ignes longo flammaram tractu per cælum discurrere: siderum etiam non antè conspectæ forinæ, sæpè hominibus pauorem incussere: densiores præterea ab ima terra halitus erupere. Tam multis prodigiis antequàm terræ tam violenti motus euenirēt, homines præmonitos Dij voluere. Hactenus Pausanias. Plurimi autem fuerunt variis temporibus insignes terræmotus, inter quos præcipuus apud veteres nominatur, qui contigit anno 395. temporibus Theodosij Imperatoris, & durauit sex menses integros per orbem propemodum vniuersum: quæ, & quanta mutatio rerum insliterit, ex Lycosthene, & vetustorum annalibus facillè constabit. Nec minoris admirationis alter, qui fuit Antiochiæ anno salutis 114 cū Iudæi Messiam aduentare persuasi, seditionem atrocissimam excitarunt, quæ per Græciam, Libyam, aliasque regiones vsque ad 200000 sunt interfecti. Alius à Iosepho describitur anno mundi 3935. vr̄bis conditæ 723. quo in Iudæa 3000 hominum periēre. Duodecim celebres Asiæ vr̄bes collapsæ nocturno motu terræ anno Christi 19. Rursus 13. anno ab eius nat. 21. Plurimæ similiter ciuitates in Oriente anno Christi 343. quo tempore Arriani Athanasium cum ceteris Catholicis sunt persecuti. In Achaia & Macedonia ab apparitione cometæ vr̄bes plerasque terræmotibus esse collapsas, Seneca annotauit. Dirum & illud genus anni ab orbe condito 3527. ab vr̄be condita 315. cuius memorabilem inter ceteros terræmotum tanta secuta est fames, vt plures coacti inopia, sese in Tiberim præcipitarint. Cum terræmotu per orbem vniuersum excurrente, mare litus egreditur, vr̄besque Ciliciæ multas, & populum oppressit innumerabilem, anno salutis 369. Concussa est grauissimè ciuitas Antiochiæ anno 527. nat. Dominicę, certa Numinis vindicta ob blasphemiam & rebellionem populi contumacis in suos rectores: nec procū abfuit exemplo antiquæ historiæ Choræ, Dathan, & Abiron. Secutus alter æquè horrendus anno 529. nec prius cessauit, quàm per pœnitentiā publicè effusis lachrymis precibusque misericors Dominus placaretur. Hic enim vel maximè locum habebat illud: Vocem suam dedit Dominus, & cōtremit terrā. Quo minus mirari possumus, Iudæorum fracta molimina tempore Iuliani, cū templum Hierosolymitanum bis tēre in contumeliam Christianæ religionis instaurare conati, succussa protinus terra, & horrendum intonante disiecti fuerint: totiesque deinceps à flamma, fumo, & puluere pessumdatis machinis, multisque suorum millibus deuoratis, pauci superstites, tandem cum probro turpissimo imperfecta omnia reliquerunt. Plura & disertè de his in Nicephoro leguntur. Ceterum inter omnes, qui nostra hac tempestate, ac etiam Patrum memoria, facti sint, memorabilis, ac planè insignis fuit terræmotus Ferrariensis, qui contigit decimo sexto Cal. Decembris, anno salutis supra millesimum quingentesimum sexagesimo

Terræmotus insigniores.

nono, quos deinde plures alij per interualla ibidem cum maximo incolarum detrimento ac horribili terrore subsecuti sunt, prout etiam videre est in mea Epitome bello Cyprio & Pannonico annexa. At me iam longius euagatum, reuocat institutæ orationis series & argumentum, quod tamen protinus resumam, vbi hoc duntaxat adiecero, nempe anno ab orbe redempto supra millesimum ducentessimum vno ac vigesimo, in Cypro insula, duas vrbes haud obscuri nominis, videlicet, Paphum & Limissum, repentino motu terræ absorptas, atque absumptas. Genuæ interim, vt ad incœptum reuertar, anno eiusdem sæculi tertio ac vigesimo, sub eiusdem Prætoris in eodem munere confirmari, administratione, florebat politicis vrbis status, & miris incrementis tam priuatæ, quàm publicæ ciuium opes augebantur. Nā, quotiescunq. aliqua sese offerebat occasio, vt in ora maritima, vel Galliæ Cisalpinæ finibus aliquot pagorum, vel oppidorum esset proposita venditio, illa neutiquam à Genuensi populo negligebatur, ita vt Ligusticum nomen atque ditio longè lateque patèret, & indies extenderetur, eaque ferè de causa, Alexandrini agro Ligustico finitimi, atque contermini, grauius cum Rep. expostularunt, quòd iure optimo Capriatum & Arquatum, quæ oppida recens à Genuens. empta fuerant, sic planè ad se pertinere existimarent, vt se insciis, vel non consentientibus, alienari à quoquam non possent. Quæ sane controuersia cum non ita commodè posset ex vtriusque populi voluntate & beneplacito decidi ac determinari, litis status armis diffinitus est. Quippe anno eiusdem æui quarto ac vigesimo, Ansaldo ciue Bononiensi Præturam gerente, Alexandrini postquam sese Genuens. hostes declarassent, & illis per fœciales, de veteri more bellum indixissent, collecta militari manu, cum Derthonensibus Insubriæ populis, aliisque finitimis gentibus fœdus ac societate ea de causa potissimum iniuere, vt Ligures, harum præsidio destituti, imparatiores ad prælium venirent. Ipsi itaque, rebus omnibus expeditis, ad Capriatum castra posuerunt, militeque mœnibus admoto, eum locum acri obsidione cinxerunt: sed cum is antea à Genuens. præsidio esset firmatus, & loci natura atque arte communitus, infecta re, nec citra incommodum ac detrimentum, illinc recedere coacti sunt. Genuenses, intellectis hostium consiliis & apparatusibus, summa cum celeritate aliquot pedestres & equestres copias descripserunt, sic vt composito iusto quasi exercitu, occasionum haud segnes forent, quò aduersariorum conatus frangerent atque opprimerent. Hostis interim, Capriati expugnatione nequicquam tentata, sperans, fortunam immutatum iri, ad Arquati oppidi expugnationem summis studiis contendit, & illud multis variisque bellicorum tormentorum ictibus summa impressione facta, adortus est. Verùm Ligures, qui per idem fermè tempus, Montaldeli arcem ab hoste acriter propugnata & defensam, vi occupant, eamque statim reparari atque instaurari iusserant, illuc protinus, cum valido agmine præsidio accurrerunt, adeò vt Alexandrini metu exterriti, dicto citius ab obsidione discederent. His locis igitur ab omni periculo ereptis, & fœderatis domum redeuntibus, Prætor, rebus bene ac feliciter gestis, exautorato milite ac exercitu dimisso, Genuam remigravit. Verùm Alexandrini, ac Derthonenses, cum nihil à se aperto Marte aduersus Ligures proficere posse animaduernerent, proximo vere, sub Brancalæonis ciuis Bononiensis prætura, ad dolos & malas artes confugerunt, & cum Petro Bono Gaiij inter suos dignitate atque opibus præcipuè florenti, & cuius fidei Genuens. plurimum tribuebant, communicatis consiliis, sub obscuræ noctis tenebris clam cum aliquot militaribus cohortibus ac turmis equitum illuc profecti sunt, eo animo

ac spe,

1223.

1224.

Alexandrini Genuens. bellum indixit, & Capriatum finem obsider.

Arquati obsidio.

1225.

ac spe, vt ab eo, ceu totius rei conscio, ac duce, in ipsum oppidum, prout antea pacti erant, intromitterentur. Sed quia repente clandestina consilia à quibusdam Genuens. ibi commorantibus, deprehensa fuerunt; res nequaquam tentata est, ita vt re infecta discesserint, & conspirationis auctor celeri fugâ sibi salutem parauerit: Quos quidem omnes, Vbertus Aduocatus Genuens. in ea regione legatus, & Petrus Ventus Capriati oppidi præfectus, Cal. Maij cum cætum cataphractis magnoque peditum numero insecuti, cum illi iam longius processissent, eorum ditionem ingressi, Precipianum, Alexandrinorum municipium, de-improvisò occuparunt & diripuerunt: seq̃ue ad suam stationem, omni prædæ genere onusti, recipere contendentes, ab hostili equitatu in planitie circumuenti, propter impedimenta, & quòd viribus impares forent, præter complures vulneratos, septem ac viginti ex suo equitatu, quorum duodecim fuerunt ex Genuensi nobilitate, ac circiter quadringentos pedites amiserunt. Reliqui verò, nec citra vitæ discrimen ac periculum, sese incolumes Gaium recepere. Interea temporis, Alexandrini & Vercellenses, nouis copiis, aliisque ad bellum opportunis instructi, ad Astam, Pedemontanæ regionis oppidum, tunc sibi apprimè infensum, profecti, illud arctissima obsidione cinxerunt. Astenses tantis periculis expositi, verentes, ne ad propugnationem sustinendam impares forent, ad Genuensium sociorum & amicorum auxilium & patrocinium confugerunt; adeò vt Prætor iussu Senatus, quò maturè obsessis subueniretur, nulla mora interposita, omnes Gaij præsidarios in vnum conuocauerit, quibus, vltra militares copias à Lunianæ & Carretti Marchionibus, aliisque finitimis regulis suppeditatas, etiam ducentos hastatos, à Thoma Allobrogum Duce, recens missos, adiunxit, ita vt omnibus copiis coactis, præter peditem, supra mille ac ducentos grauioris armaturæ equites in procinctu haberet. Coacto igitur exercitu, Vbertum Aduocatum cum trecentis equitibus & aliquot sagittariis præmisit, qui obsessis quam primùm openi ferret. Ipse cum reliqua militari manu paululum à tergo circa Gaium moratus, paucis post diebus, acutissima febre correptus, repente cum maximo exercitus, ac planè totius Reipub. dolore, interiit. Magna tamen aliorum ducum & cæturionum prudentia aduigilatum fuit, ne propter Prætoris obitum aliquid in exercitu committeretur eiusmodi, quod cum detrimento, vel contumelia Reip. coniunctum esset, substituto ad hoc alio Imperatore, videlicet Sigencello, tunc temporis Quæsitore, cuius potissimum arbitrio bellum tantisper administraretur, donec à Senatu in demortui locum Hugolinus ciuis Bononiens. Prætor, ad quinque menses duntaxat, designatus fuit. Lotharingus Brixiensis, ex nobili & illustri Martinengorum familia oriundus, sese huius expeditionis socium cum quinquaginta equitibus cataphractis, addiderat, quò Reipub. pristinam suam animi promptitudinem & benevolentiam apertius declararet, licet antea in obsidione Albintimilij, sicuti superius meminimus, non obscurum sui animi constantisque fidei testimonium Reipub. exhibuerit, ita vt hac potissimum de causa eius opera sæpius postmodum vsa fuerit. Ceterum, Alexandrini, cum præter suam opinionem tam potentem Rempub. aliosque conterminos Principes pro Astensibus stare, eorumque iniurias non secus ac priuatas propulsare, atq; vlisci velle animaduertent, summo perè veriti, ne ipsi tantis viribus impares, agrum suum temerè hostilibus excursionibus obijcerent, nulla præbita decertandi occasione, Astam obsidione soluere. Nihilominus tamen Ligures, ne bellum ad Arquati oppidum ipsi transferrent, operæpretium se facturos arbitrati sunt, si ipsorum consilia præuenientes, illos prius adoriren-

Genuens. clades.

Asten. confugunt ad openi Genuens.

Prætoris interitus.

Lotharingus Martinengus.

Asta Genuens. op. obsidione liberatur.

tur. Proinde valido ac potenti exercitu instructi, miro configendi ardore flagrant, eò quidem ardentius, quòd existimarent, superatis Alexandrinis, Derthonam, atque ipsam Alexandriam facili cum negotio occupari posse. Quod si fieret, res suas longè meliori loco, quàm antea, futuras minimè ambigebant. Igitur matura consultatione super totius belli successu habita, Merlum Iustinianum & Ingonem Grimaldum cum aliquot copiis præmiserunt, ut Montanarium, Derthonensis agri oppidum, subita impressione facta, in suam potestatem redigerent. Ipsi interim cum reliqua exercitus parte paulum ab eo digressi, tam opportuno loco sedem castris delegerant, ut si ita usus ferret, actutum illis subsidio venirent. Verùm hostes, ut ipsi Ligures omninò præsenferant, ad Seruailem usque, per Frascheum oppidum excucurrerant; intellectis tamen horum consiliis, pedem retrò tulerunt, nec impedire vllò modo potuere, quin Ligustici duces Montanarium oppugnarent. Sed tanta fuit eius loci asperitas, & propter accliuas rupes aditus difficultas, ut ægrè, ac nisi summo cum labore machinæ bellicæ mœnibus admoueri possent: quo sanè factum est, ut eius expugnatio in longum tempus protraheretur, demirantibus interim omnibus, ut, cum obsessi undique essent circumuallati, & non vnis difficultatibus laborarent, hostem tamen nunquam vllas suppetias illis afferre ausum fuisse, at potius contra omnium spem atque opinionem, summa urgente necessitate, conuerso itinere, in tutiora loca sese recepisse, adeò ut Genuens. per hostiū absentiam liberiores expugnandi oppidi occasionem nacti, longè maiori studio atque alacritate quàm antea, ita acriter in eam expugnationem incubuerint, ut tandem oppidanos, extrema rerum omnium inopia pressos, eò compellerent, ut ipsi post octodecim dierum perperam obsidionem, certis quibusdam conditionibus propositis, deditionem facerent. Qua victoria potiti, mox, nemine prohibente, per hostilem agrum varias excursions fecerunt, eumque miserrimè depopulati sunt, ita ut multi iudicarent, harum duarum urbium sibi infensissimarum alterutram citra dubium expugnatos fuisse, si per anni temporis rationem licuisset. Iisdem ferimè diebus, Fridericus Grillus & Gulielmus Catanus, qui cum duabus equitum turmis Genua discesserant, ut recensito milite stipendia persoluerent, in itinere Boscum, cispadanæ Galliæ municipium, per occasionem adorti sunt, eoq; haud magno negotio expugnato, & direpto, multum hostilis prædæ illinc secū asportarunt, & statim valido præsidio in plerisque Ligusticæ ditionis oppidis imposito, Genuam redierunt. Occupato Montanario, Alexandrini nihilò quietiores facti, ad omnem occasionem intenti erant, nec rerum difficultate, vel sumptibus vllis deterreri poterant, quò ab incepto bello desisterent, crebrisque emissis speculatoribus, omnia Genuensium, aliorumq; sociorum curiosè rimabantur consilia. Et cum intelligerent, Iacobum Picamiliū, vnum ex Reipub. præfectis, Capriatū festinare, ut militi præsidario aliquot mensium stipendia persolueret, eruptione facta, cum aliquot equitum alis illum intercipere conati sunt. Verùm, Vbertus Aduocatus, qui Gaij cum aliquot militibus substiterat, veritus, ne Picamilio ab hoste insidiæ tenderentur, & in aliquod graue periculum incurreret, magnā cum prudentia aliquot equites præmiserat, qui vim atque hostilem impetum facili ab eo prohiberent, adeò ut hostes multitudine militum superati, & Aduocati diligentia præoccupati, quinquaginta ex eis captis, in magnum vitæ discrimen ipsi deuenerint, & præfectus institutum suum iter commodè prosecutus sit. Ceterum Ligures, postero anno, quo P. decreto Pecorarius Mercatus Novus, ciuis Veronens., Prætorio munere functus est, vix iam his bel-

lis cum

*Genuens. in-
uadunt Ale-
xandrinos.*

*Montanarij
expugnatio.*

*Boscum ca-
pitur & di-
ripitur à
Genuens.*

*Alexandri-
norum per-
tinacia.*

lis cum vicino populo liberati, paruoque respirandi spatio dato, nouis tumultibus atque intestinis bellis implicati fuerunt, quæ fermè hinc orta maiori ex parte esse videntur, quòd cùm Fridericus Cæsar Cremonæ comitia indixisset, Albingauni, ac Sauonenses, mutuo fœdere inuicem obstricti, in magnam spem erecti sunt, se hac occasione Genuensium iugum, quod cum magna molestia per quinquaginta fermè annos assiduos pertulerant, excussuros, & sese in libertatem pristinam vindicatu-^{Albingaunorum, & Sauonensium defectio.}ros. Qua in re, vt aliquod firmum præsidium haberent quo niterentur, Henricum Marchionem Carretinum, apud Cæsarem tunc gratia & auctoritate florentem, sæpe per internuncios sollicitarunt, vt hoc eius patrocini-
o à Cæsaris liberalitate & beneficentia impetrarent. Et ne aliqua iusta de causa repulsam ferrent, nèue morosiores esse viderentur, coram Cæsare professi sunt, sese libenter Thomam Allobrogum & Salasorum Ducem, tunc Cæsaris per totam Italiam legatum, pro legitimo domino agnituros, illique ea de causa totius maritimæ oræ occidentalis Liguria: dominium tradituros. Quam sanè oblatione, cùm esset eiusmodi, vt minimè aspernanda esse videretur, citra longam deliberationem Allobrox accepit, eaque de causa, præstito ab eorum legatis iuramento, ipse apud Cæsarem enixè operam dedit, vt eorum postulata, rata haberet & confirmaret. Vt primùm verò hæc omnia ad Genuensium cognitionem peruen-
erunt, priusquam Senatus aliquid durius in eos statueret, Idonem Lercarium, & Gulielmum Vfusmarium, vt de vniuersi negotij statu penitiùs cognoscerent, ablegarunt, qui ab eis, licet omnia amicè & humaniter agerent, valdè insolèter excepti sunt, nec etiam ab iniuriis temperarunt. Cuius rei indignitas vsque adeò exacerbauit Senatum, vt ad domandam rebellis populi vecordiam & temeritatem, protinus quatuor triremes & pleraque alia nauigia omni bellico apparatu instructa, primùm Belmusti vicecomitis, deinde Amici Strallera: auspiciis, contra eos eduxerint, quò illis omnem comineatus atque annonæ facultatem interci-
perent. Et quia eo tempore Carretini reguli & quorundam aliorum Marchionum fides summopere Senatui erat suspecta, nouum præsidium in Segni arcem, eius ditioni conterminam, ablegarunt, existimantes, ipsos ea ratione in officio contineri posse, & quasi iniectis frænis, nihil se insciis, molituros. Interea expedire visum fuit, contumacem & rebellem populum pro hoste ac perduelli declarare, & illi, vt fit, aqua & igni interdiceret, omniaque illorum bona proscribere, ac
expilationibus & direptionibus subiicere ac exponere. Quibus rebus consti-^{1227.}tutis, Lazarus Gerardinus, patria Lucensis, vir strenuus ac singulari prudentia, virtuteque præditus, eo tempore vrbis Prætor renunciatus, qui, composito prius rerum urbanarum statu, & sedatis nonnullis priuatorum ciuium controuersis, summa festinatione ac diligentia vsus, aliquot in Insubriam ac Hetruriam misit, qui ad vsum decreti belli Reip. nomine militarem delectum haberent. Ipse interim Seresanam profectus, primoribus eius loci, ac ceteris, in foro conuocatis, vbi rebellionem & contumelias recens à perduelli populo Reipub. inflictas, graui oratione ostendisset, eos, vt ad hanc expeditionem nomina darent, graui-
ter exhortatus est, eiusque concio summo applausu atque oppidanorum consensu excepta est, qua dimissa, sollenni ritu ac cærimonia primipilaribus vexilla pro veteri istius Reipub. statuto tradidit & consignauit. Deinde magnam comineatus annonæque copiam pro milite alendo, Varaginem, Naulum, & Segnam, quæ oppida constanter in Genuensium fide permanserunt, conuehi atque com-
portari iussit: missisque circiter trecentis cataphractis pro eorum locorum, quæ ad Apennini iugum sita sunt, tutela & securitate, decimo Cal. Maij cum omnibus

copiis, in quibus erant amplius quingenti leuioris armaturæ equites, castra mouit. Et primò quidem ad Arbisolam, vnà cum arce, cui nomen Stella, hostili præsidio firmatam, exercitum produxit, acieque militariter instructa, & prolatis tormentis, ipsam arcem summo impetu aliquot dies oppugnauit, eo successu, vt tādē Simonem Stellam, illius Præfectum, ad deditiōem compelleret, qua occupata, breui post, nempe tertio Non. Maij, vniuerso oppido potitus est. Huius castri amissio vt primū Sauonæ innotuit, omnium animos vehementer commouit, quod crederent, propter loci munitionem & validum præsidium ibi impositum, illius expugnationem multò plus difficultatis habituram: sperabantq, se hoc modo plus opportunitatis & temporis nancisci, quò se facilius ad bellū sustinendum instruerent. Resumptis tamen animis, magnamque bene gerendæ rei fiduciam concipientes, sese fortiter & alacriter ad defensionem parabant, ita vt præter cetera loca, eam potissimū vrbis partem, quæ Genuam spectat, in cuius propugnaculo non parum defensionis spei collocarant, robore validoque præsidio communirent. Ligustici Duces, cū ab architectis, aliisque munitionum gnaris, intelligerent, oppidanorum vires potissimū hac vrbis parte consistere, & contineri, citra aliquam cessionem assiduis tormentorum ictibus impetiuerunt, adeò vt post longam atque diuturnam illorum defatigationem non sine magna defensorum strage in ipsorum potestatem deueniret. Hoc igitur munimento expugnato, Prætor intelligens, quantū momenti in celeritate ac diligentia collocatum esset, euestigio maioribus tormentis admotis, illam summo impetu undique aggessus est, tantamque fecit impressionem, vt cū in ea oppugnatione quā pertinacissimè inhereret, plurimaque damna oppidanis inferret, ipsi, desperatis rebus, ac sibi iam extrema omnia metuentes, per internuntios egerint, vt illorum nomine cum obsessoribus, honestis sub conditionibus pacisceretur. Et quò facilius Ligusticorum Ducum animos ad humaniores & æquiores deditiōnis condiciones inflecterent, aliquot ex præcipua nobilitate viri in Genuensium castra missi, qui publico nomine admissam culpam demissè deprecarentur, & oppidanos ipsos in gratiam & fidem reciperent. Hac in re Prætor, ac ceteri, qui auctoritate & dignitate in exercitu præstabāt, se exorari passi sunt, ita vt, condonata venia, & decimo Cal. Iunij, vrbe recepta, ad præcauendas in posterum omnes turbas, nouaque oppidanorum studia, eius castra & propugnacula funditus euerterent, & moles mari iniecta, quæ commoditatem stationis faciebat, pari modo disijceretur, simulque in editiori vrbis loco arx longè munitissimè construeretur, quæ etiamnum, Reipub. nomine, valido Germanico præsidio, ni fallor, tenetur. Hic tam prosper & inopinatus expugnati oppidi successus adeò Carretti Marchionem, ceterosque finitimos regulos, qui recens cum Reip. aduersariis fœdus icerant, & arma in eius perniciem expedituri videbantur, commouit, vt statim mutatis consiliis, fortunamque victorū secuti, nihil sanè amplius moliri vel tentare ausi sint. Præses, rebus Sauonæ ex vsu & Reip. dignitate constitutis, vrbisque tutela Ioanni Spinulæ, viro vt natalium splendore, sic prudentia & virtute insigni, cum Prætoris titulo commissa, victorem exercitum, Albingaunum deditiōne receptum, duxit, vt ibi, relicta exercitus parte, ac Henrico Cataneo Præfecti nomine substituto, illum populū sæpius rebellantem, in officio ac fide contineret. Simili cura & sedulitate cetera Ligustici agri loca prout necesse fuit, milite firmavit, ac Genuam supra centum & sexaginta obsides, partim Albingauni, partim Sauonæ imperatos, secum adduxit, atque ibi pridie Non. Iun. ouanti similis, ab omnibus ordinibus, ob bellū, strenuè ac feliciter

*Sauonens.
deditio, ac
eorum arx
diruta, &
noua con-
structa.*

admi-

administratum, summis honoribus & congratulationibus exceptus est. Pacatis externis Reipub. motibus, rebellibusque populis ad pristinum obsequium redire coactis, urbana pax & tranquillitas miro cum totius Reipub. augmento ac felicitate vigeat, sic sanè ut nihil ea tempestate esset, quod quietem publicam, vel urbis felicitatem aliqua ex parte labefactaret. Successu tamen temporis, quasi in fatis esset, ut celeberrima hæc Resp. diuturna quiete frui nequiret, iterum cum summa totius Senatus molestia, nouæ simultates & dissensiones exortæ sunt. Florebat tunc temporis in vrbe præ ceteris, cum opibus, tum nominis existimatione atque fama, Gulielmus Marius, qui, cum esset ingentis animi, ac sublimes spiritus gereret, præsentis fortunæ suæ statum aspernatus, longè maiora animo secum voluebat, & meditabatur, quod sese meliori conditione ac excellentiori dignitate stulta quadam ambitione & philautia existimaret. Itaque post longam deliberationem cum secum statueret, nihil temerè ad parandam sibi nouam auctoritatem & potentiam esse agendum, magna vafricie atque solertia diræ suæ cupiditati iustam aliquam innouandarum rerum speciem & laruam prætexendam & aptandam iudicauit. Proinde, quò facilius principatum sibi astrueret, assentiente Prætorè quàm plurimos ex suis clientibus popularisq; factionis homines non secus quàm ad pileum accersitos, in vnum conuocauit, quibus graui & disertæ oratione ostendit, cum magna totius ciuitatis iactura & dispendio coniunctum esse, quod magistratus ceterique honores & officia, meliori ciuitatis parte præterita, in paucos transferrentur, ita ut nulla habita in capeendis honoribus isonomia vel æquabilitate, optimis quibusq; neglectis, viri ingenio ac fide præstantes, ab iis muniis arcerentur, & planè excluderentur, quibus ipsi in primis digni atque idonei essent. Hæc oratio cum valdè plausibilis esset, & reuera popularis, & quòd publicam vtilitatem spectare videretur, admodum speciosa, tantum circumfusæ multitudinis, & in primis quidem plebis animos commouit, ut omnes vno eodemque ore & consensu faterentur, eius dicta cum veritate consentire, ac exclamarent, harum rerum deinceps exactam curam & diligentem rationem habendam esse, seque omnes summoperè expetere, atque rogare, ut ipse publico nomine pristinas leges decursu temporis plusquam Cimmeriis tenebris inuolutas, in lucem & vsum reuocaret, aliosque huic rei aduersantes, si qui fortè reperirentur, in ordinem cogeret. Sed licet propter Prætoris, tunc temporis fortè Lucam profecti absentiam, nihil in Reipub. innouari ac mutari posset, nihilominus tamen Marius plurimorum precibus defatigatus, ad Catancorum ædes fano D. Laurentij proximas, (nondum enim publicum prætorium extabat) quamuis se nihil minus velle & cupere simularet, contendit, vbi repetitis rerum summis, & in vltiorem consultationem adhibitis, populi postulatorum & rogationum accuratam & fidelem rationem se habiturum constantissimè pollicitus est. Interim grauiter pleraque, & non secus ac si in vrbe Princeps esset, de singulis ad Reip. statum pertinentibus, cum priuata quadam auctoritate & magno Populi assensu differebat, eoque multis ex patrio ordine præstantissimis viris, præsertim verò iis, quorum ædes per dispositam plebem occupat, eo nomine in iustam suspicionem deuenit, & illos à se quàm alienissimos reddidit. Quod nisi Prætor in urbem reuersus, sua præsentia & auctoritate ambitiosi hominis perniciofa consilia & inconstantis plebis ausus illicò superasset & repressisset, omninò verendum erat, ne magna Reip. status conuersio insecuta fuisset. Qua in parte non carebat reprehensione ipse Prætor, cuius potissimum facilitate factum erat, ut viri, opibus & dignitate subnixi,

*Genæ di-
flore Guliel.
Marius, no-
ui motus ex-
orti.*

cona-

conatus, impunitate & magna quadam licentia confirmarentur, prout ipsemet in urbem reuersus, errorem admissum magna ex parte agnoscere, ac fateri videbatur: quippè qui cùm Marium ab instituto vi ac lege deduci non posse cerneret, illum comitate, & quodam verborum lenocinio, commonstratis Reip. periculis & difficultatibus, quibus per concitatam plebem implicaretur, ad meliora & saniora consilia inflexit. Siquidem ipse suos clientes & fœderatos, qui eum magna contentione rogabant, ne illinc pedem moueret. ac eodem temporis articulo summoque silentio non parua, neq; contemnenda armatorum manus in urbem admissa fuit, qui per turres & varias domos, instar iusti præsidij collocati, hoc vnum præ se ferebant, & minitabundo vultu ac verbis apertè interminabantur, quòd eius causam, qualiscumque esset, armis & dextera ad extremum vsque vitæ spiritum defensuri & propugnaturi essent. Quod quidem complures, aliarum factionum studiosos, ad summam indignationem concitabat, adeò vt passim per totam ciuitatem tumultuari atque ad arma conclamari inciperetur, tam me herclè vehementer, vt ipse Marius suapte natura meticulosus, & qui facilè rumoribus succumberet, magisque aggrediendis, quàm conficiendis magnis negotiis esset idoneus, multum, sicuti haud rarò vsu venire solet, vt omnia inconsulti impetus cœpta, initiis valida, spatio languescant, de pristino suo ardore remitteret. ac tandem multorum ciuium, tempestatem publicam deprecantium, cohortatu, inuito ac reluctante populo, susceptam prouinciam deseruit, & tanquam priuatus ad proprias ædes remigravit. Compressis Marij, eiusq; sequacium studiis, in Gallia Cisalpina nòdum cum finitimis gentibus bellorum seminaria sublata erant: quòd quidem Alexandrini præter ceteros, maxime Reip. infensi, hanc iustam & legitimam bello causam prætexebant, quòd nimirum dicerent, & quererentur, Capriatam, sui agri oppidum, à Genuensibus contra æquitatem retineri. Quæ sanè controuersia cùm esset eiusmodi, vt graues turbas ciceret, nec eius finis facilè prospici posset, Senatus, quòd satius existimaret, omnia prius ratione atque auctoritate experiri, quàm armis disceptare, hoc cum illis egit, vt totius rei cognitio de mutuo consensu ad Senatus populiq; Mediolanensium arbitrium & iudicium reijceretur, demirantibus cunctis Reip. constantiam, quòd Mediolanensibus, cum quibus nondum in gratiam redierat, huiusmodi iudicium permetteret. Hi igitur arbitri ac iudices facti, cognitis & inuestigatis meritis causæ, & magis æquitatis, quàm amicitiae rationem habentes, secundum Genuenses pronunciarunt, ita vt anno eiusdem sæculi duodevigesimo, Guifredo Pudvano Præsidente, aliquot arbitri cum Reip. legatis profecti sint, quorum auctoritate & iudicio res iudicata executioni mandaretur. Verùm Alexandrini, cùm spe simul & oppido præter opinionem excidissent, neq; vlla ratione late contra se sententiæ acquiescere vellent, ad malas artes & fraudes conuersi, controuersum oppidum proditione & clandestinis consiliis occupare tentarunt, & explorata diligenter temporis occasione, qua illius Præfectum cum reliquis præcipui nominis ad excipiendum Legatum egressurum intellexerant, intempesta nocte cum aliquot armatis per aliam portam summo cum silentio in oppidum irruerunt, adeò vt oppidani vix sese in tam inopinato ac repentino casu expedire potuerint, quòd salutis suæ vel præcipiti fuga, siue alio quocumque modo consulerent. Ipsi namque oppido potiti, sacra profanis miscentes, omnia ferro & igne demoliebantur: tantaque rabie ac furore in promiscuam plebem & imbellem multitudinem sauitum est, vt cùm non inuenirent de quo laniandam facerent, in ipsa cadauera sepulchris effossa, ferrum strinxerint, & suam rabi-

biem

*Alexandri-
ni deuotio ar-
ma corripuit
in Genuens.*

1228.

*Alexandri-
norum im-
manitas &
furor.*

biem effuderint, eaque plusquam Scythica inhumanitate non contenti, perfrusta illa diserpentes, ad singulare contumeliae ac sitibundae carnificinae argumentum; passim per postes, & murorum pinnas, affigerent. Tam barbarum & crudele immanissimi hostis facinus tantoperè ipsos patres, adeoque vniuersam ciuitatem ad iracundiam commouit, vt citra aliquam moram ad Mediolanensem populum legatos miserint, qui eorum nomine de hac tam intoleranda & quodammodo inaudita insontium ciuium caede, quae cum summa Genuensi populi contumelia & iniuria coniuncta erat, conquererentur. Procuratum etiã fuit, vt oppidani profugi, & furorem hostilem elapsi, Gaium sese reciperent, atque omnibus ad vitam necessariis iuuarentur. Interim Senatusconsulto sancitum est, vt, cum tam atrocis & scelerati facti vindicta nullo modo differenda esset, quamprimùm ducenti equites illuc mitterentur, qui vel crudelem hostem profligarent, vel, si minimè per temporis occasionem liceret, saltem omnem illi comitatus facultatem interciperent. Prætor postmodum, qui fuit Iacobus 1229: Balduinus Bononiae genitus, comparatis maioribus viribus, continuo ad eius loci expugnationem perrexit, atque illum arctissima obsidione vndiquaq; pressit, adeò vt cum obsessi, neque à suis, neq; à sociis, ullis auxiliis subleuari possent, (immanitate quippe sua omnium animos à se mirum in modum abalienauerant, & in iustum omnium odium deuenerant) desperatis auxiliis, omniq; rerum ad defensionem sustinendam necessariarum angustia laborantes, tandem ad Prætores, qui suo nomine ex illius arbitrio & voluntate deditionem facerent, ablegarunt. Ipse verò, cum nihil temerè, vel incerto inconsultoq; Senatu statuere vellet, summa celeritate ad sciscitandam patrum super hoc sententiam misit. Qui post variarum sententiarum rogationes, tandem in hoc conuenere, vt statuerent, maiorem clementiae & mansuetudinis, quam admissi sceleris contractaque culpae rationem habendam, ideoque Prætori renuntiarent, vt recepto oppido, defensorum vitae parceret, ac eos tantummodo nudos, omnibusq; rebus multatos, sub hasta mitteret. Hac ratione perfidis hostibus deuictis, ac, vt diximus, sub iugum missis, Rector valido praesidio eum locum communiuit, ac dimissa maiori copiarum suarum parte, Genuam reuersus est, vbi honorificentissimè à Senatu ceterisque ordinibus cum magna faustaque totius plebis acclamatione exceptus fuit. Paucis post diebus, videlicet mense Nouembri, arx Niciae una cum vrbe à Prouinciae Narbonensis Comite, non sine maximo Reip. detrimento, clandestinis consiliis, & proditione occupata est. Edomitis interea & profligatis Alexandrinis, Resp. sub Spini Sorensini ciuis Mediolanens. recens ad Præturam euecti gubernatione, domi forisque pacata, pristino otio & tranquillitati restituta merito fuisset, nisi aliquot piratae & myoparones, quorum praecipui erant Gulielmus Vintimilius, Rossus Morinellus, Recuperus, & Durantes, ambo ex portu Veneris oriundi, oram maritimam variis excursionibus & assiduus rapinis subinde diuexissent. Ad quorum conatus opprimendos, aliquot 1230: nauigia duce Ansaldo Buffero expedita & emissæ fuerunt, quibus, breui temporis interuallo maritimæ orae tractus ab omni metu ac periculo, captis, quos nominauimus, ereptus fuit, hiq; publico iudicio ac sententia condemnati, ad supplicium aliquamdiu reseruari sunt. Nam cum haberent in vrbe amicos auctoritate atque opibus praestantes, parum abfuit, quin eorum patrocinio absoluerentur. Prætor tamen, cui legum, hac quidem in parte, suprema erat permissa potestas, nullius vnquam precibus, vel auctoritate inflecti potuit, vt commutata sententia, poenam illorum mitigaret: Sed vni atque alteri praecisis naribus, ad vl-


*Arx Nicie
à Narbona
Comite occupata.*

ad vltimum supplicium, ipsius iussu rapti sunt, valdè indignantibus eorum patronis, ac dirum nescio quid aduersus ipsum Præsidentem frementibus, ita vt ipse die supplicio constituta vectus equo, ac nobilium & promiscuæ multitudinis frequentia stipatus, urbem egressus sit, vt omnem iniuriam & vim, si qua fortè apparitoribus inferretur, prohiberet. Sed tantus fuit vtriusq; sexus per omnia compita & ciuitatis regiones concursus, & pro reis deprecantium multitudo, vt, cum ipse magna cum animi constantia nullius preces admitteret, ab indignante & concitata turba crebris lapidum ictibus equo disiectus, ac deturbatus sit, adeò vt grauitè prolapsus, fracta que tibia, paucis post diebus, ex vulnere interierit. Nihilofeciùs tamen de fontibus pœna statim sumpta fuit. Habeo grauissimos auctores, qui literis consignarint, ex his quatuor, Durantem & Rossum cruci affixos, actutum laqueo vitam finiuisse. At reliquos duos, eodem mortis genere affectos, diu in patibulo, non sine adstantium admiratione viuos pependisse. Quod sanè vbi primum Senatui renuntiatum fuit, euestigiò missi sunt qui eos in vincula reducerent; cumque ipsi etiam cum iuramento assererent, se in tanto vitæ discrimine D. Ioannis Baptistæ opem atque auxilium suppliciter implorasse, id pro miraculo existimatum, eaque de causa vtrique vitam condonata. Interea, ne quid Respub. incommodi pateretur, crebris Patrum suffragijs Rodolphus de villa ex nobili stirpe ortus, & defuncto Præsidi admodum familiaris, in eius locum substitutus, quoad nouus Prætor designaretur.

Prætor à
plebe cruci-
datus.

Rarum ex-
emplum.

LIBER TERTIVS.



SUPERIVS demonstrauius, pacificata Rep. externisq; consopitis bellis, Genuensium opes miris incrementis tam domi, quam foris excreuisse. Ceterum progressu temporis, vsque adeò in immensum prolatatæ sunt, vt non solum negotiationes atq; cōmercia cum solitis & consuetis gentibus exercerent, verum etiam longè vltra Hispanias atq. Libyam nomen & auctoritatem suam imperiique magnitudinem proferrent. quò sanè effectum est, vt anno supra millesimum ducentessimum trigesimo primo, Hugolino Rosso ciue Parmensi, Prætor, à Mauritano Murcia & Cartageniæ regulo, cui nomen fuit Helimelme Molei, quod patrio idiomate Imperatorem sonat, variis magnisque incommodis & damnis afficerentur, atq. indies grauissimæ querelæ ad Senatum eo nomine deferrentur. Quibus commoti Patres, statuere, vt euestigiò valida classis præpararetur, partim vt inimicum & inuidum regulum armis profligarent, ac excinderent, partim quoque, vt Seuptam urbem in minori Africa occasum versus positam, (hanc veteres, ni fallor, Mauritaniam Tingitanam vocabant) & fermè in faucibus freti Herculei sitam, valdè ea tempestate diuersarum mercium ergò à Genuens. frequentatam, firmo præsidio communirent, nouoque fœderis iure illius regulum sibi in posterum magis atque magis deuincirent. Classi autem, quæ decem triremibus, & plerisque aliis nauigiis varij generis constabat, Carbo Marocellus & Nicolaus Spinula cum imperio præpositi fuerunt, qui mense Iunio è sinu Ligustico soluentes, prosperaque nauigatione in Hispaniam delati, tandem Seuptam salui atq; incolumes appulerunt; breuique spatio interiecto, illuc à Mauritano Hispalis regulo, oratores cum variis muneribus, iuxta illius gentis morem, ablegati, & per ipsos multa beneuolentiæ

Genuens.
nomen ac
potentia.

1231.

Seupta.

uolentiae testimonia exhibita, quod quidem potius necessitati, quam verae & sinceræ amicitiae ascribebatur, nimirum, cum ipse per id tempus acerrimum bellum cum reliquis Mauritaniae principibus gereret, ita ut summopere necessarium illi esset, Genuensem populum sibi omnino pacatum atque amicum habere, ne scilicet, undique ab hostibus circumseptus, & impar oneri ferendo, seipsum, ac suam dirionem, in summum discrimen adduceret. Et quoniam huius urbis, in Genuensium Annalibus percrebra fit mentio, haud sanè ab re futurum spero, si eius descriptionem ex lib. III. Leonis Africani desumptam, hic subiecero. Septa, ^{Septa descriptio.} inquit, quæ Latinis ciuitas, Lusitanis autem Seupta appellatur, secundum classicos authores à Romanis in faucibus freti Herculei ædificata, olim totius Mauritaniae metropolis fuit; quare Romani eam nobilitarunt, fuitque in ea summa urbanitas, & ciuium frequentia. Deinde à Gothis occupata, principem in ea constituerunt, remansitque apud eos principatus, donec Mahumetani Mauritaniae fines ingressi, hanc quoque usurpauerunt. Cui rei occasionem præbens Iulianus Septæ Comes, iniuria à Roderico Gothorum & Hispaniae rege affectus, cum infidelibus conuenit, eosque in Granatam introduxit, atque ut Rodericus, & vita, & regno spoliaretur, effecit. Mahumetani igitur occupatam Septam Pontifici cuidam suo Elgualid Habdulmalic filio, qui tum temporis Damascum incolēbat, reseruauerunt, anno nonagesimo secundo Hegiræ. Ciuitas ab eo tempore in proximos usque annos, mirè cum incolis, tum omnis generis nobilitate accreuit, adeo ut Mauritaniae totius pulcherrima, meliusque exulta uaserit. Frequentia habuit templa, & studiosorum collegia, ciues literatissimos, & qui æneis operibus singulari artificio fabricatis ceteros excellerent, cuiusmodi sunt candelabra, pelues, calamaria, aliaque id genus ex ære confecta, quæ perinde elegantia habebant, ac si argentea, vel aurea fuissent. Habent Itali & in huiusmodi rebus conficiendis non parum gratiæ, verum nihil omnino, si hæc respicias. Extra ciuitatis mœnia amplissima sunt rura, eo præsertim loco, qui vitium frequentia consitus, vinetum dicitur: verum ager sterilis, & asper est; quare magna semper illis frugum caritas. Extra & intra ciuitatem patet amœnus in Granatæ oram ad fretum Herculeum prospectus, atque hinc dinoscuntur animalia, quod eius interualli latitudo duodecim saltem sit miliarium. Verum calamitosa ciuitas paucis ab hinc annis, ab Habdulmumene rege ac Pontifice multis incommodis affecta est: quam consecutus, ferè ad interuersionem redegit, nobilesque perpetuo multauit exilio. Nec multò post à rege Granatense meliora sustinuit, qui ciuitate occupata, præter memoratam cladem, nobiliores & potentiores ciues Granatam migrare iussit. deinde anno DCCCXVIII. Hegire à Lusitana classe capta, quotquot inerant ciues, aufugerunt. Abu-Sahid per ea tempora Fessanorum rex, nullius pretij homo, hanc recuperare neglexit: verum allato inter saltationes & conuiuia nuntio, vetuit ob eum rumorem dici celebritatem interrumpi: quare permisit Deus, ut nocte quadam cum sex filiis à Secretario, cui multum fidebat, interficeretur, quod se illius uxori commiscere uoluisset. Hæc inciderunt in annum 824. Hegiræ. Fessano imperio per octennium rege destituto, successit trucidati regis ex matre Christiana filius, qui eadem nocte, qua rex confossus fuit, Tunetum profugerat: hunc Abdulacum ultimum Marinæ familie regem appellarunt, qui, ut superius dixi, à populo pariter occisus est. Hactenus de Septa. Ut verò ad id quod dicere inceperam, sermo referatur, Carthageniæ populi, statim intellecto Ligurum aduentu, sese in suis portubus aliisque stationibus admodum quietè ac placidè continuerunt, ne scilicet aliquo modo præliandi occasionem

Multe Genuens. legationes ad varios Principes.

præberent, vel Ligures omnibus rebus, quæ bello vsui forent, quàm optimè instructos, ad iram concitarent, adeò vt transactione cum illorum regulo facta, Ligustici Præfecti, cum eo tempore nullum ibi haberent hostem, cum quo necessariò conflegendum esset, Genuam sese circa finem Augusti cum classe receperint. Verùm enim verò quia in hoc rerum agendarum statu, inter populum Genuensem & Battarum Græcorum Imperatorem, nec non Michaëlem Despotum Comenenum, haud mediocres, vel levis momenti controuersia enatae erant, senatus, quòd Orientalem nauigationem in primis sibi opportunam, tranquillam & pacificam quàm maxime optaret, Nicolaum Embriacum, & Guidonem Policinum ad eosdem ad res componendas misit. Iisdemque ferè de causis Henricus Molazana Cataneus, & Paganorus Rodolphus in Ægyptum ad Sultatum oratores amandati, vt ipsorum opera & industria consopitis litibus, nulla deinceps Reipub. ibi exoriri possent impedimenta. Simili modo ad Fridericum Cæsarem, qui Rauennæ tunc temporis comitia indixerat, senatus splendidissimam, missis ad eum octo præcipuæ nobilitatis viris, nempe Rosso Cataneo, Ioan. Guercio, Theodosio Flisco, Anfaldo Nigrio, Rubaldo Alberico, Alinerio, Panfalo, Anfaldo Mario, & Ioanne Spinula, legationem habuit, ea potissimum de causa, vt, diremptis aliquot controuersiis atque dissidiis, quæ sibi cum Cæsare iam ante intercesserant, Respub. secum in gratiam rediret: eaque ab ipso amandata, quæ non tunc excepta fuit. Prius quàm verò vltèrius progrediar, haud sanè alienum ab instituto nostro fuerit, casum fatalem & funestum duorum Genuensium inferere. Accidit autem proximo anno, Pagano Petrasancta

1232.

nobili Mediolanensi Præturam gerente, vt Ligustica nauis in Cyprum commutandorum mercium gratia, Genua enauigaret, in qua, præter reliquos Genuens. ciues, Othobonus Elias, & Iacobus Grillus, ambo nobili loco nati, & florenti ætate iuuenes erant, qui secunda nauigatione vsi, incolumes in Cyprum appulerunt, ibique rebus ex sententia constitutis, patriam cogitarunt. Sed cum inter nauigandum, vt non rarò contingere solet, graues inter illos rixæ & cõtentiones leuibus de causis exorirentur, miras turbas vectoribus aliisque sociis excitarunt, eo successu, vt ipse Othobonus breui post ita omnium oculis disparuerit, vt nunquam, licet diligenter de ipso inquireretur, in alicuius conspectum venerit, sed mira cum omnium admiratione desideratus sit. Sunt qui putent, potius rationatione, rei quæ verisimilitudine, quàm veris argumentis & iudiciis adducti, ipsum, à Grillo, strenuo ac robusto clam interfectum, & mira cum dexteritate in mare præcipitatum fuisse. Atque vbi ceteri Genuam redierunt, amissi iuuenis parentes ac propinqui, totius negotij statum ad Prætorem detulere, grauiusque cum Grillo expostularunt, sic vt ipse in vincula coniectus, quæstioni subiiceretur, causamque suam ex carceribus ageret. Verùm, quia Insubrici imperij legibus, quibus Resp. ea tempestate magna ex parte utebatur, cautum & sancitum erat, vt propter delictorum suspicionem nemo extremum vitæ periculum, nisi antecedente debita testium probatione, adiret, constitutum fuit, vt huius controuersia summa, singulari certamine definiretur, cum scilicet in iudiciis non esset potestate, veritatem aliqua firma & probabili ratione eruere, præsertim cum res tantummodò nudis coniecturis niteretur. Statuit itaque Prætor, vt, ad dirimendam litem, ex vtraque parte Patroni deligerentur, qui singulari huic duello præessent, ac eorum iudicio modus pugnae constitueretur. Proinde Actorum Cacia quidam Florentinus, Rei verò Pistellus Comensis acquitatem & innocentiam quisque per se recepit, qui ambo in forum Seresanum, vbi certamini locus consti-

Longobardorum in criminibus purgandis consuetudo.

Duellum.

constitutus erat, conuenientes, magno cum hominum concursu diu ancipiti Marte pugnarunt, eo tandem euentu, vt fortuna ad Florentinum inclinante, victoria penes eum staret. Et quia æquitatem causæ ex victoris successu æstimabant, & emeriebantur, Grillus reus quàm primum iuxta earundem legum constitutionem capite damnatus fuit, ac non multò post, vltimo supplicio affectus est. Porro, vt vetus ista in criminibus purgandis apud Insubres consuetudo magis cõspicua reddatur, vnum in præsentia ex vetustioribus exemplum proferam, quod quidem instar multorum esse poterit. Anno sexcentesimo trigesimo primo Adalulfus quidam summo inter Longobardos loco natus, reginam Gundeburgam de stupro interpellare ausus, cum repulsam conuiciumque tulisset, veritus ne ab ea proderetur, regem adiit, & secreti colloquij copiam nactus, dixit: Tatò dux Etruriæ consilia de nece tua cum regina communicauit, vt te sublato, illam sibi coniugio societ. Quibus verbis rex incensus ira, subito propè amens, coniugem in arcem Amelli coniecit, atque ibi per triennium in arcta custodia retinuit. Post tertium annū Clotarius Gallorum Rex mulieris misericordia motus, legatos ad Arioaldum misit, perperam fecisse arguens, quòd Gundeburgam ex regio Francorum sanguine ortam, iniusta causa damnasset, atque honore suo dispoliasset. Rege autem se iustam causam habere dicente, Ansoaldus è Legatis vnus, Facile id tibi assentiemur, inquit, si quem ex reginæ familiaribus singularem cū accusatore commisso certamine, reginam ipsam permiseris expiare. Quibus dictis, Pirto quidā, siue Carellus, vt aliis placet, ab Arriperto reginæ cõsobrino productus, cū Adalulfo est cõparatus. Certamine initò, à veritate victoria stetit. Itaq. prostrato Adalulfo, victus Arioaldus, reginā è custodia eduxit, atq. in antiquū locū gratiæ honorisq. restituit. Hinc autem facile perspici potest, veterem & antiquam Longobardorum consuetudinem fuisse, vt crimina vel maxima singularem proelio purgarentur, quæ postea in leges translata, per multa annorum volumina seruata est. Vt verò ad institutum reuertar, paucis post mensibus, Pegoloto Hugucione ciue Florentino ex nobili Girardinorum familia, Genuæ prætorio munere fungente, Luca celeberrima Tusciæ ciuitas & olim Romanorum colonia intestinis bellis & dissensionibus mirum in modum laborauit, ac exagitata fuit: erantque in ea Rep. tempestates adeò periculosæ, vt, nisi Senatus Genuens. prudentia quā primū moderatæ ac superatæ fuissent, verendū esset, ne grauem perniciem, & planè exitiosam pestem illi Reip. attulissent. Quapropter cum ambæ Resp. fœdere atque amicitia inuicem coniungerentur, Senatus Genuens. ad comprimendos istos motus Simonem Ventum, & Ioannem Saluagum viros, præter generis claritudinem, ab auctoritate & longo rerum vsu valde commendatos, misit. quorum tanta fuit dexteritas, atque prudentia, vt illius Reip. statum breui temporis interuallo, reconciliatis omnium animis, componerent. Sunt 1233: qui asserant, hoc anno montem quendam, 5000 hominibus obrutis, aliò migrasse, quo tempore & Eclipsim prodigiosam Solis, Lunari corpore versus occasum in sex angulos prorogato, extitisse; indeque secuta bella ciuilia & innumeras cædes. At proximo anno, Rimedio Rusca Comis genito, Prætor, noui motus in agro Ligustico ab Onelia & Arocia indigenis concitati sunt: quorum sane tanta fuit temeritas & furor, vt omnem mouerent lapideim, quò, excusso iugo, sese in libertatem assererent; ita vt nouæ spei inhiantes, tam longè lateque grassarentur, vt quædam Reip. oppida, sibi contermina, inter quæ fuerunt Petra Lata, & Riuernatum, repentino impetu factò, occuparent, ac eorum legatos & procuratores interficerent. Ad quorum quidem perduellium & refractoriorum

Luca inter-
stini motus
Genuens. aucto-
ritate
compositi.

1234:

rabiam refrenandam, & exitiosa arma profliganda, statim Senatus totam vrb-
nam militiam educi iussit, rebusque omnibus quæ ad bellum spectarent, præpa-
ratis, Ioannem Stralerum equestribus copiis, pedestribus verò Theodosium
Fliscum, & Petrum Ventum præposuere: qui urbem cum exercitu egressi, quod-
dam municipium Albingauno proximum, quod à rebellium partibus stabat,
adorti, illud facili negotio expugnarunt. Quorum exemplo Iurenscs deterriti,
cùm sese tantis apparatibus inferiores esse cognoscerent, non expectato Ligusti-
ci exercitus aduentu, omnium primi extitere, qui vltionem Reip. deditorem
offerrent. Quorum etiam promptitudo effecit, vt alij duarum vallium indigenæ
non multò post, se, suæque omnia pristinae fidei & obsequio committerent.
Hoc modo repressis tumultibus, rebellibusque ad officium redire coactis, rece-
pta oppida valido præsidio communita fuerunt. Quibus omnibus Henricus
1235. Rossus Cataneus vir grauis & fortis, cum imperio relictus fuit. At initio subse-
quentis anni, Petro Andalo ciue Bononiensi Prætoriam dignitatem obtinente,
Senatum Africæ minoris componendæ cura excepit. Intelligebat siquidem,
quantum Reip. interesset, si ea, & præsertim qui Seuptam, cuius antea memini-
mus, inhabitabant, ab omnibus iniuriis & incommodis liberi, commodè &
tranquillè ibi negotiari possent. Paucis enim diebus antea, Cantabri, gens quie-
tis impatiens, & excursionibus assueta, illam oram crebris depopulationibus &
rapinis mirum in modum inquietarant, ita vt parum abfuerit, quin Seuptam in-
opinatò opprimerent, & occuparent. Nam, priusquàm fretum Herculeum trans-
fretarent, in Gadibus aliquot Ligustica nauigia ibi stationem habentia, interce-
perant, ideoque ad illorum conatus & vim arcendum, valdè necessarium erat,
vt mercatores Ligustici Seuptæ negotiantes, cùm nullum adhuc Genua subsi-
dium mitteretur, pro sua, suarumque fortunarum tutela decem onerarias in-
struerent, quas in sinu Cantabrico prædabundo hosti opponerent, cum quibus
eo successu conflixere, vt, cùm longè Cantabris essent numero ac viribus infe-
riores, relictis nauibus, conscensisque scaphis, fuga sibi salutem quæsiuerint,
adeò vt cùm ipsis in urbem redeundi potestas interciperetur, Maleacum, mariti-
mum Hispaniæ Baticæ oppidum petierint, vbi cùm duas naues haberent, no-
uo supplemento factò, ac pro præsentis rerum conditione omnibus vtilibus in-
structas, Seuptanis tunc ab hoste obsessis, auxilium miserunt, qui prospero ven-
torum & fortunæ beneficio vsi, in portum quendam non ita multum à Seupta
remotum, descensione facta, citra vllum hostium obstaculum in urbem recepti
sunt. Senatus, intellecta noua suorum ciuium calamitate, & recenti Seupten-
sium obsidione, quò omnem vltiorem iniuriam & necessitatem auerteret, &
crebris etiam Mauritanis literis opem atque auxilium implorantis, admoneretur,
decreuit, vt, nulla interposita mora, duodeviginti triremes, & quatuor onera-
riæ naues, omnibus rebus militaribus opportunè & egregiè adornatæ, illuc mit-
terentur. Et quia graue periculum in mora erat, & rei necessitas summam festi-
nationem requirebat, non concessa instruendæ quamprimùm classis commo-
ditate, quatuor triremes omnibus rebus naualibus instructæ, auspiciis Lan-
franci Spinulæ, & mox decem sub Othonis Camilij præfectura, & tandem qua-
tuordecim naues duce Ingone Bonifacio Cataneo, ad auertendum hostem able-
gatæ fuerunt, quæ omnes haud multò post, simul inuicem coniunctæ, nequic-
quam reluctantibus & impredientibus Cantabris, obsessis opportunum præsi-
dium attulerunt, & urbem omni obsidione liberarunt. Cuius quidem immor-
talis accepti beneficij memoriam adeò ingratè & impiè Barbarus regulus citò
oblite-

Plurima na-
uigia Ligu-
stica à Can-
tabris inter-
cepta.

Classis ad-
uersus Can-
tabros.

Seupta obsi-
dione libe-
rata.

obliteravit, ut hoc nomine perentii odio ab omnibus merito censeri debeat. Nam, ut cetera omittam, tanta fuit eius barbaries, vel potius feritas, ut, cum Ligustici Praefecti ac trierarchi, sibi Reip. nomine factarum expensarum & sumptuum rationem aliqua ex parte rependi ac refundi peterent, tantum abfuit, ut sese gratum, prout tenebatur, illis exhibuerit, vel rationem aliquam in consilium admiserit, ut etiam contra omnium gentium mores, illos, accersitis ad hoc aliquot Arabibus, & in urbem summo cum silentio receptis, per insidias adoriretur, nec paucis incommodis & damnis, cum ad resistendum imparati essent, afficeret. Quibus crudelissimi simul & ingratiissimi vno eodemque ferè tempore & amici, & hostis, contumeliis ipsi commoti, enixè operam dedere, ut, cum iam hiems appeteret, illinc suas facultates transportarent; quod tamen quàm ægerrimè, & vix post multas preces, impetrarunt. At Senatus de tantis iniuriis & contumeliis edoctus, licet maximis in rebus gerendis & sustinendis animos ita exercitados haberet, ut non facilè frangi, vel debilitari molestiis posset; nihilominus tamen difficile fuit, id grauitè non ferre, praesertim cum acceptum beneficium non solummodò ingrati animi vitio contaminaret, sed etiam barbaricam & crudelissimam feritatem adiungeret. Statuit ergo pro veteri ac solita sua prudentia, non antea contra illum armis disceptare, quàm eius animum penitus intellexisset, existimans, illum adduci & persuaderi posse, ut, ratione in consilium adhibita, honestæ petitioni assentiretur; à qua si recederet, mox illi bellum nomine Reipub. indiceret. & hæc per Carbonem Marocellum ad eum missum, denunciari iussit: isque ubi primùm ad eum venit, necnon provinciam, sibi à Senatu iniunctam, exponeret, & nihilofeciùs illum pertinacem esse animaduerneret, bellum ipsi Reipub. nomine indixit, omniaque hostilia denuntiavit, & mox ad Maurum Hispalensem regem, tunc temporis Reipub. socium & amicum, simulque huic regulo infensissimum, & capitalem hostem, prout in mandatis habebat, rogatum suppetias sese contulit, arbitratus, id multò magis ex usu Reip. esse, si barbarum hostem, sociorum auxiliis in tam longinquis regionibus debellaret, quàm si ex Italia non citra periculosam & longam nauigationem, militem domesticum euocaret. Marocellus, simulac Genuam rerum suarum statum ad Senatum transcripsit, ac de singulis edocuit, ibi protinus ex patrum decreto viginti triremium, septem onerariarum maiorum, & triginta minorum nauigiorum classis ad illius belli usum expedita fuit, & contra hostem emissæ. Proinde ut primùm Genuens. Seuptram appulserit, statim cum vniuersa classe urbem ipsam obsidione presserunt. Verùm cum Marocellus vnà cum terrestribus suis copiis indies expectaretur, quò ciuitas mari terraque vndique oppugnari posset, Reip. fato accidit, ut ipse in medio quodammodò rerum bene gerendarum cursu grauißima febre correptus, repenti, priusquam reliquæ classi sese coniungeret, è viuis subtraheretur, & ita milites ab ipso, illis in locis descripti, quamprimùm post ducis obitum, militiæ renunciantes, quisque sese domum receperunt. Nihilominus tamen classis præfecti, cum inchoatum bellum modis omnibus proseguendum esse existimarent, aliquot iam duces destinarent, qui auxiliares istas copias, uti diximus, propter ducis obitum retrogressas, iterum repeterent atque reducerent, & in media propemodum rerum omnium consultatione decem aliæ triremes cum nouo militum supplemento Genua missæ, sub imperio Hugonis Lercarij, illuc appulerunt; quarum aduentu factum est, ut obsessi nostrorum potentiam veriti, de transactione sæpius inter se deliberarent, sic incherclè, ut ea expeditio hunc ferè habuerit exitum, ut pace sub

Perfidie & ingrati animi exemplum.



Bellum regulo Mauritano indicium.

Seuptra à Genuens. obfessa.

Carbonis Marocelli obitus.

*Pax inter
Ligures &
Mauritanos.*

1236.

1237.

*Novi motus
in Reipub.*

*Domestica
dissidia.*

1238.

*Saonensium
& vicinarum
urbium
à Genuens.
defectio.*

æquis conditionibus utrimque constituta, Ligures ab ulteriori urbis expugnatione cum magna sua laude ac emolumento abstinerint, rebusque feliciter, ac ex animi sententia perfectis, Genuam Idibus Decemb. cum incredibili omnium lætitia & applausu reuersi sint. Proximo anno, sub Iacobi Treziagi Prætura, Genuensium Annales nihil sanè, quod foris aut domi insigniter gestum fuerit, commemorant. Ceterum insequenti, Oldrado Crosso Laudensi Prætor, in Rep. noua dissidia & similitates repullularunt. Quandoquidem, tametsi omnium eorum, ad quos hæc electio spectabat, vnius exceptis suffragiis, ipse Oldradus, Prætor renunciatus esset, non deerant tamen aliquot morosiores, qui huic creationi obstrepebant, & moleste refragabantur, quòd dicerent, nullum Præsidentem creari debere, nisi omnium suffragiis, & nemine excipiente, designatus esset. Quapropter contendebant, huiusmodi electionem planè infirmam atque inualidam esse: quod sanè cum Rempub. in varia studia deduceret, plurimis controuersijs & dissensionibus ansam præbuit, adeò ut cum fortè is, qui antea Præturam gesserat, siue, ut aliis placet, nouus Prætor, cum nonnullis ciuib. circa aliquot publicas fabricas versaretur, exorta graui contentione, plurimi coram eo vulnerati sint, & quidam interfecti: resque omninò in multò maius discrimen coniecta fuisset, nisi urbis Antistitis opera, & auctoritate, exorti motus maiori ex parte sedati atq; compositi fuissent: Cuius etiam potissimum auctoritate & iudicio Prætor recens designatus, in suo munere ac dignitate confirmatus est. Paucis interiectis diebus, inter Spinulas, & Maroccellos graues itidem tumultus concitati sunt; qui sanè cum essent eiusmodi, ut minimè consopiri possent, & prorsus ulterius in perniciem Reip. scripturi viderentur, Præses, ut illorum conatibus maturè obuiam procederet, præcipuos eorum auctores, ut ad tempus suis penatibus abessent, iniunxit. Huiusmodi, & similibus contentionibus ac turbis Respub. ea tēpestare mirum in modum inquietabatur, sic ut interdum ex priuati alicuius ciuis casu graues ac perniciosi motus ibi orirentur. Nam, ut cetera, tamquam minoris notæ, silentio præteream, statim post hanc, quam recensui, inter has duas familias altercationem, euenit, ut adolescens quidam patricij ordinis concubina nocte ab incertis sicariis interficeretur: quod cum ipsius parentes ob rei atrocitatem indignissimè ferrent, vniuersam ciuitatem maximis perturbationibus repleuit; nec vnquam quieuerē, donec propter huiusmodi parricidium tres infimæ conditionis homines, qui rei habebantur, nempe Paschalis Olearius, Otho Nigrinus, & Peculus H. securi plecterentur. Hæ autem assiduæ ciuiles contentiones atque odia popularia non paucis Ligustici agri oppidis occasionem dedere, ut à debito obsequio pristinaque reuerentia sensim desciscerent; & in primis quidem Saonens. ceteris, defectionis turpe ac funestum exemplum præbuere. Siquidem ipsi, Paulo Sorresino ciue Mediolanensi, Genuæ Præturam gerente, occupata arce paucis antè annis ex Senatus mandato, ibi, ut antea commemorauimus, extructa, Balduinum Mulferum & Petrum Gontardum illius præfectos, vnà cum suo præfecto Ansaldo Cataneo, ac plerisque aliis, publicis muneribus & officiis admotis, summa violentia expulerunt, seque in pristinam libertatem reposuerunt. Quos deinde insecuti Albingauni, & qui portum Veneris, & Albintimilium incolebant, excussio iugo, pari libertatis illecebra illecti, & nouandarum rerum cupiditate adducti, noua studia amplexi sunt. Dici autem vix potest, quantoperè his repentinis motibus ac defectionibus Senatus ipse, atque adeò tota Resp. commota fuerit. Nec enim obscurè intelligebant, quantos retroactis temporibus propter similes contumacias & rebelliones

belliones subiissent labores & pericula, quamque grauis & pernicioſa res eſſet, clandestinis atque ciuilibus bellis aliquo modo diſtineri. Quot circa, depositis ciuilibus rixis & ſimultatibus, omnes certatim dabant operam, vt harum ciuitatum & oppidorum defectiones quamprimùm armis vlciſcerentur, ita vt Senatusconſulto decretum fuerit, vt ſumma cum diligentia quatuordecim triremes ducibus Fulcone Guercio & Roſſo Turcio inſtruerentur, quibus ſeuere iniunctum fuit, vt conſeſtim Albintimilium ad nauigantes, illud ſummis viribus inuaderent, arbitrati, illam expeditionem plus laboris, & difficultatis, quam reliquorum oppidorum expugnationem habituram, ideoque operæpretium eſſe cenſebant, vt ſumma celeritate illos præoccuparent, priuſquam ſcilicet, oppidanis plus otij ac temporis concederetur, quò ſibi melius de rebus neceſſariis proſpicerent: & omninò exiſtimabant, fore, vt hac vrbe in fidẽ atq; obſequium recepta, reliquæ multo faciliùs ad priorem obedientiam redirent. Ipsi ergo huc delati, ſumma induſtria quæcumque in mandatis habebant, executi ſunt, militeque in continentem expoſito, illam ſummis viribus oppugnarunt: ſed deſenſores, protinus irruptione facta, hoſtiles conatus aliquandiu ſtrenuè ac fortiter repulerunt, eo tamen ſucceſſu, vt cum ipſi, bellatorum numero ac viribus minùs valerent, ac ſummoperè metuerent, ne in eaſdem, & longè grauiores calamitates incidèrent, quas paulò antè eaſdem ob cauſas perpeſſi fuerant, illicò ad claiſis præfectos ablegarint, qui publico nomine demiffis precibus veniam peteret, ac certis quibuſdam conditionibus deditionem faceret. Hac vrbe igitur, in vetus obſequium ac fidem redire compulſa, continuò Albingaunum nauigationis curſu inflexo, in itinere Gallindram, ſiue, vt alij vocant, Gallinariam, inſulam ab ipſis Albingaunis paulò antè occupatam, in fidem receperunt, adeò vt ipſi, cognita Albintimilij populi deditione, priuſquam Liguriſticus exercitus ſuis mœnibus adinoueretur, pari exemplo deditionem facerent: ſicuti etiam per idem fermè tempus, ab iis qui portum Veneris incolabant, ſtudioſè procuratum eſt. ac ſoli Sauonenſes iam ſupererant, in quos arma verterentur: eaque de cauſa cum Genuæ nouum ſupplementum fieret, hi que ſe à fociis ac fœderatis deſertos viderent, ne belli extrema experirentur, de Senatus ſolita humanitate & beneuolentia conſiſi, Genuam oratores miſerunt, qui admiſſi ſcleris & perduellionis culpam, publico nomine impetrata venia, iterum deprecarentur. Patres, licèt haberent iuſtiſſimam cauſam, vt in eos ſeueriſſimè animaduernerent, & ad poſteritatis exemplum aliquid durius in eos ſtatuerent, nihilominus tamen viciſ ſcleris atrocitatẽ genuina atque illis innata clementia, adeò vt cum eſſent ciuium ſanguinis parci, eos tandẽ in gratiam reciperent, hac tamen lege & conditione, vt præcipuos defectionis auctores Genuam perducere curarent. Quos tamen Senatus mira quadã & inaudita manſuetudine, vt illorũ animos ſibi magis in poſterũ deuinciret, & faciliùs in officio retineret, omnes breui poſt, ſaluos & incolumes ad eos remiſit; præter Gulielmum quendam, vnũ ex præcipuis contumacibus ac rebellibus, qui populum ad defectionem excitarat, de quo, ad ceteros deterrendũ, publicè ſupplicium ſumptum fuit. Compreſſis hiſ motibus, poſt exigui temporis decurſum, aliquot nouæ turbæ in ora maritima exorta fuerunt, ad quas reſtinguendũ Fulco Guercius iuſſu Senatus cũ aliquot triremibus ablegatus eſt, & facili cũ negotio res tunc ibi ſedatę. Subſecuta eſt deinde pax inter Ligures ac Venetos, interceſſione & auctoritate Gregorij Pontificis noni cõſtituta, quæ deinceps, vt ſeparatim ſuo loco explicabitur, per multos annos continuos firma & illẽſa inter eos ſtetit. Cõpoſito & pacificato

Albintimilium a Genuensibus obſeditur.

Albintimilium receptum.

Albingaunum & Portus Veneris deditionem faciunt.

Sauonenſes in gratiam recepti.

Pax inter Ligures & Venetos.

cificato externarum rerum & motuum statu, rebellibusque ad officium & fidem, uti diximus, redire coactis, tranquillitas & otium Reip. restitutum maiori ex parte videbatur, nisi ea subsequuta essent tempora, quæ non solum uniuersam Italiam, diuersis factionibus & simultatibus implicarant, sed etiam contagione quadam pestilentissima potiore Christiani orbis partem occuparunt. Cum enim in Italia propter Pontificem ac Cæsaris dissidium & diuturnam altercationem, diuersa Principum populorumque studia exorta essent, contentio eò tandem deducta est, ut in duas quodammodo æquales partes scissa, Guelfæ ac Gibellinæ factionis nomina compararint. Quarum certè factionum semina cum longè lateque exitiosa quadam segete & contagione serperent, ac totam Italiam miris turbis atque tumultibus quam miserrimè diuexarent, etiam Genuæ utraque factio sibi locum fortita est, ita ut uniuersa ferè ciuitas in varias partes ac studia distracta, assiduis dissensionibus & rixis laborare ac defatigari inceperit. Cum verò hæc planè eiusmodi extiterint, ut incredibilem omnibus ferè Christiani orbis regionibus & populis non solum conuersionem, sed etiam magnam solitudinem ac vastitatem intulerint, & ipsos Principes grauissimis dissidiis ac certaminibus inter se commiserint, operæpretium erit, quam breuibus potero verbis enarrare, unde exitiosæ istæ duæ pestes nomen primum atque originem traxerint. Plerique haud obscuri nominis scriptores, ex his, quos recentiora sæcula protulerunt, literis suis crebram harum duarum factionum mentionem fecerunt, sic tamen, ut de illarum primordiis atque origine haud mediocriter inter ipsos dissensio & controuersia extiterit. Quidam enim censuerunt, has primum sub Friderico secundo in Etruria apud Pistorienses natas, apud quos duæ factiones præcipuæ regnabant, Cancellarij scilicet, & Panzatici: quæ quidem tempestate dicunt fuisse duos fratres ex illustribus Principum in Germania familiis ortos, quorum unus Guelf, alteri verò Gibel nomen erat, & ambos in diuersas factiones sua studia inclinasse, ac suum nomē his, unde steterit, partibus dedisse, & Panzaticos quidem, Gibellinos dictos, qui verò alterius factionis erant, Guelfos appellatos. Quidam alij existimarunt, hæc fatalia & perniciofa nomina sub Friderico primo, cognomento Aënobarbo, initium habuisse, sic tamen ut temporis progressu miris incrementis augerentur. Quippè inter ipsum Cæsarem & Alexandrum Pontificem suborta fuit grauis simultas, quæ deinde in apertum bellum prorupit. Sunt etiam qui posteris ac memoriæ mandauerint, ætate Lotharij Saxonis Imperatoris, eiusque antagonistæ Chunradi Sueui III. Imp. hæc nomina primò in Italia cœpisse: quod sanè compluribus verisimile videtur, cum constet, non modò Lothariū Imperatorem, Romani Papatus fidelem adfertorem, à genero Henrico Duce Bauariæ, fratre Guelfonis ultimi, id est sexti, aduersus Chunradum Cæsarem, eiusque fratrem Fridericum, Sueuiæ Duces, strenuè adiutum, sed etiam prioribus sæculis Guelfonum gentem vetustam & inclytam fuisse, ac Romano Pontifici semper adstitisse: quo sanè factum est, ut ipsi Guelfones Marchiam Veronensem, & pleraque Italiæ loca possederint, & ab illis, ut præcipuis Pontificum propugnatoribus, omnes Pontificias partes secuti, Guelforum cognomen adepti fuerint. Porro huiusmodi voces sub eodem Chunrado tertio in pugna quadam cœpisse commemorant, cum Guelfi auxiliares copiarum symbolum quasi hoc sibi haberent, *Hic Guelf*. Qui verò sub Chunradi Cæsaris signis erant, *Hic Guibelin*, clamabant. Chunradus enim Sueuus in eo pago vetustæ nobilitatis Vvaiblingen ferebatur nutritus. Hinc Cæsarianis Guibellini, Pontificis sociis Guelforum nomen mansit, quòd olim Guelfus Italica auxilia con-

Quando
Guelfi &
Gibellini
esse cœpe-
runt.

lia contra Cæsarem Chunradum duxerat. Ceterum, sub Friderico secundo Cæsare hoc factionum studium adeò latè serpsit, vt nulla ciuitas, nullum oppidum, nullus populus ea labe perniciosissima intactus remaneret. Vrbs enim in urbem, prouincia in prouinciam, populi pars in alteram, nulla impellente alia, quàm harum partium causa, inter se atrocissima bella per multa annorum curricula gesserunt. Nec solum diuisa erant insignia in præliis deferenda, sed colores, terræ fructus, vestium habitus, ipse hominis incessus, digitorum cōcrepitus, & oris hiatus, suarum habebant partium significationem. Vt verò ad inceptum redeam, Genuæ summòperè verebantur, cùm populus in has duas potissimum factiones esset distractus, ne aliqui ex præcipuis familiis, Cæsaris partes recens secuti, eiusque gratia & auctoritate subnixi, Reipub. statum conuellere & immutare conarentur. Quorum ausis atque conatibus vt maturè obuiam iretur, nèue aliquis immutandis rebus relinqueretur locus, anno eius sæculi vndequadragesimo Philippus Vicedominus Placentinus, Præses publicis patrum suffragiis designatus, cum senatu egit, vt impendentem tempestatem atque grauissimum Reipub. periculum prudentia & maturitate consilij superaret. Igitur, quò melius tranquillitati ac vtilitati publicæ consuleretur, Patres statuere, vt Roscius Turcius, & Fulco Guercius, quorum non semel antea meminimus, custodiam urbis, tamquam militiæ præfecti, consignatis illis aliquot præfidiariis cohortibus, sibi desumerent, quò scilicet, ciuium animi nouarum rerum studiosi, & nihil, præter aliquam obuiam occasionem expectantes, præfidiariorum præsentia, ceu iniecto freno, in officio retinerentur. Hæc, etsi cum summa Senatus prudentia grauer essent excogitata, & salutariter procurata, nihilominus tamen in tam aperta studia hæ factiones vbiq., & præsertim in hac vrbe euaserant, vt nulla diligentia, auctoritate, vel metu coerceri potuerint, adeò vt Gulielmus Spinula in Apennini faucibus aliquot urbis præfidiarios milites cum suis clientibus & sociis adortus, manifestum animi sui studiique indicium dederit, & quomodo erga Remp. animatus esset, declarauerit. Cuius rei indignitate commotus Senatus, & valdè metuens, ne, si Spinulæ temeritas impunitate confirmaretur, multi alij ciues simili exemplo delinquerent, grauer ac prudenter statuit, vt ipse proscriberetur, eiusque bona hastæ subiicerentur. Pari seueritate in Sorleonem Puerem, Ansaldum Embrorum & Burborinum Raimundum Catanèum, factiones ac rebelles ciues, & in urbem ad dicendam causam euocatos, animaduersum fuit. Quippè perpetuo exilio propter defectionem, & quòd minus Senatui dicto obediens essent, multati sunt, ac eorum ædes ad maiorem ignominiam solo adæquatæ. Circa idem fermè tempus, Genuæ Senatus decreto tredecim triremes, quibus præerat Fulco Guercius, in oram maritimam eductæ, isque, exiguo tēporis interuallo, Ceruium, Dianum, Vallem Oneliam, Bestanum & portum Mauricium, quæ loca paulò antè à Genuensibus defecerant, ad pristinam fidem atque obsequium redegit, parique successu arcem vulgò S. Ampelij, in quam plerique profugi ac extorres, ceu in tutissimum asylum, sese receperant, expugnauit, ac funditus euertit. Inter hæc, illud minimè silentio prætereundum videtur, nempe tertio Non. Iunij eiusdem anni circa meridiem fuisse ingentem eclipsim, & Solem ita nube atra obscuratum, vt omnia densissimis tenebris inuoluerentur. Posterus annus Henricum Monsam, patria Mediolanensem, Genuæ Prætozem habuit, sub quo, præter cetera, inter Remp. & Insuabres ac Placentinos mutua conuentiones initæ, paxque, adhibito etiam fidei sacramento, vtrunque constabilita. Iisdem quoque diebus, Iacobus Carrettinus Finarij regulus, eò

1239:

Eclipsi.

1240:

*Novæ dis-
sensio in
Rep. ob Fri-
derici ac
Pontificis.*

1241.

*Prætoris cō-
cio in se-
natu.*

lus, eò quòd ipse vnà cum Marchione Lanza, contra ius fidemque præstitam, arcem, vulgò Petram, obsideret, hostis Reipub. declaratus fuit, ei que publico nomine bellum indictum. Nec multo post, Vbertum Marchionē Palauicinum Cæsaris legatum, nonnulla Reip. propugnacula & munitiones adortum, Præses cum valida militari manu expulit ac profligauit. Dum hæc, & pleraque his consimilia foris geruntur, domi subinde internis motibus ac ciuilibus dissidiis laborabatur: quæ sanè haud parum auxit atque aluit Gregorij Pontificis cum Cæsare altercatio. Nam, cum ipse Synodum Romæ vniuersalem indixisset, à Repub. enixè contendebat, vt transalpinos Antistites, & oratores, Niceam appulsos, cum sua classe ad urbem deduceret. Quod vt modis omnibus impediret Cæsar, multos patricos suæ factionis, & præcipuæ auctoritatis viros per fideles internuncios sollicitabat, inter quos Fridericus Grillus, & Ioannes Saluagus, adeò Pontificis postulatis in illa Repub. reluctabantur, vt, cum sese Cæsarianarum partium publicos fautores & sectatores profiterentur, ea de causa à Senatu & Gulielmo Surdo Placentino recens ad Præturam euecto, in exilium ablegati fuerint. Rossus etiam Cataneus non paruas in Rep. ea tempestate turbas dedit. Nam cum fortè apparitores publici sententiæ contra illum latæ locum & modum constituere vellent, ipse summa vi eos repulit, ita, vt ea propter in Senatum ad dicendam causam euocaretur. Sed ipse Magistratus auctoritatem floccipendens, sese aliquot magnorum virorum patrocinio atque ope, iudicio liberare & subtrahere conabatur. Quod ægrè ferens Prætor, Senatu in ædem D. Laurentio sacra conuocato, huiusmodi orationem habuisse dicitur.

Intuenti mihi in hunc præstantissimorum virorum cœtum, dignitate, pietate, virtuteq; excellentiū, P.C. profectò oculi terrentur. Non enim potest verecundus ac bene institutus animus in tam præclaro ac peramplo confesso, sine summa commotione, & propè sine metu, vel verecundia, dicere. Sed cum vetus & honestissima huius amplissimæ Reip. cōsuetudo obtinuerit, vt Prætori, si quid grauius in ciuitate cōtigerit, liceat publici commodi gratia, vel senatum cogere, vel singulos Patres priuatim atque seorsum consulere, & adire, spero vos consilium meum probaturos esse, quòd hanc opportunitatem nactus, ea quæ ex usu & dignitate Reipub. vestræ, cuius administrandæ aliquam partem mihi pro exacto iudicio vestro demandastis, breuibus verbis dixerò. Nunquam equidem P.C. si verum effari, & in libera ciuitate liberum hominem liberam vocem liceat emit-tere, adduci hætenus potui, vt crederem, tantam esse in hac vestra tam præclara vrbe morum corruptelam, & bonarum omnium disciplinarum neglectiōem & contemptum, vt Magistratus, aliorumq; munerum ac officiorum auctoritas, palam & apertè floccipenderetur & opprimeretur. Nam cum Respub. vestra semper fuerit optimis institutis atque saluberrimis præceptis informata, & iisdem, ceu firmissimis epistyllis solidisque fundamentis, subnixa, demiror summo perè, quānam potissimum ratione fiat, vt antiquatis, vel saltem contumaciter neglectis optimis istis ciuitatis moribus, debitus honor Magistratibus, & præsertim vrbis Prætori, haberi & deferri consuetus, hac tempestate, cum longè maior quàm antea, esse deberet, cum maximo Reip. dedecore, ac perniciosissimo exemplo sit abrogatus. Arbitrabar siquidem, vt verum fatear, ita omnia in hac ciuitate ad regulam, & absolutissimæ Reip. normam esse attemperata, vt, si quid in aliis ciuitatibus esset corruptum, vel planè huiusmodi, vt censura, vel seueriore disciplina indigeret, hoc vnum ab hac Repub. tanquam præclarissimo Amphictyonio ad salutem omnium populorum & regionum instituto, peti atq-

mutuari

mutuari debere. Aristocratiam enim habetis ita democratia temperatam, ut plena dignitatis sit, & leges vestrae non sunt ad ullius partis aut factionis commoditatem latae; sed ad honestatem, iustitiae conseruationem, & aequalem ciuium consociationem directae. Ad haec, tanta ornamenta politica accedunt, ut nemini dubium sit, quin imperium vestrum per tot annos steterit, non aliis ferè praesidiis, quam aequitate, iustitia, & vera legum reuerentia subnixum. Proinde, quod altius atque penitus retroactorum temporum conditionem repeto, eò maior me, collegasque meos subit admiratio, magis dicam, an indignatio, praesertim cum non tam vestra culpa, quam malo nostro potius fato contrigisse videatur, ut hoc nostro Praeturae & administrationis tempore longè plures perniciosi ciues, quam antea, essent, qui malis exemplis, ceu pessima contagione, ceteros laederent, & publicam dignitatem labefactarent. Vt cumque tamen sese res habet, eò nos adducit nonnullorum refractariorum nobilium ciuium intoleranda ambitio, & inaudita haecenus, quod equidem sciam, improbitas, ut in hoc amplissimo ac celeberrimo omnium ferè ordinum consensu magis queri, quam gratulari de Reip. vestrae statu libeat, cum iam non semel deprehenderim, & nuper magno meo cum dolore expertus sim, non solum nobis, verum etiam legibus vniuersis vsqueadè reuerentiam omnem abrogari, ut nullus locus, vel auctoritas in hoc nostro munere nobis relinqui videatur. Nec ego hinc P. C. priuatam controuersiam, cum nihil mihi proprio nomine insolenter arrogem, contra refractarios instituo. Vestra potius causa agitur, & non magis mihi, quam vobis; haec recens mihi inflicta contumelia, grauis atque acerba esse, ac videri merito debet, nimirum, cum vestra auctoritate, atque iudicio, ceu publico testimonio dignus existimatus fuerim, qui in hac vrbe dicundo iuri cum publica auctoritate praessem. Quo certè in munere quantum fidei ac solidae diligentiae iugiter, quoad eius fieri licuit, adhibuerim, testis est Deus, qui, ut est iudex incorruptus, sic infallibilis omnium actionum nostrarum obseruator & perscrutator existit, adeò sanè, ut quod magis mihi integritatis fideique incorruptae meae sum conscius, eò magis atque flagrantius rei indiguitate commouear. Quis enim non indignè ferat, in bene morata ciuitate, qualem hanc passim praedicari audimus, paucos factiosos priuatis opibus & clientelis fretos, atque confisos, eò deuenisse temeritatis dicam, an dementiae, ut ad dicendam causam a Praetore per praconem publicum accersiti, tantum abest, ut paruerint, ut etiam in eius contumeliam, & graue praedudicium, gladium strinxerint, & apertam vim, nisi discederet, interminati fuerint. At quis non indoleat, per eos tandem passum & manifestè delinqui, Magistratusque auctoritatem labefactari, quorum potissimum adminiculo & dignitate, nutantis Reip. status confirmari & fulciri; atque bonarum disciplinarum omnium norma mordicus retineri debeat? Haec ita cum sese habeant, rogo vos obnixè P. C. & per inclytam huius Reipub. vestrae maiestatem semel iterumque obsecro atque obtestor, ut ratione in consilium adhibita, rem ipsam, de qua hinc coram queror, paulò penitius consideretis, & expendatis maturius: ac vtrum haec in ea contumelia cum vestra, atque adeò cum totius Reip. coniuncta sit, diligenter attendite. Semper autem sapientissimi homines senserunt, veteres mores, veteraque instituta ciuitatum ac populorum, summa cura conseruari debere, quod nulla res perinde publicam tranquillitatem laedat, atque legum irreuerentia, morumque neglectio, ex qua necessariò omnium vitiorum sentina, ceu ex viua scaturigine, oriri solet, non aliter atque corporis humani valetudinem neglecta victus ratio labefactare consuevit.

ſuevit. Uſu etiam venire plerumque videmus, vt laxatis bonorum morum habenis, incredibilis omnis diuini atque humani iuris contemptus, ceu continuus pedileſquus, ſubſequatur. & non modò diſciplina in ciuitatibus regendis, & Magiſtratum auctoritas periclitari incipit, ſed religiones vniuerſas, fidem, iurandum, & omnia vincula ſocietatis humanæ laxata eſſe vulgus exiſtimat.

Peroratio.

Cùm igitur quotidie hinc maximi motus in ciuitatibus exoriri conſueuerint, veſtrum erit, huic malo, priuſquàm vltèrius progrediatur, & inſtar tabifici morbi noceat, ſaluberrimis remediis mederi, & ignem ipſum, antequàm materia au-geatur, dum reſtingui poteſt, quamprimùm obruere; alioquin non video, quomodo ſalus publica cum tranquillitate in tam opulenta, & (quod pace veſtra dixerim) in tam factioſa vrbe, diu contineri poterit. Nullum enim nocentiùs Reip. malum, vel venenum exiſtimandum eſt, quàm receptorum morum repentinam mutationem, vel eorundem neglectionem, admittere, quæ in vulgo, licentiã, audaciam, contemptum Imperij, deniq. nihil non earum peſtium quæ ciuitatibus exitio eſſe ſolent, parit. Et hæc pro ſumma Reip. veſtræ dignitate ac obſeruantia, qua illam, voſque omnes, ampliſſimi viri, inde ſtatim ab initio quò huc veni, ſum proſecutus, & pro meo perpetuo erga voſ ſtudio dixiſſe in præſentiarum ſufficiat. Vbi dicendi finem fecit, Prætura, qua hætenus functus erat, in omnium patrum conſeſſu ſeſe ſollemni more abdicare volebat. Senatus tamen conſurgentiſ auctoritate inhibitus, & in priſtino ſuo munere confirmatus, quòd patres grauiffimis verbis pollicerentur, ſeſe enixè operam daturus, ne in poſterum quiſquam vllò modo legibus vim inferret, vel auctoritatem Magiſtratus læderet atque infringeret. Quorum verbis delinitus, & pacatior factus, dimiſſo Senatu, curia exceſſit, ea animi fiducia, vt deinceps pro ſolita ſua conſuetudine in iuris adminiſtratione locum & auctoritatem haberet, donec expleta ſui muneris functione, Conradus de Conceſſis natus Brixia, in eius locum ſubſtitueretur, ea quidem tempeſtate, qua Cæſaris ſtudia nobiliſſimus quiſque ſequebatur, & præcipuæ ferme familiæ palàm & apertè Cæſaris partibus fauebant, inter quos, Auriæ, Spinulæ, Aduocati, Grilli, Venti, Peueres, & Catanei longè ceteris dignitate atque opibus antecellebant. Quos Prætor cùm benignè ad ſe euocari iuſſiſſet, hi quæ dicto minimè audientes forent, in ſummam animi indignationem exarſit, ea quæ de cauſa aſſociatis ſibi aliquot patricij ac Senatorij ordinis viriſ, vt hoc nomine à promiſcua & præfractaria multitudine tutus, & ab omni periculo exemptus eſſet, rebellium domos adiit, & publica auctoritate dirui ac ſolo tenus deiſci, propter illorum contumaciam iuſſit, inter quas Cataneorum domus omnium prima euerſa fuit. Verùm ad Auriarum domicilium contendentem, vt pari ſeueritate in illud animaduertèret, multorum precibus inflexus, atque retractus fuit, ne aliquid durius in eoſ ſtatuèret. ſed impari animo ac voluntate erga Thomam Spinulam uſus: ſiquidem apparitoribus iniunxit, vt ipſum eius familiæ Principem, nullo habito reſpectu, per occaſionem adorirentur, & in vincula conijcerent. Spinula tamen futuram vim præſentiens, ſeſe domi cum aliquot clientibus adeò præmunierat, vt, niſi vi, expugnari non poſſet. Proinde Prætor nulla ratione in tanta Rep. tantam inſolentiam ferendam eſſe ſtatuens, & ne tam malo exeinplo vltèrius peccaretur, ſummo ſtudio allaborans, iuſſit illius ædibus æneas machinas admoueri. Quibus tandem effectum eſt, vt poſt acrem deſenſionem, atque multoſ vtrimque vulneratoſ & cæſoſ, ipſe graui & lethifero vulnere accepto, pro ſemimortuo relinqueretur, & ita ædibus eius potiti ſint. Hac ſeueritate Reſtoris ceteri earundem partium ſtudioſi,

1242.

Plurimi ex nobilitate Cæſarianas partes ſequebantur.

Thomas Spinula.

diosi, ex quorum numero fuerunt Manuel & Perciuales Auria familia, cum plerisque aliis præcipui ordinis, deterriti, non expectatis extremis, in curiam sese Prætoris tribunali ad dicendam causam stiterunt. Fridericus tamen Grillus, Vbertus Aduocatus, Sorleo Peuer, & Pasqualinus Nigrius, quod per nimiam peruiaciam illius imperium derectassent, in exilium publico iudicio relegati sunt. Qui verò Prætoris edicto obtemperauerant, licet ex reis eximerentur, at tamen plurimum veriti, in vrbe suspicionibus plena, & variis factionibus distracta, commodè viui non posse, vrbe excedentes, voluntarium quodammodo exilium suscepere, seque in Spinularum municipia & aliorum patriciorum oppida subdixerunt. His motibus domesticis partim Prætoris seueritate, atque prudentia, partim verò Senatus auctoritate superatis, ac pro præsentis rerum conditione vtrumque compositis, Senatus in gratiam Pontificis classem instrui iussit, qua sacri Antistites Romam deucherentur. Pontifex enim, ut suo loco dicitur, Romæ synodum quandam generalem indixerat, ad quam certatim ex omnibus fermè Christiani orbis Prouinciis sacri iuris patres summo studio confluabant. Insequenti anno Manuel Mazzus, ciuis Brixienfis, Præturam obtinuit; sub quo acerrimum bellum in Sauonens. qui paucis antè mensibus, iterum perfidè à Repub. desciuerant, gestum fuit, eo tamen successu, ut licet ipsi à Genuens. quamplurimis, iisdemque grauissimis damnis afficerentur, minimè tamen, per id quidem tempus, debellari ac vinci potuerint. Huic, expleto vnus anni spatio, Philippus Vicedominus, vetere ac celebri vrbe Placentia oriundus, cuius etiam suprà mentionem fecimus, cum eadem auctoritate atque imperio successit. Circa hoc tempus, Senatus consulto, Fulco Guercius & Picamilius, Romam Oratores amandati. Et quoniam Genuæ oneraria eximia magnitudinis com meatu onusta, ex Gallia Narbonensi expectabatur, ne fortè à Cæsarianis interciperetur, pro illius tutela ac securitate, quatuor triremes duce Amico Stregia Porco, (hæc familia postmodum in Saluagos transijt) è sinu Ligustico emissæ fuerunt. At cum postea per certos ac fideles speculatores compertum esset, Andreæm Vsusmarium Cæsarianæ classis Præfectum, cum decem rostratis ac septem nauibus, ex his quas vulgò Galeatias vocabant, enauigasse, ac Genuæ supramodum vererentur, ne illa, quæ sanè haud leuis momenti esse ducebatur, in hostium potestatem deueniret, quò immunis à periculo esset, vel, ut ipsum Vsusmarium inuaderent, summa celeritate patrum decreto quinque ac viginti triremes omni bellico apparatu exornatæ, quibus ipsemet Prætor vir manu strenuus, & consilio promptus, cum imperio præerat, isque cum sua classe Monæcum vsque contendit, & prædictam nauim saluam atque incolumem Genuam perduxit, nullaque mora interposita, de ipsius Senatus iussu ac mandato, classem iuxta portum Sauonensem intulit, atque vno eodemq. tempore terrestribus copiis per continentem eodem admotis, omnia loca circumiacentia ferro atque igne deuastauit. Paucis post diebus, cum fama increbuisse, Vsusmarium, Cæsaris iussu, cum duabus ac viginti rostratis Tunetum & Bugeam versus præteruectum, eo consilio, ut Genuensibus, qui in illis locis negotiabantur, incommodaret, Præses vnà cum Senatu operæpretium fore censuit, si mature huic rei prospiceretur. Siquidem haud mediocris timor inceserat, ipsam in reditu oram Ligusticam variis excursionibus infestaturum, ideoque statim totidem triremes optimo remige omnibusque rebus ad rem naualem necessariis instructas, expediuerunt. In hoc rerum tractu, Pisani, quò Ligures aliquo incommodo ac detrimento afficerent, nauim piraticam, Lombardam nomine, in

*Classis in
gratia Pont.
Genuæ in-
structa.*

1243.

*Sauonensium
noua defe-
ctio.*

1244.

mare eduxerunt, eò tamen euentu, vt cum nonnulli ex Liguribus, qui tunc temporis in Hispaniis mercimoniorum gratia degebant, nauim, vulgò Balzanam, aduersus hostilem emisissent, illam breui post interceptam, sui iuris ac potestatis facerent. Eodem anno, Innocentium quartum Pont. Genuam appulsum, indeque Lugdunum cogitantem, Senatus, ceterique ordines, summis atque amplissimis honoribus exceperunt: de quo sanè plura, cum de his bellis quæ inter Fridericum Cæsarem & Remp. gesta sunt, sermo habebitur, commemorabimus. At postero anno, Philippo Guiringlo ciue Mediolanensi præturam gerente, Montisferrati, Ceuæ, & Carreti Marchiones, fœdere, quo sese Reip., adhibito etiam fidei sacramento, obstrinxerant, fœdè ac turpiter violato, in Cæsariana studia transferunt. Quæ autem per id tempus inter Rempub. ac Pisanos contigerint, suo loco ac tempore seorsum, vt prædiximus, enarrabuntur.

Horribilis tempestas. Mensè Decembri eiusdem anni multa iam nocte ventorum procellis ac turbibus atrocissima tempestas in mari atque adeò in ipso portu coorta, magnam cladem intulit, & multò maiorem his nauigiis quæ iuxta continentem ad anchoram subsistebant, quàm in alto pelago, sic sanè, vt effractis aggeribus, & repagulis omnibus, ipsam molem ad portus securitatem constructam, disijceret, summumq. & incredibilem terrorem omnibus incuteret, cum plana vrbs stagnare inciperet, donec tandem remittentibus ventis, tumidum æquor placatum, & omnia priorem faciem induerunt. Sed quia iisdem diebus populus Genuens. grauissimum bellum aduersus Fridericum secundum vario atque ancipiti Marte gerebat, Senatus decreto atque Alberti Mandelli ciuis Mediolanensis, recens ad Præturam euecti, auctoritate atque Imperio, ne quid incommodi ab hoste inferretur, naues ac triremes, sæuitia tempestatis magna sui parte quasiæ ac semilaceræ, denuò summa cum festinatione ac diligentia instauratæ: simulque graui edicto inhibitum, ne quispiam militiæ assuetus, agro Ligustico excederet, omnesque ac singuli, omissis ad tempus negotiationibus; aliisque rebus priuatis, arma & equos in commune beneficium ac vtilitatem expedirent. Sub idem fermè tempus, Vbertus Patius, & Picamilius, ad Romanum Pont. ea tempestate Lugduni subsistentein, oratores ablegati, qui, peracta sua legatione, rectà, sicuti à Senatu in mandatis habuerant, ad Ludouicum Galliarum regem concessère, vt illum ad Syriacam expeditionem satis sua sponte animatum, oblati auxiliis, tantò vehementiùs accenderent, & inflammarent. Nam licet Genuenses non solum externis bellis impliciti atque illigati essent, sed etiam domesticis similitatibus intricati, nihilominus tamen pro ea, qua semper Christianam fidem prosecuti sunt, obseruantia, Ludouicum, sacram expeditionem contra Barbaros in Asia meditantem, instructissima classe; aliisque ad bellum opportunis adiuuauerunt: in qua certè, tanta omnium populorum consensione ac studiis ad arma concursus fuit, vt omnes in optimam spem erigeretur, aliquid egregij, & quod maximè in Christianæ Religionis emolumentum cederet, posse confici. Ipsi quidem Genuenses, sexdecim onerarias naues & triginta triremes ductu Hugonis Lercarij & Iacobi Leuanti regia pecunia instruxerunt; eorumque potissimum auspiciis Damiatam, antiquitus Pelusium vocatam, Ægypti metropolim, rex cum suis fœderatis feliciter expugnauit & recepit, vt hæc omnia seorsum suo loco abundè explicabuntur. Inter hæc, Fulco Guercius cum Repub. certis quibusdam conditionibus paciscitur, & naui ac duabus triremibus egregiè priuatis sumptibus præparatis, piraticam aduersus Ligustici imperij æmulos atq. aduersarios exercuit. Eodem temporis tractu, in Senatu publicis patrum

1245.

1246.

Æliopolis expugnatio.

patrum votis sancitum atque ordinatum fuit, ne deinceps pro civilibus atque forensibus causis iurisperiti aliunde accerferentur, at dumtaxat eam provinciam subirent, qui in ciuitate, siue in agro Ligustico iuris cognitione ac peritia reliquis antecellerent, simulq. Consularis dignitas tanquam postliminio resumetur. Eodem anno, cum in odium Friderici secundi Imperatoris, Pontifex Rom. Electores ac Germaniæ principes crebris literis adhortatus esset, ne Fridericum, abstentum, hostemque iudicatum, pro Cæsare agnosceret, neue ex eius sobole regem sibi crearent, cum iam eius filium Chunradum delegissent; conuenerunt Herbipoli Moguntinus, Colonienfis, Treuirensis, Argentinensis, Metensis, & Spirensis Episcopi, cum plerisque aliis Principibus, & publicis suffragiis Henricum, Landtgrauium Thuringiæ & Hassiæ, fratrem Ludouici Landtgrauij, S. Elisabethæ coniugem, virum, præter natalium splendorem, eximiis animi corporisq. dotibus florentem, regem Romanorum delegerunt. Qui mox, de more, longo usu & consuetudine recepto, curiam Principibus Francofurti ad Moenum indixit. Chunradus de his comitiis certior factus, repente coacto exercitu, illuc armatus perrexit, eo animi decreto, vt illa omnibus viribus impediret. Ceterum, commisso prælio, cum ingenti suorum strage fusus fugatusque est. Hanc cladem cum Sueuis maiori ex parte acceptam ferret, eosque proditoris insimularet, ipsi, huiusmodi contumeliæ impatientes, sese ab eo quamprimum abalienarunt, & conspiratione facta, Henrico adhæserunt. Præsul quoque Argentinensis, intutiones & castra, quæ paulò antea Fridericus & filius possederant, expugnauit, ac euerit. At Chunradus, cum se hostili potentia longè imbecilliolem animaduerneret, spe futuri auxilij, Bauariæ Ducis filiam in matrimonium accepit: sed licet magnis clientelis & propinquitatibus innixus, minime tamen aduersariorum conatibus resistere potuit, cum præsertim à Sueuis undique impeteretur. Henricus interim ad imperium euectus, præter ceteras vrbes, Vlmam, Chunradi partes fouentem, acriter obsedit. Ceterum propter asperum frigus, utpote sæua hieme, ac etiam comineatus rei. frumentariæ inopiam, ab expugnatione recessit, & cum obsidionem solueret, ictu sagittæ lethali vulnere affectus est, adeò vt eodem anno, quo à Germanis Proceribus Cæsaris titulo insignitus fuerat, è viuis subtraheretur. Hic sanè, vbi primum rex Romanorum designatus fuit, nihil antiquius habuit, quam vt compositis utcumque imperij rebus, legatos Genuam mitteret, qui sui Principis nomine Senatum de optima & propensissima in eum voluntate edocerent, simulque illi haud obscuris testimoniis atque argumentis singularem beneuolentiam declararent. Et quoniam in Landtgrauiorum mentionem incidimus, non ab re fore existimauimus, si nonnulla de ipsorum origine, ac ditione hîc obiter subiecero. Hæc verò Hassia communi & iamdiu recepto vocabulo appellatur. Quod verò ad huius nominis etymologiam spectat, sunt qui dicant, illam à monte Hassonæ, Hassiam, siue Hassoniam nūcupatam. Aliis verò placet, Hassos, seu Hessos, ex Chattis, qui in hac regione habitasse commemorantur, t in s mutato, prognatos, unde adhuc est loci nomen Catzen-Elnbogen, gentis illius contestans vetustatem. De his autem populis, Cheruscis finitimis atque conterminis, crebra fit mentio apud veteres, præsertim verò apud Corn. Tacitum, dum bella inter ipsos & Romanos variis temporibus varioq. euentu gesta enarrat, & præter ceteros duces ac primores illius gentis, Arpim, & Catumerum inter Principes recenset. Ceterum, in libello cui titulus est de situ, moribus & populis Germaniæ, de Chattis hæc memoria prodidit. Ultra hos, inquit, Chatti initium sedis ab Hercynio saltu in-

Henricus
Landtgrau-
ius rex.
Rom. desig-
natus.

Chatti.


choant, non ita effusis ac palustribus locis, ut ceteræ ciuitates, in quas Germania patescit; durant siquidem colles, paulatimque rarefcunt: & Chattos suos sal-
 tus Hercynius prosequitur simul atque deponit. Duriora genti corpora, stricti
 artus, minax vultus, & maior animi vigor. Multum, ut inter Germanos, ra-
 tionis ac sollertiæ: præponere electos, audire præpositos, nosse ordines, intel-
 ligere occasiones, differre impetus, disponere diem, vallare noctem, fortu-
 nam inter dubia, virtutem inter certa numerare: quodque rarissimum, nec
 nisi ratione disciplinæ concessum, plus reponere in duce, quam in exercitu:
 omne robur in pedite, quem super arma ferramentis quoque & copiis one-
 rant. Alios ad prælium ire videas, Chattos ad bellum: rari excursus, & fortuita
 pugna. Equestrium sanè virium id proprium, citò parare victoriam, citò cede-
 re. Velocitas iuxta formidinem, contatio propior constantiæ est. Et aliis Ger-
 manorum populis usurpatum, rara & priuata cuiusque audentia, apud Chattos
 in consensum vertit, ut primum adoleuerint, crinem barbamque summittere,
 nec nisi hoste cæso exuere votiuum obligatumque virtuti, oris habitum. Super
 sanguinem & spolia reuelant frontem, sequæ tum demum pretia nascendi retu-
 lisse, dignosque patriæ ac parentibus ferunt. Ignauis & imbellibus manet squa-
 lor. Fortissimus quisque ferreum insuper annulum, ignominiosum id genti, vel-
 ut vinculum gestat, donec se cæde hostis absoluat. Plurimis Chattorum hic
 placet habitus. Iamque canent insignes & hostibus simul, suisque monstrati. o-
 mnium penes hos initia pugnarum. hæc prima semper acies, visu noua. Nam
 ne in pace quidem vultu mitiore mansuescunt. Nulli domus, aut ager, aut aliqua
 cura, prout ad quemque veniæ, aluntur, prodigi alieni, contemptores sui, donec
 ex sanguis senectus tam duræ virtuti impares faciat. Hæc quidem Tacitus. Qua-
 tenus ad dominium Hassiæ, nec non Landtgrauiorum titulum attinet, illud in pri-
 mis animaduersione dignum est, videlicet, tempore Ludouici tertij, qui regnauit
 anno Christi 903. & ante illud tempus, non fuisse tot, & tam varios nobilium gra-
 dus, quot passim hodiè inueniuntur, præter Reges, Principes & Barones. At Du-
 ces, Marchiones, Comites Palatinos, Comites & equites auratos fuisse illo æuo
 magis officiorum nomina, quam nomina hereditaria. Siquidem Duces, Marchio-
 nes, & Comites fuerunt præsides regionum & illarum terrarum, super quas ab Im-
 peratoribus & Regibus constituti erant, & dominia illarum erant Cæsarum atq.
 imperij. Dux fuit summus militum in certa regione rector, id quod ex antiquis
 literis aduerti potest. In literis foundationis Lucernensis sic scriptum inuenitur: Ego
 Vuighardus & frater meus Rupertus, dux militum Sueuiæ reges Ludouici & c.
 anno circiter 840. Comes verò fuit iudex ab Imp. vel Rege designatus, præfectus-
 que ciuitati certæ aut regioni. Sicque tota Germania plena fuit Comitibus, inter
 quos quidam erant Landtgrauij, id est, regionum comites, quidam Marggrauij,
 id est, certarum marcarum, seu districtuum comites, quidam Palatini comites,
 alij Burgorum comites, quos Burggrauios appellant, & alij Centuriones, quos in
 Germania vocant Centgrauios; atque omnes eligebantur ex Baronibus, aut aliis
 grauibus viris. Atque hinc est, quod in vetustis literis tam frequens sit mentio de
 Landtgrauiatibus, ut est Landtgrauiatatus Susenburchens. Sifgoiensis, Kleckgoiens.
 & c. Porro Landtgrauiatatus Hassiæ subortus est ex Landtgrauiatu Thuringiæ.
 Quos autem habuerit præsides à 400. aut 500. annis, non ita planè exploratum
 video. Nonnulli, haud incelebres scriptores deducunt genealogiam à Ludo-
 uico, diuæ Elisabethæ marito, usque ad hæc tempora.

*Landtgra-
uij.*

Ludo-

Ludouicus Landtgravius Sophia filia, quā Henricus Ludouicus Episcopus Mo-
Thuringens. vxor eius duxit Henricus cognominat⁹ nasteriens.
diua Elisabeth. Dux Bavarie. puer Hassia. Otho Landtg. Septē filia.

Ludouicus hic primo signatus loco, Landtgravius Thuringen. habuit vxorem Elisabetham filiam regis Vngariæ, reliquitque filium & filiam. Filij nomen erat Hermannus, qui obiit adolescens, ducta tamen vxore Beatrice Ducis Brabantia filia, quæ postea nupsit Wilhelmo Comiti Flandriæ. Mortuo autem Hermannō, sororius eius Henricus Dux Brabantia factus dominus Hassia, dedit filio suo Henrico puero Hassiam, & alteri filio Brabantiam. Henricus genuit Ludouicū, Othonem, & septem filias. Ludouicus episcopus construxit aulam Martpurgensem & sacellum in Burgo. septem filia nupsērunt Comitibus à Seine, Hennenberg, Nuremberg, Ohsenstein, Waldecken, &c. Ab Othone deducitur series genealogiæ in hunc modum:



4. Otho genuit multos liberos. Filius Otho Antistes Meidenburgens. ædificauit castrū, & à se Ottenstein appellauit. Duo, Henricus, & Ludouicus, certis conditionibus atque sortis proiectione in hunc modum diuiserunt terram. Conuenit inter eos, vt vnus tantum duceret vxorem, alius autem cælebs maneret; possideretque Grebenstein, Imenhaus, & Nordeken iuxta Leinum fluuium. Conuenit præterea inter eos, vt vterque apud vnam & eandem sponsam ageret procum, & quem illa ex eis deligeret maritum, is dominus esset terræ. Venerunt ergo ambo ad filiam Marchionis Misnensis, indicaueruntque illi animum suū, rogantes, vt qui magis placeret, hunc susci-peret osculo amoris. At illa consentiens in Henricum, fecit illum dominum terræ. Ludouicus tamen pactis non stans, duxit vxorem Comitissam à Spanheim, ex qua sustulit Hermannū Landtgraviū. Et quoniam renunciauerat iuri suo quod in Principatu habuerat, misit filium suum ad Academiās, vt liberalibus artibus institutum, Ecclesiasticis dignitatibus addiceret, sicut etiam postea ab Othone Meidenburgens. Antistite, suo patruo, Canonicatum obtinuit, & aliquandiu possedit. Henricus Landtgravius, ducta vxore ex comitum Cleuensium familia, sustulit ex ea filium Othonem, & duas filias, Adelheidem scilicet, quā duxit vxorem rex Polonia, & Elisabetham, quā Albertus Dux Brunsvicens. matrimonio sibi iunxit. Othone autem patre suo Albertus Brunsvicensi tradere constituerat. sed ab eodem genere irritatus, per S. Elisabetham iurauit, se mutaturum sententiam, quod etiam præstitit. Nam misit pro Hermannō Canonico nepote suo, eūque Principem in Landtgraviatu instituit. Is deinde ex legitimo coniugio duas filias, & vnum filium procreauit, qui etiam patri successit in Principatu. Fundauit autem Henricus duas collegiatas ecclesias, vnam Cassilij, & alteram Rodenburgi. successit Ludouico filius eius Ludouicus, ætate inter reliquos fratres senior, habuitque vxorem Mechtildem Vuirtembergensem;

genshem, quæ ei genuit duos filios, Wilhelmum seniore, & Wilhelmum mediu, atque filiam vnam. Eius frater habitauit iuxta Lynum fluuium, duxitque vxorem Annam de Katzen-Elnbogen, & Dietz. Hermannus verò fuit Archiepiscopus Colonienfis, & vnus ex feptemuiris Principibus. Wilhelmus senior curiam suam habuit Caffiliis, & frater eius Spangenbergæ, & Wilhelmus iunior, ope atque auctoritate ipsius Hermanni, sui tutoris, anno sal. 1489. administrationem Martpurgenfis regionis, comitatus Katzen-Elnbogenfis, Dietzenfis, Tieggenheimenfis, & Niddenfis, adeptus fuit; habuitque vxorem Elisabetham Principis Palatini filiam, quam elocauit anno sal. 1498. qui postmodum anno 1509. absque prole decessit, ei que in Principatus administratione Wilhelmus medius succedens, magni Ducis Meckelburgenf. filiam sibi in matrimonio coniunxit, ex qua anno 1504. sustulit Philippum Landtgrauium, cuius coniunx fuit Christiana, Gregorij Ducis Saxonie & Marchionis filia, quæ, præter generis amplitudinem, puerperiis, ac singulari pudicitia & ~~in~~ emicuit. Ex hac verò, præter sobolem feminei sexus, in qua fuit Agnes, vxor D. Mauritij Electoris Saxonie, Anna vxor D. Wolfangi de Zuuebrugk, & Barbara, quæ nupserat D. Georgio à Wirtemberg, sustulit quatuor liberos, nempe Wilhelmum, Ludouicum, Philippum I. & Georgium, Principes, vt stemmatum & maiorum imaginibus inclytos, & illustrissimos, ita quoque ~~in~~ vndiquaque conspicuos atque insignes. Quanta verò in ipsorum ~~in~~ parente fuerit animi celsitudo, nec non militaris disciplinæ peritia & virtus, quantaque rerum gestarum gloria floruerit, nemini profectò obscurum esse potest, qui vel mediocriter in historiis & nostrorum temporum cognitione sit versatus; utq; de aliis sileam, ex ~~his~~ id facile cuius erit intelligere. Is sanè, vt ex innumeris, hæc quàm breuissimis verbis attingam, anno 1528. aduersus Antistites Wirtzburgenf. Bambergenf. & Moguntinenf. bellum mouit. Anno 1534. Vdalrico Wirtembergensi Principi auxilio fuit, vt is autum dominium, quo per xv. annos caruerat, recuperaret. sequenti anno Monasterienf. urbem, ab Anabaptistis in Westphalia occupatam, cum plerisque aliis principibus expugnauit. Smalkaldico foederi accessit 1536. Henricum iuniorem Brunsuicensem Ducem 1542. ditione sua eiecit, quem etiam paternâ ditionem repetentem, cum Carolo Victore filio cepit anno 1545. Exorto verò inter Carolum V. Imp. bello cum Imperij ordinibus, dux exercitus vnâ cum Friderico septemuiro, Smalcaldici foederis factus, 1546. bellum gessit cum Imp. deinde malè succedentibus rebus 18. Iunij, anno 1547. Cæsari sese dedidit, liberato Brunsuicense cum filio, & in eius custodia detentus: ac tandem anno 1552. pristinæ libertati restituitur. De ipsis autem Landtgrauianis Principibus, Philippi liberis, adhuc superstitis, quorum quisque seorsum suam ditionem singulari cum prudentia & æquitate administrat, prolixius orationem extendere, neque argumenti series patitur, neque ipse, illorum ~~in~~, & in primis quidem, Illustriss. ac potentiss. Principis Wilhelmi, primogeniti, ~~regis~~, nec nō abstrusam & reconditam in omni disciplinarū genere, ac præsertim in motib. siderū, ac mathematicis rebus, in quibus sanè ita excellit, vt hoc sæculo perpaucos sibi pares, superiorē verò habeat neminem, eruditionē pro dignitate vnquam possem exprimere. Id tamen breuiter subiecero, nullam esse cuiusquam vel disertissimi hominis eloquentiam, quæ illorum incredibilem in suum parentem omni quidem tempore, at illo præcipuè, quo à Cæsare captiuus & in vincula detentus est, ~~in~~ pro meritis queat extollere. Notum est enim, quidnam ipsi pro eo liberando apud Ducē Mauritiū

& Cæ-

& Cæsare m egerint, adeò vt numquam omninò quieuerint, donec ipsum tandem in auitum imperiũ restitutũ conspexerint. Porro ex his, Philippus j. tertius frater, tunc ~~generosus in doli & delictis, & non egrogus animi corporisq. debilis~~ sese apud Henricũ II. Galliarũ regem, cũ D. Mauritio & Marchione Alberto fœdere coniunctum, obsidem obtulit ac exhibuit. Reliqui verò vnà cum ipsis fœderatis principibus intrepidis animis arma susceperunt, & ipsi expeditioni cũ summa laudis gloria interfuere, ita sanè, vt neq. Coriolani, neq. Scipionis cognomento Africani, neque Manlij Torquati, siue aliorum, quos veterum monumenta summis præconiis extulere, ~~in patetis pietas clarior~~ illis ~~sele~~. Sed ne diutius lectorem ab his quæ litteris consignare statui, & ad quæ etiam animus iuxta & calamus festinat, remorer atque abducam, coarctabo me inter angustias, sic tamen, vt quæ hætenus de hac tam clara ac veteri prosapia eiusque ditione atq. origine recensui, libenter omnino adiunxerim, partim ne tacito silentio præterirem hanc illustrissimam familiam, cui me multis nominibus plurimum debere ingenuè fateor & agnosco, partim etiam vt omnibus testatum sit, quanti fecerit Remp. Genuens. Henricus Thuringiæ atque Hassiæ Landtgravius, Cæsar designatus, qui statim ad imperium euectus, illi splendidam, vt diximus, legationem destinauit, ei que non vulgaria beneuolentiæ documenta ac testimonia declarauit. Verum enim verò, vt ad rerum ordinem redeam, eodem anno, scilicet supra millesimum ducentesium sexto & quadagesimo, Fridericus vndique ex Apulia Siciliaque accersitis copiis, cum sexaginta millibus armatorum Parmam, verustissimam Galliæ Cispadanæ urbem obsedit, ac etiam sub idem tempus, sua classe, cui tunc præerat Andreas Vsusmarius, Ligusticæ oræ tractum variis discurssionibus infestabat. ad cuius quidem conatus inhibendum, Ligures rem naualem expediuerunt, adeò vt quàm plurima damna ultro citroque inferrentur, sicuti hæc omnia sigillatim recensebimus. Suprà commemoratum est, septemuiros Principes, Henricum Landtgraviũ, Regem Rothanorum renunciasse. Ceterum, post eius obitum, Romanus Pontifex de communi Purpuratorum consensu, Petrum, cognomine aurea statula, Cardinalem titulo S. Gregorij, in Germaniam ad septemuiros Principes misit, illos maximo perè adhortatus, vt denuò alium ex suis Proceribus in regem Romanorum, aduersus Fridericum & Chunradum filium renuntiarent. Qui vt Pontifici obsequerentur, nulla mora interposita, simul in oppidum Vuaringen conuenerunt, ibique mutuis suffragiis Gulielmum Hollandiæ Comitem, iuuenem vix pubertatis annos egressum, quippè qui nondum vicesimum excellerat, sed amplissimis opibus, & clientelis subnixum, Romanorum regem crearunt. Is verò, paucis post diebus à regia dignitate suscepta, itidem oratores, sicuti eius prædecessor fecerat, Genuã ablegauit, qui Senatum de sua ad imperium promotione, atque optima erga eum voluntate commonefacerent. At mense Octobri, aër, repente puro ac sereno die, in densissimam nubium caliginē ac tenebras cōuersus est, & Luna vndique atra & fusca nigredine obducta: quo sanè vniuersa ciuitas mirum in modum expauit. Exitu anni, parum absuit, quin Alexandrini occultis artibus & clandestinis consiliis arcem atque oppidum Capriatæ, cuius Præfectus erat Martinus Marabottus, occuparent. Post quæ secutus est annus eiusdem aui septimus & quadagesimus, quo Gulielmus cognomine de Castro nouo, Placentiæ, peruetustæ ac nobili Galliæ Cispadanæ ciuitati, ortus, prætorial dignitate insignitus fuit. Et iuxta præcedentis anni decretum, quinque Pontificij ac ciui-

1246

Gulielmus
Hollandiæ
Comes, Cæsar designatus.

Eclipsis Solis & Lunæ.

1247

Fliscorum
origo.

lis iuris Doctores aliundè euocati, penes quos forensium causarum arbitrium atque iudicium staret, prout triginta fermè annos continua quadam serie obseruatum fuerat, creari desierunt, ac ~~vetus consuetudo~~ de eligendis consulibus recepta. Igitur coacto Senatu, habitisque de more comitiis, Bonuassallus Saurus, Simon Siluagnus, Nicolaus Mortettus, Simon Lomelinus, Andreas Gattilufius, & Hugo Fliscus, Consules renuntiati. Ceterùm, quia persæpè in hoc opere in Fliscorum mentionem incidimus, minimè ab instituto alienum fuerit, si summam ac breuiter, vnde hæc nobilissima familia, sui generis primordia traxerit, quæntiæ suæ gentis auctorem conditoremque agnoscat, ostendero. Hæc fanè, vt ex vetustis Annalibus deprehendi, suam originem in Robaldo, ~~re-~~cto Lauaniæ Comitum titulo insignem, Alberti patrem, refert. Ex hoc verò natus est Albertus Rufinus, qui tres liberos habuit, nempe Hugonè, Theodosium, & Girardum, quorum primus Flisci nomen assumpsisse dicitur. Habeo equidem haud incelebres scriptores, qui hanc gentem, suum exordium ac originem ad Bauariæ Principes referre, posteris ac memoriæ prodiderint, simulque asserant, quendam ex ea familia Lauaniæ Comitatum emisse, ac cum pro Genuensibus contra Pisanos veteres sui nominis ac ditionis æmulos, multa egregiè ac fortiter gessisse, atque ob id à Senatu, grati animi ergò, quamplurimis priuilegiis atque immunitatibus donatum. Ceterùm id neque confirmare argumentis, neque refellere in animo est, ex ingenio suo quisque demat, vel addat fidem. Nam vt conquirere fabulosa, & fictis oblectare legentium animos, procul grauitate cœpti operis crediderim, ita vulgatis traditisque fidem eleuare non ausim. Id planè in confesso est, hanc præclariss. familiam, belli togæque artibus diu cum summa nominis laude & gloria floruisse, ac in ea, præter sacros omnium ordinum, Antistites, duos summos Pontifices, nempe Innocentium quartum & Hadrianum quintum, iuxta cōplures purpuratos extitisse, qui multis eximiis virtutibus & meritis suam stirpem ac patriam illustrarunt. Proximo anno prætura functus est Ram-

1248. bertinus Bouarellus ciuis Bononiensis. Quamuis autem Respub. hoc tempore Friderici Augusti, Pisanorum, Iacobi Carreti Marchionis ceterorumque regulorum loca finitima incolentium, necnon Vberti Palauicini, ac multorum exulium Gibellinas partes propugnantium, armis vndiquaque impeteretur, id tamen minimè obstitit, quo minus hostilibus conatibus terra marique repressis, validissimam classem pro sacra expeditione, quam, sicuti paulò antè recensui, Ludouico Galliarum regi promiserant, omni bellico apparatu instruerent ac exornarent, eaque postero anno sub Alberti Malauoltæ ciuis Bononiensis prætura, è sinu Ligustico educta, eiusque potissimum ope ac præsidio Æliopolis, vti diximus, occupata. Iisdem fermè diebus, Ferdinandus tertius Castellæ rex, Hispaniam, peruetustam Hispaniarum urbem, diu à Mauritanis dominatam, consimili fortunæ abblandientis aura, Non. Cal. Decembr. expugnauit, suoque imperio adiecit. ad cuius rei tam prosperè ac feliciter gestæ nūtiū, ad eum, auctore Præside, ac decreto Senatus, Hugo Fliscus, vir iuris scientissimus, & Guilielmus Bolletus, firmandi fœderis, & mercium, vtrò citroque commutandarum gratia, oratores missi, & paulò post Nicolaus Caluus eodem ablegatus, cuius opera quicquid reliqui esset negotij, ad optatum exitum perduceretur. Post hæc, Girardus Corrigius Prætor designatus, qui de vnanimi patrum consensu, contracto quicquid erat militum, Sauonensem agrum hostiliter depopulatus est, & in septem collibus Sauonæ adiacentibus, duo propugnacula crexit, validoque præsidio imposito, Genuam remigrauit, eodem temporum tractu, quo

1250. Frider-

Hispania
Ferdinando
Castellæ re-
ge expugna-
ta.

Fridericus Cæsar Pontifici, ac Genuensi populo infensissimus, inter mortales agere desit, eque viutorum numero subtractus fuit. Subsequenti anno, Senatus 1251. decreto Prætoria dignitas & honos in Menabum Turricellam collatus, cui statim ab initio nihil antiquius fuit, quàm vt descripto milite, rebelles populos ad pristinam fidem atque officium redigeret. Proinde cum expedita manu Varaginem, oppidum recensendo ac perlustrando militi destinatum, contendit. His apparatibus, Iacobus Carrettus Finarij regulus, Sauonenses, Albintimilij, & pleræque aliæ ciuitates, quæ aut libertatis studio, aut spe maioris commodi à Rep. descuerant, missa legatione, submissè veniam petierunt. Quos Senatus, iniuriis posthabitis, benignè in gratiam recepit, & cum his nonnulla fœdera & conuentiones initæ, ipsique Sauonenses in ciuium ordinem cooptati fuerunt, atque vrbe donati. At Prætor, his rebus non minus properè, quàm feliciter peractis, exauctoratis manipulis, Genuam ouanti similis, & cum incredibili omnium lætitia & congratulatione reuersus est. In hoc rerum curriculo sæuissimum bellum inter Ligures ac Venetos gerebatur, eo tandem successu, vt cum vtraque Resp. diutinis calamitatibus defatigata esset, (fit enim, vt sicuti ex longa pace prælij cupidò, sic fessis bello pacis amor) multò magis in hanc, quàm in bellum propenderet, ideoque vnanimi consensu oratores vtrunque Lucam ablegati fuerunt, & Venetorum quidem nomine, Petrus Gradonicus, & Iacobus Dorus; Genuensium autem, Guido Spinula & Hugo Fliscus, eò perrexerunt. Ceterum ob nonnullas graues controuersias, pacificationis negotium in proximum ver dilatatum, eoque appetente, in portu Veneris, vbi vtriusque Reip. legati conuenerant, pax tandem in decennium transacta. Circa idem tempus, Innocentius quartus Pont. cuius suprà mentionem habuimus, Lugduno Massilias, indeque Genuam concessit: cuius aduentu & præsentia vniuersa ciuitas summo gaudio perfusa, nihilque ab ea prætermisum, quod ad tantum Pontificem sibi demerendum, quoquo modo facere videretur. Fine anni Resp. cum Florentinis & Lucensibus fœdus ac societatem contra Pisanos iniuit, & Prætor suum magistratum, quo sanè admodum honorificè, vt plerique alij, perfunctus erat, deposuit, ei que Guiscarda Petrasancta ciuis Mediolanensis cum pari imperio & auctoritate præpositus: sub cuius regimine nihil memoria dignum ac notabile apud veteres annales reperio, nisi quòd Senatus à Marchionibus Clauesanis arcem Andoræ vnà cum agro finitimo pro octo millibus librarum coëmerit. Proximo anno Henricus Vexilliferus, Brixia genitus, Præturam adeptus est: sub quo 1253. iterum Sauonæ vrbs incenia Senatus consulto diruta, & funditus euerfa fuerunt, propterea quòd mutuarum conuentionum terminus iam effluerat: Nam in ea transactione, quæ facta est anno supra millesimum ducetesimum vno ac trigesimo, de mutua Sauonensium cōsensione obtinuit, vt sibi integrum foret, exacto biennio, muros eius ciuitatis exscindere, ac fossas cōplanare; sicuti omninò accidit, eò quòd ipsi malè erga Rempub. Genuens. affecti, nihil omninò impensius studerent ac molirètur, quàm vt ad primam occasionē ab eius fide atq. obsequio desciscerent. Paucis post diebus, Rodolpho Graidano, eiusdem patriæ alumnus, 1254. prætoria dignitas demādata: isq; sui muneris functione sedulò ac fideliter obita, Martinum Sumariuam, cui patria fuit Lauda Pompeia, successorem habuit: sub 1255. quo, præter cetera, Gulielmus Albintimilij Comes, vnà cum suis liberis, eò quòd summa perfidia vsus, mutua iura & fœdera temerasset, ab omni feudo ac beneficio, quod sibi cum Rep. hætenus intercesserat, prorsus excidit, adeò vt etiam publicus hostis declararetur. Sequenti anno, Philippo Turrigero Insubri, ex il- 1256. lustris

lustri Turrigerorum familia oriundo, Prætorio muneri admoto, Ligures cum Florentinis, & Lucensibus aduersus Pisanos, icto fœdere, collatisque viribus, acerrimum bellum contra eos gessere; quod sanè vnà cum causis & euentibus speciatim suo loco recensetur.

LIBER QVARTVS.



RIORIBVS libris, quænam Reipub. administratio ab eo tempore cuius mentionem fecimus, hucusque extiterit, & quid domi forisq., exceptis iis bellis de quibus seorsum tractabitur, gestum fuerit, maiori quo fieri potuit compendio ac breuitate explicauimus. Nunc superest, vt repetitis paulò altius ciuilibus discordiis, quibus statim ab initio Respub. fatali quadam ratione mirum in modum ad exitium quodammodo vsque laborauit, dicamus, quænam potissimum de causa factum sit, vt longè maiores ac periculosiores, quàm antea, in ciuitate dissensiones atque tumultus, indeque haud leues conuersiones exortæ fuerint. Satis enim constat, nunquam grauioribus procellis ac tempestatibus Ligusticæ ditionis statum fuisse inuolutum & subiectum, quàm his subsecutis temporibus. Siquidem hætenus ægritudines hominumque affectiones miris artibus atq. dolis delitescabant, & nondum in apertam & planè manifestam eius perniciem eruperant. Solet enim non rarò vsu venire, vt in ciuitatibus tantisper odia supprimantur, donec commodam erumpendi occasionem nacta sunt. Postea verò, vbi non semel eruperint, contagione serpunt, & instar flammæ omnia consummentis, inuadunt atque absumunt; nec antè extingui, vel consopiri valent, quàm cum publica lue & pernecie diu lateque grassatæ fuerint. Hoc idem in hac ciuitate contigit. Nam nemini dubium est, & in hoc planè consentiunt omnium scriptorum Annales, ex ciuilibus simultatibus, tanquam à perenni fonte, & nunquam exarescente scaturigine, in hac vrbe grauissimas turbas exortas esse, & nisi post multorum temporum interualla, multorumque casum & interitum, sedatas atq. restinctas fuisse. Hoc autem, cum meridiana luce clarius sit, non est, meo quidem iudicio, vt hac in parte fidem lectori, multis enumeratis exemplis, faciam. Satis verò liquet ex veterum monumentis, quamdiu bene nobilitati ceterisque Patricij ordinis cum cetera plebe conuenit, & isonomia rerumque omnium communicatio passim in Rep. retenta fuit, contentiones ac simultates omnes nullum locum habuisse. Vbi verò hic neruus parilitatis, & veræ, vt sic dicam, democraticæ communionis, incisus est, paulatim magna ciuium distractio insecuta est, & illius status in deterius labi cœpit. Nam vbi hoc pestiferum ac exitiale odiorum virus ibi diffundi cœpit, oppressaque nobilitate, & sublata omni aristocratæ forma, Respub. popularem administrationem, hoc est, democratiam, amplexa est, ea indies magis atque magis labefactari, & tacitis vulneribus confodi ita cœpit, vt prius ad interitum properaret, quàm ægrotare quodammodo animaduertetur. Quo sanè factum est, vt plerique patricij ordinis viri, qui ea tempestate auctoritate atque opibus in Repub. florebant, & hoc nomine magnum locum apud omnes ordines sortiti erant, hanc bene gerendæ rei ansam & occasionem nacti, supremo rerum omnium imperio, & absolutæ Reipub. administrationi inhiare cœperint, existimantes, facile fieri posse, vt, distractis hominum animis, sublataq. omnium ordinum consensione, vniuersalis quadam confusio in ipsa

*Ciuilium
dissensionum
causa & origo.*

in ipsa vrbe oriretur, cuius demum opportunitate, ceu commodo ministerio, ad Principatum sibi aſtruendum, vterentur. Intelligebant ſiquidem, nihil difficilius eſſe, malis artibus ad ſupremum gradum contendentibus, quàm Reipub. ſtatum concordia atque vnione innixum. Rurſus nihil eſſe facilius, quàm in conturbata ciuitate virum aliquem, vel diuitijs, vel natalibus, vel denique gratia & eloquentia conſiſum, aditum ſibi ad res magnas atque præclaras patrandum & conſiciendum, quærere atque parare, adeò vt omnia hæc, quorum etiam ſingula ſufficientem materiam cōſequentæ auctoritatis ſubminiſtrare videbantur, in vnum collata, exiſtimarent, effectura, vt, nemine, vel ſaltem paucis obſtantibus, dignitatem ex rerum opportunitate ſibi metirentur. Ceterum, quantoperè errore atque inani opinione lapſi ſint, & quàm diuerſus à votis rerum fuerit euentus, exiguo temporis ſpatio apertiffimè declaratum fuit. Populares etenim, quamdium nulla propemodum auctoritate, vel exiguis tantummodò viribus pollebant, haud grauatè optimatium imperio ſubijci, omniaque illorum nutu & conſilio gubernari atque adminiſtrari facilè permittebant. Poſtquam verò ſibi capeſſendis honoribus aditum vi & factionibus aperuere, atque ſuppreſſis, vel in ordinem coactis Optimatibus, Magiſtratus, aliaque ciuitatis præcipua munia, gerere indiſcriminatim cœpère, fortunis atque opibus aucti, nihil habuere antiquius, quàm vt ſtatim excuſſo iugo, & ab omni legum & diſciplinarum reuerètia turpiter ac iniquè deficientes, ad ſupremum dignitatis gradum, diuerſimodè contenderent atque aſpirarent. Cùm enim eſſent in ciuitate plures factiones atque ordines, diuerſa ſtudia ſequebantur, nec omnes iſdem artibus, vel modis, ad ea, quæ ibi ſuprema & maxima, contendebant. Hinc etiam factum fuit, vt, priuſquam in Repub. Guelphi ac Gibellini nominis pernicioſæ factiones, cognitæ, vel introductæ eſſent, magna inter Spinulas & Aurias, miro ambitu atque aſſidua æmulatione inter ſe flagrant, diſſidia exorirentur. Cœperant ſiquidem hæ duæ nobiliſſimæ familiæ inuicem ſumma inuidia, atque inde peſtifero odio flagrare, quòd diu communicatis inter ſe ac diſtributis honoribus, præcipuam ferè in Repub. auctoritatem ſibi comparaffent: deinde labefactato Reip. ſtatu, vtraque vt fieri ſolet, ſibi populares factiones aſciſcere, atque conquirere anxie ſtudebat, ita ſcilicet, vt clientelis ſubnixæ, ad omnem caſum paratæ, atque inſtructæ eſſent, quò & vim aliarum ſimultatum repellerent, & priſtinam dignitatem ex aſſidua quadam potentia, hominumque ſtudiis alerent, ac etiam propagarent. Quocirca, dum quiſque per ſe principem locum in ciuitate affectat, ſucceſſu temporis effectum eſt, vt ope aliarum factionum, vtraque parte inter ſe æmula, ſuppreſſa atque labefactata, populares ſeditiones indies augerentur, & ita inualeſcerent, vt ſeſe potentia, numero, & auctoritate, nobilium ordinibus ac ſtudiis anteponere, nedum exæquare contenderent. Hinc illæ 1257. turbæ ac tempeſtates deinceps ſubſecutæ: Siquidem anno ſupra milleſimum ducenteſimum quinquageſimo ſeptimo, cùm, Alberto Malauolto Bononiensi, cuius antea meminimus, Prætore designato; alter, cui iam ſui muneris tempus exactum erat, quinto decimo die à Magiſtratu depoſito, vnà cum ſua familia diſceſſum pararet, eumque per urbem equitantem, plerique ex noui Præſidis miniſterio ac famulatu, honoris ergò, vt fit, extra ciuitatem deducere, popularis factionis aliquot improbiſſimi homines, ſiue ſpontè, ſiue, quòd veriſimilius eſt, à potentioribus, rerum mutandarum occaſionem anxie occupantibus, ſoliciati, adeò insolenter publicè cum ipſo expoſtularunt, vt non modò dictariis atque probris non abſtinerent, verum etiam cùm in plateam, vulgò Pancogli;

goli, deuentum esset, multis lapidibus illum impeterent, & subinde clamitarent, contrucidandum esse, eoque necessitatis adegerunt, ut, vitandi periculi causa, utque commodius sese à concitata & effrenis multitudinis manibus subduceret, paucorum patrocinio protectus, in destinati successoris sui ædes, non procul inde remotas, cum summa festinatione, animi dubius & anceps, se subducere coactus fuerit, existimans, se hoc modo & tutum fore, & concitata plebis animos ab incepto quieturos. Res tamen longè aliter euenit. Quippe statim post eius discessum, aliquot popularium factionum manipuli sese ceteris agglomerantes, ita insolenter & lasciuè per omnes vicos & compita decurrerunt, ut summam atque inexpectatam seditionem in Repub. quamprimum excitarent, quæ dicto citius ita incaluit, ut nulla ferè esset ciuitatis pars, vel regionis angulus, in quo passim non tumultuaretur. Auxerant enim, ut in promiscua multitudine fieri solet, inuicem animos, & quisque suæ factionis auctorum voluntatem atq. gratiam hoc modo sibi promereri pollicebatur, adeò ut perplexa ciuitate, hi factiosi ac perniciosi ciues agminatim, uti diximus, discurrentes, populare nomen, ingeminatis sæpius vocibus, inclamarèt, & non secus quàm serui ad pileum vocati, quotquot populares essent, vel populari nomini fauerent, studiosè ad se pellicerent, sic sanè, ut paruo interposito tempore, omnis ferè illa urbana multitudo, quæ verè Plebeia dicitur, promptis pectoribus, & summa vultus animique alacritate certatim accurreret, causata scilicet vim pristinae Reip. libertati per Præto-rem, ceterosque Optimatum tyrannidis administratos, cum graui totius ciuitatis perniciæ ac detrimento infligi: tantumque ardor ebullierat, ut ipsum Præsidentem subinde insecuta, tandem in ædem D. Syro sacram, magno strepitu contenderet, ibique summis viribus instaret, ut Prætori, veteri, & consuetæ auctoritate abrogata, Præfectus popularis designaretur. Vigebant ea tempestate in Repub. non solum multæ, ac præclaræ patriciæ nobilesque familiæ, verum etiam aliquot populares, diuitiis & auctoritate florentes, inter quas Buccanigrorum ferè præcipua existerat, quæ ceteris gratia atque applausu populari antecelleret. Proinde factum est, ut in hoc præsentis rerum tumultu, Gulielmus Buccanigra, vir magno excelsoque animo, ac planè eiusmodi, ut ostensa aliqua bene gerendæ rei spe, aliquid supra gradum atque hominum opinionem auderet, cum apud plebem magnum sibi fauorem parasset, æquali & vnanimi omnium popularium consensu vrbs Præfectus renunciatus sit, atque in hoc munere faustis acclamationibus ingentiq. totius vrbs applausu confirmatus; tanta me herclè cū stulta & effreni vniuersæ multitudinis approbatione, ut humeris sublatus, non tantum Prætor, sed Reipub. Dominus absolutus videri posset, adeò ut nullo senatus, vel patriciorum ordinum expectato consensu, vel suffragio, integram illi totius Reipub. administrationem deferrent, & in verba eius more sollempni iurarent. Hac tanta licentia minimè contenti, eò vesaniæ dicam, an temeritatis deueni-ere, ut nouum paulò ante, uti diximus, ex Patrum voluntate designatum Præto-rem, eò necessitatis compulerint, ut non modò spontè Magistratu exiret, verum etiam ut sese iureiurando summa cum religione obligaret, se deinceps non commissurum, ut aliqua ratione popularem designatum Præsidentem in suo munere administrando conturbaret, vel impediret: sed libenti animo, quoad eius fieri posset, eius iussis atque imperio obtemperaturum. Ex hac repentina quidem, sed exitiosa concitata plebis seditione, magna rerum omnium confusio, & periculosissima Reipub. conuersio subsecuta est. Nam statim hoc modo, uti diximus, labefactata senatus auctoritate, populares ciuitatis dominium ad se rapien-tes, &

Gulielmus
Buccanigra,
vrbs Præ-
fectus, &
postea Prin-
ceps renun-
ciatur.

tes, & intentata vi, omnia suo arbitrio administrantes, ita ut nemo in tam magna præclarorum virorum frequentia esset, qui sese stultæ & effrenæ multitudini obijcere atque opponere auderet, ipsi hac impunitate confirmati, quò magis dicerent, se Reipub. imperium asssecutos esse, omniaque pro libidine atque arbitrio constituere posse, hoc vnum egerunt, ut violentia raptum dominium, certis præsiidiis, & pro commoditate temporum attemperatis, illud ex usu suo confirmarent. Sciebant enim, urbis regimen armis partum, atque optimatibus extortum, nullo modo nisi armis retineri & conseruari posse, nimirum cum ita sit à natura comparatum, ut nullus aliquarum rerum status diu subsistere queat, nisi eis præsiidiis enitatur, quibus maximè natura gaudeat. Quapropter ad austruendam sibi tyrannidem, vno eodemque tempore triginta duos ciues ex democraticis decuriis delectos atque secretos, quos ipsi nouo & iam recepto vocabulo Antianos vocabant, constituerunt, qui, Ephorum instar, vnà cum ipso præfecto, ciuitatis munia inter se partirentur, & totius Reip. summam administrationem haberent. Hi itaque omnium consensu per octo decurias distributi, totidem ciuitatis regiones representabant, adeò ut extincta penitus Aristocratia, Democratia in vrbe constituta videretur. Hanc quò magis constabilirent, cum multa tumultuariò ac temerè ut sit in tanta rerum omnium confusione & festinatione, egissent, paucis interpositis diebus, pleraque per se constituta, ad maiorem rei cognitionem deuocarunt, ita ut, absente præfecto, Buccanigra publicis suffragiis ad decennium in ea dignitate confirmatus sit, atque ipsi annuum stipendium mille librarum ex ærario publico assignatum, & præterea quinquaginta stipendiarij cum aliquot apparitorum numero pro eius satellitio, vel, ut ipsi vocabant, vitæ præsidio destinati. atque ita Popularis status Plebiscito introductus. At Prætor, per Patres conscriptos constitutus, qui hæcenus dubia sub spe rerum exitum expectauerat, cum videret, eò esse in ciuitate deuentum, ut Senatus omnem pristinae auctoritatis spem abiiceret, nec eius recuperandæ aliqua spes affulgeret, sed potius vniuersa Reip. munera pro libidine insanæ multitudinis dispensari, ante præfinitum tempus spontè se Prætura abdicauit, in cuius locum initio proximi anni de optimatium tacito cōsensu Rainerus Rossus, Luca oriundus, suffectus est. Quamuis etenim deinceps urbis Prætura magna sui parte manca & mutila esset, & vix aliquam imaginem pristini decoris ac dignitatis retineret, cum omnia scilicet, uti ostendimus, populariter regerentur, tamen ciuitatis genius obtinuit, ut aliquis adhuc honor & locus illi muneri relinqueretur, ita ut causæ ciuiles, & criminales, Prætoris cognitioni atque iudicio subinde permitterentur. In hoc tam perplexo & lubrico Reip. statu, Popularis præfecti collegarumque auctoritate, sexdecim triremes instructæ ac præparatæ sunt, quæ ductu atque imperio Nicolai Venti, & Iacobi Nigrij, aduersus Pisanos, veteres atque acerrimos Reip. hostes, eductæ fuerunt. Exortus erat siquidem recens in Sardinia, de qua mira contentione vterque populus inter se contendebat, nouus tumultus, propter arcis cuiusdam, quam ipsi Castrum vocant, defectionem. Hæc cum paulò antè Reipub. Genuens. armis esset expugnata atque recepta, Pisani tantam contumeliam cum graui suo detrimento coniunctam, ægrè ferentes, chixè dabant operam, ut eam iterum armis subigerent: eamque ea de causa arctissima obsidione cingebant. Certiores itaque facti de Ligusticæ classis apparatu, soluta obsidione, quòd sese viribus impares viderent, in quoddam eius insulæ municipium, quod pro partibus suis stabat, subduxere. Verum, cum interea gliscentem rumorem Genuensium mora dissipasset, repetita obsidione, eò

Antiani.

Genæ Popularis status introductus.

1258.

Bellum inter Pisanos & Ligures instauratum.

G

necessi-

necessitatis Castrenses adegere, vt ipsi, cum obsidionem diutius sustinere nequissent, & subsidia diu anxie expectata, magno cum suo periculo differri conspicerent, Iudici Alborensi, cuius potissimum auspicijs obsidebantur, deditiorem fecerint, sicut in iis libris quos seorsum de bello Pisano scripsimus, fusius suo loco enarrabitur. Interim Gulielmus Buccanigra, quem popularibus votis atque suffragiis urbis Praefectum designatum esse diximus, vbi primum se ad supremum honoris apicem peruenisse animaduertit, insolentior factus, omnia pro sua libidine atque arbitrio, vt in tanta licentia fieri consuevit, nullo refragante, vel sese opponere audente, administrabat. Quippe qui, inconsulto Senatu, legationes, Reip. munera, aliaque ad absolutam principalem dignitatem spectantia, cum magno bonorum omnium dolore distribuebat, non communicatis rebus Senatui, aliisque ordinibus, prout consuetudo Reipub. recepta, in primis requirebat, adeo vt ex urbis praetura, in veram & intolerandam tyrannidem euasisse, ac non obscure transformata videretur. Quod sane effecit, vt plerique nobiles, qui exitioso consilio praecipitati, in patriae Reipublicaeque suae perniciem tacitis suffragationibus Plebiscito consenserant, magna, sed nimium fera poenitentia ducerentur. Vsu venire nimirum solet, vt illa, quae per impotentiam animi, vel consiliorum praecipitantiam committuntur, hoc est, quae temere statuuntur, poenitentiam secum a tergo, tamquam comitem & indiuiduam pedissequam, trahant. Hoc iis accidit. Saevitiam enim Buccanigrae summo opere pertæsi, crebris suspiciis Reipub. statum valde labefactatum deplorabant, & iam ex plurimis indiciis, ceu praecurrentibus notis, probe intelligebant, & obseruabant, quorsum tam ambitiosi hominis, tanta auctoritate, ceu exitiosis telis armati, ingenium esset postmodum euasurum, qui scilicet sibi iam nihil reliquum fecerat, quam vt suppressis omnibus ordinibus, ac extincta quodammodo Reipub. libertate, morem suis affectibus gereret, atque id, quod sibi utile ac expedire videretur, pro aequo atque honesto duceret. Proinde ad oppugnandum hominis conatus, ipsi ad seria remedia, vt fieri solet, confugerunt, & vnanimi consensu in eius caput coniurauerunt, eaque de causa mutuò sese religioso sacramento obstrinxerunt. Sed licet haec coniuratio, & paucorum nobilium ac popularium in eum **conspiratio, summa** cum industria ac fide silentij tractaretur, fieri tamen non potuit, vt sagacissimi ac suspiciosissimi hominis sollertiam lateret, vel effugeret. Ipse etenim longo atque recepto tyrannorum more cum sciret, nunquam satis fidam potentiam, vbi nimia sit, & in fecunda gignendis inimiciis ciuitate, etiam quae tutissima videri solent, haud parum metuenda, omnia cum summa animi praesentia administrabat, omniumque consilia anxie perscrutabatur & inquirebat, ita sane vt valde arduum ac difficile esset, aliquid contra ipsum moliri, quod non per delatores suos, quos valde multos habebat, vel propria industria indagaret, & subodoraretur. Itaque, breui, postquam hi nobiles in illum coniurassent, res vniuersa reiecta fuit, totiusque negotij status ad ipsum delatus. Sed eorum bono fato contigit, vt priusquam apprehendi possent, elabendi tempus ex mora concederetur, ipseque hac de causa summo dolore exagitatus, fremebundus suorum administratorum negligentiam increpuit, ac omnes coniurationis participes, proscriptis bonis, exilio multauit, praecipue verò illius auctores iudicio publico damnatos, graui contumelia persecutus est. Nam, ultra exilium, & bonorum confiscationem, domicilia eorum solo aequauit, multosque alios, qui sibi quacunque de causa in suspicionem venerant, ad se accersitos, eò necessitatis redegit, vt iureiurando, palam & aperte conceptis verbis, se obstringerent, atque illigarent,

Coniuratio
in Buccanigra
gram patte-
facta.

rent, se ad illius nutum, quotiescunque requisiti essent, coram tribunalibus atque iudiciis publicis sisterent; hac ratione ratus, sibi magnam securitatem imperij præstitisse. & indies magis atque magis ferociens, se sensim absolutum Reip. principem, abrogata prorsus Senatus auctoritate, exhibere statuerat; eoque secundo suæ præfecturæ anno, quo quidem tempore fuit etiam Prætor, licet Annales ipsius nomen supprimant, se in Opicij Flisci palatium Laurentij fano proximum, tanquam in priuatum & proprium suum domicilium, contulit, & ad satellitium suum pro custodia sui corporis, popularibus calculis decretum, nouo supplemento facto adauxit, ita ut hoc modo non solum toti ciuitati intolerabilis esset, verum etiam supramodum formidabilis. Verebantur siquidem omnes, ne postmodum tam tyrannicum eius ingenium, impunitate confirmatum, promiscuè citra aliquem delectum tam in amicos quam inimicos, ad minimam suspicionem, ut tyrannis proprium est, grassaretur. Repetitis quippè superiorum temporum multorum perniciosorum ciuium exemplis, qui per malas artes, oppressa ciuitatis suæ libertate, imperium sibi per scelus & vim astruxerant, facile coniectabant, ipsum, alioquin suapte natura laudis gloriæque auidum, & maioribus semper inhiantem, intra eos terminos, quibus consistebat, nunquam permanens, potissimum cum imperij status vel citò miris ac insolitis incrementis adolescat, vel interdum leuissimis quibusque de causis temporis puncto præcipitetur. Priusquam verò institutam orationis seriem prosequar, id obiter adiiciendum putauit, nempe anno eiusdem sæculi duodesagesimo, mense Decembri, Lunam post sexdecim dierum incrementum, è vestigiò vniuersam, licet admodum sereno ac tranquillo tempore, penitus non sine maxima rei astronomicae studiosorum admiratione, euauisse. Deinde postero die tam gracile & exiguum conspectam esse, ut vix à quoquam dignosci posset: & mox paulatim excreuit. Dum hæc ita geruntur, proximo vere Othobonus Fliscus, Purpuratus, Innocentij Pont. nepos, Roma, visendæ patriæ cupidus, Genuam appulit; ibique per aliquot dies inter affinium & amicorum complexus, commoratus, quod magna auctoritate summisque opibus, ac non paucis clientelis innitetur, Buccanigræ in magnam suspicionem venit, ne prætextu profectionis ad Astartam Cispinæ Galliæ urbem, ut ibi aliquos suos propinquos, & inter eos quidem, vnum atque alterum nepotem, captiuos, in pristinam libertatem assereret; aliquid in ipsa Repub. clanculum, associatis sibi aliquot patricij ordinis viris, moliretur. Metuens igitur sibi, & anxie in omnes eius actiones inquirens, enixe dabat operam, ut eius consilia, si quid forsitan in suam perniciem efficere stude-ret, maturis consiliis opportunisque remediis anteuenteret ac præueniret. Nihil tamen eo tempore ex his suspicionibus in ciuitate natum, vel vtrinque attentatum fuit. Sed Cardinalis suum institutum iter prosecutus, citra aliquas turbas, vel commotiones, quatuor ex præcipua nobilitate viris, Reip. nomine apud eum legatione fungentibus, nempe Othobono Camilio, Iacobo Marocello, Guidone Spinula, & Hugone Flisco, concomitatus, urbem excessit. Postero anno, sub eodè Buccanigra, Martinus Fanensis iuris peritia insignis, publicis Patrum suffragiis præturam assecutus est; quo quidem tempore, se flagellantium, siue, ut vulgò loquuntur, Disciplinantium ordo, Perusiæ primum, à quodam eremita, ut fama & rumor inualuit, exortus, Genuæ introductus est, atque, ut fieri solet, ut quæ paruis initiis enascantur, successu temporis, mirifice augetur, à promiscua ciuitate miro zelo ac studio amplexus, hinc non solum per totam ferè Italiam, diffusus & prolatus, sed per plerasque totius propè Christiani orbis prouincias &

1259.

Eclipsis Luna.

1260.

Disciplinæ
tium ordo.

regiones tacito progressu diffusus atque dilatus. Circa hæc tempora, Michael Paleologus Orientis imperium obtinebat. qui ob priuatas similtates & inimicitias, quæ illi cum Venetis intercedebant, singularem beneuolentiam & animi propensionem in Ligures manifestis argumentis præ se ferebat. Et cum multum Reip. interesset, tam potentis Principis in Oriente ad nauigationes Asiaticas cōficiendum, amicitia atque fauore iuuari, sub initium proximi anni, Iordano Raaluengo ciue Asteni Prætor, Senatus nomine Gulielmus Vicecomes & Guarnerus Iudex, prudentissimi ac integerrimi viri, optimeq. de patria semper meriti, ad eum legati missi sunt, quorum opera atque industria Respub. assecuta est, ut, inito cum ipso fœdere atque amicitia, res orientales longè meliori loco, quàm antea, essent. Ipse etiam, ut aliquo recenti beneficio sibi Rempub. arctius deuinciret, magna liberalitate usus, illi Smyrnam urbem, atq. etiam, ut nonnullis placeret, Chium Ionij maris insulam dono dedit. At Senatus, ne ob tanta Principis beneficia Respub. indigna vel ingrata videretur, postmodum triennio exacto, illi aduersus Venetos, cum quibus belligerabatur, decem rostratas, & sex longas naves egregiè instructas, in illius belli usum subsidio ablegauit; cui quidem auxiliari classi Buccanigra Præses, quò magis suam auctoritatem & dignitatem confirmaret, & imperium solus suo more pro sua libidine exerceret, Martinum Buccanigram fratrem suum, nequicquam reluctantibus Patribus, præposuit. Hæc assidua & intolerabilis Buccanigræ arrogantia, vel potius, uti plerisque videbatur, mera tyrannis, effecit, ut nobiles, qui adhuc in vrbe reliqui erant, impotentia quadam euicti, eò omnes consilia sua contulerint, ut quibuscunque modis, libertatis, uti existimabant, euerforem penitus delerent atque opprimerent.

1262. Igitur anno eiusdem æui secundo ac sexagesimo, sub eodem Prætor à Patribus recens confirmato, noua conspiratione in eius exitium facta, expedire sibi in primis censebant, ut urbanæ multitudinis animos palàm & apertè explorarent, & ad veterem libertatem recuperandam dictis & factis inflammarent: ipsique inter se cum sociis & clientibus per compita & ciuitatis regiones euagantes, libertatis nomen sæpiùs inclamarunt, ita ut tota ferè ciuitas ad arma concurreret, & flagrantissimis animis sese in pristinam libertatem asserere conarentur. Verum, cū & ipse vnà cum sociis & amicis ad reprimendos plebis conatus & tumultus, armatus in publicum profiliisset, in forum, quod in quinque vias discissum, Riuulum, siue ut vulgò Fossatellum nominant, nobilitatem, quæ ibi aciem cum suis instruxerat, obuiam habuit, & continuò atrox atque dirum bellum vtrinque exortum. Pugnatum est diu, & summa cum vtriusque partis contentione, adeò ut ex vtraque parte multi promptissimorum fortiter dimicando interirent, & inter eos quidem, qui à partibus Buccanigræ stabāt, Lanfrancus eius frater contrucidatus est: & ita sensim fortuna ad nobilitatem inclinante, ipsi, victoria, cæsis præcipuis quibusque aduersæ factionis, potiti sunt. Buccanigra præfectus, prælio non interfuit, sed ad omnem casum ad palatij custodiam remanserat. Intellecta itaque suorum cæde, per internuncios, aduersæ factionis auctores, propositis pacis conditionibus, ad concordiam sollicitabat, & inuitabat: quæ cum essent huiusmodi, ut planè non forent aspernandæ, ita inter eos transcriptum est, ut ipse sese quàm primùm Præfectura abdicaret. Quod ipse confestim fecit, & se cum tota ferè sua familia in ædes Petri Auria, cuius fidei & amoris integritati plurimum tribuebat, recepit; veritus, ne, si diutius in publico palatio, inque hominum oculis versaretur, concitata plebis iniuriis foret obnoxius. His ferè rationibus ab armis vtrinque fuit discessum, & paulatim omnis seditio

compressa

Fœdus inter
Paleologum et
Ligures.

Smyrna, &
Chius Ge-
neris do-
nata.

Martinus
Buccanigra.

1262.
Nova con-
spiratio ad-
uersus Buc-
canigram.

Buccanigra
imperio
exiit.

compressa est. Postero die magnus fuit omnium ferè ordinum concursus, & ingens præstantium virorum Reipub. curam habentium, frequentia, qui post multas deliberationes publicæ tranquillitatis constituendæ & confirmandæ causa, habitas, cò omnia sua consilia contulère, vt Reipublicæ formam præteriti temporis conditione valdè labefactatam, iterum ad vetus ornamentum ac dignitatem restituerent, & reuocarent. de cuius Reipubl. status reformatione, nihil equidem habeo quod pro vero adferre possim, cùm Annalium scriptores inter se variant, & duntaxat tradant, subsequenti die crebris omnium ordinum suffragiis atque consensu, Martinum Fanensem Prætorem creatum, eoq̃ue abnuente, Palmerum eius filium, qui deinde vsque ad noui Prætoris, nempe Leazari ciuis Bononiensis, electionem, confirmatus fuit, adeò vt Respublica denuò suam veterem dignitatem & amplitudinem maiori ex parte recuperarit, ac deinceps aliquamdiu penes Optimates regimen fuerit. Hanc conuersionem excepit bellum Venetum, à veteribus odiis ac mutux potètiæ æmulatione ortum, de quo etiam sigillatim suo loco explicabitur. At Ligures interrim, Buccanigra suprema dignitate abdicato, & externis bellis implicitos, domestica & ciuilia bella recens paucorum factione renata, distinebant. Sub hoc enim tempus, Gulielmo Scarampa, ciue Astensi, Prætore, Respub. iterum duabus exitiosis pestibus, nempe Guelfi ac Gibellini nominis factionibus, de quarum origine superiori libro satis fusè & luculenter disseruimus, mirum in modum agitabatur; eoq̃ue factum est, vt magna & repentina quædam omnium ordinum secuta fuerit animorum distractio, præsertim Optimatum, quorum tam diuersa erant studia, vt pauca ibi essent nobiles familiæ, quæ inuicem non dissiderent, & tota ciuitas in duas diuersas partes diuisa atque abstracta videbatur, cùm Auria ac Spinulæ Gibellinam factionem profiterentur, Grimaldi vero & Flisci, pro Guelfis starent. Hinc summa vtriusque partis æmulatio, & asidua per diuersas vias ad vrbis principatum contentio, cùm vtrisque essent non pauca clientelæ & asseclæ, quibus muniti, omnia sibi in Reipub. pollicebantur: Senatus tamen cùm videret hanc pestem in extremam Reipub. perniciem indies latius serpere, summa cura & labore dedit operam, vt cùm adhuc extinguì posset, consopiretur. Hoc vt fieret commodius, statutum fuit, vt octo ciues, neutri parti adhærentes, præter cetera munia, publicorum etiam reddituum administrationem susciperent. Quorum etiam diligenti opera & consilij grauitate effectum est, vt enata controuersia ac simultates ad tempus nonnihil comprimerentur. Horum autem nomina hæc fuerunt, videlicet, Gulielmus Iustinianus, Lanfrancus Ventus, Henricus Dragus, Lanfrancus Marocellus, Iacobus Marius, Hugo Lomelinus, Ansaldus Lusius, & Materrinus Guizolfus. Inter hæc, crinita stella, quam & Cometen vocant, effulsit, de quo vulgi opinio est, tanquam imperij mutationem, siue summis potestatibus exitium portendat. Nec sanè ab hac vulgi opinione plerique etiam præstantissimi viri hactenus abhorruerunt, vel nostra hac tempestate abhorrere videntur. De hoc autem sidere, ac eius causis & proprietatibus, multa eruditè ac disertè posteris ac memoriæ tradidit Peripateticorum Princeps Meteor. lib. I. cap. VI. & sequenti. Et quoniam ad hoc ventum est, non ab re fuerit, hæc paucula in præsentiarum subtexere, nempe à Mathematicis rei que Astronomicæ peritioribus diligenti obseruatione compertum, faces eiusmodi plurimum nasci ex stationibus trium superiorū, Saturni, Iouis, & Martis, si quando in mutuas syzygias incidant, præsertim si alter ipsorum in signis igneis, aut non procul à via Lactea reperiatur, aut

Respub. suæ
Optimatum
regimine.

1263.

1264.

Cometæ.

cum sideribus fixis naturæ Martis, aut Solis magnitudinis primæ, secundæ, ac tertiæ. Quin solæ stationes in vnoquoque systemate plurimum præstant, & diuturnas vires influunt. Cuncta verò confirmat Mercurij testimonium, si accesserit, maximè omnium Eclipses, siue grauiores luminum defectus, præsertim vbi inciderint in principium Arietis, aut Libræ, simulque alia eiusdem significationis portenta concurrerint. Longum autem esset, & nimis equidem ab instituto digrederer, si Cometarum plurium exempla, cum eorum qui nostri Seruatoris aduentum præcessere, tum etiam qui ab eius natiuitate vario tempore contigerunt, enumerarem, atque referrem. Verùm enimuerò haud sanè ingratum hæc legentibus fore arbitror, si nonnullos celebriores, qui ante horum temporum ambitus, de quibus nunc agimus, conspecti sunt, breuiter subiecero, & de reliquis, prout sese offeret occasio, suo loco ac tempore dicetur. Anno, quo Xerxes Persarum rex potentissimus, cum innumerabili exercitu Græciam inuasit, Cometes fulsit cornu figura. Arsit & igneus alter orbicularis eximiæ magnitudinis, noctem splendore superans, ante bellum Achaicum, & miserandum Carthaginis excidium, quo Thebæ, Corinthus, Chalcis, & quædam aliæ florentissimæ Græcorum vrbes funditus deletæ. Ipsa autem Romani imperij Carthago æmula diruta est anno vrbs 207. cum stetit annos DCLXVII. Sic etiam ante initium belli Peloponnesiaci per 75. dies visus est alter Cometa horribilis ac tremendus. Item ante Atheniensium cladem in Sicilia: ante cæsos Lacedæmonios à Thebanis ad Leuctra Bœotiæ. ante ciuile bellum Cæsaris & Pompeij, & ante mortem ipsius Iulij. Cometa maximus, quo tempore Mithridates Ponticus rex, vir, vt inquit Vell., neque silendus, neque dicendus sine cura, bello acerrimus, virtute eximius, aliquando fortuna, semper animo maximus, consiliis dux, miles manu, odio in Romanos Hannibal, natus est anno mundi 3780. ante Christum 183. qui quartam cæli partem sic occuparat, vt totum vndique ardere videretur, & durauit dies 80. Ferunt, huius splendore Solis lumen propemodum torpuisse. Hic proculdubio Hannibalis & Scipionis mortem, Celtiberorum cædem in Hispania, simulque ciuilia bella inter Sullam & Marium, portendit. Sub Augusto Cæsare ingentem cælo fulsisse lampadem ferunt: imò & in eadem pueri effigiem visam, de qua vates consulta Augusto reddidit, hunc puerum sese augustiorem fore, dignumque, quem Augustus adoret. Cometa sex mensium (quod æuum illius generi longissimum memoratur,) effulsit anno à nat. Domini 66. Secuta ingens mutatio imperij Romani, aliaque innumera sub Claudio Imperatore. Cometa gladij forma die Azymorum, vrbi imminuit Hierosolymæ, annum integrum perseuerans, quamquam id genus peculiaris figuræ ac durationis modo, quiddam supra naturam criniti sideris indicarit. quare potius inter ostenta omnino metaphysica referatur. Secuta est vrbs misera deuastatio, de qua Iosephus amplissimè scripsit, concinentibus aliis insuper signis atque oraculis. perierunt vndecies centena millia Iudæorum tum fame, tum gladio. Fulsit acontias (siue Cometa iaculi similitudine) de quo, quinto consulatione suo Titus Imp. præclaro carmine cecinit, anno salutis 80. Tres ciuitates Cypri terræmotu corruerunt. Secuta ingens pestilentie strages, vt per plurimos dies, mortuorum plura centenis millibus efferrentur. mox vna calamitate alteram protrahente, mortuus est Vespasianus Imp. cui Titus successit. Ceterum, vt eò redeam vnde digressa est oratio, paulò post criniti sideris, de quo proximè locuti sumus, exortum, Urbanus Pontifex vita defunctus est, cui de vnanimi purpuratorum consensu, Clemens quartus, natus in Gallia Narbonensi, ad su-

ad supremum rerum sacrarum apicem atque fastigium euectus fuit. Sub idem tempus, Britannia atrocissimis dissensionum fluctibus iactata. In Hispaniis itidem rex Turdetaniæ, seu Bæticæ, aut Granatæ, sicuti hodiè appellant, Ordelamar nomine, prius Castellæ regis tributarius, vnà cum omnibus Mauritanis qui tunc temporis erant in Hispania, ab eo defecit, & sociorum ope atque auxiliis innixus, acerrimum bellum contra ipsum gessit, adeò vt maxima vtriusque strages subsecuta fuerit. Vt verò ad inceptum redeam, paucis interiectis mensibus, cum aliquot patricij ordinis, opibus ac dignitate reliquis antecellentes, animi sui impotentiam & effrenem dominandi cupiditatem diutius occultare, vel inhibere vlla ratione nequirent, factum fuit, vt occultata odia & simultates iterum cum graui Reip. detrimento erumperet, & indies magis atque magis inualescerent. Siquidem proximo anno, Vbertus Spinula sexto Non. Octob. prouecta nocte cum Thoma suo fratre, Ioanne Rauascherio, Ioanne Bottino Riuerascho, ac plerisque aliis, militari, partim agrestium in Valle Scriuia & finitimis locis collectorum, partim etiam plebeiorum manu concitata, cum summo silentio urbem ingressus est, sublatoque clamore, populum ad defectionem & tumultum excitauit. Nec his contentus, summa festinatione palatium Prætoris, cui nomen erat Albertus Riuola, cum suo satellitio inuolauit, ipsumque valdè attonitum, & nihil minus expectantem, per vim vnà cum sua familia domum suam abduxit. Deinde per omnem ciuitatem cum suis euagatus, nomen Spinulæ familiæ ingeminatis vocibus inclamauit. ad quem sanè strepitum & rumorem tanta confusio ciuitatis coorta est, vt, vbi diluxisset, ciues tumultuariò, seditionis causa prorsus ignorata, stupentibus similes, agminatim accurrerint, & vt plerumque fieri solet, armis instructi, ad omnem euentum paratos se offerrent. Verùm, propter maximum populi concursum atque frequentiam, qui rerum nouarum cupidus, in Vbertum propendebat, tantum abest, vt vlla ex parte mitigari potuerit, vt etiam, sicuti Spinula in primis cupiebat, in Laurentij templum populariter conueniret, quò ibi noua Reip. forma & administratio introduceretur. Magna erat populi ad templum properantis frequentia, ita vt Guerci, qui ædes suas fano contiguas habebant, Spinulas, aliosque partibus illorum addictos, ac proruentem multitudinem, aditu templi arcere, ac infestis telis ex domorum suarum penetralibus ac turribus impeterent ac diuexarent. Effecit tamen concurrentis populi multitudo, vt, quamuis subinde ab iis infestarentur, viam tamen sibi atque aditum per vim ac ferrum, nequicquam ipsis renitentibus, aperirent. Vbi itaque Vbertus in ædem Laurentianam peruenisset, artificiosa oratione populi fauorem captans, omni studio allaborabat, vt illius suffragiis Præfectus ac Princeps designaretur. Qua in re quàm plurimos tam suæ, quàm aduersæ factionis studiosos præter spem ac voluntatem contrarios habebat. Quorundam tamen neutri parti fauentium opera & auctoritate effectum fuit, vt Spinula assentiretur, vt Guido Spinula & Nicolaus Auria tantisper Rempub. administrarent, donec nouus Magistratus comunibus suffragiis in publicis comitiis pro recepto vrbis more & consuetudine renuntiaretur. Et hoc modo sublato noui motus per Spinulam concitati, & veteri Prætori, abrogato officio, stipendium solutum, & damna in superiori tumultu perpeffa, compensata, in eiusque locum per novos subrogatos Præfectos, alius declaratus, nempe Iacobus de Palude ciuis Parmensis, sed cum minori, quàm antea, potestate, pari que modo alij octo ciues publicis exigendis redditibus creati atque substituti, in quo administrationis genere Præfecti, donec comitia centuriata celebra-

Vbertus
Spinula.

Genus
uili seditione.

Reip. admini-
stratio pe-
nes Nobiles.

1266.

- lebrarentur, absolutam quandam dignitatem & auctoritatem, vt facillè conijcere licet, retinuere, non citra multorum inuidiam, quibus graue erat, Reipub. administrationem paucorum arbitrio & libidini perimitti, ita vt mox, citra tamen ullam seditionem vel strepitum, Rodubius Vercellis natus, Prætor, & octo Rectores, de more sollempni crearentur. In hoc tam perplexo Reipub. statu, publica & priuata munera non penitus neglecta. Nam Resp. licet paulò antè luctuosissimo bello cum Venetis gesto, simulque miris suspicionibus & simultatibus inuolueretur, nihilominus tamen legationes, publicæ utilitatis causa ad varios Principes, præsertim verò ad Pontificem, & Carolum Apuliæ regem non neglexit. Verum, quia ea tempestate multæ erant difficultates, quæ vtriusque Principis animum non parum ex parte Reip. offendebant, nihil eo tempore oratores obtinere potuerunt. sed infecto negotio Genuam reuersi. Subsequenti anno, pro Reip. veteri more ac instituto, Guido Corrigius Parmensis, ad stipulantibus Patribus, Prætor designatus, ei que octouiratus adiunctus, quorum arbitrio & potestate Resp. administraretur, videlicet, Simon Zaccharia, Lanfrancus Saluagus, Gulielmus Porcus, Stephanus Marocellus, Guarnerus Iudex, Anselmus Grillus, Viualdus Carolus, & Bonifacius Picamilius. Et quoniam superius demonstratum est, inter nobiles ac populares mutuis seditionibus atque acerrimis odiis laboratum, id obiter adiiciendum putauimus, nempe complures familias quæ hac nostra tempestate populares habentur, antequam simul essent aggregatæ, inter patricias connumeratas fuisse, prout Fornari, Bisacii, Mecoti, Mortæ, Mortei, Bulgari, Casici, Rapalli, vulgò de Cruce, Sauinioni, Rodoani, Bolletti, Contardi, Polpi, Turrigeri, Pasii, Bestani, Nepitelli, Iudices, & pleræque aliæ consimiles, quarum vix amplius hoc tempore vlla extat memoria: quæ omnes, inter patricias, vti diximus, censebantur. Interea temporis, Genuæ Bonifacio Cario sociæ Regiensi Præturam obtinente, Romanus Pontifex sollicitabat, crebrisque internunciis ac literis omnes ferè Christiani orbis Principes ad Asiaticam expeditionem vrgebat, nimirum cum Barbari, cum graui Reip. iactura, miris incrementis indies magis atque magis adaugerentur. Proinde cum Ligures bellum aduersus Venetos magis necessitate adducti, quàm spontè, suscepissent, Pont. vtrumque populum ad mutuam pacem & concordiam reuocare studuit, & crebro adhortatus est, eosque pertinaces, & dicto non audientes, pro veteri suo instituto ac more Genuens. anathematis fulmine aliisque diris deuouit. Qua de causa Respub. quatuor oratores Romam ablegauit; quorum opera & industria breui effectum est, vt reconciliato Pontifice, ex reis eximerentur, & in publicam communionem & Christianorum cœtum reponerentur. Pontifex etiam, vt Ligures ad hanc sacram militiam facilius inflecteret, sese in censuris, vt vocant, Ecclesiasticis, aliisque noxis remittendis & condonandis, multò mitiorem solito exhibebat; præsertim quòd animaduerneret, huiusmodi imprecationibus & diris illos haud multum commoueri vt ab armis recederent. Quamobrem & ipse Genuæ ad Patres legatum habuit, vt communibus sententiis bellum consopiretur, simulque ingètes apparatus in vsum illius facti, in truculentissimū & immanissimum hostem detorquerentur. Pari modo Galliarum & Sicilia reges, hac etiam potissimum de causa ad vtrumque populum suos oratores, qui eos suo nomine ad pacem & concordiam traducerent, ablegarunt. Intelligebant etenim, nullam expeditionem Asiaticam commodè fieri, vel aliquem fructum tantorum periculorum & sumptuum reportari posse, citra vtriusque Reip. adminiculum & opes. Et licet Senatus bene esset animatus, & ad pacem valde propensus, eaq.
- propter

Varie legationes à Genuens. missæ.

propter, ad vtrumque regem suos legatos vicissim haberet, tamen cum varia interim occurrerent, quæ, nisi dato temporis spatio, superari nequibant, nihil sanè, ea tempestate, quod ex vsu Christianæ Reipub. esset, constitui potuit. Paucis tamen interiectis mensibus, iussu Senatus ad ipsum Siciliae regem & Græcum Imperatorem noui oratores destinati, scilicet, Franciscus Camilius, Lanfrancus Cataneus, Theobaldinus Nigrius, & Hugo Fliscus, quorum quidem prior ad Græcum, reliqui verò ad Siculum profecti sunt. Erat eo tempore Respub. Genuens. tam domi, quàm foris, multis opibus egregiisque institutis, & rerum gestarum gloria, mirificè clara & illustris, adeò vt non solum ab imperij magnitudine prædicaretur, verum etiam omnium populorum consensu rei naualis peritia, atque maritimæ classis potentia, ad illos, tanquam propria, & optimo iure spectans, deferretur. Quo sanè factum est, vt per id tempus, Memphitici regis, Tartari, & Græci Augusti oratores, Romam ad Pont. Galliaque, ac Neapolis reges amandati, Genuam prius appulerint, vbi honorificentissimè simulque liberalissimè excepti fuerunt, ac benignè & ex animi sententia dimissi. Iisdem ferè diebus, Senatus ad Neapolitanum regem, cum quo Reipub. graues controuersia intercedebant, illarum cõponendarum gratia Simonem Guercium, Ioan. Aduocatum, & Simonem Cancellarium iurisperitum misere; cum quo tandè certis quibusdam conditionibus transactum est. At postero anno, Ligures, Ro-

lando Putagio ciue itidem Parmensi, Prætore, Ludouicum Galliarum regem, nouas res in Syria molientem, iterum speciosissima classe atque opibus adiunarunt. Ceterum, cum ipse in hac expeditione Tunesanam urbem summis viribus adortus, prius tabulis obsignatis, Philippo filio, & Carolo regi Apuliae suo fratri, Gallici regni administratione relicta, è viuis subtractus esset, vtriusque regis, ac etiam Gregorij decimi, recens ad supremum Pontificatum euecti, studio & auctoritate, indutiæ inter Venetos ac Genuens. in quinquennium initæ & constitutæ fuerunt. Inter hæc, Guelfi ac Gibellini nominis factiones, vniuerso Christianæ Reip. orbi, & in primis quidem Italiae, sicuti antea demonstratum est, mirum in modum perniciosæ ac exitiabiles, longè lateque in ciuitate serpere ac propagari cœperunt, ita vt quamplurimi, summis familiis geniti, indeansam arripuerint, qua sui animi impotentiam aliquandiu occultatam, sensim retegerent, sicuti, propter oppidi Albingauni præfecturam, paucis post diebus euenit. Quippe cum Lucas Grimaldus, complurium suffragiis, extra ordinem, & receptam consuetudinem illius vrbs prætor designatus esset, Curzorum familia, contrariæ partis ea tempestate illic facilè princeps, hoc Senatus decretum iniquissimo animo tulit, adeò vt hisdem auctoribus magna seditio in ea vrbe excitaretur: nullaque mora interposita, Ansaldus Balbus Iustinianus, Hugo Auria, & Guilielmus Turrius, plerisque propinquorum & familiarium sibi associatis, Genuam Albingaunum profecti sunt, eo consilio, vt Grimaldum inuaderent, ac statim præfecturæ administratione submouerent. Ceterum, ipse de illorum aduentu commonefactus, cum expedita manu, sese intrepidè ac strenuè hostilibus conatibus opposuit, & consertis manibus, non pauci ex aduersariis capti sunt, reliqui verò, abiectis armis, in fugam versi, atque ita infectis rebus, Genuam, nec sine summo dedecore atque ignominia, redierunt. Postquàm verò Ansaldus & Auria nihil non egissent vt captiui in pristinam libertatem assererentur, nec tamen id vllò modo impetrarent, præcipuos quosque Grimaldi familiares atque intimos precibus defatigarunt, nec tamen ab eis quicquam, præter inanes pollicitationes, cõsequebantur, ita vt Spinulæ atq. Auria suis fautoribus & clientibus,

tam

*Indutiæ in-
ter Ven. &
Genuens.*

tam patricij ordinis, quàm popularis studij, in vnum conuocatis, prolixa & neruosa oratione multis argumentis & rationibus innixa, ostenderent, Reipub. quàm maximè interesse, ac expedire, vt, ad plurimorum insolentiam coercendam, quòue fluentem procumbentemque patriam in antiquum, vt ipsi quidem dicebant, decus & maiestatem restituerent, noua gubernationis forma, quæ populi tutelam ac protectionem susciperet, constitueretur, in quo sanè ipsi, publici cominodi ratione habita, omnem suam operam & auctoritatem promptissimis animis offerebant atque pollicebantur. Hæc, & pleraque huiusmodi, ab ipsis non minùs grauiter, quàm disertè pronunciata, in eorum animis, mira quadam nouandarum rerum cupiditate incensis, tantam vim habuère, vt dicto citius vniuersi assentientes, vtque id ratum firmumque haberetur, iureiurandi sacramento interposito, paucis post diebus, videlicet, quinto Cal. Nouemb. qui dies iuxta priscum ac receptum morem, Simoni & Iudæ dicatus est, simul coirent; exque vnanimi consensu arma aduersus Fliscos & Grimaldos aduersæ partis supremos auctores, primo impetu in publicum palatium facto, corripuerint. At Prator, cum se viribus longè imbecilliorē conspiceret, ne extrema experiri cogeretur, cum plerisque suis studiosis, & quibus magis fidebat, per auersam illius portam occultè digressus, confestim sese in Flischorum ædes, iuxta ædem Laurentio sacrā positas, subduxit, ibique ad aliquot horarum spatium aspero atque ancipiti Marte vtrinque dimicatum est, eò tandem successu, vt aduersarij, nouo supplemento adaucti, illas, capto ipso Præsede, expugnarint: & mox sui animi decretum persecuti, denuò magnam populi frequentiam in vnum conuocarunt, à quo, reliquis etiam amicis suffragantibus, duo ex præcipuis earum familiarum, nempe Vbertus Spinula & Vbertus Auria, vrbis Præfecti, ceu populi protectores designati, quibus vniuersi vtriusque ordinis, ac etiam ipse Prator, omnem obseruantiam & obsequium, adhibita iurisiurandi formula, promiserunt; eisque de publico omnium ordinum consensu liberum totius Ligusticæ ditionis ac nominis imperium cum summa auctoritate permissum fuit. Hic præsens rerum status, & noua Reipub. administratio, licet prima fronte plerisque admodum violenta & præceps, inque reliquorum patriciorum haud mediocrem iniuriam & detrimentum cōstituta videretur, nihilominus tamen singulari horum Præfectorum, ac etiam eorum, quos aliquandiu cum pari dignitate atque imperio successores habuerunt, prudentia, fideique integritate, Respub. per multos annos haud sanè infeliciter gesta & administrata fuit. Ipsi interim, rebus gerendis admoti, nihil potius & antiquius habuère, quàm vt Resp. domi forisque pacata floreret, & inter cetera, vt Albintimilij, quorum causa proximè noui motus excitati fuerant, nouus magistratus constitueretur, adeò vt Grimaldo ab ea Præfectura submoto, in eius locum Balianus Auria sufficeretur, ac ipsorum opera & auctoritate, quò ciuium animi arctiùs conglutinaerentur, & mutua charitate coalescerent, multa coniugia & affinitates contractæ: moxq. vrbis rectori, per soluto prius integro stipendio, & dignitate abrogata, veniam & cōmeatum dedere: ac edicto cautum fuit, ne quispiam, illum, aut aliquem ex sua familia, vel minimo incommodo iniuriaque afficeret. Insequenti anno, sub horum imperio ac præfectura, Accursius Lancius Alexandria natus, publicis Patrum votis Rector designatus fuit, eorumque decreto sancitum, vt rempub.; exceptis tantummodo quæ sibi à duobus Præfectis iniungerentur, (nam hæc omnibus aliis ritibus ac institutis præferenda erant) iuxta vetera illius statuta legesq. Cæsareas administraret. Verum is dumtaxat semiannum in eo munere permansit. Cum enim

promis-

Reip. admini-
stratio pe-
nes Vbertū
Spinulam et
Vbertum
Auriam.

promiscuæ plebi non usque adeo illius gubernatio satisfaceret, ac per idem ferme tempus, à Bononiensi Magistratu Prætor renunciatus esset, ipse, huiusmodi opportunitatem adeptus, sese ultro dignitate abdicavit, eoque factum est, ut totius Reip. administratio tantum penes duos præfectos remaneret: hiq; unanimi consensu nonnullos Grimaldæ familiæ, ac etiam quosdam patricios, qui ab illorum partibus stabant, perpetuo exilio multarunt. Circa hæc tempora, Gregorius, superiori anno Viterbij de Purpuratorum consensum Pontifex declaratus, è Syria reuersus, cum quatuor triremibus Andegauensibus Genuam appulit, eo animi decreto, ut illinc Romam enauigaret: quem Patres ceteriq; ordines summis atq; amplissimis honoribus exceperunt, eumq; abeuntem quinque patriciæ dignitatis viri, iussu vtriusque Præfecti, ac Senatus, Romam usque concomitati sunt. Tali statu rerum, plerique amplis familiis geniti, ac præsertim aduersarum partium primarij duces ac studiosi, Othobonum Fliscum purpuratum, Innocentij Pont. nepotem, uti præcipuum patronum agnoscere, & ad ipsum, ceu ad tutissimum asylum & sacram anchoram, ut dicitur, in omnibus suis rebus confugere. Is enim supramodum indignatus, suos ab urbis principatu ceterisque muneribus excludi, enixè dabat operam, ut præfectorum auctoritatem sensim labefactaret atque deprimeret: nec unquam omnino quieuit, donec proscriptos ac extorres eò tandem induxisset, ut correptis armis, Ligusticos fines inuaderent, ipseque mox, cõiunctis viribus, totus in eorum perniciem ac exitium incumberebat. Verum cum suos aduersarios summa potetia, & honorum præfectura innixos animaduerneret, sibi quam maximè conducere visum fuit, si cum Carolo Apuliæ rege, Guelfi nominis ea tempestate facile Principe, fœdus ac societatem inirent. Quare, honorifica & splendida legatione ad eum missa, illum omnibus studiis in suas partes allicere conati sunt. Rex, auditis oratoribus, minimeque ignarus quantum inde commodi, si rerum potiretur, pro Sicula expeditione, quam iugiter atque assidue secum animo volebat, sibi proueniret, legatos amantissime excepit, seque illis fœderis iure obstringens, continuo apertum bellum aduersus Remp. gerere, omniaq; hostiliter agere decreuit, & primo quidem omnes Ligures alterius factionis, qui tunc temporis in suo regno rerum exoticarum & commutandarum gratia degebant, continuo publicæ custodiæ tradi iussit. Exules interim, hac regia potentia plurimum confirmati, cum haud spernenda manu in oram Orientalem profecti sunt, primoque accursu arcem, vulgò Stellam, & portum Lunarem unâ cum eius munitione occuparunt. sed paucis post diebus, hæc loca, non citra insignem hostium cladem, à Nicolao Auria viro præclaro ac strenuo, recepta. Et quoniam Alberto Flisco Cardinalis fratri iterum propter concitatas turbas, unâ cum suo filio Emanuele aqua & igni interdictum fuerat, ipse ad eam iniuriam vlciscendam, coacto milite, cum infestis armis Ligusticæ oræ tractum variis rapinis ac populationibus diuexare incepit, sic tamen, ut exiguo temporis intervallo illinc non sine maximo detrimento recedere compelleretur. Quippe Vbertus Auria, quem alterum ex duobus moderatoribus ac Præfectis declaratum fuisse ostendimus, cum lectissimo urbanæ militiæ robore summaq; animi alacritate eruptione facta, hostemque aggressus, tam prospera fortuna usus est, ut conferto prælio, illum cum omnibus suis in turpem fugam coniecerit. Quo feliciter peracto, ne Ligusticus ager in posterum hostilibus excursionibus pareretur, Præfecti vtriusque auctoritate, ac Senatus decretis, duo ex suprema nobilitate, quorum prudentia & industria rebus omnibus maturè prospiceretur, designati. Et oræ quidem occidentæ Vbertus Sardena, altera verò Anfaldus Bal-

1272.

Fœdus inter
Carolus
Andeg. &
exules Ge-
nuens.

bus cum

1273.

bus cum sat firmo ac valido præsidio præpositi, eaque ratione per id tempus conciti motus maiori ex parte suppressi, conquieuerunt. Ceterum, proximo anno, cum defectionis auctores ac perduelles, instinctu atque ope eiusdem Othoboni purpurati & Caroli Andegauens. indies aliquid noui aduersus Rempub. molirentur, atrocissimum bellum denuò exarsit. Nam cum ipse Carolus ea tempestate in Etruria Vicarium Pontificium ageret, illi, ob loci vicinitatem multò facilius atque commodius suis fœderatis adesse, ac illorum conatus promouere integrum erat: eiusque opera & auctoritate effectum est, vt Salutij & Carreti Marchiones, quorum vterque Gallica studia sectabatur, vnà cum Alexandrinis, ceterisque Insubriæ populis percussio fœdere, nec non Nicolao Flisco, qui hæcenus neutri parti adhæserat, & Spediam, ac reliqua loca huic contermina, sui iuris fecerat, sibi tamquam socio & belli coadiutore adiuncto, cum valido ac præpotenti exercitu Ligusticam ditionem inuaserint. At Præsides, hostili apparatu nihil prorsus exterriti, vno eodemque tempore terrestribus & naualibus copiis aduersus confœderatos, prioribus quidem, ipso Vberto Auria, & classi, quæ ad minimum quatuordecim triremium numerum æquabat, Iacobo Squarciafico cum supremo iure atque imperio præpositis, arma expediuerunt. Interea temporis, Ansaldus Balbus, cuius proximè mentionem habuimus, non modò vsq. ad Præfecti aduentum infestam aciem summa virtute atque animi fortitudine inhibuit & compescuit, sed etiam hostes eò tandem adegit, vt Serzanam vsque sese reciperent, & mox Auria superuentu Spedia vi occupata, eaque maiori ex parte direpta atque incensa. Paribus quoque fortunæ auspiciis Squarciaficus eodem temporis articulo castrum Manarolum, & arces, vulgò Quinqueterrarum, feliciter expugnauit, ita vt hoc prospero successu aduersariis haud parum perculsis & consternatis, animumque despondentibus, quæcumque oppida paulò antè à Repub. descuerant, breui, & citra magnam difficultatem, recuperata sint, & ad pristinam fidem atque obsequium redacta. Consimili eiusdem sortis abblandientis aura & indulgentia in finibus Insubriæ versus oram Occiduam, Ægidij Nigrij Præfecti ductu & auspiciis contra hostem dimicatum fuit. Cum enim Ricardus & Leo, Boschi Marchiones, in gratiam Caroli aduersus Remp. militarem manum collegissent, Nigrius illorum cæptis atque conatibus sese intrepidus animis obiiiciens, non solum ipsis Ouadam ademit, verum etiam omnia loca Ligusticæ ditionis, in illis partibus subiecta, quam strenuissimè defendit & conseruauit. Hoc grauissimo ac periculosissimo bello summa cum Reip. felicitate, nec minori ducum gloria terminato, cum ipsi Rectores iugiter aduigilarent, vt fœderatorum insidiæ atque conatus in irritum caderent, initio subsequentis anni, quò sese illorum viribus ac potentiæ facilius opponerēt, cum Montisferrati regulis, & Ticinis ac Estensibus populis fœdus contraxerunt. quod sanè ipsius Andegauensis animum, longè vehementiùs ad iram concitauit, adeò vt statim pleraque nauigia omnibus rebus quæ bello vsui forent, instrui ac præparari iuberet, quibus primo quoque tempore Corsica inuaderetur, ibique in ora eius insulæ, quæ Aggiaci nomen habet, arx recens à Liguribus constructa, vulgò Lombarda, facili negotio expugnata. Cuius rei fama vt primùm Genuam perlata est, summa celeritate duæ ac viginti triremes sub Lanfranci Pignatari præfectura atque imperio instructæ ac emissæ fuerunt, qui hostem inopinato aduentu adoriretur. Verum is de aduersariorum consiliis atque itinere paulò antè commonefactus, arce relicta, omniq. insula excedens, sese protinus in Galliam Narbonens. recepit. Ne verò classis Præfectus alicuius rei bene gerendæ occasionem

Spedia direpta atque incensa.

Multe vrbes atque oppida à Senatu recepta.

1274.

fionem prætermitteret, in Siciliam contendit, in qua, post plurima damna, Drepanum, ceteraque loca finitima incolentibus, illata, Zozi insulam diripuit, & Messanam secundis ventis delatus, ibi pleraque nauigia occupauit, ipsisque insularibus tantum formidinis ac terroris incussit, ut, quoad ibi subsisteret, nusquam gentium quisquam ex eo littore prodire, ullamque nauigationem quòquam suscipere auderet. Paucis post diebus, illinc soluens, Neapolim, ubi rex Carolus eo tempore degebat, classe adnota, erectisque Georgianis insignibus, omnem Tyrrheni maris tractum hostiliter depopulatus est, regiaque vexilla plerisque in locis capta, in maiorem hostis contemptum & ludibrium, conuulsit atque disiecit: neque probris & contumeliosis verbis temperabat. His peractis, & in patriam reuersus, multos captiuos, regis subditos, secum deductos, Præfectis tradidit: qui tamen omnes illorum iussu ac mandato tridui spatio pristinae libertati redditi fuerunt. At rex, his contumeliis supramodum concitatus, iraque ac dolore accensus, confestim ad eas vlciscendum quadraginta triremium classem parari, eamque optimè instructam, in sinum Ligusticum educi imperauit. Inter hæc, Vbertus Auria cum aliquot nauigiis, Monæcum versus Nicolao Auria suppetias laturus adnauigarat. Hic etenim cum valida manu ex continenti aduersus primarium ac supremum regij equitatus magistrum, quem ipsi patrio sermone Marescallum vocant, ex Prouincia profectum, cum quo ante ipsius Nicolai aduentum, in obsidione arcis Mentonæ Anfaldus Lusius Spinula, dum se illius conatibus obijceret, haud prospero exitu pugnarat, castra produxerat. Verum Auria de regiae classis aduentu certior factus, Genuam versus proras obuertit, sic ut regius nauarchus in Ligusticum sinum præteruectus, Genuensi portui immineret, ibique tamdiu hæsit, donec de reditu Auria intelligeret. Quippe cum indigenas sibi infestissimos haberet, summopere verebatur, ne vndiquaque ab hostili agmine circumuentus, extremum aliquod periculum adiret, ideoque consultius fore arbitratus est, si quam primum sese illinc subduceret. Atqui ne illuc frustra venisse videretur, in reditu, præter ceteras clades in ora Orientali inflictas, intempesta nocte oppidum portus Lunaris, necnon eius insulae suburbia & circumiacentia ferociter diripuit, ac etiam iniecto igne concremauit. Sub idem ferme tempus, Gregorius Pont. omnis humanitatis ac beneficentiae, sibi paulò antè à Senatu exhibitæ, penitus immemor, in gratiam Othoboni purpurati, qui pleraque suæ ditionis municipia & colonias sibi à Repub. eripi conquerebatur, illam execrationibus atque anathemati deuouit. 1275: Postero anno, iisdem Præfectis, ac Simone Anconitano Præto, nihil sanè memoratu dignum Annales, quod equidem sciam, posteris tradiderunt. At sequenti, 1276: iisdem Rectoribus, ac eodem Præsede, Gregorio ex Galliis profecto, & in vrbe Aretina, dum Romam contendit, è viuis subtrac-to, Innocentius quintus, natione Sequanus, patriaque Tarantasi, successor datus, qui Genuensibus singularem amorem ac beneuolentiam declarauit. Nam ubi primum ad Pontificiam dignitatem euectus est, ad Senatum amantissimas literas dedit. Et quoniam nihil magis in votis habebat, quam ut sublatis odiis, omnibusq. bellorum seminibus euulsis, mutuam pacem & concordiam inter Christiani orbis principes conciliaret, ab eo sibi legatos mitti postulauit, & mox Patrum decreto Ioannes Hugolinus, iuris peritia insignis, Guido Spinula, Babilanus Auria, & Lanfrancus Pignatarus, viri, præter generis claritudinem, egregia virtute & longo rerum usu præditi, oratores ad eum destinati, qui benignissime ab ipso Pont. excepti fuerunt, & paucos post dies, inter Remp. & Carolum regem, iuxtaque inter Othobonum

*Pax inter
Genuens. &
Carolus
eiusq; Fæde-
ratos.*

Cardinalem, Grimaldos, Fliscos, ceterosque proscriptos ac exules, pax certis quibusdam formulis & legibus transacta, omnesque suis penatibus ac bonis restituti. Pontifex interim, non minori studio ac vigilantia connitebatur, ut etiam inter Ligures ac Venetos, quibus cum indutiarum terminus iam effluerat, sublati mutuis contentionibus, conciliatio animorum fieret: nec dubia spes affulgebat, hæc ipsius consilia prosperè ac feliciter successura, si longior illi vita suppeditaret. Obiit namque mense sexto, & duobus diebus exactis, ex quo rebus sacris præfuerat, & in eius locum de communi Purpuratorum collegio, Othobonus, cuius proximè meminimus, ex illustri Flischorum gente oriundus, postmodum Hadrianus quintus dictus, susceptus est; cuius administratio haud sanè multò diuturnior extitit. Quippe qui intra quadragesimum diem, siue, ut aliis placet, trigesimum quintum à suscepta dignitate, non absque summa Præfectorum adeoque vniuersæ vrbis lætitia & congratulatione extinctus est.

Quandoquidem huius potentiam & auctoritatē, qua fermè apud omnes principes ac reges mirum in modū pollebat, summoperè formidabant, cum præsertim paulò ante suum obitum, sororem Duci Sabaudia matrimonio iunxisset, ita ut cum eius animū sibi vehementer suspectū haberent, quænam belli gerendi ratio, ac media opportuniore essent, haud segniter prospicerent. Ceterum, eo fatis excedente, haud mediocri metu soluti sunt. Is tamē, ubi primū supremus Pontifex renuntiatus fuit, nihil antiquius habuit, quàm ut patriam anathemate, quo paulò antè Gregorius illam deuouerat, eximeret, & Christianæ Reip. reconciliaret. In hoc rerum cardine, haud mediocris Reip. diuersorum locorum facta fuit accessio.

Pleraq; oppida a Genuens. coempta.

Siquidem Nicolaus Fliscus Senatui hæc suæ ditionis oppida, nempe Veticianum, Carpenam, insulam Vesiniam, Marolam, Spetiam, Tiuenium, Volastrū, Mōtem Nigrium, Amelium, Castilionem, Gignaculum, & Ripalarum pro quinque ac viginti millibus librarum diuendidit. Thomas etiam Malespina, dimidia parte oppidi Ouadae, ac iure, quod sibi erat in plerisque aliis locis eius regionis, pro decem millibus librarum, vtrò eidem cessit. Ad hæc, Thomas Ponzonus magna parte Varaginis pro mille & quingentis libris, & Guido Vezzanus vnà cū Gulielmo suo fratre suisque consobrinis, pro certa quadam pecuniarum summa, sese omni possessione sui oppidi atque arcis spontè abdicarunt. Fine anni, qui non modò Genuā & Ligusticum agrum, verū etiam vniuersam fermè Italiam duabus maximis calamitatibus, fame scilicet, ac peste, mirum in modum diue-xauit, iuxta molem templo D. Marci conterminam, receptaculum, siue tuta securaque statio pro nauigiis, vulgò Darsena, non sine maximo rei nautalis beneficio, felicissimis auspiciis inchoata fuit. Initio subsecuti Veris sub iisdem Re-
1277. etoribus, Ogerius Guidobobus publico Senatus consensu Prætor renunciatus est: quo quidem tempore cū plerique ex Grimalda & Flisca familia & illorum confœderati novos in Rep. motus ac turbas cierent, rursus in exilium acti. Cete-
1278. rum proximo anno, iisdem Præfectis, eodemque Præsidente rerum potientibus, cū Albertus Fliscus demortui Pontificis, Hadriani quinti frater, immensa honoris gloriæque cupiditate flagraret, ac præsentem Reip. statum extremo odio prosequeretur, cum Emanuele Malespina, ac plerisque patricij ordinis, suis amicis atque clientibus, qui nunquam in patriam reimigrarant, clandestina consilia iniuit, & decimo septimo Cal. April. cum trecentis equestribus viris, ac mille & ducentis peditibus Clauarum Liguriæ municipium adortus, illud facili negotio expugnauit, omniaq; loca huic proxima ferro atq; igne deuastauit. Cuius facti atrocitas vniuersos Patres ad summam indignationem commouit, adeo
ut Vber-

vt Vbertus Auria cū expedita manu, rectā in eos contenderit. ad cuius aduentus famam hostes, cū etiam per idem tempus quatuor triremes egregiē instructae aduersus ipsos educatae essent, perculsi atque perterriti, oppidum, in quo ad spatium octo dierum substiterant, deseruere, atque illicō sese in vallem Trebianā Fliscorumque ditionem subdixerunt. Auria tunc temporis minimē illum insecutus, in Malaspinas, & in primis quidem in Moruellum, vnum ex praecipuis eius familiae, arma expediuit, statimque in oram Lunigianam, vt eorum municipia inuaderet, exercitum traduxit, & Arcolam arctissima obsidione pressit. Ceterum, ob publica negotia Genuam reuocatus, Emanuelem Nigrium suum legatum ad arcis obsidionem reliquit, qui eam breui post expugnauit, & mox traiecto Macra flumine, Moruelli ditionem hostiliter depopulatus est. Paucis interiectis diebus, Albertus, Manfredus, & Franciscus eiusdem familiae, quos idem Moruellus sua ditione exuerat, Genuam profecti, apud Senarum vehementer de ipso conquesti sunt, & post varia vtrō citroque colloquia, tandem Arcolam, & pleraque alia loca pro septem librarum millibus Reip. diuendiderunt. atque ita externi motus eo quidem tempore pacati. Superius à nobis ostensum est, opera Innocentij quinti Pontificis, pacem inter Carolum Andegauens. & Remp. fuisse transactam. Ex hac igitur mutua animorum coniunctione exiguo temporis interstitio Carolus Tarenti Princeps, eius filius, mense Septembri, cum sex triremibus optimē instructis, Genuam adnauigauit, vt inde in Galliam Narbonens. traiceret: quem Praesides, ac Senatus, vt sibi regiam familiam in posterum aliquo singulari beneficio deuincirēt, summis honoribus affectum, amplissimis quoque muneribus abeuntem profecuti sunt. Post mensis interuallum, Genuae fuit repentina atque ingens aquarum inundatio. Nam mare immenso auctu, non modò iacentia & plana urbis loca, sed secuta huiusmodi casuum impleuit, & in publico foro decem cubitorum altitudinem aequauit, vrbisq. fores in platea, vulgò Fontis amorosae, oclusas, disiecit atque prostrauit; necnon portae, vulgò Vaccarum, fundamenta euulsit, adeò vt etiam turres summum discrimen adierint, ne prorsus conciderent ac solo aquarentur. Postero anno, sub praefectorum gubernatione Gulielmus Brunus Astensis, Praetor designatus, 1279. ei que Caualcabus de Mediceis, ciuis Papiensis, successor datus: quo quidem 1280. tempore, pace in vrbe parata, rebusque tranquillis, externae curae rediēre. Si Nouum bellum inter Ven. ac Genuens. quidem, hoc anno, cū inter Venetos ac Ligures, transactis indutiis, res admodū fluctuarent, nouum & asperrimum bellum inter ipsos recrudit, eo quidē euentu, vt tandem vterque populus ob insignem victoriae moderationem atque clementiam, qua Genuenses in quorundam Venetorum, quos ceperant, liberatione vsi erant, diu ab armis abstinuerit: ea que postmodum in Pisanos, quibus cum per multos annos pax illaesa & intemerata extiterat, ob causas, quae suis locis ac temporibus sigillatim explicabuntur, conuersa, cum quibus ab anno eiusdem aui secundo & octogesimo, vsque ad septimum & octogesium eiusdem saeculi, cum multo vtriusque partis sanguine & clade dimicatum fuit. Sub iisdē moderatoribus, & Michaelē Saluatico Valentia Insubriae ciuitate oriundo, Praetore, qui deinde ad triennium eodem munere functus est, initio anni eiusdem aetatis vltius & octogesimi, Senatus, ad Martinum quartum, natione Gallum, reuocans supremum Pontificem renunciatum, quod singulari beneuolētia Rempub. 1281. prosequeretur, Perciualem Baldicionem insignem iurisperitum, Simonem Auri- 1282. am, & Nicolaum Pizanium oratores, qui ei publico nomine congratularentur, 1283. ablegauit. Anno quinto & octogesimo, (nam de his bellis quae tribus prioribus 1284. 1285. annis

Genuae maxima inundatio.

Nouum bellum inter Ven. ac Genuens.

annis & subsequētib; inter Ligures ac Pisanos gesta sunt, seorsum, vti diximus, enarrare constitui) iisdem Rectoribus, & Henrico Spetta ciue Astensi præturam gerente, plerēq. triremes ac nauigia sub variis trierarchis atq. ductoribus in varias partes emissā fuerunt. At proximo anno, sub eodē Prætorē, Vbertus Auria vnus ex præfectis, vtrō sese primaria dignitate abdicauit, in cuius locum Chunradus eius filius publica Patrum suffragatione suffectus est. Posterus annus & insequens eodē Præfectos ac eundem Prætorē habuit, cuius singularis virtus fideique integritas, cum summa iustitia & æquitate coniuncta, ab historicis, sicuti etiā multorū aliorum, mirificè cōmendatur. Interea tēporis, cū in partibus ad Orientem vergentibus, res Christianorū Principū propter immensam ac formidabilem Alfir Sulthani, Memphitici regis, potentiā & tyrannidē, indies magis atque magis in deterius prolaberentur, anno eiusdem sæculi vndenonagesimo, sub eorundem Præfectorum administratione ac Bertrami Calcani ciuis Mediolanens. prætura, cū Tripolis, vrbs in Africa celeberrimi nominis, graui ac diutina obsidione premeretur, Senatus consulto decretum fuit, vt obsessi noua ope ac præsidio subleuantur. Sed cū nimio locorum interuallo maturè adiuuari nequirent, nonnulli Genuens. qui ea tempestate Capham incolebant, spontè sibi hanc prouinciam desumpserē, summaque festinatione aliquot nauigiis optimè instructis ac præparatis, ductu atq. imperio Paulini Auria tunc ibi consulatū gerentis, illuc nauigationem instituerunt. Ceterū, huius expeditionis is tandem exitus fuit, vt ea ciuitas, priusquam obsessis maturè succurri posset, cum maximo Christiani orbis detrimento & calamitate mense Aprili Barbarorum ditioni cesserit. Nihilominus tamen Deorum immortalium benignitate factum est, vt per idem tempus Benedictus Giacarias cum aliquot triremibus, & vnica nauī, in eas oras transfretaret, cuius quidem beneficio maior propugnatorum pars salua & incolumis in Cyprum delata. Id verò, præter cetera incommoda non minimi ac leuis momenti, quibus deinde Giacarias vnā cū Paulo Auria Sulthanum affecit, illius animum tantoperè aduersus Remp. incitauit, vt omnes Ligustici nominis, qui tunc temporis in partibus Syriæ atque Asiæ negotiabantur, statim comprehendi, & illorum bona fortunaque fisco adiudicari iusserit. At Senatus, quo Principem tanta potentia & opibus florentem deliniret ac permulceret, simulque ad clementiam & mansuetudinem inflecteret, ad eum, Albertum Spinulam, cuius perraræ prudentiæ ac fidei plurimum tribuebat, destinauit: eiusque opera atque industria tandem effectum est, vt captiui è custodia exempti, libertatem simul & pristinas facultates recuperaret. Ceterū, Senatus, quò in posterum reliquos ciues hoc tam præclaro ac memorabili exemplo ad idē agendum pelliceret ac inuitaret, omnes sumptus, quos Ligures qui Caphæ mercimoniorum gratia commorabantur, pro expeditione Tripolitana impenderant, (hos autem, subducta ratione, triginta duarum milliū, octingentarum & quinquaginta septem librarum summam æquasse, veterum Annales perhibent) in se transferre placuit. Circa hoc fermè tempus, Carolus secundus Andegauensis Genuam profectus fuit, vbi honorificentissimè à Senatu ac ceteris ordinibus exceptus est, arcemque vulgò Rocabrunam, à suo patre occupatam, Reip. restitui iussit. Breue ab hoc intercessit spatium, ex quò, in Cyrno insula noui motus, Pisanis præcipuis eorum auctoribus, exorti. Quandoquidem ipsi, ante pacis cōditiones initas, iudicem Ienarcanum semper Reip. quàm maximè suspectum atque infensum, ad defectionem sollicitarant, eumque modis omnibus sibi fouendum atque ornandum susceperant. Proinde ad eas seditiones reprimendas, vtque

amissa

1286.
Chunradus
Vberti filius

1289.

Tripolis à
Sulthano
obsessa &
oppugnata.

Benedictus
Giacarias.

Albertus
Spinula
mittitur ad
Sulthanum.

Senatus mi-
ra gratitudo
erga de se
benemeritos.

Carolus An-
degauens.
Genuā pro-
fiscitur.

Corfica no-
uis motibus
agitata.

amissa oppida recuperarent, de Præfectorum & Prætoris auctoritate, ac Senatus decreto, (Pisanis ex mutua conventionione ac fœdere partem sumptuum, nempe nouem librarum millia suppeditantibus) Lucas Auria, vir belli togæque artibus insignis, cum expedita manu in eam insulam ablegatus, ad cuius aduentum hostes illinc digressi, loca prius occupata, inter quæ fuit etiam arx Istriae, ac Ienercæ, deseruerunt, atq. ita modico negotio in fidem recepta. Interim Auria secundis rebus alacrior factus, & Antistite illius insulæ, iuxtaque Cortingorum familia, eo sæculo clara & illustri, ac Genuensibus amica, opem suppetiasque ferentibus, in Aleriam progressus, illam pari felicitate expugnauit, & castrum, cui nomen Petralata, post paucorum dierum obsidionem occupatū, iterum Ligustico imperio adiecit. Hac fortunæ indulgentia, Bagnari reguli, Marchiones Verdenfes, ac plerique alij non vulgaris nominis ac famæ, permoti, vltro sese illi dederunt, ita vt paruo temporis interuallo vniuersa insula, eximia huius ducis prudentia, & felicibus auspiciis, ad pristinā Genuensium fidem atq. obsequiū redierit, ipseque Auria breui post, prius omnibus rebus ibi optimè dispositis & ordinatis, in patriam, multa gloria & præda onustus, reuersus est. Corsicis motibus sedatis atque compositis, Rectoribus non minùs ad suam dignitatem, quàm ad Reip. decus ac beneficium expedire visum fuit, vt arcem Calaritanam sitam in Sardinia, à Pisanis iuxta mutuas conuentiones reciperent. Hi namque, præfixo annuali termino iam effluxo, cum propter nonnulla impedimenta id negotij perficere nequiuissent, alterius anni prorogationem sibi dari petierant, proque Genuensium cautione ac maiori securitate aliquot suæ ditionis oppida, & turres sui portus, arcemque Gorgonam, necnon viginti quinque millia librarum: quas Reip. soluere tenebantur, quinquaginta obsides, & pleraque alia offerebant: quas quidem conditiones libenter sanè amplexi essent, nisi sententiarum varietas obstitisset. Nam ea tempestate Resp. iterum variis ciuiliū dissensionū fluctibus diuexari atque agitari inceperat, quæ illam deinceps per multos annos supramodum inquietarunt, initio inde potissimum exorto, quòd nempe Præfectorum gubernatio, licet optima, & Reip. salutaris, (fieri autem potest, vt cum rebus cunctis insit quidam velut orbis, quemadmodum temporum vices, ita morum vertantur) indies iam omnibus in commune, præsertim verò ipsis patriciis, summo perè metuentibus, ne si diutius in ea persisterent, decursu temporis totius Reip. dominium atq. imperium sibi vsurparent, & monarchiam quandam astruerent, magis atque magis inuisa & suspecta reddebatur, adeò vt Cal. Ian. ingens coniuratio aduersus ipsos Præsides ac Plebis rectorem, vulgò Abbatem, detegere-

*Corsica in
fide recepta.*

*Coniuratio
aduersus
præfectos &
Abbatem.*

ac ingens strepitus & commotio vbique excitaretur, vniuersam urbem summa trepidatione ac pauore immiscuit: & proculdubio ipsum templum vnà cum multorum strage expugnassent ac etiam incendissent, nisi quorundam ciuium, quèis in partes, nec amor, nec odium, auctoritas & preces, illorum animos ad mitiora consilia flexissent. Quippe qui rectoribus promiserunt, statim coniu-
 ratos, abiectis armis quascumque vellent conditiones, suscepturos. Hoc per-
 acto, ipsisque salua & incolumi vita illinc abire permissis, urbani motus, ac tu-
 multus maiori ex parte conquieuerunt, quatuor dumtaxat ex præcipuis seditio-
 nis auctoribus breui exilio multatis, & reliquis omnibus cum singulari præfe-
 ctorum clementia, & moderatione, tum etiam, ne grauioribus turbis ansa præ-
 beretur, venia condonata: & quisq. in fidem & gratiam recepti. Proximo anno,
 qui fuit eiusdem sæculi nonagesimus, Reipub. regimen adhuc erat penes eos-
 dem Præfectos, deq. Patrum consensu Ioannes Lucinus prætura functus est. Et
 quia Pisani arcem Calaritanam Reip. prout ex pactis tenebantur, tradere abnue-
 rant, multaue hostiliter faciebant, bellum in ipsos, Lucensibus prius sibi fœ-
 deris iure obstrictis, decretum, ac etiam, sicuti suo loco enarrabitur, feliciter
 gestum. In hoc rerum tractu, cum eorundem præfectorum administratio, sicuti
 proximè commemorauimus, iam fermè omnibus inuisa esset, & nisi Reip. status
 noua gubernationis forma corrigeretur, graue periculum instaret, ne populus
 rerum nouarum cupiditate, atque odio præsentium, nouarum seditionum au-
 ctor esset, ipsi tandem à suis propinquis & familiaribus inflexi, quinto Cal.
 Nouemb. qui dies incidit in festum D. Simonis & Iudæ, Gulielmo Drudo Astensi
 Prætorè, vltro suprema dignitate atque imperio abierunt. Quorum singulis Se-
 natus, propter egregiam Reip. nauatam operam, tria millia librarum dono dedit.
 Proinde conuocatis Patribus, habitisque de more comitiis, vnanimi eorum suf-
 fragatione duo Reformatores, vt vocabant, nimirum Simon Spinulà & Vbertus
 Auria Conradi pater, renuntiati: quorum potissima cura & studium circa Reip.
 statum corrigendum ac emendandum versaretur. Hi verò post longà & maturam
 consultationem, in hanc demum sententiam iuere, vt ad omnem, vel minimam tyran-
 nidis suspensionem ex ciuium animis euellendam, Reip. gubernatio iterum externo Prætori
 committeretur, simulq. ad publicum otium & pacem constituendam sanxere, vt omnia
 tam Ancianorum ciuium, quam Senatorij ordinis munia & magistratus cum æqua-
 bili auctoritate & gratia distribuerentur. Itaque omni mora posthabita, Lan-
 francus Suardus Bergomates in urbem accersitus, cui Reip. prætura committe-
 retur: isque sui muneris partes peregre adimpleuit, & annua functione obita,
 Gulielmum Drudum ciuem Astensem, in eadem dignitate successorem habuit.
 Paulò antequam ipsi Præsides sese supremi honoris fastigio exuerent, Acellinus
 Auria, & plerique alij, omnes fermè domos ac ædificia, quæ tunc temporis in-
 ter fanum D. Matthæi ac D. Laurentij sita erant, pro duabus millibus & quin-
 gentis libris per suos procuratores coemerunt: hisque omnibus dirutis, publi-
 cum palatium extrui iussere. Iisdem fermè diebus, Carolus Andegauensis cum
 duobus Purpuratis Genuam profectus est, vbi à Senatu regio splendore ac ma-
 gnificèntia exceptus fuit. Interea temporis, cum natura comparatum esse videa-
 mus, vt humanis animis nihil magis intelligentia ingenitum sit, quæ parens est
 ipsa omnis inuentionis, fiatque eiusdem naturæ instinctu, vt quam quisque in-
 genio maximè præstat, tam is ad comminiscendum semper aliquid maximè in-
 tentus sit, & pronus, adeo vt nonnulli ex sapientioribus, quos prisca ætas tulit,
 homines, alphestas interdum appellarint, quasi indagatores, & inueniendi vi præ-
 ditos,

1290.

Præfetti se
 supremo Ma-
 gistratu ab-
 dicant.

Noua Reip.
 forma insti-
 tuitur.

Reip. admi-
 nistratio
 rursus penes
 Prætores.

1291.

Fabrica pu-
 blici palatii.

ditos, ac si hominis maximè proprium esse existimarent, indagare & inuenire, Theodorum Auriam & Hugolinum Viualdum vnà cum suo fratre, ac plerisque aliis nobilibus viris, incredibilis quædam nouas insulas & regiones ad occidentum orbem vergentes, perscrutandi cupiditas incessit: eoque factum est, vt, duabus rostratis nauibus, omnibus rebus ad tam longinquam profectiorem opportunis, summa diligentia instructis ac præparatis, prosperoque ventorum afflatu è sinu Ligustico soluentes, ad fretum Herculeum adnauigarint. quo quidem emenso, illinc tam ultra versus Indiam perrexere, vt, sicuti à quibusdam posteris ac memoriæ traditum est, nihil sanè amplius de ipsis auditum atque rescitum fuerit. Inter hæc, Emilech Alaraf, potentissimus Ægypti Imperator, Christianorum res in partibus Asiæ arque Orientis supramodum affligebat, ad eò vt, præter ceteras clades haud rarò illis inflictas, ad Ptolemaidis, in qua vrbe complures Christiani orbis nationes varia mercimonia exercebant, expugnationem, animum & vires conuerterit. In ea, præter mille & quingentos cataphractos, paucis antè diebus, illuc missos à Romano Pont., ac militarem manum, quam Henricus Cyprius rex eòdem adduxerat, circiter triginta propugnatorum millia fuisse dicuntur, ipsaque vrbs admodum munita censebatur. Verùm, neque militaria præsidia, neque locus natura arque opere circumseptus, obstare potuerunt, quò minus ea ciuitas post quatuor & quadraginta dierum obsidionem, cum maxima omnium strage vi expugnaretur, sic vt etiam Cypri rex, ægrè admodum vnà cum aliquot proceribus & nonnullis ex suo comitatu, duarum Ligusticarum in eo portu ad anchoram subsistentium, quibus præerat Andreolus Pellatus, ope ac beneficio seruatus sit, & incolumis in suum regnum præteruectus: vbi paucis post mensibus, urbem Famagustam, instar Ptolemaidis, construi ac ædificari iussit: quæ postmodum tam Genuensium quàm Venetorum, aliarumq. gentium celeberrimum emporium ac receptaculum fuit. Verùm, quia famosæ urbis mentionem fecimus, congruum videtur, eius primordia paucis verbis aperire. Vrbes Cypri, quæ insula latè Mediterraneo mari protensa, inter Ciliciam & Syriam sita est, & nunc regni titulo, nec non opibus claret, duæ, vt præcipuæ, Nicosia nimirum, & Famagusta antiquitus Salamina, nominantur. Verùm tamen eò Famagusta præcellit, quòd & regiæ potior sedes sit, & cathedralis Ecclesiæ nomen ac ius obtineat. Eò accedit, portum, id quod caput est, ipsam efficere, à quo nobilissimum insulæ totius emporium redditur. Porro ita terra ac mari natura loci, & à Venetis arte munita est, vt insultantem hostem, eumq. præpotentem sustinere possit. Vtramq. tamè Selimus expugnauit, Venetisque eripuit vnà cum reliqua insula, fracto ob solam dominandi libidinem fœdere, quod idem mortuo Solymano patre iurarat sollemni more. Capta enim Nicosia anno Christianæ salutis M. D. LXX. die verò 7. Calend. Sextiles; Mustapha belli legatus, tertio decimo Cal. Oct. proximè sequentis, Famagustam obsedit. Selimus interim, ne laboranti vrbi Veneti succurrerent, trecentarum nauium classem prædâdis Hadriatici sinus littoribus instruxit. Veneti fortissimos tres viros eius tutelæ præfecerunt, M. Antonium Bragadinum, Astorem Ballionium, & Ludouicum Martinengum. Postquam igitur isti eam menses XI. & aliquot dies defendissent, tandem rerum omnium ad ducendum bellum inopia coacti, & spe frustrâ expectati auxilij penitus deiectioni, quarto Nonas Sextiles subsecuti anni ea conditione Mustaphæ legato eam tradiderunt, vt vrbe sibi ac militi saluis ac liberis, ceterisque vnà cum bonis ac armis, discedere liceret. Barbarus tamen victos concidi tres illos præfe-

*Ptolemaidis
expugnatio.*

*Famagusta
in Cypro,
instar Pto-
lemaidis,
condita.*

*Famagusta
descriptio.*

*Exemplum
horribilis
immanitatis
ac perfidie.*

referasset, sese in Hispaniam inundantis diluuij instar, effuderunt; eamque omne suis excursionibus deuastarunt. Alani igitur, tunc inter Iberum & Rubricatum fluuios confedere, pulsus prioribus incolis, qui Iaccettani dicebantur. Circum-acto deinde exiguo tempore, hoc est, anno M. C. LXIX., cum Alarico in Italia defuncto, Athaulfus, cui Alaricus Placidiam, Arcadij & Honorij Imperatorum sororem, connubio iunxerat, ei successisset, Constantius Comes, qui ab Honorio in Galliis praefectus fuerat, Gothos e Narbonensi prouincia expulit: ijque in Hispania venientes, eodem loco, ubi Alani erant, confederunt. Cumque diu iam totam eam regionem direptionibus atque rapinis deuastassent, & Athaulfus a suis Barchinone sublarus esset, tandem cum Alanis de incolenda simul ea regione foedus inierunt. Quamobrem successu temporis ex mutua & familiari consuetudine, lingua & moribus ex binis populis in vnum conuere, & ex binis quoque nominibus, Gothis, atque Alanis, vnum fecerunt, seque Gothelanos, & prouinciam eam, Gothelaniam appellarunt: quae deinde nomina sermonis mutatione iterum inflexa fuerunt, ut nunc communiter Cathelani, & regnum, Cathelonia nuncupetur. Habent Barchinonem, urbem praecipuam, paruam quidem olim, nunc populi frequentia, diuitiis, moribus, ac legibus indytam. Horum autem nomen, priusquam Alfonsus Aragonius ad regni Neapolitani possessionem vocaretur, non ita celebre in Italia extitit.

Aragonici Cathalanis vicini, sed magis ad Occasum, inter Iberum & Valentiae regnum siti sunt: atque hoc nomen a Tarracona quam incolunt, antiquissima vrbe, olim a Cn. & Pub. Scipionibus fratribus, secundo bello Punico exstructa, obtinent: nam Aragonici dicuntur, tanquam Tarratonicis. Ac prius quidem distinctum erat Catheloniae regnum ab Aragonico. Sed postea temporis decursu, ambo coniuncta fuere. Siquidem primum, cum nulli adhuc essent in Aragonia reges, populus Petrum Tharensem quendam nobilem, in regem elegit: sed cum non esset is ex posteris Gothorum natus, factum est, ut regiam dignitatem consecutus, superbire, atque inolescere coeperit, adeo, ut suis inuisus ac exosus, haud multo post, etiam regno exueretur: & cum alij non adessent qui huic muneri sustinendo apti viderentur, Pontificis permisso & auctoritate ex coenobio Ranimirum quendam Sancij illegitimum filium (is enim legitimam prolem nullam reliquerat) euocarunt, atque illum Aragoniae regem substitutum, Oseae anno M. XVII. regio diademate insigniuerunt. Hic ergo primus fuit rex Aragoniae e Gothorum familia, & ex sorore Pictauiensis Comitum Hurracam filiam suscepit. At postquam aduersus Mauros aliquoties non infeliciter pugnasset, & pacem constituisset, regno atque filia, donec matura viro foret, Alfonso septimo Castellae regi commendatis, in coenobium reuersus est, & illic vitam finire statuit, quod homo simplicis ingenij esset, & suorum nobilium insidias metueret. Harucca autem matura viro, Ramundo Barchinonensi Comiti nupsit, eaque ratione sibi Aragonicum regnum acquisiuit: fuereque deinceps Cathalonia & Aragonia vno regno comprehensae. Haecenus de Tarraconensibus.

Ut vero ad destinatum redeam, per idem ferme tempus, quo Resp., Beltrano Ficieno externo praefecto, & Gulielmo Gardino ciue Astensi Praetore, aduersus Cathalanos cruento atque atroci bello implicabatur, etiam contra Pisanos, & paulo post, in Venetos, licet nondum elapso indutiarum termino, magnam ac memorabile proelium de integro exarsit. Ceterum, quod a Iacobo Auria, haud in celebri eorum temporum scriptore, de illius potentia memoriae proditum est, hic neutiquam silentio praetereundum videtur. Is enim pro certo asserit, in hoc

postremo

Athaulfus.

1291.

*Quarta fuit
viri Genens
potentia &
amplitudo.*

postremo bello in Pisanos gesto ac prosperè terminato, quod fermè ad septennium continuarat, supra sexcenta & viginti septem nauigia, partim oneraria, partim ex his quæ remis aguntur, in mare contra hostem educta, præter numerum diuersarum nauium propriis sumptibus à priuatis ciuibus instructarū, quas sanè vltra septuaginta quotannis fuisse commemorant, quibus in Sardiniam, Siciliam, Peloponnesum, Galliam Narbonensem, & plerasque alias orbis regiones mercium vtrò citroq. commutandarum gratia, nauigabant: ex quibus sanè tanta vtilitas, & compèdium proueniebat, vt Resp. ea tempestate nulli obærata, singulis annis, demptis classium impensis, supra centum quinquaginta librarum millia in publicū ærarium conferret. Nec profectò vllum tempus vnquā exitit, quo diuitiis ac potentia magis floruerit. De his autē bellis quæ aduersus vtrumq. populum circa hæc tempora gesta sunt, eorumque origine ac euentu, & quanto harum gentium cruore flagrauerint, suo loco ac tempore seorsum, vti antea diximus, explicabitur. Anno eiusdem sæculi tertio ac nonagesimo, Senatus consulto Simon Hulmellus Bergamo Cenomanorum vrbe oriundus, externus Præfectus, & Petrus Carbonesus Bononiæ natus, Prætor designati, ac etiam posterus annus eundem Præfectum vidit. At insequenti, eiusdem Senatus decreto, vtraq. Præfectura Iacobo Calcano, patria Insubro, demãdata fuit, sub quo mense Ianuario, pax inter Guelfos ac Gibellinos, qui ea tempestate in Mascaratorum & Rampinorum nomina transierant, & per annos amplius quinquaginta inter se acerrimis odiis conflixerant, non sine maximo totius vrbis gaudio ac beneficio, tandem inita & constituta. Ceterum, etsi nondum externa bella se remiserant, ciuitas tamen insolens longæ pacis, eiusq. dulcedine haud sanè diu perfrui consuetæ, nouis ciuiliū dissensionum fluctibus ac procellis atrociter iactata. Nam circa finem Decembris subsecuti anni, veteres similtates ac discordiæ, quæ maiori ex parte iam consopitæ ac propemodum extinctæ videbantur, iterum cum ingenti omnium detrimento ac pernicie recruduerunt, & mox inter Spinulas & Aurias, necnon inter Grimaldos & Fliscos aduersæ partis duces, sæuissimum bellum exarsit, & ab eo tempore vsque in mensem Februarium plurimo sanguine vtrinq. certatum, ac præter quàm plurimos, quatuor ex præcipuis familiis, nempe Iustiniana, Spinula, Maria & Marina, interfecti, multaque & pulcherrima ædificia incensa, eo tandem exitu, vt fortuna ad Spinulas & Aurias inclinaret, adeò vt aduersarijs expulsis, omniq. externo magistratu abrogato, summa Reip. penes ipsos constiterit. Quippe statim Conradus Auria & Conradus Spinula vtrique Vbertorum filij, communibus Patrum suffragiis Rectores designati fuerunt. His fermè temporibus, Sicania rex, è Gallia Narbonensi Genuam profectus, magnifico, regioq. apparatu exceptus fuit, ei que Antistitis palatium hospitij loco traditum, ac breui post, Roma eodem reuerso, Spinularum ædes longè splendidissimæ, domicilium præbuere. Illud pænè hic silentio præterieram, anno præcedenti Genuæ magnificum atque insigne opus, quod meritò cum vetustissimis quibusque Romanorum æquiparari potest, scilicet aquæductum, vnde per cuniculos ac varios meatus perennis aquarum copia & abundantia in urbem, cum maximo & incredibili eius beneficio inuehitur, mirifica structura absolutum ac perfectum fuisse. Postero anno, sub iisdem Moderatoribus placidè perseueratum, & duobus insequentibus, Chunradus Spinula & Lambas Auria cum æquali potestate atque imperio summæ rei præfuerunt, quoad rursus circa finem Octob. eiusdem anni, ipsis supremo Magistratu abeuntibus, Albertus Portalodus Papiensis, Prætor publicis Patrum calculis renunciatus fuit. Paucis diebus

Resp. penes
Conradum
Auriam &
Conradum
Spinulam.

Aquædu-
ctus.

1297.

1298.

1299.

diebus interiectis, Spinula vrbe excedēs, in Siciliam ad Petrum Tarraconensem regem, ea tempestate Gibellinas partes in Italia summis viribus propugnantem, contendit: apud quem aliquādiu commoratus, propter eximias animi corporisq. dotes ab eo rege amanter atque honorificè habitus fuit. & cū postliminiō in patriam rediret, post quadriennium acutissima febris correptus, vita, in immenso sui desiderio relicto, emigravit. Cuius corpori sollemni pompa in fano Catharinæ sacro parentatum. Iisdem fermè diebus, pax inter Venetos ac Ligures constituta, simulque inter eosdem, ac Pisanos, indutiæ ad annos septem ac viginti cū haud modico Reip. beneficio transactæ. Nam ipsi, præter cetera loca, Sallarum Sardiniae municipium, Genuensibus tradidēre, totaque insula Corsica cesserunt, ac etiam centum triginta quinque millia librarum Ligusticæ monetæ propter sumptus, quos ipsi Ligures hoc in bello impenderant, persoluerunt. Interea, Belloto 1300: Calcano ciue Mediolanens. præturam obtinēte, nonnulli è Grimalda familia, intimis quibusque & amicorum præcipuis sibi associatis, multa iam nocte cum quinque triremibus optimè instructis, urbem ingressi, omnia, lymphatis cæco pauore animis, vario tumultu immiscuēre, adeo vt cū ad illorum conatus inhibendos; Lanfrancus Spinula, vir non minùs belli gloria, quàm togæ artibus præstans, aliquot sociorum & familiarium manu contipatus, arma expediuisset, post acrem pugnam ab eis contrucidatus fuerit. Mox verò, cū magnus populi concursus in eos fieret, Grimaldi, haud parua accepta clade, ex vrbe eiectioni fugatique sunt, ac etiam complures illorum capti. Et quoniam præcipui ex Auria & Spinula familia, Petro Aragonio Siciliæ regi, ac Friderico eius filio adhæserant, eiusque partes aduersus Carolum & Vbertum Andegauenses summa ope protegebant, Bonifacius octauus Pontifex, tantam iram & indignationem concepit, vt ea potissimū de causa Genuam, atq; adeo vniuersum agrum Ligusticum, diris atque anathemate deuouerit. Exitu eiusdem anni, portus, Marino Buccanigra architecto, in centum & quindecim cubitorum longitudinem adauctus & ampliatus fuit, magnaque pars molis completa. Ceterū circa 1301: initium subsequētis, Damiano Alesnaigo ciue Mediolanensi, prætoria dignitate potiente, inter Andegauensem, ac eos Ligures qui illi aduersabantur, pax tandem inita, simulque Resp., mitigatis animis, cum Pontifice in gratiam rediit. Post hæc, vrbis Præturam gessit Angelus Petramalla Aretinus, cui, post exacti 1302: anni spatium, Gulielmus Castellus Astensis, successor datus. Ceterū, quānam duobus subsequētib; annis eam prouinciam obierint, nulla apud veteres 1303: Annales fit mentio. Sub initium anni supra millesimum trecentesium quinti, Calabriae Dux Caroli filius, Genuam vnā cum sua coniuge, vt inde in Galliam transfretaret, enauigauit: ibique ab vniuerso Senatu ac ceteris ordinibus perhonorificè exceptus fuit, & in primis ab Opicino Spinula huius familiae tunc temporis facilè Principe, ad cuius ædes diuerterat, splendidissimè habitus. Ceterū, insequenti anno, maxima in Repub. subsecuta fuit conuersio. Siquidem plerique patricij ordinis conquesti, leges ac statuta ciuitatis nimium in Spinulas & 1306: populares, quorum maior pars Spinulis fauebat, propendēre, quamplurimis, ac etiam omnibus Auria familiae, Barnaba excepto, sese illis agglomerantibus, octauo Idus Ianuar. arma contra ipsos expediuerunt, eo quidem successu, vt post longum atque atrox vtrunque prælium, priusquam aduersa fieret, fortuna ad ipsos Spinulas eiusque fœderatos inclinaret, adeo vt cæpta luce, de Senatus consulto Opicinus Spinula & Barnabas Auria, vrbis Præfecti ac Rectores designati fuerint, & singulis eorum, sicuti antea fieri consueuerat, annum stipendium, quod

Lanfrancus
Spinula interitus.

Grimaldi
vrbe eiectioni.

Amplificatio
portus
Genuensis.

Opicinus
Spinula, &
Barnabas
Auria, vrbis
Præfecti.

Initium dis-
cordie inter
Spinulas &
Aurias.

1307.

quod mille & quingentarum librarum summam adæquabat, constitutum, ac etiam plerisque huius seditionis auctoribus publicatis bonis, igni & aqua interdictum, eoque factum est, ut deinceps, inter duas nobilissimas familias, nempe Spinulam, atque Auriam, inter quas semper hætenus singulare studium atque amicitia intercesserat, initium grauissimarum dissensionum ac immortale odium, quod progressu temporis multarum calamitatum causa & seminarium fuit, enasceretur. Opicinus interim, quò seipsum tutius atque firmius in suprema dignitate communiret, suam filiam Theodoro Palæologo Andronici Græci Imperatoris filio, & alteram Theodoro Montisferrati regulo elocauit: quod sanè ab hoc postremo haud difficulter impetratum est, ea potissimum spe inducto, ut scilicet, per huiusmodi affinitatis vinculum, pleraque municipia, sibi à Repub. iniuste, ut nonnullis videbatur, superioribus annis erepta, foci ope & auctoritate multò facilius atque commodius recuperaret. Verùm Auriam, ac reliqui fœderati, cum sese numero ac robore impares animaduernerent, nihil habuere antiquius, quàm ut statim Grimaldos, quibuscum hætenus graues inimicitias exercebant, licet tunc temporis profugos ac extorres, sibi conciliarent, quò simul coniunctis viribus, bellum de communi sententia gereretur. Itaque correptis armis, primo accessu Tagiam & Oneliam occidui littoris municipia, occuparunt. Hæc ubi primum Genuæ intellecta, Senatus consulto Barnabas Auria & Rinaldus Spinula & Prætor, contracto quicquid erat militum, aduersus eos profecti sunt; ad quorum aduentum hostes perculsi ac perterriti, præter omnium spem, euestigio certis quibusdam conditionibus cum eis pepigere, ac sese cum ipsis Præfectis, tum etiam populi Abbati (nam etiam hoc tempore is magistratus continuarat) subiecerunt, omnesque, præstito prius fidei sacramento, in patriam restituti. Compositis præsentibus motibus, noua dissidia non modò inter Aurias & Spinulas, verùm etiam inter ipsosmet Spinulas, qui diuersa studia fouebant, (nonnulli etenim, Spinulæ de Lucullo, hi que omnes Opicino adhæserant, alij, de Foro, appellabantur) exarserunt: ac plerique illorum, Opicini gloriæ ac felicitati supramodum inuidentes, cum præsertim semper magnæ fortunæ comes liuor adsit, & mortalibus natura insitum sit, ut recens aliorum felicitas ægris oculis introspectiatur, illius vitæ omnibus studiis atque artibus insidiabantur, ita ut Barnaba Auria ab eius fide & amicitia abalienato, & inter ipsos mutuis odiis conflatis, illi tandem persuaferint, sibi quàm maximè expedire, ut etiam ipse cum aliquo illustri Principe affinitatem contraheret. quorum verbis & rationibus inflexus, quò sibi quamplurimos amicos, opibus & auctoritate florentes compararet, filiam Salassorum regulo in matrimonium locauit. Hac re licet Opicinus vehementer commoueretur, nihilominus tamen, qua erat animi sagacitate atque prudentia, id propè dissimulabat; suisque rebus constabiliendis indies magis magisque studens, nihil omnino aliud, præter idoneum tempus præstolabatur, quo, Auria è medio sublato, ipse solus rerum potiretur. Igitur anno eius sæculi nono, postquam iterum ambo suos æmulos & aduersarios nouas turbas excientes, profligassent, nihil prius habuit, quàm ut suum collegam funditus deleret, eaque de causa cum Eduardo Spinula suo patruo clandestinis consiliis initis, effecit, ut mense Nouembri, cum essent in Senatu, ipse, arrepta occasione, aduersus Barnabam insurgeret: & quamuis Opicinus factum excusaret, ac diceret, id neutiquam, se conscio, atque auctore fieri; is tamen protinus omni dignitate cum summa labe atque ignominia exutus est, & in publicum palatium, ubi Abbas populi ius dicebat, perductus, nec non in publica custodia asseruatus, adeò ut

1308.

1309.

habi-

habitis comitiis, de vnanimi patrum consensu ac voluntate supremus Prefectus, & quodammodo perpetuus Dictator, designaretur. Ceterum aduersarij ad omnem opportunitatem intenti, parua mora interiecta, cum haud spernendis viribus portum Mauritium, Andoram, & Albingaunum occuparunt: & licet Opicinus cum valida manu per suos delegatos & procuratores illorum conatibus obstare anniteretur, ipsi tamen, infectis rebus, domum rediêre. At Barnabas qui captiuus detinebatur, inter cœnandum, appositis custodibus frustratis, vincula elapsus, fuga sibi consuluit, seq̃ue statim in ædes Spinularum, vulgò de Foro, quorum beneuolentia sibi plurimum perspecta erat, subduxit: indeq̃ue post triduum clàm vrbe digressus, in oppidum Saxellum perrexit, eoq̃ue pleriq̃ nobiles, Guelfis partibus addicti, sese quamprimùm contulêre: simulq̃ue omnes rationes atque artes inibant, quibus Opicinum principatu deturbarent. Quocirca initio proximi anni, omnes Aurix familiæ vnà cum Grimaldis, Fliscis, ac reliquis fœderatis coacto exercitu, eoq̃ue mœnibus admoto, vrbe inuadere constituerant. Spinula de hostilibus paratibus certior factus, summa festinatione & diligentia, vrbani ac externum militem describi iussit, ac breui vltra quingentos equites, & decem armatorum millia in promptu ac præmanibus habuit, moxq̃ue in hostem acie directâ & militariter instructâ, huic iuxta D. Andree cœnobiū occurrit, & confertis manibus, tam sinistro & improspere Marte conflictit, vt post acrem ac diutinam dimicationem, vnà cum suis in turpem fugam coniectus, & castris omnibus exutus, ac etiam, ipso Prætorē, qui secum erat, interfecto, ægrè se incolumem in sua municipia & colonias receperit, atque ita repentè versa fortuna, è supremi honoris fastigio delapsus. Genuæ interim, qui rebus gerendis admoti sunt, continuò ædes Opicini, Rinaldi ac Eduardi Spinulæ incendi, & postmodum solo æquari, ac etiam ipsi Opicino aqua & igni interdici iussêre; habitisq̃ue de more comitiis, tertio Id. Iun. sexdecim ciues designati, quorum consilio & auctoritate ipsa ciuitas, atque ager Ligusticus, vsque ad Cal. Iulij regeretur, & Robertus Benauia, populi Abbas renuntiarus, iuxtaq̃ue in Senatu, de nouo Reipub. statu constituendo habita consultatio, & sex patri- cij ordinis, ac totidem populares creati, qui summæ rei cum æquali dignitatē præsiderent. Ceterum, Spinula, cum Monœei castrum adhuc in sua potestate haberet, Remp. ex ea parte haud mediocriter infestabat, adeò vt circiter quingentis equitibus, & octo millibus peditum, vnà cum Theodoro Montisferrati regulo, ac ceteris clientibus & fœderatis, vsque ad D. Petri fanum, quod vocant Arenatium, ratus, illic hostem sibi obuiam processurū, perueniret. At qui sedebant ad gubernacula, superiorum temporum exemplis probè edocti, sese intra vrbe communiētes, nullam pugnandi copiam fecêre, ita vt cum Spinula omnes suos conatus atque consilia prorsus in irritum cadere animaduerneret, simulq̃ue omni comœatu ac rei frumentariæ inopia laboraret, quinto diē, ex quo illuc castra produxerat, Gaium, infecto negotio, remigrarit. In hoc rerum tractu, hi, penes quos Reip. regimen erat, operæpretium fore arbitrati, si aduersariis omnem ansam præciderent, qua, maioribus viribus instauratis, iterum nouas turbas ac tragœdias excitarent, Franciscum Fliscum cum quadringentorum equitum ala, & aliquot militaribus cohortibus aduersus perduelles miserunt, isq̃ue, præter ceteras clades hostibus illatas, Burgum & Buzallam diripuit, atque igne iniecto concremauit. Verum Opicinus, æstro vindictæ inflammatus, euestigiò cum delecta manu in oram Orientalem profectus, Montaldi arcem in agro Rapallitano sitam, post viginti dierum obsidionem, simulq̃ue Voltagium,

1310.

Clades Opicini Spinulæ.

Ciuitatū
dissensionum
fructus.Nova forma
Reip.

& pleraque alia circumiacentia expugnauit ac euerit. Sub idem quoque tempus, Galeotus Spinula vnà cum suis fratribus & amicorum præcipuis, triremi ad hoc instructa, prædabundus hac illac circumuagabatur, & plurimis damnis oram Ligusticam diuexabat, ideoque Patrum decreto, duæ triremes, ductu Farauelli Aurix in eum emissæ fuerunt, qui hostilem adortus, cum ea conflixit, eo quidem exitu, vt multis vtrunque cæsis ac vulneratis, illam tandem expugnarit: & ex his, qui in suam potestatem deuenerunt, iussu Senatus, duo ac triginta crucibus affixi. In tanta rerum omnium perturbatione, ac ciuili discordia, tandem diuinitus contigit, vt quorundam optimorum ciuium, nulla partium labe temerorum, industria & auctoritate, mense Iulio eiusdem anni, pax certis quibusdam formulis transigeretur: ex quibus maximè insignes fuere, vt Respub., aduersæ parti, propter illius ædes ac ædificia exusta, quadraginta librarum millia in præfenti ac numerata pecunia persolueret: Ipsi contrà, omnes arces ac munitiones à se occupatas, quamprimū restituerent. Præterea, vt omnes proscripti ac exules, præter Opicinum, cui non ante biennium in patriam redeundi potestas dabatur, suis bonis ac penatibus redderentur. Inter hæc, Rhodus, nobilissima insula in mari Carpathio Cariæ adiacens, cum plerisque aliis insulis conterminis, decimo octauo Cal. Septemb. à Christianis recepta: pro qua expeditione, præter quinq. ac viginti triremes Pontificias, ipsi quoque Ligures decem triremes auxilarias omni bellico apparatu instructas, suppeditarunt. Mense Octob. subsequentis anni, Henricus Cæsar septimus, vnà cum Margarita sua coniuge Ducis Brabantix filia, femina eximiis dotibus, & præclara pudicitia, ex Germania, superatis Alpibus, Genuam transmisit, vt illinc Romam profectus, imperij diademate à Romano Pont., vt moris erat, insigniretur. Hunc Senatus ac ceteri Ordines, regio apparatu amplissimisque honoribus exceperunt. isque, vt vicissim aliquod memoris gratique animi testimonium erga Remp. de se bene meritam exhiberet, quamdiu ibi substitit, summa ope nixus est, vt non modò pax recens constituta, firmitus coalesceret, verum etiam, vt deinceps omnia mutuarum dissensionum fomenta ac semina penitus à ciuium animis euellerentur. in quo sanè tantam sibi promiscuè apud omnes gratiam & beneuolentiam comparauit, vt, quò Reip. status deinceps tranquillior ac pacatior esset, illi de mutuo consensu & voluntate totius vrbs, adeoque vniuersæ Ligusticæ dirionis, ius atque imperium ad annos viginti vltro deferrent, & in foro Seresano publicè ac sollenni pompa sese iurandi sacramento obstrinxerunt. isque fuit primus externus dominatus, cui Respub. propter ciuiles seditiones ac intestina odia, vnde postmodum atrocissima bella enascebantur, sponte sua seipsam subdiderit. Ex hac verò Cæsariana gubernatione factum est, vt Aurix, sua insignia mutauerint. Cum enim plerique illius familiæ leonem, alij tures, & plures diuersa insignia circumferre conuenissent, ipsi in posterum semper insignia Imperialia gestarunt, & quò aliqua distinctio inesset, de vnanimi eorum consensu statutum fuit, vt dimidia pars elypei, seu campi, vt vocat, in quo depingitur Aquila, albo colore notaretur. Hæc verò, vt etiam id obiter dicatur, fuit Romanorum insigne, quò Ioui, qui Romani generis auctor perhibebatur, sacra sit. Viso enim Aquilæ augurio, Iuppiter ad bellum contra Saturnum egressus, felici potitus est victoria, seu quia Aquila auium regina & dominatrix est. Cæsar interim, composito Reip. statu, & Hugone Fasciola ciue Aretino, suo vicario ibi constituto, necnon Patribus Repub. commendata, dum sese ad inceptum iter parat, suam coniugem post paucorum dierum agrotationem, insperatò, & cum extremo animi sui dolore

Idibus

*Pax inter
Remp. &
extorres.*

*Rhodus à
Christianis
recepta.*

1311.

*Henricus
Cæsar Ge-
mani pro-
fectus.*

*Primus ex-
ternus domi-
natus Ge-
mæ sub Heri-
rico Cæsare.*

*Aurix A-
quilam Im-
perialem sibi
assumunt pro
suis insigni-
bus.*

Idibus Decemb. amisit; cuius cadaueri in æde Francisco sacra; cum regia pompa & splendore iusta persoluta, & marmoreum monumentum erectum fuit. Verum ipsemet haud sanè diu à suscepta imperij coronatione superstes fuit. Nam Bonouenti, opera cuiusdam monachi Dominici perditissimi ac sceleratissimi hominis, veneno in Eucharistia dato, quod quidem sub vnguibus habuisse, eoque & hostiam & calicem infecisse dicitur, repentè sublatus est. Huius immaturo ac improuiso obitu irrita fuit expeditio, quam in Rubertū regem, ac ceteros suos aduersarios suscipere statuerat, eaque de causa Genuæ, ac Pisis, valida classis iam in promptu habebatur. Ceterum inopinata eius mors, hæc omnia consilia, nec citra summam Reip. calamitatem, dirupit. Siquidem Cæsarei legati auctoritas ibi sensim diminui & labefactari cœpit, adeò vt paucis post mensibus, illius iam exigua, vel prorsus nulla ratio haberetur, eoque tandem Pisas profecto, & post eius discessum Saraceno, ciue Mantuano, Prætoris designato, statim vetera odia & simultates inter Aurias & Spinulas, moxque inter reliquos dissidia innouata, quæ progressu temporis ob cruenta & interna bella, vtrunque consecuta, Gibellinam factionem, vt inferius patebit, sic planè eneruarunt, vt diu altera inferior extiterit, initio, ex motibus Rapalli inter vtriusque familiæ æmulos concitatis, exorto; ad quos Genua, singulis suas partes tutantibus, auxilia transmissa, hisque ad urbem reuersis, & Auriarum ac Spinularum nomine, voce magna sæpiùs ingeminato, dira seditio urbem inuasit, in qua, præter reliquos, Cataneus Auria fortè fortuna à quodam ex suis interfectus fuit. Hoc ciuili tumultu indies gliscente, cum subinde animi ad iram & rabiem subinde vehementiùs exardescerent; Spinulæ, Aurianum forum, in quo ipsi sese comuniuerant, acri impetu adorti, illos æneis tormentis, aliisque militaribus machinis inde submouere connitebantur. Verum, cum plerique summæ nobilitatis viri, inter quos præcipui erant Flischi, Grimaldi & Saluaghi, in gratiam Auriarum arma corripuissent, ipsi tandem illinc repulsi sunt, eoque redacti, vt maior illorum pars vrbe excedere cogeretur. Horum digressu Auriarum potentia & nominis existimatio mirum incrementum accepit, ita vt aduersarios, à quibus antea non paucis incommodis & damnis affecti fuerant, etiam in suis municipiis persequi non vererentur. At cum ipsi haud multo post, collectis viribus, agrum Ligusticum variis depopulationibus inquietarent, Dominicus Auria, sub Iacobi Pontiscarari Brixia oriundi prætura, cum valido exercitu contra illos profectus est, & confertis manibus, post diuturnum atque anceps prælium, fortuna à partibus Spinularum stetit, adeò vt præter reliquos, etiam Auria fortissimè dimicans, ceciderit. Hæc clades vniuersos eius familiæ, ac fœderatos incredibili dolore affecit; nullaque mora interiecta, ad eam vlciscendam, mille & quingentos cataphractos, ex quibus, vt annales memoriæ prodiderunt, trecenti erant Genuenses, & circiter quindecim peditum millia coegerunt, quibus copiis Manfredinum Carretti regulum, virum, præter generis decus & claritudinem, consilio ac manu præstantem, suarumque partium fautorem, cum supremo imperio præposuerunt. Spinulæ ad tanti exercitus famam nihilò exterriti, cum æqualibus fermè copiis, hostem, priusquam montium iuga emetiretur, aggressi sunt, eo quidem successu, vt illos semel atque iterum profligarent. Cum verò ex vrbe indies nouum supplementum in Auriana castra submitteretur, lassisque ac defatigatis militibus noui ac recentes succederent, eò tandem res deducta est, vt Spinulæ, dissipatis ordinibus; aduerso Marte dimicauerint, ac, præter ceteros, quindecim insignes viri grauioris armaturæ, ex quibus septem fuerunt ex Spinula

Henricus
Cæsar ueneno
sublati.

1312.

1313.

1314.

Bellum inter
Spinulas &
Aurias.

1315.

*Militari se-
ditio aduer-
sus Auriā-
nos.*

1316.

1317.

*Genua sub
Guelforum
imperio.
Carolus
Fliscus &
Gaspar Gri-
maldus.*

*Reip. admi-
nistratio pe-
nes Guelfos.*

familia, desiderati. Hostis interim secundis rebus ferocior factus, ac ulterius progressus, cuncta adiacentia ferro flammisque peruastravit, & Buzallam, munitissimam Spinularum arcem, expugnatam, funditus diruit ac euertit. Ceterum, Auriis huius victoriae fructus brevis omnino extitit. Quippe cum in suo exercitu, ultra alios alienigenas, magnus quoque numerus Germanorum esset, ipsi proximo die arma in victores verterunt, & supra mille ex eis obtruncarunt; eorumque Praefectum, & Lambam Auriam cum duobus suis liberis captiuos fecere; quos partim Gaiij, partim etiam Voltagij ad viginti dies in publica custodia detentos, nunquam pristinae libertati restituere voluerunt, nisi prius ipsis septedecim aureorum millia, quae sibi loco stipendij, uti dicebant, debebantur, in praesenti pecunia, sicuti mox factum est, persoluerentur. Nec Spinulae molestiis ac periculis caruerunt. Cum enim ipsi quoque circiter ducentos equites Germanicos grauioris armaturae, in suo exercitu haberent, & Buzallae seditione forte excitata, quidam ex eorum numero interficeretur, Germani ira perciti, summo impetu Vbertum Spinulam Reynaldi filium contrucidarunt, nec citra magnam difficultatem res vtriusque sedatae atque compositae fuerunt. At mense Nouemb. subsequentis anni, Gerardo Brixienfi ex vetusta & nobili Gambararum familia, Praetore, Spinulae cum haud spernendis viribus in vallem Pulciferam profecti, oppidum, cui nomen erat Pons decimus, adorti sunt: atque illud paucis post diebus occupatum, solo tenus deiecerunt. In hoc praesenti rerum cardine, cum Reip. administratio penes Aurias esset, Flisci & Grimaldi, licet cum ipsis foederati, hoc indignissime ferebant, ita ut omnibus artibus ac studiis illorum vires ac potentiam deprimere conarentur, quod ipsimet deinceps, sicuti euenit, supremum in ciuitate locum obtineret. Et quod sui optati compotes facilius euaderent, procurarunt in primis, ut Spinulae, in patriam, quod sane ipsi quam maxime auebant, restituerentur: cui quidem rei Auriarum, ac praesertim Conradus Vberti filius, illius familiae, ea tempestate, uti ostendimus, facile princeps, prorsus aduersabantur. Proinde anno eius saeculi decimo septimo, Zambellino Bonaldo ciue Brixienfi, cui multa legum cognitio, Praetore, Spinulae, horum ope ac patrocinio clam in urbem, decimo sept. Cal. Sept. intromissi fuerunt. quod repente ingentes turbas concitauit, ex quae his postmodum grauissimae calamitates initium habuerunt. Siquidem Auriis, & modico temporis intervallo, ipsis etiam Spinulis, subactis, Grimaldi, ac Flisci, cum ceteris, quorum studia in Guelfos propendebant, Genuae rerum, sicuti supramodum votis expetiuerant, potiti sunt: ex quibus sane, quarto Id. Decemb. Carolus Fliscus, & Gaspar Grimaldus, publico Senatus consulto in aede Laurentio sacra habito, urbis rectores ad spatium aliquot annorum designati, & Praetor, cuius mentionem fecimus, in eadem dignitate ac munere confirmatus. Hoc Senatus decretum aduersarios summo timore percelluit, adeo ut plerique illorum, ac praesertim Spinulae, eodem die una cum suis amicis atque clientibus vrbe digrederentur. At Guelfi, liberum Reip. imperium adepti, nihil reliqui ad summam diligentiam fecere, quo minus sese in eo deinceps non minori iudicio ac sollertia constabilirent, quam in hostilibus consiliis praueeniendis cauti prouidique extiterant. Et quoniam ignorabant, quinam potissimum in ore occiduae tractu, suis partibus fauerent, subito illuc Ribellum Grimaldum, qui haec omnia diligenter ac sedulo exploraret, ac ciuium studia pernosceret, ablegarunt. Sed cum Albingauni, interioris Liguriae indigenae, quorum potior pars in Gibellinos propendebat, huius dictis minimè audientes forent, ipse nulla cuiusquam ratione habita, omnes huic factioni addictos, extra urbem eiecit: qui statim sese Conrado Auriarum ac Ri-

ac Rinaldo Spinulę in finitimis locis degentibus, coniunxerunt, simulq̃, cōiunctis viribus, & Carreti, Ceue ac Clauesanę Marchionibus, necnō Albintimiliis & Linguiliis Comitibus, Gibellinarum partium studiosis, sibi fœderis iure associatis, Albingaunū acri obsidione presserunt. At Grimaldus, vbi sese oetiduum strenuē defendisset, cū numero ac robore longē impar esset, certis quibusdā conditionibus, deditionem fecit. Hoc vbi primū Sauonensibus, qui eadem studia sectabantur, innotuit, Eduardo Auria & Andalo Spinula, qui haud procul inde aberant, in urbem intromissis, turpiter descuerunt: quę sanē ciuitas Gibellinis, propter loci opportunitatem, in posterum haud mediocri cmolumento ac præsidio extitit. Quippē in ea sese nouis mœnibus versus maritimam oram præmunientes, aduersæ parti persæpē illinc plurima damna intulerunt. Igitur hostes, vtraque vrbe potiti, quō indies potentia & viribus adaugebantur, cum Cane Scaligero, Veronæ regulo, præter natalium splendorem, bellica virtute insigni; & Mapheo Vicecomite Mediolanensi, ea tempestate in Insubria Cæsaris legatō, iuxtaque Gibellinarum partium strenuo propugnatore, fœdus ac societatem iecerunt: quibus adiutoribus factum est, vt breui ex contermina regione præualidum ac numerosum exercitum, duce Marco ipsius vicecomitis filio, aduersus hostem cōgerint, omnibusque rebus quę ad bellum vsui forent, summa cura atque industria præparatis, anno eius æui vndeuigesimo, & octauo Cal. Aprilis Genuam versus suam aciem direxere: vtque ciuitatem arctiori obsidione præcingerent, pars, quā Bisamnis, pars verō, vnde flumen Pulciferum decurrit, castra collocarunt, atque in primis Phariam turrim summis viribus oppugnare inceperunt. At qui Genuę rebus gerendis admouebantur, vbi primū de hostilibus apparatibus accepere, quęcumque ad vrbis defensionem spectabant, studiosissimē procurarunt, & nouo quodam inuento assecuti sunt, vt naui eximia magnitudinis, turri admota, funis summę cuiusdam crassitie obsessis porrigeretur, quo in mali summitate affixo, per illum ad turrim vsque facili negotio excurri poterat, adeō vt ibi vase, instar magnę urnę vndique occlusæ, aptē concinneque disposito, eius chordæ beneficio & commoditate non solum quę ad victus necessitatem pertinebant, sed etiam reliqua ad defensionem opportuna, citra vllum obstaculum, suggererent. Hostes interim, cū suos conatus irritos atque inanes conspicerent, nouas rationes inierunt, & in ea parte quę continentem respicit, tantum soli effodere, vt paulatim per cuniculos erectos, vsque ad illius fundamenta appropinquarent, quō ipsam turrim disijcerent. Obsessi, hoc animaduerso, ne belli extrema experiri cogerentur, post duorum mensium obsidium ea conditione cum hoste transegerunt, vt salui & incolumes dimitterentur: tantaque fuit rabies ac furor in eos qui arcem tradiderant, (septem dumtaxat, siue, vt aliis placet, nouem fuisse perhibent) vt statim in urbem ingressi, à Præfectis, Prætoribus atque Abbate, fidei crimine damnati, è sublimi rupe Romano more præcipites darentur. At Gibellini rebus secundis alacriores facti, nemineque obstante, continuō ad vrbis mœnia exercitum admouerunt, & quinto Cal. Iulij iuxta locum vulgō D. Marię Petreminutę, hostem summo impetu adorti, prospera fortuna dimicarunt; eoque successu, haud multō post, D. Ioannis, & Agnetę suburbia occupauere. Hac clade oppidani non mediocriter perculsi; ac suis viribus diffisi, ad Vbertum Andegauensem Neapolis regem, aliosque suarum partium per Italiam fautores, missis oratoribus, ac imploratis auxiliis, confugerunt. Rex minimē inscius, quanti referret, si urbem tantis opibus ac potentia florentem, suisque rebus mirificē opportuna, sibi tuendam susciperet,

Genua obsideretur à Gibellinis.

Guelfi confugerunt ad Vbertum Andegauens.

nulla mora interposita, mille ac ducentos cataphractos illis subsidio transmisit: cuius supplementi accessione Gibellini deinceps non parum de pristina audacia & animi ardore ac studio remittentes, breui post, relicta ea parte, qua Bisamnis defluit, sese versus oram occidentalem in suburbiiis occupatis receperunt, & pro maiori tutela ac securitate montem D. Bernardi, ut appellant, ciuitati propinquum, valida munitione circumuallarunt. Interim Andegauensis, quò urbem commodius protegeret ac tueretur, paucis post diebus, illuc ipsemet una cum sua coniuge, ac duobus liberis, quinque ac viginti triremibus secum adductis, quibus præter militem, plerique procures ac illustres viri deuehebantur, enauigauit: eoque feliciter appulsus, à Senatu ac vniuersis ordinibus, incredibili applausu regiaque magnificentia exceptus fuit. Deinde habitis de more comitiis, omnium Patrum suffragiis decretum est, ut ad maiorem Reip. incolumitatem & amplitudinem, illius dominium & administratio ipsi Regi committeretur. Quocirca, sexto Cal. Aug. Rectoribus sese coram Prætoribus ac populi Abbate supremo magistratu abdicantibus, Ruberto, & Ioanni vigesimo secundo Pont. ad decennium Reip., adeoque totius Ligusticæ ditionis imperium, adhibito iurisiurandi sacramento, sub certis conditionibus ac legibus sollemni cærimonia tradiderunt. Ex hac regia potentia Guelfis non mediocris auctoritas & robur accessit; moxque cum ita natura comparatum sit, ut quò se fortuna, eodem etiam hominum favor inclinet, Florentini, Senenses, ac Bononienses, iuncto cum Genuensibus fœdere, illos comiteatu, ac mille & centum cataphractis adiuuerunt, quibus præsidii multò firmiores reddit, non solum hostiles impetus egregie ac strenue propulsarunt, verum etiam cum quatuor millibus promptissimorum virorum & sexcentis equitibus sexto Id. Aug. de-improvisò eruptione facta, hostem à monte D. Bernardi, à se, uti diximus, paulò antè occupato, repellere connixi sunt, eo tamen euentu, ut post acrem dimicationem, tandem hoste præualente, ad portas usque ciuitatis fusi fugatique sint. Ceterum, oppidani, haud multò post, collectis animis, & ad suburbia recipienda conuersi, domum quandam iuxta forum, vulgò D. Agneris, communiuerunt, cui per pontem ab urbis mœnibus usque ad ipsam domum extensum, commodè succurri poterat. Aduersarij, hoc comperto, cum se illam facile occupaturos sperarent, ad motis castris, actisque cuniculis, eam summis viribus inuasērunt. Et licet ipsius propugnatores, summa vi hostilibus conatibus resisterent, eaque de causa pridie Id. Oct. magnus conflictus utrimque haberetur, in quo, præter ceteros, Opicinus Panzanus, & Opicinus Nigrius, nobiles ac præclari ciues, desiderati, nihilominus tamen fors ita illorum cœptis atque conatibus fauit, ut ipsa domus tandem cum trecentorum defensorum clade occupata sit ac funditus excisa. Dum hæc ita domi forisque geruntur, Andegauensis, cui nihil magis in votis erat, quam urbem obsidione liberare, omnibus viribus in vnum collectis, proximo anno ubi suas copias bipartitò distribuisset, hostem ex duobus lateribus adoriri constituit. Quapropter Simonem Turtigerum patria Insabrem, ac præcipuum Guelfi nominis fautorem, qui, præter generis vetustatem, consilio atque arte militari plurimum pollebat, cum quindecim lectissimorum virorum millibus, & octingentis grauioris armaturæ equitibus, versus Sextrum oræ occidentalis, ubi magna pars aduersariorum castra posuerat, destinauit, ipseque cum expedita manu eruptione facta, montes D. Bernardi, & Peroldi ab hoste occupatos, summa impressione inuasit. Primò circa Sextrum infestæ acies magna mole summisque viribus concurrerunt, & classariis, subsidio Guelfis accurrentibus, acerrimè utrimque ad mul-

Genua sub
 Ruberti
 Andegauens.
 & Ioannis
 Pont. de-
 minio.

tas horas dimicarum. Quamuis autem initio ipsi semel atq. iterum pulsi essent, cum tamen subinde nouus miles ab ora maritima illis quam maturrimè opem ferret, Gibellini eò tandem adacti sunt, vt priori statione relicta, sese mutatis castris, in montes reciperent, adeò vt cum maior militum pars Insubri essent, contempto ducum imperio, eam expeditionem deseruerint, & quisque ad suos properus remigrarit. Per idem quoque tempus, Andegauensis paribus fortunæ auspiciis arma expediuit. Quippe hostes, cognito Insubrum discessu, confestim suas munitiones reliquerunt; & mox soluta obsidione, quæ ab octauo Calend. Aprilis vsque ad oct. Id. Febr. continuarat, sese vltra montium iuga subduxerunt. Horum digressu Guelfis tam in suburbanis tectis, quam ciuium prædiis ac municipiis omnia longè lateque depopulantibus, grauissima damna inflicta; quod tamen haudquaquam obstitit, quò minus ciuitas tam graui & diutina ob-

Genua obsidione liberata.

fidione erepta, in summum gaudium ac læticiam prorumperet, & passim supplicia ad deorum puluinaria decerneret. Andiouinus interim, lætus parta victoria, vbi aliquamdiu Genuæ substitisset, vrbis rebus ritè dispositis & Reip. administratione Ricårdo Gambasiesæ, viro strenuo, & cuius fidei plurimum tribuebat, demandata, necnon sexcentis equitibus, & aliquot triremibus egregiè instructis, ad vrbis tutelam & custodiam substitutis, Auenionem, vbi tunc temporis Pontifex agebat, cum sua familia & aulico ministerio concessit. Verùm hostes, qui magnam Occidui littoris partem, & pleraque Ligusticæ ditionis oppida, sita vltra Apennini iuga, suæ potestatis fecerāt, de regia profectioe edocti, cum scirent, nihil in discordiis ciuilibus festinatione tutius, vbi facto magis quam consulto opus esset, nihil habuere antiquius, quam vt, omni mora & cunctatione posthabita, cum maritimis, ac terrestribus copiis vrbem denuò inuaderent, primoque cum mille ac ducentis equitibus, nec exiguo pedestrium virorum robore in vallem Pulciferam descenderunt, ac eodem temporis momento, scilicet, octauo Cal. Iunij, cum sex rostratis nauibus inopinatò Genuensem portum ingressi, illic onerariam, multis ac pretiosis mercibus onustam, & in Galliam Belgicam soluere paratam, nullo negotio interceperunt. Iisdem quoque diebus, Conradus Auria cum duodetriginta triremibus Sauonæ instructis, eodè, quò vrbem arctiori obsidione premeret, adnauigauit, ita vt, terrestri agmine vrbis incenibus admoto, ipsa denuò summis viribus vndiquaque oppugnaretur. Sed regius Præses, ac Senatus, de hostilibus consiliis & conatibus certiores facti, excelsò infractoque animo sese ad omnem fortis euentum præpararunt; nihilque prorsus omisere; quod ad sui, ac ciuitatis defensionem opportunum necessariumq. fore intelligebant. Et in primis quidem, Pharia turris egregiè communita. In montibus etiam, quorum proximè mentionem habuimus, noua propugnacula & munitiones erectæ, simulque classis eodem tempore, ne quid detrimenti ab ora maritima inferretur, quam oppidò exornata. His rebus ita constitutis, breui post, nonnulla nauigia in hostem educta fuerunt; eo quidem successu, vt à Conrado Auria, cum sua classe ad omnem occasionem intento, tria ex illis, modica difficultate, priusquam vllum effugium patèret, occupata fuerint. Quæ clade commoti patres, ne quid grauius eueniret, actutum iussere, vt cum duobus ac triginta nauigiis inuicem connexis, portus aditus occluderetur, eiusque defensioni Gaspar Grimaldus cum imperio præpositus. Econtrà, hostis in vrbis oppugnationem sedulò incumbens, & quibusdam munitionibus è regione aliarum sibi aduersantium, erectis, illam ab ea parte quæ Bisamnis. leni cursu in mare defluit, commodè inuadi posse arbitratus, summo silentio per oppidum

Genua obsidione liberata.

Gibellini portum Genuensem ingrediuntur.

Genua iterum obsessa.

pidum Muratianum cum expedita manu in eam vallem descendit. Ceterum res minimè tam secretò geri potuit, quin ipsius cōsilia, aduersæ parti per fideles nuntios ac ministros innotescerent, ideoq. incredibili celeritate illum præuenientes, cum valido armatorum robore iuxta cœnobium D. Ioannis, vulgò Pœuerani, quæ ei transeundum erat, præstolati sunt: atq. inuicem occurrētes, longa & cruenta pugna mutuò conflixere, donec tandem prælium nox dirimeret. Proximo, ac insequentibus diebus, ciuitas ex variis partibus acerrimè obfessa, multæque oppugnationes factæ, ac per idem tempus interceptæ sunt literæ à quodam ciue, (nomen apud veteres nullum extat) popularibus studiis addicto, ad hostem conscriptæ, in quibus ei clam, præter cetera, significabat, in vrbe extrema rei frumentariæ ac rerum omnium egestate atque inopia laborari: earumque auctore deprehenso, grauissimo in eum supplicio, uti par erat, animaduersum fuit. quippe qui è sublimi quadam & confragosa rupe in mare præceps datus. In hac dira obsidione, quæ terrestribus simul & naualibus copiis fiebat, aduersarij sexto Id. Octob. circa meridiem, arcem vulgò Castellatij, ab ipsis Guelfis in summitate montis Peraldini recens constructam, D. Bernardi munitionem, turrim Sardenam, D. Michaelis cœnobium, & pleraque alia loca, vno eodemque tempore adorti fuerunt, eo quidem euentu, ut magna vtriusque cædes committeretur. Paucis post diebus, nempe sexto Cal. Nouemb., cum magno nauigiorum numero, multisque ignitis missilibus ac ligneis machinis, adhibito etiam tubarum sono ac ceteris militaribus instrumentis, portum ingressi sunt, ac turrim portæ, vulgò Vaccæ, proximam, summis viribus oppugnarunt. eiusque oppugnationis is tandem exitus fuit, ut ad multas horas vario dubioque Marte, ac multo vtriusque sanguine, dimicatum sit, quoad fortuna, hoste ab urbis ingressu ac introitu repulso, ad ipsos oppidanos inclinaret. Minimè tamen in dubio est, quin ciuitas hoc tempore in summum rei discrimen adducta esset, nisi illud propitia fata, & prosper urbis genius auertissent. Nam si hostis eodem temporis articulo cum terrestri exercitu eam inuasisset, profectò in maximum ac extremum discrimen coniecta, expugnationi, quàm defensionis multò propior extitisset. His tam acribus atque assiduis propemodum oppugnationibus Guelforum animi ad summum dolorem atque iram accensi, quò tandem aduersarios à suis munitionibus & propugnaculis, in quibus haud exiguam bene gerendæ rei spem atque fiduciam reposuerant, expellerent, rursus paucis post diebus, cum delecta manu eruptione facta, in montium fastigia peruenere, ibique Nonis Cal. Febr. collatis viribus, post longum atque asperum certamen, non sine clade, ad urbem reuerterunt. Cum verò interim aditus portus multò magis quàm antea, ipsis hostibus patēret, illuc denuò cum aliquot suis nauigijs pridie Id. Febr. ingressi, duas onerarias, ac totidem nauigia ibi ad anchoras subsistentia incenderunt, ac etiā vnam triremem secum abduxere. Hæc tam diuturna obsidio, necnō assiduæ calamitates ac detrimenta, quibus ciuitas continenter affligebatur, plebi haud mediocrem ansam & occasionem præbuerunt, qua aduersus optimates, seditione excitata, insurgerent. Siquidem his mutuis simultatibus effectum erat, ut populares indies viribus ac potentia excrescerent, adeò ut tandem correptis armis, illa confestim in patricios verterent: & in quorundam præcipui nominis ædificia excursionem facta, primo impetu ædes Galeoti Spinulæ, ac nonnullas Auriæ familiæ combusserunt. nec dubium est, quin consimili furore in plerasque alias defæuissent, nisi Abbas populi, nobilium querelis ac precibus inflexus, maturè sua auctoritate interposita, illius animos maiori ex parte mitigasset. In hac

tanta

tanta rerum omnium perturbatione, ac miserrimo statu, qui Reip. præerant, enixè operam dedere, ut plebe sedata, & ciuilibus ac internis motibus repressis, tandem ab importuna & longa obsidione liberarentur. Hostes siquidem noui supplementi accessione, non solum montanas munitiones, at etiam vniuersam Sextri, & Pociferæ Vallis planitiem occupant. Ne verò ab aduersaria classe quicquam detrimenti acciperent, summa vigilantia & sedulitate rem naualem expediuerunt, ita sanè, ut partim ex nauigiis Andegauensibus, quorum pleraque ipso in portu remanserant, partim etiam ex recens constructis & fabricatis, supra sexaginta triremium classem, in qua etiam quadringenti & quinquaginta equi deuehebantur, coegerint, eamque omni bellico apparatu exornatam, sub regij legati præfectura atq. imperio, Sextrum versus, ubi maior belli moles consistebat, eduxerunt: nihilque prius ac potius habuere, quam ut inimicos ab ora maritima, & ex continenti, vno eodemque tempore, summis viribus adorirentur. Ceterum ipsi, tametsi aliquandiu infestam aciem fortiter ac intrepidè repulissent, cum tamen armatorum numero ac robore multò impares forent, sensim cedere, moxque sese in turpem ac præcipitem fugam, itinere Sauonam versus directo, & Guelfis subinde illos insequentibus, coniecere. Per idem quoque tempus, qui montium vertices occupant, rati sese urbem, propter maximum numerum eorum qui illinc excefferant, omni fermè præsidio destitutam inuenturos, illam ex duobus lateribus inuasere. At sua opinione plurimum decepti, non sine aliqua strage inde à præsidiario milite æneis tormentis, aliisque telis ac missilibus, reiecti ac repulsi fuerunt. Interea temporis, Guelfæ classis Præfectus, ubi hostem Sauonam usque insecutus esset, illius urbis expugnationem tentare constituerat. Sed cum eam expeditionem summæ difficultatis ac periculi plenam animaduerneret, ad Albingauni recuperationem animum atque arma conuertit: eaque ciuitas, cum situ atque opere Sauona multò imbecillior esset, primo nauigiorum appulsu ab hoste derelicta, nec fuit penes ipsum nauarchum impedire, quo minus à milite Narbonensi, ac etiam Calabris, quorum in classe permagnus numerus erat, immaniter diriperetur, ita ut nec etiam sacris abstinerent.

Albingauni direptum.

Hæc maritima Guelforum potentia, & prosperi successus, Fridericum Sicaniæ regem, Andegauensis æmulum, induxit, ut cum Gibellinis inito fœdere, quadraginta triremium classem instrueret, eamque Sauonam transmitteret, eo animi decreto, ut viginti nauigiis, quæ ipsi tunc temporis in procinctu habebant, adiungeretur. Cuius rei fama ut primum Genuam perlata est, Senatui consulto duodeseptuaginta triremium classis præparata, & duce Lanfranco Vfusmario emissa. omnibusque persuasum erat, quod cum ambæ classes propemodum æquali numero ac viribus essent instructæ, insigni aliquo prælio decertaretur. Sed enim, licet iuxta insulam Pontiam inuicem occurrissent, nihilominus tamen occulta fati lege, utraque pugnam detrectauit, & Guelforum classis Neapolim contendit, ubi mox Calabri remiges, ob sibi defraudata stipendia, & alimentorum penuriam, descensione facta, relictis triremibus, sese aliò contulere. Et licet Carolus Ruberti regis filius, & Calabriae Dux, vehementer apud eos instaret, ut iterum classem conscenderent, & quisque ad sua munia rediret: ipsi tamen nunquam omnino flecti potuerunt, adeo ut sociis naualibus, multisque rebus opportunis destituti, sese in portum Lunæ quamprimum reciperent, & metu ac pauore hostilis classis, quæ circum eos sinus longè lateque peruagabatur, & Vulturij arcem Guelfo præsidio firmatam, occupauerat, Genuam reuerti minimè audebant. Accedebat huc, quod iisdem diebus, Castrucius Castracanis, Dux ea

Castrucius Castracanis.

tempe-

tempestate celeberrimi nominis, & Gibellinarum partium eximius fautor, memorabili pugna Guelfis ad Altopassum in Etruria superatis, victorem exercitum in Genuensium ditionem verterat, ut eos infestis armis inquietaret. Quibus rebus patres supramodum anxij atque solliciti, summa cura & studio, urbis mœnia undique communire satagebant, & in primis eam partem, quæ Carinianum versus & D. Stephani ædem porrigitur, nondum mœnibus septam, lignis ac cespite, instar muri summa crassitie, præcinxerunt; in quo quidem opere perficiendo nulli sexui atque ordini parcebatur: sed opportunè, ac singulari Reip. beneficio euenit, ut Castrucius haud multò post, cum suis copiis in Thusciam redire cogeretur, ut Lucensibus, in populum Florentinum acre bellum gerentibus, maturè opem ac suppetias ferret. Huius inopinus & celer discessus minimè obstitit, quò minùs aduersarij promotis castris, denuò cum haud spernenda manu Genuam ex ea parte, quæ ad Carinianum vergit, adorirentur; ea potissimum spe inducti, quòd nondum ad iustæ munitiois formam redacta esset. iamque non poenitendos progressus fecerant, cum tandem à præsidario milite non sine aliquo detrimento illinc repulsi fuerunt. Ciuitas interim, non modò terrestribus copiis acriter impetebatur, verùm etiam hostis, re nautali superior, eodem temporis articulo catenam portus, ab urbano milite variis machinis propugnatam, perfringere, & hoc pacto sibi aditum in urbem parare, summa animi atq. corporis cõtentione annitebatur, eiusq. mœnibus cum naui raræ cuiusdam magnitudinis, ac etiã reliquis nauigiis, super quibus castra quædã lignea cum variis militaribus instrumentis artificiosè erexerant, appropinquarunt. Sed pari oppidanorum alacritate ac fortitudine illorum conatus reiecti. Porro tanta erat animorum in hoc tristissimo & funestissimo bello pertinacia, ut ipsi, tot tantisque oppugnationibus nequicquam hætenus susceptis, nulla ex parte defatigati, cum sperarent, multa ausis, fortunam aliquandò benigniorem futuram, paucorum dierum interiectu, ne quid prorsus intentatum relinquerent, erectis cuniculis, denuò ciuitatem in suburbiis ad Occasum vergentibus, iuxta D. Sabinæ fanum, summa impressione aggressi sint. At defensores ijsdem artibus vim hostilem propulsarunt, aliisque cuniculis prioribus oppositis, nec minori solertia excogitatis, prouidè erectis, per multos dies sub terram ab utrisque vario, anticipi, atque atroci prælio, his, rursus illis exitiabili, dimicatum fuit, eo sanè euentu, ut hostes subinde vltèrius progressi, octauo Idus Decemb. vsque ad veteres muros penetrarèt, quorum vltra quadraginta cubitos disiecerunt. Sed quoniam pars muri prorsus intacta atque integra remanebat, urbis introitus ipsis longè, quàm priùs, difficilior reddebatur, ita ut cum in eo diruendo multum operæ ac temporis absumerent, oppidanis maior sese præmuniendi facultas daretur, donec tandem omni expugnandi ac potiundæ ciuitatis spe excidentes, infecto negotio, illinc cum maximo dolore ac indignatione discederent. Ut verò interim aduersæ parti aliquid negotij facerent, initio subsequētis anni, cum prompta manu, & duodeuiginti triremibus optimè instructis, ad Nauli, vnde sibi haud parua incommoda inferebantur, expugnationem perrexêre. Hæc vbi primùm Genuæ significata, cum is locus haud levis momenti foret, Senatus decreto illuc statim quindecim triremes egregiè exornatæ, Petri Guani ductu & auspiciis cum præsidio amandatæ: isque, cum inter nauigandū, hosti fortè occurreret, subterfugere non potuit, quin iuxta Spoturnum pugnandi copiam faceret, adeò ut nauigiorum numero ac viribus longè inferior, trium triremium iacturam perpeffus fuerit. Reliquæ verò, nautarum ac remigum beneficio incolumes

euafe-

euaserunt. Hic secundus ac prosper successus, illorum animos ad rem bene gerendam multò alacriores effecit, sic profectò, ut cum in ea obsidione subinde pertinaciùs inhærent, oppidani, iam ad extrema redacti, & desperatis auxiliis, tandem octauo Idus Febr. Gibellinorum nomine Finarij regulo deditionē fecerint. Arcis præfidiarij, ubi aliquamdiu obsidionem fortiter ac strenuè sustinuerunt, cum nemo illis opem ac suppetias ferret, ipsi quoque, oppidanorum exemplum secuti, & magis victorum fidem atque clementiam, quàm sæuitiam experiri statuentes, octauo Idus Aprilis sese certis quibusdā conditionibus dediderunt. Post quæ, ad reliqua loca eius littoralis oræ inuadenda progressi, Anduriam Liguriæ municipium, obsedèrunt. At Senatus, his rebus cognitis, repenti ad hostiles conatus inhibendum, triginta nauigia, quorum maior pars ad regem Andegauensem pertinebat, instrui ac deduci imperauit: ad quorū prospectum hostes perculsi, quamprimùm soluta obsidione, sese illinc proripuerunt. Tali statuerum, ciuitas in summam viuendi licentiam & impunitatem prolapsa erat, proiectaq. omni Magistratus, Patrum, ac etiam regij Præsidis auctoritate & reuerentia, simulque abruptis vinculis omnis modestiæ, pudoris & æquitatis, profana simul & sacra cōmiscebantur; & quantò quis audacior, nefariisq. sceleribus promptior, tantò utique potior atque honestior habebatur, adeò ut tandem ipsius Senatus consulto decem ciues crearentur, qui, populi Abbate sibi associato, Rempub. ordinarent, & sub graui pœna omnibus iniunctum, ut singuli ad æris sonum regio legato assisterent, eique omnem fidem atque obsequium summa cum obseruantia exhiberent. Hoc decreto, cum rei, & contumaces, seuerissima pœna ac supplicio multarentur, res urbanæ, quatenus temporum iniquitas ferebat, in paulò meliorem formam atque ordinem redactæ. Fine anni, turris molis inchoata, in cuius cacumine fax accensa, siue laternâ, uti vocant, præluce apposita, cuius usus nocturno nautarum cursui ignem ostendere ad prænuntianda vada, portusque introitum. Inter hæc, decimotertio Cal. Iunij, anni eius æui secundi ac vigesimi, Ruberti Andegauensis frater, cum sexdecim longis nauibus optimè instructis ac præparatis, Genuam appulit: quo quidem præsidio milites atque oppidani non parùm confirmati, haud multo post, aduersus hostem, qui nunquam procul ab vrbe castra dimouerat, & Friderici regis Siciliæ ope ac patrocinio, septendecim triremes adornarat, eruptione facta, arma expediuerunt, & turrim, vulgò D. Martini de Herchis, loci natura atque opere egregiè communitam, expugnarunt, licet, paucis post diebus, à Gibellinis recuperata sit, coque successu, decimoquarto Cal. Sept. prima luce, turrim naualium in suam potestatem redegere, qua etiam vicissim breui post exuti sunt. atque ita per aliquot menses mari terraque vario Marte vtrimque dimicatum fuit. At subsecuti anni principio, cum Guelfi nihil magis in votis haberent, quàm ut sese tandem ab importuno & præferoci inimico liberarent, contracto quicquid erat militaris præsidij, summo silentio Baliani Nigrij & Thomæ Flisci auspiciis atq. imperio, paulò antequàm cælum albesceret, ex parte Occidua vrbe digressi, & Casmauerim versus itinere suscepto, ipsa aurora illum in monte Peraltino inuaserunt. Qui ubi primùm sese ab infesto agmine circumueniri animaduertit, protinus correptis armis, defensionem parat, & mox ad ictum campani æris, quicumq. suburbium, cui nomen Pre, occupant, illi maturò subsidio accurrentibus, tam strenuè atque acriter conflixit, ut oppidanos primo ac secundo congressu intrepidè atque animosè repelleret, eo tamen successu, ut cum Guelforum acies subinde recenti supplemento & auxilio instauraretur, ipse, relicto monte,

*Nautum à
Gibellinis
occupatum.*

1322.

1323.

in monte, cui, ceu tutissimo asylo ac propugnaculo, diu cum summa laude ac beneficio infederat, & dissipatis ordinibus, sese pauidus in fugam conijceret, adco vt non modò priorem stationem, verùm etiam D. Ioannis suburbana teéta suis rebus apprimè vtilia & opportuna, omnibus suis familiis ac fortunis victorum prædæ atque arbitrio relictis, amiserit: in eaque fuga complures capti, & inter ipsos, haud pauci supremi ordinis viri, qui omnes Genuam perducti, postmodum exiguo pretio pristinae libertati restituti fuerunt. Nam licet summa animorum acerbitate ac pertinacia vtrimque decertarent, nihilominus tamen hæc bella multò magis ex dominandi cupidine, quæ tamen plerumque cunctis affectibus flagrantior esse consuevit, quàm ex ultionis ac vindictæ studio gerebantur. eoque factum est, vt in his ciuilibus præliis, ac ceteris, varia de causa subsecutis, Respub., non, vti pleræque aliæ, funditus interierit. Post hanc cladem, maior pars eorum qui fuga sibi salutem pepererant, Vulturium, indeque Sauonam concessere, vbi propter loci opportunitatem enixè dabant operam, vt reparatis viribus, nouum exercitum describerent. Inter hæc, Ioannes Pontifex vigesimus secundus, Christianæ fidei ac pietatis summo studio atque ardore incensus, simulq. tam præpotentis & inclytæ vrbis casum vehemèter commiseratus, vt hæc domestica dissidia & funestas simultates è medio auferret, ab vtraque parte ad se Auenionem, vbi tunc temporis agebat, legatos mitti postulauit, eaq. de causa duo ac viginti oratores missi, quorum duodecim à Senatu, & reliqui ab aduersa parte ablegati fuerant: ibique postquam ab ipso Pont. quàm humanissimè ac benignissimè excepti essent, de conciliandis animis, mutuisque controuersijs pacandis sedulò peractum. sed propter ciuiliū discordiarum intemperiem, animorumque discrepantiam, frustra tentatis conditionibus pacis, reque penitus infecta, illinc discessum, adeò vt oratoribus ad suos reuersis, ac exigua mora interiecta, rursus ad arma vtrimque conclamatum sit: eoque insanix ac furoris deuentum, vt non solùm Genuæ, atq. in agro Ligustico, verùm etiam in plerisq. locis Orientalibus, hæc fatalia dissidia suum pestiferum ac exitiabile virus effunderent. Quippè cùm ex ciuitate decem triremes omni militari apparatu instructæ, in eas regiones aduersus Græcos, ac etiā illos qui erant Gibellini nominis, eductæ essent, vbi earum Præfecti aliquot damna illis inflixissent, fretum Euxinū emensi, ad urbē Synopen, Ponti prouinciæ metropolim, delati sunt: eamq. ingressi, cū eius regulo, cui nomen Zarabis, fœdus ac societatem contraxerunt. Quod sanè vbi primū his Gibellinis qui Peram incolebāt, innotuit, nihil reliqui ad summā diligentiam fecerunt, quo minùs, Græco Augusto sibi fœderis iure obstricto, ac suppetias ferente, sexdecim rostratas in promptu haberent, & hostilem reditum præstolarentur, eo animi decreto, vt eas statim inuaderent. Huius rei fama simulac primū ad Synopium regulum perlata est, vt ipse hac ratione sibi Cæsarem deuinciret, sprete fide ac iuramento, clandestina consilia contra Guelfos iniuit, & mense Iulio summa vafricie atque astu omnes trierarchos & præcipuos quosque, ac etiam socios nauales ad prandium & quædam ludicra spectacula, vt ipse aiebat, per fideles ministros amanter inuitauit, multisque armatis in variis locis palatij occultè dispositis, dato signo, repentè conuiuas incautos, & postquam dolum intellexerant, sacra regni, & hospitales mensas obtestantes, crudelissimè interfici, & quosdam primariæ auctoritatis in carcerem conijci iussit, ac vno eodemque tempore sex triremes omni remige nudatas, & continenti admotas, occupari. Nonnulli verò ad primum strepitum celeri fuga ad littus properantes, nando salui atque incolumes tandem ad reliqua nauigia

uigia paulo remotiora peruenerunt; & continuo velificatione facta, Genuam adnauigarunt, eoque appulsi, acceptam cladem retulerunt. Qua cognita; incredibile dictu est, quantoperè omnium animi, ob rei atrocitatem, & tam ingentem perfidiam, ad ultionem accenderentur, & plerique in lachrymas effusi, dum alij fratrum & liberorum, alij verò ad finium & amicorum inexpectata funera deplorant. nec dubium, quin statim hoc tam nefarium scelus vindicassent, nisi ea tempestate ciuilia bella & internæ cades huic rei summo impedimento extitissent, ideoque hanc expeditionem in tempus magis aptum atque idoneum distulere. Iisdem fermè diebus, caput, siue promontorium Phariæ turris, mœnibus & præaltis fossis aliisque propugnaculis communitum fuit. At initio proximi anni, in partibus Sardinæ, Guelfi, cum duabus triremibus, onerariam, qua præter ceteros, Galeatius Barnabæ Auriæ filius deuehebatur, interceptè, ac Genuam vnà cum nauigio captiuum perduxerunt: ablatisque mercibus, omnes gratis & absque vlllo pretio, præter ipsum Galeatium, qui sese mille libris redemit, liberi atque incolumes dimissi. Hostes verò, haud multo post, arcem Castilionis in villa vulgò Pra, iuxta Pegium sitam, proditione occuparunt. In hoc rerum cardine, Rubertus Andiouinus vnà cum sua coniuge, ac Duce Calabriae suo filio & plerisque proceribus, Genuam ex Gallia Narbonensi decimo Cal. Maij reuersus est; & quadraginta quinque nauigia, milite, armis ceterisque rebus instructa, secum adduxit, eo consilio, vt inde Neapolim transfretaret. Dum Genuæ substitit, honorificentissimè, sicuti antea, exceptus fuit, eiusq. edicto, noua quædā instituta & decreta circa Reip. administrationem ac regimen promulgata fuerunt. Et quoniam Senatus illi ad decennium Reip. dominium atque imperium tradiderat, super nouo prorogationis tempore variis sententiis inter ciues vtriusque ordinis & plebem disceptatum fuit. Hæc enim, vt ad plures annos, & quidam etiam in perpetuum, quoad viueret, at priores, vt ad certum quoddam & præfinitum tempus summa rei penes illum esset, contendebant. Tandem cum in horum sententiam concederetur, ipsi, de mutuo consensu, non vltra sexennium terminus prorogatus, licet ipse postmodum vsque ad annum eiusdem æui trigessimum quintum præfuerit. His rebus ita peractis, Rex, cunctis rebus Genuæ prius dispositis, & substituto qui Reip. curam capefferet, pridie Idus Maij Neapolim cum sua classe atque familia contendit. At Gibellini, sub idem ferè tempus, cum vndecim triremibus, quas tum habebant in Prouincia; trium hostiliu nauigiorum, quæ variis mercibus referta, è sinu Massiliensi soluerant, prædam fecere. Luporum vni
immensa. Illud verò pænè exciderat, nempe hoc anno, ac etiam præcedenti, incredibilem luporum multitudinem in Pociferam vallem, Bisamnim, & fermè in totius oræ maritimæ tractum ex Alpibus descendisse, tanto me hercle ausu, vt etiam vrbis mœnibus appropinquare non vererentur: & plurima damna in his regionibus intulere, adeò vt etiam plerosque pueros & infantes vtriusque sexus deuorarent. Interea, cum Andegauenſis hoc vnum enixè, ac præcipuè in votis haberet, vt Fridericum Cæsarem ex Sicilia deturbaret, appetente vere, Principem Calabriae cum vniuersa classe, in qua erant viginti triremes Ligusticæ, omnibus rebus ad bellum necessariis instructæ, quas Senatus suppeditarat, ad Siculam expeditionem ablegauit, eo tandem euentu, vt, quamquam ipse illuc secunda nauigatione præteruectus, Panhormum arctissima obsidione pressisset; ac etiam crebris oppugnationibus illam expugnare summis studiis atque artibus anniteretur, nihilominus tamen, aduersariis urbem strenuè propugnantibus, post aliquot leuiora prælia, obsidionem soluerit, & mox cum mille & quingentis cataphractis,

- phractis, magnoque peditum numero vniuersam insulam variis excursionibus, dimidium ferme annum, diuexauit, eamque plurimis detrimentis affecit, donec
1326. hostili potentia ac viribus cedens, in Apuliam, voti impos remigraret. Posthac, in agro Ligustico noui motus exarserunt. Cum enim Castrucius Castracanis, cuius superius mentionem fecimus, Florentinorum castra disiecisset, ac per aliquot menses, nemine contraire auso, illorum ditionem variis populationibus deuastasset, insequenti anno, sese Gibellinis adiungens, maiorem partem orae Orientalis occupauit, adeo ut Patres ad illius conatus iuhibendos, Lucam Nigri cum delecta manu expediuerint: isque primo accessu arcem Rapallitanam inuasit, ac illam, breui temporis interuallo, & priusquam Castruciani milites subsidio aduenirent, una cum oppido ac locis conterminis, certis quibusdam legibus & conditionibus, recepit. Deinde Reggium profectus, turrim hostili praesidio
1327. firmatam, occupauit, & mox in agro Pegiano arcem extrui curauit. At sub initium posteri anni, quidam spurius e Bertolota familia, Gibellini nominis studiosus, cum Castrucio clandestina consilia iniuit, & ducentorum militum robore stipatus, multa iam nocte, de-improviso Sextrum Orientalem adortus est, ita ut oppidani metu exterriti, patrios lares nec sine triginta hominum clade deseruerint, suasque coniuges, familias, & facultates victorum praedae atque arbitrio permiserint: quae tamen ipsis, dicto citius, illaesa pudicitia, una cum bonis ac penatibus, summa continentia, & raro mitissimi animi exemplo restitutae fuerunt. Interim Genuae nouus delectus habitus, & aliquot militares cohortes, duce Luchino Flisco, in aduersarios amandatae, qui hostilem potentiam veritus, non ultra Clauarim progredi ausus est: Quod nisi per idem tempus, nouae turbae Castrucium in Etruriam reuocassent, haud dubie Respub. in grauissimum discrimen incidisset, cum praesertim iisdem diebus, Spinulae inopinato Monaei arcem, suae ditionis fecissent. Ea tempestate Romano imperio praerat Ludouicus Bauarus, Rudolphi Imperatoris ex filia nepos, qui a septemuiris Principibus Caesar designatus, nihil habuit antiquius, quam ut statim emensis Alpibus, in Italiam descenderet, cum praecipue nonnulli ex dynastis ac regulis, illum ad hanc profectionem summopere cohortarentur, quod sua auctoritate atque potentia Caesarianas partes & clientelas firmitus constabiliret. Proinde, omnibus rebus in Germania rite dispositis, sese ad hoc iter accinxit, primoque Mediolanum venit, ubi ferreo diademate, uti moris erat, insignitus fuit. Inde Lucam profectus, Pisanos obsedit, quod portas ingressuro praeter metu clausissent, atque ab vrbe illum auertissent. Sed Pisanarum oppugnationis is tandem exitus fuit, ut Castrucio copias, pecuniam, & commeatus ad id bellum conferente, & diuersis castris citra Auferim amnem positis, Pisani multis oppidis exuti, Caesari portas aperirent, & praegrandi pecunia multarentur. Ab hoc insigni studio, apprimaeque forti & fideli opera Castrucius a Caesare Lucensium & Lunensium Dux est appellatus, praetulitque demum decora insignia & ornamenta nouae dignitatis. atque inde Pisanos recenti factionum aestu iactatos, nec idem in Repub. sentientes, variis occultae largitionis artificijs aggressus, ita eorum decuriones circumegit, ut fauente Caesare, nec abnuente populo, ciuitatis Princeps salutaretur. Ludouico autem Romam contendenti, ad id sollemne officium suscipiendi diadematis inuitatus, cum delecto equitatu & sagittariorum cohortibus comes fuit. Verum paucos intra dies, illinc in Etruriam rediit, ut Pistorium, eius Prouinciae haud ignobile municipium, Guelforum proditione a Florentinis occupatum, reciperet: quod quidem, post trium mensium acerrimam obsidionem cum magna hostium ignominia & singulari sua

Exemplum
continentiae.

Ludouicus
Bauarus.

sua gloria deditioe recuperavit. Quocirca Ligures, à Castrucio, tot accumulatis honoribus claro, & cuncta propè apud Cæsarem præstanti ingenio administranti, iurè sibi metuebant, eaque de causa, ne quid Resp. detrimenti pateretur, civitatem summo studio ac iugilabore vndiquaque communiebant. Interea temporis, Castrucio, ut diximus, in Etruriam profecto, Patribus visum fuit, Reip. haud parum conducere, ut arx Vulturij, quam Anfreon Spinula patriæ ereptam, iam ferè ad octennium sibi, veluti iure hereditario ad se pertinentem, usurparat, tanquam postliminiò reciperet. Igitur anno eius sæculi duodetrigesimo, Senatus consulto ablegati, qui eam summis viribus adorirentur & expugnarent. Quò autem hæc expeditio felicius exque animi sententia succederet, Genuæ multis ^{1328.} scalis clam præparatis, summo nocturni temporis silentio, illas ab ea parte, quæ munitior ac sublimior censebatur, admoverunt, ea potissimum spe inducti, hanc scilicet, minoribus excubiis ac præsidio custodiri. Præfectus, de hostis aduentu certior factus, & insidiis cognitis, illi cum aliquot præsidiariis armatus obuiam processit, & conferto prælio, post acrem pugnam, strenuissimè dimicans, interfectus est, & reliqui unà cū Anfreonis filio sibi statim fuga consuluerunt. At qui arcem occuparant, veriti, ne illam rursus facillè amitterent, quibusdam tediis ac facibus accensis, militi, Phariam turrim nomine Reip. propugnanti, signum, pro uti simul conuenerant, dedere, ut illinc Senatus de totius rei eventu commonefactus, statim supplementum mitteret, ac locum nouo præsidio firmaret, sicuti haud cunctanter id omninò procuratum fuit. Rebus domi forisque ita sese habentibus, Castrucius in medio florentis gloriæ cursu, quippè qui vix quadragesimum septimum ætatis annum expleuerat, virtute & fama rerum gestarum senior, quàm annis, (nam quantum ad gloriam, longissimum æuum peregit) priscorumque Romanorum magnitudinem, & bellicæ rationis ingenia diligenter ac feliciter æmulatus, fato concessit. Moriens, Henricum filium testamento imperij reliquerat hæredem, quem paucis post diebus, Ludouicus Cæsar, cuius supra mentionem fecimus, unà cum fratre dominatu exiit, Germanicis præsidiis impositis, quorum duces breui temporis interstitio, Lucam Gerardo Spinulæ, viro opulento, & Gibellinæ classis Præfecto, quatuor & septuaginta millibus aureorum, non sine maxima Senatus indignatione, cum ipsius Spinulæ, aduersæ ^{1329.} factionis tum facillè principis, potentiam & ambitionem haud mediocriter suspectam haberet, diuendidere. Inter hæc, Andegauensis, quinque & quadraginta Ligusticas triremes mercede conduxit, quæ, duce Luchinio Nigrio, in Apuliam adnauigarunt: contra Gibellini, qui erant Sauonæ, tres ac triginta pro Frederico Siciliae rege instruxerunt, easque cum reliqua parte regiæ classis, quæ ductu Cæsaris filij, Ligusticarum numerum æquabat, coniunxerunt, eo tamen euentu, ut his tantis apparatibus, nihil omninò, per id quidem tempus, memoria dignum gestum fuerit. Postero anno, qui fuit vndetrigesimus, Antonius, siue, ut aliis ^{1329.} placet, Aitonus, Auria tres hostiles triremes, multis mercibus ac exoticis rebus onustas, interceptis, parique successu mense Augusto, quatuor in Sardinia, deinde tres, quæ ad Gallos Narbonenses pertinebant, & mense Octobri duas itidem, quæ paulò antè è portu Veneris soluerant, occupauit. Circa hæc tempora, in vrbe summa rei frumentariæ inopia laboratum, adeo ut modius tritici ferè quatuor libris diuenderetur. & initio subsequens anni, febris quædam continua, & dysenteria, ciuitatem, adeoque omnem ferè agrum Ligusticum, supra modum diuexauit atque afflixit, quo quidem morbi genere innumeri vtriusque sexus è medio sublati. Porro ubi ex annonæ pænuria & caritate fames inuaserit, ibi quoque

Castrucij obitus.

Lucæ Gerardo Spinulæ diuendita.

Genuæ famæ ac morbis vexata.

variis morborum generibus homines conflictari, longa experientia comper-
tum est. Quin etiam sæpenumerò pestis, hæc duo, ceu legitima soboles co-
initari consuevit. Ceterum, quàm misera, rabiosa, & maleuada res sit fames
ac sitis, haud sanè paucis verbis commemorari potest. Nec rarò, præsertim in
diutina vrbiùm obsidione, euénit, vt solitis alimentis atque cibariis, moxque iu-
mentis, equisque, & ceteris animalibus, quæ profana fœdaque in vsum necessitas
vertit, absumptis, virgulta postremò & stirpes, & internatæ saxi herbe auulsæ,
miseriarum patiétiaq. documentum extiterint. Est apud Iosephum fames descri-
pta temporibus Vespasiani in Hierosolymitana oppugnatione, ac etiam à Nice-
phoro temporibus Iuliani, & Maximini. Famem verò fuisse per orbem propè
vniuersum Annales asserunt, anno Domini 537. In Gallia similiter anno 660. quo
Dagobertus Francorum rex thesaurum templi in vsum pauperum erogare coactus
est, id factum aliis sacrilegium esse volentibus, aliis opus pium, & laudabile. De
Ptolemæo Lagi filio veterum Annales prodiderunt, quum peragrati Ægyptum,
comitibus non consequutis, cibarius in casa panis datus esset, eum negasse vllum
cibum vnquam sibi visum suauiore. Aderat enim optimum condimentum
fames, vt etiam, quoad sitim attinet, iidem de Dario vltimo Persarum rege con-
memorant, qui cū in fuga aquam turbidam, & cadaueribus inquinatam bibisset,
negauit, vnquam se bibisse iucundius. & Artaxerxes, cū in fuga quadam, direc-
pto illius commeatu, aridis ficis & hordeaceo pane vesceretur, Dij boni, inquit,
cuiusmodi voluptatis hactenus inexpertus fui! At Lysimachus superatus à Do-
mitiano in Thræcia, cū seipsum totumque exercitum propter sitim tradidisset,
postquā captiuus bibisset, O dij, inquit, quàm parvæ voluptatis causa me ipsum
ex rege seruum effeci! Sed me humanarum calamitatum exemplis inhærentem,
suscepti argumenti series domum reuocat, vtque inceptum prosequar, adhorta-
tur. Dum Resp. intestinis & plus quàm ciuilibus bellis atrociter iactatur, non-
nulli ex Christiani orbis Principibus, eius vicem commiserati, omni ope stude-
bant efficere, vt tandem, mitigatis animis, ad mutuam pacem & concordiam
redirent, in primis verò Galliarum rex, qui summo studio id procurabat, eaq.
de causa vtriusque partis legatos ad se mitti postulauit, ad quem etiam Rubertus
rex suos oratores ablegauit. Ceterum, tanta erat animorum distractio, vt post
multas disceptationes ac sententiarum varietates, tandem rebus infectis, quisque
ad suos remigrarit. Auria interim, cum quatuordecim rostratis omnem Ligulti-
cæ oræ tractum variis rapinis ac populationibus infestabat, & præter cetera de-
trimenta, quibus Remp. affecit, etiam oppidum, vulgò S. Rhemi, recens occu-
parat. Proinde ad illius vim & conatus reprimendos, Senatus consulto decem tri-
remes sub Friderici Maraboti præfectura, quoad maius supplementum decer-
neretur, educæ, quarum duæ, maris sæuitia ac tempestate circa Sardiniam, citra
tamen cuiusquam cladem, submersæ fuerunt. Reliquas, hostis conspicatus, pro-
tinus inuadere constituit, ac per integrum diem infecutus est, adeò vt cū illarū
Præfectus, adumbrante vespera, eò necessitatis sese adactum esse conspiceret, vt
omninò sibi confligendum foret, ne, impar numero ac robore, pugnam, cum
maximo suo detrimento, inire cogeretur, insigni quadam solertia & stratagemate
imminens periculum euitauerit. Siquidem, posito in mari scuto eximie cuius-
dam magnitudinis, ac desuper laterna, seu lampade accensa firmissimè defixa,
omnibusque triremium luminibus extinctis, cū ipse clypeus vnà cum lychno
subinde æquoreis fluctibus continentem versus iactaretur, & Auria hostilis clas-
sis lumen arbitratus, illac suum cursum inflecteret, hæc, quæ sub noctis tenebris,

vix

vix vnus sagittæ iactu ab aduersariis distabat, euestigiò sese illinc proripiens, Genuam salua & incolumis peruenit. Eodem temporis tractu, in ciuitate maxi- *Genuæ non tumultus.*
mi motus extiterunt. quippe cum lictores quendam exulem ac proscriptum in Cataneorum ædibus intempesta nocte cepissent, ac eum in carcerem pertrahe-
rent, continuo ipsi, ac eius clientes, raptis armis, nudatisque ensibus, illum vi
ex apparitorum manibus abripuerunt. Quod ubi primùm regio Præsidi signifi-
catum est, ipse, vt in eos animaduertret, orta luce, urbanam multitudinem, ad
ictum æris excitauit, & vnà cum populi Abbate ad illorum ædes perrexit, adeò
vt còpluribus patriciæ dignitatis, ad Cataneis opem ferendam accurrentibus, in
vrbe summa imis, & sacra profanis miscerentur. Et nobiles quidẽ, erectis vexillis
iuxta D. Gregorij cœnobiũ, populares verò iuxta ædẽ Laurentio sacrã cū populi
Abbate, sese, sublati signis, præsidio ac munitione firmarunt, ipsiq. Cataneis per
internuncios indicarunt, se, nisi infra vnus candelæ accensæ spatiũ, regio legato de-
bitum officiũ atq. obedientiã præstarent, omnes suas vires in eorum perniciẽ ac
exitũ conuersuros. Ceterũ, Abbas vnà cum suis minimè hoc tempus præstolatus
est, quin potius plebs omnis moræ impatiens, & præfixo termino neglecto, cum
ingenti frequentia & multitudine ipsos patricos in suis compitis ac vicis, ubi sese
trabibus, ceterisq. propugnaculis circumsepsèrant, summo impetu adortã, ad
multas horas dubio atque ambiguo Marte cum illis confligit, donec tandem
fortuna ad ipsos nobiles inclinante, non absque insigni clade illinc repelleretur.
Verum enim verò cum Catanei, ac illorum fœderati, apertè intelligerent, hac
ratione suos aduersarios, qui patriæ bellum inferebant, indies potentiores fieri,
de communi consensu octo ex suis præcipuis ad regium Præsidentem miserunt, &
Abbatis populi, publicæ tranquillitatis otiiq. longè studiosissimi, opera & au-
thoritate, cum illo, reconciliatis animis, in gratiam redierunt; non parum deinceps
cum Grimaldis ac Fliscis conquesti, quod nimirum, in tam propinquo sum-
mæ rei discrimine, nulla sibi auxilia & suppetias tulissent: seque potius aduersæ
partis imperium laturos aiebant, quàm vt vulgo atque inconditæ multitu-
dini vlla ex parte cessuri essent. simulque adiciebant, ipsos quidem toto cælo ab-
errare, si eius patrociniò & gratia innixi, ea ratione ad supremum Magistratum
aspirarent, sicuti etiam re ipsa breui experirentur. In hoc rerum curriculo, Tar-
raconenses, qui variis temporibus plurima incommoda vtrique parti intulerant,
& ab vtraque vicissim haud modicis detrimentis affecti erant, ingentes apparatus
terra marique aduersus Ligures facere, multaque hostiliter moliri. Proinde vtraq.
pars cū diutinis & cruentissimis bellis defatigata, tum etiam imminētibus peri-
culis deterrita, tandem depositis odiis, ac mutuis simultatibus abolitis, animi co-
gitationes ad saniora consilia flectere incepit, & Cal. Martij de mutuo con- 1337.
sensu indutias pepigere: quæ deinde in annum productæ, vt commodius de in-
eundæ pacis rationibus vtrimque transigeretur. Interim habitis comitiis, Sena-
tus consulto octo ciues declarati, qui pacis conditiones ritè examinarent atque
perpenderent. Et postquàm variis sententiis decertatum esset, tandem vnani-
mi vtriusque voluntate constitutum fuit, vt omnium controuersiarum ipse An-
degauensis, cui totius Reipub. imperium, vt diximus, demandatum erat, ab-
solutus iudex atque arbiter designaretur. Igitur quatuor & viginti oratoribus *Pax Genuæ
inter Guel-
fos & Gi-
bellinos.*
ad eum, Neapoli tunc degentem, vtrimque ablegatis, breui effectum est, vt quar-
to Non. Septemb. pax certis legibus & conditionibus iniretur: quarum quidem
præcipuæ ac insigniores fuere, vt Respub. in posterum, sicuti hæcenus, ipsius
regis nomine administraretur: vt deinceps publica munia & magistratus æquali

dignitate & gratia inter vtrumque ordinem partirentur. Præterea, vt quisque suis penatibus ac bonis in integrum restitueretur. Hæc vbi primum Genuæ intellecta, vniuersam urbem incredibili gaudio & voluptate affecerunt, adeò vt lætitiâ illius diei, concursusque ciuitatis, & vota pænè inferentium cælo manus, spemque conceptæ perpetuæ securitatis, vix vllius hominis, vel disertissimi, eloquentia exprimi posset, quemadmodum nec è diuersò, quantis ærumnis & calamitatibus hæc funestissima bella ad annos sexdecim continuata, Rempub. domi forisque inuoluerint, & supramodum, eius membris distractis atque conuulsis, lacerarint. Et proculdubio immanes, ac multiplices sumptus, ciuium fugæ ac exilia, ædium euerisiones, fratrum, coniugum, parentum neces, rapinæ aliæque innumera his consimilia, quibus ciuitas hoc temporis spatio miserrimè fuit obnoxia, omnem aliam Rempub. quantumuis immensis opibus & potentia florentem, labefactassent, ac etiam in extremam ruinam & interitum adduxissent.

LIBER SEXTVS.



INITIO præcedentis libri ostendimus, quibus causis Ligures commoti, aduersus Tarraconenses, hætenus socios & amicos, arma induerint, simulque de illorum origine & incrementis nonnulla summam recensuimus. Nunc breuiter nobis explicandum est, cur iterum, vix domesticis malis aliqua ex parte suppressis atque restinctis, arma in eosdem resumpserint, & quidnam deinceps vtrunque variis temporibus gestum fuerit, suo loco ac tempore differatur. Et si verò, post priorem dimicationem, pax inter vtramque gentem certis quibusdam legibus ac formulis transacta fuerit, ipsi tamen cum propter regni Siculi accessionem, Sardiniam quoque animo inuaderent, pace polluta ac temerata, subinde cum aliquot nauigiis optimè instructis, vario incursum oram Ligusticam diuexantes, grauiæque ac sæua damna inferentes, eò tandem fiduciæ, dicam, an temeritatis, progressi sunt, vt vel ipsi portui hostiliter, & cum haud mediocri indigenarum periculo imminerent. Proinde cum infensissimis animis atque armis sese Reip. hostes declarassent, & quæque aspera & aduersa molirentur, Patres iusta ira incensi, ad illorum vim & perniciosos conatus reprimendos, anno supra millesimum trecentessimum secundo ac trigesimo, summo iudicio ac celeritate quinque & quadraginta triremium classem egregiè paratam atque instructam, Antonij Grimaldi, viri, præter generis vetustatem, pacis bellique artibus conspicui ductu atque imperio emisserunt: isque mense Iulio è sinu Ligustico soluens, Cataloniam versus enauigauit: in quam secundis ventis appulsus, pleraque Tarraconensium nauigia in littore anchoris adhærentia, subito incendio absumpsit, & mox descensione facta, maiorem Balearicam, & regnum Aragonium haud exiguis cladibus affecit, ipsique Tarraconensium regi & Balearico Reipub. nomine bellum indixit. Qui, vt Ligustici nauarchi ausus & ferociam retunderent, de vnanimi voluntate atque consensu duarum & quadraginta triremium classem, ad hoc, magnum numerum longarum nauium varij generis contra illum instruxere. At Grimaldus è portu minoris Balearicæ, in quem sese illum inclusuros, & obsessuros, hostes sperarant, impigrè egressus, tanto impetu atque animi fortitudine illos inuasit, vt hostes eius felici temeritate audaciæque deterriti, simulque impressionem non sustinentes, sese in turpem ac præcipitem fugam

1332.

Bellum in
Tarraco-
nenses.

gam coniecerint, noctisq̄ue beneficio, ac maris sæuitia, & aduersante vento, vniuersi incolumes euaserunt. Et quoniā æstas iam præcipitarat, summaq̄. cōmeatus inopia premebatur, quindecim ex suis triremibus in Siciliam aduersus hostem ablegatis, ipse cum reliqua classis parte Genuam delatus, eximium decus regiarum classium fugatarum, vnaq̄ue ingentem prædam in patriam rettulit. Per idem ferme tempus, incolæ Bonifacij cum duobus rostratis & aliquot nauigiis perbellè instructis, triremim Aragonicam circum eos situs prædabundam adorti, ea facili negotio potiti sunt. At mense Ianuario subsequenti anni, Genua S. c. decem triremes sub Othoboni Marini præfectura, & mense Aprili totidem aliæ sub Ianotti Cicadæ auspiciis armatæ, ac in eundem aduersarium eductæ fuerunt, qui aliquot hostiles naues frumento onustas interceptit, & Tarraconenses vicissim Ligusticam triremim in Gallia Narbonensi occuparunt, plurimaq̄ue incommoda & detrimenta vtrò citroq̄ue, nec citra multorum cladem ac interitum hoc anno inflicta. Quandoquidem, vtriusque partis animi sic omninò exacerbati erant, vt in omnem sæuitiam proni, in cuiusque vitā inquireret. Ad hæc quidam notus è Bertolota familia, in maritimo oræ Orientalis tractu, Carpena, & plerisque aliis locis Ligustici agri adeptis, hæud leues tragædias & turbas concitauit. Ceterum proximo anno, Genuæ eiusdem Senatus decreto, decem rostratæ Salagri Nigrij, viri, vltra generis amplitudinem, togæ bellicæ operibus clari auspiciis armatæ, ac emissæ: qui versus insulas Balearicas cursu navigationis flexo, cum fortè fortuna in quatuor ingentes onerarias Catalanorum delictorum numero refertas (mille enim & octingentos fuisse referunt, in hisq̄. centum & octoginta primæ nobilitatis & equestris dignitatis viros, qui vnâ cum suis cōiugibus ac liberis in Sardiniam, ad expugnandum eam insulâ, cuius maior pars sub Brancæ Aurie, viri ea tempestate summis opibus & auctoritate florentis, imperio tenebatur, adnauigabant, siue, vt aliis placet, illinc patriam versus redibant,) incidisset, earumq̄. occupandarum ingenti studio flagrans, illas, licet aduerso Euro & sæuiente pelagō, summa constantia per decem dies insecutus est: quoq̄ue suorum animos ad eos insequendum, & ad pugnam ciendam vehementius inflammaret, simulq̄ue nauium celeritatem cursu triremium adæquaret, militari consilio atque astu annonam vnâ cum reliquis impedimentis in mare proijci ac præcipitari iussit, suosq̄ue breui, sed pressa & nervosa oratione, quæ sapientia præuisa, aptaq̄ue imminenti certamini disserens, hortabatur, ne ferrum perhorrescerent, cum longè turpiori ac tetriore mortis genere, hoc est fame, atque inedia illis pereundum esset. Quippe annona in mare proiecta, nullū ipsis relinquebatur alimentum, nisi quod ex debellata classe, cōmeatibus referta, sibi acquirerent. Quibus sanè tantopere accensi sunt, vt eos tandem remorum velorumq̄ue beneficio assecuti, signoq̄ue prælij dato, illos summo impetu inuaserint, eo quidem successu, vt Ligures, post longam & cruentam vtriusque dimicationem, circiter octingentos ex aduersa parte contrucidarint; & vltra eos quos grauissimis & lethalibus vulneribus affectos in Sardinia reliquerunt, trecentos ac sexaginta captiuos fecerint: atque ita hostiles naues in suam potestatem redegerunt. Huic autem bellicæ gloriæ, quam Salagrus in hac insigni expeditione præstitit, singulares continentia laudes hæud parum omninò ad sunt splendoris, vt exemplum in omnes partes nobile ac illustre appareat. Is enim à matronarum corporibus violandis graui edicto suos prohibuit. quas, descensione in Sardiniam ad Calarim facta, liberas vnâ cum suis viris atque incolumes dimisit, pudori muliebri contumeliis obnoxio parcens, vnumq̄. ex ca-

1333

1334

Salager
NigrijGenuens.
victoria ad-
uersus Tar-
raconens.

ptiuis, quem generis decus nobilitarat, compertum, quòd coniugem, egregia & præstanti forma, ne hostium præda fieret, ante nauium expugnationem, amoris stimulis exagitatus, immaniter iugularat, securi percuti iussit: quod se non tam puniendi flagitij causa, quàm indignatione commotum facere dixit, quòd ille ipsius pariter ac Genuensis populi continentiae tantoperè diffusus esset. Paucis post diebus, Tarraconenses cum sex triremibus probè exornatis, in oram maritimam præteruecti, nonnullas Ligusticas triremes atque nauigia interceperunt, & in maiorem Ligustici nominis contumeliam, quosdam Genuens. ignominio-
 sæ mortis genere affecerunt. Id verò ubi primùm ad Salagri aures fama detulit, iusta ira & dolore ad ultionem incitatus, denuò cum decem triremibus Genua egressus, inter nauigandum circa finem Septemb. plerisque hostilibus nauigiis, Ligustica præda, cuius nempè quam paulò antè sex Aragoniæ triremes ceperant, onustis, obuiam factus est, eaq. omnia breui in suam potestatem redegit: & mox quatuor aduersarias triremes atque onerariam iuxta Sardiniam circumuagari intelligens, classe bipartitò distributa, eam insulam præcinxit. Ceterum, hostis Salagrum conspicatus, eum tanta festinatione adortus est, vt vix Liguri ad arma expedienda quicquam otij ac temporis concederetur. Tanta nihilominus fuit animi præsentia & fortitudine, vt, confertis manibus, Tarraconensium nauigia cum insigni eorum strage, vtpotè circiter quingentis ac sexaginta interfectis, & centum quadraginta in patriam secù abductis, expugnata & capta fuerint. Posthæc, Calaritanam oram secùda nauigatione repetens, ubi illuc appulisset, in classis Præfectum, & quendam trierarchum, præcipuos auctores, vt in captiuos Ligures tam fædo mortis genere, cruce scilicet, ac patibulo, desæuiretur, pari pœna ac supplicio animaduerti iussit. Circa hæc tempora, cum iidem hostes, Li-
 gures, qui Peram, olim Galatam, urbem è regione Constantinopolis, trans sinum illum qui utrique populo stationem efficit, sitam, & Genuensium coloniam, haud mediocribus damnis atque incommodis affecissent, Genuæ S. C. septem triremes instructæ, subq. Barnabæ Catanei, viri, præter suorum maiorum stemmata, prudentiæ ac rei bellicæ gloria florentis, iussu & auspiciis emissæ fuerunt, qui statim in oram Orientalem nauigatione suscepta, cum in quadam Ægypti vrbe à Mauritanis inhabitata, in duas Tarraconensium onerarias, ab ipsis atque indigenis strenuè defensas incidisset, illas, post acrem dimicationem sui iuris factas, protinus iniecto igne concremauit. Illud quoque neutiquam silentio prætereundum videtur, nempe hoc anno, Ioannem Fornarum, Cæsareæ, vulgò Alexandriæ, à Palea cognominatæ, ex vetusta ac nobili familia ortum, & acerrimum Guelfarum partium propugnatorem, relicto natali solo, Genuam cum quinque liberis, scilicet, Thoma, Petro, Girardo, Dominico & Ludouico, accentum aureorum millibus in præsentī expeditaq. pecunia concessisse: quem Senatus cum propter familiæ claritudinem, & insignes animi dotes, tum etiam vt ipsi, qui hoc flagrantissimè cupiuerat, hac in parte obsequeretur, in patri-
 ciorum ordinem cooptauit. Superius commemoravi, anno eiusdem sæculi vno ac trigesimo, Genuæ Ruberti regis opera & auctoritate pacem inter Gue-
 fos ac Gibellinos tandem initam & constitutam fuisse. Ceterum anno eiusdem æui quinto, hæc iterum cum insigni Reip. detrimento ac exitio, ex noui Præsi-
 dis in urbem aduentu contaminata. Quippè, cum veteri Prætorē, qui centum ac viginti equitum grauioris armaturæ satellitio stipatus, rebus gerendis summa cum laude præfuerat, subrogato, Bulgarus Tolentinas, vir solertis prouidiq. ingenij, & qui sublimes spiritus gereret, ac priori anno, quo Resp. de se Ande-
 gauensis

Peram.

Ioannes
Fornarus.

1335.

degauensis imperio spontè subiecit, in ciuitate supremum Magistratum obtinuerat, cum trium ac triginta cataphractorum præsidio Neapoli Genuam, quò in alterius locum substitueretur, missus esset, Gibellini, cum antea de ipsius aduentu nihil certi & explorati habuissent, continuò in haud leuem suspicionem deuenire, illum à Guelfis, ea potissimum de causa euocatum atque in urbem accersitum, ut suas partes tueretur: atque ob id summoperè indignati fuerant. Et licet complures vtriusq. ordinis ciues publicæ tranquillitatis amantes, nullisq. studiis addicti, suam auctoritatem interponerent, ac enixè operam darent, ut omnibus suspicionibus & querimoniis è medio sublatis, quisque paci & concordiae summis conatibus operam nauaret, nihil tamè consequi ac impetrare potuerunt. Cum enim Guelfi pridie Non. Febr. in vico, cui nomen Susilia, nonnullos Imperialis familiæ adorti essent, statim publicè arma correpta, mucronesque denudati, & vtriusq. factionis præcipui auctores sese maioribus viribus ac præsidiiis præmunire connitebantur, adeò ut Gibellini, Saluagos ea tempestate summis opibus & clientelis innixos, atque alterius studij fautores, reconciliatis animis, simulque Sauonensium ac plerorumque aliorum auxiliis imploratis, in suas partes ac studia pellicerent. Post hæc, Imperiales, ac fœderati totam Siciliae regionem, usque ad D. Catharinæ ædem porrectam, nec non Aurianum forum & loca his contermina, strenuè propugnabant. At reliqui, ceteram urbis partem unà cum præcipuis turribus ac munimentis tuebantur & obuallabant, quorum quidem ope ac robore, octo triremes, & pleraque alia nauigia multo bellico apparatu instructa, quarto Cal. Martij à suis aduersariis transmissa, aliquādiu portu prohibuerunt. Ceterum, exiguo interstitio, qui eis deuēhebantur, in Darsenam descensione facta, clientum atque amicorum patrocinio, portam, vulgò Campi, & finitimas turres, occuparunt, eoque successu ferociores, & in portum usque Aurianum excurrentes, illinc summa vi atque impetu hostem propulsarunt: quo quidem tempore cum Ioannes Fliscus, Caroli filius, aduersæ partis vel præcipuus propugnator, à Saluagis, tunc armis ac bellatore egregiè circumseptis, & neutrarum partium, frustra auxilium ac suppetias implorasset, iuxtaque conspiceret, inter eiusdem factionis duces, haud modicam animorum distractionem esse, ne seipsum in aliquod præruptum atque anceps periculum cōliceret, quamprimùm vrbe digressus est. Huius discessu, & Saluagis opem omninò detrectantibus, Guelfi extemplò sic animis concidere, ut sibi suisque viribus ac potentia supramodum diffisi, & quæque aduersa ominantes, Reipub. administrationem semper hactenus à se in perplexis dubiisque temporibus, ac etiā periculosissimis bellis intrepidè constanterque defensam & conseruatam, suis capitalibus aduersariis urbem, non citra maximum illius, propter euitas cædes, beneficium, deseruerint. Hi verò, simulac sese liberum & absolutum Reip. imperium adeptos intellexerunt, haud imprudenter speculati, neminem celerius opprimi, quàm qui nihil timeret, & frequentissimum initium esse calamitatis securitatem, nihil omninò in mora habuere, quo minus ea omnia maturè ac sedulò prospicerent, quæ seipsos in hoc supremi honoris fastigio quàm firmissimè constabilirent. In primis autem publico edicto sanxere, ut quilibet suis penatibus ac fortunis redderetur: Ad hæc, ut regius legatus, persoluto illi prius debito stipendio, unà cum sua familia & comitatu saluus atque incolumis aliò comigraret. Præterea sept. Idus Martij Galeotus Spinula, & Raphael Aurià, regni Siculi summus maritimarum rerum Præfectus, quem vulgò Ahmirotē vocant, Reipub. moderatores, quorum præfectura dumtaxat bimestri spatio termina-

*Guelfi cedunt
Gibellinis.*

minaretur, Ancianisque ciuibus, ac populi Abbate, ceu collegis & fidis coadiutoribus sibi adiunctis, designati, ac publico Senatus consulto decretum fuit, ut Resp. in posterum, Prætoris, Præfectorum, Abbatis, & Ancianorum ciuium consilio atque auctoritate administraretur: statimque Becarius Becaria ciuis Papiensis, iuriconsultus, & equestris ordinis ac dignitatis, Præses renunciatus, eaque ratione ciuitas in manus ac potestatem Gibellinorum deuenit, & plerique ex primoribus populi, antea Guelfi nominis fautores, contraria studia secuti sunt: paucorumque dierum interiectu, omnes arces ac propugnacula Ligusticæ ditioris, præter Monæcum, ab ipsis recepta. In hoc rerum tractu, bellum Tarraconense, quod paulò antea consopitum & maiori ex parte suppressum videbatur, denuò exarsit. Igitur Patres non ignari, minimè cunctatione opus, ubi perniciosior sit quies, haud cunctanter primò septem triremes, ductu filij Eduardi Auriæ, cuius quidem nomen apud veteres Annales non extat, omnibus bellicis apparatusibus aduersus eam gentem instrui ac emitti iusserunt. isque duas hostiles triremes, & quædā alia nauigia interceptit: deinde paucis interpositis diebus, duodeviginti rostratæ naues sub eiusdem Eduardi Auriæ, viri & bellicis operibus & ciuilibus artibus ea tempestate clarissimi, præfectura atque auspiciiseductæ. Qui è sinu Ligustico in Panhormi portum præteruectus, duas Tarraconensium onerarias cepit, & flammis absumpsit: moxque descensione in continentem facta, ipsis tantum formidinis ac terroris incussit, ut nemo illorum ex sua statione prodire auderet. Ceterum, initio proximi anni, iisdem Præfectis indutiæ inter regem Aragonium ac Balearium transactæ, ac postmodum mense Septembri pax utrimque firmata. Interim Guelfi, tametsi, nouercante fortuna, à Reip. administratione atque imperio excidissent, nihilominus tamen resumptis animis, & occasionum haud segnes, cum aliquot nauigiis probè exornatis, Ligusticæ oræ tractum variis populationibus & rapinis inquietare, omniaque hostiliter moliri, breuique post, Monæci, quem locum adhuc in sua potestate retinuerant, cum decem triremibus optimè præparatis, eò tandem fiducia progressi sunt, ut etiam Genuensi portui, non absque summo totius propè vrbis metu ac periculo, immineret. Quare ad illorum impetus & audaciam cohibendam, S. C. decem triremes, ac totidem pro illarum nauium, quæ variis multiq; pretij mercibus onustæ, in Græciam & Syriam adnauigabant, securitate, instructæ ac expeditæ, simulque mense Maio sub diuersis ducibus ac trierarchis emissæ. At ipsi, dum Genuæ de apparatusibus agitur, per mare Tyrrhenum ac Siculum excursionem facta, non exiguis detrimentis aduersam partem affecerunt. breuique post, iterum in oram littoralem delati, Sextrum, Liguriæ municipium, tenui præsidio custoditum, facili negotio occuparunt. Quo sanè factum est, ut Genuæ actutum præter superiorei classis, quatuordecim triremes, & circiter quadraginta egregiè instructa varij generis nauigia, duce Napolione Spinula, Galeoti filio, iuvene impigro ac strenuo, expedirentur, eo tamen successu, ut hoste præ metu relictis scalis, & nonnullis qui eodem ferè tempore in terram descensionem fecerant, sese Monæcum recipientibus, Præfectus haud multo post, classis in Genuensem portum reduceret. Inter hæc, Spinularum nauis negotiatoria à duabus hostilibus intercepta fuit, eiusque scriba & Præfecto contrucidatis, Neapolim deducta, ipsique remiges, persoluto pretio, dimissi. Subsecuti anni principio, habito Senatu, oct. Cal. Aprilis publica suffragatione decretum fuit, ut præfecti, quorum proximè mentionem fecimus, usque in finem Octobris in suo munere, ceu protectores vrbis, persisteret, & mox

in trien-

Bellum in
Tarraconens.
insignatum.

1336.

1337.

in triennium Reip. praeessent, simulque delegatum, seu vicarium, cui esset legum peritia, sine ullo Praetore haberent, deque illorum voluntate atque consensu, populi Abbates crearentur. Ceterum, proscripti ac extorres, turbidis rebus intrepidi, & ad omnem occasionem intenti, circa haec tempora, noua classe, nempe duarum ac viginti triremium, instructa, iterum iuxta portum delati sunt, nemineque obstante, cum nondum Genuae res naualis in procinctu atque ad manus foret, plurima incommoda & detrimenta, plerisque in locis, Ligustico nomini atque imperio subiectis, intulerunt: & praeter cetera, Monœcum reuersi, duas Venetas naues eximij roboris ac magnitudinis, quae multis atque opulentis mercimoniis refertae, ex Gallia Belgica redierant, occuparunt: eaque de causa parum omnino abfuit, quin repente violatis temeratisque indutiis, acerrimum bellum inter vtramque gentem, initio ab ipsis Venetis orto, recrudesceret. Quippe, cum post exiguum interuallum, Franciscus Marinus cum decem nauigiis, quibus in Peloponnesum adnauigarat, totidem Venetis fortè occurrisset, horum praefectus Marino per myoparonem significari iussit, ut, demissis velis, secum in colloquiū atque congressum veniret. Quem cum ipse abnueret, ac diceret, neque sibi, neque Reip. Genuens. quicquam negotij cum Venetis in praesentiarum esse: Venetus, hoc responso tradito, statim per internuncios illi bellum indixit, adeo ut, nulla mora interposita, sese mutuis armis impeterent, & multo vtriusque partis sanguine, cum pari robore ac nauigiorum numero inuicem conflingerent, inter ipsos dimicatum, donec tandem compluribus Vtrinque desideratis, necnon sex Venetis triremibus captis, fortuna à partibus Genuensium staret. At postquam Venetus Senatus totam causam sigillatim ac plenè intellexisset, licet haud mediocri detrimento affectus, nihil sanè vltius contra Ligures attentauit, eoque factum est, ut pax, eo quidem tempore, ab vtrisque populis inuiolata atque illæsa perduraret. Exitu anni, Lombardus Spinula Voltagij castrum occupauit: eodemque tempore Fridericus Siciliae Rex, non absque ingenti eorum Genuensium, qui ea tempestate vrbis rebus cum imperio praesidebant, dolore atque maestitia, quam etiam lugubri veste aliquandiu testati sunt, ex hac vita decessit. Interea temporis, inter Galliae ac Britanniae reges, crudelissimum bellum vigeat, eaque de causa proximo anno Genuae in gratiam regis Galliarum viginti triremes, quarum opera aduersus Anglos in mari Oceano vteretur, Antonij Aurix auspiciis educit. Vbi verò, iam bellis aliqua ex parte sedatis atque compositis, milites exautorandi ac dimittendi essent, inter ipsum Praefectum ac trierarchos, quorum plerique amplis familiis orti erant, & illarum gubernatores ac reuigines, stipendiorum causa, ut interdum fieri consuevit, ingens controuersia exorta est: & discordia eò usque creuit, ut socij nauales, ipsas triremes in suam potestatem redigerent, & quidam Petrus Capurru nauta, Vulturij genitus, circiter quindecim naucleris sibi associatis, regem adiit; apud quem de classis praefecto, ceterisque trierarchis grauissimè conquestus est. Ceterum Rex, in nobilium gratiam propensus, illū statim, indicta causa, vnā cum suis in vincula conijci iussit. Quod ut primū fama innotuit, nonnulli ex turmis naualibus euestigio in oram Ligusticam praeteruecti, longè lateque diuulgarunt, in ipsum Capurru, & socios, turpi ac ignominiosa nece animaduersum. Etsi verò paucis post diebus, rem longè aliter se habere compertum fuerit, eosque pristinae libertati restitutos, planè intelligeretur, nihilominus indigenae acerrimum odium in ipsos patricos concepere, adeo ut nauae Sauonenses, cum ex Belgio in patriam redirent, nobilium iniurias veriti, complures accolae Vulturij, Pociferæ vallis, & Bisamnis sibi

Franciscus
Marinus
victor contra
Venetos.

Fridericus
Cesaris in-
teritus.

1338.

1339.

sibi aggregarent, simulque Sauonæ in ædem Dominico sacratam conuenientes, de militari delectu habendo consilia & rationes iniuerint. Huius rei fama simul ac in urbem perlata est, ut nascenti incendio maturè occurreretur, S. C. Eduardus Auria, vir domi militiæque clarus, Sauonam ablegatus fuit; eiusque tantum abest, ut publico nomine vlla ratio haberetur, ut etiam ingrauescente tumultu, sese quamprimum in turrim prætorij subducere cogeretur, eoque tandem res deducta, ut ceteris popularibus coadiutoribus illinc rectore expulso, nouum statum popularem introducerent: eiusque pestiferi ac exitialis veneni vis atque contagium non modò Sauonenses, at etiam breui post, Genuam ipsam tabifica labe infecit. Quippè cum tempus appropinquasset, quo, de more & consuetudine iam longo usu recepta, nouum populi Abbatem designari oporteret, ex templò Resp. feralibus nouarum seditionum procellis atrociter agitari incepit. Nam eo die, quo de communi Patrum suffragatione is Magistratus renuntiari consueuerat, complures trium Vallium incolæ ac municipes, urbem, haud paucis ex plebe, in loco huic electioni assignato, sese agglomerantibus, ingressi clamitabant, se minimè passuros, ut deinceps Præfectis vlllo modo sui Abbatis creandi potestas permitteretur, ita ut, flagrantiore vi addita, simulque aucta seditione, viginti homines plebei designarentur, qui in atrium, ubi suffragia dari solebant, introcuntes, foris à plerisque popularium partium ciuibus, & circumfusa multitudo, quæ illuc passim confluxerat, eo animo, ut rei successum inspiceret, suspensis animis expectabantur. Verum enim verò cum propter discrepantes sententias eorum quibus ius eligendi erat, cunctatio nimis longa & molesta videretur, quidam aurifusus filis textor, vir simplicis quodammodò ingenij, publicè dixit, haud quamquam se ignorare, quisnam huic muneri quàm maximè idoneus foret, quisue ceteris omnibus meritò præferri debuisset. Cumque ab his, qui proximè astiterant, obnixè rogaretur, ut liberè quod animo sentiret, enūciaret, ipse confestim Simonem Buccanigram, tunc ibi præsentem, Abbatem nominauit: cuius quidem verbis vix credibile memoratu est, quanto applausu ab ipso vulgo ad sensum fuerit, & mox à plerisque Buccanigræ dextera apprehensa, eius nomen sublatis vocibus ingeminatum, sic sanè, ut qui intus erant, ab huiusmodi rumore non parum excitati, eiusque causæ ignari, illinc trepidè digressi, ac plebis decreto animaduerso, in eius sententiam, manibus, pedibusque descenderet. Igitur Simoni ab ipsa multitudine, uti moris erat, ense tradito, ac in sellam Præfectorum perducto, necnon ipsorum lateri assidere iusso, illum, ceu Abbatem salutauerunt, ipseque uti erat sollers ingenij, & principatus appetens, præsentem occasionem haudquaquam aspernatus, indicto silentio, in hunc modum exorsus est.

Simoni Buccanigræ oratio.

Quod me, præstantissimi ciues, compluribus aliis in hac celeberrima Republica opibus potentiaque florentibus, præteritis, patriæ charitate impulsis, optimaque de me existimatione habita, vltro ad hunc honorem extuleritis; equidem vobis pro hac singulari vestra humanitate atque animi propensione, immortales gratias ago, simulque hoc nomine me plurimum debere, ingenuè fateor & agnosco. Ceterum oro, atque obtestor, ut, quò in posterum arctiori beneficio sim vobis deuinctus, iudicij vestri documèta aliquo illustri testimonio magis clara & conspicua reddatis. Nam licet ipse, in hoc iam diu receptæ dignitatis gradu, iure ac meritò acquiescere possim, ac debeam; vos tamen oratos velim, ut hanc rem cum vestris animis paulò penitiùs introspeciat. Siquidem, propter huius Reip., iuxtaque meæ familiæ, quæ minimè hætenus in obscuro versata est, sed maiori bus etiam ornamentis atque muneribus adaucta fuit, amplitudinem, proculdubio expedire

expedire intelligetis, ut hoc nomen Abbatis deinceps aliquo insigniori titulo splē-
 deat: eoque si quis vestrum fortassis me indignū existimauerit, facile assentiar, ut
 in quempiam alium, fide, consilio ac virtute conspicuum, transferatur. Is enim
 semper fuit animi mei sensus, eaque natura & consuetudo, ut patriæ decus & in-
 crementum priuatis commodis lubentissimè anteponam: nihilque mihi magni-
 ficum & gloriosum arbitror, quod non idem cum Reip. salute ac vtilitate con-
 nexum atque coniunctum fuerit. Vix autem hæc absoluerat, cum se gladium de
 more sibi traditum, ipsis moderatoribus dedita opera velle restituere simulauit:
 quo statim à feruenti atque incōstanti plebe animaduerso, interpellata eius ora-
 tione, denuò magnus strepitus ac rumor excitatus est, cum ingenti applausu ac
 vociferatione, qua vnanimi consensu passim exclamabant, Reip. administra-
 tionem in ipsum conferendam esse. cuiusque is, dominandi auidus, principem
 locum summo operè ambiret, illicò respondit, se, postquam eo animo essent ut
 ipse vnà cum præfectis summæ rei præficeretur, minimè huic negotio refraga-
 turum. At plebs subinde in illius laudem & dignitatem profusa, iterum inge-
 minatis vocibus, id vnum in primis contendebat, ut nempe, non se-
 lūm ciuitatis dominus foret, sed etiam ut Dux ac Princeps omnium suffragio
 renunciaretur: statimque illum ingenti applausu & faulta acclamatione hu-
 meris sublatum, eiusque nomine per vrbs compita & regiones crebrius
 ingeminato, ad eius ædes perduxerunt. Hic repentinus casus in vniuersa ci-
 uitate haud mediocres turbas concitauit: Nam Reëtoribus confestim, nec citra
 summum vitæ periculum, sese domum recipientibus, indies maiores motus fie-
 bant, nec facile sedati essent, nisi à nouo Principe per urbem obequitante, oppor-
 tunum remedium adhibitum fuisset. Is enim, ut non minori solertia & industria
 munus suum aggrediretur, quàm ut ad illud perueniret, antea vsus fuerat, cum
 nonnulli, Saluagorum ædes adorti essent ut eas diriperent, ipse quamprimum de
 hoc scelere commonefactus, versus illas perrexit, & in itinere, cuidam ex sociis
 redeunti, prædaque onusto, fortè obuiam factus, illum protinus apprehendi,
 & capite multari iussit. Quo quidē exemplo vniuersorum animos ita percelluit,
 ut vel potissimum causa extiterit, qua breui pōst singuli arma deponerēt, & quis-
 que ad suum officium rediret. ipsiq. Præfectis supremo magistratu abeuntibus,
 atque vrbe digressis, mox ad nouum Principem designandum, & Reip. statum
 corrigendum, animi cogitationes adiecerunt. Igitur proxima luce vniuerso po-
 pulo in ædem Laurentio dicatam conueniente, de vnanimi consensu ei, sollemni
 pompa, Ducale sceptrum aliaque Principis ornamenta publicè tradiderunt. Si-
 mon, ubi primum supremam potestatem adeptus est, nulla mora interposita, no-
 biles, præsertim verò illos quorum studia in Guelfos erant propensiora, maiori
 ex parte albo senatorio crasos, ab omnibus publicis muneribus & dignitatibus
 abdicauit, atque proscripsit. Ad hæc, nonnullos è Spinularum atque Auriarum
 familia, quorum opes & auctoritas sibi magis suspecta & inuisa erat, exilio dam-
 nauit. Denique, ut plebem sibi magis deuinciret, libros, in quibus publici red-
 ditus continebantur, protinus aboleri, atque incendi iussit, adeò ut Resp. omni-
 bus patriciis quodammodo exuta, suisque veteribus institutis atque ordinibus
 orbata, honestæ cuiusdam tyrannidis speciem referret. huiusque rei memoriam
 anniuersario sacro, ac dono aurei paludamenti in ædem Augustino sacram dela-
 ti, publico decreto recolli atque ornari placuit. quod sacrum perpetuo, & num-
 quam interrupto tenore vsurpatum, ad nostra vsque tempora productum vide-
 mus. Reip. statu hac, qua diximus, ratione composito ac firmato, simulque

*Simon Buc-
 canigra pri-
 mus Dux &
 Princeps
 Genuens.*

Francisco Nigro Volaterrano iuriconsulto, Prætore designato, quamprimum ad vniuersarum arcium & propugnaculorum Ligustici agri recuperationem sua consilia direxit, quæ sanè omnia, excepto Monæco, cum singulari sui nominis gloria, nec minori patriæ emolumento, in suam potestatem redegit. His rebus ita peractis, confestim sese ad quorundam licentiosorum hominum audaciam reprimendam conuertit, qui Ribellum Grimaldum adorti erant, eo quidem prætextu, vt dicerent, ab eius maioribus olim Lanfrancum Buccanigram & Gulielmi fratrem, patrum suum, fuisse interfectum: isque statim ipsius Principis iussu ac mandato ab illorum manibus abreptus fuit, atque omni periculo exemptus. Et si verò interim non decissent plerique ordinis patricij, qui secretò in eius perniciem ac exitium conspirarent, tanta nihilominus fuit eius vigilantia & industria, vt, cõpositis insidiis omnibusq. periculis fato atq. prudentia cuitatis, sese indies in principatu magis atq. magis constabiliret. Primus verò qui eius vitæ insidiatus, balista illum interficere constituerat, fuit quidã e familia Voltorum, nunc Cata-
 neorum, à primario quodam ciue (nomen apud scriptores in incerto est) impulsus. Ceterum, ea conspiratione detecta, ipseque decimo quarto Cal. Ianuarij captus, postera die ante ædes Prætoris, cui nomen fuit Franciscus Niger, etiam Vo-
 laterranus, capite pœnas persoluit. Insequenti anno ac Non. Sept. detecta est alia coniuratio, in qua, præter cæteros, fuerunt etiam duo præcipuæ nobilitatis, qui Gibellinas partes secuti, cum plerisque armatis medio ferè noctis silentio publicum palatium adoriri statuerant; hiq. cum profugis ac extorribus simul conuenerant, vt sibi eodem tempore maturo subsidio aduenirent. Verum, cum ipsi in quodam stabulo vbi delituerant, deprehensi essent, vnà cum duobus aliis præcipuis auctoribus eodem supplicij genere multati fuerunt. Dum res ita domi geruntur, in his locis, quæ ad Orientem vergunt, Saraceni, sub regis Marocci, qui dictus fuit Boniacob, imperio, indies suam potentiam, cum maximo Christiani orbis detrimento, longè lateq. proferebant, & præter ceteras clades nostris inflictas, quatuordecim onerarias, & octo ac viginti triremes Christianorum, inter quas fuit etiam quædam Ligustica, quæ ad Cæsarianos pertinebat, interceperunt. Proinde ad illorum ingentes ausus atque conatus, aliqua ex parte inhibendos, principis auctoritate ac Senatus decreto, sub Simonis quarti, popularium partiũ studiosi, auspiciis eductæ: isque secunda nauigatione Peram delatus, cum Zarabim, Sinopis regulum, cum duodecim rostratis & duobus aliis nauigiis, in Ponto Euxino Christianorum res mirum in modum diuexare, pro certo intellexisset, ipse confestim ad eum contendit, locoque ab omnibus insidiis ac periculis remoto, in eius colloquium admissus, tandem sic ab eo discessit, vt ex eius verbis ac promissis firmiter crederet, illum, prout se facturum receperat, seque, adhibito etiam iuramento, obstrinxerat, Ligusticis rebus nihil prorsus incommodi ac detrimenti in posterum illaturum esse. Itaque Pontum Euxinum emensus, Capham, olim Theodosiam, vbi Ligures varia mercimonia exercebant, incolumis peruenit, indeque, propter publica negotia, Trapezuntem, vetustam admodum ciuitatem, à Græcis in extremo Ponticæ oræ conditam, duos Legatos cum duabus triremibus amandauit. Interea Sinopis regulus, summa perfidia, iuxta illius gentis morè & consuetudinẽ, vsus, reliquarum Ligusticarum triremiũ reditũ eo cõsilio præstolabatur, vt illas sub fide tradita aliquo modo sui iuris ac potestatis faceret. Id verò, simulatq. à Genuesi præfecto haud obscuris indiciis ac testimoniis rescitum est, cū maxima leuissimi iuxta & crudelissimi hominis perfidiæ, qua, sicuti antea recensuimus, in Ligures vsus fuerat, vlciscendæ cupidine inardesceret, ad
 illum

Christianorum
 clades à
 Mauris in-
 flicta.

illum enauigauit, ea quidē fiduciā dissimulatione, vt nihil minus quā de illius fide ac beneuolentia quicquam omninō addubitare videretur. Et quoniā ab exploratoribus didicerat, hostem contra se cum decem triremibus egressum, illis, quas tunc temporis apud se habebat, viginti nauigia Caphæ summa festinatione sub alia specie instructa, adiunxit: breuīque aduersariæ classi obuiam factus, acieque militariter disposita, & suos cohortatus, in eum protinus intendit, ac intrepidē fortiterque conflixit, eo quidem successu, vt breuī capta hostili classe, præclaram atque insignem victoriam reportaret: ac deinde, vt patriæ illatum dedecus & contumeliā vindicaret, quam plurimos eorum fœda & ignominiosa morte necari iussit. Initio proximi anni, cū inter Alphonsum decimum Castiliæ, ac Libyæ reges, dirum & periculosum bellum gereretur, in quo Hispana classis, plerisque triremibus aliisque nauigiis amissis, magnam cladem acceperat, Alphonsus rex Genuam legatos misit, quibus apud Principem ac Senatum valdē instabat, vt sibi, oblato stipendio ac mercede, auxiliares copias & nouum nauigiorum supplementum conducere liceret, eaque de causa, vt regi gratificarentur, viginti triremes omni bellico apparatu instructæ, subque Ægidij Buccanigræ fratris ipsius Ducis, viri manu prompti ac exerciti militiæ, præfectura & imperio traditæ atque concessæ fuerunt, quibus in Hispaniam prosperis ventis delatus, & cum Mauritanis acri certamine congressus, illorum florentissimas opes fregit atque imminuit, eosque variis temporibus maximis cladibus affecit, adeo, me herclè, vt Alphonsus egregiam illius virtutem atque animi magnitudinem admiratus, quō eum sibi magis magisque deuinciret, simulque apud eum de se, suoque regno quā optimē meritum, grati ac memoris animi testimonium extaret, eum insigni Halmirotis titulo & perampli Comitatus, vulgō Palmæ, inter Cordubam & Hispalim siti, dono remunerarit. Et licet postmodum ob mutua dissidia & grauissimas altercationes, inter Petrum & Henricum Alphonsi liberos concitatas, Ægidius, eò quod ipsi Henrico, causæ æquitate superiori, adhæsisset, anno eiusdem æui septimo ac sexagesimo, Petri, viri supra modum crudelis ac ferocis, iussu in vrbe Hispali immerita nece affectus fuerit, illius tamen posterī in Hispania eam ditionem ad nostra vsque tempora possident, gentile Buccanigrarum nomen retinentes, interque Hispaniæ Principes numerati, nobili titulo eius Comitatus insignes. Tali rerū statu, Georgius Carrettus, Finarij regulus, Buccanigræ longē infensissimus, plerisque regulis finitimis sibi fœderis iure associatis, Albingaunū, interioris Liguriæ municipium, arctissima obsidione premebat, eoque factum est, vt Principis ac Patrum communibus suffragiis, classis, supplemento etiam facto ex nonnullis nauigiis eorum quæ post bellum Mauritanum feliciter gestum in urbem reducta fuerant, præparata atque instructa, & duce Ioanne Mario in subsidium oppidanorum, additis etiam terrestribus copiis, transmissa. Ceterum, hostis tot tantisque apparatibus haud mediocriter deterritus, cū Ligures numero ac viribus potiores animaduerneret, legatos, qui apud Principem ac Senatum de pace transigerent, Genuam destinauit. At Princeps vt illum in sua potestate haberet, mira astutia & calliditate cum oratoribus egit, vt ipsemet Marchio Genuam profectus, coram de pacis conditionibus transigeret: easque sua præsentia multo æquiores futuras asseuerabat. Quorum persuasionibus inductus, publica fide prius impetrata, sub finem Augusti mensis ad urbem perrexit: tantaque fuit vniuersæ plebis in ipsum Principem propensio & obseruantia, simulque aduersus prædictum Marchionem odium & indignatio, vt dum is, descensione facta, ad prætorium con-

Egregium stratagema.

Genuensium victoria aduersus Sinopis regulum Duce Simon Quarto.

1341.

Ægidius Buccanigræ Hispaniæ classis præfectus.

Eiusdem aduersus Mauritanos victoria.

Buccanigrarum familia adhuc perseverat in Hispaniis, & in magno pretio habetur.

- tenderet, plerique, sublatis clamoribus, dicerent, minimè illi vitam condonandam, qui Remp. hostilibus armis infestasset; adeò vt mox Principis iussu apprehensus fuerit, ei que octo apparitores additi, & paucis post diebus in tetrerrimum carcerem, cui nomen Grimalda, perductus. Et quia sperabat se, illius opera, pleraque oppida & arces Occidui littoris, quas sibi aduersarij vsurparant, recepturum, breui post illinc in alium longè deteriore carcerem, vulgò Malpagam, traduci, eumque in cauea lignea recludi, & tam diu detineri imperauit, donec sibi Finarium, Varigotum, & Aceruum, cum reliquis locis suæ ditionis, simulque oppida & arces aliquot nobilium Linguiliæ familiæ ac ceterorum qui vnà cum Carretto aduersus Albingaunos arma expediuerant, traderentur; eaque omnia nomine Reipub. statim recuperata, & modico temporis interuallo, præter Monæcum & Albintimilium, totius oræ maritimæ tractus iterum Ligustico imperio cessit. Ceterum, anno eius æui secundo & quadragesimo, Genuæ sub eodem Principatu, ac Busseni Eugubij; peruetusta Vmbriæ ciuitate orti, prætura, vndecim triremes, (quis autem illis præfuerit, ex Annalibus non constat) Hispaniam versus delatæ sunt: & cum fortè illarum Præfectus in nouem onerarias, ex illarum numero quas vulgò Galeatias appellant, & tres rostratas naues Mauritani regis, cui nomen erat Boniacob, qui cum maximis terrestribus ac maritimis copiis Hispaniam ea tempestate mirum in modum diuexabat, in loco ab indigenis Bellenoce nuncupato, incidisset, statim illas summo impetu adortus, post longum atque atrox certamen profligauit, & mox descensione facta, terrestrem exercitum inuasit, eo quidem euentu, vt de hoste præclaram ac singularem victoriam retulerit: multa que præda & gloria onustus, Genuam reuersus est: vbi propter rem feliciter gestam, cum multo gratantium concursu actæ superis grates, & publici gaudij haud leuia signa passim edita fuerunt. Hoc itidem anno, cum nobiles profugi ac incertis sedibus vagantes, subinde in Rempub. aliquid noui molirentur, tota vallis Onelia, in quam plerumque sese recipere consueuerant, Auriis potissimum intimos quosque ac præcipuos amicorum ad defectionem sollicitantibus, ab ea desciiuit. Quæ vbi Genuæ cognita, Princeps ac Senatus nihil prius atque antiquius habuere, quam vt illorum conatus maturè coërcerentur. Igitur, coacto exercitu, Prætor mense Augusto aduersus contumaces ac rebelles amandatus: ad cuius aduentum ipsi animo consternati, ea valle ac eius munitionibus relictis, sese in finitima loca subdixerunt, adeò, vt breui post vniuersi ad pristinam fidem atque obsequium redirent. Et quoniam Antonius Auria primarius defectionis auctor & concitor extiterat, Genuæ omnia ipsius bona proscripta, & publico fisco ac ærario adjudicata fuerunt. Postero anno Resp. fuit sub eodè Principe, & Friderici Andrea, Castro Tusciæ municipio oriundi, præfectura; quo quidem tempore Ligures, ac etiam Veneti, à Scytharum Imperatore in vrbe Tanai ad ostium fluminis eiusdem nominis sita, plurimis & grauissimis incommodis atq. iniuriis affecti sunt, adeò vt omnibus bonis exuti ex ea regione expellerentur. Per idem temporis spatium non solum Genuæ, sed etiam in multis locis Ligusticæ ditionis multæ ac variæ proditioes detectæ, quarum præcipui auctores deprehensi, commercitis suppliciis pœnas luerunt. Initio subsecuti veris, Marcius Lucianus è Grimalda familia, qui vnà cum ceteris Reipub. aduersariis Monæcum possidebat, cum triremi egregiè instructa, piraticam exercēs, onerariam Danielis Cibo, quæ multis & magnis mercibus onusta, è Gallia Belgica redibat, occupauit, earumque pretium vltra septuaginta librarum millia æstimatum: pari successu, haud multo post,

*Genuensium
aduersus
Mauritanos
victoria.*

*Ligures ac
Veneti à Scy-
tharum rege
grauissimis
damnis af-
fecti.*

tò pòst, alterius cuiusdam nobilis Marini Liburnicam, quæ supra quindecim millia librarum æstimabatur, interceptit. Inter hæc, Scytharum rex cum ingenti exercitu ad vrbs Theodosiæ, sitæ in Euxini ora, & Genuensiu coloniae, obsidionem profectus est, eamque plurimis bellicis tormentis ac æneis machinis adortus, arctissima obsidione pressit. Ceterum, oppidani, post diutinam atque acerrimam defensionem, cum tandem desperatis auxiliis, & ad extremum redacti, nullum propugnationi locum sibi ulterius relinqui animaduverterent, liberationem ac salutem in sola virtute & brachiis reponentes, sub occulto noctis eruptione facta, hostem tunc palantem, & inopinato aggressi, ac vno eodemque tempore tedis ac facibus, quas secum gestabant, incensis machinis, in eos impressionem fecerunt, eo quidem succellu, vt licet non absque suorum cæde, circiter quinque millibus contrucidatis, & quamplurimis secum in captiuitatem abductis, omnia illorum castra dissipauerint, sic vt Barbari hac clade perculsi, & quia tempus anni bellis gerendis aduersabatur, ab ea expeditione quamprimum recedere coacti fuerint; eorumque rex, suum legatum, Torim nomine, Genuam misit, qui certis quibusdam conditionibus cum Senatu pacisceretur: simulque ablatarum facultatum restitutionem, seque illata incommoda & detrimenta resarciturum pollicebatur. Verum, haud multo pòst, pace temerata, summaque perfidia vsus, Genuensibus iterum sua bona & fortunas ademit, ac etiam complures eorum barbarica immanitate trucidauit, ita vt, subducta ratione, præter suorum miserandam necem, amplius ducentorum millium librarum iacturam fecerit. At Genuæ interim, S. C. sex triremes aduersus perduelles ac piratas instructæ, quarum imperium Hugolino Guisolfio demandatum, iussuque Præfecti res in plagam Orientalem, ac totidem Monæcum versus adpauigarunt, quæ vnā ex hostilibus triremibus captam, illam cum omnibus armentis (nam remiges, ac ceteri, qui ea deuehebantur, post acrem pugnam, sese mari comittentes, nando incolumes ad littus peruenere) Genuam perduxerunt. Eodem temporum tractu, cum patricij extorres, quorum præcipui erant Grimaldi, Spinulæ, Aurix, ac Elisci, popularem statum diutius ferre ac tolerare nequirent, omnes simul coniunctis animis associatisque viribus, in Buccanigræ perniciem ac exitium coniurauere; breuique, haud mediocribus equitum ac peditum auxiliis comparatis, incenibus castra admouerunt, eo animi decreto, vt illam expugnant. At Princeps, quò maturè sibi prospiceret, statim omnes populi Connestabiles (sic enim ea tempestate Decuriones vocabantur) ad se accersiri iussit, quibus, & aduersariorum conatus, & quibus viribus ac potentia inniteretur, ostendit, ac, præter cetera, subiunxit, quòd cum non minùs de sua, quàm de vniuersæ vrbs salute ac dignitate ageretur, secum diligenter cum suis animis reuoluerent, atque perpendere, quidnam in primis sibi agendum esset, seque ab eorum sententia ne latum quidem vnguem, quod aiunt, discessurum. Horum potior & maior pars, ad euitandos grauissimos tumultus & calamitates, quæ tum ab hoste imminere videbatur, censuit, vt ipse cum his nobilibus qui adhuc erant in vrbe, certis quibusdam formulis ac legibus transigeret, & de ipsius consensu quatuor ex eorum numero cum plena potestate electi ac designati, qui vnā cum ipso Principe de summa pacis agerent: breuique factum est, vt lenitis, conciliatisque animis, ad mutuam vñionem & concordiam redierint, ea quidem in primis condicione, vt ipsis nobilibus, restitutis bonis, in patriam remigrandi potestas fieret. Præterea, de Senatus consulto sancitum fuit, vt Principi in sua administratione atque regimine, duodecim ciues æquali isonomia inter vtrumque

ordinem distributi, qui auctoritate & prudentia conspicui essent, ceu consiliarij ac indiulsi comites adhiberentur, & hoc pacto exorti motus magna ex parte sedati, tametsi hostilis exercitus adhuc in circumuicinis locis subsisteret. Verum, paucis post diebus, nati ex nobili familia, hoc prospero successu elatiores facti, subinde nouis turbis ac molestiis Remp. diuexarunt, adeo ut Ducales ministri ac Procuratores, ab his, qui Clauarum & Rapallum incolabant, illinc expellerentur, simulque per idem tempus, ipsi suum exercitum denuo urbis mœnibus admoouerunt, præcipuis eorum enixe contendētibus, ut Buccanigra supremo magistratu deturbaretur. nec vlla ratione arma summittere, atque illinc recedere statuerant, nisi prius ipse suum militem exautorasset. His conditionibus cum suam dignitatem haud parum imminui ac eleuari cōspiceret, omnibus rationibus aduersatus est: totusq. anxius atq. consilij expers, illos, quorum fidei ac beneuolentiae plurimum tribuebat, consulere, ut quid sibi potissimum in tanta animi perplexitate facto opus esset, non obscure intelligeret. Tandem suorum familiarium persuasione inflexus, septingentos præsidarios milites, quos sibi hactenus tanquam satellites & custodes corporis adhibuerat, persoluto prius stipendio, dimisit, & decimo Cal. Ian. abdicato principatu, sese unà cum suis fratribus ac vniuersa familia, in Squarciaficorum ædes, quorum amicitiae haud parum fidebat, priuato similis recepit; subinde grauitè conquestus, se, propter nimiam confidentiam, à suis clientibus & amicis elusum ac deceptum: ibique haud sanè diu subsistens, cum ab his, quorum animos non parum à se abalienarat, sibi maxime metueret, tacitus vrbe excedens, Pisas nauigio cōcessit. Quod si eo tempore in tuendo Principatu tam fortis & animosus extitisset, quàm solers ac prouidus in eo adipiscendo fuerat; haud dubiè sibi maiorem laudis gloriam comparasset, neque vllum pœnitentiæ locum reliquisset. Ceterum, suo etiam exemplo testari voluit, breuibus momentis summa verti posse, omniaque vel præcipua in humanis rebus, mutationi esse obnoxia, ut appareat, quemadmodum urbium, imperiorumque, ita gentium & principum virorum nunc florere fortunam, nunc senescere, & aliquando etiam interire. Exitu anni, quindecim Christianorum triremes, quarum sex Venetorum erant, quinq. Genuensium, & reliquæ Romani Pont., duce Martino Zacharia Smyrnas inferiores ex manibus Sarracenorum abstulere, ac per idem ferme tempus, Castellæ rex, contra Mauritanos feliciter dimicans, illos, præter ceteras clades inflictas, vrbe, cui nomen Zizera, multauit, suoque imperio adiecit. Exordio subsequētis, priusquam nouus Princeps designaretur, Patrum decreto, duo patricij ordinis renuntiati sunt, qui enixe operam darent, ut nobiles, qui erant extra ciuitatem, inermes domum redirent. Ceterum, Galeotus Spinula cohortium Præfectus, vbi primum de Principis discessu certior factus est, pacis conditionibus neglectis ac violatis, urbem adoriri statuit, primoq. impetu portam, vulgò Campi, acriter oppugnauit: quod sanè vniuersos, præsertim verò plebem, subito ad arma concitauit. Hæc enim dirum fremens, ac indignabunda, populi nomine sapius in clamato, sese illius cœptis atque conatibus intrepidè ac fortiter opposuit, eoque tandem illinc repulso, ciuitas, ob vulgi conceptam indignationem, multo maiori quàm prius, tumultu & seditione conflictabatur. nec citra plurimorum cladem atque interitum sedari vnquam potuisset, nisi mox Reipub. statu emendato, quàm maturrimè his grauissimis motibus occursum esset. Vigeat ea tempestate inter ceteros patricij ordinis, Ioannes Morta, vir eximia prudentia, reliquisque animi & corporis dotibus insignis, qui propter suas egregias virtutes, nobilibus iuxta ac populari-

*Buccanigra
se se abdicat
Principatu*

1345.

pularibus gratus acceptusque erat, & ab omnibus passim colebatur, adeo certe, ut nemo ferè esset in ciuitate, quin tacitis votis atque suffragiis, illum quouis honore, ac titulo dignissimum censeret. Itaque coacto Senatu, & comitiis, ut moris est, habitis, de vnanimi consensu in æde D. Laurentij, in quam ipsi Patres conuenerat, octauo Cal. Ian. Princeps declaratus, eiq. sollenni cærimonia Ducale sceptrum, ceteraque Principis decora & insignia publicè exhibita fuerunt. Hoc Senatus decreto, si reliqui nobiles, qui nondum in patriam redierant, placari ac mitigari potuissent, facilè Resp. suam pristinam tranquillitatem atque otium cum magno suo beneficio recuperasset. Verumenimverò cum Spinula, qui sese in suburbiis & conterminis montibus valido præsidio communiuerat, nunquam cum suis copiis ex locis finitimis recessisset, nihil non turbidum, & inquietum cernebatur, adeo, me herclè, ut præter reliquos, patricij ordinis viri in multò deteriore statu & conditionem, quàm antea, prolapsi fuerint. Quandoquidem paucos post dies, cum Sauonæ denuò popularibus dissidiis & contentionibus, omnia susque deque inuoluerentur, etià Genuæ nouæ turbæ ac motus exarsere, qui, ob grauissimam suspicionem à plebe conceptam in eos, qui adhuc extra urbem degentes, nullas pacis condiciones admissuri videbantur, indies magis atque magis ingrauescebant; eaque, ingenti seditione excitata, promiscuè in omnes quos generis vetustas commendabat, ad arma conclamauit, primoque impetu in ædes Squarciaficorum facto, plerasque illarum ferro atque incendio deuastauit: & mox pari furore ac vesania in eas, quæ in foro, vulgò Vinearum, sitæ erant, grassata. Cum verò illius temerariis conatibus nonnulli supremæ nobilitatis viri sese acriter opposuissent, non sine aliqua suorum clade repulsi sunt; ita mediusfidius, ut effrenis, ac tumultuosa, per compita & ciuitatis regiones, debacchantium more, ac populi nomine, sublato clamore, sæpiùs ingeminato, hinc inde excurrens, omnia summis tumultibus ac periculis immisceret. Princeps, ut exortum incendiū aliqua ex parte restingeret, operæpretium fore duxit, ut quāprimū omnes patricios Senatorij ordinis, qui erant in vrbe, sua dignitate exueret: eaque re exorti motus nonnihil sedati, cum præsertim summa vigilantia atque industria omnium nobilium arma conquisita essent, & ab illorum manibus quodammodò extorta. Et hoc pacto Spinula, dum pacis condiciones contemnit & auersatur, quæ maiori ex parte in hoc potissimū consistebant, ut ipse cum omnibus suis fœderatis, milite exautorato, inermis urbem ingrederetur: & sibi, & suis omnibus extremam perniciem ac exitium peperit. Quippe, cognito inconstantis ac seditiosæ plebis ingenio, multò satius extitisset, si temporibus inseruiens, illam demulcere ac lenire, quàm nouis iniuriis irritare ac laceßere studuisset. Populares interea, metu domestici hostis liberati, nihil reliqui ad summam diligentiam fecerunt, quo minùs etiam sese ab eorum, qui euocato milite, ac trium vallium indigenarum præsidio suas vires adauxerant, suspicione ac periculo subtraherent. Quocirca, omnibus rebus ad terrestrem pugnam & rem naualem diligenter expeditis ac præparatis, confestim suos aduersarios inuadere constituerunt, & decimonono Cal. Febr. de improviso ex omnibus partibus eruptione facta, datoque signo prælii, eos acri impetu adorti sunt: eaque res hunc exitum habuit, ut, post insignem cladem inflictam, illos statim suburbanata cæta, in quibus sese præmunierant, deferere, ac in finitimorum montium propugnacula & aggeres, cum reliquis qui ibi castrametati fuerant, profugere coegerint. & vtrunque acie militari more instructa, omninò funestissima bella inter Guelfos & Gibellinos, tamquam postliminiò renouata esse videbantur. At

Ioannes
Morta Dux
Genuens.

*Bellum inter
nobiles ac
populares.*

populares, quibus decretum erat, numquam prorsus arma exuere, nisi prius hostem illinc profligassent, iterum paucorum dierum interiectu, eundem cum haud spernendis viribus inuaserunt:isque à suis munitionibus protectus, & loci æquitate superior, non modò aduersariorum impetum fortiter sustinuit, verum etiam insigni victoria; licet haud sanè incruenta, cum in eo certamine, præter alios complures, etiam Sarra Spinula strenuissimè dimicans, occubuerit; potitus est. Huius rei tam prosperè ac feliciter gestæ occasione, si victores, sicuti illis tum integrum erat, opportunè vñ essent, facili negotio urbem in suam potestatem redeissent. Verum, tantum abest, ut hoc ab eis attentatum fuerit, ut etiam (qua de causa equidem ignoro, diuinitus tamen, ac singulari totius ciuitatis beneficio id euenisse, haud dubiè affirmari potest) in medio rerum bene gerendarum cursu relicta priori statione, & circumiacentibus locis, ab ea expeditione præter omnium spem recesserint, seque in sua prædia & colonias subduxerint. In hoc rerum cursu, Antonius Auria subinde cum aliquot nauigiis Albingaunum, & pleraque oræ maritimæ loca variis excursionibus ac deprædationibus infestabat; quod sanè Principis animum valdè anxium & sollicitum habebat, eaque de causa vbi primùm ciuitatem, adeoque omne Ligusticum solum terrestribus copiis liberatum animaduertit, ad Aurianam audaciam & conatus inhibendos, summo studio ac celeritate nonnullas triremes præparari ac instrui iussit, in quibus validum præsidium, & præsertim sagittariorum, impositum, atque illud contra hostes educit, ad cuius aduentum Auria non parum exterritus, cum se viribus & manipulorum numero minus præstare animaduertet, sese, nec citra aliquod detrimentum, in proxima loca subduxit, adeò ut maior pars Occidui littoris pristinam fidem atque officium erga Remp. resumpserit, & obsequium cum securitate, quàm contumaciam cum pernecie maluerit. Interea, licet hostis haud multò post, redintegratis viribus, denuò cum sua classe Ligusticæ oræ tractum diuexare inciperet, cum tamen per idem tempus aduersus illum duodecim triremes Guiscardi Lancei Bergamo oriundi, qui eo tempore Præturam gerebat, auspiciis, Genua emitterentur, ipse protinus, omni pugnæ ansa & periculo deuotato, liberam cunctis nauigationem reliquit. Iisdem quoque diebus, opera eiusdem Præfecti, viri summa virtute rei que bellicæ gloria florentis, Onelia, & Portus Mauritius recepti: breuique spatio interiecto, Auria, qui sese in Cerui castrum receperat, certis quibusdam conditionibus deditioe facta, cum Principe ac Senatu in gratiam rediit. Hæc urbana dissidia & interna prælia, ob Reip. potentiam nominisque splendorem atque amplitudinem, totius Christiani orbis Principes, in primis verò Romanum Pont., mirum in modum commouerunt: eoque factum est, ut Patavinum Antistitem, sacri collegij purpuratum, Genuam mitteret, qui ad mensem ibi subsistens, nihil omninò prætermisit, quod quidem ad animorum redintegrationem & mutuam pacem atq. concordiam pertinere intelligeret; eaque res huiusmodi tandem exitum habuit, ut post inducias decimo Cal. Iulij vtrunque transactas, de mutuo consensu Luchinum Vicecomitem, Mediolanensem Principem, omnium controuersiarum iudicem atque arbitrum designarent, eiusque rei perficiendæ causa legatus Pontificius Mediolanum perrexit; & Insuber, mense Iunio sententiam tulit, cuius condiciones fuere, ut omnes patricij ordinis, exceptis Galeoto, Gerardo, eorumque nepotibus, & Frederico à Spinula familia, nec non Carolo & Antonio Grimaldo cum suis nepotibus, & Nicolao Raphaële ac Thoma Flisco, ceteris omnibus inquietioribus, magisque suspectis, suis laribus ac pristinis fortunis, & facultatibus restituerentur,

*Sententia in
dissensione
inter patricios & populares
Genuens. per
Luchinum
Mediolanensem
Principem
lata.*

rentur, vt Respub. in eodem statu, & gubernationis forma, vti prius, confisteret, proque harum rerum obseruatione, Insuber sese sponforem constituit, adeò vt, his rebus peractis, ciuiles similitudines atque odia maiori ex parte conquiescerent, & soli Grimaldi, qui Monæcum, & arcem Brunam occupant, quique ab his conditionibus pacis, vti commonstrauimus, excluderentur, nouas turbas ex illis locis excitabant, ac reliquis, qui à Senatu proscripti, huc illuc incertis sedibus vagabantur, sibi aggregatis, indies nouis contumeliis atque incommodis Rempub. inquietabant, ita vt progressu temporis, terrestribus & maritimis viribus adaucti, atque apertum bellum patriæ inferentes, tandem triginta triremium classe instructa, atque amplius nouem millibus armatorum comparatis, cum toto exercitu ad urbem contenderint. At proximo anno, Genua ^{1346.} vbi de hostilibus consiliis innotuit, quò facilius atque commodius sese illis opponerent, de vnanimi consensu ac voluntate quatuor ciues populares designati, quorum prima & potissima cura esset, ea omnia sedulo procurare, quæ ad bellum gerendum opportuna & necessaria forent: hisque primò nihil fuit antiquius, quam vt rationem expediendæ pecuniæ, in qua belli neruus haud dubiè consistit, adinuenirent; quandoquidem ob sæuas atque horribiles factiones, & crudeliss. bella, quibus Resp. diu immaniter iactata fuerat, ærarium maiori ex parte exhaustum ac exinanitum erat; nec vllò modo par erat tam publico, quam priuato æri alieno persoluendo, indeque præclarissima illa & nunquam satis laudata, Georgiani Magistratus, de quo in fine operis fusiùs dissetur, inuentio, principium atque originem habuit. Proinde, nulla mora interposita, Principis auctoritate ac Senatus decretis, vnde triginta triremes armis, viris, remige ac bellicis tormentis exornatæ, ac Simon Vignosius (hæc familia, nunc mutato nomine, transit in Francos) vir popularium partium, & per multos annos militum atque hostium gnarus, gerendæ rei præficitur. Harum verò singulæ ad ducentos milites, ferme omnes sagittarios, deuehebant. Priusquam autem nauarchus ad eam militiam sese accingeret, ac rem naualem expediret, illi à Principe in foro, vulgò D. Laurentij, magna quadam & sollennicærimonia xi. Cal. Febr. vexillum Georgianum traditum fuit, qui deinde rebus omnibus ritè dispositis ac præparatis, fausta omnium acclamatione è portu soluens, Monæcum versus enauigauit; de cuius aduentu perduelles certiores facti, commutato navigationis cursu, in Galliam Narbonensem vela & remos cõuerterunt. Iisdem temporibus inter Philippum vi. Gallie, ac Eduardum Britannie reges, atrocissimum & cruentissimum bellum gerebatur, adeò vt cum Gallis triremium vsus ea tempestate sibi valde utilis atq. opportunus esset, simulque Genuensium in rebus militaribus virtutem ac fortitudinem optimè compertâ ac exploratam haberet, ab illis, peramplo stipendio ac mercede oblata, suam operam requisierint, atque etiam obtinuerint. At Vignosius, neutiquam sibi tunc temporis ulterius progrediendum ratus, Genuam classem reduxit, eamque nondum exarmatam, haud multò post, mutuis Patrû suffragiis ad eorum locorum, quæ adhuc in partibus Orientalibus Ligusticum imperium agnoscebant, defensionem ac tutelam, sub eiusdem præfecti gubernatione atque regimine mitti placuit. Is verò, cum omnibus rebus ad tam longinquam profectionem instructus, quarto Non. Maij Terracinam, olim Anxurem, cum classe incolumis appulisset, eaque à Nicolao Fundi Comite, arctissima obsidione premeretur, oppidani, quos non latebat, inter Ligures, & ipsum Comitum, graues inimicitias fuisse, confestim Genuensis Reip. vexilla erexerunt, simulque ad Præfectum misere, qui eius ope implorata, illi urbem suamque omnia

Georgianus
Magistratus.

Simon Vignosius
Ligustica classis
Præfectus.

Terracinen-
ses sub Ciden-
tens. potestate.

ultrò

vltrò offerrent. Is, statim descensione facta, militeque in continentem exposito, summo impetu hostem inuasit; eoque tandem adegit, vt, soluta obsidione, sese illinc subduxerit, atque ita vrbs, omni metu ac periculo erepta, Genuensium ditioni cessit. Nauarchus, hac fortunæ eblandientis aura, Dⁱ. Michaelis cœnobiū, & duas munitiones ab hoste occupatas, facili negotio recepit. Post hæc, Gaetam versus nauigatione directâ, & Carilianum flumen ingressus, multas turres ac propugnacula disiecit; & mox vlterius procedens, Traietum oppidum cum plerisque aliis castellis minoris notæ ac nominis, vi expugnauit; & Sueflam, urbem Volscorum celebrem, quam præfatus Comes, Ioannæ Apuliæ reginæ ademerat, in pristinam libertatem restituit; simulque duas ipsius triremes, quæ prædabundæ, Ligusticæ oræ tractum inquietabant, interceptæ, in quibus, præter ceteros, quidam Genuens. ex suprema nobilitate, pirata admodum insignis, captus est, qui patriam grauissimis incommodis affecerat: (quò nomine is appellatus fuerit, & qua familia genitus, in incerto est, cùm Annales vtrumque omiserint) & deinde in ipsum in portu Neapolis, iussu ipsius Præfecti, extremo supplicio animaduersum. Et quoniam inter ipsam Ioannam, & Ligures, nonnullæ simultates atque dissidia intercesserant, nullus classiarius in terram descendere ausus, quin etiam omnibus Genuensibus, qui eo tempore cum Neapoli, tum in aliis partibus eius regni subsistebant, graui edicto iniunctum fuit, vt infra quadraginta dierum spatium quisque illinc recederet, ac reginæ publico nomine comminationes factæ, omniaque hostilia indicta, nisi Albintimilium à se occupatū, Reip. quamprimū restitueret. His rebus non minùs properè, quàm feliciter peractis, nauarchus inchoatam nauigationem prosequutus, exiguo temporis spatio, prosperis ventis afflantibus, ad Eubœam Ægei maris insulam peruenit: ibique cū in sex ac viginti nauium classem, quarum maxima pars Venetorum erant, reliquæ verò equitum Rhodiensium, quibus omnibus præerat Ingibertus Delfinus, Vienna oriundus, incidisset, Delfinusque oratione primò, ac precibus, deinde magnifico promisso anniuersarij vectigalis decem millium aureorum nūmū, Simonem reuocare cōtendisset ab incepto celebris nominis insulæ Chij, quam vnà cum Smyrna, Asiæ vrbe, Michael Palæologus Genuensi populo donarat; dein, temporis decursu, propter mutua Genuensium dissidia, Græciæ regulus, qui hanc ad se pertinere multis rationibus contendebat, aliorum Principū ope ac patrociniū adiutus, illam sibi vsurparat, armis repetendæ, cuius insulæ, cōmerciis tam opportunæ, ipse, quamquā alia in speciem præferens, (sunt etiam qui tradāt, hunc, à Venetis clām plurima largitione magnisq. pollicitis allecctum, in eam expeditionem subornatum fuisse, vt hoc pacto, sub externo scilicet præfecto, sua consilia multò facilius occultarent) inhianti cupiditate imminebat: Simon fœdæ rei mentionem auribus aspernatus, ac instituto itinere pergens, ad eā insulam celerius, quàm aduersarij, cum sua classe perrexit. At Delfinus de secundo rerum successu sibi prorsus diffidens, aliò nauigationis cursu inflexo, ab ea prouincia superfedit; quod quidem Vignosio multò liberiores expugnandæ vrbs commoditatem præbuit, ita sanè, vt summis viribus eam adortus, tandem post longam & difficilem oppugnationem, vrbe, atque adeò vniuersa insula cū insigni sui nominis gloria, & immortalī suæ patriæ beneficio potitus fuerit: breuique post, paribus fortunæ auspiciis, vtramque Phocæam, quæ Ionix vrbes, Foliæ nouæ ac veteres, vulgò appellantur, cum illarum munitionibus & propugnaculis, Ligustico nomini atque imperio adiunxit. Quibus rebus prosperè terminatis, etiam Tenedi ac Mitylenæ insulas oppugnate instituerat. Ceterum

*Vrbs atque
insula Chius
à Genuens.
expugnata,
& insularis
in Genuens.
ciuium ordi-
nem coopra-
ti.
Foliæ nouæ
ac veteres
Genuens.
Imperio ad-
iunctæ.*

terum, quo minus eam expeditionem suscepit, naualium turmarum seditione impeditus est. quippe quæ nullis persuasionibus induci potuere, ut eo tempore ulterius progredi vellent, adeo ut conuersa navigatione in Chium redire compelleretur; moxque pacatis naucleris atq. remigibus, cum iam æstate deuexa & præcipitata, tempus gerendis bellis minus aptum atq. idoneum esset, ipse, multa gloria & diuiti præda onustus, mense Decembri Genuam reuersus est. Fuit proculdubio Vignosius his laudibus ac virtutibus ornatus, ut merito summis ac excellentissimis quibusque viris æquiparandus sit. Nec solum res bellicæ, ac rerum gestarum magnitudo illius nomen apud posteros illustrauit, verum etiam non minorem à iustitia, continentia & probitate laudis gloriam promeruit. Quam verò diligens bellicæ disciplinæ obseruator extiterit, eaque in re, ut in plerisque aliis, haud immerito cum ipsis veteribus comparandus, ex hoc facillime conici potest: Cū vrbe Chio, uti diximus, potitus, ingressum in ciuium prædia militibus edicto interdixisset, ac vnicus filius, Franciscus nomine, qui nondum ex ephæbis excesserat, paterna indulgentia sese aduersus edicti seueritatē satis munitum ratus, & cuiusdam ciuis fundum temerè ac per lasciuiam ingressus, nonnullos vuae racemos secum asportasset, ab indigenis, quibus erat incognitus, deprehensus est, & ad Præfectum adductus. Etsi verò, vbi primùm eius filium esse intellexerunt, ipsi, vnà cum primoribus totius exercitus apud eum multis ac demissis verbis instarent, ut hoc teneræ ætati condonaret, nullius tamen precibus locum reliquit; sed statim illum, racemis collo ad maiorem ignominia notam suspensis, palam virgis cædi, totaque vrbe circumduci iussit, memorabili sanè, ac rigidi & inuicti animi exemplo, omnemque paterni amoris sensum in Ducum imperiis, militarique disciplina & obedientia sancienda superantis, adeo ut quemadmodum populus Genuensis olim suos Hannibales, Scipiones, Pompeios, ac Cæsares habuit; ita etiam illi sui Cottæ, Posthumij, & Torquati, haud quaquam defuerint, quibus merito gloriari possit, ac debeat. Suprà enarratum est, profugos Genuenses, qui patriæ bellum inferebant, sese ad Ligusticæ classis aduentus famam, in Galliam Narbonensem recepisse, ac per idem tempus, à rege Gallia tunc grauissimo bello, quod sibi cum Britanno intercedebat, implicito, accersitos, ut etiam eorū opera vteretur. Quæ autem huius atrocissimi & furentissimi belli præcipua causa, quæ illius progressus ac euentus extiterit, præter ceteros scriptores, Paulus Æmilius & Polydorus Virgilius, præclarissimi suæ ætatis scriptores ac historici, satis disertè & luculenter in suis monumentis memoria ac posteris prodiderunt. Ipse quidem Eduardus, cum Eduardo filio adolescentulo in Normaniam transfmisit, anno huius sæculi sexto & quadragesimo Cal. Quintilibus, florem, roburque ac dignitatem totius Angliæ, atque Hiberniæ secum in armis ducens. Sunt qui tradant, illum cum amplius mille nauium classe in hostile solum descensionem fecisse. Galliarum rex, ultra domesticas copias, externa quoque auxilia accersuerat, ita ut illi ex peregrinis ac exteris gentibus Ioannes rex Bohemiæ & Carolus eius filius, eisdem fermè diebus, à Germanis Proceribus, repudiato Bauaro, Cæsar delectus, cum aliquot turmis, Rodolphus Lotaringus Dux cum trecentis, Sabaudia Comes cum mille equitibus, ac etiam Carolus Lucemburgensis cum aliqua nobilitatis manu, iuxtaque Ligurum sagittariorum duodecim millia mercede ab eo conducti, subsidio adfuerint. In Pontiuensi Comitatu ad Cresciacum decimo Cal. Sept. vtrunque aperto Marte ac diu ancipiti prælio dimicatum, donec tandem fortuna ad Anglos, non sine ingenti Gallorum cæde ac strage, cum eorum, præter vulneratos & captiuos, ad triginta millia, in quibus

*Singularis
laus & com-
mendatio
Simonis Vi-
gnosij.*

in mille

mille ducentos equites ex præcipua nobilitate annumerant, desiderati esse dicantur, inclinauerit. Ferunt, Ligures sagittarios, cum viderent plurimum imbrē, arcuum nervos emolliuisse atque laxasse, & repentē tanquam numen ab hoste stare, ex turbida minaciūque tempestate liquidissimam lucem refulgēre, nec non libero alacriūque hostium ore nitidissimum solem, Gallorum oculos perfringere, nihil boni animo auguratos esse, ac propterea suasisse, ut aliquantisper præliū differretur. Ceterum, ipsos à Carolo Alenconij Comite, regis fratre, cæca pugnandi cupiditate rabieque incenso, grauib. probris & conuiciis increpitos fuisse, ac etiam in primo agmine, tametsi dum acies disponitur, in extremo collocati essent, vnā cum cetero peditatu dimicare compulso, adeo, ut cum propter causas prædictas sagittis commodē uti nequirent, cumque etiam ob iram & indignationem ex contumeliis, quibus ab Alenconio subinde impetebantur, conceptam, arcuum nervos interciderent, exiguam operam regi, qui multum præsidij ac fiduciæ in ipsis reposuerat, præstiterint, & plerique illorum, potius Gallico equitatu attriti, quā ut ab hoste læderentur, cecidēre. Genuæ interim, ab hoc

1347. tempore, vsque ad annum quinquagesimum eiusdem sæculi, omnia, quoad ciuium concordiam & pacem spectat, in maxima tranquillitate atque otio constituerunt. Sed quo minus illius fructus nec publicē, nec priuatim diu percipi potuerit, grauissima vis pestilentiae effecit, qua eius æui annus octauus & quadragesimus fœda contagione insignitus fuit. Nec modò Genuam, & Ligusticæ oræ tractum tabifica lues inuasit, sed etiam vniuersam propè Italiani supra modum di-

1348.

Pestis per vniuersam Italianam.

uexauit, omneque mortaliū genus in summa cæli intemperie depopulabatur. Domus corporibus exanimis, itinera funeribus complebantur. Non sexus, non ætas periculo vacua. Seruitia perinde ac ingenua plebes raptim extingui, inter coniugum & liberorum lamenta: qui dum assident, dum desident, sæpe eodem rogo cremabantur. Equitum Senatorumque ac principum virorum interitus promiscui, sic sanè ut per multos annorum ambitus, nunquam vllibi gentium atrocius grassata fuerit.

1349.

1350.

Inter hæc, anno supra millesimum trecentesium quinquagesimo, Ioanne Morta viro præstantissimo, deque patria optimè merito, è viuis, cum ingenti omnium mærore ac lacrymis, subtracto, propter noui Principis creationem denuò consueta dissidia & simultates recruderunt. Hanc supremam dignitatem, præter cæteros, Luchinus Facius, vir popularis, excelsique animi, & apud plebem summæ auctoritatis, nec non Spinulis quammaximè carus atque acceptus, flagrantissimo animi studio ambiebat, eaque de causa supra duo lectissimorum virorum millia in armis coegerat. Huic contrà, demortui Principis propinqui ac familiares, summoperè aduersabantur, quippè qui omnes in eius filiū enixè propendebant, summaque ope annitebantur, ut patri in supremo magistratu succederet, adeo ut propter huiusmodi iurgia & mutuas altercationes, Respub. tunc temporis denuò in maxima rerum omnium perturbatione versaretur. Nam plerique ciues, cum ex illorum numero, quos generis claritudo & maiorum imagines exornarant, tum etiam popularium partium publicæ quietis amantes, Luchini fastum atque animi impotentiam haud parum omnino formidabant. E diuerso, neutiquam Reipub. expedire arbitrabantur, ut præcipui honoris amplitudo successione obtineretur. Hæc sententiarum varietas, animorumque distractio, Ioanni Valentio, viro singulari prudentia, neutrique parti adherenti, & cui publico bono nihil erat antiquius, ad Principatum consequendum, haud sanè mediocri adiumento extitit, ita ut maior pars tacitis votis ac studiis,

diis, illum ad huius loci sublimitatem atque fastigium prouectum ardentissime exoptaret. Igitur v. Idus Ian. in aede Laurentio sacra conuocatis P. & comitiis de more habitis, omnium ordinum consensu Princeps renuntiatus est; & mox à ceteris æmulis & competitoribus arma deposita, ipsaque Respub. in pristinā quietem ac dignitatem restituta, cum præsertim publico edicto seuerè cautum fuerit, ut publica munia & magistratus inter vtrumque ordinem ex æquo partirentur. Interea temporis, inter Ligures ac Venetos, atrocissima bella repullularunt, quæ diu ambiguo euentu, magnaque mole vtrumque gesta fuere, donec tandem victoria à partibus Genuens. staret: sicuti hæc omnia suis locis cum eorum causa & successibus speciatim, Deo auspice, enarrabuntur. Dum verò Respub. his grauissimis ac periculosissimis bellis varia fortuna sub Valentij Principata gestis, indies magis magisque distineretur, ciuitas, quod sese multis præclarissimis viris, partim in superioribus præliis, partim etiam in recenti victoria, fortiter pugnando, interemptis, orbatam animaduerneret, in extremis angustis & calamitatibus obuersabatur. His etiam accedebat, quod propter immensos & incredibiles sumptus quos & priuatim & publicè pro classe toties instaurata impenderant, obque ciuilia & intestina bella, quibus atrociter multum diuque iactata fuerat, publicum ærarium vehementer exhaustum atque attenuatum erat. Præterea, Guelfi ac Gibellini nominis funestissimæ factiones denuò per id tempus feruescere ac recrudescere inceperant, ipsique patricij indies ægerrimè ferebant, quod sese principali honore priuatos conspicerent. At populus è contrariò, summoperè conquerebatur, hæc externa bella cum tanto nauali apparatu, dumtaxat patriciorum causa, quò videlicet suas cupiditates & animi libidinem explerent, simulque ob emolumentum & vtilitatem, quæ inde ad eos emanaret, suscipi ac foueri, adeò sanè ut in ipsa vrbe nihil omnino aliud, præter assiduas querimonias tristisque voces subinde exaudiretur: eoque fiebat, ut non mediocris esset circa Reip. administrationem sententiarum varietas, plerisque censentibus quàm maximè expedire, ut quàm primùm in ea, noua Reip. emendatæ forma introduceretur, & quibusdam aliis multò magis conducere videbatur, ut ipsa Respub. iterum sub alicuius magni ac præpotentis Principis imperium deuolueretur. Quam quidem sententiam Ioannes Vicecomes, Antistes ac Mediolanensiu Princeps, per suos ministros Genuæ subsistentes, omnibus artibus & rationibus promouebat. cumq. maior ac potior pars huic manibus pedibusq. assentiretur, de cōmuni consensu ad eum oratores mitti placuit, qui Reip. omnemque Ligusticam ditionem eius tutelæ atque imperio certis quibusdam conditionibus traderent atque permitterent. Insuher, qui diu antea nihil magis in votis habuerat, legatione audita, continuo Gulielmum Palauicinum titulo Marchionem, ac virum nō modò à natalium splendore, verumetiam à singulari ingenio & prudentia insigniter commendatum, Genuam, ut suo nomine vrbis regimen susceperet, ibique suum legatum ageret, destinauit: cui mox sollenni quadam cærimonia cum magno totius Senatus & vrbanæ multitudinis consensu atque applausu, Reipub. administratio commissa & attributa est. Eodemque temporis articulo, Ioannes Valentius, postquam triennio cum egregia sui nominis laude, nec minori Patriæ felicitate rebus gerendis præfuiſſet, sese, tanquam priuatus, in suas ædes recepit. Incidit hæc Reipub. conuersio in annum eius sæculi quinquagesimum tertium. Transacto biennio, Veneti ac Ligures diuturnis & cruentissimis bellis defatigati, tandem de vnanimi voluntate pacis formulas ac leges vtrumque pepigerunt: hæque ab hoc tempore, vsque in annum eiusdem

Ioannes Valentius Princeps designatus.

Bellum inter Venetos ac Ligures instauratum.



Genua sub Principum Mediolanens. domino.

1353.

Pax inter Venet. & Ligures.

1355. xui sextum & septuagesimum, integræ ac inuiolatæ permanserunt. Rep. à Veneto bello vrbaniſq. ſeditionibus paululùm reſpirante, anno eius xui quinquageſimo quinto, aliquot Ligutiæ triremes in ſubſidium Calloioannis Græci Imperatoris cum Genuenſ. confœderati, aduerſus Cantacufenum, qui magnam imperij partem illi abſtulerat, Byzantium tranſmiſſæ. in qua ſanè expeditione, præter ceteros, Franciſci Cataluſij præclara virtus atque animi fortitudo ſupra modum enituit, adcò vt apud Cæſarem, propter ipſius egregia merita, maximum auctoritatis & potentia locum obtinuerit, maritimis rebus cum ſummo imperio præfectus, eiufq. præter reliquam ipſi Auguſto in multis locis nauatam operam, conſilio, virtute, cura & vigilantia, Cantacufeni conatus ingentibus ac periculofis initiis res nouantis, ſunt compreſſi. Quod egregium promeritum ampliffimo præmio remunerans Cæſar, Franciſci memoriam, ac gentis Cataluſiæ nomen opulentæ celebriſq. nominis inſulæ Leſbi, vrbisq. Mitylenes ditione nobilitauit, ac ſororem illi in matrimonium dedit. Tali rerum ſtatu, cum ſubinde Ligures, pro mercimoniis, quæ in partibus ad Orientem vergentibus habebant, tutela atque ſecuritate, pleraque nauigia optimè inſtructa educent, Philippus Auria non minùs ſuorum maiorum titulis, quàm propriis meritis ac virtute illuſtris, cum quindecim, ſiue, vt aliis placet, viginti triremibus perbellè inſtructis, in Africam minorè delatus, Tripolim, vetuſtiſſimã & inſignem urbem, in Libyæ ora ſitam, vnde propter innumeros piratas illam incolentes, plurima & grauiffima damna negotiatoribus inferebantur, poſt acrem & difficilem obſidionem, vi expugnauit atque diripuit, ingensq. auri pondus ex ſpoliis redactum, & magnum captiuorum numerum Genuam abduxit. Quo ſanè, publicum ærarium, ob ſuperiorum temporum perpeſſas calamitates, valdè, vt diximus, exhaustum atque imminutum, magna ex parte ſubleuatum eſt. Priuſquam verò ad alia progrediar, libet hîc ſubiicere, quæ Ioannes Leo Africanus de hac vrbe lib. v. memoriæ tradidit. Tripolis, inquit, à Romanis extructa, deinde à Gothiſ, poſtremò à Mahumetanis eo tempore fuit occupata, quo Homar Califa ſecundus imperauit. Hi, poſtquam Tripolitanum ducem per ſex menſes obſediſſent, tandem Carthagineſ fugere coëgerunt. Incolæ partim interfecti, partim in Ægyptum atque Arabiam capti, fuerunt abducti, teſte Ibnu Rachich apud Afros hîſtoriographo celeberrimo. Poſt excidium antiquæ Tripolis condita eſt altera, eodem nomine appellata: Hæc muris altiffimis atque elegantiffimis, quamquam non admodum multis, cingitur, in campo quodam arenoſo ſita eſt, in quo dactylorum ſatis bona prouenit copia. Huius domus ad Tuncti domos collatæ, elegantiffimæ ſunt: deinde & hîc artes ſuis omnes ſunt locis diſtinctæ. Magna hîc reperitur textorum copia. Nullus hic puteus, nulluſq. omninò fons eſt: aquam omnes è cîſternis quibuſdam petunt. Magna hîc ſemper frumenti caritas. Omnis enim Tripolis agri, perinde atque Numidiæ, arenoſi ſunt atque aridi. Huius rei ratio eſt, quòd qui pinguiorẽ huius regionis eſſent agri, frequentiffimis maris vndis teguntur. Huius regionis indigenæ, maximam hodie agrorum partem in Septentrione à mari occupatam dicunt, quod & facile in regionibus Monafter, Magdia, Affacos, Capes, atque in Lotophagiti inſula cognoſci poteſt, necnon in aliis quoque partibus Orientalibus, vbi ad miliare vnum, aut alterum, mare ingreſſis, vix aqua ad vmbilicum pertingit. Neque deſunt, qui eam ciuitatem magis in Septentrione poſitam fuiſſe opinentur; verùm crebris indies maris inundationibus, paulatim Meridiem verſus ædificatam fuiſſe. cuius rei teſtimonium præbent integra adhuc quibuſdam locis ædificiorum

Franciſcus
Cataluſius
gener Imper.
Conſtanti-
nopolitani,
& Mityleneſis
D.

Tripolis à
Philippo
Auria expu-
gnata.

Tripoliſe-
gens deſcri-
ptio.

ficiorum monumenta, quæ maris fluctibus demersa sunt. Frequentissima hic exstructa fuerunt templa atque collegia: Xenodochium habuit, quod pauperes, ac ceteros recipiebat: parcissimè victitant. Besis tantum & hordeaceo vescuntur: In hac enim regione vel minimum prouenit hordei, adeò ut ditissimus hic censetur, qui vnum, aut alterum possidet frumenti modium, mercaturam tamen ferè exercent omnes. Est enim ea ciuitas Numidiæ atque Tuncto vicina, neque inde Alexandriam vsque, vllum aliud reperitur oppidum: non etiam procul à Sicilia atque Malta abest. solentque quotannis ad eorum portum Venetorum naues confluere, maximamque eò aduehere mercium copiam. Semper Tuncti regis imperio paruerunt. Eo autem tempore, quo Abulhasen Fessæ rex Tunctum obsedit, regem cum Arabibus ad desertum fugere coëgit. Deinde victo Abulhaseno, Tuncti rex in regnum rediit: tum se ciues regi opponere cœperunt: fuitque illorum Respub. maximis semper dissidiis bellisque intestinis vexata. Quod vbi Fessæ rex intellexisset, quinto belli ciuilis anno rursus cum exercitu Tunctum profectus est, ipsum regem prælio superatum, atque Constantinam fugatum tam acriter obsedit, ut Constantienses, cum se Fessæ regis vim non posse ferre viderent, cum omni exercitu intromiserint. Tuncti rex Fessam captiuus primò adducitur, deinde in Septæ arce aliquamdiu asseruatus est. Interea autem, Tripolis viginti nauium Genuensium classe expugnata atque depopulata fuit, habitatores verò captiui. Quod vbi primò Fessæ rex intellexisset, ea conditione cum Genuens. egit, ut ipse, numeratis quinquaginta aureorum millibus, in pace oppidum possideret. Genuenses postea inde profecti, maximam aureorum partem adulterinam intellexerunt. Inter hæc, Tuncti rex à Fessæ rege Abulselimo libertati restitutus fuit: quo tandem ad regnum reuerso, remansit penes successores imperium, donec Abubar Hutmeni filius, in Tripolitana arce vnà cum filiolo à nepote interfectus fuit: qui deinde sibi id regni vsurpauit: idem postea prælio quodam periit, quod contra Hubdulummunum gessit, qui statim Tripolitanum regnum assumpsit. Huic successit filius Zachariás, qui post menses aliquot peste interiit. Post hunc, in regem electus fuit Mucamen Hesenii filius, Zachariæ cognatus, qui, simul ac tyrannidem inter ciues exercere cœpisset, à populo regno expulsus est. Ad regnum postea quidam è ciuib. successit, qui modestissimè imperauit. Qui verò antea expulsus fuerat, aliquot militum exercitum misit, qui Tripolitanum vexarent imperium: Hi statim amisso prælio, fugerunt. Post hæc, qui humanissimè regnare cœperat, in tyrannum versus est, quo à cognato interfecto, populus nobilem quendam virum, qui tunc temporis Eremitam agebat, coacto ferè animo regere voluerunt, remansitque penes illum huius vrbs imperium, donec Ferdinandus Petrum quendam Nauariensem eò misisset; qui cum improviso aduentu suo urbem occupasset, captiuos plurimos secum duxit. Tripolis Præfectus vnà cum genero Messianam captiui missi sunt. Vbi per aliquot annos detenti, tandem à Carolo Imperatore pristina libertati restituti, Tripolim redierunt: quod oppidum postea à Christianis fuit deletum. Huius oppidi arx munitissimis muris cincta est, & quantum intelligere potui, nouos cœpit recipere incolas. Habes igitur hic, quæ de Tuncti ciuitatibus memoratu digna occurrere potuerunt. Hactenus Leo Africanus. Ceterum, ut ad institutum redeam, hunc prosperum & desiderabilem rerum bene gerendarum cursum noui turbines Genuæ, nec citra insigne patriciorum detrimentum, exorti, interrumpere. Cum enim Insubrij Principes nonnulla, à Rep. 1356.

stularent, Patres, ac præsertim nobiles, in primisque Melianus Catanensis & Laurentius Angelus, in summam indignationem exarserunt. Hi namque Præsidi Mediolanensi per fideles nuntios significarunt, Senatum nihil omnino ipsi concessurum, quod quidem suis ordinibus ac legibus vlla ex parte repugnaret; nec se alia de causa Mediolanensium Principum potestati ac tutelæ vltro subiecisse, nisi vt Respub. ipsorum gratia & auctoritate suum pristinum splendorem ac dignitatem commodius retineret. Hac spe inductos, deque illorum prudentia, probitate ac mansuetudine, quibus civiles affectus, & animi inter se discrepantes, aptissima quadam via & ratione plerumque moderari consueuerunt, sibi omnia pollicitos, se suamque ditionem libenter tradidisse; in quorum sanè fide atque obsequio se deinceps constanter permansuros; si hoc ab eis sedulo obseruari intellexerint, reque ipsa olim experirentur. Hæc verba, simulatque Mediolanum ad Principes perlata sunt, eorum animos ad summam iracundiam inflammant: statimque illorum auctoribus ad se euocatis, supplicium de his quamprimum sumpturi videbantur. eaque res occasionem præbuit, vt plerisque popularium partium sibi adiunctis, decimo octauo Cal. Decembr. arma contra ipsum rectorem expediuerint, & mox in eius gratiam maiori parte vrbanae multitudinis veteri odio aduersus patricos incitata, subsidio accurrente, omnia civilibus dissidiis & contentionibus denuò misceri incepterunt. Superius à nobis ostensum est, Simonem Buccanigram, abdicato principatu, Pisas concessisse. Hic, vbi aliquamdiu in ea vrbe substitisset, Genuam rediit: & cum præteriti erroris pœnitentia duceretur, quod videlicet supremo magistratu abiisset, omnibus studiis atque artibus sibi annitendum statuit, vt illum, hac præsentī vrbanae simultatis ansa & occasione oblata, tamquam postliminò recuperaret. Proinde, dum vtraque pars cruento ac dubio euentu confligit, ipse cum ducentis armatis sese in fanum D. Syri, suis ædibus propinquum, recepit, atque illinc, postquam suos amicos & clientes, breui, propter temporis angustiam, sed illa quidem graui & neruosa oratione adhortatus esset, summo silentio & via quadam occultiori atque insolita, ad fores prætorij, vbi Mediolanensium legatus totus pauidus atque animo consternatus de sua salute non parum anxius atque sollicitus remanserat, perrexit, & protinus acri impetu illius portas incendere decreuerat. Verum, ipse quorundam amicorum precibus ac persuasionē inflexus, ne se tam grauibz periculis exponeret, confestim illas aperiri & recludi iussit, adeo vt Buccanigra citra difficultatem vniuersa curia potiretur, eiusque rei fama dicto citius per urbem diuulgata, effecit, vt nobiles multum de suo pristino ardore atque alacritate remitterent, moxque ipsis paulatim cedentibus, plebi plus spatij & opportunitatis concessum est, in publicum palatium festinandi, quò Buccanigræ maturo subsidio adueniret. Is verò cum se, & prætorium in suam potestatem redegisset, ac se maxima vulgi frequentia & multitudine constipatum animaduertisset, nihil omnino in mora habuit, quò minùs animi sui decretum patefaceret. Quippe qui grauibz atque aptis verbis consilij sui ratione explicata, plebem eò tandem adduxit, vt illi summo consensu & applausu denuò principatum deferrent. Ipse interim, ne deinceps iisdem, quibus antea, fortunæ casibus ac periculis obnoxius foret, nihil potius habuit, quàm vt seipsum in summo dignitatis apice cum extrema patriciorum clade ac exitio communiret: eoque factum est, vt omnibus, quarumcumque partium essent, de quorum viribus atque potentia quoquo modo ambigeret, publicatis bonis, vrbeque prohibitis, igni & aqua interdiceret: necnon ceterorum patriciorum

Simon Buccanigra iterum fit Princeps ac D. Res. Genens.

ciorum qui adhuc in ciuitate remanserant, arma diligentissimè inquire, eaq. omnia in peculiari loco asseruari iussit, ac illos in posterum, non solum omnibus publicis muneribus ac dignitatibus priuauit, sed etià seuerissimo edicto vetuit, ne quis eorum vllis nauibus, vel triremibus, siue militaribus, seu negotiatoriis præesset. Id autè vnumquemq. patriciorum multò magis quàm vllò vnquā tempore permultos annos mirum in modū afflixit atq. depressit, adeò vt tandem ferò, licet suo maximo infortunio & calamitate, intelligerèt, multò satius fuisse, aut saltem minùs acerbum & luctuosum, vt sese Vicecomitum, vel iniqua petentiū, imperio subijcerent, quàm vt impotens vulgi dominium ferre ac perpeti cogerentur. Buccanigra, his, quibus diximus, modis atque artibus seipsum in Principatu indies magis magisque stabiliente, Respub. ab hoc tempore, vsque ad annum eius æui secundum ac sexagesimum, ab omni ciuili & domestica seditione penitus conqueuit, tametsi interim, propter ipsius Principis insolentiam, & tyrannicam, vt plerisque videbatur, administrationem, cùm ex ipsa nobilitate, tum etiam ex his, qui popularia studia sectabantur, minimè quamplurimi deessent, qui occultis & clandestinis consiliis eius vitæ insidiarentur, inter quos fuit etiam quidam ciuis popularis, valdè opulentus, ac eiusdem dignitatis æmulus, qui haud multò post capite pœnas luit. Huius verò, vt etiam plerorumque aliorum nomen, apud veteres Annales non extat. Ceterum, quamuis, partim propter odium, partim propter inuidiam, assiduam eminentis fortunæ comitem, complures alij in eum diuersis temporibus coniurauerint, is tamen, cùm sibi tam multos æmulos & aduersarios esse conspiceret, ad illas conspirationes tacita quadam simulatione ac sagacitate conniebat. Inter populares quidem, plurimos habebat fautores, & sui nominis atque amplitudinis mirificè studiosos, quorum, præter ceteros, fuerunt Nicolaus Canettus, vir pecuniosus ac summis opibus florens, & Leonardus Montaldus, celeberrimus ea tempestate iurisperi- 1357. tus, miraq. gloriæ cupiditate flagrans, cuius in primis consilio, cùm plerumq. 1358. in singulis suis actionibus vteretur, factum est, vt sese diutiùs in supremi hono- 1359. ris fastigio atq. maiestate conseruarit. Verumenimverò cùm ita natura compa- 1360. ratum sit, vt, quæ fato maneant, differri, sed minimè vitari possint, modus atque 1361. ratio inuenta est, quæ illi tandem extremam perniciem ac interitum asferret. An- 1362. no eiusdem sæculi sexagesimo tertio, Petrus Lusinianus, rex Cypri, vnà cum fi- 1363. lio Genuam appulerat, eo quidem consilio, vt inde ad Galliæ regem, & reliquos Christiani orbis Dynastas profectus, eorum animos ad Syriacam expeditionem sua præsentia multò faciliùs concitaret, atque accenderet. Hunc Princeps ceterique ordines, summis & quæsitissimis, vti par erat, honoribus exceperunt, omni- que genere splendoris ac magnificentiae profecuti sunt, indeque nonnullis patricij ac Senatorij ordinis occasio præbita, qua illum fraude, & occultis insidiis, nempe veneno, interimerent. Proinde cùm à Petro Iustiniano equestris ordinis viro, vnà cum ipso rege in prædium ciuitati proximum, cui nomen Surla, ad conuiuium inuitatus esset, ibi venenum à quodam ipsius Petri domestico, & cui maximè præ ceteris fidebat, in cibis, seu potione propinatum hausit, cuius vis tanta fuit, vt cùm omnes eius artus peruaderet, vox pariter & spiritus eius raperentur, statimq. decumbens, eodem die, non sine ingenti totius vrbs cōmotione ac tumultu, extinctus est. Vix enim interclusa anima, mortalitatem expleuerat, cùm euestigiò Iustiniani clientes atque amici publicum palatium armis occuparunt. Et licet illorum ausis atque conatibus Bartholomæus, Ioannes, & Nicolaus, demortui Principis fratres, vnà cum suis fautoribus ac fœderatis sese

acriter opposuissent, cum tamen ipsi numero ac viribus minùs valerent, facile succubuerunt: & propter ingens odium, quod sibi iam fermè apud omnes promiscuè conflueraut, summum vitæ discrimen ac periculum adiissent, nisi continuo in prætorium admissi, popularem vim ac rabiem euitassent. Principe, eo, quo diximus modo, è viuis subtracto, eiusque cadauere in æde Francisco sacra, nulla funebri pompa & honore, humi demandato, statim de mutuo populi consensu viginti ciues designati, exq. his sexaginta, qui deinde quadraginta, hiq. vnū & viginti, crearunt, ex quibus decem substituti, quorum tadem calculis Gabriel Adurnius vir populariū partium, & Gibellini nominis studiosus, de cuius fide, virtute, ac sapientia, plurimum sibi pollicebantur, Princeps renuntiatus fuit. Qui vbi primū rebus gerendis admotus est, nihil prius atque antiquius habuit, quàm vt patricij ab omnibus publicis muneribus ac dignitatibus excluderentur, adeò vt ipsi vltro suis penatibus relictis, vrbe excederent, & quisque sese in sua municipia & latifundia reciperet; alij verò incertis sedibus vagaretur.

Gabriel
Adurnius
Princeps
Reipub.

LIBER SEPTIMVS.

1364.

1365.



IMONE BVCCANIGRA, humanis rebus exempto, & Gabriele Adurnio, Patrum suffragiis, in eius locum substituto, quàmplurimi ex his, qui reliquos opibus & auctoritate antebant, iuxta oppidum, cui nomen Saffellum, haud contemnendam manum aduersus ipsum Principem contraxere; ad quorū vim reprimendam, priusquam, exercitu in vnum conducto, castra propiùs admouerent, ipse Petrum Recanellum suum generum, virum singulari prudentia, & militia non inglorium, cum aliquot turmis & militaribus cohortibus ablegauit. Ceterum, hostes ad eius aduentum haud parum perculsi, sese illinc, non sine aliqua clade atque oppidi iactura, subtraxere. Per idem quoque tempus, in Carratinos Finarij regulos, qui mutuis pactis & conuentionibus neglectis, ac violatis, Remp. supramodum diuexabant, duce Francisco Embriaco, valida manus destinata. Verum, cum ipse, aut militaris disciplinæ inobseruantia, siue alia de causa, minùs prosperè ac è dignitate Reip. hoc bellum administraret, necnon Adurnio in haud leuem suspicionem deueniret, breui post, ab ea expeditione submotus est, & in eius locum Bartholomæus Vianus cum imperio suffectus, qui exiguo temporis interuallo rem eò deduxit, vt Finarij Marchiones, positis armis, cum Repub. in gratiam redierint: vtque ipsi in posterum commodiùs in Genuensium fide atque officio retinerentur, Senatus consulto Castrum Francum, quod plerique Cauianum vocant, in eorum agro ac territorio exstructum. Interim, dum hæc domi geruntur, Ligures, Bartholomæo Iacobo celebri iuriconsulto, Theodosiæ consulum gerente, Soldaiam, Scythiæ urbem haud sanè ignobilem, occuparunt. At Genuæ, civilibus dissidiis ac mutuis simultatibus laboratum. Siquidem haud pauci, claris maioribus orti, & in primis quidem Leonardus Montaldus, omnibus artibus ac studiis Adurnium supremo Magistratu deturbare annitebantur. Is enim per crebros internuncios Insubriæ Principum animos, mira quadam & incredibili recuperandæ Ligusticæ ditionis, ac imperij proferendi cupidine flagrantium, indices magis atque magis ad eam expeditionem incendebat & inflammabat, adeò, vt cum ipse, animi inquietus, & occasionum haud segnis, subinde populum ad defectionem sollicitaret, Insuber, prius Ambrosio Barnaba suo filio, ex illegitimo partu

Castrum
Francum.

Soldaiæ &
Genuens.
occupata.

Leonardus
Montaldus.

partu genito, in oram Orientalem ad Spedix oppugnationem, quam etiam breui post in suam potestatem redegit, cum quinque millibus promptissimorum virorum praemisso, Genuam versus cum valida & expedita manu perrexerit: quo quidem tempore, Montaldus, urbana multitudo ad seditionem excitata, intimos quosque amicorum atque adfinium coegerat, quorum patrocinio & clientelis innixus, praetorium summo impetu insedit. Huius temerariis conatibus atque ausis cum Praetor, (nomen apud veteres Annales haudquaquam exprimitur) vir sollertis ingenij, ac rei bellicae peritus, iussu ipsius Principis cum aliquot manipulariis sese acriter opposuisset, ab auctore concitati motus, graui etiam vulnere accepto, illinc repulsus est, nec tamen ob id curiam expugnauit. Nam è vestigiò quamplurimis Adurnij familiaribus & propinquis, illuc maturo subsidio accurrentibus, acieque militariter instructa, Montaldus breui post, cum suis dissipatus, & in celerem fugam coniectus est, ita vt Insuber, qui iam Clauariam profectus, subinde vltius progredi statuerat, his rebus cognitis, haud modica lentitudine ac tarditate retrocederet. Illud verò hîc minimè silentio praetereundum videtur, nempe circa hæc tempora, Genuæ, ac in plerisque locis Italiae, tantam locustarum (has Ligures patrio idiomate *Mamalones* vocabant,) vim & De locustis copiam fuisse, vt præ illarum numero ac multitudine, quæ ex æthere, instar densissimæ niuis, aut grandinis decidebant, vniuersa cæli facies mira quadam & tetra caligine obumbraretur: hæcque ambederant quicquid herbidum aut frondosum erat, & grauissima damna intulerunt. Porro locustarum exercitus, quod sæpè irruptiones externorum militum præsignificent, ipsius animalculi forma, & qualitas satis declarat. Accedit euentus rerum, qui ratione ancipitem vbiq. confirmat. Plinius annonæ caritatem ex his prædicere non veretur, quod ferè post squallores diuturnos, è sicca putredine, vt Hipp. vocat, atque ex vna terrarum ariditate progerminant: quodque virulenti cuiusdam morsus contagio plantas & fata inficiant, vt mox vredine contabescant: eoque fit, vt partim ab inspiramine dum viuunt, partim à resolutione dum pereunt, hæc insecta, vitiatis paulò post alimentis ac potibus, ipsius etiam spiritus corruptelam in hominem, & in cetera animalia propagent. Anno salutiferi partus 593. post maximam siccitatem, locustæ omnia deuastantes, famem toti terrarum orbi non minimam pepererunt. Multam quoque calamitatem frugibus anno 1353. intulere, ac Russiam anno 1084 infecerunt, quo tempore Boleslaus Poloniae rex, in Pannoniam exulans, factus est impos mentis, atq. à suis met canibus deuoratus. Magnis item agminibus per Syriam & Mesopotamiam volitarunt anno Christi 677. Quamquam verò naturalis eorum sit generatio, teste Arist. lib. De animalium hist. cap. 19. ac Plinio lib. 11. Nat. hist. cap. 29, quantitas tamen, non absque diuini Numinis ira & indignatione, portentis speciem acquisiuit, vt certius constat ex iis quæ Pharaoni, atq. Aegyptiis diuinitus mittebantur, concinente viuo testimonio Vatis Psal. 77. Dedit ærugini fructus eorum, & labores eorum locustæ. Alibi quoque Psal. 105. Dixit, & venit locusta, & bruchus, cuius non erat numerus. Nec secus visum est ethnicis Philosophis, vt patet ex Plin. eodem loco Nat. hist. Ceterum haud pigebit subnectere, quod ipse proximis diebus obseruaui in opere Ioannis Leonis Africani, cui titulus est De totius Africae descriptione. Inquit enim circa finem lib. 1x. Locustarum plerumque tanta conspicitur in Africa frequentia, vt volantes instar nebulae Solis radios operiant. Arbores ipsas pariter cum frondibus ac fructu esitant. Discessuræ oua relinquunt, quibus aliæ, tametsi non volent, pullulant, & quibus in locis offenduntur, omnia ad cortices arborum

1366.

exedunt, magnamque annonæ caritatem, præcipuè in Mauritania, relinquunt. Verùm Arabiæ desertæ & Libyæ populi, locustarum aduentum pro felici habent omine: nam velelixas, vel ad solem desiccatas, in farinam tundunt atque comedunt. Adurnius interim, ut ad propositum reuertar, per fideles amicos plenissimè edoctus, in ciuitate complures clandestina consilia aduersus se iniuisse, ut principatu exuerent, initio proximi veris, diligenti inquisitione facta eorum qui susceptæ conspirationis vel conscij, vel participes fuerant, ex his, duos, quorum alter fuerat eques prætorianus, alter sese ipsi Leonardo coniurationis socium & ministrum adiunxerat, capite multari iussit. Reliqui verò, clam & summa taciturnitate, aut ad ipsum Montaldum Pisas profectum, aut in castra Principum Mediolanensium concessere, nihilque ea tempestate aduersus eos nobiles qui adhuc in vrbe remanserant, prorsus attentatum fuit. Urbanis motibus maiori ex parte suppressis & consopitis, supererat externus hostis, ad cuius vim propulsandam, Genua de Principis ac Patrum volutate, Bartholomæus Leuantus, & Nicolaus Moneggina cum delecta manu ablegati, qui, omnibus rebus quæ ad bellum vsui forent ritè dispositis ac præparatis, in haud mediocrè spem atq. fiduciam recipiendæ Spediæ, à qua hostis haud procul sua castra collocauerat, deuenere. Igitur ad eam expeditionem pergètes, oppidum vndique arcta obsidione presserunt. At breui post, superuenientibus aduersariis, Ligures fusi fugatique, & complures capti, in quæis fuerunt etiam ipsimet Præfecti: quod sanè vniuersam oram maritimam in summum terrorem coniecit, maiorq. indigenarum pars metu instantis periculi, in urbem profugere, cum præsertim Montaldus, Fliscis, cum quibus fœdus icerat, sibi aggregatis, eodem descendisset. Proinde cum victores liberum sibi aditum in urbem dari conspicerent, præsidio circiter mille armatorum Spediæ relicto, quinto Cal. Martij Genuam versus profectionem instituerunt. Verùm Adurnius, turbidis rebus intrepidus, & nihil omnino superiori clade consternatus, cognitis aduersariorum consiliis, præter quàm quòd omnes incolæ, qui erant ab oppido Clauarino vsque ad urbem circa Rapallum, in vnum conuenire iussit, euocatos auxiliareque milites, quos tum in armis & ad manus habere potuit, ad fauces atque angustias difficilium locorum præoccupandas misit, ita ut hostis ex ea parte præclusis itineribus, suas copias per Fliscorum municipia & colonias, non citra maximum incommodum, ac temporis dispendium traducere cogeretur. Quod sanè vehementer illius impetum retardauit: & Montaldus ac Nicolaus Fliscus primi omnium exitere, qui pridie Non. Apr. cum expedita manu, prius indigenis vallis Bisamnis ad defectionem sollicitatis, & admoto milite, urbis mœnibus appropinquarint. Paucis post diebus, nempe vi. Id. Apr. Araon Spinula, Insubricis cataphractis præpositus, cum aliquot alarum turmis & delecto peditatu in Pulciferam vallem contendit, & mox ad Petri Arenarij fanum, quod mari alluitur & loca finitima, excursionem facta, omnia hostiliter depopulatus est, plurimisque damnis atq. incòmodis Ligusticum agrum affecit. Adurnius, etsi animo erat excelso, quique, ut dictum est, rebus arduis atq. asperis haud facillè succumberet, nihilominus his tantis paratibus haud parum commotus, cum se ab hostili agmine vndique circumuallatum, ac etiam in vrbe nouas ciuiliū dissensionum procellas oriri animaduerneret, cum Præfectis Mediolanens. de pacis legibus & conditionibus sedulò agere incepit, adeò ut tandem post varias sententias, his formulis de mutuo consensu & astipulante Senatu transigeretur: ex quæis insigniores fuere, Vt Adurnius in principatu remaneret; ut Resp. Insubricæ Principibus singulis annis quatuor nummum aureorum

*Pacino
Mediolanens.
at Liguri.*

quatuor

A M

millia

millia persolueret, simulque ut in eorum subsidium quadringentos sagittarios suis impensis ac sumptibus alere teneretur: Ut nobiles proscripti quamprimum suis bonis ac penatibus redderentur, solusque Montaldus, utpote reliquis omnibus magis suspectus, animique impotens, & miscendis seditionibus promptus, ad biennium exularet. His conditionibus ultro citroque admissis, atque hoste Ligusticis finibus excedente, Resp. à domesticis ac externis malis aliquantisper conquieuit, tametsi haud interim deessent plerique diuersi ordinis viri, qui Adurnio subinde negotium facefferent, ac eius vitae omnibus modis atque artibus insidiarentur. Proinde, inter cetera, ab amicis commonefactus, Sauonæ quendam patricij generis, aduersæ factionis propugnatorem, atque acerrimum suæ dignitatis æmulum, secretò delitescere, illuc statim Petrum Recanellum, cuius proximè mentionem fecimus, ablegauit, qui Non. Maij eò profectus, illum de mandato Principis apprehendi, ac securi percuti iussit. Per idem fermè tempus, misit in vallem Pulciferam, qui Philippum Spinulam, ibi cum suis municipalibus ac sociis nouas turbas excientem, caperent: hiq̃ue omnes comprehensi, summum vitæ discrimen adiēre, licet postmodum Princeps singulari clementia & moderatione illis vitam condonarit. Montaldus verò, iisdem propè diebus; vnà cum suis asseclis & fautoribus sese Astam, peruetustam Gallie Transpadanæ urbem, recepit. At initio subsequēntis anni, qui Fliscorum partes ac studia secta-
bantur, tertio Id. Ian. templum D. Vlclisij, positum in valle Pulcifera, incen-
derunt. cuius rei fama vbi primùm Genuam perlata est, protinus aliquot urbanæ
cohortes Sauinionem, Fliscorum municipium, transmissæ, ut illatam iniuriam
vlciscerentur. Interea temporis, videlicet decimo Cal. Iun., Urbanus quintus
Pont. Romanus, Auenione cum quinq. ac viginti triremibus Genuam appulit,
eo animi consilio, ut illinc Romam transfretaret: cumq̃ue Resp. summis & ex-
quisitissimis honoribus excepit, & quinto Cal. Iun. abeuntem, octo etiam Ligu-
sticæ triremes, honoris ergò, Romam vsque concomitatae sunt. Exitu anni, pax
inter Insubriæ Principes, ac Remp. denuò constabilita. Subsecutus est annus
eius æui duodeseptuagesimus, quo Adurnius ad Carolum quartum Bohemiæ
regem, ac Cæsarem renunciatum, & in Etruriam profectum, nobilem ac splendi-
dam legationem habuit: à quo, præter cetera, impetrauit, ut in Ligustica ditione
suum Vicarium ageret. Ceterum, anno septuagesimo, Resp. denuò propter fami-
liam Fulgosiam, toti ciuitati non minus fatalem & perniciosam, quam Adurnia
extiterit, ad supremos honores ac dignitates promotam, in pristinas ciuiliū
bellorum calamitates recidit, cum præsertim ipsius Adurnij administratio, pro-
pter insolitas exactiones ac vectigalia imposita, omnibus iam fermè supra modū
inuisa & exosa redderetur. Ea tempestate qui rebus gerendis præsidebant, duos
populi Vicarios eligere consueuerant, quorum alter Guelfi, alter verò Gibellini
nominis esset: horumq̃ue potissima cura & studium in eo præcipuè consistebat;
ut nempe publica officia, & magistratus ex æquo inter vtrumque ordinem dis-
tribuerentur, videlicet partim ex aristocratia, partim ex democratia permixti.
Huic muneri tunc temporis Dominicus Campofulgosius, & Gulielmus Ermi-
rius cum imperio præerant: qui, cum propter generis splendorem atq. opes apud
plebem summa gratia & nominis exultatione florent, ipsiq̃ue Adurnio ap-
primè infensi essent, de Reip. statu corrigendo noua consilia & rationes iniue-
runt; cum præsertim ad hoc agendum, plurimis, iisdemq̃ue assiduīs diuersorū
patriciorum precibus incitarentur, quò scilicet, populo in varia studia & partes
distracto, ipsi multò facilius atque commodius suam ambitionem animiq̃ue impo-

impotentiam explerent. Quocirca hi duo, quos diximus, vicarii, aliquot popularibus viris sibi adiunctis, in ædem vulgo D. Mariæ de Vincis, simul convenientes, suæ rationis decretum in medium protulere, ac dixerunt, sibi operæ pretium videri, ut, cum optimè intelligerent, quantoperè Adurnij præfectura & administratio in commune omnibus promiscuè displiceret, ad maiora incommoda atque pericula euitanda, noua gubernationis forma institueretur, eosque obnixè, multis rationibus adductis, cohortabantur atque orabant, ne præsentem occasionem sibi è manibus elabi paterentur, priusquam scilicet, nouis seditionibus concitis, Resp. in aliquod graue periculum ac discrimen incurreret. Nondum autem perorabant, cum nonnulli ex his, qui maiori auctoritate pollebant, illorum colloquium interpellarunt, & aiebant, cum de patriæ salute ac dignitate ageretur, vel minimam cunctationem sibi ancipitem & periculosam videri, seq. omnium primos fore pollicebantur, atque offerebant, qui hanc prouinciam in semet reciperent. Igitur, nulla mora interposita, summo studio atque ardore sese illis quàm plurimis agglomerantibus, rectà in prætorium, cum maximo cōcursu insanæ atque inconditæ multitudinis nouarum rerum percupidæ, contenderunt, eo quidem consilio, ut extemplò Adurnium principatu exuerent ac deturbarent. Ipse verò, tam subito & inopinato casu haud parum percussus, atque attonitus, cum se, nullo ferimè præsidio communitum videret, statim populum ad sonitum campani æris, quò sibi maturo subsidio adueniret, exciri imperauit. Ceterum, paucis admodum suppetias ferentibus, seditionis concitores auctoresque, magno impetu fores curiæ, igne iniecto, concremarunt. quæ vbi primum Adurnio cognita, ut sese præsentis periculo subtraheret, per auersam eius portam furtim digressus est, adeò ut hostes, occupato prætorio, confestim ad noui Principis creationem deuenirent, & absque vlla sententiarum discrepantia Dominicus Camposulgosius, qui præ ceteris à plebe mirificè adamabatur, Idibus Aug. tumultuariò Dux ac Princeps declaratus fuit. Sed quoniam ipse nullis legitimis calculis se ad supremum dignitatis apicem euectum intelligebat, hoc in primis maximoperè contendit, ut proximo die in ea consuetis cærimoniis, publiceque ac sollenni pompa confirmaretur. Quo quidem ex animi sententia peracto, nihil sibi potius & antiquius fuit, quàm ut capita & præcipuos quosque Fliscæ gentis, ex quorum municipiis quàm plurima damna inferebantur, acri bello persequeretur, eisque, præter reliquas clades illatas, initio subsequenteris anni, arcem, vulgò Roccataliatam, quò sese plerumque, ceu in tutissimum asylum atque refugium recipere solebant, ademitt. Externis motibus maiori ex parte cohibitis atque repressis, Genuæ Senatus consulto decē triremes egregiè instructæ, ac Thomæ Murchij, viri strenui, & magnis ausis prompti, auspiciis, emissæ fuerunt, qui fausta nauigatione in Melitem, insulam non procul à Pachyno Siciliæ promontorio sitam, expugnauit, & mox descensione in ipsam Siciliam facta, Mazariam urbem iuxta Lilybæum promontorium cepit, atque diripuit. Quandoquidem hæc loca, insignes piratas Liguribus insensissimos, vnde ipsi haud rarò grauissimis incommodis afficiebantur, hospitio, atque omni humanitatis genere excipiebant. Quibus rebus felicissimè peractis, nauarchus diuiti præda & gloria onustus in patriam reuersus est. His locis tamen Genuenses haud sanè diu potiti sunt, nihilominus tamen egregiorū facinorum simulq. clari viri memoria, neutrquā à nobis reticenda fuit. Dum hæc foris aguntur, Fulgosius, nonnullos præcipui nominis, inter quos fuit Gabriel Adurnius, sibi magis suspectos, vrbe prohibuit, ac mense Decembri duos ciues, alterum patriciæ dignitatis, alterum

Dominicus Camposulgosius Princeps renuntiatus.

1371.

Melita à Genuensibus expugnata.

verò

verò popularibus studiis addictum, qui prætèxtu Guelfarum partiù clanculariis consiliis in eius vitam conspirasse ferebantur, in publico theatro securi percuti iussit, adeò vt Ioannes Fliscus Vercelli Antistes, illius familiæ tunc temporis facile princeps, qui eiusdem coniurationis particeps, cum octingentis equitibus Bargaliam vsque profectus erat, quàm primum ab ea expeditione recesserit. Sunt qui tradant, eam conspìrationem à Thoma Illiono resectam & patefactam fuisse. Circa idem ferme tempus, Franciscus Vivaldus, vir ex præclara vetustaque familia, & eximiis dotibus ornatus, nonaginta locis, id est, nouem librarum milibus Remp. donauit, eo consilio, vt ipsa deinceps illarum multiplicatione, ære alieno liberaretur, & præsertim ea parte, quæ vulgò Capitulum, siue coëmptio Capituli pacis nuncupatur; deinde in publicum emolumentum ac beneficium indies multiplicarentur. Hæc donatio tanti ponderis ac momenti extitit, vt nisi parentes priuata commoda, liberorum, nepotumq. ac posterorum vtilitati præposuissent, communitas, seu Respub. haud dubiè nulli amplius obarata, per magnos redditus eà tempestate consecuta esset.

*Franciscus
Vivaldus.*

Insequentem annum & ciuilibus contentiõibus, & Veneri belli innouatione fœdum, etiam dij contagiosa & diutina lue insigniuere. Quippè Fulgosio rerum potiente, ciuitas, adeoque totus ager Ligusticus, annum & amplius, cum dira & sæuissima peste conflictatus; quo quidem tempore, Flisci, castrum Rocataliatam, cuius superius mentionem fecimus, astu & proditiõne receperunt. At in Cypro insula rex Petrus sub primam noctis horam in vrbe Nicosia à suis fratribus obruncatus fuit, ei que Petrus, quem alij Petrinum vocant, interfecti regis filius, adhuc pænè puer, in regnum successit, & contentio in sollenni regij diadematis accipiendi de superiori honoris loco inter Venetos ac Genuenses orta, ansam atque occasionem præbuit; quâ omnes Ligures ea tempestate ibi reperti, grauissimam cladem subirent. Ceterum, hæc, effluxo anni spatio, primò quidem Damiani Catanei, & mox Petri Fulgosij auspiciis egregiè ac fortiter vindicata fuit, adeò vt non modò illius auctores, condignas pœnas dederint, sed etiam vniuersa insula expugnata, quæ postmodum, excepta Famagusta, regi fuit restituta, ea tamen lege & conditione, vt Reip. quotannis ad certum tempus, quadraginta nummum aureorum in illa, tributi loco, persolueret, sicuti hæc omnia sigillatim enarrabuntur. His rebus in Cypro quàm prosperrimè gestis, postero anno, in vrbe, ac fermè per vniuersam Europam, propter frugum egestatem & alimentorum pœnuriam, tanta inopia laboratum, vt Genuæ per id tempus modius tritici sexdecim florenis aureis, id est, viginti libris eius monetæ, passim diuenderetur. Proximus annus, ac etiam insequens, Genuæ clade maritima multisque aliis calamitatibus illustris. Nam priore, in mari Siculo vna ex Ligusticis triremibus, cui Lanfrancus Panfa cum imperio præerat, sæua atque atroci tempestate coorta, cum omnibus, qui ea deuehebantur, æquoreis fluctibus hausta, naufragio periit. Subsequenti verò, tres triremes, quæ mense Decembri Famagusta soluerant, vi tempestatis cælique truculentia summum periculum adiere, vnaque ex his, cum remige, ac ceteris, qui sese huic elemento crediderant, inter quos fuit etiam Nicolaus Spinula, vir, præter natalium splendorem, summis virtutibus clarus, qui Famagustæ præfecturam gesserat, eodem infortunio submersa. Præterea duæ onerariæ, quarum altera Lumelina, altera verò Galla dicebatur, in eodem pelago demersa, & perpauci incolumes euaserunt. At veris initio, bellum inter Venetos ac Ligures cum summa vtriusque gentis, ac præsertim Venetæ, pernicio redintegratum. de quo, eiusque causa & successu speciatim suo

1372

*Gravis &
funesta con-
tentio inter
Venetos ac
Ligures.*

1373

1375

1376

1377

Nicolaus
Guarcus.

fuolo loco explicabitur. Fulgosius interim, iam ultra sexennium summæ rei cum præclara sui nominis, suæque familiæ gloria, nec minori totius Reipub. dignitate ac beneficio præfuerat, cum repente, fatali, ut ita dixerim, urbis genio, & quorundam ex præcipuis, qui dominandi cupidine accensi, ad eundem Principatum per fas & nefas omnibus studiis atque artibus anhelabant, impotenti ambitu, novæ similitudines atque dissidia repullularunt. Vigebat quippè ea tempestate in Reipub. Nicolaus Guarcus, vir summa auctoritate atque opibus florens, qui tametsi populares partes sectabatur, tamē nobilitati mirificè faucebat, & hoc vnum præcipuè satagebat, quānam scilicet ratione, principem locum assequeretur. Superius cōmemoravi, Adurniam, & Fulgosiam familiā, ob mutuas dissensiones ac intestina odia, vniuersæ ciuitati admodum fatales ac exitiosas fuisse. Ceterum, Guarca gens, vnde noua factio in eam irrepsit, ob easdem ciuiles discordias, ac similitudines, non minùs certè, sicuti inferiùs patebit, grauis Reipub. ac exitialis fuit: primusque ipse Nicolaus omninò extitit, qui præclaris animi corporisque dotibus ornatus, eam summoperè illustrauit: eoque faciliùs supremum magistratum adeptus est, quò Fulgosij administratio iam plerisque nouarum rerum percupidis, molesta atque inuisa esse inceperat. His quoque accedebat fama ab æmulis & aduersariis diuulgata, scilicet, Venetam classē, quo tempore adhuc bellum inter utrosque populos ancipiti Marte gerebatur, portui Lunensi imminere; Insubriæque Principes cum expedita manu in fines vsque Ligusticos peruenisse. Quibus falsis rumoribus Fulgosius natura facilis ad credendum, commotus, ne hostilibus iniuriis ac periculis obnoxius foret, populum ad arma conuocauit; quod quidem illi summo detrimento fuit. Quandoquidem arma, ab urbana multitudo, paulò antè in tutelam urbis correpta, euestigio in eum cōuersa, & subinde omnia vario tumultu ac seditione miscente, publicum palatium ab eadem occupatum, nemineque obistere auso, Princeps comprehensus, & in eius locum Antoniottus Adurnius suffectus. Verum cum ea electio minimè à ceteris primoribus rata firmaque haberetur, eodem die, nempe, decimo septimo Iunij, anno eiusdem sæculi octauo ac septuagesimo, maturiori consultatione habita, Nicolaus Guarcus à Senatu mutua omnium ordinum suffragatione Princeps renuntiatus est: cui, postquam Adurnius, suorum amicorum consiliis inflexus ac persuasus, cessisset, actutum exorti motus conqueuerunt. At Fulgosius vnà cum Petro suo fratre, non absque multorum commiseratione, ac fortunæ ludibrio, humanarumque rerum inconstantia, in vincula coniectus fuit, ibique in rigida & seuera custodia asseruatus. Guarcus interim, rebus gerendis admotus, quò sese patriciis iuxta & popularibus, necnon Guelfis ac Gibellinis, promiscuè amicum & fautorem declararet; statuit, ut publica munia & magistratus ex æquo & pari isonomia conferrentur, omnibusque Fulgosiae familiæ aqua & igne interdixit. Quibus rebus domi constitutis, confestim ad res externas, animi curam & cogitationes adiecit, primoque, cum ver adolesceret, cum rege Pannoniæ, Patauij regulo, & cum ceteris fœderatis Principibus contra Venetos, quibus cum, ut demonstratū est, eo tempore asperinum bellum gerebatur, fœdus ac societatem firmavit; & Marchioni Carretino reconciliatus, ab ipso Albengam, & Naulum, quæ loca priori anno Reipub. abstulerat, recuperauit. Cum verò paucis post diebus, in Venetorum, ac Principum Mediolanensium gratiam, veteranorum legio, Stellæ cognomine insignis, in vallem Pulciferam, ut eam variis depopulationibus atque incendiis infestaret, descendisset, ipse superioribus exemplis probè edoctus, quā videlicet periculo-

Antioniottus
Adurnius
Princeps de-
claratus.

1378.

1379.

riculosum foret, ob leues causas plebi arma suggerere, maturo ac prudenti consilio decem millibus aureorum inter ipsos milites distributis, effecit, ut tandem, post septem dierum spatium, illinc placidè abirent. Insuper tamen, circa hæc tempora, Nouium, haud postremum Liguriæ municipium, proditione occupauit. Et quia ipse Princeps Antoniotum Adurnium multis rationibus valdè suspectum habebat, quò sese in posterum omni metu ac periculo eximeret, ipsum exilio multauit, indeque postmodum inter illas familias, sicuti mox enarrabitur, grauissima odia & funesta dissidia exorta sunt, quæ deinde ingentem Iliadam malorum secum attulère. Porro, haud solus Adurnius, hac iniuria commotus, aduersus Remp. apertum bellum gessit, verum etiam per idem tempus, Petrus Campofulgosius, quem paulò antè in carcerem coniectum fuisse diximus, frustratis custodibus elapsus, se statim Thurigeris adiunxit, cum quibus oram Orientalem aggressus, haud leues turbas concitauit, licet, breui post, singulari industria & virtute Leonardi Guarci contra ipsos cum valido armatorum robore illuc profecti, maiori ex parte cohibita ac suppressa fuerint. At pridie Non. Ian. subsecuti anni, Guarco rerum potiunte, ipsius auctoritate, ac Senatus consulto viginti ciues ex omnibus ordinibus selecti, ac renuntiati, qui vnà cum Senatu de rebus grauib, & necessariis decernerent, cum præsertim ea tempestate inter Ligures ac Venetos de summa imperij ac vtriusque Reip. salute ageretur. Interea temporis, cum Ligures semper in Oriente aliquot præclaras vrbes sub imperio retinuissent, in Ponto Euxino casus quidam valdè memorabilis, & nullo pacto silentio prætereundus, accidit. Inter ceteros, qui Caphæ, olim Theodosiæ, varias negotiationes exercebāt, & propter mercium cōmutationem, sese in Cæsaris Trapezuntini amicitiam & familiaritatem insinuarant, Megolus ^{Megolus} Lercarius ^{Lercarius} ciuis Genuens. nobili & peruetusto genere ortus, propter suas egregias animi corporisque dotes, vel præcipuum locum obtinebat. quo sanè factum est, ut hoc nomine magnā sibi apud quamplurimos, etiam ex primoribus, inuidiam atque odium conflaret. hiq̃ue indies nouis consiliis atque artibus enixè dabant operam, ut is Cæsaris gratia & beneuolentia excideret. Cum ergo inter aulicos Cæsaris Trapezuntij esset, & laterunculis lusuq̃ue, ut fit, pomeridianas horas traderet, in altercatione & iurgio ab homine, qui magnum gratiæ locum apud ipsum Cæsarem obtinebat, colapho cæsus, cum iniuriam suam à Cæsare negligi videret, omnem iracundiæ ac generosæ indignationis impetum, humilitate auctoris spreto, in ipsum Imperatorē contulit. Proinde paucis post diebus, Genuam reuersus, animiq̃. mæstitiam squalore atque habitu corporis præferens, iniuria amicis & propinquis exposita, illorum opibus adiutus, duas triremes comparauit, atq̃. instruxit. Cum quibus, egregia florentis ætatis bellatorum, omnisq̃. nautalis instrumenti, & bellici apparatus copia refertis, tanta maris emensus spatia, Euxinum ingressus, non populationibus modò, incendiis & vastationibus omnem Cæsarianæ ditionis oram breui infestam fecit, sed vim & iram implacabilis animi, memoriamq̃ue altæ insidentis iniuriæ voluentis, in miseros à se captos, fædo supplicij genere expromebat, quos naribus & auribus amputatis, dimittebat, ut videlicet, contumeliam in ore acceptam, illa oris deformitate reddenda vlcisci videretur. Quibus acerbitatibus impulsus, tandem Cæsar quatuor triremes in illum armavit, quas Megolus, cum aperta vi imparem se intelligeret, astu sollertiq̃ue consilio elusas, vicit. Simulata enim fuga, cum Cæsarianæ omnibus remigij viribus connixæ, fugientes insequerentur, dispariq̃ue celeritate aliæ alias anteirent, Megolus, ob stratagematis sui successum lætus, pugnaq̃ue illorum

tum segregata, cum imbecilliores fore illos cerneret, in duas proximas cōuersus, reliquis longo interuallo sequentibus, easque adortus, ipso impetu & incurfu oppressas cepit; quo exemplo reliquæ perterrefactæ, fuga salutem expediuerunt. At Megolus, triremibus suppressis, vñtata deformandi oris exempla in captos edidit, quos dimittens, nuntiare Cæsari iussit, vñam illi tantummodò esse, sese, ac populos suos è tantis cladibus eximendi rationem, si cum, qui ipsum iniuria affecisset, sibi in manus daret; aliter sibi de iniuria satisfieri non posse. Quod cum Cæsar, malis, & populorum fremitu victus, fecisset, Megolus hominem ad se adductum, calce prius in consensu triremis in ore percussum, ad genua in humiles fletus proiectum, ac mortem quidem tam audacis superbiæ & arrogantia facinori debitam fatentem, sed tormenta & cruciatus deprecantem, benignè allocutus, bono animo esse iussit, cum addidisset, egregiorum ac fortium virorum moris non esse, in mulieres sæuire. quod anceps dictum in muliebres hominis fletus, in specie iactum, famam gratiæ apud Cæsarem flore ætatis collectæ, oblique perstringebat. Ceterum cum sibi affatim satisfactum esse diceret, vñam reliquam esse addidit erga Genuens. nomen satisfactionem, cui non minor, quàm ipsi facta esset iniuria, si Cæsar Trapezunte ædes publicas negotiatoribus Genuens. edificasset, egregij facinoris serie in parietibus pictura expressa, & ad documentum faciendum, ne quis in posterum illius nationis homines iniuriis cuiusquam obnoxios duceret. quas ædes Cæsar ex pacto edificatas, homine recepto, Genuens. nationi domicilium assignauit. Postquam Lercarius priuatam iniuriã à priuato homine sibi inflictã, tam atrocibus factis vltus est, Genuam cum magno suo gaudio, omniumque amicorum congratulatione rediit, magnoque in honore ab ipso Senatu habitus, quod tam præclarum excelsi & generosi animi specimen & documentum non semel cum maximo suo periculo præbuisset. Nihil enim præclarius, neque fortius ab eo geri poterat, quàm priuatis opibus innixus, tam potentem Principem ad tam ignominiosam pacis conditionem adigere. Quocirca, vt in posterum ipse suo exemplo profecisse Reipub. existimari posset, vltra delatos honores, publicè ac priuatim multis muneribus donatus fuit, & insigni Reip. testimonio nobilitatus. Subsecuta est pax inter Venetos ac Ligures, magna cæde atque ancipiti & dubio euentu acriter, & contentiosè belligerantes. de cuius quidem conditionibus suo loco seorsum enarrabimus. At vix huic grauissimo & periculosissimo bello finis impositus est, cum Genuæ iterum ciuiles simultates & iurgia repullularunt, occasione noui motus à popularibus orta. Nicolaus enim Guarcius, quem vrbis Principatum assecutum fuisse docuimus, ab eo tempore, quo bellum cum externis populis gestum fuit, magna cum prudentia ita Rempub. administrarat, vt singulis ordinibus suum honorem & pristinam dignitatem libenter contribueret; adeò vt cum nobilitati primas, vt debebat, partes deferret, eamque tam domesticis, quàm externis honoribus insigniret, populares summa suspicione laborare cœperint, quod illius indulgentia fieret, vt ipsi in plerisque capessendis honoribus præterirentur. Hinc nouæ turbæ, atque, vt fieri solet, diuersæ factiones ac studia. Erant namque in ipsa ciuitate aliquot patricij ordinis, qui occultè ac tacitè popularibus nouandarum rerum occasionem & spem præbebant, nimirum, cum ipsi hoc pacto sibi ad Principatum aditum anxie quærerent, scirentque, nulla commodiori via ad supremam dignitatem perueniri posse; nisi concitata plebe, & nouis excitationis tumultibus, inter quos præcipuè ferè erat Leonardus Montaldus, cuius superius non semel meminimus, vir haud dubiè industrius, & quod summis opibus

1381.

1382.

Pax inter
Venetos ac
Genuens.

1383.

bus floureret, ac popularis esset. Antonius quoque Adurnius, Guercæ factioni mirum in modum aduersabatur, & præ ceteris omnibus infensus erat, ita ut in eius perniciæ iugiter inuigilaret, & nihil non moliretur, quò illum Principatu exutum, opprimeret: & hic quidem apertè, & tanquam vnus partis Princeps, hostiliter se gerebat; ille verò clandestinis consiliis, tacitoq. populi fauore voti còpos eundere contendebat. Sumpta igitur ab horù familiaribus tumultuandi occasione, magnas in ciuitate turbas dedere, & vnusquisq. primas in Rep. partes sibi vindicans, diuersa contentione multa in Rep. immutare annitebatur, & in primis quidam Magistrum iustitiæ, à Senatu pro præsentis illius temporis conditione introductū, officio priuarunt, causantes, minimè Reip. expedire, ut vnus solus in tanta Rep. absolutâ vitæ necisq. potestatem haberet, sed rerum criminaliū supremam cognitionē & iudicium potius ad vr̄bis Prætorē pertinere, prout etiam hæctenus fieri consueuerat. Præterea satellitium, pro custodia Principis corporis adhiberi solitum, quod ferè octoginta stipendiariorū erat, sustulerunt, quòd dicerent, hos sumptus non solūm ciuitati graues esse, at planè inutiles, cū verum Principem nō tam præsidaria cohors, quàm populi beneuolentia, & Reip. benè administratæ conscientia, tutum, atque ab omnibus periculis securū præstare soleant. Hæc popularis licentia neutiquā eò loco, quo incæpit, constitit: sed vltèrius progressa, paulatim nouæ querelæ passim audiebantur. Laniones enim querentes, se durius quàm solebant, tractari, & subindè nouis vectigalibus aggrauari, onus deprecabantur: quorum postulatis cū Princeps minimè assentiretur, sed redita ratione cur id fieret, edoceret, inhiberi non potuerunt, quin magna ira accensi, dirum fremerent, & nouos tumultus concitarent. Inhibuit tamen illorum ad præsens conatus, non tam Reipub. reuerentia & maiestas, quàm quòd se nullæ aliæ decuriæ agglomerarent. Proinde finitimos agrestes, atque alios plerosque socios & familiares ad vr̄bem excibant, ut eorum præsidio tutiores, aliquid, si recens, tentato Senatus animo, repulsam ferrent, grauius molirentur. Insecura fuit magna totius ciuitatis confusio, adeò ut incolæ trium Vallium, qui partem occiduam inhabitabant, audito campani æris sonitu, multò citius & frequentius, quàm fieri consueuerat, se armis atque telis instruerent, magnoque impetu agminatim discurrentes, in vr̄bem irreperent: Plebs itaque, hac noua indigenarum accessione aucta & armata, multò quàm antea, ferocior facta, cateruatim discurrebat, populiq. nomen sublati & ingeminati multis vocibus, subinde inclamabat, habitæque passim conciones, quibus portoria, exactiones, & reliqua noua imperata vectigalia, abrogari ferociter contendebat: in eoque impetu iustitiæ Magister, & quidam decurio, qui sese effrenæ populari licentiæ fortiter opposuerant, miserè contrucidati sunt. Tanta enim erat popularis factionis frequentia, ut nulla essent ciuitatis compita, vel regiones, in quibus homines armati non conspicerentur, & mira vociferatione inconditisque vocibus non tumultuaretur. Sunt enim qui tradant, statim post contrucidatos, quos supra recesui, patricos sese populari seditioni immiscuisse, & supra duo virorum millia cuiuslibet gradus & cōditionis in Dominicanum templum conuenisse, ut insanæ ac ferocienti plebi obuiam irent, agrestemque illam & indomitam rusticorum turbam & ferociam communibus armis retunderent, inter quos Leonardus Montaldus conspicuus erat, & cum multis plerisque aliis popularis factionis Reipublicæ reformationem sollicitè efflagitabat, omnemque occasionem quærebat, ut oppressa nobilitate, euersisque patricij ordinis viris, ipse cum suis per vim principatum occuparet. Fecit enim rogationem pro populo, ut omnes Principis

Genus popularis tumultu

Magister iustitiæ a plebe cruciatus.

consiliarij, atque Antiani ciues, sic enim vrbis Decuriones vocabant, deinceps populares essent, & vectigalia, quæ in primis super annona & com meatibus imposita erant, maiori ex parte summouerentur; adiiciens, flagellata annona, commodè in ipsa ciuitate viui non posse. Verùm, cùm hac in re citra Principis consensum vel voluntatem, nihil omninò statui vel decerni posset, ipse, quòd plurimum populi fauori inniteretur & fideret, cõueniendi Senatus partes sibi desumpsit, exultimans, se, cùm natura valdè ambitiosus esset, & gloriæ summo perè appetens, hoc modo faciliorem aditum ad Principatum, quem mirificè optabat, assecuturum esse. Dux, à Patribus derelictus, & tantummodò à duobus fratribus germanis, qui cum exigua manu & paucis familiaribus, qui illi subsidio venerant, concomitatus, agnita populi voluntate, se ad omnia facilem, necessitatis summa adductus, exhibuit. Et quò magis populi furorem inhiberet, & communitati consulere videretur, abolit is aliquot decretis, & rescissis multis sanctionibus antea promulgatis, publicè ex Curia fenestris libellum, in quo hæc omnia continebantur, proiecit. Hoc modo ad præsens delinitis plebis animis, aliquantisper ab armis temperatū, & sensim multitudo ex hominum oculis euauit. Eadem nocte Dux priuatum Senatum habuit, & de Reip. statu grauiter disseruit. Et quia valde expedire ad constituendam tranquillitatem publicam videbatur, si, abrogatis nonnullis patricij ordinis publicis muneribus & dignitatibus, populares eorum loco succederent, decretum fuit, vt ad pacificandā Remp. deinceps maior democratia ratio, quàm antea, haberetur. Hac, qua diximus, ratione motus aliquantisper repressi. Postero die rursus innouati sunt. Nonnulli etenim ex vulgo, huic nouæ sanctioni & decreto minimè acquiescentes, magna contentione instabant, vt octouiratus popularis, penes quem arbitrium atque potestas nouarum legum condendarum esset, designaretur, inter quos Montaldus, tanquam bene de populo meritis, omnium votis annumerari & reponi expetebatur. Interim illi, qui vrbis prouisoires dicebantur, summo studio atque labore dedere operam, vt conciliatum vulgus, depositis armis, melioribus cõsiliis modum constitueret, & seditionibus finē imponeret, ac etiam vt agrestis illa & rustica colluies, quam in urbem irrepisse docuimus, confestim ad suos rediret: sed tanta fuit plebis animi pertinacia, vt nullius auctoritate, vel persuasione, ad sanio rem mentem inflecti potuerit, & in tam magna rerum omniū perturbatione, ipsi met nesciebāt, quidnam præcipuè peterent. Quidam enim, sublato clamore, populi nomen ingeminabant: alij nouum Principem, nemine tamen nominato, exposcebant: pleriq. vectigalium abrogationem, & annonæ subsidium implorabant. aliqui etiam, sed illi quidem pauci, Antoniotti Adurnij alta voce nomen extollebant, tacitis suffragiis ipsi principatum deferentes. Nec his tumultibus contenti, ad tam magnum animi furorem dilapsi sunt, vt Antonium Bufferrum, publicorum reddituum collectorem, ad sedandum tumultum concurrentem, nulla præbita occasione, cum blandissimis verbis eorum animos demulcere conaretur, interficerent. Quidam etiam, factionis Fulgosia studiosi, postulabant, vt omnes eius familiae profugi & proscripti, in patriam restituerentur, aliaque aliorum incondita voces diuersa postulantium, exaudiebantur, adeò me herclè, vt nullo equidem, quod sciam, tempore, Resp. licet antea sæpius afflicta, & conturbata, maius discrimen adierit. Nemini enim dubium erat, quin tunc temporis planè pessum data fuisset, nisi cum magno totius Ligustici nominis beneficio, pauci aliquot ciues, de communi tranquillitate ac veteri Reip. dignitate valdè solliciti, cõmunicatis sententiis, omnes suas rationes & studia, ad illius conserua-

seruationem contulissent. Videbant siquidem fieri non posse, vt in hac extrema totius ciuitatis confusione, Respub. ab interitu retraheretur, nisi aliqui, & illi quidem optimi ciues, salutis curam & administrationem in se deriuarent, & ceu experti medici salutare pharmacum ægrotanti exhiberent. Ipsi itaque inuicem iuramento obstricti, Leonem nigrum in societatis argumentum pro insignibus gestabant. Horum beneficio & auctoritate factum fuit, vt insana multitudo sensim desisteret. Interea, Princeps cū suis amicis & clientibus in prætorio se anceps animi continebat, expectans, quem tandem rerum exitum hic tragicus tumultus fortiretur; tantoque metu premebatur, vt nihil prorsus quod ad Reip. administrationem pertineret, attentare auderet: tandem animo à quibusdam confirmatus, pauloque audentior solito factus, populum ad ictum æris conuocare statuit, vt periculum faceret, num aliquod salutiferum remediū in his tantis præsentibus malis adhiberi posset. Conuocata igitur in concionem plebe, à miseriis & deplorando Reip. statu exorsus, seueram magis & acrem, quàm mitem, vel demissam orationem habuit, subinde rogans, quānam sua culpa factum esset, vt per tot assiduos dies citra aliquam intermissione tumultuati essent. Se nūquam fuisse eo animo, neq. ingenio à natura ita institutum, vt Principatum bonis artibus, ordinumq. totius ciuitatis cōsensu partum, per vim, refragante populo retinere vellet, nimirum cū toto principatus sui tempore, semper enixè operam dederit, vt nihil temerè constitueret, quod quauis de causa ab aliquo in suspensionem, vel dubium deuocari posset. Exuerent igitur furorem, ac omnem animi acerbitem relinquerent, exhortabatur. Si enim ciuitatis tranquillitas propter se vnum perturbaretur, promptum se & paratum asseuerabat, vt, publicæ quietis constituendæ causa spontè supremo magistratu abiret. Nunquam enim futurum, vt illum animum, quo egregiè erga Rempub. esset animatus, quacumque conditione esset, siue priuatus, siue Princeps, mutaret, vel deponeret. Qua in re, vltra quòd sibi probè esset conscius, se ita semper in totius Reip. oculis vixisse, vt si in Senatu causam dicere iubeatur, se nō subterfugere, quin hoc lubentissimo animo faciat, cū nihil probo & honesto viro, atque optimè de patria & de ciuib. suis merito, iucundius, vel etiam præclarius inueniri queat, quàm actionum suarum rationem, & planè totius vitæ suæ cursum, per innocentiam ductum, citra mendacium recordari & recensere. Quòd si alia essent præter illa, quæ populum torquerent, vtrò dicerent. Vnicuique enim per se liberæ vocis potestatem fieri, nec per se stare, quò minus saniora consilia, si quæ reperiri & excogitari possent, locum inueniant, & auidè à se amplectantur. Si verò omnis rei difficultas, in vectigalibus aliisque publico bono institutis & imperatis consisteret, perpenderent ipsi, vtrum hæc cum priuato eius commodo magis quàm cum publica vtilitate coniuncta essent. Quis enim est tam stupidus, vel tam malè de Reip. status conditione informatus, qui ignoret, publicos sumptus ad tot bella, quibus inuoluebantur, necessarios, sustineri, vel tolerari non posse, nisi ærarium publicum vectigalibus aliisque communibus censibus instauretur: cū illud in confesso sit, neque gentium quietem sine armis, neque arma sine stipendiis, neque stipendia sine tributo consistere? Cū hæc & similia, quæ ad rem maximè pertinere existimabat, grauiter atq. disertè pro concione dixisset, tantam in animis inconstantis & imperiti vulgus vim habuere, vt in tanta animorum ac sententiarum distractione, quàm primum initiores facti, sublati vocibus responderent, nihil aliud se ab eo postulare, quàm vt sublatis, vel saltem mitigatis portoriis & vectigalibus, pristinam dignitatem in Principatu, prout consueuerat, retineret. Exulabat

tunc temporis Antoniottus Adurnius, qui amicorum suorum litteris commonefactus, in quo statu Respub. versaretur, clàm eo consilio in urbem irrepserat, vt aliquid noui ex occasione moliretur. Hoc, cùm Duci, ac Senatui innotuisset, ad auertendum nouum seditionis incendium, enixè per suos internuncios operam dedere, vt ipse quàm primùm vrbe excederet, polliciti, statim, pacato Reip. statu, se illum in patriam restitutos. Res tamen ea tam feliciter, vel industriè tractari nequiuit, quin Adurniæ factionis studiosi, perbellè rem ipsam cognoscerent, & subodorarentur, adeò vt vbi primùm ipsum discessisse compertum habuere, variis sententiis distracti, aliqui eorum essent, qui opinarentur, ipsum iussu Senatus in mare præcipitatum, atque submersum esse: aliqui verò suspicabantur, ipsum, clanculùm capite plexum: aliqui demum ab his diuersi, illum adhuc in vinculis distineri asseuerabant. In hac tanta animorum diuersitate & discrepantia cùm eius factionis homines subinde versarentur, magnus fuit in ciuitate ea de causa exortus tumultus, sic vt mille ferè armati homines in armis conspicui, passim per urbem discurrent, palamque profiterentur, se non prius ab armis discessuros, quàm vbi ipse Adurnius, & in quo statu esset, edocerentur. Potiorem enim illorum partem opinio inuaserat, illum insidiis Senatus fuisse oppressum. Hæc pertinacia effecit, vt tandiu tumultuarentur, donec Leonardus Montaldus, cuius fidei plurimum tribuebant, ipsos, iureiurando interposito, doceret, nihil Adurnio mali, vel humanitùs accidisse, illumque Sauonæ liberum commorari. Huius viri auctoritas apud imperitum vulgus hoc assecuta est, vt per aliquot assiduos dies ciuitas à tumultibus respiraret, Octouiratu, quem ipsi Prouisores vocabant, interim suam veterem auctoritatem & dignitatem retinente, quibus, iussu Senatus provincia potissimum incumberebat, vt reprimendis & restringendis turbis auctores populo forent. Hi, quoniam secretò Principem supremæ dignitate submouere mirum in modum cupiebant, retinendæ maioris quietis prætextu, suffragante Guarco, ipsi Adurnio liberam potestatem in urbem reintegrandi fecere: quam rem Princeps & Senatus, ægrè, vti par erat, ferebat, cùm eam auctoritatem eo modo haud parum infringi & deminui animaduernerent. Proinde maiora veritus, & nulla ratione temerè aliquid popularium animis fidendum statuens, cùm multorum studia in se conuersa esse videret, quadringentos milites illarum Vallium, qui eius partibus adhærebant, specie præsidij ac securitatis in urbem accersuit: quæ sanè consilij ratio vsque adeò illi fuit perniciofa, vt maiori ex parte causa extiterit, quò eius excidium acceleraretur: Siquidem Adurnio in urbem reducto, suarum partium studiosi, aliique, qui hætenus Principi & Senatui, non tam apertè, quàm occultis consiliis aduersabantur, occasionem arripuere, quasi viribus confirmati, illum apertè inuaderent, auctoribus potissimum ipso Adurnio, Montaldo, ac Petro Campofulgoso, qui hac de causa amplius tria armatorum millia in armis coniunxerant. Contrà verò, Guarco de his tantis paratibus commonefactus, & quorsum illorù studia spectarent, præsentens, se cum suo satellitio, clientibus, ac fidissimis sibi quibusque in prætorio ad omnem vim coercendam communiebat. Exiguo tempore interiecto, aduersarum factionum confœderati in vnum conglobati, nō secus quàm aperta acie dimicaturi, instructis ordinibus sub vexillis progressi, Principis palatium obsidione cinxerunt, multisque ignitis telis, aliisque militibus, & artificiosis pyragmatis fores incendere connisi, ab eius defensoribus mira alacritate & robore prohibebantur, ita quidem, vt vtrunque certamine exorto, diu vario Marte dimicatum sit. sed cùm oppugnatores subinde numero viribusque

que adaugerentur, & Princeps se tantæ multitudini longè imparem conspiceret, fortunæ cedens, se furtim cum Antonio suo filio & fratribus in ædē D. Laurentio dicatam, subduxit, hoc modo concitata plebis & inimicorum manus elapsus, ac parum sui securus, intempesta nocte cum summo silentio Finarium versus conscenso lembo iter cepit, relicto eo Principatu, in quo per totum quinquennium non solum se strenuè ac honorificè gesserat, sed multa cum dignitate, tum utilitate Reipub. administrarat. Dolendum profectò, malo ciuitatis fieri, ut bonos fermè Principes tolerare nequiret. Nā Ducali prætorio in horum triū factioforū ciuium potestatem relicto, statim inter illos graues & exitiosæ turbæ ac dissidia exorta sunt, cum singuli, opibus atque clientelis confisi, miris artibus ad supremum dignitatis gradum aspirarent & contenderent, tanto me herclè omnium bonorum cum dolore, potius dicam, an commiseratione, ut optimates, ceterique nobilitatis fautores, cum nullis horum apertè adhærere, vel fauere auderent, ambiguis animis & incertis consiliis propemodum conficerentur. In palatio etiā publico, quasi iam diuisa, & redacta in duas potissimum partes ciuitate, duo diuersi cœtus cogebantur, & Montaldus quidem cum maiori parte primorum ex populari factione, seque in cubiculum Abbatum, ut ipsi vocabant, receperat, ut habitis deliberationibus rogatisque sententiis, nouum Principem designarent. Adurnius ex altera parte cum sociis atque amicis, & totius Plebis quodammodò fece, superiorem curiæ partem sibi tanquam propriam delegit, seque in Ducali solio constituens, à promiscua multitudine circumdatus, inconditis suffragiis & vocibus totius ciuitatis Princeps salutabatur, ac, quò firmius in Principatu constabiliretur, ad æris campani sonitum per totam ferè urbem eius nomen ingeminatum est, quasi totius ciuitatis testimonio & consensu Princeps renunciari deberet, præsertim cū Campofulgosius, quem tertium omnium seditionum auctorem esse demonstrauius, & non secus ac olim Romæ sub Triumviratu, scilicet Augusti, M. Antonij, ac Lepidi, dudum Romanum imperium administratū fuit, etiam partiri Remp. cupiuerat, tacita consensione assentiri videretur. Montaldus cum suis, nihil omnino his rumoribus publicis deterritus, Fridericum Paganum, qui neutri parti hætenus fauerat, cum magno suæ factionis applausu Principem declarauit. Id ubi primū ab his auditum est, qui pro Antonij partibus stabant, euestigiod, summo cum impetu, relicto palatio, in publicum processere, ac lymphatis similes, toruis oculis, & scædo vultu, minitabundi discurrentes, anxie in ipsum Fridericum, ut interficerent, inquirebant. Sed cum ipse esset natura placida, & ingenio planè tranquillo ac quieto, & qui nihil magis quàm supremum honorem, tantis periculis obnoxium, auersaretur, magna cum festinatione ex curia aufugerat: Montaldus tamen ad tempus aliquid sibi temperandum ratus, non vltiùs quicquam illo die aggressus est, at sensim se cum suis domum recepit. Postero tamen die, cum esset, uti diximus, excelso atque ambitioso animo, & planè eiusmodi, ut nullum periculum honoris gratia subire recusaret, cum sexaginta armatis in fanum D. Syri secessit, quò etiam, in illius gratiam, magna ciuium frequentia quamprimū confluit. Hic variis sententiis de Reipub. statu & gubernationis forma disputatum est, omniumque sententiis huic inclinatum, ut dicerent, Reipub. summoperè conducere, ut ipse, eius præcipuam curam in se deriuaret, quæque ex eius usu essent, pro solita limatissimi sui iudicij rectitudine prospiceret atque statueret. Huiusmodi potestatem custodiendæ Reipub. nactus, indies magis atque magis animi securior factus, imperium Reipub. sibi astruere per fraudem & recti speciem contende-

Leonardus
Montaldus
Princeps
creatus.

Iacobus Lu-
sinianus.

bat; & quò honestiùs secreta sua consilia obtegeret, quadraginta ciues, quorum fidei & beneuolentiæ plurimum confidebat, elegit, quorum arbitrio supremi magistratus electio permitteretur, causatus Adurnij electionem irritam ac prorsus inanem esse, quòd nullis legitimis suffragiis, sed potius consilij præcipitantia, & infimæ plebis ignoratione facta esset: nullaque mora interiecta, ipse, horum consensu & crebris suffragationibus Reipub. Dux creatus est. Ceterum, inter tot congratulantium turbas & consalutantium amplexus, magna vultus orisque firmitudine, quasi nihil noui sibi accidisset, vnumquemque, prout eius conditio requireret, excepit, sæpius in corona omnium præfatus, se vltra semestrem Reipub. cum summo imperio præesse nolle, ac se Principatum, eo animo, quo assumpserat, quotiescumque Reip. expedire visum esset, depositurum. Hoc singulati, & planè incredibili verborum lenocinio, vultusque constantia Senatum etiam, ceterosque patricij ordinis illexit, vt Senatus Adurnio significaret, vt se quamprimum magistratu, ad quem temerè profectus erat, abdicaret, & Montaldo legitimè renuntiato, cederet: cuius voluntati etsi reluctari videbatur, ita vt aliquid vltèrius ausurus crederetur, tamen suorum amicorum consilio ab instituto destitit, & rei supremam administrationem ipsi Montaldo permisit, cui de more sollenni Ducale sceptrum aliaque Principis ornamenta, tradita publice fuerunt cum incredibili totius ciuitatis voluptate & gaudio, quòd hoc modo seditiones, quas prius summo cum detrimento perpeffi erant, sublatas, & otium Reipub. postliminiò restitutum iri crederetur. In hoc rerum fermè tractu, Petrus Lusinianus Cypri rex, fatis concessit, ei que Iacobus patruus, qui ea tempestate vnà cum coniuge Genuæ in vinculis asseruabatur, in regni administrationem, consanguinitate & hæreditario iure proximus, successit. Montaldus, vbi de illius morte intellexit, operæpretium se facturum existimauit, & in primis Reipub. conducere videbatur, vt huic è custodia exempto, publico nomine de tanti regni successione congratularetur. Proinde assumptis aliquot proceribus, ipsum septimo Idus April. quo ad Principatum euectus fuerat, inuisit, ac pristina libertati restituit, aliaque omnia hospitalitatis & humanitatis officia exhibens, illum amicè amplexus, placidis verbis consalutauit, omnemque operam ac singulare studium Reip. nomine pro pacifica regni successione, aliaque ad iter necessaria obtulit. Lusinianus incredibili gaudio perfusus, commutata sorte, & præteritæ fortunæ acerbiter in sperata dignitate solatus, illi cum multis lachrymis ingentes gratias egisse dicitur, Reipublicæque omnem beneuolentiam, ac veræ animi integritatis studia promississe, cum fateretur, se multis beneficiis erga Rempub., licet in custodia, paucorum oppressione & inuidia, contra bonorum omnium voluntatem asseruatum, obstrictum atque obligatum esse. Se igitur non commissurum, vt aliqua de causa in posterum ingratus deprehenderetur. Itaque statim libertate donatus, possessionem Famagustæ ac tributum, paucis antè annis, vt diximus, à Genuens. Repub. Cypriis regibus impositum, sollenniter confirmauit, paucisque interiectis diebus, iussu Senatus Nicolaus Marullus cum decem triremibus bene præparatis atque instructis, ipsum regem in Cyprum saluum atque incolumem deduxit. Dimisso Lusinianno, Montaldus ad rerum ciuiliū administrationem animum intendit, primoque ab omnibus præcipuis familiis more solito tanquam Reip. Princeps visitatus & salutatus est: nène, mutata dignitate, minus popularis esse videretur, quindecim ciues populares delegit, quorum consilio deinceps in rebus grauib. vteretur, nobilitate omnibus Reipub. muneribus & magistratibus penitus exclusa. Hoc modo

modo sibi firmū Principatum astruxisse ratus, ac plurimum fiducia in populari beneuolētia reponens, Nicolao Guarco, ceterisq. eius fratribus, ac reliquis suis æmulis liberam potestatem fecit, ut, si modò illis integrum esset, in urbē postliminiò reuerterentur; iniuncto tamen, ut sese à re alieno contracto eximerent. Et quò plebem sibi arctius deuinciret, vectigalia, aliasque publicas exactiones imperari solitas, partim imminuit, partim sustulit. eoq. faciliorem sese in his præbuit, quò ciuitas per id tempus; tam graui peste laborabat, ut amplius nō genti, singulis hebdomadibus, utriusq. sexus eo morbo interirēt. Superiùs diximus, Montaldū non alia conditione assumere voluisse Principatum, quàm ut tot, tamq. variis tumultibus finis ac modus constitueretur, eumq. eo animo post semestre depositurum, quo illū publici boni gratia adierat. Exactum igitur erat tēpus illud ab eo præfinitum, stabantq. omnes erectis animis dubiaq. spe accensi, utrum quod se ultro facturum dixerat, re ipsa adimpleret, & magistratu exiret. Verū, post longā expectationem is rerum fuit exitus, ut ipsum nihil minus in animo habere deprehenderetur, quàm eam dignitatem, ad quam mira cautela peruenerat, sese spoliaret. Quandoquidem tanta prudentia, tantisque artibus sibi solida Principatus fundamenta iaciebat, ut non dubium foret, quin se in Reip. imperio contra omnium aduersariorum vim & iniurias probè quàm diutissimè tueri ac defendere posset, præsertim cū nulla esset politica ratio, quæ ab ipso prætermissa, vel neglecta esset, adeò ut, nisi immatura mors præuenisset, non facile à summo amplitudinis fastigio deturbari potuisset. Sed tabifica lue, quæ tunc temporis, uti diximus, in ciuitate admodum grassabatur, correptus, cū tamen alioquin sic satis firma & bona valetudine antea vsus esset, Idibus Iunij cum incredibili omnium bonorum atque adeò totius urbis, dolore ac mæstitia, vitæ suæ cursum absoluit, vno tantummodò anno in Principatu exacto; in cuius locum, citra aliquam seditionem vel strepitum, omnium ordinum cōsensu Antoniotus Adurnius Reipub. Princeps designatus est. Hic, quia non semel antea Reipub. administratio illi demandata & permessa, uti commemorauimus, fuerat, valdè circumspēctè sese in eadem hac tempestate gessit, popularium, puto; veritus inconstantiam, & leuitatem, qui iisdem animis plerumque aliquem è supremo folio deturbare solent, quo eum extulere. Ipse igitur Prædecessoris sui vestigia secutus, paucula circa rerum politicarum statum innouauit. Guarco statim, sub huius Principatus initium, spontè vrbe excesserat, quòd indignè ferret, tantum suum aduersarium, cum quo tamdiu simultates atque odia exercuisset, præter spem & opinionem in vrbe rerum potiri; Finariumque concesserat, ubi haud multo post ab illius oppidi regulo, in gratiam Adurnij noui Ducis captus est, & paruo interiecto tempore, ad eum Genuam transmissus, illiusque iussu in Ericis arcem ablegatus, atque ibi admodum duriter, & planè, uti dicunt, inhumaniter, hoc est, longè infra suam conditionem, asservatus fuit. Adurnius ad confirmandum sibi Principatum, composito rerum urbanarum statu, externa etiam bella ut consopirentur, summo studio annitebatur. Ceterum, anno eiusdem sæculi octogesimo septimo, aliquot conspirationes aduersus eum resectæ sunt, eaque de causa tres fratres Iustiniani, de Garibaldo, nempe Franciscus, Raphael & Leonardus, inter populares summæ existimationis, quòd coniurationis participes essent, extrema veriti, clam vrbe excesserunt. At Nicolaus Maruffus, Raphael Ponzonus, Ianottus Marius & Thomas Pinellus in summam deuenere suspicionem, quòd eiusdem conspirationis vel auctores essent, vel saltem conscij. Proinde iussu Principis in vincula coniecti, & quaestio de illis habita est, & quòd culpa non

1284.

Antoniotus
Adurnius
Montaldo
in Principatu
succedit.

1385.

1386.

1387.

non vacarent, magna pecuniæ summa multari, & in longinquas insulas more maiorum deportati. Adurnius, intestinis his malis, atque adeò domesticis periculis ereptus, cum esset animo supra modum excelso, & maximis quibusque curis pari, assidue secum aliquid meditabatur, quò non solum Reipub. dignitatem ac potentiam augeret, sed etiam nomen suum illustraret. Proinde cum intelli-

*Expeditio
aduersus re-
gem Tu-
netanum.*

geret, regem Tunetanum cum aliquot suis nauigiis omnem Ligustici littoris tractum subinde inquietare, duodecim triremes instruxit, iisdemque Raphaellem suum fratrem præfecit, ut Barbarorum insolentiam & quotidianas iniurias coerceret. Raphael, ut nihil infra hominum existimationem gereret, summa cum alacritate associatis sibi quinque Pisanorum triremibus, ac tribus Manfre-

1388.

*Insula Me-
ninga à Ge-
nuens. occu-
pata.*

di Claramontij Siciliae nauarchi onerariis, in Africam confestim enauigauit, insulamque Meningam, seu paruam Syrtim, quam nunc Zervas vocant, multis victoriis, sed recenti funesta clade ibidem à nostris accepta, nobilem atque illustrem, adortus est, eamque armis recepit, & totius insulae administratio ipsi Claramontio, consentiente Raphaelle, & acceptis triginta sex aureorum millibus honorarij nomine, permissa est. Adurnius, rebus in Africa feliciter gestis, longè maiori studio, quàm antea, omnes suas curas animique cogitationes ad externas expeditiones contulit, annoq. subsequenti, qui fuit eiusdem æui vndenonagesi-

1389.

mus, ad expugnandum Tunetum validam classem adornauit. Afri enim vniuersam Italiae oram, insulasque inferi maris, crebris excursionibus mirum in modum infestabant, ac multis illatis cladibus, cum summo totius Reipub. Christianae incommodo iuxta ac dedecore, omnia longè lateque depopulabantur. Verum, cum tanto sustinendo bello se impares conspicerent, expedire ipsi Duci reliquisque Patribus conscriptis videbatur, ut Galliae rex, ad belli societatem missis legatis, inflecteretur, nimirum cum Gallica potentia eo tempore usque adeò esset magna & valida, ut maximae quæque Prouinciæ eius armis vel essent receptæ, vel protegerentur. Quocirca Senatus confestim ad Carolum VI. tunc Galliae regnum administrantem, aliquot oratores, viros graues, Reipub. nomine misit, qui ab ipso rege in colloquium admissi & amanter excepti, facta dicendi potestate, oratorum maximus in hanc sententiam exorsus est.

*Oratio Ge-
nuens. legati
habita co-
ram rege
Gallarum.*

Nemo nostrum ambigit, Inuictissime Rex, huius præstantissimi tui simulque Christianissimi regni Maiestatem adeò fuisse magnam, omnibusque suis hostibus formidabilem, ut solo nominis sui terrore, tanquam certissimo belli fulmine, Turcas, Sarracenos, ceterosque Religionis Christianae hostes, non modò ab Europæ faucibus arceret, sed etiam intra Tauri montis iuga compressos, ac ne egredi quidem ausos, contineret. Hinc illa immortalis gloria, quæ maioribus tuis, tibi que, atque adeò florentissimi regni tui posteritati, propter tot inclytas victorias de tantis hostibus reportatas, sempiternum debetur. Hinc demum illa illustrissima Galliae nuncupatio, quæ non gentis, sed Christianae fidei habita apud ipsos Barbaros fuit. Maacte igitur esto gloria atque virtute, inuictissime rex, ac ne patiaris, ut necessariae tuæ alioquin curæ & domesticæ occupationes te ita à rerum Orientalium statu retrahant, ut Christiana Respub. aliquo nouo & insigni detrimento afficiatur. Quondam maiorum tuorum arma Euphratem, ac Nilum, iugum ferre compulerunt. nunc omnibus in deterius labentibus, videmus circa Euphratem & Nilum crudelissimos & immanissimos hostes imperio atque opibus florentes, qui, despectis nostris viribus, contemptisque piorum Principum armis, Asiae atque Africae longè lateque dominantur. Quis enim est tam stupidus, & humanarum rerum ignarus, ut non videat, quorsum hæc bar-
barica

barica ambitio, & dira crudelitas euasura sit? Europam namque sensim transgressi, Byzantio certa spe imminent, Hungaros, fortissimam gentem, nouis excursionibus ita terrent, vt nisi oppidò nouis auxiliis adiuti fuerint, planè de rebus suis desperent. Tacco Hispanias, quas ferè omnes tot iam ætatibus obtinent. Nec ea commemorabo, quæ magis deploranda, quàm recuperanda existimari possint. Eò namque ventum est, vt Barbari, Terrarum dominos non temerè sese dictitent. Nec ea contenti re, mari etiam insultant. Narbonensis siquidem Prouinciæ maritimam oram præternolant, tanta me herclè cum audacia, vt parum absit, quin ora miserorum hominum ex littore spectantium, remis respergant. Hæc sanè, licet graua sint, & pænè eiusmodi, vt intolerabilia esse videantur, feruntur tamen aliquo modo, si cum aliis longè grauioribus in comparationem veniant. Quis enim ignorat, quàm miserum sit, quòd nos, continentemq. Gallia Liguriam, atque exiguo tantummodò amne diremptam, insulasque in mutuo nostro conspectu sitas, piratica, assiduisque latrociniiis infestas faciunt, non secus ac si Gallis cum Genuensibus eadem fortuna in omnibus externis expeditionibus aduersus Barbaros cõmunis esset. Galli enim superioribus tẽporib. sanctissimã urbem seruitute Barbarica eripuerunt, nobis in partem periculi glorięq. receptis, adeò vt ex eo tempore nunquam finem fecerimus, Gallorum sacra aduersus impios arma, virtute, pietate & officio, quoad eius fieri potuit, iuuandi. Nos enim illis maioribus sumus orti, vt etiam, vel consentientibus nostris hostibus, præclara facinora pro religione Christiana non semel ediderimus. Nunc, ne ab eorum virtute, & parta gloria degenerasse videamur, sacrum bellum in Afros, aliosque scelestos & impios hostes necessariũ, coactiq. magis quàm spontè suscepimus. Illi enim nos vtrò petunt, nec aliquem incursionibus, vel prædis finem aut modum faciunt, vel norunt. Sed igni ferroq. nos assidue (quod nisi cum graui gemitu efferre possum) crudeliter diuexant, & depopulatur. Habemus enim ditionem nostrã, adeò illorum iniuriis expositã, vt hac vsi ansa, nos magis quàm alios, subinde aggrediantur, eoq. ab illis magis vrimur, & premimur, quòd aliàs maiore Christianæ Reip. operã nauauerimus; putantque, nos imperio vestro parère, quòd nulla natio inter Christianos, perinde ac Galli, nota sit, nostrum verò nomen, ceu obscurum, ignorent: vel saltem splendore vestri imperij supprimitur. Proinde cùm bellum sacrum nobis necessarium sit, vt domesticum, ac plane tibi finitimum, auertamus, & in ipsos auctores transferamus, ex dignitate tua fuerit non expectare, donec hoc incendium, postquam obuia quæque absumpserit, ad vos perueniat; sed dum temporis ratio patitur, nos, vestri, adeoque tui imperij amantissimos, opportuno auxilio aduersus communes nostros hostes instruere. Nos enim, tametsi aliquid mari possumus, vos tamen longè magis omni in re, præsertim verò terrestribus viribus, inuicti estis. Pollicemur itaque, si non inuitus socia arma contuleris, & voti compotes domum dimiseris, Reipub. nomine, stationes, portus, littora, vrbes, classes nostras, & quicquid denique in nostra potestate reliquum est. Suscipe igitur, precamur, hoc bellum in cõspectu, ac propè sinu tuo positum, ad quod ex propinquo te memoria sanctissimorum regum maiorum tuorum, ac planè voce sua Deus optimus max. vocat. Siquidem non addubitamus, quin, collatis viribus, præclarissimam de toties victo hoste victoriam reportaturi simus.

Magno assensu audita est Genuensis oratio; decretumque à rege, vt citra aliquam intermissionem illis matura auxilia ferrentur, tantaque omnium Procerum ad

rum ad hanc expeditionem erat animorum inclinatio, vt regius frater mira gloriæ cupiditate flagrans, eam prouinciam sibi sigillatim deposceret. Verum, quod negotium cum perfido magis quàm generoso hoste esset, ita vt veterano aliquo duce opus in primis foret, Proceres ipsi regi auctores fuere, vt Dux Borbonius huic expeditioni Imperator designaretur. Nobilitas Gallica certatim huic militiæ nomina dabat, ingensque ardor omnium animos inceserat, vt etiam cū vitæ suæ periculo bene de Christiana Repub. mereretur. nec is ardor solū per Gallias fuit, verum, vt plerumque fieri solet, virtutis æmulatio in Angliam transiit. Nam constitutis ea de causa cum Galliæ rege in triennium indutiis, aliquot præcipui iuuentutis Anglicæ Proceres, cum valida manu sagittariorum in Galliam transmissere, communicatisque consiliis, & armis, sub signis agminatim Alpes transcendere, paruoq. temporis tractu, vniuersus exercitus Genuam, vbi in vsum huius belli validissima classis, nempe quadraginta triremium, & viginti onerariarum, duce Ioanne Centurione Ultramarino, Adurnio Principi arcta necessitudine coniuncto, instructa erat, peruenit. Veneti quoque ad hanc militiam auxilia contulere, licet ea tempestate sibi cum Genuensibus bellū intercederet, sed magis communis fidei ac religionis, quàm priuatæ querimoniæ rationem habentes, reconciliatis ad tempus animis, ceteris Christianis populis inferiores videri volebant. Itaque omnibus ad bellum necessariis præparatis, classi que imposito exercitu, postquam de more, sacris pro felici huius belli successu operati essent, continuo Præfectus in Libyam contendit, & in Vticensi portu tantisper stationem habuit, donec illa omnia, quæ ad Tunetanam expeditionem pertinerent, expedita essent. Ne verò interim, celeberrimam urbem tacitus præteream, priusquam vterius progrediar, minimè ab re fuerit, si adiecero quæ scriptores de illa prodiderunt. Hæc vrbs Africæ vetustissima, ipsi etiam Straboni ac Polybio memorabilis, Arabibus Tunis, antiquioribus Tharsis appellata, principio angustissimum oppidum fuit, ab Afris ad lacum quendam extructum, quod à Mari mediterraneo circiter 12. miliaribus distabat. Deleta verò Carthagine, cū ædificiis, tum etiam incolis mirum in modum augeri cœpit, & tum primò Abu, Zacchariæ regis Tunetensis filius, Marocci regis iugo excusso, regiam Tuneti aulam instituere cœpit: sub quo Principe ad Leonis vsque Afri tempora, adeò Tunetensis Resp. excreuit, vt totius Africæ opulentissima sit appellata. Huius filius cū post obitum patris ad regnum peruenisset, amplissimis ædificiis suburbia locupletauit. vnum, ad portam Beb. Suuaica, ædificauit, quæ fermè trecentas numerabat familias. alterum ad portam Bebel Manera extruxit, quod quidē amplius mille familiarum fuit capax. Frequentissima in vtroque est opificum multitudo, & in posteriori omnes Tuneti Christiani habitant, qui in regis custodiam electi sunt. Adiunctus est ab eo tempore tertius quidam vicus ad maritimam portam, Bebel Bacchar dictam, quæ à sinu dumtaxat dimidio milliari abest. Huic se Genuenses, Veneti, ac reliqui mercatores Christiani conferunt, habentque sua extra Maurorū tumultū hospitia secretiora. Est autem hic vicus tantæ amplitudinis, vt tam Christianorum, quàm Maurorum familias supra centum annumeret. Domus autem humiles sunt, & aliquantulum arctiores. Ceterum, lapidibus, multoque musæaco, vt appellant, elegantissimæ. Huius ciuitatis ædificia, cum iis quæ visuntur in suburbanis tectis, numerum attingunt decies ferè millesimum. Ornatissimum hoc oppidum, atque incolis frequentissimum, singulis artibus locum peculiariter assignatum habet. Hic textorum numerus propemodum infinitus, telaque longè subtilissima, per totam Africam distrahitur, magnoque pretio

Tuneti de-
scriptio.

pretio diuenditur. Est autem ipsis feminis mirus quidam nendi modus. Nam sublimiori quodam loco, aut in superiori domus parte sedentes, fustum aut per fenestram, aut per foramen quoddam tabulati in subiectam demittunt contiguationem, adeò vt fusi pondus filum maximè æquale atque politum reddat. Huius texturæ complures sunt officinæ; & qui hanc artem exercent, omnium in ea vrbe ditissimi censentur. Hic etiam aromatariorum, aliarumque artium quæ manuales vocantur, ingens copia, simulque innumeri laniones in macello frequentissimo, qui ouillas carnes vt plurimum venales habent. Sunt omnes perliberali ingenio, & habitu satis decoro. Dulipanum in capite gerunt, quod prolixo admodum linteo tegitur, idque omnes aulici, ac milites gestare consueuerunt, sic tamen, vt in eis aliquod discrimen agnoscatur. Diuitum numerus haud sanè permagnus, idque fortasse ob rei frumentariæ, omniumque adeò frugum summam pænuriam & caritatem. His enim, propter crebras Arabum incursiones, non licet agrum vel minimo interuallo ab vrbe situm, colere, ideoque vt plurimum frumento importato vtuntur, & quod præsertim illis Beggia, & Bona, locis haud valde remotis, aduchitur. Nonnulli ex indigenis agros in suburbio muris cinctos habent, vbi hordeum ac triticum serunt: at solum est ita aridum, vt frequentissima irrigatione indigeat, ideoque singulis fermè est suus puteus, vnde aquam rota quadam, quam mulus, aut camelus agit, exhauriunt, & quibusdam meatibus siue ductibus, ad id summo artificio paratis, totam agri superficiem irrigant. Est in hac vrbe amplissimum quoddam templum, sacerdotum numero atque annuis prouentibus opulentissimum. Alia quoque templa passim reperiuntur, sed longè diuitiis ac redditibus inferiora. Insunt etiam pleraque collegia, & cœnobia more patrio extructa, quæ omnia communi ciuium beneficentia fouentur. Miro quodam artificio gypsum incidunt, & elegantissimis coloribus depingunt. Est autem lignorum incredibilis inopia, in quibus egregij quidpiam insculpi posset. Balnea verò multò commodiora, quàm Fessæ, licet non admodum ampla neque sumptuosa. In suburbiis frequentissimi atque amœnissimi sunt horti; qui etsi fructuum haud magnam copiam, præstantissimos tamen producant: & malorū citreorum, rosarum, atque aliorum florum omnis generis maxima vbertas, eo præsertim loco, quem ipsi patrio idiomate Bardum vocant, vbi regium visitur palatium, hortis vndiquaque amœnissimis cinctum. Habet insuper ex omni parte vltra quatuor, aut quinq. milliaria, campos oliuis copiosissimos, vnde tantum olei conficiunt, vt non ciuitati solum satis sint, verum etiam ad Ægyptum, haud exigua copia transmittatur: & ligna ex oliuis decisa, igni committere solent, indeque carbones conficere. Nonnullarum feminarum inopia in causa est, quominus integram pudicitiam seruent. Hæ quidem ornatè vestiuntur, & domo egressæ, Fessanarum more, faciem obtegunt. Pannus enim latus frontem velat, cui etiam alter quidam subiungitur, & caput tam multis panniculis obuoluunt, vt ea parte gigantem referant. Omnem ferè substantiam, omnemque adeò curam & studium, suffumigationibus, quas Profumos vocant, & huiusmodi deliciis insumunt. Est autem apud ipsos cibus quidam sumptuosissimus, quem Lhasis appellant; cuius qui vnciam vnā sumpserit, perinde ac si ebrius esset, ridere, iocari, atque ineptire incipit, maximeque ad libidinem prouocatur. Sunt præterea in hac vrbe nonnulli, quos insanire planè dixeris, qui semper lapides circumferunt, nudisque pedibus & aperto capite incedunt, atque à populo ceu eximie sanctitatis viri coluntur & obseruantur. Hoc imperium Tunetanum octingentis ferè millibus passuum in ora ab Occasu in Orientem extendebatur. Nam Bugea &

Tripolis emporio & gymnasio claræ vrbes, Tunetanæ ditionis erant, cùm & ea introrsus ad Æthiopum arenas vsque pertineat. Tuncum Carolus V. Augustus anno supra millesimum quingentesimum septimo ac trigesimo, mense Augusti, fuso fugatoque Hariadeno, deditione expugnauit, & vniuerso regno potitus est. Mustapha miles strenuus, quem Hariadenus, seu Barbarossa, discedens, vrbis defensionis præfecerat, Imperatoris se potestati fideique permisit. Muleassem Nazerium in regnum restituit, Guletam tantum arcem cùm maximam, tum munitissimam, præsidio imposito, sibi retinuit. Binos ad venationem falcones, & binos Numidiæ pernice, equos & Guletano præsidio Hispanico stipendij persolutionem tributum nomine quotannis Muleassi imposuit. In ea expeditione Carolus Cæsar viginti Christianorum millia in vinculis captiuos, libertati restituit, pridè D. Ioannis Baptistæ natalis. Ceterum Muleasses tanti beneficii immemor, ad Turcarum tyrannidem deficiens, vniuersum regnum proditione Solymano restituit, quod ab eo tempore vsque ad annum Christi M. D. LXXIII. propriis regibus administratum fuit, quoad Ioannes Austrius ex sociali cum Pontifice ac Venetis bello, & nauali cum Turcis conflictu in Epiro ad Echinadas victor rediens, Tunetum expugnauit, profligatis ac cæsis Barbaris, vniuerso regno potitus est, Castro nouo, duce & auspice Gabriele Serbillonio Mediolanensi, ad arcis Antuerpianæ (nunc dirutæ magnæ. ex parte euersæ) imitationem ac formam, cômunito: Guletæ verò Petrum Carerum Hispanum, nomine Philippi regis præesse iussit. Id agrè ferens Turcarum tyrannus, classe instructa, in Guletam & nouam arcem expeditionem parauit, & tandem mense Quintili & Sextili M. D. LXXIV. terra marique Sinano purpurato exercitus Imperatore, & Occhiali classis duce, vtramque arcem expugnauit, Christianos omnes, tantum exceptis qui vincti Constantinopolim sunt missi, trucidauit, ciuitatis Tuneti ac nouæ arcis muris solo æquatis. Hæc in præsentia de huius inclytæ vrbis statu, & indigenarum natura. Ceterum, vt ad destinata sermonem referam, nostri, relicto Uticensi portu, secundum littus, Carthaginem vsque ad nauigarunt, quia Tuncum, propter interiacentem stagni difficultatem commodè nauibus adiri non potest, præsertim cùm inter mare & urbem, continentis pars, ceu linea quadam directâ, intercurrat. Proinde cùm descensionem in continentem facere vellent, hostes vndique circumfusi, ac sub signis stantes, summis viribus atque conatibus dabant operam, vt descensione prohiberent. Virtute tamen sagittariorum Anglicorum effectum fuit, vt nequicquam resistentibus Barbaris, exercitus noster in terram exponeretur. Statim igitur expositis copiis, ipsi sese pari modo ad prælium præparant. Nam Tuneti rex, relicto firmo ad vrbis Tunetanæ tutelam præsidio, castra in propinquo non procul à mari, qua Christianis ad urbem aditus dabatur, posuerat, seque egregiè communiuerat, ita vt tametsi nostri in acie essent constituti, & nihil, præter prælium expectarent ac exposcerent, Barbari tamen sese munitionibus suis continentes, nunquam fortunæ aleam cum nostris committere auderent. Numidæ tamen, quod velocissimum ac maximè pernix equitum genus, nostros, illorum agros & mapalia vrentes, subinde magnis incommodis afficiebant, equitemque nostrum cataphractum, vltius vagari volentem, summa alacritate impediabant, adeò vt ex istis velitationibus certamen valdè impar vtrunque oriretur. Barbari enim suo more magna calliditate nostris excurrentibus, fugientibus similes tergiuersabantur, cedentibus verò instabant, & multiplici ludificatione, prout vsus ferret, longius eliciebant, quò scilicet, disiunctos à suis, paucos, ipsi plures circumfusi premerent, & admixtæ suæ temeritatis

ritatis pœnas exigent. Optimum ergo visum ipsi Borbonio ceterisq̃. Ducibus, vt omiſſis iſtis leuibus præliis, cùm de ſumma re in certamen non deſcenderet Barbarus, vrbem obſidione oppugnare. Tenebatur ſiquidem firmiſſimo, vt diximus, præſidio, maiorq̃. pars nobilitatis, quæ magno in honore penes Barbaros etiam habebatur, vrbis deſenſioni ſeſe commiſerat; & licet egregiè à noſtris militibus ciuitas tentaretur, nihil noſtri, cùm ſtrenuè deſenderetur, proficiebant. Nam, præter ſummam deſenſorum alacritatem, hoc accedebat incommodi, vt Afer, noſtros in mœnia verſos, à tergo adoriretur, tametſi nihil mouere temerè auderet, quòd multæ noſtrorum copiæ ſub ſignis contrariam in partem verſæ, ad inhiſcendum omnem à tergo impetum paratæ ſtarent. Interim Præſectus præſidij, aut ſpontè, aut regis mandato impulſus, per præconem petiit, vt ſibi cum Imperatore Chriſtiani exercitus colloqui liceat. Iuſſus igitur egredi, planè id abnuit, niſi ipſemet Borbonius muros accederet. Et cùm multi eſſent Ligures, linguæ Punicæ non ignari, his interpretibus vſus præſidij Præſectus, ex Imperatore noſtro quaſiuit, quænam cauſa Gallos, Angloſq̃ue, tanto maris terræque tractu ab Africa remotos, in Libyam pertraxiſſet. Iuſſu Imperatoris illi reſponſum, Genuam eſſe vnam Chriſtiani nominis ciuitatem, illius agro, religionis odio ab Afris bello & direptionibus vexato, non minùs Gallos & Britannos offenſos, quàm ſi hoſtile ferrum intra proprij regni viſcera cõtorta forent. Huius itaque colloquij initium, ſpem alicuius tranſactionis attulit. Nam vtrinque miſſi legati, qui de pacis ſumma agerent, eaque his conditionibus inter eos de mutuo conſenſu conſtituta & confirmata. Primùm, vt Afri ſeſe finibus ſuis & terminis ſolitæ continerent. Vt abſtinerent ora maritima Italiæ Galliæque, ac omnibus inſulis Africæ Europæque interiectis, captiuos Chriſtiani nominis redderēt. Decem aureorum millia in præſenti & expedita pecunia conſeſtim numerarent. Hæc ferè fuerunt conſtitutæ mutuæ pacis ſuprema capita; & hoc modo bellum contra Barbaros ſuſceptum, opinione multorum celeriùs conſectum & conſopitum fuit, exercitusque Chriſtianus, Genuam, vnde ſoluerant, reductus. Galli & Angli inde proſecti, à ſancta felicique expeditione potius quàm bello, ad ſuos quiſque cum inſigni gloria & mutuis congratulationibus redièrunt.

*Pax inter
Ligures, &
Afros.*

LIBER OCTAVVS.



AT Genuæ, anno ſupra milleſimum trecentefimum nonageſimo, 1390. Petri Fulgoſij potentiſſimi ciuis, aliorumq̃. ſociorum ambitio, nouos in Rep. motus exuſcitauit, qui ſumma Principis diligentia & ſollertia ſuperati & oppreſſi fuerunt. Statim enim de pernicioſo illorum conſilio commonefactus, Fulgoſium, nihil minus expectantem, comprehendit, & in vincula conijci iuſſit. Cuius periculo ceteri conſcij & coniurati, deterriti, conſeſtim fuga ſaluti ſuæ conſuluerunt, & coniuratione ipſorum patefacta, illorum bona fiſco adiudicata, ipſiq̃., tanquam rebelles & contumaces, more ſolito proſcripti. Adurnius tamen, metu & graui trepidatione non caruiſſe dicitur, quòd, in quaſitione facta, tot tantorumque ciuium capita contra ſe conſpiſaſſe reperiret. Quocirca magno temperamento vſus, de ipſo Fulgoſio coniurationis auctore, extremum ſupplicium ſumere noluit, veritus hac ratione nouos tumultus, cùm videret, magnam populi partem erga illum vehementer eſſe propenſam. Qua ſanè in re magnam ſibi promeruit

meruit prudentiæ ac moderationis laudem, simulque præcidit multis grauibus Reipub. periculis ansam. Viuebat ipse interim, suo, aliorumque proborum viro-
rum iudicio planè miser, cum inter tantas molestias & domesticas insidias, con-
tinenter illi populares insolentiæ tolerandæ ac deuorandæ essent. Nā vix aliqua ela-
bebatur dies, quin nouæ plebis querimoniæ, atrocitatis & contumeliarū plenæ,
ad ipsum deferrentur, adeo vt animo exæstuans, & spe dubius, quid sibi statuen-
dum in tam dubio Principatus sui statu non adinueniret. Hinc enim populari-
bus factionibus & inconstantia vexabatur, illinc nobilitatem timebat; nec pa-
rum illum defatigabat super Fulgosij negotio deliberatio; nimirum quod peri-
culosum duceret, eum penitus liberare, & absolueret, nec minus sibi periculi im-
minere, si eum diutius in reis haberet. Proinde tantis curis impar, ac multum de
pristina animi generositate remittens, quam eò vsq. in omnibus suis actionibus
& negotiis ostenderat, nullo impellente, vtrò Principatum relinquere consti-
tuit, cum antea summa cum virtutis commendatione, totiusque Reip. præclaro
testimonio per sexennium, imperium gessisset. Simulās igitur se, animi relaxan-
di gratia, in suburbanum suum prædium secedere velle, statim tertio Non. Au-
gusti D. Thomæ portam ingressus, triremim Conradi Auriæ illic præpara-
tam, remotis arbitris, conscendit. Hic repentinus eius discessus magnam toti ci-
uitati admirationem ac perturbationem iuxta attulit; simulque, vt fieri solet in
vrbe quæ nullo metu regitur, confestim ad arma concursus: eratque res periculi
plena, & planè eiusmodi, vt summam rerum cōuersionem præbitura videretur,
nisi Patrum conscriptorum prudentia statim ab initio restincta fuisset. Hi enim,
ad compescendam plebem, propter Principis absentiam tumultuantem, Iacobū
Fulgosium, virum singulari prudentia, & pacis in primis studiosum, necnon
liberalibus artibus egregiè ornatum, ad supremam dignitatem communibus
suffragiis extulerunt, sic sanè, vt ipso Principe designato, excitati tumultus sen-
sim conqueuerint. Erat ipse Fulgosius, illius Dominici filius, qui prius cum ma-
gna sua laude & honore, Reip. Principatum gesserat; cuius natura & mores mul-
tò erant mitiores & humaniores, quàm Petri sui fratris, recens è vinculis exempti.
Quo sanè factum fuit, vt pauci essent in ipsa ciuitate, qui huic electioni refraga-
rentur. Ipse itaque assumpto honore, promptissimo animo multas condiciones
sibi propositas se adimpleturum spondit, & in veræ liberalitatis & mansuetu-
dinis testimonium, Principatus initia ab humanitate auspicatus est. Nam omni-
bus profugis & exulibus restitutis bonis, in patriam remigrandi liberam pote-
statem fecit. Nec sanè hanc optimæ voluntatis rationem successu temporis, vt
plerumque fieri solet, aliqua de causa immutauit. sed Reipub. adeoque vniuer-
sæ patriæ amantissimus, tametsi subinde nō leues occasiones præberentur, illam
cōstantissimè retinuit, ita vt ciuitatis administratio sub eius regimine planè quie-
tè ac pacificè diu constitisset, nisi Adurnius Principatum, à quo sese, vt diximus,
abdicarat, denuò cum magna animi inconstantia & perspicuo leuitatis argu-
mento affectasset. Hic enim, vel quòd ipsum præteriti erroris pœniteret, aut quòd
noui Principis imbecillitatem probè nosceret, subsecuti anni principio, eadem
triemi, qua Genua, paucis antè mensibus, Sauonam secesserat, Segestum occi-
dentale adnauigauit, eo quidem prætextu, vt se nihil aliud prorsus velle diceret,
quàm in patriam reuerti. Quod vt commodè assequeretur, suorum amicorum
atque clientum apud Principem interponebat operam. Verùm cum illi repul-
sam à Principe ferrent, magnam omnibus suspicionem iniecit. Siquidem res eò
in ciuitate deuenerant, vt ex minimis quibusque de causis Reipub. mutatio
summo-

*Jacobus C.
populgosius
Princeps de-
claratur.*

sum moperè timeretur. Nec deerant profectò in vrbe qui Fulgosio Duci suaderent, vt pro maiori sui Principatus firmamento ac sui securitate, Adurnium ipsum, hoc maxime rogantem, intromitteret, existimantes futurum, vt hac ratione, Guarcorum familia, à qua sibi non parum metuendum erat, tanquam iniecto freno, cohiberet, nimirum quòd nouo beneficio atque insperata liberalitate illi sibi deuinciret. Quam sanè consilij rationem si Fulgosius secutus fuisset, nà sibi magnam vtilitatem ac securitatem, vt euentus declarauit, conciliaisset. Adurnius etenim, vbi se, redeundi Genuam spe excidisse videt, grauissima indignatione & ira incensus, confestim haud pœnitendam manum ex finitimis oppidis collegit, nullaque mora interposita, mense Martio cum octingentis & amplius armatis ad locum, vulgò D. Petri Arenatium, peruēnit, negligente interim Fulgosio tanti viri conatus: indeque planè accidit, vt Adurnio facilis in urbem patēret accessus, adeò vt cū nullus esset præsidarius miles, qui sese illi opposeret, Non. Apr. urbem ingressus, in platea D. Agnetis domicilium sibi delegerit, illudque suis militibus circumsepsit. Repentinus eius aduentus multos amicorum suorum in colloquium protraxit. Nam nemo erat qui, modò partibus eius faueret, eius colloquium diffugeret. Ea tamen die nulli excitati tumultus, sed admodum sui securus, tantum ipsi Fulgosio denunciari iussit, vt postero die Curia excederet, ac prætorium sibi liberum relinqueret. Itaq. prima orta luce cum suis copiis ad palatium progressus, nemine obstare, vel reclamare auso, illud liberè ingressus est, & Principatum, timiditate, dicam, an inconstantia depositum, per vim & metum recuperauit, & quò nihil de pristina humanitate remissile existimari posset, voluit, vt Fulgosius eo die secum pranderet. Quod cū impetrasset, ipsum ad aedes suas honorificè perducere iussit. Fulgosius namque, cū ita esset ingenio ac eruditione institutus, vt magis literarū otium, quàm imperij molestias quæreret, non inuitus, vel saltem citra aliquam animi molestiam, Adurnio in Principatu cessit, ac in posterum quietam vitam, postquam vnum duntaxat annum in Principatu expleuisset, sibi delegit, magno me herclè cum veræ fortitudinis exemplo, nimirum, cū nihil grauius hominum opinione in hoc tragico humanarum rerum theatro contingere possit, quàm à supremo felicitatis gradu nullo suo merito aliquem deturbari. Sauonenses, qui Adurnio infensi erant, ex his tantis & repentinis mutationibus ansam corripuere, vt novos motus aduersus Rempub. excitarent. Magno enim impetu Signum oppidum haud procul Genua situm, adorti sunt, eo consilio, vt illud sui iuris facerent. Signani à Sauonensibus præter expectationem obfessi, Genuensium ope implorata, sui oppidi statum Reip. ob oculos ponebant, statimque missa auxilia, quibus commoti Sauonenses, ab incepto destiterunt. Et quò temeritatis suæ pœnas luerent, illos aliquot suis arcibus multarunt, ita vt hac de causa suum operè indignati Sauonenses, à Repub. non sine magna obmurmuratione eorum qui erga Senatū, atque adeò Rempub. bene affecti erant, deficerent. Adurnius hac turpi defectione non parum indignatus, duos ciues populares, & vnum patricij ordinis, qui aduersus se recens conspirant, ad ceteros exemplo deterrendos, sept. Idus Martij capitis damnavit, Petrumque Fulgosium, denuò res novas molientem, & in Senatus Reipublicæque perniciem conspirantem, comprehendi iussit, quem in Nouium oppidum captiuum ablegauit. Benedictum itidem Vialem, celebrem Iuriconsultum, & Sauonensis fratrem, rebellionis subsecutæ haud postremum auctorem, in arcem Ericis custodiæ causa transtulit: vbi paulò post, fato concessit. Illius obitus novas in ciuitate turbas dedit. Siquidem Antistes eius

Adurnius
per vim
Principatū
recuperat.

Sauonensium
defectio

Noui motus
in Repub.

frater,

frater, relicta Genua, in Flischorum ditionem profectus, breui sexcentis armatis stipatus, in urbem per portam D. Stephani reuersus est. Cui se omnes propemodum coniunxerunt, qui Adurnium odio prosequerentur, vel saltem parum eius laudi & honori fauerent: inter quos fuere præcipui Ludouicus Guarcus, Guarcæ factionis princeps, & Baptista Buccanigra Simonis Buccanigræ, nuper Reip. principis filius, & equestris ordinis, cum plerisque suis sociis atque clientibus. Verum Adurnius, intellectis nouis æmulorum suorum apparatibus, sese maturè communiuerat, statimque illorum conatibus militem præsidarium obiecerat, sic sanè, vt ulterius progredi nequirent. Ipsi igitur in vnum conglobati, proximo die, circa ædem Francisco sacram, ea spe constiterunt, vt palatium publicum per vim adorirentur, & deturbato Principe, expugnarent. Sed Adurnius, magna prudentia illorum conatus præueniens, vsque adeò se ad omnem casum præparaauerat, vt, præmissis quamplurimis sagittariis, aduersarios suos ab occupatis locis egregiè repelleret: & Castelleti turres, ac regionem D. Catharinæ cum illa quæ D. Francisci vocatur, milite suo occupauit & communiuit: moxque collatis signis, cum hoste conflixit; illumque profligauit & delenit, captis ferè præcipuis omnibus, inter quos Antistes Sauonensis fuit, qui in arce Nolana, in quadam teterrima turri asseruatus est. Buccanigra verò, & Guarcus, in exilium acti. Repulsis itaque & oppressis aduersariis, Adurnius longè maiori cura & prudentia seipsum constabiliebat: veritusque, ne deinceps huiusmodi pestes in vrbe exorirentur, enixè dedit operam, vt aliquot Spinularum oppida, quæ multis aduersariis suis receptaculum & effugium præbuerant, confestim occuparet. Proinde, paruo interiecto tempore, videlicet sexto Cal. Maij, Raphaëlem Adurnium fratrem, cum septingentis equitibus, & duobus fermè peditum millibus huic provincie destinauit. Ipse facili negotio Buzallam, & Burgum, vulgò de Fornariis, cum aliquot circumuicinis pagis & oppidis strenuè expugnauit. Quibus peractis, summa diligentia sibi in vrbe, & præsertim in palatio, contra æmulorum, & clandestinorum inimicorum insidias prospexit, ac modis omnibus cauit, ne in posterum aliqua de causa hostilibus iniuriis & technis esset expositus. Et cum non ignoraret, multos in ciuitate cum ex nobilitate, tum plebe, suæ vitæ insidiari, ad maiorem sui securitatem & præsidium, cohortem prætoriam descripsit, adeò vt nouo satellitio constipatus, omnibus suis aduersariis tam domi, quam foris omnem lædendi spem prorsus auferret. Quocirca Spinulæ, ac Flisci, illius, vt ipsi dicebant, tyrannidem perosi, fœdere mutuo inito, vniuersas sui consilij rationes in eius perniciem indies magis atque magis conferebant; simulque Antonium Montaldum Leonardi filium, iuuenem magnanimū, & nouis rebus inhiantem, ac Adurniæ factionis à primis annis infensissimum, in suas partes pertraxerunt. Hic, collecta in Flischorum municipiis manu militari, primus omnium extitit, qui seditionem apertè excitare, nouaque studia aduersus Principem sequi auderet. Martinus etiam Montaldus, & Clemens Promontorius, homines populares, & summa inter plebeios auctoritate, sese adiunxerunt. & res eo loco erat, vt nihil aliud, præter Antonij Montaldi, in urbem aduentum, expectaretur. Interim Princeps, perbellè coniiciens, quonam tot, tamque potentium aduersariorum conatus spectarent, summo studio allaborabat, vt externum militem sibi compararet. Nam, præter externam vim, sibi non parum periculi ab insana & effreni multitudine, cuius fauor & studium plerumque cū temporis conditione mutatur, si res malè cessisset, imminere conspiciebat, præsertim cum maior populi pars in factionum auctores inclinaret: à quibus magna

*Adurnij vi-
Floria.*

teme-

temeritate, nullaque habita supremi Magistratus ratione, duodecim Gubernatores populares, ad infringendam Principis Senatusque potentiam, rursus, prout non semel antea contigerat, electi erant. Hi tantum auctoritatis & dignitatis in Rep. sibi arrogabant, ut nonnullas leges, neglecto ac præterito Senatu, ferrent; easque Plebiscito sancirent: indesque, gliscente audacia, aduersarij cum externis auxiliis in conspectu ciuitatis obuersabantur, ita ut crepitus armorum, progredientiumque strepitus neminem in ipsa vrbe latèret. Agminatim enim ad ciuitatis portas in Adurnij excidium aduolabant. Horum aduentus usqueadeo exterruit Principem, ut pristinae suae virtutis, atque in omnibus actionibus suis constantiae immemor, repente, non expectato, nedum conspecto hoste, Curiam deseruerit. & in ædem Dominico sacram, animi anxius, & consilij inops, tanquam ad tutissimum asylum confugiens, subsequente nocte, urbem summo cum silentio egressus est: ideoque, Rep. Principe destituta, Antonio magna commoditas præbita fuit, ut ciuitatem contra profugi Principis, aliorumque eius factionis fautorum conatus, nouis præfidiis firmaret. Occupatis namque turribus S. Andree, quæ alioquin sic satis valido milite tenebantur, prætorio etiam pari successu potitus est. Hæc tantæ eius temeritatis prosperitas adeo populum commouit, ut incredibili omnium consensu Reipub. Princeps appellaretur, cum tamen vix tertium & vigesimum ætatis suæ annum attigisset. Proximo die, ne tantum videretur populari inconstantia ad supremum dignitatis gradum euectus esse, à Senatu sexaginta ciuium, qui planè popularis erat, in eadem dignitate de communi illius consensu & suffragatione confirmatus est. Montaldus interim, Principatus sui initia à liberalitate & gratitudine exorsus, quò se aliis nobilibus, quorum opera & fide in acquirendo statu usus erat, gratum ac memorem exhiberet, simulque eos in posterum obstrictiores haberet, Spinulis oppida, quæ illis Adurnius, uti diximus, ademerat, citra moram restitui iussit, adeo ut omnem ferè nobilitatem hoc recenti suo beneficio sibi deuinciret. Vnus erat inter omnes acerrimus eius hostis Martinus Montaldus, ipsius cognatus & affinis, qui dignitatis suæ æmulus, agrè ferebat sibi tantum honorem, quem multis artibus ambiuebat, populari indulgentia & planè vniuersæ vrbis fauore ereptum esse. Incedebat igitur fremebundus, & toruis oculis nescio quid minarum spirans. quod cum Montaldum Principem non latèret, ipsum in custodiam coniecit, cò libentiùs, quòd fama obtinuisset, illum contra se conspirasse. Hæc præsens Martini conditio aliquot suos clientes & familiares tunc temporis in suburbanis suis prædiis rusticantes, cum armis (ducentos fuisse commemorant) usque ad caput Phari pertraxit, eo consilio, ut cum vi & armis vinculis eriperent. Anteuertit eorum consilia & conatus Raphaël, ipsius Ducis frater, iuuenis impiger ac militaris: qui cum haud spernendis viribus, iis obuiam progressus, omnes ad vnum fudit atque fugauit, ita ut nihil planè periculi inde postmodum emanauit. Huius temporis tractu, Antonius Adurnius, qui Principatu exutus, Venetias secessus gratia commigrarat, instinctu atque suasu Ioannis Galeacij Vicecomitis, Mediolanensem Principis, in Insubriam venerat, quòd illi opem & patrocinium suum ad recuperandum pristinum honorem & statum polliceretur. Ipse igitur tanti Principis fretus auxiliis, in nouam spem, adeoque in magnam fiduciam erectus, & confirmatus, Dertonam usque cum aliquot copiis peruenit: cuius sanè repentinus & inopinatus aduentus magnam Montaldo, aliisque, partibus eius stantibus, formidinem & animi consternationem iniecit, cò quidè maiorem, quò recens magnæ simultates, ac dissensiones propter Martinum in vinculis asseruatū;

*Antonius
Montaldus
ad Principatum euectus.*

1323.

inter eos enatae forent. Quapropter Adurnius hanc sibi occasionem propitiam fore ratus, summa cum diligentia & alacritate militem suum Genuam usque perduxit: qui sane si tantam constantiam & animi fortitudinem, in tuendo & conservando Principatu adiunxisset, quantum ad subeunda pericula, quod eundem recuperaret, promptitudinis, magnam mediis fidiis laudem & commendationis famam, hoc quidem nomine, mereretur. Adurnius itaque Cal. Iunij, Vulturium cum suis copiis ingressus, ab oppidanis, praesertim vero primoribus, magno applausu & favore fuit exceptus. Ceterum, Montaldus, quod nimia cunctatione & mora ad propulsandum hostem vteretur, non parum ab amicis, aliisque in bello versatis, palam & aperte criminabatur, eoque magis, quod maximum periculum in mora foret. Nam aduersariorum vires impunitate ac temporis commoditate armatae, usque adeo excreuerant, ut excursiones ad urbis quodammodo portas singulis diebus facerent. Qua licentia & temeritate commotus Montaldus, veritus maximopere, ne, si diutius tempus extraheret, se, suosque, atque adeo universam civitatem in gravissimum periculum adduceret, decimosextimo Cal. Iunij, eruptione cum iis, quos ad manus habebat, copiis facta, audacter & strenue hostem insecutus est, cumque circa civitatis moenia dispersum, & multa temere audentem, adortus, in fugam, capto Christophoro Adurnio, ipsius Adurnij fratre, coniecit. Antonius pater, rusticorum beneficio se in ditionem Carretini Marchionis incolumem recepit. Haec praecleara atque felix Montaldi strenui Principis, & excelsi animi iuuenis expeditio, urbi proculdubio quietum etiam otium peperisset, nisi tanta morum corruptela, & immoderata quaedam civitatis licentia, nova studia & dissidia excitassent. Cum enim aliarum praecipuarum factionum capita & summi auctores, haudquaquam Reipublicae praesenti statui acquiescerent, sensim in apertos illius aduersarios evaserunt. Verum, tanta erat Principis de se, suisque actionibus confidentia, ut, spreto horum studiis, nihil durius in eos, ad ceteros exemplo deterrendos, statueret. Quod sane non parum discriminis illi attulit. Siquidem Petrus Fulgosius, vir inquieto animo, & semper novarum rerum cupidus, subnixus favore Nicolai Zoalij ea tempestate optimae existimationis civis, & Ludouici Guarci, ac etiam Sauonensium Antistitis, conspiratione inuicem facta, sub variis praetextibus arma vno eodemque fere tempore corripuit. Singuli enim eorum, praesertim vero Guarcus, factioni, quae tunc maiori in pretio habebatur, ceteris infensior, Principatum inuadere nitebatur, eaque de causa quilibet eorum cum clientibus & amicis diuerso itinere in Curiam contendebat, ut Principem simul & loco & dignitate deturbarent. Sed Fulgosius mira calliditate, dicam, an perfidia, animum consiliaque occultans, antequam aliquid aperte moliretur, aliquantisper cum suis in templo D. Syri substitit, misitque ad Montaldum, qui ei suo nomine omnia fausta atque felicia precaretur, singulareque studium & amoris constantiam dicerent ac renuntiarent. Nihil enim se in animo habere, quod in ipsius prauiudicium, vel detrimentum aliquo modo cedere posset; nimirum se arma non alio consilio sumpsisse, quam ut Guarcum factionis atque ambitiosum iuxta hominem, nihil non audentem, & dira cupiditate summis diuitiis ac honoribus inhiantem, reprimeret, ac refrenaret. se utique semper pro Reipublicae salute publicoque bono, quoad eius fieri licuit, iugiter euigilasse, atque enixe etiam cum vitae fortunarumque periculo contendisse, seque pari animo deinceps usurum, neque unquam admissurum, ut aliquid se, vel patria sua indignum admitteret. His, & similibus verborum lenociniis apud Montaldum Principem se purgare, omnemque suspicionem amouere studebat. Is vero

& si

Montaldi
aduersus
Adurnium
victoria

et si non ignoraret ipsius animum, & quàm ficta & simulata esset hæc oratio, ex
 imis ambitionis & perfidiæ penetralibus profecta, nihilominus tamen, quòd
 temporis conditioni inserviendum existimaret, hanc se eius voluntatem opti-
 mo animo amplecti dixit, summasque egit gratias, quòd tempore tam necessa-
 rio suam fidem atque opem offerret. Itaque de ipsius Fulgosij fide facturum peri-
 culum, ipsum in prætorium recepit, præsertim quòd tantis viribus se longè im-
 parem esse animaduerneret. moxque ceterorum aduersariorum conatibus obuiam
 cum suis processit. Habebat siquidem pro sua defensione, ultra Fulgosij milites,
 alam delectam externorum militum, atque aliquot oppidanorum manum. Quo-
 rum numero atque ope fretus, tam egregiè fortiterque hostibus restitit, ut Guar-
 cus tandem cum graui suo detrimento ac periculo retrocedere, seque aliò recipe-
 re cogeretur. Superato Guarco, eiusque militibus oppressis, noui exorti tumultus,
 atque alius exauditus armorum crepitus. Nam statim post Guarci discessum,
 inumbrante vespera, Clemens Promontorius, qui stabat à partibus Emanuelis
 Montaldi, in armis cōspectus est, quem ultra mille armati sequebatur. Hic enim,
 Guarco palatium adhuc oppugnante, militarem manum sibi collegerat, & prom-
 ptissimum quemque sibi coniunxerat, successum totius negotij præstolaturus,
 spei plenus, se posse in tanta rerum omnium confusione ad Principatum perue-
 nire. Noctu itaque Montaldum, nihil huiusmodi, maiori parte suorum hostium
 iam oppressa, suspicantem, aggressus est, eumque ab ultimo bene gerendarum
 rerum cursu remoratus. Nam ipsum ita acriter oppugnauit, ut curiam omnino
 deferere, ac intempesta nocte una cum suis fratribus in ædes Auriorum, quorum
 beneuolentiæ ac fidei haud paruum tribuebat, profugere coegerit. Hæc tanta al-
 ternantis fortunæ inconstantia haud modicam rerum omnium perturbationem
 Reipub. attulit. Siquidem Petrus Fulgosius, qui, uti diximus, prætorij defen-
 dendi partes sibi desumpserat, Promontorij conatus ita retudit, atque repressit, ut
 ipse clientum & amicorum suorum fauore subnixus, necnon multitudinis, sub-
 inde Fulgosij nomen ingeminantis hortatu, Principatum occuparet, eaque no-
 cte in publico palatio in supremo dignitatis gradu permaneret. Nec intra hos vi-
 cissitudinis terminos Reipub. fortuna constitit. Nam postero die, sub auroram
 Clemens Promontorius, aliquem sui laboris fructum reportare cupiens, iterum
 cum suis in palatium irrupit, tantumque effecit, ut, expulso Fulgosio, magno cir-
 cumfusæ multitudinis applausu, atque ingenti sublato undique rumore, ipsemet
 Princeps ciuitatis consalutaretur. Verum, quòd hæc electio repentina, & illegiti-
 ma foret, breuissimo temporis spatio impedita & penitus rescissa fuit: Quando-
 quidem, subsequenti die, Senatu, cum magna eorum ciuium frequentia, qui nul-
 lis partibus tenebantur, in templum D. Mariæ vulgò de Vineis, coacto, graues
 super designando Principe deliberationes habitæ. qua sanè in re, opera & au-
 ctoritate Antonij Montaldi, qui nunquam vrbe excesserat, vsi sunt, ac vnani-
 mi consensu decretum, ut Promontorius, qui per vim & tyrannidem Principa-
 tum occupauerat, communibus armis è curia deturbaretur. Proinde ipse, intel-
 lecto Senatus animo, & vim veritus, sponte Principatu se abdicauit, & prætorio
 egressus est, adeò ut cum Fulgosius nihil vltius tentare auderet, Reipub. status
 penes se remaneret. Ceterum, vsqueadeò erat Reip. status perplexus, obque inse-
 cutas conuersiones intricatus, ut non parum temporis, vel industriæ requireret,
 quò in meliorem formam atque ordinem redigeretur. Habitæ igitur super eius
 reformatione variæ sententiæ. Nonnullis enim ex Patribus consultum videba-
 tur, supremam dignitatē denuò in Montaldum transferre; quòd dicerent, illum,

*Popularis
inconstitia;
quoad gu-
bernationē.*

boni

boni Principis muneri in omnibus semper satisfecisse, & de Repub. ita bene promeritum, vt vel hoc solo nomine vniuerso populo gratus atque acceptus esse debeat. Aliis, & iis quidem non paucis, operæ pretium videbatur, vt ad extinguendas & è medio tollendas tantas factiones, quarum prætextu tantæ turbæ ac seditiones indies exoriebantur, aliquis ciuis nullis partibus contaminatus, Princeps eligeretur. Non deerant, qui ab his dissentientes, graues adferrent rationes, quibus adducti, dicerent, Reip. Principatû nulli ciui, sed externo alicui præpotenti Principi cõmittendum, & tradendû esse. in quam sanè sententiâ, præter aliquot populares, vniuersi nobiles manibus pedibusq., quod dicitur, descendebant; sperantes, se hoc pacto, populi seruitutem, vel potius manifestam tyrannidem, aliquando effugituros. Hæc tanta sententiarum varietas, & rei totius magnitudo planè effecit, vt, cùm nihil tam citò, quod in vsum Reipub. esset, decerni posset, de communi omnium decreto duodecim ciues, quos ipsi reformatores appellabant, designati sint, quibus deinde aliquot alij associati, eorumque omnium tandem iudicio & auctoritate post multas consultationes & disceptationes, forma Ducalis administrationis ea lege constituta est, vt tantummodò Reip. supremus Magistratus annuus esset. Itaque Franciscus Iustinianus Garibaldus crebris suffragiis, Dux, per anni spatium, renuntiatus, ac sub finem Augusti Ducale illi sceptrum aliaque Principis ornamenta tradita. Ceterùm, composito rerum statu, atque Reipub. forma ad conseruandam tranquillitatem publicam excogitata, & sancita, haud sanè diu ciuitati pax & otium constitit. Quandoquidem factionum Principes, dominationi assueti, huic subscribere nolentes, non dudum sese quietos cõtinuerunt; inter quos ferè erat præcipuus Antonius Montaldus, qui variis rationibus ostendebat, multum suæ dignitati & nomini detrahi ac derogari, si diutiùs hoc loco vrbis status esset. Ipse enim, quanquam publico bono minimè aduersaretur, sed perpetuò pro dignitate Reipub. actiones suas instituisse videri posset, tamen cùm esset iuuenis excelsio animo, atque magnis opibus subnixus, priuatam vitam degere nesciebat. quin potius dominandi dulcedine semel inescatus, supremas sibi partes resumere deposcebat. Fit enim rarò, vt semel degustata dominandi illecebra, non facilè aliquis sibi priuatam vitam indicere queat. Quocirca cùm eius causa, tum aliorum, non deerant noui motus. Excesserat enim vrbe, indignatione atque inuidia plenus, vnde magna obmurmuratio ac metus in ciuitate sequebatur. Fama enim obtinuerat, illum, cum Antonio Adurnio, qui semper vrbe abfuerat, fœdus clanculum cõtraxisse, eosque breui, coniunctis viribus adfuturos, vt Reipub. statum denuò conturbarent, adeò vt cùm Baptista Buccanigra non amplius quàm triginta hominibus stipatus, in publico foro commotionem ac turbam contra Montaldi amicos excitasset, magna fuerit subsecuta confusio: & res in extremum quodammodò periculum deducta videbatur, ita minimæ quæque res tumultus ac seditiones in lubrica & præcipiti ciuitate pariebant, eoque magis, quòd ipsius Antonij Adurnij studia iam omnibus ferè manifesta essent. Ipse enim irrequieto animo, omnè, quod dicitur, lapidem mouebat, vt pristinam dignitatem recuperaret, ideoque Ioannis Galeacij Vicecomitis præsidio, qui clā Reip. Ligusticæ imperio inhiabat, subnixus, cum magnis copiis iterum ex Gallia Cisalpina in Liguriam descendebat, eiusque clientes & fautores his nouis viribus freti, tumultuari passim inceperunt, confirmati potissimùm ipsius Montaldi aduentu, qui breui pòst, in vrbem reuersus, arma suscepit. Hæc noua ciuitatis calamitas valdè angebat tam ipsum Principem, quàm vniuersum Senatum, nec ad tantos refrenandos tumultus ali-

Franc. Iust.
nianus Ga-
ribaldus,
Princeps de-
Senatus

rus aliquod præsentius, vel efficacius remedium ostendebatur, quàm vt Spinulas, & Fliscos ea tempestate maiori ex parte in suis prædiis degentes, in urbem reuocarent. Sed erat id consilij plenum periculi & difficultatis, quòd non ignorent, illos, citra maximum urbis incommodum & perturbationem redire non posse. Nihilominus vicit difficultatem & impedimenta omnia rei præsentis necessitas, ita vt cum vtraque familia se ad reuertendum in urbem præpararet, Spinulæ cum circiter mille quingentis peditibus ad montem Peraltum urbi proximum, accesserint, quòd ibi sese cum Fliscis coniungerent. Quippe ipsi propediem ibi cum valida manu expectabantur. eratque hæc ferè summa suorum consiliorum ratio, vt Adurniæ factioni, reliquis tunc temporis multis parasangis superiori, obuiam procederent, illiusque potentiam labefactarent, priusquàm ea, ipsius Adurnij aduentu maioribus viribus confirmaretur. Incaustum tamen hæc illorum diligentia extitit, quoniam aduersarij, eos præuenientes, auctoque exercitu, cum magno totius patricij ordinis odio, Spinulas in superiori parte illius montis adorti sunt, eosque, antequam se Flisci illis adiungerent, profligarunt. His primis successibus non parum ferociebant. At Fliscis, audita sociorum clade retrocedentibus, Iustinianus Princeps, natura mansuetus, & moribus ac institutione quieti magis, quàm bellicis operibus accommodatior, omnia extrema veritus, ac tantam ciuitatis inconstantiam pertæsus, vltro sese Principatu abdicauit, & ad priuati ciuis rationem ac statum rediit. Orbata igitur Principe suo Respub. iacebant artes omnes, atque, vt fit, in tanta omnium trepidatione, vnusquisque priuato suo commodo consulebat, cum nemo ibi esset, quin ex præsentis ciuitatis statu pessima sibi metueret. Nam licet sæpius graues fuissent in Respub. tempestates atque procellæ, quæ illam mirum in modum affecissent, tamen in comparisonem cum præsentibus deuocata, nulla ex parte cum præteritis conferri poterant. Et concidisset proculdubio ipsa Respub., vno eodemque tempore tot diuersis telis ac seditionibus quassata, nisi ad ruinam properanti, Montaldi virtus obstitisset. Is, initio harum dissensionum & motuum, quòd Adurniæ factionem, longè infra hominum existimationem inualidiorem arbitraretur, cum suis copiis & clietelis, quieto similis steterat, vt rei exitum spectaret. At vbi Spinulas ab Adurniis superatos, & Fliscos retrogressos, ac Rempub. derelictam esse animaduertit, mutata sententia, enixè dabat operam, vt eius subleuandæ gratia, omnes aliarum factionum auctores sibi coniungeret. In hoc rerum statu, Adurnij exercitus urbi appropinquabat: & tametsi Baptista Buccanigra cum sic satis valido præsidio ad portam D. Stephani, cui præfectus erat, iugiter excubaret, nihilque reliqui faceret, quod ad boni ciuis officium pertineret, nihilominus tamen impedire vel obstare nequiuit, quin trecenti Adurnij milites per portam vulgò D. Stephani, in urbem irrumperent. Adurnius igitur, horum præsidio fretus, reliquas suas copias citra magnum negotium per portam, cui nomen Carbonara, circa meridiem introduxit, & tantisper in propriis suis ædibus D. Agneti contiguus, substitit, donec omnes suas cohortes, quæ iustum exercitum repræsentabāt, sub signis in vnum conuenissent. Sunt enim qui pro certo asserant, ipsum vltra quinque millia externorum peditum cum aliquot cataphractis, & duo ferè millia Genuensium sub vexillis habuisse. Nocuit hæc consilij ratio mirum in modum ipsi Adurnio. Siquidem Montaldus, qui tantummodo quingentos, sed strenuissimos & fidelissimos bellatores habebat, animo prorsus intrepido & inuicto, illū cum plerisque aliis ciuibus de improviso, priusquam exercitus eius coiuisset, inuasit, relicto ad omnem casum suo fratre Paulo, in eo foro quod vulgò Fossatellum

*Insignis vi-
doria Mō-
taldi aduer-
sus Adur-
nios.*

lum vocant, ne scilicet aliquid incommodi à tergo acciperet ab iis qui passim in ciuitate Adurnias partes fouebant & sequebantur. Instruxerat prius aciem suam non alio consilio, quàm vt in Prætorium tenderet, & illud contra vim hostilem tueretur. Sed intellecta opprimendi occasione, illam nullo modo neglexit, adeò vt non citra omnium stuporem, Adurnium in terga verterit, & multos ex suis tam equites quàm pedites fuderit atque ceciderit: ipseque vix fuga incolumis euasit. Hæc victoria in tanto rerum omnium discrimine, momento ferè temporis parta, Montaldum eò existimationis euexit, vt omnibus deinceps admirationi iuxta & venerationi esset. posteroque die, qui fuit primus Septembris, cum in palatium publicum, priuato similis veniret, vt in medium de rebus publicis consuleret, ibidem à Senatu, qui eò cum centum fermè ciuibus constituendæ Reipub. causa cōuenerat, consentientibus omnibus, ipse, tanquam victor, & præclarè in rebus tam dubiis & profligatis de Repub. meritis, Princeps renunciatur, citra (quod mirum est) aliquam exceptionem, cum aliàs hic Magistratus propter subsecutas assiduas altercationes & turbas, annuus esse cœpisset. Huic verò ad vitam collatus est, præstito tamen & interueniente sollemni iureiurando, quòd omnia Reip. statuta & priuilegia summa cum religione & inuiolabiliter obseruaret. Nec satis habuit gratus Senatus, ipsum tanto publico testimonio tantoque honore condecorasse; at etiam Senatusconsulto, decreti fratribus eius ob insignem operam Reip. in rebus tam dubiis nauatam, honores & immunitates, certaqué publicorum reddituum annuatim pars concessa; eodemque decreto sancitum, vt tam insignis victoriæ memoria ad omnem venturam posteritatem anniuersario sacro & aurei paludamenti dono in summo templo vltima die Augusti celebraretur, & transiret. Quibus peractis, nouus Princeps omnes animi cogitationes & curas ad ordinandam Rempub. contulit, & incredibili prudentia ac moderatione publicum statum pro tempore composuit. Verumenimverò cum nunquam in Repub. publicæ tranquillitatis perturbatores ac euersores deessent, Principatum summis periculis acquisitum, à maximis molestiis auspicatus videri potest. Quandoquidem principio subsequētis anni, Antonius Rex, ciuis popularis, vir factiosus, & planè elato animo, à nonnullis huius noui Principis aduersariis impulsus, arma singulari temeritate aduersus eum sumere non erubuit. Sed statim in initio, antequam lædere posset, oppressus fuit. Habeo grauissimos auctores, qui tradunt, hunc perniciosum ciuē, nō tam popularium hortatu, quàm Baptistæ Buccanigræ instinctu, hanc stultam & maximè exitiosam prouinciam sibi sumpsisse. Buccanigra enim, vrbe tantis periculis erepta, se à Montaldi amicitia penitus disiunxerat, vtque à Principatu remoueretur, exoptarat. Quotquot tamen fuerunt qui nouo Principi insidias struerent, vel breui oppressi sunt, aut exulare coacti. Non deerant etiam eadem tempestate noui rumores ac defectiones, tam in villa vulgò Quinti, quàm in agro Segestino, in gratiam exulum ab indigenis excitatæ; suasu etenim Adurnij magna hominum frequentia, præsertim illorum qui tres Valles inhabitant, in cœnobium D. Andreæ ponè mare positum, confluxerant, vt ibi, deliberatione habita, de nouo Reipub. bello inferendo rationes inirent: famaqué obtinuerat, quàm plurimos ex præcipuis factionum auctoribus isthuc cōuenire statuisse. Ceterum, ea re percognita, Paulus Montaldus Principis frater, & Antonius Guaricus eius cognatus, cum pedestribus & maritimis copiis repentè illos adorti sunt, & clancularium istum conuentum planè impediuerunt, vel dissoluerunt, priusquam copias aliquas contraxissent, quibus sese opponerent. Erxe-

rant

Antonius
Montaldus
denuò Prin-
ceps.

rant namque ibi aliquot munimenta, quò sese contra aduersariorum iniurias tutarentur. Attamen efficere non potuerunt, vt prælium subterfugerent. Proinde post longum atque atrox certamen vtrinq. editum, res hunc habuit successum, vt inde expellerentur: Montaldus verò grauitèr vulneraretur. Interim Buccanigra etiam instaurato agmine, in vallem Bisamnem peruenerat, ibique suorum clientum & amicorum opera novos motus excitare annitebatur. Solus Petrus Fulgosius, vir prouidus, & sagax, quiq. suis consiliis tempus magis aptum atq. idoneum præstolabatur, quiescebat, cum nimirum videret, maiorem vrbs partè erga Montaldum bene animatam atque affectam esse. Buccanigra igitur, cum subinde nouis copiis viribusq. augetur, Princeps illius potètiàm & insidias veritus, armatus cum suis illi obuiam processit, eiusq. acie dissecta, copiisque profligatis, illum viuum in suam potestatem redegit, iussitq. vt in forum publicum perductus, ibi, quòd hostis patriæ fuisset, & Rempub. denuò in extremum periculum adduxisset, capite plecteretur. Verum, cum in theatrum supplicio destinatum, quaquà versus faciem, auxilium implorabundus, verteret, gemebunda voce ipsius Montaldi Principis, qui sese, vt hoc spectaculum videret, ad fenestrà exposuerat, suppliciter mortem, tamen si Franciscus Vrbinates, tunc temporis Prætor, vt erat immiti & planè fenero ingenio præditus, vrgeret, deprecabatur, adeò vt Princeps suapte natura humanus, & communis sortis humanæ inemor, multorum pteibus, potissimum verò Antonij Guarci, inflexus, condonata culpa, illum in vita conseruauerit, Raphaële Montaldo eius fratre ipsum è liكتورum manibus eripiente. Hac singulari, & quasi inaudita clementia & humanitate Dux ipse, aliiq. qui pro fonte intercesserant, ingentem sibi apud omnes beneuolentiam & laudem compararunt. Non deerant tamen interim perditissimis istis temporibus quamplurimi, qui nullis offensis, vel iniuriis commoti, subinde in eius perniciem omnia extrema molirentur: Quippe non solum illi à plerisque consuetarum factionum auctoribus periculum imminebat, verum etiam nouæ quotidie repullulabant, quæ non alia, quàm plebis gratia & fauore nitebantur: sed tanta erat seditiosorum hominum temeritas, vt nihil nõ auderent, & assidue nouas turbas cum magno detrimento Reip. concitarent. Quandoquidem præcipui illarum auctores neque tam viribus & auctoritate imbecilles erant, vt ad Ducalem dignitatem, cuius gratia tot simultates, & contentiones oriebantur, aspirare nequirent; nec demum tanta pollebant potestate, vt supremam illam dignitatem nacti, diu illam conseruare possent; eaq. de causà fiebat, vt, cum mutua æmulatio incruenta esset, & prorsus à mutuis cædibus abstineret, nulli spe principatus exciderent, nec tamen interim satis securi sibi viderentur. Præcipuarum factionum capita, quorum scilicet auctoritate clanculum omnia gerebantur, erant hæc, scilicet, ex Adurnia factione, ipse Adurnius, ex Fulgosia, Petrus, ex Guarcia, Antonius, qui, vti ostendimus, ibi potiti rerum fuerant. Inferioris verò classis & notæ, modò vnus, modò alter, prout vnicuique multi, vel pauci sese coniungerent, & faueret. Ex ordine patricio erant etià Flisci, qui, quòd semper Gueffas partes summa pertinacia tutati forent, magnam sibi penes populum, qui hæc studia sequebatur, auctoritatem conciliarant; ita vt quoties alterutri factionum adhererent, illam sibi planè in obsequio retinerent: in qua quidè familia Cardinalis Fliscus principem locum facile obtinebat. Reliqui nobiles maiori ex parte, quòd superioribus temporibus, multis damnis & incoinmodis, propter subsecutas Reipub. conuersiones, affecti essent, illorum ciuium partibus fauebant, qui neutram factionem secuti, liberam adhuc voluntatem haberent. cumq. ad pu-

Montaldus
singularis
humanitas
& clemen-
tia.

blicos honores capeſſendum, aditum ſibi præcluſum eſſe animaduertent, in tantam animi demiffionem deuenerant, vt, deſperatis omnibus dignitatibus & muneribus, priuatis tantummodò negotiationibus & rei familiari augendæ intenti eſſent. Videbatur hoc genus hominum à nullis, vt diximus, factionibus intemeratum, à Genio Reipub. in maximum ſuum beneficium eſſe reſeruatum. Quippe ciuitati in extremum ſæpius diſcrimen adductæ, & planè ad interitum properanti, inſtar fideliffimi atque optimi chirurgi, ſanandis inſlictiſ vulneribus optimum ac ſaluberrimum remedium attulit, Reip. adminiſtrationē vel labefactatam, vel etiam quandoque quodammodò euerſam, optimo reformationis genere ſubleuando & reſtaurando. Ceterum, glifcentibus indies magis atq. magis in Montaldum odiis, & factionum auctorum audacia uſque adeò progreſſa, vt Principis potentia & auctoritas palàm & apertè negligeret, ipſe, intellecta noua coniuratione, contra ſe facta, adhibito optimo ac fideliffimo amicorum quoque in conſilium, illorum ſuaſu ſeſe Reipub. adminiſtrationi, præſertim quòd haud ſatis firmo præſidio eſſet communitus, ſubduxit, & tanquam priuatus, ſe, relicto prætorio, ad ædes ſuas recepit. Hæc eius ſpontanea abdicatio nouos iterum tumultus, ac periculofam ſeditionem excitauit, qui tamen maiori ex parte diligentia & prudentia Senatus, omnem curam ad Reipub. conſeruationem conferentis, & ne quid nouarum rerum in vrbe naſceretur, enixè contendentiſ, ſuperati & conſopiti ad tempus fuère, & celebratis comitiis centuriatis, Senatus, aliorumque ordinum ſuffragatione, Principatus inſignia in Nicolaum Zoalium, virum ea tempeſtate à pacis ſtudio, ac Reip. amore, aliſque præclaris virtutibus maximoperè commendatum, contulère. Poſt hanc electionem Montaldus vrbe exceſſit, & Monœcum adnauigauit, ſpe illeſtus, vt illius oppidi Præfectus ſibi conſanguinitate coniunctus, eam arcem atque oppidum veteri eius auctoritate ac præſentia traderet. Qua tamen in re opinione ſua falſus eſt, quoniam ipſe Præfectus nunquam vllis artibus adduci potuit, vt tantum facinus in ſe admitteret, ſed oſtenſis rationibus, ſe palàm profitebatur, vtrumque locum nouo Principi reſeruare, ita vt cùm Montaldus experiretur primos ſuos conatus irritos cecidiſſe, illinc Sauonam, indeq. Gaium petierit, vbi à Præfecto intromiſſus eſt, atque illi arx tradita, quod ſanè tam noui Principis, quàm Senatus animum vehementer offendiſ: indeque eius perfidiam eſtimantes, ſimulque potentiam, & maximam rerum agendarum induſtriam ſummoperè veriti, operæpretium ſe facturos exiſtimarunt, vt ad illius opprimendos conatus, neue ſua auctoritate deinceps Reipub. moleſtus eſſe pergeret, Antonium Adurnium, ipſi inſenſiſſimum, ac planè capitalem hoſtem, qui hætenus ſemper in ſuburbano ſuo degerat, honeſtis conditionibus propoſitis, domum reuocarent. Hoc effecit, vt, dum vni incommodo mederi ſtudent, in aliud longè grauius inciderent. Siquidem Adurnij aduerſarij, intellecta Senatus voluntate, omnibus viribus contenderunt, ne in urbem reciperetur: veriti nimirum, quòd ſi licentia & auctoritate in vrbe armaretur, ne, cùm eſſet natura ambitioſus, & vindictæ cupidus, aliquid erga ſe inachinaretur: inter quos quidem erat præcipuus Antonius Guarcus, propter ingens odiū, quod ſibi cum ipſo Adurnio iamdudum interceſſerat. Ipſe enim, clientibus, & aliquot ſuis ſtudioſis ſtipatus, eum Senatu apertè expoſtulauit, ſic vt à minis & opprobriſis verbis non temperaret. Quapropter illius iuſſu & mandato vnà cum triginta ſuis aſſecſis in vincula quamprimùm coniectus eſt. Sed obortis hac de cauſa magnis murmurationibus, Senatus grauiores motus metuens, ipſum paulò poſt, cum ſuis priſtinæ libertati reſtituit. Hæc tamen Patrum indulgentia non

extinxit

Nicolaus
Zoalius
creatur
Princeps.

extinxit Guarci suorumque offensæ memoriam, nimirum cum sæpè vsu venire soleat, vt satius sit, aliquem præpotētem penitus extinguere, quàm aliqua ex parte lædere. Quippe ita hominum natura comparatum est, vt magis iniuriarum, quàm officiorum memoriam circumferamus. Proinde Guarcius odij ac vindictæ plenus, statim post suam liberationem longè apertius & maiori audacia, quàm antea, grassari cum suis cœpit. Quandoquidem percussio nouo fœdere cum Fulgosiâ familia, & contemptis omnibus periculis, neglectaque Reipub. cum tranquillitate, tum salute, prætorium inuasit. Id autem vbi Zoalio innotuit, cum animum prorsus à bellicis motibus alienum haberet, nullis comparatis ad resistendum subsidiis, statim supremo Magistratu, in quò tantummodò duos menses exegerat, sponte cessit, curiamque ipsam in suorum aduersariorum potentiam & voluntatem reliquit, & hoc pacto circumactò Reip. fatali circulo, eius gubernatio in manus eorum qui erant factionum Principes, deuoluta est. Et quoniam ea tempestate Montaldus & Adurnius vrbe aberant, Reip. administratio duabus aliis factionibus de communi sententia permixta est, præsertim cum non satis de electione conueniret, scilicet, vtrum Fulgosium, an Guarci Reip. Principatui adiuuere satius esset. Itaque ad remouendam omnem controuersiam & suspicionis ansam, sortem ducere placuit, & ita citra aliquam controuersiam Antonio Guarco Principatus obtigit, qui postmodum sexaginta ciuium popularium suffragatione, qui partim Guelfi, partim Gibellini erant, in noua dignitate confirmatus est. Hæc noua Guarci suprema dignitas, complures tam domi, quàm foris, & præsertim eos, qui neutri parti addicti erant, mirum in modum offendit, adeò vt, initis consiliis, constitutum inter eos sit, vt vi atque armis illum Principatu exigèrent. Igitur decimo quarto Cal. Sept. collecta sic satis magna militari manu, in Castelleti planitie conuenerunt, vbi etiam incolæ trium Vallium præfectorum fuerunt, quò auxilium ferrent, si opus esset, ita vt omnes in vnum conglobati, vltra duo millia numero essent. Expedire primoribus istarum partium ducibus videbatur, vt primum impetum in novos Reip. Præfectos facerent, ideoque omnes in forum, quod vulgò Fossatellum vocant, flexo iam ad vespertinam diem cōtenderunt. At Guarcius, æmulorum suorum consiliorum pariter & studiorum non ignarus, aliquot sibi copias præsidarias comparauerat, quas ita in promptu habebat, vt eas quamprimum ipsis obiiceret: quæ tam fortiter eos sunt aggressi, vt illi terga vertere, ac in planitiem, quæ erat à superiori parte, se recipere cogerentur: longèque maiores quàm antea, motus exoriebantur. Siquidem nulla ferè erat vrbs regio, vel triuium, in quò armati homines non conspicerentur; nullaque ferè domus, quæ non summo metu laboraret, ita vt Lucas Fliscus, & Antonius Montaldus, ambo cum suis clientibus in urbem accurrerent; hic quidem, vt Principatum amissum recuperaret; ille verò, vt suam vtilitatem ex præsentis temporis conditione metiretur. Quorum sanè aduentus planè effecit, vt Guarciis & Fulgosiis hætenus aliquantulum concordibus, parum conueniret. Quandoquidem Petrus Mōtaldi opera impediatur, quò minus Guarco celeriter, vt res ipsa requireret, auxilia subministraret, potissimum cum ipse Montaldus enixè laboraret, vt eos inter se quacumque ratione committeret, ac mutuis suspicionibus implicaret. Huic tam magno molestiarum & dissensionum aceruo nihil prorsus deerat, præter Adurnium semper ceteris longè sibi infestiorum. Hic itaque decimotertio Cal. Sept. opinione citius cum vna trirēmi non procul à portu aberat. Verum, cum propter exortam tempestatem, nequiret tam citò ac volebat, in continentem descendere, suis hostibus occasionem dedit, & tempus, vt illum om-

Antonio
Guarcus
Princeps d.
signatus.

ninò descensione prohiberet. inter quos Montaldus, qui præ ceteris ipsius potentia summoperè aduersabatur, primus extitit, qui ad littus cucurrit, ut ipsum aditu arcêret. Non ignorabat enim, quantum pretij operæ faceret, si, spre-
tis aliis rumusculis, quibus parum, vel nihil commouebatur, ipsum Adur-
nium in suam potestatem redigeret. Quocirca, reliquos suos comites & asse-
clas præueniens, ea animi fortitudine & alacritate, qua sæpius in magnis re-
bus, & arduis expeditionibus usus erat, in ipsius triremim, vndarum fluctibus,
atque ob perpeffam maris sæuitiam valdè quassatam, omniq̃ue fermè remigio
destitutam, insiliit: tantoq̃ue robore ipsum adortus est, ut quamprimum sese ei
dedere coactus sit. quem captum, in urbem adduxit, & in turrim, vulgò Portæ
campi, mari proximam, licet tota ciuitas in armis esset, & propterea illi non parū
periculi ab Adurnia factione immineret, perducere, atque ibidem asseruari iussit.
Quod sanè ut primū Guarco innotuit, animum eius nō leuiter percelluit: Adeò
namque consternatus fuisse dicitur, ut præ metu eorum qui se in Castelleti
planitiem receperant, tunc minimè auderet Montaldum inuadere; præsertim
quòd Montaldus ipse statim Adurnio capto, in non dubiam spem veniret, utrū-
que, communicatis consiliis, in suam perniciem coniurasse, sicuti postmodum
clancularium istud consilium reiectum est, propter Adurnium, haud multò post
in libertatem restitutum, & Vulturium vsque, commeatu adhibito, incolumem
perductum. Guarco igitur, tot tantisque difficultatibus implicatus, & tantis ad-
uersariorum suorum telis expositus, comparatis nouis copiis, quò se tantis mole-
stis liberaret, tertio Cal. Sept. cum tribus millibus expeditissimorum virorum ad
Castelletum, in quod sese aduersarij maiori ex parte receperant, contendit. Cete-
rū, illi, Montaldi ope ac recentibus auxiliis freti, tantum abest, ut aliquid detri-
menti receperint, ut etiam ipsum Guarco, non citra magnum sui periculum,
insigni clade ibi affecerit, ita ut ægrè cum copiarum suarum exiguis reliquiis se
confestim in curiam subduceret. Proinde ne se maioribus periculis inuolueret,
simulq̃ue ut omnem inuidiam declinaret, vtrò aliquot prædecessorum suorum
exemplum imitatus, Principatum deposuit, & vnica triremi Sauonam profectus
est. In hac tanta rerum varietate, Resp. rursus Principe destituta, in extremo vei-
sabatur discrimine, quòd vix vllus bonus in ciuitate reperiretur, qui in tanta re-
rum omnium confusione, aliquid, quod ex usu publici boni esset, statuere, vel
consulere auderet. Tanta erat etenim factionum hominum diuersitas & con-
cursus, ut ne mutire quidem tutò alicui esset integrum. Attamen ne funditus
Reip. status euerteretur, illi, qui nullis factionibus tenebatur, in se libenter Reip.
curam transulissent, nisi Montaldum, tunc validis armis & clientelis, uti dixi-
mus, instructum, idemq̃ue fermè cum Adurnio sentientem, veriti fuissent, ne
alterutrum in ordinanda Repub. offenderent: adeò ea tempestate vtriusque libi-
dini Respub. patebat, ut nihil citra horum voluntatem in ea statui posse videret-
ur. Interim Adurnius, qui se Vulturium, uti demonstrauimus, receperat, cum
multò flagrantius quàm antea, Principatum ambiret, magno clientum & pro-
pinquorum numero stipatus, in urbem venit, seq̃ue in Castelleti turribus com-
muniuit: probeq̃ue sibi conscius, quòd nomen suum toti ciuitati graue & inui-
sum esset, extrema quæque tentans, experiri etiam voluit, an factione Gibellina
in urbē postliminiò reducta, fortuna suis votis secundiori aura aspiraret. Descen-
sione itaque in aream facta, Gibellinae factionis sectatoribus tesseram dederat,
ut, **VIVAT AQUILA**, exclamarent. Hac voce confestim deterriti, qui diuersæ
factionis partes, utputa Guelforū, sequebantur, sese ultra suas ades continuerūt,
ita

ita vt quamuis causam motus ignorarent, prodire non auderent. Adurnij hoc stratagemate vti, facultatem nacti sunt, vt liberè per urbem discurrerent: ac multis direptionibus infames, adeò ciuitatem ipsam infestarunt, vt etiam incendiarij facti, multorum nobilium palatia, subditis facibus, concremarent; inter quæ, superbissima illa & splendidissima Archiepiscopalis Curia, multis laquearibus conspicua, iuxta fanum D. Mariæ, vulgò de Castro, in quam magna Guelforum frequentia confluxerat, subito incendio conflagrauit. Montaldus & Adurnius interim, inuicem coniuncti, cum suo agmine pariter per urbem discurrebant, & licet diuersarum factionum essent, vterque tamen Principatum inuadere, & occupare annitebatur. Proinde in ædem Francisci cum suis fautoribus & amicis confluentes, diræ suæ cupiditati honestos titulos & larvatas rationes prætexebāt, cum dicerent, se nihil magis optare, quàm vt suppressis ac extinctis omnibus seditionibus ac tumultibus, singulis integrum esset, in medium consulere, de quæ constituenda optima Reipub. forma, consilia & sententias explicare, alioquin asseuerabant, se non videre, quomodò tranquillitas Reipub. vnquam restitui posset. Conuocatis igitur præstantissimis quibusq;, Adurnius in frequenti multorum ciuium corona, ac diuersarum factionum confessu, à publica utilitate exorsus, se, dixit, in posterum omninò studere velle, vt ea, quæ ad Reipub. decus & dignitatem pertinerent, quantum fieri posset liceret, constituerentur, causabaturq;. ciuium paucorum ambitione, & suorum aduersariorum odio, factum esse, vt toties ad principatum recuperandum animi cogitationes adiecisset. Nihil tamè interim sibi insolenter arrogare, seque magis ad patriæ salutem & dignitatem respicere, quàm priuati commodi & iniuriarum rationem habere. Permittere se igitur, integram liberamque noui eligendi Principis ciuib. suis electionem. Quapropter agerent illi, qui neutras in partes transierant, & quod faustum felixque esset, statuerent: se namque, minimè Principatum expetere, idemque sibi de Montaldo persuadere, & multis rationibus adductum constanter polliceri: omnesque & singulos seorsum rogabat, vt omnem operam & diligentiam ad communem tranquillitatem ac beneficium conferrent. Cuius verbis Montaldus ea lege & conditione assensus est, vt Reip. administratio in neutrum eorum caderet: sed qui vtrique amicus foret, & nullis partibus ac studiis inquinatus, is tandem communibus suffragiis principem locum obtineret, adeò vt circiter nonaginta ciues in sacrarium eiusdem templi, Principis designandi causa conuenirent. vixque confederant, cum foris ingens oritur tumultus, magnique rumores ab incondita multitudine excitantur, alta voce Adurnium eligendum esse inelamante, sic vt maior pars in eum suffragia ferre cogeretur. Adurnius, vt erat dexterrimo ingenio & animo, ac temporis conditioni inseruire consueto, hanc electionem haudquaquã aspernatus est; sed multam modestiam præ se ferens, omnem culpam, siquid in designando Principe peccatū esset, in popularem fauorem reiciebat. Interim permittebat, vt illa electio, si illis ita expedire visum esset, rescinderetur. Quæ sanè eius ad speciem & ad tempus accommodata oratio, tantum effecit, vt incredibili cum omniū applausu & lætitia, in primis verò plebis, cui paulò antè inuisus fuerat, ad prætorium deduceretur, quartumq;. Dux ac Princeps Reip. declararetur. Ceterum, Montaldus, vbi se opinione sua contra spem & voluntatem deceptum, & Adurniis promissis delusum vidit, grauissimè succensuit, Adurniū popularibus suffragiis sibi prælatum esse. Angebatur itaque animi, quoddam ingratam occasionem sibi obuiam, per negligentiam, siue magis per dissimulationem, elabi suisset, præsertim cum hoc modo non parum sibi

Genue multa splendida palatia ciuib. dissidiis incensa.

Adurnius quartum Princeps declaratus.

pristinæ existimationis tam domi, quàm foris decederet. Ad præsens tamen cōposito vultu, & latus fronte, ac pectore anxius, altaque mente doloris acerbiter premens, Gaium, vnà cum fratribus, sub negotiorum suorum prætextu se contulit, vt ex tempore maiorem rerum suarum commoditatem metiretur. Adurnius interim ad Principatū euectus, vt sese in eo quàm firmissimè constabileret, consuetudinem tam à se, quàm ab aliis Ducibus suis prædecessoribus hæcenus obseruari solitam, in constituendo Decurionum magistratu, aliisque eligendis, & in ordinem cooptandis consiliariis, immutauit. Quandoquidem ad retinendum vniuersum populū in maiori obsequio & beneuolētia singulari prudentia, dicam, an calliditate, volebat magistratus omnes perpetua quadam isonomia tam nobilibus, quàm popularibus communes esse, ac eos æquabili portione inter eos in posterum distribui, ratus ea ratione, nobilitatem sibi potissimum conciliatum iri. Patricius tamen ordo cū videret hanc immutationem aliquam tyrannidis speciem præ se ferre, illi cum aliquot aliis ciuibus qui nullis factionibus illigabantur, hac in re facile aduersatus est, eò magis, quòd labefactata continuis motibus ac periculosis conuersionibus Repub., minima quæque, quæ in ea immutarentur, quàm maximè offendere ac lædere possent. Eò siquidem delapsa erat Resp., vt omnibus maritimis cōmerciis ac exoticis nauigationibus orbata, viribus & potētia quàm minimum valeret, adeò vt passim palàm & apertè omnibus fermè cōtemptui ac ludibrio esset, & eò angustia redacta, vt quàm plurimi ciues, quorum rei familiaris rationes potissimum negotiationibus nitebātur, eam, tanquam solitudine damnatā, deferere statuerent. & pleriq. Auria familiae, qui se in occidentalem oram receperant, sortem, fatalemq. Reip. calamitatem cōmiserati, hoc vnum agebant cum Galliarū regis administris, sibi finitiinis, vt Reip. administratio tāto regi, temporibus tam dubiis, traderetur & cōmenderetur. Verū, quòd magnæ essent difficultates, quæ se in hac re manifestè ostendebant, hoc negotium commodè perfici nequiuit, sed in meliorem occasionem reiectum. Accedebat huc, quòd in tāta, & tam crebra Reip. mutatione ac varietate, haud mediocris eiusdem auulsio subsecuta esset. Siquidem non pauci erant priuati ciues, qui multa Reip. oppida & arces, sibi, nescio quo prætextu, vsurparent: & inter eos quidem Ioannes & Ludouicus Grimaldi, Monæcum, Interiani portum Veneris, sui iuris ac potestatis fecerant. In hoc rerum statu, ab Antonio Guarco, Adurniæ factionis infensissimo hoste, noui motus Genuæ excitati: qui eū extra urbem habitaret, mense Maio anni eiusdem sæculi quinto ac nonagesimo, cum sexcentis armatis in vallem Pulciferam descendit, vt populum ad defectionem sollicitaret. Adurnius, de tam potentis ac seditiosi ciuis conatibus præmonitus, validam manum ad eum opprimendum confestim eduxit: qua ille deterritus, terga vertit, & celeri fuga salutis suæ consuluit. Ioannes etiam Galeacius Vicecomes, Insubriæ Princeps, longè flagrantius, quàm vnquam antea, assiduis ciuitatis seditionibus & conuersionibus commotus, ad illius imperium aspirabat, nec vllam occasionem prætermittebat, vt rem conceptam feliciter, & ex sententia conficeret. Proinde ab Adurnio, quem antea summo studio persecutus erat, alienior factus, omnem fauorem atque animi beneuolētiam in Guarco transferebat, nimirum, vt horum communibus viribus Respub. oppugnata, in eius quodammodò sinum se reclinare cogeretur. Itaque missis Guarco duobus peditem millibus, & quingentis equitibus grauioris armaturæ, ipse rursus mense Iulio ad urbem contendit. tantumque absuit vt Adurnius eius aduersariis consterneretur, vt etiam magna animi alacritate & fiducia plenus, se nouis copiis,

Pleraque oppida Ligustici agri à priuatis ciuibus occupata.

1395.

quæ

quæ trium ferè millium delectissimorum peditum, & mille equitum erant, præsidij causa communiret. Veritus tamen aliquam intestinam oppugnationem, quod maiorem partem oppidanorum sibi aduersari non ignoraret, vltra octingentos ciues proscripsisse traditur, adeò vt Guarcus de his summis apparatibus certior factus, simulque intellecta ciuium proscriptione, haud meliori successu quam antea, cum magno metu, & haud mediocri famæ dispendio, eò, vnde venerat, retrocesserit. Ciuitatis igitur status eo in cardine versabatur, vt non facile alicui singulari mutationi esset obnoxius. Siquidem illi qui Reip. gubernaculis admoti erant, summa quadam vigilantia & perenni cura procurabant, vt ab his qui opibus & auctoritate pollerent, nihil incommodi accipere posset. Plebem verò, & inualidissimum quemq. sibi recentibus beneficiis deuinxerant, ita vt multò securiores & firmiores, quam antea, rerum administrationi intenti essent. At Guarcus & Montaldus, vt Adurnij potentiam deprimerent & labefactarent, inito mutuo fœdere, nouaque societate constabilita, sibi potiorè omnium profugorum & proscriptorum partem coniungere. Proinde coniunctis & coalitis copiis, recentique auxilio à Fliscis confirmati, circa finem Octobris ad Stalianum oppidum exiguo interuallo ab vrbe distans, peruenere. Verum enimvero, tanta erat Adurnij auctoritas, vt Præfectos, ac Duces, à suis hostibus contra se missos, illinc statim recedere coegerit: & propter hiemem, ac planè intensum frigus, institutam expeditionem deseruerunt. Nihilominus tamen Princeps ad sui securitatem, neue deinceps aliquibus iniuriis patèret, vtque se tantis suspicionibus ac metu semel liberaret, aliquot copias tam mari, quam terra, Reccam, & in pleraque alia circumuicina loca propter huiusmodi motus ac defectiones misit, vt ea ad pristinum obsequium atque obedientiam coègeret ac reuocaret. quæ omnia feliciter, & ex animi sententia peregit. Proximè diximus, in his tantis Reipub. turbis aliquot patricios, Reip. diuersa loca occupasse. Valdè hæc iniuria, quod cum Reip. graui dispendio coniuncta esset, pungebat ipsum Ducem, vniuersumque Senatum, eò magis, quod ipsi nobiles hac in re licentia confirmati, neque modum, neque finem statuerent. Nam hisce ferè diebus, duo Grimaldi fratres, clam Monæco egressi sunt, ea spe & consilio, vt Vintimilium Reip. municipium inuaderent. verum, Reipub. beneficio casu accidit, vt, dum ipsi cum sua manu, quam ad hoc compararant, pontem isti oppido vicinum, agminatim transirent, epistylia eiusdem vel longa vetustate collapsa, vel impetu aquarum ita auulsa & exarsa, vt ferendo tanto oneri impatiæ essent, conciderint, adeò vt rupto ponte, ipsi partim ab oppidanis cæsi, partim verò submersi, & ruina oppressi sint, & duces capti. Annitebatur interim summis viribus atque omni certamine Vintimiliarum Præfectus, vt Monæcum Grimaldis eriperet, ac Reipub. restitueret: quod proculdubio omnino fecisset, nisi quidam ex Grimalda familia oriundus, intellecto ipsius Præfecti consilio, huic rei maximum impedimentum attulisset. Per idem fermè tempus, Franciscus Viualdus, cuius supra, paucis verbis eius munificentia & singulari erga patriam charitate commemorata, mentionem fecimus, è viuis excessit. Hunc sanè tantis opibus floruisse veterum Annales perhibent, vt ditissimos quosque suæ ætatis homines, & qui etiam multis retroactis sæculis in vrbe diuitiis inclarauerant, longo interuallo superarit: eisque tam modestè continenterque vsum fuisse commemorant, vt hac sua immensa opulentia nulli vnquam mortalium obfuerit, nulliq. hoc nomine iniurius extiterit. Quod verò ad rem familiarem spectat, ædes incolebat huiusmodi, quæ neque nimio splendore fastum ac superbiam præ se ferrent, neque rursus sordidi abiectique

hominis vllum indicium præberent. In victu omni, & cultura corporis, haud mediocris parsimonia, & moderatio; tantusque illi famulatus & inferuentium numerus, quantus etiam mediocriter diuiti satis videri posset. In hoc autem vitæ genere ad extremum vsque diem pari tenore atque constantia perseueravit: & sic prorsus inuidia caruisse dicitur, vt, quod minimè caret admiratione, haud quisquam repertus fuerit, contra quem, iustis de causis, odium & malevolentiam conflaret, adeò vt, quod extat apud Comicum, verissimè de illo dici queat, nempe, sic eum suam vitam instituisse, vt sine inuidia laudem inueniret, atque amicos pararet. Ceterum, quoniam de Viualdis, quæ sanè familia semper in ciuitate summo in pretio atque honore habita fuit, nunc mentionem fecimus, minimè silentio prætereundum videtur insigne illud ac memorabile exemplum continentiae, quod de Luchino Viualdo iidem scriptores posteris tradidère. Is enim cum Genuæ matronam forma præstantem, ac genere nobilem, verum castitate inuicta que pudicitia nobiliorem, deperiret, neque animum aduersus omnes oppugnationes pudore munitum, vllis aut precibus, & blandimentis flectere, aut donis corrumpere potuisset; factum est, vt mulieris vir vnà cum naui omnibusque mercibus à piratis captus, & in seruitutem sit abductus. Quare mulier ad egestatem, extremamque omnium rerum inopiam redacta, cum, vnde paruulos liberos aleret, nihil haberet, necessitatibus victa, ad Luchini occultò ad se accersiti genua prouoluta, atque in flebiles questus effusa; Quandoquidem, inquit, mentem tantum modò posthac pudicam gestura, vt vtraque parte mei casta perpetuò manerem, fortunæ iniquitas prohibet, animumque illum aduersus omnia inuictum; fames, charissimorumque pignorum aliter periturorum, amor & misericordia expugnauit; dona illa Luchine, quæ à te spontè acceptura nunquam fui, nunc accipere, hocque corpore in ea, quæ libido tua feret, morem tibi gerere parata sum. Consopitam, atque à libidine constrictam generosi animi virtutem misericordia excitauit, & indomitæ cupiditatis æstum, tum, vt cum maximè ardentem, subito extinxit. Proinde ad meliorem mentem conuersus Luchinus, lachrymas ipse quoque non tenens, Ne isthuc, inquit, Deus opt. max. sinat, permittatque, vt tam pudicum corpus violare audeam, mentemque tam castam, & à flagitio tantoperè abhorrentem, fortunæ iniuriis victam, ad detestabilem rem descendere patiar. Quæ dona prostratæ pudicitiae habitura à me fueras, eadem etiam atque etiam cumulatiora seruata, hera, habebis: domumque reuersus, vt omnem prorsus suspicionem tolleret, coniuge particeps consilij facta, eademque ministra & internuntia, tantum mulieri subinde suppeditauit, quatum in illius, & filiorum alimenta abundè sufficeret. Hoc sanè Luchini factum, & singularis animi magnitudo, Alexandri cognomento M., & Africani continentiae tantis laudibus, tamque magnifica oratione à quamplurimis in cælum sublata, si quis rem suis momentis ponderet, infinito interuallo est anteferenda. Nam neque prior, qui Darij, potentissimi Persarum regis, deuicti uxorem, facie inclytam mulierem, vetuit in conspectum suum deduci, vt eam ne oculis quidem contingeret; neque alter, puellam, licet forma egregia, nobilis viri Hispani filiam captā, perductamque ad se, & mox patri inuiolatam redditam, nunquam antè conspectam, adamabat, adeò vt vllis veteris, atque animo infidentis amoris facibus vtriusque libido accenderetur, facileque fuerit, à re non expetita oculos & cupiditatem abstinere. Ad hoc, ipsorum errata, occulta esse nequiuertant, sic vt inuidiam apud suos, atque inimicorum, quorum maximus erat numerus, obrectatorumque vituperationem, simulque grauem offensam apud exteros populos,

flagi-

Rarum exemplum continentiae.

flagitium admittendi, deuitarent. qua quidem re nihil splendidius, susceptisque consiliis magis aduersabatur. Illorum itaque affectus non tam à virtute & continentia perdomiti, quàm ab alia lōgè maiore, inueterataq. gloriæ cupiditate consopiti iure merito videri possunt. Quod totum contrà in Luchino fuit, animo veteri flāma æstuante, occultoq. peccato nulli prorsus liuori, aut fraudi obnoxio, nihilq. priuatæ vitæ susceptas rationes lædente. Ceterum, vt ad institutam orationis seriem reuertar, postero anno Resp. nouis perturbationibus neutiquā caruit. Aduersarij enim, Adurnij Principis summo odio propter recentem eius dignitatem longè flagrantius quàm antea, incendebantur, nihilque eius auctori-1396tate & potentia deterriti, enixè atque assiduè dabant operam, vt illum Principatu vi atq. armis deturbarent. Proinde Montaldus cū omnia sibi obsepta conspiceret, ad manifestam vim conuersus, Mediolanum cogendi militis causa profectus est, breuique interiecto spatio, Gaium rediit. Guarcus etiam, in Spicularum municipiis, ad expellendum Adurnium, militarē manum colligebat, eiq. omnes ferè profugi, ac ceteri nobiles ex multis partibus sese adiungebant, sperantes futurum, vt, collatis atque associatis viribus, Rempub., euerso Principe ac Senatu, è tanta tyrannide, vt ipsi vocabant, in pristinam libertatem affererent: quod nunquam, vel saltem tam citò, assecuti essent, nisi Adurnius in tam firmo dignitatis atque amplitudinis suæ statu temerè exterritus fuisset. Nimia enim sua pusillanimitate effecit, vt cū in magnis atque arduis deliberationibus nullam certam, vel conuenientem consilij sui rationem explicare sciret, Principatū simul & existimatione excideret. Tanta siquidem tunc temporis fuit animi demissione, vt ad solum apparatus hostilium, quos contra se maximos fieri videbat, conspectum, citra aliquam resistantiam fasces, aliaque supremi honoris insignia, sicuti antea non semel fecerat, vltro resignare constitueret. Priusquam tamen sese Principatu abdicaret, operæpretium se facturum existimauit, si ciues, quos proscripserat, & in exilium egerat, in patriam, impunitate proposita, reuocaret: quibus patriæ restitutis, ceterisque ciuib., in hac sua postrema electione, longè maiori sinceritate, atque animi candore, quàm antea vsus erat, proposuit, sibi subinde de Reip. dignitate ac salute cogitanti, rerumque statum penitus introspectanti, omninò consultum videri, vt ad restituendam Remp. tot vuneribus cōfossam, eius administratio alicui externo Principi permitteretur. Quia in re si ita ciuitati expedire videretur, se omne studium atq. operam interpositurum, pro virili parte pollicebatur, eosque obnixè rogabat, & pro patriæ incolumitate obtestabatur, vt, explicatis cōsiliis, hac in re maturè aliquid decernerent, ne, cū periculum in mora esset, aliquid grauius ex longis deliberationibus Reipub. oriretur. Sc interim eas, quas habebat penes se copias, vltro ad remouendam omnem suspicionem exautoraturum & dimissurum, libenterque Principatum, legitimè adeptum, in gratiam tranquillitatis & vtilitatis publicæ ea fide, qua assumpserat, depositurum. Hæc eius lenissima oratio, quæ à singulari quodam patriæ amore ac studio profecta videbatur, simulque deponendi Principatus confirmatio tantam vim in omnium animis habuit, vt omnes ciuitatis ordines, missis oratoribus, qui præcipuos factionis auctores publico nomine rogarent, vt ab armis discederent, quod & impetratum fuit, in vnum conspirantes, super hac re in curiam confluerent, & comitia celebrarent. in quibus quidem variis ac prorsus inuicem secum pugnātib. sententiis dudum certatum fuit. Tandem vicit eorum sententia, qui multis rationibus adducti, censerent, Rempub. fessam & defatigatam, in sinum alicuius externi Principis, vti

diximus;

diximus, aliquantisper reponendam esse. Verumenimverò in tot, tamque potentium, simulque præstantium Principum frequentia, difficile omninò erat, citra aliquod Reip. detrimentum, vel alicuius offensionem, vnum aliquem ceteris præferre, nimirum cum singuli per se, & plurimum prodesse, & nocere Reipub. possent. Florebat ea tempestate cum excellentibus animi dotibus, tum imperij magnitudine præ ceteris ferè Christiani orbis Principibus, Carolus sextus Galliarum rex. Ad eum igitur, ceu Principem numeris omnibus, quod aiunt, absolutum, legationem mittere placuit, vt eius animum in re tam ardua periclitarentur, simulque rescirent, vtrum ipse imperij Ligustici habenas regendas sumere sibi vellet. Oratores publico nomine ad eum missi, fuerunt Damianus Cataneus, vir ciuilis Pontificijque iuris cognitione admodum celebris, ac Petrus Persius, vir domi forisque iuxta clarus. His ablegatis, ne interim aliqui noui motus in vrbe concitarentur, Adurnius tantisper in Principatu remansit, donec alia gubernationis formula de communi còsensu institueretur. Oratores, vbi regem in Gallia asssecuti, ea, quæ suæ Reipub. nomine in mandatis habebat, exposuissent, Rex, pro veteri maiorum suorum more, ac inolita inter Galliæ reges consuetudine, totius legationis summam ad suos procures, & consiliarios reiecit, eò magis, quòd ipse tunc temporis admodum esset adolescens, & tanti imperij administrationem, cum vix ex ephæbis excessisset, adeptus foret. Inter regiones procures, ceterosque arcani, vt vocant, consilij, variis fuit disceptatum sententiis, ac potior eorum pars censebat, integrum non esse regi, tum propter ætatis gradum, tum etiam propter alias causas, Ligusticum imperium gubernandum suscipere, præsertim quòd multarum ætatum exemplis malè Principes suos excepissent, & non semel turpiter multassent. Non deerant tamen, qui, vt regi gratificarentur, quòd eum magnanimum scirent, gloriæque studio flagrantem, suaderent, tanti imperij sui pomœria hac noua Reip. accessione proferenda & amplificanda esse. Quorum sententiæ rex libenter assensus, legatorum postulatis se satisfacturum promptissimo animo recepit, iisque Reipub. nomine multas & ingentes gratias, propter eximiam existimationem, quam Senatus de se conceperat, simulque ob præclarum totius ciuitatis testimonium, egit. Interim illis liberam potestatem fecit, vt quod ex vsu Reipub. esset, per suam absentiam statuerent. Oratoribus Genuam reuersis, tametsi nonnulli essent, qui huic Reipub. decreto reluctarentur, Senatus tamen, alijque præcipui, Senatus consulto hanc nouam regis electionem sanciuerunt: breuique post, missis ad Galliæ regem literis, rogarunt, vt per suos administratos Reip. possessionem acciperet. Ambiuertat etiam Reip. dominium Ioannes Galeacius Insubriæ Dux, eoque nomine suos legatos ad Senatum miserat, qui statim promulgato Senatus decreto, infecta re, domum rectà contenderunt. Paucis interiectis diebus, Genuam regij legati apulerunt, inter quos erant præcipui Franciscus Casinatici regulus, & Arnulphus regij scrinij magister, cum quibus, his ferè subscriptis conditionibus, octauo Cal. Nouembris transactum fuit.

Quibus conditionibus
Resp. Genuens. sese
Gallarum regi tradiderit.

Primò, vt Rex Galliæ foret deinceps legitimus Genuæ dominus, ac totius Ligusticæ ditionis Princeps, saluis tamen Romano imperio iuribus feudatariis, & beneficiariis.

Vt Rex suo nomine Præsidentem Genuæ haberet ex Galliis oriundum, qui in discernendis Reipub. muneribus duo haberet in Senatu, prout superiores Duces habuerant, suffragia.

Vt Decuriones, quos Ancianos vocant, deinceps partim ex nobilitate, partim verò ex popularibus, æquali distributione eligerentur.

Vt re-

Vt Regi non liceret Reip. aliqua noua vectigalia vel portoria imperare.

Vt populus Genuensis propter exortum ea tempestate inter Principes Romanum schisma, neutrius partis studia sequeretur, vel foueret.

Vt in omnibus bellis, quæ Rex quocumque modo gereret, populus Genuensis socius atque amicus esset: Aduersariis verò regis hostis & inimicus, adhibita tamen expressa conditione, vt si ipsi regi aliquod bellum cum Græcorum Imperatore, vel Cyprio rege aliquo modo intercederet, Respub. Genuensis ab hoc plane immunis esset.

Vt Rex teneretur omnia oppida, vrbes, atque arces, & reliqua munimenta superioribus bellis Genuensibus erepta, omni cōtentione recuperare, quo nomine illi ad maiorem securitatem traderent. decem arces ex præcipuis quæ essent in ora maritima collocatæ, sic tamen, vt illud dominium omnino nullo pacto nec per ipsum regem, nec per eius successores, posset vllō vnquam tempore oppignerari, vel ratione aliqua abalienari. His conditionibus sollemni cærimonia vtrimque confirmatis, Adurnius, qui hactenus summæ rei cum summa potestate præfuerat, coram vniuerso Senatu, se Principatu abdicauit, sceptrumque, ac cetera Reip. insignia, regis oratoribus consignauit, à quibus ipse Adurnius vsque ad regij legati aduentum, Reipub. gubernationi præpositus est. Quæ deinceps secuta sunt, sequenti libro, Deo auspice, enarrabimus.

LIBER NONVS.

POST QUAM Adurnius ex Senatus decreto, Reip. curam & administrationem vsq. ad regij Præsidis aduentum suscepisset, præcipui diuersarum partium duces, illius supramodum pertæsi, iuxtaque in haud mediocrem suspicionem delapsi, ne diutius in ea perseveraret, coacta militari manu, nec non indigenis subinde ad defectionē sollicitatis, enixè dabant operam, vt illum primò quoque tempore è supremo loco deturbarent, adeò vt quarto Cal. Martij subsecuti anni cum valida & lecta armis iuuentute in vallem Pulciferam descenderent. Quòd nisi eorum conatus ab ipso Adurnio, ac etiam à Spinulis & Fliscis, agrè ferentibus; Rempub. denuò prioribus dissidiis atq. calamitatibus inuolui, maiori ex parte cohibiti ac repressi fuissent, haud dubiè in fœcunda gignendis inimicitiis ciuitate, & populo ad discordiam prono, hostilibus resumptis, solitisque contentionibus renascentibus, cuncta iterum ciuilibus bellis exarsissent. Paucorū dierum interstitio, hæ duæ præclarissimæ familiae, urbano milite sibi aggregato, eruptione facta, hostes summo impetu circumuenerunt, eo quidem successu, vt illos, plerisque ex primipilaribus, ac etiam nonnullis supremi nominis, ex quæis insigniores fuere Antonius Montaldus & Antonius Guarcus, in suam potestatem redactis, prælio fuderint ac disiecerint: eoque factum est, vt deinceps regius dominatus longè firmius ac securius constabiliretur. Siquidem breui post, nempe decimo quinto Cal. Apr., Valerandus Luxemburgicus Lini ac S. Pauli Comes, & Petrus Medunensis Antistes, ambo, præter generis claritudinem, eximia prudentia, longoque usu rerum, conspicui, ex Gallia regio nomine ad urbem appulerunt, quibus Adurnius mox Principatu, atque omni Ligusticæ ditionis imperio tradito; curiaque excedens, se, tanquam priuatus, domum recepit. Verum Castelleti arcem tamdiu apud se retinuit, donec sibi quatuor librarum millia, quam pecuniæ summam Resp. illi debebat, persoluerent.

1397.

Primus regius dominus Genuæ.

uerentur : eaque ipsi Non. Cal. Aprilis deprompta fuit. Ceterum arce tradita, in Senatu variis studiis & contentionibus disceptatum est, satiùsne foret, ut hæc regiis ministris tribueretur, an potius eam, publico præsidio firmatam, sibi ad omnem casum ac euentum reseruarent. Tandem peruicit eorum sententia, quibus videbatur præstare, ut, quò pacta transitionis rata firmaque confisterent, Gallici regis fidei ac tutelæ permitteretur: ideoque statim Paulo Monelio eius Præfecto iniunctum, ut illinc digressus, liberam eius loci possessionem nouis præfectis relinqueret. Hoc tractu temporû, Bartholomæus Scartabonus Viterbij genitus, ac iuris prudentia celebris, ad paucorum dierum interuallum Prætor designatus, & quatuor ciues creati, qui omnium noxas & delicta, ante ipsorum aduentum perpetrata, singulari quadam lenitate atque clementia obliterarent, & admissi erroris gratiam facerent. At mense Maio communibus Patrum suffragiis Angelus Panciaticus ciuis Pistoriensis, in eius locum substitutus est. Iisdem fermè diebus, cum duæ rostratæ naues multis ac pretiosis mercibus onustæ, ex plaga Orientali Genuam versus adnauigarent, vna earum in itinere à Turcis circumuenta & occupata est, quorum Imperator Baiasetes, Ithalabi nomine, Christianis infensissimus, crudelissimum bellum in eos gerebat. Ex his verò qui ea deuehebantur, præter paucos contrucidatos, reliqui omnes in miseram captiuitatem abducti. Altera non multò post Genuam incolumis peruenit, sed cum plurimis dira & tabifica lue infectis, quæ non modò ciuitatem, sed breui omnem Ligusticæ oræ tractum exitiabili contagio infecit, ac per multos menses supra modum diuexauit, adeò ut ea indies magis magisque defæuiente, singulis diebus amplius quadraginta & sexaginta vi eius morbi interirent, maiorq. pars, relictis penatibus, salutis causa huc illuc secederent. Inter hæc, Guarcus & Montaldus, qui adhuc in libera custodia captiui asseruabantur, condonata venia, & arce Gaiij restituta, mense Iunio reconciliatis animis, cum Rep. in gratiam redierunt, eisq. pro sumptibus atque impensis benignè satisfactum, & ob rem aduersus Adurnios tunc Reip. hostes declaratos, prosperè gestam, annuali stipendio donati, ea tamen in primis lege & conditione, ut sese regio dominatui subijcerent, eiq. omnem fidem atque obsequium perpetuò exhiberent. Et quoniam vtraq. ora maritima perniciosissimis ciuiliū seditionum ac discordiarum fluctibus vndiquaque atrociter iactabatur, in Orientalem Ceuas Auria cum quadringentis armatis ablegatus, & in alteram ipsæmet Præses cū valida manu profectus est, eo quidem euentu, ut breui nonnullas arces ab Antoniotti Adurnij clientibus occupatas, necnon portum Mauritium, Auriāno milite firmatum, reciperet: horumque opera & studio effectum est, ut exigua temporis intercapedine omnes perduelles, ac defectionis auctores, ad pristinam fidem atque officium reuerterentur. His rebus non minùs properè, quàm feliciter peractis, ne deinceps publicæ quietis perturbatores, causa externi dominij nouos motus ac tragœdias cōcirent, S. C., licet Prætor adhuc suo munere fungeretur, Bartholomæus Scartabonus, cuius suprà mentionem fecimus, Iustitiæ Præfectus renunciatus est, tanta medijsfidius auctoritate, ut etiam in causis criminalibus plenum ius exerceret, nec illi culpæ ac vitio verteretur, si quid interdum ab eo, cum res ita postulare, publici commodi gratia fieret, quod ipsorum veteribus institutis aliqua ex parte repugnaret. Hoc statu rerum, Valerandus, qui propter pestem longè lateq., uti diximus, grassantem, periculi euitandi causa modò in ora occidua, & aliquando in his oppidis quæ ultra Apennini iuga posita, salubriori temperie fruebantur, aliquamdiu substiterat, eodem fermè tempore, ob grauissima ne-

gotia

*Genua peste
diuexata.*

gotia in Galliam reuocatus, vrbis Præfecturam Borleo Luxemburgico, sibi ar-
 cta necessitate coniuncto, demandauit, & in his locis, in quibus ipse antea com-
 moratus fuerat, Petrum Episcopum Medunensem substituit, eo animi decreto,
 vt, pestilentia remittente, cum affine suo partem curarum capefferet, eaque omnia
 sedulo prospiceret, quæ ad vrbis, adeoque totius agri Ligustici quietem & gu-
 bernationem pertinerent. Interim subsecutus est annus eius æui duodecentesi-
 mus, quo Respub. nouis externis motibus haud sanè vacua remansit, ab his qui 1398.
 erant è Bertolota familia, initio exorto. Hi enim subinde in ora Orientali, præci-
 puis quibusque ad defectionem sollicitatis, grauissimas turbas & motus concita-
 bant; ideoque vt illorum ausis atque conatibus maturè obuiam iretur, Præses
 cum circiter sexcentis manipulariis contra ipsos amandatus, ad quorum aduen-
 tum deterriti, se statim in arcem Corniliam subduxerunt: & mox, cum sese
 tantæ moli impares conspicerent, nonnullis ex Marchionibus Malaspinis sibi
 mutuo fœdere adiunctis, eorumque, ac ceterorum amicorum ope, militari ma-
 nu collecta, quod vnum reliquum, rem in casum dare, prælioque experiri sta-
 tuerunt. Nec detrectauit pugnam Genuensis Præfectus, animi promptus, & ex-
 ercitæ virtutis, adeò vt Cal. Maij vtriusque multo sanguine & ambiguo euentu
 concurreretur, donec tandè fortuna ad hostes, ipsomet Genuensium duce, qui
 nullum tamen optimi ducis, aut fortissimi militis officiū omiserat, interfecto, &
 cum eo circiter quadraginta, Guelfi nominis, ac reliquis in fugam adactis, peni-
 tus inclinaret. Hæc clades, vti vrbem summo dolore affecit, sic etiam agrum
 Ligusticum vehementer commouit, ita vt qui robore minus valerent, sibi ab
 aduersa parte maioribus viribus instructa, summo perè metuerent. Ipsi interim
 superbia recentis victoriæ ferociiores, Leuantum oppidum arctissima obsidione
 presserunt, & multa Guelforum prædia & municipia, in conterminis locis posi-
 ta, diripuerunt, ac incenauerunt. At Cluari Antonius Cocornus, vir ex vetusta
 nobiliq. familia, & Gibellinarum partium acerrimus propugnator, coniuratio-
 nis crimine suspectus, de Præfectorum imperio, ac Senatus decretis, captus fuit,
 ac Genuam perductus, & mox Quæsitore traditus: & de illo quæstione habita,
 tot suppliciis & cruciatibus affectus est, vt, paucis post diebus, vitam cum
 morte commutauerit. Per idem quoque tempus, Antonius Montaldus, & An-
 tonius Guaricus, tanquam eiusdem conspirationis aduersus regium dominatum
 conscij atque participes, eorundem iussu ac mandato in vincula coniecti: sed
 quoniam infantes, omnisque culpæ expertes fuerant, breui sunt dimissi ac pri-
 stinæ libertati restituti. Mense Maio, Andreas Arferius, ciuis Cortonensis, vir,
 ciuilis ac Pontificij iuris scientissimus, communi Patrum suffragio Prætor desi-
 gnatus fuit, sub quo Damianus Embriacus ob ingentes turbas & commotiones,
 quibus ora Ligustica vndique afflictabatur, mense Iunio Cluari præfectura sese
 vltro ac spontè abdicauit, isque locus à Gibellinis mirum in modum diuexatus
 est. Exigua mora interiecta, Genuæ Senatus decreto quatuor triremes, pro eorum
 locorū, quæ adhuc in minori Africa Genuensibus parebant, tutamine ac securi-
 tate, omni bellico apparatu instructæ, necnon Gregorij Granelli ductu & auspi-
 cio emissæ. Eadem ætate, tres piraticę Castellanorum & Tarraconensium naues,
 totidem onerarias Ligusticas in mari Siculo præstolatae sunt, atque inuicem in-
 festis armis concurrerunt, eo quidem exitu, vt post acrem ac difficilem pugnam,
 victoria à partibus Genuensium staret, & hostilis quidem prætoria celeri fuga
 elapsa. Reliquæ duæ, Liguribus cessere, quarum altera cum omnibus remigibus
 ac epibatis capta fuit: altera verò panè vacua intercepta, cum maior pars, con-
 scensis



*Genuensium
clades.*

Antonioti
Adurni in-
teritus.

scensis scaphis, ad littus salua atque incolumis appulisset, & paucos post dies, Prætoris ac Iustitiæ Præfecti iussu, eius nauarchus, cum sexdecim aliis qui secum erant, in crucem actus, teterrima laquei nece vitam finiuit. Mense Sextili, munus ipsius Iustitiæ Præfecti, quod iam fermè omnibus in commune, præsertim verò Gibellinis, mirum in modum inuisum ac exosum erat, de vnanimi Senatus consensu abolitum ac deletum fuit. Interea temporis, Antoniotus Adurnius, qui, uti suprà memorauimus, quartum in Repub. supremum Magistratum obtinuerat, tertio Non. Iulij, in loco quem indigenæ Castellum Francum vocant, haud procul Finario, tabifica lue, sicuti nonnullis placet, siue tædio curarum fessus, ac senectute gravis, post multos honores perfunctos, naturæ concessit. Ceterum, in valle Pulcifera, nonnulli Gibellinarum partium fautores, immanissimorum latronum instar, dumtaxat incēdijs, rapinis, ac cædibus intenti erant, & sibi quamplurimis eorum qui vallem Bisamnam incolebant, associatis, primarios quosq. aduersæ partis adorti, ubi eos cepissent, ingenti pecunia multabant: in quo quidem nec suæ factionis hominibus parcebant, adeò ut fermè omnes, relictis suis municipiis & latifundiis, in urbem, ceu ad tutissimum asylum, confugerent. eorumque numerus ita postmodum excreuit, ut ferè vniuersa regio, correptis armis, seditionem excitaret, & incolæ, sublatis clamoribus, VIVAT AQUILA, sæpius ingeminabant: eisque aliquot Vulturiani, Antonius cognomento Rex, & Raphaël Carpenetus, sese coadiutores ac socios adiunxerunt, & præter cetera, conquerebantur, & dicebant, Præsulem Medunens. tantummodò in partes Guelforum, neglectis Gibellinis, propensum, & iniquum sibi videri, ut oppidorum atque arcium præfecturæ solis Guelfis committerentur, ita ut Præses, consentientibus Patribus, aliquot militares cohortes ex prætorianis & urbana multitudine collectas, aduersus perduelles & contumaces miserit: hæque facili negotio Bulzanetum oppidum occuparunt, quod tamen exiguo post tempore, amissum fuit. Cum verò idem Præses animaduerneret, illorum vires ac peruiaciam indies adaugescere, ne in maiorem Reipub. perniciem excreverent, utque abiectis armis ad debitum obsequium redirent, de mutua Senatus voluntate quosdam ciues singulari prudentia, nullisque studiis addictos, & patriæ in primis caritate flagrantes, ad eos misit, qui ipsis publico nomine præteritorum veniam cōdonarent, ac insuper Bulzaneti, Montisbelli, & Muratiani custodiam ac præfecturam concederent. At quia summopere verebantur, ne secum candidè ac sincerè ageretur, breuique & venia, & ipsorum locorum regimine exuerentur, denuò ad arma conclamarunt, sibi que maiora polliciti, subinde grauiores motus excibant. Quapropter, Antonius Montaldus & Antonius Guarcus ad eos ablegati fuerunt, quò præcipui defectionis auctores illorum auctoritate inflexi, pacatis animis, Genuam remigrarent. At in vrbe statim ingens suspicio exorta, ne scilicet Guarcus & Montaldus, cum plerisque ex Spinula & Auria familia, Gibellinarum partium studiosa, necnō cum primoribus popularibus, clandestina consilia miscerent, præcipui harum seditionum auctores forent, adeò ut sibi tutius fore arbitrantur, si vrbe abessent, præsertim crebris amicorum literis admoniti, ibi agi de ipsorum capite ac vita. Proinde Antonio rege, ac intimis quibusque sibi coniunctis, hostilemque animum induti, omnia studia & animi cogitationes in patriæ perniciem ac exitium conuertere. Quo sanè factum est, ut Respub. multò maioribus, quàm antea, simultatibus ac periculis inuolueretur. Hi enim Adurnio, uti diximus, è viuis subtracto, soli ac principales diuersarum partium duces supererant, qui suis optatis, nullum præter regiam dominationem, obstaculum

ac fre-

ac frenum conspicati, præter affinitatem, quæ mutuò iamdudum intercesserat, iterum sese nouo fœderis iure obstrinxerunt: & quò ciuitatem grauioribus rixis atque contentionibus implicarent, veteres factiones, vrbi perniciosissimas, & exitiabiles, summis viribus atque artibus instaurare annitebantur. Deinde ex variis locis contracto exercitu, eoquæ intempesta nocte admoto, illam summo impetu aggressi sunt, eo tamen successu, vt cum strenuè à præsidario milite propugnaretur, illinc statim, præ nimia festinatione scalis relictis, nec sine aliquo discrimine abscesserint. Hæc repentina & inopinata aduersariorum oppugnatione, vniuersos Patres, atque in primis ipsum Præsidentem, adhuc ignaros à quibus sibi præcipuè cauendum esset, haud mediocriter percelluit, moxque tam nobilium ac popularium, quàm Gibellini & Guelfi nominis, eorum nempe, quos amor in patriam commendabat, delectu habito, illisque armis subministratis, eos, portarum custodiis præfecerunt, graui pœna proposita, ne quis, præter ipsos, arma suscipere auderet. Ceterum aduersarij, cum in prima oppugnatione, facta ex ea parte, qua Bisamnis tenui ac exili cursu in mare defluit, fortunam minus suis conatibus secundam atque propitiam experti essent, eadem nocte summo silentio in alteram ciuitatis partem suas copias trāstulere, indeque per ostiolum, vulgò D. Michaëlis, eo tempore nullo, vel saltem exiguo vigilum ac excubitorum præsidio custoditum, in vrbem irruerunt. Quod simulatque ab oppidanis cognitum, protinus omnes promiscuè ad arma iuerunt, & vniuersa ciuitate variis seditionibus ac tumultibus implicata, per omnia compita, & viarum anfractus, vtriusque factionis nomen sublati ingeminatisque multis vocibus inclamarum, nec in ipsis tenebris, tantaque rerum omnium confusione constabat cui potissimum parti adhærendum esset. Spinulæ atque Aurix, præcipui Gibellini nominis duces ac patroni, vnà cum suis clientibus ac familiaribus, suas vias & plateas trabibus aliisque munitionum generibus obuallarunt. Ex diuerso, Flisci, in cœnobium Laurentio dicatum, simul conuenire, nonnulli regio Præsidi suppetias ferre, & cōplures alij varia scelera perpetrantes, per vrbis vicos ac itinerum regiones debacchantiū more discurrere ac vagari: omniaque sacra profanis, imaque summis cōmiscabantur. Quippe, albescente cælo, nihil aliud prorsus cernere erat, quàm singulos passim in suis domibus ac turribus circumseptos. & in quolibet illarum ingressu inter ipsa factionum capita, manus conferebantur, intraque viscera ciuitatis omnes vici ac semitæ vtriusque diuisæ ac munitionibus firmatæ, tanto nimirum discrimine, vt quisque certatim, suis domibus relictis, sese intra regiones suarum partium contraheret ac præmuniret. Guelfi, totam fermè illam partem, quæ ab æde D. Petri, vsque ad fanum Andreæ porrigitur, adiunctis quoque his locis, in quibus sita est ædes Laurentio & Ambrosio sacra, & quicquid versus oram maritimam inferiorem vergit, acerrimè tutabantur. Reliqui verò, quicquid à templo D. Lucæ per ædem Magdalenam vsque in forum Aurium & D. Catharinæ delubrum, necnon versus portam, vulgò Campi, extenditur, propugnabant, sic sanè vt quotidie inter sese, nulla regij legati, omnem suam auctoritatem, ne id fieret, interponentis, ratione habita, mutuò infestissimis armis confingerent. ipsaque ciuitas in multò deteriore statum & conditionem, quàm in primo earum factionum bello contigerat, prolapsa erat, cum hæc dira & cruentissima certamina intra ipsius, vt dictum est, viscera gererentur, in quibus perpauci omninò ab armis abstinerunt, adeò, vt etiā Guarcus & Montaldus, haud multò post, ab omni fœderis iure ac fidei desciscerent, cum hic, in Gibellinas; alter verò in Guelfas partes transgredederetur. Quocircà vnus

Genue magni tumultus propter dissidia.

eiusdemque ciuitatis indigenis, quin etiam eiusdem cognationis, vniuscunque
 ac eiusdem domus & familiæ hominibus in varia studia distractis, ac in mu-
 tuam perniciem ruentibus, ciuiumque animis sæuissimo & detestabili odio
 inter se flagrantibus, ibi omnia turbis, rapinis, cædibus, demorū conuulsionibus,
 atq. sacrarum ædium incendiis, conflagrabant, cum vefanus furor non modò
 alterā partem, in alteram incitaret, sed omni pietatis & humanitatis iure dissolu-
 to, fratrum in fratres, ac ipsorum parentum in liberos, filiorumque in parentes
 dextras armaret, pluraque inhumanæ sæuitiæ facinora eiusdem vrbs inter se ede-
 rent incolæ, nulla patrij soli charitate inexprabilia ardentiaque odia mitigante,
 quàm vlla immanis barbaries ardore pugnae irritata, in victos edidisset. In hoc
 atrocissimo & efferato dimicandi studio, quò sanè omnia ciuili cruore fæda-
 bantur, Gibellini, quorum præcipui Antonius Montaldus, & Ceuas Auria tunc
 temporis extiterunt, propter maiorem factionis hominum cōcursum præua-
 lebant, ita vt ipsis multò liberior per urbem excurrendi potestas fieret, & publicū
 palatium, à regio præside infirmo ac tenui præsidio com munitum fermeque in-
 defensum, oppugnarent, eoque facili negotio potirentur. Hoc in potestatem reda-
 cto, cum Montaldus ad omnem occasionem intentus, sibi statim vsurpare vellet,
 eo quidem prætextu, vt diceret, id magno vtrique præsidio contra suos aduersa-
 rios futurum, Auria veritus, ne hac ratione sibi denuò ad Principatum viam
 astrueret, sese illi acriter opposuit, & præter cetera, subiiciebat, tametsi ad repri-
 mendum suorum aduersariorum conatus simul anima corripuissent, neutiquam
 tamen reliquos ciues, in ea esse sententia, vt Resp. à regia fide atque imperio
 descisceret: ac secum satis præclare actum esse dicebat, quòd aduersæ partis, regij
 Præfecti gratia & auctoritate innixæ, vim atque iniuriam strenuè à se repulissent.
 Hac re Montaldus grauiter commotus, euestigiò sese cum suis clientibus atque
 affectis in ædem Dominico sacram subduxit, cumque hostis à tergo insecutus,
 non exigua clade, capto etiam Odone Grillo, affecit. At Præses imminentis pe-
 riculi metu mirum in modum attonitus, ægeique animi, & consilij ambiguus,
 sese in palatium haud incunctanter recepit, ibiq. Auriam, ipsum impendentis te-
 pestatis euitandæ causa, Galliam cogitantem, his verbis allocutum esse, ac planè
 in meliori sententia confirmasse dicunt. Si ignorarem, tantam esse in te pru-
 dentiam, amplissime Præsul, quin hunc lubricum rerum humanarum statum,
 & planè temporum iniquitatem, ex humana quadam ingenerata fragilitate meti-
 reris, equidem summopere vererer, ne in tanta huius ciuitatis morum atque disci-
 plinarum omnium neglectione & corruptela, ita esses animatus, vt vltimis gentiū
 viuere velles, quàm in tam corrupta & seditiosa ciuitate cum summo animi tui
 radio vitam transigere, præsertim cum vltra quandam communem rerum om-
 nium licentiam, tanta immodestia ciuium animos inuasert, vt neglecta regis di-
 gnitate atque auctoritate, passim in omnibus ingrati animi sui testimonium præ-
 beant. Quæ sanè hominum licentia, & à recto tramite aberratio, non tam à re-
 gis contemptu, quàm ex superiorum temporum iniquitate atque conditione
 proficiscitur. Nimirum, cum ciuitas hæc nostra semper fatali quadam ratione
 variis factionibus & intestinis malis laborauerit, paucorum potentum am-
 bitione fit, vt indies nouis studiis, ceu perpetuo quodam incendio, flagret
 atque incendatur. Qui mutua quadam æmulatione nunquam animis quie-
 ri, publicam tranquillitatem mirum in modum conturbant, & hoc vnum a-
 gunt, vt quibuscumque possint studiis atque artibus, superatis aduersariis, Prin-
 cipes in Repub. nostra euadant. Hoc si vlllo tempore experti sumus, certè hac no-
 stra tem-

*Cens. Aurie
 oratio habi-
 ta coram re-
 gio Præside.*

stra tempestate habemus quod queramus, & communem Reip. nostrae statum, illorum insolentia labefactatum, depleamus. Quod certè eò minus, omnibus rem ipsam diligentius expendentibus, videri debet, quòd vix à tantis veteribus malis eluctata, minima quaque occasione, instar vulneris, nondum in iustam cicatricem coaliti, sed tantummodò praesenti fascia obligati, minimo contactu re-crudescens ad noua studia rapiantur, & nulla obseruata modestia, tranquillum Reipub. statum mirum in modum labefactent atq. corrumpant. Ceterum, non me latet, Reuerendissime Praesul, quin tu pro ea, qua semper haecenus praestitisti, ac etiamnum praestas, prudentia atque animi moderatione, facile intelligas, quantum temporis cōditioni tribuendum semper sit, ac pro illius varietate praesens rerum status sit plerumque metiendus. Haec igitur, cum tu per te intelligas, & insignem doctrinam ex multiplici variaque rerum cognitione atque usu habeas; non existimo valdè esse necessarium, vt hac periculosissima tempestate, idem facias, subinde te admoneam, praesertim cum tuis oculis ipse videas, quàm in periculoso cardine rerum nostrarum status coniectus sit. Commoueat igitur te huius nostrae calamitosissimae patriae imago, quae, quantum sibi de te polliceatur, facile intelliges, si, ratione in consilium adhibita, dignitatem tuam non aliunde, quàm ex illa persona, quam sustines, metitus fueris, & penitiùs introspexeris. Nec est, meo equidem iudicio, quòd popularis multitudinis petulantia te aliqua ex parte commoueat, vel molesta sit. Nam quis est, per Deum immortalem, vsque adeò corrupti iudicij, vel malè de rebus humanis sentiens, vt nunquam cogitationes suas ad tranquillitatem publicam adiciat, nisi populari applausu, vel gratia multitudinis in cōtrariam sententiam impellatur? Proinde cum tu pro ea grauitate ac rectitudine iudicij, quae in te semper eximia & singularis extitit, magis amoris magnitudini, quo nos omnes inde statim ab initio, ex quo huc venisti, prosequutus es, quàm priuato tuo quaestui, vel peculiari cuiusquam gratiae tribueris, nunc reliquum est, vt pari constantia periclitantem ciuitatem consilio adiuues, praesentia tua fulcias, & salutaribus commonefactionibus, quae tibi pro ea qua praestas dignitate, propriae sunt, in debito officio retineas: ita demum fiet, vt Respub. tuo beneficio tot tantisque procellis erepta, in posterum suae salutis te vindicem apud omnes ingenuè profiteatur & agnoscat. Quocirca in spem adducor maximam, te non commissurum, quin aliquem populari licentiae relinquas locum, ne scilicet, hi, qui prorsus culpa vacant, immerentes, in poenam trahantur. Hoc quippe discrimine bene institutae ciuitates stant, & retinentur: quod proculdubio si tollatur, non video, quomodo diu conseruari, nedum florere possint. Qua certè in re, nisi sensus tuos haberem exploratos, essem omnino pro rei magnitudine prolixior, potissimum quòd vniuersa ciuitas multorum iudicio non semel in reprehensionem venerit, quòd videlicet, in tam misero ac perplexo rerum statu subinde lapsa, alienati animi sui erga regem vestrum, regum omnium (absit assentatio) praestantissimum, argumentum dedisse posse ex rerum occasione videatur. Sed rogo plus apud te valeat, prout semper plurimum valuit, recta ratio, & paucorum, sed eorundem quidem optimorum ciuium, auctoritas, & indefessa atque incorrupta fides, quàm stulta vulgi opinio, quae, instar arundinis, huc illuc, leuissima etiam aura, facile impellitur, ita profectò fiet, vt quicquid haecenus in ciuitate sub tua administratione delictum sit, magis stultitiae populari, quàm alij cuius occasione acceptum referri debeat. Nec enim es tam iniquus rerum aestimator, quin facile per te intelligas, quomodo Respub. nostra erga regem vestrum fuerit animata, & quàm praecleara dubiis temporibus

& accisis iam rebus, sæpius veri sui studij testimonia exhibuerit, sic profectò, ut si ad iustam trutinam rerum momenta reuocentur, nemini dubitandum sit, quin plus gratiæ, quàm inuidiæ apud reges Galliæ meritò semper promeruerit. Vbi hæc Auria perorasset, Præses in hunc modum respondit. Non tam, inquit, fortunæ vicissitudo, omnia, mira, sed solita tamen quadam inconstantia immutantis, me in summam admirationem rapit, quàm nonnullorum ciuium peruersitas & improbitas, publico bono atque communi tranquillitati refractis animis perpetuò aduersantium: quorum sanè cæcitas, dicam, an vesania, adeò magna & intolerabilis est, ut eam nequaquàm ferre possim, vel debeam, cum illi, nescio qua repentina atque prorsus inaudita animi leuitate, nulla præbita offensionis vel indignationis ansa, studium & obsequium hæctenus Christianissimo Regi deferri solitum, illi prorsus abrogarint, & quod non semel in propugnanda cum illius dignitate, tum salute emicuit atque eluxit, nunc prorsus refrixerit. Quod sanè cur fecerint, per me equidè iustam inuestigare causam nequeo. Satis etenim constat, ipsum Regem non alio quàm vobis omnibus gratificandi animo, huius Reip. vestræ administratione sibi desumpsisse. Si igitur boni medici instar, partes eius infectas & morbidas, ne amplius in posterum contagione læderent, sedulò paucorum perditissimorum ciuium animaduersione & supplicio curauerit, non est medijsfidius, quòd aliquo modo crudelitatem eius accusetis; imò, eo vel maxime nomine ingentes illi à vobis & immortales gratiæ meritò debentur, quòd labantem Reip. vestræ, & non obscure ad interitum properantis paucorum improborum vitio statum, saluberrimis consiliis, & insigni legum seueritate, ceu firmissimis fulcris, ac præsentissimis amuletis retinuerit, & planè, ne prorsus corrueret, obstiterit. Proinde omnes illi qui publico bono cōmouentur, & qui tranquillitatem, atq. adeò salutem huius vrbs amant & amplexantur, cuiuscumque illi ordinis vel factionis fuerint, omni ope adniti decet, ne popularis audacia impunitate alatur, atque subinde aliquot temerarium nobiliorum exemplo confirmetur. Quandoquidem eò nunc deuentum esse, palàm & manifestè animaduertitis, ut nisi optimates & primores huius vrbs, insanæ multitudini fortiter sese opposuerint, nullis humanis consiliis, ubi semper illorum animi, audacia & impunitate cōstabiliti, ima summis miscere perrexerint, incolumitatem bonorū conseruari posse. Qua sanè in re quantum subsit difficultatis, facile per memet conijcio, cum intelligam, aliquot patricos adeò refractarios, & in peruersa sententia pertinaces, ut nullis amicorum precibus, nullis denique præmiis, vel pœnis à proposito deduci, & ad sanio rem mentem inflecti queant. Nam, ut cætera mala, quibus inundat turbulentissima hæc ciuitas vestra, taceam, plures sese vsque adeò superbè & crudeliter gerunt, ut antiquata, atque prorsus spreta Regis omni pristina ac debita obedientia, arma nullatenus deponant: turres, aliæque loca munitionibus opportuna, præsidiis aliisque necessariis communiant: & tanta petulantia & detestanda temeritate nequaquam cōtenti, plebe in partes deducta, ciuitatem ipsam inuicem partiantur. & nō secus ac rerū potiētes, huiusceq. Reip. noui Tyranni, oppressis vel in fugam versis bonis omnibus, atq. Reipublice salutis amantibus ad vnum profligatis, in palatium publicum inuasere, quod cōtra fas atque omnem æquitatem, districtis gladiis, atque micantibus armis, contra omnium bonorum voluntatem turpiter occupant, & latrocinantiū more, vi atque crudelitate propugnant. Quid, quæso per Deum immortalem, reliquum est, quid dico, in tam ancipiti ac planè deplorato rerum statu, nobis vix vmbra vllam antiquæ dignitatis retinentibus, dicendum vel sperandum est? Eorūne

fidem

fidem sequar, qui publico bono commouentur, vel econtrariò potius desperatis rebus omnibus, pessimos istos grassatores ac salutis Reip. publicos hostes, & sub nomine libertatis Reip. oppressores & eueriores, tanquam feroces & efferatas belluas nulla ratione videntes, in longinquas terras fugiam? Hęc dum cogito, animus in incerto est, & hinc metus & certi periculi imago, illinc verò summa & perpetua optimi regis mei in hanc urbē voluntas, me mirum in modum angunt. Vincit tamen generosi pectoris constantia, nihil non in gratiam regis audentis, quæ vsque adeò magna est, vt animum huc illuc diuersimodè fluctuantem atq. impulsum, ad meliora consilia reuocet, & quid me nūc maximè deceat, ostendat. Proinde vt fidem vobis faciam, qua sinceritate atq. animi propensione Rex hanc Rempub. hactenus administrauerit, Deum obtestor, atq. per huius urbis vestræ genium atque amplitudinem audacter & sacrosanctè deierare libet, me libenter in omnium præteritarum iniuriarum obliuionem deuenturum, modò aliqui vestrū ita erga Regem Christianissimum, optimè de vobis semper meritum, atque adeò erga patriam suam ita sint affecti & animati, vt cōmunicatis mecum deinceps laboribus, & periculis, de tollendis & consopendis istis præsentibus motibus aliquando tandem animū adiiciant, ac ne in posterum cum certa Reip. perniciē peccari aliquo modo possit, pro viribus consulant atque prouideant. Quod sanè meo quidem iudicio assequemur, si, comprehensis præcipuis factionū ducibus, atq. ipsis seditionis auctoribus refrenatis, reliqui omnes seueritatis exemplis ab incepto deterreantur. In hanc sententiā locutus, cū omniā armorū crepitu perstreperent, atque variis vocibus & clamoribus omnia personarēt & complerentur, sese euestigiò subduxit, paruoque temporis spatio interposito, cū videret, nullum seditioni & tumultibus finem neque modum conititui, desperatis urbanis rebus, ac non parum de se suorumque salute sollicitus, xv. Kal. Aug. (hic dies olim Romanis infaustus Cremerensi, Aliensi que cladibus) Sauonam per dispositam scapham clanculū contendit, atq; illinc terrestri itinere in Galliam perrexit. Post regij Legati discessum, qualis fuerit Reip. status, atque habitus animorum, quiuis haud imperitus humanarum rerum æstimator, facile per se omninò intelliget. Hac enim, suo rectore destituta, ob maiorem licentiam & peccandi impunitatem, partium studia multò acriorem vim, quàm prius, resumpserant, & exitiabile virus, quod dudum in eorum pectoribus latebat, eo tempore latius serpere ac diffundi cœpit, longeq. maior clades vniuersæ urbi inflicta. In hac extrema rerum omnium confusione, Gibellini nominis fautores, naualium turres occuparunt, earumque præsidio haud magna difficultate portum sui iuris fecerunt, adeò vt Guelfis intra suos vicos & plateas quodammodò inclusis, summaque rei frumentariæ & commeatus inopia laborantibus, ipsi per urbem liberiùs vagati, grauissimis incommodis ac detrimentis hostes afficerent: simulque ferociter iactabant, se illos eò tandem redegisse, vt extra sua septa & munitiones nullo modo egredi, ac prodire auderent. Sed contrà, ipsi plurimum sibi tribuere, suamque virtutem non parum efferre, quòd minimè è suis stationibus, vti æmuli, se facturos gloriabantur, propelli ac dimoueri potuerint; & vtraque factione externis præsidiis aucta & confirmata, hac quidem, vt sese ab instanti calamitate atque infortunio eximeret, altera verò, vt hostem quoquomodò opprimeret, circiter vndecim armatorum millia, quorum quidem octo Gibellinorum erant, in promptu atque ad manus habuere, quarum virium accessione, nisi per idem tempus, Antonij Montaldi, alterius factionis Principis, peste, siue alio morbi genere, octauo Cal. Augusti, è viuis subtracti obitus, illius flagrantissimi

Antonij
Montaldi
obitus.

studij & mutuae contentionis furorem aliqua ex parte remisisset, proculdubio, mutuis animis ad hoc supramodum accensis & inflammatis, saeuissimo atque asperrimo proelio inuicem cōgressi essent. At Gibellinorum inter se dissidentium cunctatio effecit, vt ardores vtrunque haud leuiter mitigarentur, cūm præsertim inter ipsos de pace, opera Gasparis Cossæ Neapolitani, tertio Cal. Maij Roma Genuam cum tribus triremibus, vt inde Legatū Pontificiū in Galliam deduceret, profecti, sedulò ageretur. Hic enim, tam præclaræ vrbis vicem grauiter cōmiseratus, enixè dabat operam, vt aliqua pacificationis formula inter ipsos iniretur, qua demum constituta, de mutuo assensu concessum est, vt, præter ceteras conditiones, Gibellini duabus suffragationibus, sicuti postularant, in senatu & comitiis aduersam partem anteirent, vt nempe in numero duodeuiginti senatorij ordinis, decem, qui essent Gibellini nominis, octo alterius partis, designarentur: simulq. in eorum gratiam excisum est quidquid inchoatum fuerat pro turre Castelleti erigenda. Verū, paucis post diebus, ab oratoris discessu, in vrbe iterum superiores motus recruderunt. Cūm enim Prætor, qui ibi remanserat, Guelfis in haud mediocrem suspicionem deueniret, ne palatium suis æmulis traderet, vesana quadam rabie ac furore illum comprehenderunt, & de ipso atroci quæstione habita, totius rei negotium sollicitè exquirebant: quod sanè illorum animos tantoperè offendit, vt repentè armis correptis, nudatisq. gladiis, cum ipsis circa prætorium conflixerint: in eaq. varia & ancipiti pugna, complures vtrunque vulnerati ac interfecti, & pleraque ædificia, vt hoc pacto mutua & internecina odia explerent, incensa. dumq. in his feralibus dissensionibus indies pertinaciùs inhærent, in variis plateis, & ciuitatis regionibus manus atrocissimè conseruerunt, in quibus sanè multo plures, quàm antea, obtruncati, & plurima quoque palatia subito incendio perierunt, adeò vt vniuersæ vrbis facies, quàm maximè tetra & miserabilis cōspiceretur, & ab Idibus Augusti vsq. ad initiū Septembris, licet per id tēpus aliquæ pacis cōdicionēs mutuò transigerētur, quinquies, aut sexies, platearū & vicorum repagulis atq. aggeribus vndiq. effractis, acerrimè inter se decertarunt. eoq. factum est, vt, præter turres, ac publica ædificia exusta, triginta palatia longè pulcherrima, quæ ad nobilissimos quosque spectabant, sauo & crudeli igne conflagrarint. Cūm verò Septembri mense, Gibellini concubia nocte hostium munitiones inualissent, forum Lercarium vnà cum turri, egregiè communita, & ab ea familia eo tempore strenuè defensa, expugnarunt: quod aduersariorum animos tantoperè percelluit, vt quàm primūm sese in suis compitis ac viis munitione firmantes, totam illam vrbis regionem in illorum prædam relinquerent, ita vt infra vnius diei spatium amplius duo ac viginti ædificia illius fori vnà cum templo D. Petri exusta, atque incendiis vastata fuerint. Hac rabie paulisper sedata, (fit enim interdum, vt lassatis vtriusque partis animis atque corporibus, arma aliquantisper deponantur) denuò inter ipsos de mutua conciliatione actum est, & tandem pridie Nonas Sept. certis quibusdam conditionibus pepigere; in quo quidem, perpeffæ clades & calamitates multò clariùs conspectæ: siquidem vltra ædificiorum incendia, plerosque nobilissimos ac præstantissimos ciues miserrimè confosios adinuenerunt, inter quos, ex suprema nobilitate Ceuas Auria, cuius superiùs mentionem habuimus, & Gottifredus eiusdem familiæ, Conradus & Ansaldus Grimaldi, Ansaldus Valdebella, Nicolaus Gallamanus, Antonius Mastrucius, Honoratus Rasperus, Vincentius & Nicolaus Catanei, Ianottus Grillus, & Lucas Saluagus desiderati. Ex popularibus verò, innumeri, quos breuitatis causa in præsens omitto. Inuenio apud non incelebres auctores,

*Pax inter
Guelfos &
Gibellinos.*

in hoc

in hoc ciuili bello, anni spatio terminato, ciuitatem, subducta ratione, amplius terdecies centenorum millium aureorum iacturam fecisse. Suprà ostendimus, regium Præsidentem, futuri anxium, relictâ urbe, in Galliam concessisse. At rex ubi primum de his urbanis motibus edoctus fuit, ut ciues in fide atque officio contineret, in eius locum Collardum Calleuillam, vtriusque iuris peritia insignem, nec non equestri dignitate, atque ipsi regi à consiliis & secretiori cubiculo, Genuâ misit, qui sub finem Septembris, à plerisque supremi ordinis viris, qui honoris ergo illi obuiam profecti fuerant, concomitatus, in urbem ingressus est: cuius aduentu Resp. pristinum otium & quiete maiori ex parte recuperasse videbatur. Quippe ciues, statim obseptis viis reclusis, ac iterum conciliatis animis, in mutuum charitatem & concordiam redierunt, moxque priora commercia & negotiationes, per plurimos iam dies intermissæ, denuò in usum reuocatæ. At breui post, Conrado Auria, viro animi prorsus inquieti ac turbidi, auctore, noui motus concitati. Hic enim Guelforum ope subnixus, Varaginem adortus, facili negotio sui iuris fecit: quod quidem, præter reliquos, nouum Præsidentem, & plerosque etiam Auriaæ familiæ, ad summam indignationem commouit, adeò ut nulla mora interposita, præter duas triremes, mari expeditas, nongenti milites terrestri itinere contra ipsum ablegati fuerint, breuique, hostili triremi in transuersum acta, ipsum Auriam eò tandem compulere, ut oppidum certa quadam pactione restitueret. Interim Senatus, quatuor longas naues, omni nautico instrumento ac bellico apparatu instructas, Georgij Granelli auspiciis, in partes Orientales pro eorum locorum, quæ adhuc Ligustico nomini parebant, tutela ac securitate, amandauit. Ex quibus, cum fortè vna earum, aquatum, & ad ceteras res opportunas profecta, à reliquis paululum abstraheretur, reliquæ, duabus triremibus, & toridem liburnicis regis Tunetani, Sicula præda onustis, occurrerunt, cum quibus statim conferto prælio, initio ab ipsis Mauritanis exorto, aduersariorum nauigia à Ligusticis, virtute in primis Genuensis Præfecti & Pauli Montaldi, superata, & complures Siculi, qui paucis antè diebus, in ea insula capti fuerant, pristinae libertati restituti. Id verò ut primum ipsi innotuit, tam grauiter succensuit, ut omnes Ligusticæ ditionis, qui tunc temporis in eo regno negotiabantur, vinculis mandari iusserit, tamen haud multò post, redintegratis animis, placidè & clementer dimitterentur; eaque de causa veteri amicitia renouata, & commercia vtrò citroque, cum maximo vtriusque gentis beneficio resumpta.

Hic annus & bellis ciuilibus, & dira pestilentia fuit quàm maximè insignitus, adeò, ut meritò inter nefastos & luctuosos annumerari debeat. Hac sanè, etiam præcedenti anno laboratum. Sed licet pro portione & ex multitudine multa funera extiterint, plures tamen hoc tempore patricij ordinis, & præstantiores, quàm priori, sublati sunt: nec vis morbi vllis humanis consiliis aut ope humana leuari poterat, donec tandem cælestis iræ placamine sedata. Illud iam pænè exciderat, videlicet principio anni, quo hæc gesta sunt, Patrum decreto ad coercendam virorum iuxta & feminarum in nimio corporis cultu ac vestitu luxuriam, & immodicos sumptus, lex sancita est, qua in his rebus modus præscribebatur. Nā, sicut olim apud Romanos, quò latior indies fortuna Reip., atque imperium crescebat, eò magis splendor & magnificentia cum in ceteris rebus, tum in his, quæ ad corporis ornamentum spectabant, excreuit, ita ut Q. Fabio & T. Sempronio Coss. lex Oppia lata fuerit, qua prohibebatur, ne qua mulier plus semuncia auri haberet; neu vestimēto versicolori vteretur; neu iuncto vehiculo in urbe oppidoue, aut propius inde mille passus, nisi sacrorum publicorum causa veheretur:

Lex aduersus immodicos sumptus.

ita

ita quoque Genuæ florētibus rebus, diuersisq. duobus vitiis, auaritia, & luxuria, ciuitate laborante, quæ pestes omnia magna imperia euerterunt, inter bellorum magnorum, aut vixdum finitorum, aut imminētium curas, Senatus summa prudentia summaque iudicij rectitudine cauit, ne viri pariter ac mulieres vel domi, vel cū in publicum procederent, in habitu ornatuq. corporis ac ceteris rebus modum excederent, & maiores sumptus facerent, quā decus & honestatis ratio pateretur. Hoc statu rerum, secutus est annus eiusdem sæculi vndecentesimus, quo, eodem Præsīde, ac Raynerio Zacio Pisanæ nobilitatis viro præturam gerente, in vrbe iterum ciuiles discordiæ ac simultates, quarum causa & origo ab imperita & incondita multitudine prouenit, repullularunt. Hæ namq. iuxta veterem morem, dum esset, in quo, seu in priuatis, siue in communibus & publicis factionibus alerentur, à suo naturali cursu deficiebant: sed priori ac solito alimento destitutæ, necessariò aduersus patricos reuoluebantur. Proinde cū ea tempestate quamplurimi ex vulgo in ædem Augustino sacram, simul confluerent, hoc vnum in primis anxie contenderunt, vt patricij quamprimū ab ordine senatorio, atque omnibus publicis muneribus abdicarētur. Præsēs, ea re cognita, extemplò quendam ex præcipuis eius seditionis auctorem, vt se coram tribunali ad dicendam causam sisteret, accersiri iussit, & tantū abest, vt dicto audiens fuerit, vt etiam ipse, ac reliqui complices, pridie Non. Maij turrim, & portam, vulgò D. Thomæ, expugnarent: ac per omnes vias vrbis & compita, regis ac populi nomen sublati clamoribus ingeminabant. Quamuis autem regius legatus, singulari quadam clementia & lenitate illis veniam offerret, ac delicti gratiam faceret, modò saniora consilia amplexi, ab incepta seditione recederent, nihilominus tanta fuit illorum vis ac pertinacia, vt postero die, qui fuit Non. Maij, amplius mille ex eorum numero in vnum coeūtes, raptis repentè armis, strictoque ferro, curiam inuaserint, eamque, Præsīde clam inde digressò, occupatam, diripuerint. Hæc plebis insolentia omnes ciues promiscuè ad summam itacundiam concitauit, adeò vt circiter mille & quingenti ex eis in vnum globati, ipsum Præfectum, sui valdè anxium, ac salutis pauidum, in prætorium reducerint; atque orauerint, vt in sua administratione constanter perseueraret, polliciti, sese vnà cum cetera nobilitate illi perpetuò affuturos. Præsēs, horum verbis & variis cohortationibus confirmatus, nihil tum habuit antiquius, quā vt statim exorti tumultus aliqua ratione componerentur: & cū plebs adhuc in armis esset, simulque ad Spinularum ædes iuxta templum D. Lucæ sitas, expugnandum properaret, quò tandem illius animum deliniret, assensus est, vt nobiles ab omni publica functione summouerētur, atque ita paulisper conquieuere. Ceterū paucorum dierum interuallo, iterum plerique illorum sine vllò strepitu ac seditione in vnum coacti, Senatui nuntiari iusserunt, ab his, qui rebus gerendis præessent, plurima indies fieri, quæ in maximum Reip. dedecus ac perniciem cederent, ideoque in posterum, citra vllam tamen regij dominatus commutationem, se velle illius curam & gubernationem suscipere, ita vt ipsimet, regio legato, ad hoc, maioris periculi euitandi causa, conuiuente, nouum Magistratum, in quo erant quatuor Priores, vt vocabant, & duodecim consiliarij, omnes ex promiscua multitudine selecti, constituerint, quorum arbitrio & auctoritate omnia domi forisque regerentur. Priorum quidem nomina hæc fuerunt, nempe Raphaël vnctor, in regione vulgò D. Petri Arenatij, Baptista Clauarus lanificus, Carabottus venditor casei, & Antonius Palauania lanio. Igitur Respub. qua, post Carthaginensium & Romanorum imperium, nulla clari-

*Genuæ no-
uus popularis
tumultus.*

rior

rior atque illustrior fuit, per id tempus, admirabili quadam humanarum rerum vicissitudine, horum consilio & administrationi subijciebatur, utque sese in eo Magistratu, cui dumtaxat quatuor mensium spatium præfixerant, indies magis atque magis constabilirent, vniuersam plebem sibi iureiurando obstrinxere, ut si qua necessitas ferret, statim omnes in Prætorium, in quo ipsi Priores sibi locum delegerant, armati, ad opem ac suppetias ferendum accurrerent. Inter hæc, indigenæ vtriusque oræ maritimæ in summam viuendi licentiam & corruptelam prolapsi erant, simulque à nonnullis Guelfarum partium profugis, qui piraticam exercebant, cum duobus myoparonibus grauissima damna inferebantur, quorum alter, ab vna Ligustica triremi à Senatu instructa, cui Augustinus Spinula & Baptista Iustinianus cum æquali dignitate præerant, eo potissimum nomine, ut loca maritima tuerentur, ac etiam publicos redditus exigerent, intercepta fuit, ac Genuam perducta, & mox illius nauarchus & scriba, ambo plebeij, & cum ipsis, quidam miles Placentinus, ad turrim molis ignominiosa morte affecti, ac postero die sexdecim, qui fuerant in eodem nauigio, ad Phariæ turris promontorium pari supplicio multati: quo exemplo externa insolentia maiori ex parte fuit repressa. Iisdem fermè diebus, in vrbe complures vtriusque sexus, alba veste induti, per omnes ferè plateas, & viarum anfractus alta voce canebant hymnum, cuius initium est, Stabat mater dolorosa, iuxta crucem lacrymosa, dum pendebat filius. Quo sanè spectaculo reliqui commoti, omnes promiscuè, cuiuscumque sexus, ordinis ac ætatis forent, lineo panno albi coloris amicti incedebant: eoque factum est, ut pleræque familiæ, mitigatis animis, in mutuatam gratiam ac beneuolentiam redirent, adeò, ut postmodum id tempus fermè in prouerbum cesserit. Interea, nouus Magistratus indies maiorem auctoritatem sibi conciliabat, & proculdubiò aliquam diuturnitatem sibi polliceri poterat, si in eo maiorem curam & studium adhibuissent. Verùm plebs, præteritis honoribus acquiescens, vbi iam præfixus terminus effluxisset, nihil vltèrius attemptauit, ideoque breui vniuersus concidit, & denuò Ancianorum ciuium inter nobiles ac populares ex æquo inter se distributorum, ordo atque administratio repetita. His rebus domi ita sese habentibus, hostes Christiani nominis suum imperium in partibus Asiæ atque Orientis, indies latius proferre, ita ut Resp. plurimū anxia & sollicita, ne quid detrimenti in his locis quæ adhuc suæ ditioni parebāt, acciperet, de Senatus atq. Ordinum decreto, quatuor rostratas naues egregiè præparatas, ductu Friderici Promontorij, viri prudentis iuxta ac strenui, & militaris, in eas regiones transmiserit: quo quidem tempore, duæ itidem triremes Gallicæ, omnibus rebus ad bellum necessariis instructæ, contra eosdem aduersarios sub Bonciarti, qui postmodum Genuæ, nomine regis Galliarum præfuit, imperio destinatæ fuerunt. Ceterum, anno supra millesimum quadringentesimo, populus Genuensis, singulare quoddam suæ leuitatis & inconstantia, circa Reip. administrationem, specimen ac documentum præbuit. Huic enim haud sanè amplius cum iisdem ciuibus fuit contentio, sed contra regium dominium omnia sua consilia & actiones direxit, initio à Cosma Castilione, Raphaële Carpeneto, & plerisque aliis popularibus viris exorto, qui turbidi miscendis seditionibus, quamplurimis sibi associatis, aduersus ipsum Præsidem coniurarunt. Hi namque, vel suomet instinctu, siue ab aliis primoribus ciuitatis inducti, illius vitæ summoperè insidiati sunt, quorum quidem prior captus, & in vincula coniectus fuit: alter verò factionum dux, in valle Pulcifera, occultè sese in eam subduxit, breuique post, magno clientum & amicorum agmine stipatus, in urbem, quò

Genue omnes alba indumenta sibi assumunt.

quò suum socium liberaret, simulque inceptum prosequeretur, reuersus est. & cum portam, vulgò D. Thomæ, semicustoditam inuenisset, illam protinus incendit, moxque populi nomine crebris vocibus in clamato, ipsum ad arma exciuit, adeò vt Præfcs, quòd tenui præsidio communiretur, de sua salute non parum sollicitus, relicto prætorio, in turres S. Andree profugerit; eaque occasione qui in carcere captiuus asservabatur, celeri fuga sibi consuluit. Inter hæc, cum propter insultantium vires nemo in gratiam regij Præsidis arma suscipere auderet, neque illi ulterius procederent, ciuitas quatriduum sine vlla seditione ac rectore permansit, donec tandem ipso abdicato, noua Reip. forma introduceretur. Asperæ, circa hæc tempora, Adurniæ ac Montaldæ factiones, earum præcipuis auctoribus fato extinctis, aliquādiu consopitæ erant, & Antonio Guarco adhuc superstiti, ipsius studia ceteris, opibus & auctoritate præstabant, ita me herclè, vt propter vetus odium in Adurnios, hæ duæ factiones in his popularibus dissidiis, quasi postliminiò redirent: & quicumque Montaldi partes fouebant, Guarco adhæserunt, eoque Respub. iterum in maximas tempestates ac misérias deuoluta. Nullus enim fermè erat in ciuitate, qui non ad arma concurreret, & claris maioribus orti, eò deueniant, vt nec etiam hiscere, nedum suam auctoritatem interponere auderent: nullaque ratione à regio Præfecto impetrari poterat, vt animum colligens, in palatium rediret, & circa Reipub. administrationem variis omninò sententiis decertabatur, cum vulgus à regio imperio ac obedientia penitus abhorreret, nobiles contra, id in primis quàm maximè expetere viderentur. exq. popularibus, quamplurimi Ducalem dignitatem sub factionum Principibus approbare, ac medium, vt vocant, statum præferre, sic profectò vt ex tanta animorum discrepantia & varietate, ingens rerum omnium confusio ac perturbatio exoriretur, donec tandem plerique ciues, nullis partibus contaminati, & patriæ charitatem priuatis commodis anteferentes, in prætorium conuenirent; exque communi consensu, vt aliquæ ex parte ipsi populo mos gereretur, decimo sexto Cal. Febr. Collardo Caleuilla regio dominatu abrogato, in eius locum Baptistam Buccanigram sub titulo Præfecti prætoriarum cohortium regis Galliæ, suffecerunt: & hoc Senatus consultum ab ipso rege approbatum iri arbitantes, confestim Oratores ad eum misere, per quos id ratum firmumque haberetur. At rex, ea re cognita, grauissimè indignatus est, ita vt mox Caleuillæ, quem Sauonam concessisse diximus, iniunxerit, vt suo nomine Principis Mediolanensis, & Carreti reguli opem atque auxilium, quoad maiores apparatus instituerentur, imploraret. Huic electioni Buccanigræ Antonius Guarcus, præ ceteris omnibus, fauerat, in haud ambiguum spem erectus, fore, vt hoc pacto deinceps multò facilius sub eo, quàm sub quouis alio, suum ambitum & animi impotentiam expleret: simulque veritus, ne sui æmuli sese illi opponerent, summo studio allaborauit, vt ipsi Castelleti arci recens ædificatæ, ac plerisque aliis turribus ciuitatis, præcipui ponderis ac momèti, Gallorum nomine, præficeretur; eaque de causa ipsius æmuli in haud mediocrem suspicionem deuenientes, continuò ædes, fano D. Agnetæ proximas, pro sui præsidio ac securitate comuniuerunt, adeò vt ingens odium & suspicio inter ipsos oriretur: nouusque Præfectus ad maiores turbas euitandas, de consensu Senatus circiter mille præsidiarios pro curiæ defensione sui que corporis incolumitate ac satellitio adhibuit. Verùm nihil ea ratione profectum. Cum enim Adurniæ factionis Principes, summis propinquitatibus, & clientelis constipati, longè viribus ac potentia ceteris præirent, opeque Pauli Montaldi, viri, præter sanguinis coniunctionem, opibus & auctoritate flo-

rentis

rentis, qui se horum studiosum & fautorem præbuerat, subniterentur, omnium cunctatione abiecta, prætorium, aduersariis multò imbecillioribus cedere coactis, acri impetu inuaserunt: eoque haud magna difficultate expugnato, cum Buccanigram prorsus lateret, cuius potissimum fidei sese crederet, spontè Magistratum, Guarco huic rei, ut videbatur, inuito minimeque assentiente, deposuit, seque iterum ad priuati ciuis rationem & statum recepit. Adurnis, præter ipsum Montaldum, Orolandus Camposulgosius, vnà cum suis fratribus sese aggregarat: quo sanè effectum fuit, ut ea pars longè superior esset. Ceterum, in tanta animorum distractione, singuli factionum auctores ac principes mutua suspicione laborabant, in eoque cardine ciuitatis habitus versabatur, ut qui hætenus multis studiis implicati fuerant, prorsus nescirent, quidnam in tanta gubernationis diuersitate, Reip. potissimum expediret, quidue sibi deinceps pro eius salute ac dignitate agendum foret, cum præsertim regis indignationem valdè metuerent, quem intelligebant, maximum exercitum describere, ut armata manu Ligusticæ ditionis imperium recuperaret. Proinde in hac rerum omnium perplexitate coactis Patribus, habitisque de more comitiis, illorum decreto duodecim ciues populares, partim Guelfi, partim Gibellini nominis, renuntiati, qui vnà cum indigenis trium Vallium, ex ipsis, quos vocant, Ancianis, vsq. ad noui Præfecti Gallici regis aduentum, Reip. cum supremo iure ac potestate præessent, rati, illam, intra hoc spatium à ciuilibus iurgiis & altercationibus inquieturam. Sed hoc ipsorum decretum Orolandus Fulgosius, Adurniæ factionis summus fautor ac promotor, præter omnium spem penitus interrupit & labefactauit. Quippe qui cum ducentis armatis occupato prætorio, id præcipuè studebat, ut rebus gerendis admo-ueretur, cuius conatibus cum Guarci maioribus viribus innixi, sese opponerent, illum, quamplurimis vtriusque vulneratis, ac interfectis, Thomaque Orolandi fratre cum plerisque aliis eiusdem factionis in captiuitatem abductis, è curia expulerunt, eaque potiti, ne grauiores turbæ coorirentur, eam nullo præsidio, Reipub. administratione Decurionibus relicta, communiuerunt, adeò ut statim captiui pristinae libertati restituti fuerint, ac publico Senatus consulto, quatuor Oratores ad Principem Mediolanensem ablegati, eo quidem consilio, ut is apud regem intercederet, auctorque esset, ut Reipub. imperium tranquille atque pacifice resumeret. Ne verò interim, Resp., duce & gubernatore destituta, grauioribus periculis esset obnoxia, septimo Cal. Aprilis, de communi consensu illi Baptista Francus Lusardus, vir præstanti virtute, nullisque partibus addictus, qui regis Galliarum nomine illius regimen ad tempus susciperet, præpositus fuit. At Genuensium Oratores, ubi publico nomine suam legationem apud Insubrem exposuissent, ac peractis negotiis, domum redirent, in suo comitatu quendam ex consiliariis ipsius Principis, & Montis-Clari Dominum, qui apud Senatum de componendis rebus transigeret, habuere, isque in palatium exponendæ legationis gratia profectus, ab hominibus vtriusque factionis inde fuit exclusus, ita ut præ metu ac trepidatione sese haud incunctanter in hospitium subduceret. Huic contumaciæ cum nouus rector, Insubris reuerentia commotus, obuiam ire statuisset, enixè operam dedit, ut ciuibus neutri parti adhærentibus, ac ceteris primoribus conuocatis, eorumque gratia & auctoritate seditione repressa, legatus denuò prætorium adiret, ac Senatui, quid potissimum in mandatis adferret, coram declararet, aut saltem per literas exponeret. Verum, cum plebs ac ceteri, nullum finem tumultuandi facerent, Francus, ne in regem ipse etiam contumax videretur, spontè de præfectura exiuit, licet postmodum ipsi Patres, oratore amanter in colloquium admissio, Insubris studium erga Remp. & regis

sententiam non obscuris verbis intelligerent: ipsaque ciuitas per aliquot dies rectore caruit: donec tandem illuc appulit nouus Præses, nempe Rinaldus Oliuarius, qui vsque ad Bonciarti aduentum Reip. Gallici regis nomine præfideret. In huius aduentu plebeij tumultus, instinctu eorum qui erant primarij factionum duces, denuò recruderunt. Namque indigenæ trium Vallium, duce Antonio Guarco, cum ingenti clamore ac strepitu urbem ingressi, sese plebi adiunxere, quò associatis viribus, regium Legatum suo munere deturbarent: ipseque statim palatio digressus, totusque pavidus, in Castelleti turres, iam magna ex parte communitas, perfugit. At Senatui, ad hos motus reprimendos, & coercendam seditionem, plurimum expedire visum fuit, ut iterum Baptista Francus vnà cum regio legato urbis administrationi præficeretur. Ceterum, plebe huic rei omninò refragante, postquam in Senatu variis sententiis decertatum esset, tandem in hoc vnanimiter Patres conuenire, ut ipse Francus, regio Præfide penitus excluso, rerum potiretur. Id verò, licet nobilium ceterorumque ciuium, qui in neutras partes transferat, animos, propter hanc tam frequentem à rege defectionem, supramodum commouisset, nihilominus tamen summa necessitate impulsus, cum factionum capita & duces maximis clientelis & affinitatibus innixos viderent, illorum coeptis atque conatibus minimè aduersari audebant. Postero anno, scilicet supra millesimum quadringentesimo primo, Senatus cōsulto Vgolinus de Presbyteris, cuius Bononiensis, & insignis iurisperitus, ac etiam equestris ordinis, & dignitatis, Prætor designatus fuit, sub quo Francus, cum plurimorum studia in se conuersa, non ambiguus signis ac testimoniis intelligeret, ut in quosdam publicæ tranquillitatis perturbatores animaduiceret, Orolandum Campofulgosium & Gabriclem Recanellum, quod immodici lingua, & obsequij insolentes, minimè à contumeliosis & probrosis verbis aduersus præsentem Reip. statum & administrationem temperassent, in vincula coniici iussit: quod sanè ob solutam vitæ, morumque disciplinam, & propter summam auctoritatem, qua ipsi apud plebem pollebant, non modicas contentiones ac turbas dedit, ita sanè, ut Francus, suorum amicorum precibus inflexus, operæ pretium fore duxerit, ut illos tandem, ad grauiores motus ac seditiones euitandum, liberaret: eoque factum est, ut sensim propter animi pusillanimitatem priori existimatione excideret, ac subinde ipsius dignitas maiori neglectui ac ludibrio esset, simulque improborum & sceleratorum hominum effreni licentia domi forisque supramodum adaucta, complures turbæ, & crebræ defectiones tam in ora maritima, quam etiam in ipsa urbe indies fiebant, sic profectò, ut etiam apud externos de illa veteri Reip. dignitate atque amplitudine multum omninò publicè ac priuatim decederet. Ne verò multis exemplis meipsum & lectorè pariter defatigem, hoc dumtaxat in præsens obiter adiiciam. Cum Gerardus Appianus, Plumbini regulus, cum Senatu nonnullas controuersias haberet, ac fortè Andreas Lomelinus Napolio illuc appulisset, illum statim comprehendi iussit, eoque demum adegit, ut sese ingenti pecuniarum summa redimere cogeretur. Verum ille, haud multò post, Genuam reuersus, nihil prius atque antiquius habuit, quam ut illatam iniuriam vlcisceretur; ideoque nulla mora interposita, fratrum & amicorum ope quatuor rostratis nauibus egregiè instructis, cum illis ad Elbam insulam adnauigauit, ut eam in suam potestatem redigeret, illamque omninò expugnasset, nisi Appianus, traditis prius viginti nummum aureorum millibus, quò ab incepta expeditione recederet, vehementer institisset. Itaque Patribus ad impendentes motus euitandos, nec non Præfecti imbecillitatem subleuandam, octo ciues, partim Guelfi, partim etiam Gibellini nominis, creari placuit: à quibus breui post, cum Vallium indigenis ci-

1401.

uita-

uitatem denuò ingressis, noui motus exardescerent, Francus, ne grauioribus periculis Resp. implicaretur, præfectura, ad quam paulò ante miro quodam vniuersi Senatus atque ordinum consensu & applausu euectus fuerat, exutus est, in eiusque locum Antonius Iustinianus & Georgius Adurnius, qui sub Priorum titulo, vsque ad noui præsidis aduentum summæ rei præessent, substituti. Et quia vetus mos & consuetudo inualuerat, vt, quoties in Repub. noua regiminis forma introducebatur, commissa, non sine maximo Reip. detrimento, propter quàm plurima, quæ inde subsequebantur, scelera & flagitia, condonarètur, hic mos, inter cetera, correctus ac emendatus fuit, & publico edicto sancitum, vt parricidis ad multos annos aqua & igni interdiceretur. verùm enimuerò ita omnia ad extremam corruptelam inclinarant, vt breui hæc lex, ac reliqua statuta, ab ipsis Prioribus in publicam vtilitatem ac beneficium sancita, penitus abolerentur, atque conciderent. Quippe tanta creuerat cuiuslibet licentia, improbitas, peccandi libido, atque impunitas, vt magistratui nulla prorsus reuerentia exhiberetur, & omnia subinde in deterius vergerent, eaque ciuitas, quæ retroactis sæculis ob rerum gestarum gloriam & magnitudinem, omnibus externis populis & principibus terrori iuxta & admirationi extiterat, nullam omninò rationem & modum inueniebat, quò seipsam vlterius sustineret, nec ad tam graua vulnera sananda vllum aliud remedium atque amuletum magis opportunum ac necessarium erat, quàm Ioannis Lemenerghi, siue, vt aliis placet, Leimenigri, cognomento Bonciarti, cuius superius meminimus, rigida & seuera gubernatio. Hic porrò, cùm sese in iis expeditionibus, quas Christiani Principes aduersus communem fidei hostem, collatis viribus, susceperant, tam egregiè ac fortiter gessisset, vt ex præclaris facinoribus & ingentibus ausis, haud mediocrem sibi laudem & gloriam cōparasset, in patriam postliminiò reuersus, non multò post equitum Præfectus, & legatus in Gallia Cisalpina creatus fuit. Proinde cùm Galliarum rex nunquam animum à Genuens. dominio atque imperio abduxisset, hunc ceteris omnibus aptiorem esse iudicauit, cui Reip. supremā administrationem committeret. Nam cùm esset procera statura, magnisque artibus, & animi prorsus intrepidi ac inexorabilis, necnon sublimes spiritus gereret, ad ciuiles seditiones sedandas, & populum Genuens. in fide atque obsequio retinendū, apprimè aptus atque idoneus fore censebatur. Quocirca, vt primum sibi ea prouincia demanda fuit, cum mille armatis equitibus ac totidem manipulariis pænultima die Octobris Genuam ingressus est, ibique à Senatu ac ceteris Ordinibus, summis & quæsitissimis honoribus exceptus fuit. Huius aduentu ciuitas, tanquam omnis Respub. in eius gremium ac sinum cessisset, horribili quadam tempestate liberata esse videbatur, omnesque, propter iniectum timorem, depositis rixis & contentionibus, sese ad publicam quietem atque otium componere summis studiis anitebantur. Ceterum, is, simul atque rebus gerendis admōtus est, sibi pro maiori dominatus regij securitate, omnes arces tam urbanas, quàm Ligusticæ ditioris, dari iussit, seque, vltra militares cohortes, trecentorum equitum præsidio communiuit, nèue seueritatis de se conceptæ opinionem vlla ex parte imminueret, paucis post diebus, videlicet, quarto Non. Nouemb., Baptistam Buccanigram & Baptistam Francum, cœu maiestatis reos, in carcerem condi, eosque securi percuti imperauit. Quod sanè propter eximiam gratiam & auctoritatem, qua vterque apud omnes promiscuè pollebat, vniuersorum animos mirum in modum percelluit. Et si verò ipsi latam sententiam, vt iniquissimam, inculcarent & criminarentur, nec parum spei in populari motu ac seditione reponerent, nihilominus tamen occulto noctis in publicum forum perducti sunt, quò de ipsis

capitale supplicium fumeretur; & Buccanigra quidem, quæ fors primū destinaretur, indicta causa capite plexus est. At Francus, dū inter lictores & circumfusam multitudinem ingēs rumor exoritur, eoq. custodes nō parū exterriti, & obstupefacti, magis ad excitā commotionē ac tumultū, quā ad sui muneris sedulitatē intendunt, curia, vinctis ponē tergū manibus, elapsus, in ædem Dominico sacra profugit; indeque furtim, propinquorum ope, vrbe saluus atq. incolumis excessit. Verū Præses ira percitus, in rei & captiui custodem eius loco animaduerti iussit. Hæc exempla in præcipuos edita, incredibilem omniū animis metū ac terrorem incussere, adeo vt totus ager Ligusticus breui in summa quiete atq. otio consisteret, omniaque oppida & munimenta, quæ Resp. in his sæuis ciuiliū bellorum procellis ac tempestatibus amiserat, exiguo temporis spatio recepta. Adhuc summa vigilantia & industria procuratum est, vt pro regia potentia confirmanda Castelleti arx, nondum planè absoluta, perficeretur. Præterea, pro nauigiorum, quæ ibi exædificabantur, tutela & munitione, in naualium faucibus duæ turres erectæ, & pleraque publica ædificia inchoata. Postremò, ad omnia tam externa, quā domestica dissidia reprimenda, publico edicto iniunctum fuit, vt trium Vallium indigenæ, ac etiam ipsi ciues & oppidani, omnia armorum genera quæ apud se haberent, quorū quidem diligētissima facta fuit conquisitio, excepto ense ac balistis, in palatium deferrent, ea quidem specie, ac prætextu, vt diceret, minimè opus fore, vt pro Reipub. salute ac defensione magnus numerus externorum militum describeretur; ita sanè, vt, nonnullis oppidis & castellis, quæ paulò antè, Georgius ac eius frater, Finarij Marchiones, sibi vsurparant, recuperatis, nec non summa ipsius Præsidis sollertia Monæco transactione quadam è manibus Ludouici Grimaldi recepto, ac pace vbique firmata, Resp. in pristino suo decore ac dignitate conspiceretur. Id verò haud sanè caret admiratione, ipsam scilicet in tantis conuersionibus, & ciuilibus discordiis, plurimorum locorum, quæ sita erant in partibus Orientalibus, ditionem atque imperium continenter retinuisse: nā inter cetera quidē, Famagustam Cypri urbem longè nobilissimam, licet ab eo rege in his domesticis simultatibus ac intestinis bellis sæpius diuexatā, perpetuò in sua potestate retinuit & conseruauit. Ceterum anno eiusdem æui secundo, Ianus Lusinianus Cypri rex, cum expedita manu ad eius expugnationem perrexerit, primoque in eam rem potissimum incubuit, vt clandestinis consiliis occultisque artibus quadam porta eius ciuitatis potiretur. Verū his per quendam præsidarium Genuens. illic excubias agentem, relictis ac patefactis, complures, Antonij Guarci, eius loci præfecti, iussu, in crucem acti, ac suspendio necati fuerunt. At rex, cum subinde maxima animi pertinacia obsidionem vrgeret, ita vt, sicut quorundam annales testantur, nunquam se inde recessurum diceret, quoad sibi, adhuc impubi, primaque lanugine, tempora canescerent, faciesq. rugis deformaretur, Guarcius, quò illius animum à suscepta expeditione abduceret, nactus locum insidiis vacuum, cum ipso rege in colloquium venit, & præter cetera, illi, sermone in longum protracto, Reipub. beneficia in eum Genuæ collata, cum ipse, ac eius parens pristinae libertati restituti, & in regni successionem adiuti ac promoti fuerunt, in memoriam reuocauit. Sed prout natura plerisque mortalibus insitum videmus, vt, præsertim Principes viri, illatarum iniuriarum fermè semper; acceptorum verò beneficiorum nunquam, aut sanè perrarò, sint memores; ipsius verbis nullo pacto à priori sententia inflecti potuit: eaque de causa Prætor, omnibus animi cogitationibus ad eius urbis propugnationem conuersis, Senatum per fidos internuncios ac ministros de urbis obsidione, quantoque in discrimine versaretur, plenissimè commonefecit. Id

post;

postquam Genuæ cognitum, rectoris imperio ac Senatus decreto, tres triremes egregiè instructæ, ac virtute & auspiciis Antonij Grimaldi, viri equestris, tituli D. Ioannis, & consilio ac militia florentis, illuc, donec maius supplementum fieret, destinatae. in eaque re, ac reliquis omnibus ad Reip. salutem ac dignitatem spectantibus, regius Præses omnino singulare studiū, eximiamque animi promptitudinem declarauit. Post quæ, cum pleraque ibi esse animaduerneret, quæ necessariò emendationem postulerent, ad eius statum ordinandum, omnem operam & studium transtulit, cunctosque Vicarios, Connestabiles, vt appellant, vexilliferos, & opificiorum cōsules aboleuit, vt ea ratione plebeios cœtus & cōuenticula prorsus amoueret. Et quia nonnulli ex vulgo, huic postremæ sanctioni aduersabantur, contumaces haud parua pecuniæ summa multauit: quo sanè factū est, vt ab ea Consulū electione aliquandiu abstinerent. Conuentus quoque Disciplinatorum, vt vocant, & reliquos cœtus clācularios, diuini cultus specie introductos, conciliaque & secretas consultationes, vnde rebus publicis persæpe maxima detrimenta & pericula inferri consueuerunt, penitus è medio auferri imperauit; nihilque ab eo prætermisum est, quod ad Reipub. tranquillitatem, atque amplitudinem, quoquo modo pertinere intelligeret. illudque in primis enixè dabat operam, vt ciuitatem, adeoque omnem agrum Ligusticum in regia fide atque officio contineret: quoue seipsum in imperio indies magis magisque constabiliret, præter cetera, turrim Castelleti haud mediocriter ampliari, & in arcis formam disponi, ac validis mœnibus vndiquaque præcingi, necnon in medio, turrim prægrandē, & duas alias in murorum extremitate construi ac erigi iussit, simulq. D. Honorati sanū, arci conterminū, excindi ac solo æquari, & in arce nouum templum in eius honorem extrui. Arx verò, præcedēti anno inchoata fuit, vt apparet ex his carminibus Ioannis Stellæ illorum temporum scriptoris:

Francorum Regis titulos, & iura reseruans,

Arx excelsa loco tibi Ianua præsidet isto,

Mille quadringentis vno currentibus annis

Condita magnanimo nunc sub Lemenigle Ioanne,

Regius hic Marefcalcus tua sceptrā gubernat,

Trans hominem sollers, & pacis cultor, & equi;

Ergo diu gaude sub tanto Rege beata,

Et quoniam propter superiorum temporum perpeffas calamitates, publicum ararium supramodum imminutum ac exhaustum erat, noua portoria & vectigalia imposita: ex quibus deinde magna subsidia Reipublicæ administrata fuerunt. Per hæc interualla & spiramenta temporum, in Syriæ partibus atque Asiæ, Tamerlani, quem patrio idiomate Themirasach vocabant, vires atque potentia longè lateque excreuerant, sic sanè, vt iam omnibus Christiani orbis Dynastiis atque Principibus meritò suspecta & formidabilis redderetur. Proinde Senatus, ne quid detrimenti in his locis, quibus nondum Respub. exuta erat, pateretur, duas naues eximiae magnitudinis, quarum altera dicta est Interiana, altera verò Squarciafca, multo bellico apparatu instructas emisit. Postquam verò in earum mentionem incidimus, illud breuiter hîc adijciendum putauî, has videlicet, teste Theodoro Spadagnino Constantinopolitano, diuersis vicibus ad quadraginta millia Turcarum ex Asia in Græciū pro Ioanne Palæologo aduersus Cæsarem Cantacufinum transfretasse. Quod verò à quibusdam externis scriptoribus in literas relatum est, nempe hæc iraectionem propter bella inter ipsos Turcas & Christianos Principes factā esse,

id sanè huiusmodi est, vt facili negotio refelli possit. Nam vsque ad Mahometis Amurathis filij, qui Byzantium occupauit, successionem, ea prœlia nondum planè contigerant, ipsique Ligures, qui ea tempestate Peram incolebant, licet aliquo harum duarum nauium præsidio subleuantur, nihilominus tamè ob immentis Tamerlanis potentiam, ipsius vexilla erigere cogebantur. Cùm enim victor in Græciam penetrasset, iure merito sibi ab eo metuebant, adeò quidem, vt nisi ipse in medio rerum bene gerendarum cursu, capto Baiazete Turcarum Imperatore, ac ingenti clade affecto, è viuis subtractus esset, haud dubiè vniuersam illam ditionem suo imperio adiecisset. Quippe qui, cùm præter cetera loca, vtramque Phocæam, Ligustico nomini parentem, quæ Ionix vrbes, Folia nouæ ac veteres vulgò appellantur, occupasset, pari infortunio Respub. Chium insulam, & quicquid in Græcia possidebat, amisisset. Res poscere videtur, quia in mentionem incidimus viri memorandi, vt vitam studiaque eius, & quali fortuna sit vsus, paucis repetamus. Hunc Tamerlanè, quem Græci scriptores Temyren nominant, tradunt Samarcandæ vrbis, quæ metropolis est Zagataiorum Tartarorû ad Iaxartem amnem, Sogdianæ regioni finitimû, infimæ sortis ciuem fuisse, & ex humili loco belli successibus ad summû imperium ascendisse: finitimis Sogdianis, Aracosis, Bactrianis, & Hircanis, quos vno nomine omnes hodiè Tartaros Zagataios nominant, edomitæ ac subactis, ad Persiam vsque. In eius exercitu duodecies centena millia hominum fuisse traduntur, Xerxe ac Dario maior, quorum copiis siccata flumina veteres scripserunt. Sub idem tempus, Baiazetes quartus Turcorum rex, Amurathis filius, & Solimanni frater, Othomannico imperio præerat, qui post multas prouincias subactas, & Christianis ademptas, ad Constantinopolitanam obsidionem rediit, pænè non dubia spe expugnandæ vrbis: omniaque suburbia dirutis ædificiis euastauit. Nec resistere diutius tam feroci & valido hosti attritæ Græcorum vires potuissent, nisi interpellata obsidione, in Asiam eum procul abstraxisset Tamerlanes Scythia, cum centum myriadibus equitum & peditum, torrentis instar è Scythia effusus, eodem itinere, quo Hielon & Absaga, Christianis de Hierosolymitano regno cum Ægyptiis certantibus, centum fermè annis ante aduentum Tamerlanis in Syriam penetrarunt. Bellum autem cum Baiazete, quo euentu gesserit, paucis referam. In aditu Asiæ anterioris aliquot Armeniæ vrbibus captis, & Sultania Persarum olim regia, quæ veteribus est Tigranocerta, direpta atque incensa, dextrorsum iter flexit: Euphrateque ad Arsengam superato, in Cappadociam transijt. Ibi expugnata Sebastia, quæ hodiè Suias appellatur, Othobulen Baiazetis filium cepit, & paulò post interemit. Ibi dem moranti obuiam factus Baiazetes, cum ingentibus copiis castrametatus est in Galatiæ ac Bithyniæ confinio ad Stellam montem, memorabili Pompeij Magni victoria, & Mithridatis calamitate celebrè, cui ab Antitauri radicibus exposita planities ampla subiacer, campis ad acies commodè struendas ac disponendas vndique latè patentibus, qui Turcarum lingua Cassouasi, id est, anserum campi nominantur, inde quòd id genus volucrum statis anni temporibus eò conueniat, vt totis agminibus in Europam commigret. Dimicatum est inter hos, anno Christi millesimo, trecentesimo, nonagesimo septimo, secundo post Nicolitanam cladem anno, eo exitu, vt circiter centû quadraginta millia hominum ceciderint, & Baiazetes equo plurimis sagittis confixo captus, atque ad Tamerlanem perductus, miserabile fortunæ ludentis spectaculum toti Asiæ prabuerit. Nam catenis vinctus aureis, inque cauca ferrea cancellata per Asiam circumductus, & passim ostentatus, victori equum ascendenti dorso subdito scabelli

vsus

De Tamerlane.

*Tamerlanis
victoria
aduersus
Baiazetem.*

usum præstitit, exemplo fortassis Saporis Persarum regis, qui Valerianum Romanum Imperatorem similibus iniuriis insolenter exagitatum, ad mortem adiegit. Sed & inter conuiuandum, acerbissimè insultantem exprobrantemque venationis studium, barbarico truculentoque fastu, assiduè audiuit, & coniugem Lazari Despotæ filiam, quam vnice dilexerat, pocillatricis loco ad mensam famulantem spectauit. Aiunt Tamerlanem, cuidam pro Baiazete deprecanti, & claritatem nominis ex tot præclaris victoriis commemorati, respondisse, se non regem rebus gestis clarum, sed hominem improbum, & nefarium, fratris natu maioris parricidam punire. Post victoriam, Tamerlanes Taurum montem transgressus, in Mesopotamiam peruasit, tanto illato incolis terrore, vt ad maris Syriaci oram vsque signa protulerit, & Sulthani Memphitici copias non procul à Pelusio per duces suos profligarit, nulla nec in Mesopotamia, nec in Comagena, nec in Syria, ciuitate impetum eius sustinente, Damasco excepto, quam tamen vi tandem cepit. Tentoriis usum ferunt in conspectu vrbiū, primo die candidis, altero rubentibus, tertio atris. Horum colorum candidus, mox dedentibus sese clementiam, ruber cunctabundis gladium, ater repugnantibus flammam & cineres denuntiauit. Ad Ægyptum arenosis solitudinibus detentus, victoriis suis finem imposuit, cumque exercitum sæua pestilentia depopularetur, diues spoliis rediit Samarcandam, vbi fato functus est anno millesimo, quadringentesimo secundo. Arsit ante mortem eius per dies aliquot cometa ingens, lurida, & funebri oblongaque cauda, versus eam cæli plagam, quæ in Corum ventum vergit. Hoc minacis flammæ vibratu denuntiata sunt orbi terrarum nouæ clades, quæ paulò post ex ingentibus motibus passim extiterunt. Nam & Bohemia, irritata Hussitico supplicio, vicinos grauibz cladibus affecit: & contentionibus inter se Pontificum non leuiter quassata est Italia, & infeliciter cum Turcis dimicauit exercitus Christianorum. Sunt qui asserant, ipsum fuisse claudum, & lingua Tartarorum Temir ferrum significare, lang verò, curuum atque claudum, ex quibus Temirlang ipsorum lingua, & nostra Tamerlanes, siue, vt aliis placet, Temir Cuthlum, quæ vox Tartaris fortunatum ferrum sonat. Illud panè exciderat, cum Genuensis quidam, (nomen in incerto est) Scythicæ linguæ gnarus, qui eius familiaritate annis iam pluribus longa cōsuetudine utebatur, eum blandè rogaret, cur victoria, quod munus cælestis numinis foret, multiplici de hominibus parta, ipse etiam homo, humanius non vteretur; atroci vultu respondit: Ecquid te fallit, in hac dextra diras pestemque terrarum versari? sed procul abi in malam tuam tuorumque rem: ne cum hac insana percunctatione tua, quas promerita est pœnas, tu mihi luas. Pro immortalis beneficio fuit Genuensi licere sibi incolumi è furentis potestate facessere; nec amplius in eius conspectu visus est. Et profectò talis fuit, qualem se prædicabat, nempe ira & flagellū Dei, sicut de Totila historici cōmemorant. Porro tanta fuit eius sauitia & immanitas, vt cum secunda die ab obsidione cuiusdam vrbis populosæ, virgines puerique cum velamentis insignibusque supplicum, alioque miserabili habitu, & cum ramis oliuarum, ad deprecandum patriæ interitum, aut saltem sibi veniam petendam, prodissent, & ad eius genua procumbere conarentur, statim eius iussu in eos immisso equitatu, conculcati obtriti que fuerint. Emporia frequenti mercatorum conuentu celebria, & pecuniis opulenta, quæ aurum, metu imminente, defoderant, ne avaro tetroque hosti expositum ad diripiendū foret, nouo & inaudito ad eam diem astu circumuenit. Nam priusquam eius aduentum longinquæ integræque adhuc vrbes formidarent, in eas misit, qui specie commerciorum partas direptione

copiosissimarum vrbiū magni pretij merces ingenti mole camelis inucherent,
 viliq̃ue, sed præſenti pecunia diuenderent, quæ tenebris oculi, telluræue obrui
 æquè non poterant: ita iam plenus auro, vetere rursus præda repentè opprimens
 potiebatur. Ea ratione ditissimæ ciuitates ludibrio, direptioni, ac cædi fuere, &
 inter ceteras, etiam Capha, olim Theodosia, Genuensium, vt dictum est, co-
 lonia, in Taurica Chersoneso sita, non procul à Bosphoro Cimmerio. Cùm
 enim hanc urbem inuadere statuiſſet, Scythas negotiatores præmiſit, qui pretio-
 ſiſſimas animalium pelles minoris venundarent ſolito, ſciens, vt dictum est, au-
 rum abſcondi poſſe, pelles minimè. Vrbe potitus, & aurum, & pelles reperit, ac
 diripuit. Caſtra eius, in vrbiſ modum fuerant ordinata, definito cuique artificio
 loco proprio, in partes ſuas diſtributis exercitiis, vt omnia vitæ vſuiq̃ue neceſſa-
 ria in promptu eſſent; rerumq̃ue omnium tanta ſemper copia in hiſ inuenieba-
 tur, vt nullus eſſet latrociniiſ locus, tutoq̃ue omnia afferri poſſent. Mortuo, duo
 ſucceſſere filij, diſpari fortuna & indole, ac inter ſe parum cōcordes, adeò vt mu-
 tuiſ illorum diſſenſionibꝯ ampliffimi regni opes tanta arte conquiſitæ, breuī
 diſſipatæ ſint: & de ipſo iure dici poſſit, quod veteres de Epaminonda ſtrenuiſſi-
 mō ac celeberrimo Thebanorum duce, poſteris ac memoriæ prodiderūt, ſcilicet,
 patriæ gloriā cum eo enatam, & extinctam fuiſſe. Nam ſicuti telo, ſi primam
 aciem perfregeris, reliquo ferro vim nocendi ſuſtuleris; ſic illo velut mucrone
 teli ablato duce, Thebanæ Reip. vires hebetatæ ſunt, vt non tam illum amiſiſſe,
 quā cum illo interiſſe omnes viderentur. Nec dubium eſt, quin ſi naſtus fuiſ-
 ſet idoneum ſuarum rerū geſtarum ſcriptorem, inter clariffimos duces ac im-
 peratores numeraretur. Hinc non immeritō Alexander ob magnitudinem rerum
 geſtarum, Magnus appellatus, poſt patris obitum, rebus Græciæ compoſitis,
 emenſoq̃ue Hellesponto, cū in Sigæo ad Achillis tumulum, in quem genus
 ſuum ex materna linea referebat, aditiſſet, O fortunate, inquit, adoleſcens, qui
 tuæ virtutis Homerum præconē inueneris. & verè: nam niſi Ilias extitiſſet, idem
 tumulus, qui corpus eius contexerat, nomen etiam obruiſſet. equidē illud mihi
 facilè perſuadeo, ipſum Tamerlanem ingentibus victoriis inclytum, & qui cum
 virtute fortunam adæquauit, etſi natione barbarum, gloriæ tamen ſtudio incen-
 ſum, perſæpè optaſſe, vt ſua fortia facta ſuaq̃ue inclyta trophæa, & Martis, vt ita
 dixerim, manubiæ, doctorum virorum monumentis conſecrarentur; ſiquidem
 trahimur omnes laudis ſtudio, & optimus quiſque gloria ducitur. Illi ipſi philo-
 ſophi etiam in hiſ libellis quos de contemnenda gloria ſcribunt, nomen ſuum
 inſcribunt, in eo ipſo, in quo prædicationem nobilitatemq̃ue deſpiciunt, prædi-
 cari de ſe ac nominari voluere. Themiftoclem illum, ſummum Athenis virum,
 dixiſſe aiunt, cū ex eo quæreretur, quod acroama, aut cuius vocem libentiſſi-
 mē audiret: eius, à quo ſua virtus optimè prædicaretur. Et ſanè ſi verum fateri vo-
 lumus, nullā virtus (non loquor in præſentia de verè pio & Chriſtiano homine,
 qui omnes ſuas actiones perpetuò ad ſolius Dei gloriā, tanquā ad certiffimum
 ſcopum, dirigit atque intendit) aliam mercedem laborum periculorumq̃ue deſi-
 derat, præter hanc laudis & gloriæ, qua quidem detracta, quid eſt quod in hoc
 tam exiguo vitæ curriculo, & tam breui, homines, excellenti ingenio præditi,
 ſeipſos tantis in laboribus exercerent? Certè, ſi nihil animus præſentiret in po-
 ſterum, & ſi, quibus regionibus vitæ ſpatium circumſcriptum eſt, eiſdem om-
 nes cogitationes terminarent ſuas, nec tantis ſe laboribus frangerent, neque tor-
 curis, vigiliſq̃ue angerentur, nec toties de vita ipſa dimicarent: nunc inſidet
 quædam in optimo quoque virtus, quæ noctes & dies animum gloriæ ſtimulis
 concit-

conciat, atque admonet, non cum vitæ tempore esse dimittendam commemorationē nominis nostri, sed cum omni posteritate adæquandam. Verū omnino plurimi refert, in quæ quisque tempora inciderit, & quos habuerit rerum à se gestarum præcones, quibus neq. voluntas, neque facultas, ea quæ animo concepit, pro dignitate explicandi defuerit. Hoc quidem in confesso est, eminentissima cuiusque professionis ingenia in eandem formam, & in idem artati temporis quodammodo spatium, & quemadmodum clausa capsula, alioque septo diuersi generis animalia, nihilominus separata alienis, in vnum quoque corpus congregantur, ita cuiusque clari operis capacia ingenia in similitudinem & temporum & profectuum semetipsa ab aliis separauisse. Vna namque multorum annorum spatio diuisa ætas, per diuini spiritus viros, tam apud Græcos & Romanos, quàm apud ceteras nationes illustrauit: & interdum complures simul vel ingenio, vel imperio, nobiles insignesque in diuersis regionibus florere. quod sanè multorum exemplorum enumeratione planius redderem, nisi instituto suscepti operis admonerer, vt, his omisissis, ad ea quæ dicenda supersunt, stylum atque orationem conuerterem:

LIBER DECIMVS.

TAMERLANE humanis rebus subtracto, Respub. magno pauore liberata est, ne scilicet eorum locorum, quæ adhuc in partibus Asiæ, vt diximus, retinebat, grauiorem iacturam faceret. Interea Senatus, cum Bonciarti administrationem, propter illius eximiam prudentiam & integritatem, indies toti vrbi, adeoque vniuerso Ligustico imperio, maiori vsui & ornameto esse conspiceret, Dominicum Imperialem & Cosmum Turigum ad regem legatos misit, qui publico nomine ab eo postularent, vt ipse deinceps in ea Præfectura confirmaretur: quod & facile impetratum est, adeo vt breui post, etiam illius coniunx ac soror, Genuam venerint, vbi à Senatu, ceterisque ordinibus perhonorificè exceptæ fuerunt. Paucorum dierum interiectu, Emanuel Græcorum Imperator, qui paulò antè, superatis Alpibus, ad varios Christiani orbis Principes ac Dynastas perrexerat, vt illos ad expeditionem contra publicum fidei hostem, à quo mirum in modum diuexabatur, sua præsentia & variis cohortationibus sollicitaret, in urbem profectus est, quem Patres summis, vt par erat, amplissimisque honoribus profecti sunt, & abeunti tria millia nummum aureorum dono dedere, simulque tres triremes instrui curarunt, partim vt eum comitarentur, partim etiam vt præsidio firmarent ea loca quæ in partibus Orientis, atq. Asiæ, nondum à Ligustico imperio descuerant. Superius demonstrauimus, Famagustam à Cyprio rege grauissima obsidione pressam, eaque de causa, cum periculum esset in mora, statim ad obsessos subleuandos aliquod subsidium fuisse ablegatum, donec maiora auxilia præstò essent. Igitur, nouem triremes, septem onerariæ, & duæ maiores naues, omnibus rebus ad bellum necessariis instructæ, ac regij Præsidis, qui Reipub. curam atque administrationem Villeueteri demandarat, ductu & auspiciis Non. Aprilis emissæ. Etsi verò Lusinianus hoc bellico apparatu haud mediocriter commotus, paulò antè Genuam Oratores ablegarat, qui suo nomine de pace cum Senatu transigeret, Bonciartus tamen summa gloriæ cupiditate flagrans, & Rempub. aliquo insigni facino-

facinore ac beneficio sibi promereri studens, pridie Non. April. recta in Cyprum enauigauit, eoque prosperis ventis delatus, cum Rex iterum per suos internuntios æquas pacis condiciones offerret, sibi expedire visum fuit, ut illas tandem admitteret. Nam, præter cetera, se confestim exercitum ab ea oppugnatione abducturum, simulque pro omnibus sumptibus, quos Ligures in ea nauali expeditione impenderant, satisfacturum esse pollicebatur. Quibus rebus ex animi sententia peractis, & Famagusta omni hostili metu liberata, validoque ad eius tutelam præsidio imposito, in Syriam contendit, primoque appulsu quamplurima Sarracenorum nauigia, in portu, cui nomen Candelorum, anchoris in hærentia, igne incendit, & mox Baruthum præteruectus, omnem illius regionis tractum ferro atque incendio depopulatus est, paribusque fortunæ auspiciis, Alexandriam inuadere ac diripere statuerat. Sed dira & atroci tempestate iactatus, in illis stationibus aliquandiu subsistere coactus fuit, ita ut classiariis ac remigibus, cæli commutatione variis morborum generibus correptis, Genuam cogitaret, duabusque triremibus, altera quidem Rhodiensi, altera ex Chio insula sibi associatis atque coniunctis, eò navigationis cursum intendit. Circa idem tempus, Carolus Zenus cum xi. triremibus & duabus Venetis nauibus maioris formæ, quas tunc Taridas vocabant, nunc Galeatias appellamus, circum ea maria vagabatur. Et quamuis inter ipsos Venetos, ac Ligures, ea tempestate, nullum bellum intercederet, Zenus tamen in haud exiguam fiduciam erectus, se, classẽ Ligusticam, propter incommoda hætenus perpeffa, aliqua insigni clade posse afficere, illam iuxta Eubœam, Ægæi maris insulam, iuxta portum, ab incolis Iuncum appellatum, summo impetu adortus est, eo quidem successu, ut tres Ligusticas occuparet, quas deinde vnà cum captiuis Methonem, tunc Venetorum urbem, perduxit. At nauarchus cum reliqua classe incolumis elapsus, & susceptum iter prosecutus, inter nauigandum, ut acceptum incommodum aliqua ex parte refarciret, nauim Venetam haud minori magnitudine quàm reliquæ erant, interceptit, atque ita demum Genuam reuersus est. Senatus, ubi primum de his rebus quæ acciderant, commonefactus fuit, Venetias syndicũ & scribam ablegauit, qui suo nomine apud Michaëlem Stenũ, tunc Principem eius ciuitatis, & Remp., de pace, temerè ac perfidè violata, expostularent, simulque captiuos repeterent. Ceterum, cum Venetus Senatus de his nihil omninò decerneret, Ligures, ac regius Præses, in grauissimam iram exarserunt, isque, cum præter publicam iniuriam, sui quoque nominis existimationem & dignitatem haud parum ea contumelia imminui & labefactari animaduertiret, paucis post diebus, ut nobilis, & Baro Gallici regni, ad eum Principem literas misit, quibus, ipsum Carolum Zenum, ceu perfidum, & publicæ tranquillitatis perturbatorem, ad singulare certamen, siue mari, siue terra illud gerendum esset, prouocabat. Hoc tractu temporum, in Rep., cum plerorumque ciuium animi nondum planè omni ex parte sanati essent, noui motus in Ligustico agro exorti sunt, quorum quidem præcipui auctores, Baptista Lusardus, Orlandus Fulgosius, Baptista Francus, & Casanus Auria, tunc extorres ac procul à sedibus patriis, extiterunt. Hi sanè Cal. Iunij regio Præfidi per literas bellum indixere, ac breui post, cum expedita manu in finitimis locis collecta, Arentianum vsq. perrexerunt. Cuius rei fama simul ac Genuam perlata est, nulla mora interposita, Bartholomæus Grimaldus, cum urbano milite ad illorum conatus inhibendum ablegatus fuit, ad cuius aduentum, ipsi, relicta statione, statim sese aliò proripuerunt. Ceterum, ne hostis seipsum iuxta sacellum, & proxima loca, maiori

Tres Ligustice pacis tempore à Venetis intercepta.

iori exercitus robore communiret, Idibus Iulij suum legatum cum circiter sex millibus armatorum eodem destinavit, qui per auia & asperrima itinera profectus, multa locorum intercapedine ab infesto agmine praeuentus est, adeò ut cum sese in illis locis valida munitione firmasset, ipse tandem, rebus infectis, domum redierit. Francus interim Insubriam versus perrexerat, ut à Facino Cane, (hoc nomine Tartarorum lingua, Imperator exprimitur) Veronæ regulo, simulque à Marchione Montisferrati, Gallorum regi longè infensissimis, opem atque auxilium postularet: de cuius consiliis & protectione Bonciartus per suos speculatores certior factus, illum in itinere comprehendi iussit, & Derthonam, Galliae Cisalpinæ urbem, deduci; quò illinc Genuam captivius transmitteretur. Ceterum Antistitis illius urbis, ac plerorūq. civium illi fauentium, singulari opera & patrocínio, haud minori prosperæ sortis beneficio, quam antea, elapsus, vitæ periculo subtractus est. Interea temporis, cum profugi ac perduelles tandem conspicerent, se, citra alicuius præpotentis Principis opem atque subsidium, ægrè admodum & difficulter Gallicis viribus atque armis posse resistere, multum de priori studio & animorum alacritate remittentes, sensim distrahi cœperunt, & in primis quidem Casanus Auria, cum suo fratre, qui amicorum cohortationibus inflexus, mense Augusto cum regio Præsidi transiegit: & inter ceteras conditiones, hæc sanè fuit præcipua, ut Auria, ipsi Præsidi arcem Saxelli à se erectam & communitam, traderet. quo quidem peracto, mox cum Rep. lenitis animis, in gratiam rediit, licet postmodum iuxta mutuas conventiones, solo tenus deiecta, funditus excinderetur. Superius à nobis ostensum est, pacem inter Ligures ac Venetos, anno supra millesimum trecentesium octogesimo primo initam, hoc tēpore, contra omnia æquitatis iura, præterque omnium spem, à Carolo Zeno, captis tribus Ligusticis triremibus, fœdè ac turpiter violatam temeratamq. fuisse, adeò ut quàm primum, alienatis animis, multæ utrimque, cum haud mediocri utriusque gentis detrimento excursions fierent, & nonnulla nauigia ultro citroque caperentur. At postero anno, qui fuit millesimus quadringentesimus quartus, eodem Præsfecto, ac Leuroto Ferreto ciue Anconitano Præturam gerente, pax iterum, captivis utrimque redditis, confirmata. & nihil aliud planè obstabat, quominus Resp. hoc tempore summo otio ac tranquillitate floreret, præter quorundam seditiosorum hominum ambitionem, & in primis Antonium Guarçū, qui recens Famagusta, ubi Prætorem egerat, in patriam remigrarat. Hic sanè animi inquietus, ac turbidus miscendis seditionibus, omnibus studiis atque artibus novas turbas & commotiones subindè excitare annitebatur, ita ut Præsides, cum de illo, propter hominis auctoritatem, publicum supplicium sumere non auderet, exilio multaret. Cum verò ipse Ticinum profectus, nihil non aduersus præsentē Reip. statum indies moliretur, amplissimum præmium obtulit, qui illum aut interficeret, aut vivum ad se perduceret: eaque de causa sex trium Vallium indigenæ, inuicem in eius vitam & caput conspirantes, locumque ac tempus idoneū præstolari, cum tandem multis vulneribus confodere. Hoc sublato, ciuitas aliquandiu ab externis & domesticis simultatibus conqueuit. At breui post, ne semper aliquid deesset, quod non aliqua ex parte illius quietē diuexaret, sequenti anno schisma Ecclesiæ Romanæ haud mediocriter civium animos inter se commisit, cum plerique patricij ac Senatorij ordinis, in gratiam Ludouici purpurati, ex illustri ac veteri Fliscorum prosapia oriundi, Benedicto tertio decimo natione Catalano, cui genus fuit è splendidissima Lunensium familia, tunc Auenionem commoranti, adhærerent, isque decimo Sept. Cal. Iunij cum sex triremibus Genuam

1404.

*Pax inter
Ligures ac
Venetos in-
flaurata.*

1405.

nuam

*Genua peste
diuexata.*

1406.

nuam appulit, Huic Præses, ac Senatus, cuncta Principibus solita exhibuerunt, ac etiam illi, pro eius maiori tutela & securitate, Castelleti arcem tradidère. Quauis autem eo animo Genuam profectus esset, ut ibi aliquandiu subsisteret, cum tamen pestis in vrbe mirum in modum sæuire incœpisset, ipse paucorum dierum interiectu, illinc Sauonam, inde Massiliam enauigauit. Hæc autem indies latius serpere, adeò ut singulis hebdomadibus amplius viginti ac ducenti, ea labe infecti, conciderent: ideoque supplicationes ad deorū puluinaria decretæ, ac passim vota precesq. habitæ. Cum verò nulla ex parte vis morbi leniretur, quàm plurimi ciues vtriusq. ordinis, ac etiã pleriq. ex promiscua multitudine illinc secesserant, adeò ut ibi magna vastitas & solitudo subsequeretur, donec tandem ira diuini numinis placata, remitteret, & quisque, amoto periculo, suos penates repperet. In hoc rerum cursu, Pisani, à Gabriele Vicecomite, Galeacij Mediolanensium Principis filio, descuerunt, ita ut præter nonnullas munitiones atque arces, nihil amplius illi, in ea quidem ditione, reliqui foret. Quoniam verò Galliarum rex ea tempestate Insubriæ Principibus singularem beneuolentiam præ se ferebat, Bonciartus eius iussu, Gilberto Faieto ex Galliis oriundo, Reip. cura demandata, Pisas contendit; ut videret, num aliqua ratio iniri posset, qua, conciliatis animis, in mutuam pacem & concordiam redirent. Verùm, cum propter Pisanorum peruiaciam nihil omninò impetrari posset, ipse in Vicecomitis gratiam ad noua consilia & artes animum adiecit; omniq. ope annixus est, ut cum nauigiis secum aduectis urbem ex ora maritima, & Florentini illorum æmuli, ex continenti, re frumentaria omniq. comœatu arcerent, atque ita interclusis vitæ alimentis ac præsiidiis, ad officium redirent. Ceterùm, ea expeditio hunc euentum habuit, quòd nempe vna ex suis triremibus Arnun versus, nimis vltra prætergressa, propter aquarum exilitatem in hostium potestatem, vnà cum plerisque Genuensibus patricij nominis, ac etiam ipsius Præsidis nepote, deuenerit. In hoc tamen Pisani erga Ligures, mirum clementiæ ac moderationis specimen dederunt. Quandoquidem omnes captiuos, excepto Præsidis nepote, exigua temporis mora, saluos atque incolumes dimisere. Gallus interim, cum se hac ratione nihil omninò proficere animaduerneret, dolo grassandū ratus, Vicecomiti auctor fuit, ut certa quadā pecuniæ summa oblata, Ligurni arcem sibi traderet; simulq. omni iure, quod ipsi cum Pisanorū Rep. esset, quamprimum Florentinis cederet, adeò ut Insuber eius persuasionibus inflexus, arcem Pisanam Florentinis, non citra maximā Pisanorum, ob innatum odium vtriusq. gentis, indignationem, tradiderit. eoq. tantoperè commoti sunt, ut extemplò cum expedita manu illam summo impetu adorti, sexto die ab obsidione receperint: quod sanè Florentinos ad manifestum bellum contra eos inflammauit, ita ut mox cum Genuensibus percusso fœdere, ac delectu habito, terrestribus copiis Lucam Fliscum, & maritimis Cosmum Grimanum præfecerint: hostemq. à duobus lateribus aggressi, modico temporis interstitio, Pisas, omniaq. Pisanorum propugnacula & munitiones, præter Ligurni arcem, quæ Bonciarto, vti diximus, tradita fuerat, occupauerint. Vicecomes interim, Seresano excepto, quæ vrbs sola Florentinorum imperium detrectarat, nihil sibi, quod sui iuris foret, retinuerat. At Præses, cum nihil magis haberet in votis, quàm ut Rempub., adeoque vniuersam Ligusticam ditionem opibus ac potentia florere conspiceret, insigni quadam sollertia atque industria effecit, ut etiam is haud certè minimi momenti locus per idem tempus, Genuensibus cederet: nec multò post, illuc Franciscum Iustinianum, cum quo ea transactio fieret, ac deinde Gulielmum Medulium, Gallicæ nationis oraque

mariti-

1407.

maritimæ Præfectum, & Carolum Lomelinum; qui vnâ cum Iustiniano; eius oppidi, & quorundam aliorum possessionē, publico nomine acciperent, ablegauit. Nam Resp. eiusdem Bonciarti opera, præter Serefanum, plerorumq. etiâ locorum, huic finitimorum, ditionem affecuta est, ac etiam paucis post diebus, ne quid in eo penitus desiderari posset, Ligurni castrum, numeratis prius ipsi Præsidi quinque ac viginti aureorum millibus, suo imperio adiecit, adeò me herclè, vt etiam in eius emolumentum ac dignitatem, nouis quibusdam statutis ac legibus promulgatis, Resp. innumeras perperâs calamitates præsentis temporis cōditione maiori ex parte subleuaret ac resarciret. Verùm, vt reliqua instituta & ordines, probè his temporibus cum maximo illius beneficio excogitati, ac in eam introducti, in præsentiarū mittam; hoc anno, scilicet, eiusdem æui sexto & quadragésimo, institutus est Georgianus Magistratus: de quo in calce operis, Deo duce atq. auspice, luculèter disseretur. Hoc rerum tractu, Genuæ circa finem Octobris eiusdem anni, porta, cui nomen Fons amatorius, subita inundatione disiecta, pars mœnium euerfa, Susilius aqueductus, ac ceteri, qui erant in platea, vulgò S. Fidei, corrupti, necnon pleraque ædificia collapsa, & stagnantibus aquis, maxima clades inflicta, donec tandem, remittentibus ventis, in suum alueum remearint. Idem annus ingēti caritate ac pænuria vini insignitus fuit, adeò vt paruula mensura quinque ac septuaginta solidis eius monetæ diuenderetur.

Georgianus
Magistratus.

Inundatio.

Initio proximi veris, tres Corsicæ triremes, Barchinonem versus navigatione suscepta, Tarraconensibus, quorum plerique prædabundi cum myoparone optimè instructo, proxima loca infestabant, haud leuia damna intulerunt. Præcedenti quidem anno, Petrus Auria, sua triremi quatuor insignes piratas iuxta Sardiniam ceperat, qui deinde Genuam perducti, omnes terribissimo necis genere affecti fuerant. Consimili euentu, Baptista Montanus, vnius triremis Præfectus, hac æstate è Sardinia rediens, cum fortè in quoddam nauigium, quo; præter ceteros, septem, partim Catalani, partim aliarum nationum, deuehebatur, qui inter piratas magnum nomen sibi compararant, incidisset; illos adortus, post acrem conflictū, tandem expugnauit, & Genuā delati, vniuersi, mense Iunio, eodem supplicio multati sunt. Circa idem fermè tempus, Galeacius Auria, cum in Ægæo, siue Ionio mari, Cypriam triremi, cui præerat Rinaldus Monlusardus, conspicatus esset, illam summo impetu inuasit, eo quidem successu, vt, post prælium magnum atq. difficile, fortuna, præter ceteros, ipso etiam Præfecto contrucidato, ad Auriam inclinarit. Inter hæc, Gabriel Vicecomes, Pisano dominio exutus, Genuam perrexerat: vbi cum Præses diuulgasset, ipsum occulta & clandestina consilia cum quibusdam præcipui nominis viris aduersus regium dominatum inire, ipsius iussu comprehensus fuit, & postmodum, assentiente rege, nō sine maximo instabilis fortunæ, summa imis miscentis documento, quæ illum, viuentē patre Galeacio, ad summum dignitatis fastigium euexerat, capitis damnatus. Habeo celebres scriptores, qui literis consignarint; ipsum Vicecomitem eo consilio Genuam profectum, vt sibi à Præsidi octoginta milia nummum aureorum, quam pecuniam promiserat se ipsi soluturum pro Florentinis, quibus Pisas diuendiderat, persoluerentur, eoque factum esse, vt coniurationis prætextu è medio sublatus fuërit, quò sese hac ratione ære alieno eximeret. Indignum fanè facinus, & bonis omnibus detestabile, quod fanè, præter cetera, vt illum, cōpluribus terribilem ac formidabilem, ita etiam successu temporis, plerisque mirum in modum inuisum ac exosum reddidit. Dum hæc domi fierent, in Chio vrbe mense Decembri, ingens seditio ac tumultus aduersus regium Præsidem excita-

Gabriel Vicecomes
Genue capitis
damnatus.

Tumultus
in vrbe
Chio.

tus, initio à quibusdā è Iustiniana familia, & nonnullis primoribus popularibus exorto, qui sublati clamoribus, per omnia cōpita & ciuitatis regiones D. Georgij nomen ingeminarant, ac publicè testabantur, se in posterum illius dictis minimè audientes futuros, adeò vt statim Prætore, ac præfidiario milite subrogato, nouum præfectum & ministros substituerent. Et quò sibi maiores belli, si quod fortè ingrueret, neruos compararent, mutuationis nomine à diuersis negotiatoribus tot merces acceperunt, vt supra quindecim aureorum millia aestimarentur. Hæc vbi Genuæ cognita, euestigiò ipsius Præsidis ac Senatus decretis, omnes Chiorum adfines, qui Genuæ mercimonia exercebant, comprehensi sunt, & in Castelleti arce capriui asseruati; moxque tres grandiores naues, ac totidem triremes egregiè instructæ, aduersus perduelles & contumaces, duce Conrado Auria Petri filio, emissæ, qui decimo quarto Cal. Iulij ad eam insulam appulsus, & descensione facta, prolatisq. bellicis tormentis, suburbana tecta quatuor dierū spatium expugnauit. Ceterum, oppidani metu instantis periculi cōmoti, req. penitus introspecta, cum animaduerneret, hoc bellum inter mutuos ciues, ac propinquos geri, ad saniora consilia inflexi, cum Auria de pacis conditionibus agere inceperunt; breuique effectum est, vt eius maturo iudicio atque singulari industria res vtrimque composita sit, & ad pristinam fidem atque officium redirent, sic tamen, vt nonnulli, qui fuerant primarij seditionis concitores, aqua & igni arcerentur, ipseque nauarchus, vbi omnia in vrbe, adeoque vniuersa insula ritè disposuisset, onustus gloria, & suorum maiorum virtutem feliciter æmulatus, Genuam reuersus est. Mense Iulio eiusdem anni, Ludouicus Andegauensis secundus, Apuliæ, Siciliæ, ac Hierosolymorum rex, ex Gallia Narbonensi cum quinque triremibus Genuam venit, vbi splendido ac regio apparatu exceptus fuit, nec multò post, Ligustico nauigio adauctus, Pisas, vbi inter purpuratos Synodus celebrabatur, adnauigauit, vbi ab Alexandro v. Pont. recens creato, prædictorum regnorum, in se prius collatorum, iura & confirmationem suscepit; eique Ecclesiæ Romanæ vexillo tradito, imperatum, vt infestis signis Ladislaum, Pannoniæ regem, acerrimum ipsius Ecclesiæ atque concilij hostem, impeteret, atque armis subigeret. Bonciartus interim, prosperæ fortunæ indulgentia indies elatus ac ferocior factus, & Ligustici imperij præfecturam quodammodò fastidians, ad Mediolanensem, fretus potissimum iis controuersis & altercationibus, quæ inter Vicecomitum successores vigeant, magno quodam animi studio atque ardore incendebatur, eique toto pectore imminebat. Proinde Hugoni Auerniensi Genuæ suo delegato ac vicario substituto, & à Senatu haud modicæ pecuniæ summa mutuò accepta, nonnullas militares cohortes ac turmas coëgit, adeò vt nonnulli asserant, ipsum circiter sex peditum, equitum verò vltra quinque millia, in promptu atque in armis habuisse: circa finem Iulij recto itinere Mediolanum contendit, eo quidem consilio, ac spe, vt ibi regis nomine, cuius imperio sese Vicecomites tradiderant, præsideret. Mediolanum profectus, licet intra ipsa mœnia recipere-tur, arcis tamen ingressu penitus exclusus fuit. At cum ipse miro eius potiundæ studio & cupiditate flagraret, enixè operam dedit, vt illius Præfectum amplis promissis, atque ingentibus donis in suas partes deduceret. cumq. id neutiquam ex animi sententia succederet, edictis propositis, & percussa sub suo nomine moneta, ita impotentis animi libidinem nudauit, vt non solum Ioanni Mariæ Mediolanensium Principi, sed etiam præcipuis vtriusque factionis auctoribus, simulque in vniuersum omnibus patriciis, in minimè obscuram affectati Principatus suspicionem deueniret, ita vt dum Mediolorum hac inani spe immodicos spiri-

spiritus alit, ingensque sibi promiscuè apud omnes odium parat, vtrique Præfectura eodem fermè tempore penitus excideret. Nam Ligures, quorum animos iam plurimis de causis non parum à se abalienarat, facile ex eius discessu occasione arrepta, excusso Gallici nominis iugo, sese, post nouenariam seruitutem, in pristinam libertatem asseruerunt. Quanquam verò, exigua mora interposita, cum quatuor promptissimorum virorū millibus versus Vallem, vulgò Teiciam, iter flecteret, eo animi decreto, ut illinc, Genuensis oræ tractum à parte maritima variis velitationibus infestaret, cum tamen illorum locorum fauces atq. aditum, præter omnem expectationem, vndiquaque firmissimis præfidiis teneri & custodiri animaduerneret, illicò retrogressus est, adeò ut, desperatis rebus, deinceps nihil amplius contra Ligures moliretur. Ea tempestate, Facinus Canis, Veronæ regulus, cuius paulò antè mentionem habuimus, rei bellicæ gloria, simulq. Theodori Marchionis Montisferrati singulari studio ac fauore, summam nominis celebritatem atque potentiam sibi in Insubria compararat, sic sanè, ut præter cetera loca, etiam urbem Alexandriam in suam potestatem redegisset. Proinde Ligures minimè de hac re solliciti, quòd nempe, Gallicum imperium detrectando, sese principibus, auctoritate, atque potentia, multis parasangis inferioribus, submitterent, horum gratiam & patrocinium aduersus regium Præsidentem sibi modis omnibus implorandum statuere: ad eamq. rem à Baptista Franco, tunc temporis, in Montisferrateni ditione exulante, mirum in modum coadiuti fuerunt. Hic enim de Bonciarti discessu fideliter edoctus, vtrumque ad hanc expeditionem, rei gerendæ facilitate, iuxtaque insigni emolumento ac fructu, qui ex Ligustici imperij dominatus accessione ad eos perueniret, ostenso, vehementissimè adhortabatur: nec sanè multa persuasione opus fuit, cum propter conceptam spem, tum etiam immensum odium, quo in ipsum ferebantur. Igitur ambo summa celeritate militares copias expediuerunt. Marchio quidem, circiter mille ac trecentos equites, ac tria peditū millia; alter verò mille & octingentos cataphractos, & duo millia pedestrium virorum, iisque, urbis mœnibus adnotis, prior à parte Orientali, alter Occidua, quàm arctissimè illam obsederunt, eorumque improviso aduentu vniuersa ciuitas summo perè attonita & consternata fuit. Nam, licet Auerniensis, quem Bonciartus suum legatum, uti retulimus, in vrbe reliquerat, suo muneri nequiquam deesset, cum tamen haud satis virium ad arcendum hostem haberet, maiorq. pars ipsum Præsidentem implacabili odio prosequeretur, quisque valdè expauescebat, ne Respub. magnum aliquod discrimen adiret. Etsi verò in vrbe ad duo lectissimorum virorum millia in procinctu essent, in his tamen ciues atque oppidani perexiguam defensionis spem collocabant, ita ut complures pauidi ac metu adacti, quòd sibi maturè prospicerent, relictis penatibus, sua bona & fortunas in oram maritimam deferrent, alij ad naues properarent, plerique vias sequirent, nec pauci essent, qui etiam turres varia munitione obfirmarēt. Huic accessit ipsius Præfecti ingens trepidatio & fuga, qui, occultè relicto prætorio, sese vnà cum aliquot primæ nobilitatis viris, quorum fidei atque amicitia non parum tribuebat, in Castelleti arcem recipere statuerat. sed in ipso itinere à quodam trium Vallium pagano, cuius fratrem paulò antè ad supplicium duci iusserat, fortè agnitus, ab ipso, ut ea ratione demortui manibus parentaret, vesana quadam rabie ac furore interemptus est. Ciuitas interim horribili seditione ac tumultu immiscebatur, omnesque Gallicæ nationis, per plateas & vicos adinuenti, à furenti plebe & insana agrestium multitudine, vario mortis genere obtruncati sunt, ita me herclè, ut pa-

Bonciarti legatus Genæ interficitur.

rum abfuerit, quin propter iftorum effrenem libidinem ac insolentiam, & quia etiam capite ac duce deſtituebatur, eo die in ſumum diſcrimen incidere, ne ſcilicet, ab oppidanis, vel ab ipſis qui erant extra urbem, diriperetur. Igitur inſequenti die coactis Patribus, habitisque de more comitiis, quò impendentibus malis & calamitatibus obuiam iretur, duodecim urbis regionum Præfecti, quos patrio idiomate Ancianos appellari diximus, designati fuerunt, qui ſummo ſtudio atque ſollertia urbanis tumultibus maiori ex parte ſedatis, haud minori ſollicitudine procurarunt, ut etiam externi componerentur, ſimulque de communi Patrum conſenſu ad Montisferrati regulum oratores miſſi, qui illi publico nomine, Reipub. atque adeò totius Liguriæ ditionis imperium deferrent. eodemque tempore ad Facinum Canem habita fuit legatio, qua apud eum ſedulò inſtabant, ut ad euitanda maiora pericula, cum ſuis manipularibus agro Ligurico excederet: quod quidem ab eo ſtatim impetrarunt; exiguoque ſpatio interiecto, ipſemet Marchio, cum aliqua ſuarum copiarum parte, Genuam ingreſſus eſt, eiſque admirabili quadam omnium ordinum conſenſione atque ſuffragiis, cum conſuetis priuilegiis & conditionibus ſeſe annuali obſequio, adhibito etiam iuriſiurandi ſacramento, obſtrinxerunt. Marchio ex Dominicano cœnobio, in quod prius diuerſerat, in prætorium deductus, conſeſtim publico edicto cauiri, ut populus, abiectis armis, ad fidem atque officium rediret, ſibiſque præcipuas urbis munitiones atque arces tradi iuſſit: eoſque factum eſt, ut Reſpub. à ciuilibus controuerſiis ac diſſenſionibus penitus conquieſceret, ſibiſque maiorem indies tranquillitatem polliceri poſſet. Bonciartus interim, de his omnibus quæ poſt ſuam abitionem Genuæ contigerant, occultis nuntiis commonefactus, in grauiffimum marorem atque iram prorupit, & ſtatim cum iuſto exercitu ciuitatem inuadere conſtituit. Ceterum, ad ipſa uſque montium iuga progreſſus, cum ibi per fideles ſpeculatores de ciuium in tuendo nouo Principe cōſtantia, ſimulque de hoſtili potentia quampleniffimè edoceretur, commutata ſententia, à ſuſcepta expeditione non ſine acerbiffimo animi dolore ſuperſedit, quò ſcilicet ſua potiffimum culpa eueniſſet, ut Reipub. dominium, in quo ipſe omnes ſuas ſpes tam diu collocaret, & pro cuius beneficio ac dignitate tot labores moleſtiasque exantlarat, tam repente ac infeliciter, non ſine magno fortunæ ludibrio, & humanarum rerum viciffitudine, amiſiſſet, ſeque protinus in Taurinorum regionem, vno eodemque tempore, utraque, uti diximus, Præfectura exutus, recepit, & de Senatus conſulto Conradus Carretus Georgij filius, in urbe Prætoriam obtinuit. Verum enimvero paucis diebus interiectis, ſub hoc nouo Principatu noua iurgia & contentiones repullularunt. Cum enim Patrum decreto quatuor legati, ſeu procuratores, omnes Gibellinarum partium, quorum præcipua & potiffima cura circa res bellicas verſaretur, designati eſſent, Gueſſi, quibus Gallici domini abdicationis mirum in modum diſplicuerat, id quam ægerimè tulerunt, eaſque de cauſa populum ad defectionem excibant. Et quia Caſtelleri arx adhuc Gallico præſidio firmabatur, Montisferrateſis, quò ſeſe in principatu longè tutius communiret, nihil antiquius habuit, quam ut illam, ad motis tormentis & militaribus machinis, omnibus viribus atque artibus oppugnaret. At præſidiarius miles, cum ſeſe, præſertim vnà ex turribus ab hoſte diſiecta, altera verò in ſumum diſcrimen adducta, pænè ad extrema reductum animaduerteteret, cum illo tandè his conditionibus tranſegit, ſe videlicet, niſi ex Gallia tranſalpina infra octiduum præſidio ſubleuaretur, deditorem facturum, eoſque termino iam effluſo, cum ſe nequicquam, unde in primis ſperabat, opem expectare

*Genua ſub
Marchionis
Montisfer-
ratenſis im-
perio.*

Etare conſpiceret, arce, prout conuenerat, quarto Cal. Octob. digreſſus eſt. Hac
 in poteſtatem recepta, licet Marchio ſeſe in ea gubernatione multò magis con-
 ſtabiliuiſſet; nihilominus tamen Guelfi exules illi indies negotium faceſſere,
 nouaſque turbas concitare non deſinebant. Cùm verò præter ceteros, quidam
 iuuenis primæ nobilitatis, & aduerſæ partis ſtudioſus, cum plerisque in ſuis mu-
 nicipiis & coloniis degentibus, clam cõmunicatis conſiliis, aduerſus Rempub:
 conſpiraret, haud multò poſt, illis reſectis & patefactis, iuſſu Montisferratenſis,
 capite pœnas luit: quod quidem profugorum animos, quorum præcipui ea tem-
 peſtate Ludouicus Purpuratus, & Lucas Fliscus extitẽre, ad ſummã iracundiam
 accendit, adeò vt correptis armis, portum Delphinum occuparent, ſeque in his
 locis indies magis atque magis communirent: Hæc ubi ad Senatum perlata ef-
 ſent, haud incunãtanter ad eorum conatus reprimendos, Vbertus Spinula & Ra-
 phaël Montaldus, claris natalibus orti, & longo rerum uſu domi foriſque
 conſpicui, cum ſat valida & inſtructa claſſe ablegati fuerunt: hi que, milite in
 continentem expoſito, breuiq. hoſte in fugam verſo, amiſſum oppidũ recupera-
 runt, pari que fortunæ aura & benignitate, Rechum, paulò antè ab iſdem occu-
 patum, receperunt. Quoniam autem Portus Veneris, quem & Lunarem vocant,
 adhuc in Gallorum poteſtate erat, illicò, Senatus ſuffragiis Conradus Auria, vir
 ſingulari prudentia & virtute, cum tribus roſtratis nauibus, & aliqua pede-
 ſtri manu ad eius expugnationẽ perrexit. Et quia is locus valido Gallorum præ-
 ſidio ſuffulciebatur, nauali expeditione omiſſa, ad quorundam locorum, quæ
 erant in ora Luniana, recuperationem, ſuas copias direxit. Menſe Maio, anni
 eiſdem æui decimo, Ladislaus rex Neapolis, Gibellinarum partium ſingularis
 fautor & patronus, ipſique Marchioni longè amiceſſimus, Genuæ quinque ma-
 iores naues aduerſus Ludouicum Andegauẽſem, ſuum emulum & aduerſarium,
 mercede ſuaque pecunia conduxit, quarum ope cum hoſte haud ſemel proſpe-
 ro ac felici Marte dimicauit, & præter ceteras clades variis temporibus inſiſctas,
 Ligularum nauium beneficio, cum ſeptem Andegauenſibus optimè inſtru-
 ctis congreſſus, quinque illarum ſui iuris fecit, vnaque ſubmerſa eſt, & ſeptima
 incolumis euasit. His verò præda onuſtis, vnà cum nouem triremibus, quæ ad
 ipſum regem Ladislaum pertinebant, Genuam reductis, Marchio, ac Senatus,
 præſentem occaſionem ſibi minimè negligendam putarunt, quo minus ipſi vi-
 ciſſim, Principis ſocij ac foederati opera in ſuis rebus vterentur. Cùm enim ultra
 Lunenſem portum, Albintimilium quoque Liguriæ municipium, adhuc eſſet
 ſub Gallorum imperio, flagrantiffimè cupiebant, vt, ea expeditione ſuſcepta, il-
 lud primo quoque tempore recuperaretur. Proinde ultra hæc nauigia, ſex etiam
 triremes egregiè præparatæ atque inſtructæ fuerunt, & claſſis præfectura Otho-
 bono Iuſtiniano, viro, præter generis amplitudinem, ciuilibus ac bellicis operi-
 bus claro demandata, ſimulque Dominicus & Bartholomæus Auria, ipſi etiam
 vt maiorum imaginibus clari, ita quoque ſtrenui ac rei militaris gloria celebres,
 cum haud ſpernendis viribus per continentem ablegati, vt is locus terra & aquis
 arctiſſima obſidione premeretur. Quauis autem ſtrenuiſſimos propugnatores
 haberet, nihilominus tamen acri impreſſione facta, & duplicatis oppugnationi-
 bus, tandẽ cũ maximo eiſ ciuitatis diſpendio, & iactura, cum propter defenſorũ
 pertinaciã, tum etiã, quòd indigenæ ſuas fortunas & facultates nuſquã gentium
 illinc aſportarent, quinto Id. Iunij vi expugnata & direpta fuit: ſic tamẽ vt Præfe-
 ctorũ opera & ſingulari moderatione, nulla cõtumelia muliebri honeſtati ac pu-
 dicitie inferretur. Arcis præſidarij poſt octo dierũ interuallũ, deditiõẽ fecerunt,
 S 3 eamq.

1410.

 Albintimi-
 lium à Ge-
 nuenſ. dirẽ-
 ptum.

eamq. Dominicus Auria publico nomine recepit, & valido præsidio firmavit. Post quæ, Othobonus cum quindecim triremibus ad portus Lunensis expugnatione perrexit. Verum, partim ob temporum subsecutorum iniquitatem, ac maris fœuitiam, partim etiam quod regie classis nauarchus ob instantem hiemem, discessum vrgeret, illinc tandè infecto negotio recessit. Cum verò Florétini, ac Senenses, Ladiſlao regi infensissimi, sese mutuo iuris fœdere obstrinxissent, & aduersus ipsum quæq. hostilia molirentur, Iustinianus cum octo Ligusticis triremibus, & aliquot Calabris, Telamonem, portum, Gallorum clade olim insignitum, Polybio teste, memorabili pugna à Romanis, L. Emilio Lepido, C. Attilio Regulo Coss. cæſorū, post acres oppugnationes bidui spatio expugnauit, & præda inter ipsos Ligures, & Calabros distributa. Huius temporis tractu, iuxta Valentiam, nobilem ac vetustam citerioris Hispanie urbem, quidam insignis pirata, Barasia nomine, Pauli Interiani nauem adortus fuit, eo tandem successu, vt post longam atque acrem dimicationem, fortuna, ipso Barasia in acie grauiter fauciato, ad Interianum inclinaret. Priusquam verò Genuenses, deiectis cæsisque propugnatoribus, in hostile nauigium armati transcenderent, aduersarij, ipsum, quò minus constaret, illud ad eum pertinere, à quo persæpè multis & maximis detrimentis affecti fuerant, magno lapidum aceruo ad collum congesto, in mare proiecerunt. Ligur in eius superficie circiter nouèdecim, variis vulneribus extinctos adinuenit, & sex ac triginta propter iustas & grauissimas causas, simulque vt hoc exemplo à delictis ac sceleribus ceteros deterreret, suspendio necari, & nouem pristina libertate donari iussit. Id sanè, vbi primum Genuam perlatum est, urbem immenso gaudio perfudit, adeò, vt Resp., quò erga Interianum de se bene meritum, aliquod grati ac memoris animi testimonium exhiberet, ipsum ab omnibus portoriis & vectigalibus prorsus liberum atque immunem esse voluerit. Hoc equidem eò libentius recensui, quò memoriam renouauit doctissimi viri Pauli Interiani, quem ipse vnà cum clarissimo Genuensi Annalium historico, Augustino Iustiniano, Nebiensi Episcopo, & plerisque aliis haud obscuri nominis scriptoribus, qui hætenus de hac præstantissima Repub. aliquid insigne ac notabile posteris tradidèrè, in hoc volumine sum potissimè imitatus: at quàm feliciter, aliorum esto iudicium. Illud planè affirmare possum, me, vt inde ab exordio sum testatus, nihil magis habuisse in votis, nihilque maiori opera & studio procurasse, quàm vt, quod veri historici proprium ac peculiare semper fuit, veritatem pro viribus indagarem, & inuentam, citra vllam assentationem, spem, odium, metum, aut ambitum, cum præcipuè animum ab omnibus his, & consimilibus affectibus planè vacuum ac liberum geram, incorrupta fide in medium proferrem. Opus quidem aggressus sum plenum variis casibus, atrox præliis, discors seditionibus, & interdum ipsa etiam pace, vt Taciti verbis vtar, fœuum, in quo plurimæ conuersiones, & multiplex humanarum rerum vicissitudo, nempe, interdum læta, modò tristitia & luctuosa conspiciantur; sed tamen eiusmodi, vt ex eo, qualisnam fuerit per multa sæculorum volumina huius præstantissimæ Reipub. status, quantaque illius maiestas, potentia, & rerum domi forisque gestarum gloria, plenissimè intelligatur. Ceterum, præter veterum ac recentium scriptorum monumenta, vnde, tanquam ex purissimo fonte, hausi quicquid insigne ac memorabile in ea hucusque gestum est, nonnulla etiam super iisdem, paulò antequam in Belgium venire, contuli, cum postremò agerem Colonia Agrippinæ, cum generoso ac eximio viro Ioanne Carolo, vulgò ab Eijſenbarde, qui post aliquandiu egregiè nauatam militiam, cum in sua longinqua peregrinatione terra mariq. suscepta,

vnde

Telamonis
portus à Ge-
nuens. ex-
pugnatus.

unde instar polytropi Vlixis, multorum hominum mores atque vrbes videns, sibi multiplicem rerum cognitionem, & linguarum peritiā comparauit, Genuam quoque profectus, ibi aliquandiu substitisset, ut est sollerti ingenio, & ad res præclaras nato, pleraque sedulo ac diligenter obseruauit, quæ mihi in domestico & familiari congressu amanter communicauit: eaque cum essent huiusmodi, ut nihil à probatis auctoribus discreparent, me sanè multò magis in eadem sententia confirmabant. De huius autem perrara & omnigena eruditione, cum in reliquis disciplinis, tum etiam in his, quæ ad ius ciuile spectant, de quæ singulari eloquentia, probitate, ceterisque animi & corporis eximiis dotibus, equidem longius dissererem, si tēpus, & instituti arguerēt ratio id concederet. Patrem habuit, ut hoc etiā obiter dicatur, eiusdem nominis, qui per omnes honoris gradus ad summam tandem dignitatem euectus, strenuissimus fuit dux, & in eo prælio, quod anno, ni fallor, 44., ad Sittart in expeditione illa, quam Cæsar Carolus v. contra Iuliacensem Ducem Wilhelmum fecit, cum ordines duceret, ac D. Balduini à Molembais, qui reginæ Mariæ cataphractorum equitum præfectus fuit, vexillifer equitū suorum esset, multis egregiè fortiterq. defunctis laboribus ac muneribus, tam fortiter ac strenuè in hostem cominus & eminus pugnavit, ut cæsis sibi tribus eo prælio subtus equis, vexillum nunquam diuideret, sed ea alacritate & animi robore, quo in prælium venerat, victor, cum multorum fausta congratulatione, profligatis hostibus, discesserit, adeò sanè, ut Comes Hoochstratanus, & Molembaisius ipse, Imperatori fuerint auctores, ut in ordinē equestrem cooptaretur, & quàmprimum, in omnium ferè nobilium conspectu, aureo ense, & calcaribus, cū virtutis præmio, donaretur. Postea, eam dignitatem auxit regina, cum illum, Archiuenatorē Comitatus Alestain in Flandria faceret, quod munus etiam in vltimam vitā retinuit. Ad hæc, in Præfectura Baronatus de Schoorisse, quam 25. annis obtinuit, magna cū sua laude versatus est, ac mortuus; vir certè, de quo dubitari liceat, vtrum bello, vel pace (absit assentatio) fuerit præstantior, sic omnibus artibus militiæ excultus, in toga etiam valebat, ut sæpenumerò in magnis deliberationibus ab ipsa regina, aliisque Belgij principibus, necnon Ferdinando Gonzaga, cuius summa gratia florebat, adhiberetur. Et hæc quidem à grauissimis viris, & fide dignissimis accepi, eo quæ minus vereor, ne in hoc breui elogio, à quoquam, vilius vanitatis ac mendacij coarguar. Ut verò ad inceptum redeam, Genuæ, cum Flisci, inter quos Lucas ea tempestate principem locum tenebat, indies magis atque magis in sua contumacia & rebellionē persisterent, ac publicam quietem pluribus modis diuexarent, sic, ut mense Nouembri Lucas ipse, eò fiduciæ, dicam, an temeritatis deuenerit, ut cum sexaginta equitibus & aliqua pedestri manu tumultuario collecta, quod Reipub. tranquillitatem perturbaret, vsq. ad cœnobium, vulgò D. Spiritus, accesserit, de Montferratenis ac Senatus communi consensu & voluntate sancitum fuit, ut protinus illorum ditio inuaderetur. Proinde sat iusto exercitu coacto, Othobonus Spinula, vir, vltra familiæ splendorem, bellica virtute insignis, contra ipsos ablegatus, & paucis post diebus, ipsemet Marchio cum maiori exercitus robore eodem contendit, adeò ut nisi quorundam optimorum ciuium, quorum animos nulla partium cura premebat, sed tantummodò publicis malis commouebantur, auctoritas intercessisset, omininò summum discrimen adituri viderentur. Sed tandem horum opera, conciliatis animis, cum Rep. in gratiam redierunt. His rebus feliciter peractis, ac egesto quidquid turbidum, Reip. status videbatur aliquandiu in tranquillo positus, nisi fatalis vrbs genius, & Di-

1411.

uūm, vt ita dixerim, indignatio, illi diuturnum otium & quietem inuidissent, nec illius membra tam longa externorum domesticorumque armorum serie lacerata, coalescere paterentur. Etenim anno eiusdem æui xi. Montisferrati regulo in suam ditionem, vt ibi sponsalibus sui filij interesset, reuerso, summaque rerum Conrado Carretino Finarij regulo, permilla, Genuæ haud multo post illius discessum, consuetarum partium studia cum maximo ciuitatis detrimento recrudescere inceperunt. Quippe Orlandus Fulgosius, qui Romæ aliquandiu substiterat, vir immodicus gloriæ, inquietus animi, ac præferoci ingenio, cognita illius abitione, nihil penitus in mora habuit, quo minus ad urbem nouo prætextu accederet: ibique cum plerisque patriciis ac senatorij ordinis grauissimè expostulauit, quòd videlicet ipse, ac sui fratres tam iniquè à Senatu acciperentur. deinde modico interiecto tempore, sub certorum negotiorum specie, profectioe Romam versus simulata, vrbeque digressus, rectà Clauarum, vbi quamplurimos socios & clientes habebat, concessit, vt indigenis ad defectionem sollicitatis, nouos motus in Rep. excitaret: eaque de causa summa festinatione circiter quadringentorum militum delectu habito, cum illis denuò circa finem Aprilis ad urbem venit, seque intra mœnia cœnobij Michaëli sacri communiens, vniuersam urbem ad arma exciuit. Carretus, quem, vt diximus, Marchio suum vicarium in vrbe reliquerat, aduersus has belli concurrentis minas prætorium firmabat, & plerique vtriusque ordinis ciues, quibus molestissimum erat, Remp. iterum prioribus calamitatibus inuolui, ad illi suppetias ferendum accurrerunt. At Fulgosius suum inceptum audacter ac intrepidè prosecutus, postera luce vnà cum Thoma suo fratre palatium circumfedit, eo tamen successu, vt propugnatoribus sese fortiter ac strenuè gerentibus, ipse, infectis rebus, in prædictū cœnobiū redierit, quem Carretinus cum valida manu insecutus, illum facile oppressisset, nisi aliquot ciues, quæis nec amor, nec studium in partes, suam auctoritatem in eorum gratiam interposuissent, & impetrassent, vt seditionis auctor, & concitator, vnà cum suis saluus atq. incolumis vrbe excederet, Fratribus, vsque ad ipsius Marchionis reditum, abeundi, vel manendi data potestate. Fulgosius ex partē maritima digressus, atroci tempestate repentè coorta, quòd sese ab instanti periculo subtraheret, nauigium littori haud procul Sauona applicuit: & dum ibi descensionem parat, ab indigenis, qui illum, ceu publicæ tranquillitatis perturbatorem, extremè oderant, magno impetu ac furore interfectus fuit. Urbana dissidia populo Albintimilij ansam atq. occasionē præbuere, vt per idē fermè tempus, etiam ipse res nouas moliretur. Nam circiter quinquaginta exules oppidanis coadiutoribus urbem ingressi, omnes promiscuè, correptis armis, Prætozem, ac nonnullos Genuenses, qui paulò antè illuc propter pestem, tunc temporis in vrbe grassantem, secesserant, statim captiuos fecerunt, eosque vt se oblato pretio redimerent, coegerunt. Id vbi primū Genuæ intellectum est, nulla mora interposita, Senatus consulto Brasus Francus, vir ea tempestate non obscuri nominis, cum duobus promptissimorum millibus contra ipsos amandatus fuit, simulque nonnulla nauigia egregiè instructa, eodem transmissa. Ceterum, rebelles de his apparatusibus commonefacti, licet noui militis robore firmati, clam vrbe egressi sunt, oppidanis summoperè veritis, ne iterum ciuitas militari sauitiæ ac direptioni exponeretur, & idcirco sese Genuensi Præfecto quamprimū deditere, inque Reip. verba iurarunt, atque ita mox in gratiam recepti. Francus interim, rebus prosperè gestis, & in vrbe sat valido præsidio relicto, atq. aliis rebus ritè dispositis & cōstitutis, necnon milite exauctorato, Genuam plenus gloria &

fama

Albintimilij noua defectio.

fama reuersus est. Iisdem diebus, cum Galli, ut antea commemorauimus, omnem spem recuperandæ Genuæ, non sine acerbissimo animi dolore, abiēcissent, varia municipia & arces Ligusticæ ditionis, quæ adhuc ipsorum præsidio firmabantur, Facino Cani Veronensium regulo, & Florentinis diuendiderunt: priori quidem, Montaldum, Gaium, ac Palodium, pro quindecim aureorū millibus; & Florentinis, Illicensem turrin, Lunensem portum, Sarzanellum, & Falcinellū, pro haud mediocri pecuniarum summa, rege ipso in primis adstipulante & assentiente, tradiderunt. Hoc tractu temporum, nauale bellum in Tarraconenses propter mutua odia redintegratum, & initium quidem ab ipsis exortum. Hi enim duas onerarias Ligusticas, multis atque opulentis mercibus onustas, interceperunt, & indies nihil nō hostiliter ausi, grauiora damna Genuensibus inferebant, adeo ut postremo cum quinq. maioribus nauibus, additis duabus Ligusticis, omni nautico instrumēto, omniq. bellico apparatu instructis, ad hoc egregiorum bellatorum copia refertis, Chium insulam continēter à Liguribus possessam, inuaserint, arbitrati, se, illam propter ciuiles similitudines atque discordias nullo, vel saltem tenui præsidio firmatam inuenturos. Proinde illuc adnota classe, militeq. ac æneis machinis in terram expositis, ad eius expugnationem totis animis & viribus incubuerunt. Ceterum, insulares non modò ipsorum conatibus obuiam processere, sed etiam, ut illos ab incæpto repellerent, euestigio quinque naues, & vnā triremim, ad Mitylenæ regulum spectantem, exornarunt. Sub idem fermè tempus, fortè Baptista Francus, Lusardus, cuius supra haud rarò mentionem fecimus, & Paulus Lercarus, in eam insulā appulerant, eo animi consilio, ut illinc Theodosiam, seu designati consules ac procuratores, adnauigarent. Et cum ambo singulari prudentia & auctoritate, belliq. gloria præstaret, illis imperium rei naualis, alternatim concessere, eoq. factum est, ut aduersarij, ea oppugnatione relicta, in Syriam cursum nauigationis flecterēt, quos Ligustici præfecti in Alexandriam vsque insecuti, cum illis asperrimo & cruentissimo prælio concurrerunt. Et quia fermè pari nauigiorum humero ac robore certabatur, multum diuq. incerto ac dubio euentu dimicatum est, donec tandem victoria, tribus Aragoniis in potestatem redactis, quorum quidem duo erant Genuenses, ab ipsis paulò antè, uti diximus, intercepta, ad Ligures inclinaret. Huius prosperi successus fama, non multò post, Genuam perlata, cum propter rem feliciter gestam, tum etiam ob naues immēsi pretij recuperatas, vniuersam urbem haud mediocri gaudio & voluptate perfudit. Tali statu, cum anno eiusdem seculi duodecimo, adhuc Respub. sub Montisferrati dominio & administratione esset, de mutuo ipsius, ac Patrum consensu decretum fuit, ut classis aduersus Tarraconenses instrueretur. Quippe qui, recens, captis tribus Ligusticis nauibus, quæ prorsus vacuæ, in Siciliam, pro comportando frumento, cuius tunc temporis in vrbe summa erat caritas & inopia, soluerant, populum Genuensem nouis iniuriis mirum in modum ad iracundiam prouocarent. Et quoniam ea tempestate triremes non ita præstò & ad manus erant, summa industria & celeritate septem onerariæ expeditæ, nec Senatus alium repellendis tantis hostibus magis idoneum Imperatorem, quàm Antonium Auriam, Philippi filium, estratus. In has verò, ultra remiges & nauticos socios, supra mille ac quingenti lectissimi bellatores conscenderunt. Nauarchus interim, quatto Non. Aprilis, secundo ventorum flatu è sinu Ligustico soluens, primò, Pisanum mare præteruectus, Carpenam, oppidum Ligurno proximum, quod se paulò ante Genuensibus dediderat, ac postmodum ab iisdem descuerat, omnibus viribus,

Naualis euentus inter Ligures ac Tarraconenses

1412.

ut re-

ut reciperet, allaborauit. Cum autem oppidanos transegisse cum Florentinis, seq. nec cohortationibus, nec etiā promissis, licet amplissimis, quicquā omninō proficere animaduerneret, ad vim animum conuertit; & mox, milite in continentem exposito, magno clamore atq. impetu oppugnationem aggressus est. Oppidani, licet hostiles conatus aliquandiu fortiter ac strenuē repulissent, Præfectus tamen, amplius quingentis ex aduersa parte interfectis, victoria potitus est; & duobus ac viginti, quod huiusmodi exemplo ceteris pauorem incuteret, patibulo affixis, validoque præsidio ad eius loci tutelam & defensionem relicto, & turribus portus Pisani nequicquam tentatis, in Orientem, quod etiam Aragonios cum plerisque nauigiis profectos intellexerat, nauigationem instituit. Verum ipsi de hostis aduentu certiores facti, commutato nauigationis cursu, Barchinonem versus suam profectionem direxerunt, quorum itinere, Auria, qui iam Methonem vsque perucnerat, per myoparonē cognito, eos celerrimē insecutus est; tamen si nunquam assequi potuerit. At in reditu, cum in portu Syracusano duas naues Aragonias, ad anchoras subsistentes, fortē inuenisset, illas statim incendit, moxq. in Sardiniam delatus, & Calari, quem locum paulō antē sui iuris ac potestatis fecerant, classiariis in continentem expositis, ibi etiam pleraque hostilia nauigia cōbussit, & plurima eius insulæ oppida ac municipia, quæ ipsi, Genuensibus domestico & ciuili bello implicitis, ademerant, recuperauit. Deinde Barchinonem vsque præteruectus, cum illos suas naues præ metu in terram subduxisse, ac sibi nullam dimicandi facultatem dari conspiceret, Genuam victor, multis spoliis onustus, partaque ingenti gloria, remigrauit. Cui Respub., quod de patria tam bene meritus esset, utque ceteri hoc exemplo ad præclara facinora indices magis magisque incitarentur, multa priuilegia & immunitates concessit. Paucorum dierum interiectu, Martino Tarraconensium rege, è viuis excedente, indutiæ inter Ligures, ac Ferdinandum, Ioannis regis Castellæ filium, necnon regis Henrici fratrem, qui Martino in regno Siciliæ & Aragonio successit, de mutua vtriusque partis voluntate ad quinquennium transactæ, moxque arma ad eorum locorum, quæ in manus populi Florentini deuenerant, conuersa, primoque portus Lunaris mari terraque circumfessus: sed propter acrem defensorum vim, infectis rebus, illinc discesserunt, hisque aduersus oppidanos Erixis, directis, eius arx opera cuiusdam præsidarij militis, breui spatio recepta. Supra enarrauimus, Ligurnum oppidum vnā cum ipso portu eiusdem nominis, haud procul ab Arni ostio situm, & à nonnullis antiquitus Labronem dictum, Bonciarti opera & industria Genuensibus cessione. Porro huius defensionis Baptista Montaldus cum sit valida præsidariorū manu præerat, è quibus quidam Genuensis miles plebeius, ac Gibellini nominis, cum fortē arcana & infida consilia cum Florentinis iniuisse deprehenderetur, his patefactis, captus fuit, & iussu Montaldi laqueo suspensus. Per idem æui spatium, Thomas de Comitibus, No- uio oriundus, qui Capriatū per multos annos iam possederat, opera quorundam municipalium vnā cum oppido in Genuensium manus ac potestatem deuenit. Coruarum itidem, quod à Rep. descuerat, & in Florentinos mirum in modum propendere videbatur, pridie Non. Augusti, ad pristinam fidem atq. obsequium rediit. Et mense Octobri proximo, quidam Comes Siculus, Altales Peralta nomine, Patribus suffragantibus, Genuensis Præturæ honore insignitus fuit. At sub initium anni eius sæculi tertij decimi, ne in vrbe nouus annus absque nouis rebus inchoaretur, Montisferrati regulo adhuc absente, nouarum seditionum semina exorta, & in primis quidem Sauonæ, vbi, sicuti etiam in plerisque locis

Antonius
Auria vi-
flor Genuā
reuerſum.

oræ maritimæ, Auriarum ac Spinularum studia indies magis atque magis re-
pullularunt. quibus sanè vt quamprimùm obuiam iretur, illuc, Senatus decre-
to, Georgius Adurnius cum ducentis armatis, Genua missus fuit: à cuius dis-
cessu Fulgosij nominis præcipui auctores, nullarum occasionum segnes, magnas
turbas in vrbe dederunt: ad quas quidem reprimendas, Carretus, tunc, vt di-
ximus, Genuæ Præfectus, centum ex suis præfidiariis negotium dedit, qui Tho-
mam Fulgosium, earum partium ea tempestate facilè principem, in palatium
deducerent. quod cum ipse omninò detrectaret, ac milites vim adhiberent, vt
vel inuitum eò prætraherent, populus in eius gratiam sublato elamore, statim
ad arma cucurrit, adeò vt per varia vrbis loca ingenti rumore ac strepitu excita-
to, ipsi Fulgosium in suis ædibus intactum reliquerint. Præses futuri ambiguus,
& magis quid vitaret, quàm cui fideret, certus, quamprimùm curia digressus
est, eaq. mox ab effreni & insana vulgi multitudine, ipso Fulgoso nequicquam
reclamante, expugnata atque direpta. Mæsta ciuitate ac multiplici pauore cir-
cumfusa, & in arma ciuilia ruente, Patres ceterique ordines nihil magis condu-
cere arbitrati sunt, quàm vt excusso externi Principis iugo, patriam in veterem
libertatem assererent, simulque statum Reipub. corrigerent ac emendarent. Pro-
inde coacto Senatu, habitisque de more suffragiis, post varias multorum disce-
ptationes atque sententias, tandem ea pars vicit, vt nempe octo ciues in nullas
partes transgressi, qui nouam regiminis formam constituerent, designarentur.
Et quia non parum sibi propter hanc defectionem à Principe Montisferrati, qui
Sauonam concesserat, vt ibi sua auctoritate exortas seditiones compesceret, me-
tuebant, ultra istos, quos diximus, quatuor insuper, inter quos fuit etiam Tho-
mas Fulgosius, cuius proximè mentionem habuimus, renuntia-
tiorum præci-
pua & potissima cura esset, quæ ad belli gerendi, si quod fortè ingrueret, admi-
nistrationem pertinerent, sedulò ac diligenter prospicere. Hoc Senatus consulto
publicato, cum exorti motus maiori ex parte sedarentur, circiter trecentorum
ciuium Senatus, quorum calculis integra & absolutà Reip. ratio & forma con-
stitueretur, in vnum coaluit, à quo tandem iterum consuetà Principatus & De-
curionum electio de veteri more in vsum reuocata: eaque sancitum est, vt nobi-
les à supremo Magistratu exclusi, tantummodò publica munia & dignitates
cum illis ex æquo partirentur. Præterea, cum ad externorum Principum serui-
tia euitanda, tum etiam vt nouis rectoribus omnis ansa & occasio præcideretur,
ne sibi in posterum vllam tyrannidem astruerent, de còmuni omnium Patrum
atque ordinum suffragatione decretum fuit, vt arx Castelleti, quæ Genuensibus
cesserat, funditus excideretur. His rebus ita peractis & constitutis, nihil iam pla-
nè aliud supererat, nisi vt pro Reipub. quiete ac securitate nouus Princeps crea-
retur: in quo sanè ob multorum competitorum ambitum & æmulationem, li-
cet maior & potior pars in Georgium Adurnium, nondum Sauona reuersum,
mirificè inclinaret, diuersis sententiis decertabatur. Vbi verò is primùm ad urbem
rediit, tantus, propter ipsius egregia merita, & præclaras animi corporisque dotes,
omnium ordinum, & vrbane multitudinis concursus extitit, vt cum octo,
quos diximus, ciuitatis rectores inuiseret, ipsi eodem temporis articulo amplius
mille quadringenti homines armati sese comites adiungerent, & singuli, sublati
vocibus, maximoque applausu, supremam dignitatem in eum deferendam esse
concorditer dicebant: eoque Senatus magis magisque commotus, illum sexto
Cal. April. Ducem ac Principem renuntiavit, & deinde solitis cærimonijs in hoc
amplissimi honoris titulo ac fastigio confirmauit. Porro huius noui Principis
creatio-

*Genuæ po-
pularis tu-
multus.*

*Prætorium
à plebe dis-
reptum.*

*Genua defi-
cit à Mar-
chione Mon-
tisferratenfi.*

*Georgius A-
durnus ma-
gno applau-
su Princeps
renuntiatus.*

creatione vniuersa ciuitas summa & incredibili quadam lætitia & congratulatione perfusa est, & in eius rei memoriam, illius electionis dies annuo & sacro anniuersario sollemniter recoli ac celebrari placuit. Verùm enimuerò neminem ferè later, qui vel mediocriter de optimo administrationis statu institutus, omnes illas ciuitates plerumque in summum discrimen adduci, quæ nullum certum gubernationis genus secutæ, modò in hanc, modò in illam administrationis formam nullis certis consiliis delapsæ, præcipitantur. Fit enim, vt dum nullam firmam Reipub. formam amplectuntur, non secus ac destitutæ duce & rectore, modò in libertatem, modò in tetram seruitutē incertis casibus prouoluantur, adeò vt postquam semel libertate exciderint, & seruitutis iugo obnoxia factæ fuerint, ægrè sese, licet recognitis erroribus, & adhibitis sanioribus ac salutaribus consiliis, à tam graui lapsu & labyrintho extricare, vel expedire possint. Genuæ ob easdem causas, vbi omnia administrationis genera, cum externa, tum propria & domestica non semel experti essent, iterum in eam, sicuti proximè demonstratum est, Principatus introductus. Proinde Montisferrati regulo, qui iam fermè ad quadriennium Ligustico imperio potitus fuerat, Reipub. gubernatione, vt diximus, abdicato, simulque Georgio Adurnio, admirabili omnium consensu, præcipuo auctoritatis gradu insignito, ciuitas suam pristinam dignitatem atq. otium, maiori ex parte recuperasse videbatur: summoq. studio atq. animi ardore, qui sub alicuius noui regiminis initiū plerumq. adhiberi consuevit, vnanimiter allaboratum est, vt Marchioni deinceps nihil omnino iuris in Ligustica ditione relinqueretur, ita vt cùm is non obscurè intelligeret, arces ac munitiones, quæ adhuc penes se erant, non citra maximas difficultates atque impensas retineri posse, vtrò illis, prius sibi ex mutuo fœdere & conuentione quinque ac viginti nummum aureorum millibus in expedita ac præsentī pecunia connumeratis, cesserit. Iam verò soli Florentini supererant, quibus cum, tandem mitigatis placatisque animis, in mutuam gratiam & concordiam rediretur. Hi namq., Pisis nuper suæ ditioni adiunctis, Etruscum imperium in Ligusticos fines proferre modis omnibus annitebantur, & compluribus municipiis atque oppidis, in ora Luniana occupatis, enixè dabant operam, vt etiam Ligurnum reciperent. Quapropter, ipsius Principis ac Senatus consulto, Genua Baptista Montaldus, vir domi militiæq. clarus, Petrasanctam orator missus, qui de rebus componendis sedulò cum illis ageret, ibique Pacificationis negotium ad multos dies fuit extractum, donec tandem, Lucæ, in quam urbem de mutuâ consensione legati & procuratores vtriusque conuenerant, certis quibusdam conditionibus inter se pepigere, & in primis quidem, vt Florentini, nulla per id tempus, sicuti quorundam Annales perhibent, Ligurni mentione facta, portum Lunensem, Ericis turrim, Falcinellum, & Sarzanellam, oppidum non procul à ciuitate Sarzana, in alto colle situm, & à Castrucio Lucensium regulo ædificatum, deinde à Petro Fulgosio Genuensium Principe quàm egregiè munitū, Liguribus restituerent. His rebus feliciter absolutis, Patrum decreto ad Sigismundum, Caroli quarti filium, Venceslai fratrem, recens à septēviris Germanis Cæsarem designatum, Benedictus Buccanigra Albintimilij Antistes, Thomas Pancianus vir equestri dignitate, Nicolaus Spinula ciuilis Pontificiique iuris peritus, & Franciscus Iustinianus, oratores amandati, qui ab eo humanissimè simul ac honorificè excepti, quæcumque publico nomine petierant, firma rataque habuerunt: atque ita breui post, voti compotes domum reuersi. Inter cetera verò, ab ipso Cæsare impetrarunt, vt Resp. ab omni obligatione ac iure, quod sibi cum

Gallia-

Galliarum rege haecenus intercederet, absoluta, penitus libera & immunis remaneret. Iisdem ferme diebus, de mutua Senatus suffragatione, duodecim, quos vocat, Reformatores, partim ex Aristocratia, partim etiam ex Democratia, omnes Gibellinae factionis, renuntiati, quorum consilio & auctoritate, omnia Reip. instituta, & veteres constitutiones, in antiquum morem atque usum reuocarentur. Horum autem nomina fuere, Leonardus Cataneus, iuris peritia insignis, Lucianus Spinula, Elianus Centurio, Blascus Saluagus, Franciscus Auria, Perciualles Viualdus, Ioannes Francus Lusardus, Benedictus Valditarius, Iacobus Iulianianus, Antonius Rebusius, Antonius Mulasana, & Martinus Bandinus. Hi, ultra pleraque alia, sanxere, ut deinceps, antiquatis veteribus statutis, nouo quodam electionis genere is tantum Princeps renuntiaretur, qui Gibellina, simulque popularia studia proficeretur atque protegeret. In vrbe interim, pro labore desidia, pro continentia & aequitate, libido atque superbia inuaserant; eoq. factum est, ut nobilium adolescentum animi, segni otio, socordia & inanibus ac perniciosis voluptatibus dediti, omne rei militaris studium & gloriam exuerent. Proinde summa industria a Patribus procuratum est, ut, quo in illis iam pristinus bellica disciplinae ordo ac splendor excitaretur, sagittis iaculisque, ac ceteris missilibus instrumentis, quibus in bello uti mortales consueuerunt, amplis etiam praemiis victori propositis, continue exercerentur, adeo ut Respub. in nonnulla prioris formae suique veteris decoris vestigia iam postliminio rediisse videretur. Inter haec, decimoseptimo Cal. Nouemb. Resp. a Ludouico Cane, Veronensium regulo, Gaviu, Ligusticae orae municipium, pro decem aureorum millibus coemit, vel potius redemit. Sub idem ferme tempus, cum Sigismundus Caesar, cuius proximè meminimus, emensis Alpibus, in Galliam Cisalpinam profectus esset, Genuenses ad eum, tunc Laudae Pompeiae subsistentem, oratores miserunt, nempe Baptistam Cicada, clarissimum ea aetate legum interpretem, Ribellam Grimaldum, Franciscum Auriam, Iacobum Adurnium Principis filium, Nicolaum Iudicem, Petrum Francum, & Baptistam Montaldum. Quae sane legatio, uti fuit grauis ac splendida, ita etiam ipsi Caesari supramodum grata & iucunda exitit. Subsecutus annus, 1414. eodem Principe, ac Felicino Alamano, Perusia oriundo, Praetore, ob inhouatas simultates & ciuilia bella, grauib. vulneribus Remp. afflixit, multaue clade insignitus fuit, initio a Guarcis, inter quos Isnardus ea tempestate facile principem locum obtinebat, exorto. Hic enim propter insitum odium in Adurniam familiam, ipsum Adurnium supremo Magistratu potiri iniquissimo animo ferebat. Proinde in oppido Casaregio, ceterisque locis adiacentibus, mense Iunio, non temnenda manu collecta, de-improviso armatus in urbem introiuit, eo tamen successu, ut breui post, ab Adurnio milite repulsus, terga verteret, & suscepam expeditionem turpiter deserere coactus fuerit. Haec subita & inopinata commotio, cum Reip. status nondum plenè emendatus atque ordinatus esset, turbidis miscendis seditionibus ad nouas res moliendas aditum atque occasionem praebuit, unde postea mense Decembri eiusdem anni, perniciosissimum illud ac exitiabile bellum, vulgò Medium appellatum, non minus patriae miserum & luctuosum, quam reliqua superiora extitissent, Baptista Montaldo & Brasco Franco illius praecipuis auctoribus, fluxit ac dimanauit. Hi namque haud minori odio, quam Isnardus, ac reliqui eius familiae, in Adurnium flagrant, & propter huius, qui nonnullorum ciuium interuentu cum ipso Principe in gratiam redierat, sic tamen ut sese per aliquot menses in Etruria contineret, absentiam, in haud mediocrem potiundi principatus spem ac fiduciam erecti, mense De-

T

cem-

*Bellum quod
vocat Me-
dium, Ge-
nuae exitio-
sum.*

cembri multo iam noctis compluribus sociis atque clientibus stipati, populi nomen, per vias & compita, sublato clamore sapius ingeminarunt. Ad eam vocem vniuersis, causa eius seditionis, penitus ignorata, mirum in modum exterritis, atque animo consternatis, Adurnij familiaribus ac studiosis quàm maximè expedire visum fuit, vt statim plebs ad sonitum campani æris D. Syri exciretur, adeò, vt non modò Adurnij nominis fautores, verum etiam complures ex primoribus ipsius populi, nec non plerique è Iustiniana familia, Clemens Promontorius, Thomas Fulgosius, vnà cum suis fratribus & plerisque aliis patricij ac Senatorij ordinis, quos Guelfa studia implicitos tenebant, ibi armati ad opem ac suppetias ferendum, præstò adfuerint. At ex Spinulis plerique in priorum studia transierunt, ita vt inter ipsos, & aduersarios, qui ex æde sancti Syri eruperant, in foro D. Lucæ, inuicem, dubio atque ancipiti prælio, & ad multas horas producto, manus consererent, donec tandem illud nox dirimeret. At proximo die, obscuro adhuc certæ lucis, multo sæuius atque atrocius certamen instauratum, veteraque odia & mutue contentiones ac dissidia recruduerunt, sic vt non modò aduersus Adurnios, verum etiam promiscuè inter omnes ciues ob priuatas simultates summo impetu & vociferatione ad arma concursus fuerit. Et Spinulis quidem ac Montaldis, Viualdi, Grilli, Negrones, Imperiales, Marij, & complures popularium studiorum fautores, sese aggregarunt. Aurix verò, & Buccanigræ, tunc temporis in nullas partes transgressi. Quare, animis in mutua & internecina odia supramodum exasperatis, iuxtaq. in propria & domestica viscera ruentibus, subinde in multis semitis & ciuitatis regionibus, balistis, faxis, ignitis missilibus, æneis tormentis, aliisque militaribus machinis, inter se acerrimè dimicabant, & per urbem nihil planè aliud exaudiebatur, præter armorum crepitum, eiulatus & miserabiles gemitus: omniaq. ciuili cruore ac cæde immiscebantur. Spinulæ sese in turri Antonij Spinulæ D. Lucæ fano contigua, præmunierant, in eaque pontem, vnde ad alias ædes in plateæ frontispicio sitas, transitus dabatur, construxerant, multisque vicis & angiporis ibi conterminis, præoccupatis, singulis propemodum horis, cum hoste, qui etiam sese in iisdem confiniis circumsepiuerat, armis contendebant, omniq. magistratus metu deposito, simulq. vniuerso pietatis & cognationis iure perfracto, vesana quadam rabie ac furore perciti, parens (horrescit animus referre) in filium, frater in fratrem, & amicissimus quisque in alium, antea sibi arctissimo amicitiae vinculo coniunctum, desæuiebat. Celeberrimos auctores habeo, qui asserant, prælio, quo apud Ianiculum aduersus Cinnam pugnatum est, Pompeianum militem, fratrem suum, dein cognito errore, seipsum interfecisse; tanto acrior apud maiores, sicut virtutibus gloria, ita flagitiis poenitentia fuit: sed hinc præcipuis quibusque & carissimis interemptis, hoc sibi potius laudi ascribebant: quod sanè eò detestabilius, quò sinceriores diuini Numinis cultum professi, nihil omnino præter vacuum atque inane nomen illius retinebant. Et si verò plerique ciues, nullis studiis cõtaminati, enixè dabant operam, vt tandem, redintegratis animis, mutuam vnionem & charitatem induerent; numquam tamen fieri potuit, vt, licet interdum aliquæ indutiæ transigerentur, vlla pax & concordia, per id quidem tempus, coalesceret, adeò vt quamplurimis opificibus varij generis eo potissimum nomine simul in vnum confluentibus, Adurnio assentiente, octo ex illorum numero designati fuerint, quibus ea cura impenderet. Hi ergo, vt Montaldi ac Thomæ Fulgosij effrenæ ambitioni animique impotentia aliqua ex parte satis facerent, consentientibus æmulis, in hanc sententiam cōuenere, vt nimirum ipsi

ipsi duo, Adurnio suprema dignitate abdicato, Rempub. capefferent. Huic decreto, Princeps, quò publicæ tranquillitati consuleret, facile acquievisset, nisi statim ipsius liberi ac nepotes, auidi potentia ac iuuenili ætate feruidi, summis viribus reclamassent, ita sanè, vt iterum districtis inucronibus, omnia foedo cruore miscerentur: & proximo die, qui incidit in Cal. Ian., quamplurima ædificia subito incendio perierunt. Igitur ciuitate ad priores calamitates reuersa, nullus sanioribus consiliis locus relinquebatur, & gliscente certamine, omnia rapinis, cædibus, ac domorum euerfionibus patebant, donec tandem anno eiusdem sæculi quintodecimo, induitiæ inter ipsos ad aliquot dies pactæ. quo quidem tempore nihil aliud vtrunque procuratum est, quàm vt externa auxilia ex variis regionibus accerferentur, breuique ex Insubria amplius trecenti equites pro Adurnio, & pro aduersariis ex Montisferrati ditione haud exigua manus ad urbem venit. quarum virium accessione se quisque ad nouas clades inferendas præparabant. Interim Adurnius, quò seipsum ab hostili metu ac periculo eximeret, peractis induitiis, inermibus iniunxit, vt singuli sese in suis laribus continerent, & confestim ad ictum campani æris, suas vires in hostem, qui totam molem ac robur suæ aciei in domibus Nicolai Spinulæ iuxta mare positis, collocarant, eduxit, ibique ad integrum diem multo mutuoque certatum est sanguine, eo tandem exitu, vt Adurnij, improspere fortuna vsi, illinc recedere cogerentur. In hoc tristissimo, & planè luctuoso Reip. statu, complures ciues neutrarum partium, & inter ipsos, etiam Flisci, qui per id tempus, in hoc interno & plusquam ciuili bello, nullis studiis sese immiscuerat, sua auctoritate interposita, omni ope annixi sunt, vt tam acribus diffidiis ac simultatibus è medio sublati, tandem aliqua ratio componendarum rerum iniretur. atque idem ab his qui erant sacri Pontificijque iuris, studiosè procuratum, eaque de causa passim supplicationes ad Deorum puluinaria decretæ, ac publica ieiunia indicta. Verùm, hæc omnia nihil prorsus ad pacem conficiendam, ponderis ac momenti attulerunt, ita vt breui spatio interiecto, ad consueta iurgia, exque his continuò ad arma recursum fuerit. eoq. progressa est furiosorum hominum seditio atque insania, vt Non. Febr. in foro, vulgò Piccapetra quinque palatia cum publico vestibulo atque atrio immaniter conflagrarint. & cum postmodum sæpius in variis partibus ciuitatis publicum ferrum distringeretur, multo maiora incēdia & strages subsecutæ, adeò mediufidius, vt cum fermè nihil iam aliud, præter omnia extrema impenderent, tres præcipui ordinis viri, nempe Barnabas Guanus, iuris prudentia clarus, Iacobus Iustinianus, & Antonius Auria, omnes, præter generis amplitudinem, singulari prudentia, & consilij grauitate præstantes, quos hætenus nulla studia implicitos tenuerant, patriæ vicem commiserati, omnes rationes secum iniuerint, quibus tantum incendium extinguerent, aut saltem aliqua ex parte mitigarent. Cum igitur ipsi in ædem Dominico sacram, magna itidem vulgi & diuersi ordinis frequentia subsequente, conuenirent, vniuersi ac singuli propter eximiam auctoritatem, qua promiscuè apud omnes pollebant, auidissimè illorum cōsilium & sententiam præstolabantur: hiq. de vnanimi eorum qui aderant, consensu, nouem ciues præcipuæ integritatis ac nominis designarunt, quorum arbitrio mutua lites & controuersia deciderentur. tantoque studio & industria ab ipsis elaboratum fuit, vt, singulis horum decreto adstipulantibus, tandem vtrunque pepigerint, & mox, turribus, ac etiam Castelleti arce nunquam hætenus euerfa, in manus trium ciuium neutri parti addictorum, traditis, ciuitas tot malis conflictata, emergere ac respirare incepit. Quippè obseptis viis reclusis, ad mutua &

consueta cōmercia iamdudum intermissa, redierunt. Et quoniam Adurnio, ex horum statuto promulgato, per vnus mēsis spatium adhuc in Principatu remanendi facultas permittebatur, de nouo Principe substituendo nihil tunc tēporis peractum. Vbi verò id tempus effluxit, cū ipse, vtpotē mitis ingenio & natura, horum decretis haud grauātē morem gereret, Senatus vicissim ad testificandum animi gratitudinem ac beneuolentiā, illum, prēter quā quod ab omnibus publicis portoriis & vectigalibus in posterū perpetuò immunem ac liberū pronuntiari, annuo trecentorū aureorum stipendio donauit, simulq. annum Cōsulari dignitate, vt fungeretur, concessit. Adurnio, suprema potestate vtrò cedente, S. C. sancitum fuit, vt Campofulgosius & Iacobus Iustinianus trimestri spatio Reip. sub Priorum titulo præessent. Ad hæc, partim ob prædictarum conuentionum obseruationem, partim ad seditiosorum ac turbidorum hominum insolentiam reprimendam, ducenti milites præsidarij sub Iacobi Suprani præfectura constituti: atque ita demum exorti motus suppressi & consopiti. Longum autem foret, commemorare, quanta malorū ilias ex hoc atroci & perniciosissimo bello Reip. prouenerit, & quantum ciuilis sanguinis effusum, ita vt præter innumeros, vario mortis genere contrucidatos, amplius vnde viginti ac centum ex suprema nobilitate, ac inter ipsos, etiam complures senatorij ordinis, ex quorum quidem nota Melchior Gentilis, Nicolatus Auria, Ioannes Spinula, Carolus Adurnius, Hugo Iustinianus, & Marcus Strata, extirpē, desiderati fuerunt. At palatia, vt diuersa priuatorum hominum ædificia domosque omittam, diuersis vicibus exusta, atq. incensa, supra centū quadraginta sex annumerata. Hanc funestissimam cladē præcessit mense Octobri maxima inundatio, & horribilis tempestas; qua sanè factum est, vt quatuor grandiores naues portu in ipso perierint. In hoc rerum tractu, Fulgosius, & Iacobus Iustinianus, rebus gerendis admoti, magna clientum & amicorum frequentia subnixi, prætorium adire, vt Reip. gubernationem ad tempus capefferent, tertiæque hora eiusdem diei à Meridie, Adurnius, palatio digressus, & cum Ducalibus insignibus atq. ornamentis sollemni pompa per urbem, prætoriarum cohortium manipulis constipatus, & decurionibus, ac plerisque aliis supremi ordinis ciuib. eum concomitantibus, obequitās, cū ad suas ædes peruenisset, in earum ingressu Principali dignitate sese abdicauit. Paucis post diebus, per duos illos, quos diximus, Priores, Senatus octingentorum ciuiū tam Guelfi ac Gibellini nominis, quā nobilium ac popularium virorum, coactus, vt, habitis de more comitiis, nouus Princeps designaretur. Etsi verò ad hoc supremi honoris fastigium complures cū opibus, tum natalibus florentes, flagrantissimis votis inhierent, nihilominus Thomas Fulgosius, vir laudis gloriæque cupientissimus, eam præ ceteris ambiebat, eoque magis se illam adepturum sperabat, quod vulgi studia in se conuersa, ipsumq. Adurniū viribus, & potentia sibi longè imparem ac inferiorem esse, haud sanè obscure intelligebat, & propterea hoc vnum in primis anxie contenderat, vt nempe ciuiles altercationes atque odia indies magis magisque alerentur, quod deinde Reipub. status crebriori emendatione indigeret, perque ipsos suffragatores occultè dabat operam, vt aliquis tenuis fortunæ, ac exiguæ auctoritatis, ad principatum prouheretur, sicuti planè contigit. Quippe Senatus publica suffragatione Barnabas Guanus, vir, cui nulla partium cura, sed patriæ dumtaxat amantissimus, iuxta nouas sanctiones ac instituta, viii. Cal. Apr. Princeps renūtiatus fuit: quod sanè vniuersam urbem propter ipsius egregias dotes haud mediocri lætitia & voluptate perfudit. Hic, vt præclarum aliquod suæ existimationis de se passim conceptæ, specimen ac testi-

Quanta clades Reip. illata propter ciuiles similitates.

Barnabas Guanus ad principatum prouectus.

ac testimonium publicè ederet, suamque auctoritatem in posterum magis constabiliret, sub initium sui principatus, quendam ex Proceribus Ducis Sabaudiae, qui in speciem aliorum negotiorum bis ad urbem profectus, cum plerisque supremi ordinis ac nobilitatis viris clandestina consilia iniuerat, quò illam Cæsaris, aut sui Principis imperio subijceret, ea potissimum spe inductus, ut ipsemet, hoc impetrato, Reipub. administrationi præficeretur, capitis damnauit. Præterea, in singulis suis actionibus singularem quandam pietatem, vitæque sanctimoniam præ se ferebat, & nihil omnino prius atque antiquius habere videbatur, quam ut Ligusticam ditionem tranquillè ac pacificè gubernaret ac moderaretur: Verùm, haud sanè in longum quies data. Siquidem exiguo temporis spatio interiecto, nonnulli, conterminarum vallium indigenæ, res nouas moliti, reliquos subinde ad defectionem trahebant. Hæc ubi Genuæ cognita, euestigio ad illorum conatus inhibendum, Gregorius Guanus, præsidiarum cohortium præfectus, contra eos amandatus, qui paucis post diebus, infecto negotio, ac tribus ex suis amissis, domum rediit. At Princeps veritus, ne Respub. horum turbidis motibus aliquod insigne detrimentum acciperet, Thomam Fulgosium, virum longè maiori auctoritate præstantem, cum expedita manu aduersus rebelles misit. Huius discessu, quidam ciues seditiosi, ac ipsius Fulgosij æmuli, falsis calumniis & delationibus illum Principi quàm maximè suspectum reddidère, ne scilicet in eum conspirasset: isque horum verbis magis credulus, quàm par fuit, statim sese, licet inuitus id facere videretur, pro sua tutela & securitate nouo præsidio firmavit: eoque factum est, ut breui Principatu excideret, & Fulgosius, quod præcipuè in optatis habuerat, obtineret. Hinc enim ansam atque occasionem arripuit, ut postquam externis motibus repressis, ad urbem rediisset, cum suis amicis & clientibus præter cetera non parum conquereretur, quòd Princeps sese maiori potentia & viribus communiuisset, & mox, Principi nulla relatione facta eorum quæ foris gessisset, quin etiam ipso penitus insalutato, vrbe digressus, Georgium Adurnium, eo tempore in villa, vulgò Cariniana, priuatam vitam degentem, adiuit, & secum in colloquium veniens, multis verbis, licet in animis prauè affectis, & nouandarum rerum percupidis, haud magnâ & multa persuasione opus sit, in Guanum inuectus, variis rationibus ostendit, ne utique Reipub. expedire, ut ipse diutius in principatu persisteret. Hinc enim fieri, ut ambo omni sua auctoritate & nominis existimatione prorsus excideret, ideoque maturandum, priusquam is deinceps suum Principatum maioribus munitis constiparet. Quocirca initis consiliis, ambo de vnanimi voluntate illum armis opprimere decreuerunt, summaque celeritate vnà cum his qui à suis partibus stabant, urbem tertio Cal. Iulij ingressi, & compluribus eius locis occupatis, quinto Non. eiusdem mensis cum Guanis militibus congressi sunt, eo sanè euentu, ut cum ipsi bellatorum numero ac robore minus valerent, prætorium fœderatis reliquerint, & Princeps per secretam eius portam occultè aufugiens, statim supremo magistratu abierit. Hæc subita & inopinata rerum commutatio istorum æmulos, ac reliquos ciues publicæ tranquillitatis amantes, nullisque studiis addictos, mirum in modum offendit, cum præsertim summopere vererentur, ne Resp. in pristina odia & calamitates relaberetur. At Baptista Montaldus & Isnardus Guareus, præcipui partium duces, sibi non parum ab his quos diximus, metuentes, confestim vrbe excesserunt, & alter quidem Vernatiam, alter verò in vallem Scriuiam se recepit. Fulgosius interim, curia potitus, nihil prius habuit, quàm ut Principatum assequeretur. in quo sanè cum propter mitem ac

Thomas C.
 pofulgofius
 Princeps de-
 claratur.

facilem ipsius Adurnij naturam atque ingenium, tum etiam ob vulgi semper nouis rebus studentis, leuitatem & inconstantiam, haud magnam difficultatem adinuenit. Quippè statim ab vniuersa plebe, Fulgosij nomine, sublati multis vocibus, subinde inclamato, ipse, licet huic rei præ modestia obnitens, repugnasset, sustinentium humeris vibratus, in Ducale solium delatus fuit, ac proximo die trecentorum ciuium suffragatione, ad aris sonitum, ceterisque publicis lætitiæ signis, & faustis acclamationibus, Princeps renuntiatus, ei que, propter immensas opes atque potentiam, qua florebat, nulla prorsus conditio, vti reliquis Ducibus fieri consueuerat, præscripta. Fulgosio ad principatum prouecto, à suis fratribus & clientibus, pleraque per urbem ludicra oblectamenta exhibita, variisque musices instrumentis atque concentibus vexilla Fulgosiae stirpis erecta, eiusque familiae nomen per compita & plateas ciuitatis cum maximo applausu & gaudio sæpius ingeminatum fuit. Post hæc, de more creati sunt octo regionum Præfecti, (vulgò Ancianos vocant) tam ex Patriciorum & popularium, quam Gibellini & Guelfi nominis ordine ac cœtu, ex æquo distributi, & Baptista Fulgosius Principis frater, vtrique oræ maritimæ cum imperio præpositus, adeò vt Resp. post tam multas conuersiones, iterum ad pristinam quietem atque otium, tanquam postliminiò rediisse videretur. Ceterum Fulgosius, quò sese in suprema dignitate, à se tantoperè expetita, indies magis atq. magis constabiliret, vtq. sibi in primis plebem aliquo beneficio deuinciret, illam pluribus oneribus & immunitatibus leuauit, ac pleraq. alia in publicum emolumentum & vtilitatem peregit, urbemq. innumeris calamitatum procellis ac fluctibus vix eluctantem, publicis variisque oblectamentis exhilarare studuit. Cùm enim sub initium proximi anni, nempe eiusdem æui sextidecimi, Odo Lufinianus, Cyprij regis frater, Genuam appulisset, præter hastiludia, & reliqua huius generis spectacula, illum octauo Idus Febr. in maiori atrio, splendidissimo, vereque regio conuiuio excepit, cui amplius octingentæ matronæ ac virgines patricij generis, ditissimo cultu habituque ornatae, interfuerunt. Ad hæc, nonnulla Marchionum Malaspinæ oppida sub varia specie Ligustico imperio adiecit. Et quia publicum ararium ob perpeffas clades maiori ex parte exhaustum erat, ipsaque Resp. ob immanes ac multiplices sumptus quos fecerat, multum aris alieni contraxerat, vt salis coemptionem impediret, supra sexaginta nummum aureorum millia, quæ argenti summa partim ex suis priuatis facultatibus, partim verò à Senatu suppeditatis, cōflata est, in præsentī ac expedita pecunia deprompsit: quod sanè illi maximam laudem & gratiam promiscuè apud omnes conciliauit. Postquam verò sese domi satis communiter animaduerneret, nihil reliqui ad summam diligentiam fecit, quò seipsum, quoad eius fieri posset, externis præfidiis fulciret, atque firmaret. Cùm enim probè exploratum haberet, sibi à suis æmulis & aduersariis tunc profugis, incertisque sedibus huc illuc vagantibus, continuas insidias strui & machinari, enixè dabat operam, vt, illorum consiliis præuentis, Respub. cum Carolo v i. Galliarum rege, cum quo illi iamdudum graues similitates intercesferant, lenitis animis, in mutuam gratiam rediret: quod quidem cò facilius impetratum est, quò Rex iam multa experientia cognouerat, se hætenus pro Ligustici imperij recuperatione incassum & frustra laborasse. Huc accedebat grauissimum bellum, quod ea tempestate inter ipsum, & Henricum quintum, Britanniae regem, terra marique gerebatur. Proinde cùm sciret, Genuensium opem sibi, ad illud feliciter absoluendum, maximi ponderis futuram, breui post, missis Genuam oratoribus, de mutua atque vnanimi voluntate decennales indutias

trans-

1416.

Resp. cum
 Galliarum
 rege in gra-
 tiam redit.

transfegere, ac vniuersi Senatus decreto statutum fuit, vt pro ipso rege octo maiores naues, ac totidem triremes sub Ioannis Grimaldi, viri prudentis, & militiae assueti, praefectura, omnibus bellicis apparatibus instruerentur, in eaque nauali expeditione in mari Oceano habita, Ligures quamplurima egregiae virtutis testimonia ediderunt. Cum etenim ambae classes, quarum singulae ultra centum nauigiorum numerum expleuisse dicuntur, decimo octauo Cal. Sept. inuicem summis conatibus ac viribus concurrissent, & fortuna, post longum atq. anceps praeliū, ad Anglos inclinaret, Ligusticae naues, nullo triremium adminiculo stipatae, diuturnum & cruentissimum certamen contra hostem victorem ingenti atq. incredibili animorum alacritate ac robore sustinuerunt. Quod verò prisci & incorrupti antiquorum Annales de Laurentio Folieta posteris ac memoria tradiderunt, cum illud sit omnino huiusmodi, vt admirabilis cuiusdam fortitudinis inuictique animi perquam clarum ac memorabile specimen exhibuerit, hic profecto nulla ratione à me silentio praetereundum videtur. Is enim vnius nauis Praefectus, cum in classem septem Anglicarum nauium, quam ducebat Dux Veruichius, regio genere, ac summa virtute armorumque gloria conspicuus, incidisset, in qua mille & quingentos bellatores fuisse constat, cum Laurentium, non plus duos & sexaginta, siue, vt aliis placet, septuaginta habuisse, ex iisdem veterum monumentis manifestum sit: cumque Angli Genuensem nauem circumstitissent, Folieta, nihil tanta in se incumbente mole animo infractus, sed suos cohortatus, vt, aut egregia victoria, aut memorabili morte, terram seruitutem, morte ipsa duriores, à se depelleret, atrocissimum praelium in multas horas protraxit. Tandem cum Ligures lassitudine confectos, vulneribusque exangues, octo ex ipsis interfectis, quinquaginta vulneratis, vires magis, quam animus deficerent, iamque Angli, ponte iniecto, ascensum tentarent, Folieta, qui in praelio sustinendo omnes & boni ducis, & strenui militis partes impleset, tum quoque in extrema spe se ipse non deferens, omniaque circumspectans, vnum ex sociis, cuius virtus in primis conspecta fuerat, graui vulnere in iugulo accepto, pugna excessisse conspiciens, Ita ne verò, inquit, maeste virtute, nunc, cum maxime audacia & opera tua opus est, in medio pugnae ardore, nos, ac te ipse deseris? vulnusque hominis, illo inueniente, cum praevi effluentis sanguinis loqui non posset, linamentis, vtcunque potuit, clausit. Ille verò, securi atrepta, asserem, quo pons innitebatur, magna vi praecidit, ponsque corruens, haud exiguum superstantium hostium numerum vnà secum traxit, qui omnes undis hausti sunt. Cuius spectaculi stupore Angli defixi, cum animis obtorpuissent, nullum operae pretium rati, homines, quorum nullo aut labore corpus fatigari, aut terrore animus vinci posset, ipsaque desperatione in rabiem versos ulterius tentare, pugna dirempta, Genuensem nauem liberam reliquerunt. Hoc exemplum eo equidem lubentius adieci, quò Folietae familiae, vnde Vbertus Folieta, vir multiplici eruditione, singularique facundia praeditus, & de optimarum artium studiis, hac nostra aetate, in qua etiam illum adhuc superstitem audio, & Romae, propter eximias animi dotes, apud proceres ac principes viros, summa nominis gloria florere, quam optime meritum, tam illustre ac memorabile facinus recenset. Hic enim Laurentius, huius Vberti proauus fuit, sicuti ipsemet in clarorum virorum elogiis testatur. Iisdem ferme diebus, eodem Principe, ac Francisco Panciatico, ciue Pistoriensi, praclarissimo viro, Praturam gerente, in Corsica, auctore Vincetello ex Istria oriundo, viro multis clientelis, atq. opibus innixo, noui motus exarserunt. Hic enim, Insula-

*Nouus motus
in Corsica.*

1417.

ter quæ etiam fuit castrum Ginercanum, in suam potestatem redegit, duabusque triremibus, & vna liburnica Ligusticæ oræ tractum variis excursionibus inquietabat. Quapropter ad eius audaciam & conatus reprimendos, Genua Habraam Fulgosius, Principis frater, cum aliquot nauigiis bellico apparatu ac militari præsidio instructis amandatus. eaque expeditio hunc tandem exitum sortita est, ut ipse à Corfis, quorum studia in Vincetellum supra modum conuersa erant, proditus, illinc sese non sine aliqua clade subduxerit, eaque de causa, Senatus, facto supplemento, Ioannem, alterum ipsius Fulgosij fratrem, cum noua manu destinavit: qui prospero ventorum flatu in insulam peruenit. Hac virium accessione factum est, ut exiguo post tempore hostis in turpem fugam coniectus sit, & Ginercum vnà cum plerisque aliis locis, quæ à Repub. descuerant, felicibus auspiciis receptum. atque ita per id tempus Corsici tumultus repressi. Ceterum Resp. paucorum dierum interiectu, nouis civilium bellorum tempestatibus atrociter iactata. Quippe initio subsequenti anni, cum extorres ac profugi indies aliquid noui molirentur, nouas artes atque consilia, quibus præsentem ciuitatis statum diuexarent, excogitabant, adeo ut Raphaël Montaldus, qui apud Lucenses tunc extorris agebat, inde Mediolanum eo consilio perrexerit, ut illius Principis opem ac patrocinium imploraret, bellumque patriæ inferret. Hac tempestate, Philippus Mediolanensium Princeps, mortuo patre, ac Ioanne Maria propter nimiam tyrannidem domesticorum suorum insidiis perempto, Insubiæ principatum assecutus, dulci dominandi veneno inescatus, vniuersam Liguriam animo inuaserat. Proinde cum has mutuas Genuensium similitudines ac intestina odia non parum momenti habitura animaduerneret, quò tandem voti compos euaderet, occasionem diuinitus sibi oblata amplexus, profugorum conatus sibi omnibus rationibus tuendos ac promouendos statuit, eiusdemque belli socios Montisferrati & Carreti, necnon Malaspinæ regulos, Fulgosio infensissimos, inito fœdere, sibi asciiuit, ut simul coniunctis viribus, ea expeditio tantò facilius ad opratum exitum perduceretur. Dum hæc foris aguntur, Thomas Malasпина Cremorini dominus, Genuam profectus, occulta & clandestina consilia aduersus Fulgosium iniuerat, quibus patefactis, statim comprehensus, carceri illigatus fuit, moxque Baptista, Principis frater, urbanarum, uti diximus, cohortium Præfectus, & Spineta eidem nexu fraterno cōiunctus, cum quatuor promptissimorum virorum millibus ad illius reguli, simulque Carreti ditionem occupandam ablegati. nec sanè aliud quicquā hoc anno, qui tam multa Reipub. minari videbatur, hostilibus consiliis maturè à Fulgosio præcis, ulterius gestum vel attentatum fuit. Verum, anno eius sæculi octauodecimo, Isnardus Guarcus, Raphaël & Baptista Montaldi, ac Theramus Adurnius, eorundem Principum armis ac viribus innixi, necnon plerisque finitimarum Vallium indigenis coadiutoribus, cum mille quingentis equitibus & duobus peditum millibus natali seruatoris nostri, ad Petri Arenarij fanū, quod mari alluitur, profecti, sua castra ibi collocarunt, atque inde variis excursionibus urbem supra modum infestabant. At Fulgosius, ut erat excelsi animi, & in aduersis intrepidus, sese quammaximè illorum conatibus opponens, sedulo ac diligenter omnia prospicere quæ ad urbis tutelam & incolumitatem pertinere intelligebat. Cumque in ipsa ciuitate plerorumque ciuium animos haud mediocriter suspectos haberet, publico edicto cauit, ne quispiam, iniussus, arma indueret. Ceterum, hostes cum suis conatus in irritum cadere animaduernerent, rebus infectis, sese ultra Apennini iuga receperunt, & in itinere Gauio occupato, illius possessionem

Insubiæ

Insubriae Principi, prius Praefecto arcis octo aureorum millibus enumeratis, tradidit. At Genuae omnes Spinulae familiae in custodiam coniecti sunt, propterea quod reliqui eiusdem cognationis ac stirpis, qui erant in suis municipiis, perduelles in hac expeditione adiuuant: omniaque absentium bona fisco adiudicata. Hostes interim, Gauio, ut diximus, in suam potestatem redacto, ad Capriatae expugnationem sua castra produxerunt. Quod ubi primum per fideles nuntios Principi innotuit, confestim de illius auctoritate, ac Senatus consensu, Baptista Fulgosius cum sexcentis equestribus viris, ac nonnullis cohortibus, illuc subsidio missus. Verum, cum is locus durissima obsidione premeretur, tantum abest, ut obsessis ullam opem afferret, ut contra ipse dum Genuam versus, infecto negotio, reditum pararet, ab infesto agmine, ac etiam a Spinulis non parum incommodi ac detrimenti acciperet: eaque de causa plerique ex precipuis eius familiae iterum in vincula coniecti. Paucis post diebus, aduersarii secundis rebus sublatis, denuo urbem inuadere statuerunt, & quod plebem facilius in sua studia pertraherent, de mutuo consensu Non. Martijs Terainum Adurnium ciuitatis Principem declararunt: breuique spatio interposito, suum exercitum mœnibus adinouerunt, & turri Pharij Promontorij expugnata, liberius huc illuc vagabantur, adeo ut etiam Castelleti arce, sita in montium vertice, se potituros sperarent: sed Baptista Fulgosius, continuo eruptione facta, illos, captis duobus ciuibus, altero quidem nobili, altero vero populari, qui haud multo post Principis iussu capite plexi sunt, in celerem ac precipitem fugam vertit. eoque prospero successu Fulgosius fortunae indulgentiam alacriter prosecutus, recta cum suis copiis fines hostium ingressus, ad eorum locorum quae ultra montium iuga posita erant, excidium perrexit, & praeter cetera detrimenta aduersariis illata, Buzzallam, igne iniecto, crematauit. Cumque ulterius ad amissorum oppidorum recuperationem progredi statueret, veritus, ne ab Insubri Ducis, sibi iam iam imminenti, exercitu intercluderetur, mutata sententia, retrogressus est. Quippe confederati Principes, cognita suorum clade in montibus accepta, euestigio ad eandem expeditionem proseguendum nouas copias instruxerunt, quibus infra paucos dies, Serauallis vi expugnata, eiusque Praefectus Lanzalottus Beccaria cum suo nepote Philippi iussu capite multatus. Inde castris promotis, Burgum, vulgo de Fornaris, Liguria municipium, & Ouada, eiusque arx, paribus fortunae auspiciis occupata. Eodem temporis tractu, in mari quoque acre bellum gerebatur, & praeter alios conflictus utrimque habitos, tres Fulgosiae naues in Galliam Narbonensem contra classem Adurniam emissae, trium hostilium nauigiorum praedam fecere. Inter haec, hostilis exercitus indies validior factus, adeo ut Insubres, profugis ac exulibus admixti, octo millium peditum, equitum vero trium millium numerum aequarent, & circa finem Augusti in vallem Pociferam descendit. Ceterum, Fulgosius incredibili vigore animi nulla ex parte his bellicis apparatibus exterritus, una cum suis fratribus, viris strenuis, ac singulari virtute, summo studio atque industria quaecumque ad urbis securitatem astu & consilio prouideri poterant, diligentissime prouidit: simulque veritus, ne aduersarii, ut reuera factum est, urbem ex parte Bisamnis, eo tempore periculis magis obnoxiam, inuaderent, illam diuersis munitionibus, quae totum suburbium S. Vincentij praecingebant, firmavit, eo tamen successu, ut hostes finitimorum indigenarum ope, illas breui post disijcerent, & statim ad portam, vulgo D. Stephani, sibi aditum pararent, ubi multo utriusque partis sanguine ac caede dimicatum fuit, donec tandem Insubres, potiundae urbis spe excidentes, protinus ab

ea expeditione, reluctantibus profugis, recederent, secum satis præclare actum, eo quidem tempore, arbitrati, quod Genuensibus omnia ferè oppida ultra Apenninū sita ademissent: quibus inter sese, tanquam inimicis spoliis atque manubiis distributis, quædam ipsis rebellibus, alia verò Mediolanensium Principi & Fœderatis obtigere. Horum locorum iactura, & multiplices maximique sumptus, quos Resp. hætenus fecerat, illius ærarium ita planè exinanitum ac exhaustum reddiderant, vt citra opem alicuius præpotentis Principis, aut Reip., bellum ægrè vltèrius ab ea sustineri posset: eoquæ factum est, vt Fulgosius, habitasæpius ad Florentinos legatione, illos maximoperè orauerit, vt in suas partes transirent, quò maioribus viribus innixus, tanto facilius atque commodius Mediolanensium Principi, ac ceteris æmulis resisteret. Verum, cum ipsi nullas persuasiones admitterent, Princeps, propter expediendæ pecuniæ difficultatem, Ligurnum, tam ardentibus votis ab eis efflagitatum, non citra maximum Reipub. detrimentum, illis, centum & viginti millibus nummum aureorum diuendidit, atq. ita Genuenses loco maximi pōderis ac momenti ob intestina odia & mutua dissidia exuti. sub idem tempus Theodorus Montisferrati regulus, qui Genuæ rerum potitus erat, vitam cum morte commutauit. Posterus annus, qui fuit eius æui nonusdecimus, nulla re memorabili insignitus fuit. At circa initium subsequēntis, eodem Fulgosio rectore, ac Principe, cum Ludouicus tertius Andegauēsis, Ladislao, Neapolis ac Pannoniæ rege, vitali aura subtracto, immensa regni Neapolitani recuperandi cupiditate flagraret, iuxtaq. haud ignoraret, quanto sibi ad eam expeditionem prosperè perficiendam, Ligustica nauigia præsidio esse possent, ipsumque Fulgosium, Guelfi nominis summum fautorem ac promotorem esse intelligeret, sibi quàm maximè expedire visum fuit, si, quemadmodum sui maiores factitarant, ea in re Genuensium ope atque armis adiuuaretur. quod quidem haud difficulter ab eo impetratum est, adco vt de ipsius Principis ac Senatus vnanimi consensu, Baptista Fulgosius, vir eximiis togæ bellique artibus conspicuus, tredecim triremibus, quarum maior pars Genuæ instructa fuit, cum imperio præponeretur; qui deinceps aliquamdiu insignne regij nauarchi nomen ac titulum summa cum sui nominis laude retinuit. Verum enimverò, hæc auxilia Gallis à Genuensibus suppeditata, Alfonsi Aragonij, qui mortuo Ferdinando, rege laudatissimo ac præstantissimo, recens in paternū solium prouectus erat, animū aduersus Remp. supramodum irritarūt, eaq. haud multò post, atrocissimi belli vtrinq. subsecuti, vel præcipua causa & origo extitere: Quippe qui nondū ex ephebis egressus, incredibili quodā gloriæ proferēdiq. imperij studio accensus & inflāmat, tredecim, siue, vt aliis placet, trium ac triginta triremium, & quatuordecim nauium classem summa celeritate atque industria comparauit, quartoque ferè postquam regnare cœperat anno, vix dum compositis regni negotiis, Sardiniam, ac deinde Corsicam traiecit, ratus, se hinc facilius belli initia suscepturum, quòd antea Corsorum naturam inconstantem, rerumque nouarum cupidam esse, haud semel intellexerat, primaque accessione Caluum, celebre illius insulæ oppidum, & Genuensibus parum fidele, modico labore ac difficultate occupauit. eoq. successu alacrior factus, ad Bonifacij castelli expugnationem perrexit. Cum verò illud & loci natura, & opere, vtpotè validis mœnibus, fossis, densisque ac præaltis turribus præcinctum, vndique communitum animaduerneret, in oppugnatione parum quidem spei, at plurimum in obsidione reposuit, cum præsertim nō esset ignarus, oppidanis, propter ieiunum ac sterilem agrum, haud sanè tantam commeatus rei que frumentariæ copiam super-

Ligurnum
diuenditur
Florentinis
centum &
viginti mil-
libus aureo-
rum.

1419.

superesse, ut diuturnum obsidium tolerarent. Proinde mari terraque oppidum arctissima obsidione premere incepit; utque aliquid moliri videretur, catapultis ac æneis machinis, urbis muros quatere, simulque ut clausi populi instantiam experiretur, repentino ad ipsa mœnia impetu armatum militem admouere. Ceterum, oppidani, post aliquot dierum strenuam propugnationem, cum ægrè in paucos menses annona, & reliqua humano victui necessaria sufficerent, tandem pacti sunt cum rege, armis utrimque suspensis, ut illis Genuam pro superpetiis mittere liceret; quæ, nisi intra certum tempus præstò adessent, se Calend. Ianuar. oppidum tradituros, eaque de causa obsides viginti adolescentes, præcipuis familiis natos, dederunt. His peractis, continuo biremim expediunt, & in ea quendam ex eorum nota, cuius fidei ac prudentiæ plurimum fidebant, Genuam destinant, qui Senatum, in quo statu versarentur, commonefaceret. Isque commoda navigatione in urbem appulsus, coram Principe ac Senatu suam legationem exposuit, multisque rationibus ostendit, quanti eius Reip. interesset, eum populum tueri, qui, ne ab ipsis deficeret, aduersus Pisanos, Aragonios, ac Venetos, variis temporibus fortissimè dimicauerit, nec ullis promissis ac periculis à fide illis semel præstita dimoueri potuerit. Et nunc etiam si quærat, cur Rex adeò sibi infensus esset, hanc eandem fidem, iræ ac belli causam existere, haud dubiè inuenietur. Proinde omni studio ac celeritate opem ferre deberent infelici coloniae propter ipsos pereunti, aduersus eum regem, qui, cum illius fidem laudare debuisset, eam velut scelus vlcisceretur. Ad hæc, illos hortabatur, ut cogitarent, huius dimicationis euentum eum fore, qui apud exterarum gentes de ipsis iudicium laturus esset. Nam si eorum culpa accideret, ut ea colonia & illorum soboles in ipsorum propè oculis interiret, quam spem reposituræ essent nobilissimæ urbes, quibus trans maria imperarent? Quod si eum ex potentissimi regis faucibus ereptum conseruarent, non fortitudinis modò laudem, sed & pietatis quoque immortalem gloriam consecuturi essent. Hæc, & pleraque alia in hanc sententiam cum dixisset, legato bonum ac fortem animum habere iussu, responsum est, ea esse Bonifaciorum merita, ut, pro eorum magnitudine, dignè satis laudari nequeant. Curæ sibi fore, ut extemplo obsidione soluantur, & amplum fidei suæ fructum percipiant. Præterea, se obnixè daturus operam, ut regem alieni cupidum, iniquè suscepti belli citò pœniteat. Mox itaque Senatu habito, septem eximiae magnitudinis onerariæ, ac etiam vna minoris notæ summa diligentia instructæ. Sed quia propter pestem, eo tempore in urbe mirum in modum grassantem, plerique ciues, periculi euitandi studio sese aliò contulerant, obque publicum ærarium, uti antea demonstrauius, mirificè exhaustum, nulla pecuniæ expediendæ ratio inueniri poterat; Fulgosius, vir singularis prudentiæ ac expediti consilij, gemmas, aurea argenteaque vasa quæ domi habebat, contraxit, quibus Lucam secretò missis, ac fœnori oppositis, tantum æris mutuò sumpsit, quantum satis esse in usum classis putabatur, eique summa festinatione rebus omnibus opportunis ac necessariis præparata, Ioannes Fulgosius, Principis frater natu minor, qui nondum vigesimum ætatis annum exccellerat, præpositus, & quatuor ciues, viri egregia virtute, ac longo rerum usu edocti, nempe Thomas Auignonus, Paulus Italicus, Christophorus Caluus, & Ioannes Andreas, qui iuueni, ætate, ac rerum experientia vix tantæ moli pari, perpetuò, ceu fidissimi consiliarij, assisterent, in maiorem partem curarum additi fuerunt. Ceterum, cum iam omnia in procinctu essent, dumtaxat flatus ventorum contrarius navigationem remorabatur, ita sanè, ut, dimidia parte Septembris iam effluxa, summoperè addubitarent, ne

Oratio legati
Bonifacii
coram Prin-
cipe ac Se-
natu.

Responsum

termi-

terminus limitato præsidio constitutus, præteriret: ideoque pro secunda & felici navigatione passim supplicationes indictæ, ac cælestis fauor imploratus: donec tandem, haud sine diuini Numinis prouidentia & bonitate, Auster, qui per aliquot dies supra modum sæuierat, septentrioni cederet, quo afflante, classis, velocissimo, simul ac prosperrimo cursu, in conspectum Bonifacij delata. Alphonfus interim, de Ligusticis apparatibus certior factus, ut hostiles naues portu arceret, illius ostium & fauces immanibus trabibus in vnum colligatis, & prægrandi ferrea cathena obstruxerat. moxque conspecta Genuensium classe, naues quinque immensæ altitudinis ita disponi & collocari iussit, ut proras in hostem verterent; inter se autem ita cohærent, ut, consuto latere lateri, ex alia in alias facilis decursus esset. Quæ ex his terræ propior erat, ponte in eam iniecto, terrestris subsidium nullo labore accipiebat, adeo ut è continenti in primam, & ex ea in reliquas, percommode transiliretur. Ponè has, minores naues sistit, distributis laborum muneribus, ut quæque sciret, quid à se bello curandum foret, quaque commodius visum est, maiora minoraque tormenta aduersus venturos hostes disponit, ut si percurrere plaustra tentassent, vno eodemque tempore aduersus multas simul, vixque superabiles difficultates, iis eluctandum esset. Postremò delectos quoque milites monet, ut cum ad nauale prælium omnium animi oculique, conuersi fuerint, muros repente aggrediantur: idque eo consilio iusserat, ut si populus temerè suppetias venienti classi attulisset, neglecta mœnia miles irrumperet: sin tuendis muris accingeretur, nihil auxilij pugnantibus suis suppeditaret. At Bonifaciani, aduentu classis cognito, clam noctu nuncium ad naues nantem mittunt. Neque enim per obsessum ab hostibus mare, alia fallendi spes erat. Is, quo in statu res essent, cum edocuisset, laudata fide & constantia Bonifacianorum, hæc referre mandata iussus est: Mœnia à fraude & insidiis summa curauerunt: Quod superesset iuuentutis, securibus armarent, monerentque, ut cum percurrere claustra naues molirentur, ipsi ad mare decurrerent, funesque & reliqua catenarum vincula, cautibus religata, præciderent, id satis ad victoriâ putari. Et iam primus ac vicesimus annus eiusdem sæculi initium sui aperuerat. Sexto enim Calendas Ianuarias aduenisse classem obsessores, obsessique iuxta didicerant. Nec si postera die fuissent venti, dilatum prælium fuisset. Naues tamen qualicunque vento delatæ ad conspectum vrbs, haud procul in anchoris steterunt. Quarum vna, cui Babilanus Nigri præerat, dum terræ propinquat, ingenti saxo tormentis excusso, alueum icta, cum irrumpentibus aquis vix obssisti posset, quâ iugum vrbi subiectum præruptis cautibus imperuium est, cursum deflexit, ut illic acceptum vulnus vtcumque reficeret. Ibi ab oppidanis edocti, posse, si anniti velint, per arduas rupes in iugum, atque inde in urbem euadere, tantus tamque pertinax fuit ardor animi, ut quò vix quisquam expeditus aditum tentasset, illuc per inuia saxa miles armatus peruenerit. Atq. ita aliis alios erigentibus, Bartholomæus Pinelus ad hoc ipsum delectus, cum præsidio & porriuncula exigua comineatus intra oppidum acceptus est. Nocte insequenti, cum Zephyri flare cœpissent, luce prima Ioannes cuncta expediri ad pugnam iubet, suosque militariter allocutus, hortatur, ut se, ac Genuensi nomine dignos animos induat, aduenisse diem precibus ac votis expetitam, qua fidissimam coloniam obsidione liberent, violenti regis iniurias vlciscantur, quæque præclaram ac prioribus parem victoriam allatura sit, ipsum Deum, se exercitum Deum nominari voluisse, ut sciant homines, bellorum exitus non aliunde esse, quam à Deo. Hunc, humanarum actionum æquissimum iudicem, qui classem intra paucas horas præcipiti cursu

cursu eoque incolumem detulerit, qui Zephyros optantibus, Zephyros emiserit. Hunc, inquam, Deum, & iustiori causa, cunctis videntibus, fauisse, & pro ea aduersus hostium confidentiam esse pugnaturum. His, & eiusmodi cohortationibus, accensis suorum animis; pugnae signum proposuit, quae cuique nauium agenda essent, ante constitutis. Nec minus apud regias naues omnia summa cura & studio gerebantur. Quae cum essent eo numero, quo recensuimus, verumtamen & inexpugnabile robur naui erat, quam Capitis rotundi vocabant, quae omnium aetatis suae maxima, delectis militibus referta, duabusque ab utroque latere nauibus septa, ipsa inter quinas media, sublimi prora, admiranda maiestate, arx verius quam naui videbatur. Prima omnium plenis velis in hostes fertur naui, cui praerat Iacobus Benissia, vastoque impetu obstantia quaeque peruenit. trabes, funes, catenae, omnia demum comminuta sunt, reliquisque sequentibus, patefacta via est. Haec in Capitis rotundi proram inuecta, cum sub ictu eius posita, hinc a nauibus, illinc a terra saxis ingentibus peteretur, sagittisque ac iaculis more imbris obrueretur, aegre hostes sustinebat. Proxima secuta est Otoboni Nigri, & ipsa ingens naui, quae illi quoque monstruosae occurrens, cum lateri conseruisset, haud sane parum decrescere visa fuit. Nec tertia Babilla segnius proelio sese inferens, cum Ducem lectissimosque milites veheret, magnos suis animos addidit. Quarta Nigroni Nigri, dum improuide regitur, in Benissiam temere illata, deiecto castello, quod puppi supereminebat, haud parum suis, nihil hostibus nocuit. Mox introrsum elapsa, proelio subtracta est. Huius vel errorem, vel consilium, secutae sunt naues Benedicti Equitis, Iuliani Catanei, Iacobi Le-cauelli, & omnium minor Leonini Grafoni, quae, cum maxima comitatus parte, arma ferebat. Pugnabatur utrinque pertinacissimis animis. Et quemadmodum apud regios, integri fessis succedebant, ita tribus his, quae omne dimicationis pondus sustinebant, quinque reliquae tela virosque suggerebant. Aderat illinc rex bellicosissimus, virtutis cuiusque spectator ac testis. Hinc Bonifacianus populus editiora loca rectaque domorum compleuerat, coniuges paruosque liberos ostentans, & ne infestis hostibus proderentur, supplices manus tendens. Erat in Genuensi classe vir, Andreas nomine, quem a frequentatione aquarum Mergum nominabant. Huic profundum maris petere, & si quid pessum cecidisset, sursum referre, ludus ac iocus erat. Quin, quod longe admirabilius fuit, tam diu sub aquis versabatur, ut eum ibi saepe respirare necessarium foret. Hic in medio pugnae saeuientis ardore, galea tectus, & breui cultro accinctus, clam se in mare praecipitem dedit, & ima petens, illius maximae regiarum nauium funes anchorarios, nullo negotio praecidit. At vasta illa moles, quam duae hostiles naues ita urgebant, ut vix sisti anchoris posset, ubi omni retinaculo soluta est, fluire primum, deinde alio proram vertere, postremo semel mota, alias quoque naues secum trahere. Iniecerat admirationem simul ac trepidationem, ut assolet, causa incognita. Neque enim absurdè dictum est, natura homines ignota horrere. Tum regia classe sensim cedente, creuerunt Genuensibus animi. Et velut ex integro renouatum proelium, cum, praeter paucos egregij facinoris gnaros, ceteri metu hostes cessasse haud planè dubitarent. Pugnatum est, & quidem acerrimè, ab hora diei tertia usque ad vesperam. Multi utrinque caesi, plures vulnerati. Genuensibus grauem intulerunt stragem tormenta, quae in terra arte disposita, & naues frequenter quassabant, & si quando in pugnantium globos immania saxa inciderant, multos simul exanimabant, omnesque formidine afficiebant. Regios maximè strauit maiorum scorpionum multitudo, quibus ea die Ligures preclare

*Acerrimè
conflictus in-
ter Ligures
& Tarra-
con.*

*Andreas
Mergis*

Bonifaciani
subsidio
subleuati.

vsi sunt. Rex neque consilio, neq. fortitudine suis defuit, sublimi equo vectus, omnia magnanimi ducis, ac strenuissimi bellatoris munia executus est, adeò vt etiam aliquandò sagittis impeteretur. Neque Ioannem, aut hostilium nauium multitudo, aut suarum pars maior pugnae subtracta, aut tormenta vndique circumtonantia, vnquam exterruerunt; quin potius decorum se promptumque in armis gerens, vbique adfuit, omnesque variis cohortationibus ad bellum incendit, ac suo exemplo confirmauit, ita vt tandem, nullo contranitante, tutus Genuensibus in vrbe aditus patèret, atque ita obfessi com meatu ac præsidio subleuati. Interea hostilis classis haud paruo detrimento affecta, sese aliquantulum à portu, sui reficiendi causa subduxit. Ceterùm, Alfonso hoc improspere successu haudquaquam exterritus, prout erat animo excelso, & qui rebus aduersis haud facile succumberet, hanc labem & ignominiam se optimè aboliturum existimauit, si aduersariis reditum intercluderet. Proinde, sua classe summa celeritate instaurata, illam bipartitò distribuit, quò sese Genuensi, quæ per medios hostes transire cogebatur, opponeret. Ligur, hostilibus consiliis maturè ac diligenter exploratis, vt illis singulari sollertia & astu obuiam iret, vetus quoddam nauigiũ sulfure ac pice obductum, additis tot remigibus quot planè ad illius ministerium ac regimen sufficerent, ante suas naues præmisit: vtque ad inimicam classem deuentum est, nautæ, prout in mandatis habuerant, iniecto igne, statim nauigium deseruerunt. Quo spectaculo Tarraconenses mirum in modum attoniti, cum illud flammis vndiq. refertũ, rectà versus suas naues aduentare conspiceret, militarem ac præscriptũ ordinem disiecerunt; adeò vt Ligusticis nauibus, plenis velis subsequentibus viã pandere cogerentur, tantaq. fuit bellicorũ tormentorũ, & sagittarum vis, vno eodemque tempore à Genuensibus emissarum, vt plerique infesti agminis subito pauore consternati, sese in mare proijcientes, in proximas ripas adnatarent; atque ita Ligures, periculis hostium deuittatis, postquam paucos dies apud Bonifacium morati essent, ibique omnia ritè disposuissent, in patriam, re admodum insigni ac memorabili gesta, læti ouantesque redierunt. At Rex, componendis Corsicanis rebus aliquanto tēporis absumpto, vniuersam classem in Siciliam traiecit, Bonifacianos obsides secum adducēs, obiectans populo, quòd percussum fœdus nō satis sincera fide custodiuisent; & Siciliam præteruectus, multos, qui acceptis vulneribus graues, mari tamen se commiserant, hiberna iactatione exanimatos, sepulturæ dedit. In quīs, Odo Lusinianus, Iacobi quondam Cyprij regis filius, & iam frater, ampli funeris honore non caruit. Post Alfonsi discessum ex Cyeno insula, cum Calui indigenæ Tarraconensium insolentiam diutius ferre nequirent, regio præsidio expulso, ad veterem Genuensium fidem atque obsequium reuersi: & hoc pacto insulares motus suppressi atque compositi fuerunt. Et quoniam hīc Andreæ cognomento Mergi, insignis vrinatoris, qui Genuensibus ad consequendam victoriam, summo præsidio extitit, mentionem habuimus, rem sanè haud ingratam lectori me facturum existimauī, si breuiter de nonnullis, quos antiquitas, vt propter pedum pernicitatem & cursum maximoperè admirata est; sic etiam posterior ætas, ob singularem nandi peritiam, quiq. plus in mari quàm in terris degebant, maximaque æquora velocissimè tranarunt, haud minori admiratione prosecuta fuit.

Qui siderũ motus, statusque & interualla ac certos cōstitutosq. cursus & recursus, illorumq. vires & qualitates, mensurasq. solis ac terrę animo metati sunt, inter quos, apud Chaldeos Berosus; apud Græcos Eudoxus Gnidius, Aratus, Aristoteles

teles & Empedocles: apud Ægyptios, Claudius Ptolemæus: apud nostros, Iulius Firmicus, M. Manilius, & plerique alij, clari sapientiæ auctores, quos fama vulgavit, periti cælestium, qui diuinas prædictiones, decreta stellarum, ac vim fati, potestatemque subtili inquisitione collegere, hoc inter cetera adnorarunt, illos, qui sub Delphini sidere in lucem editi fuissent, petaminarios esse; hoc est, præcipua pedum pernitate valere: prorsus ut admirabile videatur, quam perniti cursu, & quam volucris meatu magna spatia terrarum breui intervallo emensi fuerint: quamvis plerique Physici rerum non ignari, quod his splen deficiat, propterea cursu valere contendunt. Constat enim, quanto minor in corporibus splen foret, tanto perniciores homines esse. Hinc Ladas ille cursu apud auctores tantopere celebratus, memoria dignus fuit: qui longum itineris spatium cursu tam veloci emensus est, ut nulla pedum vestigia extarent, adeo ut sæpè visum falleret. Quod verum falsumne fuerit, nonnullis ambiguum est. Philonides quoque, Alexandri Magni cursor, qui *ἡνερὸδρόμος* dictus est, perniti cursu valuisse fertur, cui adnumeratus est Lasthenes Thebanus pernitiatis eximia, ita ut ab Choromo Thebas usque cum equo cursore contenderit, & victor fuerit. Inter quæ nimirum maiori miraculo visum est, quod Plin. notavit, annos novem genitum puerum, à meridie, ad vesperam, quinque & septuaginta passuum millia præcipiti celeritate confecisse. Quod pænè à fide deuium, & dictu mirabile, quantum vix credi dicique possit, plerisque visum est. Inter ceteros producuntur Marfi populi, singulari sidere, seu fato geniti, ut præcipua pedum leuitate ceteris præstent, ingentiaque spatia vix credibili celeritate peragerent. Tradunt quoque Troglodytas, & extimos Æthiopes nativa quadam pernitate tantum valuisse, ut fugacissimas feras rapido cursu assequi non dubitarent. Eos quoque, qui sub Piscis astro, certo cursu stationibusque sideribus constitutis, editi essent, nando plurimum valuisse, & præcipuos natatu nonnulli tradunt. In his quoque lienis defectus multum profuisse creditur. Nam quibus deesset lien, natatu plurimum valere contendunt. Horum præcipui sunt Ichthyophagi Troglodytis proximi, ceu maris beluæ, immensos tractus natatu peragrantes. Inter quos Scillis quidam Sicyonius proditur apud Græcos, omnium ea tempestate maximus vrinator, qui ex Aphetis Artemisium usque, octoginta ferè stadia natatu breui spatio peregit: Alexander ab Alexandro, vir multiplicis eruditionis, & insignis iurisperitus, narrat, se nouisse quendam extremæ fortis hominē, qui nauticam operam exigua stipe locare solitus, sæpissimè piscatu vitam quæritabat, qui ab Enaria (quæ inter Pithecusas è conspectu Neapolis insula sita est,) Prochyta usque, quod intermedij pelagi est stadiorum ferè quinquaginta, naufrago nonnunquam & fluctuante pelago, ac tempore anni difficillimo, eadem die nando measse, & nonnunquam remeasse, inuentus sit. Quod cum vix credibile videretur, eundem pluribus ad spectaculum effusis, quò res testatior esset, promptissimum sui periculum fecisse: & cum in Enaria se præcipitem in mare dedisset, lembum post sequentem longius ipsum nantem obseruasse, donec terræ appulsus, ad Prochyta incolumis elapsus esset. Sed super omnia quæ post hominum memoriam, vnquam audita, quæq. ab auctoribus prodita sunt, quod se à Iouiano Pontano accepisse commemorat, dictu mirabile, & supra omne miraculum fuit. Siquidem patrum nostrorum, inquit, memoria, Catanæ Siciliae oppido, ad radicem Ætnæ montis sito, homo fuisse traditur, cui nomen Colan inditum ferunt, cognomento Piscis, singulari fato seu fortuna genitus, qui plus in aquis degere, quam in terris victitare solebat; cumq. diebus singulis mare &

Nati sub
Delphinis.Nati sub
Piscibus.

aquas petere necessum habuisse, ibique naturæ vi & necessitate coactum, diutius degere consueſſe; alioqui dicebat, fore, vt si ab aquis abesset diu, quasi respirare, & ducere vitâ nequiret, idque sui exitij mox causam fore asseueraret. Quod illi, quo fato, aut sidere euenerit, in ambiguo plerique omnes reliquere, cumque tantum nando profeciſſe, vt haud secus quam marina bellua, maxima pelagi interualla, spatiaque immensa, quingentorum & vltra stadiorum, fœda tempestate, & reluctantis aquis, excellenti vi & velocitate, natatu peragraret. Notumque & illud est, dictu mirabile, cum medio cursu naues plenis velis per æquora ferreretur, violentissimis interdum tempestatibus, per vastum & apertum mare, interque agitationes fluctuum & turbines, huic natanti obuiam fuisse, ipsumque nantem, ab vndis nautas suis nominibus aduocare solitum: & quia omnibus notus erat, nautas subitæ rei miraculo percitos, lætissimis animis illum in naui excipientes, vnde veniret, quouē iter intenderet, & quantum pelagi nando emensus foret, quantasque tempestates tulerit, sciscitari cōsueſſe; ipsumque Colan singulis omnia significasse: mox cum fociis in naui pransum aut potum, postquam acquieuiſſet, mandata ad suos, quid illis dici referrique vellent, & quid faciendum arbitrentur, à singulis accepisse: nudumque, vt erat, è naui medio iam pelago cursum tenente, se præcipitem in mare dedisse: mox Caietam, modò in Salentina, Brutia & Lucana littora, modò in Siculos fines, & natale solum, ad quod frequens ventitabat, incolumem nando peruenisse: mandata, quæ à nautis acceperat, singulis necessariis & affinibus significasse. Idque non semel facere consueſſe, donec festo annuo sollenni. die in Siculo freto effusa multitudo ad spectaculum, in portu Messanæ, vt aiunt, experiri, credo, volens, quantum præ ceteris vrinando valeret, dum pateram auream, munus natantibus tunc à rege in mare deiectam, ab imo eripere conatur, cum se in mare merisſet, dum illius studio profunda exquirat vada, diu expectatus, ab imo maris fundo, in quod se deiecerat, nunquam emerſit, neque postea inuentus apparuit. Creditur in concauas illius pelagi cauernas, quibus totus ille sinus refertus est, incidisse: ipsumque in imas voragines vorticibus rapidis semel delapsum, cum se recipere vellet, & ad superiora niti, reuerti nequiſſe: cumque diutius reluctatus, respirare nequiret, inter occurſantes scopulos vndique inundantibus aquis oppressum, interiisſe.

LIBER VNDECIMVS.

1421.



INTEREA temporis, Philippus Mediolanensis Princeps, cuius in præcedenti libro mentionem fecimus, mira quadam imperij proferendi cupiditate incensus, Liguriæ imminebat, eaque de causa instructo valido exercitu, & assidue exulibus eum ad maturandam illam expeditionem impellētib; in eam vallem, quæ Porcifer annis modico fluxu in mare delabitur, descendit. Huc cum venisset, nihil intentatum reliquit, quod ad rem bene gerendam pertinere videretur. Cum verò, singulari Thomæ Fulgosij vigilia atque industria, nihil, aut certè parum proficeret, nihilque citra classis maritimæ præsidium ibi se aliquid posse agere intelligeret, omnes animi cogitationes atque curas contulit, vt, parata classe, voti aliquando compos euaderet. Proinde, mercede conductis ex classe Aragonia octo triremibus, ac duabus aliis, quibus Raimundus Coruarianus, Montefianæ militiæ magister, multarum rerum experiētia clarus, præerat, illisq.

ad

ad omnem cursum egregiè adornatis, atque Ligusticam oram obuerfanti-
 bus, circa finem æstatis delectas equitum ac peditum copias, ductu Guido-
 nis Taurelli, nobilis Mantuani, & domi militiæque illustris, per Feritoris val-
 lem emisit. Est autem Feritor haud magnus, sed rapidus admodum amnis, <sup>Feritor
amnis.</sup>
 quem Bisamnem vulgò nominant, qui ex montibus Bargaliæ præcipitatus,
 Orientale urbis latus penè verberat. His copiis Thomas Fulgosius, qua erat
 animi celsitudine, haudquaquam animo consternatus, quàm strenuissimè resti-
 tit, maioriq̃ue rerum maritimarum, quàm terrestrium ratione habita, octo trire-
 mes egregiè instructas, sub Baptistæ sui fratris, cuius singulari virtute atque in-
 dustriæ plurimum confidebat, imperio aduersus hostem ablegauit. Hic ergo Fi-
 narium versus, vbi classẽ Philippicam simul coniungendam pro certo intelle-
 xerat, nauigationem eo consilio direxit, vt protinus cum hoste congredetur.
 Verùm is, vt primùm inimicam classẽ sibi imminere prospexit, & nondum
 illas duas triremes, quarum proximè meminimus, in promptu haberet, ibi neu-
 triquam præstolatus, non ausus fuit æquali nauigiorum numero configere, pro-
 risq̃ue retrò actis, sese quàm celerrimè in altum proripuit, adeò vt in ea festina-
 tione, vna ex triremi, continenti propinquior, capta sit, & deinde incēsa. Reliquæ
 nactæ opportunitatem, qua sese illis duabus associarent, versus portum Pisanum
 contenderunt: nec procul ab Arni fluminis ostio in vitium omnes conuenēre. In-
 terea, Fulgosius ibi tandem infestam classẽ affecutus, nō ita procul à portu cum
 hoste congressus est, eo quidem successu, vt, inito certamine, quod sanè per ali-
 quod temporis spatium fuit atrox, atque ambiguum, ipse, amissis quinq. trire- <sup>Conflictus
navalis cum
clade Ge-
nuensium.</sup>
 mibus, cum plerisque aliis in aduersariorum potestatem deuenerit. Reliquæ au-
 tem remigum celeritate ac beneficio incolumes euaserunt. Hæc clades, simulac
 Genuæ cognita est, non solummodò Principis, verùm etiam omnium ordinum
 animos mirum in modum commouit. Proinde cùm se viribus imparem, & vr-
 bem assiduis bellis grauissimè afflictam, simulq̃ue ob rem infelicer gestam, ple-
 rorumque ciuium studia in aduersam factionem sensim inclinare animaduerte-
 ret, omnes cogitationes & pristinum illud animi robur, quo dubiis sæpè rebus
 aduersariorum suorum conatus superarat, & represserat, maluit ad quietem ac
 otium priuatum transferre atque conuertere, quàm Reipub., cui iam sexenniò,
 cum maxima sui nominis laude, nec minori totius Reipub. beneficio, præfuerat,
 in manifestum discrimen ac planè vltimum exitium adducere. Fratrum igitur,
 atque aliorum, quorum potissimùm consilio in rebus arduis atque perplexis vt-
 plurimum utebatur, persuasionibus inflexus, urbis imperium Mediolanensium
 Principi vtrò cedere constituit: missisq̃ue ea de causa ad ipsum, & passim ad ca-
 stra, quæ iam vrbi imminebant, oratoribus, cum eo iisdem conditionibus trans-
 egit, quibus olim, anno supra millesimum trecentesium nonagesimo sexto,
 Antonius Adurnius, Carolo Galliarum regi, eiusdem Reip. administrationem,
 vti antea memorauimus, tradiderat. Hoc pacto florentissima Respub.: quæ toties
 sub hoc tanto Principe in periculum adducta, vacillauerat, & ab aduersario-
 rum violentis manibus egregiè tutata & conseruata fuerat, paulatim Ducali po-
 tentia mutuisq̃ue dissensionibus ita labefactata est, vt externo imperio subiecta, <sup>Genua sub
Philippi Me-
diolanensis
Principis
imperio.</sup>
 vix aliquam pristinam formæ imaginem vel vestigium vllum retineret. Cete-
 rum, Fulgosium Resp. publicæ gratitudinis testimonio est profecuta. Nam ei-
 dem, quòd bene illam administrasset, iussu Senatus aliorumq̃ue Ordinum con-
 sensu, ex ærario publico, triginta aureorum millia, in subsidium rerum dome-
 sticarum deprompta sunt: nec tanta munificentia Resp. contenta, octauo Cal.

Decemb. Serefanam, cum aliquot aliis circumuicinis locis, in super illi ad tempus fruendam concessit, & Spineta ipsius fratri, pro vrbe Sauona quindecim aureorum millia Senatus iussu annumerata. Hac incredibile liberalitate & publico ciuitatis iudicio cum mirifice ipsi Fulgosis satisfactum esset, vrbe excessit, quem Guido Taurellus, & plerique patricij ordinis viri, honoris causa ad mare vsque comitabantur, statimque pars Insubrici exercitus in urbem intromissa fuit, & Ducis Mediolanensium nomine Reip. administrationi Franciscus Carmaniola eius legatus, vir bellica virtute, rebusque gestis, ea tempestate, celeberrimus, præpositus, cui etiam Castelleti arx, & reliqua loca Ligustici imperij, prout ex pactis tenebantur, eodem tempore consignata. Verum enim uero, quia Insuber nequaquam ignorabat, ægrè ac difficulter Rempub., propter subsecutas conuersiones, retineri posse, nisi absolutam quandam & plenam in eam sibi potestatem usurparet, nihil habuit antiquius, quam ut ad rescindendum omnes futuras molestias atque ciuiles contentiones, Senatum per suos internuntios & administratos assidue sollicitare, ut totius Reipub. imperium citra aliquam exceptionem, vel potestatis reservationem, sibi permitteretur: multisque largitionibus & beneficiis præstantissimum & optimum quemque ex Patribus, aliisque primoribus, sibi promereri ac deuincire studebat. Hac eius munificentia & mirifica liberalitas, vsque adeo Senatum, aliosque patricij generis viros inflexit, ut, neglecta Reipub. pristina dignitate, posthabitaque publico bono, quæstui priuato inferuientes, Rempub., ipso Carmaniola in hoc plurimum allaborante, eius arbitrio ac voluntati omni ex parte subijcerent. Primo itaque sub eius Principatu, ac Petri Barbisoncini prætura, anno eiusdem æui secundo ac vigesimo, Genuæ, auspiciis Francisci Spinulæ Othoboni, qui, præter natalium splendorem, ac eximias animi corporisque dotes, iure obsequij plurimum sibi gratiæ & fauoris apud eum conciliarat, septem naues contra totidem Aragonias instructæ ac emissæ fuerunt. Sed quia Tarraconenses, immutato cursu, nihil ulterius ausi sunt, infectis utrimque rebus discessum. At classis Ligustica, priusquam Genuam rediret, in Sardiniam præteruecta, oppidum, cui nomen Longosardum, vi expugnauit. Proximo anno, Philippus cum Ioanna secunda Neapolis regina, aduersus Alphonsum, quem paulò antè in filium adoptarat, moxque ipso abdicato, Ludouicum Andegauensem in eius locum substituerat, societatem ac sœdus iniuit, ideoque Genuæ in Senatu, eiusdem Principis iussu, pro Neapolitani regni, ab Alfonso occupati, recuperatione de cogenda classe deliberatum fuit. Et licet his temporibus publicum ærarium valde attenuatū ac propemodum exhaustum esset, nihilominus tanta fuit omnium ordinum promptitudo, & ciuitatis suo Principi gratificandi studium atque alacritas, ut, solitante in primis eodem Carmaniola, urbis Præfecto, in eius usum supra ducenta millia florenorum ex ærario publico permissu Senatus deprompta sint, & insuper valida & præpotens classis præparata, quæ sanè paucis diebus interiectis, omnibus rebus ad bellum necessariis egregie instructa, tredecim magnarū nauium, ac totidem triremium, numerum æquabat: eique expeditioni ab Insubro Guido Taurellus Imperator renuntiatus, qui mense Decembri, ubi primum sacris de more operatus esset, è sinu Ligustico soluens, prospero ventorum afflatu, Caietam, quæ Alfonso præsidio tenebatur, peruenit. Ad tantæ classis conspectum vniuersa ciuitas, ceterique præsidarij milites summo perè conterriti, & omnibus rebus ad defensionem necessariis malè instructi, summa necessitate adacti, non expectata aliqua hostili vi, deditionem fecerunt, ea in primis conditione, ut salui atque incolumes di-

mitte-

mitterentur. Quo impetrato, nulla mora interposita, vrbe exceſſerunt, & illa; reginæ Ioannæ nomine recepta. Caletanorum exemplum quamplurima loca maritima ſecuta, ſe pari modo Genuenſibus dederunt. Inde Neapolim claſſis admota. Alphonſus, paucis antè diebus, de his tantis apparatibus per ſuos nuntios ac exploratores cōmonefactus, minimè ſibi expedire videbatur, vt ibi hoſtē opperiretur. Quocirca, Neapolitanæ vrbis cuſtodia Iacobo Cadora, viro, ea ætate, rei bellicæ gloria inſigni, demandata, poſtquam Neapolitanis, adhibito etiam iureiurando, promiſiſſet, ſe breui cum magna militari manu ad vrbis præſidium rediturum eſſe, cum quatuordecim, ſiue, vt aliis placet, quindecim longis nauibus, in Hiſpanias enauigauit, & in itinere Maſſiliam; percelebreſ Galliæ Narbonenſis vrbem maritimam; atq. olim ſedem ac magiſtram ſtudioſorum; locum Græca comitate, & prouinciali parcimonia miſtum ac bene compoſitum, cum tenui præſidio firmatam intellexiſſet, prima luce de-improviſo adortus, vi expugnatam diripuit, & maiori ex parte incendit; moxque cum ingenti præda, ſacris oſſibus, ſiue, vt hodiè vocant, reliquiis D. Ludouici Andegauenſis, quondā Tholoſatium Epilcopi, ſecum aſportatis, Valentiam, vnde primū ſoluerat, ouanti ſimilis inuectus eſt. Cadora interim, cum ſe militum numero ac viribus longè imparem eſſe animaduerteteret, desperatis auxiliis, ne belli extrema experiri cogeretur, de primorum ciuium conſenſu, cum Præſectis Ligullicæ claſſis de deditioe agere incepit; & in primis quidem petebat, vt ſibi certa quædam pecuniarum ſumma, vnde etiam ſuo militi debita ſtipēdia darentur, perſolueretur. Huic rei cum à Philippo breui proſpectum eſſet, vrbem, prout conuenerat, tradidit; eaque nomine reginæ recuperata, & claſſis victrix, eiectis prius Neapoli omnibus Hiſpanicis præſidiis cum illorum ducibus ac Præſectis, quinto, ex quo ſoluerant, menſe, nempe ſexto Cal. Iunij, Genuam incolumis reducta eſt. Ceterum, aliquot iurgia & altercationes recens inter trierarchos, & nauium, vt ipſi vocant, patronos, effecerunt planè, vt longè infra hominum exiſtimationem atque propria merita, à Rep. reduces exciperentur. Non parum etiam impediēbat ouationem & publicum gaudium dolor & indignatio propter conturbatam vexilli Georgiani ſolitam, & longo vſu receptam cærimoniam, exorta. Quandoquidem, Inſubrici Præſecti, vt omnem priſtinæ libertatis imaginem penitus extinguerent, huic veteri ſollemni conſuetudini ſeſe fortiter opponebant; rati, hoc modo Principis ſui dignitatem longè cum maiori exiſtimatione in Rep. conſeruari, atque ab omnibus ſuſpici debere. Hæc tamen tanta illorum aduerſatio impedire non potuit, quò minus magna ciuium frequētia vexillum implicitum in ædem vſque Georgianam de more comitaretur, & populari applauſu propter rem feliciter geſtam, Reipub. congratularetur. Quod quidem Mediolanenſium Principis animum adeò exacerbauit, vt ſtatim, re intellecta, non ſine maxima totius ſerme ciuitatis indignatione ac fremitu, vexillum ipſum ad ſe perducere iuberet: ſiquidem ita natura comparatum eſſe videmus, vt ea ciuitas, quæ diu aliquam libertatis ſpeciem atque imaginem apud ſe retinuit, maiori inuidia & contumelia affici nequeat, quàm ſi, oppreſſa libertate, penitus vniuerſis ſuis veteribus inſtitutis atque immunitatibus ſpolietur. Quocirca, populus Genuenſis grauiffimis de cauſis commotus, licet ſeſe vltro, ſub certis conditionibus, vti diximus, Mediolanenſium Principi ſubieciffet, nihilominus tamen, cum adhuc certa quædam præteritarum victoriarum memoria ſubinde omnium animis ingereretur, planè fieri nō poterat, quin dudum compreſſa indignatio & dolor erumperet: quæ ſanè temporis decurſu, ſenſim accedentibus nouis iniuriis, maximas

Maſſilia à rege Alphonſo direpta & incenſa.

*Deditio vr-
bis Neapolitane*

1424.

turbas in eundem Principem excitarunt, nec modicam defectionis ansam, uti mox enarrabimus, præbuerunt. Hoc statu rerum, Iulius Alfonsi frater, ex citeriori Hispania cum quatuor ac viginti triremibus, valido milite aliisque bellicis apparatibus quam opportunè instructis, soluens, classem aduersus Ligures quinto Non. Sextilis eduxit, & rectà in Corsicam adnauigauit; primaque luce, milite in continentem exposito, Bonifacium adortus est, eo quidem exitu, ut, quamuis maiori ex parte oppido potiretur, tamen oppidani, resumptis animis, summa alacritate & robore hostilem vim represserint, ita ut hostes quamprimum sese non citra cladem in classem recipere, atque adeò ea insula excedere cogerentur. Quoniam verò indies magis atque magis inter Alfonsum & Philippum bella recrudescebant, Philippo expedire visum fuit, ut Carmaniola, relicta rerum urbanarum administratione, bellicis rebus denuò vacaret. Priusquam verò vrbe excederet, illi, ex Senatus consulto, annum stipendium, nempe octo millium librarum, sicuti Genuensibus Ducibus quotannis, de more, longo usu recepto, tradi consueuerat; & mox in eius locum Iacobus Isolanus, titulo D. Eustachij purpuratus, Bononia oriundus, communibus Patrum suffragiis substitutus est, cui ex eiusdem Senatus decreto, annum stipendium duodecim millium librarum attributum fuit. Hoc nouo Præsidente vniuersa ciuitas alacrior facta, multo maiori studio, quam antea, urbana commercia, & externas negotiationes resumpsit. Nam etsi Respublica innumeris fortunæ casibus, & planè periculosis conuersionibus hætenus agitata foret, incredibili tamen ipsius beneficio acciderat, ut his tantis procellis non obstantibus, plerorumque locorum, quæ in partibus Orientalibus habuerat, possessionem atque imperium semper retinuerit: inter quæ sanè Famagusta, Chius, Pera, Samastira ad pontum Euxinum, sita in Taurica Chersoneso, iuxta flumen Parthemium, antiquitus Amistris vocata, Soldaia, Gembalû, & Tanais in Mæotica palude, qui diuidit Asiam ab Europa, adhuc ipsius imperio subijciebantur; ne non in vrbe Sauastopoli, ac etiam Bosphoro, cum dominis etiam Synopæ ac Trapezuntis, mutua fœdera & conuentiones habebant: quorum deinde locorum ditionem progressu temporis cum ob Turcicam tyrannidem, tum verò ob mutuas simultates ac intestina odia, sensim amisit. Chium tamen diutius quam reliqua loca, sub suo imperio ac ditione habuit. Ut verò ad propositum reuertar, Philippi opes tam domi, quam foris, ad tantum potentiaæ atque imperij culmen deuenierant, ut eo potissimum nomine iam plurimis Italiae Principibus, ac populis valde suspectus & formidabilis redderetur; præsertim verò Florentinis, qui propter summum discrimen, in quod, paucis retroactis temporibus, viuentem scilicet Ioanne Galeatio ipsius parente, inciderant, Ligustici imperij accessione illius potentiam haud exiguo robore ac præsidio firmari & constabiliri intelligebant. Proinde, anno eius sæculi quinto ac vigesimo, cum Alfonso, arctissimo fœderis iure sese obstringentes, huius ope & patrocinio trium ac viginti triremium classem expediuerunt, qua, omni militari apparatu instructa, oram Ligusticam longè lateque depopularentur ac diuexarent. Et quò sibi ea expeditio felicius magisque ex animi sententia succederet, Thomam Campofulgosium, eo tempore Serazanæ priuatam vitam agentem, per suos internuntios crebrò adhortati sunt, ut patriam, ex dira Philippi tyrannide ereptam, in pristinam libertatem assereret: in quo sanè illi omnem suam operam ac studium pollicebantur. Fulgosius, hæc Florentinorum cōsilia nequaquam aspernatus, occasionem, etiam tam obuiam, minime sibi prætermittendā vel negligendā statuit, ea potissimum spe ac planè fiducia illectus, quòd minimè ignoraret, sibi in ciuitate nō defutura plurimorum præstan-

*Genuenses
quàm latè
olim domi-
nabantur.*

1425.

tissimo-

tissimorum civium studia, qui Insubricum imperium, dicam, an iugum, aspernati & exosi, votis omnibus optabant, in veterem libertatem quacunque ratione reponi, inter quos præsertim illi erant, qui Guelficæ factioni adhærebant, nimirum cum Philippus Gibellinam profiteretur. Quapropter, nulla cunctatione admissa, cum Nicolao, & Ioanne Aloysio, nobilissimæ familiæ Fliscorum tunc præcipuis, qui sese ea tempestate in suis arcibus & municipiis continebant, communicatis consiliis, classem conscendere, sequæ apertum Reip. hostem declarare constituit. Igitur quarto Idus Aprilis, intempesta nocte, in conspectu civitatis haud longè à portu aliquandiu substitit, & aliquam seditionem in vrbe excitatum iri arbitratus, classem propius admovit, ut Fulgosium nomen, alta voce, dedita opera, à classiariis sæpius ingeminatum, ab oppidanis exandiretur. Postquam verò, nihil non quietum, suisque locis valida præsidia disposita animadvertit, in Orientalem oram, ubi ipse tunc temporis magnas clientelas, & fidos amicos habebat, conuersus, oppidum atque arces portus Delphi subita accessione occupavit, vicinorumque animis ad defectionem sollicitatis, complures indigenas in partes suas deduxit, ita ut, modico spatio interiecto, Monilia & Sextrum ad eum transirent, ubi Florentini suas copias disposuere, quò illinc multò facilius per uniuersam illius sinus oram excurrerent, ac subinde vrbi haud parua detrimenta inferrent. Ligusticum etiam mare adeò infestum & impacatum sua classe reddiderant, ut nullus temerè vel commodè ex ora Ligustica nauigare auderet, vel posset. Hi bellici apparatus, simul atque Philippo innotuere, ne inde aliquid maioris damni acciperet, omni studio sibi aduersariorum conatibus maturè obuiam eundum statuit. Itaque collecto exercitu, tametsi illius duces aduersus Florentinorum copias res aliquando prosperè gessissent, contractis postremo utrinque viribus, magno discrimine pugnatum est: sed tandem pars maxima hostilis equitatus capta & armis exuta, cum ipso etiam illius duce Carolo Malatesta, viro insigni ac memorabili, ut qui ea tempestate, neque generis claritudine, neque rerum gestarum gloria, ulli regulo Italiæ cederet. Huic, cum Mediolanum captiuus perduceretur, Philippus, honoris ergò, extra urbem obuiam prodisse dicitur, ac eum non secus ac parentem, omnibus temporibus coluisse. Iisdem diebus, Insuber classem quoque instrui atque armari iussit, quæ duodeuiginti triremium, & aliquot prægrandium nauium erat, inque remigum supplementum, accolæ Padi fluminis eò transmisit, ac tertiâ propè totius sumptus portionem deprompsit. Classi autem, Antonium Auriâ, cuius virtus domi militiæque haud sanè parum inclaruerat, præesse voluit. Ad hæc, ut terrestribus copiis, quæ denuò ab hoste instauratæ fuerat, resisteret, illasque profligaret, quinque pedestrium virorum, equestrium verò tria millia describi imperauit, qui omnes aduersus Thomam, eiusque fratres, duce Nicolao Tertio, cognomento Bellatore, versus fines Placérinos profecti, Segestam, priusquam classis adornata esset, peruenerunt, & in patenti campo, acie utrinque disposita, commissum est prælium, equestre primum, duce Baptista Fulgoso, & egregiè, ac fortiter utrisque pugnantibus, incerta victoria discessum est. At cum postera die Tertius suas copias iterum in aciem educeret, Insubres milites haud obscura, tanquam Panici pavoris, signa edidere, vixque conspecto hoste, loco dimoueri poterant. Ubi verò diuulgatum est, Ioannem Ludouicum Fliscum, à Pontremulo, Taroque, cum lecta iuuentutis manu descendere, tum demum ante teli iactum disiectis ordinibus, & in fugam versi, per inuia & inaccessa præcipites ferebatur, adeò ut hostes, immodicam sine vlla graui causa trepidationem dolos suspicati, aliquandiu presso gradu subsisterent. Postquam verò insidias longè abesse intellexerunt, non

*Insubres
elades:*

modò

modò equitatus, sed etiam pedites ac focij nauales (nam Antonius Auria initio huius belli, cum nondum classis in procinctu extitisset, correptis aliquot onerariis, & pro angustia temporis raptim instructis, Segestam profectus fuerat, vt, collatis vtrunque viribus, terra Tertius, ipse mari hostes vrgeret) fugientes insecti, tela, scuta, magnamque armorum vim passim abiectorum incutentes, haud multis cæsis, quàm plurimos ex hostibus cepere, in quibus etiam Iacobus Issius Brixianus, & plerique alij principes viri, capti sunt. Quos nisi Clauarum oppidum fugientes exceperet, vix eorum quisquam hostiles manus effugisset. Hac clade intellecta, cum classis Philippica iam parata atque instructa, neutiquam ulterius progredieretur, non dubium est, quin Fulgosius, si præsentis occasione ac fortunæ beneficio uti sciisset, voti compos, integra victoria potitus esset. Ceterum, ipsi hoc tempore non secus euenit, quàm quod Annibal sibi accidisse aiebat, nempe potiundæ sibi vrbis Romæ modò mentem non dari, modò fortunam. Philippus interim, quòd magna suspitione duceretur, optimatibus ciuitatis cum ipsis Florentinis, atque adeò cum exulibus & Reipub. hostibus tacita consensione conuenire, plerosque eorum Mediolanum exciuit, eosque, indicta causa, per anni integri spatium, non citra magnam inhumanitatis notam, & incredibilem totius Reip. mœrorè atq. varias querimonias, in libera custodia retinuit. Horum nomina fuerunt, Baptista Cicada insignis Iurisconsultus, Stephanus Cataneus & ipse iuris peritia clarus, Franciscus Auria, Bartholomæus Spinula, Valeranus Lomelinus, Gregorius Marinus, Nicolaus Fliscus, Raphaël Adurnius, Thomas Promontorius, Oliuarius Marruffus, Bricius Adurnius, Nicolaus Iudex, Baptista Leonardus, & Paulus Onelius. Verumenimverò cum belli diuturnitate ac periculi magnitudine vrgeretur, neglecta rerum politicarum cura, operæ pretium fore duxit, tempore tam necessario optimum quemque ex omni ordine in ea ciuitate sibi recentibus beneficiis, vel præmiorum spe promereri ac deuincire. Intelligebat siquidem sagacissimus Princeps, nihil tutò, vel præclare geri posse, nisi qui maximè in vrbe opibus & auctoritate florent, quàm coniunctissimos sibi haberet. Proinde inusitatis artibus progressus, circa initium anni eius æui sexti ac vigesimi, Francisco Spinulæ municipium, vulgò Pieue dictum, & vallem Arro-
ciam dono dedit, eo quidem prætextu, quòd ipsi Resp. octo millia librarum persoluere teneretur. Isnardum verò Guarcum, Ouada Liguriæ oppido haud ignobili, quod quidem nescio qua iuris specie sibi vendicabat, præter multorum expectationem donauit. Reliquos etiam ex præcipuis, inter quos fuit Carolus Lomelinus, vir equestri ordine ac dignitate, qui de illius consensu Albintimilium vnà cum arce, tribus aureorum millibus ipsi prius mutuò traditis, occupauit, magna ostensa animi benignitate atque insolita clementia in nouam spem erexit. Circa hæc tempora, vel paucis antè mensibus, cum Rex Tuncetanus, nonnullos Ligustici nominis apud se in vinculis haberet, Mediolanensem Princeps pro eorum redemptione Cambium Bononiensem, & Vrbani titulo S. Aloysij, cum duabus Ligusticis nauibus, nimirum Viualda & Squarciafica, ad eum ablegauit, quibus etiam Senatus Ambrosium Spinulam adiunxit, hi que secundis ventis in Africam delati, ac Tuncetum appulsi, vbi ipsi regi suam legationem exposuissent, comiter atque amanter excepti fuerunt, & peractis rebus, Genuam, voti compotes rediere. Dum res ita geruntur, subsecuta est pax inter ipsum, & Alfonso, mense Aprili inita, qua Insulæ Insulæ, inter cetera, se recepit, Aragonio Caluum & Bonifacium, præcipuas Insulæ Corsicæ arces & munimenta, daturum, ad cuius promissi maiorem securitatē, ipsi arces portus Lunensis & Illicensis, quoad illę tra-

deren-

1426.

*Loca emulsa
à Rep. sub
externo do-
minio.*

dērentur, fruendas concessit. Hæc sanè tantarum partium à Repub. auulsio, præsertim ipsis omninò inconsultis atque insciis, facta, protinus tantam in omnium animis indignationem & abalienationem concitauit, vt nemo in ciuitate esset, qui non stoliditatem Senatorum aliorumque Procerum damna- ret, quorum consilio & auctoritate euenisset, vt, præfocata libertate publica, Reipub. administratio externo Principi, non sine grauissimo ac planè perpetuo Ligustici nominis dedecore, nec minori dispendio, commissa esset. Bellum tamen aduersus Remp. à Florentinis motum, nondum erat restinctum. Sed Florentini, quò facilius Philippicam potentiam defatigarent, subinde Ligusticam oram, ducibus Andrea Marino, Iuliano Torpiano, & Petro Verro, maritimis excursionibus ac prædationibus infestabant. Quorum conatibus vt obuiam procederetur, ductu Bartholomæi Iustiniani, quatuor triremes paratæ ac emissæ fuerunt, breuique tempore interiecto, tres hostiles triremes eiusdem Iustiniani præfectura, non ita procul à D. Mauritij portu, duodecimo Kal. Iulij, consertis manibus, captæ, atque Genuam perductæ. Quo rerum successu non parum conterriti Etrusci, denuò Fulgosium in suas partes ac studia deduxere. Hic igitur aduersus patriam arma ferre minimè grauatus, proximo vere Antonio Flisco ac Florentinorum legato sese comites præbentibus, cum quadringentis equitibus, & octingentis peditibus, oram maritimam ingressus, vsque ad urbem, prius indigenis trium Vallium ad defectionem sollicitatis, produxit, popularique nomine, sublato clamore, identidem ingeminato, urbis mœnia, quæ Feritor annis decurrit, summo impetu adortus est. Ceterum, tanta fuit præsidarij militis in repellendis hostibus fortitudo ac robur, vt ipsi, relictis scalis, aliisque machinis bellicis ad deturbandum defensores admotis, inde confestim cum summa sua ignominia, nec minori detrimento, re nequicquam tentata, recedere coacti sint, præsertim cum constans fama passim obtinuisset, Liguri ex Gallia Cisalpina subsidarium militem breui aduenturum. Fulgosius igitur præter spem & expectationem hoc modo repulsus, summa celeritate, in municipium, vulgò Villa de quarta dictum, se cum suis recepit, ac Ligusticum agrum, non modicis incommodis, quoad eius fieri potuit, affecit. Quandoquidem reparata in Fascio monte illa munitione, quæ paulo antè ab hoste ibidem erecta fuit, facilè, citra aliquod suum, suorumque periculum, illinc subiectum agrum variis excursionibus inquietabat. Qua sanè in re haud parum adiuuabatur duarum triremium Florentinarum, & vnus Monæci auxiliis, quarum opportunitate ita utebatur, vt facili negotio absq. vllò discrimine in variis, ac planè in quibus vellet locis, militem suum in continentem exponeret. Quocirca Genuenses præsentis periculi, tamque infensi hostis vicinitate commoti, omnia consilia & rationes inibant, vt eius conatus reprimerent, & quàm longissimè à ceruicibus suis impendentem gladium repellerent, instructisque quatuor validis nauigiis, strenuo milite atque omnibus armamentis necessariis peropportunè armatis, auspiciis Arami Saluagij cōtra hostes eduxerunt. Verum, cum illi se subducerent, atque inferi maris oram euadere conarentur. Saluagius eos tanta celeritate insecutus est, vt ad montem Rubrum eos confugeretur. Monæca triremis, cuius præfectus erat Ioannes Grimaldus, eius loci tum Dominus, præsens periculum conspicata, repentè sociis derelictis, se præcipiti cursu in altum proripuit, ita vt duæ Etruscæ, huius adminiculo destitutæ, paruo negotio in Genuensium potestatem deuenirent, licet aliqui tradant, vnus triremis trierarchum lembo in continentem cum aliquot suis sociis incolumem euasisse. De altero, qui erat Antonius Falconus, ciuis Sauonensis, nō dubitatur, quin

1427.

*Genua à
Thoma Cæ-
posulgo et
Fæderatis
nequicquam
tentata.*

quin Genuam viuis cum reliquis omnibus captiuus perductus sit, & ibi postmodum cum suis ignominiosa morte interemptus. Hic naualis prælii successus effecit, vt terrestres illæ copiæ supramodum deterritæ, præfatum munimentum deferrent, atque Reccam se reciperent: sed nihilo secius quietiores facti, quamprimùm ibi nouas turbas & seditiones concitarunt. Siquidem Fulgosius, cum speraret, Genuæ, cum propter Philippi tyrannidem, tum suam in recuperanda libertate constantiam, nequaquam plurimos defuturos defectionis auctores, & qui arma expedirent, ibi paulisper subsistebat, & interdum ex parte Occidua in eas Valles descendens, periculum faciebat, num qua seditio exoriretur, ac etiam denuò illinc ex plurimis locis, urbem, licet frustra, adortus est, adeò vt cum subinde incepto pertinaciùs inhæreret, ea expeditio prorsus infelicem exitum sortiretur. Nam oppidani, nouarum virium accessione, hostiumque imbecillitate intellecta, de vnanimi sententia illos inuadere constituerunt. Proinde cum ipsi iterum ex ora Orientali castris motis, sese in Vallem Feritoris, vulgò Bisamnem, recepissent; hostis, de improuiso eruptione facta, & illos magno impetu aggressus, eo successu dimicauit, vt quàmplurimos eorum contrucidarit, & potio-rem cataphractorum ac peditum partem ceperit; inter quos, ex præcipuis Frescobaldus Florentinorum legatus, & Comes Bartholomæus Ferrariensis, ipsorum præfectus, in Ligurum potestatem deueniunt. Fulgosius, ea clade haud parum perculsus, aliquandiu ab incepta expeditione destitit, & Seresanam reuersus, commodiorem bene gerendæ rei opportunitatem præstolabatur. Antequam verò ulterius progrediar, id etiam obiter annotare licuit, nempe hoc anno hiemem omnis, & glaciei & frigoris expertem fuisse, quodque non caret admiratione, mense Decembri passim arbores floruisse, quin & fructum protulisse adiiciunt: quæ sanè aëris virulenta excretio mox etiam terras & maria peruagata est. Interim subsequutus est annus duodecimesimus, cuius initio Mediolanensium Princeps, in locum Iacobi Isolani, domum reuocati, Bartholomæum Capram Cremonensem, eundemque Mediolani Antistitem, virum insignem, atque ab omni virtutum genere commendatum, suffecit, sub quo neuitquam defuerunt noui Reip. perturbatores, ac, præter ceteros, Barnabas Adurnius, eius factionis facilè princeps, qui ea tempestate incertis sedibus vagabatur. Is sanè cum propter Ducalem potentiam aperto Marte configere non auderet, opera cuiusdam sacrifici, cuius fidei atque amicitia plurimùm confidebat, urbis arcem, in quam ipse liberum accessum habebat, occultis atque clandestinis consiliis occupare studuit. Quapropter summo silentio in Pociferam vallem profectus, circiter quingentos ex suis clientibus & amicis ad arcem, eius rei perficiendæ gratia, ablegauit. Verùm, cum ea proditio per exploratores Ducali præfecto innotuisset, omnes magna quadam calliditate ac stratagemate comprehensi, & maior pars in crucem acti, laqueo vitam finiuerunt. Adurnius, ea re intellecta, se statim vnà cum suis asseclis & familiaribus, Vultubium recepit, eo quidem consilio, vt nouas turbas daret. Vbi verò id Genuæ perlatum est, Præses confestim Isnardum Guarcum, virum consilio manuque promptum, cum haud pœnitenda manu contra eum destinauit; ad cuius aduentum Adurnius exterritus, inchoatam expeditionem, nec sine aliqua clade, pari que euentu, quo paulò antè Fulgosius, relinquere coactus fuit. Iisdem ferme diebus, cum Insuber, Florétino, ac Veneto bello implicitus, denuò Brixia, excidisset, resq. Ligusticæ supramodum fluctuarent, Philippus, Mariam Amedei Sabaudiani Ducis filiam, sibi matrimonio iunxit, simulque interim Alonsum ad Neapolitani regni recuperationem summopere adhortatus, ad eam promouendam

*Missima
hiems.*

1428.

*Proditio
gatefacta.*

uendam ipsi omnem suam operam & studium pollicebatur, confisus fore, ut ab utroque aduersus hostes in bello iuuaretur. Cum verò Alfonsus eam expeditionem noctes diesque meditaretur, simulque ad eam rem perficiendam Genuensium opes, ac maritimam potentiam, sibi maximo usus & adiumento futuram, prospiceret, ubi primum Philippo gratias egisset, ut eos sibi arcta beneuolentia obstringeret, splendidam atque honorificam legationem ad Senatum habuit. Oratores fuerunt Bernardus Coruarianus, & Andreas Bibrius, illustres equites, ac singulari prudentia multoque rerum usu exercitati, quibus etiam Berengarium Clauellum, insignem iurisperitum, & præclaris dotibus ornatum adiungere placuit. Hi omnes Genuam appulsi, moxque in Senatum intromissi, & causa suæ legationis exposita, breui post, eiusdem, aliorumque Ordinum decreto, in scio & inconsulto Præsidente, quatuor viri creati sunt, quibus renouanda cum rege pacis arbitrium committeretur, nempe, Barnabas Godaneus, utriusque iuris clarissimus interpres, Clemens Squarciaficus, Thomas Iudex, & Gaspar Lercarius, qui mense Maio cum regis legatis pacem nomine populi Genuensis, nulla habita Philippi mentione, iunxerunt. Genuenses etenim, licet Insubrico imperio maiori ex parte subijcerentur, tamen enixè dabant operam, ut per occasionem in plerisque rebus veterem libertatis imaginem, in administranda Rep., quoad eius fieri posset, veluti etiam superius ostendimus, retinerent. Quæ sanè usurpata licentia, quanuis Philippi animum, suapte natura magnum & excelsum, haud parum offenderet, ipse tamen ingeniosus simulandi atque dissimulandi artifex, æquo animo, ut præsentis temporis conditioni commodius inseruiret, ferre videbatur. Proximè narrauimus, præcedentis hiemis incredibilem intemperiem, atque elementiam. Ceterum æstate insequenti, ingens & insolita Italiæ siccitas inter prodigiosa certè haberi posset, ab iis præcipuè, qui assiduitatem imbrium, inundationes fluminum, & quicquid modum excessit, inter prodigia numerat. Nam cum ab exitu Iunij usque ad septimum Idus Decembres, nullus, ne minimus quidem, imber terras perfudisset, non torrentes modò, sed vberissimi quoque fontes prorsus exaruerunt. Intra urbem certè, Fonte amatorio, Fonte riui turbidi, & quem Puterellum vulgò nominant, sponte exiccatis, dantibus operam præfectis portus ac molis, purgati omnes sunt, quod viuientium nemini antea vidisse contigerat. Plus tamen metus, quam calamitatis ea res attulit. Nam neque agrorum sterilitas vlla, neque annonæ caritas ob id secuta est. De sicco autem, seu siccitate, ac ceteris qualitatibus elementorum, videre est apud Stagiritam, libro De ortu, & interitu, itemque lib. 2. De partibus animalium cap. 3. ubi multa, ut pleraque alia, eruditè disserit. Porro, ut hoc in præsentia breuiter dicatur, hæc diuturni squallores causa conuenienter referri potest in illam ineluctabilem naturalis vicissitudinis legem, quod, alternata contrariorum permutatione, rerum æternitas constet. Sic enim & in homine diuturnas febres, natiui caloris dissipatione, sequitur hydrops; sæpè & hydropem, intercedente putredine, febris, unde & magnam siccitatem magni imbres insequi solent. Sic & à pluuiis diuturnis, calores immensi redeunt, & aperta serena, quod uti per continuas pluuias densata tellus, tum vaporibus, tum attrahenti calido viâ intercludit: sic inter squallores assiduos, aliunde per æstuantem venas attracta vaporum atque exhalationum copia perennis pluuiæ circuitum præstet. Ceterum de his hæcenus dictum sit. Philippo, rerum gubernaculis adhuc Genuæ admoto, Barnabas Adurnius, cuius supra mentionem fecimus, iterum anno eiusdem sæculi vndetrigesimo, cum sponte sua, tum etiam crebra illorum, qui Philippo aduersabantur, cohortatione incitatus, in proximas Valles cum

Siccitas prodigiosa.

Vnde nascitur siccitas.

1429.

*Mediolani
Antistite,
urbis præse-
fluram ge-
rentes.*

X

strenua

strenua bellatorum manu descendit; & quò sese tutius communiret, viberinque facilius diuexaret, nonnulla propugnacula, & munitiones, circumiacentibus atque, conterminis montibus erexit, ibique, postquam ad aliquot dies commoratus esset, Nicolai Picinini, Perusini, cognomento Paruuli seu Picinini, viri cum ingentis animi, tum militariū rerum peritia, cum perpetua quadam felicitate admirabilis, quem Insuber mense Martio cum valido exercitu contra eum miserat, repentino aduentu deterritus, non expectato hoste, se protinus in tutiora loca recepit, præfertim, quòd ultra vim hostilem, etiam indigenarum fidem valde suspectam haberet. Picininus interim, post Adurnij discessum, quò sese illorū agrestium virorū, quorū plerique de veteri more & consuetudine, proscriptorū partes ac studia diuersimodè fouebāt, metu ac molestiis liberaret, illos ferro & igne ad internecionem usque delere constituerat, sed quorundam ciuium precibus inflexus, à proposito destitit, & dumtaxat, ne in posterum campani æris sonitu simul conuenientes, ad arma, vti plerumque facere consueuerant, deuenirent, nouasque defectiones molirentur, statim omnes campanas ex earum Vallium templis amoueri iussit, adeò ut per aliquod tempus in haud mediocri metu ac trepidatione versarentur. Eodem temporum tractu, bellum inter Philippum & Florentinos nondum suppressum erat. Hi enim Lucam, Pauli Guinifij tyrannide oppressam, fortiter obsidebant. Lucenses egregiè sese contra hostilem exercitum defendentes, ipsum Guinifium, tacitè Florentinis fauentem, captiuum fecerunt; & ad parandam sibi Philippi gratiam, conciliandumque fauorem, quòd ipsum, illius capitalem hostem scirent, Mediolanum vinctum misere, atque ab eo per suos internuntios anxie contenderunt, ut sibi contra Florentinos, pro sua libertate tuenda, tempore tam necessario, suppetias ferre non grauaretur. simulque Genuam scederis paciscendi, pecuniæque mutuò accipiendæ gratia, legatos miserunt, & impetrata pecunia, nempe aureorum quindecim millibus, pro eiusdem cautione & securitate, arces Morronis, & Petrasanctæ, pignoris loco tradiderunt. His fœderibus initis, & Picinini opera Ligustica ditione maiori ex parte pacata atque composita, cum Flisci, & Marchiones Malaspihi, in gratiam Florentinorum, noua obsidione Lucenses prementium, correptis armis, haud mediocribus incommodis ac detrimentis, oram Lunianam afficerent, Picininus proximo vere cum omnibus suis copiis aduersus illos exercitum produxit. Ad usum huius nouæ expeditionis, præter veteranum suum militem, sagittariorum, ex Genuensium iuuentute delectorum, ad duo ferè millia in promptu habebat, quibus ad illorū montium, quos occupauerant, defensionem relictis, ipse cum reliquo suo exercitu ad Anserim fluuium cum hoste congressus, ipsum fudit, fugauitque, atque castris omnibus exiit. Hæc Picinini victoria effecit, ut Florentini, soluta obsidione, Lucenses omni metu atque periculo liberarent. Ceterum, superatis Reipub. hostibus, & Luca in pristinam libertatem reposita, Mediolanensium Princeps, quòd Ligures, Lucensibus, vti diximus, in summo periculo versantibus, maturo subsidio affuissent, instituit, ut ipsi deinceps, in tanti beneficii memoriam, quotannis sibi Prætorem ex Genuensi populo designarent, cuius apud eos tanta esset auctoritas, ut, citra eius voluntatem & consensum, nulla alicuius populi legatio audiri posset, vel aliquò legationem mitti liceret. Hic prosper rerum Ligusticarum successus etiam effecit, ut Iacobus Apianus, Plumbini regulus, tunc temporis acerrimus Florentinorum hostis, se, suaque omnia Genuensium fidei committeret, reciperetque, sese omnes eos pro amicis vel hostibus habiturum, quos Respub. Genuens. pro talibus haberet & recognosceret. Nec multò post, Senenses quo-

1430.

Picinini victoria aduersus Florentinos.

ses quoque opera Francisci Spinulae, tum apud se legati munere fungentis, cum eadem Repub. tam contra Venetos, qui se recens Florentinis cōiunxerant, quàm reliquos Philippi & Reipub. hostes, fœdus ac societatem icerunt. Postero anno, Ligures, instinctu, atque in gratiam Philippi, Mediolanensium Principis, aduersus Venetos, fœderis iure cum Florentinis associatos, dirum atque atrox bellum instaurarunt: de cuius successibus, suo loco sigillatim explicabitur. Insequenti verò, Philippus, Bartholomæo Capra, qui, vti antea memorauimus, Iacobo Isolano Cardinali successerat, reuocato, Olradum Lampugnaneum ciuem Mediolanens. Genuæ præfecit, sub quo, mense Aprili Torilium oppidum, à Nicolao Flisco occupatum, modico negotio receptum fuit, & Fliscus Genuam perductus, vbi in arce ad aliquot menses captiuus detentus est. Bellum quoque in Venetos, duce Petro Spinula, Cypriani filio, ea æstate felicissimè gestum ac terminatum. Exitu anni, Ianus Cypri Rex, natus Genuæ, fato decessit. At postero anno, eodem vrbis moderatore, cum pacis iungendæ arbitrium ad Nicolaum Estensem, & Ludouicum Salutianum, ambos Marchiones, delatum fuisset, mense Maio pax renouata est, & captiui vtrò citroque dimissi. Per eadem ferè tempora, Genuæ cognitum est, duas Venetas triremes, quæ negotiationis gratia, Tanaim Trapezuntemque, plenæ mercibus, petebant, fœda tempestate correptas, apud Soltaiam naufragio periisse. Verum, cum illarum Præfectus, ac plerique primarij ciues, actuariis nauigiis, euitato periculo, ad littus incolumes peruenissent, ibi statim à Genuens. capti, & mox Theodosiam perducti, vt ea ratione Franciscus Spinula, ac ceteri Ligures, quos adhuc Venetiis in libera custodia, (nondum enim quicquam de illorum liberatione rescuerant) detineri arbitrabantur, sedibus patriis redderentur. Quod tamen vbi primum fama ad illos pertulit, continuò dimissi fuerunt. Paucis post diebus, Respub. arcem, cui nomen Rocataliata, sex millibus librarum à Flisca familia cōemitt. Eodem tempore, Anna, Ioannis Cyprij regis soror, quæ Ludouico Sabaudia Ducis, natu maiori, desponsa fuerat, Genuam præteruecta est, ibique à Senatu, ac ceteris ordinibus perhonorificè excepta. Tali statu rerum, in ponto Euxino, vbi Ligures adhuc pleraque oppida & vrbes non obscuri nominis possidebant, haud sanè varij motus ac tempestates defuerunt. Siquidem, quorundam Græcorum, Genuensi nomini & gloriæ aduersantium leuitate atque perfidia, præter cetera loca, Cembalum oppidum, situm in Taurica Chersoneso, ea tempestate haud sanè ignobile, ab illorum fide atque obsequio ad Alexium Theodori (is locus Cembalo haud procul distat) dominum, expulsis inde omnibus Genuens., desciiuit. At Ligures, ad tantam refrenandam licentiam, & commissam perfidiam castigandam, appetente vere, summa celeritate decem insignes naues, ac totidem triremes, omni bellico apparatu instructas, cū sex ferè millibus lectissimæ iuuentutis ac præclaræ nobilitatis, virtute & auspicio Caroli Lomellini, viri equestris dignitatis, ac togæ bellique artibus haud inglorij, expediuerunt. Ipse igitur mense Martio, vbi de more sacris operatus esset, secundis ventorum flatibus è sinu Ligustico soluens, & pontum Euxinum cum sua classe ingressus, Cembalum breui peruenit, eamque urbem, post aliquot oppugnationes, tandem armis recepit. Hoc felici rerum successu animosior factus, vltèrius progressus est, eo consilio, vt Soltaiam urbem, in eadem Chersoneso politam, expugnaret. sed in hac expeditione imparem fortunæ successum expertus, in summum se suosque omnes periculum adduxit. Nam decimo Cal. Iulij, milite in continentem exposito, confestim præter spem & opinionem, ingens Scytharum, aliorumque

*Pax inter
Ligures ac
Venetos.*

*Genuensium
clades à Scy-
this inflicta.*

barbarorum multitudo, inexpectatæ grandinis instar, superuenit; statimque Ligures aggressi, parum abfuit, quin, cæsis præcipuis, eos ad internecionem dele-
rent. Tanta siquidem & tam formidabilis fuit hæc barbarica in nostros exun-
datio, ut agrè ipse Lomelinus præfectus cum aliquot suis incolumè se in suam
classem receperit. Et hoc modo à fortuna præclari ducis conatus destituti. Ipse
Genuam cum copiarum suarum reliquiis rediit, ubi sanè propter acceptam cla-
dem, tanta fuit omnium mæstitia, ut nulla esset alicuius aduersi prælij memo-
ria, quæ magis omnes ordines exacerbarer. Non deerant etiam qui tacitis dicte-
riis falsisque delationibus ipsum Lomelinum criminarentur, quasi eius impru-
dencia, vel temeritate, tam altum Reipub. vulnus inflictum esset. Proinde aliqui
erant in ea sententia, ut existimarent, ex usu Reipub. esse, ut deinceps bella cum
Barbaris tanto terrarum & marium tractu, ac planè diuerso cælo à Repub. dis-
iunctis, non gererentur, & hoc modo progressu temporis quàm plurima loca ad
pontum Euxinum, aliisque in partibus Orientalibus, Ligustico imperio paren-
tia, partim Genuens. incuria atque desidia, partim etiam & multo magis imma-
nium gentium ferocitate ac tyrannide, cum maximo Reipub. detrimento, amissa
sunt. Huius temporis tractu, Cynus insula nouis motibus ac tumultibus iacta-
batur. Erat ibi ea tempestate, Vincetellus de Istria, cuius suprà mentionem habui-
mus, vir præpotens, ac nouandarum rerum insignis atque impiger artifex, qui
dira ambitionis cupiditate incensus, modis artibusque omnibus grassabatur, ut
celebratissimam illam prouinciam per vim, siue per dolum sibi subijceret, adeo-
que singulari quadam calliditate omnium Insulanorum, præcipuè verò primo-
rum atque optimatum, gratiam & fauorem sibi conciliaret, ut, ipsis consentien-
tibus, vniuersam insulam, exceptis Caluo & Bonifacio, in suam potestatem re-
digeret. Nec tanto scelere contentus, eò temeritatis simul & ambitionis prospero
rerù successu deuenerat, ut in Ligustici imperij contemptum, subinde vniuersam
insulam, præparatis ad hoc duabus triremibus egregiè instructis, variis excursio-
nibus inquietaret. Nam licet Senatus ad reprimendum eius conatus non semel
aliquot nauigia aduersus ipsum eduxisset, ipse tamen suorum celeritate confisus,
omnem aduersariorum potentiam facillè floccificabat: quæ sanè eius temeritas
illi postmodum exitium peperit. Cùm enim Zacharias Spinula, vir non minùs
maiorum imaginibus clarus, quàm propria virtute suspiciendus, ad exploran-
dum eius consilia & progressus, à Repub. cum vna triremi validè instructa, in
Corficam mense Aprili enauigaret; Vincetellus hanc conspicatus, celeriter, nu-
mero ac militum multitudine fretus, in eum inuectus est, & cum sua prætoria,
qua ipse vehebatur, cum Spinula eo successu confligit, ut, priusquam ab altera
sua triremi iuuari posset, ipse ab eo superatus & captus sit: moxque pari feli-
citate altera triremi potitus est; atque ita Spinula cum ingenti sua laude, nec me-
diocri Reipub. beneficio, scelestissimum piratam, ac perniciosissimum Reipub.
hostem, Genuam cum incredibili totius ciuitatis gaudio perduxit, ibique men-
se Aprili, in theatro publico securi percussus est. Sublato itaque tantæ defectio-
nis auctore, motus in Corsica concitati, pedetentim sedati atque compositi sunt,
prouinciaque ad pristinam Reipub. fidem reducta. Illud pænè exciderat, nempe
decimoquinto Cal. Iulij huius anni, fuisse maximam Eclipsim, seu defectum So-
lis, stellis toto cælo conspicuis, quem & quadrupedes quodammodò pauisse fe-
runt. Hæc autem iuxta Arist. tribus modis definitur: Videlicet, ut sit oppositio
Lunæ in capite vel cauda Draconis existentis: Solis obscuratio supra terram; siue
Solis obscuratio, cùm Luna opponitur. Liuius Dec. v. lib. 4. auctor est, C. Sulpi-
cium

*Vincetellus
de Istria à
Zacharia
Spinula de-
victus.*

Eclipsis.

cium Gallum, tribunum militum secundæ legionis, qui Prætor superiori anno fuerat, L. Æmilij Pauli Consulis aduersus Perseum Macedoniae regis dimicantis permissu, vbi castra permunita essent, ad concionem militibus vocatis pronuntiasse: nocte proxima, ne quis id pro portento acciperet, ab hora secunda usque ad quartam horam noctis Lunam defecturam esse. Id, quia naturali ordine statim temporibus fiat, & sciri antè, & prædici posse. Itaque, quæadmodum, quia certi Solis, Lunæque, & ortus, & occasus sint, nunc pleno orbe, nunc senescente exiguo cornu fulgere Lunam, non mirarentur: ita ne obscurari quidem, cum condatur umbra terræ, trahere in prodigium debere. Nocte, quam pridie Nonas Septemb. insecuta est dies, edita hora Luna cum defecisset, Romanis militibus Galli sapientiam propè diuinā conspectam: Macedonas, vt triste prodigium, occasum regni perniciemque gentis portendens, mouisse: nec aliter, inquit vates, clamor ululatusque in castris Macedonum fuit, donec Luna in suam lucem emerit. Quæ autem Lunæ, quatenus ad Eclipsim pertinet, eadem Solis ratio. Sed ne in præsentia diutius quam par sit, philosophari videar, iuxtaque lectorem expetitæ lectionis fructu defraudem, me quam citissime ad destinata recipio. Insequenti anno, graues curæ, atque haud exiguae molestiæ Philippū, Mediolanensium Principem, propter Ludouici Andegauensis, & Ioannæ Neapolis reginæ insecutum obitū excepere. Alfonso siquidē Aragonis, cum suapte natura laudis & gloriæ cupidissimus, tum etiam aliquot Neapolitanorum procerum consensu, ad regni Neapolitani recuperationem totum animum intendit. Et quæquam inter ipsum, & Philippum occultæ essent similitudines & odia, adeo vt nemo dubitaret, quin noua præbita ansa, ad noua studia decurrerent, nihilominus tamen, quò Insulæ Venetorum animos dubios, atque sub ambigua spe suspensos teneret, dedita opera cum Aragonio amicitiam simulabat, quæ, etsi miro artificio occultaretur, fieri tamen non potuit, quin haud multo post, erumperet, atque in apertum bellum euaderet. Siquidem Caietani ab Aragonio obfessi, ac rerum omnium difficultatem & extrema sibi metuentes, Ligurum & Insulæ auxilium implorauerant. Et quò facilius ab ipsis subsidium impetrarent, asseriebant, se urbem suam pro legitimo Neapolitani regni successore propugnare ac retinere velle, amboque veteri odio in Aragonios flagrantibus, promptissimis animis auxilium obtulerunt. Et Ligures quidem eò libentius, quò aliquot suas naues variis & pretiosis mercibus onustas, in Caietano portu ab Aragoniis obfessas liberarent. Proinde ex parte Senatus Franciscus Spinula, Insulæ verò, Otolinus Zoppus eius legatus, vna triremi & oneraria cum trecentorum militum præsidio illuc missi sunt, qui commoda navigatione vsi, Caietam incolumes peruenerunt. Quo quidem nouo subsidio, vt defensorum animi incredibiliter confirmati fuerunt, sic è contra, regis animus longè maiora præsidia veritus, ad urbis expugnationem festinabat, & admoto mœnibus exercitu, crebris oppugnationibus atque assiduīs machinarum bellicarum ictibus oppidanos ipsos premebat & defatigabat. Proinde cum sese summis periculis expositos animaduernerent, crebris internuntiis Insulæ, atque ipsos Ligures ad opem ferendam sollicitarunt, eoque factum est, vt Philippi & Senatus decreto, summa cum celeritate classis ad illorum subsidium instruere-
tur: nec minores regis nomine apparatus variis in locis fiebant. Quod cum Genuæ nuntiatum esset, cum prius quinque naues auxilarias destinassent, aucta fuit eo nomine classis, ita vt duodecim maiores naues, & vnā minorem completeretur. Cui Blasius Axeretus, vir quidem humili genere ac loco natus, ceterum præclara virtute, ac excelsa animo præditus, rerumque maritimarum peritissimus,

1435.

Caieta obfessatur ab Aragoniis.

non sine graui Senatus iudicio, quòd paucis antè diebus, pulchram victoriam de Petruccio Verro, insigni atque claro, ea tempestate pirata, retulerat, præfectus fuit, cui etiam Leonardus Sauinionus, Antonius Saluagus, Lucas Facius, & Thadæus Zoalius, viri, à prudentia, & rerum gerendarum vfu commendati, tanquam focij, & omnium consiliorum participes coniuncti fuerunt. Erant in tota classe non amplius duo millia & quadringenti strenuissimi bellatores; itaque præparatis omnibus ad bellum necessarijs, nauarchus circa finem Iulij, Caietam versus suam nauigationem instituit. Alfonsus interim, vbi de his apparatibus certior factus est, atque hostilem classem è sinu Ligustino iam soluisse cognosceret, ex omnibus suis nauigijs quæ cõegerat, quatuordecim onerarias, siue, vt aliis placet, vndeuginti, quæ reliquis magnitudine præstaret, delegit, inter quas erat Magnana, qua ipse deuehebatur, cuius quidem tanta fuit magnitudo & capacitas, vt omnes illius temporis naues longo spatio post se relinqueret. Habebat ipse, præter maximam illustrium procerum & nobilissimorum virorum frequentiam, duos germanos fratres, nempe, Nauarræ regem, & Henricum, S. Iacobi Magnū, vt vocant, magistrum. Numerus verò militum ex variis regionibus & populis conscriptus, ad sex millia porrigebatur. Hac classe rex Cal. Augusti Caieta soluens, ad insulam Pontiam vna velificatione peruenit, vt ibi hostem opperiretur, qui postridiè, scilicet, pridie Non. Augusti, cum vnâ dumtaxat noctem ibi stationem habuisset, Ligusticam classem sub auroram à parte Occidua detexit. Rex de suorum consilio planè decreuerat, ventorum flatu & opportunitate vsus, hostilem classem inuadere; ideoque relicta Pontia, Meridiem versus in altum pelagus classem suam abduxit. Qua quidem re cognita Ligurum Præfectus, tribus onerariis retrò in nouissimo agmine constitutis, acieque ordinata, hostem præstolabatur, adeò vt, iam sole ad occasum vergente, ambæ classes ad quinque millia passuum inuicem distarent. Proxima luce, triremes Aragoniæ, quæ naues antecedeabant, classem Ligusticam vndique cinxerunt, & hostilium nauigiorum numero diligenter explorato, quietis similes stabant. Interim Axeretus tibicinem ad Alfonsum misit, partim vt ei significaret, se illuc non alio animo iussu Senatus applicuisse, quàm vt aliquot ciues suos, Caietæ cum mercibus obsessos, liberaret, partim etiam, vt eius animum, & erga suam Rempub. voluntatem intelligeret. Alfonsus tibicinem toto eo die apud se retinuisse dicitur, donec, quid responsi daturus esset, adhibita consultatione decerneret, moxque per eundem, & Franciscum Pandonem Campanum, ei significari iussit, ni ipsi viam sibi armis aperirent, se non permissurum esse, vt Caietam appellerent; & ita quidem à nonnullis scribitur. alij verò in literas retulerunt, regem, prius legatum ipsum Pandonem, virum singulari prudentia, & longo rerum vfu exercitatum, tanquam legatum, ad Genuensium Præfectum misisse, eo animi decreto, vt non tam cum illo pacisceretur, quàm vt inter colloquendum, omnia oculis collustrans, exploraret, quæ nauium magnitudo, quantæ copiæ, quæ postremò animorum fiducia hosti esset. Qui vbi primùm in colloquium admissus est, regem mirari dixit, quid sibi vellet tantus apparatus. Cui cum responderetur, naues Caietam petere, vt amicum populum indignè obsessum & oppugnatum, liberarent: non esse aliquid causæ, cur se Rex profectioni suæ opponeret. Ad quæ legatus: Caietam ergo, quam rex fame perdomitam, propè iam habet in potestate, ex ipsius manibus crepturi estis, & hanc illum iniuriam, & æternam gloriæ suæ notam æquo animo laturum putatis? Cuius verbis subiunxit Axeretus, certum sibi consilium, inceptum cursum nequaquam, modò per regem liceat, interrumpere. interim se ab
omni

omni vi atque armis temperaturum, nimirum, quod si rex nihil hostile molia-
tur, ipsi esse classes, quibus pro sua voluntate atque arbitrio, ut illi integrum esset,
uti posset. Cuius humanam oblationem cum ipse legatus valde indignaretur,
cum multo stomacho respondisse fertur, esse regi vires, quibus hostium minas
contemnat: velle, ac posse iter eorum introuertere. Quocirca nisi saniore consilio
usus, vltro cursum deflecteret, sensurum mox non sine clade, cuius dementiae
fuerit, regem potentissimum temere irritare, atque ad arma prouocare. Tum
Blasium, iusta ira commotum, dixisse ferunt, ut regi liberè renuntiaret, quot-
cunque videret onerarias, auro & pretiosis mercibus refertas esse; quas si in po-
testatem suam redigeret, se proculdubio, suosque omnes ingenti praeda ditatum
iri. Nec vltius sermonem protractum esse dicunt, sed confestim Legatum ad
regem rediisse, cuique totius aduersariae classis statum, atque animorum alacritate,
non citra illius magnam admirationem retulisse, ita ut rex, intellecto toto nego-
tio, confestim arma expediri, & prima luce omnes in armis ad praelium ineun-
dum praesto esse iusserit, tanta me herclè cum vultus atque animi praesentia, ut
nulla alicuius perturbationis indicia dederit, sed de victoria quodammodo se-
curus, incredibilem omnibus suis prosperi successus fiduciam inijceret. Proinde
cum res vtriusque in eo statu essent, ut nemini dubium foret, quin ad manus ve-
niretur, Praefecti, alijque Duces, singuli per se omnia diligenter quae ad pugnam
necessaria essent, expendebant, & praeparabant, adeo ut cum postridie vtraque classis
propius accessisset, atque in mutuum conspectum deuenisset, tanta fuerit maris
tranquillitas & malacia, ut, lenissimo vento spirante, vtraque classis ad mutuum
certamen prodierit: & primo quidem, ubi vtriusque classis Imperatores, ac cete-
ri trierarchi suos graui & diserta oratione ad praelium cohortati essent, cum mi-
litaribus tormentis, mox cum missilibus ac sagittis pugnam inchoarent, ut sum-
ma animorum contentione, ita varia & ancipiti fortuna, donec tandem Ligures,
post longum atque atrox praelium, beneficio potissimum illarum trium nauium,
quarum supra mentionem habuimus, à tergo, tanquam in vltimo agmine prae-
sidij loco miro stratagemate relictarum, victoria potirentur. Haec siquidem in
altum euectae, ac speciem fugae simulantes, moxque secundis ventis in Alfonsi
aciem inuectae, tanto impetu irruerunt, ut vna earum usque adeo regiam prae-
toriam in latus adegerit, ut ea in dexterum recidens, & pondere sexcentorum gra-
uius armaturae hominum, qui hoc in latus incubuerant, grauata, ferme vniuersam
spondam alterius partis submersam haberet: cumque illi nullis tectis protege-
rentur, hostilibus telis vndiquaque, instar scopi, exponebantur: quod sane maiori
ex parte effecit, ut Ligures demum integram victoriam obtinerent. Quippe cum
Rex, qui omnia fortissimi Ducis ac strenui militis officia obierat, & summa in
puppi, nulla pericula veritus, semper steterat, suorum precibus descendere coactus,
sub primum tabulatum, velut sub rectum, haud procul à clauo secessisset: alij
subinde pugnam remittebant, sic ut hostibus in regiam nauim transiliendi fa-
cultas praeretur: qui felici rerum successu vltius pergentes, cum nescirent de
Alfonso, qui erat una cum aliquot ex suis iuxta nauis gubernaculum, incaute
ab eo comprehensi, singuli statim in vincula coniciebantur, donec tandem Li-
gures, quorum numerus subinde maior in eius nauim influebat, dolum animad-
uerterent: & cum interim antennae chordas ab iis qui erant in specula, minis
abscindi curarent, rex tandem illius casu haud parum exterritus, sed multo magis
telo cuiusdam balistae, illuc magna vi deiecto, quod sane penetratis omnibus quae
obstare posse viderentur, ante ipsius regis pedes nauis infixum est, ita ut cum eum

*Inclita Ge-
mens. vi-
ctoria ad-
uersus regē
Alfonsum.*

fui ad deditiōem faciendam summoperè adhortarentur, ac rogarent, ne ibi mi-
ferè trucidaretur, semper consuetum animum regium præ se ferens, se tandem
dedere constituerit, sicuti etiam fecerat Ioannes ipsius frater, qui se, suosque, Ga-
leoto Lomellino deditit: cuius exemplum secuti, qui hætenus resisterant, omnes
in victoris potestatem deuenerunt. Cùm enim propter aliarum duarum nauium,
quæ erant ex præsidiariis, concursum, antennæ nauis Figaretta, qua Nauarrus
deuehebatur, iam fractæ essent, ipse quoque se victori tradiderat, & reliqua na-
uigia penitus cessere. Sunt qui asserant, regem, statim ubi post factâ deditiōem,
in Spinulam prætoriam vnâ cum omnibus, quos secum habebat, reciperetur, cū
multi eorum essent qui regem sibi dedi contenderent, & in primis Blasius, ut in-
de gloriam reportarent, illum, de cuiusque nominibus, fortunis, vitæque condi-
tione diligenter sciscitatum fuisse: & cū intelligeret, inter ceteros Duces, ibi
etiam Iacobum Iustinianum, Chij, ea tempestate Præsidem, adesse, illum reliquis
digniores iudicasse, cui se dederet. Sunt etiam qui literis ac monumentis pro-
diderint, ipsum maluisse Insubro, quàm Genuensibus, quos sibi semper infen-
sissimos expertus fuerat, salutem suam committere, & propterea Philippo, quan-
quam absenti, dedere se dixisse. Pugnatum est Nonis Augusti cruento atque
acerrimo prælio, haud procul à Pontia insula, horas propè decem. Nam cū
tertia diei hora classes concurrissent, paulò ante vesperam regis deditio facta est.
Sunt verò alij, qui literis consignarint, ab hora tertia certamen inchoatū, & vsq.
ad solis occasum continenter productum. Satis in confesso est, & in hoc omniū
scripta consentiunt, quàm plurimos eo prælio sagittis, quàm maioribus scorio-
nibus contortas vix vllum armorum genus repellebat, fuisse vulneratos. Pau-
ciores pro numero cæsi, ex victrici classe circiter nonaginta; ex Aragonia verò
sexcentis desideratis. Magna tamen captiuorum frequentia fuit, inter quos facile
principes fuere Nauarrus rex, Henricus infans Aragoniæ, & amplius centum, si-
ue, ut aliis placet, trecenti viri illustres, ac splendidis natalibus orti, inter quos
nominantur Ioannes Antonius Vrsinus Tarenti Princeps, Io. Antonius Maria-
nus Suesiæ Dux, Nicolaus Specialis Prorex in Sicilia, Antonius Rogerij Fundo-
rum Comitis f. Iosias Aquaiuiensis, Didacus in vltiore Hispania Comes Ca-
stri, Ioannes, quem in hac eadem Hispania Magistrum Cantharæ vocant, & præ-
ter hos, alij quàm plurimi, titulis atque prosapia insignes. Petrus Infans, regis fra-
ter, se per funem in vnâ ex triremibus demisit, atque ita effugit in Siciliam, nec
vlla ex nauibus detiētis, præter vnâ, quæ vsa venti beneficio incolumis euasit,
ab eo nauali certamine seruata est. Præda autē, & spolia omnis generis ornamen-
torum, & diuitiarum, quæ hostis potitus est, quanta extiterit, ei sanè cogitandum
relinquitur, qui tanti regis opes, & maximi illius exercitus apparatus, secum a-
nimi cogitatione potest comprehendere. Hæc omninò tanta extitisse dicitur, ut
cōplures Genuensium, qui ante id tempus in summa inopia & egestate vixerant,
spoliis hostium clam locupletati, ingentia suis patrimonia & hereditatem mo-
rientes reliquerint. Ex tãto autem captiuorum numero nauarchus sibi haud me-
diocriter metuens, mitiore consilio vsus, ad quinque propè millia eorum qui
obscurioris fortunæ videbantur, in continentem exponi iussit, inter quos, ut post-
ea cognitum est, multi celebres viri, cū nullo cultu differrent, delituere. Exerci-
tus qui Caietam obsidebat, hoc nuntio accepto, cū oppidani, ac præsidiarius
miles, eruptione facta, eos adorirentur, breui dissipatus, & Blasius cum omni-
bus nauibus, & captiuis, portum, non sine Caietanorum ingenti admiratione
atq. applausu, ingressus est: ubi per aliquot dies commoratus, ut classem reficeret,
illinc

illinc postea cum tam illustri ac memorabili victoria Genuam versus nauigationem instituit: in qua quidem vrbe, cum ante classis aduentum de totius negotij successu nihil planè certi ac explorati haberetur, in maxima cura & sollicitudine vivebatur. Et quanquam huius rei tam feliciter gestæ fama, per omnia circumuicina loca diuulgaretur, nihilominus tamen, vt in huiusmodi rebus plerumque fieri consuevit, animis non parum suspensis, certiora præstolabantur. Tandem vbi de classis aduentu, & regem in ea vnà cum reliquis proceribus captiuum perducere, penitus cognitum est, innumera publicæ lætitiæ, & mutux cōgratulationis signa passim edita fuerunt, moxque in vrbe S. C. per totum triduum supplicia decreta: & sancitum est, vt dies victoriæ, inter fastos relatus, anniuersaria memoria ab ipso Senatu celebraretur. Ceterum, mirum in modum fefellit omnium ordinum expectationem rei euentus. Siquidem, reuerfa Genuam classe, vbi Philippi Insubriæ Ducis iussu atque mandato regem atque alios proceres, captiuos Sauonam abductos fuisse cognitum est, tanta inuasit vrbe totam indignatio, vt molestissimis animis ferrent, hunc iustum de tam magnis ac potentibus hostibus triumphum sibi eripi atque inuideri. Effusa enim vrba multitudo, cum ceteris ordinibus, auidè expectabat regium appulsum, & tot illustrium virorum præsentiam, simulque Reipub. gloriam valde auctum iri existimabant, si tam celebri triumpho vti permissum fuisset. Sed Philippus, vti diximus, victoriæ summam sibi tribuens, Sauona Mediolanū captiuos ipsos perducere procurarat, id etiā Alfonso in primis rogante, qui enixè apud regem per Marcum Barbauarum legatum suum apud supremum eius nauarchum contenderat, vt rectà Mediolanum cum suis perduceretur. Insuber interim, eo nuncio accepto, magna sibi omnino polliceri, & præter alias expeditiones, quas secum animo voluebat, ad Sicilia, adeoque iam totius Italiae dominium atque imperium aspirabat, sed inter cetera, mirum in modum angebat Patres, quòd ipse, nulla prorsus Ligustici nominis, dignitatis, laborum, & sumptuum ratione habita, omnem laudis palmam sibi soli vendicaret. Accedebat etiam, quòd Præses publico edicto cauerat, ne Senatui integrum esset, alicui Principi, vel populo, per literas, siue internuntios, hac de causa congratulari, quæ sanè iniuria cum graui contumelia coniuncta, tam altas in animis Patrum atq. omnium Ordinū radices egit, vt ipsi potissimum hoc nomine ab eo, vti mox dicitur, penitus deficeret. Verū enim uerò, vt ad Alfonso redeam, is, vt primū cum ceteris Principibus ac proceribus viris Mediolanum perductus est, ibi tantum abest, vt tanquam captiuus detineretur, vt etiam veluti victor exciperetur. Et cum non minus eximia prudentia & ingenio, quàm singulari eloquentia excelleret, simulac in Philippi colloquium, quod tamen paucis post diebus impetrauit, admissus est, illius animum facili negotio à priori sententia abduxit, pleneque edocuit, quantoperè in eo deciperetur, quòd, scilicet, Renatum Andegauensem, (hunc enim defuncto Ludouico tertio eius fratre, Ioanna, Neapolitani regni hæredem testamento reliquerat) sibi in beneuolentia præferret. Quandoquidem, inter cetera, sibi haud dubiè persuadere poterat, illum, regni Neapolis possessionem adeptum, continuò daturum operam, vt Galliarū regi aditus in Italiam patèret. Ioanni Galeacio suo patri, Duci sapientissimo, semper fuisse vehementer suspectos Gallicos spiritus: & pleraque alia in hanc sententiam luculenter coram eo disseruit, adeò vt Insuber grauissima & disertissima eius oratione inductus, mutata sententia, Alfonso liberare constitueret, & idcirco, postquam illum vnà cum reliquis honorificentissimè excepisset, omniaque ad amissi regni recuperationem pollicitus esset, ac insuper amplissimis muneribus

*Genuensium
gloria op-
pressa sub
imperio Du-
cis Mediolan-
ensis*

Caietani le-
gati oratio
in Senatu.

muneribus donatum dimisisset, continuo sex prægrandes onerarias Genuæ in-
strui curauit, quibus & regia persona, & militare præsidium in regnum Neapoli-
tanum adueherentur. Dum hæc fierent, Caietani, accepti beneficii memores,
quatuor præcipuos oratores, quorum præcipuus fuit Ioannes Manganella, Ge-
nuam contestandæ gratitudinis causa miserunt. Qui cū ab ipso Senatu benignè ac
peramanter excepti, & in colloquium admissi essent, Manganella in hunc ferè
modum verba habuit. Si in nostra potestate esset, amplissimi Patres, oratione
prosequi, atque complecti, quantis beneficiis nos vestra humanitas atque libe-
ralitas affecerit, profectò nemini vestrū dubium esset, quin cum qua gente vo-
bis negotium sit, probè intelligeretis. Nam quid est quod homini hominem de-
bere fas sit, quod non vobis omnes debeamus? Percurram non tam singula,
quàm summatim omnia, ne ingrati atque immemores aliqua ex parte videamur.
Primum omnium, priusquàm Caietani populi discriminē certum esset, inter ipsas
procul absentis regis minas, literis nostris commoti, tanta rebus nostris festina-
tione succurristis, vt vestrum ante subire portus nostros præsidium cerneremus,
quàm literas ad vos nostras peruenisse didicerimus. Quale deinde præsidium?
lectissimos in primis iuuenes, quos non assiduæ in mœnibus stationes, non la-
bores, nulla demum pericula, non postremò fames ipsa subigere potuerit, cum
fide quoque & constantia, non pro aliena salute, sed pro patria potius pugnare
viderentur. Præsidij verò Præfectum, eum ad nos missum vidimus, quo vir nemo
fuit tota ciuitate præstantior, Franciscum Spinulam, rarum Reipub. vestræ orna-
mentum. Cuius ea fuit apud nos cum innocentia, tum in tuenda vrbe diligen-
tia, vt ne ipsi quidem maiorem optare potuerimus. Qui domestici splendoris, ac
planè rerum familiarium affluentia oblitus, parco & vili cibo, vt res nobis an-
gustas obsidium fecerat, contentus, sæpè etiam mensa abstinuit, vt aliorum fa-
mem exemplo solaretur. In laboribus verò, & omni militiæ munere, adeò im-
pudens & vix contemptor, vt à gregario milite præiri propè indignaretur. At vbi
impugnare regem, nosque terra ac mari circumseptos in discrimine versari ac-
cepimus, non secus periculo nostro anxij, ac si hostis mœnibus vestris immine-
rent, pulcherrima classe, graui sumptu, nec minori difficultate comparata, defes-
sos iam, & extrema malorum cogitantes, tanta velocitate ex hostium faucibus
eripulistis, vt instructam, solutam, aduentantem, procul conspectā classem esse,
ac mox deuicto captoque rege, secundo prælio conflixisse, vno fermè eodemq.
tempore acceperimus. Opes igitur, coniuges, liberi, templa, patria, nos denique
nobis cum beneficio vestro restituti sumus. Pro his, quibus certè maiora nul-
lus vnquam populus præstitit, nullus vnquā accepit, gratias actum ad vos missi
sumus, iuxtaque gratulatum, quòd ea vobis victoria contigit, quæ, vt immorta-
lem Genuensi nomini gloriam attulit, ita qua fide amicos populos tueri soleatis,
æterno documento erit. Reliquum est orare, quandoquidem per vos conserua-
ti sumus, annuos posthac Præsides ex vobis habeamus, qui Caietano populo ius
dicant, inque secundis & aduersis rebus salutis nostræ consulant. Nulli nobis
utilius præfuturi sunt, nulli nos ad parendum promptiores habituri, quàm qui
incolumitatem ac libertatem nostram suis periculis redemerunt. Neque inde-
corum Genuensibus fuerit, legitimum, cū à Galliis aduenerit, regem ciuita-
tem ope vestra seruata, auctamque, non ab alio quàm vobis tradentibus, re-
cepisse. Legatis responsum est, magnum Caietanos fidei & constantia in regem
suum edidisse documentum. Quippe qui extrema obsidionis mala perpeSSI, nun-
quam animis succubuerint. Genuenses, eò minus suscepti aduersus Alfonsum
belli



belli pœnirere, quò veriùs sciunt, amicissimam ciuitatem non facilè immemorem fore, ideoque arma induisse. Mittendi Caietam Præsidis consultatio dilata, vt interim Philippi animus exploraretur. At Philippus, cognita Caietanorum petitione, haud secus infensus, quàm si plurimùm dignitati suæ detractum fuisset, corripì statim legatos iussit, & Mediolanum euocatos, ita habuit, vt vix quicquam à captiuis differrent, donec Genua missi sunt, qui ius gentium, & sanctam etiam inter exterarum gentes legatorum auctoritatem, ipsi Philippo in memoriam redigerent. His autem & eiusmodi iniuriis irritatis Genuensium animis, inita tandem aduersus eum consilia sunt, orto à primoribus ciuitatis initio, qui se liberandæ vltro patriæ auctores offerebant. At Insuber de his rebus per suos familiares certior factus, seipsum, nouis copiis sub varia specie collectis, indies magis atque magis in Repub. communire satagebat, ac, præter ceteras artes, quibus ea in re vsus est, Senatui persuadere studuit, se, in eius Reip. dignitatem ac emolumentum, cum Aragonio egisse, vt insulæ Sardiniae possessione cederet, atque hoc prætextu sibi commodam occasionem dari existimabat, qua, pro huiusmodi expeditione suscipienda, subinde Genuam nouas copias citra vllam suspicionem ablegaret. Ceterùm, in vrbe, nonnulli ex Optimatibus, ac præcipuè nobilitatis viris, quo tempore Caietanorum legati Mediolanum, tamquam captiui perducti fuerant, clandestina consilia inter se iniuerant, vt quibuscumque possent modis ac rationibus, populum ad defectionem excitarent: quæ sanè, audita regis Alfonsi liberatione, vltèrius differri nequiuèrunt. Erat tunc temporis in Repub., præter alios præstantes viros, Franciscus Spinula, Othobonus, cuius supra mentionem habuimus, vir non modò familiæ splendore atq. opibus & auctoritate, sed etiam præstantissimis animi, corporisq. dotibus insignis: qui cùm Mediolanensium Principis tyrannidem indies maiorem fieri animaduertèret, ac etiam videret se haud parum ex pristina illa gratia, qua prius apud eum floruerat, excidisse, primus, defectionis, & qui patriam ex dira seruitute in veterem libertatem assereret, auctor extitit. Insuber autem, vt eius viri amplitudinem ac dignitatem deprimeret ac eleuaret, præter ceteras causas, ea potissimùm impellebatur, quòd cùm sciret, illum fuisse præcipuum qui Rempub. Genuens. suo imperio subiecisset, adduci non poterat, vt crederet, ipsum, magis priuati commodi, quàm patriæ amore incensum, partibus suis fauère, adeò vt cùm sinistrè de illo suspicari, & subinde malè mereri pergeret, hunc magis atque magis in suscepta consilij ratione confirmaret, præsertim cùm vsu nonnuinquam venire soleat, vt homines, probè à natura instituti, vbi semel impegerint, recognitis erroribus, enixè dent operam, vt ad pristinae dignitatis recuperationem inde remedium & salutem enasci procurent, vnde antea vulnus inflixerint. Vt verò, suorum animos vehementiùs inflammaret, ita inter eos, quibus res tanta (ocò fuisse narrant) ab initio credita est, verba fecisse dicitur.

Mirum vobis videri possit, Ciues fortissimi, quid sit, quòd cùm de Philippi Ducis potentia optimè meritis sim, (vestro etenim cōsilio & ope fretus, huius Reip. dominatum, si verum fateri liceat, detuli, Italiae, & ceterarum gètium, sum astruere conatus) nunc eò venerim, vt post exilium spòtè susceptum, post ignominiosam Caietæ latebram, domum reuersus, à crudelissimo Opicino exagitat, vnus omnium maximè ad pœnam & supplicium deposcar, vt aut diro satelliti sit omninò sanguis dandus, aut vita vi & armis ab iniuria vindicanda. Is carnifex veriùs quàm præfectus, huic vrbi datus, affuetus ciuium suppliciis, vt immanis quædam bellua, iam & nostrum sanguinem sitire incepit. Sed cur hæc memini

*Francisci
Spinule ora-
tio pro libe-
randa patria*

memini, cùm Philippi Ducis inconstantia in amicos omnibus nota sit, ingrati animi vitium in industrios & fidos, odium in bonos : ac cum huiusmodi esse ingenio, vt nullis plus tribuat, quàm nefariis, & nullis magis credat, quàm delatoribus, quibus vsque adeò est addictus, vt ex primoribus amicis quosdam temerè affligerit, alios atroci calumnia deterritos, ex amicissimis, sibi inimicissimos fecerit. Sic Carmaniola, vir in bellicis rebus hac ætate nulli secundus, hostis ex duce fidelissimo factus est. sic Sfortia, etsi gener dictus. sic Tolentinas, ab eo alienatus. sic innumeri alij, quos omni tempore tam strenuos, quàm fidos fuit expertus, aut diuersis iniuriis ab eo affecti sunt, aut miserabiliter afflicti. Ceterum, ne non semper suis sit infestus, Blasij Agareti hominis perditissimi calumniam, leuem quidem, sed mihi perniciosam secutus, me, nescias magis stultè, an ingrati, (nam & perpetuum studium meum, & fides satis omnibus perspecta est) ex amicissimo hostem iudicauit, in exilium egit acerbum & luctuosum : in quo non tam Caieta ab Aragoniis armis defensa, mihi solatio fuit, quàm tristitiæ ac dolori, quòd in meam vnus inuidiam, Agaretum, infimæ conditionis hominem, obscuroque loco natum, ad classis Præfecturam euegit, ad quem vnum trahit omnem partæ victoriæ gloriam : non Genuensium apparatus celebrat, non virtutem in prælio, sed Agareti nomē semper in eius ore est. Hunc, Caietani, Principis studium secuti, miris laudibus extollunt, fuissentque inter Deos relaturi, nisi Vicecomitis nouissent ingenium, qui, ne in amicis quidem successum ferre possit, probè exploratum haberet. Fuit id mihi pergraue & molestum : alebar tamen non parua spe melioris fortunæ. Videbar enim mihi satis ei probasse meam fidem, Caieta in grauissima obsidione defensa. sed tantum abfuit, vt in me sit pacatior factus, vt in patriam reuersus, coactus sim ab illius magistratu, haud secus quàm ab immanissimo hoste, salutem meam armis tueri. Sed vos, præstantissimi ciues, quousque tandem huius superbissimi Insubris dominatum laturi estis? Quamdiu urbem clarissimam, rerum gestarum gloria florentem, sub tyranni pedibus iacere, turpiterque seruire patiemini? An ea conditione Genua est illi adiuncta, vt populus terra marique victor, quique fama sui nominis totum orbem hætenus impleuit, non modò sua libertate exueret, sed turpissimo etiam cuique seruiret? Nam, vt alia in præsens omitam, quò animo id ferendum est, quòd nempe circiter quadringenti ciues, alij, alia calumnia, & in his nobilissimi quidam, ceterum, omnes crudeliter ac iniuste sunt ipsius iussu interfecti? Complures supremi ordinis viri in exilium acti, & dumtaxat ad honores ac dignitates euehuntur, qui minus & generis claritudine, & virtutis commendatione reliquis antecellunt. Sed quid magis seruire, quidue turpius, videre, aut audire, patiue potuimus, magisque alienum ab huius celeberrimæ urbis dignitate, ac veteri gloria, quàm, quòd insignem atque inclytam victoriam, nostro sanguine & virtute partam, sibi vsurariam fecit? Duos reges, totque illustres viros, vno prælio captos, tanquam non libera ciuitas, sed seruilis quædam manus id præclarissimum opus peregisset, è nostris manibus extorsit, ac Mediolanum perductos, non solùm liberos, sed nulla publicarum inimicitiarum cum ea gente, nullaque periculis, quæ nostræ ciuitati in posterum ab ipsis regibus tali ignominia affectis imminebunt, ratione habita, etià plurimis & maximis à se donatos muneribus dimisit. Quin credibile est, ipsum voluisse captos hostes ob id potissimum incolumes esse, vt non tam Italiæ imperium, de quo semper cogitauit, per eos sibi astrueret, quàm vt his iuuantibus, imò hortantibus, Genuæ libertatem, siquid adhuc ex ea superest, funditus tolleret. Et nunc, quia præsentem contume-

tumeliam paulò liberius dolumus, quid aliud arbitramini ipsum cogitare, quam ut nostræ Reipub. statum ita frangat, debilitet, affligat, ut posthac nemo non solum reclamare, sed ne suspirare quidem audeat ad ea quæ per scelus & libidinem in hanc miseram ciuitatem patraturus est? Nam quid, per Deum immortalem, sibi vult longior hæc regum ad portum Veneris cunctatio? Quid subitus ad hæc loca turmarum accessus? Quid classis ex Sicilia tanto studio accersita? Imminet, mihi credite, imminet huic vrbi extremum exitium, nisi sæuissimi tyranni conatibus maturè obuiam eatur. Sed quid vos, viri fortissimi, in tam aperto patriæ discrimine facturi sitis, parum equidem compertum habeo. Ego, quod patriæ & ciuibus omnibus Dij bene vertant, certus sum armis libertatem à tyranno repetere, patriamque in antiquum statum pro virili restituere, ad quod pulchrum facinus non deerunt nobis cum aliarum gentium, tum Venetorum, Florentinorumque auxilia, qui, vel Philippi odio, vel quia pulchrum ducunt libertatem vbique tueri, præstò erunt nobis subsidio. Sunt & principum ciuitatis nobis studia conciliata, & in primis Thomæ Fulgosij, cum quo nuper in gratiam redij. Ite igitur viri fortes, & si publica libertas, si ciuium, si vestra, si coniugum liberorumque vestrorum salus vobis curæ est, turpissimæ seruitutis iugum è patriæ ceruicibus excutite, tyranni dominatum tollite, Opicinum carnificem cum suo præsidio subita vi opprimite, oppressum laniate, victoria haud dubiè nostra est, si ad primum clamorem consensus & clamor ciuium sequetur, quo si proditi & destituti simus, honesta mors potius expetenda est, quam turpis vita in posterum agenda. Hæc Spinula. quibus sanè verbis mirum dictu est, quanto per omniū animi ad studium amoremque libertatis inflammarentur. At in ea re perficienda plurimæ summæque difficultates ostendebantur, & inter reliquas, quòd omnes arces tam vrbis, quam totius agri Ligustici, Ducali præsidio tenebantur, & quòd indies nouæ militum copiarum ad urbem ipsam confluerent. Accedebat huc, quòd Rex Alfonso, iam pristinae libertati restitutus, pro sua maiori securitate ab Insubro arcem portus Lunaris obtinuerat, omnesque verebantur, ne etiam Illicensem arcem in suam potestatem redigeret. Quæ obstacula, licet essent magna, tamen summa iniuriarum impotentia, & flagrantissimum libertatis studium hæc omnia superabat. Et quia conficiendo negotio commoda temporis ratio requirebatur, plerisque expedire visum fuit, ut quartus ac vicesimus dies Decembris valdè opportunus occidendo Opicino Alfatì, qui Lampuniano in vrbis Præfectura successerat, videretur, nimirum, cum longo usu in ea vrbe receptum sit, ut sub vespere Præses, alique complures vtriusque ordinis ciues, in curiam eo die conueniant, eo potissimum nomine, ut Præfectis Reipub. sollemni quadam cærimonia honorem exhibeant. Spinula, has sibi partes desumpserat, ut domi tantisper se contineret, donec Præses, ac reliqui in prætorium conuenirent, & mox cum suis clientibus & fœderatis, sublato clamore, populum ad libertatem vocaret. Interea per fidelem ministrum Thomæ Campofulgosio, tunc Seresanae degenti, clam significarunt, ut liberandæ patriæ conatus & ipse pro sua virili adiuuaret ac promoueret. Verum, res ea tempestate illum successum habuit, ut multis rationibus impediti, destinatum negotium, prout constituerant, ad exitum perducì nequiverit: sed necessitate quadam adducti, rem ipsam ad sextum Cal. Ianuar. distulerunt, rati, tunc maiorem opportunitatem sibi oblatum iri, quòd eo tempore nouus vrbis Præfectus sollemni cum pompa in urbem primum recipi soleat. Ceterum, quia Philippus multis rationibus adductus, in magnam nouorum studiorum suspicionem venerat, Erasmus

*Genuens. du-
ce Franci, co
Spinula, sese
in pristinam
libertatem
vindicant.*

*Opicini,
Mediolanē-
sum Ducis
præfetti,
miserabilis
interitus.*

*Nova Reip.
forma.*

*Arces vallis
Pocifera
S. C. emer-
se.*

Triuultium, inter Mediolanens. opibus, familiæ amplitudine, ac rerû gestarum fama insignem, Opicino successorem dederat, eo cōsilio, vt clandestinos mōtus, si qui essent, solita sua prudētia superaret & extingueret. Huic ad urbem venienti, cū magna ciuiū frequentia, honoris causa, obuiā de more processisset, statim sub eius in urbem ingressum, coniurati, portam, quæ vulgò D. Thomæ vocatur, occuparunt, ita vt cū ipsi duo Præsides ad curiam rectā contenderent, Spinula ex templō armatus, domo, vbi sese cum aliquot suis asseclis & clientibus continu- rat, proripuerit, atq. sublatis signis urbis, & ingeminato sæpius libertatis nomine, obuios quosq. singulos nominatim appellādo, ad libertatē pristinam recuperan- dam, & crudelem tyrānidem deponendam adhortabatur, cōmonefaciens singu- los, meminisse vellent, quā in ciuitate geniti essent, & quā præclarā recuperandę patriæ occasionē præ manibus haberent. Ad cuius amabilem, & omniū auribus acceptam libertatis vocē, vix dici queat, quantus totius populi fuerit concursus, præsertim cū tam magnū, & tam eximiæ auctoritatis, libertatis auctoriē & vin- dicem nacti essent, adeo vt præ nimio plebis ardore atq. concursu, nouo Præsidi vix tēpus concederetur, vt se in Castelleti arcē subduceret. Opicinus verò, tam- etsi summa velocitate & studio sese præsentibus periculis eripere conaretur, effi- cere tamen non potuit, vt concitatæ plebis manus, quæ illum ingenti odio perse- quebatur, aliquo modo effugeret. Sed statim ante D. Syri templum crudelissimè trucidatus, haud longè à puteo occubuit: eiusq. cadauer ibi longo tempore semi- nudum & lacerū per ludibriū & contumeliā in cœno volutatum, & non antea ab furenti multitudine derelictum, quā propter fœtorem, cruoremq. ac sordes intractabile esset. Præsidarij milites, cognita Opicini mortē, ac intellecta noui Præsidis animi cōsternatione & fuga, intra horas tres abiectis armis, paucis ad- modū obistere ausis, propè omnes exautorati, ac citra aliquā cædem, vel cuius- quam iniuriā, dimissi. Itaq. Mediolanensiu Princeps, postquā circiter vndecim annorū spatio Remp. Genuens. magna cū sua gloriā & dignitate in potestate ha- buisset, propter suam, suorumq. adimistrorū crudelitatem & tyrannidem, eius ditione atq. imperio excidit, præsertim cū liber populus, contumeliarū & iniu- riarum intolerantissimus, ferre non posset, vt suam Remp. pristinis honoribus & immunitatibus spoliata atq. orbatam videret. Excusso igitur Insubrico iugo, atq. altero Præsidi, vti diximus, sublato, noua Reip. gubernatio instituta fuit, & Sena- tus consulto confirmata, scilicet, vt sex ciues, tanquā recuperatæ libertatis defen- sores, Præsidis nomine crearentur. Quos adscribere non piget. Primi igitur fue- runt Franciscus Spinula, Andreas Auria, Matthæus Lomelinus, Nicolaus Iusti- nianus, Petrus Bondenarus, & Petrus Cassinus, quibus haud multo post An- dreas Marinus, & Ioannes Nauonius adiuncti. Horum administratio ita se ha- bebat, vt summa quidem rerum penes eos esset, ceterum, duodecim Senatorum magistratui, ac reliquis Reipub. statutis nihil prorsus interim derogaretur. At quia Senatus summoperè verebatur, ne Insuber, alioquin in vindictam pronus, armis prætentam iniuriā quā primum vlcisceretur, summis studiis allabora- tum fuit, vt tres illæ arces, in aditu vallis Pociferæ sitæ & collocatæ, in potesta- tem suam redigeret, ne scilicet, hostis earum præsidio, urbem ipsam omni com- meatu reliquisq. rebus necessariis intercluderet. Factum igitur fuit, vt lectissi- mæ urbane iuuentutis, aliorumq. indigenarum robore & alacritate, omnes tres occuparentur, quæ post magnam deliberationem omnium iudicio atque senten- tiis dirutæ ac excisæ fuerunt. In hoc statu rerum, ciuitas, ingenti quadam ac ferè extrema annonæ caritate, frumentiq. inopia laborabat, ita vt ciuitati extrema quæque

quæque metuerent. Proinde ad eam subleuandam Senatus pari prudentia Iacobum Baracellum ad Pont. Eugenium quartum, & ad Florentinos legatum misit; partim ut ab utrisque frumentaria re iuuaretur, partim etiam, ut eorum subsidium ad recuperatam libertatem retinendam imploraret. Sauonenses interim, & qui oram littoralem incolebant, Genuensium defectione intellecta, illorum exemplum secuti, paucis ab hinc interiectis diebus; Insubri Magistratum ac præsidia eiecerunt. At Philippus, cognito nouo Reipub. Genuensis statu, grauissimè offensus est. Verùm, cum speraret, se adhuc, Castelleti arcis præsidio urbis dominium recuperare posse, magna celeritate sub initium proximi anni, qui fuit eius 1436, æui trigesimus sextus, Nicolaum Picininum, virum ea tempestate, uti diximus, in bellicis rebus longè clarissimum, cum omnibus suis copiis expediuit, & Genuam misit; existimans, omnem bene gerendæ rei euentum in festinatione esse positum. Quod sanè Ligures summa cum prudentia præsentientes, tanta sollertia & industria in illius arcis expugnatione vti sunt, ut, vno eodemque die illius propugnatores exteriorem arcis murum, quæ ad Africum vergit, non citra maximam ignominiam & detrimentum relinquere cogerentur. At veriti ne ad tantam belli molem sustinendam essent impares, quatuor legatos, scilicet Damianum Palauicinum, iuris peritia clarum, Simonein Maciam, Ioannem Iustinianum & Lucianum Grimaldum, tam ad Venetos, quàm ad Florentinos misere, ut cum illis fœdus ac societatem inirent, quò in posterum aduersus nouum hostem nouis auxiliis firmarentur: tantumque valuit missa legatio, ut ab eis ampla subsidia facili cum negotio obtinerent. Inter hæc, Picininus cum suo exercitu, in quo, præter aliquot equitum turmas, amplius quindecim millium virorum expeditissimorum erant, vrbi appropinquabat: de cuius aduentu oppidani certiores facti, ut illum aditu, quæ arx iacebat, intercluderent, ac planè prohiberent, fossam extra urbem valdè latam, quæ nimirum arcis longitudinem æquaret, perduxerunt. Quo quidem opere perfecto, cum ante hostium aduentum, arcem vndiquaque denuò inuadere constituissent, tota vrbs cum omni genere bellici apparatus die constituto ibi præsto fuit. Id verò vbi primum præsidariis innotuit, licet valido præsidio communirentur, valdè tamen exterriti sunt; adeò ut plerique illorum de deditioe facienda cogitarent. At nouus Præses, qui, postquam in arcem sese fuga, uti ostendimus, receperat, nunquam ea excesserat, eiusque præfectus, cum ob sui nominis dignitatem, tum etiam ob insignem cladem, quam inde Philippus accepturus esset, huic rei summoperè aduersabantur. Vicit tamen potior pars, quorum arbitrio statutum fuit, ut cum Senatu ea conditione pacifceretur, ut, nisi intra præscriptam diem succurreretur obsessis, arcis deditio fieret. Et quò pacti aliquam securitatem exhiberent, vna turris, obsidis quodammodò loco, in potestatem oppidanorum cessit. Nihilominus tamen, cum iam exercitus in urbis conspectu esset, populus moræ impatiens, & nullas condiciones admit- tens, præsidio turris traditæ admirabili quodam impetu arcem inuasit, & illam, frustra eius Præfecto, ac ceteris, violatam fidem inclamantibus, expugnauit, præfectis, ac præsidariis militibus, quos ibi adinuerant, publicæ custodiæ traditis, ut eorum permutatione, Genuensium legati; ac reliqui Ligustici nominis, qui eodem tempore per Insubriam captiui detinebatur, priori libertati restituerentur: arxq.; quòd omnium iudicio exitiosa crederetur, de cõmuni Senatus, ac Patrum, & totius ciuitatis consensu, breui diruta, ac solo tenus deiecta. Interim Ducalis exercitus in Vallem Pociferam descendens, obuia quæque ferro & igne depopulabatur, & quædam militares copię in vrbe descriptæ, & ad illorum co-

Arc Castelleti funditus excisa.

natus inhibendos, in viarum angustis atque anfractibus collocatæ, cum viribus & numero longè essent inferiores, breui temporis spatio fusæ ac profligatæ sunt.

*Clades illata
in agro Ligu-
stico per Ni-
colam Picini-
num.*

Quo felici rerum successu, Picinus vterius progressus, & ad urbis usque mœnia excursionem facta, fermè omnia priuatorum ciuium municipia & villas diripuit & deuastauit, nauesque, recens in Petri Arenatij littore fabricatas, concremauit, arbitratus, his terribilium pertinacium oppidanorum animos faciliùs inflecti posse. Ceterum, cum neque id pròdesse animaduerneret, neque ullam Castelleti recuperandi spem amplius haberet, illinc, re infecta, discedens, ad occupanda Ligustici agri oppida, in quibus sanè minus difficultatis inesse existimaret, suas cogitationes adiecit, primoque suū exercitum, in quo etiam aderat Galeotus Finarij regulus, Insubricas partes secutus, ad Vulturij obsidionem, omnia interim longè lateque depopulatus, traduxit. Ligures interim, ut Mediolanensium Principi faciliùs atque commodiùs resisteret, paulò antè, ut memorauimus, suos oratores ad Venetos ac Florentinos, fœderis iciendi gratia, ablegarant. Et quanuis ea legatio nondum absoluta esset, nihilominus tamen Florentini haud pœnitendam militum manum Genuensibus auxilio miserunt, ex quibus, circiter quadringentos milites ad Albingauni, quò aduersariorum copiarum venturæ dicebantur, defensionem præmiserunt. Huic verò, ea tempestate, Thomas Auria, Conradi filius, vir animi belli que fortissimus, cum imperio præerat, qui & horum præsidio, & aliquot militaribus cohortibus à se contractis, primos Picinini impetus alacriter ac strenuè repressit, ita sanè, ut ipse haud multò post, re nequicquam tentata, obsidionem soluerit. Fuit profectò res summa & incredibili admiratione digna, populum Genuensem, cum in hac expeditione, tum plerisque aliis in locis, tam valido exercitui, tamque strenuo & magnanimo duci, sub tanti Principis fortuna, tam sæpè, non citra iugem ac perpetuam Ligustici nominis gloriam, inuictis atque intrepidis animis restitisse, cum præsertim ab initio res longè aliter casura videretur. in quo quidem animorum robore atque constantia si Respub. in eodem tenore perseuerasset, non dubium, quin pristinus splendor ac dignitas omni ex parte recuperata esset. Verum, instantis periculi liberatione rebus subinde intepescentibus, haud multò post, ne quādo à metu ac periculis vacaret, neue quid vnquam malis publicis deesset, soliti tumultus & conuersiones, cum maximo totius ciuitatis, atque adeò Ligusticæ ditionis incommodo ac detrimento, sicuti proximo libro enarrabimus, repullularunt.

LIBER DVODECIMVS.

1436.



RES PVBLICA Genuensis in tam vario gubernationis genere, tam graui & diutina seruitute erepta, omninò diutius quàm vllò vnquam tempore, veterem suam libertatem retinuisset, nisi fatales illæ factiones in plerisque familiis subinde in eius perniciem atque exitium recrudescerent, variis multiplicibusque modis obstitissent. Vigebat quippè ea in urbe Guarcorum factio, quæ in omnium animis tam altas radices egerat, ut Isnardus, eiusdem Princeps, licet iam senio confectus, & excitandis turbis, vel conciliandis hominum animis inidoneus, quòd tamen semper popularis extitisset, in magno honore & estimatione palàm haberetur. Et quamuis in ea ciuitate multæ essent familiæ antiquæ & illustres, quæ sibi inuicem optimo iure cōparari poterant, nihilominus
tamen

tamen longè ceteris dignitate, & opibus; armorumque gloria, Fulgosia gens ea tempestate præstabat. In qua quidem familia; Thomas; qui Philippo Mediolanensium Duci, eius urbis principatum reliquerat, & paulò antè Seresana, ubi spontaneum exilium egerat, in urbem postluminio redierat; præcipua nominis celebritate, propter recentem rerum gestarum memoriam, facile excellebat: eoque res deuenerat, ut, vniuersorum animis sensim in tuenda libertate languere incipientibus, singulos, qui modò alicuius nominis, vel auctoritatis essent; dominandi libido magis magisque indices excitaret; & in nouam spem erigeret, licet Guarca factione, pederet, ut inferius dicemus, extincta, dumtaxat inter Fulgosiam, & Adurniam, præcipua æmulatio extaret. Cum igitur octo illi Præsides libertatis, quorum supra mentionem fecimus; dum suam quisque factionem fouere ac tueri studet, prioris concordiae neruum iniecidissent, vel saltem maiori ex parte relaxassent, siue quòd ita à natura ipsa sit comparatum, ut plures, vnum idemque imperium diu ac feliciter administrare nequeant, nimirum cum multitudo imperantium confusionem inferre soleat, siue quòd paucorum ambitione supremiam Ducatus dignitatem sibi despondentium, clandestina consilia variis artibus sæpius eludi consuerint; Primates veriti, ne illorum altercationes atque dissidia, Reip. aliquod graue detrimentum afferrent, plebe in templum D. Syri conuocata, omnium suffragatione, Isuardum Guarum, cuius patruus Nicolatus difficillimo tempore Rempub. rexerat, Ducem creant. Qui etsi legitime Dux renuntiatus foret, priuato tamen similis, citra aliquem tumultum, vel armorum strepitum, in palatium per suffragatores; subsequenti populari turba, deductus fuit. Præsides, in curia de more habitantes; re tantum audita, nequiquam ultra sciscitanti, quòd popularem rabiem, uti existimo, iniecerent, semagistratu spontè abdicarunt, & in suas quisque domos redierunt. Verùm, septimo vix die postea exacto, necdum rebus ipsis ad Principis statum fulciendum pertinentibus compositis, Thomas Campofulgosi Petri filius, qui paulò antè cum summo totius ciuitatis applausu, incredibiliq; plebis lætitia in urbem acceptus erat, prætorium, magna armatorum vi stipatus, oppugnare cœpit, eo sanè successu, ut deturbato præsidio; conuocataque statim ad concionem plebe, partim popularibus suffragiis, partim vi & metu, Principatū obtinuerit. Imminebat rursum ea tempestate agro Ligustico Philippus Mediolanensium Dux, vir impiger, & proferendi imperij supra modum audax, qui occasionem talium ciuiliū discordiarum & assiduarum commotionum nactus, omnia se feliciter gesturum non addubitabat. Proinde Genuenses, tametsi rerum urbanarum status nondum esset compositus; multaque forent huiusmodi, quæ, nisi cum summa difficultate & tempore superari possent, nihilominus tamen, reiecta in præsens omnium rerum urbanarum cura, nihil habuere prius, quàm ex templo pecuniam ad conscribendum in Etruria militem, quem Philippi conatibus opponerent, expedire. Delectu itaque primum in ipsa ciuitate habito, ex tota urbana plebe aliquot in sagittariorum turmas conscripti, quibus Angelus Dentatus, vir militia clarus, præficitur. Huic, inter cetera suæ militiae munera, seriò iniunctum est, ut enixè daret operam, omnibusq; viribus & artibus cōtenderet, ut Albingaunos, eo tempore à Mediolanensium Principe oppressos, & valde defatigatos, maturo præsidio subleuaret, atque extremis propemodum laborantes periculis, eximeret. Non carebat siquidem ea res summa difficultate; nimirum, quòd hostiles copię omnem propè ferendi auxilij aditum ac commoditatem interclusissent. Proinde cum maximè Reip. interesset, illum populum quàm citissimè in libertatem

*Isuardus
Guarus
Princeps re-
nunciatur,
eique breuis
post succedit
Thomas
Campoful-
gosi.*

reponi, post longas deliberationes super hac re habitas, consultum videbatur, ut Dentatus cum sua manu mari Albingaunensi littori allaberetur. Is igitur prouinciam susceptam diligentissime ac dexterrime iuxta executus, incredibile aduentu suo obsessis gaudium attulit, ipseque confestim, ea in re ipsis etiam oppidanis strenue allaborantibus, armatus è naui in continentem desiliens, nullis hostium conatibus vel viribus prohiberi potuit, quin intra mœnia cum suis acciperetur, magna me herculè cum omnium ciuium lætitia & congratulatione, qui sublatis in cælum manibus, Deo Opt. Max. pro tam opportuno auxilio ingentes gratias agebant, atque faustis acclamationibus singulos compellando, usque adeò animis confirmabantur, ut longè minoris, quam antea, hostem facerent, ac tanti Ducis virtutem ad cælum tollere, mutuisque cohortationibus fortiores & alacriores fieri, ac crescente indies sensim fiducia, sæpius in ipsum hostem erumpere, fortunaque aspirante, magnam stragem facere, paucisque acceptis detrimentis, iterum ad pristinum officium redire. Quibus sane successibus, obsessorum animi adeò sunt accensi, ut, licet absumpta iam magna ex parte annona, aliisque ad vitam necessariis alimentis, nihilominus tamen cum magna animi constantia omnes impetus iniuriasque hostiles fortiter ferrent, & constantissime deuorarent. Tam magnas quippè in omnium animis maiorum suorum gloria radices egerat, tamque præclara egregiæ virtutis exempla recens edita, ob omnium oculos versabantur, ut satius pro Reipub. fide atq. constantia cum omnibus fortunis euertere ac mori ducerent, quam deditioe facta, libertateque amissa, in alienam deuenire potestatem. His certè tam honestis salutaribusque consiliis, annuentibus Superis, arrisit fortunæ successus: Quandoquidem cum iam extrema ferè rerum omnium inopia & egestate frangerentur, vnicaque salus in dextris & propitiis armis relinqueretur, Deorum omnium beneficio accidit, ut Ioannis Perdicis naus, quæ ex prouincia Narbonensi tritico onusta Genuam repetebat, fortè fortuna in illum scopulum qui Albingauno ex diametro opponitur, impingeret. Eodem etiam breui post, pari fortuna tres onerariæ, quæ Bartholomæo Auria duce, in superiori expeditione contra Tarraconenses Reipub. militauerant, postquam diuersa maria longo tractu & ambitu peruagatæ essent, delatæ sunt. Proinde intellecta obsessæ ciuitatis inopia, ne aliquo officio ciuitati laboranti defuisse existimarentur, summis viribus annexi sunt, ut expeditis aliquot minoribus machinis bellicis, hostem omnia latè præoccupantem, submouerent, ac ita aditum in urbem sibi sternerent. Quod simulatque ab obsessis fuit animaduersum, ne in re tam opportuna occasionem aliquam negligerent, eruptione repente facta, tantum tritici & commeatus in ciuitatem importatum fuit, quantum scaphæ illarum onerariarum nauium capere potuerunt. Hoc modo annonæ caritas, quæ ad desperationem usque obsessos premebat, Deorum immortalium munere mirificè cum omnium commodo ac incredibili lætitia subleuata. Multi namque ex ipsa promiscua plebe erant ita fame exhausti, ut, si diutius in illa anxietate resistendum fuisset, verendum summoperè esset, ne misera ciuitas, potius inopia & fame, quam ferro interiiisset. Itaque tanti commeatus beneficio, tantique ducis præsidio, ab impendente ac præsentis periculo magna ex parte erepta, & liberata fuit. Superiori libro diximus, Rempub. Genuens., legatos Venetiis atque Florentiæ habuisse, eo consilio, ut vtramque Remp. in belli societatem, atque in rerum communionem aduersus Philippum Insubriæ Principem attraheret. Quo etiam nomine, Matthæus Lomellinus fuit ablegatus, & haud ita multò post, aliquot mercenariæ

copiæ,

*Albingauni
& Genuensibus
maturo
præsidio sub-
leuati.*

copiæ, scilicet, duorum ferè peditum millium, in Etrusco agro coactæ, atq. in Liguriam perductæ sunt, quibus adiuncta fuerunt sex sagittariorum millia, ex diuersis regionibus & locis in militiam transcripta. His copiis freti, quæ iusti exercitus speciem præ se ferebant, Nicolaum Picininum, strenuū alioquin virum, & veteranum ducem, à partibus Mediolanensium stantem, & Albingaunum, illius nomine arctissima obsidione prementē, apertè inuadere statuerunt, eo consilio, vt hac ratione vrbe ipsam obsidione liberarent. Præparatis itaque omnibus ad tantum repellendum hostem necessariis, omniumque animis ad hanc expeditionem valdè intentis, Picininus, ad tanti apparatus rumorem, relicta ad præsens Albingauni oppugnatione, Finarium rectà contendit, ita vt ad ipsum solum apparatus bellici rumorem, obsidio, præsertim quòd exercitus Imperator abesset, statim per obsessores ipsos soluta fuerit. Albingaunenses, obsidione liberati, missis Genuam oratoribus, rerum suarum statum, ac perpestrarum calamitatum imaginem, ob oculos Senatui exponebant, & accisis rebus, subsidium orabant. Quapropter, Senatus, pro veteri suo instituto ac beneficentia, collaudata prius illorum fide atque constantia, in præteritarum calamitatum solamen amplissimi donis eos prosecutus est, & inter cetera, veræ liberalitatis argumenta, illis vectigalium immunitas, atque militiæ vacatio ad quatuor & viginti annorum spatium cum magno omnium consensu & applausu indulta fuit. Interim, Ligures his molestiis liberati, cum intelligerent, Lunense oppidum, atque arcem Ilicensem, cum suo magno detrimento ac euidenti incommodo sub aliena potestate detineri, nihil habuere antiquius, quàm omnes inire rationes, vt eas quibuscumque possent modis, recuperarent, potissimum cum scirent, quamdiu in potestate Alfonsi Aragoniorum regis essent, Ligustici nominis dignitatem non solummodò offendi, atque lædi, verum etiam Reip. ipsi frenos, & lupatos, vt dicitur, quodammodò iniici. Proinde occasionem ex regis profectioe Neapolim versus metientes, nihil reliqui ad summam diligentiam fecere, quin expeditione facta, illas summis viribus adorirentur ac expugnarent, adiuuantibus illorum conatus summooperè incolis, quorum opera arx ipsa Lunensis capta, & tandem expugnata fuit. Ilicensis verò, cum paribus viribus & animis esset adorti, illius Præfectus pecuniæ auidus, cum maiorem quæstus, quàm fidei rationem haberet, hoc vnum in primis agebat, vt magna nummorum vi potius, quàm telis & machinis bellicis expugnaretur. Verum, cum neminem reperiret, qui fidem suam venalem mercaretur, mira calliditate intempesta nocte per insidias ab ipsis obsidentibus in colloquium euocatus, in vincula quamprimùm conijcitur, ac citra aliquam armorum vim, vel impetum, in potestatem Genuensium arx ipsa redacta est. His rebus per Liguriæ oram gestis, vix anno elapso, ex quo Fulgo-

Arce à Genuensibus recepta.

1437.

usu venit, qui, neglecto fratre, cum malis artibus ad tantum honoris fastigium peruenisset, tanta dignitate indignus, assequi non potuit, ut malè partum imperium ultra decem horas retineret. Thomas enim frater, ut erat vir summo ingenio, magnæque, propter spectatam probitatem ac prudentiam, auctoritatis, subito excitis intimis quibusque, paratisque iustis auxiliis, nouum Principem, rerum summæ cum imperio in palatio præsentem, fortiter obsidere cœpit, & post aliquot horarum spatium, supremam atque pristinam dignitatem, magnocum omnium bonorum applausu & lætitia, fratre gloriæ suæ amulo, turpiter in ergastulis coniecto, recuperauit. Et quamuis multos viros graues, & in rebus politicis non mediocriter versatos, auctores haberet, qui multis validissimis rationibus adducti, illi suaderent, ut de scelestissimo fratre, nihil non in eius perniciem auso, debitas pœnas ad posteritatis exemplum sumeret, tamen pro ea, qua præstabat humanitate, & vera fraterna charitate, nunquam adduci potuit, ut castas & intemeratas manus fraterno sanguinè pollueret: arbitratus id quod res erat, se potius mansuetudine & clementia, immortalitatis gloriam, quàm nouis & inauditis exemplis scuitiæ acquisiturum. Iisdem fermè temporibus, Renatus, Ludouici tertij Andiouini frater, antea Lornæ Barisijsque Dux appellatus, & anno supra millesimum quadringentesimum trigesimo primo, ætatis vero suæ vndeagesimo, grauissimo illo bello, quod Carolo septimo Galliæ, cū Henrico Angliæ rege intercessit, iuxta Barum in Gallia Belgica, à Valdemontio Comite, & Burgundiæ Mariscalcho regis hostibus, captus, postquam ad Philippum Burgundiæ Ducem perductus, atque in custodia ab eo habitus fuit, tandem Val-le Casleti suæ ditionis oppido, illi tradita, Flandriæque contributa, sese redemit, & ita datæ fidei religione ac præstiti iurisiurandi sacramento liberatus, rebus domi compositis, bellū Neapolitanum diu conceptū, gerere constituit. Verum, priusquam ipsemet in illam expeditionem proficisceretur, ut primum se à Ioanna secunda testamentariis tabellis hæredem constitutum, & Alfonsum à Genuensibus in nauali prælio captum esse, pro certo intellexit, Isabellam suam coniugem, heroinam, ac planè virilis animi mulierem, vnà cum duobus filiis, Ludouico, & Ioanne, quinque triremibus raptim paratis, & impositis, Neapolim præmisit. Quæ illuc prospera nauigatione circumuecta, magna cum omnium procerum, nec minori plebis congratulatione, benignissimè atque honorificentissimè excepta fuit, eiq. regni habentæ, cum summo omnium fermè Principum consensu & suffragatione, tantisper permixta fuerunt, donec suus conflux Neapolim veniret: quas sanè tanta cum moderatione & æquitate rexit, ut nullum querendi locum alicui relinqueret. Inter hæc, Renatus, domi rebus compositis, in Galliam Narbonensem venit, & Massiliæ summa celeritate quinque triremes instrui atque adornari curauit: quibus præparatis, Georgiū, Pulcini Comitum, oratorē suum, ad Senatum Genuensem ablegauit, qui nomine suo peteret, ut pari modo ibi etiam aliquot nauium numerus expediretur. Hoc facile in gratiam regis à Senatu impetratum est, ac triremes septem in Genuensi portu fabricatæ, omnibusque rebus nauticis instructæ. Quibus rebus constitutis, rex ipse proximo anno, qui fuit eius æui duodequadragessimus, Idibus Aprilis, quinque triremibus, duabusque speculatoriis tantummodò nauibus concomitatus, Genuam appulit, summoque cum omnium ordinum applausu exceptus est, atque de more sollemni per Senatores in curiam deductus, splendideque ac regaliter, quamdiu Genuæ substitit, cum magna sui satisfactione habitus. Quandoquidem Senatus nullum splendoris & veri regij apparatus genus prætermittebat, quod pro veteri hospita-

*Exemplum
singularis
humanitatis
atque cle-
mentie.*

*Renatus
Andegauen-
sis Genuen-
sui ope regno
Neapolis po-
nitur.*

hospitalitatis iure, ac antiqua cum iis regibus necessitudine & amicitia non exhiberet. Post decimum quintum ab aduentu suo ferè diem, omnibus ad profectio- nem suam adornatis, coacta duodecim triremium classe, ad prætoriani triemini summa cum pompa vnà cum tota sua aula deductus est, & post longos atq. hō- norificos sermones cum Patribus habitos, inter cetera, cum ingenti gratiarum actione perpetuæ atque constantissimæ voluntatis propensionem pollicebatur, ita vt ipsos admodum lætos atque hilares dimitteret, & non parum ab eis deside- raretur. Tantum etenim potest in animis hominum, Principum mansuetudo, ac veræ heroicæ naturæ conditio, vt non solummodò subditos & clientes in de- bito officio retineat, verum etiam & ignotissimum quemque, atque, quod magis est, interdum ipsos hostes ad amorem sui pelliceat, & ceu reluctantes impellat. Rex itaque, dimissis Patribus, cum sua classe omnem ferè Ligusticam oram, illius amœnitate captus, legit, exsatiatisque oculis, tandem in Lunensem portum de- uectus est. Constans rumor totā ferè Italiā occuparat, Alfonso Aragoniæ regē, potētibus armis validaq. classe in Italiam, tum temporis, propter diuturnā tran- quillitatē, summoperè rebus omnibus florentē, ad Renatū regē ab ea repellendū, ac planè profligandū, breui venturum. Ea fama commotus Andegauensis, nihil habuit antiquius, quàm summa diligentia & studio classem suā indies augere, ac vndique contractis præsidiis, vires suas accrescere, ideoque duas triremes, nuper à Iano Campofulgolio, qui postea Genuæ principatum obtinuit, in Corsica fa- bricatas, suæ classi addidit. Proinde accessione indies noua facta, cū se iusto nauium numero auctum & instructum intelligeret, tandem mense Maio Nea- polim versus cursum instituit, quem citra aliquam difficultatem, vel impedi- mentum, secunda nauigatione absoluit, ibique magnis cum Procerum, ac totius nobilitatis Campanæ ac populorum studiis, regali pompa, vt maximè ipsum de- cebat, exceptus fuit. Post exigui tamen temporis interuallum, quod tot, tamque magnis tolerandis sumptibus foret impar, neque ea tempestate haberet ita æra- rium instructum, vt pro innata sua liberalitate regium splendorem tueri, simul- que militaria stipendia, quæ in immensum excurrerant, cominodè persolvere posset, dimissa classe, maiorem etiam militum suorum partem exauctorauit. Ce- terum, Alfonso Rex, vt comperit, Renati classē esse exarmatam, Genuēsūq. triremes domum reuertisse, collectis vndique, quas poterat, viribus, omnibusque triremibus ad iustam classem instruendam euocatis, additis iis in supplemen- tum aliquot onerariis nauibus, in hoc præparatis, excursionibus vndique factis, non solum mare valdè inquietabat, verum etiam expositis in continentem mi- litibus, omnem ferè Tyrrheni maris tractum cum maxima omnium incolarum calamitate infestabat, adeo vt dum ipsum Renatum hostiliter insequitur, nullus propemodum maritimus Italiæ tractus foret à tantis molestiis liber. Habebat enim ad quindecim lectissimorum virorum millia, quo tanto numero confusus, & non parum spei in quibusdam Campaniæ proceribus, sui studiosis, reponens, facili negotio putabat, se, ciectis Gallis, regnum recuperaturum, & Aragoniorum studia introducturum. Hic annus Genuæ graui pestilentia, Pissis, vti deprehen- sum est, aduecta, insignitus fuit. Nam cū miles quidam inde profectus, clam Genuam venisset, ac seruam cui assueuerat, contactu infecisset, illa, in muliercu- larum grege obuersata, quarum pleræque lactantes, sinu gestabant infantes, mor- bum in proximas vulgavit, ac subito nutrices, infantesque latente malo correpti, eam labem in domesticos præsertim diffuderūt. Eoq. velocius, quod cū omnis eo tempore suspicio eiusmodi mali procul abesset, ægrotantiū curationem refu- giebat

*Genuæ pestis
dinecans*

giebat nemo. Ita cum more repentini incendij, domos aliquot ea tabes peruasisset, pluresque vim morbi indies contraherent, pavor primum, dein fuga fieri coepta. Nec ante in vicina vrbi loca reditum est, quam autumnii frigora salubritatem reuexere. Huius temporis tractu, cum Tarraconenses, armatis aliquot onerariis, praedantium magis, quam belligerantium more, caedibus ac rapinis saui-
rent, quatuor, easque ingentes, parari naues placuit. Legendi Praefecti cura paucos in dies dilata, quod Dux ac Senatus, qui duodenario tantum numero constat, inuidiosum sibi fore arbitrati, si soli Praefectum ipsi creassent, ius & arbitrium eiusmodi maluerunt cum aliis communicare. Vocatus est igitur is Magistratus, quem, quia transmarinarum curam gerit, Romaniae vulgo nominant. Isque item, qui rem pecuniariam curat. Postremo & is quoque, quem D. Georgij protectores dicunt. Additi sunt his & ciues quidam primarij, ut sexagenarium numerum omnes imple-
rent. Ibi non manifesto suffragio vocum, sed calculorum occulto, creatus est Pelegrus Promontorius: & classis intra paucos dies soluta: quae ad inquirendos hostes, Gallicum, Balearicum, ac Sardinum mare circumuecta, cum Neapolim versus iter intenderet, orta seditio est, quod propinquo iam fine stipendij, nulla certa mercede nauigare videbatur, si Neapolim usque naues ducerentur. Quam ob rem cum nemo esset cui de noua solutione satis crederetur, ante percepti etiam stipendij exitum, inuito & nequicquam clamante Praefecto, Genuam repetunt. Cum res tam foedi exempli, optimatum praesertim animos offendisset: nec seditionis auctores cautiùs agentes, sese, nisi paucis admodum, crederent, dissimulari facinus placuit, donec illi, nihil seuerius contra se statui videntes, securiùs ac negligentiùs vagarentur. Ita paucos intra dies, iniectae sunt in eos manus. Et tribus eorum supplicio affectis, reliquos metus ipse coërcuit. Circumagebatur iam tertius nouae libertatis annus, erantque omnia domi forisque tranquilla, ita ut non absurdè interpretari viderentur, qui dixerant, Ambrosiani templi summitatem, nullius damno fulmine deiectam, dominatum Philippi portendisse, à ceruicibus populi Genuens. nullius clade excutiendum. Perapte enim Mediolanenses per diuum Ambrosium, cui vrbs illa dicata est, & per fastigium dominatus sublimitatem designari. Verum, ea temporum otia interrupit Renatus Rex, qui magnis primum populorum studiis in regno acceptus, sensim minui, & cadere haud cunctanter visus est; seu quod Alfonso, Siciliam, Sardiniamque, & alia praedita regna obtinēti, impar opibus erat: seu quod cum Italicorum moribus parum Gal-
lis conuenire soleat: seu quod ita à natura comparatum est, ut minoris opus laboris sit, regna parare quam tueri. Cumque parum tutum videretur, quatuor, quas supra memorauimus, onerarias, Alfonsianae classi obijcere, adiunctae sunt illi & tres aliae, quae iam, pretiosis mercibus onustae, Galliam, Britanniamque petiturae erant. Ita, duce Pelegro, soluta septem nauium classe, nullo obuiio, Neapolim ventum est. Patefacto mari, cum quatuor priores aduersus sparsos iam tunc hostes satis esse crederentur, eas Renatus, doctior factus, quantum sibi in maritimo exercitu momenti esset, non magna mercede cōducit. Et Genuam redeunte Pelegro, missus statim Nicolaus Campofulgosius, Spinetae filius, qui admodum adolescens cum imperio praefectus est. Tres negotiatoriae post paucos inde dies littus tenuere. Nicolaus in ipso aetatis flore, mira quadam & incredibili proferendi nominis cupiditate flagrans, consilium per se valde quidem temerarium, & praecipue, licet exitu admodum felix, & gloriosum, oppugnandae arcis Neapolitanae, quam vulgo Nouam vocant, iniuit. Haec nimirum, adhuc Alfonso validis praesidiis fouebatur, adeo ut ipse hoc nomine haudquaquam videretur omnino Neapolita-

politano imperio excidisse; cum non parum esset, tanti momenti propugnaculum in ipsius Neapolitanæ urbis portus aditu positum, in potestate sua habere. Constat, eam, opus esse primi Caroli, qui Berengarii gener, Ludouici regis Francorum frater, aduersus Manfredum à Romano Pont: in Italiam quondam accitus fuerat. Namque is, deuicto equestri pugna Manfredo, regno Apuliæ potitus, arcem, quam Capuanam nominant, à Friderico, Henrici & Constantiæ filio, Romanorum Imperatore, paulò antè constructam, velut opus Germanorum contemnens, hanc nouam ædificandam curauerat; spatij multum amplexus, ut non arcis modò, sed regiarum quoque ædium vsum præberet. At Fulgosius, suis rebus intentus, omniaque sua consilia & actiones ad bene rem gerendam iugiter explicans, vna difficultate cum magno suo dolore laborabat, quòd militem, tantæ oppugnationi parem, & sufficientem non haberet. Verùm, excelso animo impedimenta omnia aspernatus, ab illius oppugnatione nullis consiliis abduci poterat; sed suos adhortatus, bonoque animo esse iussos, eam strenuè aggressus est, omniaque fortis ducis, ac strenui bellatoris officia præstitit; & partitis suis militibus, sagittarios, ceterosque eius classis viros, turri illi quæ inter scopulos posita D. Vincentij nomen retinet, destinauit; eo consilio, ut eam crebris

1440

ciaculationibus defatigarent, atque euerterent. Sed cum illa fortiter à præsidiariis regiiisque propugnaretur, primi iuuenis ducis conatus fuerunt irriti, & cum magno obsessorum irrisu & cachinno excepti. Ipse tamen, nihilò secius commotus, cum suis sagittariis fortiter oppugnationi instabat, ac crebro sagittarum nimbo hoc effecit, ut, plerisque præsidiariis, vel interfectis, vel sauciis, iam aditum ad admouendas scalas sibi præpararet: quibus admotis, & viriliter conscensis, cum citra aliquam intermissionem, omnem vim intentarent, præsidiarij, tantis viribus impares, summa necessitate adducti, deditionem fecerunt. Hoc successu, Fulgosius præclaræ virtutis, ac eximiæ iuxta fortitudinis iuuenis, mirum in modum inflam-matus & exhilaratus, reliquam oppugnationem arcis non vltra differendam arbitratu, cohortem vnâ quadringentorum ferè Gallici nominis militum suis classiariis militibus adiunxit, fossaq. præalta, & valde præcipiti arcem vndique cinxit; frequentibusque munimentis ac propugnaculis ad defensores laceendum mirabili artificio inuentis atque extructis, hostem eò necessitatis & angustiae redexit, ut, occupato & intercluso omnis importandi commeatus aditu, multisque aggeribus, instar magnarum molium excitatis, facultatem & commoditatem haberet machinas bellicas, quarum magnâ copiam in nauibus habebat, in continentem exponendi. Quocirca, præparatis omnibus ad nouam oppugnationem necessariis, primum sagittis minoribusque tormentis arcem ipsam defatigare cepit, & magna cum pertinacia citra aliquam intermissionem, excepta ea quæ corporibus curâdis dabatur, obsessos defatigabat, magnisq. cladibus afficiebat, adeò ut multis præsidiariis occisis & vulneratis, sensim vsq. adeò in tantâ angustiam redigeretur, ut in paucorum defensorum robore ac virtute arcis tutamen consisteret. Naues etiam ipsis arcis munimentis propius admotæ, haud segnius, vel minori cum alacritate rem gerebant: quarum propugnacula ita in mali summitate erant locata, ut altitudinem turrium propè adæquarent. De his tantis, tamq. repetitis bellicis apparatus, Alfonsus primum faina ipsa, deinde certis nuntiis, certior factus, omnibus suis copiis in vnum contractis, continua profectio in Campaniam ad obsidionem soluendam contendit. Sed Fulgosius, deprehensis atque perspectis ipsius regis conatibus, ne aliqua negligentia peccaret, iugi cura omnibus iis dat operam, celerrimeque prospicit, quæ regi aduenienti atque subsidium

*Arc noua
Neapolis à
Fulgosio ob-
fessa & tan-
dem dediti-
one occupata.*

dium suis adducendi, obijci atque aduersari possent. Pari diligentia & studio Renatus Andiouinus, de aduentu Aragonij præmonitus, rebus suis peropportunè adfuit: frequenter etenim Neopolitana nobilitate stipatus, armis, paludamento, ceterisque regiis ornamentis conspicuus, operas, aggeres, aliasque munitiones inuisebat, milites humaniter atque blandè alloquebatur, nec aliquid prætermittebat huiusmodi, quod ad inflammandos, simulque deuinciendos militum animos aliqua ratione conducere existimabat. Ingerebat siquidem sæpius, ut, neglectis contemptisque omnibus vitæ periculis, fortiter ac strenuè sese exhiberent, futurum aliquandò, ut, superatis tantis laboribus, hostibusque, victicibus armis repulsis, singulis, prout vniuscuiusque virtus promeruisset, præmia atque ampla stipendia liberalissimè persoluerentur. Hac comitate ac pollicitationis spe accensis, erectisque mirum in modum militum animis, nemo ferè in tanta hominum multitudine, ingeniorumque diuersitate, erat, qui non magna cum animositate munus suum obiret, ac diligentissimè stationem sibi commissam defenderet, adeò ut arx ipsa eò enixius atque alacrius oppugnaretur, quò certius, Alfonso breui suis præsidio adfuturum nuntiaretur. eoque iam erat in ipsis hostium præsidiis deuentum, ut plerisque eorum faucibus, ac vulneratis, rarus in ipsis turribus atque muris miles conspiceretur, vel aliquis caput efferre auderet. Nam, ultra quòd diutina oppugnatione defatigati, & multis laboribus fracti erant, etiam annonæ caritate laborare inceperant, adeò ut, desperatis quodammodò rebus, quamprimum, uti existimatur, deditionem fecissent, nisi magnam fiduciam in Alfonso, suo rege, quem, cum magnis peditum atque equitum turmis non ita longè abesse constans fama diuulgarat, collocaissent. Proinde hac noua spe confirmati, atque animum resumentes, tantisper oppugnationem tolerandam putabant, donec numero, & omnibus rebus necessariis aucti, ab ipso rege vltimis periculis eximerentur. Ceterum, Aragonius Neapolim cum valido præsidio appulsus, hoc enixè dabat operam, ut armis sibi per Andegauensium munimenta, & aggeres, strata, atque adaperata via, arci subsidium nouumque præsidium inferret. Sed cum ferè ad teli iactum hoc cōsilio propius accessisset, ubi saxi sagittisque illum cuneum, quem in prima acie constituerat, fortiter ab hoste repelli, & cum magna strage fundi videret, paulatim pedem retrò tulit, mox pudore ac metu stimulatus, veritus, ne obsessi, desperatis subsidiis, arcis deditionem facerent, summis viribus semel atque iterum irruptione nequicquam tentata, rebusque infelicitè succedentibus, contra spem & opinionem cum summo suo dolore sub occasum quodammodò solis, in castra redire coactus est; ibique instructis omnibus ad hostilem vim reprimendam necessariis, postridiè ferè sub auro-ram educto exercitu, omnibusque suis copiis in acie, & per ordines collocatis, nequa scilicet spes obsessis deesset, eam diem ad solam ostentationem citra aliquem fructum trāsēgit, cuius instituti ordinem cum aliquot diebus continuis sese subindè cum acie sua ostentando, secutus fuisset, rursus impetū in hostem facere instituit, magnoque robore & alacritate in obsidentium munimenta inuectus, cum omnia imperuia ac obsepta reperiret, ut omnibus in locis aditu arceretur, desperatis quodammodò rebus, atque omni ferendi auxilij spe sublata, receptui canere iussit, & in interiora Campaniæ loca, vnde vltimò mouerat, cum suis reuersus est. Verum enimuerò, Rinaldus Sanctius, ex Cathalanis oriundus, vir aliquin acer, ac rei militaris peritissimus, ab Aragonio defensionis arcis cum imperio impositus, intellecto sui regis, in cuius maturo subsidio omnem vitæ spem cum suis reposuerat, discessu, in desperationem quandam prolapsus, nimirum quòd omnibus

omnibus rebus non solum ad obsidionem tolerandam, sed etiam ad vitæ alimonia & sustentationem necessariis, esset destitutus, omnesque eius milites diutina fame languidi, vix ægra corpora commodè circumferrent, de deditioe cogitare cum maximo suo dolore cœpit, eaque de causa, cum Andegauenses, per crebros internuncios, atque adeo per fecialem regium, ad colloquium sollicitasset, tandem inter eos, ea conditione pactum & transactum est, ut ipse Sanctius Præfectus vnâ cum suis militibus incolumis, præsidii excederet. Arce, ea conditione tradita, ipse cum suis commilitonibus longa inedia squalidis & macilentis, non sine multorum militum dolore, & planè tristi miserandoque spectaculo, egressus est. Huius tantæ arcis expugnata, ac dedita, fama, per vniuersam Italiam diuulgata, etiam reliquas Christiani orbis prouincias & regiones diuagata est, ita ut hoc nomine, Renati potentia mirum in modum cum celebraretur, tum formidaretur, quod hac ratione regnum eius non parum fulciri atque firmari videretur. Genuenses etiam, quod regi tam fidem atque strenuam operam nauassent, passim per omnes gentes & nationes behe audire, ac magno virtutis præconio efferri, virtutemque bellicam vnicè in eis admirari, industriam fideique constantiam erga veteres reges summopere laudare, & ad cælum vsque deuehere: nec minor Fulgosio propter spectatam virtutem bellicam, aliaque fortissimi ducis ac militis munera, laus & gloria, omnium ore atque consensu tribuebatur, sic sanè, ut in tãto iuuenè, qui vix bene posito militiæ suæ tyrociniò, egregiis factis, peritissimi cuiusque ducis gesta æquantibus, per omnia ora meritò volitaret. Verum, quantum ex arcis nobilissimæ deditioe, contra omnium spem, breui tempore subsecuta, Renato gloriæ accesserat, tantum, propter suam inopiam ac rerum necessariarum angustiam, indies magis atque magis decedebat. Satis quippè constabat, & subindè constanti fama percubuerat, nullum à Carolo Gallorum rege, aliòque Gallici nominis Principe, neque militis, neque pecuniæ auxilium tam citò expectandum esse, ita certè, ut nisi eo, & duobus proximè insecutis annis, Ligures, suis propemodum impensis rem naualem administrassent, & Iacobus Candola, inter Campaniæ Proceres opibus atque latifundiis admodum potens, Renati partes priuatis suis fortunis & facultatibus, licet ægrè magnoque cum labore sustetasset, & auito patrimonio, quoad eius fieri poterat, subleuasset, verendum proculdubio erat, ne totius regni sui, recens parti, iacturam fecisset. Proinde mortuo Candola, qui anno supra millesimum quadringentesimum quadragesimo obiit, Renati res indies in deterius ferri ac delabi sensim cœperunt. Erat tunc temporis Eugenius summus Pont., Alfonso regi, adeoque toti nomini Aragonio supra modum infensus. Hic igitur ad deprimentum Aragonium omni studio & cura iugiter annitebatur, ut Renati statum in Campania, ac plerisque Italiae partibus nutantem, & inclinantem, præsentis fulcimèto confirmaret. Quocirca enixè dedit operam, ut noui fœderis iure, Galliæ reges Romanæ sedi denuò obligaret: quo sanè inter alia, de mutuo consensu sancitum atque pactum est, ut Pontifex, equestri exercitu, Genuenses verò, in maritimis expeditionibus nauali classe arma aduersus Alfonso & Aragonij nominis socios expedirent. Et ne pecuniæ pænuria bellicos apparatus aliqua ex parte remoraretur, imperatum fuit passim nouum vectigal, scilicet, mercimoniorum centesima. Naualis etiam classis summa habebatur ratio, præsertim cū prima in Alfonso expeditio mari suscipienda esset. Quandoquidem, quàm plurimæ triremes fabricatæ sunt, & illæ quæ nimia vetustate aliqua ex parte videbantur inutiles, summa cum diligentia resectæ, ita ut addito inultarum onerariarum supplemento, insignis naualis classis

Summa laus
Ligustici
Præfecti, ac
populi Ge-
nuens.

1441.

Z

expedita

expedita & præparata fuerit : cui cum imperio Ioannes Fulgosius, omnium fratrum minimus, non citra suorum, multorumque aliorum manifestam inuidiam, & æmulationem, præfectus fuit. Non deerant etenim in vrbe, qui cum superiorum temporum concessas dignitates, & munera Reip. memoria repeteret, & exactius secum expenderent, facile, comparatione facta, statuebant, quænam officia nobilitate commendatos, quænam denique populares homines decerent, nimirum cum Senatus semper summum conferendorum Reip. munerum delectum ac rationem habere solitus esset. Quare, licet Fulgosia gens multis nominibus esset conspicua & insignis, eiusque in patriam præclara merita extarent; nihilominus tamen complures patricij ordinis contendebant, etiâ sibi ad honores capeßendos viam non debere esse præclusam; ideoque existimabant, hac assidua honorum continuatione, nobiles negligi atque defraudari, paulatimque contra vetus Reip. institutum ac morem, solis popularibus, ceteris præteritis, dignitates & munera conferri: eaque de causa peracres contentiones ac dissidia in ipsa vrbe oriebantur. Sed omnium grauissimè, vt res docuit, offendebar Ioannes Antonius Fliscus, Nicolai filius, qui id muneris ita sibi animo destinauerat, vt iniuriam vocaret, si quis in eo se illi præferre auderet. Fremens igitur, & minabundus, vrbe excedens, Turriculam, (id Castelli nomen est, viginti fermè millibus passuum ab vrbe positi,) petiit, ac vniuersa sua consilia & conatus in Thomæ perniciem ac exitium vertere paratus, cum Philippo, Mediolanensium Principe, societatem ac fœdus iniit, & quidem Montanos primò, deinde vicinarum villarum incolas, spe largitionibusque corruptos, ad arma corripientem concitauit: & mox, contracta haud pœnitenda manu, quandoque ad vrbis vsque conspectum excursions facere, nunc prædatorijs lembis excursando, mare infestum reddere, nihil demum maris, aut terrarum pacatum relinquere, quod inter quartum ab vrbe lapidem, Clarumque oppidum interiacet. Quibus rebus summopere perturbatus atque anxius Thomas, nulla mora interposita, mercenario milite conducto, naues actuaras, quæ mare tuerentur, instruxit, & loca vrbis editiora, valido præsidio comuniuit. Verum interea Alfonsus, intellecto, Pontificè, nouis ictis fœderibus, contra se conspirasse, atque eò esse deuentum, vt Genuæ instructa noua classe, arma vndique aduersus se conquirerentur & expedirentur, summa cum diligentia rebus suis ita prospexit, vt, ad omnem euentum paratus, belli aleam subire non vereretur. Nam, quantum Aragonij nominis potentia multum in Italia, propter diuersas procerum factiones, ac studia, esset attrita, & labefactata, tamen cum ipse latè patentem ditionem, magnosque ac potentes socios & confœderatos haberet, nulla ratione se aduersariis suis inferiorem existimabat, ita vt non addubitaret, præmissis aliquot triremibus, & minoribus nauibus, totius Ligusticæ oræ tractum grauissimè infestare. Quo sanè factum est, vt Ligures, haud parum perterriti, ac sibi mirum in modum metuentes, annonæ caritatem, aliarumque venalium rerum pretia ita augerent, vt postmodum omnium rerum necessariarum inopia passim in vrbe laboraretur. Non deerant enim in ipsa Italia, qui clam & aperte Alfonsi partibus, adeoque Aragonio nomini fauerent, & inter ceteros quidem Galeotus Carretinus, Finarij Marchio, Ligustici status & nominis exules, aliosque à Repub. quacunque de causa proscriptos, ostenso asylo, ad se recipere, classem regiam portu, & com meatibus iuuare, aliaque subsidia ostendere, quæ à vero amico & subdito, necessitatis tempore, expectari & exhiberi solent. Hisce conatibus cum non nisi maximis sumptibus variisque modis iri obuiam posset, omnis pecunia ex fœdere coacta, & parata, partim in extruenda classe, partim in reprimendis terra

marique

*Genuæ noui
motus ab
Antonio
Flisco exci-
tati.*

marique enascentibus motibus absumpta est. Quod cum Eugenius, qui supra
 quatuor equitum millia aduersus Alonsum iam pramiserat, resciret, graui indi-
 gnatione accensus, se à Genuensibus elusum dictitans, ita exarsit, vt nulla post-
 modum ratione satis placari potuerit, veterique beneuolentia, qua semper ipsos
 haecenus persecutus fuerat, penitus abrogata, multis argumentis persæpè testa-
 tus sit, acceptæ iniuriæ memoriam altas in animo radices egisse. Ceterum, Al-
 onsus enixè dabat operam, ne quicquam ad bene feliciterq; bellum conficien-
 dum, partesque suas tuendas prætermitteret, & occupatis Vintimilio, Cerra, A-
 uersa, Beneuento, & Opizio, nec non Caprea insula, & Gulielma arce, inedia,
 omniumq; rerum vitæ necessariarum penuria ad deditiõem compulsis, inde rectà
 cum toto suo exercitu mirabiliter instructo, ad nouam Neapolis obsidiõem cum
 summa celeritate contendit: quam cum vndique arctissimè obsedisset, multisq;
 diebus citra aliquam oppugnationem ibi constitisset, tandem à transfuga quodā
 obscura & intèpesta nocte urbem ipsam ingresso, edoctus fuit, per cloacam sub-
 ter muros patère ingressum. eamque occasione in præter spem adeptus, furtim,
 oppidanis omnibus insciis, sensum tantum militem per ostensum specum immi-
 sit, quantum ad referendas armis atque ferro vrbis portas sibi sufficere videbatur. Neapolis ab
Alonso re-
cepta.
 Et hoc modo aditum in urbem nactus, ea potitus est octauo Idus Iunij, siue, vt
 aliis placet, pridie Non. Sextilis, anno salutis supra millesimum quadringentesi-
 mum quadragesimo secundo, exacto ferè annorum viginti spatio, ex quo assidue 1442.
 in illo regno bellum aduersus Andegauenses aliosque Aragonij nominis hostes,
 acriter gesserat. Simili ferè ratione, & eodem propè fato hanc urbem etiam ante
 annos quinque & nongentos, Belisarius à Gothis recuperauerat. Renatus in-
 terea sese ad vrbis defensionem omnibus conatibus & viribus præparans, vbi Renati ex
regno Nea-
politano dis-
cessus.
 hostium multitudinem atque armatorum frequentiam in ipsis ciuitatis mœni-
 bus conspexit, ad tantum spectaculum valdè conterritus, se statim cum aliquot
 primatibus Gallis, & primoribus Genuensibus in arcem nouam subduxit, &
 quod viribus longè esset inferior, abiecta ad præsens omni recuperandæ ciuitatis
 spe, discedere statuit. Priusquam tamen abitionem pararet, arcem ipsam omni
 com meatu rebusque necessariis instruxit, eamque Antonio Caluo, patricio Ge-
 nuensi, cui magnam pecuniæ summam debebat, custodiendam tradidit, ea
 conditione, vt, nisi infra præstitutum tempus, eum nouis præsidis & auxiliis iu-
 uaret, tunc ipsi esset integrum, cum Alfonso, vel ipsis Aragoniis, quibuscumq;
 posset modis, pacisci & transigere. His ita constitutis, ipse conscensa naui, quæ ea
 de causa aliquamdiu ibi ad anchoram steterat, in portum Pisanum, comitatibus
 illum altera naui Othino Caracciolo, & Ioanne Cossa, traiecit, atque illinc se Flo-
 rentiam, ad Eugenium Pont. Romanum, tunc temporis ibi agentem, propera-
 uit: cum quo postquam varias rationes tuendi regni recuperandæq; vrbis ne-
 quicquam iniuisset, vbi nulla auxilia ostèdi vidit, sciretque, præfatam arcem non
 sine magnis sumptibus tueri ac retineri posse, elapso præfixo tempore, iniunxit
 Ioanni Cossæ, vt Antonius Caluus, ipsius Præfectus, deditiõem fateret: ipseque
 diuersa fortuna in Italia vsus, & sexennio ferè Neapolitano regno potitus, abie-
 cta omni vltiori rerum Italicarum spe, Massiliam, vnde antea venerat, mari re-
 uersus est. Cossa interim, impetrata sibi, Othino, & aliis quibsdā Neapolitanis
 Proceribus, ab Aragonio venia, vnà cum Antonio Caluo de arcis deditiõem cum
 Aragoniis agere cœpit, acceptaque tanta ab Alfonso pecunia quantam illi Re-
 natus debuerat, arcem illi liberam tradidit. Ceterum, Alfonso recuperato regno,
 Neapolim curru triumphali, regio apparatu & splendore instructo, cum magno
Z z omnium

omnium procerum atque ordinum consensu & applausu, faustaque plebis clamoratione triumphans ingressus est. Quò autem illius diei æternitati consecratæ memoria celebrior atque illustrior foret, Neapolitani, opibus, magnificentia, & rerum apparatu cum omnibus Italiæ populis certantes, ne aliquid prætermisisse viderentur quod ad splendorem, magnificentiam, & laudem tanti regis augendam pertinere existimarent, Romanorum antiquo more, in signem, ac planè artificiosum arcum marmoreum, & porphyrio lapide conspicuum, variis emblematis, atque Aragoniæ gentis, de variis subactis populis reportatis triumphis atque victoriis, incisum, ante arcis portam, cum summa regis gloria, & perpetuæ laudis testimonio construxerunt. Hæc, spatio trium, vel quatuor annorum gesta coniunxi, ne diuisa, haud perinde ad memoriam sui valerent. Nunc ad temporum ordinem redeo. Dum res Neapoli summa cum omnium lætitia geruntur, ac reducis regis præsentia omnium oculi distinentur, inter Philippum Insubriæ Principem, Venetos, ac Florentinos, pax, grauissimis de causis renouata est, annitente potissimum Francisco Sfortia, ad quem, belli ac pacis arbitrium, velut ad communem amicum, vnanimi illorum populorum consensu delatum fuit. Pollebat etenim ipse summa apud eos auctoritate, magnaque passim apud omnes erat in existimatione, non modò quòd Philippi exercitus supremus dux esset designatus, verum etiam multum sibi potentiæ accreuerat, quòd Philippus, elocata illi vnica, quam habebat, filia, Blanca Maria nomine, focer eius recens esset factus. Ea pax, Reip. Christianæ cum primis necessaria, plerisque Italiæ populis, diutinis bellis defatigatis, summam quietem, otiumque paritura sperabatur, ita vt passim propè ab omnibus, summis votis atque integris animis exoptaretur. Non deerant tamen, quibus eius conditiones mirum in modum displicerent, inter quos, Thomas Fulgosius in primis censebatur, cuius opes, quibus florebat maximis, vehementer ea præcipuè de causa postea fuerunt labefactatæ, nimirum cùm eius potentia illorum confœderatorum populorum auxiliis ac præsiidiis potissimum subnixæ, constituta pace, cùm singuli certis pactis illigarentur, factum fuit, vt ipse Fulgosius priuatis tantummodò opibus staret, ac niteretur, adeò vt, illo inciso neruo, ægrè se contra aduersariorum suorum vires priuatis opibus tueri posset. Itaq. cùm indies magis atq. magis incitatis hominum studiis, multæ contra illum, vti plerumq. fieri solet, orirentur factiones, & nouos inimicos subindè experiretur, accisis iam rebus suis, tantæ aduersariorum multitudini ægrè atque difficulter reluctari poterat. Nam, vt eius minoris notæ aduersarios taceam, Alfonsus Aragonius nauali classe ipsum miserè diuexabat. Pari odio Philippus ipse magnis equitum ac peditum copiis, eius statum populabatur, atque iugiter inquietabat, & complures alij, tantorum Principum exemplum imitati, planè in eius vltimum exitium conspirabant. Nèue vno dumtaxat calamitatum genere videretur oppugnari atque premi, noua atque magna doloris, illi, ex fratris sui Baptiste morte, recens è viuis sublato, accessio facta est, quem vnicè, propter eius virtutes ac singularem industriam diligebat, sic vt in tanti fratris fide non parum auxilij ac solaminis in vtraque fortuna reponere semper cõsueisset. Tamen enim antea ipsis, vti superius dictum est, malè cõuenisset, nihilominus tamè post secutam reconciliationem, omnium præteritarum iniuriarum obliuio ita abolita fuit, vt nunquam ex eo tempore mutuam charitatem fraternam, vel fidem, aliqua in re desiderarint, sed potius optima fide mutuis officiis inter se certarint. Proinde fratris mortem ac funus summis lacrymis profecutus, ei sollemni cum pompa parentauit, tanta me herculè cum ciuium admiratione, vt ex tam insignis pietatis testimonio, ciuitas ipsa

*Pax inter
Philippum,
Venetos, ac
Florentinos.*

*Baptista
Fulgosij in-
teritus.*

haud

haud exiguum Christianæ charitatis exemplum didicerit. Ceterum, domesticis curis familiaribusque rebus implicitum, sic aduersariorum odia persequebantur, ut multi extarent qui ipsi interitum variis artibus & consiliis struerent ac molirentur: tandemque inter eius cædis auctores conuentum, ut ad scelus commodius perpetrandum, Ioannes Antonius Fliscus, comparatis aliquot lembis piscatoriis, concubia nocte magna cum taciturnitate urbem clam ingrederetur, & interea coniurati, correptis armis, sicariorum manu in publicum palatium impetum facerent. Verum, licet omnia summo silentio & calliditate exequeretur, res tamen ita clanculum geri non potuit, quin ad ipsius cognitionem perueniret. Habebat liquidem in tanta insidiatorum caterua nonnullos fidos amicos, qui de coniuratione, atque adeo de totius negotij serie edocti, ipsum sedulo commonefaciebant, ut summa cum diligentia, ac presentibus remediis, sese tantis periculis eximeret; & patefacta coniuratione, diem, horam, locum, & tam atrocis sceleris auctores non ignorabat, licet semper hætenus parum fidei delatoribus præstitisset, nimirum quod semper elusis suis aduersariis, eorum conatus perpetuo inanes atque irritos fecisset, ita ut, spretis vulgi rumoribus, magna cum animi securitate in tanta hostium suorum frequentia viveret. Verum enimvero, cum à pluribus magne auctoritatis ac fidei viris ei nuntiaretur, Ioannem Antonium, decimosexto Cal. Ianuar. noctu ea parte quæ D. Nazarij templo proxima est, erupturum, facile impetrarunt, ut ibi ea nocte ad omnem euentum custodes ac vigilantes disponderentur. Hi cum ad sextam ferè noctis horam excubias egissent, ubi viderunt Africum flare ad urbem nauigantibus prorsus contrarium, simulque noctem valde immitem frigore esse, derelicta statione, quisque domum suam concessere. Interea Fliscus, lemborum commoditatem nactus, & patranda cædis audax, summa cum diligentia, pertinax, atque prauum animi sui decretum prosequendum ratus, mutato vento, tribus horis Camulio Genuam peruenit, paucisque, præter coniuratos, de illius aduentu certiores factis, clam cum suis in urbem irrepit: mox excitato strepitu, passim ad arma, in tanta ciuitatis trepidatione, decursum. Detecta tamen re, neminem propè latebat, Fliscum eo consilio in urbem venisse, ut aduersus ipsum Fulgosium, Reip. Principem, impia arma sumeret. Itaque luce orta, cum armatorum globi omnia compita atque urbis regiones peruagarentur, ciuium multitudo mirum in modum perterrita, & ad tantum inopinatum casum consternata, anceps inopsque consilij passim decurrebat. Quapropter primates ac plerique patricij ordinis viri, qui tum potissimum consilio & auctoritate reliquis antecellebant, in D. Mariæ templum, quod vulgò Vinearum vocant, conueniunt, ac de statu publico, & de patriæ suæ salute, anxie inter se consultant. Videbant enim rerum præteritarum statum ita esse perplexum, & impeditum, ut vix ullis consiliis, tantis malis obuiam iri commodè posset. Nam, ultra intestina illa & domestica mala, Philippus Mediolanensium Princeps, nullo tum bello implicitus, sed in maximo otio constitutus, haud paruum ciuitati metum iniecerat, quod multis indiciis ostenderet, se de recuperanda Rep. prorsus serio cogitare, sic planè, ut non dubitarent, quin aliquam opportunitatem bene gerendæ rei occasionem ex domesticis dissidiis nactus, summis viribus quamprimùm adesset. Proinde, de communi omnium sententia statutum fuit, ut ipsum Fulgosium aliqui publico nomine adirent, qui illi ostenderent, concitato iam ad arma populo, non posse sibi citra magnam patriæ perniciem, & priuatarum fortunarum euersionem, victoriam contingere, simulque ipsum inflecterent, ut spontè Principatum eiuraret. Ipse tamen magna cum animi con-

Coniuratio
aduersus
Thomam
Fulgosium
detecta.

stantia & fortitudine adduci minimè potuit, vt, licet dubiis rebus, sese tam demissè gereret, sed tam prudenter eis respondit, vt responsione in nouam consultationem adhibita, nō parum haberet temporis, rebus suis prospiciendi, & commodandi, adeò vt dum consultando, eundo, redeundo, tempus incassum extrahitur, totus dies absumeretur. Inter hæc, Ioannes Antonius magno animi ardore, ac militari manu constipatus, plerisque in locis armatus discurrebat, tanta cum audacia, & insolentia, vt paruo interiecto tempore, curiam adoriretur, eo quidem euentu, vt illam, cum nemo esset qui defendere aut propugnare auderet, citra magnam aliquam difficultatem, vel sanguinis effusionem, occuparet. Thomas etenim, cum demum se tantis viribus imparem & inferiorem videret, se in turrin, vulgò Horariam dictam, subduxerat, ac tantisper in ea delituit, donec sub fide publica salutem suam Raphaëli Adurnio cōcrederet. Postridiè, Primates ciuitatis, de salute & tranquillitate Reip. valdè solliciti, iterum in ædem D. Luciae sacram, conueniunt, ibique coacto Senatu, variisque sententiarum rogationibus factis, tandem inter cetera, constitutum & ordinatum, vt sex illi viri, qui recens Plebiscito denominati & designati fuerant, potestatem haberent vt sex alios sibi allegerent: deinde vt præter Senatum, qui pari quoque duodenario numero constabat, octouiratus institueretur, cuius munus & præcipuum officium esset, libertatis publicæ curam & tutelam habere, ea tamen conditione, vt, retenta isonomia & æquabilitate, huius noui collegij media pars patricia, media verò popularis esset, & vnoquoque bimestri finiretur. Nulla igitur mora interposita, ne scilicet in tanta Reipub. perturbatione, aliqua negligentia peccaretur, magna cum omnium suffragatione atque consensu creati sunt Raphaël Adurnius, vir miti ingenio, & ciuilibus Pontificiisq. iuris cognitione clarus, Ioannes Antonius Fliscus equestris ordinis, Paulus Albarianus, Andalus Malrufus, Lambas Auria, Baptista Spinula, Meliadux Saluagus, & Dominicus Ricius Bargalius. Hic Magistratus, quod parum inter eos conueniret, parum durauit. nam vix ultra quintum Calendarum Febr. diem proximi anni, nempe supra millesimum quadringentesimum quadagesimi tertij, prorogatus est: quo quidem die non citra magnam altercationem & iurgia, Raphaël Adurnius Reipub. Princeps renuntiatus est, eo certè nomine celebrior, atque passim carior, quò eius patruus Antoniottus & Georgius pater, aliàs Remp. cum pari dignitate non infeliciter administrarant; ille quidem diuturnitate Principatus illustrior, hic verò ciuilitate & moderatione memorabilior: magnumque sui desiderium & gloriosam memoriam reliquerant. Thomas interim, post abrogatum imperium, priuatam vitam cogitans, ad domesticum otium sese transtulit, & cum sibi commodum secessum quæreretur, Serefanam præ ceteris locis sibi elegit, quò summo cum silentio & insciis ciuibus postea profectus est, eo in primis omnium iudicio nomine clarus, quòd licet Principatum, quem antea bis cum summa nominis sui gloria & laude administrauerat, ac in eodem postremum fermè quinquèniū fuerat, per vim & minas deferere coactus sit, tamen cum magna animi moderatione hanc iniuriam & contumeliam deuorarit, cum satis constet, illum, nunquam, post exactum Principatum, aliquod, vel minimi doloris, vel alioquin conturbati animi signum, alicui præbuisse. In vrbe verò interea, fatales atque veteres similitates & factiones, quibus continua serie inde statim ab initio Respub. miserè laborauit, & periclitata est, iterum recruderunt. Siquidem, postquam Fulgus abdicato magistratu, ciuitatem reliquerat, Petrus, alij Perinum vocant, eius nepos, excitatis nouis turbis, Patrum decreto perduellionis nota inustus est. Verum

1443.

Raphaël
Adurnius
Princeps re-
nuntiatus.

rum, cum ipse esset iuuenis excelsi atque elati animi, & manu promptus, ut aliqua in parte tantam ignominiam vlcisceretur, ad Mediolanensem Principem, Genuensium imperio auidè, uti monstrauimus, inhiantem, profectus est, eo animo, ut illi strenuam operam in omnibus rebus nauaret; à quo, eò facilius in gratiam & clientelam receptus est, quò certius existimaret, se, illius opera in multis negotiis, præsertim bellicis, uti posse: & idcirco, ut illum sibi arctius deuinceret, Nouium, Ligusticæ ditionis oppidum, dono dedit, quò inde assiduus excursionibus, Genuam, atque Ligusticum agrum diuexaret. Itaque Fulgosius, suapte natura magnanimus, & quietis impatiens, citra aliquam temporis intermissionem, Genuensibus, vtrò citroq. proficiscentibus, quoad eius fieri potuit, variis modis incòmodabat. Pari modo Ioannes Antonius, cuius superius mentionem fecimus, magnas turbas excitabat, & grauiore adhuc secum meditabatur. Nam, cum videret rerum successum longè aliter quàm existimarat, euenisse, cum magna ambitione torqueretur, parem, vel superiorem ferre non poterat, adeò ut hac de causa derelicta vrbe, contractisque nouis viribus, & coacta circumforanei & vagabundi militis, ac exulum non parua manu, Recam, & portum Delphinum, Orientalis littoris loca, quæ tunc Genuensium præsidis tenebantur, expugnauerit, & in huius vniuersæ maritimæ oræ tractu ingentes motus excitauerit: & proculdubio longè grauiore & maiores còorti fuissent, nisi Adurnius summa cum prudentia atq. studio huic malo remediù quamprimum attulisset, tamen si Resp. tam domi, quàm foris, multis & grauissimis dissensionibus & bellis vexaretur. Quippè, hinc Philippi ducis insidiis, illinc Alfonsi classe & armis non parum consternabatur, adeò ut compositione ea potissimum de causa cum Ioanne Antonio sequenti anno facta, legatisque ad Alfonso pro constituenda pace missis, ea tandem non tam honestis, quàm necessitate expressis conditionibus inter eos constituta & transacta fuerit. Nam præter alia, cautum fuit, ut propter illa, quæ iure belli ablata essent, vel in alienam deuenissent potestatem, nemo repetundarum posceretur. Præterea, ut Ligures, nec regis, & Aragonij nominis hostes, nec itidem rex ipse, Ligurum inimicos reciperent, vel comiteatu villo iuuarent. Postremum ad omnium præteritarum iniuriarum memoriam abrogandam, atque regis animum, quòd ab ipsis deuictus captusque aliquandò fuerat, deliniendum, statutum fuit, ut honorarij muneris nomine, & in perpetuæ obseruantiae argumentum, quotannis ipsi, peluis aurea dono à Genuens. mitteretur. Verùm, cum Alfonso ad Ligustici nominis contumeliam & contemptum, hoc munus, nisi cum sollemni pompa, ac inusitatis cærimonijs admittere, vel recipere vellet; pax non diu inter eos firma stetit. Indignabantur siquidem summopere Genuens., quòd Rex, conuocatis omnibus suis proceribus atque nobilibus aulicis, populoque inspectante, eorum munus non ea animi integritate, quia offerebatur, reciperet. Sed non secus ac si deuictarum gentium spoliis & manubiis ad speciem perlatum fuisset, ipse, triumphati similis, paludatus in sublimi folio, regio splendore atque apparatu conspicuus, tantæ Reip. dignitatem eleuaret, adeò ut deinceps inter eos, permanente tamen pacis nomine, omnia hostiliter vtrimque agerentur. Repub. hoc modo cum Alfonso in gratiam reuersa, quia multum eius intererat, Fliscum, cuius proximè meminimus, tranquillum & pacificum continere, Senatus, quò illum sibi arctius obligaret, non absque summa iudicij grauitate ipsum magna liberalitate atque insolitis immunitatibus profectus est. Fuit proculdubio huius pacis còstitutio vniuersæ Reipub. cum maximè necessaria, tum etiam summopere proficua & salu-

1444.

Pax & con-
uentiones in-
ter Alfon-
sum ac Ge-
nuens.

taris; quandoquidem, propter præterita bella, intermissæ inecimoniorum atq. mercaturæ exercitationes, & necessitudines, magno cum omniū gentium beneficio, iterum ad pristinum statum reuocatae sunt, ita vt ex nouis & mutuis negotiationibus, ærarium publicū, & loca Georgiani muneris, mirum in modū etiam crescerent & augerentur. Quod sanè effecit, vt illi octo libertatis Præsides, quos supra commemorauimus, cum tantis curis essent impares, & suam prouinciā ob paucitatem ægrè adimplere possent, necessariū fuerit, paucis exactis mēsis, octo alios cum aliquātò minori auctoritate in idem collegium transcribere. Qui sanè Magistratus, multorum annorum decursu in hunc vsque diem singulari ordine & industria retinetur & cōseruatur, adeò vt meritò censeri possit, sub Adurnij Principatu Rempub. in longè maiori, quàm antea, quiete & tranquillitate vsque ad annum, scilicet eiusdem æui, quadragesimum septimum viguisse: magnumque haud dubiè domestici otij ac priuatæ utilitatis fructum retulisset, nisi subinde ab Alfonso rege, noua Neapolitani regni accessione insolescente, & acceptæ cladis memoria exacerbatō, multis ac diuersis molestiis affecti fuissent. Conquirebat enim ipse anxie nouarum controuersiarum occasiones & ansam, & annuo suo honorario munere minimè contētus, Genuens. populū frequenter armis infestabat, & subinde grauiores subminabatur. His rebus indignati Ligures, omnibus studiis atque viribus contendebant Aragonios, & Aragonij nominis socios, quamplurimis incommodis ac detrimentis afficere. Ceterum, rebus foris non vsqueadeò sese feliciter habentibus, anno septimo & quadragesimo eius sæculi, (nam duobus superioribus res domi in eodem statu constiterant) in Repub. graues seditiones ac dissidia more veteri, & iam longo vsu nimis recepto, exortæ sunt, initio tumultus ex eo ferè orto, quòd illi, quibus Adurnij administratio minus arridebat, & nescio quas ob causas præteritas displicebat, ipsi Adurnio, aliisque eius fautoribus auctores esse vellent, vt sese, ad maiorem Reipub. quietem & securitatem, Principatu abdicaret; existimantes, vt, postquam supremo Magistratu abiisset, libertati pristinae, cuius se assertores dicebant, hoc modo locus constitueretur. Adurnius igitur, cum ex mera & innata sibi virtute ac bonitate, ita esset erga patriam, atque suos conciuēs animatus, vt publicæ tranquillitatis causa, etiam cum summo rerum priuatarum dispendio nihil non agere, vel subire esset paratus, magna cum animi fortitudine, & veræ charitatis argumento, libens atque spontè se tanto honore, & suprema, qua potiebatur, dignitate priuari passus est, ac circa initium eiusdem anni, quem diximus, pridie Non. Ianuar. sollempni more insignibus Ducalibus depositis, se iterum ad priuati ciuis rationem & statum recepit, & à plurimis ciuib. cum, honoris causa, comitantibus, ad priuatas suas ædes reductus fuit, & statim abrogatō illi imperio, duodecim ciues, centuriatis comitiis celebratis, ex cunctis ordinibus summo cum delectu designati, quibus libertatis constituendæ cura demandata est. Verum, ea res nullum omninò progressum habuit. Quandoquidem ipsi eodem die Barnabam Adurnium, superiori Duci affinitate coniunctum, & eiusdem factionis virum, in Principem communibus suffragiis, non sine sui prædecessoris graui indignatione, quòd se ab amicis stulta & inani persuasione delusum animaduerneret, elegerunt atque substituerunt. Sed quoniam ita ab ipsa natura comparatum est, vt quæ prauis initiis atque malis artibus conquirantur, non diu subsistant, vel saltem, pleraque infelices ac tragicos exitus habeant, cūenit, vt Barnabas, qui ad tantæ dignitatis fastigium, præter merita, atque etiam spem & opinionem suam, populari magis inconstantia, quàm maturitate iudicij cūctus erat,

inomen-

*Institutio
Magistratus
ab huius an-
ni cursu de-
nominatus.*

1445.

1446.

1447.

*Barnabas
Adurnius
Princeps de-
signatus, cui
mox succedit
Ianus Cam-
pofulgusius.*

momento ferè temporis à suprema dignitate in imum præcipitatus fuerit, nimirum vix mense in Principatu transacto, à Fulgosiæ factionis Principibus magna cum sua clade deturbatus est. Conspirarant enim ex ea familia, præter Petrum; quem ad Insubriæ Principis partes transiisse diximus, etiam Ianus, & Ludouicus fratres, ambo nepotes Thomæ Fulgosij, quem, eximia cum animi moderatione priuatam vitam summo imperio prætulisse ostendimus. Hi inextinguibilibus odiis aduersam factionem prosequentes, summa sua nobilitate atque opibus confisi, ad supremum ciuitatis honorem totis animis & studiis aspirabāt; & in primis quidem Ianus maior natu, licet eo tempore absens, per suæ factionis studiosos, aliosque Fulgosij nominis fautores, hoc vnum enixè contendebat, vt quibuscumque posset artibus & studiis, Principatum assequeretur. Alfonso interea, quem Genuensis populi studia atque dissensiones neutiquam latebant, operæpretium se facturum existimans, si contentiones atque tumultus ciuiles in vrbe aleret, Barnabam, qui recens, vt diximus, Principatu exciderat, omnibus pecuniis, ac milite, iuuandum, & fouendum statuit, adeò vt ipse tanti regis beneficio atque auxiliis confirmatus, omnibus suis hostibus, quantumlibet potentibus, facilè reniti atque resistere posset. Proinde Ianus, de improviso ac præter omniū expectationem, nocte quadam, vnica tantummodò triremi, in qua paucos, sed cogniti roboris & manu promptos milites, nimirum nongentos, impouerat, in portum Genuensem deuectus, militibusque in continentem expositis, repentino motu prætorium alacriter inuasit. cumque Adurnius cum parua, quam habebat, militari manu illi cum maximo animi ardore occurreret, per multas horas vtrunque acriter dimicatum fuit, ita vt maior pars militum, qui pro partibus Iani stabant, multis vulneribus faucij, extremo vitæ periculo exponerentur: sed magna animi fortitudine sese Adurniis opposcentes, tandem curia expugnata, profligatisque aduersariis, Fulgosius victoria potitus est, & mox Principatum vi atque armis occupauit. Et quò seipsum in eo firmiter stabiliret, tertio Non. Febr. Petrum in Insubria tum agentē, tanquam suæ familiæ & factionis socium, quamprimum ad se euocauit: quem vt fideliores haberet, urbanarum cohortium præfectum constituit, his artibus atque studiis ratus, se in nouo acquisito imperio tutum fore. Ac ne popularem fauorem negligere, neue tyrannicè dominari velle videretur, nulla mora quodāmodò interposita, ad Finarium, mille ferè passibus à mari distans, atque in faucibus Vallis oppidum positum, expugnandum animum adiecit, propterea quòd Genuensibus crebrò multa damna ab illius loci regulo, Ligustico nomini infestissimo, inferebantur. Siquidem, præter alia, paucis antè diebus, Galeotus Carretinus, eiusdem loci Marchio, nauim quandam, Caluam dictam, pretiosis mercibus onustam, interceperat, & nonnulla oppida Ligustici nominis occuparat: quod sanè omnium animos ita irritarat, vt ad vlciscendam iniuriam, conscribendumque militem, certatim magnam pecuniæ vim, nempe centum millia librarum, cōferrent. Habito itaque quamprimum per totam Liguriam militum delectu, breuique temporis tractu, vltra septem vitorum millia in militiam transcriptis, quorum maior pars ex sagittariis constabat, expeditio in ipsum Marchionem suscepta est. Et quò ea celebrior & famosior fieret, renuntiati sunt, non citra magnū delectum, quatuor lectissimi ciues, vt veteri prosapia, sic etiam morum integritate & innocentia vitæ conspicui, videlicet Andreas Imperialis, Lucas Grimaldus, Paris Iustinianus, & Petrus Montenigrius, vt cum imperio huic militiæ præessent. Et ne aliqua ex parte Resp. hostium iniuriis patēret, non solum terra, verum etiam

Iani Fulgosij victoria, & ad Principatum promotio.

Expeditio aduersus Galeotum Carretinū

mar

Philippi
Mediolanens.
Principis
interitus.

mari omnia procurare visum fuit, quæ ad omnem hostilem vim propulsandam facere viderentur. Itaque instructæ duæ onerariæ naues, quæ omni genere bellico, aliisque instrumentis militaribus instructæ, magnum oculis oblectamentum & admirationem iniiciebant. Nam, quamuis ad ea tempora multæ fuissent cum magnis sumptibus atque artificio extructæ in Ligustica ora naues, tamen illæ duæ carinarum magnitudine, vel potius mole, aliisque rebus necessariis, longè alias superabant. Circa hæc tempora, Philippus Mediolanensium Princeps, cuius hætenus tam crebram mentionem habuimus, pridie Idus Augusti, nondum sexagenarius, ex atroci febre, & in multâ bilem soluta repente aluo, è viuis subtractus est. de cuius natura & moribus ita, præter ceteros, Pius secundus in Europæ descriptione scriptum reliquit. Fuit, inquit, Philippus ingenti corpore, in iuuentute macer, in senectute pinguissimus, deformi facie ac terribili, instabilibus ac prægrandibus oculis, ingenio peracri & callido, in largiendo profusus, in parcendo facilis, in audiendo difficilis, at ubi in colloquium venisset, mitis ac placidus; cultus corporis ac munditiarum omnisque lenocinij negligens, venandi cupidus, equorum studiosus. Ceterum, quietis impatiens, atque imperitandi audax, in pace bellum, in bello pacem quæsiuit, simulandi atque dissimulandi egregius artifex, in milites, quàm in ciues indulgentior, rarò in publicum prodiit, delatoribus facilè credidit, in suspensiones adeò pronus, ut sæpè fidissimos à se amicos leuissimis de causis alienauerit. Pulchris indutum vestibus ægrè ad se venire permisit. Sermonem de morte audiuit inuitus. Tonitrua ac fulmina mirum in modum expauit. Tabifica lue percussos ex urbibus migrare in agros iussit, eorumque domos incendio tolli. qua cura innumerablem illum Mediolani populum multis annis intactum quodammodo ab ea peste seruauit. Huic, cum vita decessisset, funus nec tanto Principe dignum nec suis maioribus ductum est, nec sepulchri decus additum. Hæc Pius. Paucis antè diebus, Astenses, & Carreti, ac Ceuæ Marchiones, qui non semel magnum argumentum sui hostilis animi Reip. præbuerant, cum Philippo principe icto foedere, longè asperioribus odiis, quàm antea, contra Reip. subditos atque socios grassabantur, ac subinde eos ex rerum occasione diuexabant. Proinde ex communi Patrum consensu, portiones, quas ipsi in emptionibus & vectigalibus Magistratus Georgiani habebant, sequestratæ sunt. Et licet hoc illius Magistratus priuilegiis & dignitati mirum in modum repugnaret, attamen quia maior tunc temporis ratio perduellionis & hostilis animi habebatur, quàm iuris ciuilis, putabant, hac de causa apud omnes gentes facilè excusari posse. Dum verò S. C. naualis expeditio in eos paratur, iamque nihil omninò superesset, quàm ut in hostem mouerent, accidit, ut Fulgosius Princeps, post trium mensium ægrotationem, mense Decemb. fatis concederet, adeò ut propter illius obitum, res ipsa nonnihil differretur. Est siquidem in ea Repub. longo vsu receptum, ut illis qui supremum magistratum gesserunt, summis cum cærimoniis & sollemni pompa parentetur: ideoque omnes ordines iustis persoluendis intenti, curam rerum bellicarum nonnihil remittebant. Breui tamen interiecto spatio, nempe 17. Cal. Ian., crebris suffragiis Ludouicus, recens defuncti Ducis frater, qui paulò ante in urbem venerat, Reipub. Princeps resignatus est. Hic igitur tantam dignitatem assecutus, ne aliquid, quod ad Reip. tranquillitatem continendum pertineret, negligere videretur, initio proximi anni, duce Petto Fulgosio Finariû oppidum arctissima obsidione pressit, eodemque facili negotio, propter controuersias & graues dissensiones tum temporis inter Marcum, & Galeotum Carretinos, di-

uersis

Ludouicus
Fulgosius
Princeps re-
muntiat.

uersis studiis inter se contententes, ortas, potitus est. Marcus etenim, Genuensium partium studiosus, tantum apud oppidanos, apud quos plurimum auctoritate & gratia valebat, effecit, ut citra magnam difficultatem deditionem facerent, potissimum cum Galeotus eius frater, apud eos in tanta existimatione non esset. At Genuens, oppido, atque arce in potestatem redacta, consilij ancipites, in diuersas sententias ferebantur, ita ut longa disputatione multae horae in ipso Senatu consumerentur, antequam statui, vel decerni cum omnium consensu & satisfactione posset, utrum oppidum ipsum, una cum arce, solo equari deberet, vel tantummodo reseruata arce, oppidum esset excindendum. Vicit tandem eorum sententia, qui solam arcem, ceu factionum hominum receptaculum, & asylum, euertendam dicerent: ac Senatus consulto lato, arx ipsa diruta & euersa est. Carretinus igitur ditione sua expulsus, variis in locis circumuagabatur, & exulabat. At Finarij populus, Genuensium armis recens oppressus, septimo idus Maij Reipub. consuetis caerimoniis fidem obstrinxit, ac deinceps in tutelam a Patribus receptus est. Ceterum, externis bellis magna cum Reip. laude atque imperij incremento confectis, iterum ciuitas intestinis malis atque nouis vulneribus confossa fuit. Quandoquidem multi rursus, solito & inueterato more ciuilia arma resumebant, & multis inter se odiis certabant, auctore potissimum Petro Fulgoso, qui longe in maiori, quam Ludouicus, existimatione atque auctoritate in vrbe erat. Popularis namque multitudo, suapte natura leuis & inconstans, plane efficiebat, ut istis parum inter se conueniret. Siquidem Petri dignitatem omnibus viribus & pertinaci contentione tuebatur. Ludouicus, talibus popularibus studiis vehementer exacerbatus, cum videret, se aegre Principatum, reluctantem plebe, retinere posse, vix anno decursu, ultro seipsum supremo honore abdicauit. Ceterum, antequam Petrus cum magna omnium procerum atque optimatum indignatione in alterius locum assumeretur, non deerant viri, auctoritate, & opibus florentes, qui Thomae, illorum patrum, retroactae vitae, ac in gerendo supremo magistratu constantiae memores, illum, ea de causa tunc Seresanae in tranquillo otio commorantem, literis quamprimum euocandum censerent, occasione nimirum recuperandi imperij ex horum duorum fratrum suorum nepotum dissensionibus oblata. Fit enim non raro, ut viri cordati in bene morata Reipub. egregiorum virorum facta & notent, & imitentur, adeo certe, ut hi, qui magna propensione Thomae partibus fauebant, magis illius virtutis aemuli & imitatores essent, quam aliquid ad gratiam & quaestum facerent. Quapropter non temere hanc occasionem optimi ac iustissimi Principis recuperandi omittendam esse ducebant. Verum, quia ipse longo iam senio fessus, magnisque honoribus defunctus, magis otio & quiete in suo secessu, quam in perturbata, & tumultuosa vrbe supremis rebus praesse, delectabatur, inter cetera rescripsit, sibi in primis quidem illorum studia & voluntatem, iucundam, & pergratam esse, sed cum magni & praecelari in illa Reipub. viri essent, qui tanto muneri pares forent, se immensas gratias pro tanto oblato honore agere, atque hoc vnum obnixè obtestari, ut, ad retinendam Reipub. tranquillitatem, aliquid multitudinis fauori hac in parte concederent. Proinde Petrum, popularibus studiis ad Principatum euectum, cum saepius antea magnae prudentiae & exacti iudicii specimen dedisset, in ea dignitate retinerent & conseruarent. Hoc si facerent, se non dubitare, quin controuersiae, & odia, ex multis factionibus subinde repullulantia, mirum in modum rescinderentur, atque penitus, coalescentibus tandem omnium animis, abolerentur. Qua sane in re, tanti viri iudicium, affectione, vel errore lapsum, nulla ratione existimari potest;

Finarium oppidum deditione a Genuens. occupatum.

Arx Finarij a Genuens. euersa.

Finarium in Genuens. potestate.

1449.

1450.

potest, quoniam Petrus ipse sexto idus Decemb. rerum gubernaculis admotus, tanta cum prudentia & animi moderatione Reipub. clauum rexit & gubernauit, vt non solummodò cum totius Reipub. satisfactione, verum etiam ad exterorū Principum inuidiam vsque, suas partes impleuerit. Quippè Alfonso Aragonius, Ligustici nominis atque imperij acerrimus hostis, ægrè ferebat, supremum rerū fastigium ad tantum virum delatum esse: suspicabatur nimirum illius prudentia, atque singulari in Reip. administratione peritia, fieri non posse, vt nouis dissidiis locus aliquis daretur. Quocirca non desinbat ipsum omnibus quibus posset iniuriis proscindere, ac Ligusticas opes & ditionem diuexare, multosque profugos, exules ac rebelles subinde emittere, vt Reipub. statum, vt cum que pro temporum conditione quietum atque pacatum, palam & occultè omnibus artibus & dolis inquietarent: atque adeò Reip. incommodare studebat, vt omnes Ligustici nominis hostes præsentī pecunia, atque necessariis auxiliis, ea de causa iuuaret atq. instrueret. Verum enimuero, cum rerum humanarum status ita sit comparatus, vt diu aliquid in eodem tenore existere, vel retineri nequeat, non me herculè mirum, si in supremis honoribus, atque rerum omnium affluentia sit aliquid huiusmodi, quod etiam bene constituta ingenia ab honesto inflectere, & à bene instituto cursu deducere facile queat. Fulgosius siquidem, per se quidem bonus & prudens, statim post adeptum imperium, contra multorum hominum opinionem, seueriorem, quàm par esset, sese ostendit atque præbuit. Seueritas etenim in Principe, animi moderatione ducta, magnam profectò laudem promeretur; vbi tamen impotentia quædam animi, tyrannidī proximior, quàm constantiæ & fortitudini esse notatur, magnam labein Principibus ipsis haud dulciè aspergit, ita vt sæpius magni viri, magnas virtutes, præclarasque laudes nimia seueritate obscurarint. Hoc vitiū, in hoc nostro, de quo loquimur, Principe, statim post adeptum, vti diximus, imperium, irrepit. Nam, vt alia cōtumacis animi argumenta silentio præteream, satis fuerit, vnum instar omnium, in medium protulisse. Cum enim circa initium proximi anni, in magna Procerum frequentia, & vtriusque ordinis multitudine, Galeotus Vfusmarius, vir probè sibi conscius, non dubitaret, vt homo liber erat, etiam liberam vocem in libera Rep. emittere, pauca in præsentem Reip. administrationem locutus, quamprimum per calumniam ad ipsum Principem, quasi rerum nouarum auctor, ac nouas turbas excitare volens, delatus est. Dux, delatori fidem habens, ac ira exæstuans, ipsum euestigio in area Franciscana cum insigni dedecoris nota sic togatum, vt erat, indicta causa, & indemnatum, publicè laqueo suspendi iussit. Exemplum mediū fidiū commiserationē dignū, & ad omnem posteritatem demandandum, eo potissimum nomine, quod, licet heroica ingenia multis virtutibus sæpenumerò polleant, in multis tamen turpiter cæcutiant, & sub specie auctoritatis atrocīa facinora, tyrannica vi potius, quàm vera Principis æquitate, ac moderatione, cum summo Reipub. detrimento, committere soleant. Hoc tam crudele facinus multorum animos haud dubiè mirum in modum offendit: attamen in præsens potius metu, quàm negligentia suppressum & dissimulatū. Dum res eo ferè, quo diximus, modo Genuæ, & in aliis plerisque Italiæ loci, geritur, Fridericus tertius, Cæsar Augustus, vnà cum coniuge sua Eleonora, Eduardi Lusitani regis filia, magnæque Principum virorum stipatus caterua, transmissis Alpibus, ex Germania in Italiam contendit, eo animo & consilio, vt designato sibi Maximiliano filio successore, Romam profisceretur. Præerat tunc rebus sacris cum suprema dignitate Nicolaus quintus, qui cum summo apparatu atq. magna

Petrus Fulgosius Princeps substituitur.

Seueritas in Principe quatenus commendari debeat.

1451.

Petri Fulgosij indicti facinus.

cum

cum animi expectatione & desiderio Cæsarem ipsum cum tanta Procerum frequentia ad se venientem, excipere auebat, adeo ut cum de Cæsaris aduentu per literas pramoneretur, conuocata totius propemodum Italiae nobilitate, pristina illam antiquæ Romæ potentiam, ex rerum omnium præparatarum splendore declarare, & omnium oculis conspiciendam obijcere contendebat. Pontifex itaq. Nonis Martiis ad Cæsarem, qui cum suo gynæceo non procul ab urbe aberat, honorificam legationem præmisit, quæ eum benignissimis verbis eius nomine salutatum, ad suburbia urbis usq. deduceret, & de ipsius ad urbem appulsu edoctus, quamprimum ex Vaticano Purpuratorum suorum agmine, aliorumq. Antistitum frequentia concomitatus, feriente tota urbe, ac festâ fronde redimitis omnibus compitis atque postibus, sub umbella aurea ad Vaticani portam, aulaeis, ac variis tapetis auro argentoque intertextis, ornatam, quam S. Petri vocant, perrexit; & in ipsius urbis conspectu, in Cæsaris, ac eius coniugis amplexum placido gressu irruit. Cæsar, suapte natura benignus, placidus & clemens, ad tanti Præsulis præsentiam non mediocriter affectus, solito atque longo usu recepto more, illum dignatus ac profecutus est, ita ut post mutuos amplexus, variasq. omnium ordinum congratulationes, popularesq. acclamationes, Pontifex inter Cæsarem, eiusq. coniugem medius, subsequenter longa serie omnibus Patribus atque Ordinibus, recta in Vaticanum ipsum contenderit: paucisque interiectis diebus, de more sollemni diademate facto capiti imposito, Cæsar ab ipso renuntiatus & confirmatus fuit. Postquam Italiae Principibus Cæsaris aduentus innotuit, plerique eorum splendidas legationes ad illum habuere; quorum exemplo Genuenses commonefacti, pernobilem legationem quamprimum ad ipsum destinarunt; cuius, Nolæ Episcopus, & Nicolaus Fulgosius præcipui extiterunt. Namque ipsi arbitantes, tanti Principis gratiam comparari, vel promereri leuiter non posse, ex dignitate tum sua, tum eius, esse existimarent, ut viri graues, auctoritate ac nominis splendore florentes, publico nomine ad eum mitterentur: quorum certè legatio eò Cæsari carior fuit, quò splendidior & magnificentior. Interea, Galli à Carretinis regulis sollicitati, pro eorum defensione arma expediuerant. cumq. omnia, quæ bello usui, in procinctu haberent, Petram, ac Finarium inuadere statuebant; & sicut nonnullis placet, occupant: sed Ligures eâ de re per crebros internuntios certiores facti, ad illorum, & reliquorum locorum propugnationem & defensionem, euestigio septingentos delectos & veteranos milites ablegarunt; rati hoc modo, recens exitum impetum validis armis reprimi atque obteri posse. Iisdem ferè temporibus, res in Asia non parum innouari atque immutari cœperunt. Mahometus enim secundus, Amurathis Turcorum regis secundi filius, maximo exercitu collecto, Græciæ imperium adoriri statuerat, adeo ut innumerabili variarum nationum multitudine, per totam Græciam diffusa, mirum in modum iam omnibus summum terrorem inferret. Proinde cum tanti tyranni efferatam barbariem vniuersa Europa summopere cum detestaretur, tum mirifice timeret, Genuenses, de rebus suis solliciti, urbem Peram, è regione Constantinopolis in Asiatico litore sitam, tunc sue ditioni parentem, valido præsidio, aliisque bello necessariis & opportunis tempestiue communiuerunt, & instruxerunt. Hac tamen summa diligentia, quam in rebus omnibus prospiciendis adiungebant, efficere non potuere, quin fatali quadam vi rebus omnibus ibi excuterentur. Siquidem postero anno, qui fuit eiusdem seculi tertius & quinquagesimus, populo Genuensi, atque adeo vniuersæ Christianæ Reipub. quammaximè insigni, Mahometes di-

Mahometus
Turcorum
Imperator.

1453.

ra imperij prorogandi cupiditate accensus, & Christiani nominis capitalis hostis ac depopulator, ex Asia in Europam infesto atque validissimo exercitu mouens, tam immaniter longè lateque grassatus est, vt plerisque in locis magnam vastitatem & tristem solitudinem afferret, eò certè cum maiori totius Reipub. Christianæ perniciæ ac dedecore, quò Christiani Principes tanti hostis potentia nihilosecius admoniti, quàm si nullum periculū ad se deriuari posset, arma, quæ pro Christiani nominis defensione, in tam barbarum, & potentem hostem expediri & contorqueri debebant, mutuis contentionibus attriuerint, & ciuili sanguine resperferint, ita vt non sine summo animi tædio, atque dolore huius tristissimæ ac perniciosissimæ expeditionis successum declarare queam. Oboriuntur siquidem, vt verum eloquar, mihi lacrymæ, quotiescumque mentis oculos in calamitates publicas circumfero; quotiescumque, dico, præteritorum temporum iacturas, atque ærumnas animo repeto, & recordor. Nam, vt nihil grauius hac tempestate querar, quid miseriùs est, quid denique calamitosius, quàm florentissimam Christiani nominis Remp., diu multisque annis florentem, nostrorum Principum segnitie, vel potius torpore, atque veterno, maiori ex parte corruisse atque prolapsam esse, videre? Longa enim temporum serie, res Christiana magnum imperium in Asia obtinuit, atque illud, singulari quadam industria & diligentia conseruauit, sic sanè, vt olim vel ad vnius oppiduli solam amissionem, totus Christianus orbis summoperè doleret ac ingemisceret. At nunc, proh pudor atque nefas, licet Respub. ipsa, iam accisis rebus, in valdè angustum atque arctum locum deducta sit, tamen nullus est angulus, imò vix aliquod est illius membrum, quod multis vulneribus non sit faucium atq. confossum; neque aliqua exigua particula, quæ turpi cōtagione non sit infecta. Hoc eò prolixiùs refero, quò exactiùs temporum decursus examino. Nam Mahometes, vt diximus, cum validissima classe, ac trecentis hominū armatorum millibus, Constantinopolim, veterem omnium Græcorum imperatorum sedem, & olim præstantissimarum artium columen, atque honestarum disciplinarū omnium domicilium, cum magno Christiani nominis dedecore atque iactura obsedit. De cuius quidem expugnationis funestissimo successu, antequam aliquid referam, operæpretium mihi facturum videor, si tantæ vrbis, quæ tot sæculis, & tam multis temporum voluminibus magno in honore, atque rerum omnium florētissimo statu stetit & permansit, primordia, & quasi incunabula recensuero. Multi scriptores de huius inclytæ ciuitatis primis conditoribus inter se variant, & multis rationibus adducti, planè inter se discrepant. Grauiissimos tamen habeo auctores, qui putant, Byzantium ea præcipuè de causa esse appellatum, quòd inter ceteros eius conditores, Byzanta longè reliquis auctoritate, atque nominis claritudine antecelluerit. Sed doctorum constans opinio est, Byzantium à Carthaginiensibus conditum esse, quos valdè nauibus fuisse instructos, & procul merces transuexisse, multæ historiæ testantur & prodiderunt; ac mihi quidem, licet parum in historiæ cognitione versato, videtur, nominis origo ex lingua Phœnicum fluxisse, conueniens scilicet, nouo emporio in loco voluptatibus & illecebris opportuno. Nam Beth-zona, Phœnicum lingua, cauponæ domum sonat, & mores vetusti appellationem congruere ostenderunt. Scribit enim Philarchus, Byzantinos solitos in cauponis & diuersoriis dies noctesque conuersari. & portus alter ex opposito collocatus, nominatus est Mulierum portus. Deinde Megalensium colonia eò deducta est, ita vt vnà cum ipsis colonis Græca lingua & leges etiam eò illatæ sint. Hanc urbem arctissimo, inter Europam Asiamque diuortio

in ex-

In extrema Europa posuere Græci, quibus Pythium Apollinem consulentibus ubi conderent urbem, redditum oraculum est; quærent sedem cæcorum terris aduersam. Ea ambage Chalcedonij monstrabantur, quod priores illuc aduecti, præuisa locorum utilitate, peiora legissent. Quippè Byzantium fertili solo fecundoque mari, quia vis piscium in Pontum erumpens, & obliquis subter undas faxis exterrita, omisso alterius littoris flexu, hos ad portus defertur. Byzantini, Xerxe rerum apud Græcos potiunte, grauissimis bellis diu cum tota Græcia diuexati fuerunt, adeò ut finitis bellis, interdum Lacedæmoniorum, interdum verò Atheniensium socia extiterit. Deinde, enascentibus nouis motibus, Macedonibusque toti terrarum orbi magnum terrorem inferentibus, Philippus Alexandri Magni pater, eam diuturna obsidione ad deditionem coëgit, sub cuius imperio diu permansit. Romanis verò temporibus, cum de imperio inter se certarent Pesceninus & Seuerus, & ille Byzantium prior occupasset, hic, ne tantæ urbis iacturam faceret, totum triennium & semestrem, eam obsidione cinxit; ac cum magna hominum multitudo variis ibi casibus periisset, fame tandem ad deditionem coëgit, magnaque ex parte muris dirutis, deleuit, quos, teste Herodiano, grauissimo scriptore, tanta arte factos fuisse inuenimus, ut mirum fuerit, destrui, & solo æquari potuisse. A Seuero, usque ad Constantinum anni sunt ferè centum. Interea nec vrbs restituta, nec muri instaurati sunt. Verum, Constantinus ad summum imperij fastigium euectus, loci opportunitate comotus, urbem ipsam non solum restituit, verum etiam splendidissimis operibus & dignitate ornauit, ita ut cum vrbe ipsa Roma splendore & magnificentia certaret. Hæc ferè sunt quæ de huius præclarissimæ urbis initio in medium ferri possunt. Si aliqui existant, qui aliis opinionibus regantur, hoc, me non refragante, liberè facere possunt. Satis est, me, ex tantorum auctorum scriptis, hæc in medium, ceu veritati consentanea, attulisse. Sed nunc admonet me temporis ratio, ut huius splendidissimæ urbis tristissimam obsidionem & expugnationem, non absque summo dolore atque lacrymis, historiæ breuibus intexam. Satis cõpertum habemus, Constantinopolis obsidionem Nonis Aprilis à Mahometo ipso inchoatam fuisse. Et neminem mediocriter in historia versatum latet, tum temporis intra mœnia, præter urbanam multitudinem, tantum sex millium Græcorum militum, & auxiliariorum Venetorum, & Genuensium trium millium fuisse. Contrà, Mahometus ad trecenta hominum millia, uti diximus, infesto agmine secum per longa locorum & temporum interualla adduxerat; quæ multitudo maximè collecta fuit ex vicinis gentibus, quæ adhuc sub Christiani nominis titulo diram seruitutem seruiebant, vel saltem, desertis Christianæ religionis sacris, turpiter ad barbarum hostem defecerant. Constabat nimirum, ex Græcis, Illyricis, Valachis, Dardanis, Thracibus, Bulgaris, & Triballis: Turci pauci fuerunt, & eorum pars fuit ex Asia, Bithyni, Galatæ, Lydi, & Cilices, adeò me herculè, ut valdè deplorandum sit, eò esse deuentum, ut Turcici tyranni sic nobiscum bella gerant, ut gentes nobis cognatas & affines, nobiscum dimicare cogant. Turca igitur, tanta hominum frequentia fretus, sic distribuit copias, ut tribus locis terra muros concuteret & disijceret, ac per ruinas tentaret irruptiones. Sed oppidani valdè animati erant, & magna atque egregia virtus in ipsis defensoribus conspiciebatur, quorum dux Iustinianus Genuensis fuit, qui, inter cetera præclara ornamenta, etiam à virtute bellica & naualis rei peritia plurimum commendabatur, adeò sanè, ut eius consiliis ac summa prudentia res Constantinopolitanæ valdè inniterentur. Habebat ipse dux penes se Ioannem Grandem Almanum,

*Constanti-
nopolis à Ma-
homete Tur-
corum rege
obsessa &
expugnata:*

passim in historiis notum, cuius opera & rei bellicæ peritia fortiter irrumpentes Turcas repellebat. Sed, quanquam multi Turcici nominis milites passim globis & sagittis interficerentur, tamen exiguæ hæc copiæ, quæ ad defensionem vrbis relictæ erant, tribus locis, contra tãtam multitudinem impares erant, & diu sufficere non poterant, præsertim cùm vtrunque cuniculi agerentur, in quibus Turcicorum fossorum conatus prorsus irriti fuerunt, ita vt in ipso portu assidua prælia postmodum committerentur. Adduxerat enim Turcicus tyrannus, ex diuersis maris Ægei & Euxini littoribus, duceta & quinquaginta nauigia, vt portum Byzantinum arcta obsidione premeret, & littora nauibus, tanquam natiuo ponte, iungeret. Ceterùm, stabant aduersus Turcicas naues in ipso portu septem Genuensium, tria verò Cretenesium nauigia, & pauca ex Chio insula naues accesserant, quæ omnibus necessariis instructæ, ad vrbis tutelam sese composuerant, & portus ipse ferrea cathena clausus erat, ne in eum, scilicet, Turcicæ naues penetrare atque inuadere possent. Tandem ad omnem occasionem opportunitate monstrata, defensores eruptionem cum nauibus suis fecere, & fortiter cum Turcis præliati sunt, eo certè euentu, vt primis illorum cœptis fortuna annueret, & victoriæ spem non exiguam ostenderet. Incensis namque Turcicis nauibus, tota naualis classis aliquot diebus sine vsu stetit. Verùm cùm nihil reliqui ad summam diligentiam ab ipso Turca, longæ obsidionis tædio valdè furente, & ira accenso, prætermitteretur, tandem ars excogitata est, qua in ipsum portum penetrarent: eoque successu, vndique terra & mari vrbs mœnia quatiebantur. Tyrannus ea de causa bene sperare cœpit, se vrbe potiturum. cumque multis locis deiecti essent muri, & ex portu facilis esset irruptio, sexto Cal. Iunij Barbari, ad motis ad mœnia scalis, & ex portu, aliisque locis ingenti clamore in urbem irrumpere conantur. Stat interea in vicino colle spectator tyrannus, hortatur suos, & horribili voce inflammat, & accendit, vt fortiter ascendant muros, vociferatur horribiliter, sicubi videt suos repelli ac interfici, & confirmat trepidos. Fuit enim tanta virtus defensorum, vt pars Turcici exercitus, cùm multi passim pluribus in locis interfecti essent, cederet, adeò sanè, vt victoriæ spes, viris fortibus urbem propugnantibus, animum & robur addiderit, & tyrannum periculi magnitudo mouerit, vt horribili vlulatu cedentibus minitaretur, nec non cohortes, quas velut triarias apud se retinuerat, iuberet, cedentes, vel segnes, citra aliquam moram interficere. At contrà Græcus Imperator, è sua specula iam bene sperans, pari numero hortatur suos, vt non desperatis rebus, cùm clarè Dei optimi maximi auxilium ob oculos videant, bona cum spe, maioribus tamen cum animis, præliantur. Quibus dictis, & vocibus incensi milites, ibi rursus conuersa est prælij fortuna, vulnerato Genuensi Iustiniano Duce, cuius casum miseratus Imperator, iubet & hortatur, bono esse animo, nèue stationem sibi demandatam aliquo modo derelinquat, præsertim cùm ipsum vulnus non esset lethale. Verùm Iustinianus, fatali puto casu, potius animo fractus, quàm vulnere debilitatus, nullo sibi in ea specula substituto, qui ceteros confirmaret & regeret, aufugit, adeò me herculè, vt milites, animaduersa sui Ducis fuga, illius exemplum secuti, quia ibi in urbem aditus patebat, pari modo stationem reliquerint. Turci videntes eum locum à defensoribus desertum esse, magno agmine ibi intra urbem infunduntur. Iustinianus verò, in vicinam Chalcedonem, quæ nunc Pera, vernaculo verò idiomate Galata nuncupatur, se, vt fama est, medendi vulneris gratia recepit, vnde postea in Chium nauigans, seu vulnere, seu marore animi, inglorius periit, magna profectò cum nominis sui, retroactæque vitæ iactura

ctura, nimirum cum, derelicta urbis propugnatione, haud parum sibi suisque rebus antea praclare gestis derogaverit: quod, omnium iudicio, ipsius, tanquam summi Ducis absentia, maiori ex parte factum fuerit; ut tam praclara urbs, tot tantisque alacribus & promptis militibus, ac defensoribus subnixae, in crudelis & barbari hostis potestatem cederet. Quanto satius fuisset, si multorum praestantissimorum virorum, atque adeo in primis suae nobilissimae laudatissimaeque familiae exempla imitatus, ex tam praesenti atque obuia occasione, etiam cum extremo vitae periculo, immortalis laudis sibi gloriam quaesivisset? Quid enim in rerum natura homini, praesertim nobili, optatius, & laudabilius contingere potest, quam ex praclaris suis actionibus innocentiae, ac probitatis famam assequi? quid deinde gloriosius, quam pro patriae salute, pro aris, pro focis, fortiter dimicare? Quid postremum sanctius, & Christiano viro dignius, quam pro Christiani nominis dignitate ac propagatione contra tam barbarum hostem, Christiani sanguinis sitientem, & nunquam exfatiatum, fortiter in statione sibi demandata occumbere, & animam ipsam sub piis armis in beneficium Christianae pietatis indutis, exhalare? Quod cum intelligerent omnibus fere aetatibus magni viri, semper extitere qui hoc nomine clari euaderent. Ac ne ab ipsa antiquitate exempla petamus, quis ignorat, nostrorum patrum memoria, Marcum Antonium Columnam, ut natalium splendore celebrem, sic bellica virtute, atque in suum Principem fidei constantia gloriosum, dum Veronam pro Caesare Maximiliano adversus Gallicum exercitum, Lautrechio duce, longe lateque grassante, defenderet, fortiter sese gessisse, & maiorum suorum vestigiis inhaerendo, auitam illam gloriam & splendorem egregiis factis accumulasse & illustrasse? Is enim, praeter caetera egregia sua facta cum pro ea qua pollebat auctoritate, & magnanimi ducis ac strenui militis explere vult munera, aciem ipsam contra hostilem impetum instruit, dum magno animi robore, despectis omnibus periculis, imprudenter inter armatorum cuneos versatur, & subinde obequitando circumvagatur, hostes, tanti Ducis maiestatem diligentissimis oculis observantes, ubi primum occasionem sibi dari cernunt, tentata fortuna, maioris bombardae ictu emissio, ictus est, adeo ut licet plumbea pila per brachium adacta, per scapulas emergeret, & quatuor receptis vulneribus saucius esset, nihilominus tamen, ut vir erat singulari fortitudine, ne alios suo dolore animis disijceret, magno cum vitae suae periculo acerbissimum dolorem dissimulavit, & non antea aliquod specimen iusti doloris dedit, quam murus ille, pro cuius dissectione instabatur, omnino esset dirutus atque conuulsus: quo demum prolapsus, & tot hostibus eius ruina oppressis, veluti expiato vulneris dolore, in tabernaculum concessit, tantaque mox lethalis plagae fuit secuta acerbitas, ut diu pertinaci morbo conflictatus, summum, imo vero extremum vitae periculum ab omnibus medicis incurrisse crederetur. Interea Imperator Constantinus Palaeologus, ac plerique alij proceres, cum nullum vitae subsidium, vel spes, nisi in sola fuga relinqueretur, vitae retinendae studio, dum urbem egredi vellent, in ipsa porta vel trucidati sunt, vel collisione interempti. Erant in ipso Constantino heroicae virtutes multae, & quae tantam dignitatem atque potentiam nimirum in modum augerent atque attollerent, ita certe, ut ipse tanto imperio par, magnam laudem promeruisset; si meliori fortuna in imperij sui administratione usus fuisset. Sed cum multorum gravissimorum virorum auctoritate & iudicio imperia ipsa etiam habeant suas periodos, ultra quas non progrediantur; fatali quadam ratione factum fuisse existimandum est, ut, quemadmodum sub Constantino Magistro, Helena progenito, haec pracla-

Clades Cō-
stantinopo-
litana, &
Turcorum
saevitia.

riissima vrbs restaurata, & imperij Orientis sedes electa fuit, sic etiam sub hoc Constantino Paleologo, primi eiusdem vrbs restauratoris cognomine, & Helena etiam matre genito, vrbs ipsa vnà cum imperio, in alienam potestatem deveniret. Multi incertum esse putant, quo in loco Imperator ipse ceciderit: equidem tamen multis coniecturis adducor ut credam, ipsum ad portæ exitum contrucidatum fuisse. Nam satis liquet, in ipsa porta ultra octingenta cadauera collisorum & vulneratorum reperta. Itaque Turci victores facti, per totam urbem horrendis atque stupendis vultibus atrocibusque oculis vagantur, & obuios ac in ædibus senes abditos, matronas, virgines, puberes & impuberes, nullo habito discrimine, confodiunt. Rapiuntur præterea multæ nobiles matronæ, & præclaræ ac pudicæ virgines, ad stupra. Quæritur in omnium ædibus & templis præda, & omnia scelera toto triduo liberè fiunt, quæ gens barbarica, impia, libidinosa, auara, & crudelis, in capta vrbe regia facere & perpetrare cum magna Christiani nominis contumelia, audet & gloriatur. Narrant enim, in conuiviis Turcicis matronas & virgines pudicitia & nobilitate ceteris antecellentes, post varias & longas contumelias, quasi per ludum discerptas fuisse, adeò profecto, ut nesciam, an horribilia exempla legantur in ullius vrbs excidio. Quorum certe cogitatio mouere nos debet, ut viuamus modestius, & Deus nos à tanta laniena cōseruare dignetur. Post triduum ingressus urbem Mahometus, tumultus sedari imperat, & inquisitos proceres aliquos, qui adhuc reliqui erant, pari crudelitate dissecari iubet. Sic, cum omnium urbium regina, in toto genere humano, postquam hoc vetustissimū Græciæ imperium supra mille, centum & nonaginta annos florisset, capta & direpta sit, & omnem obscenissimorum latronum sauitiam experta, quid impendeat aliis gentibus, & urbibus, crebrò & seriò nobis cogitandum esse existimo. Nec frustra nobis proponi tam horrendas tragædias securi imaginemur, & ut antiquitatis exempla, scilicet diluuium, interitum Sodomorum, Romæ, Byzantij, Athenarum, & aliarum innumerabilium urbium euerfiones taceam, quid rogo hisce nostris temporibus non accidit in Gallia, & proximè in Belgio, quod cum ipsius antiquitatis horribilibus exemplis iure conferri & comparari nequeat: adeò ut exclamare libeat, O duriora omnibus scopulis pectora, quæ talibus iræ diuinæ exemplis non mouemini, quæ ne ipsum quidē humani generis capitalem & indefatigabilem hostem satanam, sine tremore, ac venturi iudicii metu, spectare vix posse existimo!

Pera à Tur-
cis deditione
occupata.

Perenses, cognita Byzantinorum clade, cum tam immanem & barbarum hostem viribus, ac recenti victoria exultantem, & ob oculos versantem viderēt, veriti, ne idem periculum adirent, & maioribus, vel saltem paribus ludibriis referuarentur, citra aliquam longam deliberationem, deditionem spontè fecerūt: sed quamuis ipsa deditio sub certa transactionis formula subsecuta sit, tamē crudelis hostis pactorum & fœderum immemor, muros Perensium diruit, bona diripuit, feminæ ac viri iuxta per omne ludibrij & contumeliarum genus habitū atque distracti, non secus ac si viribus expugnati, & ad deditionem coacti fuissent, parem fortunam cum Constantinopolitanis victis subiēre. Et quoniam huius vrbs crebram mentionem habuimus, haud, meo quidem iudicio, ab re fuerit, si ea quæ doctissimus vir Petrus Gillius in topographia Cōstantinopoleos de ipsa memoriæ prodidit, hic breuiter subiccero. Sycena regio, inquit, iā vulgò nominata Galata, sive Pera, rectius nomināda Peræa, ut Iosephus Iudæā trās-Iordanam nominat Peræam. Cui autem appelletur Galata, Constantinopolitani omnes iam prædicant, ex eo, quod illic olim lac venderetur, aut inulgeretur, de-

Descriptio
Galatæ, sive
Pera, olim
Genuenf.
colonia.

cepti

cepti nominis allusione; nec dubito, si scirent, Galatam appellatam olim Sycā, quin etiam auderent eam dicere, à ficum lacte ita appellatam esse, suamque tum aberrationem à vero tueri possent auctoritate Dionysij Byzantij, scribentis, Sycā appellatam à multitudine, & pulchritudine arborum ficuum ibi prouenientium. Quanto rectius coniectassent, si à Galatis populis eam Galatam nominatam fuisse arbitrati essent, adducti Ioannis Tertzæ ciuis Constantinopolitani, & diligens Grammatici varia historia, ab hinc ferè quadringentos annos conscripta, quæ tradit, Brennum Gallum, Duce[m] Gallorum, quos Græci Galatas appellant, profectum Byzantium, illinc traiecisse: indeque Byzantij locum appellatū fuisse Peram, ex traiectione Galatarum, à quibus postea arbitror etiam Galatam appellatam. Hæc autem sita est partim in colle, partim in planitie subiecta sub ipsum collem, quem duæ valles efficiunt, vna ob Oriente, altera ab Occidente, vtraque longa circiter vnum miliare. Collis dorsum procedit à Septentrione ad Meridiem, latum vbiq. non minus ducētis passibus, tam longū, quàm valles, quibus vtrinq. clauditur: deinde coniungitur cum reliqua continentis planitie, collis meridiano latum, & planitiem sub ipsum subiectam continentes Galatam, circumscribit sinus Ceratinus, Isthmumque, & pænisulam ferè semicircularem efficit: vt si lineam duceres ab ore & faucibus sinus ad medium recessum, quem sinus Ceratinus insinuat in vallem, quæ collem Galatinum ab occasu claudit, inclusum videres intra semicirculum, quem designaret ducta linea Galatam accedentem ad figuram arcus intenti, nisi eius cornu vergens ad occasum, dimidio largius quàm Orientale esset, & minus longum. Galatæ circuitus muro circumdatus patet quater mille & quadringentos passus, latitudo varia: nam media est sexcentorum passuum, quorum viginti intercedunt inter sinum & muros. Iam verò planities procurrens inter sinum & collem, dilatatur in centum octoginta passus, cliuus verò in quadringentos. Latus Galatæ Orientale patet in latitudine primò quadringentorum passuum, deinde contrahitur in ducentos sexaginta passus. Latus pertinens ad occasum extra veterem Galatam situm, habet mollem cliuum, & ferè totum ad Meridiem tendentem, præter exiguam procliuitatem subsidentem ad solis occasum iuxta muros veteris Galatæ sitam: cliui enim collis Galatini duplici deuexitate inclinatur, vna in valles, altera in sinum. Vnde fit, vt vrbs sit prona, triplici procliuitate, vna à Septentrionibus ad Meridiem, altera ad ortum solis, tertia ad occasum. Decliuitas per mediam Galatæ latitudinem decurrens, tendit à Septentrionibus ad Meridiem, ita prona, vt in multis locis cliui gradibus molliantur, vt domus ex parte infera scalis ascenduntur, ex supera adeantur plano pede vsque ad primam contignationem. Latus verò tam vergens ad solis ortum, quàm ad occasum, duplicem deuexitatem habet, vnam à septentrionibus ad meridianum cardinem, alteram ad Orientem, aut occidentem: vt non modò viæ rectæ, sed etiam transversæ procliuitatem habeant, sed Orientale latus procliuius in vtramque deuexitatem, occidentale molles cliuos habet tam rectos, quàm transversos. denique Galata sic prona est, vt si eadem altitudine omnes domus essent, superiores contignationes aspectu maris fruerentur, ex eisque, velut ex theatris, naues ultra citraque trajicientes spectarentur: neque modò Galata, sed rota ferè Constantinopolis maris aspectu frueretur, si lex à Zenone constituta, & à Iustiniano sancita seruiaretur, iubens intra centum passus neminem posse Constantinopoli impedire maris aspectum, neque rectum, neque obliquum. Plana vrbs pars discurrens inter imos collis cliuos, & sinum, nusquam minus stricta ducentis passibus, in cornibus largior est, & quidē alicubi patet in longitudinem

quadringentorum passuum, oppidum triplo longius, quàm latius: latitudo tendit à Septentrionibus ad Meridiem, longitudo ab Oriente ad occidentum, latus occidentale latius quàm orientale, & ferè eadem latitudine, qua media vrbs: nam per longitudinem quingentorum passuum nusquam minus lata quingentis passibus Orientale latus contrahitur molliter, quoad eius extremitas in formam cunei reducitur, vbi lata est ducentos sexaginta passus. Totum littus, quod circuit Galatam, portuosum est, naues admittens vsque dum contingant oram maritimam. Inter mœnia, & sinum, intermissum est spatium, vbi tabernæ, & officinæ mercatorum, & cauponæ frequentes, & vacua interualla ad exonerandas naues. Portas habet maritimas sex, quarum tres traiectum frequentem habent ad Constantinopolim. Ita enim contra Constantinopolim iacet Galata à septentrionibus, vt primo, secundo, tertio collibus, & valli primæ & secundæ Constantinopolitanis sit aduersa, præ se habens sinum & Constantinopolim, à tergo suburbana ædificia. Nam supra Galatam multæ domus suburbanæ partim in collis Galatini dorso, partim in eius lateribus triplicibus. Nam Galata non attingit summum verticem collis, imò ex summa vrbe, vbi est excelsissima turris, adhuc restat extra urbem ascensus trecentorum circiter passuum, plenum ædificiis, inde iugum planum tendens à Meridie ad Aquilonem, largum circiter ducentos passus, longum duo millia passuum, per quod medium discurret via lata vtriusque ædificiis cincta hortorum, & vinearum, neque est vlla pars amœnior: ex qua, eiusque lateribus, videtur sinus Cæcæ, & Bosphorus, & Propontis, & septem colles Constantinopolis, & Bithynia, & semper niuosus Olympus. Denique ædificia non modò in colle Galatino, sed etiam in collibus & vallibus circumuicinis sitis in littore Galatino posito contra Constantinopolim, tot colles & valles habente, quot Constantinopolis, vt iam longè dimidio maiorem, quàm sit Galata, urbem efficere possent, ac si centum annos felicitas imperij Byzantini durauerit, altera Constantinopolis futura est Galata. Hucusque Gyllius. De ipsorum autem moribus & institutis, Strabo, genere Cappadox, eruditione Græcus, iudicio priscus, conuersatione incolatuque Romanus, terrarum multarum peragator, vt ex Geographia eius patet, libro quarto de Gallis loquens, ita inquit: Vniuersa natio eorum hominum, qui Galli nunc & Galatæ appellantur, Martis studio flagrans, animo est strenuo & celeri ad conferenda prælia, alioqui mente candida & simplici, & ab improbis moribus abhorrentè. Itaq. iniuria laceßiti, conferti coeunt in certamina apertè & nullo periculi adeundi respectu, eam ob rem tractabiles se moderatèque faciles præbent primo cuique ducem se eorum imperatoremque professio. Idem paulò inferius: præter vim & præsentiam animi, nihil ad certamina adhibentes, quòd si quid temerè susceperint, facilè vtilitati cedunt, ob quod & doctrinæ institutionem & literarum studia capessunt, &c. Rursus de gymnasio Massiliensi, Hæc autem, inquit, Massiliensium institutio, Romanorum hodie nobilissimum quemque pellexit, adeò vt pro peregrinatione, quam studiorum causa Athenas pridem suscipiebant disciplinarum cupidi, nunc illuc se conferant: quorum æmulatio Gallos quoque excitauit, vt, pace per Galliam composita, ipsi otium à rebus bellicis amplectentes, ad discendi institutum animum appellerent, non virum modò, sed etiam vniuersim per vrbes: quippe qui dicendi magistros, quos Sophistas appellant, priuato publicoque impendio, oppidatim suscipiant, salariū illis statuentes perinde ac medicis. Hæc autem cò libentiùs adieci, quò magis constet, Gallis, à quibus Perenses, vti diximus, ortum traxere, nec animum

mum studiis liberalibus aptum promptumque deesse, etiam si idem auctor eis
 ad praelia animos gestientes tribuat. Ceterum, ne urbium descriptionibus, ac re-
 bus Turcicis, crudelissimisque ab eis bellis gestis, & cum magna Christianæ Reip.
 iactura & perniciæ confectis, diutius immorari, quam par est, videar, ad Genuen-
 sium res gestas, ad quos præcipue ac peculiariter huius historiæ contextus per-
 tinet, reuertendum mihi esse statuo: sed tamen hoc prius dumtaxat adijciam;
 nempe Constantinopolitanum excidium, & hanc ingentem calamitatem toti Reip.
 Christianæ inflictam; euentissimis notis ac signis diuinitus præmonstratam
 fuisse. Siquidem compertum est, apud Comum, citerioris Galliæ urbem, ver-
 gente ad occasum die, ingentem canum multitudinem per aëra ferri. postque
 diuersorum pecorum armenta, species peditum primò leuissimæ armaturæ, deinde
 hastatos scutatosque subsequi, equitesque in turmas diuisos, ingenti instructa
 acie prosecutos, horis ferme tribus imaginem aduentantis exercitus præbuisse.
 Demum corpore procero immanem & formidabilem hominem, supra quam di-
 ci possit, veluti exercitus ductorem, terribili equo insidentem, processisse, aliaque
 ludibria oculorum per inane apparuisse, ingentium malorum prænuncia, donec
 nocte appetente, visio omnis illa dilapsa est. Quæ ostenta futurum excidium,
 eadem, & calamitatem, quæ postea vrgentibus fatibus secuta sunt; præsignasse,
 nemo dubitauit. Et de his quidem hæcenus in præsentia dictum sit. Vt verò ad
 inceptum redeam, cum Respub., propter assidua bella, quæ inter ipsam, & Al-
 fonsum gerebantur, maxima publici ærarij angustia premeretur, Patribus ope-
 ræ prærium visum fuit, ut Theodotiæ, aliorumque locorum, quæ adhuc in mari
 Euxino in sua potestate ad illam diem retinebatur, census & vectigalia, in Geor-
 gianj Magistratus ærarium transferrentur, sicuti etiam paulo antè idem de Corsi-
 cis vectigalibus factum fuerat. Nam Senatus, haud mediocri necessitate addu-
 ctus, non semel ab eo Magistratu pecuniam mutuò acceperat. Mense Maio 1454.
 subsequentis anni, licet pax inter Mediolanensem Principem, Venetos, Floren-
 tinos, ac Genuenses, certis conditionibus transigeretur, inter hos tamen, & Al-
 fonsum, nulla compositionis ratio iniri potuit. Quin imò exacerbatis animis,
 indies vtriusque atrociora bella gerebantur, & ipse quidem Alfonso Ligusticam
 ditionem, ac prouincias subinde infestis armis diuexabat, & in primis quidem
 Corsicam, eo tamen euentu, ut Petri Fulgosij supremum Genuæ Magistratum
 gerentis, prudentia atque consiliis, eius vires paribus armis atque potentia, non
 sine magna sua laude, fortiter ac strenuè retunderentur. Verum enimverò, post
 ferme quintum in suprema dignitate exactum annum, Alfonso, eius infensis-
 simus hostis, anno eius æui quinquagesimo quinto, Villamarinum suum Præ- 1455.
 fectum, ea tempestate in militari disciplina politicisque rebus celebrem, cum va-
 lidâ atque potenti classe ad Sinum Ligusticum depopulandum & diuexandum
 ablegauit, eo consilio, & spe, ut Fulgosium Principatu deturbaret ac exueret.
 Quibus naualibus copiis non contentus, etiâ terra exercitum, duce Palermo Nea-
 politano, in Ligusticum agrum immisit, sollicitatus, uti existimatur, ultra natu-
 rale odium, quo ipsum Fulgosium persequabatur, à Raphaële, & Barnaba A-
 durniis, & Ioanne Antonio Flisco, qui tum à patria exulantes, ad Aragoniorum
 partes transierant, eorumque fidem secuti, in propriam patriam, non secus ac in
 propria viscera, impias dexteræ & arma expedire non detrectabant. At Fulgosius,
 pro pristino animi sui robore atque virtute, aduigilans, ne aliqua ex parte impa-
 ratus inuadi posset, ad tentandos periclitandosque ciuium suorum animos, nouas
 consilij rationes inuit: Simulabat nimirum, animi recreandi gratia, extra urbem sibi
 egre-

egrediendum esse. Verùm eo stratagemate omninò statuebat, hostem nihil minus expectantem, per occasionem aggredi atque circumuenire. Proinde citra aliquem strepitum, ac summo cum silentio, in Castelleti arcem, à se peropportune communitam, cum nonnullis sibi fidis & amicis se recepit. Nec sanè inania Fulgosij animus sibi præfagierat. Siquidem, eius aduersarij, intellecta ipsius ab vrbe absentia, protinus Adurnium & Aragonium nomen inclamantes, iuxta palatium cum illius fociis atque clientibus acrem pugnam commisere. Ceterù, is, noctu ex arce cum multis armatis prodiens, & altissimis vociferationibus Fulgosium nomen ingeminans, aduersam factionem ita exterruit, vt se statim in fugam coniicientes, quàm plurimi eorum obtruncarentur, & non pauci in manus hostium deuenirent; qui postea vario mortis genere, vitæ finem clauserunt. Huiusmodi astu atque sollertia, ita seipsum interni vrbanique hostis metu ac periculo exemit, vt etiam ab externo parum sibi omninò metuere videretur. Nam, cum classis Præfecti, aliarumque copiarum Duces, incredibili studio & diligentia, qua Fulgosius in suis rebus magis magisque indies utebatur, sua consilia & conatus vanos atque irritos esse animaduertent, ab ea expeditione, adulta iam ætate, relictis tamen nonnullis ex suis triremibus, quæ subinde oram maritimam, & alia loca eius dirionis infestarent, recesserunt. Annales quidam referunt, à Tarraconensibus, priusquam hæc postrema contigissent, nauem quandam Ligusticam, variis mercibus onustam, ex Chio, Genuam versus transfretatam, fuisse captam; ideoque Genuenses tantopere fuisse indignatos, vt Ioannem Philippum Fliscum, quatuor maximis nauibus instructum, ad mare tutandum, & omnem hostilem vim coercendam, euestigio miserint, eumque tam procul fuisse progressum, vt in Baianum sinum euectus, breui post, in Neapolitanum portum delatus sit, eo animi decreto, vt regiam classem, ibi eo tempore in anchoris subsistentem, inuaderet, atque si potis esset, incedio absumeret: sed repulsum æneis tormentis, maleque exceptum, spe illusa, inglorium abiisse. Pari modo referunt, classem regiam, paucis diebus interiectis, sex Ligusticas naues ad montem Syrcæum, hodiè Syrcellum vocatum, fortuito casu delatas, magno cum studio & ardore insecutam fuisse. Verùm, cum naues Ligustinæ, ad tantæ classis conspectum valde essent exterritæ, quotquot in iis erant, derelictis nauibus, sese per auia & inuia montium receperunt, ita vt Aragonij, cum naues ipsas vacuas, & omni præsidio destitutas offenderent, diuiti præda, & opimis spoliis, demersis nauibus, potiti sint. eoque factum est, vt, quanquam per totam ferè Italiam pax esset constituta, nunquam tamen, propter recentem cladem, atque iniuriarum memoriam, inter illum regem, & hanc gentem, bellum consopiri potuerit. Interea temporis, exules, & quibus à Repub. variis de causis, aqua & igni interdictum erat, fidem Aragoniorum secuti, à rege ipso classe instructi, totam oram Ligusticam adeò infestam reddidère, vt nulla prorsus mercimonia, vel tutæ nauigationes iis in locis, cum maximo totius Reipub. incommodo, fieri possent: quæ sanè diuexationes tantisper durarunt, donec scilicet, ab Aragoniis, longè maiori, quàm antea, apparatu, & contentione in Fulgosium, atque adeò in vniuersam Rempublicam, bellum renouatum est, quod sanè contigit anno eiusdem æui quinquagesimo quinto: Aragonij namque, tametsi viderent, fieri non posse, vt Fulgosius, ab alienatis tam multorum suorum animis, diu principem locum in Repub. retineret, moræ tamen impatientes, omnibus viribus illum terra marique adoriri atque opprimere conabantur. Priusquam verò ulterius progrediar, minimè alienum fore existimaui, si ad posteritatis memoriam, ipsius Alfonsi

episto-

epistolam hoc anno ad Principem ac Senatum Genuens. scriptam, eiusdemque ad eum responsum, hîc obiter inseruero.

REX ARAGONVM VTRIVSQUE
SICILIAE, &c.



VI vos fortassè non norunt, ô Dux, Baliaeque Præsides (si modò aliqui in terra vitam agunt, qui vos non norint) poterunt hi quidem ex literis vestris metu aut admiratione aliquâ affici. Ego verò, qui toties iactantiam vestrâ, toties leuitatem atq. perfidiam expertus sum, non solum quod scribitis, neq. magnificatio, neq. formido, sed is potius sum, cui facere videamini quod impudica mulier solet, quæ si semel ex animo pudorè abiecerit, in castas probasq. obiectare adulteria non desinat. Et si vobiscum verbis contendere cõsiliu non sit, respondebo tamen abundè satis pro tempore literis vestris, quò mortales, atq. immortales omnes intelligât, me, nequaquam bellum contra nationẽ Genuensium in præsentia suscitasse, cû qua & amicè & beneuolè viuere perpetuò, nisi nobis publicè fiat iniuria, decreuimus. Immo verò, pro ciuitate Genuensi, id est, pro optimatibus, summisque viris, ac ciuitatis flore, qui vestra vi atq. opera extorres degunt, nos, cõtra fœditragos, tritemes nostras immississe, pro, inquâ, quos, multis antehac experimētis inspectos, sciremus, firmos & constantes, publicè, & priuatim in proposito perstitisse, humanitatē atq. iustitiam colere consuetos, quosque haud dubiè speremus, si nostris auspiciis, nostraque ope in urbem restituti, Remp. capeſſant, melius fidem, gratitudinem, fœdus, pacem, & decus omne nobiscum seruatuſ. Ac primum omnium, si qua vobis rerum præteritarum memoria extat, primam, atque secundam inter nos pacem vestra avaritia, atque perfidia violatam inuenietis. Sed vt nimis vetera omittamus, & ad hæc recentiora, de quibus querela & controuersia est, veniamus, precibus vestris demum factum est, vt Calistus Pontifex nos ad indutias, seu, vt vulgò dicitur, treguam, vobiscum ineundam compulerit. Quæ res, tametsi parum duratura pro vestris moribus mihi videbatur, tamen Pontifici, Domino nostro potius parere volui, quàm de fide vestra parum confisus videri. Sed neq. illud, præsertim Gotardo dictante, iactare debuistis, pacem scilicet, inter nos factam consilio & precibus Pontificis mei. Aderat quidem Gotardus ipse tunc legatus vester, cû Episcopus Atrebatensis, communi omnium legatorum nomine, diserta quidem oratione me oraret, vt Genuenses quoque in vniuersalem pacem susciperem, cumq. ego responderem, Genuenses, pro sua perfidia, pœna potius, quàm pace dignos videri, exclamasse Gotardum, (quis non viderit genibus prouolutum?) tuâ nos saltem clementia, ô Rex humanissime, communi hac pace dignos efficiat. Factæ igitur precibus Gotardi, sed interuentu Pontificis, indutiæ, fœdus ictum, cû id Pontificis saltem auctoritate aliquandiu sustentari posse existimarem, præsidium, quod in terra Corsica habebam, reuocaui. Vos interim, occasione oblata, oppida, quæ illic Regia domus nostra possederat, vt erant propugnatorum vacua, occupastis, præfectos & populares nostros fœdissimè trucidastis, pacem de Pontificis sinu adhuc calentem, extinxistis, fœdera, iusiurandum, fidem, pietatem, religionem pro nihilo existimâtes: inter hæc etiam, naues nonnullas subditorum nostrorum, nihil hostile metuentiû, cepistis, diripistis, abduxistis. Quibus de rebus cû ego per Franciscum Castelletum legatum nostrum, & item per Bernardum præfectû classis nostræ, apud vos sæpius quererer, necnon apud Pontificem, per Solerium nobilem theologum, ita ubiq.

*Epistola re-
gu Aragoni
ad Ducent,
Baliæq. Præ-
sides Reip.
Genuens.*

super

super ea re negligentes extitistis, vt lætari atque exultare potius malo, quàm illud velle corrigere videremini. Nam quas friuolas & ineptas excusationes, aut rectius præstigias affertis, magistratum, quem vos diui Georgij cognomento appellatis, huiusmodi facinus patrasse, non vos, quasi caput ad ventrem, culpam reijciat, venter ad caput: facitis sanè, vt sacerdos ille Hercules, apud Diuum Augustinum, qui solus vtraque manu alternante, dextra quidem pro se, læua, velut pro aduersario testis ludebat. Num itaque nos temerè, aut repentè (vt dicitis) contra vos triremes immiserimus, qui toties per Solerium, toties per præfectum nostrum, toties per legatum nostrum, qui apud vos adhuc agit, damna illata à vobis frustra repetiuerimus, studentes, quantum in nobis esset, amicitiam cum improbis etiam seruare, si modò compilationum, aut errorum, illos aliquandò pingeret, pœniteretque? Illud autem admirari satis non possumus, quomodo Turcarum pericula nominare vos non pudeat, quippe qui probè scire debeatis, quod de genere Christianorum sint, qui prius ex Asia in Europam onerariis nauibus pretio & singulari auaritia ducti, deuexerunt, quàmue vbique terrarum conatus omnes Regum Ducumque Christianorum pro virili subuerterint, subuertantque. quotidie, Mahumetanis arma, tela, tormenta, commeatum contra ius, fasque, subministrando. Rursum & hos nosse debetis, qui nunc cum Turca contra Christum perpetuò ferè coniurantes, expeditionem nostram, quantum in ipsis est, impedire conentur. Nam, per immortalem Deum, quid aliud est, pacem inter nos initam frangere, quàm Turcarum causam agere, quàm Christum abiurare, quàm Christianorum omnium exitum optare? Viderit Christus ipse, cuius causa agitur, nos semel atque iterum pacem Italiæ summa diligentia procurasse atque firmasse, cum ob alias causas, tum vel maximè, quòd Christianorū in Turcas faciliores essent conatus, atque animi alacriores. Quod, quoniā per vos nunc, o Dux, octoque viri Genuenses, disturbatum iri palam est, in vos igitur conatus nostri, veluti in Turcas exortos, in Italiam cōuertantur oportebit, nec prius ab incepto destituri sumus, quàm vos, Christo ipso bene adiuuante, supplices nobis reddamus. Nec minus (Christo Duce) in Turcas Asiaticos expeditionem, quam semel suscepimus, vobis inuitis executuri sumus, palamque facturi, nos, ea tantum cupere, quæ assequi, aut capere facile valemus. Postremò nos haudquaquam præterit, victoriam, alternam rem esse, nec hominum potentia, sed Dei optimi maximi arbitrio constare: idcirco accidisse aliquandò, vt ab inualidis fortiores vincerentur, plures à paucioribus. vos contra, latere non debet, fortiores vix plerimum victores euadere solere, si iustam præsertim, Deoque acceptam causam sustinent. Quòd si victoriæ alicuius recordatio vos subiit, inemineritis simul, & in ea fœderis violati, vt quantum ex victoria lætitiæ, tantum ex perfidia inastitiæ contrahatis. Posthac verò vobis persuasum sit, non dolo, aut perfidia amplius, sed armis, ac iustitia vincendum esse. Data in castello nouo nostro Neapoli die x. Augusti. M. CCCC. LVI. *Antonius Panormita.*

Huic epistola ita responsum fuit à Principe Genuens.

DUX GENVENSIS REGI ARAGONVM. &c.

Epistola Du-
cis Baliegi
Præsidum
Reipub. Ge-
nuens. ad re-
gem Ara-
gonum, &
Astrucum
Siciliæ.



INFINITAS propè à te, præclarissime Rex, pacis belli que tempo-
ribus accepisse literas meminimus, eam quidem verborum mode-
rationem habentes, vt liquidò appateret, eas & à rege & à mode-
ratissimo rege profectas esse. hæc verò, quas decimo Augusti die
datas nuper legimus, adeò ab illis omnibus degenerant, vt si tuum nomē tollas,
asseue-

asseuerandum sit, eas, neque tuæ maiestatis esse, nec ciuilis alicuius viri: tanto enim studio hic eius operis architectus vecordis in maledicendo facundia gloriā affectasse videtur, vt quid, quomodoque loqui regem deceat, oblitus sit. Nos verò, quos falsas admodum obiectiones diluere cogis, ita causam nostram agemus, vt, quemadmodum veritate, ac iustitia, ita sermonis quoque modestia maledicentem superemus. Obiicitur ante omnia, priorem, secundamque pacem à nobis fuisse violatam. Cuius criminis, quoniam neque rationes, neque argumenta vlla in medium afferuntur, hoc dixisse sit satis, nos assiduas temporibus illis ad excellētiā tuam querelas detulisse, cum triremes tuæ in spoliandis amicis, & hostibus, nullum discrimen haberent, & orasse, ad alicuius communis amici arbitrium controuersias mutuas deferri, idque nunquam à te impetrari potuisse. Transis post hæc, ad has indutias, opera Pontificis Romani contractas, quas vter nostrum religiosius custodierit, testes sunt cælum ac mare, & tot infelices ex nostris mortales, quot triremibus tuis vincti attinentur, qui fiducia renouati fœderis, securi capti ac spoliati, remoque addicti, crudelius à tuis, quam à Barbaris habentur. verum; quoniam direptionum & prædarum facinus in tuis credibilius est, ad res Corsicanas statim conuerteris, obijciens, cum ea, quæ Corsicæ habueras, præsidia, inde abduxisses, nos, in oppida defensoribus vacua, fecisse impetum, iisque captis, quosdam à superioribus quondam regibus Aragonum possessos, fœdè trucidasse. Nolumus hoc loco, præcellentissime Princeps, durius aliquid eloqui, ne, quam spondimus modestiam, abieciisse videamur: hoc tantum dicimus, sublimitatem tuam in ordine rerum gestarum maximè falli. Nam discessisse tunc Corsica vllum præsidij tui, quem ibi tenuisses, fieri nequit, & longè ante contractas indutias miserat illuc Magistratus sancti Georgij copias ad prædomandos rebelles, qui imperium exuerant. sed, ne videamur ex hac verborum breuitate nolle intelligi, Ranucius Leocanus, longo iam antè tempore, seq. ac filios, & terras suas tutelæ nostræ commiserat; in qua fide adeò constanter perseuerauit, vt pro Repub. pugnans, armatus in acie cæsus sit. Quum succedentes filij vellent & ipsi fidei suæ pignus aliquod dare, Genuam venēre, seq. iureiurando obstrinxere ad fidelitatem & obedientiam magistratus S. Georgij. Nec his contentus, Raphaël è fratribus se in Auriam familiam adscisci petiit, & impetravit. Hic, quietam consilia perosus, cum sententiam mutasset, & paterni, propriique promissi immemor, seq. ac suos, in rebellionem præcipitasset, misso exercitu, captus est, & quas meruerat perfidiæ pœnas, luit. Hunc si tua maiestas virum in suos transferre velit, exnunc palam conuenta franguntur. Cautum est enim ex secunda pace, neutri partium licēre, vrbes, terras, ac subditos partis alterius, se etiam spōtè dedentes, admittere. Ex quo fateare oportet, aut licuisse nobis, in eum, & suos animaduertere, aut, si illos à te receptos non diffiteris, contra pacem, fidemque, ac iusiurandum, receptos, fateare necesse est. Fabulam autem illam, quæ affertur, nos in excusationem causæ nostræ adducere solitos, magistratum S. Georgij, non nos, hæc iussisse, velut ex eodem corpore membrum, in membrum aliud culpam regerat, quicumq. confinxit, vanè, non solum astutè, vt creditur, confinxit. Nos profectò, nihil vnquam tale, vel scripsimus, vel diximus. Quòd si quid tale loquuntur literæ nostræ, proferantur in lucem, sintque testimonio contra nos: id, nisi fiat, palam fiet, epistolam tuam, cum vera in nos crimina congeri non possent, vanitate & commentis fuisse refertam, neque religionem, Christi que vicarium, ipsumque fœderis testem, & ultorem Deum, te veritum fallere. Nos quidem, quæ magistratus ille, nobilissimum Reipub. nostræ

membrum, vel decreuit aliquandò, vel gessit, laudamus omnia, & veluti à nobis iussa, in nos referri facile passi sumus. Sed respondeat, si potest, sublimitas tua, si prohibebant indutiæ, animaduertere nos in Corsos contumaces nostros, cur non saltem ad Pontificem Romanum, earum auctorem, ita querelas detulisti, ut vocaremur, & admissi nostri rationem redderemus? cur semestris intervalli, quod fœderi adiectum est, moram proferre nequiuisti? Nimirum fecit nimia felicitas, ut fœdere ac religione, Deique vicario contemptis, omnia tibi licere arbitrareris. Sed iam ad Turcarum pericula veniendum est, quorum nos causam agere prædicas; nec pudet Christianum populum, cuius tu beneficio imperas, Italicos Turcas appellare. Nam, ut omittamus, quantas quamque præclaras res Genuensis populus in Palæstina gesserit, cum vi & armis Hierosolymitanum regnum Christo restitutum est, quantas deinde, quamque magnificas, cum partim tueri, & postremò amissum recuperari oportuit, ut prætereamus etiam decenne bellum, quod pro defensione Orientalium Christianorum contra Baisitam, huius Mahumeti proauum, suscepit, & strenuissimè administravit. Dertusa certe nobilis ciuitas, multa que egregia oppida in ripa Iberi fluminis posita, classibus nostris expugnata, cæsis infidelibus, vero cultui colla submiserunt. Atque ita in regnis tuis nondum pietatis nostræ vestigia deleta sunt. Nam, quod in nos referre conatur sublimitas tua, primùm Turcarum ex Asia in Europam transitum, apud doctos eius historiæ ridiculum est. Liquet enim, cum duo Græcorum Principes de imperio contenderent, alterum Constantinopoli eiectum, ad Turcarum opem confugisse, pactaque mercede, Calipolim, arcemque eius, conuentorum pignus Turcæ tradidisse, atque ita multa eorum millia ex Bithynia in Thraciam fuisse traiecta. Sed mauult, scimus, excellentia tua de ea expeditione, quam in Turcas moliri tamdiu prædicasti, sermonem haberi. Quocirca non nos fugit, iam propè triennio circumactò, pollicitam esse sublimitatē tuam, classes, exercitusque, quibus eorum ferociæ occurreres, per facile id ita fore, nobis persuasum est. Nam, quis est Christianorum regum, quem propter vicinitatem ea magis pericula mouere debuerint? Classē ab Hydrunte mane soluentem, excipiunt vespere Turcarum littora, clamoribus resonantia: astruebat promissæ expeditionis fidem, quod videbamus, Siciliam, & Sardiniam, exactionibus assiduis exhauriri, reliquos populos insolitis tributis oppressos, in sacerdotes adeò acerbè sæuiri, ut in comparationem reliquarum extorsionum, leuis videretur decimarum præstatio, fama que fuerit, tantum pecuniarum vndique corrasum esse, quantum ipsam Charybdim explere potuisset. Nos interim, certa spe tuæ classis confirmati, singulis annis naues, viros, arma, triticum Christianis Orientalibus suppeditare, utque forti animo calamitates suas ferrent, litteris ac legationibus exhortari, breui affuturas vires opulentissimi regis, quæ Turcas trans Caucasum trepidos fugent. Sed lenta fuit adeò hæc toties iactata expeditio, ut nisi nos, non vna, sed pluribus classibus discrimini eorum subuenissemus, deserti ac perdiri, Turcarum fauces non effugissent. Circumspiciat omnia nunc prudentia tua, ac iudicet, vter nostrum Turcas foueat; nos ne, per quos multæ insulæ, multi adhuc populi, Christum colunt, an is, qui tot florentibus regnis subnixus, collecto auro, quod in multas expeditiones satis esset, eos sæuissimis hostibus prodit, pro quorum salute collatum est. De ciuibz nostris, quorum te charitate moueri dicetis, hoc sibi persuadeat Maiestas tua: illi quidem, cum sanam mentem resumpserint, redibunt in patriam, non suis viribus, sed mansuetudine nostra: præoptabuntque æquo iure cum suis agere, quam fidem tuā rursus experiri. Bellum autem,

autem, & minas tuas, eo accepimus animo, quo & reliqua gessimus tecum bella, eoque maiore in Deum fiducia, quod is nouit, vter nostrum ius, fas, religionem, iusiurandum, Christi vicarium, ipsumque Deum, emissa in nos classe, superbe contempserit. Reliqua epistolarum tuarum prætermittere, & modus epistolæ monet, & illud simul, ne quod diluendi criminis facere necessitas iussit, maledicendi animo fecisse videremur. Genuæ M. CCCC. LVI. die xv. Septemb. Petrus de campo Fregoso Dei gratia Dux Genuenf. &c. Et officium octo Balix communis Genuæ. *Iacobus Bracellens.*

Proximo anno, Genuæ, Principis, ac Senatus decreto, valida classis aduersus Aragonios parata atque instructa fuit, ei que Thomas Fulgosius cum imperio præpositus, qui haud multo post, è sinu Ligustico soluens, hostilem nauim, ex his quas vulgò Galeatias vocant, occupauit, eiusque prædæ partitioni Eduardus Auria, Franciscus Camilius, & Dominicus Promontorius attributi. Et quia Romanus Pontifex, fidei, ac religionis studio incensus, maximoperè auebat, simulque omnem suam auctoritatem interponebat, vt tandem inter Ligures, atq. Alfonsum, lenitis animis, in mutuam gratiam rediretur, de communi Patrum sententia, duo supremæ nobilitatis viri, consilio, ac virtute præstantes, Romam ablegati. Ceterum, haud multò post, infectis vtrunque rebus, illinc discessum.



LIBER XIII.



VM hæc ita geruntur, Fulgosius, suæ tyrannicæ administrationis probè sibi conscius, & non modò se, in aduersariorum, verum etiam eorum qui sibi antea summoperè fauerant, odium incurrisse animaduertens, animum prorsus despondit, se, in tanta virium imbecillitate, Principatum diutiùs, cõtra tam multos potentes inimicos tueri posse. Proinde temporibus, ac fortunæ cedendum ratus, Principatum potius externorum Principum potentia atq. voluntati subijcere voluit, quàm suorum æmulorum atq. hostium libidini, sicuti plerique ante eum fecerant, permittere. Et cum non ignoraret, Aragonio grauissimas simultates & nõ obscura odia cum Carolo septimo Galliarum rege, ob regni Neapolitani disceptationem, longa æmulatione intercedere, ad hunc, anno eius æui duodesagesimo, ac mense Martio, quatuor legatos, sibi fidos, & in aliis arduis negotiis exploratos, nempe, Marcum Grillum, Ioannē Ambrosium Marinum, Gotardum Stellam, & Baptistam Guanum, destinauit, vt cum rege de Repub. tradenda agerent. Rex verò, pronis atque auidis auribus eius legationem suscipiendo, protinus data acceptaque fide, Fulgosium vnà cum ipsa Repub. in clientelam recepit. Et, vt de publico bono, & tràquillitate sollicitum se palàm testaretur, illuc quinto Idus Maij, Ioannem Andegauensem, Renati filium, suum consanguineum, ablegauit, ea potissimum de causa, vt ibi cum supremo munere & auctoritate præset. Gaudebat Rex, & in summam lætitiâ profusus, animo gestiebat, hanc opportunitatem cum Aragonijs gerendi belli diuinitus sibi offerri, cum perbellè compertum haberet, Genuam, adeoq. totum tractum Ligusticum, gerendis aduersus Aragonios terra marique bellis, in primis esse commodum, & ferè necessarium. Magnus erat ipse Andegauus iungendarum atque retinendarum amicitiarum artifex: quippè, vltra amœnitatem ingenij atque solertiam, & calliditatem; etiam Italicos mores probè ab ipsa adolescentia addidi-

*Genua sub
Carolo se-
ptimo Gal-
liarum rege*

Ioannes Andegauensis
Genuam profectus, nomine Gallici regis, illius imperium suscepit.

cerat. Quibus artibus fretus, non dubitabat, quin facile illam gentem in officio atque obsequio retineret. Igitur Massilia soluens, prospero nauigationis cursu, quinto Idus Maij Genuam appulit, ibique amplissimis honoribus exceptus, & coacto Senatu, nuncupatisque de more pro Reipub. salute votis, ei nomine Gallici regis, Fulgosio ipso Ducalem dignitatem resumente, publicè à Senatu, aliisque ordinibus, iureiurando fides atque obsequium præstita fuerunt, ea cautione, vt nullatenus tam Reipublicæ, quàm Georgiani Magistratus priuilegiis derogaret: sed omnia in eo statu ac honore consisterent, prout ad illam usque horam ab aliis Principibus relicta & conseruata fuerunt. His omnibus Andegauensis libenter conceptis verbis astipulatus est, ei que breui post, ad maiorem securitatem, & mutuam cautelam, arx Castelleti, ceteræque munitiones Ligustico imperio subiectæ, traditæ. His rebus ad Alfonso perlatis, cum magno dolore, tum acerbissimis stimulis exagitatus fertur, quod videret, se non tantummodò palam spe frustratum, verum etiam, quod minimè ignoraret, quàm potètem ibi hostem in viciniam, ambitione sua, & dira alieni imperij cupiditate attraxisset, ideoque magna indignatione erga Remp. commotus, iram suppressere, vel dissimulare nullo modo poterat. quippè, vt erat excelsso animo, vltra impotentiam quandam animi, quæ in omnibus eius actionibus elucebat, vindictæ studio supra modum tenebatur. Proinde, summa celeritate validam classem, præter multa varij generis nauigia, quæ in promptu habebat, viginti scilicet nauium, & decem triremium comparauit, cui Villamarinum, cuius supra mentionem fecimus, præposuit, vt eam urbem totis viribus oppugnaret: simulque effecit, vt Petrus Spinula, Ioannes Philippus Fliscus, necnon Raphaël & Barnabas Adurnij, qui adhuc patria eiekti, incertis sedibus vagabantur, cum nouis copiis ex continente eandem arctissima obsidione premerent: & hoc pacto

Genua ab Alfonso ter-
ra & aquis
oppugnata.

Genuenses multo acrius solito hostilibus armis vndiquaque infestabantur. Ceterum hostilis classis, cum eo tempore longè Ligustica numero & viribus superior esset, tanta temeritate dicam, an fiducia, vsa est, vt portum ipsum Genuens. subire, & anchoras ibidem iacere non vereretur. quod sanè vt primum à Ioanne Andegauio animaduersum est, intra portum se communiuit, illumque transuersis cathenis, magnisque trabibus, & contignationibus præclusit, vt hoc modo hostem aditu arceret: vrbisque mœnia vndiquaq. Gallico præsidio firmavit. quibus sanè in rebus, Petrus Fulgosius, singulari sua in bellicis rebus peritia, & virtute, fidelem illi operam & consilium præstabat, adeò vt nihil ab eo prætermitteretur, quod quidem ad vrbis custodiam & tuitionem pertinere existimaret, eoq; tempore fortunam suis optatis atque conatibus quàm maximè secundam & fauentem nactus est, quoniam, dum Alfonso certa victoriæ spes affulgeret, mors, vltima rerum humanarum linea, illum rebus humanis cum magno Ligustici populi beneficio exemit. Statim enim, ab huius suæ expeditionis initio, quæ incidit sub finem mensis Iunij, tentabatur lenta febre, mox, post obsidionem, dum variis de causis animus exeruciatur, tandem molestiis & tædio in acriorem & ardentiorum incidit, quæ cum artus & viscera magno cum calore adureret, atque absumeret, calendis Iulij naturali calore absumptus, extinctus est. Sunt qui existiment, præter animi molestias, aucupia & venationes, quibus vnicè delectabatur, non paruam morbi causam præbuisse, præsertim cum in agro Nolano, Sarnensium paludibus, & insalubri auræ exposito, assidue sese cum magna corporis agitatione, & frequenti vectitatione exercuisset. Vt cumque res sese habet, satis constat, illum, nunquam, propter morbi violentiam, animi cogitationes ab hac

Alfonso regis
obitus.

expe-

expeditione abduxisse. Sed de die interitus, multi inter se authores variant. Aliqui enim putant, ipsum, quarto die ante Cal. obiisse; aliqui verò postea. Ego, cū res non sit vsque adeò magni momenti, parum de die sum sollicitus: satis est, mihi constare, illum obiisse circa mensem Iunium, ætatis verò suæ anno sexagesimo sexto, & administrationis regni Neapolitani vigesimo secundo. Comperio multos viros claros & egregios, de huius præstantissimi regis natura, moribus, studiis, rebusq. gestis multa scripsisse, ac totius eius vitæ cursum in literas esse relatum: propterea non immorabor ipsius vitam longioribus verbis describere. Si qui tamen fuerint, qui curiositate quadam inquirendæ eius vitæ, & gestorum, studio teneantur, habent quos consulant; in primis verò, Æneam Pium, Antonium Panormitanum, Ioannem Iouianum Pontanum, Pandulphum Collenutium, aliosque huius classis viros. Ceterum, cū Alfonsus legitimam nullam haberet prolem, succellorem in Aragoniæ Siciliæque regnis Ioannem fratrem reliquit; in Neapolitano verò, Ferdinandum suum filium, quem ex Valentina pellice, generis nobilitate, & formæ venustate, conspicua, extra ordinem susceperat, paulò antea, regni hæredem à se declaratum. Genuenses interim, propter Alfonsi regis obitum, externis motibus magna ex parte liberati, domi aliquandiu pacatis rebus, pacificè vixerunt. Quandoquidē Adurnij vnà cū Fliscis, ac ceteris fœderatis, in partes deducta classe, oppugnationem non solū remiserant, verū etiam ex continenti planè discesserant, eo certè successu, vt statim soluta obsidione, ipsi Adurnij fratres, siue dolore, propter regis mortem, siue propter assiduos labores, & immensas deuoratas molestias, è vita emigrauerint, quorum morte Genuæ nuntiata, incredibili lætitia omnes illi, qui tranquillitatis publicæ erant amantes, affecti proculdubiò sunt. Ultra siquidem graue bellum, quo tota ipsa ciuitas iugiter afflictæ erat, accesserat etiam pestis, & tabifica lues, quæ mirum in modum per totam ipsam urbem variis contagionibus grassabatur, adeò vt magno cum omnium dolore indies multa funera in vrbe viderentur, & ita ciuitas esset omnibus rebus exhausta, vt magna solitudo in eam introducta videretur. Præterea, ob magnos sumptus necessariò factos, non solū publicum ærarium, verū etiam priuatorum quoque hominum facultates defecerant: summaque necessitate adducti, non exiguam pecuniæ summam, à Francisco Sfortia, qui recens Philippo in Insubriæ Principatu successerat, mutuò sumpserunt, siue, vt aliis placet, dono acceperunt, auctoritate potissimū Andegauij, qui plurimum apud ipsum multis nominibus valebat. Sfortia enim, etsi Gallorum vicinitatem variis de causis habebat suspectam, & inuisam; cū tamen recens ad Principatum esset euectus, quò sese tutiùs in eo communiret, cum Genuensi populo non vulgarem amicitiam præ se ferebat. Ceterum, Andegauius, cū omni contentione ac viribus suas partes tueretur, & diligenter procuraret, postquam se obsidione & bello Aragonio liberatum esse videt, vt in alta securitate plerumque fieri solet, à Fulgosio, aliisque patricii ordinis viris, sensim abalienari ac deficere cœpit, ita vt ipsum Fulgosium, suapte natura laudis auidum, & quietis atque otij impatientem, haud mediocriter haberet suspectum, ideoque eius consuetudinem palàm & apertè deuicaret & auersaretur: quod cū ipse olfaceret, idque veris argumentis deprehenderet, se, in Nouium Ligusticæ ditionis oppidum, vnà cum Voltagio, suæ tutelæ ac fidei commissum, recepit. Porro cū Andegauius certam pecuniæ summam, illi ex pacto & conuentione debitam, minimè ad statutam diem persolueret, & ipse Fulgosius acriùs instaret atque vrgeret, talem Andegauius occasionem nactus, ipsum ex illo die pro hoste habuit,

& Genuę ea de causa, eius fratres, & cōsanguinei in exilium acti sunt: quod maximas deinde turbas, grauissimosque motus in ipsa vrbe dedit. Nam Fulgosij, cū plurimum auctoritate, clientelis, atque opibus valerent, non deerant, qui illorū partes, contra Gallici nominis studiosos, defenderent ac tuerentur. Fulgosius tamen, cū sciret, se Gallicę potentię imparem, ac longē inferiorem, & nisi aliis viribus subniteretur, suos conatus irritos euasuros, literis ac internunciis Francisci Sfortiæ animum ad se allicere anxie studuit, eò certē enixius, quod minime ignoraret, Mediolanenses Principes, semper nomē Gallicum in ipsa Italia odisse. Quātō igitur magis Gallus, in vicinia, & in tanta vrbe, illi debebat esse suspectus & inuisus, tantō sibi non parum de illius animo atque auxiliis pollicebatur. Proinde Sfortiam non semel, vti diximus, per literas adhortatus, vt sibi in ea, quam præparabat, expeditione, auxiliariis copiis adesse velleret, magnam bene gerendę rei facilitatem ipsi ostendebat, præsertim cū ipse Genuę adhuc innumeros sui nominis clientes, & fautores haberet. Quare modis omnibus suadebat, daret operam, ne, tāta opportunitate oblata, ansam proferendi imperij Insubrij, aliqua ratione prætermitteret, potissimum cū sciret, Gallorum nomen ad eò omnibus esse inuisum, vt nullus fermē in tota vrbe esset ciuis, cui Gallica leuitas & inconstantia non summoperē displiceret, & non libenter Gallicum iugum cum Mediolanensi commutaret. Hęc sanē quanquam Sfortiam non latēret, tamen ipse, prudens alioquin princeps, & longo vsu, ac rerum experientia, & bello, & pace, exercitatus, ne tam potentem hostem temerē prouocaret, vel, si aliquid in eum moliretur, aperto Marte contra se irritaret, Fulgosij postulatis neutiquam assentiendum esse statuit: attamen, ne videretur ipsum omninō deferere velle, consiliis (quod vnum tum temporis poterat) ipsum iuuit. Ostendebat enim, Ferdinādam Aragonium, qui recēns in paternum regnū successerat, propter antiquam cum regibus Gallię de regno Neapolitano disceptationem & æmulationem, facile adduci posse, vt ipse expellendi Gallici nominis, atque iugi de Genuensium ceruice, prouinciam susciperet. Quapropter ipse Sfortia operæpretium se facturum existimabat, si suam propriam atque priuatam auctoritatem apud Ferdinandum, Fulgosij nomine interponeret, ideoque certis fidelibus internuntiis ad illum hoc nomine missis, per literas, ostensis multis rationibus eam expeditionem in Gallum commodē suscipi posse sollicitauit, atq. adhortatus est, vt regni sui primordia ab aliquo claro & memorabili facinore auspicaretur. Quanquam enim Aragonij, longa serie retroactis temporibus prorogādi imperij, & nominis cupidi, diuerso Marte, & ancipiti fortuna variis in bellis cum Galliarum regibus decertassent, nunquam tamen maiorem, vel iustiore occasionem esse oblatam, quā eam, quę hac tempestate in Liguria ostenderetur. Genuenses enim, seruitutis Gallicę pertæsi, hoc vnum expectare, vt ab Aragoniis, vel aliis Gallici nominis hostibus, opportuno tempore liberentur. Quapropter cū hęc ita sese habeant, admonet Ferdinandum, ne sibi deesse velit, sed Fulgosium, Genuę nobilitate, auctoritate, clientibus & opibus florentem, virum industrium, & in toga & caliga versatum, in omnibus suis negotiis, ceu fidelem Achatem, adhibeat: se non videre, quin, si tanti viri auctoritate & consiliis vtatur, voti compos, cum summa eius gloria deuictis Gallis, nomen & imperium proferat. Ferdinandus his commotus, & tanti Principis consiliis & auctoritate inflexus, haud longa deliberatione vsus, hanc occasionem auidissimē arripuit, & præparatis omnibus ad bellum necessariis, eò maiori cum diligentia instruxit classem, quò certius sibi constabat, Genuę pari modo ad regni Neapolitani recuperationem belli rationes iniri,

iniri, & classem ea de causa adornari. Itaque Fulgosio in amicitiam recepto, confestim ipsum pecuniis, aliisque rebus opportunis adiuuit. Fulgosius, ut sæpè diximus, vir acerrimi iudicii, & fortissimi animi, propulsandæ iniuriæ, & asserendæ libertatis occasionem nactus, se minimè segnem, vel lentum exhibuit. Sed cum Ioanne Philippo Flisco, qui naturali & infensissimo odio Gallos prosequeretur, consiliis communicatis, & fœdere simul inito, quantas potuit copias, in vnum contraxit, & sub initium anni eius sæculi vnde sexagesimi, exercitū vrbi Genuensi admouit, eo ordine, ut castra in Orientali plaga, in villa vulgò Albari, poneret, ex qua, sæpius excursionē facta, ipse, oppidanos, & defensores, crebris oppugnationibus inuadebat, & defatigabat. Verū, oppidani sese suis mœnibus & munitio-
nibus continentes, præliandi ansam detrectabant; veriti, ne, si ipsi cum obsiden-
tibus velitarent, aliqua interea in ipsa vrbe commotio oriretur, ita ut non abs-
que summo consilio nullam eruptionem admittendam esse iudicarent. At Ful-
gosius, multum sibi præsidij in intestinis bellis atque ciuilibus dissensionibus po-
nēs, hoc vnum agebat, ut, quibus posset artibus, defensores ad prælium euocaret,
omnibusque irritamentis eos excitabat, potissimum cum etiam intelligeret,
non sine graui suo, suorumque periculo, oppugnationem tentari, vel fieri posse,
eò quod ciuitas esset adeò milite, præsertim sagittariis, & scorpionibus instructa,
ut oppugnatores densa telorum nube facillè propellerent atque reijcerent. Acce-
debat huc, quod præter alias oppugnationis difficultates, Fulgosio, alii'que illius
expeditionis ducibus, satis constabat, in Gallia Narbonensi, ceterisque Gallici re-
gni partibus, delectum in subsidium obsidionis Genuensis haberi, magnamque
militum multitudinem, tam à Renato Andegauio, quam ab ipso Carolo Gallorū
rege, esse conscriptam, & indefessis itineribus in Liguriam properare. Quibus
commotus, & supra modum consternatus Fulgosius, cum rei bene gerendæ
ansam, & belli feliciter conficiendi spem, & exitum, in summa diligentia pone-
ret, oppidanorum auxilia festinatione præuertenda esse censebat. Proinde con-
uocatis primoribus totius exercitus, magna cum grauitate demonstrat, quantū
periculi, si mora aliqua in expugnanda vrbe interponatur, se, illosque maneat.
Adnitendum igitur omnibus viribus & conatibus esse, ut nullo euocandorū au-
xiliorum obsecris concessio tempore, dubiis, & incertis adhuc in ipsa ciuitate re-
bus & animis, ipsos adoriantur. Non dubium futurum, quin oppidanos
multis de causis, huc illuc, incertis consiliis fluctuantes, vel facillè superent, vel si
minus, saltem æquis conditionibus ad deditionem compellant. His consiliis cum
post exiguam deliberationem, ab omnibus esset assensum, Fulgosius sibi primas
oppugnandæ vrbis partes deposcit atque adsumit, præmissisque nonnullis ex suis
qui ad primū vrbis accessum Fulgosii familiæ nomen inclamarent, ipse ad cete-
ra paratus, magna stipatus militum caterua, omnem euentum auidè expectabat.
Putabat enim, cum in ipsa ciuitate multos haberet clientes, & suæ factionis stu-
diosos, futurum, ut ad primum impetum seditione per suos in vrbe orta, reliqui,
illorum studia secuti, vel defensionem detrectarent, aut conuersis in Gallici no-
minis studiosos telis & armis, bellum ciuile enasceretur. Ceterum, cum Fulgosii
nomen, propter summam eius ambitionem, atque in administranda Republica
tyrannicum animum, longè plus plerisque omnibus, quam ipse existimaret, esset
inuifum, licet subinde multoties ad excitandas turbas eius nomen inclamaretur,
tamen nemo fuit, qui alienati animi, vel factionis Fulgosii studij, aliquod Genuæ
præberet argumentum. Ipse nihilominus, cum suis oppugnationi insistebat, tan-
ta certè cum alacritate, quanta à viris fortibus & militaribus expectari potest.

1459.

*Genua à
Petro Ful-
gosio, ac Fæ-
deratis grā-
uissime ob-
fessa.*

Ioannis Flis-
si obitus.

Ioannes etiam Fliscus, magni & excelsi vir animi, pari ardore atq. alacritate cum Fulgosio aliisque antesignanis se gerens, dum incautiùs defensorum oculis in ipso ciuitatis conspectu obuersatur, albescente cælo, magna temeritate ad mœnia usque prouectus, graui vulnere, ex bombardulæ tormentaria glande accepto, in terram concidit, ita ut cum poplitibus subniti nequiret, à suis in tabernaculum suum delatus sit, & posteaquam diu languidum spiritum cum magna pectoris fortitudine atque constantia traxisset, tandem doloris magnitudine victus, non sine multis suorum lachrymis animam exhalauit. Cuius morte, & acerbo casu, exterriti passim milites, ardorem & alacritatem solitam remittere, & sensim animis languere cœperunt, ita ut tractim oppugnationem & aciem declinantes, cū viderent, oppidanos Gallico præsidio fulciri & inniti, in castra sua pedem referrent. Adurnij etiam fratres, nempe, Rolandus, & Vbertus, cū Iacobo suo nepote, cum sub Fulgosij auspiciis rem in ipso primo limine infelicitè geri animaduertent, & fortunam sauiorem, si cœptis instarent, vererentur, cum suis copiis in suas arces, atque munimenta, quæ passim per illa municipia habebant, sese receperunt, sic ut ipse Fulgosius cum trecentis cataphractis, qui, sub principium oppugnationis, magna vi & robore, abruptis impedimentis omnibus, iam in urbem ipsam inuaserant, receptui canere, & breui post, in castra sua redire coactus fuerit. Verum, ob aduersum casum, illamque spem nihilofecius cōsternatus, ac si res ipsa bene successisset, magna animi fortitudine de totius belli summa non desperans, operæpretium se facturum existimauit, si, redintegratis viribus, coactisq. nouis copiis, fortunam bellique aleam commodiori tempore & benigniori siedere experiretur. Qua de causa mutatis castris, omnes quas habebat copias, Sextrim Orientalē traduxit. Arbitrabatur enim, multū interesse, quoniam quisq. loco & tempore fortunā belli pertentaret. Nam, præter longū rerū gerendarū vsum, nō mediocrē historiæ cognitionē habebat, probeq. meminerat, maximos, strenuissimosque duces, non ex vnius prælij euentu æstimari, sed bellicæ artis peritiā ac felicitatem ex sanis consiliis, & multorum bellorum felicibus successibus, metiri, magna mediūsfidius cum prudentia, & iudicij grauitate: quippe si antiquitatis duces ob oculos ponamus, plurimi erunt qui post multas & graues clades, nouis victoriis earum obliuionē introduxerint, ita ut, rerum gestarum successibus ad trutinam reuocatis, statim prosperitatis bellicæ apud eos cōsisteret. Hoc igitur consilio fretus, cū intelligeret, hanc insulam negligentius custodiri, illam adoriri statuit, & post modicam obsidionem, cū magnis viribus eam undique oppugnaret, factum fuit, ut oppidani, suis viribus diffisi, languidiùs pugnaret, adeo ut ipse, expugnato oppido, breui etiam pari fortuna, & modo, ipsius arce potiretur. Quo successu animosior factus, Clauarum tentauit. Oppidani, ad casum Sextrensiū exterriti, deditionem, blandis verbis, & largis pollicitationibus prius ab ipso sollicitati, quamprimū fecerunt, vbi etiam nonnihil temporis substitit. Id verò, simulac Genuæ, gliscente rumore, delatum est, Andegauis, de Ligustico agro valdè sollicitus, veritus, ne hostis gerendo bello sedem sibi deligeret, præmissis aëtutum equitatu, breui decem triremes, duasque onerarias, ad apparatus bellicum, & murales machinas deportandum necessarias instruxit, eo certè consilio, ut arcem, atque insulam Sextri recuperaret, priusquam classis Villamarini ad Ligusticam oram populandam & inuadendam destinata, illuc appelleret. Intellexerat quippe Neapoli eam breui discessurā, ideoq. Ioannem Coslam, qui recens Massilia Genuam adnauigarat, illis nauigiis præposuit, qui ex eius præcepto, versus ea loca cursu nauigationis directo, primò ar-

cem

cem portus Delphinij, itidem à Fulgosiis paulò antè occupatam, & mox alia oppida præteritis bellis amissa, cum illa maritimis viribus ab hoste difficulter defendi possent, modico ac minimo negotio recepit. At cum Fulgosiis, qui se ibi cum suis præmunierat, metueret, ne undique ab aduersariis circumueniretur, ab inepto desistere, seque in Insubriam ad Nouium oppidum quamprimum recipere coactus est. Genua interim, nonnihil à Fulgosiis armis liberata, & respirans, multis adhuc difficultatibus & malis implicabatur, sic profectò, ut se veræ quieti, ac domestico otio componere nequiret, quippe cum eodem ferè tempore, necessarium haberet, cogitationes ad Naulij recuperationem serias adijcere, qui locus paulò antè, inde statim ab initio huius belli, à Ioanne Carrettino, Aragonij nominis studioso, & Fulgosiæ gentis fautore, ereptus fuerat. Senatus valdè de huius loci recuperatione erat sollicitus, potissimum cum & natura, & artibus ita esset communitus, ut illius expugnatio plena difficultatis & periculi censeretur. Ceterum, præter omnium spem & expectationem, his molestiis breui post, mira ratione liberatus fuit. Cum enim Villamarinus, Tarraconensis classis Præfectus, cum duodecim triremibus ad oram Ligusticam appulisset, annonæ caritate, atque comineatus inopia valdè laborans, sese Naulium recepit. Proinde Genuæ summis consiliis ab omnibus primoribus, præsertim verò à Senatu, allaboratum fuit, ut per talem occasionem Naulium recuperaretur, & in pristinam libertatem assereretur. Sed cum negotium ipsum esset plenum difficultatis, & nullam moram admitteret, statutum & conuentum inter eos fuit, ut quamprimum tota classis, quæ paulò antè domum reuersa, in portu maiori ex parte examinata & sine usu in anchoris stabat, summo silentio & sedulitate omnibus necessariis instrueretur: qua in re tam diligentem operam adhibuere, ut cum nemini interea temporis, scilicet, inter adornandam classem, nisi exploratæ fidei, vrbe excedere integrum esset, Valdemarinus in ipso portu Nauliensi in alta securitate ad anchoram subsistens, imparatus, & nihil minus cogitans, planè oppressus fuisset, nisi incisis rudentibus, atque abruptis impedimentis omnibus, summa cum festinatione suam classem in altum mare eduxisset. Genuenses enim, nocte media portum suum egressi, tam alto silentio, & tam valido remige usi fuerant, ut parum abfuerit, quin Aragoniorum classem, uti diximus, in ipso portu supprimerent, adeò ut Valdemarinus ad strepitum hostilis classis excitatus, mirum in modum tam nouo spectaculo & inopinato casu consternaretur. Itaque cum fuga sibi consulisset, & nulla celeritate assequi potuisset, Ligures inflexo cursu in portum Naulianum delati sunt; & cum valdè exigua, & quasi nulla à præsidariis militibus defensio fieret, facili negotio occupato oppido, etiam illius arce potiti sunt, præsertim cum defensoribus, propter temporis angustiam, nulla spes auxilij in Finarij reguli, Aragoniis socij, viribus relinqueretur. His rebus ad Naulium feliciter & ex voto gestis, cum Genuæ maiori ex parte pleræque difficultates, quæ illam Rempub. diu torserant, superatæ ita viderentur, ut ad otium & quietem publicam redire possent, tamen Andegauus, Aragonij nominis æmulus, dira & auita proferendi imperij cupiditate accensus, Neapolitanum regnum, quod dudum antea, ut memoravi, animo inuaserat, adoriri, & quibuscumque posset viribus occupare destinavit, eò maiori certè cum fiducia, quò ipse, ultra amplissimas & regias, quibus præstabat, opes, etiam multum præsidij in Genuensium potentia & fortunis reponeret. Effecerat enim longa consuetudine, ut ordines istius ciuitatis miris odiis inter se perniciose æmulatione flagrantibus, dum quisque ambitioni & honoribus inferuit, sibi non tam ex animi integritate, quam

ex stul-

*Genuenses
adiuant
Renatū pro
recuperanda
Neapoli.*

ex stulta quadam ambitione essent deuincti. Proinde, quò Senatus, Gallici nominis studium & propensionem manifestius declararet, habitis prius de more comitiis centuriatis, Senatus consulto decretum fuit, vt Andegauius in hac sua expeditione publicis pecuniis, aliisq. necessariis, quantum in illis esset, commodè iuuaretur, ipseque, his auxiliis auctus, & de rerum successu ac prosperitate confusus, profectiōem summa cum diligentia adornauit. Habebat enim, vltra classem, quæ, vti demonstrauius, duce Cossa, à Renato patre Massilia missa fuerat, etiam decē triremes, & tres onerarias, omnibus apparatibus bellicis, Genuensium sumptibus ac pecunia instructas, quibus per totum trimestre in vsum huius belli stipendia facere in Senatu sancitum & constitutum erat. Et ne solū patres Andegauio fauere viderentur, certatim à plerisque ordinibus illi ad hanc expeditionem pecuniæ collatæ sunt, adeò vt priuata illa ciuium subsidia in imensum excurrerent. Quibus non contenti, ex ærario Georgiani Magistratus, consentientibus eius præsidibus, ad sexaginta aureorum millia deprompta & consignata fuerunt. Ceterum, cum Andegauius, milite, pecunia, & classe ita esset instructus & præparatus, vt de victoria sibi non parum polliceretur, Ioannem Cossam, genere Neapolitanū, qui, paucis antè annis, Gallorum regum studia secutus, ab Aragoniis ad ipsum defecerat, toti suæ classi cum summæ præfecturæ titulo imposuit, substituto in eius locum Ludouico Valla, ex Galliis oriundo, qui Genuæ Præsidentem per eius absentiam ageret. Verum interea, constitutis omnibus, & ventorum tantummodò commoditatem expectanti, nuntiatum fuit, Petrum Fulgosium, inquieti animi virum, & nihil non in nominis Aragonij gratiam molientem & audentem, omnem lapidem mouere, quò hanc in Aragonios susceptam expeditionem, remorari, vel interrompere posset. Ferdinandus enim recens, vti demonstrauius, in patris locum in regno Neapolitano successus, nullis rationibus melius arma Gallica auertere poterat, quàm si in agro Ligustico crebris excitatis commotionibus, tumultuaretur, præsertim cum illa Respub. sese Gallico imperio permisisset. Quare Andegauius, contra spem, & voluntatem summa necessitate coactus, Genuæ diutius quàm decreuerat, hæsit, cum videret, omninò ex vfu tam Gallici nominis, quàm Reipub. esse, non ante vrbe excedere, quàm opportunis remediis Fulgosij conatibus itum obuiam fuisset. Conturbat enim, vt ostendimus, ipse Fulgosius omnem ferè Liguriam, tantumq. spei in armis habebat, vt iam cum acri validaque manu in Vallem Pulciferam descendere non vereretur, sese subinde ostentans, ac Genuensium animos multoties variis excursionibus pertentans, ita vt postea, quarto à Pulcifera lapide, castra metaretur: quibus, contra suum morem, aliquantò quietiùs quàm antea, militem suum ad omnem occasionem paratum continebat, & reseruabat. Inter hæc, licet Andegauius nondum finem rebus suis Genuæ imposuisset, ne tamen aliquam occasionem inuadendi hostis negligere putaretur, classem suam contra naues Aragonias, quas non longè à portu Pisano conspectas intellexerat, præmisit, eo consilio, vt eas, si ita ducibus expedire videretur, inuaderet. Cuius consilii Fulgosius, cognito Andegauij animo, mirum in modum illudit. Nam cum vereretur, ne diutius vbi locum castris designauerat, tum propter anni tempus, cum etiam propter fluminum, subinde excrecentium, inundationem, subsistere posset, intellecta classis Gallicæ abitione, bene gerendæ rei occasionem sperans, fortunam suam periclitari voluit, præsertim cum non obscurè sibi constaret, Genuam, potissimis præsidiis deductis, valdè esse imbecillem. Itaque Idibus Septembris, intempesta nocte cum summo silentio omnem suum exercitum magna di-

gna diligentia Genuam versus traduxit, & tanta dexteritate, ac silentio proficiscebatur, ut superato monte, vulgò Petra minuta dicto, parum ab ipsius urbis mœnibus abesset. Et ne imprudentia aliqua impingeret, exercitum suum, obequitans, & fidelissimis blandissimisque verbis singulos compellans, hortatur, ut pristinae libertatis & decoris memores, tam opportunam recuperandae patriae, & in pristinam libertatem asserendae occasionem non prætermitterent. Ipse interim de se illa pollicetur, quibus etiam ignauissimus quisque ad fortitudinem erigi & excitari possit. His dictis, ipse omnem totius urbis tractum diligenter speculatus, tandem eam partem segniter custodiri animaduertit, quæ suo exercitui magis exponebatur. Vigiles enim ad præsidium urbis relictæ, multò segnius quàm antea, ut plerumque ducum absentia seueritatē militaris disciplinæ relaxare consuevit, munus suum adimplebant, & stationem sibi demandatam, magna cum ignauia & torpore, ut res ipsa docuit, tuebantur. Quocirca Fulgosius, exploratis omnibus rebus, ubi ciuitatem somno, quieteque consopitam vider, confestim signo dato, cum summa diligentia & alacritate scalas mœnibus admoueri iubet, tanta me herclè cum dexteritate ac fortuna, ut prius ciuitatem ipsam inuaserit, quàm adesse ab ipsis oppidanis cognosceretur. Hoc casu tam repentino atque inopinato cum tota ciuitas valdè percelleretur, nemo in tota vrbe ipsa fuit, quin variis coniecturis distractus, prodicionem urbis suspicaretur, adeò certè ut Andegauus ad tantum strepitum non mediocriter consternatus, valdè institutum suum, quòd classem præmisisset, damnaret. At, cum vnica spes repellendi hostis in ciuium fide potius, quàm armis esset, Andegauus summo studio atque ope suarum copiarum, quas reliquas adhuc habebat, annitebatur, ut hostem noua victoria insolescentem, cohiberet atque vrbe exigeret. Constiterat enim Fulgosius in fastigio collis Petraminutæ armatus, eo animi decreto, ut ibi postremum sui exercitus agmen expectaret, & ex ea temporis ratione & interuallo, de suæ factionis studiosis periculum faceret, num ad illam datam & ostensam recuperandae libertatis opportunitatem, aliquid contra Gallici nominis auctoritatē moliri & tentare auderent. Verùm Andiuinus, minimè tutum ratus in obscuræ noctis tenebris cum collem aggredi, suis in area D. Marthæ, quæ hosti transeundum erat, in acie dispositis, ubi diluxisset, eius militibus ad collis radicem quodammodò progressis, non defuere vtrinq; cum res magnis animis gereretur, conflictus, Fulgosis interim magna cum pertinacia munitionē suam defendentibus, quā ita disposuerant, ut facili negotio, & citra magnū dispēdium in eam sese recipere possent, ita ut non exigua pars diei, fortuna in neutram partem inclināte, nec hoste vltius progredi audente, absumeretur. Sed Fulgosij nonnihil sensim superiores facti, Gallos eò redege're, ut eandem aream repetere cogerēt, quæ tunc ab arce Castelleti propugnabatur. Et cum status urbis ita esset cōparatus, ut non citra graue periculum & longā temporis rationē id negotij posset cōfici & consopiri, fuerunt, qui Andegauo fauentes, illi consulerēt, ut ad maiorem sui securitatem, se in arcem Castelleti reciperet, & ibi tantisper consisteret, quoad nouis copiis confirmaretur. Quorum consiliis assentiri, cum parum regij & excelsi animi esse existimaret, magna alacritate sese hostiū conatibus opposuit, præsertim cum multum præsidij sibi in Adurnij nominis factione & auctoritate collocaret, eaque de causa, paulò antè, Paulum Adurnium, istius familiæ faciliè tunc tēporis in ea ciuitate principem, iusserat vnā cum triremi portū subire, & dispositis in ciuitate militibus, nomē Adurniæ factionis inclamare; arbitratus, ea ratione aduersæ factionis auctores, ac studiosos, facilius cohiberi & refrenari posse. Sed longè aliter quàm

Conflictus
Genuæ.

ter quàm rebatur, res ipsa cecidit. Tantum enim abfuit, vt hoc pacto Fulgosij impetus reprimerebatur, vt etiam hoc quasi irritamento, Fulgosiarum gentis, & factionis animos incenderet atque inflammaret. Tot quippè inter ipsos factiones, simultates & discordiarum regnabant, vt Fulgosius veritus, ne Adurnij Principatum assecuti, malè ipsum multarent; ipse protinus ex eo colle, in quo sese antea communiuerat, magno impetu in hostem ruere constitueret. Quam sanè consilij rationem urgentibus fatis, illi in mentem venisse existimandum est, nimirum cum adeò firmam & stabilem stationem in illo loco esset nactus, vt inde, nullis quodammodò viribus, alioquin deturbari ac expelli posset, cum illi esset liberum, per aliquam earum portarum, quæ suis præsiidiis tenebatur, citra aliquod vitæ discrimen egressum habere. Ceterum, derelicta statione, cum ad loca plana devenisset, non temerè sibi ulterius progrediendum arbitratus, ne, si hostem à tergo relinqueret, repentino aliquo incurso imparatus & impar, opprimeretur, portam D. Thomæ dictam, quæ Gallicis præsiidiis tenebatur, aggredi atque inuadere statuit. Verum ibi, valido præsidio adiuuento, cum propter assiduos labores, & corporis defatigationem, equitare necessum haberet, magna animositate suos præibat, quò illos suo exemplo ad maiorem alacritatem prouocaret, eo quidem successu, vt ipse magno decertandi cum hoste studio atque ardore incitatus, in portam, vulgò Campi dictam, hostilibus præsiidiis firmatam, penetraret. At cum ibi portæ ostium, vnde in urbem aditus dabatur, apertum inueniret, se solita audacia & temeritate, quæ illi postmodum, exitium atque interitum attulit, nouis periculis exposuit. Quandoquidem, nulla inimicorum habita ratione, quorum maior pars in area D. Marthæ sacra, illi à tergo imminerebat, duobus tantum equitibus comitatus, per omnia compita, omnesque quodammodò ciuitatis regiones temerè euagabatur, fratre Thoma cum præsiidiis ad custodiam portæ quam occuparat, relicto; eò maiori cum fiducia, quò certius sibi suos milites confestim subsecuturos, & sibi maturas suppetias allaturos, polliceretur: sed cum Gallici nominis milites mira celeritate in præoccupanda porta Fulgosios anteuertissent, coactus fuit Thomas, magno sagittariorum ac scorpionum nimbo undique impetitus, portam ipsam deserere, adeò vt Fulgosius adempta sequendi sui ducis facultate, Petrus omnibus suis destitutus, in meditullio ipsius quodammodò ciuitatis, in potestate suorum inimicorum relictus sit; qui inops consilij, rerumque successu anxius ac trepidus, variis sententiis, vt fieri solet, dum animus in dubio est, huc illuc fluctuabat & impellebatur, desperatisque rebus, omnem salutis spem vel in fuga, vel, si illa denegaretur, in aliqua latebra reponerebat. At Fulgosium anxium, & cum extrema sua fortuna luctantem, Cossâ Neapolitanus, quem Andegauensis classis supremum Præfectum designatum fuisse diximus, & propter nouas à Fulgoso excitatas turbas, Andegauus omnium consiliorum participem & supremum consiliarium apud se retinuerat, equo conspicuus, minitabundo vultu, & non parua manu stipatus, persequerebatur: & tandem ad portam D. Stephani, per quam sibi aditum sperabat, ab ipso Cossâ deprehensus est. Verum enimverò cum videret sibi exeundi, occlusa porta, aditum interceptum, fortiter ac intrepidè in persecutores conuersus, non secus ac si viribus, & numero illis fuisset par, se opposuit: sed Cossâ magno animi furore cõcitatus, cum magno impetu Fulgosij caput ita vulnerauit, vt ipse attonitus, & consternatus, versus portam D. Andreæ fugiens, eamque densa armatorum manu teneri conspicatus, inflexo cursu, effugium miserè quæreretur. & cum multis gyris huc illuc incerto cursu discurreret, tandem crebris lapidum ictibus, quos ex sublimibus te-

ctis, in,

Etis, instar densissimæ grandinis, in eum oppidani immittebant, haud procul ab area publici palatij equo delapsus, hominum multitudine pressus atque protritus, interiit. Hunc crudelem, & funestum vitæ tragicæ exitum, ad præclarum rerum humanarum exemplar, fortitus est Fulgosius, vel eo certè nomine magnus, & ad posteritatis memoriam transmittendus, quod vix reperire liceat, in tam multis veterum scriptorum annalibus, quem, cum ipsa fortitudine, tum pertinacis animi constantia, iure comparare liceat. Ipse enim, licet à fortuna destitutus, & in extremo vitæ periculo versans, vndique inimicorum suorum telis exponeretur, & circumseptus esset, nihilominus tamen, infracto animo, magnanimitatis leonis, vel vrsi in rabiem versi, instar, ita strenua manu & inuictò robore sese propugnabat, ut, nisi turba potius, quàm iustis viribus superatus fuisset, haud dubiè salua vita euasisset: sed à promiscua multitudine per ludibrium malè acceptus, cum crebris suspiriis moribundum spiritum & languida oculorum nictatione traheret, multis vulneribus confosius est. Cuius atrocis casus nuntio perculsi & valdè consternati eius milites, cum nulla salutis ratio, vel via, nisi in fuga & latebris ostenderetur, dum quisque sibi, eo, quo potest, modo consulit, atque sese subtrahere periculo conantur, maiori ex parte vel interfecti, vel certè extremis periculis reſervati, in custodiam, vel vincula abducti sunt: inter quos, Thomas, & Rolandus, Fulgosij, huius belli ab ipso duce primi, in potestatem Gallorum devenire, & Andegavij mandato, in theatro publico capitis damnati, publicè plexi sunt; rati, se, supplicij seueritate factionem Fulgosiam radicitus extirpaturum, & ita sensim semel finem huic funesto bello, quod Rempub. diris calamitatibus indies magis atque magis inuoluebat, impositurum. Ceterum Andegavius, utcumque in præsentiarum rebus compositis, sublatiſque Fulgosiae factionis principibus & auctoribus, haud mediocribus molestiis & curis liberatus, animum ad institutum contra Aragonios bellum conficiendum adiecit; ideoque Genuæ sufficienti præsidio relicto, cum duabus & viginti rostratis nauibus & onerariis quatuor, mense Octob. Neapolim celerrima nauigatione contendit, ac ingenti prælio ad Sarnum cum Aragoniis commisso, victor factus, vniuerso regno potitus videbatur, si vnâ Neapolim, regiam sedem, in potestatem suam redigeret. Proinde cum hæc sola regia, regni totius diadema illi impediret, statuit illam obsidione arctissima cingere. Verum hoc eius institutum cum in deliberatione inter suos consiliarios vocaretur, diu variis sententiis inter eos fuit certatum; tandemque eorum vicit sententia, qui non antea Neapolim obsidendam dicerent, quàm circumuicina oppida recepta, & dedita forent; addita ratione, non prorsus absurda & veri absimili, nempe, quod si ipse, illorum oppidorum potiretur, fieri non posse, quin Neapolis, quæ his vniſ oppidis alebatur, & sustentabatur, diu eius imperium detrectaret. Quocirca iudicabant, regem non antea de Neapoli sollicitum esse debere, quàm circumuicinarum locorum factus esset dominus, ne magis obsessis, quàm obsidentibus similiores existimari vellent. His consiliis Rex assensus, bellum diutius quàm par erat, cum magno eius detrimento in Campania protractum, & Ferdinando, eiusque sociis, tempus sese communiendi hac potissimum ratione datum. Interea temporis, Andegavius de subiiciendo sibi Campano regno mirum in modum sollicitus, variis, uti fit, curis, pro rei tantæ magnitudine torquebatur, adeò, ut citra intermissionem vllam diligentissimi principis, & ducis, obiret atque præstaret officia. Verum, dum in Campania hæret, Genuæ ita per eius absentiam tumultuatum est, ut ciues, commutatis studiis, & fœda quadam volubilitate à Gal-

Petri Fulgosij interitus.

Fuga & clades Fulgosij exercitus.

Andegavij victoria ad Sarnum.

Genuæ, absente Andegavio, tumultuatur.

licis partibus deficerent, solaque arce, in Gallorum potestate relicta, magna ibi conuersio rerum exorta, sicuti inferius planius à nobis fiet. Quomodo autem hoc bellum in Campania inter Ferdinandum, & Andegauium, gestum sit, & qua vicissitudine fortunæ uterque usus fuerit, apud Pontanum in libro, quem De bello Neapolitano inscripsit, videre licet. Porro, ut lectorem aliqua in parte molestia leuem, paucula eius verba subiiciam. Loquitur enim ultimo libro, in quo Andegauij luculentam facit mentionem, in hanc ferè sententiam. Atque haud multò post, inquit, Ioannes, Tarentino iam mortuo, desperatis rebus suis, in prouinciam Narbonensem inde nauigat, relinquens in regni Neapolitani populis, atque apud nobilitatem præcipuè, permagnum sui desiderium, cum esset maximè compositis moribus, integra fide, incredibili continentia, summa constantia, magno in Deum metu, in homines liberalitate ac gratitudine, iusti honestique apprimè colens, ac supra Gallorum hominum ingenia, grauis, seuerus, circumspectus. Huius etiam belli, præter alios, meminit Pandulphus Collenutius, sub finem libri historiæ Neapolitanæ. Sed quia Andegauiensium sæpius mentionem habuimus, id obiter adieciſſe mihi operæ pretium fuerit, Renatum, & hunc Ioannem, Nicolaum, Calabriae Ducem, eorumque propinquum Prouinciæ Comitem, Andegauensis familiæ in linea directâ fuisse postremos Principes, ita ut in hoc Comite, familia ipsa desierit, & penitus extincta fuerit. Ne verò & illud à me silentio inuoluatur, circa hoc tēpus, Bartholomæus Pernix, ciuis, ac negotiator Genuensis, ubi in Syria aliquandiu, mercium ultrò citroque commutandarum gratia, commoratus esset, atque in patriam rediisset, breui post, in Insulam Enariam, sitam in mari Tyrrheno, & antiquitus Pythacusam, nunc è vulgari Græco Iscla, siue Ischia, nuncupatâ, enauigauit, & cum esset sollertis ingenij, rerumque naturalium diligentissimus inuestigator, obseruauit iuxta illius oræ tractum, complures scopulos aptissimos ad conficiendum alumen, adeò ut, parte illorum desumpta, & in fornace decocta, optimum, ac præstantissimum alumen inde cōflauerit: fuitque primus, qui hanc artem diu in Italia & plerisque aliis regionibus intermissam, ac ferè extinctam, cum incredibili multorum beneficio, in usum, tãquam postliminiò reduxerit, dignus profectò, cuius nomen ab omni interitu vindicetur.

Tria verò huius enumerantur genera; liquidum, rotundum & scissile. Liquidum natura primum est: nam ex eo duæ reliquæ species concreſcunt. verum hoc rarissimum est, quemadmodum & scissile. inuenitur tamen in Ægypto, lacti persimile. Alumen rotundum, & globosum est, non tamen absolute sphaericum (habet enim plurimos angulos) sed ad rotundam figuram nonnihil accedens. Huius hodiè maxima ad nos aduehitur copia. Tertium genus aluminis est, quod scissile vocant, eò quòd molle sit, & friabile in minimas partes. hoc quoque rarissimum est. Nam quod seplasiarij pro eo supponunt, quodque hodie Galli sua lingua vocant Alumen plumeum; Amiantus lapis est, friabilis in modum lanæ, alumini scissili adeò similis, ut pro eo ab ipsis supponatur. Ex hoc lapide tenuiores conficiunt ellychnia, propterea quòd ab igne non consumatur. Texitur quoque in vestes & mappas, quæ sordidatæ, igni purgantur. Discernitur ab alumine scissili, quòd hoc aquæ innatet: amiantus autem mergatur. Gustu quoque dignoscitur: nam alumen scissile substantiæ tenuitate linguam mordicat, & tandè exulcerat; amiantus verò, acrimoniæ omnis, mordacitatisque expers est. Ad hæc, amiantus in ignem coniectus, perpetuò durat; alumen autem liqueſcit, bullasque excitat. De alumine multa eleganter Plinius lib. 35. cap. 15. Et hæc quidem obiter, & quasi per transfennam, dicta sint. Suprà commemorauimus, Andegauio

Quintus fuit
vult postremi
Andegauensis
familie.

Bartholomæus
Pernix Per
nix artem
fabricandi
aluminis in
Italia in
staurauit.

De alumine.

ad bel-

ad bellum Neapolitanum profecto, Genuæ fuisse tumultuatum, nunc restat, ut breuiter dicamus, quibus potissimum de causis defectio à Gallorum imperio Genuę originē sumpserit. Cū enim Resp., ob graues, & intolerabiles sumptus, quos tam præteritorum bellorum, quā huius nouę susceptę expeditionis causa impenderat, in summa egestate, & rerum familiarium inopia versaretur, ægrè ratio expediendę pecunię inueniri & excogitari poterat, qua onus publicum, quo mirum in modum omnes grauabantur, à ceruice repelleretur. Exhaustum erat quippè ærarium publicum, & fides priuatorum ciuium erat aliquantò, quā antea, facta angustior, præsertim cū in plerisque regionibus, & ciuitatibus, cum quibus aliqua Genuensibus necessitudo, & amicitia intercedebat, satis constaret, Gallorum impotentia mirificè Genuensium imminui atque exhauriri fortunas. Cessabant igitur veteres illę mercimoniorum permutationes, & tantum vnicuique relinquebatur, quantum in præsentī pecunia, & in numerato habebat, ad cō certē, ut exactis Andegauensibus, Senatus, de consensu omnium ordinum, necessum habuerit, noua vectigalia imperare, atque vetera, præter consuetudinem, non parum augere, non absq. ingenti promiscuę multitudinis fremitu, & summa indignatione, dictitantis sese ab optimatibus opprimi, & vniuersę sarcinę pondus in se potissimum reclinari. Quę querelę cū in publicis locis passim à plebe citra alicuius ordinis reuerentiam, vel auctoritatem, spargerentur, & audirentur, non defuerunt aliqui, rerum nouarum cupidi, qui rem ad legatum regiū delatam, mirum in modum, multis affectis, exaggerarent, & multifariam exacerbarent, ita ut, nouis excitatis seditionibus, tranquillitas publica valdè perturbaretur, eo tamen successu, ut, præter aliquas leues turbas, nihil noui per id tempus attentaretur, sed Reip. administratio in eodem statu & tenore aliquandiu persisteret. Ceterum, progressu temporis, anno scilicet, vno ac LX. quies publica ite- 1460. rum nouis de causis perturbata. Regius etenim dominatus, multis nominibus tam omnibus grauis, & planè intolerabilis erat, siquidem vltra animi impotentiam, qua regij administri in procuranda Rep. passim utebantur, Præses cum primis, cui nomen Ludouicus Valla, cum summa rerum ab Andegauio Genuę relictus, quod tenuis fortunę esset, ac rei familiaris inopia interdum laboraret, ita auctoritate, & gratia apud omnes, præsertim opulentiores, exciderat, ut etiam vulgò esset inuisus, atque etiam ab eo non mediocriter contemneretur, tam me herculè apertè, ut non pauci forent, qui non solummodò, eius personam flocci-penderent, sed etiam eius decretis omnem fidem & reuerentiam abrogarent: & pedentim studium atque amor, quibus antea in regios propendebant, omninò elanguebant. Certabatur nimirum in tanta hominum frequentia, variis sententiis, atque animi propensionibus. Nam hi, qui ciuitatis principatum vni soli deferendum, & concedendum esse studebant, omnes vias & rationes, quibus à dominio Gallico liberarentur, inibant, sic, ut aliquandò apertè sese regiis diplomatis opponerent, ac non paucis regis postulatis refragarentur. Rex enim, contra Britannos suscepturus bellum, Genuensibus aliquot naues subsidiarias imperauerat. Verum, cū huc esset decursus, ut Aristocratiam palam, & vi quodammodò introducere non obscure præ se ferrent, prætextu detrimenti, & dispendij publici subsidij, requisita regi denegarunt, quod quererentur, hoc citra graue ciuium Genuensium, Londini negotiantium, incommodum, & iacturam fieri nō posse. Accedebat huc, plebis haud occulta & nimium vetus querimonia, administrationē nempe regiam, nimis in gratiam nobilium propendere. Proinde enixè instabat, ut non solum huic rei, verum etiam aliis grauib. & insolitis

Quibus de causis Genua defecerit à Gallorum imperio.

1460.

1461.

Rixæ ac dissidia inter plebem ac nobilitatem.

exactionibus cum opportuno remedio obuiam iretur. Verùm, cùm Præses, horum postularis atque precibus nullo pacto assentiri vellet, ingentes motus, sicut sæpius antea, subsecuti sunt, qui promiscuam multitudinem supramodum concitarunt. & cùm in sententia pertinaces essent, subinde conciliabula clanculum habebant, in quibus non solum contra regios conspirabatur, verùm etiam in nobilitatis perniciem cõiurationes fiebant, tanta certè cum audacia, vt de media plebis fece iuuenis quidam, stulta ambitione sibi placens, in suæ factionis confessu assurgeret, & alta voce, instar præconis, proclamaret, nulla deinceps consultatione opus esse, vel rem amplius extrahendam, sed armis atque ferro decernendam. Hic etiam, vt sibi gratiam & auctoritatem apud seditiosum populum pararet & aucuparetur, statim ex consilio egressus, ingeminata sæpius populari libertate, vrbaniam multitudinem ad rebellionem & defectionem sollicitabat. cui gliscenti tumultui, & seditioni, si regius Præfectus statim ab initio, vt omninò debebat, obuiam iuisset, paruo cum negotio extingui atque consopiri potuisset. At cùm serpentein tumultum mora atque licentia confirmaret, minimè postea cõhiberi potuit. Paruo siquidem tempore interiecto, maxima pars eorum qui D. Stephani suburbana tecta incolebant, nouas turbas ciebant, vnde tantus tumultus exortus est, vt in Præsidis potestate non esset, illum cõercere, & ad officium reuocare: quin potius metu exterritus, rebusque vrbaniis, in vulgi, ac multitudinis arbitrio derelictis, continuò se vnà cum suis præsidariis in Castelli arcem subduxit, quod sanè vniuersam vrbein ingenti metu & consternatione repleuit, ita vt per totam ciuitatein ingens seditio oriretur, omniaque sacra profanis miscerentur, & instar iugalium ferocientium, excussis iam habenis, sine duce & freno, vniuersa prouerent, ac boni omnes valdè metuerent, ne, ex his nouis motibus excitatis, grauiiores postmodum calamitates subsequerentur, atque irrepere: quandoquidem omnia, tanta cum licentia & impunitate fiebant, vt nulla vrbis esset regio, in qua feruidè non tumultuaretur: nemoque erat sani consilij, qui ferocienti multitudini ad eam compescendam, obuiam progredi auderet. Verebatur enim, quod accidit, ne, perturbata ciuitate, diuersarum partium principes, qui similem occasionem & ansam auidè expectauerat, in vrbein venirent, quò illam maioribus calamitatibus inuoluerent. Licet enim præteritis temporibus & bellis, multi factionum duces, variis in locis, & diuerso mortis genere, interiissent; tamen instar hydræ, multorum capitum, subinde noui subnascebantur, qui priorum loco succederent, inter quos facile principem locum obtinere, Paulus Fulgosius Petri frater, atque vrbis Antistes, & Prosper Adurnius, qui magna clientum & sicariorum multitudine stipati, hac occasione ostensa, ingenti festinatione in vrbein properabant. Qui verò neutri parti fauebant, summo perè metuerunt, ne aduentus harum duarum præcipuarum factionum principum, incentiua nouis seditionibus atque turbis subministraret. Decorum tamen immortalium beneficio, atque bono vrbis genio, accidit, vt hi duo duces inter se discordes, etiam popularium studia scinderent, & in diuersas partes raperent: quod sanè saluti patriciorum valde profuit. Quoniam cùm harum duarum factionum studio variis in locis ad arma decurreretur, summis viribus atq; acerrima contentione vterque illorum, non secus ac in iusta acie, & contra patriæ hostem decertaturus, operam dabat, vt quibus posset mediis & modis, superior & victor euaderet, eo quidem euentu, vt popularium animis magis in Adurniũ, quàm in Fulgosium propendentibus, hoc vnum enixè agerèt, vt Adurnium Galis firmius atque arctius obstringerent. Auerfabantur nimirum Fulgosium, ob

innatam

*Furiosæ te-
meritas cu-
iusdam in-
ueniæ plebei.*

*Genus noui
tumultus.*

innatam sibi animi ambitionē & impotentiam, quæ vsque adeo erat magna; ut propè in omnibus eius actionibus eluceret. Proinde summo perè verebantur, ne; si ipse rerum potiretur, fratris ignominiosam mortem cum multorum strage vlcisceretur. His de rebus Fulgosius certior factus, popularium inconstantiam considerans, subitam aliquam vim & repentinam impressionem verebatur; quæ ut evitaret, & præcaueret, magna prudentia sese clanculum ex vrbe in latifundia sua subduxit, ut ibi securus, totius tragici spectaculi exitum prospiceret. Vbi de eius discessu ciuitas penitus cognouit, popularis ille ardor, qui citra aliquam remissionem ad id temporis exarserat, quamprimùm ita refrixit, ut concitata illæ turbæ nonnihil de medio tollerentur. Ceterum, populus veritus, ne, introductis & reuersis Adurniis, Gallica potentia factionum diuersitate valdè labefacta & imminuta, iterum eorum opera, vires, & dignitatem resumeret, & ita nobilitati ad honores capeffendos, & præoccupandos, longè maior atque faciliior, quàm prius, patèret aditus, iterum armis resumptis, Adurnios adorti sunt: satius enim longèque vtilius esse ducebant, quoduis dominium, licet tyrannicum & ferum, quàm regium iugum subire, sub quo neglecta præteritaque plebe, nobilitati, & ordini patricio magis faueri solitum esset. Proinde cū prædictarum factionum principes, huius consilij & decreti rationem, cognitam atque probè perspectam haberent, longoque iam vsu didicissent, in amplis ciuitatibus, præsertim verò Genuæ, nihil magis popularium animos, atque potentiam, frangere atque imminuere, quàm externorum Principum, & in primis quidem Gallorum, stultam ambitionem, animique impotentiam, quò se illorum conatibus fortius, atque commodius opponere possent, cum plebe ipsa in gratiam redierūt, firmandæque societatis, amicitiaque causa, extra urbem locus est designatus, vbi in mutuum colloquium conuenirent. Ibi tandem, post longas altercationes, & sententiarum varietates, conclusum, & statutum fuit, ut, abrogata maiori ex parte veteri Aristocratia, in plebis gratiam Democratia institueretur; conuocatisque ea de causa in prætorium popularibus Decuriis, & Centuriis, de communi omnium consensu & voluntate, octo Præfecti plebei, ex manuariis opificibus, creati, quorum potissimùm consiliis, & auctoritate, Resp. tantisper regeretur, donec, communibus omnium suffragiis, nouus Dux cum summa potestate esset designatus. Multa in illa tempora inciderant, quæ nouam reformationem necessariò requirebant. verùm cū pleraque ita essent difficilia & intricata, ut citra longam de liberationem constitui nequirent, in meliorem temporis commoditatem pleraque reiecta sunt. Hoc vnum dumtaxat fuit plebiscito sancitum, ut Fulgosius & Adurnius, tranquillitatis publicæ non mediocres alioquin perturbatores, postero die, liberè in urbem redire possent, magna profectò cū totius nobilitatis formidine, nec minori dolore, veriti, ne tam magnis & tam potētibus duarum præcipuarum factionū principibus, in urbem postliminiò receptis, nobilium status mirificè eleuaretur, & ab eorū iudicio & arbitrio prorsus pederet. Fulgosius & Adurnius, quòd sibi vehementer metuerent, & populari auræ parum fideret, magna clientum atque armatorum manu comitati, in urbem reuersi sunt, & vix vno die quieti dato, Senatum in curiam grauissimis de rebus, potissimùm verò de Castelleti expugnatione, & noui Principis creatione consultaturi, euocarunt. Vbi cū Patres conscripti conuenirent, grauiter multa de salutis tranquillitatisque publicæ constituendæ rationibus dixerunt, & post multarum sententiarum rogationem, dissenserunt, ut, ad consopendas & extinguendas tantas faces, incendio publico præparatas, ex vtilitate publica foret, Adurnio vrbs Principatum

*Nona Resp.
forma in-
truducta.*

Prosper Ad-
urnius Prin-
ceps designa-
tus

ijisdem ferè conditionibus, quibus Georgius & Raphaël eius prædecessores, Principes renunciati fuerant, tradere. Huic Patrum decreto Fulgosius, licet eius acerrimus æmulus, subscripsit. Quod sanè senatusconsultum, plerisque etiam Gallici nominis aduersariis, & in primis Francisco Sfortiæ, Mediolanensium Principi, summoperè placuit, præsertim quòd Gallorum potentia per vniuersam Italiam vsque adeò esset suspecta, vt omnes Principes eam valde reformidarent. Sed nemo erat, qui illam maiori & iustiori odio persequeretur, quàm Sfortia, cui meritò Gallorum potentia, & cognita regnandi cupido, eò magis displicebat, quòd viciniore esset. Proinde sperabat vehementer, si Adurnius Principatum consequeretur, Gallicum nomen non solùm à Ligustico agro, verum etiam à tota Italia proscriptum iri. Quamobrem anxie dabat operam, nullamque occasionem prætermittebat, vt ipsi Duci, aliisque, rerum gubernaculis admotis, omnibus modis gratificaretur; tantaque constantia se ad omnem Reip. necessitatem paratum asseuerabat, vt Senatus, eius verbis fidem habens, ac non parum eius auxiliis confusus, Castelletum ipsum omnibus viribus atque artibus obsideret, ac expugnare non addubitaret. Cæterum, arx ipsa vsque adeò erat loci natura, atque opere firma, & communita, ac tam valido militari præsidio defendebatur, vt nō ita facile esset, licet omnes suas vires explicarent, eam expugnare. Quamobrem, missis ad Sfortiam oratoribus rogatum suppetias, ipse, citra aliquam temporis moram, Thomam Raitinum suum oratorem, virum manu promptum, atque tam in caliga, quàm in toga versatum, cum mille subsidiariis militibus Genuam misit. Huius tanti viri auctoritas atque consilium effecit, vt Adurnius & Fulgosius, depositis omnibus simultatibus, in mutuam gratiam & firmam amicitiam redirent; Senatuique etiam auctor extitit, vt non pauca circa statum politicum emendaret, & multò acrius quàm antea, arx ipsa vndique oppugnaretur. Eius namque consilio, præter murales machinas, quibus hætenus arcis munimenta impetebantur, erecti sunt aliquot aggeres intra ciuitatis mœnia, vt hosti omnem ad urbem aditum intercluderent. Præterea, ad omnem motum ac repentinum casum, templum atque cœnobium D. Francisco sacrum, omnibus necessariis bellicis ita communierunt, vt, ibi trecentis lectissimis viris in statione derelictis, ciuitati nihil ab arce periculi immineret. Præparatis itaque omnibus opportunis, dispositisque maioribus tormentis, aliisque machinis, arcis expugnatio eo successu inchoata est, vt eius defensores ingentibus tormentis, vel, vt vulgò loquimur, bombardis, magnaque sagittariorum & scorpionum copia, oppidanorum munitiones atque aggeres ita infestarent, vt magnam hominum stragem, nec non minorem ædificiorum ruinam, passim in vrbe facerent, tam manifesto mediusfidiis cum totius ciuitatis incommodo & damno, vt oppidanis, de arcis expugnatione planè diffisis, aliæ consilij rationes incundæ essent. Proinde, intercepta omni importandi com meatu, aliarumque rerum ad vitam necessariorum facultate, obsidionem vndique premendam statuerunt. Et Senatui expedire videbatur, vt Sauona, quæ adhuc in Gallorum fide atq. obsequio perseuerabat, ne obsessos aliqua ex parte com meatu iuuaret, armis redigeretur. Illud tamen oppidum egregiè communitum, & in regia obedientia, præter omnem spem & opinionem perseuerans, Genuens. conatus elusit, ita vt infecto negotio, Genuam reuersi sint. Cæterum, huius Reipub. tragicæ conuersionis rumor, non modò totam Italiam peruagatus est, verumetiam plerasque Europæ partes, præcipuè verò Galliam, penetrauit, tanta cum omnium admiratione, vt Galliæ proceres, de Andegauij prudentia, & singulari virtute multa sibi hætenus polliciti, propter

Arx Castelleti oppugnatur à Genuens.

propter hanc nouam, & inauditam defectionem, non parum illius auctoritati detraxerent, & in primis quidem Carolus, cui, hæc aduersa fama, haud dubiè maximam molestiam adferebat. Excruciabatur etiam summopere Renatus, Ioannis Andegauij pater, quòd non solum hoc nomine, suo filio multum auctoritatis apud Regem, & proceres decessisse animaduerneret, sed etiam videret, hac noua Genuensium defectione, sublatam sibi Neapolitani regni recuperandi ansam. Multum etenim praesidij, sibi in Genuensium armis atque industria semper collocauerat, anxique allaborauerat, ut hanc Remp., quibuscumque posset artibus & mediis, sibi coniungeret, & deuinciret; authorque fuerat, ut statim hac Rep. in obsequium Gallici nominis recepta, prius quam aliquid aperte in Aragonios moliretur, Arx Castelleti, reliquaque circumuicina loca, valido milite, aliisque necessariis firmaretur, quòd scilicet, populus hac ratione melius in officio contineri posset. Cum itaque iam Gallicum imperium, propter diuersa ciuium studia, ita foret coarctatum, & accisum, ut etiam de Castelleti arce valde periclitarentur, operæ pretium visum fuit non solum ipsi Renato, qui nulla interposita mora, decem triremes bene instructas, cum mille expeditis militibus Massilia Genuam miserat, sed etiam ipsi Regi, habito passim per totam Galliam delectu, nutantibus rebus, & suis passim in Liguria laborantibus, opportuno tempore succurrere. Proinde conscriptis multis equitum peditumque cohortibus, quæ ultra sex hominum millia constituere dicebantur, eas in Delphinatu recensuit, & summa cum celeritate Sauonam transmisit; quibus postmodum, magna nobilium, aliorumque agri Sauonensis, voluntariorum militum accessio facta est, adeò ut Genuenses, cum propter tam magnos apparatus bellicos, tum, ob insignem virtutis Gallicæ & militaris peritiæ opinionem, essent haud parum exterriti, praesertim quòd valde, horum, quos diximus, praecipuarum factionum Principum vnionem, & concordiam suspectam haberent: Sfortia etiam, cum summam belli aleam, illiusque Reipub. salutem, in horum amicitia, atque firma societate potissimum poneret, vtrumque, Mediolanum ad se accersiu, & vtrique seorsum plurimis rationibus ostendit, fieri non posse, si vterius similitates ac dissidia exercere pergerent, ut diu ciuitatis status incolumis contra tam magnam Gallorum potentiam stare posset, nimirum cum nemini foret dubium, quin ex ciuilibus contentionibus, aduersariorum vires magna sumerent indies incrementa. Viderent igitur, ne suis inimicis, atque capitalibus hostibus, Reip. recuperandæ ansam ex priuatis odiis præberent, quòd si præstarent, non videre se quare Gallorum potentiam vereri debeant, cum Genuenses, eorumque socij, ac foederati, ita essent per se validi, atque rebus omnibus necessariis instructi, ut facile hostiles conatus impedire, ac prorsus atterere possent. Hoc, ut fieret commodius, ipse suum patrociniū atque extremam opem in gratiam publicæ salutis offerebat, & iureiurando confirmabat, sese in omnibus nunquam defuturum. His verbis, atque aliis, in hanc ferè sententiam dictis, ipsi mirifice confirmati, ubi primum Genuam reuerterunt, multò maiori animorum alacritate ac studio, quam antea, se ad expugnationem arcis, eaque omnia, quæ ad hostium conatus reprimendos facerent, compararunt; tametsi subinde profundâ patriciorum opera, immitterentur vitiligatorum, qui falsis delationibus & calumniis, rixas & contentiones inter illos frequenter ferebant, ut ea ratione ipsorum animi in diuersum raperentur. Vterque tamen summa cum diligentia & fidei constantia, pro Reip. salute ac dignitate laborabat, & indefessis studiis inuigilabat, adeò ut nihil prorsus, quod ex illius usu esset, omitterent. Sfortia, cum iam bene sperare de Genuensium concordia cœpisset,

Gallici apparatus pro Genua recuperanda

Marcum Pium Carpi Principem, virum, præter familiæ splendorem, strenuum, & domi forisq̃ clarum, cum lectissimorum equitum ala, quòd ad celeriter bellum conficiendum, inter cætera, equitatu valde indigerent, præmisit. Sed, quia ærarium publicum erat, vt superius docuimus, exhaustum, Senatus coactus est, pecuniam, à Sfortia, aliisq̃ Ligustici nominis sociis, mutuò sumere: quæ cum tantis sumptibus bellicis non sufficerent, necessarium habuit, collectione ex priuatorum ciuium pecuniis, atq. fortunis facta, ærarium ipsum instruere. Verum, cum magna ea de causa passim in ipsa ciuitate seditio oriretur, huiusmodi subsidium detrectantibus in primis nobilibus, Adurnius, vt aliis metum iniiceret, aliquot in custodiam publicam coniici iussit. Reluctabantur enim, edicto publico de colligenda pecunia facto, cum tanta animi pertinacia, vt tranquillitatis publicæ amantes, summopere vererentur, ne hisce de causis ciuitas, multis incommodis, atque planè hostium faucibus expòsita, hoc nouo & intestino malo in maius discrimen & periculum deueniret. Igitur, quò melius omnium ordinum animi in officio atque debito obsequio continerentur, prudenti Patrum consilio statutum fuit, vt munia bellica inter ciues citra aliquam prærogatiuam distribuerentur. Fulgosius quippè, tanquam eximie virtutis dux & veteranus miles, cum ferè totius iuuentutis flore, ac Sfortianis subsidiariis, in quibus omnis victoriæ spes non temerè collocabatur, sibi locum extra urbem planè accliuem & montosum delegit. Adurnius verò, cum ceteris militibus, reliquaq. plebeia multitudo, intra muros se eo consilio continebat, vt seditiones, si quæ fortè per interualla orirentur, sua prudentia, & auctoritate reprimeret, simulq̃ com meatum, & annonam his qui foris essent, suppeditaret. Interea temporis, Renatus Andegauius, cum valida classe, ac multis aliis strenuis ducibus, atq. magnatibus, iam non longè à portu Genuensium aberat. maritimam etenim oram, solo adiuti remige, dudum legerant, ac portum, nisi exploratò, subire non audebāt, adeò vt in littore, quod vulgò D. Petri in arena vocant, omnem classem subducerent, & anchoris iactis, pedestres copias in villam Cornelianam exponerent. At Fulgosius de classis hostilis aduentu certior factus, incredibili cum alacritate, & animi promptitudine, non secus, ac si per totam vitam militiæ vacasset, & armis potius, quàm infulis splendidior, lorica indutus, sese vnà cum Carpensium regulo ad excipiendum hostem expediuit; & lectissimo equitatu, ac promptissimorum iuuenum manu concomitatus, pugnadi audus, hostem expectabat. Attamen quòd Gallorum acies longè aliter, quàm existimarent, instructas viderent, neutiquam eo tempore præliari ausi sunt, sed illorum potentiam admirati, nullo subsequente hoste, in urbem redierunt. Sunt qui tradant, non dubium fuisse, quin, si eodem tempore, ad primum scilicet Genuensium conspectum, Galli, præmissis omnibus suis copiis, Fulgosium cum suis inualissent, & triremes, eodem temporis momento, urbis portum subire tentassent, irruptione atque impetu duabus ex partibus in urbem facta, illa potiti fuissent. At nobiles nonnulli Genuenses, qui, Gallici nominis studia secuti, ad hanc expeditionem venerant, quò patriæ excidium auerterent, auctores fuerunt Gallo, maiorem, melioremq. bene gerendæ rei occasionem expectaret, nimirum, quòd dicerent, fieri non posse, quin ciuitas, tantis dissidiis, & factionibus distraeta, diu in concordia permaneret. Proinde citra aliquam sanguinis effusionem, eam victoriam & urbis direptionem ex ciuilibus dissensionibus futuram. Galli hac sententia commoti, relicta ad præsens, prælii, & oppugnationis occasione, vltèrius nō nihil progressi, cænobium D. Benigni, aliosq̃ circumuicinos montes, castris ponendis delegerunt.

runt. Qua mora oppidani confirmati, & vt sæpè vsu venire solet, audaciores facti, lacessere hostem, equitem leuioris armaturæ extra urbem ducere, & crebras cum aduersariis velitationes habere, non sunt veriti: initisque postmodum, de totius belli summa, consiliis, decretum fuit, vt omnibus viribus hostem, prima quaque data opportunitate, inuaderent. Galli verò contrà, hoc vnum contendebant, vt, relicta planitie, per aduersos colles, suis, in arce Castelleti multifariam laborantibus, præsidium inferrent, atque omnibus necessariis communirent, nimirum, quòd intelligerent, totius belli molem, atque aleam, in huius potissimum castrì defensione, & incolumitate consistere. Quamobrem, postero die, vniuerso exercitu in tria agmina diuiso, ac, quasi per tria cornua constituto, ita aciem disposuerant, vt milites, quos in arcem mittere volebant, vndique ab reliquis exercitus cuneis circumsepti essent, ita vt, citra aliquod periculum, liberum in arcem iter haberent. In prima siquidem fronte, sagittarios, aliosque leuis armaturæ milites, velitationibus idoneos, in secunda, machinas bellicas, aliaque curulia tormenta cum præcipuo totius exercitus robore, & in postrema, carpenta, atque alia impedimenta collocauerant. Atqui Genuenses, de patriæ libertate atque salute mirum in modum solliciti, omnem occasionem inuadendi hostis expectare, nihil, quod ad victoriam reportandam pertinere posset, omittere, ac indefessis studiis, & vigiliis, ciuitatem summa cum fide & diligentia custodire, deque Gallorum consiliis commonefacti, suam quoque aciem, magna cum militaris scientiæ peritiâ instruere, eo certè ordine, vt velites, ac sagittarios, à fronte, quò hostem ascensu montium prohiberent, obijcerent. Fulgosius etiam, cum delecta oppidanorum manu, ac Sfortiano milite, in collium vertice ad omnem casum paratus, constiterat; reliqua verò multitudo sese vndiquaq. per omnem istorum locorum tractum, ad hostem impediendum, & exterrèdum effuderat. Nec Adurnius, segniùs suas partes interim tuebatur. Nam, cum illam urbis partem sibi defendendam desumpsisset quæ mari obijcitur, veritus, ne à classe Gallica urbs aliquod damnum, vel impressionem pateretur, in ea parte urbis, quæ ex opposito, ceu ex diametro, arcis situi responderet, magnam propugnatorum manum disposuerat, tam ordinatè, vt vno eodemque tempore, ipse tractum maritimum, ac etiam palatium publicum, cum suis tueri atque propugnare posset. Tanta quippè cura & sollicitudine, ab ipsis ducibus, rebus omnibus prospiciebatur, vt difficulter aliquid incommodi, ciuitati ab hoste infligi posset. Ceterum, cum Galli, eductis aliquot copiis, vellent, suis in arce laborantibus opitulari, nouumque præsidium inferre, Genuenses, hanc occasionem sibi oblatam non prætermittendam rati, cum magno ac valido militum robore, vti demonstrauimus, egressi, illos fortiter, in iis quos occupauerant, collibus adorti sunt, eo euentu, vt, cum hostes leuioris armaturæ equitatu præualerent, perruptis primis ipsorum ordinibus, ac superato aduerso monte, vsque ad secundum eorum agmen peruenerint. Veruntamen excelsiorem locum hoc modo nacti, faciliè propter loci iniquitatem, Gallos, aduersus se conscendere conantes, deturbabant, ac eos strenuè repellebant; & ad vltimum, multis confossis atque protrititis, nec paucioribus per abrupta collium præcipitatis, ipsi, fortunæ benignitate accensi, vndique Gallos prouocare, atq. inuadere, adeò vt tandem, ipsius iniquitate loci sensim superati, cum summa contentione altero monte potiri adniteretur, in eam partem deflexerint, vbi Fulgosius cum Sfortianis sua castra communiuerat; existimantes, faciliorem per eum tractum eruptionem fieri posse: sed nimio astu corporiisque defatigatione, atque armorum pondere præpediti, cum omnes ferè ingenti siti vrentur, collem, sua-

*Conflicta
iuxta Ge-
nuam init
Gallos ac
Genuens.*

ptē na-

pte natura ascensu difficilem, in tantis periculis, ac difficultatibus conscendere nequiuerunt: & iam non solum imbecilles, sed prorsus imbelles facti videbantur. Accedebat huc, quod sagittariorum crebris eiaculationibus à celeriori gressu ita prohiberentur, ut, qui editioribus locis consisterent, citra magnam difficultatem inferiores protruderent, ac deturbarent. Verumenimvero, quod Galli maioribus difficultatibus, & incommodis implicabantur, eò ardentius, atque animosius rem gerere, atque omnia strenuorum militum officia adimplere, ita sanè, ut, nisi Genuenses, nouo stratagemate vsi fuissent, cum iamdiu ancipiti Marte, sed impari locorum conditione, utrimq. esset dimicatum, non dubito, multorum scriptorum annales secutus, quin, vel victoria penes Gallos omnino steteret, vel saltem à Genuensibus, multorum clade atque sanguine redempta fuisset. Sed quod tandem integra victoria hi potiti sint, hoc ferè quod sequitur, in causa fuit. Constantissima fama obtinuerat, Franciscum Sfortiam magnas copias conscripsisse, quas Liguribus fociis & vicinis, ac summa necessitate laborantibus, subsidio quamprimùm mitteret. Hic rumor tam latè sese diffuderat, ut Galli, hoc nuntio non parùm commouerentur, præsertim, quod in medio ipsius pugnae ardore, tres magni nominis atque auctoritatis copiarum Præfectos, in aciem aduersariorum aduenisse compererant, nempe, Carolum Cadamustum, Georgium Matinum, & Nicolaum Epirotam; famaqué sparserat, mox magnum supplementum illis adfuturum. Fulgosius etiam, quod Gallis maiorem metum incuteret, his Sfortianis ducibus auctor fuit, ut ipsi, montis summitate potiti, manibus extensis, ceu intento digito, Sfortianis, reliquisq. Genuensium militibus, quoddam agmen rusticorum & agrestium ostenderent, qui, quod procul ab eorum conspectu remoti erant, non poterat dignosci, milites, vel incondita rusticorum colluies esset, ita ut à plerisque, pro veris, ac expeditis militibus haberentur: quo sanè factum fuit, ut Galli, noua illa, ut ipsi putabant, militum accessione facta, cum in pro-cinctu esse crederentur, ita animum remitterent, ut sensim languescentibus cœnibus, in fugam sese, perturbatis iam ordinibus, conijcerent. Genuenses, potenti hoste, viribus & armis longè superiore, non solum ab inferendis in arcem præsidiiis, prohibito, sed magna cum ignominia in fugam conuerso, sic, ut pleriq. conseruandæ vitæ anxij, ad triremes, & naues, vti demonstrauius, dilaberentur, incredibili quadam lætitia perfundebantur. Sedenim Renatus, qui in prætoria triremi ad naualis classis custodiam tantisper permanerat, donec certaminis finem & successum intelligeret, cum videret, tantam militum multitudinem eò esse redactam, ut sese in triremibus, ceu in latebris, magna cum properatione abdere cogeretur, magna cum seueritate, sub capitali comminatione, omnibus suis trierarchis edixit, ne quis militum, qui prælium detrectasset, aliquo modo in triremem, ad nauim susciperetur, indignum existimans, talibus effugium præbere, qui non solum fortiter non pugnauerant, sed magna ignominia notati, maiorum suorum laudem turpi fuga contaminauerant: ideoque totam classem à pristina statione in alium locum submoueri, atque subduci iussit, adeò ut cum nullus effugij locus relinqueretur, multi, qui natandi peritia nauim adnatare conabantur, vel submergebantur, vel à suis propriis confodiebantur; quorum exemplo perterriti, & vagabundi, per auia atque inuia collium effugia quærentes, passim per valles miserè vltra duo millia & quingenti contrucidati sunt. Reliqui, in miseram seruitutem abducti, victorum præda extitère, exceptis iis, qui sub nobilitatis nomine passim in municipiis, ab indigenis, variis in locis salui atq. incolumes præseruati sunt. Renatus, postquam tam infelicem ac funestum in hac postrema

*Gallorum
fuga &
redes.*

strema contra Ligures expeditione, belli exitum præter spem & voluntatem habuisset, magno cum suo dolore patriam cogitans, cum tota sua classe Massiliam repetiit. Verum, priusquam ex Liguria discederet, Ludouicum Vallam, virum spectatæ fidei, & incredibilis fortitudinis, Sauonam, quæ adhuc in Gallorum potestate atque fide persistebat, cum valido præsidio legati nomine reliquit. Hac noua felicitate, & victoria elati Genuenses, rati, omnium rerum difficultates esse superatas, non aliter ac si in otiosa ciuitate, & pacata Repub. viuerent, variis simulatibus, & nouis dissidiis mutuò decertabant, sic, ut ipsi præcipuarum factionum Principes, ab iisdem non abstinerent. Quandoquidem Fulgosius, cuius ambitioni & dominandi cupiditati nullus modus constitui poterat, ut se primùm à Gallicis molestiis liberatum animaduertit, huc omnes animi sui cogitationes conuertit, ut quibuscumque posset artibus vel modis, Adurnium Principatu de-
 turbaret. Vigebat enim in ipso Fulgosio, vltra naturalem animi impotentiam, atque fastum, tyrannica quædam animi natura, ita quidem, ut licet sacris initiatu-
 tus esset, parum tamen iis partibus & muneribus præditus esset, quæ illam personam, quam ipse sustinebat, cum primis decerent, planè fratri suo Petro indolentique moribus par, qui consimilibus simulatibus, atque insolentia, sæpius antea in illa ciuitate grassatus fuerat. Proinde Fulgosius, inuidia ardens, & honoris fictiens, maximam vndique, sub summa silentij fide, manum, tam intra, quàm extra urbem parare atque conquirere, quò ipsum Adurnium ex occasione adoriretur. Non ignorabat Adurnius, iuratum suum, ac inueteratum hostem, omnia sibi extrema moliri, & propterea, cum principem locum teneret, eoque longè maiori auctoritate, & potentia ipsi antecelleret, eius consilia anteuertere statuit, & magno cum silentio curiam, in qua habitabat, valido præsidio ad omnem ingruentem imperum, & vim repellendam, communiuit. Porro Fulgosio, post adeptam victoriam, in suburbano vrbis loco remanenti, significari iussit, ad conseruandam publicam tranquillitatem, vrbisquæ quietem, minimè sibi consultum videri, ut ipse, cum tam magno armatorum numero in urbem veniret: sed potius sese tantisper in municipiis suis contineret, donec externus miles exautoratus, Ligusticum agrum excessisset. Fulgosius, intellecta ducis sententia, ac, quorsum tenderet, non obscure olfaciens, integrum sibi visum fuit, ut ad res suas còmodiùs constituendum, suisque consiliis locum relinquendum, ibi aliquandiu rusticaretur. Quapropter, ne aliqua de causa instituti sui ratio perturbari posset, vnum familiarium suorum, sibi in primis fidum & amicū, ad Bartholomæum Auriam, duarum triremium Præfectum, misit, qui suo nomine ipsum maiore in modum rogaret, ut in præsentī sua expeditione sibi auxiliari vellet. Ac ne aliquo modo rem suam in aliquod discrimen adduceret, operæpretium se facturum existimabat, si ipsemet Genuam clanculum veniret. Igitur conscensa scapha, quòd neutrūquam eum latèret, se ab externo milite, suæque factionis studiosis, auidè expectari, Genuam appulit, eodem ferè tempore, quo ipse Auria cum sex nauigiis, multis nobilibus còcomitatus, venit, qui omnes vnicam suæ salutis spem in populi dissensionibus reponebant. Ad illorum inopinatum ingressum, non solum tota ciuitas valdè commota, & attonita fuit, sed etiam Adurnius Princeps ita animo fuit consternatus, ut confestim, cum periculi magnitudo nullam moram admitteret, Carolum fratrem suum cum aliquot subitariis copiis præmiserit, quò aduersariorum conatus, antequam omnes in continentem essent expositi, in ipso littorè opprimeret, vel, si hoc atlequi nequiret, ibi sisteret, ac remoraretur. Inter Fulgosios, & ipsum Auriam, aliosque earundem factionum socios, conuentum

Pauli Fulgosij inextinguibilem ambitionem.

& pactum fuit, vt, excitatis in vrbe turbis atque nouis tumultibus, reliqui cum summa feftinatione ad palatium præoccupandum, quamprimùm, vbi expositi effent, properarent. Verùm, Carolus hostium numerum & multitudinem conspicatus, cum se longè inferiorem sciret, nihil in fratris subsidium attentare audebat: Adurniusque, extrema sibi metuens, derelicta curia, & vrbe, in suburbanum secessit, vt ibi rerum exitum expectaret. Sfortiani enim milites, Genuæ, & in aliis plerisque suburbanis locis pro præsidiis dispositi, cum viderent subinde in ipsa ciuitate magnas factiones foueri, easque, magnos & graues duces & auctores habere, magna prudentia neutrius partis studia secuti, sese in stationibus & domiciliis suis quietè & citra aliquam imminutionem continebant, ita profectò, vt Fulgosij, de Principis fuga certiores facti, & militum exterorum animos subodorati, cum iam omnia ex animi quodammodò sententia fluere viderentur, hoc vnum sollicitè agerent, vt, abrogato Adurnio imperio, in eius locum aliquis suæ factionis studiosus sufficeretur. Et quia videbant, illam dignitatem non sine ignominia nota in ipsum Præsulem Fulgosium deriuari posse, quod ipse scilicet sacris initiatus, longè aliam personam à ciuili administratione diuersam & remotam sustineret, visum fuit ex utilitate & dignitate Fulgosia gentis, eiusque sociorum esse, Spinettam Fulgosium, Principem omnium suffragiis renuntiari, vt qui, præter animi voluntatisque propensionem & studia, etiam consanguinitatem afferret. Quocirca, malo vrbs locique genio factum fuit, vt fortuna, publicæ quieti semper aduersa, non diu in hac familia concordiam & quietem tulerit. Iisdem enim ferè diebus, Ludouicus Fulgosius, qui, deposito supremi magistratus honore, Sarazanæ, vt superius meminimus, in otio degebat, intellecta iterum vrbs rerumque omnium perturbatione, ac agrè ferens, paucorum dominio & libidini in tanta ciuitate, quæ omnibus temporibus grauissimos viros tulerat, omnia permitti & subijci, in urbem excitus, eo animo venit, vt illam quocumque posset modo, à tyrannico Antistitis iugo liberatam, in pristinam tranquillitatem, vel certè in meliorem & tolerabiliore statum reponeret, & vendicaret. Ad cuius sanè aduentum, magna metamorphosis, & confusio in ipsa ciuitate orta fuit. Nam, vrbs membris, anatomica quadam imitatione, scdè ab ipso corpore recisis & amputatis, bustum ipsum, conspectu horribile, atque turpe erat, nimirum, cum, ultra turbas & scdè urbanas commotiones totius ciuitatis, adeoque ipsius Ligustici nominis, hostis in arce Castelleti, tantarum contentionum audus spectator relictus esset, qui non aliud iam omnium saniorum iudiciis expectare credebatur, nisi, vt de totius ciuitatis voluntate iterum postliminò reuocaretur, potissimum quod satis iam omnibus constaret, Renatum Andegauum, nondum suam, quam in expeditione vltima Genuensi habuerat, classem exarmasse, vel militem exauctorasse, ita certè, vt extrema omnia vrbi, adeoque toti agro Ligustico, non immeritò metuerentur. Verùm, Deorum omnium beneficio, contumaci vrbi plus felicitatis contigit, quam sperabatur. Præsidarij namque milites, arcis defensionis relictæ, variis de causis illam agrè defendi posse animaduertentes, de consensu ipsius Renati, & Ludouici Vallæ, primò, vt iam diximus, vrbs regi-mini admoti, & tunc arcis tutelæ cum summo imperio impositi, ipsum Ludouicum Fulgosium, virum non minùs fortem, & strenuum, quàm consilij gravitate & iudicij rectitudine in rebus arduis & perplexis egregium, arcis præfecturæ & defensionis præposuerunt. Hoc profectò effecit, vt Præsul Fulgosius, rebus suis diffusus, cum se, non citra magnas difficultates, & inuidiam, nec minus vitæ suæ, suorumque periculum, tam multorum sententiis, & voluntatibus relictari posse

vide-

Spinetta
Fulgosius,
Princeps ren-
nuntiatas,
et mox Lu-
douicus
eiusdem
familia.

videret, cum iam non obscure plerisque suae factionis in ipsum Ludouicum inclinare intelligeret, Spinetta auctor fuit, ut, ad declinandam omnem inuidiam, constituendamque publicam quietem sponte Magistratu eiuraret. Qui sane libenti animo, & nulla interposita mora, contra multorum expectationem eius consiliis obsecutus est, & in huius locum ex vnanimi omnium consensu ac citra ullam civilem discordiam vel tumultum, nono Cal. August. praedictus Ludouicus Fulgosius arcis Praeses, Princeps renuntiatus sit. His rebus eo, quo diximus, modo, Genuae constitutis, ea fere tempestate Renatus Andegavius, relicto Saona sub Ludouici Vallae praefectura valido praesidio, Massiliam cum sua classe profectus est. Genuenses etiam, post tot tantosque exantlatos labores, & difficultates, metu liberati, nonnihil respirarunt, ac tantisper in otio & quiete vixerunt, donec Paulus Fulgosius impotenti animo exaestuans, & intolerabili ambitione flagrans, omnem civilem statum miris dissidiis & tumultibus conturbauit. Anno siquidem eius aevi sexagesimo secundo, cum in ciuitate nullum supra se, vel 1462. saltem parem ferre posset, iterum cum sociis atque confederatis agere, omniaque consilia inire cepit, quod Ludouicum ipsum, recens ad Principatum de communi omnium consensione euectum, dignitate illa exueret: cumque multum auctoritate & opibus valeret, multos in suam sententiam pertraxit, ita ut facile fuerit, Ludouicum, non aliter quam fide publica nixum, per dolum & clandestinas artes inuadere, & de gradu deturbare, prout, cum plures haberet sui nefarii consilij socios & administratos, quorum ministerio grassabatur, breui post effecit. Itaque fatali quadam vi suprema Reipub. dignitas in ipsum Fulgosium Antistitem pridie Idus Maij collata, qui dulcedinem dominatus expertus, omnia sacra profanis commiscuit, ac nihil in vrbe erat, in quo non sibi ius vendicare posse arbitraretur. Tandem permittentibus Diis, concitata plebs nihilo secius a sua inconstantia discedens, ipsum de supremo illo dignitatis fastigio ea leuitate disiecit, qua illum ad hoc inconsulte prouexerat. Eo namque civilibus bellis deuentum erat, ut publica administratio & omnium ordinum dignitates, in plebis solius arbitrio essent, atque consisterent. Proinde abrogato infra vnus mensis spatium Fulgosio, quod plebs ipsa democratiam intelligere, & exercere velle crederetur, neue in posterum ciuitas, propter nobilium diuersas factiones & studia, in vltiora discrimina, ut ipsi rebantur, delaberetur, ex tota plebeia multitudine quatuor oppidani opifices, nempe Simon Cantalopus, Christophorus Vagnus, Dominicus Trabucus, & Conradus Bozomus, cum summae Praefecturae titulo rebus praepositi fuerunt; quorum regimen ne vacillaret, vel in transuersum raperetur, omnium artium mechanicarum supremos Decuriones substitui placuit, quorum consiliis, si quid perplexius & intricatius occurreret, ipsi plebeij praefecti vterentur. Sed haec plebeia auctoritas post exiguum temporis spatium ita concidit, ut ad pristinum statum & receptum institutum rediretur. Nam Ludouicus Fulgosius magna cum plebis inconstantia, aliorumque ordinum conniuentia, vel stupore potius, tertium Dux creatus est. Nec sane in tam multis antiquorum scriptorum Annalibus vllum tempus extitisse deprehendi potest, quo tanta varietate & inconstantia passim in vna eademque vrbe subinde lapsum & certatum fuerit; quandoquidem, ut hic multarum rerum mutationes sileam, & solum Senatorium ordinem referam, huius Ludouici administratio semestris tantum fuit. Postquam enim sub medium anni eiusdem aevi sexagesimi secundi supremum Magistratum iniuerat, statim sub initium sexagesimi tertij ordine pulsus fuit: qua quidem tempestate cum Galli, rege Carolo septimo humanis

Renatus An-
degavius re-
dit Massilia.

Pauli Ful-
gosij ambi-
tio, & ad
Principatum
promotio.

rebus subtracto, & Ludouico XI. in eius locū hæreditario iure subrogato, animaduertent, nullum se alium Sauouensis præsidij fructum, quam assiduas molestias & grauissimos sumptus reportare, Sauonam, quam ad eam vsque diem in potestate habebant, Francisco Sfortiæ Mediolanensium Duci donare constituerunt. Intelligebant siquidem non obscure, se, multis de causis, Gallici nominis dignitatē difficulter in ipsa Liguria tueri ac propugnare posse, præsertim cū nouis seditionibus atque factionibus Reip. status adeò esset implicatus & inuolutus, ut in officio ciuiū animi nulla æquitate vel legibus retineri possent. Quare proceribus Galliæ expedire ad præsens videbatur, multò satius atque utilius suis regibus fore, si Sfortiæ armis atque opibus omnium Italiæ Principum facilè primario, Liguriam obtinendam permetteret, non ignorantes, hoc ipsum, Sfortiam in primis expetere, & ordinem patricium idem summoperè auere, inter quos, Ludouicus Fulgosius, nuper Princeps, maximè Sfortiani nominis studiosus, deprehendebatur. Itaque de ipsius regis Ludouici voluntate, omnia iura, quæ regibus Gallorum in Liguria competeabant, in Sfortiam translata. Rex enim Ludouicus nullam sibi in Italia expeditionem temerè suscipiendam esse statuit, licet haberet magnos auctores, qui, multis demonstratis consiliis, & rationibus, ipsum ad hoc agendum summoperè impellerent & concitarent, inter quos præcipuus fermè erat Robertus Seuerinus, ex veteri sancti Seuerini familia oriundus. Hic enim, occiso Galeacio Mediolanensium Duce à Lamponiano, sicuti postea enarrabitur, cū Insubriæ status eius morte valde esset ambiguus & intricatus, relicto filio admodum adhuc puero, in Galliam ad regem contenderat, ut ab eo rerum suarum status pacificationem impetraret. Erat quippe Seuerina familia affinitate Sfortianæ coniuncta, adeò ut tumultuantibus inter se Proceribus, ipse ea de causa domo exactus esset, & à rege subsidium implorare cogeretur. Rex, & si per talem occasionem non semel ab ipso Sanseuerino ad Italiam bello laceßendam sollicitaretur, tamen cū suapte natura esset pacis amans, & facilè ab aliorū Principum iniuriis abstinere, nunquam adduci potuit, ut, quauis etiam grauissima de causa ad aliquod Italiæ mouendum bellum incitaretur, dicens, se iam longo usu compertum habere, Italiam quidem Gallicis armis subigi atque edomari posse, retineri autem & conseruari, in Gallorum potestate minimè esse. In qua etiam sententia, Rodolphum Cæsarem, Austriacæ familiæ Principem atque conditorem, multi historici fuisse prodiderunt. Hic enim, quamquam esset Princeps ingenio sagaci, & maximè militari, multaque egregia veri Principis facinora per vniuersam ferè Europam, præsertim verò per totam Germaniam, edidisset, (nam in quatuordecim conflictibus & hostilibus congressibus ita semper victor euaserat, ut illi non immeritò cognomen Inuicti attributū sit) nunquam tamen adduci potuit, ut in Italiam profectionem suscipere, vel arma expedire voluerit, adeò ut coronam Imperialem, quæ de veteri more Romæ ab ipso Pont. Cæsaribus imponi consuevit, Cæsar designatus, ea de causa recipere noluerit. Quippe, ut erat natura comis, & ita facetus, ut omnes familiares suos sermones miris candidissimisque salibus condiret, quotiescumque Italiæ in familiarium suorum congressibus mentio fiebat, & contra eam subinde à suis concitaretur, solebat apologum Æsopicum de vulpecula ægrum leonem inuisere detrectante, Horatianis versibus eleganter & graphicè descriptū instillare. Aiebat enim, maiorum suorum in Italiam expeditiones, initiò quidem fuisse lætas & prosperas; finem tamen, variis acceptis cladibus, fuisse plerumque funestum & calamitosum: itaq. se non immeritò ab Italico bello deterri. Ut verò ad institutum reuertar, Sfortia, in-

tia, intellecto Gallici regis animo & voluntate, cum summa gratiarum actione illam exosculatus est, & deinceps perpetuum illi studium atq. fidei constantiam, iure iurando interposito, præstiturum pollicitus. Ad Liguriam tamen in tanta animorum distractione assequendam, nec nō in tam diuersis ciuium studiis obedientiam & fidum obsequium obtinendum, multa illi adhuc obstabant. Quapropter ipse summa prudentia atque cautela opus esse videns, factionum Principes omnibus artibus ad nouam dissensionem deuocare studebat, qua certè in egregiam operam ipsa nobilitas præstabat, cum omnem suam salutem ac fortunarum suarum omnium conseruationem in sola factionum Principum discordia consistere crederet. Sfortia itaque, per crebros internuntios Paulum Fulgosium, recens Magistratu abdicatum, sollicitabat, vt Ludouicū Fulgosium, tertium Ducem, principatu deturbaret. arbitrabatur enim, Paulum id enixius effecturum, quo bonæ spei plenus, se pristinam dignitatem recuperaturum existimaret. ita Sfortia sollicitatis multorū ad diuersa studia animis, statuebat, populū ipsum ambigui & varij dominatus perterritum, in tanta omnium trepidatione sese illi dediturum. Fulgosius, consueta imperandi cupiditate accensus, eam occasionem nequaquam neglexit. Verū, per clientes suos ac socios, tam nobiles, quā populares, effecit, vt, Ludouico iterū Ducali honore spoliato, ipsemet quartū in eius locum sufficeretur, sperans, se diuturnitatem Imperij, auctoritate Pontificia subnixum, deinceps consecuturum; & propterea in nouo suo statu, adiecto diplomate Pontificio, confirmari voluit, sicuti ex Pij secundi Pont. epistola, ad eum conscripta, liquidò apparet. cuius quidem exemplar hīc subijcere haud equidem grauatus sum. 1463:

PIVS EPISCOPVS SERVVS
SERVORVM DEI.

VENERABILI fratri Paulo Archiepiscopo & Duci Genuæ, salutem & apostolicam benedictionem. Ducatum patriæ tuæ ex libero ciuium decreto te attectum scribis, eumque per nostram benedictionem fraternitati tuæ flagitas confirmari. Admirati sumus consilium tuum, qui eius ciuitatis temporale regimen acceperis, quæ super omnes Italos nouitate gaudens, semper nutat, semper in motu est, nec vllum diu rectorem ducēque patitur; & tu anno superiore, quanta sit tuorum ciuium constantia, in te ipso didicisti, qui cum ab eis ad hunc ipsum Principatum fuisses assumptus, non tam citò magistratus iniuisti, quā deponere coactus fuisti. Nobis quidem eodem ferè tempore & assumptio tua, & depositio nuntiata fuit. quid nunc futurum sit, ignoramus. Huc accedit rei nouitas: nam etsi potest idem homo & Ducis, & Archiepiscopi personam gerere, sanguinis modò absit effusio, nescimus tamen, an Archiepiscopus Genuēsis ante te alius Ducatum inierit, maximam esse causam oportet, quæ hanc nouitatem induxerit: forsitan experti Genuens. iniusta esse regimina secularia, atque inde tot mutationes oriri putantes, ad te confugerunt, & fastidio quodam secularis imperij experiri aliquandò sacerdotale decreuerint, si forsitan iustius ac mitius gubernentur. Magna est tibi bene agendi necessitas imposita: nisi vim prohibueris, nisi paci & otio consulueris, modum prauis cupidinibus imposueris, nisi te ipsum, & tuos stipitatores, in honestatis frena redegeris, non stabit potestas tua, breui dominaberis, citò regnum amittes, eiicieris non sine tuo, & Sacerdotalis eminentiæ magno dedecore; si tamen eiiciaris, & non peiora, tibi accidant, vt sunt ante oculos exempla domestica: vide quid agas. Non enim eadem est Sacerdota-

*Pij Pont.
epistola ad
Paulū Ful-
gosium Ar-
chiepisc. Ge-
nuens.*

lis & imperij norma, paternam & omni clementia plenam esse Pontificalem administrationem oportet, non tyrannicam. Multa in sæculari Principe ferunt homines, quæ abhorrent in Ecclesiastico. quæ in laico pusilla & leuia æstimantur delicta, in clerico maxima & grauissima iudicantur. Sacerdotes, quorum vita, veluti speculum inferioribus est, non solum à malis operibus abstinere, sed omnia declinare cōuenit, quæ quoquomodo speciem mali præ se ferunt. Vide quem gradum ascenderis. Si potis es piè ac iustè imperare, ac non subditos solum, sed te ipsum coërcere, si vales virtute irrumperere iniquitatem, si pro communi utilitate quærenda, non pro tua libidine explenda Ducatum accepisti, si ad tuendam religionem Christianam aduersus impios Turcas animum geris, & in eam rem corpus tuum deuouere proponis, & iniuriam proximi non quæris; cor fidentes ritè & secundum leges tuæ ciuitatis Principatum hūc ad te delatum esse, & quòd, vt polliceris, vtiliter populo tuo præeris, illum tibi, & tuis ciuibus, & vniuersæ Reip. Christianæ in nomine sanctæ Trinitatis benedicimus. Datum Romæ apud sanctum Petrum sub annulo piscatoris, pridie Cal. Februarias M. CCCC. LXIII. Pontificatus nostri anno quinto.

LIBER XIII.

1464.



SFORTIA, in veteri suo consilio & sententia persistens, initio subsecuti anni, scilicet, eiusdem æui quarti ac sexagesimi, Sauonam, illiusque arcem adeptus, Genuensibus multis magnisque dissensionibus implicatis, breui post, opera potissimum Marchionis Carretini, & Lamberti Grimaldi, Monæcum possidētis, Albingaunum, & mox totius oræ maritimæ dominium asscutus est: quod sanè ob Fulgosiorum intolerabilem insolentiam, plerisque ciuibus, præsertim patriciis, neutiquam omninò displicuit. Quippè Fulgosius Antistes, principem locum in vrbe consecutus, ac se in eo quammaximè stabilitum existimans, sensim variis exemplis tyrannicum animum declarauit, ac ea de causa insidias veritus, Obiectum Fliscum, suæ familiæ tunc temporis facilè principem, magnisque clientelis ac municipiis florentem, sibi coniunxit: cuius amicitia auctus, longè intemperantiùs ac immodestiùs quàm antea, passim vbique grassabatur, eousque, me herclè, vt effractis sensim omnibus pudoris atque honestatis repagulis, vniuersa pro suo arbitrio & intolerabili quadam libidine moderaretur, adeò vt, neglectis honestis disciplinis, atque omni legum reuerentia è medio sublata, bonis que suppressis, vel præteritis, solis scelestis, & seditiosis ad honores capeffendos locus & aditus relinqueretur. Et, vt paucis verbis ciuitatis statum describam, pro pudore, pro abstinentia, pro virtute, audacia, largitio, ambitio, avaritia & libido vigeant: tantumque unicuique licebat, quantum armis & viribus pollebat. Bonis igitur moribus exulantibus, omnia summis æumnis ac miseriis replebantur, & non pauci ciues, relicta patria, vltro sibi exilium & secessum delegerunt: eoque Respub. iam deuenerat, vt pretium portionum, & Magistratus Georgiani loca, non vltra viginti tres, aut quatuor libras ad summum extenderentur, vel quotannis constituerent. Tantis igitur calamitatibus & diutinis æumnis per integrum decennium districta Rep., nemo in ea erat tam insani iudicii, tamque perditii consilij, quin vtriusque factionis studia iam vehemèter pertæsus, Sfortiæ imperio subijci auidè non exoptaret. Is quoque ciuium animis penitiùs explo-

exploratis, totius Ligusticae orae dominium eo animo recens acceperat, ut ad primam quamque potiundae Genuae ostensam occasionem, illam non omitteret. Quocirca, per Georgium Annonem, suum legatum, arcem à Paulo Fulgosio, qui etiam illam in sua potestate retinebat, sibi dedi, variis rationibus additis, postulavit, existimans, se, illa impetrata, cetera quamfacillimè confecturum. Et quò illum ad hoc faciliùs inflecteret, atque in suas partes deduceret, multis & amplis pollicitationibus illius animum non semel sollicitavit, simulque obiectum Fliscum, Spinettam Fulgosium, & Prosperum Adurnium ad se accersivit, & multis sermonibus benignè atq. amanter cum eis habitis, operæpretium esse duxit, tales viros Reip. primarios, sibi quibuscumq. artibus & modis devincire atq. coniungere, prout facilè solita sua benignitate & comitate assecutus est. Quò etià Adurnium sibi arctiùs obligaret, Quadum oppidum ei dono dedit: sic humanissimus simul & liberalissimus Princeps optimates ciuitatis sibi potiùs devinciendos existimabat, quàm dolo & fraudibus in vanam & incertam spem erigere. Fulgosius tamen, nullis bonis artibus vel humanitate Principis vlla adduci potuit, ut in eius partes veniret, arcemque illi traderet. Sfortia igitur, illius pertinaciam ægerimè ferens, horù procerum potissimùm consilio fretus, aperto Marte cum illo agendum statuit. Proinde præmissò qui illi suo nomine extrema denuntiaret, nisi arcis deditionem citra vltiorem moram faceret: illoq. in pristina sententià remanente, Gasparū Vimercatū, gratia & auctoritate apud se florentē, quòd, vltra spectatam eius fidem, summamq. industriā, ipsius opera Mediolanensis Principatus pacificam possessionē assecutus erat, cum acri & valida manu in Pociferā vallem descendere iussit: isq. in suburbiis Cornelianis aliquādiu subsistēs, reliquas copias ex Sauonēsi agro præstolabatur, inter quas erant nōnulli Genuenses ex præcipua nobilitate, nimirū inter alios, Hieronymus Spinula, & Paulus Auria, qui militares ordines ducebant. His apparatibus Fulgosius deterritus, fidemq. indigenarū sibi vehementer suspectam habens, vbi se ab Obiecto, cuius fidei antea plurimū semper tribuerat, desertum, ac omnem maritimæ orae tractum defecisse animaduerit, temporum conditioni cedere constituit, sperans, in posterum non defuturas sibi occasiones, quibus amissum Principatum recuperaret. Pandulpho igitur fratri, & Bartholomææ, defuncti Petri Fulgosij viduæ, mulieri, ut excelsò & virili animo, sic etiam summa virtute præstanti, arcis custodia cum quingentorum militum præsidio demandata, occupatisque quatuor nauibus ad priuatos ciues pertinentibus, ex vrbe, eo quidem consilio, discedit, ut per opportunitatem, Genuam, atque reliquam Ligusticae orae ditionem armis infestaret, hoc pacto se bellum aliquandiu extrahere posse arbitratus. Ne curam tamen Reipub. penitus abieciſſe videretur, ad vrbis custodiam & tutelam Ioannem Galeacium Fulgosium, fide atque viribus eorum qui in arce erant, subnixum, reliquit. Ceterum, etsi omnes Sfortianæ copiae iam in vnum conuenerant; nihilominus tamen Vimercatus, qui iam longo vsu calliditatem bellicam non ignorabat, veritus, ne, propter occultos locorum istorum recessus & latebras, per insidias circumveniretur, diu cunctabundus, vrbis obsidionem differebat, eò magis, quòd in non vulgarem suspicionem venisset, illam non citra fraudem & dolum à Fulgosio derelinqui. Interea Obiectus Fliscus, qui tanta diligentia ac prosperitate cum suis clientibus & sociis rem gesserat, vbi portam, D. Stephano sacram, orientem Solem spectantem, occupasset, Vimercatum, vti pergeret, per crebros internuntios mirum in modum hortabatur. Ipse tamen, huius suasu atque instinctu, nonnihil progressus, non audebat ciuitatem ex aduersa parte, scilicet Occidēti expositam

inuadere, quòd vehementer suspicaretur, hanc vrbis partem, rusticorum, ex circumuicinis vallibus, in ciuitatem illapforum, manu esse firmatam, adò vt operæpretium duceret, sese, superatis aduersis collibus, cum Obiecti copiis coniungere, à quo quidem in Cariniano, qui colis intra urbem est, auidè expectabatur, eo ordine, vt Donatum Insubrem, virum impigrum, & re bellica præstantem, cum aliquot cohortibus, & subsidiariis alis, in alteram ciuitatis partem relinqueret, vt ibi aditum, & irruptionem pertentaret. Donatus, in tanta omnium oppidanorum trepitatione, parum obstaculi & impedimenti reperit, ac pari facilitate, qua D. Thomæ porta occupata, paulò antè fuerat, decimo sexto Cal. Maij, aliam, vulgò Campi portam, in suam potestatem redegit; qua potiti, maiori cum commoditate, & longè minori cum periculo, pedem proferre potuerunt, relictisq; ad vtriusq; portæ custodiam aliquot præsidariis, ipsi cum reliquis copiis, quæ maiori ex parte ad Carinianum collem substituerant, inde rectà versus palatium publicum, à Ioanne Galeatio derelictum, quamprimùm contenderunt: magnisq; vociferationibus, Francisci Sfortiæ ducis, ac libertatis nomen, subinde ingeminentes, cū ingenti plausu à promiscua turba sunt excepti, & hoc modo occupata tota ciuitate, votique compotes facti, confestim curiam ipsam, atq; aliquot alia fana, & loca sibi opportuna, ad maiorem tum vrbis, tum sui securitatem, præsidiiis firmarunt. Restabat sola arx, quæ, quòd multis quotidie effugium præberet, expugnari necessariò debebat. In eam etenim, præter externū militem, multi aduersarum factionum studiosi, sese, tanquam ad tutum asylum, receperant, ea spe, vt ab vrbana & plebeia rabie liberati, ibi extra periculum, & telorum (quod aiunt) iactum, esse possent. Verùm, Sfortianis ciuitate potitis, facile deprehendere licuit, quàm leuibus consiliis populus sæpenumerò nitatur, & quàm magna volubilitate huc illuc temporis momento impellatur. Tam magna nimirum cum frequentia promiscua plebs in curiam irrepsit, noui Præsidis consalutandi gratia, vt se inuicem quasi opprimerent. Qui verò propter multitudinem impediabantur, faustis congratulationibus, & manuum gestuumq; applausu, nō obscura propensissimæ voluntatis atque effusi gaudij argumenta dabant: nec his contenti, ipsum humeris succollantes, Pontificum Romanorum instar, sede curuli in atrium Palatinum detulere; ibique de communi omnium consensu, sollemni de more, adhibitis scilicet veteris instituti caerimoniis, illi sceptrum, nomine Reipub., tanquam Francisci Sfortiæ Mediolanensium principis vicario, tradidere. His, eo, quo diximus, modo peractis, quia non videbatur integrum, neque carere periculo, communem patriæ hostem in conspectu habere, Vimeratus, magna cum consilij grauitate, adhortantibus plerisque omnibus, & offerente se vrbana multitudo, serias de obsidenda expugnandaq; arce cogitationes adiecit; præsertim quòd totius ciuitatis salus atque tranquillitas eo in cardine coniecta esset, vt summa diligentia, cū res nullam moram admitteret, opus esset. Verebantur siquidem, ne Fulgosij nomine, excitatis nouis turbis, arcis expugnatio, vrbi tam necessaria, impediretur. Satis enim constabat, eius defensores subinde in officio largis pollicitationibus à Fulgosio, eiusq; factionis studiosis, confirmari, ita vt ea spe subnixi, tantisper deditionem protrahendam omni contentione ducerent, donec nouis præsidiiis augerentur. Quocirca Vimeratus, vt hæc illorum consilia quamcitissimè anteuenteret, nihil habuit antiquius, quàm omnibus viribus atque consiliis anniti, vt Bartholomæam, cuius superius meminimus, Nouio, atque Votagio oppidis, quæ in sua potestate habebat, quamprimùm spoliaret; arbitratus, si illa iis arcibus multaretur, defensores Castelleti aliquan-

*Genua sub
Francisci
Sfortie Me-
diolanens.
Principis do-
minatu atq;
imperio.*

aliquantulò remissius deinceps acturos. Cuius sanè sui consilij fructum retulit vberimum. Cùm enim impotens, & imbecillis feminæ animus, tantis obuersantibus periculis, mirum in modum deterreretur; facilè accidit, vt ipsa, inops consilij, ac variis sententiis distracta, priùs metu, quàm viribus expugnaretur. Ficta siquidem consilia, pro veris ducens, nimiaque præsidij cunctatione ad desperationem quodammodò conuersa, clam cum ipsis Sfortianis de castri deditiōe pacisci cœpit, ac tandem quadagesimo die, ex quo oppugnari cœperat, ea conditione inter vtrâsque partes transactum est, vt Bartholomææ relictis oppidis, & quatuordecim aureorum millibus, quos in vsus bellicos sese absumpsisse asseuerabat, in parata pecunia traditis, ipsa deinceps pro socia & amica Ligustici nominis, & Insubriæ Principis haberetur. Qua transactione facta, actutum, nocte media, insciis Fulgosiis, aliisque Gallici nominis centurionibus, Sfortianum præsidium Vimercatus in arcem immittere non dubitauit; eoque fidentius, quòd sciret, Fulgosium militem, non modò numero ac viribus longè inferiorem, sed etiam à præteritorum bellorum, præsertim verò ciuiliū, vulneribus, ægrè respirantem, sollicitè atque anxie hoc vnuū agere, vt nouum adsumptum Principem in Reipub. imperio confirmarent. In cuius postmodum rei gratiam, habitis de more comitiis centuriatis, decretum fuit, vt Mediolanū, ad ipsum Franciscum Sfortiam Principem honorifica Reipub. nomine legatio haberetur. Præterea, vt deinceps pro veteri ac recepto ciuitatis vsu, in muneribus publicis obeundis, æquabilitate & isonomia vterentur. Placuit igitur, vt ex præcipua nobilitate viginti quatuor, auctoritate, ac rerum gerendarum vsu celebres, cum ducentis & amplius ciuibus, ex omnibus ordinibus delectis, ad Sfortiam Mediolanum mitterentur. Ipse, de tam præclara, & honorifica, ac planè inusitata legatione præmonitus, vbi Mediolano appropinquassent, suos liberos, ac Senatum, vnà cum frequenti procerum, & illustrium virorum caterua, illis obuiam prodire iussit, vt eò honorificentius exciperentur. Res erat, me herclè, spectatu digna, intueri ciuium Genuensium togatorum grauitatem, & Insubrium apparatus & splendorem; quorum maior pars, vestibus, multo auro atque argento intertextis, enitebant, & quisque illorum, Ioanne Galeacio Sfortiæ primogenito, cum eo qui inter ipsos, ætatis gradu ceteris collegis antecellebat, præcedente, vnum ex legatis sibi à latere assumpsit, atque ita cum omnium ordinum congratulatione, & effusæ plebis applausu, faustisque acclamationibus, urbem ingressi sunt; ibique in palatio Francisci Carmagnolæ Comitis magnificentissimè excepti, ac triduo summis honoribus, omniq. munificentia atq. officij genere cohonestati. Quarto die conueniendi Principis, exponendæque legationis gratia, in Ducale prætorium admissi atq. introducti sunt, vbi duo theatra præ ceteris, sublimitate, atq. aulæorum & sericorum ornatu conspicua, ad excipiendā tam magnificam & splendidam legationem, erecta erant, in quorum altero, editiori scilicet, Princeps vnà cum coniuge, & liberis consistebat, & paruo loci interuallo, Magistratus ipse Mediolanensis confidebat, alter verò, procerum, & præcipuorum Palatinorum consessui designatus erat: in reliquis atq. partibus, magna nobilium, ac præstantium virorum frequentia, agminatim conspiciebatur, ita vt inuicem protruderēt, & vix loci amplitudo tantam augustam multitudinem caperet. Oratores itaque intromissi, cum debita reuerentia Principem, aliosq. ordines de more salutassent, ab ipso Principe, planeque ab vniuersa Procerum corona, singulari quodam animi studio, & voluntatis propensione, excepti sunt; exiguaque interposita mora, Baptista Guanus, clari nominis iurisperitus, ac in foro iudicali versatissi-

Castellani a
à Sfortianis
deditiōe oc-
cupata.

Splendidiss.
Genuensium
legatio missa
ad Franciscum
Sfortiam.

mus, cui nomine totius Reipub. coram Principe verba faciendi onus incumbēbat, veniam silentiumque præfatus, in hanc ferè sententiam orationem habuit.

*Genensium
legatorum,
oratio coram
Principe
Mediolan.*

QVANTO PERE. Respub. nostra, magnanime atque laudatissime Princeps, hodierna die sibi meritò gratulari debeat, quòd post multorum externorū bellorum vulnera, quibus miserè ac periculosè cōfossa, ac post grauissimas & diutinas ciuiles tēpestates & procellas, quibus hactenus incerto cursu, nullo bono fidoq. nauclero ad clauum & gubernacula Reip. sedente, fluctuauit, tandem, Deorum omnium beneficio, nobis datus & designatus sis; ad cuius gremium, ceu tutissimum asylum, & saluberrimum portum, ipsa Respub. fessa & languida, confugeret & conquiesceret, nullis verbis, pro rei dignitate, exprimere possumus. Nam, quis est, rogo, non solum, in vniuersa Italia dico, verum in omni Europa Princeps, (absit adulationis suspicio) cuius virtutes & laudes, si ad trutinam & amussim deuocentur, iure cum tuis comparare liceat? Non loquor hīc ad gratiam, neque ex verborum purpurisso & orationis lenocinio, tuum patrocinium Reipub. nostræ quærimus. Satis est omnibus constare, splendorem nominis tui, egregiis factis, & imperij moderatione ita omnium oculis affulgere, vt nemini dubium sit, quin, si veræ clementiæ, moderationis & magnanimitatis petatur imitamentum, non aliunde, quàm ab heroico tuo animo, quotidianisq. egregiis tuis factis, mutuari queat, adeò sanè, vt felices illæ prouinciæ omnium saniorum iudicio existimari meritò possint, & debeant, quarum administratio & regimen à tuis sanis consiliis & iudicij rectitudine dependet, & petitur. Quārū certè in numerū, cū Respub. nostra, post varias calamitates & diuersos exantlatos labores, fatali quadā, vti puto, vi, hoc tempore deuenerit, tātum abest, vt hoc nomine tibi inuideamus, vt etiā iustissimis de causis gratias agamus, ac nobis nō mediocriter congratulemur, quibus, post tot dissensiones, ac simultates, & vt verū fateamur, post tam magnū rerum omnium naufragium, tabulæ relicte fuerint, quibus ad te, ceu optatissimum portum, confugeremus. Nec est tamē, magnanime Princeps, vt rerum nostrarum statum ex præsentī rerum conditione, verum potius ex retroacti tēporis Reip. maiestate & fortuna metiaris; præsertim cū neminē, vel mediocriter tātum in historia, vel in cōmuni rerum cognitione versatum, lateat, Remp. nostram & quā diutissimè steterisse, & quod maximum est, rerum omnium affluentia & vbertate, quā longissimo tempore floruisse, ita profectò, vt nisi in nostra ciuitate factionum Principibus inter cetera mala, etiam turbādæ Reipub., distractione quadam animorum, relicta fuisset occasio, qua solum Reipublicæ perturbatores didicerant, ciuitatem nostram populumque, alioquin inuictum, frangi & debilitari posse, sicut apes fumo facto dissipantur, quæ alioquin alueolis exturbari nequeunt; proculdubio res nostra longè alia hac tempestate conditione esset: si, inquam, Primates, aliiq. vrbis Procures, intra metas legibus circumdatas, coërceri harum reuerentia potuissent; ceteri, me herculè, ciues, concinnè geometrica proportionē per certos ordines inter se diuisi, & harmonia quadam inter se copulati & coagmentati, nullis domi seditiosis motibus, nullo foris impetu violentiæ laborassent. Quamdiu enim in Repub. nostra valuit Magistratus authoritas, & bonæ rectæque disciplinæ ac mores floruerunt, vixit citra vllam controuersiam ciuitas nostra opibus, viribus, admiratione sapientiæ & virtutis, iudiciis, aliisque veris & solidis Reipub. ornamentis. sed postquā ciuilis nostrā & domestica disciplina paucorum libidini cessit, supremorū ordinum reuerētia labefactata est, & vnā cum omnibus vitiis & morum corruptelis summa licentia & peccandi impunitas in ciuitatem nostram sensim irreperunt, adeò vt inde,

inde, ceu ex perpetua quadam vitiorum scaturigine, feralia præcipuarum familiarum dissidia emerferint, & odiis implacabilibus grauissimas inimicitias exercuerint, eo mediùs fidius successu, vt auita nostra gloria tantis victoriis, & de tam magnis capitalibusque Reipub. nostræ hostibus, reportatis triumphis, nō solū obscurata sit, sed, quod magis est (horresco referens) maiori ex parte præsentium rerum nostrarum conditione penitus concidisse & quasi extincta esse videatur. Quis enim ex omni huius augustissimi cœtus consessu non valdè commoueatur & indoleat, si me, de Reipub. nostræ statu, & repentina fatali ipsius conuersione verba facientem, attentius auscultauerit & audiuerit? Quis est, dico, qui rerum humanarum fragilitatem, & lubricum fortunæ cursum, si penitiùs res nostras introspexerit, non facilè deprehenderit? Quæ certè Reipub. nostræ fortuna atq. immutatio, ab omnibus sani consilij cō fortiùs & moderatiùs ferenda esset, quò remotiores ab omni culpa abessemus: sed cū magis propriis consiliis atque variis deliberationibus hæc metamorphosis procurata sit, nullos alios, quàm nosmetipsos, quos incusemus, habemus. Quare cū omnis nostra miseria ex propriis nostris erroribus, & domesticis dissensionibus (quod quidem confiteri & agnoscere graue ac molestum est) fluxerit, iusta Deorum omnium ita in nos concitata, has à nobis pœnas exigit, vt, veteri Ligustici nominis & imperij auctoritate abrogata, ad nouos & externos Principes confugere, summa rerum necessitas nos adigat atque compellat, de tua clementia, moderatissime atque optime Princeps, eò cum maiori fiducia omnia moderata, atque Reipub. nostræ, si qua est, fausta & salutaria sperantes, quò præteritis temporibus clariora tuæ benignitatis & veræ heroicæ naturæ in omnibus tuis actionibus edideris argumenta. Nam, cū ego, nomine Reipub. nostræ, apud Mediolanensem Principem, & potissimum Franciscum Sfortiā, orationem habeam, quis est, quæso, qui ad suauissimam tanti Principis nominis harmoniam, licet alioquin attonitus, & stupidus, tamen, dico, aduersarum rerum procellis multū proiectus atque demissus, non sese erigat & attollat? Quandoquidem, cū in viro Principe nihil excelcius, nihilq. præclariùs & antiquius inueniri possit, vel esse debeat, quàm humanarum rerum conditionem & vicissitudinem quotidianis exemplis sese in oculos ingerentem, subinde perpendere atque considerare: magnam certè laudem omnium iudicio mereris, qui humanitatis memor, nobis, ceu ex alta specula, faciem tuæ clementiæ ac benignitatis ostendere non sis grauatus. Porro cū omnis societas humana, humanitate quadam & officiis contineatur, quid est, quæso, maiori laude dignius, quàm de humano genere ita mēteri, vt ob benefacta & pietatis exempla, laudem sibi quis apud homines, & apud Deos gratiam immortalē quærat atq. vendicat? Si igitur humanis miseriis commoueri, veri hominis sit, quantò magis decet Principem, in sublimi rerum fastigio positum, transuersorum casibus ingemiscere atque indolere? Proinde cū te, inter ceteras eximias, & veri heroici animi, atque indolis proprias virtutes, quibus magna cum laude & gloria emines, rara quadam & singulari humanitate ac mansuetudine præditum esse iam dudum audiuerimus & cognoscamus, in hanc spem, imò planè fiduciam, adducimur omnes, vt nos, Reipub. publicam nostram, vel potius tuam, sub vmbra alarum tuæ clementiæ confugientes, & pro quiete atque otio, potentiæ tuæ patrocinium implorantes, eo animo suscipere digneris, quo nos, & nostra omnia, tuæ fidei, tuæq. clementiæ, ac defensionis tradimus atq. permittimus. Cuius quidem voti, si me, collegasque meos compotes domum remiseris, prout hac in re non dubitamus, solabimur præsentem rerum nostrarum statum & cōditionem,

non

non aliis remediis, quàm his quæ à solidis tuis virtutibus nobis promittuntur & ostenduntur.

Genuensium orator, vbi finem dicendi fecit, Sfortia, summa frontis & vultus hilaritate, maximæ beneuolentiæ, & in Ligusticum populum propensionis testimonium dedit. Porrecta namq. ipsi oratori, ceterisque eius collegis manu, in hunc ferè modum, cum magna animi præsentia, & ingenij fecunditate præstaret, impræmeditatis verbis statim subiunxit.

Francisci
Sfortia, Me-
diolanens.
Principis,
responsio ad
legatos Ge-
nuens.

VESTRVM, inquit, ac Reip. vestræ studium, non tam luculenta oratione, quàm antea non obscuris argumentis deprehensum, & nunc re ipsa verè præstitum, nobis valdè fuit, estque gratum, eoque nomine vobis perpetuæ nostræ voluntatis & benignitatis cōstantiam pollicemur, eò certè cum maiori animo & studio, quò vos omnes & singulos, maiora & feliciora vobis de me, meisque, promittere animaduertimus. Equidem, vt verum fatear, hætenus semper de vestra salute, ac dignitate summoperè sollicitus, omnibus viribus anxie contendi, vt, consopiris in Republica vestra controuersis, factionum principes ad mutuam gratiam & reuocilationem, seditiosi verò ciues ad sanam mentem conuerterentur. Sed nescio, quo fatali casu acciderit, vt nullum diligentia, vel studij nostri fructum, quàm longæ expectationis tædium, hac quidem in parte, apud vos retulerimus. Excubuit, Deum hominesque testor, semper omnis nostra cura, atq. in eo defudarunt labores nostri omnes, vt Reipub. Christianæ populi, bellis atque armis distracti, per nos, quo adliceret, depositis veteribus simultatibus, ad concordiam, Christiana pietate & charitate dignam, reuerterentur, & potissimum, cum vos iure hospitalitatis & viciniae, aliisque multis de causis, mihi essetis deuincti, nihil habui antiquius, quàm pristino Ligustici nominis decori & dignitati, quoad potui, consulere, & idcirco non semel consiliis, opibus, atque omnibus huius mei Principatus viribus vos in vestris extremis calamitatibus iuuare atque opitulari, vt omnibus palàm est, non piguit. Existimabamus siquidem, vestras illas calamitates nobis vobiscum communes esse, & quod magis est, magnam illarum partem in nos deriuari tacitè sentiebamus. Tanta fuit, atq. etiamnum est, per Deum immortalem, amoris magnitudo, quò inde vos statim ab initio nostri principatus, sumus persecuti. Et faxit Deus Opt. Max., vt hanc, quæ nobis detulistis, rerum vestrarum summam, atque clientelam, iis animis ac studiis, nobis permittendam & propugnandam censeatis, quibus nos illam & amplectimur, & exosculamur: ita demum, me herculè, fiet, vt non secus ac si sub pristina Reipub. administratione & inueterata consuetudine viueretis, otio ac tranquillitate per nos, quoad vobis placebit, in posterum fruamini. Nec enim ego ita sum à rerum omnium cognitione prorsus remotus, neque rerum gerendarum vsus ita expers, quin facile perpendam, quanta Genuensis populi virtus, quanta denique amplitudo & potentia semper extiterit, adeò certè, vt etiam hac de causa magnam accessionem rebus nostris factam esse non ignorem, cum imperium vltro vestrum deferatis. Elaborate igitur interim, optimi ciues, atque in hoc vnū sedulo incumbite, vt animi vestri, multis de causis exacerbati & alienati, iterum in vero amore atque concordia coalescant, & dissensionum præteritarum memoriam sempiterna obliuione delete. Nam, si subinde pro inueterato vrbis vestræ more & instituto, ad rixas & contentiones deueneritis, & nullum impotentiæ animi vestri modum vel finem statuere potestis, non video, quid in ea ciuitate prouidus & sapiens rector consequi ac efficere valeat: qui, licet salutare leges honestasque disciplinas proponat, & omnem curam & sollicitudinem pro publico bene-

Peroratio.

beneficio adhibeat, tamen à contumaci & effreni populo magno cum risu explodetur & exhibilabitur. Potius subeat animos vestros retroactæ vitæ, ac temporis cum magna vestra pernicio ratio, quæ vos semper ita transuersos egit, vt nihil spei, vel præsidij, & planè nihil reliqui, nisi in ipsa quodammodo desperatione, vt rerum euentus docuit, haberetis. Hæc omnia si oculis vestris atque animis subinde subieceritis, non existimo, vos tam perditæ contumaciæ, vt tot ærumnis edomiti, & tãtis laboribus mitiores facti, cõmittatis, vt sub nouo & externo Principe, nullo ambitu, sed omniũ suffragiis atq. cõsiliis electo, ac excito, noua in vestra Rep. deinceps, quacumq. etiam licet grauissima de causa, designetis. Hæc pauca in præsentiarum, pro ea qua ego vos diligo & complector, beneuolentia, simulque pro ea qua apud vos polleo authoritate, vobis dixisse, necessarium duxi, ne me delato vestro imperio aliquò nomine indignum iudicaretis. Hæc tam benigna & salutifera tanti Principis oratione Genuensium legatorum animi mirum in modum, vt par fuit, recreati, & in bonam spem erecti fuerunt, nullaq. interposita mora, in tam multorum, & tam excellentium virorum corona, more sollemni, conceptisque verbis illi, nomine Reip. suæ, fidelitatem, & perpetuum obsequium, iureiurando interposito, præstiterunt; paucisque diebus, gaudio publico concessis, Mediolani absumptis, & Baptista Guano vnà cum Ludouico Maria Principis filio, ac præstantissimo quoque legatorum, equestri dignitate ornatis, ipsi oratores Genuam cum maxima omnium ordinum satisfactione populi que applausu redierunt, rerumque omnium successu in Senatu exposito, incredibili lætitia, propter Principis Sfortiæ in Ligusticum nomen studium & voluntatem, Patres perfusi fuerunt. Ligures itaque tam benigni & felicitis Principis beneficio, tantis aduersitatibus, & diuturnis cladibus erepti, otiaque & tranquillitatem, quæ dudum vrbe exulauerant, adepti, iucundam & placidam vitam vivebant, tanta me herclè cum concordia & mutuo pacis studio, vt singulis ordinibus suis ab omnibus seruaretur & tribueretur pristinus honos, & reuerentia: in primis verò Nobilitati tantum deferrebat, quantum vnquam antea in illa vrbe concessum fuerat, adeò certè, vt omnibus, nobilibus familiis genitis, & oriundis, ad capeffendos honores aditus patèret amplissimus. Nam magno cum omnium ordinum consensu Magistratus & munera publica ita erant distributa & partita, vt magna isonomia & æquabilitate plebs, rata portione capeffendis honoribus succederet & admitteretur. Proinde ex magna ciuium omnium consensione, ciuitas iterum in magna concordia coaluerat, & si aliqui adhuc supererant, quorum peruicaciam, & rerum nouandarum studium vererentur, summa cum inquisitione ex latebris eruti, publicis voris & sententiis à ciuium omnium conspectu & consuetudine, quàm longissimè proscribebantur. Inter quos equidem cum Paulus Fulgosius, communis quietis capitalis hostis, instar omnium esset, qui Remp. miserè diuexaret, cõmuni prudentiorũ decreto sancitũ & statutũ fuit, vt contra illum, nauibus quas paulò antea, vt enarrauimus, Genua eduxerat, insolescentem & ferocientem, quatuor maiora nauigia sumptibus publicis instruerentur: quarum cura & administratio Francisco Spinulæ, lectissimæ nobilitatis viro, commissæ est. Fulgosius namque ad omnem occasionem inquietandæ Reip. intentus, paucis antea diebus aliquot Ligusticas naues, fortè tunc temporis nō longè à Villæ Francæ portus (quem à veteribus Herculis Monæci portum appellatum accepimus) conspectu nauigantes, eo successu adortus fuerat, vt integrum diem, neutram in partē sese victoria inclinante, æquali Marte inter eos cõfliceretur, adeò vt, nisi nox pugnam diremisset, nemini dubiũ sit, quin, cum vtrimque

que pertinaciter pugnaretur, ad extremum vsque vitæ spiritum certamen pertractum fuisset. sed cum opacæ noctis tenebrę præliantes seiungerent, Fulgosi, non sine magna recepta clade, & damno, ita inferior discesserat, ut præ illarum metu Corsicam enauigauerit: mox & instabili cursu Siciliam præteruectus, actutum cursum in Sardiniam flexit, eo animo & consilio, ut, omnibus, quibus posset, modis & rationibus, Genuensibus, eorumque nauigiis incommodaret; relictaque, ea de causa, Sardinia, Corsicam repetiit, ubi cum præter opinionem in Spinulam ipsum imprudens incidisset, ita animo consternatus est, ut nulla confingendi facta potestate, anxie effugium quæreretur. Verum, cum sese undique ferè nauibus hostilibus circumseptum videret, ad fugam conuersus, & omnia extrema tentans; tandem in scapham vnà cum aliquot suis desiliens, in continentem delatus, per montosa & incognita loca errabundus salutis suæ consuluit, ita ut Genuenses, facili cum negotio, illius nauibus, omnibus præfidiis & Duce destitutis, potiti sint: quas cum maxima & immensa omnium voluptate Genuā, ad speciem iusti & veri triumpho, breui post reduxerunt. Hoc itaque domestico & perduelli hoste foris deuicto, omnia domi pacata erant, & tanta cum moderatione, & dexteritate Sfortia Reipublicæ præerat, ut Magistratus Georgianus, cuius regimine & arbitrio Corsica, cum plerisque aliis locis, ad illum diem administrabatur, operæ pretium se facturum existimaret, si illius procuracionem vltrò ad ipsum deferret. Ceterum, huius tam felicitatis status Ligustici cursum interruptit mors Principis, qui anno supra millesimum quadringentesimum sexagesimo sexto, octauo Idus Martij, fatis cum omnium summo dolore concessit. Vrbs siquidem in primis tanti Principis obitu consternata, non aliter ac si vero parente orbata fuisset, lugebat, & contristabatur. Quippe summopere verebatur, ne tanti Principis, atque tam benigni protectoris destituti patrocinio, nouis periculis ac turbis implicarentur. Tamdiu enim, quam sub illius imperio atque regimine fuerant, in alta pace summum otij sui fructum retulerant; nimirum quod ipse summa æquitate, & incredibili quadam animi moderatione imperij habenas gubernaret. Iusto igitur dolore commota ciuitas, secum reputabat retroacti temporis sub Insubrico dominio felicitatem; quæ certè eò maior contrigerat, quod ipse Sfortia Princeps, opibus, auctoritate, atque populis, nulli Italiæ Principum esset secundus. Accedebat huc, quod ipse suapte natura generosus, omnibus iis heroicis virtutibus, quæ in Principem virum cadere, vel desiderari possent, præditus esset, adeò certè, (tantum abest, ut aliquis de illius gubernatione iure queri potuerit,) ut etiam vel hoc solo nomine magna illi gloria & laus in perpetuum debeatur, quod, ne latum quidem, ut aiunt, vnguem, in regendis suis prouincialibus, à iustitia rectique norma vnquam discessisse reperiatur; tamque sese lenem, & mansuetum Genuensibus exhibuerat, ut non ad imitationem multorum Principum, nouis prouincialibus noua tributa & vectigalia imponeret, sed modica pecunia contentus, nihil aliud exegit, quam ut de ærario publico tantum sibi conferretur, quantum stipendiis vrbs atque arcis præfidiariis, & Legati Genuam procurantis, sufficeret. Reliquos siquidem Reip. census & redditus, vel in ærarium publicum, ad publicos vsus conferri, vel extruendis ædificiis publicis, quibus ciuitatis ornamento impendiò consulebat, infumi placuit, ita mediusfidius, ut omnium iudicio Genuensium status, donec sub hoc Principe fuit, magis omnino floruerit, quam vlllo tempore cum aristocratia, vel democratia formulam Resp. retineret. Nec solummodò Genuenses, ob huius Principis obitum, luctu distinebantur, sed hic dolor illis cum plerisque Italiæ ciuitatibus

commu-

Clades Pauli Fulgosi, et fuga.

1465.

1466.

Francisci Sfortie interitum, ac eius laudes.

communis erat. Præerant etenim illa tempestate Italiæ magno cum eius beneficio & felicitate optimi ac moderatissimi Principes, qui, cum tranquillitatis publicæ essent amantissimi, vehementer dolebant, tantum Principem, cuius arbitrio & nutu res bellicæ potissimum administrabantur, è viuis subtractum esse, quæ interfuerat vniuerso orbi, ad publicum bonum & vtilitatē melioribus temporibus reseruari. Sed, cum in rebus humanis omnia sint fluxa atq. caduca, cum graui omnium dispendio, præsertim verò huius nostræ Reip., præstantissimus atq. optimus Princeps, post exactos in Principatu sexdecim annos, ad cælestem arcem, vti diximus, commigrauit. Verum enimverò, Genuenses, ne propter obitū Principis, studium, vel animū ab ipsius posteritate alienasse aliqua ratione viderentur, totius Senatus consilio atque consensu, Mediolanum Reip. nomine quatuor legati, nimirum Meliadux Saluagus, Paulus Iustinianus, Lazarus Auria, & Iacobus Axeretus, destinati sunt, partim vt apud Blancam, eius coniugem, feminam lectissimam, simul & prudentissimam, & Galeatium filium, recens ad Principatum euectum, publici luctus atque mæoris testes essent, & tam acerbum ac tristem casum humanis exemplis solarentur atque emollirent, partim etiam vt nouo Principi nouam fidem atque obedientiam præstarent. Verum Galeacius multum à patre natura & moribus diuersus, Genuensium legatos ea fronte & vultus serenitate non excepit, qua alias ab eius patre placidissimè excepti fuerant, adeò certè, vt hac de causa nonnihil commoti, non leuem postea indignationis ansam inter cetera, hæc animi ferocitas & ambitiosi spiritus, nec obscurum indicium postmodum subministrauerint. Vix Genuensibus in nouam clientelam ab illo receptis, Tarracōnenses, cum quibus fœdus atque amicitiam ad certum annorum terminum constitutum esse docuimus, violata fide, fœdus abruptè, quatuorque instructis nauibus, Genuensibus, quoad eius fieri poterat, incommodabant. Contrà Genuens., ne imparati opprimerentur, nèue aliqua ex parte segniores suis hostibus viderentur, summa celeritate sex onerarias omni bellico apparatu necessario instructas, quas hosti opponerent, duce Lazaro Auria eduxerunt. Verum, cum Aragonij de hostium aduentu præmonerentur, aliò nauigationem direxerunt, ita vt Auria, adempta sibi omnis insequendæ hostilis classis facultate, vasta maris spatia emensus, eo consilio circumuagaretur, vt ab omnibus piratarum & myoparonum incursionibus repurgatis maribus, securè atque tranquillè Genuensibus nauigare liceret. Qua in re non parum temporis absumpsit. Tandem hostili præda onustus, Genuam postliminiò rediit. Ibi verò omnia tantisper tranquillè ac placidè gerebantur, & in officio consistebant, donec Galeacius, nouus Mediolanensium Princeps, barbarica & tyrannica quadam vi grassaretur, & omnia impotenti animo administraret, in tantum, vt in plerisque locis, nouis tumultibus occasiones præberet. Progressu siquidem temporis, cum Blanca Maria sua matre, iuuenili quodam ardore ac dominandi libidine accensus, in contentionem deuenerat, eaque, filij pertinacis animi impatiens, Mediolano Cremonam versus egressa, effecerat, vt ipse in summa viuendi licentia constitutus, nihil sibi non permitteret atque indulgeret. Cæterum, cum anno eiusdem sæculi primo ac septuagesimo (namque ab anno sexagesimo sexto, ad hoc vsq. tempus, nihil insigne, quod equidè sciam, aut fermè memoratu dignum in Rep. contigit) se vnà cum coniuge Bona, Philippi Ducis Sabaudie filia, & Ludouico Galliarum regi affinitate coniuncta, nec non fratribus, & magna procerum ac nobilium virorum caterua, nuncupati voti persoluendi causa Florentiam conferret, ac in reditu Genuam peteret, multis euidentibus argumentis in plerisque

*Genuensium
legatio ad
Galeacium
Sfortia filium.*

*Tarracōnē-
ses priores, à
fœdere de-
siscunt.*

1467.

1468.

1469.

1470.

1471.

fuis actionibus patefecit, quo animo erga Remp. esset affectus. Quandoquidem cum Senatus, honoris causa, eiusque excipiendi gratia, aliquot primates usque ad portum Veneris cum duabus triremibus, quibus præerant Lazarus Spinula, & Lazarus Axeretus, splendide atque regiè instructis, præmitteret, omnibusque debitis officiis in ipso Genuam deducendo, ad superstitionem usque allaboraret, nullum tamen, vel saltem perexiguum benevolentia testimonium præbuit: quippe triduum tantummodò Genuæ commoratus, urbis rædio ac satietate captus, rerum suarum familiarium magnitudinem prætexens, vrbe cum suis egressus, Mediolanum rediit. Hæc ab alienati animi indicia, tametsi essent magna, & Senatum, adeoque vniuersos ordines, valde commouerent, quòd nouam rerum conuersionem valdè pertimescerent; attamen multò clarius postea illius animus eluxit. Crescente namque indies eius ambitione, atque luxu, grauis omnibus suis prouincialibus, quòd nec modum suis cupiditatibus statueret vllum, nec finem, sed tyrannico more tantum sibi licere putaret, quantum posset, nouisquæ subinde vectigalibus & oneribus eos defatigaret, esse cœperat, nec contentus inter suos liberè & impunè grassari, Genuæ etiam pari ambitione & crudelitate debacchari voluit. Excitis enim ad se Genua sexdecim Senatorij ordinis viris, grauitè illis & summa cum celeritate iniunxit, vt suo nomine Senatui Genuensi auctores forent, vt citra vllam moram vel exceptionem, armamentarium quinquaginta triremium capax Genuæ, loco opportuno, sumptibus publicis fabricaretur. Cuius voluntatem cum Patres conscripti ex horum legatorum, nempe Dominici Spinulæ, Lazari Auria, Simonis Nigronis, Thobia Gentilis, Luca Grimaldi, Marci Lomelini, Benedicti Flisci, Ambrosij Marini, Baptistæ Guani, Iacobi Iustiniani, Petri Clauari, Francisci Camulij, Bendelli Sauli, Pauli Franchi, Baptistæ Rampalli, & Laurentij Presendæ relatione intellexissent, habitis centuriatis comitiis, diu variis sententiis in ipso Senatu fuit variatum atque decretum; vicitque sententia eorum qui imperiosi Principis decretum & mandatum haudquaquam reiiciendum esse dicerent. Quòd tamen per id tempus, ærarium publicum, alijque census vrbanis tantis sumptibus nō sufficerent, nihil prorsus ea de re peractum fuit. Is tamen parum sibi fecisse visus, tantum onus ciuitatis ceruici imposuisse, nouis insuper ædificiis Castelleti arcem ampliare, & extendere, nouaque præsidia, custodiendæ & conseruandæ vrbis prætextu, deducere proponebat. At grauitate consilij & auctoritate Senatus ipsius placitis ita occursum fuit, vt nihil eo tempore in vrbe innouaretur. Interea temporis, Xistus quartus, Cellis, obscuro Ligusticæ oræ vico, & modicis natalibus ortus, à paruis initiis per omnes honoris gradus ad supremum apicem, scilicet Pontificiæ dignitatis fastigium, magno cum Reipub. Genuensis beneficio euectus fuit: de cuius viri virtutibus cum plus habeam certi, quàm de familia, anxia disquisitione in illam non inquiram. Sunt tamen qui putent, hunc, originem ex Roboreia nobili ac peruetusta in Salassis familia traxisse, ac patrem eius, translatis Sauonam penatibus, vxori & liberis ibi operam dedisse: nam postea hoc ipse non obscure significauit, cum patriæ suæ laboranti, non parum auxilij contulerit. Vbi

1472. Genuæ nuntiatum est, ipsum, de Purpuratorum consensu in Pontificia sede collocatum, Senatus consulto decretum fuit, vt octo Oratores, nempe Baptista Guanus clari nominis Iurisconsultus, Gotardus Stella, Aloisius Centurio, Iacobus Axeretus, Ambrosius Spinula, Paulus Iustinianus, Hieronymus Grimaldus, & Petrus Gentilis, Romam, illi tantam dignitatem cōgratulaturi, Reipub. nō mine, mitterentur; quibus tantam gratiam Genuensi Reip. Pontifex retulit, vt Orato-

Xistus quartus Pontifex creatus.

res, non antè domum remitteret, quàm Reipub. multis priuilegiis, immunitatibus, aliisque beneficiis & ornamentis affecisset, atque auxisset, tanta certè cum animi constantia & candore, vt ipso, rerum Romæ potente, nulla Resp. in toto orbe Christiano maiori apud eum auctoritate valuerit, quàm illa, ad quam patriam, natales, ac educationem referebat. Hoc effecit prorsus, vt Galeacius summo studio daret operam, tantum Pontificem Ligustico nomini fauentem, sibi etiam promereri: quod vt assequeretur facilius, simulque, ad parandam sibi boni & Christiani Principis famam & exultationem, operæpretiū se facturum existimabat, si classem ad Orientis partes, præsertim verò Chium insulam, variis iniuriis & barbarorum latrociniis obnoxiam, firmandam atque propugnandam instrueret. Quapropter anno eiusdem æui septuagesimo tertio, misso diplomate, 1473. edixit, Genuæ vt partim publicis, partim verò priuatis suis sumptibus, viginti triremes quàm diligentissimè instruerentur. Verum, cum subinde ad expeditionem Asiaticam, multa noua imperaret, nec aliquid perficeret: ad eum Senatus decreto Lucas Grimaldus, Ioannes Petrus Viualdus, Pelegrus Monelius, & Franciscus Burlasca oratores destinati, & paulò post, Lazarus Auria, solus ciuitatis nomine legationem obiit: & licet cum his omnibus generatim, ac seorsum seria consilia communicare, ac sententiās conferre videretur, tamen nescio quo Reipub. Christianæ malo fato, expeditio tam necessaria semper dilata fuerit. Hoc anno tanta viguit siccitas, & caloris incendium, vt siluæ plurimis locis incensæ, siccata flumina, ac Danubius ipse in Hungaria factus sit permeabilis. Habeo haud sanè incelebres scriptores, qui litteris consignariint, anno à Christi humano natali die septingentesimo quinquagesimo nono, regnante Constantino Leonis fratre, iconomacho, Byzantijs tantam fuisse siccitatem, vt ne ros quidem de cælo caderet. Illud etiam apud veteres inter prodigia connumeratum, quòd scilicet L. Æmilio Paulo & G. Bæbio Pamphilo Consulibus Romæ sex mensibus non pluisset, ideoque ex Sibyllinis supplicatum.

Rarum exemplum siccitatis.

AT mense Februario ineuntis Veris, Benedictus Fliscus, in Africam ad regem Tunetanum missus fuit, qui ob res grauissimas, & inaximi ponderis, publico nomine legationis munere fungeretur. Et quoniam adhuc Ligures in Syria, & Ægypto varias mercaturas exercebant, Senatus itidem, ad regem Memphiticum, quem Sulthanum vocabant, legationem habuit. Iisdem ferè diebus, eiusdem Senatus consulto Ioannes Petrus Viualdus, Pelegrus Monelia, Franciscus Burlasca, & Lucas Grimaldus, viri, præter generis claritudinem, à singulari prudentia, fide, ac integritate plurimum commendati, ad Principem Mediolanensem oratores missi, eiq. Reipub. propter armamentarium quinquaginta triremium, quarum superius mentionem fecimus, supra vndecim millia nummum aureorum mutuò dedit, ac exhibuit. Genuæ interim, de noua classe pro Asiatica expeditione deliberatum. Verumenimverò, dum Insuber, ceterique Christiani orbis Principes, longis & inanibus consultationibus tempus trahunt, morasque ne-
ctunt, Reipub. magna clades inflicta. Siquidem anno eiusdem æui septuagesimo quinto, Capha, olim, vti diximus, Theodosia, & nunc ab indigenis Gazaria nuncupata, Ligusticæ ditionis celeberrimum emporium, atque colonia, oscitantibus Christianis Principibus, Othomannico imperio cessit. Cuius quidem acceptæ cladis nuntium summoperè Genuenses percelluit: simulque verebantur, ne Chius opportunissima exercendis mercaturis insula, pari ardore à victore hoste inuaderetur. Proinde præparatis mense Septembri quatuor nauibus, omni bellico apparatu instructis, quarum duæ Iustiniani, tertia Spinulæ, & quarta Ni-

Theodosia à Turcis occupata.

grij cognomine vocabantur, eas ad tutandam insulam, & præoccupandos hostiles conatus, præmiserunt. Quod verò Resp. hac præstantissima vrbe, aliisque ad Pontum Euxinum locis exciderit, potissimum avaritia Consul, aliorumque publicis muneribus præpositorum causatur. Nam cum ex horum auctoritate atque arbitrio, quotannis Procuratores, qui partes Orientis nomine Reipub. administrarent, mitterentur, fiebat, ut interdum tales cum Reipub. graui iactura darentur, qui priuatum commodum publico bono præferrēt, ac turpi quæstui studerent, quo præcipue nomine, Vbertus Squarciaficus, Theodosiæ vltimus Procurator, malè apud multos audiebat, quasi ipsius avaritia, & culpa factum esset, quod ea ciuitas à tyrannica potentia citra magnam difficultatem oppressa foret. Vt cumque res sese habet, misellus iste dedit vel sordidæ avaritiæ, vel temeritatis, atque imprudentiæ suæ pœnas. Abductus enim cum ingenti captiuorum agmine Constantinopolim, ibi iussu barbari tyranni trucidatus fuit. Hanc urbem in Cherroneso ad Pontum Euxinum positam, & olim, ut prædiximus, Theodosiam appellatam, Strabo fertili campo præditam, & frumento abundasse scribit, atque ob id Georgiam vocatam, adeo ut Leucon ex ipsa vicies semel cetera millia medimnum frumenti Atheniensibus miserit, quæ sanè, subducta ratione amplius octoginta quinque millibus modium nostrorum valent. Idem Strabo adjicit, ibi esse portum vel centum nauibus recipiendis aptum, & agrum à quocumque fossore scissum, trigecuplum reddidisse. Id sanè haud parum censei debet. Sed multò maius est, quod de memorabili soli fertilitate, præter ceteros, Varro, Columella, & Plinius tradidère. Prioris quidem hæc verba sunt: Quare obseruabis, quantum in ea regione consuetudo erit ferendi: ut tatum facias, quantum valet regio, ac genus terræ: ut ex eodem semine alicubi cum decem respondeat, alicubi cum quindecim, ut in Etruria locis aliquot. In Sybaritano dicunt etiam cum centesimo redire solitum; nec mirum id Italiæ tribui, cum Plin. tradiderit, agrum Babylonium cum quinquagesimo fœnore messes reddere: diligentioribus agricolis etiam cum centesimo. de quo Herod. in primo ita inquit: Ad cerealem frugem vsque adeo bona est regio Babylonia, ut plerumque ducena reddat: ubi autem bonitate sese ipsa vincit, ibi etiam ad tricena. Plinius lib. v. Libyphœnices, inquit, appellantur, qui Byzantium incolunt: ita vocatur regio ccl. millibus passuum per circuitum fertilitatis eximia, cum centesima fruge agricolis fœnus reddente terra. Non temerè igitur Dominus in Euangelio Matth. cap. xiii. fructum summum ad centesimam frugem auxit. Verum, ut ad rem redeam, Galeacius proferendi nominis cupiditate incensus, simulque ut sese in Ligustico imperio confirmaret, nouas subinde legationes Genua ad se Mediolanum euocabat, quod populus Genuensis illius leuitatis pertæsus, iniquissimè ferebat, præsertim quod post tot tamque graues atque diuturnas deliberationes, nihil huiusmodi statueretur, quod ex vsu Reipub. esset. Verum, ne viderentur temerè eius imperium detrectare, vel pristinam libertatem recuperare velle, anno eiusdem sæculi septuagesimo sexto, mense Aprilis, de Senatus consensu duodecim ciues partim nobiles, partim verò populares, Mediolanum ad ipsum communicandi consilij gratia, cum aliquid, nescio quid ferij, contra Reipub. moliri diceretur, missi sunt. Oratores autem fuerunt Baptista Guanus, Ambrosius Spinula, Paulus Auria, M. Lercarus, Leonardus Viualdus, Ægidius Sacherus, Augustinus Cafarotus, Aloysius Gibertus, Ioannes Bapt. Lomelinus, Manuel Grimaldus Ceiba, Petrus Clauarus, & Ioannes Bapt. Adurnius. Hac tanta, & tam honorifica legatione nihilo secius commotus Princeps, ac si cum barbara quapiam gente sibi nego-

negotium fuisset, magnam indignationem in omnium animis excitauit, adeo ut iam non obscure, sicut prius, obmurmurent, sed illius inhumanitatem ac ferociam palam criminarentur. Quod cum non ignoraret, & multis rationibus adductus, vehementer vereretur, ne hæc concepta noua ac manifesta indignatio in aliquam grauem rerum conuersionem erumperet; quò sese magis ad omnem casum in Ligustico imperio confirmaret & constabiliret, Castelleti arcem tam excelso loco positam, ut magnum inter illam, & urbis portum esset interstitium; continua domorum contignatione ac serie sic amplificare constituerat, ut eius ambitus ad mare usque protenderetur. Intelligebat quippè, nullum aliàs præsidium necessitatis tempore ipsi arci inferri posse, simulque præuidebat, se facile urbi frenos iniecturum, si liberam potiundæ artis commoditatem nactus, milite præsidario pro libito ac nemine prohibere valente, quoties usus ferret, uteretur. Cuius quidem perniciosi consilij Ioanes Scipio Palauicinus, ea tempestate urbis Præses, Galeacio auctor & promotor fuisse perhibetur. Et iam designata erant conficiendo operi delineamenta architectorum: Sed quia nullo modo citra multorum præclatorum ædificiorum ruinam & euersionem locus constitui poterat, passim per urbem ea de causa tumultuabatur. Quod cum resciret Galeacius, operæpretium se esse facturum existimauit, si, ad allequendum minori cum negotio quod animo conceperat, de eiusdem Scipionis consilio, aliquot inter patricij ordinis, popularemque multitudinem, dissensiones & rixas concitaret; arbitratus, distractis ciuium animis, paucos futuros, qui pristinae libertatis memores, suis cœptis & conatibus reluctarentur. Subsequendarum igitur ciuilium contentionum spe subnixus, operam inchoari iussit, adhibitisque architectis, aliisque fabricarum magistris, ad amissum tantum terræ delineatum & effossum fuit, quantum arcis pomœria proferre constituerat. Hæc res, quod in perniciem ciuitatis euasura, manifestò cernebatur, non citrà magnam ciuium omnium commotionem & fremitum conspici ac ferri poterat, ita ut Reipub. salutem, priuatis odiis atq. similitudinibus, hæc quidem in parte, præferentes, reconciliatis, vel saltem mitigatis non nihil ad præsens animis, hoc vnum agerent, ut communibus viribus, vix dum inchoatum opus, statim sub initio interromperent, atque rescinderent, inter quos, Lazarus Auria, pristinae libertatis, & auitæ gloriæ memor, magna cum alacritate & sui fiducia præcipuus erat, ac antesignanus, qui auderet tam impotentis Principis placitis refragari, atque manibus pedibusque, quod dicitur, conniti, nulloq. habito astantium respectu, vel reuerentia, arrepto ferro, delineamenta & regularum dimensiones proscidit atque abrupit. Præses, ubi eius factum à concurrente, & iam concitata plebe approbari conspexit, grauiora veritus, sese in Prætorium actutum subduxit, ac toto eo die ibi delituit, sic ut propter eius absentiam, operarij, derelicto opere, non vltius progredierentur. Cuius rei aduersus successus, ad aures Principis delatus, vehementer illius animum offendit, & ira exarsuans, de toto negotio per legatos edoceri voluit. Proinde imperauit, ut quamprimùm octo patricij ordinis viri ad se mitterentur: quæ sanè res cum reuera esset periculi plena, multi erant in ea sententia, ut dicerent, non temerè eius iussis esse tam citò obtemperandum: attamen non desuere, qui, nulla interposita difficultate, ad hanc obeundam prouinciam sese offerrent; breuique post, adornata profectio, octo nomine Reip. Mediolanum ad ipsum Principem profecti, inter quos præcipuus erat Franciscus Marchesius, clari nominis Iurisconsultus, & ciuiliū negotiorum scientia supra modum conspicuus atque insignis. Qui in colloquium admissus, factaque dicendi potestate, exhibitaq. & delata prius de-

Lazarus Auria
vir magnus
nimis.

*Genuensis
legati oratio
coram Ga-
leacio Me-
diolanens.
Principe.*

bita reuerentia, in hunc ferè modum constantissimo vultu & pectore verba fecit.

PRAESENTIS status nostri conditio, Illustrissime Princeps, planè efficit, vt ego sæpius de rerum humanarum fragilitate seriò cogitans, nondum bene dispicere, & constituere possim, vtrum magis fortunæ nostræ iniquitatem, iam continua quadam annorum serie, magno cum nostro malo perpeffam, quàm fatalem vim, omnia occulto arcanoq. influxu ac motu disponentem, accusare debeam, quòd nos, olim tot diuerfarumq. gentium & regionum domini, post tam diuturnum imperiũ, ac tot res domi forisq. præclare ac cum magna laude gestas, eò tandem mutuis nostris dissensionibus, & ciuilibus factionibus deuenerimus, vt gloriam foris, magno cum labore & industria partam, non solùm turpiter amiserimus, sed, quod longè omnium grauissimum est, domi discordes, & pacis publicæ impatientes, ad hanc necessitatem, perduxerit nos assidua æmulatio, omnium malorum altrix, vt, dum patriis legibus atque ciuili Magistratu viuere detrectamus, exterorum principum imperio & potentia, nos vltro subijcere non recusemus. Quia igitur vel fatum, vel ciuitatis nostræ genius, vel saltem fortuna nostra ita ferebat, vt alicuius externi Principis patrociniũ quærendũ nobis omninò esset, in cuius sinu, & gremio Resp. nostra anhelans & mirificè defatigata respiraret, & tantisper conquiesceret, donec Deorum beneuolentia, rerum nostrarum status meliori loco & conditione constitueretur, parentem tuum, lectissimum Principem, propter spectatas atque illustres eius virtutes, præcipuè verò ob eximiam quandam clementiam, & in imperio moderationem, omnibus notam & prædicatam, ex tam magno optimorum & præstâtissimorum Principum numero nobis delegimus; cuius arbitrio & æquitate cùm Reipub. salus & tranquillitas contineretur, tum priuatæ omnes fortunæ nostræ ab omni iniuria & vi saluæ & incolumes essent. Nec fefellit nos, hac quidem in parte, iudicium nostrum, vel de tanto Principe concepta opinio in seram pœnitentiam coniecit, quippè sub cuius iam imperio, magno cum Reipub. nostrumq. omnium beneficio, vitam tranquillissimam, & ab omnibus iniuriis tutam, in summo otio & alta pace transegerimus. Eo tandem è viujs subtrac̃to, & ad meliorem vitam, volentibus fatis, euocato, ne aliquo modo ingrati, vel tantorum receptorum beneficiorum immemores videremur, nèue inconstantia & volubilitatis penes te, & posteritatis memoriam in simularemur, hoc vnum enixè dedimus operam, vt debitam obseruantiam, & obsequium optimo tuo genitori lubentissimis animis assiduè præstitam, tibi, cœu eius legitimo hæredi, & tanti imperij successori dato, consensione summa totius Reipub. nostræ præstaremus & deferremus. Et quamuis in nostra potestate fuerit, statim defuncto tuo patre, imperij nostri summam, atque (vt ita dicam) habenas, alicui ex nostris, suffragiis popularibus ad tantam dignitatem eligendo, vel saltem alij cuipiam Principi nobis grato & probato deferre, te, præter ceteros, instar omnium, dignum iudicauimus, cuius imperio & regimini subijceremur, ea potissimùm spe, vel potius mera fiducia, subnixa, vt, quemadmodũ tu, tanti, & tam laudati Principis es filius, tamq. ampli imperij verus hæres, sic etiam paternarũ virtutum in omnibus futurus sis studiosus, æmulus & conseruator. Nec in præsentiarum, hæc adeò à me dici, Illustrissime Princeps, putes, quasi tuam clementiam, vel alias heroici tui animi dotes, sugillare, vel aliqua ratione in dubium vocare velim (Dij tantam à me proteruiam auertant) sed eò spectant, quòd superioribus diebus legatus tuus, nobis à tua clementia datus, iam multa haud obscura tuæ in nos immutata voluntatis dederit argumenta. Nam, in manifestam perniciem libertatis & dignitatis antiqui Ligustici nomi-

nis con-

nis contra Reip. nostræ inolitum morem & institutum, noua amplificandæ arcis delineatione facta, nescio quid noui contra nos ciuesque nostros moliebatur, ea-
 que de causa omnium ciuium animi (nec quod verum est, diffitebor) valde fue-
 runt commoti, & exacerbati, ita me hercle, vt parû abfuerit, quin in noua studia
 erumperent. Verû magna prudentia procerum, & Senatus authoritate, à nouis
 rebus inhibiti & retracti fuerunt, qui omnem culpam huius innouationis subse-
 cutæ, potius in tuos adinistros & officiales, quàm in tuam humanitatem deri-
 uandam iudicabant. Proinde ad remouendam omnem abrogati imperij, vel im-
 mutatæ voluntatis suspicionem, nos, publici obsequij, & perpetuæ in te, tuamq.
 familiam obseruantia, & obedientia testes, huc nomine ciuitatis nostræ veni-
 mus, eò certè cum maiori fiducia & alacritate, quò innocentiores & remotiores
 ab omni culpa sumus: vnum interim tuam celsitudinem rogantes, vt, habita verè
 æquitatis & honestatis ratione, si aliqua forsitan animo tuo proferendæ atque
 dilatandæ arcis infederit cupido, hanc in nostram, ciuiumque omnium nostrûm,
 atque ad eò in Ligustici nominis & veteris imperij & dignitatis gratiam, placido
 animo remittere non graueris, & te ad exemplum & imitationem præstantissi-
 morum Regum & principum componere, qui magna cum sapietia & rectitudine
 iudicij nō tam arces, aggeres, & munimenta, solidi & tranquilli imperij sentiebāt
 esse fundamenta & propugnacula, quàm vitæ innocentia, imperij moderationem,
 & erga inferiores & clientes, veros Principes, hoc est, meri patris animum, quibus
 certè artibus, ceu arctissimis vinculis, populi prouinciæque omnes ita sanè conti-
 nentur in officio, vt nunquam talibus Principibus de defectione, vel nouis stu-
 diis verendum aliquo modo sit. contrà verò, vbi hæ virtutes in iis qui rerum po-
 tiuntur, desiderantur, nullum vallum, nullæ turres, vel munitiones esse tam fir-
 mæ possunt, vt multis exemplis constat, quæ populum in officio inuitum & re-
 luctantem continere queant. Terribilis siquidem, vti accepimus, fuit Polycrates
 Samij tyrannus, Corinthi Periander: nemo tamen hos timuit qui in liberam &
 populari forma constitutam ciuitatem secessisset. Accedit huc, optime Princeps,
 quòd populi nostri natura sit ita comparata, vt, cùm non sit dura, vel refractaria,
 magis affabilitate, & benignitate in pristina fide cōtineatur, quàm terculamen-
 tis & metu. Nec sanè immeritò, cùm etiam videamus, hoc in plerisque stirpibus
 & plantis, ac præsertim ozimo, vsuuenire ratione quadam physica, vt quædam
 earum, molliter ac leniter contrectatæ, miram odoris sui refragantiam excitent;
 contrà verò, si durius premantur vel atterantur, tetrum fœtorem omnium nari-
 bus præbere non est dubium. Quare cùm hæc ita sese habeant, & nostræ preces
 cum honestate & æquitatis norma cōiunctæ sint, iterum suppliciter & submis-
 se rogamus, vt iuxta fœderis & pacti cum genitore tuo initi formulam, nos pro ve-
 teri nostro instituto & more, citra aliquam tamen reuerentiæ solitæ & obsequij
 iacturam, viuere concedas. Hoc si, quæ est tua clementia, impetrauerimus, nos,
 nostrosque omnes, non aliàs magis tibi deuinxeris. Princeps ipse, alioquin suo-
 pte naturæ instinctu anceps consilij & inconstans, grauitate orationis & populi
 constantia commotus, breuiter respondit, sibi integrum esse, vt hac in parte
 Genuensium postulatis atque precibus satisfaceret, dimissaque concione, legati
 haud mediocri gaudio ac lætitia perfusi, paucis interiectis diebus, Genuam re-
 uersi sunt, ac de totius suæ legationis successu ad Senatum pro veteri ac vsitato
 more rerulerunt, nihilque deinceps per ipsum Ducem, vel eius adinistros vlte-
 rius attentatum. Ceterum, Repub. ea cura & sollicitudine legatorum dexterita-
 te vix dum bene liberata, urbani motus inter Patricios & plebem, instigante po-

tissimum vr̄bis præfecto, repullularunt. Malè namque conueniebat plebi cum nobilitate, quòd in quarundam triremium præparatione inuicem dissentirent; quæ sanè discrepantia & animorum dissensio adeò plebem concitauit, vt postmodum tam effreni impetu debaccharetur, vt, nullo habito Magistratus vel legû respectu aut reuerentia, etiam contra Ducales officiales grassata sit; excitatoque ingenti tumultu atque strepitu, intemperanter ad arma concursus est. Quod vbi primùm Galeacio innotuit, vsque adeò ira exarsit, vt palam & apertè omnia dira Reipub. minaretur, & ad sedandos tantos motus, popularemque licentiam statim ab initio reprimendam, aperta vi atq. validis armis vtendum statuit, eum ad hoc haud parum instigante Angelo Stufa Florentino, qui tunc temporis Reip. Florentinæ nomine apud ipsum, legatum agebat. Hic autem, cum mirum in modum consuleret Reip. suæ commodo atque vtilitati, nulla habita honesti cōsideratione, hoc vnum agebat, vt, irritato aduersus Genuenses Principes animo, aliquid huiusmodi contra eos perpetraret; cuius postmodum ita pœniteret, vt cum sera pœnitētia damnum haberet cōiunctum: arbitratus hoc modo Insubriæ Principum potestatem nouis & inconsultis expeditionibus sensim imminutum iri, & inde non parum emolumenti ad Remp. suam redundaturum. Facile fuit, Galeacium, iniuriarum alioquin vltra modum impatientē, tanti viri auctoritate in instituto suo confirmare. Summa itaque diligentia, habito passim delectu, præter veteranum militem, magnas tironum copias conscribi iussit, adeò vt breui temporis interuallo, supra triginta millia lectissimorum virorum sub armis haberet. Verùm, quòd successu temporis, tolerandis tam magnis necessariis sumptibus impar futurus videretur, simulq. multorum ducum & cēturionum consiliis ab illa expeditione deterreretur, magna cum animi inconstantia & ingenij varietate tantum exercitum repentino motu & magna cum festinatione conscriptum, paucorum dierum spatio dimisit, & exautorauit. At Genuæ interea, vbi primùm de his apparatibus rescitum est, dum quisque vr̄bis oppressionem & extrema quodammodò sibi metueret, ciuiles simultates, ac intestina odia, prout vrgētibus extremis & præsentibus periculis euenire cōsuevit, exiguo tēpore cōsospita sunt, tanta me herculè cum totius Reip. felicitate, vt magna vr̄bis cōsensione omnia consilia, vires atq. conatus ad salutē publicam conferrentur; ac ne quid à Sfortianis Ligustico nomini durius infligi posset, enixè atq. sollicitè citra aliquam intermissionem vnusquisq. pro se dabat operam. Nec sanè in tanta præclarorū ciuium frequentia quisquam extitit, cui libertatis asserendæ maius fuerit studiū, vt patuit, quàm Hieronymo Gentili, Andrea patre nato. Hic enim iuuenis, cum natura esset excelsa animo, veræque laudis & gloriæ audissimo, magna generosæ naturæ testimonia statim ab ipso primo iuuentutis flore ediderat, & propter inclytæ indolis suæ generositatem, magnam sui nominis famam apud omnes suos conciuēs, præsertim verò æquales, excitauerat. Ad omnem igitur occasionem intentus, vt partam existimationis opinionem aliquo insigni facinore se, suisque maioribus digno, insigniret & constabiliret; hanc occasionem recuperandæ libertatis, vt existimabat, ex nouis istis motibus nactus, multis grauissima oratione persuadere conabatur, vt ansam restituendæ in libertatem patriæ negligere, vel aliquo modo excidere non paterentur. Et ne ipse inani tātum verborum sono videretur prodesse velle, Scæuolas, atque Horatios imitatus, magno animo graue atque difficile facinus in pectore versabat: quippè paucis, sed fidelibus tamen adhibitis in consilium, totum animi sui decretum illis retexit: Constituerat siquidem miro, ac planè nouo quodam stratagemate, non solummodò se & suos, verùm

Animi generositas & aegerantiss. studiū publicæ libertatis
Hieronymi Gentili.

verum etiam alios nihil minus sperantes in pristinam libertatē reponere. eaq. de causa urbem ad speciem negotiorum cōficiendorum egressus, in suburbano suo cum armata manu tantisper delituit, donec bene gerendæ rei commoditatem nancisceretur. Intempesta igitur nocte ipse cum suis armatus, urbis portam aggressus, cum, vel negligentia vigilum, vel certè, quod verisimilius est, aliquorum fautorum adminiculo, paruo cum negotio illam referasset, sublati magnis clamoribus, & ingeminato libertatis nomine, urbem eo successu & animo intrauit, ut magno coorto tumultu, ipsam planè in veterem statum reposuisset, si, ut prius constituerant, publicum palatium adortus esset. Ceterum, fatali quadam vi, in tanta præsertim rerum conturbatione, instituti sui oblitus, hoc vnum neglexit, à quo totius negotij summa & felix exitus dependebat. Quandoquidem, sicut plerumque in tumultibus vsu venire solet, ut optimo cuique sana consilia eripiantur, ita certè hac tempestate Genuæ accidit, ut, tanta præbita occasione, salutem publicam, & libertatem toties expetitam, nescio quo modo negligerent. Hieronymus tamen nihilosecius cæptis instans, licet paucos haberet qui ei operam nauarent, tantum nihilominus effecit, ut, occupatis præcipuis urbis portis, ea nocte circa proprias ædes excubias cum suis ageret, ratus, postero die omnia prospero euentu in suam potestatem deuentura. Verum, sub auroram albescente iam cælo, cum rem à suis longè oscitantius quàm existimarat, tractari animaduertit, cum paucis reliquis, quos in officio & ardore continebat, euitandi periculi causa, ad D. Thomæ portam sese recepit, eo consilio, ut si nulla maiora nouorum studiorum argumenta à ciuibz sibi exhiberentur, quamprimùm ciuitate excederet, ac meliorem gerendæ rei opportunitatem expectaret. Ceterum, vix illo ab urbe digresso, commota & trepida tota ciuitate, Guido Vicecomes, Galeacij legatus, vir deuexa ætate, rei nouitate perculsus, & huiusmodi rumoribus parum assuetus, animo ita erat consternatus, ut in curiam magna cum festinatione delatus, demissis verbis, & præsentem animi metū facile coarguentibus, Senatum rogaret, ut suæ salutis, ac totius Reipub. incolumitati vellent prospicere: subiungebat etiam, inter ceteras grauissimas quas adducebat causas, populum Genuens. nulla ratione commoueri debere, quòd superioribus diebus Sfortia Princeps exercitum habuisset instructum. Illum siquidem, citra aliquam Ligustici nominis offensam, placidè fuisse dimissum, adeò certè, ut tanti viri oratione commoti Patres, ac non parum de se suisque fortunis pari modo solliciti, communi consilio & consensione statuerent, ut nulla interposita mora, aliqui viri graues ad ipsum Hieronymum, recuperandæ libertatis auctorem, mitterentur, qui nomine & auctoritate Senatus, ipsum ad saniora consilia reuocarent atque inflecterent. Verum Hieronymus, tantum abest, ut illorum verbis cōmoueri potuerit, ut etiam ipsis non admissis in colloquium, infestis armis ad primum illorum conspectum inuaderet ac insequeretur, & ita vim intentaret, ut, nisi velocitate cursus fugæ sibi consulissent, non dubium foret, quin tam insignes legati in primo legationis suæ munere concidissent. Quia igitur arduum & valde difficile erat, iuuenilem Hieronymi animum, gloriæ cupiditate æstuantem, simulque ira & nouis iniuriis incensum, tam citò ab instituto reuocare; delecti sunt quatuor ac viginti ex ordine plebeio, manuariorum artium scilicet antistites, qui inermes, Senatus ac Reipub. nomine, iuuenis animum mitigarent atque demollirent: hiq. admissi ab illo in colloquium, tanta cum dexteritate & peritia rem ipsam tractarunt, ut, commōstrato ciuitatis præsentis statu, & rei difficultate, in gratiā tranquillitatis publicæ ab armis discederet. Et ne propter facinoris magnitudinē, aliquam pœnarum atroci-

atrocitatem metueret, impunitate proposita, atq. fide ea de causa interposita, tantum effecerunt, ut ipse cum suis, illis assentiretur, hac tamen conditione, ut septingenti aurei, quos quidem in hos usus absumpsisse se dicebat, sibi restituerentur, prout exiguo tempore postea illi numerati fuerunt. Hoc Senatus decretum Sfortia ita ratum habuit, ut illi nequaquam fidem vel authoritatem derogandam esse, licet multi secus suaderet, censeret, malè tamè cum habebat, quòd temerario iuueni, qui pecuniaria ad minimum poena multandus erat, tantum præmiū pro tam atroci scelere, cum pessimo posteritatis exemplo, tributum esset. Nec dubitandum est, ipsum Galeacium, raro aliquid in publicæ utilitatis gratiam condonantem, grauitè hanc Genuensium seditionem vlturum fuisse, nisi immatura morte, magno cum Genuensis Reipub. beneficio, præuentus fuisset. Ceterum, quia huius Principis sæpius nobis facienda fuit mentio, non alienum à nostro instituto fuerit, si cursim, & quod dici solet, per transfennam, aliqua de ipso hinc subiecerò. Is sanè præclaris ac eximiis animi corporisq. dotibus insignitus fuit, adeò ut decore formæ, ingenij præstantia, æquitate, multisq. aliis virtutibus, ab omnibus passim commendaretur. His artibus cum boni ac splendidissimi Principis nomen tueretur, premebant eum, præter cetera vitia, intemperantes vagæque libidines, in quas cum natura, tum veteri cōsuetudine promptissimus ferebatur: nec satis habebat, impunè omnem luxus ardorem & pruritum cum honestissimis quibusq. matronis & puellis restinxisse, nisi etiam arcana amoris sui subinde gloriabundus, in corona magnorum virorum proderet atque iaceret, tanta cum omnium præstantium virorum indignatione & odio, ut hac potissimum de causa, accedentibus etiam nonnullis priuatis iniuriis, & Cola Montano, olim ipsius Principis præceptore, haud modico instigatore, Ioannes Andreas Lamponianus, Carolus Vicecomes, & Hieronymus Olgiatus, iuuenes, & generis claritudine & opibus florentes, nec non Principis cubiculo adscripti, ac ei domestici & familiares, in ipsum conspirauerint, eo successu, ut tandem Mediolani in templo D. Stephani, cuius festum eo die de more sollemni celebrabatur, dum sacris interesset, multis vulneribus confossus, anno ætatis suæ trigésimo, quam miserrimè interierit. Huius vitæ tenorem & cursum si quis curiosius expetat, consulat Iouium, Merulam, atque alios huius classis viros, qui multorum illustrium virorum res gestas, vitamque ac mores posteris tradiderunt. Galeacio, eo, quo diximus, modo, interfecto, Magistratus Mediolanensis, ne erga suos Principes, illorumque posteritatem ingratus esse iudicaretur, summa grauitate consilij, luctus publici testimonium defuncto Principi dare voluit, sic ut ea de causa Senatus consulto sancitum & declaratum fuerit, ut primū sumpto de coniuratis debito supplicio, illorum cognati, nulla habita sexus vel ætatis ratione, ad quartum usque consanguinitatis gradum de medio tollerentur, ædificia illorum solo æquarentur; horti succisis arboribus, & auerruncatis omnibus stirpibus & plantis vastarentur, & depopularentur. Huius facti atrocitas cum iuri scripto aliisque bonis legibus mirum in modum aduersetur, tamen in illa ciuitate eo tempore locum sortiri potuisse, verisimile ex eo est, quòd Insuæ veteri maiorum suorum instituto, & more longo usu inuito, plurimum semper suis Principibus tribuerint, ita ut Principum cædes non secus ac parricidium, vel, si quid maius parricidio sit, vlcisci & vindicare soleant. Et quoniam idem vnumque ferè tempus cum huius nostri Principis tragico & funesto exitu, etiam Caroli Burgundi, dicti Bellatoris, mortè coniunxit, prolixitatis tædio neminem me arbitror offensurum, si paulò altius rebus repetitis, aliquid, licet ad nostram historiam non valde necessariū, de huius magna-

Galeacij
Mediolan.
Principis
obitus, &
natura.

Exemplum
perire se-
seritatis.

magnanimi Ducis vita ac moribus breuiter dixero. Carolus siquidem, heroici & excelsi animi iuuenis, cum immodica bellorum proferendiq. Imperij cupiditate ita deflagraret, ut eius immensum animum illius regionis angustia, quam tamen possidebat amplissimam, minimè caperet, nouum in Belgio bellum sua temeritate, & audacia excitauerat. Et cum aliquandiu Ludouici vndecimi Regis Galliarum (cui nihil tam familiare erat, quam ex usu & commodis suis, citra aliquod discrimen, vel delectum, quibuscumque, sed præcipuè agnatis Principibus, se dubiū præbere, quos ut nimium potentes & factiosos, resque regni & publicarum deliberationum consilia perturbantes, numero viribusque diminutos aut extirpatos mirum in modum cupiebat) insidias & molitiones sustinuisset fortiter, & armis feliciter vindicasset, edito ingenti prælio ad Allerium montem, Regeque propemodum debellato, pace quodammodò extorta & fœdere, bellū in Eburones transtulit, Leodioque ipsorum vrbe pro Episcopo, cuius causam turbabatur, sociis agnati Regis armis expugnata ac diruta, Rege à fœdere discedente, cui placato Carolo à reliquis Galliarum Principibus minus periculi erat, ipse sese in Germaniam, inuitatus potissimum à Bauaro, conuertit. Verum etsi hæc belli translatio, Ludouico ipsi multis nominibus cara esset, ut cui nil tam expediebat, quam ut Carolus, ad cuius nomen expauescebat, cum hostibus potentioribus committeretur, adeò ut Ludouicus non desineret, pertinaci quadam contentione, quos posset, in Carolum, Germaniam petentem, callidè incitare, inito etiam eadem causa cum Friderico Imperatore, fœdere. Offenderat nimirum Carolum Imperator ipse, qui petenti diadema, & dignitatem nomenque regium, & munus Vicarij præsidis in Imperio, vtrumque denegarat. Proinde cum se hoc bello cum terrore Germaniæ feliciter expedito, planè confideret, vel extorturum Imperatori priora postulata, vel etiā imperij fastigiū, Friderico deiecto, consecuturū, facilius & promptior in Bauaro defendendo fuit. Et quia Caroli potentia & rei bellicæ virtus atque successus, omnibus Christiani orbis Principibus iam comperat esse formidabilis, posteaquam bellum Germaniæ visceribus dicebatur illaturus, singuli Germaniæ Principes sese ad tanti hostis aduentum omni studio & conatibus præmunierant, & in primis Hesus, cui Colonienfes adhærebant, & confœderatæ his aliquot, atque etiam subditæ ciuitates, inter cōfœderatas præcipua erat Nouesium. Ad hanc igitur obsidendam cum Carolus validissimum exercitum adduxisset, Fridericus Imperator maturè ei occurrèdum ratus, imperatis auxiliis, exercitū coëgit circiter octoginta milliū hominū, sequentibus Imperatorem ducē Principibus plerisque, quos anteibant Albertus Dux Saxoniarum, & Albertus Marchio Brandenburgensis: vexillum namque Imperij Saxoni erat commendatum. Ad eius verò obsidionem explicatis quodam die aciebus vtrisque ac ad statoriam pugnam dispositis, cum conflictus certus expectaretur, & Saxo, qui Friderici aciem instruxerat, moræ impatiens esset, subitò præter expectationem, & spem conuersis rebus, in vtraque acie pax proclamata est, quam conciliarunt nonnulli ex Belgio procures, clam ad colloquium mutuum Imperatore & Carolo perductis. Pax itaq. pridie Calend. Iunias anno 75. supra 400. in eam fuit sententiam sancita, ut Caroli vnica filia, Maximiliano Imperatori, cum omnibus Caroli prouinciis desponderetur, si absque hærede masculo ipse discederet. Ita tunc quidem ab armis discessum est. Constituta inter eos pace, Carolus, promotis castris, Lotharingum adortus, magna ditionis parte eum pepulit. dehinc rerum felici successu elatus, in Heluetios Lotharingi socios progressus, primò castris ad Gransonem positis, arceq. expugnata, mox fortuna sese vertente, quarto Nonas Aprilis

ab Hel.

ab Heluetiis festinato accessu obrutus, fœdeque fusus, ac stratus, & castris exutus, amissis impedimentis, totiusque exercitus opibus, & sua pretiosa suppellectile, ita, vt vix ex insequentium manibus sese eripuerit. Paulò post, iterum ad Moratum, in confinio Allobrogum oppidum, decimo Cal. Iulias, acie ab eisdem victus, anno 76. cum ad Nanseum reduxisset exercitum, in ipsa obsidione pridie Epiphaniæ Domini ab Heluetiis circumuentus ac trucidatus interiit, cum vixisset annos plus minus quadraginta tres. Hunc igitur exitum nimis ferox & effrenis inexpletæ ambitionis Caroli impetus habuit, qui hoc suo casu perbellè testatur, atque confirmat, regulam diuinitus prolatam, quòd infelicia plerumque sint non necessaria bella, superbia & fiducia potentia mota. Desertum fuisse constans fama est à suis, insigni perfidia Campobassi Neapolitani, qui aliquando à Carolo colapho cæsus, vindictæ occasionem in id tempus distulerat. Et quia vitam & exitum enarrauimus, adiciam & natales. Erat ipse, Philippo Bono patre natus, Ioanne Burgundo auo, illo scilicet, qui ad Nicopolim temerè in confertorum Turcorum agmen prouolans, cum equitatu suo à barbaris circumuictus, & captus est, cuius pater Philippus Audax concessione & indulgentia patris Ioannis primus è regia Capeti stirpe Burgundiæ hæreditatem adiit. Sed me externorum principum gestis forsitan diutius quàm par est inhærentem, admonet temporis ratio, vt ad historiæ nostræ contextum reuertar. Interim illud annotasse, & his meis scriptis inseruisse, non extra propositum videbitur, in Caroli Burgundi motibus, duos insignes cometas esse visos, quorum alter anno 1472. Idibus Ianuariis sub Libra effulsit, & initio lentè processit, donec peruenit ad Arcturum. inde totum propemodum hemisphærium intra Zodiaci & æquinoctialis polos tanta celeritate percurrit, vt vno die, quadraginta gradus magni circuli, & cum velocissimus esset, pæne quatuor signa, vt annotatum est, confecerit: tandem vltimis diebus Februarij iuxta 14. gradum Arietis, solis radiis ceu absumptus, euauit. Alter cometa, anno quinto postea conspectus est cæruleo pallore subniger, quo anno prædictus Carolus cæsus est. Ex cuius equidem occubitu, nouum mox bellum enatum est, Maximiliano urgente nuptias Mariæ Caroli filia, & destinatas doti ex pacto prouincias occupante, Gallis contra Burgundiam Flandriamque euasitantibus. Vt verò ad propositum reuertar, vt primum Genuam Ioanni Francisco Palauicino Rempub. eo tempore Insubrici principis nomine procuranti, de Galeacij morte summo cum silentio & celeritate nuntiatum est, fieri non potuit, vt, quamuis res mirum in modum inuolueretur, quin tamen multorum animi in varias suspiciones raperentur: ideoq. auidè atque sollicitè, quorsum res euaderent, & quis tandem illarum finis esset, expectabant. Sed Præses magna cum prudentia in tam magno & difficili negotio nihil temerè agendum statuens, nulla interposita mora, conuocato Senatu, ac plerisque ex præcipuis ciuibus sibi & Insubrico nomini vtcumque fidis, ad se accersitis, rem tanta dexteritate atque ingenio egit, vt, cum nullam præ se ferret aliquius commotionis vel consternationis speciem, suppresso Principis obitu, tantum diceret, illum, duorum, vel trium perditissimorum hominum perfidia & temeritate, leuiter vulneratum, ita lecto decumbere, vt citra vitæ periculum pristinae valetudini quamprimum restituendus speraretur. Verùm, cum subiungeret, rerum humanarum statum ita esse comparatum, vt nihil solidi vel firmi deus nobis polliceri possimus, vel debeamus, Senatui volebat omninò esse auctor, vt, si forte fortuna Principi aliquid humanitus accideret, nullâ rerum in illa Repub. immutationem fieri debere, præsertim cum duos haberet filios iam ferè

ferè adultos, quorū alteri Ioanni Galeacio, ætatis iure paternū imperium, seu legitimo successori deberetur, adeò vt cū nō dubitaret de illorū summa prudentia, atq. animi constantia, nō esse necessarium, vt lōga & artificiosa oratione illos in officio & pristino obsequio confirmaret, sibi interim operæpretium videri, vt ad præcauendā omnem plebeiam & inconsultorū hominum seditiōē, & turbas, quisquis etiam rerū euentus esset, vt in vrbe omnia sic disponerentur, ne nouis studiis aliquis locus relinqui posset. Hæc præsidis oratio, etsi non esset vsque adeò artificiosa, vel cōmota, vt aliquem metum, seu tacitæ conscientie scrupulum, vel morsum coargueret, tamē cū illi qui adessent, nō forent ita infantes ac stupidi, quin id quod erat, nō obscurè olfacerēt, atq. animis præsumerēt, præsertim quod in Rep. multi existerent, qui Insubrorum potentiā pertæsi, illorum nomen & potentiam supramodum auersarentur, illi qui publico bono fauebāt, auctores Senatui fuere, vt, ad reprimendū omnes repētinos motus, ac ciuiles tumultus, octo ciues eligerentur, quorum iugi cura fideiq. integritate, ac rerum agendarū peritia, quies publica & tranquillitas conseruaretur. Et quia Reip. salus & ciuitatis otium ægrè retineri poterat, nisi conscripto præsidario milite, qui stipēdiis publicis ad vrbis tutelā aleretur, prima & potissima cura versari videbatur circa pecuniā expediendam, cū erarium publicū ita esset exhaustum & imminutū, vt nec minimis etiā sumptibus sufficeret. Proinde hi noui præsides tantum pecuniæ procurarunt, quantum alendo militi necessarium esset. Verū, vbi pro certo cōpertum est, Galeacium suorum parricidalibus manibus miserè concidisse, gliscente nimium ac peruagante per totam Italiam fama, sensim Genuæ, quamquam summo studio & vigilantia procerum, ne quid nouarum rerum ingrueret, procuraretur, res etiam immutari cœperant, nec aliquo modo seditiosorum hominum animi in officio sisti & contineri potuerunt, quin in noua studia & factiōes erumperent. quippe intellecta Principis morte, nulla ratione vel curā de ipsius successore vel posteritate habita, illi qui dudum conquieuerant, & ab vrbe exularent, ostensa noua tumultuandi occasione, agminatim in vrbem ipsam quotidie confluebant, ac per omnes vrbis regiones & compita, constitutis conciliabulis, res nouas ita moliebantur, vt optimus quisque valdè sibi metueret, & facilè præsentiret, horum studia & vigilias in perniciem publicam aliquandò euasuras. Ceterū, cū in tanta ac infinita propemodum omnium multitudine difficile sit, ac etiam superuacaneum, omnes nominatim recensere, qui sese nouis turbis excitandis patronos præbuere, vnum atque alterum proferam, quos, vt antesignanos, reliquis consilio & auctoritate antecelluisse accepimus. Horum primus omnium iudicio fuisse videtur Ioannes Baptista Guarcus, qui statim nunciata Galeacij morte, ad nouam spem erectus, iugiter aduigilabat, ne aliquam bene gerendæ rei opportunitatem prætermitteret, ideoque cū intelligeret, aliquot copias Mediolano firmandæ Genuæ gratia à demortui Principis successore transmitti, his confestim magna cum alacritate aliquot agrestium & indigenarum manu constipatus, circa initium anni eiusdem æui septimi ac septuagesimi, obuiam processit, & tanta cum animi corporisq. præsentia ac robore cum illis congressus est, vt multis desideratis, omnes quotquot erant, in fugam coniecerit, & magna cum illorum ignominia dissipauerit. Hoc eius audax facinus licet à nonnullis improbaretur, & meritò reprehenderetur, tamen quāplurimis animos fecit, & ad excitandos nouos motus ita planè concitauit, vt, abrogata omni legum atque ordinum reuerentia, palām & liberè Prætoris edictis reluctarentur, & illi passim in quotidianis congressibus ac sermonibus obloquerētur, eo tamen euen-

*Genua nouis
motibus in-
uoluitur.*

*Ioannes Ba-
ptista Guar-
cus primus
nouarum re-
rum cōcitor,
pro libertate
recuperanda.*

1477.

tu, ut præter verba & voces, ut dicitur, nihil in ipsa ciuitate attentatum fuerit, quod damno ciues afficeret. In bonam interim spem erecta plebe, ardentissimis animis præcipui factionum auctores in vrbe ipsa à plerisque expectabantur. Nec enim erat ignotum, Carolum Adurnium Prosperi fratrem, cum non pœnitenda manu in vallē Pulciferam non procul à ciuitatis cōspectu descendisse, atque omnibus hortationibus & consiliis suos clientes & amicos ad defectionem & pristina libertatis recuperationem sollicitare. Ipse enim, multò flagratius reliquis, Reip. conuersionem exoptabat, & eo nomine Sfortis erat iniquior, quòd frater eius in arce Cremonensi à Galeacio filio captiuus distineretur, potissimum quòd hic solus, ceteris omnibus statim ab eius patris obitu è vinculis liberatis, & pristina libertati restitutis, cum magna Adurniorum indignatione in dura compede retineretur. Fliscorum etiam clientes, ac municipes, mortuo Galeacio, spontè ad Recum oppidum cateruatim conuenerant, ut illius arcem è Mediolanensium potestate eriperent; rati, se hoc modo sibi inflictas iniurias aliqua ex parte ulturos. Cumque Obiectus Fliscus, ad declinandum quotidianas iniurias, aliaque incommoda & detrimenta, quibus subinde ab ipso Sfortia afficiebatur, sese Romam contulisset, ibique, ceu in tranquillissimo secessu, aliquamdiu permaneret, Fliscæ familiæ clientes sibi in ea expeditione ducem studiosè quærētes, Ioannem Georgium Fliscum, qui Genuæ remanserat, per crebros internuncios sollicitarunt, ut eius opera vti possent, adeò medius-fidius, ut omnia nutarent, & mutationem non obscure minarentur, breuique post, etiam partibus illorum accedente Matthæo Flisco, viro ætate matura, ac multa rerum experientia prædito, contineri non potuerūt, quin quamprimum cū iis, quas habebant, copiis rectā Genuam contenderent, eo consilio, ut repentino motu vrbis Prætorem, exiguis viribus tunc temporis instructum, quasi imparatum, & ad resistendum imparem, fortiter adorirentur atque inuaderent. Mense itaque Martio, concubia nocte, summo cum silentio Georgius Fliscus suos ad vrbis mœnia ea parte mouit, quā Carinianum versus exporrigitur: & celeriter ad moris scalis, magnaque cum dexteritate & corporum agilitate conscensis nauibus, ex suis quadraginta armatos, quos ex toto numero promptiores delegerat, in urbem posuit, eo quidem animi decreto, ut portam, vulgò Nuntiatam dictam, occuparent; & per hanc reliquum agmen paululū à tergo relictum, tutò introduceret, neue maiori hostium numero & multitudine circūueniretur, præsertim cū non ignorarent, Matthæum Fliscum, vnā cum aliis suæ factionis viris, in urbem receptum, qui tamen ad repentinam & inopinatam Flisci irruptionem metu ac trepidatione consternatus, euestigiò terga cum suis vertit, & sese in curiam, vnde venerat, proripuit. Fliscus attamen insidias veritus, tametsi nullum haberet obuium hostem, qui ipsum remoraretur, progredi ulterius noluit; sed subinde alta voce populum ad libertatem cohortans, & ad defectionem excitans, eam noctem variis gyris atque discursionibus, nulla plebis accessione auctus, insomnem transegit. Hinc videre & notare licet plebis inconstantiam, & præsertim Genuensis miram naturam atque pertinaciam, quæ nunquam, vel rarò aliquam in Repub. conuersionem fecit, nisi ducem popularem secuta, cuius scilicet auspiciis & arma sumerent, & hæc eadem eiusdē arbitrio deponerent: ita ut nō mirum sit, in tam ampla ciuitate miras inter ipsam nobilitatem, & populares, factiones & controuersias extitisse, cū rarò in vnis iisdemq. studiis vtriusq. partis animi coaluerint. Ceterum, Matthæus prima luce vbi sese ab omnibus, exceptis paucis plebeis & clientibus, derelictum animaduertit, periculi magnitudinem veritus, urbem egredi statuit. At Petrus

Georgii Flisci sublimis, ut inanes conatus.

Auria,

Auria, Ducali administrationi grauis ac præpotens aduersarius, rerum præsentium statum penitiùs considerans, se illi adiunxit; multisque demonstratis rationibus; illi persuasit, ut in sententia constanter permaneret: eaque de causa plerique ciuium existimabant, Auriorum familiam vnanimi consensione contra Sfortianos conspirasse, & iam arma tacite corripuisse: multiq; horum auctoritate inflexi, sese Matthæo, eiusque sociis agglomerantes, suum studium atque operam pollicebantur, adco vt, impetu in publicum palatium facto, ea parte, qua D. Laurentij templo contiguum est, acriter oppugnaretur, tamen si Præfectus urbis pro suo præsidio ibi mille ferè circumforaneos milites constituisset. Ipse tamè parum spei & salutis in hoc præsidio, licet valido, reponens; clanculum cum suis copiis, se; non absque magno vitæ suæ periculo, in arcem subduxit. Vagabantur namque milites agminatim indistinctis ordinibus per totam ciuitatem; &, vt quemque fors vel casus alteri adiunxerat, in societate tantisper perseuerabat, donec aliquod facinus perpetrarent, vel fortiter audendo conciderent. Urbana etiam multitudo magno animi concitata furore & impetu, pari modo discurrebat; & parum aberat, quin ipsum Prætorem, anxie & trepidè sese, vt diximus, in arcem recipientem, in itinere lapidibus obrutum, suffocarent. Prætorium ipsum, milite præsidario pedetentim destitutum, vltimò miserè direptum fuit, nullaq; habita Prætoris, vel aliorum consiliariorum, reuerentia, illorum supellex, & quicquid fuit præsentium fortunarum, direptum: eoq; militaris illa & seditiosorum licentia progressa est, vt parum abfuerit, quin eodem fato vniuersa vrbs diriperetur, cum nullus foret, qui sese tanto furori opponere auderet: tantaque animorum varietate in ipsa vrbe passim dimicabatur, vt nonnulli de conseruanda Repub. ab vltimo exitio rationes inire ausi, mirum in modum periclitati sint: tanta siquidem erat concitata plebis rabies, vt nullis consiliis inflecti, vel aliqua necessitate persuaderi potuerit, vt Reipub. administratio alicui patricij generis committeretur. Proinde in summa rerum omnium perturbatione ac metu quàm diutissimè ciuitas vixit. Tandem ad euitandum maiora pericula, quæ manifestè impendère videbantur, ex vnanimi omnium Ordinum voluntate decretum & statutum est, vt Oligarchia, id est, administratio vnicuique communis, tantisper permitteretur, quoad meliori Reipub. fortuna, politica gubernatio ad meliorem formam deuocaretur. Ceterum Flisci nondum ab armis decesserant; ideoque faciliè impetrarunt, vt, suffragante reliquorum nobilium consensu, Matthæus & Carolus, eadem familia oriundi, urbis supremum Magistratum, vnà cum Octouiratu populari tantisper gererent & administrarent, quoad Obiectus Fliscus, qui Roma indices expectabatur, Genuam reuertisset. Et ne reliquæ nobilitati, tantis nobilibus viris præteritis, fraudi esset, si in hanc vnā Fliscorum gentem præcipuus ciuitatis honor deriuaretur, Ceuam Auriam & Hieronymum Grimaldum allegere iis placuit: quo sanè factum est, vt, post exiguum temporis interuallum, præcipui factionum principes, qui hætenus vrbe abfuerant, postliminò reuerterentur: inter quos, Obiectus ipse auctoritate ceteris præstabat, qui, Galeacij defuncti vim & potentiam deuotans, diu in diuersis Italiæ locis errabundus delituerat: sed Genuam reuerso tantus honor, & solidi gaudij ab omnibus ordinibus exhibita fuerunt testimonia, vt post multas congratulationes, & amplexus, in locum prædictorum Matthæi & Caroli omnium voluntate subrogatus fuerit. Hic ciuitatis rerumque status & conditio, etiam Fulgosios, & in primis quidem Paulum Archiepiscopum, Thomam, & Ioannē Galeacium, in urbem reduxit, nec ita multo post, Carolus & Ioannes Adurnij, haud procul à D. Benigni cœnobio cum

Non motus
in vrbe.

Prætorium &
plebe dire-
ptū, & vni-
uersa ciuitas
grauissimè
discriminè
abnoxia.

fuis adfuere, eo animo, vt rei exitum præstolarentur. quorum certè præsentia, cum rerum vrbicularum status nondum compositus esset, & etiam arx ipsa validis Sfortianorum præfidiis teneretur, tota ciuitas valdè conturbata fuit, sic vt res eodem, vel etiam peiori, quàm antea, loco essent. Exaggerabant timorem, & stultæ ac credulæ plebis periculi opinionem varij & assidui nuncij, qui ex Insurbria commeantes, seriò asseuerabant, Galeacium, nouum Principem, recens in paterno Principatu stabilitum, magnum conscripsisse exercitum, eumque iam in conspectu esse, quò Genuens. Reip. dominium, paucorum scelere & temeritate in parte amissum, recuperaret, atq. armis vindicaret. Et erat omninò verisimile, tam potentem Principem, suapte natura ambitiosum, & iniuriarum impatientem, non commissurum, quin acceptam ignominiam armorum vi vlcisceretur. Quod vt etiam cordatiores crederent, efficiebant continui ænearum machinarum ictus ex ipsa arce in subiectam urbem tanta vi & impetu contorti & dimissi, vt multas ædes ac ædificia publica, magna cum ruina prosternerent, & nutantibus tectis fatiscerent, nec abstinebant arcis defensores ab excursionibus, aliisque velitationibus, quibus subinde oppidanos imparatos, vel saltem impares, miserè diuexabant, & magna strage edita, in arcem, ceu in tutissimum effugium, sese gestientes recipiebant, adeò me herclè, vt vix in ipsa vrbe relinqueretur locus vllus, qui ab insidiis, & præfidiariorum iniuriis tutus & securus foret. Proinde ciuib. tantis difficultatibus laborantibus, totq. incòmodis afflictis, vna salutis spes in eo potissimùm visa est consistere, quòd propter factionum principum paucitatem & absentiam, rariùs in ciuitate tumultuaretur: nam alioquin in tanta diuersarum factionum distractione & intestinis malis, ipsa vrbs aliquà insignem cladem perpeffa esset. Ceterùm ad declinandum maiores impendentes calamitates, Reipub. Præfecti statuerant, vt Fulgosij, qui tunc amplissimam factionem fouebant, vrbe excederent, ita vt hac tumultuandi ansa sublata, ciues, Ducalem potentiam veriti, ciuiles & pristinas contentiones nonnihil remitterent. Cum verò interea, Galeacius serias ad Genuens. bellum inferendum cogitationes suas contulisset, passim in variis Galliæ Cisalpinæ locis militares delectus habebatur, breuique exacto tempore, conscripto & contracto præpotenti exercitu, omnibus cœpit esse formidabilis. Et quoniam Robertus Sanseuerinus, superioribus bellis magnum industriæ suæ atque militaris disciplinæ specimen dederat, ita vt hoc etiam nomine, præter natalium splendorem, ac reliquas animi corporisque dotes, in magna laude & existimatione apud omnes esset, nouus Princeps dignum illum iudicauit, vt sub eius auspiciis atque ductu hoc bellum conficeretur. Et quò illa expeditio esset speciosior, maioremque sui apud omnes opinionem excitaret, Ludouicum & Octauianum fratres suos, tanquam sub tanto duce militiæ tyrocinium posituros, illi coniunxit. Porro cum Genuensis populi natura ita esset cognita, vt neminem latèret, eius potentiã nulla ratione magis imminui & labefactari solere, quàm mutuis dissidiis & intestinis contentionibus, quærebat inter eos gladius, quo se ipsi iugularent & inuicem conficerent. Quare, cum magna calliditate in perniciem Ligustici nominis, Prosperum Adurnium, recens vinculis extractum & liberatũ, cum Fulgosis & Fliscis magna & perpetua emulatione decertantem, noui Principis nomine, Genuæ Præsidem dare multis de causis expedire, Ducis cõsiliariis visum est: qua re peracta, Sanseuerinus imperator, cum toto suo exercitu, citra dilationem subsecutus est. Quæ noua labefactandæ vrbis excogitata ratio, multum incrementi & subsidij Sfortianis attulit. Quippè contrariarum factionum principes & sequaces, summo perè veriti, ne

Adurnij

Galeacius
Sfortia Ge.
nuens. bellum
infer.

Adurnij auctoritate ac potentia subnixi, despectis ceteris ordinibus, ipsi suprema cum potestate dominarentur, magna indignatione commoti, novas in vrbe excitauere turbas, quæ nisi Senatus consilio & auctoritate, oppressæ & restinctæ fuissent, verendum iterum de excidio vrbis, vel saltem multa sanguinis effusione fuisset. Sed huius diligentia & prudentia factum fuit, vt hostiles conatus omnes anteuenterentur, & imminētis belli periculum à ceruicibus populi coerceretur. Ceterum Sfortianus exercitus tam longè processerat, vt non ita procul à ciuitatis cōspectu iam abesset, & magna militari licentia suburbanus ager vastaretur. Erat quippè ipse exercitus Ducum præstantia, copiarum numero, & militum singulari corporis constitutione, & animorum alacritate per se pulcher & formidabilis; siquidem ultra duos, quos diximus, Ducis fratres, multi & magnanimi Duces, Insubriæque procures huic militiæ in gratiam noui Principis nomen dedebant; inter quos, natalium splendore, & fortunarum amplitudine ceteros antebant Iacobus Triuultius, ex antiqua Comitum Triuultiorum stirpe oriundus, Ioannes Palauicinus, nuper Genuæ Præses, & Donatus de Comitibus, rei bellicę elogio clarus, utpote qui ordines magna cum sua laude antè sæpius duxerat, & præter hos, magna nobilium Mediolanensium frequentia, qui omnes ad promerendam iuuenis Principis gratiam primam eius expeditionem condecorare & nobilitare sua præsentia voluerant. Marchio etiam Montisferrati, & plerique Spinulæ familiæ, qui ad ea ferè tempora ab vrbe exulabant, aliquot subsidiarias alas ex clientibus & municipibus suis conscriptas, in Principis subsidium adduxerant. Interim oppidani, quia superioribus annis non semel in Gallum, subinde Liguriam diuexantem, prosperè militem eduxerant, & arma expediuerant, felicitis successus recordatione & memoria illecti, pari cum audacia & animi robore decreuerāt, Sfortianum exercitum, opportunitate locorum confisi, non solum morari, & transitu prohibere; verum, per insidias ex montanorum locorum sinuosis anfractibus inuadere. Sed cum nullo veterano, vel externo milite iuuarentur, negotium illis infelicitè cessit, præsertim cum & numero & viribus longè inferiores essent. Accedebat huc, quod à tergo, in ipsa scilicet vrbe, ultra duo millia armatorum ad illius tutamen relicta forent. Et quamuis Genuæ totius belli, & defensionis contra Sfortianos cura, præcipuè Obiecti Flisci auctoritate & industria niteretur, cuius virtute, & rerum agendarum peritia, ac fide, salus publica tunc potissimum consistebat, tamen magna cum omnium ciuium consensione constitutum fuit, vt, ad refrenandam Adurniorum potentiam, & factionis studium inhibendum, Paulus Fulgosius, aliique eius ordinis & classis viri in urbem reciperentur. Interea tamen, Obiectus Fliscus, nuntiato hostilis exercitus aduentu, citra aliquam moram ad præoccupandum Castelleti propugnaculum, quod tunc modicis adhuc arcis præsiidiis tenebatur, sese transtulit, vt, eo videlicet præoccupato, hostem aditu commodius arceret & excluderet: reque illa feliciter attentata, & ex sententia confecta, necnon aliquot aliis leuioris momenti munimentis receptis, magna copiarum parte, quæ partim oppidanis, partim auxiliario milite constabant, in Sfortianos, qui iam, superatis montibus, in vallem Pulciferam descenderant, castra perduxit. E contra verò, Prosper Adurnius, qui primum hostile agmen ducebat, ex ea valle usque ad mare varias excursiones fecerat, pari que diligentia superioribus noctibus Carolus eius frater, vt arcis præsi-diaros tutiores redderet, & maiorem communicandi consilij rationem inirer, in arcem clam perrexerat, eumque ea de causa, qui eius partes sequebantur, antea secretò conuenerant. Dum hæc eo, quo diximus, modo utrimque agerentur, Se-

Florentissimus exercitus Principis Mediolanensis iuxta Genuam.

natus ad nouum creatum Pontificem legationem decreuit, in cuius gratiam cum Benedictus Spinula duas triremes, menſtruo ſtipendio Reipublicæ elocaſſet, fortè accidit, vt, cum iam omnibus neceſſariis ad velificandum ad anchoram extra portum inſtructæ & paratæ ſtarent, & Præfectus ipſos Oratores præſtolaretur, de hoſtilis Sfortianorum exercitus ad urbem properantis aduentu certior factus & præmonitus, conſeſtim ſubductis anchoris validiſſimo remige repetita vrbe, in portum delatus ſit, & pari cum diligentia, cum totidem triremibus à Philippo Lomellino allaboratum & occurſum eſt, eo fanè conſilio, vt hoſtes vrbiſ aditu arceret, & omnem illorum vim, ſi fieri poſſet, prohiberet: tantaque temporis opportunitate hoſtium conatus præueniſſe dicitur, vt illius potiſſimum opera hoſtiles cohortes in prima acie conſiſtentes, vſque ad cœnobium D. Andreae in Sextro, vbi caſtra habebant, animoſè repellerentur, tanta me herculè cum omnium conſternatione, vt omnē naualem claſſem contra ſe inſtructam & productam crederent. Cum enim propter ingruentem noctē aduerſos montes vndiquaque ignibus & armorum fulgore collucēre & coruſcare animaduertent, ad minimam ſuſpicionem trepidi, vſque adeò animis conciderant, vt, mutatis caſtris, ſeſe intempeſta nocte per inuia & abrupta excelloſorum montium iuga in tutum ſubducere ſtatuèrent. Sed, propter impedimenta, ſolū vallis Pulciferæ traiecto flumine, in ea planitie pernoctarunt. Ligures, intellecta hoſtium fuga, ſumma celeritate in Promontorij iugo, qua hoſtibus tranſeundum erat, oppoſitis aliquot præaltis aggeribus, & viarum anguſtiis, vel præſtructis, vel præoccupatis, ſua caſtra collocarunt; ideoque Ioannes Baptiſta Guarcus, ſuæ factionis Princeps, qui recēns aliquot indigenarum & agreſtium manum collegerat, opportuno tempore accurrit, & omni ſtudio Sfortianos aduerſum collem tranſmittere conatos, aſcenſu prohibuit. Aduerſarij, ne vlla in re ſibi deeſſe viderentur, Carolum Adurnium cum aliis copiis in arcem remiſerant, ea potiſſimum de cauſa, vt diligenter & cautè exploraret, num ex aliqua parte aliquid noui in oppidanos moliri poſſet. Verū, Obiectus omni diligentia inimicorum ſtudia anteuertens, quò hoſti aditum præcluderet, in omnibus locis ita vias præſtruxerat & communiuerat, vt illum ad certamen compelleret. Videbat enim, totius belli aleam potiſſimum in vnius prælij ſucceſſu conſiſtere. Itaque, hoſte ad præliandi neceſſitatem compulſo, cōſictus finis is tandem fuit, vt Sfortiani ſumma vi aduerſos montes emenſi, & in illorum ſummitatibus multitudi-
ne aucti, illam ciuitatis partem facilè premere & inuadere potuiſſent, quæ illis collibus ex diametro oppoſita eſt: ſed Obiecti diligentia & oppidanorū frequentia factum fuit, vt Sfortianorum conatus reptimerentur, & cum magna feſtinatione pedem referre coacti ſint, relictis ibi, & amiſſis quadraginta ferè inſtrumentis bellicis, extruendis aggeribus maximè idoneis, quæ ipſi vernaculo idiomate Targonos vocabant, tanto mediuſfidius cum illorum periculo, vt, niſi alacritate Donati de Comitibus pedestrium copiarum ſtrenuiſſimi Ducis, in officio retenti fuiſſent, haud dubiè vniuerſi, propter laſſitudinem & locorum aſperitatem in fugam ſeſe vertiſſent. Nec minori cum ardore & iudicij maturitate illos confirmabat & adiuuabat Sanſeuerinus, qui longo vſu didicerat pro temporum locorumq. conditione circumſpectè pugnare. Proinde cum videret ſuos in magna anguſtia verſari, auctor extitit, vt, ad euitandum maius periculum, omnes cataphracti equis deſilirent: Siquidem, licet hoc pacto minus expediti eſſent, tamen multò melius atque ſecurius ſeſe à maioribus machinis bellicis ſubducere atque tueri poterant. Et quia ad collis verticem propter loci iniquitatem euadere
non

*Sfortianorum
eludes.*

non poterant, recenti Gallorum exemplo, confestim retrocesserunt. Cuius certaminis successum ut primum fama diuulgauit, intellectumque est Obiecti copias à Carolo Adurnio profligatas, & portam, vulgò D. Thomæ, à victrici agmine occupatam esse, Sfortiani, metu ac pauore in audaciâ conuerso, ac certamine instaurato, Genuenses trepidos & consternatos eò impulsere, ut actutum sese, relictis primis stationibus, in alios montes reciperent. Ceterum, præfectis Sfortiani exercitus minimè visum est, licet certus fermè aditus in urbem patèret, ut eo itinere & urbis tractu victoriam prosequerentur: quin potius, multò satius esse duxerunt, ut, parte copiarum reficiendis corporibus extra urbem relictâ, Prosper Adurnius cū clientibus & sociis, quos partim in urbe, partim foris habebat, prius in ciuitatem periclitandorum ciuium gratia introiret, sicuti strenuè ab eo factum est, Adurnij, & Spinularum nomine sapius in clamato, seueriter edicto, ne alicuius alterius factionis nomen eo tempore proclamaretur, rati Sfortiacum nomen passim ciuibz inuisum esse. Adurnius itaque ciuitatem ingressus, per omnia compita & regiones circumuagatus, aduersarios, illorumque duces palantes & vagabundos animosè insequabatur, & inquirebat: maior tamen patricij ordinis pars sese ex hostium conspectu subduxerat, inter quos, Fliscus se suum cum celeritate mutato habitu in sua prædia receperat. Adurnius, his rebus prosperè ac feliciter gestis, nullo sese illi opponente, in prætorium rectà cum frequenti totius plebis concomitatu & multitudine contendit, tantoque applausu & concursu à promiscua plebe exceptus fuit, ut parum abfuerit, quia à congratulante turba opprimeretur, ac breui post, Principes Mediolanenses, vnà cum Sanseuerinate exercitus Imperatorè, aliisque nobilibus, subsequente toto exercitu, citra aliquam moram vel strepitum, urbem ingressi sunt, in primisque procuratum, ut, coacto Senatu, aliisque ordinibus in curiam vocatis, noua Reip. forma institueretur. Interim ipsi Adurnio, Galeacij Principis nomine supremus Magistratus concessus & demandatus fuit, qui eiusdem nomine conscripto edicto, omnibus qui contra suum Principem arma tulerant, veniam & impunitatem pollicebatur. Quibus peractis, antequam Senatum dimitteret, prolixam orationem habuit, qua, inter cætera, multa in laudem noui principis, & aliorum eius administratorum dixit, planeque ostendit, quàm egregia Galeacius nouus Princeps in Genuenses voluntate esset. Quocirca omnes adhortabatur, ut sub tam benigni atque potentis Principis imperio constanter debitum obsequium atque fidem præstarent & retinerent. Ita dimisso Senatu, singulari studio aduigilatum fuit, ut, creato Magistratu quem vulgò Balix vocabant, militi stipendia soluerentur, quò, iis persolutis, & centurionibus sex millium aureorum congiatio donatis, Ligusticus ager à nouo & externo milite tandem liberari posset. Quæ deinceps, post Ligusticæ ditionis recuperationem per Insubriæ Principem factam, subsequuta sint, proximo libro, Deo auspice, quàm fidelissimè enarrabimus.

*Princeps
Mediolan.
Adurniorū
opera Ge-
nuam recu-
perat, eiq;
Prosper Ad-
urnius præ-
ficitur.*

LIBER XV.



SUPERIORI libro satis apertè demonstratum esse arbitror, quibus artibus, quibusue de causis Reipub. Genuensis status in 1477. Mediolanensium Ducum potestatem deueniret, & quamobrem ipsi paulò post eodem exciderint. Nunc reliquum est, ut enarremus deinceps, quanta cura & diligetia ab ipsis Insubriæ Principibus Ligusticum imperium, opera & industria potissimum

Prosperi Adurnij Patricij ordinis viri, recuperatum, quò illud factum tectum, ut dicitur, retinerent & tuerentur, aduigilatum sit. Statim igitur post eius recuperationem, quò sese firmitus in eo communirent, nihil habuere antiquius, vel magis in votis, quàm præteriti belli reliquias, hinc inde, nullis ordinibus in Ligustico agro dispersas, & errantes, diligenter inquirere, ac penitus extinguere, præsertim quòd nūtiatum esset, Obiectum Fliscum, cum plerisq. suis amicis & clientibus, atque aliis Ligustico nomini patrocinantibus, circa Sauinionem, oppidum inter Valles Apennini positū, ita vires reparasse, ut, instar iusti exercitus, supra quinq. armatorum millia coëgisset, & in promptu haberet, eo animo & cōsilio, ut communem patriam externo Principi rursus subiectam, prorsus pristinae libertati restitueret, vel, si hoc assequi nequiret, saltem illi Reipub. administrationem impediret, satis amplam bene gerendæ rei occasionem ex viarum angustis, ut ipse existimabat, nactus. De prospero igitur rerum successu non desperans, Insubrum copias in arctis istis Liguria, & præfocatis itinerum faucibus præstolabatur, & diligenter obseruabat. Qua certè in re ne aliqua imprudentia peccasse putaretur, quàm plurimos sui nominis studiosos in Pocifera valle reliquerat, ut hostem ipsum, si ita temporis occasio ferret, à tergo inuaderet, ac ita à duabus diuersis partibus aggressum, ad internecionem, cum perpetuæ gloriæ fama, deleret. At, cum Baptistam Guarcum, antea in Flisci sententiam pellectum, sui instituti ac initi fœderis iam nescio qua instabilitate ingenij pœniteret, ipsumq. in medio rerum bene gerendarum cursu turpiter, ac non citra perfidiæ notam desereret, res longè aliter, quàm Obiectus ipse, ac reliqui Insubrici nominis aduersarij æstimabant, cecidit. Quandoquidem Fliscus cum omnibus suis copiis, ab hostibus rectà aduersus Genuenses atq. Insubres, præter spem & expectationē validissimo robore, insperatisq. viribus contendentibus, in fugam coniectus est, adeò ut per varios anfractus & calles montium atque vallium sibi salutem parare necessarium habuerit. In qua quidem difficultate, Ligures locorum peritiores, hoc assecuti sunt, ut ab ignoto & externo hoste non ita facilè possent assequi, sed pedum beneficio & velocitate elaberentur, eo quidem successu, ut, postquam palantes & errabundi per diuersarum viarum tractus in vnum coiussent, tandem sub vexillis ac sui Ducis imperio, Sauinionem & Montegium incolumes deuenirent. Verùm enimuerò, Sfortiani, benignitate fortunæ, & tam felici rerum euentu insolentiores ac ferociores facti, multò sibi maiora animis præsumentes, ne quid segnitie, vel hæsitacione, aliqua in parte peccarent, progredi statuerunt, ac eò necessitatis, quòd viribus longè essent superiores, Obiectum Fliscum adegerunt, ut ipse summa necessitate adductus, cum eis transfegerit, & inter reliquas transactionis conditiones, concederet, ac permetteret, ut Montegium ipsum, maximi alioquin nominis & momenti oppidum, deditione facta, in eorum manus ac potestatem deueniret. Insubres, tametsi tam honesta transactione poterant iure esse contēti, tamen, ut solet plerumque in rebus secundis fieri, ut spiritus longè excellentiores, quàm humana ingenia deceat, geramus, ad speciē maioris securitatis (cū reuera gloriæ incrementa quærentur) voluere, ut Fliscus ipse Mediolanū tacito triumpho reseruatus, vnà secum abduceretur, ea tamen interim cautione, & fide data, ut, ubi Mediolanum appulisset, statim illi liberum esset in patriam pro arbitrio suo redire. Ceterum, huic bello vix dum cum summa difficultate, fine imposito, ac valde exiguo respirandi Reip. tempore concessio, inter Principes Insubria, atq. alios lectissimæ nobilitatis viros, grauissimæ exortæ sunt dissensiones: quæ certè Genuensis populi statum magnis periculis & innumeris incommodis inuoluere: Si-

re: Siquidem cum Insubriae Principatus, ob diuersorum Principum factiones & studia in duas quodammodò partes diuideretur, Bona Galeacij Principis mater, cum Cicho Simoneta suo secretario ex Calabria oriundo, ac sollertis ingenij viro, & in politicis rebus apprime versato, summis viribus annitebatur, ut ipsi soli, exclusis Ludouico, Ascanio, aliisque demortui Principis fratribus, rerum potirentur. Verum habebant hi qui sibi patrocinaerentur; in primis verò Robertum Sanseuerinatem, Donatum de Comitibus, ac alios veteranarum cohortium aliarumque praesidiarum copiarum praefectos & centuriones, quibus, praeter ceteras legitimas causas, ipsius Cichi amplitudo & dignitas inuisa ac supra modum intolerabilis erat, ita ut cum inter eos, propter regni & imperij contentionem, indies maiores suspiciones atque odia erumperent, Donatus ex mandato in vincula conjiceretur. quamobrem eius confederati mirum in modum exterriti, ne ipse scilicet communicata consilia proderet, nulla mora interposita, Mediolanum, quod tantae Principali potentiae impares essent, clam sese subduxere: in qua fuga Octavianus, vnus ex fratribus Sfortianis, cum Athesim flumen transmittere vult, fatali casu in amnem delapsus, eiusque vorticibus absorptus interiit. Alij eius comites vnà cum Sanseuerinate diu variis in locis vagabundi, incertis sedibus oberrarunt, quorum quidem fatalis fugae socius & comes indiuiduus erat Obiectus Fliscus, proximè à nobis nominatus. Ipse nimirum Mediolanum abductus, ibi tantisper haesit, donec horum studiis addictus, vnà cum ceteris aufugeret. Sed tandem cognitus, & comprehensus, Mediolanum retractus fuit. Huius tanti viri infortunium multos egregios ac praeclaros viros torsit, & Ioannem Aloysium eius fratrem, qui in finibus Genuensium remanserat, ingenti maerore affecit, ita ut ipse cum ceteris omnes consilij rationes inirer, quibus illum à praesenti mortis periculo eriperet, ac tantis molestiis liberaret. Quod cum neuiquam Mediolanensium Principem eiusque consiliarios latèret, necessarium esse existimarunt, ut ad reprimenda noua studia, aliquot peditum & equitum copiae conscriberentur. Coactis itaque ferè duobus peditum millibus, & vna equitum ala, Ioannem Palauicinum, toti isti expeditioni ex Principis iussu praeposuerunt, qui confestim Genuam profectus, tantum metum Aloysio eiusque sociis iniecit, ut, consopitis omnibus seditionibus, quod sese longè imparem esse intelligeret, pacisci cum Insubicis praefectis non abnuerit: & tandem restitutis ijs oppidis & locis, quae in his suis motibus occupauerat, cum Galeacio in gratiam rediit. Interim Adurnius in haud leuem apud Mediolanensium Principes suspicionem deuenerat, ipsum videlicet clam Aloysio fauisse, eo consilio, ut ei suam filiam, iam ferè nubilem, in uxorem daret. Proinde illius æmuli tantae eius prosperitati & felici rerum successui inuidentes, omnes rationes & consilia explicabant, quod illum praefectura cum nouae dignitatis incremento exueret. Verum ne haec sua consilia, & initae contra ipsum rationes aliquo modo detegerentur, magis opportunam conficiendi negotij occasionem, ex aliarum rerum oblata ansa quaerebant, praesertim cum ipse Aloysius haud multo post, Finarij reguli sororem, quae tamen ex sorore ipsius Adurnij nata fuerat, in matrimonium elocasset. His ferè temporibus, Thomas Fulgosius, matre Corfa natus, cum pro veteri familiae suae instituto, gloriae cupiditate, & rerum nouandarum studio deflagraret, enixè operam dabat, ut Corsicam insulam, auctoritate Georgiani Magistratus superioribus annis ab Sfortianorum Imperio ad Fulgosiae gentis protectionem & patrocinium translatam, à pristina obedientia & Reip. Genuensis obsequio abduceret, eo (ut narrant) animo, quod eam priuati sui iuris faceret, magna

Octavianus
Sfortiae mis-
tabilis inter-
itus.

Thomas Ful-
gosius Corsi-
cam in suam
potestatem re-
digere cona-
tur.

ad hoc

ad hoc bene gerendæ rei spe & opportunitate illectus. Nam ultra animi calliditatem, alias artes, quibus erat à natura instructus, mirus erat iungendorum sibi hominum artifex, habebatque præterea in illa insula magnas clientelas & affinitates, quibus fretus, in oris maritimis validam manum iusti exercitus haud parum dissimilem, recens conscripserat. Ceterum Insubrij magnam hac de causa indignationem præ se ferentes, magnumque dolorem, quod Respub. detrimentum cœpisset, simulantes, actutum Ambrosium Langasum cum duobus lectissimorum virorum millibus Genuam misere, moxque siue solita inconstantia, siue aliarum rerum occasione commoti, tempus inidoneum gerendi belli causati, ab ea expeditione superfederi iussere. At quibus ea prouincia demandata fuit, non commiserunt, quin ad refrenandam Fulgosij temeritatē, cuestigio quatuor triremes, aliquotque Liburnicas, milite omnibusque rebus necessariis instructas, in Corsicam mitterent, conuiunte mira cum astutia Prospero, qui totius negotij institutum scopum animo perceperat, ac quorsum euaderet, non ignorabat. Ipse tamen inter hæc variis in locis magna indulgentia alebat militum Sfortianorum licentiam, & plus quam barbaricam inhumanitatem. Nam impune non solum totius oræ maritimæ, tam orientalis quam occidentalis tractum, misere cum grauissima omnium indignatione atque dispendio depopulabantur, verum etiam in pleraque Flischorum prædia atque latifundia, in quibus locum castris sibi delegerant, tam petulanter grassabantur, ut vel hoc nomine magna principibus ipsis apud omnes conflaretur indies indignatio, & immortale odium, eò magis, quod recens, nemine prohibente, Recum, Flischorum municipium, diripuisent, & haud secus magnam calamitatem Clauaro & Moneliæ intulissent. In hac tam inusitata atque incredibili grassandi licentia & impunitate sub Sfortianis usque ad annum eius sæculi duodeoogtesimum perseueratum est. Ceterum, erumpente tandem Prosperi animo, ita ut diutius celari vel suppressi nequiret, constanti proposito ac matura deliberatione tandem constituit à Sfortiis Principibus desciscere & palam illis aduersari. Verum quod hoc suum institutum plenum esset præsentis periculi, se operæpretium facturum existimabat, si omnia sua consilia ipsi Ferdinando Aragonio, Neapolitanorum regi, Insubriæ Principibus infensissimo hosti, detegeret, atque refereret. Proinde in huius rei gratiam, conquisita tamen alia occasione, Franciscum Spinulam, cuius fidei plurimum tribuebat, ad eum misit, qui suum animum in ipsum regem, atque adeò in totam Tarraconensem familiam propensionem & fidem declararet: isque multis indi-
ciis ac testimoniis præ se tulit, se ex animo hanc opportunitatem complecti, atque benignè recipere. Nam, præter eius antiquum & planè veteratum aduersus Mediolanenses odium, omnibus votis atque studiis cupiebat Florentinorum potentiam, qui recens cum Venetis & Mediolanensibus fœdus contraxerāt, depressum & imminutum iri. Vbi igitur penes animum suum constituisset, Sfortianos Adurnij consiliis atque impulsu Reipub. dominatu deturbare atque excludere, magna cum diligentia ingentem pecuniæ vim, neruum scilicet subsequētis belli, expediuit, & paucis diebus interiectis, eam Genuam cum duabus nauibus rostratis transmisit. Ea res, licet sub magna silentij fide, & taciturnitate ageretur, nihilominus tamen, ut est in communi prouerbio, Principes longa brachia & amplas nares habere, totius rei successus Sfortianos minimè lauit. Quapropter, cum res esset ardua, & eiusmodi, quæ vehementer ad suam existimationem pertineret, statim Antistitem Nouocomensem, Genuam sub privata persona, atque ementito habitu, ea spe miserunt, ut ipse, ope atque auxilio aliquorum patricij ordinis,

ordinis, Sfortiano nomini fauentium, citra aliquas graues turbas Adurnium
suprema dignitate spoliaret. Episcopus vbi primum Genuam appulit, nulla in-
terposita mora, Senatum, aliosque ordines partibus Mediolanensium addictos, in
ædem D. Syri clanculum conuocat: habitaque breui, sed accommodata in com-
mendationem sui Principis oratione, ostendit, Ducale diploma, quo anxie con-
tendebat, vt ipsi Adurnio communibus votis atq. suffragiis vrbis imperium ab-
rogaretur, ac ipsemet illi succederet. Senatus, ceterique ad huius inexpectati di-
plomatis exhibitionem, & Principis postulata, non parum attoniti, variis super
iisdem sententiis decertarunt. Nam etsi maior pars, præcipue verò patricius
ordo, in gratiam Sfortianorum magis in Antistitem propenderet; tamen cum
non inueniretur ratio, qua id commodè fieri posset, ceteri ab illis ea propter haud
mediocriter dissentiebant. Proinde cum noui motus timerentur, hi, qui pacis &
quietis publicæ erant amantiore, & vtilitati Reipub. consulebant, magna iu-
dicii grauitate censebant, vt citra strepitum ad remouendam omnem seditionis
occasionem in curiam iretur, ibique Adurnius amanter rogaretur, vt se sua ad-
ministratione vltro abdicaret. Econtra nō deerant, quibus multò satius videba-
tur, vt, accersitis aliquot ex arce præsidariis militibus, id negotij Auria familie,
populari auctoritate atque omnium ordinum fauore tum temporis mirificè flo-
renti, exequendum committeretur. Porro in tanta & tam diuersa animorū dis-
tractione, missis nonnullis patriciis ad plebis animum pertentandum, per paucos
sanè inuenerunt, qui nouarum rerum cupidi non viderentur, ita certè, vt eo tem-
pore valdè periculosum & difficile esset, plebis animos à Ducali administratione
abhorrentes, præterito & abrogato Adurnio, ad Præsulis fauorem inflectere. Inter
quæ, Adurnius de præsentis rerum statu edoctus, veritus, ne paucorum factione &
faure, loco ac dignitate submoueretur, confestim quotquot habuit amicos atq.
clientes, (quorum non exiguum ex populari factione numerum habebat) in pa-
latium accersuit, ac grauissimis verbis eis ostendit, Mediolanensium Principem,
multorum nobilium suasu atq. instinctu permotum, constituisse, sibi magistra-
tum abrogare, non alia ferè de causa, quàm quòd sese hactenus in Reip. admini-
stratione æquiorum popularibus exhibuisset. Quocirca enixè rogabat populum,
vt retroactæ suæ vitæ & voluntatis rationem haberet. Quod si præstarent, se de-
inceps summa animi gratitudine & perpetua propensione tanti beneficii memo-
riam conseruaturum, adeò vt non dubitandum sit, quin vel hoc nomine eos sibi
magis in posterum deuinciret. His ferè in hanc sententiam peroratis, eius oratio
in illorum animis tam altas radices egit, vt magno clamore protinus sublato, ad-
uersus patricos, aliosque Sfortiani nominis studiosos arma expedirent, & variis
excursionibus per compita ciuitatis factis, magna conturbatio subsequeretur.
Non deerant etiam multi ciues, tam nobiles, quàm populares, qui multitudinis
licentiam veriti, in fanum D. Syri conuenirent; ac de sua salute vehementer sol-
liciti, non citra magnum vitæ discrimen tutas latebras & effugia quærerent,
& in primis quidem Præsul ipse exspes, & animo valdè consternatus, cum pleris-
que suis sociis ac consiliariis summa cum celeritate se in arcem subducebat.
Verum, vbi ille repentinus furor aliquantulum deferbuisset, quorundam popu-
larium, neutri parti adhærentium, opè ac studio procuratum est, vt sub noua gu-
bernationis forma quies publica contineretur, designatis ad hoc ex populari fa-
ctione sex ciuibz, qui sub Pacificatorum titulo administrationis prouinciã
sustinerent. Quibus breui post, triginta ciuium popularium magistratus adiun-
ctus est, illisque omnibus Adurnius, exclusis penitus Sfortianis, quorum nomine

prius

*Genua in
varias par-
tes ac finit
disfrabitur,
ibiq. ad cer-
ma fit con-
cursus.*

prius summæ rei præfuerat, Reip. nomine præpositus. Statutum etiã, vt nobilibus ad certum præstitutum tempus honores capere non liceret: sed eorum munia circa ærarium publicum & rationes expediendæ pecuniæ potissimum versarentur. quod cum ipsi ægerrimè ferrent, & præsidarius arcis miles subinde urbem assiduis excursionibus inquietaret, in ea periculosissimi motus concitabantur, tanto me herclè cum totius ciuitatis tædio atque metu, vt, cum cõtinuis nunciis indies confirmaretur, in Insubria novos belli apparatus fieri, quibus oppidanorum tumultus & simultates tandè cohiberentur, multi in ciuitate fuerint, qui abitionem præpararent, ita certè, vt cum laboranti & afflictæ ciuitati extremum periculum & planè excidium metueretur, summa cura & studio ab Adurnio ceterisque Reip. administrationi admotis, aduigilatum fuerit, vt hostilibus conatibus opportuno tempore obuiam iretur. Ac quò id facilius fieret, nouus decemuiralis Magistratus institutus est, qui Præfecti libertatis, ceu eiusdem vindices, propugnatores, & assertores vulgari & communi nomine dicebantur. Horum magna diligentia & cura ad salutem publicam propugnandum emicuit, vt nemini dubium fuerit, quin illorum potissimum fide ac diligentia Reipub. salus & dignitas ea tempestate retenta sit. Ceterum, ne interim Resp. aliquod damnum à Sfortianis, qui iam manifestis armis timeri inceperant, acciperet, curæ ad res bellicas translatae. Erat eo tempore Roberti Sanseuerinatis, qui Mediolano fuga elapsus, sese Astam, Galliæ Cisalpinæ oppidum, contulerat, in rebus militaribus virtus atque præstantia omnibus ita cognita atque perspecta, vt illum vnanimi voluntate atque consensu in suum Præfectum deposcerent, arbitrati, ipsum cò constantiorem & firmiorem in fide futurum, quò Galeacio Principi, eiusque fratribus tutoribus infensior esset. De huius igitur tanti Ducis fide simulque rerum bellicarum peritia confisi, in magnam spem attollebantur, se aduersariorum conatus ac vires repressuros. Huic itaque in urbem conuocato, magno cum honore suprema hæc militiæ præfectura ab Adurnio, ceterisque magistratibus commissa fuit. Ipse interea, ne tanto honore indignus, nèue conceptam de se opinionem quoquo modo fallere videretur, statim post susceptam prouinciam, vniuersum populum in decurias pro numero regionum urbis distributum, sub armis & sub vexillis comparere iussit, quo instructo, D. Syri delubrum adortus, vnà cum pluribus finitimis domibus, in quibus aliquot arcis præsidarij sese communiuerant, occupauit & expugnauit. Opprimebatur siquidem eo tempore tota ciuitas horum paucorum viribus, qui bene gerendæ rei occasionem nacti, subinde excurrabant. Quocirca ipse necessarium iudicabat, hostem tam magna locorum opportunitate multare. Sed cum id absque multarum ædium excidio, eiusque templi profanatione fieri nequiret, incredibile multis, præsertim verò nobilioribus hæc res indignationem attulit. His rebus ita constitutis, ne Aragonius, Genuensium partibus deesse tempore tam necessario videretur, vltra illas duas, quas diximus, rostratas naues, sub eundem propè temporis tractum, ad huius expeditionis necessitatē septem triremes subsidio misit, iuxtaque ex regis consilio & hortatu Ludouicus Fulgosius, qui sæpè antea Principatum in vrbe gesserat, appulit ea mente, vt populares factiones sua auctoritate validius contra nobilitatem incitaret, adeò certè, vt statim post eius in ciuitatem aduentum, plerique omnis ordinis ciues variis de causis & suspicionibus, nulla cuiusquam ratione habita, vrbe cederent. Pontifex quoque, iure fœderis Ferdinando coniunctus, vt hac in parte ipsi regi officium suum ex pactis præstaret, oratorem suum Genuam ideò destinauit, vt ei expeditioni, quæ tunc opera

*Decemuiralis
Magistratus
Aratus.*

*Robertus
Sanseueri-
nus ab Ad-
urnio urba-
ne militiæ
præficitur.*

opera atque auctoritate Aragonij potissimum fiebat, plus nominis & dignitatis conciliaret, & in eius Reipub. gratiam nihil penitus ab ipso rege Aragonio vel sociis prætermittebatur. Tali statu rerum, Galeacius Princeps, comparato cum summo delectu ac diligentia instructissimo exercitu, ductu atque auspiciis fratris sui illegitimi, hanc in Genuenses expeditionem fieri & suscipi voluit. Habebat siquidem, ultra inconditam agrestium, aliorumque multorum prædæ inhiantium multitudinem, & complures Genuenses patricij ordinis profugos & extorres, sex millia equitum, & leuioris armaturæ, & quindecim ferè expeditissimorum peditum millia, qui adeò armis, omnibusque necessariis erant instructi, ut magnum virtutis bellicæ specimen præ se ferrent. qui cum in vnum prope Mediolanum confluxissent, recens de more ordinibus, stipendioque exoluto, ordinato agmine, eousque erant progressi, ut non ita procul Genua abesse nuntiarentur. At Genuenses eo tempore in vrbe paucum externum militem habebant. Nam, satis ex annalibus deprehendi potest, ad eius defensionem, ultra mille veteranos, vel saltem in militia exercitatos, non adfuisse, sed magnus finitimorum concursus in eo conuenerat, qui omnes manu prompti, paratissimis animis ad extremum vitæ spiritum pro salute Reip. dimicare sese offerebant. Ioannes etiā Aloysius Fliscus vnā cum cognato suo Matthæo, non poenitendam in littore Orientali manum ad vrbis subsidium & tutamen magna cum festinatione collegerat, nimirum cum ipsi paucis mensibus antè, cōmutatis studiis, Sfortianorum ambitionem & fastum exosi, se popularis factionis studiosos declarassent, ita ut huius noui præsidij accessione, oppidani omnes valdè animarentur, & in officio confirmarentur. Proinde Sanseuerinus, omnium, uti diximus, suffragiis, huius belli dux & supremus Imperator designatus, ex dignitate sua vel Reipub. non esse statuens, hostem aduentantem intra mœnia expectare, tametsi Castelleti & S. Catharinæ arces infensas ita haberet, ut ægrè sese cum suis expedire, vel tutò erumpere posset, tamen contemptis periculis, superatisque difficultatibus omnibus, hostibus obuiam, infesto agmine, eo potissimum consilio processit, ut sese illis ad vallem Pulciferam obijceret. Sciebat enim, se magni momenti & non postremæ utilitatis negotium confecturum, si obsessis angustiarum istarum ostiis, quibus ad obiectos montes peruenitur, quasi obiecto obice, omnem occupandæ Bisamnis vallis occasionem hosti ipsi adimeret. quod certè consilium, ut fuit magna cum prudentia & astutia à viro militari excogitatum, sic in primis necessarium & salutare fuit. Ideoque quò facilius hostem transitu prohiberet, in illis locis præaltos aggeres erigi, ac vallum mirabile, fossa magnæ altitudinis circumseptum, defodi iussit, & ad illius munitionis defensionem, à tergo copiarum partem callidè disposuit. Pari cum diligentia & astutia, eorum tramitum fauces, per quos ad locum vulgò Ghiarram Bisamnis peruenitur, altissima scrobe deducta, magnisque aggeribus, instar muri, erectis, obstruxit & præoccupauit, iisdemque tam firmum præsidium imposuit, ut, quamuis per sinuosos anfractus hostilis exercitus eò contenderet, facile tamen ab ulteriori progressu hoc impedimento arceretur. Deinde occupato monte, quem vulgò Promontorium vocant, in aliis circumuicinis collibus, tanta cum prudentia & ordine copias suas distribuit, ut ad vrbis defensionem sufficienti militum numero relicto, etiam vnā atque alteram cohortem ad arcium eruptiones prohibendas, imposuerit. Ipse cum reliquis interim copiis, hostem in illis, quos diximus, collibus auidè & intrepidè expectabat. Is verò, huiusmodi apparatibus, & tanti Ducis virtute & sagacitate præcognitis, emenso iugo, inhibitis omnibus excursionibus, cautius progredi cœpit. Ceterum, ubi cum in val-

Mediolanensis Principis exercitus contra Genuens.

Genuens. Sanseuerinus dux militum subricos conatus repellunt.

les descendisse pro certo compertum est, fama, uti fit, exaggerante, & veris falsa affingente, non mediocris animorum consternatio propter tanti exercitus opinionem, in castris Genuensium subsecuta est, adeò certè, ut, cum semel extramunitiones suas milites excurrissent, parum abfuerit, quin ad primum equitatus hostilis conspectum, permagna omnium ordinum perturbatio & fœda confusio subsequeretur, plerisque eorum qui temerè longius à suis propugnaculis & ordinibus palantium more euagati fuerant, oppressis & interemptis. Cuius rei euētum cum ad malum omen & futuræ cladis præsagium omnes ferè traherent, metus, qui antea multos inuaserat, omnibus hoc nomine cœpit esse communis. Verùm ipsius Imperatoris aliorumque Ducum exhortatione confirmati, ac singulis ad suos ordines redeuntibus, quietiori & paratiori animo deinceps substituerunt. Porro militum Duces atque Præfecti secum reputantes, hanc conceptam formidinem in posterum si perseveraret, valdè nocituram, eam ex omnium animis euellendam esse duxerunt. Proinde excogitato medendi huic malo summo artificio atq. opportuno pharmaco, magna calliditate literas quasdam commenticias & adulterinas publicarunt, quarum summa cum Mediolanensium Principum nomine ad Comēsem Præsulem scriptæ & missæ fingerentur, hæc ferè erat, *omnes duces ac milites fortiter & magna cū alacritate Genuēsem populum, sua se natura inquietum & seditiosum, semperq. suis Principibus reluctantem, & rebellantem adorirentur, omnibusque viribus opprimerent. Et quò animo-
sius res ipsa ageretur, se illis suscepti laboris feliciterque belli administrati ampla præmia, & fructum longè vberimum proponere atque polliceri, nimirum potestatem, se militi suo illius direptionem concedere, & si hoc non sufficeret, se libenter permissuros, ut in posterum totius Ligusticæ ditionis imperium, liberè ac citra exceptionem vllam penes ipsos foret. Hæc credulis facillimisq. auribus à leui multitudine admissa, tantam omnium animis indignationem, pariter & ardorem propter instantis periculi metum attulere, ut protinus hîc cōtra hostem inflammarentur, & quisque se ad quoduis periculum subeundum promptum & paratum officiosè exhibebat. Cùm igitur Sfortiani duces militum ordines ad aciem & prælium instruere dicerentur, Sanseuerinas, ubi suorum alacritatem & promptitudinem cognouit, necessarium esse non putauit, ut illos (prout hactenus fecerat) intra munimenta & vallum omninò contineret, sed parte copiarum suarum eduçta, aliquantò vltius ad aliquarum difficiliorum angustiarum defensionem instituit. Ceterum hostes hoc minimè ferendum rati, magno variorum missilium & balistarum nimbo eos adorti, eo successu certamen inter ipsos est initum, ut cùm Sanseuerinates hostium impetum & frequentiam commodè sustinere nequirent, summa necessitate adducti, licet se animosè defenderent, coacti sint tum retrocedere, ac pedetentim sese intra vallum & munitiones recipere; ibique dirum atque atrox prælium instauratum est: in quo sanè Insu-
bres superiores facti, aggeribus potiti fuissent, nisi illi quos in montium summitate & verticibus, à Sanseuerinate ad omnem necessitatem collocatos & relictos demonstraui-
mus, actutū suis laborantibus validissima manu ita adfuissent, ut hostem tantisper subsistere prorsus cogerent, donec à suis cataphractis, qui ex equis desilierant, adiuti, iterum prælium tanto vtriusque partis ardore & pertinacia redintegrarent, ut ferè per septem horarum spatium dubia fortuna & anticipi Marte quàm fortissimè pugnarent. Sed cùm tandē Sfortiani propter suorum lassitudinem & virium imbecillitatem, agrè prælium sustinere, vel prorogare possent, statuere, ut, omnibus signis ordinibusque seruatis, sensim certamen declina-*

*Consilius in
Ligusticis
montibus in-
ter Sfortianos
ac Genuens.*

clinaret, & citra magnam suorum stragem, versus Alpium iuga se subducerent, eo animo, ut imperfecto bello, in Insubriam, prout factum fuit, redirent. Sed Ligures, hostium discessum, fugæ non ita ab similem, magna cum voluptate & gaudio conspicati, fortunæque fauorem & benignitatem prosequendam rati, eos proculdubio persecuti fuissent, nisi illos Sanseuerinas quamprimum ab instituto reuocasset, adeo ut hoc modo Sfortiani milites, nemine tunc impediante, tuti & incolumes inchoatum iter prosequerentur. Verum enimvero, cum ipsi aliquot triremes in urbis portum appellere animaduenterent, suspiciosi, & ad omnem etiam minimam, uti plerumque fit, occasionem trepidi, cum nouum subsidium ab Aragonio, Genuensium rebus fautore, missum existimarent, hoc vnum anxie & studiosè agebant, ut confestim omnibus studiis atque artibus præsens periculum declinarent. Præsidarij milites, ex suis stationibus & urbis munimentis illorum trepidationem ex gestu facile coniicientes, & arbitantes, illos ad harum triremium aduentum deterreri, & hac potissimum de causa in celerem fugam præcipites ferri, omnis moræ impatientes, sese nulla ratione continere poterant, quin statim eruptione facta, ex tanta occasione feliciter conficiendi belli hostem fortiter inuaderent. Itaque magno cum ardore tantam in illum impressionem fecere, ut nemo ferè ex toto Sfortiano exercitu foret, quin terga verteret, & sædè salutem sibi fuga compararet, ita sanè, ut, cum pauci existerent, qui decoris honorisque memores, sese persequenti Liguri opponerent, non ultra sexaginta interempti, & desiderati ex eis sint. Reliqui enim ferè omnes, præter paucos centuriones & procures, qui equorum suorum pernecitate elapsi sunt, maiori ex parte in ignominiosam captiuitatem abducti fuerunt, deinde pro vilissimo pretio triarchis aliisque nauarchis venditi, & ad transtra triremium pro remige habiti, & ex tanto exercitu non ultra mille equites, & quingentos pedites, qui ante inchoatum certamen iam Alpes transcenderant, vix Mediolanum incolumes redierunt. Hanc tam insignem & gloriosam victoriam Genuenses cum magna sua laude ac lætitia de Sfortiis Mediolanensium Principibus, eo ferè quo descripsimus modo, pridie feriarum D. Laurentij reportarunt. Paucorum dierum interiectu, Ioannes Aloysius Fliscus, Sauinionem & Môtégium, gentilitia oppida, paulò antè à Sfortianis sibi adempta, citra magnam difficultatem & discrimen recuperauit, sic ut præter duas arces, quæ Genuæ adhuc Insubrum Principum præfidiis & milite tenebantur, omnia reliqua Ligusticæ ditioris loca victoribus cesserint. Et has quoque haud dubiè in suam potestatem redegerunt, si debita cum diligentia & cura illas opportuno quidè tempore oppugnassent. Sed quemadmodum Romanis omnium gentium dominis, olim vsu venisse legimus, ut, remoto Carthaginis metu, sublataque imperij æmula, non gradu, sed præcipiti cursu à virtute descuerint, & ad vitia transcurrerint, sic etiam populus Genuensis, præsentibus periculis & molestiis liberatus, veteri illa cura relicta, in somnum ferè à vigiliis, ab armis ad voluptates, deinde, quod pessimum est, à mutua concordia ad nouas similtates conuersus est: quippe præcipuarum factionum Principes dum singuli ad Principatum contendant, ex mutua inter se æmulatione in aperta dissidia paulò post deuenerunt. nihilominus tamen, ne viderentur interea oppugnationis curam rerumque bellicarum administrationem remisisse vel abiecisse, ei Magistratui, cui belli summa antea ex populi decreto demandata, quò scilicet maior oppugnandarum arcium ratio & cura haberetur, duodecim popularis factionis ciues allekti, & coniuncti de pari omnium sententia fuere: qui tamen ita oscitanter & segniter prouinciam sibi impositam exequabantur, ut nobiles pro maiori

Sfortianorum
clades.

parte extra urbem incertis adhuc sedibus vagantes, ceteris ciuitatis ordinibus mirum in modum inuisi, omnem protrahendæ arcium oppugnationis & obsidionis ansam tacitè & studiosè quærent, adeò vt noua face plerasq. factiones ad noua iurgia & motus ea propter inflàmarent. Et quia Obiectus Fliscus nuper in carcerem à Mediolanensibus coniectus, adhuc in custodia asseruabatur, nobiles ipsi, quia sibi ipsius opera faciliorem in ciuitatem reditum pollicebantur, Galeacio principi magna contentione auctores extitè, vt ipse in libertatem pristinam restitueretur: quippe qui ostenderent, huius nimirum opera & auctoritate fieri facile posse, vt arces, obsidione soluta, in Mediolanensium Principum obsequio & tutela in posterum conseruarentur, nimirum cum ipse Obiectus in urbe propter rerum bene gestarum memoriam, tanta in auctoritate & reuerentia esset, vt multis, quod dicitur, parasangis aliarum factionum principes superaret. Quorum tandem persuasionibus inflexus & euictus Princeps, illum, custodia, magno suo impendio & damno, eductum, pristina libertate donauit. Is enim, præteritarum acceptarum iniuriarum memor, vix Genuam reuersus, noua odia atque turbas in Sfortianorum perniciem nouis artibus excitauit, ita vt vel hinc facile intelligi possit, vt, cum omnium ferè animi sint suapte natura & instinctu ad vlciscendas iniurias & contumelias proni, illi omnium in earum obliuionem ægrius & difficilius deueniant, quorū ingenia heroicæ naturæ sint proximiora. Tristia igitur & contumeliosa, depulso metu, inter ipsas factiones secuta & gesta sunt dissidia, & recrudescuntibus nouis vulneribus, quæ nondū in iustam cicatricem coaluerant, omnes in diuersa studia fœdè rapiebatur. Et quò cœptæ simultates cōmodius atque diutius alerentur, publicæ quietis perturbatores operæpretiū se facturos existimarunt, si in urbem Baptistam, Petri Fulgosij filium, tunc temporis Nouij agentem, conuocarent: ideoque magnis perampliisque præmiis propositis, illum subinde per internuncios sollicitabant, vt amicorum & clientum manu constipatus, in urbem reuerteretur, ea potissimum spe & consilio, vt ipsius auctoritate & opera subnixi, ingentes tumultus & graues seditiones fierent. Sciebant nimirum illi, paternarum suarum virtutum æmulo, multò magis quàm Ludouico fratri suo, tribui & fidi. Tandem igitur horum hortatu, & verborum lenocinio in ciuitate cum non pœnitenda manu plectus, statim in Castelleti arcem cum suis introductus est, & confestim, cum ijs, quos omnes armatos habebat, eruptione ex arce facta, in aream D. Francisci, è regione arcis positā, descendit, & sese ibi conspiciendum præbuit, ita vt protinus ad eius aduentum & conspectum quamplurimi, earundem partium & factionum fautores, illuc confluerent: ex quorum certè concursu, tanta in vniuersa urbe animorum distractio insecuta fuit, vt omnium animi ad noua diuersaq. studia, & rerum cōuersionem propenderent, & ne minima quidē occasio prætermitteretur, quin ad eam erectis auribus & animis starent. Proinde plebs ipsa, quæ paulò antè tam fortiter & pertinaciter in Sfortianos pugnauerat, remisso omni ardore, nullam amplius obsidendæ vel oppugnandæ arcis rationem habebat, sed magna cum inconstantia labe, nec minori perfidiæ nota, omnis honestatis oblita, ei adhærebat, qui contra publicam salutem & Reipublicæ dignitatem, cum communi omnium hoste fœdus & nouam amicitiam icerat. Ceterum Fulgosius cum videret ad se tam magnum populi concursum fieri, & singulis ferè momētis numerum adaugeri, graui oratione persuadere conatus est, vt ad maiorem Reip. dignitatem asserendam, & etiam ad altiore omnium ordinum securitatem, Adurnio principarum abdicarent, & se illius loco surrogarent, magna cum constantia affirmans sibi à Mediolanensium

Genua noni
motus propter
factiones &
diuersa studia
excitati.

lanensium Principibus constanter promissum esse, ut cum primum populi suffragiis ad Principatum peruenisset, arcēs Reipub. restituerentur. Et quò magis sibi popularem multitudinem deuinciret, inter cetera promissa, quibus foedè illam dignitatem licitabatur, assererat, se, non secus ac Adurnius fecisset, omnes patricij ordinis exclusurum, & à gerendis officiis & honoribus capeffendis coërciturum, vtpote qui iam probè seiret, Obiectum ipsum, & Ioannem Aloysium Fliscum Adurnio fauere, ac planè mutuis officiis coniunctos esse, ita ut cum vltra consuetudinem & familiaritatem, etiam affinitate istæ duæ familiæ sibi inuicem essent confociatæ, nihil certi, vel boni ab illis sperari debere. Quibus speciosis verbis & persuasionibus eum inconsultam plebem adeò demulsiſſet, ut sese illius dicto audientem præberet, omnemque suam operam & studium deinceps polliceretur, antequam in arcem recederet, inter eos statutum & pactum fuit, ut ad ictus aenei tormenti sonum, omnes armati ibi præstò essent. Ipse interim Baptista, rerum suarum successu gestiens, citra aliquam moram, Mediolanensium Principis præcipuis consiliariis & ministris, quo in cardine incepti sui instituti status versaretur, transcripsit, paruoque temporis interuallo, vtriusque arcis, prout prius conuentum & pactum erat, possessionem recepit, cum illi arbitrarentur, se facilius hac, quàm vlla alia ratione, Reip. istius dominiū assecuturos. Quod cum Adurnio, ac Sanseuerinati, reliquisq. Mediolanensiu acerrimis hostibus innotuit, immenso simul dolore & ira exarsere, quandoquidem videbant, se nullum præteritarum molestiarum, & curarū fructum, vel perpefforum nomine Reip. periculorum præmium, vnquam relatuuros. Proinde cum adhuc sufficientem militem ad manus haberent, sese vnà cum suis clientibus & confœderatis diuersis quidem in vrbs locis cõmuniuere, sic ut inter diuersarū partium studiosos atrocissimum bellū renasceretur. At Fulgosius ad omnem occasionem intentus, ne aliquid sibi tēporis per inertiam vel desidiā efflueret, cum suis copiis & amicis protinus ex arce eruptionem facere, & prætorium inuadere atque occupare statuerat, ideoque militem, qui claculum in palatio, sito in D. Thomæ regione, diu à Fulgosia familia possessio, præsidij nomine relictus erat, ad se conuocauit, eo consilio, ut sub illius militis aduentum, ipse cum suis ex alia parte copias suas è munimētis contra hostem educeret, sicuti postea factum est. Nam distributis copiis, intrepidè atque animosè per omnem ciuitatem diu circumuagatus, alta voce Fulgosium nomen vbique intonabat. Adurnius verò, cum magna externorum militum parte sese in curia ipsa præmunierat. In foro autem, quod vulgò Fossatellum nominant, Augustinus & Ioannes Adurnius, vnà cum Sanseuerinate, & Ioanne Aloysio Flisco stationem habebant, & in eo maiorem copiarum partem pro acie instruxerant. Obiectus verò Fliscus in regionem templo D. Stephani contiguam, vires suas transtulerat, ut Fulgosiorum vim repelleret, vel saltem quibuscumque artibus in suam sententiam pertraheret. At Ludouicus Fulgosius, neutrius partis studia secutus, rei euentum opperiens, sese in Iustinianorum ædificia abdiderat. Tandem eò ventum est, ut, instructa vtrunque acie, manus consererent. Primam pugnam à D. Thomæ palatij præsidiariis cum his qui in foro, cuius proximè hîc meminimus, stationem habebant, exorsam accepimus, & tanta erat Præfectorum, qui pro Adurnio stabant, militaris disciplina & ordinum obseruatio, ut Fulgosij, licet numero præualerent, tamen quòd minus militares ordines obseruarent, longè illis inferiores essent, & ab Adurniis superati, plerique illorum interfecti, vel capti sunt; ex quibus nonnulli postea iussu Prosperi Adurnij ad fores palatij laqueo suspensi fuerunt. Baptista verò, qui diuerso itinere ad curiam con-

*Conflictus ibi
vrbe inter
factiones.*

tenderat, cum se in ea sistere statuisset, suorum clade intellecta, mutato consilio, acturum sese in Castelleti planitiem recepit: cui certè, præter spem & expectationem, acceptum incommodum pro summo beneficio euasit. Quandoquidem nimius rigor & seueritas, qua Adurnius victor in captiuos recens usus erat, tantam illi apud omnes indignationem & odium excitauit, vt hoc potissimum nomine de communi vtriusque factionis sententiâ è supremo dignitatis loco dimoueretur. Et quò facilius aliqua animorum reconciliatio inter vtriusque partis auctores iniri posset, Obiectus Fliscus, Ioannis Auria auctoritate interposita, Fulgosium non ita procul ab arcis conspectu adiuit: & post longos vtrò citroque habitos sermones, tandem ea cautione transegerunt, vt Principatus in Fulgosium conferretur. Et interim Obiecto, ratione diuersorum sumptuum atque expensarum pro publico bono factarum, sex millia aureorum nummum in parata expeditaque pecunia quamprimùm solueretur. Ad cuius rei securitatem, munimentum ad D. Catharinæ portam erectum, illi sponsonis nomine consignaretur. Interim Adurnius contra expectationem magno cum suo dolore à plurimis derelictus; cum sese aduersariorum conatibus ægrè resistere posse confideret, de sua suorumque salute valdè trepidus atque sollicitus, celeriter è publico palatio sese secreto subduxit. Verùm, cum eum promiscua & incondita multitudo diligenter obseruaret, & magno cum furore insequeretur, tandem cum nullus effugij locus patèret, coactus est, non ita procul à nauali publico armamentario se in mare præcipitem dare, & periculoso natatu vsque ad triremes Neapolitanas, quæ haud procul aberat, euadere, vt sese hostili periculo tandem hoc modo liberaret. At Fulgosius, lucidis armis conspicuus, magnamque corporis maiestatem & oris grauitatem præ se ferens, curiam ingressus est, consalutatoque populo, & pauca pro concione locutus, ex vnanimi omnium consensu & voluntate Ducali honore insignitur. Ipse, quò sibi firmiorem & stabiliorem Principatum redderet, contra priora pacta & pollicita, quæ stultæ multitudini fecerat, omnem nobilitatem in urbem reuocatam, postliminiò in patriam atque penates restituit. Et licet non pauci essent qui huic eius edicto reclamarent, atque inconditis vociferationibus refragarentur, nunquam tamen adduci potuit, vt à nobilium patrocinio animū auocaret, sed quò illos securiores redderet, Magistratum Balia, vt vocant, superioris belli tumultibus intermissum, iterum licet multis refragantibus, & præferrim Bendinello Saulo, viro ea tempestate summi nominis ac existimationis, restituit. Hic, vti enarrauimus, Octouiratus erat, partim ex nobilitate, partim verò ex populari factione commixtus; & Galeotus Centurio, Lazarus Auria, Hieronymus Grimaldus, Accelinus Saluagus, Baptista Garronus, Thomas Presenda, Bartholomeus Canitius, & Baptista Basiadonna, in hoc munere designati fuerunt: atq. ita demum post varia certamina, contentiones, & rixas, præsentibus periculis & circumstantibus calamitatibus obuiam itum est. Ceterùm, Respub. post exantlatos tam magnos & immensos labores, nihil sibi de quiete publica polliceri poterat, nimirum quòd neminem latèret, Carolum octauum Galliarum regem, qui Ludouico XI. nuper in regni gubernatione successerat, propter fœdus cum Ferdinando Tarraconensi, Neapolitanorum rege, ipsius æmulo, initum, ei longè infensissimum fore. Proinde Senatus operæ pretium se facturum existimabat, vt, ad tantum regem sibi reconciliandum, in Galliam oratores quamprimum, sicuti etiam factum est initio anni eius sæculi vndeoctogesimo, ablegaret. Pari consilio decreuit, vt ad Sixtum quartum Pont. legatio haberetur, quò immunitates & priuilegia, temporum iniuria nonnihil intermissa & labefactata, iterum Reipub. pro

Paulus Fulgosius necessitate adductus se in mare præcipiat.

Baptista Fulgosius Princeps constituitur.

Magistratus Baliae restituitur.

pro veteri instituto & more restituerentur. Quod quidem à nouo Pontifice citra magnam aliquam difficultatem gratiosè impetratum est. Et quò magis ipse Rempub. sibi deuinciret, Paulum Fulgosium vrbis Antistitem in purpuratorum collegium cooptauit. At proximo anno Mahumetes secundus Turcorum Imperator, post duo Christianis adempta imperia, innumerasque alias prouincias bello atque armis in potestatem suam redactas, quàm ægerrimè ferebat, Rhodum, inter tot deuictas gentes, & subiugatas insulas, liberam existere, ideoque ad illam expugnandam quàm maximam classem instituit. Christiani Principes, in primis verò Pontifex, ad tantum auertendum bellum omnes cogitationes serio contulère, adeò vt sollicitatis omnium ordinum, & primatum Christiani imperij animis, ipse Pontifex necessarium putauerit, etiam ad Rempub. Genuensem oratorem suum hoc potissimum nomine habere. Igitur de communi purpuratorum Patrum collegio, Cardinalis Sabellus, ex antiqua & illustri Sabellorum familia oriundus, Genuam venit, vt ibi inter cetera quæ habebat in mandatis, classem naualem Pontificia pecuniâ pararet. in cuius etiam expeditionis gratiam Ligures publicis sumptibus quatuor ac viginti triremes instruxerunt, & singulis Præfectis impositis, classis supremus nauarchus ex ipsius Pontificis mandato & iussu, Paulus Fulgosius renunciatus. Rebus igitur omnibus necessariis iam ritè dispositis & præparatis, cum iam classis nauigationem Rhodum versus, vt insulanos duræ passos, præsentis periculo eriperet, instituisset, mox multorum literis & nunciis intellectû, Rhodum tandem Barbarorum obsidione liberatam esse: ideoq. ab hac destinata expeditione ad præsens discessum; pauloque post, Fulgosius, supremus nauarchus, in Apuliam cursum direxit, eo animo, vt Ferdinando Aragonio pro Hydrunti, paulò antè ab eodem Mahumeto expugnati, recuperatione auxilium arma necessario & opportuno tempore ferret. isque locus eo sanè facilius à Christianis receptus fuit, quò, eodem ferè tēporis articulo Mahumetus ipse, magno cum totius Christiani orbis beneficio & publico bono, fato concessit. Eiusdem temporis tractu, ad recuperationem Lesbos insulæ, quatuor Liburnicæ, suauis atque opera cuiusdam monachi Dominici, ex Pontia maris Tyrreni insula oriundi, magna vitæ integritate ac eruditione pollentis, publicis sumptibus adornatæ sunt, ad hanc expeditionem plerisque insignibus matronis, ac etiam nonnullis viris, à vitæ sanctimonia commendatis, sumptus, aliaque necessaria conferentibus. Ceterum, cum multa essent quæ iustis de causis hanc expeditionem impedirent, nihil sanè hac in re ulterius attentatum. Insequenti anno, Corsica insula rediit sub tutela & protectione Georgiani Magistratus. At Genuæ interim, licet Baptista Fulgosius, quem proximè ad Principatum euectum fuisse narrauimus, personam, quam sustinebat, mirifica humanitate, iustitia, aliisque pacis ac belli ornamentis mira cum omnium satisfactione tueretur, nihilominus fatali vrbis genio Resp. diutius quietem & otium in tam prospero ac felici rerum cursu ferre nequiuit: sed in perniciem suam prona, & nullis malis, vel aduersitatibus, vt videtur, defatigabilis, iterum ad pristina dissidia, & iurgia, ceu canis ad vomitum, rediit: Anno siquidem eiusdem sæculi octogesimo tertio, noui motus erupere. Erant etenim in vrbe, Fulgosiarum gentis duo, si præsentem dignitatem & opulentiam spectes, clarissimi viri, ceterum si ambitionem, perniciosi ciues, scilicet Paulus, recens in Senatum purpurei ordinis à Pontifice adscriptus, & Augustinus, ambo Ludouici filij, quorum hic vrbis cohortibus cum summo honore præerat. Hi tametsi Baptiste consanguinitate coniuncti forent, & per omnes honoris gradus ad summum dignitatis fastigium euecti, tamen iniquissimo & per-

Rhodum à
Turcis ne-
quicquam
tentata.

Hydruntum
à Christianis
receptum.

Baptista Ful-
giosus Prin-
ceps, cui de-
tentus, &
principatus
exutus à suis
cōsanguineis
ac eiusdem
factionis vi-
ris.

uersissimo animo supremam illi dignitatem inuidentes, omnes consilij rationes cum præcipuis suæ familiæ, aliisque suis sociis iniuerunt, ut eum ad primam opportunitatem Ducali honore exuerent. Verum quia res illa videbatur, ut reuera erat, periculi & suspicionis plena, variatum de modo perpetrandi facinoris inter eos haud leuiter fuit: quippe vna pars tantum scelus per occultas insidias aggrediendum dicebat: altera verò, aperto Marte ipsum inuadendum esse censebat. Vicit tamen eorum sententia, qui rem secretò & per insidias perpetrandam iudicarent, nimirum quòd plurima inde incommoda ac periculosa seditiones, si res malè succederet, haud immeritò exoriri possent. Quapropter in publico palatio, in quo ipse de more Principum, longo vsu inolito, agebat, citra rumorem vel cædem militum, facinus exequi placitum. Cardinalis cum & ipse in publico palatio tunc temporis habitaret, prætextu officij Baptistam in cubiculo suo existentem, dispositis prius per fornices, aliaq. occulta palatij loca, non paucis militibus, adiit, & cum sui facti conscium & socium fratrem, urbanæ militiæ, uti diximus, præfectum haberet, sine magna difficultate vel obstaculo ab illo extorsit, ut ipse de se sollicitus, ac sese suorum perfidia circumuentum animaduertens, ultro vrbis clauēs perfido suo consanguineo traderet. Quibus consignatis, illum publicè Principatu, contra omnium gentium mores, atque consuetudinem, & multarum ætatum exempla, hac vna excepta vrbe, spoliavit, tantaque improbitate ac verborum præstigiis grassatus est, ut, etiam consentiente Senatu, cum magna suæ factionis congratulatione & faustis acclamationibus sept. Cal. Decemb. in ipsius locum substitueretur. Baptista interim sua præcedenti felicitate infelix, & præsentis sui status conditione miser, in exilium ablegatus, ad otium & quietem conuersus, tanta cum modestia & animi fortitudine ad omnem posteritatis memoriam & publicum bonum vixit, ut cum esset vir singulari ingenio ac eximia eruditione præditus, ad imitationem Val. Max. de illustrium virorum dictis & factis elegantem librum conscripserit, in quo cum ad perfidiæ & ingrati animi caput peruenit, huius purpurati sui patruī, instar omnium, barbaram & crudelem perfidiam summa cum inhumanitate coniunctam deplorat, ac execratur. Nec mirum, me herclè, huius Cardinalis in propriū nepotem summæ iniuriæ & violentiæ exemplum alicui iure videri debet, cum non modò in hac ciuitate, sed in multis aliis, siue mobilitate ingenij, siue inscitia vel indulgentia supremorum ordinum, siue fato, diuersis studiis & animorum distractione certatum fuerit, ita ut sæpius neglectis omnium bonarum & honestarum artium disciplinis, postpositaq. omnium bonorum morum reuerentia, & sanguinis coniunctione, atq. interdum etiā fraternæ charitatis vinculo disrupto, ad non minus turpia, quàm flagitiosa & detestabilia decursum sit, adeò certè, ut dum ciuilis sanguinis effusio gladiatorum impunitate confirmatur, iura & omnes bonæ leges, ceu inciso neruo, opulentiorum potentia obrutæ & oppressæ subinde fuerint, ciuilesque commotiones ac turbæ, quæ antea æquis conditionibus sanari consueuerant, sensim ferro diiudicatæ sint, bellaque postremum non iustis de causis suscepta, vel inita, sed prout earum merces fuit: quod sanè in se minus habet admirationis, quòd sæpius hoc modo passim peccatur: satis enim iam longo vsu addidimus, exempla non ibi consistere vnde cœperint, sed quamlibet in tenuem recepta tramitem, latissimè euagandi viam sibi facere: & vbi semel recto deeratum est, in præceptum quàm facillimè peruenitur, nec quisquam sibi putat turpe, quod alij fuit fructuosum. Interim, dum hæc Genuæ geruntur, mense Augusto subsecuti anni Xistus quartus supremus Pont. viuis subtractus est, in cuius lo-

cum

cum, de communi purpurati Senatus voluntate, Cardinalis Malfeta, ex antiqua & nobili Ciborum familia successit, qui pro veteri & recepto Pontificum instituto, abrogato priori nomine, Innocentij octavi nomen sibi assumpsit. Ad quem haud multò post, Senatus duodecim oratores ex præcipua nobilitate selectos, Romam ablegavit, ut debitum nouo Pontifici obsequium & reuerentiam totius Reip. nomine deferrent, qui certè eò maiori cum splendore & apparatu Romam profecti sunt, quò propter communem patriam arctius se illi deuinctos esse iudicabant. Oratores autem fuerunt, Hector Fliscus, iuris ciuilibus scientia, & dicendi facultate non vulgari præditus, Lazarus Auria, Melchior Nigronus, Christophorus Spinula, Franciscus Lomelinus, Lucas Grimaldus, Thomas Fulgosius, Pasqualis Saulus, Aloysius Gibertus, Bartholomæus Canitius, Baptista Basadonna & Ioannes Calderus. His sanè in mandatis habebant, ut statim post factam congratulationem, nomine Reip. apud ipsum Pont. de nonnullis priuilegiis & immunitatibus confirmandis agerent: quod facillè pro ea qua erat ipse in Genuenses voluntate impetrarunt, ita ut, confecta legatione, paucis post diebus Genuam redierint, ubi aliquandiu in domestica pace atque otio conquietum est. Ceterum, foris subinde inter Ligures, & Aragonios, infestis armis còcursum, & non leuia damna vltro citroq. illata, sic ut proximis annis, inter cetera, cum nonnulli eorum piraticam exercentes, Ligusticæ oræ tractu variis excursionibus infestarent, Genua, ad illorum vim & conatus inhibendum, S. C. quatuor triremes constructæ, ac emissæ, paucisque post diebus, duæ illarum, aut præfecti negligentia, vel indigenarum perfidia & prodicione, ab hoste in Antyboli, Galliæ Narbonensis municipio, portu in ipso interceptæ, atque illinc abductæ. Verum hac æstate, Thomas Bozulus, vir strenuus, & magnis ausis promptus, cum vnica naui pleraque Tarraconensium nauigia è sinu Valentiano egressa, intrepidè adortus, post acrem ac difficilem dimicationem, victoria potitus est, & nauis, cui nomen fuit Encadelia, qua, præter reliquos, Matthæus Eserinus Valentinus, haud obscuri nominis, vehebatur, capta, & Genuam perducta fuit. Inter hæc, ne Resp. aliqua ratione absoluta quadam tranquillitate & quiete frueretur, magno cum suo detrimento, nouum bellum aduersus Florétinos exortum ac susceptum est. Hi enim, cum Augustini Fulgosij armis atque contentione, Seresanæ dominio excidissent, ægerrimè ferebant, à Genuensibus vicinis, & iam assiduus bellis defatigatis & quasi obtrititis, hanc inflictam contumeliam hætenus impunitam, & inultam esse. Nam, postquam Fulgosius contra pacta & fœdera cum Florentinis inita, Seresanam ad Georgiani Magistratus collegium transtulerat, ipsi, iugicura & perpetuis deliberationibus allaborauerant, ut illam recuperarent. Sed cum propter iniquitatem temporum, bellum commodè hac de causa moueri nequiret, in hæc ferè tempora recuperationem distulerant. Proinde tandem non vltèrius expectandum rati, collecto sic satis valido & magno exercitu, eius oppugnationem accelerabant. Ceterum quia intelligebant, illud oppidum non ita facillè expugnari posse, nisi prius alterum, cui Petrasancta nomen, ubi olim fanum Feroniæ extitisse commemorant, occupassent, prima arma in hoc mota. Genuenses interim, de Florentinorum expeditione commonefacti, vtrumque locum tueri statuerunt, ideoque imposito iusto præsidio, rebusque ad defensionem sustinendam præparatis, etiam turrim, Ilicensem nuncupatam, non ita procul à Seresana distantem, firmis copiis còmunierunt, & reliquas, ad propugnationem horum locorum destinatas, terrestri itinere, Dominico Auria duce, versus Petrasanctam ablegarunt: eodemque tempore ad retundendam Etruscorum potentiam

Innocentius
oct. Pont.
Genuensi

Nouum bellum
aduersus
Florentinos

*Ligures Flo-
rentinis bel-
licè inferunt.*

tiam & imminente impressionem, magna cum diligentia decem triremes & quatuor naues instructæ sunt, ac paulò post ductu & auspiciis Constantini Auriæ versus Ligurnum eductæ, rati, sese hoc pacto Petrasanctam obsidione liberaturos. Miserant etiam ad omnem casum rei que euentum, cum ipsis nauibus aliquot nauigia quæ ipsi patrio idiomate Pontonos vocant, & varias machinas atque instrumenta, quibus defensiones & munimenta commodius expugnari possent. Iam Florentini circa locum, quem arctissima obsidione premebant, in excelso monte præaltam munitionem erexerant, eo consilio, ut facilius expugnarent. At Ligures, ubi oppidum ipsum, antea præfidiis & com meatu instruxissent, mirificè de illius propugnatione solliciti, acriter totis viribus & animis incubuere, ut illud, repulsis hostibus, ab omni periculo & obsidione liberarent. Qua in re non parum iuuabantur classis suæ nauali opportunitate, quæ eo loco consistebat, ut, nemine prohibente, vel repugnante, vndiquaq. excursiones tutò ac liberè faceret. Et quò facilius hostilem impetum impedirent & prorsus frangerent, ipsi per medios hostes summa contentione ad oppidum festinantes, vi atq. armis tam latè grassati sunt, ut, ad aperta via, aduersarij multa cum ignominia caderent, & ferè ad vnum omnes opprimerentur, eo sanè exitu, ut, relicto in Genuensium potestate oppido, ipsi vltra quartum ab eo lapidem castra mouere coacti sint, præsertim cum propter adultam iam ætatem, & appropinquantem hiemem, tempus bello gerendo minus esset idoneum, quandoquidem cum ea expeditio iam in mensem ferè Octobris esset protracta, multò satius & consultius fore existimarunt, si ea in proximum ver differretur. Constantinus Auriæ huius classis, uti diximus, Præfectus, multis excursionibus factis, cum iam propter instantis hiemis aduentum, domum festinaret, arcem Wadæ incendit, ac turrim Ligurni in portu positam, magna vi earum, quas diximus, machinarum oppugnare inceperat: sed cum illa, valida & strenua militum manu propugnaretur, nihil prorsus eo tempore effici potuit. Quin potius Florentini magna cum alacritate resumptis animis, ubi primùm Florentiæ intellectum est, Petrasanctæ obsidionem à Genuensibus vi atque armis fuisse propulsatam, Senatus consulto decretum fuit, ut, ad abolendam infeliciter rei gestæ memoriam, simulque acceptam cladem resarciendam, aliaque, quæ hosti cesserant, recuperanda, noui legati, quos ipsi commissarios appellant, designarentur, qui pecunia, nouoque milite, ac ceteris bello opportunis instructi, eo successu & felicitate progressi sunt, ut propter Genuensium Præfectorum socordiam, & torporem, munimentum illud, in vertice illius montis, cuius proximè mentionem fecimus, extructum, fortiter pugnando, tametsi non citra magnam sanguinis effusionem, recuperarent. Multos enim inter eos desideratos esse constat, & inter præcipuos, Antoniū Marciani Comitē, veteranū militē, & inter Florentinæ nobilitatis viros magnæ auctoritatis & existimationis propter rem bellicā centurionē, qui vnà cum plerisque aliis in eo conflictu strenuè ac fortiter dimicans, multis vulneribus confossus interiit. Quo detrimento & incommodo accepto, non solum defensorum, sed etiam obsidentium animi tantoperè immutati sunt, ut de paciscendo, & transactione facienda vtrimque consilia inirentur. & post paruum interuallū, ea conditione inter eos, intercessione & auctoritate Laurentij Medicei, magnanimi & clarissimi viri, qui recēns in castra venerat, transactum est, ut de vtriusque partis consensu arx atque oppidum in Florentinorum potestate remaneret. Quæ ubi Genuæ innotuere, statim ex Magistratus Georgiani decreto, quatuor legati, quos ipsi Procuratores vocant, nempe Thomas Iustinianus, Lazarus Lomelinus, Hieronymus Palma-

*Petrasanctæ
deditione à
Florentinis
accepta.*

Palmarus, & Paulus Lercarus, ad eam expeditionem designati sunt; nouusque militaris delectus in belli supplementum habitus, & Ludouico Fulgoso Duce propter Augustini filij sui absentiam, noua expeditio suscepta. Senatus interea Georgianus, quia certò constabat, paucorum perfidia, & militum præfidiariorum ignauia, Petresanctæ deditionem subsequutam esse, in militum tribunos pro solita sua seueritate animaduertit. Itaque Antonius Montaldus, Lazarus Marius, & Augustinus Rauescherius, quorum fidei & diligentiae arcis custodia & defensio commissa fuerat, publico iudicio damnati, ita ut hic, postremus, paucis interiectis diebus, in Illicensi arce securi percuteretur: adeò ille Magistratus magis peccandi voluntatem intuebatur, quam modum factaque ad consiliū dirigeret, & quid, non in quantum, admissum foret, aestimabat. Nec prætereundum est, quatuor præterea ciues superioribus, quos diximus, ceu collegas, creatos fuisse, quorum cura & administratione susceptum in Etruscos bellum commodius & felicius cōficeretur. Sed Florentinis trahētibz potius quam gerentibus bellum, nihil eo anno memoria dignum agi potuit, ita ut cum naualis classis citra aliquem fructū, vel rei feliciter gestę memoriā, domū reducta esset, magna plebis obloquētis subsequuta sit obmurmuratio, nauarchū hostiū largitionibus corruptū fuisse insimulantis. Suspiciosa quippe multitudo egrē ferebat, & indignabatur, tātis sumptibus publicis, & priuatis subsidiis, nihil quod ex publica utilitate vel dignitate foret, fuisse gestū. Proximo anno nulla res notatu digna Genue incidit, præterquā quòd 1485.

Ioannis Antonij Buccanigræ cōiunx, Bartholomæa nomine, septēdecim liberos, rara quadam, ac ferē inusitata fecunditate, vnico partu enixa sit, qui, licet essent eiusmodi corporis formæque constitutione, ut diuturna vita frui non daretur, tamen omnes viui in lucem editi fuerunt. Hic partus potiùs ad portentum, quam ad aliquod Reipub. omen tractus, quòd Italia, ac propemodum ceteræ nationes omnes, vulgata iam & constanti opinione huiusmodi partus tanquam monstrosos abominentur. Quanquam haud scio, vtrum illud miraculum naturæ magis raritati & insolentiæ, quam prodigij alicuius testimonio sit assignandum, potissimum cum retroactis temporibus multæ inciderint ætates & tempora, quibus natura talibus varietatibus luserit, atque inscrutabilem sui inuestigationem prodiderit. Legimus enim apud probatissimos auctores, passim multa huiusmodi naturæ occurrisse exempla, & inter cetera quidem, satis constat, in Ægypto mulierem quinque liberos vnico partu enixam esse; cuius etiam meminit Aristoteles, ut grauissimus auctor, sic etiam arcanorum omnium diligentissimus inquisitor, qui de hac re disserens, statuit, hunc partum, humanam naturā vix vnquam excedere. Accedit huc sæculi Diui Augusti testimonium, cuius scilicet tempore, ut illi qui eius gesta scriptis comprehenderunt, meminere, vna ex eius ancillis in agro Laurente quinque pueros saluos & incolumes peperit, qui, paucis post interiectis diebus, omnes ad vnum vnā cum matre interiēre, tanta cum totius Italiæ admiratione, ut iussu ipsius Principis monumentum marmoreum ad perpetuam rei memoriam ei collocatum atque dicatum sit. Possunt hæc proculdubio mira ab omnibus iure videri, & singulari obseruatione ad posteros deriuari, nisi incidissent tempora, quibus longè maiora contigerunt. In literas enim à receptis scriptoribus relatum inuenio, Margaritam, Comitissam Hollandiæ, anno salutis millesimo ducentesimo septuagesimo sexto, ætatis verò suæ anno quadragesimo secundo, ipso die Parasceues, hora nona ante meridiem, vno partu peperisse infantes viuos promiscui sexus numero, quod omnem fidem excedit, sexaginta quinque, omnes vitales distin-

Genue septē-
decim liberi
vno partu
editi.

Margarita
Comitissa
Hollandiæ.

distinctisque corporis proportionatis membris. sunt qui scribant, singulos pollicis magnitudinem non excessisse. sunt verò alij, qui asserant, etiam pulli magnitudinem adæquasse: quod tamen planè absurdum cordationibus, & in physica vel mediocriter versatis, videri debet, ex eo, quòd natura humana, corpori tantis oneribus abdendis non habuerit receptaculum. Quis enim non videt, quo modo hæc aliquorum placita, cum ipsius corporis harmonia dissentiant? Vtcumque tamen sit, nihil est, quod hac in parte, præter naturæ raritatem, admirerur, cum reliqua suo quidem ordine ac serie procedant, licet multarum varietatum & naturalis cursus immutationis causæ ignorentur, quas satius est tacitè, quoad eius fieri liceat, considerare, quàm curiosa indagine prosequi. His etiam, quos proximè enarraui, omnibus ab Episcopo Traiectensi, ipsius Comitissæ auículo, in multorum procerum atque Ordinum corona post sacri lauacri perceptionem, nomen inditum, & masculis quidem, Ioannis, femellis verò Elisabethæ nomen impositum; qui etiam, vix paucis interpositis diebus, vnà cum secunda matre ex hac luce in meliorem concessère, & Hagæ, vico Hollandiæ celebratissimo, ac definiendis litibus constituto domicilio, tumulto ac celeberrimo epitaphio condecorati. Sunt qui huius monstrosi Margaritæ Comitissæ partus causam, ad eius propriam culpam trahant, quasi ipsa sinistro iudicio aliarum matronarum, præsertim verò pauperiorum, pudicitiam infectata, eam, propter vteri fecunditatem, non semel palàm in suspicionem deuocare ausa esset, adeò vt vna vel de media plebe muliercula, suæ Principissæ conuicium iniquo animo ferens, illi precatâ sit, vt, ad expiandum insimulati sceleris reatum, simili partu, vel etiam numerosiore, deinceps oneraretur: prout etiam euenisse ostendimus. Ceterum, vt ad institutam historiæ nostræ seriem redeamus, Genuæ, mense Februario anni eiusdem sæculi octogesimi sexti, auctoritate Innocentij octauî Romani Pontificis,

1486. Ligurum, ac Florentinorum, finitimarum inter se gentium certamina, & longas contentiones molestè & grauiter ferentis, effectum fuit, vt pax inter eos, ad stipulante & interueniente Lazaro Auria, tunc apud ipsum Reip. nomine legato, conditione sit constituta, vt Florentini, arcè Sarzanelli, armis paulò antè occupatam, Senatui, collegio Georgiano restituerent, omnibusq. iuribus cederèt, quibus hæctenus Seresanam ad se pertinere pertinaciter contendissent. Genuenses è contra, Petrasanctæ, eiusque prætenso iuri, pari ratione renuntiarent. Cuius quidem pacis condiciones, vt ratæ firmæque in posterum haberètur, nèue aliqua de causa in dubium vocarentur, per vnum ex epistolarum magistris quos nouo nomine Cancellarios vocant, subscriptæ fuerunt, ita vt iam nihil aliud, quàm Sarzanelli traditio expectaretur. Verum enimuerò hæc pax hunc tandem successum habuit,

1487. vt Florentini, transacta hieme, nescio quibus rationibus commoti, à præstita atq. interposita fide, nouis conscriptis ad Seresanae recuperationem copiis, deficerent. Sed propter Laurètij Medicei aduersam valetudinē, quæ in id ferè tempus inciderrat, à suscepto negotio abstinuerunt, & in proximum subsequētē annum distulerunt, sic vt Ligures ad reprimendum suorum aduersariorum conatus, decem triremes, impositis lectissimorum virorum tribus millibus, expedire curauerint, quæ, duce Aloysio Flisco, summa cum celeritate emissæ fuerunt, ac maxima animorum alacritate Ilicensis arx obsidione cincta. Iisdem ferè diebus, Augustinus Auria, Franciscus Spinula, Hieronymus Nigrius, & Francus Iustinianus, ciues, præter natalium claritudinem, autoritate, fide ac rerum vsu præstantes, ex Senatus decreto partim in prouinciam Narbonensem, partim verò in Transalpinam Galliam, quam hodiè recenti vocabulo Pedemontanam regionem vocant, ad co-

*Pax inter
Ligures &
Florentinos.*

*Florentini
præstita fidei
immemores,
bellum ins-
taurant.*

ad cogendum militem ablegati. Quandoquidem Florentini, nihil de veteri pertinacia remittentes, sub Iacobi Guicciardini & Petri Victoris praefectura, multis excursionibus factis, subinde Ligusticum agrum infestabant, & non ita procul à turri Ilicensi exposito exercitu, cui Virginius ex illustri Vrsinorum familia oriundus, virque summi nominis ac rei bellicae peritissimus, cum imperio praerant, suburbium Serefanelli deimprovisò occuparant, & iam eò usque progressi erant, ut, curiculis factis, parum abesset, quin arce potirentur. Verùm à subsidario milite praeventi, eodem quodammodo temporis puncto, obsessis praesidio misso, coacti fuerunt manus conferere: eoque proelio cum Florentini numero militum superiores essent, cum insigni Genuensium clade feliciter pugnarunt. Nam satis liquet, plurimos ex praecipua Ligustica nobilitate & antiquiori stemmate, in hostium potestatem devenisse, inter quos facile ceteris antecelluerunt Ioannes Aloysius Fliscus, & Obiectus eius frater, qui se illi comitem militiae addiderat. Ceterum, tametsi haec clades non esset postremi momenti, nihilominus tantum efficere non potuit, ut eos, qui ad Serefani defensionem relictii erant, exterreret, quò minus seipsum quam strenuissimè ad propugnationem pararent. In turri etiam Ilicensi Senatus Georgiani decreto Constantinus Auria & Pasqualis Saulus, legati constituti fuere, quorum diligentia, cura & studio, omnia quae huic bello utilia & opportuna erant, suppeditabantur. Praeterea, ultra legatorum & tribunorum militum iugem diligentiam & alacritatem, duo millia delectorum militum, quos Hieronymus Nigrius, cuius proximè mentionem habuimus, in provincia Narbonensi conscripserat, una cum Sarmonensium Comite indies expectabatur. Hi cum in prospera navigatione vterentur, & omninò seriùs quam par erat, advenissent, magnum detrimentum rebus Ligusticis procudubio attulere. Siquidem paulò post, Laurètio Mediceo pristinae sanitati restituto, & in castra profecto, oppidum undique obsidione cinctum fuit. Praerant ei, tanquam legati, Hector Fliscus, Lucas Pinellus, & Luchinus Stella: qui ubi sese aliquandiu crebris victoris exercitus oppugnationibus & insultibus quam fortissimè opposuissent, omnemque impetum intrepidis animis repressissent, tamen cum is pertinacissimè insisteret, ac sensim milite praesidiario ipsi destituerentur, non sine ingenti Reipublicae dispendio, labe atq. ignominia, cum ipsi Genuens. in hoc bello, praeter Florentinos, etiam Romanum Pont. & plerosque Italiae Dynastas, sibi infensissimos haberent, iniquis sic satis conditionibus deditionem facere coacti sunt. Qua subsecuta, hoc bellum in praesentiarum terminatum est. Circa eadem ferè tempora Reipub. non defuerunt in Cyrno insula novi ac feruentissimi motus, à Thoma Fulgoso inquietissimi animi inconstantisque ingenij viro concitati, cui sese socium excitandis turbis Ioannes Paulus Lecensis, qui superiori anno indigenas ad defectionem sollicitauerat, comitem addiderat, adeò ut Serefanico bello extincto, Senatus necessarium habuerit, triremes, quarum supra meminimus, illuc mittere. Quarum tandem praesidio, ac Francisci Brinalij, & postremò Falconis Gallicae nationis, quem Magistratus Georgianus stipendio conduxerat, necnon Raphaëlis Grimaldi, qui illam insulam administrabant, fidei studio atque opera Fulgosi captus est, & mandato eorum qui publicae libertatis praesides & protectores dicebantur, in castrum Ilicense relegatus, atque ibi in vinculis habitus. Hoc quidem Fulgosi Cardinalis, eiusque filius quam ægerrimè tulerunt. Verùm, cum aduersus auctoritatem Senatus, nihil palam moliri auderent, omnem suam iracundiam & indignationem in Angelum Grimaldum, unum ex praefectis, quòd apertius Thomae aduersaretur, contorserunt,

*Genuensium
clades.*

*Serefanum à
Florentinis
deditione
occupatum.*

*Pax inter
Ligures ac
Florentinos.*

*Novi motus
in Corsica
Thoma Ful-
gosi auctore
concitati.*

*Lecensis arx
& Ginerca
in Corsica
insula a Ge-
nuens. recu-
perata.*

*Ludouicus
Sfortia Me-
diolanensis
Princeps.*

1488.

ita vt per suos clientes aliosque sicarios, suæ crudelissime tyrannidis administratos, ipsum noctu interfici curauerint, sicuti etiam pari crudelitate ante paucos dies in Thobiam Lomelinum, cum quo vetera & priuata odia sibi intercesserant, saue-
runt. Statim itaque post triremium in Corsicam aduentum, Lecensis arx, quam Ioannes Paulus, cuius paulò antè mentionem fecimus, magna cū audacia prius occupauerat, recuperata est, pariq. successu Ginerca recepta. Quibus omnibus ad obsequiū reuersis, Corsici motus ac seditiones maiori ex parte cōpositæ ac sedatæ sunt. At interea, Genuæ consopito Etrusco bello, ac rebus Corsicis pacatis, ad tranquillitatē & publicum otium cōuerti ciuitas potuisset, nisi veteres illæ ciuiles similtates nouæque tragœdiæ concitatæ, & quasi à tenebris in lucem reuocatæ fuissent: quoniam cū Pauli Fulgosij purpurati tyrannis potius quàm principatus ita omnibus esset odio atque inuisus, vt nulli essent in ciuitate ordines, nullusque tam perditæ ac desperatæ vitæ ciuis, qui eum non summoperè execraretur, & modis omnibus auersaretur; necesse fuit, cū eius imperium ad vltimam iam periodum peruenisset, nouam rerum conuersionem in ipsa Repub. fieri. Siquidem ipse Cardinalis, dira cupiditate & magno æmulationis atque ambitionis studio incensus, magis optabat Reipub. imperium ad externos Principes, licet etiam iniustos & iniquos, ac Ligustico nomini hostes, transferri, quàm legitima & veteri ordinum omnium electione aliquem probatæ vitæ ciuem communibus suffragiis ad Principatum designari. Præerat hoc tempore Insubriæ dominio, Ludouicus Sfortia, nomine Ioannis Galeacij sui nepotis, Bona Allobrogum Ducis filia huius matre, & Cicco Simoneta, cuius suprà mentionem fecimus, ab omni regimine & rerum administratione, consiliis Antonij Tassi Ferrariensis, quem alij Telesinum vocant, qui ipsi Bonæ à secretiori cubiculo erat, exclusis. Hic enim, inuidia atque incredibili in Ciccum odio exæstuans, author ipsi Bonæ extiterat, vt Ludouicum, tunc temporis forte fortuna exulantem, in patriam postliminio reuocaret, ac pristinæ libertati & dignitati restitueret: cuius ipsa monitis obsecuta, restituto Ludouico, magnam ingrati animi notam & crimen in eo experta est. Siquidem ipse, iuuenis atque pupilli Principis administrationi & iuuentuti admotus, nihil prius habuit, quàm vt Bonam vnà cum Cicco Calabro, ab omni regimine excluderet. Persuasit ergo solita sua astutia Cardinalis Senatui, vt octo legati nomine Reipub. ad Ludouicum Principem honorificentissimè mitterentur: quibus omnibus liberaliter & humaniter pro ipsius Principis singulari sollertia exceptis, primò inter eos actum est, vt Fulgosius Cardinalis filius, vnà cum legatis profectus, Claram, ipsius Mediolanensis principis sororem illegitimam, in vxorem duceret; eaque re impetrata, nuptiæ coram oratoribus magna cum pompa & summo splendore celebratæ sunt. Legatis igitur hæc & similia negotia cum ipso Principe tractare intentis, interim Genuæ à Fulgosij purpurati æmulis, præsertim verò ab Obiecto & Ioanne Aloysio Fliscis, recens à Florentinis in pristinam libertatem restitutis, anno eius sæculi duodenonagesimo, noui tumultus excitati sunt. Hi enim, cū cerne-
rent, iamque non obscure præsentirent, suam potentiam & veterem auctoritatem prorsus imminutum & labefactatum iri, si Fulgosius Insubriæ Principum ope in vrbis Principatu constabiliretur, omni studio atque viribus conati sunt sese illius cœptis obijcere atque interponere. Quocirca cum Baptista Fulgosio, cui ipse Cardinalis, sicuti antea demonstrauius, metu ac minis Principatum extorserat, ac etiam cum Augustino & Ioanne Adurnijs, qui ea tempestate in quodam suæ ditionis oppido, Syluano dicto, rusticabatur, cunctis consilij ratio-
nes ini-

nes iniuere, ut hunc præpotentem purpuratum, nouis artibus potentiam & imperij sedem sibi confirmare molientem, ab instituto deturbarent. Proinde, quò negotium melius ex sententia succederet, domesticas rationes profectiōi suæ prætexentes, urbem egressi sunt, & confestim missis, qui in circumuicinis locis militem cogerent, in municipijs suis tantisper delitescabant, donec ad præscriptum, & inter eos constitutum tempus, militem præparatum ad hostem inuadendum haberent. Verum, licet illud negotium magna cum diligentia & silentio tractaretur, fieri tamen non potuit, quin ipse Fulgosius Princeps, sagacissimè omnia inuestigans, & subodorans, æmulorum suorum studia deprehenderet. cumque sibi suorum factorum probè conscius ac testis esset, ciuium odium veritus, nihil moliri vel designare ausus fuit: sed potius vísitato Tyrannorum more æmulos per cuniculos aggressus, per dolum & astum varijs artibus eos de medio tollere festinabat. Magna igitur frontis hilaritate ac sermonis lenocinio, Obiecto Flisco persuadere conatur, ut, antiquatis pristinis vtriusque simultatibus ac odiorum causis, in gratiam secum reuerteretur. Verum ipse longo temporis usu multis exemplis edoctus, cum quo, & quanto viro sibi negotium esset, qualémue animum erga se gereret, nunquam adduci largis pollicitationibus & propositis præmijs potuit, ut aliquo modo inflecteretur. Cum verò multum periculi in mora esse iudicaret, maturandum sibi statuens, his paucis, quos secum habebat, quorum numerus centenarium non excedebat, constipatus, in urbem per portam vulgò D. Stephani, quæ tunc temporis armis suorum custodiebatur, irrupit, ibique in eo cœnobio fratrem cum cæteris copijs præstolaturus, sese communiuit. Quo intellecto Fulgosius, eum, priusquam reliqui aduenissent, adoriri statuebat. sed partim obscuræ noctis tenebris impeditus, partim etiam à consiliarijs suis, Fliscorum factioni tacitè fauentibus, dissuasus, commutata sententia, rem ipsam distulit, sperans, non defuturam occasionem, ut aliquorum intermedio & autoritate, de mutua reconciliatione ageretur. Deterrebatur etiam à primo suo instituto, quòd sub idem ferè temporis momentum illi nuntiatum esset, Baptistam Fulgosium, magnæ apud suæ factionis studiosos autoritatis virum, in urbem venisse, adeò ut sibi non mediocriter metueret, & multorum auctoritatem interpellaret, quorum consilijs de pace constituenda agi valde exoptabat, ita ut illius noctis melior pars capiendis consilijs, atque grauib. deliberationibus ineundis transigeretur. Interim ipse consilij anceps, irrequieto animo hinc inde per palatij cubicula circumcursitabat, sic ut ferè ad auroræ ortum ad arma conclamaretur, quia Ioanne Aloysio cum magnis copijs in sua ditione collectis, urbem ingressis, vniuersi, cōiunctis viribus, rectà in curiam, ut illam inuaderent, contendebant. Ceterum, Fulgosius magna pœnitentia ductus, consilij sui prioris rationes valde damnabat, quòd suos aduersarios præterita nocte per occasionē non præuenisset, præsertim quòd sese longè superiorem hostium viribus animaduerneret, ac etiam quòd parum spei in populari præsidio, cum illius fidem valde haberet suspectam, poneret. Ideo desperatis rebus, celerrimo gressu, per paucis eum comitantibus, nō citra graue periculum in arcem profugit. Constituerat enim Baptista Fulgosius incredibili, sed iustissimo odio propter patratum scelus in eum flagrans, ipsum per occasionem inuadere: sed Paulus Aوريا purpurato fauens, Baptistam, quò ipse interim fuga sibi consuleret, ferendis sermonibus distinebat. Itaque statim, post Fulgosij purpurati ex prætorio discessum, à Fœderatis illud occupatum fuit: & cum in illud magnus urbanæ multitudinis confluxus fieret, varijs & multiplicibus sententijs de noua Reipub.

*Genua nonis
ciuium bel-
lorum flucti-
bus agitur.*

*Prætorium
à Fœderatis
occupatum.*

forma constituenda, obstinatissimis animis decertatum est, adeo sanè vt propter summam animorum omnium distractionem & consiliorum discrepantiam, grauia iurgia orirentur, & inuicem populus se conuicijs & probris proscinderet: quandoquidem inter ceteras difficultates, quæ incidebant grauissimæ, illa omnium procul dubiò longè difficillima erat, quòd nulla posset reperiri vel iniri ratio, qua postulatis Augustini & Ioannis Adurniorum, qui recens in urbem venerant, satisfaceret. Hi enim, licet in Fliscam gentem summum ciuitatis honorem declinari prius non semel consensissent, nihilominus metuebant, Baptistam Fulgosium suum aduersarium, posse aliquorum suffragijs in Principatum restitui. In hac certaminum & ciuiliu contentionum palæstra, dum sese mutuò plerique ordines exercent, nec satis sibi conueniret, pro urbis securitate necessarium visum fuit, vt arcis expugnatio non vltèriùs prorogaretur, ne scilicet, defensoribus ex ciuium contentionibus & negligentia sese firmiùs communiendi tempus concederetur. Quapropter ex communi omnium consensu cum Præfectorum & Censurum titulo duodecim electi & designati ciues, qui rerum summæ præessent, ex quibus præter cæteros fuere Ioannes Franciscus Spinula, Constantius Auria, Franciscus Lomelinus, Petrus Persius & Petrus Murchius. Hi statim ad hunc honoris gradum prouecti, partim, vt gratiam sibi apud nobilitatem pararent, partim etiam vt dignitatis existimationisque famam aucuparentur, omnes Præfectos & præcipuarum factionum duces sibi coniunxere, licet summa totius belli conficiendi administratio in Ioan. Aloysium Fliscum, tum temporis multò maiori in vrbe gratia, quàm Obiectus eius frater, florentem, translata fuisset. Et veriti, ne Cardinalis, accisis iam suis rebus, & ad extrema confugiens, Mediolanensium Principis subsidium ad omnem auertendum nobilitatis impetum imploraret, nèue de arcis deditioe cum illo pacisceretur, omnibus viribus annitebantur, vt illam quàm citissimè expugnarent. Fulgosius interim, quò tutiùs hostilem vim repelleret, pro suo præsidio non modò arcem ipsam, verùm etiam omnem tractum arcis contiguum communiuerat, atq. variis instrumentis bellicis instruxerat, ita vt quotidie vario & ancipiti certamine circa arcem prælia committerentur, & crebræ velitationes fierent. Sed cum tandem oppidani sæpius feliciori Marte dimicassent, Fulgosij, relictis istis domiciliis, quæ, vti diximus, antea præsidiiis firmauerant, sese omnes in arcem subducere, plerisque ex illis domibus incensis ac solo æquatis, coacti sunt. Expugnatio tamen ita difficilis erat, vt oppidanorum conatus, nullos, vel saltem perexiguos progressus facerent. Vnde magna iterum in ipsa ciuitate confusio oriebatur. Nam cum nulla spes ferè affulgeret, illam commodè breui temporis spatio expugnari, prout necessarium erat, posse, graues calamitates, quæ ceruicibus Reipub. omnium iudicio impendebant, non me hercule sine causa ab omnibus sanioris mentis timebantur. Proinde, conuersis omnium animis, vt plerumque in extrema necessitate fieri consuevit, ad illorum potetiam, de quorū patrocínio & ope sibi multū pollicebantur, confugiendū statuere, ac Senatus decreto sancitū est, vt ad subleuandā Remp. in tātis angustiis coniectā, ad diuersos Christiani orbis Principes, Ligustici nominis socios, & Reip. dignitatis amātes, in primis verò Pontificē, & Galliarū regem, legati mitterentur. Quamobrē honorificentissima legatio ad ipsum Pontificē habita fuit, cuius summa in hoc potissimū versabatur, vt ipse Pontifex per omnia sacra, ac per cōmunis patriæ salutem, adeoque penates & larem, quibus ipse huic Reipub. coniunctus erat, suam authoritatem ita interponeret, vt afflictæ ac nutanti Reipub. succurreretur. Sed nescio quibus rationibus

Genne 12.
ciues tan-
quam Cen-
sures desig-
nantur.

Ciuiles con-
flictus.

Legatio ad
summum
Pont.

nibus ille commotus, furdis, ut aiunt, auribus, huius suæ patriæ demississimas preces tam necessario tempore neglexit. Pari diligentia & festinatione ad Carolum octauum Galliarum regem oratores ablegati, qui Reip. nomine illi urbem offerrent, simulque rogarent, ut ad castri expugnationem se saltem pecuniis iuaret. Ille astuta & callida humanitate singulis ferè diebus, oratoribus diem constituendo, hoc effecit, ut citra aliquem fructum totum illud temporis, quod ipsi ibi egerunt, efflueret, adeò ut post longam moram illius voluntate nequicquam tentata, domum non sine stomacho redierint. Vnus restabat Princeps, vicinus quidem ille, sed multis nominibus suspectus, in cuius gremium si Reipub. imperium iterum deponeretur, nemo erat tam rationis experts, & humanarum rerum imperitus, qui indignitatem rei non vehementer deploraret, vel saltem hoc nomine magnam Reipub. labem recasuram non animaduerneret. Quare cum huiusmodi ostenderentur difficultates, ut nec salua dignitate Reip., Insubriæ potentia Ligusticum imperium subiici posset, nec citra illius auxilium quietè & pacificè, propter factionum diuersitatem, in vrbe ipsa commodè viui, qui Reip. admoti erant, rerum perplexitate ambigui, huc illuc, dum in incerto est animus, impellebantur, & incertis consiliis fluctuabant: vicit tamen fatalis illius necessitas, ut post, longas atque maximas disceptationes, decretum fuerit, ut ad Ludouicum Sfortiam, rerum apud Insu-bres potentem, legatio mitteretur, qua illi obsequium & obseruantia publico nomine denuntiaretur. Ceterum, Ludouicus, sagacis ingenij alioquin vir, & in rimandis atque olfaciendis exterorum Principum consiliis, emunctæ prorsus, ut dicunt, naris, cum intelligeret, hanc Reipub. voluntatem & studium non tam ex mera beneuolentia, quam potius à necessitate proficisci, hoc vnum callidè agebat, ut indies magis atque magis ciuitas ipsa defatigata ac nutans, opprimeretur; ideòque Franciscum Sanseuerinatem, cum aliquot militaribus cohortibus ac equitum turmis, ad arcis præsidium inferendum, in Ligusticos fines transmisit, tantumque metum & paorem promiscuæ multitudini iniecit, ut omnia ima summis immiscerentur: Pauloque antè, ciues Genuenses inconsulto & insalutato senatu, priuato, ut dicunt, nomine, ad ipsum Ludouicum Principem, Thomam Iustinianum, virum licet nobilem, tamen popularibus studiis fauentem miserant, qui eum edoceret, nullam aliam ob causam in ipsa ciuitate tumultuari, vel conuersis studiis in Fulgosium arma suscipi, nisi ob illius intolerabilem tyrannidem, summam in proximos perfidiam, & in vniuersos citra vllam exceptionem inauditam & barbaricam inhumanitatem. Ceterum, se, propensissimis animis obseruantiam pristinam & iure debitam, nunquam recusasse, & etiamnum paratissimis animis præstare ac exhibere velle. Quibus verbis Princeps ipse se delinitum & pacatum esse simulans, & ficta vultus hilaritate se cum illo populo in gratiam rediisse commonstrans, quamprimum Conradum Stangam, & Brandam Castilionem, viros, ut magna prudentia conspicuos, sic etiam insigni gratia apud se florentes, ablegauit, quibus seriò iniunxit, ut summa cum diligentia ac omni cum contentione procurarent, ut ea Respub. cum integro eius dominio, consopitis & antiquatis omnibus pristinis controuersis, in potestatem suam reciperetur. De quorum aduentu præmonita ciuitas, quatuor ciues publico decreto designauit, quibus id negotij commissum est, ut modis omnibus cum Mediolanensium Principe in gratiam rediretur. Magnæ tamen ac perdifficiles difficultates multorum animis obuersabantur, cum plerique satius esse iudicarent, ut Gallici regis animus noua legatione pertentaretur. Sed Insubriæ Principis legati tanta sollertia,

*Genua iterū
sub Medio-
lanensium
Principum
domino.*

industria & dexteritate utebantur, vt superatis omnibus difficultatibus, inter vtramque partem certis sub conditionibus transigeretur. Et in primis quidem, vt Baptista Fulgosius à purpurati Principis patru sui oculis remoueretur, cāque de causa aliquādiu vrbe abesset: vt Augustinus Adurnius nomine Ludouici Sfortiæ Mediolanensium Ducis, vel eius successoris, per totum decennium Reipub. Genuensis administrationi cum imperio præset. Vt Fliscæ genti antiqua priuilegia & immunitates in vrbe integra & salua pro veteri instituto conseruarentur. Præterea, vt ipse Cardinalis Fulgosius omni Reipub. administratione penitus abstineret, atque illi, post arcium restitutionem, sex millia aureorū nummūm ex Camera Ducali in annum stipendium quotannis persoluerentur. Quod sanè vt commodius fieret, & ipsi Cardinali caueretur, aliquot patricij ordinis ciues, se se prædes interposuere, priuatamque fidem hoc nomine obstrinxerunt. Postremū, vt in ipsum Mediolanensem Principem totius Reip. imperium sollempni de more transferretur, & conditiones initæ, ratæ haberentur, sicuti etiam mox factum est, missa ad eum splendida atque honorifica legatione; in qua, præter multos insignes atque præclaros viros, fuerunt sexdecim, genere, virtute ac rerum gerendarum peritia conspicui, nempe, Franciscus Sossius, Ioannes Marinus, ambo iuris ciuili peritissimi, Ioannes Franciscus Spinula, Ioannes Petrus Viualdus, Christophorus Cataneus, Hieronymus Gentilis, Ioannes Ambrosius Fliscus, Ioannes Grimaldus Ceba, Augustinus Auria, Thomas Iustinianus, Petrus Baptista Guitius, Petrus Saulus, Acorius Burlasca, Gaspar Sanpetrius, Michaël Turbinus, & Georgius Clauarus. Hi, nomine Reip. pacem cum ipso Duce initam, confirmarunt, & constabiliarunt. Quibus rebus, vti diximus, constitutis, post parum interualli Sanseuerinas iussu Principis haud aspernanda militari manu constipatus, Genuam venit, vt omnium rerum possessionem Principis nomine sibi vendicaret. atque hoc modo arcibus à Fulgoso receptis, ciuiles contentiones maiori ex parte sublatae sunt, quamuis eo propemodum tractu temporis, Consentinus Antistes, Pontificis nepos, non ita longè à Rapallo incognito habitu deprehensus, caperetur; qui se opera & consilio Obiecti Flisci eò contulisse dicebatur, vt hanc pacem recens cum Mediolanensibus constitutam, occultis artibus atque tacita ciuium largitione impediret. sed quòd potentissimus quisq. in vrbe ei faueret & tacitè patrocineretur, omni suspicione amota, breui post liberatus est. Tradunt tamē, hoc magis in Pontificis gratiam sui patru fuisse factum, quàm suæ innocentie, cum culpa omninò non vacaret, condonatum. Interim Fulgosius, restitutis munitionibus, cum sibi Reipub. administratio minus arrideret, priuatam vitam pertæsus, Romam duabus nauibus enauigauit: sed in itinere graui ac periculosa tempestate coorta, parum abfuit, quin propter fluctuū ac procellarum vehementiam naufragium pateretur. Vt cumque tamen eo tempore euasit, coactus fuit, eum sequi cursum, quem ventorum flatus atque rabies magna cum violentia imponebant, adeò vt altera nauis in Corsicam delata, ibi submersa fuerit, ipse verò cum altera quassata & semilacera, ad Centum-cellam, quam hodiè Vrbem veterem vocant, feminaufragus, indèque Romam peruenit. Paucis interiectis diebus, Galliarum regis orator Genuam appulit, eo nomine, vt vrbis administrationem pro suo Principe susciperet. Superius enim demonstrauius, Genuenses summa necessitate adductos, huius regis subsidium implorasse, eique constituendæ Reip. gratia, illius curam atque administrationē obtulisse. Cum verò tunc temporis, ipse Rex, variis adductus rationibus moram neckeret, & consilij maturitatem ex tem-

*Fulgosius
Card. atroci
tempestate
iactatur.*

pore

pore metiretur, ipsi oratores dubia sub spe infecto negotio domum redierant. Cum igitur hæc legatio serius aduenisset, & iam cum ipso Mediolanensium Principe transactum esset, post longam atque multam gratiarum actionem, & perpetui Reipub. studij erga ipsum regem oblationem, honorificè dimissus est. Postero anno, qui fuit vndenagesimus, sub huius Ludouici Principis domina-^{1489.} tu & Augustini Adurnij regimine, sic satis commodè atque pacificè cum omnium satisfactione domi forisq; vivebatur, ita vt in tranquillo Reipub. statu ^{Genuens. industria} mira omnium rerum fieret accessio. Nam, cum ipsi Ligures, vt sæpius antè diximus, sagacissimis sint ingeniis, & valde industrij, magnam cum exteris nationibus in commutandis mercibus habent consuetudinem, sic vt exoticæ merces cum incredibili totius Italiæ fructu in plerisque foris venales pro commodo pretio extarent & diuenderentur. Verum enimverò, paucis post mensibus fatali urbis genio euenit, vt nonnullæ nouæ turbæ, authoribus Adurniis, concitarentur. Hi enim, cum ab aduersa factione diu oppressi essent, tunc Adurnio rebus gerendis admoto, nihil non sibi licere arbitrabantur, eorumque audacia & insolentia indies magis atque magis grassabatur. Ceterum hæ nouæ conturbationes ac motus, singulari prudentia & moderatione Contradi Stanghæ, qui Principis nomine in vrbe legatum agebat, nonnihil sedati atque restincti sunt. Hic enim, cum esset ingenio valde acuto, & in hominum rimandis naturis sagacissimo, ita sese Genuensium moribus attemperarat, vt vel hoc solo nomine præstantissimos quosque sibi deuinxisset, magnamque gratiam passim apud omnes conciliaisset, adeò vt quamuis Reip. administratio potissimum apud ipsum esset, tamen Adurniis ceterisque præstantioribus in consilium adhibitis, imperij partem in optimum quemque deriuaret; tantaque prudentia & animi moderatione præerat, vt nihil, quod ex vsu Reip. esset, negligere videretur. ipse etiam ea præcipuè de causa auctor senatui extitit, vt indutiæ ad certum tempus cum Florentinis iterum transigerentur: quod tamen haud citra summam difficultatem impetrari potuit. Nam Ligures, post amissam Serefanam, perpetuas inimicitias cum hac gente exercuere, ita vt admodum difficulter ad has constituendas adducerentur. In idem fermè tempus inciderunt Ioannis Galeacij Principis nuptiæ cum Isabella Alfonsi Calabria Ducis filia. Hæc Principû necessitudo à Repub. magnum officium exigere omninò videbatur. Quare, ne aliqua in parte Mediolanensium Principum honori derogaretur, senatus procurauit, vt ad excipiendam sponsam, quæ Genuæ indies expectabatur, omnia illa fierent, quæ ad testandum publicum gaudium & debitum obsequium pertinerent. Sponsa igitur, vbi Genuam venit, à senatu cum magna pompa atque splendido apparatu, subsequente urbana multitudo ac faustis acclamationibus in prætorium deducta est, & post aliquot dierum continuos applausus atque congratulationes, discessus eius publico bono nobilitatus. Et quò ciuitas à prioribus calamitatibus ac ærumnis respiraret, atque hilior esset; subsequenti anno senatus decreto remissa sunt ^{1490.} nonnulla vectigalia, quæ ob præteritorum temporum conditionem recens imperata fuerant. Sed ne interim aliquid Reip. decederet, Magistratus Georgiapus promisit vectigalium abrogatorum loco, annuum censum triginta trium millium librarum. Iisdem quoque diebus, publica latitia nuptiis Leonoræ Roberti Sansseuerinatis filię, quæ Ioanni Adurnio sollemni ac regia ferè pompa nupta fuit, continuata. Hæ namque tanto cum splendore ac magnificentia celebratæ sunt, vt exstructis in hoc theatris, publica spectacula antiquo more exhibita fuerint. In palatio etiam hastiludia, aliaque equestris ordinis exercitia passim habita,

Contradi
Stanghe
Genuensium
legati, ex-
imia in gu-
bernando
prudentia
& modera-
tio.

Ioannis Ga-
leacij uxor
Genuam
proficiscitur.

multaque donaria & xenia ex parte Reip. nouæ sponſæ ac plerisq. gynæcei matrōnis & parmenionū virginibus data & distributa. Nec ita multo poſt accidit, vt Inſuber, pro maiori illius Reip. dominij confirmatione, omnē ditionē Ligūſticā à Carolo Galliarum rege feudatario iure ac titulo, ſicuti eius prædeceſſores fecerant, obtineret, eſſetque illius beneficiarius. Quod certè vniuerſis omnium gratiſſimum extitit, nec aliquid publicæ quieti vel felicitati deeſſe videbatur, niſi vt oppida, à Florentinis nuper occupata, reſtituerentur. Verū, quia reſtitutio ſub aliarum rerum prætextu ſubinde protrahabatur, Princeps paſſim malè audiebat, quaſi Florentinorum partibus tacitè faueret, adeò vt tandem Brandam Caſtilionem ea de cauſa Genuam ablegarit, vt de voluntate atque conſenſu ſenatus, indutias pro vnius anni ſpatio, cum Florentinis nomine Reip. iceret: quod tamen ægrè omnino extorſit potius quàm obtinuit, quia hoc pacto exigua ſpes fore videbatur, vt loca ab ipsis, vti diximus, occupata reciperentur. His tamen conſtitutis, tranquillitas publica indies maior ac ſecurior fiebat, & commercia magno cum omnium emolumento incredibiliter augebantur. Iſdem ferme diebus, Ioannes Galianus Nicia oriundus, haud obſcuro nominis pirata, à Luciano Magnerra, viro ſtrenuo, ac terreſtribus & maritimis expeditionibus claro, eò tandem adactus eſt, vt in portu, quem indigenæ Vignonetū appellant, quinque ac viginti millibus paſſuum Nicæa verſus Galliam Narbonenſem diſtanti, tranſactione quadam, duabus nauibus quas habebat inſtrutiſſimas, cederet: pro quibus deinde Senatus illi ad certum tempus, quandam pecuniæ ſummam per ſingulos annos depromi iuſſit. Circa eadem ferè tempora, Franciſcus Entorellus Valentinus, ex nobili familia, qui iam dudum piraticam exercendo, Genuenſibus propter aſſiduè illata damna formidabilis eſſe cœperat, cum ex Sardinia Plumbinum adnauigaret, dira atque atroci tempeſtate naui diſſecta, conſenſo lembo, vix tandem ſaluus atque incolumis vnà cum ſuis ad littus peruenit. Ceterū, omnes quamprimum à Chriſtophoro Cataneo, tunc eius inſulæ procuratore, capti ſunt, & quæſtione de illis habita, reſectis eorum delictis, in ipſum Franciſcum, ac duos & viginti ex ſuo comitatu, publico ſupplicio animæ luerſum eſt. Cuius ſupplicij acerbitas Carolo eius fratri, qui altera triremi vectus naufragium euaserat, maximum terrorem incuſſit, verito, ne in par diſcrimen incurreret, & conſimilem caſum experiretur, maximè intellecto, Genuenſium animos vſque adeò ira atque odiis incenſos, vt nullius præmij, quantumuis magni, oblatione, illius manus poſſet effugere, adeò vt in poſterum ab inferendis iniuriis, multò maiori cautione adhibita, abſtineret. Interea temporis, tametſi inter ipſos Ligures, atque Aragonios, antiquum odium, ſicuti antea demonſtrauiſmus, interceſſiſſet, nihilominus tamen vtrimque aliquamdiu ab armis temperatum, ſic mediuſfidius, vt de pace haud mediocris ſpes affulgeret. Proinde Ludouicus Princeps, pactis cum Florentinis indutiis, nihil habuit antiquius, quàm vt vtramque gentem ad mutuam pacem ſua auctoritate atque opera inſlecteret ac reuocaret, eaque de cauſa Senatus, Antonium Bracellum, virum ſingulari eruditione ac virtute præſtantem, ad Hiſpani regis oratorem, Romæ ſubſiſtentem, ablegauit, eo tamen ſucceſſu, vt paulò poſt, rebus infectis, domum redierit, aduerſante in primis eius conatibus Villamarino antiquo & iurato Reip. hoſte, qui pacem an è ſæpiùs iniram, citra alicuius fidei religionem, vel reſpectum, non ſemel turpiter violarat, & ſubinde piraticam exercendo, & Aragonias partes propugnando, Ligūſticæ oræ tractum variis excuſſionibus diuexabat, in tantum, vt ad illius vim atque auſus reprimendum, Reip. neceſſarium

rium foret, vt quatuor triremes optimè instructæ, Bricij Iustiniani auspicio educerentur, isque nauigationis cursu in Sardiniam directo, duas triremes ipsius Villamarini in littus detrusit, sic tamē, vt fermè omnes vnà cum fociis naualibus ac remigibus incolumes euaderent: in his verò complures Ligustici nominis adinuenti, quos Villamarinus compedibus deuinctos asseruabat, eosque statim Genuensis Præfectus pristina libertate donauit. Ceterum breui post, Villamarinus, ope atque auxilio Saracossæ, Neapolitani regis trierarchi, Iustinianum adortus, post acrem & cruentam dimicationem, vnā ex suis triremibus recuperauit. Inter hæc Beatrix Atestina Ludouici vxor, Genuam recreandi animi gratia perrexit, quæ ab omni Senatu ceterisque Ordinibus, honorificentissimè excepta fuit, sicuti etiam paucis post diebus, Hercules ipsius pater, Genuam vrbs inuisendæ causa profectus. Hoc anno Ferdinandus quintus, Ioannis Aragonij vnicus filius atque hæres, partem Baticæ, siue Illiberis, quam Granatam vocant, à Mauris septingentos octoginta annos occupatam, recepit, pulsissq. Saracenis, & Mahumetica superstitione, templa Deo Opt. Max. condidit, & tandem de vniuerso regno cum magnâ nominis gloria triumphauit: vnde postea Catholici cognomentum sortitus fuit. Hanc tam insignem victoriam adeptus, Genuam legatos misit, qui Senatum de his rebus tam prosperè ac feliciter gestis edoceret, eaque de causa publicè supplicationes decretæ, gratæque ad Deorum puluina exsolutæ. Ipsi verò legati perbenignè à Senatu excepti, nec sine muneribus dimissi. Eodem anno Margareta Laurentij Valestarij vxor lacertam enixa est, in qua pinnæ, alarum instar, pro pediculis erant. Quod sanè meritò inter prodigia numerari potest, illi simile, quale C. Tacitus grauiissimus historiæ Rom. auctor, refert, vbi Agrippinam Neronis matrem, eius iussu interfectam narrat. Prodigia crebra, & irrita intercessere, anguem enixa mulier, & alia in mariti concubitu exanimata. Iulius etiam Obsequens, in eo libello quem De prodigiis inscripsit, inter cetera, memoriæ prodidit L. Scipione & Caio Norbano Coll. in Etruria Clusij matremfamilias viuum serpentem peperisse, qui iussu Aruspicum in profluentem deiectus, auersa aqua natauerit. Porro de prodigiis, monstrisq. partibus, quibus referta sunt doctorum monumenta, cum Antwerpia mihi cum Doctore Aluaro Nonio, singularis eruditionis viro, sermo esset, de ijs illum hunc in modum tractasse recordor. subiungam ipsius verba, tum ob eorum elegantem breuitatem, cum etiam ob memoriam viri mihi amicissimi. Monstra, inquit, Ciceroni lib. 2. de natura deorum, dicta sunt, quia futurum aliquem euentum monstrant: neque verò mirandum est, quod horrendum & insuetum aliquod tale ipsis quippiam præfagire videretur, quibus persuasum erat minimas, leuissimas ac ridiculas prorsus res diuinationes efficere: cuius equidē fidē faciunt eorum collegia, augurum dico, ariolorum, haruspicum, & aliorum huius farine hominum. Quæ opinio veterum penè omnium fuit, exceptis dumtaxat philosophis aliquot, ac inter alios Aristotele, & quæ illum est secuta Peripatetica schola. quæ cum magistro statuit, omnia huiusmodi portenta aberrante natura produci, ideoque nihil præfagire, nihilue monstrare: sic enim totam hanc rem definiunt: Monstra peccata sunt naturæ, agentis ob finem aliquem, à quo frustratur corrupto interno principio. corruptelam induci vel in materiam ex qua gignitur, vel in formam qua efformatur. Horum porro si alterum, vel vtrumque copia redundet, inopiæue deficiat; aut aliena prauaque qualitate sit affectum, talia generari asserunt. Addunt vitium si quod sit in calido, aut humido innato, vt nec tale, tantumque sit, quali, quantumque opus est. præterea si locus

1491:

*Betica a Fedi-
dinando ex-
pugnata, &
Mauri deuicti.*

*Mulier Ge-
nuensis anguem
enixa.*

*Monstra quæ
re dicantur.*

quo

quo excipitur, sit ineptior, si cælum & aër in quo gignitur, minus sit temperatus: istorum inquam concursus quos *συνοποιὰς* appellant, variatæ, ac vitiatæ conceptionis causas nominant, hinc varias, ac horrendas formas, & spectacula nostris oculis exhiberi. Quæ me herculè sententia cùm sit valde probabilis, à nostris, id est Christianis hominibus, est suscepta. Quamquam ij non omnem ostentis ac ominibus fidem tollant. Sed piè admodum arbitrantur, nonnunquam permissu Dei hæc hominibus ostendi, quò illos suorum scelerum arguat, vindictamque minetur, nisi resipiscant.

LIBER XVI.

1492.

Innocentij
Oct. Rom.
Pont. inter-
itus.



Rodericus
Borgia Ro-
ma Pontifex
creatur.

Romanus
Pont. pro-
nunciat se-
cundum Ge-
mens. contra
Florentinos.

1493.

Genua diue-
xatur peste,
cui etiam
propemodum
vniuersa
Europa.
Genuæ as-
perissimum
fignus &
glacies.

SECVTVS annus, supra millesimum scilicet, quadringentesimum secundus & nonagesimus, Innocentij Pontificis octauus ex nobili Ciborum gente, cuius etiam supra mentionem habuimus, nobilitatus, qui tametsi Genua oriundus esset, cique hac de causa plurimum deberet, tamen contra omnium bene institutorum ingeniorum naturam, non citra magnam & immortalem ingrati animi notam & reprehensionem, vniuersæ suæ patriæ insensibilissimus hostis extiterat, ita vt Ligures eius obitum effusissimis gaudiis prosequerentur. Huic Rodericus Borgia, patria Valentinus, antiqua Borgiarum familia genitus, & Xisti Pontificis nepos, post multas atque graues purpurati collegij dissensiones, tandem successor datus est, & Alexander VI. nuncupatus. Habeo n. grauissimos auctores, qui tradant, inter Ascanium Sfortiam & Iulianum Rouerum, potentissimos eo tempore purpuratos, mutua æmulatione atque ambitione decertantes, pestifera iurgia in conclauis, vt ipsi vocant, excitata atque orta fuisse, adeò vt tandem hic Borgia, cùm multis magnis sacerdotiis, aliisque priuatis facultatibus inter ceteros præstaret, magna largitione facta, plerorumque Cardinalium fœdè suffragia licitaretur, eo successu, vt, propter primatum dissensionem, ipse facile concupitam dignitatem consequeretur: ad quem senatus, pro veteri Reip. instituto ac iam recepto more, statim post adeptam dignitatem, Iacobum Spinulam, virum eloquentia, & iuris peritia insignem, Ioannem Baptistam Adurnium, Paulum Fliscum, & Siluestrum Inureum legatos destinauit, qui illi publico nomine congratularentur. Verùm, cùm Romæ inter ipsos, & Florentinos oratores de supremo honoris loco acris contentio, vt nonnumquam fit, orta esset, & neutra pars alteri cedere vellet, Pontifex, desumptis sibi iusti iudicis partibus, illam disceptationem ita definiuit, vt, propter Reip. Genuens. in Rom. Pontificem perpetuum studium, & propensionem, aliâque propriæ dignitatis merita, secundum eos pronunciaret. Ceterùm hanc Reip. tranquillitatem atque lætitiâ grauissima simul & atrocissima pestis sub initium proximi anni subsecuta, quæ cum ingenti strage atque infinitorum hominû interitu per totam ferè Europam longè latèque grassata est, confudit, atque interrupit, adeò profectò, vt verè dici possit, gaudij extrema luctum ac gemitum occupare. Idem annus, propter immensum frigoris rigorem, supramodum clarus ac memorabilis fuit. siquidem, mare ipsum Genuæ in plerisque locis, præcipuè verò circa molem & angiportus, ita fuit gelu & glacie constriktum, vt nauigia, instar domorum, solidis suis fundamentis subnixa viderentur, nec vlllo pacto à statione dimoueri poterant. Quod sanè haud mirû videri debet, cùm præsertim veterum Annales referant, aliquando hiemem ita sæuam extitisse, vt obducta glacie, nisi effossam humum tentoriis locum non præbuisse, ambustosque multorum artus

vi fri-

vi frigoris, & quosdam inter exubias exanimatos; annotatumque, militi qui facem lignorum gestabat, ita præriguisse manus, ut oneri adherentes truncis brachiis deciderint. Et quia per id tempus, Reipub. nonnullæ controuersiæ cum Ferdinando Castiliæ rege, eiusque coniuge Isabella intercesserant, suffragantibus Patribus publico nomine Franciscus Marchesius, & Ioannes Grimaldus, quorum opera atque industria componerentur, missi fuerunt, hi que tanta sollertia & dexteritate negotium sibi concreditum tractauere, ut paucorum dierum interiectu, rebus ex sententia confectis, domum voti compotes reuersi, summisque congratulationibus excepti fuerint. Nec sanè ignorandum esse puto, eadem ætate, Lusitaniæ Regum beneficio, aliorumque singularium virorum diligentia, post longam & difficillimam inquisitionem, & ad propagandam gentium omnium publicam utilitatem, immensos atque exhaustos labores, Americam, aliasque noui orbis partes, hactenus omnibus sæculis incogniti, non cum minori totius orbis nostri emolumento, quam admiratione repertas & inuestigatas fuisse. Licet etenim multi & industrii viri extiterint, qui rei naualis scientissimi, multum operæ in hoc nouo orbe retegendo, omnibus vitæ periculis contemptis, laboribusque postpositis, non semel insumpserint, nihilominus tamen patrum nostrorum memoria, quod equidem sciam, nemo fuit, qui cum Christophoro Columbo naualis scientiæ absolutissima peritia apud omnem venturam posteritatem, iure optimo aliqua ex parte conferri vel comparari possit. Proinde operæpretium mihi videor facturis, si huius vitæ, quolibet à multis clavis historicis descriptam & annotatam, huic historiæ nostræ intexuero. Nam cum ipse Ligur fuerit, magnam, me herclè, reprehensionem adirem, & iniquus alienarum laudum æstimator viderer, si ego, Ligusticam historiam qualibuscumque viribus conscribens, tanti viri virtutem, & excellentem industriam, ceu ignorantia tenebris inuolutam, aliquo modo præterirem. Quare ad euitandam omnem suspicionem, prolixius forsitan, quam aliquibus necessarium videbitur, eius vitam & laudes gratis animis prosequemur. Satis igitur constat, ut nemini dubium videri debeat, Columbum planè obscuris parentibus, & locis fuisse natum, quippe quorum conditio infra mediocritatem existens, adeò fuerit tenuis & angusta, ut pro veteri Ligurum, maritimam oram accolentium, instituto, piscationibus, aliisque naualibus exercitiis vitæ subsidia quæreret; tametsi non desunt qui dicant, illum patre lanifico, seu textore, genitum, atque ipsum primis annis textoriam artem aliquamdiu exercuisse: vicus verò, asperitate loci & solitudine ignobilis, Arbizolo dicitur, non ita longè à Sauona distans. Ipse itaque, cum ab incunte ætate maiorum suorum studia & instituta secutus, rem nauticam, citra aliquam ferè temporis intermissionem, tractaret, adulta iam ferè ætate, in eam securam totum contulit, ut ex variis susceptis nauigationibus, rerum naualium & maritimarum absolutam & exactam quandam consequeretur peritiam. Et postquam tyrocinium suæ artis, diuersis, iisdemque peritis nauarchis magna cum sua laude & eorum satisfactione posuisset, ita ut nullus ferè esset maris Mediterranei, & oræ Occidentalis angulus, quem non perlustrasset, nauigationum susceptarum prospero atque felici successu alacrior factus, maiora secum animo subinde meditabatur, & ut in heroicis naturis fieri consuevit, præteritas profectioes tanquam triuales & nimium frequentatas fastidians, irrequieto animo, & ingēti cura, hoc vnum querebat, ut nominis sui obscuritatem aliquo egregio & memorabili facinore insigniret atque illustraret, adeò ut cum indices magis atque magis iuuenilis animus pro-

ferendæ

Christophori
Colūbi na-
uigatio in
nouū orbem

ferendæ famæ cupiditate flagraret & inflammaretur, in Lusitaniâ, Oceanum emensus, transfretarit, & Vlyssibonæ tantisper substitit, donec per occasionem in Indiam, vel alias incognitas, & à nemine perlustratas regiones, commodè enavigare posset, cuius sui desiderij cum post longam & tædiosam moram, nullum fructum referret, omnemque spei ansam præcisam sibi animaduerneret, in Britanniam ad Henricum septimum, potentissimum Regem, enavigavit: nec ita longo interiecto tempore, iterum eo consilio in Lusitaniâ rediit, ut in Regis Ioannis admissus colloquium, animi sui decreta, & maturas deliberationes detegeret. Sed eius cum Rege congressus, hunc habuit exitum, ut nullâ, vel saltem exiguam eius dictis tunc temporis, fidem haberet, & propter rei nouitatem, & incredibiles ausus, cachinno dimitteretur. Hæc tam grauis & ignominiosa à Rege relata repulsa, in tantum eius animum generosum ferit & concitauit, ut per totum septennium incerto cursu & gyro, ac citra aliquam famæ existimationisque propagationem, errabundo similis, huc illuc circumferretur. Tandem in Hispaniam, eo tempore, quo Ferdinandus & Isabella, propter incredibilem & inauditam animorum generositatem, & mutuam concordiam, summa cum laude, & immortalis gloriæ fama Hispanias administrabant, appulit. Ipse etenim ex constanti fama, tanti regis virtutibus & laudibus cognitis, in non exiguam spem erigebatur, se benignum Principem habiturum, & hoc pacto voti aliquando compotem futurum. Verum, cum non ignoraret, ad Principum gratiam promerendam, iter angustum ac difficile, præsertim exteris & ignotis, esse, tantum industria & sollertia sua effecit, ut Alfonso Mendotio purpurato, & Alfonso Quintauiliæ, in aula regia tunc temporis multa gratia & auctoritate florentibus, innotesceret. Cum his itaque suum institutum sæpius communicans, id tandem assecutus est, ut, horum ope ac patrocinio ad regem intromissus, ipsemet liberos ipsdem de rebus sermones conferret. Is verò, etsi prius suorum procerum, quos nominauit, colloquio ac persuasione haud parum moueri cœperat, nihilominus tamen graui ac diserta Columbi oratione firmissimis rationibus innixa, magis magisque accensus est, adeò ut illi protinus nauim opportunè instructam, & duas celoces, ex his, quas vulgò Caramussolas vocant, tradi iuberet, in quibus, ultra centum & viginti selectos milites, omnes ferme Hispanici generis, omnia suppeditata sunt, quæ ad tam longinquam & periculosam nauigationem pertinere existimarentur, ita ut omnibus rebus ritè constitutis, anno recuperatæ salutis supra millesimū quadringentesimū nonagesimo secundo, tertio Non. Augusti, primam expeditionem à Gadibus soluens, susciperet, inter Occidentem ac Meridiem cursum tenens, & perpetua nauigatione ac ferè eodem ventorum afflatu ultra triginta tres dies insumpsisse dicitur, antequam in alicuius continentis terræ conspectum deueniret. Cum verò eius comites, siue tam longæ nauigationis satietate ac tædio, siue potius quadam diffidentia perinoti, quòd scilicet, de susceptæ ac institutæ nauigationis successu ambigerent, & ferè omnes desperarent, cum viderent hominis constantiam adeò esse singularem, ut non facile à proposito deduci, ac vllò verborum lenocinio remoueri posset, asperis & contumeliosis verbis apertè illi subminari cœperunt, ut nisi se in Hispaniam mutato cursu reduceret, se non commissuros, quin de tanta eius temeritate pœnas ab eo exigèrent. Pari etiam modo nautæ ac remiges in eum conspirare & conuiciari non desistebant, sic ut non obscure illi mors ab omnibus denuntiaretur. Ipse tamen usque adeò graui & facunda oratione omnium irritatos animos placauit atque permulsit, ut eius verbis inflexi, se alacriter, quod nauigationis superesset, perficere paratos esse pollicerentur.

*Ferdinandus
& Isabella
Hispaniarum
reges.*

*Prima Christophori
Columbi nauigatio.*

cerentur. Proinde institutum iter prosequutus, tandem in insulam ingentem, nomine Hispaniolam, ab ipsis postea sic nominatam, perueniunt; quæ sanè à Gadibus, rudi supputatione milliarium Italarum facta, circiter quinque millibus distare dicitur, & Cancri Tropico supposita, in longitudinem tota exporrigitur, ita vt castaneæ folij formam fermè referat, & Britanniam magnitudine æquare, vel, vt nonnullis placet, excedere perhibetur. In continentem igitur suis ibi expositis, summa cum diligentia & cura omnia loca etiam minutissima inuestigabat, tanta me herculè cum sagacitate & inexplebili animi auiditate, vt breui spatio totius illius regionis tractum, incolarum statuta, mores ac ritus, quæque ex eis partibus ad Europæos deriuari possent comoda, & emolumenta, sollertissimè indagarit, & in hac prima eius nauigatione nihil omninò prætermiserit, quod notatu, vel obseruatu dignum iudicaret: ac sequenti anno, post longam & permolestam nauigationem, Barcinonem ad regem rediit. Attamen quia rerum inuestigatio breui temporis interuallo facilè haberi nequibat, magna cum prudentia in aditis regionibus nonnullos ex suis, ad indigenarum mores, & illarum regionum naturam & comoda exploranda relictis, totidem ex illarum incolis, tanquam mutuæ fidei obsides, assumpserat, quos secum adduxit, & Ferdinandū regem ac Isabellam coniugem plenissimè, de omnium rerum successu, in suo reditu edocuit. Hi, totius negotij statu intellecto, in haud mediocrem amplificandi & proferendi regni sui spem erecti, hanc sibi occasionem diuinitus oblatam existimantes, eam modis omnibus amplectendam esse censuerunt. Quapropter confestim omni studio classem septendecim nauium fabricari & expediri iusserunt; easque omnibus bellicis apparatus, ac mille & quingentorum armatorū manu instructas, Columbo ipso duce, iterum in ignotum illum orbem ablegarunt. Columbus haud ita multò post, duobus suis fratribus concomitatus, & in socios itineris ac laborum assumptis, eodem curru secundam nauigationem instituit, ac post multas perpeffas tempestates & pericula, tandem in prius à se perlustratas oras saluus & incolumis peruenit, indeque suam nauigationem vltius prosequutus, multas insulas, prouincias, regna & imperia, hæcenus incognita & inaccessa, magna cum sua laude, regisq. sui admiratione, nec non singulari emolumento adiit, & perlustrauit; & pleraque eorum, Hispaniarum imperio adiecit, adeò vt post multas res præclare ac fortiter gestas, magna Hispaniarum regibus, ex huius viri summa industria atq. fidelitate, parua temporis intercapedine, accessio facta sit. Reuersus enim in Hispaniam, magnarum opum ac pretiosissimæ suppellectilis acernum inde contulit, quæ postmodum per totum orbem Christianum magno cum compendio data, distractæ ac diuenditæ fuerunt. Paribus ausibus ac prosperitate in tertia sua & quarta nauigatione vsus est, & postremum in Hispaniam reuersus, cum iam ætate ac senio confectus, tolerandis laboribus impar esset, vacatione ab ipso rege, ceu emeritus miles, impetrata, ad reliquum, quod supererat vitæ, in otio transigendum, sese contulit, & Vallendolium, exiguum quidem, sed clari nominis oppidum, quietis suæ sedem delegit, in quo etiam breui post, anno scilicet millesimo quingentesimo sexto, mense Maio, fatis concessit. Rex verò, ne erga tanti viri merita & incredibiles labores aliqua in parte ingratus esse videretur, ad perpetuam eius nominis & famæ celebritatem, ipsum statim sub felici rerum gerendarum initio, perpetui nauarchi Indiæ, suo imperio parenti, quem vulgò Amirantem vocant, titulo insigniuerat, qui titulus iure hereditario ad eius filium, quem vnicum reliquit, eiusque successores, ex regis beneplacito, post illius obitum, demanauit. Et, vt inter nobilitatem ipsam,

*Hispaniola
magnitudo,
& à Gadibus
distantiâ.*

*Secunda
Columi
nauigatio.*

*Columbi in
Hispaniam
reditus.*

*Eiusdem
interitus.*

Columbus
max. hono-
ribus affici-
tur à regibus
Hispaniarum.

Columbi
singularis
eruditio in
Astronomicis

suum locum & gradum suo iure nancisceretur, ac etiam, non secus ac si ex antiqua & verè illustri familia oriundus, ad capeſſendos honores ac dignitates pareſſet, rex incredibili indulgentia hoc eius immenſis meritis præſtitit, vt pro inſignibus ſuis, vt vocant, natalitiis, regia inſignia Caſtellæ ac Leonis gereret, ac inſuper prænomine DON, nullis, niſi viris illuſtribus concedi conſuetò, ab ipſo rege fuit cohoneſtatus, ea permiſſione, vt etiam ad eius poſteritatem tranſiret. Nec tanta liberalitate in eum, vſum fuiſſe contentus, rex ipſe ſponte ſua cum Columbo poſt vnâ atq. alteram admodû proſperam expeditione pactus erat, vt decima pars cenſuum & reddituum omnium regionum per ipſum inuentarum, citra aliquam iuris prætenſionem rediret: quos ſanè ipſum aſſecutum fuiſſe omninò veriſimile eſt, cùm ſatis conſtet, eum tanta in exiſtimatione & honore apud regem & reginam fuiſſe, vt, præter alia ac multa priuata priuilegia conceſſa, illum etiam communi menſa dignarentur, ac in quotidianis congreſſibus nunquam, niſi communicata ſede, admitteretur. Nec ſanè immeritò, cùm eius virtutes & beneficia generi humano ab illo præſtita, tanta ſint, & tam præclara, vt nulla oratoria eloquentia exprimi ac enarrari poſſint. Haſtenus de fauſta Columbi nauigatione, deq. ſumma liberalitate & humanitate, qua apud ipſum regem exceptus fuit, egimus; deinceps circa priuatas eius animi dotes & virtutes quàm breuiſſimis immorabimur. Erat quippè Aſtronomica & Mathematices cognitionis ita peritus, vt, cùm vtramq. ad naualis ſcientiæ cognitionem neceſſariam eſſe intelligeret, ambas ſummo ſtudio amplecti & coniungere voluerit, quò meliùs Solis & poli altitudinem intelligeret. Vt verò pleniorè & abſolutiorem rerum maritimarum notitiam aſſequeretur, totum ipſum mare Mediterraneum, ac Oceanum verſus Meridionalem plagam vſque ad inſulas Fortunatas, quas vulgò Canarias dicimus, enauigarat, diligentique obſervatione in Luſitaniæ littoribus animaduertenterat, ſtato & anniuerſario anni tempore ſtatum ventorum Occidentem verſus ſpirantium, ita exoriri, vt ex huius venti aſſidua aura non ſolùm longinquam nauigationem commodè conficere poſſet, verùm etiam de multa prouinciarum Occidentalium inueſtigatione certò ſibi omninò polliceri. Sunt qui dicant, hanc partem orbis terrarum ab ipſo inuentam, nunquam alicui mortalium antea fuiſſe cognitam. Econtrà non deſunt qui ſecus opinentur, ac putent, illam quidem ante aliquot ſæculorû volumina fuiſſe adinuentam: ſed partim temporum vetuſtate, partim verò itineris difficultate, multis ætatibus fuiſſe ignoratam. Vt cumque res ſeſe habeat, hanc orbis partem, quæ Columbi induſtria & diligentia noſtro orbi acceſſit, Aſiam, Africam, & Europam, ſimul coniunctas, ſuperare, vel ſaltem adæquare, conſtans multorum opinio eſt. Quandoquidem illi, huius continentis magnitudinem & amplitudinem metiuntur, ſumpto initio ex ea terræ parte, quam Magallanus adinuenit; quæ quidem iacet ex altera parte lineæ Æquinoctialis ſub polo Arctico vſq. ad extremam partem continentis, ſe vſque ad noſtrum polum Arcticum extendentis: quæ terræ dimenſio vel ambitus, ſi ad Germanicorum milliarium dimenſionem deducatur, continebit in ſe, vltra quinq. millia, Germanica milliaria: quod proculdubio propter incredibilem & inauditam amplitudinem, fidem plerique eleuare non immeritò videtur. Nam multi ſunt in hac opinione, vt exiſtiment, totius orbis circumferentiam vel ſuperficiem, tantum ſpatij vix comprehendere: ſed qui illius dimenſionem in immenſum exaggerant, dicunt, illam nulli admirationi eſſe debere, ſi diligenter figuram, quam continens in ſe habet, introſpexerit; quoniam ipſa inſtar cornu venatorii eſt arquata, ſic vt, collatione facta cum forma, quam hæc alia noſtri di-

ſtri di-

stri dimidia mundi pars habet, licet aliquis non sit vsque adeò in Cosmographia versatus; fieri tamen posse, vt facillè intelligat; quàm magno continentis superioris spatio ac interuallo hanc nostram superet. Ceterùm, quia superiùs multorum virorum in Geographia & Astronomia non parum versatorum iudiciũ adduximus, restant adhuc aliqui, quorum etiã opinionem ad hanc, quã tractamus, partem, non parum facientem, recensebimus. Siquidem multi sunt haud sanè vulgaris eruditionis ac famæ viri, qui asserant, Columbi quidem nauigationem omni laude dignissimam; sed tamen huiusce modi, vt eam Artemidorus, & Eudoxus olim designauerint. Nec minus, inquit, olim laudati, quos Græci narrant, insulam in Oceano Meridiem versus reperisse. Iambolus à pueritia eruditus, post patris, qui mercaturam faciebat, mortem, & ipse mercaturam fecit, per Arabiam transiens ad aromata emenda, captus à latronibus, ac deinde vltra Æthiopiam maritimam ductus; ex more, quo exteri expiationis gratia nauigiolo imponuntur, post quatuor mensium nauigationem multis actus tempestatibus, cum suis ad insulam figura rotunda, stadiorum ambitu quinque millium delatus est; & exploratis insularum moribus, ac ritibus, septem quoque insulas simili magnitudine paribus interuallis eiusdem gentis repperit. Nec prorsus fabulosa illa Eudoxi nauigatio, quanquam refellat eam Strabo, videri debet. Taprobanem siquidem, vt liqueret insulam esse, Onesicritus præstitit, cuius Eratosthenes & mensuram prodidit & vicos. C. Plinius Claudij principatu notio rem factam hoc modo narrat. Anni Plocami, qui maris Rubri vectigal à fisco redemerat, libertus, circa Arabiam nauigans, Aquilonibus raptus, præter Carmaniam decimoquinto die Hippuros portum eius inuectus, hospitali regis clementia sex mensium tempore imbutus alloquio, percontanti postea enarrauit Romanos & Cæsarem. Mirum in modum inauditis iustitiam ille suspexit; quòd pares pondere denarij essent in captiua pecunia, cum diuersæ imagines indicarent, à pluribus factos. & hoc maximè sollicitatus ad amicitiam, legatos quatuor misit, principe eorum Rachia, qui referebant Lunam apud ipsos non nisi ab octaua ad decimam sextam supra terram aspici. quod etsi falsò narrarint, cum nulla videatur omni mari insula, quæ eodem, quo nos, pacto non intueatur Lunam crescentem, C. Plinij tamen mendacium non est, at legatorum. Legimus Eudoxum, cum Lathurum regem fugeret, Arabico sinu egressum per hoc pelagus, vt C. Nepos affirmat, Gades vsq. peruectum: & apud C. Plin. Hannonem per fretum Gaditanum egressum, ad Arabiam vsque peruenisse. Relatæ ab eodem Plinio insulæ Æthiopici maris plures. Statius Sebosus Fortunatas insulas recenset. Iuba rex de iis ita inquisiuit, vt & nomina referret: à quo & Mauritaniæ insulæ repertæ, in quibus Gætulicam purpuram tingere instituerat. Hæc sanè illi, & pleraque alia in hanc sententiam. Atqui nemo illorum est, qui non simul fateatur, horum omnium diligentiam nostro sæculo victam esse à Christophoro Columbo, eique hac in re præcipuam palmam deberi. Complures autem, haud multò post, ac etiã iisdem ferè temporibus, partim huius viri præclara æmulatione, ac virtutum gloria, partim etiã suo pte ingenio ac natura incitati, ad eundem laudis scopum sua studia direxerunt. In his verò excelluerunt Sebastianus Gabottus natione Venetus, Americus item Vespucius, & Ioannes ipsius nepos, Florentini; Iacobus Cartierus natus in Galliis, Pinzonus Columbi socius, Cortesius, Pizarrus, Magallanus, deincepsque multi alij alias insulas, & amplissimas continentis regiones patefecerunt, qui ex rerum naualium peritia, bellica virtute, & egregiis factis suum nomen posteritati commendarunt. Horum per plures diuersam nauigationem instituerunt.

Quorundam
veterum in-
signes nau-
igationes.

Quinam hæc
tempestate,
præter Co-
lumbū, na-
uigationibus
inclaruerint.

Quidam enim versus occiduum solem in Indiam, quam quidē partem, nouum orbem appellant, suam nauigationem instituerunt, sicuti Columbus, & qui eum secuti sunt. Alij verò per Meridiem versus Indiam Orientalem, hīq. omnes primò suam expeditionem aggressi sunt virtute & auspicio Ioannis Lusitanæ regis, Alfonso filij, quo defuncto, sub Emanuele, qui ei successit, eandem, sed maioribus viribus innixi, susceperunt, multisque rebus fortissimè ac præclarissimè gestis, plurima regna & prouincias Lusitanico imperio in illis partibus adiecere. in quibus postmodum singulari diuini Numinis beneficio euenit, vt homines Christiana fide ac religione instituti, falsos cultus atque impia dogmata concordibus animis abiurarent. De his autem rebus, quæ sub hoc verè inclyto, & inuictissimo rege, in Africa, atque India, annis sex ac viginti, domi forisque gesta sunt, extant Hieronymi Osorij Lusitani, viri non minus eruditi, quàm eloquentis, libri duodecim, cum graui & luculenta præfatione clarissimi viri Ioannis Metelli Sequani I. V. D., mihi iure consuetudinis & hospitalitatis coniunctissimi, cuius equidem nunquam meminisse possum, quin statim etiam subeat dulcissima præstantissimi viri D. D. Petri Ximenij recordatio, præsertim cum ipsi ita inuicem sint multis nominibus deuincti, vt rarò aliqua officia alteruter præstet, quin tacita consensione vterque in iisdem consentiat. Dicam igitur, me, ipso Ximenio, verò bonarum artium, ac disciplinarum omnium, citra aliquam inuidiam, antistite, nullum vidisse humaniorem, nullum dico doctiorem, vel variarum linguarum absoluta quadam cognitione perfectiorem, cuius certè si egregiarum omnium virtutum concursum atque concentum exequare verbis vellem, tempus me planè deficeret, ac simul à contextu historiæ necessariò auocaret. Silebo itaque, cum ipse se variis scriptis atque multarum nationum testimoniis vniuerso pænè orbi Christiano probauerit, ac etiamnum talia habeat ad incudem, quæ, nisi nobis fata inuiderint, breui cum totius religionis Christianæ beneficio, vt omnes docti bene sperant, atque amici instant, emissurus est. Ceterum, priusquàm de Columbo sermonem absolui, hoc solum breuiter adijciam, hunc videlicet, ne quid sibi de summis laudibus deesset, suam patriam tanta charitate prosecutum, vt, sicuti à quibusdam posteris ac memoriæ traditum est, paulò antè quàm obiret, amplissimarum opum suis laboribus partarum, decumam partem Reipub. legauerit, etsi non desunt qui litteris consignarint, ipsam, nescio quibus de causis adductam, huiusmodi munificentiam prorsus recusasse, nec vllam operam dedisse, vt ex eius amplissimo patrimonio vel minima sibi accessio fieret. Vt verò ad institutum reuertamur, superius demonstrauimus, Ferdinandum Hispaniarum regem, ad Senatum habuisse oratores, qui eum, præter cetera, de his bellis quæ aduersus Mauritanos in Illiberi totoque Bætico regno prosperè feliciterque gesserat, beneuolè atque amanter certiores faceret. Paucis post diebus, ad eum Antonius Grimaldus & Franciscus Marchesius, viri & prudentia & consilio præstantes, ablegati, quorum fide atque industria breui effectum est, vt, mutuis controuersis sedatis, & salua vtriusque partis dignitate, ac æquis conditionibus diremptis, pax vtrimque constitueretur, ac etiam deinceps dudum coalesceret. His vix dum bene domum reuersis, Genua se illis motibus immiscuit, qui vniuersam Italiam, diu à bellis conuiescentem, mirificè perturbarunt. Secuta sunt quippe deinceps bella Italica, funesta admodum, & graua, quæ à Carolo octauo Galliarum rege, alacri & feruido iuvene, atque ex assentatorum applausu specus amplissimis, eximiaque gloriæ inexplebili cupiditate inflàmato, excitata fuerunt. Hic enim sub An-

*Pax inter
Ferdinandū
ac Genuens.*

*Caroli octaui memora-
bilis in Italiā
expeditio.*

dega-

degauensium in regno Neapolitano iuris prae-textu & velamento, totius Italiae imperium animo complexus, & opportunè contra Aragonios à Ludouico Sfortia, qui Bona Galeacij Principis matre, omnium rerum administratione, uti superius demonstraui-mus, exuta, tanquam ipsius Galeacij pupilli, & minorennis, tutor, hoc vnum callidè agebat, ut, excluso pupillo, in sese Principatû artibus rationi-busque quibus posset omnibus, transferret, & se in eo quàm firmissimè extero-rum Principum ope constabiliret, in auxilium euocatus, ne quid tantum opus molienti domi obstaret, quod victoriæ cursum remoraretur, duos sibi infensos vicinos, extorto fœdere, non ad belli societatem, sed ut conquiescerent, prius placuit. Maximiliano quidem, Friderici Cæsaris filio, quem repudio Margare-thæ filia, & raptu sponsæ Annæ Britannicæ graui iniuria affecerat, per Ludoui-cum Sfortiam, qui Anglicis nuptiis defraudato, Blancam Mariam Ioannis Ga-leacij sororem desponderat, & per Heluetiorum legatos, satisfecit. Ferdinandum verò Hispaniarum regem sibi deuinxit restitutione Perpenniani ditissimæ vr-bis, in ipso Hispaniæ aditu & agri Ruscinonensis, quæ Ioannes eius pater in Celtibe-rico bello, in summa rei pecuniariæ difficultate, Ludouico vndecimo oppignora-rat. Carolus itaq. comparato magno ac terribili exercitu, & validissima classe, in 1494. qua præter cetera nauigia fuerunt duodecim triremes Ligusticæ, & quatuor na-ues eximiae magnitudinis omni bellico apparatu instructissimæ, incusso toti Italiae ingenti terrore, cum Pisanos, eiectis Florentinis, hos rursus, eiectis Medi-ceis, & Senenses, pulso Pandulpho Petrutio, in libertatē vindicasse videri vellet, & Pontificē, introducto in urbē exercitu, ad fœdus incundū, & dedendū sibi Ze-zimū, quem & Gemem vocant, Baiazeris Turcarū Cæsaris fratrem, cōpulisset, hinc improuisa celeritate Neapolim delatus, regibus fama sui aduentus perculsis, ac profugientibus. Alfonso patre, Ferdinandoq. filio, & Friderico patruo, regnum vniuersum omniū opinione citius obtinuit, ita ut Neapolim magno cū trium-phi, decimo Calendas Aprilis, anno eiusdē æui nonagesimo quarto ingressus sit. Quo tam inopinato successu totius orbis Christiani cōsternati Principes, Ponti-fex, Maximilianus Cæsar, Venetus Senatus, Ludouicus Sfortia, Ferdinandus His-panus, isto fœdere contra Gallos vndiq. arma coëgere. Hac conspiratione Prin-cipū retractus Carolus, cum per interclusa obseptaq. à Venetis & Sfortia (quem Ludouicus Aurelianensis, occupata Nouaria, bello inuaserat) reuerti se, nisi via ferro aperta, nō posse cerneret, superatis illis ad Tarrū amnē cruento prælio ipse in Galliā incolumis euasit. Etsi autē Cāpanos, Brutios, Apulos, ac Samnites imposi-tis præsidiis cōfirmavit, possessio tamē regni nec firma Gallis, nec diuturna fuit. Rediit enim ad arma Ferdinandus Alfonso filius, adiutus à Consaluo, quem Fer-dinandus Hispanus ad Siciliæ defensionem cum valida classe ablegarat, sed in ipso victoriarum cursu bienniō post Caroli victoriā pridie Non. Octobris febre concidit, iure regni in Fridericum patrum, nulla relicta sobole, translato. Contra hunc, & Ludouicum Sfortiam, Alexander Pontifex, Ludouicus duode-cimus Galliarum Rex, Ludouici Aurelianensis filius, qui Carolonuper præpro-pera morte è vita euocato, successerat, Ferdinandus Hispanus, Veneti & Floren-tini fœdus percusserunt, ea tamē conditione, ut Ludouico regi Principatus Me-diolanensis, quē hereditario iure sibi arrogabat, Veneris Cremona cederet. Cæsar interea Borgia, Alexandri Pontificis filius, nulli hominū quotquot vixerunt, scelerum immanitate secundus, in Flaminia Aemiliaque, & Vmbria occupan-da, trucidandaque aut exterminanda omni antiqua nobilitate, quibus poterat. cædibus, aditum sibi ad imperiū Cisalpinæ Galliæ parare cogitabat. Ferdinandus

Carolus
Neapol: pō-
titur.

Cæsar Ber-
gie ambitio.

& Ludouicus regnum Neapolitanū dum inter se partirentur, plus in Ferdinādo valente regni cupidine, quā sanguinis necessitudine: cuius certè ratione Friderico auxilia debebat & defensionem. Sunt qui existiment, initium fœderis à Venetis Sfortiæ odio extitisse. Nam paulò antè Pontifex, Sfortia, & Veneti coniuncti, inter se contra Gallos, & Florentinos pro Pisanis, ad horum libertatem defendendam, Maximilianum imperatorem, vti enarrauimus, attraxerant. Verū, cū res non successisset, & Veneti imperio Pisanæ vrbis inhiare viderentur, Sfortia, ab eorum amicitia discedens, id egit, vt quibus posset modis, Venetorum conatus impediret. quo sanè factum est, vt aduersus ipsum implacabile odium conceperint; quod in eum, concitatis quos recensui Principibus, postea probè effuderunt, adeò vt Sfortia ipse ex hoc fœdere in summas difficultates coniectus, cū frustra à Maximiliano Helueticis Rheticisque armis lacescens, auxilia expectaret, Baiazetē Turcarū imperatorem, in Venetos scelerato cōsilio concitauit: cuius quidem consilij, mox, cū scilicet in Longobardiam Helueticis copiis & Burgundico equitatu instructus, reuersus est, pœnas dedit. Vix enim Mediolano recepto, & Nouaria etiam expugnata, Tramulio Gallorum duci proditus, ab hoc in Galliā ad perpetuos carceres relegatus est, potitus quondam nobilissimā Italiæ parte: tantæque potentia & auctoritate florebat, vt eius nutu atque arbitrio, totius Italiæ status quodammodò regi videretur. Plures id prodiderunt, diuino id ei consilio accidisse, vt post sublatos veneno nepotes, in hos acerbos fortunæ impetus incideret. alij arrogantia, alij perfidiæ assignant. Punica enim fide, imò potius plusquā Scythica inhumanitate, vt noui commodi spes affulserat, palàm recepta etiam cum Venetis Pontificæque fœdera violarat. Quidam impietati, cū eodem anno scilicet quingentesimo primo supra millesimum, Gallos ad sacrum annum, recepto iam longo vsu, Reip. Christianæ à Pontifice indictum, Romam euntes, hospitibus nummo aureo pro Gallico capite delato, occidi iussisset. Sunt qui ipsum, (quis tamen non hîc rideat curiositatem aliorum in perscrutandis alienarum calamitatum causis) auaritia obcæcatum, cū stipendiorū solutionē eo tempore Helueticis differret, quo vel maximè repræsentanda erat, iure in has prolapsus esse angustias, commemorent. Atqui, neq. illi in administrandis Mediolanensis Principatus oppidis industriam, neq. prudentiam in moderandis rebus, neq. astutiam ad varios rerum euentus depellendos defuisse, ab vllō proditum est. Magnitudinem animi ne ipsa quidem captiuitas minuit. Quo fit, vt vicissitudinem fortunæ, res vario ordine miscens, qui intueatur, is hominem senem & nobilissimum, tanto excidisse Principatu, miretur. Mihi sanè quantò plura recentium, seu veterum reuoluo, tantò magis ludibria rerum mortalium cunctis in negotiis obuersantur. Eum multi scribūt Lochiensiarce inclusum consenuisse: sed neque Principum more, vt par erat, obseruatum, nec satis liberaliter habitum. Narrant enim subterraneum cubiculum ædificatum, idque concameratum, atque in apſida curuatum, ferreis cōpagibus, ferroque ostio munitum, in quod, vir quondam & potentissimus, & ornatissimus coniectus, miseram captiuitatem passus sit. Alij, post aliquot annos custodiæ Scoti equitis cōmissum, liberiùs liberaliusque tandem tractatum aiunt. Ascanius Sfortia Cardinalis, cuius opera Ludouicus eius frater, pleraque feliciter peregerat, nuntio fraternæ cladis perterritus, cum turmis aliquot equitum è Mediolano fugiens, & à Sonſino Benzenio, Venetorque equitatu interceptus, captus Venetias perducitur; Ludouicōque regi repetenti hominem ex fœdere post paucos deditus, in Galliā perductus: qui & ipse non modò non in-

fracto

Ludouicus
Sfortia im-
plebat opem
Turcarum.

Eiusdem
captiuitas.

Cardinalis
Sfortia inter
fugiendum
capitur.

fracto animo propter aduersi prælij euentum, sed confirmato atque renouato vi-
sus est, quamquam versa omnia intelligeret: & ad regem noctu accedens, cum
multis facibus aulicis ad eius spectaculum proruentibus, honorificè quidem re-
gem & salutauit, & appellauit: sed nec eius pedibus aduolutus, vocèque supplex,
nec ullis abiecti & demissi animi argumentis suæ fortunæ conditionem deplora-
uit. Ceterum hic ob summæ dignitatis ordinisque purpurati gradum non ita diu
ergastulis coërcitus; sed paucis postea mensibus fidei suæ commissus est, vaga-
rique tota Gallia, nullis adhibitis custodibus, permissus. Postea quoque, sed
longo post interuallo, cum deierasset, nihil se in Gallos moturum, spemque in-
ieciisset, fore, vt sua opera ex cœtu Gallicorum purpuratorum vni Pontificatus
pararetur, ad comitia noui Pontificis à rege dimissus est, impetrante id ægrè Ge-
orgio Ambasiano Cardinale; in quem tam ingratus postea fuit, vt, dum suffra-
gia patrum in eum inclinarent, quo tempore Iulius II. Pontifex renunciatus est,
eius vnus opera ei Pontificatus extortus sit, non sine Bernardini Caruali pur-
purati querelis, qui, vbi Pontificatum sibi creptum videt, Ambasiano potius
quàm Iuliano deferri volebat. Inde Mediolanensis ditio in Gallorum rediit po-
testatem. Sunt qui literis consignarint, quo tempore Ascanius, post Ludouici
fratris infortunium, à Venetis captus est, amissam fuisse manticulam, pretiosissi-
mis gemmis refertā, & de inuentore nunquā constitisse. Ludouicus interea poti-
tus Mediolano, vt sunt Regum cupiditates inexplebiles, & sordent priora, dum
maiora quæque expetuntur, animum adiecit ad Neapolim, quæ à Carolo defe-
cerat, recipiendam. Ferdinandus Hispanorum Rex, cum auxilium putaretur
laturus Friderico, qui Ferdinando Alfonsi filio, admodum adolescente vi-
uis subtracto, in regnum Neapolitanum successerat, in societatem belli & victo-
riæ futuræ admissus est, ea conditione, vel potius turpi & infami nundinatione,
vt ambo reges regnum partirentur. Dum itaque Fridericus, ignarus fœderis in-
ter duos reges, conditionisque de regno inter ipsos ex æquo partiendo, frustra
Consalui Ferrandi Aggidarij, viri, militaris rei gloria celeberrimi, opem implo-
rat, à Gallicis Ducibus, qui in Campaniam è Cisalpina Gallia descenderant, per
indutias ex improvisò oppressus, rebus desperatis, cum vxore, & liberis, in arcem
Aenariæ insulæ traiecit, & cū Namurcio & Obegnino ducibus dedita Neapoli,
inter cetera pactus est, vt à rege certa quotannis annua vectigalia, annumq. sibi
suisque stipendium acciperet: de qua re Obegninus propria fide interposita, illi
cauit: deinde vt omnem pretiosam supellectilem auertere ac seruare posset. Qua
cautione præstita, cum Obegnini litteris in Galliam ad Ludouicum regem pro-
fectus est; à quo non solum annuis illis vectigalibus stipendiisque donatus; sed
etiam locupletissimo comitatu, & Gallico stipendio ornatus, adeò vt pleris-
que etiā domibus & hortis amœnissimis traditis, se feliciorem, regno adempto
quàm seruato, responderet. Et ne temporaria hæc regis liberalitas fuisse videre-
tur, regno etiam Neapolitano, pulsas Gallis, idem cultus, idem honos, eadem illi
præmia reddita. Consiliis quoque regiis intimis adhibitus, regioq. more, quasi
regnaret, cultus. Priusquam verò Italia excessisset, Ferdinandum filium primo-
genitum, adolescentem, Tarenti tanquam Calabriae Principem reliquerat, vt eam
urbem natura loci munitissimā, firmo præsidio tueretur. Hunc tamen Consalius
deditioe urbis in fidem receptum, Ferdinando regi Hispaniarū flagitanti, misit;
à quo summo cū honore exceptus, postmodū Valentino Ducatu ab eo donatus
est. Post hæc, Reges, vt conuentum erat, pari æstimatione Regnū inter se diuise-
runt. Constabat id veteri partitione quatuor potissimum prouinciis: harum pri-

Eiusdem ma-
gnanimitas.Mediolanū
in Gallorum
potestate.

ma erat Cāpania, quæ magna ex parte terra Laboria recenti nomine dicitur, extenditque sese à Fundano saltu ultra Sarnum & Sylarim Picentinorum extremos amnes, vsque ad Laum fluuium, Lucaniam à Brutiis diuidentem, cuius quidam caput est ipsa regia Neapolis. Campaniam proximè attingebat Aprutina regio, olim Præcutina. Hæc ab Apennino ad oram maris Hadriatici per Samniū porrigitur, cuius caput est noua vrbs Aquila, ex Amiterni Forconæque ruinis extructa. Reliquarum duarum à læua alteram Apuli olim Salentini que tenuerūt, à Gargano monte ad Iapygium extremum Italiæ promontorium protensam. alteram Brutij, quæ non rectè hodie Calabria dicitur, cū Calabri reuera sint, qui Apuliam circa Brundisium ad mare superum incolunt. Brutij, quorum caput est Consentia, sub Calabriæ nomine à Sylari vsque ad Siculum fretum incolunt, inclusi ad Ionium mare, magnæ Græciæ ora, ea Lucaniæ parte simul intersepta, quæ inter Laum, hodie Lainum, & Sylarim flumina, Tyrrheni maris littus attingit. Ex partitione igitur Brutij, & Apuli Hispanis, Campania cum Aprutina regione, Gallis obuenerant. Intererant duæ exiguæ regiones appellationibus nouæ, Capitanata & Basilicata, ab Apulia & Lucania abscissæ: Capitanatam duo amnes, Fronto, qui hodie Fortoris est, & Aufidus; Basilicatam Hirpinorum & Lucaniæ fines includunt. De his, cū neutris in diuisione attributæ essent, iure primū inter vtrosque, mox & armis disceptatum eo certè euentu est, vt Galli bello victi, Caieta, quæ illis postrema reliqua mansit, dedita, Neapolitani regni finibus excefferint. Et quia non semel Alexandri Pontificis, eiusque filij Cæsaris Borgiae mentio incidit, silentio neutiquam prætereundum esse arbitror, hunc, postquam immanibus cædibus nobilitatis Italiciæ florem passim excidisset, Alexandro patre vi veneni perempto, quod, Cardinalibus nonnullis paratum, pocillatoris errore, ipse & filius hauserant, Ferdinandi Hispani Regis iussu comprehensum, atque in Hispaniam nauibus deuectum esse, vt ibi in vinculis & carcere adseruaretur. Vbi cū post tertiū annū deceptis custodibus è Medinæ arce finibus se demisisset, & ad Ioannē Cantabriæ Regem euasisset, hoc, bello cū Alarino regulo contendente, in prælio ad Mendauiam glande traiectus occubuit, mortis genere nimis placido, vtpote cuius inaudita scelera, & parricidia, longè atrociora supplicia promeruerant. Talein cū habuerint euentum insidiosæ, & πλεονεκτηνὰ consilia, infidæque conspirationes, admonentur Principes, & ad rerum gubernacula sedentes, nulla imperia retineri, vel vllam Rempub. diu stare, aut florere posse, nisi honestis consiliis & vera legum reuerentia, salutaribusque statutis ac præceptis, subnixæ & fundata fuerint. Etsi verò mihi iam inde ab initio destinatum sit, suum quæque in annum referre, hæc tamen plures per annos gesta coniunxi, ne diuisa, haud perinde ad memoriam sui valerent. Nunc ad temporum ordinē redeo. Suprà ostendimus, Carolum, post Neapolitanum regnum victricibus armis occupatum, in Galliam saluum & incolumem, licet non citra cruentum prælium, euasisse. iam reliquum est, vt totius terrestris expeditionis successu enarrato, de nauali expeditione ad excindendam prorsus ex Italia Gallicam potentiam suscepta, sigillatim recenscamus. In tanta igitur totius Italiæ consternatione & confusione, Genuæ, quo felicius & commodius impendentes tempestates amouerentur, anno eiusdem sæculi quinto ac nonagesimo, ex noui

Alexandri
Pont. &
Cæsaris Bor-
giæ interi-
tus.

1495.

Classis Li-
gustica ad-
uersus Gal-
los.

Ducis iussu atque mandato denuò duodecim triremes & quatuor maiores naues adornatæ sunt aduersus Gallicæ classis partem, quæ assiduā stationem in Rapalino sinu habuerat, licet antea Galliarum rex, cognita Ligurum rei naualis tum peritia tum potentia, summa cura & studio allaborasset, vt eam urbē à fide atque obse-

obsequio Ludouici Sfortiæ retraheret, adeò vt ea de causa priusquam Neapoli discederet, ad Senatum Genuensem legationem habuerit. Etsi autem ob plurimas causas incredibili eius vrbs potiundæ cupiditate per se arderet, magis etiam subinde Iuliani Rouerei & Pauli Fulgosij Cardinalium, ac etiam Obiecti Flisci, & multorum aliorum, qui hoc tempore ad eum confugerāt, crebris cohortationibus ac precibus accendebatur. Hi enim, vt exules solent, dubiis asperisq. in rebus, cuncta facilia atque expedita ad victoriam pollicebantur, si in Liguriam vel cum mediocribus tantum copiis mitterentur. Disserebant enim, præstò sibi affuturos multos Fulgosiæ factionis clientes ac studiosos, quorum opera omnem inferioris Liguriæ oram in potestatem essent redacturi, promotisque inde ad Genuam castris, facile fore, vt prompta & fideli opera amicæ factionis, cui iam vniuersa ordine communicassent, priusquam à Sfortia, qui adeò opportunè graui bello esset implicitus, auxilia commodè submittere possent. Philippus quoq. Bressius Allobrogum Principis frater, qui apud Carolum gratia & auctoritate tunc plurimum valebat, vt qui maximè illorum consilia probaret, sese irurum, ac ducem eo bello futurum profitebatur. Quanquam verò sanior regionum consiliorum pars, tantam exercitus diminutionem improbareret, rex tamen aliorum sententiam præferens, eam expeditionem suscipere statuit. Itaque Bressio duæ equitum alæ, Gallorumque peditum cohortes quatuor, & tormenta septem attribuantur. cum eo etiam Vgo Ambosio, vir nobilis militiæque peritus, vnà proficiscitur. ad Mediolanum quoque, Gallicæ classis præfectum, cum literis regiis plures simul nuntij mittuntur, qui moneant, vt ab ora quam legeret, discedere nolit, terrestrium copiarum ducibus pareat, paratusque ac intentus remigio & velis, quò opus esse videatur, protinus enauiget. Camillo item & Paulo Vitellioque, Vitellij fratribus, qui iam cum cataphractis ducentis, & totidem levis armaturæ equitibus, sese accepto stipendio Gallis addixerant, imperatum, vt in Liguriam proficisci maturarent, & Bressium quanta maximè possent celeritate consequerentur. Ipsi Cardinales passim ex Lucensium castellis, Apuanisque Liguriæ peditem cogunt, & per Apennini valles notis tramitibus in Liguriam proficiscuntur. Hi ergo simul coniunctis copiis Genuam vsque processerunt, positisque ad Terralbam castris, qui est locus supra Feritorem amnem, Fregosiæ factionis ciuium motus expectabant. Interim quotidianis equestribus præliis certabatur: nam ex vrbe Bernardinus Adurnius, corporis atque animi viribus bellator insignis, & Scaramucia Vicecomes, cum delectis turnis, ea porta quæ ad Bisamnem ducit, ita erumpebant, vt singulis propè horis cum Gallis equitibus certaretur. Erant Gallo peditum circiter septem millia, octingenti equites, tormenta septem, sed ea ad campestres vsus potius, quàm ad muros quatandos idonea. Quibus de rebus fiebat, vt subire tentareque mœnia nequaquam auderent, præsertim cū iam valida peditum atque equitum manus, præter ipsam prætoriam cohortem, è Gallia Cisalpina in vrbem peruenisset. Tota igitur victoriæ ratio posita erat in auxiliis, quæ è diuersis regionibus expectabatur. Baptista namque Fulgosius in Astensi agro aliquot peditum cohortes, & equitum turmas coëgerat, quas partim ab Aureliano, qui tum Nouariæ obsidebatur, acceperat, partim ipse amicorum Cardinaliumque pecunia conduxerat, eo consilio, vt cū in Pociferam vallem descenderet, ab altera quoque parte, quæ occidentem solem spectat, vrbs vndiq. clausa, graui obsidione premeretur. Vitellij quoque iam è Lucensi agro montes asperos, & Petracrofiæ iuga superasse dicebantur. Classis item, sicuti antea dictum est, in Rapallino sinu erat, intenta ad Bressij ducis imperium, in qua ingens erat

*Confutatur
inter Ge-
nuens. &
Gallos.*

copia

Franciscus
Spinula
Mauri cog-
nomen.

copia tormentorum: quibus freti, accedentibus vndique auxiliis, maiore demum fiducia urbem oppugnarent. Quibus cognitis rebus, qui in urbe erant Fulgosiæ factionis, noua inituri consilia, & palàm aduersus Adurnios ex tuto arma sumpturi videbantur. Præerat Ligusticæ classi Franciscus Spinula, ab oris fuscédine Mauri cognomen adeptus, vir domi nobilis, & in re nauali peritiæ singularis. Constabat ea paucis onerariis, sed bellico apparatu optimè instructis, & triremibus decem, in quibus tres erant Aragoniæ à Ferdinādo missæ, quibus præerat Syracusanus trierarchus. Galli econtrā, octo triremes habebant, & tres longas naues, ex his quas vulgò Galeones vocari diximus. hi quoque Rapallo potiebantur: nam cuncta eius oræ oppida singulari Fulgosiæ factionis studio eos benignè receperant. ibique tum in statione tutissima, & Bressij imperium, & captæ demum Genuæ nuntium, expectabant. At Spinula, qui maritimo negotio intentus, quibus nam modis hostes inuaderet, vigilanter agitabat, per exploratores comperit, classē haud magno discrimine posse deleri, si hostem vno tempore terra marique inuaderent; quòd paruam admodum manum, quæ classi atque oppido præsidio foret, Galli reliquerant, cū ipsis Genuam obsidentibus, nihil tale vnquam aduersarios ausuros putarent, nullaque mora interposita, Adurnios fratres eius cōsiliij participes facit, & suadet, vt magnō ausu vnius noctis opera bellum conficere velint, cunctaq. prospera pollicetur, si ad fallendū vtrumque hostem & summo silentio, & singulari celeritate vterentur. Re comprobata, Ioannes Adurnius, & Aloysius Fliscus, quos idem locus superioris victoriæ felicitate insignis, plurimum excitabat, sexcentos veteranos, & subitarias cohortes duas classi imponunt, soluantque è Genuæ portu de prima vigilia, & Rapallum littoralis auræ beneficio peruehuntur: tantaque felicitate adnauigatum est, vt nulla eius profectionis fama, tot speculis, totque etiam exploratoribus ea littora obseruantibus, in castra peruenerit. Iam cælum inalbescibat, cū Adurnius & Fliscus milites in terrā exponunt, & actuariis vsq. nauigiis, magnarum præsertim nauium scaphis, quamecitissimè Rapallū adoriuntur. Fit magna & in classe, & in oppido, vt in re admodum repentina, concursatio. clamore sublato prælium in aditu oppidi committitur. ægrè impetū Galli sustinent: acriter tamen repugnant. Spinula cohortandis remigibus intentus, maxima vi aduersis prorsus in hostium classē inuehitur. iuuat nauticus clamor oppidum à terra oppugnantes: è diuerso illi alacritate pugnandi nauales socios accendunt. Dimicatur vtriusque summa contentione. Ceterum, terrestres copię, stratis hostibus, oppidū irrumpūt, & nauales focij Gallorum triremibus potiuntur. Miolanus classis præfectus, & Stephanus Vineius, quæstoria dignitate insignis, protinus se dedunt; ceteri ad vnum, paucis interfectis, capiuntur. Videre erat in hostium nauigiis, ex Neapolitana præda, regales apparatus, cubiculorum abacorumque ornamenta, aulaea picti operis, intertexta auro lectorum stragula, & plurimam vestem sericam nobilissimis Scythicarum Mastarum pellibus suffultam: itemque armorum, tormentorumque ingentem copiam, quæ omnia singulari ducum æquitate militibus cesserunt. Ea vbi per milites fuga elapsos, Gallicis in castris nuntiata sunt, Bressius & Cardinales nihil sibi amplius expectandum rati, collectis repentè, nec conclamatis quidem vasis, discessere, superatisque Pinimontis culminibus, in Pociferam vallem descendere: ea tamen constantia, atque ordine, cū properarent, iter fecerunt, vt agrestes plurimos, qui temerè prædantium more è proximis vicis montibusque decurrerant, conuersa acie, atque impetu facto, passim interfecerint: indeque incolumes per transuersos montes in Astensem agrum se receperunt.

Genuens.
naualis vi.
toris ad-
uersus Gal-
los.

Ferunt,

Ferunt, Augustinum Adurnium, qui Genuæ præerat, magnam eo die potiundæ nobilis victoriæ occasionem segniter amisisse, quòd, patefactis repente portis, inabeuntes Gallos omnem militum ac vrbanae plebis turmain erumpere minimè permisisset. Cuius rei consilium fortassè improbari posset, nisi vir cautus, & incertum fortunæ euentum reformidans, absente fratre, ipsoque præsertim cum militum robore, inconditam paganorum multitudinem veteranis hostibus obijcere dubitasset. At Genuenses interim, rebus, domi forisque prosperè succedentibus, breui omnia illius oræ oppida ab exulibus capta, præter Spediam, exiguo negotio recuperarunt, ac etiam in occiduo littore Albintimilium, quæ vrbs iisdè ferme diebus à Paulo Baptista Fulgosio, Luca Auria, & nonnullis aliis profugis ac extorribus capta fuerat, ad pristinam fidem & obsequiū redege. Hoc bello feliciter & cum summa laude Ligustici nominis confecto, Resp. sua potentia atq. immensis opibus confisa, eadem tempestate ad alias quoque expeditiones animum intendit. Cùm enim paucis antè diebus, rumor sparsisset, classem Othomannicam è sinu Hellespontico Byzantio soluisse, eo còsilio, vt in gratiam Venetorum Chium insulam inuaderet, statim Genuæ, ex Patrum decreto, quinque maiores naues omni bellico apparatu instructæ sunt, eisq. Thomas Iustinianus præpositus. Eodem tempore Pisani à Florentinis acri bello vexati, cùm se illorum viribus impares ac inferiores animaduernerent, Genuensium opem implorarunt: quos ipsi, re prius in Senatu deliberata, non mediocri pecuniarum summa rebusq. aliis vtilibus atque opportunis, tanquam vicinos, & tum socios, necessario tempore adiuuandos censuerunt, adeò vt propter hæc Genuensium noua auxilia hostes nihil aliud in eos tum temporis molirentur. Habuit is annus nouum & insuetum hominibus tormentum, morbum eum videlicet, quo omnes pænè nunc gentes scædatis cernimus, vnaquaq. tamen ridiculè originem in aliam reijciente. Hispani, Gallicum; Galli Hispanicum, alij, Neapolitanum vocant. Estimatum est, cum luxu omnis generis etiam hanc pestem ex Occiduo orbe ad nos delatam, ac ex eo, noua remedia quæsiuerunt, ac etiam inuenere. Cui cùm, vt nouo morbo, quærentur remedia, multam partem humani generis depopulatus est, frustra medicis inter sese certantibus, dum hunc morbum vanè quidam dixere Elephantiasim, alij lichenas, & id impetiginis genus, quod accepto osculo mentum venaretur, à C. Plinio, cuius & Cornelius Celsus meminerit, designatum. Alij carbonem, alij ignem sacrum, alij lepræ speciem, alij inter morbos populatim aut vi astrorum, aut aeris intemperie vagantes collocauere: adnotantq. eodem anno, quo is morbus grassari cœpit, in Romano agro Tiberim, in Etrusco Arnem, in Ferrariensi & Mantuano Eridanum, in Veneto Athesim, extra solitos limites exundasse, tantisque imbribus hunc annum maduisse, vt, terris vndique humentibus, minus mirandum sit, æstiuum aërem ad eam intemperiem peruenisse, calidam & humidam, quam M. Tullius ex Philosophorum placitis, putredini corruptionique causam dare scripsit. Alij quidam, inter morbos cōtagione polluentes ascripserunt, & occultam ac venenatam eius naturam voluere. Hic sanè, superioribus annis, intolerandis modis homines excarnificabat: nunc prorsus vnà cum plerisque aliis morborum generibus mitescere cœpit, minusq. infestus est, partim quòd medicorum opera, domita sit vis mali, humorumq. scæuitia mitigata, partim quòd natura assuetudine, ad dolores occalluit, adeò vt à non paucis obseruatum sit, nonnullos in florente feruida que ætate acerrimè cruciari: eosdem senescente, atque inclinata, mitius affligi. Vel enim deferuescit ardor & ebullitio, minorq. fit humorum concursus, vel natura

*Lues Gallica
primum in
Campania
exorta.*

spatio

Gallici mor-
bi inuesti-
gatio admo-
dū perplexa.

spatio temporis assueta malo, velut domestico ac familiari, non amplius cum illo luctatur. Aut etiam alitur viciosis illis humoribus, aut non offenditur. Verum enim verò, tametsi de huius pestilentissimi morbi initiis, causis, atq. progressibus, eiusdemque variis remediis, multorum præclarissimorum Physicorum extent plena volumina, quæ passim circumferuntur; tamen tanta est huius contagionis perplexa inuestigatio, vt multum inter se varient, ac multis diuersis rationibus adducti, etiamnum plurimum discrepent, cum alius proprio iudicio commotus, ab alio dissentiat, & sui iudicij adferat rationes, quibus innitatur: Alij verò, non minori diligentia atque eruditione, rationes suas probare conentur, adeò me herculè, vt verè dici possit, quod dici solet, adhuc sub iudice lis est. Memini me superioribus annis, cum in Germania essem, Simonem Simonium Lucensem, virum præstantissimum, & in omni disciplinarum genere, præsertim verò Philosophiæ ac medicinæ, apprimè eruditum, cum in doctissimorum virorum frequentia, alius ex alio, vt fit, nasceretur sermo, & tandem huius morbi incideret mentio, cum summa totius coronæ satisfactione simul & admiratione, audiuisse de huius morbi proprietate quàm disertissimè differentem, eaq. adferentem, quæ proculdubio vnique cordato viro, & exacti iudicij, facilè satisfacere possent. Est enim vir, vt ceteras eximias eius virtutes in præsentiarum si leam, in optimarū artium studiis ita ab ineunte ætate versatus, vt dignus existimatus sit, qui ab augustissimo Principe Sax. Duce Augusto, Sacri Rom. imperij electore, euocaretur, & Academiæ Lipsensi cum munere publico adhiberetur. Cuius tanta enituit postmodū animi fideiq. integritas, diuersarū linguarum peritia, atq. suæ professionis omnigena eruditio, multis egregiis singularis ingenij atque profundæ doctrinæ monumētis contestata, vt idē illustriss. Princeps, maximus ingeniorū estimator, ipsum inter domesticorū suorum album adscripserit, cui etiamnum cum magna sua laude pro medico quàm fidelissimè inseruit. Interea temporis, Carolus Galliarum rex, vbi primū, emensis Alpibus, in Etruriam venit, præter alia illius regionis loca, Serefanam quoque vltronea deditio occupauit. Qui verò eius nomine huic præerat, cum Gallorum fortunam in Italia immutatam videret, anno supra millesimum quadringentesimum nonagesimo sexto cum Genuensibus de huius deditio consilia iniuit: hiq. huiusmodi occasionem neutiquam prætermittendam rati, euestigiò Christophorum Cataneum, Franciscum Lomellinum, & Petrum Persium ad eum misere, qui cū eo de conditionibus transigerent. Deditio igitur hac cautione facta & subsecuta est, vt ipsi Præfecto quinque ac viginti millia nummū aureorum ex ærario publico deprompta, numerarentur; ipseq. ciuitate donatus est, atq. in patriciorum ordinem ascitus. Pari modo de Petrasancta inter eos transactum. Verū, quod omninò seriùs, quàm necessum esset, de hac tanta re in Senatu haberetur consultatio, Lucenses ad omnem occasionem intenti, & parati, solita sua diligentia eos præueniant, missis ad hoc statim Genuam legatis, qui factum excusarent. Senatus, nulla admittā excusatione, hoc recens Lucēsum factum in haud mediocre Reip. præiudiciū factum, quàm ægerrimè tulit, adeò vt ad Mediolanensem Principem oratores mitterentur, qui apud illum de hac illata iniuria grauitè expostularent & conquererentur, eumq. nomine Reipub. obnixè orarent, vt vel suam auctoritatem interponeret, quò illam, citra vlteriore moram & negotium reciperent, vel, si hoc abnueret, saltem sibi integrum esset, eam armis repetere & vindicare. Quorum postulata & preces cum Princeps surdis auribus exciperet, tanta indignatione & stomacho commoti sunt, vt contra eum abalienati animi

non

1496.

Serefana
deditio a
Genuens.
recepta.

non obscura argumenta indies magis atque magis ostenderent, ita ut cum inter ipsum, aliosque Italiae Principes aduersus Gallos eorumque socios confœderatio fieret, & Respub. eo nomine, tanquam Sfortiano imperio immediatè subiecta, sub ipsa confœderatione comprehenderetur, quibusdam ex præcipuis visum fuerit, Rempub. in societatem fœderis, nisi prius eo loco restituto, non esse admittendam, vel immiscendam: indeque factum est, ut inter Stephanum Iustinianum, qui ob eximias suas virtutes in summa nominis veneratione & exultatione habebatur, & Adurnios, penes quos summa rerum administratio ad id temporis erat, magnæ altercationes & dissidia orirentur, quæ tandem hunc habuere exitum, ut, cum hi auctoritate præualerent, nihil ulterius attentaretur. Ceterum antequam ad alia progrediar, quoniam hîc proximè Francisci Lomellini mentionem habuimus, minimè præter institutum fore existimaui, si Lomellinæ familiæ, citra omnem prorsus controuersiam nobilissimæ, cuius persæpè mentionem habuimus, breuiter originem attigero. Sunt igitur grauissimi scriptores, qui res Italas commemorantes, putent Lomellinorum familiam à Germanis Principibus, atque adeò Comitibus Palatini Rheni, initium atque originem traxisse. Quod verisimile ex eo faciliè videri potest, quòd hac nostra tempestate multæ extent in Italia illustres familiæ ex Germania in eam transportatæ: Ursinorum, Columnarum, & reliquæ, adeò ut mihi penitiùs in hanc familiam inquirenti, facile persuasum sit, suum principium tantæ principi familiæ deberi: nec in aliquo obstabit, quòd Lomellina familia, licet nobilissima simul & antiquissima, autum splendorem atque potentiam minus retinuerit. Temporis enim successu, non dubium est, quin illius stirps, in varias propagines disseminata, opibus atque potentia imminuta sit, & in hunc ordinem redacta, ut à pristino suo splendore haud parum exciderit, adeò ut etiam nonnulli eius familiæ nihil sanè ultra veræ nobilitatis decus retineant. Accedit huc, quòd inueterata Germaniæ consuetudo obtinuerit, prioribus nati, minoribus præteritis, integras hæreditates reseruari, retento tamen titulo: qui sanè mos à Germanis, uti puto, natus, in aliis plerisque regionibus inoleuit. Qui primos huius familiæ auctores, ad Palatinas familias referunt, ad maiorem sibi fidem arrogandâ, ipsos auctores nominatim produnt, Othonem scilicet, & Gandulfum, quorum nepotes ac posterî per totam Italiam disseminati, per amplam ditionem in plerisque locis obtinere, ac sibi satis firmas & duraturas opes condidère, prout in Ticinensi agro, in quo, ad hæc nostra usque tempora, quædam pars eiusdem nominis, voce scilicet Laumella, appellatur. Nec his finibus adstricta, longè lateque potentiam suam protulit, sic ut nonnulli eorum, titulum Comitum sibi vendicent. Ex his etenim, nonnulli Comites de Mede, alij de Languesco, quidam de Gambarana, plerique de Raualasca, seu Comites de Valegio, dicti & nuncupati sunt. Et licet temporis progressu, in diuersa nomina abierint, necnon in diuersas sedes commigrarint, insigniorum tamen similitudine sibi sunt conformes, & in nullo differunt. Quorû etiam Lomellini Genuens. ut antiquum nomen semper retinuerunt, sic etiam ceteris dignitate, opum potentiaque splendore, aliis, eorum pace dictum sit, antecelluisse semper videntur. Dedit enim illa familia Genuæ semper præstantissimos ciues, & patriæ amantissimos, quorum opera Respub. nō semel in rebus arduis atque perplexis cum summo suo beneficio usa est. Et quia Lomellinæ mentione facta, plures adhuc Genuæ sunt familiæ nobiles atque illustres, qui suo iure tantundem officij meritò à me exposcere videantur; comprimam me tamen intra certos limites, nō tam enarrandi tædio, quàm recensendi ignorance. Quis

Lomellinæ
familiæ auctores.

*A quibus
Grimaldi
originem
ducant.*

est enim tam bene rerum variarum & externarum cognitione instructus, qui sibi possit, omnium, vel saltem maximè necessariorum, scientiam polliceri? Proinde cum hoc non sit nostri instituti, neque aliquis mortalium sit, quem non multa fugiant, satis habebō in præsentiarum, huius, cuius proximè meminimus, ortus recensuisse. Quoniam tamen de Grimaldorum origine aliquid diligentia ex tantorum scriptorum varietate inuestigauimus, annotare non pigebit. Sunt enim qui eius primordia ad vetustissimam & nobilissimam Crespinorum familiam, quæ in Nordmannia est, referant. Sunt etiam qui existiment, illam, ex Gallia Narbonensi suum genus atque originem traxisse. Vt cumque sese res habeat, non moratur me scriptorum hac in parte varietas; cum in confesso sit, Grimaldorum familiam continua serie per multa temporum volumina magnam existimationis famam non solum in ipsa Repub., verum per vniuersam Italiam, atque adeo ipsas exterarum nationes, virtutum excellentia, atque ingenti opum facultate promeruisse; quam certè in hunc vsque diem inconcussam retinet, & cum egregia sui nominis laude magis atque magis omni veræ nobilitatis specimine tuetur. Quis est enim qui ignoret, Nicolaum Grimaldum hac nostra tempestate tam immensis opibus, quàm eximia & rara quadam virtute ac liberalitate conspicuum in oculis Reipub. versari? cuius nempe tanta erga eam extant beneficia & merita, ut iure se illi plurimum debere cum magna totius ciuitatis confessione fateatur, & agnoscat. Subleuauit enim illam non semel variis difficultatibus laborantem, & neglecta prorsus omni priuati commodi ratione, ita ipsam contra omnes temporum iniurias communiuit, ut non immerito inter præcipuos Reip. benefactores annumerari debeat. Huius siquidem viri tanta est, me herculè, virtutis excellentia, & in summa opum diuitiarumque affluentia, moderatio & temperamentum, ut diuini numinis fauore, potius tot tantarumque opum, iustus atque æquus dispensator, quàm verus possessor videri possit. Quæ sanè beneficentiæ, ac singularis humanitatis commendatio planè effecit, ut Philippus Hispaniarum rex Catholicus, quò tanti viri decus atque famam æterna gloria illustraret, ipsum multis ditionibus, in primis verò nobilis & celeberrimi nominis vrbis Salerni, cum insigni Principatus titulo, omnium iudicio dignissimum, remuneratus sit. Non conticescam etiam Augustini Grimaldi, eius filij, summæ expectationis iuuenis, inclytam inuolem atque naturam, quæ in omnibus eius actionibus adeo manifestè elucet, ut nihil sit quod excelsum ac verè generosum animum deceat, quin vndique in ipso sese modis omnibus ostendat, ita ut nisi immatura morte nobis illum fata eripuerint, non dubitandum sit, quin horum nostrorum temporum calamitates atque miseras maturitate sui consilij, atque maximarum diuitiarum amplitudine aliquando mitigaturus sit, potissimum cum habeat non solum in agro Ligustico multa prædia & latifundia, sed etiam in diuersis Italiæ partibus, præsertim verò in regno Campaniæ, latissimam ditionem Ducatus Eboli titulo celebrè, in qua haud dubiè suam munificentiam paterno atque adeo auito more, cum ingenti sua laude, nec minori publico merito, exercebit. Præstantissimis his atque arctissimis nature pignoribus, adijciam merito Baptistam Grimaldum recenti regis Hispaniarum beneficio ad sublimem illum Terrænouæ Ducatus & Marchionatus, montis sancti Angeli apicem euectum. cuius etiam tanta in Remp. Genuens. extant merita, & collata beneficia, ut omnium confessione dignissimus sit, qui publico gratæ ac memoris ciuitatis testimonio ad æternum sui nominis monumentum & splendoris famam ornaretur. Proinde Senatus, quò tanti ciuis, optimè de patria sua semper meriti, gratitudinem testaretur, decreuit

creuit, vt illi honoris causa in atrio palatij publici marmorea statua, ad veram & viuam eius imaginem expressa, iuxta Ansaldi Grimaldi, propter immensa in Rempub. collata beneficia, benefactoris, atque adeò patris patriæ nomine insigniti, statuam poneretur. Cuius certè tanti collati beneficij recordatione nò dubium est, quin ipse, tanquam subdita face, deinceps magis atque magis ad iuandâ Remp. accendatur & inflammetur. Si enim futura præteritis licet metiri, quid vetat, quin huius præclarissimi ciuis animû, tantis argumentis exploratum atq. percognitû, omni prorsus suspicione liberemus? Interim faxit Deus, vt hæ, ceteræq. similes familiæ, ad veri decoris ac publicæ vtilitatis conseruationē & fulcimentû natę, felici propagine indies magis atq. magis pullulent atq. floreat: ita proculdubiò fiet, vt Reip. conuersiones, plerumque paucorum nouorum factionorum hominum libidine atque immodestia concitata, vel citò supprimantur, vel, quod optatius esset, nunquam enascantur. Verùm, vt ad instituti operis seriem nostra oratio relabatur, iisdem temporibus, cùm Maximilianus Cæsar, Friderici tertij Imperatoris, ac Leonoræ, Eduardi regis Lusitanie filius, transgressis emensisq. Alpibus, magna procerum & nobilissimorum virorum frequentia comitatus, in Italiam transiens primò in Comensem agrum, indèque Vigeanum, Ticinensis agri in Galliæcispina municipium, venisset, Patrû decreto, splendida legatio ad illum habita. Oratores autè fuerunt Lucas Grimaldus, Franciscus Sophius, Cosmus Zerbis & Baptista Spinula: qui vbi primum publico nomine ipsi congratulati essent, omneq. studium atque obsequium, Cæsari- bus deferri solitum, exhibuissent, ab eo anxie contendere, vt suo fauore & auctoritate, Petram sanctam, cuius suprà mentionem fecimus, recuperarent, ac sibi vetera priuilegia & immunitates confirmarentur, simulq. ediceret, Monæci agrum ad Macram vsque, ad Genuensium ditionem pertinere. Breue ab hoc spatium intercessit, cùm ipsemet Augustus Genuam perrexit, vbi à Senatu ceterisque ordinibus honorificentissimè ac regia pompa exceptus fuit. Dum hæc ita fierent, Galliæ rex, qui totius Italiæ possessioni auidè inhiabat, detrimenti ad Rapallum accepti memor, & ignominie stimulis mirificè accensus, sollicitè & enixè modis omnibus dabat operam, vt acceptam iniuriam, & cladis perpeffæ memoriam, insigni aliquo & memorabili nouo facinore obliteraret, ac resarciret, ita vt diu consilij anceps, & quam potissimum Italiæ vrbein expugnandam, sibi desumeret, ambiguus, tandem post longam consultationem, ad Genuam inuadendum, & armis opprimendum, animum adiecit: quæ res, cùm esset ardua, & non exiguam difficultatem præ se ferret, operæ pretium se facturum existimabat, si, pertentatis ciuium animis, aliquam factionem alicuius nominis & momenti, in partes suas pertraheret; qua in re, tanta prosperitate vsus est, vt statim Baptista Fregosius, in supremo dignitatis & honoris gradu constitutus, se illi coniungeret, & haud dubiè minimè vulgarem bene gerendæ rei commoditatem & planè regem voti compotem efficiendi, attulit. Habebat etenim in vrbe, vltra magnas clientelas, & suæ factionis non pœnitendam manum, quam Cardinalis Hostiensis, recens Sauonæ, in qua natus erat, collegerat, præcipuos ex plerisque ordinibus viros, sibi amicitia, vel necessitudinis iure deuinctos. Rex itaque huius auxiliis confisus & subnixus, vrbis obsidionem diutius differre noluit, eò certè minus, quòd recens accepto nuntio ad rem maturandam inuitaretur. Siquidem Genuæ inter Ludouicum Fliscum, & Adurnios grauibus dissensionibus ortis, magna occasio regi expugnandæ vrbis ostendebatur, nimirum, cùm propter mutuam animorû distractionem omnia in vrbe perplexa, infida,

Maximi-
lianus Cæ-
sar Genuam
venit.

1497.

atque incerta essent, & nihil tam firmo loco relictum videretur, quin facile posset dimoueri. Grauis namque seditio inter ciuitatis capita orta erat, quod vna eorum pars imperij Sfortiani dignitatem mordicus propugnare & retinere animose contenderet; altera vero iusta indignatione commota, illius ignauiam & focioriam ob Petram sanctam nondum receptam, accusando, omnem Reip. calamitatem & inuidiam in illum conferret, & detorqueret, tanto cum ardore, ut etiam conuiciis & dictis non abstineret, atque illum sapius perfidiae insimulare non vereretur. Hac igitur ansa praebita, Rex, ut eam expeditionem facilius & commodius promoueret, sub initium proximi anni, tribus Heluetiorum, & totidem Vaschorum millibus Astam missis, ac Triuultio, supremo in Italia duci designato regioque Vicario, mandauit, & iniunxit, ut Baptistae Fulgosio & Cardinali Ostiensi, quorum proximè meminimus, opem atque auxilium ferret. Ipse interea moliebatur, ut ad rem commodius feliciusque conficiendum, Aurelianum, consanguinitatis iure sibi coniunctissimum, cum magno & valido exercitu actutum mittere. Paribus viribus & diligentia, quod Ligusticam omnem ditionem minori cum negotio armis opprimeret, Octauianum Fulgosium ad Florentinos ea tempestate Genuensibus inimicissimos, ut Lunigianam & orientalem oram inuaderent, magnis praemiis promissis, ablegauerat. Et paulo post, ne quid impedimenti aliqua ex parte relinqueretur, Paulo Baptistae Fulgosio serio iniungit, ut totius occidentalis Ligusticae orae tractum sex longis nauibus ex omni occasione infestum redderet. Hic motus tanto cum ipsius Insubri Ducis terrore inchoatus est, ut non parum sibi constaret, ac de se suoque statu valde sollicitus, mirum in modum excrucietur, quod milite destitutus, plerisque etiam ad bellum necessariis indigeret. Nec dum enim à Venetis promissa auxilia acceperat, adeo ut si Triuultius, ea, qua debebat celeritate, institutam expeditionem maturasset, dubium non sit, quin, eiectionis Sfortis, aliisque Insubriae principatus emulis, Mediolanum ipsum in regis sui potestatem redegisset. Inter haec, Genuenses, Ioanni Ludouico Flisco cum Adurniis in gratiam opera Ludouici Sfortiae reuerso, magnum peditum numerum conscripserant, & ingentem naualem classem, Venetis & Sfortia sumptus conferentibus, instruxerant: cui quidem classi noua erat facta accessio, sex triremium à Friderico Aragonio subsidio missarum. Pontifex verò, confederati nomen retinens, magis consiliis, & iuuandi desiderij ostentatione, quam rebus requisitis prodesse cupiens, nullorum sumptuum vel mari, vel terra, in hisce periculis, quae iure ad singulos Foederatos spectabant, particeps esse volebat. Huius tandem expeditionis progressus fuere, ut Baptista & Triuultius, Nouij moenibus castra admouerent, ob quorum aduentum Calatiae Comes, qui cum sexaginta grauis, ducentis verò leuis armaturae equitibus, & quingentis peditibus eius custodiae ac tuitioni praerat, de eo defendendo diffusus, Seruallem se recepit. Nouio occupato, exulum existimatio non parum inde creuit. Nam, praeterquam quod oppidum illud sua amplitudine multorum hominum capax erat, Mediolano Genuam contendentibus & itinerantibus, magno impedimento esse poterat, & situ suo, ad circumiecta loca infesta reddenda, valde opportunum. His peractis, Baptista pleraque alia oppida, huic contermina, occupauit: eodemque temporis tractu, Cardinalis cum ducentis cataphractis, & tribus peditum millibus Albintimilio capto, Sauonae exercitum admouit. Sed quod ciues nullam omnino seditionem ac motum excitarent, simulque quod intelligeret Adurnium cum haud contemnenda manu appropinquare, continuo sese Altarium, Montferratenis reguli oppidum, cetero passum

suum millibus à Sauona distans, recepit. Maioris autem ponderis fuit Triuultij initium, qui occasionis ad bellum in Mediolanensi ditione accendendum inueniendæ cupidus, etsi rex, vt ante omnia, Genua, ac Sauona tentarentur, mandarat; nihilominus tamen Boscum, haud mediocris momenti castellum, in Alexandrino agro positum, eo prætextu occupauit, quòd ad militum securitatem, qui in Liguriam profecti erant, Mediolanensium Ducis militibus, Alexandria in Genuensium ditionem perueniendi facultatem necesse esset intercludere: ne tamen apertè regis mandata excederet, vltius progredi noluit, sicque maximam occasionem amisit: quandoquidem omnis circumiecta regio, Bosco capto, pars timore, pars rerum nouarum cupiditate erat concitata: nec Insuber in ea parte plusquam quingentos grauis armaturæ equites, & sex peditum millia in armis habebat. Et Galeacius Sanseuerinas, qui Alexandriæ erat, eius defendendæ, nisi maiorum virium occasione auctus esset, omnem spem prorsus omittere inceperat. Ludouicus interim, nō minus in hac sua aduersa fortuna, quàm in omnibus aliis suis actionibus esse consueuerat, summam prudentiam & studium adhibebat, vt sibi tempestinè prospiceret, & per suos internuntios Atestinum Principem subinde rogabat, vt inter Galliæ regem, & se, aliqua ineundæ pacis ratio haberetur: sed Triuultij inter Boscum, & Nouium, mora, Ludouico rebus suis prospiciēdi, & Venetis, qui promptissimis animis ad eius tuitionem concurrentes, antea mille & quingentos pedites Genuam præmiserant, multos grauis & leuis armaturæ equites Alexandriam mittendi spatium concessit, & postremò Veneti, Pitiliano Comiti, sui exercitus imperatori, quoniam Mantuanus Marchio ab illorum stipendiis discesserat, vt maximam copiarum partem ad eius imperij defensionem duceret, mandarant: sic ijs, quæ magna spe incepta fuerant, sensim deferuescentibus, Baptista, quòd Genuæ ob apparatus ibi factos, nulli motus excitarentur, infecta re, se iterum Triuultio coniunxit, consilia sua ideò potissimum vana extitisse asserens, quòd Florentini orientale littus haudquaquam, vt se facturos receperant, inuasissent, qui sese, antequam Gallorum res feliciores validiorésque apparerent, bello immiscere, minimè prudens consilium existimarent. Purpuratus quoque Ostiensis, nulla re gesta, nisi quòd aliquot Finarij Marchionis oppida, quòd hic se Sauonæ defensorem ostendisset, ceperat, se ijsdem ferè diebus, pari modo Triuultio associauit. Huic expeditioni copiarum in plures partes distributio, vt sæpè vsu venire videmus, mirum in modum obfuisse creditur. Quòd si omnes initio coniunctis viribus Genuam petiissent, rerum successus haud dubiè multò felicior extitisset. Nam, præter factionum studia, & indignationem Petrasanctæ causa natam, in cuius venditione Genuenses Ludouicum accusabant, Germanorum equitum ac peditum, quos Insuber miserat, maior pars, post paucorum dierum spatium, repentè in Germaniam redierant. Ligures etiam, vix hostibus à suis finibus digressis, Fæderatorum ope, omnia prius amissa oppida, excepto Nouio, recuperarunt, quod tamen postmodum, licet Calatinus Comes, castris admotis, repulsus fuisset, deditione receperunt; neque ex locis occupatis vllus, præter parua quædam in Finariensi ditione oppidula, in Gallorum potestate ac ditione relictus est. Quantum verò ad rei naualis successum attinet, cum per idem ferè tempus, quo populus Genuensis terrestribus aduersariorū incursionibus agitabatur, Gallica nauigia ex littore Massiliensi egressa, finum Ligusticum infestum redderent, Genuæ ex Senatus decreto aliquot naues ac triremes adornatæ, omniq. militari apparatu instructæ, & auspiciis Ioannis Aloysij Flisci

ad omnem hostilem impetum cohibendum eductæ fuerunt: qui idoneam tempestatem nactus, nihil prius & antiquius habuit, quàm vt ex omni occasione inimicam classem adoriretur, in quam cùm incidisset, eò adegit, vt illico in Tolumnium, prouinciæ Narbonensis portum compulsa, inde nullo modo prodire auderet. Verùm, cùm Fliscus in eo itinere aduersa valetudine ita tentaretur, vt maris nauseam ægrè ferret, ac ferendis bellicis molestiis esset impar, Senatus, ne classis ex Præfecti inualetudine aliquid incommodi pateretur, in eius locum Paulum Nigrone substituit, vt eam expeditionem prosequeretur. Quo quidem

Obiecti
Flisci interi-
tus.

tempore, Obiecti Flisci, cuius persæpè mentionem habuimus, viri bello acerrimi, virtute eximij, aliquando fortuna, semper animo maximi, huius Aloysij fratris mors incidit, qui Vercellis, Transpadanæ Italiæ vrbe, post multos exantlatos labores, & vtriusq. fortunæ diuersitatē inuincibili animo perlatam, ætate adhuc integra & florente, non citra veneni suspiciōē, fatis concessit, magno cum Reip. beneficio & gaudio, quòd propter naturam, ab omni quiete atq. otio abhorrentem, & rerum nouarum cupidissimam, plerisq. mirum in modum inuisus esset.

Genus cer-
tus doti mo-
dus constitu-
tus.

Et quoniam inter cetera grauamina, quibus Reip. opes non parum exhauriebantur, inueteratus vrbis mos inter omnes ordines promiscuè obtinuerat, vt, in elocandis filiabus dotis ratio, omnem dignitatis atque fortunarum modum excederet, ne in posterum simili onere ad retinendam inolitam consuetudinem ciues grauarentur, Senatui placuit, vt publico edicto sanciretur, ne deinceps aliquis vltra quatuor millium librarum summam dotis nomine filiabus conferret. Itaque magna prudentia prædefinitus dotibus modus atque terminus, quos si quis excederet, reus neglectæ legis Patribus eo nomine fieret. Laudanda certè & suspicienda vel maximè hoc nomine Patrum sapientia, qui pleraque Reipub. vitia longo vsu confirmata, ad frugalitatem, & planè ad illius masculæ antiquitatis normam, reuocare voluerunt. Intellexerunt siquidem, præstantissimas quasq. familias, magnarum dotium collatione, non secus ac inciso neruo, haud parum debilitari & labefactari, adeò me herculè, vt sæpius vsu veniat, maximas & valdè illustres familias hoc solo imprudentiæ errore interire. Cuius certè rei cùm maximorum Principum extinctarum familiarum recordatio adhuc in mentibus hominum hæreat, & recens ob oculos versetur, non est, quòd longa

Quanta fue-
rit maiorū
in elocandis
filiabus mo-
deratio.

commemoratione eadem prosequar. Solùm hoc antiquæ simplicitatis & planè domesticæ rationis habitæ testimonij gratia adiecero, tantam fuisse Maiorum nostrorum in filiabus elocandis moderationem, vt Tatia Cæsonis filia, maximā dotem ad virum, cùm tamen non vltra decem millia æris adferret, attulisse videretur. Et Megalia, quia cum quingentis millibus æris, mariti domum intrauit, Dotatæ cognomen meruit. Quadraginta millia æris nostro numismate, si ad nostræ monetæ valorem attemperentur, plus minus quadringentos coronatos valent, quingenta millia æris, quinque millia aureorum. Propter quam summam per antonomasiam, Megalia, Dotata vocitata est. Priscæ autem Romanorū paupertatis indicia sunt quæ à Val. lib. II. scribuntur, ex quo verba hæc transcribenda duximus. Itaque cùm secundo Punico bello Cnæus Scipio ex Hispania Senatui scripsisset, petens, vt sibi successor mitteretur, quia filiam adultæ iam ætatis haberet, nec ei sine se dos expediri posset, Senatus, ne Respub. bono duce careret, patris sibi partes desumpsit, consilioque vxoris ac propinquorum Scipionis constituta dote, summam eius ex ærario erogauit, ac puellam nuptui dedit. Dotis modus XL. millia æris fuit, qua non solùm humanitas Senatus, sed etiam habitus veterum patrimoniorum cognosci potest. Sed non dudum stetit his limitibus do-

bus dotum frugalitas. Satis enim constat tam ex Iuvenale, quàm ceteris, ætatum suarum mores & vitia notantibus, dotes postea in immensum excreuisse, adeò ut ad decies centena millia & bis quingenta extracta legantur. Quæ autem fuerit iuris ac moris veterum sponsaliorum observatio, tum apud alios, tum verò apud Aulum Gell. lib. 4. cap. 4. videre est. Iisdem fermè diebus, moles portus Genuens. *Moles portus ampliat.* pro maiori ipsius securitate, in multos cubitos extensa & ampliata. Ceterum, tametsi initio subsequenti anni, dira atque atroci tempestate magna eius pars disiecta atque eversa fuerit; nihilominus tamen brevi post, Patrum singulari studio ac sedulitate, iterum instaurata atque adaucta fuit, ita profectò, ut postmodum vtrinque ad quadraginta cubitos porrigeretur. Neque hîc annotasse pigebit, eodem ferè tempore, Genuæ in ædibus Ioannis Rondadini, positus in regione ac platea vulgò S. Fidei, felem natam esse bicorpoream monstruosæ magnitudinis, octo habentem pedes: quod sanè meritò inter monstrosos partus referri potest. Et tametsi multæ historiæ huiusmodi prodigiis scatent, & nullum ferè sæculum, vel etiam ætas extiterit, in qua huiusmodi portenta, rerum humanarum casum non denuntiarint; tamen inter tot tantorumque scriptorum traditiones, pauca exempla, tanquam ceteris memorabilia, subijciam: Theani Sidicini puerum cum quatuor manibus ac totidem pedibus natum fuisse constat. Terracinæ puerum trigeminum. Ceræ porcum humanis manibus & pedibus; & puerum quadrupedem, & quadrumanem natum. Reate, mulum tripedem. Amiterni puerum tribus pedibus, & vna manu, itemque alium quatuor pedibus, manibus, oculis, auribus, & duplici obsceno. Saturæ vitulum bicipitem. In Lucanis, duos agnos equinis pedibus, alterum siminino capite. Id quoque annotatum est, ancillam, puerum vni manum peperisse. Nursiæ, geminos ex muliere ingenua natos, puellam integris omnibus membris, & puerum à priori aluo aperta, ita ut nudum intestinum conspiceretur. Præterea, complures Androgynos variis temporibus repertos, qui mox præcepto aruspicum in mare deportati, ibi submergebantur. Mulierem quoque duplici natura inuentam prodiderunt. Nec dubiū est, quin, præcedenti ætate, ac etiam nostro sæculo, insoliti ac prodigiosi animalium partus observati sint, & Venetiis quidem, eo tempore, quo Veneta Respub. percusso fœdere cum Iulio secundo Romano Pontifice maximum bellum adversus Alphonsum primum Ferrariensem sub Lauretano principe gerebat, in ipsa vrbe puer è plebe natus est cum duobus capitibus, quatuorque humeris & manibus, tum femoribus atque pedibus quatuor, ut duo esse pueri vnà conglutinati viderentur, si corpus reliquum duplex habuisset. Habebat autem vnum tantum cum renibus vnis tergorèque reliquo pectus: vixitque sesquihoram, ut Christianæ aquæ ablutione non caruerit. Verum enimverò, me, his minutiis diutius forsitan quàm par est, & historiæ dignitas concedit, inhærentem, reuocat institutionis contextus. Subsecuto anno, qui fuit nonagesimus octauus eiusdem *Partus monstruosus.* sæculi, Sfortia domesticis curis bellicisque tumultibus valdè defatigatus, secessum & otium optabat, præsertim cum paucis antè diebus, Beatricem coniugem, fatis sublata, amisisset. Verum, cum hoc illi ægrè concederetur, tandem amicorum suorum consiliis, relaxandi animi sui gratia, Genuam, amœnissimo loco positam, & temperatissimo cælo fruentem, mense Martio, proficisci statuit. Senatus, de illius aduentu præmonitus, pro veteri suo instituto maximos apparatus fecit, quibus animi propensionem ac publicæ lætitiæ testimonium suo Principi significaret, ita ut, inter cetera grati animi & domestici splendoris argumenta, illi hac de causa obuiam plusquam quingentos selectæ formæ ac nobilitatis iuvenes, *k 4* veste,

Ludouici
Sfortie ad-
uentus ad
urbem Ge-
nuam.

veste, cocco, atque murice tincta, publicis sumptibus indutos mitteret, qui Reip. nomine Principem ipsum ad palatium suum splendidissime instructum, præiret, & concomitarentur. nullumq. fuit hospitalitatis genus, quod Princeps, eiusque aulici Genuæ non sint experti. Tanta me herculè omnium rerum fuit profusio, atque in foris rerum venalium copia & abundantia, vt Ligusticæ potentiae magnitudo vel inde facile comprehendere ac intelligi potuerit. Ipso itaq; cum magna totius Senatus ac patricij ordinis congratulatione, & peringenti urbanæ multitudinis applausu regaliter excepto, aliquot assiduus diebus in vrbe institio indicto, feriatum fuit, & omnis populus circa theatra videndis spectaculis, aliisque ludicris exercitamentis occupatus. His exactis diebus, recreandis animis concessis, Princeps ad priuatorum ciuium amicitiam conuersus, multorum priuata etiam domicilia quàm humanissime frequentauit, tamque sese affabilem, placidum ac mitem, cum priuatim, tum in publicis congressibus exhibuit, vt cum magna omnium admiratione ac lætitia multorum ciuium animos sibi deuinciret, ac perpetua beneuolentia conglutina-ret. Tanta medijsfidius heroicis animis ab ipsa natura instillata est arcana vis, vt non solum bonos in sui rapiant amorem atque admirationem, verum etiam vt illi qui se aliqua iniuria affectos esse existimant, ad Principem suorum nutum atq. solum aspectum, in earum obliuionem deueniant. Hoc Genuensibus vsu venisse, illa quidem tempestate manifestum est. Nam superius memorauimus, plerorumque ciuium animos ab huius Principis obsequio & Principatu auersos fuisse factos, quod Petrasancta contra decorum Genuensis Reipub. Lucensibus obtigisset. Nunc verò conuersis studiis, tanta cum veneratione ipsum excepere, vt Numinis instar ab omnibus coleretur & obseruaretur. Huius Principis aduentus publicam quoque vtilitatem mirifice auxit. Quippe præter armamentum nauale, & alia publica ædificia perfici & instaurari iussa, etiam priuatorum ciuium onera congiario, Romanorum principum more, subleuauit, adeò vt sui desiderium, vrbe digressus, maximum reliquerit. Post eius discessum, cum in ciuitate omnia adhuc pacata & tranquilla essent, in Corsica, auctore Paulo Leccensi, natione Sardo, noui motus excitati fuerunt. Hic enim, cum ingenio esset mobili & inquieto, atque incredibili ambitione flagra-ret, in tantum malis artibus popularium animos sollicitauerat, vt non desperaret, quin horum opibus & auxilio fretus, eam insulam in suam potestatem redigeret: ideoque excitatis nouis turbis, licet paucos alicuius auctoritatis viros sibi coniunctos haberet, subinde tamè magna cum audacia indigenas ipsos ad defectionem prouocabat. Sed tandem Ambrosij Nigrij, viri prudentis ac strenui, cuius egregia virtus & fidelis opera plurimis in rebus persæpè antea cum vtilitate publica, & præsertim in edomandis Corsis, eluxerat, auctoritate & graui consilio, temerarij hominis scelestissimus conatus repressus fuit, atque prouincia à tam pernicioso & seditioso ciue liberata. Senatus, ceteriq. ciuitatis ordines, vltra annum stipendium ipsi Ambrosio, propter insignia eius merita ex ærario publico depensa & deprompta, ipsum etiam æterno monumento dignati sunt, posita illi marmorea statua in eiusdem Magistratus palatij meditullio, magno me herculè cum virtutis incitamento, nimirum cum nihil omnino præclarius in Reipub. excogitari vel designari possit, quàm viros fide, iustitia, fortitudine, rerumque gestarum gloria insignes, amplis præmiis prosequi & remunerare. Hic certè Nigrij multorum iudicio tantus fuit, vt non immerito cum maximis quibusque viris comparandus sit. Nā licet habeat ipsa antiquitas suos Scipiones, Æmilios, & Gracchos, de quibus merito sibi gloriatur; tamen in hac postrema & delira mundi senecta

Corsici motus Ambrosij Nigrij opera et virtute composuit.

Ambrosij Nigrij elogium.

necta hic suæ Reipub. ac patriæ rarum & singulare ac planè absolutū omnium virtutum exemplum dedit, adeò sanè, vt iure dubitari possit, vtrum magis belli, quàm togæ dotibus atque artibus excelluerit. Nam vltra dexteritatem, qua in compescendis & perdomandis Corforum ad bellum cōsurgentium animis vsus est, magnum trophæum atque planè speciosam laurum omnium iudicio sibi attribueret potest, quòd expugnatis omnibus vitiis & prauis affectibus, iustitia, continentia, & animi moderatione clarus atque immortalis extiterit. Huius itaque viri singulari beneficio vniuersa insula ad pristinam fidem atque obsequium rediit. Verumenimuerò vix triennio exacto, cū idem Paulus Lecensis nouas turbas in hac prouincia excitasset, ad eius conatus inhibendum, communibus Patrum suffragiis Emanuel Fliscus & Siluester Iustinianus ablegati, à quibus sanè nihil omninò pratermissum est, quod ad componendū excitatos motus pertinere existimaretur. Sed quoniam nulla ratione sedari poterant, paucis post mēsis, Alfonsus Carrettus, Finarij Marchio, & postremò Ambrosius Nigrius cum nouo supplemento amandati. Verū cū ipse regulus, post exiguum temporis interstitium, ex quo illuc appulisset, aduersa valetudine tentaretur, omnis belli cura & administratio penes Nigrium remansit, qui tandem acie militariter instructa, & cōmissō prœlio, tam prosperè ac feliciter contra hostem & seditio- nis concitorem dimicauit, vt capto etiam ipsius filio, qui postmodum captiuus in arcem Ericis perductus fuit, insignem ac planè singularem victoriam retulerit: & pacatis rebus, ac Prouincialibus, ad pristinam obedientiam & officium redire compulsis, Genuam, cum incredibili sui nominis gloria, & immortali suæ patriæ emolumento, ac utilitate, ouanti similis, & faustis omnium acclamationibus, remigrauit. Carolus interea, cū planè esset excelsus animo, & immenso gloriæ proferendique imperij studio flagraret, repetendæ Italiæ ardore ita incendebatur, vt nunquam cogitationes suas de expeditione in illam faciēda omitteret. Dolebat siquidem præteriti belli tempore multum negligentia Ducum, multum denique temeritate propria esse admissum, quod non parum suam existimationem & dignitatem, ac totius belli successum offendisset. Meditabatur itaque seriò sapius, vt præteritos admissos errores prudentia rerumque sedulitate in posterum corrigeret ac emendaret, ita vt non obscure in quotidianis sermonibus & congressibus cum suis proceribus atque consiliariis, cū bellicarum rerum incidisset mentio, expostularer & quereretur, bellum in Italia non eo quo debuisset modo fuisse gestum, sed ipsum de hac expeditione valdè sollicitum, eamque dies noctesque meditantem, immatura mors oppressit. Extinctus siquidem in primo iuuentutis flore, cū nondum annum vigesimum septimum esset egressus: Genus mortis, quamuis sint qui de eo va-
Carolus obiit
ut inserimus

riant, planè fuit præproperum & iniprouisum, vt potè quem, medicorum iudicio apoplexia correptum esse dicant. Satis etenim liquet, ipsum suapte natura variis corporis exercitamentis sese oblectantem, eo die, quo naturæ concessit, Ambrosiæ statim à prandio ex cubiculo vnà cum coniuge progressum, in quadam porticu, vt ex ea in sphæristerio pila ludentes conspiceret, constitisse, ac superueniente Andegauenſium Præfule, cum illo sermonem aliquamdiu protraxisse: in quo cū varia more Principum inieciſſet, tandē ad vitæ humanæ cursum deflectentem ærumnas, aliasq. calamitates, quibus hæc subijceretur, cum crebris suspiriis, non citra magnam Episcopi admirationem, recitasse, ac retroactæ vitæ suæ pertractum, multis de causis illius cursum detestatū, adeò vt etiam iureiurando interposito, Antistiti ipsi asseueraret, quod reliquum esset vitæ, se ita instituturum, vt

citra

citra aliquam insignem notam & labem, illam in posterum transacturus videretur: cuius Christianum institutum & verè principe dignum, cum laudare conaretur Andegavius, Rex attonito & stupido similis, in terram supinus prolapsus est: ad cuius casum, cum Regina & Antistes valdè animo consternati, illum manibus subleuare vellent, non secus ac si expirasset, immobilis ab hora ferè secunda post meridiem, vsque ad horam noctis vndecimam, sine vlllo sensus indicio iacuit. Media igitur ferè nocte, ceu lethargia liberatus, in vocē erupit, quæ miserabili cum gemitu Dei optimi maximi subsidium implorare præ se ferebat: quæ prolata, declinatis oculis, conquiescenti non absimilis, in Domino obdormiuit. Sunt qui asserant, hunc tantum regem statim post suum casum, in vicinum ambulacro cubiculum, quo nullum in tota arce humilior, vel sordidius extabat, fuisse delatum, vbi cum magna esset omnium trepidatio, tanta fuit aulicorum ministrorum, & præsertim cubiculariorum negligentia, ut cervicalibus immundis regio capiti suppositis, cum nulla culcitra ad manus esset, corpori palearium, tantummodò ibi promptum & paratum, substernerent, magna certè & inscrutabili fatali necessitate, quæ regem tam amplius ac florentis imperij dominum, tot urbium atque arcium expugnatorem, in hoc extremo vitæ suæ tramite, illum, priuato non solum similem, sed aliquantò etiam inferiorem reddidit. Non igitur absque graui iudicio Seneca præclare, Omnis, inquit, dies, omnis hora, quàm nihil sumus, ostendit, & aliquo argumento recenti admonet fragilitatis oblitos, tum æterna meditados respicere cogit ad mortem. Hunc vitæ exitum habuit Carolus, qui, magno sui desiderio relicto, postquam regnasset annos quatuordecim, in templo D. Dionysij, in sepulchrum maiorum suorum non sine sollempni & regia pompa, & multis lacrymis illatus atque contumulatus est, anno eiusdem sæculi duodecentesimo. Illius autem insignis pugnæ, cuius supra mentionem fecimus, ad Tarrum flumen inter ipsum, & Fœderatos habitæ, complures meminerunt; nec immeritò, cum res per se fuerit memorabilis, planeque talis, ut, quem admodum Italos perenni labe aspersit, sic etiam Gallico nomini ac virtuti immortalem gloriam pepererit, nimirum, cum in hostili exercitu ad quinquaginta millia tam peditum quàm equitum, fuisse dicatur; regi verò vix octo millia equitum, aut peditum: qui rem in immensum deducunt, vix decem millia adfuisse volunt. Vt cumque tamē sese res habeat, satis liquet, eo successu dimicatum esse, ut in eo prælio ex Venetis, ac Sfortianis supra quatuor hominum millia promiscuè perierint. Ex aduersa parte, viri fortes dumtaxat mille desiderati: nec mirum, cum legamus, & multa exempla adhuc extent, quibus fides indubitata haberi potest, sæpenumerò vsu venisse, ut maximæ acies exiguo exercitus numero non solum profligatæ, sed, quod magis est, ad internecionem deletæ fuerint, sicuti patet ex victoria Tomyris aduersus Assyrios, Locrensiū aduersus Crotoniatas, Spartanorum contra Xerxem, Alexandri aduersus Darium apud Granicum, Arbelam, vel ad Amanicas Pylas in angustis faucibus. Quantum verò ad Romanorum gentem scilicet inuictam, attinet, multis locis ex antiquis historiis annotare licet, ipsos, non solum hanc sibi gloriam cum exteris nationibus habuisse, sed longo interuallo rerum gestarum magnitudine post se reliquisse. Cuius rei ratio ut magis elucescat, aliquot exempla oculis subiecero. Scriptis enim proditum est, M. Liuium, & Claudium Neronem, Hasdrubalem, suppetias Hannibali ferentem, ad Metaurum ingenti strage debellasse, vbi par Cannensi cladi exitium redditum fuisse commemorant. Deinde Fabium Æmilianum vix cum triginta millibus armatorum hominum, ad Rhodanum plus ducenta Gallorum millia

ingenti

Caroli
ostensi
obitus.

Maximi
exercitus
parua manu
profligati.

ingenti strage deleuisse. Pari successu contra Antiochum pugnatum est, amplius quinquaginta millibus hostium caesis, viginti quatuor tantummodò equitibus, ac trecentis peditibus ex Romanorum agmine desideratis. Item, C. Marium, Cimbros, ac Theutonos ad aquas Sextias parua manu fudisse. Præterea, Sullam contra Mithridatem ad Orchomenum & Cheroniam ducētem, illius copias minimo negotio profligasse, & ad latebras ac solitudinem quærendam compulisse, ac etiam contra Archelaum non longè à Pyræo commissio prælio, ita eum deformasse, ut ex viginti hostium millibus, vix decem superfuerint; ex eius verò exercitu vix quatuordecim desiderati. His exemplis commodum adiungi potest, Pompeium, eundem Mithridatem, strage atrocissima, nempe quadraginta millibus hostium caesis, perculisse. Postremò, Lucullus contra Tigranem bellum magnis conatibus aggressus, multiplici eum clade affecit, in quo Romanorū vix pars vigesima copiis hostium accedere visa est: cuius pugnae tanta Romanorum felicitas fuisse traditur, ut, ultra centum millia hostium promiscua eade occisa, Romanorum verò non ultra centum vulnerati, occisi autem quinque dicantur. Tam paruo impendio tam insolens victoria stetit. Ælij quoque Galli in expeditione Arabica memorabilis victoria inter illustria adnumeratur, ut, post excidia & vastationes agrorum, pluribus oppidis expugnatis, plus triginta hominum millibus fœdè caesis & profligatis, non amplius septem ex suis interfectis, illustri victoria potitus fuerit. Mitto Diui Iulij Cæsaris raram & propriam felicitatem, cuius longè lateq. diffusa virtus fuit, quoties belli casibus agitatus, contra Aquitanos, Heluetios, Aruernos, reliquosque Gallos, & Germanos, aliasque exteras & incultis moribus gentes, parua manu innumeras hostium copias fuderit: quoties aduersus maximos conatus, inops ipse & imparatus, præsentissimo animo resistit: quoties adnotas hostiliter legiones disiecit: quot prælia confecerit: quàm firmissima hostium præsidia sæpè conuulserit & labefactauerit: quas vrbes, & gentes, vi & obsidione domuerit; aut deditas, in deditionem fidemq. receperit: ita ut an virtute animi, & verè diuinæ mentis magnitudine, an felicitate & fortuna plus valuerit, difficile dictu sit iudicare. Ceterum, post tot successus ac felicitates à me enumeratas, reliquum est, ut minimè præteream, Romanos non semper æquo Marte & felici exitus successu, armis contendisse, cum in litteras relatum sit, Lucium Bæbium in Hispaniam ducētem, agmine inexplorato per abditos saltus & inuias regiones in insidias præcipitatum, circumuentum à Liguribus, & tandem oppressum. Cuius quidem tam funestæ & luctuosæ cladis magnitudo, vsque adeò fuit memorabilis, ut Massilienses illā actutum per internuncios significarent. Nec minus infeliciore successu dimicatum est post Cannensem acceptam cladem, cum duce Caio Manlio, & Q. Cæpione à Cimbris & Theutonibus, legionibus fuis, plus octoginta Romanorum & sociorum millia ad Rhodanum fœdè caesa & debellata fuere: vbi tantum cladis acceptum, ut vix decem superfuisse dicantur: qua clade populus Rom. in tanto pauore & luctu fuit, ut, velut vltima publicorū malorum passus, iustitio indicto, sicut in magna consternatione assolet, prætextas, & laticlauios dimiserit, & saga sumpserit. Quid nunc memorem Romanorū legiones, Quintilio Varo duce, ab Arminio funditus deletas? Quarum certè tanta fuit iactura, ut Diuus Augustus, alioqui tolerandis aduersitatibus patientissimus Princeps, non aliàs ac si actum esset de Romano imperio, gemitu & multis suspiriis illius subinde recordationem profecutus sit, ac in multorum amicorum corona in maestissimas voces eruperit, Quintili Vare, redde legiones; sic, ut teste Suetonio, ceterisque aliis Cæsarum vitas scriptis colligen-

Valeriani
Cæsaris de-
ploranda
fortuna &
seruilis con-
ditio.

ligentibus, parum abfuerit, quin, illiso capite parieti, per animi impotentiam extremum spiritum eduxerit. Ceterum super omnem indignationem fœdi exempli ac memoriæ est, quod de Valeriano Cæsare, recentiori memoria proditum relinquitur, qui fortunâ planè aduersam, & se indignam, cum alioquin optimus esset Princeps, expertus est, in illa expeditione quam in Asiam fecit, cum Sopore Persarum rege congressus, & infelici prælio superatus, vsq. cò à victoribus hostibus deformatus fuit, tantisq. contumeliis obnoxius, vt, post afflictas fortunas, nulla verecundia pristinæ maiestatis, contra decus imperij, regi Persarum equum ascensuro, humi prostratus dorso gradum faceret: adeò Romani indignissimam fortunam, & grauissimos casus, ac sortis humanæ inconstantia, velut magna documenta mortalitatis nonnunquam experti fuere, vti etiam in Othomannica familia, Baiazetes, Turcorum Imperator clarissimus, à Tamerlane, vti suprâ commemoratum est, deuictus, idem exemplū calamitatis humano generi exhibuit. Ceterum, priusquam ad alia progrediar, hîc libens annotarim, quæ super Neapolitana expeditione, à Carolo octauo Galliarum rege suscepta, Alexander ab Alexandro, insignis eruditionis vir, posteris ac memoriæ mandauit. Sed quod nos, inquit, receti exemplo experti vidimus, profectò haud minus est. Cùm florente fortuna Ferdinandi, primi regis Aragonij, vrbs Neapolitana, & regnum, nullis adhuc belli calamitatibus premeretur, fatis constat, Cataldum, sanctum virum, qui abhinc annis mille Pontifex vrbi Tarentinæ præfuit, quemq. patrum Tarentini ciues venerantur & colunt, nocte intempesta ministro sacrorum cuiuspiam tunc sacris initiato, & in casta religione educato, semel atque iterum in somnis apparuisse, ac monuisse, vt libellum à se conscriptum, quem in abdito loco viuens abdiderat, in quo diuina arcana scripta erant, effodere, & protinus ad regem deferri curaret: qui cùm parum fidei somnio dedisset, eadem sibi per quietem sæpius obuersata specie, cùm primo diluculo solus moraretur in templo, ipsum Cataldum, qualis erat olim dum in vita ageret, pontificia veste, & infula amictum, eidem ministro planè vigilantem apparuisse, & prædixisse, vt postera luce, cùm primùm posset, libellum à se conscriptum, in abdito loco, quem in somnis prædixerat, conditum effodere, & regi deferre, ne cunctaretur, pœnam, nisi fieret, grauiter comminatus. Postera luce sollemni pompa ministrum cum populi comitatu ad latebram, in qua longissimo æuo libellus latuerat, processisse, eumq. plumbeis tabellis obsignatum, & clauis obseratum inuenisse, fatis constat. In eo certum est, futurum regni excidium, miserias, calamitates, & luctuosa tempora, atque instantia mala, quæ postea secuta sunt, regi prædixisse. Id quod experimento docti, magna mercede persolutum vidimus. Siquidem tanta vis diuinæ prædictionis fuit, vt haud multò post, ipsum Ferdinandum, seu Deum ira, seu fato insuperabili, quod vitari non potuit, in primo belli apparatu, è vita constet excessisse, Carolumq. Gallorum regem, ingenti coacta manu, innumeris copiis Neapolitanum omne regnum inuasisse. Alfonsumq. Ferdinandi primogenitum, post patris obitum, vix regno assumptum, regno orbatum, turpi fuga, velut in exilio, diem suum obiisse. mox ipsius filium Ferdinandum iuniorem, summæ spei adolescentem, miri erga omnes studij & fauoris, cui rursus regnum debebatur, misero & fatali bello implicitum, in ipso ætatis flore immatura morte præuentum, occubuisse. Postea Gallos, & Hispanos, communicato imperio, & æquato regni iure, fugato Friderico, altero prioris Ferdinandi filio, qui mox regno successerat, admotis hostiliter legionibus, & ampliore exercitu, denuò regnum inuasisse, sacra profanaq. occupasse, bonorum direptiones fecisse, vrbes, villas, vicosq.

vicosque omni belli clade peruastatos, multa fœda & indigna passos. Oppida quoque & municipia, cædibus & rapinis plena, prouinciasque hostilem in modum conuastatas, & in extremum discrimen adductas, incendiis, & stupris, ac, si quid ultra malorum est, paruisse, eundemque regem nondum functum fatalibus malis, post euerfam domum, & tot urbium clades, cum coniuge, & liberis regno pulsum, domo & fortunis relictis, in inimicorum manus supplicem venisse, ibique morbo & tæbe confectum, è vita tandem excessisse, donec ad hæc tempora, in quibus formidare non desinimus, & an satis piamenti & pœnarum adhuc pensum sit, ignoramus, peruentum est. His proculdubio, multorum forsitan iudicio, non immerito diutius immoratus esse videbor, cum citra historiæ nostræ iacturam omitti potuissent. Quibus certè nihil habeo quod opponam, nisi fate-ri culpam, si culpa dicenda est, quæ ex promerendi studio oritur. Nemo enim infitias ibit, hanc nostram nimietatem suo fructu minimè carere, cum haud exigua illa præliorum vicissitudo humanarum rerum fragilitatem omnium animis recordationem adferat, ac planè, vt ita dicam, inconstantia quadam stabiliat, adeò me herculè, vt temerarium & omninò impiū foret, aliquid sibi in felici rerum cursu polliceri, vel rursus in aduersis animum despondere. Priusquam autem hunc librum absoluam, hæc pauca mihi sese offerunt, nempe circa hæc tempora, Ludouicum Fulgosium, quem haud semel in Repub. principem locum obtinuisse, ex præcedentibus constat, Nicææ supremum diem expleuisse. At sub finem eiusdem anni, Hieronyma Spinula, matrona, non minùs generis claritudine, quam vitæ sanctimonia, & pudicitia laude insignis, dum in prædio suo ad Petrum Arenarium sito rusticatur, in cubili exanimis inuenta est, multis vulneribus confossa, nec vnquam, etsi diligentissima inquisitio adhibita fuerit, tam nefarij sceleris auctor inueniri potuit. Sunt etiam qui asserant, eadem fati acerbitate ipsius virum in Hispaniis paulò antè extinctum.

LIBER XVII.



POST QUAM Carolo Galliarum regi à Gallicis proceribus 1499. regio more parentatum fuit, isque magna Principum virorum atque Ordinum frequentia elatus, incredibile sui desiderium, vti antea commonstrauimus, reliquisset, non diu de nouo rege creando deliberatum est. Nam, Carolo absque vlla prole decedente, regni successio in Ludouicum Aureliæ ducem, tanquam illi consanguinitate proximum, translata est, ad quem etiam statim post illius discessum, cohors prætoria, alique Duces, & aulici officiales Blefiacum, quò se contulerat, summa cum festinatione contenderunt, & mox omnium ferè regni procerum consensu & suffragiis rex designatus & consalutatus est. Vt primum autem hic Ludouicus, qui xij. fuit, tanti regni hereditatem ac successionem adiuit, illius terminis atque limitibus non contentus, non solum Aragonios Neapolitano regno sibi iure successionis, vt prætendebat, debito, deturbare ac eijcere constituerat, sed etiam Insubria imperio magna cum animi cupiditate inhiabat, potissimum quòd maternum genus ex Principum Mediolanensium stirpe duceret. Fuerat illi siquidem auia materna Valentina Philippi Vicecomitis, in quo legitima masculorum successio defecit, soror. Hanc Ioannes Galeacius pater Ludouico Caroli v. Gallia regis filio, ante Philippi obitum nuptui dederat, con-

Ludouicus
xij. Galli-
arum rex.

Quo im-
mo Gallici Re-
ges Medio-
lanum sibi
vendicent.

cessa Aſta vrbe dotis nomine, additæque cautione, vt, ſi fratres Valentinæ ſine legitimis liberis vita excederent, Inſubrum imperium ad illius legitimos ſucceſſores perueniret. Et quia hæ nuptiarum tabulæ ſine Cæſaris auctoritate erant conſcriptæ, quòd eo tempore ex interregno nullus adhuc Cæſar eſſet designatus, vt Valentinæ eiùſque liberis certiùs atque ſecuriùs caueretur, ad Romani Pontificis auctoritatem decurrere placuit: qui nomine Cæſaris hoc matrimonium ſuis conditionibus initum, ratum habuit atque ſanciuit. Verùm, dotalibus tabulis Pontificia auctoritate confirmatis, Cæſaris conſiliarij mordicus eius dignitatem & inueteratam auctoritatem more maiorum retinere ſtudentes, interpoſita ſubtili quadam legis interpretatione, quòd ſcilicet, nullum Pontifici in transferendis vel adiudicandis regnis, eorùmque feudis ius competeret, auctoritatem interpoſitæ Pontificiæ confirmationis abrogare omninò contendebant. ſed tandem poſt longas altercationes & diſceptationes, cauilloſa quadam & diſtorta iuris interpretatione factum fuit, vt, quamuis imperator tabulis non ſubſcripiſſet, poſt tamen interpoſitam & interuentam Pontificis aſtipulationem, ratæ, & factæ rectæ haberi deberent. Itaque Valentina, poſt Ludouici coniugis, Ioannis Burgundix Ducis, inſidiis apud Parisios crudeliter interfecti, obitum, Principatum Mediolanenſem optimo hereditatis iure adiſſe videbatur, ſuſceptis ex Ludouico coniuge tribus filiis, nempe Carolo, qui in Aurelianorum Principatu Ludouico patri ſucceſſit, & Ioâne Angoliſmorù regulo, ac Philippo Virtutis oppidi Comite, & vnica filia, quæ poſtmodum Fuxæo nobiliſſimo in Aquitania regulo nupta, Gaſtonem inuſitatæ virtutis adoleſcentem protulit, illum inquam ante imperatorem, quàm militem, terrificum belli fulmen in ipſa partæ victoriæ gloria Rauennæ extinctum. Ceterùm, ex Carolo, qui Britannico bello captus, diu in vinculis Londini aſſeruatus fuit, & Maria Cleuenſi Menapiorum Principis filia, hic Ludouicus, de quo agimus, ortus fuit, adeò vt iure hereditario Inſubriæ dominium ad ſe legitimè pertinere contenderet. Proinde ſtatim ab initio, quo ad regium culmen euectus eſt, nihil prius & magis habebat in votis, quàm vt Mediolanenſe imperium quouis modo inuaderet, ſuòque regno adiiceret. Accedebat huc, quòd Ludouico Sfortiæ ob priuatam ſibi illatam iniuriam mirum in modum eſſet inſenſus. Quandoquidem cùm primos pueritiæ & adoleſcentiæ annos apud Inſubriæ principes exegiſſet, miram huius Ludouici Sfortiæ insolentiam in Nouariæ expugnatione notauerat, & non obſcurè animaduertebat, quanta Mediolanenſium Principum eſſet ambitio, & in omnes reges, præſertim verò Gallos, æmulatio. Itaque poſt paucos dies à regis Caroli obitu, poſt regni inaugurationem, aliſque rebus in Gallia compoſitis, haud citra magnam ambitionis, & præſumptionis reprehensionem, non modò Galliæ, & Neapolis, Hieroſolymorum ac vtriuſque Siciliæ rex, verùm etiam Mediolanenſium Dux appellari voluit, ac ſub tali titulo omnia diplomata, aliàsque litteras regias expediri iuſſit, tantòque ſtudio Italiæ Principum animos ſibi deuincire contendebat, vt, ſimulac regnum adeptus eſt, per internuncios Pontificē, Venetos & Florentinos de felici ſua inauguratione certiores redderet. Intelligebat enim, ſe cōmodè in Italia bellum contra Aragonios, vel Mediolanenſium Principem gerere non poſſe, niſi aliquorum Principum animos præoccupariſſet, quorum opibus atq. auxiliis fretus, aduerſæ ſuæ partis factioſos faciliùs debellaret atq. attereret. Et quoniam Reſp. adhuc ea tempeſtate Sfortiano imperio ſubiiciebatur, edixit ſub graui pœna, vt omnes Genuenſes in Gallia, vel aliis ſuæ ditionis locis negotiantes, actutùm illinc excederent, cùm iam non clām, ſed aperte bellum Italiæ mo-

liæ moliretur, magnas & ingentes copias, quarum numerus quinque ac viginti millia æquasse dicitur, summa cum celeritate magnisque sumptibus conscripsit: quibus per cohortes & vexilla distributis, viros præstantissimos, ac rei militaris peritissimos præposuit, quorum præcipui ferme fuerunt Eberardus Stuardus, Obegninus, Ludouicus Luxemburgus, Lignius, & Ioan. Iacobus Triuultius, quorum certè ducum industria & alacritate non semel eius prædecessores feliciter pugnauerant, atque ampla de hoste trophæa retulerant. Insubres, ac Ligures interea de his apparatibus certiores facti, magna in trepitatione, & animorum consternatione erant, quòd secum armis reputarent, fieri non posse, vt ipsi viribus Gallicæ potentia longè impares, tanto exercitui resisterent. Tametsi enim Sfortia sollicitè atque anxie non pœnitendum exercitum compararet, ac vndique subsidia ab exteris Principibus rogaret & emercaretur; tamen sese iustis armis diu defendere ac tueri posse diffidebat, potissimum cum regius exercitus, emensis Alpibus, Transalpinam Galliam maiori ex parte occupasset, ac valido præsidio firmasset. Genuæ itaque, quòd sese odio Sfortiani nominis à Galliarum rege impeti & inuadi existimabant, nouæ similitudines inter plerosque patricij ordinis exortæ sunt, quæ eousque sunt progressæ, vt maior ac melior pars ciuium à Sfortiano imperio deficiens, Gallici nominis studiosos iam se publicè ac palàm profiteri non vereretur: & abrogata omnibus diplomatibus, statutis ac edictis nomine Sfortia latis reuerentia, non mediocris in vrbe dissensio, & ex hac, vt fieri consuevit, non minima confusio subsecuta. Petierat enim Sfortia à Genuensibus quarundam cohortium præsidium sibi in auxilium dari, & quamprimum transmitti: quæ res cum in frequenti Senatu variis sententiis esset controuersa & agitata, eum exitum habuit, vt Patres conscripti tale subsidium in præsentiarum prorsus abnuerent & recusarent. Verùm, instante Augustino Adurnio, eiusque vrbis Præfecto, postulatis Principis iterum in deliberationem reuocatis, nescio quam ratione factum fuerit, vt multorum suffragatorum studio & gratia, illi Senatus consulto auxilia decreta fuerint: quæ sanè potius extorta, quàm concessa iure omnibus videri poterant. Eaquæ de causa conscripta fuere duo expeditissimorum virorum millia, quæ, duce Ioanne Adurnio, in Insubriam missa sunt, ea quidem spe, vt Alexandriam, ab hostili exercitu grauissimè oppressam, consociatis armis cum Sfortianis, præsidio subleuarent. Ceterùm, vix copiae conscriptæ progredi inceperant, cum intellectum est, eam urbem in hostium potestatem deuenisse, adeò vt nullum opportunum remedium Alexandrinis conferri potuerit. Sfortia interea temporis Mediolani agens, magnum Germani militis numerum coëgerat, quo fretus, Gallorum aduentum ambigua sub spe opperiebatur. At fama tot vrbium vno eodemque tempore amissarum deterritus, cum Venetorum fidem iam valdè suspectam haberet, sibi quæ ipsi cōscius esset, quàm grauiter & inhumaniter populum sibi subiectum oppressisset, quantisque parricidiis, veneno, vt prædiximus, sublati nepotibus, se onerasset, de feliciter administrando bello non immeritò desperabat, ac non secus quàm furiis & diris concitatus, subinde in noua consilia prolapsus, ægrè sibi constabat, & vt fieri solet, dum mens in incerto est, facile huc illuc impellebatur. Eius mentem atque animum valdè inquietatum, magis perculit & concitauit Galeacius Sanseuerinas, qui recens Mediolanum Alexandria reuersus, Gallici exercitus potentiam, virtutem atque alacritatem ad cælum vsque, rem non parum exaggerando, attollebat, & in primis cataphractorum equitum robur summopere prædicabat, ita vt, desperatis rebus, cum nullum effugium, vel salu-

Ludouicus
Mediolanensis
Princeps ce-
dit Galliarum
potentiæ

tem, si ab hoste victore deprehensus fuisset, expectaret, ad Maximilianū Cæsarem sibi affinitate coniunctum (is enim, Maria Caroli Ducis Burgundiæ vnica filia, sua coniuge, è viuis subtracta, Mariam Blancam Galeacij Ducis Mediolanensis filiam vxorem duxerat) confugere, eiusque vires & copias tam necessario tēpore implorare statuit. Itaque Mediolano Comum contendit, & mox traiecto Lario lacu, in Germaniam, præmissis antea ad Cæsarem Ascanio Cardinali fratre, liberis, & Sanseuerinate purpurato, cum magna auri argentiq̃ue copia ac pretiosa suppellectile, necnon cum satis magno præsidio, nimirum quatuor millium peditum, & quingentorum grauis armaturæ equitum, peruenit, à quo honorificentissimè exceptus fuit. Ante discessum, nescitur qua fiducia sui, Mediolanum, solitam principum sedem, & antiquitatis nomine celebrem urbem, parum, vel nihil munierat. Sunt qui arbitrentur, huius urbis munitionem propter amplitudinem & vastitatem omisissam fuisse. At plures ea in sententia esse comperio, quòd iudicent, illum dedita opera Mediolanum præsidiis non firmasse, quòd scilicet, aliis Insubriæ in locis, maiorem tuendæ salutis spem atq. fiduciam repone-
ret. Vt cumque res sese habet, non vacat hac negligentia reprehensione & culpa, nimirum cum prouidi & verè militaris Ducis sit, nihil in medio relinquere, quod iniuriæ atque hostium viribus aliquo modo patēre possit. Nihilominus tamen arci Bernardinū Cursium longa consuetudine & veteri familiaritate sibi gratum cum valido præsidio præfecerat. Ceterum Galli, intellecta Sfortiæ fuga, minimo cum negotio Mediolanum occuparunt. Hac noua victoria auctus rex, Mediolanum, à suis præmonitus, venit, & decretis passim supplicationibus, festa que fronde plerisque palatijs & publicis ædificiis redimitis, tanta cum omnium congratulatione & applausu exceptus atque salutatus est, vt, post honorificam orationem, publico nomine habitam, magna cum veneratione ab ipso clero, subsequente Pontifice cum infulis, sub vmbella aurea, sollemni more ad Ducale palatium, sublati vndique faustis vocibus & acclamationibus, perductus fuerit. Sed regis animum, in gaudia profusum, cum nihil, præter excelsum atque sublime ageret ac meditaretur, valdè torquebat arx nondum in deditionem recepta, eò certè magis, quòd difficilior eius expugnatio videbatur. Habebat siquidem illa, præter inexpugnabilia quodammodò munimenta, defensorē acerrimum, quippe ex totius Insubriæ iuuentutis flore selectum, adeò vt Triuultius, alii que duces bello & pace versati, facillè conijcerent, obsidionem diuturnam fore, nisi quàm primùm opportunis remedijs occurreretur. Proinde ex eorum consilio & vniuersi omnium consensu statutum est, vt in primis defensorum animi largitionibus ac pecunia tentarentur, nimirum, cum nihil sit tam arduum, vastum atque constans, quod auro non sit peruium, & hoc facillè non expugnetur. Vocatus itaque ad colloquium Cursius, cui arcis custodiam derelictam fuisse ostendimus, post paucos vltro citroque congressus, atque sermones, cum eo hac conditione transactum fuit, vt relicta in eius potestate pretiosiore omnium rerum domesticarum suppellectile, & numeratis atque acceptis decem aureorum millibus, ipse regi arcem traderet, magno me herculè & immortalis hominis viruperio, qui tantilli quæstus mancipium, honoris fideique iacturam faciens, principis sui, & patriæ prodicionem, cum perenni & nunquam intermoritura ignominie labe, facere sustinuerit, potissimum, cum omnium historicorum scripta in hoc consentiant, hanc arcem, nisi huius nequissimi hominis perfidia prodita hosti fuisset, obsidionem ad triennium ad minimum facillè tolerare potuisse. Genue interim, vbi de validissimo regio exercitu, de que Mediolano, ac eius arce occupata,

*Ludouicus
rex Medio-
lano, &
mox arce po-
nitur.*

occupata, & primum cōstanti fama, deinde certis nuntiis cognitum est, in cūria pro veteri & recepto more, vt pro grauib. deliberationibus populus ad suffragia vocaretur, comitia celebrata fuerunt, & de cōmuni omnium sententia statutum, vt victoris regis animus armis deinceps nulla ratione lacefferetur. Quinimō conuersis studiis, & abrogato Sfortiano imperio, Reip. dominiū in Gallię regem, publici boni retinendæque quietis gratia, transferretur. Nihil enim aiebant fieri, vel obtingere, eo quidem tempore, Reipub. posse vtilius, quā ab impotentis & ambitiosi Ducis imperio, in potentissimi iuxta & humanissimi regis potestatem ac benignitatem deuenire, à quo nihil sperandum, vel expectandum foret, quā id, quod Reipub. in primis salutare, & ciuib. tum priuatim, tum publicè vtile atq. honorificum esset: omnibus igitur viribus hanc cōmutandi status ansam diuinitus oblatam, & à Diis vrbis tutelaribus datam atque ostensam, amplectendam: nec cōmittendum, vt, propter paucorum ambitiosorum ciuium dissensionem, ciuitatis status in tam necessario tempore aliquo modo negligeretur, vel propter illorum contumaciam in abruptum atque anceps periculum deduceretur. Itaque hac de causa aliquot electi & designati ciues, qui huius rei curam atque prouinciam susciperent, ac ex vtilitate & dignitate Reip. quod illi faustum ac felix esset, exequerentur. Augustinus & Ioannes Adurnius, intellecto Senatus, de mutando Principe, consilio ac decreto, id vnum obnixè dabant operam, & omnem, quod aiunt, lapidem mōuebāt, vt dignitatem, qua hactenus in Reipub. floruerant, ex Senatus voluntate ac permissione retinere & continuare possent. At cū plerique Senatorij ordinis viri, omnes factiones, earumque auctores, è medio tolli cuperent, vt scilicet, sublati earum ducibus, sensim perniciosæ istæ similitudines, quæ maximè Remp. torferant, elanguerent, ac extinguerentur, suffragiis publicis Adurniorum voluntati & postulatis contrarium fuit. Et ita delectis viginti quatuor, fide rerumque vsu conspicuis, Respub. ad regem honorificentissimam legationem habuit, qui admissi in colloquium, & ab eo quā humanissimè excepti, æquis condicionibus atque pactis Reip. summam ei hac lege & conditione publico nomine tradidē, vt nempe, conseruatis pristinis immunitatibus, alijsque statutis & priuilegiis, hactenus ab exteris Principibus conseruari solitis, rex vrbi Præfectos darēt, quorum fide, iustitia, atque prudentia Reipub. salus atque dignitas contineretur: Oratores autem fuerunt Ioannes Marinus, Nicolaus Odericus, ambo eruditi ac insignes iurisperiti; Christophorus Cataneus, Nicolaus Brignalus, Petrus Baptista Guitius, Ioannes Ambrosius Fliscus, Stephanus Cicada, Anfreon Vfusmarus, Andreas Cicerus, Bartholomæus Ceua, Nicolaus Amandolus, Augustinus Lomelinus, Ioannes Ambrosius Nigronus, Ioannes Baptista Facius, Anfaldus Grimaldus, Vincentius Sāulus, Petrus Calisanus, Ambrosius Zerbis, Demetrius Iustinianus, Bernardus Saluagus, Christophorus Spinula, Hieronymus Auria, Iacobus Centurio, & Lazarus Fatinantius. Horum postulatis cū rex septimo Cal. Septemb. assentiretur, Adurnij statim vrbe excesserunt, & alter quidem Neapolim, alter verò in suas arces & prædia se recepit, vrbisque præfectura Scipioni Baruario Mediolanensi vsque ad noui præsidis electionem demandata, & illius custodia Ioanni Aloysio Flisco ad tempus attributa. Oratores, quos quatuor ac viginti numero ex lectissima nobilitate Mediolanum ad regem Galliæ Reip. constituendæ causa ablegatos fuisse diximus, breui postea vnā cum Philippo Rauestano Menapiorum Ducis fratre, ipsi regi arētissima consanguinitatis necessitudine coniuncto, vt regis nomine illam Rempub. cum summa & absoluta auctoritate administraret, reuersi

*Genua sub
Ludouico
XII. Gal-
liarum rege.*

Mirabilis &
repentinus
funestus ca-
sus.

sunt. Verùm quia etiam hoc anno casus incidit propter rei nouitatem planè memorabilis, non cōmittam, quin huic nostræ historiæ intexuero. Cùm enim Genuensium, quos diximus, legati, Mediolanum profecti, ad D. Eustorgij cœnobium, siue Abbatiam, vt vocant, diuertissent; ex his duo summa necessitudine coniuncti, Petrus Baptista Guitius, & Christophorus Spinula, eodem hospitio excepti, dum in cubiculo quod plateam publicam spectabat, inambularent, à transeuntibus amicis compellati, dum fenestrarum podiis incumbunt, vt se vocantes intuerentur, ac responsa darent, repentè disruptis illarum ob vetustatem repagulis, corruunt. Eminebant enim ex fornice fenestræ cancellis ligneis fabricatæ, quales *gelosias* Itali vocant, atque ita cariosæ secum vtrumque in exitum trahunt, vt alter, Spinula videlicet, eo casu oppressus, animam extemplò reddiderit, alter verò vitam in noctem solùm protraxerit. Hæc omninò funesta & luctuosa sunt, atque huiusmodi, vt nobis humanæ vitæ conditionem atque miseriam ob oculos ponant, simulque testentur, verum esse quod parœmia dicitur, Homo bulla. Patent enim homini infiniti ad ruinam atque perniciem aditus, nec anxie conquirendi sunt, cùm vndique tot sese ostendant media, quibus infelicis huius vitæ cursus facilè abrumpi potest, adeò vt Seneca ad Lucilium dicat, inter tot humanarum rerum ærumnas, nihil magis à Diis, ethnico scilicet more, concessum, loco quadammodò solatij, quàm habere in nostra potestate, & quasi in promptu, quo modo, & quando hunc spiritum ex hoc infelici corporis ergastulo quàm facillimè liberemus. Verum enimverò, huius rei, longè omnium mea equidem sententia difficillimæ, inquisitio, torsit nō parum omnibus ætatibus maximos atq. limatissimi iudicij viros, qui tamen iudicio essent grauissimo atque rectissimo, in incerto tamen fuere, fatone res mortalium, & necessitate immutabili, an forte voluantur. Quippe sapientissimos veterum, quique sectam eorum æmulantur, diuersos reperies, ac multis insitam opinionem, non initia nostri, non finem, non denique homines diis curæ: ideò creberrima & tristitia in bonos, læta apud deteriores esse. Contrà alij, fatum quidem congruere rebus putarunt, sed non è vagis stellis, verùm apud principia, & nexus naturalium causarum, ac tamen electionem vitæ nobis relinquunt, quam vbi elegeris, certum imminentium ordinem, neque mala, vel bona, quæ vulgus putet: multos, qui conflictari aduersis videantur, beatos: ac plerosque, quanquam magnas peropes, miserrimos: si illi grauem fortunam constanter tolerant, hi prospera inconsultè vtantur. Ceterum plurimis mortalium non eximi, quin primo cuiusque ortu ventura destinentur. At nobis, Christiana fide & religione institutis, longè secus omninò sentiendum est, illudq. semper pro certo atque indubitato habendum, res humanas non casu ac fortuitò, sed cælesti nutu ac prouidentia regi & gubernari, omniaque diuino ac iusto, licet nobis occulto, iudicio & voluntate fieri ac decerni, & atrocissimas pœnas concomitari atrocissima scelera. Me verò interim profundas & altissimas disputationes ingressum, reuocat suscepti argumenti ratio, sic tamen, vt hæc paucula prius subiiciantur: nempe exitu eius ætatis, Scanderbassam, Illyrii præfectum, cum duodecim millibus equitum, per Aquileiensem agrum in Euganeos, altissimis fluminibus superatis, populabundum penetrauille, captoque magno hominum numero, quod nemo armatus obsisteret, & in Tiliauenti amnis ripa, trucidatis immaniter senibus, vnde venerat, graui ex incendiis & cæde luctu in his regionibus relicto, reuersum fuisse. Sub idem ferme tempus, Dauthes quoque Othomannicæ classis Præfectus, desertis & amissis aliquot triremibus, in Naupacteum sinum abscessit, & Naupactum, oppidum

Ætolia,

Ætolia, nō procul à Locris, terra marique acriter obsessum, deditione occupauit. Sunt qui memoriæ prodiderint, paucis antè diebus, in Apulia coruos, vultureſque, tanta in aëre vi, tantisque agminibus inter se conflixisse, vt carpenta duodecim eorum cadaueribus explerentur. Quod quidem haud dubiè futuræ atque imminentis cladis fuit præſagium. Initio proximè subſecuti anni, qui fuit millesimus quingentesimus, Ludouicus Sfortia Mediolanensi Principatū Gallicis viribus exutus, diuersorum Principum animos, citra aliquam tēporis intermiſſionem, mirum in modum ſolicitabat, & modis omnibus in partes ſuas perducere atque protrahere ſtudebat, quò Gallorum potentiam, cum perniciè totius Italiæ in Inſubriæ imperio nouæ felicitatis ſucceſſu conſtabilitam, euerteret, atque ad internecionem, ſi fieri poſſet, deleret. Sed cū Gallorum imperium adeò eſſet potens, atque magnum, vt illius vires omnibus Chriſtiani orbis Principibus, iam multis, & ijs quidem iuſtiſſimis de cauſis, inciperet eſſe formidabile, nullus erat ferè Princeps, qui palàm & manifeſtè contra Gallos in fauorem Sfortiæ arma expedire auderet. Heluetij tamen Mediolanenſium Principum vicini, ſiue quòd ſua intereſſe mirum in modum exiſtimarent, vt Galli procul Italia pellerentur, ſiue quòd tacita quadam obligatione ipſi Sfortiæ deuincti eſſent, valida ipſum manu iuuare decreuerūt. Proinde milite Italico palante ac diſperſo in vnū coacto, atq. per cohortes deſcripto, ſpeciè iuſti exercitus iam exhibebat. Ac ne id quod animo cōceperat & moliebatur, aliqua de cauſa remoraretur, Mediolani per ſuos amicos & clientes hoc vnū præcipuè ſtudebat, vt graui tumultu ac ſeditione intus excitata, ipſe ex occasione cum ſuis copiis præſtò eſſet. Nec eluſit eiſ ſpem ſucceſſus. Nam, excitatis per ſuos in vrbe turbis, ipſe quamprimū intra mœnia receptus eſt. Et cū ita ſit natura cōparatum, vt hominū volūtates vnà cum fortuna ſeſe commutent, ac ſubinde temporum conditioni inferuiant, magno cum applauſu, nullis beneuolentiæ priſtinæque obſeruantia ſignis omiſſis, in vrbem poſtliminiò reductus eſt, adeò vt vel hinc clarè eluceat, magnas conuerſiones in imperiis ac Rebus pub. ex populari inconstantia & leuitate plerumque oriri. Genuenſes tamen ſingulari quadam prudentia Mediolanenſium exemplum hoc quidem tempore auerſati, cum incredibili animorum conſtantia in fide regis perſeuerarunt: quæ ſanè non minori cum vtilitate ac emolumento, quàm laude fuit coniuncta. Sfortia ſiquidem, poſt exiguum temporis interuallum, à ſuis Heluetiis ſubſidiarijs, Gallorum largitionibus atque ingenti pecunia corruptis & expugnatis, Nouariæ proditus fuit, ita vt ipſe, & vniuerſa eiſ ditio, breui poſt in Gallorum manus ac poteſtatem redierit. Galli deinceps, maiori cum diligentia & cura, maioribuſque præſidijs Mediolanum, ceteraſque Inſubriæ Principis vrbes cōmuniuerunt, & obſirmarunt. Suprà demonſtratum eſt, Calo Ioannē, Conſtantinopolitanum Imperatorem, à Ioanne Cantacufeno armis pulſum, ope Franciſci Cataluſij, nobilis Genuenſis, paternum auitumque imperium recuperāſſe, atque ob id, ſore in matrimonium accepta, in ſula etiam Leſbi, vrbisque Mitylenes ditioſe donatum. quod ſanè incidit in annum ſupra milleſimum trecenteſimum, quinquageſimum quintum. Hanc verò ipſius poſteri, vſque ad annum milleſimum quadringenteſimum ſexageſimū ſecundum, quietè ac paciſſicè poſſederunt, donec tandem Mahumetes Turcorum rex, capto Byzatio, hanc etiam ſuo imperio adiiceret. Succeſſu verò temporis, cū Reſpub., ſicuti proximè enarrauimus, à Sfortianis ad Ludouicum XII. Galliarum regem deſciuiſſet, ipſe Philippum Raueſtenum Cliuſenſem, virum, vt generis claritudine, ſic etiam conſilio manuque promptum, & ſibi affinitatis vinculo coniunctum, Genuam,

Ludouicus
Mediolanēſi
Princeps ab
Heluetijs
proditus

1501.

*Mitylene
frustra à
Genuens. ac
federatis
obsidentur.*

quò ibi suo nomine præsideret, ablegauit. qui, vbi primum illuc profectus est, nihil potius habuit atque antiquius, quàm vt ibi regia pecunia quatuor naues, ac totidem triremes, sub ciuium Genuens. præfectura, egregiè instruerentur, habitòq. decem Gallicarum nauium supplemento, his omnibus Cliuensis cum imperio præpositus, & mense Iulio anni, eiusdem æui, vnus, & quinquagesimi, rectà Neapolim adnauigatum, vt obsessis opem ac suppetias ferrent. Ceterum, hæc expeditio eum successum habuit, vt, cùm Fridericus rex iam victricibus armis omnia recuperasset, nauarchus, desperatis rebus, illinc retrocesserit, & navigationis cursu in partes Orientales directo, cùm fortè in quatuor ac triginta Venetas triremes incidisset, confestim cum earum trierarchis collatis sententiis, initisque consilijs, omnes de communi consensu, Mitylenas adoriri statuerunt, eoque secundis ventorum flatibus appulsi, ac descensione facta, necnon militaribus machinis ipsis mœnibus admotis, illam summo impetu oppugnare inceperunt: nec exigua spes affulgebat, fore, vt breui expugnaretur, si Galli, ac Veneti, quod suarum erat partium, nauiter ac fideliter præstitissent. Priores siquidè, propter odium, quo ipsum Præfectum natione Sequanum prosequiebantur, illi hanc palmam & gloriam summopere inuidebant. Postremi verò ægrè ferre, huius victoriæ fructum non totum, ac proprium, sed cum ceteris etiam communicandum: eoque factum est, vt segniùs rem agerent, ac pugnam quoque detrectarent, adeò vt tandem nulla re insigniter gesta, ab ea expeditione prorsus inglorij recesserint. At minimè hîc prætercunda videtur cuiusdam iuuenis Genuensis vexilliferi eximia virtus atque animi fortitudo; qui, conscensis murorum pinnis, ac vexillo erecto, licet crebris sagittarum ictibus impeteretur, singulari tamen robore atque constantia locum & vexillum tantisper retinuit, quoad præfecti, ac primipilariorum iussu, vasis conclamatis, signoque dato, quisque sese ad naues reciperent. Quippè cùm nauarchus probè intelligeret, quem animû vtraque gens ad eam militiam adferret, paucis post diebus obsidionem soluit, & mox in Chium insulam delatus, ab eius loci prætore, ceterisque primoribus amanter atque honorificè exceptus fuit: paruaque mora interposita, cùm in Italiam vela & remos conuerteret, repentè dira atque atroci tempestate coorta, nauis Lomelina, qua ipse deuehebatur, ad Cetrim insulam naufragium fecit, & pauci, inter quos ipse Cliuensis fuit, ab imminente periculo subtracti: atque par infortunium passa est vna ex Gallicis nauibus, cuius epibatæ sociique nauales, ac remiges, fermè ad vnum interière. Post hæc, Corcyram, Ionij maris insulam, olim Vlixis naufragio, & Alcinoi hortis claram, indeque in Apuliam Peucetiam, atque ad urbem Lesinam, omnium rerum inops atque indigus, peruenit. Fortè ibi tunc temporis aderant Baptista & Galeacius, germani fratres, ex clara & antiqua Iustinianorum prosapia oriundi, qui eo tempore naualem operam cum suis triremibus Regi Hispaniarum impendebat. Hi, cùm essent iuuenes splendidis ingenijs, & nulla ex parte à suis maioribus degeneres, Rauestani casum commiserati, ipsum benignissimè exceptum, plurimis rebus opportunis ac necessarijs adiuuerunt, donec tandem Genuam rediret. Et quoniam hætenus haud rarò in Lesbi ac Mitylenes mentionem incidimus, minimè ab re fuerit, si, antequam longiùs progrediar, hîc, represso calamo, paululum subsistens, aliquid de vtraque ad posteritatis memoriam, & lectoris oblectamentum, breuiter subiecero.

*Lesbi insule
descriptio.*

LESBOS olim non solum Æolica, sed Æolicarum urbium altera metropolis fuit, & vniuersæ Troadis imperium obtinuit. ambitus eius stadiorum centum supra mille à Borea in Austrum protensa; quingenta & sexaginta stadia longitudinis

dinis habens, feraci agro, & multa materia ad classes conficiendas idonea; tantum à Chio Lemnoq. distans, quantum à Tenedo intra quinquaginta ferè stadia. Vrbes in ea fuere memoratu dignæ, Mitylene, quæ adhuc extat, & ab ea nunc insula vocatur, & Pyrrha in Occidentali latere sita, quæ ab antiquo subuersa est, relicto suburbano quod habitaretur. Fuit & Cressus in colle iacens, & Antissa cum portu Methymna promontorio Lecti opposita. Mitylene inter Methymnam iacet, & Maliam, quod est Australissimum extremum insulæ Canæ oppositum. Hæc vrbs rebus omnibus pulcherrimè instructa fuit, portusque duos habuit, quorum Australis clausus erat, quinquaginta triremium ac nauium capax; Borealis verò magnus ac profundus, aggere protectus. ambobus quadam parua insula obiecta fuit, partem vrbs habens ibi habitatam. Ex Mitylene fuit Pittacus, vnus ex septè sapientibus, & Alcæus poëta, & Antimenides eius frater; cū his & Sappho clauit admiranda mulier & poëtica peritissima, cui post tot sæcula non est reperta quæ illi adæquari potuerit. Diophanes orator multo tempore posterior fuit, & Potamon, & Lesbocles, & Chrynagoras, & Theophanes rerum scriptor, qui Pompeio Magno admodum familiaris fuit, nam & res eius gestas posteritati commenda-uit. Ex Cresso fuere Theophrastus, & Phantias, philosophi peripatetici, & Aristoteli familiares. Ex Methymna ortus est Arion, & Terpandrus, insignes citharædi. Hellanicus quoque rerum scriptor, & Callias, qui Alcæum, & Sapphon exposuit, Lesbij fuisse perhibentur. Res Mitylenenses nunc prosperæ, nunc aduersæ, per multas manus actæ sunt. Pelasgi priores insulam habitauere, cū statet Troia. Postea Æoles successerunt, deinde Persarum imperium subiit, postea Macedonū, deinde Romanorum, cū Romana res in Constantinopolim translata esset. Sub Græcorum Imperatoribus varia insulæ fortuna fuit, donec tandè ad Catalusios, & postremò ad Turcas, quorum ditioni adhuc paret, deuolueretur. Sunt qui tradant, priusquam hæc Turcorum imperio cederet, quoddam illius insulæ haud ignobile municipium, à Turcico exercitu acerrimè oppugnatum, cumque muri pars machinis deiecta esset, atque hostis, facta clypeatorum testudine, irrumperè properaret, nec oppidanis animus esset ad ferendum impetum, aliis deditiōem, aliis fugam meditantibus, affuisse virginem, (nomen in incerto est) virilibus armis indutam, quæ salutem patriæ pepererit. Hanc enim adhortatam ciues, ne hostem metueret, primam se Turcis obiecit, ac pro loci fractura depugnantem, nonnullos obrunxisset: cuius audaciam admiratos oppidanos, & ipsos animum resumpsisse, atq. ingentem stragem ab ipsis editam, ita vt Turci è terra pulsi, ægrè in nauigia sese reciperent, quos deinde Calisam classẽ insecutam, magno detrimento affecisse, sic tamen, vt seruata insulæ laus penes ipsam virginem fuerit, digna sanè, quam omnis posteritas perpetuis encomijs celebret atq. extollat. Notū est autẽ, quidnam in Galliis sub Carolo VII. contigerit, anno sal. 1428. cū Ioannis viraginis Lotharingiæ, puellæ duodeuiginti circiter annos natæ, auspiciis non modò Aureliana vrbs, à Britannico exercitu acerrimè obsessa, verum etiā vniuersum Francorum regnum admirabiliter liberatum & præseruatum fuerit. Nostra tempestate, vt in præsentī omittam Agriensium feminarum fortitudinem, cū sub Selymo secundo Thraciæ Imperatore, Corcyra Melæna, Adriatici maris insula, quam indigenæ Curzolam vocant, ab Occhiali & Caracosio, celebratissimis piratis, & Othomannicæ classis Præfectis, dira obsidione premeretur, oppidanis metu consternatis atque in fugam versis, dumtaxat à mulieribus eius loci aliquamdiu strenuissimè propugnata fuit, donec tandem vehementi Borea mari intumescēte, ac procellosis fluctibus agitato, ipsi, ne classẽ in summum disci-

Mulier virilis animi.

discrimen conijcerent, sese in tutiorem locum subduxerint: atque ita hostili periculo erepta, sicuti à me lib. 2. De bello Cyprio, fusiùs commemoratur. Et hæc quidem obiter dicta sint. Circa eius autumnii initium Andreas Iustinianus, qui priori æstate in Alexandriam, cum naui eximiæ magnitudinis, ac pretiosis mercibus referta, enauigarat, post multos exantlatos labores, ac pericula emensa, Genuam cum quinque ac triginta millium librarum Ligusticæ monetæ emolumento, saluus atque incolumis reuersus est. Huius temporis tractu, Iacobus quartus, ex nobili atque illustri Appianorum familia oriundus, intellecto, Casarem Borgiam Ducem Valentinum, Alexandri VI. Pontificis filium, suæ ditioni imminere, Hieronymum Spinulam, suum amicum & familiarem, Genuam misit, qui à Senatu opem atque auxilium eo nomine imploraret. Sed, nequicquã tentatis Patrum animis, Plumbinum, olim Populonium, maritimum Tusciæ municipium, & reliquam suam ditionem, eidem diuendere constituit. Res in Senatu acta, & multis variisque sententiis agitata. Et quanquam minimè Galliarum regi displiceret, quòd Senatus, nulla satisfactione regulo data, extrahendi temporis ansam quæreret, tamen, ne Rom. Pontificem in se concitaret, longè secus præ se ferebat. Verùm, cùm ea consultatio nimis in longũ produceretur, ac periculum esset in mora, oppidani Borgiano exercitu exterriti, simulque grauiora metuentes, sese illius fidei certis quibusdam condicionibus tradidẽre, atque ita Iacobus, veteri imperij sui possessione excidit; quam tamen post Borgiæ obitum facilè recuperauit: ac deinceps principatum tranquillè summæque popularium beneuolentia gessit. Primus autem ex ea familia fuit Iacobus, Pisanorum à secretis scriba, qui, Petro Gambacurta, Pisanorum tyranno, per insidias interfecto, dominatum sibi tum Pifarum, tum huius vrbis comparauit. Successor filius Gerhardus, Pisa Ioanni Galeacio Vicecomiti, primo Mediolanensium Duci, vendita, Plumbinum cum Illua insula, quæ ferri venis fecundissima, magnum quotannis vectigal suo domino præbet, retinuit. Huius hæres fuit Iacobus Secundus, ex Paula nobilissima femina Martini quinti Romani Pontif. sorore natus, quem narrant, cùm ex coniuge virilem sobolem non susciperet, extra matrimonium hæredem quærentem, concubinam quandam adamasse, cuius cùm venter intumuisset, & iam pariendi propè tempus adesset, incredibili gaudio perfusum, Florentinos ac Senenses, legatos vt ad se mitterent, ac partum de sacro fonte leuarent, futuros susceptores, magnis precibus inuitasse. Venisse ad diem dictam legatos, ac mulierem inter obstetricum manus diu laborantem Æthiopem tandem peperisse: quod sanè vt risum in populo cachinnumque excitauit, ita & susceptionem, ac Principis lætitiā maiori ex parte interrupit. Tibicentum fortè Maurus in familia eius erat, ex quo natum puerum credidẽre, qui mox, vbi detectum flagitium intellexit, salutis suæ fuga consuluit. Mortuo Iacobo, Rainaldus Vrsinus, peracri vir ingenio, & rei militaris peritus, in eius locum suffectus est, non suo iure, sed coniugis, ipsius Iacobi filia. Post eius obitum, cùm absque liberis decessisset, sollicitis oppidanis, quem sibi potissimè legerent: vicini verò potentatus cùm variis artibus ad se trahere conarentur, renunciatum est, Manuelem, siue, vt aliis placet, Manetum Appianum, adhuc è Principum suorum prosapia superesse, cui Principatum committere possent. hic multos annos in militia versatus, nec tamen aut opes congesserat, aut egregio aliquo facinore inclaruerat; eaque de causa dimissis iam armis, vxorem Troiæ inter Apulos ceperat, ibique tenuiter vitam agebat, nihil minus quàm de imperio cogitans, cùm à Plumbicensibus publicè vocatus est: quod quidem ei primo

nuncio

Appiana familia.

Partus risu dignus.

nuncio velut somnium visum. Exin fortunæ ludum libenter amplexus, tanquam vitæ reliquum dormiuiſſet, in alterum virum mutatus, quamuis iam ſenex, Principatum iniit, rexítque poſtea plerisque annis, ciuibꝫ ſuis gratus iuxta & vicinis amicus. Deceſſit autem duobꝫ filiis extra legitimum coniugium ſibi natis, ex quibus Iacobus tertius, minor, quòd eum ciuitas ſeniori præferret, ſucceſſit, eiꝫ poſtmodum Iacobus quartus, de quo nunc ſermonem inſtituimus. Poſt hunc, & alij plures, ad hæc uſque tempora ſubſecuti, à quorum enumeratione hîc breuitatis cauſa ſuperſedeo. Genuæ interim menſe Nouembri graui peſte laboratum, eaꝫ de cauſa quatuor ciues deſignati, inter quos fuit Paulus Nigronus, vir prudens, & longo rerum uſu exercitatus, quibus commiſſum eſt, vt enixè darent operam, quo ad eius fieri poſſet, ne hoc genus morbi contagione latius ſerperet, ſimulque omnibus iniunctum, vt quiſque ſe ſe domi ſuæ octiduum contineret, ad illius morbi cauſam & originem inueſtigandum, quo quidem tempore complures egeni ac tenuioris fortunæ homines, ex publico ærario, exque Miſericordiæ, vt vocant, officio ſubleuati, ne vitæ alimentis deſtituti, ſibi immaturum fatum accelerarent. Iſdem ferme diebus Laurentius Magius inſignis Philoſophus ac Medicus, quippe qui per multos annos in celeberrimis gymnafiis totius Italiæ, nimirum Patauij, Bononiæ, Ticini, ac Ferrariæ, Ariſtotelem, & Galenum, cum haud modica ſui nominis celebritate, ac illorum qui eius lectionibus interfuerant, emolumento ac vtilitate, interpretatus eſt, vita emigravit. Hunc ſanè, Ioannes Picus Mirandulæ Comes, & Albertus Carpi regulus, ambo non minus ſplendidis natalibus illuſtres, quàm ingenio ac eruditione conſpicui, ſummo in pretio atque honore habuerunt, nec rarò illum & priuatim, & publicè, de grauiffimis rebus diſſerentem, attentiffimis auribus non ſine incredibili admiratione & guſtu audire. Hic pleraque ſcripſit in Dialectica, & in Græca lingua plurimum operæ ac ſtudij collocavit. Sub idem quoque tempus floruit Georgius Interianus, vir ſummi nominis, & , teſte Politiano, magnus naturalium rerum inueſtigator. Porro, vt bellica virtute, ac nauali gloria populus Genuenſis nulli vrbium totius orbis terrarum, poſt Carthaginienſium, & Romanorum imperium, eſt ſecundus, ita etiam quouis tempore, ijs laudibus, quibus res ciuiles adminiſtrantur, nempe conſilio, fide, induſtria, æquitate, ac prudentia, mirificè excelluit. Ad hæc, perſæpè complures habuit, qui à puero optimis diſciplinis inſtituti, cum ingenio ac doctrina excellerent, egregiis monumentis ſuum nomen apud poſteros æternitati conſecrarunt. Et quanquam plurimi arbitrentur, rei militaris ſcientiam politicarum cognitioni antecellere, tamen huius rei difficillimæ diiudicatio plurimos torſit, cum neſcirent, cui potiffimùm palma deberetur, & veriſſimè dicatur, fruſtra eſſe foris arma, niſi ſit conſilium domi. Extra tamen controuerſiam eſt, illos etiam iure meritò ſummis laudibus efferri, qui ſcriptis ingenijque ſui monumentis eluxerunt. Hac ſiquidem ratione & de patria cæteraque hominum ſocietate optimè meriti ſunt, & ſeipſos pariter ab omni obliuione vindicarunt. Pulchrum ſanè eſt, vt Salluſtianis verbis vtar, bene facere Reipub. etiam bene dicere, haud abſurdum eſt: vel pace, vel bello clarum fieri licet: & qui fecere, & qui facta aliorum ſcripſere, multi laudantur. Et licet haud quaquam par gloria ſequatur ſcriptorem, & auctorem rerum, tamen in primis arduum videtur, res geſtas ſcribere. Primùm, quòd factis dicta ſunt exæquanda: dehinc, quia plerique, quæ delicta reprehenderis, maleuolentia & inuidia dicta iudicant: vbi de magna virtute atque gloria bonorum memores, quæ ſibi quiſque facilia factu

Genuæ laboratur peſte.

putat,

Quinam
Genue do-
ctrina &
scriptis ha-
bitus in-
claruerint.

putat, æquo animo accipit, supra ea, veluti ficta pro falsis ducit. Ego interim, ne præclariss. aliquot viri, qui summa eruditione atq. aliis togæ artibus in hac Rep. excelluere, debito defraudentur honore, haud absurdè illorum nomina breuiter adiecero. inter quos, superioribus ætatibus insignem ingenij sui lucem protulere Caffarus Taschifedonus, Baptista Stella, Gotifredus Albarus, Benedictus Talia-
carnes, Georgius Stella, & Iacobus Varaginenfis, qui omnes Genuens. An-
nales sui temporis conscripsisse dicuntur. Post aliquot annorum decur-
sum, fuere Philippus Saulius Antistes Brugnatinus, M. Cataneus Rhodi episco-
pus, Ioannes Balbus, Andalus Nigrius, Iacobus Cepa, necnon Baptista, & Ra-
phaël, Fulgosij, quorum prior, post Principatum adeptum, vnde, sicuti antea
demonstrauimus, à Fulgoso, suo patruo, per vim & fraudem deturbatus fuit,
elegantem librum patrio idiomate concinnauit, quem ad imitationem Val. Max.
De illustrium virorum dictis & factis memorabilibus, inscripsit. Alterius verò
extant nonnulla in iure ciuili, quæ illius doctrinam & ingenium faciliè declarât.
Bartholomæus iridem Facius, & Iacobus Bracellius, ex suis egregiis literarum
monumentis præclaram doctrinæ ac eloquentiæ laudem adepti sunt; quorum
alter, historiam belli naualis ab Alfonso gesti, quod quidem nos libro xi. breui-
ter ac summatim perstrinximus, Latinè, puro, ac eleganti stylo complexus est:
alter, vitam & res gestas Alfonsi, non minori ornatu & iudicij grauitate con-
scripsit. Habuit etiam eadem ætas Stephanum Bracellium, huius quem recen-
sui filium, & Antonium Gallum, haud incelebres viros. Subsequens autem, vi-
dit Iacobum Fornarum, vulgò Furnium, vtriusque linguæ, ac præsertim Græ-
cæ, longè peritissimum; iuxtaq. Hieronymum Palmarum, Bartholomæum Iu-
stinianum, Nicolaum Brigalium, Prosperum Camolium Antistitem Catinien-
sem, ac Friderico tertio Cæsari à consiliis, & Franciscum Marchesium, quem
coram Galeacio luculentam orationem habuisse, superiùs demonstrauimus.
Nostrorum patrum memoria Sperindeus Palmarus, Aloysius Spinula, & Chri-
stophorus Grimaldus Rossus, insignis philosophus, medicus & mathematicus,
qui supremum in Repub. Magistratum, summa cum sui nominis laude, ac sin-
gulari eius beneficio, gessit, extiterunt. Maximam quoque ex ingenij sui mo-
numentis laudem adeptus est Augustinus Iustinianus, Præsul Nebiensis, vir
in triplici linguarum cognitione apprimè versatus; cuius inter cetera extant re-
rum Genuensium annales. Hac nostra tempestate in primis florent, cum haud
mediocri admiratione, Cæsar Contardus, Matthæus Senarega, & Vbertus Folie-
ta, ciues Genuenses, quorum non minus ingenij acumen & omnigena eruditio,
quàm singularis eloquentia, & ceteræ virtutes ab omnibus passim celebrantur.
Vigent etiamnum Genuæ præclarissimi viri, qui ad pacis togæque artes, eloquen-
tiæ ac sapientiæ studia coniunxere, simulque eximia Pontificij ac Cæsariani iuris
scientia præditi, cum in legationibus ad maximos Principes ac reges obeundis,
tum verò in his quæ ad publica negotia pertinent, suam patriam illustant, eiq.
maximo sunt præsidio & ornamento. Quid memorem alios præstantissimos vi-
ros, & in rei medicæ facultate, iuxtaque in Mathematicis, ac Philosophicis disci-
plinis & multiplici linguarum peritia, quàm diligentissimè, & cum sui nominis
gloria versatos? Id profectò neque mei instituti est, nec paucis verbis à me enar-
rari posset. Ceterum, non solum Genua hac sua peculiari laude fruitur, sed etiam
in agro Ligustico excellētia semper eluxere ingenia. utque ceteros breuitatis cau-
sa nunc præteream, hoc nostro sæculo haud modica ex suis scriptis commenda-
tione efferuntur Ioannes Cagnatius, Gulielmus Rodoanus, & Stephanus Am-
brosius

brofius Sciappalaria, qui, his proximis menfibus, Diui Iulij Cæfaris vitam non minus grauitè, quàm ornatè ac eleganter Etrufco idiomate pofteris ac memoriæ mandauit. Verumenimuerò, vt eò redeat vnde paulò antè defluxit oratio, cùm Gallorum fortuna mira proſperitate incredibiles progreſſus in Italia faceret, anno eiufdem ſæculi quingentefimo ſecundo, Rex ipſe ſubinde nouis victorijs auctus, Mediolanum venit; indeque, rebus ibi conſtitutis, Genuam profeſtus, tanta omnium ordinum & promiſcuæ plebis lætitia & applauſu exceptus fuit, vt nullus fuerit ea ætate Princeps, qui cum maiori & ſplendidiore apparatu ab aliqua Repub. excipi potuerit. Nam tanta erat gratantis populi frequentia, vt per liſtores & apparitores publicos vrbana plebs eſſet remouenda, & rex per Raueſtanum conſanguineum ſuum, Patres admonuit, ne ſibi longiùs obuiam prodeundo, ſe defatigarent: cùm nimirum animi beneuolentiam non aliunde quàm ex fidei integritate & voluntatum conſtantia metiretur. Præmiſſus tamen fuit Brixius Iuſtinianus, cum duodecim ex primaria nobilitate, qui Senatus & Reip. nomine Principem exciperet, urbemque in eius clientelam traderet. Rex magna cum humanitate Iuſtinianum, ſuis genibus aduolutum, manu ſubleuauit, iuſſumque id quod in mandatis habebat, liberè exponere, patientiſſimis & benigniſſimis auribus eius orationem admifit, atque ita in urbem deductus. Habebat Rex in hoc ſuo comitatu, præter ampliſſimam ſuam aulicam familiam, viros dignitate atque opibus excellentes, inter quos, gratia atque ſplendoris magnificentia longè ceteris antecellebat Valentinus Borgia, Montisferrati Regulus, Ludouicus Salafforum Princeps, Iacobus Triuultius, & Philippus Raueſtanus. Ad erant etiam militaris ordinis haud pauci duces, & inter præcipuos, Petrus Gienſis, Dunenſis, Ligniacus, Tremolius, Chaumuntius, Petrus Fuxæus, & plerique alij id genus viri. Senatus auctoritate publicum palatium excipiendo regi conſtitutum fuerat. Sed Rex ſibi ſuo modo hoſpitiū delegit, ac in ædibus Ioannis Aloyſij Flifei ad Carinianum ſitis, loci & ſitus amœnitate captus, quodque ex his pulcherrimus proſpectus pateret, excipi voluit. Poſt hæc, deſumpto tempore introſpiciendæ vrbis diligentiffimè illius mœnia atque ambitum, obſeruatis plerisque locis, & munitiõibus, circumiuit ac examinauit, ſic, vt conſiderato totius ciuitatis ſitu, tandem aliquot primores ciuitatis, vt ſecum Reipub. cauſa de communienda vrbe agerent, in colloquium admifit. Ex Senatus namque decreto designati fuerant, communibus ſuffragiis, Octouiri, quibus publico nomine cura atque prouincia tradita erat, vt cum rege ſuper hoc negotio ex dignitate Reipub. atque vrbis ſecuritate tractarent. Fuere autem hi viri partim ex Ariſtocratia, partim verò ex Democratia permixti, ſcilicet, Ioannes Baptiſta Grimaldus, Simon Blancus, Andreas Cicero, Nicolaus Amfreonus Vſuſinarius, Ambroſius Zerbus, Nicolaus Spinula, Andreas Saulus & Stephanus Auria, qui in colloquium ab ipſo rege admiſſi, honorificam Reip. nomine habuere orationem, qua ipſum obnixè atque officioſè promereri ſtudebant. Habebant ſiquidem, etiam inter cetera, in mandatis, vt à rege publico nomine peterent, vt omnibus Genuenſibus, citra aliquam exceptionem, liberè liceret, & nullo modo in poſterum fraudi eſſet, in Hiſpaniis mercaturam exercere, & cum ea gente negotiorum cauſa neceſſitudinem habere ac inſtituere. Nam, hætenus propter bellum Neapolitanum inter Gallos & Aragonios geſtum, mercium commutationes cum graui Reipub. iactura & diſpendio ceſſarant. Deinde, ne Magiſtratus, qui prius annui erant, perpetui fierent, non abſque mediocri multorum bonorum ciuium dolore ac detrimento, quippè cùm in bene morata atque conſtituta Repub. mo-

ris sit, vt honoribus capeffendis nemo in ipsa ciuitate excluderetur, & tantum quisque valeret, quantum virtute excelleret. Fit enim sapenumciò, vt si tantummodò vni vel alteri Magistratus cum aliorum ciuium neglectione diutiùs quàm par est, prorogetur, ardor amplectendæ virtutis mirum in modum remittatur, imò identidem prorsus emoriatur. Proinde graui cum iudicio Senatus à rege cõtendendum censebat, vt pro veteri ac recepto vrbs more, dignitates atque honores tantummodò annui essent: præsertim quòd Daniel Scarampa, Rauestani Proregis amicitia subnixus, cum multorum indignatione & incommodo, præto-rem aliquot iam annos assiduos agebat. Hanc quidem posteriorem petitionem Prorex ipse valde grauiter tulit, quòd existimaret, auctoritatem suam hac in parte non mediocriter lædi & eleuari, adeò vt ira commotior, aliquantò longiùs, quàm par esset, verbis, sic satis acerbis, in eos inueheretur. Sed tantum poterat rei indignatio, vt fortiter quidem atque intrepidè Rauestano resisterent. Æquitas enim causæ, vt in prouerbio est, promptiorem & audentio-rem patronum facit. Satis enim constabat, Scarampam, cum magna turpis auaritiæ ignominia, reum, de quo, propter flagitiorum enormitatem, quæstio haberi debebat, accepta pecunia, è vinculis publicis elabi permisisse. Rex, ne quid quod populare esset, vel populi dignitatem & vtilitatem concerneret, negligere videretur, eorum postu- latis libentissimo & promptissimo animo subscripsit, ita vt eos singulos, non se- cus ac si priuatus fuisset, manu prensando, dimiserit: qua de causa etiam ei gra- tiarum actio, magna cū animi submissione, publico nomine habita fuit. Totum illud octiduum quo Genuæ hæsit, non multorum Principum more, ludicris cer- taminibus aliisque voluptatibus transigit, sed constituendis Reipub. grauissimis negotiis insumpsit. Quandoquidem multi scriptores tradunt, regem in cogno- scendis causis aliisque seriis rebus tractandis adeò fuisse impensè deditum, vt nul- lum non laborem, & molestias, publici commodi ac vtilitatis causa, libèter subi- ret ac deuoraret. Vtinam omnium Principum animi, hac nostra deprauatissima tempestate, & in summa rerum omnium confusione, ita essent instituti & com- parati, vt huius exemplo ad parem diligentiam accenderentur. Ficeret enim pro- culdubiò, vt exclusis tot sycophantis, aliisque assentatoribus, qui legum inter- pretationes ac rerum cognitionem ad Principum arbitria & gratiam inflectunt, ac turpis lucri & quæstus causa in alienum sensum detorquent & rapiunt, Principes ipsi per se mirum in modum valerent, & rectum à curuo, vt dicitur, secernerent: ac ita fieret, vt regna & imperia, aliarumque rerum publicarum status meliori & quietiori loco essent, indeque sibi immortalem gloriam cum publica salute ac beneficio coniunctam, compararent. Rebus Genuæ constitutis, Rex Mediola- num grauissimis de causis repetere statuebat: de cuius abitione cū Senatus præ- moneretur, edicto publico omnibus vrbs Magistratibus præcepit, vt ad regem concomitandum præstò postero die essent. Sed anteuertit eorum diligentiam rex repentino & insperato suo discessu: Siquidem multis Principibus, præser- tim verò Gallis, vsitatum, præter populi expectationem, in vrbe vel aduenire, vel discedere, dubium, an vt urbanam frequentiam hac ratione commodiùs de- uitent, vel, quod longè verisimilius videtur, vt omnium animos sui desiderio ac- censos, diutiùs in voto & admiratione distineant. Hoc pacto & si illuderetur Se- natus, tamen committere noluit, quin statim, intellecto regis discessu, non pau- cos patricij ordinis concitatis equis emitteret, qui cum honoris causa subsequen- rentur, & Mediolanum vsque deducerent. Tanta siquidem reuerentia & studio ipsum venerabantur, vt is dies quo primùm Genuam venisset, inter fastos rela- tus sit:

tus sit, & Senatus consulto præconis voce publicè edictum fuit, vt illius diei memoria anniuersario sacro, cum omnium congratulatione, celebraretur & perpetuaretur. Parum aberat, quin silentio præterieram admirandam & stupendam regum Galliæ in curandis & sanandis strumis virtutem atque potentiam, quæ hucusq. multorum sæculorum consensione ita inualuit, vt à solis Galliæ regibus strumas, citra alicuius malaginis vel cataplasmatæ applicationem, curari possent, multorū sit opinio. Mirum profectò, nec facillè ratio reddi potest, nimirum cum struma tumor sit, in quo subter concreta, quædam ex pure & sanguine glandulæ oriantur, quæ nunquā facillè maturescunt, & febres valde periculosas ciere atq. mouere soleant; ita vt eius curatio plurimū difficilis & ardua reddatur. Hinc equidem non facillè intelligo, cui potissimū causæ hæc regum medela debeat assignari. Nam si dicamus, illam nulli alij mortalium, quàm solis Galliæ regibus, competere, videbimur confiteri, hanc virtutem nō tam à natura, quàm vnā cum dignitate regia ipsis conferri & instillari, alioquin si priuatæ personarum præstantiæ attribui concedamus, quis est qui non videat, in tanta Principum frequentia multos semper extitisse, ac etiamnum reperiri, qui bonitate & naturæ excellentia Galliæ regibus nulla ex parte inferiores sint? Nec sanè hîc eleuo Galliarum regum summam atque omnibus ferè sæculis admirandam præstantiam. Quod tamen illis huius morbi curatio peculiaris & propria sit, facit, vt facilius credam, quod cum multorum consensione Britannia quoque regibus priuatam quandam tollendæ elephantia vim & energiam inesse constet. Vtrumque sese res habet, non caret id sanè admiratione, & proculdubiò arcani diuini consilij testimonium haud leue perhibet: quandoquidem clarissimos Principes excellenti & præstanti aliqua natura fuisse præditos non ignoramus, vt de Vespasiano Tacitus ac Suetonius enarrant, quem ferunt, è plebe quendam luminibus orbatum, alium debili crure, siue, vt prior sentit, manu ægrum, sedentem pro tribunali pariter adiisse, orantes opem valetudinis, demonstratam à Serapide per quietem, restitutum oculos, si inspisset, confirmaturum crus, si dignaretur calce contingere. Cum vix fides esset, rem villo modo successuram, ideoque ne experiri quidem auderet, extremò hortantibus amicis, palam pro concione vtrumque tentasse, nec euentum defuisse. Peculiarem etiam vim sanandorum humanorum corporum in Theodosio Imperatore extitisse dicunt, aliqui ad Honorium transferunt. Extitère præterea integræ familiæ, quæ non sine summa omnium admiratione propria naturæ dona & ingeneratam virtutem cōtra omnem vim veneni habuerunt: inter quas, in Africa Psyllorum, vt Agatarchides scribit, à Psyllo rege, cuius sepulchrum in parte Syrtium maiorum extitit, dicta; quorum corporibus, serpentibus exitiale ingenitum fuisse virus, ita vt eius odore eos sopiri, multi præclari scriptores tradiderint. Cuius quidem gentis naturalis virtus ita Romanis longa experientia innotuit, vt Cato Uticensis, teste Plutarchus, iter per deserta Libyæ faciens, in comitatu suo è Psylla gente oriundos habuerit, qui moribus serpentum naturali vi medelam & salutiferam antidotum afferrent. Simile in Italia in Marforum familia multis sæculis durauit, quos à Circes filio ortos, & ideo iisdem naturalem vim fuisse pellendis venenis, constans opinio est. Idem quoque Plutarchus auctor est, Pyrrhi digitum maximum pedis, diuinitatem habuisse, adeò vt igne nunquam exuri potuerit. Et hac etiam nostra tempestate multi empirici ac circumforanei medici hoc nomine sese venditant, quod contra serpentium ictus & morsus præmuniri sint, sumpta planè simplici antidoto, quam ipsi D. Pauli terram vocant, quorum nenia & Thraonica pollicia-

*Mirabilis
Galliarum
regis strumæ
curatio.*

*Genua olim
Camera im-
perialis fuit.*

raciones veris præstigiis & imposturis coniunctæ, etsi ab omnibus diligenter præcaueri debeant, & nihil temerè ab eis sumi, nescio tamen quid fiat, ut huius terræ experimentum nunc multorum cum beneficio extra controuersiam & suspicionem quasi deuenierit. Multum itaque plebeia multitudo, inter cetera beneficia, Gallorum regi debebat, quod plerisque tunc temporis hoc morbi genere laborantes, leui manuum contactu liberaffe fama sit. Regem, priusquam Genua Mediolanum concessisset, Vrbinatium Dux, ac Plumbini regulus, necnon diuersorum Principum & statuum, præsertim verò Italiae, oratores adierunt, qui ipsum, cum suo, tum aliorum Principum nomine, de feliciter in Insabria confecto bello, & Ligusticæ ditionis accessione, congratulabantur. Hic omittendum haudquaquam esse arbitror, Rempub. Genuens., inter cetera dignitatis ornamenta, quibus, cum plerisque Italiae ciuitatibus non solum certasse, sed multis interual-
 1503. lis post se reliquisse videtur, Cæsarium permissu, Cameram, siue mauis dicere, Amphictyonium imperij, ad consopriendas grauissimas lites & definiendas perplexas deliberationes fuisse: Cuius certè gloriæ tanta viget in animis hominum memoria, ut etiamnum subinde hoc titulo gloriatur, multisque priuilegiis atque immunitatibus à diuersis Imperatoribus olim donata sit, ita sanè, ut hoc nomine sese illis plurimum debere, haud mediocribus signis ac testimoniis persæpè declarauerit. Quanta verò vicissim ipsi Genuens. fide atque obseruantia Cæsares hactenus prosecuti sint, ac etiamnum prosequantur, quantoque semper studio inuigilauerint, ut eorum gratiam & beneuolentiam perpetuò retinerent, vel ex eo cuius clarum atque perspicuum esse potest, quod videlicet, præter cetera, de more longo vsu & consuetudine recepto, insignia Cæsariana in Prætorij vestibulo atque aditu principalis aulae summa cura atque industria ad perpetuum debitæ obseruantiae testimonium, depingi ac extare voluerint, adeò, ut cum Rauestanus, urbis Præses, ac regius legatus, de quo proximè egimus, Ludouicum regem in publico palatio exceptum iri arbitratus, deletis Cæsarianis, illorum loco Gallica signa atque arma affigi imperasset, hoc factum Senatus atque vniuersi Ordines maximoperè improbarint, & paucorum dierum interiecto tēpore, mox ibidem restitui, summaque diligentia & religione in posterum asseruari iusserint. Ut verò ad inceptum redeam, paucis diebus interpositis, qui inciderunt in annum eiusdem æui tertium, rege Mediolanum reuerso, Senatus Genuensis Romam ad Pont. Iulium secundum ex antiqua gente Roboreia oriundum, qui ante Pontificatum, Cardinalis titulo S. Petri in vincula dicebatur, duodecim oratores misit, qui illi Reipub. nomine Pontificiam potestatem congratularentur, & communem lætitiā declararent. Horum autem nomina fuere, Stephanus Viualdus, Ioannes Ambrosius Fliscus, Petrus Spinula, Ambrosius Lomellinus, Dominicus Adurnius, Cosmus Zerbus, Hieronymus Saluus, Petrus Saulus, Augustinus Ferrarius, Augustinus Grimaldus, Hieronymus Auria, & Gabriel Fornarius. In hoc rerum agendarum cursu, Pisani, qui iam permultos annos à Florentinis grauissimis bellis premebantur, ac sæpè Ligurum opem & subsidium nequicquam implorarent, proximo anno, ac etiam insequenti, cum iam ad extremam necessitatem rerumque omnium angustiam redacti essent, ad Remp. oratores misere, qui Pisanæ Reip. dominium offerrent atque dederent, simulque obnixè rogarent, ut se, suaque omnia in clientelam acciperet, raro & quasi inaudito extremitatis exemplo, cum nemini dubium sit, Pisanos toties antea cum Liguribus de imperio acerrima contentione, nec citra immensi sanguinis effusionem, pertinacissimis animis dubio & ancipiti Marte dimicasse. Hac tanta re à

Senatu

Senatu in deliberationem vocata, variis sententiis Patres inter se decertabant. Præcipui namque & præstantissimi quique sentiebant, non temerè Pisanum populum, suapte natura contentiosum & bellicosum, in fidem & clientelam esse recipiendum, præsertim eo tempore quo Italiæ status, propter ingruentis belli apparatus, valdè esset dubius atque perplexus. Econtrà, non pauci deerant, qui Reip. dignitatem ex noui populi accessione augendam & proferendam, contemptis omnibus periculis, esse dicerent. Vicit tandem eorum sententia, qui postulatis Pisanorum aduersarentur, non sine profectò graui & perspicua Reipub. iactura, Genuenses recusant Pisane urbis imperium, ipsi ultro oblatum. nec postremo detrimento, cùm nihil præclarius, vel vtilius populo Genuensi, tantis ærumnis & bellis defatigato, obtingere potuerit, quàm spontanea tam inclyti & gloriosi populi deditio augeri & amplificari. Ac ita ex hac Patrū discrepantia, pulcherrima proferendi nominis & imperij ansa prætermissa, quæ deinceps non paucas simultates atq. odia in ipsa vrbe peperit, sicuti mox enarrabitur. Mense Augusto eiusdem anni, cùm pro veteri consuetudine nonnulli adolescentes circa meridiem iuxta cœnobium vulgò D. Iuliani Albari, partim leuandi ætus gratia, partim etiam vt natandi artem addicerent, in mari versarentur, piscis quidam eximie magnitudinis, & specie ac forma instar canis, de-improviso exiliit, & quendam puerum Mauritanum, Aloysij Gilberti mancipium, deuorauit atque inglutiit. At septimo Idus eiusdem mensis, intempesta nocte, ingens atque horribilis turbo exortus est, tantaque fuit ventorum rabies ac furor, vt Genuæ, atque passim in agro Ligustico innumeræ arbores radicitus extirparentur, & pleræque domus ac ædificia funditus euerterentur, simulque vniuersa nauigia eo tempore in ipso portu ad anchoram subsistētia, summum periculum adierint, ac etiam duæ naues perierint, & totidem, quinque & quadraginta hominibus submersis, in transuersum actæ. Quatenus verò ad ipsorum ventorum originem, motum, numerum, nomina, & qualitates, ac etiam vnde, & quo quisque tempore flare incipiat, & desinat, videre est apud Arist. lib. i. Meteor. cap. xiiii. ac lib. ii. cap. v. & insequenti. Multa quoque de iisdem, præter ceteros, tradidit Gellius, lib. ii. cap. xxii. Circa hæc tempora, Iacobus Fonchesoltius, Philippi Rauestani regij præfecti legatus, peste, qua ciuitas hoc tempore maximè conflictabatur, interijt, cui Philippus Roccalbertinus, natione quidem Tarraconensis, sed à puero in Galliæ regis aula educatus, successit. Iisdem quoque diebus inter Pisanos ac Florentinos grauissimum bellum exarsit, eo quidem exitu, vt, cùm Pisani sese numero ac viribus multò inferiores agnoscerent, missis Genuam legatis, se suaque omnia Genuensibus permitterent. Sed propter Primorum ciuitatis in diuersa studia dissectionem, minimè ipsis hac in re satisfactum fuit. cuius quidem distractionis culpa, si qua tamen extitit, Aloysio Flisco maiori ex parte attribuitur. Genuenses interea, cùm iam totum sexennium & amplius Gallici regis imperiū & fidem singulari cum constantia secuti & tuiti essent, tandem sub finem anni sexti eiusdem sæculi, vt noui anni initium nouis tragædiis & tumultibus insignirent, secuta est illorum ab eo rege defectio, non ab aliis, quàm ab ipsismet con- Genuensium à Galliarum rege defectio. citata: quæ sanè, si res ipsa penitiùs introspectiatur, & rei successus examinetur, non tam studio defectionis, quàm ex ciuilibus discordiis, quæ homines transuersos plerumque rapere solet, enata & coorta est, sicuti proximo libro enarrabitur. quem priusquam aggrediar, id obiter adiunxerim, nempe hoc anno, Philippum, Philippi Archiducis Austriae interitus. Archiducem Austriae, Maximiliani Cæsaris vnicum filium, ex Hispania reuersum, in Belgio, ex indulgentiore victu sub noui cæli insueta temperie, sæua febre correptum, octauo ac vigesimo ætatis anno, & duobus annis dumtaxat, ex

quo regnare inceperat, transactis, fato sublatum esse. Arserat paulò ante comes circiter Idus Septembris, in Septentrione prope plaustrum, tetra luridaque specie, cauda splendida ac densa, à qua cauda Pauonis vocatur, in Corum ventū proiecta. Hunc & Philippo fatalem fuisse, & nouas clades Italiæ portendisse, ex euentu coniectari licet. Hic, Ioannam, Ferdinandi Hispaniarū regis filiam, vxorem duxerat, ex qua duos filios sustulit, scilicet, Carolum Cæsarem, & Ferdinandum Hungariæ ac Bohemiæ regem, qui deinde fratri in imperio successit: & filias quatuor, videlicet, Leonoram, quæ coniunx fuit Emanuelis regis Lusitaniæ, & post illius obitum, Francisco primo Galliarum regi desponsata: Catherinam, quæ Ioanni regi Portugalliæ nupsit: Isabellam, quam Christiernus rex Daniæ ac Noruegiæ sibi matrimonio coniunxerat, & Mariam, quæ Ludouico regi Pannoniæ elocata fuit.

LIBER XVIII.

1507.



M N I V M scriptorum consensu & iudicio rex Ludouicus se optimum Principem in hac Repub. semper gessit, atque ostendit, ita vt nihil optari, vel votis concipi ab ea potuerit, quin id ab ipso summa cum liberalitate atque animi promptitudine quamprimū impetrasse dicatur. Mirum igitur omnibus iure ac meritò videri debet, quānam factum sit, vt populus Genuens. fidei datæ immemor, & quietis publicæ impatiens, tam præcipitanter, & nulla iusta præbita, vt narrant, ab ipso rege occasione, ab illius obsequio, non sine graui totius Reip. detrimento, paucorum petulantia & leuitate incitatus, defecerit. Quandoquidem satis superque liquet, hanc defectionem, ex quorundam nobilium, & popularium, quos vocant, insolentia, & peruiacitate, ortam esse. Fieri enim solet, vt priuatæ iniuriæ ac similitates ibi non consistant vnde cœperint, sed sensim vltèrius progrediantur, & periculosi morbi instar, contagione quadam lædant, atque serpent, adeò etiam, vt ex hac, parua quidem ab ipso initio scintilla, magnum incendium in ipsa Republica excitatum sit, quod quidem non nisi maximis cum laboribus, ac summa cum Reipub. calamitate, deinceps restingui potuit. Proinde cum hæ pestes in præclaris vrbibus, opibus ac diuitiis affluentibus, propter ciuium mutuam æmulationem enasci & grassari consueuerint, non mirum, si Genuæ, in tanta hominum diuersitate, totque ordinum distinctione, ex priuatis contentionibus vniuersalis quædam conuersio subsecuta fuerit. Hæc iurgia, & altercationes, leuibus de causis exortæ, facile reprimi potuissent, si statim ab exordio cōtentiones, alicuius viri præstantis, & neutri parti adhærentis, grauitate, ad concordiam reuocatæ fuissent. Sed cum nemo esset, qui sese tollendis litibus auctorem præberet, discordiæ ac similitates eousq. progressæ sunt, vt populus hoc anno per tumultum ad arma cōcitatus, & Vicecomite Auria, viro præclarissimo & laudatissimo, interfecto, aliisque non paucis nobilibus, inter quos fuit etiā Augustinus Auria, grauitè saucijs ac vulneratis, vi atq. armis, in publicis conuentibus, in quibus perpauci nobiles interfuere, subsequenti die extorserit, vt, Senatus consulto ex magistratibus, qui antea ex patricijs & populo permixti erant, in posterum ipsi populares duas portiones haberent, vna tantummodò nobilitati relicta. Huic sententiæ Roccalbertinus, cuius proximè mentionem habuimus, ad euitandum maiorem tumultum & turbas, necessita-

*Grauiissime
similitates
inter nobiles
& populares.*

cessitate summa adductus, assensus est. Verum plebs hoc indulto minimè contenta, exiguo temporis spatio interposito, nouum tumultum excitauit, ita certè, vt à rapinis, & præliis, aliquot nobilium domibus, inter quas fuerunt ædes Augustini Catanci, direptis, non temperauerit, & subinde immodestior atque audacior facta, omniq̃ue administratione in se translata, quò securiùs nobilitatè atque ordinem patricium opprimerent; Octouiratus plebeius creatus est, qui supremum Magistratum cum amplissima auctoritatè gereret; quos ipsi, vt ad maiorem licentiam concitarent, Tribunos plebis appellabant. Præterea, hac temeritate non contenti, pleraque littoris Orientalis oppida, inter quæ & Spedia erat, quibus omnibus Ioannes Ludouicus Fliscus regis nomine præerat, inuasērunt & occuparunt. Quorum conatibus & viribus cum Fliscus sese longè inferiorem cerneret, in Galliam profectus, contra eos apud regem grauissimam querelam instituit, & ipsum de Ligustici imperij amittendi periculo, omninò seriò admonuit. Occurreret igitur, licet accisis rebus, opportunò remedio: fieri posse, vt, ostensis copiis, inconsulta & effrenis plebs, pro veteri instituto, perniciofa sua consilia damnaret, & pedem ab instituto cursu retraheret. Quòd si mora popularem temeritatē armaret, non dubitandum, quin ipsi, fiducia sui confirmati, in omne scelus atque facinus, cum graui imperij Gallici iactura, nec minori totius Reipub. Ligusticæ detrimento, ruerent, atque debaccharentur. Genuæ namque terra mariq̃ue eam opportunitatem dari, vt facilè aliquis externus Princeps ad tantum incendium propagandum, & fouendum, à plebe allici, ac euocari possit. Quod si fieret, non videre se, quomodo in ordinem cogi, vel ad officium reuocari, excusso iam freno, à rege possit. Interea temporis à Genuensi populo, oratores ad regem missi, quorum quidem præcipuus fuit Nicolaus Odericus, clari nominis Iureconsultus, qui causæ æquitatem illi ob oculos ponerent, atque quoad eius fieri posset, probarent, Aiebant enim, hanc vrbs conuersionem, nulla alia ex causa, quàm ex mera nobilium arrogantia, & intolerabili quadam superbia profluxisse: quòd scilicet honoribus, nobilitati propriis, atque deferri solitis, nō contenti, sese pro absolutis vrbs & rerum dominis gerere, atque haberi vellent. Hanc iniuriam, & insolentiam, se tantisper patientibus animis tolerasse, donec ipsi nobiles, tantis contumeliis, & illatis iniuriis non exsatiati, etiam ius, & potestatem sibi in fortunas, & corpora promiscuæ plebis vendicare, ac exercere non vererentur. Non se potuisse igitur ferre hanc, plusquàm barbaram & efferatam; nobilitatis sæuitiam, quæ sibi contra omnium gentium mores atque leges, potestatem necis, & vitæ, in liberos ciues arrogaret. Quapropter, si apud ipsum regem perfidiæ insimularentur, vel tanquam seditiosi ab aliquo criminarentur, se planè, modò res penitiùs intropiciatur, & iudicij rectitudine examinetur, culpa vacare, eamq̃ue omnem in patricos, omnis seditionis auctores, iure deriuandam. Quippè, quoad ipsi in Magistratibus æquam portionem habuissent, illorum tyrannidi obisti non potuisse, nimirum cum iudicia & tribunalia pro libito & arbitrio suo exercerent. Nec regem debere commoueri, quòd, pulso Ludouico Flisco, oppida Orientalis littoris occupassent. Quandoquidem, cum multum Reipub. interesset, illa oppida libera, & sine custode teneri, ipsos vtilitatis publicæ memores, pro hac propaganda & conseruanda semper anxie operam dedisse. Nam, Genuam, horum oppidorum commercio multatam, obsestæ non absimilem, multum detrimento proculdubio adiuisse; neminem, nisi Ligusticarum rerum inscium & ignarum, latere posse. In ceteris, populum semper regis Maiestati obsequentissimum & fidelissimum extitisse: nimirum, cum sub eius domi-

*Genuæ
Octouiratus
instituitur.*

*Spedia &
pleraq̃. alia
loca à popu-
laribus occu-
pantur.*

*Populi Ge-
nuens. lega-
tio ad Gal-
liarū regem.*

nio numquam in vrbe aliqua seditio excitata fuerit, quæ nobilitatem auctorem non habuerit. Supplices igitur, sese regem, ac demissè orare, vt, delictis, quæ contra communem voluntatem & consensum, à paucis priuatis, in tam magno & perplexo contentionum ardore, commissa essent, condonatis, legem de Magistratuum distributione latam confirmaret, & oppida maritima publico nomine gubernari permetteret, præsertim cum reliquis ordinibus fraudi non esset, vt, ipsis, suis solitis & consuetis dignitatibus cõtentis, plebs conuenienti libertate interim frueretur. Hoc si impetrarent, se regis clementiam, bonitatem atque iustitiam in perpetuum obseruatuos & celebratuos. Per idem quoque tempus, intellecto, Rauestanum ex Galliis Genuam versus profectionem instituisse, Bartholomæum Ceuam, illi summa necessitudine coniunctum, ablegarunt, & mox Vincentium Saulium, Demetrium Iustinianum, & Leonardum Facium ad eundem expediuere, qui eius reditum Astæ opperirentur. Ceterum regi, non iniquo alioquin rerum æstimatori, nec Ligusticorum ingeniorû ignaro, ad quem etiam nobiles paulò antè Antonium Spinulam, Laurentium Lomellinum, Stephanum Viualdum, & Ioannem Iacobum oratores miserant, hanc plebis effrenem licentiam adeò inuisam & ingratam fuisse constat, vt de seditionum auctoribus supplicium omninò exegisset, nisi, ratione in consilium adhibita, veritus fuisset, si pro legum seueritate ageret, Genuenses à Cæsare, quem non vna de causa metuebat, auxilium implorarent. Proinde temporum conditioni inservire statuens, in præsentiarum humaniùs quàm quisquam existimabat, cum eis egit. Nam, repetitis dumtaxat oppidis maritimis, cetera omnia delicta publicæ tranquillitati condonauit atque ignouit, confirmata noua lege de Magistratibus lata. Et quò faciliùs populum ferocientem compesceret, & ad saniora consilia debitumque obsequium reuocaret, Michaëlem Ricium, iuris prudentia celebrem, Neapolitanum, patria tunc exulantem, Genuam misit, qui populo auctor esset, vt, deposita omni animorum contumacia, correctisque admissis erroribus, ad imperij legumque seueritatem inflecti se pateretur: sed tanta hominum animos inuaserat peruicacia & immoderata cupiditas, vt prudentia à temeritate & consilij præcipitania oppressa, nullum planè admonitionibus locum relinquerent. Itaque plebs, Tribuni que plebeij, quamuis obnitentibus & reluctantibus legitimis aliis magistratibus, tantum abest, vt regis benignitate atq. mansuetudine commoti, oppida restituerint, vt etiam scelus sceleri addendo, & Principis animum nouis ausibus irritando, Monæcum castellum, à Luciano Grimaldo possessum, siue communi in omnes nobiles odio, siue quòd illud oppidum, opportuno loco situm, permagni esset momenti, siue demùm quòd prætenderent, iure ad Rempublicam spectare, Tralatini Pisani, ducis strenui ac militaris, auspicio expugnare decreuerint. Illius Præfectus cum non semel fortiter restitisset, populus videns, illud, nisi multis copiis terra marique adhibitis, expugnari non posse, submissis nouis auxiliis, longè arctiori, quàm antea, obsidione pressit, eo tamen successu, vt tandem, infectis rebus, illinc recesserit. In hoc rerum tractu, Philippus Rauestanus, de his motibus edoctus, regis mandato quàm celerrimè, cum centum & quingentis equitibus ac septingentis peditibus, mense Augusto Genuam rediit, quò Reipub. status, & concitati populi furor, sua auctoritate, vel suasu, aliqua ex parte componeretur. Tanta nihilominus paulò pòst fuit irritata plebis inconstantia, vt ipsum Præsidem quotidianis concursuionibus defatigarent, & diuersis rogationibus atque postulatis ad tædiũ & nauseam vsque conficerent, sic vt ipse ex præsentī turbine impendentis, & mox subsecuturæ tempestas-

Legatio nobilium ad regē Gallie.

Ludonici in Genuens. clementia.

Rauestanus Genuam rediit.

pestatis periculum præuidens, de rebus pacandis, vel fideliter conseruandis, omnino desperans, postquam ad regem scripsisset, ut suæ dignitati, simulq. suorum securitati hac in parte tempestiuè consulere, tandem octauo Cal. Nouembris Genua excessit. Rex interim, quò Ligures, turpiter à se deficientes, ad debitum obsequium atque officium retraheret, terra & aquis inaximos apparatus fecit. Verum, intercessione Iulij secundi Pontificis, nequiquam vltius, eo quidem tempore, progressus est. Ipse enim cum rege multis verbis egerat, ut, populari statu non immutato, eius vrbs imperio contentus esse vellet, utq. ab armis, cum multas alias ob causas, tum præcipuè, ne aliquo nouo incendio in Italia hoc modo excitato, decretum in Venetos bellum impediretur, abstineret, eumque rogabat, ut in Italiam secum ad mutuū colloquium Bononiā veniret. Quod quidē rex benigne se facturū recepit. At Iulius deinde non obscuris signis ac testimoniis intelligens, regem patriciis fauere, & aduersus plebem arma expedire, Bononia, anno eiusdem æui septimo, sub finem Februarij discessit, atque ab regis amicitia desciuit, ut deinceps in mutuam gratiam redire nequuerint. Paucis antè diebus, iussu Senatus, Dominicus Adurnius & Augustinus Folietta oratores ad illum destinati fuerant, & quatuor itidem ad Ciamontium, quem rex Galliarum suum vicarium ac præfectum in Italia constituerat, nempe Ioannes Baptista Lazania, cum in ceteris disciplinis, tum præcipuè in iure ciuili ac pontificio apprime versatus, Ioannes Baptista Cocarellus, Lazarus Pichenottus, & Ioseph Dernisius, vnus ex tribunis plebis. Genuæ interim ciuiles motus indies magis atque magis exarserant, sic sanè, ut Roccalbertinus, qui harum tragœdiarum exitum expectabat, cum nullum earum finem videret, & de se, suæque salute non parum anxius atque sollicitus, omne periculum declinandum, nec insani populi rabiem expectandam ratus, ab vrbe digressus, in Galliam redierit. Nocte verò, quæ insecuta est, Galli, ad curiæ tutelam ac præsidium relictī, clam sese in Castelleti arcem subduxere, cuius quidem Præfectus maximæ sœuitiæ iuxta & auaritiæ insimulatur, & in illum potissimum transferunt culpam, quo minus hoc postremo tempore ciuitas tot iam calamitatibus defessa, ipsi regi reconciliata sit. Hactenus in hac domestica & ciuili seditione in neutras partes transgressus, sese tantummodò spectatorem exhibuerat. Ceterum, octauo Idus Febr. qui dies erat festus atque sollemnis, cum plerique nobiles ac populares promiscuè, ut sacris interessent, in ædem Francisco dicatam conuenissent, euestigiò, clausis foribus, omnes, popularibus studiis addictos, patriciis, aliaque imbelli multitudine impunè dimissis, captiuos fecit, quos deinde per aliquot dies in custodia detentos, nec mediocribus iniuriis & contumeliis diutexatos, eò tandem redegit, ut sese decem millibus aureorum redimere cogerentur. Nec ista feritate contentus, plerasque naues ad anchoram in littore subsistentes, maioribus machinis depressit; iisdemque, ac variis missilibus, nonnullos viatores insones atque inermes, quàm miserrimè contrucidauit. Qua sanè barbarie, & plusquàm Scythica inhumanitate, multorum in se odia iustissimis de causis concitauit. Rex interim, indies magis atque magis Genuensem expeditionem urgere, maioriq. diligentia, quàm antea, validum exercitum, cuius ipsemet dux foret, comparare, iamque illum in Insubriam traducere; cum plebs, quæ hucusque magis verbis, quàm re ipsa defectionem à rege Galliarum molita erat, nonnullorum insani consilii concitata, Paulum Nouium, serici filii tinctorum, infimæ plebis hominem, sed virum audacem & solertem, ducem creasset, hac certè in re manifestissimam defectionem ostendens. Nam duce creato, ciuitas se nullum alium Principem agnoscere declarabat. Cuius

*Eiusdem
discessus.*

*Iulij Pont.
pro Genuis
intercessio.*

1507.

*Magne criminis
delicti exemplum.*

*Ludovicus
parat expeditionem
aduersus
Genuens.*

Paulus Nouius à Tribuni & infima plebe Princeps creatur.

rei

rei indignitas tam mirabiliter regis animum inflammavit, ut priores apparatus bellicos nova accessione mirum in modum adaugeret. Huc accedebat, quod illi à patricio ordine esset significatum, in Gallici nominis contumeliam à furente plebe Gallica insignia deiecta, ac pro his Cæsariana reposita fuisse. Cæsar etiam à Genuensibus, & fortassè etiam clam à Pontifice impulsus, ne Genuæ, utpote imperij ciuitati, molestus esset, regem hortabatur; simulque pollicebatur, se cum populo Genuensi, ut ad æquas conditiones deueniret, acturum. Verum rex parum fidei Cæsaris verbis habens, adduci non potuit, ut institutam expeditionem omitteret: sed eò diligentius in illam incūbebat, quod manifestius dolum & fraudem olfaceret. Inter hæc, rerum in Orientali littore successus, contra Emanuele Fliscum eiusque consœderatos, noui Ducis, simulque Tribunorum audaciam mirum in modum confirmabat, ita ut oppugnato, & recepto Castellatio, quod tunc modicis præsidiis tenebatur, contra fidem datam post subsecutam deditio- nem, defensores interfecerint, nouaque victoria læti, & sibi valde placentes, Castelletum, & D. Francisci fanum, illi cōiunctum, tormentis verberare cœperunt, tanto cum applausu, ut lymphatis similes, per compita & regiones ciuitatis dis- currentes, ac subinde cruentatas manus ostentantes, inaudita crudelitate glo- riam sibi quærerent. Ceterum Rex iam in Italiam aduenerat eo animo, ut quam- primum collecto exercitu, citra aliquam moram Genuæ oppugnationem ma- turaret. At Ligures, quanquam nullius externi Principis opibus atq. auxiliis sub- nixi, cum rex Hispaniarum tunc temporis amicitiae ac fœderis iure coniunctus Gallo esset, & Pontifex nihil planè ultra largas pollicitationes præstaret: ac licet etiam peritis ducibus, aliisque rebus quas belli usus requirit, magna ex parte care- rent, nullumque ferè militem, præterquam tyronem & subitarium sine aliquo delectu in agro Ligustico conscriptum haberent; nihilominus tamen tanta fidu- cia sese, itinerum potissimum angustias & locorum asperitatibus freti, ad arma expediebant, ut Gallica potentia nullam illis formidinem inferre posse videretur. Proinde ne aliqua desidia, vel imprudentia, in tanti belli mole, præsertim contra tam potentem aduersarium, ipsi peccarent, necessarium esse visum fuit, omnium itinerum fauces atque angustias, ad præoccupandum, & præcludendum hosti- bus aditum, milite obsepere atque obstruere. Qua vana spe freti, licet subinde multorum, ac præcipuè Finarij Purpurati, literis admoneretur, ut ab incœpto de- sisterent, seque tanti regis voluntati, atque clementiae subijcerent, nunquam ta- men adduci potuere, ut tam salutaribus præceptis ac monitis aurem præberent: sed nescio quibus consiliis excæcati, indies magis atq. magis in sententia perti- naciores persistebat. Hostilis exercitus infesto agmine tam longè progressus erat, ut, transmissa Serraualla, Burgo appropinquaret. Præfidiarij milites, à Genuen- sibus, uti diximus, præoccupandis viis impositi, primò ante hostium cōspectum omnia magnifica Thrafonico more de se promittentes, videbatur vel etiam cum Darij exercitu configere & concurrere posse: sed vbi hostile agmen in conspe- ctu esse nunciatum est, ad solum nuncium consternati, animis trepidare, multas occasiones suæ segnitiae prætexere, variis cōsiliis inter se certare, ac postremò, ut in imperita multitudine fieri solet, nullo habito honoris vel fidei respectu, abiectis armis, cum magna ignominia locum deferere, omnibusq. impedimentis, hosti- bus, quòminus ulterius progredierentur, relictis, sese subducere cœperunt. Sunt qui existiment, in hoc numero ad sexcentos pedites fuisse. Itaque Galli, transcen- sis montium iugis, superatisque difficultatibus omnibus, in Pociferam vallem ad septimum à Genua lapidem peruenerunt, & locum castris designarunt. Eo tem- pore

Ludovicus
rex cum po-
tenti exercitu
inuatit Ge-
nuam.

pore, regia naualis classis, quæ octo triremibus, ac totidem longis nauibus magnis constabat, sese non ita longè à portu in conspectum dedit, atque incerto cursu per breuis temporis spatium longo gyro & ambitu euagata, tandem versus Veneris portum, Spediamque, cursum tenuit, vt classem Ligusticam septem triremium, & sex aliarum nauium, in Genuensi portu stationem habere non ausam, & in hæc loca subductam, persequeretur. Ex Pocifera valle hostes subinde multas excursions faciebant, adeò vt nulla esset suburbani agri pars, quæ intacta & immunis ab illorum manibus & rapinis esset. Et quamuis in itinere multis in locis Genuensium miles, palanti similis, euagaretur; tamen pari cum socordia & ignauia ad solius hostis conspectum retrocedere & regredi magno cum aduersariorum cachinno & irrisu compellebatur. Non diu exercitus eo in loco castrametatus fuerat, cum rex ipse in castra, maxima Gallicæ nobilitatis parte, ac innumeris Insubriæ proceribus stipatus, peruenit. Erant siquidem in regio exercitu octingenti ferè cataphracti, mille & octingenti leuis armaturæ equites, sena Heluetiorum millia, & totidem aliarum gentium pedites. Reliquas copias Rex studio à tergo reliquerat, habita asperæ regionis ratione, quasi superflua multitudo in tanta locorum & regionum angustia plus impedimenti & impendij allatura, quàm commodi esset. Genuenses verò, quò passim inimicos aditu prohiberent, & itinera intricatiora facerent, vallum, ex quo per collis dorsum ad Castellatium ibatur, construxerant. Ad hoc propugnaculum exercitus eodem die, quo Riuarolij castrametatus erat, actutum contendit. ab alia verò parte, Genua octo peditum millia, duce Iacobo Corso Tarlatini vicario, viro strenuo ac militari, egressa sunt. Nam Tarlatinus, & Pisanorum subsidiarij milites, Monæci deditioe facta, statim à Genuensibus reuocati erant, potissimum cum propter Gallorum impedimentum neque terrestri itinere, neque propter contrarios ventos mari in patriam redire possent, facile retenti fuerant. Sed cum Galli iam aduersos montes transcendere conarentur, Ligustici pedites, superato monte, per quæ ad propugnaculū ibatur, cum bona eorum pars ad aliam montis partē peruenisset, in vnum conglobati, in montis vertice constiterant. Quos conspiciens Ciamontius, vnus ex præcipuis Gallorum ducibus, multos nobiles viros & haud exiguum peditum numerum misit, quos certè ipsi Genuenses, multitudine, & situs opportunitate freti, strenuè, nec mediocri cum Gallorum detrimento, Paltia, strenuo quoque duce atque acerrimo milite, inter alios, grauiter in Oesophago sauciato, sustinebant. Galli siquidem, cum se, cum incondita multitudo & agresti turba negotium habere reputarent, nulla loci, vel aduersariorum ratione habita, magis iracundè, quàm fortiter impressionem in eos faciebant. Ciamontius autem, casu suorum indignatus, & mira ira exæstians, ad eos pellendos, duas tormentarias machinas per aduersum montem deduci iussit, quibus statim pedem referre versus montem, in quo reliquæ illorum copiae remanserant, compulsi sunt. Sed Gallis magno cum impetu & instructa acie eos persequentibus, qui ad vallis custodiam relictī erant, quanquam loci natura & munitionis beneficio omnem bellicorum tormentorum ictum possent continere, tamen veriti, ne Galli sese his copiis, quæ inter se, & collem erant, immiscerent, summo cum dedecore vallum reliquere. Quapropter, qui ex colle ad vallum iam se recipiebant, cum sibi omnem aditum præstructum animaduernerent, per devia & locorum anfractus & calles, incertis gyris, circiter numero trecenti, dum retrocedunt, ab hostibus cæsi, maiori ex parte Genuam concesserunt. Quo sanè euentu vniuersa ciuitas, quæ intimæ plebis volubilitate atque consiliis regebatur,

nulla

Gallorum
caes.

nulla verò militari vel ciuili prudentia gubernabatur, incredibili metu consternata, Baptistam Lapallum, & Stephanum Iustinianum, oratores, qui æquis legibus de deditioe agerent, in castra misit: qui ad regis conspectum non admissi, Cardinali Rotomagensi, legationis suæ summam exposuerunt, illisque regis nomine fuit responsum, vt nisi se fortunaque suas omnes liberè absque vlla pactione regis arbitrio permetterent, extrema quæque opperirentur. In vrbe interim magna oriebatur confusio; maiorque oppidanorū pars deditioe vrbs nulla ratione assentiens, eruptionem faciebat: & cum per tres ferè horas dubio & anticipi Marte cum hostibus dimicasset, neutra parte alteram superante, in Castellatium regressa est. Ceterum, Ligures, cum sese in tanta rerum omnium perturbatione & animorum distractione tam potenti regi resistere, cum longè viribus & numero inferiores essent, desperaret, grauiter querebantur, paucorum temeritate, totam urbem, atq. adeò vniuersam Ligusticam ditionem, in tantum discrimen & periculum deduci, ex quo, nō nisi cum maxima difficultate, & inaudita regis clementia, eripi possent. Non deerant etiam, qui multos patricij ordinis incusarent, quorum auctoritate & consiliis regius exercitus hactenus prosperè ac feliciter rem gessisset. Itaque Dux, ex admissorum scelerum conscientia veniam desperans, & vltimum supplicium veritus, cum multis aliis, & cum ea Pisanorum parte quæ ibi aderat, intempesta nocte vrbe excedens, Pisas est profectus, magna certè cum prudētia, quam si aliis suis rebus & actionibus adhibuisset, nunquam profectò in tam poenitendam status conditionem Rempublicam deduxisset. Legatis postero die summo diluculo in castra reuersis, cum oppidani bellum non plusquam octiduum sustinuissent, urbem regis arbitrio permiserunt. Hinc videre & annotare licet, quàm magnas calamitates & miseras populi inconsiderata studia interdum sibi, non admissis hominum saniorum iudicijs atque consiliis, attrahant, quæ non solum sibi, verum etiam toti suæ posteritati nonnunquam grauissimè nocere consueuerunt. Qua in re cum non semel in multis Rebuspub. aliisque non postremis ciuitatibus peccatum sit, nullibi, si verum fateri velimus, sæpius hoc nomine vlla ciuitas in iustam reprehensionem venit, quàm Respub. Genuens., quæ sanè quietis & otij impatiens, fatali, vti existimo, necessitate adacta, eundem statum diu ferre, vel vltius conseruare nequiuit. Singulas causas nunc recensere cum difficillimum sit, nec nostri instituti est, nec iudicij: salua tamen omnium pace, mihi in primis videtur, nullam in hac Repub. insignem factam fuisse conuersionem, quæ ex mutua nobiliū & popularium, adeoque inter ipsosmet nobiles, pertinacia & contentione, ceu ex perenni fontis scaturigine, non demanarit. Tradita ciuitate, Rex cum exercitu vrbi appropinquans, studiosè cauit, ne militibus, præsertim Heluetiis, prædæ & rapinis inhiantibus, tantæ vrbs opulentia cederet: quod ægrè obtinuit. Verum Ciamontius Heluetiis in suburbio collocatis, cum maxima reliquarum copiarum parte, præsidio etiam Castelletto imposito, Genuam victor est ingressus: cui Genuenses publica omnia & priuata arma, quæ deinde in Castelletum lata fuerunt, & tria tormenta à Pisanis aduecta, tradiderunt. Proximo die, qui fuit nonus ac vigesimus Aprilis, rex ipse cum omni equitatu pedes sub umbella aurea, fulgentibus armis indutus, exertum ensē manibus tenens, Genuam introiuit. Cui obuiam progressi sunt vrbs regionum Præfecti, qui cum multis lacrymis regis pedibus aduoluti, silentio impetrato, vnus ex illis communi nomine in hanc ferè sententiam verba fecit.

Paulus No-
 mus Genua
 aufugit.

Genua redit
 in potestatem
 regis Gallia-
 rum.

Ludouicus
 Genuam in-
 greditur.

Oratio habita
 Genua coram
 rege Ludouico.

TAMETSI, inquit, clementissime & Christianissime Rex, in hac deterrima & exitiosa

exitiosa Reip. nostræ conuersione dubitare non immerito liceat, vtrum culpa nostra propria, vel misero, funestoque vrbis nostræ fato acciderit, vt, post longas disceptationes, & animorum distractiones, ad arma tandem sit discursum: nihilominus tamen, si liberè loqui, ac verum fateri liceat, patricij ordinis viri, ceterique, qui sana & honesta consilia priuatis iniuriis, simultatibus & commodis præferebant, ignorance potius, & falso, ac inani metu, quàm cupiditate, & crudelitate, sese his turbis, summa necessitate quodammodo coacti, immiscuerunt. Nam, cum nullius tantum sit flumen ingenij, nulla scribendi vel dicendi tanta vis & copia, quæ non dico exornare, sed enarrare res tuas gestas, præcipueque tuæ in nos liberalitatem, & clementiam possit, perfidi omnino & ingrati essemus, imò planè piaculum admitteremus, si te, optimum & æquissimum regem, de nobis, atque adeò de Reipub. nostræ dignitate, & patria, quàm optimè meritum, aliqua ratione negligeremus. Ceterum, cum hoc fatale in nostrâ vrbe hætenus fuerit, vt plebs sciens atque prudens, non semel ad interitum ruerit volutarium, omniaque consilia ad conturbandam quietem publicam explicauerit, enixè rogamus, vt nostram innocentiam, cum ab illorum cæptis semper abhorruerimus, æquis oculis ac benignis auribus excipere non dedigneris: Quandoquidè, ab eo tempore quo Deorum omnium beneficio in tuam clientelam sumus recepti, pro hoc vno summo opere elaborauimus, & nihil magis in votis habuimus, quàm vt sub tuæ æquitatis moderatione, hæc nostra Respub. quàm diutissime staret, ac feliciter floreret, semper omnia nostra consilia, & actiones, pacis ac togæ socias, planè ad tuæ maiestatis dignitatem atque imperij amplitudinem contulimus, nihilque perinde doluimus, quàm non modò pacem, sed orationem præstantissimorum ciuium, pacem esflagitantium, ab insana multitudine perpetuò neglectas, & repudiatas fuisse. Quippè tantum potuit in perversissimorum animis peruicacia, vt cum omnium nostrum maximo dolore nullis honestis vel sanis cõsiliis ullus modus relinqueretur. Dolebamus etenim, haud paucos præclarissimos huius Reipub. ciues, tuæ Maiestatis obseruantissimos, & publicæ tranquillitatis amantissimos, propter effrenis plebis intemperantiam, & temeritatē, tibi, ceterisque Italiæ principibus, in reprehensionem deuenire, quasi nostra auctoritate, & auspiciis, hoc ciuile bellum excitaretur, & temeraria arma aduersus regiam tuam potentiam expedirentur. Qua sanè à culpa quàm longè absumus, & abfuerimus semper, testis ipse Deus, humanarum actionum omnium cõtemplator, & incorruptus iudex, testis denique conscientia nostra, qua demum freti, in conspectum tuum venimus. Nam, cum nunquam temeritas cum sapientia commisceatur, nec ad consilium casus admittatur, malè nobis consulere videmur, si nos, suscepti belli, & seditionis auctores, tanquam insontes culpam deprecaturi nomine publico veniremus. Non diffitemur tamen, nos humano errore in non paucis labi & falli, dum temporis conditioni aliquid concedimus, potuisse: à sceleris tamen culpa, certè nos liberos esse, palàm atque audacter confiteri, ac prædicare non cessabimus. Nunc reliquum est, Christianissime atque *Epilogus.* inuictissime Rex, vt, postquàm vidimus, tuam victoriam multorum præliorum felici exitu terminatam, ex paucorum defectione ac rebellionē victricibus armis esse repressam, nolis in conseruandis bonis viris defatigari, præsertim non cupiditate, aut prauitate aliqua, sed stulta quadam opinione officij lapsis. Nam, etsi tu, maioresque tui, continua quadam felicitate gentes immanitate barbaras, multitudine innumerabiles, locis infinitas, omni copiarum genere abundantes, non semel edomueris; tamen ea vicisti, quæ & naturam & conditionem habebant;

ut vinci possent. Siquidem cum nulla sit vis, neque aliqua tanta copia, quæ ferro, atque viribus debilitari & frangi non possit: at verò, cum aliquid clementer, mansuetè, moderatè, & sapienter in iracundia, quæ inimica consilio est, & in victoria, quæ natura insolens & superba est, feceris, tunc me herculè iurè laudabitis, & gloriæ famæq. tuæ magnitudinem cum æternitate, ac planè cum ipsis Deis coniunges. Bellicæ nimirum tuæ laudes celebrabuntur non solum nostris, sed panè omnium gentium literis, atque linguis; neque vlla ætas de tuis laudibus conticescet. At hoc singulare meritum, quo nos, nostramque Rempub. noua tua mansuetudine, clementia, liberalitate, & humanitate, tibi deuincies, penes nos, planeque apud posteritatem nostram erit immortalis cum memoria coniunctum, fatebunturque omnes posteri nostri hanc Rempub. nostram priuata ambitione, & stultitia prolapsam, tuis auspiciis, legibus, imperij moderatione, & æquitate fuisse erectam, ac solidissimis fundamentis constabilitam, stare, atque consistere. Proinde, clementissime rex, quò magis tibi eluceat animorum nostrorum propensio, non solum gratiam, quæ pro nostra innocetia à tua mansuetudine nobis debetur, impetrare contendimus, sed etiam submissè petimus, atq. obtestamur, ut hanc Remp. nostram, vel potius tuam, iterum benignis oculis intueri, eamque in clientelam suscipere digneris, & omnia, quæ belli impetu iacere atque corruisse sentis, excites, iudicia constituas, fidem reuoces, ac postremum, disciplinæ ac morum seueritatem legumque reuerentiam, temporum atque hominum incuria, & insolentia, valde attritam, & extenuatam, salutaribus decretis, legibus, ac statutis vincias atque emendes. Hoc si à tua pristina humanitate, cum mira & heroica clementia coniuncta, impetrabimus, eris te ipso quodammodo maior, & gloriosum tuorum factorum splendorem noua luminis claritate, planè obscurabis, nec erit aliquid ex tam immenso illorum aceruo, licet gloriosum & magnificum, quod cum hoc tuo recenti facto poterit aliqua ex parte conferri & comparari. Huius orationis finem exceperunt omnium publicæ voces, clementiam implorantium. Rex, licet nulla vera commoti & irati animi indicia ostenderet, & iam recondito ense, eos surgere iuberet; tamen nullo reddito responso, progressus est, & deinde ad vrbis summum & augustissimum templum contendit, ubi mulierum, aliusque imbellis sexus & multitudo, se ad eius pedes prostravit, qui omnes candidis vestibus induti, inconditis clamoribus, & miserando ploratu eius clementiam & misericordiam implorabant. Hoc misero spectaculo regis animus non mediocriter inflexus, non nihil de pristina seueritate remisit. Constituerat enim Senatui Genuensi omnem administrationem & auctoritatem abrogare, & pecuniam in ærario D. Georgij reconditam, & ad priuatos ciues spectantem, in priuatum suum regium ærarium transferre, atque eos omni libertate spoliatos, ad eam seruitutis conditionem redigere, in qua pleraque Mediolanensis imperij oppida consistebant. Verum, paucis interpositis diebus, adhibitis super ea re in deliberationem & consilium fidelissimis quibusque, passus est, se, alioquin tamen iustissimis de causis offensum & irritatum, expugnari & emolliri, & aliquid in gratiam publicam remittere & condonare. Igitur contra omnium spem & opinionem, ne innocetes, ac bene de se meritos, iniuria aliqua afficeret, neue nobilium animos aliquo pacto offenderet, urbem ipsam in pristinum statum, ac planè in eum, in quo ante rebellionem fuerat, cum summo incredibilis mansuetudinis & bonitatis exemplo, restituit atque asseruit. Voluit etiam, ut ad vrbis tutelam, & publicæ quietis conseruationem, præsidium aliquantò consueto maius imponeretur, & assidue tres triremes omnibus naualibus apparatus

paratibus instructæ, stationes in ipso portu ad suos usus haberent: Castellerum præterea, & Castellatium munirent. Pristinæ verò & hæcenus inter se, & Remp. initas pactiones, & fœderis iura abrogavit, ut interim ea sub alia forma, scilicet nō ut pacta, sed ut priuilegia essent, cōcederet, retenta nihilominus pōtestate, ea penitus abrogandi, vel penitus immutandi. Cudendæ etiam monetæ rationē habuit, voluitq; ut, abolitis & antiquatis omnibus signis & characteribus, ad ea tempora imprimi solitis, omnes deinceps monetæ suis signaretur & cuderetur insigniis, non alia forsan de causa, quàm ut in eos absolutum imperium sibi esse declararet. His rebus constitutis, insecuta est Demetrii Iustiniani cōdemnatio, de quo, cum ante supplicium, tanquā de fonte, quæstio haberetur, Pontificis consilia, & irritas spes, quibus insanæ & effrenæ multitudinis rabiem cum totius Reip. exitio lactitauerat, detexit, & pleraque alia referauit, quæ ad illam diem nulla diligentia, vel inquisitione erui potuerant. Iustiniano capite plexo, paucis interpositis mēsis, pari seueritate in Paulum Nouium, qui paulò antè suffragiis concitata plebis supremum, ut antea diximus, Genuæ Magistratum gesserat, animaduersum est. Hic misellus, dum latebras, & secūra effugia quærit, Pisces Romam enauigare constituebat: sed in itinere à quodam Corso, quem Genuæ gregarium militem, dum ipse rerum potiretur, fuisse constat, interceptus est, ac Perigoni regiæ classis præfecto octingentis aureis diuenditus. De huius viri tragico & funesto fine, non satis scriptoribus conuenit. Nam sunt qui tradant, ipsum in itinere à myoparone Gallico, repentino incurso interceptum, ac deinde Genuam perductum fuisse, ibique aliquandiu in vinculis asseruatum, in theatro publico, ceu Maiestatis reum, securi percussum. Sed quia omnes in mortis genere consentiunt, nihil attinet, si circa loci & captiuitatis diuersitatem, inter se varient. Regis decreto ac voluntate, Reipub. legibus partim constitutis, partim innouatis, de more sollemni, Senatus, & plerique equestris ordinis viri, nomine publico regi pro tribunali sedenti, iusiurandum fidelitatis & obsequij publicè magna cum religione ac veneratione detulerunt, & rex inusitata quadam, & ferè inaudita mansuetudine & humanitate, defectionis, aliarumque iniuriarum illatarum memoriam, æterna obliuione publico diplomate deleuit, exceptisq; sexaginta viris, quos supremo iudicio tradidit, ut de ipsis inquisitio haberetur, ceteris omnibus ignouit. Verum enim uerò non prius Senatum dimisit, quàm eum cum graui ac disertissima oratione, obiurgatione permixta, admonuisset, ut iugem atq. omninò seriam curam haberet, ne in posterum aliqua de causa noua in ipsa ciuitate studia orirentur, neue eo nomine Resp. malè audire apud omnes pergeret, quò sapius in omnium Principum reprehensionem non immeritò venissent, quòd scilicet moris in Rep. esset, ut, ægrè repressa & extincta vna seditione, longè aliæ grauiores repularent. Proinde patricij ordinis viris hanc curam eò iustius incumbere dicebat, quò ipsi ceteris magis honore ac dignitate antecellerent. Nihil enim præclarius & dignius omni viro, probè de virtute atque humana societate sentiente, quàm honestis artibus & studiis de patria suisque ciuib. bene mereri. Quare cùm sapius usu venire soleat, ut multæ & graues Reipub. pestes solida magistratus diligentia auertantur, darent ipsi in posterum operā, ne in tanta ciuitate, opibus affluente, & animorum distractione subinde laborante, aliquid molirentur, quod cum publico detrimento esset coniunctum, & quod tolli, vel excindi, nisi cum Ligustici nominis & existimationis iactura nequirit. Se namq. non videre, quin iam consopitis bellis, & auerruncato omnium seditionum seminario, summaq; cum prudentia recens constituta Reipub., quies publica cum totius vrbis emolu-

Demetrius
Iustinianus
capitis dam-
natur.

Paulus No-
uius capite
plexus.

Ludouici ad-
hortatio ob-
iurgatione
mixta.

mento facile ab Senatu conseruari ac retineri posset, præsertim si ad solidâ indu-
striam & studium, quod in talibus, tamq. arduis rebus necessario requiritur, fidei-
tum constantiam, tum integritatem adferrent. Et quò acriorẽ stimulum Senatui
ipsi inculcaret, breuibus quidem, sed verbis ita apposis, vt rem facile perstringe-
rent, repetito totius Reip. statu, dicebat, se, sua lenitate hunc populum nulla iudi-
ciorum æquitate permoueri, vel vlla Principum modestia retineri solitum, sibi
maiorum suorum exemplo deuincire, ac quasi in certas compedes conijcere vo-
luisse. Quandoque enim vsu venire, vt refractaria, & indomita alioquin inge-
nia, aliquadò magis benignitate & mansuetudine, quàm vi & armis, ad debitum
officium inflectantur. Ceterum, si perrinaces esse pergerent, se bonorum medi-
corum more vsurum, qui tantisper agris corporibus omnia fomenta & remedia
adhibent, quamdiu de sanitate non desperant. Verum, vbi vsitata remedia non
procedunt, tunc inuerso ordine, contraria tentant, vlcera cataplasmatibus & fomen-
tis curant, quamdiu contagione non lædunt. sed vbi virus ipsum serpsit longius,
& contagio nocuisse videtur, tunc ferrum adhibent, & cauteria & vstulationes,
ita fit scilicet, vt velint potius iacturam vnus membri facere, quàm totius cor-
poris constitutionem & symmetriam perdere. Ad quæ Senatus paucis, & mo-
destis verbis respondit, se quidem cognoscere, nullam esse tantam eloquentiam,
quæ atrocitatem criminis per concitatam plebem admissi, pro merito exponere,
vel explicare posset. Agnoscere se igitur Principis beneficium, & summam animi
generositatem, qui summa prudentia ruinam nutantis vrbs fulciuisset. Quo
quidem nomine, præter alia præclara sua merita, Ligusticum populum perpetuo
vinculo sibi obstrinxisset; se etiam gratias agere, quòd ipse maiorum suorum adeò
non dissimilis esset, vt quantum omnes imperij magnitudine excelleret, tantum
etiam clementia vinceret. Quamobrem se enixè daturos operam pollicebantur,
vt Respub. pro dignitate ac existimatione non solum proprii nominis, verum et-
iam Gallici imperij in posterum staret atq. conseruaretur. His auditis, rex statim,
dimisso Senatu, consensu equò, Mediolanum contendit. Longè itaq. fallitur, si
quis in tale ingenium tantam iracundiam cadere existimauerit, vt vllas, quam-
uis magnas iniurias, alio modo, quàm vero heroico animo vlscisci voluisse videat-
ur. Nam præstantissimus rex hoc nomine apud nō paucos malè audit, & passim
traducitur, quasi impotentis fuërit animi. Ego, vt nihil huiusmodi credam, ad-
ducor primum, quòd satis constet, ipsum, & prudentissimum, & fortissimum
fuisse virum, qui suis affectibus probè imperare posset; deinde quòd in confessio
sit, ipsum, priuatum dolorem non semel vtilitati publicæ condonasse, prout hoc
tempore in hac Rep. à qua tantas iniurias sæpius antea receperat, vsu venisse co-
gnouimus. Paucis antè annis, Philippus Maximiliani filius, Belgarum Princeps,
per Galliam in Hispaniam enauigarat, crebris procerum literis euocatus, vt Isa-
bellæ socrus dotale regnum capefceret. In eum, cùm Ferdinandus propensiora
suorum studia esse perspexisset, quàm erga se, detestatus leuitatem perfidiæ, traie-
cerat Neapolim, vbi tamdiu substitit, donec de generi interitu cognouit: moxq.
rebus Neapoli constitutis, in Hispaniam redire statuit. De huius nauigatione Se-
natus paulò antè certior factus, illi quatuor præstantes viros vsque ad fines Ligu-
sticos, honoris ergò, obuiam destinauit, & quinto Cal. Iulij, potius aduersante
Euro, quàm quòd ita animo esset affectus, Genuensem portum cum viginti rostratis
ingressus est, ibiq. regio splendore ac magnificentia exceptus fuit, atq. illinc prima
luce soluens, Sauonam, vbi Ludouicus rex illum præstolabatur, delatus est, ipseq.
Ludouicus plurimum se illius fidei tribuere, clarissimis testimoniis declarauit:

Quando-

A simili.

Senatus respo-
dit.Rex Medio-
lanum pro-
fiscitur.Ludouicus &
Ferdinandus
reges Sauona
conueniunt.

Quandoquidem tribus duntaxat comitibus stipatus, eius triteminū conscendit, & per vtrumque descensione in continentem facta, vrbis adeoque Sauonenfium arcium clauēs illi vtrō, licet recusanti, obtulit & exhibuit. Priusquam verò Sauona discederent, ambo, sacra Synaxi vnā sumpta, conceptis verbis sacrosanctum fœdus causa Veneti belli, quod tunc agitabatur, pepigere: quod tamē haud multo post à Ferdinando violatum est. Huic sanè plerique omnes industriam, animi magnitudinem, ingenium acutissimum, & necēdarum morarum scientiam tribuunt; verum, iurisiurandi religionem, pactorumque fidem, vel ipsimet Hispani in ipso desiderant, adeò me herculè, vt Consalutus ipse persæpè in coronia virorum Principum queri non sit veritus, se non semel iureiurando, tametsi sacrosanctis concepto verbis, & syngrapha manu eius propria obsignata, falsum atque elusum turpiter fuisse, sic, vt non illepidè aliquando iocaretur, exacturum se à Ferdinando iusiurandum, in eius numinis verba cui fidem adhibeat: notans in eo altiùs labem parum sinceræ fidei, quo morbo olim Hispanos Iudaismo infectos laborasse, verus est opinio. Et antequàm Ludouicus Galliam repereret, Sauonenses per calumniam, multa & grauiā, ad concitandū Genuensium odium iuxta ac inuidiam commenti dicuntur, summaque contentione conabantur multa, licet incassum, à rege impetrare. Initio sublequentis anni Rodolphus Lanouius cum alio collega regis nomine, vt ibi Præsidem ageret, Genuam amandatus fuit. Interim Sauonenfes eò temeritatis atque audaciæ deuenerant, vt summa obstinatione vectigalia & portoria, Reip. persolui consueta, recusarent. Quod vbi regi innotuit, ad præscindendum omnibus dissensionibus & prolixioribus litibus ansam, duobus his, quos dixi, Præsidibus totius causæ & controuersię cognitionem permisit. Qui, iisdem introspectis & ponderatis, secundum Genuenses pronuntiarunt, & hoc modo determinatis contentionibus, in mutuam amicitiam atque pristinam fidem vtrumque reuersum. Sub eiusdem tēporis tractum, aliquot Turcici myoparones sinum Ligusticum mirificè inquietarunt, & descensione in continentem facta, iuxta Dianam oppidum, duobus mille pass. à mari distans, haud poenitendam prædam abegerant: sed indigenarum singulari animorum alacritate, viribus, & industria factum fuit, vt malè multatis hostibus, illorum conatus & assidua infesta vis reprimerentur, paucisque diebus interiectis, cum iidem piratæ cum duobus tantummodò hemioliis in duas triremes Pontificias non procul ab Ostia, incidissent, alteram illarū facili negotio intercepere, alteram verò, non sine maxima Christiani nominis ignominia & perpetuo dedecore, in celerem ac turpem fugam coniecerunt. Posterus annus, vti Reipub. faustus & fortunatus extitit, sic econtrā plerisque fuit luctuosus & grauis, & in primis quidem Venetis, ac Pisaniis. Hi enim acriter obsessi à Florentinis, atque omni auxiliorum spe destituti, rebusque suis prorsus diffisi, hosti deditiōnem fecere: maximaque pars eorum qui arma ferre poterant, aliò, relicta in seruitute patria, concessit, aliqui Panhormum in Siciliam, alij diuersas in partes, vbi se vitam tolerare posse commodiùs sperabant, hoc vno ducti consilio, potius vt liberi foris, quàm domi in seruitute agerent. Ita tum vrbs pænè deserta, quæ olim potentia, & bellica virtute mirificè floruerat. At Veneti, eodem fermè tempore, ingenti clade à Ludouico Galliarum rege affecti sunt in loco quem incolæ Agliadellum vocant, ducentis ferè ab Abdua passibus, inter Castanum & Reuoltam. Quam quidem cladem Veneti Iulio tertio Pontifici, recēns Alexandro sexto suffecto, iure acceptam referunt. Is enim vbi primùm ad supremæ dignitatis apicem euectus fuit, nihil habuit antiquius, quàm vt, cum manifesta totius Italiæ



1508.

Sauonenfium
cum Genuens.
contentio.

1509.

Pisani in Flo-
rentinorum
potestatem
veniunt.

Veneti ing-
enti clade à
Ludouico af-
ficiuntur.

Fœdus à di-
uersis Prin-
cipibus contra
Venetos ini-
tum.

commotione & calamitate, Maximilianum Cæsarem, Ferdinandū Aragoniū, & Ludouicum Galliarum regem, contra Venetam Reipub. inflammaret, adeo ut ipsi Ludouico in vltimo Cameracensi fœdere totius belli summa delata, ipse omnibus studiis atq. artibus anniteretur, quò, quibuscumque posset modis, sese contra Venetos, nescio cuius rationis prætextu concitatus, vleisceretur. Proinde Veneti, vbi de hostium suorum consiliis & apparatibus intellexere, protinus circiter quinquaginta hominū millia coegerunt, quibus omnibus, Bartholomæum Liuianum, virum, ea tempestate summi nominis, & rei militaris gloria insignem, cum imperio præfecere. Regi autem in armis adfuisse dicunt supra quadraginta millia expeditissimorum virorum, & in his Gallicæ nobilitatis lectissimum quemque: cuius quidem prælij is fuit exitus, ut victoria penes Ludouicum staret, hostilis exercitus Præfecto vulnerato, & in captiuitatē abducto, ac cæsis ex aduersa parte amplius decem hominū millibus, cum ex Gallis vix quingenti desiderati esse dicantur. Qua quidem clade effectū est, ut inde Venetum imperium, amissis vrbibus, penè totum sit euersum. Nec fortuna his tantis Venetorum malis exsatiata, ut ipsorum Respub. extremum periculum adiret, etiam nauali calamitate afflixit. Cum enim ipsi, haud multò post, reparatis viribus, nouoque milite conscripto, aduersus Alfonso Arestinum, Ludouico regi vnà cum Hippolyto fratre purpurati ordinis fœdere associatum, præualidam classem, duce Angelo Triuisano, in Padum fluuium emisissent, improspere ac infelici Marte confligere. A nonnullis in literas relatum est, in eo prælio vltra minoris notæ nauigia, quindecim triremes fuisse captas, signa sexaginta relata, hominesque occisos, aut submersos, supra duo millia. Rebus in Italia ita se habentibus, Ferdinandus Aragonius, cuius proximè hîc mentionem habuimus, egregia victoria adauctus est, Bugea, Africæ minoris haud incelebri vrbe, expugnata.

Ludouici de
Venetis vi-
ctoria.

Venetorum
clades in Pa-
do flumine.

Bugea vrbs
Africa à Fer-
dinando ex-
pugnatur.

1510.

ANTEA diximus, instinctu atq. opera Iulij Pontificis, de vnanimi omnium ferme Christiani orbis Principum cōsensu, bellum Venetis illatum fuisse. Cuius quidem vel præcipua causa fuit, quòd Veneti, qui, ut ex aliorum ruina & interitu, tantum imperium initio condiderant, ita deinceps ex euentis alienæ fortunæ, occasiones amplificandi res suas captare consueuerant, tunc etiam immodicam affectabant potetiam, vel potius iam tantam adepti erant, ut, nisi retunderetur, in totā sese Italiam, exterminatis regibus, extensura esse videretur. Quod illi ergo de singulorum regum ditionibus aliquid decerpserant, id Iulio Pontifici videbatur armis communibus repetendum, ea lege, ne ab armis prius decederetur, quàm sua singuli recepissent. At Veneti, animaduerso, sese haud exiguo discrimine irritatos esse, enixè operam dedere, ut in primis cum Pontifice in gratiam redirent, sicuti etiam breui effectum est, Ceruia, Rauenna, Arimino, & Fauentia ipsi restitutis; adeo, ut ipsis, quantum satis videbatur, multatis & expilatis, Iulius, vòluntate, velut venti flatu, subito inuersa, bellum ipsum pro Venetis aduersus Ludouicum, in prius contracto fœdere, constanter perseuerantem, detexuerit. Et quò commodiùs illius potentiam ab Italia, præsertim verò à Genuensi dominio auerteret, atque exterminaret, subinde per internuntios præstantissimum quemque patricij ordinis sollicitabat, ut, nouis Genuæ concitatis turbis, se, ac totā suam patriam, abrogato Gallico imperio, & obsequio, viriliter in pristinam libertatem assererent. His non contentus, iugi cura ad hanc solam occasionem paratus, exules Genuenses Florentiæ, & per omnem ferè Etruriam dispersos, & alibi incertis sedibus vagantes, anxie sollicitabat, ut se publicis negotiis immiscerent, atque arma contra Gallorum ambitionem citra vltiorem moram expedirent.

Venetorum
cum Pont.
Iulio recon-
ciliatio.

Iulius mouet
bellum contra
Ludouicum.

Cuius

Cuius quidem literis crebrius commonefacti, ac in nouam spem erecti, tandem, Paulo Baptista & Fregosino ducibus, mille Germanos pedites, ad Gatiolum, Ludouici Gonzagæ, Cæsaris beneficiarij, oppidum, duxerunt, eo animi decreto, vt summa celeritate per abruptos montes, atque asperas & angustas vias, ad Padum vsque penetrantes, transmissio flumine, per iuga Parmensia Genuam contenderent, & ibi aucti numero, & consilio ex temporis conditione accepto, urbem ipsam inopinatò adorirentur. Sed Ciamontius dux, vt bello strenuus, ita pace prudens & vigilans, non obscure eorum consilia subodoratus, facile, id quod erat, suspicabatur. Quocirca, summa cum festinatione non exiguum tum pedum, tum equitum numerum, qui eos itinere prohiberent, Parmiam vsque præmisit. Quorum aduentu Germani adeò fuere consternati, vt, spe de rebus Genuæ prosperè gerendis amissa, eodem itinere, sed certè haud pari celeritate, non citra magnum periculum in patriam redierint, Venetis, priuati siue commodi studio conuiuentibus, quorum maximè intererat, Italiam per Pontificem ad arma non concurrere. Ceterum Pontificis animus ægrè ferens, Rempub., communem suam patriam, in aliena potestate haberi, rerum aduerso successu nullo modo debilitatus, studiosè allaborabat, vt, nouis excitis auxiliis, restitutio Genuensis tentaretur, tanta me herculè cum constantia, & ardore, vt nullis sumptibus parceret, omnemque lapidem moueret, quò Ludouicum, sibi naturali, vt existimo, antipathia inuisum, Italia pelleret. Itaque Genuam eodem tempore inari terraque vndique inuadere constituit, sperans, hanc urbem infestis armis repentè tentatam, facile mutationem aliquam facturam, præcipuè quòd nemo ignoraret, multorum animos in ea ciuitate à Gallico imperio abhorrere, & Fulgosiam gentem multis priuatis iniuriis prouocatam, occasionem nouandarum rerum ex temporis opportunitate quàm auidissimè expectare: quippe cū Octavianus Fulgosius, cuius pater, & patruus supremum magistratum ibi gesserant, magnò honore & existimatione apud omnes esset. Quo quidem tempore, bellum etiam inter Alfonso Atestinum & Ligures exarsit. Et quoniam Iulius, quòd procures ac plerosq. equestris ordinis viros ægrè à fide & obedientia Gallica retrahi & abduci posse experiretur, à Genuensibus hac potissimùm de causa deficiens, cum Venetis iam fœdus contraxerat, & vndecim Venetorum triremes, duce Grillo, siue, vt alijs placet, Hieronymo Contareno, & vna sua, aduersus Genuenses decretæ & instructæ sunt, in quibus magnum Genuensium numerum fuisse traditur, qui Pontificis studia secuti, vrbe excesserant, & in nouam fiduciâ erecti, varijs in locis, vt diximus, exulantes, sese huic expeditioni coniunxerant. Inter quos fuerunt Octavianus & Ianus Fulgosij, necnō Hieronymus & Nicolaus Auria familiae. Interim M. Antonius Columna cū centū grauis armaturæ equitibus, & septingentis peditibus, qui recens à Florentinorum stipendijs ad Pontificem transuerant, specie habendi delectus, in agro Lucensi hærebat: quod Ciamontium in magnam suspicionem iure adducebat. Ipse tamen, quòd mirò astu & opera Pontificis, fama percrebuisset, Helueticos, qui ad duodecim millia descripti esse dicebantur, coniunctos M. Antonio, repentè Ferrariam inuasuros, nullum nouum Genuæ subsidiū, præter paucos pedites, misit. Marcus Antonius, quamuis nec Serefanæ, nec Spedia, vt Pontifici omninò persuasum erat, fuisset receptus, vltèrius tamen progressus, ad vnum ferè milliare ad Genuæ muros in Bisamnis valle confedit. Classis quoque sub idem ferè tempus, Segestro & Cluaro occupatis, ex Rapalli sinu ad ostium Entelli fluminis quod non ita procul à Genuensi portu in mare decurrit, peruenerat. Genuam verò paulò antè ad primam

Pontificia
expeditio ad-
uersus Ge-
nuens.

Motus in agro
Ligustico,
opera Iulij
Pont. excitati.

hostium aduentus famam, Ioannis Aloysij Flisci filius cum octingentis viris agrestibus, & pari ferè numero nepos Cardinalis Finariensis pro Galliarum rege ingressi erant: quibus præsidii firmata ciuitas, nullæ intus seditiones ac turbæ concitabantur. Proinde irrita Pontificis atque exulum spe, indiesq. ex Insubria, & aliis locis, præcipuè verò ex occiduo littore, nouis Genuam deductis auxiliis, & Preianne, viro summi consilii atque virtutis, regis nomine cum sex longis nauibus portum ingressio, incassum, & citra aliquem fructum, omne tempus trahabant. Proinde classis mari, Columna verò terrestri itinere, Rapallum se receperunt; tentata interim in ipso reditu portus Delphinij expugnatione, in qua Franciscus Bolanus, vnus Venetæ triremis præfectus, occubuit. Illinc classis Centum-cellas enauigauit, & cum M. Antonius terrestri itinere incolumem se cum suis militibus euadere posse diffideret, nimirum quòd rustici & agrestes itinera valdè infesta redderent, euitandi periculi causa, cū sexaginta delectis equitibus, triremes conscendit, reliquos terra remisit, qui maiori ex parte in Genuensi, deinde Lucensi agro in Florentinorum finibus spoliati fuerunt. Ex hac expeditione, nullam, vel saltem valdè exiguam, Grillus, & Octauianus laudem reportarūt: quorum pusillanimitate atq. desidia factum esse dicunt, vt Preiannes tam paruo nauium numero Genuensem portum, illis spectantibus, subiisset, cum alioquin in eorum esset potestate, illam quàm facillimè, nisi metus obstitisset, prohibere. Statim post hostilis classis discessum, Preiannes cum septem longis nauibus, & quatuor onerariis Genuens. portum egressus, Venetam classem, triremium numero superiorem, nauium verò inferiorem, insecutus est. Vtraque classis ad insulam Iluam delata; Veneta quidem Lingonium portum, Gallica verò Ferratum attigit. Sed hæc, illam vsque ad Argentarium montem summa cum celeritate insecuta, cum nulla bene gerendæ rei opportunitas monstraretur, Genuam rediit. Quanquam verò huius expeditionis successus longè infra Iulij Pontificis cōsilia & opinionem eueniret, nec mediocriter ob fortunam aduersam percelleretur, nihilominus, vt erat intrepidus, & excelsus spiritu, ita vt non facile in rebus aduersis animo concideret, tantum abest, vt susceptam aduersus Gallum expeditionem remitteret, vt etiam eò magis ad noua studia incenderetur, quòd priora peius cecidissent. Nihil enim perinde optabat, quàm Genuensium animos, omnibus artibus in partes deducere, vt scilicet, ex animorum distractione, nouæ in vrbe simultates atque odia orirentur, ex his verò in Gallum conspiratio, & in tota ipsa Repub. dissensio propagaretur. Ideò procurabat, vt Veneti, qui magis gratificandi Pontificis studio, quàm quòd nouos in Italia motus probarent, classem, quam ad Centum-cellas in statione adhuc habebāt, additis quatuor magnis nauibus, augerent. Existimabat quippe, si hoc bellum sub suo nomine aduersus Gallos susciperetur, magnam auctoritatem & pondus apud omnes consecuturum, nec alia meliori via oppidanos ipsos ad rebellionem propelli posse. Adiunxit etiam Venetæ classi per idē tempus nauim inusitatæ magnitudinis, atque aliquot alias, quas sollemni ritu suis vexillis condecorauit, & publicis votis faustam profectionem ac felicem expeditionem precari iussit, adeò vt multorum animos de Principum studiis interdum seriò reputantium, magna subeat admiratio, quòd Pontifex, cuius omne studium & cura pro quiete publica, tum continenda, tum propaganda excubare debebat, ipse, inuerso ordine, omnem curam & diligentiam ad conturbandam Italiam, atque adeò vniuersum Christianum orbem infestandum transferret. Nec deerant pauci, qui illius tam nefarios ausus damnarent, simulque eius consilia palàm irriderent, quòd speraret, se

ret, se Genuam, recens magno præsidio firmatam, & illius portu valida classe communito, in potestatem redacturum, præsertim cum hæc expeditio illi antea planè irrita, ciuitate ipsa longè viribus & præsidiis à præsentis rerum statu discrepante, cecidisset. Verùm ipse nullis consiliis vel rationibus adduci poterat, quin obsidionem acceleraret. Quamobrè sibi expedire videbatur, vt maritimis apparatibus terrestres copię coniungerentur: quæ maiori ex parte auspiciis Episcopi Genuensis, Obiecto Flisco, cuius sæpenuerò mentionem fecimus, geniti, & nonnullorum exulum Genuensium ducebantur. Fridericus etiam antistes Salernitanus, Octauiani Fulgosij frater, Pontificio ære in Lunigianæ oppidis equitè, militumq: delectum habebat. Interim Ioanni Saxatello, & Renerio Saxetano, militum tribunis iniunctum erat, vt cum suis cohortibus tantisper ad Porreætæ balnea subsisterent, donec temporis opportunitate Genua, coniunctis viribus, commodè obsideri posset. In hoc tēporis tractu, regij milites, de Pontificis animo, & nouo bellico apparatu præmoniti, urbem terra mariq: validis præsidiis cinxerunt; nihilq. prætermisere, quod ad urbis defensionem acriter sustinendam faceret, adeo vt ad famam hostilis classis, quæ duce Franco Giberto ciue Genuensis erat duarum & viginti triremium atq. aliquot onerariarum, Gallica classis, iussu atque mandato Ciamontij, cuius potissimum auctoritate & auspicio Resp. ea tempestate regebatur, Genuensem portum egressa, ad portum Veneris consisteret, eo consilio, vt cum nauium numero inferior, triremium verò, hostili esset superior, vel saltem par, semper recedendi velocitate, se à nauibus, ad omnem necessitatem, subtrahere posset. Hæ duæ classes, supra portum Veneris, in mutuū conspectum deuenire, nec vltra tormenti ænei iactum ab inuicem distabant. cumque aliquandiu infesto impetu atque horribili tormentorum fulmine se inuicem lacessiuisent, Pontificia classis, vel quod veram præliandi opportunitatem nondum nata sibi videretur, vel quod temerè supremam belli aleam citra maiorem deliberationem subire non auderet, Segestrum Orientale contendit, ex quo loco Ioannes Fulgosius biremi mira audacia totum illud littus, quod inter Genuam & Segestrum interiacet, euagatus, subinde se ante portum Genuensem in oppidanorum conspectum dabat, adeo vt eius temeritate ad postremum in fiduciam conuersa, portum ingredi, ad oppidanorum periclitandos animos non dubitauit. Sed urbis munimenta & propugnacula ita defendebantur, & vndiquaque obseruabantur, vt nulli motus, vel contrariæ factionis studia excitari, vel erumpi possent, ita vt statim, re infecta, discedere, non sine graui vitæ suæ periculo, coactus sit. Ipsum namq. abeuntem ex turri Godifensi tanta tormentorū vi, & telorū nimbo sunt persecuti, vt parū abfuerit quin penitus obrueretur. Verùm suæ biremis cum velocitate tum valido remigio concitata incolumis euasit. Portus Veneris ab hostili classe cum per aliquot horas nequicquam fuisset oppugnatus, omnem bene gerendæ rei spem ipsius classis ducibus ademit: nullaque re memorabili gesta, ad Centum-cellas redierūt. inde etiam paruo intervallo Venera classis Pontificis consensu dimissa est, quæ non ita longè à Pharo Messanenensi grauissima exorta tempestate summum periculum adiit. Quinque etenim triremium facto naufragio, reliquæ ægrè seruatae sunt. Siquidem maior pars quassata ventis, & semilacera, domum reuersa est. Terrestrium copiarum in hac expeditione nullus ferè vsus fuit. Milites namque in Lusiniana ora conscripti, littoris Orientalis aditum propter Gallorum apparatus famam periculosum rati, nihil se mouerunt, & qui ad Porreætæ balnea erant, sibi à Florentinis iter denegatū excusantes, vltius non sunt progressi. Sed Mutinensium montana, quæ adhuc Ferrar-

*Causa odij
Pontificij
aduersus
Ludouicum.*

*Exemplar
singularis
beneuol. ac
fidei.*

*Julius Pont.
omnes Reges
inflammas
aduersus
Ludouicum.*

*Tripolis à
Ferdinando
Aragonio
expugnata.*

*Ferdinandi
clades ad
Meningem
insulam.*

1511.

riensi parebant, ingressi, in Fanani oppidum impetum fecerunt; quod etsi non statim obtinerent, nihilominus tamen tota montana regio ducis auxilio diffusa, deditionem fecit. Hunc ferè exitum & successum habuit Pontificia expeditio, maiori certè odio, quàm necessitate, vel consilij & iudicij rectitudine, aduersus Ligures bis mota & suscepta. Quandoquidem nullus æquus rerum æstimator est qui dubitare possit, huius Iulij Pontificis in Ludouicum Gallia regis odium, ex eo ferè ortum, quòd hic Alfonsum Atestinum, cui ille inimicissimus erat, & contra quem atrocissimum bellum gerebat, opibus & copiis ad conterendam Pontificis ambitionem & potentiam, toti Italiae inhiantem, palàm adiuuisset. Tanta nimirum odij acerbitate flagrabat Iulius in Atestinum, vt, licet Ludouici potentia mirum in modum aduersaretur, eiusque dignitati infensissimus esset æmulus, tamen quò se commodius contra illum vlceretur, non semel ipsi regi obtulerit, suarum omnium copiarum iacturam facturum, & se illi libenter traditurum, modò ipsum Alfonsum in clientelam assumptum, in medio rerum agendarum cursu relinquere & destituere vellet. Sed tanta fuit regis humanitas cum summa fidei constantia & integritate coniuncta, vt nihil sibi prius vel antiquius esse diceret, quàm Ferrariensem, fidelissimum socium, non deferere, & ab omnium iniuriis & infestis armis tueri ac propugnare. Imò nec Italiam ipsam totam sibi esse tanti, vt propter fidei angustiam à quoquam malè audire vellet. præclaram certè vocem, & vero Principe dignam; Siquidem fides, quæ rarò apud priuatos integra & illæsa existit, pari modo etiam apud Principes violetur, non video, quomodo societas humana, quæ hac, ceu firmissimo & solidissimo fundamento, niti debet, diu consistere valeat. Proinde Pontificis animus hac regis constantia exacerbatus, eodem ferè tempore Cæsarem, Aragonium, Britannia regem, Venetos & Heluetios in eum concitauit, vt illum non modò Mediolanensi, & Ligustico imperio, sed etiam vniuerso Galliarum regno exueret. Suprà commemorauimus, Ferdinandum Tarraconensem regem, summa proferendi imperij cupiditate incensum, Mauritanos adortum, Bugeam, haud incelebrem Africae minoris urbem, expugnasse. Huius belli prosper successus fecit, vt eius duces ac milites alacriores facti, Tripolim, cuius crebrò antea meminimus, post aliquot dierum perpeßam obsidionem, feliciter expugnarint. Ceterum, huius fortunæ prosperitatem haud parum scædauit clades ad Menin-gem, seu paruam Syrtim, nunc recepto atque vsitato nomine Zerbas vocatam, paucis post diebus, ad Girapolim accepta. Admotæ enim eius classe ad huius insulae expugnationem, cum maxima interim aquarum inopia laborarent, & aquationis gratia descensionem facerent, casu accidit, vt in Maurorum insidias præcipitati, insigni strage afficerentur, cæsis quatuor millibus ex Christiano exercitu, & cum his, ipsorum duce ac præfecto García Ducis Albani filio, necnon Ferdinandi Aluari patre, qui his proximis annis Belgium non sine perpetua sui nominis memoria procurauit, contrucidato. Hæc insula Christianorum expeditionibus videtur esse fatalis, quòd etiam proximè infecutis annis parum abfuerit, quin vniuersa Hispanica classis ibi ad internecionem deleta fuerit. Est autem longitudine xxxv. M. pass. latitudine xxv. ab Eratosthene, vt inquit Plinius, Lotophagitis appellata. Oppida habet duo, Meningem ab Africa latere, & altero Thoiar, ipsa à dextro Syrtis minoris promontorio passibus cc. sita. Inter hæc, deuentum est ad annum eiusdem æui vndecimum, cuius quidem initio, Dominicus, vulgò S. Petri Arenatij, & Ioannes Interianus, cum pleraque aduersus regium dominatum moliti essent, ceu maiestatis rei, ex-

tremo-

tremo supplicio affecti, eaque de causa quidam alij ex præcipuis familiis qui eodem reatu forsitan tenerentur, haud parua pecuniæ summa, ac etiã exilio multati, & inter ceteros quidem, Hieronymus Auria, ceu perduellionis conuictus, eiusque bona fisco adiudicata, & ipse, vnã cum sua coniuge, raro quodam exemplo, in exilium actus, eiusque domus, sita in villa vulgò S. Mariæ incoronata, solo tenus deiecta. Interim iussu Senatus, Franciscus Fliscus, Thomas Cataneus, Ioannes Passanus, & Pantaleo Rebuffus, in Galliam oratores amandati, qui publico nomine regem adirent; hiq̃ue ab eo perhumaniter excepti, exposita suæ legationis summa, cuncta quæ petierant, benignissimè impetrarunt, præter sui Præsidis abrogationem, qui tamen spontè, priusquam Genuam reuertissent, in Galliam profectus est, vt suam causam ipsemet coràm tueretur atque defenderet. Eodem temporis tractu, cùm Pontifex nequiret animum ad aliquam quietè reuocare, neque ab inuadenda Ligustica ditione abducere, iterum serias cogitationes ad nouam expeditionem contulit, nec sumptibus vllis pepercit, quibus vel aperto Marte, vel dolis, aut astu, aliquid ipse in hoc suo pertinacissimo animi decreto perficeret. Et quia magnam commoditatem bene gerendæ rei in ciuium seditione sitam esse intelligebat, Alexandrum, Pauli Fulgosij olim Cardinalis filium, Præsulem Albintimilium, clàm Genuam ad nouas excitandas turbas misit. Sed Galli de eius profectioe admoniti, in Monteferratò, eum, licet aliam personam habitu & nomine eumentem, capi curarunt, vnde mox Mediolanũ perductus, itineris sui causas, perfidique consilij technas detexit. & ita quidem à nonnullis refertur. Ceterum, sunt etiam qui asserant, ipsum, cum aliquot suis clientibus clàm Genuam sub festum Dominicæ resurrectionis ingressum, eo consilio, vt, Præside interfecto, & mox seditione excitata, populum aduersus regium dominatum cominueret: eamque prodicionem pet quendam Trebianũ, vnum ex coniuratorũ numero, detectam, ipsumque deprehensum, capitis damnatum, & Fulgosium, dum celeri fuga sibi consuleret, in villa Rosiliana fuisse captum, indeque in Insubriam perductum: sed paucis post mensibus, ob ea quæ postmodũ ibi subsẽcra sunt, pristinæ libertati restitutum. Iisdem ferè diebus, in Cyрно insula prouinciales, Rinucio Rocensi auctore, nouis rebus studere inceperant, & ad defectionem inclinabant. Ceterum, ipso tandem à Genuensi milite contrucidato, breui effectum est, vt omnes ad pristinam fidem atque obsequium redierint. Sub idem quoque tempus, Alidosius purpuratus à Francisco Maria Feltrio Vrbiniatium Principe apud Rauennam interfectus fuit. Interea

Legatio ad
Gall. regem.

1512.

Rauennensis
clades.

victorem

victorem secuta est, idemque fecit Cremona, Bergomum, Placentia, & Parma, ac pleræque aliæ Insubriæ ciuitates, ac denique omnis Mediolanensis ditio, quæ paulatim à Gallico imperio desciuit. Cùm enim Cæsar Maximilianus ad Germanos pedites, qui Gallo tunc temporis in Italia militabant, literas vnà cum mandatis dedisset, vt statim ab illius stipendiis discederent; hi, quod pænè omnes ex Tirolensi Comitatu oriundi erant, cùm in suum Principem contumaces haberi nolent, eodem tempore citra vllam moram & cunctationem discesserunt: quorum profectio, Palicia, & reliqui Gallorum duces, inter quos etiam post mortem Foissæi mutua æmulatione, vt persæpè fieri consuevit, non mediocris dissensio nata fuerat, (nam reliqui fermè indignabantur, Paliciæ obtemperare,) omnem Mediolanensis imperij defendendi spei amiserunt, præsertim cùm cataphracti, tantis laboribus tamque diuturnis molestiis defatigati, potius in Galliam salui atque incolumes reuerri, quam Mediolanense imperium tantis angustiis & periculis tueri cuperent. Fœderati, vt antè diximus, inter se Principes erant Iulius Pontifex, Cæsar, Hispaniarum & Angliæ reges, Veneti, ac Heluetij. Hi omnes initio ita simul conuenerant, vt Gallis Mediolanensi dominatu exactis, Maximilianus Ludouici Sfortiæ filius, post patris calamitatem semper in Germania versatus, in paternam sedem restitueretur: quod quidem potissimum Pontifex, ac Heluetij vrgebant. His rebus ita constitutis, quò Gallicum imperium pari fortuna Ligustica ditioe excinderetur, Ianus Fulgosius, Veneti exercitus præfectus, cum haud mediocri manu ab ipsis Fœderatis suppeditata, Genuam profectus, causa extitit, vt regio Præsides, duod. Cal. Iulij in fugam conuerso, ciuitas, prorsus à Galliarum rege deficeret, exque communi totius Senatus atque ordinum consensu ipsemet Fulgosius, Dux ac Princeps resignaretur. Quaidem dignitate olim eius pater etiam potitus fuerat. Interim Gallici milites, Genuæ arces, scilicet, Castelletum, & Phariam turrim, vulgò Lanternam, necnon Mediolanensem, & Cremonensem, sicuti etiam Brixiam, Cremam, & Lineacū, nonnullaque alia eius imperij munita loca tuebantur. At breui post, cùm Genuenses, Castelleti arcem, tormentis, quæ illis Pontifex subsidio miserat, impeterent, eius Præfectus, desperatis iam auxiliis, quoniam classis ex prouincia, à Rege de vrbe defectione ignaro, ad eam defendendam missa, cùm descensionem facere milites non auderent, in Galliam redierat, duodecim aureorum nummum millibus acceptis, eam Genuens. tradidit: sed in regis potestate adhuc erat Pharia turris, in quam iisdem diebus, Galli cōmeatum, aliaque necessaria importarant. Sub idem fermè tempus, planities Teycia, quæ iam dudū à Luca Spinula possessa fuerat, in Magistratus Georgiani potestatem deuēnit. In hoc rerum tractu, Galli, duce Frabernardino, Hispanicam nauem Ligusticis mercibus onustam interceperunt, cuius merces valorem quadraginta millium aureorum, secundum communem hominum æstimationem, æquabant. In Gallia itidem, regio edicto seuerissimè iniunctum, ne quis Ligusticæ nationis, vllum genus mercaturæ ibi exerceret. Florentiæ verò, noua Reipub. forma introducta, & Medicei suis bonis ac penatibus restituti. At Sfortia sub finem Decembris eiusdem anni, Fœderatorum Principum ope ac viribus, ex Germania Mediolanum rediit, ibique incredibili omnium suorum, legitimum suum Principem videre auentium, lætitia atque applausu exceptus fuit. Vigebat nimirum in animis hominum Principis sui non solum naturalis amor, quo omnes etiam gentes, licet esset ac barbaræ, naturali instinctu commouentur, verum etiam præclarissimorum Principum, & in primis quidem aui, atque patris sui memoria, quæ ita vniuersis Insubribus iusta

Ianus Fulgosius Princeps ciuitatis veniuntur.

Castelleti arcem dedidit.

Maximilianus Sfortia Mediolano potitur.

iusta de causa erat clara & illustris, ut externi Principis dominatus tadium; in veram genuini Principis beneuolentiam conuerteretur. Proximus annus mortem Iulij Pontificis complexus est, qui diu cum graui & diutino morbo confli-

1513.
Iulij secundus
Pont. natam
& obiit.

ctatus, & rerum humanarum curam ægrè remittens, fato oppressus, sub auroram diei vigesimi secundi Februarij animam exhalauit. Fuit ipse, ut breuibus verbis hominis naturam, & vitæ cursum perstringam, incredibili quadam ambitione flagrans, cuius animus, multarum quidem rerum, ut verum fateamur, capax, nunquam vlla potentia, vel gloria potuit exsatiari, & qui potius ad belli, quam pacis artes tuendas & obeundas natus esse videretur. Nam si tantum operæ acue-

dis regibus ad bellum in Turcam decernendū, quantum ad imperia, & Respublicas conturbandas & inquietandas, contulisset, nemini dubium esse potest, quin Respub. Christiana eius præsidii subnixæ, meliore loco & conditione diutius suo tempore stetisset, ac florisset. Ut verò ad Ludouicum Gallorum regem reuertar, is sanè huiusmodi grauissimis infortuniis nihil omnino deterritus, cum esset excelso animo, & immensa imperij propagandi cupiditate flagraret, ad Mediolanensis dominij recuperationem omnes cogitationes adiecit, eoque maiori celeritate nouum & validissimum exercitum describi iussit, quò magis metuebat, ne arces, quas adhuc in Italia retinebat, ob comæatus inopiam dederentur. Itaque rex omnem moram sibi maximo detrimento fore intelligens, quamprimum sese ad eam expeditionem accinxit, percusso prius fœdere cum Venetis, quod tamen haud sine summa difficultate obtinere potuit, cum in eo Senatu complures patricij ac senatorij ordinis multò magis in Cæsarem propenderent. Igitur Ioanni Iacobo Triuultio, cuius opera, cum propter generis nobilitatem, & quia etiam Mediolani plurimas clientelas habebat, tum ob excellentem ipsius virtutem rei que militaris peritiæ, & fidem, in omnibus arduis rebus utebatur, dat negotium, ut copias pararet, quæ continerent mille quingentos cataphractos, octingentos leuis armaturæ equites, & octo Germanorum peditū millia, septem Gallorum; hisque collectis, Tramollia Prorex, ut maiori dignitate res gererentur, imperabat. Veneti quoque, duce Bartholomæo Liuiano, validam manum suppeditarant, videlicet supra sexcentos grauis, mille leuis armaturæ equites, & quinque peditum millia, ea quoque spe inducti, ut Veronam, cuius arx adhuc erat in Gallorum potestate, & Brixiam reciperent. At Sfortia, ubi se tantis apparatibus longè inferiore esse animaduertit, fortunæ sibi cedendum statuit, moxque Dertonam, deinde Nouariam contendit, nihilque amplius Galliæ regi deerat, quin omnia quæ superiori anno amiserat, recuperasset, præter hanc urbem, & Comum, quæ duæ vrbes solæ in vniuerso Mediolanensi imperio Sfortiæ nomen tuebantur. Ceterum, breui post, cum Heluetij ad Nouariam Gallicum exercitum ingenti clade affecissent, Sfortia Insubriæ dominatum recepit. Genuæ interim Ludouico Mediolanum recuperante, cum subinde atrox bellum Reip. cum ipso intercederet, Senatus decreuit, ut, partim pro Ligusticarum nauium securitate, partim etiam ut impediretur, quò minus in Phariam turrim, cuius obsidio iam in sextum decimum mensem protraheretur, quicquam subsidij ab hoste inferretur, aliquot nauigia, quibus Nicolaus Auria cum imperio præfuit, instruerentur. Cum verò in ea obsidione, quæ postmodum in septem ac viginti menses producta est, sæpè varij & memorabiles casus acciderint, non prætermittendum videtur quod dignum memoria existimauimus. Soluerat hac æstate ex Armorigo Oceano, siue, ut aliis placet, Nicæa Prouinciæ, Ludouici regis iussu vir Dalmata, rei maritimæ assuetus, cum nauigio iustæ magnitudinis, comæatum ac belli-

Mediolanum
à Ludouico
recipitur.

Arcis diuturnum
na obsidio.

bellicorum apparatus omnium generis refertum, eo consilio, ut suis ad Phari arcem multarum rerum inopia laborantibus opem ferret, quod duobus minoribus antè nauigiis felici nauigatione contigerat. Is præteruectus superiorem Liguriæ oram, imprudentibus his qui cum expedita classe ea maria custodiebant, rapidum ex alto nactus Africum, plenis velis cursum ad arcem flexit, promontorijque crepidini ponte prolato coniuncta est, atque anchoras iecit, tanta Gallorû lætitia, quantâ verisimile est fuisse in summa rei frumentariæ desperatione. Nec Ligustica classis, quæ in statione erat, quanquã ex itinere prætereuntem tormentis peteret, contra ventorum vim eius impetum prohibere potuit. Itaque Gallinautæ in proximum littus exponere partem commeatus iam cœperant, cum maximo dolore populi Genuensis, qui ad mare effusus, & speculas & littoris spatia compleuerat, gemens frendensque impotenti ira, quod tot mensium diligentiam & operam, ac paratum laboris & industriæ fructum puncto temporis amisissent. Ceterum Emanuel Caballus, Petri Valentis filius, inter Ligures rei naualis peritissimus, diuino cœstro cœcitus, in medium procedens, & conuersus ad multitudinem, Hodiernum, inquit, negotium, occasionis est atque virtutis, non irarum, vel intempestæ querimoniarum. Quare maesti virtute iuuenes, qui tantum dedecoris animo atque oculis sustinere non potestis, mecum hanc nauem statim conscendite, & si vnquam pro gloria & pro patriæ dignitate ac salute dimicastis, nunc maxime ad retinendam naualis disciplinæ existimationem, patriæ ac ciuibus fortissimam operam præstate. Nec mora, scandentem onerariam nauem trecenti ferme iuuenes secuti sunt, nihil miserabile mortis genus horrentes, cum haud dubiè obuiam hostium tormentis eundum esse intrepidis animis reputarent. Emanuel summa celeritate explicatis armamentis, statione egressus, modico in altum capto circuitu, quò aura plenius vela inflaret, secundissimi venti beneficio rectà ad hostium nauem contendit: nihilque territus crebris pilarum ictibus, quibus continenter ab arce petebatur, iniecto statim harpagone, in eam primus insiliit, & præcisis rudentibus, quibus propugnaculo arcis alligabatur, momento temporis auulsam in altum abripuit, tanta arte atque peritia inter scopulos, hostileque nauigium directà prora, ut, quod propositi erat in maximo periculo, & nauem excluderet, & abrasis scopulis, paratum naufragium euitaret. Interiøre tamen aliqui tormentis dilacerati, & Andreas ea incidentium pilarum procella attonitus, vix post multos dies ad se rediit. Dalmatam verò naus Præfectum, qui vnà cum plerisque aliis in mare se præcipitarat, quorum etiam nonnulli vndarum mole hausti sunt, ut ad arcis scopulos adnataret, Benedictus Iustinianus, Vicecomitis filius, summæ virtutis adolescens, per vndas itidem adnatando, crinibus arreptum, in proximum littus, quod sanè haud caret admiratione, pertraxit. At Caballus captiuam trahens nauem, dum extra tormenti iactus, in altum eueheretur, facile ex alta naui in humilem transcendentibus armatis, ad sexaginta Gallos interfecit, aut cepit. (sunt qui asserant, ex his qui capti fuerant, quorum duo ac triginta fuisse memorantur, sex crucis patibulo affixos, & reliquos ad remum translatos.) & mox in urbem tanto virtutis edito facinore, reuersus, ingentibus omnium ordinum atque ætatum plausibus exceptus fuit, donatusque ducentis, siue, ut aliis placet, quingentis aureis: præda verò sociis naualibus diuisa. Fuere ad centum vini amphoræ: frumenti & salitæ carnis vis ingens: tormentarij pulueris triginta cadi: præterea arma omnis generis. signata pecunia in stipendium triplex: vestis multa & varia id genus, quæ ad soluendum obsessorum inopiam excogitari parariue potuerant. Ea res non tantum præsentis commeatus

certam

Egregium factus Emanuel Caballus.

certam spem interpellauit; sed in posterum docuit, nihil temerè nauibus cōmit-
tendū aduersus eos hostes, qui in re nauali virtute atq. peritia longè alias gentes
anteirent. Post id factum, apparuit, Gallos, qui omne cibarium genus absum-
pserant, dedituros fuisse arcem, nisi, vt mox dicitur, ante euentum praelij No-
uariensis, Adurnij, & Flisci, eos omnibus rebus adiuuissent. Interea temporis,
Patrum decreto classi quæ arcem obsidebat, additæ sunt sex celoces, quos galeo-
nes vocant, militariter exornatæ, quod id genus nauigij quandam minoris on-
erariæ, vel erectæ, lateque triremis similitudinem referat, velisque vtatur, & non-
nunquā remis, præsertim cum ad captandū ventum in portu, vel sinibus in altū
educatur. Ludouicus etiā Galliarum rex, nihil, propter acceptū incōmodum, ani-
mo consternatus, in Massiliensi portu præualidam classem exornari iusserat, quæ
nouē triremium, quinq. onerariarū, totidem celocium, & trium nauigiorū ex his
quæ vulgò Caruellas vocant (est autē id genus nauigij ad omnem tempestatis, vel
lōginquæ nauigationis contumeliā perferendam, apprime idoneū) & aliquot Li-
burnicarum numerum æquabat, & perflantibus Euris, ad Herculis vsq. Monæci
portū, qui Villafranca dicitur, circūuecta est. Hac fama permoti Ligures, summa
celeritate quinq. & quadraginta nauigiorum classem auspicio ac virtute Nicolai
Auriæ, cuius proximè hic meminimus, coëgère, vt Pharia turris, natura loci mu-
nitissima, & in præcelso promontorio sita, portuiq. imminens, mari terraque ar-
ctissime obsideretur. Tali rerum statu, Antoniottus & Hieronymus Adurnij
fratres, cum littoralibus suæ factionis hominibus, aliisque militibus regio ære
conscriptis, maxima occasione, propter discordiam exortam inter Fliscos, & Ge-
nuensium ducem, cum quo antea contra Adurnios cōiuncti fuerant, moti, quod
siue casu nata rixā, siue ob suspicionem conceptam, Hieronymus, Ioannis Aloy-
sij Flisci filius, prætorio egrediens, ab Ludouico & Fregosino Ducis fratribus in-
terfectus fuerat: ob quam iniuriam Ottobonus & Sinibaldus eius fratres, ad ca-
stella sua profecti, ac paulò post cum Galliæ rege pacti, & cum Adurniis conspi-
ratione facta, ab altera parte cum quatuor peditum millibus non. Cal. Iunij Ge-
nuæ appropinquarunt. Princeps per se, Fliscam atq. Adurniā factiones simul con-
iunctas, sustinere nequibat: neq. ob aduersariorū celeritatem auxiliū ab Prorege
petitum, in tempore adesse poterat, & mille ipsius pedites in proximis montibus
cum maiore numerum sustinere non possent, fusi, rerum omniū statum in sum-
mum discrimen adduxerunt. Quocirca Dux vnā cū Fregosino, vix tātū in tempo-
ris, vt propriæ saluti consulere, nactus, Ludouico altero fratre ad Castelleti custo-
diam relicto, mari aufugit: victores autē Genuam per portam vulgò D. Thomæ,
sunt ingressi, vbi Flisci fratres vltionis impetu impulsī, Zachariam Principis fra-
trem, qui in pugna in ipsis montiū anfractibus cōmissa, captus fuerat, & vnā cum
reliquis fratribus illorum cædi interfuerat, interfici, & deinde equi caudæ alliga-
tum, per totam vrbein, immani & vix viso efferatæ crudelitatis exemplo raptari
iusserunt. Genua itaque fatali conuersione in Galliæ regis imperium postlimi-
niò redacta, octauo Cal. Iunij, Antoniottus Adurnius eius nomine Præfectus,
vrbis est constitutus, qui diutaxat duos ac viginti dies in eā dignitate perfun-
ctus est, & Gallica classis Laternam militibus comineatūq. muniuit, deinde Spe-
dia direpta, ad portū Veneris hæsit. Nec diu Genua in hoc statu perdurauit. Nam
cum Ianus & Octauianus Fulgosij proximè Genua pulsi, ambo mira cupiditate
patriæ suæ principatū ambientes, post cladem Nauariensem, ad Neapolis Prore-
gem, qui nondum ex Parinensi agro cū exercitu discesserat, confugissent, ipse hac
cōditione pro Octauiano, pro quo etiā Leo Pontifex, qui recens Iulio successerat,

*Genua noui
moris per
factiosos
excitati.*

*Antoniottus
Adurnius
vrbis Præ-
fectus.*

*Octavianus
Fulgosius
Princeps
creatur.*

*Genus pro-
pter fa-
ctiones qua-
ter eodem
anno Reip.
administra-
tio variatur.*

vehementer instabat, tria peditum millia concessit, ut, quum primum Genuam venisset, citra aliquam moram vel impedimentum, octoginta aureorum nummum millia sibi numerarentur. Qua cautione praestita, ipse cum reliquo suo exercitu Clastidium concessit. Octavianus hoc subsidio auctus, & subnixus, recta cum Piscario Genuam contendit: de quorum aduentu Adurnij fratres certiores facti, cum nullas vires, vel armatorum manum, quam aduentanti Octaviano objicerent, haberent, vrbe excesserunt, ita ut Octavianus, nullo prohibente, eam ingressus, statim auctoritate Piscarij, omnium suffragatione & votis Dux civitatis crearetur, non sine me herculè magno & inaudito mirae conuersionis exemplo, quod vna scilicet ciuitas, vno eodemque anno, qui, ut dictum est, fuit eiusdem saeculi tertius decimus, mira cum inconstantia, tam saepe Dominos mutauerit. Nam Gallos, Ianum Fulgosium, Adurnios, & hunc Octavianum rerum gubernaculis idem annus admotos habuit. In hoc nouo & recenti vrbis statu, licet Octavianus omnia summa aequitate & prudentia moderaretur, ac se facilem & bonum Principem exhiberet, nihilque ab eo fieret, in quo iure à quoquam reprehendi posset; nihilominus consueta vrbis infelicitate nouae calamitates impendebant: quippe Antoniottus, & Hieronymus Adurnij, Octaviani odio & naturali quadam inuidia flagrant, derelicta vrbe, ad Mediolanensem Principem, apud quem, propter recentem officiorum ipsi Duci, eiusque patri, ab Adurnia familia praestitorum memoriam, plurimum valebant, confugerant, ac multis precibus cum Principem defatigabant, ut ipso auctore, aliquo militari apparatu, quò urbem in libertatem, ut ipsi dicebant, assererent, ab eo instruerentur: quod quidem eò facilius ab ipso impetratum est, quò alius memoria repeteret, se, Adurniorum in primis ope Genuae imperium recuperasse, multosque annos eo pacatè potitum, & Fulgosiorum fraude spoliatum fuisse. Proinde cum Heluetiis, tanquam sociis ea tempestate vteretur, æquum esse duxit, ut Adurnios, quos aduersae suae fortunae comites habuerat, etiam secundae ac prosperae socios & participes faceret. Heluetij etiam, à Fulgosijs multis propositis praemiis, & multis vtilitatibus ostensis, magis spe praemij, quam naturali propensione illecti, ipsos adiuuare contendebant. Nam Adurnij magna liberalitate tantundem pecuniae sese daturos Heluetiis sponponderant, quantum Fulgosius paulò antè Hispanis dedisset. His itaque de causis accensi, Dux copias suas, & Heluetij quatuor peditum millia subsidio mittebant. Verum, tantum potuere Proregis Neapolitani regni in Ducem ipsum minae, tantumque valuit Pontificis mirum in modum Octaviani partibus fauentis apud utrosque gratia & auctoritas, ut frustratis ipsis Adurniis, illi decreta expeditio nullum locum sortita sit. Paucis post mensibus, dum inter Maximilianum, & Venetos, atrocissimum bellum feruesceret, & in Etruria quoque nouarum dissensionum initia apparerent, Adurnij, atque Flisci, cum tribus montanorum hominum millibus, & fortè occulto Insubriae Ducis auxilio, Spedia, atque alijs Orientalis orae locis captis, tanta celeritate & silentio processere, ut ad ciuitatis conspectum aduenissent, priusquam de illorum aduentu quicquam certi nuntiaretur. Et quamuis omnibus viribus & conatibus urbem tentarent, tamen irritus atque inanis fuit omnis illorum conatus, & temeritatis suae poenas ad repentinam & subitam oppidanorum alacritatem in fugam coniecti, dederunt. Sub huius anni finem, Mediolanensis atque Cremonensis arx, cum antea, comineatu iam deficiente, nisi intra certum praefinitum tempus praesidiarij auxilio subleuantur, deditionem pacti essent, in Mediolanensem Ducis potestatem venerunt: neque iam aliud quicquam rex Galliae in Italia, praeter Phari-

riam

riam turrim obtinebat, quam Ligures, sub eiusdem anni finem, cuniculis actis, (quod quidem expugnationis genus olim vſitatiffimum, ſed multis ſæculis intermiſſum, ipſi Genuenſes omniū primi in Italia in vſum reuocaſſe dicuntur) diruere ac euertere ſunt conati, ad quam pontone triginta cubitis longo, & viginti lato, ac trecentorum hominum capaci, totoque, vt tormentorum ictibus reſiſteret, lanceis tomentis munito, acceſſerunt. quæ res licet à Petro Etruſco, inſigni ea tempeſtate architecto, ſumma induſtria eſſet facta atque inuenta, nihilominus tamen, vt plerumque in huiusmodi machinis vſu venire conſuevit, periculo facto, prorſus in irritum cecidit. Exitu eiſdem anni Selymus xi. Turcorum imperator, patre Baiaſethe ſecundo, veneno, & duobus fratribus natu maioribus, ac tribus nepotibus per vim ſublatis, Othomānicum imperiū adeptus eſt; & octo annorum ſpatio, quo regnauit, præter ceteras prouincias, Ægyptum etiam ac Syriam, ciecto Sultano potentiffimo Principe, debellauit; ſuiſque regnis adiecit. Proximo anno, ſcilicet quarto decimo, cum Ludouicus, peracto illo grauiffimo bello quod aduerſus Henricum ſeptimum Britannia regem geſſit, paceque & affinitate vtrimque coniuncta, denuò rebus domeſticis compoſitis, ad res Italicas, præcipue verò Genuenſium, animū intendit. Proinde Phariam turrim, propugnaculum in ipſo portus frontispicio & aditu poſitum; tunc rebus ad victū neceſſariis, planè deſtitutum, miro ſtratagemate nouo comineatu, rebusque opportunis inſtruxit. Submiſerat enim paruas naues, quæ in portum ſubire fingentes, quaſi aduerſis vndis & procellis, percuffæ, littori appropinquabant, & ſic ſumma celeritate comineatū iſti munimento inferebant: ſed poſtea tanta fuit inſecuta comineatus pænturia, vt, cum arx illa ſubſidium, quod difficulter & ægrè inferebatur, diutius expectare nequiret, arcis Præfectus ſumma neceſſitate adductus, cum Fulgoſio tranſegerit, niſi infra ſept. Cal. Sept. auxiliis comineatuque iuuaretur, ſeſe arcem cum omnibus bellicis tormentis omniſque militari apparatu ipſi dediturū, ea tamen in primis lege & cautione, vt ſibi duo ac viginti aureorum millia ſtipendiorum debitorum nomine perſoluerentur, ac ſibi fraudi non eſſet, Maſſiliam prima quaque data commoditate tranſfretare. Quæ ſanè tranſactio licet mutua conſenſione aſtipulata foret, ad maiorem tamen ſecuritatem obſides vtrimque dati ſunt, & ex Gallis quidem tres nobilitate ferè præcipui: ex parte verò Reip. Simon Principis frater, Hieronymus Fulgoſius, Franciſcus Grimaldus, & Martinus Bottus in arcem tranſmiſſi. Rebus itaque hoc pacto inter ſe conſtitutis, cum, elapſo termino, fruſtrà ſubſidium expectarent, Præfectus arcem ex mutua conuentione tradidit: quod ſanè vti ciuitatem incredibili gaudio perfudit, ſic haud dubiè ipſi Octaulano mirificam apud omnes gratiam & beneuolentiam comparauit, eoſque maiorem, quò ipſe Princeps ſtatim ubi ea recepta eſt, illam, qua, veluti compede, Galli Genuenſes conſtrictos tenuerant, dirui ac ſolo æquari iuſſerit, nec vnquam omninò quieuerit, donec tandem funditus excinderetur. Quanquam verò ipſe Fulgoſius prudentia, & magnitudine animi, eximiaque in patriam charitate ac reliquis præſtantiffimis animi donibus nulli ſuæ ætatis principum vitorum ſecundus extiterit; nihilominus tamē in hoc tam præclaro facinore, quod videlicet in ciuitate tot partium ſtudiis diſtracta, arcis obſidionem tamdiu ſuſtinuerit, ac illam poſtmodum demolitus fuerit, ſeiſpum quodammodò ſuperauit. Hæc ſiquidem ædificata fuerat à Ludouico XII. Gallorum rege, loco omnium qui toto orbe terrarum ſunt, natura muniſſimo. Poſita enim erat in præcelſo promontorio, toto ex ſilice, quod ab altero cornu portus in alterum excurrans, ſubiecto portui, atque vbi ita imminebat, vt nullus

Selymus
Turcorum
Caſar deſignatur.

iſt 48

Arx Genæ
diuturn.

Eius deſcriptio.

esset nauibus, arce prohibente, ad portum atque ad urbem aditus: maritimaque commercia, quibus omnia Genuensium continentur, planè essent interclusa. Circumluuntur promontorij radices mari; præter exiguum illud spatium, quo promontorium terræ, in peninsulæ modum, coniungitur: quod ita alta à continenti interscinditur rupe, ut in eam despici, sine quadam animi perturbatione, capitique vertigine vix possit. Quare nulla erat loci tam muniti expugnandi spes, aut ratio, sed nec ullus quidem, aut terra, aut mari aditus. Arce capta, illud fuit vnici exempli diuinæ propè virtutis specimen, quòd cum Fregosij centum quinquaginta circiter annos, alterno cum Adurnia familia dominatu, potiti rerum Genuæ fuissent, quæ res quandam veluti speciem iuris ad Genuæ imperium, genti suæ Fregosiæ conciliare videretur, eamque arcem in manu haberet, qua suas, & posteritatis suæ opes perpetua & stabili possessione, in nobilissima, ac præpotenti urbe firmaret; neque deessent auctores, speciosis consiliis vtilia anteferendi, tanta nihilominus in Octauiano fuerit animi celsitudo, & ita patriæ charitatem omnibus rebus prætulerit, ut arcem euestigiò dirutam, solo æquauerit, & Genuensium animos memoriæ suæ, ut veri patriæ liberatoris, immortalis beneficio obstrinxerit. At regem, illius iactura, ingenti mæore affecit, simulque ipsum à Genuæ tunc tentandæ consilio penitus remouit, ad eò ut totus bellicus apparatus, Genuensi recuperationi destinatus, ad Mediolanum insequenti anno inuadendum conuersus ac reseruatus fuerit. Inter hæc, Adurnij, & Flisci, quorum præcipui erant Hieronymus Adurnius, & Scipio Fliscus, cum expedita manu quingentorum militum, quibus præerat Ioannes Camillus de Montibus, Neapolitanus, occulta, ut multi existimabant, Insubriæ Ducis ope adiuti, quinto Cal. Ian. prima luce Genuam per portam Carbonariam ingressi, cum ad publici palatij forum pertuissent, ab Octauiano cum prætoria sua cohorte, cui Nicolaus Fulgosius præerat, eis extra septa ense & clypeo indutus occurrit, & ipse præ ceteris acriter pugnans, tametsi ictu minoris tormenti haud exiguum vulnus in læua accepisset, doloris tamen acerbitatem dissimulans, nunquam pugnam remisit, donec aduersarij, intra vnus horæ spatium, quinque ac viginti ex eorum numero interfectis, in celerem fugam conijcerentur, ex quibus ipsi tres, quos nominauimus, in hostium potestatem deuenerunt. Eiusdem temporis tractu, septem Turcicæ biremes sinum Ligusticum iuxta Cornum promontorium haud procul Spedia prædabundæ infestarunt, descensioneque in continentem facta, aliquot homines abduxerunt, breuique post, in eodem sinu nauim, multis pretiosis mercibus onustam, quæ ad Florentinos atque Anglos pertinebat, interceperunt. Preiannes itidem, Gallicæ classis præfectus, ex Occiduis partibus rediens, in sinu Valentiano nauim Francisci Catanei prædiuitem atque opulentam occupauit. Et quamuis, euestigiò Ligures illum cum aliquot nauibus, triremibus & liburnicis insequerentur, is tamen fuit successus, ut nunquam hostem assequi potuerint, sed iuxta Tortosam duabus triremibus naufragio amissis, domum sese cum duplicata clade receperint. Eadem etià tempestate, collegiū Georgianū, pro maiori tutela ac securitate Corsicæ insulæ, duas triremes, ac totidem hemiolia instruxerat, quæ oct. Cal. Sept. Genuam egressæ, cum fortè in Turcicam triremim, ac myoparonem incidissent, commisso prælio, vna ex Ligusticis capta est, & cum ea Matthæus Truchus eius trierarchus, ac Stephanus Lercarus: altera verò, post longam atque acrem dimicationem, Francisco Fornaro contrucidato, cum duabus biremibus ab imminente periculo præseruata est.

• HIC annus Fabricium, Finarij regulum, ex illustri Carettinorum familia oriun-

Laudes Octa-
niani Fulgo-
sij.

Adurniorum
& Fliscorum
clades.

oriundum, virum summi consilij ac probitatis, magnum Rhodiensis militiæ, vt vocant, Magistrum, cum haud mediocri Genuensium lætitia & voluptate conspexit. Fratrem habuit Carolum Dominicum, qui propter egregias animi dotes à Iulio II. Cardinalium ordini allectus, Romæ hac ætate fati concessit. His annotare non incommodum erit, hoc anno, Sarmatas sub rege Sigismundo, Constantino Ostrouio duce, Moscos memorabili prælio profligasse, cæsis eorum circiter quadraginta millibus ad Borysthene prope oppidum Smolensko, quod Basilius veteri quodā iure ad Moscouiticū pertinere ratus, superiore anno aliquot mēsis magna pertinacia oppugnatū ceperat. Contempserat Moscus Polonorum paucitatē, & ideo permiserat, vt, Borysthene pōte strato, in vltiorē ripā transirēt: sed comitata est, vt fit, superbiā Nemesis, siue Adrastiam appellare libeat, vera scelerū ac perfidię vindex, quæ etiā per idem fermē tempus Iacobum Stuardū Scotiæ regē, propter violatā fidē, pari exitio & calamitate vltā est. Hic enim, spreto & nouo & antiquo pacis fœdere, sub Alexandro Pontifice iampridē cum Henrico Britanniæ rege, cuius sororem, Margaritā nomine, in matrimoniū duxerat, sollempni sacramento percussio, & à Iulio bullatis item tabulis confirmato, in gratiam Ludouici Galliarum regis, contra quem Henricus Britanniæ rex, traiecto mari, ea tempestate atrocissimum bellum gerēs, Tarouānam, celeberrimam Morinorum ciuitatem, cum ingenti exercitu obsidebat, indicto ipsi Henrico per facialem bello, vniuersi regni vires contraxit, omniq̃ nobilitate armata, ad Tuedum fluuium, qui vtriusque imperij limes est, contendit, & mox à Tuedo Humeum, virum nobilem, cum parte exercitus ad populandum Britanniæ fides præmisit. Cuius quidem temeritatis ac perfidiæ, post multas depopulationes atque incendia, contra ius gentium suo amico & consanguineo illata, probè pœnas dedit. Amisit enim, non citra magnum dedecus ac detrimentum, maiorem sui regis exercitus partem. Ceterum, Iacobus eo infortunio nihil permotus, vt erat excelso animo, spectataq̃ promptitudine, quò detrimentum acceptum maiore commodo atque victoria, vti ipse sperabat, refarciret, omnes copias ad Norbanum oppidum duxit, quo expugnato, ac funditus deletō, populabundus & ferox, ad Beruicum munitissimum oppidum, quod in finibus Scotiæ Henrici præsidis tenebatur, profectus est. Cui Surreius Comes, Britanniæ procerum longè nobilissimus, quem paulò antè Henricus, ob egregiam fidem atque virtutem, ad incerta belli & tuendos regni fines cum imperio & iusto exercitu in Anglia reliquerat, coactis copiis, cum plerisque aliis proceribus atque nobilissimis viris, ad Iacobū, cuncta belli clade vastantem, contendit, paratus aut egregiè vincere, aut pulcherrimam mortem oppetere: ac licet natura loci & copiarum amplitudine inferior, cum hoste iuxta montem, quem Floddum incolæ appellant, ad Tylum quarto Idus Septembris aperto Marte dimicauit, eo tandem exitu, vt, post varia vtrimq̃ certamina, & mutuas cædes, tandem victoria, ipso rege, qui omnia magnanimi ducis ac strenuissimi bellatoris munia expleuit, interfecto, & fortissimis quibusque in acie aut contrucidatis, aut captis, à partibus Anglorum staret. In hoc memorabili prælio ad octo millia Scotorum ea die cæsa, ac totidem fermē capta esse dicuntur, omniaque militaria signa relata, & tormenta maiora viginti duo, in quibus fuere colubrinæ septem ingentis magnitudinis, quas Iacobus à similitudine, septem sorores appellabat. Hanc Iacobi regis cladem, tam funesto suo exitu memorabilem, haud obscura futuræ calamitatis prodigia antecesserunt, quæ ab eo diligenter obseruata, licet plerisque vana & fortuita viderentur, animum eius religione simul ac terrore percelluerunt. Ipso enim cū Ducibus de prælij ineundi

Insignis M^g
contumacia
clades.

Bellum inter
Scotos &
Anglos.

Anglorum
victoria.

Scotiæ rex
interfectus.

Scotorum eladem
prodigiū
præcesserunt.

Scotia regum
infelix orbis.

ratione disputante, ac varia, vti fit in tam grauibus ac seriis deliberationibus, proponente, super quibus vniuscuiusque iudicium ac sententiam requirebat, lepus è prætorio profiliit, ac mille petitus telis, per mediam stationem, non sine magna omnium admiratione ac stupore, intactus euasit. Quin & mures ea nocte lorum, galeam, fibulamque corroserant, & vela interioris tabernaculi sub aurore sanguineo rore conspersa fuisse dicuntur. Porro à plerisque, repetita superiorum regum memoria, obseruatum atque annotatum fuit, Iacobum infelici potius Stuardæ familiæ fato, quàm suo cecidisse; quod pater, auus & proauus eodem potiti regno, atque idem fortiti nomen, ante diem ferro perempti, mortem oppetiissent. Quod me herculè, vt facilius credam, efficit, dum memoria repeto, qua fortuna illorum posterì haecenus vsi sint. Neminem enim latet, quàm infelici ac planè tragico exitu postremus rex Henricus Stuardus, suorum fraudibus circũuentus, de medio, in ipso ætatis flore, sublatus sit, dignus mediis fidiis propter excellentes & verè heroicos eius animi motus, ac ceteras eximias animi corporisq. dotes, quibus haud dubiè præstantissimos quosq. reges adæquabat, meliori fortuna, & longiori vita. Nec sanè feliciorem exitum paucis post annis expertus est illustrissimus eius pater Matthæus Stuardus, Leuinia comes; qui, assentiente serenissima Angliæ regina, de cõmuni Procerũ consensu regni Scotiæ præfecturam adeptus, violenta & execrabili parricidalium nece interijt, sicuti etiã paulò ante ipsius tempora, in eandem fati acerbicatem inciderat Iacobus Stuardus, Morauia Comes, eius regni Procurator, quo sanè Scòtia vix vnquam in omni virtutum genere, ac præsertim rei bellicæ gloria, insigniorem atque præstantiorem habuit. Libet autem hic paucula quædam de ipso Leuinia Comite ad maiorem historiæ cognitionem subnectere. Ioãnes Stuardus Leuinia Comes, cùm ab Hamiltoniis fuisset occisus, Matthæus eius filius admodum puer, in Galliam missus, apud magnum patrum Robertum, Albinia Dominum, complures annos fuit, donec post Iacobi V. Scotiæ regis mortem, turbatis in Scotia rebus, donum fuit per Franciscum Galliarum regem remissus, eorum suasu, qui suas utilitates imminui, pacemque inter Anglos & Scotos factam dolebant. Is ergò, cùm Iacobus Hamiltonius ex inimica familia summum magistratum intrasset, visus est maximè idoneus, qui factionis aduersæ vires frangeret. Statim itaque vt domum venit, reginas, matrem, & filiam, in libertatem restituit, atque ita clientibus & amicis se munierat, vt inimicis esset formidabilis. Igitur Hamiltonius reginæ matri conciliatus, opera maximè Dauidis Betonis Cardinalis, ad eam Sterlinum venit. Hi, ex communi consensu, ad Francum scribunt, Matthæum vnum in mora esse, quo minus pax in Scotia esset, eum si reuocaret, se curaturos, vt fœdus factum cum Anglis, solueretur, & Scotia in fide Gallorum esset. Matthæus per literas à Franco reuocatus, à regina proditus, ab inimicis circumuētus, videbat, si recederet, amicos & clientes in potestate inimicorum se relinquere, eamque expeditionem ipsi infamem, amicis calamitosam fore. Quocircà desertus à Franco, ad Henricum Angliæ regem se contulit, à quo liberaliter acceptus, multisque prædiis donatus, accepit uxorem, Margaritam Duglasiã, quæ ex Margarita Henrici sorore nata erat, & multorum in Scotia prædiorum hæres. Ab eo tempore Matthæus in Anglia fuit, exque præfato coniugio liberos habuit, quorum prior Henricus nomine, cùm ferè iam vigesimum annum attigisset, multisque animi, & corporis dotibus præfulgeret, in Scotiam accersitus est, ibiq. ex procerum consensu, Mariam Stuardam, Scotiæ reginam, tunc temporis viduam, & adhuc florenti ætate, formaque conspicua, in matrimonium accepit, qua

quā cum aliquandiu amanter vixit. Ceterum, haud multò post, cum omnis vtriusque amor in odium verteretur, factum est, ut Henrico vita, & reginae regnū adimeretur, atq. illud statim ad maximas conuersiones deueniret. Huius fatalis calamitatis in hac regia familia originē & causas penetrare, ac exponere, vti longè à meo instituto alienum, ita etiam supra captum ingenioli mei esse, haud sanè inficior. Sed tantummodò in his admirandis rebus, diuini Numinis providentiam & arcana consilia tacitus suspicio atque contemplor. Faxit verò clementissimus Deus pro sua immensā atque ineffabili bonitate, ut qui modò in auitam paternamque ditionem, ceu verus ac legitimus hæres, meritò succellit, diutissimè ac felicissimè ad sui gloriam, & cum mutua vtriusque regni satisfactione præsit, ac dominetur. Quod sanè ut futurum credam atque confidam, facit ipsius heroica & generosissima iadoles, quæ passim ab omnibus mirificè prædicatur, nec non optimarum artium studia, quibus teneram ætatem ac iuuenile pectus subinde instruit, ac exornat.

LIBER XIX.



RIMVS subsequentis anni, scilicet, decimi quinti dies, Ludouici Gallia regis interitu clarus atque illustris extitit. Fuit proculdubio Ludouicus, si eius heroicam naturam ad trutinam deuocare velimus, nulli regum Gallia virtute bellica; gravitate iudicij, aliarumque rerum gerendarum cognitione & dexteritate inferior. Tametsi enim persæpè fortuna inconstanti, si eius retroactæ vitæ cursum examinemus, vsus fuerit; nihilominus tamen planè clarum & conspicuum est, ipsum vtriusque fortunæ statum, ac temporum incidentium condiciones, magnanimitate ac fortissimi pectoris constantia egregiè pertulisse; adeò ut vel hoc solo nomine immortalem sibi gloriam apud posteritatem peperit, & maiorum suorum laudem, licet multò maximam, vel obscurauerit, vel certè prorsus æquauerit. Nec defuit illi rerum politicarum cognitio, non solùm ex vsu, verùm etiam ex penitissimis literarum monumentis petita, quibus, postremis annis ita delectabatur, ut, quamuis eas in prima ætate, qua militari disciplina fuerat addictior; neglexisset, vel saltem remissiori cura tractasset, viros liberalibus disciplinis, & multarum scientiarum peritia claros, liberaliter foverit, & per omnes honoris gradus ad summum dignitatis vsque fastigium euexerit: quorum in numero Actius Sincerus Sannazarius eximium Neapolitanæ nobilitatis ornamentum, instar omnium esse potest. Hic cum Friderico Aragonio antea familiarissimè vixerat, & propter singularem doctrinam ac eloquentiam summo in pretio apud eum habitus fuerat; quem postea exulantem, Ludouicus singulari humanitate ac beneficentia fouit, tantoque studio prosecutus est, ut Ferdinando, qui deinde Friderico successit, auctor fuerit, ut eum auris bonis repōneret. Gulielmus etiam Budæus, vnicum sui temporis totius Gallia absolutæ eruditionis exemplar, ac quasi, ut verum fateamur, vnicus totius literaturæ in ipsa Europa phoenix, & quem Erasimus, Bembus, aliq. eius æquales, benignum sidus Gallicæ literaturæ exortum vocant, tanto in honore & exultatione apud hunc regem fuit, ut complures, de Principum beneuolentia non desperantes, multum operæ & laboris posuerint, quò nominis existimationem ab eruditione propagarent. Nec minor ei certè laus à singulari humanitate & hospitalitate in exte-

1515.
Ludouici
regis clarus &
natura.

ros de-

ros debetur, quòd non solùm eos, ad se confugientes, non exclusit, verùm, tametsi antea inimicissimos, omni beneficentiæ atque studij genere profecutus sit, & quàm diutissimè fouit, inter quos fuit, vt alios omittam, Ioannes Ludouicus Fliscus, qui in tam continua Reipub. suæ conuersione regis auxilium implorare coactus, quamuis antea Regis partibus in Repub. non semel aduersatus fuisset, tamen beneuolum atque benignum regem expertus est, adeò vt summa quadam liberalitate eum in supremi equestris ordinis collegium transcripserit & cooptarit. Verùm, hæ tantæ Principis virtutes, vitiis non leuibus, ceu in pulchro corpore næuis, aspersæ fuerunt. Nam ita erat pecuniæ tenax, atque auarus, vt multarum expeditionum cursus interruptus, nec mediocrium victoriarum felicitas, pecuniæ studio intercepta & retardata fuerit, quo nomine ita passim malè audiebat, vt multi sint qui asserant, ipsum, dum pecuniæ iacturam timet, Neapoli & Mediolano excidisse. Sunt etiam qui sales eius magis ad scurrilitatem, quàm ad candorem & leporem transferant, cùm tamen, salua omnium venia, ipse hac in parte extra reprehensionem iure poni debeat. Quandoquidem sermones & quotidiani eius congressus ita fuere candidis salibus, & festiuissimis dictariis conditi, vt admirari subeat, vtrum magis ingenij promptitudine, verborumq. elegantia, quàm animi candore præstiterit. De reliquis eius actionibus, rebusque domi forisque gestis, ac planè de eius mortis genere, non est quòd me hac in parte scribendo fatigem, cùm tota eius vita à clarissimis & luculentissimis scriptoribus non semel literis sit comprehensa. Ceterum huic defuncto, successus fuit, de communi omnium procerum Gallix consensu atque voluntate, Franciscus Valesius, illi inter regiæ stirpis mares cognatione proximus, & affinitate præterea coniunctissimus, quippè qui eum paucis annis ante vitæ suæ obitum, elocata illi filia, generum delegerat. Hic, licet esset in primo iuuentutis limine, vtpotè nondum vigesimum secundum annum egressus, nihilominus tamen tanti regni moles eò fidentiùs in eum collata est, quòd omnibus certò constaret, ipsum esse heroica natura, ac præclaris excelsi & fortis animi dotibus atque virtutibus insignem, de cuius ingenio & magnanimitate nihil non, nisi quòd regno, sibi que faustum atque felix esset, ominari poterant vel polliceri. Hic igitur, vt primum regni administrationem adiit, & pro rege sollemni more inauguratus est, nihil prius habuit, quàm vt, antiquatis & sublati multarum dissensionum causis, regnum Gallix ita domi pacatum, & legum moderatione constabilitum redderet, vt foris bellum à maioribus suis magna cum gloria gestum, & recens à Ludouico prædecessore inchoatum, sed propter insecutam mortem imperfectum, omni contentione susceperet, ac etià ex dignitate exequeretur. Valdè enim, cùm esset generosi & excellētis animi, ipsum torquebat, Mediolanensem Principatū armis nondum esse receptum, & ab auito imperio, cui antea non semel paruerat, esse auulsum. Proinde, vt commodiùs hanc expeditionem prosequeretur, magna cum prudentia, potentissimos quosque Christiani orbis Principes sibi pacandos, aut fœdere deuinciendos esse statuit; inter quos citra aliquam controuersiam præcipuus erat Carolus v. Maximiliani Cæsaris nepos, qui recens vt magnarum & amplissimarū gentium paternam successionem ac hæreditatem adiuerat, sic sanè Cæsaris gloriam rerum gestarum magnitudine æquaturus omnium iudicio censebatur. Cum hoc igitur sancta & sacra fœderis iura summa cum religione constituit. Pari modo cum rege Britannix ac Venetis amicitia iniiit. Quibus omnibus constitutis, cùm nihil iam superesse videretur quod præclarissimas suas cogitationes & animo destinatam victoriam remorari posset, Carolo Bourbonio magistro equitum re-

nuntia-

Franciscus
Valesius L.
domico XII.
succedit.

nuntiato, Lugdunum magna cum festinatione contendit, fama commotus, quæ Heluetios in Aquitanorum, præcipuè Delphinatum fines, crebras excursions fecisse, ac etiamnum facere diuulgauerat. Ad Mediolanensem expeditionem Ludouicus paulò ante suum obitum sic satis magnum exercitum conscripserat: sed cū, ipso repentina morte præuento, nihil omnino agi potuisset, per statiuam in agro Lugdunensi ita erat partitus, ut faciliè in vnum corpus coalescere posset. Huius ergo exercitus viribus rex ipse subnixus, multò fidentiùs hanc expeditionem suscepit, ac interim per omnes sui regni prouincias nouum militum delectum haberi iubebat. Magna interea tēporis Maximilianus Sfortia, Insuabrum Princeps, animi torquebatur molestia, quòd videret se vnum præ ceteris Gallicæ potentia expositum, instar omnium à nouo rege peti, ac in se omnem vim conuerti. Et licet non semel antea auctoritate & auxiliis Maximiliani Cæsaris, & Leonis x. Pontificis, quibus cum fœdere iunctus erat, procellas & turbines repulisset, attamen ab hoc nouo rege haud parum sibi metuens, angebatur animi, nec modum vel rationem inueniebat vllam, quæ sese aduersus tam præpotentis hostis vim atque impetum commodè tueretur, præsertim quòd nullum sufficiens remedium ad regi inuadendi Mediolani cupido, tam citò, ut requirebatur, opponendum, præ manibus haberet. Superstes adhuc erat Leo Pontifex, Iulij successor, in cuius potentia plurimum semper spei habuerat, & etiamnum reponebat. Oratore itaque ad illum misso, sic satis difficulter impetrauit, ut tandem minimè exiguam Heluetiorum manum ipsius Pontificis ære atque auctoritate conscriptam, Prospero Columna duce, viro, præter generis claritudinem, militari scientia insigni, cum quingentis equitibus auxiliariis haberet. Quibus fretus, cum haud paucas haberet copias, euentum belli sub dubia spe expectabat. At regi interea nouæ conscriptæ cohortes, omnibus rebus necessariis instructæ aduenerant, & sese reliquo exercitui coniunxerant, ita ut in huius expeditionis vsum, validum planè exercitum, cuius ipse supremus dux & imperator esse constituerat, promptum atque iam paratum haberet. Nolebat siquidem Rex aliquo modo committere, quin pro maiorum suorum vetere instituto, regni sui primordia ab aliquo egregio & memorabili facinore auspicaretur. Huius belli successus, ut nihil aliud breuitatis causa dicam, cum diffusè à multis claris scriptoribus tradatur, is tandem fuit exitus, ut Heluetiis (quorum circiter quadraginta millia fuisse dicuntur) partes Sfortiæ secutis, & pro eo strenuè ac fortiter præliantibus, ad Marinianum tertio à Mediolano lapide fuis, & ad internecionem profligatis, Rex clarissimam, sed tamen non incruentam, ex hoste victoriam retulerit. Quo sanè in prælio rex ipse omnia præstantissimi ducis, ac strenuissimi bellatoris munera, non sine incredibili suorum omnium admiratione & lætitia, expleuit. Hac victoria ut supra modum fuit lætatus & nobilitatus Gallus, ita sanè non minùs fuit consternatus, & animo fractus Sfortia, qui, omni spe cum reparandi exercitus, tum retinendi dominij, amissa, relicta vrbe Mediolanensi, in arcem sese subduxit. At Insuabrum suo Principe, communiq; præsidio destituti, de sua salute mirificè anxij, vnicam vitæ spem, & fortunarum suarum subsidium in regis victoris clementia reposuere. Proinde depositis armis, & omni defensionis consilio abiecto, obuiam regi supplices iuere, ac deditionem vnanimi consensu fecerunt. Quos quidem ipse in fidem & clientelam, non exigua tamen pecunia multatos, recepit. Mox arx munificentissima, in quam se Sfortia abdiderat, regis iussu citra intermissionem auspiciis Petri Nauarri, viri militaris scientiæ & gloriæ ea tempestate celeberrimi, oppugnari cœpta. Sfortia tandem, post acrem & strenuam defensionem, rebus suis despe-

Maximilianus Sfortia Pont. opem imporat.

Francisci regis aduersum Sfortiam victoria.

Mediolanum una cum arce à Gallis receptum.

desperans, & ad vltimam necessitatem compulſus, legatos ad regem miſit, qui ſub certis, honeſtis & legitimis conditionibus & pactis, ſcripto comprehenſis, deditiōem pollicerentur. Rex nullas conditiones admittere voluit. Sed miſſo ad eum in arcem Pratiano, ſcriniſui Præfecto, alias conditiones, multò à primis iſtis propoſitis diuerſas, deſcribi iuſſit, quæ etiam tabulis publicis comprehenſæ fuerunt, ac earum rationem nō ſecus ac legum & decretorum publicorum ſumma cum reuerentia haberi voluit. Quarum præcipua capita, hæc fermè erant.

Conditiones
Sfortia à
Gallo præ-
ſcripta.

Maximilianus Sfortia Mediolanenſem & Cremonenſem arcem ſtatim Galliarum regi tradito:

Omnibus eius imperij iuribus eidem cedito.

Rex Duci certam pecuniæ ſummam, qua æs alienum diſſoluat, repræſentato.

In Galliam, vbi ei Rex ſingulis annis triginta aureorum nummūm millia penderet, vel eum pari conditione Cardinalem fieri curaret, proficiſcitor.

Rex Galeacio Vicecomiti, & nonnullis aliis Inſubriæ nobilibus viris, qui multum pro Maximiliano contenderant, ignoſcito.

Sex aureorum millia Heluetiis, qui in arce erant, dato.

Ioanni Gonzagæ bona, in Inſubria ei à Duce donata, rata habeto, eiſque certam penſionem aſſignato.

Maximiliani
Sfortia con-
ſtantia.

Morono pariter, & propriâ, & à Principe tradita bona, & in Reipub. munera, quæ habet, permittito, eumque ſupplicum libellorum in regia magiſtrum faciſcito. His tranſactionis tabulis, regis iuſſu, per Pratianum deſcriptis, ac Maximiliano duci, (cui, propter paternum nomen, cognomentum Mauri fuit inditum,) oblatis, ipſe nullum veræ commotionis, vel indignationis ſpecimē edidit: ſed magna cum vultus animique conſtantia, arce egreſſus, ſe, vno eodemque tempore, Heluetiorum ſeruitute, Cæſaris dilaceratione, & Hiſpanorum fraudibus liberatum allerens, ſalibus atque diſſectis præſentis fortunæ ſuæ ſtatum ſolatus, in Galliam contendit, admirantibus plerisque, quòd ipſe temporis, fortunæque ſuæ iniquitatem tam forti & patienti animo ferret, cum alioquin in plerisque ſuis actionibus, impotentis eſſet animi, ac planè ſocordis & torpidi ingenij, ita vt multis vel hoc ſolo nomine indignus Principatu videretur. Nihilominus tamen ad regem poſtea proſectus, tanto honore & beneuolentia ab illo, ſuapte natura planè heroica, & magnanimitate admirabili, exceptus eſt, vt omnia hospitalitatis & humanitatis iura ipſi aſſiduè exhibuerit, adeò vt ipſe Maximilianus, priſtini dominiſui fermè oblitus, hanc præſentem ſuam apud regem cōditionem, non ſolum citra aliquam moleſtiam tulerit, verum etiam præterita potiorem, vel ſaltem omninò æqualem duxerit. Hoc quidem, vel ex eo facillimè intelligi poteſt, quòd non ſemel in eius fuerit poteſtate, abſque regis aliqua offenſione ad ſuos redire. ſed Principis tanta fuit ſingularis humanitas, ac beneficentia, vt noluerit. In præcedēti libro demonſtrauiſmus, Octavianum Fulgoſium, beneficio Proregis Neapolitani Genuæ ſupremum Magiſtratum aſſecutum fuiſſe, qui cum de noui regis Galliarum expeditione & bellico apparatu intellexiſſet, ſibi & toti Liguriæ ditioni haud parum metuens, cum Sfortia Ducis, ac Heluetiorum, aliorumque confœderatorum fidem & propenſionis cōſtantiam mirificè haberet ſuſpectam, operæpretium ſe facturum exiſtimabat, ſi tanti victoris regis gratiam ſibi modis omnibus conciliaret ac promeretur, graui certè & præmaturo iudicio, cum neminem latèret, agrum Genuenſem, vt Mediolano proximum, ita pari iniuriæ patère, & tam potentis victoris viribus, ceu irritamentum quoddam, relinqui. Quocirca, per Carolum Borbonium, regi conſanguinitatē coniunctiſſimum,

simum, & gratia & dignitate, eo quidem tempore, apud eum florentem, clam egit, ut in gratiam ab ipso rege reciperetur, licet Pontifici, identidem hoc suspiranti, & iam non obscure olfacienti, contrarium asseneraret. Rex Borbonij auctoritate commotus & precibus inflexus, Fulgosium, valde indignante, & graui-
ter exostulante Pontifice, in gratiam & amicitiam his ferè subsequenter con-
ditionibus recepit: quas, quoniam tabulis consignatae, posteritati traditae sunt,
ijsdem verbis quibus conceptae fuerunt, hic adieci & subscripsi.

Quibus con-
ditionibus
Genua sit
Gallo per-
missa

Regi Genuae imperium vna cum Castelleto restituito.

Octavianus, Ducis nomine deposito, perpetuus pro rege, Genuae magistratum ac munus concedendorum cum potestate esto.

Ab rege centum cataphractis praeficitur.

Diui Michaelis equestri ordine, ac, quoad vixerit, annuo stipendio donatur.

Rex Codifensem arcem Genuensibus valde odiosam, ne instaurato, eique ciuitati omnes leges & priuilegia, quae ab Ludouico rege sublata & combusta fuerant, restituit.

Federico Salernitano Archiepiscopo, Octauiani fratri, certa est sacerdotis vetustalia, certae pensiones assignato. Et Octauiano, siquando contingeret ut Genua pelleretur, nonnulla castella in Prouincia dato.

Scio equidem non paucos extitisse, ac etiamnum extare, qui Octauiani consilium & animi demissionem hac in parte non parum improbent, ac palam criminantur, quasi aliquid se indignum commisisset, & fidem Pontifici datam, cui plurimum, propter beneficiorum acceptorum memoriam, debebat, non parum violauerit, quod nempe illo infcio & inconsulto, his conditionibus libens subscripserit, sed æquo & candido rerum aestimatori hoc minus mirum videbitur, si secum reputauerit, temporis conditioni quandoque esse inferuendum, & non parum fortunae ipsi tribuendum. Siquidem in confesso est, Octavianum legitimas & expeditas consilij sui rationes non solummodo conciuibus suis, sed etiam aduersariis cum summa omnium satisfactione reddidisse. Paucis diebus à mutua transactione interpositis, ipsemet Fulgosius, honoris ergo, regisq. inuisendi gratia, Mediolanum profectus est, & Senatus decreto, ad eundem Nicolaus Odericus, vir eloquentia & Pontificij ac Cæsariani iuris peritia clarus, Ioannes Auria, equestri ordinis ac dignitatis, Melchior Nigronus, Anfreon Vfusmarius, Stephanus Iustinianus, Baptista Lomellinus, Augustinus Ferrarius, & Augustinus Magiolus, Oratores ablegati, qui post reuerentiam & gratulationem illi publico nomine exhibitam, Reipub. imperium atque dominium traderent. Vix autem Octavianus domum redierat, cum eius potissimum opera & auctoritate effectum est, ut Respub. octoginta nummum aureorum millia ipsi Regi in praesenti ac expedita pecunia commodauerit, cuius quidem pars ex publico arario deprompta fuit: pars verò à priuatis ciuibus mutuata, eo sanè euentu, ut Genuenses Gallorum fidem, hac quidem in parte, plurimum desiderarint. Constat enim, ex hac pecuniarum summa, adhuc ab ipsis circiter septem ac viginti aureorum millia Reipub. deberi. Quae verò ad priuatos spectabat, ea sanè ægrè admodum ac difficulter, nec sine longissimo temporis interuallo extorqueri potuit. Cum verò pecuniae, bellorum nerui pacisq. subsidia meritò esse dicantur, quantum incommodi in vniuersum allatum sit, quouis humanarum rerum peritus, facile per se conijciat. Paucorum mensium interiectu, Leo Pontifex maximo purpuratorum & illustrium virorum comitatu Florentiam profectus, indeque Apenninum gelidissimo anni tempore transgressus, sexto Idus Decembris Bononiam venit, quod

Genuens. legatio ad Galiam regem.

Leonis Pont.
& Francisci
Gall. regis
Bononia
mutuus
congressus.

1516.

Mors Ferdi-
nandi Ara-
gonij, &
fortuna.

ibi, prout antea simul per suos oratores conuenerant, Franciscum Galliarum regem exciperet, simulque de grauissimis rebus, ac de mutuo socdere ineundo, coram decernerent. Rex igitur Mediolano cum sex millibus equitum digressus, Bononiam biduo post, ingressus est, ibique sex dierum spatio, constitutis inter se belli & pacis conditionibus, Mediolanum remigravit. Proximo anno, Ferdinandus Aragonius, cum diuturno morbo conflictatus, ac iam annum quintum & sexagesimum excedens, Cal. Februarij, dum Hispalim peteret, Madrigaletij agri Tolerani obscurissimo vico, haud longè à Guadalupeo Mariæ Virginis templo, quod summa religione illis in partibus celebratur, exactis in suo regno quadraginta duobus annis, fato concessit. Rex certe præstantissimo consilio & virtute, in quo, si modò promissis seruandis fidei constantiam præstitisset, cetera clarus, pauca in eo desiderasses: sed Principum amicitiam semper suis priuatis commodis metiebatur. Huius regis singulari virtuti accessit eximia perpetuæque totius vitæ (si vnici filij obitum excipias) felicitas: quoniam feminarum & generi casus, vt ad mortem vsque potentiam suam retinuerit, in causa fuerunt. & Castellæ regno post coniugis mortem cedendi necessitas, potius fortunæ ludus, quàm vulnus fuit: in reliquis rebus omnibus fortunatissimus. Cum secundus Aragoniæ regis filius, maiore fratre defuncto, illud regnum est adeptus, matrimonio cum Isabella contracto, ad Castellæ regnum peruenit: aduersarios eiusdem regni competitores cum victoria expulit: deinde Illiberis, seu Granatæ regnum, quo religionis nostræ hostes paulò minùs octingentis annis potiti erant, recuperavit. Neapolitanum, Nauarræ, Oraniq̃ue regna cum multis locis in Africæ littoribus opportunis, nouumque & inauditum terrarum orbem, immenso ac insuperabili Oceano mira felicitate perdomito, auitis regnis adiecit: omnesque suas cupiditates propè honesti religionis studij & sanctæ ad commune bonum promouendum mentis colore velauit: qua in re fortuna cum industria manifestè coniuncta, apparuit. Pluribus antè mensibus quàm obiret, Carolum, Ioanna filia, ac Philippo rege genitum, eundemque Maximiliani Cæsaris nepotem, qui postea tot amplissima auorum imperia in vnum contulit, & Cæsaris nomen adeptus est, tabellis testamentariis hæredem reliquit, clausa Aragoniorum regum stirpe, quæ à Berengariis Barchinonæ Comitibus prognata, in Hispania annos trecentos septuaginta, in Sicilia ducentos triginta regnarat. Cometa multorum dierum incendio mortem ei portendit. Iisdem quoque diebus, paulò antequam Rex excederet, Consalius Ferdinandus, qui solus inter ætatis nostræ imperatores, Magni cognomentum egregia virtute promeruit, supremum diem clausit, extra aulam, nec satis æquo in regem animo: sed tamen rex, ob eius virtutis memoriam, ei à se, & vniuerso regno, honores in Hispania, nisi defunctis regibus fieri consuetos, exhiberi voluit. Huius vitam P. Iouius luculenter descripsit: eiusque res gestæ passim apud varios auctores leguntur. Idem annus, Campsonem Gaurium, Ægypti Assyriæque regem potentissimum, quem vulgò Sultatum vocabant, à Selymo Turcarum rege ad Syngam flumen in acie deuictum conspexit. At Genuæ, licet interea, sub Francisci Gallici regis dominatu, & Octauiani Fulgosij administratione, omnia satis pacatè gererentur; nihilominus tamen sinus Ligusticus à Cortogolo, Mahometico, insigni ea tempestate pirata, mirū in modum diuexabatur. Is enim cum viginti nauigiorum classe, duodeuiginti nauigia, quæ paulò antè multo commeatu reque frumentaria onusta, ex Sicilia soluerat, cum maximo Reip. incommodo ac detrimento intercept, & subinde variis excursionibus mare vndique infestum reddebat. Proinde Fulgosius, ad illius conatus in-

Selymi ad-
uersus Sul-
tanum vi-
ctoria.

Ora Ligu-
stica à pira-
tis diuexa-
tur.

rus inhibendum, simulque ad eam cladem refarciendam & vindicandam, consentientibus Patribus, euestigiò classem instrui ac præparari iussit, cui Fridericus, ipsius Octauiani frater, Salernitanus Antistes, vir magni consilij ac virtutis, cum imperio præpositus fuit. In hac, præter cetera minora nauigia, inerant nouendecim triremes, tres phaseli, seu celoces, ac duæ liburnicæ, quæ partim ad ipsos Genuenses, partim etiam ad Gallos pertinebant; necnon duæ pontificiæ, à Leone Pont. suppeditatæ, qui etiam pro ea expeditione facilius promouenda, ipsi Reip. decumam, quæ à clero in Ligustica ditione in vsum eius belli exigeretur, concessit. Itaque Fulgosius, postquam sacris operatus esset, omniaque ritè disposuisset, classe, in quam, vltra remiges ac nauticos socios, amplius mille armati lectissimæ iuuentutis conscenderant, Pontificiis vexillis atque insignibus erectis, ac secundis ventis educta, primò per Corsicam, & Sardiniam, in Africam præteruecta, hostilem classem, quæ circiter quindecim biremium & aliquot rostratarum numerum æquabat, fermè omni præsidio nudatâ in Bisertino flumine adinuenit, eaq. facili negotio potitus est, & captiuos Christianos in libertatē asseruit. moxq. Biserti suburbana ædificia diripuit atque incendit. Adiacet Biserta piscosi stagni faucibus, per quas subiectum mare statis suis æstibus irrumpit, & infusum aquæ dulci sensim exsorbetur atque emittitur, efficitque portum lato alueo, vel magnis nauibus commodum, ab Utica triginta ferè passuum millibus distantem, ab antiquis à circumfluente lacu, qui olim Tritoniis fuit, Hippodiaritos appellata. Nauarchus, Cortogoli nauigia protinus extra amnem abducere, aut saltem incendere decreuerat. Sed milites, prædæ cupiditate allekti, pulcherrimam occasionem expugnandi oppidi neglexere, quod proculdubiò facilè consecuti essent, si, vti debebant, sua castra ex altera fluminis parte collocassent. Interim maxima multitudo Maurorum ad eius loci defensionem superuenit, simulque ingens turbo exortus, tanto me herclè impetu & rapiditate, vt duo nauigia ex nostris, in ipso maris æstu amnem ingressa, naufragio, saluis tamen & incolumibus qui eis deuehebantur, perierint, adeò vt Fulgosius ventorum sæuitia & tempestate classem illinc subducere cogeretur, & nauigatione Tunetum versus directâ, in arcem Guletanam, (hæc autem est turris quædam quadrata admirandæ crassitudinis, altitudinis autem duarum contignationum, ambitu interiori complectens passus quadraginta, exteriori verò & in frontispicio circiter quinquaginta. intus est cisterna quædam insignis, quæ totius ædificij aquas pluuias excipit. sunt & fornices quidam concamerati, in modum promptuariorum, penui & annonæ conseruandæ) vi ingressus est, & triremim Ligusticam prius, à Turcis in Corso promontorio captam, recepit, indeque ad insulam Meningem circumuectus, ibi plerasque biremes igne iniecto concremauit. Quibus rebus peractis, Genuam cum aliqua præda, triumque hostilium nauigiorum incremento classem incolumem reduxit. Ceterum Cortogolus, vbi summa celeritate sua nauigia refecisset, nulla mora interposita, in partes Orientales adnauigauit. Rebus domi forisque ita sese habentibus, Romæ anno eiusdem æui decimo septimo, Alfonsi Petrucij Cardinalis scelestum facinus insano animo meditantis consilia deteguntur, qui Leonem Pontificem è medio tollere omnibus artibus ac studiis annitebatur. sed cōiuratione detecta, ipse, in exteriori Leonis cubiculo capitur, atque in arcem deducitur. Comprehenditur & cum eo Bendinelus Saulius, à Iulio secundo sacre purpuræ honore decoratus, qui Alfonsum pecunia iuuerat, & cum eo de Vercellij circumforanei chirurgi admirandis quibusdam experimentis clari, cum quo Alfonsus super nece Pontificis communicarat, deq. futuris comitiis ambitiosius

*Genue classis
contra piratas
instruitur.*

*Biserta de-
scriptio.*

*Classis Li-
gustica tem-
pestate ia-
clatur.*

*Gulete arcis
descriptio.*

1517.

*Coniuratio.
Petruciana
in Leonem
Pont. dete-
cta.*

quàm par esset, confociata voluntate fuerat collocutus. Causa suscepti edij, ea quidem potissima & præcipua esse narratur, quòd scilicet, in petitione Massiliensis sacerdotij, Iulium Medicem Cardinalem, summa tum maximis in rebus auctoritate florentem, indignè, vt censebat, sibi prætulisset, ita vt postmodum hæc iniuria tam altas radices egisset, vt semper illius animo infederit. Ambo itaque damnati, exutiq̃ue purpurei galeri dignitate, in subterraneos carceres tenebris ac odore tetro maximè horribiles separatim detruduntur. De Vercellio autem, ac Antonio scriba acerbissimè supplicium sumptum, adeò vt curru per urbem circumducti, carptimq̃ue discerpti, candentium forcipum moribus, ac ad extremum strangulati, in frustra secarentur. Senatus, intellecto, Saulium à Leone, Petruccianæ coniurationis causa, in vincula coniectum, operæ pretium se facturum existimauit, si ad mitigandam hominis fortunam, ad eum, Thomam Cataneum, virum singulari virtute præstantem, ablegaret. Is igitur Romam profectus, tametsi omnia diligentis, ac prouidi oratoris munia expleret, atque ad summam fidè anxiam quandam diligentiam adhiberet; tamen hic fuit eius legationis successus, vt, absumptis Romæ nequicquam multis diebus, tandem, non citra magnum animi dolorem atque tædium, infecto negotio, domum redierit. Post quæ, Saulij fratres, ac propinquorū intimi, fraterna charitate beneuolentiaq̃. impulsī, Leonem adierunt, atque ab eo suppliciter petiēre, vt delicti gratiā faceret, illumq̃. pristinæ libertati atque honori restitueret: cuius singularis beneficij memoriam se perpetua animi gratitudine & obseruantia conseruatueros confirmabant. Pontifex horum precibus inflexus, se tandem exorari passus est, ea tamen in primis conditione, vt sibi, quemadmodum à nonnullis memoriæ proditum est, quinque ac viginti nummū aureorum millia depromerentur; qua persoluta, ipsum euestigio liberatum dicunt; & pristinæ dignitati atque honori restitutum. Ceterum inuenio apud minimè obscuri nominis auctorem, huic vitam impetrasse Franciscum è Cibo familia, sororis Leonis maritum, atque illi mox honorem pilei cumulata benignitate redditum, cum is auribus tantum, non atroci voluntate peccauisse iudicaretur: sed ipsum aliquantò post, cum in quodam Vrsinæ familiæ municipio, cui nomen Eretum, (alij Montem rotundum appellant) exularet, graui morbo correptum, breuiq̃ue post, placato iam Pontifice ac impetrato reditu, in urbe, nec citra lenti veneni, in carcere hausti, suspensionem, extinctum. Constans multorum opinio & fama est, hunc à literis non abhorruisse, atque vt erat ingenio præclaro, & ad res politicas nato, eruditos in familiaritatem acceptos, non vulgari beneficentia profecutum. Nec dubitatur, quin magni nominis Cardinalis euasurus fuisset, nisi propter indignationem, sese in nefarij consilij contra Pontificem initi societatem, præcipitem dedidit. Alfonso verò, vt hoc etiam obiter dicatur, iussu ipsius Pontificis ab Orlando Æthiope strangulatum, atq̃. ita notabili dedecore supremum diem clausisse narrant, quod quidem eò lubentiùs refero, quòd præcipuum munus annalium esse reor, ne virtutes sileantur; vtq̃ue prauis dictis factisq̃ue ex posteritate & infamia metus sit.

Bendineti
Saulij mors.

1518.

P R O X I M O anno, & insequenti, nihil, quod præcipuè ad Genuenses pertineat, memoratu dignum, ex scriptorū monumentis deprehenditur. Ne verò alterum,

1519.

Maximiliani primi
Cæsaris interitum.

nempe eiusdè æui vndeagesimum, silentio præteream; constat, illius initiū, duorum potentissimorum Cæsarium, videlicet Maximiliani primi, & Sultani Selymi obitu, nec non totidem maximorum Principum, ad supremum Cæsareæ dignitatis fastigium promotione, insignitum ac nobilitatum fuisse. Prioris quidem ex hac vita migrationem, annis pænè sex integris futuram prædixerat Georgius

gius Danstetterus, summus medicus & mathematicus, ob Solis eclipsim factam mense Iunio anni præcedētis, quæ sanè ubi primum in Viennensi agro apparuit, ea ipsa hora Viennæ horrendum excitauit incendium, quo amœnissima vrbis platea, Cantoria nomine, maiori ex parte conflagrauit. Obiit Lintij in Austriæ finibus, siue, vt aliis placet, apud Vuelsium Norici agri oppidum, duodecima Ianuarij, post noctem mediam hora tertia, profluuium ventris, quod Græci dysenteriam vocant, vt olim Fridericus eius parens, cùm intempestiuè pharmacum incertæ potestatis aduersus morbum, quem sibi imminere putaret, haussisset, anno ætatis quinquagesimo nono, mense nono, die vicesima prima, imperij trigésimo secundo, mense vndecimo, anno mundi quinquies millesimo, quadringentesimo, octogésimo primo. Fuit autem Princeps bello acerrimus, virtute eximius, aliquando fortuna, animo semper maximus, consiliis dux, miles manu, ceterisque præstantissimis animi dotibus iure merito suspiciendus. Vxores habuit duas; primam, Mariam Burgundicam, ex qua suscepit filios tres, Philippum, qui dotallia regna Hispaniæ, Siculique, & Neapolitanum domui Austriacæ acquisiuit, Franciscum & Georgium in annis pubertatis mortuos, & Margaretam filiam connubiis infelicem. Nam Carolo octauo Galliarum regi despōsitam, & in aula Francica educatam, sponsus, ubi adoleuisset, repudiavit, rapta propter ius successionis Anna Francisci vltimi citerioris Britanniæ Ducis vnica filia hærede, quæ Maximiliano promissa erat. Post Carolum, Aragoniæ Principi, & hoc ante nuptias mortuo, Philiberto Sabaudio non meliore fortuna nupsit. Altera coniunx Maximiliani, fuit Blanca Maria Galeacij Mediolanens. filia, Ioannis Galeacij soror, ex qua soboles ei nulla est nata. Ceterum Selymi Turcarum Imperatoris mors incidit in decimum quartū diem Febr. eiusdem anni, apud Ciurum Thraciæ pagum, pestilenti circa renes enato vlcere, cùm regnasset annis octo, & aduersum Christianos terra marique atrocissimum bellum illaturus crederetur; postquam Hismaëlem Persarum regem grauissimè contudisset, & duobus regibus Sultanis deuictis atque interfectis, Ægyptū & Syriam imperio adiecisset. Reliquit vnicum filium nomine Solymannum, ex Bosphorana vxore genitum; qui, nemine obsistente æmulo, anno ætatis suæ octauo atque vigésimo, tot regnorum hæreditatem adiit: atque eodem ferè mense, nempe Iunio, quo Carolus Austrius, Hispaniarum rex, Septemuirū Procerum suffragiis Cæsar designatus fuit, & ipse paterni Imperatoris tituli compos est factus. In hoc rerum cardine, subsecutus est annus eiusdem sæculi vigésimus, ac etiam vigésimus primus, quo subinde Octauianus Fulgosius ex transactionis formula, cum Ludouico habita, vrbis administrationi præerat. Et licet variis multisque modis ab Alexandro Fulgoso Albintimilij episcopo turbaretur; nec mediocribus molestiis afficeretur, quò principatum, quem Cardinalis eius pater gesserat, assequeretur, ita vt decem aureorum nummūm millibus clam à Pontifice acceptis, partim in Pontificia ditone, partim etiam in Lunigiana, duo peditum milia conscripserit, eo consilio, vt armis ad urbem Genuam sibi reditum quæreret, illi tamen intrepidè atque animosè restitit, & prudenter sese in imperio cum magna æmulorum suorum inuidia, nec minori sua laude conseruauit. Hic prosper Gallorum in Italia successus Pontificem ipsum, aliosque Christianæ Reip. Principes, in primis verò Carolum Austrium, Cæsarem, vt diximus, renunciatū; sollicitabat; nec quieto animo Gallicam potentiam, semper illis quàm plurimis nominibus suspectam, potissimum in Italia, ferre ac tolerare poterant. Proinde statim sub initio, antequam scilicet Gallica victricia arma vltius proferrentur,

Selymi Turcarum Imperatoris mors.

Solymannus Selymo in imperio succedit.

Carolus v. Cæsar designatur.

1520.

1521.

Fœdus inter
Leonem Pont.
& Carolum
Cæs. aduersus
Franciscum
Gallie regem.

urgente Pontifice, nouum fœdus inter ipsum & Carolum ictum fuit. cuius quidem summa hæc fermè erat, vt communibus viribus Gallica potentia oppugnaretur, & quoad eius fieri posset, in Italia excinderetur. Verùm, priusquam arma aperte mouerent, de vtriusque consilio statutum fuit, vt eodem tempore, repentino impetu, & exulum insidiis, Genua, & Mediolanum oppugnarentur. Hæc res quò felicior exitum fortiretur, expedire videbatur, vt Cæsaris triremes, quæ tunc Neapoli stationem habebant, & Pontificiæ, quæ duce Paulo Victorio Centum-cellis erant, duobus Hispanorum peditum millibus instructæ, vnà cum Hieronymo Adurnio, cuius auctoritas apud Adurniæ factionis studiosos summa tunc temporis, præsertim verò apud littoralis oræ Ligusticæ incolas, extrabat, Genuæ tumultibus excitatis, repentè se in vrbis portu ostenderent.

Bellici apparatus aduersus Genuens.



Insubria à
Cæsarianis
inuaditur.

Quibus rebus magna cum celeritate constitutis, classis septem triremium, biremium quatuor, & aliquot onerariarum nauium Genuam mittitur, de cuius aduentu Fulgosijs multorum literis commonefactus, urbem egregiè communiue-

Cæsar Medio-
lano posuit.

Turris Me-
diolani fulmi-
ne icta.

rat, omnibusque ad defensionem & obsidionem tolerandum necessariis instruxerat. Classis igitur spe frustratus, nequicquam oppidanorum beneuolentiam expectabat. Proinde cum nullam seditionem ac tumultum à suis confœderatis in urbe exeriri perciperent, in Orientale littus classe subducta, Clauarum, & Mediolani præsidio firmatum, occuparunt; breuique spatio interiecto, illinc soluentes, Spediam versus enauigarunt. Sub idem tempus in Insubria quoque res nouæ per Cæsarianos tentatæ: sed fideli opera & sedulitate Thomæ Fuxæi, Scuti domini, Odecti Lautrechij Mediolanensium Proregis fratris, quem ipse, grauissimis de causis in Galliam profectus, Legatum constituerat, pari successu irritæ. Verùm, paucis interiectis mensibus, fortunæ beneuolentia, & singulari Cæsaris felicitate factum fuit, vt Mediolanum, virtute & auspicio Prosperi Columnæ, viri, præter generis amplitudinem, rei bellicæ gloria quàm maximè insignis, tandem, pulsas Gallis, in Cæsaris manus ac potestatem deueniret. Hæc conuersio dudum ante initium admirabili prodigio fuit adnotata & prædicta, arce Mediolanensi plerisque in locis fulmine icta, non sine multorum vigilum aliorumque nobilium strage. Erat siquidem supra fornicem portæ arcis Iouis, turris non solum ad propugnandum munitissima, sed aspectu etiam pulcherrima, quippe in cuius fronte, præter alia ornamenta, locatæ essent tutelarium Diuorum pleræque marmoreæ imagines ad amussim sculptæ, cum insignibus Sfortianorum Ducum, qui tantam molem fundauerant. Fortè autem, cum intra turrim seruarentur in vsum tormentorum plurima pulueris sulfurei vasa, fulmen de cælo ipsam tetigit, & murum scindens, igneam materiam accendit: cuius impetus non solum turrim euertit à fundamentis, sed mœnia etiam, & arcis cubicula, ac reliqua ædificij membra proxima, humi prostrauit, saxaque circumuolitantia duos arcis Præfectos, qui paulò antè in sacello iuxta portam conuenerant, in area deambulantes occiderunt: alios quoque è militibus, qui ibidem auram captabant, (erat enim æstas, & diei vespera) interfecerunt: aliorum capita, thoraces, brachia & crura fregerunt, adeò vt è ducentis propugnatoribus, vix duodecim è tam magna clade euaserint. Neque tantæ ruinae fragor ciuitati fuit ignotus, quin &

Mediolanum
terramotu
concussit.

ipsa valido terræmotu concussa, magnum plerisque iniecit timorem, ne tota eo impetu corrueret. Quo sedato, cum fulminis ardor vehemens versus arcem visus fuisset, innumeri eò concurrentes, omnè aream quæ ante ipsam arcem erat latissima, saxis opertam repperunt: admirabanturque aliquot lapides, quales decem bouum iuga vix loco mouere potuissent, quingētos & amplius passus iactos fuisse, funda-

fundamenta turris euulsa, supra portam stare, ipsius fastigia in imo conspici, neque id sine Dei nutu euenisse existimabant. Inter hæc, Leo Pontifex, licet adhuc ætatis ac temperaturæ robusto vigore quàm maximè floreret, Cal. Decembris inexpectatà morte obiit: qui cùm in Manliana villa, quò sæpè animi relaxandi gratia se conferebat, Mediolani capti nuncium accepisset, ex eoque incredibili voluptate afficeretur, eadem nocte leui febre correptus, sequenti die se Romam ferri curauit: & quamuis eius morbi initium à medicis parui fieret, intra paucissimos dies, non sine magna veneni, ei, vt ferebatur, à Bernabo Malaspino, ipsius cubiculario, atq. poculis ministro, propinati, suspicione, interiit. In eo multa laude, multa pariter vituperatione digna extiterunt: de se quoq. expectationem, cùm ad Pontificatū annos natus triginta septē, est assumptus, vehemēter fefellit; maior enim in illo prudentia, sed longè minor quàm ab omnibus censeretur, probitas apparuit. Successorem habuit Adrianum vi. Dertosanum, natione Belgam, qui Cæsaris in pueritia præceptor, eius opera à Leone in Purpuratorum collegium cooptatus fuerat, eoque tempore ipsius Cæsaris in Hispania vices gerebat. Carolus intereà Mediolano potitus, in sequenti anno Franciscum Sfortiam, qui Maximiliano in Principatu successerat, & diu incertis sedibus exulauerat, summam cum humanitate, & incredibili Mediolanensium omnium lætitiâ, restituit. Mentibus enim omnium obuersabatur retroactæ suæ felicitatis memoria, quam omnes sub eius patris, & ceterorum Sfortianorum Ducum imperio, magna cum satisfactione, experti fuerant. Accedebat huc singulare totius populi in ipsum Principem studium, & naturalis verique amoris magnitudo, cùm omnibus gentibus ab ipsa natura sit inditum & instillatum, vt suos Principes, licet interdum feroces & tyrannos, non solum patienter ferant, sed etiam, deuoratis nonnunquā multis molestiis, illos reuerentur & suspiciant. Hinc videre licet, omnino verum esse quod sæpius theologia traditione confirmatur; Omnem potestatem à Deo esse. Cæsar quamuis graues sese habere causas diceret, ob quas Sfortiam restitutum vellet; tamen hæ erant potissimæ, quòd ipse Gallicæ potentiaæ æmulus, & princeps animi excellentia, & ingenij sublimitate, Francisco regi neutiquam secundus, magna contentione eum omnino superare contenderet. Deinde quia non obscure intelligebat, se pecunia, qua tunc temporis non mediocriter indigebat, iuuari nequire, nisi Sfortia in Principatu reposito, vtpotè cuius auctoritate, & gratia, illam facilius & commodius expediri non erat dubium. Itaque, quò illū sibi magis deuinciret, Mediolanensem arcem, quæ ad Hispanos, desperatis omnibus auxiliis, deditione facta, transferat, non sine illustri, & nunquam intermoritura laude, tradi imperauit, ea tamen conditione, vt ipse Mediolani Ducis titulo ac nomine penitus abstineret. Qua sanè augusta appellatione Sfortia tantisper abstinuit, donec, efflagitante quasi vniuersa Italia, Cæsar, noua indulgentia, eum hoc honore dignaretur, & nouo diplomate in hoc eum confirmaret. Cæsar interim rebus in Insubria constitutis, nihil habuit antiquius, quàm vt Gallis itidem Genua pulsas, Antoniottum, & Hieronymum, Adurnios fratres, qui iam per totum fermè decennium exulauerant, in patriam restitueret. Hieronymus quippè ipsi egregiam forteinque operam bello & pace præstiterat, & nullum laborem, vel periculum, ad Cæsari nouam gloriam propagandam recusauerat, adeò vt Imperator, viri strenuitate, vigilantia & fide obseruata, ipsum haud sanè indignum iudicaret, quem in Ducum suorum numerum cōscriberet: inter quos tam clarus extitit, vt, ex Cæsaris mandato, Francisco Sfortia coniunctus, pro Mediolanensi expugnatione, Gallis, adhuc per Insubriam rerum

Leonis Pont.
mors.

Adrianus
Leoni in Pon-
tificatu suc-
cedit.

1522.
Franciscus
Sfortia Insub-
ria Principi-
patum recu-
perat.

Hieronymi
Adurnij sin-
gularis viri

*Eiusdemobi-
tus.*

*Genua obsi-
detur à Cæ-
sarianis.*

*Columniorū
familia.*

*Octavianī
Fulgosij exi-
mia virtus.*

potiuntibus, ad sex Germanorum millia, in agro Tridentino, aliisque finitimis locis, conscripserit. Quo in munere se ita prudenter gessit, ut in Cæsaris gratiam & familiaritatem aliquantò arctius insinuatus, proximo anno eius nomine ad Venetos legatus missus fuerit: in qua quidem legatione, Ricardum Pacaum, Britanniae regis oratorem, socium & collegam habuit. Summa legationis erat, ut inter Carolum, Angliae regem, & illam Rempub. foederis iure, amicitia, & belli societas iniretur: sed ipse Adurnius, dum magna & incredibili prudentia & gravitate consilij Cæsaris maiestatem & partes apud Venetam Rempub. tuetur, repente morbo è viuis, non sine Cæsaris, aliorumque multorum Principum dolore, anno ætatis circiter quadragesimo, subtractus est: in cuius locum statim Marinus Caracciolus, Romanae sedis Protonotarius, qui postea tantum auctoritate apud Paulum tertium Pont. floruit, ut inter Purpuratos eius ascriberetur, successit. Urgebat Carolus Genuae obsidionem, nec diutius ferre poterat, reliquias Galliae in Italia haerere. Idcirco Cæsariani omnes ex Insubria Genuam versus castra moverunt: in qua quidem expeditione cum multorum praestantissimorum Principum, & Ducum concursus esset, tamen ceteris tum militari scientia, cum natalium splendore antecellere videbantur Ferdinandus Daualus, Piscarij Marchio, & Prosper Columna, ex antiqua & illustri Columniorum familia, à qua Comites nobilissimi à Zollern in Germania originem traxere; quorum ille Hispanis, & Italis peditibus ad eam partem quae Codifaria dicitur; hic verò cum omni equitatu ac Germanico peditum, ad oppositam Bisamnis partem confedit. Genua adhuc supremum magistratum administrabat Octavianus Fulgosius, in quo certè viro, ut omnes tradunt, multae heroicæ virtutes extabant. Commendabatur siquidem tam apud suos, quam etiam apud externos, à singulari iustitia, prudentia, morum atque legum severitate, ac domestica quadam probitate & frugalitate: quibus certè virtutibus tantum erat assecutus, ut in ipsa ciuitate, licet factionibus ac studiis mirum in modum distracta, ab omnibus ordinibus citra aliquam inuidiam promiscuè diligeretur: qui, etsi corpore esset imbecillo, valetudineque vteretur ea, quae saepius in morbos excurreret, ita ut aegrè belli munia obire posset; tamen officij sui memor, ac in rerum extremitate nihil non audendum ratus, Gallici regis potissimum tutela subnixus, omnia, quae ad prouidi Ducis, & boni ciuis munia pertinerent, magna cum alacritate praestabat. Verum, cum consiliis magis quam armis esset aptior, & togatus potius prodesse quam armatus posset, per Fridericum fratrem suum, tunc temporis Archiepiscopum Salernitanum, hominem impigrum, & summi consilij atque virtutis, pleraque belli munia obierat, peditum Italicorum duo millia ad urbis defensionem & tutelam disposuit: amicos & familiares, ac reliquos nominis Fulgosij studiosos, & clientes, quorum non pauci in Liguria erant, in armis esse iubet. Regem etiam per Cataneum Lomellinum, belli pacisque artibus clarum, subinde admonuerat, se non dubitare, quin Cæsariani, iam bello in Insubria confecto, Genuam properarent, & propterea valido praesidio ad Genuensium res tutandas opus esse. Quod nisi citò, & opportuno quidem tempore mitteretur, frustra & incassum fera postmodum auxilia expectari, praesertim cum propter Adurniorum aduentum, Cæsaris noua gratia, & planè in nouam spem & fiduciam erectorum, non minus sibi intra moenia, quam foris, timendum esset. Sed rex non ignarus, quam potentem in Italia aduersarium, suaeque gloriae atque imperij amulum haberet, licet Fulgosij dictis non parum commoueretur; attamen cum Italici belli curam nunquam omnino deposuisset, statim post cladem ad Bicoccam acceptam, in qua expeditione, praeter ceteros, tria millia Heluetiorum

uetiorum, & duo ac viginti cohortium centuriones ceciderant, peditum quatuordecim millia ex Aquitania, & prouincia Narbonensi cum quingentis cataphractis, milleque sagittariis equestribus delegerat, mandaueratque, ut hæc copiae duce Roberto Stuardo, viro cum natalium splendore, tum bellicis operibus illustri, quamprimum in Italiam superatis Alpibus contenderet, & rebus superioris belli successu in parte afflictis & accisis, auxilium adferrent. Verum, quia summo perere verebatur, ne sui ad opem Genuensibus ferendam, serius quam necessitas requireret, adueniret, idcirco Petrum Nauarrum, rei militaris peritissimum, recens in Galliam ex Italia reuersum, cum duabus triremibus Genuam confestim remisit. Hic tanta dexteritate, ac temporis opportunitate usus est, ut statim vno eodemque tempore, quod Daualus cum suis copiis ab ea parte qua olim fuit Pharia turris, castra mœnibus adinouebat, urbem non mediocri cum omnium oppidanorum lætitia ingressus sit. Nam Daualus ad urbis Prefectos per tibicinem deditionis conditiones, scriptis, & literis comprehensas, præmiserat. quarum ferè capita hæc erant:

Nova regis Gallie in Italiam eorum peditio.

Petrus Nauarrus sub scio Genuam venit.

UT intra vnius diei spatium, omne Gallicum præsidium dimitterent. Antoniottum Adurnium in suum Dominum assumerent. Classem instructam ad Cæsaris arbitrium & ministerium paratam haberent. si hæc facerent, eos suis legibus Cæsarem uti permissurum: at si Cæsaris mandata & honestas pacis conditiones negligenter, vel aliqua de causa aspernarentur, omnia hostilia denunciabant. Quibus sanè conditionibus adeo fuit commota & consternata ciuitas, ut multi ordines, licet hoc infra Ligustici nominis dignitatem ac estimationem esset, suaderent, Cæsaris mandata nulla ratione esse repudianda, & accepta omnino fuissent, nisi militum nouum præsidium vetasset. Tanta erat in ipsa vrbe, nouarum rerum semper cupida, animorum distractio, & promiscuæ plebis trepidatio, ut nullæ liberæ exaudirentur voces, nullisque bonis ac sanis consiliis locus relinqueretur, adeo, ut post leuem & extemporaneam quandam consultationem, pænultima die Maij, Benedictus Vivaldus, Thomas Cataneus, & Paulus Bulgarius, ciuium Genuensium nomine ad Daualum, qui expugnandæ urbis summam prouinciam habebat, mitterentur. Hi dubia sub spe, specie componendæ pacis, dum in castris aliquandiu distinentur, & se iam, confecto negotio, statim ad suos redituros crederent, Hispani pedites, qui eo die turrim prope portam positam, plurimis tormentorum ictibus, prostrauerant, & non exiguam, propter defensorum negligentiam, de pace bene sperantium, & quasi in alta securitate viuentium, in mœnibus ruinam fecerant, inscio Daualo, & cum legatis ad rem componendam intento, præter omnium spem & opinionem, magno cum impetu impressionem in urbem faciunt, & aditum ibi ea parte quæ murus aliquot in locis ruinam dederat, facientes, sensim illabuntur, & postea infesto agmine irruunt, ac sese, densæ grandinis instar, per urbis ruinas infundunt. Fit igitur vndique in exercitu concursus, & clamor ingens vbique attollitur. Eriguntur à primipilaribus & antesignanis vexilla, peditesque, quæ primi irruperant, subsequuntur, ac tanto cum strepitu & armorum crepitu res foris & intra agitur, ut Piscarius confestim acie instructa, & ordinibus per cuneos dispositis, fortunam Cæsaris secutus, inter primos versaretur, & muri parte occupata, suos, qui temere progredi videbantur, subsistere imperat. Admonet præterea de victoria Prosperum, qui cum Germanis, & omni ferè equitatu in alia urbis parte constiterat, quæ vulgò Bisamnia dicitur, ut cum reliquo exercitu in urbem iam à suis occupatam ingrediatur, & mox suis in vnum collectis præcipit, ut ab ordinibus non discedant: tantumque metum & pauorem omnibus incutiunt, ut vigiles, & urbis custodes, in fugam collapsi, nullo modo

Pacis conditiones à Daualo Senatui præscriptæ.

Germani, legatio ad Daualum missa.

Cæsariani Genuam inuadunt ac expugnant.

se se

se defendere, vel stationem sibi demandatam tueri auderent. Quod quidem non tam accidit propter Cæsariani exercitus potentia opinionem, quam propter populi, qui iam in varias partes dissectus erat, varium tumultum & incertas consilij rationes. Nam etsi in vrbe esset sufficiens defensorum numerus, qui facile ipsam tutari, omnemque hostium vim atque impetum ferre ac propulsare potuissent; tamen cum seditiosus populus, ut diximus, sibi non constaret, nec saniorum consiliis obtemperaret, fieri nequibat, ut ipsa vrbs undique ab hostibus obsella, & ad omnem occasionem intentis, bene tueri, vel diu conseruari posset. Accedebat huc, quod in ipso prælij ardore urbanæ militiæ Præfectus, dum fortis militis, ac prouidi & magnanimi ducis munia diligenter ac strenuè obiret, inter dimicandum grauitè vulneratus est, adeò ut cum ipse propter inflati vulneris acerbiter prælio excederet, tota ipsius acies dissiparetur. Salernitanus Antistes, cum haud exiguo militum ac ciuium numero, armis viam sibi per medios hostes faciens, non sine magno vitæ periculo ad portum deuenit, & conscensis nauibus, occiduum littus legens, Massiliam contendit. Ceterum Octavianus Princeps, qui valetudinarius & æger, lectulo defixus, agrè inter tot curas, & rerum discrimina, languidum spiritum trahebat, postquam prætorium occludi iussisset, ad rei successum valdè dubius & anxius, vnum ex suis familiaribus ad fenestram miserat, qui hosti denunciaret, eum se Ferdinandi Dauali fidei & potestati committere. ipse igitur à Daualo sub certis conditionibus in fide receptus, Cæsaris clementiæ fuit reseruatus. Capti fuerunt in hac vrbe quamplurimi equestris ordinis viri, alijque non obscuri nominis ciues, qui omnibus cum præsentibus fortunis, victoris arbitrio cessere. Captus fuit etiam præterea Petrus Nauarrus, quem non semel Galliæ regibus summam fidelitatem & diligentem operam cum magna laude in variis expeditionibus nauasse, nemini dubiū est. Multæ itidem opulentissimæ familiæ sese, vel præsentī pecuniā, vel interpositis sponsoribus & prædibus, ab hostium iniuriis, & impendentibus contumeliis, ac præsentibus periculis redemerunt. Multorum domus direptæ ac spoliatae fuerunt. Ceterum, miserrimæ vrbis status hoc maiori & æquiori animo tolerandus fuisse videtur, quod Prosper Columna, Adurniorū fratrum precibus inflexus, & quod ciuitas ipsa nullum hostilis animi indicium dederat, & de transactione iam agi cœperat, oppidanis æquior, graui sub pœna militibus edixit, ne quispiā Genuensis ciuis in captiuitatem abduceretur, neue aliquis virgini vitium afferret, vel matrona, pudicitia periculum adiret. Huius Prosperi benignitati acceptum etiam magna ex parte debetur, quod catinus ille tam celebris, quiq̃ tanta cum veneratione in augustissimo vrbis templo asseruatur, in irati hostis potestatem non deuenit; sed cum multa alia pretiosa supellectile, qua ciuitas ipsa ob mercaturæ frequentationem scatebat, ab omni periculo & direptione conseruatus fuit. Cuius quidem Columnæ humanitas, & in victam urbem propensio, tanta extitit, ut postero die, qui à capta ciuitate fuit proximus, quò populationibus tandem modus imponeretur, illinc exercitum eduxerit, & omnem vim atque iniuriam ab ea prohibuerit. Hæc vrbis direptio magnam Reipub. attulit conuersionem, nec me herculè mirum, cum multarum ciuitatum exemplis iam admoneamur, quanto cum dispendio & periculo omnes conuersiones, licet necessariae, coniunctæ sint: quippè cum nulla possit in aliqua ciuitate fieri etiam legitima de causa immutatio, quin statum eiusdem non labelsctet, & mirum in modum inquietet. Proinde non sine grauissimo præstāssimorum hominum iudicio multa in Rebus publicis, licet videantur cum vtilitate publica aliquo

Genua ab exercitu Cæsariano capta, & diripitur.

Salernitani Archiepiscopi fuga.

Octavianus Fulgostus sese Marchonis Piscarij fidei permittit.

Prosperi Columna humanitas erga populum Genuensem.

Genua magna fit conuersio.

aliquo modo pugnare, toleranda sunt, ne, iis correctis, in grauiorem lapsum Reipub. status deducatur. Sed de his aliàs. Octavianum Fulgesium Cæsaris clementiæ permissum & reservatum diximus. Qui, cum post fidem datam apud Daualum, secundum pacta & transactiones vtrunque factas, sese libertati pristinae restituendum putaret, aegrè tulit, se ex Campaniæ oppido, quæ antiquis Autella fuit, in quam perductus erat, statim à Cæsare reuocari; quæ certè in re, multi sunt, qui Cæsaris, vel saltem suorum administratorum fidem desiderent. Nam ratio postulabat, vt vtraque ex parte transactionis formula adimpleretur. Cuius tandem is fuit exitus, vt post libertatis restitutionem in insula Prochyta, omnium humanarum rerum cura deposita, & mente ad solum Delum conuersa, huius lucis vsuram cum meliori mutarit: eiq; de Cæsaris voluntate, statim post captam urbem Antoniottus Adurnius cū supremo honore successit, qui statim ab hostilis exercitus discessu, mutuo à Florentinis aliquot militibus tormentis desumptis, Castelletum obsidione cinxit, & tercia die arcem & Francisci templum, quæ loca adhuc Gallico milite tenebantur, cepit. Hoc successu deterriti Castelleti defensores, sub certis legibus deditiōem fecere. Genuensium rerum, post circiter octo annorum decursum, infecuta mutatio, Galliæ regi omnem penitus Insubriæ retinendæ & propagandæ spem ademit, idcirco exercitus postremo ad eius tutelam missus, qui iam vsque in Astensem agrum peruenerat, trans Alpes concessit. Parum aberat, quin contra historiæ dignitatem prætermiseram dicere, Cæsarem, eo tempore, quo Genuam expugnauit, etiam naualem classem ad omnem necessitatem & occasionem paratam, duce Recasenio illustri viro, & gratia apud eum florente, habuisse, quæ sese non sine grauissimo consilio in portu Delphinijs continuerat. Quandoquidem cum Andreas Auria, qui tunc temporis vnâ cum Philippo Auria Gallorum studia sequebatur, & plurimū à rei naualis scientia nauiumque celeritate commendabatur, Recasenius huius impetum veritus, sese in eum portum abdiderat. Nam neminem latebat, Auriam hoc vnum expetere, vt classem Cæsarianam per occasionem inuaderet. Proinde cum Præfectus Cæsarianus longè ipsi Auriaë naualis pugnae disciplina, & etiam nauigiorum numero esset inferior, operæpretium esse duxit, vt in eo portu stationem haberet, ne classem temerè in periculum aliquod adduceret. Verum, etsi Cæsar, recepta Genua, incredibili gaudio perfunderetur, quod nouo imperio tantæ Reipub. citra aliquam suorum iacturam esset facta accessio, minime tamen desunt, qui dicant, ipsum eius vrbs direptionem valde improbasse, & Daualo nō mediocriter fucensuisse, quod diceret, per speciem colloquij militibus ansam diripiendæ vrbs præbuisse. Vt cumque res sese habet, quemadmodum hac in parte mirificè est prædicanda Cæsaris victoris moderatio & magnanimitas, sic pari modo Piscarius, apud plerosque rerum successum penitus examinantes, eo nomine non caret reprehensione. In hoc rerum tractu, Hadrianus Pontifex, magnis precibus populi Romani, & cohortatione Senatus, ad urbem euocatus, Genuam cum octodecim rostratis applicuit, honorificè quidem, at propè nulla ciuium, recentem cladem suam lugentium, lætitia, exceptus; indeque Ligurnum nauigauit, vbi à Iulio Medice purpurato, legatisque Florentinorum, & aliquot Etruscis Cardinalibus expectabatur, breuique post, secunda nauigatione Romam deuectus, quarto Cal. Sept. urbem, maximo populi, & totius curiæ concursu, ingressus est. Et quamuis eius aduentus, quia Roma Pontifice absente solitudini potius quam ciuitati similis videtur, summoperè exoptatus esset; hoc tamē spectaculum, cum se Pontificem externum, & Romanæ aulae ac rerum Italicarum rudem atque imperi-

Octavianus
Fulgesium
ebius.

Antoniottus
Adurnius
Princeps re-
nunciatur.

Castelletum
deditiōe re-
cipitur.

Cæsarianæ
claus.

Genuens. cla-
des Cæsari
permolesta.

Hadrianus
Pont. Ge-
nuam venit.

Roma sub
Adriano P^o.
ingenti peste
diuexatur.

Rome De-
metrij Spar-
tani opera pe-
stis remittit.

Solymanus
quibus de
causis Rhodi
oppugnato.

Rhodi situm.

peritum habere cogitarent, omnium animos commouit: quarum cogitationum
maestitiam auxit, quod pestis quæ Romæ in eius aduentu cœperat, id quod ad
eius Pontificatus sinistrum omen referebatur, per totum autumnum innume-
ros mortales sustulerit. Hæc etenim contactu ægrorum ita exarserat, ut multa fu-
nera in compitis viscerentur, appareretq. vastari urbem, haud multo dierum spa-
tio, nisi Græculus quidam, nomine Demetrius Spartanus, sedandæ pestilentia,
fauente ei turba hominum, negotium suscepisset, nemine superstitionem ve-
tare auso. Nam ferum taurum, cui dimidium cornu dissecatat, magico carmine
dextram in aurem prolato, repente ita mansuefactum reddiderat, ut iniecto renui
fio ad integrum cornu, quò vellet perducens, pestilentia placando numini ad am-
phitheatrum immolaret. Nec credula multitudinis spem prorsus fefellit, cum
ab ea inanis sacrificij prospera litatione mitescere morbus cœpisset. Eodem anno,
dum inter Christianos Principes mutuis armis decertatur, maximum Christia-
næ Reip. vulnus inflictum. Siquidem Solymanus Turcorum Imperator, qui præ-
cedenti anno, gloriæ studio inflammatus, & maiorum suorum disciplinam se-
cutus, Albam Græcam, siue vulgò Belgradum, ad confluentes Sauum atq. Da-
nubium sitam, egregium atque firmissimum totius Pannoniæ munimentum, fe-
licissimè expugnarat, ad Rhodi expugnationem animum atque vires intendit.
Causa autem & origo huius belli in primis hæc fuit, quod nimirum difficilem
sibi ex Lesbo, Chio, Peloponneso, Eubœa, Propontide, ipsoq. Byzatio nauigatio-
nem futuram in Syriam atque Ægyptum, videbatur, stante incolumi Rhodo, ar-
ce militum Hierosolymitanorum, utpote ex qua illi maritimis suis excursioni-
bus totum littoris tractum deuastarent, & nonnunquam iusta classe congredi au-
derent. Præterea ducere dedecus imperij sui, ferre gentem inimicam in ipsis re-
gni penetralibus. Ad hæc ambitioso iuueni magnos spiritus ministrare prosper
successus anno superiore in Pannonia. Tum quæ, nequaquam multa molienti
negligenda est occasio temporis, quo Principes Occidentis, maximis, ut dictum
est, cladibus sese inuicem afficiebant. Atque hæ præcipuæ causæ belli Rhodij fue-
runt. Proinde validissimo exercitu, in quo ducenta armatorum millia fuisse di-
cuntur, & circiter trecentorum nauigiorum classe instructa ac præparata, quam
destinauerat animo, expeditionem suscepit, & octauo Calend. Iulij, qui dies in-
cidit in festum D. Ioannis Baptistæ, obsidio inchoata. Et quoniam de Rhodo
insula obfessa agimus, eius situm paucis exponam. Oppidum in planissimo loco
positum est, & circûuallari, coronaq. militum cingi potest. Nam portu, tantum
Septentrionem spectante, mari cingitur, & reliqua parte in Occidentem vergit:
planitie lapidosa haud magna latitudine, longitudine maiori inter ipsum, colles-
que apricos, patente: qui vrbi adjacent frequentes, fontibus, domibus, confiti
oleastris, ficu, vineto, ac ceteris id genus arboribus, quæ in humo arida & areno-
sa gigni solent. Verum manus & ars naturæ defectum supplerunt. Muro enim
atque promuro validissimo septum est: præterea tredecim turribus assurgentibus,
minaci specie horrens, quinque maximis propugnaculis, omnem aduersus vim
iniuriamque hostilem firmatum, pluribus portis nobile. Rhodiani equites, qui-
bus tunc temporis, Fabricio Carrettano magno equitum factæ militiæ magistro,
cuius supra mentionem fecimus, Nouendij vita defuncto, præerat Philippus Vi-
lerius Liladamus, quem plurimum commendabant magnæ opes, præclarum in-
genium, exacta rerum experientia, & consuetudo Regum ac Principum, apud
quos arduis sæpè rebus varias legationes obierat, ubi primum de hostilibus con-
siliis atque apparatibus intellexere, quæcumque ad sui totiusque insulæ tutelam
ac de-

ac defensionem pertinebant, summo studio ac diligentia præpararunt. Horum autem sexcenti dumtaxat fuisse dicuntur, & Rhodiorum qui arma gestare possent, ac belli munia administrare, circiter quinque millia annumerantur. Qui omnes, coniunctis viribus, hostiles impetus & oppugnationes diu fortissimè ac strenuissimè repulerunt, eo quidem successu, ut aduersarij fermè de ipsa victoria desperarent, donec ipsemet Solymanus quinto Cal. Sept. hora postmeridiana in castra veniret. Ibi cum in Villam, quæcumque dici aut fingi queunt, ignauia ac pauoris exempla, & in exercitu nihil instituto ac militari disciplina vel ipsorum qui præerant, imperio agi, plus ex malis moribus solitudinis, quàm ex tanto agmine auxilij, aut bonæ spei accipiebat. Ceterum, post eius aduentum, omnia melioribus auspiciis & ducum intentione militumque industria & sedulitate peracta sunt. Hinc autem facile videre & annotare licet, quã semper profuerit in omnibus difficultatib., ut adsit summus Imperator, qui verè est anima & vniuersum militum robur. Neque enim aliud est quod possit tantoperè ad gloriam & ad honoris studium militum animos excitare, quàm si cognouerint, non in obscuro loco res agi, sed in conspectu Principis, & vniuersi exercitus, multorumque populorum præsentia. Hæc ipsa res, atque ipse gloriæ flagrantissimus ardor, milites impulit, ut summa strenuitate ac vigilantia nunc atrocissimis oppugnationibus, nunc cuniculis & fossis, nunc aggeribus ex terra & lignis, qui vrbis mœnia superarent, excitatis, ab eis infestandis nunquam desisterent; quibus operibus magna cum suorum cæde perfectis, propugnatorum quoque numerus valdè erat imminutus, ita ut assiduis laboribus fessi, & tormentario puluere deficiente, cum magna mœnium parte tormentorum ictibus diruta, cuniculisque multis in locis in urbem, in qua ipsi, primis partibus expugnatis, se assiduè magis coartabant, penetrantibus, tot molestiis sustinendis iam prorsus impares forent. Tandem desperatis omnibus auxiliis, & in extremas angustias redacti, post sex mensium perpeßam obsidionem, cum Turca his conditionibus transgèrere, ut nempe Liladamus, militiae, uti diximus, Præfectus, ciuitatem dederet: ipse cum omnibus equitibus, & Rhodij, incolumes abeundi, & quicquid ferre possent, secum auferendi facultatem haberent. Turca, ut ipsis aliqua ratione cautum esset, classem ex eo mari cedere iuberet, & terrestrem exercitum per quinque milliaria ab Rhodo remoueret. cuius pactiois vi Rhodus in Turcarum potestatem deuenit, & Christiani, fide ipsis humanissimè ac religiosissimè obseruata, in Siciliam, mox in Italiam enauigarunt. Illis autem Rhodo profectis, Solymanus, ad maiorem Christianæ religionis contumeliam, in illam urbem eo ipso die quo Dei filij Seruatoris nostri natalis memoria celebrari consuevit, est ingressus, & nihil prius atque antiquius habuit, quàm ut statim omnia Rhodiorum templa Christi cultui dicata, in Moschæa (sic illi sua templa appellant) conuerteret, suoque more omnibus Christianorum ritibus eiectis, Mahumetis cultui dedicaret. Paucis post mensibus, Liladamo Melita insula ex singulari & eximia Cæsaris benignitate concessa, ea tamen lege & conditione, ut Tripolim suis sumptibus tueretur atque defenderet, ibi equitum Rhodiorum sedem fixit. Dum Rhodij arctissima obsidione premerentur, duas Ligusticas naues, nimirum, Auriam, & Ferraram, suis stipendiis conduxerant, quibus comincatus; puluis nitrius, ceteraque ad hostiles conatus reprimendum necessaria, Rhodum conueherentur: sed quia huiusmodi apparatus multò seriùs, quàm par fuit, procuratus est, & quoniam etiam hiems instabat, totus frustrà atque in irritum cecidit. qua quidem in re cum Hadriani Pontificis, tum etiam ceterorum Christiani orbis Principum segnities atque osci-

Solymani
aduentus in
castra.

Imperatoris
præsentia
vtilissima.

Rhodus de-
tione expu-
gnatur.

tantia, iure meritò ab omnibus improbata. Et licet nonnulli asserant, ipsum quidem optasse ferre opem, sed pecuniæ inopia, quò minùs id præstiterit, retardatum; nihilominus tamen id planè in confesso est, ipsum, quas paulò antè ex Hispaniis aduexerat peditum copias, factiosorum quorundam hortatu, non Rhodum, sed in Galliam Cisalpinam, quæ Cæsaris opes confirmarent, ablegasse. In hoc autem, iure culpandum, & in iustissimam reprehensionem deuenisse, quis non videt? Eius enim potius intererat, Christianos Principes ad mutuam pacem, atque vnionem inflectere, quò tandem mitigatis animis, atque associatis viribus, arma in communem Christianæ Reip. hostem conuerterent, simulque Rhodianis tam arcta obsidione pressis, maturo auxilio adesse, quàm illis faces atque alimenta suggerere. Ceterum, in hoc maluit suorum Prædecessorum scelestis ac exitialibus vestigiis (bonos semper excipio) cum ingenti piorum omnium clade, insistere, ac Cæsaris gratiam sibi demereri, quàm boni Pontificis partes absolueri, suoq. muneri, vti par erat, satisfacere. Porro, vt hoc etiam addatur, ferunt, eo ipso die, quo Rhodij sese Turcis dediderunt, Romæ magnum ipsi Hadriano Pontifici prodigium contigisse. Cùm is enim palatij sacellum ad sollennes natalis diei Seruatoris nostri cærimonias de more peragendas ingrederetur, ianuæ illius sacelli sublimare, quod marmoreum erat, post eius ingressum illicò decidit, ac nonnullos eius satellites cum maximo ipsius timore pessumdedit atque occidit. Suprà demonstrauimus, Cæsarem & Angliæ regem, apud Remp. Venetam icendi fœderis gratia habuisse legationem. Porro haud ita multò post, etiam Galliarum rex oratores suos misit, qui Senatum illum à Cæsaris suorumq. amicitia & fœdere retraherēt, adeò vt post diuersas & grauissimas cōmonstratas causas, tametsi multi ex Patribus in ipsum regem propenderent, eorum tamen suffragia vicerint, qui Cæsaris partes, ceu potiores, quæque Reipub. magis conducerent, tutabantur.

1523. Sed, tanta fuit Galliæ regis in Cæsarem æmulatio, atque suscepti belli ardor, vt neque cum Venetis contracta societas, neque aliorum Principum cum summis apparatibus fœdus, eius animum à rerum Italicarum cogitationibus vlla ratione abducere posset. Igitur in eam expeditionem toto pectore incumbens, validissimum exercitum denuò conscribi, ac superatis Alpibus, in Italiam præstò esse iussit: & non secus ac nuper, ipse huic bello interesse omninò decreuerat, nisi iam detecta Caroli Borbonij conspiratione, regni sui curam & tutelam sibi præferendâ duxisset. Proinde hæc suprema conficiendi belli cura, in Boniuetum suæ classis præfectum (vulgò Amiralium vocāt) qui inter proceres ac præcipuos regni optimates annumerabatur, translata. Hic summa celeritate vsus, per aduersas Alpes in Galliam Cisalpinam contendit, & Vigeuanum, omnemque eam regionem, quæ vltra Ticinum amnem est, facili negotio in sui regis potestatem redegit. Quo rerum successu alacrior factus, victoriæ suæ cursum prosequendum ratus, Mediolanum versus castra promouit, eamque urbem obsidione cinxit.

Verùm, hanc urbana multitudinem, Gallis infensissima, & Cæsarianis, Prosperi Columnæ auspiciis, fortiter ac strenuè propugnantibus, tandem nulla re memorabili gesta, obsidionem soluens, suas copias Ticinum reduxit, subinde noua auxilia ex Gallis præstolatus; indeque, cùm hostes, eius castris magno cum equitum ac peditum robore appropinquarent, & ipse interim nullo subsidio, vti sperauerat, subleuaretur, Nouariam, vnde venerat, se recepit, eo successu, vt tandem Heluetiorum ope, quorū haud mediocris numerus in hostili exercitu erat, non citra magnam cladem à Cæsarianis, duce Piscario, inflictam, & quindecim ancorum tormentorum iacturam, in Galliam reuersus sit. Exitu anni, qui fuit eiusdem

Prodigium
ante Rhodi
expugnatio-
nem visum.

Venetis ma-
gis in Cæsa-
rem propen-
dent.

Francisci
Galliæ regis
noua in Ita-
liam expedi-
tio.

Galliæ cla-
des in Insu-
bris.

eiusdem sæculi tertius ac vigesimus, Hadrianus Pontifex decimo oct. Cal. Octob.
 fato concessit, atque obiit parua sui, siue ob temporis, quo regnavit, brevitatem,
 siue, quòd politicarum rerum esset imperitus, atque rudis, opinione relicta. Huic,
 contractis aliquandiu comitiis propter diuersas Patrum sententias, & altercatio-
 nes, tandem Iulius Medices, desumpto Clementis nomine, vnde vigesima die No-
 uembris, subrogatus est, ac sollemni sortitione de more Pōtifex renunciatus, Iulij
 nomen retinere volebat: sed à nonnullis Cardinalibus obseruatum fuisse, eos,
 qui Pontificatum adepti, nomen non mutassent, omnes intra annum vertente in
 obiisse admonitus, siue quòd eius Diui festus diēs propè adesset, siue ad id alludēs,
 quòd Volaterrano Cardinali, simulac Pontifex declaratus fuit, offensiones con-
 donasset, eumque cum suis in gratiam recepisset, Clementis septimi nomen as-
 sumpsit, isque initio ad tuendam nouæ dignitatis personam, egregiè se medium
 inter Cæsarem, & Franciscum regem præstare videbatur, licet postmodum totus
 in hunc propendere inciperet. In hoc rerum statu, secutus est annus eiusdem xvi
 quartus ac vigesimus, grauissima & atrocissima peste memorabilis, quæ non so-
 lum Genuæ, ac finitimis locis, cum maxima multorum hominum vtriusque fe-
 xus atque ordinis cæde ac interitu grassata est; verum etiam, tota Insubria, & Me-
 diolanum potissimum, eo morbi genere, mirum in modum conflictata, adeò
 profectò, vt duntaxat in ipsa vrbe Mediolanēsi, supra quinquaginta millia mor-
 talium breuiss. temporis decursu extinxerit. Proximè à nobis commemoratum
 est, præcedenti anno, Caroli Borbonij aduersus Franciscum Galliarum regem
 defectionem reiectam & patefactam fuisse. Hic sanè regia stirpe oriundus, & ipsi
 regi arctissimo consanguinitatis & necessitudinis vinculo cōiunctus, grauissimis
 de causis perniciosissimo dissidio inter eos orto, indignationem & odium, quod
 in regem suum conceperat, diutius concoquere ac deuorare cū diutius nequi-
 ret, defectione facta, ad Cæsarem transiit; à quo cū honorificè exceptus, tum
 magnis præmiis & honoribus, sicuti mox ostendetur, affectus fuit. Intelligebat
 nimirum Cæsar, tanti viri à rege aduersario defectionem, non parum auxilij ac
 opportunitatis ad bellum feliciter contra ipsum gerendum, sibi allaturam. Qua-
 propter cū inter ipsum, & Franciscum regem, funestissimum bellum recrude-
 sceret, Borbonium, & Piscoarium, præcipuos sui exercitus Duces declarauit, qui
 omnibus rebus ad prælium conficiendum opportunis, ac necessariis ritè consti-
 tutis, Massiliam, Galliarum Narbonensis primariam urbem, inuaserunt; ad cuius
 quidem oppugnationem quadraginta dies nequicquam insumpti sunt. Quan-
 doquidem, cū ob egregiam propugnatorum virtutem, & urbis munitionem,
 nulla spes expugnandæ urbis affulgeret, simulq. Galliarum regem, cum valido
 exercitu iam in procinctu esse intelligerent, conclamatis vasis, infecto nego-
 tio, repentè ad Italiam fronte conuersa, retrò vnde profecti erant, summa celeri-
 tate, nec sine aliqua suorum strage, recesserunt. At rex, quòd potentissimum ex-
 ercitus haberet, hostiumq. imbecillitatem cognosceret, ac simul speraret, si recto
 itinere pergeret, citius quàm hostis, qui Massilia discedebat, in Italiam peruentu-
 rum, Mediolanēsis Principatus recuperandi sibi valdè opportunam occasionem
 offerri ratus, fortunæ beneficio vti statuit, & mira festinatione Peninis & Coctiis
 Alpibus emensis, in Taurinos descendit, ac secundo cursu progressus, iterū ciui-
 tatem Mediolanensem, & pleraque Insubria loca, mense Octobri, suo imperio
 adiecit. Genuæ pro Massiliensi expeditione in Cæsaris gratiam quatuor nauium,
 septem triremiū, & aliquot nauigiorum varij generis classis adornata fuit, & Ni-
 colai Belogij auspiciis educta; qui tametsi Genuensi portu solueret, nunquam

Hadrianus
Pontifex inter-
itus.

Clementis vii
Pontifex re-
nunciatur.

1524.
Genua peste
diuexatur.

Caroli Bor-
bonij defe-
ctio.

Massilia à
Cæsarianis
frustra obsi-
detur.

Franciscus
rex Medio-
lanū recipit.

tamen Massiliam enauigauit, at semper sese in Ligustico sinu continuit, ea potissimum de causa, ne scilicet ora Ligustica, propter hostilem classem circum ea maria prateruagantem, aliquid incommodi ac detrimenti pateretur. Hæc enim paulò antè in eundem sinum circumuecta, Sauonam, & Voraginem deditione occupat, & in Liguria occiduum littus delata, subinde Genuensibus haud mediocrem terrorem ac metum incutiebat. Ceterum proximo anno, Genuæ, noua classis comparata atque instructa, quæ præter quindecim rostratas, aliquot etiam onerarias continebat, eique Bartholomæus Fliscus cum imperio præpositus fuit. Gallorum verò classi, quæ decem triremium, & aliquot celocium (id genus nauigij Galeones vocari diximus) numerum explebat, Salassorum regulus præerat, qui eo tempore iussu regis Galliarum Sauonam concesserat, ut oppidanos in officio regiaque obedientia contineret. Inter quæ, Vgo Moncada, Cæsarianarum rerum procurator, classe, qua circiter quatuor millia expeditissimorum virorum deuehebantur, Genua profectus, iuxta Voraginem, ubi erant in præsidio, ac in æstiuis, cum tribus hominû armatorum millibus descensionē fecit. Horum præfectus, Rentius Ceres, paucis antè diebus à rege in Galliā euocatus fuerat, eaque de causa milites, Iocantum, vulgò De domo alba, Corsum, virumque strenuum ac militarem, sibi ducem elegerunt, adeò ut etiam Gallica classe suis auxilio veniente, protinus aciem contra hostem instruxerint. Quo quidem animaduerso, ipsi, animo consternati, sese in fugam coniecerunt, eo tamen successu, ut, præter vulneratos, ipsemet Moncada in hostium potestatem deueniret, & cum eo tredecim cohortium centuriones, inter quos Barnabas & Georgius Adurnij, ac etiam Bartholomæus Spinula recensentur. Galli hac fortunæ eblandientis aura alacriores facti, vix bidui, aut tridui spatio interiecto, classe in portum usque admota, nauem Iacobi Auria recens fabricatam, ac remige destitutam, interceperunt. Franciscus interea Mediolano potitus, consilij anceps, Laudem Pompeiamne, ad opprimendum Hispanos, qui se illuc vnà cum Piscario receperant, an Ticinum debellandis Germanis, aggrediretur, inauspicata belli ratione Ticinum prætulit, ubi, nulla memorabili earum rerum quas tentasset, prosperè confecta, post longam & diuturnam obsidionem, diductis primò, & mox reliquis senescentibus viribus, quòd noua Cæsarianis auxilia adducente Boibonio superuenissent, prælio decertare coactus est; quo regis aduerso, nobilissimi quique Gallorum ducum & procerum interfecti sunt, & rex ipse ubi omnia magnanimi ducis ac strenuissimi bellatoris munia obiiisset, fortissimè pugnans, equo eius interfecto, & ipse, quamuis leuiter, & in ore, & manu ferro violatus, à quinque Cæsarianis militibus nondum illis notus, captus fuit, statimque Carolus Lanioius, qui casu eò aduenerat, corporis proceritatem, & armorum pulchritudinē admiratus, ipsum iam se, qui esset, palàm notum facientem, magno honore manum eius osculatus, Cæsaris nomine captiuum fecit: eò præsertim effusiùs Hispanis & Germanis parta victoria latantibus, quòd ipso Cæsaris natali die secundissimo euentu dimicassent. Hic autem operæ pretiū fuerit, raram quandam, ac pænè inauditam Caroli v. Cæsaris felicitatem annotare, quæ certè eò maiori admiratione digna est, quòd rariori exemplo obtigerit. Satis enim ex cinnium auctororum scriptis colligi potest, nunquam huic præstantissimo Principi aliquam insignem victoriam obtigisse, quin semper ipsi die suo natalitio D. Matthiæ sacro euenerit. Natus est siquidem Gandavi anno millesimo quingentesimo, sexto Cal. Martij, hoc est vigesima quarta Februarij. Eodem die natalitio, anno vnde- uigesimo, septemuirum procerum consensu in Cæsarem Francosuiti inaugura- tus est.

Gallorum
victoria.

Galli ad Ti-
cinum capto
rege infelici-
ter pugnant.

Franciscus
rex capitur.

Dies D.
Matthiæ sa-
cer Caroli v.
fortunatissi-
mus.

tus est. Eodem die, anno eiusdem sæculi vigesimo quinto, captus est in prælio ad Ticinum, sicuti nunc diximus, Franciscus Galliarum rex primus. Eodem die, anno trigesimo, diademate Imperiali à Clemente septimo Bononiæ insignitus. Eodem denique die Augustæ in Imperiali conuentu, in præsentia quinque Electorum, Duci Saxoniae Mauritio, D. Henrici filio, iura & dignitatem Electoratus Ducatus Saxoniae sollemni ritu contulit. Ut verò ad inceptum redeam, Rex, postero victoriæ die, in Picighitonis arcem perductus fuit, vbi libertate excepta (summa etenim diligentia custodiebatur) in ceteris omnibus regio more honoreque afficiebatur. Deinde, ineunte æstate Genuam, indeque in Hispaniam, iussu Cæsaris, ab eodẽ Lanoio captiuus perductus, atq. ibi in Madritij arce asseruatus, donec tandẽ quartâ ac vigesima Februarij die subsequenti anni reditum ad suos, & pristinam libertatem ea conditione à Cæsare impetraret, vt, datis duobus filiis obsidibus, reliquæ transactionis conditiones & pacta, suo loco ac tempore, rata haberentur. Iisdem ferme temporibus, Paulus Centurio vir excelsi animi, & cosmographiæ peritissimus, necnon Lusitanorum iniurijs vehementer accensus, cum orbis vastitatem, immensâsque terrarum tractus, ac fluminum cursus, regionumque & montium situs, & naturam animo perlustrasset, sollertis ingenij vi atque acumine, rem magni animi magnique incepti excogitauit, & aggressus est. Consiliis enim Leoni x. Pontifici, qui cum hæc omnia prius communicarat, probatis, literisque ab eodem acceptis, ad Basilium Magnum, Moscouitarum Principem, se contulit, duarumque rerum, quæ ipsi, ipsiusque regnis peramplæ, & honorificæ; altera etiam illarum fructuosissima futura esset, illi auctor fuit. Docuit enim, aromatum commercia à Lusitanis auerij, & in Moscouiam, maiore itinerum & subuectionum compendio transferri posse: quam rem Paulus louius in Moscouitarum historia planius explicat. Suasit præterea, vt secta Græcorum relicta, ad Romani solij auctoritatem, Romanæque ecclesiæ instituta se applicaret, sacraque, vt plerique Christiani Principes, à Romano Pont. peteret. Verùm Basilius, alterum de aromatum commercio repudiavit, siue inani metu, ne eas regiones quæ ad Caspium mare & Persarum regna aditum præbebant, exteris & ferocibus gentibus patefaceret, siue quòd rudia ingenia splendidis consiliis quæ inultum ipsorum captum antecedunt, imparia ferè sunt: omnisque nouitas rarò apud imperitos animos fidẽ & assensum inuenit. Ad alterum de sese cum Romana ecclesia coniungendo animum adiecit, spe illa facta, facile illum regij nominis titulum, cuius ipse percupidus erat, regiaque insignia à Romano Pont. impetraturum, eaque de causa Paulus, longis periculosisque itineribus sæpè vltro citroque commeuit, Legato etiam à Basilio Pauli, suasu ad Clementem vii. missio. Ceterum bene inchoata, & procedentia consilia obitu ipsius Pauli, ætate, ac diuturnis laboribus & curis confecti, Pontificisq. aduersis rebus interrupta ac planè euerfa sunt. Habeo equidem haud incelebres scriptores, qui asserant, ipsum, cum Indicæ negotiationis spes omnes, quoad Moschum attinet, abiiecisset, seque omnibus votis exclusum animaduertens, in Britanniam traiecisse, & ab eo rege illi aliquot naues oblatas atque promissas fuisse, quòd nouas, quanquam senio iam confectus, insulas & regiones detegeret, sed grauissima ægritudine correptum, Londini supremum diem obiisse, priusquam animo destinata nauigationem susciperet. Etsi verò natura id insitum, vt consilia euentis ponderemus, ac cui faustè quid contigerit, prudentissimè illum prouidisse, cui infelicitè, malè sensisse iudicemus, non minus tamen præclara consilia, quamuis interdum prospero euentu destituta, si modo cum ratione coniuncta fuerint, quam res ipsæ iure laudari debent; atque haud

Francisci
regis liberatio.

Pauli Cos-
mographi præla-
ri auctori.

Res minime
ab euentu
ponderanda.

1526.

*Fœdus di-
uerforum
Principum
aduersus Ca-
rolū Cæs.*

*Bellici appa-
ratus contra
Cæsarem.*

*Ora Ligu-
stia fœde-
ratorū classe
plurimum
diuexatur.*

scio, an maior illis interdum laus sit tribuenda: siquidem consilia tota nostra sunt, exitus rerum plerumque, ac etiam maxima ex parte ab aliena voluntate atque arbitrio pendent. Proinde Pauli Centurionis, viri magnanimi ac præstantissimi egregia cogitata & incepta, quamuis temporum vitiis, & aliena culpa ad optatum exitum perducta non sint, nihilominus tamen debita laude prosequenda sunt, & in perpetuum celebranda: eoquod factum est, ut eius viri heroicis conatus, ac eximium ingenium hinc minimè silentio præterierim. Proximè ostendimus, inter Cæsarem, & Franciscum, pacem certis quibusdam legibus & conditionibus transactam, atque ita ipsum Galliarum regem pristinae libertati auitoque regno restitutum. Ceterum is, ubi primum ad suos rediit, nihil potius habuit, nihilque magis in votis, quam ut statim nouum fœdus cum Clemente Pontifice, Venetis, & Francisco Mediolanensem Principe, aduersus Cæsarem percutere. Quod etiam decimo sexto Cal. Iunij de mutuo consensu per ipsorum legatos Cuniaci confirmatum est: cuius ea præcipua causa extitit, ut videlicet ipsi Cæsari, totius Italiae imperium affectanti, communibus armis obuiam iretur, simulque iniquissimum fuisse censuerant, quod Antonius Leua, atque Piscarius, imperium Mediolanense Francisco Sfortia inuidentes, eum, tanquam defectionis à Cæsare consilia agitantem, reum fecissent, grauissimoque laborantem morbo, in arce obsidisse, ac etiam aliquot urbibus ereptis, hostem declarasse. Ea calumniae vis cum summa malignitate Sfortia illata, Venetos, & Pontificem mirum in modum pupugit, usque adeo, ut consternati animis, arma pararent, & Cæsarianos impotenter atque superbe fœderis fidem fallentes, atque impudenter sociorum estimationem contemnentes, armis persequendos arbitrarentur, & Piscario interim morte subrepto, ad Mediolanum arma proferrent, ut Sfortiam, obsidionis & vitæ periculo implicitum, matura ope allata, liberarent. In hoc etiam fœdere comprehendebatur, ut, si contingeret Genuam communibus fœderatorum armis, pulsus Cæsarianis, recuperari, rex pristinam & consuetam auctoritatem in Rep. obtineret. Deinde, ut Antoniottus Adurnius, qui Cæsaris gratia subnixus, Genuæ, ut dictum est, rerum potiebatur, ea conditione in Principatu permaneret, ut Gallia regem, supremum dominum, prout paucis antè annis Octavianus Fulgosius fecerat, agnosceret, & deinceps in fœderis societatem reciperetur. Interim cōfœderati Principes tam mari, quam terra maximos apparatus faciebant: iamque classis ad Genuam opprimendum, vel, si hoc minus succederet, ut regnum Neapolitanum inuaderent, communibus sumptibus extruxerant: in qua quidem erant quatuor regia naues, ex his quas vulgò Galeones vocant, & sexdecim triremes, Venetorum tredecim, & Pontificia undecim: cuius quidem classis Petrus Nauarrus, nuper præsentis pecunia Cæsaris potestati exemptus, cum imperio præfectus est. Terrestribus verò copiis Sigismundus Malatesta, & Franciscus Maria Vrbiniatium Princeps, Veneti exercitus summus imperator, de vñanimi fœderatorum cōsensu præpositus fuit, qui Cremonam adorti, eius expugnationem tentauerunt. Verum, re parum succedente, ac temporis conditione maiorem occupandæ Genuæ spem ostendente, illa relicta, ad hanc se totis viribus contulere. Nam cum Venetorum classis ad ciuitatem veterem se Pontificia coniunxisset, deinde utraque in Ligurni portu, ut Gallicam classem opperiretur, constitisset, ea classis cum sexdecim nauibus lōgis, quatuor phaselis, ac totidem alterius generis, in occiduum littus appulsa, Sauonam ciuium consensu cum toto Occiduo litore occuparat: deinde, multis nauibus frumento onustis, quæ Genuam petebant, captis, Ligurnum, ut se alijs adiungeret, contendit. Hæ tres igitur classes quarto

Cal.

Cal. Septemb. Ligurno soluentes, Pontificia, & Veneta, in Delphini portu substituerunt: Gallica verò Sauonam rediit, vnde totum mare libere percurrentes, ita Genuam, cōmeatus p̄nuria vndiq. pressam, obsidebant, vt, cū nihil amplius mari in eam vehi posset, non dubium foret, quin si aliquis militum numerus ipsis terrestri itinere eum cōmeatum quo solo fouebatur, interceptisset, Genuenses deditionem facturi fuerint: nec classium duces nunc literis, nunc propriis nunciis aliud petebat, nisi vt saltem quatuor peditum millia terrestri itinere mitterentur: sed ex Cremonensi exercitu mitti non poterant: & cū Vrbinatum Ducī, aliisque, exercitum, qui in Insabria tunc temporis hærebat, minuere, periculosum videretur, Cremona capta, militum iustam legionem mittere cogitabant. Sed interim Ligures, vt hostiles conatus reprimerent, sex peditum millia, quorum quatuor millia ex urbana iuētute collecta fuerant, & reliqui auxiliarij eruptionem ex vrbe eo consilio fecerant, vt sexcentos pedites, qui cum Philippo Flisco ex classe descenderant, adorirentur: sed Philippus in summis montium iugis prope Delphini portum ita se operibus munierat, vt eos non parua cum clade retrocedere cōgerit. Dū hæc ita vtrō citroque geruntur, classium præfecti, qui Genuæ iam ferè in extremam angustiam redactæ, maritimam obsidionem urgebant, subinde vehementius instabant, vt fœderati milites ad eam terrestri itinere infestandam mitterent, omniq. ope studerent, vt oppidani omni cōmeatu, quo, vti narrauimus, mirum in modum laborabant, intercluderentur. Ceterū, cū propter hostilem exercitum, magno militum numero adauctum, summa eius rei difficultas sese offerret, desperatis rebus, hæc expeditio in proximū annum, & meliorem temporis fortunæque opportunitatem reiecta est. Interea temporis, Borbonius qui ad Cæsare decimo sept. Cal. Decembris in Hispaniam peruenerat, rebus ibi ex animi sententia constitutis, Genuam cum quatuor, siue, vt aliis placet, sex triremibus, & cum mercatorum literis, quarum vi centum aureorum millia ibi obtinuerat, secunda nauigatione appulit, indeque postmodum Mediolanum cum imperio concessit. Paucis abhinc diebus interiectis, Prorex Lanoius cum viginti quinque nauibus, quia duæ naues, antequā Sanflorentium attingeret, tempestate perierant, & quinque ab aliis disiectæ errabant, ex Corsica profectus, supra Sextrum Orientale, in fœderatorum classem incidit, quæ supra Codimontem duas horas ante solis occasum congressæ, ad noctem vsque pugnarunt, & Auria hostilem nauim, qua amplius trecenti epibatæ deuehebantur, submersit, ac tormentis classem malè multauit: quæ tandem sese ab hoste explicans, Ligurnum, indeque Neapolim versus enauigauit. Sunt qui tradant, in ea circiter quatuordecim millia hominum armatorum deuecta, & cum his etiam Ferdinandum Gonzagam, & Ferdinandum Alarconum alarum centurionem, & plerosq. alios hæud postremæ famæ ac nominis, ipsamque classem dira atque atroci tempestate agitātam, ita vt dissipatā fuerit, eiusque partem, in qua erat Gonzaga, in Siciliam delatam, alteram verò Caietam incolumem transuectam, & mox præsidia in variis locis distributa. Hic annus toti Reipub. Christianæ fuit quā maximè funestus & calamitosus: Quandoquidem, dū Christiani Principes inter se infestis armis digladiantur, Solymanus in occasiōē semper intentus, ea æstate arma victiciā in Pannoniam conuertit, & ad Muga-cium vsque, quod est oppidulum medio ferè itinere positum inter Budam atque Belgradum, castris promotis, Ludouicum secundum Hungariæ Bohemiæque regem, viribus atque armatorum numero longè inferiorem, cū hoste potentissimo congredi ausum, in acie deuicit, & mox Budam suo imperio adiunxit,

Carolus
Borbonius
ex Hispaniis
Genuam ve-
nit, & mox
Mediolanū
contendit.

Naualis
conflictus.

Christiano-
rum clades in
Pannonia.

Buda à Tur-
cis expu-
gnata.

1527.

Franciscus
rex bellum
Carolo Cæ-
sari indicit.

Andreas
Auria Gal-
licæ classi
præficitur.

Genuæ sum-
ma annonæ
caritas.

indeque, ad victoriæ suæ monumentum, æneas statuas tres ingentes, quæ Mat-
thiæ, bello paceque inclyti regis, fuerant, Byzantium deportari iussit, eaque etiam
num ibi in Hippodromo collocatæ conspiciuntur. Interea temporis, subse-
cutus est annus supra millesimum quingentesimum vigesimus septimus, quo
quidem anno fœdus, cuius proximè mentionem habuimus, fuit renouatum: &
Britannus in eius societatem vocatus, bellumque Cæsari Franciscus ipse Gallia-
rum rex per fœcialem suum de more indixit, quod sanè magnis & stupendis ap-
paratibus motum fuit, & dux Oddo Lautrechius cum validissimo exercitu in Ita-
liam breui post amandatus. Eodem etiam tempore, quò Genuam commodius
recuperaret, Andream Auriam, suum stipendiarium, rursus cum octo triremibus
conduxit, ei que stipendiorum nomine triginta sex millia aureorum nummum
annua promissit, ac etiam honorificentissimo maritimæ præfecturæ titulo, Ami-
rantem mediterranei maris appellauit. Hic cum Gallicam classem, quæ duarum
ac viginti triremium, egregiè instructarum, numerum æquabat, ex Massiliensi
portu expectaret, & cum suis triremibus Sauonam se reciperet, Ligures hac oc-
casionem Spediam recuperarunt. Ceterum Auria, classe adauctus, superiora infe-
rioraque Liguriæ littora percurrerebat, idque vnum iniunctum diligenter obibat
munus, vt nempe frumentarias inuectiones impediret. Nam tum Genuæ fru-
menti inopia vehementer laborabatur, & pestilentia fauere cœperat, nec satis
firma aderat classis Antoniotto Adurnio, vrbis, vt diximus, & Cæsarianarum
partium principi, qua Gallicæ classi obsisti posset. Hæc dudum onerarias duas,
Ferrariam, & Rapallinam, prospero destitutas vento, apud Flerentium Corsicæ
portum, persecuta, sese in littus eijcere compulerat, euadentibusque nautis, atq;
vectoribus, incenderat. Quam ob rem fiebat, vt Ligures, onerarias naues ad
coëmendum frumentum, in omnes partes dimitterent, & quotidie effusa in portum
esurientis populi multitudine, aduentum nauium expectarent. Earum fortè duæ,
siue, vt aliis placet, quinque, quarum quatuor frumento Siculo, vna mercibus,
erant onustæ, sese in Delphini portum intulerant, vt inde, expectata idonea tem-
pestate, elusa Aurianarum triremium custodia, ad urbem perueherentur. Qua de
causa superioribus diebus, apud portus fauces, Adurnius munitionem erigi, pro-
pugnaculum extrui, ac præsidium imponi iusserat, eo consilio, vt ibi ab alto in-
trantia nauigia tutam haberent stationem, & ne à Gallicis triremibus oppugna-
rentur, terrestri cohortium præsidio defendi possent. His Adurnij consiliis dili-
genter exploratis, Andreas classe prouectus, idoneo in loco circiter quatuor mil-
lia peditum exposuit, vt à terra portum, & vicum occuparet, haud mediocri spe
totius hostium opprimendæ classis allectus. In ipso namque Delphini portu, præ-
ter aliquot Ligusticas naues, frumento & mercimoniis refertas, septem, siue, vt
aliis placet, nouem triremes aderant, partim Adurniæ, partim Cæsarianæ, quarum
prouiso periculo, Adurnius ferendæ opis consilium cepit, & Augustinum Spi-
nulam, prætorij præfectum, cum maxima parte prætorianorum, eò terrestri iti-
nere proficisci iubet. Is nauiter iussa faciens, per montana aspera que itinera con-
tendens ad vicum quem incolæ Brama-panem vocant, sub auroram peruenit.
Tum verò ex oriente sole, ab hostibus, qui in littus descenderant, Spinula conspi-
citur, adeò præclare, vt, cum per deruptos & angustos tramites se dmitteret,
militum numerus faciliè recenseretur, & Auriani ampliore numero suorum cõfir-
mati, obuiam descendentes eundem censerent. Erat modica planities, non longè
à fano D. Michaëlis, trecentorum fermè passuum. Eam Auriani duces Antonius
& Philippus prouecti, præoccupant, & Viscontem Cicadam nobilem signiferum,
qui

qui præfecti Auria gestabat vexillum, cum valida sclopettariorum manu antequam iubent: ipsi mediam aciem excepturam descendentiū impetum ex aduerso instruunt. Viscontes, nactus in his rupibus duos ingentes scopulos, post eos suam manum collocat, & primos descendentiū hostes, effusa glandium procella, transitu arcere conatur. At Spinula, cōiectus in locum vnde se eripere sine ignominia, grauique suorum detrimento non posset, quanquam numero hostiū terreretur, breui oratione militum animos confirmat; docetque, hostes facile inuadi superarique posse, si se prætorianos esse meminissent, quorum neque virtutem, neque impetum, aut Galli noui milites, aut Auriani semiremiges laturos viderentur: nullaque mora interposita, æquissimo loco se demittens, Viscontis sclopettarios è scopulis deiecit. Hi pulsi, mediam aciem ex tumultuaria sua fuga perturbant, certatur tamen magna vi collato pede, sed vel paucorum hostiū Auriani iniquo decliuique in loco impetum non diu sustinent, ita ut continuo terga darent, & sese in fugam per confragosam viam præcipites coniicerent. Spinula interim, pulsus atque perterritus, capto Philippo Auria, instat. Ab Adurniis clamor victoriæ attollitur, Galli que, & Auriani metu præpediti, adeò perturbatè ad littus descendere conantur, ut pauci, apprehensis remis, in triremes euaderent, reliqui cæsi, aut capti sint, aut per auias & inaccessas rupes effugerent, cum multo plures eorum præcipiti saltu se eripientes, profundo mari mergerentur. Parta victoria, admirabili casu acciderat, ut eo ipso die Spinula ab Adurnio ad urbem reuocaretur, quod Cæsar Fulgosius à Lautrechio Genuam cum duobus millibus partim equitum, partim pedestrium virorum ablegatus, in Pociferam vallem se demississet, iamque illum adesse, constanti fama nunciaretur. Quibus iussis Spinula minimè reluctari ausus, simulque suspicatus, quod verisimile videbatur, ut, se discedente, Auria classem inuaderet, trierarchos admonuit, ut se ad prælium compararent, & nudatas propugnatoribus hostiū triremes, aggrederentur. Quod si id facere præstareque, uti oportebat, non possent, in altum se proriperent, & in quos fortuna, vel Liguriæ, vel Etruriæ portus offerret, properè confugerent. Ceterum, vel terrestri victoria adiuti, nihil egregium, aut fortibus viris dignum, tentare ausi sunt, quod defensores pariter ac remiges ad prædam incitati, conspecto hostiū aduerso successu, in triremibus contineri nequiuissent. Secundum verò complexi consilium, cum enauigare cœpissent, nec vllò prorsus vento iuuarentur, fessis remigibus, animos ita desponderunt, ut in tutum euadere posse desperarent, & continuo in eundem Delphinij portum redirent. Affuit occasioni suæ intentus Auria, & inuectus in hostes, triremes, præter vnā, omnes cepit. Hæc fuit Iustiniana, cognomento Gibba, quæ igne absumpta est, reliquæ cum nauibus frumento onustis, & Iustiniana, quæ dudum ex Oriente appulsa, mille auri pondo pretium ferre dicebatur, in hostiū potestatem deuenerunt, eò facilius, quod nexi seruique omnes ad transtra catenati, sublata voce, libertatem inuocassent, & propugnatores, epibataeque omnes vndique descensione facta, dilaberentur. Captæ sunt ante alias duæ Genuenses, quibus præerat Iulianus Ripa Adurnij cliens. Aliæ fuerunt partim Siculæ, partim Hispanicæ. Cui rei gerendæ & aliæ Gallicæ rostratæ interfuerunt: quæ, cum antea quinque naues oneratas frumento, Genuam petentes, cepissent, se deinde post Codimontem inter portum Delphinij & Genuam abdiderant: quo etiam tempore, nonnulli pedites ab Adurniis, ut eas Genuam ducerent, conducti, Piacrurij, qui locus in illis montibus est, fusi fuerunt. Hæc autem gesta sunt sub Idus Augusti, ita alternante vices suas fortuna, ut qui terrestri pugna victores fuerant, mari victi, & mox debellati fuerint.

*Augustinus
Spinula ad-
uersus Au-
rianos felici-
ter pugnat.*

*Andreae An-
ria in portu
Delphinij
victoria.*

fuerint. Cæsar namque Fulgosius, ad D. Petri fanum, quod vocatur ad Arenam, positis castris, caduceatorem regium in urbem præmisit, qui Genuenses ad deditiorem hortaretur, & si id facere abnuerent, omnia hostilia denunciaret. Adurnius, qui paucis antè diebus cum videret, tantis difficultatibus terra marique Genuam implicari, ut ea vrbe suisque defensoribus, in extremam angustiam reductis, omnem tuendi spem adimerent, decurionibus permiserat, ut legatum ad Lautrechium mitterent, qui cum eo de pacis conditionibus transigeret, & caduceatorem repulit. Id autem legationis munus susceperat Vincentius Palauicinus, æquissimasque conditiones à Lautrechio retulerat, præter id vnum, quod à Genuens. enixe petebatur, ut scilicet Sauonam urbem populo Genuensi ablatam, restitueret. Eam namq. urbem, Annam Mommorantium, regis gratia innixum, sibi impetrasse, & Præfectum, nomine Moretum, imposuisse ferebant, eo consilio, ut Sauonensi portu, quod esset Galliæ Cisalpinæ opportunissimus, postquam Genua alienæ esset ditionis, ad omnes belli comoditates vteretur. Ea re Genuens. nihil grauius sibi accidere posse rati, quam ut Sauona, tot sæculis ciuitati contributa, subtraheretur, repente commutatis animis, à priore deditiōis consilio discesserunt, ita ut Adurnius non obscuram spem retinendi Principatus resumeret. Quapropter, exploratis Cæsaris viribus, noctu in eam eruptionem facere constituunt. Imposuerat Cæsar cum præsidio vnus cohortis Borrachinum præfectum in æde S. Benigni, sita in supercilio montis, qui imminet ei turri, quam à lychno nocturni luminis, Pharum vocant, despectatque dextrorsum subiectam maris plagam, in qua, uti diximus, ad Arenæ templum Fulgosius confederat. Cognito hostium aduentu, Adurnij, & paucitate copiarum eius contempta, eos inuadendos decernunt, & post intempestam noctē, Augustini Spinulæ, Sinibaldi Flisci, & Gabrielis Martinengi Brixienfis alarum Præfecti, auspicio, eductis prætorianis, rectà ad eos proficiscuntur, adeò silenti agmine, ut apud Lazariam veterem portam, Borrachini excubias parum intentè specularantes opprimerent. Ab his, vbi sit Borrachinus, & vbi consistat Cæsar, discunt, continuoque dorsum eius promontorij conscendentes, Borrachinum semisopitum, confisumque suis excubiis capiunt, ac eius præsidium, paucis cæsis, & nonnullis vulneratis, fugatur, & per exteriorem rupis partem deiicitur. Fulgosius, audito strepitu, & iam inalbescente cælo, conspecta suorum fuga, hoste appropinquante, sese colligens, munimentum, à sorte oblatum, irruentibus opponit. In ea namque parte littoris edificabatur oneraria ingens navis, Grimaldia vocata, iamque carina eius, scamnis, & naualibus canteriis, quos fabri scalas vocat, erant constituta, & costæ suis incuruis asseribus intexebantur. Itaque eo nauigio pro munitione vsus, sclopetarios opportunè disponit, & glandibus cōiectis, hostes ab accessu arcet. hi, bifariam diuisi, pars dextrorsum ad Fulgosinas copias, vbi erant equites nonnulli, Martinengo duce, defertur, altera contra Cæsarem procedit. Sed factum est egregia ipsius fortitudine, ut, qui in nauigio erant, hostes loco pellerent. Nam Cæsar, & à puppe, & à prora cum suis prosiliens, in ipsos Spinulanos, parum constanter pugnantes, & metu sclopetariorum perturbatos, erupit, & reliqui Fulgosiani Martinengum in congressu ita repulerunt, ut circumuentus in medio caperetur, Spinulaque ipse deueniret in potestatem, & Fliscus, qui cum clientum manu aderat, paruo temporis & loci spatio ex hostium manibus eriperetur. Eo modo Cæsar, semihoræ momento, in ipsa propè rerum desperatione victoria potitus, pleno passu ad urbem contendit, & inter suburbana tecta viæ militaris, quam Fasciolam vocant, iuxta Theodori templū, tumul-

Genuenses
Sauonæ ia-
Eturam gra-
uissime fe-
cunt.

Insignis vi-
toria Cæsa-
ris Fulgosij.

tumultuariam Hispanorum manum, quæ subsidio mittebatur, magno impetu fundit, & ad D. Thomæ portam prouehitur. Nec diu post, ciues, excitati Fulgosij victoria, vti antè statuerant, neque postea impleuerant, Galliarum regis imperio se dedere decernunt, missisque Augustino Ferrario & Iacobo Lomellino legatis, Fulgosianarum partium studiosis, ac fautoribus, qui portam aperirent, & Cæsarem exciperent, victores introduxerunt. Ipse Princeps Adurnius, qui ad tumultum accurrerat, vbi introductos in urbem hostes, ex populari acclamatione audiit, ad euitandum periculum, conuerso equo, in arcem properè confugit, paululumque moratus, ad nouissimum consilium, quod erat ciuilis potius pietatis, quàm bellicæ virtutis, descendit. Neque enim eum animi vigorem, quem Hieronymus frater aduersis in rebus præ se tulerat, Antoniotus, vti erat remissiore ingenio, & articulari morbo correptus, ferebat. Statim siquidem Philippum Auriam, quem in arcè captiuum habebat, liberaliter dimisit, atque orauit, vt operam æternæ laudis patriæ præstaret, ne in ea Principatus conuersione mutuis cædibus sese impeterent, quibus intestinis malis ciuitas in aliquod summum discrimen deueniret. Sibi quoque in eam publicæ salutis curam intento, nihil fore honestius arbitrari, quàm arcem excedere, quò vrbæ rebus tranquillitatem afferret. Cum his mandatis Philippus æquè fidus & alacer, ab arcem in aream Aurianam descendit, aduocat contribules, & plerosque alios ciues, grauique & apposita oratione persuadet, vt Galliarum regis imperium lubentibus animis suscipiant, veterum odiorum, & factionum obliuisci, & ab omni contentione discedere velint. Ea Philippi oratione permoti ciues, ad comprimendum plebis & militum tumultum, per urbem discurrent, atque illic Fulgosij moderatione, & ciuium precibus, armorum strepitus sedatur, tanto parendi obsequio, vt nulla domus, præter Decurionum prætorium, plebis concursu diriperetur, sic, vt admirabile videri poterit, in tanta perturbatione, nullo propè effuso ciuili sanguine, vrbæ res, tam placidè pacatas atque compositas fuisse. Quod si Aurianæ Gallicæque triremes, quæ tunc temporis, haud sanè citra maximum Reipub. beneficium, aberant, eodæ die portum tenuissent, ciues omninò suspicabantur, nauales turmas, vti prædæ auidas, non facile coerceri potuisse, quin effusissimè grassarentur. Itaque singulares à Senatu atque omnibus ordinibus Cæsari gratiæ sunt actæ, quòd Galliarum regis commodo, quàm propriæ dignitati atque amplitudini, quam armatus arripere poterat, studere maluerit. Erat enim Cæsar Iano patre genitus, qui tum Venetis in castris militabat, ac Genuæ Principali dignitate, aliquamdiu, sicuti suo loco memorauimus, potitus fuerat. Data sunt ei, virtutis & clementiæ nomine, præmia signatæ pecuniæ, nempe duorum millium aureorum, & certissimi annui redditus alimenta, quæ ad posteros transirent, Senatus consulto constituta, eiusque militi trium stipendiorum solutio publico nomine fuit exhibita. Adurnius arcem ciuibz reddidit, & cum præsidio suorum clientum, patriæ ac Principatu cedens, ad paterna castella se recepit; paucisque post mensibus, cum ad Antonium Leuam profectus esset, apud Mediolanum sine prole fato concessit. Exiguo temporis spatio interiecto, rex Galliarum Theodorus Triuultium, virum nobilitate, multisque virtutibus insignem, Genuam misit, quò ibi suo nomine præesset: isque deductus in Senatum, consensu ciuium, ipsoque Auria, in ea re plurimum allaborante, decuriones in verba regis sacramento adiecit, cum paulò antè Cæsar Fulgosius ad Lautrechium in castra redisset. Hic enim, iam eminentis Alpibus, Boscum, Alexandrini agri oppidum, post decem dierum oppugnationem, sui iuris fecerat, ipsamque Alexandriam & Vigeuanum occupauit, ac breui post, Ticinum

Genua in potestatem regis Galliarum rediit.

Prætorium à plebe diripit.

Senatus erga Cæsarem Fulg. gratitudo.

Antoniotus Adurnius Principatum deponit.

Eiusdem obitus.

Theodorus Triuultius Genuæ præficitur.

expu-

Galorum ad
Ticinum se-
nitia.

Lautrechij in
regnum Nea-
polis expedi-
tio.

Naualis ap-
paratus regis
Galliarum.

Galiorum classis
tempestate
agitatur.

Sardinia ex-
peditio Gallis
infelicitur suc-
cedit.

Carolus Bor-
bonius Romam
cum exercitu
proficiscitur.

expugnatum atque direptum, & per octo continuos dies in eam ciuitatem vehementer sæuitum, atque ob cladis acceptæ memoriam, plurima ædificia incensa. Post hæc, omiſſa expeditione Mediolanenſi, in quo ſanè humanarum rerum peritiores, grauiffimè ab eo erratum fuiſſe, ratiocinantur; Placentiam, indeq. Romam verſus caſtra produxit, eo animi decreto, vt quemadmodum ſibi à ſuo rege iniunctum fuerat, & Fœderati Principes inter ſe conuenerant, Romam, ad liberandum Pontificem, coq.ue priſtinæ libertati atque amplitudini reſtituto, Neapolim cum ſuo exercitu contenderet. Rex Franciſcus, per idem tempus quo Lautrechius in Italiam, vt narrauimus, profectus erat, vt eam expeditionem proueheret, præualidam clafſem duodequadraginta triremium, quarum quidem octo ad Auriam, quatuordecim ad Gallos, & ſexdecim ad Venetos pertinebant, exornari iuſſerat: quæ omnes iam Ligurnum portum, quem antiquitus Cicero- ni Labronem fuiſſe conſtat, hodieq. apud incolas priſcum id nomen retinet, conuenerant, & Rentio Cerite cum tribus peditum millibus, quos in continen- tem poſſent exponere, in naues accepto, Idibus Nouembris Ligurno ſoluerunt. Et quamuis antea communibus conſiliis, poſt non paucas deliberationes conſti- tutum eſſet, vt Sicilia in primis inuaderetur, nihilominus tamen Auriæ cohori- tationibus mutata ſententia, in Sardiniam iter direxerunt. Lautrechius, Sardi- nia capta, longè faciliùs Siciliam occupari poſſe ſperans, hoc conſilium compro- bavit. Quæcumque tandem cauſa fuerit, clafſis in mari aduerſa tempeſtate agi- tata, huc atque illuc, quò procelloſi turbines cumque ferrent, vagabatur: vna ex Gallicis triremibus prope Sardinia littora naufragium fecit: quatuor Vene- tæ, valdè concuſſæ, Ligurnum redierunt: Gallicæ reliquæ, ventorum impetu in Corſicam actæ: vbi poſtea in portu veteri quatuor Venetæ ſe illis con- iunxerunt: reliquæ octo, Ligurnum transportatæ ſunt: denique Auria, & Ce- rite admodum inter ſe diſſidentibus, ea expeditio huiusmodi exitum habuit, vt omninò maximum toti clafſi detrimentum attulerit. Quippè Saxeri, vrbe Præfecti totius inſulæ, & Sardorum conuentu celebri, à Rentio expugnata, ibi tantam omnis generis annonæ copiam repertam fuiſſe tradunt, cum frumenti & vini, tum ſalitæ ac recentis carnis, & ceterarum rerum, vt partim earum inglu- uie, partim etiam Sardoï cæli intemperie, paulò antè eſurientia corpora morbis tentarentur, nec ſecus ac in tabifica lue fieri conſuevit, magnus ægrorum nume- rus interiret, adeò miſerabiliter, vt non modò in clafſiarios ac remiges, verum etiam ad aliquot nobiles trierarchos ea contagioſa labes permaneret, fermeq. dimidia hominum pars abſumeretur; reliqua verò lethaliter langueret: eaq. cla- des ſiniſtro prælio maior æſtimata, ſic ſanè, vt in ea nauigatione cuncta omninò improſpera & aduerſa experirentur, donec tandem ab infami littore diſcedentes, in eum portum vnde prius infaufſtis ominibus ſoluerant, redierunt. Inter hæc, Borbonius, licet neque pecuniis, neque commeatu, nec etiam puluere tormen- tario ceteriſq. rebus ad bellum opportunis ac neceſſariis eſſet inſtructus; nihilo- minus tamen ſuorum militum, quorum omnium fermè erant Germani atq. Hi- ſpani, ſtudio atque alacritate conſiſus, emenſo Apennino, in Florentinorum di- tionem peruenit: cumq.ue occupandæ vrbis, cuius opibus ipſi ditari ſperauerant, facultas non daretur, ſpretis indutiis à Cârulo Lanoio cum Pontifice nuper pa- ctis, maximis itineribus Romam contendit, vbi Pontifex, exauſtoratis magna ex parte militibus, accepta Lanoij fide, ſe tutum exiſtimabat. Borbonius igitur cum ſuis copiis, tertio Nonas Maij, in Pratis prope urbem eſt metatus: & militari inſolentia præconem, qui iter per ipſam urbem, vt cum exercitu in regnum Nea- poli-

politanum iret, sibi concedi postularet, misit prima luce insequentis diei in ipsa aurora, eo animo, ut aut victoria potiretur, aut mortem oppeteret, (vix enim alia spes rebus ipsius reliqua videbatur) exercitu, suburbio, quàm mons, quaq. Sancti Spiritus templum est, admoto, atrox pugna est cœpta. Fuit autem in hoc propitia fortuna, quæ ut exercitum tutius adinquare posset, densissimæ nebulae beneficio ante lucem excitata, tamdiu eos texit, donec ad eum locum in quo certamen inchoatum est, citra obstaculum peruenissent. Cuius certaminis initio Borbonius extrema desperatione, non modò, quia, nisi victoria potiretur, nullum ipsi reliquum perfugium erat, verum etiam quòd Germani ipsi in prælio segniores viderentur, ac etiam repulsi essent, sese in primam aciem coniecit, primusque scalam funesta manu mœnibus, ut murum ascenderet, applicauit. Sed illicò scloppi glande per inguen dextri femoris, siue, ut aliis placet, per crus sinistrum, percussus, repentè sublatus est. Huius interitu, militum ardor non solum non defebuit, sed etiam multò magis, Philiberto Auraico in primis auctore, qui aiebat, Borbonium dumtaxat vulneratum, ideoque vlciscerentur vulnus Imperatoris sui, est accensus, ita ut postquam ad duas horas magna vi utrinque decertatum esset, tandem suburbana tecta sint ingressi, & mox magno impetu ac tumultu eodem die horam vnam ante Solis occasum, per Xisti pontem in urbem ipsam agminatim irrumperent. Nullis autem verbis exprimi posset, quantam libidinem ac sæuitiam promiscuè in omnes exercuerint. Non dignitas, non ætas protegebatur, quò minùs stupra cædibus, cædes stupris miscerentur. Grandæuos senes, exacta ætate feminas, viles ad prædam, in ludibrium trahebant. Vbi adulta virgo, aut mulier forma conspicua incidisset, vi, manibusque rapientium diuisa, ipsos postremò direptores in mutuam perniciem agebat. Dum pecuniam, vel graui auro templorum dona sibi quisque trahunt, maiore aliorum vi truncabantur. Quidam obuia aspernati, verberibus tormentisque dominorum abdita scrutari, defossa eruere. Faces in manibus, quas, ubi prædam egresserant, in vacuas domos, & inania templa per lasciuiam iaculabantur. Utque exercitù vario linguis, moribus, diuersæ cupidines, & aliud cuique fas, nec quicquam illicitum, omniaque sacra profanis admiscebantur. Denique omnia victorum arbitrio cessere, ita medijs fidijs, ut eius urbis, cui, diuino quodam fato, ad summum amplitudinis fastigium conscendere datum fuit, sic tamen, ut crebris quoque direptionibus destinata sit, (erat enim is annus D. CCCC. LXX. postquam à Gothis direpta fuerat) calamitates non modò, ut dictum est, explicari, sed nec cogitatione quidem comprehendi possent. Cùm in pugna, tum in ipso direptionis furore, circiter quatuor hominum millia desiderati esse dicuntur. Pontifex, qui in Vaticani æde rei exitum expectabat, ubi hostes irrupisse audiuit, statim se cum multis Purpuratis, aliisque sacri ordinis viris in Adriani molem recepit. Tandem exacta ab ipso, post aliquot dies, ingenti pecunia, abactaque vndique præda, Aurai-cus, qui post occisum Borbonium, totius exercitus præfecturam susceperat, cum suis copiis Neapolim perrexit. Hunc exitum habuit eo tempore urbs inclyta, & celeberrima, quæ olim suum imperium per vniuersum terrarum orbem protulerat; clarissimo sanè documento, nihil planè tam firmum ac solidum esse in humanis rebus, quin, relicta fortuna sua sede, variis conuersionibus obnoxium sit, & interdum nihil aliud, præter sui memoriam, relinquat. Illud verò pænè iam in hac tragica commemoratione exciderat, nempe Borbonium, adhuc spirantem, Romæ, haud multò post, ut à quibusdam asseritur, expirasse, necnon ab vniuerso exercitu deploratum, adeò ut Germanus miles ipsius tumulto hunc ti-

Borbonij
mors.

Roma expu-
gnatur, atque
diripitur.

tulum inscripserit: *Aucto imperio, superata Italia, deuicto Gallo, Pontifice obfesso, Roma capta, Caroli Borbonij hoc marmor cineres continet.* Sed antequam huic libro finem imposuero, adiungere, meo equidem iudicio, non erit extra propositum, has miras & planè stupendas calamitates terribili cometa ingentis & monstrosæ magnitudinis, qui in ditione Palatinatus, 11. Decembris die, in occasu visus & obseruatus fuit, præmonstratas diuinitus fuisse. Erat enim ipse omninò cruentus, nube terribilis, stellis, hastis & gladiis, etiam capitibus abtruncatis hinc inde circumdatus, adeò vt complures hoc tam diro & horribili spectaculo in morbum & syncopen inciderent.

Cometa in
Palatinatu
visus.

LIBER XX.

1528.

Genua peste
atrocissima
diuexatur.



Nova Reip.
forma intro-
ducitur.

CTAVVS & vigesimus annus eiusdem æui, ciuitati Genuensi adeò grauis propter diram assiduamq. pestem cū magna hominum strage grassantem, & ad multa millia depopulantem, extitit, vt non solum ipsos ciues, ad euitandum contagionis præsentis periculum, verum etiam exteri, & præsertim præsidarius miles, derelicta vrbe, in alias oras tutum secessum sibi quæreret, sic profectò, vt, defœdata continuis rogis & funeribus ciuitate, ad magnam solitudinem & vastitatem redigeretur. Huius nihilominus tam funesti anni calamitas, ingenti felicitate, vti postea enarrabimus, compensata fuit. Statim enim, vbi tabifica illa lues deferbuerat, reuersis postliminiò in vrbem ciuibus, P. C. nihil habuere prius, quàm vt omnes cogitationes, animique curas, ad Reip. statum, multis modis & variis de causis labefactatum, corrigendum conferrent. Flagrabant interim optimi cuiusque animi recuperandæ pristinæ libertatis desiderio, sic me herculè, vt nunquam maiori studio ab omnibus allaboratum fuerit, vt de publico bono deinceps haberetur ratio. Proinde conspirante hominum consensu in vrbis emendationem, publicis votis atque suffragiis Francus Fliscus, Baptista Spinula, Stephanus Iustinianus, Simon Centurio, Augustinus Lomellini, Philippus Cataneus, Ioannes Baptista Monelius, Ioannes Dauanius, Nicolaus Grimaldus Ceba, & Hieronymus Auria, renuntiati, qui hanc prouinciā in se deriuarent atque transferrent, Triuultio, ex regis consensu, ad quem ciuitas huius rei gratia, paulò antè honorificam legationem miserat, rem non impediēte, quod non magnoperè sui regis interesse existimaret, quo in cardine Reip. status coniectus esset, quæue administrationis forma vteretur, modò in ceteris rebus suum illi officium atque obsequium præstarent. Intelligebat enim pro sua singulari prudentia, multiplici rerum cognitione atque vfu confirmata, nihil pace animorumque coniunctione melius, nihilque factionum ac dissidiorum, quæ sæpe florentissimas quasque ciuitates, & integras Respub. euerterent, obliuione tutius atque salubrius inueniri. Ceterum, vt planius intelligatur, quænam Reip. forma hoc tempore introducta fuerit, oratione paulò altius repetita, quàm breuissimis fieri poterit verbis, explicabitur. Libertatem Genuenses in vniuersam hætenus longi ac diuturni temporis decursu exoptasse potius quàm sperasse videri poterant, quod eorum ingenia nunquam fermè satis pacata, nouis semper studerent rebus, & mutatione Principatus, tumultuq. urbano mirum in modum gauderent, parata semper plebe ad excitandas seditiones suo pte instinctu, impulsuque Procerum, qui diuersas alere factiones, ostentare poten-

Genua di-
uersa studia
et factiones.

potentiam, & modò his, modò illis, prout repētina libido ferebat, partibus adesse consueuerant. Ciuitas siquidem seditiosi sæculi mores secuta, insano & miserabili instituto, non in duas, vti priscis temporibus, sed in diuersas atque multiplices factiones, vti antea luculenter ostendimus, scindebatur. Graui enim Guelforum atque Gibellinorum planè diuersa, sed interneciua, factione laborabat, quorum principes erant nobilissimæ inter Ligures familiæ patricij ordinis nuncupatæ, Spinula scilicet, & Auria, Gibellinæ, Flisca verò atque Grimalda, Gelfum nomen professa: reliquis suæ factionis, ardentissima ad nouos motus & arma fax erat. Inueteratus enim ciuitatis mos obtinuerat, ne quisquam patriciæ gentis, vrbis Principatu potiretur: siquidem cum Democraticus status plus Aristocratico semper potuisset, hunc supremum honorē populus sibi vni, tanquā proprium, & continua serie à multis retroactis annis integrum reseruauit. Nam inter cetera plebis vitia, quibus plerumque laborare consuevit, hoc malum populi animos inuaserat, vt inter populares familias, nouum æmulationis ac primariæ dignitatis certamen esset exortum, & distractis multorum animis, multæ deinceps turbæ subsequebantur, adeò vt hinc quamplurimi diuersarū factionum auctores inter ipsos populares emerferint, quorū quidem præcipui erant Adurnij atque Fulgosij, qui Gibellina studia propugnabant. Hi perpetua dissensione à maioribus per manus traditum supremæ potestatis & imperij ex æquo decus petebant, certabantque odiis, & armis, inclinante ad eos victoria, ad quos patricius ordo, & popularium amplior manus accessisset. Magna quoque spes Principatus posita erat in minoris classis studio. ea enim, opifices, infimamque plebem continebat, cuius erat multitudo ingens, & ad capienda arma ferendaque seditiones paratior. Hæc infima populi classis ante viginti annos ab insolentia turbulentiaque ingeniorum, tantum inualuit, vt, sicuti suo loco memorauimus, patricos, tanquam superbè dominantes, expelleret, introductaque & constituta democratia, à Gallici regis, in cuius clientela erat ciuitas, auctoritate discederet. Qui certè tumultus vsque adeò grauis fuit, vt vix aduentū armati regis perdomita ciuitate, coërceri potuerit. Igitur sub aduentum Auriæ, Genuenses, animos à pristinis dissensionibus ad mutuam pacem & concordiam reuocantes, pro curanda, vt antè diximus, Reip. multum deformatæ, & fermè ad interitum properantis, quiete, consilia inire cœperunt: quæ haud multò post, sicut inferius enarrabitur, cum maximo & immortali vniuersæ vrbis, ac totius agri Ligustici beneficio, ad optatum exitum perducta fuerunt. Sub huius temporis tractum, Lauretchius, post Papiam, aliaque circumuicina loca, in Insubijs feliciter, vti memorauimus, expugnata, relicta Mediolanensi oppugnatione, regium exercitum in regnum Neapolitanum traduxit: ibique multis arcibus atque oppidis munitissimis, sui regis imperio adiunctis, decimo quinto Cal. Maij, Caiiani ad quintum à Neapoli lapidem castrametatus, Neapolim, illius regni primariam sedem, grauissima obsidione cinxit; atque Auriam, & Venetos, vt illam itidem sua nauali classe premerent, vehemèter vrgebat. Sed Veneti, cum in Sardinienſi expeditione infeliciter tentata, propter maris molestias, & aduersas tempestates, atque etiam propter com meatus penuriam, non parum incommodi accepissent, vbi primum sese Ligurnum receperunt, quarto Idus Februarij cum duodecim rostratis nauibus, per Siculum fretum Corcyram adnauigarunt, quò illas reficerent. Et quamuis Veneti se, illarum loco alias duodecim, quæ sese cum fœderatis coniungerent, missuros pollicerentur, eadem tamen Corcyræ admodum lentè ac segniter refectæ, multis post diebus in Tranij portum delatæ: ipsique

*Neapolis à
Lauretchio
obsidetur.*

Veneti priuata commoda alienis anteferentes, etsi ex Neapolitana victoria omnia penderent, vt prius Pulinianum, Hydruntum, & Brundisium caperent, cunctabantur. Rentiùs verò cum ceteris Gallicis, quatuor Frabernardini, & quatuor Venetorum, quæ omnes simul erant, post suum reditum à Sardinia, Pisis ager subsistebat. Solus Auria, simulac Genuam cum octo suis triremibus, & totidè Gallicis rediit, nihil antiquius habuit, quàm vt Lautrechij voluntati morem gereret; ideoque omni mora posthabita, Philippum Auriam, suum ex fratre nepotem, cui, licet admodum iuueni, ob singularem indolem, & acerrimi animi fortitudinem, plurimum tribuebat, cum suis octo triremibus, & duabus nauibus egregiè instructis (nam reliquæ per id tempus exarmatæ erant, ad eum misit, qui Cumanum littus legens, in itinere nauim frumento onustam cepit, & bellicis tormentis Cæsarianos à Magdalenæ fano pepulit: breuique post, duas frumentarias naues adortus, pari felicitate intercepit; & intellecto per idoneos exploratores hostium consilio, enixè à Lautrechio contendit, vt statim trecentos sclopetarios ad se mitteret, qui, Crochio duce, paulò antè quàm hostilis classis conspiceretur, recepti fuèrè. Hæc verò sex triremium & totidem Liburnicarum, inter quas erant duæ minoris notæ, numerum æquabat, eaque mille Hispani sclopetarij lectissimæ iuuetutis, & cum his Vgo Moncada, vir, præter bellicas virtutes, regia stirpe oriundus, & Prorex Neapolitanus, ac plurimi duces & magnæ auctoritatis viri, deuehebantur; eaq. Gobbi Iustiniani, in maritimis rebus plurimum exercitati, & magni nominis ducis, consilio atque imperio gubernabatur, & multas scaphas piscatorias, vt hostes à longè plurium nauium specie terrerent, addiderunt, & sic Pausilypo soluentes, ad Capreas insulam cõtenderunt, atque illinc, Mineruæ promontorio ad sinistram relicto, & in altum progressi, duas triemes cum eiusmodi mandato, vt prope hostes accederent, mox, quò eos ad pugnam elicerent, fugã simularent, præmiserunt. Philippus interim, etsi magno animo sese ad certamen comparasset, nihilominus tanto conspectarum nauium numero commotus, valdè dubius hæsit: sed mox vbi propiùs hostes accessissent, sex modò triemes adesse cernens, hoc metu est liberatus. Proinde forti animo, vt naualis belli peritissimus, tres triemes fugæ specie à reliquis suis, vt circuitu capto secundo vento, in hostiles naues à latere & puppi adorirentur, recedere iussit: ipse interim cum quinque in hostem inuehitur, qui sua tormenta displodere, vt fumo excitato, ipsi certior ictus ac visus eriperetur, constituerant: sed Philippus, ingens triemis suæ tormentum, quod Basiliscum appellabat, displosit: cuius pila prætoriam nauim in qua Vgo erat, petens, quadraginta viros primo ictu, & in his, nauis præfectum, cum multis naualibus ministris, interfecit: aliisque mox tormentis displosis, multos præterea sustulit ac vulnerauit: vicissim verò, tormenta ex Vgonis naui librata, Philippi nauis centurionem interemere, ac nauclerum vulnerarunt: deinde cominus concurrètes, scloppis & aliis telis rem acriter gerebant. Sed Ligures, in his pugnis exercitati, intra circumseptas assèribus spondas proclinati, cautè per transtrorum interualla decertantes, pericula vitabant. Sic dum hæ duæ triemes summa ferocitate ac terrore simul pugnarent, tres aliæ Cæsarianæ, duas Ligusticas oppugnabant, & iam longè superiores erant; cum tres illæ Ligusticæ, quæ primò fugam simulantes, altum petierant, in hostes suo flexu conuersæ, in prætoriam latus sunt inuectæ: ex quibus, quæ Neptunia vocabatur, malo eius conuulso, magnam intulit cladem. Hic, Vgo vulnere in brachio accepto, & dum suos hortaretur, lapidibus ac piceis ignibus ex hostilium nauium summis malis coniectis, obrutus, fortissimè pugnans, interijt. At Philippi

*Stratagemæ
militare.*

*Naualis con-
flictus.*

*Insignis clâ-
des Hispano-
rum, in mari
à Philippo
Auria in-
flicta.*

lippi prætoria, & Maura, Vgonis prætoria; reliquæ duæ Gobbam tormentorum fulminibus deprehendere, in qua periit Feramusca: interea verò, reliquæ Philippi triremes, duas ex suis, ab Hispanis oppressas, recuperarunt, & illorum Liburnicas ceperunt: duæ tantum Hispanæ, hostes victoriâ potiri conspiciatæ, malè multatæ, vix euaserunt. Philippo in hac pugna in Salernitano sinu habitæ, magno vsui fuerunt Turcæ & Mauri remiges, qui libertate donati, strepuitissime pugnarunt. Vgonis Moncadæ, & Feramuscæ, cadauera, in mare proiecta. capti autem Alfonsus Daualus, Ascanius Columna, Princeps Salernitanus, Cruccius, Camillus Columna, Gobbus Serenonius, & pleriq. alij duces ac præstantes viri, & supra mille insignes bellatores perierunt, adeò me herclè, vt nesciam, an à multis retroactis annis clarior vlla victoria in illo mari extiterit. Captiuos Philippus cum tribus nauibus longis Auriæ misit, qui belli iure in potestatem ab eo recepti, multis precibus instabant, vt præsentis sui status conditionem prompta pecunia sibi redimere liceret, ne scilicet regi Galliæ ad diuturni carceris miseriam traderentur. Verebantur etenim, ne se rex multis de causis repeteret, quòd sub eius potissimum auspiciis capti essent. Sed Auria ex priuatis stipendij sui conditionibus id se facturum pernegabat: quòd longè molestissimum magnanimo regi, cupidissimoque ostentandæ liberalitatis & clementiæ in captiuos, dolorem afferebat, vsque adeò, vt iracundia correptus, Auriæ responsa, tanquam insolentia, & non obscuræ auaritiæ plena, contumeliosè detestaretur. Dicebat enim Auria nuper expetenti regi Philibertum Auraicum, abs se mari captum, dum Cæsaris iussu ex Hispania in Italiam solueret, & prægrandem pecuniam pollicentem, liberaliter concessisse, neque postea regem, vti promisisset, iuraque militiæ postulabant, pro captiuo vllam omninò pecuniam rependisse, eumque pro accepto munere, aliam non reddere gratiam, quàm vt ipsum, meritorum stipendiorum spe & longa expectatione frustraretur. Sed Auriam, sicuti postea cognitum est, vt duriorē se æquo regis postulatis inexorabilemque præstaret, nequaquam pecuniæ cupiditas, sed ingens amor erga patriam impellebat: quo quidem factum est, vt à Gallici regis stipendiis, quibus per totum Iunium mensem obstrictus erat, discedere statuerit, eaque de causa, paulò antè se Genuam receperat, neque cum triremibus in regnum Neapolitanum ire voluerat. Cumque eum rex vniuersæ suæ classi, quæ Massiliæ adornabatur, præficere vellet, quòd se ob ætatem ijs laboribus perferendis non amplius aptum esse diceret, id constantissimè recusauit. Interim cum Genuensibus inibat consilia patriæ libertatis restituendæ, multorumque animos aduersus Gallum irritabat, quòd scilicet rex non solum Sauonenses, qui antiquo iure Genuensibus semper paruerant, liberos effecisset, sed contra toties promissam fidem, antiquam etiam Genuæ oppressisset libertatem. Quæ quidem multò antè prospiciens Theodorus Triuultius, iamdudum ad regē scripserat, satius esse, Sauonam Genuensibus reddere, quàm populis, naturali instinctu rerum nouandarum cupidis, eo tempore nouarum commotionum ansam præbere: simulque monebat, Auriam, virum ad omnem rem maritimam opportunissimum, liberalitate atque officiis retinendum esse. Clemens quoque Pontifex Auriæ conuersam voluntatem, & inmutata studia intelligens, per Saluiatum legatum, regem amicissimè præmonebat, vt sedulò aduigilaret, ne Auriæ aliqua ratione ab officio discedendi occasio daretur, quòd scilicet ipse in re nauali exercitissimus, & maximè tam apud suos, quàm apud externos summæ auctoritatis ac nominis, omninò in fide atque amicitia retinendus esse videretur, ne, si ad hostem transiret, spes omnis exploratæ victoriæ non parum labefactaretur.

Andree Auriæ a rege Gall. alienatio.

Triuultij prudens ac fidele consilium.

Proinde imponendos esse iracundiæ frenos, ne publicis rebus officeret, si pertinacius vel iusto dolori indulgendum arbitraretur. Misit etiam Clemens ad Auriam, Titum Sangam ab epistolis, virum singulari rerum usu & prudentia præstantem, qui ei suo nomine auctor esset, ne quid properè transigeret, præsertim cum perpetuum eius studium, fidesq. veteris constantiæ ab omnibus Fœderatis exigeretur. Idem quoque die, vndecimo Cal. Iulij, rem Lautrechio patefecit; simulque postulavit, ut sibi eum suis stipendiis conducere permitteret, quod Cæsarem eo priuaret; affirmans, Philippum Auriam intra decem dies cum classe Neapoli discessurum. Rex interim, de his omnibus certior factus, periculum, cui iam mederi non poterat, animaduertens, Petrum Franciscum Nucerinum, ut illum in suis stipendiis retineret, misit, per quæ se in Sauonæ rebus eius desiderio satisfacturum, viginti aureorum nummum millia creditorum stipendiorum nomine, & totidem millia Auraici Principis, olim ab ipso capti, & post à rege in Madritensi compositione dimissi, mulctæ daturum, promisit: & si captiuos ipsi vellet tradere, priusquam eos dimitteret, mulctas eorum persolutorum: quod si etiam facere recusaret, in eo regem minimè ipsi molestum fore. Cuius quidem verbis, cum iam Auria defectionis suæ à rege rationem redderet, minimè assensus est; sed post exiguum temporis interuallum, Gallorum insidias veritus, se Genua cum suis nauibus & captiuis in Ericis portum recepit. Et licet Auria ipse defectionis suæ graues & magnas causas afferret, quibus facti sui rationem redderet, tamen hæ præcipuæ esse videbantur, quod posteaquam regi magnâ cū fide & diligentia per quinquennium operam elocasset, rex Barbigium rei maritimæ, nō sine magna Auria iniuria, ut ipse existimabat, præfecisset. Quod viginti, siue, ut aliis placet, triginta aureorum millia sibi stipendiorum nomine debita, sine quibus triremes suas sustentare minimè posset, non persolueret: quodque iustis precibus suis, ut Genuensibus consuetam Sauonæ auctoritatem restitueret, impetrare nequiuisset: imò in regio Senatu de se, ut qui sua auctoritate nimis superbè vteretur, capite plectendo agitatam fuisse querebatur. Alij, contentiones in Sardinia expeditione inter Rentium Ceritem & ipsum ortas, qua in re, ipse rex magis Rentij verbis, quam ipsius rationibus aures accommodasse visus erat, primam huius rei causam fuisse aiebant. Deinde sunt qui existiment, ipsum Auriam ægerrimè tulisse, quod rex captiuos, præsertim Vastium, atque Ascanium Columnam, licet pecunia redemptionis oblata, repeteret. Hæ etsi verisimiles causæ videantur, & multorum testimonio comprobentur, tamen multi exteri, & in primis quidem Galli, ipsius nomen ac existimationem, eo potissimum nomine traducunt, quod asserant illum, sub prætextu patriæ in libertatē asserendæ, priuatam potentiam, atque adeò Principatum Genuæ sibi quæsiuisse, ideoque cum Vastio, ceterisque Cæsarianis præcipuis Ducibus clam egisse, ut à Cæsare nouis stipendiis conduceretur. Ego hoc vnum ex tanta scriptorum varietate post diligentem inquisitionem eruere potui, Auria à rege Galliarum alienationem non aliunde fluxisse, quàm ab ingenti amore & charitate, qua patriam & ciues suos prosequabatur. Nam, cum videret, illam Gallicis armis oppressam, nec facilè rationes recuperandæ libertatis inueniret, ad Cæsaris clementiam & imperij magnitudinē, ceu tutissimum asylum, confugere statuit, adeò ut hac de causa Antonio Leuæ, strenuissimo Cæsaris duci, certa capita, sub quorum conditione ad Cæsarem transire statuerat, transmiserit; quæ Cæsaris auctoritate confirmari cupiebat. Cuius quidem pactiois hæc ferè capita erant.

*Causæ quæ
Andream
Auriam im-
pulerint, ut
à rege Gal-
liarum ad
Cæsarem
transfret.*

*Conditiones
inter Cæsa-
rem & An-
dream Au-
riam initæ.*

Ut Genua sub Cæsaris patrocínio libertate frueretur.

Sauo-

Sauona Genuensibus pareret. Ipsi Auria, qui Hispanicum nomen tanta acerbitate antea persecutus erat, venia daretur.

Vt Cæsari cum duodecim triremibus deinceps militaret, quarum nomine, sexaginta aureorum millia quotannis acciperet. Quibus certè conditionibus haud alia pauca, ipsi Auria in primis vtilis, & honorifica, accessere. Itaque Auria, ubi cum Cæsare transeisset, euestigio torquem conchylatum, quem honoris causa ab rege delatum acceperat, ad eum remisit; quo remisso, se militari sacramento absolutum ratus, totum animum ad patriæ liberationem adiecit. Genuæ, sicuti antea demonstratum est, in hoc fermè rerum tractu, grauissima pestis grassabatur: ideoque cum ferè ab omnibus, ac penè etiam ab ipsis militibus, desertæ esset, eiusdemq. periculi causa Triuultius, vrbis præfectus, sese in arcem recepisset, Auria, huiusmodi occasione arrepta, cum aliquot instructis triremibus ad urbem, parua tamen spe, cum non vltra quingentos pedites in armis haberet, profectus est. Verum, Gallica classis, quæ in portu ad anchoram substiterat, non parum verita, ne sibi in Galliam reditus intercluderetur, Genuæ rebus neglectis, Sauonæ versus, Barbigio duce contendit. Proinde cum Genuæ perexiguum esset præsidium, licet ipse Triuultius in prætorium rediisset, nihilominus tamen cum populus Genuensis ob libertatis Sauonensibus concessæ iniuriâ, Gallico nomini infensissimus esset, Auria facili negotio in urbem est admissus: vocatisque statim ad libertatem ciuibus, omnes ad arma suscipienda cohortatur; ipsaque Diuorum numina velle videbantur, Italiæ imperium è Gallorum manibus liberari. Nam intoleranda & tabifica vis morbi, contagio omnium fermè corpora in vniuersa Italia per eam æstatem adeò vexauit atque afflixit, vt tempestatis vitio perpauci omninò reperirentur, quorum valetudo non aliqua ex parte tentaretur. In Gallico etiam exercitu, qui iam quartum mensem Neapolim obsederat, languentium numero, ac multitudine plerique prorsus neglecti desertiq. moriebantur, & tanta in ipsis castris hominum strages erat, vt vespillones efferendis ac sepeliendis cadaueribus non sufficerent: sed defossis scrobibus acruatim tabifica corpora recondiderentur. Cuius certè funestæ obsidionis recordatio semper mihi in primis acerba & molesta erit: quippè pater meus Antonius Bizarus, Gallici regis partes secutus, inter cataphractos regi, pro veteri maiorum nostrorum instituto, militabat; adeoque charus (absit omnis applausus & philautia) inter sui ordinis viros euaserat, vt à strenuitate, & bellicæ scientiæ peritiâ, mirum in modum prædicaretur, eaque de causa omnibus charus acceptusque esset: sed fatalis illa vis, quæ infinitam etiam præclarissimorum procerum ac nobilissimorum virorum hoc in bello multitudinem abstulit & exhaust, etiam mihi, tunc temporis trimulo, non sine multis, atque adeò totius nostræ familiæ lachrymis, parentem meum in flore virilis ætatis eripuit, & in agno cum nostro malo inuidit. Vt verò ad Genuenses meus sermo recurat, postquam Auria urbem victor ingressus est, eamque à Gallorum seruitute eripuit, nihil potius habuit, quàm Sauonam, veterem Genuensium coloniam, pari diligentia in fidem recipere. Proinde cum militares copias eò transmississet, summis viribus allaboratum fuit, vt ea vrbe, fossa, aggregue occulsa, omnibus itineribus circumquaque obsessis, hostis ab omni præsidio vrbi inferendo, prohiberetur, ita vt tandem oppidani, desperatis auxiliis, deditionem fecerint. At Ligures, præteritarum iniuriarum memores, vrbe potiti, & iusta ira exardentes, quò bene multatos Sauonenses relinquerent, & priorum offensionum memoriam sempiterno monumento consignarent, in eorum portu duo maxima nauigia ingentibus faxis plena demerserunt, scilicet, vt victis ac

Andreas.
Auria in
urbem intro-
mittitur.

Gallorum
clades ad
Neapolim,
Lantreco
duce.

Sauona
delino.

sauonenses
à Genuens.
müllati.

*Triulcius
humanissime
dimittitur.*

*Genus nova
Reipub. formæ
introducitur,
qua adhuc
vixit, & il-
lasa conser-
uatur.*

*Andree Au-
riæ ingens in
patriam stu-
dium atque
amor.*

æmulis omnem eius stationis opportunitatem adimerent, graui proposita pœna, ne in posterum quauis de causa portus ab iniecta mole repurgaretur. Triulcius interim, pænuria victus, omniq̃ue auxiliij spe destitutus, honestissima pactio-
ne arce reddita, humanissimè dimissus est: qui, vt sibi magis consulere, vrbe egressus, continuò ad tuta Gallorum præsidia confugit: & de communi rotius ciuitatis sententia decretum, vt arx funditus excinderetur, ne reponendo seruitutis iugo, vel ciuibz tyrannis, aut externis Principibus occasionem afferret. His rebus constitutis, habita sunt centuriata Comitia, in quibus, publica patrum suffragatione, duodecim ciues, cœu Reformatores, vt appellant, quorum præcipua & potissima cura circa Reipub. instaurationem, nouamq̃ue gubernationis formam consisteret, cum summa potestate atque imperio designati, nempe Francus Fliscus, Baptista Spinula, Augustinus Palauicinus, Thomas Iustinianus, Simon Centurio, Augustinus Lomellinus, Philippus Cataneus, Vincentius Saulus, Ioannes Baptista Furnarius, Ioannes Marinus Dauanius, Paulus Grimaldus, & Hieronymus Auria, qui omnes simul conuenientes, post multas & varias sententias atque deliberationes, tandem, adstipulantibus etiam ceteris patribz, Auria auctoritate & patrociniò nouam Reipub. formam sub libertatis nomine sapius antea expetitam, introduxerunt: cuius quidem summa fuit, vt quadringenti ciues, omnes ciuitatis Magistratus, ac præsertim Ducem, ac Senatum, in bienniũ crearent, lege, qua prius nobilitas à sup̃remo vrbis Magistratu gerendo excludebatur, prorsus antiquata. Et quia præcipuum libertatis conseruandæ fundamentum videbatur, dissensiones ac simultates omnes; quæ cum grauissimo Reipub. detrimento in vrbe diu alitæ fuerant, prorsus extinguere, solummodò vigintiocto ex illustrioribus clarioribusq̃ue familiis, nomina conseruarunt; quarum nominibus, & numero, omnes eos nobiles, ac populares, quibus nullum familiæ gentis nomen erat relictum, adiunxerunt. Ac quò magis factionum memoriam delerent, nobiles popularibus, & rursus populares nobilibz, aggregarunt, & perpetuam æquabilitatem omniumq̃ue ordinum isonomiam instituerunt; existimantes, hac ratione factionum omnium memoriam, paucorum annorum curriculo, penitus ad internecionem deletum iri. Ceterum, summa erat inter eos, nec immeritò quidem, Auria auctoritas, & existimatio; quippè sine cuius consensu, ob viri dignitatem, & eximium conseruandæ patriæ ac libertatis studium, nihil ex grauioribus rebus in Senatu decernebatur. Et licet multum potentia & auctoritate valeret, tamen illa erat extra omnem suspensionem posita, quòd pecuniæ administrationis, aliæq̃ue ærarij publici rationes, neque ex illius arbitrio definitur, neque etiam suffragiis, vel auctoritate sua ducem creari, aliosq̃ue Magistratus constitui ac decerni cuperet. Ferunt, ipsum Auriam, vt hoc etiam obiter dicatur, cohortantibus nonnullis ex præcipuis equestris ordinis viris, ac suis familiaribus, vt vrbis imperium, diuinitus quodammodò sibi oblatum, nullo modo negligeret, vel aspernaretur, magna cum constantia, & veri heroici animi testimonio, hanc dignitatem fortiter renuisse; cum diceret, sibi exactæ propè ætatis seni, multisq̃ue & amplis fortunis instructo, ac omni sobole destituto, Principatus nomen multò plus inuidiæ ac molestiæ, quàm quietis, & commodi allaturum, satiusq̃ue omninò se dignius existimare, si patriam, ab omni seruitute ereptam, in vera libertate ac tranquillitate diu sua auctoritate ac vigiliis conseruare, & ad posteritatem propagare posset. Quandoquidem, nihil ad veram laudem vberius, vel ad dignitatem honestius, vel denique, ad reliquæ vitæ felicitatem firmitus, atque splendidius fore iudicaret, quàm fidei integritate, ac iugi & peren-

& perenni cura, de suis ciuibus, atque adeò de tota ipsa Repub. bene semper sensit, & pro eius amplitudine ac vtilitate, à primis annis, ad vltimum senectutis gradum semper inuigilasse. Cuius quidem præstantissimi viri virtus, & merita, ita Genuensi populo grata & accepta extitère, vt lex rogata fuerit, qua illi statua marmorea, instar colossi, sumptibus publicis in palatio ad perpetuam rei memoriam à Curionibus ciuitatis collocaretur. Cuius basi sequens elogium incisum est:

ANDREAE AVRIAE CIVI OPT. FELICISS. Q. VINDICI, ATQ. AVCTORI PVBLICAE LIBER., SENATVS, POPVLVSQ. GENVENSIS POS. Nec sanè ea tantùm de causa Patriæ libertatis assertor dici debet, quòd illam, & Sauonam, suis opibus, opera & consilio, è Gallorum manibus extorserit, iugumque durissimum ceruicibus imminens discussit, sed alterum quoque ipsius in patriam haud leue promeritum, quòd emendatum Reipub. statum, & ciuium concordiam, sine qua libertatem ipsam breui concidere, atque omnia prorsus ruere necesse fuisset, sua potentia & auctoritate firmauerit & stabilauerit, adeò vt ciues, ipsius beneficio pacati, & in pristinam tranquillitatem repositi, magnam occasionem haberent, vt omnium præteritarum molestiarum & tædiorum memoriam sempiterna obliuione delerent, ac deinceps eundem statum pro viribus tuerentur & conseruarent. Verumenimuerò, bellicæ Andree laudes non totæ vnus sunt, sed cum militibus, nautis ac ducibus, quorum opera & virtute in egregiis facinoribus patrandis vsus est, necessariò communicandæ: illius virtutis neminem habet socium, hoc est, eximie animi moderationis, singularisque clementiæ, quippè qui cum Genuæ omnia posset, Genuaque illius opibus & auctoritate in primis niteretur, neque communi, neque priuata cuiusquam libertati grauis fuerit, & neminem vnquam læserit: tantumque ab iniuriis inferendis abfuit, vt, licet sæpè iustis de causis prouocatus, nunquam illas vlcisci voluerit. Detur hoc solidæ Aurie felicitati, ac eximie fortunæ prosperitati, quòd ab equestri familia per omnes honoris gradus euectus, ad summum dignitatis apicem deuenerit. Floruit namque omnium sui sæculi Procerum gratia, & præpotentum Principum amicitia subnixus, non solum nomen & famam extendit, verumetiam ita excelluit, vt postea à Cæsare Carolo v. inter principes viros annuineratus, & Melphiorum Dux declaratus, torque aurei velleris donatus & insignitus fuerit: & ipsi Cæsari ita gratus & familiaris extitit, vt eius consuetudine & quotidianis congressibus tantoperè delectaretur, eiusque virtuti tantum tribueret, vt eius consiliis, & iudicij grauitate persæpè in maximis quibusque rebus vteretur, eiusque sententiam exposceret. Ceterum ascribatur & hoc eximie Andree Aurie felicitati, quòd vera sobole orbat, hæredes tamen planè se dignos reliquerit, inter quos Ioannes Auria supremis tabulis ex assè ab eo conscriptus hæres, qui paulò post, suorum æmulorum inuidia atque fraudibus circumuentus, non sine immenso vniuersæ Reipub. dolore atque lacrymis, funesto exitu concidit ac interiit. Hic tamen, ne excellentissimus Princeps Andreas Auria posteritate præclara destitueretur, inter alias proles, Ioannem Andream Auriam Melphie Principem reliquit, qui non solum tam illustris & opulentæ familiæ successione, sed etiam illustrissimi nominis, splendoris, atque planè auitæ virtutis, & gloriæ hæreditatem adiret. Quis enim est, si verum fateri velimus, non solum inter Italiæ vel fortissimos duces, sed etiam inter ceterarum nationum proceres, (pace aliorum dictum sit) qui huic Principi Ioanni Andree, animi robore atque celsitudine, ac postremum bellicis artibus, rei que naualis peritia, præferri possit, vel debeat? Non loquor hinc ad gratiam, cum nemini dubium sit, eius gloriam rerum

Andree Aurie s. c. marmorea statua erigitur.

Eiusdem singularis virtus & felicitas.

rerum gestarum magnitudine omnem inuidiam restinxisse. Vsq̃ue adeò rerum ab illo actarum memoria omniũ oculis obuersatur, vt vel ab inimicissimis quibusque æmulis hanc cõfessionem exprimant, multis retroactis ætatibus, nihil maius, nihil, dico, præclarius, & ad conseruandum pristinum Italiæ decus, gloriosius, vel etiam vtilius ipso Ioanne Andrea ortum fuisse. Hoc sanè consentitur ipsi Barbari, qui ad solam nominis eius inauditionem stupefactes, latebras & effugia quærunt. Hoc declarant tot tantæque reportatæ cum magno Reipub. Christianæ beneficio victoriæ, atque parti triumphæ. Hoc demum satis enituit in præclarissimo illo conflictu, qui, Naupactō capta, ad Echinadas insulas, cum potentissimo hoste, omnibus quodammodò suis viribus congestis, & in vnum reductis, commissus est: quo certè in prælio, quàm fortiter, cum prudentissimi ducis, tum strenuissimi militis omnia munera expleuerit, omnium ora loquuntur, & publico testimonio iamdudum beatus, ad parem, vel, quod optare magis, quàm sperare licet, in posterum reseruatur felicitatem, adeò me herclè, vt satius mihi sit, in præsentiarum hæc, honoris officijque causa, breuiter dixisse, quàm multa effutendo, inanibus verbis eius veram laudem exæquare contendere. At me, aliquatò fusiùs præclaris Andræ Aurie gestis, simulq̃. Ioannis Andræ Aurie meritis ac virtutibus inhærentem, fermè præterierat, ipsius Andræ vitæ discrimina atq̃. pericula ob oculos ponere, quæ fatalem cælestē vim haud obscurè declarant. Nam, vt Mathematici, & in Astronomia iudiciaria versati asserunt, annos climactericos, vel, vt ipsi dicunt, scalares, insignes vitæ impressiones facere, id ex huius vitæ cursu faciliè aduerti & annotari potest. Quandoquidem paucis post diebus, ex quo Gallica & Auriana classis inter Monæcum & Niciam inter se conflixerant, eo quidem successu, vt Aurie vna triremis vndarum procellis obruta, post longam luctam depressa interierit; ipse Auria grauissimum vitæ discrimen subiuit; quoniam parum abfuit, quin Montegianus & Valacerca, Gallicarum copiarum ductores, cum duobus peditum millibus & quinquaginta equitibus, duabus horis ante Solis occasum, ipsum Auriam in propriis ædibus, quæ iniecta mari mole nituntur, & vrbs mœnibus fermè coniunctæ sunt, caperent. Sed summa Aurie fortunæ felicitas effecit, vt hostium suorum consilia planè irrita essent. Nam pedites longo atque assiduo itinere defessi, multò seriùs quàm constitutum erat, adfuere, ita vt ipse ad appropinquantis hostis aduentum excitatus, & præmonitus, confestim ab interiori ædium suarum parte in nauim profiliens, præsentī periculo sese ex interposita mora subtraxerit: & hoc modo Galli, re infecta, direptis tamen priùs eius ædibus, incolumes pedem retulerunt. In par periculum & vitæ discrimen incidit eo tempore, quo Ioannes Ludouicus Fliscus aduersus patriam cõspirauit, sicuti mox declarabitur. Interea fortasse non paucis prolixior videbor, quòd in Principis Aurie tantis scriptoribus celebrati, laudibus recensendis tantum operæ posuerim. Verum, cum nunquam satis de hoc viro dici possit, absurdus, meo quidem iudicio, illis non ero, qui rerum æqui aestimatores, alienam virtutem laude prosequendam, atq̃. omni honore condecorandam existimabunt. Et quoniam proximè anni climacterici, siue scalaris, vt appellant, mentionem habuimus, haud ingratum lectori futurum spero, si nonnulla, quæ de ipso hactenus in doctorum virorum monumentis obseruaui, hîc obiter, & quàm breuissimè subiecero. Augustus Cæsar, apud Suet. vt etiam apud Gellium, qui hunc locum citat, videre est, sibi gratulatur, suæque incolumitati abundè prospectum existimabat, quòd ætatis annum tertium & sexagesimum euasisset: is siquidem annus rarò absque vitæ periculo transigi senibus solet, sicut in-

ut innumera exempla ostendunt. Sunt autem duo annorum numeri, septenarius & nouenarius, qui plerumque rerum vitæque immutationem ac graua pericula inuehunt: quo fit, vt sexagesimus tertius, qui vtriusque numeri multiplicatam atque inuicem sibi connexam summam continet, non sine periculis aceruo ingruat: nouies enim septem, & septies nouem, sexaginta tres constituunt, atque ob id Climactericus is annus appellatur, quia à septimo orsus, vitam hominis, veluti per gradus quosdam, peragat. Itaq. omnes qui ad septem, aut nouem annos confurgunt, decretorij dicuntur, in quibus magnam mutationem subeunt homines: nam vel calumniis impeti solent, vel grauissimis morbis diuexari, aut periculis obijci, vel denique aliquod perpeti detrimentum, ac iacturam facultatum, seu valetudinis. Hos ergo annorum decursus ac volumina, in omnibus etiam ætatibus à plerisque ingeniosis ac eruditis obseruari consueuerunt, sic vt impuberes atque infantes circa annum quartum, septimum, nonum, ac quartum decimum hæud rarò periclitari animaduernerint, simulque plurimos, ætatis anno primo & vigesimo, deinde vigesimo octauo, nec vnquam post reuolutum annum vel septimum, vel nonum, ab ancipiti morbo fuisse immines: qui annorum decursus tametsi non nimis anxie ac superstitiose obseruandus metuendusque sit. ~~viris Christianis, nihil tamen verat circa ea tempora moderatè ac circumspectè vitam victusque rationem instituere, ne qua humorum copia coaceruetur,~~ quæ his annis fomitem ministret, morborumque seminaria præbeat. De iisdem autem rebus, quæ ratione per illos annorum circuitus morbi plerumque incrudescant, nec non de diebus criticis, extat apud Hippocratem, Galenum, ac reliquos alios præstantes viros, qui rem medicam professi, hæc, & plura alia his consimilia tradiderunt. Ego, ne id quod in prouerbio est, committam, Ne sutor ultra crepidam, hoc est, ne aliquid præter meam professionem temerè effutiam, his relictis, ad institutum reuertor. Proximo anno, scilicet vndetrigesimo, Carolus v. qui tunc temporis Barcinonæ in Hispaniis agebat, Aurix iniunxerat, 1529: vt citra aliquam moram cum sua classe in Hispaniam enauigaret. Euocabatur enim Cæsar feriis de causis in Italiam, nec eius absentia citra graue totius Italiæ periculum diutius ferri poterat. Quare Auria octauo Idus Iulij, è sinu Ligustico soluens, ac secunda nauigatione vsus, Barcinonem ad Cæsarem cum sua classe peruenit, & post paruum interuallum, Cæsar conscensa triremi, impositoque milite qui ferè mille equitum & nouem millium peditum numerum explere dicebatur, Barcinone profectus, tam aduersa nauigatione vsus est, vt multis tempestatibus, & aduersorum ventorum flatibus iactitatus, per quindecim ferè dies dubio cælo errauerit, sed post longos & molestos gyros, & cursus, tandem pridie Idus Augusti sub Alberti Aciani Principatu Genuam appulit, vbi statim de noua pace inter se, & Gallix regem, Cameraci inita certior factus, tanta cum omnium ordinum atque adeò totius ciuitatis gaudio & applausu exceptus fuit, vt populus in lætitiâ & faustas congratulationes effusus, nihil prætermiserit quod ad tantum Cæsarem excipiendum pertinere existimaret. Ipse etiam serenitate vultus, atque oris maiestate omnium oculos in se coniiciens, facile testabatur, sibi mirifice charum esse, Genuam Gallico imperio esse liberatam & subtractam. Quapropter Rempub. opibus atque auxiliis fouendam ac subleuandam existimabat, quod Gallo hosti ereptam, maris nauigationem suo insigni commodò præuideret. Verùm Ligures, ea Hispanorum auxilia, quæ Cæsar recens aduexerat, & maiori ex parte tyronibus constabat, decedente iam periculo, in urbem minimè suscipienda censuerunt, cum sibi satis præsidij in ciuium concordia & mutua bene-

Caroli Cæsaris aduentus ad urbem Genuam.

beneuolentia fore arbitrarentur, & externa, eiusque præsertim gentis præsidia, non mediocriter odissent. Hos autem milites, Antonius Leua, misso ad eos Ludouico Balbiano, ad se perducendos curauit, quorum tamen tertiam ferè partē sæuitia montanorum Ligurum abrupti eius itineris saltus insidentium, interemit & absumpsit. Reliqui ægrè incolumes in Insubriam peruenerunt. Ceterum, quia huius excellentissimi Principis ætas incidit in tempora, rara quadam & admiranda heroum felicitate celebranda, eos Principes hîc obiter annotaui, & comparationem inter Cæsarem & Franciscum Galliarum regem ex vtriusque imperij magnitudine ac morum diuersitate feci, vt vel hinc videre liceat, quanta morū atque ingenij diuersitate ambo excelluerint, & perpetuam optimorū Principum laudem ex egregiis laudatisque factis sibi acquisiuerint. Reliquos Principes qui eadem tempestate summis laudibus floruere, breuitatis causa hîc tantummodò attingam. Nam, præter hos duos præstantissimos Monarchas, eodem tempore Bohemiæ atque Hungariæ regnum moderabatur singulari iustitia, nec minori prudentia, Diuus Ferdinandus Austriacus, Sereniss. Romanorum rex, inuictissimi Diui Caroli Cæsaris germanus. In Anglia verò cum summo imperio præerat Henricus octauus, ~~Princeps, vt compariuerit, si præstantissimus, ac summa gloria, & ceteris omnibus heroicis virtutibus, nulli regum, præferendus.~~ Polonis imperabat Ladislaus Augustus, Princeps, crebris de Christiani nominis hostibus reportatis victoriis, longè clarissimus. Cimbris verò Christiernus Princeps, qui, si natura duce eas virtutes exercuisset quas à primis annis imbiberat, nulli regum cessisset. Verum, nescio qua de causa suis diffidens, & à prioris vitæ consuetudine atque instituto prorsus degeneras, in summas postmodum ærumnas & calamitates prolapsus fuit. Suecis & Noruegis Gostauus cum imperio præsidebat, ita omnibus maioribus suis in omni excellenti virtute par, vt vel hoc nomine splendorem imperij sui non parum illustrauerit. Rebus sacris cum summo dignitatis apice moderabatur Paulus tertius, antiqua Farnesiorum familia ortus, vir, ultra summum ingenij acumen, ita ad res quasque maximas natus, vt singulari totius Italiæ felicitate datum esse videretur, in quem tanti honoris moles cum publico bono reclinaret. & hætenus quidem de nostri orbis Principibus. Res Orientales eodem fato à præstantissimis Principibus administrabantur, nempe à Solymanno Turcarum, & Hismaële Persarum regibus, in quibus admirari subit, vtrum illis maior laus, propter amplissimi imperij maiestatem & magnitudinem, an propter excelsam animi naturam, & rerū gestarum gloriam debeatur. Verum enimverò cum non sit nostri instituti, singula illorum elogia celebrare, in præsens hæc pauca ad vniuersalem Principum illorum temporum felicitatem, & raram quandam excellentiam prædicandam dixisse sufficiant. Vt verò ad Carolum & Franciscum nostra relabatur oratio, cum æquali multorum iudicio haberentur potentia, diuersis tamen regebantur consiliis. Cæsar etenim callidior & cultior: Franciscus apertior, & elatior. In rege clemens & mitis natura: in Cæsare verò durior, & nisi post multas preces, exorabilis. Franciscus strenuus & magnanimus in omnibus suis actionibus habebatur: Cæsarem ingenij lumen ac singularis prouidentia commendabat. Rex, vt aperto Marte atque solidis viribus hostem superaret, Cæsar verò, vt astu potius & stratagematis falleret, enixè contendebat. Huic militares homines, &, vt sic dicam, ad arma & prælia nati, maximè cari erant: illi, ultra hanc laudem, sibi cum Cæsare communem, excellentia & præstantissima quæque ingenia in deliciis erant. Cæsar, non tantum fidei, quantum cautionis præstabat, in rege alterum

Quinam reges nostra tempestate potissimum excelluerint.

Comparatio inter Carolum Cæsarem, & Franciscum Galliarum regem.

bono ac laudabili Principe requiruntur, propterea addubitare liceat, plura ipsi à suis maioribus, Principibus illis quidem, ut veteri atque regia profapia, sic etiam propriis meritis nunquam suis à quoquam pro dignitate commendatis, præferim verò ab Illustrissimo ipforum parente Wolphgango, Bipontino Principe, et si forsiquè celeberrimo, et citra ullam controuersiam conditis civitatis honoris absolutato, laudis gloriaque acceperint, an ipsi met peculiari encomio, rebusque præclarè gestis, ornamentis ac decoris fuerum imaginibus adferant, simulque in posterum allaturi sint. Tertio loco erit generosus atque illustris D. Hermannus, Mursiæ & Neunariæ Comes, ex antiqua & verè illustri Comitum à noua Aquila familia oriundus, Cæsari à secretioribus consiliis, mihi itidem haud citra honoris præfationem nominandus; cuius quidem tanta est virtus, & rerum omnium cognitio, atq. vsus, ut dignoscere difficile sit, in qua disciplina vel scientia magis excellat. Ultra enim literarum multiugam eruditionem, in quibus iam ferè per omnes ætatis gradus consenuit, tanta est linguarum diuersarum peritia, ut etiam hoc nomine non solùm ab ipsa Germania; verùm etiam à toto pænè Christiano orbe suspiciatur, & laudibus extollatur. Taceo summam & planè admirandam memoriæ eius vim, cuius tanta est efficacia atque potentia; ut instar Mithridatis, vel, si mauis, Themistoclis, diuersarum rerum nomina atque nomenclaturas, semel tantùm auditas, etiam post longa temporis interstitia, eo ordine quo audiuerat, recensere, atque ad vnguem enumerare possit. Et maximo perè mirum omnibus videri debet, quòd huic illustri familiæ videtur esse proprium, ac planè fatale, ut omnibus sæculis efferat doctissimos viros, qui, quasi per manus, posteritati suæ rerum cognitionem atque vsum tradant. Optandum esset summis omnium votis, ut talem tantumque virum nobis diu fata serua- rent incolumem. De hac tamen re me non semel ac parum sollicitum, atque subinde cogitantē, consolatur spes maxima, quæ in generosissimo Comite Adolpho maximæ spei iuvene, elucet, qui certè ab ineunte ætate clarissimis argumentis testatus est, se non solùm nominis atque familiæ esse vnicum superstitem hæ- redem, sed multò magis auitarum virtutum indefessis studiis amplecti, ac etiam superare, nedum æquare velit ornamenta. Videtur enim ad præcipua quæque na- tus, & suo pte instinctu rebus præclaris inhiare. Cuius sui animi haud obscurum dedit documentum, in hac splendidiss. & honoratiss. legatione, quam serenissimi Principis Matthiæ Archiducis Austriæ, &c. Belgij supremi gubernatoris, atq. om- nium Ordinū nomine ad inuictiss. Rudolphum secundū Cæsarē designatū obiit. His sanè haud immeritò coniungi possunt generosi atque illustres viri Ludoui- cus ac Georgius Comites à Seyn, & Witgenstein, fratres, ut generis claritudine & antiquitate, sic etiam omnigena eruditione atque insigni prudentia, singulariq. humanitate suspiciēdi: quorū virtus est tā præclara & excellens, ut merito Germa- nia sibi gratulari possit ac debeat, tātos habere alumnos, quos in sinu suo fouerit, simulq. ad omnē verā consequendā laudē optimis artib. & disciplinis instituerit, nimirū cū ipsi, nō perinde ac plerique alii ex nobilitate, qui à recto itinere aber- rantes, contrariā vitæ institutionē, & se planè indignā, ineunt, incerta studiorum ratione vagantur; verùm heroicis mores amplexi, nihil non laudabile, nihil non egregiū & suis natalibus dignū exhibēt ac præstāt. Quinto loco mihi erit, summa generositate atq. illustri splendore conspicuus D. Lazarus à Schwendi, Baro de Hohenlandspurg, &c. Cæsari ab intimis consiliis, & Cæsarei exercitus supremus Imperator, in ordine ponendus; cuius, nisi iam dudum bellica gloria, iudicij recti- tudo, atque consilij grauitas cum summa eruditione coniuncta, periculosissimis

Reipub. temporibus, accisq; supra modum Christianis rebus enituisse, ita vt fulgore suo inuidiam, & multorum oculos, agrè alienam virtutem ac feritatem tolerantium, peritrixisset, contenderem medijs fidius tanti viri esse aliqua ex parte laudator. Sed cum eius gesta omnem eloquentiam cuiusvis, satis in præsentiarum habuero, illam, de me quàm optimè meritum, honoris atque officij causa, in hanc seriem retulero. Vnum tamen interim sileo mihi relicto est, ipsum, inter cetera præclare gesta, anno supra mille quingentos, sexto ac sexagesimo, v. l. Cal. Septemb. cum suis copiis in superioris Hungariæ partibus, quas vulgò Zipsum vocant, Tartaris congressum, eorum circiter 10000. fudisse atq. fugasse, Begorum Turcicorum altero interfecto, altero verò lethaliter vulnerato. Deinde hac tam insigni ac memorabili victoria non exsatiatum, tres arces Georgij Bebeck, à fide imperatoria & obsequio ad Turcas deficientis, expugnatas cepisse, quarum nomina Sobata, Gambazor, & Bolsorat. Vltimo loco mihi commemorandus est generosus pariter atque illustris D. Marcus Fuggerus, Baro ac D. in Kirchperge, & Weissenhorn, &c. virtutum omnium columen atque antistes, ac nobilissimæ suæ patriæ summum decus & ornamentum, cuius inclyti animi generositas, & domi forisq; magnificentia, quam eximia eruditio atque incredibilis humanitas, singulari prudentiæ, fideiq; ac diuersarum linguarum peritiæ annexa, mirum in modum exornant, omnino talis tantaque est, vt non absque singulari Deorum omnium numine atque nutu contigerit, cui tanta rerum affluentia, totq; ac tantarum opum hereditas, perpetuato felici cursu conferrentur, cum præsertim sese in omnibus suis præclaris vereq; heroicis actionibus planè regali fortuna dignum exhibeat. Ceterum ne diutius lectorem ab instituto remoratus, iustæ reprehensionis crimen incurram, anno supra millesimum quingentesimum vndetrigesimo, quarto Idus Aprilis, Solymanus, iuratissimus atque infensissimus Christiani nominis hostis, & proferendi imperij cupidissimus, cum maximo ac potentiss. exercitu mari terraq; instructo, Constantino-poli ea mente discessit, vt Viennam, superioris Pannoniæ metropolim, ac Cæsarium ordinarium domicilium, expugnaret. Cuius quidem atrocissimi belli exitus is tandem fuit, vt, post multas arces & loca in inferiori Pannonia expugnata atque direpta, & plurimas clades indigenis multifariam inflictas, cum postremò sexto Cal. Octob. Viennam arctissima obsidione premeret, urbem inclyto, atque heroicæ virtutis, Comite Palatino Rheni, Philippo, Friderici nepotè, cum valida Germanorum manu ac ceteris oppidanis strenuè ac fortissimè propugnante, spe sua mirum in modum frustratus sit. Sepiùs enim neutiquam expugnatione tentata, deq. prospero ac felici rerum successu diffusus, cum præsertim maioribus machinis, vt nonnullis placet, ad mœnia concutienda destitueretur, ab ea expeditio-ne, cum ingenti strage, nec minori sui dedecore, relicta tamen execrabili & funesta sui memoria, pridie Idus Octob. itinere Belgradum versus directo, in Thraciam reuersus est. Sunt qui memoriæ prodiderint, Viennæ post discessum Solymani, tres Soles vnico arcu inclusos, integrum per diem in calo fulsisse, Lunamq; sanguineam maculata cruce noctu passim conspectam. Iisdem fermè temporibus, Rodericus Portundus, Hispanicæ classis Præfectus, Barcinonem reuerti iussus, summum fœdæ calamitatis infortunium subiit. Commisso namque nauali prælio cum Turcis prædonibus, classe exutus est, atque interfectus, tam sua exitiali, quàm Reipub. damnosa temeritate. Quomodo autem res gesta sit, paucis enarrare lubet, vt nostri homines nusquam superbia efferri, nec barbaros, qui pertinacibus animis nullo mortis metu ferrum in nostros exercent, despicere condi-

1529.

Vienna à
Solymano
obsessa.

Viennensis
obsidionis
finitio.

Vienna pro-
digia post So-
lym. discessu.

Roderici Por-
tundi inter-
itus, atque Hi-
spanicæ classis
amissio.

condi-

condiscant. Portundus ex itinere prædones se adepturum ratus, qui tum Balearico in mari vagabantur, cum ad Ebusum insulam peruenisset, ibi didicit prædonum quindecim nauigia, quæ remis agerentur, ad Colubrariam insulam confectisse. Ea abest ab Ebuso decem millibus passuum, Frumentariaque à nautis appellatur. Itaque euectus in spem opprimendæ piraticæ classis, ex quindecim suis triremibus, validissimas octo deligit, easque ceterarum remigibus, & epibatis complet, impetratque à prætore Ebusano centum circiter & quinquaginta notæ virtutis propugnatores, quos in triremes dispergit. Hoc auctus numero, confirmatoque suorum præsidio, non dubitat, quin cum Barbaris omnino sit confingendum: compositisque armamentis de tertia vigilia ab Ebuso soluit, & ad Colubrariam progreditur. Barbari à medio pelagi spatio aduentantes triremes conspiciunt, celeriterque è littore se expedientes, nauigia conscendunt, atque arma parant. Portundus, cum Ioannes eius filius iam inalbescente cælo, hostilium nauigiorum classem numerasset, ideoque admoneret patrem, ne properaret congregi numero impar, vehementer eum acerbeque ignauia increpita obiurgauit, usque adeo insolenter, ut diceret, eum non esse ipsius Portundi filium, qui hostem reformidaret, biremibus tantum ex speculatoriis myoparonibus instructum, quando ipse vel sua tantum prætoria trireme, cuncta ea Barbarorum leuiora nauigia esset demersurus. Erat Portundus animo certè egregio & forti, sed valdè elato superboque, quandoquidem ab inani iactantia contumacem & indomitum, nulla vel certi vel præduri discriminis reputatio, nullaque vel horribilis præsentis periculi oblata facies perterreret. Tum filius qui cum virtutis, tum prudentiæ præcellentis erat, dii faxint, pater, inquit, ut nos concepti timoris dispudeat potius quam doleat. Eo modo Portundus suæ prætoriae ita cursum intendit, ut reliquas quæ remigio minùs valebant, anteiret, & respiciens, remos tolli iubere cogeretur, scilicet, ut consequendi spatium præberet, quæ ad æquandam frontem, cum voce, tum maritima significatione, ut accelerarent, accersebantur. Aidinus Smyrnæus archipirata, cui Cacciadiabolo cognomen fuit, ubi inæqualem hostium cursum deprehendit, quod longa & intercisa serie nullam conferturi frontem cum prætoria videbantur, aduocatis commilitonibus nauigiorumque magistris (ita enim Barbari trierarchos appellant) hoc consilij expedita deliberatione suscepit, ita diuisis pugnae muneribus, ut validiores biremes nostris hostilem classem rectè ferirent, leuiores autem singulas binæ à lateribus aggrederentur. Faut fortuna prædonibus æqua, nostris verò infestissima. nam Atlanes Celebinus, & Solymanus audacissimi omnium & pugnacissimi, vno tempore, hic à latere, ille rectissime à prora in prætoriam inuecti, priusquam succurri posset, Portundum, capta prætoria, cum suis omnibus propugnatoribus trucidarunt, ita ut vexillum repente, quod magnoperè ceterorum animos imminuit, sterneretur, parique celeritate Aidinus ipse triremem succedentem Ioannis Cantabri, quæ à Gallo, id erat puppis insigne, cognomen habebat, conscendit, & Cantabrum cum vniuersis naualibus sociis interfecit. Eodem puncto temporis, Salecus Derthusensem triremem, in qua erat Ioannes Ciueres trierarchus, proximamque huic Ioannis Portundi filij, magno impetu adortus, interfecto Ciuerio, & Ioanne capto, propugnatoribusque omnibus trucidatis, occupauit. Eodem quoque semihoræ spatio, Matthæus Sances, à Saba prædone, expugnata trireme, interfectus est. Maggalis verò, postremas, & cōuersis puppibus aufugientes usque adeo acriter est confectatus, ut alteram, in qua erat Martinus Ariegus, velis & remis prosperè antecedentē amitteret: alteram verò, in qua erat Ioannes Corduba, scopulis

Portundi
magnanimus.

Portundi
intuitum.

Aidin
victoria.

sefe illidere cogeret, quæ effugientibus omnibus, cum solo trierarcho, qui superesse fœdæ cladi noluerat, capta est, Turcis ex victrice classe, descensione in litus facta, effugientes ex trireme ita confectantibus, ut multò plures quàm euaderent, integri caperentur. Aidinus tanta parta victoria tridui quietem remigibus concessit, atque inde ad Barbarussam cum septem captiuis triremibus Algerium traiecit, cuius aduentu victoriaque maximè lætatum ferunt Barbarussam, qui ex eius victoriæ fama apud Solymanum imperatorem plurimum inclaruit, cum ei Byzantium usque dono misisset splendidiora eius victoriæ spolia, ipsumque in primis Portundi prætorium vexillum, & sumptuosi operis puppis integumentum. Hoc loco minimè absurdum putauimus, prædones barbaros propriis nominibus appellasse. Id verò duabus de causis fecimus, quòd sequentibus bellis quæ suo ordine referentur, eorum virtus efficax, si hoc honesto nomine vis effera vocanda sit, crebro nostro incommodo multum inclaruerit, & demùm illi victi pulsi que Tunetanæ Cæsaris victoriæ famam auxerint, insignique omnium mari nostro nauigantium lætitia latiùs extenderint. Ceterùm Barbarussa accessione tot triremium captiuarum, totque nostris hominibus ad transtra catenatis, instructior atque validior factus, maiora animo agitare cœpit, asciscereque sibi nouas vires, atque arridentis fortunæ secundas vices experiri cōstituit. Iam enim fraterni imperij compos, Hariadenus vocari volebat, ad differentiam Horuccij fratris, qui primò idem ab aenea barba cognomentum tulisset, cuius cognominis & fortunæ hæres multis rebus in Africa fortiter atque feliciter gestis, terra marique rex metuendus euaserat, magno quidem fortunæ ludibrio, si humilis piratæ dispiciendam ab initio conditionem reputemus, postquàm ad id humanæ superbiam fastigium ascenderit, sicuti suo loco exordientes à prima eius è patria Lesbo profectione diffusè narrabimus. Igitur ante omnia missio ad Mœnicem insulam, quam Gerbim vocant, Tabacco trierarcho Synam Sinyrnæum, cognomento Iudæum, summæ prudentiæ, uti constat, archipiratam, certo fœdere sibi coniungit. Is viginti quatuor biremibus imperabat, vni que triremi, quam Gallis ereptam cognomine Nigram appellarat, cui Halicolam Corsum à pueritia alumnum pro trierarcho præfecerat, qui & suo nomine expeditam triremem cognomento Calabram trahebat. Synas cum subduci & refici classem iussisset, interea Tuncum contendit, ibique repertum insignem prædonem è Cilicia, qui Halicotus vocabatur, æqua conditione transigit, ut secum ad Barbarussam enauiget, atque ei operam præstet. Halicotus quatuor habebat biremes & triremes duas, quæ Neapolitanæ fuerant, ad Argentarium montem captæ, cum fortè tormentarij pulueris & pilarum certam copiam ad Cæsarianos, Florentiam oppugnantes, iumentis deportandam exposuissent. Altera fuit Iustiniana Gibba, quæ in litus effugientibus remigibus pariter atque victoribus, vacua in potestatem deuenerat. At altera fuit Aloysij Hispalensis, qui expugnata trireme interfectus est. Horum omnium viribus in vnum coactis, Barbarussa ad Algerium classem lustrauit sexaginta nauigiorum militariter ornatorum, initaque deliberatione cum sociis, urbem Gades in freto, propter opulentissimi emporij famam, adoriri constituit. Dum proposito consilio Barbarussa diligenter incumbit, Halicotus cum dimidia ferè classis parte Algerium mittitur, ut ibi magnam vim frumenti nactus, nautici panis quem biscoctum vocant, ampliorem copiam pareret, & reliqui commeatus iusto numero se instruat, armamenta que, pluteos & tormenta coaptet. Hæc cum Algerij, Cercelli que impigre atque auidè parantur, Andreas Auria vehementer offensus incommodo cæde que Portundi, veterique suo contra prædones odio incensus,

census, quòd publicam iniuriam vindicandam rebatur, validissimam rostratarum nauium classem Genua eduxit, cui se Gallicæ triremes adiunxerant: quoniam rex Franciscus maximè pium, sibiq̃ue decorum existimabat, armis persequi piratas, communes humani generis hostes, obliuisci q̃ue in dudum cõciliati Cæsaris gratiam totius simultatis quæ sibi cum Auria nuper intercessisset. Auria ad Baleares insulas cursum tenuit, ibi q̃ue didicit, piraticæ classis alteram manum esse Algerij, alteram sedere ad Cercellum. Idcirco consilium expedit, alteram q̃ue earum, priusquàm in vnum coniungantur, inuadendam censeat, aperto q̃ue mari rectà in Africam Cercellum versus cursum intendit. Erant ei triginta octo rostratæ omnes triremes. Has adueniētes Mauri è specula promontorij, olim Carapulæ, quod nos Battalium, Pœni verò Gyra Flumar appellant, facilè conspiciunt. Id verò quod vidissent referentes, Halicoto se Barbarussæ classem, cum deciperetur, aduentare confirmabant: sed vt id crederet Halicotus, vel ea ratione adduci non potuit, quoniam ea aduentans classis parem nauigiorum magnitudinem certa specie referret, quæ proculdubiò esset externa atque inimica, postquàm nulla inter ea minora apparerent nauigia, sicuti necesse esset in Barbarussæ classe, cum maiores minores q̃ue biremes, & paruos myoparones speculatorios ex sua consuetudine esset adducturus. Iam sensim appropinquantes Aurianæ triremes, quales essent, sese intuentium oculis præclare ostendebant. Propterea Halicotus raptus in id consilium quod inopinata necessitas afferebat, singulari celeritate Christianis remigibus catenas detrahit, qui erant numero circiter octingenti, eos q̃ue in subterraneum carcerem detrudit; partem triremium perforata carina, ne his potiatetur hostis, in portu demergit, Turcas omnes secum adducendo, arcem intrare iubet, præcipit q̃ue Mauris vt oppidum relinquunt, & ad euocandos proximæ viciniæ Numidas, & montanos agrestes, bellicosos q̃ue homines in auxilium accersant. Dum hæc turbatè administrantur, Auria, adactis proris, portum atque oppidum occupat, tres q̃ue cohortes sub vexillo ad quærendum carcerem, liberandos q̃ue Christianos seruos dimittit. Nec mora, certo indicio ergastula omnia refiguntur, & cum magna gratulatione serui è summa miseria beati repentè facti, per triremes distribuuntur. Ceterum nauales focij per oppidum discurrunt, cunctas q̃ue domos diripientes, per varias regiones dissipantur, nec reclamante, reuocante q̃ue ad tubæ cantum Auria se recipiunt, cum rapinæ spes omnem pudorem in milite nuper collecto conscripto q̃ue penitus exstingueret. Id dissolutæ disciplinae factum, ab arce Halicotus deprehendens, subita eruptione dispersos inuadit, opportune q̃ue superueniunt auxilia Numidarum, qui æquato peditum atque equitum cursu, inopinantibus nostris aduolarant. Commissa est atrox cædes in nostros potius quàm pugna, quòd nemo præpeditus complexu prædæ, & inopinato pauore perturbatus, vsquam consisteret, aut viriliter repugnaret: nam quisq̃. ad repetendam classem concitatus, à pluribus trucidabatur. Eam verò fugæ ignominiam iratus Auria vt aliquo remedio sisteret, postquam nemo imperiis suis parebat, paululum è littore triremes abduci iussit, vt spe insiliendi erepta, milites ad pugnam, salutis metu, arma atque animos conuerterent. Sed tanta erat impressio barbarorum nemini parcentium, Turcarum q̃ue præsertim, qui grauius suis incuruis gladiis rem gerebant, vt plures natandi imperiti, & malignè propter id dedecus à classiariis adiuti, fœdissimo interitu mergerentur, sic vt paulò minùs quadringentos Auria desiderarit; cum vix sexaginta cum Georgio Pallauicino nobili signifero viui in potestatem hostium venissent. Verum Auria id detrimentum æquiore animo tulit, quòd ab se tot Christiani

*De sudore
Anglico.*

nominis seruos in libertatem asseruisse videbat, & aliquot eorum maiora nauigia remulco secum adduxisset. Hac re gesta proculdubio Gadibus salutem attulerunt: nam Barbarussa ea spe deiectus ad minora latrocinia descendit. Neque hic annus solum tam atroci Christianæ Reip. calamitate funestus fuit, sed etiam periculosissimo morbo, quem vulgò sudorem Anglicum vocant, memorabilis. Hic enim morbus primum in Anglia exortus, tam longè lateque breuissimo temporis spatio non tantum per vniuersum Britanniae regnum, verum etiam per finitimas regiones, nempe Flandriam, atque adeò vniuersum ferè Belgium, dira lue ac pestifera contagione grassatus est, ita profectò, vt, dū eius causa ignoratur, frustra que multa conquiruntur & adhibentur remedia, non antea sequendi finem fecerit, quàm, absumptis aliquot hominum millibus, permagnam vastitatem ac solitudinem in plerisque locis attulerit, dum non alio præsertim pharmaco illi obuiam iri posse existimant, quàm si statim ab initio exorientis morbi ad aliquot horarum spatia ægrotus lecto decumbens, & ad suffocationem quodammodò vsque contactus, hunc sudorem per poros emitteret, ita vt cum hac vnica curandi ratio esset valde difficilis & laboriosa, & quasi inexpugnabilem patientiam requireret, factum fuerit, vt, post cognita remedia, multi laboris tædio vltro mortem oppetierint. Est nihilominus postmodum ad communem omnium vsu à præstantissimis medicis conscripta methodus, quam si sequamur, facili negotio hic morbus cum cuitari, tum superari potest. Illud quoque hinc neutiquam silentio à me prætereundum videtur, scilicet, huius temporis decursu, Cæsaris Caroli v. mādato ac auspiciis, Americæ partē occidentalem perlustratam fuisse, vbi regio Peru, omnium quæ hactenus inuentæ sunt, cum auri, tum aromaticum ditissima, inuenta est. Ea sita est in longitudine 290. graduum, ab Occasu versus Ortum facto ordine. Ab orbe medio verò disidet Austrum versus partibus quasi quinq. Hanc etiā nouam Castiliam ab inuētoribus nomināt. Hic tanta auri atque argenti vis est, vt vasa in contemptissimum vsu destinata, inde conflent: &, quod magis mireris, in ciuitate quadam Collao, reperta domus est, tota auro tecta. Neque verò minus in aliis felix est regio. frumento enim bis per annum gaudet, animalium vario genere dotata, feris se tamen liberam iacetat, oues tantæ proceritatis sunt, vt vice equorum ipsis vtantur, tamque fecundæ, vt fetus bis per annum edant. Ciuitates habet legibus atque armis munitas: fluminibus, montibus, ac siluis mirum in modum adornata est. Paradisum dixeris terrestrem. Incolæ verò prudentia, comitate, artium variarum peritia, ac fide probè instructi, commercia, omnemq. probitatem satis excolunt, nisi quòd Christum ignorēt, qui tamen vt multis iam innotuit, ita cunctis, Spiritu ducente, innotescat, optandum. ac etiam assiduus atq. indefessis precibus à Deo opt. max. contendendum, quò eius gloria indies magis atque magis inter mortales inclarescat, ac perpetuò celebretur.

*Res nouæ
Indiæ.*

1530.

*Carolus v.
inauguratur
Cesar.*

*Ferdinandus
Romanorum
rex designa-
tur.*

ANNVS millesimus quingentesimus ac trigessimus meritò sempiterna memoria celebratur, quòd eo scilicet anno Carolus v. inuictissimus Romanorum Imperator, à Clemente septimo Bononiæ, die Matthiæ sacro, ipsi Cæsari, vt prædiximus, faustissimo, in Cæsarem inauguratus sit, & imperatorio diademate insignitus. Paucorum dierum interiecto tempore, Augustæ Vindelicorum iussu Cæsaris celebrata fuere comitia, ibique Cæsar Ferdinandum fratrem, de communi Septemviriū procerum suffragatione, Romanorum Cæsarem designauit. Eodem anno, vbi Carolus, relicta Germania, Italiam repetiit, & cum Bononiæ, adornatæ profectionis in Hispaniam causa, aliquot dies subsisteret, Franciscum Sfortiam

Sfortiā Insubriæ Ducem, ad Cæsarem euocatum, & sub fide publica profectum, supplicem in gratiam recepit, & mox opera atque gratia Romani Pont. & Mercurini Cardinalis industria, Mediolanensium Ducem appellauit, ac etiam tabulis Augustalibus ritè confectis, illi auitum paternumque dominium adiudicauit, & ultra summam nongentorum aureorum millium sibi à Cæsare hoc nomine imperatam, multa dona in eius procures ad profusionem vsque contulit. Is quoque annus Florentinis maximam rerum conuersionem attulit, propter atrocissimum bellum ipsis à Cæsare ac Pontifice illatum: quod tandem hoc exitu terminatum est, vt Florentia ea die quæ Nonas Iulias antecessit, Dictaturæ simul & Decurionum nomine sublato, ac veterū magistratuum formula prorsus antiquata, in eam ex Cæsaris decreto Principatus introductus fuerit, sic vt Alexander Medices, quem Margaretae filiae nothae maritū destinaret, inauguraretur, & Reip. Florentinae Dux appellaretur. Eiusdem anni principio, quo hæc Florentia confecto bello transacta sunt, extremæ terrarum in Belgis regiones, quæ Gessoriaci littori incumbunt, repentina atque inusitata prorumpentis Oceani inundatione summam cladem subierunt, qua nobiles paulo antè vrbes, frequentissimaque oppida, superfundente sese mari, perire; vsque adeo miserabili calamitate, vt infinita propè mortalium multitudo, intercepto fugæ remedio, opprimeretur. Nam horribili prodigiosoq. sicut coniectari licuit, terramotu concussus Oceanus, ita magno æstu intumuit, vt institutos antiquitus, & perpetua custodiæ diligentia ferè quotidie ab accolis instauratos aggeres, quibus submoueri, arceriq. æstuantis maris fluctus consueuerant, concitato quodam & vehementissimo incursu perfringeret, interiorisque plagæ terris altissimarum & reciprocantium vndarum pelagus per transcensos margines effunderet: animantiaque subinde omnis generis irritò receptus cursu, in aridas littoris partes perfringere conantia, ocysime submergerentur, quibus longo natatu fessis, & fame morientibus, marinæ belluæ non dubio pauore attonitæ, impulsæque fluctibus conterritorum piscium agmina succedebant. Prænunciabant hanc cladem triduo antè densissimi imbres; diraque tonitrua scintillantis aëris, & crebra telluris commotio, perpetuoque biduo concursantium inter se ventorum diuersi turbines, ita horribili pauore concussis mortalium mentibus, vt, cum tecta nutarent, & ingruente ineuitabili aquarum mole colluctantibus scilicet elementis, tota vniuersi orbis compages resoluta, in antiquum chaos redigi crederetur. Ea porro calamitas longè maxima incidit Caninefatum, & Batauorum insulis, quæ Zelandæ, & Hollandæ à nostris hodiè nuncupantur. Nam præter eas quæ inundatis maris impetu multorum cubitorum altitudine penitus submersæ fuerant, Alendebucha quoque, & Harles, & Exclusæ clara oppida, ita fluctibus oppressa deuorataque sunt, vt vix sacrarum turrium & templorum fastigia extrarent, quæ horribili æquè, & sæpè metuenda excidij memoria cladem testarentur. Sed Nonæ Nouembres tantis malis finem attulerunt, cum postridie Calendas, sereno, quod mirum fuit, cælo, sed mox portentosum in modum ab repentina effusi imbris & certantium inter se ventorum procella commutato; diræ ea tempestas accidisset; tanta admiratione mortalium, vt nulla ab orbe condito maior & grauior vllis gētibus clades, post diluuium Mosaicis literis celebratū, incidisse crederetur. Nec multo post, sequenti mense Ianuario, par propè exitij clades Lusitanis, in ipsis proculdubio visceribus terræ furente ac debacchante Æolo, illata est; cuius impetu vrbs Vlyssippo in primis incomparabile detrimentum sensit, & post eam coloniam, Sanctæ arenæ, & Azembugere, Almeriniq. urbium publica priuataque ædifi-

Franciscus
Sfortia in
Principatu
restituitur.

Florentini
pristina li-
bertate mul-
tati.

Exitiosa tem-
pestas in
Hollandia,
& Zelandia
exorta, mul-
ta hominum
millia absor-
psit.

cia inusitato terramotu conquassata proscissaque magnam vim mortalium ruinis oppressere, & nonnulla etiam nauigia turbulento inflati maris hiatu absorpta sunt; sic ut Tagus insanis illidentis maris fluctibus repulsus, discedentibus in utramque ripam suis undis, sicca in medio vada obstupentibus cunctis ostenderet: nemoque iam tota propè Lusitania tectis suis confideret, subsultante scilicet solo, ideoque non citò desituram terramotus vim ita præmonstrante, ut regis & reginæ exemplum secuti vniuersi ferè incolæ tabernacula apertis in locis castrensi more erigere cogerentur: neque in his tamen soluti metu pernoctarent, cum repentinum aliquem terræ hiatum, quo absorberi possent, non temerè extimescendum arbitrarentur. Hæc immensa aquarum inundatio, & ceteræ calamitates subsecutæ, haud dubiè celestibus prodigiis denū-

Cometahor-
ribilis.

1531.

1532.

Nova Soly-
mani in Hi-
spaniam ex-
peditio.

tiate ac præmonstratæ fuerūt. Fulsit enim hoc tēpore cometes Augusti 15. vel paulò prius, ut nonnullis placet, in signo α recta linea primùm cum duabus extremis in cauda Vrsæ maioris. Proximus annus alios motus nō habuit, & quies etiam in sequentem annū est propagata: qui ab externis bellis, quàm Italiæ motibus periculosior fuit. Nam Turcarum Princeps, repulsæ ad Viennam acceptæ ignominia accensus, cum circiter sexcentis hominum armatorum millibus Constantino-
poli Hungariam versus profectus est. ad cuius tanti apparatus famam, Cæsar sese, quoad eius fieri potuit, instruxit: & Vastium cum Hispanorum copiis, ac Italorum peditum atque equitum magna legione in Germaniam transire iussit: cui Pontifex in usum belli quadraginta auri pondo in singulos menses promisit: ac Mediceum Cardinalem nepotem suum, legatum ad eam expeditionem misit: Germaniæ verò Principes & liberæ ciuitates pro Cæsare & communi Germaniæ salute ingentem exercitum compararunt. Verùm exitus longè à fama & terrore dissimilis fuit: quoniam Solymanus ferè Hungariam ingressus (neque enim ob apparatum magnitudinem atque itineris longinquitatem peruenire citiùs potuit) cum exercitu non rectà contra Cæsarem contendit, sed circumlatis modò armis, & ostentato bello, nullaque memorabili re gesta, undique repulsus & cæsus, Stiria excessit, & inter Drauum, & Sauum directo itinere, ad Taurunum est reuersus, passim sæuitiæ suæ vestigia relinquens, & sæpè respectans, an Cæsar in tergo esset, cum postrema agmina à paucis Illyriis & Coruatis equitibus caderentur. Verùm enimuerò in ipso Cæsare tunc temporis haud maior apparuit alacritas. Nam Turcarum aduentu audito, eis minimè obuiam est progressus, & regressu cognito, occasionem totis viribus ut Hungariam fratris imperio subijceret, arripiendam esse non cogitauit. Sed in Hispaniam redeundi desiderio flagrans, ut Italicus peditatus cum certo Germanorum numero ad Hungariæ bellū iret, constituit. Ceterùm id etiam consilium ipsi irritum fuit. Quandoquidem Itali pedites à nonnullis ex suis ducibus, qui alios ei expeditioni præfectos cernebant, ad tumultum concitati, nullam suæ seditionis causam adferentes, Cæsaris, qui eos adiit, atque ipsemet allocutus est, auctoritate nihil permoti, omnes coniuncti, Italiam versus maxima celeritate, ne qui se persequerentur, metuentes, atque in itinere multos pagos & domos, quasi hostium essent, incendentes, quod se facere, ut à Germanis incendia excitata vlciscerentur, aiebant, contenderunt. Eodem anno, Cæsare iam ex Pannonia in Italiam aduentante, Andreas Auria cum triginta quinque onerariis, & quadraginta octo rostratis nauibus, Messanā venit, ibique cum instrumenta bellica, & nauticos præcipuè com meatus nequaquam ingēti cura ac diligentia à Præfecto Sicilia, quem tum importunè morbus inuaserat, parata atque expedita reperisset, aliquantò seriùs quàm volebat, in

Andree Au-
rie classis
contra Tur-
cos.
Ex Pauli
Iouis hist.
lib. 31.

Græ-

Graciam traiecit. Audierat enim Himeralem, Othomannicæ classis præfectum, in Ambracio sinu aliquandiu defedisse cum septuaginta triremibus, imperitè & nequaquam militariter instructis, utpote quibus vsuperiti nautæ gubernatores-que decissent, & remigum turba magna ex parte ad naualem operam rudis, uti ex mediterraneis sæpè hominibus impotenti imperio in naues cogi solita, vulgato per singulas triremes morbo laboraret, sic ut cum nullo propè negotio, si maturasset, oppressurus fuisse crederetur. Erat tum ad Zacynthum insulam Veneta classis, sexaginta triremium Vicentio Capellio præfecto, qui insulas & vrbes littoraque Veneti imperij vigili cura tuebatur, utriq; iure fœderis amicus & hospes, nulli socius, spectator tantum, sed ex professo illis futurus hostis qui subiectis Veneto nomini populis terra aut mari vim intulissent. Fuere qui crederent, Venetos, ut neutris æquitate officij deesse viderentur, vno tempore & Auria de Turcarum classe per Corcyræos myoparones significari iussisse, & monuisse ite amice atque opportunè Himeralem, ut Ambracio sinu quamprimùmeducta classe, Ionio mari excederet, ne ab Aurianis triremibus, quæ apparatu celeritateq; præstarent, dum parum salubri in statione moram inutilem trahit, deprehensus opprimeretur. Itaque Auria à Lacinio promontorio, quod hodie Columineum vocant, dimissis in altum onerariis nauibus, ut rectà ad Peloponnesi insulas cursum dirigerent, Iapygium Salentinorum, legendo Magnæ Græciæ oram, tenuit, indeque Corcyram & Cephalleniam præteruectus, Zacynthum venit. Constiterat in acie Capellius pænè hostilis paratiquè animi speciem præbens, ut apparatus atque ipsam nondū vel diuturna pace senescentem, maritimi negotij disciplinam ostentaret: & vetera quidem odia memoriam subibant, quibus Ligures, Luciano Auria duce, ipsius Andræ tritaui, ad internecionem propè Veneti nominis ad Fossam Clodiam dimicassent, atque inde Auria subirato tristiquè animo Luciani interitum defleret, qui victor eo nauali prælio cecidisset: sed sanctissima religionis & fœderis iura ita animos continebant, ut cum utrique imprudentes vel incauti videri nollent, præbito insigni spectaculo concursuri viderentur. Neque inutile vel iniucundum posteris futurum putauerim, si acierum ordo paucis verbis explicetur, quando erate nostra nequaquam simile contigerit, ut id literarum memoriam mandaremus. Collocarant in alto Veneti ingentem onerariam nauem, quaternis funibus à puppe proraque ad totidem ancoras in obliquum ductis, firmissimè deligatam: ab hac utrimque binæ galeaciæ ingentium tormentorum apparatu formidabiles ita cōstitutæ erant, ut ex interuallo onerariæ navis frontem non æquarent, & utrimque tantum spatij relinqueretur quantum satis esset, ut à læua dextraque viginti singulæ triremes, quæ erant in cornibus, erumpere possent: tertia verò acies ex reliquis viginti triremibus, in qua erat ipse Capellius, in tergo subsisteret, hinc aut inde allatura opem, uti prælij casus & incursus hostium poposcisset. Eo pacto onerariæ navis ad emittenda tormēta latum & vacuum mare, à fronte & à lateribus relinquebatur, & galeaciæ in altum exporrectæ triremium latera tuebantur. Ab Auriana classe tres speculatoriæ triremes antecedeabant insigni velocitate; tres verò acie quindecim triremium eo ordine subsequebantur, quem in agmine navigationeque tenuerant: ubi verò in cōspectum Venetæ classis est deuentum, Antonius Auria, qui primo præerat agmini, in dextrum sensim deflectens, remos sustulit, ut sequentes expectaret: & Andreas, qui medium tenebat agmen, suo cursu progressurus, sese introrsus ad cornu dextrum applicauit. Saluiatus verò Rhodiarum & totius tertij agminis præfectus, interim in læuam ita cōcitauit remiges, ut puncto temporis ad medium agmen prouheretur, adeo

Veneti Turcis Aurie aduentum indicant.

Federatarij acierum instructio.

ut æquata omnium triremium fronte, vno parique impetu concursura crederentur Reddidere veri prælij simulachrum tormenta vtrunque ad consalutationem honoris causa, exemptis pilis, miro ordine displosa. Venit ad Auriam Cannaes nobilis vir atque item fortis, Ionij maris custodiæ præpositus, per eum Capellius, portus, stationes, commeatus amicè obtulit, excusauitque se, quod integra senatus fide confociare vires, & publicos hostes persequi nequaquam liceret: obstare enim fœdus antiquitus cum Othomannis percussum, quod ipse etiam Solymanus renouasset. At Auria Cæsaris nomine gratias egit, quod Senatus eo animo esset, ut maiorem æquitatis atque iustitiæ, quam vllam bene gerendæ rei rationem respicere cogeretur, sperare se tamen Cæsaris auspiciis talem ad ingentem victoriam Venetis occasionem esse præbiturum, ut ex fœderum compedes, ab ipsis vltro pietatis & certæ victoriæ causa cupidissimè frangerentur. Et certè cum hæc animo reputamus, nostrorum temporum cōditionem deslere, & Christianorum Principum insaniam detestari lubet, qui dum inter se bello aut odio dissident, ita Othomannis parcunt, ut qui toties superari delerique potuerint, non immeritò adaucta in immensum potentia, ad totius orbis imperium aspirēt. Himerale enim tum in fugam acto, atque eo si persecuti forent, facile deleta, quæ reliqua vnquam Solymano classis superfuisset? quinam Byzantij, & Cæsarianæ Venetæque classium impetum tulissent, nisi tyrones prætorianos, aut eunuchos ad custodiam feminarum domi relictos, mœnia egregiè defensuros credamus? cum in Pannonia procul ageret Solymanus, & Græci ex ipsa veterelibertatis ac imperij sui memoria, ut rebellare ex tuto possent, non quidem accessum Christianæ classis, sed vix ipsam tantum aduentus famam, erectis animis expectarent. Ceterum Auria, vbi didicit Himeralem, superato Galli promontorio, quod antiquis Acritis fuit, ad Maleam contendere, Antonium Auriam cum delectis septem triremib. qui persequeretur, misit: sed ille ad Cytheram insulam vsque frustra persecutus, quod hostes Argolicum sinum prætergressos, Atticæ Sunium atque inde Chalcidem petere audiebat, ad classem est reuersus. Ea tum in Sphragiæ insulæ portum, quem nostri Sapientiam vocant, supra Methonem ad explicanda consilia se contulerat: iam enim onerariæ ab alto, remissioribus vsæ ventis, in conspectum se dederant. Fuere qui dicerent, Methonem oppugnandam esse, & ante alios Saluiatus impiger iuuenis, Rhodiarum triremium præfectus: profitebatur enim se eam turrim quæ subiectum mare despiceret, & ceteris munitior esse videretur, effracturum maioribus tormentis & protinus occupaturum, utpote qui situm vrbs interioresque munitiones apprimè nosset: superiore siquidem anno in eum ipsum Sphragiæ portum cum aliquot triremibus è Melita insula noctu illatus, præmissis ignobili nauigio per simulationem exponendi mercimoniij, in cuius carina armati conditi erant, felici dolo urbem occuparat, Iano Mario viro Græco summæ virtutis id facinus ingenti animo patrans: sed occisis custodibus, occupataque porta, & iam capta vrbe, nostri milites aliquanto prædæ quàm decoris audiores, cum ad diripendas domos solutis ordinibus dicerent, facile à Turcis, qui animos receperant, turpiter cæsi expulsique, nobilis victoriæ initium fœdo exitu corruperunt: ob id Auria ex priore periculo intentiorem firmioremque custodiam, adaucto Turcarum numero, futuram ratus, Coronem oppugnare constituit. Distat ea vrbs à Methone duodecim fermè passuum milibus, si terrestri itinere petatur; mari verò paulò minus viginti. Nam Acritæ promontorium medio ferè interuallo in mare procurrat, & in læuo promotorij latere sensim littora curuantur. In hoc sinu sita est Corone adeò porrecta in pelagus, ut

magna

*Methone
fraude capta*

magna ex parte maris fluctibus alluatur, altera pars cuneata in latum cuspidem, transuerso muro, eoque senis turribus insigni & ferrata porta, proximam littori, quam Insulam vocant, penitus excludit, & ita à mari recedens sensim attollitur, ut perpetuo saxo mœnia imposita ad trianguli formam oppidum efficiant. In oppido, ut firmiore nobilioreque, Turcæ domos habent, Græci Insulam inhabitant, ad extremum verò oppidi angulum præalta in rupe arcem Veneri quondam fecere, quæ mediterranea despicit & suburbana tecta: hæc viam militarem excipiunt, quæ in septentrionem perpetuo accliu collis dorso in campos extēditur; sed ea suburbana, cum ad sagittæ iactum à porta oppidi processeris, alio intermedio muro portaque diuiduntur. porro ad mare ab vtraque vrbis parte, duæ sunt percommodæ stationes: nam cum Euri Vulturique, vel è diuerso Fauonius & Corus sæuius perflauerint, ex hac in alteram nauigia repentè confugiunt. In læua statione ex vetustis operis mole portus efficitur, verum adeò angustus, ut vix septenas triremes tutò recipiat. Auria, terra marique explorato vrbis situ, cohortantibus maximè Græcis, qui ad nostros è suburbanis ædificiis cupidissimè transierant, aggressurus urbem, in hunc modum ad oppugnandum, loca muniaque distribuit: circumductæ primò sunt in amplissimam coronam naues onerariæ, & ante eas triremes, ut totam eam conuexi muri partem, quæ insulam à mari præcingit, contractiore ambitu complecterentur, proiectis in littus sub muro ancoris, ut inde per ductarios funes ergatarum beneficio attracta nauigia, quantum maris vadum pateretur, ad mœnia promouerent. Scaphis autem magnarum nauium pluteis ac asserib. protectis, ancoras prouehi, & in littus ad scopulos inter tela Turcarum ab alto incidentia, collocari iubebat: ex nauium prorsus nouo quodam artificio pontes paribus extantibus antennis impositi tabulisque contrati, à fronte prominebant, ita ut summitati mœnium æquarentur, atque inde clypeata armataque cohortes procursuræ & irrupturæ in oppidum viderentur. In duarum verò longè maximarum nauium, Grimaldiæ scilicet & Rhodiæ summis carchesiis, ab excelssima nempe mali summitate, sacri, falconesque bini constituti erant, ut inde non propugnatores modò, qui in muro consisterent, sed interiora insulæ certis ictibus peterentur. Terrestres verò copias ita diuisit, ut Hieronymus Tutauilla Sarnensis comes duceret Italicas cohortes, & læua parte supra molem, latum propugnaculum septem tormentis quateret: Hieronymus verò Mendocius cum Hispanis à dextra, paulò à mari longius, non insulæ tantum, sed & oppidi murum totidem tormentis & scalis aggrediretur. Ipse Andreas locum sibi delegerat apud molem, Sarnensi maximè propinquum: Pontificiæ autem triremes contraria in parte, Antonio Auria deposcente, dextrum cornu tenuere: Saluiatus in medio Rhodias mœnibus admouit. Nunquam ab vlla memoria, tantum tormentorum ad vnam oppugnationem collatum fuit: nam à terra quatuordecim, à mari verò centum & quinquaginta muralibus tormentis, vno vndique tempore murus est vehementissimè verberatus; minorum verò tanta vis fuit, ut neq. prospici quicquam neq. exaudiri facillè posset, fumo scilicet in crassissimæ nebulae morem latè diffuso, & crepitu reboatuque tormentorum cuncta quatiente. Apud Sarnensem, Itali magno animo, sed irritò incepto, ad prorsum murum scalas apponere, & scandere conantes, ter à Turcis acerrimè propugnatis, insigni detrimento accepto, sunt repulsi. Neque enim tantum muri dirutum fuerat, ut attingere scalæ possent, & vndique ab latere minoribus tormentis sternebantur, nec Turcæ è muro saxa, ignes, feruentem arenam, calcemque & picem liquefactam prouoluere ac infundere subeuntibus cessabant. Sarnensis in

his periculis fortiter æquè atque feliciter versabatur; nec reuocandi milites locus erat: nam implicati inter se hastis & in casarum angustias, quæ muro suberant, metu retrusi, quanto magis à muro recedebant, tanto apertius ac certius vulnerabantur. Periêre in eo conatu receptûque, Theodorus Boschites Græcus, qui in Italia alæ equitum cum laude præfuerat: atque item Franciscus Carnaus è Neapoli, & Iacobus à Capua, strenui centuriones, & cum his trecenti ferè milites, & supra mille vulnerati debilitatiq̃ue, in quibus fuit Alfonsus Capanius signifer, cui sclopeti pila ab alto demissa, perfosso oculo linguam abripuit. Ex altera parte Mendocius nequicquam quassato muro, cùm omnia ardua ad ascensum forent, cauto consilio prælii fortunam non subiit. At nauales socij felicius, cùm Auria subeundi & scalas afferendi, vti antea edixerat, tuba signum dedisset, in insulam peruaferunt, cedentibus muro Turcis metu pontium, quos superstantibus armatis appropinquantibus, continuò apprehensuros murum omnino crediderant. Primus ex naue Grimaldia imberbis Ligur, genere humilis, sed eo saltu satis clarus, vexillum in hostili muro defixit: proximi ei successere Hidruntino è Galeone milites, ac demum Lamba Genuenses: atque ita multis interfectis, insula capta direptaq̃ue est, refugientibus infra oppidum per ferratam portam Turcis, qui ex eo, quem diximus, turrato muro, nostros præda occupatos vagantesq̃ue, sclopetis & sagittis vulnerabant. At primis tenebris Sarnensis suos, qui sub muro conditi protectiq̃ue multis horis substiterant, incolumes ad se recepit, & tota nocte laboratum est in erigendis munitionibus, quibus in oppugnando oppido ipsi milites tormenta q̃ue ab hostium ictibus tegerentur. Sequenti die plures Turcarum equitum manus, vt Coroneis opem ferrent, in conspectum se dederunt: namque singulos ferè proximorum oppidorum præfectos, & fama Aurianæ classis, & auditus tota Peloponneso tantus tormentorum strepitus exciuerant. Aderat à Lacedemone, quam Misitram vocant, Zadares, cui Tridigito cognomen; is à Londario Charitena Messeneq̃ue expeditos equites circiter septingentos adducens, secundû littus iter facere cœperat, vt à dextro latere in urbem irrumperet. Erat inter suburbana tecta, ei portæ, quam diximus, in statione collocatus cum cohorte Theodorus Spinula, iussuq̃ue Sarnensis, milites intra sagittæ iactum intercisa militari via, transuersam fossam opportunè duxerant. Itaque Zadares, cùm ab Erasmo Auria, qui in id littus triremem obuenerat, tormentis peteretur, à littore discedens, trium amplius millium capto circuitu, ad læuam peruenit, sinuosoq̃ue itinere intra suburbana tecta se intulit, magno impetu ad portam productus, adeò vt Theodorus irruentium vim ægrè sustineret; eratq̃. res adducta in maximum discrimen, nisi Sarnensis Theodoro cum paucis repugnanti peropportunè opem tulisset, submisso Petro Tolsio cum trecentis sclopetariis: ij postremam partem Turcarum agminis retro aduertêre, ingressiq̃. suburbana, ita reliquos in fugam, desperato ingressu urbis, compulêre, vt cùm Turcæ concitatis equis effugere conarentur, in fossam inciderent. Ibi Zadares labente equo præceps datus, interficitur, nec ulli ex Turcis omnino parcitur. Eo modo multis occisis, capita ad munitiones deferuntur, quibus conspectis, Turcæ qui oppido arcique præerant, siue metu, siue commeatus, & tormentarij pulueris inopia adducti, ea conditione urbem atque arcem dediderunt, vt cum rebus suis armisq̃ue in pacata loca discedere liceret. Corone capta, atque ibi præsidio Hispanorum constituto, & receptis in fidem Græcis, disputatur in consilio, an in longo portu, qui parum à Corone distat, vt certus tutusq̃ue in ea ora Christianis classibus sit receptus, castellum ædificare expediat, aut Iuncum oppugnare, id hodie Nauarinum, Pylum anti-

*Genuensium
virtus &
fortitudo.*

*Corone capi-
tur à Fede-
rato Princi-
pibus.*

quitus

quitus fuit, subiecto portu insigne, ignavia custodis Veneti, qui postea capite
 pœnas dedit, Baiazeti in Methonensi victoria traditum. Ceterum Auria multis
 de causis, & quod nunquam defuturos portus nostris classibus speraret, ea consi-
 lia abiecit, & ad oppugnandas Patras, iterum adita Zacyntho cum classe descen-
 dit. Deferuerant ad apertam urbem incolæ Turcæque, & in retractiorem locum
 sub arce præalta fossa inuroque munitum, milites cum magna puerorū & femi-
 narum multitudine se receperant. Expositis copiis subuectisque tormentis octo
 muralibus, Sarnensis ad mille sclopetarios secernit, qui defensoribus murum
 nudent, ceteros virgultorum singulos fascies adferre iubet, ut æquata fossa ad
 murum scalæ deferantur. Non diu tormentis restitit murus, Coroneo vetustate
 debilior. Primus omnium Ioannes, Traiani Cabaniliæ filius, castrorū præfectus,
 in fossam defiliit, subsequente ipso Sarnensi cum tribus signiferis & integris de-
 mum cohortibus, scandique murus certatim est cœptus: sed defensores Coroneis
 virtute constantiaque dissimiles, impetum nostrorum, fuga in arcem facta, diutius *Patras capta.*
 non tulerunt. Ita urbe paruo labore, & pænè sine militum nostrorum vulnere, ce-
 leriter capta direptaque, ad arcem in edito sitam tormenta subuexere. Erat op-
 pugnatio futura difficilis, si eam militari more Turcæ defendendam suscepis-
 sent: sed exemplo Coronensium, atque item eius imbellis turbæ misericor-
 dia adducti, cum tantam multitudinem diu alere, vel in tanto seruitutis ac vitæ
 discrimine tueri posse desperarent, emissis ad Auriam oratoribus, ea conditione
 deditionem fecerunt, ut recepti in fidem, inuiolatique salvo in primis femina-
 rum pudore, cum singulis vestimentis in Ætoliam trajicerent. Id egregiè An- *Andreas iu-
stitia & mi-
sericordia.*
 dreas præstitit, adeo ut inter alas militum utrimque extensas, exeunte trium fere
 millium capitum multitudine, cum nonnulli petulantius feminas attrectare,
 atque his ornamenta detrahare inciperent, corripì, extemploque suspendi, aut
 fustulari iusserit. horum supplicio ceteris ab omni licentia deterritis, eo or-
 dine Turcæ ad naues sunt deducti, ut Sarnensis & Saluiatus antecederent,
 ipse postremum agmen cogeret vultu severo imperiosoque, & ad sumenda
 supplicia, si qui paulò licentiùs iussa contemnerent, maximè parato. Quæ-
 rebat enim iustitiæ & præclaræ fidei famam apud ipsos præsertim Turcas, ut
 ex gentes religione ac ingenij captu nobis dissimiles, facto periculo manifestè
 perspicerent, in Christianis ad militare decus non deesse fidem ac humanitatem,
 qui adeo moderatè victoria virtute parta vterentur. Exercitu ad Patras relicto, &
 terrestri itinere subsequi iusso, Auria ad Naupactei sinus angustias triremibus est
 deuectus: ibi fauces adeo coarctant eum influentis Ionij maris sinum, ut vno mi-
 nus stadio, à Peloponneso Ætolia distet, quàm ad Hellespontum interfluo mari,
 Europa atque Asia dirimantur. His angustiiis gemina antiqui operis castella im-
 minent, quæ Dardanellos appellant. Fuere olim in Achaia Rhium, & in Ætolia
 Molycreum, sed Ætolicum Achaico Baiazetes, superaddita turre ingenti, & du-
 plici muro adiecto, multo validius atque munitius reddiderat. In his tormenta
 inusitatae magnitudinis, multiplici fenestrarum ordine ad libellam aquæ, ita con-
 stituta & collibrata erant, ut vel exiguis & humilioribus nauigiis ingressus, & exi-
 tus præcluderetur: nam utrimque ad aduersam regionem emissæ bipedalis dia-
 metri saxæ pilæ facillè perueniebant, uti eadem ratione ad Hellespontum hodie
 fieri videmus. Auria citioris castelli præfecto per Græcos homines extrema
 supplicia comminatus, si expectandam tormentorum vim putaret, facillè pepi-
 git, ut Turcæ incolumes castello excederent: quibus nequaquam cunctanter edu-
 ctis, quicquid vel annonæ, vel bellici apparatus in castello erat, diripiendum mi-
 liti con-

*Seditio inter
milites Au-
rianos.*

liti concessit. Reperti sunt thoraces, ballistæque veteres, itemque loricae & peltæ more gentis, cum militari & minimè pretiosa supellectile. Ea spolia cum Aurianarum triremium milites navitæque efferrent, ceterisque aduentantibus ostentarent, adeo appropinquantium cohortium animos dolore ac invidia exagitarunt, ut, cum opimiorum fuisse prædā crederent, & tardiùs venissent, ob idque præda penitus excluderentur, continuo seditionem miscerent, ipsi Auria vehementer irati, quod primò ad Coronem, & inde ad Patras, & tum etiam ad Rhium, quasi Turcarum sanguini passim parcendum putaret, eas res civili pactione, quam ferro & bellica vi conficere maluisset, ita præmia laborum & vulnerum solatia militibus eripi, atque interuerti prædā, ut ipse inde apud hostes intempestiuam humanitatis & clementiæ laudem priuato nomine ferat, & soli propè nautæ Ligures ditentur; ipsis verò armatis militibus terræ & maris incommoda perpessis, nec locus ad perfectam laudem, nec spes ac certa probatæ virtutis præmia relinquuntur: & quod fortibus viris minimè sit ferendum, omnium ceruicibus & iugulis laquei & pugiones, vel in minimo delicto, & sublata quidem spe dicendæ causæ, proponantur. Hæc, cum multiplicatis per coronas militum sermonibus dicerentur, & iam planè consternatæ essent aliquot cohortes, Neapolitanus signifer, quem strangulati ad Patras amici militis dolor incitabat, vexillum sustulit, altā voce commilitones inuitans, ut se ad opulenta castella euntem extemplo sequerentur, ibi non visuros crudelem ducem, & ingentem prædā virtute quæsituros. Nec mora, illum quinque aliæ cohortes Italarum sunt secutæ, hisque vexillum Hispanorum accessit. ière citato agmine non tam iratis quàm audis animis in propinquos Græcorum pagos & villas, execrante eos Auria potius quàm reuocante. Iam Sarnensis cum valida manu expeditorum militum traiecerat in aduersam Ætolia continētē, ut exploraret castelli situm, & ponendis castris munitionē inciperet, cum Turcæ in nostros faciendo operi intentos protinus erumpunt: sed egregiè Sarnensis per sclopetarios eorum impetum sustinet, multisque vulneratis intra portam compellit. Interim nondum perfectæ castrorum munitione, equites Naupacto egressi, in conspectum se dedere, ut castellanis opem ferrent. nostri quanquam pauci pro castrorum spatio, quod erat amplissimum, uti ad continendas omnes copias vsitata ratione dimensum, alacri tamen animo in munitionibus constitere, in aduersos sclopetis rem gerentes, & nonnunquam erumpentes, ubi audaciùs prouectos hostes conspexissent. Ceterum Turcæ multis in gyros decursionibus ad castra factis, latè omnia speculati, cum sese prouehere audaciùs, & cominus pugnare nollent, Naupactum redierunt, intromisso equite ad castellanos, ut eorum animos spe celeris auxilij confirmarent. At Sarnensis, qui ea spe traiecerat ut copias omnes confestim subsecuturas crederet, ubi de consternatione discessuque militum certior est factus, intermisso castrorum opere ad Peloponnesi littus, ubi Auria constitèrat, confestim rediit, & ad eos pagos est profectus, in quos desertores milites diuertisse dicebantur, ducibus præsertim Græcis, qui suas iniurias cum lacrymis deferentes, è proximis vicis ad castra decurrerant. Eos Sarnensis nequaquam seuerè, sed comiter reprehensos, quod adeo leuiter insanire cœpissent, haud magnò cum labore ad officium reduxit: iam enim eos admissi facinoris pœnitebat, & satis verecundè signa & centuriones agnoscebant, cum villas & pastorales casas omnibus esculentis raptim consumptis, & ignobili etiam collecta præda, vacuas fecissent: sed reis & ex cōscientia pœnam meritis, Auria seueritas tantum pauorem adferebat, ut nonnulli metu supplicij præstare dicerent cum Turcis pacisci, & apud eos stipendia facere,

quàm

quàm ad sævum ac inexorabilem ducem reuerti. Sed Auria regionis & temporis rationem habendam existimans, cunctis pepercit, ita tamen, vt feueritatem ac iracundiam vultu sermoneque retineret, nec veniam deprecantes recipere veller, nisi vti cohortes decumaturus, ad arbitrium militaris imperij se dederent. is pa- uor omnium animis incussus, pro pœna ad retinendam imperij existimationem Auria satisfecit. Nec mora, ad delendam secessionis infamiam, parati animis in Ætoliâ sunt traducti, simulq. exposita in littus tormenta duobus circiter mil- libus passuum supra castellum, vt tutiose itinere conuehi possent: nam è castello Turcæ ea littora tormentis infestabant. Ea Christophorus Auria vir impiger ne- gotio præpositus, attracta funibus & impulsa militum humeris, per centurias la- bore distributo, in castra contexit: eodemque tempore Cabanilia cum trecentis sclopetariis antecedens, opportuno, & ante, vti diximus, explorato loco castra- metatus est. Dum hæc administrantur, Turcæ Naupactō magnas peditum & equitum copias educunt, & in nostros pleno passu deferuntur: iam enim & à Co- rintho, & ab oppidis quæ sunt ad Acheloum amnē, totaq. Peloponneso & Æto- lia, præfecti equitum, raptis quas poterant turmis, Naupactum conuolant. nec Sarnensis haudquaquam ea multitudine territus sibi deest, ad quatuor millia pe- ditum in vnum agmen cogit, & quadrata acie contra hostes progreditur, extra ordines verò delectam sclopetariorum manum rem gerere iubet: in tergo castel- lum relinquebatur, & in nostris munitionibus præsidium erat relictum, quo eru- ptiones cohiberi possent, & in ipsam castelli portam tormenta peritè atque op- portunè directâ fuerant. Insultantibus vndique & procurstantibus Turcis, nec pe- destres copias in aciem producentibus, Sarnensis se recipere, & in castra se con- ferre cœpit, in tergo extraordinarij ad angulum dextrum quadrati agminis con- stituti, sine periculo insequentes Turcas repellebant, circumueniri enim non po- terant: & cum aliquatū in aduersos procurrerent, displosis sclopetis tutissimus ad agmen erat receptus. Prælio ad occasum Solis protracto, Turcæ, nulla re me- morabili gesta, Naupactum sunt reuersi. Sarnensis in castra copias reduxit, tota- que ea nocte quæ secuta est, ad aggeres fossasque perducendas milites in opère fuerunt, constitutaque suis locis tormenta muralia, quæ exterioribus ædificiis protegebantur: oriente autem Sole turres, quæ prominebant, magna vi quassari cœptæ, nec Turcæ constantissimè & acerrimè propugnando, vlla in parte timo- ris signum dabant: erant enim in his plerique veterani Ianizeri in custodia oppi- dorum atque arcium relictî. Ad extremum is exitus oppugnationis fuit, vt per- fracto muro, multisque intrò variis casibus interfectis, nostri in castellum irum- perent, trecenti fermè Turcæ, nemine capto, trucidati: nonnulli insigni animo- rum contumacia media inclusi turre, se ipsos & turrim totumq. pænè castellum, non sine nostrorum clade, succenso tormentario puluere concremarunt, tanto ruentium murorum crepitu, vt littora veluti terræmotu pertremere, & trire- mes, quæ suberant ad sagittæ iactum, lapidum fragmentis pænè obruerentur. Andreas è prora prætoriae triremis prælium spectauit, donauitque Sarnensem & Saluiatum singulis ingentibus tormentis: tanta enim vis ænæorum tormetorum in castello reperta est, vt septuaginta millium aureorum pretium excedere dice- retur. Ea demum tormenta stupendæ magnitudinis, Arabicis inscripta literis, ad victoriæ monumentum, Genuam delata, in portus mole constituit, vbi de pira- tis ad Planasiam insulam superatis, facellum Deiparæ Virgini ex manubiis antea consecrarat. His confectis rebus, posito ad Corōnem Hispanorum præsidio, atq. vrbe tormentis, & multorum mensium commeatu diligentissimè permunita;

Mendocium ita animo confirmavit, vt fidem daret, & prolixè polliceretur, se vel priuato sumptu, si id Cæsar facere differret, in eius auxilium classem esse transmissurum. Interim Saluiatus suis triremibus in intimum sinum prouectus, ad Lecheum vsque portum, hodie diui Demetrii vocatum, sub ipsa Corintho pauorem circumtulit, & veteris Sicyonis, quam hodie Basilicam appellant, & quæ in aduersa parte est, Creusæ littora succensis horrorem ædificiis latè vastauit. Nec multò post Andreas, appetente hieme, & acceptis à Cæsare literis, quibus discessum à Pannonia Solymani, & suum in Italiam aduentum significabat, felici vsus nauigatione, Neapolim, atque inde Genuam est reuersus. Ceterum quæ proxima æstate in mari gesta sint, videre est apud Paulum Iouium, à quo etiam hæc postrema decerpimus, lib. xxxi. Hoc rerum tractu, Clemens Pontifex & Franciscus Galliarum rex, Massiliæ simul conuenerunt, habitisq. de variis Reip. Christianæ negotiis, seriis & grauib. deliberationibus, tandem huc descēdunt, vt, ad maiorem & firmiorem stabiliendam inter se amicitiam & beneuolentiam, Pontifex Catharinam Mediceam Laurētio iuniore genitam, suam neptem, Henrico Valesio secundo regis filio, elocaret, ipsaq. Massiliam euocata, citra aliquam moram sponsalitia celebrarentur, sicuti etiam factum est.

Catharina
Medicea Hen-
rico Galliarum
regi despon-
satur.

LIBER XXI.

1534.



PROXIME enarrauimus, Pontificem Clementem & Franciscum Galliarum regem, Massiliæ in inuicem colloquium deuenisse. Vbi igitur Pontifex ibidem vnum ferè mēsem substitisset, iisdem triremibus, quibus venerat, reuectus, discessit, ac magna maris molestia affectus, Saonam peruenit: vnde, neque triremium apparatui neque gubernatorum peritiæ satis fidens, iis remissis, Andree Aurie nauibus Centumcellas est perlatus, & Romam summa cum auctoritate, & mira felicitate, apud eos præsertim, qui eum in Angelica arce captiuum viderant, reuersus, paucissimorum mensium spatio, fortunæ fauore, iam animo ea quæ futura erant prælagiens, est vsus. Notissimum est enim, illum, ferè statim post suum Massiliæ reditum, quasi mortem sibi imminere exploratum haberet, sepulchrum & amictum omnem, quo Pontifices, cum sepeliuntur, ornari solent, sibi fieri curasse, ac familiaribus suis sedatissimo animo se breui moriturum dixisse: & nihilominus consueta studia cogitationesque inuicem deprensens, quò familia sua, vt ipsi videbatur, tutior esset, vt Citadella arx munitissima Florentiæ extrueretur, (nescius quàm citò nepotū felicitas finem esset habitura) urgebat: ex quibus cum inter se essent infensissimi, Hippolytus Cardinalis non sine veneni suspitione, anno post Pontificis mortem nondum exacto, obiit. & Alexander alter nepos, qui Florentiæ regnabat, maxima imprudentiæ nota ibidem clam noctu à Laurentio, ex eadem Medicea familia, fuit interfectus. Itaque Pontifex æstate ineunte stomachi doloribus exorari cœpit: quibus febri accedente, diu ab illa atque aliis offensionibus vexatus, iam ferè ad extremum deuenisse, iam ita subleuari, vt aliis, sed non sibi, salutis spem exhiberet, videbatur. Quo ægotante, Wirtenbergensium Dux, Hefli, aliorumque Principum ope, & pecunia à Galliæ rege adiutus, Wirtenbergensem Principatum, quem Romanorum rex occupabat, recuperauit. Cumque maius incendium timeretur, contra Galliæ regis, qui Cæsarem huius motus causa diuturno difficiliq. bello implicatum

Clementis
reditus in
Italiam.

Hippolyti
Card. mors.

Alexandri
Florentiæ Prin-
cipis cades.

Dux Wir-
tenbergens.
suâ ditionem
recuperat.

catum iri, vel fortasse victricia arma ad Mediolanense imperium turbandum transi-
tura sperauerat, voluntatem, cum Romano rege composuerunt. Fuit autem hic
Pontifex ex humili loco, admirabili felicitate ad Pontificatum euectus: in eo au-
tem admodum variam fortunam; verum si vtraque ponderetur, longè magis ad-
uersam, quàm secundam, est expertus. quæ enim felicitas; captiuitatis ipsius in-
felicitati, vrbis direptioni tanto cum excidio spectatæ, tantæ cladi patriæ suæ il-
latæ comparari potest: Obiit sexto Cal. Octob. anno Pontificatus x i. ætatis verò
quingagesimo septimo, Curia inuisus, Principibus suspectus, fama potius græ-
ui & odiosa, quàm grata: avarus, ambigua fide & natura, à beneficiis in morta-
les conferendis alienus. Illo defuncto, Cardinales eadem nocte qua se Pontifi-
cis legendi gratia conclauis incluserant, omnes cōcordes Alexandrum Farnesium
Romanum, omnium Cardinalium antiquissimum, Pontificem maximum crea-
runt: quem sanè per quadraginta annos senatorem, atque omnes ætatis honore
superantem, Roma patria, præclaræ maiorum imagines, eximia atque inueterata
virtus, & præcellentes literæ magnoperè commendabant, adeò vt Clemens, cum
toties represso, & rursus erumpente morbo, omnem vitæ spei constanter abie-
cisset, eum sibi successorem testamento scripturum affirmaret, si Pontificatus he-
reditate pararetur. Eadem ætate Solymanus Turcorum imperator, effusis vltra
Euphratem ingentibus copiis, aduersus Tammalum magni Hismaëlis filium,
bellum suscepit, validaque simul instructa classe, Africam, occupandæ Siciliae
atque Italiae maximè opportunam, inuasit. Verum, multis rebus præclare gestis,
tandem à Persarum rege, magna suorum strage, terrestri certamine cōgressus, vin-
citur atque fugatur. Nauale autem prælium auctore Hariadeno Mitylenæo, co-
gnomento Barbarussa, Othomannicæ classis Præfecto, cum magna sua laude, re-
portatis crebris de hoste victoriis, terminauerat. Hoc etiam anno comitia religio-
nis causa indicta sunt à Friderico electore Smalcaldicæ, quod erat illius oppidum
inter Casuaros, siue Thuringiam, & Incriones ad Schalmum fluuium, ad quæ
omnes Germaniæ Principes, quos recepto nomine Protestantes vocant, & libe-
rarum vrbium idem dogmā profitentium legati atq. oratores conuenerunt: om-
nesque post multas & varias deliberationes, sententiarumq. rogationes, tandem
vnanimi consensione in statuta & leges quæ in illis comitiis factæ sunt; descen-
derunt, & se in iisdem perseveraturos iureiurando confirmarunt: Videlicet, vt in
quingagesimum annum leges latæ intelligerentur ad religionis, sui ipsorum, &
fœderatorum omnium defensionem. Ne liceret cuiquam bellum inferre, aut ho-
stiliter intradere agrum cōiuratorum. Si quis inuaderetur, statim ceteri, atq. signi-
ficatū esset, subsidia mitterent, quanto maiori possent conatu, & diligentia: quod
nisi factum esset intra certum spatium, vrbs illa posset, sine perfidiæ nomine, cum
hoste pacisci, vel aduersus coniuratos arma capere. Vt vnus hostes ceterorum
hostes intelligerentur. Vt nemini liceret semel susceptum bellum aduersus quem-
uis hostem deponere, nisi reliquorum omnium consensu. Ne armatus exercitus
concederetur per agrum cuiusquam fœderatorum ad bellum inferendum per-
transire, nisi communi omnium consensu. Vt qui auxilia acciuisent, per viginti
dies comineatum suppeditarent ab initio belli eò profectis, ac totidem post bel-
lum: ea tamen lege, vt qui acciuisset, & cuius causa bellum gereretur, summum
haberet imperium eius expeditionis, quod nemini suscipere liceret ad alios infe-
standos vel Principes, vel ciuitates. Si qua inter illos nasceretur controuersia pro
iure & æquitate, ac non pro armis dijudicaretur, & obseruaretur iuramentum
quod intercesserat. Vt liceret Principibus, & fœderatis ciuitatibus communi con-

Clementis
Pont. obitus
& natura.

Clementis
Pauis tertius
in Pontifi-
catu sufficit.

Solymani in
Persas expe-
ditio.

Conuentus
Smalcaldicus.

filio mutare vel addere, si quid opus esset, aut æquum videretur: liceretque sapientius communi omnium saluti consulere. Vt eiusdem fœderationis socij & participes, omnes Principes, & liberæ ciuitates Saxonum & Sueuorum intelligerentur. Postero anno Solymanus, Abraimo & Vlamane præcipuis eius purpuratis, adhortantibus, contra Persarum regem bellum instaurauit, egregiam sese ex hoste victoriam relaturum sperans. Itaque Taurisium reuersus, Persarum rege inde ad eius inopinatum aduentum in Coraxenos iterum abeunte, urbem amplissimam, licet iussa facere paratis incolis, sæua barbarie militum libidini diripiendam permisit; & ipse quoque, præter sericos artifices, seruos, ac delectam vtriusque sexus iuuentutem, cuius ingens multitudo fuisse dicitur, multa magni pretij ornamenta secum Byzantium asportauit. Ea præda onustus, cum iam aduentantis Tammasi fama increbesceret, in Mesopotamiam rediit, coque in itinere parum abfuit, quin ipse vniuerso suo cum exercitu summum vitæ discrimen adiisset, nisi Persæ falconum & sclopetorum ictibus ad primum conspectum abterriti, eos persequi desissent. Verum enimvero cum iam Tammassus Taurisium rediisset, nihilque haberet antiquius, quam omni contentione eos persequi, cum cataphracti Persæ leuissimos Turcarum equites insequi non possent, ab instituto reuocatus fuit. Interim Delimenthes Satrapa, vir consilij animique fortissimus, certo expeditorum equitum numero à rege impetrato, cum iis per nota itinerum compendia Turcas insecutus est: eosque iam nihil aduersi formidantes, vndique inuasit, ita vt vix ullus esset ex purpuratis atque proceribus qui suæ saluti commodè fuga consulere posset. satis constat, tantam fuisse Othomannici exercitus dissipationem, vt vix vnquam maiorem cladem cum Persa congressus, acceperit. Ultra enim tormenta bellica atque tabernacula, in hostium potestatem abducta, cuncta vasa castrensia & impedimenta amisit, ac insuper plusquam dimidiam equorum partem desideratam esse affirmant: & hanc victoriam tanti momenti ac ponderis fuisse commemorant, vt Persæ illius memoriam, quæ ad tertium Octobris incidit, anniuersaria publica lætitia deinceps prosecuti dicantur. Ceterum huius funesti prælij successus, Solymani animum, alioquin insuperabilem, haud mediocriter lancinauit, atque acerbissimæ recordationis moribus afflixit, ita vt institutæ expeditionis valde pertæsus, Byzantium redire statueret, inexprabili odio in Abraimum concepto, cuius potissimum consilio, vt antè diximus, hanc aduersus Persas profectionem susceperat. Hoc Solymani in Abraimum odium, multorum procerum erga eum conspiratione auctum est, qui ægrè eius immodicam potentiam ferentes, multis criminibus & calumniis inuidiam illi iuxta & odium apud Solymanum Byzantium reuersum, parabant, adeo vt gratia omninò excidens, parum auctoritatis vel apud ipsum, vel reliquos aulicos retineret. Sunt etiam qui asserant, Solymanum, valde in ipsum exasperatum, suæ matris atque coniugis stimulis, egerimè ferentium, vnius serui arbitrio tantum Principem regi, in dies magis atq. magis inflammatum. Accedebat huc, quod minimè obscuris indiciis compertum esset, ipsum, Christianorum rebus haud mediocriter fauere, eaque potissimum de causa Solymanum, quod scilicet Carolum Cæsarem & Ferdinandum regem, itemque Venetos, omnibus molestiis liberaret, ad Persicam expeditionem instigasse. Erat siquidem tunc temporis Solymanus, supra modum exacerbato in Venetos animo; nec minori indignatione & ira in Carolum Cæsarem æstuabat, quod nimirum intellexisset, eum, per suos legatos cum Persis egisse, atque consilia communicasse, sic vt ipsum Tammassum bellicis tormentis per Lusitaniam è finitima India suppeditatis adiutum, certò

ab

1535.
Turca redit in
Persidem.

Taurisium
diripiunt.

Ingens Tur-
carum clades.

Abraimus ex-
cidit gratia
Solymani.

ab ipso Cæsare crederet. Itaque subornatis delatoribus, Abraimus, tanquam ingrati erga Solymanum animi conuictus, acerbissimis verborum vibicibus profectus, contumelioseque obiurgatus, nec ullis lachrymis Solymani pedibus aduolutus, sæuum ac exulceratum eius animum flectere potuit. Nocte inde proxima ceruicali subnixus, dormitans in cubiculo, cultro adunco, quem Solymanus carnifici de manu, sicuti nonnullis placet, tradiderat, iugulatus est, primaque luce supellex & pecunia eius omnis in fiscum relata, nihilque ferè ex tot tantarumque pristinorum fortunarum amplitudine, præter dotem miserrimam coniugi relictum. Is hominis longè præstantissimi ac potentissimi exitus fuit. Hoc exemplo homines suæ fragilitatis humanæ oblitæ, haud dubiè admonentur, quàm nihil in rebus humanis sit simplex vel solidum, quàm denique caduca & fluxa omnia, quæ inani sui specie & comica larua vsque adeò hominū oculos perstringunt, ut ipsi non secus ac si in Cimmeriis tenebris versantes, omnem meliorem lucem reformidēt & aspernentur: quo sanè fit, ut voluptatibus omnibus disfluentes, ac dulci fortuna, quod dicitur, ebrij, sibi que turpi & scelestæ ambitione & philautia, abblatantes, se extra fortunæ aleam, atque humanam quodammodo sortem positos esse credant: nec mirū, cum omnia scilicet illis ex nutu & voto, tãquam ex Amalthææ cornu deprompta fluant, ac non secus quàm in summo rerum fastigio collocati, & de omni calu securi, nunquam de rerum humanarum vicissitudine cogitent, sed: ut in alta securitate fieri consuevit, in utrâque aurem supinis animis dormiant. Horum protectio hominum quàm deploranda sit conditio, & animi hebetis insania, vel hinc videre licet, quòd passim recētibus exemplis, oculis sese nostris vndique ingredientibus, manifestè videamus, quàm fucosa & incerta sit illorum felicitas, qui rerum paulò antea potentes, facillimo temporis momēto, non solum gratia principum virorum, apud quos plurimum præstabant, excidant, sed non secus ac à summo apice in imum præcipitati, inanis suæ retroactæ gloriæ & vanitatis pœnas persoluant. Tum demum sera subit illorum animos pœnitentia; quòd ita temerè suis rebus confisi, nihil de alterius fortis statu cogitare in animum induxerint. Fit enim sæpius, ut, cum res ad vltimū tragicæ vitæ exitum deducta sit, & nihil, ut de Pandoræ pyxidē dicitur, præter inanem spem in fundo lateat, tum, cum summo gemitu ac suspiriis, multa que lachrymarum effusione, ad retroactæ vitæ suæ periodum respicientes, tandem caligantes oculos ad meliorem lucem attollant, & perspicuè animaduertant, in hoc tragico humanarum rerum teatro, nihil exhiberi felicitatis quod diuturnitate perpetuum sit, vel quod hominum animos beatos efficere possit. Optandum esset itaque, ut, remotis omnium voluptatum illecebris, quæ etiam optimi cuiusque animū, tanquam prehensa manu, abducere solent, ac quasi reluctanter, secum in præcipitium trahere, eas iniremus vitæ conditiones, quæ maximè cum honestate consentirent, ac ne latum quidem, quod aiunt, vnguem à legum reuerentia ceterarumque virtutum norma decederent. Hac ratione proculdubio fieret, ut solidioribus innixi præsidiis, feliciores, vel saltem tolerabiliores vitæ exitus assequeremur. Quæ de re me forsitan prolixius differentem non tam admonuit huius purpurati funestus exitus, quàm multorum aliorum, qui patrum nostraque memoria adhuc in hominum oculis hærent. Quorum certè tanta est multitudo, & ubique gentium tot extant testimonia, ut hinc longiori commemoratione opus esse non videam. Ceterum Solymani animus nō tam inflictæ cladis in Perside memoria excruciabatur, quàm nouo acceptæ naualis calamitatis nuntio percellebatur. Siquidem Carolus v. instructa ingenti classe, toti que maritimo negotio Andrea

Aurix,

Abraimus
iugulatur.

1536.

Auriæ, cui vni propter spectatam fidem, rerumque peritiam, protectionis suæ atque supremi consilij decreta communicarat, aduersus Ariadenum maritimam expeditionem in Africam suscepit; in qua tam prospero ac felici Marte vsus est, vt Guletam arcem longè munitissimam, & mox Tuncetum, in suam potestatem redegerit. *Ahenobarbus ea clade accepta, Hipponem, quam hodie Bonnam vocant, se cum suis recepit. Sed cum illi nunciatum esset, Auriam cum quadraginta triremibus circum littora & vicinas oras nauigare, omnemque regionem illam perlustrare, non expectato illius aduentu, aufugit: quo sanè factum est, vt ciuitas simul cum arce & propugnaculis sine magno conflictu & negotio Christianis cesserit. Vbi, præter alia multa, rei bellicæ apta instrumenta, magnum numerum tormentorum receperunt: arci & ceteris munitionibus Imperator de duce ac firmo præsidio prospexit. Quibus rebus, cum summa sui nominis gloria, & Reip. Christianæ beneficio gestis, decimo sexto Cal. Septemb. ab Africa summo diluculo soluens, cum tota classe in Siciliam contendit, ibique triumphali pompa exceptus, & passim pecunia donatus, inde Neapolim peruenit. Non dubium est, quin, modò sincerè & candidè iudicare velimus, & suo quemque populum merito honestare, huius clarissimæ expeditionis prosper successus haud ex minima parte Genuensibus debeatur, cum nemo infitiri possit, Genuæ ad illius vsum, præter ceteras naues, triginta rostratas, & vnam quadriremem, quæ Cæsaris prætoria erat, instructam atque adornatam fuisse. Hæc quadriremis adeò erat affabrè extructa, vt omnes illius tempestatis artifices haud parùm in sui admirationem raperet. Taceo auratum laquear & puppim cælatura atque eximia pictura conspicuam, quæ intus & extrà umbraculo ex auro purpuraque intertexto cõtexta erat, remigibus serica tunica, & epibatis omnibus vestitus, atque armaturæ cultu plurimùm exornatis. Auria insuper vim ingentè nautici cõmeatus, instrumenta naualia noui artificij, tormentorumque omnis generis, ac telorùm copiam, vel maximo suffecturam bello in naues distribuerat, quibus totius Liguriæ iuuetute, & ex nobilitate fortissimum quemque, certatim cunctis nomina dantibus imposuerat: eaque Barcinonem, quo paulo antè Cæsar Madritio profectus, venerat, delatus est. Eodem fermè temporis tractu, quo Cæsar Neapolim enauigauit, certa & constanti fama innotuit, Franciscum Sfortiam viuis subtractum esse: ex cuius quidem obitu grauissima exorta sunt bella. Nam Franciscus Galliarum rex, Cisalpinæ Galliæ imperium à Cæsare sibi concedi postulabat, cum suo iure antiquæ hereditatis à Valentina Vicecomite repetito, tum præclara Maximiliani Cæsaris cõcessione, qui id tabulis ritè confectis, acceptaque honorarij muneris pecunia, Ludouico regi post exactum captumque Ludouicum Sfortiam adiudicasset. Sed Cæsar non ignarus, quantum sibi auctoritatis, potentia, ac certi quotidianæ pecuniæ prouentus, ex Insubriæ possessione imperioque accederet, nullis precibus adduci poterat, vt opulentissima Italiæ pars, præpotentibus Transalpinæ Galliæ regibus adjiceretur. Hos enim, parto Mediolanensi imperio, (vti eos iam pridem fecisse meminerat,) minimè quieturos existimabat; sed auiditate proferendi imperij, aliena, ipsiusque in primis regna protinus inuasuros. Proinde adulto iam vere, Neapoli discedens, Non. Aprilis Romam profectus est: ibique quatrìduò moratus, per Cassiam viam Senas primò, indeque Florentiam & Lucam ab omnibus passim exquisitissimis honoribus exceptus, peruenit. Ex Etruria, per Macræ amnis valles, Apuanosque saltus, Apenninũ transgressus, ad Astam vibem, coniunctam inclusamque subalpinis oppidis, concessit, vbi Fossanum ab Antonio Leua expugnatum, & Carolum Sabaudium, ac Franciscum Salassum regulos, à Gallo-*

Guleta & Tuncetum à Cæsare expugnatum.

Hipponia ab Andrea Auria capta.

Franciscus Sfortia interitus.

Bellum inter Carolum & Franciscum instauratum.

Gallorum fide atque amicitia defcuiſſe, cum ſummo gaudio ac voluptate intellexit. Quo felici rerum initio Cæſar, vt Alpes maturè tranſiret, magis atque magis accendebatur. Quamobrem, auctore in primis ipſo Antonio Leua, licet Vaſtius & Ferdinandus Gonzaga longè aliter ſentirent, ac prius Taurinum Prouinciæ caput expugnandum cenſerēt, in Galliam Narbonenſem exercitum admo-
 uit. Hoc Cæſaris decretum etiam Andreas Auria non parum promouiſſe viſus eſt, cū haud dubiam ſpem præbuiſſet, Rhodanum amnem triremium ſuarum catenato ponte poſſe coniungi, & per Narbonenſem regionem ab Hiſpania, tum commeatus, tum omnis generis auxilia, bene gerendo & conficiendo bello, expectari poſſe prædicabat. Suberat etiam in arcano Cæſaris occulta ſpes potiundæ per proditionem Maſſiliæ: Nam, ſicuti poſtea cognitum fuit per Antonium Leuam, quosdam, qui eam urbem proderent, ſed qui poſtea fidem mutarint, promiſſoſque defuerint, tentatos fuiſſe conſtabat. Itaque coëuntibus iam vndique longè maximis equitum ac peditum copiis, Cæſar multiplici itinere, ſed præcipuè per maritimas Alpes, & per Tendanos colles Prouinciæ fines intrauit, ſubſequentè à Sauonæ portu Auriana claſſe, quæ multas Italicarum cohortium copias ſuſtulerat, quibus Ferdināduſ Sanſeuerinus Salernitanus imperabat. In hiſ clari veteresque præfecti eminebant Auguſtinus Spinula, & Petrus Maria Roſcius Parmenſis S. Secundi regulus, Hippolytuſque Correggius, & plerique alij haud obſcuri nominis ac famæ: primoque impetu capta & direpta eſt vibs Antipolis, vltra Varum amnem poſita. Ceterum, huius expeditionis is tandem ſucceſſus fuit, vt paucis interiectis hebdomadis, Franciſcus rex, qui paulò ante Allobrogum oppida & arces ferè omnes ac etiam Taurinum occuparat, cum validiſſimo exercitu Cæſari occurrens, & loco opportuno caſtrametatus, intercluſo eidem omni commeatu, & vltèrius progrediendi omni ſpe ſublata, ad eam deſperationem adduxerit, vt leuioribus excuſſionibus fame & dyſenteria bona exercitus parte amiſſa, in Italiam re infecta, retro abire compulerit, præſertim, cū ab Auria, qui ſub idem tempus in Tolonæ portum claſſe illata, ipſum vnā cum oppido metu tormentorum territis cuſtodibus, deditiōe occuparat, triſtem nūcium accepiſſet, quo Guidonē Rangonum ad inuadendā Genuam appropinquare, & in Pociferam vallem ſe demittere ferebatur, eaq. de cauſa ipſe Auria de patriæ ſalute vehementer ſollicitus, expedito conſilio ſeptingētos circiter milites Auguſtino Spinulæ legendos attribuerat, continuoq. triremibus Antonij Auria deuehēdos impoſuerat. Qui pari ſtudio ac ſollicitudine ad ferendā patriæ opem incitatus, vſuſque nocturnæ auræ flatibus, velis & remis illuc ire contendit: ac portum ingreſſus, ciues magna trepidatione liberauit. Nam tota ferè ciuitas inexpectato metu perturbata, cō deſcendebat, vt plerique vxores, & liberōs, quæq. præcipua inter mortales habentur, nauigiis imponerent; alij, plebſque in primis, rerum nouarum prædæq. auida, reduci Fulgoſios, & vetus Gallicæ ſeruitutis iugum induci clamitans, correptis armis ad defendenda mœnia diſcurreret, ſic, vt incerto ſtudio per regiones vrbis deferretur. Sed conſpecto Spinula, qui validam præſidij manum adduxerat, primores ciues obliui veterum factionum, ac memores receptæ libertatis, in qua beatiſſe viuerent, magna ex parte leuati metu recreantur. Iam hoſtes ad S. Thomæ portam, quæ ad occidentem ſita eſt, perue-
 nerant, allatiſque pluribus ſcalis, & conſcenſis mœnibus, in ſummuſ parietem euadere, coronamque occupare nitebantur. Hiſ conſpicui cohortatores aderant, Guido ipſe, atque Fulgoſius, qui cū fruſtrā portam ſibi aperiri amicè ingreſſuris poſtulaſſent, aduerſum à ciuibz reſponſum retulerant, ac propterea vim
 admo-

*Cæſari expe-
 ditio in Gal-
 liam infeli-
 citer ſuccedit*

*Genuæ opæ
 Principis Au-
 ria, & Au-
 guſtini Spi-
 nule, magno
 periculo li-
 beratur.*

adimouendam rati, acerrima atque audacissima consensione facta, in urbem transcendere conabantur, eo quidem maiori Genuensium periculo, quod ad Orientalem portam, quæ ad Feritorem, hodie Bisamnem fluuium ducit, Pallaucinus Vicecomes, & Hercules Fulgosius Cæsaris frater, altera castra fecissent, ut diuerso pauore illato, ciues ad deditiorem compellerent. Ceterum, supra S. Thomæ portam, non longè ab ea turricula per quam Piscario duce Adurnios proceres reducente, vrbs ante quatuordecim annos capta fuerat, magna contentione certatum est, ita profectò, ut Baptista Corsus, cognomento Farina, ægrè locum defenderet, & Guidoniani vexilla in summi muri pinnas audacter efferrent. Verùm superuentu Spinulæ ingenti animo propugnantis, ereptum est ascendenti signifero vexillum, ipsoque vulnerato, atque in præceps deturbato, repressisque subinde & vulneratis qui scalas subibant, ea mœnium pars usque adeò egregiè defensa est, ut cum Hector Neapolitanus inuadentium pugnacissimus, cecidisset, Guido, multis suorum amissis & vulneratis, receptui cani iuberet, tanquam redintegraturus pugnam, uti eius rei speciem præ se ferebat. Ceterum, dux prudens, ac rei bellicæ non ignarus, quod nulla ad quaesandum murum, atque ideo ad terrendum hostem, tormenta secum adduxisset, neque uti sperarat Fulgosius, ullus omninò in vrbe fauentis populi tumultus oriretur, admonitis sociis qui erant ad Feritoris portam, copias collegit, regressusque per dextros Pociferæ vallis montes in agrum subalpinum, & Tanaro amne superato, ad Gallicos duces peruenit, ingenti equidem metu atque periculo, uti inopinatis casibus accidit, liberata ciuitate, quamquam Guido in discessu oblata ex itinere oppidula diripisset. Inde ad Astam profectus, cum nemo Cæsarianorum prodiret, abacta aliquanta præda maioris pecoris, ad oppugnandum Carinianum perrexit, quod oppidum infirmo custoditum præsidio adortus, vno atque altero tumultuario certamine sub mœnibus edito, ad deditiorem compulit, ibique magnam vim parati à Cæsarianis commeatus nactus, Taurinensium, & reliquorum præsidiorum inopiam, æqua dispensatione opportunissimè subleuauit. Nec multo post, admotis copiis Carmagnolæ, munito oppido, quod Salassi erat ditionis, potitus est. Quibus rebus peractis, tamen ab irrita spe potiundæ Genuæ frustra bellum suscepisse videri poterat, his tamen captis oppidis, egregiè nominis famam tuebatur. His cognitis rebus, Cæsar, & Auria periculosa leuati cura, ingenti lætitia sunt affecti. nec multo post Cæsar in Italiam reuersus, Genuam venit, ibique aliquandiu in ædibus Principis Andreæ Aurie, cuius in primis colloquio atque præsentia mirificè recreabatur, cum summa animi satisfactione, atque longè rerum necessariarum apparatu amplissimo substitit, & varias animi curas multis iucundis exercitiis leniuit. Eodem fermè tempore, quo Cæsar ad aquas Sextias cum suis copiis hærebat, Maria regina Caroli soror, Nanfoo duce cum valido exercitu Gallie fines inuadi iusserat: isque leuibus quibusdam equestribus præliis prosperè factis, sese ad oppugnandum Peronam, Picardie urbem ad Samarobrinam amnem positam, conuertit, à qua postmodum eadem die obsidionem soluisse dicitur, qua Cæsar in Italiam, pedem referre cœperat. Inter hæc, Franciscus Gallie Delphinus, regis primogenitus, iuuenis florentissimus, & bellica virtute insignis, cum incredibili totius regie maiestitate, nec citra veneni suspicionem, sibi per quemdam Italum Sebastianum Montecuculum nomine, qui postmodum Lugduni à quatuor equis in partes contrarias actis distractus fuit, opera in primis, ut ferebatur, atque instinctu Antonij Lenæ propinati, crudelissimo fato concessit. Iisdem quoque diebus, Iacobus Scotie rex,

amicitiæ

Carolus Cæsar profectus
est Genuam.

Francisci
Delphini
obit.

amicitiæ veteris quæ olim Scotis cum Gallis intercessit, interpollandæ, & regis videndi, eiusque affinitatis cupidissimus, in Galliam venit; cui Magdalena regis filia, celeberrimo nobilium vniuersi regni comitatu, atque incredibili splendore & magnificentia, elocata fuit. Ceterum hæc proximo anno, in ipso ætatis flore, citra coniugalis thalami aliquem fructum, nec sine immenso vtriusque regni dolore atque inæstiria, immaturo & crudelibus Parcarum manibus abrupto stamine, viuis subtracta est. Nocte, quæ Ianuarias Nonas antecessit eiusdem anni, Alexander Medices, Florentiæ Dux, ac Cæsaris gener, à Laurentio Mediceo propinquo suo, cum iam sextum & vigesimum annum attigisset, intempesta nocte in cubiculo, adeoque in ipsomet proditoris lecto, quàm crudelissimè trucidatus est. Huic non multò post, Cosinus Medices Ioanne Medice fortissimo duce ex Maria Saluiata genitus, decimum octauum ætatis annum vix egressus, totius ciuitatis consensione, & rara fortunæ indulgentia, nihil tale præmeditatus, successit. Hanc illi felicitatem prædictam fuisse aiunt non solum à Basilio ea tempestate celeberrimo Mathematico, qui eius schema natalitium examinans, mirabilem conspirantium siderum feliciū aspectum deprehenderat, sed etiam à Græco quodam ariolo, qui ex inspectione volæ manus eius ingentis opulentiæ hæreditatem illi portendi asseuerabat. Accedebat huc, quòd Capricorni faustum ac felix astrum haberet in horoscopo, siue, vt triualiter loquamur, in ascendente: quod sanè signum cum regium sit, plerumque vel infimum quemque attollere ac euêhere solet. Sub hoc signo Diuum Augustum natum fuisse, ex Suetonio ac ceteris deprehendere licet, ac etiam Carolum v. nullis veræ Imperatoriæ virtutis laudibus ipso Augusto inferiorem. Interea temporis Franciscus Galliarum rex, coactò ingenti exercitu, illū virtute & auspicio Henrici Delphini in agrum Taurinensem ablegauit, qui Suza Moncalerio, multisque aliis arcibus & oppidis expugnatis, Cæsarianos eò adegit, vt ultra Eridarium sese recipere cogerentur. Ceterum insequenti anno, Solymanus parandis nouis regnis tam sua inexplabili, quàm vñtata Othomannis regibus cupiditate incensus, simulque molestissimè ferens, Lusitanorum potentiam in Indiam vsque prolatam, maxima ipsius regionibus detrimēta adferre, interclusis Arabici sinus nauigationibus, quibus Memphim (hodie Cairum vocant) atq. Alexandriam omnis generis aromata & mercimonia, & inde in Europam aduehi solebant, quæ iam per vastissimū Oceanum in Lusitaniam auherentur, atq. inde porrò in Angliæ, Belgij, Germaniæ, aliarumque regionum emporia dispensarentur, hortatu Solymani eunuchi natione Epirotæ, Ægyptij Præfecti, ingentem triremium & aliorum nauigiorum classem magnis impendiis instructam, contra Lusitanos misit, vt eos ex tota India, vbi iam illi aliquot munitissimas arces construxerant, exturbaret. Iam paulò antè in bello Persico aduersus Tammafum infelicitè, vt monstrauimus, suscepto, didicerat, Lusitanos quosdam sclopetarios & tormentorum magistros, qui maiora tormenta & fundere & peritè dirigere Persas docerent, regi Persarum militasse; quod sanè illius animum vehementer in Lusitaniam exacuit, atque vno eodemque tempore terra & aquis Italiæ bellum inferre constituit, tanta celeritate expediti consilij parata classe, & terrestribus copiis è Thracia sinistrorsum per Thesaliam proficisci iussit, vt pænè prius improvius in Epirum peruenerit, & cum ducentis armatorum millibus circa Macedoniæ oram ad Aulonem cōstitit, quàm Byzantio profectus à nostris crederetur, qui Barbaros vel ob id in Pannoniam reuersuros existimabāt, quòd fama obtinisset, Austrianos Germanos nequaquā cū Ioanne Transilvaniæ rege ac Turcis qui essent apud limites in præsidiis, indutias

Iacobi Scotiæ regis in Galliam profectio.

Alexander Medices Florentiæ interficitur.

Cosmus Medices Alexandro succedit.

1537.

Turcica classis contra Lusitanos.

Solymanus Italia bellum instituit.

tanquam paruum æquas, seruatuos. Classis autem numerosa pariter & ornatissima, in Ionium delata, à Cephaleniis, atque Zacynthiis, panè prius spectata est, quàm Veneti sua consuetudine iustam classem, creato Hieronymo Pisaurio, cui Vetturius, ceu collega & consiliorum particeps, attributus fuit, maris præfecto, ad tuendam suæ ditionis oram Corcyram versus adnauigare, indeque terrestres atque maritimos Barbarorum motus obseruare iuberent. Ceterùm Solymanus è Thracia profectus, emensusque totius Macedoniae latitudinem, nihil eum morantibus fluuiis, ad Scardos montes perrexit, & per eorum valles, ad mare, indeque Aulonem peruenit. Tum verò Italiam, quam habebat in conspectu, exemplò petendam ratus, vt, si cœpta prosperè prouenirent, ipse etiam cum omnibus copiis trajiceret, Lusitaniæ, & Hariadenum transfretare atque explorare Salentinorum voluntates iussit, à quibus paulò post, Castrum oppidum direptum; & Salentinorum fines depopulati sunt, ac plurima detrimenta illata. Quem verò exitum hæc naualis expeditio sortita fuerit, Paulus Iouius circa initium libri xxxvi. luculenter ostendit. Et quoniam proximè enarrauimus, Solymanum hoc anno præualidam classem aduersus Lusitanos eduxisse, quinquā euentu dimicatum sit, quàm breuissimè demonstrabitur. Hic sanè, adiuncto sibi Moro Alexandrino, sinus Arabici angustias egressus, Persici maris sinum præteruectus, ad Indum usque fluuium peruenit. Vt verò id magis planum atque conspicuum reddatur, sciendum est, duas ex Europa in Indiam fieri navigationes. Vnam quidem ab Hispania, vel Lusitania, per littora Africæ, ac Æthiopie in Arabiam usque ad urbem Aden, indeque ad Ormutium nobilissimum emporium, ab Ormutio verò ad Cambaiam ciuitatem, atq. inde Calecutium; à Calecutio verò longè vltius usque ad auream Chersonesum, quam Malacham accolæ vocitant, quæ vrbs est miræ magnitudinis, regem habens Maurum. Eam autem Lusitani vi expugnatam, occuparunt, & direptam incenderunt; ibique multa præda cessit Lusitanis, adeò vt præter captiuos, septemque elefantos, æneorum omnis generis tormentorum duob. millib. potirentur. Porro rex munitissimam ibi arcem construxit, apud quam diuersarum nationum mercatores multis opibus atque diuersis aromatibus, & odoribus eam urbem complentes, sibi ædes cum bona venia præfecti Lusitani, compararunt, ita vt iam longè insignius quàm antea, ibi sit instauratū emporium. Turcæ igitur, vbi ad Indum annem peruenerunt, Diuum urbem munitissimam, apud quam Lusitani insignem habebant arcem, sibi totis viribus oppugnandam sumpserunt. Verùm Lusitanorum ea fuit industria, eaq. indomitæ virtutis constantia, vt hostes turpiter profligati, incepto desistere, & relictis maioribus tormentis, ad Aden, felicitis Arabiæ celeberrimum emporium, retrocedere compulsi fuerint: ibique Othomannicæ classis præfectus, acerbissimè ferens tam impropros audacissimorum conatum successus, fide data, Adenium regem Lusitani regis tributarium ad classem euocauit. Credidit ille miser fraudulentò homini, & potentissimo Turcarum Imperatori Solymano gratificaturus, cum quatuor regni proceribus ad nauem perrexit, quem statim vnà cum ipsis proceribus in antenna prætorie naui laqueo suspendi iussit; & mox urbem occupatam, militum prædæ ac direptioni dedit. Ad hæc, Tibitinum regem, licet is amplissimis muneribus impotentis hostis gratiam ambiret, vnà cum omnibus eius aulæ præsidiis contra fidem datam interfecit. Hic fuit exitus Othomannicæ expeditionis aduersus Lusitanos: quod quidem Dei Opt. max. bonitati acceptum ferendum est, qui noluit impuros Mahumetanos Lusitanie regis sanctissimos conatus retardare, quibus innumeræ iis in locis gentes quæ ad id

tempus

Lusitanici
belli descriptio.

Chersonesus
diuina.

Diuum oppu-
gnatur à
Turcis.

tempus stultissimis & absurdissimis erroribus implicitæ, longè ab omni verà salute aberant; ad ipsius cognitionem traducebantur. Namque Calcutani, & plerique alij, ipsum cacodæmonem incredibili vecordia adorabant & colebant, simulque illi multos mortales immolabant. Eadem circa tempora, in Galliis Anna Momorantius à rege Francisco, cuius ea tempestate gratia summoperè florebat, Magister equitum creatus est. Breue autem spatium ab hoc intercessit, cum Turris bellica, quæ est Parisiis ad portam Antonij, in qua maxima vis nitri sulfurisque ac tormentarij pulueris asseruabatur, fulmine ad inum discussa est; tantum impetu, ut saxa in loca finitima, & mox trans Sequanam iacta, quam plurima ædificia mirum in modum deformarint, ac etiam euerterint. Inter hæc, opera in primis Pauli tertij Pontificis, sexto Idus Febr. Romæ fœdus inter ipsum, Carolum v. & Venetos, sollemni cærimonia percussum, adstipulantibus pro ipso Cæsare Ioanne Manrico Aguillario, & M. Contareno pro Veneto Senatu. quod quidem tempore ab eodem Pontifice enixè laboratum fuit; ut pax inter Cæsarem & Franciscum coiret: cuius rei gratia Cæsar ab Hispania, adducente eum Auria, in portum Herculis Monæci secunda navigatione peruenit. Franciscus verò ad Villanouæ oppidum ultra Varum amnem, terrestri itinere, concessit. Et licet Pontifex impetrare nequiret; ut ipsi reges tum temporis in mutuum complexum atque colloquium deuenirent; hoc tamen assecutus est, ut cum post longas & multas disceptationes pax conciliari non posset, indutiæ à reginis, nempe Maria, & Eleonora, in Belgio paulò antè in triennium pactæ & promulgatæ, in nouem, siue, ut aliis placet, decem annos de communi voluntate sancirentur. Actum subinde est inter Cæsarem atque Pontificem, uti antea compositum fuerat, de suscipienda nauali expeditione aduersus Turcas, nouaque legatio ad Pontificem ac Cæsarem à Veneris peruenit, qui æstate iam adulta festinandum esse, atque apparari classes postulabant, postquam Venetiis cuncta iam parata essent ad nauigandum, magnoque incommodo futurum esse differebant, si reliquos æstatis menses effluere sinerent, quibus mari res geri posset. Nec multo post Franciscus discedens à Pontifice, in regnū suum est reuersus; Pontifex verò Genuam peruenit, exceptusque est hospitio in Eliscorum ædibus excelso in loco ad Violatæ templum positus. Exinde classem conscendit, partimque mari vsus, partim terrestri itinere, post solstitium ad urbem perrexit. Cæsar autem ad Massiliensium oram delatus, circa Fossias Marianas ex condicto regem eò descendentem cum liberis suis quadrireme prætoria humaniter excepit, atque arctè complexus est. Imperante quoque Cæsare, Franciscus Andreæ Auria superiorum temporum iniurias facile remisit, cum ad exosculandam dextram produceretur: subindeque plures horas arcanis sermonibus Principes impenderunt, tanta vel eorum qui aderant, vel illorum qui id postea ab aliis didicissent, exultatione, ut ferè nemo reperiretur, qui non planè existimaret; reges ipsos, deterfis odiis conciliatos, sub certa maturæ pacis atque concordia spe fraternæ amicitia fœdera concepisse. Nec multo post Cæsar Genuam enauigauit, ubi quàm honorificentissime exceptus, plures dies substitit, ac confirmandæ valetudini, quæ paulò antè partim ex inclementia Prouincialis cæli, partim ex grauissimis curis, quibus assidue premebatur, commota fuerat, enixè operam dedit. Torquebatur nimirum Cæsar assidua quadam sollicitudine rebus Siciliae atque Africae prospiciendi. Proinde cum Genuæ esset, omni contentione operam dabat, ut pollicitis, quibus sese erga Pontificem & Venetos onerarat, quàm expeditissime liberaret. Transegerat enim cum iisdem, ut communibus sumptibus expeditio aduersus Turcas summo studio ac sedulitate,

Anna Momorantius Magister equitum designatur.

Turris Lugduniana caluitie tacta.

Fœdus inter Rom. Pont. Carolum v. & Venetos.

Inter Carolum v. & Franciscum regem, indutiæ decennales.

Paulus tertius Genuam petit.

Cæsar & Franciscum simul conuincunt.

Cæsar Genuam proficiscitur.

1538.

Caroli Cæsa-
ris coniux vi-
dis subtra-
hantur.

Fœderis con-
ditiones.

Comitatus
apparitio.

1539.

Barbarussa
classis & ex-
pedito aduer-
sus Christianos.

Vlamanes co-
tra Christianos
mittitur.

Castronouum
expugnatio.

cum vel minima mora maximum periculum haud dubiè illatura esset, institueretur. His rebus peractis, dimissisque ab se totius propè Italiæ regulis, nactus idoneam tempestatem, in Hispaniam commodissimè nauigauit. At sub proximè subsequenti anni principium, serenissima eius vxor, Isabella, Emanuelis regis Lusitanix filia, & Philippi Hispaniarum, &c. regis Catholici mater, relictis tribus tantummodò prolibus, ex sinu dilectissimi sui Principis, & coniugis, immatura morte subtrahita fuit. Cuius certè indiuidui amoris desiderium tam euidenti testimonio Cæsar confirmavit, vt ad vltimum vsque vitæ spiritum coniugali thoro viduatus, cum crebris suspiriis & grata commemoratione eius memoriam assiduè profecutus sit. Et quia fœderis initi meminimus, non absurdum videtur, eius condiciones subijcere, quæ, præter alias, hæc ferè fuerunt præcipuæ: Vt Cæsar octoginta duas triremes instrueret, totidem Venetus, ipse verò Pontifex triginta sex pararet, quò ducentarum triremium numerus æquaretur. Renuntiati quoque sunt clarissimi duces, Cæsarianæ, ipse Andreas Auria, Venetæ Vincentius Capellus, Pontificiæ autem Marcus Grimanus Patriarcha Aquileiensis, cui comes & adiutor adderetur Paulus Iustinianus, nàuali prudentia virtuteque aliàs inter patricos cum laude versatus. Ceterum, quid tandem his tantis apparatibus effectum sit, & quanta Christiano nomini ex Fœderatorum dissensionibus labe inusta, Iouius planissimè, disertissimeque recensuit. Vt verò & illud hîc obiter inferatur, sunt qui literis consignarint, vigesima secunda Ianuarij eiusdem anni conspectum fuisse sidus obscurum, pallidum, longissima cauda directè sursum ducta, in nono gradu Piscium in latitudine 11. grad. recta linea inter ceruicem & humerum Pegasi. Anno similiter 1539. mense Maio, alterum describunt pallidum, cauda breui, in quinto gradu Leonis lat. sept. 12. grad. quod ab ecliptica in Austrum mouebatur. Hoc autem anno, Castronouo capto, & sicuti suprâ commemorauimus, Hispanorum præsidiis Sarimento duce impositis, atque inde abeuntibus classibus, eam iniuriam vsque adeò grauiter ac superbè Solymanus tulit, vt magno apparatu terra marique repetendum decerneret, augeretque, iratus Venetis, in Peloponneso copias, quibus & Nauplium, & Epidaurus acriter oppugnarentur. Singulari autem gaudio atque lætitia affectus est, quòd totius propè Christiani nominis classes, quas antea plus æquo magnificere consueuerat, aduersum se coactas, Barbarussa omnibus propè rebus inferior, omni estimatione spoliatas, toto mari dispulisset. Ineunte igitur vere, Barbarussa refecit classem, & novos remiges in supplementum maritimis regionibus imperauit, atque cum, vti oportebat, propugnatorum ex prætorianis cohortibus præcipuè numerum, & exercitissimum quemque ex aliis ordinibus in classem descripsit, duasque ingentes onerarias naues, quas Mahonas vocant, ad ferenda totius tormentarij apparatus & castrensis instrumenti onera celeriter ædificauit. Decretus quoque est in id bellum dux alter, qui terra rem gereret, Vlamanes Persa. is bellicæ virtutis commédatione, in demortui Vstrephi locum, in præfectura Illyrica, quam Bosnensem vocant, suffectus fuerat. Itaque adulta ætate, cum Barbarussa,educta Hellesponto classe, quæ nonaginta triremium, & trium, quas diximus, Mahonum numerum æquabat, in Rizonium sinum peruenisset, eodem tempore Vlamanes cum triginta millibus equitum ac peditum in summis montibus sese ostendit, & mox Castronouum terra marique acerrimè obsessum, eo tandem exitu, vt post cruentissimum prælium, Hispanis omnibus aut trucidatis, aut, si qui ex deditioe cædeque superfuissent, ad transtra triremium relegatis, expugnatum sit. Inter ceteros autè, quibus expedita deditio saluti extitit, fuere om-

nis

nis generis homines circiter octingenti, in quibus eminebat Hieremias Ligu-
stica stirpis, qui eius oppidi Episcopatum impetrarat. Exinde Barbari inflati vi-
ctoria, Rizzano castello in propinquo posito, quod à Venetis tenebatur, dedi-
tione occupato, Cattaro vrbi inhiare cœperunt; & aliquot triremes promotæ,
dispositisque tormentis oppugnaturi speciem præbuere. Huic præerat Matthæus
Bembus, vir patricij ordinis, & insigni virtute atque animi constantia præditus,
qui statim animosè atque intrepidè totidem tormentorum suorum bombis &
pilis strenuè respondit, & præsidium armatum in mœnibus ostendit. Quo ani-
maduerso, Barbarussa inhibuit remos, reuocatisque anterioribus nauigijs, ad
Castronouum est reuersus. Dum hæc in Dalmatia Illyrioque geruntur, Ganda-
uenses, suorum privilegiorum monumenta suis archiuis à Maria Vngariæ regi-
na, Cæsaris sorore, Belgij rectrice, sibi sublata questi, res nouas meditantur: ad-
uersus reginam insurgunt; suos magistratus capite puhunt: à Cæsare deficere ad
regem Galliarum parant; quorum legati à rege auditi, non impetratis, in gratiam
Cæsaris, quæ postulabant, domum remittuntur. At Cæsar, accepta prius Regis
fide, per Gallias nullo regio ornatu, sed hominis priuati habitu plusquam medio-
cri, ex Hispania in Flandriam transiit. Cui à rege, eius liberis, & tota nobilitate
ad radices vsque montium Pyrenæorum obuiam itum est: qui deinde per omnes
regni Gallici ciuitates incredibili apparatu, pompa, & magnificentia, oblatisque
summis muneribus & applaudentibus populi Gallici omnibus exceptus, ac et-
iam vbiuis locorum potestate plusquam regia quantum voluit, vsus, Valence-
nas vsque nobilissimo frequentissimoque comitatu peruenit. Deinde Gandauū
cum exercitu iusto peditum Germanorum, equitumque Hannoniorum & Ar-
tesiensium ingressus, cum prius ciuibus per suos duces blanda & artificiosa ora-
tione omnia arma abijcienda, & suam clementiam implorandam persuassisset, de
seditiosis quæstionem magna seueritate exercuit. Præcipua capita morte plecti,
maximum aliorum numerum laqueo in collum inserto, suis pedibus aduolui, &
suam misericordiam implorare iussit. omnium opificum (quorum genera duo
& sexaginta erant,) ædificia publica, tormenta bellica, vexilla, vasa argentea, pe-
cuniam & possessiones fisco suo adiudicat, & demum oppressa omni, qua semper
vsi fuerant, libertate, eorum sumptu in D. Bauonis monasterio arcem inuistatæ
magnitudinis ad domandam eorum ferociam & peruicaciam excitari ac extrui
imperauit. Hanc Cæsaris seueritatem totius Germaniæ ciuitates mirum in modū
damnabant, horrebantque in primis impositæ arcis nomen vti nouum, & ma-
ximè infestum libertati, ita vt Gandauensibus tanquam sociis, si Cæsarem casu
aliquo fortuna defereret, recuperandæ libertati maturam opem laturi viderentur.
Sub id tempus, Ferdinandus ad Cæsarem venit, expectabaturque sollicitis legato-
rum animis toties initæ, nec vnquā tamen confectæ pacis euentus. Per eos etiam
dies, Wilhelmus Cliuensis regulus, quem Sicambri, post sui Ducis mortem, cum
eius supremis tabulis, tum sponte sua patronum & pro duce sibi adsciuerant, ac-
cepta à Ferdinando Cæsaris fratre fide, Gandauum ad Cæsarem venit; quem cum
multo asperiores opinionione sua offenderet, & experiretur, nec speciosi susce-
ptique simul tituli honores, pro quo armis certare & nauiter occumbere minimè
recusaret, inconcussio pectore, ac verè Germanica constantia, se consulturum pro-
uinciales suos dixit, & sub ea qua venerat fide, intra fines est reuersus. Iisdem
quoque temporibus, Iohannes Vayuoda Vngariæ rex vita excessit, relicto infante
sub tutela Georgij Monachi, qui statim Transyluaniam totam, Budam, Pestam,
& quod reliquum in Vngaria, Vayuodæ patri parebat, in pueri verba iurare cœ-

Rizzanum à
Turcis dedi-
tione occu-
patum.

Cattarum à
Turcis fru-
stra oppu-
gnatur.

1540.

Gandauen-
sium rebellio
& animad-
uersio.

Dux Cliuē-
sis ad Cæs.
profectus,
parum hū-
maniter ex-
cipitur.

Ioannes
Vayuoda
obitus.

*Ferdinandus
Pannonia
bellū infert.*

*Turci ap-
paratus con-
tra Ferdinandum.*

*Andree Au-
ria prosperi
successus.*

*Solymanus
Christianis
variis in locis
bellū infert.*

*Austrianorū
clades ad
Budam.*

1541.

git. quod intelligens Ferdinandus, comitiis, quibus Haganoæ Cæsaris nomine præsidebat, relictis, summa celeritate coacto exercitu, Pannoniam inuasit, & Pæstum ab hostibus desertum, sui iuris fecit, atque illicò ad Vicegradensem arcem admotis copiis prolatisque tormentis, illam expugnauit, & mox ad Albam regalem contendit, ut per colloquia, ciuium primores tentaret. Nam Perennus, cuius apud Albanos insignis erat auctoritas, per idoneos homines adhortando, & plurimas immunitates ac præmia pollicendo, nonnullos perpulerat, ut à regina, Sigismundi Sarmatarum regis filia, desciscerēt. hisque persuasione breui effectum est, ut ciuitas, quæ vi atque armis expugnari nequibat, multa expediti consilij ratione mollibusque sermonibus ad Ferdinandi fidem redierit, ac eius præsidium acceperit. Hoc felici rerum successu alacrior factus, protinus omnes vires ad Budensem expugnationem conuertit. At Solymanus his rebus quæ à Cæsare, fratreque eius aduersus reginam parabantur, opportunè cognitis, tuendi proferendique imperij rationes explicat, hostium consilia, & facultates expendit, adhibetque in consilium purpuratos eius ordinis quos recepto idiomate Bassas vocant, ac ingenti animo, diuisis copiis, delectisq; ducibus, vno eodemque tempore locis omnibus occurrendum statuit. In primis verò Mahometem purpuratum, natione Dardanum, qui obsessæ reginæ opem ferat, in Pannoniam proficisci iubet, simulque Vltresus ex Illyrico quartus ordine purpuratus, deligitur, qui Mahometem subsequatur, & subsistat Belgradi intentus ad ferendam opem, si Mahometes validiores hostes inueniat. Attribuitur & sua classis Hariadeno Barbarussæ, ut daret operam, ne quid detrimenti in Græcia atq; Epiro ab Auriana classe reciperetur. Paulo enim antè Auria Siculis & Neapolitanis triremibus sibi adiunctis, Turcas & Pœnos Turcis fauentes, Clupea, Neauplio, Adrumeto, Ruspina, Tapsoque, ac denique tota ea Africæ regione, vna excepta vrbe Lepti, quæ Mahomedia à Pœnis, à nostris verò Africa nuncupatur, à Mænicis usque insulæ Syrtes depulerat, & Muleassis Tunetani regis imperio parere coegerat. Et quoniam Solymanus Maylatum in Transilvania Ferdinandi rebus studere, bellumque moliri didicerat, aduersus eum Mustapham Nicopolitanum præfectum, superato Danubio, contendere iussit, & Petreio Moldauio Valacchorum Principi iniunxit, ut Mustaphæ bellum gerenti præstò adesset. Igitur Mahometes rei gerendæ iuxtaque ostendendæ virtutis cupiditate incensus, iustis confectis itineribus paulò post solstitium in Vngariam contendit. Ferdinandi exercitui cum imperio præerat Rochandolphus regiæ aulæ magister, vir bellica virtute ac fortitudine insignis: qui tametsi vnà cum suis multa strenuè ac præclare gessisset, nihilominus tamen præualente hostili multitudine, iniqua fortuna dimicauit, adeò, ut Turcæ maxima clade Christianis terra & aquis illata, partim fugato ipsorum exercitu, partim interfecto, urbem vi & armis obsidione liberauerint, & ipsos insuper maiori parte Pannoniæ multauerint. Solymanus verò Buda potitus, Vayuodæ matrem vnà cum filio in Transiluaniam relegauit. Inter hæc, Cæsar Ratisbonæ comitia indixit, in quibus, præter alias grauissimas deliberationes, actum est de componendis circa religionem controuersijs: ad quam rem constituendam terni utrimque delecti sunt: quibus, cum propter iudicij diuersitatem conuenire non posset, valentibus, res tota ad futurum concilium remissa fuit. Bellum quoque decretum sumptibus imperij terra & mari gerendum contra Turcam. Eodem ferè tempore, dux Cleuenlis, cuius proximè habuimus mentionem, ad regem Galliarum profectus est, & cum eo sese fœdere coniunxit, pacta illi & promissa in matrimonium Margarita regis Nauarræ vnica filia. Hoc statu

statu rerū Cæsar Fulgofius, vir multis eximiae virtutis ornamētis valdè cōspicius, ^{Cæsar Fulgofij & Romanorum cedes.}
 & Antonius Rinconius Francisci regis legati, Venetias per Padū nauigio petētes,
 à Cæsarianis immaniter cōtra ius gentiū contrucidati sunt; eōq. factū est, vt horū
 cede indutiis violatis, veteris odij flamma, cōpressa aliquandiu indutiarū fide, in
 multò atrocius quā antea, belli incendiū exardesceret. Hoc anno Cæsar sub autum
 ni finem cū potentissima classe ad Algerij, olim Iubæ regiæ, à Romanis Cæsareæ ^{Cæsariæ clades ad Algerum.}
 Iuliæ vocatæ, expeditionem enauigans, naufragium & ingentem cladem accepit,
 adeò, vt cum locū, binis paulò ante Christianorū cladibus, nempe Didaci Verræ,
 & Hugonis Moncatæ, celebrem, hac noua sua ingenti calamitate cum maximo
 totius Christianæ Reip. incommodo accepta, multò celebriorem atque nobi
 liorem in posterum reddiderit. Interea temporis, omnis Germania excitata Fer- ^{1542.}
 dinandi regis precibus, grauissimisq. Hungarorum procerum obtestationibus <sup>Christiano-
rum princi-
pum ad re-
cuperandam
Budam, ex-
pediit.</sup>
 permota, aduersus Turcas bellum suscepit: in quo imperata adductaque sunt à
 regulis & liberis ciuitatibus ad triginta millia peditum, & equitum armatorum
 septem millia Germanici nominis, in his eminebat Mauritius Saxo nobilissimæ
 stirpis regulus, supremi autem militaris imperij nomen delatum est Ioachimo
 Brandeburgensi regulo, sic tamen, vt summa consilij potestas ad octo viros per
 tineret. Vbi Viennam deuentum, accessere Ferdinandi regis copiae: nam præter
 Austrianos nominatim euocatos, Hungarorum Stiriae præfectus circiter decem
 millia equitū effecerat. Hungaricus autem equitatus quindecim millium nume
 rum æquare dicebatur. Paulus quoque Pontifex tria millia delectorum peditum
 Viennam ad exercitū misit, hisq. ducem attribuit Alexandrum Vitelliū, expetēte
 rege magnis precibus, vt is præcipuè mitteretur, qui spectatis operibus pugnacis
 & egregij ducis famā quæ suisset. Sfortia quoque Palaucinus, tunc summæ spei
 summæque nobilitatis adolescens, per eos dies ornatissimam sexcentorum equi
 tum alam circa Padum conscriptam, in Pannoniam adduxit. Huius verò expedi
 tionis is tandem exitus fuit, vt, postquam primò paribus animis ac viribus de
 certatum esset, ac deinde nostri Vitelliano stratagemate, singularique Perenni ac <sup>Ducis Mauri-
tij virtus
& fortitudo.</sup>
 Bathoris, & in primis Illustrissimi Principis Mauritij, quæ cum in aliis conflicti
 bus, tum potissimum hoc in bello plurimum enituit, adeò me herclè, vt acriter
 in hostes inuectus, & ab his circumuentus, equoque deiectus, summum vitæ
 discrimen adierit, à quo tamen mira cum animi fortitudine tum fortis beneficio,
 sese quàm celerrimè explicauit atque eripuit; singularem de hostibus victo
 riam reportauerint, postremò nouercante fortuna, cum haud mediocri clade in
 glorij ad suos redierint. Sub eiusdem temporis tractum, Iacobus quintus Scoto
 rum rex vita defungitur, filia regni hærede relicta. cuius morte noui motus ac <sup>Iacobi Scotie
regis mors.</sup>
 seditiones in Scotia excitantur. Proximè à nobis demonstratum est, Francisci
 regis oratores à Cæsarianis contra ius gentium contrucidatos fuisse: quod sanè
 illius animum ad summam indignationem atque iracundiam concitauit, ita, vt
 rex, paucis post diebus, Moniuium suum legatum ad Cæsarem, recens Lucam
 profectum, quò itidem Paulus Pontifex venerat, amādauerit, vt cæsorū Lega
 torum noxam sibi expiaret, iuxtaque de Mediolani iure satisfaceret. Verum
 enimuerò dum is nihil à Cæsare obtinuisset, actutū omnes animi cogitationes
 ad nouum bellum conuertit, & mox Antonium Polinum singularis consilij atq.
 prudentiæ virum, ad Solymanum tunc temporis Hadrianopoli subsistentem <sup>Gallie rex
Turcarum,
opem imple
rat.</sup>
 ablegauit. Qui magnis itineribus illuc profectus, & legatione exposita, breui
 post, accuratis precibus impetrauit, vt Othomannica classis Hariadeno Barba
 russa præfecto, appetente vere Massiliam mitteretur. Classē verò Hariadenus ^{1543.}

ad quartum Cal. Maij conscendit, quæ sanè centum ac decem triremium, & biremium circiter quadraginta quas piratæ adduxerant, numerum æquabat; eaquæ Ionium præteruectus, ad Messanæ fretum peruenit, indeq. Rhegium, & per Pontias insulas ad Tarracinenfium littora delatus, Ostiam, ingenti vbique terrore incusso, enauigauit, & ad ostium Tiberis aquationem longè optimam nactus, tri-duo pòst, inde discessit, Etruriæquæ oram atquæ Liguriæ sine maleficio circumuectus, Massiliam rectà contendit, indeq. classe ad Nicæam Prouinciæ admota, vrbein, post durissimam obsidionem & grauissimas oppugnationes, expugnauit atque diripuit, & magna ex parte incendit. Verùm arx nequicquam ab eo tenta-ta. Ex miseræ vrbis direptione ingens præda est conflata, & quamplurimi mortales vtriusque sexus in tetram & luctuosam captiuitatem abducti. Feruntur fuisse circiter 5200. & in iis eleganti forma Vestales 200. Reliqua præda pænè sex-centis ducatorum millibus æstimata dicitur. Barbarussa Turcæ gratificaturus, & homines, & reliqua omnia quatuor magnis nauibus imposita, adiuncta alia naui præsidaria, Solymano transmisit. Interea Garsias, Viceregis Neapolitani filius, classe sua, Principis Andree Aurix classi associata, Turcicas oras depopulatur, non mediocri relata præda. Dum autem Siciliam versus nauigat, obuias habet Barba-russæ, quas diximus, naues cum præda hominum & aliarum rerum. Sentiens ve-rò hostiles esse, summo impetu in eas irruit, omnesquæ, non sine maximo Dei beneficio, quo è sæuissimorum Barbarorum manibus miseros illos extorsit, quos non dubium est, incredibilem animi mætoresin ab insperato in summum gaudiū cominutasse, Messanam incolumes perduxit. Eodem quoque anno, Turcarum Imperator iterum cum innumerabili exercitu Pannoniam inuadit, prius Amura-tha Dalmata Persa quæ Alamane ad expugnandum arcem Valponium in confi-nibus Bosniæ, Croatia, & Hungariæ positam præmissis, quam ferè tres totos menses frustra obsederunt. Deditio postea facta est, sed militū perfidia, qui suum Præfectum omnia potius experiri, quàm sese dedere volentem, comprehenderūt, Turcisquæ tradiderunt. In quem Turca non solū non immanis, sed etiam in illum summa beneficētia & humanitate vsus est. Ceterum milites omnes, quan-quam dedititij, sædè interfecti. Post hæc, Soclosia oppidulum primo impetu ca-ptum, direptum atque incensum fuit, ac breui pòst, eius arx, & finitima loca de-ditione occupata. Interim Solymanus, vndecimo Cal. Augusti Budam ingressus est, deinde cum vniuerso terrestri ac nauali exercitu ad expugnandum Strigoniū contēdit, quæ sanè vrbes, post aliquot dierum obsidionem, in Turcarum potesta-tem deuenerunt, & consimili exemplo Thata, Alba regalis, & pleraque alia op-pida Pannoniæ, partim vi, partim deditione occupata, omnisquæ ea regio variis incursionibus quàm miserrimè deuastata ac depopulata fuit, præsertim à Tarta-rorum equitatu, quos Solymanus in proxima loca dimiserat, vt vicinorū animos ab omni cogitatione subsidij auerteret. Hi autem studio rapiendi incautiùs va-gantes, ab Hungaris circumuenti, amissis suorum plus minus tribus millibus, malè multati in castra rediēre, fuitquæ insignis in hoc certamine virtus incly-ti ac strenuissimi viri Nicolai Serini Croaci Comititis; qui cum aliquot Hunga-riæ Principibus, Nicolao scilicet Kadouuith, duobus Bartholomæis Horuuart, Emerico Vuerbecio, & Andrea Bathori, viris olim summis inter Hungaros po-tentiæ, & nobilitatis, pro patriæ recuperatione, omnes fortunæ casus subeundi, fœdus percusserat. Ceterum, vulnus ipsius Nicolai obstitisse dicitur; quo minùs nobilem de se victoriam Tartari præberent. At Solymanus, satis sibi gloriæ par-tum ratus, postquam duabus summæ claritatis vrbibus suo imperio adiectis,

Ger-

Nicæa à
Turcis ex-
pugnatur.

Præda ingēs.

Præda Tur-
cis eripitur.

Strigonium,
Alba rega-
lis, & plera-
que alia loca
Hungariæ à
Turcis occu-
pata.

Germanorum atque Hungarorum animos contudisset, Byzantium redire constituit. Iam enim non dubia ingruentis hiemis signa maturandum omnino redditum indicabant. Discedente autem Solymano, vius ante alios verus Imperator; & nostris maxime cladibus insignis, Mahometes Iahaoglis qui praefectura Belgradensis dicebatur, graui iudicio delectus est, qui toti Pannoniae cum imperio praesideret. Ab hoc praedabundis agminibus vehementer vexata est ea regio; quae ad Iauarinum & Quinque ecclesiensium fines pertinet: cui malo cum à nostris occurri minime posset, quodam genere indutiarum impetrato; coactas copias rex utili consilio dimisit, & Pontificiae cohortes in Italiam redierunt. Nam pacis conditiones cum Turca initae ad certum tempus, utriusque parti, armis fessae, gratae fuerunt. Et quoniam hic regiarum copiarum mentionem habuimus, minime praeter institutum fore arbitror, si, quante extiterint, breuiter indicabitur. Porro peditum Germanorum erant 8000., Italarum quatuor, qui circa Viennam retenti fuerant, ut subito in urbem, si eam hostis adoriretur, quamprimum reciperentur. Bohemorum & Morauorum erant circiter 2000. quibus accedebat ordinarius equitatus Hungarorum, cum Austriacis, quorum numerus vix octo millia excessit. Cum his copiis, quae omnes, dum Turcae Albam expugnant, ad Posonium conuenerant, rex ibi ex utraque parte Danubij castrametatus, triduum in construendo trans fluvium ponte, consumpsit. Quod quidem opus valde solidum erat, & satis latum, quod pedites quini, equites terni, sine offensione atque ullo impedimento liberè pertransirent. Cum ita à nostris omnia instructa & parata essent, neque difficile plerisque videretur, quin eodem anno, non solum Alba, sed etiam Strigonium recuperari potuisset, ex improviso tam horribilis tempestas exorta est, ut ipsi Superi nostrorum progressum inuidisse omnino videri possent, tantique imbres continuis diebus de caelo lapsi sunt, ut vix locus editior metandis castris ibidem reperiri potuerit, eaque ventorum & procellarum vis fuit, ut nec tabernacula erigi, nec ignes in castris excitari potuerint. Haec sane causam praebere, ut Bohemi, qui se solum suos fines tutari velle dixerant, difficulter mouerentur, veriti, ne, si semel pontem transissent, illo interrupto, quò nollent, inuiti ducerentur: eaque de causa, regem adeuntes, illum orarunt, ne summa hieme, inuitis superis, in hostem duceret: sese ad primum veris initium, omnes praesto adfuturos, quocumque etiam mouere vellet. Rex itaque partim illorum voluntatem, partim necessitatem secutus, quòd videret, sub dio & pellibus militem contineri non posse, exercitum dimisit, & Viennam reuersus, omni consilio in curam sequentis anni, quibus artibus & viribus bellum geri posset, intendere coepit. Superius demonstrauimus, Cliuensem Ducem multò durius atque asperius quam ipse opinatus fuerat, à Caesare habitum fuisse. Is porro ab ipso Caesare alienior factus, paucis post mensibus ad Gallos defecit. At Caesariani, eius ditione adorti, illam ferro atque igni deuastarunt, lateque populati sunt, & arces atque oppida munitione ceperunt; quos Wilhelmus Dux habito Ruremunda delectu, ex omnibus locis, facile, praeterquam Hymbergo, expulit. Dum verò hunc locum comineatu nouoque militate firmare, summa ope annituntur, cum Cliuensibus atroci proelio configunt: & cum eorum equitatum in fugam vertissent, omnem suum peditatum inhumani strage cum omnibus tormentis bellicis & comineatu quem importabant, amittunt, & praecellam victoriam Cliuensibus tradunt. At Caesar exiguo temporis spatio interiecto, ex Hispania Tarracone Genuam appulsus, & mox in Germaniam profectus, ibi ingentes copias collegit, rectaque Duram, Cliuensem praesidio defensam, vi expugnauit, diripuit atque incendit: qua clade consternatus Gulielmus

Christianorum
copiae a Turcis
Turcas in
Vngaria in-
uenies.

Cliuensis du-
cis à Caesare
defectio.

Dux à Ca-
sarianis ex-
pugnatus.

mus Dux, & à suis proditus, ad Cæsaris pedes supplex abiectus, traditis Cæsari Geldrensis Ducatus omnibus oppidis longè munitissimis, & Ferdinandi filia elocata, veniam impetrauit. His rebus prosperè confectis, Octobri mense Landresium venit, seque cum Anglis, quibus cum paulò antè fœdus ac societatem iniuerat, & Landresium arctissima obsidione premere inceperant, coniunxit. Ceterùm rex, instante hieme, cum omnibus suis copiis eodem peruenit. & omninò res ad prælium spectabat. Sed cum Galli summa celeritate vsi, pulsaque & loco dimota Cæsariani exercitus parte, quæ cis fluuiolum castra habebat, com-
 meatum & recentem militem introduxisset, silentio noctis illinc discedunt; nec deprehensum hoc ab hoste fuit prius, quàm illuxisset. Tunc demùm infecuti, postremum agmen morantur, & complures interficiunt. Et quia, vti diximus, iam suberat hiems, Cæsar nihil amplius tentandum existimans, cum ad obsidionem Luceburgi copias aliquot misisset, reliquum exercitum dimittit. Landresij Dux Mauritius Cæsari vltro suisque stipendiis militabat. Qua quidem re magnam sibi beneuolentiam & aditum ad illius amicitiam comparauit. Circa hæc tempora, in Trecassibus casus quidam funestissimus & longè miserabilis contigit, quod à me hic breuissimis verbis enarrabitur, ea potissimum de causa, vt subinde humanarum rerum fragilitas nostris mentibus magis magisque obuerfetur atque inhæreat. Villica quædam, cui grex liberorum erat, dum è vicina domo ignem petit, infantem in crepundiis domi reliquerat, quem reliqui pueruli lusitantes circumstant: eò cum famelica sus irrupisset, (vt solet in casis agrestibus id genus animalis crebrò oberrare) infantem ex cunis, dentibus extractum, cum deglutisset, puida reliquorum turba, se clibanum iniecit, abdiditque. tam atrocis rei ignara mater, coctura panes, eò ignem congestis lignis properè immisit, omnesque iam terrore consternatos exanimauit liberos; quibus flammæ crepitus ita obstrepebat, vt vocem eiulantium interciperet. Dein ædes ingressa, & sanguine madentes cunas conspicata, cum infantem abesse cognouisset, animali occurrit, cuius rictus cruore disfluentes, laniati infantis indicium fuerunt. Hæc, sublato repentè clamore, concitauit viciniam; ad cuius miserabiliter quiritantis vocem commotus maritus, ex proximo rure domum sude armatus aduolat, suorumque tot conspectis funeribus, vxorem præ impotenti ira occidit: eius mulierculæ duo fratres ad tumultum confluxerant, qui rei permoti indignitate, virum quoque interemerunt, & ij rursus capitalium iudiciis obiecti, in furcam sublatisunt. sic animalis vnus ingluuiens perpetuis funeribus omnes extulit. Ceterùm antequàm huic libro finem imposuero, id quoque obiter annotauerim, has ingentes atque horribiles calamitates, quarum superius meminimus, præcessisse naturæ prodigia, quæ non temerè maioris semper mali prænuncia creduntur, eaque multorum animos nouæ cladis expectatione suspendisse. Rubentes enim locustæ, factorum dira perniciēs, stupendis agminibus ab Oriente per Illyricum in Italiam conuolarant, quo itinere Turcarum aduentus portendi videretur. Tanta autem famelicis erodendi rabies inerat, vt, præter absumptas segetes, prata quoque vel rigua, viriditate graminis, & magnas frondosasque arbores, ocysimè totò foliorum honore spoliarent. Tremuerat etiam in Etruria iuxta Florentiam Mugellus ager in radicibus Apennini, quæ Seua fluuius decurrit, cultura, amœnitate, frequentia nulli secundus. Ea subita clade, quæ noctu circa solstitium incidit, Scarparium oppidum totum ferè prostratum, aut certè magnis deformatum hiatibus fuit, cum septingentæ nobiles, aut rusticanæ domus in eo tractu centum stadiorum oppressis multis mortalibus miserabili ruina corruissent; læto tamen Cos-

Landresium
à Gallis præ-
sidio subleua-
tur.

Dux Maur.
voluntariè
Cæsari mi-
litat.

Casus maxi-
mè lugubris.

Prodigia.

Scarparium
terræmotu
conculcatur.

mi Principis augurio, cum tot ædificiis circumquaque laceratis & haustis, una ipsius Trebia villa, stupente populo, illæsa constiterit.

LIBER XXII.



NITIO Ianuarij proximè subsecuti anni, Cæsar è Belgio pro- 1544.

fectus, Spiram venit, vbi etiam Ferdinandus rex, ac omnes Electores, & plerique Germaniæ Principes adfuere, & in his etiam Cliuensis, vt indictis comitiis interessent. Quarta verò ac vigesima die eiusdem mensis, fuit magna Solis eclipsis; interdiu,

Eclipsis Solis insolens.

sic vt ab omnibus non sine admiratione conspiceretur. Lunæ quoque tres hoc anno fuerunt eclipsis plenæ. Res nimirum prodigiosa, & quam à Caroli magni tempore non accidisse Physici dicunt. Quid autem in hoc celeberrimo Spirensi conuentu, atque itidem in ceteris vario tempore habitis Augustæ, Noribergæ, WORMATIÆ ac Ratisbonæ inter Cæsarem Carolum v., & Principes Protestantes, ceterosque imperij ordines, peractum sit, & quo exitu ea comitia terminata fuerint, equidem actum agerem, si huius rei enarrationem susceperem, cum præsertim præclarissimus historicus Ioannes Sleidanus in suis Commentariis ea omnia luculenter explicauerit. Interea temporis, cum inter eundem Carolum, & Franciscum Galliarum regem, denuò atrocissimum bellum exarsisset, postridie Idus Aprilis, Franciscus Anguineus, Vindocinensis ducis frater, regij sanguinis, ac excellentis animi iuuenis, Alpinarum gentium prorex, apud Cerisolum cum Cæsarianis, quorum dux Alfonsus Daualus Vastij Marchio erat, insigni ac memorabili victoria, licet haud fanè ineruenta, conflixit. Horum siquidem ad duodecim, siue, vt aliis placet, viginti millia fusa & concisa esse dicuntur, & mox Carignanum à Gallis deditione occupatum. Ea nuntiata clade, non deerant plurimi qui existimarent, Cæsarem non recusaturum actionem pacis.

Gallorum ad Carignanum victoria.

Verum obfirmatè bellum parabat, & cum eo Henricus Anglorum rex fœdere coniunctus, collectis ingentibus exercitibus, in Galliam irrumpunt. Cæsar Lutemburgum, Leucorum olim urbem, militibus in præsidio relictis, fame laborantibus, deditione primum recepit, indeque in Campaniam transgressus, Ligniacum in conualle montibus interclusum, quod loci iniquitate propugnari facile non posset, expugnauit: deinde Sandizerium, post longam obsidionem deditione cepit. Hinc secuta Lutetiæ ingens atque incredibilis trepidatio, vbi præfectorum ignauia excitata, omnesque, qui paulò essent lautiori fortuna, fuga sibi salutem quærebant, nec regis edictis illam prohibentis contineri poterant, & fex tantummodò atque hominum collunies remanebat. Itaque maximum periculum impendere videbatur, ne ab his ipsis vrbs omnium longè celeberrima, & in primis opulenta diriperetur. Fuit hoc initio Septembris. Anglus interim ab Oceano Britannico, vbi Monstrolium obsedisset, Boloniam euestigio, tormentis validè concussam, deditione cepit: quod nec ipse parens, nec superioris ætatis reges consequi potuerant. At Cæsar, cum Cathalanum peruenisset, de ineunda cum rege concordia, monacho Hispano internuntio, agit. Concepta pacis capita cum rex non aspernaretur, quibus omnia hoc bello ablata vtrunque restituebantur, & eo loco quo ante bellum futura erant, ea demum octauo Cal. Octob. de mutuo vtriusque consensu ac voluntate sancita & constituta, mox per SueSSIONES terrò Cameracum, & in Belgium se recepit. Hoc confectæ pacis nomen incredi-

Cæsar & Henricus Galliam inuadunt.

Lutetia ingens trepidatio.

Bolonia deditur Anglis.

Pax inter Cæsarem & Franciscum.

bilem

bilem cunctis mortalibus lætitiā attulisse visum est, propter speratā diu exoptati otij tranquillitatem, licet haudquaquam deessent, qui eam successu caritūram prædicarent, quod Cæsar tam graui pondere obligatæ fidei dissentus esset, vt ægrè promissis staturus crederetur. Nam apparebat, eum summo cum incommodo, alterutra quam vellet nuptiarum pactione, aut patrimonio Belgico cessurum, aut Mediolanense imperium importuna sibi ratione in dotem collaturum. Neque enim erat existimandum, tantæ grauitatis, tantæque religionis principem adduci posse, vt eius initi fœderis leges, arctèque obligatam fidem suam vlla ex parte violaret, sed fortuna Cæsar's votis & commodis vt plurimum aridens, ex quadam fatorum arcana ratione viam inuēnit, vt eum damnosæ transactionis sollicitudine curaque, vel in alteram partem, si à fide data discedere vellet, probroso pudore ac dedecorosa inuidia liberaret. Carolus enim Aurelianus, postquam in complexum Cæsar's deuenisset, in pestiferum incidit inorbum, ita vt paucissimis diebus apud Firmum monasterium sæua & immatura morte, cum vix annum tertium ac vigesimum ætatis attigisset, præter omnium spei ac expectationem eriperetur, iuuenis omnibus corporis atque animi, quæ conferri à natura possent, muneribus, totius Galliæ iuuenum florentissimus, quem vnum, præter ipsos Gallos, populi Insubres tanquam exoptatum summæ benignitatis Principem maximè luxerunt, cum de suis fortunis ac sæculi tranquillitate facilè desperarent. Ceterum, Britannia rex, post occupatam Boloniam, eamque valido Anglorum præsidio firmatam, Richerij fanum incendit, & omnem agrum miræ fertilitatis euastat. sed intellecto, inter Carolum & Galliæ regem transactum esse, simulque hostiles copias aduentare, ne tam insignem victoriam aliquo funesto exitu denigraret, bellique aleam experiretur, conclamatis vasis, properè cum exercitu in Britanniam traiecit. Dum hæc ita à nostris Principibus geruntur, Muleasses Tunetanus rex, cum Turcicam Barbarussa duce classem apparari, atque deinde Italia oram legere didicisset, in Siciliam traiecit, indeque ad Cæsarē confugit. Hunc postmodum Amida eius filius, Tuneto occupato, Punica fraude exclusit, quem deinde armata manu in regnum reuersum, filius vtroque orbatum lumine, crudeliter candenti scalpello proscissa vtriusque oculi pupilla, excæcat. Is tandem, post miras eius regni conuersiones, Cæsar's iussu in Siciliam deductus est, publico Siculorum sumptu alendus. Superius à nobis demonstratum est, præcedenti anno pacem inter Carolum, & Franciscum initam & constitutam fuisse. Paucis post diebus ab ea pacificatione Cæsar Atrebatensem Antistitem Granuellani filium, Galliæ rex Cardinalem Bellaium ad Angliæ regem vnā mittunt, transactionis causa. Verum id frustra tentatum est, Anglo Boloniæ restitutionem prorsus recusante: quam deinde rex, coacto ingenti exercitu, armis recuperare summis viribus annitebatur. Cumque eam capiendi nulla spes affulgeret, ad reprimendas Anglorum excursiones, arcem munitissimam in littore excitari, atque ibi validissimum præsidium imponi iussit, eodemque tempore trecentorum & amplius nauium classis à rege instructa, quò maris imperio potiretur, & ora Britannica lecta, Anglos à suis finibus arceret. Hoc rerum tractu Wormatiæ Imperij comitia indicta fuere, ad quæ Cæsar cum sæpè constituisset, articulari morbo impeditus, seriùs eò aduēnit, eo fermè tempore, quo ex Hispaniis lætus fuit allatus nuntius, de Carolo nepote nato Cæsari, ex filio Philippo: cuius quidem rei gratia, magna fuit ab Hispanis excitata Wormatiæ lætitia. Sed interiectis aliquot diebus nuntiatum est de morte natus Cæsar's. Ad Idus Martias eiusdem anni Concilium Tridenti promulgatum fuit, de cuius quidem successu cum ab aliis

Ducis Aureliani obitus.

Muleasses confert in Siciliam.

Singulare exemplum crudelitatis.

1545.

Carolus Princeps Hispaniarum nascitur.

Synodus Tridentina.

aliis plenè traditum sit, nunc enarrare supersedeo. At proximo anno, scilicet eiusdem æui quadragesimo sexto, Cæsar, cui paulò antè Turcarum rex indutias in hunc annum largitus erat, & cum Galliæ rege iam, vti diximus, reconciliatio intercesserat, idoneum hoc videbatur esse rei bene gerendæ tempus, ideoque coniuratione cum Pontifice facta, aduersus Germaniæ Principes, quos Protestantes vocant, & ciuitates imperiales expeditionem suscepit, à quibus circa Ratisbonam arctissimè obseffus, periclitari haud parum cœperat. Demùm suppetias ei ferentibus Flandricis, quorum ductor erat Burenſis Comes, & insurgentibus Ferdinando cum Bohemis ac Duce Mauritio in Saxoniæ ducatum, exercitus Germanorum, in quo peditum supra octoginta, equitum ad quindecim millia, & bellica tormenta muralia ad centum & duodeuiginti fuisse dicuntur, dissipatus atque fugatus est: & hinc Cæsar, Vuirtembergensi Duce omnibus facultatibus exuto, captisq̃ Ioanne Friderico Electore, & Philippo Landtgrauio vltroneam deditiōem faciente, multatisq̃ ingenti pecunia ciuitatibus, omniū quæ contra se arma tulerant, latè rerum in Germania potitur. Hunc exitum habuit Germanica expeditio: in qua sanè illud mirabile fuit, quòd Cæsar tā feliciter hoc bellum absoluerit, tantis præsertim viribus vndiquaq̃ impetitus, vt vix vlla humana potentia illas infringere posse videretur. Ipsa quidem Roma, orbis domina, tanti momenti esse duxit Rhenum transire, vt, cum id Iulius Cæsar fecisset, supplicationes Diis immortalibus decreuerit. Et Carolus is qui Magnus cognomento fuit appellatus, triginta fermè annos absumpsit in perdomanda Saxonia, cum tamen Carolus v. Imperator vniuersam intra quindecim mensium spatium subiugarit. At minimè dubium est, quin ad tam insignem & gloriosam victoriam consequendam, plurimi ponderis ac momenti extiterit Germanorum Principum inter se auulsio atque animorum distractio, cum plurimi ex Germanis Principibus pro Cæsare aduersus Germanos dimicarent. Verùm, in huius maximi & grauissimi belli explicatione, sicuti etiam in plerisq̃ aliis rebus memoratu dignissimis quæ hac nostra tēpestate diuersis locis ac temporibus cōtigere, quæq̃ à me extra suscepti operis atque argumenti seriem hætenus commemoratæ sunt, vel in posterum, vsque ad hunc præsentem annum, nempe supra mille quingentos septuagesimum octauum, enarrabuntur, equidem diutius immorarer, nisi exploratum haberem, hæc à præstantissimis viris, qui hoc sæculo scriptis inclaruerunt, literis ac posteritati consignata: ideoque breuissimis verbis ea recensui, & pleraque etiam prudens sciensq̃ omisi, vt quæ mihi necessariò narranda supersunt, maturiùs absoluantur. Et quia proximè in belli Germanici mentionem incidimus, nolui equidem prætermittere, quin ad posteritatis memoriam, huic nostro operi illud etiam infererem, videlicet quo tempore Cæsar prope Misenum accessit, quod fuit decimo Cal. Maij; deinde postridiè, ac etiam eo die quo, flumine transiisso, cum Saxone pugnavit, & nonnullis post diebus, solis aspectum valdè fuisse tristem, obscurū, pallidum, & veluti caligine quadam circumdatum, ita quidem, vt pleriq̃. longissimè à Saxonia remoti, & ignari quid ageretur, iudicarent, magni aliquid portendi. Nec enim in Germania solum, sed per Galliam etiam, & Britanniam, id fuit obseruatum, & ita se rem habere, multa hominum millia testificari poterant. Dum hæc in Germania fierent, pax inter Franciscum Galliarum, & Henricū Britanniae reges subsecuta est; hac lege & conditione, vt Franciæ rex, resarciendi bellici sumptus causa intra octauum annum certam pecuniæ summam penderet, qua demum persoluta, Boloniam reciperet, eaque interim tanquam obses penes Britannos esset. Sed per hunc mo-

1546.
Bellum Germanicum.Cæsari vlt.
gloria.Prodigiū
in sole.Pax inter
Franciscum
& Henricū
reges.

Henrici An-
glie regis
mors.

dum ambo reges nequaquā diu ea parta pace lætari potuerunt. Henricus enim iam planè in senium vergens, laceffente atroci febre, propter sæuam inflammationem in cute virulenti herpetis, ad quintum Cal. Febr. vitam cum morte commutauit, cum ætatis annum quinquagesimum septimum ageret, & ferè triginta octo annis regnasset, Eduardo filio circiter xi. annos nato, regni hærede relicto, puero ex Ioanna Semera suscepto, ea conditione, vt ab Eduardo Semero ipsius auunculo, Duce Somersetenfi, nec non ei, si fortè decederet, tabulis testamentariis filia Maria, ex prima, & Elisabetha, ex altera coniuge substitutis, instruendus regni administrationi artibus regeretur. ad cuius etiam tutelam reliquit viginti ex primariis proceribus, quibus summa diligentia, & regni, & filij incolumitatem commendauit. Hic sanè Princeps haud dubiè, siue animi, siue corporis excellentes & raras dotes inspicias, nemini, vti antea enarrauimus, secundus fuit.

Francisci
Gallie regis
obitus.

Henrici mortem Franciscus Gallie rex admodum ægrè tulit, tum quòd sperauerat, firmiorem cum eo pacem & fœdus factum iri, quàm adhuc fecerat, tum quòd æquales & eadem ferè constitutione ambo erant, vnde suspicari cœpit sibi non multo pòst migraturum esse. Nec sanè illum fefellit opinio. Siquidem paucis pòst diebus lenta febre correptus, quæ deinde variis interuallis sæuire atq. augeri cœpit, accedente etiam dolore ex vomica, quo paulò ante laborare cœperat, quàm Cæsari obuiam procederet, cum per Galliam iter faceret, pridie Cal. Apr. anno ætatis quinquagesimo tertio, in arce Rambuletana sita in finibus Parisiorum, & vnius diei itinere Lutetia distanti, naturæ concessit. Princeps fuit, vt

Rex Gallie
omnium eru-
ditorum &
māssimus.

antea demonstrauius, omnibus regiis artibus animique ornamentis instructus atque suspiciendus, ideoque magnum sui tum ciuibus, tum exteris desiderium reliquit. Magni erat & generosi animi, bonas literas, vti ostendimus, quammaximè amauit & fouit. Cuius opera, studio & auctoritate, à situ & tenebris vindicata, & clarissimum artibus bonisque disciplinis, quæ velut in tetra ac densissima caligine delitescabant, lumen allatum est. Viros literatos mirificè amauit, gymnasia Lutetiæ instituit ad linguæ Latinæ, Græcæ, & Hebraicæ professionem: ad quas docendas viros artium liberalium peritos ex omnibus orbis regionibus accercendos curauit, & amplissimis stipendiis affecit, vt iuuentus bonis literis & moribus institueretur. Quanquam autem in literis à puero institutus non fuerit, nulla tamen erat scientia, de qua scitè ac prudenter non differeret, partim quia cum viris omni eruditione excellentibus crebra habebat colloquia, partim quia incomparabili memoria diuinitus donatus erat, adeò vt eruditi omnes faterètur, se plus ab eo accepisse, quàm illi conferrent. Variam subinde fortunæ vicissitudinem, sæpius tamen aduersam, quàm secundam expertus est. Huic successit in regnum Henricus filius, qui tunc vigesimum ætatis annum agebat, omnibus excellentibus ac regiis artibus à patre informatus, qui ad supremæ dignitatis fastigium euectus, nihil prius atque antiquius habuit, quàm vt populorum in se studia concitaret: eosque cum propter diuturna bella mirum in modum defatigatos atque afflictos videret, statim sub initium eius imperij, immodicis tributis ac sumptibus subleuauit: qua liberalitate omnium animos sibi mirificè conciliauit.

Henricus 11.
Francisco in
Gall. regno
succedit.

Præterea, euestigiò Annam Momorantium, qui iam totos ferè sex annos priuatam vitam degebat, in aulam reuocauit, & loco pristino restituit, summoque in honore ac exultatione semper habuit. Insequenti anno, supra mille quingentos, quadragesimo septimo, Neapolis vrbs Italiae nobilissima & opulentissima, ingentibus seditionibus & ciuiliū bellorum motibus atrocissimè fluctuare incepit: quorum quidem potissima causa fuit, quòd Petrus Tolctanus Neapoli

prorex,

Prorex, cum Imperatoria potestate illi regno praefectus, curauit, & quaestio in eos qui à fide Romana desciscerent, ad consuetudinem Hispaniarum in eo regno, & in ea ciuitate institueretur. Id verò & procerum, & populorum animos tantoperè exacerbauit, vt, correptis armis, maximas commotiones cierent, adeò me herclè, vt ingens rerum omniū conuersio impendere videretur, nec vlla ex parte exorti motus sedari potuissent, nisi tandem prorex à priori sententia deflectens, indigenas sua consuetà & veteri libertate suisque priuilegiis frui pateretur. Enimverò nihil magis periculosum est cum vitæ ipsius Principis, tum etiam imperiorū diuturnitati & conseruationi, quàm si vrbium & populorum priuilegia, & immunitates antiquarit ac deleat, cum sæpius libertatem ac patriæ ornamenta ciues ipsi propriæ vitæ anteponant: quæ omninò integra cōseruanda sunt ab ipsis Principibus & confirmanda, nisi quis læsæ maiestatis & defectionis crimen incurrit: siquidem his ereptis, populi ac ciues vniuersi facili negotio ad defectionem sollicitantur. Eodem anno, Angli maximo prælio Scotos, ductore Somerseto, regis, vt diximus, auunculo, deuicerunt. Belli præcipua causa fuit, eadem quæ prius Henrico rege, nempe, quòd Scoti pacto regi Eduardo sponsam, scilicet Mariam Stuardam, Iacobi Scoti filiam, vnicā regni hæredem, dare abnuerent. Cum autem de proposito nihil Scoti remitterent, & Galliarum regis pollicitationibus niterentur, Angliæ Protector Somersetus, & reliqui consiliarij, scripto valde prolixo, quinta die Februarij ad pacem illos adhortati, plurimis rationibus ostendère, hoc in maximum vtriusque regni beneficium cessurum. Nihilominus tamen vicit Cardinalis Andràani, & quorundam aliorum procerum Ecclesiasticorum sententia, vt Scoti, re scisso fœdere, Gallorum amicitiam & necessitudinem præferrent. Hanc enim postmodum vix sextum annum egressam, in Galliam abduxere, vt eius consequendæ spem omnem Anglis adimerent: ac deinde Francisco filiorum Henrici natu maximo elocata fuit. Verum enimverò vt ad res Genuenses, eoquæ vnde digressi sumus, nostra oratio relabatur, Genuæ circa hæc tempora, subsecuta est Ioannis Ludouici Flisci aduersus Remp. conspiratio, quæ sanè cum maximè insignis ac memorabilis extiterit, dignissima profectò est quæ his Annalibus inferatur. Et quoniam hæc à præclariss. viro Vberto Folietta, cuius antea mentionem habuimus, non minùs verè, quàm eleganter atq. ornate conscripta est, ac literarum monumentis prodita, eiusdem verbis à me recitabitur. Concordia, inquit, ac libertate Genuæ firmata, is rerum status constitutus est, vt, factionibus planè sublati, sese à præteritis malis Genua recreare posse videretur, nisi vnum residuum fuisset vulnus, quod cursum ciuitatis ad optimum statum retardaret. Nam odium inter nobiles, & popularis nominis ciues, nunquam ex Genuensium animis penitus extirpatum, sed ad tempus consopitum erumpere cœpit; paulatimque gliscens, maiores indies vires sumere; popularibus indignantibus, Adurnia, & Fregosia gentibus (quarum in primis potentia popularium dignitas nitebatur) de summo auctoritatis gradu deieclis, ac summi imperij Magistratu (à quo nobiles lege excludebantur) studio concordia, cum illis communicato, totam auctoritatem ad Nobiles translatam: Nobilibus verò, & copiis, quibus tum haud parum antecellebant, & Andreae Auria viribus subnixi, nimios spiritus sibi sumentibus, ac populares contemnentibus. Augebant animos, ipsius Andreae, sui corporis viri, recentia in patriam promerita; quem liberatorem, & conseruatorem haud immeritò appellabant: statua quoque in ædium publicarum area, eius beneficij memoriā, decreto publico, decorarant. Nondum præterea nonnulli earum familiarum homines, quas rerum perturbandarum

Anglorū &
Scotis victo-
ria

Ludouici
Flisci aduer-
sus Remp.
conspiratio

Ludouicus
Fliscus am-
ulus Auria fe-
linitatis.

auctores fuisse diximus, veteres & elatos spiritus deposuerant. Grauius enim ferebant, hac ciuitatis concordia opes suas, quibus reliquos solebāt anteire, paulatim imminui, seseque in ceterorum ordinem cogi. Sed neminem ea res æquē agebat, atque Ioannem Ludouicum Fliscum, Lauania Comitem, magnæ potentia, magnarumque opum adolescentem. Is, præter communem indignationem, suos etiam priuatim stimulos habebat. Ingenio enim natura elato, ad hoc clara gente ortus, quam Auria familia nullis partibus existimaret inferiorem, multorum præterea oppidorum, & castellorum dominatu præpotens, Ioannis Auria opes supra suas excellere, iniquo animo ferebat. Vulnerabant adolescentis animum viginti triremes, quarum administratio ab Andrea patruo iam tum Ioanni permitta, & successio, vnâ cum summo maritimarum rerum imperio, haud dubiè destinata, summam, vt in maritima ciuitate, auctoritatem, & potentiam Ioanni conciliabant. Augebant indignationem, ipsius Ioannis elati spiritus, pauloque asperius ingenium, secundo rerum cursu inflatum. Is nobilium adolescentum ceteris stipatus, vultu, ac responsis, non solum Ioanni Ludouico, quem & ipsum contemnebat, stomachum faciebat, sed plerisque ciuium paulo grauior liberæ ciuitati videbatur. At Fliscus contrariam morum rationem ingressus, comitate, & quodam blanditiæ artificio, hominum studia ad sese attrahere nitebatur. Quas res formæ dignitas, orisque, & oculorum amabilis quædam hilaritas, mirè adiuuabant. Quare, cum nobilitatis iuuentutem totam ferè Ioannis esse cerneret, ad popularem rationem cōuersus, ex cognita animorum irritatione occasionem, ac spem sumens consiliorum ad effectum perducendorum, primarios eius generis adulescentes benignè appellando, in eorum cœtus familiariter sese insinuando, omni que ratione iis venditando, illorum sibi voluntates adiungere studebat. Igitur, cum intelligeret, sibi cum Ioanne haudquaquam parem contentionem esse, quod in maritima ciuitate maiora essent naualium quam terrestrium copiarum momenta, iis quoque sese muniendum statuens, quatuor triremes à Petro Ludouico Farnesio, Placentinorum & Parmensium Duce, emit: cum quibus sub Romano Pontifice mereret. cuius conditionis stabilendæ, atque amicitia cum Farnesia gente confirmandæ causa, Romam proficiscitur. Erant Farnesij, Andrea & Ioanni in primis infensi, ob acceptam paucis illis annis contumeliam. Ioannes enim iussu Andrea, indignantis, quod in controuersia de hæreditate cuiusdam propinqui sui, parum sibi æquum iudicem Romanum Quæstorem arbitraretur, eas ipsas quatuor triremes, cum in illum, nihil hostile metuentes, fortè incidissent, haud veritus Pontificis Romani maiestatem, ceperat, & Genuam captiuas abduxerat: quas tamen Andreas, monitus à Cæsarianis Ducibus, quod ea res magnam inuidiam Cæsari, sub quo merebat, magnosque motus in Italia esset excitatura, illico dimisit. Igitur Farnesij, iis iniuriis irritati, cum haud dubium esset, sese Auria animum æmulo potentia opponendo, haud parum offensuros, triremes Flisco cupide vendunt, seque illius opum amplificandarum adiutores fore profitentur. Quin etiam fama est, Fliscum, Farnesiorum consiliis imbutum, eorumque in primis hortatu, ad consilia de cæde Ioannis impulsus. Quæ tamen res nunquam constitit: cum multos annos post cædem Petri Ludouici, de intimo illius familiari, ac scriba, qui fuit ei in omnium rerum consilio, etiam tormentis esset quæsitæ. Cum auditum esset Fliscum triremes comparasse, Ioannes Caracciolus, Melphæ Princeps, qui cum non paucis Neapolitanis proceribus, in bello Neapolitano ductu Lautrechij gesto, à Cæsare defecerat, Gallorumque partes secutus, in Gallia exulabat, ac prouinciæ subalpinae

in Italia erat Præfectus; cupidus, quantas plurimas posset, Italorum clientelas Regi Gallorum adiungere: animum Flisci, magnis propositis præmiis, tentare cœpit. quod etiam prius, Augustinus Triuultius Cardinalis Romæ fecisse dicitur. Simul ostendit, cum duæ sint Italis hominibus crescendi viæ, altera Gallorum, altera Cæsaris; errare illum, si putet, sese per Cæsarem, qui totus in Auria gratia & meritis possideatur, in altum aliquem dignitatis locum vnquam ascensurum: proinde delatas condiciones, si saperet, ne omitteret, sibi præsertim amplas & honorificas. Erant enim sex triremium (si tot comparasset, & instruxisset) & ducentorum peditum in arcis Montobiæ custodiam, stipendia; item turmæ equitum præfectura, qui honos apud Gallos in amplis habetur; tum in domesticum cultum, in singulos annos duodecim millia Francorum nummum. Quas condiciones Fliscus non aspernatus, rem communicat cum Ioanne Baptista Verrina, iuvene impigro, nec mediocris inter populares gratiæ & auctoritatis. Intercedebat Flisco cum homine plurimus vsus, ac summa multorum officiorum necessitudo: nam cum Fliscus in magna esset nūnaria difficultate, Verrina pecuniis, partim suis, partim sua fide mutuis sumptis, pretij triremium magham partem Flisco confecerat: quo beneficio deuinctus Fliscus, in magno honore & beneuolentia hominem habebat, plurimumque illi ex omnibus amicis fidebat. Erat Verrina vir, cum magni animi, ac magna spectantis; tum Nobilitati in primis infensus: ad commune enim odium priuatas ipse multarum iniuriarum causas habere existimabat. Quare præsentem statum Reipublicæ, in quo nullum sibi locum vnquam fore speraret, conuellere cupiebat. Ad hoc, æris alieni magnitudine oppressus, cum priuata vulnera sese non diutius tegere posse confideret, turbandarum ac miscendarum rerum consilium sibi in omnes partes aptum existimabat. Nam si infeliciter res cecidissent, fore ut priuatim cadendi necessitas in communi tam multorum ruina lateret, ut minus pudendum homines ducunt, communi incendio, quam priuato conflagrare: si consilia processissent, tum verò se in magnam potentiam, magnasque opes peruenturum. Eius verò rei, atque omnem dignitatis suæ spem in Flisci fortuna positam habebat: apud quem se omnia posse intelligebat. Igitur, cum nouum hoc consilium, rei, quam intendebat, maximè aduersari intelligeret, Fliscum ab eo magnopere deterrere instituit, suam illum causam ignorare affirmans: quippè quòd ea res ad eam amplitudinem, quam spectaret, non modò iter nullum expediret, sed in primis obseperet. neque enim illum tam rerum ignarum esse aut dubitare debere, quin ea res ipsum Genua esset exterminatura. Nam neque Andreæ, qui summam maritimarum rerum à Cæsare obtineat, neque ceteros primarios ciues, quorum voluntates arctissimis vinculis Cæsari constrictæ sint, quòd eorum omnis ferè res in prouinciis & regnis Cæsaris versetur in fenore, vectigalibus exercendis, aliisque quæstibus occupata, Genuæ esse passuros eum virum qui res ad Gallorum partes trahere nitatur, neque debere illum sperare, sese Andreæ, & ceterorum potentiorum ciuium consentientibus studiis in ipsum vnum incumbentibus, posse resistere. A patria autem procul amandatum, quid tandem illum pro Gallis posse moliri? Gallis porrò ipsis, cum intellexerint, nullam in illo ad res Genuæ mutandas opportunitatis partem esse, an non subito in contemptum venturum? ita fore, ut eius nomen & auctoritas, tantis nunc præmiis expetita, breui debilitetur & consenescat. Præposteram igitur illum consiliorum rationem ac viam instituisse. nam prius Genuæ potentiam stabiliendam esse: qua constituta, eius amicitiam ab externis Regibus certatim, atque amplissimis quibusque condi-

Fliscus Ioā.
Bapt. Verrina
nam sue cō-
iurationis
participem
facit.

tionibus expetitur iri. Quare si vlla colloquia cum Gallis sint instituta, ea quocunque discuteret modo, & ad splendidiora animum conuerteret. Mirabundo Flisco, ac quærenti, ad quænam splendidiora sese ille vocaret, Verrina, non magis splendida sunt, inquit, quæ suafurus sum, quàm tibi necessaria: neque ad illa suscipienda tam ego te voco, quàm tua salus impellit. Tu quæ sunt felicium mentium cogitationes, dignitates, opes, summum in ciuitate locum, maritimū regnum, gratiam Regum animo agitas; quas ego res vt non reprehendo, ita salutis rationem tibi priorem esse debere censeo. Licbat tibi ditionibus, quas per amplas possides, eaquæ tibi maiores tui reliquerunt, sorte contentum, quietam & tranquillā ætatem procul à turbis & dimicationibus agere. Ceterum tu maiora animo amplexus, dum ex perpetua domus tuæ fortuna altiore gradum ascendere conaris, in præcipitem locum te, domum, fortunam tuam improvidè dedisti. Nec dubium est, quin te imminetia discrimina breui sint oppressura, nisi tu illa consilio, & audacia properas discutere. Alterutrum igitur tibi eligendum est, vt aut ad otiosam & priuatam vitam, quam parens tuus secutus est, dum integrum adhuc est, redeas, teque ab omnibus turbis & procellis eximas: aut, si ea quam ingressus es, via tibi magis cordi est, à nulla re, quæ illam necessariò consequitur, abhorreas. Iniquo esse in te Ioannem Auriam animo, grauiusque tuam istam triremium accessionem ferre, si non hominis vultus, si non verba à nimio dolore interdum expressa indicarent, ratio te ipsa satis docere posset. Nauarium enim rerum arbitrium, ac dominatum, quem sibi vni totum cupiditate, & haud dubia spe, iam pridem destinauit, tecum communicandum intelligit. Cuius rei homines adeò alienos participes nolunt, vt ne fratres quidem socios ferant: quin etiam parentes ipsi non dubitent filiorum sanguine, si illorum cupiditas eminere, & suspecta esse cœperit, securam ac stabile Regni possessionem sibi firmare. Speras igitur Ioannem ea in re tibi parsurum, quæ parentum in filios, filiorum in parentes dextras soleat armare, ac dolorem tam altè animo insidentem, vt ne vultus quidem dissimulatione tegi possit, in verborum semper contumelias, ac non aliquando in tuam perniciem erupturum? Cuius à te auertendæ vna omnino est ratio, si illam ipse in caput machinantis verteris. Et enim, cum fortuna eam vtrique vestrum necessitatē imponat, vt alterius salus, alterius peste sit expedienda; is sapientior profectò fuerit, qui in necessario consilio anteuerterit: ac sic secum statuerit, nullum esse locum moræ in eo conatu qui vtrique necessarius, cum euertat necesse est, cuius cunctatio, alterius celeritate opprimetur. Posses tu Ioanne sublato esse contentus, ni præpotentibus atque acerrimis superstitibus vindicibus, nō tam Ioannis cæde pestem à te remouisse, quàm maiorem discriminis molem tibi conflasse videreris? In eodem igitur facinore amplectendi sunt Andreas ipse Auria, rerum caput, Adamus Centurio, ac reliqui factionis Principes. Hæc vna est arx salutis, & dignitatis tuæ: hoc vnum consilium vitam tuam à circumstantibus insidiis vindicat: hoc tibi eam quam spectas potentiam & auctoritatem paret: hoc tuam amicitiam à maximis Regibus vtrò ac certatim expeti faciet: hoc illos ad tuas condiciones adducet: hoc tibi immensas opes, amplissimas ditiones accumulabit. Neque verò, inimicis & insidiatoribus sublati, perfectum opus tibi debes arbitrari: sed ita statuere, opes tuas non aliter, quàm ciuitatis imperio, posse stabiliri, mutabilia mortalium ingenia, amicorum parum stabilem fidem, rerum humanarum incertos casus tecum reputans. Hoc inter priuatam fortunam, & maximarum rerum spem interest, quod in priuatis cogitationibus mediocritas tutissima est; at in magnis conatibus terminus quous-

quousque progrediare, statui nullus potest: neque fortunæ modus nostri est arbitrij, sed mediis consiliis abscissis, ad fastigium enitendum est, aut ad exitium præcipitandum. Neque te, si quicquam est in te animi ac roboris, à veris & solidis consiliis, quæ necessitas laudabilia facit, inanes rerum species debent abducere, quòd patriæ libertatem ereptum ire videaris. Nam quam tandem superbissimorum hominum dominatum, libertatem appellant? aut quæ Genuæ potest esse libertas? Vix in optima ciuitate, in concordia ciuium, in moribus integris libertas habetur. At in tam corrupta vrbe, in tam discordantibus ciuium animis, in tantis inter se partium studiis, in tam profligatis moribus, nullus est inter dominationē & seruitutē libertati relictus locus. Tibi igitur Genuæ imperandum, aut seruiendum est: Elisce. vtrum potius ducas, tecum statue. Si imperium amplecteris, ad quod te & familiæ splendor, & maiorum gloria, & locus quem illi in hac vrbe perpetuò obtinuerunt, vocat, nulla res quæ hanc cogitationem necessario consequitur, tibi est abominanda. Quid, quòd hoc consilium non magis tibi amplum ac necessarium, quàm tutum est? Quanquam ingentia facinora ardua esse solent, nec sine ingentibus discriminibus ferè fiunt: quæ tamen fortes ac magni animi viros à summis præmiis petendis haud quaquam deterrēt. Verùm ab hoc quoque incommodo te fortuna eximit. Primum ipsi Andreas & Ioannes, vt in nullo tali metu, solutè & negligenter agunt: summa domi solitudo: nulla custodia: nulla clientum aut familiarium turba: ipsi domi, & in publico sine vllis corporis stipatoribus: (eam solam priuatæ moderationis speciem retinens in ceteris rebus impotentissimi domini) triremes cum solo ferè remigio, nullo præsidio firmatæ, in vrbe trecenti omnino sunt præsidiarij milites. Quid igitur negotij erit, cum tu firmissimam ac fidelissimam quingentorum ex clientibus, ac tibi subiunctis manum corrogaris, Andream & Ioannem incautos, loco & hora destitatis, improuiso deprehensos obtruncare? atque euestigiò portula interioris portus à terrestri parte refracta, & ostiò à maritima, ab vna ex tuis triremibus infesso, triremes in tuam potestatē redigere? Hoc tibi primum opus exequendi consilij esse volo. Cuius perficiendi præcipua spes est in populariū odio, quod inexpiabile in nobilitatem gerunt: quorum non exiguæ partis studia iam ego ad te attraxi, ac porrò attrahere non desisto: vt intelligas, me non magis verbis quàm sedula impensa opera consiliū iuuare. Cum his populare te imperium volo proclamare. ad quam vocem, nō est dubitandū, quin plebs subito sit confurrectura: & exemplo primariorum, quos tecum videbit, & insita rerum nouandarum cupiditate impulsæ. Quid tum animi Magistratui fore putas, cum pauculis illis præsidiariis? ne vllas quidem satis tutas aut occultas latebras sibi putabunt, aduersus tantam in se intentam vim, ne dum illi sese sint opposituri. Tu quod facere decreueris, bene ac feliciter tibi volo euenire: mea quidem fides tibi suspecta esse non potest in eo consilio, quod non magis verbis dare, quàm opera, eaquē nec segni, nec socordi subsequi paratus sum: quæquē eisdem me tecum discriminibus obijcit, atque adeò longè iniquioribus in vtramque fortunam conditionibus. Si enim euentus inceptis non responderit, idem me tecum interitus manet, cum minore panè subterfugienda spe, si consilia processerint, tu summum imperium, qua re nihil maius homines in hac vita à diis immortalibus expetere possunt, ego eam, quam tu esse volueris, fortunam, sumus habituri. Sua sponte in omnia vasta & præcipitia propensum animum, tantæ rei spes oblata in assensum facile traxit. Igitur consilio probato, omniq̃ Gallorum cogitatione abiecta, duobus ex familiaribus suis Raphaële Sacco Saonensi Iureconsulto, & Vincentio Calcanéo

Verrina &
Calcanij di-
uersa cōsilia.

Genuensium
natura.

cubiculario, ditionisq. suæ homine, adhibitis, cū rationem rei gerendæ expedire inciperent; inter Verrinā & Calcanium de toto consilio sententiis certatum est: Calcanius enim vereri se magnoperè dixit, ne illud eius generis consilium sit, quod specie planum & facile, experiendo arduum & impeditum euadat. Lique-
 quidius enim se doceri cupere, quid in tanta re suscipienda spectetur: nam si id solum pugnatur, ut popularis Respublica formetur, ne ipsum quidem Verrinam dicere ausurum, tanti Flisci interesse quæ Reipub. forma Genuæ sit, popularis ne, an optimatum; ut ea de causa nobilitatem delere (id quod necessariò faciendum est) in animum inducat. tantamque inuidiam nomini suo conflare non dubitet: tum præterea se fratres, fortunam, domus, tot ditiones in tantam aleam dare: vnum igitur tanti certaminis ac discriminis pretium esse, ciuitatis imperium. At ad illud perueniendi quam tandem expeditam, aut exploratam viam ostendi? Ut enim popularium studia in nobilitate delenda Fliscum habiturum non sit desperandum; longè tamen in illis alium animorum habitum fore in regno Flisco concedendo. Superiorem enim rem popularem esse, popularibusque natura insitam; ab hac illos vehementer abhorrere, illudque esse nonnullorum populorum ingenium, cuiusmodi esse Genuenses constat, ut libertatis, quam veram & integram habere nesciant, speciem tamen obstinatè retineant. Non esse igitur dubitandum, quin, cū nobilitate partim deleta, partim vrbe exacta, tot armatorum millia congregata fuerint, vnus aliquis popularis Reipub. nomen subijciat, prima voce missa, ut in talibus rebus ferè sit, reliquos assensuros, popularemque Rempub. conclamatu-
 ros, & instituturos. Tantæ autem armatæ multitudini quomodo Fliscum cum exigua illa clientum & sectatorum manu, quam corrogaturus est, restitutum? illud potius vel maximum esse periculum, ne Fliscum, quem solum nobilitatis nomen magis inuisum popularibus facere possit, quàm recens meri-
 tum commendare; si regnum affectare senserit, tanquam vnicum cōmuni ac populari imperio impedimentum, ipsum quoque de medio tollant. Neque verò sperandum esse, recentis meriti verecundiam illos à facinore patrandò retardaturam; quin potius perniciem, & interitū Flisco acceleraturam. Ingentibus enim beneficiis, quæ magnitudine sua remunerandi facultatem multum antecessere, illud præmium homines reddere solere, ut quoniam pari gratia referenda, eo veluti prægrauante onere se liberare non possint; illo, qui beneficium dedit, qui-
 que meritum exprobrare videtur, de medio tollendo se exoluant. Proinde etiam atque etiam rem considerandam, neque cæca cupiditate se in tam præcipitem casum dandum: ingentis enim mali sibi non dubiam coniecturam, sed certam speciem in oculis versari. Non sibi quidem Verrinæ fidem, aut prudentiam dubiam esse, quam vtramque multis locis perspectam habeat; verum magnoperè vereri se, ne ille cupiditate vlciscendæ nobilitatis cæcatus, in quam hominem execrabili odio efferatum esse constet; non omnia quæ in tanta re prouidenda sint, in consilium adhibeat. Proinde rem diutius coquendam. omnem enim in magnis rebus properationem, improuidam & præcipitem esse. Ad ea Verrina, magna facinora discriminum plena semper fuisse respondet, quæ tamen fortium & strenuorum animos nunquam fregerint: hancq. in primis esse inter ignavos & acres viros differentiam; quod illi incertorum periculorum metu, certam perniciem à se remouere non audeant, sed socordes & desides sese proculcandos præbeant; contra magnos & erectos viros imminetia mala, audacia discutere, dignitatibusque suæ vindices, pro libertate & decore omnem fortunam experiri; non tamen sese in ancipites casus temerè & incautè demittere; sed quæ ratio suadeat, ab iis
 formi-

formidine non abduci. Quare quæ Calcanius proponat, ea euenire posse, ni antè, ne eueniant, prouisa sint. Verùm non ita suam incogitaram fuisse rationem, vt eadem non sibi quoque in mentem venerint, & in omnem euentum præparata, & disposita sint consilia: neque enim deleta & expulsa nobilitate, populoque armato, censere se, vt Fliscus regnum subito inuadat; sed astu (vt in omnibus magni moliminis consiliis necesse est) rem ducendam esse, populariumque primoribus demonstrandum à Flisco, sese nihil spectare, quam vt publicæ & veræ libertati officientibus sublati, commune omnibus, ac popolare imperium Genuæ instituat. aliquam igitur Reipub. formam, omnibus æquam sibi & illis cogitandam, rogareque proinde se omnes, vt dum ipse in motibus sedandis ac rebus pacandis, omni cura est intentus, ipsi interea rem animo secum agitent, ac sermonibus inter se versent; & omnibus diligenter circumspectis, conueniant, ac pro se quisque in medium consulat, atque aliqua optimæ Reipub. instituendæ forma ineatur. Hoc laxamento cogitationibus dato; interim, dum illi deliberant, & inter se committantur, Flisco duo armatorum millia, ex sibi subiectis, quos ad portas antè præparatos præstò habeat, in urbem pluribus, ac separatis agminibus introducat per speciem plebeiorum licetia, qui in turbidis & commotis rebus habere modum nesciant cohibendo, ac paulò post duo altera millia à Petro Ludouico Farnesio, Placentiæ Duce, accersenda, & in urbem similiter introducenda; quæ illum cupidè missurum, haud dubitandum sit; quippè qui tam sæpè, ac tam prolixè omnes suas vires Flisco detulerit: de quæ ea re iam nunc Farnesio scribendum, vt eas copias in Liguriæ confinibus quàm primùm contrahat, ne sint in mora, sed simulatque accersitæ fuerint, accurrant: tam firmis præsidis septum Fliscum. Enimuerò tum ciues veluti ad deliberandum de publicis rebus, ac Reip. formam sanciendum conuocaturum: qui cum frequentes in aulam maximam rogati conuenerint; tum se Verrinam, qui cum consiliis Flisco assidebit, consurrectorum, ac verba facturum, proque sententia dicturum, nullam tutiorem in tantis motibus, tamque diuersis hominum studiis, neque salubriorem esse Reip. formam, aut præsentis rerum statui magis aptam, quàm si ciuitas ab vno regatur: id vnicum esse ac certissimum discordiarum remedium. proinde (quod felix faustumque sit) se suffragio suo imperium Flisco deferre, ducemque Genuensium illum creare: diademaque sinu promptum, capiti Flisci impositurum; simul in illius imperia iuraturum; claraque voce eius nomen subiecturum. Neque dubitandum; quin omnes idem facturi sint, re subita oppressi; nemineque, præ tot circumfistentium armatorum terrore, contrà tendere audente. Discurrendum deinde tota vrbe, ac nomen Flisci Genuensium Ducis latis clamoribus, & plausibus subijciendum. facile assensuram plebem, quæ nusquam non ad seruiendum nata, vtrum ab vno, an à pluribus regatur, nullo discrimine ponat. Consilio Verrinæ probato, rem quomodo geri placeat, instituunt. Summa fuit, Andream & Ioannem, ac reliquos illius factionis Principes cõuiui exceptos, trucidaret, ac reliqua fierent quæ Verrina censuerat. Farnesio scribitur, vt copias conscribat: quod ille euestigiò facere institit. Mittuntur etiam qui in Flisci ditione occultè homines contrahant: qui, simulatque Fliscus annuerit, præstò sint. Vnaque ex triremibus, quæ vt ad omnes casus, & ad subita Flisci consilia parata esset, stipendiis Pontificis consultò instructa fuerat, Genuam accersitur per causam sumptus sui in piratica exercendi: per eandem triremis instituendæ speciem ex ditionum suarum hominibus fortissimum & audacissimum quemque; quem ad omnem vim & facinus paratum haberet, euocat. Ipse interea dabat operam, vt non modò popu-

*Petrus Aloysius Farnesius Fliscum con-
spirationem
promouet.*

popularis iuuentutis principes, iam sibi deuinctos, omni sese illis ratione venditando, ac popularem Rempub. non tam verbis, quàm significatione ostentando, retineret, sed noua etiam studia sibi adiungeret; ac quamplurimos posset, ex omni genere homines vndiq. amicitia comprehenderet: quam rem cùm ipse inusitato blanditiæ artificio, tum Verrina, egregio voluntatum conciliandarum artifice, ac ministro, facile assequeretur, nec minore interea opera, omnem suspicionem ex tam familiari cum populari iuuentute consuetudine apud nobilitatem detestari studebat. Ad omne enim simulationis artificium animum versans, domum Andreæ familiariter, ac crebrius etiam, quàm antea, ventitando, paruulos Ioannis natos amplexando, omni denique pietatis & obsequij simulatione senis canitiem eludebat: tantumque iis artibus perfecerat, vt Andreas monentibus vt sibi à Flisco caueret, quem magnum aliquid animo agitare haud dubium esset, fidem non haberet. Quin etiam, cùm res in ditione Placentina non ita occultè administrari potuissent, vt non manarent, Ferdinandusque Gonzaga per exploratores comperisset, Flisci nomine delectū haberi, isque Mediolano per literas Andream monuisset vt caueret: Fliscum enim res nouas Genuæ moliri atque occulta consilia ad illum opprimendum struere, sibi cognitum exploratumque esse, palam dixerit, nō se posse adduci, vt crederet, tanti sceleris facinus tanta ingenij morumque suauitate, tamque propè cælesti aspectu tegi. Igitur cùm omnia satis parata essent, ac dies facinori destinatus appropinquaret, incidit res quæ consilium tardauit. Andreas enim subito morbo implicitus, ad conuiuium venire non potuit: qua spe Fliscus, & socij deiectioni, rem in aliud tempus differre coguntur, consiliumque in noctem conferre tutius & exploratius visum. Ea fuit nox ante quartum Non. Ianuar. diem, qui eam noctem antecedit cùm venisset, Fliscus, vt firmioribus sese præsidiiis ad rem conficiendam communiret, nonnullos ex publicis ciuitatis stipendiariis, in ædes suas congregat: quam rem cùm ad Andream deferri necesse esse intelligeret, suspicionē anteuertēs, cùm de more illum adiisset, post hilares ac blandas salutationes, non posse se, ait, stipendiariorum militum, quibus domum refertam habeat, studiis resistere: qui se precibus fatigent, ac locum sibi in triremi, quam ea nocte in piraticam missurus sit, deponat. Proinde ne miraretur, si vel bombardarum, vel alterius rei strepitum ea nocte ex portu exaudisset. Nox cùm venisset circiter quartam horam, domum Thomæ Assereti, in qua adolescentium popularium conuentus ex consuetudine habebantur, profectus, omnes quicumque ibi reperti sunt (fuerunt autem ad tres & viginti) secum ad cœnam in ædes suas ducit. Eæ in edito vrbis loco in hortis Carinianis, ad diuæ Inuiolatæ sitæ procul à continentibus ædificiis in primis idoneæ erant ad tumultus & strepitus occultandos, quos in tanta turba atque armorum tractatione fieri necesse erat. Ac Verrina à se dimissa, qui & publicas, & Andreæ ædes, ceteraque vrbis loca circumiēs, exploraret, num qui motus, aut num qua suspicionis significatio usquam fieret; iuuenes in cubiculum seductos ita allocutus fertur.

Flisci oratio.

Ad cœnam vocatos iuuenes, nullis vos opiparis epulis accipere potui, quàm quibus tot annorum auiditatem expleretis. En optatus dies venit: en oblata est facultas omnibus votis expetita, tot nobilitatis iniurias & contumelias vlciscendi. Omnia enim vobis præstò sunt multorum mensuum diligentia mea parata; strenuorum ac fidelissimorum iuuenum, omneque discrimen pro me paratorum subire egregia, ac numero etiam firma intra urbem ipsa contracta manus, infimæ plebis studia ad meum nutum consurrecturæ, externa Principum auxilia, quæ in propinquo sunt, popularis nominis ciues, qui omnes ferè cognationibus,

& affi-

& affinitatibus vos attingunt, eadem qua vos indignatione ardentes, qui simul-
atque triremes in potestate nostra viderint, & aduersariorum Duces sublato
(vtrumque autem mihi facile & expeditum est) consilia sunt nobiscum coniun-
cturi: cum contra inimici nostri securum equum degentes, ab omnibus rebus im-
parati sint. Diis igitur bene iuuantibus ad rem exequenda properemus; ad quam
cohortandi mihi non estis iuuenes, qui me ardore & studio debetis praecurrere;
neque enim ego vobis huius consilij auctor sum; sed vos potius mihi, qui me as-
siduis querelis vestris ad illud impulistis, indignitatibus & acerbitatibus, quibus
vos per hos annos inimici vestri presserunt; & nunc cum maximè premunt, ac-
censum. in quarum rerum societatem, tantum abest, ut illi me, qui ex illorum cor-
pore nemini secundus sum, perducere vnquam potuerint, ut contra, me ab il-
lorum cœtu subduxerim, ac studia vobiscum coniunxerim, & honestatem causæ
secutus, & maiorum meorum vestigia imitatus, quos idem sæpè fecisse accepi.
Qua de causa nunc illis magno in odio sum. Verum ego eiusmodi hominum
odium & gratiam in æquo pono. Ceterum acriores stimuli ad vltionem peten-
dam esse debent, vobis vestræ iniuriæ, quàm mihi dolor ex vestris iniuriis, qui
nulla re sum ab illis priuatim læsus, ac vestram tantum vicem indignor. Nam per
Deum immortalem, cui tanta arrogantia non stomachum faciat? aut quid est,
quod illi tantoperè vos contemnât, ac nullo numero vos esse velint? perinde qua-
si illi è cælo, vos omnes è cœno nunc primum existatis, ac non plerique è vobis
honestiore loco, ac clarioribus maioribus, quàm plerique eorum orti sint. Iam
verò cuius tandem est iniuriæ ac superbix, leges duodecimvirates tanto totius ci-
uitatis consensu sancitas, perfringere; quibus omnium ordinum dignitas exæ-
quata est, factionumque nominibus planè exterminatis, vnum totius ciuitatis
corpus conflatum est, parque dignitatis locus (quod tuendæ concordix in pri-
mis est accommodatum) omnibus in Repub. constitutus? Hanc sanctissimam
legem, qua tranquillus ciuitatis status continetur, labefactare, atque adeò eucl-
lere, quid aliud est, quàm ciuiles discordias, quæ consopitæ videbantur, excitare,
ac ciuitatem in antiqua mala redigere? nullus enim ad turbas & seditiones ex-
citandas acrior est stimulus, quàm honoris & dignitatis contentio. Quod eo in-
dignius est illos conari, quod in hac ordinum æqualitate illi à vobis maximum,
vos ab illis nullum beneficium habetis, summo ciuitatis imperio, ac Dueali ho-
nore qui vester semper fuit, cum illis, pacis & concordix causa, sponte commu-
nicato: quæ res in reliquis liberis ciuitatibus magnarum dimicationum ac turba-
rum semper causa fuit. Indigna hæc per se sunt, ac non ferenda, verum alia lon-
gè atrociora instant, quæ vos non patiar diutius ignorare. Ioannes enim Auria,
quem isti ducem sibi assumpserunt (cuius viri intolerabilem ne superbiam & ar-
rogantiam, omniumque hominū contemptum, an immanè cupiditatem & ambi-
tionem prius detester?) nō contentus principe in ciuitate loco, ad altiora iam ten-
dit, atq. imperio animum adiecit, eiusque rei, quod mihi compertum est, à Cæsare
diploma habet. Verum quo minus consilium nefarium exequatur, ego ac fratres
mei sumus in mora, quos de medio tollere molitur, ut inchoata consilia, nemine
obstetere, ac reliquis cæde nostra perterritis, ad exitum perducatur. Mihi igitur præ-
uertendum iuuenes est, ne sedens opprimar. Properemus igitur ad iustas pœnas
expectandas ab iis qui mihi animam, vobis libertatem eripere student. Neque in
eo consilio cunctandum est, quod antea probandum, ac laudandum, nunc patriæ
charitas, & seruitutis periculum, etiam necessarium & pium, faciunt. neque debet
quisquam ab eo aut timore deterreri, aut quod sese in nimis præcipitem casum
dare

dare vereatur, retractare: nam, vt omittam, tuta & quieta cōsilia iis quibus secundæ res sunt, apta esse oppressis, ab audacia subsidium petendum; nullum discrimen adimus. Omnia enim, vt in nulla re suspecta, illis sunt soluta & neglecta, nullæ custodiæ, nullæ vigiliæ, nullum in triremibus satis validum præsidium: primaque nunc quies, omnes veluti sepultos tenet. incredibiliq̃ue nostra facilitate fit, vt necessarium consilium cum pietate, ac summa etiam securitate coniungatur. Illud extremum res me pronūtiare inuitum cogit. Si quis vestrū tanta sit perfidia, qui me in eo consilio deserat, quod causa in primis vestra sum ingressus, is sciat, meam, & ceterorum quibus septi estis, dextras, in se, veluti proditiōis noxium, armatas. Cūm perorasset Fliscus, tantæque ac tam subitæ rei stupor omnibus vocem primò inclusisset, simul armatorum circumstantium horribilis offusa oculis species animos defixisset, præsens pavor, futuri discriminis metum vicit, cūm magis non probare, quàm non sequi consilium, sese posse intelligerēt, secuturos se igitur quò duxisset, profitentur. Duo tantū fuere, qui siue vero, siue simulato timore societatem deprecati sunt, cūm non veriti essent confiteri, sese tractandorum armorum insolentes & imperitos, simul ac gladios eductos viderint, trepidatione sua & fuga, turbandis potius rebus, & imminuendis reliquorum animis, quàm vlli auxilio futuros. Venia data est à Flisco suam ipsis ignauiam confitentibus, hominesque cubiculo sunt inclusi. Interfuit orationi Paulus Panfa, iam inde à prima ætate in Fliscorum domo educatus, vir grauis, & quieti ingenij. Is mentionem facinoris abominatus, Ne istud, inquit, Deus immortalis sinat permittatque, vt tu nefario ac præcipiti consilio te, fratres, domum, rem, famam, perditum ire properes: atque in lachrimas effusus, Fliscumq̃. complexus, ac paulum seductum, matreque adhibita, per infelicem senectam suam, per familiaritatis necessitudinem, ac per quæcumque iura homines inter se coniungunt, orare, obtestariq̃ue cœpit, ne se perditorum hominum consiliis abduci pateretur, neue impotenti regnandi cupiditate ita raperetur, vt non ad atrocitatem facinoris, atque discriminis magnitudinem, cogitationem conuerteret. An tu, inquit, omnia diuina, & humana iura violare ac perfringere pro nihilo habes? Non horret animus, totam nobilitatem, qua incolumi, consilia tibi procedere nō possunt, infontem & immerentem ad cædem destinare? Andrea ne Auria, qui pro multis suis in te meritis, ac paterna beneuolētia, parētis sanctitatem apud te obtinere debet, quemque longa ætas, perpetuusque tenor vitæ sine noxa in hac vībe actæ, eximiaque in patriam beneficia, omnibus venerabilem faciunt, tu vnus, qui pro eius salute, si quis illum petat, latus ipse tuum vltro opponere deberes, inuentus eris, qui mortem per summam crudelitatem offeras? Hanc cene maiorum tuorum gloriæ, à qua tantum accipis splendoris, gratiam reddis? Hoc scilicet à te reposcunt Innocentius quartus, & Hadrianus quintus Pontifices maximi, vt Fliscum nomen, quod illi eximiis virtutibus suis tam clarum relinquere semper studuerunt, tu tanti parricidij macula (suo enim nomine res appellanda est, nec potest verborum præstigiis facti turpitudine opprimi) fœdares? Age, si nullum ius est tam sanctum, quod non execrabilis dominandi cupiditas violet, quæ tanta te mentis cæcitas tenet, vt incerta & præcipitia, tutis & exploratis anteponas? An non vides, Ioannis Auria superbiam, & elatos spiritus, omnibus nimios iam videri, ac liberæ ciuitati in dies grauiores esse? Quid dubitas, si tu contrarium vitæ cūsum teneas, moderationisque documenta dando, te illius dissimilem ostendas, quin ciuitatis studia in te paulatim sint inclinatura? tuque, æmulo sublato, qui iis moribus diuturnus esse non potest, summum in ciuitate locum obtenturus sis? sum-

ma sa-

Paulus Pan-
fa Fliscum
ab incepto de-
hortatur.

mae sapientiae loco semper fuit, alienae stultitiae euentum ex tuto opperiri. Quid igitur contendis spes tuas improvida festinatione anteire? atque ea quae cum tarda securitate veniunt, caeca cupiditate euertere? turbulenta & praecipitia consilia iis tantum apta sunt, qui priuatim degeneres domi egentes, omnibus contempti, nullam spem priuatis vulneribus medendi, nisi ex malis publicis habent, quique in aduerso consiliorum euentu nihil damni, vel in fama vel in re faciunt ab omnibus iis rebus iam pridem destituti. Qua vero spe tam praecipuum consilium ingrederis? aut quibus opibus subnixus, tantam rem moliris? an animos tibi faciunt pauculi illi ex infima plebe quos tecum habiturum speras? qui egentes, & inermes, tum autem subitis mutabiles, si fortuna vertat, eadem mobilitate qua te secuti fuerint, deserturi sunt, atque etiam oppugnaturi. Exemplo tibi sint innumerales aliorum euentus, quam parum stabilis spes in vulgi fauore collocetur. Popularisne nominis ciues ad te attracturum speras? an tot graues viros tam leui aura mobiles putas, ut ad tuam vocem de tanta re consilium sint capturi? ac societatem tecum inituri sint ii, a quibus consilia speraris, ut tanquam pecudes ad tuum nutum circumagi videantur? Documento sint, quid animi viri graues, ac firma aetate habituri sint, pauci isti adolescentes, armis tuis circumsepti, quorum etsi non nulli laetum assensum vultu praefereunt, plerique tamen maesto silentio, quando nulla alia re audent, tuum istud factum haud obscure improbant. quin potius verisimile est, illos (id quod in eiusmodi rebus vsitatum est) suspicatos, te libertatem & popularem Rempublicam praetextando, cuius auctorem te ex nobilium corpore merito suspectum habebunt, dominationem tibi, & ipsis seruitium moliri? Dubitas igitur, quin hic metus quamuis dissidentes inter se nobilium & popularium animos sit coniuncturus? ac quin illi sociatis consiliis, arma aduersus communem libertatem insidiantem versuri sint? Pergebat Pansa preces consiliis miscens, hominem a prauo incepto reuocare, cum Verrina, quem ad explorandum ciuitatis statum missum diximus, superuenit, seque omnia loca adiisse, omniaque diligenter perlustrasse, renuntiat, omnia tranquilla & quiescentia esse, & ipsorum conatibus opportuna, tum praeterea triremem paratam, atque omnia composita: non igitur iam esse cunctandum. Quare Fliscus, responso dato, in eum se locum progressum, ut nullus iam sit regressus, aut poenitentiae locus, Pansam gementem, ac fati iniquitatem hominumque scelus accusantem, relinquit, ac de omnium consilio munera in hunc modum partitur: triremis praefecto imperat, ut cum triemi ad angustas interioris portus fauces, in quo triemes Auriac erant in hibernis, obfidendas proficiscatur. Othobonum fratrem mittit cum armatis ad portam diui Thomae occupandam: qua occupata, ad aedes Andreae accedat (eae sunt propere a porta extra urbem sitae) ibique ipsum, & Ioannem obtruncet: Cornelium, alterum fratrem, nonnullis armatis attributis, mittit, qui portam diui Stephani occupet: Thomam Aleretum cum delecta manu iuuentutis mittit, qui cum celoce in interiorum portum penetret, eoque occupato, portam sibi patefaciat: ipse cum Verrina, & Hieronymo fratre, iuuenibusque conuocatis, ac reliqua suorum manu (erant autem ad centum quinquaginta) terrestri itinere ad eundem interiorum portum contendit, in quem porta ab Alereto iam refracta, cum suis ingreditur. Operae pretium est considerare, quam incerti, ac parum explorati sint coniurationum exitus, quam leuibus causis magnarum rerum momenta vertantur, quamque paruae res ingentes consiliorum, summoque astu ductorum, spes evertant. Nam

Mor: Ludovici Elisei.

cùm per se minùs stabilis, nullis retinaculis circūligata, tum triremis iactatione, quam remigum tumultus, vt in tam improuisa re necessariò excitatus, faciebat, vacillans, ab altera parte collapsa, in mare decidit, omnesque superstantes ruina sua secum traxit. In quibus Fliscus à nemine suorum, vt in obscura nocte conspectus, grauitate armorum ad ima depressus, cùm neq. ipse per se conniti posset, neque à quoquam suorum, casum hominis ignorantium, subleuaretur, periit. Itaque pestis, quam in alios machinabatur Fliscus, in illum collata. Qui ad portas occupandas missi erant, rem faciliè custodibus semisomnibus, partim obtruncatis, partim captis, confecere. Clamor & strepitus in interiore portu excitatus ab Andrea, & Ioanne ex domo prope littus sita, in noctis silentio exauditus, Ioannem exciuit, qui vt quid nam esset, cognosceret, inermis, cum duobus comitibus ac vestitu domestico, domo profiliit, atq. ad portum accurrens, cùm ad portam vrbis peruenisset, atque vt illam aperiret, minaciter clamaret, Flisci cognita voce, latifores patefaciunt, Ioannemque ingredientem circumstantes, cum pluribus hastilium ictibus confodiunt. ductaque deinde temporum ratione, pro certo compertum est, eodem temporis puncto quo Fliscus periit, Auriam interfectum. ita duorum iuuenum præferocia ingenia, ex quorum dissidentibus studiis ac contentionibus magnos motus, magnasque turbas in futurum ciuitati imminere nemini dubium esset, eodem horæ momento fatum sustulit. Qui Ioannem confecerunt, ab Andrea petendo ad cogitationem admissi facinoris, mente paulisper auersa, spatium Andreæ dedere, vt, Ioannis casu audito, in equum à suis sublatus, cùm ipse infirma valetudine per se conscendere non posset, fuga salutem peteret. At iuuenes qui erant in interiore portu, triremibus in potestatem reductis, alius alium percunctantes, quidnam Flisco factum esset, qui nusquam appareret? ea re perculsi, non tamen deferunt se, sed Othobono à Ioannis cæde reuerso, custode triremibus relicto, ipsi Hieronymum secum ducentes, vt fuerat compositum, tota vrbe discurrentes, ciues ad arma concitare, ac popolare imperium conclamare incipiunt. Ad quam vocem cùm plerique ex multitudine sese hominibus adiungerent, nullus tamē fuit, ex popularium optimatibus qui se commoueret, partim quod à tumultuariis consiliis abhorrerent, partim quod Fliscum, hominē à populari causa, si minus simulata in præsentia voluntate, natura certè dissidentem, popularis status auctorem non probabant. Omnes verò, ad tantæ rei societatem consilio secum non communicato, neque diu antè concocto, subita voce tanquam pecudes rapi, suæ dignitatis esse non putabant. Interea Gometius Suarius Figueroa Cæsaris orator, trepido nuntio excito, ac re subita perculsus, inter manendi & vrbe excedendi consilia, incertus animi, fluctuabat. Ceterum hominem retinuit Paulus Lazania. Is vir erat magnæ inter populares auctoritatis & gratiæ, tenuiorumq. animos mira beneuolentia comprehensos tenebat, vt maxima illorum pars ad eius nutus consurrectura esset, seque in omnia consilia cum illo cōsociatura. Is igitur, cùm ceteri ciues improuiso terrore obtorpuissent, vnus se non deferuerat, sed valida clientum manu corrogata, ita se comparauerat, vt ex Fliscorum euentibus consilia caperet. Cùm igitur ad Figueroam vocatus venisset, bono animo hominem esse iubet, sese enim firmo armatorum præsidio septurum, inuiolatumque seruaturum. interea quo Fliscorū motus euadat, totam noctem expectandum dicit. qui si inanes fuerint, nihil porro tentandum: sin res illa succedere, aliquaque in illorum causam fieri inclinatio cœperit, enimuero secum Spinula familia, opibus ac numero præpotenti, coniunctum, firmissimoque iuuenum globo stipatum, tota vrbe discursurum; Adurniorumque nomine sub-

Ioannis Andreae Auriam interitus ac cades.

Princeps Auria sibi fuga salutem parit.

Pauli Lazania constantia & virum.

iecto,

iecto, Barnabaque Adurnio, qui haud longè absit, interea accersito, ac Duce, ex veteri more, proclamato, haud dubiè maiores ad se concursus facturum, maioremque popularium civium ac plebis partem, Adurnio nomine attractam, se ad ipsum applicaturam: quin & illos ipsos qui Fliscos secuti fuerint, illis desertis ad Adurniorum partes, quas intimis sensibus colant, cum reliquis transituros. Qua ratione & auctoritate Lazaniæ confirmatus Figueroa, omni abeundi consilio planè abiecto, euétum spectare constituit. At iuvenes, cum lux appropinquaret, neque quemquam ex primoribus, affinibus, & cognatis suis secum trahere potuissent, multitudo quoque spe frustrata ab ipsis dilabi incipiente, Flisco, cuius ductu & impulsu rem essent ingressi, & Verrina, qui rebus diffidens, in triremem se receperat, nusquam apparentibus, animis debilitati consilium sibi quisque capere cœperunt: atque alij in priuatas domos, alij in eandem triremem sese recipiunt, Hieronymo cum extenuata hominum manu relicto, qui inops consilij, vrbe discurrens, conscius intermortuas voces iactabat. Interea summus Magistratus, qui tumultus initio nullo satis firmo præsidio contra tantum motum munitus, tanto circûfuso pauore obtorpuerat, cum nonnulli ex optimatibus in ædes publicas subinde conuenire cœpissent, animos colligere cœperat, ac leniter potius rê ducere, quàm aperta vi agere, tutius ratus, quatuor ex principib. ad Hieronymum ad res cõponendas mittit, quos ille obuios factos cõtumaci respõso, vt erat stolidè ferox, à se dimittit. Sed paulò post desperatis tandè rebus, ad portã diui Stephani cû paucis reliquiis, à Thoma Assereto nunquã desertus, sese recipit. ibi de cõditionibus cum Magistratu agi cœptum. Nicolaoq. Auria affine, internuntio vltro citroque cõkursante, res ita conuenit: Discederent Flisci ab armis, vrbe excederent, ciuitatem tumultu liberam relinquerent: id si fecissent, Magistratum illis & con-

Conditionis inter Magistratum & Fliscos.

fortibus culpam condonare. Quo decreto per scribam recitato, vrbe excedunt, atque in arcem Montobium, quæ ab vrbe decem circiter millium passuum distat interuallo, cum suis concedunt. Ita magni Fliscorum motus eodem die excitati & compressi sunt. Vrbe tumultu liberata, Magistratus quid facto opus sit, deliberat: cumque iurisperiti respondissent, non impediri Magistratum decreto & fide, non tam voluntate data, quàm necessitate expressa, quominus sibi in Fliscos & socios animaduertere liceat, cum aliquamdiu sententiis variatum esset, tandem tantæ impunitatis exemplum magnam similia admittendi illecebram esse censentes, ad seueritatem versi, bona Fliscorum publicant, ædes ad diuæ Inuiolatæ amplas & præclaras complanant, ipsos, & Verrinam auctores, & capita seditionis, perduellionis damnant; reliquos consiliorum participes nominatim quinquaginta annorum exilio mulctant; exercituque ad arcem Montobium oppugnandam misso, duce Augustino Spinula, additis Dominico Franco, & Dominico Auria procuratoribus, complurium dierum oppugnatione, Hieronymum ad deditionem subigunt, capitis ac rerum suarum summo Magistratui libera potestate permissa. Quæ res magnas Genuæ præbuit contentiones, magnosq. animorum motus excitauit. Ac res ingentibus verborum & sententiarum certaminibus, complures dies extracta est, cum non paucorum studia pro Fliscis quoque exarsissent. Ii mitioris sententiæ auctores esse, neque ad extremum sæuendum dicere; satis pœnarum Fliscos dedisse omnibus bonis, ac peramplis, & optimis ditionibus euersos, ædibus & arce Montobio complanata. Ac si quis rem verè æstimare velit; quid tandem Hieronymum & Ottobonum commeritos, vt iis tam implacabiliter succensatur? Miseros adolescentes omnium rerum ignaros, ne consilij quidē participes factos, improuiso deprehensos, nullo ad cogitandum

Bona Fliscorum publicantur.

Hieronymus Fliscus deditionem facit.

spatio temporis dato, ad lanienam à violento fratre raptos: ad illius nutus miserrorum inscitiam circumactam. Igitur habuisse meritam poenam noxium caput: ipsos extra noxam existimandos. Neque se ea re quam in primis iactari audiant, magnoperè moueri, posteritatis exemplo, vt reliqui videlicet atrocitate supplicij à talibus cogitandis deterreantur. Nam & nostra, & omnium sæculorum memoria, maleficia semper acerbissimè punita, quotidieque in omnibus vrbibus latrones, sicarios, fures, ac reliquos maleficos homines capitali supplicio affici, quorum tamen suppliciorum exemplo aut metu, homines ab iisdem facinoribus admittendis haudquaquam deterri. Quod in maiestatis crimine eo minùs sperandum, quo præmiorum amplitudo acrioribus stimulis homines ad illud impellit. Ac ne illud quidem perpetuum esse, vt in maiestatis & perduellionis crimine nullus sit misericordiæ locus, id enim, vt innumerabilia alia exempla omittantur, refelli Caroli quinti Cæsaris sapientissimi Principis exemplo & auctoritate, qui Saxonem bello victum, & in acie captum, morte multandum non duxerit, satisque habuerit hominem imperiali edicto, & exilio maiestatis damnatum, qui que totam Germaniam in Cæsarem, dominum suum, excitarit, iure suffragij in Cæsare creando, & ditionibus auitis multare. Contrà alij mirari se vehementer dicere, vnde hic mos nunc primùm inducatur, voluntates non facta exquirendi. Quod si suscipiatur, nullum iam fore legum aut iudiciorum vsum, quòd nemo tam hebes ingenio futurus sit, qui nesciat facta à voluntate seiungere, & se aut errore, aut inscitia lapsum, aut extrema necessitate adactum, proponere, aut infinitis aliis calumniis facinus tegere. Qua voluntate Flisci vsi sint, neque se, nec quemquam omninò mortaliū diuinare, paruam fuisse, quæ secuta sunt facta, iudicare, ea spectanda ac suis momentis ponderanda. Qui post Ioannis cædem fratre etiam mortuo, à quo adacti excusentur, incepta non omiserint, sed portas, triremes, ac reliqua occupata retinuerint, totaque vrbe discurrentes, plebem ad arma vocarint, & in Magistratum incitarint, sibi que tanquam dominis, ædibus publicis à Magistratu cedi postularint. Auertisse Deum immortalem nefaria consilia, ac Magistratui punienda reliquisse. Quàm verò esse compar Saxonis & Fliscorum factum! illum magnitudine animi inductum, nullum scelus concepisse, non de cæde principum aut de vllò maleficio cogitasse, sed conspirationi maximæ Germaniæ partis, in libertate illius prouinciæ defendenda, quam à Cæsare imminui præ se ferrent, ac ne ad detestadā ipsi religionem suscipiendam cogerentur, ducem se non subtraxisse, diuino numini cordi fuisse, vt inde victoria esset, vnde ius stabat. Non igitur Cæsarem tam ipsum Saxonem spectasse in illo incolumi seruando, quàm totius Germaniæ consensum: haud dubium, quin si in illum animaduertisset, omnium tam ciuitatum quàm principum eius prouinciæ odia in se fuisset irritaturus. Fliscos verò, quam tādē iniuriam quē meum tam atroci facinori prætexere? illi ne impunè ferant, vt regni inuadendi, patriæque libertatis opprimendæ causa, omnes bonos ad cædem destinarint? tum verò maius propè flagitium factum iri à Magistratu in tantis parricidiis impunitis relinquendis, quàm ab ipsis Fliscis in illis suscipiendis factum sit? Vicit tandem melior, & frequentior pars, Andrea adnitente, ac grauissimas iniurias pro iusto bello persequente; decretumque est de Hieronymo, & consortibus, capitale supplicium sumendum. Ex eo decreto in ipsa arce Hieronymus, & Verrina securi percussi, reliqui inferioris sortis suspendio necati, ipsaque arx quæ turbulentorum hominum receptaculum sæpè fuisset, ac quieti ciuitatis immineret, solo æquata. Hactenus Folietæ. Hinc autem cuius planum atque perspicuum est,

In Hieronymi
Fliscum, Verrinam
ceterosque complices
animaduertio.

vt ea familia, quæ antea amicis opulentia, splendoreque, & auctoritate, in vrbe multum diuque florentissima enituit, quasi momento temporis, nec absque insigni humanarum rerum documento, ad imum felicitatis gradum sit delapsa & deiecta. Ea res, quod irrita vanaque cecidisset, non parum credita est eorū Principum animos vexasse, qui res Italicas turbare, animumque Cæsaris à Germanica victoria reuocare conabantur, cum omnia suorum consiliorum fundamenta corruisse prospicerent. Neque enim classis, quæ Massilia Neapolim Flisco duce appellere statuerat, iter cepit, ipsique Neapolitani, quorum tumultus atque seditio nondum erat sedata, omni spe auxiliorum destituti, simularunt, se nunquam defectionis suscepisse consilia, sed quæstionem tantum renuisse. Cæsar quidem, percepto successu rerum Genuensium, visus est grauiter tulisse mortem Ioannis Auria, quarum Pontificem & Gallorum regem auctores ratus, consultoremque Petrum Aloysium Farnesium Pontificis filium, indignationem in magis opportunum tempus dissimulauit. neq. enim ratio præsentium bellorum postulabat, aut patiebatur, vt eodem tempore bellum etiam in Italia aduersus potentissimas nationes, tunc præsertim non necessarium, excitaret. Cæpit tamen in animo clam secum excogitare, quo pacto eas iniurias vtiliter vlcisci posset: quod sanè consilium sæpius cum Principe Auria & Ferdinando Gonzaga per literas communicauit: quorum sanè consilio, ratio inuenta est & acceptas iniurias vlciscendi, & hostium conatus atque consilia infringendi.

LIBER XXIII.



PROXIMVS annus Petri Aloysij Farnesij, Parmæ ac Placentiæ Ducis cæde, Sigismundi Sarmatarum regis interitu, Burdegala seditione, ac etiam atrocissimo bello inter Scotos atque Anglos, penes quos victoria stetit, exorto, quàm maximè insignitus fuit. Idem quoque Ducem Mauritium, nouum Saxonie creatum Electorem, Augustæ sollemni pompa à Cæsare eodē die qui & ipsi

Cæsari natalis extiterat, inauguratum conspexit. Cum verò paucis antè mensibus Maximilianus Austriacus, qui postmodum à septemuiris proceribus Cæsar renuntiatus fuerat, in Hispaniam profectus esset, vt Mariam Imperatoris Caroli filiam sibi antea desponsatam, in matrimonium duceret, Philippus eius filius, Hispaniarum rex, tunc XXI. annorum iuuenis, à patre euocatus, ad iter sese comparauit: & relicto ibi patruele sororio, qui per suam absentiam Reipub. præfesset, cum ventis vela dedisset, septimo Cal. Decembr. cum triremibus quinquaginta totidemque ferè nauibus onerariis, Andrea Auria, qui Maximilianum transpor-

tauerat, ductore, Genuam appulit, magna comitatus procerum turba, & in his, Albano duce, & Cardinali Tridentino, Genuam peruenit: ad cuius quidem, & vniuersæ classis appulsum, quàm plurima tormenta displosa. Princeps super tumultuarium pontem aulæis constratum, descensionem facit, & primis aliquot diebus, extra muros commoratus est in ædibus Auria præfecti classis, dum interim & naues exonerantur, & apparatus in vrbe perficitur, vbi, præter cetera, multæ triumphales testudines & arcus summa operum præstantia & artificio erecti fuerant. Altera die Decembris urbem ingressus, à Duce ac Senatu, regia magnificentia in publico palatio exceptus fuit. Per id tempus, omnium Principum, liberarumque ciuitatum legationes Italiae gratulatum pro

1548.

Petri Aloysij

cædes.

Sigismundi

Pol. regis

obitus.

Bellum inter

Anglos &

Scotos.

D. Mauritiij

inauguratio.

Philippi regis
aduentum Ge-
nuam.

Tumultus
Genuæ ex-
ortus.

felici eius aduentu Genuæ conuenerunt. Verumenimvero dum Princeps in palatio moratur, parum abfuit, quin fortuna vniuersam lætitiā in maximā cladem conuerteret. Nam cum fortē ciuis quidam cæsus fuisset ab Hispanis, nuntiatur Minciaccæ magnam seditionem inter Hispanos & Genuēses exortam esse. Cum eò deuentum esset, apparent multi ciues armati, qui intra domum quandam ad quinquaginta Hispanos obsidebāt, adeo ut ad octauum Idus Decembris, leuissima, vel potius nulla de causa, officinæ clausæ, tumultus excitatus, & passim ad arma concursus; exortæque seditionis causa prorsus incognita, ingens omnium fieret perturbatio. Hispani, re percepta, confestim sese ad classē recipiunt, & arma parant, cum nemo eorum, uti diximus, causam tumultus cognouisset: quæ sola hæc fuit, quod videlicet Antonius Arceus captus fuerat, qui cum propter hæreditatem insignium facultatum, puerum immerisisset in fontem sui horti, nepotem octo annorum, è carcere Pintia femineo habitu indutus, aufugerat, & deinde iussu Principis captus fuerat à Minciaccā, & in palatio Senatus in carcere ad ipsius Principis nutū asseruatus. Is cū iussus esset tradi Bernardino Mendocio summo Hispaniarum triremium duci, ut Pintiam reuectus, pœnas daret suorum scelerum; necesse fuit Minciaccæ cum nonnullis Hispanis sclopetariis ad prætorium accedere, ad captiuum abducendum. At Senatus custodiæ, visis Hispanis sclopetariis, cognita causa aduentus, primas portas aperit. Sed postquam ad secundas custodias ventum est, qui erant ducenti armati, & totidem sclopetarij, perpetua eius Senatus stipendia merentes, indignati, Hispanos ausos esse armatos eò ingredi, demissis sarissis, in hos impetum faciunt; primæ custodiæ, quæ causam aduentus perceperant, medium capiunt Minciaccam, eumque protegent, ita ut eius auctoritate & eloquentia res placata sit, nonnullis Senatoribus Minciaccæ fauentibus. Hic itaque, duobus Hispanis cæsis, rebusque tandem compositis, captiuum cum nouis Senatus custodiis abducit. Tum Senatus apud Principem se excusauit, quod is tumultus non ex auctoritate consilioque Senatus, sed ex populi inscitia excitatus esset; ideoque venia facile impetratur. Princeps interim ubi Genuæ ad quindecim dies inter multa sollertia, & clarissimæ opulentissimæque ciuitatis blanditias commoratus esset, ac Senatus regiam in se liberalitatem & magnificentiam sibi iucundam fuisse, non sine gratiarum actione, ac beneuoli animi & egregiæ voluntatis testimonio, declarasset, pecunia, ac rebus aliis ad terrestrem profectiōem necessariis & idoneis cohonestatus, Genua discessit, & per Alexandriam & Ticinum facto itinere, Mediolanum concessit, ubique gentium ab omnibus ciuitatibus ac Principibus exquisitissimis honoribus acceptus. At Mediolani quantus regius splendor & apparatus propter eius aduentum ac præsentiam extiterit, haud sanè paucis verbis, mihi præsertim intento calamo ad reliqua properati, exprimi ac enarrari posset. Quantis itidem honoribus, quantoque regio apparatu, splendore ac magnificentia cum in ipsa vrbe Mediolanensi, tum etiam Mantuæ, Tridenti, Inuitrij, Augustæ, & passim in omnibus locis quæ ipsi transitus erat, donec tandem per Luccemburgicum agrum Bruxellas pridie Calend. Aprilis peruenit, exceptus fuerit; simulque quot proceres, Principes ac Principum legatos, sibi, honoris atque obsequij ergo, subinde obuiam habuerit, haud sanè paucis verbis declarari posset, & mihi, in tanta temporis angustia, planè arduum ac difficile: atque ideo ab his commemorandis nunc prudens scienq. supersedeo. Huic aduentanti Cæsar obuiam misit insignem equitatum in Germaniam usque ductore Arescoto Principe. Dux Mauritius Elector, obuiam ei profectus, Tridentum usque,

Philippus
rex Medio-
lanæ, indeq;
in Belgium
proficiscitur.

quæ, Mantuam & Venetias, visendi causa, paruo cum equitatu excurrit, & à Senatu summis honoribus habitus atque exceptus fuit. Inter hæc, subsecutus est annus vndequingagesimus, in quo itidem pleraque memoratu digna variis in locis contigerunt, ex quibus paucula quædam insigniora annotabuntur. & in Gallia quidem, mense Iunio Catharina Medicea ad sanum Dionysij ritu Gallicano & sollemnibus cærimonijs coronata inaugurataque est. Quæ res curiosis ingeniis, omnium rerum initia & semina solicite scrutantibus, haud mediocrem admirationem peperit. Stupecebant enim cogitando, Mediceam familiam à priuata fortuna, repente in eam publicam celsitudinem progestam esse. Ex ea ortos duos Pont. Rom. Leonem x. & Clementem vii. Penes eam esse Etruriæ dominatum. Denique hanc ipsam Catharinam ad suprema Gallici regni fastigia euectam esse. Nec multò post, Rex Lutetiam triumphali planeque regia pompa ingressus, honorificentissimeque à Parisiensi populo exceptus est: quem biduo post, regina eodem est consecuta: vbi nulla opum aut luxus ostentatio omissa est. Ceterum Anglia hoc tempore diuersis seditionum tempestatibus diuexata. Siquidem is, quem diximus, regis auunculus & regni protector, Eduardus Somersetus, fratrem habebat germanum, regis classis præfectum, quem vulgò Amiralium vocant, de quo suspicionem concepit, aut sibi persuaderi passus est, quasi regnum affectaret, ac regem in suam potestatem redigere vellet. Itaq. illum comprehendi iubet, & habita quæstione, capitis damnatur, ac decimo tertio Cal. Aprilis securi percutitur. Habebat in matrimonio regis Henrici viduam vxorem, Catharinam Parram, idque suspicionem nonnihil etiam auxit. Sed muliebris æmulatio atque inuidia plurimum sanè huc attulisse momenti existimatum est. Verum enimvero, breui temporis spatio interposito, per ipsam Angliam fuit orta duplici nomine seditio, popularis vna, propter rem agrariam. Querebantur enim vulgò, nobilitatem occupasse magnam agrorum partem, qui promiscuæ multitudinis antea fuissent, & ad ferarum saltus accommodasse priuatos. Altera per Deuoniam, in qua idem petebant: sed in primis offensi mutatione religionis, vrgebant sibi restitui sex regis Henrici de religione decreta, paulò ante ipsius obitum promulgata. Proinde cum ad arma concurrerent, & magni res esset periculi, nec admonitionibus vllus locus relinqueretur, rex & consiliarij, licet inuitissimis animis, copias in illos emittunt, & millibus aliquot trucidatis, diuersis locis profligant. Horum dissidiorum occasione Henricus Galliarum rex, qui iampridem inhiabat amissæ Bononiæ, haud parum incitatus, pactiõibus paternis rescissis, continuò Bononiensem ditionem, partim vi, partim deditione, & inter cetera, Ambletulam ac Montem Lamberti, duas stationes Bononiæ finitimas, recepit. Statimque instructissimam classẽ, duce Decio, in Scotiam, vt ab illa quoque parte hostis vrgeretur, cum valido exercitu, quibus exercitatissimi viri P. Strozza, Dandolotus, & Reingrauius præfecti erant, transmisit. Hi simulatque in Scottorum castra peruenerunt, post non exiguos progressus, insigni prælio ad Edintonam Britannos vicerunt. Hanc rerum conuersionem Angliæ procures quàm ægerimè tulerunt. & quia summam rerum, sicuti antea demonstrauius, Protector, ipsius regis auunculus, obtinebat, in ipsum deriuata fuit omnis culpa, eius præcipuè cladis, quam in agro Bononiensi nuper acceperant, quòd videlicet ea loca minimè, vti par erat, rebus necessarijs præmuniuisset, adeò, vt criminatione atque inuidia indies magis atque magis augefcente, initio mensis Oct. de communi omnium procerum consensu, Vindeforæ captus, vbi tum rex erat, Londinum in carcerem abduceretur. His peractis, Proceres ipsi populo causas recitant, &

*Catharina
Medicea
inauguratur.*

*Rex Gall.
Lutetiam
proficiscitur.*

*Tumultus ad
seditionem
Angliæ.*

*Anglorum
clades in
Scotia.*

malè administratæ Reip. accusant, & scriptum eius rei typis excusum euulgant, ei que nomen quisque suum, testimonij loco subiungunt. in his erat facilè primus Comes Beruicensis. Verùm is circa mensem Februarium anni subsequenti è carcere liberatus fuit, cum id regi pergratum esse viderent consiliarij. Et quoniam Beruicensis Comitis impulsu potissimum captus fuerat, inita fuit hæc ratio, vt per affinitatem inter eos redintegraretur amicitia. Protectoris itaque filiam Comitis Beruicensis filius in matrimonium ducit: deinde Beruicensis à rege donatus est Ducatu Northumbriæ. sed non fuit diuturna necessitudo. Siquidem anno eiusdem æui quinquagesimo primo, æstate iam præcipitata, denuò captus fuit, & cum eo Pagetus, Græius, Stanopus, & alij quidam. Erat tunc summa rerum penes ipsum Northumbriæ Ducem. Cur caperetur, causam fuisse asserunt, quòd Northumbrius illum vitæ suæ insidiatum esse diceret. Siquidem hoc, lege nuper lata, capitale ipsis erat, eo que factum est, vt tandem mense Februario proximè subsecuti anni, Iudicum sententia damnatus, capite, haud sine manifesto fortunæ documêto, & humanarum rerum inconstantia, plexus fuerit. Eodem ferè tempore quo superius à me commemorata gerebantur, Solymanum Turcarum imperatorem non solum externæ curæ, sed etiam intimæ sollicitudines mirum in modum diuexabant. Nam Baiazetus eius primogenitus, ægrè ferens, quòd Solymanus in liberos alterius vxoris propensior videretur, quos etiam ad successionem imperij prælaturus existimabatur, odio patris ad Thammasum Persarum regem confugit: cuius copiis adiutus, paternum imperium hostiliter inuadit, pecora abigit, homines trucidat, villas ac vrbes concremat, regionem ad multa millia passuum populatur, omniaque obuia ferro & igni demolitur. Solymanus, vt sunt ingentia & propè incredibilia odia, maximeque atrocia inter coniunctissimos, tantas filij iniurias ægerrimè ferens, protinus milites ad signa euocauit, & circiter quingentis armatorum millibus collectis, Persarum copiis obuiam processit, quas, commisso vix prælio, in fugam vertit. At enim cum Persæ omnia circumiacentia loca incendiis deformassent, Solymanus ob rerum omnium necessariorum inopiam per desertam populatamq. regionem iter faciens, centum & amplius suorum millibus desideratis, negotio infecto redire coactus est. Neque tamen cessauit indignatio & ultionis libido in filium, quippe cum illud auro & largitionibus expugnare tentauerit, quod vi & ferro non poterat. Proinde pluribus magnificentissimisque muneribus ad Persarum regem missis, non solum pacem & amicitiam atq. inducias cum ipso rege assequitur, sed etiam vt filius clam de medio tollatur. Iisdem fermè diebus, per Africam haud mediocres motus concitati. Nam Zeriphius quidam, à paruis, vt aiunt, initiis auctus, & regnum adeptus, vicinum regem Ecsanum finibus expulit, qui post ad Cæsarem venit Augustam, de sua fortuna conquerens, atque opem implorans. At Romæ Paulus tertius Romanus Pontifex, cum iam secundum annum post octauum ageret, in grauem morbum incidit, & tertio die ab eius ægitudine ad quartum Idus Nouembris naturæ concessit. Hoc breui tempore, quo ægrotauit, conuocatis Patribus, ab ipsis impetrauit, vt Parmæ possessio Octauio nepoti cōcederetur, tres novos Præsules creauit, & farinæ portorium Romanis sustulit. Huius sanè prudentissimi Antistitis desiderium Romani omnes ciues lachrymis & lamentationibus significarūt, cum pater communis vniuersæ Italiae, nedum vrbs Romæ, mortuus esse videretur, quamuis tributis & vectigalibus magis omnibus superioribus Pontificibus Romam & ditionem Ecclesiasticam oppresserat. Fuit Pontifex annos quindecim & nonnullos menses, vir & priuatim, & publicè per

*Somerseus
securi percussus.*

*Baiazetus
paternum
regni demolitur.*

*Solymanus
filium insequitur usque
ad necem.*

*Motus in
Africa.*

*Pauli tertij
Pont. obitus.*

vniuersam vitam eruditorum hominum amantissimus. Post eius obitum, dissi-
 dentibus inter se & variè contendētibz Purpuratis, fuit interregnum ad sextum
 vsque Idus Februarij subsequentis anni, quo tandem præter omnium spem de
 communi Patrum consensu Iulius tertius, qui antea Ioannes Maria Montanus
 dicebatur, successor creatur. In hæc tempora incidit mors *Margarete* *Valesie mors.*
 Nauarræ reginæ, Francisci regis sororis, quæ duodecimo Cal. Ian. pñsum vitæ
 absoluit: heroina præter sexum apprimè literata, & omni virtutum genere con-
 spicua, cuius corpori Lutetiæ in templo D. Virginis iusta sollemni pompa fuerūt
 persoluta. Obiit etiam iisdem fermè temporibus, Ticini Andreas Alciatus cla-
 rissimus Iuriconsultus, eximium totius Italiæ, adeoque sui sæculi ornamentum.
 Ineunte vere, Antonius Guidotus patricius Florentinus, vir excellenti consilio ac
 virtute, legatus ex Angliâ, partim externis bellis, partim intestinis ciuilibusque
 motibus afflicta & exagitata, in Galliam trajiciens, pacem his conditionibus im-
 petrauit, vt Anglis Boloniam, eiusque ditionem, totos ferè sex annos occupatam,
 restituentibus, Galli quadringenta nummum aureorum millia duabus vicibus,
 siue pensionibus, vt vocant, persoluerent. Rex Henricus Anglo adhuc puero
 filiarum vnâ desponderet, & coniugium, cum primùm ætas vtrique cōnubio
 habilis esset, ratum fieret. His pacis conditionibus etiam Scoti comprehenderen-
 tur. Ad eam concordiam stabiliendam firmandamque, Reges se equestri digni-
 tate honorarunt, Anglusque ab Henrico conchyliatum torquem D. Michaëlis
 imagine conspicuum, Henricus ab Eduardo Anglo equestrem fibulatamque
 pericelidem accepit. Iisdem fermè diebus, Dragutus, qui in Barbarussæ locum
 successerat, post multa Christianis damna illata, Aphrodisium, urbem celebrem
 & munitam, vulgò Africam, à Mauritanis Mahadiam vocatam, in prominente
 maris dorso, quod in mare mediterraneum portenditur, occupauit: qua victoria
 elatus, se protinus Dynastam appellari voluit. eiusque vires ac potētia tunc haud
 dubiè in immensum excreuissent, nisi à Cæsarianis, & in primis quidem à Principe
 Auria, fuisset repressus. Is enim, vbi primùm de hac re nuntium allatum est,
 maxima celeritate Cæsaris iussu viginti triremium classem instruxit, omnibusq.
 rebus ad nauigationem præparatis, ex Genuensi portu eam deduxit, & Spediani
 delatus, euocatos milites ibi præstò habuit: quibus triremes conscendere iussis,
 nono Cal. Maij illinc profectus, tribusque ad Liburnum Tusciæ portum adiun-
 ctis triremibus Cosmi Medicis Florentinorum Principis, & quatuor Iulij tertij,
 quem recens ad Pontificatū euectum fuisse ostendimus, Neapolini pridie Non.
 peruenit. Ibi Garzias Toletanus Petri proregis Neapolis filius, & Antonius Au-
 ria, viri pacis belli que artibus longè clarissimi, vnâ cum Neapolitana classe, quæ
 Cæsaris stipendiis merebat, se illi adiungunt, octingentis Hispanorum in trede-
 cim triremes impositis. Auria Neapoli biduum commoratus, Panhormum se-
 ptimo Idus Maij appulit, auctoque triremium numero decem Siculis, & quatuor
 religionis Melitenis, cum intelligeret, Dragutum re frumentaria & comineati-
 bus premi, eò cursum dirigere statuit, quò ratione etiam cogente, ipsum recur-
 rere erat necesse. Itaque Panhormo soluens, quinquaginta quatuor triremium
 instructissima classe maria circuit, nihil intactum, quò ipsis hostibus occurrat,
 relinquit. Hinc in Mauritaniâ transiens, oramque Africæ præterlegens, per-
 spectro Aphrodisij situ, in Monasterium, quod ab eo millia passuum quinque ab-
 est, renauigat. quod quidem oppidum firmissimo Turcarum & Maurorum præ-
 sidio tenebatur. Eò cum Cæsariana classis appulisset, & Turcæ nostros aquatio-
 ne prohiberent, Auria & Toletus expositis militibus Monasterium oppugnare
 ince-

*Pax inter
 Anglos &
 Gallos.*

*Aphrodisij
 à Draguto
 captum.*

*Aurie expe-
 ditio aduer-
 sus Dragu-
 tum.*

inceperunt, atque strenuè se defendentibus Turcis, tormenta educi, muros quati, ac irruptiones fieri iusserunt: acriter vtrimque pugnatum est, quoad Hispanorum impetum oppidanis non ferentibus, oppidum captum est, & militibus prædæ ac direptioni datū. Cæsi sunt ex hoste circiter trecenti, capti mille & ducenti, ex nostris, centum quinquaginta partim interfecti, partim vulnerati. Hoc detrimentum nostris illatum est, quòd ab initio oppugnationem parui duxerant, tormentaque expediri neglexerant, ex quibus aliquot diruptis, magnum incommodum acceptum est, & nonnullæ triremes afflictæ, ac primaria Caroli Aragonij Terræ nouæ Marchionis depressa, nihilque ex ea, præter remiges & tormenta, reliqui factum. Capto Monasterio, Auria Aphrodisium oppugnare constituit, cum præsertim Ferdinandus rex Siciliæ, cum septem ac viginti triremibus, quibus vehebantur xv. cohortes Hispanorum, Aphrodisium tertio Cal. Iulij peruenisset. Proinde inter omnes cōuenit, vt postridie eius diei Vega milites in terram exponeret, duplicique acie instructa, in Monasterium oppidum contenderet, locumque castris idoneum deligeret. Insequenti die milites castra munire, vallo fossaque cingere, frumentum, commeatus, tormentaque & impedimenta ipsa, omnemque bellicum apparatus ex triremibus educere magno studio procurāt; ac triduum in ea re consumptum. Deinde summis viribus ciuitas mari terraque obsessa & oppugnata, eo quidem exitu, vt quamuis Dragutus, intellecta obsidione, cum magno Arabum numero ac multitudine obsessis subsidio aduenisset, cum quibus ad aggeres vsque Cæsarianorum haud rarò excucurrit: & licet etiam ipsi oppidani, ac præsidarij milites, eruptione facta, nostrorum impetus & conatus summa virtute & magnanimitate sæpius represserint, multaque leuia prælia vtrinq. vario Marte ac euentu commissâ fuerint, nihilominus tamē vrbs tandem, v. Idus Septemb. nō sine aliqua inuadentiū clade expugnata atq. direpta est. Desiderati sunt, præter alios Cæsarianos milites, decē ac septem equites Rhodienses. E Turcis Maurisq. ceciderunt plures octingentis, inter quos fuit etiam Hales, alter Turcarū præfectus, qui ad Mahometis sacra defecerat. reliqui captiui facti, quorum omnis numerus omnium ætatum & conditionum ad octo, siue, vt aliis videtur, decem millia mortalium accedebat, qui omnes ferè in Siciliam, Sardiniam, & Neapolim traijciuntur. liberati sunt Christiani captiui complures. Vrbs tota direpta est. In ea reperta sunt quatuordecim ærea tormenta eximiae magnitudinis, & pleraque alia ex ferrea materia. Ad hæc, multa atque varia supellex, & magnum pondus auri & argenti. His accedebat non parua copia frumenti, commeatum, ac ceterarum rerum quæ ad vsum bellicum erant cōgestæ. In eius vrbs expugnatione, præter ceteros insignes duces, Principis Andreæ, Antonij Auriæ, Garziæ, Iordanis Vrsini, & Astoris Baleonis virtus plurimum enituit, ac præcipuè equitū Melitēsium, qui semper in omnibus bellis fortitudine maximè præstare visi sunt; cum non nisi spectatæ virtutis & probitatis ac nobilitatis homines ad eum dignitatis gradum admittātur. Globorum emissorum numerū ad septies mille fuisse, à quibusdam memoriæ proditum inuenio. Postea restaurata refectaque sunt collapsa mœnia, portæ, vbi debiles apparebāt, munitæ: inuecti commeatus, imposita Hispana præsidia, aptus tormentorum numerus relictus, reliquæ copię octauo Cal. Octob. in Italiam reuectæ, & ita quidem à nonnullis in literas relatum est. Ceterum, sunt haud contemnendi auctores, qui asserant, ablati omnibus quæ in naues conijci poterant, ipsam urbem, de mutua procerum consensione, à Cæsarianis excisam, ac funditus euersam fuisse, quòd scilicet in ea parum vriles militari præsidio firmando ac tuendo, sumptus poni viderentur.

Vtra

Monasteriū
oppidū captū

Aphrodisiū
expugnatur.

Vtra sententia veritati proximior sit, aliorum esto iudicium. Nam ipse in tanta scriptorum varietate nihil temerè asseuerare ausim, licet equidem priori magis adhæream. Dragutus amisso Aphrodisio, cum sex triremibus & quatuordecim biremibus ad Ægimum insulam deflexit, reliquias Turcarum secum aduehens, quæ è tanta clade Aphrodisiensi euaserant. Ea expugnatio Solymani animùm vehementer offendit, adeò vt nouis bellis materiam præbuerit, ipseque acceptas iniurias armis vlisci statuerit. Amida interea rex Tunetanus, vexatus perpetuis incursionibus Aloysij Peresi ducis Cæsariani, qui erat in præsidiis Guletæ, quòd ipsum regem sæpius inuadens, magno terrore affecerat, eò consilij denique peruenit, vt his conditionibus pace in sex annos composita, duodecim nummùm millia tributum nomine Cæsari persolueret:

*Tuneti Rex
pacis fecit cum
Cæsare.*

Vt quindecim præstantes equos tributum nomine Cæsari daret:

Vt decem & octo falcones: Vt ordinaria stipendia in præsidia Guletæ.

Vt omnes captiuos Christianos dimitteret. Vt neque ligna, neque hospitium, neque vlla subsidia Cæsaris hostibus, aut piratis & latronibus suppeditaret.

Hoc rerum tractu, Augustæ celebrabantur comitia, in quibus, præter cetera, actum est à Cæsare cum Ferdinando fratre Cæsare designato, vt sunt reges Romanorum, de Philippo Principe Hispaniarum in successionem imperij admittendo. Nec enim Cæsarem latebat, quanti esset momenti Germaniæ coniunctio, ideoque filium hæredem, qui tam latis & diuersis finibus esset regnaturus, hoc veluti firmamento stabiliri cupiebat. Ferdinandus autem rex, qui idem spectaret, neque suam, neque sanè filiorum dignitatem ac existimationem & comoda diminui oportere iudicabat. Porro Maximilianus Austriacus, Cæsaris gener, ac Bohemiæ rex designatus per absentiam, qui iisdem diebus reuocatus à patre Ferdinando, ex Hispaniis Augustæ expectabatur, cum egregiam indolem præ se ferret, & multas calleret linguas, Germanicam in primis, & morum elegantia polleret, admodum erat graciosus & popularis, ideoque Septemviri proceres multò magis in eum propendebant, adeò vt citra vllam controuersiam hunc in imperio præferendum censerent. Interea temporis, nouæ belli faces in Italia, quæ opera atque industria Pauli tertij Pont. iamdudum à bellicis procellis ac tumultibus quiescebat, excitatæ, præter omnium expectationem exarserunt. Siquidem Octavius Farnesius interfecti Aloysij filius, & Imp. Caroli gener, socerum Cæsarem nō ambiguis argumentis in suspicionem affectati imperij trahens, ac veritus, ne quemadmodum antea patri Aloysio Placentiam abstulerat, eodem ausu Parmam sibi extorqueret: Pont. Iulij tertij, qui iam ad gubernacula subuectus erat, operam auxiliumque tentare, eiusque patrociniū implorare constituit. A quo cum difficultatis occasiones afferrentur, Octavius verò arripiendi alicunde auxilij, quo se tueretur, necessitatem sibi impendere videret, sollicitante præsertim hortanteque fratre Horatio, ad Galli regis tutelam se contulit & conuertit. Id cum grauiter Pont. & molesto animo ferret, ac nō modò præcipitis eum consilij rem perageret, sed etiam diris atque anathematis sui fulmine configeret, & Cæsarem illudare, quæ sua auctoritate tueri non posset, armis belloque extorquere conaretur. Parmense bellum, aperiente sese anno, subito enatum est. His initiis iam effectibus sese turbis, cum Gallus ad publicam suæ gentis existimationem, & ad suam præsertim dignitatem, cuius maximè fide ac patrociniū res starent, pertinere existimaret defendi urbem fiduciariam, in qua, si incuria, vel flagitio-
Parmense bellum.

*Lis de impe-
rio inter Cæs.
& Ferdinad.*

*Octauij Du-
cis Parmensis
à Cæsare de-
fectio.*

*Parmense
bellum.*

tam

eam per mediam alluit, positam, præsidii vigiliisque communiuit. Proinde cum Ferrandus Gonzaga Imper. iussu eodem ex Insubria cum instructo exercitu proficisceretur, occupatam Gallico præsidio urbem ipso Iunio obsedit. Paucis quoque interiectis diebus, Ioannes Baptista Pont. nepos, ut bipartito hostis vrgeretur, Mirandulæ mœnibus exercitum admouit, eamque obsidione cingit. Interim Dandolotus, vetustæ familiæ, rei que bellicæ ornamentis clarus, cum à Gallo Parmam delecta cum nobilitate missus, liberè soluteque incederet, à Cæsarianis militibus, qui in Insubria tum agebant, in itinere est interceptus. Hoc initium cruentæ & atrocis tragædiæ fuit, quæ postmodum concussis rebus Italiæ multorum annorum curriculo ita viguit, ut Italia tum suo, tum externo cruore largiter redundarit. Iisdem fermè temporibus, cum Leo Strozza Capuæ prior, vir præstantissimis animi corporisque dotibus insignis, & Gallicæ classis præfectus, audiret futurum, ut Cæsaris iussu Auria Princeps cum classe in Hispaniam transfret, ad Maximilianum Bohemiæ regem cum vxore in Italiam traieciendum, statuit in itinere illum inuadere. Nam Philippus quidem Princeps Hispaniarum, sub finem Maij Augusta per Italiam citatis equis clam profectus, Hispaniam repetiuerat. Instructis itaque biremi, & viginti ac tribus triremibus, Massilia nauigat eo consilio. Fit obuius non procul à Tauroentio Auria, qui cum viginti ac septem triremibus Occidentem versus nauigabat; erantque minus accuratè quàm Gallicæ; instructæ. Auria, classem Gallicanam ad quinque millia passuum distantem cōspicatus, quia sciret bellum in Italia inceptum, ratus adesse etiam maiorem numerum, non nauigat vltius. Eo timore cognito Gallus, eò classem dirigit: neque prius insequi destitit, quàm dies defecit, atque in portum Tauroentij denique peruenit. Ibi aliquantisper subsistens, cum putaret fore, ut rex Bohemorum cum paucis Hispanis triremibus omninò iter caperet, si classis non accederet opportunè, illi obuiam ire constituit, ea spe atque animi fiducia inductus, ut sibi pugnandi facultas daretur. Proinde ad portum vsque Barcinonis enauigauit; nullaque ibi neque Hispana, neque alia classe inuenta, cœpit in ipso portu vnā triremem Principis, & catascopium, septemque onerarias, quæ omnia nauigia Massiliam cum magna Barcinonensium trepidatione sunt attracta. Nec multo sanè interiecto tempore, Leo Strozza, relictis regiis stipendiis, occultis de causis, cum duabus suis triremibus, Melitensis militiæ stipendia mereri cœpit, quod esset & ipse equestri dignitate insignitus. in cuius locum successus est Polinus, Baro, qui etiam præfuerat classi regiæ in Oriente, & tunc in Occidēte in mari Celtico præficiebatur. Pontifex interea, qui harum turbarum auctor & architectus fuisset, cum Parmæ ac Iuliæ Tauricæ, seu Mirandulæ, capiendæ spe frustraretur, sequenti Aprili certis conditionibus cum Gallo transegit, deserto socio Cæsare, à quo, in vsum eius belli ducenta nummum millia acceperat, & concitato exitiabili bello, quo cum alij multi egregij viri, tum eius quoque nepos Ioannes Baptista Montius, concidit, dum hostium mœnia cum Alexandro Vitellio, & plerisque aliis è primariis exercitus apud Mirandulam explorat. Rebus per Italiam ita sese habentibus, in inferiori Pannonia grauissimū atque asperrimum bellum inter Ferdinandum Bohemiæ, ac Ioannem reges excitatum, eo quidem euentu, ut post acrem ac diuturnam dimicationem, victoria ad ipsum Ferdinandum, multis hostibus profligatis, inclinauerit: & mox cum Anna vxore, Ludouici regis Vngariæ in prælio interfecti, cuius potissimū nomine illius regni successionem ad se hæreditario iure pertinere contendebat, sorore, Pannoniæ rex inauguratur. Huc etiam accedebant iura Alberti Principis superioris Pannoniæ, quam

Leo Strozza
Principem
Auriam in-
sequitur.

Eiusdem ma-
gnitudinis.

A Galis
defectio.

Polinus Baro
in locū Stroz-
zæ successit.

Pontifex, re-
lictis Cæsare,
in partes Gal-
lorum transiit.

Ferdinandus
exul ocan-
te, annone
regno potitur.

quam Austriam vocant. Hic autem breuiter subiungam, quoniam ordo ac ritus initiandi illic regem antiquitus obseruabatur, & quo in loco hæc sollemnis cærimonia fieri consueuerat. Memoriae proditum est, cum primum Vngaria regni nomen accepit, sacram coronam induuiasque in augurandis regibus religiosas, sancto Stephano primo Vngarorum regi à Rom. Pont. cælitus monito destinatas, seruatasque; deinde sollemni custodia, veluti faustum auspicium futuris regibus, eadem qua ille, regni felicitate coronandis: ordinem verò, & consuetudinem initiandi regem, talem vetusto more obseruari solitum. Eo, qui in Vngaria summum inter ceteros Antistites Pontificatum gerebat, sacris operante, omnibusque ad quos regia nominatio pertinebat, adstantibus, qui rex futurus erat, in augustiori templo Albæ regalis sistebatur, statimque à Canonicis exuebatur. Deinde Pontifex preces sollemnes adhibebat, quibus regno, regi que, cuius caput dextra tenebat, Deum propitiaret, veniamque ac pacem impetraret, ut feliciter fausteque publicè ac priuatim, sibi, oppidis, vicis, ciuitatibus, populis, nationibus, regnum iniret atque administraret; facultates, multiplices fructus, fines, & imperium propagaret; auctoritatem denique & gloriam adaugeret. Tum eius manus dorsumque arcano oleo perungebat, & mox eum vestiri imperabat; deinde sacris induuiis ornare, crucemque in primis tradere; per quam innuere volebant, ius Apostolicæ legationis in designandis Episcopis ab ipso initio regibus Pannoniæ à Romano Pont. permissum. Post quæ, sceptrum, pomumque aureum, & vexillum, regia insignia exhibere, & vniuscuiusque inter tradendum sacris verbis interpretationem prosecutus, tandem prolatis in medium regni legibus institutisque, exigebat, ut in ipsorum verba iuraret. Ille, ubi in ea quæ Pontifex conceperat, verba iurasset; illico diademate insignitus, suggestum ad id præparatum conscendens, plerosque in equestrem ordinem cooptabat, ut intelligeretur, regnum ab armis auspicari, nihilque prius maius apud reges esse oportere, ratione incrementoque militaris disciplinæ: cetera ornare, illam tueri, & augere imperia. His rebus ita peractis, ad templum Diuis Petro & Paulo consecratum procedere, atque ibi in tribunal se recipere, & nonnullas controuersias audire atque decidere; ut secundum rem militarem, iustitiam præ omnibus colendam & sciret, & doceret. Tandem sublatus in equum, postquam ciuitatem lustrauisset, extra portam ad D. Martini ædem progressus, ibique altissimam turrim conscendens, & quam maximè poterat, protenso extra turrim brachio, ad quatuor mundi partes nudatum enssem porrigebat, quasi vndique regnum tutaturus, aut certè illius fines & dirionem propugnaturus. Postquam verò in ciuitatem rediisset, sollemnia conuiuia celebrabantur; omnesque domus ac vrbes regiones publico applausu & congratulatione obstrepere, quibus omnibus ubi Archiepiscopus regem de more coronauerat, ritè atque ordine seruatis, postridie ex vniuersorum qui conuenerant, sententia constituebatur, ut corona sancti Stephani cum sacris induuiis recondita, ad futuros reges initiandos asseruaretur. Et de his quidem hæcenus. Interea temporis, Princeps Auriæ post expugnatum Aphrodisium, omni conatu & vigilantia, rerum satagebat, cum constaret, Solymanum ad Aphrodisium urbem recuperandam septuaginta triremium, additis etiam quadraginta nauigiis varij generis, auxilia misisse, cuius classis summum imperium Sinamo cum summa auctoritate detulerat. Sinamus cum ea classe Rizonicum sinum, Corcyraque littora præteruectus, omnia maritima littora prædationibus rapinisque infestans, se Melitenis equitibus ostentat. qui cum quatuor triremibus omnes piratas & latrones ex eo mari deturbabant. Eadem cum Siculis con-

Mos inaugurandis regibus Hungariæ.



1551.

Sinamus
Ostem clas-
sis nanarchus
Corcyram di-
uexat.

iunctæ, plerumque haud leuia damna Mauris ac Thraciam Christianorum quietem securitatemque diuerbantibus, inferebant. Classis urbem Melitensem plurimis tormentis, diuerberat: at contra, equites in ipsam classem, intrepidè displo-
 sis tormentis, triremem Turcicam dirumpunt & demergunt: alias quatuor ita dissipant, ut remigibus propè nudarint. & tandem ducentis atque amplius è suis desideratis, Turcica classis illinc retrocedere coacta est, & conuersis velis, in Africam deflexit, ibique Tripolim obsessam expugnauit. Hanc cladem Imperator Galliarum regi, tanquam non dubio illius auctori, acceptam ferre, simulque ad Germaniæ Principes ac liberae ciuitates missa legatione, huius rei culpam illi ascribere, quasi eius dolo Christiana Respub. tantum detrimenti accepisset. At rex ubi primùm hæc intellexit, crimen sibi falsò obiectum plurimis rationibus diluit, & Turcici belli causam esse dicit, quòd Cæsar ipsis Africam urbem ademerit; quòd Zolnorum arcem Othomânicae ditionis, ad Vngariæ fines positam, Ferdinandus rex occuparit, & communiret: quòd annuum tributum ei persolvere abnuat; necnon per Transiluaniam res novas moliretur. Postremò Cæsaris narrationem, qua ostèditur, quomodò Gallici legati Aremontij perfidia sit amissa Tripolis, contraria narratione refutat, eamque. Turcarum Cæsaris epistola confirmat. Dum res ita geruntur, Princeps Mauritius imperij nomine Magdeburgum arctissima obsidione premebat, in qua plurimi utrimque conflictus & leuiora prælia non sine magna utriusque partis cæde habita fuerunt, eo tandem exitu, ut Nonis Nouembris proximè subsecuti anni his conditionibus transactum fuerit, videlicet, Ut supplices deprecarentur Cæsari; Ne quid in Austriacam & Burgundicam familiam molirentur; Camera se submitterent; Augustano decreto nouissimè promulgato parerent; Urbis munitiones ad Cæsaris arbitrium diruerent; Cæsaris præsidia quouis tempore admitterent; Aureorum millia quinquaginta in usum fisci dependerent; Pro belli sumptu duodecim maiora tormenta ipsi Cæsari traderent; Megelburgium Ducem atque alios captiuos dimitterent. Ceterum Magdeburgici, præter multorum expectationem, summam nominis gloriam adepti sunt apud exteras nationes, quòd propè soli per omnem Germaniam exemplo suo docuissent, quid possit constantia. Porro qui fuit illis ærumnarum finis, hic belli fuit aditus atque principium in eos ipsos, quorum ope consilioque fuerant afflicti: siquidem Mauritius Princeps per id tempus in Cæsarem, quòd is in liberando socero suo Cattorum regulo moram facere, ac rem longiùs differre videretur, grauiter indignari, de perfidia eius conqueri, bellum apertè minari, ac iam etiam parare inceperat. Ad cuius belli societatem Iohannem Albertum Megelburgensem, Albertum Brandenburgicum, & Henricum II. Gallorum regem, qui se in ea expeditione vindicem Germanicæ libertatis publicis scriptis proclamabat, fœdere sancito ascieuerat. Quod fœdus, ut secundum promissa hinc inde data acceptaque exequerentur, vno quasi momento, eodemque temporis articulo, hinc Mauritius ex Saxonia, illinc rex ex Gallia mouit. Mauritius per Rotburgum & Aras Flauias, quæ hodiè Nordlinga est, ad Danubij insulam, ac inde Augustam Vindelicorum pergit: eamque pridie Nonas Aprilis subsequētis anni, nempe tertio die ex quo oppugnari cœperat, ad pacationes adigit. Qua relicta, Erebergum, Ferdinandi oppidum, in angustiis Noricarum Alpium situm, ubi erant præsidio peditum signa tredecim, ex quibus nouem capta, quatuor elapsa, & in his tria Germanorum, vnum autè Italorum, & claustra etiā viarum, expugnauit. At Cæsar, ubi de capto Erebergo intellexit, ut sese imminenti periculo subtraheret, cōfestum profunda & opaca nocte, accensis facibus, vnà cum Fer-

dinando

Tripolis à
Turcis ex-
pugnatur.

Contraria
scripta regis
Henr. ac Cæs.

1552.
Magdeburgi-
ca pacificatio
eiusque con-
ditiones.

Magdebur-
gensium virtus.

Mauritij hel-
lum in Cæs.

dinando fratre, qui persuadendæ pacis causa nuper eò venerat, & omnibus quæ
 aderat legationibus, lectica Oeniponte profugiens, per Alpes, quæ Tridentū itur,
 ad læuam deflectēs, Iulium Carnicum, vulgò Villacum, oppidū in vltima Norici
 ora ad Drauum flumen situm, & antiquissimum Austriacæ familiæ patrimoniū,
 incredibili celeritate ac festinatione contendit. Eadem nocte Mauritius eodem
 peruenit: sed cū desperaret se posse eum comprehendere, Inutrium reuertit,
 rebusque vrbis, ac Ferdinandi regis, incolumibus seruatis, omnia Cæsariana
 impedimenta diripiuntur. Deinde Inutrio profectus, voti minimè compos,
 educto exercitu è Tirolī principatu, Clusæque libera relicta, Borodunum contē-
 dit, quò etiam Ferdinandus aduenit, &, præter cetera multa quæ in his comitiis
 inuicem acta transactaque sunt, ita pax inter Mauritium & Cæsarem componi-
 tur, vt præter reliquas conditiones, ipsius socero Cattorum regulo, cuius potissi-
 mum liberandi causa arma sumpserat, pristinæ libertati restituto, communia in
 Turcos auxilia ipsi Ferdinando præstaret. Ita Mauritio reconciliato, solus Bran-
 deburgicus restabat, qui Gallicis auxiliis neruisque subnixus, nouum bellum
 tum contra alios, tum præcipuè Norimbergenses, quos summoperè oderat, con-
 citauit: quod postmodum per Germanias ingentes calamitates cum multorum
 Principum & populorum clade inuexit. Is enim, licet ab initio communem cau-
 sam agebat, sicuti etiam edito scripto se facturum professus fuerat, tamen non
 erat eius fœderis, & soluta Vlmensi obsidione, cœpit quodammodò suum priua-
 tum agere negotium, vel quòd vni sibi vellet acquirere quicquid belli dedisset
 fortuna, vel quòd Mauritij factum improbareret, vel quòd à Galliæ rege sollicita-
 tus, aliò spectaret. Dum hæc à Mauritio regulo geruntur, interea rex Gallus
 è Rhemis cum exercitu mouens, vicinos Leucos (quos hodiè Lotharingos vocat,) Hericus Gal-
lorum rex in
Germaniam
cum exercitu
proficiscitur.
 armata manu adit: eorumque ciuitates Tullum ad Obrincam flumen hodiè Mo-
 sellam, imperij oppidum, & Nanceium, eius regionis caput, occupat: indeque
 captum Lotharingum octo annos modò natum, urbem Metim, ad Obrincam
 itidem sitam, & Imperatori confœderatam, cum exercitu pergit, atque ab indige-
 nis per præmissos internuntios aditum & cōmeatum exercitui petit, quem si im-
 petret, se sine iniuria & maleficio transiturum pollicetur. Itaque urbem quarto Vrbs Metensis
per dolum oc-
cupata.
 Idus Aprilis Magister Equitum amicitiae specie ac simulatione cum parte copia-
 rum ingressus, illam repentè occupat, eumque rex ipse paulò post consecutus,
 præsidio firmat, ciuesque in suam fidem iureiurando astringit. Mediomatricum
 vrbe in potestatem redacta, ad Tribocos, hodie Alsates conuersus, Tabernas Al-
 satiae, quatuor ab Argentina miliaribus distans, tertio Maij peruenit. Hic illum
 Heluetiorum legati adeuntes, Argentinam amicissimam sibi ciuitatem, tanquā
 veteri socio commendant, ac, ne quid in ea grauius statueret, rogant orantque.
 Rex, quid sibi tam officiosæ commendationes vellent, astutè coniectans, Helue-
 tiis bene sperare iussis, Haganoam & Wissemburgum, quod non procul à Spira
 Nemetum abest, iter conuertit. In his locis hærentem, Germanorum legati ad-
 eunt, eius tam promptam paratamque in tuenda & vindicanda Germanica liber-
 tate operam, Germanorum regulis quā gratissimam esse confirmant. Ceterum,
 rebus iam vtrūque sopitis, & in tranquillo collocatis, ipsius officio sibi vltius
 opus non esse ostendunt. Hic demum rex, consiliis Germanorum intellectis,
 cū ne dominatus cupiditatem proderet, tum quòd Martinum Rollemium Si-
 cambrum, Mariæ reginæ iussu, Rhemorum agrum excursionibus incendiisque
 vastare cognouerat, à Nemetibus sinistrorsum deflectēs, Obrincā flumē transit,
 Astenæum, Danuillerium, & Vertodunum, quod Imperij oppidum, Mosæ im-

minens, medium inter Rhemos & Leucos situm est, Iunio mense capit. Post hæc, multis rebus cum in agro Lucemburgico, tum in aliis locis aduersus Belgas, qui Picardiam depopulabantur, præclare gestis, extremo Quintili exercitum, prius tamen plerisque arcibus atque oppidis valido præsidio firmatis, exautorauit, ac missum fecit: ipseque Lutetiam Parisiorum, tot victoriarum monumentis superbus, publica populi gratulatione, applausu, ac planè regio triumpho ingressus est. At Cæsar, pacatis utcumque Germaniæ tumultibus, iisque qui rebellarant, in gratiam receptis, ingentes copias, quibus recepta Mediomatricum vrbe in Galliam irrumperet, conduxit, hisque Ducem Albanum præfecit: & Augustam profectus est, vbi aliquot dies commoratus, eum quem Principes confœderati nuper constituerant Senatum, & vnà tribus omnes abrogat, prioremque Reip. formam, & Senatum ab se constitutum restituit, & è ministris tres remouet, aliis autem, vt iuxta confessionis Augustanæ formulam doceant & agant, permittit. Ea res pro concione recitata, magnam excitauit lætitiā. Fuit hoc Augusti mensis die xxv. cū ante annum, eodem propè die, in exilium eiectionis fuissent. Calendis deinde Septēbribus illinc digressus. At priusquā discederet, humanissimis verbis, & prolixè de sua beneuolentia pollicitus, Ioannem Fridericum Saxonie Ducem, toto iam quinquennio captiuum, ab se dimisit, qui & postridiè domum postliminiò reuersus est. Landtgrauius etiam IIII. Sept. die dimissus, domum VI. post die reuertit. At Cæsar interim, rebus omnibus ad bellum necessariis, optimè instructis ac præparatis, rectà cum exercitu ad Metensem obsidionem pergit, eamque vndecimo Cal. Nouemb. obsidere incepit. Hanc, paucis antè hebdomadibus, Gallia rex de Cæsaris consiliis certior factus, maturè sibi prospiciendū ratus, nullis nec diurnis nec nocturnis laboribus intermissis communiri, ac delecto præsidio lectissimæque nobilitatis flore, firmari iussit, adeò vt Cæsaris conatus, qui eam cum ingenti exercitu, in quo, præter Germanos, Bohemos, Italos & Hispanos, quorum delecta manus sub initium Iulij Genuam Principe Auria ductore appulerat, durissima obsidione vsque ad IIII. Non. Ian. subsequentis anni, contra suorum ducum sententiam, qui eam expeditionem in mitius anni tempus reiiciendam esse suadebant, presserat, cū asperimæ hiemis iniuria, tum propugnantium virtute, amissa propè tertia copiarum parte, prorsus in irritum ceciderint. Sic Cæsaris tam repentina mutatio rebus facta est, ex quibus apparuit, quā labilis & infirmus sit omnium eorum qui etiam pro potentissimis habentur, status & fortuna, quæ iam ipsi Cæsari planissimè nouercari inceperat, suæque leuitatis & inconstantia certissima documenta exhibere. Quis enim, non sine ingenti stupore humanarumq. rerum vicissitudine, animaduertat, Cæsarem, tot rebus mari terraque felicissimè gestis inclytum & gloriosum, nuperque totius Germaniæ, vt victorem domitoremque, nunc eò tandem redactum, vt, nulla Cæsarei decoris ac dignitatis ratione habita, sese nocturna fuga (sicuti etiam olim anno supra mille quingentos vigesimo primo idem illi contigerat in eo bello quod tunc temporis aduersus Franciscum gerebat, vbi ipse, rebus planè desperatis, noctu se cum centum equitibus in Flandriam, relictis suis, ex agro Valencenno subduxit,) ex imminente periculo subtrahere, atque ita suæ vitæ ac saluti prospicere cogeretur? Verum enimuero huius rei indignitas, & quicquid tandem Cæsar in hac repassus est dedecoris & calamitatis, minimè ipsius heroica naturæ, quæ semper fuit optima & clementissima, sed dumtaxat ipsius consiliariis & proceribus ascribendum, qui eum subinde ad rigidam quandam severitatem, vel potius inhumanitatem incitabāt. Quod si antea cum Francisco Galliarum rege,

& po-

Saxonia Dux
& Landgr.
pistina li-
bertati resti-
tuitur.

Caroli v. cla-
des ad Me-
rim.

& postremò cum captis Principibus mitius ac moderatius actum esset, quis dubitet, quin & Galliam, & Germaniam sibi perenni atque immortalì beneficio in perpetuum obstrinxisset, ipseque suas præclarissimas victorias & insignes triump hos ex hostibus tam sæpè relatos, maiori splendore atque gloria cōdecorasset: Nec sanè quicquā est in rebus humanis clementia & māsuetudine cōmendabilius, quodque mortales Diis immortalibus magis consimiles efficiat. Ea verò tantò vtiq̃e illustrius effulget, quāto in angustiores viros ab his qui ceteros dignitate atque opibus præstant, cōfertur. Nec enim potest non esse honorificū, & summis laudū præconiis efferendum, si principes viri, aut alterius principis calamitatis cōmiseratione inducti, aut id quod alteri accidisset, sibi quoque accidere posse existimātes, in eos quos iure belli, siue aliqua alia ratione in suam potestatem redegerunt, facilitate atque misericordia vti fuerint: in qua quidem res summa animi generositas & magnificentia elucescit, ut clarissimè enituit in Eduardo Angliæ rege, ejus, qui Gambillio cognomento est dictus: ad quem cum ductus esset Ioannes Galliæ rex, in pugna apud Pictones commissā, à Caleri Principe ipsius filio captus, ab eo nō modo benignè acceptus, verum etiam quādiu in insula captiuus fuit, in libera custodia habitus, ad familiares congressus, & venationes conuiuiaque sua admittebatur: ex quo deinde tanta inter eos familiaritas fiduciaque orta est, ut Ioannes, etiam postquam ad suos rediisset, multosque annos post in Gallia regnasset, spontè hospitis sui visendi desiderio in Angliam remigraret. Porro quā honorificè atque amanter Philippus Mediolanensium Princeps, Alfonso Aragonium, eiusque fratres, ac ceteros proceres, ad se captiuos perductos, exceperit, atque insuper amplissimis muneribus donatos dimiserit, satis luculenter à nobis in præcedentibus libris demonstratum est. Ceterum, ne in his longiori digressionem immorer, facit suscepti argumenti ratio, quæ me, ut reliqua maturem, cohortatur atque instat. Proximè enarrauimus, pacem inter Cæsarem & Mauritium, Ferdinandi regis interuentu, initam & constitutam fuisse. Is itaque, rebus cum ipso Cæsare compositis, & Landtgrauio socero, cuius potissimum liberandi causa aduersus Cæsarem arma suscepserat, priuina libertati restituto, tertio Non. Augusti Francofurto suas copias Donauertam traduxit, & ad Danubium progressus, vndecimo Cal. Sept. eas præmisit, pedites quidem secundo flumine, equitem autem per continentem; ipseque rei priuatæ causa domum recurrit, post ad eos rediturus, quò ipsemet ad Vngaricam expeditionem proficisceretur. Si quidem atrocissimum bellum inter Ferdinandum & Solymanum recruderat. Verum enim uerò in Italia per idem fermè tempus, Salernitanus Princeps ob diffidia & inimicitias cum Prorege Neapolitano P. Toletano susceptas, relictis Cæsaris partibus, ad Gallum transiit. Senenses quoque, antiquissimus Etruriæ populus, Diegi Mendocij Cæsaris procuratoris tyrannide oppressi, arcem ibi, iussu Imperatoris ædificari cœptam, eiecto prius Hispanico præsidio, euerterunt: & mox sese in libertatem vindicantes, hortatu in primis Hieronymi Veggiani nobilis Pisani, Gallorum opem atque auxilium implorarunt. Hæc sanè ipsius Cæsaris animum non parum torquebant, sed multo magis incommodum & dedecus ad Metim proximè acceptum excruciabant, ita profectò, ut complures dies hominum colloquio, & publico, sicuti à quibusdam in literas relatum est, abstinerit. Subinde enim cum prioris fugæ, tum acerbissima huius ignominiosæ expeditionis recordatio, eius menti cum incredibili dolore obuersabatur: idque potissimè, ut plerique censent, in causa extitit, ut is postmodum, abdicato imperio, & in fratrem Ferdinandum translato, quod reliquum vitæ fuerat, priuatus, solita-

*Exemplum
singularis
clementiæ.*

*Principis Sa-
lernitani à
Carolo Cæs.
defectio.*

*Senensium
aduersus Cæs.
conspiratio.*

1553.

Terouana à
Cæsarianis
capta.Hesdino ab
Hesdino ex-
pugnatus.Henricus isto
fœdere cum
Solymano
classim impe-
trat.Petri Toleta-
ni mors.Princeps Sa-
lernitanus
Principatu
exiit.Classis Tur-
cica ad littora
Tarracina
peruenit.

riusque in Hispania Bætica transfegerit. Sed is, cui paulò antè tot aduersa eodem
fermè tempore contigerant, in Morinis fortuna iterum quasi eam puderet suum
alumnum ita deseruisse, abblandiente, modò rem feliciter gerit, arce scilicet Te-
rouana, Artesiæ ac Picardiæ finitima, vetustissimaque Morinorum sede, loci na-
tura & artificio lōgè munitissima, xij. Cal. Quint. à Cæsarianis capta & expugna-
ta, & consimili successu, eodemque mense, ductu Allobrogis Taurinorum Prin-
cipis recens in castra cum imperio à Cæsare amandati, Hesdino vnà cum arce,
etiam munitissima, recepto. At Henricus, vt Cæsar pluribus è partibus infesta-
retur, & variis bellis atque molestiis vno eodemque tempore distringeretur, per
suos legatos cum Solymano Turcarum, vti diximus, Imperatore, mense Quinti-
li fœdus ac societatem iniuit; qua confirmata, Solymanus omne auxiliorum ge-
nus aduersus Cæsarem liberali ac promptissimo animo pollicetur. Proinde, vt
quas Cæsar in Italia vires habebat, in oræ Italicæ defensione occuparētur, classem
Othomannicam ad mare Tyrrhenum, & magnæ Græciæ littora, atque adeò vni-
uersam propè maritimam oram Italiæ diuexandam, obtinet atque impetrat. Qua
ex re Neapoli ingens trepidatio exorta, cum præsertim Petrus Toletanus, paucis
antè diebus, Cæsaris iussu ad recuperandas Senas cum sat valido exercitu per-
rexisset: in qua quidem expeditione haud multò post viuis subtractus est, ideoq.
Neapolitanum regnum per id tempus exiguis præsidiis instructum erat. Accede-
bat huc, quòd Salernitanus Princeps, quem nuper ad regiam tutelam confugisse
narrauimus, multos in eo regno sibi & affinitate & amicitia coniunctissimos ha-
beret, plurimumque gratia & auctoritate apud omnes promiscuè valeret. Hunc
Principem Toletanus multas ob causas ingenti odio prosequabatur, sed in pri-
mis causa legationis Neapolitanæ, qua proximis annis in tumultibus ad religio-
nem spectantibus, apud Cæsarem functus erat; cum per huiusmodi occasionem
in ipsam Toletani immodicam seueritatem ac intolerabilem tyrannidem, grauif-
simè inuectus fuisset: eaque de causa postmodum Toletanus, æstro vltionis in-
flammatus, illum acerbissimis criminationibus apud Cæsarem onerauerat, scri-
pseratque inter cetera, quàm maximè periculosum esse, ne domum reuersus, pro-
pter eximiam auctoritatem aliquid noui moliretur, adeò vt Cæsari in haud exi-
guam affectati regni suspicionem deueniret. eoque factum est, vt cum diu apud
se in Germania detinuerit. Huic autem postliminiò Neapolim reuerso, dicta est
dies apud Toletanum, quò, cum ad præstitutum tempus non apparuisset, mox
Principatu deturbatur ac exiit. Quamuis autem initio ad Cæsarem proficisci
constitueret; quia tamen suspectum habebat iudicem Toletanum, dissuadenti-
bus amicis, ipse protinus, commutata sententia, primùm Venetias concessit, vbi
ab illustrissimo Senatu benignè summisque honoribus exceptus fuit, deinde
in Galliam profectus, à rege peramanter habitus est, atque honorifico stipendio
donatus. Cæsar interim de hostilibus apparatibus per fideles internuntios com-
monefactus, ne aliquid detrimèti in his locis pateretur, nihil reliqui ad summam
diligentiam fecit, quò statim in Germania militaris delectus haberetur, & descri-
ptas cohortes quamprimùm Genuam, & ad oram Ligusticam conuehi, atque
inde Neapolim pro eius regni ac Siciliæ præsidiis transmitti iussit. Ceterum, clas-
sis Turcica sub finem Quintilis, traiectis Caietæ finibus, ad littora Tarracinae per-
uenerat, ibique Gallicam classem præstolabatur, neque iam, propinquante au-
tumno, vltèriùs progressura videbatur, cum Dragutus eius præfectus, nollet in
hibernis esse in partibus Occidentis. Princeps Auria, licet se viribus longè infe-
riorem hostili classe intelligeret, nihilominus tamen enixè operam dedit, vt Ger-
mani-

manicas cohortes oræ Ligusticæ expositas, Neapolim traduceret, cum præsertim Cæsar id summo studio atq. industria fieri imperasset, ne sua culpa & indiligentia regnum florentissimum, tantæque celebritatis, in aliquod præruptum atque anceps discriminē conijceretur. Proinde, vel contra suorum ducum consilium procedendum esse statuit, atq. primum Centumcellas, deinde Hostiam applicuit. Eò profecto nuntiatur classem Turcicam in duas partes diuisam esse, cuius altera pars erat apud montem Circellum, altera apud insulam Pontiam, quæ iacet è regione ferè Tarracinæ vrbs in mari Mediterraneo. Nam tametsi duces, Auria consulebant, iter habendum esse in altum, tamen ipse maluit iter facere inter montem Circellum, & Pontiam, eius ita diuisæ classis opportunitate fretus, ac emissis nonnullis aquatum, cum annona focij nauales refectionis fuissent, secundos ventos nactus, noctu Centumcellis digreditur. Dragutus, qui tum temporis ad montem Circellum subsistebat, de Auria navigatione certior factus, confestim duces ac trierarchos in insula Pontia existentes, quoniam in statu res sint, commonefacit. Auria ulterius adnauigans, medius intercipitur, primaque acies fortiter ac strenuè resistit. Verùm Hispana classis ita vtrimque circumfessa & oppugnata est, vt quamplurimis contrucidatis, Auria veritus, ne si ulterius pergeret, de omnium salute atque incolumitate penitus actum esset, amissis septem triremibus, quæ facili negotio in hostium potestatem deuenerunt, retrocedere compulsus fuerit. Captiui, Germani fermè omnes, ac etiam plerique alij ex ceteris nationibus, ad transtra sunt relegati, & compedibus vincti; reliqui in miseram captiuitatem ac seruitutem abducti. Henricus, classe Neapolitanis finibus appropinquante, Salernitanum Principem in Italiam ablegarat, eo consilio, vt cum Atestino, ac Turnonio purpuratis Antistitibus, reliquisque Gallicæ factionis ducibus, qui ad Fossam Clodiam, Venetæ ditionis municipium, cõuenerant, de his rebus quas belli vsus requireret, communicatis sententiis, consultaret. Peractis comitiis, Salernitanus mox per Heluetiorum fines in Galliam reuersus est. Rex interim cognito, accessu Othomannicæ classis in mare Tyrrhenum, vniuersa littora Italiæ summoperè consternata, maximoque pauore ac trepidatione perculsa, cuestigio iubet ipsum Salernitanum Massiliam cõtendere, vt conscenso nauigio suam classem Turcicæ associaret atque coniungeret. Huc verò appulsus, vbi primum certior factus est, Dragutum, post rem ad Pontiam insulam prosperè ac feliciter gestam, classemque Gallicam diu nequicquam expectatam, quia tempus anni vrgeret, vt sese intra suos fines reciperet, diuiti præda onustum, magnoque captiuorum numero secum abducto, in Orientales partes adnauigare, nihil habuit antiquius, quàm vt ipsum summa diligentia ac festinatione sequeretur: neque prius ab incepto navigationis cursu destitit, quàm peruentum est Constantinopolim, vbi honorificè a Solymano exceptus fuit in hibernis, atque ab eo classem in proximum annum impetrauit. Interea temporis, Mustapha Solymani filius natus maior, qui summa prudentia & auctoritate apud Orientales nationes plurimum poterat, mirificamque sibi propter egregias animi dotes atque imprimis ob eximiam liberalitatem & incredibilem mansuetudinem, omnium populorum beneuolentiam conciliarat, Rossæ secundæ coniugis, quæ filium suum augeri cuperet, atque parenti succedere, simulque Rostanis purpurati falsis delationibus & impulsu, propter suspicionem animo patris iniectam prodicionis atque affectatæ tyrannidis, vbi primum, à patre accersitus, in castra, quæ tunc ab Alepia Syriæ circiter quadraginta millia passuum distabant, summa celeritate conuolasset, & ab his incredibili totius exercitus applausu & congra-

Auria Neapolim classe contendit.

Naualis confectio.

Mustapha innocens natus mandatus patri.

tulatione exceptus esset, ipseque suæ integritatis atque innocentiae sibi probè conscius, nihil minùs suspicatus, candido habitu indutus, atque inermis, ad exosculationem paternam manum contenderet, iussu immanissimi patris in primo tentorii thalamo, seu cubiculo interiore, à septem mutis & eunuchis, quibus ea provincia demandata fuerat, inspectante crudelissimo patre, nervo Turcici arcus collo iniecto suffocatus est: atque ita vir præclarissimus, omnibusque regiis virtutibus ornatus, per fraudem & insidias eorum qui ad imperium aspirabant, patris, ut dictum est, mandato, extinctus. Ferunt, ipsum Mustapham, pacatis rebus in Persia, cum patrem cum ingenti exercitu, nulla proposita occasione, in eas provincias, quibus ipse præerat, aduentare intelligeret, in haud mediocrem suspicionem, quamvis conscientia & integritate plurimum confirmaretur, incidisse, ac etiam somnio per noctem viso, nonnihil eius animum vexatum atque deterritum. Siquidem narrant, ipsi dormienti apparuisse in somniis sub aurorâ virum splendens vestibus indutum radiis propè solaribus, qui manu apprehensum in locum amœnissimum adduceret, ubi magnificentissimum palatium viscebatur, multis fructiferis arboribus, & solo multis floribus nitenti circumdatum, ac eum dixisse, ibi locum assignari viris bonis & innocentibus, qui per virtutes mortalem hanc molestiarum plenam vitam transsegissent, ac ceterorum iniquitati & sceleribus restitissent: Deinde in aliam partem conuersum, duo ingentia flumina monstrasse, quorum alterius aqua, quasi picea currebat bulliens, in qua magna inerat turba, cum alij modò immergerentur, modò extollerentur: alij cum magnis eiulatibus fortunam suam detestarentur: atque hinc dicebat excruciarî qui per iniquitatem ac scauitiam, ceteraque impura flagitia contaminati, ex hac vita excessissent. Id somnium cum doctore suo aperuisset, monetur, ut salutis suæ consulere. Nihilominus tamen, neque his quidem terroribus commouetur Mustapha, quò minus parenti obtemperaret, gloriosius esse ducens mori innocentem, quam rebellem & paternis mandatis repugnantem turpiter viuere. Hoc dirum ac teterrimum facinus, inclytas Solymani victorias, & res hætenus præclarissimè gestas, mirum in modum fœdauit, adeò, ut ea potissimum de causa suo nomini æternam infamiae ac dedecoris notâ inuolleret, simulque apud omnes gentes, atque adeò vniuersam posteritatem pessimè audiuerit. Porro huius truculentissimæ belluæ efferata inhumanitas minimè hoc tristi & tragico spectaculo exfatiari potuit, nisi etiam duorum præstantissimorum virorum, eorumque innocentissimorum necem coniunxisset, nempe purpurati Amasiae præfecti, & Nicolai Michaelij Veneti, patricij ordinis, qui in nauali prælio captiuus factus ad Nicopolim in sinu Ambracio, Mustaphæ puer donatus fuerat, & propter insignem fortitudinem ingenijque dexteritatem, fraterna propè charitate cum illo educatus, sic sanè ut etiam ab illo prætorium vexillum obtinuisset. Nam utrique, ceu consiliorum omnium participi, statim ab interempto filio, in publico theatro caput præcidi atque amputari iussit. Nunc verò mihi, tametsi ad reliqua festinanti, planè temperare non potui, quin huic meæ narrationi, quod nonnulli horum temporum scriptores de Zeangiro Mustaphæ germano fratre in literas retulerunt, hinc adijcerem, cum præsertim huiusmodi sit, ut maximum ac propè singulare fraterni amoris & charitatis exemplum præbeat. Narrant siquidem, hunc à Solymano, ubi hæc perpetrasset, ad se euocatum, simulque admonitum, ut fratrem recens in castra profectum, in tentorio inuideret, ipsumque tantæ scauitiae ignarum, alacri animo ad eius complexum properasse. Ceterum, postquam eò ingressus, suffocatum vidisset, attonitum & lacrymabundum constitisse, ac eodem

Mustapha
somnia.

Zeangir supra
fuit: cuius cada-
uer montem
sibi coniecit.

dem tempore Solymanum ei nuntiatum misisse, ut thesauros, & spolia, & prouinciam Multaphæ caperet, quod omnia illi largiretur. At Zeangirum conuersum, scelestum patrem, & impium atque inhumanum vocasse, ac iussisse, ipsum his spoliis lætari innocentis hominis, in cuius animum tantum feritatis incidisset, ut filium tam præclarum, tam magnificum, tam illustrem, qui egregium ornamen- tum Othomannicæ familiæ futurus erat, nullo certo indicio cognito, indictaque causa, & sola inani suspitione, solisque maleuolorum verbis impulsus necasset. his, multisque aliis verbis conquestum, pugione, quem fortè habebat, mortē sibi ipsi consciuisse, ita ut euestigio supra prostratū fratris cadauer languidum spiritū emisserit. Longum autem foret commemorare, quomodo res vniuersa gesta fue- rit, quàm atrox certamen inter Solymani ac Multaphæ copias enatum sit, quan- toperè de vita periclitatus, quantis lacrymis ac gemitibus amissum filium deside- rarit, & quantopere demùm hoc Persarū animos, cum quibus paulò antè in gra- tiam redierat, in se concitarit, ita medijsfidius, ut hac horribili crudelitate audita, protinus armis correptis, Amasiam ferro & igni deuastarent, omniaque in- cendiis, rapinis ac populationibus immiscerent. Quod itidem de Selymo, qui postmodū Solymani in imperio successor fuit, memoriæ proditum est, hinc neu- tiquam silentio prætereundum videtur. Sunt enim qui litteris consignarint, huic tum temporis Ciliciæ præsidenti, à quodā Chiussio (sic Turci Cursorem vocant) fratrum mortem nūtiatam, eo quidem animo, ut se aliquod magnum præmium pro illo nuntio accepturum speraret, cum præsertim ipsi omne impedimentum sublatum esse videretur, quò minùs post patris obitum ad imperium perueniret. Verumenimverò, huiusmodi nuntio ipsum tantopere consternatum fuisse di- cunt, ac etiam tanto animi dolore affectum, ut ingentem vim lacrymarum in fu- nere charissimorum fratrum effuderit, eiusque infelicis nuntij ministrū pro mer- cede ac præmio expectato longissimi itineris, & summa celeritate, qua usus fue- rat, mox securi percuti iussisse: quod gloriosum sanè exemplum fuit, eoque pleri- que admonentur, infelices nuntios nemini læto animo esse ferendos, & nullam esse tantam imperij magnitudinem, quæ coniunctionem ex bonorum virorum animis ac mentibus probè à natura institutis, vllò vnquam tempore, vllaque ca- suum acerbitate ac fortunæ inconstantia labefactare, nedum obliterare possit. Ex hoc autem execrabili & parricidiali exemplo facile cuius annotare atq. obseruare licet, vbi agitur de imperio, vel si pertenuis suspicio existat, nullam firmam esse aut sanctam naturæ, vel amicitie coniunctionem, cum regni maiestas, & domi- nandi libido, omnia diuina humanaque iura prosterнат. Nec tantum hoc passim videre est inter eas nationes quæ verum Dei cultum & religionem ignorant, sed etiam passim inter illos qui puriorem fidem ac doctrinam professi, Christi vni- uersa dederunt. Ne verò exemplum hoc tantum in his nationibus, sed etiam in loci- neis, hæc pauca instar plurimorum esse poterunt. Ferdinando primo Aragoniæ regi ad imperium euecto, & postea distributionem quatuor, in quatuorque partes Hispaniæ imperiis, crudelissimæ cædes non solum inter Principes, inter ipsos consecutæ sunt, sed etiam fratrum, parentum, ac liberorum. Nam Alfon- sus tertius, Asturiæ & Galliciæ Princeps, omnes fratres oculis orbauit, vnus et- iam cæsus est, cum partem imperij occuparet. Consimiliter Alfonsus quartus à Raymiro fratre oculis orbatus. Petrus item Alfonsi xi. filius legitimus, ab Henrico fratre spurio deiectus est, ac cæsus. Garzias itidem à fratre Sanctio, hic à Vellido. Nostrorum patrum memoria, M. Antonius Columnius, vniuersis op- pidis paternæ ditionis captis, patrem ipsum de imperio deturbauit. Episcopus

Selymi præ-
clarū facinus

Exempla se-
nitæ & cru-
delitatis

Leo-

nihil esset illis coniunctius . Tribus enim bellis ambo simul militabant , Gallico , Smalcaldico , Magdeburgico : deinde quartum atque postremum hoc in Cæsarem susceperunt . Sed natis offensionibus , hunc tam funestum habuit exitū ipsorum amicitia . Non defuerunt qui memoriæ prodiderint , Mauritij mortem nonnulla prodigia præcessisse , nempe sanguineas guttas in foliis arborū hærentes , canum importunissimos latratus , & mutuas dilanationes , equorum veluti fremitus , & concursiones armorum , & pleraque alia terroris plena : deinde tabernaculum eius turbine disiectum , ceteris intactis , & quasdā ipsius voces veluti præagas futuræ mortis atque prænuntias . Et sanè quantum ad guttas illas cruentas pertinet , multis in locis conspectas fuisse , à nonnullis traditum est , & Argentinæ quidem sub initium Iunii , cum super herbas , frondes , tegulas atque saxa decidissent . Volitabat tunc ingens papilionum turba ; neque deerant qui cruorem hunc ab iis emanare dicerent : alij contrà , portendi aliquid atque significari iudicabant . Huic quidem in hoc quoque illi Principi tanta sunt animi excellentia , atque inferenda utique ferre constantia & robur , ut merito cum summis quibuscunque Principibus atque Imperatoribus conferri & comparari possit . Nam , præter augustam corporis staturam , & venerandam oris , & planè totius vultus serenitatem , tanta emicuit bellica virtute & gloria , ut iure ab omnibus præ vero Maurilio haud minus illi Marcus Bellonæque sinu educatus haberetur . Cuius certè fortitudinis exempla nisi extarent , & omnium bonorum scriptorum monumentis celebrarentur , aliquid dicerem . Sed cum illa , citra controvērsiam , omnem invidiam superarint , satis habuero , si in præsentiarum dixero , huic excellentissimo Principi A V G V S T V M , eius germanum fratrem , nunquam mihi absque summo honoris præfatione , gratissimique animi cum obsequantia , tum recordatione , meminendum , statim post eius obitum successisse . cuius me herculè Principis tantæ ac singulæ prudentiæ , ac ceterarum virtutum flagrantia , ut præstantissimum Principum omnium vitam exemplo , summam legum morumque disciplinam , infirmitatem , quam habet angustissimam , latissimeque prætexat , tanta cum omni rebus diligenti curâ securitate induerit , & constabiliuerit , ut nemini mirum videri debeat , hunc Principem sapientissimum non solum diu in pace , atque rerum omnium affluentia & ubertate floruisse , & indes magis atque magis florere , verum etiam contra omnem ingruentis belli & conversionis tempestatem adeò extitisse , & etiamnum esse præmunitum , ut facili cum negotio se suosque tueri , ac contra omnium adversariorum suorum potentiam & iniurias propugnare possit , sic modeste sine ut in hoc Principe admirari soleat , verum illum in rebus propriis ac disciplinarum atque morum præsertim peritissimum , vel ob summam heroicæ animi magnitudinem , imperitissimum . Si quis enim hominem hunc oculis intuebitur , nihil enim latet , nisi penitus humanarum rerum ignarum , ipsum non semel intestina bella , atque domesticas turbas , in gravem suam perniciem ac exitium haud dubiè erupturas , summa iudicii rectitudine & consilij maturitate , statim ab initio cum graui & seuera illarum auctorum animaduersione restinxisse , ita certè , ut inaudita prope modum prudentia longas & occultatas , à non paucis perditissimis , & iure à sacro imperio proscriptis hominibus , deliberationes , & exitiosa consilia , summa felicitate , ac magno totius Germaniæ beneficio repræstiterit . Quod etiā facile animadvertere licet in illa funesta Gothæ coniuratione , in qua plures , effascinato consanguinei Principis animo , adversus hunc Principē dira & execranda moliti fuerant , quæ omnia cum non minùs verè quàm luculenter in literas à multis relata sint.

AA

vt ad reliqua progrediar, hic annus, Caroli quoque Ducis Sabaudiae iam-
dudum è suo Principatu Gallicis armis eiectionem mortem associauit, qui paulò
ante obitum, Philippum Philibertum filium hæredem instituit, cui Cæsar, pro
se in Belgicis finibus militanti, paternaque hæreditate destituto, quò Principis
personam aliquo modo tueretur, ~~Astensem~~ ^{astensem} ditionem vectigalem ac tributariam
concessit. Interea temporis in Gallia subalpina Brisacco duce grauissimum bel-
lum aduersus Cæsarianos gerebatur, & in Etruria itidem Senensium causa, quò-
rum tutelam & defensionem rex Galliae susceperat, eoque Thermeum cum le-
ctissima iuuentute ac nobilitate præmiserat; omnia sæuissimis & cruentissimis
bellis flagrabant, adeò sanè, vt hic annus cum ob multorum Principum necem,
tum etià ob plurimas conuersiones subsecutas, maximè insignis ac memorabilis
extiterit. Nam, præter ceteros, quos nominauimus Principes, humanis rebus ex-
emptos, intercidit etiam Petri Toletani mors, qui Cæsaris nomine habito mili-
tari delectu, longis itineribus in Etruriam properabat, vt sese Ascanio Corniensi
vniuersi illius exercitus præfecto, maturè coniungeret. Ceterum, vbi Ligurnum
applicuisset, atque inde Florentiam æger proficisceretur, paucis post diebus, viuis
subtractus est. At mihi in tot insignium & diuersarum rerum in variis mundi
partibus vno eodemque fermè tempore gestarum enarratione occupato, illud
iam pænè, quod mei operis præcipuum argumentum est, exciderat, nempe Ther-
meum Gallicarum copiarum ductorem, virum singulari prudentia & laude mi-
litari insignem, rebus Senensibus compositis, iussu ac mandato sui regis ad
classem Gallicam descendisse, quæ stationem habebat ad portum Herculis, &
cum Turcica sese coniunxerat, in eaque, præter ceteros, erat etiam Salernitanus
Princeps, cuius superius meminimus. Hæ classès in Cynum insulam delatæ,
quòd Genua Cæsaris partes foueret, Casalium sinum occuparunt; eoque potiri,
mox portum Syracusanum, qui est in altera parte insulæ, ab eo per diametrum
ferè longitudinis distantem, crebris tormentis diuerberarunt. Genuenses, audita
eius insulæ præter omnem spem oppugnatione, summa celeritate exploratoriam
nauculam expediuere, simulque per fidelem internuntium, Præfectum Syracu-
sani portus adhortati sunt, vt sese alacriter, & quoad eius fieri posset, aduersus
vim hostilem & conatus defenderet, quòd maturimè auxilia missuri essent. At
verò cum catascopium in potestatem hostium deueniret, resignatæ sunt literæ,
magnaque pecuniæ copia promissa illi qui afferebat, si adulterinas literas pro le-
gitimis afferret. quod negotium cum in se recepisset, literæ à Thermeo scribi
iussæ sunt, in quibus continebatur, vt præfectus portus sese, quibus melioribus
posset conditionibus, dederet: quandoquidem Respub. Auriarum & Fliscorum
internis seditionibus mirum in modum diuexata, non posset, eo quidem tempo-
re, ad tanti belli magnitudinem subsidia transmittere. atque illæ literæ eodem si-
gillo, quod fuerat legitimis scitè detractū, consignantur, in quo imago D. Geor-
gij expressa erat: tum portu Syracusano ita per fraudem occupato, vniuersa propè
insula, præter Ropicum, & Mantinos, potitur: atque Iordano Vrsino viro stre-
nuo, ac rerum bellicarum peritissimo, huius insulæ administrationi cum prore-
gia potestate substituto, in Galliam reuersus est. Insequenti anno, scilicet supra
mille quingentos, quarto & quinquagesimo, Britannia propter externum Prin-
cipem accersitum, nuptiasque inter Philippum Hispaniæ Principem, & Mariam
Angliæ reginā contractas, ciuili & perniciosissimo bello conflagrauit, eo tandem
exitu, vt præcipuis seditionum auctoribus circa eiusdem anni initium captis, aut
fuga elapsis, citra vllum obstaculum sese postmodum Philippo coniugali vincu-

Caroli Sabau-
dia Ducis
obitus.

P. Toletani
mors.

Corfica insula
capitur à
classe Turcica.

Portus Syra-
cusanus dolo à
Turcis & Gal-
lis occupatur.

1554.

Anglia ciuili
bello diuexa-
tur.

lo septimo Cal. Sextilis, regia pompa & splendidissimo apparatu associauerit. In eos autem qui capti fuerant, inter quos primi Suffolius Dux, & Thomas Viatus equestris dignitatis vir, & manu consilioque promptus, extiterunt, publico supplicio animaduersum fuit. At in Belgio iisdem temporibus inter Carolum quintum, & Henricum Galliarum regem, atrocissimum bellum, fortuna ipsi Henrico longè benigniore, sicuti etiam in subalpina Gallia Brisfacci Mareschalli & trib. mil. virtute & auspicio, gerebatur. Ceterum hæc in Italia, plurimum aduersata, non dubium suæ inconstantiae ac leuitatis exemplum præbuit, Petro Strozza Senensium Duce, ac Prorege in Italia, tertio Non. Sextilis, in limitibus Florentini & Senensis agri, in ea conualle quæ inter Martianū, Lucinianū, & Foianū media relinquitur, à Iacobo Medico Mariniano, Cæsariani, & Cosmi Florentini Principis exercitus præfecto, ingenti clade affecto, ita sanè, vt minimum abfuerit, quin ipsemet Strozzius in pugna viuus caperetur, qua desperata, Lucinianū primò, duplici glandine plumbea percussus, se recepit, indeque statim ad Alcinoi montem, vt illic curaretur, est introductus. Sub eiusdem fermè temporis tractum Gallica classis cum in Cynnum insulam appulisset, Casanum sinum, oppidum S. Florentij vocatum, & Syracusanum portum, quem S. Bonifacium appellant, comineatu, rebusque ad bellum necessariis communiuit: quæ loca, vt proximè enarrauimus, à Gallis occupata fuerat paulò antequam Thermeus regulus Sena discessisset, & ab eodem Thermeo in Galliam proficiscente, munitionibus atque aggeribus confirmata. Is enim cū nonnullos menses in insula moratus esset, effecerat, vt pænè vniuersa, præter pauca castella, in Gallorū manus ac potestatem deueniret: & cum in mare Ligusticum hostili classe plurimum diuexaretur, Genuenses ob ingentia damna inflictæ, arma in Cynnum insulam ipsis Gallis intulerunt, suasque arces, atque oppida quæ adhuc in fide retinebantur, tam validis præsiidiis communiuere, vt non repellendis modò, verum etiam infestandis hostibus idonea essent. Siquidem Thermeus, priusquam in Galliam adnauigaret, eorum oppidorum arciumque expugnatione sæpius nequicquam tentata, Iordanum Vrsinum, virum, præter natalium splendorem, rei bellicæ peritissimum, in ea insula rebus regiis, vt prædiximus, cum proregia potestate atque imperio reliquit. Classis verò, cui tunc temporis Leo Strozza Petri frater præerat, vbi comineatus, resque necessariae insularis præsiidiis fuissent expositæ; ad portū Herculis applicuit, quò ibi classem Gallicam opperiretur. Et quoniā per idem tempus, Strozza, adauctis viribus, Florentinum agrum, cum sex millibus peditum, & quingētis expeditissimis equitibus populabundus deuastabat, ipse interea, vt aliquod egregium, pro animi sui celsitudine, virtutis specimen ederet, loca hostium maritima cum suis triremibus inquietare constituit: & mox ad Scarlinum, Tusciæ ac Populoniæ ditionis municipium, descensione facta, dum eius loci expugnationem diligentius explorat, ab oppidanis præsiidiis ærea glande transfixus, breui post ex vulneris dolore mortalitatem expleuit. At classis Leone duce orbata, illicò tumultuari & discordia crebrisque contentionibus vexari cœpit, adeò, vt P. Strozza ad res componendas cum magna peditum manu illuc proficisceretur, quo etiam tempore tamdiu ibi substitit, vt Gallica classis diu expetita, qua vehabantur Aquitani & Germani, Massiliam applicuerit, rebusq. omnibus ad bellum necessariis præparatis, denuò magni & grauissimi conflictus vtriusque habiti, ac postremum ad quartum Nonas Sextilis crudelissimum prælium inter eosdem duces commissum fuit, eo successu, vt tandem Marinianus iterum de hoste victoriam, multò priori illustriorem atque insigniorem, retulerit. Iisdem fermè diebus, Othoman-

nica

Senensium
clades.

Galli, Corsicæ
oppida in-
sularibus oc-
cupata, præ-
muniunt.

Leonis Stroz-
ze meritis.

Prælium inter
P. Strozziū,
& March.
Marinianum.

nica classis ex angustiis Byzantij per Bosporum Thracium ad Christiani nominis perniciem egressa, primò in Apuliam, deinde ad sinum Floræ vocatum, non longè à Neapoli distantem, peruenit; militeq. in continentem exposito, Vestam, & Bestizzen agri Neapolitani oppida, sub auroram inuadūt ac diripiunt, omniaque sacris profana immiscet, ita sanè, vt ad vnum oppidanos classe aucherent: & mox ad Calabriae, siue magnæ Græciæ Salentinorumque littora, & alia loca mari adiacentia præteruecti, quamplurimos iterum in captiuitatem abduxerunt, atque æstate iam præcipitata, classis multa præda, multisque captiuis onusta, Byzantium reuersa est. Inter hæc, Iulius tertius nono Cal. Aprilis fato subtractus est. Cui post multas Patrum controuersias, Marcellus Ceruinæ familiæ Card. S. Crucis, ciuis montis Politiani, vir sanctitate vitæ, integritate, prudentia, & disciplinarum cognitione præstans, cum incredibili omnium bonorum lætitia, præter omnium spem, tertio Calendas Iunij, successit; & Marcelli secundi nomen sibi assumpsit. Verùm is, qui cum tanto omnium populorum applausu, & congratulatione ad summum dignitatis apicem diuina potius quam humana opera prouectus videbatur, breui aduersa valetudine tentari cœpit, donec tandem paulò post syncope correptus, decedente grauissimo rheumate, visus est primùm dormire vel ipsis medicis. At cùm nimis diuturna quies videretur, excitantibus, immobilis, & propè sine sensu inuentus est, & mox Calendis Maij, cum summo omnium mærore & lachrymis, naturæ concessit. Paucis post diebus, nempe nono Cal. Iunij, patrum purpuratorum consensu, Petrus Carafa, Neapolitanus Card. deinde Paulus quartus dictus, supremus Pontifex deligitur. Brisfacus interim, subalpinæ Galliæ procurator, nihil omnino reliqui ad summam diligentiam faciebat, quò Cæsarianis incommodaret: breuique temporis interstitio, Casalem, Mantuanæ iurisdictionis urbem, Pado vicinam, opera in primis Saluazonis viri nobilis, atque ibi summis opibus & auctoritate florentis, occupauit, & postmodum infra octo dierum spatium arce etiam potitus est. His peractis, exercitum in Montisferrati ditionem produxit, & pleraque loca eius prouinciæ, sui regis imperio adiecit. Quo quidem tempore, Dux Albanus cum summo rerum Cæsarianarum imperio in Italiam profectus est, qui breui ingenti exercitu in togata Gallia ac Taurinis coacto, mox mense Quintili Vlpianum longa Gallorum obsidione extenuatum, noua munitione & com meatu firmavit ac refecit. Post quæ, nulla mora interiecta, sub fanum Iacobi mouit, ibique castra posuit. Sed eo frustrà aliquandiu per tormentorum grandinem oppugnato, cùm præsertim hostem in campo versari exploratores referret, & militem æstiuis caloribus, tum perpetuis laboribus defatigatum haberet, accepto magno detrimento castra mouit. Galli, eius victoriæ facilitate elati, conuersis signis Vlpianum repetunt: vbi 24. dierum oppugnatione Vlpianenses fatigati, x. Cal. Sept. ad pactiones descenderunt. Cuius victoriæ laus militum contentione stetit: insignia verò militieque præmia regulus Daumalæus, quo auctore expeditio illa & suscepta, & confecta erat, reportauit. Is deinceps Vlpiano mœnibus nudato, eiusque arce funditus excisa, Moncaluum tormentis cōcussum obtinuit, & præsidio communiuit. Dum hæc in Italia geruntur, mense Sextili Cæsariani cum Gallis memorabili nauali pugna ad angustias Britannici Oceani à nona eius diei hora ad tertiam vsque pomeridianam varia & ancipiti fortuna dimicarunt: isque tandem huius cruentissimæ pugnae fuit exitus, vt Galli quinq. aduersariorum naues ceperint, & naus vna prætorica ex Gallica classe depressa merisque fuerit, sex autem incendio, totidemque ex Belgicis conflagrarint. Eorum verò qui

Classis Turcica Neapolitana oppida depopulatur.

1555.

Iulij tertij Pont. mors.

Marcellus secundus Pont. renuntiatur.

Eiusdem obitus.

Paulus quartus Carafa Pont. designatur.

Galli Casalem ac eius arcem occupant.

Dux Albanus cum Imperio in Italiam ablegatur.

Albanus in Gallia transalpina feliciter dimicat.

Vlpiani de ditione.

Naualis pugna inter Cæsarianos & Gallos.

*Henrici Na-
uarræ regis
obitus.*

*Salaran ar-
chipirata ma-
re Tyrrhenū
& Tuscanū
infestas.*

*Plumbinum
oppidum à
Turcis frum-
stra obside-
tur.*

*Zigetii obsi-
dio.*

*Eiusdē pro-
pugnatio.*

*Quinquen-
nales indu-
tie inter
Cæs. & Hē-
ricum.*

*Cometa cō-
spectus.*

in eo conflictu perierunt, numerus dispar fuit. Belgæ socios nauales trecentos, Galli plusquam mille, & in his præfectum classis desiderarunt. Circa eadem ferè tempora, Henricus Nauarræ rex supremum diem clausit: cui Vendomius in assem ex dote vxoria in reliquas fortunarum ac regni successit. Nam eius regni meliorem partem anno supra sesquimillesimum duodecimo Ferdinandus Aragonius occupauerat. Iisdem quoque diebus, Ioanna Cæsaris mater, è vita migravit. Hoc statu rerum, Salarais nobilis archipirata, cum nonnullis rostratis biremibus ac myoparonibus vniuersa littora maris mediterranei deuastare cœpit, ac in primis Etruriæ imminerebat. Antequam ergo longiùs procederet, & Gallorum sese copiis adiungeret, Marinianus portum Herculis, quem Galli tenebant, inuadit, & interfectis præfidiariis, virtute militum arcem Idibus Iunij expugnat. Turci postea Plumbinum obsident, & cum, accepta haud exigua clade, non succederet, Iluam, Florentini Ducis insulam, tentant: sed consimili successu. Deinde proxima quæque loca populationibus & incendiis replet, ac etiam Adriaticum mare infestat, multaque castella Christiani nominis, colonis ad transtra catenatis, acerrimè depopulatur. Quibus rapinis non mediocris terror vniuersæ Italiæ littoribus est iniectus, adeò vt Veneti, his prædationibus commoti, suæ classis quæ erat ad custodiam sinus Adriaci, præfectum, ad tantam audaciam & incursiones piratarum reprimendas, tantaque calamitatum incendia restinguenda, miserint: cuius singulari industria ac fortitudine effectum est, vt piratæ fuga sese in sinum Adruenti subduxerint, omnesque Adriatici littoris oras tutas indigenis reliquerint. Porro hac æstate non solum Italici littoris loca Turcicis incursionibus infestata, verum etiam ab iisdem pleraque oppida & vrbes inferioris Pannoniæ, plurimum damni atque incommodi acceperunt, præsertim verò Zigetani, quorum oppidum atque arx durissima obsidione pressa fuit, eo quidem successu, vt ipsi ex toties repulso hoste, ac tandem profligato, insignem laudis palmam reportauerint. Constat enim in ea obsidione aduersariorum ad duo millia & amplius cæsa, cum eorum vix centum ac sexdecim desiderati esse dicantur.

1556. Secuto anno supra mille quingentos quinquagesimo sexto, de pace inter Cæsarem Gallumque agi cœptum est. Siquidem inutuis incommodis fracti, ac debilitati, iam vel sua sponte, licet prius haud parum per Romanum Pont. & Britannia reginam de reconciliandis animis allaboratum esset, ad pacis cōsilia inflecti videbantur. Sed cum Carolus Lalanus Hannoniæ præses, à Cæsare; Gaspar Castellonius regiæ classis præfectus, à Gallo, ea de re legati missi, cōtrouersias omnes prorsus eximere, aut pacē planè constituere nequirent, id tantum effecere, vt apud Vacculam Samarobrinis finitimum municipium, Non. Feb. quinquennales indutiæ fierent: interim quisque sibi retineret quod ex alterius iurisdictione præteritis bellis vsurpasset. Eiusdem anni mense Martio, die quarto, ingens & luridum sidus spatiofo limite flammiferum crinem trahens, in octauo Libræ gradu, & in opposito Martis, conspici cœptum, XII. ferè dies arsit. Id funebrem oblongamque caudam principio versus Orientem extendebat. Sed cum ab Ecliptica Aquilonem versus velocissimè indies moueretur, cœpit eam versus Meridiem porrigere. Hoc simulatque Carolus v. aspexit; Istis indiciis, inquit, me mea fata vocāt. Secuti sunt paulò post insignes calores, & deinde ingentes pluuiæ: in Noricis verò finibus & in regionibus Sueuorum ac Bohemorum, tanta, tamque formidabilis exorta est tempestas, & ventorum tanti turbines, vt multa ædificia prostrata sint, & solo æquata: conuulsæ arbores radicitus, assiduus propè fulgorum splendor, tanquam nictus oculorum interposito interuallo, ignesque crebri & chasmata

chasmata in aëre visa, quæ ad aliquot dies perdurarent. At Cæsar interim, siue honorum pertæsus, cum rerum omnium denique sit satietas, vel cupiens iam post innumeros bellorum labores exantlatos, ceu emeritus miles, exautorari, vel quod subinde aduersa valetudine tentaretur, præcedenti anno Philippum filium ad se accersiri iussit, ut, abdicato imperio, ipsum, omnium suorum regnorum heredem constitueret. Philippus, cognito sui patris decreto ac voluntate, sub finē mensis Augusti ex Anglia in Belgium, cum magno processum Anglorum comitatu deuectus, Bruxellam ad Cæsarem parentem venit. Deinde mense Octobri totius Belgij optimatibus omnium ordinum eodem euocatis, deque sua valetudine locutus, inter cetera, se in Hispaniam profecturum demonstrans, per publicam stipulationem in Philippum filium omne ius ac potestatem confert, eoque multa oratione ad fidem atque obsequium adhortatur. Ea fama per omnem Europam longè lateque disseminata fuit, & classis iam in procinctu erat, diesque ad Idus Nouembris constitutus. Paulatim verò is rumor deferbuit. Et quia tempus anni minùs tam longinquæ nauigationi aptum atque opportunum videbatur, in hunc præsentem annum reiecta fuit, eaque postmodum suscepta est xv. Idus Septembris. Proinde Cæsar, prius regi Philippo totius Belgij administratione tradita, & fratri Ferdinando regi, Germaniæ Repub. commendata, literisque ad septemuiros Proceres datis, quibus petijt, ut eundem pro Romanorum Imperatore agnoscerent, ac ei obtemperarent, in Hispaniam traiecturus, cum Eleonora & Maria reginis sororibus conscensa naui, circiter sexaginta triremibus comitantibus, in Zelandiam peruenit, indeque Cantabriam versus adnauigans, prosperis ac secundis ventis in portum Laredi, quod est oppidum eius regionis, applicuit: qui cum primùm descensionem fecit, in genua procidens, dicitur gratias Deo egisse, quod sub finem vitæ suæ diuina clementia sibi concessum esset, in eam prouinciam altricem non minus victoriarum, quàm corporis, peruenire, cui in tot beneficiorum remunerationem ossa sua se largitum promittit. Postea regni proceres, qui ad eum excipiendum vndique confluxerant, perhumaniter complexus, lecticam ingreditur, & in urbem Pintiam Hispaniæ nobilissimam, ubi Carolus nepos erat, concessit. Inde Carolum ad paternarum auitarumque virtutum imitationem cohortatus, paucorum dierum interiectu, in regionem, Extremaduram vocatam, ac desertum locum se recipit in monachorum D. Hieronymi cœnobium eremitarum, atque illinc sororibus in urbem Pintiam dimissis, paruoque ministerio contentus, quod reliquum fuit vitæ, omnibus humanis curis relegatis, in diuinarum ac cælestium rerum speculatione transigit. Interim Germaniæ Principes, penes quos Cæsarem eligendi potestas consistit, Ferdinandum regem, in vrbe Francfordia decimo oct. Cal. Octob. Cæsareo diademate insigniuerunt. Proximè ostendimus, Philippo à patre euocato, & Bruxellas proficiscenti, complures Angliæ proceres illi sese honoris gratia comites præbuisse. Porro inter ceteros, qui cum à natalium splendore, tum etiam à præstantissimis animi corporisque dotibus commendabantur, fuit in primis Eduardus Cortenæus, quem ex multorum annorum captiuitate regina superioribus aliquot mensibus liberauerat, deinde ob suspicionem iniuræ coniurationis denuò in arcem Londinensem conici iusserat, & breui post, cum omni culpa & crimine vacaret, pristinae libertati restituit. Ut verò aliqua ex parte innotescat, à quibus parentibus originem traxerit, oratione paulò altius repetita, id quàm paucissimis ostendam. In præcedenti libro, cum in Mustaphæ, Solymani filij, iussu patris interfecti, mentionem incidissem, inter reliqua, ostendi, Eduardum quartum Angliæ

Philippi
Hisp. regis in
Belgium
profecto.

Cæsar Phi-
lippo regna-
& insigni
imperi
Elect. consti-
gnat.

Eiusdem cœ-
nobiaque sa-
nore in Hi-
spaniam na-
uigatio.

Cæsar in ex-
nobium Ere-
mitarum se
recipit.

Ferdinandus
Imperator
renuntiatur.

Eduardus
Cortenæus
à Maria An-
gliæ Regina
pristinae li-
bertati resti-
tuitur.

glia regem, post Clarentianam cædem paulò antequam mortem obiret, liberos suos pupillos tutelæ fratris Glocestrij reliquisse; qui deinde cupiditate regnandi, sublatis maribus, filias in Vestalium collegium intruserit, ut hoc pacto ipse solus regno potiretur. Ceterum Comes Richomontius, qui plurimum apud suos gratia valebat, regis sæuitiam veritus, naui conscensa, in Galliam profugit: sed tempestas aduersa in nauale quoddam Britoniæ detulit. Vbi à Francisco Duce captus, qui regi Angliæ pro affinitatis vinculo gratificari studebat, ad illius usque Ducis mortem mansit. Carolus postea octauus cum eius filiam Annam, Ducissam Britoniæ, uxorem duxisset, liberum Rochomontium esse voluit, & honesta pensione, qua se sustentaret, donauit. At cum Richardus rex tyrannicè atque insolenter se gereret, primores totius Angliæ, in primis verò frater maior natu Ducis Sothfolci, (hic autem ex familia Polana erat oriundus, genus ducens ex gente Lanclastria, cuius symbolum erat alba rosa; quemadmodum contrà, gens Yorcana, vnde Richardus rex ortum habebat, gestabat rubram,) qui ex Anglia profugus, Ludouico XII. Galliarum regi militabat, Richomontio missis clam nuntiis spem faciunt, si à rege obtinere posset, ut classem illi instrueret, grauem armaturam quadringentorum equitum, & peditum ad duo millia ad occupandum in Anglia portum traderet, fore, ut plurimis in illius partes transcuntibus, Richardus tyrannus regno pelleretur. Rex, atque itidem Anna Ludouici soror, Ducissa Borboniorum, quæ propter fratris ætatem, in procuratione regni erat, postulatis perfacile assensu sunt: nullaque mora interposita, Deppæ summo studio classis adornata est, cui, regis nomine, Candecius Delphinus, Francisci Comitis Vindocini legatus, & naui dominus, cui nomen erat Equuleo Deppæo, cum imperio præpositus fuit: in eaq; expeditione fortuna illorum incepta & conatus mirificè secundauit: quandoquidem si ipsi, quò ab initio decreuerant, appulissent, protinus Richardum cum quadraginta hominum millibus sibi obuium habuissent. Sed ventus adeò opportunus illis fuit, ut in oppositam partem delati, & in Waliæ fines appulsis nauibus, facili negotio militem in continentem exponerent. Biduo post, rumor increbuit, Richomontium, cum suis copiis Waliæ inuasisse: ad quam famam, qui illum accersuerant, nihil reliqui ad summam diligentiam habuere, quo minus statim sese ipsi cum omnibus suis clientibus ac fœderatis adiungerent. Igitur adaucto exercitu, rebusque omnibus ad bellum necessariis diligenter dispositis ac præparatis, Richomontius rectà Londinum proficisci constituit, ea potissimum spe inductus, quòd videlicet, ea vrbe totius insulæ primaria, & regum sede, occupata, facile sit, vniuerso regno potiri. At Richardus, per fideles internuntios de aduersariorum consiliis commonefactus, ea præuenire operæ pretium fore duxit, adeò ut summa celeritate cum suo exercitu, qui, uti superius commemorauimus, amplius quadraginta millium hominum armatorum numerum explebat, illis obuiam processerit, eosque in itinere Londinum versus offenderit. Tum acie vtriusque ad prælium instructa, maior pars regiarum copiarum, ipso rege derelicto, ad Comitem transit. Rex tamen singulari quadam animi alacritate ac fortitudine cum reliqua parte copiarum, quæ sibi supererat, hostem inuadit, eo tandem exitu, ut postquam suos, post dirum atque atrox certamen profligatos, seque cum paucis relictum animaduertit, memor generis, atque pristinae dignitatis suæ, in confertissimos hostes incurrerit, atque acriter pugnans, confoderetur. Richomontius hac insigni victoria potitus, confestim cum victricibus copiis Londinum contendit, ibique coacto Senatu, de omnium ordinum ac procerum consensu Eduardi filias ex Parthenone educit, quarum

*Bellum inter
Richardum
regem &
Richomontium
Comitem.*

*Rex Richardus in bello
pugnans interficitur.*

rum natu maiorem ipse sibi coniugali vinculo associat, simulque regia corona insignitur: minorem verò Comiti Vonshero ex illustri ac veteri Cortenæorum prosapia oriundo, postmodum Marchioni Exceltrio, huius, de quo nunc sermonem instituiamus, Cortenæi progenitori in matrimonium collocauit. Ceterum is, nouerçate fortuna, vbi tandem Henrico octauo in affectati regni suspensionem deuenisset, maiestatis reus, capite damnatur, vnico filio impubere, quippe qui vix XI. ætatis annum attigerat, superstite relicto, qui præfecto turris Londinensis in arce asseruandus traditur, ibique ad multos annos arcta custodia detentus est, donec tandem Maria, ad supremum Britannici regni fastigium euecta, illum infontem, omnisque culpæ ac facinoris expertem, pristina liberrati, atque paternis bonis restituerit. Is verò, postquam Philippum regem Bruxellas cum plerisque aliis Britanncis proceribus & lectissima iuuentute comitatus esset, atque ibi aliquandiu substitisset, mira cupiditate incensus, Italiam, ceteraque Christiani orbis loca perlustrandi, assumptis secum aliquot ex primaria nobilitate Anglicana, & emensa Germania superatisque Alpibus, Venetias profectus est, vbi à Serenissimo earum Principe, atque adeò vniuerso illius illustrissimæ Reip. Senatu honorificentissimè susceptus fuit, & quandiu ibi commoratus est, multis privilegijs atque immunitatibus donatus. Siquidem apud Venetos, quemadmodum Genua, atque adeò in omni Rep. probè instituta, veteri & longa consuetudine receptum est, vt principes viri, ac præsertim regie stirpis, vt hic erat, benignè, omni que hospitalitatis atque humanitatis genere excipiantur. Breui autem ab hoc spatium intercessit, cum ipse, Illustriss. Principem Hereulem Atestinum, & plerosque alios Italici regule honoris causa adiuit, à quibus omnibus magnificè splendideque habitus fuit, ac etiam summis honoribus exceptus. Postremo, vbi, perlustratis fermè celebrioribus eius regionis ciuitatibus, Venetias tanquã postliminò rediisset, breuique post, Patauium concederet, ibi statim acutissima febris correptus, decimo die ab ægritudine, in ipso ætatis flore, miserabili, ac planè, vt ex certissimis signis atque indicijs apparuit, detestando morbi genere extinctus est. Erat hic iuuenis Princeps, nulli ex Britannicis proceribus, siue generis splendorem, & immanes opes, siue egregias animi corporisque dotes consideres, secundus. Deplorandum est, illum, tam aduersa fortuna à primo quodammodò ætatis gradu, ad supremum vsque diem conflictatum fuisse. Nam, præter sui parentis inclyti viri funestum & calamitosum exitum, ac deniq. captiuitatem eius diuturnam, nulla sua culpa aut proprio merito contractam, quis non summo-perè indolescat, & multis lachrymis prosequatur tantæ virtutis atque exploratæ spei iuuenem, omninò feliciore sorte atque exitu dignum, paucorum æmulorum suorum conspiratione extra patriam impurissimorum hominum opera tabifico veneno occubuisse? Expirauit namque crudeli suo fato ante iustum naturæ terminum, nec minori suæ patriæ detrimento, & quod grauius est, inimicorum suorum fraudibus circumuentus, non antea dolum & parricidiales manus sensit, quàm nulla remedia malo sibi inflicto relinquerentur, atque ita in manibus suorum domesticorū imperterriti animo, ac mente ad Deum conuersa, languidum spiritū exhalauit. Huius generosissimi herois de me optimè semper meriti memoria mihi & grata, & semper acerba erit. Grata quidè, quòd me, licet immerentem, & tanti viri amicitia planè indignū, tam feruenti amore prosecutus sit, vt non solum omnia veri amici officia à me poposcerit, verum etiã me dignum duxerit, cuius arcani silentij fidei multa persæpe crederet. Acerba rursus erit perpetua eius recordatio, quòd immatura morte præreptus, tam æstuans sui desiderium mihi,

Cortenæorum
familia.

Eduardi Cortenæi morte.

mihi, aliisque eius generosam indolem exploratam habentibus, reliquerit. Cuius tamen doloris acerbitem subinde solari ac mitigare soleo, quotiescunq. mentis oculos in illustriſſimis, & me nunquā sine honoris præfatione nominādos, Franciscum Roſellum, Deuoniæ & Cornubiæ regium gubernatorē, Gulielmum Cæcilium, Burlay Baronem, supremum Britannia Theſaurariū, nec non Franciscum Walsyngamum, equeſtris ordinis ac dignitatis virum, atq. omnes Sereniſſ. Angliæ Regiæ ab intimis conſilijs, conuerto. Quorum certe tanta est erga inuicem, & potentiss. Regiæ suæ interemeram fidei constantia & veneratio, tanta denique uniuersam patriam suam amoris magnitudo & promerendi studium, & uelociam mediis fidius, quāquam illorum, si solidas uirtutes inroſpiciamus, alteri præferri debeat: ita inter se hi tres heroēs tritam à maioribus suis uiam aquis passibus inueniunt, ut mutua quadam emulatione committi videantur, qui inter se pro uelut honoris gloria & dignitate disceptarent. Quorum sanè laudibus diutius inharerem, nisi illorum solida & perspicua uirtus hanc confessionem, & laudibus, etiam inuicem, capressisset, in ambiguo esse, utrum illi magis patriæ debeant, an patriæ ipsis, tantus est mutui inuicem amoris, ut facile illa ambiguitas tolli possit. Ceterum, de Walsyngamo, qui nunc, cum hac scriberem, magna cum laude vnā cum illustriſſ. D. Gulielmo Broock, Barone de Cobham, viro, & antequam antiqui generis claritudinem, præstantissimis animi corporisque laudibus insigni, atque omni uirtutum genere conspicuo, regiæ Britannia apud Sereniſſ. Principem Matthiam Archiducem Austriae, &c. Belgij gubernatorem, & ad Belgicos status atque Ordines oratorem agit, solum breuitatis causa dixero, huius præclarissimæ personæ uirtutis memoriam, tam altas in me radices egisse, ut passim in omnibus meis actionibus sese ingerat, eò maximè, quòd reliquæ huius uitæ meæ vsuram maiori ex parte illi debeam; quòd me uidelicet (horresco referens) in crudeliſſ. illa carnificina Parisiensi me rabidorum hominum ensium mucronibus expositum, totque armis & angustis conclusum, tum temporis regiæ Maiestatis orator, immensa sua pietate liberauerit, & exanguem spiritum imis, ut aiunt, labris tantummodò residentem, benignè gratiosèque restituerit, & non secus quàm mortuum, à sepulchro ac tenebris in lucem ac uitam reuocarit. Huius porro tam ingentis beneficii recordationē nulla vnquam ex meo pectore delebit obliuio, eamque, quoad spiritus hos reget artus, perpetuò cum scriptis, tum sermonibus grati memoriſq. animi testimonio prosequar: siquidem ut uiris principibus assentari, turpe ac indecorum est; ita quoque beneficium non agnoscere, ubi locus postulat, acceptæque salutis auctorem non apud posteros prædicare, barbarum planè atque impium semper iudicaui. Ceterum, priusquam aliò digrediar, mihi neutiquam per obliuionem transmittendus erit Robertus Belus, illustriſſ. regio consilio à secretis, uir cum ab ingenij elegantia morumque probitate, tum etiam singulari quadam industria, eruditionis ac fide præstantiss. commendatus; cum quo etsi nullum mihi hactenus necessitudinis uinculum intercederet, quod tamen iamdudum haud vulgare, nec modicis beneuolentiæ studiis confirmatum intercedit; illius tamen plurimas ob causas habenda esset mentio, cum iam omnibus innotuerit, quantam sibi ob eximias dotes non solum apud regiæ Maiestatem gratiam parit, verum etiam apud externos potentissimos Heroēs ac Principes, penes quos publico nomine varias legationes obiit, in quibus summa sedulitate atque animi præsentia cum pari fide subnixa, negotium sibi concreditum expleuit, simulq. ex his per eum sibi gloriam comparauit. Verum, ut eò se recipiat unde digressa est oratio, superius enarraui-

rauimus, Thermeum, Turcicis Gallicisque viribus, ac etiam Principis Salernitani industria & auctoritate innixum, maiorem Cyrni insulae partem sui regis imperio adiecisse. Id verò Genuensium animos mirificè anxios atque sollicitos tenebat, adeò me herclè, vt ad eam recuperandam omnes animi cogitationes atque arma conuerterent. Proinde instructa classe, totius expeditionis negotium principi Auriæ commissum, qui prosperis ventorum flatibus in Corsicam delatus, & milite in continentem exposito, Casalum sinum vndiquaque obsedit, ac tormentorum glandibus diuerberauit, donec tandem præsidarij milites, desperatis auxiliis, cum co'his condicionibus pepigère, vt videlicet liberi cum armis & impedimentis excederent. Ea munitione Auriæ potitus, nihil in mora habuit, quo minùs portum Syracusanum inuaderet. Cùm verò propter egregiam defensorum virtutem suos conatus in irritum cadere animaduertit, ab oppugnatione recessit, & adulta iam ætate, Genuam remigrauit. Ceterùm appetente vere subsecuti anni, Genuæ iterum de vnanimi patrum voluntate atque consensu, Auriæ nouis viribus adauctus, cum valida classe in eandem insulam præteruectus, Mantinos & Ropicum aduersus Gallicas vires fortiter ac strenuè defendit, nouisque subsidiis obsessos iuuuit, ac etiam Vrcinium rebus necessariis communiuit. Interea temporis, quinquennales illæ egregiæ indutiæ, quarum paulò antè meminimus, circa initium eiusdem anni præter omnium spem & expectationem ruptæ violatæque sunt, ac subinde disputatum est acerrimè, vter regum, ruptarum indutiarum violator dici deberet. Contendebat pro suæ quisque gentis gloria, & prout erga alterum erat animatus, ita alterius factum vel laudare, vel reprehendere. Qui partes Philippicæ turabantur, differebant, Galliarum regem, exercitum in Italiam duce Guisio transmisisse: Valètinum, Insubrum sociis Philippicæ confœderatis vim intulisse: Catuacorum urbem, hodie Duacum vocatam, tentasse; Lensam expugnatam, direptamque combussisse: Artesiam flamma ferroque infestasse: denique priùs cum telo fuisse, quàm à Philippo aut belli instrumenta parati possent, aut conturbatarum indutiarum signum apparuisset. Proinde collatis inter se litigatorum causis, atque arbitri partibus sibi assumptis, secundum Hispanum aduersus prouocatorem Gallum sententiam ferebant, ea potissimum ratione innixi, quòd scilicet minimè ciuile esset, aut ex forma æqui bonique censendum, vt, nulla præcedente iniuria, quicquam insidiosè, aut per vim ageretur. E diuerso, qui stabant à partibus Gallorum, ratiocinari, Hispanos, Rosetum, & mōtem Alcinoi in Italia indutiarum tempore per prodicionem tentasse. Ad hæc, ne transacto quidem primo indutiarum mense, à ministris Philippi regis Vascones nonnullos, vt accepta pecunia Bruxellis, Bordeum, urbem celeberrimam, ad mare Occiduum Gallia, adque os Igmāni fluminis sitam, proderent, multis artibus ac dolis tentatos fuisse. Insupèr Sabaudi reguli opera missos fuisse, qui oppidum S. Quintini hoc ipso indutiarum tempore ad expugnationem, simulque Peronam, Dorlantium, & Mezzieram, aliaque munitissima oppida in finibus Gallia, sedulò explorarent, quorum speculatores cum ipsis formis descriptionibusque capti essent, flumina tunc etiam ad vadum explorantes. Quin etiam certa & constanti fama compertum, Lucemburgi gubernatorem, paucorum mensium interiectu, Marimburgi puteos veneno infici curasse, quò ægro-tantia præsidia sub indutiarum finem prorsus inualida efficerentur. Postremò Diuodurum, urbem opulentissimam, ab eodem Præfecto per prodicionem hoc ipso indutiarum tempore summo astu atque versutia tentatum. Proinde, his ceterisque grauissimis iniuriis regem concitatum, iure merito insidiosis atque fallacibus

Auria Casalium sinum obsidet, ac potitur.

Portus Syracusanus frustra ab Auriæ tentatur.

1557.

Quinquennales indutiæ violantur.

lacibus

lacibus indutiis bellum prætulisse, cum sæpè usu venire soleat, ut hæ multò magis quàm apertum bellum, sint periculosæ: quod sanè Galliarum regnum hac nostra tempestate suo magno malo expertum est. Ceterum, utcumque sese res habeat, equidem haud tantum mihi arrogare ausim, ut hac in re tanti ponderis ac momenti, vilo modo arbitri partes desumam. Id tantum obiter dixerim, Romanum Pont. ad hoc bellum, quod postmodum toti Galliæ calamitosissimum ac funestissimum fuit, magnas faces subministrasse, cum constet, regem, eius potissimum hortatu atque impulsu Neapolitanam expeditionem suscepisse, in qua nihilominus aut ipse, aut saltem ipsius nepotes in iustissimam reprehensionem incurrerunt, adeò sanè, ut Guisus, vir bellica virtute, rerumque gestarum magnitudine insignis, cum post aliqua loca Hispanicæ ditionis occupata, Citadellam, ubi Sfortia Sanctoflorus cum præsidio agebat, obsideret ac oppugnaret, aduentante Albano, & Sfortiæ opem adferente, vasis conclamatis, multa Pontifici eiusque ministris dira imprecatus fuerit, quod nec pacta auxilia, nec reliqua bello necessaria, uti promiserat, maturè, sicuti decebat, suppeditasset: eoq. factum est, ut præclari Gallorum conatus nulla cum gloria tanti ducis lectissimæque nobilitatis, ac fortissimorum bellatorum, quorum amplius duo ac viginti millia numerantur, in irritum ceciderint, cum præsertim ipse vnà cum suis à rege in Galliam reuocaretur, quò patriæ per idem tempus ab Hispanico & Britannico milite mari terraque mirum in modum diuexatæ, nutantiq. regno suppetias ferret. Quandoquidem Angli, in Philippi Regis gratiam, septimo Idus Iunij regi Galliæ bellum indixerant, ac deinde horum viribus atque armis, & virtute auspicioque Egmondani Principis, atque Ducis Allobrogum, Gallicus exercitus, qui amplius quindecim millia peditum, equitum verò quatuor millium, licet non desint, qui multò ampliorem fuisse tradiderint, numerum æquabat, ipso D. Laurentij die, ad Sanquintinum, quæ vrbs veteribus Samarobrina est, siue, ut aliis placet, Augusta Veromanduorum, perturbata militari disciplina, dissipatisq. signis atque ordinibus, ingenti clade affectus est. Ex proceribus ac principibus viris capti sunt in ipso prælio strenuè ac fortiter dimicantes, Momorantius Magister equitum, glande plumbea summo in femore secundum nates traiectus, & vnà cum ipso duo filij, Dux Mompenserius qui in capite vulnus acceperat, Dux Lingonum siue Longauillæus, Mareschallus Sanctæadreas, Princeps Cenomanorum, Ludouicus Mantuani reguli frater, Cortonius, Reingrauius Germanorum dux summus, & Roysperger tribunus, Angiemus regulus, Rupefucatus, Obigninus, Lanfaccus, Foganius, Mombronius, Thamefus, Villarius, Sienius, Vaisseus, ac reliqui complures: nobilium circiter duo millia, varij generis militum ad quatuor millia capta, vexilla peditum quinquaginta & duo: equitum decem & octo cataphractorum, viginti vexilla leuiorum, & tormenta viginti, decem muralia, reliqua campestria, carri trecenti apparatus bellicorum cum magno equorum numero. Occisorum numerus variè traditur. Sunt enim qui asserant, è Gallis ad sex millia hominum desiderata. Quidam verò dumtaxat duo millia & quingentos referunt, ex aduersa parte vix mille, inter quos illustres fuerunt Benincortus castrorum magister, duo Principes Germaniæ, aliq. nonnulli; Comes Mansfeltius vulnus accepit in femore, Mombreus regulus in genu. Hac victoria post captum ad Ticinum Fraciscum regem, nullā illustriorem ex Gallis Austriacos hætenus cōsecutos fuisse, euētus declarauit. Hanc deinde Sanquintini, & aliarum Gallicarū urbium expugnatio cum summa Philippi laude ac perenni gloria subsecuta est. Qui profectò si ea uti, ac fortunam persequi sciuisset, procul-

Gallorum
clades ad
Sanquintinū.

proculdubio vniuersam Franciã ad summas angustias fuerat adducturus. Quando illa non modò afflicta, sed etiam viribus pænè exhausta, ipse etiamnum firmissimum exercitum ac victorem, x x x. siue, vt aliis placet, quadraginta acerrimorum pugnacissimorumque peditum millibus; equitum verò quatuordecim millibus ferè constantem, & in his lectissimos duces haberet, ac subinde nouas copias ex Burgundia, duce Nicolao Boluillero, præstolabatur. Sed Philippus diutius quàm par erat, in Veromanduis commoratus, pulcherrimæ rei gerendæ, non secus quàm olim Hannibal Carthaginienſium dux celeberrimus, de quo verè dictū fuit, ipsum quidem sciuisse vincere, at minimè vti victoria, sicuti etiam plurimorum iudicio idem cōtigat hac superiori ætate Ioanni Austriaco, qui post Belgicum exercitum ad Namurcum tam facilè profligatum, occasionem è manibus dimisit. Illud planè in confesso est, & citra omnem controuersiam, Luterianos ad eius cladis tam triste nuntium consternatos, fugam parare, & de vertendo solo iam cogitare incepisse. Habeo non incelebres scriptores, qui literis consignarint, eam cladem Gallorum, à Michaële Nostradamo, rerum astronomicarum nostræ ætatis peritissimo, cum multis inde secutis calamitatibus, in quodam prognostico multò antè visam & prædictam fuisse. At verò, quoniam non simplex accidit plerumque infortunium, sed ea multiplicantur quæ accidunt aduersa, non minus infelicitè pugnatum est in mari à Gallis. Nam Britannica classis cum Hispana coniuncta, per Gallicana littora oberrans, obuias habuit nonnullas onerarias naues è noua Gallia antarctica Indicis mercimoniis, & aromatibus onustas, quæ vbi cruentum prælium commisissent, post multa nauigia à Gallis succensa, Hispani deniq. victores euadunt, multisque opulentiſ nauibus potiuntur, & pleraque itidem nauigia demerguntur. Inter hæc, Veneti Senatus ac Florētini reguli intercessionē, inter Romanum Pont. & Philippum Hispaniarum regem pax x i i i. Cal. Octob. apud Caueam castellum, certis quibusdam conditionibus inita & constituta fuit: inter quas præcipuè cautum fuerat, vt fide publica instructo Guisiano in Taurinos ex Latio quā cōmodum ei esset, etiam per officiosam Philippo Italiam, liceret tutò exercitum traducere. Dum verò ipsi Pontifici per suos delegatos & procuratores pacem compositam nuntiatur, eaq. de causa plurima lætitiæ ac mutuæ congratulationis signa in proximum diem pararentur, inſequenti nocte continuis imbribus ita fuit auctus Tiberis, vt stagnantibus aquis vniuersam Romam nauigabilem fecerit; multaque ædificia collapsa, & plurima ac propè incredibilia damna in ipsa vrbe, adeoque in vniuerso Latio propter huiusmodi inundationem illata; sic mediusfidius, vt hæc ipsis Romanis tam atrox & calamitosa extiterit, vt nō minùs malorum hæc vna nox vniuersæ vrbi & finitimis locis cælitus attulisse dicatur, quàm vis humana, & crudelis armatorū hostiū acerbitas afferre potuisset. Nec sanè ager Bononiēsis & Florētinus huius cladis immunis atq. expers fuit. Interea tēporis, Henricus rex mira quadam vltionis cupiditate atq. ardore incendebatur. quippè qui tot calamitates vno eodemq. tempore perpeſſus, prout erat excelsi animi, & aduersis rebus imperculsi, noctes diesq. secū meditabatur, quonā insigni ac memorabili facinore suæ dignitatis ac existimationis, non parū, vt ipse sibi omnino persuaserat, labefactatæ atque collapsæ, vulnus aliqua ex parte sanaret. Hunc assiduus curis & cogitationibus æstuantem, Gradivus & Bellona conspicati, simulque alumni sui, quem paulò antè multis inclytis trophæis hostilibusque manubiis insigniuerant, vicem indolentes, protinus modum & rationem adinuenerunt, qua recens infortunium, totque illatas iniurias egregiè vlcisceretur. Quocirca ipsis patrocini-

Conflictu
naualis.

Pax inter
Pont. &
Hispanos.

Tiberis in-
undatio.

1558.]

*Galli Cal-
etis urbē capiunt.*

*Maria Stu-
arda nubi-
Francisco
Valesio.*

*Petri Stroz-
ze interitus.*

*Prælium ad
Grauelingā.*

*Gallorum
clades.*

*Henrici Gal-
lie regis ma-
gnanimitas.*

*Maria Bri-
tannæ regi-
ne obitus.*

nantibus breui effectum est, ut rex, præter omnium spem deimprovisò Caletum, antiquissimam Gallorum ciuitatem, in extremis Belgarum Morinorumque finibus ad Britannici Oceani angustias positam, olim Iccium portum ac promontorium vocatam, mense Ianuario Anglis eriperet, suoque imperio rursus adiiceret, quam ipsi ducentos & undecim annos ab anno Christi 1347. Philippo Gallorum regi ademptam, in sua possessione atq. dominio retinuerant. Vnde nō solum vicinis Morinis, sed & Galliæ ipsi frenos & compedes iniiciebant. Ineunte Aprili, Lutetiæ Francisco Valesio, Henrici filiorum natu maximo, Maria Stuarda, vnica Iacobi v. Scotici regis filia, & regni ex asse hæres, nupsit, & continuò maritus, cum ad eum diem vsque Delphinus appellaretur, gloriosum regis nomen sibi desumpsit. Paucis post diebus, Galli cum instructissimo exercitu, Belgas tribus ex partibus, nempe à Mediomaticis, & Caletibus aggrediuntur, breuique spatio interiecto, Guisianus, & Petrus Strozza, Diuodurum, vulgo Teonuillan, obsederunt: in qua obsidione P. Strozza, vir eximiis virtutibus, & in primis bellica virtute longè clarissimus, mense Iulio, ænea glande ictus, viuis subtrahitur. Inter quæ, Thermus Flandriam infestat: sed rursus, fortuna Gallorum conatibus aduersante, ab Egmundano ad Grauelingam 111. Idus Quinctil. fusus fugatusque est. In hoc prælio nouum illud atque admirabile fuit, quod in eo cum æquabilitate & omnium ordinum paritate, consimilique planè commissione pugnatum fuit, qualem ne à sæculo quidem militaris rei scientissimi incidisse ferebant. Quo certamine cum neutri faciem verterent, casus quidam fortuitus ac mirificus interuenit. Præteruehebantur forte fortuna decem bellicæ naues Britannorum, qui procul ex undis conspecto conflictu, in littus appulerunt, & Galli exercitus latera, tormentorum tempestate eminus percusserunt. Hac rei nouitate Thermi exercitus perculsus, ab hoste acrius urgente profligatus est. Ipse Thermus, accepto graui vulnere, captus, tormenta, signa, & præcipuè præda & Flandricis municipiis collecta, ab hoste recepta est. Huius prælij aduerso casu, graue toti Franciæ vulnus illatum est: quo etiam illa, quæ vix consenuisse videbantur, recruduerunt. Nam si leue certamen ad Rentinum commissum omittamus, intra quadriennium tribus grauissimis præliis victi sunt, primò ad Martianum in Etruria, deinde ad Sanquintinum in Veromanduis, ac tertio ad Grauelingam in Pleumosijs: his tamen tot tantisque aduersitatibus effici nunquam potuit, ut illarum atrocitate Henricus rex vlla ex parte succumberet, aut bellicos apparatus remitteret, adeò ut, quæ erat animi celsitudine, semper quodammodò auctis viribus, & nouis copiis cum ex Germania, tum Heluetia euocatis, seipso indies maior appareret. Ceterum, ambo reges, imaginem rei totius considerando, si omnibus viribus concurrissent, ex eo conflictu Rempub. Christianam tanquam fulmine conflagraturam prouidebant. Et quoniam sui exercitus robur ex peregrinis bellicosissimis gentibus constaret, ciuitates suas exteris prædæ futuras minimè addubitabant. Igitur ad communem salutem respicientes, confirmatis tandem rationibus, ad pacificationes rem deducere constituerunt, legatique ea de re vtrunque missi sunt. Interim commeatus inopia vterque exercitus laborare, obque autumnales tempestates, impendentemque hiemem non optimè habere cœpit: eaq. de causa, exacto Octobri, melior pars militum castris excessit, quibus Nouembri statim secuto, missio data est, sic tamen, ut delectum aliquem certum reges præsidiorum loco sibi retinerent, atque in hibernis disponderent. Interea temporis, dum in Belgio de pacificatione agitur, Maria Britannæ regina, Henrici octauæ ex Catharina Caroli v. Cæsaris matertera, filia, xv. Cal. Nouembris naturæ

Quibus re-
bus ciuitates
atq. imperia
potissimum
contineantur.

le videat, illas vel pueris obsecrari, vel saltem multis perfungis à tergo relin-
qui, ad hoc peculiari quodam furore occidisse omnibus cordatis viris videatur, ut
hac nonnullis volentibus erant. Regina daretur, cuius virtutes è claris elu-
cerent, quò nonnulli Heroine virtutis essent manifestiora. Et quoniam,
teste Solone, ciuitates atque Imperia duabus potissimum rebus, seu necessariis
instrumentis, continentur, nempe potestate & premio, ipsas in his modis & ra-
tionibus, ut hanc duo in uniuerso sui regni administratione quam diligentissime
adhiberentur, illis erant ut boni scilicet ad virtutem premii incitarentur, &
improbi legibus à peccandi libidine detererentur. Vnde quoniam à sanctis
animi virtutibus moderatio atque inuicem laetitia, ut non inuicem à illa dispo-
sit, quod veteres de Seuero Alexandro, Mammone magistro, postquam in-
re, nempe anematon, hoc est, citra sanguinem gessisse imperium, cum semper
namque semper à iudiciis & ab aliis quousque nunquam à iudiciis &
aliquibus publicis iudiciis & ab aliis quousque nunquam à iudiciis &
autem iudiciis & ab aliis quousque nunquam à iudiciis &
quò in de iudiciis & ab aliis quousque nunquam à iudiciis &
tamen, inter omnium, prædixi eximium & singularis testimonium subi-
que, haec sunt usque ad hunc diem virtutis in Mariam Stuardam, Jacobi regis
tiae filiam, & quondam Francisci secundi Galliarum regis coniugem; quam
et si regni eius æmula esset, & multis nominibus ipsam offendisset, nihilominus
tamen egregie animi constantia & fortitudo, quousque nonnulli
illam semper omni officiorum & profectione existimans, longè facit &
glorie facit, laudem enim non liberalitate, atque clementia querere, quam prius
tamen in iudiciis & ab aliis quousque nunquam à iudiciis &
tradit, vel iudicium aliquo modo vocetur, quò, quòd ipsam Mariam adhuc
in libera custodia retineat, cum id non tam ex suo, quam illius usu sit, si re-
status penitus introspectiatur. Quandoquidem summopere verendum esset,
ne pristina libertati acquirere regno restituta, maximis concionis turbis, peri-
culosam rei sui conuersionem faceret, ac sese funesto & tragico vitæ exitu; Diis
victoribus, implicaret, propter innocentissimi sanguinis regis, sui mariti, tam
consensu, à perfidissimo simul & nequissimo Comite Bodwillo interfecti, effu-
sionem: quod sanè crudelissimum ac ferè inaudicium scelus, èd atrocius atque
detestabilius omnibus videri debet, quò ipsa, omnis diuini humanique iuris ob-
lita, flagitiosissimo parricidæ postmodum nupserit. Quarum certè calamitatum
& funestorum casuum initium ortum esse tradunt à Dauide Ricio Pedemonta-
no, quem infimo genere natum, & nullis virtutum præfidiis subnixum, fortu-
na èd dignitatis contulerat, ut inter aulicos procures nullus fermè esset, qui apud
illam plus auctoritate & gratia valeret, ita ut postmodum contrucidatus, omnium
iudicio ac testimonio damnatus sit, & iure interfectus esse dicatur. At regis indi-
gnissima nece interempto, Bodwillus perpetrati sceleris stimulis non secus quam
infernalis furis concitatus, effugium & latebras quærens, quòd rebus suis
diffideret, ac incertis consiliis subinde ferretur, vna atque altera naui elapsus,
Diis simul atque hominibus inuisus, è patria soluens, in Northuegiam delatus
est: cumque casu in portum appelleret, ubi tunc temporis speculatoriæ quædam
regis Danici naues stabant in anchoris, à classis istius præfecto interceptus, con-
tinuò in Daniam missus, & præter merita humaniter exceptus, in ipsa Hæc
Hafniensi sic satis splendide habitus est, ita tamen, ut, cum gliscente fama atrociam
eius scelera non nihil retegerentur, aliquantulum solito arctius astringeretur.

In illa

Henricus
Scotie rex
sue uxoris
consensu à
Com. Bod-
willo inter-
fectus.

Maria Stuar-
da nubit
parricide.

David Ri-
cius, omniū
mortalium
improbissi-
mus, vnicè
amatur à
Maria Stuar-
da.
Eius decedes.
Comitis Bod-
willo fuga
ex regno
Scotia.

~~graues longo usu & rerū cognitione, sed etiam heroicos iuvenes tanta fide ac virtute conspicuos, ut illorum opera in maximis quibusque negotiis, & deliberationibus quàm felicissimè uti possit. Sed me tanta Regina, totque dignissimum heroum laudibus inherentem, reuocat institutæ historiæ series.~~

*Inter Anglos
& Genuenses
vetus neces-
sitas inter-
cedit.*

Hoc tamen obiter adiecero, me eò libentiùs atque fusiùs de rebus Britannicis locutum fuisse, quò manifestiùs deprehendam, haud exiguum familiaritatis & necessitudinis commercium huic genti cum Genuensibus semper extitisse. Ultra enim mercimoniorū atque nauigationis mutuam familiaritatem, quæ etiamnum cum maximo vtriusque populi emolumento constat & viget, fidem mihi faciūt Reip. insignia huic genti communia, nempe in argenteo campo transversam rubeam crucem pristinæ ac mutue amicitiae, atque adeò hospitalitatis firmissima extitisse iura: quæ quidem insignia non solum in omnibus ædificiis publicis vtriusque nationis visuntur, sed etiam vndique in eorum nauibus collucet, ac sese ostendunt. Accedit huc, quòd vterque hic populus D. Georgium tanquam Deum tutelarem, sibi peculiarem ac proprium, retinuerit. Quæ omnia inuicem collata, haud dubiè antiqua, vti diximus, amicitiae argumenta præ se ferunt, & præstant. Vt verò ad seriem orationis reuertar, hic annus itidem Caroli v. ac

*Caroli v. &
duarum eius
sororū obitus
1559.
Pax inter
Philippū &
Henricum
reges.*

Mariæ & Leonoræ, eius sororum, quæ, vti prædiximus, regi Francisco primo nupta fuit, interitu clarus ac memorabilis fuit. Nec minùs etiam proximus annus excellentissimorum Principum morte, ac in primis Henrici regis funesto exitu apprimè nobilitatus. Hic enim, post optatissimam pacem inter ipsum & Hispanum, tandem ad Cambresiam xii. Non. Apr. de mutua vtriusq. voluntate initam & constitutam, postque illud calamitosissimum bellum, quod ferè continenter viginti quinque annis inter vtrumque regem vario atque ancipiti Marte gestum erat, feliciter compositum: ad cuius quidem stabilimentum, simulque ad iniuriarum superiorum obliuionem sancendam, Philippo Isabellæ, Galli regis filiarum maior natu ii. annorum, cum dote cccc. millium aureorum.

*Henrici regis
mors.*

*Multorum
Principum
uno fermè
tempore obi-
tus.*

Allobrogi verò Margarita, ipsius regis soror, quæ præter dotē ccc. millia aureorum, Ducatu Barrensi frueretur, desponsa est, in decursione equestri à Mongomerio lethali vulnere sauciatus, decimo Iulij in maximis miserrimisque doloribus vitam finiit. Eodem anno, Bona Sforzia, Sarmatiæ regina; Christiernus, & Christianus Danica, præterea duo Duci, Lauenconio, & Paulus Venetus, & Hercules Atestinus Ferrarius, deinde Pontifex Romanus Pateras quartus, in cuius locum postea Pius quintus substitutus fuit, ordine quodā successionis, ita humanis exempti sunt, vt eorum mortes propè connexæ, & quodam modò confectariæ fuerint. Quod quidem occultarum causarum ignorantie, in re noua plurimorum admirationem auxit. Tot regum, reginarumque ac Principum, vno fermè eodemque tempore vita emigrantium, obitus haud leuibus signis atque prodigiis cælitus prænuntiatus fuit. Siquidem præcedenti anno circiter Idus

*Prodigia
que appa-
ruerunt.*

*Trabs ignita.
Cometes.*

*Prodigia que
inter Hen-
rici regis præ-
cesserunt.*

Maias vesperi sereno cælo visi sunt ardere longissimis tractibus supra Latetiam maximi clarissimi que ignes. Eodemque, Laye celebri vico, conspectum autumnino, summo manè, grande insolitumque cælo numen magnitudine amplæ trabis. Item Cometes, sidus, vti antea sæpè diximus, maiori ex parte terrificum, & regnis exitiale, apparuit. At regis Galliæ luctuosus ac funestissimus casus, non modo his quæ recensui, portentis, verum etiam plerisque aliis peculiaribus præmonstratus. Quandoquidem, vt ~~omittam~~ ~~uicinis~~ somnium, quæ eadem nocte visa sibi fuerat regem vulnere confectum, & conuincem videre, eo ipse die antequam concurreret, puer sexennis, qui ludos spectatum cum parentibus iuerat, velut

velut impos sui, flens clamitauit: Heu regem volunt interficere. Quendam etiam vaticinatum ferunt, regnaturum filium maiorem intra decimum sextum annum, quæ vaticinatio confecta putabatur, cum reginam Scotiæ in matrimonium duxit. Denique Gauricus Astrologus Italiæ celeberrimus, obseruata quinquennio antè ipsius genitura, periinde ac si hominum fata secundum conditiones stellarum disponderentur, monuerat per literas, ut circiter vnum & quadragesimum ætatis annum vitaret duellum: astra minari vulnus in capite, quod vel cæcitatem, vel mortem continuò afferret. siue igitur præsentio quædam & scientia rerum futurarum est, siue superstitione implentur animi, ad talia temerè credenda prouocamus, communis certè fortunæ & humanorū casuum memorabile exemplū, in quo se Principes cōtemplari, & ad cuius cogitationem suas actiones instituere debeant, ne fortunæ flatibus ac successibus ebrij, rebus prosperis efferantur, aut supra humanam sortem quicquam sapiant, quando Henricus hominis fortunam quodammodò transgressus, pro felicissimo Principe totius orbis, haud dubiis præiudiciis, se numerabat æstimabatque: nusquam non suam magnificentiam ostentans, & tanquam in arce prosperitatis ac extra fortunæ aleam iam positus, omnibus suis inscriptionibus titulum summæ felicitatis præferens. Sed huic tantæ prosperitati Deus frenum iniecit, quo ille ad communium humanæ vitæ casuum normam & regulam reuocatus, in ipso ludo, in ipsis deliciis, atque animi sui affluentibus voluptatibus suæ mortalitatis testimonium ferre coactus est. Sed habuit rex ille suas quoque præclaras dotes. In primis enim bellicosus atque magnanimus fuit, mira etiam comitate atque sermonis affabilitate, qua sibi popularium animos mirum in modum conciliabat, singulari iustitia, & ceteris cum animi, tum corporis dotibus quàm maximè insignis; ob quas sanè, sicuti viuum naturali amore prosequabantur Galli, nec nisi optimo erant in eum animo; ita quoque tenerrimè mortuum deplorarunt, adeò sanè, ut ad multos dies luctum publicum regni viduitas & solitudo consequeretur, Franciaque omnis impendentium calamitatum tempestates præfagiens, grauissimis angoribus & molestiis implicata iacuerit. Nam etsi tum ab externis bellis & tumultibus requieuit, in seipsam tamen vires suas postmodum conuertit: quorum omnium malorum initium & protasis in Franciscum secundum, Delphinum & Scotorum regem, qui natus annos 15. menses quinque, in paterni auitique regni possessionem hoc anno susceptus est: epitalis verò & summa periculi in Carolum nonum, & Henricum tertium incidit. Henricus, ut etiam hoc obiter dicatur, liberos omnino nouem post se reliquit; quorū ex coniuge mares quatuor, femellas tres; extraordinem verò duos vtriusque sexus sustulit. Iisdem fermè temporibus, grauissima Reipub. Genuensi cum Marchione Finario controuersia intercessit; quam ipse neutiquam hinc prætermittendam sum arbitratus; nec, uti spero, à quoquam temeritatis, vel præiudicii accusabor, si eam noluerim, licet breuibus verbis enarratam, silentio præterire. Hoc enim nō eò spectat, ut aliquid mihi in re tam grauis iudicii arguam: sed potius quò magis atque magis clucescat, quanta Reipub. cum imperio Rom. omnibus temporibus fuerit cognatio atque coniunctio. Senatus igitur grauissimis de causis adductus, eo quo diximus anno, ipsum Marchionem, valdè insolescentem, atque suorum querimoniis ad Senatum multis nominibus delatum, primū fati habuit, ipsum ad meliorem mentem, ostensis multis grauib. adhortationibus inflectere, quò eum eius vassallis & subditis in gratiam reponeret. Verū ubi ipse refractario ac contumaci animo salubriter monita aspernatur, & indices ferocior factus, in suos impunè grassari contendit, Se-

Memorabile
exemplum
humanae
felicitatis.

Henrici natura
& magnanimum.

Franciscus
secundus Hen-
rico patri in
impero suc-
cedit.

Marchionis
Finarii ex-
pulsio.

natus indignitate rei commotus, operæpretium se facturum existimauit, vt, ad reprimendos ipsius Marchionis impetus & manifestam vim, aliquot cohortes militares conscriberet: decretumque Senatus consulto, vt, nisi resipisceret, & ad saniora consilia rediret, eadem cohortes contra ipsum educerentur, ipseque communibus Reipub. armis in ordinem redigeretur, prout etiam protinus, cum in sententia perseveraret, factum fuit, ita vt, paucis interiectis diebus, cum omnibus ad bellum necessariis propemodum esset destitutus, & sustinendo aduersus tantam Rempub. bello, opibus ac potentia esset impar, longeque inferior, ac etiam in primis congressibus aduersam fortunam, aliquot ex suis caesis & profligatis, experiretur, relicto dominio, vel potius propria culpa exactus, & exutus ditione, ad Cæsarem Ferdinandum implorandi auxilij causa, queribundus se contulit, penes quem acerbissimam querimoniam, atque adeo grauissimam actionem contra Senatum populumque Genuensem instituit. At Cæsar, cum suapte natura esset Princeps iustissimus, ad dicendam causam per publicum fecialem Senatum Genuens. ad se euocauit. Res ea in Senatu tractata, vt per se erat noua, sic Patres in varias sententias deduxit, adeo, vt post longas deliberationes, ex parte Senatus nuntiatum fuerit caduceatori, Senatum quidem causæ suæ cognitionem Cæsari tanquam arbitro, non verò tanquam iudici permittere. quo responso intellecto, Cæsar, iterum remisso feciali, Senatum denuò sub graui pœna, ac plane sub aperta proscriptionis cōminatione, denuntiavit, vt, nisi Senatus ad statutam diem ad dicendam causam compareret, se in fauorem partis querentis pronuntiaturum, & id quod iuris foret, executurum. Proinde Senatus, adhibitis consiliariis, aliisque grauibus viris in huiusmodi rebus versatis, statuit tandem pro causæ suæ defensione oratores ad Cæsarem ablegare, qui tantisper æquitatem causæ Reip. contra ipsum Marchionem tutati sunt, & iure contenderunt, donec Cæsar, adhibitis in consilium super ea re quatuor celebrioribus Academiis, introspectis & examinatis totius causæ meritis, pro tribunali sedens, secundum Marchionem pronuntiavit: quod scilicet iniquè & perperam fecissent Genuens., quod vassallo Imperij, non delata prius ad Cæsarem, vel Cameram Imperialem querimonia, inaudita causa, quasi indemnatum, armis statu atque ditione deturbassent & exegissent. Acuius quidem sententiæ pronuntiatione, cum oratores Reipub. exciperent, & ad summum Pontificem, tanquam supremum competentem iudicem, appellarent, postmodum de iurisperitorum sententia cognitum est, huiusmodi interpositam appellationem friuolam, ac temerè factam fuisse, cum nimirum noti & planè manifesti iuris sit, Pontificem ipsum nullum sibi ius in imperio, præsertim in rerum forensium atque causarum cognitione, vendicare posse, vel debere, sic mediusfidijs, vt Senatus, ad remouendos vltiores sumptus, & litibus in posterum ansam præcidendum, non grauatè renuntiata interposita appellatione, Cæsaris iudicio atque sententiæ steterit, ei que locum in omnibus præbuerit. Statim enim post renuntiationem factam, Marchio postliminiò in amissæ ditionis possessionem introductus fuit. Hæc ideò cò libentiùs atque fusiùs adieci, quò intelligam, multos esse in hac sententia, vt putent, Rempub. Genuens. multasque alias Italiæ vrbes, nullo modo, vel iure imperiali iurisdictioni esse subiectas, cum hic error non tam ex hoc recenti exemplo, quàm ex multis alijs retroactis temporibus datis, euincatur. Postero anno, Franciscus secundus Gall. rex, occasione tumultuum in Scotia, illud regnum occupare conatus fuit. Sed cum ab Anglis Letha obsideretur, & classis Gallica lentè moueret, ab Scotia per Anglos exclusus est. Tumultus cōtra regem Ambosiæ duce Renaudio quodam excita-

*Cæsaris in
fauorem Fi-
nari aduer-
sus Genuens.
sententia.*

1560.

*Galli exclu-
duntur ab
Anglis re-
gno Scotia.
Tumultus
Ambosiæ.*

excitatus mense Martio: sed auctores è medio sublatis: reliqui vario mortis genere affecti. Rex primò consilium ad fontem Abelleium de religione, deinde Aureliæ indixit, vbi Condæus Princeps ob suspiciones quasdam captus. Rex autem in morbum ex apostemate secundum sinistram aurem incidens, Non. Decembr. vita emigravit. Cuius inopina mors Cōdæum vinculis exemit. Nam statim post eius obitum liberiore laxioreque custodia vsus, donec à Carolo nono, qui vix decimum ætatis annū ingressus, fratri Francisco successit, ad fontem Abelleium euocatus, causamq. dicere coactus est. Vbi Roberteto defendente ac perorante, pridie Idus Martij subsequēntis anni, à rege ac præcipuis regni consiliariis, ab iis accusationibus quibus grauabatur, liberatus, & in integrum restitutus, ~~confi-~~
~~ciumque insignis fuit integritatis & innocentie testimonium retulit.~~ In idem ferè tempus incidit clades illa toti Christianæ Reipub. funestissima, ad Menin-
gem accepta, in qua Philippus Hispaniarum rex, vltra quinque armatorum mil-
lia, inter quos multi alarum centuriones, & clari nominis viri extiterunt, & vltra
bellicos apparatus, qui fermè omnes in hostium potestatem deuenerunt, nouen-
decim triremium iacturam fecit. Huius expeditionis, præter reliquos, meminit
etiam Antonius Frāciscus Cynus, qui de hac peculiarem libellum Etrusco idio-
mate conscripsit. Iisdem fermè diebus, Ferdinandus Imperator, princeps singu-
lari pietate, pietate, animique fortitudine, ac ceteris regis virtutibus quàm ma-
ximè suspiciendus, fatis concessit. In cuius locum, eius filius Maximilianus se-
cundus de mutuo Septemviriūm Procerum consensu ac voluntate substitutus
fuit. Porro, vt hoc etiam obiter addatur, xxi. Augusti eiusdem anni fuit Solis
eclipsis statim post vndecimam horam ante meridiem, finis post primam, min.
23. locus in septimo gradu Virginis magnit. punct. 7. cum dimidio ferè. Vifa
est eodem anno lux ingens 30. Ian. hora 7. vesperi cum subobscurò terramotu.
Totius anni status ventosus admodum, tempestatibus multis atq. procellis in-
festus. Mira tempestas grandinis, fulgurum, tonitruorum, Leodij quinta Iunij,
homines & multa armeta oppressit. Item circa decimā quintam Augusti, papilio-
num exercitus. Volabant hæc animalia propter aquas, ea frequentia, vt cursum
fluminis obscurarent, potissimum post occasum Solis. hinc sese sub noctem re-
ferentes, per vicos velut instructis copiis vagabatur, nihil ferè à tineis differentes.

Condæus
Princeps
capitur.

Francisci 11
Gall. regis
mors.

Condæus li-
beratur.

Philippi clā-
des ad Me-
ningem in-
fulam.

Ferdinandus
Cæsar
obitus.

Maximilia-
nus 11. Cæ-
sar deligitur

Solis defe-
ctus.

Papilionum
exercitus.

At postero anno, & deinceps, quantis regnum Galliarum sub Carolo IX. & 1561.
Henrico III. eius successore adhuc superstite, simulq. haud multo post, Germa-
niæ inferioris prouinciæ sub Albano Duce, & Commendatore Requezenio,
deinde in consecuto mox interregno atque anarchia, & postremum hac tempe-
state, qua in Belgio infestissimæ acies ac potentissimi exercitus ex multis variisq.
gentibus instructi, nihil præter aduersæ partis extremam perniciem ac exitium
moliuntur, rerum omnium conuersionibus obnoxia fuerint, ac etiam in præ-
sentiarum sint, quantis intestinorum & plusquam civilium bellorum flucti-
bus ac procellis vtraque regio vndique diuexata, quoties vtrunque ad arma
concursum, quoties pax inita, & mox, nulla iurisiurandi ratione habita, per-
fidè violata; quot direptiones vrbium, agrorumque ac municipiorum vasta-
tiones, ædium ac templorum diuulsiones; optimorum quorumque ac inno-
centissimorum suis è sedibus eiectorum exilia & proscriptiones; sanctissima-
rum legum profanationes; quæ cedes, latrocinia, incendia, funera & laniæ, quæ
denique matronarum ac virginum constuprationes, ac cetera his consimilia, quæ
olim Roma Sullanis Marianisque temporibus cum ingenti sua calamitate exper-
ta fuit, nunc enarrare, vt minimè nostri instituti est, sic etiam omnino superua-
caneum;

Gallici re-
gni, ac infe-
rioris Ger-
manie cala-
mitates.

caneum, præsertim cum de his egregia præclarissimorum virorum scripta extent, è quibus, ceu limpidissimis fontibus, hæc omnia affatim & abundè, quatenus quidem ad res Gallicas pertinet, haurire liceat. Interim sperandum est, non defuturos eruditione ac eloquentia excellentes viros, qui olim etiam res Belgicas, remotis affectibus, scriptis ac literarum monumentis, pro rei dignitate ac magnitudine, illustrabunt, tametsi plerisque haud parum deterret quod ad Alinium Pollionem scribit Horatius, qui belli causas, vitia & modos, grauèque Principum amicitias, & arma nondum expiatis vincta cruoribus periculosa plenum opus aleget tractat, incedere per ignes suppositos cineri dolofo. Has verò Belgicas calamitates, quas hætenus perpeffa est, ac etiamnum patitur, quot chasmata & prodigia præcellerint, quot subsæcra fuerint, quot crinitorum siderum apparitiones, quot Lunæ, Solisque defectus, quinam denique terramotus, hiatus, fulgura, & procellæ, clarissimus iuxta ac præstantiss. philosophus & medicus D. Cornelius Gemma in opere cui titulus est, De naturæ diuinis characterismis, præter cetera, admodum accuratè ac disertè enarrauit. Proxima æstate, Turcicus legatus, cui nomen fuit Ebrahimus Strotius, cum ingentibus muneribus, equo gradario, & quatuor camelis, nomine Solymani Turc. Imper. Maximiliano in regem Rom. ibi in comitiis electo, gratulaturus, Francofurtum, vbi Status ac Proceres Germaniæ conuenerant, profectus est, ibique post orationem Sclauonica lingua habitam, (hanc verò breuitatis causa in præsentiarum reticeo) legatus denuò ad Cæsarem cõuersus, ea quæ secum attulerat munera, nempe duos pretiosissimos ex natiuo crystallo & gemmis longè nobilissimis elaboratos crateras, ceu pocula, & caballum Turcicum generosissimum, aureis planè phaleris, gemmis, catenisque ex purissimo auro ornatū, tum quatuor camelos ex tota vbe Constantinopoli exquisitissimos, Cæsareæ suæ Maieft. offerre, ac summis laudibus efferre cœpit, fassus interim & excusans, quòd & equus ille, & cameli iam ob longinquam terra marique profectionem, quam inde à 4. mensium spatio fecissent, macie & defatigatione confecti, & attenuati esse conspicerentur.

1562.

Solymanus
mittit mu-
nera ad Ma-
ximil. Cæs.
designatum.

1563.

1564.

De his autem quæ anno supra mille quingentos sexagesimo tertio contingere, nihil planè occurrit quod ipse in medium afferre possim. At insequenti æstate, munitissima arx, vulgò del Penol di Velez appellata, sub Turcico dominio ad Africæ oram sita, oct. Idus Sept. à Garsia Toletano Hispanicæ classis præfecto expugnata. Superius à nobis demonstratum est, sub Henrico II. Francorum rege, Ligures à classe Gallica, Turcicæ associata, pænè vniuersa Corsica multatos fuisse. Huius autem cladis præsagium fuit, vt narrat Hier. Cardanus, balenæ caput, repertum Genuæ anno 1554. quod quidem eius iudicio nihil aliud portendere videbatur, quàm, Cyrna amissa, caput truncum velut amisso corpore permansurum. Ceterum quòd id plenius intelligatur, adijciam eiusdem auctoris verba, quæ extant lib. XIII. cap. LXXIII. de rerum varietate. Ni fallimur, inquit, audiuius a familiari nostro iam duobus annis exactis, Genuæ caput balenæ extractum à mari, in littore diu iacuisse: quod adeò prægrande fuit, vt à faucium imo ad os, decem nouem passus numerarentur. Quid aliud hoc est, quàm quòd Cyrna amissa, significabatur, caput amisso corpore remansurum? Nam Genua capitis & dominij ratione & paruitatis vicem subiit, Cyrna corporis. Id ostentum, cum post annum contigerit, si interpretati tempestiuè fuissent, aduersus Turcicam classem arces munire poterant, vnde neque insula ipsis, neque tantum pecuniarum periisset. nunc hoc factò, tota Europa in metu constituta est, atque etiam in periculo. Vt igitur omina superstitionis partes sunt, ita estenta cum

natu-

Balene ca-
put, repertū
Genuæ, quid-
nam porten-
derit.

naturali prudentia coniuncta, ad conseruandam Remp. utilissima cura obseruantur. Neque enim tantæ belluæ caput abscindi, vel à maiore bellua potuit, nec tormento bellico, nec vllò alio casu. Sed si modò ea casu aliquo aut impulsu occisa simul, & contorto collo computrescente corpore relictum caput, quoniam pacto caput ipsum non priùs computruit? aut quomodo collum abrumpi potuit, quod in cetaceo genere maius non parum est capite, adeò vt pisces collo carere dicantur? Demum in tam vastis littoribus quænam singularis vis caput Genuâ adegit? nisi conscia quædã fati mens, opportunè pro casibus singula signa distribuens? Hactenus Cardanus. Et si verò hæc insula, rebus inter Philippum Hispaniarum & Henricum Gallia reges compositis, ad Genuenses, legitimos dominos, sub quorum ditione tot retroactis sæculis extiterat, tanquam postliminiò rediisset, nihilominus tamen paucorum annorum interiectu nouas turbas dedit, in eaque memorabilis Corsorum defectio, auctore Sancto-Petro Corso excitata: cui vt aliquam lucem adferamus, operæpretium erit, meo equidem iudicio, quàm paucissimis potero verbis, hominis originẽ, ac quasi incunabula ob oculos ponere, vt cuius constare possit, à quàm paruis initiis nonnunquam maxima rerum momenta atque conuersiones periculosissimæ oriantur. Extra du-

gitur igitur est, ipsum Sanctum-Petrum Corsum in Cyrno insula modicis natalibus obscuroque loco fuisse genitum; ingenij tamen acumine, atq. animi moribus tam acribus fuisse præditum, vt omnes rerum familiarium difficultates, suis ausis obstantes, non solum superarit, verum etiam, quasi cum fortuna pacifcens, per omnes ætatis gradus, secundum vitæ cursum, perpetua illius indulgentia consecutus sit, adeò profectò, vt indies magis atque magis inclareretur, sui que nominis obscuritatem, ab omni ignoratione egregiè vindicaret. Neque tantum hæc eius nominis fama vnius insulæ angustiiis inclusa stetit, sed longè lateq. excurrens, hominem in tantam admirationem penes omnes ferè nationes & gentes adduxit, vt Franciscus primus Galliarum Rex fortissimus, insignis virtutum æstimator, intellectis acerrimi viri bellicis artibus, ceterisq. eius tum animi tũ corporis dotibus, ad se euocarit, & deinceps in maximis quibusq. expeditionibus eius strenua opera atque consiliis vsus sit: tanta erat siquidem in ipso S. Petro fortitudo, verumque animi robur & decus, vt omnes suos æquales spontanea omnium confessione ac iudicio, militaris disciplinæ scientia superaret, aut certè adæquaret. Quo sanè postmodum factum fuit, vt, Francisco Rege viuis subtræcto, Henricus secundus, tanti Regis in tam amplo regno successor & hæres, ipsum multis honoribus auctum, fortunisque haud pœnitendis instructum, in grauissimis bellicis deliberationibus pari modo adhibuerit, nec vnquam aliquid de summa belli illo inconsulto determinarit. Proinde maximis quibusque belli præfectis dignitate ac opibus par, tantam de se hominum opinionem peperit, vt etiam Solymannus Turcarum Imperator, vnicus etiam magnorum ingeniorum admirator, ipsum ad se accersitum, in deliciis habuerit. Quibus rebus ac expeditionibus supramodum ditatus, cum amore patriæ flagraret, ac deinceps otio & tranquillitate se frui posse speraret, quasi nullum honestiorem ipso patrio solo inuenire posset secessum, in Cyrnũ postliminiò rediit; ibiq. aliquamdiu vitam quietam agens, in gratiam Gallorũ, vti existimatur, regis, cuius beneficiarius erat, Insulanos, se auctorem atque belli ducem professus, aduersus Remp. Genuens. rebellionem sollicitare cœpit. Cuius certè defectionis fama vsque adeò Senatũ, atque planè totius ciuitatis animũ consternauit, vt non citra magnam trepidationem & multam difficultatem, arma ad retundendam potentiam, &

*Corsorum
auctore
San. Petro
Corso de-
fectio.*

oppr-

opprimendos primos motus sint expedita. Verebantur siquidem Patres, ne in Corsica, tanto Duce exorto bello, finitimæ gentes diuturno odio iuxta ac inuidia Reip. gloriæ emulæ, ansam ex mediis rebus aliquid attentandi arriperent, prout certè res ipsa haud ita multò post ostendit. Veneti enim Corsicorum rebellione audita, aliquid molituri haud dubiè iam non occultè videbantur, nisi tandem Reip. opibus atque industria oppresso auctore, sumptoque de rebellibus supplicio, insula ad officium rediisset. Satis constat, in hoc bello, quod ad triennium ferè durauit, post multa vtrò citroque illata damna, vltra quatuor millia peditū, paucis diebus antequam bellum finiretur, ex hostili agmine cecidisse. Hæc victoria licet esset magna, & summam ferè totius belli aleam includeret, non fuit tamen Genuensibus incruenta, cum ex illorum parte vltra quadringentos equites desiderari dicantur. Effecit nihilominus huius vltimi prælij in Cauri planitie commissi successus, vt S. Petrus Corsus, amissis ferè omnibus copiis, tandem à Raphaële Iustiniano, clarissimo illius expeditionis duce, atque patriæ amantissimo ciue, egregiè ac strenuè dimicans, interficeretur. Cadaueri dudū fuit illusum, & postquā per ludibrium ad militum exaturandam iram, aliquandiu esset instar trunci volutatum, tandem frustatim ferè discerptum, auctore Germanico milite, cuius tanta erat hominis videndi admiratio & desiderium, vt sclopetari ferè singuli ad fortitudinis specimen in galeis aliquod frustum cadaueris instar plumæ appensum haberent: inter quos, vnus fuit singulari militari licentia & immodestia lasciuiens, qui per iocum mentulam eius ab testiculis euulsam, dudum oppidatim, ac tandem Genuæ, donec scilicet exaresceret, ornamentum, vt ipse dicebat, causa gereret. Sunt qui tradant, ipsum Sanpetrum penes se, cum vltimò dimicaret, sexaginta equites, & nongentos sclopetarios habuisse: sed inter conferendum manus, cum Angelus Dormanus alæ equitum Genuens. Præfectus, adiutus à suis fratribus, ita Sanpetrum circumsepsisset, vt nullus elabendi daretur locus, fortiter occubuisse. Felix sanè ac planè beatus hic iurè esse poterat, si, parta gloria, immensisque opibus, quas in Gallia Narbonensi potissimum habebat, contentus, dira illa ambitione, quæ multos exitio dedit, non flagrasset. Sed auri sacra fames, quid non mortalia cogis pectora? Hic certè alter suæ patriæ Sulla extitisset, si rerum suarum felicem cursum tam funesto exitu, propria culpa quæsitum, non interrupisset, ac miserè deturpasset. Et hæc summatim de S. Petri Corsi gestis ac rebus delibasse sufficiat, cum non ignorem, plenos hac de re conscriptos esse, atque hominum manibus versari commentarios. Annum eiusdem sæculi quintum ac sexagesimum egregia equitum Rhodiensium fortitudo, ac singularis virtus in strenuissima insulæ Melitensis, à potentissima Turcarum classe acerrimè obsessæ ac sæpius oppugnata defensione, clarum atque illustrem, cum perpetua ipsorum laude, ac maximo Christiani orbis beneficio, reddidit. Hoc bellum longè grauissimum, eleganter descriptum est à Cælio Secundo, qui hac nostra tempestate ex ingenij monumentis haud mediocrem sibi gloriam comparauit. Iisdem quoque diebus inter Maximilianum Cæsarem, & Ioannem Vayuodam Transiluaniae regem, atrocissimum bellum exarsit; quod quidem ab initio, vt nonnullorum est opinio, facile restingui potuisset. Ceterum, vt paruus ignis & succrescens, adhuc minimo negotio suppressitur, qui postea latendo, vbi ampliores vires sumpserit, proxima quæque deuastat, neque potest nisi cum summo resistantium periculo retardari: sic belli exordia aliquandò suppressere facillimum est; at vbi paulatim accedentibus auxiliis maiora incrementa suscipiunt, non nisi cum summis populorū periculis opprimuntur. Huic expeditioni

nomine

Sanpetri
Corsi cedes
& interitus.

1565.

Melita à
Rhodiens.
defensa.

Bellū inter
Cæs. Maxim.
& Vayuodā.

nomine Cæsaris Lazarus Swendius, vetustæ familiæ rei. bellicæ ornamenti lōgè clarissimus, cū suprema potestate atque imperio præfuit, eiusq. ductu & auspiciis arx Pannoniæ munitissima, Zathmarum, Vesprinium, Tata, Gester, & pleraque alia loca in nostrorum potestatem deuenerunt. Sed quia Solymanus Turcarum Imperator Vayuodam, suum clientem ac beneficiarium, defendendum suscep-
 rat, atque ipsemet cum ingenti exercitu, superato Drauo, in Vngariam profectus est, Cæsariani, præter Iulam, deditione occupatam, Sigethum, eiusque arcem, firmissimum totius regionis propugnaculum, amiserunt. At Solymanus triduo ante hanc victoriam, quarta Septembris à meridie circa horam primam, in loco quem indigenæ Siclihouum appellant, quarta parte miliaris à Sigetho distanti, prope vineas Sigethanas supremum diem expleuit. Huic Selymus filius nono Cal. Oct. in imperio successit, qui postmodum ad Sigethum nouam urbem in memoriam patris summa perpetuaq. habitatoribus immunitate proposita, ædificari iussit. Proximè insecuto anno Germania grauissimo bello implicata est, suscepto imperij decreto, ac etiam communibus omnium ordinum impensis atque sumptibus gesto aduersus Grumbachianæ conspirationis præcipuos, atque horum receptatores, duce Illustriss. Principe electore Saxoniae Augusto. Huic enim sententiæ in proscriptos promulgatæ executio, ac tota belli summa ab Imperatore ceterisque ordinibus vno consensu demandata fuit. Huius autem belli causæ & occasiones, adeoque vniuersa historia de capta vrbe Gotha, & castro Grimnestein Idib. Aprilis funditus exciso, à generoso & clariss. viro D. Huberto Langueto, qui ob singularem eruditionem ac ceteras eximias virtutes ab omnibus iurè cōmendatur atq. suspicitur, Latine descripta est, ac etiā typis excusa. Id autem breuiter annota-
 rim, hanc expeditionem, cum tandem exitum sortitam fuisse, ut videlicet Augustus Princeps, captis primoribus cōspirationis auctoribus, in quos, Duce Ioanne Friderico excepto, qui iussu Cæsaris captiuus in Austriam perductus est, publico iustissimoq. supplicio animaduersum fuit, inclutam ac singularem cum perenni sui nominis gloria, nec minore totius Germaniæ beneficio victoriam reportauerit. Decimaquarta die Ianuarij eiusdem anni, Zathmarum munitissima Georgij Bebeck, qui à fide Imperatoria deficiens, belli inter Cæsarem & Vayuodam funesta fax fuerat, in Swendij Ducis potestatem concessit. Arx quidem rebus omnibus, præterquam præsidio, instructissima erat. Quare cum Bebeckius, ea relicta, clam aufugisset, præsidiarij paucitate diffusi, vitam & supellectilem pacti, eam dedidère. Vxor profugi illic deprehensa, cum suo mundo muliebri comiter ac benignè dimittitur: at bellicæ munitiones Imperatori seruantur. Quinto Cal. Nouembris etiam eiusdem anni, iussu Albani Ducis cœpta est prima arcis delineatio in fronte ciuitatis Hantwerpi-
 pianæ, quæ postmodum anno eiusdem æui septuagesimo septimo, ac mense Augusto, cum admirabili indigenarum consensu & lætitia, ab ea parte quæ urbem respicit, solo tenus deiecta fuit, adeo ut iam vix vllum vestigium prioris formæ conspiciatur. Ceterum de his quæ ab hoc tempore vsque in annum septuagesimum eiusdem sæculi contigere, nihil equidem habeo quod in præsentiarum commemorem. At sexto Cal. Aprilis huius anni, Turcicus legatus Constantino-
 poli Venetias missus ad repetendum regnum Cypri, vel eo denegato, ad bellum denuntiandum, vna triremi illuc peruenit, & proximo die in Senatum intromis-
 sus, sedemque prope sereniss. Principem assignata, primò literas sui Imperatoris exhibet, sigillatas bulla aurea, quas tenebat in summitate capitis, in pileo, quem illi Turbantem vocat, & alteras Mahometi purpurati, quas in sinu tenebat. Summa verò earum hæc erat: Se videlicet repetere à Venetis, iniustis vsurpatoribus,

Lazarus à Swendij Cæsareo exercitui præfuitur.

1566.

Solymani Imp. obiit. Selymus patri in imperio succedit.

1567.

Bellum Germanicum aduersus Grumbachium, eiusque confederatos.

Zaduar arx capta.

Bebeckij fuga.

Arcis Antuerpianæ prima initia eiusdemq. demolitio.

1568.

1569.

1570.

Turcicus legatus Venetias venit, eiusq. bellum denuntiat.

Turcarum Imp. literarum Venetis missarum tenore.

bus, Cypri regnum, iure suum, ac Othomannicæ ditionis. Id si restituant, pacem & gratiam; sin minus, horrendam indignationem ac bellum denuntiare, ferro ignique eos, ac ipsorum omnia persecuturum, simulque etiam effecturum, ut illorum immensæ opes ac thesauri, quibus præcipuè confidunt, torrentis instar diffluant, seroque eos lacecisse potius hostem potentissimum, quàm eidem cecisse pœniteat. Has literas Constantinopoli datas scribens, ubi ipsorum maiores propter superbiam, atque effrenatam inobedientiam contra antecessores suos ignominiosè cæsi ac profligati fuerint, id quod & ipsis consimiliter breui euenturum sit. Ceterum, ubi Selymus ex legato Byzantium reuerso didicit, frustra se petiisse Cyprum à Venetis, præualidam classem duce Hali Bassa in Cyprum emisit, eo tandem successu, ut Nicosia expugnata, deinde insequenti anno Famaugusta post 65. dierum obsidionem deditio capta, vniuersum regnum suo imperio adiecerit. Hac ætate Anna Austriaca, inuictiss. Imperatoris filia, Philippo regi Serenissimo desponsata, ventisq. secundis mare ingressa, in Hispaniam enauigauit.

Venetis re-
gno Cypri
quisuntur.

Anne Au-
striacæ Ma-
ximil. 11.
filie in Hisp.
enauigatio.

1571.

Naualis
Christianor-
um victoria.

Post hæc, septima Oct. quæ erat D. Iustinæ sacra, pugna naualis inter Christianam & Turcicam classem ad Echinadas insulas committitur, in qua admirabili diuini numinis prouidentia & bonitate Christiani tantam victoriam retulere, quanta vix hominum memoria vlla contra barbaros Christianis concessa fuerit.

1572.

Exemplum
Andromæ,
vbi hæc
enauigatio
interfectus
fuit.

Et hæc quidem à me in præsentiarum breuiter ac summatim recensentur, cum præsertim studiosi habeant vnde hæc omnia plenissimè intelligant, partim ex aliorum scriptis, partim etiam ex meis, Basileæ impressis, quibus titulus est De bello Cyprio, ac bello Pannonico, cum Epitome variarum rerum &c. At 24. Au-

gusti proximè subsecuti anni, qui dies incidit in festum D. Bartholomæi, Lutetiæ, regiarum nuptiarum prætextu, paulò ante lucem Gaspar Colinius Castalionius, magni quondam Franciæ Admiralij, ac multis rebus domi forisque gestis clarissimus, ~~interfectus fuit~~ interfectus fuit: eodemque temporis articulo, cum in ipsa vrbe Lutetia, tum in diuersis partibus Galliarum regio edicto perpetrata est cædes horribilis, & ad exemplum Sichemitarum in historia Dinæ, ac Mithridatis in Asia, vno quasi momento innumeri ~~feruntur~~ virorum,

Noctes Si-
culæ in pro-
uerbium
abierunt.

Mechlinien-
sum ciuitas
atque dire-
ptio.

conjugum, liberorum, omnis sexus, conditionis atque ætatis, his quidem traiectis globo, gladioue confossis, aliis in præceps datis, aut furca, aut saxi congerie, aut vortice fluminis suffocatis, non secus atque olim de Siculæ noctis infandis tragædiis monumenta historica prodiderunt, contrucidati sunt. Dum ita in Galliis ~~inueniuntur plura quam Syphica~~, & in propria viscera desæuitur, Hispani qui

erant in Belgio, paucis post hebdomadis, nempe Cal. Oct. Mechliniam ciuitatem, aliis in turpem fugam sese vertentibus, aliis nequicquam ad obsistendum paratis, inuadunt, atque diripiunt. Quæ verò per dies noctesque tres integras, ubi cuncta effreni licentiæ ac libidini patuere, commissa fuerint, quisq. suo cum animo facilè cogitabit. Mihi verò hæc, atque itidem ea quæ Nardenses, Harlemi, & postremum Antuerpiani, anno eiusdè sæculi septuagesimo sexto, ac Nouembri mense pertulerint, memoria repetenti, calamū horror excutit, adeò ut quemadmodum olim in depingendo Iphigeniæ sacrificio fecisse Timantem, Val. refert lib. 8. cap. 12., præ stupore malim hæc omnia silentio præterire. Illud tamè haud-

De noui si-
deris appa-
ritione.

quaquam reticendum, scilicet mense Nouembri eiusdem anni, contra mundi totius ordinem & naturæ cursum, nouum sidus prodigiosum sub asterismo Cassiopeæ admirabili specie, splendore ac magnitudine apparuisse, quod figura ipsas stellas referebat, fulgore, puritate luminis & magnitudine vtrasque tam fixas, quàm errantes, Venere excepta, multis parasangis superabat, hæsitq. immobile

in vno

in vno cæli loco instar inerrantium, quas scintillatu etiam ac tremore luminis expressit, cum Planetæ non scintillent. In situ verò, motuque, nullam ferè mutationem fecit, inde vsque ab initio: & numquam à sua sede deflexit, nimirum inter Cephei sidus & Cassiopeæ: quam multi Calliopen voluerunt. Stabat in recta propemodum linea, cum insigniore in lumbis Cassiopeæ, cum clara Medusa atque Pleiadibus; rursus ex alia parte cum stella polari, atque ea quæ est in navibus Vrsæ maioris, exactissimè verò in eandem rectam lineam incidebant cum sidere nouo cauda cygni, & superior in capite Cephei intra circulum Galaxiæ. Item versus Austrum sinistri cruris Andromedæ lucidior stella, cum trianguli stellis in angulo Boreali, nec erant aliæ propiores magnit. 2. aut 3. quæ inter se melius potuerint comparari. Primum autem obseruationis tempus, nonnullis 8. siue 9. Nouembris, aliis 16. eiusdem mensis, quibusdam verò 26. Huius astri noui apparitio multa erudita & præclara ingenia in se sui admiratione conuertit; vt, quænam illius esset natura & proprietas, quidue iuxta portenderet, sedulo inuestigarent, ac etiam ad commune beneficium in literas referrent. Fulsit hæc in summo splendore, plus quàm mensibus 4. deinde sensim lumine diminuta, donec circa Febr. principium anni 1574. omninò euanesceret: claruit autem totis mensibus 15. semper loco stabilis & fixa. Initio fuit maior Ioue, postea ei æqualis, & magis magisque decreuit. Color fuit Iouialis, mixtus Martiali, vtpotè candidus, rutilans, lumineque densus. Formam habuit instar sideris alicuius fixi, ferè vt arcturus. Sunt qui asserant, illam habuisse proprium motum, licet tardissimum, versus eam partem quæ est inter ortum æstiuum & Septentrionem. Nonis Octob. anni supra mille quingentos tertij ac septuagesimi, quo quidem die ante biennium felicissimè ad Chinadas insulas à Fœderatis contra Turcas dimicatum fuerat, Ioan. Austrius cum insigni classe Philippi Hispaniæ regis soluit Drepano Sici-liæ portu, & cum 105. triremibus armatis, & 40. nauibus in Africam circiter meridiem diei sequentis appulit, quem rectà sequebatur Andreas Auria cum 29. Hispanicis, & aliquantò post, Dux Sessianus cum 14. triremibus Pontificiis & Florentinis. Ac cum Guletæ Austriacus intellexisset, Mauros & Turcicum præsidium Tuneto discedere, postridie milite in terram exposito, confestim intellectum est; circiter 40. millia oppidanorum abiisse. Itaque nullo resistente, urbem capiunt. Erant in arce ducenti fortè Mauri ab Amida rege custodiæ causa collocati, qui Austriacum postero die cum exercitu aduenientem, in arcem intromiserunt. Ibi à Bisertanis certior fit, orta inter ciues dissensione, quadringentos Turcas ex præsidariis Bisertam, olim Vtica, occupatum venisse. Et cum vi ingredi vellent, & ab oppidanis prohiberetur, acriter pugnatum, dum Bisertani 150. captiuos Christianos, qui erant in duabus triremibus Turcicis, catenis soluerunt, & armarunt. quorum auxilio captis triremibus, Turcas profligarunt. Quocirca de oppidanorum voluntate Salazaram Hispanum illuc misit, qui eos in fidem regis Hispaniæ susceperet. Amidam regem, quòd factiones fouisset, verisque regni hæredibus eiectis, Turcas sollicitasset, captiuum cum vxore ac liberis in triremem detrusum, in Siciliam ablegauit, ei que Muleassem adolescentem, iureiurando ante se, vt vasallum regi Hispaniæ obstrictum, cuius imperata facturus, propositasque conditiones seruaturus esset, successorem in regno destinauit, vrbisque munitio-ni Serbellanum præfecit. Anno 1574. ducenti Serbellani pedites & 150. equites, adiunctis sibi auxilio 4000. Mauris, Tuneto eruptione facta, circiter 1500. Turcas, & 3000. Arabum, qui variis incurfionibus Tuncitanos diuexabant, in primisque commeatu ac ceteris rebus necessariis prohibere conabantur, magno impetu ag-

1573.
Austriaci ex-
peditio in
Africam.

Turce Tuneto
discedunt.

Turce à Bi-
sertanis re-
pulsæ.

Christianorum
& Turcarum
conflictus ad
Tunetum.

gressi sunt: sed Mauris pugnam detrectantibus, & in fugam conuersis, 150. Christianos cum duobus tormentis captiuos ceperunt, quos statim libertate donarunt. Tertio Idus Martij eiusdem anni Franciscus Barbarus Byzantio Venetias attulit ratificationem & confirmationem pacis 11. die Febr. inter Turcam & Venetos factæ. Inter ceteras condiciones transactum fuit, vt quæ vtrunque quisque superiori bello occuparit, in suam subijceret potestatem, eaque sui iuris atque imperij permanerent, sicutamē, vt Veneti Turcæ restituerent Sapotum, nec vllum ius sibi in castellum Xemenicum vendicarent; Turca vicissim ipsis Venetis ad duo milliaria territorij circum Iaderam, & tantundem circa alia loca suæ ditionis cederet: Item vt Veneti Dalmatiæ, & vicorum aliquot in regione Iaderensi, Turcæ annum tributum penderent. Iisdem fermē diebus, tres naues à Turca regi Galliæ dono missas fuissē proditum est, in quibus erant equi, leones, pantheræ, & pleraque alia. Quod sanē idcirco fecisse existimatur, vt classis sua se in portum Zolonensem in hiberna recipere posset. Ceterum intellecta regis morte, quæ circa hoc tempus subsecuta est, cum vna ex his Constantinopolim reuectum, vt Selymo regis morte significata, quid sibi agendum esset, plenius intelligeret. Sub eiusdem fermē temporis tractum, inter Maximilianum Cæsarem, & Turcarum Imper. induitiæ ad quinquennium transactæ. At proximo vere, Turca instructissimam classem, 300. triremium ac biremium numerū æquantem, aduectus africanos, ducibus Occhiali rege Algierensi & Piali purpurato, amandauit, quia prospera nauigatione tertio Idus Iulij ad Guletam præteruecta est. Duces, nulla mora interposita, eximprovisò milite incontinentem exposito, ad arcem castra posuerunt; eamque tanta ancorum tormentorum grandine breui tempore verberarunt, vt Hispanicæ copię præsidiariæ illam hostibus relinquere coacti fuerint. Guleta 23. die Augusti vi capta, soloque æquata, & Hispanica præsidia partim capta, partim interfecta. Porro inter Guletam & Tunetum Cæsariani nouam arcem construxerant, quæ itidem Idibus Septemb. expugnata fuit, milites præsidiarij ad vnum ferè omnes contrucidati, duobus tantum ducibus exceptis, Gabriele Serbellione, & Pagano Auria. Hunc ferunt ab Afris, qui ipsi spem vitæ fugæque fecissent, capite truncatum, atque illud ad Sinam Bassam allatum, atque ab eo 1000. aureorum munere compensatum. Alterum, qui duobus tormenti manuarij ictibus grauiter in ipsa pugna fortiter dimicans, vulneratus esset, ad eundem Purpuratum adductum, duobus ab eo colaphis, grauibusque prætereà verborum iniuriis affectum esse, vt qui superbè oblatam gratiam & clementiam respuisset, seque cum omnibus suis turpiter perdere, quàm honestis condicionibus dedere maluisset. Abductum inde, iussu eius iniectis compedibus in triremem fuisse, ac postea Byzantium perductum. Arx verò, vt paulò antè Guleta, solo tenuis deiecta, tormenta maiora pleraque classi, vt aucherentur, imposita. Hoc rerum tractu, Margarita Valesia, Francisci primi soror, ac sereniss. Emanuelis Philiberti Allobrogum Principis coniunx, heroina, omni virtutum genere insignis, cum incredibili sui dilectissimi coniugis, atque omnium bonorum dolore, decimo septimo Cal. Octob. viuentium oculis subtracta, mortalitatem expleuit. Paucis post diebus, tertio scilicet Nonas Octobris, Guidobaldus Feltrius, Urbini Dux, fato sublatus est. At Venetiis quarto Idus Octobris cum aliquot diebus pluviæ pænè continuæ, ac interdum etiam imbres fuissent, mare præcedenti nocte vehementissimis ventis inflatum, æstu inusitato in vibem ita inundauit, vt infernè domos ferè omnes, & officinas aqua compleuerit, & nauiculæ, quas Gondolas vocant, per mediam Diui Marci aream

& vicum

Veneti & Turca pacē inueniunt.

Selymus Gallie regi munera mittit.

Caroli 11. Gallie regis obitus.

Inter Maximilianum & Turcarum Principem induitiæ.

1574.

Guleta & Tunetum à Turca expugnatur.

Arx noua vi capitur.

Pagani Auria interitus.

Gabriel Serbellione captiuus Byzantium deducitur.

Margarita Valesie obitus.

Guidobaldus Urbini Ducis mors.

Veneta inundatio.

& vicum mercatorum, aliasque vrbis plateas & regiones, quæ fundamenta appellantur, nouo prorsus spectaculo, veluti medio mari expedito, nauigarent. Ventus etsi remissior aliquantò, aquam tamen, quo minùs horis solitis recederet, sustinebat, periculumque erat, ne, si is, redeunte maris æstu, flare non desisteret, inundatio maior consequeretur, quæ bonam magnamque vrbis partem submergeret. Viam enim sibi iam ad extremam eius perniciem aperuerat, eaque littora quæ veluti murum Venetiis & munimentum præbent, ad Fossam Clodiam, Malamocum, & vicinum littus, quod Lio nominant, perruperat. Sed diuina clementia factum est, vt & ventus cessaret, & mare, non vt solet, sed 12. horas continuas reflueret: vis enim maior in mare hinc refluente aquæ ad fluxum eius impediēbat. Damnum si à singulis æstimetur, quia plurimorum, non magnum; si vniuersum, mediocre fuit. Æstimatum autem probabiliter Reip. datum 400000. aureorum; priuatis non multò minus, vel maius etiam. Senatus Venetus reficiendis littoribus quæ dixi, summa auctoritate viros quinq. creauit, remigesque octo triremium ei operi statim adhibuit, ne si ex vrbe, vt nonnulli conijciebant, operæ conducerentur, populus rumoribus suis maiora omnia efficiens, metu ac perturbatione urbem compleret. Padus quoque locis septem extra alueum erupit, vicinosque agros maximis detrimentis affecit. Item ~~in~~ ~~loacis~~, & alia hinc inde flumina locorum vicinorum, ita me herclè, vt reclusis omnibus valuis, omnibusque repagulis perfractis, Deucalionem sæculum impendere videretur. Omen hinc qui mitissimum conijciebant, pestilentiam se vereri aiebant, quæ Tridenti, ac finitimis locis mirum in modum grassabatur. Ceterum qui ita sentiebant, haud sanè decepti sunt opinione sua, cum hæc breui post totam urbem, adeoq. vniuersam Venetam ditionē tantoperè affligerit, vt ea ciuitas paulò antè florentissima, nulliq. in orbe terrarum secunda, hoc diro cōtagio & tabifica lue, amplius centum millibus hominum è medio sublatis, in tristissimam vastitatem & admirabilem solitudinem redigeretur. In hoc rerum cardine subsecutus est annus supra mille quingentos septuagesimus quintus, in quem incidit inuictissimi Cæsaris Maximiliani secundi obitus, qui, Ratisbonæ celebratis comitiis, anno ætatis suæ circiter vno & quinquagesimo, Imperij ferè quinto decimo, quarto Idus Oct. cum summo omnium Ordinum atque prouinciarum dolore, expirauit. Fuit namque hic Cæsar, vt obiter quàm breuissimis verbis totius eius vitæ cursum perstringam, animi celsitudine, prudentia, iustitia, pietate, clementia, ceterisque heroicis virtutibus ita insignis, vt meritò inter præcipuos & laudatissimos Imperatores connumerari possit ac debeat. Pacis enim ac tranquillitatis Christianæ conseruandæ studiosissimus fuit, nec minore imperij limites propagandi desiderio tenebatur. Qua certè in re, fortuna, & administrandi imperij summa dexteritas, eius volūtati haud parum obsecuta fuisse videtur. Si quidem satis constat, ipsum tanta prudentia regni habenas moderatum esse, vt quàm paucissimi motus ac turbæ in Christiana Repub. sub ipso enatæ sint. Si quæ verò temporum iniquitate excitatæ fuerunt, tanta sollertia & consilij rectitudine eas superauit, vt proculdubio vel hinc summum eius iudicium ingenijque præstantia eluxerit. Nec est quòd eius gubernationis felicitatem interrumpat clades Hungarica, ad Sigethum & Iulam accepta, cum ipse per suos Duces & in primis quidem per inclytum heroem, & hac nostra tempestate alterum Scipionem, D. Lazarum à Swende, cuius suo loco meminimus, clarissimos de iuratissimo Christianæ religionis hoste reportauerit triumphos, nempe Tokay arce, vt diximus, expugnata, Vesprinio capto, nec non Sakmario, Tata, Muncatio, ce-

Quantam
cladem in-
undatio Ve-
netis attule-
rit.

Padus, Me-
doaci et alio-
rum fluminum
exundatio.

Venetia atro-
ci pestilentia
dimexantur.

1575.

Maximilia-
ni Cæsaris
11. obitus.

terisq. oppidis ad Bodrok flumen in deditionem receptis. Quorum sanè accessio tanti fuit momenti, vt multorum temporum assidua quodammodò infelicitas maiori ex parte compensata videatur. Decessit Cæsar, si ad naturæ humanæ cursum respexerimus, immatura quodammodò morte, cùm alioquin sic satis firma vteretur valetudine. Sed cùm his postremis annis articulari morbo, & cordis tremoribus sæuè atque acerbè admodum exerceretur, naturam superante malo, laboribus pariter ac vita defunctus est. Successorem habuit Rudolphum primogenitum, primum à se, de omnium Ordinum consensu, regem Romanorum renuntiatum; qui statim post patris discessum (quod Christianæ Reip. felix fortunatumque sit) imperij moderationem suscepit. Præterea filios quinque, omnibus regiis dotibus & laudibus exornatos: filias verò tres, ita vt fecunditate sobolis etiam nò parum felix & beatus dici mereatur. Et licet ipsius Cæsaris obitus multorum scriptis celebretur & minutim recenseatur; tamen quia cùm hæc scriberem, & chalcographiæ hoc nostrum opus cōmitterem, Serenissimus Archidux Matthias, eximiae expectationis ac generosissimæ indolis Princeps, cum mirabili totius Belgij applausu & satisfactione has inferiores partes procurabat, ac etiamnum procurat: idcirco mearum partium esse putavi, aliquantò fusiùs Cæsaris deplorare interitum, simulque gloriosissimæ domui Austriacæ, tot Principum atque Imperatorum stemmatibus claræ atque illustri, haud mediocriter conatulari. Tam magna enim in hoc Principe, vt alios eius fratres, laudatissimos Principes, breuitatis causa sileam, eminent in verè excelsò & heroico animo veræ Cæsareæ sobolis indicia & testimonia, vt vel hinc magna nobis affulgeat spes, imò planè certa quædam fiducia, vt eius moderatione atque administrandi felicitate omnes difficultates, quæ tantum non hanc Rempub. pessum dedere, cùm totius Christiani orbis beneficio superari debeant, & consopitis tandè tot tantisque controuersiis, alma pax, ac diuturna tranquillitas his miserè exhaustis atque defatigatis tot tantisque aduersitatibus regionibus, cum manifesto publici boni sensu postliminiò restitui atque constabiliri: alioquin non video, quomodò sustinendis oneribus deinceps pares esse queant. Optandum est igitur, & summis votis à Deo opt. max. assiduè contendendum, vt has celeberrimas provincias, nescio quo fatali modo ad interitum quodammodò properantes, quasi iniecta manu, à præcipiti cursu retrahat, atque sistat; conuersisque rebus, ac in melius commutatis, florentissimus tantæ Reip. status iterum conspici, atque omnibus admirationi esse possit, cùm nulli mortalium dubiū sit, harum Prouinciarum inferiorum tantam esse vbertatem, & rerum omnium abundantiam, vt nulli regioni, vel etiam regno, licet opulentissimo, cedere debeat. Quod nisi esset, fieri profectò nequiret, vt tantam, ac propemodum infinitam hominum multitudinem, totque ac tantas peregrinorum militum copias per tot annorum volumina diutius alere, atque commodè sustentare posset. At nisi tandem clementissimus Deus, illarum misertus, præsentis calamitates, & quæ etiam mox impendere videntur, pro immensa sua bonitate auertere dignabitur, summopere verendum est, ne ullus sit finis miseriarum. idque vt omnibus rationibus præcaueatur, Cæsarea Maiestas, pro sua paterna in huius inferioris Germaniæ Ordines propensione ac beneuolentia, generosum atque illustrem virum, omni que genere laudis excellentem D. Othonem-Henricum, Comitem in Swartzemberg, ad eos misit, qui suo nomine apud ipsos legationis munere fungeretur. Idem quoque hætenus à Britannia Regina per suos Oratores, partim ad Philippū Hispaniarum regem, partim etiam ad Ioannem Austriacū, dum adhuc in viuis esset, nec non

Rudolphus,
Maximilianus
2. primogenitus, Imp.
designatur.

Sereniss. Archidux
Matthie
heroicum
ingenium &
virtus.

nec non ad ipsum Sereniss. Principem Matthiam Archiducem Austriae, &c. atque status & proceres harum regionum, variis temporibus ablegatos, summa diligentia & studio allaboratum fuit. Ceterum, ut quod reliquum est, quam brevissimè absolvam, Selymus I. Turcarum Imp. penultima die Nouembris eiusdem anni, vitæ suæ terminum expleuit: in cuius locum Amurathes tertius legitimo paternæ hæreditatis iure susceptus fuit. Hic verò imperij sui incunabula atque primordia confestim à sæuitia & horribili crudelitate auspicatus, fratres quatuor innocentissimos coram se strangulari iussit, ne scilicet, ut quondam post Mustaphæ interitum, fama increbesceret, aliquem ex illorum numero adhuc superstitem esse, unde sibi in posterum aliquid incommodi atque periculi immineret. Anno eiusdem ævi septuagesimo sexto, Romæ sub finem Ianuarij, Gregorio tertio decimo rebus sacris præsidente, visus ignis magnus basilicæ D. Petri insidere, quem subsecuta grando tempestatque dissipavit, ac brevi post, draco flammeus, qui Ostiam & Centumcellas versus suum volatum inflectebat. Et quoniam nihil planè aliud, quod ad præsentem hunc annum spectat, memoria dignum occurrit, hoc etiam obiter adiiciendum putavi, nempe decimo oct. Cal. Iulij purpuratum Budensem, inter reliqua spectacula, iussisse, militem quendam Agriensem rei capitalis damnatum, palo alligari, & leonem ferocissimum dimitti, qui eum laceraret. Belluam, ubi hominem cominus inspexit, sensim ac placidè ad eum, iam propè metu exanimatum, accessisse, ac dumtaxat perones, quos ille in pedibus gestabat, citra ullam tamen pedum ac corporis læsionem, dilacerasse, & mox in suum custodem ac magistrum qui Turca erat, terrifico fremitu irruentem, in eum omnem atrocitatem exercuisse, adeò ut illum rabidis moribus atque unguibus continuò in frustra discerperet. Begos, quæ vox dominum sonat, adstantes, hoc animaduerso, apud Bassam intercessisse, ut victum dimitteret, cum fera ei pepercisset. idque ab ipso facilè impetratum. atque ita liberum dimissum, omniq; pœna solutum fuisse narrant. At media nocte inter 26. & 27. Septembris proximi anni, fuit maxima eclipsis, quæ contigit in gradu 13. & 15. min. Arietis, signo trigonoque igneo, Marte tunc Iovi congregiente in 27. Virginis, circa viam Regiam, eclipticam scilicet, & in finibus Martis; Ascendente tunc 10. grad. & 52. min. Leonis, signo igneo, culminante 22. Arietis signo etià igneo, termino domoq; Martis, & in domo cali nona. Post hæc eclipsim, toto octiduo fuit æstiva omninò cæli constitutio, calida scilicet, sicca & serena, spirante continuo Euro, quæ omnia ad proximè subsecuti Cometæ generationem, ac ætatem, seu longævitatē, materiam amplissimam suppeditarunt, attractis scilicet sursum ad æthera vi siderum exhalationibus multis, crassis, viscosisque vaporibus intermixtis, &c. Hæc verò eclipsis maximas non solum in politicis rebus, verum etiam in his quæ ad religionem spectant, conuersiones prænuntiavit: nec minus Cometa ipse qui cœpit apparere 14. Nouembris eiusdem anni sub horam quintam post meridiem, seu statim post solis occasum, vultu horrendo ac funesto, cum collectus, seu ortus esset in prima Capricorni decuria, domo Saturni, circa Tropicum hibernum, & caudam longissimè latissimeque diffusam, & ad corpus propemodum Lunæ, quæ tunc in tertio gradu Aquarij voluebatur, semperque in Orientem protenderet. His cælestibus præfagiis haud dubiè præmonstratæ sunt ingentes calamitates, quæ proximo anno, innumeris planè fatali ac exitioso, euenerunt, & quæ etiamnum variis locis impendent. Notum est autem, quanta clades hac præterita æstate Lusitanis, atque adeò vniuersæ Christianæ Reip. per Mauritanos, infensissimos Christiani nominis hostes, inflictæ fuerit.

Selymi Turcarum Imp. mors.

Exemplum singularis sententiae.

1576.
Romæ portentum conspicitur.

Rarum exemplum de leone.

1577.
Eclipsis

Comete apparitio.

1578.

Lusitani re-
gis clades.

Cum enim Sebastianus Lusitaniæ rex, iuuenis heroici animi, & generosissimæ indolis ac virtutis, inclyta suorum prædecessorum vestigia imitatus, miroque cum fidei, tum imperij propagandi studio incensus, cum instructissima classe, qua circiter quadraginta expeditissimorum virorum millia, & inter ipsos, quadringenti illustres viri, quorum etiam complures equestri ordine ac dignitate insignes, deuehebantur, mense Iulio in Africam soluisset, eoque secundis ventis delatus, ac milite in continentem exposito, rectà cum suo exercitu ad expugnationem oppidi Alcazari contenderet, ibi Muleum Malucum Fessanorum regem cum valida equestrium ac pedestrium virorum manu obuiam habuit, & pridie Non. Augusti hora circiter nona ante meridiem conserto prælio, diu ancipiti Marte atque acerrimè pugnatum est, donec tandem fortuna ad Mauros inclinante, Lusitanus rex cum omnibus suis copiis fermè ad internecionem vsque deletus fuerit, omnibusq. impedimentis & castris exutus, ita me herclè, vt vix centum sibi fuga salutem pepererint. Ultra ipsum regem, qui postquam certaminis initio grauissima & disertissima oratione suos cohortatus esset, omniaq. magnanimi ducis ac strenui bellatoris munia & partes obiisset, fortissimè dimicans, in acie ab hoste interfectus fuit, præcipui extitè Dux Auerus, D. Antonius N. Alfonsus Aguilaris Cordubæ eques, & D. Ludouici Cordubensis tribunus, necnon septingentorum Italarum ac totidem euocatorum militum Castellæ præfectus, Damianus Diarius, Diegus Menesius, Georgius de Silua, magnus Lusitaniæ Procurator ac præses, Franciscus Vimiosi reguli, atque alter eiusdem nominis, Tendriæ Comitis filius, Ferdinandus de Silua Comitæ Sortellæ filius, & pleriq. alij, maiorum imaginibus atque amplis ditionibus clari. Numerus eorum qui in hostium potestatem deueniunt, variè narratur. Ex celebrioribus tamen nominantur Dux de Barcellis, Bargantiæ Ducis filius, Quartus Menesius, regiarum copiarum Imperator, ac etiam eius filius Franciscus Castrus, Diegus de Silua, & Petrus Menesius. Quòd verò ad Lusitani regis corpus attinet, non desunt qui tradant, hoc ab ipsis Mauritanis Alcazarum fuisse delatum, eosque pro illius redemptione, urbem Tangerum, vel Argilam vnà cum bellicis machinis postulare. Prædam omnis generis fuisse prædiuitem atque opulentam, & multum auri, argenti, ac pretiosæ supellectilis in ea repertum fuisse, nemo sanæ mentis addubitabit. Ceterum ex aduersa parte, ultra haud exiguum numerum eorum qui aut grauissimis vulneribus variè affecti sunt, vel etiam in ipso prælij ardore conciderunt, Malucus Barbarorum rex, & Charissæus Amel, vir magnæ nobilitatis inter suos, vnà cum ijs omnibus quos patrio idiomate Alaleyos vocant, desiderati, adeò vt hic atrocissimus & memorabilis conflictus, præter clarissimi nominis procures, ac primipilares & centuriones, atque etiam lectissimum pulcherri-
mæ iuuentutis florem, ex variis nationibus collectum, duorū potentissimorum regum interitu quammaximè nobilitatus fuerit. Antequam verò huic operi de politico Reip. statu, ceterisque rebus insignioribus, quæ hoc nostro sæculo, ac patrum memoria contigerunt, extremam, vt dicitur, manum imponam, non ab re fuerit, si etiam quod Budæ, inferioris Pannoniæ metropoli, paulo ante hoc funestissimum prælium, nempe 14. Cal. Iunij, accidisse compertum est, quàm breuissimè inseruero. Sunt etenim haud infimæ existimationis viri, qui mihi retulerunt, eo die primò ingentem ibi terræmotum fuisse, qui vniuersam urbem concusserit, & post exiguum temporis interstitium, horribilem tempestatem secutam, ac fulmen cælitus delapsum in castris, seu summæ arcis puluerem tormentarium, quem copiosissimè illuc adferri iusserat Turcarum Imperator, vt expedi-

Budæ ingens
terremotus
ac tempestas.

Eiusdè arcis
calitus ta-
cta.

tionem

tionem in nostros vel hoc ipso anno, vel postero saltem, faceret; sic totam arcem & magnam ciuitatis partem evertisse, vt mœnia in Danubium proiecerit, & supra quinque hominum millia contrucidarit. Christianos captiuos, quorū haud exiguus numerus in ipsa arce asseruabatur, ad vnum omnes occubuisse, ac etiam maximam partem oppidanorum, quorum capita, brachia, pedes, & membra inutilia, ad multa deinde milliaria proiecta, fuisse reperta, atque ita Deum auertisse futuram calamitatem, quæ nostrorum ceruicibus imminebat. Hæc quidem, & quæ hætenus retulimus, quæque hac nostra tempestate in Belgio conspiciuntur, omninò tragica & lugubria sunt, neque minima pars eorum quæ prodigia, à me superius commemorata, ceu non obscuri diuinæ ultionis internuntij, ac, vt ita dixerim, feciales, portendunt, non quidem vt causæ effectrices, sed tantummodò, vt signa quæpiam & eiusdem causæ soboles, quibus sanè admonemur, vt mente in cælum erecta, nostrum conditorem agnoscamus, eumque assiduis atque indefessis precibus oremus, vt nos benigno ac placido vultu respicere, nec non mitigatis pœnis, in iustissima sua indignatione atque ira, clementiæ, quam hætenus humano generi, ac ijs præsertim quos vasa misericordiæ esse voluit, amplissimis testimoniis declarauit, meminisse non dedignetur.



DE PRIMA CHRISTIANORVM IN SYRIAM EXPEDITIONE.



VM populus Genuensis inde statim ab initio multis egregiis
 factis atque casibus inclaruerit, suumque nomen æternitati
 celebrandū singulari quadā virtute tradiderit, necessarium
 profectò esset, vt, ad immortalem omnis vêturæ posteritatis
 vtilitatem, omnes illius res gestæ literis consignatæ, ab omni
 obliuione vindicarentur, præsertim cū satis ex veterum
 scriptorū monumētis deprehendere liceat, Ligures omnium
 populorum fermè in Italia primos extitisse, qui fidei atq. religionis nomen,
 & Christianā lucē receperint. Qua certè in re, vt lectori fidem faciā, non est quòd
 anxie multa inquiram testimonia: satis & abundè fuerit, breuiter annotasse tem-
 pora, quibus hæc gens, discussis veteris erroris tenebris, diuini numinis fauore,
 ad meliorem mentem vocata sit. Quæ sanè singularis felicitas incidit in annum
 imperij Neronis ferè pænultimum. Cuius truculentissimæ bestię & immanissimi
 tyranni tempestate, tanta fuit fidelium omnium persecutio, vt nullus ferè totius
 Romani imperij esset angulus, in quo miserrimæ horribilesque carnificinæ &
 lanienæ iussu tyranni assiduè non exercerentur, ita profectò, vt multi, diuino
 instinctu commoti, ad deuitandum tam atrocem persecutionem, relictis patriæ
 penatibus, diu incertis sedibus oberrarint, non tam gloriosissimi nominis Chri-
 stiani tædio, vel pudore, quàm quòd suæ vitæ vsuram in meliores vsus, & ad re-
 ligionis Christianæ pomœria proferenda, reseruarent. Quorum certè tanta fuit
 multitudo & copia, prout sacræ literæ testantur, vt cateruatim multi, nomen
 Christianum professi, pro eodem extremum spiritum effundere non recusarent,
 quin potius sese vltro libentissimis animis carnificum manibus terribilissimisq.
 cruciatibus obiicerent atque offerrent. Proinde inundante indies atque auge-
 cente Christiana fide & religione, anno octauo ac septuagesimo à partu virginis
 Nazarus, natione Græcus, cum collega suo Celso, variis in locis diuini verbi
 mysterium annuntiauit, tanto me herculè cum incremento, vt vltèrius progressi,
 & maris longa spatia emensi, tandem Genuam, stabiliendæ Christianæ religio-
 nis causa appulerint, vbi benignè excepti, tantum diuino potuère eloquio, vt sta-
 tim ab initio absterritis ac pedetentim retractis à Paganismo multorum animis,
 plures fuerint, qui militiæ Christianæ libenter nomen darent: ac demum factum
 fuit, vt sensim præualeret melior doctrina, & breui temporis curriculo vniuersa
 ciuitas in vnus fidei Christianæ sacra coalesceret, adeò vt ab hoc potissimū
 tempore, tanquam perenni limpidissimi fontis scaturigine, Respub. Genuens.
 meritò inter florentissimas Christiani orbis vrbes non solummodò celebrari,
 verū etiam hoc potissimū nomine multum ab omnibus suspici, & venerari
 debeat, cū nulla sit in vniuersa Europā, quod equidem sciam, quæ religionis
 antiquitate cum hac conferri merito possit. De vrbs autem vetustate, quan-

*Nazarius &
 Celso Ge-
 nuens. popu-
 lū ad Chri-
 stianam fidē
 conuertunt.*

quam ordo requirebat, vt statim ab initio recitatis gentis incunabulis, temporis seriem adnotarem; tamen nescio qua obliuione factum sit, vt hucusq. distulerim.

Quocirca, ne tam excellentis vrbis origo ignoretur, operæ pretium esse duco, hîc paucissimis verbis tempus ascribere quò illa condita sit. Multorum itaque

*Quo tempore
Genua condita sit.*

Genuam aliquot sæculis ante cõditam urbem ædificatam fuisse asserant. Multi etiam arbitrantur, illius primordia in annum mundi 3692. incidisse. Nec mihi de illius antiquitate inquirenti hæc opinio displicet, & variis rationibus adductus, commoueor, vt facîle credam, Genuam, florentibus tunc maximè in Italia Liguribus, tum propter loci commoditatem, tum etiam propter indigenarum potentiam, multis annis ante Troianorum in Italiam aduentum, scilicet quo tempore Dardanus primò Troiæ imperauit, conditam fuisse. Qua tamen in re ne sim prolixior, vel curiosior, hæc vniuscuiusque iudicio liberè permiserim. Ceterum cum ea quæ Hierosolymitanam expeditionem vnanimi Christianorum Principum consensu anno millesimo vndecentesimo susceptam præcesserunt, exceptis iis rebus quas in nostri operis exordio quàm breuissimè recensuimus, temporum iniuria prorsus interciderint, difficile me herclè fuerit, ex perexiguïs fragmentis (rudera potius vocaueris) quæ nescio vbinam gentium delitescunt, aliquid veri de tanta re tradere ac pronunciare. Quocirca his posthabitis, quorû nulla certa haberi potest cognitio, ea dumtaxat, quantum in nobis erit, pro hæc veritatisque dignitate explicabimus, quæ Respub. vnà cum reliquis Christiani orbis Principibus pro sacra militia variis temporibus ac populis suscepta, quæque itidem in Hispaniis contra Saracenos non minus strenuè, quàm feliciter gessit. quibus maiori quo fieri poterit compendio absolutis, ea bella quæ mox huic cum Pisanis, deinde cum Venetis, vario euentu intercessère, & quibus tandem successibus vtrumque terminatum fuerit, recensebimus. Quantum verò ad factum hoc bellum, cõmuni, vt dixi, omnium Christianorum Principum voluntate & suffragatione susceptum, attinet, licet diffusè à multis præclaris scriptoribus tradatur, & sic posteritati mandatum sit, vt meritò hac in parte vnicuique satisfactum esse possit & debeat: tamen cum in hac sacratissima expeditione populus Genuensis non exiguum ad Rempub. Christianam cum tuendam, tum propagandam, operæ & laboris suscepit, nec parum præsidij & momèti ad rem feliciter gerendam, planeque victoriam consequendam attulerit, absurdus omnino viderer, si Genuensium res domi forisque gestas, literis complectens, hanc clarissimam expeditionem aliquo modo silentio supprimerem. Nemini igitur dubium, vel etiam mediocriter in historia versato, videri debet, Principes Christianos de barbarorum in Oriente incrementis admonitos, non semel de hac sacratissima expeditione seriò cogitasse, nimirum quòd intelligerent, barbaram gentem Christiano nomini infensissimam, sensim atque paulatim amplissimum regnum ex Christiani imperij ruinis sibi cum maxima totius Reipub. Christianæ iactura & calamitate indies condere, & magis atque magis sese in eo constabilire, ita vt nisi statim illis omnibus viribus obuiam iretur, fieri non posse, vt ipsi nouis accessionibus aucti, & temporis intervallo confirmati, in posterum excindi, vel aliquo modo Christiana potentia infirmari possent. Verum tanta fuit nonnullorû Principum ambitio, vel oscitantia, siue à publica utilitate animi alienatio, vt, dum ipsi dira cupiditate alienis opibus inhiant, eaque de causa graues motus & turbas excitant, ac inter se assiduè digladiantur, mutua illa consensio, quæ maximè in tam arduis rebus requirebatur, coalescere non potuerit

tuerit, ita certè, ut cum graui totius Reipub. Christianæ detrimento, ac non minori religionis nostræ iactura, propter Principum animorum distractionem hoc sacratissimum bellum in hæc ferè tēpora delatum fuerit. Et nescio mediusfidius, num vltius dilatum foret, nisi multorum cohortationibus, & præsentium periculorum magnitudine Principum animi ad hanc sacrosanctā militiam fuissent inflexi, & tanquam ab alto veterno excitati. Urgebant siquidem multi qui rerum Orientalium non ignari, impēdentem Christiano orbi calamitatem, ceu intento digito, Dynastis atque Principibus nostris, si vltius priuatis commodis studentes, publicum bonum negligerent, commonstrabant; inter quos Petrus quidam Eremita, ex Gallijs oriundus, magnæ nobilitatis ac existimationis inter suos vir, recēns ex Palæstina reuersus, literas Simonis Patriarchæ Hierosolymitani ad Urbanum Pontificem secundum attulerat, quibus ille damna, contumelias, & grauissimos cruciatus, quos Christiani sepulchrum Domini inuisentes, à Saracenis quotidie patiebantur, narrabat, atque ab eo perditis Christianorum rebus auxilium implorabat. Quibus sanè literis commotus Pōtifex, cū totius rei periculum ex ipsius Eremitæ sermonibus longè plenius cognosceret, facilè passus est sibi persuaderi, ut hoc maximè necessarium bellum susciperet, & Principum Christianorum animos ad hoc sollicitaret. Proinde huius rei gratia proposito diplomate, concilium toti Occidenti Claromontij Auernorum oppido indixit, ibiq. magno diuersorum procerum atque antistitum interuentu, celebratum est, & in vsum huius belli auxilia de communi omnium consensione decreta. Et quamuis multi Principes religione commoti, in hanc sacrā militiam consentirent, tamen longè ceteris imperij atq. opum dignitate præstabant, inter Gallos quidē, Hugo, Philippi primi, regis Galliarū frater, Gothifredus Eustathij Bononię Belgicę Comitis filius, Lotharingæ Dux, cū duobus suis fratribus, scilicet Balduino ac Eustathio. Duo præterea Roberti, alter Normaniæ Dux, Guilielmi Anglorum regis filius, alter Flandriæ Comes, quibus Raimundus Tolosatum, & Stephanus Blesensium & Carnutum Comites, sese socios addiderunt. Nec minori Italiæ Principes studio & religione tenebantur: inter quos quidem præcipui extitere Gulielmus Montisferrati regulus, & Otho Vicecomes Mediolanensis, Eliprandi filius, à corporis proceritate Longaspatha dictus, qui voluntariorum equitum ac peditum delectæ nobilitatis viginti millia ad Boëmundum à Brundisio in Syriam transfretantem adduxere, inter quos auxiliatorū septem millia Insubriæ fuisse dicuntur. Sunt qui memoriæ prodiderint, Anselmum Mediolanensem antistitem, incredibili religionis zelo sese ceteris Italiæ Principibus coniunxisse, ut scilicet suo exemplo alios sui ordinis viros ad hanc sanctissimam expeditionem, omni viro Christiano dignam, accēderet atque inflammaret, adeo ut in ipsa sola Italia, ducibus prædicto Boëmundo Rogerij Ducis Calabriae fratris, & Tarentinorum Principe, ac etiam Tancredo Rogerij nepote, ad quinquaginta lectissimorum hominum millia concurrerent, qui huic bello nomina certatim darent. Tanta fuit horū Ducū proximè dictorū sanctimonia, & suscipiēdi belli ardor, ut ipse Boëmundus veste sua serica per frustra dissecta, suos nobiles & curiales crucibus purpureis, tanquā vero & decenti Christiano symbolo, exornaret ac insigniret. Pari diligentia & alacritate Ademarum Pontificium legatum, qui, ut nonnulli scribunt, Aniciensis præsul fuit, cum Petro Eremita huius belli præcipuo, ut dictum est, auctore, suos animabat & instruebat. Et quia neminem ferè latere potest, in hac expeditione multarum gentiū infinitam quodammodò fuisse multitudinem, & concursum, quæ ad proferendum Christianum

Petrus Eremita Christianos Principes ad sacram expeditionem sollicitat.

Qui præcipui Principes huic sacre expeditioni interfuerint.

Anselmus Mediolanensis Antistes militat.

Boëmundi Ducis zelus.

Christianorum
numerus in
hac sacra ex-
peditione.

Nicæa dedi-
tionem facit.

Armenia mi-
nor in Chri-
stianorum po-
testatem re-
ducta.

Antiochia ob-
sidio.

Navalis
Christiano-
rum classis.

nomen & imperium, spreto omni vitæ periculo, relictis domi pignoribus, aliisque. quæ inter præcipua numerantur, hoc vnum agebant, vt, repulsis barbaris gentibus, magnam vastitatem & stragem in Christiano imperio indies magis atque magis facientibus, bene de Christiana caritate, ac deinde de tota ipsa posteritate promererentur. Tamen in tam magna scriptorum varietate non desunt qui pro vero asserant, in hac militia circiter sexcenta millia peditum, equitum loricatorum centum millia fuisse, qui omnes diuersis itineribus, & per varias regiones, tandem Byzantium peruenire, vbi tunc Alexis Græcorum Imperator, omnes huius belli proceres humaniter ac splendide excepit. Res proculdubio, quæ fidem ad primum intuitum planè excedere videatur, cum verisimile non esse existimari possit, tantam gentem per tot locorum interualla & longorum itinerum censa spatia posse in vna eademque regione coire, præsertim cum nulla regio tam fertilis esse per se possit, quæ tantæ multitudini sufficere, vel omnia vitæ necessaria suppeditare queat. Ego tamen vt hoc credam, adducor, quod satis constat, Cyprium, Xerxem, Darium, & postremo Tamerlanem, exercitum habuisse huic parem, ac etiam longè superiorem. Postquam Constantinopoli vniuersus exercitus in vnum quasi corpus coaluit, citra longam moram transmissio Bosporo Thracio, Nicæam Bithyniæ metropolim signa mota sunt, eaque post duorum & quinquaginta dierum obsidionem, & acerrimam barbarorum defensionem, hac tandem condicione mense Iulio anni septimi & nonagesimi supra millesimum ac centesimum, in potestatem recepta est, vt defensoribus, vnâ cum armis aliisque impedimentis, vrbe impunè excedere integrum esset. Nicæa recepta, duobus belli expedire videbatur, exercitum in duas partes distribuere, quò scilicet agminatim commodius progredierentur. deinde Antiochiam Pisidiæ & Iconium Lycaoniæ urbem adorti sunt, quæ pari felicitate ac celeritate in deditionem receptæ. Sed mox propter itinerum difficultatem, & exercitus impedimenta, copiarum pars Lyciam, & Pamphiliam, altera verò Ciliciam petiit, in qua Tarsum, regionis illius primariam urbem, non ita difficulter occuparunt. Inde Mamistrum, urbem validissimam ditissimamque, imperata facere abnuentem, expugnarunt. Eodem etiam tempore Armenia minor in potestatem redacta, breuique post Edessani & Samosatenses deditionem fecerunt; & paulò post Sororgia, & Maresia præclaris urbibus aucti sunt, pari que ratione Artasia, quindecim ab Antiochia Syriæ milliis distantem, occuparunt: in quo successu rerum ad duodecimum Cal. Nouembris Antiochiam, primariam Syriæ ciuitatem, peruenire. Ad huius urbis tanquam præcipuæ, & capitis totius Syriæ defensionem, barbari septem millia equitum, & viginti millia peditum lectissimæ iuuentutis præmiserant, vt illam, alioquin natura loci & arte munitissimam, & propè inuictam, contra nostri exercitus multitudinem & iniurias acerrimè defenderet ac propugnarent; eamque hac de causa omnibus ad defensionem opportunis ac necessariis rebus instruxerant. Verum fœderati nullis omnino difficultatibus ac periculis deterreri potuerunt, quin eam inuaderent, & castra portis mœnibusque admouerent, adeò vt in ea obsidione plurimi vtriusque conflictus habiti, & quàm plures interempti sint. Nec minori cum alacritate & diligentia mari res gestæ fuerunt: quandoquidem Veneti, Pisani, & Genuenses, rerum navalium apparatu inter se mutua æmulatione certantes, instructissimam classem ad huius belli expeditionem adornauerant, quæ certè in vnum coeuntes, longè omnium, quæ vllò vnquam tempore Christiana potentia armata fuit, præclarissima extitit. Veneti quidem circiter ducentas omnis generis naues, quanta classe ad eam diem nunquam nauiga-

nauigant, præfectis Henrico Contareno, vrbs Præfule, & Michaële Vitale Ducis filio, instruxerant. Pisani interim Rhodum occupant, & Ligures, vt Antiochæ obfessoribus ex propinquo opem ferrent, proximam maritimam oram ad ostia Orontis, qui eam ciuitatem interluit, classe sociis naualibus militeq. egregiè instructa ornataque, obtinuerant. Veneti etiam, descensione in Ionæ oram facta, Smyrnam cepere. Quo rerum successu Itali maris possessionem naçi, ac etiam vt terrestris exercitus à classe Italica aliqua ex parte iuuaretur, Tarentinus & Tolosas cum quinque millibus peditum profecti, à Genuensibus comœatu aliisque rebus ad bellum vtilibus ac necessariis instructi sunt, ita vt vrbs tandem pridie Cal. Iunij, post octo mensium obsidionem capta sit, anno scilicet nonagesimo octauo eiusdem sæculi. in cuius quidem expugnatione ad decem millia Turcarum interempta esse dicuntur. Post expugnatam Antiochiam, dira pestis in nostro exercitu grassari cœpit, & magnam hominum stragem facere, adeo vt ad quinquaginta hominum millia absumpta esse dicantur. quæ certè tabifica lues haud mediocriter cursum bene gerendarum rerum remorata est, cum cogèrentur nouum ex Europa supplementum expectare; quo aucti, non pauca alia oppida & vrbes, partim vi, partim deditione, Christiani imperij fecere, & inter alias quidem, mense Martio, Seleuciam, vrbs Syriæ maritimam, vigesimo ab Antiochia lapide distantem, & Gabullam, ipsam quoque maritimam, & celeberrimam, vrbi Laodiceæ proximam, recepere. Tandem emensa Syria, superatisque multorum itinerum difficultatibus, in Palæstinam venere, & ad primum huius regionis ingressum, Ramulam, & Nicopolim obsidione cinxerunt, eo euentu, vt deditione facta, nostro iuri cesserint, quibus potiti, rectà Hierosolymā, motis vndique castris, contendere. Antequam huius vrbs expugnationem describam, non filebo, exercitus nostri ingentes copias, vt diximus, ad summam angustiam & paucitatem redactas fuisse. quandoquidem cum ad hanc expeditionem multæ nationes & populi confluxissent, ita vt incredibilem multitudinem constituerent, mirum profectò omnibus videbitur, tantam hominum multitudinem tam exiguo ac breui temporis spatio ad tam paruum numerum deuenire potuisse. Satis enim liquet in nostris castris sub primum in Palæstinam aduentum, non vltra quadraginta hominum millia extitisse, & eorum quidem maiorem partem bello inutilem, & magis oneri quàm vsui fuisse, adeo certè, vt si prior numerus cum hoc conferatur, vix decima pars superfuisse reperiatur. Quæ res eò minori carebit admiratione, si cogitauerimus, in bello ita vsu venire, vt maior pars vel ferro absumatur (Mars enim fortem quemque pignerari solet) vel corporis languore atque variis morbis intereat. Adice huc, quod nausea maris, regionum diuersarum condicio, & aëris intemperies faciliè robustissimum quemque de medio tollere consueverint. Felicissimo nihilominus omine Palæstinæ limites ingressi nostri videbantur. siquidem breui post certissimo nuntio intellectum fuit, Genuensium Venetorumq. classem ad propinqui maris oram appulisse. & præterea dum vrbs ipsa arctissima obsidione cingitur, Gulielmum Embriacum, cum sua classe omni bellico apparatu, omniq. machinarum genere instructissima, Ioppen, portus commoditate nobilem & celebrem, appulisse. Genuenses enim, miro Christianæ religionis prolatandæ studio, nullis sumptibus pepercerant, vt hanc sacram expeditionem promouerent, neue aliqua ex parte Venetis, ac reliquis potentatibus inferiores viderentur. Nostris Ducibus expedire summoperè videbatur, vt vrbs expugnationem, nulla mora interposita, vrgerent, ne scilicet hostium vires temporis opportunitate & cunctatione augerentur. Ligures, quò

Antiochiâ
expugnatur.

Pestis in Chri-
stianorum ex-
ercitu.

Nostris Seleu-
ciam recipiunt.

Ramula &
Nicopolis de-
ditione oc-
cupata.

Genuensium
sis pro Hiero-
solymitanâ
expeditione.

Genuens. mi-
ro artificio
turrin expu-
gnandis urbi-
bus idoneam
inueniunt.

vrbs faciliùs expugnari posset, miro artificio ingentis molis turrim plicatilem in-
uenerunt atque fabricati sunt, quæ ita suis compagibus erat coagmentata, vt in-
terdiu maximus eius vsus esset, noctu verò per partes soluta, particulatim in
castra deferri posset, ac sequenti die facili cum negotio instauraretur: cuius qui-
dem turris latera ita variis & multiplicibus tabulatis erant constrata, vt, cùm à
frontispicio recentibus, ac præcrudis coriis cõdensata essent, facilè inde tormen-
tis tela in vrbem ingererentur. Aduersus hanc nouam Genuensium machinam
defensores malum in muro erexerant, trabemque transversam suspenderant, vt
eius interiore capite reducto, ac mox magna vi remisso, exterius in appropin-
quantem machinam, velut aries, incuteretur. Contrà, Ligur se falcibus muralibus
instruxerat, ac ex propinquitate retinaculū trabis cum horribili sonitu ingruen-
tis absceidit, & humi stratam in tabulatum sustulit, ac in muros hostium porre-
xit: sed frons turris ita scitè structa erat, vt superior eius pars paruo molimine in-
clinari, ac tanquam pars protendi, cùm vsus & necessitas postularet, in hostem
posset. Et tanta erat trabis pondus & illud superimpositum sustententis firmitu-
do, vt Bullionius omnium primus in muros hostium transcendere non sine sum-
ma & incredibili omnium nostrorum admiratione ausus fuerit, ac mox Eusta-
chius eius frater, circa aliquam moram, fraterna virtute ac exemplo inuitatus, re-
tineri nō potuit, quin statim parem laudem ex pari facinore promereretur. Quam
deinde complures alij imitati sunt, sic vt post exiguum temporis spatium magna
mœnium parte diruta, atque occupata, nostri per illorum ruinam sibi irruptio-
nem & aditum in vrbem facerēt, qua potiti, magna insecuta est fortunę mutatio.

Gothifredus
primus omnium
Hierosolymo-
rum mœnia
conscendit.

Hierosolyma
à Christianis
Principibus
expugnata.

Quandoquidē tanta erat defensorū strages, vt promiscuè instar pecorū, cadauera
semimortua, & languidum adhuc spiritum ducentiū, prostrata iacerent. Verūm
Barbari proceres, & illi qui inter eos alicuius nominis & existimationis erāt, sta-
tim post nostrorum in vrbem illapsū, in tēplum Salomonis, quod munitissimū
erat, sui tuendi gratia confugerant, in quo etiā sese aliquandiu contra nostrorum
iniurias defendere. Itaque sanctissima & præclarissima vrbs post vnus ferè men-
sis obsidionem, in nostram potestatem redacta. Nam satis constat, ipsam octauo
Cal. Iulias, anno salutis millesimo vndecentesimo obsideri cœptam, & quarto
Non. Iulias eiusdem anni expugnatam fuisse. Post Hierosolymitanæ vrbs expu-
gnationem, Gothifredus, quia omnia fortissimi ducis & militis officia obierat,
de communi omnium procerum & Ducum cōsensu & suffragiis, Hierosolymo-
rum, ac totius Palæstinæ regionis rex designatur. Quem ipse honorem tāta mo-
deratione temperauit, vt titulo atque insignibus regiis prorsus abstineret, iudi-
cans, Christiano Principe indignum esse diademate aureo ea in vrbe exornari,
in qua Christus, communis nostræ salutis assertor & redemptor, tot probris &
contumeliis affectus, coronam spineam gestasset. In ceteris verò regiam potesta-
tem exercuit ac retinuit. Longum esset enarrare, nec paruam diligentiam, & in-
quisitionem requireret, si omnium Ducum, aliorumque strenuissimorum mili-
tum fortitudinem & insignem operam hac in expeditione nauatam, minutim
vellem recensere. Verūm, cùm ea tempora non caruerint præclaris scriptoribus,
nemini dubium esse potest, quin fortia eorum facta literis fidelitè sint compre-
hensa. Proinde cùm ego tantummodò huius expeditionis successum summa-
tim enarrare in animo habeam, superuacaneum mihi omninò visum fuit, circa
particularia procerum gesta diutiùs inhærere. Proximo anno, qui fuit millesi-
mus centesimus, orta Hierosolymis grauissima est pestis, quæ ad eò latè atque diu
grassata est, vt magnam hominum multitudinem absumpserit, inter quos & ipse

Gothifredus
regiū titulum
auerſatur.

Hierosolyma
denuo
geste.

1100.

Gothi-

Gothifredus quintodecimo Cal. Augusti, magno sui desiderio, sanctaque etiam apud ipsos hostes sui memoria relicta, fatis concessit. in cuius locum Balduinus eius frater de communi omnium procerum consensu suffectus est, qui omnium primus ex Christianis Principibus Hierosolymorum rex numeratur. Ipse itaque nouo Ligusticæ classis aduentu erectus, animum ad reliquam Syriam occupandam adiecit. Genuenses enim, post captam Antiochiam, instante iam hieme, cum in patriam redirent, in itinere Myram, Lyciæ haud incelebris nominis urbem, occuparunt. Et postero anno, classe denuò, quæ viginti septem triremium, & sex onerariarum numerum explebat, ductu & auspiciis eiusdem Gulielmi Embriaci adornata, in quibus octo lectissimorum virorum millia deuehebantur, in Syriam rediëre, ut Balduinū in omnibus suis expeditionibus vsui atque præstò essent: qui sanè, horum potissimū viribus atque industria fretus, urbem Aſſur, prius Doram, deinde alio nomine Antipatridam, summo impetu est aggressus; raturūque terroris omnibus iniecit, ut oppidani animis consternati, ac summo perè veriti, ne atrociora reliquarum expugnatarum urbium exempla paterentur, post triduanam defensionem deditioem facerent. Mox Cæsarea Stratonis vi capta & direpta. ex cuius quidem expugnatione & direptione opima præda & pretiosissima suppellex diripiuntur. Paruo temporis tractu interiecto, Ligures, anno scilicet millesimo centesimo secundo, & Gulielmo Embriaco, Ido Carmandino, Guidone Rufico, & Guidone Spinula Coss. summo & incredibili quodam Christianæ fidei promouendæ studio indies magis atque maris flagrant, rursus classem quadraginta triremium comparatam, eamque omni bellico apparatu egregiè instructam, eduxere, ac in Syriam præteruecti, vrbes Acheron & Gibellum, licet non sine aliqua clade, expugnarunt, multaque alia præclare ac fortiter gesserunt, quæ singulatim prosequi non est nostri instituti. Deinde anno eiusdem sæculi centesimo quinto, cum Balduino pacti, ut oram maritimam tuerentur, eodem cum valida & præpotenti classe reuersi, Ptolemaidem, totius Syriæ celeberrimam & nobilissimam urbem, in qua erant frequentissima diuersarum gentium commercia, occuparunt. Balduinus ob egregiam toties in expugnanda Syria nauatam operam, quò se illis gratum ac memorem exhiberet, magnam partem maritimarum vectigalium, & plerasque vrbes atque oppida, multaque iura & immunitates eis concessit. Et quò Ligusticum nomen in illis regionibus magis inclaresceret, & in maiori pretio haberetur, iussit in sacro sepulchro Seruatoris nostri, tanquam in loco illustri omnibusque conspicuo, super arca altaris hæc verba inscribi:

PRAEPOTENS GENVENSIUM PRAESIDIUM. quod sanè huius gentis elogium vsque ad Balduinum tertium, integrum & intactum remansit. quo quidem humanis rebus subtracto, cum ei Almericus frater in regnum succederet, & inscriptum elogium deleri iussisset, Genuenses de hac iniuria apud Alexandrum tertium Pontificem grauiter conquesti, impetrarunt, ut ibi denuò incideretur.

Interea temporis cum indefessis animis pro Reip. Christianæ salute & dignitate conseruanda excubarent, & nihil prorsus de suo ardore ac studio remitterent, iterū anno eiusdem æui centesimo septimo, classem septuaginta triremium sub Anfaldi & Hugonis Embriacæ familiæ præfectura & imperio exornarunt, qui Genuæ rebus omnibus expeditis, secunda nauigatione vsi, in Syriam appulerunt, ibique ad primum suum aduentum Tripoli validissima obsidione frustra tentata, ulterius progressi, Biblum in Phœnicia, alio nomine Gibellū maius vocatum, profecti sunt, eamque urbem, per aliquot dies acerrimè oppugnatam, deditioem, defensoribus tamen vita & fortunis reseruatis, obtinuerunt. Cum verò Tripolis subinde

Gothifredi
meritus.Balduinus
Gothifredi
successor, &
primus Hie-
rosolymitano-
rum rex no-
minatur.Gen. Myram
urbem oc-
cupant.Idem no-
men classem
inueniunt.Antipatrida
& Cæsarea
à Genuens.
occupata.

1102.

Nova Ge-
nuens. classis.

1105.

Ptolemais à
Liguriis
capta.Genuens. præ-
claro elogio à
Balduino ce-
lebratur.Almericus
Balduini
successor.Nova Ge-
nuens. ex-
peditio.

1107.

Genuens.
Biblum po-
tius.

Tripolis ex-
pugnatio.

Genuens.
privilegia.

Beryti &
Malmistræ
deditio.
Danorum
classis.

Sidon recepta.

1110.

Genuens.
religio, potē-
tia & forti-
tudo.

à regio exercitu, duce Raimundo Tolosatum regulo, eoq. defuncto, à Bertranno eius filio diuexaretur, & postremum graui obsidione premeretur, classis Ligustica, ad accelerandam eius expugnationem, eodem reuerfa est: illiusque demum ope & auxilio in nostrorum potestatem vrbs ipsa deuenit. Propter quæ sanè eximia in Christianam Rēpub. merita, Cæsar illis permagnos honores decreuit, suoque diplomate sancit, ut ipsi ea in vrbe forum, Prætores, templum & tribunalia priuata seorsum haberent. Tertia etiam portuorum, publicorumque ex mari fructuum pars illorum esset. Subsecuta est Beryti, ac etiam vrbs cui nomen Malmistra, in confinibus sinus Laiacij versus Ciliciam posita, deditio, quæ ambæ, Venetæ classis auxilio, iugum nostrum recepere. Eadem etiā tēpestate ex Dania, quæ olim Cimbria fuit, & Noruegia, haud exigua classis in mari Orientali ad communem Christianam Rēpub. iuuandam conspecta fuit: quæ certè tam opportuno tempore subsidio nostris missa est, ut eius usus maximè nobis fuerit utilis & necessarius, utpotè cuius auxilio atque virtute Sidon vrbs inter Berytum, & antiquam Tyrum nobilissima, recepta fuerit, quamuis valde pauci scriptores reperiantur, qui ullam huius Septentrionalis classis mentionem faciant, cum tantum Venetam & Genuensem commemorant; quarum auxiliis Balduinum fretum, adeò fortiter feliciterque rem cum hoste gessisse narrant, ut vigesima obsidione die vrbe potitus sit, moxque Ptolemaide recepta, pari felicitate Sidonem etiam potestatem redegerit. Deinde post septem mensium interuallum, Berytus, quæ iterum defecerat, expugnata atque euerfa esse traditur, & in eius defensores, quod mira cum pertinacia, & multis exhibitis crudelitatis barbaricæ testimoniis, expugnationem illam diutius sustinuisent, aliquantò magis quam in ceteros fauitum. Verum tamen breui post, propter singularem soli vbertatem restaurata fuit, & Christianorum postmodum colonia eò deducta. Cuius quidem belli cum magno ac euidenti Reip. Christianæ incremento opinione omnium citius terminati fructum maiori ex parte Venetæ classi acceptum Balduinus retulit. Annales etenim tradunt, ipsum, quod illis tanti meriti acceptique beneficii aliquam gratiam referret, statuisse, ut Venetis Ptolemaide, in plerisque aliis Syriæ oppidis, cum Gallis rerum omnium communionem, ac planè mixtum imperium indiscriminatim haberent, licet non desint pauci, qui hanc laudem, exclusis Venetis, solis ipsis Genuensibus merito deberi asserant, quippe quorum potissimum opera atque industria Ptolemaidem receptam velint. Verum cum scriptores super hac re inter se variant, mei non fuerit instituti, alicuius gentis gloriæ quicquam detrachere, vel laudi inuidere, cum historicum candorem professus, nihil perinde aueam, quam simplicitate ac fidei veritate omnibus placere. Ceterum, anno supra millesimum centesimum decimo, Gulielmo Bufferio & Guidone Spinula Coll. Senatus Genuensis classem duarum & viginti triremium ad Christiani nominis propagationem in Syriam ablegauit. Cuius quidem tanta fuit virtus, roborisque ac fortitudinis constantia, ut breui temporis interstitio Malmistræ, sinus Aiatij urbem, Ioppen, Riscum, Ascalonem, ac pleraque alia oppida & vrbes summa felicitate occuparint, & Christiano imperio adiunxerint. Nec mirum me herculè, cum Respub. Genuensis, ut retroactis sæpè temporibus, sic etiam potissimum huius sacre expeditionis tempore tria illa potentissima vincula & instrumenta, sine quibus parum, vel nihil geri, vel effici potest, utputa, religionem, potentiam, & fortitudinem coniunxerit, quæ inuicem copulatæ, adeò fortem neruum efficiunt, ut difficulter possit incidi, aut debilitari. & in primis quidem tam ardens in eis extitit religionis zelus, ut in huius gratiam nihil non la-

boris

boris vel discriminis susceperint, aut adierint. Potentia ipsa in bellicis apparatusibus perbellè non semel illuxit. Quanta autem fuerit animorum alacritas & magnitudo, nec non rei bellicæ, præcipuè verò naualis peritia, tunc demum emicuit, cum nunquam vel hostium potentia, & multitudine, vel rerum difficultate deterriti, adduci potuerint, ut aliquid de pristino animi ardore atque animositate, quavis de causa, remitterent. Quo sanè factum est, ut huius nostri populi gloria per se quidem immortalis, regio diplomate ad perpetuam rei memoriam, ceu gratissimo animi testimonio, ac elogio literis consecrata, uti diximus, fuerit, quod etiam hac nostra tempestate inter alia Reipub. monumenta extat, & videre licet, cuius etiam tenorem cum haud dubiè non parum ad illius ornamento pertineat, de verbo ad verbum, quod dicitur, subiecimus. Quod populus Genuensis pro eius perpetua & contestata pietate ac religione, toto sacro bello præpotentibus classibus, firmissimisque terrestribus copiis Christianam rem iuuerit, in sacraque vrbe Hierosolyma, Antiochia, Laodicea, Dertusia, expugnandis, plurima opportunitatis atque operæ pars in illius virtute & industria fuerit, solique Genuenses, celebres vrbes Cæsaream, Ascalonem, Solimum, Biblium, Hierosolymitano imperio ac sacro Christi sepulchro adiunxerint, summos labores sustulerint, maxima discrimina subierint, sanguinem profuderint, mortem fortiter sustulerint, nullis impensis pepercerint, nullis difficultatibus sint debilitati, nullis iacturis fracti, sed aduersus omnia mala inuictam virtutem & patientiam præstiterint, ut à nullo omninò Christiano populo promptior, fidelior, constanter, magis multiplex opera Christo Domino, Christianæque Reipub. nauata sit. Hæc tot ac tanta merita Balduinus rex inuictus, Damberto Patriarcha laudante atque approbante, & præclaro elogio ad memoriæ æternitatem testanda, & amplissimis præmiis remuneranda censuit, tertia ditionis & vectigalium parte vrbum Cæsareæ, Acronis, Assuris, in perpetuum concessa, ad hoc singulis vicis in vrribus Hierosolyma, & Ioppa, cum iurisdictione illi tributis. Datum in vrbe sacra, decimo Kal. Maias, anno à Verbo homine facto, millesimo centesimo quinto.

Balduini
Regis diploma
datum
Genuensibus

DE SECVNDA CHRISTIANORVM

IN SYRIAM EXPEDITIONE.

1147.



SECVNDA hæc in barbarum populum, mira fecunditate atque incrementis in Syria, aliisque Asiæ locis cum summa pernecie Reipub. Christianæ exundantem expeditio, cū magno omnium Principum Christianorum consensu, saluberrimoque consilio, anno millesimo centesimo, quadragesimo septimo, regnante Chunrado secundo, & Ludouico septimo Galliarum rege, instinctu atque horratu in primis Eugenij Pontificis tertij, suscepta fuit, tanta certè cum aduersitate, vt quamuis omnibus rebus ad bellum necessariis & requisitis essemus longè quàm optimè instructi, nihilque obstare videretur, quominus præclaram nobis victoriam de hoste meritò polliceri possemus, nihilominus tamen, siue Deo nobis propter admissa scelera subinde nouas calamitates infligente, siue fatali quadam vi omnia humana consilia superante, atque miris inuolucris contegente, factum fuit, vt citra omnium spem & expectationem omnia infelicissimè gesta & administrata fuerint. Subsecutæ nimirum fuerunt tantæ calamitates, & clarissimorum virorum interitus atque indigni casus, vt congruum & arduum esset, huius expeditionis successum pro rei dignitate exprimere. Satis enim constat, ex ducentis armatorum millibus qui ad hanc sacram militiâ profecti fuerant, vix decimam partem cum Cæsare domum rediisse. Ludouicus etiam Gallorum rex, aliquantò seriùs quàm Cæsar, ex Galliis vnà cum Vidone Cardinali Florentino, Pontificio legato, mouerat, & eodem, quo Cæsar, itinere, sed paulò feliciore, in Asiam contenderat, eo certè euentu, vt superato Mæandro fluuio, cum Saracenis vltiorem ripam incolentibus, necessitate quadam adductus, conflixerit, ac feliciter, licet numero longè inferior esset, dimicauerit. Cuius prælij successu commotus, cum suas copias propter montium vndique circumiacentium asperitatem, in duas partes diuidere cogeretur, nō parum incommodi ab ipso hoste itinerum & viarum angustiarum gnaro, priusquam à suis, qui agminatim processerant, iuuari posset, accepit. Verum enimuerò cum temerè nihil agendum esse statueret, & mirum in modum hostium insidias locorum opportunitate fretorum, vereretur, commutato itinere, versus oram maritimam ea qua potuit celeritate ac diligentia contendit, & tandem non sine magna difficultate & periculo in Attaliâ peruenit. Ad cuius rei famam Gallica classis, quæ ad eam diem stationem Rhodi ad regis sui nutum & arbitrium habuerat, de ipsius in eum locum appulsu, simulque voluntate edocta, quamprimum soluit, & summa celeritate ventorum flatu adiuta, ad regem enauigauit. Rex cum intelligeret, & videret, fortunam pro aduersariis stare, & se vnà cum sociis nequicquam fortunæ aduersitate obniti & reluctari, classem suam conscendit, & totam Syriæ maritimam oram circumuectus, cum ad Orontis ostia venisset, Raimundum Antiochensem Principem obuium habuit, à quo humaniter ac perbenignè exceptus, Antiochiam cum plerisque suis proceribus & magnatibus deductus fuit, ibique splendide ac magnificè habitus, & omnia hospitalitatis iura expertus, inde Hierosolyma religionis & Dominici sepulchri visendi gratia iter suscepit, mōteque Libano superato, Damascum, celeberrimam Syriæ urbem in plano sitam, petiit, eo consilio, vt eam armis expugnaret. Verum, postquàm urbem obsidione cinxisset, hostique conferendæ manus potestatem læpiùs faceret, ille tamen se

*Damascus
nequicquam
à Christianis
tentata.*

mceni-

mœnibus vrbs continens, nunquam eruptionem facere ausus fuit, ita vt post longam obsidionem cùm vrbs ipsa, vltra naturam loci, etiam omnibus ad bellum sustinendum necessariis esset mirificè instructa, desperata eius expugnatione, re infecta, Christianus exercitus illinc discedere coactus sit. & Cæsar quidē ora maritima petita, classem conscendit, Byzantiumque reuectus, inde in Germaniam rediit. Gallus verò, quòd præcipitata iam æstas foret, totam hiemē in Syria transegit, vereque appetente, classem Ioppe soluit, deinde in Siciliam, indeque in Gallias remigravit. Hunc exitum secunda hæc sacra expeditio habuit: quæ vt prorsus infructuosa & ingloria fuit, sic etiam eam non mediocris rerum inclinatio passim in Christiano imperio insecuta est, vti mox dicemus. Ceterum, quia non paucos scriptores inter se super huius belli aduersus barbaros decreti susceptione dissentire animaduerto, non absurdum fuerit, quamuis non ita multum ad rem faciat, controuersia ansam enarrare. Sunt enim multi qui tradant, Chunarum Cæsarem Ratisbonæ conscensâ triremi, secundo Danubio Byzantium delatum fuisse. Alij verò, ijque etiam non pauci, arbitrantur, ipsum ex Italia in Syriam transfretasse, ac Genuæ instructissima classe soluisse, tantaque Genuensium humanitate & hospitalitate fuisse delinitum & obligatum, vt eorum Reip. perpetuum munificentia Imperatoria symbolum & monumentum aureæ monetae signandæ & cudendæ auctoritatem & gratiam concesserit. Mihi, penitus gentium annales euoluenti, multò verisimilius esse videtur, in quo mihi cùm multis conuenire scio, Cæsarem in hac expeditione Danubij commoditate omninò fuisse vsum, præsertim cùm Hungaria, & tota Thracia in nostra adhuc potestate tunc temporis esset, nullisque barbarorum incursionibus tentaretur. extantque probati auctores qui asserant, ipsum inter nauigandum tam aduersa cæli tempestate, tamq. sæua vicini amnis intumescens iniuria fuisse conflictatum, vt armis, impedimentis, militibusq. multis amissis, inde Constantinopolim naufrago similis venerit, atque ibi recreato opportuna Manuelis affinis liberalitate exercitu, mare traiecisse, & ita vltèrius progressum esse.

Qui verò Genuensi aurea signata moneta commoti, ratiocinantur, Cæsarem per Italiam profectionem instituisse, nihil solidi in se habet, quo nitantur, fundamenti. cùm vero multò proximius sit, Genuenses hanc gratiam, quòd ingentia sua tam in Cæsarem quàm in totam Rempub. Christianam merita & beneficia extarent, retulisse, ac meritò promeruisse.



PRIVS QVAM de huius tertij Orientalis belli à Friderico primo, vulgò Barbarussa, à Latinis Aenobarbo à rubea barba cognominato, aduersus Sultanum Saladinum suscepti euentu, aliquid dicamus, non absurdum, neque alienum ab instituto videtur, paucis verbis describere, quisnam, & qualis hic Saladinus, cum quo Cæsari, ac plerisque aliis Christianis Principibus negotium fuit, extiterit, & quàm breuissimè illius originem, vitam atque mores perstringere. Hic itaque Saladinus fuit natione Medus, Negemendi filius, qui patriis legibus, ingenuè ac liberaliter ab incunte ætate ad adolescentiam vsque institutus & informatus, deinde cùm ex ephebis excessisset, patruum, nomine Syrachonum, summum belli ducem, in diuersis expeditionibus secutus, sub eius auspiciis militiæ suæ tyrocinium posuit. Ægyptiis enim, quotidianis tumultibus atque ciuilibus bellis laborantibus, & nouum dominum anxie atque certatim expetentibus, ipse Syrachonus, ab iis, velut communium iniuriarum vindex, rursus, pro domino, summo cum honore exceptus fuerat, qui, vt ibi maiorem sibi auctoritatem pararet, & sibi imperium astrueret, Sauarem, qui secum in Ægyptum descenderat, tanquam gloriæ suæ æmulum, vbi primū illi opportunū fuit, occidit, & à Calipha Sultanus salutatus est, eo tamen successu, vt non diu imperium obtinuerit. Nam aliqui tradunt, ipsum, ante vnum in dominatu exactū annum, obiisse. Saladinus itaq. patruum secutus, & inde in magna existimatione habitus, per simulationem adorandi Cairensis Antistitis, introductus, cum claua, quam veste abdiderat, stratum interemit, adeò vt hoc interempto, rerum potitus fuerit, & ita amplissimi regni auspicia parricidio polluit atq. contaminauit. Sunt qui asserant, ipsum, cùm infans pro patrio instituto circumcideretur, Iosephum vocatum fuisse, postea immutato nomine, Saladinum, hoc est, correctorem legis nuncupatum. Hic proculdubio vniuersos suæ religionis Principes non solum acumine ingenij, quo plurimum præstabat, sed etiam opibus atque animi fortitudine, rerumq. prosperè gestarum gloria & memoria longè antecellebat, ita vt vniuersæ Asiæ quàm maximè formidabilis, occupata Ægypto, arma in Syriam vsque protulerit, & magna felicitate ipse Christiano nomini infensissimus, Tiberiadem, Cæsaream & multas alias præclaras ciuitates imperio nostro ademptas, suo adiecerit, sic quidem, vt nemini dubium esset, quin breui temporis tractu omnia in potestatem suam redegisset, nisi vniuersis ferè armati Occidentis opibus aliqua ex parte fuisset repressus. Hierosolyma enim vix vno mense oppugnata, suæ ditionis fecit anno millesimo centesimo octogesimo septimo, cùm per annos vndenonaginta sub Christiani nominis imperio extitisset: in cuius quidem vrbs expugnatione tanta Christiano nomini calamitas & ignominia illata fuit, vt nullius vrbs excidium funestius nobis vnquam fuerit. Taceo enim, breuitatis causa, funestissimi prælij inter ipsum & Vidonem Lusinianum Hierosolymorum regem, commissi successum, in quo quidem multi præclarissimi Duces & magni nominis Principes, cecidèrunt, & in fœdam seruitutem abducti, inter quos, ipse Rex, & Bonifacius Montisferrati regulus in primis, hanc miserrimam barbarici iugi condicionem, non sine Christianæ religionis ignominia, & omnium bonorum gemitu, subire coacti sunt. Fortunam eius descripsimus. Pauca de natura

Saladini
origo, fortuna,
& ingenium.

Hierosolyma
à Saladino
expugnata.

tura & moribus subtexemus. Omnes scriptores in hoc consentiunt, ipsum à primis annis summa gloria, adeoque immensa imperij cupiditate flagrasse. Ceterum acrem, impigrum, follertem, audacem, liberalem, ac in acie ferocem, in victoria verò mitem & clementem fuisse constat, & quod mirum, præsertim in barbaro, tanta animi, licet alioquin excelsi, & ad res magnas nati, moderatione, ut in omnium rerum affluentia, & tanti imperij libidine, voluptatibus suis modum non solum constituerit, verum etiam non secus ac si priuatus, legum reuerentia ita ab omni effreni rerum cupiditate retractus fuerit, ut vel hoc solo nomine maximis quibusq. Principibus par meritò cēseri debeat, ipsumque, magni iudicij virum, & rerum humanarum diligentem inquisitorem fuisse, vel ex eo patet, quòd in tabellis testamentarijs inter cetera, consignari paucis diebus ante obitum iusserit, ut in suo funere vexillifer, qui in præliis & expeditionibus suum vexillum præferre consueuerat, lancea sublimi interulam suam circumferret, & præco præiret, qui alta voce inclamaret; Hoc vnum spoliū ex Asiæ atque Orientis domitore superesse. Magnum profectò ac memorabile humanæ fragilitatis recordationis exemplum, & tanto rege dignum, cui nihil aliud ad summam laudem, præter Christi fidem, defuisse putatur. Numerosa sobole auctus, quippe qui, ut historiæ tradunt, ad nouem filios, & eos quidem superstites omnes, post se reliquit, quos Saphadinus patruus omnes, præter vnum sibi cognominem, Napaliæ Sultanum, fide virtuteque amicorum paternorum tutum, necauit. Quis verò fuerit Sultanum creandi ritus, quæue eius magistratuum ratio, & militia, ex his quæ Leo Africanus libro octauo memoriæ ac posteris tradidit, perfacile cognosci ac intelligi poterit. Sultani, inquit, dignitas & potentia mirabilem olim in modum excelluit, verum à Selymo Turcarum Imperatore, anno, ni fallor, M. D. XVII. euersa est, immutatis Sultani vniuersis institutis ac legibus. at quoniam statim ab ea rerum & fortunæ vicissitudine ter mihi Ægyptū peragrarè contigit, non abs re facturus videor, si de Sultani aula quæ compertissima habui, nonnihil dixerò. Ad hunc dignitatis gradum eligi solebat nobiliorum Mamaluchorum vnus. Mamaluchi porro omnes ex Christianis constabant, in pueritia apud Circassiam Ponti Euxini prouinciā, à Tartaris furto sublati & Caphæ Tauricæ Chersonesi oppido diuenditis, vnde Alcairum à mercatoribus abducti, à Sultano emebantur, quos baptismo confestim abiurato, in Arabico ac Turcico idiomate militarique disciplina institui procurabat, vnde paulatim per singulos honorum gradus euehebantur, donec ad Sultani dignitatem pertingerent. Huiusmodi verò consuetudo, qua Sultanum, & Mamaluchum, & conditione seruum esse cauetur, semitrecentis abhinc annis initium cepit, nempe cum potentissimi illius Saladini familia, cuius nomen Christianis adeò formidabile extitit, ad paucos iam redacta, intermoreretur. Cum vltimus Hierosolymorum rex de Alcairo occupanda cogitaret, quæ propter Califæ, aut Pontificis, qui solus præerat, ignauiam, ei se tributariam facere meditaretur, legisperiti ac iudices Pontificis consensu Azedudin Principem Asiaticum ex Cordis gentibus, qui, ut Arabes, in tentoriis habitabant, cum Saladino filio & l. equitū millibus euocarunt: Saladinum verò, tametsi ætate inferiorem, ob insignem eius fortitudinem atque in re militari præstantiam, exercitus Imperatorem crearunt: facultate permilla, ut cuncta Ægypti vectigalia & reciperet, & pro suo arbitrio expendere. Facta tandem in Christianos expeditione, incruentam de iis victoriam adeptus, Hierosolyma, totaque Syria exegit. Saladino autem Alcairum reuerso in mentem subiit, eius dominium vsurpare: quamobrem trucidatis Pontificiæ custodiæ

Factum Saladini institute ac memorabile

Sultanum creandi ritus, deq. eius magistratuum ratione.

Mamaluchi.

Præfectis, penes quos rerum summa apud Ægyptios versabatur, Califam seu Pontificem, è medio sustulit; quòd is præsidio destitutus, venenum illi propinandum curasset, seque confestim in Califæ Bagaded legitimi Pontificis clientelam dedit: quo tempore Alcairi Califæ principatus, qui Pontificatum annis CC. xxx. perpetua successorum serie protraxerat, intercidit, ac penes Bagadedæ Califam legitimum Pontificem remansit. Sublato hoc Califarum aut Pontificum schismate, exorta est inter Bagadedæ Sultanum & Saladinum discordia, qui Alcairi principatum inuaserat: quòd Bagadedæ Sultanus, olim Mazandranæ & Euarizinæ prouinciarum ad Gangem Princeps, Asiatica quadam gente ortum trahens, ius in Alcairi dominium referret; qui Saladino bellum inferre cogitans, à Tartaris in Corasana regione excursiones facientibus detinebatur. Saladinus vicissim veritus, ne Christiani acceptam à se iniuriam ulturi, expeditionem in Syriam pararent, copias perpèdens superiori bello magna parte tum occisas, tum pestifera lue, præter nonnullos, qui regni gubernationi præerant, sublatas, mancipiis in Circassia coëmendis, quos Armeniæ reges tum temporis rapiebant, & Alcairum vendendos mittebant, intentus esse cœpit; quos abiurata fide, militari disciplina, Turcicoque idiomate, nempe Saladini proprio, imbuī faciebat: quæ quidem & fortitudine, & numero in tantum excreuerunt, ut & cœnui militis, & periti militiæ ductores, regni que administri euaserint. Saladinus in fata concessio, principatus penes suam familiam annis C. L. remansit, successoribus eandem emendorum mancipiorum consuetudinem obseruantibus: at collapsa Saladini familia, serui Piperem magnæ fortitudinis Maimaluchum, consentientibus suffragiis, in suum Principem ac Sultanum cooptarunt: quam exinde consuetudinem adeò inuiolatè obseruarunt, ut nec Sultani filius, nedum Maimaluchus, eum dignitatis gradum consequi potuerit, nisi olim Christianus & fidem abiurasset, & linguas Circassiam ac Turcicam exactè loqui didicisset. Multi autem Sultani suos in pueritia filios in Circassiam, morum rusticorū, ac linguæ perdiscendæ gratia ablegarunt, ut Principatui aliquando forent accommodi, spe semper tamē sua, Mamaluchis dissentientibus, elusi. Hæc obiter de Mamaluchorum regno, eorumque Principe Sultano patria voce ad hæc vsque tempora nuncupato, dicta sufficiant. De Sultani verò militia idem auctor paulò post sic refert. Sultani porro militum quatuor erant ordines: Primus ex equitibus viris bellica virtute præstantibus constabat: è quibus ciuitatum arciumque præfecti à Sultano creabantur. Stipendium plerisque ex Sultani ærario in prompta pecunia, plerisque in vicorum & arcium vectigalibus assignabatur. Secundus erat pedestris militiæ ordo, nulla, præter ensē, gerens arma, quibus pariter è Sultani fisco stipendium persoluebatur. Tertius ordo gratis militabat, nihil præter victum referens, verum concedente in fata Mamalucho quopiam, ex eorum numero quibus necessariis de rebus ad vitam prouisum esset, hi in eius locum succedebant. Vltimo ordini Mamaluchi tyrones inscribebantur, Turcici aut vernaculi idiomatis adhuc ignari, & qui nullum suæ dexteritatis adhuc specimen ediderant. Hactenus Africanus. Quatenus verò, ut etiam hoc obiter dicatur, ad Turcicam disciplinam & singulare studium bellandi attinet, multa quidem sunt quæ faciunt ipsos Turcas formidabiles; primū obseruatio militaris disciplinæ, quam ad vnguem obseruant: tum exercitatio & studium tractādorū armorum, quibus à pueris exercentur: neque alia studia magis curant, cum ea maximè necessaria sint defendendis imperiis. Sic igitur optimi sunt milites apud Turcas, at ex optimo milite non difficile est bonum fieri Imperatorem: quippe cum apud eos milita-

Sultani
militia.

Turcarum
militaris
disciplina.

militares honores non opulentiae, neque nobilitati, neque splendori familiarum, sed strenuitati & fortitudini sint propositi: neque ullius maledicentia, aut inuidia viris fortibus praemia eripiat, aut retardet, cum idem dies saepe & res bene gestas, & remunerationem videat. Nam praefecturae honorificentissimae insignibus virtute viris deferuntur, cum parua sit nobilitatis ratio sine virtute, at maxima virtutis vel sine nobilitate. Populi autem omnes & subditae gentes libenter parent, prouentque vel in manifesta pericula non solum ob spem praemiorum, neque metu tyrannicae crudelitatis, sed incredibili quadam in Principem beneuolentia compulsi, quod nullum iniquum iudicium eo conscio fiat, aequumque ius omnibus dicatur, & Princeps contentus sit suis decumis, nullo alio imposito tributo vel belli, vel pacis tempore. Quod illis gentibus persuasum sit, omnem potentiam, omneque imperium esse a Deo, cui qui resistat, videtur Deo resistere: quod praeterea nemini liceat frumentum in priuatum horreum includere, dum pretium augeatur; sed tolerabili pretio omnibus fiat annonae copia. postremo si cui fiat iniuria, Princeps ipse acerrime in iniquos animaduertit, cui accessus ad colloquiū nemini in itinere dum obequitat, est interclusus. Proinde cum praemia fortibus, ius aequum vniuersis populis, exercitatio rei militaris, com meatus atque annonae copia omnibus eadem sit apud Turcas; quis non videat, incredibilem in Principem concitari beneuolentiam? aut quis nesciat, nullum populum posse difficilius expugnari, quam eum qui concordibus animis ad defendendum Principem conspiraret? Et de his quidem satis in praesentia dictum sit. Ut vero ad inceptum redeam, Fridericus, princeps magnanimus, armorumque peritissimus, & miro propagandae Christianae religionis studio flagrans, rebus domi compositis, & Pisani ac Genuensibus, inter quos, uti suo loco explicabitur, funestum atque atrox bellum ea tempestate exarserat, mutuò reconciliatis, ut ambo, coniunctis viribus, hanc sacram militiam, sicuti etiam ab utroque populo strenue allaboratum fuit, adiuuarent ac promouerent, in Syriam aduersus Saladinum pro imperij Christiani dignitate cum ingenti exercitu profectus est, atque Hungaria & Bulgaria emensa, in Lycaonia castra metatus, Philomelum & Iconium, ac plerasque alias Asiae vrbes expugnauit atque diripuit, fortunaeque suae successum profectus, infelici ac prorsus infausto itinere in Armeniam transmisit. Sunt enim qui tradant ipsum, castris ad amnem Serram, antiquitus Selephium, positis, restinguendi caloris gratia, quo, propter feruentissimum anni tempus, ac Solis ardorem, quam maxime flagrabat, in flumen sese refrigerij & sudoris abluendi causa coniecisse; & siue quod natandi non bene peritus, siue quod fluminis impetus violentior esset, quam reniti posset, siue fatalis hic casus fuerit, vorticibus rapidi fluminis in omnium conspectu esse abreptum, atque ita submersum, quarto Idus Iunij, salutis anno post millesimum centesimum nonagesimo, imperij trigesimo septimo. Sunt vero e contrario non pauci, qui asserant, ipsum, cum magna nominis sui gloria, & non mediocri hostium terrore, cum ad Selephium fluuium peruenisset, cum illius vadum incertum esset, equo inter transmittendum, ut fieri solet, cespitante, iam grauem aetate lapsum, magno animi horrore fuisse affectum, & ita commotum, ut attonito similis, inter suorum manus sublatus, paulo post, non citra magnum suorum omnium dolorem, summumque Christianae Reip. detrimentum, expirarit. Quorum quidem posteriorum sententiae, ceu verisimiliori, & rationi magis consentaneae, ego mea ex parte accedo, praesertim cum vix credi possit, quod ipse, deuexa iam aetate, positis armis & veste ad leuandum aestum, in fluminis alueo sese confouere voluerit, praecipue cum id non citra magnam

Friderici
Aenobarbi
aduersus Sa-
ladinum in-
fausta expe-
ditio.

Eiusdem
interitus

maiestatis suæ neglectiorem fieri posset; licet Alexandrum Macedonem idem in Cydno flumine ex Tauro monte orienti, & mediam Tarsum interfecante, sed tamen ætatis gradu excusatum fecisse, in comperto sit. Cæsare extincto, magna continuò rerû conuersio subsequuta est, & tam magnus exercitus ad proferendos Christiani imperij limites cõparatus, magna ex parte dilabi cœpit. Henricus nihilominus Friderici filius, enixè operam dedisse dicitur, vt exercitû per partes diuisum, atque agminatim palanti similem dispersum, summa cum celeritate iterum colligeret, & maiori ex parte Antiochiam reduceret. Verùm tanta erat, tamquæ diuersa climatum, & variarum regionum ac cæli intemperies nostris sustinenda, vt, dum aëris constitutionem ferre nequeunt, in varios ac planè periculosos morbos, præsertim cum neglecta victus ratione pleriq. inciderint, & multis diuersis morbi generibus absumptis, exercitus ad extremâ propè paucitatem reductus fuit, ita vt ipse Henricus, qui post patris obitum de procerum consensu à Cælestino tertio in Cæsarem inauguratus, Henricus sextus dictus fuit, necessum habuerit, ne totus exercitus ad internecionem deleri vellet, eius reliquias nauibus imponere, & Ptolemaidem vsque deuehere. Tanta siquidem subsequuta erat strages, vt, dum ipse milites recenset, vix mille & octingenti iustis armis ornati, ex tanta multitudine reperti sint. Ipse patris corpus Tyri summo honore profectus, sepeliuit, & iusta non sine lacrymis persoluit. Pari modo etiam Friderico Duci Sueuiæ suo fratri, qui patris auspiciis in hac expeditione secutus obierat, parentauit: ipse interim milite atque omnibus bello necessariis destitutus, derelicta tam egregia & necessaria expeditione, quasi à rerum bene gerendarum cursu fatali quadam necessitate retractus, domû repetere coactus fuit. Sed ne erroris vel negligentia aliqua ex parte penes curiosum lectorem, vel historiae peritos, adeam periculum; non grauabor aliorum opinionem coniungere. Sunt enim qui asserant, statim post Imperatoris obitum, exercitus, atque adeò totius expeditionis summam non Henricum, sed Fridericum natu minorem Sueuiæque Ducem, cum imperio de omnium consensu suscepisse. qui dum strenuissimus esset Princeps, & à paterna virtute ne latum quidem vnguem degeneraret, non solum patris cadauer Tyri honorificè sepeliuisse dicitur, sed illû eius vestigiis insistentem, nullis recusatis laboribus, contemptisq. omnibus periculis, cum paterni exercitus reliquiis in Armeniam perrexisset, eo animo, vt Ptolemaidem obsideret. Ibi vel aëris intemperie ac peste, vel ciborû insuetorum vsu, hunc Fridericum cum multis aliis clarissimis Principibus, qui patrem in hac expeditione secuti fuerant, repentina quodammodò morte extinctum esse.

Henricus 6.
Friderico in
imperio suc-
cedit.

DE QUARTA CHRISTIANO- RVM IN SYRIAM EXPEDITIONE.



Philippi &
Ricardi regū
expeditio in
Syriam.

ENRICO, demortui Friderici filio, in Italiam ex Asia reuerso, Philippus Gallia, & Ricardus Angliæ potentissimi reges, cum ad suam dignitatem haud parum pertinere existimarent, si labe- factatam atq. multis vulneribus confossum Rempub. Christianam restituerent, atque pro viribus sanarent, communicatis consiliis, contractisq. ingentibus, priuatis sumptibus, vndique copiis, multisq. Principibus ac regulis in belli societatem pellectis, nouam expeditionem in Oriẽtem adornarunt: quæ sanè ita celebris & illustris fuisse tra- ditur,

ditur, ut superiorum temporum expeditiones vel obscurauerit, vel saltem egregie adæquauerit. Nā, ut de apparatus bellicis militumq. copiis nihil dicatur, tantus fuit inter maximos & potentissimos Principes concursus, ut nunquā antea maior extiterit; inter quos, qui huic sacrae militiae nomina dederant, potentia & nominis splendore facile Odo Burgundiorum Dux, excellebat. Siquidem cum multis Comitibus aliisque illustribus viris esset concomitatus, haud parum ad huius belli neruum conferebat. Philippus itaque sub proximi veris initium, ex Sicilia in Syriam secunda nauigatione delatus, velut caelo missus, ab exercitu, omnium ferè rerum necessariorum pænuria laborante, & in ultimam ac extremam angustiam redacto, utpotè qui Ptolemaidem per totum ferè biennium assidua & arctissima obsidione presserat, incredibili cum omnium lætitia & fausta acclamatione exceptus est; nimirum cum ad eius aduentum obsessores ipsi non solum comineatu aliisque vitæ necessariis recreati sint, verum noua auxiliariū accessione facta, omnia in melius mutata. Castra etenim firmiori munimento circumuallata, obsessique arctius premi incepere; machinae etiam, tormentaque expugnandis urbibus recens aduecta, summa cum festinatione exposita, aliaque omnia ad propugnationem urbis necessaria, summo studio ac diligentia præparata. Verum, quia recens auxiliaris miles magna ex parte nauigationis nausea, & diuturni tædio summoperè torpebat, belli Ducibus admodum expedire visum fuit, illam quotidianis exercitamentis ad alacritatem & laborem, ac planè ad omnem virtutem bellicam excitare & exercere. At Britannus, paucis interiectis diebus, Gallum cum sua classe subsecutus, longè diuersa fortuna usus est: quippè Messina soluens, aduersa tempestate disiecta classe, Cyprum petere per aduersum ventorum flatum cōpulsus est: verum cum ab ea, à quodam tyranno, Christiano illo quidem, sed Saladini amico, prohiberetur, in continentem vi & armis descensionem fecit, atque ipsum cum suis copiis tanto impetu aggressus est, ut eum bello superatum ceperit, insulamque ipsam sui iuris fecerit; impositisque plerisque locis præsidiis, inde digressus, dum Ptolemaidem cursum dirigit, naui eximiae magnitudinis occurrit, quæ ex Ægypto commeatus, telaq. ad obsessos comportabat. Erant in ea, præter magnam frumenti copiam, aliaque ad vitam necessaria, ducenti quinquaginta scorpiones, & quàm plurima vascula igne Græco, ut vocant, referta. Sunt nonnulli qui adijciant, in caueolis fuisse reconditos venenatos serpentes, qui in nostros tempore prælij emitterentur. Hanc ipse adortus, & expugnatam depressit, ventumque secundum nactus, ad reliquum exercitum, Ptolemaidem, uti diximus, obsidione arctissima prementem, se coniunxit: cuiusque denique potissimum auxilio factum est, ut tandem post longam atque tædiosam obsidionem, Ptolemais quinto Idus Sextilis à nostris recepta sit. Galli quoque prope Tyrum pari successu in nauim quandam hostilem, huic, quam cōmemorauimus, nulla ex parte magnitudine, vel apparatu inferiorem, inciderunt, & occuparunt. Ceterum Philippus, cum breuissimo tempore, nimirum quindecim dierum spatio, multa præclara ac memoria digna, incredibili quadam felicitate in hac sua expeditione usus, gessisset, & expugnata Ptolemaidis auctor maiori ex parte extitisset, ita ut nemini dubium fuerit, si victricia arma per ipsam Syriam, atque adeò totum Orientem circumtulisset, quin facile, & breuissimi temporis tractu, repulsis atque superatis Barbaris, haud exiguum Asiae partem veteri Christiano imperio adiecisset, nescio quibus legitimis de causis ab instituta expeditione serò auocatus, nō sine magna omnium admiratione pariter & dolore e Syria discessit. Ricardus nihilominus, etsi focij & vicini Regis repentinam abi-

Odo Burgundiorum Dux.

Ptolemaidis obsidio.

Cyprus ab Anglis expugnata.

Ptolemais à Christianis recepta.

Philippus Galliarum rex, Syriacæ expeditione relictæ, ad suos reuertitur.

tionem valdè haberet suspectam, cum suo exercitu aliquādiu in Syria, prout vsus ferebat, moratus est. Tandem & ipse veritus, ne Philippus cum suis in patriam reuersus, per suam absentiam aliquid per occasionem moliretur, ac Normanniā, vel aliquā aliam suæ ditionis partē, prout res postularer, inuaderet, ab ipso petijt, vt fidem sibi, iureiurando interposito, religiosè obligaret, ne aliquid huiusmodi vi, vel fraude, tacitè, vel apertè, contra se, quandiu regno abesset, moliretur, quod cum suo incommodo vel detrimento coniunctum esset. Philippus in re tam iusta committere non potuit, quin Britanno satisfaceret; quinimò omnia præclara atque magnifica de se ad maiorem securitatem illi pollicitus, conscensa classe, cum suis Italiam versus adnauigauit, & mox Romam visendi Cælestini Pontificis gratia appulit, à quo reddita instituti sui ratione, multa humanitatis atque beneuolentiæ officia, hospitalitatisque iura expertus est: paucisque diebus ibi commoratus, ac blandè ab ipso Pontifice dimissus, domum reuersus est. Sunt aliqui qui existiment, cum ante suum discessum, cum Pontifice egisse, vt ea fide & iureiurando, quo sese Britanno in Syria obstrinxerat, liberaretur; tantamque fuisse Pontificis æquitatem cum honestate coniunctam, vt nunquam se in illius gratiam tanto scelere polluturum palàm profiteretur: nec mirum, cum Regis postulata non solum cum ipsa humanitate, & Christiana religione, qua ceteris antecellere debebat, pugnarent, verum etiam omnium gentium bene constitutarum legibus ex diametro aduersaretur, ita vt paucis quidem verbis, sed grauius & plenius, increpitum regem, ad fidem conseruandam Britanno pro Reip. Christianæ bono aduersus religionis nostræ hostes iugiter excubanti, hortatum dicant. Ricardus statim post Galliè Syria discessum, nulla intermissa cura, hoc vnū agebat, vt Ptolemaide munimentis, aliisque præsidiis firmata, reliquas maritimas vrbes partim vi, partim verò transactione tentatas, ad ditionem compelleret. Proinde ab instituto cursu nequaquam discedens, proximo mense Septembri, cum suo exercitu ad Assur, non obscuram ac incelebrem Syriæ urbem, contendit, eamque obsidione cinxit. Verum, Saladinus cum hanc urbem, cum propter loci opportunitatem, tum quòd opibus maximis floreret, summopere saluam & incolumem vellet, ac multum eius interesset, vt in sua potestate retineretur, ad eam obsidione liberandam, septimo Idus Septembris, cum nostris congressus est, eo sanè successu, vt nostri superiores facti, de eo præclaram atque omni memoria dignam victoriam retulerint. In eo namque certamine multi hostium viri fortes, & magnæ inter suos existimationis, ceciderunt. Ex nostris verò, præter Iacobum Auenium, virum bellica gloria & virtute insignem, strenuissimè in primæ aciei frontispicio dimicantem, & occumbentem, pauci desiderati sunt, ita vt Dei opt. max. beneficio hæc victoria incruenta quodammodò nostris extiterit. Hoc rerum successu, Ricardus alacrior, & ad ceteras res conficiendas animosior factus, Ioppen ab hostibus desertam, restaurauit, & omnia prouidi ac circumspecti Ducis munia adimpleuit, adeò profectò, vt omnes hanc expeditionem planè felicem, habituram exitum, sibi pollicerentur. Interrupit tamen rerum bene agendarum cursum oborta in castris Christianorum seditio, & Conradi Montisferrati reguli, Tyri per dolum à duobus sicariis occisi cædes, quod magnam deinceps rerum conuersionem in Oriente, vti ex historiis patet, attulit. Ceterum Ricardus, post multa egregiè edita facinora, & exantlatos Reip. Christianæ nomine labores, cum iam videret, maiorem partem exercitus sibi commendati, partim morbo & ferro, partim verò inedia, & laboris intolerantia esse consumptam: simulq. summopere vereretur, ne, dum ipse procul de mo pro Rep. Christiana

*Singulare
exemplum
æquitatis.*

*Insignis Chri-
stianorū vi-
ctoria cōtra
Saladinum.*

*Conradi
Montisfer-
rati reguli
cædes.*

stiana bellaret, proprii regni iacturam faceret, præsertim cum Philippus, contra datam atque oppignoratam fidem, non solum clandestinis consiliis illi grauis esset, sed iam aperte & palam hostis factus, Normanniæ, eius ditionis prouinciæ maximi momenti, imminere, Ioannesque eius frater minor natu Britannicæ prouincias ad defectionem sollicitare, ut ipse regium nomen & potestatem nefarie transferret, diceretur; tantis in vnum confluentibus causis, necessitate summa coactus fuit, cum Saladino pacisci, ac cum eo, quibuscunque potuit modis, in quinquennium, siue, ut nonnullis placet, in triennium indutias constituit. Nam harum indutiarum condiciones cum essent mera quadam temporis necessitate expressæ, erant prorsus huiusmodi, ut non solum præteritarum gestarum rerum gloriam obscurarent, verum etiam magna ex parte pristinam Christiani nominis ac imperij dignitatem læderent atque labefactarent. Siquidem, ut cetera breuitatis causa sileam, Saladinus obtinuit, ut nostri, omnium earum urbium, quarum post receptam Ptolemaidem domini erant facti, citra aliquam moram vel difficultatem ius atque dominium exuerent, mœniaque & munimenta demolirentur, ac solo æquarent, adeo ut hæc ignominiosa transactio haud dubie effecerit, ut huius susceptæ expeditionis successus nobis magis detrimento & dedecori, quam honori vel utilitati, omnium grauiorum virorum iudicio fuerit. Incusetur, & inculpetur tamen potius fatalis illa ratio, omnia pro arbitrio disponens, quam Principum istorum imprudentia, vel temeritas; quandoquidem si aliquis penitus secum reputauerit, constitutarum indutiarum cum Saladino condiciones, proculdubio inueniret, nostros, hac quidem in parte, culpa vacare, & temporis necessitatem nostris imposuisse, ut duorum præstantissimorum regum præclari conatus, & validissimi exercitus labores, incassum omnino suscepti videantur, potissimum cum aliàs non verisimile sit, eos tam demissi animi fuisse, ut aliquo modo aliàs passiuri essent, ut omnes illæ ciuitates, quæ sibi, summis cum laboribus & periculis, accesserant, in Barbarorum potestate remanerent, & eo magis illorum arbitrio subiicerentur, quod ex illorum præscripto ac libidine omnia tum in Syria, tum in ipsa Phœnicia, quas sanè regiones maiori ex parte ipsi sibi subiecerant, agerentur. Obtinuit enim Saladinus à Ricardo abitionem parante, ut in his duabus celeberrimis regionibus nostri nullum firmum munimentum, & iustum propugnaculum vel urbem haberent, Tyro, Ptolemaide, & Antiochia exceptis: videbatur nihilominus Ricardo, præclare, aut saltem non usquequaque infeliciter secum esse actum, quod à tam potenti & formidabili hoste, tam necessario quidem tempore impetrasset, ut imperiū Christianum his tribus nobilissimis ciuitatibus, salua nominis dignitate, consisteret. Rebus ita constitutis, ac de reliquis non parum sollicitus, Cyprum, nuper eiecto tyranno, uti enarrauimus, armis subactam, præsidiiisque firmatam, Vidoni Hierosolymitano regi ea condicione donauit, ut ipse, posterique sui deinceps in perpetuum Hierosolymitani regni titulo insignirentur. quo sanè iure factum est, ut omnes Britannicæ reges ad hanc nostram usque tempestatem huius inclytæ urbis appellationem sibi usurpauerint, & non immerito retinuerint, ut etiam videre est ex omnibus regum Britanorum diplomatis ac edictis. Constituto igitur hac condicione Vidone Cypri rege, ipse cum classis suæ reliquiis, nauigationem Italiam versus instituit: sed inter nauigandum, atroci tempestate oborta, tantum vitæ periculum cum suis adiit, ut, dissecta atque dispersa classe, parum absuerit, quin fluctuum procellis absorberetur, & omnes sui naufragium facerent, adeo ut ventorū flatibus huc illuc impulsus, diu incerto cursu errabundus velificauerit, do-

*Quibus con-
ditionibus
nostri pacē
à Saladino
redemerint.*

*Cur Britan-
nicæ reges
Hierosoly-
mitani regni
titulo insi-
gniantur.*

*Ricardus a
sacra militia
reversus, cap-
turus in Ger-
mania.*

nec tandem ventorum rabie eam Ionij maris partem tenere coactus fuit, quæ Epiro & Macedonia proximior est, & eodem venti flatu in Illyricum breui post delatus, ac tandem cum paucis suis elapsus, mense Decembri, terrestri itinere mutato habitu, & quò facilius omne periculum declinaret, ementita priuari hominis persona, superiorem Pannoniam, quæ nobis Austria est, contendit. Verum, tametsi sese priuato similem gereret, diu tamen latere non potuit, quin agnosceretur. Nam, postquam in certum quoddam diuersorium diuertisset, siue quò ex facie maiestas quædam, ut plerumq. in heroibus accidere solet, eluceret, siue quò ille certis indiciis, utpote annulo regio, vel huiusmodi aliquo argumento, ut nonnullis placet, se proderet; seu fatali & arcana vi, cui rarò reluctari datur, hospiti apud quem diuenterat, in suspicionem venit, quòd priuato maior esset, & ementito habitu Principis alicuius personam sustineret, ita ut ipse, comparandæ sibi Leopoldi Ducis Austriæ Principis sui gratiæ, vel lucri & quæstus causa, cum indicauerit. Verum, ne iniustam reprehensionem apud aliquos incidam, non grauarbor aliquot scriptorum opiniones attexere. Quandoquidem sunt qui tradant, ipsum à Duce Austriæ Leopoldo & Hadmaro II. Domino de Chuenring in villa de Erpuech prope Viennam Austriæ captum fuisse, & ab ipso Domino, vicissitudinis rerum humanarum immemore, contra omnia pietatis & humanitatis exempla protinus custodiæ traditum, & in arcæ Tyrenstein tantisper asseruatum, donec Henrico Cæsari, qui, minis & vi ostensa, ipsum Leopoldo duci extorsit, traderetur. Nam cum ipse Ricardus tam ampli regni successor ac hæres relictus esset, Cæsarem non latebat, illum non commissurum, quin libertatem suam magna auri vi atque pondere redimeret. Proinde spe quæstus & lucri irretitus, studiosè curauerat, ut sibi consignaretur, adeò certè, ut multi sint qui non minùs super eius liberatione, quàm eius captiuitate variant, cum non pauci idonei scriptores asserant, ipsum libertatem centum millibus marcharum auri ab Imperatore emeratum esse. Sunt demum qui asseuerent, centum millibus & quingentis auri pondo libertatè redemisse. Quocunque sese res pacto habeat, non addubitauerim Ricardum graui præsentis pecunia multatum fuisse. Cuius aliquam partem, utputa tertiam, ut nonnullis videtur, in ipsum Leopoldum Ducem, sicuti cum Cæsare transegerat, deriuatam esse tradunt. Multorum scriptorum Annales referunt, & in hoc planè omnes inter se consentiunt, non citra magnam difficultatem pecuniam liberationi Ricardi destinatam, cum magna & immensa esset, fuisse in Anglia expeditam, adeò ut aliqui reperiantur qui dicant, regiam supellectilem aliqua ex parte hac de causa fuisse diuenditam. Sunt præterea, qui etiam addant, pecuniæ pænuria ita tunc temporis fuisse in Anglia laboratum, ut vasa sacra in regis gratiam conflata sint. Non caruit Cæsar graui, & ea quidem iusta, omnium Principum, in primis verò Pontificis reprehensione, & passim magnam auaritiæ notam subiit, quòd scilicet, præstantissimum regem optimè de Christiana Repub. meritum, & à sacra expeditione reuertentem, contra omnium gentium bene institutarum mores, & legum reuerentiam, nulloque belli iure captum, non solum in vinculis habuerit; sed non antequàm graui pecunia multatum dimittere voluerit, tantum abest, ut clarorum Cæsarum more ipsum omnibus humanitatis officiis exceperit, vel saltem eo loco habuerit, quo Principes etiam ignotissimum quemque inuicem habere solent. Incidit huius Ricardi calamitas & fatalis casus in annum millesimum centesimum nonagesimum quartum, ac prout diligenti inquisitione investigare potui, constat, eum ducdeviginti menses à Cæsare in custodia asseruatum, in quo non citra magnam admirationem

tionem reputare animum meum subit, cum quanta fortunæ inconstantia & lubricitate rerum humanarum status coniunctus sit. Nam licet hæc longè late-
 que rebus humanis dominetur, rarò tamen regibus illudit, sic vt eos tanto ludi-
 brio afficiat, sicuti hunc præstantissimum & Christianissimum regem affectum
 esse docuimus. Ceterùm, priusquam huius sacrae expeditionis exitum absoluiam,
 id obiter annotauerim, nempe Philippo & Ricardo regibus, antequam è Sicilia
 soluerent, de illius successu Ioachimum Abbatem, tum in Calabria apud mona-
 sterium Floris eximia laude florentem, consulentibus, cum respondisse, illos qui-
 dem ituros esse; at parum certè profecturos, quòd nondum diram belluam sua
 fata appeterent, nec terræ sanctæ recipiendæ dies illuxisset. Nec verò falsus exti-
 tisse vates Ioachimus, siue illorum contentione motus, siue cælesti numine affla-
 tus, videri debet, cum eius vaticinium cum rerum successu non parum quadret.
 Sunt qui putent, illum hæc eadem Friderico, arma contra barbaros expediendi,
 prædixisse.

*Ioachimi Ab-
 batis vaticini-
 um.*

DE QVINTA CHRISTIANORVM

IN SYRIAM EXPEDITIONE.



INTEREA temporis, cum Henricus Cæsar intelligeret, sum-
 mam tum crudelitatis, tum etiam auaritiæ labem ab omnibus
 sibi esse aspersam, quòd Regem Britannum optimum Principem, ac optimè de Rep. Christiana meritum, non solum in vincu-
 lis coniecisset, sed etiam nò ante, quàm ingenti pecunia persoluta, liberasset: quò ergo nominis sui existimatione mirum in mo-
 dum obscuratam, atque labefactatam, pristino splendori restitueret, vtque sese
 Pontifici ac etiam reliquis Christiani imperij Principibus hoc nomine valdè à
 se alienatis, in gratiam reponeret, expeditionem in Asiam decreuit, rebusq. orien-
 talibus, præsertim verò Syriæ, mirificè afflictis atque accisis, instructa classe, &
 valido exercitu auxilium ferre statuit. Fatis siquidem concesserat Saladinus, cum
 quo Ricardum Regem indutias, necessitate temporis adductum, constituisset do-
 cuimus, adeò vt tam præpotenti atque feroci hoste sublato, Pontifex, ceterique
 Principes rerum Asiaticarum non ignari, in spem venirent, cum egregia bene
 agendarum rerum ansa nostris præberetur, vt repetitis plerisque locis, cum no-
 stro dispendio nec minori ignominia vel amissis vel traditis, Palæstinæ regnum
 facile armis posse recuperari: Pontifex etiam secum reputans, quantum Respub.
 Christiana ex superiorum temporum Principum Christianorum dissidiis, & pro-
 ximi belli infelici successu esset labefactata, quantumq. periculi illi ab hoste im-
 mineret, si eo statu, quo tunc res erant, relinquerentur, modis omnibus Christiani-
 nis Principibus & populis volebat esse auctor, vt res Orientales communibus vi-
 ribus repeterentur. Et Cæsari quidem in primis non exiguum stimulum subinde
 addebat, vt ipse, depositis omnium aliarum rerum curis, expeditionem in Syriam
 destinatam acceleraret. Sed Cæsar tum temporis aliquot grauissimis rebus, im-
 perij sui summam concernentibus, perplexè implicatus, eas pro animi sui sententia
 tam citò absolueri nequiuit, earumque magnitudo planè effecit, vt à destinata
 expeditione non parum retraheretur. Interim tamen, ne Christiana Resp. ex ni-
 mia cunctatione in aliquod maius discrimen adduceretur, neue rei bene gerendæ
 occasio

*Saladinus
 obitus.*

occasio aliquo pacto amitteretur, habita prius cum Principibus septemviris aliisque imperij ordinibus super hac re grauissima deliberatione, constitutum fuit, ut quamdiu Cæsar componendis rebus in Occidente hæreret, Asiaticæ expeditionis summa penes Chunradum Archiepiscopum Moguntinum Electorē cum summo imperio esset. Ille igitur suscepta prouincia, associatisque sibi præstantissimis Germaniæ proceribus, utpote Chunrado Herbipolensi Cæsaris cancellario, Henrico Duce Saxoniz, Leupoldo Duce Austriæ, N. Duce Brabantiz, Hermannō Landtgrauio Thuringiæ, Episcopo Patauensi, Ratisponensi, & Halberstatensi, aliorumque multorum illustrium virorum magna frequentia stipatus, cum valido exercitu in Syriam profectus est. Et quia statim à Saladini obitu magna ubique rerum conuersio facta erat, barbarorum milites munimentis ac præsiidiis impositi, multo segnius quàm antea, stationes suas obseruabant, ita ut plerisque locis desertis, vel saltem negligentius custoditis, facile nostris ad eas aditus patēret. Proinde occupato Beryto solitis suis præsiidiis destituto, quod illa ciuitas omnium iudicio opportuna belli sedes esse videretur, aggeribus, ceterisque ad defensionem necessariis summo studio ac celeritate ante omnia munita atque instructa, deinde in Syriam vltius progressi, cum Ioppenses adhuc graui barbarorum obsidione premerentur, expedire nostris visum fuit, ut illa ciuitas maritima, & totius Palæstinæ antiquissima, ab inimico exercitu liberata, in pristinam libertatem & securitatem reponeretur, præcipuè quod propter portus opportunitatem, huius ciuitatis vsus cum primis nostris necessarius esse videretur. Admotis igitur castris, hostes, cum se & numero & viribus multò inferiores viderent, nostrorum aduentu non expectato, spontè obsidionem soluerunt, adeò ut nostri rerum successu, ad cetera conficienda non parum incitati, citra aliquam temporis intermissione, indies magis atq. magis magnos progressus facerent, unde certè non parua Christiano imperio fiebat accessio, & haud exigua spes suberat, nec minor occasio ostendebatur, Solyma armis recuperari posse, nisi malo nostro fato idem vnumque ferè tempus, in medio bene gerendarum rerum cursu, duorum præstantissimorum Principum mortem consociasset. Cælestinus enim Pontifex Romæ, Henricus verò, sub cuius auspiciis hæc expeditio suscepta erat, Panormi fatis concessere. Quorum sanè interitus magnam Christianis rebus, ut fieri plerumque solet, immutationem attulit, & res Syriacæ sensim tepescere, ac segnius tractari cœperunt. Germani namque, qui ad hanc sacrā militiam profecti erant, statim diuulgata Cæsaris morte, variis seditionibus laborare inceperant: quæ etsi fortiter & magna cum prudentia reprimerentur, assequi tamen nequiuerunt, ut illas penitus extinguerent, vel superaret, quippe qui ita tumultuarentur, ut nec Principum auctoritate, neque militaris disciplinæ seueritate in officio retineri potuerint. Quo sanè factum est, ut propter refractariæ multitudinis contumaciam, res proximè præclare gestæ, mutuis nostrorum dissensionibus & cædibus mirum in modum obscurarentur & extenuarentur, ita ut herclè, ut omnibus in deterius prolapsis, relaxataque militari disciplina, in tantum, ut nullus ferè vsus seditiosi militis esset, nostri tandem illam expeditionem in medio propè cursu relinquere coacti sint, nec eā ex dignitate vel vtilitate Reip. Christianæ, uti quàm maximè requirebatur, ad prosperum ac felicem exitum perducere potuerunt, sed magno cum nostrorum Principum dolore, ab instituto & designato scopo vi quodammodò retracti, semiperfectis rebus, non citra magnam ignominiam, & graue Christiani nominis dispendium, domum redire compulsi sunt. Hunc ergo ferè exitum habuit quinta Christianorum in Syriam expeditio.

*Berytus &
Ioppa à mo-
stris receptæ.*

*Cælestinus
Pont. &
Henrici im-
per. mors.*

*Militaris se-
ditio in Chri-
stianorum
castris exor-
ta, omnem
victoriæ cur-
sum interrup-
pit.*

DE SEXTA CHRISTIANORVM

IN SYRIAM EXPEDITIONE.



INVALESCENTIBVS indies barbarorum viribus, atque ex nostris dissensionibus augescente illorum imperio, Christiani Principes summa necessitate adacti, verentes nimirum, vt nisi peropportune illorum incursionibus vnanimi consensu atque coniunctis viribus & armis obuiam iretur, ne res Christiana valde in praesens debilitate ac extenuata, plane conciderent atque euerterentur, habitis super re tanta longis ac maturis in comitiis deliberationibus, publica consensione constitutum fuit, vt noua expeditio aduersus Saracenos & barbaros citra vltiorem moram susciperetur, quam prolixè & copiosè enarrare, cum multorum scriptis comprehendatur, ad institutum nostrum non valde pertinere mihi videtur. Quocirca, rem leui tantummodò, vt aiunt, brachio percurram, ne nos, ad alia festinantes, huius historiae notae enarratio diutius quam par est, remoretur.

Anno supra millesimum ducentesium decimo septimo, Andreas inferioris 1217:
Pannoniae rex, cum in auitum regnum, defuncto iam patre, ea condicione successisset, vt non antea regni administrationem sibi desumeret, vel regio diademate insigniretur, quam patris defuncti supremæ voluntati tabellis testamentariis comprehensæ obtemperasset; qua, inter cætera, illi iniunxerat, vt sacram in barbaros expeditionem ad nominis Christiani gloriam atque vtilitatem susciperet. Ipse paterni voti, atque recepti mandati memor, nulla ratione sibi melius optimo & gratissimo parenti parentari, vel iusta persolvere putabat, quam si hanc piissimam iussionem citra aliquam moram, vel detractionem adimpleret. Verum cum in re tam ardua & difficultatis plena, plurimum ipse laboraret, non potuit ita res suas expedire, quin multò magis quam existimaret, vel Reip. Christianæ ex usu esset, negotium differre cogeretur. Igitur Pontifex, missò ad illum Cardinali Columna oratore, mirificè instabat, vt hanc sacram sibi impositam militiam recusare, vel vltius differre non grauaretur. Proinde eluctatus suis negotiis, ac nihil prius habens, quam Pontifici, aliisque Regibus & Dynastis, hoc quidem valde requirentibus, placere atque prodesse, associatis sibi aliquot magnis viris, & inter ceteros quidem, Bauariae atque Austriae Ducibus, post multorum dierum periculosissima & tædiosissima itinera, in Asiam cum instructissimo exercitu contendens, tandem Ptolemaidem, in quam urbem, amissis Hierosolymis, Orientalis Latinorum imperij sedes, gazæ & diuitiæ præcipuæ, vt non semel diximus, translatae erant, peruenit: vbi Ericum, Niuernensium Comitē, & Gualterum, Philippi secundi Galliarum regis cubicularium, cum magna Gallorum manu recens adductorum inuenit. Quibus Ioannes Brennus, Gallicæ nobilitatis eques, belli atque pacis artibus clarissimus, qui postea, propter inclytam, & quasi inauditam virtutem animique fortitudinem, Hierosolymorum rex declaratus fuit, sese coniunxerat: qui sanè Principes atque præclarissimi Duces cum vnà cum suis copiis coiuiissent, & in certis quibusdam consiliis atque consensione coaluissent, magna spes proculdubio omnibus de Christiana religione atque salute bene ominantibus, affulgebat, in tanta Procerum frequentia, tantis ac tam præclaris copiis confirmatorum, & vnanimitate aliquid præclari, ac quod ex usu Reip. esset, geri posse: & respondebant certè exorsi belli auspicia. Nam tanta cum celeritate & rerum successu nostri res gessere, & progressi sunt, vt

*Andree
Hungariae
regis in
Syriam
profectio.*

*Ioannes
Brennus.*

in Palæstinam vsque citra magnum negotium vel difficultatem perrexerint. ibi cum aliquot barbarorum turmas habuissent obuias, qui illorum conatus & iter impedire ausi erant, tanta cum sua strage & turpi ignominia, à nostris fusi fugatique sunt, vt vel hoc quidem successu deterriti, non temerè cum nostris postmodum congredi auderent, adeò vt multi tradant, quòd hæc Hungarici regis expeditio cum summa cum vtilitate, tum dignitate Christiani nominis coniuncta fuisset, si fortunæ suæ cursum ac prosperitatem prosecutus esset. Ceterum ipse, vel instituti sui variis de causis pertæsus, vel metuens, ne si, dum regno suo diutiùs quàm vellet, abest, aliquid detrimenti inferretur, domum cogitans, se Iordani fluuio perluit, arbitratus, se hac ratione voti religione exsolutum, atque Pontificis edicto satisfactum esse. Hic annotare licet stultam quorundam Principum credulitatem, qui se magnis rebus implicatos, & cum summa religione astrictos, liberatos esse existimant, si nouis atque inusitatis mediis & artibus, atque adeò summis imposturis, quandoque viris, quibus maximè obligantur & debent, illudant, & specie boni ac veri improbè imponant. Solutus igitur, vt ipse rebatur, voto, Ptolemaidem vnà cum suis copiis rediit; nec ita multò post, nullis ferè in expugnatis atque receptis locis relictis præsiidiis, cum reliquiis sui exercitus in Pannoniam reuersus est. Germanici Proceres de Pannonici reditu certiores facti, cum viderent Asiaticum bellum propter repentinum eius atque inopinatum discessum valdè esse interruptum, atque maiori sui parte esse mutilū & mancum, noluerunt committere, quin tanti inchoati, & feliciter succedentis belli cursum deinceps prosequerentur. Nec sanè ab his languidè ea quæ ad hanc sacram militiam forent necessaria & requisita, tractata, vel procurata fuere, sed bono totius Christiani orbis fato contigit, vt consentientibus Germaniæ ordinibus, tantus militum delectus plerisque in locis haberetur, vt breui temporis spatium magna ac ferè infinita hominum multitudo coacta sit: quæ, postea quàm varijs in locis ad vexilla & Duces confluxissent, mira cum disciplinæ militaris seueritate recensiti atq. instructi fuerunt, ne scilicet incassum sumptus atque pecunia hoc potissimum nomine ferè in toto Christiano orbe imperata atque erogata, absumeretur. Præparatæ erant etiam in huius expeditionis vsus variis in Italiæ locis triremes, aliaq. nauigia portadis militibus cōmoda & opportuna, in quibus sub variorū Ducū auspiciis delecta iuuentus, ceteriq. veterani milites huic mixti, impositi vno eodemque tempore fuerunt. Et non solum Germania in hoc bellum intenta, sed etiam Britannia, & Gallia ipsa fuit. Angliæ siquidem rex, Christiani imperij regum nulli secundus, ad religionis Christianæ, atque veteris imperij nostri reliquias tum propagandum, tum etiam tuendum, priuatis sumptibus, nullo ferè instigante, insignem ac præpotentem classem instruxerat: cuius exemplo inuitati Galliæ Principes, certatim ad hanc sacram militiam confluebant, & nullo habito expensarum, vel molestiarum respectu, tam pio & Christiano bello nomina dabant, vt tres præclari, ac ferè totius regni præcipui, vtputa, Parisiorum, Æduorum, & Lexouiorum Præsules, comparata egregia atque instructa manu, sese ceteris Principibus socios & comites adderent. Constituerant classes in plurimis Italiæ portibus, & diu stationem ad ancoram habebant, priusquam cognita præcipuorum Ducum voluntate sese velis committerent. Vbi verò de vnanimi consensu constitutum fuit, vt nisi certis rationibus, atque expeditis consiliis, hoc à Pannonico inceptum bellum, deinceps perficeretur, in hoc tandem omnium sententiæ conuenire, vt primùm in Ægyptum transmitterent, atque Damiata, quæ doctioribus Pelusium est, ac postmodum ab Ælio

Princi-

*Hungarici
regis insana
persuasio.*

Principe, qui eam triplici muro cinxit, particulaque Nili deducta, in insulæ formam redegit, nuncupata fuit, omnibus armis atque viribus obsideretur. Hæc enim vrbs omnium iudicio digna videbatur, quæ propter non tantum nominis celebritatem atque decorem, quam portus aliarumque rerum opportunitatem, in nostram potentiam redigeretur. At cum esset & loci natura atq. artibus summo perè munita, multum temporis insumptum, antequam expugnari posset; adeo profectò, ut magna sanguinis effusione atque cæde vtriusque facta, huius vrbs deditio ad postremum redempta sit. Nam cum magis iustis viribus, quam vlla defensorum ignavia vel languore expugnaretur, nostri Duces suspicabantur, id quod erat, barbaros statim sub nostrorum aduentum maiorem comineatus aliorumque ad bellum sustinendum necessariorum partem in vrbs arcem validis præsidii ac propugnaculis præmunitam, intulisse. Proinde maior illorum pars, licet multi contra sentirent ac repugnarent, non prius cessandum esse statuebant, quam arx armis etiam esset recepta. Nec vana fuit, vel aliqua ex parte irrita nostrorum Ducum opinio: quippe expugnata arce, tanta rerum omnium ad vitam necessariorum fuit inuenta copia, aliarumque diuitiarum pretiosissimi pretij, ut hæc vrbs facile cum præstantissimis Europæ vrbibus certare, & merito omni rerum affluentia comparari potuerit. Incidit huius vrbs eiusdemque arcis expugnatio in annum ferè eiusdem sæculi vndeagesimum, licet sint qui lustrum vnum adimant: quippe multi sunt qui litteris consignarint, nostros, anno eiusdem sæculi decimo quinto, vel circiter, potitos esse. Qua in re, ut in plerisque ceteris, scriptorum mirari subit discrepantiam, qui, licet exiguis ætatibus à nobis remoti sint, ita inter se variant, ut vix citra magnam difficultatem rei veritas in plerisque rebus erui possit. Recepto Pelusio, & valido præsidio communito, belli Duces, quamuis non satis sibi conueniret, quod multi eorum essent qui domum cogitarent, tamen instigati crebris Pontificis, aliorumque Principum de Christiana religione sollicitorum, literis ac precibus rerenti, quasi inuiti ac reluctantes, in hac sua instituta expeditione fuere. Quandoquidem Pelagius recens ad supremam illam Pontificiam dignitatem euectus, ut sibi maiorem nominis splendorem à Christiani nominis propagandi zelo ac studio compararet, enixè contendebat, ut nostros Principes aduersus barbaros in Asiam profectos, quam diutissime modis quibus posset omnibus in administrando bello foueret; ratus, se hoc pacto non solum Europam clandestinis atque ciuilibus bellis & dissensionibus mirificè dilaceratam, respirare atq. recreari per interuallum posse; sed etiam imperium nostrum in tam angustos terminos redactum, aliqua ex parte constabiliri, vel si potis esset, proferri. Quocirca nostri vltèrùs progressi, celeberrimam Ægypti urbem, quæ sanè terrarum maxima est, Chære ab incolis, à nostris verò Cairum vocitatum, quæ vox victricem sonat, anno Mahumeticæ superstitionis trecentesimo & duodeseptuagesimo, à Ioar Sultano multiplici victoria inclyto cõditam, ac decem millibus passuum à vetustissima nobilissimaque vrbs Memphis vestigiis distantem, arctissima obsidione opprefere. Sed nequicquam tentata eius expugnatione, re infecta, non citra magnam nostrorum cladem atq. ignominiam discedere coacti sunt: quoniam, ut ceteras difficultates, quibus nostri tunc temporis laborabant, sileam; sunt qui tradant, nostros ad tantam deuenisse rerum omnium angustiam, & ita omnium rerum necessariorum aditum & facultatè fuisse interceptam, ut Sultano Ægyptio, quem Memphiticum regem appellamus, noua cum eo trāsactione facta, Damiatam, uti diximus, captam, præsidioque firmatam, restituerent. Quod certè nemini mirum videri debet. Nam multorum grauissi-

*Damiatam
una cum ar-
ce à nostris
recipiunt.*

*Cairum ne-
quicquam à
nostris ob-
sessam.*

Hierosolymorū demolitio.

morum obtinuit opinio, multis scriptorum annalibus corroborata, usque adeo res nostras fuisse angustas atque accisas, ut Coradinus, Damasci & Hierosolymorum Sultanus, nostris per suos oratores condiciones pacis pro suo libito, ac pro sua & Memphisitici voluntate atque arbitrio præscripserit. Ac quò magis nostros irretiret, & in suam sententiam pertraheret, miro lenocinio atque verborum artificio usum fuisse dicunt. Pollicebatur siquidem, si negotium ex voto & sententia sibi succederet, se præter ea quæ sub pacis formula comprehendere debebant, ultro sacrosanctam crucem, & quicquid de nostris in Syria, & Phœnicia ipse, siquæ maiores per vim, vel iure belli abstulissent, redditurum. Quæ sanè postulata cum ab ipso decoro atque ratione non abhorrent, digna omnium iudicio visa sunt quæ complecterentur. Solus erat inter omnes Pontificius legatus, qui se fortiter omnium sententiæ ac voluntati opponebat, adeo ut huius auctoritas, vel potius morositas, & si mauis, imprudentia obtinuerit, ut Sultani oratores, pace infecta, cum omnium nostrum dolore dimitterentur. Proinde Coradinus nostrorum peruicacia mirum in modum irritatus, simulque veritus, ne, si Pelusium à nostris deinceps aliquo modo recuperaretur, ipse Hierosolymis facile excideret, nimirum, quòd eam urbem se tueri posse propè diffideret, seueriter edixit, ut muri, aliaque eius urbis splendidiora ædificia, & monumenta diruerentur, ac penitus euerterentur. Itaque barbarus hostis, nulla habita tam præclaræ ac sacræ urbis ratione, vel reuerentia, Scythico more in illam debacchatus est, sic, ut ipsam maiori ex parte deformauerit, & deplorandam vastitatem intulerit. Mirum tamen in tam barbari & efferati hominis animo aliquam diuini nostri cultus scintillam vel reuerentiam existere potuisse. Edixerat enim sub graui pœna, ut à Turri Davidis, templo Solomonis, ac deinde sacro sepulchro abstineretur. Quod sanè temperamentum ego non tam ad immanissimi hominis humanitatem, vel pietatem, quàm ad Christianorum demississimas preces, ea loca tunc temporis inhabitantium, referendum esse iudico: nimirum cum in confesso sit, hunc adeo nostris sacris fuisse crudelem atque immanem hostem, ut nunquam ab iis, nisi ostenso quæstu, & multa pecunia retentus, abstinerit. Constante bello, Ligures, Pisani ac Veneti egregiam operam Reipub. Christianæ nauarunt. Etenim statim sub illius belli initiū, præualidas classes, aliaque ad tam longinquum & periculosum bellum necessaria, sponte, nullaque præmiorum spe illecti, miserunt. In primis siquidem, Liguribus non postrema laus meritò debetur, vel eo potissimum nomine, quòd paulò antequam hæc sacra expeditio susciperetur, ad Niuernensem, Ducem consanguinitate & propinquitate Galliarum regibus longa stemmatis serie coniunctissimum, sacræ militiæ ergò honorificentissimam legationem habuerint, missis ad eum Lanfranco Rosso, & Gulielmo Embriaco præclarissimis viris. Quorum auctoritate atque dignitate ipse commotus, omnem suam operam Reipub. Ligusticæ, aliisque Principibus & Rebuspub. huic sacro bello fauentibus, seriò pollicebatur, uti postea euentus ipse edocuit. Adornata namque iam profectio, cum Genuam delatus esset, tamdiu ibi constitit, donec reliquæ, quas conscripserat, terrestres copię commodè subsequerentur. Nec sanè hic ardor iuuandæ Reip. Christianæ unquā postea Genuensibus, licet multis nouis molestiis implicarentur, refrixit, sed assiduo quodam iuuandi studio, omni tempore euigilarunt; adeo ut statim Pelagio ad supremum Pontificatus fastigium euecto, eius hortatu decreto Asiatico bello, ducibus Ioanne Rosso Cataneo, & Petro Auria, decem triremes subsidiarias omni genere commectus, validoque præsidio instructas, in Orientem miserint. Nostri enim graui atque diutina

diutina oppugnatione defatigati, iam ferme Pelusij occupandi spe exciderant. Verum Ligusticarum triremium aduentu adco fuerunt recreati & confirmati, vt in nouam spem erecti, instauratis nouis oppugnationibus, tandem cum exigua suorum cæde vrbe potiti sint, & præclaram de hoste victoriam retulerint; tamen hæc ciuitas sub finem proximi anni, Christianorum rebus malè succedentibus, iterum amissa fuerit.

DE VII. CHRISTIANORVM IN ASIAM EXPEDITIONE.



Æc septima expeditio suscepta fuit à Friderico secundo, Henrici Augusti filio, qui Cæsareo diademate insignitus, (id verò incidit in annum post mille ducentos tertium decimum) pacatis in Germania rebus, nihil prius, magisque in votis habuit, quàm vt in Asiam ad Palæstinæ recuperationem trajiceret. Ceterum hoc sanctissimum atque optimum eius institutum plurimis & grauissimis de causis vsque in annum eiusdem sæculi quintum ac vicesimum, retardatum fuit, quo ipse in Italiam reuersus, filium Henricum in Germaniam ablegarat, vt indicto conuentu de consilio patris, ad Principes frequenti Senatu referret, & horum opera atque auxilio necessaria ad expeditionem compararet: & conscriptis atque armatis copiis ducibusque delectis, horum præcipuus fuit Ludouicus Turingiæ Landtgrauus, maritus S. Elisabethæ. Postquam igitur conuenisset Brundisij magna multitudo sacrorum militum ex diuersis gētibus, at potissimum ex Germania, Imperator primò detentus inualetudine affecti corporis ex aëris inclementia, quæ & Landtgrauium cum plerisque aliis crudeli fato absumpsit: deinde inter Pelopōnesi & Cretæ angustias contraria vi ventorum repulsus, aliquandiu Brundisij substitit, ac tandem classe resecta, tertio Idus Augusti, anno eiusdem æui duodevigesimo, præmisso cum maxima copiarum parte Reinoldo Bauaro equitum magistro, & Italiæ gubernatione Reinoldo Duci Spoletano commissa, illinc soluit, & secunda nauigatione Cyprum delatus est, atque hinc Ptolemaidem incolumis peruenit, vbi à Genuensibus & Pisanis, ac toto exercitu, qui eum auidissimè præstolabatur, honorificè exceptus. deinde vltèrius cum victricibus armis progressus, indutias pepigit cum Sultano Babylonico in annos decem optimis & honestissimis conditionibus, receptis ex transactione sine cæde Hierosolymis, captiuis omnibus sine pretio impetratis, & regni possessione occupata. Cumque resectis oppidis Nazareth & Ioppe, militeque, & commeatu instructis, cetera regni constituisset, & probè contra hostes obfirmasset, in Italiam postliminiò cum ingenti gloria, atque ouanti similis, reuersus est. Ab hoc tempore qui Siciliæ ac Neapolis regnum possederunt, Hierosolymitani regni nomen & insignia simul vsurparunt. Siquidem Fridericus, post Constantiæ reginæ Aragoniæ obitum, Iolem, Ioannis Comitis Brennæ regis Hierosolymitani filiam, ex Iole Conradi March. Montisferati & Isabellæ filia susceptam, quam ei pater, in Europam cum ceteris Christianis Principibus reuersus, in matrimonium desponderat, vxorem duxit, addito dotis loco regno Hierosolymitano, obligatoque hac sponsione genero, vt mox à nuptiis dux belli sacri ad vrbe recuperandam, ac vindicandum contra Saracenos regnum proficisceretur. sicuti etiam ab eo factum est. Vnde perpetuus hæreditario iure titulus eius regni ad posteros peruenit.

Friderici II.
Cæsaris in
Asiam expeditio
ad hoc usque
cessus.

Hierosolyma
à Friderico
recepta.

Reges Hierosolym.

DE VIII. ET VLTIMA

CHRISTIANORVM IN SYRIAM SEV

PALAESTINAM EXPEDITIONE.

1249.



OSTREMA expeditio à Ludouico IX. Galliarū rege suscepta fuit. Hic enim anno supra millesimum ducentesiū, vndequin-

Damiata
expugnatio.

quagesimo, regni cura Blanchę matri Alfonsoque germano cō-
missa, cum valida & expedita manu, in qua, præter ipsos proce-
res atque illustres viros, duo ac triginta lectissimorum virorum
millia extitisse dicuntur, Ligusticę classis ope atque præsidio
potissimū innixus, octauo Cal. Septembris soluens, ad XI. Cal. Octobris Cy-
prum tenuit, indeque Syria, Phœniciaque censa, & in Ægyptum delatus, pri-
mo appulsu Æliopolim, seu Damiatam, cuius superius mentionem habuimus,
post aliquot dierum acerrimam obsidionem, vi tandem expugnauit. In vrbe
prædiuiti & celeberrima, vis ingens ceterarum rerum, & in primis magnus nu-
merus frumēti repertus. Ludouicus interim hoc prospero & felici rerum succes-
su alacrior atque animosior factus, de mutuo Procerum consensu Cairum ver-
sus, primariam regni sedem ac domicilium, castra promouit. At barbari de ipso-
rum victoria & progressu per fideles internuntios admoniti, coacto ingenti ex-
ercitu, illis, duce Sultano Meledino Memphitico rege, obuiam processerūt, & bis
conserto prælio, fortissimè vtrimque dimicatum est, eo tandem exitu, vt aduer-
sarij post multam cædem in turpem fugam conijcerentur, & ipsemet Saladinus
acutissima febris correptus, in castris obierit. At Melexala eius filius, illicò
post patris mortem Sultanus Ægypti salutatus, nihil in mora habuit, quo mi-
nùs nouis copiis instauratis, in nostros impetum faceret. Qui exigui numero,
& iniquis locis ab hostili multitudine circumuenti, eò redacti sunt, vt ijs condi-
tionibus sese dederent quæ ab hoste victore conscribebantur: Videlicet,
Vt nostri Damiata cederent: Vt captiui vtrimque redderentur: Vt indutiæ in
decem annos fierent: Vt ingens vis auri penderetur, &c. Octo millia pondo
auri pretium regis salutisq̃ communis fuisse dicitur. Rex quatuor millibus so-
luti, pro altera parte Carolum fratrem obsidem reliquit. Et licet sibi iuxta mu-
tuas pactiones procul abire integrum esset, nihilominus non antè, quàm reliqua
solutione facta, infra spatium scilicet nouendecim dierum, discedere constituit.

Saladini
obitus.

Ludouicus
Gall. rex ca-
pitur à Sa-
ladino.

Damiata
recipitur à
barbaris.

Tunc Damiata decessum, & qui supererant regij milites Genuensium nauigijs in
Syriam præteruecti. Sunt qui asserant, ipsum regem fermè quinquennio in par-
tibus Orientalibus substitisse, priusquam ad suos tanquam postliminiò rediret:
quo quidē tempore, præter ceteras vrbes, Sidonem, Cæsaream, Ioppē, & pleraq̃
alia loca instaurauit, & nihil sibi vnquam antiquius duxit, quàm vt Christianā
fidem ac religionem propagaret, adeò vt cū in ea cogitatione dies ac noctes ver-
saretur, iterum anno eiusdem sæculi vnde septuagesimo, rebus domi constitutis,

1269.

Ludouici re-
gu in Afri-
cā expeditio.

Ludouici vi-
ctoria
Tuneti obsi-
dio.

nouum exercitum conscriberet, & classe à Genuensibus constructa & præparata,
cum tribus filiis, nempe Philippo, Ioanne, ac Petro, & lectissima Gallicæ nobili-
tatis iuuentute, in Africam soluit, atque vrbe Carthaginem, non citra tamen
summam difficultatem, deditione recepit. Post hæc, Tuncetum castra promouit;
& in ipso itinere cum rege illius gentis pugnatum: in quo prælio circiter decem
millia Maurorum cecidisse constanti fama asseritur. Interea temporis, ciuitas
Tunetana mari terraque obsessa, omniq̃ spe inuehendi frumenti exclusa, iam

in

in sextum mensem continua obsidione clausa, de deditioe agendi per oratores initium fecerat. Dum verò de condicionibus disceptatur, in Gallorum castris dira pestilentia exorta, quamplurimos, & in his Ioannem regis filium, atque adeò ipsum regem cum incredibili totius exercitus dolore, ad octauum Calendas Septembris è medio sustulit. At breui pòst, Carolus Siciliae rex cum delecta manu ^{Ludouici regis interitus} superueniens, Francorum animos, sui optimi ac sanctissimi regis morte mirum in modum consternatos atque perculsos, confirmauit, simulque hostes feroces, necnon crebris eruptionibus leuibusque prœliis superbam fiduciam ostentantes, in iustam obsidionem rursus coërcuit. Continuò etià Anglica classis appulsa, copias piorum, spemque adauxit, & barbaris nouum terrorem iniecit. Siquidem Henricus, Angli regis filius, Cornubiæ Comes, ignarus regem viuus subtractum ^{Anglorum classis} esse, cum prœualida classe ex Oceano Britannico soluens, in Africam per id tempus descensionem fecit, vt, quod futurum propediem spes erat, Tuneto regia vrbe, quæ piis ad eam diem variis excursionibus mare infestum reddidisset, in nostrorum potestatem redacta, coniunctis classibus, in Syriam ad Eduardum patruelem cursum dirigeret: nec inde recederetur, nisi ea prouincia confecta. Hostes ab Anglis, Gallis, atque Italis, terra marique oppugnati, ac fame grauius quàm vt eam diutius ferre possent, laborantes, denuò pacis mentione iniecta, cum illis tandem, præsertim cùm dira lues in nostrorum exercitu supramodum defœuaret, his condicionibus inter cetera transactum est, nimirum: ^{Tuneti deditio} Vt nostros suis vrbibus reciperent, hisque liberum suæ religionis exercitium permetteretur: Vt rex Tunetanus quadragena aureorum millia Siciliae regi quotannis numeraret, quantam summam Sículus Romano Pontifici ex formula debebat. His peractis, continuò in Siciliam adnauigatum; quò ex mutatione cæli, grassantis morbi vis atque contagium aliqua ex parte leniretur. iamque insulam in conspectu tenebant, cùm de improvisò atrox tempestas coorta classem disiecit, nec pauca nauigia submersit, donec tandem remittentibus ventis, reliquæ incolumes ad optatum littus appulère.

DE BELLO SARACENICO SEV MAVRITANO, PER

GENVENSES GESTO.



ACTENVS ea qua potuimus breuitate, Christianorum Principum, & aliorum confœderatorum populorum, præsertim verò Genuensium, in prima Syriaca expeditione, atque item in reliquis subsecutis, res gestas complexi sumus. Et quoniam à prima sacra militia, dirum atque atrox bellum inter Ligures ac Pisanos, vti diximus, exarsit, temporum ordo ac historiæ series requirere videtur, vt hoc bellum suis cõsignatum literis ac locis describam. Verùm cùm circa eadem annorum volumina & decursus, inciderint ea prœlia quæ Respub. Genuensis contra Saracenos, longè lateque Africam & Hispanias depopulantes, quàm felicissimè gessit; non videbor rerum ordinem inuerrere, vel historiæ dignitatem atque contextum lædere, si hanc, reseruato aliquantisper Pisano

*Saraceni à
quibus orti,
& unde di-
cti.*

bello, adiecero. Sed ante omnia mihi de Saracenis pauca enarranda restant. Ex Mose haud obscuris verbis datur intelligi, posteros Ismaëlis, qui ex Agar natus est, tenuisse Arabiā. Inde Agar vrbs nominata est ab Agar matre Ismaëlis; & gens Agræi, qui in 1. lib. Paralip. cap. 5. nominantur Agareni, vbi & limites vicini Galaad monstratur. Nomen idem Agareni extat Psal. 82. In ea regione, in qua fuisse Agarenos certum est, collocat Ptolemæus Saracenos, & nomen Saracenorum extat in historia Zenobiæ in victoriis Aureliani. Et à principio quidē Ismaëlitæ, & quandoq. etiam ab eius matre, Agareni dicebātur. Sed quia gloriosius erat dici ortos à Sara legitima Abrahami cōiuge, quā ab ancilla Agar, ab illa sese Saracenos appellarunt, & à regionibus itidem, quas incolebant, Arabes dicebantur.

Ipsē Mahometus etiam postea gloriosi nominis mentione cōfirmavit exercitum, vociferans pertinere ad eos promissionem regni mundi, Abrahamæ posteris traditam, quia essent filij Saræ, sicut prætextu religionis sæpe homines incitantur. Hi sub Romanis Imperatoribus sæpenuerò stipendia meruerunt: vltimò autem conducti fuere ab Heraclio aduersus Cosroën Persarum regem, quo tempore eidem Heraclio Mahometus, itidem Saracenus celebris, cum aliquot copiis militabat, qui finito postea bello, pro eius gentis more, in montana se receperat, & excursionibus atque latrociniis victum suis quærebat. Victo igitur Cosdroë, Saracenus quidam instabat apud Eunuchum, Heraclij quæstorem, vt ipsis stipendia solueret: cumque nimis importunè vrgeret, Eunuchus iratus inquit, se non posse canibus iam dare, quod filiis domesticis deberetur. Quamobrem ex-candescens Saracenus, Nos igitur, inquit, canes sumus? & subito conscenso equo, ad suos reuersus, quos Numarius quidam Saracenus itidē ducebat, Redeo, inquit, pecuniis vacuus, sed iniuriis onustus. Quapropter, vbi illa quæ Eunuchus dixerat, intellexissent, indignati, omnes ab Imperatore defecerūt, & oppida Damasco vicina diripere inceperunt. Multi inopes etiā à Mahometo adiuti, qui, ducta vxore ditissima, largitionibus perfecit, vt milites eum audirent: & suasit, vt ducē crearent, vtque firmior esset consensus, tollerent religionis dissidia, eligerent doctrinæ genus vtile concordia. Ipse doctrinæ formam proposuit, addidit se habere colloquia cælestia, & entusiasmos, vt auget auctoritatem. Creatus igitur Dux, initia regni confirmavit in vicinia Damasci. Initium autem regni Mahometi collocatur in annum Christi sexcentessimum vicesimum tertium. Successit ei Amiras gener, qui Damascum cepit, & regni caput cōstituit. Deinde capit Gazam, & Hierosolymam obsessam biennio. Ahumar tertius rex magna Syriæ parte domita, occupat Ægyptum. Muhantias quartus rex, Cæsaream Palæstinæ septenni obsidione capit, & victo Cosroë filio Orimasda, Persiam regno Saracenicō addidit, ei que legem Mahometicam imposuit. Ita intra annos triginta Saraceni potiti Arabia, Palæstina, Phœnicia, Syria, Ægypto, & Persia, magnam potentiam adepti sunt. Postea Africam totam occuparunt, ac paulatim in Asiam processerunt, ac latè cum imperio legem Mahometicam propagauerunt. Et si autem inter ipsos quoque seditiones & regnorum diuisiones secutæ sunt, vt in aliis regnis, tamen Saracenorum Principes Sultani præcipuam potentiam in Syria, Ægypto, Africa, & magna parte Asiæ retinuerunt circiter quadringentos annos, donec rex Saracenicus, qui Persiam tenuit, contra Babylonicum Turcos attraxit, qui paulatim accepta lege Mahometica, excusserūt ex regno Persico regem Saracenicum tempore Constantini Monomachi, seu Chunradi Franci, non multò ante Gothifredi expeditionem susceptam ad Palæstinam. Hæc modò de huius Saracenicæ gentis primordiis, simulque illius progressibus & incrementis

*Saraceni
Mahometi
sibi Ducem
creant.
Regni Ma-
hometi ini-
tium.*

breuiter

breuiter recensui; ex quibus sanè cuius perspicuum est, hunc ferocem & barbarum populum adeò fecundum extitisse, vt præ ingenti multitudine & frequentia, miraque proferendi imperij cupiditate, nouas subinde quæreretur sedes, & post aliquorum temporum interualla, non solùm haud mediocrem Asiæ partem, verùm etiam successu temporis pestifera eluuione maiorem Africę partem, vt dictum est, armis subegerit, ac incredibilem vastitatē & solitudinem circumuicinis gentibus & regionibus intulerit. Quo certè rei successu immanissima hæc gens elata, Saraceni Hispaniam inuadunt. & abblandiente fortuna lasciuiens, firmum sibi imperium austruere & constabillire posse existimans, omnem Libyci maris tractum longè lateque euagata, tandem arma in Hispaniam ipsam, non absque nostrorum Principum domi oscitantium, vel mutuis ac funestissimis bellis & dissidiis implicatorum, intulit, ac modico temporis spatio magnam impressionem in eam fecit. Cuius rei indignitate commoti Genuenses, cùm non obscurè intelligerent, Saracenicam gentem Christiano nomini exitiosam, non sine immensa Christiani nominis ignominia, & inexplicabili Christiani imperij detrimento atque dedecore in Hispania diutius morari, vel hære posse; tametsi domi pacata non ita essent omnia, vt vera pace fruerentur: nihilominus tamen quia sua interesse in primis existimabant, vt pro veteri maiorum suorum instituto, Reip. suæ gloriam proferrent, & laudem accumularent, amplius expeditionem in barbaros differendam esse, nulla ratione existimarunt. Igitur anno supra millesimum centesimum quadragesimo sexto, 1146. instructa domi duarum & viginti triremium classe, in Hispanias, vbi tunc Saraceni sibi imperium condiderant, profecti sunt, quamuis multorum literis admonerentur, vt ab instituto discederent, nèue ea tempestate aliquid aduersus eos molirentur, præsertim cùm omnibus palàm esset, barbaricam classem ita esse instructam & præparatam, vt multis parasangis numero & viribus Ligusticam superaret. Accedebat huc, quòd Maimonus Almeriæ regulus, qui tantum opibus, & nominis celebritate tunc temporis pollebat, vt facillè inter præcipuos suæ gentis Principes annumeraretur, propriis suis fortunis subnixus, quò magis inclaresceret, contracta validissimorum quorumque manu, priuatis sumptibus, classem seorsum etiam instruxerat, qui tanta fortunæ prosperitate, sic fatis nostris, vel potius Deo permittente, vsus fuerat, vt crebris & præclaris de rebus Christianis reportatis triumphis, nobis formidabilis, suis verò admirationi esset. Hic, etsi classe, & omnibus ad bellum necessarium sustinendum esset instructus, tamen de Ligusticæ classis expeditione certior factus, nescio quo casu factum sit, vt exarmata sua classe, de bello sustinendo cogitationes abiecerit. Quocirca Ligures vltèrius progressi, superatis omnibus difficultatibus, ac emensis totius Hispanici littoris regionibus, & nullarum occasionum segnes, aliquot diebus in Balearibus insulis stationem habuerunt, ita vt post aliquot dierum decursum, cùm iam temporis ratio omnem proferendi nominis, vel reportandæ de Saracenis victoriæ spem adimeret, incursionibus aliquot tantummodò in hostem factis, domum reuersi sint. Ceterùm, cùm nostri Principes mutuò inter se, vt diximus, digladiarentur, Saraceni, animaduersa nostrorum dissensione, neminemque obstare, cuius viribus atque potentia ab vltèrius proferendo imperio impedirentur, huiusmodi opportunitatem oblatam nullo modo negligendam rati, & Hispaniis nullo pacto exsatiati, crebris factis excursionibus, non solùm totum Oceanum Hispanicum mirè diuexarunt, sed etiam pleraque maris Mediterranei oppida, portus, & loca, haud sine magna Christiani populi strage, atque fortunarum omnium amissione, quàm miserrimè inquietarunt, & diripuerunt, adeò me her-

*Genuesium
classis pro ex-
pugnatione
minoris Ba-
learis, quam
vulgò Mi-
noricam ap-
pellant.*

culè, vt Ligures, cùm sua sponte, tum auctoritate & consilio Eugenij Pontificis, qui iamdudum impendentem Christianæ Reipub. tempestatem præuiderat, inflexi, Balearium insularum minorem adoriri statuerint, quò meliùs atque commodiùs pestifera Saracenorum potentia ab Hispaniis aliisque Christiani nominis regionibus excinderetur. Exornata itaque sex onerariarum nauium, & duarum ac viginti triremium classe, eaque omnibus bellicis apparatus tam ad inferendum, quàm sustinendum bellum necessariis instructa, ductu & auspiciis præclarissimorum virorum Vberti Turrij, & Hugonis Caffari viri consularis, post vota publica pro re feliciter gerenda magna cum religione nuncupata, educta classe, in barbaros nauigationem susceperunt, & citra aliquam intermissionem, vel moram vllam, ventorum beneficio in eam insulam delati, in portu vulgò Fornello dicto, stationem habuerunt. Graui ibi vtriusque Præfecti consilio, aliorumq. Ducum iudicio decretum fuit, vt equites in continentem expositi, totius insulæ tractum incursionibus infestarent, & si ita vsus ferret, cum hoste velitarentur: quandoquidem ad bene gerendæ rei opportunitatem non parum iuuare intelligebant, si vno eodemque tempore, exploratis hostium tum animis, tum viribus, etiam de insulæ situ, & indigenarum voluntate cognoscerent, ac edocerentur. Emissis igitur equitibus, & ad suos, qui castra iuxta littus ad hosti formidinem incutiendum posuerant, cum opima præda & amplis spoliis reuersis, repente trecenti Arabes equites, non parua peditum manu constipati, summa cum celeritate nostros insecuti sunt, adeò vt parum abfuerit, quin mox in itinere eos assécutos, ad prælii necessitatem impellerent. Sed postquam in castra nostros reuertisse viderunt, magnacum temeritate in ipsis castris oppugnare veriti non sunt, eo tamen successu, vt nostri non modò illorum impetum fortiter sustinerent, sed tanta violentia reprimerent, vt omnes ad vnum in fugam coniecti, palantibus similes, nullis obseruatis ordinibus, hinc inde, multis eorum contrucidatis, circumcursarent. Quo fortunæ beneficio Ligures alacriores facti, depulata tota ipsa insula, & primaria eius vrbe Polentia potiti, tantis prædiis & manubiis ditati sunt, vt ex huius expeditionis primo successu facile sibi de ceteris bene ominarentur, & bene sperarent. Quare, haud ita multò post, auctoritate ipsius Pontificis, & Alfonsi septimi Hispaniarum regis, ac etiam Barcinonæ reguli, qui indies multis damnis pariter & iniuriis à conterminis & circumuicinis Saracenis afficiebantur, literis subinde sollicitati, & quotidianis precibus ad hoc bellum magis magisque incensi, adaucta classe, nouam aduersus barbaros expeditionem instituere: quoniam cùm serias cogitationes hæc Respub. de communi Christiana religione & dignitate sollicita, ad excindendum & abolendum Saracenicum nomen afferret, longè maiori quàm antea apparatu classem comparauit. In ea enim sexaginta tres triremes, & centum ac sexaginta nauigia omnibus nauticis instrumentis, commeatu, aliisque tormentis & machinis, expugnandis vrbibus necessariis, instructa fuisse dicuntur; tantusque præterea delectorum militum numerus, vt nullam classem validiorem, aut instructiorem ad eum diem è Ligustico sinu soluisse constet. Huic autem præfecti sunt Ansaldus Auria, Vbertus Turrius, Philippus Longus, ex Longorum familia, quæ nunc in Iustinianam familiam transiit, Ansaldus Pizo, Balduinus, & Ingo; quorum duorum postremorum familiæ nomen ex annalibus eruere nequiuim. Hi ergo, rebus omnibus ex animi sententia dispositis & comparatis, è Liguria soluentes, prospéro ventorum flatu ad Gattæ, vt vocant, promontorium, non procul Almeria, maritima regni Granati vrbe, peruenerunt: ibique paulisper, Alfonsum, & Bar-

*Validissima
Genues.
classis pro
expugnatione
Almeriæ.*

cinonæ

cinonæ regulum præstolati, substiterunt, qui se eodem cum suis cõpiis venturos receperant. Alfonsus verò, prout postea cognitum est, hanc expeditionem à Genuensibus ea æstate minimè susceptum iri arbitratus, paucis post diebus suū militem exautorarat. Sed classis præfecti Balduinum cum quindecim expeditis triremibus præmiserunt, qui oram maritimam eius insulæ perlustraret, cui grauius ac seuerè iniunctum fuit, ne militem vlllo pacto in terram exponeret, prorsusque ab omni certamine abstineret. Hostes verò, cum ex minimè obscuris indiciiis atque argumentis hos tam validos apparatus ex omnibus Hispaniis finitimis excitos, in se conuersum iri animaduertissent, quàm maximas copias in Almeria contra Christianorum vim & potentiam coëgerant, omnemque spem in terrestri pugna collocantes, sua nauigia, potissimum sibi ad hoc delecta sede, ne quid ab hoste incommodi ac detrimenti acciperent, in tutos recessus eduxere: moxque cum equitatu iuxta oram littoralem egressi sunt, eo quidem consilio, ut Balduinum cum suis aduentantem, ad manū conferendam prouocarent. Verum ipse, cum ne latum quidem vnguem à mandatis iniunctis discedendum sibi esse statueret, nullis vnquam rationibus vel hostium artibus adduci potuit, ut ab instituto recederet. Sed magna cum prudentia aduersariorum consilia & progressus obseruans atque explorans, mora hostem ludificandum esse iudicauit, donec Barcinonius regulus cum magno nauigiorum copiarumque numero sese Ligusticæ classi coniungeret. Quarum certè copiarum accessione Ligures confirmati, & parum spei vel præsidij in Alfonsi auxiliis reponentes, vrbs oppugnationem diutius differendam, ex re Christiana non esse censuerunt, maturaque super hac re deliberatione habita, plerisque veteranis Ducibus aliisque militaris scientiæ peritis, expedire visum fuit, ut antequam vrbs obsidione premeretur, præsidarij milites eius defensionis destinati, aliquo stratagemate, vel nouo militari artificio extra vrbs munimenta euocarentur. Sic enim sperabant fore, ut è vestigio facta cõgrediendi cū hoste facultate, vrbs ipsa defensore debilitata, facilius in nostram potestatem deueniret. Nostri enim quauis equitatu vincebantur, pedestribus tamē copiis, quæ cum maximo delectu conscriptæ fuerant, quàm plurimum fidebant. Proinde vltius cū sua classe progressi, Barcinonensi iniunctum fuit, ut statim cū suo pedite, & aliquo equitū numero ibi intra aggeres modici fluminis, ex vicinis montibus in proximum mare influentis, delitesceret, & Balduino quidem, ut cum quindecim triremibus iuxta incurui littoris fauces, quas miro gyro amnis efficiebat, à tergo remaneret: eaque ratione sperabant, hostem, nostrorum paucitate illectum, facilius eruptionem facturum. Balduinus itaque summo studio rerum satagens, cum suis copiis strenuè ac diligenter hostem obseruabat, qui cum nostrorum paucitatem valdè suspectam haberet, insidias veritus, egredi temerè non audebat, donec præmissis exploratoribus, qui penitiùs de nostrorum viribus atque potentia cognoscerent: quorum tandem verbis & relatu confusus, nihilque doli subesse suspicatus, protinus confusè, & militaribus ordinibus neglectis, cum magna multitudine egressi, summo impetu in Balduini castra irruerunt. Qui, ut erat præmonitus, se cum suis sensim mare versus subducens, hostium impressionem citra aliquam magnam suorum iacturam sustinuit; quādoquidem traditur, illum vltra octo ex suis non desiderasse. Ansaldus interim Auria, ne ad opem suis ferendam esset remotior, cum quinque ac viginti triremibus non ita procul ab hostium conspectu constiterat: atque, quò diligentius tempus opportunum obseruare posset, ex puppi suæ triremis, quæ littori vicinior erat, ceu ex alta specula, totius prælij euentum expectabat, & se ad superpetias suis ferendum

Insigne Genuens.
stratagemata.

rendum cum sociis parauerat; ita ut cum animaduerneret, nostros mirum in modum ab hoste premi, & non mediocriter laborare, confestim sublato signo, Barcinonensibus militibus, quos in insidiis dispositos fuisse ostendimus, significauit, ut nostris, citra aliquam moram, præstò & auxilio essent: qui profectò magna celeritate vsi, vnà cum reliquis, qui nondum in continentem expositi erant, vno eodemque tempore sese intrepidissimis animis coniunxerunt; & in vnum conglomerati, ita fortiter hostilem impetum sustinuere, ut reliquis Auria collegis & sociis temporis spatium concederetur, ut cum suis copiis in terram descendere, nouamque pugnam instaurare possent, eo quidem successu, ut, cum hostes se amplius contra Ligurum sagittarios & scorpiones tueri nequirent, terga verterint, & celeri fuga salutem sibi quaerere coacti fuerint. In hoc prælio supra quinque millia barbarorum cecidisse, ultra eos qui inter fugiendum in Oceano submersi sunt, multi scriptores asseuerant. Præclara certè victoria, & sempiterna cum laude Ligustici nominis celebranda; cuius prospero prælij successu nostri animati, & sibi latissima quæque pollicentes, urbem ipsam adoriri, & hostem funditus, iis quidem in locis, excindere statuerant, sed obstitit præclaris ausis fortuna: Obortis quippe ventis, tanta cum violentia per aliquot dies assiduos flarunt, ut stationem mutare omninò coacti sint: parumque abfuerit, quin propter aduersam tempestatē classis nostra planè obrueretur; adeò in graue periculum ac discrimen incidit. Proinde commutata statione, ne de improviso ab hoste, proximam cladem omnibus conatibus vindicare & vlcisci connitente, opprimerentur, machinas murales, aliaque defensioni necessaria summo studio atque industria comparabant, sic ut harum præsidio hostium insultus & crebras excursiones fortiter reprimerent, simulque equitem illorum nostras machinas militares exurere annitentem, magna cum alacritate submouerent atque repellerent. Superius diximus, Alfonsum Aragonium in huius expeditionis societatem iure fœderis deuenisse, qua etiam de causa opem ac subsidium pollicitus erat, & cōferre omninò debebat: quod tamen, certis rationibus impeditus, tempestiuè suppeditare nequiuit. In hoc igitur rerum ibi gestarū successu, licet ipse seriùs omninò quàm requireretur, auxiliares suas copias adduceret, Genuensibus nihilominus mirum in modum carum fuit, tam opportuno tempore nouis præsidii firmari, & recenti milite adaugeri. Adduxerat quippè ipse secum ad quadringentos equites, ac mille pedites, qui, posteaquàm rationem moræ suæ Præfectis reddidisset, etiam ostendit, se condicione temporis præpeditum fuisse, quo minùs tantum auxilij, quantum omninò statuerat, secum adduceret. Nostri, Aragonij accessione aucti, magnum pauorem & metum Arabibus iniecerunt; quòd existimarent, noua subsidia longè maioris momenti esse, quàm reuera existerent. Quare cum viribus iam diffidere inciperent, suis fraudibus atque dolis omnia tentanda esse statuebant. Huic quippe genti valdè familiare est, ut pro veteri maiorum suorum instituto, non tam æquo Marte, quàm technis & dolis cum hoste contendant & belligerent. Cum itaque in Aragonij comitatu plures esse scirent, qui linguæ Arabicæ gnari, Punicam etiam perfidiam perbellè callerent, per hos, multis antea præmiis inuitatos, & deinde amplis largitionibus corruptos, procurare annitebantur, ut regius animus per illos, ceu commodos ministros, ab instituto bello retraheretur; sperantes futurum, ut Aragonio ab ea expeditione alienato, facilè Barcinonensis eius exemplum sequeretur, & sic Ligures sociis destitutos, nequaquam amplius contra se aliquid tēturos, præsertim cum iam adulta æstate, sæuitia hiemis, naualibus expeditionibus prorsus incommoda & aduersa, instaret.

*Insigni Christi
Mauritii ad-
uersus Mau-
ritanos vi-
ctoria.*

*Alfonsi Ara-
gonij auxi-
liares copiae.*

*Mauritano-
rum ingenia.*

staret. Verùm Arabes de regio animo atque fide iniquè statuentes, fefellit opinio & euentus. Nam rex ipse adeò sese constantem amicis & sociis præbuit, vt nullis rationibus commoueri, neque vlla largitione, licet ampla, ab instituto abduci vnquam potuerit. Nihilominus tamen cùm Genuenses, regis ac sociorum animos in haud mediocrem suspicionem tacitè hac de causa deuocarent, huic expeditioni summam, quod aiunt, manum, summa cum celeritate imponendam esse censuerunt. Et ne hostis ex temporis mora aliquam bene gerendæ rei opportunitatem nancisceretur, præcisus ansis omnibus, machinis, aliisque tormenta bellica mœnibus admoueri actutùm iusserunt, & tam violentis & crebris ictibus vrbis munimenta defatigarunt, vt duas turres cum magna murorum parte prosternerent. & cùm sibi vrbis inuadendæ facultatem factam esse conspicerent, Aragonium regem, & Barcinonensem multis precibus rogant, vt bene gerendæ rei tam necessario quidem tempore neutiquam deesse vellent. Habebant ipsi Genuenses ad duodecim ferè lectissimorum virorum millia, inter quos non paruus peritissimorum sagittariorum numerus erat. Sociorum verò auxilia superiùs descripsimus, quæ, etsi non essent omninò contemnenda, victoriæ tamen spes in solis Genuensibus iurè ab omnibus reponebatur. Proinde Anfaldus Auzria cùm suis plurimum fideret, antequam vrbis oppugnationem adoriretur, quò eos magis ad alacritatem & laudem consequendam inflammaret, concionem in hunc ferè modum habuit.

Alfonsi regis constantia.

Americæ obsidio.

Genuens. militares copie.

Anfaldi Auzria oratio.

SI VESTRA me virtus, atque iustæ laudis assequendæ cupiditas, strenui commilitones, latèret, vos equidem in eo collegarumque nomine prolixioribus verbis hortarer, vt hac tempestate vobis ob oculos poneretis, quanta vos gloria maneat, si contra immanissimum & longè omnium truculentissimum hostem, nominiq̃ Christiano infensissimum, & nostris optimis spoliis ac manubiis exultantem, feliciter & alacriter dextras & arma expediueritis. Nunc, cùm vestram fidem, rerum agendarum peritiam, ac fortissimum robur, animiq̃ constantiam non semel cum magno nostro, ac totius Reipub. Christianæ beneficio expertus sim, non est me herculè, quòd vos longa & artificiosa oratione ad rem fortiter & strenuè agendam commoueam & inflammem. Quis enim est tam stupidus, & tam parum in re militari versatus, quin facilè intelligat, quantum intersit, cum veteranis & emeritis militibus, & cum tyronibus & nouitiis agere? Hi enim, quia neque vsum, neque rerum experientiam habent, licet fortes suapte natura sint, crebris tamen admonitionibus sæpiùs indigent, & non parum ad alacritatem oratione inflammandi. Sed vobis, qui tantummodò laude & gloria commouemini, nō tam verbis & exemplis, quàm rei bene gerendæ occasione opus est. Igitur si ad vestra magna merita, adeoque ad recentem, quam retulimus, vestro beneficio de hoc hoste victoriam, etiam hoc tempore opulentissima hac vrbe, partim interfectis, partim in miseram seruitutem abductis hostibus, potiti fuerimus, nā non intelligo, quæ virtus cum vestro hoc præclaro facto iurè æquiparari atque conferri possit. Nam, vt nihil grauius hac tempestate breuitatis causa dicam, nèue retroacti temporis incommoditates ingrata commemoratione ob oculos ponam vestros: quis est, rogo, vestrum, qui ignoret, hanc feram, barbaram, truculentam, & plusquàm beluinam gentem, ita rerum successu esse elatam, & nostris spoliis ditatam, vt hoc vnum in primis agat, idq̃ assiduè cogitet & meditetur, vt nos, ciuilibus domi contentionibus implicitos, subinde per occasionem adorianur, & victricibus armis sui iuris faciant? Cùm ergo hæc ita se habeant, & nunc, Deorum omnium beneficio, temporis occasio nobis offeratur, vt non solum præteritas acceptasq̃ iniurias & clades probè vlcisci; verùm etiam gloriæ immortalitatem, strenuè ac fortiter

fortiter præliando, acquirere & cōparare possimus, rogo, atq. vos omnes nomine Reip. Christianæ, per omnia religionis nostræ iura obtestor, ut hæc dies apud omnē venturam posteritatē testetur, quanta cum religione, & fidei nostræ Catholicæ propagandæ studio hanc expeditionē mecum susceperitis. Quandoquidem cum nihil à vobis fieri, nec cogitari quidem aliquid præclarius possit, quàm bene de Christiano nomine ex tanta occasione mereri, piaculum fuerit, si tãtam occasionem diuinitus nobis oblatam, elabi nobis siuerimus. Non cōmemoro hîc vobis immēsas opes, pretiosissimā supellectilem, ac cetera quæ iure belli, si victores fuerimus, in nostram potestatē deuenient, cum satis constet, & planè in confesio sit, hanc vnā urbem instar omnium Hispaniarū esse, in quam scilicet omnium rerum pretiosarū aceruus reconditus sit, & asseruetur. Agite igitur, & vos ipsos tales ostendite, quales semper extitistis, & pro quibus hætenus semper vos cum summo existimationis vestræ merito apud omnes gentes gessistis. Hinc vobis, & Reipub. nostræ, adeoque vniuerso Christiano orbi suprema gloria cum summa utilitate coniuncta parabitur. Interim me vobis, ut expeditionis, sic omnium laborum & periculorum socium indiuiduum offero, & experiemini. Hac Aurix oratione militum animi tantoperè ad pugnam sunt accensi, ut nihil, præterquàm prælij signo expectato, urbem maximo impetu inuaserint, & summo animi ardore viriliter pugnaverint, magnæque strage edita, incredibilem impressionem fecerint. Defensores verò, tametsi non parum ad nostrorum impetum & irruptionem consternarentur, tamen cum intelligerent, se pro aris, pro focus, & liberis, ac denique pro iis omnibus quæ inter cara & præcipua apud homines habentur, dimicare & præliari, resumptis animis, omnia strenuè ac intrepidè, quæ ad sui vrbisque defensionem pertinebant, aggressi sunt, ita ut & nostros magna clade afficerent, & rarò inulti caderent. Siquidem nostri miram oppidanorum virtutem, atque alacritatem admirari, non parum de pristino ardore remittebāt, & languidiores facti, non pauci contrucidabantur: verendumq. omninò erat, ne res prorsus infelicitè cessisset, nisi à Coss. aliisque copiarum Ducibus acerrimis verbis confirmati, & planè in officio retenti, nouis auxiliis adiuti fuissent. Miram namque prudentia atque Ducum industria ordines sub signis & legitimis progressibus retinebantur, adeò ut si aliqui caderent, quamprimùm eorum loco noui succederent. quo sanè factum est, ut huius vrbis expugnationis successus maiori ex parte ipsis Consulibus & copiarū ductoribus accepta referri debeat; quorum quidem in militari disciplina retinenda seueritas tanta fuit, & tanto cum rigore, eo præsertim die, exercita, ut quamuis milites fortiter atque animosè in hostem pugnarent; nihilominus si ordinum neglectio aliqua fuisset, facilè inferiores extitissent, præsertim cum nullæ vires, nisi certo ordine & disciplina nitantur, tantum valeant, quin facilè aliqua prudentia superari & extenuari possint. Expugnata est tandem Almeria xvi. Cal. Nouemb. anno eiusdem sæculi 47. in cuius expugnatione ad viginti Saracenorum millia cecidisse fama est. Captiuorum verò omnis ætatis & sexus, supra triginta millia in seruitutem abacta referuntur, præter illos qui statim sub initio obsidionis sese metu in arcem receperant; qui expugnata vrbe, transactione cum nostris facta, libertatem triginta millibus aureorum redemerunt, sic ut præda in vniuersum centum viginti millibus aureorum æstimaretur, quæ inter milites Genuenses rata portione distributa fuit. Cum verò hæc victoria præcipuè Ligurum armis & virtute parta esset, Reipub. Genuensis nomine Othobonum, cognomēto Bonuilanum, cum valido præsidio ad eius, illiusque tractus defensionem relinquere, omnibus expedire visum fuit, quò scilicet, hostium motus, & noui conatus commodius, maioriq. cum

Petoratio.

Consulum ac
Ducum Ge-
nuens. singu-
larū virtut.

Almeria ex-
pugnatio.

Cæsarum &
captiuorum
numerus.

cum nostrum securitate deinceps reprimerentur. His rebus constitutis, Consules cum reliqua classe Barcinonem se receperunt, quod appulsi, cum ex dignitate Reipub. esse existimarent, ut de rerum gestarum successu quamprimum Senatus certior redderetur, Anselinum Auriam, & Vbertum Turrium, cum duabus triremibus Genuam ablegarunt, qui tantæ victoriæ oculati testes, de totius expeditionis summa, & victoriæ subsecutæ statu plenius & copiosius referrent. Ceterum, quia Ligusticæ classis Præfecti, tam ab ipso Pontifice, quam à Barcinonensi regulo assiduis precibus sollicitabantur, ne in patriam cum classe redire velent, priusquam Tortosam, siue, ut aliis placet, Dertusiam urbem citerioris Hispaniæ, ad amnem Iberum sitam, & ab eo litore quindecim millium passibus distantem, Maurorum potestati eriperent, & à tetro barbarorum iugo ac servitute ereptam, in pristinam libertatem reponerent; Consules, cum graui iudicio perpenderent, hanc prouinciā cum honesto coniunctam esse, & non parum ad Reipub. suæ dignitatem & maiestatem pertinere, facile hoc iustis vtriusque postulatis concessere, ut, resecta & instaurata classe, hunc laborem Reipub. Christianæ iuuandæ & propagandæ gratia propensissimis animis subirent. Quocirca sub initium proximi veris, rebus omnibus ad bellum necessariis summa cura & studio præparatis, nouoque militum supplemento Genua transmissis, quarto Cal. Iulij, postquam pro prosperitate & re feliciter gerenda sacris operati essent, & vota nuncupassent, rectā Dertusiā versus, explicatis velis, cursum nauigationis direxere, paruoque interiecto tempore illuc salui & incolumes peruenerunt. Verum quia huius urbis situs non solum natura loci, sed etiam arte atque opere communis erat, magnam expugnandæ illius difficultatem nostris ad primum intuitum ostendebat. Pars enim in planitiem vnā cum illorum Moschæa, recenti propugnaculo, quā flumen elabitur, valde communita porrigebatur. Altera verò in collem, vbi erat arx vulgò Sueta, assurgebat, ita ut architecti, alijque locorum & munitionum peritiores, præfectis Genuensibus auctores forent, ut Ligurum militum dimidia pars in planitie, in quam vrbs ipsa excurrerat, locum sibi castris deligeret: quorum consilio obtemperatum fuit, atque aliquot Barcinonensis copiarum cum paucis Britanicis equitibus, quos Templarios vocabant, coniunctæ. Alterā verò urbis partem, Gulielmus Montispessulani regulus cum reliqua manu militari obsedit. Graui pœna per omnia castra de more, à Cos. edictum erat, ne quis extra ordinem & iniussus pugnaret, neue in hostem, nisi sublato signo, inuaderet: sed tanta fuit Ligurum pugnandi cupiditas & ardor, ut Imperatorum iussu negligentes, in Moschæam, valde, uti diximus, munitā, impetum facerent: quæ cum diu acriter & magna cum barbarorum alacritate defenderetur, eo euentu dimicatum est, ut multi vtriusque caderent. At Consules vehementer cominoti & indignati, cum iurgiis & commonefactionibus parum proficerent, nec eos ab instituto auocare possent, iussere, ut arietes concutiendis mœnibus præparati, quamprimum Moschææ munimentis ceterisque urbis partibus admouerentur. Quorum ministerio tam feliciter vsi sunt, ut infra breue temporis spatium aliquot turres, & non exiguam murorum, partem prosternerent, ac tam latam ruinam facerent, ut, quamuis defensores sese quàm acerrimè tuerentur, & propugnationi incumberent, sibi tamen aditum in oppidum facerent. Obsessi nostrorum multitudine ac frequentia deterriti, cum agrè illorum vim & impetum sustinere possent, in arcem, in qua sibi plurimum præsidij ac spei reposuerant, profugerunt, eamque omnibus viribus contra nostrorum potentiam & conatus omnino defendere ac tueri constituerant. Erat quippè, uti meminimus, arx ipsa natura & arte munitissima, & propter valli fossarumque, quibus cingebatur, pro-

1131

Dertusiā
obsidio.Dertusiā ex-
pugnata, arx
obsidetur.

funditatem & altitudinem, ægrè & admodum difficulter machinæ bellicæ admo-
 ueri poterant, ita ut, nisi adimpletis & complanatis ipsis fossis, oppugnari nul-
 lo modo posset. Hac difficultate Præfecti animaduersa, euestigio iussere, ut in-
 iectis sarmentis, aliisque. vepribus & humo vallum impleretur: quod magna cum
 omnium alacritate perfectum est, cum nemo ferè esset in tanta militum frequen-
 tia, qui vllum laborem, quamuis alioquin arduum & periculosum, recusaret,
 vel detrectaret. In huius etiam expugnationis usum arx lignea eximia molis &
 magnitudinis fabricata fuit, trecentorum militum capax, quæ rotis versatilibus
 architectonica proportione volubilis ita promouebatur, ut citra magnam mili-
 tum molestiam commodè ulterius propelli posset. cuius quidem machinæ be-
 neficio haud mediocribus incommodis barbari affecti fuerunt. Sed cum huius ma-
 chinæ latus hostes immensis lapidibus, quos densissimæ gradinis instar, creber-
 rimos è pinnis prouoluebant, dilacerassent, statim retibus ex rudentibus, aliisque.
 magnis funibus contextis, & in hunc usum præparatis, concussam & labefactatam
 partem summa cum celeritate instaurarunt, & refarciuerunt, ne iterum facile lædi
 posset, ita ut in oppugnatione arcis pertinaciùs nostri inherentes, defensoribus ma-
 xima & grauissima damna infligerent, omnemque. spem ulterioris defensionis per
 hanc adimerent. Interea Barcinonenses milites, quod sibi mœstua stipendia mi-
 litaria exsolui quereretur, sub hoc prætextu sese ab hac expeditione subduxere, ita
 ut ibi soli ferè Ligures contra tam potentem hostem relinquerentur. quo sanè factum
 est, ut arcis expugnatio seriùs quam optaretur, & expediret, succederet. Verum
 Coss. Barcinonensium abitione nullo modo commoti, vel consternati, nihil
 prorsus de solito studio ac virtute remittere, sed superioribus victoriis confisi,
 pro felici rerum bene gerendarum successu incumbere & inuigilare, ceteraque
 alia veri ducis & militis munia obire, & perficere, adeo ut Mauri nostrorum dili-
 gentiam & indefessos labores conspicati, seq. ita in angustum redactos animad-
 uertentes, ut nullus propugnationi locus amplius relinqueretur, de conditionibus
 dedendæ arcis agere inciperent, & indutias deliberationibus habendis ea lege &
 conditione datis obsidibus postularent, ut nisi infra quadraginta dierum spatium
 nouo suorum auxilio subleuarentur, citra ulteriorem moram se arcem, & eam urbis
 partem quam ipsi in potestate adhuc retinebant, tradere polliceretur. Facile Ligures
 hostis indutias hac, qua diximus, lege & conditione admisserunt: sed cum post e-
 lapsum & statum indutiarum terminum nulla auxilia defensoribus præberetur,
 tandem arx tertio Cal. Ian., prout pactum & mutua astipulatione inter eos trans-
 actum erat, in potestatem Genuensium recepta, scilicet, ut hostes, saluis præsen-
 tibus fortunis, & incolumi vita, arce excederent, & ad suos redire integrum esset.
 Quibus constitutis, Ligures victores, defixis vexillis, nouo præsidio arcem fir-
 marunt. Reperio, huius urbis & arcis obsidionem sesquiannum ferè durasse, adeoque.
 fuisse obsessores grauem, ut post multos exantlatos labores, & deuoratas mo-
 lestias, nemo in tanto exercitu fuerit, qui constanter non affirmaret, se nunquam ma-
 iori cum periculo & grauiori vitæ tædio militasse. Sunt qui tradant, recepta vrbe,
 illam in tres portiones fuisse diuisam; quarum quidem duæ Barcinonensi regulo
 hereditario quodam iure attributæ: tertia verò Genuensibus tum iure belli, tum
 etiam propter inuictam insignem & præclaram operam, & tam magnos toleratos
 sumptus, cessit. Quæ postea cum beneplacito Senatus ipsi regulo, summo perè id
 petenti & intanti, diuēdita fuit. Ceterum Ligures rebus feliciter in Hispaniis gestis,
 & hac recenti præclara victoria magis atq. magis nobilitati, cum ingenti sua laude &
 immortalis gloria, nec non opimis & amplissimis spolijs, prædis atq. manubijs in
 patriam, biennio, vel circiter, continuæ expeditioni & militiæ insumpto, reuersi sunt.

*Genuens. in
media expe-
ditione à Bar-
cinonens. de-
seruntur.*

*Arx Dentisæ
destructione
expugnata.*

*Genuensium
post præclaram
victoriam in
patriam red-
iit.*

DE BELLO PISANO,

LIBER I.



ENARRATIS ijs expeditionibus & bellis quæ populus Genuensis pro Reipub. Christianæ conseruatione & propagatione cum fortiter & indefessis animis, tum etiam prosperè ac feliciter, cum magna sui gloria, & immortali laude contra barbaros & capitales nostræ fidei hostes in Syria, & Saracenos in Hispaniis, & plerisque aliis finitimis locis suscepit ac gessit, nunc reliquum est, vt ea bella commemorem quæ huic populo cum Pisanis, vt vicinis & conterminis, summisque opibus subnixis, ac rerum gestarum gloria florentibus, sic perpetua æmulatione mutuoque odio inuicem flagrantibus, per varia temporum interualla intercessère. Verùm, priusquam hæc bella exordiar, operæ pretium mihi facturus videor, si rebus paulò altiùs repetitis, mutui odij, ac planè subsecuti belli causas & prætextus sub oculos posuero. Carolus, à rerum maximarum prosperè gestarum magnitudine & continua felicitate cognomentum Magni adeptus, postquam anno Christianæ salutis septingentesimo septuagesimo quarto, Desideriũ Longobardorum regem vltimum, qui cum pernicie atque magno imperij Romani dedecore in Italia, aliisque Europæ locis per ducentos & sex ferè annos regnant, bello atque armis deuicisset, inter cetera præclara eius facta & instituta, urbem Genuam ab his gentibus euersam, & per multos annos tetra solitudine propter subsecutam barbaricam vastitatem quodammodò damnatam, cum nō ignoraret multum Italiæ interesse, si hæc ciuitas in pristinam dignitatem reponeretur, denuò instaurari iussit. Cùm verò, multis aliis rebus implicitus, Pipinum maiorem natu filium regni sibi socium destinasset, eumque regem in Italia reliquisset, hanc urbem Pipinus Comitum gubernationi subiecit, qui fermè ad annos centum ibi cum summo imperio ac potestate præfuerunt; quorum quidem primus dictus est Audomarus, ipsi Principi consanguinitate coniunctus, qui anno sexto & octingentesimo eiusdem sæculi Pipini iussu, atque ope Genuensium præpotenti classe instructa, in Sardiniam, à Saracenis, Hispanias incolentibus, occupatam, secunda ventorum nauigatione peruenit, indigenasque rebellantes & ad noua studia spectantes, statim repressit, & prælio fusos, ad pristinum officium atque obsequium redire compulit, tamen ipse in acie, vti diximus, occubuerit. Sardiniam ex hostium manibus ereptam, Pipinus, vt huic Reipub. propter immensa eius erga se merita gratificaretur, Genuensium imperio subiecit. Ceterum progressu temporis Saracenica potentia vsque adeò aucta est, vt illorum arma non solum in Hispaniis & Africa omnibus essent formidolosa, verùm etiam tanta rerum prosperitate & successu vsi sunt, vt, reportatis de nostris assiduus quodammodò triumphis, toti Christiano imperio graues essent, ac magnum terrorem omnibus Principibus & populis indies magis atque magis incuterent, adeò sanè, vt solita sua fortuna confisi, denuò ad subiugandam Sardiniam, à qua nuper, vti ostendimus, repulsi fuerant, arma expedirent, & citra magnam difficultatem, conuiuentibus nostris Principibus, occuparent. Quæ res tantam omnibus circumuicinis populis consternationem attulit, vt Genuenses, hortante atque instigante potissimum Siluestro secundo Pontifice, communem Reip. Christianæ

Causa & origo belli Pisani.

Carolus M. Genuam à Longobardis euersam, instaurari iussit.

Genua sub Comitum gubernatione.

Pipinus rex Sardiniam Genuens. imperio subiicit.

Sardinia iterum à Saracenis occupata.

interitum commiserati, in Sardiniam aduersus barbaros arma protulerint. Comparata enim Senatus consulto instructissima classe, & prospera nauigatione vsi, in eam insulam traiecerunt, vbi fortiter cum hoste cōgressi, tanto robore ac prosperitate vsi sunt, vt truculentum hostem, fortunæ suæ indulgentia exultantem, & ferocientem, fuderint, & ad internecionem quodammodo deleuerint, ita vt insignem & præclaram victoriam reportauerint. Quo quidem tempore, Pisani etiam pari æmulationis gloriæque studio, cohortante etiam Pontifice, Sardiniam ad delendum & extinguendum Saracenicum nomē, magnis instructis copiis, sed tristi euentu, inuasere. Tanta siquidem fuit barbarorum, Musactō rege duce, robur atque alacritas, vt Pisanos iniquo loco & Marte pugnantes, fortiter, & cum multo damno repellerent, sic, vt re infecta, multisque illorum desideratis, illinc recedere sint coacti. Verum ipsi tantæ acceptæ cladis memores, ad inflictam iniuriam & calamitatem probè vlciscendum, & sarcindum, postero anno Rhegium ad Pharum Siculum oppidum, in Calabria positum, & Saracenco iugo oppressum, arctissima obsidione cinxere. Sed Musactus, tumens ambitione, ac de recenti reportata victoria ferociens, suos tam necessario tempore non derelinquendos esse statuens, ex Sardinia cum instructa classe soluens, quò Pisanam classem ab instituto domum retraheret, Pisas adnauigauit, ad cuius conspectum valdè perturbata, & deterrita ciuitas, cum nihil spei in armis suis foris occupatis, vel aliquid præsidij insanis consilijs, vt in tanta rerum omnium perturbatione fieri consuevit, haberent, desperatis quodammodo rebus, derelicta ciuitate, ad propinquos colles aliaque deserta & imperuia loca, salutis suæ anxij atque solliciti, profugerunt. Barbarus hostis hanc occasionem nactus, urbem ipsam hostiliter diripit, ac direptam incendit. Ad cuius quidem tantæ cladis acceptæ nuncium Pisani vltremodum consternati, ac iniuriarum impatientes, relicta Rhegina oppugnatione, nihil habuere antiquius, quàm euersæ patriæ atque nouis calamitatibus oppressæ, suis ciuibz viriliter succurrere, ita certè, vt depositis omnibus externis bellis, Pisas euestigiò reuersi sint, & dirutam urbem, ac tetra vastitate horribilem, summa cum diligentia reparauerint, & in pristinam formam, quoad fieri licuit, restituerint. Et ne in posterum pari iniuria vel calamitate per absentiam ab aliquo affici possent, ingenti cura & studio prospectum. Ceterum, quamuis Pisani domestica clade & recenti patriæ infortunio supramodum essent attenuati, & ferè ad summam rerum omnium inopiam atque angustiam deuenissent, & quiete ac pace sibi in primis opus esset, nihilominus tamen cum Pontifex eos assiduus precibus ad bellum in communes Christianæ fidei hostes suscipiendum sollicitaret, eaque de causa recens Ostiensem Præsulem Legatum Pisas misisset, vt ea Respub., huius auctoritate commota, faciliùs ad eam expeditionem accenderetur, tandem ipsi tam piis cohortationibus & salutaribus consilijs non amplius reluctandum esse arbitrati, rursus arma in Saracenos, anno eiusdem æui XII. verterunt, ac in Sardiniam instructa classe impetum fecere, eo quidem euentu, vt Deorum beneficio insulam in potestatem redigeret, & Musactum, suosque summa clade affectos, ad suos magna cum ignominia, nec minori detrimento redire compulerint. Sed quia huius insulæ, vti etiam Corsicæ, subinde mihi mentionem facere pro contextu historiæ necessarium est, non absurdum fortasse fuerit, si vtramque, licet à multis præclaris geographis, & historicis delineatam, & explicitam, quàm breuissimis verbis describerem. Sardis Hercule procreatus, cum magna multitudine à Libya profectus, Sardiniam occupauit, & ex suo vocabulo insulæ nomē dedit. Hæc in Mediterraneo mari, facie vestigij humani, tam in Orientem, quàm

Genuens. aduersus Saracenos victoria.

Pisani à Saracenis repelluntur.

Pisas à Musactō Saracenorum rege direpta atque incensa.

Earundem instauratio.

Pisani Sardiniam expugnant.

Sardinie descriptio.

quàm occidentem latior prominet fermè paribus lateribus, quæ in Meridiem, & Septentrionem vergunt. Terra patet in longitudine milliaribus 140. in latitudine 40. frumenti ferax, vtrumque populosa, ciuitates non paucas habet, quarum præcipua Calaris, vulgò Cagler, sita in monte iuxta mare, Africam respiciens, magnum & pulcherrimum habens portum, in quo semper varia nauium genera inueniuntur, vtrò citroque in Orientem & Occidentem volitantia, mercesque portantia. Diuiditur in quatuor partes: media, quæ fortissimo septa est muro, propriè vocatur Calaris: ea verò quæ Orientem spectat, Nouum oppidum: quæ verò Meridiem, La Gliapola, seu la Marina: & quæ ad Occidentem vergit, Stampax Eiusdem administratione. nominatur. Residet ferè semper in ea Prorex, vnà cum Baronibus, Comitibus, & multis diuitibus. Habet autem ciuitas ipsa suæ Reipub. administrationem, exquæ ipsis decuriis quotannis sorte quinque eliguntur Coss. qui soli Reip. præfint, eiusque annuos redditus, qui haud sanè medioeres censentur, consilijs cum ipsis ciuibus communicatis, pro sua prudentia & integritate dispensant. In ea neque lupo, sed solifuga tantum, animal exiguum, hominibus perniciosum, inuenitur. Venenum quoque ibi non nascitur, nisi herba per scriptores plurimos & poëtas memorata, apiastro similis, quæ hominibus risum contrahit, & quasi ridentes interimit. Fontes habet calidos, infirmis medelas præbentes, furibus cæcitatem, si, vt ferunt, sacramento dato, oculos aquæ eius tetigerint. Hactenus de Sardinia. Quatenus verò ad Corsicam spectat, hæc quoque maris Mediterranei insula, cui exordium Ligures dedisse dicuntur, eam ex Ducis nomine appellant. Nam mulier quædam Ligur, Corsica nomine, cum taurum ex grege, quem prope littora regebat, transnatare solitum, atque per interualla, corpore aucto, remeare videret, cupiens scire incognita sibi pabula, taurum è ceteris digredientem, vsque ad insulam nauigio profecta est, cuius regressu insulæ fertilitatem cognoscentes, ligneis ratibus illuc profecti sunt, eamque nomine mulieris auctoris & ducis appellauerunt. hæc Græcè Cyrne dicitur, à Cyrno Herculis filio inhabitata. Hodie recentiores in duas partes eā distinguunt: plagam quæ orientem Solem respicit, Latus interius; partem verò huic obuersam, Latus exterius vocant. Pars quæ Italiæ propinquior est, Cismōtana: & quæ Sardiniam versus excurrit, Ultramōtana dicitur. Incolæ tamen, alter alterum Ultramontanū, seipsum verò Cismōtanum, ad montiū situs respicientes, appellant. Insula est ab omni parte aditu difficilis, cum præruptis vndique collibus comprehensa sit. Interius similiter magna ex parte montosa, ideoque frumenti non adeò fertilis est. Vino tamen commendatur, quod illinc Romam exportant, Corsicumque à loco nomen habet. Gignit etiam equos feroces, & canes venaticos spectatæ magnitudinis, & Musinum quoque animal, vt Plin. auctor est, arietis genus, quod lanæ loco villum fert caprinum, Mosoli hodie appellatū, licet hoc animal Strabo Sardinia, vt huic proprium, attribuat. Incolas pro strenuis militibus Italia habet. Melamarum veteres hîc inueniri scribunt. Hæc insula primum à Tyrrhenis occupata fuit, deinde à Carthaginensibus. Hic eam eripuerunt Romani, qui eam tenuerunt, donec inde à Saracenis expellerentur. hos ex ea profugarunt Ligures. Tandem capta à Pisanis, Pontificibus cessit. Vltimò ad Genuensium iura rediit, in quorum ditione atque imperio adhuc constanter perseuerat. Et hæc circa vtriusque descriptionem sufficiant. Pisani insula potiti, & per totum ferè triennium pacifica possessione gauisi, graui Senatus iudicio statutum fuit, vt insula ipsa, quò commodius & accuratius administraretur, & contra omnium iniurias defederetur, in quatuor Toparchias, ceu in quatuor præcipuas partes, geometrica

proportione dimensas, diuideretur, in Caralitanam scilicet, Arborensē, Turritanam, & Galluritanam, quæ sanè Toparchiæ, non secus ac si singulæ priuatæ prouinciæ fuissent, seorsum suos priuatos iudices & rectores habuere. Ægiè hoc interim ferebat Musactus, nec effrenis eius ambitio tam turpè & ignominiosam perperam eiectionem concoquere poterat. Erat siquidem suapte natura vltimodum ambitiosus & cõtumax, adeò vt stulta quadam persuasione non solummodò Asiæ, verùm etiam Europæ imperium iurè sibi deberi in animum induceret. Proinde citra aliquam vel temporis vel animi remissionem, assiduè secum volutabat, qua potissimùm ratione sese vlcisceretur, & præteritarum rerum gestarum gloriam nonnihil labefactatam & obscuratam, recenti aliquo facto restitueret ac illustraret. Imploratis igitur à reliquis Saracenorum regulis nouis auxiliis, eximproviso cum magna & ingenti manu in Sardiniam celeriter contendit, ibique tantam impressionem fecit, vt nostri, segniùs forsitan quàm par erat, illam insulam administrantes & propugnantes, cum haud mediocri Christianorum ignominia & incredibili detrimento hac potentissima insula exciderint. Christiani Principes, in primis verò Pisani, licet non mediocriter ad huius famæ nuncium, & alternantis fortunæ cursum commouerentur, & summo perè, vt æquum erat, dolerent, attamen resumptis animis, atque omnib. periculis, damnis & detrimentis viriliter contemptis, hoc vnum ante omnia anxie & enixe contenderunt, vt Sardiniam ab hostili iugo liberarent, ac gentem, Christianæ fidei infensissimam, hac insula exactam, cum magna sua gloria funditus delerent ac exterminarent. Quapropter Genuensibus in belli societatem vocatis, coniunctis viribus atque confociata classe, tertium expeditionem in Sardiniam aduersus barbaros fecere, tanta cum prosperitate ac fortunæ beneficio, vt deletis, vel saltem maiori ex parte abductis in seruitutem hostibus, Musactum ipsum regem, cuius potissimùm auspiciis hætenus bellum contra nostros motum & gestum fuerat, ceperint; & captiuum Genuam, indeque in Germaniam ad Cæsarem, vt quibusdam placet, transmiserint. Superatis ac repulsis barbaris, & Sardinia communibus vtriusque populi armis recepta, nonnulli non ita obscuri auctores tradunt, de mutua vtriusque populi sententia & consensu Sardinia possessionem Pisanis, prædam verò ac hostiles manubias, & alia quæcumque iure belli recepta erant, Genuensibus cessisse. Quorum sanè sententiæ vt non planè assentiar, facit, quòd res postmodum insecuta manifestè doceant, statim post hanc victoriam, & proximè insecuta tempora, Sardiniam ita in se fuisse diuisam & distractam, vt partim Pisani, partim Genuenses, partim verò Saraceni in ea regnarent, & singuli seorsum per se imperium exercuerint. At progressu temporis inter vtrosq. populos de Sardinia possessione graues exortæ sunt contentiones & rixæ, ita vt Ligures domesticis suis opibus freti, eam armis, expulsis Pisanis, obtinuerint. Ipsi verò, quòd hanc iniuriam & illatum damnū vlcisceretur, Corsicam, Ligustici imperij insulam, inuasere, ac vi oppressere, adeò vt inter vtramq. gentē ex mutua super hac insula altercatione grauissima atq. atrocissima bella sint postmodum enata. Accedebat huc, quòd nō satis illis cōueniret, vbinā Episcopi huius insulæ consecrari, & sacris initiari deberent, magnam altercationis præbente ipso Pontifice ansam, cum mira inconstantia, modò in hanc modò in illam partē propenderet. Et Ligures quidē, magna cū pertinacia ius inaugurandi Sardinia Antistites, penes suum Archiepiscopum, ceu metropolitanum Præsulem, esse contēdebant, eò magis, quòd ipsi diu ante Pisanos Sardiniam armis tentassent & occupassent. Ipsi cōtrā, multas rationes adducere, quibus causæ suæ æquitatem probare enixe stude-

Musactus Saracenorum rex, vir excelsi animi.

Sardinia à Saracenis iterum expugnata.

Sardinia Genuensium & Pisanorum armis recepta.

Graues contentiones inter Genuensium & Pisanos propter Sardinia possessionem.

Inter eosdem acerrima contentio propter inaugurationem Episcopi Sardinia.

studebant; & cùm neuter alteri cedere vellet, res in apertum bellum erupit. Nam hæc de sacris disceptatio multò magis utrosque, quàm si de profanis fuisset, irritauit, & ad sæuissima bella attraxit, quæ cum multo vtriusque populi sanguine redempta fuerunt. Quippe tantus fuit vtriusque furor & rabies, ut inuicem expilationibus, direptionibus, atque assiduis excursionibus sese defatigarent, & non antea mutuis iniuriis modum statuerent, quàm defessi, vel saltem aliquo modo repressi, meliorem opportunitatem expectarent. Igitur anno supra millesimum centesimum vigesimo, Ligures iusta, uti existimabant, causa suscipiendi belli commoti, validissimam classem, octoginta scilicet triremium, quatuor corbitarum ingentis magnitudinis, & sexaginta minorum nauigiorum contra Pisanos instruxerunt ac eduxerunt; constansque multorum est opinio, in hac expeditione Genuens. ultra duo ac viginti millia lectissimorum hominum habuisse. At Pisani his tantis apparatibus exterriti, cùm sese imparatos, & viribus hosti, qui se usque ad Arni flumen intulerat, inferiores viderent, graui de totius belli sustinendi ratione & modo habita deliberatione atque consilio, expedire in præsentiarum sibi visum fuit, ut omisso bello, certis sub honestis condicionibus pacem ab aduersariis peterent, quam etiam citra magnam difficultatem hac conditione impetrarunt, ut Ligures quidem ab armis discederent, si ipsi iuri inaugurandi Episcopos prorsus cederent, & de eo in posterum non repetendo iuramentum silentij præstarent, quod ut summa necessitate ab illis expressum fuit, sic Genuenses, qui hac potissimum de causa bellum hoc susceperant, consopita iam illa controuersia, nihil grauius per id tempus in eos moliti sunt, nisi quod captiuos iure belli à Pisanis in vinculis detentos repeteret, & pristina libertati restituerent. Verumenimvero statim post Ligurum discessum, Pisani metu præsentis belli liberati, pactorum ac fœderis condicionum immemores, earum iniquitatem cau-santes, mutatis consiliis, Ligusticū agrum subinde infestare atque armis inquietare cœperunt: quod dicerent, votum metu armorumque violentia extortum, non esse seruandum. Vsu enim venire sæpius, ut aliquid temporis conditioni sit condonandum, & tum maxime, cùm Reipub. status ita est comparatus, ut alioquin alicuius discriminis ansam subiret. Maiorem igitur publicæ utilitatis, quàm iuramenti necessitate expressi, rationem habendam esse. Ceterum, Genuenses indignitate rei, & summa hostis perfidia supra modum exandescences, cùm sibi datam & præstitam fidem, violatam esse cognoscerent, & præterea magnis incommodis & damnis affici se manifestò experirentur, instructa classe, quò inflicta iniurias & damna vlciscerentur, Pisanorum ausis & temeritati tanto impetu obuiam iuere, ut multis illorum interemptis & contrucidatis, magnum etiam captiuorum numerum secum Genuam abducerent, quem supra mille fuisse tradunt; parique successu cùm non multò post duæ Ligusticæ triremes totidem hostilibus occurrissent, post longum atque atrox certamen, illæ superiores euaserunt, & multa diuiti præda potitæ sunt. Dum hæc geruntur, Romæ Eugenio Pontifice è viuis substracto, de communi Purpuratorum cōsensu Calixtus secundus successit, qui ubi primùm ad summum dignitatis apicem euectus est, nihil habuit antiquius, quàm Principum populorumque animos ad pacem & concordiam reuocare, & Reipub. Christianæ tranquillitatem pro viribus constituere, adeò ut cùm hos duos potentissimos vicinos populos leuibus de causis inter se commissos esse videret, ægerimè ferret, eos nulla ratione hætenus commoueri vel adduci potuisse, ut, consopitis controuersis, inuicem reconciliati, ad mutuam concordiam redirent. Quare, cùm publicæ quietis magnam rationem haberet,

1120.

*Præpotens
Genuens.
classis aduer-
sus Pisanos.*

*Quibus cōdit,
Pisani pacem
à Genuens.
redemerunt.*

*Pisanorum
in violanda
pace perfidia.*

*Genuens. no-
ui apparatus
contra Pisana.*

*Dua Pisanorum
trirèmes
à totidem Li-
gusticis inter-
cepta.*

*Calixtus 11.
singulare stu-
dium in pa-
cando utroque
populo.*

Calixtus secundus Eugenij Pontificis successor, secundum Genuenses pronuntiat.

Pisani novum bellum Genuensium indicunt.

Eorundem fuga.

Genuenses inuadunt Corsicam à Pisani occupatam.

Calixti Pontificis mors.

Honorius II Pontifex renuntiat.

Pisani à Genuensibus maximo incommodo affecti.

Novus Genuensium classis.

ipsis imperauit, ut missis ad se oratoribus, de disceptatione & controuersia summa ipse cognosceret. Quibus missis, totiusque litis statu ad ipsum delato, & penitus inspecto, post multas & longas utriusque partis altercationes, secundum Genuenses pronuntiauit. Qua sententia & Pontificis iudicio tantum abest, ut Pisanis oratoribus satisfactum sit, ut etiam hac de causa supramodum indignati, confestim domum redierint, & rem ipsam apud Senatum exaggerantes, effecerunt, ut Liguribus iterum bellum indiceretur: octoque triremes instructæ, quibus in Ligusticum sinum delati, reliquam suam classem expectabant. Ex Sardinia nimirum duæ ac viginti triremes domum paulò antè reuocatæ, in eo portu in quo ipsi stationem habebant, singulis momentis expectabantur. Genuenses de nouis aduersariorum suorum consiliis edocti, citra aliquam moram septem triremes oppidò rebus necessariis omnibus ornatas, contra eos eduxere, qui etsi classem suam iam coniunctam haberent, & his longè superiores essent, nihilominus tamen ut primum in horum conspectum venere, quia existimabant, quod fortuitò eodem temporis puncto aliquot nauigia in alto mari velificantia conspicati essent, ipsos Ligures longè superiores fore, nouoque stratagemate cum tam exigua classe sibi occurrisset, insidias veriti, desertis nauigiis, omnibus necessariis instructis, ac in fugam conuersi, domum versus festinarunt, ita ut hi facili negotio maiori classis parte potiti sint, & opima præda magnisque manubiis onusti, cum immensa sua gloria domum redierint. Ceterum recrudescente bello, & Pisani nihilominus ad omnem occasionem intenti, miro studio atque animi contentione Corsicam, nuper, uti diximus, Genuensibus ablatam, tuebantur. Ligures interea iniuriarum ac moræ impatientes, incredibili cum ardore bellum renouabant, & sese omnibus, ad hoc necessariis, instruebant, quò scilicet amissam prouinciam, eiectis aduersariis, recuperarent, veterique suo imperio adijcerent. Anno itaque quarto ac vigesimo eiusdem sæculi in Corsicam traiecerunt, ibique castrum D. Angeli natura loci & arte munitum, expugnarunt, ac illud firmatum præsidii, in potestate aliquandiu retinuerunt. Idem quoque annus huic Genuensium victoriæ Calixti Pontificis mortem coniunxit, cui Honorius secundus Cardinalium suffragiis successit. At Ligures recenti victoria aucti, & fortunæ prosperitatem prosequendam rati, statim duodeviginti triremium classem adornarunt, qua in Sardiniam secunda nauigatione deuecti, hostem plurimis incommodis & detrimentis affecerunt, ac in reditu nauim quandam hostilem eximia magnitudinis, quæ circiter quadringentos homines vehebat, ad Arni ripam conspicati, illam tamdiu insecuti sunt, donec eam tandem ad ostium & fluminis fauces, captis omnibus ferè vectoribus, transuersam agerent. Quo recentidamno Pisani valde exacerbati, ut illud vindicarent, paucis interiectis diebus, octo nauigia peregre instruxerunt, contra quæ Ligures non ultra septem, licet longè maiorem numerum ad manus haberent, ductu atque auspiciis Caffari viri consularis eduxerunt, plurimum de ipsius ducis, aliorumque præstantissimorum virorum qui eum comitabantur, virtute confisi. Siquidem huic expeditioni quamplurimi lectissimæ nobilitatis iuuenes cum proferendi nominis, tum iuuandæ Reipublicæ studio Caffari auspicia secuti, nomina dederant. Verum tamen pugnandi ardore tenerentur, ac omnem mouerent lapidem, ut hostem per occasionem inuaderent, is nihilominus fuit rerum ibi successus, ut Pisanis ea tempestate aliis nauigationibus intentis, coniungi non potuerint. Vnam tamen eorum nauim, omni mercium genere onustam, dum domum reperunt, habuerunt obuiam, quæ licet sese ad primum illorum conspectum, periculi euitandi studio cum

cum summa celeritate in Plumbini portum subducere conaretur, permodico tamen negotio, nequicquam obnitentibus eius loci præfidiariis, in illorum potestatem redacta est. Nam cum ipsi omnibus ad gerendum bellum, & in primis quidem valido milite, essent instructi, tanto impetu in Plumbini castrum crebris tormentorum ictibus impressionem fecere, ut perexiguo temporis spatio arcem ipsam unâ cum suburbanis tectis maiori sui parte diruerent, ita ut defensores denudati, hostiumque telis expositi, deditiorem facere cogerentur. Quibus rebus feliciter gestis, Consules, quorum consiliis & auctoritate Respub. tunc temporis potissimum administrabatur, cum videret nullum bello modum ab hoste, licet subinde magnis detrimentis & laboribus supramodum defatigato, constitui, sed magis atque magis cum irritari & grassari; extrema esse tentanda censuerunt. Proinde reparata classe, aliisque necessariis comparatis, terra marique Pisas inuadere statuerunt, eamque per integri anni spatium arctissima obsidione presserunt, eo quidem successu, ut tandem oppidani diuturna ac grauissima oppugnatione supramodum defatigati, pacem vel iniquissimis condicionibus redimere coacti sint. Nam, præter cetera, illis ab hoste ad maiorem infligendum contumeliam imperatum fuit, ut domorum fastigia ad primam contignationem usque demolirentur. Hac verò clade, quæ in annum eiusdem æui vigesimum septimum incidit, tantum abest ut Pisanorum animi vlla ex parte frangerentur vel debilitarentur, ut etiam deinceps longè maiori contentionis ardore & alacritate asperri-
ma bella moliri sint. Quandoquidem breui instauratis viribus, nouaque adornata classe, sub initium proximi veris Ligusticum agrum solitis excursionibus & populationibus grauiter infestant. Ligures econtra, ut hostilem audaciam & conatus retunderent, continuo tredecim triremium classem eduxerunt, atque in Siciliam, ubi hostem esse acceperant, enauigarunt: eique iuxta hanc insulam occurrentes, acie instructa, illum protinus adoriri & inuadere constituebant, sed is detrectato prælio, celeri fuga Messanam, Ligure nequicquam illum insequente, contendit; quò appulsus, cum se incolarum ope ac præsidio tueri contra hostium iniurias posse confideret, classem cōtinenti admouit. Ligur verò plurimum momenti in diligentia esse situm iudicans, quamprimùm descensione facta, hostem confuso ordine in suburbanis locis vagantem, summo impetu & animi ardore aggressus est, ac eo euentu præliatus, ut direptis suburbiis, cum Pisani se in extremis periculis versari conspicerent, in regium usque prætorium salutis causa profugerint, ita ut Genuenses victores illorum nauigia incendere ac exurere pararent; quos tamen Rogerij tertij Sicaniae regis, illuc subito cum suis accurrentis, inhibuit auctoritas ac reuerentia, adeò ut etiam in eius gratiam prædam in hoc conflictu Messanensibus ablatam, benignè restituerint. Hisce rebus hoc pacto se habentibus, nouisque iurgiis ac simultatibus vtriusque gentis animos ad noua prælia incenditibus, Innocentius secundus, qui paucis antè mensibus à Guilielmo Calabrie Duce, ac huius Rogerij Sicilie regis filio, quòd magna manu militari collecta bellum in eos moturus videbatur, cum magno Purpuratorum numero captus fuerat, ab ipso tamen multis diuersorum principum intercedentibus precibus, humanissimè dimissus, in Galliam profectionem adornabat, ut ibi indictæ Synodo interesset, quò Anacleti, sui aduersarij & æmuli, consilia, qui nuper multorum suffragiis ad pontificatum, dum ipse in vinculis esset, euectus erat, anteuertaret. Proinde Romæ paratis occultè nauigiis, secundo Tiberi cum his Purpuratis qui pro eius partibus stabant, Centumcellas usque delatus est, indeque duabus Pisanis triremibus Pisas, & illinc Genuam enauigauit, & in vtraque vrbe
summis

1126.

Plumbini castrum à Genuens. dediti-
one occupatum.Pisa à Genuens. obsessâ,
& condiciones impostas.

1127.

Pisanorum ac
Genuens. mo-
ni apparatus.Ligurum
victoria.Innocentij i
ad Genuam
profectio.

summis honoribus exceptus fuit. Ipse accepti beneficii memor, ut utrique genti gratiam aliqua ex parte referret, obnixè dabat operam, ut, conciliatis animis, utrumque populum ad mutuam pacem & concordiam reduceret. Verum, cum propter contumaciam, & incredibilem animorum utriusque partis distractionem, in gratiam tam citò redire nequirent, hoc vnum tamen summa diligentia & auctoritate impetrauit, ut tantisper ab armis uterque populus abstinere, donec ipse à Gallia in Italiam postliminiò rediisset: quæ sanè indutiæ summa cum fide & religione utrinque illæ sæ & inuiolatæ obseruatæ fuerunt, adeò ut statim sub ipsius Pontificis in Italiam reditum, qui incidit in annum supra millesimum centesimum trigesimum secundum, pax inter eos ad aliquot annos ipsius Pontificis potissimum auctoritate & interuentu constituta sit. Ceterum Pontifex quò sibi arctius Rempub. Genuensem deuinciret, urbis Antistitem in Archiepiscoporum numerum transcripsit & cooptauit, ita certè, ut Respub. hoc nouo beneficio obligata, multum illi deinceps se debere confiteretur, eò quidem magis, quòd ipse Innocentius, ultra hoc recens collatum beneficium, nouo urbis Archipræsuli plerosque Corsicæ Episcopos, vsque ad dimidiam scilicet eorum partem, illi subiecerit, & ut in posterum sub eius potestate, vel, ut ipsi dicunt, iurisdictione esset, ordinauerit; quo quidem titulo ac dignitate primus omnium Syrus, tunc temporis eiusdem urbis Præsul, insignitus fuit, quem postmodum insecuti successiores, ad hanc vsq. diem assiduè retinuerunt. Ne etiam Pisanos aliqua ex parte negligere, vel his inferiores iudicare videretur, ad tollendam in perpetuum inter eos omnem controuersiam, omneque belli seminarium radicitus auerruncandum, Pisanam Ecclesiam in metropolitanam erexit, attributa illi altera Episcoporum Corsicæ parte. Constituta itaque hac ratione inter eos pace, nihil ab eo tempore, vsque ad annum eius sæculi sexagesimum secundum utrimque attentatum fuit: sed vtraque Respub. his intermediis annis pacem initam cum summa fide ac integritate inuiolatam retinuit. Quibus elapsis, Genuensis Respub. nouis rerum turbinibus & tēpestatibus agitari & implicari cœpit, ex quibus funestū ac exitiale bellū renatū est; cuius quidem causam atq. originem hanc fuisse, veteres annales commemorant. Quod cum Byzantium plurimi utriusque gentis negotiatores, & ciues, mercium & exoticarum rerum emendarum commutandarumque gratia confluerent, Pisani, ob priuatas quasdam lites & controuersias inter aliquot suos ciues & Genuenses exortas, numero circiter mille in vnum conglobati, contra Ligures qui ea tempestate ibi aderant, arma expediuēre, tantoque impetu eos aggressi sunt, ut nisi euestigiò utriusque concitata gentis ardor aliquot honestorum ciuium opera & auctoritate restinctus fuisset, verendum erat, ne, conturbata iam tota vrbe, magna hominum strages eo die subsecuta fuisset. Verum motus isti in præsentiarum ita consopiti fuerunt, ut Pisani, Venetis & Græcis coniuncti, haud ita multò post denuò ad arma concurrerent, & Genuensium publicum negotiatorum domicilium (vulgò Fundicum vocant) iuvene quodam inter Ligusticæ nobilitatis non postremi nominis, propter exortam contentionem interfecto, diriperent. Hoc tam tristi & atroci nuntio Genuam perlato, cum Senatus indignitate rei cōmotus, censeret, nullo modo ex dignitate Reip. esse, ut hostes impunitate cōfirmati, talibus exemplis in posterum grassarētur, nulla interposita mora, Senatusconsulto super nouo bello inferēdo facto, missisq. Pisas fecialibus, qui pro sollemni maiorum instituto, recitatis legitimis causis, bellum denuntiarent, atque illi populo aqua & igni interdicerent, statim de vnanimi omnium consensu & voluntate, triremes duodecim omni bellico apparatu ad huius belli vsum

1132.

Pax inter Ligures ac Pisanos.

Syrus primus
Genuæ Archi-
episcopus.

Belli inter
Pisan. ac Ge-
nuens. instau-
rati, origo, &
causa.

usum instructæ fuerunt. Quibus in portum Pisanum delati, euestigio in turrim in eiusdem vrbis conspectu positam, adhibitis machinis, tantam impressionem fecerunt, vt illius munimenta maiori ex parte conuellerent, & ita prosternerent, vt in defensorum potestate non esset, quò minus vltius progredierentur, prohibere. Diruta namque turri, Genuenses, portus quodammodò domini facti, citra magnum aliquod obstaculum, vel difficultatem, nonnulla nauigia omnibus necessariis instructa, nihilque, quàm secundos ventos ad ancoram expectantia, inuaserunt, ac remulco extra portum eduxêre, adeò vt cum Pisani nominis contumelia in illorum vrbis conspectu opima præda potiti sint, & pristinam gloriam non parum recenti de tantis hostibus victoria adauxerint. Hoc rerum successu incredibili gaudio perfusi Ligures, nihil ad summam diligentiam reliqui fecerunt, quò aduersarios, numquam domi, vel foris quietos, subinde nouis cladibus & detrimentis afficerent: summaque contentione instabant, vt illos extrema necessitate adductos, vel ad pacis studium conuerterent, vel, si hoc minus allequerentur, saltem, propter toties commissam perfidiam, ac intolerandam fœderis & pacis violationem, debitas pœnas persoluerent. Quod vt fieret commodius, quatuor nouas triremes construxerunt, quibus totius Ligustici maris tractum à Pisanorum iniuriis tutabantur & defendebant, sic, vt cum magno totius Italiæ beneficio horum conatus reprimerentur: casuque accidit, vt vna Pisana triremis, in qua Bonacursius, illius vrbis Consul, vehebatur, à Genuensibus interciperetur. Quo sanè factum est, vt illo Genuam captiuo perducto, rebusque iam summoperè accisis, Pisani eò necessitatis redacti tandem sint, vt ad vires reparandas, & quò suum Consulem in hostium potestate detentum, liberarent, de inueterata illa atq. assidua animorum pertinacia cum summa arrogantia coniuncta, nonnihil remitterent, ac multis precibus apud Cæsarem instarent, vt suam auctoritatem apud Senatum Genuensem interponere non grauaretur, quò suo consuli vita incolumis conseruaretur. Cæsar vt eis gratificaretur, per Chunradum Moguntinum Archipræsulem, septemvirem, & totius Romani imperij nomophylacem, seu, vt vulgò loquimur, Cancellarium, tantum apud Genuensem Remp. egit, vt ille in suam gratiam saluus atque incolumis in pristinam libertatem restitueretur. Ceterum, Pisani immortali odio & inextinguibili ira contra Ligures flagrant, & nihilofeciùs rerum suarum aduersarum casu fracti, nulla habita sumptuum, vel laboris ratione, omnia extrema experiri statuerunt, & quadraginta sex triremium classem breui temporis interuallo præpararunt, partim quò aliquot nauibus suis, quas tunc temporis ex Sardinia præstolabantur, commodius subsidio irent, partim vt illatas recens iniurias omnibus viribus vindicarent & rependerent. Educta igitur classe, omnem Ligusticæ oræ tractum continuò infestabant, quo non contenti, maritimumque imperium sibi vendicantes, circumuicina loca crebris excursionibus subinde inquietabāt: captisque duabus onerariis Ligusticis, ad nouam bene gerendarum rerum fiduciam mirificè sunt accensi. Quod cum ad Ligusticæ classis præfectum, qui tunc temporis stationem in portu Veneris habebat, innotuit, tanta celeritate classem suam emisit, vt parum abfuerit, quin Pisanum imparatum, & nihil minus expectantem, opprimeret. Hic tamen quamuis classem haberet neque numero, neque apparatibus hostili inferiore; tamen quòd ita expedire sibi videretur, nullam præliandi potestatem fecit: ita vt vtrunque, nulla re memorabili gesta, discessum fuerit. Christiano imperio ea tempestate præerat Fridericus, cognomento Aënobarbus, vulgò Barbarus dictus, qui recens Chunrado tertio Impera-

Novum bellum inter utrumque populum.

Genuens. Pisanam turrim demoluntur.

Bonacursius Pisanorum Consul, à Genuens. capitur.

Pisani consugium ad Imp.

Idem novum bellum instaurant.

pera-

Friderici
Cæs. studiū
erga Pis. ac
Genuens.

Moguntini
ad pacem co-
hortatio.

Indutiae in-
ter Gen. &
Pis.

Bellum reno-
uatum.

1164.

Genuens. le-
gatio ad Fri-
dericū Cæs.

peratori defuncto de suffragiis septemuiratus collegij successor factus, nihil prius habebat, quam Christiani orbis Principum animos ad mutuam cōcordiam constituendam, pacemque publicam conseruandam, adhortari & inflectere, adeo certē, ut cum has Resp. in mutuam perniciem omnibus conatibus conuersas esse videret, misso Moguntino, de quo proximē diximus, vtrique populo auctor esse volebat, ut, confopitis pristinis odiis & bellis, serias cogitationes ad pacem ineundam afferrent. Moguntinus itaque, vbi primū iussu Cæsaris hanc prouinciam suscepit, grauissima oratione illius animum vtrique populo declarabat, multisque propositis ac recitatis exemplis, ostendebat, hanc tam contumacem vtriusque æmulationem, & cōtentionis studium, nō solum in alterutrius exitium euasurum, verū etiam toti Italiæ, atque adeo vniuersæ Reip. Christianæ non leue damnum & detrimentum inflicturn, præsertim cum in tanta rerum omnium confusione, Resp. Christiana esset eo loco, ut Turca præpotentissimus hostis, indies magis atque magis ob Christianorum Principum distractionem, nouis victoriis insoleceret, magnaque imperij accessione ferociens, breui temporis tractu Europam vndique inuasurus esset. Cuius quidem imminentis periculi magnitudine aliisque demonstratis sufficientibus & legitimis causis, Moguntinus enixē apud vtramque Remp. contendebat, ut missis vtrimque ad Cæsarem, qui tum temporis Taurini in Cisalpina Gallia agebat, oratoribus, ipse de præteritarum controuersiarum rationibus plenius edoceretur, eiusque graui iudicio controuersiarum omnes tollerentur, ut tandem firma atque summo perē necessaria pax eius auctoritate constabiliri inter eos posset. Verū Cæsar numquam, licet hoc enixē studeret, & maximē cuperet, impetrare potuit, ut recōciliatis animis vtrimque in gratiam rediretur. Hoc tamen vnum ægrē obtinuit, vel potius extorsit, ut indutiæ tantisper inter eos constituerentur, donec ipse ex Germania, quam cogitabat, in Italiam rediret. adeoque erant vtriusque populi animi ab omni firma concordia & vnione auersi, ut nisi Cæsaris auctoritas sese seueriter interposuisset, nullorum Principum consiliis, nullisque prouinciarum precibus ad has indutias ineundum, quæ postmodum Pisis, & Genuæ, à ducentis ex præcipua nobilitate ciuibus, de mutuo consensu & voluntate, sollemni more ac pro veteri instituto, ut in posterum sartæ tectæ retinerentur, confirmatæ sunt, adduci, vel commoueri alioquin potuissent. Ceterū neque Cæsaris auctoritas, penes quem arbitrium rerum erat, neque vlla iuris, vel fœderis reuerentia, tantum valuit, ut inhibere potuerit, quin vterque populus haud ita multo post Cæsaris discessum ad vetera odia, & mutuas similtates turpiter recurreret, atque arma in mutuam perniciem expediret, ita ut abruptis indutiis, & instauratis viribus, vtrimque atrocissimum bellum, potissimū propter Sardiniam, in qua vterque sibi possessionem vendicabat, exoriretur. At ad Cæsarem in Italiam, anno M. C. LXIII. reuersum, & in Marchiam Anconitanam profectum, Ligures quatuor legatos, nempe Baldizonum Vfusmarium, Corsum Sigismundum, Bonuasallum Antiochium, & Guilielmum Iordanum, misere, qui noui suscepti belli rationes redderent. Hi itaque ipsum ad fanum Fortunæ, vbi constiterat, affecuti, atque in colloquiū admissi, graui & diserta oratione ostendebant, quantis iniuriis & damnis à Pisanis, nullam rationē fœderis vel pacis publicæ habentibus, affecti, & assiduē lacerati, necessariū potius, quam spontaneum bellum recens resumpsisent. Sibi igitur extra culpam positus non succenseret, sed eam omnem in hostes, perduelles ac tranquillitatis publicæ perturbatores, reijceret. Se namque nihil magis, quam pacem semper optasse, & etiamnum optare, ac ut ea salua & incolumis seruetur, studiosē disse-

disse operam. His & similibus se Resp. illa apud Cæsarem purgabat. Et quia rumor diuulgauerat, ipsum in Siciliam arma moturum, legati, quò magis illius beneuolentiam atque gratiam demererentur, vltra debitum & pristinum obsequium Imperatoribus deferri solitum, Reip. suæ nomine classem, aliaque ad bellum necessaria, se ad eius arbitrium & voluntatem paratissimis animis instructuros quàm officiosissimè pollicebantur. Quo sanè verborum lenocinio, & oblata liberalitate adeò Cæsaris animus fuit delinitus, & in hanc Remp. propensus, vt ipse, rogante Senatu, acceptisque quatuor marcharum millibus, in illius gratiam Sardiniam prouinciam in Regnum erigeret, & Barisonem toparchiæ Arboreæ, nomine Reip. in ea insula tunc temporis Iudicem, Regis titulo insigniret, ratus, illum, eiusque posteros, Sardinia administrationem ad dignitatem & vtilitatem Romani Imperij haud dubiè instituturum & conuersurum. Eodem etiam tempore Pisanorum legati nomine Reip. suæ, causæ suæ æquitatem etiam apud Cæsarem probare, atque tueri contendebant: valdeque cum Genuensibus oratoribus expostulantes, grauiter coram ipso Cæsare de perpeffis iniuriis conquesti sunt, ita vt, exorta inter eos summa contentione, ipsi palàm & apertè, in publica multorum magnorum virorum corona, dicere ac perclamare non vererentur, hanc nouam Genuensium dignitatem, Cæsaris beneficio impetratam, cum sua graui iniuria, nec minori dispendio coniunctam esse: nimirum cum sibi nō minus iuris, quàm illis in Sardinia competeret. proinde se nunquam laturos, vt deuorata tanta contumelia, illi pacifica possessione fruerentur. His & similibus vocibus cum sese Pisani fortiter opponerent, & nulla ratione adduci possent, vt Cæsaris decreto assentirentur, Cæsar proximè insecuto anno Ticinum profectus, inter cetera quæ ibi ex vsu & dignitate Romani imperij constituit, hunc Barisonem Sardum, Regem, vti diximus, declaratum, ac originem à Pisanis, vt nonnullis placet, trahentem, sed recentibus multis beneficiis Genuens. Reip. deuinctum, primò Genuam, indeque cum egregio comitatu ad se perductum, pactaque pecunia, nempe quatuor millibus marcharum argenti consignata, tertio Non. Augusti Regem Sardinia inaugurauit, ac sollemni cærimonia regio diademate insigniuit. Sunt qui asserant, Cæsarem non tam spe emolumenti inductum, hac noua gratia Genuensem populum afficere voluisse, quàm commotum tam longæ & periculosa disceptationis tædio, adeò vt nihil expeditius ad tollendas rixas, & belli seminaria existimaret, quàm si secūdum Ligures, recēti beneficio sibi deuinctos, pronunciaret, & ex illorum nutu & arbitrio Regem constitueret. Ligures itaque, præteritis aduersariis, voti compotes facti, nouaque dignitate aucti, Barisonem, nouum Regem, Genuam honorificè reduxerunt, omni que honore ac munificentia prosecuti sunt. paucisque dehinc interiectis diebus, præparatis ad hoc tribus onerariis, ac septem triremibus, ipsum in Sardiniam, duce Picamilio consulari viro, reuehi iusserunt. Verùm quia illa pecunia, quam à Rep. cum ad tanti honoris apicem eueheretur, mutuò sumpserat, nondum erat restituta, nauarchus, cui seuerè à Senatu iniunctum erat, ne antè illinc cum suis recederet, quàm sese ære alieno liberaffet, (nam Senatus, præter illam summam pecuniæ, cuius mentionē habuimus, regi insuper mille ac ducentas libras mutuò dederat) cum nullā expediendæ pecuniæ rationem Regem inuenire, aut etiam à Sardis vel Pisanis, siue alia de causa immutatum, nolle animaduërteret, ipsum Genuam retraxit, vbi iussu Senatus in custodia habitus est, ac ferè ad septēnium in hac miserima conditione, non sine incredibili Pisanorum lætitia, qui hoc prius cum Sardis enixè egerant vt in regnum non reciperetur, nèue aliqua pecunia subleuaretur, asser-

*Pisanorū ad
Cæs. legatib.*

1164.

*Barison Sardie rex à
Friderico in-
auguratur.*

*Barisoni in-
felicitas.*

uatus fuit. Sic tandem infelicissimus Rex, post septennalem captiuitatem, magno suo cum incommodo expertus est, quàm arduum regnare sit, & quàm difficulter ad pacificam rerum supremarum administrationem perueniatur. Ex hoc etiam tam infelicitis Regis successu satis manifestè deprehendi potest, nouæ dignitatis ambitum magis populo Genuensi nocuisse, quàm aliqua ex parte profuisse.

*Pisani pace
neglecta
Corficam in-
vadunt.*

Quippè Pisani nullarum occasionum segnes, arbitrati, se hoc modo legitimam belli ansam esse nactos, non semel interim Sardiniam ingressi sunt, ac non paucis incommodis Ligures affecerunt, ita profectò, ut, dum ipsi quandam Ligusticam nauim ad Asinariam insulam, non procul Sardinia distantem, expilassent, non alio prætextu se hoc facere apud Cæsarem asseuerarint, quàm quòd illi iniuste Regem Barisonem in vinculis detinerent. Quapropter Cæsar, datis ad vtramque Remp. literis, seuerè iniunxit, ut ad portum Veneris aliquot viri consulares conuenirent, de quorum sententia & consensu inter eos pacisceretur. Ipse etiam hac de causa Cancellarium suum eò misit, quò facilius vtriusque populi animi ad pacem & concordiam inflecterentur. Ceterum res ea hunc exitum tulit, ut exasperatis vtriusque partis animis, singuli sese ad suam triremim reciperent, ac vix portum egressi, inuicem, non sine Cæsarei legati incredibili admiratione ac seuera expostulatione, inuaderent. Spectaculum rarum, & mirum haud dubiè erat, vtriusque populi Coss. ad pacem constituendam ablegatos, inter se ibi turpiter commissos, non secus ac si de totius status suprema gloria & administratione dimicaturi venissent, acerrimè præliantes videre: nimirum cum nihil magis ipsos perinde decuisset, quàm eam quam sustinebant personam, grauitate quadam tueri, & ne latum quidem vnguem à prouincia sibi imposita discedere. Ligur tandem superior factus, victoria, licet non incruenta, potitus est. Annalium scriptores vnanimi consensione tradunt, in hoc repentino conflictu tanta contèntione vtriusque gen-

*Repentinus
conflictus
inter Consul-
em Genuensem
ac Pisenum.*

tis fuisse dimicatum, ut Consul quidem Ligur grauitè vulneratus, Pisanus verò Genuam vnà cum sua triremi captiuus perductus sit: vbi liberaliter habitum, ac breui cum omnibus suis dimissum fuisse dicunt. Verum non ita multò post, Pisani octo triremes, ad Genuensibus annonæ & com meatus facultatem adimendam, versus Galliam Narbonensem eduxerunt. His detectis consilijs, Senatus statuit, ut ad reprimendum talem conatum, omnemque vim coercendum, quatuordecim triremes, duce Amico Grillo viro consulari, instruerentur: qui educta classe, cum hostem flumen Rhodanum ingressum intelligeret, eum usque ad illius ostium insecutus est. At cum assequi citra magnum periculum & difficultatem non posset, ibi tantisper substitit, donec ille regrederetur, sperans, se facili negotio, occupatis iam fluminis faucibus, hostili classe potiturum. Ceterum hostis, eius opinionem & spem fefellit: quandoquidem periculo animaduerso, statim ex altero eius fluminis ostio egressus, saluus atque incolumis euasit, & mox, adaucta classe, quæ vnus ac triginta triremium numerum æquabat, eadem ætate, anni videlicet 1165. per oram occidui maris quamplurimas excursiones ac populationes fecit, urbemque Ingaunorum, nullo, vel saltem modico præsidio firmatam, de improviso adortus, diripuit ac incendit. Quod sanè Ligures eò molestius tulere, quò indigenas, paulò antè, ut sibi ab hostilib. insidiis sedulò caueret, diligenter præmonuissent. Proinde ad huiusmodi cladem vindicandam, confectum, scilicet quatrIdui spatio, quinque ac triginta triremium classem armarunt, atque eiusdem Consulis auspicijs eduxerunt, qui summa celeritate in prouinciam delatus, cum tota classe Rhodanum penetrauit, ac summa cum difficultate & periculo, S. Ægidij oppidum, vbi se hostem obuiam habiturum non ignorabat,

*Atrox præ-
lium inter
Gen. ac Pis.
insauratum.*

*Albingaunum
à Pis. arreptum.*

multa

multa iam nocte peruenit. Nam cum classis in sicco & arenoso fluminis aluco propter aquarum depressionem hæreret, parum abfuit, quin haud paruam nauium suarum iacturam faceret. Consul ibi appulsus, cum exploratum haberet, oppidanos, aliosque quibus cum necessitudo & commercia Genuens. intercedebant, atque adeo ipsum S. Ægidij dominum clandestina consilia, & occultas fraudes recens cum Pisanis iniuisse, spe dubius, & quid agendum foret, consilij anceps, aliquandiu in fluuij ostio substitit. tandem inde sibi non soluendum statuit, priusquam de ipsius oppidi reguli voluntate atque animo penitius cognouisset. Proinde Gulielmum Bisaccam ad eum misit, ut, explorata eius fide, de toto rerum statu penitius cognosceret & edoceretur. Cum igitur ipse regulus sese bene animatum erga Ligures ostenderet, & nullis rationibus se illis incommodaturum polliceretur, eoque nomine fidem suam summa cum religione, iureiurando interposito, obstringeret, præfectus, multo magis quam antea securior factus, citra moram institutum nauigationis cursum ad hostilem classem inuestigandam prosecutus est. Verum cum hæc continenti ita esset applicata, ut non sine ingenti incommodo & graui periculo inuadi atque oppugnari posset, utriusque classis nauarchi suas copias in subiectâ littori planitiem eduxerunt, & feruenti cum animorum utriusque partis ardore ad vesperum usque pugnatum, & non antea cessatum fuit, quam ingruentis noctis tenebræ pugnam dirimerent. Postera luce tametsi Ligur variis modis, atque multiugibus irritamentis hostem ad certamen prouocaret, nunquam tamen efficere potuit, ut manus rursus consereret, adeo ut cum per totum triduum nequicquam se defatigasset, & illum summo opere ab ulteriori certamine abhorreere videret, suo iam muneri, ac Reip. suæ dignitati sese abunde satisfecisse arbitratus, egregia bellicosi ducis, ac strenui militis, parta laude, in patriam reuersus est. At Pisani in hoc rerum statu, ne quid inausum ac intentatum relinquerent, viginti triremes ad portum Veneris occupandum magna calliditate destinarant, ea spe & consilio, ut Genuensibus foris aliis rebus implicitis, ac bel-

Naualis pugna.

*Inanes Pisano-
rum conatus in por-
tu Veneris,
& Leuanti
obsidione.*

*Pisanorum
clades pro-
pter naufragium.*

*Genuæ creati
tur noui
Coss.*

essent, quæ assidue à piratis, & ab hoste, ad hoc conductis & euocatis, diuexabantur. Ceterum, quia sæpius commemorauimus, Sardinia possessionem in summam controuersiam ab utroque populo fuisse deductam, eamque seminarium quodammodò belli extitisse, Senatus Genuensis ad declinandum hominum inuidiam, simulque euidentius testandum, quò optimi iuris titulo dimidiam eius possessionem sibi vendicarent, Vbertum Ricalatum virum consularem, & eximia auctoritate in ipsa Rep. præditum, cum tribus nauigiis ad vectigalium, aliorumque censuum rationes exigendas misit: qui cum esset vir prudens, & multarum rerum usum atque cognitionem haberet, nihil temerè agendum ratus, ac exactam quandam rationem in consilium adhibens, adeò temperanter & leniter cum insularibus egit, ut illius moderatione & humanitate inflexi publicani & officiales toparchia Alborensis, quam vulgò Iudicatum vocant, non inuiti omnium censuum Ligustici iuris rationem redderent, & in numerata pecunia persoluerent, tanto equidem cum omnium consensu & animorum promptitudine, ut ipse, recepto tributo, postmodum cum iisdem publicanis & portitoribus nomine Reip. suæ transegerit, & ipsi cautione præstita, omnia vectigalia ad quadrienniū redimerent. Hæc noua insularium cum Genuens. pactio, non parum Pisanorum animos commouit, & ad maiora odia inflammauit, qui nescio quo iuris prætextu sibi totius insulae possessionem legitimè deberi, seq. eiusdem veros dominos & possessores esse, enixè, tam apud Cæsarem, huius controuersia & disceptationis de utriusque populi consensu arbitrum ac iudicem electum, quam apud alios Italiae principes, hanc acerrimam contentionem tollere studentes, palam & apertè prædicabant. Quocirca cum lædendi studio, & vindictæ cupiditate ad rabiem usq. tenerentur, nec tamen satis illis virium esset, ut Genuens. hostes aperto Marte adoriri auderent, vel ut tam citò bellum, accisis iam rebus suis, reparare possent, quò facilius respirarent, & ex mora, temporis opportunitate ad hosti nocendum iuuarentur, ad imposturas, & præstigias, ut in rerum omnium extremitate sæpe usu venire consuevit, decurrerunt, ac Genuam, uti quorundam Annales referunt, Gorgonæ Abbatem summa tunc famæ veneratione, propter vitæ morumque sanctimoniam in Italia florentem, associatis ei aliquot aliis id genus viris, pacis constituendæ prætextu mittunt. Is, quò magis sibi fidem, auctoritatemque apud eum populum pareret, & vitæ integritatis opinione Senatum ordinemque ceteros in partes suas abduceret, mira calliditate & astu, instar solitarij hominis, abiecto habitu, impexa barba, demissoque vultu simplicitatem magnam ementiebatur, pietatemque Christianam non vulgarem forinsecus præseferbat, ita me herclè, ut cum passim apud omnes huius viri commendaretur & prædicaretur Christianæ sinceritatis, & publicæ pacis constituendæ zelus & feruor, & singulos seorsum variis exhortationibus, & artificiosa oratione, commiserationis & lachrymarum plena, omnes ad quietis publicæ studium interpellando cōcitaret, dicto citius adeò omnium animi, tanti impostoris artificio inflexi fuerunt, ut Pisanorum iustis postulatis prorsus obtemperandum esse dicerent, & vnanimi consensu ad mutuam concordiam cōstituendam serias cogitationes adferendas esse iudicarent. Ceterum tanti præstigiatoris fraudes atque doli, licet perbellè ab ipso occulerentur, latere non potuerunt, quin breui postquam in urbem venisset, eruperent & detegerentur, ac illum hoc vnum agere deprehensum sit, ut, Senatu Genuensi ad ineundum pacis rationes cum Pisanis distento & occupato, ipsi interim tempus & otium haberent, quò sibi cum de omnibus ad bellum necessariis prospicerent, tum etiam, si ita usus ferret, ut nouis belli sociis adaugerentur.

Quod

Exemplum
singularis
prudentiæ.

Sardi pacis-
cuntur cum
Genuens.

Pisani uni-
uersam Sar-
dinia insula
sibi solis ven-
dicabant.

Eorundem
fraudes atq.
insidiæ.
Gorgonæ
Abbatis si-
mulata san-
ctimonia.

Pisanorum
fraudes Ge-
nuæ detectæ.

Quod ubi primum Genuæ innotuit, & diuulgari cœpit, tam magna & incredibilis subsecuta est plebis indignatio, ut parum abfuerit, quin hic tam piæ & præclaræ, ut asseuerabat, pacis auctor, in compitis frustatim discerperetur. Et fuisset proculdubio ab incitata multitudine interemptus, nisi paucorum optimatum beneficio vulgi iræ & manibus sedulo subtractus fuisset. Nec satis fuit Pisanis, tam industrium fraudum suarum architectum & administrum in urbem misisse, sed omnis moræ impatientes, ne aliquid interim temporis sibi efflueret, quod non cum Genuensium damno esset coniunctum, vno eodemque ferè tempore quo probus iste Abbas Genuæ negotiatur, & Senatû prætextu pacis occupat, ipsi duas triremes speculatum emisserant, quæ omnem Ligusticam oram ad explorandum hostium consilia circumuagantes, sibi temperare non poterant, quin tam necessario tempore ab iniuriis saltem tantisper abstinere, donec rei negotiationisquæ suæ exitum retulissent. Proinde Pisanorum nouis fraudibus cum summa perfidia coniunctis detectis, tanta confestim Genuæ omnium ordinum voluntatis consensus subsecuta est, ut nemo ex tanta hominum frequentia esset, qui non iustissimo odio in tam callidum aduersarium sese flagrare profiteretur, adeo, ut Senatusconsulto sancitum & decretum statim fuerit, ut non prius ab armis discederetur, quam Pisani capitales hostes debellati forent: eaq. de causa extemplo Ansaldo Tauclero strenuo viro à Senatu iniunctum fuit, ut septem nauigiis quæ in portu ea tempestate hærebant, omnibus ad bellum opportunis contra hostes quam primum instructis, proficisceretur. At Pisani, multum spei & præsidij in diligentia reponentes, & summa celeritate hostium conatus antevertendos esse rati, septem triremium firmitudine, & præstantia confisi, in sinum Ligusticum delati sunt, & non procul à Plumbino aduersariâ classem obuiam habuere, quæ nonnullarum scapharum, casu tunc velificantium, conspectu deterrita, quod illas à tergo ad insidias relictas esse arbitraretur, mutato cursu pugnam detrectauit. Verum illi hanc prosecuti, duabus triremibus captis, quæ socias remigio æquare nequibant, potiti sunt. Paucis interiectis diebus, Ligures acceptæ cladis memores, reparata classe, sese illatum incommodum æquali nauigiorum numero sarcire posse sperantes, duce Balduino Guercio, Pisanam classem, quæ tunc temporis recenti victoria læta, per totius Ligustici sinus tractum prædabunda excurrerebat, adorti fuerunt, & tam acri vtriusque partis impetu & contentione concursum, ut, licet statim sub prælii initium, Balduini ducis prætoria, & altera Gulielmi Galletti triemis supremam Pisanorum triemim magno cum robore inuaderent, nihilominus tamen cum reliquæ sociæ languidiùs sese defenderent, haud sanè meliori, quam proximis diebus euentu, ac cum totidem ferè triremium iactura, Pisanis iterum victoriam reliquerint. Talibus successibus elati, cum opimis spoliis, & diuiti præda ad suos redierunt. Superiori loco diximus, actionem super Sardinia possessione & iure vtriusque institutam, Cæsaris iudicio fuisse permissam. Ipse igitur cum videret nullum contentionibus finem neque modum statui, sed vtramque gentem, in mutuum exitium, non sine totius Italiae graui detrimento, ruere, operæpretium se facturum existimauit, si, disceptatione & rei cognitione ad iudicii trutinam deuocata, ad finem bellis imponendum, prout iuris esset, hac in re pronunciaret. Quæ sanè Cæsaris voluntas postquam diuulgari cœpit, vtrique Resp. valde sollicita, ne causa caderet, hoc vnum agebat, ut suum ius gratia Cæsaris, & aliorum Principum patrocinio defenderetur, ita ut ambæ seorsum multis muneribus atque largis pollicitationibus Cæsaris animum in partes suas pertrahere conaretur. Sunt qui pro vero asserunt, Pisanos ad præoccupandum atque inflectendum

*Genuenses
quatuor tri-
remibus
multantur.*

*Pisani Cæ-
saris animi
largitione
sibi depulsi-
ciunt.*

Cæsaris animum, ipsi ad tredecim librarum millia in parata pecunia numerasse. Qua sanè largitione factum esse dicunt, vt, patrocinate in primis ipso Moguntino Septemuiro, quem etiam pecunia fuisse corruptum constat, Genuensibus legatis ex parte Cæsaris tunc pro tribunali sedentis, iniunctum publicè fuerit, vt in posterum super hac re nullam litem & controuersiam Pisanis amplius mouerent. Ad quam vocem cum aduersæ partis oratores fortiter sese opponerent, & iustis recitatis causis, multisque allatis rationibus, Cæsarem, ne aduersus se pronuntiaret, commouerent; ipse, infecta re, nullaque sententia pronunciata, è tribunali suo discessit, ita tamen vt inhiheret, ne quid, alterutra ex parte, causa sic indecisa pendente, noui attentaretur. Ipse etiam ad euitandam omnem suspicionem, quòd tam graues altercationes temporis mora confirmare, vel alere velle videretur, sui muneris esse iudicauit, vt missis ad vtrumque populum legatis,

Cæsaris studium pro pace inter vtrumque populum constituenda.

eos seorsum ad honestas mutuæ concordiae condiciones inflecteret. Et Pisas quidem, Moguntinum; Genuam verò Reinaldum, qui illi à secretis erat, ablegauit. Quorū prior in mandatis habebat, vt Pisanis captiuos Genuenses pristinae libertati restituendos persuaderet, atque adhortaretur. Hic verò, vt Reip. auctor omnibus modis esset, vt in gratiam Cæsaris aliquid de suo iure remitteret, & maiorem publici boni, quàm priuati rationem haberet. Sed quamuis vterque magno studio & industria, vt ea res ex animi sententia perficeretur, contenderet, nihil tamen omnimò impetrari potuit. Proinde rursus ad arma decursum, & anno quidem eiusdem æui septuagesimo septimo, vterque populus in mutuam perniciem conspirans, & summa animorum contentione classem præparans, aliquid moliturus videbatur. Sed nescio qua inconstantia, vtriusque gentis animis iterum spe pacis ab instituto detractis, nihil inter ipsos, hoc quidem tempore, memorabile gestum fuit.

1177.

Vterque populus bello defessus, pacem petiit.

Ceperat enim eos, vti arbitror, diutini belli tedium, ac tantorum sumptuum rationes haud mediocriter commouebant, ita quidem, vt etiam vtraque Resp. quiete & otio mirum in modum indigeret: nec facile respirare poterat, nisi præteritæ calamitates aliqua temporis ratione, ceu necessario quodam temperamento, lenirentur & subleuarentur. eoque factum est, vt de vtriusque populi voluntate & consensu quinque ciues vtrinque delecti sint, quorum iudicio atque auctoritate omnes publicæ simultates & controuersiae in posterum tollerentur. Hi ciues, quamuis per se quisque enixè daret operam, vt, quoad eius fieri posset, sanis consiliis ac prudentia, Reip. suæ prodesset, & non aliò quàm ad pacem publicam, respiceret, tanta tamen & tam ardua super Sardiniae possessione fuit contentio, & vtriusque partis discrepantia, vt nullo pacto concordia inter eos coalescere potuerit: sed infecto negotio discessum. Quod sanè non paucos magni nominis atque existimationis viros ex vtraque parte valdè commouit, quòd partim quàm ægerrimè ferrent, partim verò mirificè dolerent, opes Reip. suæ vsibus non necessariis insumi, illamque sensim summoperè labefactari, sic me herclè, vt horum potissimum auctoritate vtriusque urbis Antistites, ab aliquot etiam optimatibus sollicitati, commune negotium tractandum susciperent. Hi, quò maiorem sibi auctoritatem pararent, Lucensem Præfulem, virum optimum, & neutri Reip. addictum, tanquam collegam omni suspicione carentem, assumpserunt, & cum tanta fidei integritate omnia sua consilia & industriam, ad utilitatem ac tranquillitatem publicam direxerunt, vt vel hoc solo nomine æterna laude & memoria digni iudicandi meritò sint. Sed Sardiniae possessionis & iuris disceptatio vsqueadeò magnam & inextricabilem perplexitatē attulit, vt, licet omnem mouerent lapidem, quò pacem mutuò constituerent,

domum

domum tamen citra aliquem fructum, cum ingenti omnium bonorum virorum dolore, reuerſi ſint, adeo ſanè, ut inter eos longè grauiora quàm antea certamina orirentur. Lucenſis etiam Reſp. communem vtriuſque huius populi interitum miſerata, ſeſe huic negotio inmiſcuit, ac vtriſque auctor eſſe contendebat, ut, depositis priſtinis omnibus ſimulatibus, ſimul in mutuam gratiam redirent. ſed tanta erat vtriuſque, præſertim verò Piſanorum, pertinacia, ut nullis proſus illudis vel artibus ad pacem vel ſaniora conſilia inſecti potuerint. Exiguo etiam interpoſito tempore, Lucenſes multis rationibus adducti, Piſanis bellum indixerunt: cuius quidem belli anſam, ipſi in Ligures, ceu capitales hoſtes, detorquebant; exiſtimantes, arcano quodam iure fœderis Lucenſes arma cum Liguribus contra ſe coniunxiſſe, ut hoc pacto faciliùs opprimerentur. Quam quidem conceptam ſuſpicionem nō parum confirmauit clades ipſis à Lucenſibus ad caſtrum Actianum (hodie Nozzanum vocant,) illata. Eo namque tempore arx illa, Piſanorum armis atque præſidiis tenebatur. Sed Lucenſes, per occaſionem ſibi ablatam, illam adorti, feliciter expugnant; compluribuſque contrucidatis, magnum hoſtium numerum in captiuitatem ſecum abduxerant; ex quorum numero decem, Senatui Genuenſi gratificandi & placendi ſtudio, ceu prædæ partæ dono, miſerunt. Ceterum Piſani, ſtatim poſt acceptam cladem ſumma contentione dedere operam, ut ſe aduerſus omnes aduerſariorum ſuorum incurſus & iniurias præmunirent ac præpararent. & cūnī conſtanti fama intelligerent, vndecim Li-guſticas triremes non ita pridem in Galliam Narbonenſem ablegatas eſſe, quamprimum ad tredecim triremes, duce Nicolao Rodulpho viro conſulari, & magnæ auctoritatis, ſumma celeritate expediuerunt, qui ſumma cum diligentia inſtituto nauigationis curſu, non antea ſubſtitit, quàm hoſtes ipſos aſſequeretur. Cumque animaduerneret, eos Orientalem plagam verſus deſſectere, ne aliqua ratione ſibi elaberentur, protinus remis veliſque contendit, ut eorum claſſem, terræ ſeſe applicare conantem, præueniret, quod non ignoraret, idcirco ab eis hoc fieri, ut, cūnī in illo maris tractu quamplurimos clientes haberent, horum viribus atque auxilio ipſi haud mediocriter, ſi ita uſus ferret, iuuarentur. Qua de cauſa omnem refugiendi opportunitatem illis præripiendam ſtatuens, omnem ad continentem enauigandi facultatem ademit, ita ut cogerentur, obuerſis proris, mutato curſu, altum petere: quas ille inſecutus, quatuor triremes ſegniùs remigantes, interceptit, multiſque manubiis, & non paruo nobilium captiuorum numero ditatus, domum reuerſus eſt: quorum quidem captiuorum poſtea permutatio cum iis facta, quos paulò antè à Lucenſibus dono Reip. miſſos fuiſſe ſignificauimus. Ceterum Ligures ad auertendum à ſe pauliſper bellum, ac quò magis Lucenſes aduerſus Piſanos excitarent & inflammarent, operæpretium ſe facturos arbitrati ſunt, ſi illos aduerſus hos ad continuandum bellum inſtruerent, nec ſanè imprudenter, cūnī nihil ea tempeſtate illis quicquam utiliſ vel commodius accidere potuerit, quàm vicinum & grauem aduerſarium, & nunquam quieſcentem, cum alio populo, nondum belli difficultates experto, nedum defatigato, committere. Proinde in illorum gratiam, paucis interiectis diebus, ſexdecim nauigiorum ſupplementum fecere, quibus freti, Duce Ido Contardo, Piſanos varijs incommodis affecerunt. At hi de rebus ſuis ſummoperè ſolliciti, ac veriti, ne à duobus vicinis hoſtibus inuicem coniunctis, vno eodemque tempore opprimerentur, quò magis ad omnem coërcendam vim eſſent paratiores, ſummo cum ſilentio ac celeritate triginta triremium claſſem omnibus neceſſariis inſtructam eduxerunt; ad cuius repentinum aduentum valdè commoti Ligures, ut præſens

Pax fruſtrā tentata.

Lucenſ. Piſanis bellum indicunt.

Piſanorum clades à Lucenſ. illata.

Quatuor Li-guſticae triremes à Piſ. interceptæ.

Fœdus inter Ligures ac Lucenſes, aduerſum Piſ.

periculum declinarent, subito conuersa nauigatione, Genuam versus iter direxere. Quippe cum se nauigiorum numero & viribus longè inferiores tunc esse cognoscerent, omnem salutis spem in sola fuga reponentes, non antea quiescere, quam, ludificato hoste, qui eos magno impetu insequabatur, in portum peruenirent, ita ut Pisani, spe frustrati, nulla re tunc temporis insigniter gesta, post aliquot excursions, & haud leuia detrimenta Ligusticæ oræ illata, sese domum conferre coacti sint. Lucenses interim, ne illis vel domi vel foris vlla requies relinqueretur, omnibus viribus contendebant, eos maioribus molestijs inuoluere, & à bene gerendarum rerum cursu retrahere. Quod ut fieret commodius, Genuenses in subsidium belli ipsis aliquot auxiliares copias, duce Rogerio Malaboto viro consulari, & pace ac bello claro, præmiserunt. Ac quò magis ab omni maritima excursionem impedirentur, Nicolaus Rutius, pari dignitate ac auctoritate in ipsa Rep. florens, iussu Senatus in Prouinciam Narbonensem cum quatuor triremibus iisdem diebus profectus est, eo quidem successu, ut, licet omnium iudicio ea expeditio aliquid magni momenti allatura videretur, attamen nihil præclari gestum sit. Pari euentu & vix melioribus auspiciis, Anselmus Garius, qui Rutio in militari expeditione cum imperio successit, prouinciam sibi commissam administrauit. Nam præter aliquot aduersariorum rates incendio absumptas, nihil prorsus effecit, quod laudem mereatur, vel meritò literis consignari debeat. In hoc rerum tractu, Pisani de hostis reditu edocti, confestim sex triremes omni bellico apparatu exornatas, in sinum Ligusticum ad ipsum inuadendum eduxere. Cuius rei fama ubi primùm Genuam perlata est, nulla mora interposita, septem triremes duce Othone Caffaro consularis dignitatis viro, expediuerunt, qui, rebus omnibus ex animi sententia constitutis, quarto Idus Augusti, è Genuensi portu in altum præteruectus, in hostem incidit: eumque summo animi ardore & alacritate adortus, dirum & atrox prælium commisit. Pisani, etsi vna triremi inferiores essent, cum tamen nauigia optimè instructa haberent, mira quadam animi fiducia & alacritate sibi victoriam pollicebantur. Ligur contrà, numero superior, ac præteritarum victoriarum de ipso hoste non semel relatarum memor, enixè operam dabat, ut accepta incommoda & illatas iniurias vlcisceretur, nouamque gloriam ex recens egregiè factis compararet. Conflictum est diu vtrinque acriter, & summis viribus. Tandem Consul qui summa cum prudentia & artis militaris disciplina illam triremem, qua ipse vehebatur, necessitati referuarat, illamque quasi subsidiariam, extra aciem posuerat, cum diligenter obseruaret, qua parte sui magis laborarent, & hostes maiorem impressionem facerent, illicò cum summo impetu sese certamini intulit, & summa cum omnium suorum alacritate in prætoriam hostilem triremem inuasit, tanto certè cum robore & impetu, ut illam in transuersum actam, in suam potestatem redigeret, adeò ut reliqui prætoriae exemplo & casu consternati, paulatim ac sensim sese subducerent, & pugnam tergiuersatione detrectarent. Consul igitur superior sua prudentia & robore factus, magnam sibi gloriam & virtutis opinionem, tam apud suos, quam ipsos etiam hostes peperit, ita ut deinceps his formidabilis, illis verò suspiciendus & admirationi esset. Qua de causa cum Genuam ouanti similis nouisque spoliis onustus reuerteretur, magno honore, vltra faustas plebis acclamationes & amicorum congratulationes, etiam ab omnibus ordinibus, atque adeò ab ipso Senatu exceptus fuit. His rebus foris eo quo ferè diximus, modo sese habentibus, Genuæ iisdem fermè diebus, tanta annonæ, omniumque rerum ad vitæ sustentationem necessariarum caritas fuit, ut in foro rerum venalium nihil propè extaret, quod

Navalis conflictus.

Militare stratagemâ.

Ligurum victoria.

Genuæ miramone caritas.

ad

ad vitæ alimoniam vel subsidium faceret. Quæ sanè rerum omnium penuria ferè ad semestre durauit; atque ex eo potissimum orta esse fertur, quòd cum Resp. in Friderici Cæsaris fide atque obsequio constanter perseveraret, Mediolanensium odium attraxerat, ita vt ab illis omni annonæ præsidio Ligusticus ager intercluderetur. Quare cum nullû subsidium vel subleuamen tam angustis temporibus ab Insubribus sibi sperarent, ad Gallorum solitam humanitatem, quam non semel experti erant, confugere; breuiq. post, illorû beneficio re frumentaria, aliisque humanæ vitæ vtilibus ac necessariis ex Gallia Narbonensi subleuati sunt. Suberat tamen non parua difficultas, quòd scilicet comineatum tutò transuchere ac transportare nequirent. Pisani enim, capitales hostes, & ad omnem lædendi occasionem intenti, enixè operam dabant, ne ipsis rerum extremitate laborantibus aliquid adferri posset; eaque de causa magnum nauigiorum numerum destinauerant, & plerosque illius maris sinus infederant, ita vt nisi cum summo vitæ periculo vlli nauigandi potestas daretur. Ad auertendam igitur à Repub. tantam pestem, & ne maiori domi calamitate & strage, quàm foris ab hoste afficerentur, ac quò tutius & maturius suis supramodum laborantibus succurrerent, præualidam classem tum publicis, tum priuatis sumptibus instruxerunt, quæ per partes distributa, in diuersis oræ Ligusticæ tractibus, stationem ad inhibendam hostilem vim habuit. Iniunctum etiam seuerissimè à Senatu, supremo classis præfecto fuit, omnibus viribus daret operam, ne aliquam cum hoste congregien-

Novi Genuens. apparuit.

di opportunitatem, si qua daretur, negligeret. Proinde ipse mandati sui memor, omnibus artibus hostem ad conferendam manum alliciebat, atque, habitis leuioribus præliis, res tandem hunc exitum tulit, vt Genuenses, quibus se Trepidicinus, ea tempestate, ob rei naualis scientiam, admodum celebris, quique antea Pisanis strenuam & multam operam nauarat, recens cōiunxerat, superiores eua-

Ligurum victoria.

derent, ac iuxta Ligurnum duas hostiles triremes, in quarum quidem altera Consul Pisanus cū multis aliis Reip. suæ nobilibus erat, dolo potius & stratagemate, quàm æquis viribus caperent. Multi, ac ferè omnes præcipui omnium ordinum viri, huic expeditioni tam necessariæ interfuere, quorum omnium recensere nomina, difficile, tum etiam tædiosum esset: inter ceteros tamen qui se præclare ac fortiter gesserunt, primam omnium iudicio laudem meretur Ricij Passanus,

Ricij Passani præclaræ virtutis.

huiusque extat Passanæ præclarissimæ familiæ auctor & conditor, qui ab ineunte ætate inter suos æquales ita egregiis moribus & præclaris actionibus enituit, vt facilè à prudentioribus sit annotatum, & animaduersum, tam insignem illius indolem aliquandò Reip. vtilem & salutarem futuram, nec fefellit ipse maiorum suorum iudicium. Nam postquam adoleuit, & capeffendis honoribus idoneus factus est, tanta fidei integritate munia & prouincias quas sustinuit, tutatus est, vt quantum præclarus ciuis bene institutus, ciuitati suæ, atque adeò toti Reip. debeat, non semel exemplo docuerit. Quandoquidem satis constat, ipsum laboranti Reip. multis bellis & calamitatibus fessæ, sese, ceu nutanti ædificio, fortiter ac pro virili sua parte sæpius opposuisse, ita certè, vt in hac postremâ ciuitatis quodammodò desperatione ac egestate, non solum nomen suum tam necessariæ expeditioni dederit, verum etiam priuatis sumptibus, insigni instructa triremi, classem Reip. adauxerit, vnde certè & propter reliqua præclara sua in hac expeditione feliciter gesta, incredibilem ac ferè immortalè sibi gloriam comparauit. Quippè quòd mare Ligusticum ab hostilibus concursionibus repurgatum, & ciuitas ipsa re frumentaria, aliisque necessariis subleuata & recreata fuerit, id totum beneficij huic vni maiori ex parte acceptum referri debet. Ceterum, huius expeditionis

*Pisanorum
victoria con-
tra Lucen.*

ditionis maritimæ successum non æquauit belli in Etruria gesti fortunæ euentus. Porro Pisani fortunæ aduersitatem superiori æstate contra Ligures mari experti, contra Lucenses, quibus cum illi, vti demonstrauiamus, fœdere coniuncti erant, æquiori Marte pugnarunt. Nam post longum & atrox, ac planè dubium certamen, Lucenses ab eis fusi, & incredibili clade affecti sunt. Quo quidem successu elati, omnia tentantes, & infestantes, breui pòst, ipsis Motroni arcem eripuerunt: quam, ne nouis bellis præsidium, vel hostibus receptaculum esse posset, funditus euerterunt. Genuenses interea, cum eorum maximè interesset, vt inter hos duos populos recens commissos, bellum aleretur, omni cura & studio seriò allaborarunt, vt Lucenses sibi confœderatos nouis auxiliis contra Pisanos, communes aduersarios instruerent, adeò vt illi noua Ligurum accessione, & priuatim nouo supplemento facto, freti, nuper amissum castrum, licet semidirutum & euersum, non citra tamen magnam difficultatem & molestiam, recuperauerint. Et quòd ibi sedes bello sic satis còmoda & idonea omnium iudicio, propter loci opportunitatē videretur, illud summa celeritate, & munimētis aliisq. necessariis ita instaurarunt, vt impositis præsidiis còmodè contra hostiles conatus & iniurias defendi ac propugnari posset. His oppidò peractis, Lucenses crebris excursionibus Pisanum agrum diuexarunt, & magna cum indigenarum clade depopulati sunt. Verùm propter ingruentē hiemem, cum tēporis ratio gerendis bellis minus foret idonea, tantisper ab armis vtrinq. temperatum, donec per meliorem temporis occasionem liceret. Superius demonstrauiamus, Fridericū Cæsarem statim cum in Italiam maximis & grauissimis de causis euocatus venisset, de constituenda publica Italiæ tranquillitate non semel cogitasse, ideoq. cum Genuensibus & Pisanis, & coràm, & per internuncios enixè egisse, vt, se auctore, vterque populus, sublatis belli ansis, ad mutuam concordiam & gratiam rediret. Sed propter vtriusque pertinaciam, nihil omninò constitui potuisse. Ipse itaque sub hoc ferè temporis tractu in Siciliam, quam imperio & ditione tenebat, profecturus, nihil de pristino suo propugnandæ & constituendæ publicæ quietis studio remittens, per Moguntinum septemvirem iterum vtriusque populi animos tentare cœpit, & experiri, num rationibus vllis ad saniora consilia, atque adeò ad pacem inflecti possent. Verùm licet Moguntinus, demonstratis temporis conditionibus & impendentibus necessitatibus, ostenderet, cum quanta Cæsaris indignatione, & quàm magno totius Italiæ detrimento arma ipsi in mutuam perniciem expedirent, ac nihil omitteret, quod ad commouendum vtriusque animos pertinere existimaret, nihil tamen, cum Pisani ab omnibus pacis conditionibus alienissimi essent, & nihil magis quàm bellum expetere viderentur, efficere potuit, sic profectò, vt illorū pertinacia animaduersa, & quorsum illorum studia erūperent, diligēter perspiciebat, magna prudētia de Cæsaris volūtate paucis interiectis dieb. comitia habuerit, & in iis inter cetera constitutū, vt Pisani, quòd rebelles & Cæsaris dicto minimè audientes essent, omnibus pristinis suis immunitatibus ac priuilegiis exuerentur, simulq. omni Sardinia iure, quod sibi arrogabant, exciderent: ac præterea vniuersa illorū bona, tam publica, quàm priuata, Camera Imperialis fisco adiudicata & ascripta. Ligures verò ab his multum dissimiles, Cæsaris gratiam omnibus artibus atque studiis indies magis atque magis promerebantur, ita vt ipse in eorum gratiam Pisanum quendam consularis dignitatis virum, apud se aliquamdiu in custodia asseruatum, Senatui Lucensi id roganti dono daret. Quibus Cæsaris decretis tantum abest vt Pisani aliquo modo consternati vel deterriti fuerint, vt longè præcipitantiùs & ardentius ad bellum

*Pisanorum
bona Imper-
ialis fisco
adiudicata.*

*Pisani neg-
lectu commi-
nationibus
Cæsaris, bel-
lum aduer-
sus Ligures
suscipiunt.*

bellum ruerent, euestigioque potentissimam classem ad Ligusticum agrum diuexandum compararent. quorum quidem pertinacia & nouo apparatu cognito, Ligures de summa omnium voluntate Sigisfundum Corsum cum octo triremibus expediuere; qui summa sagacitate animi hostium consilia subodoratus, & præueniens, atq. admirabili quadam festinatione usus, ad Arni ostium adnauigauit, flumenque ingressus, prius oppidum, vulgò S. Crucis, occupauit, quàm hostibus quicquam de suo aduentu innotesceret. At Pisani, mox valida manu militari comparata, cum illud post multas rapinas & incendia adoriri vellent, ipse de hostilibus apparatibus certior factus, ne quid à maiori multitudine incommodi pateretur, statim ad fauces illius fluminis retrocessit, eo sanè euentu, vt quamuis hostem in propinquo haberet, qui eum summa celeritate insequeretur; tamen illius manus, citra vllum dispendium vel cladem, elaberetur. Postea diuisa classe, cum tres Pisanæ triremes Ligusticam nauim pretiosis mercibus onustam, & Genuam recto cursu tendentem, conspicatæ sequerentur; fortè accidit, vt in sex illas triremes, quas paulò antè Gulielmus Bisaccius Genua eduxerat, inciderent. quo sanè factum est, vt harum beneficio illa naus periculo eximeretur, & Pisanæ in hostium potestatem deuenirent. Cum ergo ipsis, tot rebus iam vndique pertentatis, nihil pro voto succederet, noua consilia & rationes iniuerunt, quibus hanc Rempub. affligerent. Proinde sollicitatis omnibus propemodum Ligustici imperij ac nominis ad noua studia aduersariis, primò cum Opizone Malespina Marchione, & mox cum oræ Lunigianæ indigenis fœdus ac societatem iecerunt; qui omnes magna conspiratione viribus coniunctis, arma contra Ligures expediuerunt. Hi verò tantis apparatibus nullatenus exterriti, summa industria & diligetia variis in locis suæ ditionis delectu habito, magnum peditum & equitum numerum coegerant; quibus freti, cum aduersariis iuxta Clauarum ea fortuna conflixere, vt non solum hostilem impetum strenuè ac fortiter sustinerent, verum etiam magna eos clade afficerent. Ceterum cum ipsi, paucis diebus interpositis, reparatis viribus, nouisque auxiliis à Pisanis instructi, eodem redirent, ac etiam plurimi ex vallis Airanæ incolis, horum instinctu subinde à Genuensibus deficerent, tanta temeritate omnia circumuicina loca circumuagati sunt, vt, omni sublato metu, in vallem vsque Rapalinam excursionem facta, Monleonis arcem summis viribus inuaserint: in cuius quidem expugnatione dum pertinaciùs inhaerent, Genua iterum nouus exercitus in eos, duce Ingone Flessa, tunc temporis vrbs Consule, adiuncto centum cataphractorum præsidio, quorum maior pars ex urbana multitudine constabat, transmissus est. Hostis autè vbi primum de nouis auxiliis certior fieret, nulla mora posthabita, fugienti haud dissimilis, soluta obsidione discessit. At Ligur, neutiquam sibi quiescendum ratus, Marte propitio ac fauente, vltèriùs progressus, castrum Passani, ab inimicis paulò antè occupatum, recuperauit: quod quidem propter spontaneam deditiorem illis factam, funditus, ad reliquorum exemplum, euersum est: tantusque fuit Genuensis Præfecti contentiōis ardor, vt antè non quieuerit, quàm vniuersam Ligusticæ ditionis oram pacasset, eamque in pristinam fidem atque obsequium rede-gisset. Huiusmodi motibus tandem hoc pacto superatis atque compositis, Consules nihil prius habuere, quàm foris partam quietem omni cura atque perenni studio conseruare; eaque de causa in Sardiniam recens pacatam, & in ordinem, vti enarrauimus, redactam, Lanfrancum Albericum strenuum virum, cum octo nauigiis, vt hanc Prouinciā in officio contineret, ablegarunt: ad tutelam verò superi atque inferi maris Otho Cassarus, & Ingo Flessa summæ auctoritatis ac existi-

Tres Pisanorum triremes à sex Ligusticis interceptum.

Passani castrum à Genuensibus recuperatur, & diruitur.

existimationis viri, cuius quidem posterioris proximè meminimus, cum aliquot nouarum triremium præsidio & supplemento missi sunt. Hi quamlibet ad omnem occasionem intenti, etsi diligenter hostium aditus obseruarent, & nihil perinde quàm configere auerent, nullis tamen irritamentis efficere potuerunt, vt illos ad pugnam ineundam adducerent. Nam cum sese inferiores cognoscerent, summam belli aleam committere non sunt ausi, sed nouis consiliis atq. artibus, alios nouos motus atque turbas in Liguria ciere sibi expedire visum fuit, vt sic ipsos aduersarios foris externis expeditionibus vacantes, domesticis occuparent. At Ligures interim enixè operam dederunt, vt March. Opizum Malespinam sibi reconciliarent, cum quo etià tantum egere, vt sibi Erycis collem, & quædam vineta diuenderet, eo consilio, vt illo venditionis titulo sui iuris facto, Pisanos etiam postmodum commodiùs infestarent. Et quò externos Principes foris pacatiores, minusque infensos haberet, summo studio singulos promereri studebant, & ad Gulielmum quidem Sicilia regem, qui cum ad illam diem sibi nonnullæ haud ita leues controuersia intercesserant, Othobonum Albericum misere, cuius viri dexteritatem ac singularem quandam prudentiam tantam fuisse tradunt, vt suum populum pacato regi in gratiam reponeret, ita vt, consopitis omnibus simultatibus, omnia deinceps amicè cum ipsa Repub. egerit. quam quidem mutuatam reconciliationem in annum millesimum centesimū septuagesimum quintum incidisse, Annales testantur. Ceterum vtroque populo ad bellum intento, & ad rabiem vsque in mutuum odium atque perniciem exasperato, Ligures cum animaduernerent, sibi cum inquieto ac prorsus implacabili hoste negotium esse, & vix aliquam belli vacationem sperandam, omnibus viribus illius conatus impedire, atque nouorum initorum consiliorum rationes inuertere & labefactare studiosè atque anxie contendebant: eaque de causa instructa noua classe, comparatisque ad nouum gerendum bellum omnibus necessariis, sub Rogerij Castelli auspiciis cum sex triremibus in portum Pisanum præteruecti, maximis eos damnis affecerunt, ac præter alia, oneraria quadam eximia magnitudinis ad ancoram ibi stationem habente, potiti sunt: quam non satis fuit in ipsius ciuitatis Pisanæ conspectu spoliassè, nisi ad maiorem hosti iniuriam & contumeliam infligendam, etiam incenderent. cumque assiduè inter se diuersis modis & depopulationibus grassarentur, nec vllis incommodis vtrunque inflictis exsatiari, vel aliquo modo adduci posse videretur, vt à tam diuturno bello, quod vtramq. Remp. valdè affligerat, & ferè pertredecim annos continuos durauerat, retraherentur: tandem Genuenses, accisis iam vtriusque Reipub. rebus, & plerisque locis euastatis, vel defœdatis, diuturni & periculosi belli pertæsi, secum reputantes, cum quàm graui Reipub. incommodo & inæstimabili detrimento hic præsens rerum status & condicio coniuncta esset, de pace, licet serò, & necessaria potius, quàm voluntaria & expetita, cogitare cœperunt, ita vt non obscurè præ se ferrent, se æquis condicionibus cum hoste, si ita illi videretur, transacturos. Pisani contra suapte natura immodicæ gloriæ atque honoris auidissimi, licet hoc idem & multò quidem magis quàm ipsi aduersarij, expeterent, nihilominus tamen eò difficilius ad hoc impellebantur, quò magis sibi persuaderet, suæ dignitati non parùm derogatū iri, si aliqua ex parte sese dimitteret, vel suis æmulis inferiores viderentur, adeò vt dum stulta & ambitiosa quadam cōtentione pares videri volunt, nec inuicem potentia atque dignitate cedere contendunt, sub dubia spe pacis vtriusque Reip. status mirum in modum fluctuauerit; quæ etiam omninò desperata ab omnibus fuisset, nisi Cæsar in Italiam summo cum vtriusque gentis beneficio rediisset.

Pisani detre-
ctat pugnam.

Reipub. cum
Gulielm. Si-
ciliæ rege
conciliatio.

1175.

Nauis Pisana
à Ligusticis
occupata &
incensa.

Hoc bellum
inter Genuēs.
ac Pisam. 13.
continuis an-
nis productū.

diisset. Fridericus enim Cæsar, ob recentes motus, & excitationes per nonnullos publicæ quietis perturbatores, turbas, cum ingenti exercitu ad eas reprimendum per alpes Rhætiæ in Italiam venerat, ac totius ferè Romani Imperij optimatum florem, inter quos Henricus Saxo, nepos eius fuit, secum adduxerat. Ipse ubi primum Italiam attigit, singulas ferè ciuitates adeundo, nihil omisit quod ad quietem publicam constituendam pertineret. & postquam in Papiensi agro constitit, inter cetera præclare ab eo administrata, conterminos populos, vtpote Pisanos, Lucenses, Ligures, Florentinos, ac Senenses, grauiter inter sese, vt sæpius enarrauimus, variis de causis dissidentes, euocauit: & intellectis per oratores ad hoc per singulas gentes missos, controuersiarum causis, nihil prius habuit, quàm, consopitis omnibus dissensionibus & litibus, eos pace mutuo coniungere, ac sempiterno concordie vinculo quàm religiosissimè inter se deuincire, ita certè, vt potissimum Cæsaris auctoritate atque opera, inter ceteros, Genuenses cum Pisanis anno eiusdem sæculi septuagesimo quinto in gratiam redierint, ea conditione, vt quicquid Pisanis antea per Moguntinū de Cæsaris iussu & voluntate ademptum esset, restitueretur, interim tamen Genuensibus vniuersæ Sardinie possessio, ceu propria & legitima, attribueretur; tametsi multi scriptores super hac re non parum inter se variant. Nam apud multos opinio obtinuit, Cæsarem magno temperamento hac in re fuisse usum, adeo vt æqua portione Sardiniam in duas partes diuisam, vnā quidem Liguribus, alteram verò Pisanis adiudicaret. Quocumque tamen pacto res sese habeat, non dubium est, quin post diuturna bella, hac eadem tempestate, qua Cæsar in Italia agebat, inter hos duos populos illius arbitrio atque auctoritate pax fuerit constituta, & vtriusque Reipub. animi in mutua amicitia ita coaluerint, vt ferè per vndecim annos continuos hæc pax inter eos illæsa, summaq. cum religione constiterit. Post quorum quidem annorum volumina, anno scilicet millesimo centesimo octogesimo septimo, cum Pisani magnam sibi potentiam & auctoritatem in Sardinia comparassent, opibusque & gratia ibidem plurimum valerent, violato fœderis iure, ac nihil mutue amicitie pensi habentes, mercatores Genuenses in Caralitano tractu frequentantes, summa cum violentia exegerunt, & fortunis suis omnibus euerterunt. Cuius quidem rei indignitate Ligures mirum in modum, vt par erat, commoti, omni cura & studio tam grauem iniuriam cum non leui detrimento coniunctam, propulsare, & quoad eius fieri posset, vindicare statuerunt: habitisque in Senatu maturis deliberationibus, de Patrum sententia atque decreto statutum fuit, vt ad conseruandam Reip. dignitatem, & coercendam in posterum Pisanorum insolentiam, qua indices magis magisque ferociebant, quamprimum nulla sumptuum habita ratione, militares copie describerentur. Quapropter designatis ad hoc ducibus, & tam domi, quàm foris coacto milite, summa diligentia effectum fuit, vt Genuæ præparata iam maxima classe, atrocissimum bellum aduersus antiquos hostes renasceretur. Incredibile enim dictu est, quàm promptis animis ab omnibus municipalibus, aliisque Ligusticæ oræ accolis, ad tam iustum bellum nomen dandum sit concursus, adeo medijsfidius, vt illorum temporum scriptores in hoc perbellè consentiant, alterutram Reipub. in extremum deuenisse periculum, nisi arma, contra ipsos Pisanos iustis de causis suscepta, Henricus Friderici Cæsaris filius impediisset. Fieri siquidem aliter non poterat, vt Ligures iusto odio flagrantibus, ab instituto cursu, nisi tanti viri auctoritate, reuocarentur; præsertim cum non tantum spei atque fiducie in copiis, quas habebant maximas, quàm in ipsa rei causæque æquitate sibi reponerent. Cæsar itaque intellecta noua

Friderici Cæsaris in Italiam rediit.

Pax inter Genuenses, ac Pis.

Pisani redeunt in gratiam cum Cæsare.

Pax inter vtrumque populum in XI annos producta.

1187.

Pax denovo per Pisanos violata.

Fridericus Cæsar
sui filium
Henricum Ge-
nuam mittit.

utriusque gentis contentione, ad auertendum præsens bellum, quod secum magnæ ruinæ instar, multos in dirum exitium attracturum videbatur, summa cum prudentia filium suum Genuam ablegarat, ut hic eius nomine seriò apud illum Senatum ageret, ne, licet grauibus iniuriis affectus, ulterius progrediretur, vel aliquid armis decerneret. Statui enim atque inueniri rationes non illegitimas posse, quibus Pisanorum temeritas, & in obseruanda pace perfidia castigaretur, & deinceps cum magna illorum ignominia retardari posset. Ultra publicum quietis studium, quò Cæsar ipse quammaximè flagrabat, accedebat, ut nonnullis placet, priuati commodi ratio. Constituerat enim, Siculi regni possessionem fortiter armis vindicare, & ideò utrumque hunc populum quàm pacatissimum domi esse, neq. aliquo priuato ac domestico bello distineri cupiebat, ut foris utriusque opera in rebus suis necessariis commodè uti posset. Valdè nimirum indignabatur Cæsar, sibi per absentiam tanti regni possessionem perfidia paucorum esse interceptâ. Paucis enim antè annis auctoritate ac beneficio Cælestini tertij Pontificis, illius dominium adeptus erat. Pontifex enim iniquo animo ferebat, Tancredum Rogerij Ducis Calabriae filium, ex concubina susceptum, in Gulielmi secundi defuncti locum de procerum cōsensu in regnum subrogatum esse, adeò ut ad ipsum Cæsarem in eo regno stabiliendum, constantiam Gulielmi sororem, qui nulla relicta prole, vita excesserat, tunc in sacris agentem, omni religione solutam, Henrico Cæsaris filio, in matrimonio locauerit, Siciliamque cum Calabria & Apulia illi ea condicione attribuerit, ut Romanae Ecclesiae beneficiariae ac feudatariae essent. Cùm igitur hoc regnum Tancredus, uti diximus, occupasset, & Fridericus Cæsar Henrici pater, Syriacam expeditionem cogitaret, omni studio atque opera ad Siciliae recuperationem intentus, multum præsidij ac emolumentum in huius utriusque populi classe atque viribus collocabat, adeò ut quamuis Siculienses nō ita prorsus retineri potuissent, quin impressione in Corsicam, duce Fulcone. Iustiniano facta, Pisanis Bonifacium adimeret, quod postmodum multis motibus atque bellis ansam dedit: nihilominus tamen diligentia atque auctoritate Cæsaris ad præsens ita ab institutæ expeditionis susceptione retracti fuerunt, ut ipse Henricus, eiecto Tancredo regni æmulo, expetiti regni possessionem adiret, Cæsarque in Syria postmodum aduersus Saladinum pro imperij Christiani dignitate militans, utriusque populi opera usus sit. Quorum certè vires, atque rei militaris scientia non parum auxilij Cæsarianis expeditionibus, uti prædiximus, attulere. Post Friderici Cæsaris in Asiam profectiōē, Henricus eius filius, qui mox patri defuncto, septemuirorum suffragiis Imperator designatus fuerat, ad Siculi regni possessionem intentus, omnibus viribus contenderat, ut hoc regnum, expulsis æmulis, atque aduersariis, in suam potestatem vendicaret. Proinde cùm multum spei & subsidij in Italorum Principum armis reponeret, præsertim verò in Genuensium & Pisanorū auxiliis, quò utrumq. populū, inter sese, uti sæpius commemorauimus, assiduo bello & contentionibus decertantem, ab ulteriori certamine & contentione retraheret, atque in mutuam gratiam collocaret, Othonem Archiepiscopum Rauennatem, & Ansaldum Stretum Placentinum, viros graues, & tunc auctoritate & gratia maximè apud se florentes, ad utramque Rempub. legatos misit, quorum deinde opera effectum est, ut ipsi, diuturnis bellis defatigati, huiusmodi oblata occasione, nō nihil à mutuis odiis conquiescerent, & Cæsaris voluntati, hac quidem in parte, obsequerentur. Ligures nihilominus, antequam Cæsaris iussu classem præpararent, Idonem Picium, & Vgonem Cataneum ad eum ablegarant, ut immunitates, ac priuilegia à Friderico patre

Henrici VI.
legatio ad Pi-
sanos ac Ge-
nuens.



patre sibi concessa, ipse nouo diplomate confirmaret & constabiliret. Quod quidem prompto ac benigno animo se facturum verbotenus recepit, licet re ipsa nunquam postea præstiterit. Solet enim non rarò vsu venire, vt Principes, (bonos hic semper excipio) aliqua temporis iniquitate adducti, præsentis status conditioni inservientes, largi & liberales pollicitationibus esse consueuerint: sed tamen postea concessæ liberalitatis immemores, composito rerum suarum statu, ad suum institutum reuertantur. Itaque Genuam reuersa legatione, cum Senatus sese à Cæsare quod prætendebat, impetrasse arbitraretur, constituit, vt summa cum celeritate classis triginta trium triremium omnibus rebus naualibus, aliisque rebus necessariis instrueretur, quæ ducibus Orlandino Carmandino & Bellobruno Iustiniano educta est; qui decimo octauo Cal. Septemb. è sinu Ligustico soluentes, prospera nauigatione vsi, versus Castellum maris, maritimum Campaniæ oppidum, vbi tunc temporis Tancredi regis classis, cui Margaritus præfectus erat, stationem habebat, cursum direxerunt. Hic, vbi primum de Ligustica classe cognouit, suarum virium sibi conscius, licet Pisani Tancredi rebus clam fauere dicerentur; tamen cum se inferiorem conspiceret, nihil habuit antiquius, quam vt abducta classe, tutiorem sibi portum & stationem à Ligusticæ classis conspectu atque iniuriis remotiorem quæreretur. Hanc occasionem nacti Genuenses, nullò prohibente, opportunitate illius portus vsi sunt, multa que bello opportuna atque vtilia, Henrico tunc temporis Neapolim arctissima obsidione premienti, subministrarunt. Verum, quia iam æstas præcipitarat, nec suæ classis aliquem necessarium ysum ipsi Henrico fore existimabant, de illius consensu & voluntate Genuam redierunt. Sed coorta inter nauigandū repentina quadam ac atroci tempestate, necessitate adacti fuerunt classem ipsam bipartiri, & ita diuisi, diuersa nauigatione quodammodò vti: quod postquam hostis, qui non ita procul in insidiis delitescibat, intellexit, eam classis partem quæ vicinior erat, quæque ferè tribus ac viginti triremibus constabat, celerrimo cursu insecutus est. quo sanè à Genuensibus animaduerso, licet nauigiorum numero aduersariis essent inferiores, prælium tamen neutiquam detrectarunt: sed conuersis euestigiò proris, omnibusque necessariis ad manum conferendum expeditis, intrepidi, ac fortissimis animis sese ad certamen compararunt, adeò vt Margaritus, conspecta Ligurum animositate & alacritate, spe lapsus, eos adoriri nulla ratione ausus fuerit. sed protinus tergiuersatione facta, nauigationem suam aliò instituit, ac sensim sese ab eorum conspectu subduxit, ita vt hac in parte magnum pusillanimitatis suæ indicium reliquerit. Multi sunt, qui repentinum Genuensium discessum nō tam ad id referant, quòd propter temporis condicionē nullus eorum vsus esset, quam quòd statim ab illorum ad Castellum maris appulsu, constans fama percrebuisset, Henricum in Neapolitana obsidione trimestri tabifica pestis vi, eā tempestate in eius castris mirum in modum grassante, extinctum esse, adeò vt ipsi, hoc rumore diuulgato, decepti, domum potissimum cogitauerint. proinde inter nauigandū, cum ad Circeios Margaritū, cum sua classe offendissent, ab eo ad prælium irritati, licet viribus impares, summo tamen animi ardore, dimicandi potestatem illi fecisse: verum hunc, illorum animositate deterritum, summa cum festinatione se inde proripuisse. Vtri sententiæ magis accedam, cum ambæ suos assertores habeant, in ambiguo sum, licet illorum mihi magis probetur, qui dicunt, propter instantem hiemem, Ligures ab Henrico cum gratiarū actione esse dimissos, & rumorem illum falsò de ipsius morte dispersum, vanitatis & mendacij statim conuictum fuisse. Afferunt etiam, Cæsarem rebus suis parum feli-

*Genuens.
classis pro Sicilia expeditione in gratiam Henrici imp.*

Margaritus prælium cum Genuens. detrectat.

Henrico Ca-
sari Neapoli-
tana obsidio
infeliciter
succedit.

Eiusdem ad
Genuam pro-
fectio anno
1191.

Rogerijs ac
Tancredi Si-
cilis regis
obitus.

Henricus
Cesar in
Italiam re-
uertitur.

Eiusdem ad
Genuam ad-
uentus.

Genuens ac
Pisanorum
naualis ap-
paratus pro
Cesare.

citer tunc in Italia, præsertim verò Neapoli, procedentibus, exhausto iam ferè suo exercitu, aliisque omnibus ad bellum continuandum necessariis destitutum, coactum fuisse, præter spem & opinionem, ac etiam contra animi sui sententiã, derelicta expeditione, Germaniam repetere. Verùm enimverò, utcumque se res habeat, cum inultum spei ac subsidij in Genuens. Reipub. armis atque opibus reponeret, & nihil sese præclarè in Italia, vel alibi, absque huius florentissimæ Reipub. auxiliis gesturum crederet, operæpretium se facturum existimauit, si per Ligusticum agrum in Germaniam concederet. Genuam itaque sub hiemis initium anno supra millesimum centesimum nonagesimo primo comoda nauigatione delatus, ac honorificentissimè splendidissimeque à Senatu exceptus, graues consultationes cum illo habuit, & variæ consiliorum rationes de redintegrando contra Siculum bello agitatae atque initæ, ita certè, ut ipsi Senatus non parum satisfecerit, cum omnem sese præstiturum operam atque fidem ad omnem occasionem polliceretur. Sic ipse ibi constitutis rebus, paucorum dierum interuallo transcens Alpes, in Germaniam reuertit. Ceterum triennio, ab Henrici in Germaniam ex Italia reditu, interposito & transacto, Rogerius Tancredi regis filius, omni virtutum genere ornatus, ac eximiæ expectationis Princeps, vitali aurâ subtractus est, cuius quidem obitum admodò acerbè & immoderatè tulit Tancredus pater, ut dum nimia filium indulgentia prosequitur, dolori ferendo quodammodò esset impar. Quippe, nullis admissis solatijs, vel remedijs, tantum in illo naturalis illa storga potuit, ut mortem suam filij morti paucis diebus ab eius discessu copulauerit, relicto tantummodò vnico filio, Gulielmo scilicet, planè puero, tanti regni successore, quem mox Sibylla mater omni cura & studio educatum, regem Siciliæ Panormi de procerum consensu creandum curauit. Rogerius enim maior natu, qui sic iubente patre, Irenen, Isaaci Græcorum Imperatoris filiam, vxorem duxerat, nulla relicta prole, vita excesserat: eoque factum est, ut iure hæreditario regni Siculi possessionem Gulielmus ipse adiret. Henricus itaque, intellecta æmulorum & aduersariorum suorum morte, breui temporis interstitio inuicem subsecuta, idoneum sibi tempus prætensi regni repetendi datum esse arbitratus, nihil potius habuit, quam cum Ordinibus imperij seriò agere, ut omnia ad nouam belli expeditionem necessaria peropportunè pararentur. Illi, tametsi rerum Germanicarum status ita esset comparatus, ut multa forent eiusmodi, quæ magis otium & quietem, quam bellum requirerent; nihilominus tamen noui Cæsaris iustis precibus atq. auctoritate inflexi, illi omnè operam vltro detulere. Ipse verò, quò omnia tutiora atq. pacatiora in Italia haberet, nèue aliquid esset eiusmodi, quod remorari posset, operæpretium se facturum existimauit, si ad componendum inter Insulariæ ciuitates discordias & contentiones, Tronsardum, vnum ex aulicis suis præcipuum, in Italiam mitteret. Pari consilio Marcoaldum dapiferum suum ad Genuenses & Pisanos ablegauit. Qui seriò vtrique populo sui Principis nomine iniunxit, ut rem naualem, prout se facturos receperant, expedire sedulò curarent. Cæsar, constitutis in Germania rebus, comparatisque omnibus ijs ad bellum necessarijs, cum validissimo exercitu summa diligentia vsus, cimens Alpes iugis, in Italiam rediit, & mense Iunio Genuam appulit, vbi splendide ac supramodum honorificè à Senatu ceterisque Reip. Ordinibus exceptus est. Postero die admissio Senatu in colloquium, blandis & humanissimis verbis, largisque pollicitationibus Patres ad præparandam classem animauit, sic ut ipsi omni studio, antequam discederet, ad illam comparandam incumberent. Pisani Genuensium

exem-

exemplo incitati, idem obsequium atque officium ipsi præstiterunt. Ligusticæ classi iam instructæ nihil deerat, præter supremos duces ac præfectos. Cæsaris itaque nomine Marchio Montisferrati, & imperij Marescallus, Reipub. verò nomine nouus Prætor, qui recens in gratiam Marcoaldi, abrogatis consuetis Coss. creatus fuerat, cum plerisque lectissimæ nobilitatis iuuenibus præfecti fuerunt. Cæsar celeriter rebus omnibus ex animi sententia constitutis, Idibus Augusti cū Genuensium ornatissima classe, è sinu Ligustico soluit, atque assumptis in itinere Pisanorum triremibus, prospero ventorum cursu Caietam delatus est; eaque sine ullo certamine in potestatem accepta, inde Neapolim decimo Cal. Sept. appulit. Neapolitani de Cæsaris tam repentino aduentu ac eius classe certiores facti, ita fuere animis consternati, vt, cum rebus omnibus ad bellum necessariis essent destituti, missa ad eum legatione, se eius voluntati atque mandatis obtemperaturos, debitumque officium præstyturos pollicerentur. Quorum exemplum circumvicinæ gentes imitata, illius fidem sequi potius, quàm arma experiri maluerunt. Calendis inde Sept. in Siciliam præteruectus, Messanam, quæ tunc temporis eius studia sequebatur, cum sua classe peruenit: vbi cū Pisani cum sua classe, quæ ferè erat duodecim triremium, stationem haberent, exortis nouis simulatibus, ac veteribus odiis repullulantibus, graues dissensiones & tumultus inter eos ac Ligures concitatae sunt, adeò vt ab armis & cædibus nõ fuerit temperatum. Verùm, cū Cæsaris valdè interesset, ne hæ gentes inter se commissæ, vltèrius digladiarentur, summo studio allaborauit, vt depositis armis, inuicem reconciliarentur: qua certè in re Marcoaldus, qui tū, vt diximus, auctoritate & gratia apud ipsum Cæsarem florebat, tantum operæ præstitit, vt eius potissimum industria & auctoritate omnis tumultus repressus censeatur. Eò etiā tempore, quo Messanæ ab vtroq. populo tumultuata est, Ligusticæ classis præfecti mors incidit; cui è viuis subtracto, de cōmuni ceterorum ducū consensu alius tantisper subrogatus fuit, donec Senatus decreto alius cū maiori potestate designaretur. Cæsar deinde vltèrius progressus, cū intelligeret, Cataneā, insignem illius insulæ urbem, validis præsidiis Sibyllæ relictæ viduæ Tancredi regis teneri, allaborandum sibi statuit, vt illa, quò ceteræ aliæ ciuitates ab omni defensione facilius abstinerent, armis reciperetur. Proinde admoto exercitu, cū oppidani sese ad obsidionem tolerandam esse viribus impares animaduertent, citra longam moram vel deliberationem, deditiōem fecerunt. Hæc in fidem & deditiōem recepta, Syracusas præstantissimam & celeberrimam eiusdem prouinciæ urbem, contendit. Sed cū hæc urbs non solum loci natura, verū etiā arte atque opere valdè communita esset, ita vt faciliè propugnari & defendi posset, ac præter hæc, validissimo præsidio teneretur, Cæsar summam difficultatem subiit, priusquam illam expugnare poterit, sic vt eam non citra magnam vtriusque partis eadē in suam potestatem redegerit. Erat fortè Syracusis obsidionis tempore Sibylla ipsa Tancredi vidua, quæ cū videret, defensionem urbis amplius sustineri non posse, declinandi periculi gratia, sese cum Gulielmo filio & Archiepiscopo Salernitano suisque fratribus, in urbis arcem situ opereque munitam subduxit: missisque ad Cæsarem oratoribus, hoc vnum studiosè agebat, vt honestis conditionibus cum illo pacisceretur. verū cū hoc difficilius quàm sperarat, impetraret, necessitate adducta, quò Cæsaris animum emolliret, atque ad beneuolentiam inflecteret, ostendebat, sese libenter regno abdicaturam, modò ipse Gulielmum filium suum Tarenti Principem constitueret. Cæsar secum reputans, hanc reginæ postulationem cum æquitate & honesto coniunctam esse, passus est se exorari, ita vt, data acceptaq;

Genuæ nouus Prætor creatus.

Neapolis deditio.

Nonæ si- multates inter Ligures ac Pisanos.

Eorundem reconciliatio.

Cataneorum deditio.

Syracusarum expugnatio.

Panormi expugnatio.

Henricus regno Siciliae positus.

Exemplum singularis perfidiae & crudelitatis.

fide, reginam, ceterosq. eius comites in fidem receperit, Syracusisq. relicto firmo praesidio, Panormum progressus est, quam urbem mari terraque obsidione praesam, & modico certamine expugnatam, suo imperio adiecit. Panormus integre praemium victoriae fuit. Siquidem ea recepta, & Constantiam uxorem suam a Salernitanis superiori bello aduersus Neapolitanos infeliciter gesto, cum ipse Germaniam repeteret, captam, custodia liberauit, seque Sicania regem cum ea coronari maximo totius regni concursu imperauit. Praeterea, cum Irenen Alexij Graecorum Imperatoris filiam, siue, ut nonnullis placet, sororem, in palatio Panormitano Rogerio Tancredi filio desponsatam reperisset, Philippo fratri suo uxorem dedit. A quibusdam etiam posteris ac memoriae traditum est, illic ingentem Northmanorum thesaurum fuisse repertum, quae paucis post diebus in Germaniam iussu Caesaris transmissum esse aiunt. Hanc tam illustrem atque insignem, tantaque demum felicitate diuino beneficio partam victoriam incredibili postmodum perfidia atque saeuitia ipse polluit ac deformauit. In primis siquidem Genuensibus, quorum potissimum opera atque auxilijs Siciliae regnum adeptus fuerat, non modo promissa non praestitit, sed eos etiam priuilegiis ac immunitatibus illis a patre suo indultis atque concessis multauit. Sibyllam vero cum prolibus, atque adeo ipsum Antistitem ac fratres iniquiori arctiori que custodia coercuit. Et quod proximo anno conspirationes aliquot aduersus se compertas praetexeret, veluti iustam irae ac saeuitiae suae materiam nactus esset, immaniter in omnem Tancredi familiam eiusq. amicos & familiares grassatus est. Nam Sibyllam, & Archiepiscopum perpetuo carceri emancipauit, Gulielmum exectis testibus, Veneri ideò inutilem atq. ineptum fecit, ne stirps regia ulterius proferri ac propagari posset. Et hac inaudita carnificina non contentus, adeo crudeliter suam tyrannidem exercuit, ut, aliquot obsidibus sibi ex praecipua nobilitate ad regni securitatem traditis, communis lucis usuram inuiderit, ita ut, effossis oculis, eos perenni caecitate damnauerit. Quosdam excoriat: nonnullos palo ac stipite affixit terrae. aliquibus, quod affectati regni rei insimulareretur, igneis coronis redimiuit. quamplurimis indigenarum bona & fortunas, per vim contumeliamque eripuit. Ecclesias aut grauissimis tributis, aut foedissimis expilationibus dilacerauit. nec Episcopi quidem ab eius carnificina immunes, vel exempti: sed in eos ac in reliquos sacri iuris homines variis tormentis ac suppliciis animaduertit. Hoc modo per omnes crudelitatis gradus debacchatus Henricus, antequam in Germaniam remearet, ad noui regni sui tutelam atque securitatem Chunradum, recens Ducatus Spoletini fastigio a se honoratum, Siciliae; Thebaldum vero Campaniae Apuliaeque administrationi cum valida manu ac praesidio praescit. Verebatur enim, ne hi populi recens vi atque armis subacti, multisque incommodis atque iniuriis affecti, per suam absentiam impositum iugum excutere, & se in pristinam libertatem asserere conareretur. Proinde cum his duobus suis beneficiariis, & consanguinitate sibi iunctis, plurimum fideret, nullum incommodum sibi tamdiu metuebat, quamdiu ipsi cum imperio Prouincias istas procurarent. Ipse interea cum sua coniuge Constantia, nec non vidua Tancredi eiusque liberis ac Salernitano Praesule, ceterisque datis obsidibus, in Germaniam per Italiam contendit, & mense Maio anno supra millesimum ceteresimum nonagesimo quinto, in Galliam Cisalpinam peruenit. Ticinum inde progressum, Genuensium oratores adierunt; pertentatoque eius animo, miro artificio ac lenocinio orationis, hoc vnum conabantur efficere, ut ipsum hac in parte sibi refragantem, incredibili quadam humanitate & obsequio ad promissa praestanda inflecterent. Verum cum

cum natura, vti multi tradunt, non solum esset austera & atroci, sed supramodum refractaria atque ingrata, sese nequicquam rogitando defatigarunt, adeo ut cum magno suo impendio atque incommodo experti sint, quantis imposturis lubricus humanarum rerum status pateat, & quam saepe specie recti homines, alioquin non prorsus imprudentes, fallantur. Ipse, vbi tandem summa cum diligentia rerum Italicarum statum composuit, citra aliquam temporis intermissionem in Germaniam una cum coniuge utrumque gerente, profectus est, quæ etiam breui post suum in Germaniam aduentum, *Fridericum* *secundus.* enixa est, qui postmodum ad imperium euectus, *Fridericus secundus* dictus fuit. Opinio penes multos graues scriptores omnino obtinuit, ad huius *Henrici* *Cæsaris* expeditionis celeritatem, & suscepti belli felicem successum, non parum momenti ingentem, illum pecuniæ acervum, qua *Richardum* *Britannum* recens ab eo multatum fuisse ostendimus, attulisse. Multi etiam reperiuntur, qui constanter asseuerant, ex hac eadem pecunia *Viennam*, superioris *Pannoniæ* metropolim, mœnibus undique cinctam fuisse: quod ut credam, faciunt statuæ lapideæ, quæ etiamnum in exteriori muro locatæ, captum ipsum regem repræsentantes, extant, & conspiciuntur.

DE BELLO PISANO,

LIBER II.



UPER commemorauimus, dissensiones ac tumultus inter Ligures ac Pisanos, *Messanæ* recens exortos, opera atque auctoritate *Marcoaldi* eatepestate apud *Henricum* *Cæsarem* summa gratia & dignitate florentis, compositos, atque magna sui parte sublato fuisse. At breui interiecto tempore, anno scilicet ferè millesimo centesimo nonagesimo quinto, vetera odia temporum interstitio nonnihil intermissa, atque bonorum virorum diligentia suppressa, iterum inter utrumque populū repullularunt. Pisani enim iniquo animo ferebant, *Bonifacium* *Corficæ* insulæ oppidum à *Genuens.* sibi ereptum, atque euersum esse. Proinde cum nullis recusatis laboribus vel periculis intantum allaborassent, ut recuperato oppido, præteritæ cladis memoria maiori ex parte deleta videretur, nihil habuere antiquius, quam oppidum ipsum omnibus munimentis aliisque propugnaculis ad sustinendam & arcendam vim hostilem necessariis, summa cum celeritate instruere atque fulcire. Quamobrem *Genuens.* ultra modum irritati, nulla interposita mora, classem sex magnarum nauium ac trium triremium cum plerisque minoris notæ nauigiis, conuehendis com meatibus commodis, *Iacobo* *Mainero* ciue *Mediolanensi* vrbs præturam gerente, instruxerunt, ac expeditionem maritimam ducibus *Henrico* *Carmandino*, *Othone* *Polpo*, & *Ingone* *Flessa*, adornarunt. Qui rebus omnibus ad eam expeditionem necessariis comparatis & diligenter dispositis, secunda nauigatione in *Corficam* delati, paucis interiectis diebus, *Bonifacium* ipsum, nondum firmis præfidiis & munimentis firmatum, facili negotio iterum expugnarunt, & in potestatem redegerunt. In hoc rerum tractu, *Cælestinus* tertius *Romanus* Pont. cum animaduerneret, nouis dissidiis atque recens exortis turbis pacem publicam cum ingenti *Christiani* nominis iactura & dispendio mirum in modum

*Bellum inter
Gen. ac Pi-
sanos inno-
uatum.*

*Bonifacium
à Liguribus
recuperatum.*

perturbari, nullumque gerendis bellis finem imponi, Christiana pietate pro eo, quoungebatur, munere, commotus, mense Martio Pandulphum Cardinalem inter purpurati ordinis virum, tum auctoritate, atque longo rerum gerendarum usu & peritia excellentem, ad utrosque populos ambitiosè inter se decertantes, eo consilio misit, ut ipsi Pontificia auctoritate adducti, ad mutuam beneuolentiam & concordiam redirent. Pandolphus, cum pro rei magnitudine auctoritatem suam penes utramque gentem, conuocatis & in concilium adhibitis præcipuis quibusque eorum, interponeret, in multis locis, præsertim verò in Eryce, orationem grauiissimam de mutua reconciliatione habuit: sed cum negotium adeò esset intricatum & perplexum, ut propter summam difficultatem indies protraheretur, nec alium suæ diligentiae fructum, quàm longæ expectationis tædium, reportaret, de totius negotij summa ac statu ad Pont. rescripsit, ostenditque, rem maiori deliberatione indigere, nec in sua potestate esse, ut pacem inter eos constitueret. Pisani nimirum, cum mira ambitione & vlciscendi studio Bonifacium repente non potius Genuensium incursum quàm iustis viribus expugnatum & amissum, in suam ditionem iterum redigere anxie optarent, omnem nec tendæ moræ protrahendi que temporis ansam quærebant, & speciosis quidem verbis pacem pollicebantur, re verò ipsa bellum crudelissimum gerebant, adeò ut Ligures longo usu atque magna rerum gerendarum prudentia aduersariorum consilia & conatus probè rimari & inuestigare edocti, facile intelligerent, quoniam illorum studia euaderent, & quibus potissimum de causis rem ipsam extraherent. Quapropter summa celeritate Drudum Marcellinum, Reip. suæ Prætorem, in alterius locum recens subrogatum, cum multis nauigijs peropportunè instructis, in Cyrum ablegarunt. Qui cum citra aliquam moram in insulam adnauigasset, & nullam hostilem classem, vel aduersariū offenderet, Sardiniam cogitauit; ad quam mutato cursu, celeri nauigatione aduectus est, ea potissimum de causa, quod certo deprehendisset, Marchionem Gulielmum Iudicem Caralitanum, toparchiam, cui nomine Senatus Iudicis nomine præerat, contra pacta & mutuas conventiones tyrannicè sibi attribuisse, & occupasse, mutatisq. studiis, & neglecta Reip. Ligusticæ auctoritate & amicitia, tota animi propensione Pisanis fauere atque patrocinari. Gulielmus interea, veritus, ne propter fidem suam turpiter contra omnem æquitatis regulam violatam, magnum cum status, tum etiam honoris ac vitæ periculum incurreret, nimirum cum non ignoraret, Genuens., insignes alioquin iniuriarum ultores, nunquam impunè tantam iniuriam denoturos, summa calliditate rebus suis adeò prospexerat, ut non solummodò Sardos, verum etiam Tarraconenses, & aliarum gentium notissimum quemque, rerum suarum studiosos & fautores haberet, quorum viribus & auctoritate fretus, initio omnem Genuensium impetum quàm fortissimè sustinuit, & pari quodammodò virtute ac fortitudine repulit atq. repressit. Verum cum ad eum armis profligandum, adeoque Sardinia regno exigendum, noua subinde Genuensi duci præsidia & auxilia mitterentur, Pisani, qui ea tempestate cum instructa classe, magna que militum & armatorum manu in Corsicam appulerat, de salute Marchionis non parum solliciti, fortiter arma in ipsos Ligures expediuere, eo certè successu, ut atroci inter eos prælio commisso, dudum ancipiti Marte utrimque dimicatum sit; sed tandem fortuna in fauorem Genuensium inclinante, expulsis Pisanis, sumptaque de temerariis Marchionis ausibus vindicta, Ligures quieta illius prouinciæ possessione potiti & gauisi sint. Quibus rebus feliciter constitutis, & expeditis, Prætor cum vniuersa sua classe Bonifacium versus eo animo contendit, ut illud

illud oppidum firmo præsidio communiret, ac totum illius insulæ tractum ab hostilibus iniuriis tutum ac securum redderet: quod sanè summa cum diligentia & dexteritate executus, Genuam prospera nauigatione reuersus est. At Pisani Bonifacij iacturam impotentī ac prorsus iniquo animo ferentes, citra aliquam quietem, vel temporis intermissionem, omnem curam atque consilia ad illius recuperationem iugiter conferebant. Habebant tunc temporis ipsi in promptu multos myoparones, aliosque fæselos exercendæ piraticæ cōmodos, & opportunos, quibus crebris excursionibus totius insulæ oram circumuagari, & omnium portuum aditus diligenter obseruare solebant. Horum igitur commoditate freti, rem animo destinatam summa industria & festinatione sese assécuturos omnino sperabant, priusquam Genuæ innotesceret. Proinde instructa classe, conuocatisque in auxilium sociis, ac confœderatis, eorumque nauigiis adhibitis, in Corsicam summo cum silentio transmissere, Bonifaciumque repentino impetu facto, adorti sunt: sed quod præualido præsidio, ac omnibus ad obsidionem sustinendam necessariis esset instructum, expugnare nequiuerunt, licet, citra remissionem ullam, omnibus viribus & conatibus oppugnarent. Ceterum, ubi Genuæ de hac noua & occulta Pisanorum expeditione nunciatum est, Senatus decreto Præsidi iniunctum fuit, vt, nulla mora interposita, omnia quæ ad hostem profligandum, ac defensores adiuuandum necessaria & opportuna essent, pararentur. Prætor statim, quod periculum in mora esset, nec ratio temporis admitteret, vt maiores apparatus fieret, illuc nauim, omni commeatus atque armorum genere onustam, duce Montanario Auria, præmisit, quæ per aduersam tempestatem ab instituto cursu secus ac existimarent, remorata, ab hoste animaduersa fuit, & cum nullus effugij locus daretur, intercepta. Haud multo post, ad liberandam hostilibus incur-

Pisani Bonifacium nequicquam adoruntur.

Nauis Ligustica à Pisanis intercepta.

Prælium inter Gen. ac Pis.

sibus Corsicam, iussu Senatus Ansaldus Guaracus, vir clari nominis, cum septendecim triremibus etiam amandatus est. de cuius quidem aduentu vt Pisani intellexere, veriti, ne propter summam temporis angustiam ab hoste vel opprimerentur, vel saltem in ipsa obsidione intercluderentur, muralibus machinis aliisque impedimentis in continenti relictis, confestim à Bonifacij oppugnatione recesserunt, paucis tamen interiectis diebus, restauratis viribus, ingentique animi fiducia, eiusdem oppidi obsidionem repetierunt. Sed Ligures ibi stationem adhuc habentes, statim intellecto hostium aduentu, summa cum alacritate illis obuiam processerunt. & quamuis Pisani duabus nauibus egregie instructis superiores essent, nihilominus tamen singulari Genuensium virtute, solidaque præfecti illorum animositate, intrepidè belli aleam subierunt, eo tandem successu, vt ipsi trium nauigiorum, Pisani verò vnus iacturam facerent, in quo, præter ceteros, Girardus Vicecomes nobilis Pisanus captus fuit, Genuamque perductus. Incidit hoc prælium iuxta Bonifacium circa annum eiusdem æui nonagesimum sextum, à quo quidem tempore vsque ad annum tertium supra millesimum ducentessimum, hoc est, per totum ferè octennium, nihil inter vtrosque populos memoratu dignum, quod equidè inuestigare potuerim, gestum fuit. Aliquorum tamen Annales commemorant, intermedio hoc tempore multas vtriusque excursionses & velificationes esse factas, & piraticam circa Sardiniam & Galliam Narbonensem vario euentu atque inconstanti fortuna fuisse exercitam. Interea temporis Cæsar Augustæ Vindelicorum comitia indixerat, ad quæ cum multi Germaniæ Principes conuenissent, per amicos egit, vt pænè omnes Fridericum filium, quadrimum, ac pænè in cunis vagientem, Regem assumerent, idque literis & iuramento firmarent. Quo impetrato, paucis post diebus, cum vxore ac filio in Siciliam

liam reuersus est: ibique cùm venationi indulgeret, ac mense Augusto in quodam nemore, vbi erant frigidissimi fontes, calorem, quo maximè æstuabat, lenire vellet, in terram noctu stratus, ex frigore cœpit infirmari, ac statim se Messanam transferri iussit, vbi haud multò post, diarrhœa correptus, morboque indies inualecente, fatis concessit, anno imperij octauo, superstite hærede vnico Friderico filio, quem Philippo fratri cum Siculi regni administratione, atq. insignibus Imperialibus commendauit. Sunt etiam qui tradant, ipsum, antequam obiret, Innocentio tertio, successori Cælestini, vxorem & filium commendasse. Arbitrati sunt præterea nonnulli, eum veneno ab vxore exhibito sublatum, quòd nepotes ac propinquos, nobilioresque obsides sibi datos, & magnam prosapiæ partem cruciatibus torsisset. Ceterum familiares qui ei à cubiculis quàm fidelissimè inferuierunt, id constanter pernegarunt. Eius corpori in vrbe Panormitana honorificentissimè parentatum anno supra millesimum centesimum nonagesimo octauo, cùm regnare cœpisset M. C. XCI. Henrico humanis rebus exempto, Pisani subinde cum aliquot myoparonibus ceterisque nauigiis piraticam exercentes, per varia loca prædabundi excurrerant, & postremò in Siciliam præteruecti, plurima damna insularibus, ac præsertim ijs Genuensibus, qui eam insulam rerum exoticarum & commutandarum gratia frequentabant, intulère, adeò vt tandem Syracusas celeberrimam, atque vnam ex præcipuis totius regni urbem, post sic satis diuturnam & durissimam obsidionem expugnarent; potitiq. vrbe, tanta crudelitate in oppidanos aliosque Syracusani agri indigenas grassati sunt, vt, nulla sexus, ætatis, vel dignitatis ratione habita, promiscuè in omnes sæuierint. At Ligures hoc atroci & barbaro facto supramodum exacerbati, & iusta ira atque odio accensi, habitis super hac re, tanquam omnium grauissima & atrocissima, comitiis centuriatis, de communi omnium Ordinum voluntate & suffragiis, decretum & Senatusconsulto confirmatum fuit, vt ea qua fieri posset celeritate, præualida classis ad tam magnarum iniuriarum vltionem cõpararetur. Et quò celerius atque tutius hæc expeditio perfici posset, noua cõsiliij ratio ab iis qui Reipub. administrationem & curam gerebant, excogitata fuit. Paucis enim antè diebus, in Siciliam aliasque conterminas regiones, plurimæ naues atque triremes, sub diuersis ducibus ac præfectis ablegatæ erant, eo prætextu, vt classi è Syria reliquisque Asiæ partibus reduci, subsidio essent. His igitur omnibus ac singulis seorsum iniunctum seueriter à Senatu fuit, vt viribus collatis, in vnum quasi corpus coirent, vt sic coniunctis nauibus & armis, Pisanos noua victoria in Sicilia exultantes, inopinatò adorirètur, & recens potita vrbe exuerent, simulque de tam nefario atque horribili flagitio pœnas sumerent. Nauarchi cùm in vnum, prout constitutum erat, conuenissent, imploratoque Henrici, Malliacæ oræ Principis, cognomento Pistatoris, Reipub. suæ fidelissimi socij, subsidio, qui hoc tempore cum aliquot suis nauigiis inde haud procul aberat, anno supra millesimum ducentessimum quarto, circa finem Iulij, cum vniuersa classe Syracusas profecti sunt: eoque cùm octauo Idus Augusti incolumes appulissent, statim duas prægrandes Pisanorum naues, vnam illarum Florem, alteram Rosam nuncupatas, in ipso portu interceperunt; moxque urbem ipsam, licet Reinerus Comes, vir vt generis splendore, sic etiam militari disciplina celebris, Pisanis confederatus, ex Etruria cum valido ipsis subsidio aduenisset, tam arcta obsidione presserunt, vt illam septem dierum spatio expugnarent. His rebus nō minùs properè, quàm feliciter gestis, continuò huius vrbis Antistitem, ceterosque ciues à Pisanis expulsos, variisque in locis exulantes, pristinis honoribus & fortunis restitue-

Henrici Cæsaris obitus.

Syracuse à Pisanis expugnantur.

1204.

Genuens. septem dierum spatio Syracusas capiunt.

stituerunt, ita vt recepta vrbe, ibique constitutis rebus, & Alamanno Costa cum valido praesidio ad vrbis custodiam nomine Reipub. relicto, Genuam ouantibus similes, cum incredibili totius Reip. laetitia atque applausu redierint. Ceterum Pisani, huius vrbis iacturam iniquissimo animo ferentes, nihil habuere antiquius, quam ad eam recuperandum totis armis atque viribus incumbere. Proinde summa celeritate vsi, decem onerarias, ac duodecim triremes optimè instructas, duce Reinero Comite, cuius supra meminimus, Syracusas amandarunt, qui commoda nauigatione illuc appulsus, continuo milite in terram exposito, aeneas machinas & varij generis tormenta mœnibus admoueri atque vrbein oppugnari iussit. Vrbem Alamanus Costa Genuensium beneficiarius, vir impiger ac fortis, ad eius tutelam cum praesidio, vti proximè diximus, relictus, summis viribus propugnabat, primosque hostiles impetus fortissimè sustinuit ac repressit. Verum Pisanis in ea obsidione pertinacissimè inhærentibus, Costa suis viribus diffusus, cum propter temporis angustiam commodè Genua auxilia excire nequirit, Henrici Malliaci Reguli fidelissimi Reip. socij opem atque auxilium implorauit. Ille statim per fideles internuncios edoctus, quâto in discrimine Syracusani à Pisanis obsessi versarentur, nulla mora interposita, Messanam cum quatuor triremibus, ac omnibus rebus ad bellum opportunis, praesertim verò magna pecuniarum summa instructus, adnauigauit; ibique cum plerisque ciuibus Genuensibus, qui ea tempestate mutandarum mercium gratia illuc profecti erant, sollicitè ac enixè operam dedit, vt militarem manum conscriberet: breuique effecit, vt classem hostili nulla ex parte inferiorem, omni que bellico apparatu quàm maximè exornatam in promptu haberet; qua rectà Syracusas contendit. At Pisani nouo Ligurum praesidio neuitquam deterriti, summa animorum alacritate illis obuiam processere: confestimque acie vtrimque ordinata, datoque praelij signo, infestis armis inter se concurrerunt. Malliacus, cum nauigiorum numero, & militum frequentia se ab hoste superari animaduerneret, naues aliquot praemisit, eo consilio, vt illae sese tantisper hostilibus nauigiis opponerent, earumque impetum sustinerent, quoad ipse, qui sibi cum quatuor triremibus à tergo, tãquam in nouissimo agmine locum delegerat, si grauius periculum immineret, vel ita vsus ferret, ibi praesto esset. Verum, cum ipse nullum militaris disciplinae ordinem ab hoste obseruari conspiceret, minimè sibi cunctandum, occasionemque sibi diuinitus oblatam, nullo modo praetermittendam ratus, quò minùs belli aleam subiret, praelio secum decertare voluit, suaque praetoria in latus aduersariae acri impetu praeterectus, tam strenuè dimicauit, vt ea potiretur. Cuius quidem casu atque fortuna reliqui consternati, & par periculum metuentes, sese protinus in fugam coniecerunt, adeò vt cum hi qui nauibus aduehebantur, nihil, aut certè parùm resisterent, fortuna prorsus ad Ligures inclinat, & vniuersa Pisanorum classis, exceptis quinque triremibus Insubro milite instructis, in eorum potestatem deuenerit. Alamanus interim ex hoc prospero rei naualis successu animi fiduciam cum suis sumens, eruptione facta, hostem in vrbis obsidione adhuc persistentem adortus est, faciliq. negotio fudit & dissipauit. cuius memorabilis victoriae fama vniuersam Italiam exiguo temporis spatio peruagata, effecit, vt Nicolaus Cataneus, & Gulielmus Nigrius, qui cum tredecim triremiũ supplemento in Siciliam proficiscebantur, quò maturè obsessis suppetias ferrent, conuersa nauigatione, se statim ad suos reciperent. At Pisani ob acceptam cladem haud parùm animis consternati, summa diligentia decem onerariarũ, & octo triremium classem instruxerunt, quibus in Sardiniam transfretarunt, vt ibi nouas turbas &

Pisani rursus
inuadunt
Syracusas.

Naualis eodem
filiis inter
Pisanos at
Genuens.

Pisani infestius
inter pugnat.

Vtriusque populi
noua classis
seu instructa.

tem-

tempestates concitarent. Quod quidem ubi primum Genuæ innotuit, pari diligentia & celeritate totidem nauigia, duce Nicolao Auria, expedita sunt, ita ut Pisani de his apparatibus certiores facti, ut hosti omnem decertandi ansam præciderent, confestim sese in eum insulæ tractum subducerent, quem vulgò Calaritanum vocant. Ibi quippe plurimos socios & clientes habebant, quorum ope ac præsidio freti, se longè tutiores arbitrabantur. Ligur verò tametsi eos pertinacissimè insequeretur, ut ad certamen eliceret, nihilominus tamen, cum ipsi sese intra munitissimum vallum atque aggeres continerent, frustra in hoc ab eo elaboratum est. Pari successu & infelicitate in exurendis ipsorum nauigiis omnem operam & studium incassum consumpsit. Interea temporis, cum Pisis nuntiatum esset, suos à Genuensibus obsideri, nec in paruo discrimine versari, Senatus summa festinatione ad septendecim triremes auxiliares cum multis validis manipularibus copiis ad eos misit. Senatus etiam Genuensis, ubi de hoc nouo Pisanorum subsidio intellexit, pari sedulitate quatuordecim nauigia perbellè instructa, duce Fulcone Iustiniano, eodem destinauit. Sed is fuit tandem rerum exitus, ut cum Pisanum præsidium, Ligusticum anteuertit, Auria veritus, ne à duplici hostili classe circumueniretur, obsidionem solueret: breuique post, coorta atrocissima tempestate, classis Ligustica in duas partes distraheretur. Quo sanè factum est, ut tria Genuensium nauigia in hostium manus ac potestatem deuenirent; quæ quidem iactura, cum Genuæ multò grauiora metuerentur, paruo æstimata est: moxque de Senatus volūtate missum est ad Iustinianum, qui haud procul aberat, ut quamprimum sese domum reciperet. In hoc rerum curriculo, Gorgoni & Tyleti Præfules, his duobus populis finitimi, enixè procurabant, ut eos in mutuam gratiam reponerent. Verum, cum nullis artibus vel consiliis aliquid proficerent, Pontifex eis grauius iniunxit, ut hanc rem seriò tractadam susciperent. Proinde ipsi Genuam profecti, Senatui post multas ostensas graues rationes & causas, tandem auctores fuerunt, ut, licet ipsi multis nominibus Pisanorum fidem valdè suspectam haberent, nihilominus tamen temporis condicione adducti, quod Venetos aliquid erga se moliri audirent, passi sunt à se impetrari, ut in Erycis portu, constituendæ mutuæ pacis gratia, vtriusque Reipub. legati conuenirent. Eo cum venissent, post longas disceptationes, & haud leues controuersias, intercedentibus ipsis Episcopis pax inter eos constituta est, & iureiurando interposito summa cum religione vtrimque sancita & confirmata. Ceterum Pisani constitutæ pacis ac obligatæ eo nomine fidei immemores, post paucorum dierum decursum, intercepta Ligustica naui multis pretiosis mercibus onusta, sese immani scelere propter violatum contra ius gentium fœdus tanta religione initum, polluerunt. hæc tamen à Gulielmo Rosso cum duodecim triremibus è Syria reuertenti, recuperata est. Inter quæ, Veneti, naturali quodam odio cum hac nostra Reipub. multas simultates non apertè quidem, sed occultè exercebant; successu verò temporis tandem diu occultatum & concoctum domi malum, in apertum bellum, hac potissimum de causa exarsit, quod Ligures Henricum, Malliacæ oræ Principem, cuius proximè mentionem habuimus, suum amicum, & beneficiarium, ac Venetæ Reipub. infensissimum hostem, denuò in Cretensi bello armis iuuiscent, sicuti suo loco ac tempore fusiùs explicabitur. Interim Senatus existimans, Pisanos, nouis auxiliis fretos, bellum maiori cum fiducia reparasse, magna cum prudentia ac celeritate delectum per totum agrum Ligusticum, ac pleraque alia circumvicina loca, haberi imperauit, tanta mediisfidius diligentia & studio, ut exiguo temporis interuallo ad duo millia peditum egregiè armatorum sub vexillis

Tria Ligustica nauigia à Pisanis capta.

Pax inter Genuens. ac Pisanos.

Pisanorum perfidia.

habe-

haberent, eosque ad aduersariorum opprimendos conatus terrestri itinere præmittere, expedire visum fuit: & quadraginta nauigiorum classem vno eodemque tempore contra eos eduxerunt. At Pisani, tanti momenti susceptum bellum infelicibus successibus auspicati, statim post acceptam cladem vsq. adeò pristinum ardorem remiserant, vt belli exitum ex infausto initio metientes, omninò eam expeditionem sibi deferendam esse statuerint. Ipsis itaque domum reuersis, Ligures haud multò post idem fecerunt. Ceterum Pisani, quibus ea noua cum Venetis dissensione, nihil omninò gratius vel optatius euenire poterat, assidue ad portus Veneris expugnationem intenti erant, & cum duodecim nauigijs egregie instructis, ad insulam è regione illius loci positam, summo silentio perrexerunt: militeque in terram expolito, solutaque obsidione, quicquid otij ac temporis dabatur, illud totum vrendis ac excindendis arboribus insumebant. Quod vbi primum illius portus ac finitimi oppidi indigenis innotuit, repentè cum quibusdam hemiolijs eò delati, ab ea parte vbi non erat hostilis classis, descensionem fecerunt, ac quàm plurimos, inter quos & Tegrinus ipsorum præfectus erat, per insulam passim dispersos, palantesque inuentos, statim summo cum impetu adorti sunt, eo successu, vt, cum à suis propter loci distantiam nulla ope subleuari possent, omnes vel trucidati, vel capti sint. Tegrinus illorum Præfectus, deinde cum Lanfranco Scotto fratre illius qui portum Veneris tutabatur, permutatus est. Porro quamuis res ea feliciter cecidisset, quòd tamen inconsultis & inscijs Coss. rem tanti momenti & periculi plenam aggressi essent, Senatus antiquæ disciplinæ severitatem imitatus, huius oppidi Præfectum, cuius iussu & auctoritate res gesta erat, temeritatis conuictum & reum, prætura multauit, & ignominia causa illius ædes funditus euertere iussit. Nec satis erat, vno eodemque tempore duplici bello, eoque quidem atrocissimo, nempe Pisano, ac Veneto, implicari, accessit & tertium, à Gallis Narbonensibus motum: quæ, licet magnis molestiis Rempub. afficerent, nec minoribus sumptibus & curis inuoluerent; nihilominus tantum abfuit, vt animum desponderent, vt ad patriam defendendam summa virtute certatim accurrerent. Expeditis enim octo triremibus, quibus Gulielmus Embriacus cum imperio præerat, cum his postremis aduersariis nauali prælio congressi sunt, eo quidè exitu, vt, fuis Gallis, septem eorū nauigia caperent. Quia clade accepta aduersarij, haud mediocriter animis fracti, cum sese impares sustinendo bello agnoscerent, Hugonem Bustum præcipuè nobilitatis virum, associatis illi aliquot prudentissimis collegis, Genuam rogatum pacem miserunt, quam etiam sub certis condicionibus impetrarunt: multisque deinceps annis salua & incolumis inter eos stetit. Vix ex hoc bello Repub. eluctata, mox aliud præcedenti haud minùs molestum, successit. Gulielmus namque & Chunradus ex Malespinarum nobilissima & antiquissima familia oriundi, quòd illis arcis Crouaræ à Genuens. nuper facta coemptio valdè displiceret, ad eam armis recipiendam aliquot militares copias clanculum conscripserant. Proinde Ligures, cognitis eorum studiis, confestim ducentos cataphractos, & aliquot subitarias auxiliares copias ad reprimendum eorum conatus eduxerunt: quorum aduentu inopinato deterriti, nec cum eis, armis decernere ausi, pacem etiam certis condicionibus redimere & pacisci coacti sunt. Et quia Nicææ reguli superiori bello Gallia Narbonensis populis auxilia cōtra Ligures dederant, ne publicæ iniuriæ neglectæ, vel impunitate confirmatæ à quoquam videri possent, Senatus decreuit, vt contra illos nouem triremes sub diuersis trierarchis ac Præfectis educerentur. Verum illi Genuensium armis atque copiis deterriti, ita se suis arcibus communi-

Pisanorum
cedes.

Exemplum
militaris
disciplinae.

Ligures eodè
tempore cum
Pis. Venetis,
& Gallis
Narbonensibus
beligerant.

Pax inter Li-
gures & Gal-
los Narbonens.

Bellum Ge-
nuens. contra
Marchiones
Malespinas.

Eorundem
reconciliant.

tos & abditos continebant, vt de illorum promeritis pœnæ sumi nequirent. Interea bellum Venetum, recens, vti diximus, renatum, indies magis atque magis recrudescerebat. In Orientalibus quippe partibus quamplurima Ligustica nauigia diuersis quidem temporibus ipsi interceperant, ob quas calamitates & iniurias iusto dolore & ira commoti Genuenses, omni cura & solitudine in nouis comparandis copiis aliisque ad bellum necessariis incumberebant. Et cum non ignorarent, Pisanos intestinis odiis ac simultatibus ea tempestate confictari, quò bellum aduersus Venetos commodius sustinerent & prosequerentur, Reipub. operæpretium visum fuit, vt missa Pisas legatione, indutiæ vtriusque constituerentur: quæ tandem de mutuo vtriusque populi consensu ad quinquennium, & sollemniter interposito quingentorum ciuium Genuensium, ac totidem Pisanorum iureiurando, constitutæ & pactæ fuerunt. Pari ratione per idem fermè tempus cum Venetis in triennium transactum est. Rebus itaque foris compositis atque sedatis, Senatus, cum multa domi essent eiusmodi, quæ diligentem curam & administrationem requirerent, serias cogitationes ad earum compositionem contulit. Nam cum ærarium publicum & vectigalia, propter superiorum temporum bella, mirum in modum essent partim exhausta, partim labefactata, Patres conscripti summa cum diligentia eorum omnium rationem & curam habendâ esse censuerunt, sine quibus Reipub. neruus nec consistere nec cõtineri potest. Ceterum Pisani, paucis post mensibus, consueta perfidia vsi, omnisque religionis immemores, quandam Reipub. triremim, quæ, cum inter nauigandum com meatu destitueretur, Arnun flumen subierat, per insidias adorti, sui iuris fecerant. Hi præterea eodem fermè tempore, scilicet, anno supra millesimum ducentessimum quinto decimo, nouo fœderis iure cum his Venetis qui tum erant Constantinopoli, contra Ligures, veteres æmulos & aduersarios, coniuncti, cum duabus triremibus ac totidem nauibus optimè præparatis atque instructis, Byzantio in Siciliam ad nauigarunt, & pleraque Ligustica nauigia multis ac pretiosis mercibus onusta, quæ recens ex partibus Orientalibus illuc appulerant, prædonum ac piratarum instar, interceperunt, adeò vt hac potissimum de causa nouum atque acerrimum bellum inter Ligures ac Pisanos cum maxima vtriusque gentis clade instauraretur. Quod quidem vt auerteret Honorius tertius Innocentij tertij successor, prædecessorum suorum secutus vestigia, enixè allaborabat, idque vnum contendebat, vt, extinctis omnibus simultatibus atque odiis inter Principes Christianos, vera animorum consensio atque vnanimitas coalesceret, & publica pax cõstitueretur, præsertim cum Saraceni, alijque Christiani nominis hostes, summis viribus indies Imperij nostri limites infestarent atque attererent, adeò vt nisi illorû conatibus maturè obuiam iretur, nemini dubium esset, quin Christiana religio vnâ cum imperio in extremum periculum adducta, sensim extingueretur. Proinde, quò Principum animos crudelibus bellis intentos, ab instituto retraheret, & ad sanio rem mentè inflecteret, passim missis legatis, boni & Christiani pastoris munus atque officia obibat. Et quia horum duorum populorum contentio totam ferè Italiam ad arma cõcitabat, diuersisque studiis & factionibus implicabat, graui consilio ad eos legationem mittendam esse censuit. Nam etsi alias sæpius vtriusque Reipub. Senatum literis admonuisset, vt ad mutuam reconciliationem redirent, tantum abest, vt aliquid profecisset, vt etiam irritationes, & prouiores ad bellum ruere viderentur. Quamobrem cum Reipub. Christianæ status in tam difficili cardine versaretur, vt nullam moram, quamlibet exigua, citra magnû periculum tolerare posset, Hugolinum Card. Ostiensem, qui

1212.

Indutiæ inter
Ligures ac
Pisanos.Eadem à Pi-
sanis violata

1205.

Hugolinus
Card. Ho-
stiensis, mit-
tus legatus
Genuam ab
Honorio tertio
Rom. Pont.

postea

postea in Pontificem electus, Gregorius IX. dictus est, legatum ad vtrumque populum misit, vt tanti viri auctoritate & reuerentia, exasperatæ mutuis odiis & iniuriis gentes, commonstratis periculis & tempestatibus, quæ toti Christiano orbi impendebant, nisi ab armis discederent, ipsi meliora & saniora consilia amplecterentur. Legatus igitur, quia mirificè suspicabatur, ne si prius hos vel illos adiisset, alterutri in aliquam suspensionem deueniret, summam tractando negotio prudentiam adiunxit, conficiendisq; rebus, quas in mandatis habebat, sedem adeò opportunam delegit, vt nullam suspensionis ansam neutri propter loci vel temporis rationem relinqueret. Conuocatis itaque vtriusque partis oratoribus, inter quos vtriusque vrbis Antistites erant, & multis aliis præcipuæ nobilitatis viris, quorum potissimum auctoritate res definiri debebant, hæc ferè pro concione dixit:



CONSIDERANTI mihi, Amplissimi Patres, vosque præstantissimi ciues, atque penitus maiorum vestrorum præclaras actiones ac studia introspectanti, quibus sæpenuerò multis præclaris ac bene institutis ciuitatibus optimo exemplo non modò præluxerunt, verum etiam dubiis temporibus nutanti Reipub. Christianæ aduersus immanes atq. barbaras gentes, huic nostro imperio auidè inhiantes, nulla habita laborum vel sumptuum, vel periculi ratione, tam strenuam operam nauauère, vt eorum potissimum beneficio Respub. Christiana à tam crudeliu hostium faucibus quodammodò semilacerata, erepta atque seruata sit, mirari proculdubio subit, quænam vos causæ vel rationes à tam egregio & sapienti maiorum vestrorum instituto abduxerint, vt concitatis & exacerbatis vtrinq. animis, ad belli necessitatem deuenieritis. Equidem, vt verum fatear, dum dissensiones, & mutuarum vestrarum controuersiarum summas diligentius apud me perpendo atque examino, nullam certè, vel saltem valde exiguam legitimam causam subesse video, quæ vos meritò ad tantas concitandas turbas, si res vtrumque in consilium admittatur, propellere atque concitare possit. Nam quid est, per Deum immortalem, in tota vestra actione, quam tamen prætenditis legitimam, & multis exaggeratis & palliatis rationibus, huiusmodi, quod vero iure ac rei æquitate subnixum sit? Porro attento ac diligenti iudici, & de controuersia vestrae fundamentis diligentius inquirenti, fatis, vti equidem existimo, constabit, dissidiorum vestrorum initia, & quasi omnium subsecutorum cum grauissimo vestro detrimento & damno, bellorum seminarium, non aliunde emanasse, quàm à mutua quadam potentia, atque adeò virtutis æmulatione & inuidia. ita sit, vt dum inuicem cedere nolitis, vosmetipsos in graues & inextricabiles molestias coniiciatis; ex quibus, cum difficillimæ sint, ægrè vobis eluctari dabitur, nisi tandem modum atque finem mutuis odiis constitueritis. Quis est enim tam stupidus, vel rerum humanarum ignarus, quin facile videat, & intelligat, quorsum vestra studia eruptura sint, si per impotetiam atque ægritudinem animi deinceps, prout hætenus fecistis, pergatis? Nec est quod hac in re aliquis vobis maiorem fidem faciat, quàm vosmetipsi, qui iam, vti puto, vestro periculo probè didicistis, quo in statu res vestrae domi forisque collocatae sint. Nec sanè ista eò pertinent, vt vestras opes vel publicas, vel priuatas aliqua ex parte eleuem, aut deprimam: sed hoc dico, neminem vestrum latere, cum quanta pernicio ciuium hæ mutua vestrae simultates cōiunctæ sint. Proinde Pontifex publicæ tranquillitatis diligens atq. sollicitus auctor, cum videat, vniuersam Italiã vestra potissimū de causa ad arma cōcitata, & quasi propter

*Ensis
oratio ad
legatos.*

diuersa studia in transuersum rapi, sui muneris esse putauit, ut vos huius periculi auctores, & publicæ, ut libere quod in animo habeo, eloquar, quietis cōturbatores, mea opera & fide ad mutuā & pristinā concordia traduceret, atq. hortaretur. Cui, si pro solita vestra humanitate, atq. pro maiorū vestrorū in omnes Pōtīfices reuerentia & obseruantia auscultabitis, nō cōmittetis vnquā, ut famā pristinamq. gloriam vestram egregiis atque fortibus factis partam, domestico ac ciuili bello obscureris, præsertim cū hoc tam necessario & periculosissimo tēpore, Turcæ, ac reliqui religionis nostræ immanissimi hostes, indies impunitate confirmati, & nostra socordia securi, cum æterna nominis nostri ignominia imperium suum proferant, & abducta in fœdam seruitutem infinitorum hominum multitudine, nostris ciuilibus dissensionibus exultent. Quæ omnia cū vos minimè ignoretis, & res ipsa loquatur, non est, uti existimo, ut vos subinde admoneam; satis abundeque fuerit, ut vobiscum expensis periculis aliisque calamitatibus, quæ vos citra dubium, si pertinaces in posterum esse pergitis, maneat, rerum malorumque magnitudo ab instituto bello & contentionibus retrahat: quippe cū nihil difficilius sit, licet cetera vobis ex voto fluere, & citra aliquam difficultatem suppeditarentur, quàm de belli exitu atque successu aliquid certi, præter infinitas calamitates, & multarum miseriarum agmina, sibi polliceri, vel determinare. Quocirca immutatis animis atque studiis, potius hunc animorum ardorem atq. tantarum expensarum profusionem in meliores vsus, cumprimis vobis, & Reip. Christianæ salutes conuertite, & impendentes ærumnas, ac periculosissimos turbines vestris consilijs, opibus, ac strenua opera depellite. Nam, nisi tam truculentus & ferox hostis, consociatis Christianorum Principum animis, atque armis, à nostri imperij limitibus coercetur, non video, quo modo Italia integra, vel incolumis conseruari possit, adeò profectò, ut inde pericula, quæ vos circumstant, facile metiri & conijcere possitis. In quibus commemorandis essem mediufidius prolixior, si vel temporis ratio, quæ quàm angusta sit, sæpè diximus, vel animi vestri natura, quæ quàm benigna & beneuola sit, sæpè ostendistis, paterentur. Epilogi loco tantum subiecero, si pacem & concordiam magis quàm bellum & dissensiones amplexi fueritis; depositaque omni contentione, in mutuam gratiam redieritis; vos non solum pacis commodis, ut puta domestico otio, rerum prosperitate, ceterisque similibus bonis fruituros, sed etiam hac in parte Pontificis animum, & veterem in vestram Remp. paternam pietatem promerituros.

Peroratio.

*Pax inter
Ligures ac
Pisan.*

1217.

H A C S V A oratione plerorumque animos ita commouit, ut ad mutuum amorem & beneuolentiam flecterentur. tandemque pax inter eos de mutuo consensu & voluntate certis sub conditionibus inita atque constituta: quæ etiam aliquandiu salua & illæsa vtrimque permanfit. Et quò huius cōstitutæ pacis capita firmius cōstabilirentur, Nicolaus Barbauarus, & Raimundus Cataneus Reipub. Genuensis nomine Pisas, Scortius verò Lupus, & Aldobrandus Suauicus Pisanorum nomine Genuam missi sunt, qui vtrimq. seorsum in Senatu magnis cum cærimoniis iureiurando interposito, publico nomine pacem de more sollemni fanciuerunt. Pontifex etiam, quia summoperè verebatur, ne hi duo populi ex pristinis contentionibus & odiis, licet constituta pace & vtrimque iureiurando confirmata, ad bellum, uti sæpius antea factum fuerat, recurrerent; magna prudentia per suum legatum sic egit, ut non prius comitia, uti diximus, constituendæ pacis gratia habita, dissoluerentur, quàm vtraque ex parte sufficienter cautum sit, se in perpetuum veræ pacis atque concordie vinculū etiam ad ipsum

Ponti-

Pontificem Romam legatos missuros, qui eam coram ipso Pontifice vtriusque Reip. nomine, pari religione & solennitate confirmarent: & ex parte quidem Genuensium Fulco Iustinianus, & Vbertus Spinula Romā oratores destinati sunt, quos Papa humaniter exceptos, omni hospitalitatis & beneuolentiæ genere prosecutus est, ita ut ad quotidiana ferè colloquia admissi, varios sermones cum eis miscuerit, ac super Syriaca expeditione multas rationes & grauissima consilia contulerit, præsertim quòd non ignoraret, Ligures propter diutinam ac ferè assiduam cum Orientalibus populis consuetudinem probè intelligere, quibus potissimum rationibus & mediis, ibi pro dignitate Reipub. Christianæ, atque cum totius imperij nostri emolumento bellū geri atq. administrari posset, sic ut ipsi oratores, ostensis præcipuis difficultatibus, quæ necessariò interponi possent, nomine Reip. suæ omnia studia & obsequia promptissimis ac demississimis animis offerrent, quorum verbis cū Pontifex fidem summam haberet, & sibi non parum gratularetur, quòd sua potissimum opera, has duas, quas suprà recensuimus, Respub., inuicem in gratiam reposuisset, in spem erigebatur haud mediocrem, ut pari dexteritate & diligentia Ligusticus populus cum Venetis, bellum ante transactas indutias in plaga Orientali, uti superius diximus, renouantibus, reconciliaretur, sicuti etiam postmodum euenit. Pax verò cum Pisanis transacta, usque ad annum eiusdem sæculi quadragesimum primum conseruata, donec tandem ipsi in gratiam Pontificis ac Friderici secūdi bellum redintegrarunt. De his autem quæ inter Ligures atq. ipsum Fridericum gesta sunt, absoluto præsentis libro, seorsum Deo adiuuante explicabitur. Pisani interim, veteres & capitales Reip. hostes, non solum Cæsarem in his omnibus expeditionibus, quas terra marique aduersus Ligures suscepit, præualida classe adiuuerunt, sed etiam præter cetera damna Genuensibus illata, ipsis Erycen ac Trebrianum, Ligusticæ ditionis oppida, abstulerunt; eaque de causa, Cæsare humanis rebus exempto, nouæ ac recentes controuersiæ inter vtrumque populum intercedebant. Hæ licet non essent parui momenti, & eiusmodi, quæ armis vindicari iurè possent; nihilominus tamen, ne ipsi soli publicæ constitutæ tranquillitatis viderentur nōui perturbatores, de communi vtriusque gentis voluntate, controuersiæ causæque cognitio ad Florentinos, ceu æquos & iustos arbitros, ac in neutram partem propendentes, delata fuit. Et quò magis illis constaret, sibi decidendæ litis facultatem factam esse, neue quid temerè in præiudicium alterutrius partis attentasse, inculari à quoquam deinceps possent, Senatus Genuensis hac potissimum de causa Lanfrancum Marocellum & Hugonem Fliscum Florentiam ablegauit. Florentini igitur constituti & confirmati iudices, introspectis, & exactius pensculatis causæ meritis, secundum Genuenses pronuntiarunt, & Pisanis occupatorū locorum restitutionis necessitatem irrogarūt. Quam sententiā cum hi ceu suspectam non admitterent, & consueta morositate iniquam esse prædicarent, Ligures horum contumaciam pertæsi, ad nouum illis inferendum bellum vnanimi voluntate consenserunt; & mox Nicolaum Grimaldum, & Perciualem Auriam ad ipsos Florentinos, ac Lucenses sibi conterminos, & antiquo amicitiae iurè deuinctos, ablegarunt, ut veterem amicitiam ac bellorum societatem nouo fœderis iurè confirmarent. Et in huius belli vsu, præter haud exiguas auxiliares equitum ac peditum copias, triginta triremium classem Erycen transmisserunt. Fœderati itidem coactis summa celeritate aliquot subsidiariis copiis, hostem non ita procul à Librafacta Thuscæ municipio adorti sunt. Ceterum ipsi, his tantis apparatibus nequaquam consternati, magna animorum temeritate potius quàm

*Pisani Erycē
ac Trebrianū
Genuensibus
adiununt.*

*Florentini
secundum
Genuēs. pro-
nuntiant.*

*Bellum inter
Ligures ac
Pisanos in-
stauratur.*

1256.

*Pisanorum
elades.**Erycis oppidi
& arcis ex-
pugnatio.**Castri Sar-
dinie Ge-
nuens. dona-
tum.**Octo trire-
mes, & ple-
raque alia
Pisanorum
naugia à
Gen. acta-
pata.**Calaritani
iudicis ditio
Genuens. do-
nata.*

1257.

fortitudine sese illorum conatibus obieccere, eo tamen prorsus euentu, vt ipsi primo quidem terrestri congressu, post longum ac periculosum certamen, superati ac fusi sint. Huius rei feliciter gestæ nuncium cum ad eos qui classi nauali præerant, esset perlatum, statim Erycis oppidum à Pisanis antea sæpius fortiter defensum, & propugnatum, acri impetu inuaserunt, ac post crebros telorum ictus, & bellicarum machinarum impetus tandem expugnarunt. Quo expugnato, pari etiam successu arcem eiusdem oppidi, sui iuris fecerunt. Hanc cladem Pisanis inflictam, per se alioquin grauem, & non leuis momenti, mirum in modum exaggerauit, & adauxit iusta indignatio ab omnibus iure, vt videbatur, suscepta, quod Iudex agri Calaritani, se insciis, & nihil minus volentibus, vel expectantibus, Remp. Genuensem Castro Sardinie municipio, priuata ac propria auctoritate donasset. In cuius rei gratiam Senatus Oggerium Scottum & Ioannem Panzanum cum duabus triremibus euestigio ablegerat, vt ibi Reip. nomine donati oppidi possessionem, prout fieri solet, caperent. Quæ sanè repentina & spontanea donatio non mediocres turbas in Sardinia dedit, cum vna ex parte Calaritanus Præfectus à Genuensibus, Alborensis verò toparchiæ procurator ex altera pro Pisanis starent, adeò vt cum nemini dubium foret, quin diuisi inter se diuersis studiis insulani ad arma decurrerent, vtraque Respub., ne ibi sui essent inermes, vel ad aliquem casum imparati, noua præsidia, nempè, Pisani quidem octo, Ligures verò duodecim triremes bene instructas & præparatas miserunt, quò vtraque suam ditionem commodius tueretur & conseruaret. Sed fatali quodam casu accidit, vt, dum vtraque classis eodem ferè tempore in Sardiniam trajiceret, mutuò sibi obuiam darent, ita vt, neutra pugnam detrectante, inter se confligerent: & post acrem & diuturnam pugnam, Pisani numero & viribus inferiores, cum tota sua classe in hostium potestatem deuenerunt. Hac tam præclara & insigni victoria potiti Ligures, Genuam cum incredibili omnium lætitia triumphantibus similes reuerfi sunt. At Senatui, ceterisque, publicam vtilitatem penitus conseruare contendentibus, summoperè expedire visum est, vt, adaucta classe, reliquias belli conficerent. Proinde Patrum decreto Simon Guercius & Nicolaus Cicada cum quatuor ac viginti triremibus in Erycen amandati sunt, vt inde in Sardiniam nauigarent. Hi inter nauigandum, Pisanum portum subire audentes, tres onerarias & aliquot minoris notæ nauigia ceperunt & abduxerunt, qua præda potiti, institutum cursum in Sardiniam vsque prosecuti sunt. Quia verò Calaritanus Iudex viuis excefferat, cum Gulielmo eius nepote quem hæredem ex asse instituerat, Præfecti nomine Reip. antiquum fœdus renouarunt & confirmarunt. Ipse etiam paulò post, certorum negotiorum causa Genuam profectus, in morbum incidit, ex quo ibi, paucis interiectis diebus, postquam appulerat, fatis concessit, supremisque tabellis testamentariis Senatum totius ditionis suæ hæredem conscripsit & designauit. Quæ omnia ferè in annum supra millesimum ducentissimum sextum & quinquagesimum inciderunt. At proximè insecuto anno, in Repub. grauissimæ dissensiones, ac intestini motus aliquandiu intermissi, recens coorti sunt, quorum originem & causas suo loco & tempore assignauimus. Hoc vnum interim dicemus, institutæ historiæ prosequendæ causa, tantis studiis in ipsa ciuitate fuisse certatum, vt tandem vincente populari factione, Gulielmus Buccanigra supremo muneri suffragiis popularibus admotus fuerit. Ceterum cum bellum in Pisanos motum nondum deferbuisset, quò illud citius & felicius finiri & consopiri posset, sexdecim triremes instructæ sunt, ductoribus Nicolao Vento, & Iacobo Nigrio, qui rebus omnibus domi expeditis, in Sardiniam cursum

sum direxêre. Sed cùm oppidum Castri, quod paulò antè Reip. donatum ostendimus, à Pisanis oppugnaretur, Ligustici Præfecti nihil habuêre antiquius, quàm omnibus viribus atque conatibus obsessis opem ferre, ac hostem, cum septem triremibus, hanc expeditionem circa ea maria impediendam, inuadere. Is tamen vbi primùm de Ligusticæ classis aduentu cognouit, se protinus in quodam illius insulæ municipium in suas partes propensum, recepit. At Castrenses ad extremam rerum omnium necessitatem adacti, desperatis tandem rebus, Iudici Alborensi, à quo arctissima obsidione ab initio pressi erant, dedidêre. Cuius loci iacturam cùm Ligures quàm ægerrimè ferrent; multumque Reipublicæ interesset, si illud in sua potestate haberet, ad eius recuperationem omnes neruos & vires intendêre. Ipsi igitur hac de causa non parum solliciti, ac omnes consilij rationes huc deducentes & explicantes, quidam ex Insulanis ipsi Iudici aduersario affinitate quidem coniunctus, sed ob priuatas offensas & similitates quàm maximè inuisus, Genuam properat, ac Senatui ostendit, quibus potissimùm modis & artibus possit expugnari. Cuius quidē verbis quòd ratione niterentur, cùm ipsi fidem haberent, illuc statim aliquot naues & militaria præsidia summa celeritate expediuerunt, quæ licet in Sardiniam saluæ & incolumes appulissent; nihilominus tamen, exortis ibi quibusdā difficillimis & periculosissimis tumultibus, res, prout sperabatur, geri, neque feliciter confici potuit. In hoc rerum in Sardinia statu, iterum bellum à Veneris nouatum. Nam tametsi pax inter eos & Ligures constituta, hætenus illæsa & inuiolabilis, prout vterque populus receperat, conseruata esset, nihilominus tamen repentino quodam motu, inter vtrosque in Syria leuissimis de causis nouæ altercationes, atque diffidia exorta sunt, quæ paulò post, sicuti suis locis enarrabimus, in atrocissima bella eruperunt. Inter Ligures autem & Pisanos, ab hoc tempore, vsque in annum millesimum ducentesium octogesimum secundum, nihil omninò, quod equidem sciam, memorabile vtrunque attentatum, vel gestum est; sed à mutuis armis temperatum. Deinceps verò tam perniciose bella vtrunque recruduerunt, & tanta mutua æmulatione animique contentione longa serie gesta sunt, vt tandem Pisani, sicuti mox enarrabitur, accisis, & penitus attritis rebus, inferiores euaserint, & planè huiusmodi, qui sustinendo & gerendo bello tum tam præpotenti & pertinaci aduersario prorsus essent imbecilliores ac impares. Primi igitur huius, post tam longam atque diuturnam pacem, renouati belli causam atque originem, hanc potissimùm fuisse commemorant: quòd iisdem ferè diebus, Siculi conspirant in Gallos, quibus ad vnum interfectis, protinus à Carolo Andegauensi primo, ad Petrum Aragonium regem defecerant. Amissa Sicilia Carolus, eam vi atque armis recuperare instituit, & Messanam primò inuadit. In hoc autem bello cùm plurimi ex Genuensibus & Pisanis, cum suis nauigijs militarem operam, alij Andegauensi, plerique Aragonio impederent, inter vtrumque populum, ob vetera odia & similitates, diffidia & altercationes innouatæ sunt; quæ postmodum diri & funestissimi belli seminaria extiterunt. Exacerbabat etiam iustam Genuensium iram, quòd Pisani præstantissimum quendam Calui oppidiciuem, qui ab illorum fide descuerat, apud se retinerent, summisque studiis fouerent. Qua quidem de causa non leues per totam Corsicam motus ac tempestates concitatæ sunt, adeò vt cùm ipsi subinde perduelles, & ceteros à Senatu Genuensi proscriptos, omni ope tueri ac propugnare pergerent, animis vehementissimè exulceratis, omnem belli molem in eos vertere statuerent. Itaque partim quòd iniurias in vtraque insula sibi illatas vindicarent & vici-

Castrium oppidum à Pisanis obsidebatur.

Causa & origo belli renouati inter Ligures ac Pisanos.

scerentur, partim etiam, ut hostiles conatus propulsarent, tres ac viginti triremes & duodecim onerarias quàm celerrimè instruxerunt, quamuis variis multisque de causis illa expeditio in commodiorem temporis rationem rejci necessariò debuerit, præsertim quòd adulta iam ætate, habenda non postrema messis ratio esset, deinde etiam, quòd constanti fama diuulgatum passim ubique esset, Pisanos valida classe ad omnes hostiles impetus atque conatus reprimendos, instructos esse, & nihil magis quàm pugnam exposcere. Itaque cùm Corsi, Pisanis potissimùm auctoribus, sensim à Genuensium fide atque obsequio sese subducerent, nec interim vlla inter ipsos ineundæ pacis ratio inueniretur, iterum Pisis duæ ac viginti triremes ductu Ginicelli Sigismundi expeditæ sunt, qui longè lateque oram Ligusticam peruagatus, indigenas exiguo temporis tractu quàmplurimis & grauissimis detrimentis affecit. Deinde cùm breui post, per exploratores certior fieret, Genuæ præpotentem classem instructam, & mox inde soluturam, protinus illinc recedens, & domum versus nauigatione directâ, iuxta Motronum tam sæua atque atroci tempestate iactatus est, ut ibi septendecim triremium cum maiori parte sociorum naualium ac remigum iacturam fecerit. Et quia inter alia proximè à nobis enarrata, Siculam etiam à Gallis defectionem attigimus, quæ in hæc ferè tempora, scilicet anno octogesimo secundo supra millesimum ac ducentessimum, incidit, haud sanè ab instituto alienum videbitur, eius originem atque successum quàm breuissimis verbis perstringere, & quasi summatim deliberare. Galli sub Carolo Andegauensi Ludouici fratre, in Sicilia & vniuerso Apuliæ Campaniæque regno rerum potiebantur. Verùm quòd ipsius præfecti ac ministri subditos iniquiùs tractarent, & in eorum fortunas liberè debaccharentur, adeoque in eorum vitam non secus ac si mancipia vilia fuissent, supramodum tyrannicè & crudeliter sæuirent, ac muliebri pudicitia passim insidiarentur, Ioannes Procul Salernitanus, qui Manfredi regis medicus fuerat, indignitate rei commotus, inito cum Siculis clandestino consilio, eam insulam ex Gallorum seruitute eripere, ac in pristinam libertatem vindicare prorsus penes se constituit. Quare Constantinopolim profectus, Michaëli Palæologo tunc Græcorum imperio potiunt, ostendit, Carolum breui contra ipsum arma sumpturum, atque hac potissimùm ratione non solum Cæsaris, verùm etiam aliorum Græcorum procerum gratiam & beneuolentiam sibi conciliauit. Quibus peractis, mox in Cataloniâ contendens, Siciliæ regnum Petro Aragonio, qui Constantiam Manfredi filiam in matrimonio habebat, obtulit: binisque protectionibus, Romam eodem tempore susceptis, tantum apud Nicolaum tertium Pontificem egit, ut in Petrum Constantiæ nomine, totius insulæ iura contulerit: tantaque fuit huius medici sagacitas & solertia, ut octodecim mensium spatio exorsam telam pertexuerit, tanto certè silentio, ut ante indictum diem, quo sub vesperam ad primum campani æris sonitum arma aduersus Gallos sumere, & omnes trucidare constituerant, ipsi de huiusmodi insidiis nihil penitus olfecerint. Cùm igitur dies atque hora cædi præstituta adesset, omnes statim inter se conuenerunt, & correptis armis, tertio Cal. Apr. Gallos per totam insulam eodem ferè temporis momento ex improviso inuadunt, magnamque inter eos lanienam & carnificinam exercent: tantumque erat insulanorum in ipsos odium iustiss. de causis concitatum, ut illorum cruentas manus nemo euadere potuerit; quin etiam, si quas Siculas mulieres Gallorum compressu grauidas suspicarentur, illas ferro transfixas, vnâ cum fetu subitò enecabant. Atque hac quidem barbarica feritate Sicilia Gallis adempta, & deinde à Petro Aragonio occupata fuit. Inde in

Septendecim
Pisanorum
triremes
naufragio
pereunt.

Gallorum cla-
des in Sici-
lia, quo po-
tiss. auctore
perpetrata
fuerit.

vulgare

vulgare prouerbium abiit, Siculas vespas celebrare, quotiescumque crudelē aliquam & repentinam hominum oppressionem significare volumus. Cui non immeritò adiungi potest atrocissima illa Gallica laniena, quæ per totam Galliam sub Carolo IX. recēns accidit. quæ sanè si cum hac Sicula conferatur, eò erit detestabilior & atrocior, quò & crudelior, & etiam innocentior fuit. Siquidem satis constat, Siculos, libertatis pristinæ vindices, & iniuriarum indignitate ac magnitudine obrutos, longaque quodammodo patientia victos, supplicium de tam crudelibus tyrannis sumpsisse. Carnificina verò Gallica nescio quo prætextu legitimè à quoquam defendi ac excusari debeat, vel possit, cū ibi ferrum in propria viscera, nullo habito delectu, nullaque legitima de causa conuersum strictumq. sit, & lanienæ crudelitas non solum impunitate confirmata, sed contra omnium gentium mores & exempla, carnificibus ipsis ampla & opima præmia cōstituta fuerint, ita me herculè, vt nunquam, quod equidem sciam, vllibi terrarum tantum innocentissimi sanguinis inter proprios parietes ab iis ipsis, quorum patrocini ac viribus omnibus propugnari & cōseruari debebant, miserè contrucidati, & citra aliquem sexus, ætatis, vel ordinis delectum interempti, effusum sit funestissimo illo anno, meritò inter nefastos referendo, & aterrimo, vt dicitur, carbone, vel si quid nigrius inueniri potest, notando. Ascribatur igitur huic nostro Siculo, trito iam, & quasi obliuione obsoleto prouerbio, recens hæc funestissima, & plusquam Scythica immanitas, quæ etiam pari modo in paræmiam transit. Quandoquidem dum alicuius cædis atrocitatem, vel inauditum aliquod scelus denotare volumus, dicimus Matutinas Gallicas celebratas fuisse. Hæc, frequentiore ac veriore famam secutus, commemorauī. Ceterum non desunt, & illi quidem non contemnendi auctores, qui asserant, cædis initium à Panormitanis ortum, cū die Dominicæ Resurrectionis, ad templum, quod ad Montem regiū tertio à Panormo lapide abest, religionis causa promiscuè perueniretur, Gallos, cū pro solita sua tyrannide scrutandi morem, si quis cum telo esset, introduxissent, etiam matronas ac virgines excutere, licentiusque illarum sinus pertentare cœpisse. Qua de causa ab ipsis viris iusta ira inflammati, vt in populari seditione fieri solet, lapidibus aliisque obuiis armis in eos sæuitum, & Gallos ad internecionē cæsos, eaq. fama Siciliā totā peruagante, à nullo eius nationis vsquā in eo regno temperatū fuisse. Vt verò ad institutū reuertamur, suprā ostendimus, fataliter propemodū accidisse, vt neuter hic populus vnquā tā firma vel stabili pace inter se deuinciri potuerit, quin post aliquot annorū decursum iterū ad arma decurreret, & pro veteri suo instituto in mutuam perniciem exarderet, variosque belli successus & fortunam fuisse. Sequitur postremum Pisanum bellum, vntum quidem nomine & titulo, sed victoria multiplex. Hoc enim omnium longè fuit crudelissimum, & ipsis Pisanis, vt mox dicemus, funestissimum. Cū enim Genuensis Reipub. progressu temporis immensis opibus excreceret, rerumque gestarum gloria mirum in modum floreret, necnon multis iniuriis atque incōmodis subinde ab iisdem, vrbis felicitatem incrementaque ægrè ferentibus, afficeretur, omnium animi ad illos atterendos & expugnandos vehementissimè inflammabantur. Proinde quò illius belli administratio commodiùs ac feliciùs perficeretur, à Senatu noua Magistratus forma excogitata & introducta est, quam ipsi vulgò Creden zam appellabant, eaque quindecim ciuium numero constabat. Huius sanè auctoritatem haud mediocrem vel ex eo fuisse patet, quòd præcipuè horum iudicio atq. voluntate, omnibus & singulis ciuibz & oppidanis, aliisque Ligustico nomini & imperio, aliquo modo subie-

*Postremum
bellum ad-
uersus Pisa-
nos.*

*Genua noua
Magistratus
forma intro-
ducitur.*

subiectis, seuerè ac sub graui pœna sancitum ac edictum fuit, ne quis ea æstate
 vsquam gentium enauigaret. Quò etiam naualis ordo ac militia ad seueriorem
 disciplinam reuocaretur, Senatus consulto cautum est, ne quis in posterum Ami-
 ralij titulo insigniri, vel D. Georgij vexillo vti, vel erigere auderet, nisi idem de
 Senatus voluntate decem triremium Præfecti titulo & munere esset declaratus, &
 honestatus. Insuper, ne quis Reipub. ciuis, vel ei aliàs aliqua de causa subditus,
 huius suscepti belli ignarus esse, vel aliquo quæsito colore militiæ vacationem
 prætexere posset, Senatus præcones per omnes ferè Ligustici imperij ditiones mi-
 sit, qui hoc sollemniter denuntiarent. Erat ea tempestate Genuæ magna nauigio-
 rum pænuria. Quocirca summo studio & cura allaboratū, vt euestigiò quinqu-
 ginta triremes in Petri Arenarij littore exædificarentur. Pisani etiam, exploratis
 aduersariorum consiliis, protinus & ipsi noua nauigia fabricari atque instrui ius-
 serunt, exquæ mutuo consensu vtraque Respub. scribam cum quatuor nuntiis ad
 manus atque in promptu habebat, qui suos de his omnibus quæ quotidie vtrim-
 que gerebantur, seorsum summa fide & diligentia edocebat. Bello itaque inter
 eos magis ac magis flagrante, Ligures secum reputantes, quantum Reipub. inter-
 esset, si Bonifacium Corsicæ oppidum in sua potestate permaneret, confestim il-
 luc aliquot subsidiarios sagittarios cum quatuor triremibus ablegarunt. Quod
 vt Pisani olfecerunt, cum septem nauigiis ad eas in reditu capiendum in insidiis
 delituerunt: illæ tamen remigij sui robore atque alacritate hostiles conatus fru-
 stratæ, atque elapsæ sunt. Ceterum, anno ducentesimo octogesimo tertio supra
 millesimum, nonnullæ Pisanorum naues multis ac pretiosis mercibus onustæ,
 in ipso ferè Pisani littoris conspectu, à Genuensibus interceptæ sunt. Hi verò vt
 illatam iniuriam resarcirent, sexdecim triremes sub Rossi Buscarini præfectura in
 hostem eduxerunt, quibus Ligusticæ ditionis tractum variis populationibus di-
 uexarunt. In Corsicam etiam nouam expeditionem suscepere, additis huic classi
 nouem aliis triremibus, & aliquot onerariis strenuo milite aliisque rebus ad bel-
 lum necessariis, egregiè instructis. Ea tempestate nulla Genuæ iussu Senatus clas-
 sis adhuc præparata erat. Verùm intellecto Pisanorum nouo supplemento atque
 in Corsicam traiectu, Patres veriti, ne periculum maximum in mora esset, sum-
 ma festinatione vsi, nouem triremes, quæ ibi in promptu erant, & quas Isedius
 Catanæus, & Montanarus Squarciaficus priuatis sumptibus extruxerāt, cum om-
 nibus ad bellum necessariis, in illam insulam ablegarunt, fortè & in itinere hosti
 occurrentes, conserto proelio, propter disciplinæ militaris neglectos ordines, cum
 insigni detrimento ac ignominia sese domum recipere coacti sunt, nullaque mora
 interposita, ex Patrum decreto quinque ac triginta triremium classē omni bel-
 lico apparatu instructam sub Thomæ Spinulæ, viri singulari prudentia & bellicæ
 virtutis gloria insignis, ductu & auspiciis eduxerunt. Quod quidem vt Reipub.
 Pisanæ innotuit, cum summa celeritate quatuor & quinquaginta nauigiorum
 classē duce Andrea Saraceno expediuerunt, qui soluens, diuersam omninò à
 Genuensibus nauigationem tenuit. Hic enim Sardiniam versus, & Ligur ad Pla-
 nasiæ, tunc Pisanæ ditionis insulam, iter flexit. Huc itaque appulsus, militeque in
 continentem exposito, quasdam turres ab hostibus erectas, & valido præsidio
 firmatas, durissima obsidione pressit, nec antea destitit, quàm eas occupauerit:
 quas demùm, captis in eisdem supra centum & quinquaginta defensoribus, solo
 æquauit. Pisanus contrà, eodem temporis tractu in Sardiniam præteruectus, Lar-
 gherum urbem à Genuensibus propugnatam, arctissimè obsedit, nec prius eam
 soluit, quàm præsidiarium militem ad deditionem compulit: captoque oppido,
 contra

Pisanorum
 insidiæ.

1283.

Largherum à
 Pisanis dedi-
 tione occupa-
 tum.

contra ius gentium & contra pacta neglectis transactionis condicionibus, perfidè ac iniquè cum deditis egit. Spinula interim de hac obsidione certior factus, quòd tamen nauigiorum militumque numero longè inferior esset, quàm vt obsessis citra graue & manifestum periculum opem ferre valeret, aliò nauigatione conuersa, in aliam classẽ hostilem incidit; & cum hac intrepidè congressus, post longum & cruentum certamen, præclara atque insigni victoria potitus est, compluribus nauigiis Pisanorum captis, prædaque ingentis pretij comparata, adeò vt à nonnullis memoriæ ac posteris traditum sit, ipsum Genuam reuersum, præter nongentos captiuos, octo & viginti marcharum argenti millia ex præda in ærarium publicum intulisse. His interim non obstantibus, Pisani cum præpotenti & ingenti classẽ Cynnum & Sardiniam subinde variis excursionibus inquietabant, omniaque citra aliquam temporis intermissione(m) nunquam enim se domum receperant) infesta reddiderant, ita vt Ligures ad illorum conatus atq. ausus reprimendum, classẽ quatuor & quinquaginta triremium comparare & instruere summa celeritate cogerentur, cui ex Senatus voluntate Conradus Auria, Vberti filius, cum imperio præpositus fuit. Illa valdè præclara atq. insignis fuisse traditur, vt potè in quàm totius ciuitatis robur ac lectissimæ iuuentutis omnium ordinum & factionum flos conscendisse, mira animorum alacritate dicant; qui omnes immensæ gloriæ ac proferendi nominis studio incitati, nihil prius vel habuere antiquius, quàm veterem & capitalem hostem de summa imperij maritimi perpetuò cum Rep. decertantem, prima quaque data opportunitate cunctis viribus inuadere atque opprimere. Proinde Auria cum per suos speculatores intelligeret, hostilẽ classẽ in Populoniæ, olim portus Traiani sinu, stationem subinde habere, eò recto nauigationis cursu contendit. Sed Pisani intellecto, classẽ Ligusticam haud ita procul abesse, cõfestim sese in portum Phaliscum iuxta Populoniã, intra quosdam aggeres & munimenta, vt minùs iniuriis atque incommodis recipiendis paterent, subdixerunt; ibique à Liguribus cõfestim obsessi. Auria interim certior factus, per idem fermè tempus, quindecim hostiles triremes è Sardinia soluisse, Pisasq. rectà contendere, sibi eiusmodi occasionem neutiquam prætermittendam ratus, euestigiò classis parte ad hostis, qui occlusus detinebatur, obsidionem relicta, ipse cum reliquis nauigiis eò cursum itineris direxit, quàm omninò transituros existimabat. Verùm cum in illorum conspectum deueniret, hostes, pugna detrectata, sese illicò in turpem ac celerem fugam coniecerunt, adeò vt propter aduersam tempestatem repentè subortam, dumtaxat quatuor triremium præda potitus fuerit, reliquæ tamen, dum præsens periculum declinare & euitare student, in aliud longè maius inciderunt. Nam omnes viuentorum & tempestatis disiectæ, & in continentem euadere adniteutes, subito naufragio perierunt. His peractis Auria cum victricibus armis inchoatam expeditionem prosequeretur, seque aliis coniunxisset, aquandi causa sese ad Arni fauces recipere, & mox Euronoto vehementer flante, illinc prorsus recedere, & classẽ in portum Veneris inferre coactus est, sic tamen, vt breui post eòdem reuerti statueret. Sed cum ea vis tempestatis per totum quatridduum sæuieret, aduersariis occasio præbita est, vt obsidione, omniq. metu liberati, ex ea statione ad suos redirent, seque intra portum intra catenas & alias munitiones communirent: quod sanè haud sine maximo Auriæ dolore ac indignatione factum esse creditur. Ipse etenim de hostium discessu edoctus, ægrè ferebat, per sequentis maris procellas factum esse, vt tam egregia bene gerendæ rei oblata occasio sibi esset extorta. & sic postquam aliquantisper in Veneris portu substitit, inde cum amplius quingentis captiuis

Thomas Spina
nula victor
Genuam
reuertitur.

Pisatorum
infortunium.

captiuis Genuam reuersus est. Dum res ita geruntur, vterque populus indies magis atque magis in mutuam perniciem excubabat: & Pisani quidem cò fiducia deuenerunt, vt se maritima potentia & fortunæ prospero successu, Ligures superaturos confiderent. Proinde iterum ad nouos apparatus animum adijcientes, summa & incredibili celeritate sexaginta triremium classem omnibus rebus opportunis armarunt, eiûque Rossum Buscarinum, cuius proximè habuimus mentionem, præfecerunt: tantaque erat & tam inaudita eorum temeritas cum summa ferocia coniuncta, vt sese cum vniuersa sua classe in portum vsque Genuensem venturos gloriabundi palàm & apertè iactarent. Primùm itaque in portum Veneris delati, illud oppidum grauissima obsidione vndiquaque cingere ac premere cœperunt. At quod illud, contra opinionem, valido præsidio teneretur, re penitus infecta, accepto non mediocri incommodo ac detrimento, illinc recedere compulsi sunt. Interea Ligures, cum indies magis atq. magis re ipsa experirentur, cum quàm præpotenti ac funesto hoste res esset, & quantis artibus in suum exitium ac perniciem incumberet, summa etiam vigilantia, & haud mediocri industria opus esse intellexerunt, vt non modò ab illius iniuriis tuti essent, verùm etiam vt omnibus modis illius vires potentiamque attererent. Proinde Senatus, tridui spatio (quod sanè haud mediocri admiratione caret) septuaginta triremium classem instruxerunt, atque illi Vbertum Auriam, virum ea tempestate singulari virtute ac rei militaris scientia, rebusque gestis clarum atque insignem, ad quem summa rei naualis respiceret, præfectum constituere; qui educa classe, rectà ad portum Veneris contendit, quò intelligeret, frequenter in ista ora hostem esse solere. Is tamen, de Auria aduentu admonitus, & cū quanta classe Genua egressus esset, exploratum habens, nihil ad summam diligentiam fecit, vt se statim subduceret: solutaque obsidione, sese diuerso itinere Pisas contulit. Hac igitur spe frustratus Ligur, classem Genuam, quòd præcipitata iam esset æstas, reduxit, eaq. breui post exarmata, omnibus pro arbitrio & voluntate nauigandi facultas permissa. Ceterum, paucis interiectis diebus, Genuæ intellecto, Petrū Rimenarum, Genuensium clientem ac beneficiarium, ab aduersa factione Sassaro Sardinia municipio eiectionem fuisse, Patres summo studio & cura dedere operam, cum maximè sua interesset, vt is maturo subsidio iuuaretur: summaque cum festinatione Senatus iussu Henricus Marius cum tribus triremibus & quinque longioribus nauibus, quas vulgari idiomate Galeones vocant, illuc amandatus est: quem breui post Caccianimicus Cataneus cum vnius & viginti triremium classe, magno militari præsidio instructa, est cōsecutus, adeò vt si hæc postrema classis ad computum redigatur, hoc anno ducentas triremes & amplius, sub diuersis ductoribus aduersus solos Pisanos instructas ac eductas fuisse, veterum Annales memoriæ tradant. Postero anno, qui fuit supra millesimum ducentessimum octogesimus quartus, ex communi omnium ordinum consensu, publicè ac priuatim in iisdem naualibus apparatibus sedulò perseueratum est, & primò quinque triremes à priuatis ciuibus egregiè instructæ fuerunt, quibus in Syriam adnauigarent. Pisani etiam nihil prorsus de pristino suo studio atque in Ligurem odio remittentes, Vgolino Comiti, qui in illa Rep. non minùs natalium splendore, quàm opibus ac dignitate principem locum obtinebat, & Andreotto Saraceno, de sui Senatus voluntate totius rei naualis expediendæ negotium demandarunt: quorum quidem industria & opera effectum est, vt breui quatuor ac triginta nauigia sub Ioannis Caualcæ auspiciis educerentur. At Genuenses de suis quinque triremibus, quarum proximè meminimus, non parum anxij atque solliciti, ne

quid

Portus Veneris frustra à Pis. tentatus.

Genuæ septuaginta triremes tridui spatio instructæ.

Genuæ infra vnius anni spatium ducente atque amplius triremes adornantur.

quid grauioris incommodi ab hoste paterentur, summo studio ac celeritate septemdecim nauigia, in quorum velocitate plurimum confidebant, exornarunt, quibus Henricus Marius earum præfectus, summa diligentia vsus, exiguo temporis interuallo sese illis coniunxit. Pisani interea, de classe Ligustica edocti, postquam illam numero longè sua inferiore intellexere, quò expeditius & celerius rem agerèt, quatuor duntaxat, & viginti triremes ex vniuersa sua classe selectas, nouoque milite ac rebus ad bellum necessariis egregiè instructas, contra nostros eduxerunt, & in Sardiniam appulsi, in mutuum conspectum deuenire. Marius verò, vbi hostem adesse, sibi que decertandi facultatem ab eo fieri cōspexit, haud exiguo conferendæ manus studio inflammatus, statim classe bipartitò distributa, sese ad prælium præparauit. Ex aduersò, pari militari disciplina atque ordine, Pisani suam aciem instruxere: & cum nauigiorum numero militeq. fermè æquales vtrique essent, dato prælij signo, magno cū animi ardore ac alacritate vtriusque concursus fuit, & à prima luce, vsque ad Solis propemodum occasum, vario planeque dubio Marte dimicatum, eo successu, vt post longam & cruentam dimicationem, Genuenses tandem præclara victoria potiti sint, captis octo tririmibus, & vna suppressa: moxque reliquas fugientes insecuti, breui temporis tractu, sex alias in suam potestatem redegerunt: & nulla prorsus eorum manus effugisset, nisi noctis ingruentis beneficio euasissent. Marius hac re tam feliciter, & cum magna sui ac Ligustici nominis laude gesta, cum classe in Corsicam ad Bonifacij oppidum perrexit, vt eam ibi reficeret, interim, quinque trirremium, quæ priuatorum ciuium erant, præfectis liberam potestatem faciens, vt institutum iter prosequerentur. Ipse etiam, haud ita multo post, cum magno ex præcipua Pisanorum nobilitate captiuorum numero, & diuiti præda ac spolijs Genuam, ouanti similis, reuersus est. Hac tam insigni clade Pisanorum animi vehementius exacerbat, de noua expeditione consilia & rationes iniuerunt. Et quia tempus instabat, quo quidem sibi de more iam recepto nouus Prætor creandus esset, Petrum, siue, vt aliis placet, Albertum Maurocenum eximie inter Venetos nobilitatis virum, & singulari virtute rei q. naualis fama illustrem, ex vnanimi Patrum atque omnium Ordinum consensu & suffragiis, ea potissimum ratione designarunt, vt cum ipsis Venetis, ea tempestate neutri parti adhærentibus, fœdus atque amicitia eius opera inirent. Huic itaque totius belli, aliarumque rerum, quæ in ea Reipub. domi forisque maioris erant ponderis, imperio ac suprema potestate demando, nihil habuere antiquius, quam summa celeritate præualidam classem exornare. Et ne aliqua in parte domi vel foris externis amplius innecterentur bellis, eodem tempore cum Tarracoenensibus, Ligustico nomini natura alioquin insensissimis hostibus, nouum fœdus contraxere. At Genuenses, de hostium consiliis & bellicis apparatibus edocti, vt eorum cogitata præuenirent, haud multò post reditum Henrici Vfusmarij ad urbem, triginta triremes ductu Benedicti Giacarij omnibus rebus expeditas eduxerunt. Ille primò in Corsicam nauigatione directæ, ibi aliquot Aragonias & Pisanas circum-euagantes, de improviso intercept. Cum verò Genuam allatum esset, hostem cum duarum ac septuaginta trirremium classe, strenuo bellatore, omni que machinarum ac militarium instrumentorum genere instructa, in altum enauigasse, veritus, ne ab eo, aliquo insigni detrimento afficeretur, statim actuarium nauigium in Corsicam ad Giacarium expediuere, vt, nulla mora interposita, classem Genuam reduceret. Ipse itaque, tametsi in animo haberet, non antea ex Corsica soluere, quam Sassarum armis expugnasset: intellecta tamen Senatus voluntate, protinus derelicto suo

Naualis confectus.

Genuens. victoria.

Noui bellorum apparatus interstrumque populus.

instituto, ad urbem iter reflexit. Cumque ad caput montis, à veteribus Simiari-um Promontorium vocatum, peruenisset, ibi inimicam classem iuxta Varagium cōspicatus est, sed celeri, præualidoque remigum suorum beneficio, saluus & incol-umis cum vniuersa classe, eodem fermè temporis puncto Genuam appulit, quo hostilis classis in totius ciuitatis oculis haud procul ab ipso portu, prospecta est. Hoc effecit, vt Giacarius nemini in continentem descensionem facere permi-ferit, quò scilicet promptior & paratior cum suo milite, si ita vsus ferret, esset: tantaque fuit in noua adornanda classe omnium contentio & alacritas, vt cum inuicem labore & industria superare contenderet, ab hora diei ferè tertia (quod summa vtrique admiratione non caret) vsque ad Solis occasum, duodesexaginta triremes, vltra numerum eorum de quibus superius locuti sumus, cunctis suis armamentis expeditæ sint; additis etiam octo nauigiis ex his quæ vulgò Pam-philos appellant. Tam magnæ ac præpotenti classi cum summo imperio Vber-tus Auria præpositus fuit: cui etiam, præter Conradum Spinulam, Vberti sui col-legæ filium, & plerosque alios illius familiæ, duo etiam eius filij, & non pauci alij Auria familiæ, ac multorum lectissimæ iuuentutis nobilium, sese comites adiunxerunt, adeò vt quidquid floris, quidquid roboris & nobilitatis, in vtraq. Rep. fuerit, in armis ea tempestate conspectum fuerit. Auria cum vniuersa classe, quæ, præter cetera varij generis nauigia, amplius octogenarum triremium fuit, Varagium, vbi hostis subsistere dicebatur, contendit. Verùm, cum illum, inter nauigandum, in Corsicam profectum esse per exploratores suos intelligeret, con-festim & ipse, licet incautum, eò perrexit. Nam ibi appulsus, reperit hostem rectà domum celerrimo cursu reuertillè. Id ipse ægerrimè ferens, ac parum in Corsica commoratus, cum nullam sibi inuadendi hostis occasionem præberi conspiceret, summa festinatione ipsum domū properantē est insecutus, eumq. ad Lamellam insulā, vulgò Maloram, iuxta portus Pisani fauces sitā, est assecutus. Et quia ipsum nō latebat, Pisanum nunquam secum congressurū, si suæ classis numerū & mul-titudinem haberet exploratam, ideò summa cum prudentia ac peritissimi Ducis iudicio operæ pretium esse duxit, vt ad ludificandū & fallendum hostē aliquam suæ classis partem à tergo relinqueret, & ab hostium conspectu semoueret; quò scilicet illos facilius hoc modo ad pugnam pertraheret. Proinde hoc vsus strata-gemate, relicto Giacario cum triginta triremibus in insidiis, ipse cum reliquis sese in hostium conspectū obtulit, eò ordine, ac loci interstitio, vt, si ita necessitas po-stularet, Giacarius à tergo relictus, breui temporis spatio ac citra aliquam diffi-cultatem sibi coniungi posset. Ceterum Pisanus ita sub turribus, aliisque portus munimentis classem suam disposuerat, vt nihil sibi metuens, belli aleam subire non multum detrectaret. Quod cum animaduerteteret Auria, tanto ordine & di-sciplina triremes illas, quas ad primam aciem reseruauerat, disposuit, vt quasi per duo cornua inuicem seiunctæ, primum quasi pugnae cuncum repræsentarent. Et in dextro quidem, prætoriam, qua ipse Auria deuehebatur, quatuor triremibus sti-pata, præcedebat. quam subsequebatur illa quæ ea tempestate D. Matthæi titulo insignis atque clara erat, qua potissima nobilitas deuehebatur. In sinistro autem cornu erat Conradus Spinula, cuius latus totidem, scilicet quatuor trire-mes cingebant & comitabantur. Reliquæ, suo ordine, & prout iussæ erant, subsequebantur. Pisani etiam non minori diligentia vel disciplina suam classem distribuerant. Nam primæ aciei dextrum cornu Maurocenus vndique alijs naui-giis stipatus tuebatur. In altero verò, Hugolini Comitis filius, qui prætoriam cum vexillo Pisano ducebat, magna iuuentute & nobilitate comitatus, conspicuus erat.

In portu Ge-nuens. 18. triremes, & 8. phaseli ab hora diei tertia vsque ad solis occa-sum instru-ctæ atque in promptu ha-bitæ.

Vbertus Au-riatoris classi præficitur.

Exemplum militaris di-scipline.

Ordo ac di-stributio vtriusque classis ad prælium.

erat. In mutuū conspectum postquam deuenēre classes, dato vtrinq̃e prœlij signo, tanto animorum ardore, atque armorum strepitu congressi sunt, vt illud certamen cum maximis quibusque naumachiis meritò conferri posset. Quippè tanta contentione, disciplina & ordine vtrinq̃e dimicatum est; & tam præclari viri fortiter pugnando ex vtraque parte cecidēre, vt nunquam neutra Respub. in maius discrimen adducta fuisset, iudicari queat: nimirum, cū præter antiquam & pristinam mutuam æmulationem & odium, ex illius prœlij successu, reliquam futuri temporis tranquillitatem prorsus metirentur. Proinde cū Pisani sese maiori hostilium nauigiorum numero premi animaduertent, potius pro salute, quàm pro victoria præliabantur. Ligures verò pro sola victoria, neglectis omnibus periculis, decertabant. Tanta erat siquidem ignitorum telorum & sagittarū vis, atque lapidū fragor, vt aër ipse vndiquaque, cū densissimis tenebris ac tetra caligine inuolueretur, adeò vt cū postea in medio conflictus ardore Giacarius vnà cum suis præstò esset, in hoc accersitus, vt pugnam restauraret, horribilis & insolita quædam prœlij facies insecuta & conspecta sit. Auria, & Maurocenus mutuò inter se congressi sunt, & diu vtrinq̃e vario certamine ac dubia fortuna dimicatum. Et quia vniuersi certaminis alea potissimū dextri lateris viribus, atque præsidio nitebatur, ea præcipuè parte Pisani maximè instabant, ac totum classis robur & feruor eò transferebatur. Longum tamen esset & planè laboriosum, ac difficile, huius certaminis congressus describere, cū ambæ classes fuerint, vt diximus, cum numero, tum summa animorum contentione ac pertinacia quodammodò pares. Minutioribus igitur breuitatis causis præteritis, vnum adiecerò, Pisanam prætoriam, quæ Reip. suæ vexillum gerebat, valido cum robore atque ingenti impetu, dudum cum quadam Ligustica, vulgò D. Matthæi dicta, concurrissè, & tam ancipiti fortuna dimicassè, vt nisi huic Finaria, quæ ea tempestate remigio ac velocitate facillè præ ceteris commendabatur, subsidio venisset, verendum erat, ne hostilis, cum validissimo atque acerrimo milite esset communita, eam superasset. Miro siquidem ordine ac incredibili sollertia & prudentia præuiderat Auria, statim ab initio pugnæ, vt singulis triremibus celox vnà, præsidij causa ad omnem casum adiungeretur; nimirum quòd intelligeret, illius vsum valdè necessarium & commodum esse, cū huc illuc, prout conueniret, magna agilitate impelli possent, illarumque beneficio, & opera effectum potissimū fuit, vt Conradus Spinula suis in prima acie valde laborantibus maiore nouoque subsidio subueniret, & tandem prætoria Pisana à Ligustica superaretur, quæ Reip. vexillum, licet semilacerum, & maiori ex parte frustatum discriptum, nihilominus tamen quòd duplici ferro hastæ esset affixum, tamdiu erectum retinuit, donec summa vi penitus fuerit conuulsum atque prostratum. Disrupto sublatoque vexillo, aduersarij valdè consternati, spem omnem benegerendæ rei abiecerè. sensimque ita elanguerunt, vt, fortuna ad Ligures transeunte, integra prorsus victoria potiti sint. Fuit illa proculdubio, licet non planè incruenta, maximi tamen ponderis atque momenti; nimirum cū tradant, in Ligurum potestatem duodetriginta triremes vel circiter, deuenisse, vltra septem, quæ in ipso conflictu suppressæ interierunt. Reliquæ verò, quòd sese intra portus Pisani munimenta urgente periculo abdiderant, incolumes euaserunt. Sunt etiam qui asseuerent, in hoc prœlio quinque Pisanorum millia fuisse desiderata, & tantum captiuorum fuisse numerum, vt, connumeratis iis qui sparsim in custodia diuersis in locis asseruabantur, nouem millia efficerent, ita vt non minùs mordaci & contumeliosa, quàm vera parœmia Etrusci multis sæculis vsi sint, Genuam eundem esse, si

*Acerrimus
conflictus in-
ter duas po-
tiss. classes.*

*Aurie sin-
gularis soler-
tia.*

*Prætoria
Pisana à Li-
gustica ex-
pugnatur.*

*Pisano: um
vexillum
conuulsum
atque pro-
stratum.*

*Insignis Gē-
nuens. vi-
ctoria.*

*Triremium
captiuorum
numerus.*

quis Pisas cernere cupiat. Inter præcipui nominis captiuos fuit ipsemet classis præfectus, & Hugolini Comitis filius. Ex Genuensibus verò paucos interiisse, constans fama obtinuit. Auria hoc modo victor, velis vento secundissimo datis, Genuam cum Patrum totiusque Reip. admiratione & congratulatione reuersus est, & urbana multitudo agminatim effusa, victricem classem in patriam reducem faustis acclamationibus in ipso portu, singulos, ob res præclare gestas compellando, excepit. Qua sanè lætitia, an vnquam maior ab eo tempore quo bellum cum Pisanis gestum fuit, cum maiori omnium declaratione vel publico testimonio demonstrata fuerit, planè ignoro. Dux etenim ipse prætoriam triremim egressus, cum summo iuuentutis ac nobilitatis flore obuiam toti Senatu progressus, magna hilaritate exceptus, ac deinde in Curiam omnibus concomitantibus deductus fuit, ibique publico nomine gratiarum actio illi habita, ac vltra auitam gloriam solitaque familiæ suæ priuilegia, multis laudibus & immunitatibus decoratus & insignitus fuit. Quibus peractis, statim pro tam insigni victoria ad Deorum puluinaria supplicationes passim habitæ sunt, ac Senatus consulto decretum, vt octauo Idus Augusti, quo die à Genuensibus tam prospero ac felici Marte dimicatum esset, sollempni sacro anniuersario ad ædem D. Sixto sacram, cum aurei paludamenti dono, eius memoria celebraretur, & vexillum ex hoste captum, vnà cum Pisanæ Reip. sigillo, in Matthæi fano, ceu perenne præclarissimæ victoriæ monumentum, asseruaretur: moxque per vniuersam urbem plurima communis lætitiæ signa tam publicè, quàm priuatim edita. Ceterum, vt primum tam funestæ cladis nuntium Venetias perlatum est, Senatu istius Reip. expedire visum fuit, vt Ioannes Dandulus Principis filius, cum duobus aliis præcipuæ nobilitatis viris, Genuam confestim mitteretur, vt suæ Reip. nomine apud Senatum Genuensem pro Mauroceni & sociorum liberatione intercederet. Huius etiam tam prosperi commissi prælij successus planè effecit, vt Lucenses, ac Florentini, Genuensium fortunam, magis hac in parte quàm fidem, vti plerumque fieri solet, secuti, cum illis aduersus Pisanos fœdus ac societatem inirent, tametsi ea non dudum firma inter eos steterit. Florebat ea tempestate Pisis indies magis atque magis opibus & auctoritate Hugolinus Comes, Welfi nominis inter eos præcipuus fautor, & columen; ad quem, quòd plurimum eius industriæ tribuerent, ex vnanimi vtriusque factionis consensu, urbis principatum detulère. Verum enimverò cum Pisani propter acceptam cladem nulla ratione adduci, vllisue incommodis inflecti possent, vt bellum, tanta periculorum & molestiarum agmina secum trahens, intermitterent, & cum hoste in gratiam redirent, Ligures intolerabilem illorum contumaciam pertæsi, ac fortunæ suæ prosperitatem prosequendam rati, aliquot triremes, atque omnis generis nauigia instruxerunt, ad semel bello finem imponendum: pari que cura & diligētia à Pisanis allaboratum, qui, tantum abest, vt animis fracti essent, vt etiam in nouam spem erecti, perpeffæ calamitatis memoriam recenti aliquo egregio facinore obliterare minimè addubitarēt. Proinde sinum Ligusticum denuò varijs excursionibus inquietantes, temeritatis suæ grauiter à Genuensibus plerisque in locis excepti, iustissimas pœnas persolvere. Iisdem temporibus, Vbertus Auria, quo nullus inter Genuenses bellica virtute, rerumque gestarum magnitudine clarior atque insignior fuit, rei naualis præfecturam, quam sæpe antea cum summa, sui nominis celebritate & gloria, patriæque beneficio gesserat, in Conradum suum filium egregiæ indolis adolescentem, ac planè æmulum, transferre cupiens, ea se vltro abdicauit: quæ tamen prouincia cum ardua esset, de Senatus volūtate

*Genua incre
dibilis lætitia
propter ad-
ceptam vi-
ctoriam.*

*Pisanorum
vexillum cū
Pisan. Reip.
sigillo Genuæ
in D. Mat-
thæi fano
asseruatur.*

*Hugolini
Comitis po-
tentia & au-
ditoritas.*

*Vbertus Au-
ria nulli Ge-
nuensium
secundus.*

non

non aliter demandata est, quàm adiuncto Spinula, ad quem etiam in omnibus expeditionibus, ceu pari auctoritate collegâ, summa imperij respiceret. Sub horum præfectura, anno supra millesimum ducentessimũ octogesimo octauo, Pisanorum nobilium, qui adhuc Genuæ captiui asseruabantur, diligenti opera & cõsilio, pax tandem cum Pisanis, de qua superiori anno agi cœperat, decimo sept. Cal. Maij, certis quibusdam condicionibus transacta est. Quapropter Ligures breui post, aliquot sua nauigia in vsum huius belli fabricata, & in hostem paulò antè educta, conciliatis vtrimque animis, domum reuocarunt. Verùm cum ea pacificatio parum Hugolino Pisanorum Principi approbaretur, illam summo studio impedire atque dissoluere conabatur: qua certè in re insignem illi operam prouinciæ Galluritanæ in Sardinia præfectus præstitit. Quandoquidem ipse ab Hugolino multis precibus & literis sollicitatus & defatigatus, in illius gratiam summo cum silentio cum quibusdam in Sardinia piraticam exercentibus astutè egerat, vt ipsi vniuersæ Ligusticæ oræ tractû variis populationibus diuexarent. Quod quidè vt primũ Genuæ rescitũ est, protinus iussu Senatus legati ad Pisanos missi sunt, qui de tam graui contumelia cum ingenti perfidia coniuncta grauiter quererentur & expostularent. Pisani quanquam intelligerent quantum existimationis periculum adirent, si, violatis pacis condicionibus, ad tam manifestam Hugolini fraudem supini conniueret, tamè cum plus odium & liuor, quàm recta & honesta ratio penes eos posset, Genuensium postulata & querimonias neglexerunt, adeò vt Ligures, ne quid incommodi ab ipsis piratis acciperetur, haud exiguum nauigiorum numerum instruxerint. Dumque Patres de maiori faciendo supplemento in Senatu consultant, Pisani, missis ad eos fides internunciis testantur, se nihil perinde ac pacis conseruationem petere. Quòd si post eiusdem constitutionem, aliquid paucorum perfidia, se insciis, & nihil huiusmodi approbantibus, contra pacta peccatum vel delictum sit, se ab omni culpa esse remotissimos, eamque ob causam quicquid hætenus detrimenti illatum sit, breui bona fide refarturos, ingenuè pollicentur: paucisque interpositis diebus, cum Hugolinus, commutata sorte, omnibus fortunæ pristinae ornamentis excideret, miserrimoque, vt mox dicitur, fato interiret, sedulò ab eis elaboratum est, vt quod antea verbis receperant, fideliter atque accuratè re ipsa præstarent. Et sic aliquandiu ab armis vtrimque temperatum, pacisque consilia bellicis tempestatibus prælata, potioraque habita. Priusquam verò vltèrius progrediar, minimè silentio prætereundum videtur, si ea quæ varij scriptores de huius celeberrimi viri summa in humanis rebus felicitate, & in iisdem suprema miseria, posteris ac memoriæ prodiderint, quàm breuissimè perstrinxero: vt etiam vel hinc rerum humanarum lubricum, & pronum ad lapsum statum esse, manifestò appateat, & omninò intelligatur, Deos immortales plerumque consueuisse, quò grauius homines ex commutatione rerũ doleant, quos pro admissò scelere eorum vlcisci velint, his secundiores interdum res, & diuturniorem impunitatem concedere. Hic sanè Pisis, ex nobili & peruetusta familia Girardesca oriundus, & Guelpharũ partiũ princeps, initio aduersa factione partim pulsa, partim deterrita, eò potètiæ domi apud suos peruenerat, vt ibi omnia eius nutu atque imperio regerentur, patriæque dominus & reuera esset, ac simul ab omnibus haberetur, opibus, generis splendore, ingenij fama, auctoritate, vxore, liberis, nepotibus, ac denique omnibus ijs rebus quæ inter mortales summæ & præcipuæ haberi solent, vndiquaque fortunatissimus & felicissimus, horumque omnium crebra commemoratione haud sanè mediocriter gestiebat. In festo frequentique natalis sui celebrandi

Pax inter
Ligures &
Pisanos.
anno
1288.

Hugolini
pacem inira
auerfatur.

Pisanorum
deprecatio.

Hugolini cõ-
muni summa
felicitas, &
extrema
miseria.

conuiuio; ad quod sanè præcipuos quosque ex suis intimis & familiaribus inuitat, dum ipse suam fortunam variis sermonibus attollit & admiratur, atque ita exaggerat, vt sese cum felicissimis quibusque comparare nō dubitet, Marcum quendā ex suis penitioribus amicis rogauit, ecquid sibi ad summā & absolutam prosperitatem deesse videretur, qui statim, vel rerum humanarum, quā fluxæ, fallaciq̃ specie, & quā volucris orbe circumagantur, reputatione commotus, vel fatidico spiritu afflatus respondit, solam diuini numinis iram diu abesse à tam secundis rebus non posse. Et necesse erat, tot bona in vnum hominem, alterius fortunæ expertem, congesta, ingenti aliquando excipi calamitate, sicuti etiam breui post contigit. Nam subinde eorum viribus, qui à partibus Guelforum stabant, magis magisque consenescentibus, Gibellini, ope atque auxilio Gulphi Pisanorum Antistitis, de vnanimi consensu & voluntate armis correptis, illius palatium circumstunt & oppugnant, vnum ex suis liberis, & vnum ex nepotibus, vim arcere conatos, repente occidunt, ipsum verò, & duos præterea filios, tresque alios nepotes comprehensos, in turrim obseratis foribus, clauibusque in Arnū flumen illi contiguum ac propinquum, deiectis, includunt: atque ibi fame in oculis & in suo gremio charissima pignora parens moriēs morientia vidit.

Insigne exemplum humane calamitatis.

Prælium in Typhernate agro.

Turris, in qua tandem extrema inedia peremptus est, nomē adhuc remanet, adeò vt etiam hac tēpestate Famelica turris appelletur. Hæc tam dira & barbara inhumanitas Gibellinorum studia vsque adeò inuisa effecit, ac vniuersam Etruriam tantoperè commouit, vt inde haud multò post grauissimum bellum oriretur, quo durante, Carolo Andegauensi duce in Typhernate agro ingens confictus habitus est, in quo tria millia Gibellinorum cecidisse, & duo millia capta esse, Annales referunt. Hugolinus tamen, insigne ac memorabile humanæ fragilitatis & calamitatis exemplum omni posteritati fuit: de quo sanè cū plurimi auctores luculenter scripserint, non est quod hîc eius historiam prolixius prosequar: sed me ad alia festinantem, belloque Pisano finem, ac vltimam manum imponere volentem, remorantur res in Syria proximo anno, nempe eiusdem sæculi vnde-

Tripolis ab Ægyptio rege obsidetur.

nonagesimo, gestæ. Elpis etenim Ægyptius Imperator, quem nonnulli Alfrum vocant, assiduis nostrorum Principum dissensionibus, magna que nostra ignauia fretus, Tripolim, nobilissimam totius Syriæ urbem, arctissima obsidione cinxit. Multum intererat vniuersæ Reip. Christianæ, & præsertim Genuensium, ea tempestate in Asia opibus atque auctoritate plurimum præstantium, tam præclaram atque amplam ciuitatem ab insatiabilibus immanissimorum barbarorum faucibus tutam & incolumem præseruare. Proinde cū Ligures Tripolitanis iam extrema rerum omnium inopia laborantibus, propter nimiam locorum distantiam, maturo subsidio, vt maximè auebant, præstò esse nequirent, Ligures qui Caphæ negotiationis causa morabantur, hanc provinciam summo studio susceperunt, comparatisque ac instructis summa cura & celeritate ad hoc multis nauigiis aliisque ad bellum necessariis, sub Pauli Auriæ tunc temporis ibi consulatum gerentis ductu & auspiciis in Syriam ad soluendam obsidionem alacriter enauigarunt.

Eiusdem expugnationis.

Huius tamen expeditionis is tandem fuit successus, vt, cū inter nauigandum pro certo multorum fide dignorum relatu comperissent, eam urbē post aliquot dierum obsidionem vi expugnatam, ferroque ac igne deletam esse, infecto negotio, se quamprimū eodē, vnde prius soluerant, receperint. Ceterum Memphiticus postquam ad Tripolim felici Marte dimicasset, suæ fortunæ benignitatem prosecutus, exiguo temporis tractu, Sidonem & Berytum, eadem blandientis fortunæ aura & prospero successu, nullo interim sese opponēte, nedum tantam Christiani

Memphitici regis prosperi successus.

nominis

nominis cladem vindicante, occupauit, summo tamen miserorum Christianorū,
 qui partim barbari victoris sanguinolentas manus Tripoli aufugerant, partim
 metu consternati, parumque securi, omnem illius oræ tractum deserebant, be-
 neficio factum est, vt Benedictus Giacarius, eodem tempore quo Tripolis expu-
 gnata est, cum aliquot biremibus Ligusticis in eam oram delatus fuerit. Hac enim
 opportunitate vsi, nauibusque impositi, ab eo in insulam Cyprum delati intolu-
 mes sunt. Ipse etiam hostem multis incommodis, variis quidem in locis, pro re-
 rum præsentī condicione, affecit: quod ægrè ferens barbarus, adeò exacerbat
 est, vt maximam & incredibilem in omnes Ligures indignationem atque odium
 conceperit, adeoque vindictæ cupidus, & nocendi studio exæstuans, vt omnes,
 quotquot Ligustici nominis vel imperij in illis oris essent, comprehendere, & illo-
 rum bona proscribere iusserit. Tam grauis iniuria eum summo detrimento Reip.
 coniuncta, Senatum non parum commouit: planeque effecit, vt euestigio Alber-
 tum Spinulam in Syriam enauigare ad tam immanis & atrocis hostis animum
 ad mitiora & humaniora consilia inflectendum iusserit. Spinula, vt erat dexter-
 rimo ingenio, & facundo eloquio, munus suum non solum diligenter, prout in
 mandatis habebat, executus est, verum singulari quadam industria, & tanta in-
 genij promptitudine, barbari regis animum delinuit atque placauit, vt non modò
 Remp. illi mutua reconciliatione facta in gratiam reponeret, sed etiam, quod
 singulare industriæ ac prudentissimi viri argumentum extitit, omnes pristinae li-
 bertati cum bonorum restitutione asseruerit, multosque alios diuersarum na-
 tionum à barbarica impendente feritate multisque cruciatibus eripuerit. Supe-
 rius demonstraui, Genuenses, qui Caphæ agebant, aliquot subsidaria naui-
 gia instruxisse, quibus, Tripolitanis obsessis opitularentur. hac de causa Senatus
 magna liberalitate, & immortalī gratitudinis memoria eos propter singulares
 conatus, licet nulla ex parte profuissent, prosecutus est, ex dignitate Reip. esse
 existimans, si homines bene de se meritos, & præclare de Christiana religione
 sentientes, omni beneficiorum genere amplecteretur. Proinde, quò deinceps re-
 liquos simili beneficentiæ genere ad parem animi promptitudinem prouocaret,
 neue impendiò à succurrenda Rep. necessario tempore aliquo modo deterreri
 possent, imperauit, vt illis sumptus atque expensæ Tripolitanae obsidionis soluen-
 dæ gratia factæ, quamprimum parata pecunia; cuius quidem summam dicunt
 fuisse supra triginta duo millia librarum; rependerentur. His rebus in Syria con-
 fectis, atque pro præsentī rerum condicione pacificatis, cura ad Cyprum insulam
 conuersa. Pleraque etenim eius insulae vrbes à pristina fide ac veteri obsequio re-
 cēns turpiter defecerant, ita vt Pisani hac rebellionis ansa vsi, ad ciendas maiores
 turbas, ac totum Reip. Ligusticæ statum ad arma concitandum, non semel per
 suos internuncios enixè agerent, vt Iudex Ginarcanus, semper Genuensibus sua-
 pte natura infensissimus, magnaque auctoritate apud suos pollens, concitatos in-
 sulanorum animos planè ad absolutam quandam defectionem sollicitaret atque
 impelleret. Quo etiam nomine largitionibus amplisque pollicitationibus cor-
 ruptus ferebatur, adeò vt ipse spei plenus, & de bene conficiendo negotio iam
 quasi securus, quamplurima haud leuī mōmēti loca occuparit, mutua inter illos
 pactione facta, vt si Ligures illorum locorū recuperationem armis tentarent, ipsi
 Pisani in sumptuum communionem pro diuidia rata portione venire deberēt.
 At Senatus iussu Lucas Auria ad reprimēdos motus, & ad pacandam insulam, cū
 aliquot militaribus cohortibus ac nonnullis equitum turmis ablegatus est. Ad
 cuius quidem aduentus famā exterriti hostes, actutū omnia loca per se occupata,
 nullis

Albertus
 Spinulam
 mittitur
 ad Sul-
 tanum.

Respub. vi-
 nit atque
 industria
 Alberti Spi-
 nulae Sul-
 tanum recon-
 duntur.

Exemplum
 singularis be-
 nignitatis.

Conseru-
 defectio.

nullis præfidiis relictis, deseruere, ac per montosos anfractus sibi fuga consuluerunt, ita ut ipse Auria breui temporis spatio vniuersa loca vnà cum arce Istriæ & Ginarcanæ, quæ tunc in ea insula non parui erant ponderis, munimenta recuperauerit; nouisq; præfidiis, prout usus & necessitas ferebat, ad futuri temporis securitatem firmauerit. Ipse in potestatem receptis locis paucorum temeritate occupatis, vltèrius cum suis copiis Aleriam vsque progressus, paruo negotio pleraque eius regionis loca auxilio Corsici Antistitis, atque Cortingorum, quorum familia eo tempore nobilissima erat, summisq; opibus & auctoritate subnixâ, occupauit: pariq. fortuna in oppidi Petrelatæ, quod ià obsidere inceperat, expugnatione usus est, adeo ut Balnij reguli, hominis felicitatē & industriâ admirati, depositis armis omniq. hostili animo, illi sese vltro dederent, atq. subijcerēt. Corsicis igitur motibus cōsopitis, nihil planè Genuensib. ad pristini splēdoris decus & dignitatē deesse videbatur, quàm ut à Pisanis arcē Calaritanâ, quâ secundū pacis vtrimq. constitutæ condicionē & formulam recipere debebant, armis repeterent. Tempus namque restitutioni præscriptū iam dudū effluxerat, neque Pisani ad restitutionem aliqua ratione permoueri poterant, sed indies prætextis falsis occasionibus, tempus extrahentes, pro maiori, ut ipsi dicebant, totius negotij securitate, aliquot oppida cum turribus, quas in suo portu erexerant, & Gorgonam arcem offerebant. Huius rei difficultas summopere torfit Patres, ac in Senatu super his nouis propositis condicionibus, variis sententiis decertabatur, cū multi essent, qui rogati sententiam, dicerent, condicionē à Pisanis propositam, non esse temerè contemnendā: alij verò contrā dissenserent, negarentq; aliquid, nisi pactis starent, esse admittendum. Ceterum, cū Pisani sibi vlla ratione temperare nequirent, quin nouam expeditionem clam molirentur, res eò deuenit, ut saniora iudicia & probabiliora consilia in patrum confesso præferrentur. Itaque Senatus consulto statutum, ut Lucensibus in belli societatem receptis, omnia extrema aduersus tam scelestos ac perfidos hostes experirentur. Hac etiam de causa statim

Corsici motus auctore Luca Auria compositi.

Senatus isto fœdere cum Lucensibus nouum bellum aduersus Pisanos decernit.

Iluam insulam Pisanis crepida.

Nicolaus Buccanigra ac Henricus Marius, designati communibus suffragiis Præfecti, circa initium anni eiusdem quæ nonagesimi, cum aliquot triremibus egregiè instructis, in Iluam insulam, Pisanorum imperio tunc parietem, traiecerunt, eamque breui temporis spatio occuparunt, ac eò necessitatis adegerunt, ut imperatis obsidibus, sese Senatus voluntati atque imperio submitterent. Ceterum, quò facilius eos iam defatigatos & semifractos omninò protererent, ac viribus omnibus ita denudarent, ut respirare postmodum nulla ratione valerent, cum Lucensibus confœderatis actum fuit, ut noui apparatus militumq. supplementum fieret. Hoc cū ipsi faciliè concederent, subsidiarias suas copias Ligurnum versus terrestri itinere produxerunt. Ligures etiam eodem cum triremibus quadraginta, Conradi Auria ductu, contenderūt, atque consociatis viribus, eius portus turrim omniū munitissimam, magna cum defensorum strage sexto Idus Septemb. expugnarunt. quippe satis constat, eos omnes ad vnum vel interfectos, vel captos fuisse. Ligurnum etiam pari successu expugnatum atque direptum est, sic tamen,

Maior turris portus Pisani à Genuensibus diruta.

Ligurnum ab iisdem expugnatum ac direptum.

Ferrea catena Pisani portum fracta, & Genuam delata.

ut militari licentiæ modus in ipsa direptione constitueretur, vetito, ne quis sacræ ædi vim aliquam quocumque modo inferret. Huius turris expugnatio, cū hostes vnicam quasi suam spem in eius præsidio semper collocassent, prorsus effecit, ut reliquarum munitionum Præfecti Conrado deditiōem facerent, qui etiam in testimonium tam insignis victoriæ, decorisq; parti memoriam, ferream catenam ingentis ponderis, qua portus Pisanus muniebatur, per frustra & plures in partes fracta, Genuam derulit, eiusdemque nexus, & partes, ad hæc vsque tempora multis

multis in huius præstantissimæ vrbis locis & valuis suspensæ conspiciuntur. Pisani igitur, tam diuturnis bellis supra modum exhausti & debilitati, ac tot tantisque cladibus affecti, eò tandem deuenerant angustia, vt bellum diutius aduersus Ligures nullo pacto sustinere possent: quippe propter superiorum temporum assiduos quodammodo improsperos successus, res eorum adeò erant accisæ & diminutæ, vt nunquam postea vires, licet enixè contenderint, ad pristinam fortunam & antiquum nominis splendorem redire aliqua ex parte potuerint, adeò vt euerfa domi forisque pristina illa potentia, summus ille animi ardor, atque incredibilis quædam ambitio & æmulatio penitus fracta, sensim conciderit, & extincta fuerit, magna me herclè cum admiratione, cum ipsi nunquam antea vlla fortunæ aduersitate, vel detrimenti magnitudine ab instituto vel incepto bello abduci vllis consiliis vel cohortationibus potuerint. Hinc videre & adnotare licet, primùm rerum humanarum lubricitatem, deinde fortunæ inconstantiam, ac postremùm fatales imperiorum ac ciuitatum periodos, vltra quas rarò, vel nunquam progrediantur: quippe cum Pisanæ Reipub. extrema illa inclinatio, dicam, an planè euersio, potius peculiari quodam suo fato, quàm alia aliqua manifesta de causa subsecuta esse videatur. Fuit nimirum Pisa olim felix admodum & beata, nò solùm ante Romani imperij florem, supremamque rerum omnium potentiam, verùm etiam illa iam vigente, ac item postea multis annis. Docent id insignes victoriæ nauales, quas diuersis quidem temporibus de variis gentibus & hostibus reportarunt. Testantur hoc felicissima illa arma, quibus, victis & summo cum dedecore profligatis Saracenis, Sardiniam receperunt. Nec his limitibus, tametsi amplis, fortunæ Pisanæ felicitas sese continuit: sed diu longeq. euagata, tam superi, quàm inferi maris omnem tractum victrici classe circumuagata est. Carthaginem namque, Romani imperij atque potentiæ vnicam æmulam, victo eius rege, & ad Pontificem Romam abducto, perdomuit. Panormû etiam Siciliæ metropolim, diu à Saracenis occupatum, superatis cæsisque barbaris, in pristinam libertatem & splendorem, defixis ad templorum omnium vestibula hostilibus manubiis atque spoliis, restituit. Diu incerta & prorsus ambigua fortuna contra Ligures, veteres ac ferè domesticos hostes, vxi. Constat enim eos sæpè in diuersis præliis tam terra quàm mari superiores extitisse, donec tandem ad extremum Reipub. Genuensis singulari beneficio, annuentibus diis, eo quo diximus modo superati & victi sunt. Quorum victorias aliaque gesta, si quis curiosius requirat, & efflagitet, Leandrum, ceterosque qui res Pisanorum literis comprehenderunt, consulat. Ego, initio breuitatem professus, singula speciatim non prosequor, cum mihi sufficere videatur, præcipuarum rerum gestarû capita non neglexisse, vel saltem consultò præteruisse. Et intra has metas sese nostra oratio contineat. Restat nunc, vt de his quæ supersunt, pari diligentia & fide dicamus.

*Pisanorum
vires penitus
accisæ.*

*Pisanorum
potentia &
victoria.*

BELLI PISANI FINIS.

DE BELLO ADVERSVS

FRIDERICVM SECVNDVM

IMPER. GESTO LIBER.

*Causa &
origo huius
belli.*



FX veterum Annalibus constat, inter Fridericum secundum Imperatorem, & Ligures, asperrima & periculosissima bella extitisse. Etsi verò tam magni atque inopinati Cæsaris in Remp. odij, multæ eademque grauissimæ tradantur causæ; tamen post longam inuestigationem, has ferè præcipuas fuisse reperio, quòd ipsi Genuens. sibi Prætorem ex Mediolanensi agro oriundum creauerant, & cum Insubris, quibus cum illi ea tempestate pessimè conueniebat, fœderis societatem atque amicitiam iniuerant. Mediolanum siquidem cum plerisque aliis Insubriæ nobilibus mira & repentina quadam conspiratione consenserat, vt Cæsaris imperium atque auctoritatem detrectarent. Qua etiam de causa hæc omnes, illarumque sociæ, præcipuè verò Mediolanum, ab illo, tanquam perduelles & contumaces habitæ atque declaratæ sunt. Et hæc quidem inter præcipuas, prima. Secundam esse dicunt, quòd Ligures, pro veteri suorum instituto, Romano Pont., ipsi Cæsari tunc temporis infensissimo, fauerent, & illum solita reuerentia prosequerentur. Pontifex etenim in Cæsaris odium, Matthæum & Tusciæ Comites, qui Castrum, & nonnulla agri Mediolanensis propugnacula & munimenta cum non pœnitenda Insubrum manu occuparant, omni studio atque favore amplectebatur, adeò vt ipsi, eius potissimum auctoritate freti, indies aliquid noui in Cæsarem molirentur: quos tamen ipse superatos atque fractos, tanquam rebelles, cum magna illorum ignominia in fugam coniecit, & proscriptos bonis omnibus multauit. Hi cum nihil spei, vel præsidij reliquum, nisi in Pontifice haberent, ad eum, tanquam ad tutissimum asylum & refugium, Romam contendere, à quo etiam humaniter ac liberaliter excepti. Hoc vnum namque studebat Pontifex, vt multa subministrata pecunia, aliisque ad reparandum bellum necessariis præbitis, hos contra Cæsarem modis omnibus instrueret atque irritaret. Insuper etiam, quò crudelius odium atque virus suum in Augustum effunderet, eum nouis telis, puta, anathematis fulmine, petiuit. Solent enim ipsi Pontifices, quotiescunque putant ita ex suo vsu esse, Principes, ac ceteros, suæ voluntati minimè obtemperantes, hoc terriculamento in officio continere, & eos à communi Christianæ ecclesiæ gremio atque communione diuulsos, diuis, nisi commonstrata pœnitentia, ad obsequium redeant, deuouère. Cæsar contrà, vt Pontificis ausis, atque conatibus commodius obuiam progrediretur, anno supra mille ducentos trigesimo primo, Rauennæ in hoc rerû tractu Italiæ Principibus conuentus diem indixerat, in quo certè admodum grauiter de Pontificis nouis attætatis studiis, quotidianisque insidiis conquestus, ostendit, ipsum, præcipuum auctorem esse, qui nouo Italiam inflammando bello facem subministraret. Satis enim iam constare, & ferè per omnes nationes diuulgatum esse, Pontificem, tantis, & tam magnis sibi illatis iniuriis non contentum, omnibus artibus hoc vnum anxie prospicere atque contendere, quò se nō solum in odium atque indignationem apud omnes Principes poneret, verum etiam, vt nouis subministratis subsidiis, debilita-

*Conuentus
Rauennensis
indictus à
Cæsare.*

1231.

litatum, Italia exigeret, ac demum toto imperio spoliaret. Ad hæc Rauennæ celebrata Comitia, Genuenses etiam suos oratores, Cæsare ita postulante, miserant, nempe Rossum Cataneum, Ioannem Guercium, Theodorum Fliscum, Ansaldum Nigrium, Rubaldum Albericum, Alinerium Panfanum, Ansaldum Marium, & Ioannem Spinulam, quibus etiam Reip. nomine sese adiūxit Hugolinus Rossus ciuis Parmensis, tunc temporis prætor. Cum his Cæsar, postquam eos honorificè ac humanissimè excepisset, grauitè ex postulauit, quòd Senatus Genuens. in sui cōtemptum, atq. Pontificis & ceterorum eius sociorum ac fœderatorum gratiam, Præsidem ex Insubria delegissent. quod cum esset cum magna sua contumelia coniunctum, se id quàm ægerrimè tulisse, & ea propter, animi sui erga eos alienationem, hinc tamquam ex prima scaturigine emanasse. Verùm cum Cæsar adeò esset magnis negotiis obrutus & intricatus, vt propter eorum magnitudinem singula absolui atque constitui nequirent, nihil circa res Ligusticas eo quidem tempore ab ipso definiri potuit. Ceterùm cum Ligures proximo anno rursus, neglecta Cæsaris voluntate, pristinaque eius indignationis immemores, Prætorem sibi ex eodem Mediolanensium agro desumpserint, ipse mirum in modum, tanquam iusto odio concitatus, ac maximè illis propter animi contumaciam offensus, excanduit, præsertim cum videret, Mediolanenses, reliquosque Insubiæ populos in pari contumacia perseuerare. Proinde, vt hos omnes ab instituto deterreret, & ad pristinam Cæsaribus haberi consuetam reuerentiam reuocaret, aliquid durius in eos statuere atque moliri velle videbatur. Quandoquidem non modò in Sicilia regno, verùm & in Syria, Tuneti, aliisque locis, in quibus Imperatoriæ dignitatis, vel amicitiæ iure aliquam auctoritatem, vel imperium habebat, omnes Ligures, quorum magnus numerus fuisse traditur, per edictum in vincula conijci, atque bonis per suos administratos, ceterosque sua studia secutos, partim multari iussit, partim verò vt proscriberentur, per alios procurauit. Quibus quidem rebus haud mediocriter commoti & consternati Ligurum animi, hinc fœderis cum Mediolanensibus initi religione mouebantur, illinc verò periculorum & inflictorum malorum magnitudo assiduè ob oculos versabatur, adeò profectò, vt variis distracti sententiis, difficulter reperirent, quas nam potissimum rationes & consilia sequerentur, sic vt in tanta omnium ambiguitate, & haud mediocri perplexitate, cum viderent, Cæsarem nihil de pristino suo odio aduersus se remittere, & nullis legationibus ad mansuetudinem & reconciliationem inflecti posse: tandem communi consensu decretum est, vt maior amicitiæ atque fœderis initi, quàm priuatarum fortunarum, ratio haberetur. Quapropter statim Senatusconsulto decretum fuit, vt duæ onerariæ, quæ solitam magnitudinem excedebant, & quinque triremes auspiciis atque ductu Gulielmi Catanei viri strenui ac prouidi, in Siciliam, & illam Libyæ partem quæ Tuneto finitima est, mitterentur. Nec satis habuit Senatus, quòd facilius amissa sua bona recuperaret, Cataneum ita instructum emittere, sed magna prudentia statuit, vt vno eodemque tempore citra aliquam moram totidem naues cum decem trirēmibus optimè præparatis, sub Anselmi Boletti & Bonifacij Pamphani præfectura, in Syriam ad liberationem atque recuperationem suorum ciuium de Cæsaris voluntate, vt proximè ostendimus, in vincula coniectorum, ablegarentur. Verùm, priusquam hæc postrema classis in Syriam delata est, cum Cæsar per idem tempus Syriacam expeditionem iamdiu meditatam, aggressus, in Saracenos arma, vt memorauimus, expediuisset, Genuenses facili negotio maritimis illis oris potiti sunt, & sic breui temporis spatio allecuti, vt tam apud Ptolemaidem, quàm

etiam

etiam plerisque in alijs Asiæ partibus res suas ex animi sententia constitueret. Hæc ubi primùm Cæsar intellexit, veritus, ne subinde maiora sibi incommoda in partibus Orientalibus à Liguribus, si illis infensus esse pergeret, orirentur, mutato consilio, se multò benigniorem & faciliorem solito exhibuit. Nam, noua missa Genua ad ipsum legatione, cuius Montanarus Marinus, & Picamilius N. præcipui erant, Senatus publico nomine ab eo anxie contendebat, vt sui ciues ac socij & confæderati, in Sicilia, aliisque in locis, vti diximus, captiui, liberarentur: quod non solum facile concessit, sed insuper voluit, vt, præter pristinam libertatem, etiam bona & facultates ademptæ redderentur. Eodem tempore Gregorius IX. Romanus Pont., antea Hugolinus Ostiensis episcopus dictus, qui Honorio in Pontificatu successerat, valde sollicitus, vt composito Christiani orbis statu, bellum de communi Principum voluntate atque auxilio contra Saracenos, immortales Christianæ Religionis hostes decerneretur: cùm intelligeret, indutiarum tempus inter Ligures ac Venetos constitutum, effluxisse, modis omnibus apud vtrumque populum contendebat, vt perpetua inter eos pax, vel si hoc minus, propter temporis difficultatem esset integrum, nouæ saltem indutiæ constituerentur. Videbat siquidem, nullam expeditionem aduersus Barbaros suscipi, vel feliciter ad optatum exitum perducì posse, nisi huius vtriusque gentis opera atque auxiliis promoueretur, sic vt tandem missis ad eos suis oratoribus, eius potissimum auctoritate atque opera effectum fuerit, vt nouæ indutiæ inter eos, ad nouennium paciscerentur: sicut seorsum suo loco fusiùs explicabimus. Pontifex interea, vt bene sentire de sua dignitate & bene intelligere suum munus videretur, omnia sua studia contulit, vt placatis Principum animis, extinctisque passim bellis & dissensionibus, quæ ad illam diem vbique terrarum, cum maximo Christiani orbis detrimento, flagrabant, communia arma atque vires contra Barbaros expedirentur, Romæ conuētum, siue, vt vocant, Synodum quandam generalem, indixit. Et quia ea tempestate multi episcopi, aliiq̃ue sacri iuris viri, ex Gallia, aliisque circumuicinis prouinciis atque locis, Nicæam Galliæ Narbonensis urbem sese contulerant, Pontifex ipse ad Senatum oratorem habuit, qui ab eo impetraret, vt ipsi Ligusticis triremibus aliisque nauigijs Romam deueherentur. At Cæsar ubi primùm Pontificis consilia deprehendit, summo studio atque diligentia, illa impedire conabatur, planeq̃ue efficere, vt nullum locum habere possent. Hoc vt commodiùs faceret, multos Principes in suas partes mira arte atq. noua facilitate pertrahere conabatur, adeò, vt cùm Pontificius legatus Genuam esset profectus, vt classem ab hoc Senatu ad deuehendos Patres obtineret, magna inter ciues coorta fuerit disceptatio, quæ, vt videbatur, in apertam seditionem eruptura erat. Nam plerique, qui populares factiones sequebantur, dicebant, Rempub. in nullum discrimen, Pontificis fauorem atq. gratiam retinendi causa, deducendam esse. Alij verò, qui Pontifici fauebant, sese his fortiter opponebant: adeò vt variis sententiis passim per totam urbem decertaretur. Porro Cæsar, vt ibi nouas turbas & factiones concitaret, suos oratores eòdem, paucis antè diebus, ablegarat, qui assiduis precibus & pollicitationibus Senatum defatigabant, ne Pontificis postulatis locum constituere vellent. Post longam deinde altercationem & periculosam disceptationem, licet Cæsar multos haberet suffragatores, qui non tam fauore ac studio ipsius, quàm impendentis periculi magnitudine commoti, in ipso Senatu dicerent, & constantissimè asseuerarent, ex vsu & dignitate Reip. non esse, vt in solius Pontificis gratiam odio Cæsaris extimulati, tantam belli ansam sustinerēt, præsertim cùm Respub. tantis Principibus à partibus

Cæsar

Cæsar in Genuens. minor factus, captiuos dimitti iubet.

Gregorius IX. Romæ Synodum indicit.

1241.

In Senatu varie disceptationes.

Cæsar's legatio ad Genuens.

Cæsaris stantibus, multis nominibus esset inferior. Vicit nihilominus in Senatu eorum sententia, qui dicerent, nulla ratione à maiorum instituto recedendum esse: sed pristinam Pontificis gratiam & obedientiam, quoad eius fieri posset, mordicus retinendam esse. Quippe maiores suos ita semper fuisse ergà Romanâ Ecclesiâ animatos, ut non temerè, etiâ præbita summa occasione, ab eius gremio descuerint. Proinde nō cōmitti debere, ut ipse Pontifex tā necessario tēpore obsequium, & obnixè requisitū studiū in illa Repub. desideraret. Optimates tamē, ac hi qui nobilitati fauebant, supra modū hoc Senatusconsultum, quod in Pontificis gratiam latum esset, detestabantur. Intelligebant siquidem, si prorsus gratia apud Cæsarem exciderent, quantum annonæ, præsertim verò rei frumentariæ, incommodum Respublica adiret, cū Sicilia, quæ tunc in Cæsaris potestate erat, instar communis vniuersæ Italiæ horrei, omnem ferè annonæ copiam Genuensibus liberaliter quotannis suppeditare consueuisset. Proinde valdè erant anxij & solliciti, ne Cæsar superior factus, ipsi postmodum difficultatibus quamplurimis inuoluerentur. Hæc omnia licet essent maximi ponderis, ac etiam in Senatu magna cum attentione recitarentur, nihil tamen auctoritatis obtinere. Verū decretum, ut in Pontificis gratiam, nulla habita sumptuum ratione, quamprimū septem & viginti, siue, ut aliis placet, triginta triremium classis omnibus necessariis instrueretur. Sed cū frequenti & constanti fama esset passim vbique diulgatum, Cæsarem validissimam classē, ut eam Pontificiis eiusque sociis opponeret, comparasse; Senatus hoc nuntio cōmotus, ea præcipuè de causa octo aliarum nauium supplementum fecit, quò tutius sacri Antistites in urbem ad concilium properantes, transfretarent. Cæsar namque probè intelligebat, tam ad regni Siculi defensionem, quàm ad multorum æmulorum propulsandas iniurias, præpotenti atque valida classe opus esse, præsertim, quòd non ignoraret, multorum Italiæ Principum animos, licet nondum inchoato bello, adeò Pontificis sollicitationibus atque artibus huc illuc distrahi atque impelli, ut quamuis in incerto adhuc fluctuarent, seseq. nondum apertos inimicos declararent, nihilominus tamen ita esse animatos, ut fidei constantiam ex rerum futurarum successu metirentur. Quocirca eorum fidem valdè suspectam habens, simulq. aliorum populorum inconstantiam veritus, ad sui securitatem, si ita usus ferret, præpotenti classe, uti diximus, præmunierat, cui Nicolaum Spinulam, virum consilio & bellica virtute insignem, cum imperio præfecerat. sed hoc è viuis sublato, Ansaldo Marium Genua ad se clam excitum, defuncti loco substituit. Fidebat enim Cæsar Ansaldo non solū integræ fidei constantiæ, quippe qui semper sua studia esset secutus, sed quòd rerum naualium insignem atque absolutam quodammodo peritiam haberet, multum illi tribuebat, adeò ut ipsum Amirantis titulo, sicuti Spinulam, insigniret atque condecoraret. At Genuæ præparata iam re nauali, & Iacobo Marocello, à Senatu eius designato Præfecto, classis in Galliam Narbonensem Nicæam versus transfretauit, ibique impositis Præsulibus aliorumq. Principum oratoribus, prosperis ventis paucis post diebus Genuam nō sine magno periculo rediit. Cæsar quippe Vberto Marchioni Palauicino, & Marino Ebulo, præstantissimis viris, belloque ac pace claris, seriò iniunxerat, ut statim descripto exercitu, coactisque aliquot subitariis copiis in agro Ligustico aliisque maritimis locis, ad omnem occasionem intenti stationem haberent, ut, si ita usus ferret, illorum opera classis Ligustica commodius deleri ac expugnari posset. Hæc quamuis Senatum non laterent, nihiloscilicet tamen institutum suum prosecutus est, Cæsarianisque copiis nullo modo deterritus, delectum etiam habuit, ut ad

Genuens. classis in Pont. gratiam instructa.

Nicolaus Spinula à Cæsarianæ classis Præfectus.

Ansaldo Marius in locum demortui Spinula substituitur.

omnem casum paratus esset. Interea classis, quæ præter Pontificios, simul etiam Othobonum Cataneum, & Trincherium Ismaëlem Reipub. legatos Romam deuehebat, è sinu Ligustico prosperis ventis soluit. Et quia statim à classis discessu Genuæ nuntiatum erat, septem ac viginti triremes Cæsarianas in Pisanum portum præteruectas eo consilio, vt Pontificios interciperent, Pisanosque in Cæsaris gratiam priuatam classem coëgisse, euestigiò iussu Senatus octo triremes reliquæ classi subsidio missæ sunt. Ceterum, tamen si Genuenses, antequam in portum Veneris appellerent, de hostium aduentu simulque Pisanorum apparatibus essent præmoniti, ita vt probè intelligerent, quantum periculi adirent, si vltèrius progredierentur: tanta nihilominus fuit illorum temeritas, vt, nullo expectato subsidio, quamprimùm soluerent, & Cæsarianis magno nauigiorum numero auctis, ad Gillianam insulam occurrerent. Hostili classi tunc temporis præerat Andreolus Marius Ansaldi filius, à patre propter aduersam valetudinem, siue, vt aliqui volunt, quod grauioribus tunc implicaretur rebus, cum imperio substitutus, qui gloriæ studio incitatus, simulque vt belli tyrocinium aliquo præclaro & insigni facinore auspicaretur, paternæ scilicet virtutis & fortitudinis emulus, summa animi alacritate, contemptis omnibus periculis, Martis aleam subire decreuit. Ligures, etsi multis parasangis hostibus sese inferiores esse intelligerent, quod tamen usque adeò essent progressi, vt difficulter retrocedere possent; volentes nolentes, hosti pugnae potestatem fecerunt. Itaque militibus se armare, atque in foris triremium fortiter ac viriliter pugnare iussis, summo impetu, cum summa omnium alacritate Cæsarianæ classi occurrere, eo quidem successu, vt post longum & periculosum, ac planè anceps certamen, ipsi, quod pleræque triremes & nauigia onustiora essent, quàm vt commodè huc illuc agi atque impelli possent, sensim cedere coacti sint. Quod cum à Cæsarianis esset animaduersum, multò acrius quàm antea instabant, ne aliqua elabendi ratio tutò illis relinqueretur. Acuebat enim Cæsarianorum militum animos præter vetus Pōtificis in Cæsarem odium, opima præda, quæ omnium oculis obuersabatur, adeò vt modis omnibus extimulati, summo cum animi ardore Ligures resistentes ac defensionem parantes, vulnerarent, ac non paucos contrucidarent; satis enim constat in hac clade, quæ in annum supra millesimum ducentesium quadragesimum primum incidit, illos duabus & viginti triremibus potitos esse. In quibus certè, vltra manubias, præclaramque omnis generis supellectilem, duo Purpurati, legatus etiam Pontificius, ac multi insuper magnæ auctoritatis Præsules in victorum potestatem deuenere. Nec minor numerus ex aliarum gentium, præcipuè verò Genuensium fuit. Quippe præter multos alios insignes ciues, Gulielmus Embriacus, Petrus Ventus, Othobonus Mallo cum duobus suis liberis, Henricus Demicottus, & Andreas Bulgarus capti sunt. Classis tamen Præfectus, vnà cum quinque triremibus ac reliqua ciuium parte, magno Deorū beneficio incolumis euasit. Huius infelicitis pugnae, atque acceptæ cladis tristis fama Genuam perlata, tanto mæore iræ commixto, vniuersam urbem affecit, vt nihil aliud præter vltionem assidue meditentur. Verum enim verò cum ea tempestate nauigiorū penuria laboraret, summa ope adnisi sunt, vt incredibili celeritate præualida classis, nempe duarū & quinquaginta triremiū, vltra alia omnis generis nauigia, fabricarentur. Cui quidē rei perficiendæ cum diu noctuque sine vlla intermissione inuigilarent, summa diligentia assecuti sunt, vt breui temporis spatio totum opus compleretur. In hoc tam perplexo rerum Ligusticarum statu Genuæ classis è Syria multis pretiosis mercibus onusta, singulis ferè momentis expectabatur. Verum, quia improspe-

Naualis con-
flatus inter
Cæsarianos
et Genuens.

Cæsarianorū
victoria,
anno
1241.

Genuens. no-
ua classis.

ro rerum successu valdè erant solliciti, ne illa à Cæsarianis intercepta, in par discrimen per ipsos adduceretur, myoparonem præmiserunt, quo, tanquam indice & exploratore vsi, ostenderunt, qua maximè parte nauigandum esset, vt turò in portum deduceretur. Præmonebant etiam, vt si nondum soluisent, sese non antea nauigationi crederent, quàm valido ac firmo præsidio essent instructi atque muniti. At Cæsar, secundo ac felici rerum suarum successu incredibiliter lætatus, Põtificis stultam ambitionem multo cachinno irridebat & detestabatur, qui, scilicet non intelligeret, quàm malè & imprudenter ageret, quòd potius bellum, quàm pacem, quam vnice fouere debebat, amplexaretur, Italiæque Principes diuersis studiis & factionibus inter se ad bellum alendum committeret. Postea ad suos ipse Duces conuersus, singulis gratias agebat, quòd tam strenuam atque necessariam operam sibi nauassent, fortunæque suæ cursum prosequendum ratus, Vberto Marchioni Palauicino, cuius opera sæpenuerò antea in arduis perplexisque rebus felicissimè vsus erat, quique initio huius belli aliquot Ligustici agri oppida inuaserat, iniunxit, vt castra sua versus Occidentalis Ligustici sinus tractum produceret. Hic postea, indigenarum, præcipuè verò qui Voragium inhabitabant, opera atque auxilio, quamplurima circumuicina loca & munimenta occupauit. Ligures verò ad horum impetus coërcendum, ab Insubribus, & Placentinis confœderatis ac fociis, cùm milite tunc temporis destituerentur, per Guarnerium Iudicem & Nicolaum Cataneum, suos delegatos, opem atque auxilium implorarunt: quorum adminiculis freti, magna ex parte hostiles conatus repressere. Pari modo portus Veneris præsidarij atque incolæ, cùm Pisani pacem violassent, eorum agrum crebris incursionibus inquietarunt ac depopulati sunt; tanta me herclè cum violentia & ardore, vt intercepta ad Macræ fluminis ostia vna Pisanorum triremi, omnes ad vnum, quotquot ea deuehebantur, perpaucis summæ auctoritatis exceptis, contrucidarint. Interim naues illæ quas indies ex Syria Genuæ expectari demonstrauius, cum incredibili omnium applausu, ac totius vrbs mirifica lætitia & congratulatione, circa mensem Iulij saluæ & incolumes portum Genuensem subière, adeò vt hac de causa ciuitas ad omnium Deorum puluina grates persoluerit. nec sanè immeritò. nam dubiis, & accisis rebus, nihil ea tempestate Reipub. potuit accidere gratius, vel desiderari vtilius, quàm tantarum nauium multis egregiis viris, omniq̃ue pretiosorum mercimonia-
norum genere onustarum, & tot, tamq̃ue variis periculis ereptarum, felici reditu augeri atque solari. Parum quippè abfuerat, quin illas à Cæsarianis summa cum celeritate insecutis, ferè in ipsius ciuitatis conspectu interciperentur. Imperatoria etenim classis nunquam procul post consecutam naualem victoriam à sinu Ligustico recesserat: sed nouo supplemento & accessione per Ansaldum Marium eius Præfectum facta, adeò totam Italiam in ordinem redegerat, vt nulla ferè maritima esset ciuitas quæ non facile metu in Cæsaris studia propelleretur. Elapsis itaque bono Reipub. fato Syriacis nauibus, Ansaldus cum sua classe, quæ fermè quadraginta nauigiorum erat, spe prædæ frustratus, speculabundus totam maritimam Ligusticam oram euagatus est, ac tandem post multos gyros & circumflexus, Sauonā petiit. Quod vt rescuere Ligures, haud multum ob acceptam cladem animis fracti, vt vno eodemq̃. tempore cum hostilibus consiliis atque conatibus obuiam irent, tum etiam vt acceptum incommodum & damnum rependerent, omnisq̃ue moræ impatientes, sollerti industria & vigilantia procurarunt, vt triremes recens fabricatæ, quamprimùm omnibus armamentis aliisque necessariis instruerentur, sic vt incredibile ferè dictu sit, quàm inaudita & admi-

Cæsar triremi
exercitum
Genuam
duxerat

Genuensium
lætitia pro-
pter felicem
suarum na-
uium appul-
sum ex Syria.

Cæsariana
classis circa
sinum Ligu-
sticum obser-
uat, & Sauo-
nam petiit.

randa propè celeritate classem suam adornauerint. Quandoquidem satis litteris
 comprehensum est, ipsos, non citra magnam admirationem vnius diei noctisq.
 interuallo, ad multarum facium & tedarum splendorem, duarum & quinquaginta
 triremium numerum instruxisse. Hinc notare licet immensam illorum ac
 cum nullis nationibus (aliorum pace dixerim) in re nauali sæpius ostensam, &
 omnibus fermè expeditionibus exploratam industriam, cum summa potentia
 coniunctam. Siquidem neminem, vti puto, latère potest, quin comparatione
 huius populi cum quouis alio facta, facile elucescat, quanta industria, quotque
 nominibus in paranda & instruenda classe superiores fuerint ac excelluerint. Eam
 igitur classem strenuis bellatoribus omniq. militari apparatu exornatam, An-
 faldus Soldanus & Iacobus Leuantus earum Præfecti, è portu Nouium versus, edu-
 xerunt, ad cuius obsidionem hostes adnauigasse rumor sparserat. Ceterum Cæsariani,
 simul ac de hostili classe, quæ, Georgiano vexillo erecto, veloci cursu ad eos con-
 tendebat, certa & constanti fama audiuerè, cōfestim repentino quodam, ac veluti
 Panico terrore compulsi, Nauli expeditionem reliquerunt: & quod se illinc celerius
 expedirent, anchoris præcis, omnibusque impedimentis, quæ institutum cursum
 retardare possent, in mare proiectis, turpi fuga sese à certamine subtrahentes, in
 altum pelagus ad maiorem sui securitatem præteruecti sunt. Ligusticæ classis Præ-
 fecti, cum animaduenterent, consiliorum suorum rationes, quas inierant, pror-
 sus irritas atque inanes cecidisse, & de assequendo iam hoste desperarent, Fulco-
 nem Guercium ea in vrbe cum sic satis firmo validoq. præsidio reliquerunt, ac sese
 haud multò post, cum sua classe domum receperunt. Porro Anfaldus, tametsi
 Cæsaris iussu semper classem rebus omnibus necessariis instructam haberet, cum
 tamen aduersarios, viribus ac robore potiores animaduenteret, quicquid spei
 & præsidij habebat, in sola nauigiorum suorum celeritate reponebat, adeo ut
 cum eminus, vel cominus cum illis congregi nullo modo auderet, ea qua sola
 nocere poterat ratione, crebris scilicet excursionibus, hostem ipsum inquieta-
 ret. Quod tamen Ligustica classis Genuam iam reducta, & exarmata esset, in
 spem potiundi Albingauni erectus, eius loci expugnationem, admota classe,
 multorumque istius vrbs exulum ope atque consilio fretus, aggressus est, eo
 quidem euentu, ut, cum illius oppidi arcis Præfectus, suas partes oscitanter
 & prorsus segniter obiret, statim illud deditione occuparit. Hoc rerum suc-
 cessu elatus, non secus ac si omnia in alta securitate ageret, & nihil sibi obsta-
 re posse existimaret, Cerui oppidi huic finitimi expugnationem pari celeritate &
 audacia tentauit. Verum, cum huius Præfectus, ab iis qui Dianæ oppidum in-
 colebant, opportuno auxilio quam primum subleuaretur, Ceruini non solum
 inimicorum impetus fortiter & magna cum alacritate sustinuere, sed etiam tanta
 animorum præsentia & robore hostem repulere, ut vnā hostilem triremem
 bellicis machinis deprimerent, ita certè ut ipse Anfaldus, cum huius oppidi ex-
 pugnationem valde difficilem esse conspiceret, Sauonam, quæ tunc Cæsaris stu-
 dia sequebatur, se statim cum sua classe conferret. Verum Ligures interea de
 inuadendo Cæsariano exercitu non parum solliciti, omnia consilia inibant, quod
 id commodius atque tutius facere possent, sic, ut cum multum spei ac præsidij in
 sua classe collocarent, magna & admirabili quadam celeritate magnum nauigio-
 rum numerum, superioris anni classem æquantem, instruxerint. Classe itaque
 adornata, & de Senatus voluntate Gulielmo Gabernia pro supremo præfecto illi
 imposito, multi, patricij ordinis viri, usu ac militari disciplina, consiliorumque
 rectitudine in primis præstantes, sese pro Reip. suæ salute ac dignitate vtrò in
 hac

Mira Ge-
 nuens. celeri-
 tas in noua
 classe ador-
 nanda.

Cæsariano-
 rum fuga.

Albingaunū
 à Cæsarianis
 deditione oc-
 cupatum.

Ceruum op-
 pidi frustra
 ab hostibus
 tentatum.

Sauona Cæ-
 sariis studiis
 sectatur.

Noua Ge-
 nuens. classis.

Eorundem
 incredibile
 studium erga
 Remp.

hac expeditione strenuam ac fidelem Reip. operam nauarūt. Pari modo lectissimi ex omni ferè nobilitate iuuenes, tam præstantium virorum exemplum secuti, sese illis adiunxere. Verùm quia nihil temerè in hac expeditione agendum P. C. censebant, pensatis rebus, ac præsentì Reipub. statu diligentius inspecto, sanioribus atque prudentioribus consultum videbatur, vt in primis Cæsarianus exercitus Sauona fortiter remoueretur & expelleretur. Proinde educta classe, præfectus eam Liguriæ partem tenuit, quæ Galliæ Narbonensi magis est contermina. Cæsariani de classe Ligustica certiores facti, veriti, ne aliquo nouo stratagemate superarentur, relicta Sauona, statim Genuam versus adnauigarunt. Arbitrabantur enim, se per Ligusticæ classis absentiam, quòd classem hostilem Nauli subsistere comperissent, multum incommodi nauibus, quæ in Genuensi portu ad ancoram stabant, & quarum tunc vix aliquis vsus erat, illaturos. Verùm enim uerò cum portus, aliaque loca quæ in mare maiori ex parte excurrunt, summa cum diligentia & alacritate ab oppidanis defenderentur, omnibusq. opportunis armis propugnarentur, tantum abest, vt aliquid damni ipsis nauibus vel oppidanis inferre potuerint, vt contrà, ipsimet multis incommodis grauibsq. detrimentis ab eis affecti sint. Oppidani enim ignitis missilibus, aliisque sublati signis atque indiciis, indigenis ceterisque oram Ligusticam tutantibus, puncto quodammodò temporis significabant, quo in statu res suæ versarentur, adeò vt Ligustica classis de tanto vrbis periculo commonefacta, citra moram conuerso cursu Genuam adnauigauerit, tanta me herclè festinatione, vt parum abfuerit, quin Cæsariani in ipso portu circumsepti sint: sed magna supremi Ducis prudentia effectum fuit, vt cum olfaceret quorsum res euasura esset, confestim relicto portu, in altum enauigarint, & Sauonam, assuetam suam stationem, repetierint. Mirum igitur in modum torquebat Cæsarem, Ligures, nullis rationibus, vel belli detrimentis ab instituto posse deduci, nullisque artibus in partes suas posse pertrahi, sic, vt cum videret, nullum modum bellis cum hac gente constitui posse, quando res mari gereretur, ad præcidendam omnem vltioris belli ansam, simulq. Italiam tam multis incommodis liberandam, Genuam terrestri exercitu adorti constituerit. Qua de causa fœdere cum his populis qui adhuc in Insubria suas partes fouebant, percusso, sollicitè dabat operam, ne hi, tanquam vicini, & Liguribus finitimi, illis aliqua auxilia subministrarent. Quo etiam consilio suos præfectos partim in orâ Lunigianâ, partim ad alia confinia transmisit. Multi etiâ Reip. exules, ac Insubres, duce Marino Ebulio, statim ab initio Cæsaris partes & studia sponte secuti erāt, quibus etiam postmodū Montisferrati & Boschi Marchiones, vt diximus, accessere, ita vt Cæsar, conscriptis copiis, suisque viribus in vnum collectis, castra sua non ita procul à Pocifera valle, iuxta locum vulgò Vada dictum posuerit. Ceterum, Ligures ad tanti hostis apparatus & aduentum nequaquam attoniti, singulari quadam prudentia omnia in vrbe diligenter prospicere, quæ ad sui tutelam & defensionem pertinerent, aliaque ad obsidionem tolerandam necessaria sedulò in urbem comportari iubere: quibus omnibus prouisis atque prospectis, illi qui rerum administrationi in hoc præsentì statu admoti erant, validas copias Vulturium versus mittere, haud dubia fama commoti, quæ diuulgarat, hostilem exercitum mox eò venturum. Nec eos fefellit opinio; quippe Ansaldo classem eodem admouerat. Et quoniam Palauicinus cum Gibellinis Etruriæ & Malespinis regulis agrum Ligusticum seorsum nouis incursionibus inuaserant, eousque, vt oppidum Leuantum obsidione pressuri viderentur, summis belli Ducibus expedire visum fuit, vt concitatis illius oræ littor-

M M ; ralis

Cæsarea classis à Genuensi portu tam ignominiosa ac detrimento repellitur.



Cæsar terrestribus et maritimis copiis Genuens. dis-tinctionem inuadit.

Genuens. fortitudo et magnanimitas.

*Genuensis
exercitus
summa penes
urbis Præto-
rem.*

ralis indigenis, eos omni vltiori aditu prohiberent, & ab vltioribus inferendis iniurijs coërcerent. Et ne hæ copię incertis ordinibus, citraq. militaris disciplinæ feueritatem, nullo adhibito duce, vagarentur, Senatui placuit, Prætorem urbis eisdem ducem dare: qui vt aliquod specimen militiæ exhiberet, ac fortitudinis opinionem de se concitaret, operæpretium se facturum existimauit, si hostem potius anteuertret, quàm diu opperiretur: & idcirco Vulturio contra omnes hostiles impetus & iniurias sic satis firmiter pro temporis opportunitate cōmunito, Vadam versus, vbi Cæsarem castra posuisse ostendimus, cum suis copiis contendit, eo consilio, vt per occasionem cum illis prælio decertaret. Et correspondit votis fortuna: Nam tanta loci & temporis opportunitate vsus est, vt Cæsarianos nihil minus expectantes, fortiter adortus sit: qui tametsi numero & militū robore longè superiores essent, nihilominus tamen tanta fuit prætoris, suarumque copiarum virtus & animositas, vt hostium ordines confuderit, eosque in

*Anfaldi su-
ga cum duo-
rum vexillo-
rum iactura.*

turpem fugam verterit, necnō duobus ab ijs reportatis signis militaribus, præclaram victoriam retulerit. Palauicinus etiam, ceterique eius auctoritatem secuti, qui Leuanto haud procul, sicut enarrauimus, aberant, de aduerso cum Cæsarianis prælio recens habito edocti, veriti, ne prætor exultans victoria, fortunæ suæ cursum & successum prosequeretur, summa celeritate Lunigianam se receperunt. Haud meliori fortuna Anfaldus classem suam Arentiano admouit. Etenim cū vellet militem in continentem exponere, tantus fuit oppidanorum indigenarumque ardor & alacritas, vt quamprimum pedem referre non sine graui detrimento sit coactus. Ligures interea, vbi se terrestribus expeditionibus, quæ tot strages & vastitates antea denunciare videbantur, superiores ac liberos intellexere, animum ad maritimum bellum pari Marte & successu conficiendum non desponderunt. Proinde, cū classis Cæsariana mira insolentia indies magis atque magis Ligusticum mare excursionibus & depopulationibus inquietaret, huc omnes suas vires atque potentiam conuertere. Verū quia sese denuō Sauonam receperat, seque prægrandibus catenis atque cratibus, contra omnium aduersariorum impetum communierat, ita vt loco quàm maximè securo, & extra omne periculum esse videretur, Genuenses nouis artibus hostilem classem incendere conati sunt. Magno siquidem artificio faces pice, resina ex stupa, aliisque aridis & siccis tomentis confectas, summa vi in hostiles naues emittebant.

*Cæsarem
exercitus
haud leui
detrimento
afficitur.*

*Hostilis clas-
sis Sauone
frustrā op-
pugnatur.*

Sed propter aduersantium ventorum flatum factum fuit, vt omnis vis flammæ in ipsos Ligures retorqueretur, ipsique longè maiori detrimento, quàm hostes, afficerentur. Accedebat ad hoc incommodum grauis & periculosa coorta tempestas, quæ adeo erat vehemens & atrox, vt relicta hostili classe in Sauonensi portu, Genuam redire coacti sint. Anfaldus itaque obsidione, omni que metu & periculo maiori ex parte liberatus, quia hiems instabat, illinc soluere, & in Siciliam, sibi suæque classi multò tutiorem & commodiorem, nauigare constituit; Pisique appropinquans, Sorleonem Peuerem, & Ingonem Cataneum, ab illis qui Genua exulabant, Cæsarisque studia fouebant, ad ipsum Cæsarem, tunc temporis Fauentiam urbem, Fidentiam conterminam, obsidentem, legatos destinatos, in continentem exposuit, moxque suum institutum iter prosecutus est. Ceterum quamuis classis Cæsarea è sinu Ligustico recesserat, vrgebat tamen terrestris exercitus: siquidem Marinus, terrestrium Imperialium copiarum præfectus, in gratiam Gibellinorum & Sauonensium in oram occiduam cum instructo validoq. exercitu descenderat. Et quod Signum, oppidum Naulo proximum, ad eam expeditionem feliciter conficiendam, haud leuis momenti fore censebatur, Car-

retini

retini Marchiones huic finitimi, omnem dedere operam, ut quibuscumque possent artibus, illud in suam potestatem redigerent. Cæsariani propter Marini aduentum, haud sanè difficulter Iacobum illius familiae principem, ad eius expugnationem impulerunt. Illuc itaque castris promotis, oppidum arctissima obsidione cinxerunt. Quod sanè ut primum Naulinis, sub quorum fide ac tutela obfessi erant, significatum est, protinus auxilia ad subleuandos vicinos & socios decreuerunt. Verùm temporis angustia, & iniqua rerum omnium conditio effecit, ut milites ab eis descripti, omnino serius quàm rei præsentis necessitas postulabat, Voraginem, ubi recenseri, & sub signis coire debebant, venerint. Interim Prætor Genuam, ad reprimendum hostiles conatus eò profectus, illicò centum grauis armaturæ equites cum valido peditatu expedit, ut horum aduentu ac robore, obsidio solueretur. Id tamen negotij nulla diligentia, vel industria cuiusquam ita maturari, vel perfici potuit, quin arcis præfectus, largitione corruptus, illam Carretino traderet. Hoc tamen haudquaquam impedit, quo minus Fulco Guercius aliquot selectis militaribus cohortibus fretus, hostem inuaderet: sed inito confertoque prælio, infeliciter pugnavit, ac cum multis aliis captus est. Ceterùm, quia Ligures, propter acceptam cladem haud parum metuebant, ne aduersarij ea victoria elati, pari successu Naulum quoque occuparent, Senatus-consulto decretum fuit, ut quatuor præcipuæ nobilitatis viri cum aliquot auxiliariis cohortibus illuc mitterentur. At res tandem hunc exitum tulit, ut, cum propter appropinquantem hiemem gerendis bellis inidoneam, Cæsariani sese in hiberna contulissent, nihil aliud ea quidem tempestate memoratu dignum subsecutum sit. His rebus peractis, sub initium anni supra millesimum ducentiesimum quadragesimi secundi, Chunradus de Concessis Brixia vrbe oriundus, 1242. prætor Genuæ renunciatus est. Et quia mos iam longo usu in Rep. inoleuerat, ut quinque iurisperiti, Doctoris titulo insignes atque clari, ad cognoscendum forenses causas constituerentur, totidem ab eodem Senatu lecti sunt, & in aliorum locum cooptati. In hæc etiam tempora Gregorij IX. mors incidit, cui Celestinus v. qui tantummodo duodecim dierum, siue, ut aliis placet, octodecim spatio in Pontificatu vixit, successit. Hoc etiam repentina morte sublato, Romæ inter Purpuratos, graues dissensiones exorta, & haud mediocriter inter eos tumultuatum est, initio ex hoc potissimum enato, quò Cardinales, qui Friderici partes sequebantur, ægrè eos ferrent qui in Pontificem propensiores fuerant. Non ignorabant siquidem, Pontificis potissimum auctoritate atque instinctu multas turbas excitatas, compluresque populos inter se commissos fuisse, adeò ut illi, defuncto Pont. trepidi, non parum sibi metuerent, ne à Cæsarianis purpuratis malè exciperentur, insigniq. aliqua iniuria afficerentur. Solet enim non rarò usu venire, ut Pontificis obitum magna Romæ subsequatur rerum conuersio, præsertim inter Ecclesiastici ordinis viros, cum nullus ferè sit ex tanta religiosorum frequentia, qui non aliquem insignem patronum habeat quò potissimum floreat atque nitatur, cuius patrociniò tantisper fouetur, quantisper patroni illi apud Pont. auctoritate & dignitate valent. Hanc sanè fatalem vrbs genij sortem ea tempestate Cardinales persenserunt, qui maximè partibus Cæsaris aduersati fuerant. Ipsi tamen ut omne periculū & impendentem tempestatē deuitarent, hoc vnum studiosè agebant, ut cum Cæsarianis in gratiam redirent. Quandoquidè Fridericus ipse præteritarū iniuriarum memor, aliquid durius in eos statuere videbatur, & vniuersa ferè Italia diuersis factionibus iterum referuescebat, sic ut non immeritò Genuens. Resp. ad generalem hanc rerum commotionem excitata, longè

*Signum oppi-
dum à Cæ-
sarianis obsi-
detur.*

*Eiusdem arcis
largitione
occupatur.*

*Genuens.
clades.*

*Gregorij IX.
Pont. mors.
Celestini v.
Pontificatus
perbreuis.*

*Romæ de-
functo Pont.
magna fit
conuersio.*

maiori quàm antea, prudentia & vigilantia omnia administraret, præsertim tãto cardine, puta Pontifice destituta, cuius nutu præterita bella cum Cæsare gesta, vel susceperant, vel finierãt. Accedebat huc, quòd Gulielmus Spinula, qui facilè tunc temporis principem locum in sua familia tenebat, quiq̃ue semper propensissimus in Cæsarem fuerat, tunc exul & proscriptus, municipiorum suorum commoditate, quæ multa habebat, fretus, subinde in gratiam Cæsaris Reipub. multis in locis incommodaret, ita certè, vt Genuæ multæ commotiones & turbæ, vt fieri plerumque solet vbi multæ factiones aluntur, à promiscua plebe excitarentur: quibus omnibus vt opportunè & commodè procederetur obuiam, decretum fuit, vt Præsidi vrbero, quem recèns subrogatum esse diximus, hæc noua Reip. pacificandæ cura demandaretur. Hic igitur, postquam Reip. administrationem & tutelam grauissima oratione Patribus conscriptis commendasset, cum lecta iuuenum manu urbem egressus, & deinde nouis auxiliaribus copiis auctus, vltra Alpium iuga profectus est, exiguoq̃ue temporis interuallo omnium exulum & aliorum à senatu proscriptorum, castellis, oppidis, atque præsidiis potitus est. quibus in potestatem redactis, indeq̃ue extorribus profligatis, vltra alia detrimenta eis illata, Busonium oppidum, quò Spinula cum suis clientibus plerumque ceu tutissimo præsidio vti, quoq̃ue se quàm sæpissime recipere cõsueuerat, dirui, ac solo æquari iussit; & in urbem reuersus, eius ædes, sicut etiam Sorleonis domos, cuius hic proximè mentionem habuimus, euerti atque excindi curauit. Quarum rerum gestarum prudentia & dexteritate tantam initio sui apud omnes opinionem peperit, vt nemo propemodum esset, qui eum non singulari obseruantia & veneratione prosequeretur. Et quia constantissima fama diuulgatum erat, hostem aliquot mensium spatio pro re nauali comparanda, exornandaq̃. ingentes apparatus fecisse; imperauit, vt præter nauigia quæ superiori anno iussu alterius Prætoris fabricata fuerant, summo studio ac celeritate quadraginta alia exædificarentur: nihilq̃ue sibi antiquius fore ostendit, quàm vt ea expeditio, quæ tum præ manibus habebatur, cum maximo Reip. emolumento ac dignitate perficeretur: tantumq̃ue eius auctoritas apud omnes ciuitatis ordines valuit, vt eius potissimum suasu huc omnes, ceteris studiis depositis, suas curas cogitationesq̃. cõuerterent, ne quibuscumque modis atque rationibus tandem superati, penitus excinderentur. Quippè pro certo constabat, paucis antea diebus, Ansfaldum, Cæsareæ classis ducem, cum sexaginta triremium, & duarum nauium classe in portum Pisanum delatum esse; præterea etiam pro certo habebatur, Pisanos sese illis sub Buscarini, patriciæ nobilitatis viri, & in re bellica plurimum exercitati, præfectura atque imperio, cum duabus & quinquaginta nauigiis socios & comites addidisse, eo consilio, vt coniunctis viribus, Ligurem, ceu communem ac infensissimum hostem adorirentur. Proinde nauigiis recèns paratis atque instructis, denuò in mare eductis, breui temporis interuallo tres & octoginta triremes, tredecim Taridæ (hæ sunt naues longè maioris formæ, quas vulgò Galeatias appellant) cum tribus onerariis, siue Corbitis, quibus maritimos apparatus, & reliqua necessaria belloq̃. opportuna conueherentur, instructæ sunt. Priusquam verò soluerent, Prætor quò maiorem curam exactioremq̃ue totius rei militaris rationem se habere doceret, potiorem populi partem, in arcem D. Laurentij fano proximam, conuenire iussit, ibiq̃. ipsemet sollemni quadã cærimonia D. Georgij vexillum erigens, vniuersorum animos ad patriam tuendam, & ab omnibus iniuriis propugnandam, seriò adhortatus est, diserta q̃ue oratione haud mediocriter inflammavit: accersitisq̃ue octo præcipuis vrbis regionum decurionibus, eorum

*Genuens.
Prætoris fau-
sta expeditio
aduersus re-
belles.*

*Busonium à
Genuens.
euersum.*

*Classium
utriusque
partis inges
apparatus.*

singulis

singulis decuriatum seorsum sub certi vexilli coloribus & notis ab inuicem distinctum, & differentem, tradidit; eisque ceteros vrbis vexilliferos & antesignanos coniunxit, parique diligentia de externo subsidiario milite habita fuit penes eum ratio, summoque populi applausu, & miro militum ardore, militaria signa distribuit, & per quasdam classes segregauit. His rebus ita peractis & constitutis, Præfectus ipse, vel, si mauis, supremus Reip. in hoc bello designatus Imperator, nihil reliqui ad suam diligentiam fecit, quod à prudenti & forti Duce requiri possit, adeo ut prospectis omnibus, nauim conscenderit: & illico ad insequendum hostem contendit. Cæsariani verò, quod militaribus copiis Marchionis Palaucini nuper essent aucti, portum Veneris, citra cuius opportunitatem difficulter bellum gerere poterant, adoriri statuerant, cum non ignorarent, quantis incommodis Ligures afficere possent, si eo potirentur. Proinde omnibus viribus eò ap-

*Portus Veneris & Leuantum ne-
 quicquam à
 Cæsarianis
 obsidetur.*

pulsi, & descensione in continentem facta, vndiquaque populabundi excurrerunt; moxque oppidi mœnibus æneis machinis admotis, illud arctissime oppugnare inceperunt. Attamen, re infecta, quod validis præsiidiis omnibusque ad defensionem necessariis firmatum & communitum esset, obsidionem soluere sunt coacti: mutatoque cursu, Leuantum versus classem intulere; ibique locis suburbanis partim incensis, partim euastatis, cum in eius expugnatione haud sanè minus laboris & difficultatis, quam in superiori mense conspicerent, ac insuper hostilem classem ad omnè euentum paratam in propinquo circūuagari diceretur, statim discessum, fugæ haud parum absimilem, contra multorum opinionem pararunt. Eos Præfectus, celeri cursu, accum summo animi ardore, per intempestam noctem nauiumque tarditatem assequi non potuit, sic ut spe frustratus, vnus tantum Liburnicæ Pisanæ in hac expeditione pretium operæ fecerit. Pala-

*Palaucini
 inanes con-
 tus.*

uicinus itidem, continuo receptui canens, vasisque conclamatis, dum signa reuocat, alioque iter capeffit, ab indigenis Leuanti non mediocri incommodo ac detrimento affectus est. Buscarinus interim Pisanæ classis nauarchus, cum se ad Arni fluminis ostium recepisset, propter admissam fugam, ignominie notam subire metuens, Pisas reuerti minimè est ausus: at procul à continenti vnà cum Ansaldo hemiolia deuectus, enixè operam dabat, ut hostium consilia & profectioes destinatas exploraret. Ceterum Ligures summoperè veriti, ne Leuantum aliquid incommodi ab hoste acciperet, euestigiò illuc regressi, oppidum & totum illius suburbanum tractum firmioribus præsiidiis communiuerunt: indeque cōuersa nauigatione, Sextrum contenderunt; ibique, ne quid eos inter nauigandum remoraretur, ac expeditius rem naualem gererent, tredecim nauigiis à tergo relictis, rectà in Cæsarianos, quos paulò antè ad Erycen venisse ab exploratoribus didicerāt, cursum direxere. Verum de hostilis classis aduētu præmoniti, euestigiò sese in altum pelagus proripuere: moxq. Sauonam delati sunt. Quod ut primum Liguribus innotuit, summa cum festinatione omnem ferè illius tractus oram legentes, magno configendi studio eos inuestigabant: sed oborta atroci tempestate, naufragium veriti, derelictis hostibus, in Genuensem portum se subduxere, ibique ad integrum diem in anchoris subsistere coacti sunt, adeo ut aduersa maris tempestas causa præcipuè extiterit, quò minùs illinc Sauonam præteruecti, ibidem cum hoste congressi fuerint. Hac igitur spe Ligurum Præfectus frustratus, Albingaunum versus, nauigationem instituit, ut in Albingaunos, qui paucis antè diebus à Reip. fide ac debito obsequio descuerant, grauitè animaduerneret. Proinde agris illorum deuastatis, aliquot actuarias naues, multo sale onustas, intercepit. Cumque illi interim per Galliæ Narbonensis reguli duarum

trire-

triremium præfectum relatum esset, Cæsarianos rectà versus insulam vulgò D. Margaritæ dictam, cursum nauigationis tenuisse, ad præuertendum illorum conatus, omiſſa Albingauni expeditione, ocyus illos inſecutus eſt, & Antibum, tutiſſimam illius regionis ſtationem, appulſus, ibi pro veteri maiorum inſtituto D. Georgij vexillum crexit, (Mos enim in Repub. iam longo uſu confirmatus, proriſus inoleuit, ut quotieſcumque ſigna cum hoſte conferenda, vel acie dimicandum ſit, Reip. ſupremum vexillum equeſtri D. Georgij imagine conſpicuum, in ſublime erectum deſigatur) poſtea in eam inſulam cum tota claſſe appulit, eo quidem ſucceſſu, ut parum, vel nihil proficeret. Siquidem Anſaldus, ubi per ſuos ſpeculatores de hoſtium aduentu comperit, in tanta trepidatione fuit, ut incifis præ nimia feſtinatione rudentibus, relictisq̃ue maiori ex parte ancoris, in Stœchadas inſulas traiecerit: quò etiam Ligur præliandi cupiditate flagrans, ne quid proriſus de priſtino ardore ac ſtudio remiſſiſſe exiſtimari poſſet, perrexerit. Verum nequicquam eum inſecutus, ibi pauliſper reficiendæ claſſis gratia ſubſtitit. Quo quidem peracto, ut ſuperiorum temporum immenſos ſumptus, quos Reſp. aſſiduè ſuſtinuerat, aliqua ex parte ſarciret, bene ſuo muneri ac Reip. utilitati conſulere exiſtimauit, ſi boni œconomi inſtar, publica onera priuata quadam induſtria ſubleuaret. Proinde plerique ſuis nauigiis optimo candidiſſimoq̃ue fale onuſtis, ut optimè de publico bene meritis, Genuam idibus Septemb. cum ſua claſſe rediit. Vix eo domum reuerſo, per totum propè agrum Liguſticum rumor diſperſus eſt, & poſtmodum multorum nuntiis confirmatus, Cæsarianam claſſem in Cyrno inſula, quò ſe paulò ante receperat, exarmari, militeſq̃ue ac ceteros rei nauticæ peritos, maiori ex parte exautoratos & diſmiſſos eſſe. quæ famæ conſtantia magnam omnibus ſecuritatē peperit, proriſusq̃ue effecit, ut Ligures hoſtium exemplum ſecuti, idem facerent. Sed quia ex minori Africa tres onerariæ naues omni genere mercium refertæ, indies expectabantur, & iam circa Arcritianum apparuerant, Senatus veritus, ne in aliquod periculum deuenirent, iuſſit duas & triginta ſubſidiarias triremes cum aliquot militaribus copiis, ut eis obuiam iretur, parari atque inſtrui. Verum quòd deinde nunciaretur, Cæsarianam claſſem Sauonam repetiſſe, deſtinatæ triremes ulterius non ſunt progreſſæ. Mirum dictu eſt, ac magna cum omnium admiratione annotatum & obſeruatum, fatali proriſus ratione contigiſſe, ut hæ duæ hoſtiles claſſes, tam longo temporis tractu inuicem proſecutæ, nunquam in mutuū certamen deuenirent. Quippè quamuis Ligures incredibili quodam præliandi ſtudio atque ardore flagrarent, & Cæsaream claſſem indefeſſis laboribus aſſiduè perſequerentur, nihilominus tamen nunquam aſſequi potuere, ut ſibi decertandi occaſio & anſa, prout maximè in votis habebant, offerretur. Creſcebat indies magis atque magis Cæsaris in Ligures odium, quòd præter præterita bella cum illis geſta, eos videret pertinaci quodam animi decreto ijs potiſſimum patrocinari qui ſibi longè eſſent inſenſiſſimi. Proinde, ut tam graues iniurias & contumelias vlciſceretur, & hunc populum neceſſitate quadam & vi compulſum, ad quietem & tranquillitatem publicam adigeret, ſimulq̃ue ad vetus obſequium prædeceſſoribus ſuis præſtitum, compelleret, Marino ſuo præfecto, & rerum bellicarum in Italia præcipuo adminiſtratori iniunxit, ut eos, iterum reſtaurato exercitu, nouoq̃ue militum delectu habito, cum valida manu ſeſe claſſi, quæ tunc Sauonæ, uti diximus, ſtationem habebat, coniungeret. Conſtituerat enim, vno eodemq̃ue tempore Genuam bipartito exercitu terra atque mari denuò inuadere. Marinus igitur Cæsaris voluntati obtemperans, tanta uſus eſt diligentia, ut ſuas copias Arentianum uſque

perdu

Anſaldi re-
pentinus
diſceſſus.

Rariæ ex-
emplum fa-
talis decreti.

Cæsari inſtan-
tati copii-
iterum Li-
gures aggre-
diuntur.

perduceret. Quod cum à Genuensibus esset intellectum, Cæsarisque animum & consilia nullo pacto ignorarent, incredibili quodam studio atque admirabili celeritate tridui, uti tradunt, spatio classem septuaginta trirremium, eodem urbis Præsides duce, præpararunt & instruxerunt. Hanc itaque, rebus omnibus mirè dispositis & constitutis, ipse Dux contra hostem illicò eduxit: quem in conspectum ciuitatis prodire ausum, eò necessitatis adegit, ut se iterum Sauonam in veterem suam stationem reciperet: cui cum ob maris tempestatem, ventorumque rabiem nulla egrediendi portus facultas daretur, necessarium fuit, quò sese contra Ligurum iniurias protegeret ac tutaretur, portum nouis vallis, sepi-
mentis atque aggeribus cõmunire. Qua sanè in re, terrestres copiae illi insignem opem tulerunt. Quandoquidem obuersis ad mare puppibus, multò commodius quàm antea ab ipsis propugnari poterant, adeò ut cum eius nauigia concatenatim per certas series connexa, continenti propius admouerentur, facile omnem hostibus opportunitatem adimerent, quò minùs ab illis aliquid incommodi vel detrimenti acciperent. Ligur etenim cum sese aditu portus omninò prohibere, atque omnem interceptam præliandi facultatem esse conspiceret, hoc vnum in primis anxie agebat, ut modis atque artibus quibus posset omnibus, hostilem classem in ipso littorè succenderet. Quod ut faceret commodius, aliquot nauigia Genuam misit, quibus omnia, quorum ministerio indigeret, adueherentur. Verum enim uerò etsi singulari studio omnia procurata ac tentata essent, quibus hosti sese intra portum & vallum continenti, incommodari posset, nihilominùs tamen omnis labor & industria incassum suscepta sunt. Tantus namque fuit, & tam violentus ventorum flatus, ut aduersarij nulla ratione lædi potuerint, cum omnis vis flammæ ignisque ardor in ipsos auctores, uti prius acciderat, reclinaret, adeò sanè, ut nihil prorsus ex animi sententia successerit. Hinc facile apparet, quàm vana & irrita sint humana cõsilia, ubi fata secus decreuerint. Nam etsi vniuersa exactissimo præstantissimorum hominum iudicio & præscripto sic essent præparata, ut nemo ferè ambigeret, quin res ex voto ac pro arbitrio gereretur, attamen eo die tanto fauore Cæsarianos fortuna profecuta est, ut etiam ipsa elementa pro eis conspirasse viderentur; præsertim cum ultra flammam ignis nocere ipsis reluctantem, Genuenses etiam alia via nocendi facultate, nempe fluctibus ac procellis impedirentur, sic ut, re infecta, Naulo se receperint, eo consilio, ut ibi ad exploranda hostium consilia aliquantisper subsisterent. Ansaldo verò, ubi sibi liberum egressum dari conspiciatus est, nulla mora interposita, suorum nauigiorum agilitate fretus, & copiis terrestribus, quas Arbianum præmiserat, confusus, semper cum sua classe eidem oræ inhærebat, ita ut ne latum, quod dicunt, vnguem ab ea recederet, existimans, se hoc modo illarum copiarum vsum, si ita necessitas requireret, ad manus quamprimùm habiturum esse. Erat tota Cæsariana classis sexaginta ferè nauigiorum, quo numero confusus Ansaldo, sibi persuadebat, se multis incommodis atque haud leuibus detrimentis Ligures afficere posse; tametsi ipse magnorum ducum exemplo, potissimumque Fabium illum cunctatorem imitatus, Genuensium res magis cunctando, quàm dimicando atterere, & planè frangere in animo haberet. Ut verò Genuensis nauarchus intellexit, Cæsarianos Sauonensem portum dereliquisse, confestim Naulo relicto, seque à continenti in altum pelagus proripiens, abitionem Genuam versus miro altu & caliditate simulauit, eo potissimum consilio, ut exploraret, num & ipse cum sua classe à continenti recederet, cum nihil satius ac expeditius inueniret, quàm ut illi omnem remigandi Sauonam facultatè interciperet. Ansaldo tamen longo belli

Genuæ tridui spatium 70. triremes instructæ.

Ansaldo relicto Auentio, Sauonam profugit.

Ligures ne quicquam hostilem classem incendere cõnantur.

Fati ratio ineluctabilis.

Fortuna Cæsarianis propitia.

Ansaldo Fabij cunctatore imitator.

usu

vfu hostilium consiliorum rationes inuestigare & olfacere doctus, in veteri suo
 instituto constantissimè permansit, sic vt Ligur spe ac opinione deceptus, omni-
 que moræ impatiens, obuensis proris, summum impetum ac impressionem fa-
 cere in eum statueret. Verùm ille aduersarium antevertens, & miro artificio elu-
 dens, omnemq. prælij ansam callidè detrectans, protinus magna celeritate vñsus,
 consuetam suam stationem & munimenta repetiit. Instabat hiems, marisq. tem-
 pestas subinde atrocior fiebat, ita vt vix commodè vel tutò nauigari posset. Cæ-
 sariana etiam classis hac præcipuè de causa sese, vt diximus, in solitum portum
 suum subduxerat. Ligur, cum non haberet hostem, qui cum, vt maximè auebat,
 congregaretur, animaduertit, sibi omne tempus quod foris absumeretur, citra
 aliquem fructum deperire. Proinde adhibitis super ea re collegis & sociis in con-
 silium, de communi sententia & consensu constitutum fuit, ex vtilitate Reipub.
 esse, vt classis Genuam reduceretur. Sed inter domum redeundum, inter Vultu-
 bium & Arentianum repentè tam magna fuit coorta tempestas, vt aliquot trire-
 mes tempestate disijcerentur, quæ ibi vi tempestatis sabulo illisæ, naufragium
 fecerunt. Magna tamen felicitate & natandi peritia illi qui eis deuehebantur, in-
 columes euasere. In par ferè discrimen paulò antè Cæsariana classis, cum sese Va-
 dum recipere vellet, aliquot triremibus submersis, inciderat. Domum reuersa
 Ligustica classe, Ansaldus cum aliquot triremibus ad salem, & reliqua ad vitæ ne-
 cessaria & opportuna comportanda, in Galliam Narbonensem contendit, inque
 portu Tolonij duas Ligusticas naues, quæ multis ac pretiosis mercibus onustæ,
 ex Hispaniis Genuam versus adnauigabant, interceptit, ac deinde magno com-
 meatu instructus, Sauonam rediit. Cæsar nimirum in animo habebat tantisper
 cum Genuensibus armis decertare, quoad viribus debilitati, impares sustinendo
 vel continuando bello essent. Quapropter cum sequenti anno nouam expedi-
 tionem in eos suscipere decreuisset, consultum videbatur, vt Sauona recipiendæ
 classi propter portus opportunitatem valdè commoda & vtilis, omnibus præsi-
 diis & com meatibus communiretur, ideoque Ansaldus Andream filium suum
 insigni ingenio ac præclara virtute iuuenem, paternisq. vestigiis assiduè inhæ-
 rentem, cum circiter quadraginta triremibus in Apuliam præmisit, vt Friderico
 Cæsari in re nauali, si ita vñsus ferret, fortè operam nauaret, ac integræ fidei con-
 stantiam præstaret. Ipse interim ad communiendum Sauonam sedulò intentus,
 adeò securum illum locum ab omni hostili impetu & iniuriis reddiderat, vt citra
 controuersiam omniū iudicio inexpugnabilis esse iudicaretur. Quibus peractis,
 ipse cum reliqua classis parte in Siciliam, vt ibi hibernaret, contendit. Animum
 meum proculdubio sapius de Ligusticarum gestarum rerum gloria cogitantem,
 haud vulgaris subit admiratio, quòd Ligures, nullis ferè aliis, quàm priuatis sub-
 nixi viribus, tam potètem & præualidum hostem tot Principibus sociisq. con-
 fœderatum, sustinere tam longo temporis tractu citra aliquod graue aut memo-
 rabile detrimentum potuerint. Nam quanquam ipsi ea tempestate, qua cum Cæ-
 sare bellum gesserant, tranquillam maioriq. ex parte pacatam domi habuerant
 Rempub. & cum Venetis fœderis iure in gratiam Pontificis fuerint coniuncti, ta-
 men satis constat, ipsos nunquam ab his aliquod subsidium, licet difficillimo &
 maximè necessario tempore, accepisse. Quandoquidem, tametsi Veneti, intelle-
 ctis maximis apparatibus, quos Cæsar, cum Pisanis multisq. aliis Principibus
 & regulis associatus, contra Ligures fecerat, classem sexaginta triremium subsi-
 dio illis duce Andrea Teupulo mittere destinaissent, cum tamen de prosperis Li-
 gurum successibus edocti & admoniti essent, non vltra sinum Hadriaticum clas-
 sis pro-

Vtraque clas-
 sis naufragiū
 patitur.

Genuensibus
 tantum pri-
 uatis opibus
 Cæsariana
 potentia re-
 sistunt.

sis progressa est. Ab Insubribus itidem, quòd quædam dissidia cum ciuitate Mediolanensi vtrinq̃ue essent exorta, nulla sanè, vel certè perexigua ope adiuti fuerunt; ita vt si verum fateri velimus, dicendum sit, ipsos solos vniuersi belli molem tam longo tempore suis tantummodò viribus subnixos, infractis animis saluaq̃ue Reipub. dignitate atque potentia sustinuisse. Et quòd admirationem non parùm augeat, facit, quòd ex omnium scriptorum Annalibus deprehendere liceat, hunc Cæsarem in omnibus contra ipsos expeditionibus totius naualis rei summam viris è Liguria oriundis, ac Reipub. subiectis credidisse & commisisse, inter quos vel præcipui fuerunt Nicolaus Spinula, Ansaldus Marius, & Andreas eius filius, quorum superius non semel meminimus. Horum certè nomen apud plerasque gentes ac nationes traduci, & ignominia haud exigua notati animaduërto, quòd scilicet aduersus patriam & proprios penates, hostem armis & consiliis iuuare atque instruere, fortemq̃ue ac fidelem operanti præstare non abnuerint. Verumenimuerò qui res humanas penitus atque diligentius rimantur & introspiciunt, rerumq̃ue habent delectum, omniaq̃. maturo & graui iudicio expendunt atque examinant, ea in re nullam illorum nominis existimationi labem aspergunt, nihilq̃ue ipsorum rebus præclare gestis & gloriæ detrahunt, asserentes, illos minimè in perniciem patriæ suæ dimicasse, vel arma expediuisse. At Guelfos Cæsaris hostes tum Genuæ rerum potientes, quòd ferè dimidiam ciuitatis partem superbè atque arroganter expulissent, oppugnasse, vt ea ratione sese ab illorum iniuriis vindicarent. Cæsarianæ etiam naualis victoriæ laus ad ipsos quoque Genuens. magna ex parte referenda est, cùm Cæsarianæ classis Præfectus belliq̃ue Imperator, Genuensis fuerit, in eaq̃ue complures trierarchi Ligustici agri extiterint, adeò vt si quis rem suis momentis ponderet, & ad trutinam, vt dicitur, atque amussim omnia diligenter metiatur, in his omnibus maritimis expeditionibus maiorè victoriæ gloriam penes Ligures, quàm penes hostem fuisse comperiet: qui cùm semel Genuensium virorum præsidio ac virtute vicerit, is tamen sæpiùs deuictus censeri debet, cùm toties de virtute Genuensibus concesserit, ac toties post rem semel in mari feliciter gestam protuocatus, certamen pugnamq̃ue tantoperè expetitam atque oblatam detrectarit. sed nos ad institutam orationis seriem reuertamur. Proximo anno, qui fuit supra millesimum ducen-
tesimum quadragesimus tertius, Ligures Sauoniam, quòd inde sibi tam multa magnaq̃. incòmoda sæpiùs illata essent, omnibus viribus & conatibus expugnare decreuerunt. Qua de causa cum regulo Montferratensi, cui ea vrbs in extremum odium plurimis de causis venerat, & cum Carreti ac Ceux Marchionibus, qui antea pro Cæsare steterant, societatem ac fœdus inuère. Proinde cùm tempus bellis gerendis aptum atque idoneum appropinquaret, abrogato veteri Præsidi, cui iam sui muneris tempus exactum erat, ac Emanuele Matio, nobili Brixiensi, in eius locum substituto, sub huius Præfectura huiusmodi expeditionem susceperunt. At Sauonenses impendentem sibi tempestatem nō obscure conijcientes, statim ad Encium Cæsaris ex pellice Blanca Marchionissa Montisferrati filium, à patre recens Sardinia regem declaratum, legationem habuère, obnixè orantes, vt tempore tam necessario & dubio, sibi suppetias ferre vel quouis prætextu nō recusaret. Qua in re facilem se exhibuit, & sanè haud grauatim precibus locum constituit, missisq̃ue aliquot equitum ac peditum auxiliaribus copiis, illos non parùm subleuasset, nisi Genuens., posteaquam Sauoniam arctissima ob-
dione cinxerant, omnes vias & aditus, ne aliquod subsidium obsessis importari quiret, obsedissent; adeò vt hæ copiar vsq̃. ad locum vulgò Aquin progressæ, in-

*Genuens. pò-
puli commerc
datio &
virtus.*

*Fridericus
Cesar, Ge-
nuens. opè
victoria pò-
tius est.*

1243.

*Sauonensium
obsidio.*

NN

tellecta

tellecta progrediendi difficultate, in præsentiarum vltius non processerint. Sed ibi occasionem tutò mouendi præstolati, tantisper substitère, donec magno cum obsessorum beneficio per insidias summo cum silentio intempesta nocte intromissi sunt. Quorum sanè aduentu oppidani ceterique præsidarij ita confirmati fuerunt, & in nouam spem erecti, vt breui pòst, eruptione facta, obsessores inuaderent, & quamplurimos eorum contrucidarent; & etiam haud exiguum numerum in captiuitatem abducerent. Ligures propter acceptam cladem exacerbatiores facti, urbem ipsam longè grauiori, quàm antea, obsidione presserunt: eo-que necessitatis defensores rede-gerè, vt Cæsaris, qui eo tempore Pisis erat, & rursus ipsius Entij, cuius proximè meminimus, opem atq. auxilium implorare cogerentur. Cæsar itaque, intellecta illorum necessitate, in quam ipsos, quòd fidem suam secuti essent, præcipitauerat, nihil habuit antiquius, quàm eam urbem sibi cum primis necessariam, & opportunam, citra aliquam cunctationem necessario auxilio ab obsessorum vi atque armis eripere, ac præsentì periculo liberare. Quapropter Ansaldo, antiquo suo Præfecto, tunc temporis in Sicilia agenti, imperauit, vt cum quinquaginta quinque nauigiorum classe Sauonensibus actutum præstò esset: simulque Pisanos per internuntios obnixè rogauit, vt sibi suam operam & industriam hac in parte non denegarent. Ipsi reluctari nullo modo ausi, in eius gratiam summa celeritate octoginta triremium classè, duce Bonacursio Pallude suo Præfecto, coëgerunt. Ligures de his apparatibus certiores facti, infra-cto & excelso animo, quem in dubiis & aduersis rebus assidue exhibuerant, protinus ad hostiles conatus reprimendos, & coërcendos, cogitationè adiecerunt. Verùm quia res erat maioris momenti, & adeò perplexa, vt citra consilij maturitatè nihil temerè in ea constituendū esset, graui & accurata in Senatu cōsultatione super his habita, variis sententiis atq. diuersis studiis fuit diu decertatum. Nōnulli etenim, & illi quidem ex præcipuis Senatorij ordinis, censebant, minimè ab inchoata op-pugnatione, licet ex Gallia Cisalpina auxiliares copiae obsessis aduentare dicerentur, recedendum esse. At plerique alij contrà, præsentis rei difficultate ac periculo deterriti, magis ex vsu Reipub. esse iudicabant, si relictà in præsens obsidione, rei nauali tantummodò omni contentione & viribus incumberetur: quòd existi-marent, facile fieri posse, vt superato hoste, qui mari acriter instabat, & vrgebat, Sauona, & reliqua oppida, quæ Cæsaris studia secuta, à Reipub. fide descuerant, in pristinum officium & obsequium redigerentur. Rem quippe longè difficillimam arbitrabantur, vno eodemque tempore contra potentissimum hostem di-uerfas expeditiones suscipere; nimirum cum neminem latèret, quantum detri-menti ora littoralis atque adeò vniuersus sinus Ligusticus quotidianis hostilibus populationibus & excursionibus obnoxius, acciperet, si terra mariq. simul bel-lum gereretur. Quorum certè sententia cum veris rationibus niti, omnium iudi-cio videretur; effecit planè, vt licet Patres malè haberet, quòd victoria, quæ tunc quodammodò in manibus esse videbatur, & pro qua tot labores & pericula su-stinuerant, in medio quasi rerum bene gerendarum cursu propter ostensam rei difficultatem defereretur: nihilominus tamen cum in rebus arduis summam pru-dentiam adiungendam esse censerent, & belli successum fore valdè dubium & ancipitem: statutum fuit, vt relictà obsidione, omnem belli apparatus ad clas-sem maritimam transferrent. Quocirca Prætori, quem summum exercitus Du-cem designatum esse ostendimus, Senatus consultum quo omnes belli rationes comprehensæ erant, traditum fuit. Is tamen, priusquam obsidionem solueret, de aliquot nobilium virorum, qui secum erant, consensu atque consiliis periculum

Sauonen-
sum
eruptio in
Genuens.
castra.

Horundem
arctissima
bsidio.

In Senatu va-
riis sententiis
decertatur.

Genuens. reli-
cta obsidione
Sauonen-
si, tantummodò
rem naulem
prosequendam
statuunt.

facere

facere voluit, num sibi, oppugnatione iam instituta, potiundæ vrbis facultas aliquo modo daretur: ideoque confestim, instructis vndique cohortium cuneis, & summo cum impetu, maximoque animorum ardore admotis scalis, oppugnationem adorti sunt, eo certè successu, vt, cum acies ipsa ex arte & disciplina militari nequaquam esset disposita, & in ordinibus disponendis valdè peccaretur, cum summo dedecore & ignominia repulsi sint, adeò vt Præfectus, Senatusconsultum hac quidem in parte transgressus, re infecta, non sine perenni temeritatis nota, Genuam reuersus sit, vt quæ ad rem naualem pertinerent, summo studio ac diligentia procuraret, ac prosequeretur. Ceterum vix eo reuerso, multæ & graues Genuæ exortæ sunt inter promiscuam multitudinem, & populi feces, similtates & iurgia. Vrbs siquidem ipsa ob varias & inæquales fortunas rebus innouandis lubrica, facilè in partes & factiones, vt sæpenuerò contigit, deducebatur. Erant quippe non pauci, qui, dum nullis certis consiliis regerentur, sed solis affectibus ducerentur, nobilitatem aliosque potentiores calumniis & dictariis incesserent atque præscinderent, quòd causarentur, eos, ob priuata sua commoda, vel augendi honoris gratia obsidionem Sauonensem in longum productam, & segniter administratam fuisse. Quæ sanè plebis impuræ voces adeò erant assiduæ & intolerabiles, vt haud exiguos præstantes viros ad iustam indignationem & iram commouerint atque accenderint. Prætoris tamen sollertia & egregia feueritate cum singulari quadam humanitate temperata, concitatæ plebis animi magna ex parte sedati & mitigati sunt, ita vt postea de communi omnium consensu valida & præpotens classis adornata sit: de cuius quidem numero cum nihil certi ex veteribus Annalibus eruere potuerim, non habeo quod hîc dicam. Satis liquet, nullum illius ea tempestate vsum fuisse. Quoniâ vbi primùm Cæsariani Sauonam obsidione liberatam esse cognouère, destinatam in Liguriam profectionem, quasi superuacuum, vel saltem non vsque adeò necessariam, paulisper distulerunt, ita vt Ligustica classis iam parata & instructa, deposito omni metu, ac sui secuta, omnibus armamentis non sine graui discrimine denudata sit. Parum quippè abfuit, quin Genua, quòd classem suam citius quàm ratio temporis permetteret exarmassent, in summum periculum deueniret. Postero siquidem die ab eo quo classis exarmata est, primo diluculo in alto mari ad centum & triginta quinque hostilia nauigia conspecta sunt. Quòd si Cæsariani classem exarmatam esse sciuisent, quis dubitat, quin tali præbita ansa, aliquam insignem cladem ipsis intulissent? At Prætor, ad repentinum hostium aduentantium nuntium, illico hoc stratagemate vsus esse dicitur, quod sanè vniuersæ vrbi maximo beneficio extitit. Namque vt primùm hostilis classis cominus prospecta est, omnes milites iam exauctoratos, prout temporis breuitas concedebat, ad vrbein reuocari atque accersiri iussit: ipseque cum aliquot expeditis triremibus quamcelerrimè instructis, erecto Georgiano vexillo, cum his tam longè prouectus est, vt ab hoste facilè conspici posset. Ille, vexillo inspecto, veritus, ne ab vniuersa classe inuaderetur, longius sese obliqua nauigatione à continenti subduxit: Pisasque nauigatione conuersa, nihil sanè aliud eo quidem tempore moliri ausus fuit. His ergo artibus successibusque motus ac tumultus domi forisque coorti, paulatim deferbuerunt, sensimque extincti sunt. Superius diximus, statim post Cælestini quarti Pontif. obitum, magnam Romæ inter Purpuratos propter diuersa studia dissensionem animorumque distractionem enatam fuisse; nimirum quòd maior pars pro Cæsare staret. Reliqui verò Pontificum beneficiarij, his summoperè aduersarentur. Cum itaque nullum iurgis vel litibus modum statuerent, similtates planè effecerunt, vt per

Prætor Genuam cum ignominia & Sauonensium oppugnatione repellitur.

Dissidia inter populum & plebem.

Insigne stratagemæ.

Roma Ahatibia.

totum ferè biennium Romæ anarchia cum magno vrbis periculo fuerit. Cardinales enim Pontificis beneficiis deuincti, palàm profitebàtur, sese nunquam suffragia sua ad aliquem renuntiandum Pont. præstituros, nisi Antistites, ceterique sacri ordinis viri à Cæsariana classe, vti diximus, intercepti, & in vinculis habiti, pristinae libertati restituerentur, nimirum quòd hæc iniuria & contumelia, cum graui Apostolicæ sedis, ac planè Christianæ religionis iactura, & non leui periculo coniuncta esset. Proinde cum hanc curam vt è vinculis liberarentur, ad se mirum in modum pertinere existimarent, omnemque mouerēt lapidem, vt quibuscumque rationibus vel artibus, ipsos, etiam vel inuito Cæsare, veteri dignitati restituerent, graues proculdubio passim per vniuersam Italiam metuebantur tumultus, factaque fuisset haud dubiè, hac potissimum de causa, aliqua publicæ tranquillitatis labefactatio, nisi Balduinus Imperator Byzantinus, ea tempestate, quòd imperio aliquot suorum fraude excidisset, in Italiam Cæsaris aliorumq. Principum arma & suppetias, quò in regnum restitueretur, rogatum venisset: cuius tandem auctoritate & precibus Cæsar inflexus, omnes Pontificios liberari permisit. His in libertatem repositis, conuentus Ananix, Hernicorum vrbe vetustissima, celebratus est; in quo quidem communibus omnium suffragiis Innocentius quartus patria Genuensis, è nobili Flischorum gente, prisco Lauanix Comitum titulo insignis, Sinibaldus nomine, Pontifex renuntiatus fuit. Quod vt intellexit Fridericus Cæsar, haud perinde, vt erat hominum existimatio, lætatus esse fertur. Nam licet ipse superioribus annis gratia & familiaritate apud Cæsarem floruiisset, & aliquamdiu in eius aula versatus, inter intimos eius familiares crederetur; Cæsar tamen, vt erat exacto iudicio, & vir emunctæ, quod aiunt, naris, eius ingenium, ceu callidum & peruersum, valdè suspectum semper habuerat, adeò vt præstantissimis viris, sibi illius nouam dignitatem, quòd ipsum illi amicissimum existimarent, congratulantibus, hoc commune scomma de eo protulisse dicant; Honores mutant mores. perinde ac si non obscure olfaceret, quin tantam dignitatem adeptus, ex amico sibi inimicus euasurus esset: nec fefellit eum, prout euentus multis in rebus comprobauit, vaticinium. Statim enim ab initio Pontificatus nihil habuit antiquius, quàm Rempub. Genuensem miro verborum lenocinio adhortari, vt Romanam Ecclesiam propter Cæsaris potentiam & manifestam vim non mediocriter periclitatè, pro veteri Reipub. suæ instituto propugnare ac tueri pergerent. Interim de se omnia magnifica & splendida Reipub. pollicebatur. Curam etiam postmodum, quòd sibi valdè expedire videret, adiecit, vt sibi cum Cæsare bene conueniret: eaque de causa vtrimque per internuncios valdè allaboratum fuit. Sed frustrà, cum ipse Pontifex pertinaci quadam contèrione aliquot oppida Pontificij iuris à Friderico, vt prætendebat, occupata, repeteret. Quod sanè faciem atrocissimo breui pòst insecuto bello subdidit. Cæsariani namque Pontificis pertinaciam & ambitionem pertæsi, ipsum in Sotris oppido agentem, & arctissima obsidione pressum, in tantas angustias redegerunt, vt de salute sua valdè anxius atque sollicitus, Genuam per clandestinos nuncios cum Senatu egerit, vt summa cum festinatione eius beneficio aliquot nauigiis præsentì periculo eriperetur. Fieri enim aliquo modo posse existimabat, si sibi maturo auxilio succurreretur, vt incolumis euaderet. Quapropter Genuenses cum ad promerendā Pontificis gratiam, tum ad testandam integritatem fidei ac veteris obsequij, duas ac viginti triremes paulò antè, vt Ansaldi Marrij classi omnem Ligusticum sinum crebris excursionibus inquietantis, obuiam iretur, ductu sui Prætoris instructas, ad Centum cellas misere. De cuius aduentu Pon-

Pontificij, Bal-
duini Cæsaris
intercessione
pristinae liber-
tati à Fride-
rico Impera-
tore restitutum
est.

Innocentius
quartus Pont.
renuntiatus.

Rom. Pont. à
Cæsarianis
in Sotri oppi-
do obsidetur.

Idem Ligu-
sticum tri-
remum bene-
ficio elabatur,
& Genuam
venit.

tu Pon-

tu Pontifex certior factus, citra aliquam moram intempesta nocte cum summo silentio sex purpuratis & quibusdam aliis ex suis fidelioribus & intimis amicis comitatus, elusis obsecroribus, vrbe excessit, & Centumcellas concitatis equis profectus est, ibique conscensa triremi, mox ad portum Veneris, atque inde Genuam delatus est, vbi honorificentissimè, & cum totius ciuitatis effuso gaudio exceptus est. Ibi cum aliquot diebus constitisset, quia Galliam cogitabat, eaquæ vteretur valetudine, quæ nausæ maris, & nauigationis molestias ægrè perferre posset, terrestri itinere sibi Genua per Montisferratam in Gallias contendendum esse duxit. Senatus de eius voluntate commonefactus, ciuitatis Præsidi iniunxit, vt cum adiunctis sibi plerisque ex patriciis primæque nobilitatis viris, ad flumen usque Rhodanum deduceret. Pontifex summo honore ad Rhodanum usque deductus, quod vestigatione admodum defatigatus esset, aduerso flumine Lugdunum delatus est. ibi denique comitia celebravit, ad quæ multorum principum & populorum legati conuenire, & inter ceteros, Respub. Gentiens. Simonem Marenum & Hugonem Fliscum ibi oratores habuit. In quibus præter alia, quæ ibi profilio arbitrio ac voluntate constituit & ordinauit, Cæsarem quod nullis precibus vel exhortationibus ad restitutionem Pontificiarum ciuitatum adduci posset, pro veteri Pontificum instituto, anathematis fulmine impetiuit, atque ab omnium priorum cœtu eliminauit, omnibusque sacris interdixit: septemuiris etiam Germaniæ Principibus, quibus solis creandi Cæsaris ius & suffragatio cõpetit, liberam potestatem fecit, vt alium in ipsius Friderici locum crearent atque substituerent. His tantis iniuriis irritatus, ac supramodum ira inflammatus Cæsar, ne videretur tantam temeritatem impunitate confirmare velle, primum Mediolanenses, qui palam & apertè tunc temporis Pontificis partes & studia fouebant, summo apparatu bellico instructus, adortus est, quibus summa ferè rerum omnium difficultate laborantibus, Ligures, tanquam vicini ac socij, licet & ipsi grauissimo bello implicati, quingentos sagittarios auxiliares miserunt. Cuius quidem belli, Octobri mense suscepti, is tandem fuit exitus, vt Cæsariani diu ancipiti fortuna vsi, inferiores bello succumberent, ita vt multi eorum in hostium potestatem deuenerint, inter quos præcipuus fuit Encius Cæsaris nothus, cuius non semel facta est mentio. Sed non fuit hæc Insubribus victoria inertenta, at multo suorum sanguine redempta, plerisque eorum cæsis, & non paucis ex præcipua nobilitate Mediolanensium captis; adeo vt eandem ferè belli aleam & sortem cum vicis subirent. Nihilominus tamen facta est vtriusque, vt in bellis plerumque fieri solet, captiuorum permutatio, licet impari & planè iniquiore conditione ac fortuna Genuenses captiui habiti sint. Nam quod Cæsarianis essent antiqui & capitales hostes infensissimi, crudeliter, & quasi per exquisitos cruciatus contra bellum morem in eos sequitum atque animaduersum. Sunt enim qui tradant, omnibus Ligustici nominis militibus alterum oculum, ac etiam alteram manum præcisam. Quibus ita multatis, tunc demum factam fuisse ad suos reuertendi potestatem, horribili sanè & inaudito inter Christianos ad ea ferè tempora militiæ exemplo. Absolutò bello Insubrico, quia Parmenses pari temeritate & audacia cum plerisque aliis Galliæ Cisalpinæ ciuitatibus obstinatis animis Cæsaris imperium iugiter detrectabant, & ea propter cum Genuens. aliisque vicinis sese nouo fœderis & amicitiae iure deuinxerant. Cæsar ad suam dignitatem quam maximè pertinere arbitrabatur, si illos refractarios, quod ceteros etiam rebelles ac reluctantes exemplo deterreret, ab instituto retraheret atque in ordinem cogeret. Itaque post Fauentiam, quæ Pontifici fauerat, fame expugnata atque direptam, Bononiâque gra-

*Innocentius
Pont. Genuâ
Lugdunum
proficiscitur.*

*Lugdunensia
comitia.*

*Fridericus à
Pont. diris
impetitus,
impero
excutitur.*

1245.

*Cæsaris ad-
uersus Insub-
res expedi-
tio.*

*Friderici
seuitia in
Genuenses
captiuos.*

*Parmensis
obsidio.*

uiter afflictam, exercitum Parmæ admouit, eamque arctissima obsidione premere incepit, quæ ferè totum biennium non citra obsessorum graues calamitates & incredibiles molestias durauit. Et quoniam Innocentius Pontifex Lugduni concilio coacto, ipsi diem dixerat, Imperator, qui antea missis legatis tempus definiti commodius petierat, cum tandem intelligeret, sibi à Pontifice non modò sacris interdictum, sed etiam eius opera effectum esse, vt sibi à septemuiris Principibus imperium abrogaretur, ad Synodum proficisci constituit. Proinde Henrico iuniori, quem proregem Italiæ crearat, in Parmensi obsidione relicto, cum magna procerum atque illustrium virorum frequentia, nec paruo satellitio cõstipatus, institutam profectionem adornauit, & iam ad Taurinates vsq. accesserat: sed cum de Innocentij implacabili animo & molitionibus, deque clandestina ac perfidiosa Sanseuerinatum Principum ac nonnullorum aliorum ex Pontificis instinctu in necem suam conspiratione, deq. crudeli cæde ab exulibus Parmensibus Guelfis in Gibellinos ipsi addictos patrata, atque vrbe recepta, cognouisset, mutato consilio rediit in Italiam, atque accersitis ex Apulia & Calabria recentibus copiis, cum sexaginta millibus hominum armatorum Parmam obsedit, noua vrbe foris circumuallatam, quam Victoriā vocauit, nouoque numismate celebrauit in honorem Victoris martyris, cui, si vrbe potiretur, templum vouerat. Victoriæ vrbi conditæ omnia ea affuere quæ post Romani Imperij declinationem nulli vnquam Principes habuerint, nullaque postmodum ciuitas simul viderit, vtpote vestis varia & pretiosa, animantes feræ cicuresque diuersi generis, elephantes, dromedarij, pantheræ, pardi, vrsi albi, leones, lynces, molossi, bubonesque barbari, quos ex Africa, Asia, & Ægypto, legati Friderico adduxerant; hominum portentosæ formæ, & in iis Saracenicus miles, illi in primis acceptus. tanta præterea incolarum frequentia, commerciis etiam multarum gentium aucta: & cum in ipsa ciuitate, tum in castris, tanta fuit annonæ ceterarumque rerum ad vitam necessariarum copia, vt nihil ad amplissimæ vrbis formam atque adeò felicitatem deesset. Hanc etiam fossa & vallo ita alto atq. profundo cinxerat, vt difficulter irruptio ab oppidanis fieri posset. Ceterum post diuinam & durissimā obsidionem cum auxiliis, quæ à plerisque fœderatis, & potissimum à Genuensibus, qui fermè quingētos peritiss. sagittarios ad obsessos præsidio miserant, iuuaretur, noua virium accessione aucti, animisque incredibiliter confirmati, eruptionem in Cæsarianos palantes, atque in alta securitate positos, tanto impetu fecere, vt eos, post non mediocrem pugnam, dissipatis ordinibus in turpem & ignominiosam fugam conuerterint, adeò vt qui prius summa omnium rerum pænuria laborabant, hostilibus prædis regioque thesauro ditati, rerum omnium abundantia diffunderet, Victoriāq. ciuitatem incenderent. Dum hæc Parmæ geruntur, Andreas Marius, Anfaldi, vt sæpe retulimus, filius, cum explorasset, Genuens. portum solita classe esse destitutum, cum viginti triremibus bene instructis de improviso illum ingressus est, eo animo & consilio, vt ipsam urbem aliquo singulari detrimento afficeret. Verum, cum litteris nonnullorum Cæsari fauentium esset commonefactus, ne temerè aliquid aggrediretur, quod iam ex Senatus decreto maiori ex parte classis esset comparata & instructa, veritus, ne in aliquod periculum incurreret, se Sauonam intra solitas suas munitiones recepit. Et quia classis Cæsarea tunc temporis erat solito longè minor, & planè huiusmodi, vt cum hostili congredi non auderet, ipse, vbi primùm Sauonam delatus est, vnā triremem Pisas imploratum suppetias ablegauit, quæ à Ligure conspecta, tanta celeritate insecuta fuit, vt, licet miris gyris tergiuersari & euadere

*Vrbs Victo-
ria à Friderico
condita.*

*Cæsariano-
rum clades.*

evadere conaretur, elabi nequaquā potuerit, sed summa necessitate in continen-
tem impulsa, non ita procul à Varagio oppido, omnibus qui ea deuehebantur,
captis, in hostium potestatem deuenit. Interim adornatam Genuæ classē illius
Præfectus eduxit, vt Cæsarianam classē Sauonæ stationem habentem ad-
oriretur. Verūm, quòd hostis pro sua veteri consuetudine sese intra vallum &
munimenta contineret, ita vt nullis incommodis affici posset, post aliquot ex-
cursiones, postliminiò Genuam rediit: & classē cū summa festinatione com-
paratam exarmarunt. At ciuitate magna annonæ pænuria laborante, Senatus
veritus, ne propter vicinam hostilem classē in maiores angustias conijceretur,
ad omnem præcidendam ansam decreuit, vt iterum omni studio & diligentia
quatuor ac viginti triremes expedirentur, quibus in Galliam Narbonensem aliq̃
circumuicina loca annonæ subleuandæ & comitatus importandi gratia enauig-
gatū est. In hoc rerum tractu portus Veneris incolæ haud procul ab eo sinu Nea-
politānam triremim conspicati, quæ rectā Sauonam cum nouo militum supple-
mento contendebat, tanto impetu & apparatu adorti sunt, vt eam expugnaue-
rint, & ceperint, sic, vt præter captiuos, qui supra ducentos fuisse dicuntur, haud
exiguam prædam retulerint. Cæsar, statim post acceptam in obsidione Parmensi
cladem, veritus, ne in Sicilia, aliisque sui Imperij prouinciis ob rem infeliciter
gestam, à Liguribus, quibus cum assidue bellum gerebat, aliquid incommodi
acciperet, omnes inibat rationes, quibus rerum suarum statum componeret, &
Ligurum consilia exploraret ac præueniret. Quamobrem cū nihil ea quidem
tempestate, consultius sibi videretur, quàm vt eos domestico bello implicatos,
ab omnibus externis expeditionibus retraheret, magna calliditate Lunigiani &
Caferoniani agri incolas, simulque Carretinum regulum, ac Vbertum Palauici-
num, multosque alios insignes viros, sui nominis studiosos, tantis artibus ac in-
dustria aduersus illos concitauit, vt eos inter se non mediocriter committeret. Et
quò maioribus eos difficultatibus intolueret, Neapoli quinque ac viginti navi-
giorum supplementum fieri iussit, vt sinus Ligusticus securius atque validius per
Andreā Mariū sui supremi Præfecti filium infestaretur. Pari diligentia & in-
dustria Genuæ allaborabatur, ne aliquid detrimenti à Cæsarianis acciperent. Ve-
rūm, quia illis de milite non erat vsq̃ adeò bene prospectum, Amicum Stregiam,
cognomento Porcum, Ioannemque Turchium in agrum Placentinum summa
celeritate expediuere, vt nouo habito descriptoq̃. delectu, militem, ceteraque ad
bellum opportuna cōscriberent ac præpararent. Quo facto, omnia loca finitima,
quæ hostilibus iniurijs exposita erant, acri & validò præsidio cōmuniuerunt. Et
quia exules, qui Gibellinam factionem sequebantur, indies in gratiam Cæsaris
aliquid contra patriam moliebantur, & indigenas ad defectionem subinde solli-
citabant, Senatusconsulto auctoritate Pontificia confirmato, decretum fuit, vt
omnia ipsorum bona, & facultates fisco addicerentur, & in publicum ærarium
redigerentur, ipsique, ac illorum posterius omnibus dignitatibus publicisque mu-
neribus exuti, proscriberentur. His tantis iniuriis cum grauissimo damno cō-
iunctis, ipsi supramodum exacerbari, planè effecerunt, vt omnia Reip. machina-
menta ac bellici apparatus parum prosperè succederent. Ceterū, & si clades ad
Parmam recepta, fuisset Cæsari omnino grauis & molesta, tantum tamen non
potuit, vt animum eius, alioquin infractum & excelsum, prosterneret, vel lan-
guefaceret. Nam cū se videret vndique Pontificiis insidiis ac telis esse exposi-
tum, & propter duarum funestarum factionum diuersitatem totam Italiam ad
arma esse concitatam, ita vt vtraque factio virtutis gloriæque loco duceret, si ad

*Gibellini pa-
tria ac boni
multantur.*

ostendendum in signe factionis studium maximè in alteros fauaret, his aliisque de causis cōmotus Cæsar summa cum celeritate reparatis viribus, ipse Parmam, uti ex præcipuis scriptoribus videre licet, ex vna quidem parte ad deditionem compulit, ex altera verò duce Encio filio oppugnauit Bononiā; Vmbria enim, & tota ferè Etruria ipsius sequebantur partes, exceptis vnis solisque Florentinis, apud quos tamen deinceps tantum inualuit Imperatoris auctoritas, ut Guelfos, Pontificiarum partium sectatores & propugnatores, sponte in eius gratiam eiicerent, ipsum tamen in urbem suam non admitterent. Obsidio Bononiensis hunc ferè exitum habuit, ut Encius ipse ab obsessioribus prælio superatus, viuis in hostium manus & potestatem deuenerit, apud quos in vinculis post annorum viginti duram captiuitatem, ut monumentum, quod adhuc Bononiæ extat, testatur, mortuus est. Cæsar, intellecta filij captiuitate, & improspere rerum ad Bononiam gestarum successu, videntisque se non solum ab amicis, quorum ferè voluntas cum fortuna mutatur, sed etiam ab ipsa fortuna, qua hætenus prospera & placida usus fuerat, deserui, prætereaque non obscurè subodoraretur, vitæ suæ insidias per veneficia aliasque occultas artes strui, in Siciliam reuerti statuit, adedò ut hoc ferè pacto feruentissima bella, quæ diuturno tempore nō modò ipsam Italiam, sed totam ferè Europam miris calamitatibus inuoluerant, breui temporis tractu consopirentur & extinguerentur. Florebat eadem tempestate hac in Rep. magis solito Flischorum gens, cum summis per se opibus, tum etiam longè maiori quàm antea auctoritate subnixa, propter Innocentium quartum recens ex sua familia in nouum Pont. creatum, ita ut cum summum ferè rerum omnium arbitrium atque potestas penes eos esset, factum fuerit, ut propter affinitatem, quæ sibi cum aduersæ factionis patriciis eo tempore à Senatu, uti demonstrauius, proscriptis & pro hostibus iudicatis, non paruæ similitudines atque odia enascerentur, quæ cum indies diuersis modis & studiis alerètur, aliquandò in maximam Reip. perniciem eruptura videbàtur. His ut maturè obuiam iretur, & ne vltèrius tacita contagione serperet, à Senatu summa cum diligentia, interposita sua auctoritate, sic planè allaboratum fuit, ut reconciliatis animis, in pristinam & mutuam gratiam redirent. Et quia illorum qui Gibellinæ factionis erant, bona fisco adiudicata diximus, Senatus huius controuersie iudicium atque arbitrium Pontifici ipsi permisit, de cuius postmodum voluntate & intercessione proscripti exules patriæ pristinisque suis fortunis restituti sunt, accepta non exigua ex publico ærario pecuniarum summa, quod se quererentur, multis incommodis ac detrimētis, durante bello, fuisse à suis affectos. Hoc modo veteres istæ ac diuturnæ controuersie, quæ publicam tranquillitatem non parum interruperant, ad tempus consopitæ atque compositæ. His rebus ita per Liguriam cōstitutis, Fridericus, cum in Siciliam, uti meminimus, proficisci vellet, in itinere ardentissima febre ex propinato, uti ferunt, veneno correptus, in arce quadam Apuliæ, vulgò Firenzola, vitam cum meliore cōmutauit. De genere mortis multi scriptores inter se variant. Maior tamen pars huc decurrit, ut affirmant, Manfredum eius filium spurium, ex eadem Blanca Marchionissa Montisferrati, cuius superius mentionem habuimus, genitum, Tarenti Principem, & Siciliæ regem designatum, cum medicorum diligentia vis veneni retusa aliquantulum & debilitata, non leuem spem de conualescentia præbuisset, tanta fuisse impietate ac inhumanitate, ut iniecto in os paternum sacrilegis manibus puluino, eum suffocasse, imitatum, uti puto, Caium Caligulam, qui Tiberium Cæsarem simili mortis genere, ut refert Suetonius, sustulit. Fato autem concessit Idibus Decembris anno à partu virginis supra mil-

Parme dedito.

Encius Friderici filius à Bononiensi capitur.

Proscripti exules patrie restituntur.

Friderici Imp. mors, et ingenuum.

lesimum

lesimum ducentesimū quinquagesimo; à mūdi verò initio, quinquies millesimo ducētesimo duodecimo, ætatis suæ anno LIII. Imperij xxxiii. Cadaver eius Panormū transtulit Archiepiscopus Panormitanus, & sepulchro ibidē porphyretico cōdidit, licet aliqui existimēt, Manfredū, suspicionis à se remouendæ causa, id procurasse. Hic fuit exitus Friderici secundi, Principis summis illis omniū temporū heroibus annumerandi, qui cū virtute & gloria bellica eruditionē coniunxerunt. Ingenio siquidem tanto fuit, vt, præter patriam linguam, Germanicā scilicet, plurimas alias exactissimè didicerit, Latinam nempe, Græcam, Saracenicā, Gallicam, Italicam, & in singulis Philosophiæ partibus non tantum rudimenta degustauerit, sed fontes ipsos intropexerit, & exhausserit: virosque doctos tanto in honore ac pretio habuit, vt de horum consiliis ac sententiis pleraque tempore pacis & belli instituerit, administrauerit, & in controuersis pronunciauerit. Multa sapienter in imperio constituit cum de feudorum vsibus, tum alia, quæ xi. capitibus distincta, Codici Iustiniani sunt inserta. Et ne videretur ociosè, vel frigidè literas & studia tractasse, Neapoli Academiam condidit, & alibi, antè constitutas, exornauit & amplificauit. Hactenus plæclara eius instituta, & eximias virtutes recensuimus. Ingenij mores omittendos minimè existimo. Animo itaque fuit magno & excelso, inque periculis intrepido, in vtraque fortuna constans & moderatus. In prælio acer, ac prouidus, manu pariter & consilio promptus, ac singularis munificentia. Has tamen egregias animi & corporis dotes, vti plerumque in maximis etiam Principibus vsū euenire consuevit, contaminarunt & obscurarunt, nempe sæuitia, qua, præsertim ætate iam ingrauescēte, promiscuè in plurimos vsus est, licet prius à crudelitate alienissimus videretur: ideoque porius aduersariorum pertinaciæ, atque hostilibus insidiis, quibus vndiquaque impetebatur, quàm eius naturæ hoc ascribendum censent, & libido immensa, qua ita flagrasse dicitur, vt præter gentis morem & consuetudinem, multas pellices apud se aleret ac foueret. Et hæc summatim de hoc præstantissimo Principe nūc dixisse sufficiat. Friderici subsecuta mors videbatur effecisse, vt Italia diuturnis bellis fessa, atque variis calamitatibus oppressa, aliquantulum respiraret, & aliqua pristina tranquillitatis species non immeritò speraretur, Quandoquidem Pontifex, sublato tanto aduersario, facilè nemine resistente, partes suas tuebatur. Et Ligures domesticis ac externis bellis non parum defatigati, nihil, præter otium & quietem, optabant. Proinde, reconciliatis populis, qui ab eis descuerant, atque in fidem reuocatis iis regulis, quibus cum, præteritis temporibus amicitia & necessitudo intercedebat, ab omni sollicitudine liberati maiori ex parte videbantur. Restabant Sauonenses, qui soli digni censebantur, in quos aliquid durius statueretur, cum ipsi statim ab huius belli initio Cæsaris fidem & studia essent secuti: sed cum post longam consultationem, & variarum sententiarum roagationem Patrum consilia in hoc prorsus consentirent, vt ad remouendam omnem vltioris belli ansam, aliquid temporum conditioni esset remittendum, omnium præteritarum rerum culpam sempiterna obliuione delendam esse duxerunt, ita merclè, vt anno eiusdem sæculi vno & quinquagesimo, condonatis præcedentibus erratis, ipsi pristino suo iuri restituerentur, & deinceps pro ciuibus Genuensibus haberentur. Pari liberalitate & humanitate, cum plerisque ceteris Ligustici nominis hostibus actum fuit. Vt verò hæc Reip. tranquillitas multo plenior & cumulatior esset, accessit renouatio pacis cum Venetis, cum quibus, tametsi iam per multos annos nullū omninò bellum intercesserat, cum tamen postremæ reconciliationis terminus effluxisset, eius instaurandæ gratia mutuas vtrinque

Friderici
secundi na-
tura & in-
genium.

Genuensium
clementia
erga Sauo-
nens. ac cæ-
teros. qui ab
eorum fide
recesserant.

lega-

*Pacis renova-
tio cum
Venetis per
decennium.*

*Innocentius
Pont. Ge-
nuam profi-
ciscitur.*

*Eiusdem
obitus.*

legationes habuerunt, & Veneti Senatus nomine Petrus Gradinicus & Iacobus Didorus oratores fuerunt. Genuensium autem, Hugo Fliscus, & Guido Spinula, destinati sunt; quorum singulari prudentia effectum est, ut in portu Veneris, ubi ex mutua consensione simul conuenerant, indutiæ in decennium constituerentur. In hac incredibile totius Italiæ lætitia, Pontifex Lugduno Massiliam, indeque Genuam secunda nauigatione præteruectus est, ubi eò amplioribus honoribus à Senatu atque ordinibus exceptus est, quo magis tum temporis Respub. ab omnibus ciuilibus ac externis bellis tandem conuicuerat, adeò certè, ut in eo excipiēdo nihil omninò prætermisum fuerit, quod ad regium splendorem & magnificentiam spectaret. Inde, paucis diebus interiectis, Mediolanum concessit, ut eam urbem, & Insubriæ populos in Ecclesiæ Romanæ obsequio ac fide constabiliret: mox Perusiam profectus, ibi aliquantisper substitit, donec scilicet audita Conradi filij Friderici Cæsaris, cuius proximè mentionem fecimus, morte, cōtractis tumultuariis aliquot copiis, quibus ex lectissima equestri nobilitate Neapolitana Duces præposuit, Neapolim venit; ubi à Manfredo Tarenti Principe, ac omnibus fermè totius regni proceribus honorificentissimè exceptus est: breuique temporis interuallo multas vrbes atque oppida Pontificiæ ditioni ac imperio adiecit. Ceterum hæc tantarum rerum inchoata, & proculdubiò ad optatum exitum perducenda initia, tantæque gloriæ cursus, immaturo ac repentino eius obitu interruptus est. Nam paucis post diebus, fatis concessit, anno salutis post millesimum ducētesimum quinquagesimo quarto, mense Ianuario, & Neapoli in Metropolitana Ecclesia, posteaquam rebus sacris summa cum dignitate vndecim annos & dimidium præfuisset, tumulatus est.

DE BELLO VENETO

LIBER I



His bellis, quæ à populo Genuensi cum in Asia, tum in Europa diuersis quidem temporibus gesta sunt, ac præcipuè aduersus Pisanos, priuata quadam inuidia ipsorum potentiae ac virtutis æmulos, explicatis, ordo nunc exigere videtur, ut his etiam, quæ inter eosdem ac Venetos prælia contigere, annectantur, dum vterque populus pari æmulatione & studiosæ cōtentionis ardore incitatus, maris imperium sibi ambitiosè & assiduè vendicare conatur. Cum his utique non minus quàm cum priori hoste, vario & aëcipiti euentu, sæpe ac diu decertatum est, adeò ut difficile pronūciatu sit, penes quos minori cum periculo, vel dispendio, victoria crebrior constiterit, præsertim cum sæpe alternatis fortunæ ictus ambæ partes expertæ fuerint, quippè quibus, Clodia capta, diuturna quæ, & arcta obsidione circumfessis, ac veluti faucibus oppressis, necessitas expresse, conditiones pacis à Genuensibus bello tum quidem superioribus, ac tanquam victoribus, suppliciter petere. Priusquam verò hæc narrare incipiam, sermone paulò altius repetito, breuiter ostendam, unde primùm odiorum simultatumque semina emanauerint, & longa postmodum propagine progressa, originem traxerint: quo facto, deinceps ad instituti operis enarrationem oratio relabatur. Innocentio huius nominis tertio Romæ supremum Pontificatum gerente, Balduinus Flandriæ Comes, cum plerisque proceribus atque dynastis, & inter ceteros quidem cum Ludouico Blesensi, Henrico D. Pauli & Ioanne Brennæ Comitibus, Bonifacio Marchione Monferratenfi, & Ludouico Allobrogum Duce, societatem ac foedus contraxit, eo consilio, ut in Asiam traicerent, suasque cōmunes vires in Turcas conuerterent. Verùm quia intelligebant, in ea expeditione Venetorum operam sibi maximo adiumento, planeque necessariam futuram esse: cum eis de iiciendo foedere cōmunicatis consiliis decreuerūt, ita ut ipsis postea in amicitiam & rerum communionem acceptis, certis sub condicionibus inter eos transactum & pactum sit, ut inter reliqua, quaecumque ex hoste loca occuparent, dimidium Venetis rata portione cederet. Quibus rebus ipsi contenti, ex communi Patrum Senatusque decreto classis instructa est: quæ, ut aliquorum Annales referunt, ducentarum & quadraginta nauium, & sexaginta triremium, maximo bellico apparatu instructarum, adiectis septuaginta onerariis, & centum viginti anciliis fuit: sic enim Veneti nauigia conuehendis equis opportuna, Græci vernaculo gentis idiomate Hippagones vocant. Et ne tam præpotens classis suo duce careret, Senatus Venerus ad suam dignitatem mirum in modum pertinere arbitratus, si illi Ducem & Imperatorem imponeret, qui tanto imperio sustinendo par esset & idoneus, Henricum Dandalum omnium iudicio dignum iudicarūt, qui huic oneri par, ac tam arduæ prouinciæ capax destinaretur. Per idem ferè tempus, Byzantij Andronico Comnæno sæuissimo tyranno crudeliter interfecto, Isaaius Angelus è gente Comnæna, qui Angeli vocabantur cognomine, (nam reliqua Comnænorum stirps iam extincta erat) vir summæ iustitiæ ac æquitatis, necnon Christiani nominis amantissimus, ex communi omnium procerum consensu Cæsar designatus est. Hic, ubi aliquamdiu feliciter imperasset, à fratre Alexio, qui erat minor natu, non minus crudeliter, quàm perfidè, luminibus orbatus, & in vincula

Balduini
Flandriæ Co-
mitis Con-
stantinopoli-
na expeditio.

Eiusdem fo-
deris cum Ve-
netis.

Potentissima
Venetorum
classis.

Isaius An-
gelus à fra-
tre Alexio
in vincula
conicitur.

cula

cula coniectus est, vbitam diu detentus fuit, quoad filius Alexius, qui Gallorum ac Venetorum auxilium supplex & gemebundus implorauerat, patrem precibus lacrymisque tandem obtinuit, sed carcere post diuturnam captiuitatem eductus, longo nidore tristissimæque custodiæ situ mirificè debilitatus, licet pristinam libertatem recuperasset, accedente tamen grauis aëris intemperie, paucis diebus in morbum incidit, pauloque postea extinctus est, adeò vt post breuem temporis decursum ob insignes tum animi corporisque dotes, tum verò præcipue ob præclaram in patrem ostensam atq. probatam pietatem, communibus votis Cæsar expeteretur, & Gallorum Venetorumque armis suffragantibus, Imperator diceretur, cum quibus, in perpetuum beneuolentiæ & amicitiae argumentum, fœdus antea fanciuerat, ea certè condicione, vt Patriarcha Byzantinus Romano Pont. tanquam maiori pareret, & damna Francis Venetisque illata, prima quaque data occasione, rependeret atq. sarciret. Qui cum rerum quas promiserat, satageret, datamque fidem liberare enixè contenderet, à Murziphilo quodam viro ignobili, ac de mediæ plebis fece, à plerisque Myrtilo vocato, paulò antè ad summum dignitatis gradum à demortuo Cæsare deuecto, cuique vt tutori res suas omnes vitamque concrediderat, admodum adolescens, vtpote qui vix ex ephelis excesserat, mense post restitutionem vix exacto, per fraudem & dolum innocenter & inhumaniter enectus est. Interea verò Murziphilus imperio per vim ac sæuitiam occupato, vrbeque Byzantio amissa, cum intempesta nocte cum vxore & pellicibus ac thesauro clam aufugeret, paulò post celeri nauigatione in Peloponnesum delatus, Constantinopolim retractus, postremum verò, postquam ibi nonnihil substitisset, per insidias captus est, atque per summam ignominiam & cruciatus miserè, vt par erat, interiit. Erutis enim oculis, & in accliuem locum deductus, ex eminenti saxo in præcipitium, Romano quodammodò more, datus est, dudumque, volutato prius ipsius cadauere, per omne ludibrij & cõtumeliarum genus, non antea cessatum fuit, quàm per frustra discerperetur, vindictibus ipsis diis, qui malè partum imperium pessimo fine infaustoque exitu obsignarunt. Vrbis tandem post duodeseptuaginta dierum perpeßam obsidionem, à Gallis Venetisque recepta, vbi in potestatem redacta est, quindecim viri creati sunt, quibus Cæsaris eligendi facultas permetteretur, ea condicione, vt si Gallicæ nationis Augustus crearetur, Veneti darent quem ipsi vellent suæ gentis Antistitem. Veneti ex electorù numero quinos dedere, & D. Pauli Comites totidem, Montferratenfis & Allobrogum Duces ceterum numerum impleuere. Horum suffragiis summaque cõcordia Balduinus ex Belgio oriundus, Imperator, & Thomas Maurocenus ex Venetis, Antistes vrbis designantur, qui postea Balduinum Cæsarem diademate ceterisque insignibus Augustalibus exornauit. Hoc autem imperium Galli annos circiter septuaginta, siue, vt aliis videtur, sexaginta tres retinuerunt, scilicet vsque ad vltimum Balduinum, quasi fato euenisset, vt quem admodum à Balduino auspicia regni cœpissent, sic in Balduino, Græcis, duce Michaële Palæologo, statum pristinum recuperantibus, conciderent. In hoc autem Palæologo duæ præclarissimæ domus Constantinopolitanæ, Lascarorum scilicet, & Palæologorum, commixtæ, diuersa fortuna, altera defecit, altera verò ad summum felicitatis gradum euecta est, & vsq. ad Constantinum octauum & vltimum eius familiæ floruit, ad annum videlicet supra millesimū quadringentesimū quinquagesimum tertium, eaque ex Italia, adeoque Viterbo ipso, Etruriæ ciuitate haud sanè ignobili, quæ olim Veiusa nuncupata, tanquam trium vrbium septa vel mœnia in se complectens, originem traxisse, nonnullis placet, & con-

tinuata

Isaaci filius
Cæsar re-
nuntiatur.

Idem à Mur-
ziphilo in-
terficatur.

Murziphili
cades.

Byzantiū à
Christianis
receptum.

Balduinus
rex Cõstan-
tinopolis de-
signatur.

Græci, duce
Michaële
Palæologo,
imperium
recuperant.

Palæologorū
familiæ un-
de genus
traxerit.

tinuata quadam serie ex hac Cæsares imperio Constantinopolitano dati sunt, annis circiter centum nonaginta quatuor, donec tandem refrigescente pristina illa virtute pietateque Christiana, omnia segnitie quadam & diuersis studiis in deterius labi cœperint, sic vt florentissimum Græcorum imperium in Turcorum manus & potestatem deueniret, anno prædicto, quarto Cal. Iunij, quo tempore incidit clades Constantinopolis, postquam hoc vetustissimum imperium mille cētum ac nonaginta amplius annis incolume steteret: cuius certè maxima inclinatio potissimum sub Nicolao V. Romano Pont. & Friderico tertio rerum portiente facta est. Vt autem hoc imperium à Constantino Magno, Helena matre genito, qui hanc urbem è ruderibus & nobilissimæ antiquitatis fragmentis planè nouam refecerat, miroque ornatu extruxerat, initium habuit; sic sanè in Constantino octauo, cui mater fuit eiusdem nominis Helena, desijt: quod quidem videtur non carere admiratione, præsertim cùm fatali quadam vi vnus imperij ortus & interitus sub duorum Principum longa temporum serie inter se distinctorum, cognominibus matribus inciperet ac interiret. Balduinus, Gallicis, Venetisque armis recepto Byzantio, ac deinde omnibus aliis locis eius imperij, excepta Hadrianopoli, in suam ditionem redactis, omnes insulas quæ in Ionio & Ægæo mari continebantur, Venetis ex fœdere adiudicauit. Cùm autem Creta insula Bonifacio Montferratensi ab Alexio paulò antè attributa esset, Balduinus ad semouendam litem, planeque tollendam omnem contentionem, vtque sociis pacta rata essent, & ex fide persoluerentur, Bonifacium Thesaliæ regem declarauit: insulaque Venetis tradita, qui eius loco ingentem auri vim, atque amplissima munera ipsi Montferratensi tradiderunt. Ceterum anno millesimo ducentesimo sexto, Henricus cognomento Pistator, Malliacæ oræ Princeps, hanc Venetis ademptam, suo imperio adiecit. Qua iniuria ipsi supramodum concitati, protinus validissimam classem ad eam recuperandam ductu & auspiciis Reinerij Danduli emiserunt. Qui primo appulsu Candiam, urbem hodiè celeberrimam, ac totius insulæ caput, & velut emporium, recepit, & mox pleraque alia oppida & arces pari fortunæ successu recuperauit. Malliacus interea, cùm se Venetis aduersarijs longè inferiorem animaduerneret, ita vt facile superari, & ad internecionem deleri posset, Arnaldum Balduinum Genuam ad opem implorandam destinauit. Patres, audita legatione, de sua gloria, simulque socij & confœderati, ac etiam de se in Syracusana expeditione, sicuti antea retulimus, quàm optimè meriti, salute ac dignitate non parùm solliciti, ac valdè verentes, ne hoc modo bellum cum Venetorum satisfactione & gloria in Asiæ partibus restingueretur, quò illorum aduersarium in spem bene gerendæ rei erigerent, ipsum aliquot nauigiis subsidiariis instruxerunt, & adiuuarunt; quorum præsidio innixus, continuo Venetæ classis Præfectum adortus est, eo quidem exitu, vt tandem ex hoste insignem victoriam retulerit, adeò vt præter ceteros, ipsemet nauarchus in eius potestatem deueniret, quem dicunt, paucis post diebus, in carcere, vbi asservabatur, extinctum, licet à quibusdam in litteras relatum sit, ipsum, dum strenui militis & magnanimi ducis munia exequitur, telo transfixum, atque ita è viuis subtractum esse. At Veneti, quibus pertinaci animi decreto etiam cum summo vitæ fortunarumque omnium dispendio constitutum erat, mordicus illam insulam ad extremum vsque vitæ spiritum retinere, rursus præpotentem classem coegerunt, atque armarunt; cuius ope, haud multò post, quæcumque prius bello amiserant, strenuè armis recuperarunt, & Malliacum, quem norant, multorum Procerum gratia & beneuolentia sibi comparata, indies nouis turbis populum,

Clades Constantinopolis.

Creta insula à Balduino Venetis tradita.

1206.

Bellum inter Venetos, & Henricum Malliacæ oræ Principem.

Malliaci victoria aduersus Venetos.

Eiusdem clades.

pulum, suapte natura ad seditionem nouaque studia prouum, ad defectionem sollicitare, hostiliter insecuti, extremam eius perniciem atq. excidium omnibus modis & rationibus procurabant. Ipse verò tametsi animo erat infractio ac excelfo, nihilominus tamen priuatis suis viribus prorsus diffidens, anno supra millesimum ducentiesimum decimo Genuam auxilia imploratum venit, eumq. Respub. Senatusconsulto tanquam socium & veterem amicum, non solum amplissimis honoribus excepit, sed etiam tempore tam necessario contra tam potentem hostem armis aliisque rebus ad bellum necessariis fouendum sibi statuit. Quod nemini mirum videri debet, cum hic populus semper fuerit adeo humanus & hospitalis, ut quotiescumque usus ferret, nulla habita sumptuum, vel periculorum ratione, socios & confœderatos constantissima cum fide semper iuuerit. Accedebat etiam ad Senatus pristinam beneuolentiam artificiosa atque diferta Malliaci oratio, quam in ipso Senatu locupletissimam, atque grauissimis innixam rationibus habuisse fama est. Ostendebat enim, quibus potissimum mediis Venetorum potentiam in Syria labefactari, & Barbarorum imperium, quod indies magis atque magis ex nostris dissensionibus crescebat & dilatabatur, excindi posset, adeo profecto, ut Senatus eius verbis haud mediocrem fidem haberet. Porro cum non fuitiles vel steriles adferret rationes, sed de re tanta grauius atque disertè differeret, facilè intellexere Patres, cum quanto Reipub. sive dispendio ac detrimento Veneti in partibus Orientalibus, opibus atque potentia praeualerent. Hæc & similia ab eo allata, sapienterq. disputata, non parum commouebant Senatum ut illi suppetias decerneret, sic ut ipsum laudatū, & bono animo esse iussim, honorificè dimiserint. Ceterum bello cum Pisanis renouato, Pontifex per suos internuntios apud vtramque Rempub. anxie procurabat, ut constitutæ pacis memores, quietem publicam non perturbarent. Qua de causa Senatus Genuensis, ne temeritate aliqua peccaret, neue Pontificis animum ad pacem publicam custodiendam intentum, aliquo pacto irritaret, operæpretium se facturum existimauit, si, priusquam Malliacus sociis armis instrueretur, legatione missa, Venetorum animos pertentaret, atque illos ad pacem adhortaretur. Postquam igitur Oratores, qui ad illorum consilia & sententiam explorandum ablegati erant, reuersi sunt, Venetorum animos ita ab omnibus pacis conditionibus abhorre dixerunt, ut præ nimia impotentia quadam animi sibi temperare nequiverint, quin manifesta signa implacabilis aduersus Genuenses odij apertè præberent, adeo ut Senatus, intellecta illorum peruicacia, neutiquam Malliacum deferendū esse statuerit. Quin potius, nulla mora interposita, ipsum octo triremibus & quatuor nauibus, omnibus rebus ad eam militiam pertinentibus quàm optimè instructis ac præparatis, adiunxit, sic ut Malliacus Genuensi præsidio firmatus, atrocissimum bellum in Venetos restaurauerit. Huius rei fama ubi primū ad eos perlata est, Senatusconsulto habito, summa celeritate Ioannes Triuisanus cum nouem nauibus omni bellico apparatu exornatis, ad eius conatus inhibendos amandatus est. Porro ex hac Genuensium erga Malliacum propensione, ac præstitis auxiliis, initium atque originem habuerunt funestissima & cruentissima illa bella, quæ deinceps inter vtramque gentem variis temporibus cum maximo vtriusque detrimento & calamitate subsecuta fuerunt: & ita quidem veteres Genuensium Annales referunt. At Venetarum rerum scriptores, in primis verò Sabellicus, istæ diuersa narratione commemorant, atque aiunt, mutæ discordiæ atque dissensionis causam ex sola imperij æmulatione ortam esse, adeo ut Ligures, ex quo Creta insula Veneto nomini cesserat, nunquam cogitare

Malliacus
Genuam
proficiscitur.

Exemplum
singularis hu-
manitatis.

Genuens. le-
gatio ad Ve-
netos.

Genuens.
Malliaci sup-
petias ferunt.

Initium &
origo belli in-
ter Genuens.
ac Venetos.

gitare destiterint, quibus artibus ac studiis Venetos ex illius possessione deturbarent, vixque illam per suæ gentis homines Veneto præsidio firmatam fuisse, cum ipsi aliquot ad id nauibus instructis, eò ablegatis, & in his Leone Ventrano rei maritimæ peritissimo, qui cum largitione, tum variis pollicitationibus prouincialium animos ad se pellicere tentaret. Hunc autem in sinu Hadriatico interceptum, statim Corcyram perductum, ibique ignominiosa morte, quippe cui laqueo gula perfracta sit, extremoque supplicio affectum. At Genuenses ad eam iniuriam vlciscendam, utque insula commodius atque facilius potirentur, Malliacum ad eam inuadendam perpulisse, ipsumque Ligusticis opibus fretum, vniuersam insulam debellasse ac in suam potestatem redegissee, indeque postmodum hostilibus animis omnia inter eos gesta, donec tandem Venetiam receperint, & mox, ut insulares in fide atque obsequio retinerent, ipsos sub Petro Ciano, qui Dandulo in Principatu successerat, noua præsidia & colonias, equitibus ex patriciorum ordine, peditibus verò è plebe selectis, quibus eius insulæ status constabiliretur, ad illum firmandum transmittendas curasse. Hoste nihilominus summa contentione ac pertinacia suos conatus prosequente, quamplurima damna vtrò citroque illata fuere. Vt cumque autem sese res habeat, hoc satis ex omnium veterum monumentis constat, ob res Cretenses animos vtrunque supramodum irritatos, nec multò post, acerrimis odiis ad arma decursum. In hoc rerum tractu qui Genuæ utilitati publicæ fauebant, cum Venetis agendum censebant. Prætor enim, multiq. alij nobiles viri, sapientia & consilij gravitate præstantes, magnas & probabiles afferebant rationes, quibus ostendebant, omninò ex usu Reipub. esse, ut honestis cõdicionibus cum Venetis transigeretur. Minimè enim indecorum sibi videri, ut qui priores iniuriam intulissent, eos etiam primos esse qui pacem & reconciliationem efflagitarent. Qua in re cum diuersis sententiis in Senatu certaretur, vicit tamen ea pars quæ Venetos ad concordiam flectendos diceret: huiusque rei gratia, anno eiusdem sæculi XIII. Vbertum Spinulam, & Lanfrancum Rossium celebres viros, cum amplissima auctoritate ad eos misere. Quorum quidem singulari industria & rerum tractandarum peritia effectum est, ut tametsi pax tam repentino tempore ob multas, easque quidem graues, difficultates coire non posset, indutiæ tamen ad triennium agerentur. In quibus inter cetera cautum fuit, ut Henricus, cognomento Pistator, Malliacæ oræ Princeps, cuius aliàs mentionem fecimus, tanquam Reip. Ligusticæ socius in his indutiis comprehenderetur, & ut merces paulò antè ab ipsis Venetis in partibus Orientalibus ademptæ, citra aliquam recusationem vel fraudem suis dominis redderentur, sicuti etiam postmodum contigit. Ceterum indutiæ cum Venetis, uti diximus, transactæ, vix finitæ erant, cum hi, moræ impatientes, atque nocendi cupiditate ultra modum inflammati, associatis sibi aliquot Pisanis, Hellespontiacum sinum cum nonnullis nauigiis egressi, aliquot Ligusticas naues mercibus onustas, ac domum properantes, occuparunt, & subinde Genuensibus omnibus viribus ac studiis noua damna atque detrimenta inferre non desistebant. Quod sanè cum præter decorum Veneti nominis fieret, utpote indutiarum tempore nondum elapso, Respub., uti par erat, has nouas iniurias quam ægerimè ferebat, ideoque summa celeritate, ut hostilibus conatibus maturè obuiam procederet, rem naualem expediuit. At Veneti cum viderent sibi aditum ad nocendum esse maiori ex parte interceptum, socios & cõfœderatos Reip. infestare & inquietare non destiterunt. Proximè namque præteritis diebus nauem, ac duas triremes Alemanni Constæ Syracusani Comitæ, & Ligurum beneficiarij,

Leonis Venetiani mors.

Creta Venetorum colonia.

1213.
Alia Genuens legatio ad Venetos.

Indutiæ inter Venetos ac Genuens.

*Alemanus
Cōsta à Ve-
netis captus.*

in mari Cretico interceperant; in quibus cū ipse Consta esset, & sese occulere, vel e mentito habitu effugium quærere vellet, ab eis deprehensus, Venetias perductus fuit, atque ab eis malè mulctatus, sic mediusfidius, vt Ligures, hac potissimū recenti iniuria extimulati, & ad necessariam defensionem prouocati, quò commodiùs hostiles conatus atque ausus prohiberent, Senatusconsulto decretū sit, vt classis peropportuna, & reprimendis hostilibus iniuriis sufficiens & idonea adornaretur: Pontificis tamen interuentu, quem nil harū rerū latebat, ab instituto retracti fuerunt. Ipse enim, euocatis vtriusque Reipub. legatis Parmam, circa annum ferè millesimum ducentesium duodeuigesimum, mēse Martio, graui-

1218.

*Decennales
indutiae in-
ter Venetos
ac Genuens.*

bus ostensis rationibus, suaque interposita auctoritate, tantū valuit, vt vtrumque populum ad arma flagranter profuentem, in hanc sententiam pertraxerit, vt indutiæ inter eos ad decennium vsque constituerentur: quæ sanè vt integræ ac inuiolatae permanerent, & vtrunque cōseruarentur, sub anathematis comminatione vtrunque iniunxit, ne interea temporis vis vlla quoquomodo ab alterutro fieret, sed ab omnibus hostilibus conatibus, dolis, atque studiis, domi vel foris abstineretur. Harum verò indutiarum tanta vis exitit, vt inter vtramque gentem ab hoc tempore, vsque in annum eiusdem æui duodesexagesimum, nullum omnino bellum interceperit. Nam licet, post aliquot annorum volumina, ob mutuas quasdam dissensiones ac similtates parum abfuerit, quin ad arma concurretur; nihilominus tamen Pontificis interuentu & auctoritate anno trigesimo octauo pacis renouatio subsecuta est, quæ postmodum vsque ad annum octauū & quinquagesimum, vti diximus, firma atque illæsa permanxit. Cū autem illud pacti temporis spatium iam effluxisset, summo vtriusque partis studio & ardore maximus belli apparatus vndiq. conquisitus est, adeò certè, vt abiecta omni spe pacis, bellum in propinquo viderent. Proinde in tanta rerum omnium ibi perturbatione, Gregorius IX. qui inter ceteros Christianæ pietatis principes Asiaticā expeditionem mirum in modū vrgebat, cū has nouas turbas mirificè suis studiis, cōsiliisq. aduersari animaduertet, hoc vnū dabat operā, vt cōsopitis omnibus controuersis, ac reconciliatis animis, ad mutuā concordiam & gratiam redirent. Id verò vt commodius & minori cū labore ac tēporis iactura perficeretur, vtriusque Reip. decertantis Legatos Romam euocauit, & in primis quidem Genuensium nomine illuc profecti sunt Petrus Ventus, & Gulielmus Embriacus. Verū enim uerò cū rerum summæ viderentur esse huiusmodi, vt non citra grauem disceptationem, & exactam quandam consultationem expediri possent, conuocatis de more Patribus, Legati vtriusque partis postquam scorsum Pontificis animum intellexissent, summa fide & diligentia in ipso Patrum purpuratorum confessu ostenderunt, quantum Reip. Christianæ interesset, si de communi consilio Pontificisq. summa auctoritate, depositis armis, pax iterum introduci & stabiliri posset: quorum sanè orationis grauitate & belli periculo commoti ipsi purpurati, in primis verò Pontifex, communicatis consiliis, adhibi-

*Noue indu-
tie inter Li-
gures ac Ve-
netos.*

1237.

tionibus sub annum salutis supra millesimum ducentesium trigesimum septimum fecerunt, & Senatusconsulto sanxerunt, sic vt reuersis ad partes legatis, pacatis rebus, dudum tranquillitate fruerentur. Et licet multæ adessent causæ, quæ in disceptationem & controuersiam deduci potuissent; tamen nullæ verisimiliores & probabiliores tunc temporis ab vtraque parte ostendebātur, quàm quòd vtraque Resp. sese negotiis Græci Imperatoris immisceret: vnde certè fiebat, vt inter ipsos haud leues suspiciones orirentur, & postmodum graues simul-

tates

tates ac bella ingruerent. Quocirca ex vnanimi voluntate atque consensu inter eos constitutum est, vt neutra earum in posterum sine alterius consensu cum ipso Principe vlla consilia iniret, & siue de pace, siue de bello secū ageretur, id citra mutuum consilium nequiquam fieri posset: eoque consecuti sunt, vt longo temporis spatio ab armis vtrunque superfederetur. Et quò renouatæ amicitia maius argumentum extaret, mutuo decreto sancitum est, vt in ipsorum nauigiis vtraque pars alterius vexilla erigere obligaretur. Cū verò post aliquot annorum decursum, harum indutiarum terminus finiretur, vtriusque partis studio de perpetuandæ amicitia pacisque rationibus summa fide & diligentia allaboratum est: in cuius rei gratiam anno eiusdem sæculi LI. oratores vtrunque mitti placuit, Petrum Gradenicum, Iacobum Didorum, Hugonem Fliscum, & Guidonem Spinulam: quorum duo priores à Venetis, postremi verò à Genuensibus stabant. qui simul ac opportunis ventis in portū Veneris delati sunt, cōuocato cōcilio, ita inter eos conuentum & transactum est, vt decennales indutia, præstito vtrunque sollemni iureiurando, certa etiam sub pacificationis forma, constituerentur: quæ ne scio qua fatali vi ante præfixi temporis spatium violatæ fuerunt; quippe quæ vix ad sexennium ratæ constiterint. Cuius quidem violatæ pacis tempore nouæ similitates, vt plerumque fieri solet, ac inde noua iurgia & factiones, non solum in nostris oris, verum etiam sub remotissimi cæli climate, noua studia & commotiones excitatæ sunt, adeò vt totum planè terrarum orbem præpeditum & perplexum mirum in modum tenerent. Nam cū mare à myoparonibus aliisque piratis indies magis atque magis ob diuersa studia infestaretur, factum fuit, vt cum summa omnium negotiantium iactura extremisque periculis merces exoticae ad nos traducerentur; & si quæ, vt in commutatione rerum fieri consuevit, ad exteras, planeque à nobis semotas gentes mercimonia deferebatur, impunè quodammodò ab istis cursoribus & maris velitibus interciperentur. Ceterum, quò magis elucescat, quānam potissimum ratione effectum fuerit, vt tandem commotiones & turbæ præter omnium bonorum expectationem emergeret, lateque patentem postmodum campum occuparent, non alienum à nostro instituto fuerit, breuiter edocere, à quibus initiis tantum incendium tamdiu latè grassatum & peruagatum, originē traxerit. Duo erant totius Asiæ celeberrima emporia, quæ ob rerum omnium abundantiam & facultatem cæteris longè antecellebant: sed cū in diuersorum Principum essent potestate, factum fuit, vt, propter mutuæ potentia æmulationem, summas dissensiones atque conturbationes darent. Damietta enim Ægypti, florentissima ciuitas, ab ipsis barbaris sub ditione tenebatur; Christiani autem Ptolemaide potiebantur, cuius quidem vires & potentia ex ruinis Palæstinæ creuerant: Amissis enim Hierosolymis, sedes regia omniumque Asiaticarum Christianarum opum acerius in hanc urbem, ceu firmissimam tutissimamque rupem, translata fuerunt, ita vt esset omnium propemodum nationum, & præsertim Latinarum receptaculum & domicilium, eò magis, quòd tempore pacis, vel indutiarum, nulla esset natio tam barbara, vel peregrina, quin hanc urbem, mutandarum mercium gratia, non inuiseret & frequentaret; quippe cū in tantarum variarum gentium concursu, Æthiopes, Arabesque, propter locorum vicinitatem, magna copia indies eò confluerent & cōmigrarent: sicque factum, vt ex hac urbe, ceu ex omnium rerū foro venalitio, omnis generis merces postmodum ad Genuenses ac Venetos cōmoda nauigatione exportarentur. Galli postquam potiti essent sacro regno, acieus possessionem tranquillam retinerent, magnos, vtī superius demonstrauius, honores Venetis, nec certè in-

*Pax cum
Venetis firmata*

1251.

Bellum renouatum, anni

1258.

Causa militum bellorum inter Genuenses, Venetos ac Pisanos.

Ptolemaïs celeberrima Christianarum emporia.

feriores Genuensibus ob eorū præclara facta, contulere; sic sanè, vt Venetos dignos iudicarent, quorum nomini tertiam urbium partē attribueret: cuius honoris & liberalitatis parē rationem cū Pisanis ac Genuensibus habuere, ac per multas ætates constantissimè retinuerunt. Succedente tempore, rebusque Orientalibus diutina tranquillitate mirum in modum florentibus, cū ad Iolen, Brenni Hierosolymitani regis vnicam relictam filiam, & hæredem, auitum imperium, atque adeò regnum ipsum Hierosolymorum esset deuolutum, cū illa propter summas opes lateque amplam ditionem, raramque corporis atque animi pulchritudinem, à multis præclaris Principibus mirificè ambiretur & in matrimonium expeteretur, in tam magna dignissimorum & lectissimorum Principum inter se riuialium frequentia atq. concursu, Fridericus Augustus secundus, præ cæteris dignus, vt par erat, visus, cui coniugali vinculo neceretur. Nam licet essent plures qui forsitan iuuenta, vel corporis maiestate illi essent pares, vel etiam superiores; nemo tamen videbatur esse, qui tam ingentis atq. ardui momenti regnum rege orbatum, ac ipse, melius tueretur & protegeret, cuiusue viribus magis esset fidendum & standum. Philippus interea à Monteforti cōmunibus Principum suffragiis Ptolemaidis Prætor delectus fuit, conciliante sibi hanc gratiam antiquæ familiæ gloria, quæ summos bello duces summa cum felicitate totius Christiani Imperij progenuerat, omnemque ipsam Asiam, & Europam periculosissimis bellis flagrantem, ab ipsa quodammodò interneccione liberauerat. Quamobrem non mirum, si in tanta bonorum Principum & Ducum frequentia, hic vnus cæteris longè fauore & gloria præiret. Accedebat huc, quòd Brenna noua sponsa, Simoni Monteforti propter regis Angli sororem huic desponsatam, affinitate esset coniuncta, nimirum communi vtriusque Anglicæ stirpis confinio; nam Brenna ipsa ex Anglis materno genere orta, ipsum Montefortem propinqua affinitate contingebat. Interea temporis, proceribus Christiani orbis plerisque in locis propter dominia & prærogatiuas inter se decertantibus, etiam inter ipsos Venetos & Genuenses perpetua vtriusque gentis æmulatione, nouum bellum exarsit; & dum quisque sibi studet maritimarum rerum gloriam laudemque vendicare, multos Principes in diuersa, vt fit, studia deduxerunt, adeò vt Philippus, cuius nunc proximè mentionem habuimus, Genuensibus sese propensiores atq. æquiores ostenderet, licet vterque populus sub eius prætura in Ptolemaide suos apparitores, propria iudicia & tribunalia, ex quibus ius & leges diceret, areamque suam priuatam haberet; quandoquidem cū inter eos subinde variis de causis, iisdemque ferè inanibus atque profanis, exorirentur contentiones, postmodum euēnit, vt de sacris scilicet oriretur contentio; hanc potissimum ob causam. Erat in ipsa vrbe ædes D. Sabæ sacra, cuius septum atque aditum vterque populus sibi promiscuè attribuebant, tam magna cum æmulatione & studio, vt sæpius inter eos propter prærogatiuam, etiam in ipso templi aditu orirentur altercationes atq. dissidia, hinc iurgia & rixæ; & inde pedetentim, vt fieri solet, ad arma deuentum; tantisper tamen temperatum, donec Alexander quartus, qui rerum sacrarum Romæ potiebatur, pro ea quam in vtramque gentem, atque adeò in omnem Christianum orbem sibi vendicabat potestate, suo censeret decreto, fanum illud in altercationem deductum, debere deinceps, vt antea, vtrique genti citra aliquam nouam controuersiam esse commune. At Genuenses cū pro antiquo suo more celeritatem adiungerent, Venetos ipsos præuenientes, fanum occupant, ac illius septa & aditus vndique instar iustæ arcis præmuniunt, propugnaculis, telis, tormentis, aliisque instrumentis bellicis instruunt, Philippo ipso

Philippus à
Monteforti
præficietur
Ptolemaidis.

Contentio
inter Ligu-
res, ac Vene-
tos, etiam de
sacris rebus.

ipso non solummodò in re tanta conniunte, verumetiam, vt multi præclari viri sentiunt, clanculariũ subsidium subministrante, tanta certè cum perturbatione, vt distracta ipsa ciuitate in duas factiones & studia, Veneta nauigia omnia quæ tunc in portu ad ancoram cõsistebant, quamprimũ abruptis rudentibus, incisq̃ue omnibus impedimentis, in altum deferrentur, veriti ne repentino aliquo incurfu à parte æmula, vel ab ipsis oppidanis opprimerentur: quod quidem eo animo & consilio faciebant, vt prima quaque data occasione, acceptum incommodum illatamq̃. iniuriam strenuè vlciscerentur. Proinde partim quatuordecim triremium, partim longarum nauium (vulgò Galeatias vocant) egregiè instructarum classem expediunt: quam sanè classem dudum in Tyro vrbe celeberrima exornarant; licet sint aliqui, qui illam Venetiis fuisse instructam, atque Laurentij Theupuli ductu recens emissam velint. Paucis diebus interpositis, Ptolemaidem, secunda nauigatione vñ, peruenère. Sed postquam portus conspectui obuersiont, vbi intrandi potestatem sibi interceptam intelligunt, hac & illac in ipsius vrbis faucibus circumuagantes, hoc vnum præstare nitebãtur, vt catena, illa qua portus aditus recludebatur, refracta, per vim in portum ipsum deueherentur: quod cum semel atque iterum pertentaissent, tandem felici fortuna vñ, in portum penetrant, ac in eum summam impressionem faciunt, eo successu, vt duas triremes & viginti tres onerarias naues Ligusticas, quæ tum temporis in littore morabantur, diriperent, atque gubernaculis, aliisq̃ue instrumentis omnibus spoliatis & circumcisis, subiecta flamma, omnes ad vnum incendio absumerent. Fannum etiam eodẽ fermè temporis puncto summa celeritate inuadunt, & qua parte à Genuensibus munitum erat, diruunt & radicitus demoliuntur. At Ligures graui cum gemitu, necnon minore cum magna omnium animi consternatione tantam cladem præter spem intuentes, indignitate rei ipsius magis irritati, quàm territi, euestigio summo cum ardore ad arma concurrunt, sublatiq̃ue vocibus, dirum frementes, impetum in eos Venetos qui ibi paulò antè cum Pisanis fœdus icerant, tanta cum animi alacritate fecere, vt magna eorum pars caderet, misereq̃. deperiret. nec antea à cæde & strage temperatum, quàm inimicorum sanguine viderentur quodammodò exatiati, adeò profectò, vt teterrimam ciuitati ipsi propter fœdum iacentium cadauerum acervum, formam & imaginem inducerent. Cuius facti fama cum locis circumuicinis peruagatis, etiam Genuam delata esset, confestim Patres conscripti in curiam conuocati, expositisq̃ue per legatos rebus in Ptolemaide gestis, ex communibus Ordinum tribuumq̃ue suffragiis & consiliis, constituti fuerunt viri, quorum auctoritate & diligentia ex publico arario quadraginta nauigia bellica instruerentur, quorum pars triremes, pars verò onerariæ naues essent: quæ quidẽ cum summa celeritate exstructæ, omniq̃ue apparatu bellico exornatæ, quamprimũ in altum deductæ sunt. Verum incommoda nauigatione propter diram & sæuam maris tempestatem repente exortam, vñ, longa velificatione inter procellosos fluctus magno cum periculo transcurrentes, dissipata classe, quatuor sese Liguriam versus recipere coactæ sunt: reliquæ verò aduersis ventis & fluctibus reluctantes, summa cum difficultate iter institutum prosecutæ, sic tamen, vt infra paucorum dierum spatium in Tyri portum illasæ & incolumes peruenerint. Quod postquam Veneti rescuerunt, nihil reliqui ad summam diligẽtiam fecere, quin Ptolemaide classem vnde viginti nauigiorum educerent, eo certè consilio, vt Ligurem ubicumque sese obuium daret, inuaderent, summoq̃ue cum animi ardore adorirentur. Itaque haud ita diu incassum hostem expectantes, non longè à Tyri oppidi conspectu circa

*Genuensium
clades.*

Rossus Tur-
cius

ipsum quodammodò littus in Genuensium classem incidemat, & cum tanta animi concitatione, ac rei naualis dexteritate ipsam aggressi sunt, vt quamprimum tres Ligusticas occuparent, & cum innumerabili omnis generis prada iterum postliminiò, vnde paulò antè soluisissent, reuerterent. His rebus eo quo diximus modo gestis, indies magis atque magis vterque populus exacerbari, nouaque spe subinde ad meliorem fortunam aspirare & attolli, indeque nihil pensi habere, nisi quæ ad apparatus bellicum spectarent, adeò vt summa cum pertinacia, vltimoque voluntatis decreto ad arma vndique conclamaretur. Nec minori cum ardore & diligentia Genuæ tum tēporis certabatur, Nam reliquis nauigiis tum ad ancoram, & in portu existentibus, ac ad omnem belli & pacis vsum paratis atque instructis, quinque & viginti triremes additæ & associatæ sunt, eo certè consilio, vt prima opportunitate in Syriam transfretarent, ibique sese ceteræ classi cōiungerent, ac toti classi Rossium Turcium, ex antiqua Turciorū familia oriundum, cum imperio imposuere. Cū itaque ipsius Rossij auspiciis classis Genua in Tyrum salua & incolumis peruenisset, reliquæ parti, à nauali pugna elapsæ, sese addidit & coniunxit, renouatisque viribus, atque omnibus rebus opportunis instructus, pridie diei D. Ioanni sacrae, nono scilicet Cal. Iulij, non longè à portu Ptolemaidis, Rossius Genuensium classem hosti ipsi ostendit, eo decreto & animo, vt cum ipso confliceret. Verū cū Veneti non auderent, nisi exploratis aduersariorum viribus, classem suam educere, aliquāue aleam belli subire, factum fuit, vt diem integrum Ligustica classis in ancoris consisteret, missis subinde speculatoriis scaphis leuibusque nauigiis, quæ de rebus Venetis cognoscerent ac explorarent. Proinde cū Venetus de Genuensium apparatu esset cōmonestatus, cum Pisanis, aliisque gentibus negotiationis studio Ptolemaidis agentibus fœdus ac societatem icit, classeque comparata, quæ amplius, vt dicunt, octoginta nauigiorum omnis generis numerum excedebat, in eo littore sese pacifico tranquilloque similem continebat, ita vt negotiatores Ligures, qui longa iam consuetudine & commercio ciues vrbis facti, vel saltem ciuitate donati essent, sese domi suæ, licet in tam magna omnium rerum perturbatione continere non dubitauerint. Nam tametsi ab vtraque parte ancipiti & planè diuerso Marte iam sæpe antè esset pugnatum, nunquam tamen adduci poterant, vt relictis suis domibus, urbem ipsam defererent, sed in præsidium tutelamque sui, domos suas, instar artium & propugnaculorum, clàm cōmunierant, ea spe, vt ad omnē repetinum & inopinatum casum haud imparati essent, eoque certè maiori cum alacritate, quo certiùs indies Genua subsidia expectabantur: qua accessione putabant fieri posse, vt non solum hostilibus conatibus sese faciliè opponerent, verum etiam accepta incommoda sarcirent, probeque vlciscerentur. Veneti interea, classem Ligusticam illi littori diutius quàm antea arbitrati erant, inhærentem conspicati, proxima luce nauigia sua ducibus Andrea Zeno & Laurentio Theupulo è portu educunt, vt confertis manibus, de summa rei periclitarentur. Itaque vbi inuicem in conspectum venere, summa ducum vtriusque partis audacia, rei que militaris peritia, cum summo ardore & festinatione expedita arma fuere, militesque per foros triremium & nauigiorum armis conspicui, egregiè & ordinatè dispositi, ac tanta me herclè cum alacritate ad manus vtriusque ventum est, vt dudum ambiguo Marte conflictum fuerit. Tanta siquidem fuit trierarcharum auctoritas, & rei bellicæ experientia, vt singuli manipuli sese ad exemplar suorum ducum componerent, hostique fortiter atque intrepidè obijcerent: sed protracta iam pugna, res Genuensium aliquantulum inclinare, victoriamque Veneti sibi polliceri

Naualis
conflictus.

polliceri audere, præsertim quòd Pisanorum opibus accessione iuuarentur, adeo profectò, vt horum potissimum opera Genuenses ipsi non solum inferiores eua-derent, sed multam stragem perpeffi, parum abfuerit, quin in ea pugna viginti quinque triremibus amissis, funditus ad internecionem cum magno omnium Venetorum & Veneti nominis sociorum gaudio delerentur. Quo sanè contigit, vt Ligures, re infelicitè gesta, salutis potiorè partem in subita fuga reponerent, mutatoque cursu, priorem nauigationem remensi, se etiam reliquis copiis & nauigiis Tyrum receperint. Ceterum, quanquam hæc victoria Venetis læta & fausta supramodum fuit, ac inde omnis alea futuri belli potissima ex parte pendere videretur, nihilominus tamen tantum abfuit, vt Venetorum animos suapte natura ad iram & vindictam pronos expleuerit, vt etiam hoc quasi irritamento, ad maiora odia prouocati sint: nimirum qui hoc funesto Genuensium casu non contenti, perpetuis vigiliis in illorum perniciem dies noctesque exubabant, ac omnem ferè sæuitiæ modum excedentes, sædè in Ptolemaide & in aliis plerisque locis debacchabatur, ita vt omnium Genuensium ciuium priuatas fortunas inuaderent, ac in priuatas opes, si quæ recòditæ & occulta fortè essent, inquirerent, ac tandem, post longam & curiosam inquisitionem diriperent, & occuparent, tanta sanè cum animi incandescencia & inflammatione, vt etiam negotiatorum horrea, præcones, apparitores, ceteraque pristinae fortunæ ornamenta, ad illam diem illæsa & integra existentia, penitus tollerent atque euertirent, nò sine summa omnium Christianorum Principum dolore & gemitu, quorum nonnulli ex hoc duarum potentium gentium inter se æmularum certamine, humanarum rerum cursum fortunæque instabilitatem primum agnoscere, deinde propter ambitionis atque diuitiarum auidam cōsecrationem, humani ingenij inexplibilem sitim & avaritiam magna ex parte damnare didicere. Nam, cum Genuensium Reip. domi forisque omnibus belli & pacis artibus, non solum diu incolumis & quiesca steterisset, verumetiam (prout in bene instituta & morata ciuitate fieri consuevit) latè in Syriam ipsam vsque dominatione & opes extulisset, post hanc cladem mirum in modum labefactata, mirificè languere, deinde cū summa omniū, præsertim potentium iactura & dispendio, valdè imminui cœpit, eo cum maiori detrimento, quòd (vt in rebus perplexis & trepidis vsu venire solet) multi ex sociis amicitia vinculo inuicem ligatis, à societate discedere, & se se sensim ab antiquo fœderis iure subducere, hac potissimum de causa, cœperint; qui omnino si in fide (prout debebant) permansissent, res hæc, licet per se granis & immensa, non erat tamen per se tanti, vt tantam ac tam potentem Reip. tam citò, & quasi temporis momento, ita grauiter affligeret. Verum, cum in rebus humanis nihil sit solidum, nihil denique simplex, non ita mediusfidiis mirandum, si in magna Reip. aliquius rei conturbatione, interdum etiam prudentissimis & sapientissimis quibusque sana consilia eripiantur, fatalique quadam vi extorqueantur, quibus proculdubio si locus relinqueretur, sæpe præstantissimæ ciuitates ab interitu conseruatæ, quamdiutissimè in florentissimo statu constitissent. Proinde cum in hoc Genuensium populo alternantis fortunæ cursus sæpè omnium oculis obuersatus fuerit, non mirum, si tum potissimum temporis ex hac occasione summam conuersionem senserint, præsertim cum propter assidua bella ærarium publicum valdè esset exhaustum & imminutum, adeo vt summa necessitate adducti, operæpretium existimarent, si ad Lucensium sinum, quorum beneuolentiam & integritatem sæpius temporibus dubiis & difficillimis perspexerant, confugerent, & ab his subsidiariam certam pecuniæ summam, præsentibus rebus summopere neces-

ad istud
venire
poterat

Genuenses
Lucensium
operam
implorant.

necessariam, mutuò sumerent atq. rogarent. In cuius rei gratiam lecti aliquot viri, qui communi Genuensis populi nomine præsens periculum apud illum Senatū exponerent, ac veteris vtriusque gentis commercia & amicitiae iura commoraret, à quibus certè nullam passi repulsam, omnibus rebus necessariis adiuti, ac pro præsentis temporis conditione, quoad eius fieri licuit, instructi fuere. Interim Alexandro quarto Romæ sacris præsidente, ab omnibus quodammodo Christiani orbis Principibus seriò elaboratum fuit, ut inter vtrumque populum subinde leuissimis quibusque de causis inter se altercantem, mirasque turbas cum magna totius Christianæ religionis iactura dantem, auctoritate potissimum ipsius Romani Antistitis, reconciliatis ad concordiam animis, contentio omnis tolleretur; ac ad certum amicitiae fœdus & inuiolabile pacis vinculum denuò deuocaretur, non abhorrentibus vtriusque Reip. Senatus animis, quippè cum vterque hac potissimum de causa ad ipsum Pont. qui paulo antea Roma Viterbium commigrarat, ipso auctore splendidam legationem misisset. Genuensium itaq. nomine Lucas Grimaldus, Percualis Auria, Vberius Palsius, & Hugo Fliscus oratores missi sunt: Senatus verò Venetus Reip. suæ nomine Ioannem Canalem, Philippum Sturlatum & Andream Zenum ablegauit, qui post honorificam coram ipso Pontifice, ac in magna purpuratorum aliorumque nobilium corona concionem habitam, quisque per se Reip. suæ statum ac dignitatem mirificè tuebatur & commendabat, tanta equidem cum inuidia & æmulatione, ut aliqua inter ipsos legatos (dum inuicem cedere nolunt) orirentur dissensiones, quæ adeò exitière graues, ut nisi auctoritate Romanæ aulae, & post haud exigui temporis intervallum tolli & confopiri nequiverint, cum ægrè & valde difficulter ipsi legati in pacis formulam ab ipso sacro ordine propositam pedibus ire, & iurare vellent. Indutiæ tamen inter eos, auctoritate potissimum Pontificis, transactæ fuere, quibus inter cetera cautum expresse fuit, ut Ligures præcedenti bello cum Venetis, uti ostendimus, in Syria gesto inferiores, ac illius de causa multas & graues calamitates perpeSSI, iterum ad consueta commercia, & negotiationes pro pristino suo iure redirent, ac intermissam Orientis navigationem denuò pro veteri consuetudine repeterent, & pro arbitrio exercerent. Cuius quidem funestissimi belli inter hos duos populos, diuersis quidem temporibus, in Asia gesti magnitudinem hinc deprehendere licet, quod tametsi in ipso Christiano orbe multa fuerint retroactis temporibus inter varios populos & Reges grauissima certamina, exitiosaque multarum vrbiū distractiones atque dissidia, nihilominus tamen hactenus nullum bellum cum euidentiore, ac planè certiore Christiani nominis periculo pernicieque gestum fuerit. Quippe cum inter cetera mala quibus Europam ipsam miserè afflixit ac diuexauit, initium & quasi primam scaturiginem calamitosissimi illius belli attulerit, quod deinceps Latinorū causa inter Græcos & Barbaros diu ancipiti Marte in plerisque locis gestum fuit, adeò ut tandem accisis & profligatis supramodum Græcorum rebus, Imperioq. Orientali indies magis atque magis propter bellorum multitudinem & diuturnitatem inclinante, parum vel nihil abfuerit, quin harum duarum gentium continuis controuersis prorsus ad internecionem illud deletum atque extinctum à barbaris fuerit. Porro cum summa contentione vtriusque gentis, ut antè diximus, de maris imperio ageretur, facile fuit, Græcos procures, in tanta Italicarum gentium altercatione, aduersus nostros impellere atque concitare: qui postmodum amplam occasionem nacti, crebris excursionibus nostros infestare & exhaurire, opesque suas priuatas mirum in modum extendere ac dilatare cœpere: uti sanè

Indutiæ inter Ligures ac Venetos.

cui-

evidenti ac manifesto exemplo declarabimus. Balduinus siquidem secundus, ^{Græci amissum imperium recuperant.} prævalentibus sensim Græcorum armis, & Michaële Palæologo summis viribus innixo, in fines suos proprios redire, seque cum multis aliis Dynastis & Principibus sibi fœdere vel amicitia iure cōiunctis, in turpem fugam vertere coactus est, sic ut Græci statum pristinum maiori ex parte recuperantes, ipsi ad hanc necessitatem redegerint, ut neque domi, vel foris satis se tutum vel securum crederet, vrgēte illum, uti arbitror, prorsus fatali necessitate, nimirum, ut quem, externam vim anxia contentione declinantem, domesticæ insidiæ, atque serviles, ut aiunt, fraudes oppresserint, imperio à Michaële Palæologo, ingentis spiritus viro, acerrimoq. copiarum duce, Theodoro Lascaro Græcorum imperio potente, occupato, cui, præter alias iuris rationes, etiam affinitate coniunctus erat: Designatus enim erat à Ioanne Bataza per tabulas testamentarias huius tutor. Verùm Palæologus contra fidem datam, atque omnium gentium mores, pessimo & inaudito ad id ferè temporis in ea familia exemplo, pupillum ipsum imperij gubernaculis destinatum, sublati etiam prius ipsius fratribus, interficiendum crudelissimè curavit, imperiumq. per vim & sumimum scelus occupatum, ad se transtulit, ac inter cetera, à quibus regni sui nefarii primordia auspicatus est, Guilelmum quendam Gallicum, Achaia & Bithynia Principem, regno deturbavit, diuq. in vinculis aëservatum, ac tandem Adrianopolim perductum, ibidem in arctiori custodia tantisper retinuit, donec Maluasia Peloponnesi castrum munitissimum, sibi traderet, cuius deditioe facta, carceribus liberatus est. Qua victoria Palæologus elatus, confestim Balduinum in Græcia oris latitantem, & subinde subsidia Principum implorantem, magna vi adortus fuit. Cuius quidem copiis cum Balduinus se longè imparem & inferiorem videret, non expectato conferendæ manus tempore, ad Pontici maris angustias, ad quas omne robur copiarum, deductis ab omnibus urbibus præsidiis, transportarat, celerrimè aufugit. Huius turpis fugæ ignominia effecit, ut quidam ex Græcis proceribus, Gallici nominis pertæsi, per clandestinos cum ipso Palæologo internuncios agerent, ut intempesta nocte ad certam horam illi assignatam, instructis copiis, adesse velit, urbemq. ipsam Constantinopolim citra alicuius certaminis periculum, & planè absque aliquo strepitu recipiat. Quod cum minimè neglexisset, ac intelligeret, quantæ dignitatis accessione ex hoc nouo facinore augetetur, si nullis interpositis moris, hanc leuissimæ gentis voluntatem non refrigere pateretur, cæsis vigilibus, ac ducentis proditoribus, qui repentino quodam motu ad arma, (ut in tanta cōsternatione fieri solet) conclamauerant, urbem ipsam, prout pactum erat, obtinuit, anno postquam à Venetis & Gallis fuisset capta, quinquagesimo octauo, vel, ut multis aliis videtur, sexagesimo tertio. Post huius præstantissimæ urbis nefariam subsecutam seditionem, pari fortuna Pantaleon Iustinianus, urbis Patriarcha vsus, repentino cursu cum omnibus suis, conuasata prius summa cum diligentia sua supellectile, transfretato Hellesponto, in eum sinum sese recepit qui propter multiplices mæandros Euripi nomen assecutus est. Interea Græci, intellecta Imperatoris sui fœda fuga, deposita omni pristina reuerentia, excussisque omnis obedientia frenis, pristinum imperij statum recuperant, ac sese in libertatem vindicant: sed Palæologus Byzantio potitus, ne aliqua in parte humanior, vel benignior videretur, statim sub initio captae urbis, pueros nobilissimos, fidei suæ concreditos, immaniter iugulat, ac per omne scelus & cædes turpiter grassatus, magnam præclarissimorum ciuium stragem facit. Nam sibi probè conscius, ^{Exemplum horribilis sceleris.} quod per vim & fraudem arrepta imperia diu consistere nequeant, hoc unum agebat,

bat, vt, sublatis de medio optimis quibusque, mediam plebem in officio metu retineret, ipse tamen interim, quamuis capta vrbe, magnis & perplexis bellis continua quadam serie, vltoribus Diis, inuoluebatur; siquidem, vt cetera bella breuitatis causa hîc fileam, cum Venetis diu acre & periculosum prælium gessit; à quibus profectò non semel superatus fuisset, nisi Genuensium ope adiutus, dudum ancipiti casu de alea belli cum summa totius imperij Græci iactura, periclitari ausus esset. Ligures enim singulari in Venetos odio, cùm sibi à Palæologo haud vulgaria benevolentia signa ostendi obseruassent, ad illius animum confirmandum magna prudentia vsi, Guarenum Iudicem, & Gulielmum Vicecomitem ad eum legatos habuère, qui de fœdere icendo, atque amicitia iure agendo, seriò Reip. nomine tractarēt, eo sanè euentu, vt Cæsar ipse, ad deuinciendum sibi Genuensem populum suapte natura ad magna contendentem, & maioribus semper aspirantem, Smyrnam, Asiae urbem, atque etiam vt à plerisque aliis historica fide traditum inuenio, Chium, Ægæi maris insulam, Saches Turcis vocatam, summa liberalitate contulerit: cuius quidem beneficiis deuincti, vt & ipsi vicissim aliquid conferrent, néue sese liberalitate à Græco superari paterentur, classe atque omnibus opibus difficillimis quibusque temporibus contra ipsos Venetos, adeoque aduersus omnes eius hostes, non citra grauem Reip. Genuensis iacturam haud rarò ipsum tutati sunt, refragante huic illorū instituto mirum in modum Urbano quarto Pont. Alexandri successore, qui valde Genuensium studia, hac quidem in parte, improbabat & damnabat, ita vt eos etiam anathematis fulmine deterrire, ac postmodum omnibus diris & imprecationibus ab hoc fœdere abducere sæpius conatus fuerit; licet nunquam tanta terri culamenta iniiceret, vt eos ab instituta amicitia & societate retrahere potuerit, non sine magna quidem gentis constantia, quæ patriæ charitatem atque imperij amplitudinem longè pluris, quàm omnes Pontificias comminationes facere iam longo vsu didicerat. Hæc ferè ad annum supra millesimum ducentessimum sexagesimum contigere. Subsecutis deinde annis, pari pertinacia Genuenses in hac Græcorum amicitia atque fœdere contra omnium Principum Christianorum voluntatem permanfere, tanta certè alacritate, & animorum propensione, vt in amplissimo Genuensis Reip. Senatu, conuocatis de more in curiam tribubus & decuriis, Senatusconsulto decretum sit, vt sex naues, ac decem triremes subsidiariae omnibus instrumentis bellicis & militari apparatu instructæ, ipsi Palæologo sub auspiciis Martini Buccanigræ, magni tum temporis apud eos nominis & auctoritatis, quàm celerrimè transmitterentur. Post hæc anno eiusdem æti sexagesimo secundo, decem triremes in Venetos, cōtra quos iam bellum instauratum fuerat, sub Othouenti præfectura atque imperio emissæ. Qui adornata iam classe, ad primum secundi venti flatum nauigationem instituit, & Byzantium versus cursum tenuit. Cumque esset in conspectu Hellepontî, non procul ab eo sinu qui propter vtriusque ripæ angustias Bosporus vocatur, in nauem Venetam multis pretiosis mercibus refertam, & ad Abydum vsque progressam, ac Constantino-polim festinantem, incidit, quam etiam omnibus viribus expugnatam interceptit. Verùm, cùm huius funesti belli exitus, quicumque etiam fuisset successus, cum Reip. Christianæ perniciæ coniunctus ab omnibus sapientibus iudicaretur, ideoque Pontifex vereretur, ne (id quod plerumq. fieri solet,) ex belli diuturnitate, penes quemcumque etiam victoria steterit, graua damna toti Christiano orbi incumberent & demanarent; vt his incommodis instantibusque malis obuiam maturè iretur, iterū seriò ab ipso, ac nonnullis aliis Italiae Principibus elaboratum fuit,

*Fœdus inter
Ligures &
Palæologum.*

*Martinus
Buccanigra.*

fuit, vt honestis propositis vtrique contentiosæ parti pacis cōditionibus, ad concordiam & vnionem redirēt. Verūm, licet omnibus viribus & studiis hac in parte instaret, vix tamē obtinere potuit, vt ipsi Genuenses in illius gratiā Guidonem Spinulam & Simonem Saluagum legatos, de summa pacis acturos, ad se mitterent: qui post longa in Curia ipsa Romana colloquia & disceptationes, tandem non ita multo post, re infecta, ad suos reuersi sunt. Pontifex tamen, tum vt doceret quanto pacis studio teneretur, tum quò vtrumque populum facilius permoueret, oratorem proprium ipsis Genuensibus Legatis adiunxit, Salsari scilicet Aristitem, virum in primis eruditum, & multarum rerum cognitione atque vsu instructum, qui Senatui eius nomine ostenderet, quantis periculis populus Genuensis sese obijceret, si pertinaci quodam animi decreto, solo æmulationis studio bellum in Asia ipsa alerent & fouerent. Ceterū tanta animorū omnium fuit distractio, vt neque Pontificius Legatus, neque oratores, qui Roma redierāt, Patrum animos ad pacem inflectere vel aliquo modo emollire potuerint, adeò vt bellum indies sensim vehementius flagraret, ac Veneti non modò Genuenses assiduos & veteres hostes, verum etiā Paleologos ipsos infestissimos habebant, & experiebantur. Et quia ipsi multum præsidij in hoc situm esse putabant, si cōparata classe, hostiū consilia celeritate præuerterent, summa cōtentione adhiisunt, vt ea instructa, primū imperum in Eubœam insulam, vulgò Nigropontū dictam, facerent; & deinceps cōmutatis subinde portubus, totam illā oram maritimam diuexarunt, quæ mari Ægæo proxima, Asiæ minori adiacet; eiectisque iis qui Græci Imperatoris studia & partes sequebantur, magnam impressionem vbique fecerunt, ita vt etiam Amphesium, Friderici secundi Cæsaris ex Marula, Bonifacij Veronensis filia, nothum, illius insulæ parte auctum & ditatum, pari inclementia & ardore eijcerent. Inde multæ calamitates ortæ, ac subsequētibz temporibus mare ipsum à prædonibus & piratis miserè inquietatum, sic profectò, vt nullibi gentium satis tutò viueretur, cum scilicet nullæ nauigationes fierent, quæ præsentī periculo carerent, infestis ipsis hostibus omnia circumquaque occupantibus, & citra aliquem locorum, vel personarum delectum deprædantibus. Veneti enim, ne inferiores, vel aliqua ex parte hostium potestati cedere viderentur, tres naues prædandi causa emisert, quæ totum ipsum Hellespontum, & Propontidem ad Bosphori fauces vsque peruagatæ, adeò liberè grassabantur, vt tanquam extra omne discrimen positæ, de reditu parū essent sollicitæ. Verūm longè aliter atque existimabant, res accidit, quippe ab ipsis hostibus per insidias circumuentæ, ad vnū captæ fuerunt, tãta cum strage & inaudita barbarica feritate, vt per exquisita tormenta, & varios cruciatus captiuos sorte ductos, summaque cum inhumanitate inter se partitos, crudeliter iugularēt atque interficerent. Reliquos, quos Paleologus obtinuerat, miserè excæcatos, ad infelicem & miserissimam vitam reseruauit. His variantibus belli successibus, vtriusque gentis animi adeò fuerunt exacerbati, vt omnes cogitationes pacis abijcerent, ac omnis vitæ præsidia, omniaque pacis & belli ornamenta, in solis victricibus armis domi forisque reponerent, crudeli, vtrique reor, vtrumque populum extimulante fato, cum à paruis initiis ita deinceps successu temporis mutuis odiis exarserint, vt in mutuam perniciem perenni cura inuigilarent atque incumbèrent. Hinc videre licet, quam graua damna sæpe à leui causa nō solū cum dispendio atq. excidio vnius solius gentis vel ciuitatis, verū cum communi maximarum regionum iactura sæpius inferantur, quæ sanè progressu temporis ita inualescunt, vt postmodum nullis consiliis, vel iudicij maturitate tolli, vel supe-

*Paleologi
sentia in
Venetos.*

rari possint, sicuti iam longo usu & tempore cum manifestis, ut sæpè vidimus, ipsarum regionū euerfionibus obseruauimus. Hæc obiter pro mei iudicij tenuitate adieci & annotaui, ne cum in statu harum duarū præclarissimarum rerum publicarum penitiùs intueor, inanimaduertentia quadam, animiq. torpore, alternantis vtriusque fortunæ vices neglexisse videar. Veneti interea, ut ad omnem casum essent instructi & parati, duarum & viginti sex triremium classem duce Gilberto Dandalo instruxere, atque omnibus apparatus bellicis eleganter adornatam, extra portum aliquantulum prouectam, toti ciuitati conspiciendā cum summa omniū ciuium satisfactione præbuere, acclamantibus omnibus, ut quod faustum & felix esset, pro Reipublicæ Venetæ nominis claritate & pristinæ gloriæ incremento gereret ac perpetraret. Itaque arridentibus ventis, fausta omina-
 tione subsecuta, è conspectu ciuium sensim subducta, ac prospera nauigatione in Asiam delata fuit. Pari diligentia & ardore domi forisq. à Genuensibus elaboratum est, ac eodem fermè temporis puncto classem quinque & viginti triremium, & nonnullorum nauigiorum vehendis militibus mirificè commodorum, magna celeritate & industria eduxerunt: sed Senatui haudquaquam per id tempus consultum videbatur, ut vni soli tam magni momenti classis committeretur. Proinde suffragantibus ipsis Patribus, Petrus Grimaldus, & Pefchettus Marocellus, optimè semper de Repub. meriti, cum æquali imperio ipsi classi impositi & præfecti, quorum scilicet opibus non semel Resp. ipsa necessitatis tempore, præsertim in præcedentibus expeditionibus, adiuta & vsa fuerat. Habuit namque inter cetera præclara bene institutæ Reipub. ornamenta, Genuensis populus fatali quadam ratione hanc felicitatem, ut vtroque tempore belli & pacis viros produceret cum industrios, tum patriæ amantissimos, qui recusatis nullis periculis, nihil non in patriæ gratiam facerent, adeò certè ut laboranti Reipub. & propter assidua bella valdè exhausto & attenuato ærario publico, sæpè à priuatis ciuibz occursum & opitulatum fuerit, tanta sanè prosperitate, & tam immenso Reipub. beneficio, ut, diis ipsis, bonis ciuibz propter spectatam pietatem, & patriæ amorem, gratiam referentibus, non solummodò semper eorum meritis à periculis liberata fuerit, verumetiam recuperato pristino decore, in posterum maiori ferè quàm antea dignitate ac existimatione constiterit atque floruerit. Constitutis igitur omnibus ex sententia rebus, paratisq. ad bellum necessariis, Orientem versus nauigarunt, & non ante classem in portum subduxere, quàm ad Promontorium, vulgò S. Angeli vocatum, peruenirent. Ibi enim cum reliquam Ligustici nominis & imperij classem, ad ancoram subsistentem, inuenissent, magna cum omniū gratulatione atque applausu accepti, sese ceteris coniunxerunt, ita ut in hac expeditione classem triginta octo triremium sub imperio haberent. Delectu itaque habito, recensitisq. de more militibus, singulis trierarchis imperatum, ut si quæ triremes vel nauigia aliqua sui parte luxata essent, vel minus sincera, eadem summa cum diligentia reficerentur, ne scilicet ad tantam expeditionem, omnemq. belli usum essent inutilia, vel imparata. Quod postquam actutum ab omnibus effectum & procuratum fuit, sub auroram, propitiantibus ipsis ventis & leuatis ancoris, sublatisque nauticis de more vndique clamoribus, classem eduxerunt, atque Byzantium versus cursum tenuerunt, eo consilio, ut Imperatorem Græcum eo tempore ibi consistentem, omnibus præsidiis & com-
 meatibus iuuant. Sed vbi primùm extensis velis classis ipsa prospera nauigatione ad vnum ferè diem vsa fuisset, per speculatores ad hoc missos Præfecti ipsi intellexere, hostilè classem non ita longè esse in statione & in procinctu, eo animi decre-

Navalis apparatus Venetorum ac Genuens.

Populi Genuensis felicitas.

decreto, vt ad primam commoditatem Genuensi classi occurreret, & si ita rei
 opportunitas & temporis condicio ferret, manus confereret, ac vim pararet: super
 quo nūcio habitis & collatis, vt moris est, in ipsa prætoria triremi sententiis, com-
 munibus suffragiis decretum fuit, vt ad omnem casum se paratos & expeditos
 præberent, ac nulla ratione pugnam defugerent. Verùm, cùm post communica-
 tas sententias non satis bene inter ipsos duces eorumque supremos trierarchos,
 mutua puto æmulatione concitados, conueniret, quatuordecim tantummodò
 triremes ex tota classe electæ fuerunt, quæ à ceteris nauigiis separata & distracta,
 seorsum cum hoste congredierentur, non absque magno Genuensium detrimen-
 to, quorum dissensio effecerit, vt parùm feliciter cum aduersariis, hoc quidem
 tempore, dimicaretur. Nam cùm ipsi numero & viribus longè Venetis essent in-
 feriores, fieri non potuit, licet summo ardore res ipsa vtriusque gereretur, vt vi-
 ctoria, fortunæque prosperæ successus, penes ipsos staret. Proinde interempto
 Grimaldo, præfectorum altero, simul fortis ducis ac strenui militis munia graui-
 ter obeunte, quatuor nauibus amissis, ceteræ triremes à prælio reliquæ, sese in
 fugam dedere; quæ tandem in Epidaurensem portum delatæ sunt. Hæc ferè in
 Ægæo mari ad septem puteos, vt ipsi patrio idiomate appellant, gesta fuerunt. In-
 terca temporis, cùm Ligurum animi hac accepta clade potius exacerbati quàm
 consternati essent, nihil reliqui ad summam diligentiam fecerūt, quo minus om-
 nem temporis rationem conquirerent, & commoditatem aucuparentur, vt acce-
 ptam ignominiam paribus, vel, si possent, maioribus damnis resarcirent: & for-
 tunæ beneficio breui postea factum fuit, vt interceptis quatuor onerariis naui-
 bus Venetis, commeatu atque omni genere mercium onustis, ac in Eubœam
 insulam velificantibus, priorem iacturam & dolorem magna ex parte mitigarent
 ac subleuarent. Hæc namque cùm ventis omnibus propter maris malaciam essent
 destitutæ, efficere non potuere, vt remigum agilitate & robore sese à Ligusticis
 triremibus, celeritate mira & opportuno remigio instructis, liberarent: qua de
 causa cùm sese in summo discrimine & periculo versari intelligerent, vnicam
 spem omneque vitæ subsidium in fortibus armis reposuere, eo sanè successu, vt
 cùm robore minus valerent, facile in potestatem eorum deuenirent. Ceterum
 cum summa animi vtriusque partis contentione & pertinacia plurimis in locis
 sæpius concurreretur, & ambiguo Marte decertaretur, plurima proculdubio
 vtriusque damna vltro citroque, diuersis quidem tēporibus, illata fuere; vicit ta-
 men Genuensium fatum, & Reip. fortunæ genius, vt post exiguum temporis in-
 teruallum, ex variis locis & insulis, sub diuersorum ducum & præfectorum auspi-
 cijs, sexaginta Ligustici nominis & imperij triremes atq. amplius, in eundem locum
 conuenirent, & congregarentur. Verum enimvero, cùm perniciosissima illa
 Erinny, inuidia vocata, ad excidium & euerfionem Rerumpublicarum & om-
 nium honestarum actionum nata, etiam indies aliquid noui & sinistri Reip. Ge-
 nuensi moliretur, factum fuit, vt subinde ipsi duces & præfecti inter se mutuis
 odiis certantes & flagrant, Cæsari, rerum difficultatibus omnibus, omniumque
 rerum pænuria & inopia maximè laboranti, & cui se plurimum debere sæpius
 confesserant, in extrema quadam temporis necessitate opem non tulerint: sed fu-
 nestis in medio rei bene gerendæ cursu odiis inflammati, ac ad otium & torpo-
 rem conuersi, cum summo dedecore, nec minori nominis Ligustici ignominia,
 animis, ibi nulla re præclare gesta, prorsus clanguerēt, adeo vt plurimis in patriam
 suam reuersis, summo vitio & ignominia datum fuerit, quod sese in tantam ani-
 morum distractionem deduci passi essent. Nimirum cùm satis omnium militaris

*Genuensi
clades.*

*Ligures de-
ceptam cla-
dem vici-
cuntur.*

*Privatis Ge-
nuensium
ducū simul-
tatibus res
naualis malè
administrata*

*Belli neruus
concordiæ
vinculo con-
tinetur.*

disciplinæ peritorum iudicio constet, si concordibus animis in hac expeditione rem ipsam administrassent, Venetos cum summo dedecore ad vnum deleri, vel certè magna calamitate à Rep. affici potuisse. Porro inciso belli neruo, què semper strenuissimi duces concordia vinculo potissimum contineri iudicarunt, necesse fuit, vt penes Genuenses socordia & ignauia mirum in modum postea cum tam euidenti Ligustici nominis detrimento peccaretur, vt multis ignominia notatis, pecuniaq. multatis, in non paucos trierarchos, & alios magnæ auctoritatis viros, capitali pœna ad posteritatis exemplum animaduersum sit. Pari seueritate Senatusconsulto lato in ipsum vrbs prætorem ob Remp. segniter anno præcedenti administratam, vsi sunt. His ferè temporibus non solum in ipso Ægæo atque Ionio mari variis conflictibus ac certaminibus sæpius concursum fuit, sed etiam circa insulas finitimas, atque adeò in ipsa Syria, bellum exarsit, Venetis Ptolemaidem, Genuensibus verò Tyrum tenētibus; sic vt quidquid esset per ea loca Christiani nominis, tanquam in duo duarum gentium studia deductum & distractum, non citra Christiani orbis & imperij grauissimam iacturam & impendium, fuerit, crudelissimo interea Turcarum tyranno Mahumete omnia sanguine, cædibus & incendiis pollente, ac præclarissimis quibusque vrbus in deditionem acceptis, omnia ad vastitatem & solitudinem redigente, conuiuentibus, vel potius supinis & altum somnum dormientibus iis Principibus qui ad Christianæ Reip. gubernacula admoti erant. Genuæ etiam noua classis summo studio reparata fuit, vt si quid prioribus bellis esset incommodi acceptum, id iterum ad pristinam dignitatē redigeretur, sic vt breui temporis spatio, totius Reip. consensu duæ maiores onerariæ, & viginti duæ triremes omnibus armamentis instructæ fuerint, ac trium millium & quingentorum lectissimorum militum ex agro Ligustico habito delectu, numerus sub imperio & auspicio Simonis Grilli conscriptus, cui ex communi Patrum decreto quatuor ciues fide, consilio ac virtute insignes, nempe Rogerius Anconitanus, Ogerius Scottus, Petrus Camilius, & Amichetus Grillus, coniuncti fuerunt, quorum cōsiliis in rebus arduis & quotiescūq. vsus postularet, vteretur. Nec minori diligentia Veneti vsi sunt, quippe cū ad idem ferè tempus magnam classem instruxerint, & sub præstantissimorum ducum ac præfectorum imperio in Siciliam, vbi hostis tunc stationem habere dicebatur, ablegarint. Verū, cū præter spem & opinionem nullum in Sicilia hostem reperirent, confestim mutato cursu in Syriam iter instituerunt, & prospera celerique nauigatione vsi, non ita procul à Tyro in nauim Genuensem, Oliuam vulgò nuncupatam, omni genere mercium opumque instructissimam, casu quodam inciderunt, quam adorti, facili negotio intercepere. Quo quidem successu multò ferocior quàm antea factus Venetus, Tyrum obsidione cingere, atque viribus omnibus expugnare in animum induxit. Sed cū vrbs ipsa non solum esset arte & natura munita, verū & summo cum præsidio validoq. milite teneretur, strenuè & diu intrepidè defendebatur, eo tandem successu, vt Venetum dulcis fortunæ beneficio mirum in modum ebrium ac lasciuientem, magnis incommodis afficerent; & ab omni expugnationis spe deiicerent. Siquidem tanta erat animi defensorum constantia & alacritas, vt licet obsidio nondum soluta esset, nihilominus Genuensium præfectus eodem ad nauigare statuerit, quò ciuitatem ipsam valdè laborantē, recentibus suis auxiliis obsidione leuaret, hostemque fortiter expelleret. Verū, cū iam maiorem partem Tyrrheni maris esset emensus, intellecta decem onerariarū nauium Venetarum nauigatione, quæ mercibus repletæ in Syriam festinare dicebantur, euestigio

*Noui bello-
rum appa-
tus inter Ve-
netos ac Gen.*

*Nauis Ligu-
stica inter-
cepta.*

*Venetus à
Tyri obsid.
repulsus.*

mutata

mutata sententia, illas prosequi constituit; quas non antea consecutus est, quam ad Imperatorem Byzantium, à quo valde expectabatur, vnam ex suis triremibus misisset, ac duabus nauibus & triremibus frumentatum præmissis, ipse cum reliquis suis nauigiis versus Hadriaticum sinum cursum inflexit, & non ita procul à Dyrrhachio prædictis nauibus Venetis occurrit; magnoque in eas impetu facto, vndique obsidet & oppugnat: sed cum Veneti propter rerum naualium longum usum & consuetudinem nihil prætermisissent quod ad rem nauticam rebus tam perplexis & dubiis spectaret, nauim speculatoriam præmiserant; qua reuerfa, illis nuntiatur, hostem in insidiis delitescere, ac ita paratum & instructum, vt nihil magis quam illorum aduentum expectaret atq. expeteret. Quo certè nuncio mirifice perculsi ac trepidi, commutato cursu, proximum portum summa contentione petunt; parteque mercium in continentem exposita, sese futuræ pugnae non citra magnam animi consternationem expediunt, malo me herclè (ita omnium præfagientibus animis) fato. Nam cum ipsi Veneti nauium numero longè essent inferiores, facile amissis omnibus ferè nauibus, vnà cum ipsis mercibus in potestatem hostium deuenire: vna tamen eximia magnitudinis nauis multis pretiosis mercibus onusta elapsa est, quæ ventorum & tempestatis beneficio vsa, salua & incolumis in amicum portum (Lumis vulgò vocant) acceptæ scilicet cladis nuncia deuenit. Sunt qui existiment, in hac pugna summa animorum vtriusque partis pertinacia & ardore, ad desperationem vsque dimicatum fuisse, adeò vt certamen parum ante Solis occasum inceptum, ferè in mediam vsque noctem protractum & prorogatum sit, donec tandem victoria potitis Liguribus, Veneti ipsi turpiter multati sint. Quibus rebus feliciter gestis, Genuensis nauarchus diuiti & pretiosa præda auctus, se domum recepit. At Veneti, licet grauem iacturam perpeffi essent, & magni istarum nauium amissionem facerent; tamen animo infracti, confestim Iacobo Dandolo, summo viro, ad bellum electo, nouam classem instruxere, cui præfecto circa Ragusium Illyrij oppidum, Marcus Gradonicus pari auctoritate & industria apud Remp. Venetam florens, sese coniunxit, & sociata classe, collatisque in vnum viribus, omnem ferè Siciliæ oram, Eoiq. & occidui Solis tractum latè circumuecti, tandem tres Ligusticas triremes circa Lilybaeum Siciliæ promontorium obuias habuerunt; quibus conspectis, instar rapidorum luporum, ouium grege conspecto gestientium, quamprimum arma expedire iubent, impressioneque facta, modico negotio eas interceperunt, eò certè faciliùs, quò numero & viribus Genuensibus essent superiores. Nam, vt quorundam annales testantur, classis Veneta duorum & quinquaginta omnis generis nauigiorum erat. sunt multi qui scribant, hunc numerum excessisse. In hac gerendarum rerum diuersitate, & sæuientis fortunæ cursu, à Genuensibus decem triremes sub imperio Simonis Guercij aduersus Venetos paratæ instructæque fuerunt, eodemque tempore ad Tyri Principem, quò illum non solum sibi deuincirent, sed firmiorem constantioremque in amicitia perpetuò retinerent, ex Senatus decreto Lanfrancus Carmandinus ad ipsum ablegatus fuit. Verumenimuerò, postquam de Venetis apparatibus, atque adeò de nauali expeditione certiores facti sunt, anno supra millesimū ducentessimū sexagesimo sexto, viginti septem triremium classem duce Lanfranco Borborino emisserunt; cui, delectu prius habito, tres præstantissimos ex præcipua nobilitate viros, ceu indiuiduos comites, & ad omnes fortunæ casus fidelissimos consiliarios, videlicet Balduinū Dietisaluum, Rinaldū Cebam, & Bonauinū Comitē adhibere placuit. Sunt qui arbitrantur, in hos bellicos vsus ea ferè tépestare nauim eximie

*Venetorum
clades.*

Tres Ligusticae triremes à Venetis interceptae.

magnitudinis extructam in hac expeditione fuisse, quæ tanquam totius classis ar-
 inamentarium ad manus esset. Et quoniam Præfectus in Corsicam delatus, ho-
 stem cum triginta nauigiis sinum Hadriaticum egressum, & Siciliam versus
 nauigantem, ab exploratoribus intellexerat, protinus ea, quam diximus, naui, in
 Cyrno insula ad Bonifacium relicta, eodem, celeri & perpetuo nauigationis cur-
 su, perrexit, eo quidem consilio, ut cum illo manus confereret, & de belli alea pe-
 riclitaretur. In Siciliam itaque præteruectus, Venetum inter Drepanum & Ma-
 zaram, repentino quodam aduentu nihil minus expectantem, inuenit, licet mul-
 ti sint qui existiment, vtriusque partis classem in conspectu Drepanitani portus
 inuicem occurrisset. Ego ut nihil certi hac in re scriptum inuenio, sic sanè nihil
 veri affirmare ausim. Vt cumque tamen res sese habeat, vel ubi inuicem con-
 gressi sint, parum ad rem facit: satis constat, summis viribus ac magna conten-
 tione, diuque dubio & ancipiti Marte vtrimque certatum fuisse, adeò ut penes
 quos victoria ipsa staret, vel quonam fortuna sese magis inclinauerit, difficulter
 animaduerti potuerit, præsertim cum æquis viribus, parique quodammodo rei
 naualis peritia, in Siculorum conspectu res ipsa gereretur, ita certè, ut vterque po-
 pulus, cum virtute bellica inuicem non cederet, hoc studeret efficere, ut magis ini-
 quitate fati, quam propriis hostium virtutibus & viribus superari videretur. Pul-
 chra herclè contentio, & omni laude gloriaque dignissima, cum nulla maior vis
 sit ad concitandos animos, aliquo heroico motu præstantes, quam virtutis æmu-
 latio, & ex æmulatione ardens studium & feruor. Ceterum, tametsi diu pari quo-
 dammodo fortuna & fortitudine res gereretur, ad postremum tamen Venetus
 superior factus, quatuor & viginti triremibus ab hoste captis, magna cum lætitia
 & gaudio victor discessit. Quæ reliquæ numero ex Genuensium erant, vel com-
 bustæ in ipso prælio, vel submersæ fuerunt. Duo millia & quingenti capti, mille
 & ducenti ferro absumpti dicuntur, adeò ut hæc victoria multo sanguine, sudore,
 extremisque periculis ab ipsis victoribus redempta videri possit. Sunt verò non-
 nulli qui memoriæ proditum reliquerint, hanc Genuensium cladem nauarchi
 temeritati ac imprudentiæ maiori ex parte ascribendam esse: quandoquidem
 cum illi propter rei nauticæ naualisque militiæ disciplinæ opinionem magnus
 honos haberetur, & in magna exultatione eo potissimum nomine penes ce-
 teros naucleros esset, omnia ex propria voluntate, non adhibitis aliis in consilium,
 administrabat, sic ut quamuis sæpius à consiliariis ceterisque rei nauticæ peritis,
 admoneretur, ut relicto littore aliquantulum ulterius in altum pelagus classem
 duceret & inflecteret, adduci tamen nullius auctoritate potuerit, ut dicto audiens
 esset, vel saniora consilia sequeretur; at potius pertinacia quadam animi, &
 philautia deceptus, effecerit, littori inhærendo, ut classis omnis, venti propitij
 flatu destituta, in aduersam classem incideret, nullaque ratione pugnam detre-
 ctare posset, atque hinc factum esse, ut magna accepta strage & calamitate, parum
 abfuerit, quin ad internecionem usque ad vnum omnes contrucidarentur. Non
 desunt etiam qui præfectum classis Ligusticæ, prodicionis insimulent, quasi ipse
 largitionibus à Veneto corruptus, rem ex industria neglexisset. Aliqui collega-
 rum fidem in dubium & suspicionem vocant, quasi illorum perfidia fuisset com-
 missum, ut nauarchus omnium sanioribus consiliis & admonitionibus tam con-
 tumaciter reluctaretur. Quidquid fuit, satis liquet, præfectum ipsum Genuam
 reuersum, in Senatu ad dicendam causam fuisse coactum: qui etsi grauib &
 verisimilibus rationibus suam innocentiam probare adniteretur, assequi tamen
 non potuit, ut omnino ex reis eximeretur. Nihil tamen seuerius, miro Senatus

*Naualis cō-
flictus.*

*Venetorum
ad Drepani
victoria.*

tem-

temperamento, in illum, quàm quòd publicatis bonis, & decem millibus librarum multatus, vrbe excederet, & à Reip. statu exularet, statutum. Magna quoque seueritate in ipsos consiliarios & trierarchos animaduersum fuisse constat, adeò vt ad posteritatis exemplum, & ne deinceps pari imprudentia, perfidiæ non vsque adeò absimili, peccaretur, nèue contumacia & consiliorum præcipitantia impunitate confirmata videri aliquo modo posset, edictum fuerit, vt præter bonorum publicationem, & duarum millium librarum multam, ædes ac ædificia eorum, quorum culpa classis in tantum discrimen venerat, solo æquata, funditus euerterentur. Non citra, me herclè (vt equidem iudico) magnam consilij & iudicij maturitatem: quia cum in primis necessarium sit, vt Reipub. munia, ceteræque ciuiles & politicæ functiones magna cum fide & æquitate administrentur, nihil profectò ad retinendam Reip. salutem, vel propaganda imperij alicuius pomœria, vtilius esse potest, quàm diligenter præcauere, ne in militari disciplina aliquid committatur eiusmodi, quod aliqua ratione possit ad perfidiam referri, vel negligentia inculpari. Tanta accepta clade, quanquam publicis damnis priuatarumque fortunarum amissione mirum in modum omnes commouerentur & indolerent, adeò vt in mæsta vrbe dudum omnibus spectaculis, aliisque ad vitæ humanæ tædia subleuanda & temperanda excogitatis remediis abstineretur, nihilominus tamen paucorum dierum interiectu, omnibus tribubus atq. decurijs more sollemni in palatium conuocatis, habito Senatu, euestigiò consentientibus omnium animis & suffragiis, Senatuscòsulto sancitum & decretum fuit, vt ad reparandam Reip. pristinam dignitatem & potentiam, propter acceptam recentem cladem, nonnihil labefactatam, ad sui suorumque tutelam, viginti quinque, vel, vt nonnullis placet, triginta triremium classis summis studiis & diligentia compararetur. Qua instructa, cum Senatus nò parum ambigeret, cui potissimum rei militaris summa tutò demandari posset, tandem frequentioribus suffragiis summaque omniū consensione Vbertinus Auria, vir singulari virtute, rerumque gestarum gloria illustris, & de ipsa patria antea non semel bene meritus, dignus & idoneus iudicatus fuit, cui tantum imperium citra aliquod periculum, vel existimationis iacturam committeretur. Qui postquam domi res familiares & domesticas constituisset, summa cum omnium congratulatione, ac fausta omnia acclamantium, ab ipsis Patribus cum summo honore & pompa ad puppim triremis vsque honorificè deductus est: eisque debita cum reuerentia dimissis, ac bene sperare iussis, ipse nulla mora interposita, mense Augusto eiusdem anni nauigationem instituit, moxque Adriaticum sinum præternauigans, aliquot diebus subinde mutato cursu, oram illam eliciendi hostis gratia legit & circumuagatus est. Verum, cum sibi nulla configendi iusta acie potestas ab hoste fieret, occupatis & interceptis aliquot paruis eius nauigijs, temerè & inconsultè euagantibus, in Cretam insulam adnauigauit, ibique Cydonem urbem, nunc Caneam dictam, à Venetis prius expugnatam, militeque præfidiario firmatam, repentino incurfu, præter spem ac opinionem omnium magna cum felicitate, omniumque Genuensium gaudio, cepit atque diripuit, tanta certè cum vehementia, vt vrbis direptione & spoliatione non contentus, in Venetorum odium ac contemptum magna ex parte diruerit, & ab ipso prætorio non temperarit. Milites enim summo ardore concitati, & ob acceptæ cladis memoriam mirificè ferocientes, inhiberi non potuerunt, quin submissis facibus, præstantissimas quasque domos incenderent, eaque parte qua flammis imperuix essent, vi, admotis harpagonibus, aliisque instru-

Ligures nouam classem duce Vbertino Auria emittunt.

Cydon à Genuens. expugnata, et diripta.

mentis, demolirentur & deijcerent, ita ut non solummodo in ipsa ciuitate, verum etiam in suburbano agro magna vastitas & solitudo subsecuta sit. Siquidem ferè trecentis & quinquaginta in captiuitatem abductis, magnam & opimam omnis generis prædam in naues deportari iussit, tanta cum omnium alacritate & gaudio, ut ex hoc felici rerum successu sibi longè maiora deinceps pollicerentur, nouaq. spe accensi, ad grauiora & vtiliora ardentibus animis aspirarent atque contenderent. Hac itaque prosperitate fortunæ Auria vsus, quamprimum in patriam redire instituit; sed domum properanti, cum in triginta duas triremes Venetas, quæ præsidij gratia viginti septem & amplius nauigia variis mercibus & opibus referta, comitabantur, incidisset, cum viribus & numero hostibus longè esset inferior, institutum iter conuertere atque immutare, non sine summa prudentia & iudicij grauitate necessarium duxit; quippe qui minimè ex dignitate Reip. esse statuebat, ut fortunæ discrimen, vel belli aleam temerè, vel nisi summa necessitate adductus, experiretur. Proinde summo studio & nauclerorum dexterritate in Siciliam deflectens, ibi prædam inter duces & classiarios milites, prout vniuscuiusque virtus & honoris gradus ferebat, distribuit, ac mense Nouembri Genuam victor remigrauit. Circa idem ferè tempus pari felicitis fortunæ successu tres triremes, quarum duæ Reip. Genuensis, tertia verò oppidi portus Veneris erant, usæ sunt. Nam cum duce Pascasio Cataneo circa Euboicum Euripum in onerariam nauim Venetam, pretiosis mercibus & exoticis rebus onustam, incidissent, facillè ea potiti sunt, sic ut expugnata ipsa nauis, plusquam centum & triginta capti fuerint, qui partim ad transtra in triremes transcripti, partim melioribus vsibus reservati fuere. Quibus sanè successibus læti Genuenses, magna cum animi fiducia vndique mare ipsum infestabant, præsertim ij qui in Tyro, aliisq. partibus Asiæ negotiabantur, variis & diuersis excursionibus Venetos ipsos, recentibus cladibus languidos ac consternatos, mirum in modum diuexabant: quorum potentia cum vix se opponere possent, ac indies in maiores angustias conijcerentur, Senatui Veneto placuit, ut ad retundendam Ligurum potentiam, & conatus, viginti & vna triremes bene ac militariter instructæ, Methonem, Peloponesiacæ oræ firmissimum oppidum, mitterentur, quæ ibi in statione perpetua ad tutelam insulæ, atque adeò ad securam nauigationem totius istius maris, potissimum verò ad Reip. Venetæ salutem & tranquillitatem, permanerent. Et quoniam, ut antè diximus, ob inflictas iniurias, præcipuè verò propter cladem in Creta paulò ante acceptam, mirum in modum omnium Venetorum animi erant exacerbati, haud ita multò post, nouam classem trium & viginti nauium, magnis sumptibus & accurata diligentia, sub imperio Marci Gradonici instruxere: quo confestim vnà cum tota classe in Syriam nauigare iusso, summis consiliis domi forisq. assiduè agebant, ut, quibuscumque possent rationibus, Genuensium insultus inhiherent, omnesq. eorum conatus reprimerent, non absque summo sani consilij & periti ducis fructu. Nam Gradonico omnia sedulò ac prudenter administrante, fortuna sensim à Genuensibus ad Venetos inclinare cœpit, adeò ut non procul à Rhodò insula septem, siue octo onerariæ Ligusticæ ab ipso caperentur, & abducerentur. Interea temporis, Clemens quartus, Urbano è viuis sublato, ut primum omnium suffragiis supremus Pontifex designatus est, inde statim ab initio nihil habuit antiquius, quàm hos duos potentissimos Italiæ populos, mutuis odiis mirum in modum flagrantés, iterum inuicem coniungere, & ad fœdus amicitiamq. stabilem deducere. Qua in re tametsi artibus omnibus vteretur, assequi tamè non potuit, ut illud perniciosissimum bellum inter vtrosque

*Exemplum
militaris di-
scipline.*

*Nauis Vene-
ra intercepta-
tur.*

*Octo naues
Ligusticæ à
Venetis oc-
cupantur.*

que summa cum pertinacia & obstinatione inceptum, ac postea multis iniuriis & cladibus propagatum, aliqua ex parte restingeret, vel tolleret. Quapropter cum per suos legatos & internuncios cum vtraque gente egisset, nec aliquid proficeret, eorum oratores Viterbum hoc animo & consilio euocauit, ut si minus ad pacem constituendam, demonstratis certis rationibus, inflecti possent, indutias saltem ad certum & præfixum tempus inter se paciscerentur: quod sanè ut facilius impetraret, valde instabat, ut vtraque Resp. viros auctoritate & consiliis præstantes mitteret, quorum iudicio res ista publico nomine transigeretur. In hanc etiam ferè sententiam Gallorum & Siculorum reges ad vtrumque populum eadem tempestate suos oratores habuere, qui apud eos suo nomine serio agerent, & ad pacem constituendam vrgerent & hortarentur. Verum enimvero, licet multis studiis totius ferè Christiani orbis Principum vtraque gens sollicitata, illisq. vnicè pax & concordia multis nominibus commendata fuerit, nihilominus tamen res cum successum habuit, ut post varias & longas altercationes & controuersias, nulla ratione ad foedus, vel pacis formulam cogi potuerit, ita ut cum summo omnium, præsertim verò ipsius Pontificis, dolore infectis rebus vtriusque discessum sit. Erant proculdubio duo inimicissimi inter se populi, tam vehementer ad bellum propensi atque accensi, ut nunquam antea maiora iusti odij & aperti belli argumenta, vel indicia præbuerint: & tanta denique cum 1267. seueritate & fiducia bello erant intenti, ut anno millesimo ducentesimo sexagesimo septimo Genuæ iterum ea de causa comitia haberentur: quibus habitis, conspirantibus in vnā ratamq. voluntatem Patribus, quinque ac viginti triremes duce Luca Grimaldo conscriptæ & adornatæ fuerunt, cui duo Senatorij ordinis viri, nempe Pascasius Cataneus, & Otholinus Nigrius, tanquam consiliarij, seu potius, uti puto, collegæ, adhibiti & coniuncti sunt, magno sanè cum iudicio maiorum suorum institutum secuti, qui in rebus arduis & perplexis, vni soli Reipub. salutem credendam vel committendam esse, haudquaquam operæpretium fore existimarunt, multisq. ac iisdem grauib. rationibus adducti, sæpenumero militiæ ducibus graues viros, maturitate consilij & militaris disciplinæ scientia præstantes, associarunt. Postquam igitur sacris pro veteri more operati essent, atque ab omnibus fausta acclamatione in bonam spem beneque gerendæ rei fiduciam erecti, in Syriam transfretare placuit, & sic satis commoda nauigatione vsi, in Ægæo mari in duas triremes Venetas, & vnā eximiæ molis ac multarum amphorarum nauem, inciderunt, quas subito adorti, facili negotio expugnarunt, & Ptolemaidem versus directo cursu, antea quàm vrbi appropinquarent, turrim in conspectu ciuitatis ad illius subsidium extructam, tumque temporis à Venetorum præsidio defensam, post multos maximorum tormentorum ictus vi occuparunt. Qua arce in deditionem accepta, ex cōmuni ducum consilio quindecim triremes ad tutelam & subsidium illius oræ relinquere expedire visum fuit. *Tria Venetorum nauigia à Genuens. occupata.* Ipse interim Grimaldus dux cum reliquis suis copiis & velis, Tyrum versus iter instituit, eo animo, ut cum illius vrbis regulo de nonnullis summi momēti rebus secretò & priuatim ageret. Verum cum in hac nauigatione præter opinionem & spem viginti sex triremes Venetas obuias habuisset, nulla ratione pugnae aleam, tametsi omni studio & contentione reluctaretur, euitare potuit, adeò certè, ut cum non leui Reipub. periculo præstantissimus & peritissimus dux necessitate temporis & loci adductus, belli fortunam, licet multo inferior, subire necessarium habuerit. Quare extemplò omnibus ad fortiter dimicandum præparatis, habitaque ad militum animos acuendos & confirmandos parua quidem, sed neruosa omninò

Noua classis à Genuens. emissæ.

Tria Venetorum nauigia à Genuens. occupata.

Arx Ptolemaidis à Liguribus captâ.

omninò oratione, ipse lorica splendente indutus, omnia prouidi ducis & strenui militis munia fortiter obibat, eiusque verbis militum animi nonnihil, quòd se inferiores viderent, perplexi & attoniti, ad tam honestum exemplar confirmati, mirum in modum ad summam alacritatem erecti, nihilque omninò prætermiserunt, quod ad existimationem imperij Ligustici, vel strenui bellatoris munus pertinere arbitrarentur, eo denique successu, vt post longam atque difficilem pugnam, ipse Grimaldus quinque triremium iacturam faceret. Ceterum, cum agrè incolumis cum reliquis suis triremibus euaderet, mira consolatione vsus, præsentem omnium dolorem atque iacturam magna cum comitate verborum, & vultus gestusque serenitate inhibuit atque mirificè deterisit, Tyriq. portum præteruectus, ac mox cum ceteris quæ Prolemaidi remanserant, coniunctus, breui opportunissimis vsus ventis, in Siciliam delatus est, in qua nauim vnā hostilem opulentis mercimoniis, ac pretiosa suppellectile repletam intercepit, ac vltra prædam, per se quidem magni pretij, & opimam, trecentos ferè vtriusque sexus homines secum in captiuitatem abduxit, paucisque diebus elapsis, tribus rostratis nauibus ad mare inquietandum & infestandum relictis, ipse cum reliquis sociis & militibus saluus atq. incolumis Genuam reuersus est. Incunte vere eiusdem sæculi anno septuagesimo, Gregorius decimus, Theobaldus Leodiensis antè vocatus, Clementis quarti successor, postquam pontificia sedes propter purpurati collegij grauissimas dissensiones & controuersias bienniò quodammodò vacauisset, frequentioribus suffragiis Pontifex renuntiatus est: qui principem in eā ciuitate locum nactus, nihil habuit prius, quàm statim omnium Christiani orbis Principū sollicitare animos, vt depositis omnib. simultatibus ac domesticis odiis, & controuersis conlòpitis, tandem in vna perpetuaque voluntatis veræque pacis constantia coalescerent & coaugmentarentur: cumque ea tempestate Philippus Galliarum rex, qui Ludouico prædecessori in expeditione Tunetana pestifera lue cum plerisque aliis proceribus ex humanis rebus sublato, successerat, ceterisque Christianæ Reipub. Principibus facilè auctoritate & potentia antecelleret, Pontifex se operæpretium facturum existimabat, si illius potissimum auctoritate & dignitate subnixus, alios Tetrarchas & Dynastas ad parem consilij rationem & sententiam pertraheret. Cuius certè auctoritate in primis factum fuit, vt Carolus Andiouinus, Apuliæ & Sicania rex, parem operam & fidem hac quidem in parte præstaret, horumque interuentu, sollicitudine & auctoritate, indutiæ tandem (cum nulla veræ pacis spes in tanta rerum omnium cōfusione tam citò sperari posset) in quinquennium inter vtramque gentem, Venetos scilicet & Ligures, pactæ & constitutæ sunt: cuius quidem diligentia fructum Pontifex fatali quadam ratione, & indulgentibus ipsis diis, mihi vt videtur, retulit vberissimum. Nam cum totidem tantummodò annis rebus sacris cum summa potestate præesset, hoc videtur planè assecutus, vt Pontificiam dignitatem, quiescentibus nimirum interim his duobus populis à mutuis odiis & periculosissimis bellis, totum Christianum orbem miserè diuexare & inuoluere solitis, pro voluntate & præsentis rerum suarum vsu tueretur & conseruaret. Porro Pontifice è viuis sublato, quamprimùm postposita omni humanitatis, vel pacti fœderis reuerentia, iterum atrox bellum inter hanc vtramque gentem cum summa totius Reipub. Christianæ perniciæ renatum est, crudeliterque exarsit, eò certè maiori & iustiori cum omnium bonorum virorum dolore, quò pactæ indutiæ maiorem subsecuturæ quietis, & publici otij spem omnibus attulissent. Quæ etiam potissimum de causa commotus Innocentius quintus, demortui Gregorij successor, antequam ferè

Arox prælium inter Ligures ac Venetos.

Gregorius x. Pontifex renuntiatur.

Indutiæ inter Ligures ac Venetos.

Nauum bellum inter utroque.

ferè Pontificiam dignitatem auctoritate aliqua auspicaretur, summi studij pacis multa indicia præbuit, ac multis spem subsequendæ tranquillitatis publicæ iniecit. Siquidem statim ab initio vix assumpta tiara, & infulis Pontificiis, quò maiorem sui opinionem iusta de causa excitaret, ad omnes quodammodò Christiani orbis reges & principes, summa cum diligentia constituendæ publicæ pacis causa legatos habuit; præcipuè verò huius vtriusque Reipub. decertantis procures & Magistratus grauitèr adhortatus est, vt tandem depositis odiis & armis, de concordia ac vera pacificatione seriò agerent & tractarent. Qua sanè in re tam prosperi fuerunt primi successus, vt nemini dubium fuerit, quin illos ad saniora consilia pertraxisset, nisi fata huius optimi sacri Principis vitæ stamina cum ingenti omnium mortalium mæore ante quodammodò diem, in ipso bene gerendæ rei cursu inuida manu abruptissent. Perit namque sexto ferè mense, postquam ad tantum honoris apicem deuenisset. Nec multo feliciore fato Adrianus quintus Pontifex illius successor, ex nobilissima Flischorum familia oriundus, vñsus est. Quippe summa omnium Antistitum & purpuratorum cōsensione sacrarum rerum administrationi admotus, vix quadragesimum diem transgressus, in extremum vitæ periculum repentino & inopinato quodam mortis genere incidit, ac cum summo omnium dolore vita, non citra veneni suspicionē, excessit. Quandoquidem cū ex magna potentissimaque familia originem duceret, & per omnes ferè honoris gradus, virtute ipsa duce, ad tantum rerum humanarum fastigium deuenisset, nullus erat in tota Italia Princeps, cui Pontificis huius naturæ bonitas pacisq̃ue studium aliqua ex parte exploratum non esset, sic vt in non dubiam spem adducerentur omnes, vt eius auctoritate & prudentia bellum omne hætenus mira rerū vicissitudine inter hos duos bellicosissimos populos gestum, deponeretur, & penitus, quoad eius fieri posset, extingueretur. Flagrabat nimirum ipse Pontifex amore patriæ, & communis tranquillitatis adeò erat studiosus & amans, vt etiam interdum priuatas iniurias magna cum fortitudine & animi constantia ad retinendam publicam tranquillitatem deuoraret, & in gratiam publicam libens remitteret & condonaret. Erat præterea vsque adeò iustæ laudis gloriæque sitiens, vt ad sibi promerendam posteritatis famam & memoriam, nihil non in gratiam Principum de pace sollicitorum, hac potissimum de causa faceret. Habebat nimirum, præter ingenij indolisq̃ue præstantiam, rerum diuersarum cognitionem, ex medio vsu petitam. Siquidem cū adhuc purpuratus esset, magna cum prudentia fideiq̃ue integritate, in maximis & arduis negotiis, grauissimisq̃ue legationibus non semel tanto cum honore omniumq̃ue satisfactione versatus fuerat, vt vel hoc solo nomine sibi aditum ad æternam gloriam & stabiliendam immortalitatis famam consecutus videatur, patruī sui Innocentij quinti, cuius superius mentionem fecimus, tam diligens & strenuus æmulus, vt illius venerabile nomen & gratam memoriam omnibus suis actionibus, aliisq̃ue honestis officiis in hominum animis renouaret & propagaret. Tanto igitur Pontifice, præter omnium spem & expectationem, tam citò extincto, animis vtriusq̃ populi denuò mirificè exacerbatis, bella vtriusque restaurata & redintegrata fuere, ex quibus infinita incommoda (vt fieri solet) vltro citroq̃ue data & inuecta sunt. Nam tam vario & ancipiti Marte per longa tēporis interualla gesta fuere, vt difficulter inuestigare possim, quinam illorum præcipui fuerint successus. quippe cū nihil in Annalibus, vel historiis seorsum de hoc annotatum reperiam, ridiculum planè fuerit, aliquid ad historiæ supplementum de proprio assignare, vel comminisci, & ita historiæ fidei vim facere. Proinde cū vniuersa ea quæ ad annum

*Brenissimus
Pontificatus
Innocentij
v. & Adriani
vi.*

*Adriani v.
egregie do-
tes, & in pa-
triam arden-
tiss. studiū.*

num usque eiusdem ævi octogesimum gesta sunt, vel iniuria temporum intercederint, vel fuerint eiusmodi, ut in litteras referri non meruerint, nos maiore sui parte latent, vel saltem sunt eiusmodi, ut magis vaticinio & ratiocinatione, quam bona fide enarrari possint. Deinceps verò, hoc est, eodem anno octogesimo, tres Ligusticæ triremes in Eubœam insulam Reipub. Genuensis iussu transfretantes, cum dudum diuersis ventis usæ, huc illuc circumactæ fuissent; tandem non ita longè à Cephaloniæ sinu delatæ, in totidem hostiles triremes inciderunt, ibique commisso prælio, cuius primos Venetos auctores fuisse putant, post diuturnam atque acerrimam pugnam & dubium Martem, tandem duas in Genuensium potestatem deuenisse, memoriæ proditum est. Paucis interiectis diebus, pari fortuna tria Venetorum nauigia in quatuor Ligustica, quæ recens à portu Genuensi soluerant, in mari Siculo maximo & violentissimo impetu, non citra magnam discurrentium consternationem inuecta fuerunt. Verum, cum rei militaris & nauticæ vtrique gens propter longam consuetudinem peritissima esset, atque ad omnem casum præparata, summo cum vtriusque partis ardore, pugna ipsa instruitur, & maximo cum periculo, diu, dubia etiam fortuna vtriusque decertatur, ac tandem defatigatis Venetis, & numero quodammodò superatis, victoria penes Ligures stetit, qua sanè ipsos tam magna moderatione usos esse dicunt, ut captiuos, quorum magnum numerum fuisse constat, summa clementia prosequerentur, atque ipsis omnia humanitatis officia exhiberent, adeò ut Veneti hac potissimum de causa non parum commoti, multisq. domesticis negotiis ac molestiis implicati, diu ab armis abstinuerint, ita ut à prædicto anno octogesimo usque ad annum M. CC. XCII. ab vtrique parte bello temperaretur & cessaretur. Interea, ut semper aliquid esset in quo se vterque populus vel domi vel foris occuparet, nèue nimio otio torpesceret, à mutuis iniuriis ad præsens temperantes, sibi cum aliis diuersis populis sæua atque atrocia bella enata sunt. Et Venetis quidem primò acerrimum prælium cum Anconitanis intercessit, quo vix maxima cum difficultate summisque viribus & sumptibus feliciter terminato, arma sua in Istriæ populos, à pristina fide antiquoque fœderis iure, turpi defectione alienatos, transtulere, quibus ad obsequium fidemque redire coactis, mox in Aquileiensem Antistitem, qui rebus priuatis diffusus, Goricianum Comitem in belli societatem conuocarat, quo Rempub. Venetam commodius atque fidentius diuexaret, conuerterunt. Ligures verò iisdem ferè diebus aduersus Pisanos, quibus cum multis annis quietè ac pacificè vixerant, ob nouas exortas contentiones ac simultates, crudelissimum bellum repararunt: quarum quidem cōtrouersiarum odiorumque occasiones superioribus libris magna ex parte retulimus. His rebus ita per Italiam se habentibus, cum per Orientem res Christianæ, propter nostrorum Principum ac populorum intestina dissidia & bella, valdè vndique essent accisæ & labefactatæ, nullibi tamen maiorem inclinationem, quàm in Syria fecere, adeò, ut in illa præstantissima regione nostri rebus ferè omnibus excidissent. Tripolim enim Syriæ urbem nobilissimam, à rege Memphitico expugnatam, ac dirutam fuisse: Sidonem etiam celeberrimam ciuitatem Phœniciæ, cum Tyro ipsa vetustate & claritate certantem, necnon Berytum eiusdem prouinciæ urbem, pari excidio interiisse, superius commemorauimus. Excussi igitur tot, tamque præclaris Christiani nominis in Oriente oppidis & opibus, nihil reliqui in Oriente, & præcipuè in his duabus regionibus, præter Ptolemaidem ipsam, urbem sanè cum propter mercatorum aliarumque exterarum gentium frequentiam celebrem, tum ob omnium mercimoniorum affluentiam opulētissimam, habebant,

Insignis Genuensium moderatio in victoria.

Christianorum clades in Syria.

magno

magno certè cum Reipub. Christianæ dispendio & iactura, nimirum quando expugnatis direptisque tam multis & præclaris à Barbaris oppidis, sola Ptolemais miseris ciuibus magna Saracenorum atrocitate exulare, ac nouas sedes quærere compulsis, effugium, vel aliquod asylum ostenderet, quæ usque adeò magna hospitalitatis officia miseris afflictis semper præstitit, vt vel hoc præcipuè nomine mirum in modum postea augeretur. Accedebat huc, quòd militiæ sacræ Magistri post indutias, expugnata Tripoli, cum Ægypti Sultano in quinquenium pactas, præsidia ibi collocassent: quæ sanè indutiæ licet ratæ ab initio fuerint, non diu tamen post irreuerenter ab ipso Ægyptio violatæ fuere, quòd diceret, magnas excursiones à nostris, summa tunc temporis inopia atque annonæ caritate laborantibus, cum euidenti suo detrimento, atque immensa hominum pecorumque non secus ac in hostili agro abacta præda, indies fieri. Quippè præter ceteros, Nicolaus quartus mille quingētos equites cataphractos, stipendiis suis eò miserat. Inerant & multarum nostrarum gentium procerumque milites ampla stipendiorum spe allekti, quæ cum non exoluerentur, & rapto viuere præ magna inopia cogerentur, magnis difficultatibus premebantur, ita vt his de causis magna etiam consiliorū diuersitate ac dissensione in ipsa ciuitate laboraretur; malè enim trium potissimorum ordinum magistris conueniebat, singulis magna ambitione eius vrbs imperium ad se trahentibus, & contentiosè vindicantibus. Accedebant etiam ad vrbs interitum & ruinam festinantis, fatales calamitates, quòd sanctæ ciuitatis Patriarcha primas partes profani dominatus ditionisq. sibi inuerecundè arrogaret. Carolus etiam, & Sicilia & Hierosolymorum rex, à Romano Pontifice dictus & coronatus, summa Pont. indulgentia ius exigendarum decimarum à ditionis suæ sacerdotibus in sexennium impetrarat; quo fretus, Ptolemaidem, vt sacro regno contributam, sui esse imperij, pertinaciter contendebat. Præterea, Henricus Cypri rex, cum satis magna pro facultatibus suis classe Ptolemaidem profectus, Templariis, ibi magna auctoritate ea tempestate florentibus, persuaserat, vt sibi sacri regni diadema redderent. Quam rem Carolus permolestè ferēs, vectigalia, quæ sub eius ditione Templarij percipiebant, prouentusque agrorum fisco suo adiudicari, & in posterum inferri iussit, ita profectò, vt tanta omnium procerum oppidanorumq. contentione, & mira animorum distractione, Helpis Ægyptiorum Imperator, filium suum Melesaitin, dum nostri nihil in commune consulunt, ad vrbs ipsam obsidione premendam, & si potis esset, expugnandam, anno eius sæculi nonagesimo primo ablegauerit. Verum ad vrbs tutelam propugnationemque amplius triginta lectissimorum hominum in militia non parum versatorum millia erant; quorum quidem virtute vrbs ipsa aliquamdiu strenuè ac fortiter defensa & conseruata est. Ceterum, tanta erat oppugnantorum multitudo (nam centum quinquaginta armatorum millium exercitum Barbarus sub signis habuisse dicitur) tamque ardens studium, vt mira celeritate ingentia opera efficerent, quibus nostros arctissima obsidione pressos, valdè terrebant, & omni eruptione prohibebant: oppidanosque primò per cuniculos aggressi, vbi pari diligentia iisdem artibus ab obsessis rem geri intellexere, ab incepto destiterunt, cōmutatisq. studiis, & admotis ipsis mœnibus summæ molis machinis, assiduè vrbs ipsam quatiebant & defatigabant, eo quidem successu, vt tandem diruta magna murorum parte, parum abfuerit, quin vrbs ipsa in illorum potestatem deueniret. Oppidani interim atque præsidarij milites, omnibus viribus obsidionem fortiter & animosè tolerabant, summaq. cum diligentia, si quid cladis interdiu aliquo modo ab hoste illatum esset, hoc noctu cum summa indu-

*Nostrarum
mutue si-
mulatæ in
vrbe Ptole-
maidæ.*

1291.
*Ptolemaidæ
obsidio &
expugnatio.*

stria & citra aliquam temporis moram vel intermissionem vllam reficiebant, eo certè animosius, quò maiora pericula ostendebantur. Nam licet oppidani post trimestrem fortiter toleratam obsidionem, morte Ægyptij Imperatoris nuntiata, aliquantulum recrearentur, nihilominus quòd audiuiſſent, Sultanū eius filium quamprimū cum summa omniū militum consensione & applausu patri successorem datum & salutatum fuisse, verebantur, ne, id quod accidit, sub nouo Principe ipsi milites se solito multò animosiores & officiosiores præstaret. Habet enim hoc omnis imperij cōmutatio, vt sub nouo Principe noua subinde nascatur vel odia, vel amicitia, eò certè feruentiora, quò recentiora. Sacra militiæ Benignus, ex Galliis, vti existimo, oriundus, vir strenuus, rei que militaris peritus præerat, omniaque fortis militis ac strenui ducis munia obibat; ac sæpius perplexam ciuitatem, & inclinantis fortunæ statum conseruauit, sic vt multum præsidij & quasi salutis spem omnem oppidani vniuersi in ipso ponerent. Verū, ipso sagitta venenata, vti perhibent, extincto, magnam omniū animis, præsertim verò Latinis, consternationem tanti ducis interitus haud dubiè attulit, & vniuersam ciuitatem tantoperè conturbauit, vt Patriarcha, & Cypri rex, ac reliqui, qui magis salutis, quàm decoris curam habebant, intempesta nocte præ metu clam sese ex vrbe subducerent, conscensiq. nauibus, abitum & discessionem pararent; qui cū hostium conspectum & insidias euasissent, ac iam Cypro appropinquarent, exorta sæua tempestate, magnū naufragium perpeſsi sunt, ægreq. tandem in eam insulam incolumes appulerunt, magna suorum parte fluctibus absorpta, adeò vt qui ferrum euitassent, ignaua morte inglorij perierint. In ipsa verò vrbe ad duodecim ferè hominum millia remanserant, miserum proculdubio & horrendum spectaculum, tantis faucibus, longaq. obsidione mirum in modum defatigatis, ac malis præsentibus defessis omnibus, & quòd nulla spes salutis vel periculi effugium ostenderetur, valdè anxii. Expugnata enim & capta ipsa ciuitate, nullo cum discrimine, vel citra aliquem sexus vel ætatis delectum, inhumaniter & crudeliter omnes à crudelissimo victore cæsi sunt, pauci in captiuitatem abducti. Nec in mortales modò atrox barbari victoris ira sæuiit, sed, vt ad Tripolim prius factum fuerat, publica priuataque ædificia, ac templa superū euerſa, & ne indicium vllum euerſæ vrbs, vel monumentum aliquod extaret, omnia auulsa & solo æquata; tantaque subsecuta est vastitas & solitudo, vt deinceps non secus quàm in deserto & inhabitato solo, terra ipsa inculta & longa solitudine damnata iacuerit. Huius tam præclaræ vrbs euerſio & deploranda calamitas, finem sacro bello imposuit. Nam cū omnis spes salutis, & omnium opum conseruatio in istius solius vrbs præſidiis staret, vnà cum vrbs excidio etiam Christiana potentia in ipso Oriente concidit, anno centesimo nonagesimo sexto ab eo quo Urbani secundi auspiciis, ductu verò Gothifredi Hierosolyma recepta sunt. Cyprius interea rex, fuga, vti diximus, cum suis elapsus, paucis diebus, postquam in regnum postliminiò rediisset, Famagustā (quam antiquis Tamassum fuisse puto) in portu valdè amœno & celebri, instar Ptolemaidis ædificari iussit, tantis cum incrementis & genij loci felicitate, vt deinceps vrbs ipsa celeberrimum euaderet emporium, tanto cum omnium gentium confluxu, vt propter rerum Orientalium affluentiam, multarumq. mercium commoditatem, plurimæ nationes, præsertim verò Genuenses ac Veneti, ibi concurrerent, & assiduis nauigationibus in Cyprum transmitterent. His ferè temporibus, vt eò vnde inceperam, redeat nostra oratio, finitis indutiis quas inter Venetos ac Genuenses aliquot annis factas fuisse demonstrauiſus, iterum bellum intermissum, summis studiis

vtrim-

Ptolemais
lo æquata.

Famagusta
instar Ptole-
maidis con-
dita.

utrimque reparatum est. Cum enim Veneti anno supra mille ducentos tertio ac 1293. nonagesimo cum quatuor maioribus nauibus quàm optimè instructis, Fama-
 gustam versus, à Rege Cyprio, ut antea ostensum est, summa diligentia & indu-
 stria ædificari cœptam, nauigationem instituissent, septem Ligusticis nauigiis,
 com meatibus variisq̃ue mercibus onustis, & ex Eubœa insula reuertentibus, oc-
 currerunt; cūq̃ue inter eos facilè vetera odia renouarentur, ac Veneti suis validis
 præsidis ac bellico apparatu quamplurimum confiderent, impetum & impres-
 sionem in ipsos Genuenses fecerunt, eo quidem successu, ut tandem, ubi ad ali-
 quot horarum tempus inter se acerrimè pugnaissent, Ligur superior euaderet, &
 hostilibus aliquot nauigiis potiretur, quæ tamē ipsis breui post ex Senatus Reip.
 Genuensis decreto illæsa, integra & inuiolata fuerunt restituta. Nam Ligures, in-
 uitis animis, & summa quodammodò necessitate adducti, hoc bellum ea tempe-
 state susceperant, sic ut ex utriusque partis consensu oratores Cremonæ diu pro
 constituenda pace ab omnibus nequicquam allaboratum esset; ac tandem, rebus
 utrimque infectis, illinc discessum fuit, paruoq̃. dato respirandi tempore, à Vene-
 tis primum bellum exortum est. Hi enim ad retinendum maris imperium, pro-
 pagandamq̃ue maiorum suorum gloriam & rei navalis peritiam, ex Senatus de-
 creto publicis sumptibus sex & quadraginta, siue, ut aliis placet, sexaginta trire-
 mium classē instruxerunt; quæ sanè ad præoccupandum potissimas maris par-
 tes in altum confestim educta fuit, eiq̃ue cum imperio præpositus Ruggerius
 Maurocenus, quem scribunt prima nauigatione in Ponticum mare profectum,
 ad res Genuensium circa Byzantium & Peram infestandum. Quandoquidem sa-
 tis compertum est, primam eruptionem in Perenses, aduerso littore Byzantinis
 oppositos, Ligustici nominis socios, factam fuisse. Is locus erat Genuensibus
 quàm maximè opportunus, non solum ad Ponticas merces vtrò citroq̃ue con-
 uectandas, sed ad belli etiam gerendi necessarios vsus: adeoque res ad id tempus ibi
 loci creuerant, ut ab emporij forma non multum abesset. Venetus subita vi locum
 adortus, quia nullis erat adhuc munitionibus firmatus, facilè occupat, diripitq̃ue
 hostiliter, direptum incendio absumit. Inde ad utramque Phocæam itum, quæ
 Ionix vrbes, Foliæ nouæ ac veteres vulgò appellatæ, Genuensibus ea tempesta-
 te parebant; huiusq̃ue loci pars vna sub Venetæ classis accessum igni conflagrauit.
 Proximo anno qui fuit eiusdem sæculi quartus & nonagesimus, iterum Venetiis
 quinque ac viginti triremium classis adornata est duce Ioanne Superantio, qui
 Pontum versus nauigatione directâ, Caphatam urbem, olim Theodosiam, in
 Taurica Chersoneso positâ, improviso accessu expugnauit, illumq̃ue in his locis
 hiemare coactum, in tantam frigoris intemperiem incidisse commemorant, ut
 nouem propemodum nauales turmæ pedibus manibusq̃ue intolerando frigoris
 rigore haud mediocriter periclitatæ sint. Et ita quidem Venetorum Annales re-
 ferunt. Quandoquidem de his duabus expeditionibus quas proximè recensui,
 Genuensium Annales, quos potissimum sequor, nullam prorsus mentionem
 habuerunt; sed tantummodò ea literis consignarunt quæ hîc subiiciam, nempe,
 hoc anno, cum Genuenses octodecim triremes & duas onerarias Eubœam in-
 sulam, & Peloponnesum versus eduxissent, Venetos, qui eo ferè tempore viginti
 octo triremium & quatuor liburnicarum classē exornarant, in tres Ligusticas
 naues multis ac pretiosis mercibus refertas incidisse, illasq̃ue, præter cætera in-
 comoda paulò antè Genuensibus illata, subita impressione facta occupasse.
 Id verò cum præfectis Ligusticarum triremium innotuisset, protinus amissa na-
 uigia recuperare constituisse. Proinde ut facilius & commodius rem agerent,

Causa & origo noui belli inter Ligures & Venetos ex-orti.

Ligurum victoria cum ingenti cle-mentia.

Peræ & Phocæa à Venetis diripiuntur.

1294.

Capha & Venetis expugnata.

Tres naues Ligusticæ à Venetis interceptæ.

mercibus prius coemptis, in Pera expositis, rectà in hostem contenderunt: & Nicolàus Spinula, qui legationis munere apud Cæsarem Græcum eo temporeungebatur, ob spectatam virtutem, longumque rerum gerendarum vsum & cognitionem toti classi omnium suffragiis & consensu præfectus est: cumque in conspectum hostis deuenissent, ad captandam in ipso certamine ventorum opportunitatem, & seruandum flatum, obuersis proris fugam simularunt. At Veneti existimantes hoc ab eis præ metu fieri, cum præsertim se decem nauigiis hoste superiores conspicerent, militarem disciplinam atque ordinem in præliis retineri consuetum, magna sui fiducia, vel potius temeritate quadam penitus neglexere, adeò vt Ligures, cum confusos & perturbatos viderent eorum ordines, nacti opportunitatem, classeque explicata, summo studio atque animorum alacritate illos inuaderent, & cominus eminusque aggredierentur, sic vt post ancipitem atque atrocem pugnam, tandem insigni victoria potiti sint, captis quinque ac viginti triremibus, ingenti que hominum numero in suam potestatem reducto. Sunt verò qui narrent, Spinulam, hoste conspecto, pugnam à Venetis oblatam diu detrectasse, ne scilicet aduersus classem numero tantò superiorem, tot ciuium suorum capita & salutem, in tam manifestum periculum & discrimen adduceret; sed tandem Venetis nullum vrgendi finem facientibus, ad necessariam pugnam quodammodò attractum, classe, vt dictum est, explicata, & in aciem directa, congressum fuisse, atque ita suis ira & indignatione propter violatas indutias accensis, vltimaque necessitate animos, vt fieri solet, acuate, hostilem classem profligatam. Verum enimvero prior sententia, vt vero proximior, nonnullis magis probatur, cum ipsi sponte hostem adorirentur, eo cum animi decreto, vt manus confererent, illataque iniurias per occasionem pro viribus vlciscerentur. Incidit hæc præclara Genuens. victoria in festum diem S. Germano sacrum, quo eius memoriam perenni anniuersario aureæque chlamydis dono Patribus recoli & quotannis celebrari placuit. Huius cladis fama vt primùm Venetias delata est, vniuersam urbem incredibili ira simul & dolore affecit, ita vt Patres Conscripti ad eam vindicandam summoperè inflammati, ingentes apparatus cum summa diligentia fecerint, magna me herclè cum comminatione & dirorum omnium denunciatione, sese scilicet omnem Ligusticæ oræ tractum assiduis excursionibus ita infesturos, vt nullus portus, nullæque rupium angustiae, Genuensis imperij & nominis, incolis effugium aliquod præbere possent; adeoque omnia sibi fausta & felicia pollicebantur, vt extimarent Genuenses ne aspectum quidem suæ classis laturos. Quod postquam ad horum cognitionem peruenit, haud sanè mediocriter ipsorum animos extimulauit atque accendit; & quò maiori industria ac sedulitate in eam expeditionem incumberetur, ex vnanimi voluntate atque assensu factiones, quæ circa hoc tempus sub Mascaratorum & Rampinorum nomine contrariæ, Guelfarum & Gibellinarum partium studia fouebant, reconciliatis animis, penitus sustulerunt, lætaque hoc nomine vltra modum ciuitate, in eius rei gratiam supplicationes publicæ à Senatu decretæ fuerunt, ipseque Iacobus Voragineus urbis Antistes cum infulis & tiara de more sollempni, summa cum religione & ferculorum gestatione, ac cætero clero omnes urbis regiones, concomitantibus Patribus, & subsequente populo, peragrauit atque iustrauit. Quibus peractis, sub externi Prætoris Iacobi Calcani ciuis Mediolanensis administratione & auctoritate, nauibus ex omni Ligustica ora corrogatis, ac in vnum eundemque locum conductis, ab Idibus Iulij vsque ad decimum oct. Cal. Sept. classem ducentarum ferè triremium compararunt, quæ deinde ad centum & sexa-

*Militaris
dolus.*

*Insignis Ge-
nuensium vi-
ctoria, duce
Nicolao Spi-
nula.*

sexaginta quinque omni nautico instrumento & militari apparatu exornatas atq. instructas redactæ sunt, illique Vbertum Auriam, virum rebus gestis, clarissima-
 que victoria de Pisanis nuper parta, celeberrimum, cum suprema potestate atque imperio præfecerunt, in eamque classem amplius quinque & quadraginta bellatorum Ligusticæ ditionis ac nominis millia, ultra remiges, conscenderunt, quos vel generosæ expeditionis fama ex diuersis partibus, vel Genuensis populi amicitia & ostentandæ virtutis studium Genuam exciuerat, non enumeratis iis qui omnes cum tam famoso bello nomina certatim dare vellent, non citra magnam gratiarum actionem gratique animi testimonium in patriam abire iussi, & benignè dimissi sunt: prout Iacobus Varagineus, cuius proximè meminimus, illorum temporum æqualis, grauissimus & sanctissimus Antistes, idemque certissimus scriptor, tradit, qui rei ipsi ceu oculatus testis interfuit, numerumque nauium se recensuisse affirmat. In hoc etiam tanto Ligusticæ ditionis apparatu & domestico milite, tam magnus armorum vestiumque splendor fuisse narratur, ut plusquam octo millia fuisse constet, quorum chlamydes sagulæque militares, aliaque arma, vndique auro & holoserico enituerint. Quæ sanè cum admiratione & notatu digna sint, vnius scilicet Reip. opes nullis viribus quàm priuatis subnixæ, ad tam magnam expeditionem sufficere potuisse; plus tamen hoc admirationis meretur, quod ultra hanc quam recensuimus classem, ad tutelam & præsidium Ligustici imperij, ultra quadraginta nauigia, omnibus instrumentis bellicis instructa, domi hinc inde per certas stationes dispersa, non secus ac si in otio Resp. ipsa diu floruisset, remanserunt, quæ si alij classi coniuncta fuissent, magnum proculdubio numerum constituissent, adeò certè, ut sese non solummodò hosti, in cuius gratiam parabatur, sed etiam exterorum Principum potentiæ æquare non immeritò potuerint. Quo etiam factum est, ut multorum Christiani nominis Principum animi non parum fuerint commoti, veriti scilicet, ne ex vtriusque populi florentissimi potentissimi que internecone atq. excidio, vniuersa Resp. Christiana in maximum postea periculum deueniret. Proinde inter ceteros, Bonifacius octauus, qui eo tempore, Cælestino quinto fraudibus oppresso, malis artibus ad Pontificatum peruenerat, hac quidem re optimi Præfulis munera impleisse videtur, quod Romam, Patriarcham Venetum, & Genuæ Antistitem, ac vtriusque Reip. oratores accersuerit, ut de cōmuni omnium sententia pacis rationes inirentur. Verùm enimuerò, in tantum vtriusque gentis animi à pace abhorruerunt, ut nihil omninò, quod ex vsu tranquillitatis publicæ esset, ea quidē tempestate, statui potuerit. Quocirca Genuenses vbi omnia ad rem naualem, tantumq. bellum pertinentia, studio sissimè procurassent, hostium minas verborumque ferociam armis retundendam iudicantes, protinus certo ad hoc internuncio misso, Venetis nunciarunt, lætari se vehementer, illorum ambitione & contumacia factum esse, ut necessum sibi sit prælio experiri, vtra natione rei militaris disciplina bellicisque artibus magis valeret, seq. illis etiam laborem longioris itineris adempturos. Siciliam enim se insulam ab vtraque vrbe non vsque adeò remotam, parique ab vtraque interuallo distantem, campū delegisse, in quo præclaram hanc æmulæ virtutis & potentiæ contentionem communis Mars decerneret. Auria interim paucis diebus interiectis, nactus ad commodè nauigandum opportunam & idoneam tempestatem, cum vniuersa classe in insulam certamini destinatam contendit. Cumq. integrum mensem ibi stationem habuisset, hostemq. ad ancoram cum sua classe expectasset, nec vsquam appareret, Genuenses, Diuos hominesq., ac cælum ipsum & maria cōtestati, certamen

Potentiss.
Genuensium
classis duce
Huberto
Auria.
In classe Genuens.
erant
quadraginta
quinq. milia
hominum
armatorum.

Genuens.
Venetis bellū
inducunt.

Venetis de-
treclant pu-
gnam.

ultrò à se oblatum, ab hostibus tam segniter detrectatum esse, Genuam, hic me præsertim appetente, sibi redeundum statuere, magno sanè cum honoris æternique nominis incremento & gloria. Nam etsi in conspectum hostium non venerant, nihilominus tamè magnam apud ipsam posteritatem famam nacti sunt, quòd tantum virtutis ac fortitudinis specimen dederint, ut deterrito hoste, ac in publicum prodire non audente, ipsi, citra cædem & sanguinem, omnium gentium consensione & suffragiis victores declarati, triumphum de Venetis non immeritò

1297.

*Genuensis
navalis appa-
tus duce
Gando Ma-
rio.*

reportarint. Ceterum anno eiusdem sæculi nonagesimo septimo, cum Genuæ nunciatum esset, Venetiis magnam classem præparatam, atque omni genere apparatus bellici instructam, sinum Hadriaticum excessisse, quæ sanè in uniuersum quinque & sexaginta triremium numerum æquabat; quamprimum Senatusconsulto decretum fuit, ut auspiciis Gaudi Marij septuaginta quinque triremium classis ad opponendum hosti instrueretur & educeretur: Et licet ipse Marius designatus tantæ classis Imperator, nihil reliqui ad summam diligentiam faceret, quò nominis Ligustici Reipublicæque gloriam noua laude accumularet, nèue Vberto Aurix strenuo duci fortissimoque militi aliqua ex parte inferior esse à quoquam videri posset, nihil haberet antiquius, nihil denique magis in votis, quàm totius maris tractum diligenter perscrutari, & in hostem ipsum perpetua inquisitione inquirere; is tamen cum secundo præteritarum rerum euentu, atq. adeò præsentis Reip. Genuensis viribus deterritus, prodire non auderet, sed se, non absque magna ignominia fortissimorum ducum oculis subtraheret; factum fuit, ut Gandus ipse cum magno dolore, & inuidenti fortunæ despectu, nunquam gloriam prædecessorum suorum ex noui certaminis successu, atque rerum gerendarum dexteritate augere potuerit. At proxima æstate fortuna ipsa Reip. Ge-

1298.

nuensis statum prospero flatu prosecuta est. Cum enim Veneti per id temporis septem & nonaginta triremium classem duce Andrea Dandulo eduxissent, Ligures ne quid ab hoste detrimenti vel cladis repentino incursu, aut imparati aliquo modo acciperent, tres & septuaginta, siue, ut aliis placet, octo & septuaginta seu nonaginta octo triremes, sub Lambæ Aurix præfectura instruxerunt, qui maiorum suorum vestigiis insistendo, atque præstantissimorum Genuensium Reip. ducum alacritatis & rei gerendæ peritiæ æmulus, postquam operatis sacris, ac fausta acclamatione sibi omnia prospera & felicia animo præfagiuisset, conscensa prætoria triremi, atque opportuna nauigatione usus, tandem in Hadriaticum sinum ingressus, hostem ipsum magno animi cum ardore atque celeritate persecutus est; & cum is ad urbem Cursulam, aliis Corcyram nigram dictam, stationem habere nunciaretur, summo pugnandi studio accensus, eò cursum tenuit. Veneti interea, operæ pretium se facere existimantes, si prioris dedecoris, ob detrectatæ pugnæ asperam labem, insigni aliquo facinore, bellicæque virtutis claro & euidenti testimonio eluerent ac emendarent, conuocatis ducibus sese ad certamen & pugnam magna cum animi alacritate & omnium ardore composuere, magnaque fiducia omnia sibi felicia sperabant & ominabantur. Accedebat quippe ad animorum indignationem pristinaque odia, Ligustici ducis contemptus, atque præterea superioris belli ad Ptolemaidem in Syria, ac in Sicilia ad Drepanum prosperè & cum ingenti laude gesti recens memoria, quæ sanè ipsorum animos, suapte natura ambitiosos & excelsos, mirificè extimulabat, & ad ferociam usque exacuebat, ita equidem, ut ex rerum præteritarum feliciter gestarum memoria & successu, futurarum statum metirentur atque conijcerent. Contrà verò Ligures superioris cladis in Pontico mari acceptæ memores, flagrant

bant ira & vindictæ cupiditate, ac propter detrectatam à Venetis nuper pugnam non parum sublatis, modis omnibus exoptabant sibi locum & tempus idoneum pugne à Diis immortalibus concedi, quò scilicet præteritarum iniuriarum & acceptarum cladum magnitudinem vno eodemque tempore probè vlcisci & vindicare possent. Nec erat inter eos quisquam, qui animo, quasi cum nouo & nunquam antea viso hoste res gerenda esset, aliqua ex parte consterneretur. Omnium siquidem animos subibat recordatio, quàm sæpe Venetos ipsos priuata propriaque potentia confisos, nouisque victoriis subinde exultantes, fudissent, & in turpem ac planè ignominiosam fugam non semel coniecissent. Accedebat etiam huc superiorum bellorum cum Pisanis prosperè gestorum frequens cogitatio, quos ad tantas angustias se aliquandò redegisse meminerant, ut sæpenumerò, accisis eorum rebus, difficulter, intermisso bello, respirare potuerint. Quæ omnia in vnum collata, & vtriusque hostis comparatione facta, non solum erant bene animati ac prorsus intrepidi, sed certam sibi victoriam animis præsumentes, gestientibus similes, pugne ardore ac studio exæstuabant. Preparatis itaque omnibus ad fortiter prælium subeundum & sustinendum necessariis, priusquam manus cum hoste confererent, Auria ipse, quò illos in proposita sententia firmiores constantioresque redderet & retineret, pauca verba sibi præfanda ratus, in hanc ferè sententiam concionem ex triremis prætoris puppi habuit.



SI existimarem, inquit, strenuissimi Duces, fortissimi que milites, hac in expeditione mihi summo Deorum beneficio commilitones dati, aliquem vestrum ignorare cum quo populo nobis negotium esset, vel pro qua Rep. bellum gereretur, essem me herclè aliquantulò sollicitior, ne mihi vobis pauca verba facienti minor fides haberetur, quàm rei magnitudo & periculum exigit. Verùm cum me non lateat, vos vniuersos, & patrū memoria, & longo iam vsu satis superque intellexisse, quantis iniuriis maiores vestri à populo Veneto, numquam quietis vel pacis studio, sed semper immani quadam atq. dira cupiditate exterarum gentiū finibus & opibus anhelanti & imminenti, domi forisque affecti fuerint. Quarū certè cum adeò recēs sit memoria, ut exempla adhuc subinde omniū oculis obuissentur, nō est mediūsfidius, quòd verear, ne vos, pro innata pectoribus vestris generositate, atq. naturali propugnade patriæ zelo, imparati, vel languidis animis ad tantū oppugnandū hostem mecū veniatis. Satis igitur superque fuerit, si superiorū temporum recordatione, atque multarum victoriarum memoria, quibus nostra Resp. non citra multarū gentiū & nationum cum admiratione tum inuidia mirum in modum hactenus creuit, & sibi immortalem gloriam penes omnem venturam posteritatem parauit, nunc vosmetipsos exsuscitetis, ac bene gerendæ rei cursum segniter rem ipsam administrando haudquaquā abrumptis. Nihil hīc de manubiis ac spoliis, quæ etiam inter ceteros bene administrati belli fructus vos manent, cum ea sint proculdubio huiusmodi, ut magis auaris & effeminatis, quàm verè fortibus & generosis animis incentiua esse soleant, refero. Interim vobis nullo modo reticendum esse arbitror, nos omnes pro aris, pro focis, pro coniugibus, charisque pignoribus, ac denique pro Reipub. nostræ salute ac veteri dignitate & gloria, cum superbissimo hoste, insatiabili atque inexplebili siti omnia nostra deuastante, hodiè pugnandum esse, cuius quidem vires ac temeritas nisi hac tempestate à vobis fortiter & alacriter superentur & opprimantur, in perniciem nostram, atque adeò omnium nostrū, omniumque sociorum magis atque magis ferociet, & blandis

Lambe Auric oratio ad suos milites.

dientis fortunæ prosperitate elatus, indies debacchabitur. Ceterum cum causam, longè omnium iustissimam, consciis ipsis diis, foueamus, cum præter rei æquitatem, nō nisi coacti, & summa necessitate adducti, hanc belli aleam subeamus, spero Deorum omnium numina in hoc nostro certamine æquis oculis adfutura, & iustiori causæ patrocinatora. Vestræ interim erunt partes, maiorum nostrorum partem tantis belli difficultatibus dignitatem, turpi aliquo recenti facinore non dedecorare, vel leuitate aliqua & inconstantia commaculare. Sed me plura dicere volentem, aduocat hostis ipse, quem nunc nobis in conspectum progredientem, pari animorum omnium ardore atque fidei integritate excipiamus, & aggrediamur.

His verbis militum animis valdè erectis & confirmatis, singuli victoriæ spem, vel planè fiduciā, in propria virtute & dextera, magna præsertim æquitate causæ subnixi, ac miris præstantissimorum ducum exemplis prouocati, ponere cœperunt, adeò vt inde statim ab initio certaminis dudum ancipiti Marte ad multarum horarum spatium, prælium ipsum non absque teterrima cæde, multiq̃ue Christiani sanguinis effusione, protractum fuerit, mira certè alternantis fortunæ varietate atque inclinatione, ita vt in tantarum triremium, & nauigiorum concursu ac velificatione, fœdus fuerit pereuntium hominum conspectus, atque, quod dici solet, tristissima vbique mortis imago. Tanta siquidem erat moribundorum corporum misera facies, & vicissim tanta mox miserè periturorum militum alacritas & ardor, vt antea nihil de minitabundo vultu & oculorum toruitate remitterent, quàm animam exhalarent, extremumq̃ue spiritum vnà cum corporibus relinquerēt, ita certè, vt hæc clades, omnium quæ ad ea ferè tempora inter vtramque gentem post multorum annorum interualla atque varios successus commissæ fuerunt, vtrique populo periculosissima & funestissima extiterit. Quippe tametsi victoria ipsa penes Ligures staret, atq. Veneta classis ad vnum, exceptis duodecim tantummodò nauibus, quæ sese fuga exitio subtraxerè, deleta esset, nihilominus tamen tam magno sanguine, atque tam præsentibus periculis & laboribus hæc victoria ab ipsis victoribus redempta fuit, vt nisi Venetorum potentia domi forisq̃ue diu florente rerum omnium statu, fuisset ad summum apicem perducta, non dubium est, quin illius diei tristissimus casus bello finem attulisset. Sed cum vtraque Respub. maxima potentia & immensis opibus domi forisq̃ue niteretur, non ita mirum, si post huius certaminis infortunium, bellum iterum victi repararint. Elapsis itaque remorum beneficio dumtaxat, vt supra demonstrauius, duodecim nauibus, reliquæ omnes partim depressæ, partim incendio absumptæ, nōnullæ verò iussu & mandato Lambæ ducis, Genuam ad speciem iusti triumphi reseruatae & ductæ fuerunt, inter quas erat ipsa prætoria Andræ Danduli Venetæ classis, tunc temporis, vt retulimus, præfecti præsentia nobilitata; qui postquam amissa classe, & ferè septem millibus & quadringentis Veneti nominis militibus captis, in potestatem hostium deuenisset, commutatae fortunæ condicionisq̃ue suæ impatiens, simulq̃ue propter tantam acceptam cladem anxius, & ad desperationem vsque demissus, omni melioris fortunæ condicionisq̃ue spe abiecta, caput suum tantisper postibus atque cardinibus prætoriae puppis illisit, assidueq̃ue iniegit, donec miserrimè in coronam magnorum virorum valdè hoc nouo spectaculo attonitorum expiraret, summopere, vt fama est, veritus, ne triumpho reseruatus, Genuam ad publicum spectaculum & populæ ludibrium deportaretur. Aliqui existimant, huius naumachiae felicem successum non tam ad militum robur & fortitudinem (licet strenuissimè pugnarint) quàm ad singularem Ligustici ducis industriam, exactissimamq̃. rei naua-

lis pe-

*Naualis
conflictus.*

*Venetorum
clades.*

*Dandulus
Venetæ clas-
sis Præfe-
ctus, sibi ipse
mortem con-
sescit.*

lis peritiam meritò referendam esse, quandoquidem non pauci memoriæ prodiderunt, ipsum in instruenda atque disponenda acie mira prudentia stratagemati non ita absimili, ad ludificandum hostem usum fuisse, nimirum quindecim eum triremes omnibus apparatibus bellicis quàm opportunè instructas, à tota sua classe separatas, in insidiis à tergo reliquisse tradunt, eo sanè consilio, ut si iam inclinata acie, necessitas harum auxilium & usum requireret, illis quamprimum, ceu novis subsidiariis, repentino per medios hostes incursu impetuque factò, cominodum vteretur. Vt cumque verò res gesta sit, insignis profectò ac memorabilis ea fuit victoria, tantique ponderis atque momenti, ut memoria eius annuversario perpetuo sacro, ad ædem D. Matthæo dicatam, aulæque aurei dono, decreto publico decorata sit, & ad hanc usque diem, citra intermissionem ullam propagetur. Quidam Venetorum Annalium scriptores devictæ classis Præfecti nomen alto silentio supprimunt, eo fortassis consilio, ne Dandalæ familiæ, ex qua ipse oriundus erat, propter acceptam cladem, & infelicitè in illa quidem expeditione administratam rem bellicam, labem, vel aliquam aspersam notam posteritas reperiret. Qua sanè in re non est, meo equidem iudicio, quòd nobilissimæ isti familiæ, ac optimè de sua patria iugiter meritæ, aliquid dedecoris, vel sinistræ famæ periculum metuant, præsertim cum ipse Dandalus omnia simul fortissimi Imperatoris, & strenui militis officia obierit, nulloque modo negligentia, vel temeritatis à quoquam meritò insimulari possit: quòd quidem cum fortunam ipsam non habeamus in nostra potestate, nec sanis semper consiliis rerum euenta respondeant, satis est actionum nostrarum successus non aliàs quàm boni consilij maturitate æstimare atque metiri. Siquidè nemo ferè est, qui ignoret, omnibus quodammodò ætatibus semper clarissimos extitisse duces, qui post multas reportatas de hostibus inclytas victorias, & gloriosissimos actus triumphos, tametsi in omnibus suis negotiis summam prudentiam & iudicij rectitudinem adiungerent, quandoque tamen infelicibus successibus pugnasse citra omnino aliquam suarum laudum & virtutis bellicæ partæ existimationis iacturam, vel iustam imminutionem. Cuius quidem rei cum infinita propemodum exempla ex ipsa antiquitate nobis in primis sese offerant Mithridates Ponti rex, L. Crassus, Magnus Pompeius, ac demùm Hannibal ipse, ex recetioribus verò maximis & præstantissimis Imperatoribus Carolus Quintus (cuius augustissimum nomen honoris & reuerentiæ causa nomino) mihi instar omnium sit, cuius virtutes bellicæ, aliæque veri heroici & excelsi animi dotes, si penitiùs introspectantur, ac cum aliorum magnorum Principum virtutibus conferantur, adeò fuerunt præclaræ & celebres, ut gloriosissimis bellicosissimisque istis quos modò recensui Ducibus non solum par, verum etiam multis parasangis superior à multis grauius viris iudicatus sit; qua tamen ipse fortuna ad Algerium, & Mediomatrices usus fuerit, non est (cum paucos ignorare existimem) quòd hoc loco tanti Cæsaris felicitatem, & æqualis ferè vitæ tenorem, ac insignem isonomiam inuidiosa commemoratione aliquo modo eleuem; cum in confesso sit, eum in vltima illa expeditione Algeriana tãtam fortunæ aduersitatem expertum fuisse, ut parum, vel nihil abfuerit, quin desperatis atq. accisis rebus, ipse in vltimum vitæ discrimen adductus, vitam cum imperio amiserit. Hæc eo potissimum recensui, quòd cum constet, Dandalum ipsum præstantissimū sese virum in omnibus suis actionibus semper gessisse, & maiorum suorum gloriam, summa gerendarum peritia, fideique constantia semper antea conseruasse, planè dolendum sit, quòd ipse propter vnius pugnæ improspexitatem, à recto rationis itinere deuius, in tantam in-

*Militaris
peritiæ ex-
emplum.*

*Rerū euentus
non semper
sanis consiliis
respondeant.*

*Caroli v.
elegium.*

patientia

patientiam & desperationem prolapsus sit, ut nō solum malam nominis sui auitæque gloriæ rationem, verumetiam pessimam de se habuerit; nimirum cum verè excelsi & generosi animi sit, rebus asperis & aduersis non consternari vel dissijci, sic etiam nec secundis efferri, vel attolli. Proinde magnum cum impotentis, tum etiam malè Christiani & religiosi animi argumentum dedit, quod retroactæ vitæ suæ honestatem & innocentiam tam turpi ac scelerato fine, & (ut sic dicam) colophone dehonestarit. Inferre enim sibi ipsi manus, vel etiam ethnicorum Philosophorum sententia non minùs quàm alij vim & impressionem inferre, impium ac inhumanum scelestumque est, cum in tabulis Decalogi expressè præcipiatur, homicidium non committendum esse; quod non de proximi tantum, verumetiā de vniuscuiusque propria vita intelligi existimandum est. Quid igitur viro forti, & illo quidem Christiano indignius, vel flagitiosius, quàm vel vitæ tædio, vel promerendæ famæ ac posteritatis gratia, animā ipsam nunquam iniussu Imperatoris sui (ut ait ille) educendam, paricidalibus & plusquàm sacrilegis manibus è custodia, atque suo constituto domicilio, ante tempus scelestè educere? Hæc tametsi multos patronos tamquam honesta habeant, & à non paucis ad fortitudinem rapiantur, falsoque illius titulo excusentur, cum specie quadam, licet inani & fucata, fortitudinis indoctiores & imprudentiores fallere possint; nihilominus tamen quia Christianum non est, aliquid Christiana pietate & religione indignum committere, omnium hominum iudiciis Dandulus noster in perpetuum reprehenderetur, & hac de causa vituperabitur. Habeant alij suos Catones, Hannibales, Antonios, Cleopatras, & alios quos stulta ambitio & inanis gloriæ fama ad scelus pertraxit, vel quos vitæ tædium, aut melioris vitæ subsequendæ spes, ut de Cleombroto & Empedocle, stolidis certè hac in parte philosophis, antiquitas ipsa testatur, ad odium huius lucis ita adduxit, ut vitæ filum abrumperere non veriti sint. Satis est nos qui Christo nomina dedimus, eiusque sacris initiati sumus, intelligere, quàm turpiter insana illa stultissimorum hominum multitudo fiducia quadam sui subnixa, à vero, Dei que voluntate in hoc aberrauerit. Verùm de his satis, & me aliquantulum ab instituto digressum, reuocat historiæ contextus. Veneti post acceptam cladem nihil de pristina animositate remittentes, nullum planè alicuius consternationis specimen, vel argumentum præbebant, sed ne propter illata damna, potentia sua aliqua ex parte labefactata vel attrita videri posset, hoc vnum dabant enixè operam, ut summa cum diligentia reparata classe, sese melioribus temporis & fortunæ successibus reseruarent. Proinde ad initium veris viginti quinque triremes duce Marco Paseo, ultra finem Hadriaticum eo animo & consilio emittunt, ut insulas omnes, & Mediterranei Ægæique maris oppida præsidio tuerentur, nullamque bene gerendæ rei occasionem, si qua daretur, prætermitterent. Baseus itaque quo aliquo præclaro facinore Reip. cladè solaretur, ciuiumque suorum animos in nouam spem erectos sibi arctius deuinciret & promereretur, summa industria & celeritate usus, ad Hellesponti fauces penetrauit, eoque cum peruenisset, in hostilem classem præter expectationem incidit, & inuicem nihilo meliore euentu, maiore tamen animi alacritate cum hoste summa necessitate adductus conflixit. Magna fuit in hoc certamine vtriusque partis alacritas, & pugnandi contentio. Veneti namque ut præteritas & superiorum temporum iniurias grauesque clades vlciscerentur, magno ardore & impetu in hostem ferebantur: Ligures verò felici rerum successu confirmati, longoque belli usu edocti, solo laudis gloriæque amplificandæ studio, ad proelium feliciter conficiendum, hostemque superandum incitabantur, &

magna

Summum
scelus, sibi
ipsi vim
inferre.

1299.

Nova classis
Venetorum.

Navalis
conflictus.

magna quadam animi fiducia freti, omnia sibi prospera ominabantur, adeò meherclè, vt post longam ac diuturnam pugnam, mutuamque stragem, iterum Veneti pari infortunio inferiores facti, sexdecim triremes cum omnibus armamentis sociisque naualibus (vt quorundam Annales testantur) amiserint. Duplici igitur victoria auctus & elatus Ligur, multò magis quàm antea, hostem ipsum flocci pendere, multoq. maiora sibi polliceri, ac denique, vt plerumque in prospero rerum cursu fieri solet, omnium subsequendarum rerum ex præteritarum successu, euèta & exitus comparare atq. metiri, tãta cum securitate & sui fiducia, vt in Cretam vsque nemine prohibente euagatus, quamprimùm sese totam insulam occupaturũ, & in potestatem redacturum cõsideret, & fecisset haud dubiè omninò, nisi ad primum quodammodò impetum vehemens ille ardor vnus tantummodo vrbs accessione, nescio qua de causa, quãprimùm restinctus fuisset. Nam post iterum occupatam, & feliciter Venetis ademptam Cydonem urbem, nihil memorabile vel notatu dignum ab eo patratum fuit, demirantibus ferè omnibus, quòd ipse tam felici atque secundo rerum successu vsus, fortunam suam vltius non sit (prout omninò debebat) egregiè & fortiter profectus, quippè ab hac vltima victoria, vsque ad annum ferè millesimum trecentessimum quinquagesimum secundum, à mutuis armis hunc vtrumq. populum temperasse comperio, nihilque hostiliter, nisi vt pari æmulatione maris imperium sibi quisque retineret, fuisse attentatum. Subsecuta exinde tempora, atrocissima bella ex veteribus odiis atque simultatibus renata, exceperunt, quæ proximo libro maiori qua fieri poterit breuitate enarrabuntur.

*Genuensis
victoria.*

*Cydon à
Genuensibus
occupata.*

DE BELLO VENETO,

LIBER II.



QVIDEM non possum satis admirari, quoniam Reipub. Genuensis fato acciderit, vt ipsi tantarum gentium victores, gloriam foris egregiis factis & gestis acquisitam, tam sæpè domi funestis & planè exitiosis simultatibus ac factionibus extinxerint, vel saltem non parùm obscurarint, lateque patres dominium atque eximiam potentiam domesticis iurgiis attriuerint. Porro his fermè temporibus, rursus in Repub. veteres factiones repullularunt, & sensim infelici progressu magnam contagionem attraxere, perniciosissimis dissidiis inter Grimaldam & Spinulam gentem exortis; deinde contagione ipsa ad proximos quosque serpente, Aurix, aliarque patriciarum nobilesque familiarum, similibus studiis & turbis inuolutæ atque implicatæ fuerunt; quæ etsi graues & magnos patronos haberent, nihilominus consilio & auctoritate præstantissimorum virorum restinctæ & compositæ, anno millesimo trecentesimo decimo, magna sui parte fuerunt, pace certis sub conditionibus atque capitulis iterum postliminiò inter factiones inita & confirmata: Verùm, cum successu temporis nouæ subinde seditiones exortæ, & in manifestum vrbs excidium eruperint, nullam me herclè maiorem fuisse causam omnium controuersiarum reperio, quàm quòd semel constitutæ pacis condiciones plerisque iniquæ videretur, ac tales omninò, quæ fidem ipsam datam non obligarent: ex qua certè scaturigine deinceps multa dissidia, quæ in posterum Remp. ipsam mirificè

1300.

*Genua veteris
factionibus
dissensu.*

*Chilium
dissensum
causa.*

mirificè torserunt, enata sunt, & nisi magna cum difficultate deleta ac confopita. Quomodo autem præclarissima hæc Respub. continua quadam serie diuexata ciuilibus bellis fuerit, seorsum antea enarrauimus. Verumenimuerò, tametsi omnibus Christiani orbis Principibus aliqua spes continuatæ pacis inter vtramque gentem affulisset, tamen tantisper à bello temperatū fuit, quamdiu Genuenses domesticis iurgiis & seditionibus ciuilibus attererentur: quo quidem tempore, anno scilicet supra mille trecentos tricesimo septimo, inter vtramque gentem propter duas naues Venetas, pretiosis mercibus onustas, quæ ex Gallia Belgica soluerant, à Guelfis interceptas, bellum quodammodò renouatum videri poterat. Quippè cum post exiguum interuallum, Franciscus Marinus, sicuti lib. VI. rerum politicarum recensuimus, cum decem nauigiis, quibus in Peloponnesum adnauigarat, totidem Venetis fortè occurrisset, horumque præfectus Marino per myoparonem significari iussisset, vt, demissis velis, secum in colloquium atque congressum veniret: quo minimè impetrato, sese mutuis armis impetuerunt, eo quidem exitu, vt post lōgam atque atrocem dimicationem, sex Venetæ triremes in Genuensium potestatem deuenirent. Sed postquam Venetus Senatus totam causam sigillatim ac planè intellexit, licet haud mediocri detrimento affectus, nihil sanè vltèrius contra Ligures attentauit, adeò vt per multos annos inter vtrumq. populum pax illæsa atque intacta remanserit. Ceterum vbi Genuenses priuatis molestiis liberati sunt, iterum vniuersam potentiam ac vires in Venetos cōuertēre: & quamquam multi reperiantur scriptores, qui de renouati belli causa varient, tamen hanc potissimam fuisse existimo, quòd vltra vetera odia, & acceptarum iniuriarum memoriam, rei naualis, imperijq. maritimi æmulatio, vt dictum est, vtrosq. mirum in modum exerceret. Accedebat, quòd postquam Veneti gratia apud Palæologū excidissent, Byzantioq. fuissent exclusi, Ligures citra aliquam temporis intermissionem, vel expensarum & sumptuum rationem, summis viribus ipsos omni orientalis maris navigatione excludere enixè contendissent. Quibus sanè de causis Veneti ira accensi, & indignatione inflammati, hoc flagrantius succensebant, quòd Chium insulam, antea ipsis Genuensibus cum Smyrna Asiæ vrbe à Michaële Palæologo dono datam, illorum armis retentam conspicerent, cumque illis hanc maximè inuiderent, miris excogitatis artibus, nouisque studiis ac dolis, eam insulam, valdè sibi opportunam, eripere allaborarunt, infelici tamen successu, cum omnibus suis conatibus à fortuna ipsa destituti, quasi ea nouerca, & omninò contraria illis temporibus cum æmula gente bellum gererent. At cum Veneti nullis calamitatibus exhauriri, vel aliquibus consiliis sanari possent, magna vtriusque partis contentione iterum ad arma recursum fuit. Genuenses enim, cum ea tempestate per totū Eoi maris tractum longè lateque dominarentur, magnum negotium Venetis negotiatoribus faciebant, præsertim verò circa Thracium Bosphorum. Porro cum multas onerarias, negotiationis causa, per mare Ægæum & Ionium dimittere solerent, Ligures tunc temporis in aliquot Venetas & Cretenses naues incidentes, magna cum Veneti nominis ignominia, eas Caphatam ex instituto cursu retrahūt, siue, vt aliis placet, in portu Capharino negotiatores & mercatores ipsos detinuerunt: qua re Venetias perlata, repetitis de more mercibus, nec redditis, ipsi ad eam iniuriam vlciscendam magno studio triginta quinque triremes duce Marco Rucino, siue, vt alij volunt, Nicolao Pisano, comparant: quo Hellepontum nauigare iusso, cum non longè ab Eubœa aduersa tempestate distineretur, diu ad omnem ventorum flatum circūuagatus, tandem ab instituto cursu retractus, Carysium portum

Francisci Marini aduersus Venetos vi-
etoria.

Bellum inter Ligures ac Venetos inflauratum.

portum subire summa necessitate compulsus fuit, vbi quatuordecim longas Genuensium naues omni mercium genere onustas, ac imperio Nicolai Magnerres (quæ gens nunc Franca Genuæ est) parentes, præter spem & expectationem reperit; quas vt facilius opprimeret & occuparet, nèue vllus effugij illic locus relinqueretur, angustias ipsius portus infedit, atque instructo ordine præclusit. Ligures ad tam repentinum inimici ducis aduentum commoti atque perculsi, magna celeritate incidunt rudentes, omnibusque impedimentis naualibus omissis, quàmprimum sese pugnae præparant, ac tandem sublati velis, cum propter iniquitatem loci, nulla cōmodè pugnandi facultas daretur, & parum abesset, quin ab hoste, nauigiorum numero longè superiori, circumuenirentur, protinus omnes in illam portus partem qua mare, quod ibi vadosius esset, difficilius nauigatur, inquirunt; & per illud orificium, alioquin valde arctum & angustum, cum nullis præsidis teneretur, earum quatuor primæ elabuntur, reliquæ eodem elabendi studio primas illas secutæ, magna hostium celeritate præoccupantur: & cum quinta earum quodammodò effugisset, Venetus per transuersum in eam deuectus, cursum præpediuit, eo exitu, vt omnes reliquæ ad illius casum & impeditiōem consternatæ, sese in arcto & sinuoso littore recondere, cui inhaerentes, omnes à victore hoste interceptæ in portu fuerunt, ita vt magna & opima præda amplisque spoliis victor ipse sit auctus. Nam vltra decem naues captas, multosque contrucidatos, septuaginta & amplius nobiles cum mille aliis Ligustici nominis militibus asseruandi causa in Eubœam deportati sunt: quadringenti verò in Cretam insulam traducti. Qua victoria lætus Venetus, cum in festinatione magnam reliqui opprimendi hostis spem poneret, exiguo reficiendis corporibus concessio tempore, summa diligentia & comoda nauigatione vsus, Hellespontum ac Propontidem emensus, non antea substitit, quàm Bosphorum peruenisset; constituerat enim, Perenses improvisos & imparatos, inopinato accessu opprimere. Verùm, cum illos præter spem ac opinionem suam, rebus omnibus bellicis ad excipiendum hostes paratos & instructos reperiret, pugna abstinent, magno certè cum Perensium omnium emolumento, quos prioris prælii successus ad Carystium paucis diebus antea commissi multo prudentiores effecerat, adeò vt inopinatum hostis aduentum veriti, perpetuis vigiliis atque assiduis laboribus sese ita instruerent, vt omnia necessaria ad manus haberent, nullamque hostilem vim magnoperè ad bellum & obsidionem sustinendum timerent. Venetus itaque sua spe frustratus, nonnihil his locis commoratus est, cōsiliij anceps, abiret ne, vel eos obsidione fatigaret. In hoc ambiguo Venetorum consilio, quatuor illæ Ligusticæ ex Carystio portu nuper, vt antea diximus, dilapsæ, cum nouem triremibus à Simone Vignosio Chij prætor, atque aliis nonnullis priuatis ciuibz Genuensibus, ob recentem suorum cladem duce Philippo Auria viro strenuo & rei naualis peritissimo instructis, sese coniunxerunt: isque vt illatas iniurias & damna vlcisceretur, in Eubœam insulam præteruectus, illam varijs populationibus & incendiis deuastauit, & mox Chalcidem, urbem illius insule primariam, subito appulsu feliciter expugnauit, captiuos ibi adiuuentos recepit; omni que oppidanorum turba inde abducta, urbem diripuit atque incendit, pretiosisque captæ urbis spoliis onustus, cum tribus & viginti patricij ordinis ciuibz Venetis captiuis, Chium reuersus, captæ ciuitatis clauēs ad sempiternam huius inclytæ victoriæ memoriam ad eius urbis portas, more Romano, qui ad rostra hostium exuias spoliaque suspendere solebat, affixit, quæ ad nostra vsque tempora ibi permanferant, & etiamnum, vt fama est, cōspiciuntur, nisi postremò, vi-

*Genuensium
clades ad
Carystium
portum.*

*Chalcis à
Philippo Au-
ria expu-
gnatur, ac
diripitur.*

*Chius insula
à Turcis oc-
cupata.*

delicet anno supra millesimū quingentesimum sexagesimo sexto, Calendis Maij, quo Turcarum Cæsar Solymanus hanc celeberrimam insulam suo imperio adiecit, illinc tandem, vt verisimile est, amotæ sint; cū Tyrannus hoc vnum semper egerit, vt omnium Principum Christianorum victoria rerumque cum laude gestarum monumenta, ex oculis hominum atque memoria amouerentur & extinguerentur. Quomodo autem hæc, duce Piali, aulæ Othomannicæ purpurato, per id temporis occupata fuerit, in Epitome historiæ variarum rerum, hac nostra tempestate multis in locis gestarum, cui titulus est, De bello Cyprio atq. Pannonico, à me conscripta ac typis euulgata, dilucidè ostendi. Ceterum, vt ad institutum redeam, cū Resp. Genuensis pristini nominis sui gloria, superioris temporis iniquitate nō nihil, propter acceptam ad Carystium portum cladem, obscuratam, iterum egregia virtute ac diligenti opera Aurix ducis recuperasset, recentiq. victoria mirum in modum illustrata esset, Victor Ligur, exque Bosphoro reuersus, omnis maris tractum latè audacterque circūuectus, nullo relicto, vel statim prodire audente aduersario, ouans cum magnis spoliis, & opima præda, quæ ad quadringentas, vel, vt aliis placet, trecentas auri myriades æstimata est, Genuam cum summa Patrum totiusque populi congratulatione remigrauit, adeò vt effusa vrba multitudo, magnus illi eiusque sociis honor haberetur. His rebus ita constitutis, ac mari vltiori & inferiori pacato, vtriusque gentis Rep. nonnihil ab armis & curis conquiescente & respirante, magno cum omnium compendio & satisfactioe, aliquot mensibus in otio vterque populus vixit: sed breui post, iterum bellum vtrimque instauratum fuit, summoperè allaborantibus Venetis, vt ignominiam delerent, ac nouis ausis, & recenti expeditione iniurias & clades vlciscerentur. Quod vt facerent commodiùs, anno supra millesimum trecentessimum quinquagesimo secundo, cum Petro Aragonio, Sicilia regnum tunc temporis obtinente, ac Ioanne Cantacuzeno Græcorum Imperatore, (qui expulso Caloioanne Andronici iunioris filio, contra ius & æquitatem imperium per vim & tyrannidem occuparat) fœdus atque amicitiam, hoc nomine subinde sollicitatis plerisque Veneti nominis & imperij sociis, per Michaëlem Stenum, & Ioannem Delphinum suos legatos contraxerunt. Socij itaque, nouique illorum cōfœderati, quò laboranti Reip. subuenirent, ad instituendam nouam expeditionē octoginta vnus, vel, vt nonnullis placet, vndenonaginta triremium classem, cui singuli suos duces imposuere, adornarunt. Veneti verò magna cum diligentia magnisque sumptibus, imperatis ad hoc antea nouis vectigalibus, atque delectu in omni ferè agro sui imperij habito, magnam classem aduersus tantum hostem compararunt, quam quadraginta triremium numerum expleuisse constat. Et quia ea tempestate Nicolaus Pisanus erat vir industrius, cuius virtutes bellicæ aliæque corporis & animi dotes in multis rebus sæpius fuerant exploratæ & perspectæ, hunc Senatus omnium suffragiis classi præposuit. Catalani verò, Venetorum in hoc bello socij, qui triginta triremes subsidiarias miserant, Pontium titulo S. Paulæ cum imperio præfecere. At quem Græcus Imperator suæ classi præfecerit, hætenus nulla diligenti inquisitione inuestigare potui. Genuenses vbi de tanto apparatu, ac de tam magnis & potentibus sociis in partes & belli societatem vocatis, cognouerunt, habita de more graui in curia deliberatione, ac, quid in rem foret, diu longumque consultato, expedire omnibus visum est, vt sub auspiciis Pagani Aurix, cuius eximia virtus rerumque gestarum gloria, ac in patriam spectata fides erat, sexaginta triremes quamprimū habito militari delectu, ceterisque necessariis, instruerentur. Cuius certè viri virtus cū magna & excellens

1352.

*Venetorum
fœdus cum
Catalanis, et
Græco Impe-
ratore, ad-
uersus Ge-
nuens.*

*Genuensium
classis duce
Pagano Au-
ria.*

cellens per se esset, eò tamen maior habebatur, quò Auria familia semper viros præstantes, ac patriæ amantissimos, perpetua quadam serie dedisset, adeò vt tota Respub. omnia fausta & felicia de tanti viri industria sibi polliceretur. Neminem enim latebat, hostiles impetus multis in locis ab Auriis fatali quadam vi fuisse planè retusos & repressos. Is igitur oram Ligusticam emensus, summo ventorum beneficio citò in Hellespontum est delatus: & cùm illi renunciaretur, hostilem classem inter Byzantium & Chalcedonem ad Bosphori angustias propediem profecturam, operæpretium se facturum existimauit, si eò etiam cursum teneret, ratus (id quod erat) se hoc modo Perensibus, nouo Venetorum apparatu valdè deterritis & consternatis, opportuno quidem tempore auxilio futurum: deinde, si ita temporis conditio ferret, vel commodum cum hoste congredi videretur, sese opportunitate loci fretum, tutiùs atque commodiùs dimicare posse. At Pisanus Venetæ classis præfectus, ex Methone vnà cum Pontio Tarraconensium duce in Euboeam traiecit, inde Byzantium, vt statuerat, profecturus. Verùm pertinaci quodam Aquilonis flatu plures dies ab instituto cursu interclusus, deficiente tandem comineatu, retrò in Cretam cum tota classe abire coactus est. hinc interpositis ferè quadraginta diebus, sub initium veris, Venetus, ac socij armis & còmeatibus instructi, solutis atq. sublatis ancoris, institutã nauigationem diligenter prosequentes, Byzantium tandem præteruecti sunt, vbi mox illis Græcorum classis adiungitur. Nec multò pòst cum hoste circa Peram, olim Galatam, Auria neutiquam pugnam, licet nauium numero longè inferiori, detrectante, acerrimo prælio vtrimque dimicatum. Verisimile autem videtur, iccirco à Ligure Bosphoranas fauces atque angustias præoccupatas, ne, si in alto & aperto mari res gerèda esset, à triplici classe circumuentus, in gyrum dimicare cogeretur. Quanta autem cum rei militaris naualisque disciplina & ordine aciem suam instruxerit, sunt multorum Annales qui varient. Nam aliqui dicunt, totam Ligusticam classem in duo potissimùm cornua fuisse distributam, idque eo consilio, quòd Auria summoperè vereretur, ne Græcorum classis aliquantulum remotiùs quàm reliquæ à tergo relicta, sese, postquam cum Venetis & Cathalanis congressus esset, reliquis classibus coniungeret. Proinde expedire sibi visum, vt acie in duo latera, seu in æquales partes distributa, omnem hostilem classem in còspectu haberet, magna me herclè cum ducis sollertia, quippè qui, cùm hostiũ numero vinceretur, solum præsidium in fortitudine & alacritate, cum singulari coniuncta prudentia reponeret. Cùm sese quo recensui modo ad certamen præparasset, cum hoste nihil minus existimante congressus est, tanta cum omnium pugnantium animositate & ardore, vt, cùm hinc acuentibus animos odiis atque receptarum iniuriarum calamitatumque memoria, illinc verò toties superati & deuicti hostis recordatio, magna fieret inter eos cædes & strages, tanto impetu, vt licet nox instaret, agrè tamen pugna dirempta sit. Pomeridiano enim tempore tribus ferè horis ante Solis occasum prælium inter eos inchoatum, in sequentis diei primam quodammodò lucem varia fortuna extractum est, eo certè euentu, vt sub certaminis initium fortuna Venetis sociisque valdè faueret. Atrox, horribile & deforme erat ipsum prælium, pugnaque facies, propter innumera armorum ac telorum genera, quibus classiarij ac epibatae utebantur, densumq. nauigiorum inuicem cohærentium & colligatorum nexum, adeò vt vniuersum mare humano sanguine fœdè suffusum & cruentatum, armis, clypeisque, remis & harpagonibus, denique humanis cadaueribus, non sine immenso terrore & commiseratione, vndique constratum atq. repletum conspiceretur. Augebant hor-

Naualæ prælium.

*Inclita
Genuensium
victoria.*

rorem ingentes hominum clamores in cælum ipsum vsque sublatis, qui confusione quadam instar boatus, vel mugitus, undique aërem perstrepebant, ac latè longèque circumsonabant, multorum armorum crepitus, remorum fragor, atque concurrentium nauigiorum depressiones & elisiones mirificè omnes afficiebant, præsertim cùm tanta vbique animorum pertinacia & obstinatione pugnaretur, vt nulla salutis spes nili in dextera & victoria ipsa relinqueretur. tanta siquidem fuit vtriusque partis contentio & desperata quadam animositas, vt nullibi terrarum fortiùs hætenus & longiori prælio conflictum, vel instabiliori fortuna dimicatum fuerit. Tandem Pontio cadente, & Catalanis suo duce destitutis, pugnam remittentibus, Veneti sensim ac pedetentim cedere cœperunt, sic vt victoria prorsus ad Ligures sese inclinans, ea cum magna gaudij effusione potiti sint: Græcorum verò classis ex transuerso inuecta, pugnam Græca calliditate detrectans, facilè citra multam sanguinis effusionem retrocessit. Sed Venetæ & Aragoniæ à frontispicio congressæ, ac tam arcto loco, atq. ita inter se coagmentatæ & coniunctæ, vt vix dimidia Venetarum nauium pars propter angustias explicata fuerit, facilè à Genuensibus alacriter pugnatibus superatæ sunt. Omnes enim quotquot rei militaris periti in ea expeditione fuerunt, fassi sunt, Venetos & Aragonios propter iniquitatem loci in summas angustias coniectos, maiori ex parte superatos fuisse, ita vt quamuis Genuensibus & mare & venti aduersarentur, rem tamen feliciter gerere potuerint, cùm hostis in istis angustis esset quodammodò sua mole & robore suffocatus. In hoc prælio ex fœderatis & Veneti nominis sociis supra quatuor millia cecidisse, fama est: inter quos, præter multos equites Aragonios, Stephanus Contareus D. Marci Procurator, Ioannes Stenus, qui superiori anno legatione, vt dictum est, apud Cantacuzenum Cæsarem functus fuerat, Benedictus Bembus, Pancratius Hadriatici sinus Præfectus, desiderati. Ex Genuensibus verò non vltra septingentos perisse constat, & inter illos quidem præclari ac strenui ciues, amissarum verò, vel depressarum nauium numerus itidem exiguus fuit. Sed ex hostilibus in potestatem Ligurum deuenire quinquaginta octo triremes, ex quibus triginta Venetorum, ceteræ Tarraconensium extitere: reliquæ in ipso ardore prælij depressæ. Græcis autem, quoniam ipsi, pugnae asperitate animaduersa, statim vt superiùs retulimus, recesserant, nihil prorsus incommodi allatum est. Huius gloriosissimæ victoriæ memoriam septimo Idus Martij habitam, sacro anniuersario sollemni in æde Matthæi, aureique paludamenti dono ab ipso Magistratu publicè deferendi, quotannis celebrandam instituere. Nec sanè immeritò, cùm hæc omnium pugnarum naualium in Oriente commissarum, longè maxima, vel saltem vna ex præcipuis extiterit. Nam, vt aliarum gentium naualia certamina præteream, in ipsa Græcia non extitere celebriora quàm illa quæ ad Thermopylas, Salaminam, Marathonem, Mycalen, Mantineam, Leuctra, Cheronæam, & apud Plateam inter Græcos & Mardonium copiarum Xerxis præfectum, commissa fuere. Pari quoque strenuitate & ardore dimicatum fuisse narrat antiquitas inter Romanos & Carthaginienses mutui imperij æmulos, itemq. inter Octauium & M. Antonium, ad Actium congressos: nec defuerunt inter Christianæ ac Mahumeticæ religionis Principes pugnae memorabiles, quarum omnium illa præstantissima, quæ superioribus annis magna cum Christiani nominis dignitate, decore, ac emolumento ad Echinadas insulas commissa est: cuius prælij successum luculenter in tertio libro De bello Cyprio à me conscripto, sum complexus. Huius tantæ cladis ad Bosphorum acceptæ fama Venetias delata, vniuersos in-

*Celebriores
naumachie.*

fos ingenti dolore pariter & indignatione affecit: sed Senatum aliosque patricij ordinis viros magis pudor, quàm mæror torquebat, iniquo animo ferentes, paucorum temeritate factum esse, ut ipsi duorum potentissimorum Principum opibus adiuti, non modò Ligurem capitalem hostem; toties à se antea superatum & fugatum, nullo incommodo affecissent; verùm alternante fortuna, summa accepta clade, ac turpiter loco derelicto, maximo cum omniù detrimento immensam ignominiam in se admisissent. Impacatis igitur omnium animis, non antea quieturi videbantur, quàm eam labem pristinæ suæ gloriæ ac æstimationi inustam, aliquo recenti facinore, atq. adeò singulari aliquo Liguribus illato damno, 1353. eluerent atque corrigerent. Igitur proximè sequenti anno supplemento habito, quinq. & quadraginta triremium classem, duce eodem Pisano, instrui iusserunt; qui comparata iam classe rectà in Siciliam contendit, ut Aragoniam classem triginta quinque nauigiorum numerum æquantem, & ibi in ancoris subsistentem, cuique in Pontij locum Bernardus Caprarius cum imperio suscectus erat, sibi adiungeret. Quod ubi Genuæ cognitum est, euestigiò ex Ioannis Valentij ea tempestate supremum Principatum gerentis, aliorumque Patrum decreto, sexaginta triemes adornatæ sunt: quibus omni bellico apparatu instructis præpositus est Antonius Grimaldus, qui ferè ante viginti & vnum annos, quinq. & quadraginta triremium classis Præfectus, maiorem Balearicam, & Cathaloniam magnis claudibus affecerat, hostemque in turpem ac præcipitem fugam coniecerat. Is itaque omnibus rebus ad rem naualem opportunis, summo studio ac diligentia præparatis, è sinu Ligustico soluens, rectà in Sardiniam, quò hostilem classem concessisse per speculatores acceperat, nauigationem instituit: ibique iuxta Calarim in eius insulæ ora, siue ad Congeriam, ut aliis videtur, ubi primùm in hostilem classem incidisse dicitur, ferociter in mutuum conspectum & pugnam processerunt. Ligur, quia nuper aduersus hostem, licet potentior, circa Bosporum prosperrimè dimicasset, certam sibi victoriam proponere. Veneti verò, iniquitate loci, non hostium virtute superiorem cladem sese accepisse rati, quamprimùm futuri certaminis successu priorem ignominiam abolitum iri contēdebant. Tarraconenses pugnae auidissimi, Venetorum animos, sua sponte alioquin mirabiliter flagrant, oculorum alacritate, & animi robore ac constantia summoperè accendebant & extimulabant, adeò ut magna cum ferocia & ardore, tametsi Ligur nauigiorum numero longè impar esset, vtrinq. ad manus sit deuētum, atrociterque dimicatum: Prælium ipsum, pedestre & statariam pugnam præ se ferre videbatur, cum animi constantia corporumque vi ac robore res gereretur, ut neque loco, cum cominus pugnaretur, facile dimouerentur, neque antea inuicem cederent, vel locum desererent, quàm fortiter pugnando occumberent, donec tandem magno cum Genuensium infortunio ac prioris fortunæ mutatione, finitum est; siquidem ipsi, toties aduersariorum suorum victores in hoc certamine, magno cum fortunæ volubilitatis exemplo, inferiores extitere, vna & quadraginta triremibus amissis; quarum aliæ deprellæ, aliæ verò in potestatem hostium deuenire, ac reliquæ nouemdecim sublati velis, subita venti mutatione facta, cum ipso duce Grimaldo incolumes elapsæ sunt, quæ postmodum secunda nauigatione Genuam redierunt. Traditur etiam, præter captiuos, quorum sanè magnus fuit numerus, plurimos ex præcipua Genuensium nobilitate fortissimè pugnantes desideratos esse. Quidam huius pugnae infelicem exitum magna ex parte ipsi nauarcho acceptum referunt, quòd dicant, cum minimè ex militaris scientiæ, & disciplinæ præceptis, ordines instruxisse, multaque prouidi & circumspecti ducis

*Navalis
conflictus*

*Ligurum in
felix præliū*

munia & partes neglexisse. contra verò non pauci extant qui constanter assue-
rent, ipsum omnia prudentis Imperatoris ac strenui militis officia abundè præ-
stitisse, nihilque ab eo in illo prælio desiderari potuisse. Proinde cùm belli alea
semper sit anceps, & sapiùs humana consilia & vincat & ludificetur, existimant,
potius incertam humanorum casuum & fortunæ vicissitudinem ob oculos po-
nendam, quàm propter sinistra & aduersæ pugnae casum aliquo modo ipsius du-
cis dignitate esse eleuandam; nimirum, cùm vel hoc in primis viri prudentis sit,
animum ita instituere, vt nihil sibi certi de propria virtute ac fortuna quisquam
polliceatur: sed cùm rerum humanarum maxima sit incōstantia & varietas, om-
nes actiones ita disponere decet, vt cum honesta rectaque ratione consentiant, il-
larum verò successus ac exitus diuinæ voluntati permittere. Meritò igitur excu-
setur Grimaldus, qui propria virtute, & superiorum felici rerum successu confi-
sus, certamen cum classe tanto numero superiori committere nequaquam sit
veritus. Ingentis verò cladis acceptæ memoria egregium rerum humanarum do-
cumentum posteris præbere poterit, nullius virtutem atque industriam fortu-
næ posse obtinere. Veneti, & Tarraconenses, fortunam suam vltius prosecuti, duo
significæ ditionis oppida in Sardinia, subita incursione facta, ceperunt: quibus
capitis, nouisq. præfidiis firmatis, singuli ad suos reuersi. Hæc tam funesta clades,
ob plurimorum ciuium, & lectæ nobilitatis iuuenum, partim superioribus bel-
lis, partim verò in hoc postremo certamine cæforū interitum, vniuersam urbem
quod sanè mediocriter afflixit, & ad hanc necessitatem adduxit, vt tandem Resp.,
accisis iam rebus, multis grauibsq. causis necessarium habuerit, ad externam
potentiam, ceu ad ancoram, confugere. Quæ sanè res cùm non esset leuis mo-
menti, sed ita perplexa & grauis, vt magnam deliberationem requireret, diu Se-
natum torfit, antequam ipsis Patribus bene super eligendo externo Principe con-
ueniret. Tandem post multarum sententiarum rogationem, illorum præualuit,
qui Mediolanensium Principem, ceu vicinum & potentem, aliasque socium, ce-
teris grauib. rationibus adducti, præferendum iudicarent. Itaque se vtrò, de
communi omnium sententia, Ioannis Vicecomitis, Mediolanensium Principis
& Antistitis, cum maximis & præstantissimis quibusque Principibus & Dyna-
stis, non solum totius Italiæ, verumetiam reliqui Christiani orbis opibus & sum-
ma potentia facilè certantis, fidei ac tutelæ commiserunt, & tradiderunt, ea qui-
dem lege & condicione, vt inter cetera se aduersus omnes Venetorum Arago-
norumque iniurias & vim deinceps tueretur. Deditionis huius fama effecit, vt
& Veneti nouo fœdere, ac societatis iure suas partes augerent & constabilirent.
Porro cùm magnos & potentes haberent vicinos, quorum fidei atque opibus nō
mediocriter fidebant, minimè necessarium esse arbitrati sunt, vt longo & molesto
ambitu externorum longeque remotorum Principum gratiam atque amicitia
necessitudinem quærent, multisque precibus emendicarent, & quasi, quod sæ-
pius vsu venire solet, longa condicionum serie emergarentur. Itaque legatione ad
omnem viciniæ oram missa, Patavinorum, Veronensium, Estensium, Mantua-
norum, & in Etruria Florentinorum amicitiam implorarunt, citraq. magnam
aliquam difficultatem obtinuerunt, eò quidem facilius, quò Vicecomitum opes
atque potentia propter imperij magnitudinem finitimis populis essent mirum in
modum ad fastidium vsque inuisæ & suspectæ, nec mirum, cùm ad omnium fe-
rè gentium aures vetus illud prouerbum perueniret, Odimus quem metuinus.
Proximo vere, quod in annum eiusdem sæculi quartum & quinquagesimum in-
cidit, Veneti, communi Patrum sententia, triginta sex triremes expediuerunt, ad-
ditis



*Genna sub
Ioannis Vi-
cecomitis
imperio ac
tutela.*

*Venetorum
fœdus cum
multis popu-
lis & Prin-
cipibus ini-
tum.*

ditis ingentis magnitudinis onerariis quinq., ac plerisq. aliis nauigiis. Cumq. esset variatum, tandem frequētibz suffragiis eidem Pisano summum imperiū ijsdem ferē quibus antea legibus, de more traditum. At Genuenses interea de rebus suis mirificē solliciti, enixē allaborabant, ne negligētia, vel imprudētia, minima etiam in re peccarent, vel laberentur. Proinde summa prouidentia & celeritate quinque ac viginti triremiū classe præparata, tametsi in Rep. omni ferē tempore præclarissimi ex quāplurimis familiis duces extitissent, qui Remp. ipsam externarū gētium armis attritam & defatigatam, non semel salutaribus consiliis ac rerum gerendarum peritia, summa cum fidei integritate iuuisent, & hæc virtus bellica, ceu per manus ad posteros tradita, ita in multis familiis nobilibus floreret, vt non difficile esset in tanta nobilitatis frequentia aliquem armis præstantem, tantæ prouinciæ idoneum inuenire: nihilominus tamen quia Auriæ familiæ arma & industria, aduersus omnem hostem, præsertim verò Venetum, prorsus fatalia iam longo vsu deprehenderant, omnium decuriarum ac tribuum suffragiis, iterum Paganum Auriam maritimo negotio atque nauali bellicæ expeditioni cum suprema potestate ac Imperatoris titulo præficere placuit. Ceterum Venetus vt quā longissimè patriis sedibus bellum propulsaret atque proferret, suorum militum ac nauigiorum robore & numero fretus, Ionium mare penetrans, Oenusas, à recentioribus insulam Sapientiæ dictam, haud procul Messeniaco sinu positas, celerrimè contendit. Verum, cum hæc insula ita sit obscura, vt à plerisque, nisi bene in Cosmographia versatis, ignoretur, operæpretium me facturum existimaui, si leuiter aliqua attingerem, quæ ad illius situs descriptionem haud parum pertinere iudicarem. Itaque cum huius insulæ tractus valdè sit scopulosus & asper, ac plerisque in locis inuius & inaccessibleis, potius magni scopuli, quàm iustæ insulæ retinet formam: sed quia vna ex parte, scilicet ea qua Peloponneso contigua est, portum habet amplum & capacem, qui multis nauibus fidam stationem ac receptaculum præbere potest, magis illius securitatis causa, quàm propter aliarum rerum vsu, cum lignationibus & aquationibus omninò careat, frequentari solet. Huc ergo Auria, qui, vbinam hostis subsisteret, optimè exploratum habebat, cum sua classe, cui paulò antè sese decem triremes ductu Vicecomitis Grimaldi socias addiderant, cum viperæ insignibus, Insubriæ principum auitis & familiaribus, irrequieto cursu ac summo dimicandi studio & ardore concessit, & modico temporis spatio ambæ classes se ex aduerso intuitæ sunt; virtuteque ac æmulatione vtriusque Præfecti, haud sanè magna mora iniecta est, quin mutuò infestis armis congredierentur. Venetus, in nauium suarum quas in primo cornu hosti opposuerat, robore, inq. victoria, superiori æstate in Sardinia habita, plurimum confidere: Ligur contrà non minore animi alacritate ac fiducia, quàm ante bienium in Hellesponto magno cum fortunæ beneficio dimicarat, manus cōseruit: & derelictis nauibus, quæ propter nimiam æquoris malaciam, loco dimoueri nequiuertant, contra aduersariorum spem ac opinionem, illorum classem ex utroque latere inuasit, eo quidem successu, vt voti compos factus, præclara atque planè insigni victoria potiretur. Capta enim tota hostium classe, eius præfectum Nicolaum Pisanū cum quinq. & quadraginta hostium millibus in potestatem redactis, nec nō vexillum D. Marci ad puppim obliquè inuersum atq. affixum, Genuam transmisit. Verum sicut passim multa cum magna scriptorum varietate traduntur, sic etiā circa huius certaminis successum haud exiguam discrepantiā esse animaduerto. Eorum namque qui huius pugnæ meminerunt, quidam posteris tradidēre, in aperto mari ab vtrisque dimicatum fuisse, & post longum ac val-

*Oenusarum
insularum
descriptio.*

*Naualis
prælium.*

*Insignis Ge-
nuens. vi-
ctoria, duce
Pagano Au-
ria.*

dè periculosum certamen, fortunam ad Ligures inclinasse. Nonnulli verò in literas retulerunt, sine vlla pugna, aut cæde, vniuersam Venetam classem, excepta vna triremi, quæ statim sub pugnae initium celeri fuga sibi consulebat, in ipso portu subito & planè inopinato accessu, quemadmodum paucis antè annis in Carystio portu Ligusticis nauibus contigerat, oppressam. Prior tamen sententia, vt verisimilior, mihi magis probatur. Hanc funestam cladem Venetis ex antecurrentibus notis prædictam fuisse, plerique commemorant. Nam pridie illius diei qua clades illa accidit, ex manifesto ac mirabili augurio haud pauci malè Venetis ominabantur. Coruorum enim agmen aduerso volatu inuicem infestantium, atque miro strepitu & rixis se mutuò lancinantium, in ipso aëre supra Venetorum classem ab omnibus summa cum admiratione visum & obseruatum fuit. Quod sanè prodigium hoc certior Venetis denunciabat infelicitatem, quòd post multam contentionem, mutuus concursus & impetus in lucta fuerit tam ardens & vehemens, vt dimicando ita inuicem attererent, quòd alarum plumæ vi euulsæ, deciderent, & effuso cruore Venetas triremes aspergerent. Accedebat tam tetro & prodigioso spectaculo aliud indubitatae calamitatis haud leue argumentum, quòd remex vnus ex sua in proximam nauim transilire conatus, cum ita pede aberraret, vt cum saltu interstitium inter vtramque nauem positum transmittere nequiret, in mare prolaberetur; qui actutum ab immani pisce exceptus & deuoratus fuisse narratur. Ceterum Auria, his rebus quàm prosperrimè ac felicissimè gestis, secunda fortunæ suæ auspicia secutus, inde cum victrici classe in sinum Hadriaticum præteruectus est, ibique negotiatoriis aliquot interceptis nauibus, moxque in Istriam perpetuo cursu delatus, Parentum capit, & diripit; direptumque incendit, deinde multa strage edita, optimis spoliis, multisque manubiis actus, cum ingenti gloria ac magno suorum militum emolumento, domum rediit, tanta cum omnium lætitia, & fausta gratulatione, vt vrba multitudo vndique effusa, victricem classem in patriam reducem faustis acclamationibus in ipso portu exciperet, summoque gaudio singulos ob res præclare gestas compellaret: qua sanè lætitia num vnquam ab eo tempore maior, quo bellum cum Venetis gestum fuit, cum maiori omnium declaratione demonstrata sit, vix equidem scio. Dux ipse namque extra prætoriam triremim progressus, cum iuentutis ac nobilitatis flore obuiam Senatui processit, & magna hilaritate exceptus, in curiam honorificè deductus est. Cui in patriam cum tanto honore, ac rei bene gestæ gloria reuerso, Resp. Genuensis, quæ semper magnorum virorum, omniumque virtutum iusta & æqua æstimator extitit, ne erga eum aliquod gratæ patriæ officium prætermittere videretur, præter eximios honores, quibus eum antè ornat, ad perpetuæ memoriæ ac virtutis eius testimonium splendido & magnifico palatio in foro Auriano sito, donauit. Verumenimverò fortuna ipsa omnia mutabili pede varians, & semper viris bonis iniqua, ac in primis quidem illustrium virorum meritis ac virtutibus æmula & infesta, Auria tantam à grata patria gloriæ felicitatem collatam inuidit. Quandoquidem haud diu tantis honoribus frui potuit, cum ipse cum incredibili omnium dolore fato sublatus, mirum sui desiderium toti suæ patriæ ac memori posteritati reliquerit. Nec me herclè mirum, ciuitatem tanti & tam præclari sui ciuis obitum grauiter tulisse, cum omnium scripta & voces in hoc planè consentiant, illum tanta animi celsitudine atque præstantia, tantaque demum aduersus cupiditates omnes continentia & moderatione fuisse, vt cū solum ad gloriā atq. laudem respiceret, & ad has, ceu vnicū fidissimum scopū, omnes suas cogitationes & studia cōferret ac dirigeret, nullam

*Prodigiaque
Venetæ cla-
dem præces-
sere.*

*Parentum à
Genuens. ca-
ptum, atque
incensum.*

*Exemplum
gratitudinis
erga de pa-
triam beneme-
ritos.*

*Pagani Au-
rie obitus, ac
singularis
curia.*

prorsus

prorsus opum rationem habuerit, ita ut post suum obitum, præ rei familiaris angustia & tenuitate, prout etiam Græci de Aristide prodiderunt, in eius ædibus non esset, unde illius cadaueri iusta pro dignitate persoluerentur: ideoque publicis sumptibus fuit illi parentatum, & in æde Dominico sacra marmoreum monumentum erectum. Huius autem victoriæ, sicuti etiam prioris ad Hellespontum habitæ memoriam sacro anniuersario sollempni in templo Matthæi, ac chlamydis aureæ dono à Senatu publicè deferendæ, quotannis recoli placuit. Id quidem silentio premendum non esse arbitror, ad hanc victoriam parandam, plurimum Mediolanensem Ducis subsidia & opes, quibus Remp. Genuensem, tunc tam domi quàm foris rebus accisis, mirum in modum laborantem, iuuit, momenti & roboris attulisse: quippe qui ultra duodecim triremes, suis impensis ac milite egregiè instructas, ad nouam etiam classem exornandam militem, pecuniam, & omnis generis cōmeatus non inuitus contribuerit, adeò ut ipsi Ligures, Mediolanensis Principis potissimum ope ac recenti victoria aucti, gratitudinis ergo, nouo decreto antea cōcessæ ciuitatis iura, quæ Ioannis Vicecomitis morte finiebantur, ad Galeacium pariter & Barnabam eius nepotes transfulerint, sic ut Liguriæ vrbes à Coruo Lunensi Promontorio ad Herculis Monæci portum vsque, horum imperio subiicerentur. Interea temporis Ioanne Vicecomite humanis rebus excedente, præfati Principes in demortui patris locum successerunt, sub quorum tutela & dominio aliquandiu remansere; ac horum etiam Principum interuentu & auctoritate bellum tandem inter Venetos ac Genuenses terminatum est, anno eius sæculi quinquagesimo quinto: quæ sanè pacificatio eò minori cum negotio & difficultate inter eos coaluit, quò vterque populus laboribus & opibus exhaustus, ad otium & quietem propensius spectaret, & in primis quidem Veneti ob acceptam cladem, quæ sanè vniuersam urbem tam acri dolore perculserat, ut omnes de salute publica desperare, vulgoque credere ac fateri, actum esse de re Veneta, si hostis victoriæ suæ prosperitatem & cursum prosecutus, urbem ipsam adnauigasset, præsertim cum nulla classis, nullæ turmæ nauales, nulla denique præsidia tunc ad manus adessent, quibus tanto hosti iretur obuiam, vel cuius vires commodè in tanta rerum omnium trepidatione tempore opportuno inhiberi possent. Nihilominus tamen in tanta vniuersæ vrbis consternatione, periculi præsentis magnitudo efficere nequiuit, ut omnia sana consilia eriperet vel extorqueret. Confestim enim summa cum diligentia & celeritate quatuor triremes instructæ sunt, quæ ad fauces sinus Hadriatici in perpetua statione manerent, ac totam illam oram maritimam contra aduersariorum iniurias tutarètur & defenderent. Hæ, paulò post discessum Aurianæ classis in altum eductæ, tres Ligusticas prædandi studio in Istriam vsque progressas cursu auerterunt. Sunt qui referant, triremem illam quam Sapientina clade euasisse diximus, per eos dies ab vna Ligustica, Grimalda vocata, in Peloponneso non ita longè à promontorio quodam interceptam fuisse, indeq. post paucorum dierum intermissione, alteram, & mox aliam ex Venetis pari fortuna à Ligure fuisse oppressam, successuque blandiente in Istriam vsque cursu euectam, metu retrò cecisse. Quo etiam tempore Venetiis septem triremes sub Bernardi Iustiniani auspiciis eductas, citra tamè alicuius rei bene gestæ memoriam, esse comperio; tandemque denuò, pacem vtrunque, uti antea demonstrauimus, transactam fuisse: quæ sanè anno eiusdem sæculi quinquagesimo quinto, vsque in annum eiusdem æui sextum & septuagesimum, illæsa & inuiolabilis permansit. Transacta itaque pace, Genuenses, paucis interiectis mensibus, Caloioannem Andronici iunioris filium, à Cantacuzeno contra

Mediolanens.
Principis studiū
erga
Remp. Gen.

Ioan. Vicecomitis mors.

Pax inter
Venetos ac
Genuens.
anno

1355.

Veneti in
magna consternatione
propter cladem
acceptam.

fas

Franciscus
Catalusius.

fas atque omnes leges imperio expulsum & deturbatum, adeò enixè in recuperando auito imperio, ac hereditaria amplitudine iuuarunt, vt ipsorum potissimum opibus atque armis subnixus, in paternam sedem restitutus sit: Senatus enim Genuensis Franciscum Catalusium, virum maritimarum rerum scientia celeberrimum, classisq̃ue Ligusticæ tunc temporis præfectum, Andronici subsidio miserat, cuius quidem consilio, virtute, cura & vigilantia, Cantacuzeni conatus ingētibus ac periculosis initiis res nouantis, sunt compressi, & propter eximiam suam fortitudinem, egregiamq̃ue Cæsari multis in locis nauatam operam, maximum auctoritatis & potentia locum apud eum sortitus est, ac summa rei naualis præfectura & titulo donatus. Nec Cæsar tanta liberalitate vel honore eum profectum esse contentus, quò eius, gentisq̃ue suæ memoriam ab omni obliuione vindicaret, Catalusios opulentæ ac celebris nominis insulæ Lesbi, vrbisq̃ue Mitylenorum ditione, sorore illi prius in matrimonium concessa, nobilitauit, quam Mahometes secundus Turcarum Imperator, cùm Byzantium, omnemq̃ue Thraciam occupasset, Catalusiis ipsis non sine ingenti multorum clade, vi abstulit, Nicolaumq̃ue Catalusium, tunc Lesbi Principem, crudelissimè occidit. Hanc Genuensium in Caloioannem propensionem & studia ægerrimè tulerunt Veneti, indeq̃ue inter eos noua iurgia & similitates fuerunt exortæ, quæ deinde, aliarum iniuriarum accessione, in manifestum & atrocissimum bellum eruperunt. Interea temporis Respub. domi iterum ciuiliū contentiōum fluctibus iactata, & eo quidem euentu concussa est, vt populus, nobilitate tandem

Genua Simō
Buccanigra
Dux ac Princeps
declatur,

1356.

Notæ inter
Genuens. ac
Venetos si-
militates ac
bella, anno

1372.

Novi motus
in Cypro
exorti.

oppressa, excussoq̃ue Mediolanensium Principum iugo, Simonem Buccanigram postliminiò ad supremæ dignitatis locum veheret. Insecutis verò temporibus, nempe anno eius sæculi septuagesimo secundo, in Cypro insula, vbi vtraque gens mercaturam exercebat, & licitabatur, grauissimi rerum turbines, & periculosæ procellæ, quæ miris fluctibus ac tempestatibus vtramque Remp. inuoluerunt, exortæ sunt, quæ vt clarius elucescant, & penitus introspecti valeant, oratione paulo altius repetita, breuiter, vnde illa initium habuerint, ostendam. Cyprus itaque, vt plerique historici tradunt, postquam Romanum imperium inclinare cœpit, diu sub eorum Imperatorum Græcorum imperio extitit, qui Constantino Byzantij successores fuere. Ricardus interim Angliæ Rex cùm Hierosolyma classe petens, eò tempestate delatus, portu prohiberetur, confestim arma in Saracenos parata, in Græcos vertit, eosq̃ue, vt antea recensuimus, tota insula deturbauit ac expulit, moxq̃ue illam direptam & spoliatam, firmo suorum præsidio reliquit: eamq̃ue postea Guidoni Lusiniæ, ex Gallijs oriundo, & de regno Hierosolymitano contendenti, habendam permisit: quam ille ab Anglo acceptam, sibi & posteris suis per multa annorum volumina obtinuit. Tandem post varias successiones, regnum ad duos fratres peruenit, quorum alter Petrus nomine, classe instructa, cum Catalanis ac Gallicis Alexandriam Ægyptiorum inuasit, eo successu, vt quamuis occurrentibus maximis Ægyptiorum copiis, fugæ se commiserit, ingentem nihilominus prædam, dirissimaq̃. spolia reportauit: qui breui post à fratre noctu in vrbe Nicosia, olim eius regni metropoli & regia, per insidias & proditiōem interfectus est, (nulla enim sancta regni reperitur societas) in cuiusq̃ue locum Petrus eius filius, adhuc planè puer, substitutus. Exorto itaque in sollemni Regis inauguratione super accipiēdo superioris honoris loco inter Venetos & Genuensium Prætores ac iudices, quos ipsi patrio idiomate Baiulos appellant, vti non rarò inter æmulos & ambitiosos fit, iurgio & rixa, cùm controuersia esset huiusmodi, vt non facilè posset consopiri, ad Regem, ceu ad supremum iudicem,

dicem, delata fuit, qui instinctu Iacobi Lusiniani eius patrui, Venetis rebus fauentis, secundum Venetos pronunciauit. Genuenses, acceptæ contumeliæ impatientes, cum æquitatem causæ suæ se nullo sinceri iudicis patrocinio tueri posse confiderent, rem armis vindicare statuerunt. Proinde occultis gladijs se præcingunt, ut Venetos iure præferentiæ exultantes, interficerent. quod ubi rescinere Veneti, Regi ipsi aperiunt, adeoque per calumniam factum ipsum exaggerant, ut illos in ipsius regis caput & vitam arma sumpsisse criminarentur. Facile fuit puerilem etatem suapte natura infirmam & credulam, atque calumniis & assentationibus expositam, circumuenire. Ingenti igitur ira commotus iuuenis regis animus, Genuenses, qui octo numero erant, cum sicis in sinu reconditis, comprehensos, non rogatos quamobrem armati essent, nullaque de eis quæstione habita, sed tanquam manifesti parricidij ac læsæ maiestatis reos, crudelissimo mortis genere affecit. E celsa quippe turri in præcipitium dari iussit, substituta ad hoc militum cohorte, quæ erectis mucronibus cadentes exciperet. Reliqui Genuenses per Cyprum commorantes, tota insula perquisiti, ac trucidati sunt, ita ut dumtaxat vnus ægrè ex tanta clade, vulnere in facie accepto, rei tam nefariæ & inhumanæ in patriam futurus nuntius, euaserit. Qua re cognita, Ligures dolore simul & vehementi ira propter barbaram & crudelem suorum carnificinam ardentes, tantæque atrocitatis iniuriam haudquaquam inultam sinendam statuentes, Damianum Cataneum cum septem triremibus egregiè instructis, quoad maiores apparatus fierent, in eam insulam præmiserunt, eo quidem consilio, ut omnes aditus, quò minus aliunde in eam subsidia comportarentur, diligenter obsideret & obseruaret. Verùm, postquam inconsultus Cypri rex iuuenili errore lapsus, ex falsa paucorum criminatione exacerbatus, eiusque tutores qui regni administrationem gerebant, paricidiales manus inhumaniter innocentium sanguine cruentassent, Nemesis effecit, ut eorum animos tam magna commissi sceleris subiret pœnitudo, ac tacitis stimulis conscientiaque vibicibus, tam crudeliter excarnificarentur, ut mirum in modum vltoribus Diis obsecrati, graues inter eos orirentur dissensiones & intestina iurgia, quæ eò usque excreuerunt, ut singuli sibi verentes, quisque seorsum priuata subsidia quæreret, ac foris effugia implorare in animum induceret. Quorum certè consilia cum Cataneo, diligenti alioquin & studiosissimo rerum omnium inquisitori, per clancularios internuncios, qui huc illuc sub protectionis prætextu circūuagabantur, explorata essent, ac probè intelligens, quàm turpem lanienam in Genuenses ipsos Cypri exercuissent, callidè animi sui sensa dissimulans, omnia hospitalitatis iura sibi ab illis præstare, ac inuicem exhibere concedit & patitur, suarumque rerum fatagens, hoc vnum studebat, ut dissensiones illas domesticas, inter primarios potissimum exortas, omnibus artibus, quoad eius fieri posset, aleret atque foueret, tanta mediusfidius cum animi præsentia, ut nunquam, nisi summa cum prudentia & cautione, in omnibus suis actionibus aliquid ageret, & hoc vnum præcaueret, ne se illorum fidei vel potestati temerè committeret. His rebus ita sese habentibus, Genuæ comitia centuriata gesta sunt, in quibus de communi omnium decreto, summo studio ac celeritate magna classis, trium scilicet & quadraginta triremium, multarumque longarum nauium, delectu in agro Ligustico prius ad hoc habito, ac milite diligenter conscripto, comparata & instructa fuit, quam adeò magnificam & splendidam fuisse dicunt, ut ad quatuordecim strenuissimorum militum millia sub signis complecteretur. Taceo reliquum apparatus bellicum, qui magna cum diligentia & prudentia instructus erat. Huic

*Ingens cruentas in
Cypro aduersus Genuens.*

1373.
*Damianus
Cataneus cum
7. triremibus
in Cyprum
ablegatus.*

*Potentissima
Genuens.
classis duce
Petro Fulgoso.*

tantæ

*Famagusta
obsidio.*

*Eiusdem
deditio.*

*Ligures regi
Cyprio pacis
condiciones
prescribunt.*

*Insignis Ge-
nuens. Vi-
ctoria in
Cypro.*

*Cyprius
rex, Genu-
sum tribu-
tarius effi-
ciunt.*

*Petrus Ful-
gosius victor
Genuam re-
vertitur.*

tantæ classi Petrus Fulgosius, Dominici Fulgosij, ea tempestate supremum magistratum gerentis, frater, omnium iudicio dignus est habitus, qui cum imperio præficeretur. Hic igitur, ut bonam de se suaque industria conceptam opinionem haudquaquam falleret, magna festinatione usus, non antea substitit, vel aliis negotiis aliquem locum constituit, quàm Famagustam, regni Cyprij celeberrimum emporium, quinto Non. Oct. appelleret, quam statim arctissimè obsedit, & obsidionis initium à quatuor regiarum triremium, atq. vnius navis eximiae magnitudinis in ipso portu ad ancoras stantium, incedio exorsus, atq. auspicatus est; quæ exiguo tēporis interuallo duravit. Nam regina interfecti regis vidua, cum animaduverteret suarum non esse virium, obsidionem sustinere posse, simulque cognatos, mariti necis auctores, vlcisci summopere velleret, sexto Idus Oct. urbis deditioem fecit. Ea vrbe potitus Genuensis præfectus, totam insulam cum victore exercitu peruagatus, omnia loca quaecumque adiret, Ligusticæ ditionis fecit, ac regem cum suis proceribus in angulum regni compulsus, & latebram quærentem, ad hanc necessitatem compulit, ut, cum sciret se Genuensi populo longè opibus & potentia inferiorem, præscriptas à se, proque suo arbitrio condiciones pacis acciperet. Tres perpetrati huius nefarij sceleris auctores, nimirum Ciulfi dominus, Henricus Gibella, & Ioannes Grauilla, capitis damnati. Iacobus Lusitanus, quod regis patruus esset, duoque Principis Antiocheni filij, pari consanguinitatis gradu eum contingentes, & amplius sexaginta illustres viri, tanquam observandæ pacis cum rege antea sancitæ obsides, retenti, ac deinde Genuam perducti. Regis verò mater, quod rex filius eius esset adhuc impuber & minorennis, ac talis, qui in eius tutela, planeque in ipso gynæceo cum ipsa versaretur, multis precibus obtinuit, ut penes se relinqueretur. His rebus nō minùs celeriter, quàm feliciter per Cyprum peractis, si Genuenses in hac expeditione tantam constantiam, quantam in ea suscipienda diligentiam & industriam adhibuerant, adiunxissent, non ambigendum est, quin facili negotio vniuersam insulam suæ ditioni atque imperio adiecissent. Verùm cum iam gloriæ, nominisque immortalitati abundè satisfactum iudicarent, si illatas Ligustico nomini iniurias atrociter vindicassent, & de fontibus commeritas pœnas & supplicia sumpsisent; totum regnum, Famagusta excepta, regi magna ex parte propter ætatis gradum extra culpam posito, saluum atque incolume restituerunt, sic tamen, ut ipse, tanquā ipso- rum vectigalis ac tributarius, quotannis vsque ad certi & prædefiniti temporis terminum, Genuensi Reipub. quadraginta aureorum millia penderet, aliaq. subsidia necessitatis tempore contribueret; quæ à regibus tributariis, ut longo iam usu receptum est, persolui & præstari consueuere. Quibus ita constitutis, Fulgosius rerum præclare ac pro voto gestarum facinore & successu lætus, domum redire gestiens, sexdecim triremes, ultra illas septem quibus Cataneus Genua in Cyprum traiecerat, domum remisit: ipse verò Famagustæ ad res reliquas ex utilitate & dignitate Reipub. componendas aliquandiu commoratus, quinque triremes præsidarias, ad novos motus, si qui forsitan ibi in posterum orirentur, coërcendos, reliquit: & sic nulla mora interposita, prosperam navigationem expertus, domum postliminiò rediit, ac summo cum honore & animorum beneuolentia non solum ab ipso supremo Senatu, aliisque patriciis ordinibus, in primis verò à fratre suo Dominico Fulgosio principem locum tunc in Reipub. obtinente, verumetiam ab ipsa promiscua plebe reliquaque urbana multitudo exceptus est, ac etiam præter cetera priuilegia & immunitates, ipsi, ac Rolando eius primogenito concessas, decem millibus aureorum donatus. Cuius Fulgosij memora-
bilis

bilis victoriæ memoriâ, Patres conscripti Senatusconsulto miro cum totius populi applausu anniuersario sacro in cœnobio D. Francisci cum dono paludamenti aurei consecrârunt. Dum res ita foris geruntur, Dominicus Fulgosius Rempub. quietè ac magnificè magna cum prudentia & animi inoderatione administrans, non solum ob sui fratris præclaram victoriâ, remque bene ac feliciter in Cypro, aliisque circumuicinis locis, vti ostendimus, gestam, verumetiam, propter Gregorij vndecimi Pontificis Auenionē Romam proficiscentis aduentum, summa voluptate atque lætitiâ perfundebatur. Solebant enim Antistites Romani, retroactis temporibus, si quæ Romæ vel in aliis Italiæ ciuitatibus, bellorum, vel barbaricarum gentium eruptionum suspiciones exorirentur, suæ quietis securiq. secessus causa, Auenionem, Pontificij iuris vrbein, ceu tranquillissimam sedem, concedere. Gregorius igitur Auenionem profectus, & ibi aliquot mensibus continuè commoratus, dum Romam repeteret, quia per oram Ligusticam reuertebatur, Genuam multis modis, & in primis quidem, quod Pontificiæ dignitati semper debitam reuerentiam detulisset, sibi caram, sua præsentia exhilarare decreuerat: & Ligures de eius aduentu edocti, cum magna omnium Ordinum, in primis verò Patrum conscriptorum lætitiâ, ipsum honorificè, & cum solleinni pompa expectarunt, ac octauo Idus Octob. ad vrbein profectum, exceperunt. Fulgosius namque supremum, vti diximus, Magistratum gerens, alijque purpurati Patres, sub vimbella aurea, de more indictis supplicationibus, ipsum ad ædem D. Laurentio sacram, summo cum applausu deduxere, ita vt Pontificis aduentus planè effecerit, vt tota ipsa ciuitas, propter res domi forisque bene administratas, alioquin læta, in summū gaudium effunderetur, & mirabili quadam animorum consensione coalesceret. Ceterum, Pontifice digresso, ac institutum iter profectum, bella cum Venetis redintegrata, præsentem rerum statum vehemētissimè perturbarunt & immutarunt, vsque adeo, vt omnem otij & quietis fructum eriperent. Quorum sanè funestorum præliorum, vtriusque subsecutorum, originem, & potissimam causam, multi præclari atque graues viri ad Tenedum referunt, super cuius possessione, post Cyprum vectigalem & tributariam factam, peracris contentio inter vtrumque populum exorta est. Cum enim Andronicus iunior, Michaelis Palæologi filius, Andronicum auum imperio deturbare statueret, rebus viribusque suis priuatis diffusus, Ligurum auxilium implorauit, pactus cum eis, vt si voti compos fieret, & imperium ad se, illorum subsidio oppresso auo, transferret, ipsis Tenedon, opportunissimam insulam, præmij, seu mercedis loco, tribueret. Proinde, confectis rebus, ille pactis stetit, & ipsi Tenedum receperunt. At Veneti eo tempore in illis quidem partibus fortiores, Andronicum Imperatorem, à nepote horum auxilio deturbatum, in patriam & regnū restituerunt, & ab eo Tenedum muneris loco pari modo recipiunt, inde maximum odium ac æmulatio inter vtramque gentem enata. Hæc insula olim à tam multis celebrata, sita est in mari Ægæo inter Lesbum & Hellespontum, contra Troiam, distatque à continenti stadiis ferè quadraginta, portu & statione, priusquam scilicet in agrum Troianum Græci descenderent, multorum testimonio celebris, & præterea patricidio Iphigeniæ ab Agamemnone patre immolatæ, clara. Eius tractus in ambitu ferè octoginta stadia continere dicitur, Æolica vrbe quondam florētissima, duobusque commodis portibus, & Apollinis Smynthei delubro olim itidem insignis decantata. Duæ Tenedo adiacēt insulæ, Calydniæ quondam appellatæ, paruo maris tractu inuicem disunctæ, plerisque propter nominis obscuritatem, cosmographicis atque historiis planè ignotæ. Sunt qui Tenedum antiqui-

Gregorij
Pont. xi. ad
Genuam
profectio.

1376.

Causa &
origo belli
instituta.

Tenedi elegans descriptio.

tus Leucophryn, id est candidum supercilium, vocatam velint. Quoquo tamen nomine dicta fuerit, satis constat, vel ipso Virgilio, instar multorum, teste, opulentam fuisse, Priami dum regna manerent; quandoquidem inter alia eius ornamenta, quæ satis magna & splendida fuisse referunt, arcem, arte & natura munitam, opportunoq. loco extructam, habuit, quæ multis sæpè gentibus decertandi atque configendi ansam, præsertim verò patrum nostrorum memoria, Venetis ac Genuensibus præbuit: qui non antea inter se contendere atque altercari desierunt, quàm de mutuo consensu funditus euerfa ac solo æquata sit. Sed me, huic descriptioni diutius, quàm fortasse par sit, inhærentem, non deerunt proculdubio rigidi aliqui censes qui leuitatis accusabunt, quòd scilicet circa tam parua ac planè hac nostra tempestate desertæ insulæ, nihilque, præter nominis antiquitatem retinentis descriptionem, cum magna ab historia digressionem tamdiu verfer. Ab his, vti spero, eò facilius veniam impetrabo, quòd mei instituti ordinem planius intellexerint. Quamuis enim historicum nihil magis deceat quàm rei veritatem pro fide historica ob oculos ponere, nihilominus tamen ad maiorem lucem rebus afferendam, atque rem notiozem faciendam, licet nobis interdum aliquid de proprio, modò claro fonte hauriatur, addere. Quocirca non me herclè mirum, si aliquoties in rebus aliquibus, prout vsus fert, prolixior, quàm par sit, videar. Ad propositum igitur reuertamur. Eo ferè tempore quo Ligures Catalusi auspiciis Caloioannem, Cantacuzeni fraude atque violentia nefariè expulsum, in regnum patrum & auitum reposuere, magnæ dissensiones, grauiæque odia inter has duas gentes immortalibus inimiciis inter se flagrantes, exorta sunt, tam magno profectò cum incremento, vt postea in atrocissimum bellum, quod multis mortalibus varias calamitates & strages attulit, eruperint. Aliqui asserunt, Caloioannem ipsum, paulò antequam viuis excederet, Emanuelem suum filium, quanquam natu minorem, mira tamen storga, & quòd eum propter inclytas virtutes dignum iudicaret, Andronico alteri filio primogenito, inaudita prærogatiua & præpostera quadam imperij successionem prætulisse, magna proculdubio cū huius indignatione atque dolore, quòd suo vitio, & non patris iudicij errori adscriptum iri summoperè vereretur, quòd se præterito & neglecto, frater minor natu, inuerso ordine, hæreditatem & successionem paternam adiret. Hinc multæ & acres contentiones, velut ex perenni fonte, scaturierunt, quæ multas turbas etiam concitarunt. Porro cū ipsi fratres in magnam altercationem propter regni prærogatiuam & iuris præferentiam deuenissent, quò haberent certa præsidia quibus inniterentur, vterq. sibi patronos ac certos defensores quæsiuit atq. parauit. Emanuel quidem supremis tabulis patris, vt ostensum est, regno destinatus, Venetos in amicitiam pellexit. Andronicus verò, quò fortiùs sese fratri opponeret, licet haberet magnos Principes & Dynastas qui illi in re tam iusta patrocinarentur & fauerent; Genuenses, ceu capitales Venetorum hostes, magna cum animi sagacitate in amicitia iura & fœderis partem attraxit. Et quò magis ambo fratres vtrumq. populum in amicitiam & fœderis societatem receptum, arctiùs sibi deuincirent, & officiosius promererentur, Tenedum ipsam, cuius proximè prolixam mentionem fecimus, seorsum quisque per se dono sociæ genti concessit. Quare Veneti, ea quidem tempestate in Oriente maioribus viribus pollentes, nullo habito iuris respectu, vel legum reuerentia, illam insulam sub titulo donationis, licet posteriores essent qui dono accepissent, vsurpabant; valdè indignantibus Genuensibus, qui potiori iure, tanquam qui prius ab Andronico accepissent, se in possessionis ius venisse asseuerabant. Vt cumque res quæ in disceptationem

ne m& controuersiam donationis titulo ab his populis deducta est, sese habuerit, Ligures armis litem & differentiam determinandam esse videbant. Proinde, quò sese commodius atque fortius Venetis opponerent, & eorum opes, vt antea Pisanorum, prorsus euerterent, operæpretium se facturos existimabant, si nouas amicitias quærerent, & sese aliorum regum atque Principum opibus, gratia atq. beneuolentia augerent & communirent. Igitur post longas atque diuturnas consultationes, tandem omnium calculis atque sententiis decretum fuit, vt viri lectissimi ex omnibus ordinibus secernerentur, qui legationem ad varios Principes Reipub. nomine fœderis ieiendi atque amicitiae firmandae causa haberent; & in primis quidem anno supra millesimum trecentesium duodecogesimo, honorifica legatio ad Ludouicum Pannoniae regem potentissimum, & Franciscum Carrarium Patauij regulum, habita est. Pari modo statutum, vt ad Pannoniae superioris Archiducem, & Aquileiensem Antistitem societatis incundae causa oratores mitterentur; à quibus omnibus citra aliquam recusationem, vel difficultatem, cum ipsius Reipub. felicitate in fœderis atque necessitudinis societatem recepti. At Veneti, ne soli tantam instantis belli molem sustinerent, nèue onus humeris suis quodammodò impar, in se deriuare velle temerè viderentur, cum Barnaba Vicecomite Mediolanensium Principe, Genuensibus, propter repentinam à se defectionem, ac pristinae amicitiae violationem, infensissimo, & cum Petro Lusinianno Cypri rege, qui à pacificationis formula cum Genuensibus, vti superius enarrauimus, nuper inita & transacta, contra omnium gentium mores, & leges digressus erat, amicitiam instituere parant; eiusque assequendae causa, summo perè, habitis vtrò citroque legationibus, elaborarunt, eo sanè successu, vt impetrarent, tanto quidem facilius, quòd Lusiniannus, vt Genuensibus frenos iniiceret, ac eorum vires attereret, seque prorsus omni periculo & molestiis liberaret, Vicecomitis filiam mirum in modum ambibat, quam sibi vnicè nuptum dari exoptabat; prout breuì post obtinuit. Quocirca vterque populus externis viribus auctus, denuò ex veteri instituto in atrox & funestum bellum exarserunt, & quò minori cum periculo Veneti instantis belli apparatus auerterent & declinarent, quatuordecim rostratas bene instructas & prae paratas, duce Victore Pisano, longo vsu domi forisque, ac belli & pacis artibus claro, vltra sinum Hadriaticum praemisertunt, eo consilio, vt in oram inferi maris delatus, in Antiata sinu non ita procul ab Ostia, si forte fortuna in aliquas hostiles naues vel triremes incideret, ac se illis parem videret, strenuè cōgrederetur & confingeret, sicuti etiam factum est. Quandoquidem vix in hunc sinum delatus, in decem Ligusticas incidit; quas primùm fortiter aggressus, cum suae naues, nescio qua ratione sese maiori ex parte sensim proelio subtraherent, ita vt ne dimidia earum pars cum hoste congredieretur, ignauia militum magis, nescio, an nauclerorum pertinacia (cum subita exorta tempestate, aliquot illarum disiectas esse comperiam) accidit, vt Veneti quidem superiores fuerint, sed non citra ignauiae suspicionem, eam non retulerint, quam poterant, & prorsus in manibus habebat, victoriam. Nam si collatis viribus, in hostem pugnassent, non dubium est, cum proelium fuerit valdè atrox, & in duas integras vsque horas protractū, quin Genuenses, inclinatis iam rebus, & quinque nauibus, & in his quidem ipsa Prætoria, vnà cum Ludouico Flisco classis Præfecto, atq. aliis viginti nobilibus amissis, penitus ad internecionem delati fuissent: sed socordia (vt non nullorum Annales testantur) commissum fuit, vt reliquæ naues Ligusticae remorum beneficio euaserint. Sunt qui asserant, hanc cladem ipsi Præfecto in primis adscribendam, eò quòd belli aleam subierit;

1378.

Ligures ac Veneti diuersos Principes sibi in fœdus ac societatem adscribunt.

Nouum bellum inter Venetos ac Ligures.

Genuensium clades.

priusquam sua classis quinque triremium iamiam paratarum supplemento ad-
 augeretur. Ligures in hoc prælio, ultra captum ducem aliosque nobiles, & dire-
 ptas quas diximus naues, ultra sexcentos, vel, ut alij putant, octingentos remiges
 partim cæsos, partim verò fluctibus absorptos, amisisse tradunt. Sub eiusdē tem-
 poris tractum, Carreti Marchio Barnabæ Vicecomitis auxilio fretus, ad Reipub.
 statum infestandum & conturbandum, & quò externam illius potētiam priuatis
 domesticis iniuriis domū reuocaret, ac quasi ab instituto cursu retraheret, ultra
 priuatas simultates, quas iampridem cū Rep. exercuerat, in Venetorū potissimū
 gratiam Albingaunum, Naulum, atq. Castrum Francū repentino quodam motu
 contra spem & opinionē omnium partim vi, partim dolo occupat. Nihilominus
 tamen haud ita multò pòst cum Ligure in gratiam reuersus, magna cum animi
 promptitudine restitutionē fecit & præstitit. Interim Senatus vt cladem ad An-
 tium acceptā vlceretur, nouā classē instrui atq. adornari iussit, eiq. Lucianum
 Auriam, cuius virtuti plurimum tribuebant, cum supremo imperio præficiunt.
 Antequam verò præsentis belli statum vltius prosequar, non absurdum fore
 arbitror, si breuibus ostendero, quoniam pacto Insubri Ducis filia Cyprio regi,
 vt enarrare inceperam, elocata, in mariti regnū deportata fuerit. Barnabas Vice-
 comes, cum Venetos, ceu socios & amicos, in foedus & amicitiam recepisset, illo-
 rum suasu filiam, quam habebat præclaram, & mirum in modum propter animi
 corporisq. dotes caram, Cyprio regi, generosæ atque heroicæ indolis adoles-
 centi, sed in iuuenili ætate multa incommoda & aduersa experto, desponsare &
 elocare non dubitauit: hoc modo ratus, sese in posterum ad omnem fortunæ ca-
 sum futurum præparatiorem & firmiorem. Itaque, vt maiori cum honore ac di-
 gnitate ad sponsum perueheretur, destinatæ sunt ex Veneta classe triremes sex,
 quæ insigni pompa aliisque rebus gynæceis & parmenonibus commodis fue-
 runt ad lautitiam vsque instructæ. Hanc cū Venetias ducendam curasset, sum-
 mo cum honore à Veneto Senatu aliisque Patriciis excepta fuit, & quamdiu Ve-
 netiis substitit, apud Corneliam gentem omni officiorum hospitalitatisq. iure
 vsa fuit. Tandem commoditate ventorum ad iter institutum prosequendum
 inuitata, summa cum omnium fausta acclamatione triremem ad hoc magnificè
 & splendide regio ferè ornatu præparatam, conscendit; ac concomitata aliquot
 patricij ordinis viris, opportuna navigatione in Cyprum ipsam, breui tempo-
 ris interuallo, delata est. Erat tum rex sponsæ videndæ auidus ad Cerauniam,
 atque ibi multis diebus ad speciem desiderabundus nouam sponsam expecta-
 rat. Verum, sub hoc nouæ sponsæ aduentu, ac sub nouarum nuptiarum præ-
 textu, aliud moliebatur: egerat namque cum trierarchis Venetarum nauium,
 magnam mercedem & pecuniam pactus, vt Famagustæ portum ex improviso
 irrumperet; ipse verò cum suis, quos ad decem ferè millium armatorum hominū
 numerum habebat, terra urbem ipsam vno eodemque tempore oppugnaret. Ve-
 netæ triremes, prout pactum erat, cum quinque aliis onerariis regis, quæ se illis
 coniunxerant, tres Ligusticas in portu Famagustano ad ancoras stantes subita
 vi opprimunt; eoque successu ardentiores facti, urbis oppugnationem tentant.
 Verum, Cypriis sequiter ex continenti rem gerentibus, & aliquantulum tardiùs
 muros subeuntibus, ab oppugnatione & mœnibus cum multa cæde repulsi, to-
 toque portu magna telorum multitudine & numbo fuerunt deiecti ac deturbati.
 Tenebatur siquidem vrbs ipsa pro loci opportunitate & amplitudine sic satis ma-
 gnis & firmis præsiidiis. Nam quingenti, & amplius Ligusticæ ditionis milites, ea
 tempestate ad urbis defensionem à Fulgosis relictierant. Proinde vrbe ipsa pa-
 rum

*Insubri Du-
cis filia Cy-
prio regi elo-
catur.*

*Famagusta à
rege Cyprio
& Venetis
frustrà ten-
tata.*

rum feliciter tentata, Venetæ triremes, vt temeritatis notam turpemque ignominiam aliqua larua occulerent, nauigatione in Syriam simulata, vltius, vt fit interdum, vel ventorum rabie, & tempestatis vi, vel prædæ studio progressæ, in eximæ magnitudinis nauim, Spinâ regiâ dictam, omni mercium genere onustam, ac Genuam versus cursum tenentem, inciderunt: quam vndique circumseptam, tantis viribus adorti sunt, vt, licet se viriliter omnes qui in ea erant, defenderent, nihilominus tamen, cum longè impares essent, ad extremum expugnata sit. Rerum forensium ac externarum statu sese eo, quo demonstrauius, pacto habente, Senatus populûsque Genuensis, quod viderent assiduis bellis Rempub. valdè esse attritam, atque adeò inuolutam, vt nisi nouo supplemento habito, haud posset deinceps tam potenti hosti obuiam iri, præsertim cum ex vno bello, vix cum multis laboribus atque sumptibus cōsopito, aliud priori longè crudelius & atrocius enasceretur, nexuq. quodam perpetuo forensibus diffidiis & contentionibus implicaretur; de cōmuni omnium sententia & cōsilio, non citra magnam ac diuturnam deliberationem & iudicij grauitatem, statuērunt, vt omnes profugi ac extorres, nobilium vel popularium partium studiosi, in patriam postliminiò sub fide publica, ac præteritarum pœnarum irrogatarum abolitione & impunitate reuerterentur. Quò igitur Reipub. status fieret pacatior, simulque res domesticæ facilius & tutius administrarentur & conseruarentur, hoc quod diximus decretum Senatusconsulto confirmari & sanciri placuit, ne scilicet aliqua ratione in dubium, vel in suspensionem à quoquam in posterum vocari posset. Instructæ præterea fuerunt viginti duæ triremes Luciano Auria duce, cuius proximè mentionem habuimus: hisque adornatis, rebusque omnibus ex sententia paratis & expeditis, Auria citra aliquam moram in mare Hadriaticum peruēnit; ac tribus nauigiis Ligusticis, quæ paulo antea Genua discesserant, sese coniunxit, & Iaderam, Liburniæ oppidum Pannoniæ regi parens, rectà contendit. Interea verò Pisanus Venetæ classis, vt superiori loco ostensum est, præfectus, Catha-

Nauis Ligustica à Venetis expugnata.

Exules in patriam reuocati.

Ligures nouæ classis aduersus Ven. Luciani Aurie auspiciis emittunt.

1379.



L I S I, inquit, cum strenuis & fortissimis ducibus atque militibus, optimi commilitones, mihi verba facienti negotium esse scirem, vterer certè artificiosa potius oratione, quàm forti & militari. Verùm, cum fortia pectora, qualia vobis magno cum Reip. nostræ beneficio, ac non mediocri meâ cum voluptate, esse iam sæpius expertus sum, magis generositate & gloriæ cupiditate, quàm splendidis verbis, magnisque & longis pollicitationibus ad res præclare gerendas & administrandas incendantur & inflammantur, nō est me herculè quòd ad vos incitandos, hac præsertim tempestate, sim

Luciani oratio.

prolixior. Vnum tantum cohortabor, atque altius inculcabo, ut vobis omnibus succurrat, atque animos vestros subeat, illos cum quibus praelium inituri estis, nulla ex parte esse dissimiles iis cum quibus maiores vestri longe inferiori nauigiorum imparique bellatorum numero sunt congressi, & cum insigni etiam laude magnoque patriae beneficio victores euasere, ac lata victoria parta, sub iugum miserunt. Obuersetur igitur ob omnium vestrum oculos non solum rei bene gestae cum hoc hoste memoria, verumetiam ea gloria, quod Pisanos opibus atque fortunis mirum in modum etiam tum florentes, sub iugum tamen missos, vos ardentius inflammet atque excitet. Si enim prospero Marte dimicantes, has imbecilles vires, quibus temerarie insolescunt aduersarii nostri, ademerimus, haud dubie totius maris imperium facili cum negotio assequemur. Nec est quod praemia, quae vos, rebus bene ac fortiter gestis, iure manent & debentur, nunc larga pollicitatione ostendam. Satis est vos meminisse, hanc victoriam fortibus armis atque animis esse quaerendam & redimendam: qua certe parta, non video quid nobis obstare possit, quin, debellatis & ad internecionem deletis antiquis & inueteratis nostris hostibus, Venetias ipsas, toto orbe celeberrimam urbem, & tam multis victoriis mari terraque habitis inclytam, nostro imperio subiiciamus. Nec est quod vos noui praesidii supplementum aliqua ex parte moueat, vel deterreat, quo nuper aduersarii nostri metu & magna animorum consternatione languidi, suam classem contra nos communiuere. Nam quantum illis robore & fortitudine, ac rerum gerendarum felicitate antecellamus, diutina experientia iam satis omnibus constat. Accedit huc, quod si aliarum gentium rerum naualium peritia cum nostra in comparatione veniat, haud certe difficulter cognosci poterit, quantum inter nos & illas intersit. Nec volo hic Thraconico more de fortunae nostrae singulari felicitate multa iactabundus commemorare: quandoquidem cum semper hactenus domi & foris rem prosperè ac feliciter administrauerimus; qui sunt, quaeso, triumphus, qui nobis propter rerum naualium peritiam, atque maritimos successus, iure non debeantur? Quam felici, Diis ipsis fauentibus, Respublica nostra genio in priuatis suis negotiis etiam domi usa fuerit, cum neminem vestrum latere existimem, non est me hercle quod subinde recenseam. Proinde cum haec omnia ita sese habeant, agant quaeso radices in animis vestris, nec vnquam pristinae & auitae virtutis nostrae in pectora vestra irrepant vel inducatur obliuio. Hoc si praestiteritis, strenui duces, fortissimi que milites, fieri non poterit, quin hostem trepidum, mirumque in modum multis de causis anxium, fortiter superetis, hoc eò facilius, quod saepius à nobis victus fuit. Qua in re quam bene animi vestri mecum consentiant, non est quod aliunde metiar, quam ex rerum gerendarum robore ac virtute. Agite igitur, ut non solum meam de vobis omnibus conceptam spem, imò planè fiduciam, adimpleatis; verum etiam longè lateque superetis. In hanc ferè sententiam locutus, in mutuum conspectum vnà cum sua classe deuenere Duces. & cum ferè numero atque viribus inter se essent aequales, ac ex vtraque parte mirae rei bellicae ratio haberetur, non citra summam demirationem quisque per se ordinem atque dispositionem intuebatur & considerabat, praesertim cum propter rem non leuem vel friuolam, sed pro maris imperio suaeque Reipublicae dignitate ac amplitudine in certamen & praelium deueniendum esset, ac ex alea istius belli, quasi de reliquarum rerum successu videretur non immerito pronunciari posse. Pisanus ut etiam strenui Ducis in omnibus adimpleret officium, neue aliqua in parte negligentia peccasse videretur, breui, sed neruosa oratione suos commonefaciens, hoc demum agebat, ut milites

Peroratio.

milites ad decus & ad laudem cōcitaret, adeò vt cū videret, suorum omnium animos arrectos, & incredibili pugnandi ardore flagrantēs, manus cum hoste summa contentione sese ad pugnam pręparante, euestigiò conseruerit, magno me herclè cum vtriusque partis periculo. Nam statim sub initio initi certaminis tanta fortitudine atque strenuitate ab omnibus pugnatum fuit, vt non citra magnam & ingentem omnium videntium admirationem, dubiò quodammodò Marte diu prœlium ipsum protractum sit. Verùm, cū Auria fortiter pugnando, ac omnia strenui Ducis, & acerrimi bellatoris officia obeundo, in primo quodammodò occurſu fataliter concidiſſet, prætoria triremis, qua ipse vehabatur, quamprimum ad illius casum repentino impetu factò oppressa fuit. Genuenses, ne ex tanti sui ducis interitu ac fatali oppressione, ceteris militibus auidè atque strenuè pro Reip. dignitate pugnantibus, aliquo modo metus oriri posset, nèue inde animi ardorem (vt plerumque vsu venire solet) remitterent, miro stratagematè vsi, quamprimum subtrac̃to summo sub silentio Ducis cadauere, alium iisdem armis & insignibus ornatum & conspicuum substituere, ita vt milites specie quadam ducis decepti, in officio persisterent. Tanta erat siquidem in huius ducis virtute fiducia, vt putarèt, aleam belli eius quodammodò manu & potestate contineri. Cū itaque rei successus aspirasset cęptis, & fortuna à Genuensium partibus staret, mirā felicitate, licet interempto Duce, celebrem victoriam consecuti sunt. Quandoquidem militibus magna ex parte vtrimque defatigatis, tandem Ligures superiores facti, magnum proculdubio triumphum in ea victoria retulere. Captę sunt enim quindecim triremes, remigiò, atque omni apparatu maritimo egregiè instructę. plus tamè hostium cęsum quàm captum est, licet dicantur vltra duo millia hominum & quadringentos esse capti, & inter hos, multi nobiles; alij aut ferro, aut mediis fluctibus merſi. Per pauci enim numero fuerunt, qui ad proximum littus natandi beneficio salui & incolumes peruenerunt. Pisanus se cū reliquis nauigiis in proximos portus incolumem recepit. Inter multos qui huius certaminis meminere, sunt nonnulli qui variant. Nam aliqui à superiore nostra enarratione discrepantes referunt, Pisanum ipsum ex Apulia, vbi frumentandi gratia aliquandiu fuerat, Polam reuerſum cum viginti duabus nauibus, inter quas quinque ceteris aliquatò spissiores fuisse dicuntur, & in eo portu stationē habuisse, eumque tum maximè palmigationi fuisse intentum, cū quatuordecim illę Ligusticę sese in cōspectum ciuitatis Polanę nulla alia ratione, quàm vt classem Venetam, ibi in portu, vt diximus, consistentem, ad pugnam exirent, dederunt; eodemque tempore Ligurem, decem aliarum triremium supplemento, ignaris Venetis, auctum fuisse, easque post promontorium in insidiis aliquandiu delituisse, ita vt Pisanus nihil minùs quàm insidias veritus, cū prioris tantummodò classis numerum vidisset, iussis illis quinque, quarum carinę palmigabantur, ad prœlium expediri, ac euestigiò educi, in Ligurem impetum fecisse, & aliquandiu vario atque ancipiti euentu dimicasse, primoque congressu Auriam, vt i narrauimus, concidiſſe: tum Ligurem, simulata fuga, Venetum callida arte à portu distraxisse; & vbi locum pugnę commodum, atque insidiis idoneum, nactus esset, à fronte & à lateribus ferociter circumstitisse, quoad scilicet triremes illę subsidiarię, in quibus multū pręsidij posuerant, Venetam classem ab hoste circumuentam intuitę, ad dexteram cursum flecterent Venetias versus: tum Venetos, qui pugna degrauati, ægrè hostem sustinebant, suorum auxilio destitutos, haud dubiè succubuisse. Pisanum verò, inclinata iam sua acie, sese clanculum ex omnium conspectu subduxisse;

Naualis pugna.

Lucian's mors.

Insigne stratagema.

Venetorum clades.

Scriptorum discrepantia.

fugaque sibi consuluisse: & hæc quidem multorum constans est opinio. Sunt præterea qui adiiciant, trierarchos aliquot pugnam, cum suis subsidio maximè esse debuissent, detrectasse, eosque Venetias reuersos, in carcerem coniectos, adeoque ipsum classis præfectum, propter rem malè gestam, & quòd Remp. in magnum discrimen adduxisset, ex Patrum decreto in custodia diu asseruatum fuisse. Hæc Venetorum clades incidit in annum eius æui vnde octodecimum. De Luciani autem interitu memoriæ proditum est, ipsum, cum inter pugnandum, galeæ ocellum (ita enim appellant angustam illam foraminum *διάφασιν*) paululum sibi supra frontem extulisset, in ea parte, telo ab hoste immisso, transfixum, atque ita initio certaminis, uti antea ostendimus, fortissimè præliantem interfectum. Huius tam præstantis & excellentis viri casus, adeò cum publico dolore & dispendio fuit coniunctus, ut tam inclytæ victoriæ fructum maiori ex parte interceperit, & miro mærore gaudium publicum perturbauerit. Nam ultra res bellicas, quibus in vita mirum in modum inclaruerat, & immortalem sibi gloriam pepererat, tanta & tam eximia humanitate, beneficentia, & singulari erga suos ciues charitate fuit ornatus, ut nō semel militum inopiā argento, pretiosa supellectile, atque omnibus priuatis suis fortunis subleuarit, ita ut militi cuidam ad genua procumbenti, seque fame deficere clamanti, fibulam auream, siue argenteam à cingulo præcisam, cum nihil reliquum esset, donarit. Quæ sanè incredibilis humanitas cum animi beneficentia coniuncta, planè effecit, ut cum viuis excessisset, cum omnes suas fortunas vnà cum anima ipsa ad Reipublicæ salutem contulisset, liberis eius ex publico ærario subueniendum fuerit. Iurè igitur Genuenses victoriæ pridie Nonas Maij partæ, ac præstantissimi viri memoriam perpetuo anniuersario atque aurei paludamenti dono in æde D. Georgio sacra ad omnem posteritatem propagandam celebrari voluerunt. Interea Veneti propter tantam cladem summopere indignabantur, ac non parum dolebant, eò certè vehementius, quò eodem ferè tempore ipsorum Respub. etiam terrestri bello durius premebatur. Carrariensis enim, & Aquileiensis Antistes, aliique inter se socij & cōfœderati, Venetam ditionem mirum in modum diuexabant, sic, ut eo tempore Mestri oppido in locis palustribus iuxta stagna sito, & Taurisio in Foroiulio multati fuerint. Hoc in cardine rebus Venetis versantibus, Ligures pari fortuna terrestribus bellis distinebantur. Siquidem Vicecomites Mediolanenses, Venetorum instinctu, veteranorum militum legionem, Stellæ cognomine insignem, quæ sanè quatuor millium lectissimorum bellatorum numerum æquabat, contra eos miserunt, hiq̃ue recto itinere in Vallem Pociferam descendentes, vsque ad ipsam urbem excursions fecerunt, agrisque populatis, & plurimis vicis pagisque incensis, indigenas & municipales plurimis incommodis ac detrimentis affecerunt, donec tandem septimo die ex quo venerant, ab hoste illinc retrocedere coacti fuerint. Ceterum, ut eò vnde eram digressus, mea relabatur oratio, Ligur, post partam victoriam, omnis quietis otijque intolerans, reparata confestim classe, captiuisque nauibus Delmatico remige instructis, octo & quadraginta triremium expleuit numerum; quibus etiam pleraque minora nauigia coniunxit: ab initio tamen non est vniuersa vsus classe; sed parte nauium celeriter deducta, Humagum in ora Istriæ occupat, mox Gradum, & Caprulas Venetiis vicinas cepit; rerumque successu sibi abblandiens, vltius progressus, onerariam vnā, variis ac pretiosis mercibus onustam, adeptus, in conspectu urbis diripuit atq̃. incendit. Inde dextrū littus tenens, Palestrinam metu hostium desertam occupauit: postremò Clodiam adortus, agrè inde ab oppidanis & præsi-

Luciani eximia virtus.

Ager Ligusticus ab Insubris diuexatur.

Genuens. noua exeditio.

præsidio repulsus est. Quibus rebus ex sententia gestis, in Dalmatiam, quò nuper Petrus Auria, Genua cum quindecim triremibus recens instructis missus, & in demortui Luciani gentilis sui locum classis præfectus designatus, appulerat, quàmprimum enauigauit. Sed parum ibi commoratus, omnem ferè sinum Illyricum, & Hadriatici maris tractum, eo potissimum consilio præteruectus est, ut circumuicinis gentibus terrestri naualique clade affectis, Venetias in summam rerum omnium angustiam conijceret. In eam enim adducebatur spes, Venetos ea tempestate, rebus omnibus ad bellum necessariis valdè laborantibus, facile superari posse, præsertim cum Insubres, quorum, tanquam sociorum opibus atq. armis hætenus potissimum innitebatur, ita domesticis bellis essent implicati, ut etiam si maximè vellent, nullum tamen subsidium commodè præstare possent. Quamuis igitur ad eius primum aduentum Patres, atque vniuersa ferè vrbs haud mediocriter commota esset, nihilominus tamen ea animi fortitudinæ ac prudentiæ, qua non modò in rebus secúdis & affluentibus, verùm etiam in dubiis atque aduersis semper vsi erant, nihil habuère antiquius, quàm ut statim ea omnia quæ ad sui propugnationem attinebant, studiosissimè procurarent. Quamobrem, præter cetera prudenter atque grauiter ab eis administrata, Reip. expedire visum fuit, ut arces iuxta ædem Nicolao sacram, & Methamaucensem portum quinto lapide ab vrbe distantem, sitas, aliaque ostia & fauces, quibus in vrbe accessus datur, firmiter validoque præsidio circumuallarentur. Pari sedulitate & industria allaboratum est, ut, cum pauca maiora nauigia in promptu essent, non paruum minorum supplementum fieret. Sed priusquam vltius ad alia progrediar, haud sanè à meo instituto alienum fuerit, si breuiter, qualisnam sit huius inclytæ ac celeberrimæ vrbs situs, & quibus potissimum conditoribus sua prima incunabula debeat, explicauero. Iacet in intimo sinus Hadriatici recessu, mediis in stagnis, quæ æstibus irrigua marinis, affuso ab Oriente mari, quod rectè in exortum M. P. DL. hinc patet, at secundum oram vsque ad promontorium leucæ mill. DCC. enauigatur. Summoque id à stagnis terrenus agger tenuis, artificio prouidæ naturæ prætentus ad tutelam paruarum insularum in his stagnis, contra fluctus & irati maris violentiam. Excurrit in longum millia ferè xxxv. curuus instar arcus, & ostiis quinque interruptus, quæ singula portum modicum efficiunt, & cum mediocribus nauigiis, tum ipsis aquis marinis aditum ac viam in æstuarium præbent. Habet itaque ab Austro vrbs partem eius aggeris cum continente, pariterque à Septentrione & Occasu stagna his finibus inclusa, prope modum millia LXXX. longitudine patent, nimirum ab insula Gradu vocata, vsque ad Lauretum olim non ignobile iuxta Padum oppidum: latitudine admodum est varia, quia vix certi termini æstuariorum quæ à mari diffunduntur, statui possunt, aquis passim diuersis euripis hæc stagna complentibus vsque ad continentem, adeò ut perdifficile omninò foret, latitudinem tam diuersam inuestigare. Condita igitur mediis in his paludibus, quæ tum aquæ marinæ per quinque ostia littoris, de quibus suprà commemorauimus, effusa, tum multi continentis amnes huc se exonerantes creant, vrbs nobilissima Venetiarum est, modicis primùm in insulis ferè LX. paruo inter se spatio disiectis, intercurrentibus euripis, ut herculè non minùs per se tuto loco, quàm ad imperia multarum gentium & nationum moderanda idoneo ac opportuno loco sita sit. Prima verò huius præclarissimæ vrbs fundamenta iacta esse dicuntur in insula cui tunc fuit, & nunc est, Riuo alto nomen. Incidit primordium illud in viii. Cal. April. eius anni qui quadringentesimus fuit humanæ salutis, ac primus & vigesimus. Quòd si eximia quædam

Venetiarum descriptio.

quædam opera naturæ quæ eodem die edita dicuntur, considerare voluerimus, non absurdum erit dictu, nihil ea luce inchoari potuisse, quod non idem magnificum esset, amplum, perpetuum, humanarumq. rerum fastigium superaturum. Diuinæ literæ testantur, eodem die mundum à Deo constitutum, & humani generis parentem ab eodem formatum, ipsum quoque Dei filium in Virginis utero conceptum; cuius mysterij amplitudinem humanum ingenium non modò verbis explicare, sed ne mente quidem vel intellectu concipere potest. Præterea cùm circa Meridiem iacta sint prima illa vrbs fundamēta, satis apparet, ea hora Arietem, qui Solem gestabat, medium cælum, quali mundi verticem tenuisse: fuisseq. tunc & Veneris sidus in eodem signo, recto Ioue vndecimam Piscium partem tenente, recto & Mercurio octauam, vt in tot feliciū Planetarum commercio, proximoq. respectu, si qua vis est sideribus, vt circa hæc, quæ in terris fiunt, ferme omnibus persuasum video, facile appareat, nihil ea luce & hora, vt dictum est, inchoari potuisse, quod non felix fortunatumq. esset, & ad rerum apicem & culmen peruenturum, ita vt iuxta cæli diuinæque natura, nouæ vrbs primordio affuisse videri possint: hæc, quia iterum sit ipso die nobiliter operata, illi felicissimorum siderum radiatione, mutuoq. aspectu. Hæc modò quàm breuissimis verbis de situ & primordiis Venetiarum recensui. Quæ autem fuerit ipsarū origo, & causa, quibus auctoribus ea vrbs condita sit, qualemq. Reipub. statum habuerit, quæ mari terraq. variis temporibus præclara facinora fecerit, quibus artibus ac studiis floruerit, quos denique domi forisq. illustres viros ediderit: ex veterum & recentium scriptorum monumentis facillimè erui & intelligi poterit. Ad institutū igitur reuertar. Auria in hunc sinū præteruectus, cōfestim arces, vbi ædes Nicolao sacra conspicitur, inuadere constituit, primòq. hæc milite in terram exposito, atque ope Francisci Carrarij, qui cum mille armatis hominibus illi auxilio aduenerat, ipsum Nicolai cœnobium occupauit, & mox in duo castra impetum fecit: sed quoniam validissimo præsidio vtrumque à Venetis firmatum erat, inde post longam & acrem oppugnationem, infecto negotio recessit. Portus defensionem prægrandibus catenis, aliisque munimentis vndiquaque occlusi, Ioannes Barbadicus cum magno minorum nauigiorum numero præerat, qui bellicis tormentis, aliisque hostilibus telis hostem non citra cædem propulsauit, adeò vt cùm viderent, illorum expugnationem summæ difficultatis ac periculi esse, Clodiam Fossam immutato cursu adoriri statuerit. Hanc tamen Veneti, quòd eum locum haud leuis momenti esse intelligerent, præter oppidanam multitudinem, tribus propè lectissimorum virorum millibus, & diuersi generis præsidiis ad omnem casum communiuerunt, ita vt Ligur cum vniuersa sua classe in eam oppugnationem summis viribus incumberet. A quibusdam in literas relatum est, Clodiam à Clodio Albanorum duce fuisse conditam; estq. iuxta illam portus Clodianus, quinque ac viginti ab vrbe Veneta miliaribus distans. Ciuitas effecta est sub Ordelafo Falerio Duce, millesimo centesimo quinto post C. N. anno, translato huc Methamauceno Episcopatu, cùm eam urbem inundatio vastasset. Vndique stagnis marinis circumfunditur, in longum protenta, spatiosaq. & longa platea diuisa, in quam vtrinque vici plurimi instar spinæ piscis exeunt. Circa urbem salinæ passim, vbi mensibus æstiuis è marinis aquis sal conficitur ingenti Venetæ Reipub. compendio, estq. natura situs longè munitissima. In huius portus introitu atque ostio, ex utroque latere propugnaculis aliisque aggeribus communito, Veneti, vt hostem ingressu arcerent, nauim eximie magnitudinis depresserant. Hanc urbem Auria summis conatibus aggressus est, in cuius

Clodia descriptio.

Eiusdem obsequio.

cuius obsidione Carrarius, & Aquileiensis Antistites ipsum commeatu atque auxiliariis copiis iuuarunt. Verum, cum statim sub obsidionis initium oppugnationem acceleraret, nec satis ex militari disciplina rem ageret, à defensoribus strenuè ac celeriter repulsi sunt, ita ut paucis diebus interiectis, Auria ad sarcientiam iacturam & inflictam contumeliam reparandam, maiori cum prudentia & animositate oppugnationi instaret, & haud mediocri suorum cæde, at hostium multo maiori, circiter sex millibus oppidanorum, militumque præsidiariorum interfectis, & captis ferme nongentis, præclaram victoriam de hoste retulerit. Clodia vi expugnata, Præfectus classis singularem modestiæ laudem sibi cōparauit, dum seuerissimo edicto cauit, ne miles muliebri pudori quicquam iniuriæ inferret, neue urbem ullo incommodo ac detrimento afficeret. Nuntius tantæ acceptæ claudis Venetos, quod ea in urbe haud exiguam suarum rerum spem ac salutem reposuerant, mirum in modum consternauit: & cum hæc recens præteritis calamitatibus perpeffis coniuncta, ob oculos versabatur, summam illis molestiam adferebat, potissimum, quod publicum ærarium propemodum exhaustum esset, summaque rei frumentariæ pænuria, omnisque generis commeatus inopia laboraretur, & difficultatibus omnibus implicati, vix sciebant, quanam ratione classi necessaria suppeditarentur. Nam in Barnabæ Vicecomitis promissis auxiliis iam nihil, aut certè parum confidebant, adeo ut ea urbs paulò antè florentissima, nullique secunda, pænè ad omnia extrema redigeretur. Quo sanè factum est, ut post longas deliberationes, priusquam ad Insabri opem confugerent, urbis Senatus Genuensium animos circa pacis condiciones tentare statuerit: missisque oratoribus, iniunctum fuit, ut quamlibet condicionem propositam reciperent. Proinde in colloquium à Liguribus admissi, vnus eorum, qui rectitudine iudicii, cōsiliij grauitate, ac longa rerum experientia ceteris præstabat, his verbis Auriam est allocutus.

Clodia à
Genuens.
expugnata.

QUANTVM splendoris & incrementi uitæ tuæ gloriæ nouisq. tuis laudibus, inuictissime dux, recens accedat, vel ex eo constat, quod inter tot strenuos duces solus ad hunc usque diem extiteris, qui dignus esses ad quem supplicibus animis togati pacem petitori veniremus. Nulla siquidem temporum vicissitudine, nullis dico aduersantis fortunæ procellis effectum fuit, ut Reipub. nostræ fasces alicuius Principis potentiæ cederent, nedum tam humiliter, ut nunc fit, sese submitterent. Cuius quidem temporis, ac præsentis nostræ fortunæ condicio, cum hætenus nihil à nobis imprudentia vel temeritate in administranda nostra Rep. vti quidem existimamus, admissum vel peccatum fuerit, quod meritò à quoquam culpari debeat, potius ad humanarum rerum fragilitatem fortunæque nostræ volubilitatem, quàm ad aliquem casum priuatum, & alicuius culpam, referri iure debet. Proinde, cum tu, tuique omnes, Deos habeatis tam propitios & fauentes, ut hunc de nobis triumphum, citra controuersiam omnium, quem vnquam habuistis, maximum, vobis conferre & indulgere dignati sint, tuum erit dare operam, atque in primis elaborare, ne hanc tuam eximiam felicitatem aliqua animi ægritudine, cœu turpi labe, aspergas. Solent enim victoriæ & rerum bene gestarum successus, plerumque tantum habere in animis hominum virium atque potentiæ, ut etiam vel optimos quosque à bene institutæ vitæ curriculo non rarò abducant. Quippè cum omnium hominum animis à natura ipsa sit insitum, ut res aduersas fortiùs & moderatiùs quàm secundas ferre possint. Sis igitur tibi in omnibus, ac in omni vitæ tuæ tenore par, vel etiam, si potis est, superior, nec patiaris te à fortunæ tuæ prosperitate tibi tantum abblandiri, ut ab æquitate & honestate retraharis. Obuersentur, quæso, oculis tuis

Veneti Oratoris ad Ligusticæ classis Præfectum oratio.

lis tuis clarorum virorum omnium facta, & in primis quidem maiorum tuorum, ceu veræ fortitudinis domestica exempla, tecum reputa; qui adeo fuere in rebus suis prosperis moderati & humani, ut nihil prius, nihilque habuerint antiquius, quam ita hostem vincere, ut victoria quidē penes se, ceterum humanitatis & benignitatis testimonia veram laudem & iustam victoriæ partæ gloriam iudicarent. Hæc est, crede mihi, sola illa laurus, tuis temporibus digna, quæ tibi demum reuerso, cum magno Reip. beneficio, à grata patria optimo quidē iure debetur & imponetur: quia sanè quid tibi in hac vita à diis ipsis contingere, vel conferri possit præclarius, non equidem intelligo. Tacebo hîc breuitatis causa, quàm honorificum & quasi inauditum sit, eos debellasse, qui hætenus tot regna & tantas provincias perdomuere, quique tot rebus præclare ac fortiter domi forisque gestis, imperium, quàm maximè diuturnum & firmum semper habuere, eumque populum ad condiciones pacis redigere, qui eas reliquis præscribere consueuerunt. Nos siquidem multorum temporum atque hominum testimoniis felices, nunc præsentis rerum condicione adducti, admonemur, quàm nihil in rebus humanis simplex atque firmum sit, ac solam imperiorum diuturnitatem & stabilitatem, ex diuinæ prouidentiae, omnia regentis, nutu & voluntate pendere. Quæ sanè condicionis humanæ consideratio nonnihil nos in præsentis rerum statu solatur & subleuat; adeoque facilius ferimus ad vnius victoris arbitrium & humanitatem confugere, ab eoque pacem petere, quam si æquis & tolerabilibus condicionibus impetrauerimus, inceptam fortunæ tuæ felicitatem, crede mihi, mirificè firmabis & stabiles. Quid enim homine dignius, quàm humanitatis meminisse? easque proponere & conseruare leges, quibus humani generis societas potissimum coalescit, & continetur? Quid demum victori excelsius & splendidius, quàm ita sese in victoria moderatum & temperatè exhibere, ut potius clementia & mansuetudine, quàm vi & armis ditionem augere velle videatur? Hoc est per Deum immortalem, demum regnare, cum ita regnas, ut diu regnare possis, ac omnem luxuriantis fortunæ frenum, attractis habenis, ita inhibere, ut nunquam, nisi pro temporis necessitate ac condicione relaxandas esse sentias. Hæc omnia cum in tua potestate, Deorum omnium beneficio, nunc posita sint, ne permittas, rogamus, prædecessorum tuorum laudem atque gloriæ auitæ amplitudinem nouo aliquo inhumanitatis exemplo obscurari, vel aliqua in parte imminui. quin recordare potius, te tuæ patriæ, cui in primis omnia debes, tantum esse obligatum, ut dignitatem tuam ex eius tibi metiri omnino necessum sit: nec tantum ad vanæ gloriæ fucum, quantum ad earum rerum actiones quibus veræ immortalitatis fama continetur, respicere debes. Noli ergo extremos aduersantis nobis fortunæ ictus curiosius perscrutari & pertentare, nec incertam periculosamque victoriam certis præsentibusque commodis præferre. Verum potius hoc vnum age & contende, ut pacem, quam modò abs te submisit petimus, honestis & æquis condicionibus subnixam, nobis libens concedas. Nam, præterquam quod ex eo tui nominis splendor & immortalitatis fama citrà omnem interitum ad posteritatem deuentura est, nos in amicitiam tuam receptos, ita habebis in posterum deuinctos & obligatos, ut nullum obsequij genus paratissimis animis tibi non exhibeamus. Postquam Venetus dicendi finem fecit, Auria in hanc ferè sententiam respondit.

*Immitis atq.
insolens Au-
rie responso.*

INTER alia magna atque præclara munera, quibus me immerentem cælestis fauor à primis annis usque ad huius diei horam prosecutus est, vel illud inter præcipua numero, quòd me in arduis rebus sæpius versantem, ac mira fortis for-
tunæque

tuncque diuersitate vsum & exercitum, Dij ipsi iam longa experientia docuerint, quantum iuris & potestatis in rebus humanis fortuna, vel, vt alij nominant, cæcus ille casus sibi vendicet, adeò certè, vt magno meo cum periculo hoc videar assecutus, vt pro rerum temporumque condicione, æstus istos animi variis de causis humana pectora miserè, & huc illuc impellentes, aliquà ex parte in mea habere potestate, & veluti iniectis frenis, in officio continere didicerim. Cùm itaque vos pacem humiliter ac demissè petaturi ad me veniatis, facilè adducor, vt patiar me huius præclarissimæ victoriæ de vobis habitæ testimonio ad perpetuam gloriam, & sempiternam mei nominis memoriam adornari. Interim tamen vos seriò admonebo, vt subinde cogitetis, atq. exactè perpendatis, quantum inter nostram & vestram Remp. hoc quidem tempore propter fortunæ diuersitatem inter sit, atque ex huius condicione officia nobis debita diligenter metiamini ac expendatis, potissimùm cùm alia sit victoris, alia verò victi ratio. Nec video me herculè, quare ego de fortunæ meæ pristinæ prosperitate & felici genio magis metuere debeam, quàm vos de vestra in posterum bene sperare. Nam cùm omnibus rebus humanis sit certus terminus præfixus & præfinitus, sic ego proculdubiò statuo, fortunæ meæ felicitatem nondum ad vltimam periodum peruenisse. Proinde cùm hæc ita sese habeant, alias vobis leges præscribere vel concedere non possum, quàm illas ipsas quæ vobis à nostro Senatu, si præsens foret, iniungerentur. Quod vt planum faciam, vos, vestraque omnia meæ voluntati atque arbitrio quamprimum permittite. Ad tam atrocem, & plusquam inhumanam Auriæ responsionem Veneti legati mirū in modum indignati, & quòd sibi omnia longè mitiora & moderatiora de illo promississent, iustissima ira accensi, nihil amplius locuti, cum summa festinatione discesserunt, fatius esse arbitrati, omnia extrema experiri, ac cum hostibus suis ad vltimum vitæ spiritum vsque colluctari, quàm tam indignas, & planè barbaras condiciones, vix mancipiis, nedum libero populo tolerabiles, cum magna ac perenni Reip. posteritatisque ignominia subire, adeò vt meritò Auriæ ambitio ab omnibus incusari debeat, qua factum esse maiori ex parte videtur, vt tantæ & tam præclaræ Reipublicæ subiugandæ ac edomandæ oblata occasio cum grauissimo Ligustici nominis detrimento neglecta sit. Auriæ etiam ipse non parum sibi suæq. existimationi derogauit. Exitisset nimirum alioquin nemini suæ gentis rerum gestarum magnitudine vel gloria secundus, si ad bellicam virtutem moderati atque fortunæ humanorumque casuum memoris animi laudem adiunxisset, ac nisi pristinum nominis splendorem nimio fastu animique impotentia, ea potissimùm tempestate, obscurasset. Nihil enim gloriosius in re bellica, vel etiam vtilius, confici vel optari poterat, quàm, Clodia vi expugnata, sexque defensorum millibus acriter urbem ipsam propugnantibus, ad vnum, vt demonstraui, cæsis, vel vulneratis, Venetias, opulentissimam urbem, rerum gestarum, Imperijque cum diuturnitate, tum amplitudine, totius Europæ facilè principem, veluti faucibus oppressam, ad pacis petendæ necessitatem, legesque à victore accipendas, supplicem adegisse. Sed sit non rarò, vt hominum animi prospero rerum cursu elati, fortunæque indulgentia vltra omnes humanitatis honestatisque limites prouecti, ea plerumque negligant, & imprudenter prætereant, quorum vel maxima sit habenda ratio. Diuina planè prouidentia tam splendida vrbs ab interitu conseruata, meo equidem iudicio, censeretur. Nam si quis omnia Venetorum tempora ab vrbe condita ad hanc vsq. ætatem considerarit, & diligentius examinarit, reperiet proculdubiò, nullum vnquam tempus vel occasionem



incidisse, in qua Veneta virtus magis & clarius enituerit, ut dubitare liceat, maiorne afflictæ ciuitati in rebus aduersis constantia, an in laboribus robur, & in consiliis sollertia fuerit. Porro cum ab hoste, ut diximus, talis proponeretur pax, ut nihil ipsis præter vitæ incolumitatem relinqueretur, tanta ira ex rei indignitate orta est, & ex hac tam feruidum tuendæ libertatis studium, ut admirabili quadam consensione omnia extrema tentanda, & audenda potius proponerent, quam ita abiectè ac viliter cum hoste pacisci. Quare ad eum repellendum summa cum celeritate ad Barnabam Vicecomitem legationem habuere, qua præsentem Reip. suæ statum illi ostenderunt; simulque rogarunt, ut tam necessario tempore sibi deesse nulla ratione vellet. Quem quò facilius ad ferendam opem inflecterent, graui atque diserta oratione ostendebant, quanta illum laus & gloria maneret, si Resp. Veneta, quæ hætenus contra barbarorum incursiones, vnicum Italiæ asy-lum & refugium extiterat, eius potissimum beneficio salua & incolumis remaneret. Et quia multas ad diuertendum bellum rationes iniuerant, hæc vna ceteris videbatur esse præstantior, ut ipse Vicecomes quàm primum arma contra Ligures expediret, illorumque patriæ bellum inferret. Intelligebant siquidem, hoc modo ipsos facile ab instituto, cum semper strenuos sese patriæ suæ defensores præbere solerent, abduci & auocari posse. Insuper, audita legatione, videns tam præclaræ Reip. statum suo beneficio ab hostium vltioribus iniuriis seruari atque defendi posse, licet Venetam potentiam semper antea habuisset suspectam, confestim tamen, tanquam socios & vicinos, eos milite, ceterisque omnibus necessariis, quoad fieri posset, iuuare statuit, conscriptisque summa cum diligentia aliquot pedestribus & equestribus copiis, haud parua, vel cõtemnendam manû collegit: inter quos fuit vna quatuor milliû veteranorû legio, Stellæ cognomine insignis, cuius superius meminimus: easque omnes subsidiarias copias ad depopulandum agrum Ligusticum, prout Senatus illum per suos oratores rogarat, emisit. Qui post varias excursiones & depopulationes ita progressi sunt, ut non procul à Genua in villis Bisamnis castrametarentur. At Nicolaus Guarcus, qui tunc temporis Genuæ principatum gerebat, his rebus percognitis, statim ex Patrum decreto, ut hostiles conatus reprimerentur, in vrbe militarem delectum summo silentio haberi iussit, ei que Isnardum fratrem cum imperio præposuit. Qui rebus omnibus ex sententia expeditis, subitaque eruptione facta, hostem de impro-uiso adortus est, cumque tandem post longum & cruentum prælium fudit ac deleuit, maxima parte obtruncata, & reliquis in fugam cõiectis; inter quos Astorgius Manfredus Fauentia regulus, Insubrum Dux, ægrè omnino euasit. Nam dicitur, agresti habitu, siue, ut aliis placet, cucullo, periculum euitasse. Ipsa quoque veteranorum legio vniuersæ Italiæ prægrauis & formidolosa, profligata est; quippe quæ nullius Principis stipendiis addicta, assiduis velitationibus & populationibus multas eius prouincias infestas antea non semel reddiderat. huiusque victoriæ fructus non modò ad Genuenses, sed ad quamplurimas Italiæ ciuitates magna cum læticia & emolumento peruenit, adeò ut plerique literis & nuntiis gratias Genuensibus egerint, quòd illorum virtute & fortitudine, à tanta molestia essent liberatæ. Genuenses quidem hanc victoriam in magnis numerant, eamque octauo Cal. Oct. partam anniuersario sacro, & aulæ aurei dono in æde D. Georgij posteritati commendarunt. Ceterum Veneti ob acceptam cladem vehementer indoluerunt, summoperè veriti, ne hostium iniuriis omninò exponerentur: & idcirco, ut illos facilius ab littoris ingressu prohiberent, murum, cuius etiamnum hodiè vestigia cernuntur, ab æde D. Nicolai vsque ad alteram stationis

Veneti ad
Mediolan.
opem consu-
giunt.

Genuensium
aduersus
Principem
Mediolanē-
sium victo-
ria.

stationis partem deduxerunt, simulque classem suam maiori parte inutilem & laceram, reparauerunt; cui de communi omnium sententia Victorem Pisanum, qui post cladem Polanam in vinculis, vti superius diximus, cōiectus fuerat, præfecerunt, totiusque subsecuturi belli supremum Ducem, siue maius Imperatorem, renunciarunt: quo etiam die à Genuensibus Pupilia capta est, prout insignia ipsorum ibidem affixa testantur. Auria vltèrius progressus, Methamaucensem portum cepit atq. expugnauit, cunctaque hostiliter demolitus, Lauretum quoque oppidum, huic proximum, in suam potestatem redegit. Quorum sanè locorum iactura Venetos haud parum afflixit, eisque non mediocrem metum ac terrorem incussit, adeò vt hac de causa subinde noua consilia & rationes inirent, quibus hostilem vim inhiherent. Proinde cum per speculatores explorassent, Clodiam, propter classis absentiam, quæ maiori ex parte in Apuliam frumentandi gratia concesserat, tenui præsidio teneri, ad illam capiendam minoribus nauigiis circiter numero trecentis clàm expeditis, intempesta nocte, ea spe, vt illam reciperent, enauigarunt. Verùm res haud tanto silentio geri potuit, quin Auria statim ipsorū consilia præsentiret, & probè subodoraretur, ita vt repentè illos adortus, facili negotio superarit; multosque Veneti nominis captiuos fecerit. Vbi verò triremes, in Apuliam frumentatum profectæ, rediissent, Auria Methamauci portus commoditate fretus, ad urbem Venetam cursum nauigationis direxit, in eoque itinere quædam triremis Sauonenfis, cum temerè ceteras prætergressa, & aquis destituta, iuxta fanum vulgò S. Spiritus, tanquam in sicco hæreret, confestim à nonnullis nauigiis Venetis, cum omni auxilio destitueretur, oppressa est. Ligures, illius periculo animaduerso, etsi libenter succurrissent, fieri tamen propter aquæ altitudinis defectum non licuit: sed inde retrogressi, ad urbem aditum ea parte qua ad templum Nicolao sacrum peruenitur, tentarunt, in quo Veneti reliquam omnem suam spem atque fiduciam collocarant. Siquidem licet omnes aliæ ferè fauces in hostium potestatem deuenissent, parum tamen de illis erant solliciti, quòd earum altitudo excipiendis triremibus, aliisque maioribus nauigiis nō sufficeret, sic vt potissimùm in illis duabus munitionibus tuendis, eiusque littoris, siue aggeris propugnatione, præcipuam curam & studium poneret, ibique intracatenam portum occludentem, Pisanus cum plurimis nauigiis varij generis præerat, vt sedulò caueret, ne quid incommodi ex ea parte acciperetur. Auria, tametsi omnibus conatibus & viribus eum locum fortiter oppugnasset; is tamen fuit euentus, vt denuò re infecta, illinc discedere, seque Methamaucum recipere cogeretur: quo sanè effectum est, vt interea Veneti plus otij ac temporis nacti, rebus suis multò facilius atque commodius consulerent, & de omnibus necessariis prospicerent, simulque per hostis absentiam, riuum, seu canalem, vt appellant, S. Spiritus, & illum qui deducit ad fanum D. Marthæ, præualidis aggeribus communiuerunt. Et quamuis Methamaucum amisissent, nihilominus cum haud mediocri cymbarum & minorum nauigiorum numero, quæ sub Ioannis Barbadici præfectura, prout vsus requirebat, eius iussu disponebantur, vim aduersariorum fortiter ac strenuè repellebant. Sunt qui tradant, in his leuioribus mutuis congressibus ænea tormenta tunc primùm reperta, Venetis magnum vsum & vtilitatem præstitisse. Quandoquidē eorum crebra displosione, & Genuensibus illorū vsum adhuc ignorantibus, quamplurimos grauissimis incommodis affecerunt. Auria interim cum ex ea parte omnes conatus inanes atque irritos animaduerneret, ad nouas rationes confugit; ac existimabat, omnia sibi ex animi sententia successura, si ex Methamauci statione per continentem

Victor Pisanus è vinculis eductus, nouæ classis præficitur.

Quando ænea tormenta primùm reperta fuerint.

arces iuxta templum Nicolai sitas inuaderet. Quod ut faceret cautiùs & securiùs, finxit se velle murum, in illarum aditu erectum, expugnare, ut scilicet præsidario in earum defensione occupato, ipse euestigiò ex continenti munitiones aggrediretur. Qua de causa summo silentio magnum lectissimorum militum robur in quodam nemore tunc temporis inter Methamaucum & Nicolai delubrum sito collocarat. Verùm eius consiliis à quibusdam aduersæ partis, qui se iuxta propugnacula recipiebant, detectis, ab eo conatu destitit. Veneti contra, nihil omninò reliqui ad summam diligentiam facere, quod ad suam salutem patriæque libertatem retinendam & conseruandam pertinere iudicaret, & Clodianam recuperationem noctes diesque animis voluentes, cum se ingenti annonæ commeatusque inopia premi intelligerent, ad extremi consilij rationem confugerunt. Quandoquidem Principis ac Senatus decreto, clanculum summaque celeritate vniuersa nauigia, quæ in publico armamentario adhuc extabant, instructa fuerunt, eo quidem consilio, ut si Clodiana expeditio nequicquam tentaretur, Veneta vrbe prorsus relicta, in Cretam insulam adnauigarent. Quod verum fuisse, ex eo potissimum patet, quod satis constat, & literis consignatum sit, in eam classẽ præcipuos ciues, atque adeò ipsum Andream Contarenum ea tempestate Reipub. Principem, cum vniuerso ordine Senatorio & lectissima nobilitate conscendisse. Consilium sanè ut admiratione dignum, ita & humanarum rerum mirificum exemplum. Classis, quæ tum pro temporum angustia & conditione parari atque instrui potuit, trium ac triginta triremium, duarum nauium eximiæ magnitudinis, & quorundam aliorum nauigiorum numerum explebat. Quibus accedebant duo nauigia ex his quæ vulgò Pontones appellant, quod est genus nauium Gallicarum, ut hæc ad Clodiæ fauces & aditum obstruerent, quò illarum faucium vsu hostem multarent. Ceterum illa tempestate ea Respub. in tanto rerum omnium discrimine versabatur, tantisque in angustis & difficultatibus coniecta erat, ut non pauci ciues populares, opibus & fortunis reliquis antecellentes, in patricium ordinem, largitione facta, certa que prius ad hoc pecuniæ summa ad vsus publicos consignata, transcriberentur, ea lege & conditione, ut deinceps omne inter eos tolleretur discrimen, & ordinis distinctio: quod quidem certè nonnullis aliis nostrorum temporum ciuitatibus, quæ aut democratica, vel aristocratica ratione administrantur, pro iugi ac perenni exemplo haud immeritò esse potest. Veneti tanta festinatione ac silentio in educenda classe vsi sunt, ut prius iuxta Clodiam conspecti fuerint, quàm aliquid hostis de illorum appulsu rescire posset, vix illi data facultate, ut triremes vnde triginta è portu educeret: cumque id præter Venetorum spem ac opinionem accidisset, eò tandem res deuēnit, ut Veneti contra suum decretum & consilia congregari ac proelio decertare cogerentur. Nam etsi ipsorum classis nauigiorum numero & bellico apparatu hostili esset superior, nihilominus tamen Ligustica nauigia diutina belli exercitatione & vsu, illis recens cum summa properatione armatis, ac passim Senatorij ordinis togatisque viris & nouo tyrone instructis, longè utique antecellebant. Itaque commissio certamine, & longo vtriusque habito conflictu, licet Venetis naues, quas secum adduxerant, & in primo aciei cornu & frontispicio constitutæ erant, haud paruo emolumento ac præsidio extitissent, is tamen pugnae fuit exitus, ut ipsi, amissis nauibus, ac etiam nonnullis triremibus, cum reliqua parte classis multò maiori discrimine, quàm antea, subito Venetias redire coacti sint, adeò ut si Ligureo tempore Francisci Carrarij consilio obtemperasset, multorum opinio sit, eam Remp. funditus deleri potuisse. Hic enim suadebat, ut relicto in

Veneti eò redacti, ut de ipsa vrbe deferenda consilium iniuerint.

Ciues in Patriciorum numerum à Veneto Senatu cooptati.

Veneti ad Clodiam infelicitè pugnant.

vrbe

vrbe Clodiana opportuno præsidio, classeque in apertum educta, protinus in Istriam contenderet, ibique hostem omni re frumentaria & cōmeatu arceret. Ceterum, Auria huic prudentissimo ac saluberrimo consilio ea de causa minimè acquieuit, cum omninò existimaret illum, spe priuati cōmodi, ea dumtaxat proponere, vt scilicet hunc locum ob salis vbertatis prouentum, qui inde maximus quotannis redire solet, ipse retineret. Is etiam vt hoc suaderet, cum primis Venetorum desperatione, & Genuensium indiligentia mouebatur; quippè qui, vt plerumque vsu fieri consuevit, ob rem hætenus feliciter gestam, plurimum de priori sedulitate ac studio, præcipuè verò in tuenda classe, remisertant. Auria tamen nullis rationibus commoueri potuit, quin iisdem in locis susceptam expeditionem prosequeretur; præsertim cum post reductam ad Clodiam classem, sibi persuaderet, Venetos eò necessitatis esse redactos, vt nullam amplius eruptionem facere auderent. At ipsi nihil reliqui pro conseruanda sua salute & liberatione ad summam diligentiam facientes, intempesta nocte cum triremibus quatuordecim, & duabus onerariis, lapidibus & alia id genus materia, ad eius stationis altitudinem implendam, refertis, egressi, ostium portus Clodiani improuiso accessu occuparunt, ibique admirabili quadam celeritate, cratium sepi-mentorūque beneficio sic eum aditum obstruxere, vt inde hosti nullum daretur effugium: isque de periculo admonitus, cum intempestiuè huic rei obuiam ire conaretur, turmatim exiit cum rediis ac facibus incensis, vt earum carinarum summitatem ex superiori parte incendio absumeret. Res ea tamen incassum tentata. Siquidem nauigia, saxorum aliarumque rerum ingenti mole oppressa, subinde magis magisque in imum proruebant, ita vt fauces atque ostium portus breui vndiquaque obstrueretur: idque negotij summo studio, ne scilicet Ligustica nauigia inde vltius educi possent, à Venetis procuratum, hosti, vti mox dicitur, summā perniciem ac planè exitium attulit. Quamuis enim inceptum opus omnibus viribus impedire conaretur, is tamen subinde palis, epistylis, aliisque aggeribus sedulo instare, operamque vrgere, adeò vt cum vterque omnibus rationibus suarum rerum satageret, magnus ibi fuerit concursus atque certamen. Verum enimvero cum ex illius prælij euentu vniuersa fermè belli alea penderet, Princeps Venetus iterum ex vrbe cum maiorum nauigiorum & bellatorum numero ac robore egressus est, ibique, biduum, & amplius, nauali & terrestri pugna, multis vtriusque desideratis, inuicem conflixere. Tandem Ligur, post diuturnam luctam, summo studio, vt se illinc expediret, suamque classem ex eo portu educeret, allaborans, cum id dumtaxat per Brundulum, Clodia ad tertium lapidem distans, fieri posse animaduertisset, quanquam iter summæ difficultatis plenum videretur, illuc tamen sibi eundum statuit, eoque nauigatione directa, simulauit, sedenuò claustra, quæ hostis fecerat, inuasurum, eo quidem animi decreto, vt, dum is defensionem vacaret, ipse interim sua nauigia eo itinere educeret. Sed Venetus ea re percognita, illius consilia anteuertit, quippè qui Brundulum properans, facili negotio, dum Ligur ob exiguam aquæ altitudinem, quæ ibi erat, variis machinis ac instrumentis, vt classem illinc educeret, summa ope anniteretur, illis exitum obstruxit. Hæc noua difficultas res Genuensium hucusque florentissimas mirum in modum afflixit, ac in vltimum ferè discrimen adduxit: Venetorumque fortuna sensim in melius mutata, ita vt sub Caroli Zeni ex Orientalibus partibus aduentum, Laureti oppidi recuperatione subsecuta, benigniorem ac pacatiorem vultum ostenderet. Priusquam tamen de iis quæ deinceps inter vtrumque populum gesta sunt, aliquid enarrem, pauca mihi dicenda restant

*Naualis ac
terrestis
conflictus*

de his rebus quæ iisdem ferè temporibus circa Byzantium contigerunt. Porro cum Venetus enixè daret operam, omnibusque viribus contenderet, ut hostem ab ea expeditione auerteret, Caloioannem Græcum imperatorem sibi, uti superius meminimus, confœderatum & socium induxit, ut Peram Ligurum coloniam armis inuaderet, quò etiam in his locis eos sic aliquo nouo incommodo & detrimento afficeret. Quorum voluntati dum obtemperare vult Græcus Imperator, arctissima obsidione Peram ipsam in aduerso littore sitam, terra marique premere inceperat. Et quamuis Andronicus eius æmulus, ac Lucianus Nigrius, hostiles impetus aliquandiu egregiè sustinerent, ac omnibus conatibus fortiter propulsarent, res tamen eò deducta erat, ut nisi Nicolaus Marcus Genuens. patricius, ac fortissimus ciuis, cum aliquot triremibus valdè opportuno tempore obsessis extremè laborantibus, maturam opem attulisset, proculdubiò summoperè verendum erat, ne deditio subsecuta fuisset. Ceterum, nouo præsidio subleuati, sic omnium animi recreati & confirmati sunt, ut nihil iam minùs, quàm de deditio cogitarent, hostemque crebrò fortiter ac strenuè à mœnibus repellendo contemnere didicerant, eo tandem successu, ut ipse re infecta obsidionem soluerit. Quod verò ad Zenum attinet, is sanè sub huius belli exordio cum nonnullis triremibus, ceterisque nauigiis Patrum decreto in Syriam nauigare iussus, primo cursu Tenedum appulerat, ibique ad eius loci præsidium duabus triremibus relictis, Rhodum versus profectionem instituit, indeque in Cyprum peruenit: mox pluribus hostium obuiis nauibus interceptis, in Syriam contendit. Et vix vnum atque alterum diem in Berytino portu ad ancoram constitit, cum Cretensis nauis publicis literis Clodiæ amissionem patriæque diuexationem nuntiantibus & significantibus, ad eum delata est. Admonebatur itaque, suis quamprimum opem ferre, multum namque periculi in mora esse, ne qua scilicet maior clades cunctando adiretur. Commotus tam atroci nuncio Zenus, confestim ex Syria profectus, celeri cursu Cyprum repetit: hinc digressus, cum Rhodum præterueheretur, onerariam vnam Ligusticam expugnat, qua neque vlla maior, neque ditior, ea quidem tempestate, extitisse dicitur. Prospera inde vsus nauigatione, peropportunè suis circa Clodiam laborantibus affuit. Nam eò res venerat, ut Veneti, qui Clodiam terra & aquis circumsedebant, rerum omnium inopia adacti, hosteque prægrauante, biduò soluturi essent obsidionem, nisi maturus ac exoptatus Zeni reditus suorum animos incredibiliter confirmasset. Interim Ligures, ne fortunæ suæ cursum negligentia aliqua interromperent, vel remorarètur, Genuæ in Veneti belli supplementum noua nauigia exardificari iusserunt, breuique temporis interuallo tredecim triremes paratæ atque instructæ sunt, quibus Matthæus Maruffus spectatæ fidei summæque prudentiæ vir præpositus. Quod sanè ut à Venetis cognitum est, multò maiore studio, quàm antea, omnia propugnacula, aliaque opera ad defensionem tutelamque diu cœpta & inchoata, perficere conabantur, ita ut de propria salute mirum in modum solliciti atque anxij, Carolum Zenum Brundulanæ expeditioni cum quatuordecim nauigiis præfecerint. Ligur enim ad præoccupandum hostem classem suam subinde educere tentabat, eiusque rei gratia ædem ac cœnobium Michaëli sacrum, huic stationi proximum, occupat; in eoque validum præsidium collocauerat. Dum hæc ita fierent, Venetiis, post Clodiani portus aditum præclusum, Patrum omnium sententia & decreto sancitum est, ut Clodia expugnaretur: moxque instructa classe, illuc circiter octo bellatorum millia transmissa. quorum quidem ope ac præsidio Zenus primò aduersariam classem adoriri constituit: utque hostem

Peram à Græco Imper. in gratiam Venetorum obsidesur.

Nicolaus Marcus Pe- resibus sub- sidio venit.

Caroli Zeni reditus Venetorum vires confirmantur.

1380.

Genuæ sit nouum sup- plementum sub Matthæi Maruffi.

stem ad certamen prouocaret, ipsum cœnobium, vbi haud exigua pars Genuensium militum sese communiuerant, maximo impetu aggressus est. Verùm Ligures tanta sollertia industriaque utebantur, vt refractis ipsis impedimentis, superatisque aggeribus, ad decem triremes Brundulo emitterent. ac ita vno eodemque tempore mari terraque valdè tumultuatum. Et licet Veneta nauigia cum Ligusticis concurrentia, inferiora numero essent, nihilominus tamen propter summum animorum ardorem atque certandi auiditatem hæc pugna fermè inter se par & æqualis censebatur. Quandoquidem ob canalis istius angustiam, vna dumtaxat, vel ad summum duæ triremes, vtrunque per idem tempus inter se configere & cōcurrere poterant. Quo sanè factum est, vt, cùm ad ipsum Auriam, qui cum suis ad certamen descenderat, nouus miles per continentem Clodia subsidio aduenisset, longum & cruentū prælium committeretur, potissimum, quòd Pisanus cum nouis nauigiis nouaque manu militari in terram ibidem exposita, prælium fortiter instauraret: in quo sanè cum Auria strenuissimè dimicans, suosque variis cohortationibus ad bellum inflammans, ictu ænei globuli vulneratus concideret, victoria tandem ad ipsos Venetos inclinarit, penesque eos steterit. Cuius quidem pugnae successus, interitusque Ducis fama, postquam in Ligurum castris diulgata est, protinus terrestres ac marinæ copiae cesserunt, & classiarij actutum nauigiis, ne hostium præda fierent, incensis, seipsos pedestribus copiis adiunxerunt; omnesque simul Clodiam versus iter flexerunt: quos quidem victor miles summa velocitate atque ardore subinde insecutus est. Et quamuis diuersæ adferri possint causæ, quarum ratio si expendatur, Venetus superiore uaserit; tamen nulla potior est, quàm nauarchi obitus; cuius sanè culpa & temeritate commissum est, vt Ligustici nominis dignitas hac præclarissima victoria defraudaretur. Nam si, vt antea demonstrauius, victoria tam probè vti sciuisset, quàm vincere, haud dubiè inter celeberrimos militiae duces haud immeritò annumerari potuisset. Eius mortem vniuersus exercitus grauissimè tulit. At Veneti tam felici victoria læti, & rei successu sibi abblandientes, animos multis incommodis & præteritis aduersitatibus fractos, ita erigere cœperunt, vt sibi maiora polliceri nō addubitarent. Proinde cùm multum spei in præsentī fortuna reponerent: operæpretium se facturos arbitrabantur, si recentem adhuc victoriam indefessis animis, totisque viribus prosequerentur. Porro summa contentione adnisi sunt, ne hostis Clodiam se recipere posset, nèue vllum tutum effugium illi vsquam patèret. Sed Ligures veriti ne intercluderentur, longè maturius, quàm Veneti, pontem isti canali, cuius superius meminimus, superinstructum, occuparant, ibique statim agminatim sub vexillis confluxere, eo animo, vt, redintegratis viribus, coactisque copiis, bellum repararent, seseque hosti, recenti victoria summopere exultanti, fortiter opponerent: videbanturque eorum consilia, cùm iam non contemnendo numero militariter arma corripuissent, aliquem insignem fructum reportatura. Verùm præcedentis pugnae infortunium planè effecit, vt eodem quasi successu ab eis dimicatum sit. Dissipatis namque signis, ac militaribus ordinibus valdè confusis & perturbatis, se itidem in celerem fugam proripuere, tanto me herclè impetu, vt ob frequentem concursum, & vtriusque agminis sese impredientium multitudinem, pons disiectus fuerit; & quamplurimi, præsertim ex Genuensibus, armorum pondere prægrauati, & in mare præcipitati, partim submersi, partim verò collisione & attritu miserè perierunt: multi etiam prætereà illustres viri ab hoste interfecti; in quorum numero Thomas Guanus, equestrium copiarum dux fuit. In ea namque clade amplius sexcentos contrucidatos, & totidem in hostium pote-

Crebri conflictus inter Venetos ac Genuenses.

Petri Auria interitus.

Venetorum victoria.

Genuensium clades.

statem venisse fama obtinuit. Reliqui ob confractionem pontis in altera urbis parte ab hoste diligenter custodita, incolumes euaserunt. At Ligures cum in ca denuò aliqua munimenta ad nouam defensionem pararent, à Venetis copiis obfessi fuerunt. Iisdem fermè diebus quinque Ligusticæ triremes nullis armamentis instructæ, ad quorum quidem propugnationem octoginta solummodò relictæ fuerant, à minoribus nauigijs Barbadici, in canali, seu fossa vinearum, ut appellant, captæ sunt, ita ut Ligur iam undique maximis angustiis oppressus, quotidianis nouis cladibus afficeretur. Nam breui post accessit etiam nouem nauigiorum iactura, quæ com meatibus onusta, à Francisco Carrario ad subleuanda castra missa erant. At cum Venetus omnes ferè aditus insedisset, summaque diligentia iugiter obseruaret, ne aliquid præsidij hosti veniret, facilè intercepta fuerunt. Itaque maiore parte classis, ac eius Præfecto, & omni re frumentaria exutis, nihil iam erat reliqui, nisi ut se Clodiæ validis præsidij firmarent. Interea temporis Genuæ, simulac de obitu Auriæ cognitum est, Patres conscripti, vnà cum ipso Principe, nihil rerum Clodianarum successu animis fracti, euestigio Gasparum Spinulam non modò nobilissimæ ac præpotentis familiæ splendore, sed spectata etiam virtute conspicuum & clarum, Auriæ successorem declararunt: eique ex communi eorundem Patrû decreto Ludouicus Guarcus, & Hannibal Lomelinus, fide, consilio, ac virtute præstantes, coniuncti fuerunt, quorum consilio vteretur: hiq. mense Februario, cū pulcherrimo lectissimæ iuuentutis comitatu, & valida manu in Etruriâ profectioe suscepta, breui iuxta Clodiâ affuerunt. His ad Clodiam ita gestis, Marruffus, cuius paulò antè mentionē habuimus, iam cū sua classe in Apuliam, spei plenus, eo cōsilio venerat, ut nulla interposita mora, prima quaq. opportunitate suis, Clodiano successu valdè accisis & cōsternatis, opportuno remedio adesset. Et quòd non ignorarent, Venetos paulò antè illuc quasdam onerarias frumentatum misisse, eis summo perè expedire videbatur, si Thadæum Iustinianum cum duodecim triremibus eodem ad rem frumentariam, & com meatum expediendum & afferendum ablegarent. Is itaque Carnorum oram præteruectus, classemque suam subinde ostentans, Gradum recepit, indeque secunda & prospera navigatione Sipontum, hodiè Manfredoniam vocant, tenuit. Hic cum Venetus stationem haberet, audito Ligusticæ classis aduentu, aliquot naues tritico onustas domum properare, ceteras onerarias deprimere iubet; veritus scilicet, ne illis Ligur potiretur; ipseque cum sex triremibus (nam reliquæ præsidiaræ aliò frumentatum diuerterant) cōfestim portu egressus, in altum pelagus, Venetias petiturus, enauigauit. Ceterum, instituto cursu subita tempestate excussus, Sipontum repetere coactus est; paruoque temporis spatio interposito, Ligur summa celeritate aduolauit, eo animo, ut hostem imparatum opprimeret, vel saltem totis viribus adoriretur, sic ut in mutuum conspectum deuenirent: ibique ad aliquot horas strenuè vtrimque pugnatum, eo quidem euentu, ut tandem superante Ligurum multitudine, Thadæus ipse cum centum aliis non obscuri nominis caperetur: ceteri propinquæ urbis beneficio incolumes euaserunt. Naues verò subito incendio conflagrarunt. Post cuius pugnae exitum, ad Ficulanum portum est itum; in quo sex aliæ Venetæ triremes stare ad ancoram dicebantur. Hic victor Ligur successu exultans, cum temerè portum subiisset, occasionem præbuit effugij. Nam quinque, vna post aliam, prima trepidatione dilapsæ, altum tenuerunt: vna hostem effugere non potuit. Nauales turmæ quæ Siponti fuerant, metu compulsæ, terrestri itinere Clodiam venere, vbi adhuc Venetus cum classis parte erat; quamquam res ipsa ad exitum deducta esse videbatur. Marruffus inter-

Gaspar Spinula in Petri Auriæ locum substituitur.

Matthei Marruffi victoria.

rim,

rim suam nauigationem prosecutus, primò laderam iter suscepit: eoque feliciter appulsus, classẽ, vt suis Clodiæ obsessis opem atque auxilium ferret, omni bellico apparatu instruxit: cui etiam in iisdem locis quinq. triremes, quæ haud multò antè è sinu Ligustico soluerant, se tanquam subsidiariæ adiunxerunt. At Veneti de Spinulæ aduentu, nouæque classis supplemento certiores facti, nihil reliqui ad summam diligentiam fecere, vt denuò litrus seu aggerem, ad Nicolai fanum positum, nouis munitionibus firmarent, atque ibi munitissimam turrim, quæ adhuc nostra tempestate conspicitur, excitarunt, valida manu militari iuxta oræ maritimæ tractum passim constituta, ne quid incommodi vel periculi ex ea parte hostis inferret. His rebus apud Venetos ita sese habentibus, Spinula, breui mora interiecta, cum sua classe non procul à Clodia peruenit; ibique ob incredibile studium atque industriam, qua Veneti in portus Claudiani faucibus claustrisque tuendis, ac reliquis locis, quæ ingressus dabatur, vñ fuerant, nihil omnino earum rerum quas sibi animo proposuerat, effecit. Quocirca illinc protinus classe abducta, ad littoris munimenta perrexit, vt periculum faceret, num ex ea parte hostis à Clodiana oppugnatione auerti posset. Verum, cum omnia firmissimis præsiidiis perpetuisque vigiliis custodiri ac teneri animaduerneret, confestim mutato consilio, omnem curam ac industriam contulit, vt Venetos ab omni frumentatione, qua eo tempore in Apulia & Picena regione utebantur, excluderet: Nam Veneti licet nauigiorum militumque ferè numero præstarent, sic tamen erant animati, vt nunquam belli aleam subire, vel prælio decertare vellent. Ceterum, hostilibus conatibus, vnde sibi haud mediocre incommodum ac detrimentum imminebat, animaduersis, continuò quinque ac viginti triremes ad sui tutelam salutisque conseruationẽ eduxerunt. Verumenimuerò cum ambæ classes diuersam nauigationem tenerent, neutri cum hoste congregiendi facta est potestas. Dum hæc ita geruntur, Carrarius ad arcendum à Clodiana obsidione Venetos, Taurisium paulò antè ab eis receptum & instauratum, arctissimè oppugnavit. Et quamuis hac in re omnes conatus ac vires adhibuisset; attamen is fuit exitus, vt illinc fortiter repulsus, infecto negotio, discedere cogeretur. His rebus Genuam perlatis, Marruffo ab iis qui rerum bellicarum curam habebant, seriò iniunctum fuit, vt iterum suis, qui ad Clodiam obsidebantur, præsidio adesset, nec à prælio, si ita res ferret, vllò pacto abstineret. Quod cum diligentissimè esset executus, omnemque, quod aiunt, lapidem moueret, vt hostem clade afficeret; semper tamen suos conatus fortuna destituit. Quandoquidem Venetus, inter cetera obstacula & munitiones, ab exteriori parte munimentum, instar maximæ cuiusdam arcis crexerat, vnde cum maioribus tormentis, tunc primùm, sicuti antea diximus, ab humana sollertia in summum generis humani detrimentum ac perniciem, & planè multarum heroicarum virtutum excidium, excogitatis, tanto incommodo Ligusticas triremes afficiebat, vt ægrè littori appropinquandi facultas præberetur, adeò vt cum Ligustica classis littore prohiberetur, militesque præsiidij omni rerum inopia laborarent, summa necessitate adducti, cum hoste pacisci constituerint. Missis ergo qui pro constituenda pace apud Senatum agerent, tanta fuit eius insolentia, dicam, an præteritæ suæ condicionis recordatio, vt nullam aliam prorsus transactionem admittere dignaretur, quàm vt sese suo arbitrio ac voluntati, prout ipsi nuper fecerant, permitterent. Torquebat mirum in modum fatalis hæc bellica necessitas, & acerbissima quædam fortunæ vicissitudo Ligures: sed quid facias, vbi nullus bonis consiliis locus relinquitur, & vbi fatum prudentiam, aliasque virtutes superat? Tentatis igitur nequicquam omnibus

*Taurisium
frustrà à
Carrario
obsidetur.*

*Ligures Clodiam obsessi .
sefe victorū
arbitrio per-
mittunt ac
dedunt.*

bus extremis , eò tandem deuenire angustia , vt Cal . Iunij ad victoris arbitrium deditionem facere cogerentur : atq . ita ab eo felicitatis gradu , ad quem paulò antè singulari quodam fortunæ beneficio euecti fuerant , exiguo tēporis puncto , cum admirando fragilitatis beatitudinisque humanæ exemplo deiecti ac præcipitati sunt . Quippe qui diuturna & arctissima obsidione domiti , fameque & laboribus confecti , decimo mense , ex quo vrbē ipsam armis receperant , sese dederunt . Quo sanè intermedio tempore , infinita propemodum multitudo diuerso mortis genere , variisque casibus , & in primis quidem inedia periit , ipsoq . deditionis die supra tria Ligustici nominis millia fuisse dicuntur . Nam reliqui defensores ferè omnes partim Patauini , partim Dalmatæ ac Liburni erant , qui omnes super vndeuginti triremibus Clodiæ adinuentis , Venetias captiui perducti sunt , & in arctam custodiam coniecti & asseruati . Fuit hic annus , quo per hunc ferè modum ad Fossam Clodiam vtrunque bellatum est , supra trecentessimum ac millesimum octogesimus . Ceterum , Ligures statim post Clodiam à Venetis expugnatam , tametsi multis incommodis & cladibus essent defatigati , & mirificè debilitati , neutiquam tamen animum despondere . Spinula etenim vir excelso animo , atque vt in rebus secundis temperato , sic in aduersis prorsus intrepido , qui magna prudentia nunquam se intra Clodianas fauces præoccupari permiserat , intellecta suorum deditione , citra aliquam moram cum sua classe , quæ triginta , siue , vt aliis placet , duodequadraginta triremium numerum æquabat , Mar-
ruffo sibi adiuncto , in intimū Hadriatici maris sinum penetrauit , & Tergestum , Istriae haud obscuri nominis urbem inuasit , eoq . adegit , vt paruo interiecto tempore sese dederet , eamque Patriarchæ Aquilegensi confæderato ac socio dedit , moxque decem nauigiorum supplemento factò , Clodiam repetiit . vbi cum omnia aduersa , & nihil incustoditum experiretur , læuum littus relegens , vsque ad ipsum Veneti portus ostium delatus est : ibique explicata classe , inque pugnam directa , summo vindictæ studio flagrans , non minori animi alacritate præliandi ansam aduersariis obtulit . Verum , quòd ipsi , nulla eruptione facta , pugnam detrectarent , castraque , & omnem oram maritimam validissimis præfidiis atque aggeribus communiuissent , in Carnorum oram secedens , classē in Marranensi portu refecit : & mox illinc digressus , Iustinopolim , & Polam urbem , à Colchis conditam , olim Pietatem Iuliam dictam , decimo nono Cal . Febr . eiusdem anni , hostiliter expugnatam & direptam , maiori ex parte incendio absumpsit . pari-
que exemplo in Segnianos & finitimos sæuitum est . Veneti hac clade commoti , recuperata pristina rei naualis gloria , ac longè diligentius quàm antea , restaurata classe , septem & quadraginta triremes vnà cum aliquot biremibus in apertum educunt : de quorum aduentu Ligures edocti , laderam concessere . Sed cum indies miris accessionibus & incrementis Venetorum classis augeretur , tandem eò potentia deuenit , vt centum circiter triremium numerum expleret , cui cum imperio Pisanus multis expeditionibus clarus præerat . Militabat etiam ea tempestate Venetis inter alios eminentes Duces Caballus Veronensis , vir vt natalium splendore , sic etiam rerum gerendarum peritia , multisque animi & corporis dotibus insignis . Hic , quòd fidelem operam isti Reip . in rebus dubiis atque perplexis , maximo cum illius emolumento , non semel antea nauasset , in summo honore apud eos erat . Proinde Veneti cum tam præpotentem classē tot tamque insignibus ac strenuis ducibus & militibus adornatam haberent , vniuersi qui Veneto nomini fauebant , in magnam & haud dubiam spem deueniebant , præteritas Reip . clades noua quadam felicitate & victoria deletum iri . Quapropter circumui-

*Tergestum ,
Iustinopolis ,
& Pola à
Genuens.
expugnantur.*

*Veneti præ-
lium detre-
ctant.*

*Caballus Ve-
ronensis.*

cum vicinis populis formidabiles facti, fiducia iam pleni, cum omni sua classe in Istriam profecti sunt; & ad primum suum istuc appulsum, Tergestum citra ali-
 quod negotium vel defensionem receperunt. Et quia hoc oppidum superioribus
 diebus exulum fuerat domicilium, & tutum quodammodò asylum, hostiliter di-
 reptum. Deinde Polam contenderunt eodem ferè tempore quo Genuenses Ar-
 ba potiti sunt. Deinceps Pola relicta, Istriæ oram legentes, tandem in Dalmatiam
 deuenire. Ibi, cum Iadera imminere decreuissent, indicio speculatorum com-
 pertum est, decem Ligusticas triremes in Apuliam frumentatum abuisse. Hoc
 postquam Pisanus, qui tunc subinde febris sic satis periculosa tentabatur, rescivit,
 confestim Iadera soluit, ut eas Ligusticas inopinatò imparatas inuaderet, atque
 opprimeret. Sed quòd Ligusticam classem in Pelignis oris fortè haberet obuiam,
 inter se conflixerunt, eo quidem euentu, ut propter ingruentes tenebras atq. opa-
 cam noctem, nihil memoria dignum geri potuerit: & classis quidem Veneta in-
 de Sipontum profecta est, ubi Pisanus post magna & fortia facta, mense Augu-
 sto, fatis concessit. Fuerunt in hoc præstantissimo viro multa præclari & excelsi
 animi non obscura argumenta, in primis verò animus inuictus & impiger, ac in
 vtraque fortuna constans, adeò ut si fortunam habuisset suis fortibus ausis secun-
 dam & obsequentem, cum maximis quibusque ducibus meritò conferri po-
 tuisset. At cum ita usu venire nonnunquam soleat, ut bonis consiliis rerum exi-
 tus non semper feliciter respondeant, non mirum, si huius præclarissimi viri
 bellica virtus & fortitudo multis in rebus à fortuna oppressa, verum suum lu-
 men proferre nequiverit. Qualicumq. tamen forte usus est, magnus omnium iu-
 dicio haberi debet, & planè talis, cui Respub. Veneta propter insignem fidei vo-
 luntatisque constantiam se plurimum debere fateri, & grata memoria testari de-
 beat; licet calumniis, quibus meherclè nihil non est peruium, exagritus, apud
 Senatum Venetum non semel malè audiuerit. Memorix quoque proditum esse
 à nonnullis reperio, eum summo mane ad Senatum è carcere venire iussum, li-
 berumque declaratum, in custodia pernoctare, ac nisi post longam exhortatio-
 nem ea liberari voluisse; bonaque conscientia ita confisum tradunt, ut non an-
 tea egredi sustinuerit, quàm sacerdote in consilium adhibito, illi totius vitæ suæ
 cursu declarato, non semel iureiurando testatus fuerit, se innocentem, ac nihil
 tale de Repub. merentem, tam indigna perpeßum fuisse. Ignoscere se tamen cun-
 ctis, quorum opera & auctoritate factum fuisset, ut tantis iniuriis afficeretur. Et
 ne hic suus animus à quoquam in dubium, vel in suspicionem deinceps vocari
 posset, sumpta sacrosancta ac venerabili panis Eucharistia, religiosissimè deiera-
 uit, se libenter omnibus ignoscere, ac omnium contumeliarum & iniuriarum
 memoriam deponere; nihilque esse in sua potestate quod pro Reip. salute non li-
 benter cū vitæ suæ periculo subiret atq. exequeretur. Itaq. sic tum è carcere pro-
 fectum in Senatum, ab eo summis honoribus exceptum, & maximis omnium
 Patrum suffragiis præfecturæ classis insignibus ornatum asserunt. Veneta classis,
 post mortem Pisani, clarissimi, ut diximus, Ducis, tantisper Præfecto caruit, do-
 nec ex Senatus consilio Aloysius Lauretanus, non minùs egregius ciuis, quàm
 strenuus miles, successor illi daretur: cuius certè auspiciis res Veneta non solum
 præteriti temporis damna mirabiliter recuperauit; sed nouarum urbium acces-
 sione breui temporis spatio creuit & aucta est. Nam statim sub initium suæ Præ-
 fecturæ, Segniam, & Brescham, oræ Liburnicæ oppida, summa vi adortus, ma-
 gna cum animi alacritate & fortitudine cepit atque subegit. Pari fortuna sub-
 secuta est Corictana deditio, postquam Boccharis oppidum ex Ducis decreto di-
 reptum, atque incendio absumptum est: & hortante successu, nouus hic Dux ni-
 hil

*Tergestum à
 Venetis re-
 ceptum, ac
 direptum.*

*Victoris Pi-
 sani obitus,
 ac singularis
 virtus.*

*Aloysius
 Lauretanus
 Pisani suc-
 cessor.*

*Fortuna
 Venetis re-
 bus iterum
 propitia.*

1381.

*Venetorum
ac Genuensium
noni apparatus.*

*Pax inter
Venetos ac
Genuenses.*

hil omnino intentatum reliquit, quin diligentissime inuestigaret & rimaretur, hoc vnum habens præ oculis, vt priorum ducum antecessorum suorum fortunæ prosperos euentus noua felicitate superaret, vel admissos ex negligentia siue imprudentia errores, singulari quadam iudicij rectitudine ac prudenti consilio corrigeret, adeò vt Venetæ opes vbique gentium, præsertim mari, sub hoc duce validiores fuerint, quàm proximis temporibus extitissent. Hinc ille metus omnibus incussus, sic vt non solum hosti, verùm etiam exteris regibus inciperet esse formidabilis. Sub idem ferè tempus, Spinula Patrum conscriptorum consilio ac iussu domum reuocatus, prius ex illorum decreto, cum sua classe in oram Orientalem adnauigauit, militeque iuxta Lemum exposito, Petrum Campofulgosium & Spinetam Spinulam, qui nouarum seditionum auctores, cum suis sociis atque clientibus ingentes turbas & commotiones excierant, partim in fugam coniecit, partim etiam quamplurimos ex his qui illorum partibus adhæserant, captiuos fecit: & mox rebus omnibus compositis, ingenti gloria parta, nec minori præda onustus, quarta Non. Ianuar. cum magna omnium admiratione reuertitur, eò fanè admirabilior, quò rariora monumenta domum reportaret. Inter enim pretiosissimas manubias & hostilia spolia, quibus in immensum ditatus erat, etiam Diuorum reliquias, ex delubris hostium ablatas, summa cum religionis reuerentia clero Genuensi, inaudito ferè ad illa vsque tempora exemplo, conseruandas religiosè tradidit atque distribuit. Ceterùm, haud multò post, Genua tredecim triremium classis, sub Isnardi Guarci, viri optimi ac præstantissimi ductu atq. imperio, emissa est, ad cuius famam Veneti etiam suam classem sub Caroli Zeni præfectura iterum instruxere. Educta itaque vtraque classe, Ligur magis ad amissorum recuperationem intentus, quàm prælii auidus, Zeni occursum declinato, Delmatiam repetiit; oppidaque, quibus paulò antè exciderat, denuò recuperauit, & ad omnem casum maioribus præsidiis firmavit. At dum hæc geruntur, tres Ligusticæ omni militari apparatu instructæ, ac læuum Italiæ latus cursu præteruectæ, Ancona, à commoditate portus vrbe Piceni celeberrima, Venetias vsque incertis gyris contendentes, in quinquaginta, vti referunt, onerarias, inciderunt, quas dispersas & vagabundas, circa diuersorum fluminum iisdem ferè locis confluentium ostia temerè aggressæ, diripuerunt: earumque præfectus valde sibi metuens, ne subito ac repentino hostium occursum opprimeretur, præda onustus, in Delmatiam transmisit: quo quidem tempore Zenus haud minori felicitate vsus, duodecim Delmatici nominis naues, diuersis in locis captas, diripuit & incendit: indeque perpetuo cursu cum sexdecim triremium classe in oram inferi maris circumuagatus est, eo quidè consilio, vt hostem domestico bello distineret. Proinde cum Genuensium finibus ferociter immineret, oræque Ligusticæ tractum variis populationibus diuexaret, Guarcius, septè triremium classe adaucta, hostem insecutus est, illumque in sinum vsque Adriaticum repulit atq. fugauit. His rebus ita sese habentibus, tandem inter ambas Respub., earumque socios & confœderatos, de communi vtriusque partis consensu sub certa pacis formula, aliisque æquis ac legitimis cōdicionibus, breui post transactum est, & pax insecuta & confirmata: cuius certè capita multa & ardua fuere: quorum omnium enarrationem breuitatis causa, cum publicis Annalibus cōprehendantur, hinc studio prætereo. Non committam tamè, quin pauca, eademque potissima, ad maiorem lucem & vberiore historię cognitionē afferendam, hinc subiecero. Nam cum constet, hanc gentem non vnus Principis, vel populi studiis & auctoritate in mutuam gratiam rediisse, cum multæ & graues inter eos essent dissensiones atque certaminum causæ; ea certè præcipua fuit, quòd mutua

feli-

felicitatis & imperij vtrumque populum propensione naturali ad magna natum, & ad maiora aspirantem, extimularet ambitio & æmulatio, ex qua sanè, ceu ex perenni scaturigine, plerumque multæ Reip. pestes, & vt Græci dicunt, catharmata, oriri atque enasci consueuerunt. Quorū certè odiorum causæ si statim ab initio enascentium simultatum alicuius magni viri iudicio & auctoritate è medio tollerentur, videremus multas Resp. nunc vel euerfas, vel saltem accisis rebus mirificè inclinatas, non solùm pristinæ dignitatis splendore retinere, **verùm** etiam rerum omnium abundantia, aliisque rectis disciplinis & necessariis artibus florere, ac penè ad summum fastigium perductas esse. Sed habet hoc fatalis rerū omnium, multorum iudicio, vis, vt vltra constitutam periodum Rerumpub. status & imperia non progrediantur. Quod cū omnibus ferè temporibus à sapientioribus probè animaduersum & intellectum sit, non ita mediusfidius mirum, si multas ciuitates, gentes & populos, subinde oriri, vel extinguere quotidianis exemplis videamus. Hæc ideo adijcio, quòd nullum fermè sæculum, imò vix aliqua fuerit ætas, quæ maiora diuersarum conuersionum exempla nobis ob oculos ponat, quàm hæc nostra miserrima tēpora, quæ indies magis atq. magis maiores nobis calamitates denūtiant. Vtinam Deus optimus max. impendentes has procellas à nobis auertat. Sed me aliquanto cordatiùs rerum humanarum statum deplorantem, reuocat historiæ nostræ ad finem properantis contextus. Diximus enim Venetos & Ligures in pacem multorum precibus & auctoritate tandem coiuisse, inter quos omnium præstantissimus fuit Haimo Allobrogum & Salasflorum Dux, à cuius arbitrio leges vtrique genti præscribendæ pendebrāt, & stabant: inter quas hæc fuerunt præcipuæ:

Vt Ludouicus Pannoniæ Rex, omnem Dalmatiæ oram Venetis vltro citroq. *Inita pacis conditiones.* negotiorum causa migrantibus tutam & securam redderet, omnibusque salinis obturatis, salis conficiendi vsum in Dalmatiæ tractu prohiberet.

Vt Veneti, ipsi regi quotannis septem aureorum nummum millia iure beneficiario penderent.

Vt cum Aquileiensi Patriarcha eadem condiciones in posterum essent quæ hæcenus ante bellum cæptum extitissent.

Vt Genuensibus ac Venetis integrum esset, quæcumque bona, prædas & manubias in hoc bello cepissent, exceptis captiuis, qui statim vtrumque liberi dimittendi essent, retinere.

Vt Veneti castrum insulæ Tenedos, ab ipsis longa possessione vsurpatum, penitus demolirentur & solo æquarent, sponsione per Florentinos ad hoc facta, ad summam vsque ducentorum aureorum millium.

Vt Franciscus Carrarius præsidia circa stagna, fluminumque ostia collocata & existentia, demoliretur, & caput aggeris & Morentianum restitueret: Veneti verò è contrà, Curaniam turrim illi saluam & integram relinquerent.

Vt Albertus Estensis esset finium qui in disceptationem & controuersiam venirent, iustus arbiter.

Vt Barnabas Vicecomes, vtrique parti multis nominibus suspectus, ab hac pacificatione & concordia omninò excluderetur. Hæc ferè fuerunt præcipua pacis capita, sub quibus, anno millesimo trecentesimo octogesimo primo, ac mense Augusto, pax cum omnium congratulatione atque fausta acclamatione primo Sauonæ Liguriæ oppido promulgata est, ac præconis voce ex publico suggestu in curia recitata, anno ferè sexto ex quo bellum ipsum inter vtramque gentem redintegratum fuerat. Cū autem postmodum à Veneto prætore 1382. arx insulæ Tenedos ad tempus constitutum, minimè, vt conuenerant, dirueretur,

tur, & Ligures omnia bona Florentinorum, qui se, ut dictum est, prædes eo nomine constituerant, in ipsorum regione inuenta, detineri & asseruari iussissent, Veneti Zachariam Contarenum, Ioannem Gradenicum, & Michaëlem Maurocenum, Andreæ Contareni in principatu successorem, qui deinde quarto mense à suscepta dignitate fato extinctus est, Genuam legatos miserunt, ut moram excusarent, ac Senatum Genuensem docerent, non culpa vel aliqua negligentia Senatus Veneti fieri, ut fides hac in parte minimè liberaretur: sed si quid esset quod posset iure imputari, culpam in ipsum Praetorem priuatim recidere. Quæ excusatione satisfacti Patres, & Florentinis negotiatoribus pristinae libertati restitutis, bonisque redditis, paruo interiecto tempore Genuæ nuntiatum est, prædictam arce[m] coram Reip. Genuensis procuratore, prout pactum erat, euersam ac funditus excisam. Quæ sanè res nodum retinendæ pacis non mediocriter astrinxit. Sopitis igitur hoc modo vtriusque populi diuturnis atque periculosissimis bellis, coalescentibusque paulatim vtriusque Reipub. membris, quæ tam longa armorum series lacerauerat, mihi videor, antequam huius Veneti cum Genuensi populo belli gesti historię ultimam manum imponam, operæpretium facturus, si pauca de Andrea Contareno Venetorum Principe, ad perpetuam posteritatis memoriam, dixero, commotus non solum tanti viri præclaris virtutibus, verum etiā quod sub eo, & Leonardo Guarco laudatissimo ac sapientissimo Principe, Deorum omnium beneficio, bellum, quod nunc, uti puto, luculenter descripsimus, finitum & extinctum fuerit. Hic autem postquam Senatus, aliarumque tribuum suffragiis de more sollemni renunciatus est Princeps, clam in suburbanum agrum Patauinum sese subtraxerat, eo consilio, ut tantæ dignitatis fastigium, atque ex fastigio inuidiam declinaret; magna me herculè cum fortitudine, quod summum honoris apicem, à tam multis ad insaniam usque expetitur, magno cum animo sperneret atque abnueret, & potius priuatim ac domesticum suum otium magnis istis curis, quibus viri principes implicari solent, præferret atque præponeret. Verum cum multorum amicorum illi firmæ amicitiae vinculo coniunctorum consiliis magis atque magis indies incitaretur, ne tantam prouinciam, cui omnino par esset, fugere, vel in aliū minus forsitan Reip. idoneum, reclinare vellet; tandem precibus deuictus, inuitus imperium suscepit, eò certè cum maiori molestia, quod magis amittendarum fortunarum metu, quam alicuius propositi præmij spe, amicorum precibus obtemperaret. Ceterum qualem se post adeptum principatum gesserit, qualisue natura & moribus extiterit, Gaspar Contarenius operis sui inscripti de Magistratibus & Rep. Venetorum libro primo satis luculenter memoriæ prodidit: cuius verba inter cetera hæc sunt quæ adieci. Vnum, inquit, ex innumeris gentilis mei Andreæ Contareni Ducis exemplum adferam. Genuensi bello grauissimo ac longè omnium periculosissimo, cum Dux hic nostræ Reip. præses, incredibili sapientia, animique magnitudine singulari rem patriam seruauit, hostesque iam victores, maxima clade illata, profligauit, omnesque ad vnum trucidauit, aut captiuos fecit: conseruata patria, re aucta, firmataque Rep., diem extremum clausit, ac testamento cauuit, ne eius sepulchro, quod ad hunc usque diem visitur, iuxta templum D. Stephano dicatum, vlla Ducis insignia, vllaque gentis nostræ affigerentur. quin neque tam magni Ducis nomen inscriptum ibidem videas: eiusque modestia effectum est, ut viri celeberrimi illustrissimique Principis monumentum plerique omnes ignorent; certissimum hoc reor ego argumentum esse, non ambitionis ventosæque famæ maiores nostros studiosos fuisse, sed patriæ tantum bono communi que utilitati consuluisse. Cōtareni verba eò libentiùs adscripsi, quod tanti viri te-

*Arx Tenedi
funditus excisa.*

*De Andrea
Contareno
Venetæ
Reip. principe.*

ri testimonium plus ponderis apud posteritatē habiturum esse non dubitem. Ceterum, quia hactenus ea bella quæ Resp. cum Venetis, diuersis tēporibus, priuatis iniuriis, vel proferendi Imperij cupiditate incitata suscepit ac gessit, pro mediocritate ingenioli nostri explicauimus, nūc reliquum est, vt eas expeditiones obiter enarremus, quas Genuens. post multa temporum volumina cum iisdem partim instinctu atque in gratiam Philippi Mediolanensium Principis, cuius imperio tunc temporis subiciebantur, partim verò spontè, ac multis nouis cōtumeliis lacerati, anno supra millesimum quadringentesimū trigesimo primo ac sequenti, variis successibus gessere. De prima igitur origine, bellorumque à Philippo aduersus Venetos susceptorum initiis, tametsi multiplices ac planè diuersæ tradantur rationes & causæ, tamen, quantum equidem ex scriptorum Annalibus eruere potui, hæc fuit omnium præcipua, quòd Veneti, suapte natura gloriæ studio flagrant, atq. externæ potentiæ æmuli, ipsius ambitionem immēsis opibus innixam, summoperè metuentes, clàm & apertè hoc vnum agebant, vt ad labefactandum florentissimum eius imperium, & quasi neruum incidendum, illi multorum finitimorum Principum inuidiam concitarent, sperantes hoc modo amplissimum eius dominium multorū telis petitem iri, & ita sensim summam eius potentiam infringi posse, eaque de causa cum Florētinis fœdus ac societatem iniuerant. Philippus igitur de Venetorum erga se voluntate atque immani odio commonefactus, graui contumelia, simulque ira accensus, omnia extrema, nisi desisterent, denuntiare, aliaque, quæ ad profligandum hostem spectarent, præparare, adèd vt gliscentibus indies magis atque magis mutuis odiis, res eò deueniret, vt tandem in apertum atque flagrantiss. bellum euaderet: primumque bellum, quod inter eos gestum est, terrestri certamine fuit determinatum, primò quidem iuxta Brixiam, deinde ad Otholengum, haud procul à monte Clario, in agro Brixiano. tertium circa Cremonam, & postremum inter Pompeianum & Mælodium; in quo tandem Philippi copię fusæ profligatęque esse dicuntur, & capta ad septem vel amplius millia, exque præcipuis Carolus Malatesta Insubrici exercitus Imperator, in hostium potestatem venit. In flumine autem Pado bis vtrunque congressi sunt: & in prima nauali pugna Venetæ classi Franciscus Bembus, Insubricæ verò Eustachius præfuit: estque ad quatuor millia passuum à Cremona dimicatum: & hoc nauale certamen Veneto quidem prosperum fuisse traditur, octonis nauibus ex his quas Galeones vocant, ex hostili classe captis. Eustachius medio prælio dilapsus, cum cetera classe Cremonā se recepit. Verum tam præclaræ inclytęque victoriæ cursum fœdauit clades eodem fermè loco Venetis inflicta, trecentis ferè classariis temerè in eam terram quæ media est inter Padum & Cremonam, egressis, & ab hoste subita eruptione exceptis ferroque contrucidatis. In secundo nauali certamine dux Venetæ classis fuit Nicolaus Treuisanus; Philippicæ verò præfectus Ioannes Grimaldus, vir rei maritimæ scientia, inter Ligures ea tempestate longè clarissimus, qui Papiam cum suis nauigiis soluens, in Eridanum naues suas traduxit, & cum præualida Venetorū classe, nauium numero, ac pugnantium multitudine, omnisque bellici apparatus copia longè superiore, in Pado flumine ad Cremonam, quò Venetus cum sua classe peruenerat, decimo Cal. Iulij longo atque ancipiti Marte confligit, eo successu, vt Ligur tandem superior euaderet, captis octo ac viginti nauigiis, inter quæ aliquot Galeones, vt ipsi nuncupant, fuere; & circiter octo millibus lectissimorum virorum partim captis, partim interfectis. Ambo hi nauales conflictus longè acerrimi & atrocissimi fuerunt, ac strenuè vtrunque dimicatum est, non secus ac si in mari bellum gereretur, seruato vtrunque nauali ordine, tametsi pugna flu-

*Bellum inter
Ligures ac
Venetos in-
flauratum,
anno*

1431.

*Veneti cum
Florentinis
fœdus percu-
tiunt.*

*Venetorum
aduersus Phi-
lippum Me-
diolanens.
Principem
victoria.*

*Ioannes
Grimaldus.*

*Venetorum
clades.*

*Bellum in-
flauratum.*

uiatilis extiterit. Hæc clades Venetorum animos haud sanè mediocriter accendit, quòd in non dubiam suspicionem venissent, Ligures acceptæ calamitatis præcipuos auctores extitisse: indeque vetera bella inter vtramque gètem aliquamdiu intermissa, non minoribus odiis, quàm antea, recruduerunt. Siquidem Venetiis haud multo post, Petri Lauretani, qui identidem in multis naumachiis egregiam ac salutarem Reip. operam nauarat, auspiciis, ex Patrum decreto duodeviginti, siue, vt aliis placet, duodetriginta triremes paratæ instructæque fuerunt, quibus classis præfectus Ligurnum adnauigans, sese cum quatuor triremibus Florentinis, & magna quadam oneraria ex his quas vulgò Galeatias appellant, coniunxit, in quibus, præter ceteros insignes viros, Iacobus Adurnius & Antonius Fliscus, tum extorres ac profugi, cum plerisque aliis Genuensibus patricij ordinis, conscenderant, ea spe, vt hac ratione in patriam redirent. At vbi Genuæ primùm de his apparatibus cognitum est, protinus ex Senatus omniumque Ordinum consensu, duæ ac viginti triremes, magnaque oneraria ductu Francisci Spinulæ Othoboni armatæ instructæque fuerunt. Ceterùm hæc expeditio infelicem exitum sortita est, ea potissimum de causa, quòd Spinula moræ impatiens, præ nimia festinatione classem suam, priusquam de omnibus rebus necessariis sibi esset prospectum, contra hostem educeret. Vix enim Rapallitanum sinu attigerat, cum ab inimica classe rebus omnibus instructa, iuxta ædem D. Fructuoso sacram, vbi est promontorium, summo impetu inuaderetur. Erant nauigiorum numero fermè inter se pares. Quocirca, inito prælio, diu ancipiti que fortuna pugnatum est, ambarumque prætoriarum mutuus concursus fuit, alteraque in alteram, vt in huiusmodi conflictibus haud rarò vsu venire consuevit, harpagonibus implicata: sed cum in eo certaminis ardore Tusca illa naus, cuius proximè meminimus, tam validam impressionem in Ligusticam prætoriam faceret, vt illam in alterum latus reflecteret, epibatæ alijsque nauales socij titubante gressu proni cõcidebant, & non pauci in mare præcipitabantur. Quo casu reliqui consternati, animum despondere incipiebāt, adeò vt fortuna tandem ad Venetos inclinarit. Cum enim ceteri, qui erant in triremibus, suam prætoriam omninò submersam esse arbitrarentur, statim sese à pugna subducētes, fuga sibi consulebant, in eaque octo triremes vnà cum ipso præfecto, tribus consiliarijs, octo trierarchis, ac plerisque aliis non obscuri nominis ac famæ, in hostium potestatem deueniunt. Reliquæ verò, nempè vndecim, partim in Delphini portum, ibi proximum, partim se Genuam recipientes, saluæ atque incolumes euaserunt. Ferunt Lauretanum in hac tam insigni victoria summa animi clementia & moderatione vsum esse. Quandoquidem narrant, Ligusticæ classis præfectum, & reliquos, qui erant alicuius nominis atq. existimationis, humaniter ac etiam honorificè ab illo habitos: ceteros autem maiori ex parte gratis ac sine vlllo præmio dimissos. Non fuit tamen Venetis ea victoria prorsus incruenta, cum in eo prælio quàm plurimos vulneratos & interfectos fuisse constet, ita vt cum Pisanum portum repeterent, militemque de more recenserent, maiorem illius partem desiderarent, licet aliqui sint qui asserant, numerum vtriusque cæsorum non vltra octingentos fuisse. In hoc autem omnes consentiunt, vltra quatuor millia consauciata extitisse. Incidit hæc naualis pugna in annum supra millesimum quadringentesimum trigessimum primum nono Cal. Oct. At Genuæ qui Philippi nomine gubernationi admoti erant, tantum abest, vt ad eius cladis nuntium animo cõsternarentur, vt etiam confestim ea nauigia quæ ex fuga superfuerant, denuò instaurari, atque noua exornari iusserint: eaque classis duce Nicolao Iustiniano, Francisci filio,educta est: atq. illi haud multò post duodecim triremes egregiè instructæ, pro orç maritimæ

*Naualis cõ-
flictus ad si-
num Rapal-
litum.*

*Venetorum
contra Ge-
nuens. vi-
ctoria.*

*Franciscus
Spinula ca-
pitur à Ve-
netis.
Exemplum
singularis
moderationis
& clemætiæ.*

ritimæ tutamine additæ. Verebantur etenim summoperè, ne hostis hoc secundo ac felici rerum successu elatus, atq. alacrior factus, maioribus viribus instructus, ad urbem recto cursu contenderet, sibiq. aditum armis in eam faceret. Quod proculdubio fecisset, nisi vulneratorum ratio ab illo habita, & reficiendæ classis necessitas huic rei magnum impedimentum attulisset. Qua sanè cunctatione factum est, ut interim Liguribus animum viresq. colligendi facultas daretur, & aduersariis Remp. grauioribus damnis afficiendi ansa præcideretur: breuique spatio interiecto, Lauretanus Florentiam, indeq. Venetias victor cum captiuis reuersus est. In hoc rerum tractu, cum Philippi aduersarij putarent, se huiusmodi successibus posse Ligusticam ditionem de more diuexare, iterum Barnabas Adurnius ope Ioannis Iacobi reguli Montferratensis cum aliquot cohortibus ac turmis equitum circa urbem excursionses fecit; at Picinini imminentis exercitu deterritus, non ultra Sextrum oppidum progredi ausus fuit. Proinde tantum in illis locis excurrere, omnem maritimam oram ad defectionem sollicitabat. Cuius suæ temeritatis statim pœnas luit. Quandoquidem Picininus breui cum suo exercitu appropinquans, Adurnium, eiusq. assèclas & confœderatos, ibi omnia conturbantes, sept. Idus Oct. profligauit, & ipsum Barnabam Adurnium cepit. Idoneos habeo auctores qui tradant, Iacobum Adurnium, & Antonium Fliscum, quorum proximè mentionem habuimus, cum post Lauretani discessum Pisis Florentiam vnà cum suis clientibus peterent, in insidias, à Florentinis instructas, incautè præcipitados; cumq. se obstinatius tuerentur, ne viui in hostiû potestatem venirent, sibi mortem consciuisse: quod sanè ut non planè affirmare ausim, sic etiam nec infitiri contenderim. Nec enim desunt qui memoriæ prodiderint, ipsos, dum se acriter defendunt, ab hoste, à Florentinis, uti diximus, subornato, interfectos fuisse. Ceterum quia illarum Vallium indigenæ profugorum partes summo studio atque viribus hætenus fouerant, Picininus ut illos in posterum à tanta audacia retraheret, crudelius omninò quàm par erat, in eos animaduertisse dicitur: Siquidem tam horribili ac fœda crudelitate vsum esse asserunt, ut nulli ordini ac sexui parceret; nec tanta immanitate contentum, vniuersam illam regionem partim flamma, partim ferro & expilationibus ad magnam solitudinem & vastitatem redegisset, validissimû & robustissimum quemque, mancipiorum instar, in diram captiuitatem abducendo; ita ut cum in Insubriam venisset, barbarico more conterminum populum coëgerit, ut miseros abductos captiuos auctionarentur & emerent. Bellum inde in Montferratensem conuersum, cuius prouinciam non minori clade affecit: paucisq. diebus interiectis, castella circiter triginta eius dirionis occupauit: adeoque Picininus ipse omnibus euaserat terribilis & formidabilis, ut sola armorum ostentatione omnes populos in officio retineret, & exortos motus consopiret. Veneti interim ad omnem occasionem intenti, enixè dabant operam, ut Ligures aliquo graui incommodo afficerent, præsertim in his locis quæ illi adhuc in partibus Orientalibus retinebant, nimirum quòd existimarent, illa inualido ac tenui præsidio teneri. Et quia Chium insulam ceteris locis opportuniorem, maioribusq. iniuriis obnoxiam videbant, summa diligentia tredecim ingentis magnitudinis corbitas, & quindecim triremes maioris ferè notæ ac formæ ex his quas vulgò Galeatias appellari diximus, omni bellico apparatu ad hanc oppugnandâ instruxere; aliamque expeditionem in speciem præferentes, ductu Scaramuciae Papiensis, viri artis militaris scientissimi ac celeberrimi, rectà in eam insulam mense Nouembri eiusdem anni, nempe supra mille quadringentos vnus ac tricesimi, atque aspera hieme, adnauigarunt, haud dubia spe urbis campestris, non flumine, non fossa

Nicolai Picinini immanitas.

Veneti Chium insulam adoriuntur, aspiciunt Scaramuciae Papiensis.

*Chius à Ve-
netis obsessa.*

*Strenua &
egregia
Chiorum ad-
uersus Ve-
netos defen-
sio, duce Ra-
phaele Mon-
taldo.*

*Chius à Ve-
netis acerri-
mè oppu-
gnata.*

cinctæ, neque mœnibus validæ, tum autem nullo, vel saltem exiguo præsidio, vtpotè in nulla tali suspicione, firmatæ, primo aduëtu, atq. ipso impetu, potiundæ. Proinde instructis nauibus, aliisque ad vsum huius expeditionis rite dispositis, & tantummodò septingentis militibus impositis, è sinu Hadriatico soluentes, comodaque nauigatione vsi, rectà eò cursum instituère: primaque accessione militè statim in terram exposito, incredibili insulanorum animos trepidatione affecerunt, cùm hostem priùs viderent, quàm de illius aduentu quicquam explorati habuissent. Cùm tamen illis paululùm temporis ad consultationē daretur, dum aduersarij copias exponunt, & loca figendis castris aptiora explorant, maioraque tormenta disponūt, se omni studio & alacritate ad eius loci propugnationem pararunt. Erat tum fortè in Chio Raphaël Montaldus Leonardi filius, vir apprimè strenuus ac militaris, quem ipsi in tanta rerum omnium propter inopinatum hostis aduentum confusione, cum ob familiæ amplitudinem, tum ob rei militaris peritiam & bellicæ virtutis opinionem, ex vnanimi cōsensu huic prouinciæ præposuerunt. Is ergo, mœnium turribus haud exiguo sagittariorum præsidio, & magno bellicorum tormentorum numero communitis, ceterisque rebus, prout in tantis rei ac temporis angustiis fieri potuit, studiosè præparatis & expeditis, sese ac ciuium omnium animos ad defensionem, atq. ad omnia vltima experienda intrepidè confirmauit. Hostis verò biduum à descensione in terram facta, primò vetères muros balistis, aliisque muralibus machinis diuerberauit, quibus magna ex parte prostratis, se ad oppugnationes conuertit; quas quidem oppidani ac præsidiarij milites mira virtute & constantia sustinuerunt, ita vt primo die impetum ab aurora in vespèrum vsq. protractum noctis interuentus diremerit. Scaramucia interim cum Andrea Mocinico classis legato grauitè expostulans, inter cetera dixit, se longè opinione sua deceptum esse, cùm priùs ex diuersorum hominum fama & sermonibus accepisset, à se infirmum quoddā ac debile Græcorum castellum inuadendum. Nunc verò se urbem omnibus militaribus præsidiis egregiè communitam atque instructam inuenisse, ideoque censebat, vel ab ea expeditione recedendum, vel ipsam urbem arctissima obsidione premendam. Interea oppidani, quòd valdè exiguum propugnatorum numerum, tantæque defensionis imparem haberent, in magno metu ac sollicitudine versabantur. Quandoquidē, præter duas turres in ipsius portus faucibus sitas, quæ necessariò contra hostium iniurias summa contentione propugnari debebant, operæ pretium ducebant, duas onerarias insolitæ magnitudinis, pretiosis mercibus onustas, ibi ea tempestate ad ancoram stationem habentes, nullo pacto negligere, adeò vt cōmodè singulis pro rei periculiq. magnitudine sufficere nequirent; fortunæ tamen beneficio factum fuit, vt auaritiæ studium ad tutelam urbis casu potiùs, quàm consilio, sic translatum. Siquidem intempesta nocte quidam classarij cymbis summo cum silentio per quasdam rupium angustias in littus penetrantes, sic nauium ac turrium præsidiarios terruere, vt igne prius in nauibus iniecto, eas quamprimùm defererent, atque in urbem confugerent; ita vt Venetis quidem iam littore potitis, urbem vndique inuadendi maior facultas daretur. Sed contrà oppidani nouo isto præsidio confirmati, multò maiori studio & commoditate quàm antea, omnibus ad defensionem necessariis dabant iugiter operam. Venetus igitur tali ansa præbita, maiores naues cum aliquot copiis, muris portus admoueri, vt denuò impressionem facerent, parique diligentia triremes, & alia minora nauigia versus Solis ortum disponi iussit, vt hac ratione propugnatoribus maior metus iniiceretur. Igitur denuò bellicis machinis dispositis, vndique quaque oppugnationes fiebant: in quo sanè illud oppidanis non parum detri-

menti

menti afferebat, quod scilicet malis hostilium nauium altitudinem mœnium superantibus, ex corbibus bellatorum refertis ingens missilium vis funderetur, sic vt defensores locum illum relinquere cogerentur. Proinde hostes ad mœnia defensoribus nudata, scalas erigebant, haud dubiè in urbem transcensuri, reliquis ciuibus imminens pestis specie oculis atque animis obuersante, exanimatis, nisi Raphaël, qui nunquam animum desponderat, singulari quadam audacia, egregioque consilij atque animi aduersus omnem formidinem inuicti exemplo, imminenti vrbs exitio maturè obuiam iuisset. A diuersa enim illius parte egressus, delectaque fortissimorum iuuenum manu, quam sibi delegit, circumducta, terga scandentium inuasit, quibus partim cæsis, partim in fugam coniectis, urbem ab instanti periculo eripuit. Verumenimuerò hæc tanta Raphaëlis alacritas, & egregia eius suorumque defensio inhibere non potuit, quin hostes indefatigatis animis ductu Scaramuciae omnibus modis & artibus sibi in urbem aditum quærerent. Omissa enim propter rei difficultatem oppugnatione, occultis in oppidū cuniculis sibi aditum facere instituerunt. Scaramucia, dum omnia fortissimi ducis ac strenuissimi militis officia obit, & fossiores ad opus perficiendum extimulat, locique situm penitus contemplatur, sagitta, siue, vt aliis placet, tragula ictus est, & intra paucos dies, ex vulneris dolore fatis concessit. Repentinus eius atque insperatus obitus haud parum consternationis vniuersæ Venetæ classi attulit, ita vt sensim multum de solita industria & oppugnandæ vrbs studio remitterent. Huius expeditionis Venetæ aduersus Chios fama longè lateque euagata, etiam ad Perenses peruenerat, qui de suorum ciuium periculis admoniti, cōtinuò ad illos aliquot triremes cum septuaginta lectissimorum ac fortissimorum iuuenum præsidio, hortatu potissimum Damiani Grilli, instruxerūt, quæ in Chium delatæ, silentio noctis portum ignaris hostibus intrarunt, exploratoque inimicæ classis ordine, eadem nocte, pari taciturnitate per medios hostes ingenti ausu, nemine prohibente, urbem non sine maximo oppidanorum commodo ac lætitia ingressi sunt. Hoc nouum & insperatum subsidium adeò oppidanorum animos confirmauit atque erexit, vt cum sese præ nimio configèdi ardore ac studio diutius intra mœnia continere nequirent, subinde eruptione facta, obsessores inuaserint. Profuit mirum in modum oppidanis hæc noua initi cōsilij ratio cum summa alacritate atque animositate coniuncta. Quandoquidem Veneri omnia extrema nequicquam experti, fracto aduersis rebus animo, obsidione soluta, urbem liberam tandem decimo nono Cal. Febr. reliquere, vasisque conclamatis, noctu Rhodum versus nauigationem instituerunt. Sed antequam huius obsidionis enarrationem finiam, non reticebo clarissimi viri Ambrosij Grimaldi, qui in hac expeditione erat, somnium. Ipse enim cum in Chio ciuitate in præsidio esset, ac cum ceteris omnia belli munia strenuè obiret, iam intempesta nocte per quietem vidit serpentem immensæ magnitudinis scintillantibus & toruis oculis, hiantique ore dira minantem, & quasi se illicò inuasurum. Grimaldus tam tetro atque horribili spectaculo exterritus & expergefactus, magno cū pauore somnij spectrum examinauit: cumq. postero die nocturnam visionem enarrauisset, aliis alia interpretantibus, fuere qui illi dicerent, & admonerent, omninò in posterum ab omnibus belli muniis esse abstinendum, quod scilicet illud monstrum dira, atque a leò funestum exitum illi denūtiaret. Quorum monitis ipse aliquantisper obtemperans, cum forte fortuna oppidani eruptionem in hostem facerent, i se spectri memor, ponè postremum agmen lento passu, tantum videndi conflictus gratia, sequebatur. Et quò maiorem cautionem adhiberet, seque ab omnibus belli iniuriis tutiorem redderet, sese post magnæ crassitudinis parietem, ceu

Raphaëlis
Montaldi
eximia vir-
tus ac soler-
tia.

Scaramu-
cia interitus.

Perensium
subsidium.

Chij non
absque sum-
ma laude
victores cō-
tra Venetōs.

Præsidium
in somnio
Ambrosij
Grimaldi.

tutam latebram, abdidit. Verum, cum videndi commissi prælii teneretur desiderio, temperare sibi nequirit, quin caput per obturati muri foramen exereret. Quod postquam malo suo fato extulisset, euestigio maioris tormenti ictu ab humeris illi auulsum fuit. Res proculdubio mirabilis, & cuius inuestigatio planè sit ardua atque abstrusa, cum nullæ videantur esse rationes physicæ, quibus tantæ rei successus meritò ascribi possit. Latet igitur in occulto semota ab hominum intellectu fatalis illa vis ineluctabilis, quæ nos aliquando inuitos, omnibusque modis reluctantes, præcipientes in diuersa trahit. Et quia omnium doctorum iudicio constat & confirmatum est, homines sæpius spectris, aliisque nocturnis imaginibus per somnium sese offerentibus, de multis futuris rebus commonefieri, ideò confitendum est, extare quiescentis animi præscita & diuinationes, humanæque mentis præsagia, quasi vaticinia futurorum diuinitus mortalibus data. Quod sanè ut magis elucescat, hæc aliquot non inutiliter, uti existimo, subiiciam exempla. Olim Diuo Cæsari, antequam in citeriorem Galliam mouisset, infestaque in urbem ferret arma, per quietem visum fuit matri stuprum intulisse: quo somnio ad spem amplissimam coniectores illum excitant, dominium orbis sibi dari interpretati. Idem somnium Hippia Pisistrati filio, qui tyranni successor, patriam crudelius occupauit, dum priuatus adhuc regiū affectat fastigium, haud dispari euentu oblatum fuisse memorant. Rursus quod Aastyagi Assyriorum regi in somnis oblata species tulit, qui ex naturalibus filia vitem enatam, cuius palmite omnis Asia obumbraretur, vidisse visus erat. Quare consulti harioli, nepotem futurum qui toti Asia imperitaret, & regni sibi responderunt portendi euerfionem. Hoc nimirum Cyro Assyriorum regi relatum in somnium fuit. Mater Octauij vterum ferens, sua intestina per omnem terræ ambitum explicari per somnium imaginata fuit, verissimo præsagio, quo latè ipsius imperium protendi euentus docuit. Rursus quod idem D. Iulio visio per quietem oblata portendit, cum supra nubem volitare, & cælum vertice contingere videbatur, parem exitum habuit cum somnio Cambyfis, quo Smerdis fratris regio solio sedentis & cælum vertice contingentis, ostendi species visa est. Quod tamen utiq. exitum tulisse, necemque & cladem portendisse constat: siquidem alter à Bruto & Cassio cædis auctoribus oppressus fuit: alter verò cum in suspicionem affectari regni venisset, occisus, non cogitati forsan facinoris poenas dedit. Quod sanè cōpar fuit cū in somnio Iulij Cæsaris, qui pridie quā periret, sibi visus est, uti diximus, per quietem interdū super nubila volitare, alias cum Ioue dextras iungere. At mihi fermè exciderat quod enarrat Tranquillus in eiusdē Iulij vitæ descriptione. Dicit enim Cæsaris futuram cædem non solum multis eudentibus prodigiis denuntiatam fuisse, sed etiam Calpurniam eius vxorem secundum quietem funestum eius exitum præuidisse. Et quia hic auctor planè elegans atque disertus est, eius verba ascribere non pigebit. Et Calpurnia vxor imaginata est collabi fastigium domus, maritumque in gremio suo confodi; ac subito cubiculi fores spontè patuerunt. Ob hæc simul, & ob infirmam valetudinem diu cunctatus, an se contineret, & quæ apud Senatum proposuerat, agere differret: tandem D. Bruto adhortante, ne frequentes, ac iam dudum opperientes destitueret, quinta ferè hora progressus est: libellumque insidiatorum indicem, ab obuio quodam porrectum, libellis ceteris, quos sinistra manu tenebat, quasi mox lecturus, commiscuit. Dein pluribus hostiis cæsis, cum litare non posset, introijt curiam, sprete religione; Spuri namque irridens, & ut falsum arguens, quod sine vlla noxa Idus Martiæ adessent: Quamquam is venisse quidem eas diceret, sed non præterisse. Verum cum Artemidorus, qui etiam scriptis Iulium præmonuerat, ne coacto Senatu, in curiam

eo die

Ambrosij
Grimaldi
interitus.

Somnia nō
nanquam
vere futura
denuntiare.

eo die quo occubuit, veniret, peculiarem libellum de spectris & insomniis conscripserit, qui etiamnum extat, plura de hac materia disserere supersedebo. Ut igitur ad institutum reuertar, priusquam Veneta classis in Rhodum perueniret, duæ onerariæ maris tempestate disiectæ atque submersæ sunt. Hic verò classe refecta, & suorum numerum recensentes, præter vulneratos, fermè dimidiam eorum partem amissam inuenère. Postquam verò Genuæ de hac obsidione rescitum est, subito ex Senatus decreto, tres maiores naues, & duæ triremes cum mille & quingentorum electissimorum virorum præsidio, auspiciis Thomasi Cebæ, instructæ, atque expeditæ fuerunt. iamque oram sinus Ligustici emensi erant, cum hostem illinc recessisse, illis pro certo nuntiatum est. Ipsi tamen institutam navigationem prosecuti, octauo Cal. April. in Chium salui atque incolumes præteruecti sunt, ibique sicut in aliis portibus earum regionum suam operam præstitère, ita ut in Venetos, per id quidem tempus, nihil aliud omninò ab eis attentatum fuerit.

Quarta fuerit Venetorum clades in Chij obsidione.

1452.

Proximo anno Genuæ, ad Venetorum inhibendos conatus, quatuor ac viginti naues, quarum decem longæ ac triremes fuerunt, reliquæ corbitæ ingentis magnitudinis, instructæ, ac sub imperio & præfectura Petri Spinulæ, Cypriani filij,eductæ. Qui, vniuersis rebus expeditis, sub finem Aprilis versus Hadriaticum sinum cum classe sua contendit, ut nominis sui famam cum Reipub. utilitate ac dignitate coniunctam, aliqua insigni expeditione excitaret. Proinde existimans, Corsicam insulam inualido præsidio teneri, hanc expugnare conatus est. Verùm admota classe, tentataque eius expugnatione, quod vrbs longè supra hominum famam atque existimationem omnibus necessariis esset instructa, hanc expeditionem, ceu periculi & difficultatis plenam, direptis atque incensis suburbanis locis, præter spem & contra voluntatem dereliquit. Inde in Euxinum pontum delatus, Naxum atque Andrum insulas, priorem quidem sitam in mari Ægæo, alteram Eubææ adiacentem, deditione occupauit, & Genuens. imperio adiunxit: moxque in Chium perueniens, ibi propter annonæ incommoda paulisper commoratus est. Vbi verò classem rebus opportunis refecisset, Cretam versus navigationem direxit, & in itinere cum sibi aliquot naues Venetas ex Syria redeuntes obuiam haberet, vnā ex his, pretiosis mercibus onustam, cepit, reliquæ ventorū ac noctis beneficio incolumes abierunt. quibus progressibus eam æstatem & autumnī partem, nulla re alia memorabili gesta, transiegit. Et cum adultā æstate domum repeteret, dira atque atroci tempestate iactatus est, duæque naues ab aliis distractæ, quarum altera naufragium fecit: reliqua deinde nauigia non mediocri incommodo affecta, summamque difficultatem perpeffa, tandem mense Martio in Ligusticum sinum appulère. Classis autem Præfecto per calumniatores & aduersarios peculiatus aliarumque rerum crimen obiectum est, ac repetundarum postulatus. sed tam manifesta fuit eius innocētia, ut ipse exemptus omni crimine atque culpa, facti inuidia & acerbitas in æmulos recideret. Ceterum gliscentibus indies magis atque magis inter Insubres ac Venetos odiis, bellū ex bello enatum est: cumque dissensionibus nullus constitueretur terminus, vterque hostis ad sui tutelam longè maiori sese quàm antea præsidio aliisque ad bellum necessariis firmavit. Et Veneti quidem superiorum præliorum memoria atque successu animis elati, marisque imperio auidè inbiantes, ad euertendam Ligusticam potentiam, tunc temporis Philippi gratia & opibus innixam, classem trium ac triginta triremium instruxerunt, eaq. vniuersam ferè inferi maris oram peruagantes, ad portum Pisanum appulère, ibique duarum nauium Florentinorum, tunc sociorum, cum quingentis militibus missarum, supplementum fecère, suæque classi, in quam etiam Abraham & Baptista Fulgosij, qui ambo erant ex-

Genuens. novam classem duce Petro Spinula enuntunt.

Naxum, & Andrum à Genuens. occupate.

torres

torres ac profugi, conscenderant, coniunxerunt. Quibus viribus freti, recto cursu in Ligusticam ditionem perrexerunt, ut eam armis infestarent: pro cuius quidem tutela & salute certè minor potentia, quàm Philippi Principis, non requirebatur. Siquidem inde statim ab initio, quo Reipub. Genuens. administratio Philippo Mediolanensium Principi commendata atque permissa fuit, præcipuarum ciuitatis factionum Principes & auctores variis initis societatibus atque fœderibus, semper anxie contenderant, ut Rempub. iugiter diuexarent, & subinde variis incommodis ac detrimentis affligerent. Ceterum tanta erat Philippi in administranda Repub. prudentia, & contra omnes aduersarios cautela, ut non dubium sit, quin diutius rerum potitus Genuæ fuisset, nequicquam reluctantibus hostibus, nisi nouam consilij rationem ingressus, plerosque vrbis ciues pristinis suis honoribus defraudasset, atque adeò Rempub. ipsam præcipuis suis immunitatibus & priuilegiis, uti antea demonstrauius, spoliasset. At Veneta classis vltèrius progressa, Sextum eo consilio venit, ut illam insulam occuparet. Tenebatur ea tempestate is locus sic satis valido, utpotè mille quingentorum militum, præsidio, ad primam hostilis classis aduentus famam eò à Repub. duce Nicolao Nigrone misso. Igitur Veneti tanto præsidio deterriti, relicta illa expeditione, in Rapallitanum sinum prædabundi venerunt, omniaque hostilia ad euertendum Rapallum fecerunt, freti aliquot factionum hominum in iis locis subinde subsistentium auxiliis atque consiliis. Sperabant enim, ostensa tantummodò classe, aliquos novos motus eo in oppido per Philippi aduersarios exorituros: ideoque ad duarum ferè horarum spatium rei euentum expectantes, substitere. Verum, cum omnia sedata atque tranquilla contra opinionem ibi conspicerent, quòd hiems instaret, inde soluerunt, seseque versus superi maris oram receperunt. Interea temporis, cum pacis iungendæ arbitrium ad Nicolaum Estensem & Ludouicum Salutianum, ambos tum Marchiones, delatum fuisset, tandem mense Maio proximè subsecuti anni, qui supra millesimum quadringentesimum tertius ac trigésimus fuit, pax renouata est, & captiui vltro citroque dimissi, inter quos ex parte Genuensium, præter ceteros, adhuc Venetiis asseruabatur Franciscus Spinula, qui eo tempore vnà cum reliquis dimissus est, ac pristinae libertati restitutus. cui sanè in patriam redeunti, amplius quingenti ex suprema nobilitate, honoris ergò, equites obuiam processere, ac vniuersa ciuitas illius liberatione atque aduentu incredibili gaudio perfusa. Verum enim verò ut semel huic enarrationi de huius vtriusque Populi rebus extremam manum imponam, non diffitebor, me summo sudore maximisque laboribus ad histicam huius belli fidem peruenisse. Nam cum multi sint & reperiantur scriptores, qui variis, ut puto, de causis inter se dissentiant mirumque in modum varient, difficile fuit ex tantorum scriptorum numero aliquid deligere, quod citra controuersiam, vel mendacij suspicionem tradi possit. Proinde si aliqua in re lapsus fuero, vel ab ipsa veritate aberrauero, eò facilius venia mihi, uti spero, dabitur, quò cum maiori inuestigandæ & eruendæ veritatis studio hætenus elaborauerim. Reliqua pari fide atque diligentia à me, uti confido, præstita fuerunt. Quatenus verò ad ea grauissima itidem ac periculosissima bella attinet, quæ populus Genuensis olim cum Tarraconensibus, & præsertim cum Alfonso Aragonio, variis temporibus gessit, licet externa fuerint, eodemque ordine enarrari debuissent, cum tamen hæc satis abundè in iis libris in quibus de politico Reip. statu & gubernatione agitur, explicauerimus, ab illorum commemoratione, tanquam inani & superuacanea, in præsentiarum supersedeo. Et de his quidem hætenus dictum sit.

1433.

*Pax inter
Venetos ac
Genuens.*

P E R B R E V I S T R A C T A T V S
I N Q V O S V M M A T I M A T Q V E
P A V C I S S I M I S V E R B I S D E V N I V E R S O R E I P.
Genuensis statu & administratione differitur.

NARRATIS hæcenus cum summo veritatis inquirendæ studio, nec minori temporum distinctione, omnibus his quæ in huius Reip. nostræ tempora usque ad hanc nostram tempestatem inciderunt; haud absurdum me facturum existimaui, si pari fide ac diligentia politicum ciuitatis statum quàm breuissimis potero verbis attexuero. Ex veterum quippe libris ac monumentis satis liquet, hanc Reip. primò patrium quodammodo ius diu exercuisse & retinuisse: deinde postquam in potestatem Romani imperij deuēnit, annuo quodam magistratu per Consules ab ipsa communi plebe creatos, dudum administratam fuisse, & ad multa tempora assidua quadam serie hanc ferè administrationis normam retinuisse, temporisq̃ue tandem decursu, circa scilicet annum salutis millesimum centesimum primum, bini Consules addi cœperunt; quorum certè magistratus fuit anceps, adeoque non perpetuus, vt pro temporis rerumq̃ue condicione interdum adiungerentur, vel remouerentur, prout videlicet popularis animus esset comparatus: durauitq̃ue huius ambigui magistratus varietas ad annum usque centesimum vndetrigesimum supra millesimum. Insequenti etenim anno, priori illo instituto immutato, tres electi Consules cum tredecim viris, quibus rerum ciuiliū cognitio permetteretur: fuitq̃ue magistratus hic ferè duodecim annorum spatij; postea aucta fuit magistratus dignitas decem Consulū accessione, qui in laborum & dignitatum societate & communionem recepti, paribus studiis Reip. gererent & administrarent. Deinde decursis viginti duobus subsequentibus annis, nescio qua ratione factum fuerit, vt iterum hic numerus immutaretur. Quippè abrogata illa multitudine, ad paucos, nimirum quinos, vel senos, ex omnibus ordinibus rerum summa administratio deuēnit. Quo in statu sine vlla singulari immutatione aliquamdiu Respub. ipsa ad annum millesimum centesimum nonagesimum perman sit: tum primum Prætor institutus, qui vnà cum ipsis Consulibus toti rerum summæ præesset. Cuius sanè instituti pleræque aliæ Italiæ ciuitates exemplum secutæ, idem postea fecerunt. Et quia magistratus diuersimodè instituebantur, Resq̃ue publica non semper eodem administrationis genere, vt superiùs commemorauimus, constitit, magnæ exinde, ceu perenni fonte, ortæ sunt ciuium simultates, atque, vt passim euenire solet, multis intestinis odiis laboratum & certatum aliquādiu fuit, ad annum scilicet supra millesimum ducentesium decimumseptimum. Nonnunquam enim interea per intervalla temporum Prætor externus accersitus fuit; interdum verò omisus: quandoque etiam consiliarij pro temporum condicione Prætori attributi. Deinde succedente tempore, ad annum ferè salutis humanæ millesimum ducentesium quinquagesimum septimum, nouo quodam excogitato instituto, Præfectus populi creari cœptus, qui, vt olim apud Romanos Censores faciebant, seueritatem censoriam in populum ipsum distringeret atq̃, exerceret. Proinde ceu collega perpetuus Prætori in societate gubernationis ad-

nis additus: quo instituto annis ferè sex ciuitas ipsa administrata fuit. Deinceps per nouè annos continuos Præfectura intermissa est, non secus ac si omninò sublata esset: totiusque Reip. auctoritas in ipsum solum Prætorem reclinata & deriuata fuit. Sed demum paruo interiecto tempore, bini præfecti ex patriciorum ordine allekti & coniuncti ipsi prætori fuerunt, sub quorum auctoritate & administratione ad annum Resp. stetit. Deinde quia temporis condicio ita ferè & expostulare videbatur, iterum Præfectum & Prætorem ab exteris gentibus accersire placuit, quibus etiam ex communi sententia Abbas, ceu custos populi, additus est. Quam administrationis formam ciuitas ipsa ad annum millesimum trecentesium ac duodeuigesimum retinuit: quo ferè tempore Resp. Genuensis in Ioannis XXII. Pont. Romani & Roberti Apuliæ regis potestatem deuenit. Sub quorum imperio vrbs vsque ad annum millesimum trecentesium trigesium quintum permansit. Inde repetito iterum veteri instituto, rursus Prætorem, binos Præfectos, Abbatem, & Antianos, quos vocant, ciues Resp. sibi legit; sub quibus exacti sunt anni ferè quatuor. Verùm cùm illa tempestate Genuæ inter nobilitatem factiones orirentur, magnis discordiis ciuilibus Respublica fuit diuexata. Nam pulsus ex vrbe Spinulis & Auriis, postmodum grauissimæ enatæ sunt tempestates, quæ intestinis contentionibus mutuisque odiis magnam ansam & occasionem præbuere, ita vt post plurimas receptas clades, operæpretium Patres se facere existimarent, si perpetui magistratus speciem inueherent atque stabilirent; arbitrati hac potissimum ratione pacem & tranquillitatem ciuitatis parari & conseruari posse: habitisque centuriatis comitiis, de communibus omnium suffragiis Simonem Buccanigram longo rerum vsu insignem, nouo & inaudito ad illa vsque tempora titulo, Ducem ac Principem renuntiarunt. De cuius summi Magistratus prorogatione, ceterisque aliis, quæ ad supremam potestatem pertinent, satis luculenter explicauimus, atque etiam præter cetera ostendimus, anno supra mille quingentos septimo ac vigesimo Genuenses ex permisso Francisci primi regis Galliarum, ac Theodori Triuultij eius præfecti, nouum Reip. statum constituisse, illumque proximo anno ab iisdem Principis Andreæ Auriæ auctoritate confirmatum. Et si autem, qualis nam ille extiterit, non paucis, neque obscuris verbis libro XX. rerum politicarum ostensum esse arbitror; nihilominus tamen, quò magis de illo constet, qui que magistratus eligi soleant, & quamdiu ciues in aliqua dignitate constituti, suis muneribus fungantur, plenius elucescat; operæ pretium fore putauimus, si ea omnia hîc breuiter ac summatim explicarentur, ne quid ab industrio & sollerti lectore, hac quidè in parte, desiderari possit. Ex omnibus igitur ciuitatis ordinibus, duodecim potissimum ciues, quorum nomina ibidem expressimus, in Senatum allekti & conscripti sunt, quorum consilio & auctoritate status Reip. constitueretur. Hi ergo de vnanimi voluntate atque consensu diligenter atque accuratè omnibus causis perpensis, quæ hæcenus illam variis factionibus ac simultatibus inuoluerat, optimum fore censuerunt, vt ciuilibus odiis extinctis, ac dissensionibus è medio sublatis, quædam gubernationis forma & ratio institueretur: cuius sanè quilibet ciuis nobilis ac virtute præditus, alternatim particeps fieret. Proinde statim abrogarunt decretum diu antea promulgatum, ne quispiam scilicet suprema dignitate fungeretur, nisi esset popularis, & Gibellinarum partium studiosus: itemque multa alia decreta circa magistratuum distributionem lata. Et præter cetera sanxere, vt quicumque in ciuitate sex domos apertas, & à ciuibus suæ familiæ inhabitatas haberent, hi vicissim in Magistratuum distributione alternatim

tim succederent. Quæ verò essent minori numero, sed tamen alicuius dignitatis ac existimationis, nec apertas domos haberent, in aliquam earum ex illis duodeviginti, quibus eas habere contigisset, adscriberentur, prout ipsi magis omnino expedire videretur. Nomina verò earum familiarum, quæ octauum ac vigesimum numerum explebant, infra scripta sunt: Auria, Calui, Catanci, Centuriones, Cibo, Cicada, Flisci, Franchi, Furnarij, Gentiles, Grimaldi, Grilli, Iustiniani, Imperiales, Interiani, Lercarij, Lomelini, Marini, Nigrij, Nigrones, Palauicini, Pinnelli, Promontorij, Spinula, Saluaghi, Sauli, Viualdi, Vfusmarij. Et quia iam longo usu in vrbe receptum erat, vt aliqua insignis & ampla familia vtrò sibi alterâ cooptaret, eamque quò magis opibus viribusque floreret, in nomen ac societatem reciperet, minimè alienum atque absurdum videbatur, publico decreto sanciri, quod prius speciali quadam & priuata auctoritate decernebatur. Deinde placuit, ex illis viginti octo familiis, quarum mentionem fecimus, quotannis Senatum quadringentorum ciuium haberi, quibus vnà cum Duce ac Præfectis, totius Reip. cura & administratio committeretur. Ab hoc Senatu Principem, & octo

Principis et octo Gubernatorum electio.

Gubernatores eligi, qui biennio rebus gerendis præessent, & quæcumque ibi forent præcipua, quæque ad Reip. decus atque amplitudinem pertinerent, ex vnanimi consensu & voluntate decerni, hosque ipsos vnà cum Duce constituere ac designare Senatum. Verùm si aliqua de re, quæ licet haud minimi ponderis ac momenti esset, non tamen huiusmodi, vt de illa, ceu omnium summa & præcipua, habenda esset consultatio, Senatum debere interponere operam alterius minoris Senatus, suffragiis centum nobilium, qui numero quadringenti esse solent, delecti. Caput itaque illius Reip. Dux censetur, quoniam is titulos & honores huic dignitati quàm maximè conformes & consentaneos gerit & obtinet, estque antiquus gradus illius vrbis, ad quem variis temporibus variæ ac diuersæ familiæ, licet diuersis & quandoque illegitimis studiis, atque artibus contenderunt. Principatus verò bimulus est, & quamdiu eo munere & honore fungitur, publicas ædes, quas Palatium vulgò vocant, inhabitat, eiusque custodiæ præsidiique causa, quingenti stipatores ac satellites Germanicæ nationis adhiberi solent, in hoc fermè liberi absolutique Principis imaginem ac dignitatē exprimens. Postquam verò Princeps renunciatus est, à purpura ceterisque Ducum & Principum ornamentis imperium auspicatur, totumque biduum se paludatum conspiciendum publicè exhibet: deinceps ad togam coccineam à ceteris Senatorij ordinis forma haud ita multum ab similem delabitur, retinetque sanè in ipso Senatu non mediocrè

Principis auctoritas.

vel exiguam auctoritatem, quippe cum nullum citra eius suffragium Senatus consultum fieri vel sanciri in ipso ordine Senatorio possit vel debeat, adeò vt, si aliqua Reip. formula inducenda, vel vetus aliqua institutio innouanda sit, omnes consilij rationes, sententiarumque summæ ad ipsum Principem deferri & reijci debeant, nihilque citra eius auctoritatem constabiliri. Solet autem Princeps hoc ferè pacto constitui & designari. Tertio Nonas Ian. omnes ordines qui plerumque communem Senatum constituere solent, in curiam sine prioris Ducis interuentu conuocari, & conuenire moris est, nimirum cum priori Duci post biennij muneris sui defunctionem vacatio plerumque constitui soleat, & ad priuatas suas ædes deduci, ea tamen lege, vt inter ordinis procuratorij viros reliquum vitæ suæ cum summa dignitate, ceu in otio & tranquillitate transigere possit. Coacto Senatu communibus omnium suffragiis duodeviginti nobiles pro totidem familiarum numero designantur, qui omnium consiliorum socij ab ipsis consiliariis, quorum magistratus biennio definitur, in ordinem cooptari solent,

iustumque Senatum vnà cum ipso scilicet Principe constituere. quorum tamen singulorum auctoritas ita ab ipso Principe dependet, vt nihil seorsum, quacumque in re, licet etiam minima, sancire vel præstare possint; quippe cum in grauioribus causis, & quarum consultatio perplexior esse videtur, totius negotij difficultas ipsi maiori Senatui communicari soleat, & plerumque referuari, adeò vt sine consilij communicatione & sententiarum rogatione, nihil temerè de iis decernatur. Ex his verò consiliariis, duo alternatim vnoquoque semestri eliguntur, eorumque electio in hunc ferè modum fieri consuevit. Cogitur vniuersus Senatus cui ipse Princeps vnà cum suo ordine patricio interest, iterumque communibus suffragiis vigintiocto deliguntur, habita scilicet familiarum, vt antea etiam diximus, ratione, quorum iudicio duodecim, vel quatuordecim ciues ampliori Senatui proponuntur, ex quorum numero successiuè, & quasi, quod dicunt, per vices, in purpuratorum numerum ascribuntur & cooptantur. Proximo die par in electione secundi cooptandi in numerum habetur ratio. Nam minor, vt ipsi vocant, Senatus, alios duodetriginta ex omnibus ordinibus deligit, ex quibus reliquorum ordinum & magistratuum faciunt supplementum, & absolutam quandam bene institutæ Reip. formam, adeò vt elapso Magistratus tempore, illi, ex his octo, quos Gubernatores vocauimus, vacatione quodammodò impetrata, etiam in ordinis procuratorij viros transcribantur, & in collegio Procuratorum semper adesse consueuerint, qui prius principalioribus Reip. functionibus & partibus admoti fuissent, penesque eos, & ipsum Principem, sit totius Reip. administratio, ita vt etiam ex ipsis, quos diximus, Gubernatoribus, ipsi Principi in eodem prætorio, iisdem ferè tectis conuiuere, & recipi soleant: reliquis, eiusdem ordinis in propriis ædibus habitare permissis, permutatione tamen habitationis ad singulos exacto per vices trimestri transeunte. Et quia superius satis fusè procuratorij ordinis meminimus, operæ pretium me facturum putauì, si aliquantulum clariùs rem ipsam pertractauero, potissimum cum in omnibus ciuitatibus diuersæ soleant esse Reip. imagines & formæ, nullæque ferè reperiantur, quæ non aliqua ex parte ab aliis, sibi licet vicinis, pro morum studiorumque varietate differant atq. dissentiant, sic vt difficile omninò dictu pronunciatuque sit, penes quos hætenus citra aliquam controuersiam melior & probatior sit administrationis forma. Nam cum omnis Resp. soleat vel Aristocratiam, vel Democratiam, nunquam verò Monarchiam sequi; sit plerumque, vt aliæ magis hanc, vel illam, amplectantur: qua certè in re cum plures sint qui ex omni fermè memoria optima quæque in literas contulerint, eamque Reip. imaginem delineauerint quæ suo iudicio perfectissima esse videatur; tamen meo iudicio multum inter se dissentiunt. Nam dum quisq. quod sibi placet, tuetur & defendit, vel Principum voluntati atque arbitrio inseruit; in hoc ferè omnes labuntur, vt non satis quid ex communi vsu petendum sit definiant. Nec mirum me herclè, cum huius rei difficillimæ tractatio me de illa scribere volentem, haud parum deterreat, ne iudicij rectitudine, quod quàm exiguum sit, facilè intelligo, destitutus, à vero aberrarem: hoc tamen dicere mihi absurdum non videtur, eas Respub. optimè institutas esse, quæ ex Aristocratia & Democratia iusto quodā temperamento, hoc est geometrica quadam proportionem, ita sunt constitutæ, vt in illis etiam Monarchiæ ratio penitus non negligatur. Sed me aliquantò latiùs forsitan ab instituto euagantem, reuocat suscepti sermonis series; quæ, vt de procuratorij ordinis viris & institutis paulò fusius edisseram, admonet. Proinde, quò magis huius Reipub. institutionis forma elucescat, nō absurdum fuerit, si de Senatorio ordine seorsum,

& ceu

& ceu per certos gradus dixero. Nam cùm in hac Repub. multa sint ab ipsa antiquitate petita, singula maiori quodam lumine indigent, quàm vt in ipso primo aditu prorsus percipi & inuestigari queant; nimirum cùm pleraque videantur à pluribus bene institutis Rebuspub. petita, sic proculdubio, vt faciles negligentis scriptori relinquantur lapsus. Quocirca de Procuratorio, vt ipsi vocant, Ordine, exordium mihi distinctionis fecero: estque ferè talis, vt nemo in eum recipiatur, nisi prius Principis, & octo gubernatorum personam sustinuerit, ac supremum illum Magistratum gesserit. Nam nisi gubernatorum officio functi fuerint, ab hoc ordine omninò excluduntur, & id quidem non sine summo maturoq. consilio: quippè cùm his potissima Reipub. administratio incumbere soleat, vtpote quibus solis prouentuum, censuum, & vectigalium cura & administratio relinquatur. Ceteri verò Magistratus tantummodò circa Reip. ciuilem gubernationem occupantur. Solet namque tribunalibus & foris iudiciariis, præsertim in criminalibus, Prætor extraneus proponi, qui moderatione iudicij, summaque rerum cognitione sese æquum & iustum iudicem præstet. Nam nisi explorata fuerit eruditionis, Doctoratusque gradu insignitus, nunquam ad hanc sublimitatem dignitatis assumitur, habitatioque in palatio, ceu publicis ædibus, adsignatur, quasi ipsi Senatui, totique ordini Senatorio indiuiduus & collateralis constitueretur comes, præsertim cùm Reip. multum interfit, habere virum fide cognitioneque rerum præstantem, qui iudicij grauitate summaque diligentia in fontes inquirat, superque omnibus maleficiis strenuè cognoscat; licet tamen de capite hominis nihil per se possit statuere, vel sine consensu ipsius Senatus pronunciare. In summa, solet haberi in Prætorè designando accurata quædam ratio. Priusquam enim huic officio præficiatur, usu iam receptum est, tres in ordine esse externos Doctores, quibus seorsum iudicarij fori summa & cognitio permittitur. Nam ex tribus, vnus ad Præturam, vt diximus, euehitur. Secundus verò, Quæstitoris titulo, (vulgò Iudicem maleficij vocant) insignitur. Tertius autem, Fisci sibi locum vendicat: horumque sententiis & iudicio instituuntur processus, nec non causæ, ac lites definiuntur; eorumque etiam cognitio maximè ad eos pertinet: Prætorque ipse solet sibi habere subdelegatum, quem ipsi Vicarium nominant; cuius potissimum opera circa res ciuiles vitur. Alia Magistratus classis à Romano illo Septemuiratu abhorreere non videtur. Cùm enim qui huic ordini præfunt, septem numero esse consueuerint, ea etiam dignitate pollent, vt personam Principis publicis negotiis distenti & occupati, repræsentent, ea sanè cura, vt omnis eorum administratio & munus sit, vt forenses lites & controuersæ, illorum auctoritate interposita, aut prorogentur, vel absoluantur: pupillis verò, & minoribus, tutores & curatores assignent. Nam cùm lege cautum sit, ne imbecilliori à potentiori vis inferatur, hoc Magistratu commodè vitur ipse supremus Senatus, vt, consopitis iurgiis & contentionibus, partes ipsæ altercantes ad gratiam & concordiam redeant: finiturque huius Magistratus functio plerumque semestri spatio. Est & alius præterea Magistratus ex quinque potissimum viris, quos ipsi supremos Syndicos vocant, constitutus; videturque Syndici vox tracta esse à Græca appellatione, quasi apud Latinos Recognitorem sonet, nouo fortasse vocabulo, sed satis ad huiusmodi munus explicandum idoneo; quibus hæc permittitur potestas, vt æquè in Principes, ac ipsos gubernatores, postquam sese suis muneribus abdicauerint, si propter aliquem incidentem casum, puta, si contra legum sanctiones aliquid commiserit, statuere & pronunciare possit, adeò libera & absoluta potestate, vt etiam Princeps ipse, illique octo, quos diximus,

Procuratores

Prætor extraneus.

Tres externi Doctores.

Septemuiratus

Syndici vox quid sonet.

Præsides, amoto Magistratu, horum arbitrio, si quid ab illis, dum Magistratum gererent, peccatum & delictum sit, permittatur & subiiciatur. Publicatur enim eorum edictum, quo omnibus iniuria & contumelia affectis, ius & integritas contra eos qui Magistratibus functi sunt, seruatur: eiusque rei gratia per totum octiduum tribunalibus præsidere, deque iniuriis & contumeliis illis illatis, penitus cognoscere & pronunciare solent. Sin verò innocentia vitæ, morumque integritate culpa vacare inueniantur, statim edito diplomate, absoluuntur; & si in contaminatis moribus, inculpatæque vitæ esse reperiantur, ad procuratorium ordinem admittuntur. Nam alioquin, nisi horum quinque virorum diplomate probentur, ab ipso procuratorio munere prorsus rejci consueuerunt. Fitque nonnunquam, ut ab aliis eiusdem Reipub. Magistratibus, ad hos fiat prouocatio, ita profectò, ut huius, cuius nunc mentionem facimus, Magistratus tanta sit amplitudo & dignitas, ut Andreas Auria Reip. liberator & assertor, in hunc ordinem Plebiscito cooptatus sit: eorumque electio propemodum semper per viros Senatorios, qui in minori Senatu selecti fuerunt, fieri solet, habentque iuxta Senatum in ipso prætorio locum. Et quamuis de supremis rerum capitalium iudiciis & cognitionibus, satis fusè superius dictum esse videatur, tamen quò magis planum fiat, quo modo huius Reip. Magistratus instituantur, non alienum fuerit, de singulis officiis, collegis, & tribunalibus, ceu membris, separatim dicere. Quandoquidem cum, sicuti antea diximus, huius Reipub. forma à diuersarum sit petita rerum publicarum institutionibus, difficile fuerit, nisi còtinua quadam serie ob oculos ponantur, omnia intelligere. Proinde deinceps aliquid de ciuilibus istis politicisque rationibus obseruandum erit. Cum enim magna in parte Reip. administratio extraneis permitti & concedi consueuerit, vsitatum quoque est, ut vnoquoque biennio de omnium Ordinum consensu v. Doctores iurisperiti, & in foro iudicali non mediocriter versati, à finitimis ciuitatibus petantur & accersantur, amplo illis constituto stipendio, ut v. viratum hoc scilicet numero instituant, quem ipsi patrio idiomate *ROTAM* nuncupant; quorum præcipua cura & administratio circa res ciuiles & politicas versatur: quarum ut faciliorem habeant cognitionem, in ipso Ducali prætorio, vel palatio, plerumque habitare solent; causarumque omnium, quarum ipsi notitiam habent, tractatio & iudicium, secundum Imperialium legum receptum vsum & còsuetudinem formantur & deciduntur. Processus verò causarum forensium iuxta ordinem iudicalem earum vrbiū & oppidorum, sub quibus litium initia orta sunt, plerumque iudicari & consopiri videmus. Quòd verò ad artium mechanicarum & opificiorum rationem & institutionem attinet, moris est, ut instituantur Censores aliqui, quorum opera, industria, & iudicio vtantur in obseruando & perspicendo, ut forum rerum venalium, atque alij, qui opificia exercent, habeant mensuras, pondera, & alia huius generis, ad æqualitatis & isonomiæ stateram, & ad iustam trutinam, expendantur & examinentur. Sed & præter hos, quos diximus, v. viros, vnicuique opificio seorsum aliqui ex Consulū numero præfici, & ab ipsis artificibus cum pleno iure & potestate eligi consueuere, ut ea quæ ad ipsorum opificia & artes pertineant, absolutam quandam rationem habeant, adeò ut horum iudicio & auctoritate de alicuius capite pronuncietur, hoc est, de aliquo possit haberi quæstio, plecti exilio, ad remos & transtra transcribi, aliæue pœna & supplicio puniri, prout vniuscuiusque meritum & culpa promeruerit. Et ne aliquid in hac Repub. negligatur, cuius ratio à bene instituto Magistratu haberi & expendi debet, exactam quandam militaris disciplinæ curam & rationem omni ferè

ni ferè tempore obseruauit, prout etiamnum retinet. Siquidem distributa ciuitate in quadraginta decurias, singulis decuriis Præfecti ex patricio ordine electi, quotannis præponuntur; quorum singulis singulæ centuriæ, ex ipsis, vt vocant, popularibus, militent & subijciantur: & ita ex vniuerso populo quatuor millia hominum in cohortes militares transcribuntur, vt scilicet ad omnem repêtinum casum & incidentem occasionem Respub. non sit inermis & imparata: sed horum opera & strenuitate, ad omnem temporum occasionem vtatur. Proinde suspectis ac dubiis temporibus, si Senatui in publicum prodeundum sit, ab ipsis centurionibus honorificè & eleganter, nobilium scilicet more, ornatis deducitur & constipatur; vrgenteque necessitate, quicquid fuerit suburbani ciuis & iuuentutis, armis & militiæ aptum, his præfatis centurionibus militare & nomen dare, ac illis, omnibus in rebus, dicto audiens esse cogitur. Ceterum, habet vt plurimum Respub. suum generalem, vt vocant, Prætozem, cui suprema militaris disciplinæ cognitio atque tractatio permittatur, adeò vt si aliqua suscipienda sit expeditio, & manus cum ipso hoste conferendæ sint, ipsius ductu & auspiciis omnia administrentur & prospiciantur. Est & alius præter eos quos diximus Magistratus, quem ipsi D. Georgij vocant. Hunc à multis annis, scilicet ab annis septem supra millesimum quadringentesimum institutum, adeò florentem, atque summa dignitate subnixum, omni memoria conspeximus, vt non mirum sit, si hac potissimum tempestate ad supremum honoris apicem deuenierit. Nam cum exacto præstantium virorum iudicio ad omne laborantis Reip. subsidium excogitatus & institutus esse videatur, eius certè beneficio Resp. iamdudum steterit, & hoc affecuta est, vt semper rebus dubiis, prosperis & aduersis incolumis quasi hoc fundamento constiterit, & ad illum, ceu ad firmissimam ancoram, semper confugerit; vocatusque est D. Georgij Magistratus, eò quòd plerumque in ædem D. Georgio sacram, P. C. qui huic scilicet Magistratui præsunt, cōuenire soleant. Habet enim hæc Resp. inter cetera bene institutæ & moratæ ciuitatis ornamenta, vt licet multis vitæ subsidiis, propter sterilitatem agri vrbanis, asperitatemque naturalem ipsius soli, destituta; semper tamen viros grauissimos, ingenio, industria, & animi magnitudine excellentes, in lucem protulerit, ac ceu ex perenni fonte, ad vtilitatem & salutem posteritatis, multa bene excogitata atque instituta defluerint; quibus Reip. dignitas potissimum continetur. Namque inter reliqua, non paruum magnæ prudentiæ specimen est, quòd Reipub. status necessitate belli, vel quauis de causa, in aliquam angustiam coniectus, paratum habeat cogendæ & expediendæ pecuniæ modum, adeò vt superioribus temporibus hic ferè instruendi ærarij publici inuentus fuerit potissimum modus, scilicet vt qui publico ærario præessent, à priuatis ciuibz pecuniam mutuò sumerent: quod sanè vt felicius faciliusque impetrarent, nèue hanc subsidij publici rationem aliqua de causa remorarètur, versuram facienti fructus pecuniæ suæ ratione decem, nouem, octo, & quandoque septem aureorum pro centenariò, vt vocant, prout scilicet temporis ratio ferret, recipiebant; quo sanè artificio mirum in modum ad vtilitatem publicam excogitato, neruus ipsius Reip. supramodum creuit & auctus est, ita vt dum ciues propensione quadam nullo impendij metu deterriti, salutis publicæ consulunt, hoc videantur assequi, vt etiam cum lucro priuato commodum publicum haud parum iuuent. Ad maiorem tamen versuram facientibus præstandam cautionem interdum vectigalia publica, puta vinorum, portoriorum, rei que frumentariæ ad tempus elocare ac permittere solent, quod ipsi nouo, sed patrio idiomate, Pedagogium Gauri vocant; cuius certè vocis etymologia cum perobscu-

*De Georgia
no Magi-
stratu.*

ra sit, haud facillè hoc loco explicauero: satis est me declarasse, quibus modis con-
 uentiones & contractus inter Rempub. ipsam & priuatos ciues fiant & sancian-
 tur. Quandoquidem tanta in cauendis publicis damnis religio habetur, vt eloca-
 tiones publici iuris, tanquam priuatæ emptiones & venditiones forent, mutua
 astipulatione obstringantur: & Senatusconsulto cautum & sancitum est, vt qui-
 cumque Remp. centum libris iuaret, haberet locum in elocationibus vectiga-
 lium publicis vnum: qui verò ducentis adiuuisset, pari numero duos locos forti-
 retur, & sic deinceps, pro scilicet quantitate pecuniæ parem in publico iure ratio-
 nem, vt superius retulimus, assequeretur. Itaque factum est, vt eiusmodi emptio-
 nes miris incrementis augerentur, adeò vt tanquam per classes, certis distinctæ
 nominibus distribuantur. Aliæ namque emptiones Capituli, aliæ D. Pauli, non-
 nullæ salis, prout scilicet cuiusque esset ratio & vsus, dicebantur: summaq. cura
 & fide à pluribus ciuibus singulæ procurabantur; quorum videlicet integritate
 fidei, & prudentia sedulò prouidebatur, vt fides publica, propter subsidium ærarij
 priuatis istis ciuibus oppignorata, publica etiam pecunia ex iure pacti & consti-
 tutionis, per eos liberaretur, ac reliqui prouentus, & pecuniæ publicæ bona fide
 in ærarium importarentur. Inde autem successu temporis in vsum receptum est,
 vt propter numerum emptionum indies magis atque magis miris incrementis
 per externas quoque nationes adaugebantem, ad huius Magistratus, (cuius qui-
 dem numerus pari modo in immensum excreuerat,) stabiliendam rationem,
 accurata quædam deberet adiungi prudentia & cautio, ne quauis de causa pro-
 pter exterorum inquilinorumque cum ciuibus ipsis communionem, aliquæ
 subinde perturbationes confusionesque orirentur, ita vt ad præscindendam fu-
 turarum controuersiarum ansam, Senatusconsulto decretum sit, vt omnes em-
 ptiones, qualescumq. etiam essent, & quouis nomine dicerentur, in vnicam em-
 ptionem, ceu ad quandam particularem massam, redigerentur. Quæ quidem vni-
 ca emptio ab hoc S. Georgij instituto Magistratu, denominata emptio S. Georgij
 fuit: cuius quidem emptionis cognitio, regimen & cura, ad octo ciues prudentia
 & dignitate conspicuos, vt versuram facientibus ex vectigalibus publicis satis-
 fieret, delata, & summa cum religione demandata fuit: videturque hic Magistra-
 tus hinc initium atque originem traxisse. Et quoniam successu temporis, diligen-
 tiq. obseruatione minimè obscurè deprehensum est, huius præfati Magistra-
 tus singulari æquitate & prudentia potissimas partes Reipub. gubernari & admi-
 nistrari, non mirum si variis atque diuersis temporibus, summæ rerum difficul-
 tates & necessitates, huius consilio superatæ fuerint. Postquam enim numerus,
 vt antè diximus, locorum mirum in modum augeri cœpit, factum est, vt pecuniæ
 publicæ in ærarium publicum conferri consuetæ, valdè fuerint diminutæ: sed
 hac difficultate Reip. laboranti solida cura & fideli administratione huius ordinis
 semper occursum fuit, ea certè felicitate, vt temporis progressu multas circumui-
 cinas ciuitates atque oppida suo imperio adijceret. Proinde, ne Patres conscri-
 pti supremi Senatus aliquo modo horum exactam diligentiam & fidem negligere
 vel præterire viderentur, eos priuilegiis donarunt, quæ multis summorum Pon-
 tificum, Cæsarum, atque aliorum Principum diplomatis confirmata sunt, adeò
 me herculè, vt quamuis hoc munus Georgianum potiori sui parte pendeat à Se-
 natu, minimè tamen ipsi subijciatur. Nam quotiescumque aliqui in supremi Se-
 natus ordinem cooptantur, iureiurando interposito, dataque fide, summa religio-
 ne pollicentur, se priuilegia Georgiani Magistratus summa cura & animi inte-
 gritate conseruatuuros. Verumenimverò, quia sic naturali quodam nexu compa-
 ratum

*Magistratus
 Georgianus
 unde originem
 traxerit.*

ratum esse videmus, vt omnium rerum nascentium primordia sint per se exigua,
 & infirma; & nisi sensim, ac quasi per gradus dilatentur, donec ad integram & ab-
 solutam quandam perfectionem deducantur, non mirum, si in constituendo hoc
 Magistratu, successu etiam temporis multæ adinuentæ fuerint rationes, quæ ad
 hunc perpetuandum & adornandum non parum facerent, sic sanè, vt hac tem-
 pestate minori negotio, sed longè maiori cum vtilitate, quàm antea, ineatur &
 regatur. Quapropter cum iustorum consiliorum ratio ægrè in omni Repub., vel
 etiam aulis Principū inueniatur, & sæpius magnis periculis implicetur, ad Deum
 ipsum veris gemitibus, meo equidem iudicio, confugiendum semper esse censeo,
 vt bonos Gubernatores rerum gubernaculis admoueat. Nam nisi fidelitatem
 ipsam in multis proculdubiò malis, in ipsius Reipub. oculos subinde incurrenti-
 bus, opponamus; & nisi multarum rerum cognitionem ad clauum Reipub. affe-
 rant, ipsam multis malis & periculosissimis inuolucris inuolui aliquando neces-
 se est. Nam, vt in lege Aquilia videre licet, in Reip. administratione duo sunt po-
 tissimum exitiosæ pestes, nempe negligentia & ignorantia, cum hæ duæ con-
 iunctæ, summas contentiones, imò exitium ipsis ciuitatibus & imperiis non-
 nunquam afferre soleant, ita profectò, vt, cum multi negligentes in discendo hæ
 nostra tempestate sint, qui, postquam beneficio fortunæ vel plebis suffragiis po-
 tiùs quàm rectitudine iudicij, negotiis & consiliis publicis adhibentur, quia ipso-
 rum fontium scaturiginem ignorant, sæpè in dicenda sententia, vel ferendis suf-
 fragiis hallucinantur, & magna cum pernicie Reip., vt antè diximus, insanabiliter
 peccant: & cum multos passim reperire liceat, qui confisi qualicumque dicendi
 genere, se haud rarò ad Principum voluntatem inflectant, non mirum, si verbo-
 rum lenocinia, & prætextus quærant, ad ea scilicet negotia ornanda, quæ grata
 sunt ipsis Principibus, quibus operam & labores suos elocarunt. Inde fit, vt, cum
 veritas & iustitia sophisticis præstigiis opprimantur, multæ & infinitæ postmo-
 dum calamitates in ipsas Respub. introducantur: qua in re essem prolixior, nisi
 existimarem, omnes bonos indubitata fide intelligere, stationem illam, in quam
 Deus ipse gubernatores collocauit, non otiosam & ludicram quandam palæstram,
 sed veram speculam generis humani esse, ex qua Deus religionem, iustitiam, le-
 gum & disciplinæ seueritatem retineri vult & commonstrat. Hæc idè pro mei
 tenuitate ingenij circa Magistratus & iudiciorum tractationem allata sunt, quia
 longo usu, & magna obseruatione iam non semel deprehendi, in multis rebus
 publicis, præsertim verò in hac, quam describimus, multas accessiones, & incre-
 menta, non aliunde, quàm à maturitate consilij promanasse, & cum publico bo-
 no ad posteritatem felici quodam successu prouenisse. Nam in primis puto fa-
 ctum esse, vt prudentia huius honorifici Magistratus multa instituta fuerint, quæ,
 vt sæpè dictum est, hanc Rempub., non semel in summa omnium rerum ac tem-
 porum difficultate versantē, conseruarunt, cum subinde ex huius iudicio pro tem-
 porum condicione sint institutæ sanctiones, nouæque præscriptæ leges non so-
 lummodò circa causarum cognitionem, & fontium pœnas, verum etiam circa
 rationem politicam, populos ipsos ac clientes Reip. subditos concernentem, sic
 sanè, vt minimè dubitandum sit, rem aliquantulum penitiùs introspectanti, quin
 ratione huius officij corpus ciuitatis in duas veluti diuisum partes, æquabilitate
 tamen & concinnitate quadam illæsum & incolume retentum & reseruatum sem-
 per fuerit: quarum certè partium ea maior esse videtur, quæ principalem dignita-
 tem, supremumque illum Senatum cum aliis decuriis & ordinibus coniunctum,
 continet & denotat: altera verò minor & inferior ea de causa censetur, quia hunc

Lex Aquilia.

dumtaxat Magistratum repræsentat, potissimum cum prior ab ipso prætorio, vel, si mauis, supremo tribunali regatur, vniuersamque urbem complectatur: posterior, Georgiani Senatus beneficio & munere omnino contineatur. Proinde, cum Resp. in duas tantummodò partes diuidatur, prior, ut est præstantior, quia communitem ipsam complectitur, sic certè periculosior, quò magis variis fortunæ casibus & tyrannicæ oppressioni ex Principum licentia & gubernatione pateat. Posterior verò, cum magna ex parte hoc periculo careat, tantò admiratione dignior est, quantò nunquam hætenus à Philosophis, vel aliis de Rerum publicarum institutionibus scribentibus animaduersa, vel delineata fuerit; præsertim cum eodem circuitu atque ambitu vnius ciuitatis, eodemque etiam tempore possit per partium factiones & studia esse imperij formula, quam tyrannidè intelligo, ac libertatis etià aliqua imago, corrupta tamè, & ad ciuilem societatem inidonea: cum neminem lateat, in distracta, inæquabili, & bipartita ciuitate, ipsam iustitiam exulare, vel ciuium animos in vera communione & consensione coalescere nequire: à quibus vitiis iusta hac distributione & isonomia quàm longissimè semper hæc Resp. abfuit, & in posterum, Deo fauente, in perpetuum aberit.

*Octouiratus
Georgiani
Magistratus*

Deinceps verò de huius collegij Georgiani octouiratu dicemus. Solent nimirum ex ordine lectissimorum virorum octouiri, quos ipsi Protectores vocant, huic potissimum collegio præfici; quorum scilicet consilio & auctoritate omnis eius administratio & cura geratur: estque huius muneris præfectura vnius tantummodò anni spatij. Vno quoque siquidem semestri quatuor ferè ex omni creditorum ciuium numero eliguntur, quorum electio hoc ferè modo instituitur, ut sortitione ex omni ciuium creditorum numero facta, octoginta ex vrna educantur, quibus statim coeuntibus, iterum de ipsis suffragia habentur, adeò ut octoginta globulis in urnam coniectis, prima sortitione viginti quatuor eductis, confestim perlectis eorum nominibus, in certum conclaue seorsum conuocentur, in eoque tantisper nulla exeundi facultate data, permancant, donec ex omni illo vigintiquatuor numero octo Protectores creati & renunciati fuerint, sic ut nemo in huius octouiratus ordine recipiatur, nisi sexdecim ciuium prædictorum suffragatione. Ceterum, cum multa vel necessitate temporis, vel etiam longa consuetudine soleant immutari, non mirum, si & huic collegio non semper idem tenor & ordo constiterit. Nam anno salutis humanæ supra millesimum quadringentesimum quadagesimo quarto huic magistratui aliud collegium paris numeri à Patribus ipsis conscriptis communibus suffragiis adiunctum fuit, quod quidem ut auctoritate & dignitate priori est inferius, ita etiam appellatione differt, quippe munus viginti quatuor vocari solet: & videtur non sine graui consilio euenisse, ut hoc, de quo nunc agimus, collegium priori adiungeretur: quoniam cum collegium Georgianum successu temporis, ac ferè triginta septem annorum decursu mirum in modum esset auctum & amplificatum, ita ut non nisi cum summis molestiis atque perenni cura isti octo Protectores ipsi collegio præpositi, propter summas ingruètes occupationes negotiorum molem & onus sustinere & absolvere possent, factum fuit, ut summa necessitate adducti, subsidiū à subdelegatis requirerent, qui sibi operam & industriam fidelem omnibus in rebus præstarent, potissimum cum emolumenta & redditus illorum sapienti administratione in immensum excreuissent, adeò ut thesaurus publicus horum beneficio maiori sui parte contineatur: & ab eo tempore perpetua quadam serie hoc inferius collegium inde semper in hunc usque diem quotannis institutum est: cuius certè Magistratus auctoritas tanta est, ut in potestate ac ditione Cyrum

num insulam multasque alias vrbes & non minimi momenti municipia habeat, quorum locorum reditus & vectigalia plerumque ad tuendam amplitudinem Senatus conferuntur. Satis ampliter puto superius ostensum esse, quænam huius Reip. forma & institutio pro temporum varietate ac vicissitudine subinde fuerit, ac quo in statu ad annum vsque vigesimum septimum supra millesimum quingentesimum constitit, quo exacto, Principis Andree Aurie auctoritate, propter præclara gesta, summamque in patriam fidem & indefatigatum laborem, communi omnium consensu in Repub. florentis, confirmata, & publicis suffragiis corroborata fuit, ac sollemni Senatusconsulto sancitum, ut ex eo præscripto ac instituto omnia deinceps consisterent atque constabilirentur. Proinde cum incredibili totius vrbis latitia & voluptate huic rei applausum atque assensum fuit, adeo ut, sublata omni seditionum ac simultatum ansa, vniuersa ciuitas in animorum quadam consensione coaluerit: in eaque tranquillè ac pacificè perseveratum est, vsque ad annum eiusdem sæculi quadragesimum septimum, quo quidem tempore commissum fuit, ut propter noui decreti promulgationem, multis motibus & periculosis conuersionibus summa occasio in posterum præberetur, donec tandem quorundam optimorum iuxta & potentissimorum Principum, de Reip. salute & tranquillitate sollicitorum cura & diligentia, & in primis quidem Cardinalis Moroni Pontificij legati, viri, præter natalium splendorem, præstantissimis animi corporisque dotibus insigniti, singulari prudentia, industria, & auctoritate, ac immensa rerum gerendarum peritia effectum est, ut ciuium animi diuersis studiis distracti, necnon grauissimis dissensionibus laborantes, consopitis cōtrouersis, oblitteratisque priuatis contumeliis, ad pristinam concordiam, ac mutuam beneuolentiam redirent: & mox Reipub. administratio iis præcipuè commissa fuit, qui legitimum magistratum gerere solent, ac debent. Hæc postrema reconciliatio incidit in annū eiusdem æui septuagesimum sextum. Ceterum non me latet, multos fore, qui hanc meam historiam, ceu imperfectam, damnare, vel saltem meritò accusare posse sibi videbuntur, quòd scilicet ad calcem, continuata perpetua rerum gestarum serie ac enarratione, non perduxerim. Non inficior sanè, haud exiguam subesse seuerioribus æstimatoribus querimonie ansam, si horum vltimorum motuum causas, atque decursus, ceu extremum huius operæ nostræ laborem, exactè à me desiderent. His non habeo equidem quod fortius opponam, quàm modestiam, & animi candorem, omnia benignè atque sincerè interpretantis: idcoque meritò excusabor, si huius nostræ Reipublicæ vltimè subsecutam conuersionem, singulatim, & prout quæque res gesta fuerit, assiduo contextu non explicauerim, præsertim cum viderem, me diligenti inquisitione nihil, præter meras coniecturas, deprehendere potuisse. Proinde satius esse duxi ab his quæ mihi essent ambigua, supersedere, quàm temerè historiæ nostræ seriem turpi mendacio aspergere. Interim tamen id vnum, quod hac in parte præstare potuimus, nullo modo negleximus, ut scilicet vltima Reip. constitutio certis Senatus consultis, ceu diuersis capitibus delineata, his nostris laboribus coniungeretur: Ex hac nimirum, ceu ex limido speculo, videre cuius licebit, quàm graui consilio, post tot longas deliberationes, à Senatu aliisque Patribus conscriptis, allaboratum fuerit, ut Reip. status emendaretur, & tranquillitatis constituendæ causa antiquatis multis legibus atque Senatus consultis, superioribus temporibus pro illorum condicione & diuersitate sapienter excogitatis & latis, noua Reipub. forma induceretur, ad quam deinceps, tanquam ad filum Ariadnæ, mores & disciplina

sciplina Reip. duceretur & attemperaretur. Hinc etiam omnibus rectis ac bene institutis ingeniis manifestum clarumque, vti arbitror, fiet, quanta prudentia, rerum difficultates interdum superantur; quanta denique sollertia adhiberi oporteat, vt, collapsa rerum statu, Reip. dignitas restituatur, & amputatis atque recisis ex eadem omnibus contagiosis membris, eiusdem corpus curetur, sic me herclè, vt in posterum non citra iniuriam temporum similis Reip. pestis verenda sit. Hoc si præstiterit amplissimus huius Reip. Senatus, testes illi, quorum iudicium longo vsu atque rerum experientia est probè informatum: Ego, absit omnis assentatio, nihil vnquam vidi præstabilius, nihil dico cum maiori sapientia coniunctum, quàm illam Reip. formam, quæ nunc in manibus hominum est, & exempli petendi causa ab omnibus cordatioribus euoluitur. Faxit Deus opt. max. vt correctum atque egregiè emendatum Reip. statum, posthac magis atque magis concordia fulciat, & perpetuis, rectis, atque sanis consiliis ad sui gloriam, religionisque Christianæ propagationem stabiliat atque conseruet. Ita fiet, vt florentissima Resp. cum maximis quibusque ciuitatibus non solum se exæquare, sed iurè multas multis parafangis superare possit.

FINIS.



Vanquam non ignorem, beneuole atque amice lector, huius nostri noui fetus nimiam festinationem, dicam, an precipitantiam, in plerisque tibi stomachum nouisse, quod scilicet multa à me negligenter, nonnulla incondito stylo; vt necessàriò in tanta properatione, ac tanti operis varietate & magnitudine cõtingere solet, dicatur, quæ iure optimo à seuerioribus ingeniis reprehendi possint, ac debeant, nihilominus tamen confisus tuo ingenio candore atque animi beneuolentia, non veritus fui hunc nostrum qualemcumque laborem in manus hominum emittere, atque ad eò tuis oculis ac censura subiicere, non certè alio inductus studio, quàm bene de optimo quoq., ac in primis quidem de ipsa posteritate, dum amplissima Reipub. Genuensis res gestas Latinis literis illustrarem, promerendi. Nec vtar in excusanda hac mea festinatione longa verborum serie, cum vnusquisque facillè per se, modò ad huius nostræ historiae lectionem debitum candorem ac rectitudinem iudicij attulerit, perpendere ac aestimare valeat, quàm multa, etiam sagacissimum atque oculatissimum scriptorem, à quo equidem, vt verum fatear, multis parasangis absum, in tanta rerum diuersitate effugiant, quæ nisi temporis decursu ad incudem reuocari, & perfectius absolui possunt. Verumenimuerò cum huius nostræ operæ moles tanta fuerit, vt tantum non oneri succubuerim, spero me facillè gratiam ab humanitate tua impetraturum, etsi omnia pro dignitate historica non dixerim, si omnia denique eo ordine qui maximè requiritur, non recensuerim. Quandoquidem, vt ingenuè quod res est, eloquar, rerum concatenatione ac perpetuo quodammodò nexu implicatus, ultra instituti nostri operis atque destinati laboris sepimenta & limites longè sum prouectus. Memini enim, me statim ab operis nostri exordio, nihil perinde habuisse antiquius, quàm veritatis ac breuitatis studio placere & commendari. Sed quid agas? Tanta fuit multarum rerum perplexa cognitio, atque haud paucarum intricata inuestigatio, vt illa, nisi multo cum sudore ac temporis interstitio ex probatissimis auctoribus inuestigari atque erui nequiuissent, adeò profectò, vt hac difficultate præpeditus, multa mihi obiter circa aliquam retractationem, licet me inuito, instante, ac citra intermissionem vllam urgente typographo, hoc tempore euulganda fuerint. Noli tamen committere, Deo fauente, quin temporis opportunitate adiutus, errores admissos, quos nec Lynceus in tanta, vt dixi, celeritate facillè animaduertere queat, quoad eius fieri poterit, recognouerim, recognitos emendauerim, ac opus meum à lituris & mendis, quæ tibi haud dubiè in oculos incurrerunt, & passim sese dederunt obuiam, vindicauerim & repurgauerim. Interim erit tuæ humanitatis atque beneuolentiæ, hos nostros admissos errores non solum non reprehendere, sed candidè atque humaniter excusare. Ita proculdubio fiet, vt me, meapte natura promerendi tui studio mirificè flagrantem atque incensum, deinceps ad ea quæ adhuc in vmbra inter priuatos nostros parietes imperfecta delitescunt & reseruantur, modò vita supersit, perpolienda, & ad publicam utilitatem euulganda, alacriorem reddas. Fruere interim his nostris vigiliis & assiduis lucubrationibus, non aliunde certè profectis, quàm quod maiorem posteritatis, quàm præsentis fructus, vel vllius emolumentum rationem haberemus. Quod cum ita sit, & multis cordatis viris exploratò constet, tui erit officij, petulantiores linguas tua salutari admonitione, ceu iniecto freno, à virulenta dicacitate & mordacitate inhibere. Sunt enim aliqui blaterones, quorum lingua tam est prodiga, volubilis atque infrenis, vt semper fluat, ac aestuet colluione verborum humidorum & lapsantium, non immeritò ab optimis quibusque vtriusque linguae principibus omnium atatum semper reprehensi & taxati, nimirum quod egregiè viderent atque intelligerent, ipsis verba non in pectore, vt Homerus Ulysem hoc nomine summopere commendat, sed in labris atque in ore nasci. Tuæ igitur etiam erit singularis benignitatis, me ab omni calumnia vindicare, & illorum petulantia tuam modestiam fortiter opponere. Hæc enim nullis quàm

erudi-

eruditis atque ingenuis hominibus scribuntur. Abutantur alij aliorum laboribus, ut volent, & sycophantico more proscindant nos pro libito publicè, ac priuatim; nihil moror, dummodò intellexero, hos nostros labores non aliunde pretium sumere, quàm ab optima & integerrima benemerendi voluntate atque constantia, parum medijsfidijs de illis sollicitus, quos vitium loquendi atque obtrectandi tenet, non aliter quàm veterinosum solet excruciare bibendi ac dormiendi morbus. Ceterum, ut huic narrationi finem faciam, epilogi loco obiter dixero, nihil me magis in præsentiarum habuisse in votis, quàm hunc nostrum partum, tot, uti diximus, naus & maculis aspersum, abluere, & in meliorem formam redigere ac reponere. Sed quòd vereretur, hunc nostri laboris fructum, qui non aliò respicit, uti iam sæpe dixi, quàm ad utilitatem publicam, & ad Reip. Genuensis dignitatem amplificandam, præuentione interceptum iri, non grauatè hoc consilijs ac precibus amicorum dedi, ut hoc opus, qualecumque etiam esset, in lucem emitterem, sperans, me deinceps omnia diligentius, quàm hæcenus, uti etiam superius memini, recogniturum & emendaturum. Vale, ac me, que tua est humanitas, ama.

EMENDANDA ET ADDENDA.

Pagina 2. circa finem totus pro totius. pag. 3. sub initium lege urbem ipsam sub temperatissimo cælo constitutam &c. pag. 6. inuadi pro adoriri. pa. 7. lin. 21. hostibus pro hoste. 12. ratas facerent pro ratificarent. 13. lin. 12. Brixiani pro Brixiam. In eadem pagina obseruabis, Amicum Grillum & Rogerium Iustinianum fuisse patricos Genuens. & propterea minimè ablegatos fuisse à rege Sicilia ad Senatum, sed contrà euenisse, ut scilicet ipsi à Senatu ad Siculam regem mitterentur. 15. vereque pro vera. 3. sub finem; essent pro erant. 46. lin. 6. post fœderatos deest, in promptu atque ad manus habebat. 66. lin. 13. lege Christina pro Christiana, & Georgij pro Gregorij. 68. lin. 26. iuxtaque pro iuxta. 83. lin. 7. consensu pro consensum. 99. 2. subinde est superfluum. 109. 3. 7. lege ex Alpibus agminatim. 100. 16. Orientale pro Orientalem. 123. distingue exerciti militiæ, 145. 9. Iliadem pro Iliadam. 153. 31. quibus pro quo. 161. Sauonenfis deest Episcopi, circa finem. 167. 20. Rep. pro Resp. 184. 28. agerque animi pro agei. 186. 31. lege, incolumitas bonorum conseruari possit. 189. sub finem, legem sancitam esse, pro lex sancita est, 192. 10. aspera pro asperæ, sub finem eiusdem pag. ipse, pro ipsi. 199. 33. respondisse pro respondit. 202. vltima lin. Saxellum pro Sacellum. 204. 5. indeque pro inde rursus eadem pag. Grimaldum pro Grimaño. 205. lin. 18. lege eodem anno ingenti caritate ac pænuria vini laboratum, 207. lin. 11. nihil tum amplius. 210. in penult. lin. lege Ioanne Carolo Aenobarbo, vulgò ab Eijsenbarde. 211. 24. Aloftain pro Aleftain. 218. vlt. lin. æmulis pro amulis. 219. 17. collocarat pro collocarant. 220. 20. fuerint pro fuerunt. 255. 2. Bracellum pro Baracellum. eadem pag. Macium pro Maciam. 272. 24. exorta pro exortæ. 606. pen. lin. tolerantia pro intolerantia. 285. lege Ioanne Philippo Fliscò. 306. sub finem deest ad officium redigeretur. 307. aliorumque pro aliorum. item quod si præstarent sine accentu. 308. circa initium sufficeret pro sufficerent. 325. constitutam pro constitutum. 423. constituerat pro constituerant. 342. lege quoad eius fieri posset. 357. 2. Ciboum pro Ciborum. 362. vlt. lin. rusticabantur pro rusticabatur. 570. Ciboum pro Ciborum. 381. 21. Miolanum pro Mediolanum. 425. circa finem Iulio secundo pro tertio legendum. 427. 13. sui pro siue. 430. 21. lege si pari &c. 431. sub finem cecidisse narrant. 449. cum Francisco pro Ludouico. 453. denunciabat pro denunciabant. 478. 14. deest ad maiorem in posterum &c. 509. in medio pag. exereuit pro excreuit. 533. tertia lin. infelicitatis pro felicitatis. 553. sub finem inuoluatur pro inuoluantur. 570. in medio pagina pro inter vtrumque regem, lege inter Gallos & Hispanos. In margine pag. 354. loco Pauli Fulgosi apponatur Prosperi Adurnij. Item in margine 367. Conradi Stanghar Mediolanensis Principis legati. Reliqua, si qua inciderint errata, benignum lectorem facile condonaturum spero.

LEGES NOVÆ
REIPUBLICÆ

GENVENSIS,

A LEGATIS SUMMI PONTIFICIS,

CÆSARIS, ET REGIS CATHOLICI,

In quos per Rempublicam collata fuerat
auctoritas, conditæ,

ET GENVÆ DIE XVII. MARTII

M. D. LXXVI. PVBLICATÆ.

P R O O E M I V M.



POST restitutam Genuensi Reipublicæ Libertatem, quæ Andrea Principis Auria, cuius optimi, ac de Patriæ dignitate, & salute potius, quàm de propria solliciti, Virtute, & beneficio donata, ac recuperata fuit: cœperunt paulatim, ac sensim in animis Ligurum serpere tacitæ simultates, ac occulta dissidia, quæ postmodum tractu temporis, crescente hominum cupiditate, & ambitione, florentibusque diuitiis (vt opulentia comes est superbia) ita exarsirunt, vt nata continuo ex nimia felicitate intestinae seditiones, publicos in ciuitate tumultus, & ciuilia bella excitarent. Iamque eò ventum erat, vt omnes Italiae Principes ex his rerum initis, supremas, ac miserabiles periclitantis Reipublicæ clades omnarentur, atque inde timerent, ne bellum in Italia omnibus exitiabile, nec facile extinguendum exardesceret: Quando Gregorius Decimus tertius Pontifex Maximus, Maximilianus Caesar Secundus, & Philippus Secundus Hispaniarum Rex, de Reipublicæ Genuensis salute anxij, ac Italicæ quietis studiosissimi, singulari clementia, ac pietate permoti, Legatos ad Rempublicam miserunt, quie eorum auctoritate, & prudentia, tumultibus, dissidiis, & controuersis sedatis, restitutaque pristina quiete, Italicis tumultibus iam pullulantibus occurrerent. Hi fuere Ioannes Episcopus Ostiensis Cardinalis Moronus, Sacri Collegij Cardinalium Prior, Legatus è Latere, &c. Petrus Faunus Costacharius Acquensis Episcopus, ac Imperij Princeps, Oratorque & Commissarius Casareus: Don Carolus à Borgia Gandia Dux, ex primariis Hispaniarum proceribus: Et Don Ioannes de Idiaquez, Catholici Regis Consiliarius, & apud eosdem Genuenses Orator. Expositis autem Principum suorum mandatis, & obtentis à Republica, pro ea reformanda, amplissimis facultatibus, nihil habuerunt antiquius Legati, quàm Rempublicam malè compositam, ac proinde fluctuantem, sanctissimis Legibus, & Decretis instituere, ac stabilire: Ligurumque ingenia nimia felicitate lasciuiencia, & inter se dissidentia componere. Id, quod DEO optimo maximo bonorum omnium auspice, & authore, fuerunt consecuti. Quod igitur felix, faustumque sit, prodeunt in lucem sacrosanctæ Leges pro Genuensis Reipublicæ reformatione, sub felicissimis tantorum Principum auspiciis conditæ, quibus posthac in ea ciuitate viuendum erit. Quæ vti à prudentissimis viris, & suapte natura, & ingenio, quàm maximè ex Principum suorum iussu Genuensis libertatis studiosissimis, summa diligentia, & studio compilatæ sunt, ita ab omnibus istius Reipublicæ ciuibus alacri, & prompto animo recipi, admitti, & tamquam sola, & vnica salus labentis, & cadentis Reipublicæ, & Libertatis obseruari debent.

iij
MÆ

IN NOMINE SANCTISS. ET INDIVIDVÆ TRINITATIS.

IOANNES EPISCOPVS OSTIEN. CARDINALIS MORONVS, SACRI COLLEGII PRIOR, SANCTAEQ. SEDIS APOSTOLICAE DE LATERE LEGATVS, &c.

PETRVS FAVNVS COSTACHIARIVS, SACRI IMPERII COMES, ET PRINCEPS, EPISCOPVS ACQVENSIS, CAESAREVSQVE ORATOR, ET COMMISSARIVS, &c.

DON CAROLVS A' BORGIA GANDIAE DVX, &c. ET DON IOANNES DE IDIAQVEZ, SACRAE CATHOLICAE MAIESTATIS CONSILIARIVS, ET APVD GENVENSES EIVSDEM ORATOR, AMBO MINISTRI CATHOLICI REGIS, &c.

DE RELIGIONE.

CAPVT I.



D MONENT NOS & sacrosanctæ Leges, & Prudentum responsa, vt, antequam de formanda Republica, & de humanis Legibus condendis cogitemus, ad Christianæ Religionis cultum respiciamus. Adducimur etiam exemplo nonnullarum Prouinciarum, quæ statim atq. à Religione Christiana deuiarunt, & declinarunt, ipsæ etiam declinare, ac demum ruere cœperunt. Propterea prospiciētes Rempubl. Genuensem semper, & omni tempore Christianæ Religionis cultricem fuisse, existimauimus illud tantum esse prouidendum, vt illustrissimus Dux, & Gubernatores statim atque petiti fuerit à reuerendissimo Antistite, in causis quæ ad forum suum spectant, & à reuerendo Inquisitore, pro coërcendis, & castigandis Hæreticis, & suspectis, brachium, & auxilium suum promptè concedere debeant. Insuper aduertent, & cauebunt ne aliquid contra clericorum personas, bonæ Ecclesiasticae, eorūve immunitates, aut aduersus Ecclesiasticam libertatem aliquid committant, aut à Magistratibus committi permittant. Et quoniam Principis, & supremorum Magistratuum mores in ciuitate maximè obseruantur, & spectantur, excitanturque populi, & subditi maiorum exemplis ad eorum imitationem; vt cultus diuinus principaliter obseruetur, hortamur excellentissimum Ducem, Magnificos Gubernatores, & Procuratores, ceterosque in ciuitate Magistratus, vt diebus saltem Paschatis, & Natiuitatis Domini, in Ecclesia Archiepiscopali à reuerendissimo Præsule sanctissimam Eucharistiam publicè, & reuerenter sumant; diebus sollemnibus in Ecclesia maiori manè conueniant; ibi diuina, Verbumque Dei audiant, & tempore Quadragesimæ prædicationibus frequenter intersint.

Constitutio vnici ordinis, & de reassumendis naturalibus familiis.

CAPVT II.

AD Reipublicæ Genuensis instaurationem, aut potius institutionem manum apposituri, iuxta Principum nostrorum facultatem, & auctoritatem, illud primò ante oculos habuimus, nihil esse quod rectè institutam Rempublicam facilius labefactare, eiusque radices, ac fundamenta radicitus, & funditus extirpare, atque euellere possit; nihil quod eiusdem vitalem spiritum penitus extinguere valeat, quàm ordinum, nominum, colorūve diuisio, & disparitas, ac perniciosæ in ciuitate ciuium factiones. Neque enim dubitandum est, quin statim atque abominanda hæc pestis in Republica fundamenta iecerit, ciues omnes, posthabito publici, ac communis boni, & commodi studio, ac desiderio (quod in libero ciue præcipuum esse deberet) ad proprii coloris augmentum, & ad contrariæ factionis oppressionem temerario impetu ac cursu impellantur: quæ postmodum futuræ & proximæ Tyrannidis

speciem aut imaginem referunt. Id, quod in hac potissimum Genuensi Republica proprium, & præcipuum esse, tum prisca, & vetera, tum etiam noua exempla (quod summæ miserationis est) clarissime demonstrant, & oculis nostris subiecerunt. Hisce igitur exemplis, imo certa ratione commoti (quod instaurandæ huius Reipublicæ caput, & basim existimauimus) hac perpetua, & inuiolabili Lege sancimus, & decernimus, tollendas esse omnes diuisiones, quæ hæcenus in hac ciuitate malo suo extiterunt, tam quæ nomina, aut cognomina personarum, quàm quæ ordinum, colorum, factionum, aut locorum denominationem concernunt; atque ita tollendas, vt & radicitus extirpatæ, & à memoria hominum deletæ, & abolitæ penitus, & in totum esse censeantur. Et vt facilius hoc animi nostri propositum executioni demandari possit: volumus, & expressè mandamus, abroganda, & antiquanda esse nomina nobilium Veterum, & Nouorum, seu Aggregatorum, aut Popularium, eorumque, qui intus, forisve sunt, Porticuumque sanctorum Petri, & Luca, & omnia alia nomina, cognomina, appellationes, & denominationes, tam personarum, quàm colorum, aut factionum, familiarumque, aut (quod dicitur) Albergorum, necnon locorum, & porticuum, quæ hæcenus in vsu, aut potius ab vsu fuerunt, & omnia alia, quibus inter ciues diuisio induci, aut conseruari possit; ita vt qui posthac hæc abominabiles recordationes, aut quamlibet earum renouare, aut instaurare ausus fuerit, aut de eis contentiosè loqui, omnibus honoribus, & commodis Nobilitatis ipso iure, & facto priuatus censeatur. Declarantes insuper pro bono, iusto, quieto, & pacifico Reipublicæ regimine, omnes, qui nunc in libro Ciuitatis descripti sunt, & qui in futurum iuxta legum nostrarum formam describentur, & omnem earum dispositionem explebunt, ita in ipsa Reipublicæ administrandæ iurisdictione, & auctoritate esse pares, & æquales, vt nulla penitus disparitate, aut inæqualitate discernantur, & non minus, ac si eadem die, & hora omnes ad moderandæ Reipublicæ facultatem promoti, aut euecti fuissent. Volumusque nunc, & perpetuò adesse vnum, solum, & singularem, nullisque terminis, aut numeris diuisum Nobilitatis, & ciuium Reipublicam administrantium ordinem.

Insuper cum vsus ipse planè docuerit omnes hæc priuatas similitudines, ciuiliaque, ac intestina dissidia originem, fomentum, ac incrementum habuisse ab his assumptionibus alienarum familiarum, & insignium, quæ per eos qui Nobilitati ascribebantur, hæcenus factæ fuerunt; volentes hanc malorum omnium radicem, & caput tollere, & extirpare; Mandamus, & enixè iniungimus omnibus, & vniuersis ciuibus in libro Ciuitatis descriptis, & qui ab anno 1528. citra alicuius familiæ nomen, & stemmata assumpserunt, vt in futurum, & perpetuò ipsi, ac eorum descendentes propriæ, ac naturalis familiæ insignibus, cognomine, & denominatione tam in voce, quàm in quacumque publica, aut priuata scriptura vtantur, dimisso penitus nomine, & appellatione cognominis assumpti, & insignibus. Non obstantibus quibuscumque Statutis, Legibus, Decretis, aut consuetudine, in contrarium disponentibus. Idem intelligatur in omnibus, & per omnia in his qui in futurum in ordinem Nobilitatis cooptabuntur.

Declaratio artium Mechanicarum.

CAPVT III.

ANGUSTIÆ loci, & hominum multitudini, ac regionis sterilitati compatientes, ipsius denique ciuitatis antiquum morem maturè considerantes; Declaramus artes infra scriptas, si modò quæ infra exerceantur, nihil præiudicare Nobilitati; artes scilicet Serici, Lanæ, & Pannorum, quas vulgus Seateriam, Lanariam, Pannariâ & Draperiam vocat. Eademque ratione artem eam qua quis merces omnium rerum in magna quantitate, & non minutatim vendendas in officina aliqua retinet, qui lingua materna *Fondaghieri all' ingrosso* nuncupantur; dum tamen Nobiles ipsi neque eas propriis manibus exerceant, neque in apotheca resideant.

Notarios insuper, qui instrumenta, & vltimas hominum voluntates domi suæ, vel in infirmorum ædibus conficiunt; dum tamen nec scamnum, seu apothecam priuatim, aut publicè retineant, nec præcepta scribant, minusque apud aliquod tribunal actuarij existant; dignitati suæ, ac Nobilitati nequaquam derogare decernimus.

Nobiles præterea, qui rei nummaria, ac cambiorum negotiationi operam dant, dummodo contractus foeneraticios, & cambia illicita, & à sanctionibus Pontificiis damnata non exerceant, ad Magistratus, & alias ipsius ciuitatis dignitates admitti possint. Si secus fecisse legitimè damnati fuerint, ultra alias pœnas à iure inflictas, omnibus Magistratibus, ac dignitatibus, & in administratione Reipublicæ honoribus ipso iure priuati sint.

De his

De his verò Nobilibus qui publica vectigalia, quas gabellas passim nuncupamus, & publicos redditus emunt, conducuntve; illud statuendum esse duximus, vt inter Nobiles cense-
feri valeant, si à mercenariis, & exploratorum officiis hoc in negotio abstinerint, & præser-
tim si nec ad portas, pontesve in spectandis mercibus, nec in lustranda regione pro exploran-
dis fraudibus, vel mercede conscribendis licentiis, aut libris, aut aliis huiusmodi operam
suam impenderint.

Eos quoque summa ratione à Nobilitate non esse excludendos arbitrati sumus, qui nau-
gationi egregie operam dant: quòd antiqui Genuenses his artibus magnum Patrie, & sibi no-
men compararunt, posterisque suis gloriam propagarunt, indeque quotidie Vrbi ipsi maxi-
ma commoda proueniant. Itaque Nauarchos, quos vulgus magnarum Nautium, & Tirci-
mum Capitaneos, & Patronos vocat, nequaquam Nobilitati suæ derogare decernimus.

Ceteras autem omnes alias artes, in quibus manuum artificium versatur, & præsertim
quando res emuntur, vt in aliam formam manuum opera mutantur, & vendantur, Mecha-
nicas, & Nobilitati repugnantes declaramus.

De Nobilibus nunc, & quotannis creandis.

C A P V T . I I I I .

CVPIENTES Rempublicam hanc quotidie magis augeri, & florescere, existimauimus
nihil esse quòd ei maius incrementum asserere possit, quàm si bonis ciuibus, & qui in
Rempublicam propenso sunt animo, quorum numerosa est in hac ciuitate copia, conse-
quenda Nobilitatis præmia proponantur: hoc enim pacto fiet, vt multi hac spe gloriae, &
honoris allecti, ad virtutem, ac ad de Republica benemerendum accendantur.

Nobiles pro hac prima vice quomodo creandi.

HI igitur qui hodie ad Nobilitatem aspirant, vel eam quouis iure, aut decreto sibi debe-
ri prætendunt, describi se curabunt apud quem Senatus decreuerit. Mox ex illustri-
mis duobus Collegiis quinque sorte extrahentur, qui pro hac vice Magistratus officio fun-
gentur. Iurabunt isti in primis in manibus Ducis se legaliter, & fideliter, ac secreto munus
suum expleturos. Habebit hic ordo notulam omnium prætendentium, seu candidatorum,
& omni diligentia, fide, ac silentio sine scriptura aliqua singulorum qualitates inquiret, rece-
ptasque vniuscuiusque informationes Senatui, duobus Collegiis, ac minori Concilio simul
coactis fideliter referet. Quibus maturè perpensis, si quis eorum duas partes ex tribus suffra-
giorum feret, ascriptus Nobilitati censebitur; qui verò secus, pro ea vice à Nobilitate exclu-
sus erit. His, qui hac prima vice inter Nobiles assumi cupiunt, si Genuæ, vel in Dominio fue-
rint, statutum intelligatur tempus sex mensium à die promulgatarum præsentium Legum;
intra quod assumi curent; his verò, qui absentes erunt, anni vnus. Quòd si in dicto tem-
pore non assumuntur, sciant se omnino, & prorsus exclusos esse à sua præensione. Non ob-
stantibus quibuscumque Decretis, siue generalibus, siue particularibus, aut descriptionibus
quibuscumque; quæ omnia penitus, & in totum irritamus, & annullamus. Declarantes
hisce saluum esse ius tantum, hanc assumptionem obtinendi in numero eorum qui quotan-
nis ad Nobilitatem euocandi sunt: si modò seruarint ea quæ in præsentì Sanctione sancita
sunt. Ceterum his qui hac prima vice ad Nobilitatem aspirant, non oberit artes Mecha-
nicas exercuisse: modò eas omnino dimittant ante assumptionem. Aliis autem qualitati-
bus, quas in his qui iure ordinario, & in singulos annos cooptandi sunt, requisuimus, nullo
pacto careant. Filij, quos Nobiles isti postmodum de legitimo matrimonio suscipient, & ipsi
Nobiles intelligantur.

In Nobilium numero descripti, qui hactenus artes Mechanicas Nobilibus præsentium
Legum vigore interdictas & exercuerunt, & exercent, intra annum à promulgatione præ-
sentium, verè, & cum effectu eas dimittant. Interim verò priuilegiis Nobilitatis non ca-
reant. Quòd si intra alium annum, quem ex post ex gratia indulgemus, intra quem tamen
perfrui Nobilitate non licebit, omnino artes Mechanicas non reliquerint, statim ipso iure,
& facto perpetuò à Nobilitate eieccti censeantur. & vti Legum, & Nobilitatis contemptores,
non possint amplius ad eam restitui. Horum filij, dum pater inter Nobiles erat, natis non
oberit paterna eiecctio, modò ipsi à Mechanicis artibus abstineant, nec aliud priuatione di-

gnum committant. Post verò eiectionem, & ante adeptam Nobilitatem nati non censeantur Nobiles; sed virtute ad instar ceterorum viam sibi ad parandam Nobilitatem sternant.

Insuper statuimus, vt singulis annis in ipso Ianuarij mensis initio illustrissima Dominatio, cum duobus Collegiis, ac minori Concilio diligenter consideret, ac perpendat, an eo anno aliqui sint inter Nobiles adscribendi. quòd si visum fuerit aliquos cooprandos esse, non possit vltra decem, ex ciuitate scilicet septem, ex Ripariis verò tres, Nobilitate insignire. Cum igitur de assumendis Nobilibus decretum fuerit, illustrissima Dominatio, descriptis omnibus vtriusque Collegij nominibus, curabit diligenter, vt sorte quinque extrahantur, qui omni diligentia, fide, silentio, & prudentia, & sine vlla prorsus scriptura informationes vniuersaliter sumant, quinam illi sint in ciuitate, & Ripariis, quos magis Nobilitatis splendore dignos, & Reipublicæ profuturos existimarint; vt suo tempore in Senatu, & minori Concilio distinctè, & sine vlla fraude referre valeant. Quod vt melius & salubrius efficere possint, coram excellentissimo Duce iuramentum præstabunt, quòd eorum munus fideliter explebunt. Et nihilominus qui vota dare debebunt, ipsi quoque norint, se ceterorum diligentia à propria negligentia non esse excusatos.

Hos autem, qui hoc splendore Nobilitatis colonestari cupiunt, conuenit bonæ vocis, & famæ esse; ex legitimo matrimonio natos; ab omni arte Mechanica per triennium antè abstinuissè; omnique hæreticæ prauitatis, seditionis, aut criminis infamiam irrogantis labe mundos esse; ciuitatemque Genuæ, vel Riparias (debitè referendo,) cum vitæ integritate, morumque honestate diutina, maiorum habitatione incoluisse oportet.

*Qua ratione ipsis ciuibz sit viuendum, & ad regimen
Reipublicæ accedendum.*

CIUEs ipsi, postquam Nobilitate modo quo suprà insigniti fuerint, non possint amplius in futurum aliquam artem Nobilibus prohibitam exercere; aliàs ipso iure, & facto priuati Nobilitate perpetuò existant.

Ad Concilium autem maius non prius admittantur, quàm per quatuor annos Legem Nobilitatis seruauerint. Ad minus Concilium, ac Magistratus, tam in dominio, quàm in ciuitate, dempto Senatu, Procuratoribus, ac supremis Sindicatoribus, non prius promoueantur, quàm sex anni fluxerint à die cooptationis in ordinem Nobilitatis. Inter Senatores, & Procuratores non describantur, nisi lapsis annis decem ab adepta Nobilitate. Ad supremum verò Ducatus culmen, non nisi annis quindecim elapsis, euehi possint. In reliquis verò aliorum Nobilium commodis perfruentur.

De conscribendo libro Ciuitatis.

C A P V T V.

CVm administratio Reipublicæ Genuensis his tantum ciuibz credita sit qui in libro Ciuitatis descripti sunt, & pro tempore legitime describentur; existimauimus conuenire, quòd liber hic certa aliqua cum ratione, & Lege compiletur, & regatur, conscriptusque diligenter custodiat. Propterea volumus quàm primum in libro egregie compacto, & confuto, & numeris suis in vnaquaque pagina distincto, describi per Cancellarium, aut Scribam ab illustrissima Dominatione deputandum, præsentibus tamen illustrissimo Duce, & duobus ex Magnificis Gubernatoribus sorte extrahendis, omnia nomina eorum ciuium, & Nobilium Genuensium, qui in libro Ciuitatis nunc descripti reperiuntur, cum eorum nominibus propriis, ac patrum suorum, & cognomine propriæ ac naturalis familiæ suæ, dimissa assumpta, si quam habent. His addi volumus nomina omnium quos ex his qui descripti sunt, legitime natos esse constiterit: etiam quòd absentes à ciuitate sint. Alios verò, si quos describi contingeret, non nisi seruata forma à nobis præscripta, in eo libro referri volumus.

De libris Nobilitatis diligenter custodiendis.

C A P V T VI.

POstquam Nobilitatis liber modo, quo iam sanximus, completus erit; volumus eius exemplar fideliter, & ad verbum expleri. Horum alterum illustrissima Dominatio, alterum magnifici Procuratores perpetui seruabunt. Nemo audeat super aliquo eorum scribere,
nec no-

nec nouum aliquod nomen, aut familiam addere, aut iam inscripta nomina, aut familias delere, aut in eis, eorumve aliquo quicquam penitus, nec syllabam immutare, nisi Cancellarius ad id per illustrissimam Dominationem deputandus; atque id, non nisi praesente, & mandante illustrissimo Duce, & duobus ad id muneris nominandis, nec super aliquo eorum aliquid inscribat, aut aboleat, nisi etiam super altero itidem perficiat. Et haec omnia obseruari volumus sub poena falsi. Statim autem ac omnia inscripta erunt, quae illustrissimus Dux, & duo deputandi ut supra mandauerint, libri in locis iam destinatis reponentur. Quod si in aliquo horum aliquid abrasum, aut additum, quod suspicionem pariat falsi, comperietur, sciant hi quorum fidei librorum custodia commissa est, se huius temerarij facti, aut negligentiae suae rationem reddituros.

Compositio urnae pro Seminario maiorum Magistratuum.

CAPVT VII.

CONSERIPSIMVS centum & viginti Patres ex toto Reipublicae corpore summo studio & diligentia selectos; qui prudentia, virtute, rerum experientia, & in Patriam meritis visi sunt praestantiores. Qua in re illud tantum in animo habuimus, ut Reipublicae conseruationi, & publicae quieti hac optimorum virorum electione consuleremus. Eorum autem nomina in urna reponi iussimus; ut maiorum Magistratuum, quorum consilio haec Respublica in futurum moderanda erit, celebre, atque elegans sit Seminarium. Verum non videtur plenè satis factum nostris mentibus; nisi etiam provideatur, quo pacto Seminarium hoc, tanta cum ratione constitutum, à fraudibus, quae contingere possent, factum, tectumque conseruari debeat; qua item ratione extrahendorum deficientium, aut eiiciendorum (si qui erunt) numerus singulis annis suppleri possit. Sancimus igitur in primis horum nomina cum familiae, & patris denominatione in membranis, seu chartulis eiusdem materiae, formae, ac magnitudinis describi; easque vniformi ratione complicatas in capsula ferrea reponi debere; quae sine trium clauium diuersarum ministerio aperiri non possit. Harum vnā excellentissimus Dux, aliam Procurator natus maior, tertiam verò Cancellarius ab illustrissima Dominatione deputandus seruabunt. Claudetur capsula haec ita firmata in alia ferrea, quae excellentissimi Ducis fidei committetur. Clauium autem duarum, & diuersarum quarum opera capsula haec maior referenda erit; altera apud vnum ex supremis Sindicatibus qui alios aetate praecelat; altera apud vnum ex Legum Conseruatoribus custodietur.

Ad haec volumus praecipuum librum confici, in quo uti diligenter & fideliter eorum ciuium nomina, prout in membranis, & chartulis quae in capsula conduntur, iacent, descripta erunt, ita deficientium extrahendorum, nec non eorum qui tamquam facti indigni eiiciuntur, nomina, & ex aduerso nomina eorum quos in talium locum subrogari continget, indices referri debere decernimus. Huius autem libri custodiam, & rationem Conseruatoribus Legum committendam duximus.

Vbi electio aliqua facienda erit Gubernatorum, & Procuratorum; quae in singulo semestri medio mense Iunio, & medio Decembri fiet coram duobus Collegiis, ac Concilio minori, adstantibus etiam Conseruatoribus Legum; illustrissimus Dux capsam deferri mandabit, & per puerum annorum ad summum decem ab illustrissima Dominatione vocandum; quem tunc publicis impensis vestiri volumus, aperire, ab eaq. per eundem puerum quinque nomina, aut chartulas quae prius sedulo commixtae sint, extrahi; ex quibus, tres, quorum nomina primo loco educantur, Gubernatores, & duo postremi Procuratores constituentur: si tamen prius Conseruatores Legum eos superstitibus esse, & praesentes, vel non distantes à ciuitate centum millibus passuum, ita ut termino quindecim dierum vocati ad Magistratum accedere possint, nec ex Legum nostrarum serie aliquo modo factos indignos recognouerint. Si ex his qui sorte extracti erunt, aliqui mortui sint, aut postquam in urna conditi sunt, facti indigni ex Legum nostrarum norma; nulla harum chartularum ratio habeatur: sed alij eorum loco statim educendi erunt per puerum. Quod si in eis aliqui erunt absentes ultra centum millia, eorum nomina in urnam, aut capsulam reponentur, aliis extractis. Si verò ex his quos puer primò educet, reperiantur duo, aut tres vnus familiae, ita existimauimus conuenire, ut primus in Gubernatorum numerum electus intelligatur, secundus in Collegium Procuratorum cooptatus; tertij verò nomen, seu chartulam in urnam reponi mandamus. Si verò ex vltimò extractis ambo reperiantur eiusdem familiae, postremum

in urnam coniiciendum esse, altero educto, volumus. Eorum munus biennio duret, quo lapso, omni Magistratu vacent.

Vbi supplendus erit numerus extractorum, mortuorum, & eorum qui vti facti indigni, eiicientur, quem omnino in fine cuiuslibet anni suppleri volumus; eliget mense Decembri Concilium minus, concurrentibus tribus partibus ex quinque suffragiorum, ex vniuersa Nobilitate duplicatum numerum eorum qui reponendi sunt in urnam; qui tamen requisitis qualitatibus non careant. Horum nomina ad Concilium maius mittentur; quod, sumptis de more suffragiis, frequentiori calculo eliget eos qui ad complendum urnæ numerum necessarij sunt; & vbi paribus votis contendatur, nec contentio bis sumptis suffragiis tolli posse videatur, tunc sorte ex eodem Concilio quinque eligantur, qui paritatis contentionem votorum imparitate tollent. Si de aliquo qui præsens sit, suffragia ferenda erunt, ipse omnino à voto abstinebit, ne in propria causa iudicium ferat. Idem intelligatur sancitum vbi de patre, filio, fratre, focero, aut genero suffragia ferenda erunt. Licebit unicuique in Concilio minorum vnum tantum omnium votis discutiendum nominare; modò nec patrem, nec filium, nec fratrem, nec focerum, aut generum nuncupet. Horum, qui Concilij maioris iudicio aptiores fuerint existimati, nomina in chartulis, seu membranis conformibus, & paribus, ut dictum est, conscribantur, & in capsula recondantur, necnon in librum diligenter referantur.

Firmatio numeri Gubernatorum, & Procuratorum.

CAPVT VIII.

SANCI MV S in posterum Collegium Gubernatorum ex duodecim ciuibus consistere. Procuratorum verò ex octo, vltra perpetuos.

Quòd in Collegio Gubernatorum, nec Procuratorum non possint duo ex eadem familia esse.

CAPVT IX.

VT autem vnusquisque in partem munerum & Magistratuum se vocatum esse sentiat; volumus geminos ex eadem familia in Gubernatorum, nec Procuratorum Collegio eodem tempore positos esse; vnum verò in singulo Collegio concedimus, vltra Ducem, & perpe tuos.

De qualitatibus, quæ in Magistratibus ciuitatis requiruntur.

CAPVT X.

NVL L Y S ad Magistratus, nec ad aliqua ex Concilijs assumatur, nisi habeat in ciuitate Genuæ domicilium, aut in ea habitet. Habitare autem, & domicilium habere quis intelligatur, si cum parentibus, aut in domo conducta in vrbe maiori anni parte viuat.

De maiori Concilio.

CONSILIARI I maioris Concilij, quod Principis, seu Reipublicæ personam refert, minores annis viginti quinque ne sint: liceat tamen his quibus creandi huius Consilij auctoritas data est, vsque ad sexaginta eligere, qui vigesimum secundum annum exceßerint: si ita eis expedire videbitur. Artem aliquam Nobilibus non concessam per triennium antè non exercuerint. Excipiuntur ab hac sanctione hi qui vigore præsentium Legum in termino anni, aut biennij artes Mechanicas deseruerint.

De Concilio minori.

QVI ad Concilium minus euocandi sunt, pro medietate annorum sint non minus triginta: pro alia verò ad minus viginti septem (Doctoribus, & Medicis exceptis) qui, si reliquis qualitatibus non carebunt, biennio antè recipi poterunt. Sint ciuitatis habitatores. commodum habeant in ciuitate, aut dominio patrimonium. Artem aliquam Mechanicam, & Nobilibus non concessam per quinquennium antè non exercuerint.

De Ma-

De Magistratibus ciuitatis.

QVI in ciuitate Magistratum aliquem obire sperat, sit Nobilis, & maior annorum viginti septem. artem aliquam Nobilibus interdictam per annos octo non exercuerit. Ad duos Magistratus obeundos eodem tempore nemo admittatur; quod si quis ad secundum eligatur, possit, primo retento, alterum repudiare; vbi verò reiecto primo, secundum maluerit, disponatur de primo iuxta Legum decreta.

De electione triginta Electorum.

CAPVT XI.

IN fine Decembris cuiuslibet anni coram illustrissimis Collegiis conueniet Concilium minus in numero à nobis præscripto; ibique licebit unicuique eorum ciuem vnum, modò non sit pater, filius, frater, socer, aut gener, nec à ciuitate absit: vbi tamen in eo concurrant qualitates, quas in Concilij minoris Patribus requisitiuimus, ex vniuerso Nobilium cœtu nominare; & concurrentibus tribus partibus ex quinque, seliget triginta ciues optimos: quibus electio maioris, & minoris Concilij commissa erit. Quod si de aliquo, qui Concilio intersit, aut eius patre, aut filio, fratre, socero, aut genero suffragia ferantur; aduerrent Conseruatores Legum, & auctoritate Excellentissimi Ducis providebunt, vt ille omnino à voto abstineat. eademque auctoritate providebunt, ne Consiliarij, etiam ex causa necessaria, à Prætorio recedant, nisi perfectò opere quod cœperunt.

De electione maioris Concilij.

CAPVT XII.

HORVM triginta ciuium, qui Electores vocantur, munus erit eadem die, vbi id fieri possit: sin minus, immediatè sequenti summo manè, auditis prius diuinis, coram Illustrissimo Duce, & Gubernatoribus in Prætorio conuenire; ibique ex vniuersa ciuium Nobilitate, demptis absentibus, hisque qui tunc Consiliarij munus obeunt, & quibus qualitates à Lege requisitæ deficiunt; quadringentos Patres eligere; qui futuro anno Concilium maius, & personam Principis, seu Reipublicæ referant; concurrentibus tamen tribus partibus ex quinque suffragiorum. Inter hos autem licebit eis vsque ad sexaginta ciues in eo ordine referre, qui annum vigesimumsecundum tantum exccesserint: si ita eis expedire videbitur.

De electione Concilij minoris.

CAPVT XIII.

CONSCRIPTA hac electione Patrum, ex eis seligent eodem ordine, & numero suffragiorum centum viros, qui qualitatibus à Lege requisitis non careant. Hi autem ita electi Concilium minus conficiant. Quod si numerosæ hæ electiones prima die absolui non poterunt, redibunt Electores sequenti die; nec à Prætorio discedere audebunt, nisi perfectò negotio. Confidimus autem Electores pro eorum virtute, & prudentia, posthabitis omnibus affectibus, aptiores, & digniores ad vnumquodque munus nuncupaturos, & familiarum omnium congruam rationem habituros.

De tollendis controuersis, quæ in electione triginta Electorum oriri possent.

CAPVT XIV.

LI CET, sublatis antiquis Legibus, quæ quandoque in Republica discordiis, & simultatibus inter ciues causam aut occasionem præbuerunt, introductisque nouis Legibus, ac conciliatis ciuium inter se animis; auxiliante DEO optimo maximo bonorum omnium auctore, nobis iure sperandum sit, Rempublicam hanc optimorum ciuium consilio, & auctoritate, semotis penitus omnibus simultatibus, ac dissidiis, administratum iri, & omnium Magistratuum electiones summa cum animi temperatâ, & moderatione fieri debere; nihilominus ad ea etiam prospicientes, quæ vix accidere posse cõfidimus, existimauimus non esse ab re, si certam aliquam formam hisce Magistratuum electionibus præscriberemus: vbi aliquas earum

earum in controuersiam deduci continget. Iccirco vbi Concilium minus in legitimo numero coactum pro seligendis triginta ciuibus, ad quos paullo antè diximus pertinere ius constituendi Concilium maius, item minus, id operis termino horarum octo non perfecit; Volumus ex numero Gubernatorum, & Procuratorum, qui præsentes erunt, educi forte quatuordecim, qui, iuncti Concilio minori, concurrentibus tribus partibus ex quinque, ex his omnibus, qui prius per Concilium minus nuncupati fuerunt, tot eligant, quot ad implendum numerum triginta necessarios esse cognouerint. quòd si hi omnes, modo quo suprà, non poterunt numerum triginta electorum sex horarum spatio implere, termino horarum duarum cum frequentiori suffragiorum numero implere electorum numerum conabuntur. Quòd si id assequi non poterunt, ex hoc corpore (nempe Concilij minoris, & adiunctorum,) volumus sorte vndecim Patres tolli, qui voto careant. reliquos verò ex iisdem nuncupatis, concurrentibus pluribus votis, eos eligere debere, qui ad implendum numerum triginta Electorum defuerint.

De tollendis controuersis, quæ in electione maioris Concilij oriri possent.

CAPVT XV.

POST QUAM triginta, quos Electores diximus, de vniuerso Nobilium cœtu, demptis inhabilibus, & aliis, quos suprà diximus, sumptis de more suffragiis, periculum fecerint; nec reperti fuerint tot ciues qui, concurrentibus decem & octo votis, pro implendo Concilio, idonei iudicati fuerint; iterum per eosdem Electores de his omnibus qui prius integrum & præscriptum suffragiorum numerum non retulerunt, vota ferantur. Et vbi secunda hac vice nec dum opus perfici possit, mandamus decimari numerum Electorum sorte; ita vt vacantibus tribus à suffragio, cum frequentiori reliquorum voto deficiens Concilij maioris pars suppleatur.

De tollendis controuersis, vel in eligendo Concilio, casu subortis.

CAPVT XVI.

QUOD si in eligendo minori Concilio, sumptis suffragiis super vniuerso Concilio maiori prima vice, numerus impleri non possit; volumus iterum sumi suffragia de his qui, licet habiles sint, tamen integrum, & legitimum numerum non retulerunt. & vbi, concurrentibus tribus ex quinque votorum partibus, non possit centumuiralis ordo compleri, tunc cum maiori suffragiorum numero deficiens Concilij minoris pars eligatur. quòd si adhuc difficultate paritatis laboretur, mandamus sorte decimari numerum triginta Electorum; vt eiectis tribus votis, paritate omnino sublata, maior suffragiorum frequentia Concilium minus impleat.

De tollendis dissidiis, quæ in eligendo duplicato numero pro implendo Seminario oriri possent.

CAPVT XVII.

SI verò in electione duplicati numeri per Concilium minus eligendi, eorum qui quotannis subrogandi sunt, vt in vnam, aut Seminarium eorum nomina coniiciantur, aliquæ emergant difficultates; illud, pro eis superandis, seruare mandamus, quod suprà, in creandis per minus Concilium triginta electoribus, fanciuimus.

De subrogationibus Magistratum, aut Officialium.

CAPVT XVIII.

VBI vel morte, vel absentia, vel alia ex causa Magistratum aliquem, aut Consiliarij munus vacare contingat; hi, quibus subrogandi auctoritas demandata est, alterum in eius locum quamprimum eligant, qui eas qualitates, & condiciones habeat, quæ Legibus nostris præscriptæ sunt; seruentque eisdem modos, & formam, quæ in principalis delectione seruata fuit. Auctoritatem verò supplendi deficientes in vtroque Concilio, duobus Collegiis, ac minori Concilio præsentium vigore demandatam esse voluimus.

Quot

Quot vota requirantur in decisionibus Collegij Gubernatorum?

CAPVT XIX.

EA, quæ à Gubernatorum Collegio, & tractanda, & stabilienda erunt, si octo suffragiis concurrentibus approbata fuerint, decreta & sancita intelligantur, & executioni mittantur: saluis tamen, & exceptis his casibus, in quibus certa Legè maiorum suffragiorum concursus requisimus.

De tollendis contentionibus, quæ in dicto Collegio oriri possent.

CAPVT XX.

QUOD si aliqua suboriantur contentiones, atque ea ratione negotia expediri non possint; Volumus Collegium Procuratorum vocari, vt collato simul negotio, interueniente legitimo suffragiorum numero, quod iustum, & conueniens fuerit, sanciat. Sed si necdum ingenia hominum conuenerint (quod tamen speramus non futurum) mandamus acciri Consilium minus, vt prudentia, & æquitate sua, reiectisque animorum affectibus, frequentiori calculo controuersum negotium concludendo pertinaces hæc contentiones, & maximè indignas tollat.

Quot vota requirantur in decisionibus Collegij Procuratorum.

CAPVT XXI.

EA verò, quæ à Procuratorum ordine sunt terminanda, nonnisi concurrentibus duabus partibus ex tribus suffragiorum validè poterunt deliberari.

De controuersis Collegij Procuratorum casu exortis tollendis.

CAPVT XXII.

SI autem inter Collegas nata contentione, impediatur rerum exitus; sancimus adeundum esse Collegium Gubernatorum, vt iunctis votis, & trutinato negotio, conformibus animis, quod æquum fuerit decidatur. Si verò etiam labor iste sit infructuosus; volumus per Consilium minus modo quem paullo antè formauimus, omnem hanc indignam, & maximè vitandam controuersiam præcidi, ac dirimi.

De modo tollendi controuersias in duobus Collegiis ortas.

CAPVT XXIII.

EADEM ratione volumus præcidi contentiones quæ casu oriri possent in terminandis his causis, & negotiis, quæ sui natura ad duo Collegia simul iuncta pertinent.

De legitimo numero Consilij maioris, & minoris.

CAPVT XXIIII.

VBI cogendum erit Consilium maius, non intelligatur esse plenum, & legitimum, nisi, computatis illustrissimis Collegiis, impleat numerum tercentum. Consilium verò minus, nonnisi conuenerint octoginta, ultra duo Collegia. Excipitur tamen à præsentī Satisfactione casus ille, quando Consilium minus, pro eligendis his qui in locum demortuorum, vel absentium subrogandi sunt, vocabitur; licebit enim tunc temporis, cum minori numero, & interuenientibus tantum his qui poterunt conuenire, Consilium minus legitimè congregari: modò adsint duo collegia.

De qualitatibus in Duce requisitis.

CAPVT XXV.

SUPREMA est in Republica Genuensi Ducatus dignitas; proinde conuenit eum qui ad tantæ dignitatis culmen euehendus est, uti auctoritate omnibus præstat, ita animo, virtute, consilio, ac rerum omnium experientia, pollere; vt dignitati, & auctoritati, quam præ se fert, virtutes animi egregiè respondeant. Sancimus igitur neminem ad id muneris assumendum, nisi ita cum Nobilitate splendorem animi coniunxerit, vt à quacumque arte Nobili viro interdicta per quindecim annos omnino abstinerit; de legitimo matrimonio, ciuitatisque

risque habitatorem, maioremque annis quinquaginta esse oportet. In publicis verò Conciliis, vel Magistratibus, aut legationibus, Reipublicæque administratione ita versatum esse cupimus, ut tanti ponderis molem feliciter ferre valeat. ita lautum ei sit patrimonium, quo tanti muneris auctoritatem, & dignitatem, commodè sustinere possit.

De forma servanda in electione Ducis.

CAPVT XXVI.

QUOD sublimius est Ducalis dignitatis culmen, eò optatius etiam, ac magis ambitiosum videtur. Proinde existimauimus rectæ administrationi maximè conuenire, si perplexa quadam electionis ratione, immoderata hominum cupiditati, quantum fieri possit, in hoc comitiorum genere occurramus, curemusque quantum fas est, ut ciuium vota libera sint. Vbi igitur de eligendo Duce agendum erit, conueniet Consilium maius; ibique allatis decem pillulis auratis, quæ diuersis litterarum notis inscriptæ sint, ita ut vna cum altera nullo modo conueniat, sorte educatur ex urna, in qua prius recondantur, vna ex pillulis, cuius nota, seu inscriptio nemini, nisi Conseruatoribus Legum pandatur. mox iuxta Principis suggestum statuatur urna, in qua quinquaginta globuli aurati condantur, qui eam litterarum notam inscriptam habeant, quæ paullo antè sorte educta fuit. his addantur tot globuli argentei, nulla litterarum nota inscripti, qui iunctis quinquaginta auratis, Consiliariorum numerum æquēt; quique auratis & magnitudine, & pondere, & forma, & materia sint omnino similes, seduloque commisceantur. Ex his vnusquisque Consiliarius, demptis tamen duobus Collegiis, vnum sortē, & sine fraude educet. Is, cui auratus obuenerit, confestim Censoribus, qui urnæ assident, conspiciendum, & recognoscendum tradet; mox occultè nomen alicuius ciuis, quem tanto munere dignum iudicauerit, ex toto Nobilitatis corpore, & iis qualitatibus, quas requisuimus, præditum, conscribet in chartula; deinde e comitio exhibet; ita ut nec vota ambire, nec cum aliquo colloquia miscere possit. Eductis omnibus auratis pillulis, illustrissima Collegia nomina omnium, qui in chartulis descripti fuerint, legent, & in numerum redigent. quod si nominati ad vicenarium numerum non ascenderint, eorum nomina, quibus aurata fors cecidit, in urnam coniiciantur, & iterum extrahantur; ut repetita per eos nuncupatione, numerus ille vicenarius impleatur; quem ita terminauimus, ut non minor sit viginti: ultra autem esse possit vsque ad quinquaginta. Horum nomina quotquot fuerint, vocatis etiam illis quinquaginta, quos nuncupatores auratos diximus, per Concilium maius discutientur; quindecim verò ex his qui plura retulerint vota, intelligantur ad Ducatum propositi. Horum autem quindecim nomina ad Concilium minus discutienda mittentur; & sex, qui maiorem suffragiorum partem, quæ tamen minor non sit, quam tres ex quinque, retulerint, iterum ad postremam Concilij maioris discussionem remittentur. Ex his vnus, qui in votis hominum præualuerit, pro Duce renuntiabitur. Quod si vota paria fuerint, iterum ferenda erunt suffragia; si verò eadem paritate contédatur, tunc, sorte prius e Concilio eiectis quinq. & repetita votorum collectione, omnino tolletur paritas.

De pyxide. CAPVT XXVII.

VT liberiora sint vnus cuiusque vota, liceatque cuilibet in suffragiorum collectione ex animi sui voluntate, & prout conscientia suæ stimulus, vel ratio suggeret, votum, aut nigrum, aut album dare, absque eo quod timeat, ne assidens aut vicinus, cui fortè promissa fuit suffragij gratia, cognoscat pollicitationem non esse obseruatam; voluimus formari nouum pyxidis genus, quæ cum in futurum suffragia danda esse decernimus: & non alio modo, aut forma. Erunt igitur geminæ pyxides, seu urnulæ simul iunctæ, & vndequaque clausæ; diuersis coloribus ita distinctæ, ut vna earum affirmatiuam, altera verò negatiuam demonstret. quæ affirmatiuam designat, posterior sit; quæ verò negatiuam, prior. in hac adfit ita latum foramen, ut immissam manum, & vsque ad ingressum secundæ pyxidis tendentem, facile admittat. Qui fauorabile votum ferre intendit, immissa manu in foramen, & in secundam vsq. urnulam extensa, pillulam seu globulum dimittat in vas annexum, quod facile, obducta manu, diuelli à superiori pyxidis parte poterit. qui verò contrarium votum ferre voluerit, manum pariter vsque in secundam urnulam extendet; verum pillulam, vel immittendo, vel retrahendo, in priorem urnulam, aut pyxidem, quæ negatiuam refert, dimittet. omnibusque votis collectis, subductisque vasibus geminis, quæ coniunctæ pyxidi subsunt, videri facile poterit

terit ex quantitate pillularum, quæ in nigrum, aut in album vas ceciderunt, quæ pars præualuerit.

Globuli, quorum usus in hoc opere necessarius est, lancei, aut linei, aut serici sint oportet; ne cadentes, aut dimissi, strepitu suo vicinis qualitatem voti demonstrent, sintque eiusdem coloris; cum non color eorum, sed locus, seu vas, in quod immittuntur, voluntatem votum dantis denotet.

De habitu Ducis, & Magistratum.

CAPVT XXVIII.

DVX, Gubernatores, Procuratores, ac Magistratus, quibus iustitiæ civilis, & criminalis administratio commissa est (quod maxime ad Magistratus dignitatem pertinere videtur) rogati incedant, iuxta formam ex antiquis Legibus præscriptam.

De syndicatu Ducis, Gubernatorum, & Procuratorum.

CAPVT XXIX.

NIHIL est quod optimos quosque viros in fide & officio facilius contineat, quam virtutis amor, gloriæque & honoris præmium: malos verò, timor Legum, & poenarum. Propterea optimo iure constitutum est, ut Magistratus omnes, finito eorum munere, syndicati subiiciantur; ut mali, debitas poenas subeundo, aliis sint exemplo: qui verò laudabiliter & fideliter se gesserint, debito commendationis & laudationis præmio non defraudentur. Quare laudabilem morem Reipublicæ approbamus; ut non modò Gubernatores, & Procuratores, verum Dux ipse, finito munere, Supremorum inquisitioni, & notioni subsint. qui tamen non nisi respectu eorum quæ ab unoquoque eorum in Magistratu commissa sunt, eos inquirere, aut coercere possint. ratione verò eorum quæ per collegium Gubernatorum, aut Procuratorum, aut per ambo collegia simul iuncta fuerint contra Leges, decreta, aut ordinata, æquum non est eos singulariter teneri. Licebit tamen supremis, ubi aliquid tale commissum cognouerint, Consilium minus vocare; quod, audita causa, quod iustum, & conveniens fuerit, frequentioribus votis decernet. A sententiis per supremos ferendis in causis syndicatorum, ubi de priuatione vitæ, honoris, aut inhabilitatione ad Magistratus agatur, appellari possit ad Consilium minus; huiusque iudicij instantia sexaginta dies non excedet.

De Gubernatoribus, & qualitatibus, quæ in eis requiruntur.

CAPVT XXX.

QVI ad Reipublicæ gubernacula sunt promouendi, eos non modò claritate Nobilitatis splendere decet, verum etiam prudentia, rerum experientia, ac fide præditos esse. Proinde sancimus ad hoc munus eligendum, & Nobilem esse; ac ciuitatis habitatorem; & ab artibus, quæ Nobilibus interdictæ sunt, per decennium abstinuisse. adhuc annorum sit ultra quadraginta; conveniens dignitati habeat patrimonium; & ubi decoxerit, non admittatur, nisi prius integrè suis creditoribus satisfecerit. in Consiliis autem, & aliis Reipublicæ muneribus ita se gesserit oportet, ut apud omnes non mediocrem sui spem, & opinionem concitauerit. Vnus tantum ex eadem familia in eo Gubernatorum ordine existat, ut supra.

De qualitatibus, quæ in Procuratoribus requiruntur.

CAPVT XXXI.

QVAS in magnificis Gubernatoribus qualitates requisivimus, easdem in magnificis Procuratoribus necessarias esse decernimus.

De præfecto generali triremium, & de præfecto triremis, & quæ in eis concurrere debent.

CAPVT XXXII.

GRAVE est admodum pondus, quod fidei, & prudentiæ præfecti triremium committitur. Propterea convenit eum qui huic muneri præficiendus est, Nobilem esse; ab omni arte Mechanica saltem per annos octo prorsus abstinuisse; nec minorem annis triginta esse; Magistratumque aliquem, aut Consiliarij munus feliciter obivisse, aliis item qualitatibus, quas

in Gubernatoribus requisuimus, nequaquam carere oportet. Triremis autem præfectum, & Nobilem, & annorum viginti quinque esse necesse est.

De Gubernatore Corsica, & eius necessariis qualitatibus.

C A P V T X X X I I I .

C O R S I C A nobilissima est Genuensis Domini pars. Quare decet eum qui ad moderandam eam insulam mittendus est, & Nobilem esse; & omnibus his qualitatibus præditum, quas in Gubernatoribus requisuimus.

De Commissariis cum suprema auctoritate deputandis.

C A P V T X X X I I I I .

C O M M I S S A R I I in Dominio cum suprema auctoritate deputandi nonnisi Nobiles, & annorum ad minus quadraginta eligatur; sed & qui Mechanicas artes per annos octo non exercuerint, & Consiliarij munus, & alterius in vrbe Magistratus personam sustinuerint; sciantque maximè eis conuenire, vt suprema auctoritate, quæ eorum prudentiæ commissa est, maturè & consultò vtantur. Quòd si secus fecerint, sciant se sindicatoribus per illustrissimam Dominationem ex laudabili more deputandis, vltra alia inquiri, & coërceri solita, se barattariarum, concussionum, extorsionum, violentiarum factorum exactam, & seueram rationem reddituros.

De Oratoribus, & Legatis ordinariis.

C A P V T X X X V .

O R A T O R E S, & Legati, qui per illustrissimam Dominationem ad supremos Principes transmittuntur, vt ibi resideant, non possint vltra triennium in ea Legatione esse, neque id temporis aliquo modo prorogandum est, nisi ex grauissimis causis, iudicio eorum ad quos eorum electio pertinet: neque id vltra annum fieri conceditur.

De electione nonnullorum Magistratuum.

C A P V T X X X V I .

P O S T Q V A M iudicio duorum collegiorum, & Consilij minoris, concurrentibus tamen tribus partibus ex quinque suffragiorum, nuncupati fuerint duo, aut ad plus quatuor ciues; pro vnoquoque infra scriptorum officiorum qui qualitatibus requisitis in his qui ad minus Consilium promouendi sunt, non careant; omnia eorum nomina ad Consilium maius transmitti volumus, vt iudicio suo, aptiorem vniciq. muneri calculorum frequetia declaret.

Quorum Officiorum nomina sunt hæc:

P R Æ T O R S a u o n æ .

Commissarius, aut Capitaneus Clauariensis.

Commissarius, aut Capitaneus Spediæ.

Commissarius, aut Capitaneus Sarzanensis.

Gubernator Corsicæ.

Locumtenens vltromontanus, seu Capitaneus, aut Prætor Ayacensis.

Commissarius Bonifacij.

Commissarius Caluzæ.

Alia verò munera, quæ per duo collegia, & viginti octo ciues conferri solebant, in futurum per duo collegia, & Consilium minus, concurrentibus plusquam tribus ex quinque omnium suffragiorum, conferri volumus. Quibus addere voluimus eadem ratione conferenda, Præfecturam triremium; Legationes ad Principes destinandas extra Dominium. Præfecturas militum prætorianorum, qui forum, & prætorium, & urbem custodiunt; Præfecturam Arcis Sauonæ, & Sinus Spediæ.

Cetera verò officia, quæ per illustrissimam Dominationem solam, aut per illustrissima duo collegia tantum, aut per collegium Procuratorum simpliciter conferri solebant (demptis tamen suprà exceptis) eadem ratione in futurum conferenda esse censemus.

De præ-

De Præfectorum nonnullarum arcium qualitatibus.

CAPVT XXXVII.

MAXIMA est habenda ratio arcium, & munitorum locorum, quæ Reipublicæ propugnacula sunt. Idcirco decernimus arces infra scriptas nullius fidei committendas esse, nisi Nobilium, qui annum excedant trigessimum, & per annos octo aliquam artem Mechanicam non exercuerint; quique in Consiliis versati quandoque fuerint; aliisque virtutibus præditi sint, quæ ad obeundum tale munus necessariae sunt.

Arces omnes, & munitiora loca illustrissimæ Dominationi subiecta, his tantum exceptis, quæ & quas non descriptis committendas, & committenda esse duximus.

De officiis conferendis in ciues non descriptos.

CAPVT XXXVIII.

CONVENIENS est eorum etiam rationem habere, qui in libro Ciuitatis descripti non sunt; nam cum & ipsi Reipublicæ onera subeant, & patiantur; æquum est etiam eos Reipublicæ commodis, & fructibus perfrui, & gaudere. Sancimus itaque infra scripta officia, quum primum vacauerint, in ciues non descriptos, & non in alios, omnino conferenda esse. Ea tamen lege adiecta, quod ubi in aliquo eorum agatur de tractanda publica, vel aliena pecunia, non prius ad illud obeundum admittantur, quàm idoneam cautionem præstiterint.

Omnia officia Scribarum, & Notariorum, tam eorum qui à Secretis sunt illustrissimæ Dominationis, quàm qui collegio Procuratorum, officio S. Georgij, Supremis, Prætorij, Rotæ, tam civili, quàm criminali, omnibusque Magistratibus, tam in ciuitate, quàm in Ripariis, in insula, & demum in vniuerso Dominio assident.

Officia omnia Consulium rationis.

Omnia officia receptorum pecuniarum, quos vulgus Capserios appellat, tam apud officium S. Georgij, quàm apud licitatores vectigalium, & omnium reddituum publicorum.

Officium vnum inter Censores. inter Conseruatores Sanitatis vnum. inter Præfectos annonæ vnum.

Præfaturas insuper infra scriptorum locorum.

TABULÆ.

Rapalli.

Castri noui.

Gauij.

Framuræ.

Montis rubei.

Vernatiæ, & Corniliæ.

Sigeftri.

Tristoriæ.

Moneliæ.

Vuadæ.

Cerianæ.

Recchi.

Petræ.

Ceruij.

Andoriæ.

Vultabij.

Costæ vadorum.

Varaginis.

Stellæ.

Castilioni.

Rimazorij, & Manarolæ.

Portus Veneris.

Coruariæ.

Carri, & Castelli.

Godani.

Arculæ.

Vezzani.

Præfecturæ arcis Lericensis.

Arcis Sarzanellæ, & arcis Gauij.

Et omnia alia officia iam dictis inferiora, quæ alias per illustrissima duo collegia conferri solebant. His addere volumus infra scripta alia officia, in quibus ciues etiam non descripti participare poterunt.

Officia Vicariatus.

Sauonæ.

Cluari.

Nouatum.

Spedia, & Bastia in Corsica.

Omnia autem supradicta officia, & quæque alia, quæ tam descriptis, quàm non descriptis conceduntur, gratis conferri mandamus. excepta tamen Gabella, quam Stagij vocant; cui nullum afferre præiudicium intendimus.

IVS TIS rationibus moti, nolimus officium Scribarum, qui excellentissimo Duci, ac Gubernatoribus à secretis inseruiunt, perpetuum esse, sed quinquennij curriculo præscribi debere; neque prorogari posse vltra triennium, si ita è re ipsius Reipublicæ esse, hi quibus huius electionis auctoritas demandata est, concurrentibus duabus partibus ex tribus suffragiorum, arbitrati fuerint. Horum electio excellentissimo Duci, duobus collegiis, ac minori Consilio credita est. qui ex omnium ciuium non descriptorum numero, virtute, probitate, moribus, prudentia, continentia, ac fide insignes, & huic muneri aptiores, quique ætatis suæ annum vigesimum quintum expleuerint, eadem votorum frequentia, quam in prorogatione requisuimus, seligent. Hosce, vbi munus suum fideliter, & legaliter expleuerint, volumus Nobilitate donare, quam ipso iure, & facto statim ac ab officio cum commendatione dimissi fuerint, adipiscuntur, vt tam insignis præmij, & gloriæ desiderio victi, ad bene de Republica merendum accendantur.

Horum qui nunc in officio hoc seruiunt, cum virtus, fides, probitas omnibus satis perspecta, & cognita sit, munus quinquennio adhuc durabit: si ita hi qui eligendi eos ius habent, arbitrati fuerint; sine spe prorogationis. Lapsa autem tempore, vacabunt, & omnia acta, scripturas, litterasve, quæ ad eorum munus pertinent, successoribus suis in officio integrè consignabunt. quas in publico archiuo recondi, & diligentissimè conseruari volumus. Non intendimus tamen hac Lege tollere laudabilem morem ipsius Reipublicæ: quinimò decernimus teneri eos singulo anno ab illustrissima Dominatione litteras confirmatorias obtinere, in fidem, & testimonium bene gesti muneris sui. quas si impetrare non poterunt, à suo munere cessent. Non obstantibus quibuscumque decretis, Legibus, aut statutis in contrarium existentibus, si quæ sunt.

De Conseruatoribus pacis.

CAPVT XL.

POST QVAM Dei optimi maximi beneficio, nouis Legibus promulgatis, & æquo animo receptis, ac inter ciues sincera & inuiolabili pace sancita, amplius de bello agendum non est, cum maximè eius Magistratus iam sublatus sit; visum fuit constituere ordinem ciuium, quos Conseruatores pacis appellamus. Horum præcipua cura erit, matrimonia tractando, & stabiliendo, ciuium animos, quoad fieri poterit, vincere, & coniungere. De simultatibus verò, & rixis, quas indies inter ciues oriri continger, sedulo inquirent, easque, quam citius fieri poterit, (ne morbus iste in Republica adeò exitiosus, altius serpat) conciliatis hominum animis, tollere, & radicitus extirpare conabuntur. Contumaces, & eorum dicto non audientes, ad illustrissimam Dominationem deferent, quæ causâ cognita, opportunè prouidebit: non retardato tamen cursu iustitiæ. Pro horum electione, ex illustrissimis collegiis tres forte eligentur, quorum singuli duos ad hoc munus idoneos nuncupabunt. Horum autem tres, qui frequentiori calculo recepti fuerint, pacis Conseruatores erunt: eorû munus biennale erit.

De Legum Conseruatoribus, & iuramento dando.

CAPVT XLI.

NI H I L prodesset Leges compilasse, ac Rempublicam bene instituisse, nisi etiam prouideretur, quòd Sanctiones istæ suum sortirentur effectum, ac executioni mitterentur. Hac ratione erigere volumus ordinem duorum ciuium grauissimorum, quos Legum Conseruatores appellauimus. Horum præcipuû munus erit electionibus Ducis, ac Magistratuum omnium, & præcipuè triginta Electorum, qui Consilij maioris, & minoris creandi ius habent, & quibuscumque electionibus assistere; curareque quòd antequam ad id manus apponatur, Lex super ea electione, de qua tunc agetur, condita, publicè alta & intelligibili voce omnibus legatur, & sollemnitas, & forma, quæ in eis comitiis seruanda est, non modò ad memoriam reducatur, verum omninò obseruetur. Iuramentum ciuibus his quibus ius eligendi demandatum est, dari curabunt in manibus illustrissimi Ducis in forma infra scripta. His, qui ad aliquod munus assumpti fuerint, aliud iuramentum in forma pariter infra descripta, antequam ad Magistratû accedant, dari curabunt. Fraudibus, quæ in comitiis quibuscumq. fient, & quæ præuideri per nos non potuerunt, occurrent. & si quem in fragrati crimine deprehederint, ad illustrissimum Ducem statim deferent, qui eum vtriusq. voti impotè declarabit; prout nos tenore præ-

præsentium declaramus; & pro modo culpæ grauiori etiam pœna mulctabit. Biennale erit hoc munus, horumque electio ad duo collegia, & Consilium minus pertinebit.

Forma iuramenti eligere debentium.

I VRO ego N. ad sancta Dei Euangelia manibus corporaliter tactis scripturis, & in animam meam, me in electione, quam hodie facturus sum de remoturum ab animo meo iram, amicitiam, amorem, odium, proficuum affectum ad quemcumque colorem, & factionem: sed Deum tantum ante oculos habiturum; & huius Reipublicæ, & libertatis nostræ, publicæque quietis conseruationem, daturumque suffragium meum illis tantum qui mihi virtute, prudentia, fide, & integritate præstantiores videbuntur. Ita me Deus optimus maximus adiuuet, & hæc sancta Dei Euangelia.

Forma iuramenti iam Electorum.

I VRO ego N. ad sancta Dei Euangelia, manibus corporaliter tactis scripturis, & in animam meam, me munus hoc mihi demandatum legaliter, & fideliter obiturum; & huius Reipublicæ libertatem, publicamque quietem, quantum in me erit, curaturum, & defensurum. Ita me Deus adiuuet, & hæc sancta Dei Euangelia.

De electione Conseruatorum Legum.

CAPVT XLII.

EREXIMVS officium, quod Conseruatorum Legum appellatur; atque id summa cum ratione. cum, sublatis Legibus, aut eis nequaquam obseruatis, necesse sit Rempublicam, vti anima carentem, omnino perire, ac ruere. Proinde volumus per duo collegia, & Consilium minus medio mense Ianuario, concurrentibus tribus partibus ex quinque suffragiorum, duos ciues optimos eligi debere, qui in Rempublicam propenso sint animo & qualitatibus, quas in Gubernatoribus requisimus, non careant. Horum ita Electorum pietati & prudentiæ per biennium Legum conseruationem, imo Reipublicæ salutem, & vitam eo, quo possumus, studio & ardore commendamus. Quod si medio hoc tempore Conseruatores isti, aut alter eorum decesserit, vel recedat, non rediturus breui, statim mandamus suppleri numerum; ne Magistratus, adeò in Republica necessarius, aliquo tempore vacet. Pro hac prima vice eligimus in Conseruatores magnificos Dominos Lucam Iustinianum, & Nicolaum, aliàs Nicherosum Pallauicinum.

De vacationibus Magistratuum.

CAPVT XLIII.

NE ciues hi qui elato animo suapte natura sunt, primariorum Magistratuum frequentia elatiores fiant, atque inde in tyrannidem declinent: quod maximè fugiendum est in Republica: Sancimus eum qui Ducalis dignitatis munere semel functus fuerit, non posse iterum ad eiusdem dignitatis culmen euehi: nisi prius lapsis quinque annis, à fine officij numerandis. Qui item semel Gubernator fuerit, non posse pariter, nisi lapso quinquennio ut suprâ, iterum ad eundem Magistratum promoueri. Eum autem qui Procurator semel electus fuerit, vacare debere ab eo munere per quadriennium. Qui verò in altero Consiliorum fuerit, per annum. Non prohibendum tamen existimauimus, quin Gubernator, aut Procurator, vbi omnibus qualitatibus quas dignitas suprema exoptulat, præditus sit, in Ducem eligi possit. Ceteras verò vacationes, tam munerum, quàm familiarum, vti non necessarias, tollendas esse arbitramur.

De prouisionibus qua fieri debent suprema auctoritate.

CAPVT XLIIII.

ICET eo quo possumus studio, & feruore administrationem iustitiæ criminalis iuxta Legum, statutorumque formam Prætori, & Rotæ ita commendauerimus, ut nemo possit nec cumulatiuè, nec priuatiue eorum iurisdictionem impedire; Non ignoramus tamen quandoque non modò in ciuitate, verum in dominio euenire posse subitos quosdam,

& repentinos casus, in quibus seruata, & non seruata forma iuris, & suprema auctoritate, ac regia manu prouidendum est; ne publica quies, ac pacificus Reipublicæ status perditum eant, cum vel populus insanit, vel seditiosi tumultuantur, vel perditorum & flagitiosorum hominum turmæ vias publicas hostili more inuadunt, agrosque, & ditionem Genuensem depopulantur. Hisce casibus, & aliis huiusmodi, quibus ad illustrissimam Dominationem pertinet auctoritate sua omnia sedare, excellentissimus Dux, iunctis duobus collegiis, vocatoque Prætorè, quatenus expediat, & Rota, vt auctoritati etiam consilium iungatur, & nulla interposita mora, scelerum auctores debitis pœnis affici curabit. mox participes, & suspectos detineri faciet; veritatem criminis inquireret, vt pro modo culpæ quisque debitas luat pœnas.

Quodd si aliqui Commissarij delegandi erunt, qui Prouinciam lustrent, & facinora compescant, nonnisi hi qui graues aliquos Magistratus gesserunt, eligentur; vt suprema auctoritas grauissimis tantum viris & prudentibus committatur.

De gratiis & forma, in illis concedendis, obseruanda.

C A P V T X L V .

IN concedendis gratiis delictorum, quarum auctoritas apud illustrissimum Ducem, ac duo collegia residet, concurrentibus votis duarum partium ex tribus, illud aduertendum duximus non licere, quodd abtque legitima partis offensæ remissione in his casibus, in quibus requiritur, aut ea extincta, hæredis sanguinis & bonorum, Princeps suam exerceat clementiam. In casibus verò criminis læsæ Maiestatis, & seditionum, in quibus Principem decet quasi esse inexorabilem, non esse concedendam gratiam, nisi ex magna causâ, & ob bonum publicum, & interuenientibus omnibus votis, & vtriusque collegij, ac minoris Consilij. In infra scriptis verò casibus qui grauissimi, & atroces sunt, scilicet homicidij animo deliberato patrati, patricidij, assassini, mandati ad occidendum, secuto tamen effectu homicidij in officialem, robariæ in strata publica, fabricationis falsæ monetæ, raptus monialium, aut mulierum honestarum, nonnisi interuenientibus duabus partibus ex tribus, & vtriusque collegij, & minoris Consilij litteras gratiæ, aut restitutionis esse concedendas.

De Procuratoribus perpetuis sindicandis.

C A P V T X L V I .

QUæ cum honore, & commendatione Ducatus munus obierunt, in præcedentis dignitatis honorem, perpetui Procuratoris munere, antiquarum Legum beneficio, funguntur; id quod & nos laudamus. Verum ne horum animi ex perpetui officij auctoritate elatiores, quàm par est, fiant, voluimus eos singulo biennio sindicatui supremorum, & aliorum quinque ex Consilio minori tunc sorte eligendorum, subiicere, qui diligenter eorum acta in officio, & administratione reuideant. Et si quid per eos contra Leges commissum fuisse compererint, debitis pœnis afficiant.

Insuper nolumus Procuratores perpetuos in electionibus Prætoris, auditorum Rotæ criminalis, nec ciuilis, Aduocatiue fisci aliquo modo votum suum dare posse.

De condendis Legibus.

C A P V T X L V I I .

SI in aliquo maturè, & prudenter est agendum, aut grauiori cum consilio; id in materia Legum condendarum agendum est; sunt enim firmamentum, & basis totius Reipublicæ; cum ipsis viuendum sit: nec contra eas aliquo modo eundum. Et propterea vniuersi populi (si commodè fieri posset) consensus requirendus esset, cum vel de noua Lege condenda, vel de aliqua abroganda tractatur. Verum consulentes & vtilitati, & necessitati; Sancimus nullo modo nouas Leges condi, quæ præsentibus, quibus nunc viuntur, & quæ a nobis aut conditæ, & condendæ, aut approbatæ fuerunt, contrariæ sint; neque iam conditas, ac condendas, & approbatas abrogari, aut corrigi, siue emendari, nisi coactis prius collegiis, maturè consulatur; & si quatuor partes ex quinque non approbauerint, nihil actum censetur: vbi verò approbauerint, deferantur omnia ad Consilium minus discutienda; cuius nisi quatuor ex quinque consenserint, nihil conclusum intelligatur: vbi verò consentiant, denud omnia maturè Consilij maioris consultationi subiaceant; & nisi frequentiori eorum voto approbetur, nihil pariter actum existimetur.

Alias verò Leges quæ non contrariantur vt suprà, nonnisi per duo collegia, & Consilium minus, concurrentibus duabus partibus ex tribus, fieri posse declaramus.

De pace, bello, federe, & adhaerentia.

CAPVT XLVIII.

VBI maius periculum est, ibi cautius, & maturius esse aduertendum existimauimus. Propterea quotiescumque tractandum erit de bello incundo, vel de pace, aut tregua facienda, aut adhaerentia stabilienda, siue federe cum aliquo Principe, aut Republica ieiundo; aut si aliquid aliud simile, & graue, quod statum Reipublicæ tangat, decernendum erit; nolumus aliquid sanciri, aut executioni mitti, nisi prius maturè, & modo, ac ordine, quo infra, consulatur. In primis igitur coram illustrissimis collegiis id omne plenè trutinabitur; & nisi quatuor ex quinque partibus consenserint, nihil actum intelligatur: Vbi verò conueniant, conuocato Consilio minori, idem proponatur, & diligenter discutiatur, & nisi quatuor ex quinque illud approbauerint, nihil conclusum; nec sancitum intelligatur.

De pedagijs, collectis, & vectigalibus de nouo non imponendis, nec impositis tollendis, nisi seruata forma.

CAPVT XLIX.

NEMO est qui non intelligat nouas pedagiorum, collectarum, vectigaliumve impositiones populis esse admodum graues. Proinde mandamus nemini licere in Republica Genuenti de nouorum onerum impositione decernere, nisi Consilio maiori, quod Principem ipsum, & Rempublicam refert; neque id fieri posse volumus, nisi prius illustrissima duo collegia, & Consilium minus maturè consuluerint, ac concurrentibus duabus partibus ex tribus, declarauerint non modò necessitatem subesse, verum etiam nullam neque meliorem, nec æqualiorem formam inueniri, qua opportunius Reipublicæ necessitati consuli possit. Idem intelligatur sancitum, vbi agendum erit de tollendis iam impositis.

De Doctoribus, & Medicis.

CAPVT L.

DOCTORES tam Legum quàm artium, & Medicinæ talari veste vtantur; nec sine ea incedant. Contrafacientes, priuilegijs, & immunitatibus suis biennio carebunt; Iureconsulti postulare, Medici verò cum collegis suis de communium infirmorum cura conferre per triennium non poterunt, & in eorum collegijs vtriusque voti impotes erunt.

Hiscæ, quòd maximo vtui sunt in Republica, nec mediocre ei ornamentum afferunt, volumus omnino obseruari priuilegia, & immunitates, sublatis fraudibus, si quæ sunt.

Ratio eorum dignitatis postulat, & ita obseruari volumus, vt ab omnibus Magistratibus, excepto illustrissimo Duce, & Gubernatorum collegio, sedentes, & recto capite & audiantur, & excipiantur. possintque ad omnes in Republica dignitates promoueri, etiam quòd Consiliarij maioris, vel minoris munus, aut alios Magistratus numquam obierint, suprema excepta.

Collegium iureconsultorum tenebitur in futurum quotannis duos sui ordinis sumministrare, qui pauperes, & miserabiles personas tam in foro ciuili, quàm criminali gratis, & pietatis ergo tueantur, & protegant.

Præterea Medicorum ordo duos ex collegis suis singulo anno nuncupabit, qui gratis pauperibus, & miserabilibus personis in medendo diligentem, & piam operam præstent.

Hebræi à postulatione, & medela omnino abstineant, & quicumque alij qui doctoratus diplomate caruerint.

Procuratores, & præfecti annonæ non participant in commodis sui muneris.

CAPVT LI.

QUO magis grauiora negotia fidei suæ commissa esse quis perspicit, eò magis intelligere debet, sibi elaborandum, vt fidei, quæ de eo concepta est, rerum exitus egregie respondeant. Id autem facile vnusquisque consequetur, si illud vnum ante oculos habuerit, homini libero nihil patria ipsa carius esse debere. Idcirco Procuratores tam perpetui, quàm temporales, quibus patrimonij, ac publicorum reddituum qui nerui Principis dicuntur, cura demandata est, sciant, sibi maximè cauendum, vt mundas ab omni auaritiæ labe habeant manus,

& (quod caput omnium est) ne in licitationibus, emptionibus, aut conductionibus publicorum reddituum aliquo modo directè, aut indirectè participant, nève publica pecunia aliquo modo, nec etiam minima in parte, aut breuissimo tempore pro rei priuata commodis vtantur, aut gaudeant. Præfecti item annonæ caueant, ne in comparanda re frumentaria, aut in ea ad Vrbem traducenda aliquid commodi priuatæ rei adscribant, aut publicam hanc administrationem cum priuata, aliquo modo commisceant. Quod si secus fecisse comperitum fuerit, sciant se, vti indignos, inhabiles ad Magistratus factos esse, & pœna pecuniaria arbitrio supremorum plectendos.

Quod dotes anteriores tempore præferantur officio S. Georgij posteriori.

CAPVT LII.

INTELLEXIMVS inoleuisse consuetudinem in ciuitate Genuæ, aut Lege aliqua, aut ritu firmatam, qua mulieres quæ pro dotibus suis bona mariti obligata habent, si concurrant cum officio S. Georgij etiam posteriore creditore, ab earum tamen iuribus excluduntur; quod & iuri, & omni æquitati maximè aduersatur. Huic igitur abusui prouidere volentes, publicæque honestati, & vtilitati consulentes, ne mulieres indebitè indotatæ remaneant, edicimus, & hac præsentī Lege decernimus, quod si in futurum concurrat officium S. Georgij cum mulieribus dotem suam repetentibus, dispositionem iuris communis seruari debere; sublatis quibuscumque Legibus, statutis, aut consuetudinibus, etiam immemorabilibus in contrarium facientibus.

De seditiosis. CAPVT LIII.

NIHIL est quod publicam quietem, quæ in Republica summo opere conseruanda est, facilius perturbare, ac subuertere possit, quàm seditiosorum prauæ & iniquæ voluntates, ac temerarij ausus. Ideo sancitur, quod si quis aliquo modo in hoc crimen inciderit, si auctor sceleris fuerit, bonorum publicatione mulctetur, & vltèrius capite puniatur. quod si non auctor, sed complex fuerit, vltra iam dictam pœnam confiscationis, perpetuò remiget. Contra hoc genus hominum ad eò Reipublicæ exitiosum iudices procedent non modò ad accusationem partis, verum etiam ex officio. Accusatores occulti tenebuntur, & quartam partem bonorum eius qui accusatus fuerit, & de hoc crimine legitime damnatus, in præmium consequentur.

De gladiatoribus, & sicariis, quos Brauos vulgus appellat.

CAPVT LIIII.

NVLVM est hominum genus, quod in Republica, aut alia ciuitatè rectè instituta, sit adeò abominabile, quàm gladiatores, & sicarij, quos vulgus Brauos, seu Scauezzos appellat; qui iuuentutem omnem bene compositam ad seditiones, rixas, & digladiationes promouent, & excitant, subortas casu contentiones fouent, & nutriunt; vt ab imprudentibus adolescentibus pecunias extorqueant. Hanc igitur pestem ab hac Republica eradicare volentes, mandamus hoc genus hominum statim e ciuitate eiciendum esse; sub pœna triennium triennialium.

De conuenticulis. CAPVT XV.

COMPOSITIS iam rebus, & stabilito quieto statu Reipublicæ, nihil reliqui est, nisi eam intra cancellos qui præstituti sunt, continere. Id autem, vt facilius fieri possit, edimus opportunas Leges ac instituta, quæ si obseruentur (vt confidimus) speramus futurum, vt Respublica quotidie magis floreat, & augeatur. Ad maiorem verò securitatem, sancimus per illustrissimam Dominationem providendum esse, vt conuenticula, quæ sub imagine boni, aut priuatæ hilaritatis, iniquis consiliis, ac perfidis tractatibus viam aperuerint, omnino tollantur.

*Confirmatio Priuilegiorum, & immunitatum illustriss. Ioannis Andrea Auriæ,
prout hætenus obseruata fuerunt.* CAP. LVI.

DONAVIT Andreæ Principem Auriæ ciuem suum optimum, ac de ea optimè meritum Respublica Genuen. nonnullis immunitatibus, priuilegiis & exemptionibus; memor

memor tam insignis, ac præclari ab eo beneficij accepti; utpotè qui patriam, multis rebus præclare gestis insignem, sed alieno iugo suppositam, incredibili erga eam pietate ductus, abiecta prorsus ab animo omni ambitione, pristina restituit libertati. Eius etiam indelendam ab animis hominum memoriam, erecta statua marmorea, ac publico lautæ domus dono illustravit. Hæc, & alia virtutis, & gloriæ condigna præmia Ioanni Andreæ Nepoti, & auitarum virtutum, tam in conferuanda libertate patriæ, & eius dignitate amplificanda, quàm in bellicæ, & naualis militiæ gloria hæredi, & vero successori, prout hætenus obseruata fuerunt, ac eius familiæ omnino obseruari volumus.

De eligendis Magistratibus pro nunc per illustrissimos Ministros.

CAPVT LVII.

ANIMADVERTIMVS Magistratus qui pro nunc moderandæ Reipublicæ Genuensi præficiendi sunt, nequâquam secundum modum, & formam in Legibus, quas nuper compilauimus, præscriptam, eligi posse, nisi prius iactis fundamentis, & constitutis ordinibus Magistratuum, ex quibus successores postmodum prosilire, atque insurgere debent, iuxta ea quæ per nos accuratè fuerunt sancita: Neque expedire, aut decere, quòd secundum antiquarum Legum normam, quas in hac parte nunc abrogamus, atque abolemus, promoucantur. Minus etiam conuenire existimauimus relinquendum hoc esse arbitrio ciuium, qui sine certa Lege inter se conflictantes, nouos possint in ciuitate tumultus excitare, nondum integrè veteribus extinctis. Proinde necessitati ipsi cedentes, & facultate, ac bailia nobis attributa, pro bono, iusto, ac pacifico ipsius Reipublicæ regimine vtentes, menti etiam Principum nostrorum inhærentes, qui post maturam harum omnium sanctionum nostrarum considerationem, & discussionem, & quibus de iure Italiæ, & totius Christiani orbis pax, & quies commendata est, eam nobis litteris suis amplissimè declarauerunt; omni quæ meliori modo via, & forma, qua possumus, & nobis tributa est, Hac præsentī Lege inuiolabiliter obseruanda sancimus, & statuimus, Magistratus maiores, videlicet Gubernatores, qui his nostris Legibus supplendi sunt, Consilium maius & minus, administrationi criminalis iustitiæ præficiendos; nec non Magistratum Seminarium, quod nostris Legibus erigendum esse duximus, pro hac prima vice à nobis eligendos, & statuendum esse; eosque ita electos, & constitutum ad Reipublicæ regimen, & iustitiæ administrationem recipi, & admitti debere, & in suo officio manuteneri, donec integrè muneris sui cursum peregerint, iuxta nostrarum sanctionum seriem, & tenorem. Ceteros verò Magistratus, quos in futurum creati continget, nonnisi seruata ad vnguem forma nostrarum Constitutionum, eligi, aut creati posse decernimus.

Electio Magistratum, & Consiliorum, ac Seminarij.

CAPVT LVIII.

PROVIDERE igitur volentes nouæ Magistratum, & Consiliorum electioni iuxta ea quæ per nos sancita fuerunt; Eligimus ex vniuerso Nobilitatis ordine infra scriptos, quos graues, aptos, & de Republica benemeritos, reiectis prorsus ab animis nostris omnibus aliis respectibus & causis, existimauimus, eosque singulis Magistratibus (debitè referendo) modo quo infra addiximus.

In primis pro Gubernatoribus tum subrogandis in locum cedentium, tum supplendis vsque ad numerum duodenarium iuxta per nos ordinata Magnificos Dominos, videlicet;

Hectorem Fliscum, vsque ad medium Iunium anni præsentis;

Octauianum Saulium, vsque ad medium Decembrem anni 1577.

Franciscum Spinulam quoniam. Baptistæ, quoniam. Antonij, vsque ad medium Decembrem anni 1577.

Siluestrum Cattaneum, vsque ad medium Iunium anni 1577.

Ioannem Baptistam Pallauicinum quoniam. Damiani, vsque ad medium Decembrem 1576:

Bartholomæum Lomellinum, vsque ad medium Decembrem anni 1577.

Pro Procuratoribus verò in locum cedentium Magnificos Dominos, videlicet;

Lucam de Nigronibus, &

Hieronymum Caneuarium: ambos vsque ad medium Decembrem anni 1577.

Pro

Pro Consilio maiori magnificos Dominos, videlicet:

FRANCISCUM Saluaigum quon. M. Ambrosij.
 Octavianum Arquatam.
 Ioannem Baptistam de Cauo.
 Iulianum Saluaigum, q. Lucæ.
 Paulum Saluaigum, q. Leonardi.
 Petrum Vernatiam, q. Bernardi.
 Andream de Ecclesia.
 Stephanum Confortum.
 Ioannem Marinum, q. Laurentij.
 Iulianum Marinum Matrofellum.
 Gregorium de Turri.
 Vincentium Riparoliam, q. Petri.
 Octauium Riparoliam iuris Doctorem.
 Hieronymum Marinum, q. Pauli.
 Dominicum de Turri.
 Nicolaum de Marco.
 Pelegrum de Palio.
 Ioannem Panfanum Marinum.
 Ioannem Antonium Marinum, q. Iacobi.
 Stephanum Dauianiam.
 Perciualet Cattaneum, q. Accelini.
 Franciscum Cattaneum, q. Stephani.
 Simonem Oliuam.
 Alexandrum Cattaneum, D. Siluestri.
 Cæsarem Cattaneum Vescontis.
 Ioannem Baptistam Zerbinum.
 Hieronymum Cattaneum, q. Philippi.
 Ambrosium Cattaneum, q. Baptistæ.
 Dominicum Cattaneum, q. Baptistæ.
 Franciscum Zoalium.
 Edoardum Cigalam.
 Alexandrum Squarciafiscum Cigalam.
 Vincentium Bondinarium.
 Alexandrum Cigalam, q. Nicolai.
 Nicolaum Cigalam, q. Vincentij.
 Octum Cazerium.
 Urbanum Fliscum, D. Hectoris.
 Laurentium Fliscum, q. Stephani.
 Nicolaum Paxerium.
 Ioannem Baptistam Ragium, q. Io. Baptistæ.
 Raphaëlem Ragium.
 Ioannem Saluaigum, q. Benedicti.
 Augustinum Saluaigum, q. Ambrosij.
 Hieronymum Marinum, q. Francisci.
 Augustinum Marinum, q. Donatini.
 Petrum Baptistam Cattaneum iuris Doct.
 Bartholomæum Lazaniam.
 Gasparem Oliuam.
 Baptistam Bauianum.
 Franciscum Taliacarne iuris Doct.
 Antoniotum Cattaneum Stephani.
 Stephanum Cigalam, q. Bartholomæi.
 Antonium de Brignolis.
 Emanuelem Fliscum, q. Petri.
 Petrum Baptistam Fliscum, q. Gregorij.
 Damianum Fliscum, q. Lucæ.
 Marcum Antonium Rauaschierium.
 Federicum Fliscum Laurentij.
 Franciscum Fliscum D. Hectoris.
 Benedictum Caneuarium.
 Ioannem Stephanum Moronum.
 Ioannem Marruffum.
 Ioannem Baptistam Lercarium, q. Stephani.
 Baptistam Buronum.
 Baptistam Camillam.
 Nicolaum Serram.
 Iacobum Lercarium, q. Francisci.
 Iacobum de Saluo.
 Benedictum Pernicem.
 Augustinum Gurlerium.
 Angelum Lercarium, q. Lucæ.
 Nicolaum Lercarium, q. Francisci.
 Camillum Lercarium Camillam.
 Octavianum de Albara.
 Iacobum de Nigro, q. Ioannis.
 Stephanum Pasquam.
 Edoardum de Nigro Physicum.
 Dominicum de Auria, q. Stephani.
 Antonium Inuream.
 Nicolaum de Auria, q. reuerendiss.
 Siluestrum Inuream.
 Georgium de Auria, q. Melchioris.
 Augustinum de Auria, q. Iacobi, q. Augustini.
 Ioannem Baptistam de Auria, q. Dominici.
 Io. Hieronymum Lercarium, D. Io. Baptistæ.
 Stephanum Buronum.
 Hieronymum Gallum, q. Dominici.
 Nicolaum Lercarium, q. Francisci.
 Ioannem Franciscum de Nigro, q. Benedicti.
 Nigronum de Nigro, q. Philippi.
 Ambrosium Carmagnolam.
 Baptistam Groppalum.
 Lucam de Prato.
 Philippum de Nigro, D. Ioannis.
 Laurentium de Nigro, q. Nicolai.
 Ioannem Franciscum Pasquam.
 Bernardum Castaneam.
 Dominicum Grillum.
 Franciscum Vignolum.
 Laurentium Nigronum, q. Petri.
 Baptistam Nigronum, q. Baptistæ.
 Paulum Viualdum, q. Antonij.
 Hieronymum Axeretum.
 Antonium Sophiam.
 Christophorum de Iudicibus iur. Doct.
 Iacobum Viualdum, q. Baptistæ.
 Paulum Grimaldum, q. Augustini.

Vincen-

Vincentium Duratium.
 Ioannem Baptistam Groppalum.
 Gasparem de sancto Petro.
 Nicolaum de Nigro, q. Pauli.
 Angelum de Maiolo.
 Siluestrum Vfusmaris.
 Baptistam Maiolum.
 Paulum Delphinum.
 Raphaëlem Oliuam.
 Augustinum de Iudicibus.
 Herculem Castilionum.
 Iacobum Robertum.
 Alexandrum Rubeum.
 Ioannem Baptistam Grimaldum, q. R^{mi}.
 Bartholomæum Ritium.
 Augustinum Grimaldum, q. Io. Baptistæ.
 Lucam Grimaldum, q. Francisci.
 Paulum Spinulam, q. Stephani.
 Philippum Spinulam, q. Ambrosij.
 Benedictum Spinulam, q. Pauli.
 Baptistam de Turri, q. Leonardi.
 Daniele Spinulam, q. Nicolai.
 Io. Baptistam Spinulam, q. Antonij.
 Nicolaum Spinulam, q. Lucæ.
 Iofredum Spinulam, M^{ci}. Lucæ.
 Nicolaum Spinulam, q. Steph. iuris Doct.
 Iacobum Spinulam, q. Federici.
 Io. Baptistam Gentilem, q. Iacobi.
 Raphaëlem Odonum.
 Ioannem Odonum.
 Ioannem Senaregam.
 Io. Baptistam de Auria, D. Antonij.
 Paganum de Auria.
 Ioannem de Regibus.
 Franciscum Clauexanam iur. Doctorem.
 Clementem de Ruere.
 Nicolaum de Auria, q. Io. Iacobi.
 Marcum de Auria, q. Stephani.
 Nicolaum de Auria, q. Iacobi, q. Petri.
 Prosperum de Auria, D. Dominici.
 Baptistam de Ricardis.
 Marcum Fociam.
 Franciscum de Auria, q. Nicolai.
 Baptistam Garbarinum.
 Stephanum Gentilem, q. Constantini.
 Bartholomæum Coronatum.
 Georgium Gentilem, q. Constantini.
 Stephanum Pinellum, q. Augustini.
 Io. Franciscum Balbum, q. Nicolai.
 Michaëlem Adurnum.
 Paulum Adurnum.
 Thobiam Pallauicinum.
 Galeatium de Auria.
 Castellinum de Auria.
 Io. Philippum de Auria, q. Lambæ.
 Hieronymum de Auria, D. Pauli.

Nicolaum Cornerium.
 Hieronymum de Nucc.
 Benedictum de Auria, q. Io. Baptistæ.
 Adrianum de Auria.
 Pelegrum de Auria, D. Ioannis.
 Alaramum de Auria.
 Ludouicum Interianum, q. Oberti.
 Nicolaum Gambaruttam.
 Baptistam Parrisolam.
 Ambrosium Interianum, q. Bartholomæi.
 Franciscum Grossum, q. Laurentij.
 Siluestrum de Passalio.
 Ioannem Antonium Bassadone.
 Lucam Siuori.
 Franciscum Pallauicinum, q. Babilani.
 Felicem Pallauicinum.
 Andream Centurionum, D. Benedicti.
 Iacobum Senestrarium.
 Iacobum Moneliam, q. Mag. Benedicti.
 Io. Baptistam Salutium.
 Hieronymum Lumellinum, q. Augustini.
 Franciscum Lumellinum, q. Baptistæ.
 Ioannem Baptistam Sesterium.
 Hieronymum de Cluaro, q. Lucæ.
 Andream Pedralues.
 Ioannem Lumellinum, q. Antonij.
 Antonium Balianum.
 Alexandrum Imperialem, q. Augustini.
 Michaëlem Portam.
 Franciscum Terrilem Physicum.
 Nicolaum Balianum iur. Doct.
 Ioannem Baptistam Mercante.
 Ioannem Iacobum Imperialem, q. Vincentij.
 Baptistam de Terrili.
 Nicolaum Sangninetum Physicum.
 Hieronymum Marinetum.
 Io. Baptistam Ioardum, q. Benedicti.
 Augustinum Lumellinum, q. Iacobi.
 Angelum Lumellinum, q. Augustini.
 Philippum Lumellinum, q. Francisci.
 Andream Picchenotum.
 Lucam Iustinianum, q. Vincentij.
 Petrum Iosephum Iustinianum.
 Hieronymum Iustinianum Roccataliatani.
 Stephanum de Franchis, q. Nicolai.
 Hieronymum de Franchis, q. Christophori.
 Augustinum Mulfinum.
 Augustinum Garbarinum, q. Bartholomæi.
 Dauidem Vaccarium iur. Doct.
 Baptistam de Ferrariis, q. Galeoti.
 Lucam de Fornariis iur. Doct.
 Leonardum de Multedo.
 Franciscum Sauli, q. Dominici.
 Philippum Sauli.
 Antonium Gualterium.
 Ioannem Grillum, D. Lucæ.

Paulum de Cattaneis.
 Gotardum Biscottum.
 Petrum Cantellum.
 Nicolaum Vignolum.
 Ioannem Griffum.
 Stephanum Doxium.
 Alexandrum de Vultabio.
 Io. Baptistam Nigrorum, q. Petri.
 Raphaëlem Merellum Physicum.
 Io. Augustinum Airolum.
 Iacobum Nigrorum, q. Simonis.
 Melchionem Nigrorum, q. Siluagij.
 Leonem Merellum.
 Bernardum Bancherium.
 Stephanum Viualdum, q. Francisci.
 Iulianum Benigassium.
 Lazarum Viualdum, q. Hieronymi.
 Antonium Viualdum, D. Pauli.
 Antonium Cebam Grimaldum, q. Bernardi.
 Bartholomæum Feretum.
 Hieronymum Mulasanam.
 Anfreonum Cebam Grimaldum.
 Hieronymum Zinum.
 Angelum Ritium, q. Petri Pauli.
 Io. Franciscum Grimaldum, D. Baptistæ.
 Augustinum Grimaldum.
 Andream de Ferrariis.
 Augustinum Cebam Grimaldum, q. Antonij.
 Laurentium Buzalinum.
 Gerardum Cebam Grimaldum.
 Ioannem Baptistam Petrarugiam.
 Hieronymum Grimaldum, D. Lucæ.
 Ioannem de Ferrariis, q. Blaxij.
 Lazarum Grimaldum, q. Augustini iur.
 Doct.
 Gregorium Spinulam, q. Io. Francisci.
 Laurentium de Ferrariis.
 Dominicum Spinulam, q. Iacobi.
 Gasparem Franconum.
 Andream de Benedictis.
 Paulum de Benedictis.
 Ambrosium Spinulam, q. Francisci.
 Augustinum Pinelum.
 Ioannem Augustinum de Rauiolis.
 Iulianum Spinulam, q. Accelini.
 Ioannem Baptistam Spinulam, q. Stephani.
 Io. Augustinum Iustinianum, q. Nicolai.
 Dionysium Spinulam, q. Hieronymi.
 Thadæum Spinulam, q. Iacobi.
 Ludouicum Spinulam, q. Francisci.
 Franciscum Murchium.
 Hieronymum Spinulam, q. Philippi.
 Laurentium Spinulam, q. Quilici.
 Antonium Argiroffum.
 Stephanum Spinulam, q. Pauli.
 Ambrosium de Ecclesia.

Matthæum de Ponte.
 Dominicum Spinulam, q. Stephani.
 Io. Baptistam Spinulam, q. Bernardi.
 Antonium Roccataliatam, Hieronymi.
 Paulum Spinulam, q. Gregorij.
 Vrbani Cauaturtam.
 Stephanum Spinulam, q. Ambrosij.
 Hieronymum Spinulam, q. Gregorij.
 Pelegrum Rebuffum.
 Io. Dominicum de nouis iur. Doct.
 Thomam de Turri.
 Nicolaum Parrisolam.
 Carolum Spinulam, q. Pauli.
 Cattaneum Spinulam, q. Simonis iur. Doct.
 Io. Baptistam de Blaxia.
 Lucam Spinulam, q. Iacobi Mariæ.
 Io. Paulum Iustinianum.
 Hectorem Spinulam, q. Augustini.
 Sebastianum Spinulam, q. Gregorij.
 Petrum Baptistam Cauanam, D. Ioan. Mariæ.
 Obertum Spinulam, q. Francisci.
 Hieronymum Spinulam, q. Gregorij iur.
 Doct.
 Franciscum de Luciano.
 Francum Spinulam, q. Gasparis.
 Io. Baptistam Caluum.
 Oratium Spinulam, q. Io. Mariæ.
 Simonem de Iugo.
 Ioannem Mariam Spinulam, D. Lucæ.
 Conradum Spinulam, q. Panthaleonis.
 Gregorium de Monterubeo.
 Antonium Bonam.
 Philippum Iussanum.
 Antonium Mariam Spinulam, q. Iacobi.
 Lazarum Spinulam, q. Iacobi Mariæ.
 Paulum Baptistam Spinulam, q. Simonis.
 Vincentium Carpeninum.
 Damianum Spinulam iur. Doct.
 Bernardum Pelisonum.
 Ioannem Franciscum de Franciscis.
 Marcum Gentilem, q. Iacobi.
 Nicolaum Gentilem, q. Ambrosij.
 Dominicum Gentilem, q. Io. Baptistæ.
 Paulum Gentilem, q. Gasparis.
 Io. Andream Costapelegrinam iur. Doct.
 Panthaleonem Gentilem, q. Simonis.
 Thomam Gentilem, q. Benedicti.
 Baptistam de Canali.
 Vincentium Adurnum.
 Demetrium Pinellum.
 Io. Andream Pinellum, D. Io. Pauli.
 Raphaëlem Pallauicinum Marci Antonij.
 Nicolaum Pallauicinum, q. Io. Francisci.
 Benedictum Siuorium.
 Gotardum Coronatum.
 Innocentium Pallauicinum, q. Nicolai.

Andream Pallauicinum, q. Ludouici.
 Iacobum Mariam Pallauicinum.
 Carolum Pallauicinum, q. Vincentij.
 Benedictum Rotulum.
 Augustinum Pallauicinum, q. Philippi.
 Laurentium Capellonum.
 Bartholomæum Caluum, Hieronymi.
 Augustinum Senestrarium, D. Iacobi.
 Andream Centurionum, q. Dominici.
 Laurentium Piccalugam.
 Barnabam de Illice.
 Sebastianum Centurionum, q. Iacobi.
 Manfreonum Centurionum.
 Benedictum Centurionum, q. Luciani.
 Federicum Centurionum, q. Pauli.
 Thomam de Calanis Physicum.
 Stephanum Centurionum, q. Dominici.
 Augustinum Centurionum, q. Iacobi.
 Augustinum Centurionum, D. Hieronymi.
 Ioannem Baptistam Farinanti illustrissimi.
 Ioannem Centurionum, q. Francisci.
 Leonardum Lumellinum, q. Hieronymi.
 Augustinum Lumellinum, q. Philippi.
 Iacobum de Alegro.
 Benedictum Lumellinum, q. Io. Baptistæ.
 Andream Lumellinum, q. Panthaleonis.
 Iosephum Stratam.
 Nicolaum Lumellinum, q. Io. Baptistæ.
 Io. Baptistam Lumellinum, q. Babilani.
 Nicolaum Saulium, q. Antonij.
 Vincentium de Plebe.
 Io. Baptistam Lumellinum, q. Panthaleonis.
 Laurentium Saulium, D. Octauiani.
 Benedictum Lumellinum, q. Germani.
 Io. Baptistam Lumellinum, D. Benedicti.

Io. Baptistam Passanum, q. Bartholomæi.
 Augustinum de Facio.
 Ambrosium Lumellinum, q. Philippi.
 Christophorum Axeretur.
 Ambrosium Lumellinum, D. Hieronymi.
 Augustinum Lumellinum, q. Baptistæ.
 Baptistam Spinulam, q. Hieronymi.
 Benedictum Argiroffum.
 Ansaldum Iustinianum iur. Doct.
 Baptistam Iustinianum, q. Urbani.
 Carolum Spinulam, q. Luciani.
 Io. Paulum Iustinianum, q. Nicolai.
 Augustinum Spinulam, q. Stephani.
 Ansaldum Grimaldum, Io. Baptistæ.
 Gasparem de Franchis, q. Antonij.
 Ioannem Iacobum Grimaldum, Pauli.
 Balianum Fornarium.
 Victalianum Fornarium.
 Ioannem Spinulam, q. Nicolai.
 Vincentium Fornarium, q. Io. Baptistæ.
 Gasparem de Fornariis.
 Ioannem Hieronymum de Bene.
 Ioannem Baptistam Compianum.
 Io. Baptistam Fornarium, q. Bartholomæi.
 Vincentium Ritium, q. Io. Matthæi.
 Christophorum Spinulam, q. Georgij.
 Baptistam Lumellinum, q. Baptistæ.
 Bendinellum Saulium, q. Sebastiani.
 Thomam Saulium, q. Iuliani.
 Franciscum Vnciam.
 Iosephum Stratam Physicum.
 Bernardum de Sopranis.
 Paulum Vincentium Lumellinum.
 Iacobum Guisum.
 Iulianum Donatum.
 Raphaëlem Spinulam, q. Augustini.

Hi sunt numero quadringenti.

Pro Consilio minori magnificos Dominos, videlicet:

IOANNEM Saluaigum, q. Benedicti.
 Augustinum Saluaigum, q. Ambrosij.
 Hieronymum Martinum, q. Francisci.
 Augustinum Martinum, q. Donaini.
 Petrum Baptistam Cattaneum iur. Doct.
 Bartholomæum Lazaniam.
 Gasparem Oliuam.
 Baptistam Bauam.
 Franciscum Taliacarne iur. Doct.
 Antoniorum Cattaneum, D. Stephani.
 Stephanum Cigalam, q. Bartholomæi.
 Antonium de Brignolis.
 Franciscum Fliscum, D. Hectoris.
 Benedictum Caneuarium.
 Ioannem Stephanum Moronum.

Ioannem Marruffum.
 Io. Baptistam Lercarium, q. Stephani.
 Baptistam Buronum.
 Baptistam Camillam.
 Nicolaum Serram.
 Iacobum de Nigro, q. Ioannis.
 Stephanum Pasquam.
 Edoardum de Nigro Physicum.
 Dominicum de Auria, q. Stephani.
 Antonium Inuream.
 Nicolaum de Auria, q. Reuteren.
 Siluestrum Inuream.
 Georgium de Auria, q. Melchionis.
 Augustinum de Auria, q. Iacobi, q. Aug.
 Io. Baptistam de Auria, q. Dominici.

Bernardum Castaneam.
 Dominicum Grillum.
 Franciscum Vignolum.
 Laurentium Nigronum, q. Petri.
 Baptistam Nigronum, q. Baptistæ.
 Paulum Viualdum, q. Antonij.
 Hieronymum Axeretur.
 Antonium Sophiam.
 Christophorum de Iudicibus.
 Iacobum Viualdum, q. Baptistæ.
 Paulum Grimaldum, q. Augustini.
 Vincentium Duratium.
 Alexandrum Rubeum.
 Io. Baptistam Grimaldum, q. R^{mi}.
 Bartholomæum Ritium.
 Augustinum Grimaldum, q. Io. Baptistæ.
 Lucam Grimaldum, q. Francisci.
 Paulum Spinulam, q. Stephani.
 Philippum Spinulam, q. Ambrosij.
 Benedictum Spinulam, q. Pauli.
 Baptistam de Turri, q. Leonardi.
 Daniele Spinulam, q. Nicolai.
 Io. Baptistam Spinulam, q. Antonij.
 Nicolaum Spinulam, q. Lucæ.
 Iofredum Spinulam, Mag. Lucæ.
 Nicolaum Spinulam, q. Stephani iur. Doct.
 Iacobum Spinulam, q. Federici.
 Io. Baptistam Gentilem, q. Iacobi.
 Raphaëlem Odonum.
 Ioanne Odonum.
 Ioannem Senaregam.
 Baptistam Garbarinum.
 Stephanum Gentilem, q. Costantini.
 Bartholomæum Coronatum.
 Georgium Gentilem, q. Costantini.

Stephanum Pinellum, q. Augustini.
 Io. Franciscum Balbum, q. Nicolai.
 Michaëlem Adurnum.
 Paulum Adurnum.
 Thobiam Pallauicinum.
 Io. Antonium Bassadone.
 Lucam Siuorium.
 Franciscum Pallauicinum, q. Babilani.
 Felicem Pallauicinum.
 Andream Centurionum, D. Benedicti.
 Iacobum Senestrarium.
 Io. Baptistam Salutium.
 Hieronymum Lumellinum, q. Augustini.
 Franciscum Lumellinum, q. Baptistæ.
 Io. Baptistam Sesterium.
 Hieronymum de Clauaro, q. Lucæ.
 Andream Pedralues.
 Io. Lumellinum, q. Antonij.
 Augustinum Lumellinum, q. Iacobi.
 Angelum Lumellinum, q. Augustini.
 Philippum Lumellinum, q. Francisci.
 Andream Picchenotum.
 Lucam Iustinianum, q. Vincentij.
 Petrum Iosephum Iustinianum.
 Hieronymum Iustinianum Roccataliatam.
 Stephanum de Franchis, q. Nicolai.
 Hieronymum de Franchis, q. Christophori.
 Augustinum Mulfinum.
 Augustinum Garbarinum, q. Bartholomæi.
 Dauid Vaccarium iur. Doct.
 Baptistam de Ferrariis, q. Galeotti.
 Lucam de Fornariis iur. Doct.
 Leonardum de Multedo.
 Franciscum Saulium, q. Dominici.
 Philippum Saulium.

Et hi sunt numero centum.

Seligimus insuper centum & viginti Patres, viros omni virtutum genere cumulos, & publicæ quietis studiosos. Horum nomina in urnam, seu capsulam, modo & forma à nobis descripta, coniici mandamus; vt primo quoque tempore sorte educti Reipublicæ seruiant, iuxta Legum nostrarum formam.

Horum autem nomina sunt hæc, videlicet magnificos Dominos

AUGUSTINUM Saluaigum, q. Ambrosij.
 Ioannem Saluaigum, q. Benedicti.
 Bartholomæum Saluaigum, q. Benedicti.
 Lucam Iustinianum, q. Vincentij.
 Petrum Iosephum Iustinianum.
 Franciscum Saulium, q. Dominici.
 Philippum Saulium, q. Alexandri.
 Petrum Baptistam Cattaneum.
 Franciscum Fliscum, D. Hectoris.
 Bendinellum Saulium, q. Sebastiani.
 Laurentium Saulium, D. Octauiani.
 Stephanum Cigalam.

Ioannem Augustinum Iustinianum.
 Ioannem Paulum Iustinianum.
 Cattaneum Marinum.
 Augustinum Marinum.
 Hieronymum de Franchis, q. Christophori.
 Stephanum de Franchis, q. Nicolai.
 Hieronymum de Franchis, q. Petri Baptistæ.
 Iacobum Lercarium, q. Francisci.
 Franciscum Lercarium, q. Nicolai.
 Ambrosium de Nigro.
 Franciscum de Nigro, q. Bonifacij.
 Balianum de Fornariis.

Vincen-

Vincentium de Fornariis, q. Io. Baptistæ.
 Nicolaum de Auria, q. R^{mi}.
 Nicolaum de Auria, q. Mag. Iacobi.
 Georgium de Auria, q. Melchionis.
 Christophorum de Fornariis.
 Lucam de Fornariis iur. Doct.
 Nicolaum de Auria, q. Iacobi, q. Petri.
 Dominicum de Auria, q. Stephani.
 Paulum Adurnum, q. Baldafaris.
 Michaëlem Adurnum.
 Augustinum de Auria, q. Mag. Iacobi.
 Vincentium Adurnum, q. Iuliani.
 Paulum Baptistam Interianum.
 Iacobum Senestrarium.
 Iacobum Viualdum, q. Baptistæ.
 Dominicum Grillum.
 Laurentium Nigronum, q. Petri.
 Bendinellum Nigronum.
 Vincentium Zoalium.
 Stephanum Pinellum.
 Raphaëlem Odonum.
 Ioannem Odonum, q. Ioannis.
 Io. Baptistam Grimaldum, q. R^{mi}.
 Bartholomæum Ritium, q. Stephani.
 Antonium Grimaldum Cebam.
 Augustinum Grimaldum, q. Io. Baptistæ.
 Gasparem Oliuam.
 Lucam Grimaldum, q. R^{mi}.
 Nicolaum Paxerium.
 David Vaccarium iur. Doct.
 Andream Picchenotum.
 Paulum Spinulam, q. Stephani.
 Nicolaum Spinulam, q. Stephani, iur. Doct.
 Benedictum Spinulam, q. Pauli.
 Baptistam Garbarinum.
 Augustinum Garbarinum, q. Bartholomæi.
 Io. Baptistam Spinulam, q. Antonij.
 Iofredum Spinulam.
 Daniele Spinulam.
 Franciscum Zoalium.
 Baptistam de Turri, q. Leonardi.
 Petrum Benigassium.
 Nicolaum Spinulam, q. Lucæ.
 Iacobum Spinulam, q. Federici.
 Io. Baptistam Gentilem, q. Iacobi.
 Ambrosium Bondinarium.
 Ioannem Marruffum.
 Bartholomæum Lazaniam.

Nicolaum Gentilem, q. Ambrosij.
 Baptistam Bauam.
 Franciscum Pallauicinum, q. Babilani.
 Thobiam Pallauicinum.
 Franciscum Taliacarne iur. Doctorem.
 Nicolaum Pallauicinum.
 Antonium Inuream.
 Io. Baptistam Ragium.
 Baptistam Buronum.
 Andream Centurionum, q. Dominici.
 Federicum Centurionum, q. Iacobi.
 Christophorum Centurionum.
 Andream Centurionum, D. Benedicti.
 Franciscum Inuream.
 Siluestrum Inuream.
 Baptistam Monsiam.
 Siluestrum Passalium.
 Franciscum Lumellinum, q. Baptistæ.
 Ioannem Lumellinum, q. Antonij.
 Antonium Sophiam.
 Paulum Vincentium Lumellinum.
 Hieronymum Lumellinum, q. Augustini.
 Marcum Rubeum, D. Alexandri.
 Vincentium Duratium.
 Hieronymum Clauarum, q. Lucæ.
 Benedictum Caneuarium.
 Augustinum Lumellinum.
 Marcum Moronum iur. Doctorem.
 Gregorium de Turri.
 Iacobum de Saluo, q. Pelegri.
 Nicolaum Serram D. Pauli.
 Baptistam Camillam.
 Siluestrum Vfusmaris.
 Stephanum de Mari.
 Alexandrum Imperialem, q. Augustini.
 Benedictum Pernicem.
 Ambrosium Carmagnolam.
 Nicolaum Piccamilium.
 Michaëlem Portam.
 Ioannem Griffum.
 Iulianum Marosellum.
 Io. Baptistam Cesterium.
 Franciscum Montebrunum.
 Stephanum Squarciaficum, q. Hilarij.
 Iacobum Moneliam, q. Benedicti.
 Vincentium Costam.
 Clementem de Ruere.
 Bernardum de Sopranis.

Hi sunt numero centum viginti.

Hos autem, & quoscunque alios Magistratus per nos electos volumus Reipublicæ subiectos esse, eiq. parere debere, seruata tamen forma constitutionum nostrarum, & non aliter.

Omissimus autem nonnullos in hac nostra electione ex proposito æquè bonos, aptos, & in Rempublicam propenso animo, ac sunt iam per nos nuncupati; vt electis cedentibus, hi quoque possint Reipublicæ inferuire.

Eligimus insuper infra scriptos Iurecōsultos, quorū virtus, probitas, & litterarū sciētia nobis

probata, & perspecta est; qui triennio hoc proximo Rotæ criminalis, & Aduocati fidei munus obibunt; cum honoribus, auctoritate, salariis, & præminentis à nobis eisdem, & successoribus suis assignatis. Horum primus (cùm secundum ætatis gradum descripti sint) primo anno Prætor erit; mox alij suo ordine cursum Præturæ implebunt.

Hi sunt magnifici Iureconsulti:

Petrus Antonius Vicedominus,
Blasius de Loffo, & Hieronymus de Gerardis.

Pro Aduocato fiscali:

Mag^r. Paulus Albutius.

De restitutione spoliatorum.

CAPVT LIX.

NON ignoramus in hisce bellicis tumultibus qui in hac Republica exarserunt, multas hinc & inde intercessisse, iure quodam belli, aut potius iniuria, direptiones, depopulationes, & deprædationes, quæ subditis, ac aliis non leuia incommoda attulerunt. Vt igitur, quantum fieri potest, ab animis hominum flebilis hæc memoria successuum funestorum deleatur; Volumus omnia hinc & inde occupata, direpta, aut deprædata tam in Dominio, quàm extra, tam in mari, quàm in terra, & vbique locorum tam subditis, quàm aliis omnino, & cessante prorsus omni exceptione restitui debere. Huius verò Decreti, & Legis executionem demandamus Prætori, qui sine strepitu, & figura iudicij, solaque facti veritate inspecta, provideat, vt statim, remotaque omni appellatione spoliatis ablata restituantur.

Declaratio conseruationis libertatis.

CAPVT LX.

INSUPER ad maiorem potius Reipublicæ securitatem, quàm quòd necessarium existimemus, declaramus mentis nostræ, Principumve nostrorum non fuisse, nec esse, quòd per harum Legum condicionem, aut quamcumque Magistratuum electionem, aut alia quæcumque, quæ per nos facta sint, aliquod censeatur, nec sit illatum præiudicium libertati Reipublicæ Genuensis; nec quòd ea in controuersiam deducta sit; quam Principes nostri omnino illibatam, atque intactam, & conseruatam esse volunt.

Abrogatio omnium Legum quæ præsentibus contrariantur, & innouatio aliarum.

CAPVT LXI.

CVM opportunè prouiderimus tum Magistratuum electionibus, tum etiam nonnullis abusibus qui imperfectam admodum Reipublicæ institutionem reddebant, censuimus necessarium tollere omnia impedimenta, quæ harum Legum plenam, & integram executionem aut impedire, aut offuscare potuissent. Quare præsentium tenore Leges omnes antiquas, Decreta, Statuta, aut consuetudines etiam immemorabiles, quæ præsentibus nostris aliquo modo contrariantur, etiam quòd de eis specialis, & indiuidua mentio fienda esset, abrogamus, annullamus, & irritamus: his, quæ non contrariantur, siue Reipublicæ administrationem, siue iustitiam ciuilem respiciant, siue conuentiones cum finitimis quibuscumque initas, & hucusque obseruatas, concernunt, innouatis, ac confirmatis.

ERECTIO ROTÆ CRIMINALIS.

CAPVT I.



CVM nihil magis necessarium sit pro conseruanda quiete in Repyblica, quàm iustitiam fouere, & eam illa qua decet auctoritate, omnibus æqua lance administrare: Proinde sancimus in vrbe Genuæ erigendum esse tribunal trium Iureconsultorum exterorum; qui iudicio, auctoritate, integritate, & rerum experientia polleant; quique nulla cum ciuibus Genuensibus affinitate coniuncti sint; tribunalque hoc Rotæ criminalis nomine appellari debere.

De electione Rotæ criminalis, & fiscalis.

CAPVT II.

EOS qui administrandæ iustitiæ præficiendi sunt, conuenit & integritate vitæ, & morum honestate, & litterarum scientia ceteris omnibus præcellere. Quare vbi de eligendis Rotæ auditoribus agendum erit, curabit illustrissima Dominatio, vt super vita, moribus, doctrina & peritia non modò eorum qui ad id muneris adspirant, verùm eorum etiam quos, vt idoneos, proponi continget, secretæ informationes per duos ex magnificis Gubernatoribus sorte extrahendis assumantur; quibus omnibus fideliter coràm Senatu, Procuratoribus, & Consilio minori relatis, nomina eorum qui maiorem partem suffragiorum retulerint, in vnam ab illustrissimo Duce custodiendam, coniici mandamus; vt suo tempore Rotæ auditores ex ea sorte eliciantur, cictis his qui interim mortui fuerint. Quod ita tempestiuè fieri volumus, vt sorte educendi per trimestre, antequam ad munus accedant, præmoneantur. Idem seruari volumus in electione Aduocati fiscalis.

Distinctio officiorum Rotæ, & electio Prætoris.

CAPVT III.

EX hoc Magistratu qui triennium non excedet, singulo anno vnus, inchoando à seniore, & post eum sequentes, secundum ætatis gradum, in Prætorem electi intelligantur, anno tantum hoc munere functuri, ita vt finito triennio, singuli hoc munere anno fruuntur. Præcritque Prætor aliis Rotæ auditoribus durante officio, aliisque honoribus, commodis, & præminentis, quæ huic muneri adiectæ sunt, perfruetur.

De salario Prætoris, & auditorum Rotæ.

CAPVT IIII.

SALARIVM hisce auditoribus Rotæ criminalis persoluantur sexcentorum aureorum annuorum, in singulo trimestri pro rata erogandum ex ærario publico; & hoc vltra habitationem, emolumenta, regalias, immunitates, exemptiones præstari solitas, & consuetas. Cùm verò munere Prætoris fungentur, vltra sexcentos scutos aureos, (vt dignitatem officij sui tueri decentius possint) alios ducentos aureos, pro eo anno tantum, habeant.

De iustitia fideliter administranda.

CAPVT V.

CVM autem maximè conueniens sit, vt qui alios auctoritate sua in officio & fide continet & coërcet, ipse aliis præstantior sit, sciant Prætor & auditores sibi maximè cauendum ne immundas habeant manus; sed suis stipendiis, & legitimis honorariis contenti sint. Ad hæc se æquales, & iustos omnibus præbeant, nullam penitus personarum acceptionem habeant: sed omnibus, & contra omnes, æqua lance iustitiam administrent. Quòd si secus factum fuerit, vltra quòd Deum optimum maximum occultorum scelerum grauissimum ultorem & vindicem experientur, seuerè etiam in sindicatu rationem reddent, in quo nulla habebitur ratio, quòd aut metus reuerentialis, aut maiorum iussiones interuenerint, aut impedimento fuerint.

ASSISTAT Rotæ criminali Fiscalis vnus Iurecōsultus, quem & exterum, & versatum in causis criminalibus esse decet, & nulli ciui Genuen. affinitate coniunctum, vt liberè, & sincerè munus suum obire valeat; habeatque pro salario annuo scuta auri trecenta in singulos quatuor menses ex æratio publico eroganda, vltra habitationem, & alia commoda, præeminentia, & immunitates per suos antecessores percipi solitas, & consuetas. Durabit eius munus triennio. eligetur, ac indicabitur non aliter ac Rotæ criminalis auditores. Sciatque nihil magis muneri suo conuenire, quam processum, & causarum celerem expeditionem instare, omniq; studio, & diligentia curare, vt rei debitas delictorum pœnas luant. Aduertet insuper, & inuigilabit ne fiscus in multis, & condemnationibus pecuniariis, aut bonorum confiscationibus, quæ indies fiunt per Magistratus, damnum, aut illusionem patiatur.

De Militibus, sine Allabarderis Prætoris.

DECET eos qui administrandæ iustitiæ præsumt, non modò auctoritate pollere, verum etiam, pro ea aduersus temerarium impetum, & ausum tuenda, ac conseruanda, viribus præstare. Proinde habebit Prætor sex Germanos milites Allabarderios nuncupatos, illustrissimæ Dominationis impensis, & auctoritate ei subministrandos, qui & domi suæ pro foribus resideant, & eum egredientem continuò publicè, & reuerenter comitentur. Mandabit insuper illustrissima Dominatio præfecto cohortis Prætorianæ, vt pro defensione, & fortiori auctoritate iustitiæ, subministret Prætori eam militum manum, quam ipse postulauerit, vsque ad centum, & vltra: si ita illustrissimæ Dominationi expedire videbitur.

De electione, & salario Baricelli, & satellitum.

ELIGET sibi Prætor Baricellum vnum practicum, & virilem, cum octoginta strenuis satellitibus, qui ei præsto sint, eiusque iussa diligenter, & fideliter obseruent, & exequantur, nulla habita prorsus personarum acceptione. Huic illustrissima Dominatio scuta quindecim, illis verò scuta tria auri in singulos menses ex publico æratio erogari mandabit: vltra regalias, & emolumenta per eos legitimè percipi solita, & consueta. Caueat autem Prætor ne aliquid muneris, aut præmij, etiam sponte oblato, capiat à Baricello per eum eligendo, occasione huiusmodi electionis.

De iuramento per Prætorem exigendo à Notariis Rotæ criminalis.

EXIGET Prætor à Notariis maleficiorum in principio muneris sui iuramentum de dolo non committendo, ac fideliter, & legaliter exercendo munere, & quòd nemini prorsus, nec prece, nec pretio, nec amicorum, Principumve rogationibus, aut iussis commoti, secreta processuum pandent, nec pandi permittent, ante eorū publicationem, sub pœna periurij, falsi, & infamiæ, & vltius sub pœna pecuniaria arbitrio Prætoris imponenda, & fisco applicanda.

Quòd Notarij, & alij Officiales Rotæ non excedant taxas suarum mercedum.

CVRABIT omni studio, & diligentia Prætor, vt tam Notarij, & Scribæ, quàm nuntij, & cursores, Baricelli, satellites, custodes carcerum, & omnes alij in dicto Magistratu seruientes taxas mercedum ex ordinibus vniciquæ eorum præfixas obseruent; neque aliquo pacto directè, aut indirectè excedant. Quòd si contingat aliquos palam, vel secreto à clientulis, aut aliis eorum nominibus plus debito extorquere, aut indirectè, expeditiones differendo, vel moras ponendo in sui muneris expletione, ita concutere litigatores, vt tedio affecti, maiorem, quàm par sit, mercedem soluere cogantur: eos pro prima vice in quadruplum eius, quod sibi

sibi per statuta debetur, quoties deliquerint, mulctet. In futurum verò ita seuerè, & grauiter plectat, iuxta facti qualitatem, vt ceteris sint exemplo. Aduertet insuper, & prouidebit ne aliquid penitus à pauperibus, aut à miserabilibus personis accipiant: sed Notarij omnia acta, & scripturas gratis conficiant, & expleant. Alij verò munera sua, nulla penitus petita, nec expectata mercede exequatur, sed à Deo optimo maximo huius pij laboris cumulata expectet.

De denuntiatoribus delictorum.

CAPVT XI.

EX P E D I T maximè, pro iustitia rectè, & diligenter administranda, adesse in ciuitate Denuntiatores criminum. Ideò sancitum est in vnaquaq parochia per vicinos singulo triennio eligi debere duos Officiales qui teneantur omnia delicta, quæ in sua parochia committi continget ea quæ diurno tempore, saltem in die immediatè sequenti, quæ verò noctu, saltem intra biduum Prætori denuntiare, exprimendo delicti tempus, locum, delinquentes, offensi nomen, & cognomen, & testium qui adfuerint, vel sciuerint, aliasque circumstantias omnes, quas de his acceperint. Qui omiserit, vel minus fideliter denuntiauerit, subeat pœnam ducatorum decem auri, & vltra, arbitrio Prætoris, pro modo culpæ, & negligentia; nisi causam attulerit, quare arbitrato Prætoris iure veniat excusandus. Non excusentur tamen ex hoc Medici, & Chirurghi, quin teneantur iuxta Statuti tertij dispositionem lib. primo Criminalium omnes saucios, seu percussos, quibus medebuntur, apud acta D. Prætoris deferre.

De auctoritate, & iurisdictione Rota criminalis.

CAPVT XII.

AP V D hoc tribunal resideat omnis auctoritas, & iurisdictione causarum criminalium, respectu eorum delictorum, quæ in ciuitate, & tribus curiis Bisamniensi, Pociferana, & Vulturensi committentur, tam in procedendo, quàm in decidendo. Verùm respectu eorum delictorum quæ in vniuerso Dominio, comprehensa etiam prouincia Corsicæ, fieri continget, singuli Prouinciarum, & locorum Prætores, & Iudicantes (demptis tamen locis exemptis, & separatis, si quæ sunt) processus legitime instruent, & decident. Et vbi agatur de crimine, quod habeat pœnam mortis naturalis, mutilationis membri, & triremium etiam temporalium, non prius manum ad decisionem causæ admovebunt, quàm Rotæ fideliter, & ad amissum statum causæ, & processus, cum eorum voto retulerint, ac responsum decisuum habuerint; quod ad vnguem seruari, & exequi teneantur.

De modo procedendi per Prætorem, & Rotam in delictis.

CAPVT XIII.

PR O C E D E T Prætor Genuæ in omnibus delictis, non modò ad partis instantiam, siue accusationem, verùm etiam ex officio; & non solum per capturam, & inquisitionem, sed etiam præceptis pœnalibus: vbi ita aliis Rotæ auditoribus conuenire videatur, iuxta iuris, & statutorum formam. Et vbi de crimine publico agi contingat, parte etiam non instante, teneatur ex officio procedere, ac omni studio & diligentia veritatem criminis inquirere, cogendo etiam testes de delicto informatos omnibus iuris remediis, etiam per quæstiones & tormenta ad veritatem dicendam; & pro modo culpæ, & iuxta statutorum, & Legum sanctiones, reos punire.

Quòd iurisdictione Rota non possit per aliquem impediri.

CAPVT XIII.

NE M O possit cognitionem, & iurisdictionem D. Prætoris, & auditorum Rotæ cumulatiue, aut priuatiue impedire, nec causarum, & processuum criminalium cursum, nec earum decisionem retardare, minimeve suspendere; sublati etiam Statutis, & Decretis incipientibus. Licet præterea prædictis Procuratoribus, & Incipientibus. Item declarauerunt ad abundantem potius cautelam: quæ magnificis Procuratoribus, & illustrissimæ Dominationi notionem criminalem hactenus dederunt; ceterisque Legibus, aut Statutis in contrarium facientibus non obstantibus quibuscunque. Curabit tamen illustrissima Dominatio, vt Prætor, & auditores

Rotæ iustitiam fideliter, & viriliter exerceant. Excipitur tamen casus criminis læsæ Maiestatis, & seditionis, in quibus illustrissima Dominatio, quæ ex his criminibus de facili labefactari posset, vnum, vel duos Gubernatores, vel Procuratores deputare valebit qui causis huiusmodi cum Prætoribus, & Rota simpliciter assistent, & curabunt, vt huiusmodi processus, ea, qua decet in tam grauibz delictis, diligentia perficiantur, & pro iustitia à Prætoribus, & Rota expediantur. Adiungendo etiam, vbi ita eis conueniens videatur, duos ex Rotæ ciuilibz auditoribus.

De rebus temerè in carceribus non retinendis.

CAPVT XV.

NIMIS durum visum fuit eos qui in carceres trudentur, relaxari non posse, nisi causa, propter quam detenti fuerint, non modò cognita, sed etiam decisa sit. Ideo rigorem Statuti xxvj. lib. i. Criminalium temperare volentes, sancimus id remittendum esse arbitrio D. Prætoris, & auditorum Rotæ, qui secundum qualitatem facti, & personarum, necnon & indiciorum, quibus vnusquisque detentus grauabitur, quod iustum, & conueniens eis visum fuerit, statuent.

Quòd in sententiis per Rotam ferendis duo vota sufficiant.

CAPVT XVI.

CVM voto aliorum auditorum Rotæ criminalis, Prætor causas expediat: duorumque vota, reluctantè etiam Prætoribus, vim habeant sententiæ, tam in definitiuis, quàm interlocutoriis.

De appellationibus reiiciendis, & sententiarum executione.

CAPVT XVII.

A Sententiis per Prætores, & Rotam ferendis, siue definitiue sint, siue interlocutoriæ, necnon à sententiis per Prætores, & Magistratus vniuersi Dominijs Genuensis in causis criminalibus de voto Rotæ ferendis non liceat cuiquam prouocare, appellare, nec de nullitate dicere: sed ipsæ prout latæ fuerint, executioni mittantur. Verùm vbi agatur de pœna mortis, aut mutilationis membri, si in ciuitate, & districtu agatur, per triduum; si in insula Corsicæ, per dies viginti; si verò in aliis ciuitatibus, & terris Dominijs, per quindecim dies ab executione supersedeatur.

De litteris Principis ad nouas defensiones.

CAPVT XVIII.

VSU sæpe compertum est, multos ob paupertatem, nonnullos verò inimicorum suorum malignitatem, aut etiam Iudicum iniuriam, timentes, cum in iudicium vocati essent, etiam quòd innocentes forent, non fuisse aulos in iudicio comparere, maluisseque sententiam in contumaciam pati, quàm euidentis vitæ periculum subire. Horum indemnitati consulentes, sancimus hosce in contumaciam bannitos, aut condemnatos admitti posse ab illustrissima Dominatione ad nouas defensiones, modò litteræ petantur intra biennium: eoque casu habenda erit relatio à magnifico Prætoribus, & intelligendum vtrum ex præsumptionibus, & indiis tantum, an verò ex legitimis probationibus damnati sint; quo casu nullo modo concedantur. Qui huiusmodi litteras impetrauerint, teneantur intra decem dies immediatè secuturos se in carceribus publicis personaliter constituere; aliàs litteræ sibi non suffragentur. Sciantque sibi onus incumbere docendi de innocentia sua, absque eo quòd fiscus aliquid probet. Quòd si intra annum se constituerint, & innocentiam suam demonstraerint; non modò à pœna capitali, verùm etiam à multa pecuniaria, & bonorum confiscatione liberari valebunt; si post annum eo casu à pœna corporali, & capitali tantum liberari possint.

De sindicatoribus Rotæ criminalis, & instantia sindicatus.

CAPVT XIX.

FINITO officio, statim sorte eligantur per illustrissimam Dominationem vnus ex supremis Sindicatoribus, duo de minori Consilio, vnus Rotæ ciuilibz auditor, & vnus de collegio Docto-

Doctorum, & qui omnes, vel eorum filij lites non habuerint coram findicandis. qui Præto-rem, & Auditores, Fiscalem, Notarios, Baricellum, & familiam findicent, querelas audiant, processus instruant, libros criminales renoluant, diligenterque aduertant, num aliquid dolo, iniuste, supinave negligentia actum sit, quod iura fisci, aut tertij offendat, & omnibus perfe-ctis, iustitiam faciant: Instantiaque findicatus quadraginta dies non excedat.

Quod officium auditorum Rotæ criminalis triennale sit.

CAPVT. XX.

QVI per triennium hoc Magistratu Rotæ perfunctus fuerit, non possit confirmari, vel prorogari, nec ad idem officium assumi, nisi lapso triennio integro, à die functionis sui muneris.

De Protectoribus pauperum carceratorum.

CAPVT. XXI.

MA X I M E refert pauperum, & miserabilium personarum qui omnium ope destituti, aut in carceribus marcescunt, aut à potentioribus oppressi iniuste, & longius fortasse, quam par sit, detinentur, & quandoque etiam iniustas pœnas subeunt, rationem habere. Proinde officium, quod Protectorum carcerum appellatur, à nobis erigendum esse censui- mus. Constat hic ordo ex duobus ciuibus Christiana pietate insignibus, quos illustrissimus Dux, & Gubernatores eligent; ex duobus item Iureconsultis, quos collegium singulo biennio nuncupabit; duobus item causidicis, quos eorum ordo peritiores singulis duobus annis huic muneri deputabit. Hi postquam electi erunt, nulla admissa excusatione, onus imposi- tum subibunt; carceres adibunt; notulam carceratorum, qui propter paupertatem defen- sore indigent, habere curabunt; titulum, & causam eorum detentionis à Notariis, vel à Præ- tore, aut aliis iudicibus intelligent; conuenient in domo senioris Iureconsulti, aut ubi eis op- portunius videbitur; de defensione eorum diligenter, & accurate tractabunt; munera inter se partientur. Doctores, & causidici in videndis processibus, parandis legitimis defensionibus, disputandis causis incumbunt. Ciues verò frequentiores erunt in Prætorio, carceratos sape inuisent, & intelligent, vtrum in aliquo à custodibus carcerum, vel ab eo qui alimenta sub- ministrat, grauentur; & ubi opus fuerit, omni studio curabunt, vt ab offensis opportune eis fiant remissiones. Protectoribus (cùm opus aded pium exercent) Prætor, & auditores tam ciuiles, quam criminales facilem aditum, benignasque aures præbebunt. Notarij processus, (si publicati fuerint,) promptè exhibebunt videndos, & explebunt gratis acta, & eorum defen- siones eadem pietate gratis recipiunt: cumulatam mercedem à Deo expectaturi. Horum offi- cium biennale erit. Sciant tamen, lapso biennio, astrictos etiam fore pro hoc munere, vt suc- cessores suos diligenter instruant. Doctoribus illustrissima Dominatio scuta quinquaginta pro singulo: Causidicis verò viginti quinque erogari mandabit; vt operam suam pauperibus gratis præstent.

De visitatione carceratorum.

CAPVT. XXII.

HORTA MVR insuper illustrissimam Dominationem, quam huic pietati Christianæ addictam esse confidimus, vt semel in mense per duos ex magnificis Gubernatoribus, vel Procuratoribus carceres visitari curet; pauperum, & miserabilium carceratorum causas intelligat; indeque prouideat, vt celeriter, & fauorabiliter, & prout opportunum esse iudica- uerit, expediantur.

De abrogatione statutorum, quæ libertati matrimonij, & immunitati ecclesiasticæ aduersantur.

CAPVT. XXIII.

MA X I M E nefarium existimantes matrimonij libertatem vel violare, vel aliquo modo impedire; Censemur statuta in lib. Crimin. 2. cap. 7. & 93. quæ libertati matrimonio- rum non leuiter aduersantur, abolenda, & irritanda esse, prout per præsentem sanctionem abolemus, & irritamus. Eadem auctoritate statutum lib. 2. Crimin. cap. 71. §. si quis autem sacris

facris initiatus, tamquam immunitati, & libertati ecclesiastica, ac sacris Canonibus contrarium, tollimus, & abrogamus.

De abrogatione Legum, & statutorum quæ præmissis Legibus aduersantur, & de innoatione aliarum non obstan. CAPVT XXIIII.

ALIA S verò Leges, statuta, & decreta criminalia ciuitatis Genuen. vti & rationi, & iuri consentanea, innouamus, eorumque executionem D. Prætori, & Rotæ, sedulo iniungimus: his quæ præsentibus nostris constitutionibus, aut alicui earum aliquo modo aduersantur, abolitis, & antiquatis.

QVÆ superius descriptæ sunt Leges, Statuta, Decreta, Ordinationes, atque Electiones, & paullo antè publicè recitatæ fuerunt, eas, & ea Nos Ioannes Cardinalis Moronus, sacri Collegij prior, sanctæque Sedis Apostolicæ de latere Legatus; Petrus Faunus Costacharius, sacri imperij Comes, & Princeps, Episcopus Aquensis, Cæsareusque Orator, & Commissarius; Don Carolus à Borgia Gandiæ Dux; & Don Ioannes de Idiaquez, sacra Catholica Maiestatis Consiliarius, & eiusdem Orator apud Genuenses, ambo ministri catholici Regis, Deo optimo maximo annuente, concordibus votis, & nemine nostrum penitus discrepante, facta prius per nos, & quemlibet nostrum Principibus nostris plena, & integra omnium relatione, & de eorum omnium communi, ac penitus concordii voto, & mandato, pro reformatione Genuensis Reipublicæ, ac eiusdem bono, iusto, quieto, & pacifico statu condidimus, ac compilauimus. Et in fidem præmissorum manu propria subscripsimus, & nostris sigillis sigillari, & à Secretariis nostris subscribi iussimus. Dat. Casali Montisferrati, die Sabati, Decima Martij, anno à partu Virginis, M. D. LXXVI.

Ioannes Episcopus Ostiën. Cardinalis Moronus, Legatus à Latere, &c.

Petrus Faunus Costacharius Episcopus Aquensis, Orator, & Commissarius Cæsareus, &c.

Don Carolus à Borgia Gandiæ Dux, &c. Et Don Ioannes Idiaquez Orator, Ministri Catholici, &c.

CONDIDIMVS Legem, in qua decreuimus, officia Scribarum, qui à Secretis sunt illustrissimæ Dominationis, in futurum singulis lustris conferenda esse per duo Collegia, & Consilium minus. Verum volumus hos qui nunc Reipublicæ seruiunt, in munere suo per quinquennium perseuerare debere: si ita hi qui eligendi eos ius habent, arbitrati fuerint; sed inde dubitatum fuit, quod statim, acceptatis Legibus, nec accedente consensu & duorum Collegiorum, & Consilij minoris, extincta esset horum facultas; id quod nos existimauius indubitatum esse, cum nullo verbo, aut sensu Legis caueatur, quod hi debeant à munere vacare præsentis tempore: quinimò decreta sit certa, & expressa continuatio, & perseuerantia officij usque ad quinquennium; nec eligere debentibus reservata sit alia facultas, quam arbitrandi, an perseuerantia hæc debeat usque ad quinquennium currere, an minori tempore. Verum ad maiorem declarationem, & ad tollendas etiam superfluas dubitationes, edicimus mentis nostræ non fuisse, quod horum qui nunc seruiunt, munus extinctum esset, nisi & duo Collegia, & Consilium minus contrarium fuerint arbitrati. Verum id voluisse, præsentis Scribas in suo munere perseuerare debere usque ad quinquennium: ubi ab illustrissima Dominatione habeant litteras confirmatorias, quas singulis annis impetrandas esse duximus: nisi & duo Collegia, & Consilium minus quinquennalem hanc continuationem auctoritate sua præciderint. Verumtamen hoc præsentis anno litteras confirmatorias minus necessarias esse censuimus; sed munus Scribarum sine aliqua difficultate durare, & ita obseruari debere volumus. In quorum fidem, &c.

Dat. Casali Montisferrati Die 18. Martij. M. D. LXXVI.

Ioannes Cardinalis Moronus Legatus Apostolicus, &c. Petrus Faunus Costacharius Episcopus Aquensis Orator, & Commissarius Cæsareus: Don Carolus Borgia Gandie Dux: Et Don Ioannes Idiaquez Orator, Ministri Catholici, &c.

DE D I M V S formam in Legibus nostris, qua Officiales, & Magistratus in Republica Genuensi in futurum eligi debeant, & omnium qualitates, quas in eligendorum personis desiderauimus, suis in locis descripsimus; & officiorum, quæ aliàs per duo collegia, aliosque viginti octo conferebantur, nonnullis exceptis, eisdem duobus collegiis, vnà cum minori Consilio eligendi in futurum facultatem dedimus, & contulimus. Verùm quia de infracriptorum officiorum, & Magistratuum electione distinctam mentionem non fecimus, cum huiusmodi Magistratus, & officia in ciuitate Genuæ exerceantur, & magnam auctoritatem, atque iurisdictionem administrent: Nos, ne deinceps dubium aliquod oriri possit, hac nostra præsentī Lege decernimus, & sancimus electionem Officiorum, & Magistratuum Extraordinariorum, Corsicæ in ciuitate Genuæ, Terræfirmæ, Patrum communis, Annonæ, Censorum siue Magistratuum, & Monetæ de cetero ad duo Collegia, & Consilium minus pertinere, cum eisdem suffragiis, modis, & formis, quas in aliis similibus eligendis præscripsimus, & desiderauimus: Non obstantibus quibuscumque Legibus, Statutis, decretis, ordinationibus, vel consuetudine etiam immemorabili in contrarium facientibus, quibus omnibus expressè derogamus. Et nihilominus cetera per nos in Legibus nostris sancta, & præsertim circa præmissa, inuiolata, & intacta esse, & remanere decernimus, sancimus, & censemus. In quorum fidem, &c.

Dat. Casali Montisferrati, Die xix. Martij, Anni M. D. LXXVI.

I N D E X R E R V M

M E M O R A B I L I V M Q V Æ I N

H I S A N N A L I B V S C O N T I N E N T V R.



ARON Spinula In-
subricis cataphractis
præfuit. 140.
Abraham excidit gra-
tia Solymani 500.
eiusdem iussu noctu
inter dormiendum iugatur. 501.
exemplum humana infelicitatis. ibid.
Acellinus Auria cum plerisque aliis nobi-
libus viris publicum palatium ex-
struit. 90.
Aelius Sincerus Sannazarus summo in
pretio habitus à Ludouico Galliarum
rege. 441.
Adolphus Comes Neunarius mittitur
legatus ad Casarē Rodolphum. 483.
Adrianus Dertofonus Pont. eligitur.
Leonis successor, & vocatur Sextus.
451. eius Genuam aduentus 455.
Roman. projectio. 456. mors grata
Italiis. 459.
Adriani v. egregia dotes & in patriam
ardentissimum studium. 731.
Adurnius Princeps Reipub. 138. per
vim principatum recuperat. 161.
eius victoria. 162. quarto princeps
declaratus. 173. eius solertia in re-
tinendo principatu. 177.
Adurnij Genua excedunt. 401.
Adurniorum & Fliscorum clades. 438.
Aegidius Buccanigra Hispanica classis
præfectus. 123. eiusdem aduersus
Mauretanos victoria. 123. Aegidius
Nigrius. 84.
Aenea tormenta quando primum reper-
ta fuerint. 771.
Aenobarbus, vulgo ab Eysenbarde. 210.
Ager Ligusticus à Castrario diuexatur.
110. ab Insubris diuexatur. 764.
Agia & Corcyra Melana à seminis po-
tissimum defensa. 405.
Alimus Smyrneus insignis pirata. 485.
eius victoria. 486.
Alanus Costa. 659.
Alaricus Gothorum rex. 92.
Albanus dux mittitur prorex in Italiam.
557. infelicitè pugnatur cum Gal-
lis in Gallia transalpina. ibidem.
Albertus Fliscus. 86.
Albertus Ganij March. à Genuens. in
carcerem conjicitur. 30.
Albertus Spinula mittitur ad Sultanum.
88. & 679.
Albinganum & portus Veneris dedizio-
nem faciunt. 55. à Gibellinis occu-
patur. 101. à Genuens. maturo
praesidio subleuatur. 258. à
Pisanis direptum. 638. à Casaria-

nis deditione occupatum. 688. eorum
& Sauonensium defectio. 43. tan-
dem in gratiam recepti. 38.
Albintimilij defectio & recuperatio. 12.
frustra à Genuens. oppugnatum. 24.
rursus in gratiam redit. 38. noua
defectio. 42. & 54. obsidetur. 55.
denud recipitur in gratiam. ibidem.
diripitur. 105. noua defectio.
212. diripitur à Genuensibus.
209.
Alemannus Consta Genuensium benefi-
ciarius. 711. à Venetis captus. 712.
Alexander ab Alexandro vir singularis
eruditionis. 392.
Alexander Fulgosius Albintimilij Episco-
pus frustra Genuam inuadit. 449.
Alexander VI. Pontifex creatur. 370.
obitus. 380.
Alexander Medices Florentie interfici-
tur. 505.
Alexander Vitellus. 511.
Alexandri Florētia principis cades. 498.
Alexandrini Genuensium opem implo-
rant & obtinent. 14. Genuensibus
bellum indicunt, & Capriatū frā-
strā obsident. 40. eorum pertinacia.
41. & 42. iterum arma aduersus
eosdem corripunt. 46. eorum im-
manitas & furor. ibidem.
Alfonso Aragonius inuadit Corsicam.
226. Caluis occupato, Bonifacium
obsidet. 226. eius consiliis cum
classe Ligustica. 230. relicta insu-
la in Siciliam nauigat. ibid. Masti-
liam diripit. 235. cum instructis-
sima classe ad Pontiam insulam cum
Genuens. congregitur, & victus, Me-
diolanum perducitur. 248. huma-
nissime dimittitur. 249. recuperat
Neapolim. 267. cum Genuens.
reconciliatur. 271. nouum bellum
excitat. ibid. Genuam & Cor-
sicam infestat. 285. eius epistola
ad Petrum Fulgosium principem.
287. bellum infert. 292. mors
& natura. ibid.
Alfonsi Aragonij auxiliares copie ad ex-
pugnandam Almeriam. 623.
eiusdem constantia. ibidem.
Alfonsi Petrucij Card. aduersus Leonem
X. conspiratio. 447. mors. 448.
Alidusij cardinalis cades. 431.
Almeria obsidio. 623. expugnatio. 629.
Almericus Baluini successor. 95.
Aloysius Spinula. 408.
Aloysius Lauretanus Victori Pisano in
re nauali succedit. 779.

Aluarus Nonius doctor. 369.
de Alumine. 302.
Ambrosij Nigrij eximia virtus. 392.
Ambrosij Grimaldi præsagium in som-
nio. 787. interitus. 788. 701.
Amicus Stregia. 703.
Amplificatio portus Genuens. 95.
Anciani qui dicantur. 221.
Andora rex à Genuensibus octo millib.
librarum coempta. 69.
Andrea Alciati obitus. 557.
Andreas Auria à Gallo conducitur, eiq.
inferunt. 55. Gallica classis præfi-
ciunt. 404. in portu Delphini vi-
ctoria. 465. defectio à rege Gall.
473. cur à Gallis ad Casarem
deficit. 474. torquem conchyli-
um Francisco regi remittit. 475.
Victor Genuam ingreditur. 475.
principatum renuit. 476. in-
gens in patriam studium atq. amor.
476. singularis virtus & felicitas.
477. patriam in pristinam liber-
tatem vindicat, ideoq. marmorea
statua donatur. ibidem. pater pa-
triae appellatur. ibid. Carolo V.
admodum gratus & familiaris. ibid.
ab eodem torque aurei velleris dona-
tur, & Melpiorum Dux declaratur,
ibidem. summum vita periculum
euitauit. 478. iussu Casaris cum
sua classe in Hispaniam nauigat, vi-
ipsum in Italiam denebat. 479.
Portundi cadem vindicare conatur.
487. eius classis contra Turcas. 490.
& varia ipsius navales expeditiones.
491. usque ad finem libri XX.
eius iustitia & misericordia. 495.
Casarem Genua in suis adibus exci-
pit. 504. Francisco regi reconcili-
atur. 507. eius prosperi succes-
sus contra Turcas. 510. fuga sa-
lutem sibi parit. 530. expeditio ad-
uersus Dragutem. 537. Aphrodi-
sim expugnat. 538. cum Dragu-
to iuxta Neapolim ad Pontiam in-
sulam infelicitè pugnatur. 547.
Casalium sinu in Corsica expugnat.
563. portum Syracusanum fru-
strā obsidet. ibid. eius singularis
solertia. 679.
Andreas Auria principis Andreae nepos
interficatur. 477.
Andreas Contarenus Venetorum prin-
ceps. 772.
Andreas Dandalus Venetæ classis præse-
ctus, sibi ipsi mortem consciscit. 738.
Andreas Iustinianus. 406.
†† Andreas

- Andreas Lomelinus.* 194.
Andreas Marius. 686.
Andreas Mergus, insignis vinator. 229.
Andreas Teupulus. 696.
Andreas Zenus. 716.
Andrea Hungaria in Syriam expeditio. 611. eiusdem insana persuasio. 612.
Andreottus Saracenus. 672.
Andros à Genuens. occupata. 789.
Anduria ab hoste nequiquam tentata. 107.
Angelus Dentatus. 257.
Angelus Dormanus aduersus Sanpetrum Corsum prosperè configit. 576.
Angelus Grimaldus insidiis Pauli Fulgosi interficitur. 362.
Angelus Stusa Florentinorum legatus apud Mediolanensem Principem. 332.
Anglia civili bello diuexatur. 555.
*Anglia regibus tollenda elephantia pecu-
liaris quadam vis & potestas.* 411.
*cur sibi Hierosolymitani regni iuu-
lum vindicent.* 607. eorundem
classis pro sacra militia. 617.
Anglorum de Scotis victoria. 439, 519.
eorum clades in Scotia. 535.
*Anna Momorantius Magister equitum
designatur.* 507.
*Anna Austriaca Maximil. II. filia in
Hispaniam enauigatio.* 578.
*Annales Genuens. incipiunt post nati-
uitatem Domini anno,* 1100.
Anni climacterici siue scalares. 478.
*Ansfaldi Auriæ oratio, habita ad suos mi-
lites.* 623.
Ansfaldus Balbus. 83.
*Ansfaldus Grimaldus benefactoris & pa-
tris patriæ nomine insignitus.* 387.
Ansfaldus Guaracus. 657.
*Ansfaldus Marius in locum demortui Ni-
colai Spinulae Casarianæ classi suffi-
citur.* 685. circa sinum Ligusti-
cum cum classe oberrat, & Saonam
petit. 687. fuga. 688. Albin-
gaunum deditione occupat. ibidem.
*à portu Genuens. cum ignominia &
detrimento repellitur.* 689. fugit,
amissis duobus vexillis. 690. Sa-
*uonæ frustra oppugnatur à classe Li-
gustica. ibid. eius inanes conatus
circa obsidionem portus Veneris, &
Leuanti. 693. repentinus disces-
sus. 694. relicto Arentiano, Sa-
uonam profugit. 695. hostilem ob-
sidionem egregiè ac fortiter sustinet.
ibidem. prospera fortuna vititur.
*ibid. Fabium cunctatorem imita-
tur. ibidem. aduersis ventis agita-
tus naufragium patitur.* 696.
Anselmus Bolettus. 683.
Anselmus Garius. 644.
*Anselmus Mediolanens. Antistes militat
in sacro bello.* 591.
Antiani. 73.
Antiochia obsidetur. 592. expugna-
tur. 593.
*Antipatrida & Casarea à Genuensibus
occupata.* 595.
*Antistes Nouocomensis ementio habitu
Genuam ingreditur.* 346.
*Antionottus Adurnius Montaldo in prin-
cipatu succedit.* 53. principatum
desertit. 160. eundem armis recu-
perat. 161. victoria. 162. rur-
sus principatum deponit. 163.
deuud principatum ambit. 166.
capitur ab Antonio Montaldo. 172.
resumit principatum. 173. oratio
in Senatu. 173. solertia in reti-
nendo supremo Magistratu. 177.
mors. 182.
*Antionottus & Hieronymus Adurnij sua
consilia aduersus Octavianum fru-
stra expediunt. 436. sit etiam eius
mentio. 455.
Antonius Auriæ. 11. 119. 128. 237.
*491. 537. classis praefectus aduersus
Britannos in gratia Gallici regis.* 119.
*mittitur cum instructa classe aduer-
sus Aragonios.* 213. victor Genuam
reueritur. 214.
Antonius Bizarius. 475.
Antonius Bufferius interficitur. 148.
*Antonius Bracellus cum Francisco Mar-
chesio ad Ferdinandum regem ora-
tor mittitur.* 368.
Antonius Caluus. 267.
Antonius Cocoruu. 181.
M. Antonius Columna. 281.
Antonius Fliscus. 789.
Antonius Gallus. 408.
*Antonius Grimaldus Ligustica classi
praficitur.* 114. ad Ferdinandum
regem ablegatur. 376. victoria. 115.
Antonius Guaracus. 168. princeps re-
nunciatur. 171. vltro principa-
tum deponit. 172. bis à principe
Adurnio profligatur. 174. Adur-
nium armis persequitur. 183. cum
Montaldo dissensio. ibid. obitus. 187.
Antonius Guaracus prator Famagusta.
203. exilio multatus. 203.
eiusdem cades. ibidem.
*Antonij Guidoti, ciuis Florentini, opera
& industria.* 537.
Antonij Marciani Comitæ mors. 358.
Antonius Montaldus Princeps eligitur.
*163. frustra cum Antonio Guar-
co urbem adoritur.* 183. aduersus
Antionottum Adurnium victoria. 164.
*à Clemente Promontorio principatu
deturbatur.* 165. eundem recu-
perat. 168. singularis humanitas
*& clementia erga Baptistam Buc-
canigram.* 169. vltro sese princi-
patu abdicat. 170. mors. 187.
*Antonius Polinus à Francisco Gall. rege
mittitur ad Solymannum.* 511.
Antonius Rex. 168.
Appiana familia. 406.
Aphrodisium à Draguto captum. 537.
ab Auriæ & Casarianis expugnatur.
538.
Aqueductus. 94.
Aquila fuit Romanorum insigne. 98.
Aragoniorum stirps quādiu steterit. 446.
Aramus Saluagius. 239.
*Arbisola una cum arce à Genuens. occu-
pata.* 44.
*Armenia minor in Christianorum pote-
statem redacta.* 592.
Arquati obsidio. 40.
*Arce Antverpiana prima initia, eiusdem
demolitio.* 577.
Arx Castelleti excisa. 255. oppugna-
tur à Genuens. 306. obsidetur. 364.
Arx Derrusie deditione expugnata. 626.
Arx Finarij à Genuensibus euerfa. 275.
Arce Genuens. descriptio. 437.
Arce à Genuensibus recepta. 259.
*Arx Mediolani, Bernardini Cursij perfi-
dia à Lud. Gall. rege recepta.* 400.
Arx Nicia à Narbon. Comite occupata.
47. à Genuens. diruitur. 33.
*Arx noua Neapolis à Nicolao Fulgoso
obfessa, & tandem deditione occupa-
ta.* 263.
Arx noua vi capitur. 580.
Arx Ptolemaidis à Liguribus capta. 729.
Arx Rocataliata à Genuens. emitur. 243.
Arce valla Potifera diruuntur. 254.
*Arx Vulturij ab Anfreone Spinula occu-
pata & postmodum amissa.* 111.
Astenses cōfugiunt ad opē Genuens. 41.
ope Genuens. obsidione liberantur. ib.
Athausus. 92.
Audomari interitus. 6.
Angelerij Vfusmarij cades. 19.
Augustana comitia. 539.
*Augustinus Adurnius nomine Lud. Sfor-
tia Genuam administrat.* 366. 383.
Augustinus Grimaldus Dux Ebuli. 386.
*Augustinus Iustinianus Praeful Nebien-
sis.* 408.
*Augustinus Spinula aduersus Auranos
feliciter pugnat.* 465. sit & eius
mentio. 531.
*Augustus Princeps Dux Saxoniae S.
Rom. Imp. elector, Mauritiij frater
& heres.* 552.
Aureliani Ducis mors. 516.
Auriæ familia origo. 9. aquilam im-
*perialem sibi assumunt pro suis insi-
gnibus.* 98. vide Andreas.
Austrianorum clades ad Budam. 510.

B.

Babilanus Nigrius. 228.
*Batica à Ferdinando expugnata,
& Mauri deuicti.* 369.
*Baiazetus paternum regnum demoli-
tur.* 536.
*Balduinus Gothifredo succedit, & pri-
mus Hierosolymitanorum rex nomi-
natur.* 595. eiusdem diploma da-
tum Genuens. 597.
*Balduini Comit. Flandria, Constatini-
nopo-***

- nopolitana expeditio. 707. eiusdem fœdus cum Veneris. 707. rex Constantinopolis designatur. 708.
- Balearis minor à Genuensibus expugnata. 620.
- Balena caput repertum Genuæ quidam portenderit. 574.
- Baptista Buccanigra. 166. 167. 192. & 195. capitis damnatus euasit. 169. & iterum captus, securi percutitur. 195.
- Baptista Francus Genuæ præficitur. 193. 207. & 213. fuga mortis periculum denicat. 196. iterum captus fuga elabatur. 203. Theodorum Montisferrati regulū ad bellū contra Gallos extimulat. 207. 213.
- Baptista Fulgosius. 222. 225. 226. 259. obitus. 268.
- Baptista Fulgosius, Petri Fulgosij filius, in urbem venocatur. 352. Princeps declaratur. 354. vi deuentus, principatu exiit à suis consanguineis ac eiusdem factionis viris. 356. eruditio singularis. ibid.
- Baptista & Galeacij Iustiniana familia singularis humanitas erga Rauettanum. 404.
- Baptista Grimaldus, Dux Terra nouæ, & Marchio Montis S. Angeli. 386.
- Baptista Guanus. 319. (214.
- Baptista Montaldus Liguria præficitur. 205.
- Baptista Montanus. 205.
- Barbarussa dictus Hariadenus. 486. eius classis & expeditio aduersus Christianos. 508.
- Barbigius in classis præfectura à Franc. Gall. Andree Auriz prelarus. 474.
- Barison Sardinia rex à Frederico II. inauguratur. 637. infelicitas. 638.
- Barnabas Adurnius. 240. princeps designatus, cui mox succedit Ianus Campo-Fulgosius. 272. Barnabas Auria vnā cum Opicino Spinula urbis præfectus designatur. 95. eius opera in carcerem conijcitur. 96.
- Barnabas Cataneus septem triremium præfectus. 116.
- Barnabas Guanus ad principatum prouectus. 220.
- Barnabas Vicecomes Mediol. princeps, suam filiam Cyprio regi despondet ac elocat. 760.
- Bartholomæa Auria. 317.
- Bartholomæa Ioann. Ant. Buccanigra coniux, vnico partu septendecim liberos enixa est. 359.
- Bartholomæus Atria. 311.
- Bartholomæus Capra. 240.
- Bartholomæus Facius. 408.
- Bartholomæus Fliscus Ligustica classis præfectus. 460.
- Bartholomæus Grimaldus. 202.
- Bartholomæus Iustinianus. 239. 259.
- Bartholomæus Linianus Venetarum copiarum præfectus. 426.
- Bartholomæus Pernix artem fabricandi aluminis in Italia primus instituit. 302.
- Bartholomæus Pinelus. 228.
- Bartholomæus Scartabonus, Iustitia præfectus declaratur. 180.
- Bartholomæus Vianus. 138.
- Bebekij fuga. 577.
- Bellum inter Genuens. ac Pisanos redintegratum. 21. 73. & 635. inter Venetos ac Genuens. redintegratum. 21. 73. contra Massilienses. 29. inter Venetos ac Genuenses. 87. inter Ligures ac Tarraconenses. 92. inter Spinulas & Aurias. 99. inter Guelfos & Gibellinos. 102. inter nobilitatem ac plebem. 113. rursus inter Guelfos ac Gibellinos. 117. aduersus Tarraconenses. 118. 119. aduersus Sinopis regulum. 123. inter nobiles & populares. 128. inter Venetos & Ligures. 133. inter eosdem & Aragonios. 213. bellum quod vocant Medium. 217. rursus inter Ligures & Aragonios. 229. inter Gallos & Genuens. 309.
- Bellum inter Scotos & Anglos. 439. inter Carolum & Franciscū instauratur. 502.
- Bellum Germanicum. 517. aduersus Grumbachium eiusq. confederatos. 577. inter Anglos & Scotos. 533. inter Richardum regem & Richemontium Comitem. 560. inter Casarem Maximilianum II. & Ioannem Vayuodam. 576. Genuensium contra Malespinās. 661. inter Ligures & Pisanos. 665. & 669. 13. continuus annis productū. 648. inter Venetos & Henricū Malliacæ oræ principem. 709. inter Ligures & Venetos. 744. & 783.
- Bellum regulo Mauritano indictum 53.
- Belli inter Pisanos & Genuens. instaurati origo & causa. 644.
- Bellici apparatus aduersus Genuens. 450. contra Casarem. 462.
- Belli inter Ligures & Fredericum secundum Imp. habitū causa & origo. 682. (724.
- Belli neruus cōcordiæ vinculo cōtinetur.
- Bellobrunus Iustinianus. 651.
- Bendinellus Saulius Cardinalis. 354. iussu Leonis Pontif. comprehenditur. 447. pristina libertati ac dignitati restituitur. 448. mors. ibid.
- Benedictus Fliscus mittitur in Africam ad regem Tunetanum. 327.
- Benedictus Giacarius. 88. & 679.
- Bened. Iustiniani præclarū facinus. 434.
- Benedictus Spinula in præfat. & 592.
- Benedictus Viales. 161. (430.
- Benenolentia fideiq. singul. exemplar.
- Bernardinus Adurnius. 381. (400.
- Bernardini Cursij perfidia & auaritia.
- Bernardus Valdemarinus Aragonia classis Nauarchus. 285. eius fuga. 297. perfidia. 368.
- Bertolotti. 181. præficitur in vrbe militariibus cohortibus. 192.
- Beryti & Malmistræ deditio. 596.
- Berytus à nostris accepta. 610.
- Bijerta descriptio. 447.
- Blanca Sfortia Galeacij Principis Mediolan. mater. 325.
- Blasius Axeretus Ligustica classis aduersus Alifonsum præficitur. 245.
- Bodwilli Comitris mors. 569.
- Boëmundi Ducis zelus. 591.
- Bolonia deditur Anglis. 515.
- Bona Galeacij mater. 345.
- Bonacursius Pisanorum Consul à Genuensib. capitur. 635.
- Bonciartus Carolum Zenum ad singulare certamen prouocat. 202. eius legatus Genuæ interficitur. 207.
- Bonifacium oppidum in Corsica à Genuens. præsidio subleuatur. 230.
- Bonifacius Pamphanus. 683.
- Bonifacius Montisferratensis regulus Thessalia rex declaratur. 709.
- Boninetus Gallica classis præficitur. 458.
- Boscū capitur & diripitur à Genuens. 42.
- Boschi March. 29.
- Branças Auria vir præpotens, & totius ferme Sardinia possessor. 115.
- Branda Castilio. 368.
- Brascus Francus. 212.
- Bricius Iustinianus 4. triremium præfectus. 369.
- Brixiani. 13. Brixienfis clades. 431.
- Brixius Iustinianus. 409.
- Buccanigra imperio exiit, 76. 126.
- Buccanigarum familia adhuc perseuerat in Hispaniis, & in magno pretio habetur. 123.
- Buda à Solymano occupata. 463. 510. ingenti terramotu concutitur. 584. eiusdem arx calitus tacta. ibidem.
- Bugea vrbs Africa à Ferdinando expugnatur. 426.
- Baralla funditus euersa. 100.
- Burchardus Comes à Barbi. 553.
- Busoniū oppidū à Genuens. enersum. 692.
- Byzantiū à Christianis occupatur. 260. recipitur. 708. eius descriptio. 278.

C.

- Aballus Veronensis. 778.
- Caccianimicus Cataneus. 672.
- Calestini V. pontificatus admodum brevis. 691. (380.
- Casaris Borgia ambitio. 377. interitus.
- Cesar Contardus. 408.
- Cesar Fulgosius Gallici regis partes tutatur. 465. eius summa moderatio in victoria 467. eiusdem & Ringony cades. 11.
- Caieta obsideretur ab Aragoniis. 245.
- Caietani legationem mittunt ad Genuenses. 250. legatio ratio in Senatu, ibidem. petunt sibi dari præsidem à Genuensi repub. ibid. Captiui Mediolani.

- diolanum perducuntur. 251. liberantur Genuensium intercessionibus. ib.
 Tairus frustra à nostris obsideretur. 613.
 Caloritanus Iudex suam ditionem Genuensibus donat. 666.
 Calixti. 11. singulæ studium erga Genuens. ac Pisanos, pro mutua reconciliatione 631. idem secundum Genuam pronunciat. 632. mors. ib.
 Tamillus & Paulus Vitellij, Gallorum studiis adherent. 381.
 Capha, olim Theodofia, Genuensium colonia 122. à Scytharum rege obsessa. 125. à Turcis occupata. 200. & 327. fertilitas. 328. à Venetis expugnata. 735.
 Carbo Marocellus reipub. nomine regulo Matretano bellum indicit. 53. ad Maurum Hispanensium regem supplicat imploratur proficiscitur. ibid. eiusdem obitus. ibidem.
 Cardinalis Sfortia inter fugiendum captus, Venetias, indeq. in Galliam perducitur. 378. 379. eiusdem magnanimitas & liberatio, ibidem.
 Cardinalis Moronus Pontificius legatus. 801.
 Carinianum à Guidone Ringono deditione occupatum. 504. & 515.
 Carmagniola capta, 504.
 Carolus Andegauens. Corsicam inuadit. 84. Genuam proficiscitur. 88.
 Carolus Tarenti princeps à Senatu Genuens. honorifice excipitur. 87.
 Carolus Fliscus vnà cum Gaspare Grimaldo Genuæ proficiscitur. 100.
 Carolus VI. Galliarum rex Genua potitur. 178. Carolus zenus. 202. eius reditu Venetorum vires confirmantur. 774.
 Carolus Malatesta, licet captiuus, honorificentissime à Philippo Mediolanens. principe excipitur, & loco patris habetur. 237.
 Carolus Lomelinus. 238. Cembalum expugnat. ibidem. in oppugnatione Solitaria urbis magna clade afficitur à Scythis 244.
 Carolus Adurnius. 311. & 338.
 Carolus Dux Burgundia, ac eius interitus. 336.
 Caroli VII. Gall. regis obitus. 313.
 Caroli VIII. Gall. regis memorabilis in Italia expeditio. 376. potitur Neapoli. 377. Genuensibus bellum infert. 388. interitus. 393.
 Caroli Dominici Carretini Cardin. obitus. 439.
 Caroli Borbonij à Gall. rege defectio. 459. ex Hispaniis Genuam venit, indeq. Mediolanum proficiscitur. 463. Romam obsidet. 468. eius obitus. 469. epitaphium. 470.
 Carolus Lanio Franciscus Gall. regem Cesaris nomine captiuum fecit. 460.
 Carolus V. inauguratur Cesar, 488. Mediolano potitur. 450. eius expeditio in Galliam Narbon. infelice succedit. 503. proficiscitur Genuam. 504. circa Fossas Marianas in Gallia Narbonens. cum Francisco rege in mutuum colloquium deuenit. 507. Genuam proficiscitur. ibidem. oratur coniuge. 508. eius clades ad Algerium 511. Galliam inuadit, foedere prius iuncto. cum Anglorum rege. 515. eius victoria in bello Germanico. 517. eius scripta in Regem Gall. clades ad Metim. 544. Philippo regna, et insignia imp. electoribus. 559. cum vir. & forore in Hispaniam enauigat, ibiq. se in cœnobium eremitarum recipit. ibid. obitus. 570. vsus est varia fortuna, licet vt plurimum secunda; eiusq. heroica virtus. 741. (516.
 Carolus Princeps Hispaniarum nascitur. Caroli Sabaudie ducis obitus. 555.
 Carolus IX. Gall. rex. 573. obitus 580.
 Carolus M. Genuam à Logobardis euerfam instaurari iussit. 627.
 Carreti March. Genuens. beneficiarij declarantur. 32.
 Casanus Auria, 203.
 Castelleti arx à Sfortianis deditione occupata. 319.
 Casus maxime lugubris. 514.
 Castronouum à Turcis expugnatur. 508.
 Castrucius Castracanis rei bellicæ gloriæ insignis. 105. à Cesare Lucensij princeps renūciatur. 110. obitus. 111.
 Castrum Francum, aliis Caiuanum. 138.
 Castrum Sardinia donatum Genuensibus. 666. à Pisanis obsideretur. 667.
 Catanei Auria cedes. 99.
 Catanei cum Grimaldis & Fliscis conquiruntur. 113.
 Cataneorum deditio, 653.
 Cataneus Lomelinus. 452.
 Catharina Medicea Henrico Gall. regi desponsata. 498. inauguratur. 535.
 Cattarum à Turcis frustra oppugnatur. 509. (430.
 Causa odij pontificij aduersus Ludovic. Causa qua Andream Auriam impulerint vt à rege Gall. ad Cesarem transiret. 474.
 Causa & origo belli Pisani. 627.
 Causa belli suscepti aduersus Fredericum Cesarem. 682. 787.
 Causa & origo belli aduersus Venetos. 710. & 735. & 757.
 Causa ciuiliū dissensionum. 743.
 Causa multorum bellorum inter Genuens. Venetos ac Pisanos. 753.
 Celox quod genus nauigij. 425.
 Cembalum à Genuensibus recipitur. 243.
 Cerninum oppidum frustra à Cesarianis tentatum. 688.
 Ceuas Auria. 180. eius oratio habita coram regio praside. 184.
 Chalcis à Philippo Auria expugnatur ac diripitur. 745.
 Chersonesus direpta. 506.
 Chij redeunt ad pristinum obsequium. 206. à Tarracoenensibus nequequam tentati. 213.
 Chius insula à Turcis occupata. 246.
 à Venetis obsessa. 786. eorundem strenua defensio & virtus. ibid. viatores contra Venetos. ibid.
 Christianorum Principum aduersus Ludovicum regem mira cōspiratio. 432. ad recuperandam Budim expeditio. 511. copia aduersus Turcas in Hungariam irruentes 513. in Hispaniam reditus. 573.
 Christianorum numerus in sacra Italia. 592. eorundem victoria contra Scladinum. 606. clades in Syria. 732. simultates in vrbe Ptolemaide. 733.
 Christianus princeps. 430.
 Christophori Columbi in nouum orbem nauigatio. 37. eius singularis eruditio in Astronomicis & mathematicis. 374.
 Christophorus Cytareus. 363.
 Christoph. Spinula sanctus casus. 402.
 Christophorus Grimaldus. 408.
 Cichus Simonetta. 345.
 Cius in patriciorum numerum à Veneto Senatu cooptati. 772.
 Ciuiles conflictus. 364.
 Ciuilium dissensionum causa & origo. 70. fructus. 97.
 Chunradus & berii filius. 88.
 Chunradus Spinula. 95.
 Chunradus Moguntinus Septemvir. 635.
 Clades Opicini Spinula. 97. clades illata in agro Ligustico per Nicolaum Piccininum. 256. Pauli Fulgosi. 324.
 Clades Christianorum à Mauris inflata. 122. in Pannonia. 453.
 Clades Constantinopolis. 282. 709.
 Clades Sicula. 668.
 Classis Turcica à Ligustica intercipitur. 447. Ligustica tempestate diuertitur. ibidem.
 Classis Othomannica ductu Haradeni Barbarussa venit in subidium Gallorum. 512.
 Classis Turcica ad litora Tarracine peruenit. 546. Neapolitana litora depopulatur. 557.
 Classis Cesarea à Genuens. portu cum ignominia ac detrimento repellitur. 689. Ligustica aduersus Gallos. 380.
 Clauarum à Petro Fulgoso deditione capitur. 296.
 Clemes Promontorius Antonium Montaldum inuadit, & principatu deiecit. 165. 327. eius fertilitas. 328.
 Clemes IIII. Pontifex renūciatur. 79.
 Clemens V. Pontif. renūciatur. 459. eius cum Francisco rege colloquium habitum Massilie. 498. inde Sannonam, atq. illinc Romam deuehitur. ibidem. eius obitus & natura. 499. ei Paulus III. succeditur. ibidem.
 Cle-

INDEX.

Clementia singularis exemplum. 545.
 Cluensis Dux ad Casarem profectus
 parum humaniter excipitur. 509.
 eius à Casare defectio. 513.
 Clodia descriptio. 766. obsidio. ibid.
 à Genuensib. expugnata. 767.
 Calius Secundus. 576.
 Colan cognomento Piscis singularis vri-
 nator. 231.
 Collardus Calenilla. 189.
 Columbus maximis honoribus afficitur
 à regibus Hispaniarum. 374.
 interitus. 373.
 Columinorum familia. 452.
 Cometa nonnulli insigniores. 78. duo
 conspecti 336. cometa. 77. & 199.
 414. ante Frederici Aragonij obitū
 præcessit. 446. cometa in Palatinatu
 visus. 470. comet. horribilis. 490.
 508. item. 558. & 583.
 Comparatio inter Carolum Casarem &
 Franciscum Galliarum regem. 480.
 Condeus princeps capitur. 513.
 liberatur. 573.
 Condiciones Sfortie à Gallo præscriptæ
 444. inter Casarem & Andream
 inita. 474.
 Conflictus Genuæ. 218. acerrimus in-
 ter Ligures & Tarraconenses. 299.
 iuxta Genuam inter Gallos ac Ligu-
 res. 309. Christianorum & Tur-
 carum ad Tunetum. 579.
 Conflictus navalis. 233. in Ligusticis
 montib. inter Sfortianos ac Genuens.
 350. in vrbe inter factiones. 353.
 item 364. inter Gallos ac Genuens.
 381. & 565.
 Conflictus exercitus Maurij & Alberti.
 551.
 Coniuratio contra Gul. Buccanigram
 patefacta. 74. aduersus Præfectos,
 & Abbatem. 89. aduersus Tho-
 mam Fulgosiū. 269. Petruciana
 aduersus Leonem x. 447.
 Conradus Vberri Auria filius, patri in
 præfectura succedit. 88.
 Conradus Auria & Conradus Spinula,
 ambo Vbertorum filij, rectores ac præ-
 feci Reip. designantur. 94.
 Conradus Auria. 206.
 Conradi Stangba prudentia & moder-
 atio in gubernatione. 367.
 Conradi Marchionis Montisferrati ca-
 des. 606.
 Conradus Spinula. 674.
 Consul Ferdinandi cognomento Magni
 obitus. 446.
 Consentinus Antistes incognito habitu
 comprehenditur, & breui post libe-
 ratur. 366.
 Constantini Imp. cades. 281.
 Constantinus Auria. 358.
 Constantinopolis obsidetur à Mahumete
 11. Turcarum Imp. 278. eius de-
 scriptio. ibid. expugnatio. 279.
 elades & direptio. ibid.

Consulatus Genuæ nunquam fuit ex
 exteris gentibus. 33.
 Consul ac Ducum Genuensium sin-
 gularis virtus. 624.
 Contentio inter Ligures ac Lucenses ob
 Petram sanctam. 384.
 Conuentus Rauennensis indictus à Fri-
 derico 11. 682. Smalcaldicus. 499.
 Controuersia inter Frid. & Gul. Sicilia
 regē. 13. inter Ligures & Venetos,
 etiam de rebus sacris. 714. inter
 Genuens. & Pisanos propter inau-
 gurationem Episcopi Sardinia. 650.
 Corlogolus insignis Turcarū pirata. 446.
 Corone à fœderatis Principibus capitur,
 494. eius descriptio. 493.
 Corsica à Genuensibus subacta. 7.
 nouis motibus agitata. 88. in fidem
 recepta. 89. ab Aragoniis frustra
 tentata. 236. nouis motib. diuexa-
 tur. 244. ab Alfonso nequit quā ten-
 tata. 285. capitur à classe Turcica.
 555. à Gallis præsidio firmatur. 556.
 Corsica descriptio. 629. vnde appelle-
 tur. ibid. defectio. 575. & 679. ad
 pristinum obsequium redeunt auctore
 in primis Luca Auria. 680.
 Cortingorum familia. 680.
 Corsici motus Ambrosij Nigrij opera &
 virtute componuntur. 392. & 431.
 Cosmus Medices Alexandro in principa-
 tu succedit. 505.
 Creta Venetorum colonia. 711.
 à Balduino eis tradita. 709. Venetis
 adempta. 28.
 Crudelitatis exemplum singulare. 516.
 & 578.
 Cuniculorum vsum Genuensis primi in
 Italia reuocant. 437.
 Curiales. 20.
 Cydon à Genuensib. expugnata & dire-
 pta. 727. item 743.
 Cyprus à Richardo Anglie rege expu-
 gnata. 605. nouis tēpestatibus agita-
 tur. 754. à Selymo expugnata. 91.
 Cypriorum sauitia in Genuenses. 755.
 Cyprius rex Genuens. tributarius ef-
 ficitur. 756.

D.

Andalus Veneta classis præfectus
 sibi ipsi mortem consciscit. 740.
 Dandelotus Castillioneus à Casarianis
 capitur. 59.
 Damascus nequicquam à Christianis
 tentata. 598. noua obsidio. 625.
 Damianus Cataneus cum 7. trirēibus
 in Cyprum ablegatur. 755.
 Damianus Grillus. 787.
 Damiatra olim Pelusiū, ac postmodum
 Heliopolis dicta. 612. Mēphitico regi
 restituitur. 613. à nostris recipi-
 tur. 613. amissio. ibid. recupera-
 tio. 616. rursus amittitur. ibidem.
 Danorum classis. 596.
 Darsena inchoata. 86.
 David Ricinus omnium mortalium im-

probissimus, vnice amatur à Maria
 Stuarda. 568. cades. 568.
 Decemviralis magistratus. 348.
 Defensores libertatis. 254.
 Demetrius Iustinianus capitis damna-
 tur. 423.
 Demetrius, Sparranius. 456.
 Derthusia à Genuens. expugnata. 625.
 arx deditione recipitur. 626.
 Descriptio Galatae siue Perae, olim Ge-
 nuens. colonia. 283.
 Desiderius Longob. rex à Carolo Magno
 deuictus. 6.
 Dictum Caroli v. cometa inspecto. 558.
 Dictum Annibalis. 258.
 Dies D. Matthiae sacer Carolo v. fortu-
 natissimus. 460.
 Disciplinantium ordo. 75.
 Dissensio inter Mōtaldum & Guarcum.
 183. inter Spinulas & Aurias. 71.
 Dissidia domestica. 54.
 Diu oppugnatur à Turcis. 506.
 Dolus militaris. 145.
 Dominicus Auria. 357. eius
 interitus. 99.
 Dominicus Camposulgosius. 141.
 princeps renunciatus. 142.
 Donationes factæ reipubl. Genuens. 29.
 Donatus de Comitibus. 341.
 Donatus Insuber. 318.
 Dragutus Aphrodisium, vulgè Africam,
 expugnat. 537.
 Drudus Marcellinus. 22. & 656.
 Dua Pisanorum trirēmes à totidem Li-
 gusticis interceptæ. 631.
 Duellum. 50.
 Dura à Casarianis expugnata. 513.
 E.

Eclipses Luna trēs. 515.
 Eclipsis Luna. 75. Solis. 515. &
 583. Solis & Luna. 67. defi-
 nitio eclipsis. 244.
 Eduardus Auria. 118.
 Eduardi vi. regis Anglia generosa indo-
 les ac virtus. 550. mors. ibidem.
 Eduardus Cortonaus à Maria Angliæ re-
 gina pristina libertati restituitur.
 559. obitus. 561.
 Elephantia tollende peculiaris Anglia
 regibus quadam vis & potestas. 411.
 Elizabetha Britannico regno præficitur.
 567. eius heroica virtutes. ibidem.
 Exemplū singularis continentie. 110.
 aequitatis. 606. seueritatis. 334.
 fortitudinis in quodam iuvene Ge-
 nuensi. 404. prudentie. 640. per-
 fidie & crudelitatis. 654. militaris
 disciplina. 661. item 674. hu-
 mana calamitatis. 678. benigni-
 tatis. 679. fatalis decreti. 694.
 humanitatis. 710. sauitie. 91. 548.
 583. & 719. militaris di-
 sciplina. 661. 674. & 727. item
 741. gratitudinis erga de patriā
 benemeritos. 752. moderationis
 & clementie. 260. 422. & 784.

- Elpis Aegyptius Imperat. 678.
 Emanuel Gracorum Imp. Genuā venit. 201.
 Emanuel Nigrius. 87.
 Emanuelis Caballi egregiū facinus. 434.
 Encius Friderici II. filius 697. à Bononiensibus capiti. 704. mors. ib.
 Epistola regis Aragonum ad Ricem Barliag, præsides reipub. Genuens. 287.
 eorundem ad eum responsio. 288.
 Erasmus Triulcius. 254.
 Erycis oppidi & arcis expugnatio. 666.
 Eugenius Pont. 269. & 620.
 Exercitus maximi parua manu profligati. 394.
 Expeditio aduersus Regē Tunetanū. 154.
 aduersus Galeotū Carretinum. 273.
 Exules in patriam reuocati. 761.
Fabrica publici palatii. 90.
 Fabricius Carretinus Rhodiensi militie praeficitur. 439.
 Facinus Canis. 207.
 Facinus egregiam Hugonis Cassari. 27.
 Fastum Saladini insigne ac memorabile. 617.
 Famagusta in Cypro descriptio. 91.
 instar Ptolemaidis exstructa. 91. & 734. obsidione liberata. 202.
 à Cyprio rege nequicquam obsessa. 196. à Genuensib. obsidetur. 756.
 deditione occupatur. ibid. frustra à Venetis ac rege Cypri obsidetur. 760.
 Famis & siti incommoda. 112.
 Farauellus Auria. 98.
 Farnesij, Auria familia insens. 520.
 De Fato. 42.
 Fati ratio ineluctabilis. 695.
 Ferdinandus Embriacus. 138.
 Ferdinandus Aragonius Alonsi successor. 293. adiuuat Genuenses contra Sfortianos. 348.
 profligatis Mauris & regno Granata recepto, Catholici cognomen sortitur. 369. Castilia rex & Isabella Hispaniarum reges. 371. & 372.
 Ferdinandus clades ad Meningem insulā. 430. mors & fortuna. 446.
 Ferdinandus Romanorum rex designatur. 480. 488. Pannonia bellum infert. 510. expulso Ioanne, Pannonia regno potitur. 540.
 Ferdinandus Imperator renunciat. 559. in fauorem Marchionis Finarij aduersus Genuenses sententia, 572. obitus. 573.
 Ferdinandus Aluarus. 430.
 Ferdinandus & Ludovicus reges Neapolitanum regnum inter se partiuntur. 379.
 Feritor amnis. 233.
 Finarium oppidum. 273. deditione à Genuens. occupatum. 275.
 Flisorum regio. 68.
 Flisci & Grimaldi arma aduersus Aurias corripunt, & victoria potiuntur. 100.
 Fliscus Ioan. Baptista Verrinam suae coniurationis participem facit. 521.
 Florentini foedus cum Aragonio percipiunt. 236. infelicitate pugnant. 237. praestita fidei immemores bellum instaurant. 360. pristina libertate mutati. 489. secundum Ligures pronuntiant. 665.
 Foederatarum acierum instructio. 491.
 Foedus inter Gracum Imperat. & Genuens. 10. Genuens. cum rege Numidia. 21. inter Carolum Andegauens. & exules Genuens. 83. inter Ligures & Pa-laologum. 76. & 710. inter Leonem Pontif. & Carolum Casarem aduersus Franciscum Gall. regem. 451. inter Rom. Pontif. & Carolum V. & Venetos. 507. inter Ligures & Lucēses aduersus Pisanos. 643.
 Foedus à diuersis Principib. contra Venetos initum. 425. contra Carolum Casarem. 462.
 Folia noua ac veteres Genuens. imperio adiuncta. 130.
 Fortuna qua prius Iulij Pontif. conatus aduersata est, postea fauere prorsus incipit. 431. Casari propitia. 695.
 Venetis rebus iterum propitia. 779.
 Franciscus Catalusius à Graco Imper. Lesbi insula donatur, & illius filiam in matrimonium ducit. 134. & 754.
 Francisci Marini prosperum certamen contra Venetos. 119. & 744.
 Franciscus Viualdus. 143. & 175.
 Franciscus Iustinianus Garibaldus Princeps designatur. 166. vltro sese principatu abdicat. 167.
 Franciscus Carmaniola. 234.
 Franciscus Spinula Ortobonus. 234.
 Franciscus Spinula. 245. 251. 323. eius oratio pro liberanda patria. 251.
 Franciscus Spinula capitur à Venetis. 784.
 Franciscus Spinula Mauri cognomento. 382.
 Franciscus Pandonus. 246.
 Franciscus Sfortia. 268. 298. 307. eius responsio ad legatos Genuens. 322. interitus & laus. 324.
 Franciscus Sfortia Insubria principatum recuperat. 451. in principatu restituitur. 489. interitus. 502.
 Franciscus Sanseuerinus. 365.
 Franciscus Marchesius. 371. & 408.
 Franciscus Valesius Ludouico XII. succedit. 442. eius expeditio pro Mediolanens. ditionis recuperatione. ibid. eiusdem aduersus Maximilianum Sfortiam victoria. 443. in Italiam expeditio. 458. Mediolanum recipit. 459. capitur. 460. liberatur. 461. bellum Carolo Casari indicit. 464. omnium eruditorum amantissimus. 518. obitus. ibidem.
 Francisci Delphini obitus. 504.
 Franciscus Rossellus Comes Bedfordia. 562.
 Franciscus Walsinghamus eques. ibid.
 Franciscus II. Henrico Gall. regi patri in Imperio succedit. 571. eius mors. 573.
 Francum Castrum. 138.
 Francus Gibertus classis Genuensis praefectus. 424.
 Francus Maria Vrbinatium Princeps. 462.
 Friderici I. Aenobarbi Barbarossa in Italiam aduentus, & quidnam, praeter cetera, inter ipsum & Genuens. gestum sit. 10. à Rom. Pontif. in Casarem inauguratus. II. vna cum vxore Genuam venit. 18. Genuam proficiscitur. 30. Genuensib. insens. 36. eius aduersus Saladinū infasta expeditio. 603. interitus. ibid.
 Fridericus Sicilia rex Gibellinis patrocinator. 105. multis priuilegiis Genuens. in regno Siculo donauit. 34.
 Fridericus Marabotus. 112.
 Fridericus Paganus. 151.
 Fridericus Promontorius. 191.
 Fridericus Aragonius liberalissime à Lud. Galliarum rege exceptus. 379. perfidia nota inustus. 425.
 Friderici II. Imper. in Italiam aduentus. 35. in Asiam expeditio. 615.
 Hierosolyma ab eodem recepta. ibid. singulare studium pro mutua reconciliatione inter Pisanos ac Genuens. 636. Moguntinum ad virosque legatum mittit. ibidem. rursus laborat pro mutua pacificatione. 642. minor factus in Genuens. captiuos dimitti iubet. 683. eiusdem in Italiam reditus. 649. suum filium Henricum Genuam mittit. 650. victoria naualis contra Genuens. 686. terrestri exercitu Genuam diuexat. 687. maritimis ac terrestribus copiis Genuens. ditionem inuadit. 689. Genuensium ope victoria potitur. 697. Balduini Graeci Imper. intercessione Pontificis dimittit. 700. à Pontifice diris impetratus, imperio exiit. 701.
 Eiusdem aduersus Insubres expeditio. ibidem. in Genuenses captiuos seuitia. ibidem. Victoriā urbem condit. 702. mors & ingenium. 704.
 Fridericus Fulgosius Octauiani principis frater classi praeficitur. 447. fuga. 454.
 Fulco Guercius. 62.
 Fulco Iustinianus. 650.
 Fulco Iustinianus & Orolandus Aduocatus factionum principes. 17.
 Fulco publica sententia damnatus. 20.
 Fulgosia familia non minus quam Adurnia reipub. perniciofa & fatalis. 141.
 Fulgosij clades. 240.
 Fulgosij exercitus, fuga & clades. 301.
 Fulgosius Cardinalis atroci tempestate iactatur. 366.
 Furiosa

INDEX.

curiosa temeritas cuiusdam iuuenis ple-
bey. 304.
Gabriel Adurnius princeps Reip. 138. vrbe expellitur. 142.
Gabriel Vicecomes Genua capitis dam-
natus. 205.
Gabriel Serbellio captiuus Byzantium
deducitur. 580.
Galeacius Auria. 205.
Galeacius Auria capitur à Guelfis. 109.
Galeacius Sfortia Genuam proficiscitur,
325. Genuens bellum infert. 340.
expeditio aduersus Genuens. 349.
eius obitus & natura. 334.
Galeacia qua sint. 28.
Galeotus Spinula. 98. Genuam ado-
ritur. 126.
Galeotus Lomelinus. 248.
Galeotus Carretinus. 256. & 266. &
273.
Galliarum regib. mirabilis struina ca-
ratio. 411.
Gallia rex Turcarum opem implorat. 511.
Gallici apparatus pro recuperanda Ge-
nuā. 307.
Gallici morbi inuestigatio admodū per-
plexā. 384.
Gallus exercitus ingenti clade ab Hel-
ueriis ad Nouariam afficitur. 433.
Gallici regni ac inferioris Germania ca-
lamitates. 573.
Gallica laniena sub Carolo ix. 669.
Gallorum cades. 131. & 419. fuga &
cades. 310. potentia vniuersa Italia
formidabilis. 403. clades in Insubria.
458. victoria. 460. ad Ticinum
capto rege infeliciter pugnant. 460.
classis tempestate agitur. 468. ad
Ticinum sauitia. ibid. clades ad Nea-
polim. 475. ad Carignanum victo-
ria. 515. Corsica oppida ab insularib.
occupata premuniunt. 556. duce
Brissaco, Casalem ac eius arcem occu-
pant. 557. clades ad Sanquintinū.
564. Caletum urbem capiunt. 566.
clades, ibidem. excluduntur ab An-
glo à regno Scotia. 572. clades in
Sicilia quo potissimum auctore per-
petrata fuerit. 668.
Gandauesium rebellio & animaduersio.
509.
Gandus Marius rei nauali praeficitur.
738.
Garcias Toletanus. 537.
Gaspar Cossa Neapolitanus. 188.
Gaspar Vimercatus. 317.
Gaspar Colinij Castellonij Gallici regis
Thalassarchicades. 578.
Gaspar Spinula in Petri Auria locum
substituitur. 776.
Gaspar Contarenius. 782.
Gasto Fuxcus. 398.
Gauij Marchiones creantur ciues Ge-
nuens. 26.
Gaurici astrologi vaticinium. 571.

Genua, & am.

GENVA à quibus condita. 1. eius an-
tiquitas, ibidem. & 590. situs 2.
portus ibid. promontorium. ibidem.
quo celi climate posita. 3. cur tot
insulis atque vrbibus, & interdum
ipsa etiam libertate exciderit. ibidem.
vas ex solido sinatragdo, ibidem.
à Carthaginens. euerfa & à Rom.
instaurata. 5. à Longobardis deleta.
6. instauratur. ibid. à Sarcenis
occupata. 7. Genua fons san-
guinem manans quid portenderit.
7. primo à Coss. administrata. 9.
veterum murorum aubum. 12.
gliscentes tumultus intestini Coss.
prudencia repressi. 18. sub ex-
terno pratore. 19. nouus pra-
tor. 21. turres inssu pratoris de-
pressa. 23. quatuor naues vi tem-
pestatis in portu submersae. 27. in-
cendium in vrbe. ibidem. grauissima
incendio et maris tempestate vexata.
31. nouus ordo circa publicas im-
pensas & vectigalia. ibid. in floren-
tiss. statu. ibid. noua reipub. forma.
33. consularis numquam fuit ex
exterioribus gentibus. ibidem. terrarum
percutsa. 34. noui terramotus. 38.
auctore Gulielmo Mario, noui motus
exorti. 45. noui motus. 54. noua
dissensiones in rep. ob Friderici &
Pontif. studia. 58. pratoris concio
in Senatu. ibidem. popularis fla-
tus introductus. 73. bellum intesti-
num. 76. respublica sub optimarū
regimine. 77. noui tumultus, ibid.
ciuili seditio. 79. reipub. admini-
stratio penes nobiles. 79. penes
Vbertum Spinulam & Vbertum Au-
riam. 82. pratoris auctoritas immi-
nuta, praefecti subiicitur. ibid. maxi-
ma inundatio. 87. praefecti se supre-
mo magistratu abdicant. 90. noua
reipub. forma instituitur. ibid. rur-
sus penes pratorem externum; ibid.
fabrica publici palatii. ibid. nouis
motib. resp. diuexatur. 94. portus
amplificatio. 95. noua forma reip.
97. primus externus dominatus
sub Henrico Casare. 98. sub Guel-
forum imperio. 100. reip. admini-
stratio penes Guelfos. 100. obside-
tur à Gibellinis. 101. sub Ruberti
Andegauens. et Ioannis Pontif. domi-
nio. 102. obsidione liberatur. 105.
iterum obsessa. ibid. seditio à po-
pularibus excitata. 104. pro emē-
dando reipub. statu decemviratus de-
cernitur. 107. fame ac morbis ve-
xata. 111. noui tumultus. 113. prae-
lium inter nobilitatem ac plebē. 113.
propter initam pacem inter Guelfos
& Gibellinos in vrbe incredibilis lati-
tia. 114. à nobilitate innaditur.
125. sub principum Mediolanens.

dominio. 133. nouis seditionibus
agitatur. 135. expulsis patriciis, de-
mocratta instituitur. 138. à duce
Mediolanens. innaditur. 139. ingens
caritatis annona. 143. popularis
tumultus. 147. magister iustitiae à
plebe trucidatur. 147. peste diue-
xatur. 153. noui tumultus in repub.
161. respub. sepe neutralium ciuili
beneficio ab ingentibus periculis erepta
& conseruata. 170. multa splen-
dida palatia ciuilibus dissidiis incensa.
173. ostingenti vires proscribun-
tur. 175. primus regius domina-
tus. 179. peste diuexatur. 180.
magni tumultus propter dissidia. 183.
conflictus. 188. lex aduersus immo-
dicos sumptus. 189. nouus popula-
ris tumultus. 190. pratorium cap-
tum atque direptum. 190. nouus
magistratus ex ipsa plebis fece atque
collaui designatur. ibid. omnes alba
indumenta sibi assumunt. 191. peste
diuexata. 204. inundatio. 205.
sub Marchionis Montisferratens. im-
perio. 208. popularis tumultus. 215.
pratorium à plebe direptum. 215.
deficit à Marchione Montisf. 215.
conflictus. 218. cum Galliarum
rege in gratiam redit. 222. sub
Philippi Mediolanensium Principis
imperio. 233. à Thoma Campo-
fulgoso ac foederatis nequicquam re-
tata. 239. noua reipub. forma. 254.
peste diuexata. 261. noui Magistra-
tus creantur. 262. noui motus ab
Antonio Flisco excitati. 266. sub
Carolo septimo Galliarum rege. 291.
ab Alfonso terra & aquis oppugnata.
292. à Petro Fulgoso ac foederatis
grauissimè obsessa. 295. conflictus.
299. absente Andegauio, tumul-
tuatur. 301. quibus causis defece-
rit à Gallorum imperio. 303. rixa
ac dissidia inter plebē ac nobilitatem.
303. noui tumultus. 304. noua
Reip. forma introducta. 305. à
Sfortiano milite occupata. 318. sub
Francisci Sfortia Mediolanens. prin-
cipis dominatu atque imperio. ibidē.
sub eiusdem dominio longē felicissi-
ma. 323. noui tumultus inter ple-
bem & patricios. 332. nouis mo-
tibus inuoluitur. 337. noui motus.
339. pratorium à plebe direptum,
& vniuersa ciuitas grauissimo disci-
mini obnoxia. ibidem. in varias par-
tes ac studia distrahitur, ibiq; ad ar-
ma fit concursus. 347. decemui-
ralis magistratus. 348. noui mo-
tus propter factiones ac studia diuersa
excitati. 352. conflictus inter fa-
ctiones. 353. nouum bellum aduersus
Florentinos exortitur. 357. septem-
decim liberi vno partu editi. 359.
nouis ciuiliū bellorum fluctibus agi-
tatur.

Pratorum à fœderatis
 occupatum. 363. 12. ciues tanquã
 Censores designantur. 364. ciues
 confectus, ibidem. iterum sub Me-
 diolanensium Principum dominio.
 366. diuexatur, ste, vti etiam pro-
 pemodum vniuersa Europa. 370.
 asperitum frigus & glacies, ibidem.
 certus doti modus constituitur. 390.
 partus monstrosus. 391. moles portus
 ampliata, ibidem. sub Ludouico XI.
 Galliarum rege. 401. laborat pe-
 ste. 407. quinz doctrina & scriptis
 hactenus Genua inclaruerint. 408.
 olim Camera imperialis fuit. 412.
 puer à pisce deuoratus. 413. peste
 diuexatur & horribili tempestate. ib.
 grauisima similitudines inter nobiles &
 populares. 414. occurrat institui-
 tur. 415. redit in potestatem re-
 gis Galliarum. 420. noui motus per
 factiosos excitati. 433. propter fa-
 ctiones eodem anno reipub. admini-
 stratio variatur. 436. quibus con-
 ditionibus se Gallo permisit. 445.
 classis contra piratas instruitur. 447.
 obsidetur à Casarianis. 452. ab
 Hispanis expugnata. 453. ab exer-
 citu Casariano capitur & diripitur.
 454. magnas conuersio. 454.
 peste affligitur. 459. ferè in ex-
 tremam angustiam redacta. 463.
 summa annona caritas. 464. in po-
 testatem Francisci Gall. regis redit.
 467. pratorum à plebe direptum.
 ibid. peste atrocissima diuexatur.
 470. noua Reip. forma introducitur.
 ibid. diuersa studia & factiones, ib.
 peste agitur. 475. ope princi-
 pis Andrea Auria à Gallorū seruitute
 eripitur. 475. noua reipub. forma
 introducta, quæ adhuc viget, & illasa
 conseruatur. 476. ope Principis Au-
 ria & Augustini Spinula, magnope-
 riculo liberatur. 503. tumultus ex-
 ortus. 534. balena caput repertū,
 quidnam portenderit. 574. sub Co-
 mitum gubernatione. 627. crean-
 tur noui Coss. 639. mira annona
 penuria. 644. nouus Prator creatur.
 653. noua magistratus forma in-
 troductur. 669. septuaginta trire-
 mes tridui spatium instructæ. 672.
 infra vnius anni spatium ducentæ ac-
 que amplius triremes adornantur, ib.
 incredibilis latitudo propter adeptam
 victoriam. 676. resp. virtute atque
 industria Alberti Spinula Sultano re-
 conciliatur. 679. sub Ioannis Vice-
 comitis imperio actutela. 750. Si-
 mon Buccanigra Dux ac Princeps
 declaratur. 754. fit nouum supple-
 mentum sub Matthai Maruffi præ-
 fectura. 774.

Genuensis, es, ium, ibus.

Genuens. industria & victoria. 3.

studium in religione propaganda, ibid.
 opes, ibid. ararium optimè instru-
 ctum, ibid. annales quo tempore in-
 cipt. 4. amicitia erga Romanos. 5.
 Audomaro Duce Corsicâ inuadit. 6.
 annales incipiunt ab anno salutis 1100.
 veteres familia. 8. fœdus inter Ge-
 nuens. & Gracum Imp. 10. legatio
 ad Frider. 1. in comitiis Roncatis. 11.
 munera Casari oblata, ib. altera le-
 gatio, ib. cōstituntur Casari bene-
 ficiarij, & in eius tutelâ suscipiuntur,
 ib. propter fœdus initum cū Casare,
 Gulielmo Sicilia regi, ipsorum auxilium
 imploranti, supplicas denegant. 13.
 variae legationes. 14. Genuens. &
 Pisanis adiunt Henrico Imp. in oppu-
 gnanda Sicilia. 21. inter eosdem bel-
 lum redintegratum, ibidem. Ge-
 nuens. fœdus cum rege Numidia, ibid.
 victoria. 23. cū Siculis reconciliatio.
 24. legatio ad Sultatum. 25. im-
 munitates in Armenia ac Cilicia, ib.
 ab eis multa ciuitates deficiunt. 26.
 cum Pisanis ac Venetis bellum gerūt.
 27. priuilegia in vrbe Tripoli. 28.
 legationes ad regem Numidia. 29.
 donationes eis factæ. 29. bellū con-
 tra Massilienses. 29. à Frid. Mo-
 naci agro donati. 32. clementia,
 38. clades. 41. inuadunt Ale-
 xandrinus. 42. nomen ac potentia.
 48. multa legationes ad varios
 Principes. 50. plurimi ex nobilitate
 Casarianas partes fouebant. 60. va-
 riae legationes, 80. pleraque oppida
 coëmūt. 86. victoria aduersus Tar-
 raconens. 115. à rege Andegauens.
 defectio. 117. victoria aduersus Si-
 nopis regulum duce Simone Quarto.
 123. aduersus Mauretanos victo-
 ria. 124. à duce Mediolanens. defe-
 ctio. 136. expeditio aduersus regē
 Tunetanum. 154. legatorum ora-
 tio habita coram rege Galliarū. 154.
 sese Galliarum regi dedunt, & quibus
 conditionibus. 178. clades. 181.
 aduersus Tarraconens. victoria, ibid.
 expeditio aduersus regē Cypri. 201.
 à Galliarū rege defectio. 207. noua
 classis aduersus Tarraconens. 213.
 Senatus gratitudo. 233. quam latè
 olim dominabatur. 236. à Philippo
 ingens ab alienatio. 239. clades à
 Scythiis inflata. 244. classis aduer-
 sus Alfonso Aragonium. 246. in-
 thyta victoria aduersus Alfonso.
 248. gloria oppressa sub imperio du-
 cis Mediolanens. 249. duce Fran-
 cisco Spinula sese in pristinam liber-
 tatem vindicant. 254. Senatus
 gratitudo. 259. adiuuant Renatū
 pro recuperanda Neapoli. 298. splen-
 didissima legatio ad Franciscum Sfor-
 tiam. 319. legatorum oratio corā
 Principe Mediolan. 320. legatio ad

Galeacium Sfortia filium. 325. le-
 gati oratio coram Galeacio. 330.
 Sanseuerinate duce Insucrios cona-
 tus repellunt. 349. classis pro de-
 fensione Rhodensi. 355. clades.
 361. legatio ad summum Pontifi-
 cem. 364. industria. 367. mulier
 anguem enixa. 369. naualis victo-
 ria aduersus Gallos. 382. à Ludo-
 uico Sfortia defectio. 401. constan-
 tia erga Lud. regem Galliarum. 403.
 non solum armis, verum etiam literis
 inclaruerunt. 407. erga Casares sum-
 ma obseruantia & fides. 412. re-
 cusant Pisana vrbs imperium, ipsis
 vltro oblatum. 413. à Galliarum
 rege defectio. 413. legatio ad Gal-
 liarum regem. 415. à Ludouico
 Galliarum rege defectio. 432. Cu-
 niculorum vsum primi in Italia reuo-
 cant. 437. legatio ad Galliarum re-
 gem. 445. legatio ad Daualum
 missa. 453. clades Casari permole-
 sta. 455. Sauona iacturam grauis-
 simè ferunt. 466. Hispanica præsidia
 minimè intromittunt. 479. virtus
 & fortitudo. 494. natura. 524.
 inter eos & Anglos vetus necessitudo.
 570. anno Neronis ferè panult.
 Christianâ fidem ac religionē ample-
 ctuntur. 589. classis pro Hierosolymi-
 tana expeditione duce Gulielmo Em-
 briaco. 593. miro artificio turrim
 expugnandus vrbus idoneam inue-
 niunt. 594. Myram vrbe occupat.
 595. nauale classē instruunt. ibid.
 Antipatridē & Casareā occupant. ib.
 rursus nouam classē instruunt &
 Ptolemaidem capiunt, ibid. præcla-
 ro elogio à Balduino celebrantur. ibid.
 nouam expeditionem suscipiunt An-
 saldi & Hugonis Embriaca familia
 auspiciis, ibidem. Biblio potiuntur.
 ibid. Tripolim expugnant. 596.
 Priuilegiis & immunitatibus donan-
 tur. ibid. eorundem religio, poten-
 tia & fortitudo, ibid. diplomate à
 Balduino donantur. 597. classē
 instruunt aduersus Saracenos. 619.
 eorundem expeditio pro expugnatio-
 ne minoris Balearis. 620. expugna-
 tio. ibid. noua classis pro expeditio-
 ne Almeria, ibid. stratagema. 621.
 aduersus Mauretanos victoria. 622.
 in media expeditione à Barcinonens.
 deferuntur. 626. post præclaras vi-
 ctorias in patriam reditus, ibid.
 aduersus Saracenos victoria. 628.
 classis aduersus Pisanos. 631. con-
 ditiones pacis præscriptæ Pisanis, ibid.
 horum perfidia in paci violatione. ib.
 nouus apparatus militaris aduersus
 eundē hostem. ibid. inuadunt Corsi-
 cam à Pisanis occupatam. 632. no-
 uam classē exornant. ibid. Pisanâ
 turrim demoluntur. 635. mittunt
 lega-

legationem ad Frid. II. Imp. 636.
 feliciter cum Pisanis confidunt. 644.
 victoria adversus Pisanos. 645.
 Guberno regi Sicilia reconciliantur.
 648. classis pro Sicula expeditione
 in grati in Henrici Imper. 651.
 Syracusae capiunt spatio 7. dierum.
 658. victoria. 673. in portu
 Genuensi. 58. triremes & 8.
 phaseli ab hora diei tertia usque ad
 solis occasum instructa atque in prom-
 ptu habentur. 674. cum Pisanis
 classe feliciter confidunt. 656. &
 675. Ligures sedere cum Lucensib.
 percusso, novum bellum adversus Pi-
 sanos parant. 680. horum potentiam
 evertunt. 681. legatio ad Fri-
 dericum Casarem. 684. classis in
 Pontificali gratiam instructa. 685.
 clades. 686. novam classem exor-
 nant. ibid. eorumdem latitia propter
 suarum navium appulsum ex Syria.
 687. mira celeritate rem navalem
 expediunt. 688. eorumdem incre-
 dibile studium erga patriam. ibid.
 fortitudo & magnanimitas. ibidem.
 praeorem suis copiis praeficiunt. 690.
 clades. 691. huius prospera expe-
 ditio. 692. eorumdem spatio 70.
 triremes instruunt. 695.
 nequicquam hostilem classem Sauo-
 na incendere conantur. ibidem.
 naufragium subeunt. 696. suis di-
 taxat privatis opibus FridERICI Casa-
 ris potentia resistunt. ibid. Genuens.
 populi commendatio & virtus. 697.
 Sauonam obsident. ibid. in Senatu va-
 riis deliberationibus certatur. 698.
 relicta Sauonensi obsidione tantum-
 modo rem navalem prosequendam
 statuunt. ibid. praeor cum ignomi-
 niâ recedit à Sauonens. oppugnatione.
 699. inter se dissensio. ibid. clem-
 entia erga Sauonenses ac ceteros
 qui ab eorum fide recesserant. 708.
 legatio ad Venetos. 710. item alia.
 711. Malliaco suppetias ferunt. ib.
 in latia decennales cum Venetis. 712.
 pax. 713. belli innovatio. ibidem.
 clades. 715. & 723. ultio. ibid.
 infeliciter pugnant. 717. novae in-
 dutia. 717. Lucensium opem im-
 plorant. 717. eorum felicitas. 722.
 novam classem adversus Venetos duce
 Vberto Auria emittunt. 727.
 Cydonem expugnant. 727. navium
 Venetam intercipiunt. 728. novam
 classem emittunt. 729. tria Vene-
 torum navigia intercipiunt. ibidem.
 arcem Ptolemaidis occupant. ibid.
 praelium cum Venetis. 730. indutia.
 ibid. novum bellum. ibidem. insignis
 moderatio in victoria. 732. victo-
 ria cum ingenti clade. 735. victoria
 duce Nicolao Spinula. 736. poten-
 tissimam classem Vberto Auria educunt,

in qua erant 45. millia hominum ar-
 matorum. 737. bellum Venetis indicunt,
 ibid. rursus rem navalem duce Gando
 Mario expediunt. 738. item auspi-
 cibus Lambae Auria insigni victoria po-
 tiuntur. 740. item alia victoria
 ductu M. Pasci. 742. Cydonem oc-
 cupant. ibid. veteribus factionibus
 duceantur. 743. victoria contra
 Venetos duce Francisco Marino. 744.
 novam classem parant. 744. clades
 ad Carystium portum. 745. victo-
 ria sub Papani Auria auspiciis. 748.
 clades. 749. victoria. 751. Pa-
 rentum capiunt & diripiunt. 752.
 reconciliatio. 753. victoria adver-
 sus regem Cypro. 756. Cyprio regi
 pacis conditiones praescribunt. 756.
 novum bellum adversus Venetos. 759
 clades. ibid. novam classem ductu
 Luciani Auria emittunt. 761.
 victoria in Cypro. 763.
 nova expeditio. 764. contra
 Mediolanensem Principem victoria.
 770. ed redacti, ut de ipsa vrbe de-
 ferenda consilium inmerine. 772.
 ciues in numerum senatorum coop-
 tant. ibidem. ad Clodium infelici-
 ter pugnant. ibidem. Mari ac terra
 Genuenses duceant. 775. Gracum
 Imperatorem incitant, ut Peram op-
 pugnet. 774. Caroli Zemi reditu
 animum atque vires resumunt. ibid.
 confidunt cum Genuens. 775. victo-
 ria. ibid. clades. 776. praelium de-
 tractant. 778. fortunam iterum
 prosperam experiuntur. 779. novos
 apparatus bellicos praeparant. 780.
 reconciliatio cum Genuens. ibidem.
 conditiones pacis. 781. novum bellum
 reparant. 683. cum Florentinus fa-
 ctus percutiunt. ibid. victoria adver-
 sus Philippum Med. Principem. ibid.
 clades. ibidem. bellum instaurant.
 784. victoria ad sinum Rapolitanum,
 ibid. Chium insulam invadunt. 785.
 re infecta discedunt. 787. clades
 propter huiusmodi expeditionem ac-
 cepti. 789. novam classem duce
 Petro Spinula emittunt. ibidem.
 pax cum Genuens. 790.
 Georgius Adurnus magno applausu Prin-
 cepti renunciat. 129. 205. 215.
 Georgius Granellus. 189.
 Georgius Aimon. 317.
 Georgij Elisci sublimis & inanes con-
 tus. 338.
 Georgius Interianus vir singularis erudi-
 tionis. 407.
 Georgius Stell. 408.
 Georgius Danstetterus summus Medicus
 & Mathematicus praedixit mortem
 Caesaris Maximil. primi. 449.
 Georgius & Ludovicus Comites à Steyn
 & Wigensteyn. 485.
 Georgianus Magistratus. 797.

vnde originem traxerit. ibidem.
 Genuensium stulta persuasio. 3.
 Gibellini portum Genuensem ingrediuntur.
 103. adverso mare confidunt. ib.
 pleraque navigia in ipso portu flam-
 ma absumunt. 104. sese in fugam
 conantur. 105. iterum Genuam in-
 vadunt. 106. eorum clades. 108.
 patria & fortunae exuuntur. 783.
 Eliscientes tumultus intestini Coss. pru-
 dentia repressi. 18.
 Gobbus Iustinianus Caesaris militum fe-
 ctatur. 472.
 Gorgona Abbatis simulata sanctimonia.
 690.
 Gostunus Suecorum rex. 480.
 Gothifredus Bullionus primus omnium
 Hierosolymorum moenia conscendit.
 594. regis titulum auersatur. ibid.
 mors. 595.
 Grati duce Michaële Palaologo imperium
 recuperant. 708. amissum Imperium
 recuperant. 719.
 Gregorij Pont. erga Senatum Genuens.
 ingratitude. 85.
 Gregorius Guanus. 221.
 Gregorij V. de Imper. eligendis sanctio.
 554.
 Gregorius IX. Pontifex Synodum Romae
 indicit. 684. mors. 691.
 Gregorius X. Pontifex renunciatur. 730.
 Gregorij XI. Genuam advenit. 757.
 Grimaldus. 114.
 Grimaldi vrbe eieci, 95. cum suis cōse-
 deratis Genuam invadunt. 129.
 Grimaldi vnde originem trahant. 386.
 Guarcus & Montaldus Reipub. recon-
 ciliant. 180.
 Guani Principis fuga. 221.
 Guarenus Index. 720.
 Guelfi & Gibellini quando esse coepe-
 runt. 56.
 Guelfi confugiunt ad Vbertam Andega-
 nens. 101. valseam classem con-
 tra hostes educunt. 105.
 Guelfi & Gibellini etiam in partib. Orien-
 talibus inter se confidunt. 108.
 Guelfi cedunt Gibellinis. 117.
 Guelfa & Gibellina factiones sub Mas-
 carato & Rampinorum nomine. 736.
 Guido Taurellus. 233. 234.
 Guido Vitecomes. 333.
 Guidonis Rangonij & Caesaris Fulgoshij
 inanes conatus in occupanda Genua.
 503.
 Guido Spinula. 596. 706.
 Guidobaldi Urbini Ducis mors. 580.
 Galilaeus Spinula vocatur à Sultano.
 28.
 Guilielmi Pignelli cadet. 33.
 Galilaeus Marius. 45.
 Galilaeus Spinula cum plerisque aliis
 nobilib. viris proscribitur. 57.
 Galilaeus Hollandiae Comes Caesar de-
 signatur. 67.
 Galilaeus Albintimilij Comes hostis
 Reipub.

Reipub. declaratur.	69.	Henricus Malliaca ora Princeps.	34.	Iacobus Triunltius.	341.
Gulielmus Palaniticus.	133.	& 658. feliciter pugnatur aduersus		Iacobus Bracellius.	408.
Gulielmus Ermirius.	141.	Venetos. 709. eius clades. ibidem.		Iacobus Furnius.	ibidem.
Gulielmus Rodoanus.	408.	Genuam venit.	710.	Iacobus Varraginenfis.	ibidem.
Gulielmus Budaus in summo honore ac		Henricus Vfusmarinus.	673.	Iacobus Corfus.	419.
existimatione habens à Ludouico		Henricus Dandalus.	707.	Ioan. Iacobus Triunltius summa virtute	
Galliarum rege.	441.	Henricus Marius. 672. 677. & 680.		ac rei militaris gloria insignis.	433.
Gulielmus Caelius Burlai Baro.	562.	Herculis Monæci portus, vulgo Villa-		Iacobi Stuardi perfidia.	439.
Gulielmus Brook Baro de Cobham.		franca.	435.	Iacobi Stuardi Scotia regis cades. ibid.	
ibidem.		Hermannus Mursia & Nieunaria Co-		Iacobi Stuardi Morauie Comitris cades	
Gulielmus Mörisspeffulani regulus.	625.	mes.	483.	440.	
Gulielmus Bisiccius.	647.	Hesdinum expugnatur.	546. (397.	Iacobi Scotia regis in Galliam profectio.	
Gulielmus Iudex.	656.	Hieronyma Spinule ac eius mariti cades.		505. Magdalenam Francisci re-	
Gulielmus Rossus.	660.	Hieronymus Gentilis. 332. eius animi		gis filiam vxorem ducit, quæ proximo	
Gulielmus Buccanigra. 666. vrbis		generositas & flagrantiss. studium		anno satis concedit. ibidem.	
prefectus & postea princeps renun-		pub. libertatis. ibidem.		Iacobi N. Scotia regis mors.	511.
ciatur.	73.	Hieronymus Auria vnà cum sua coniu-		Iacobus Nigrius.	666.
Gulielmus Cataneus.	683.	ge in exilium relegatur.	431.	Iacobus Marcellus.	685.
Gulielmus Spinula.	692.	Hieronymi Flisci cades.	435.	Iacobus Varagineus.	737.
Gulielmus Embriacus. 712. Ligu-		Hieronymi Adurnij singularis virtus.		Iacobus Adurnius.	785.
stica classi præficitur in Hierosolymi-		451. mors.	452.	Ianus Lusitanus.	196.
tana expeditione.	593.	Hieronymus Fliscus deditionē facit.	531.	Iani Cyprij regis mors.	143.
Gulielmus Vicecomes.	720.	Hierosolyma à Christianis Principibus		Iani Fulgosi victoria, & ad principatum	
Guleta arcis descriptio.	447.	recepta. 594. peste diuexatur.		promotio. 273. mors. 274.	
Guleta & Tunetum à Casare expugna-		ibidem. à Saladino expugnata. 600.		Ianus Fulgosius Princeps ciuitatis re-	
ta.	502.	excidium. 614. à Friderico Cas.		nunciatur. 432. fuga. 435.	
		recipitur. 615.		Ido Picus & Hugo Cataneus ablegatur	
H.				ad Casarem. ibid.	
H abraam Fulgosius.	224.	Hippolyti Cardinalis mors.	498.	Ido Conrardus.	643.
Hadrianus V. Pontif. renunciatus,		Hippona ab Andrea Auria capta.	502.	Ilua insula Pisis erepta.	680.
brevi post fato excessit.	86.	Hismaël Persarum rex.	480.	Imperatoris presentia vilissima.	457.
Hadriani Pontif. interitus.	459.	Hispalis à Ferdinando rege Castellæ ex-		Incendium in vrbe Genua.	27.
Hafsa vnde dicta.	63.	pugnata.	68.	Indutia inter Venetos & Genuenses. 81.	
Helopolis expugnatio.	62.	Hispanica classis amissio.	484.	inter Ligures & Tarraconens. 214.	
Henrici Casaris legatio ad Genuens. ac		Hispaniola magnitudo, & à Gadibus		inter Carolum V. & Franciscum re-	
idem Genuens. ad eundem Casa-		distantia.	373.	gem decennales. 507. inter Maxi-	
rem. 21. natura & ingenium. 57.		Homines, Alpheste appellati.	90.	milianum & Turcarum Imper. 580.	
Genuam proficiscitur. 98. veneno		Honorius 11. Pont. creatur.	632.	inter Genuens. ac Pisanos. 636. 662.	
sublatus.	99.	Horribilis tempestas.	62.	à Pisanis violata. ibidem. inter Ve-	
Henricus Lantgranius rex Rom. desi-		Horucius.	486.	netos ac Genuens. 711. inter eos-	
gnatus.	63.	Hubertus Languetus.	577.	dem decennales. 712. inter Ligu-	
Henrici Stuardi cades.	440.	Hugeboldus ab Einsidel.	553.	res ac Venetos. 718. & 730.	
Henricus Britannia rex.	480.	Hugo Fliscus.	706.	Ingo Fleffa,	647.
Henricus Delphinus cum exercitu in		Hugolinus Viualdus.	91.	Ingo Cataneus.	690.
Galliam Transalpinam ablegatur.		Hugolinus Guisolfus.	125.	Initium discordia inter Spinulas & Au-	
505.		Hugolinus Card. Hostiensis mittitur le-		rias.	96.
Henrici Anglia regis interitus.	518.	gatus Genuā ab Honorio III. Rom.		Initium & origo belli inter Genuens. ac	
Henricus 11. Francisco in Gall. regno		Pont. 662. eiusdem oratio ad Le-		Venetos.	710.
succedit. 518. in Germaniam		gatos atque Antistites Genuensium		Innocentius V. Genuens. Reipub. aman-	
cum exercitu proficiscitur.	543.	ac Pisanorum.	663.	tissimus.	85.
Henricus idō sœdere cū Solymano clas-		Hugolini Comitris potestas & auctoritas.		Innocentius VI. Pont. Genuens. 357.	
sem impetrat.	546.	676. pacem initam auersatur. 677.		erga suam patriā ingratisimus. 390.	
Henrici Nauarr. regis obitus.	558.	eiusdem summa felicitas & extrema		interitus. ibidem.	
Henrici Gallia regis magnanimitas.	566.	miseria. ibidem.		Innocentij II. ad Genuā profectio. 633.	
mors. 570.		Hungarij regis insana persuasio. 612.		Innocentius III. Pontifex renuncia-	
Henricus Scocie rex sue vxoris consen-		Hydruntū à Christianis receptum. 355.		tur. 700. Genua Lugdunum profici-	
su à Comite Bodwillo interficitur.				scitur. 701. Romam reuertitur.	
568.				706. mors. ibidem.	
Henrici Sydnei Hibernia proregis præ-		I		Insulæ clades.	237.
clarissima dotes.	569.	Iacobus Grillus capite damnatus. 51.		Insulæ à Casarianis inuaditur. 450.	
Henricus VI. Friderici I. successor. 604.		Iacobus Squarciacicus.	84.	Insulæ Ducis filia Cyprioregi elotatur.	
eius crudelitas & auaritia. 608.		Iacobus Lusitanus.	152.	760.	
Legatos mittit ad Genuens. 650.		Iacobus Camposulgosius princeps de-		Insula Meninga à Genuensibus occu-	
ad Genuam profectio. 652. Nea-		claratur.	160.	pata.	154.
polim frustra obsidet. 652. in Ita-		Iacobus Iustinianus.	220. & 248.	Inundatio.	205.
liam redit. 652. regno Sicilia po-		Iacobus Cadora.	235.	Ioachimi abbatis vaticinium.	609.
nitur. 654. mors. 658.		Iacobus Isolanus.	236.		
		Iacobus Apianus.	242. 406.		
		Iacobus Candola.	265.		

INDEX.

Ioanna Lotharinga. 405.
 Ioannes Spinula. 44.
 Ioannis Pontif. inanes conatus pro mu-
 tua reconciliatione. 108.
 Ioannes Fornarus. 116.
 Ioannes Fliscus. 117.
 Ioannes Marius. 123.
 Ioannes Morta dux Genuens. 127.
 obitus. 132.
 Ioannes Vicecomes. 133.
 Ioannes Valentius princeps designatur.
 133.
 Ioannes Centurio Ultramarinus. 156.
 Ioannes Bonciartus. 195.
 Ioannes Carolus. 210.
 Ioannes Grimaldus. 223. 239. & 371.
 Ioannes Fulgosius. 224. 227. & 266.
 Ioannes Antonius Fliscus. 266. & 269.
 Ioannes Philippus Fliscus. 286.
 Ioannes Andegauensis, Renati filius, Ge-
 nuam venit. 291. Genuam pro-
 fectus, nomine Gall. regis, illius impe-
 rium suscipit. 292.
 Ioannes Ossa. 296. & 298.
 Ioannis Flisci obitus. 296.
 Ioannes Scipio Palauicinus. 329.
 Ioannes Franciscus Palauicinus. 336.
 Ioannes Baptista Guaricus. 337. 342.
 Ioannes Georgius Fliscus. 338.
 Ioannes Palauicinus. 341.
 Ioannes Aloysius Fliscus. 345.
 Ioannes Aloysius, & Matthæus dimicant
 pro patria. 349.
 Ioannes Paulus Lecensis. 361.
 Ioannis Galeatii vxor Genuam profici-
 scitur. 367.
 Ioannes Metellus. 376.
 Ioannes Cagnatius. 408.
 Ioannes Baptista Lazania. 417.
 Ioannes Andreas Auria Melphe prin-
 cept. 477. & 579. eius interitus.
 530.
 Ioannes Auria principis Andrea Auria
 successor atque hæres. 477.
 Ioannes à Ferreris Viduus Carnuten-
 sium princeps. 481.
 Ioannis Payuoda obitus. 509.
 Ioannes Baptista Montius in obsidione
 Mirandulæ interimitur. 540.
 Ioannes Fridericus Saxonie Dux, &
 Landegrau. pristina libertati resti-
 tuuntur. 544.
 Ioannis Austriaci in Africam expedi-
 tio. 579.
 Ioannes Brennus Hierosolymorum rex.
 611.
 Ioannes Rossus Cataneus. 614.
 Ioannes Panzanus. 666.
 Ioannes Procul Salernitanus. 668.
 Ioannes Turchius. 703.
 Ioannes Trinius. 710.
 Ioannis Vicecomitis singulare studium
 erga Genuenses. 753. eius obi-
 tus. ibidem.
 Ioannes Grimaldus Philippica classis
 præfectus. 783.

Iordanus Vrsinus Corsica à Gallis præfi-
 citur. 555.
 Isuacius Angelus à fratre Alexio in vin-
 cula conijcitur. 707. eius filius Ce-
 sar renunciatur. 708. à Murzi-
 philo interficitur. ibidem.
 Isedius Cataneus. 670.
 Isuardus Guaricus. 217. 240. & 256.
 princeps renunciatur, eiq. breui post
 succedit Thomas Caposulgosius. 257.
 Iulianus Maguerra. 368.
 Iulius 11. Pontifex 412. eiusdem apud
 Lud. regem intercessio pro Genuensib.
 417. Venetis insensibilis. 426.
 mouet bellum contra Ludouicum. ibid.
 inuadit Genuam. 427. in susce-
 pta aduersus Ludouic. regem expedi-
 tione indefessum studium atque im-
 placabile odium. 428. omnes reges
 inflammat aduersus Ludouicum.
 436. eius obitus. 433.
 Iulius 111. Romanus Pontifex renuncia-
 tur. 537. relicto Casare, in partes
 Gallorum transit. 540. mors. 557.
 Iustinopolis à Genuens. expugnata. 778.
 L.
 L Adislaus Augustus. 480.
 Lambas Auria capitur à Germanis,
 qui pro ipso militabant. 100.
 Lambas Auria Ligustica classi præfici-
 tur. 738. eiusdem oratio ad mili-
 tes. 739. victoria. 740.
 Landresum à Gallis presidio subleuatur.
 513.
 Lanfranci Peueri cades. 20.
 Lanfrancus Buccanigra interficitur. 76.
 Lanfrancus Pignatarus. 84.
 Lanfranci Spinula interitus. 95.
 Lanfrancus Vfusmarinus. 105.
 Lanfrancus Marcellus. 665.
 Lanfrancus Rossus. 711.
 Lanfrancus Carmandinus. 725.
 Langrauij 64. eorundem origo. 64.
 Largherum à Pisanis deditione occupa-
 tum. 670.
 Laterna pro nauigantibus erecta. 107.
 Laurentius Angelus. 136.
 Laurentius Folietæ. 223.
 Laurentius Medicus. 358.
 Laurentius Magius insignis Philosophus
 ac Medicus. 407.
 Laurentius Theopulus. 716.
 Lazarus Gerardinus. 43.
 Lazarus Auria. 325. & 360. eius
 magnanimitas. 329.
 Lazarus Spinula. 326.
 Lazarus Axeretus. ibidem.
 Lazarus à Schwendi Baro, &c. 483.
 & 581. Casareo exercitui præ-
 ficitur. 577.
 Lecensis arx & Ginarca in Corsica in-
 sula à Genuens. recuperata. 362.
 Leo Armenia rex Cilicie multas immu-
 nitates Genuensib. concedit. 25.
 Leo x. Iulio 11. Pontif. suffectus. 435.
 Leonis Pontif. & Francisci Gallia-

rum regis Bononia mutui congres-
 sus. 446. mors. 451.
 Leo Strozza principem Auriam inse-
 quitur. 540. eius magnanimitas.
 ibidem. mors. 556.
 Leonis Ventrarii mors. 711.
 Leonardus Mantuanus. 137. & 138. &
 147. princeps creatur. 152.
 Lesbos insula à Mahumete Turcarum
 imperat. occupata. 403. eius de-
 scriptio. 404.
 Lex Genuæ aduersus immodicos sum-
 ptus. 184.
 Lex Aquilia. 799.
 Ligures olim Romanorum hæstes. 5.
 Ligures & Veneti à Scytharum rege
 grauissimis damnis affecti. 124.
 Florentinis bellum inferunt. 358.
 victoria. 633. et 1111. naves à
 Pisanis intercipiuntur. 643. victo-
 ria. 644. & 645. eorum ac Pisa-
 norum reconciliatio. 633. tria na-
 uigia eis à Pisanis capiuntur. 660.
 eodem tempore cum Pisanis Venetis,
 & Gallis Narbonensib. belligerant.
 661. nequiquam hostilem classem
 incendere conantur. 695. acceptam
 cladem vliscuntur. 723. nauem
 amittunt. 724. nouam classem duce
 Vbertino Auria emittunt. 727.
 victoria cum ingenti clementia. 735.
 infelicitèr pugnant. 748.
 regi Cyprio pacis conditiones præscri-
 bunt. 756. diuersos principes sibi
 in fœdus ac societate adfiscunt. 759.
 nouam classem aduersus Venetos Lu-
 ciani Austria auspicijs emittunt. 761.
 Clodia obfessi sese victorum arbitrio
 permittunt ac dedunt. 778.
 Ligurnum expugnatū ac direptū. 680.
 Loca Genuensib. diuendita. 25.
 Loca Ligustica dirioni à Gallis diuendi-
 ta. 213.
 de Locustis, & quantum detrimenti per-
 sapè intulerint. 139.
 Locustarum ingens multitudo in Italia.
 514.
 Lombardus Spinula. 119.
 Lomellina familia præstantissimos viros
 tulit. 385. eius auctores. ibidem.
 Longobardorum in criminibus purgan-
 dis consuetudo. 50.
 Lotharingus Martinengus. 36. & 41.
 Luca intestini motus Genuens. auctori-
 tate compositi. 51. Gerardo Spi-
 nula diuendita. 111. Lucenses
 Pisanis bellum indicunt. 643. ma-
 gnæ cladem inferunt. ibid. fœdus
 cum Genuensib. contra Pisanos con-
 trahunt. ibidem.
 Lucas Grimaldus. 81. & 729.
 Lucas Auria optimè de Republica me-
 ritus. 89.
 Lucas Nigrinus. 110. & 111.
 Lucas Fliscus. 211.
 Lucianus Auria rei nautali præficitur.
 761.

761. oratio ad milites. ibidem.
 victoria. 763. eximia virtus. 764.
 mors. 763.
 Luchinus Facius. 132.
 Ludouicus Bauarhs. 110.
 Ludouicus Andega. c. Genuam profici-
 scitur. 226.
 Ludouicus Fulgofius princeps renuncia-
 tur. 274. principatum deserit. 275.
 tertium Princeps creatur. 312. &
 313. neutri parti adhaeret. 353.
 mors. 397.
 Ludouicus Valla. 303. & 311.
 Ludouicus XI. 314.
 Ludouicus Sfortia implorat opem Tur-
 carum. 378. captiuitas. ibidem.
 ad Genuam profectio & aduentus.
 391. & 392. cedit Galliarum
 regis potentia. 399. relicto Medio-
 lano confugit ad Maximilianum Ca-
 sare. 400. Mediolanum Hel-
 netiorum auxilio recuperat. 403.
 ab Hetaeris perditus. 403.
 Ludouicus XII. Galliarum rex. 397.
 Mediolano. & mox arce potitur. 400.
 Genuam proficiscitur. 409. Ge-
 nuensium postulari benignissime af-
 sentitur. 410. eiusdem singularis
 humanitas. ibidem. in Genuenses
 clementia. 416. parat expeditio-
 nem aduersus eosdem. 417. cum
 potenti exercitu innadit. Genuenses.
 418. Genuam ingreditur. 420.
 adhortatio ad Senatum iurgatione
 mixta. 423. Mediolanum profi-
 ciscitur. 424. de Venetis victoria.
 426. eius fortitudo & magnani-
 mitas. 433. obitus & natura. 441.
 Ludouicus & Ferdinandus reges Saue-
 nae conueniunt. 424.
 Ludouicus Fliscus à Ludouico Galliarū
 rege in equestrem ordinem coopta-
 tus. 442. aduersus Rempub. Ge-
 nuens. conspiratio. 519. amulus
 auria felicitatis. 520. mors. 529.
 Ludouicus Hungaria rex in pælio ad-
 uersus Turcas interficitur. 463.
 Ludouicus Princeps Palatinus. Sacri
 Roman. Imperij. 482.
 Ludouicus Taringia Lanigranius, ma-
 ritus S. Elizabethæ, cum plerisque
 aliis Principibus, fato sublati est in
 expeditione Hierosolymitana. 615.
 Ludouici IX. Gall. regis in Africam ex-
 peditio. 616. victoria, & Taneti
 obsidio, ibidem. capitur à Saladi-
 no. ibidem. interitus. 617.
 Ludouicus Guarcus. 776.
 Lues Gallica primum in Campania ex-
 orta. 383.
 Lugdunensis comitia. 701.
 Luperum vis immensa. 109.
 Lusitania horribili inundatione diuexa-
 tur. 489.
 Lusitanici belli descriptio. 506.
 Lusitani regis clades. 584.
 Lutetia ingens trepidatio. 515.
 M.
 Magallanus. 374.
 Magdeburgensium virtus. 542.
 Magdeburgica pacificatio, eiusq. con-
 diuiones. ibidem.
 Magister Iustitiæ à plebe trucidatur.
 147.
 Magistratus Balia. 343. restitui-
 tur. 354.
 Mahumetes Turcarum Imperator. 277.
 obitus. 355.
 Mahumetes Iabaoglu Hungaria à Se-
 lymo proficiscitur. 513.
 Maunonus Almerie regulus. 619.
 Malliacus Genuam proficiscitur. 709.
 aduersus Venetos victoria. ibidem.
 clades. ibidem.
 Mamaluchi qui dicantur. 601.
 Manegoldus primus prior Genuens.
 19.
 Manfredi parricidium. 1704.
 Marcellus II. Pontifex renunciatur.
 557. obitus. ibidem.
 March. Malepina. 29.
 Marchionis Finarij expulsio. 571.
 Marchionis Palanici inanes cona-
 tus. 693.
 Marcoaldus Henrici Caesaris dapifer.
 211. & 652.
 M. Pius Carpi Princeps. 308.
 Marcus Fuggerus Baro, &c. 484.
 M. Pafens. 25. irremium prae-
 ctus contra Venetos feliciter dimi-
 tat. 743.
 Margareta Comitissa Hollandia. 359.
 Margareta Valesia. obitus. 537. & 580.
 Margaritus praelium cum Genuensibus
 detrectat. 651.
 Marye Britannia regina obitus. 566.
 Maria Stuarda nubit Francisco II. Va-
 lesio. 566. nubit parricida. 568.
 Marinus Caracciolus. 452.
 Marinus Ebulus. 689.
 Martinus Buccanigra. 76. & 720.
 Martinus Zacharias. 126.
 Martinus Montaldus. 163.
 Marfi. 411.
 Masilia à rege Alfonso direpta & in-
 censa. 235. à Casarianis frustra
 obsidetur. 459.
 Mattheus Lomellinus. 258.
 Mattheus Fliscus. 338.
 Mattheus Senarega. 408.
 Matthai Stuardi Leuinia Comitissæ ca-
 des. 440.
 Mattheus Marruffus. 776. victoria.
 ibidem.
 Matthias Archiducis heroicum inge-
 nium & virtus. 582.
 Maturina Gallica. 669.
 Mauritiorum ingenia. 622.
 Mauriti ducis virtus & sortitudo. 511.
 voluntarie Casari militat. 514.
 eius inauguratio. 533. bellum in
 Casarem mouet. 542. mors. 551.
 Maximilianus primus. Caesar Gennam
 venit. 387. in Italiam proficisci-
 tur. ibidem. obitus. 448. eius
 virtutes. 449.
 Maximilianus Sfortia Mediolano poti-
 tur. 432. Pontificis opem implo-
 rat. 443. eius constantia. 444.
 humanitas à rege Francisco exce-
 ptus. ibidem.
 Maximilianus secundus Austriacus, Phi-
 lippo regi imperio praelatus. 539.
 Casar deligitur. 573. obitus. 581.
 Mechliniensium clades atque direptio.
 578.
 Mediolani Antistes vrbs Genuens. pra-
 secturam gerit. 241.
 Mediolanens. principis exercitus contra
 Genuens. 349. Studium erga Rem-
 pub. Genuens. 753.
 Mediolanum in Gallorū potestate. 379.
 à Ludouico recipitur. 433. vrbs
 cum arce à Gallis receptum. 443.
 Megolis Lercarius. 145.
 Meledini Sultani obitus. 616.
 Melianus Catanens. 136.
 Melia à Genuens. expugnata duce Tho-
 ma Murbio. 142. à Rhodiens.
 defensa. 576.
 Melitensium equitum insignis virtus &
 sortitudo. 538.
 Memphitici regis prosperi successus. 678.
 Meninga insula à Genuensib. occupata.
 154. per breuē descriptio. 430.
 Metensis vrbs perdolum occupata. 543.
 Methone fraude capta. 492.
 Michael Stenus. 202.
 Michael Riccius mittitur à rege Ludouico
 ad Genuens. 416.
 Michaelis Nostradami vaticiniū. 565.
 Michael Palaeologus, expulso Balduino,
 potitur Byzantio. 719.
 Militaris dolus. 230. 310. 350.
 736. 763.
 Militaris peritia exemplum. 741.
 Militaris seditio aduersus Auriacos. 100.
 in Christianorum castris exorta om-
 nem victoria cursum interrumpit. 610.
 Militare stratagemā. 644.
 Mira quaedam de Vespasiano ac Theodos.
 Imperat. 411.
 Mirabilis & repentinus funestus casus.
 402.
 Mirandula à Ioanne Baptista Montio
 obsidetur. 540.
 Mytilena frustra à Genuens. ac federa-
 tis obsidentur. 404. eorum finis &
 quibus ingentis inelauerunt. 405.
 Moguntini ad pacem cohortatio. 636.
 Moles portus Genuens. ampliat. 391.
 Monasterium oppidum in Africa expu-
 gnatum. 538.
 Monstra quare dicantur. 369.
 Montaldus & Guarcus simul coniun-
 ctis viribus Adurnum innadunt. 177.
 Montaldi obitus. 153. singularis
 humanitas & clementia. 169.
 Mon-

Montanarij expugnatio. 42.
Montanarus Squarciaficus. 670.
Montanarus Marinus. 684.
Montis ex suo loco commigratio. 51.
Montisferrati March. filia Graco Augu-
gusto desponsatur. 28.
Mos inaugurandis regibus Hungaria.
 541.
Moscouitarum clades. 439.
Motus in vrbe Genuens. 54. 161. 339.
in Corsica Thoma Fulgosio auctore
concitati. 361. *in agro Ligustico*
opera Iulij Pontif. excitati. 427.
Motus in Africa. 536. *in Cypro.* 754.
Muleasses se confert in Siciliam. 516.
à filio excacatus. ibidem.
Mulier Genuens. anguem enixa. 369.
Mulier virilis animi. 405.
Murziphili cades. 708.
Musactus Saracenorum rex Pisas capit
atque incendit. 628. *vir excelsi*
animi. 630.
Mustapha innocens necatur mandato
patris. 547. *eius somnium.* 548.
 N.
N *Apolio Spinula.* 118.
Natis sub Delphino. 231.
sub Piscibus. *ibidem.*
Nautalis apparatus Christianorum prin-
cipum contra Mauritanos. 156.
Venerorum ac Genuens. 324. 722.
Regis Galliarum. 468.
Nautalis confictus in quo Gibellini supe-
riores euaserunt. 106. *inter Li-*
gures & Tarraconens. 213. *inter*
Alfonsum & Ligures. 247.
item 463. in sinu Salernitano. 472.
inter Casarianos & Gallos. 557.
inter Pisanos ac Genuens. 639. 644.
item 657. 659. 673. inter Ca-
sarianos ac Genuens. 686. *confli-*
ctus cum Venetis. 726.
Nautalis confictus. 716. 740. 742. 748.
 751. 763. *ad sinum Rapalitanum.*
 784.
Nautalis ac terrestris confictus inter Li-
gures ac Venetos. 773.
Nautalis Christianorum victoria. 578.
classis. 592.
Nautalis victoria Hispanorum & An-
glorum aduersus Gallos. 565.
Nauigationes insignes quorundam vete-
rum. 375.
Nauis Veneta à Genuensib. capta. 202.
item 728. Ligustica, vulgo Oliua,
à Venetis intercepta. 324. *item*
761. Ligustica à Pisanis interce-
pta. 657. *Iacobi Auria à Gallis in*
portu Genuens. intercepta. 460.
Pisana à Ligusticis occupata & in-
cenfa. 648.
Naulum cum arce à Gibellinis occupa-
rum. 107. *à Genuensibus rece-*
ptum. 297.
Naumachia celebriores. 748.
Naupactum à Turcis occupatum. 403.
Naxus à Genuensib. occupata. 789.

Naxarus & Celsus Genuensem populum
ad Christianam fidem conuertunt.
 589.
Neapolis vrbs à Lutrechio obsidetur.
 471. *seditio propter Hispanicam*
inquisitionem. 518. *eius deditio.*
 235. & 653.
Nicaa à Turcis expugnatur. 512. *dedi-*
tionem facit. 592.
Nicensis sub Genuens. potestate. 32.
Nicolaus Auria. 23. 25. 83.
classis Genuens. praefectus. 433. 435.
 & 531.
Nicolaus Canettus. 137.
Nicolaus Spinula. 143.
Casariana classis praefectus. 685.
Nicolaus Guarcus. 144. 146. 770.
Oratio ad populum Genuens. 149.
sponte principatum deponit. 151.
Genuam captiuus perducitur. 153.
Nicolaus Maruffus. 152.
Nicolaus Zoalius creatur Princeps. 170.
Nicolaus tertius cognomento Bellator.
 237.
Nicolaus Picininus. 242. & 255.
Nicolai Picinini sauitia & immanitas.
 785.
Nicolaus Campofulgosius. 262.
Nicolaus Brimaldus princeps Salernita-
nus. 386. *item 665.*
Nicolaus Odericus. 415.
Nicolaus Belogius Ligustica classi prae-
ficitur. 459.
Nicolai Serini Comitit eximia virtus &
fortitudo. 512.
Nicolaus Michael patricius Veneris, vnà
cum Mustapha iussu Solymani inter-
fectus. 548.
Nicolaus Cataneus. 659.
Nicolaus Nigrius. *ibidem.*
Nicolaus Rutius. 644.
Nicolaus Cicada. 666.
Nicolaus Ventus. *ibidem.*
Nicolaus Buccanigra. 680.
Nicolaus Pisanus Veneta classis prae-
fectus capitur à Genuensib. 751.
Nicolaus Marcus Perensibus subsidio ve-
nit. 774.
Nicopolis deditione occupata. 592.
Nobiles Genuens. iterum arma corripiti
aduersus Buccanigram. 126.
Noctes Siculo in prouerbium abierunt.
 578.
Nostri Seleuciam recipiunt. 593.
nostrorum mutae similitates in vrbe
Ptolemaide. 733.
Novellus Camilius nouarum turbarum
conctor. 33.
Novium à principe Mediolanensi occu-
patum. 145.
Numerus casorum & captiuorum in
expugnatione Almeria. 624.

O.

O *Bleetus Fliscus.* 316. *deficit à*
Fulgosio. 317. 341. *Medio-*

lanum perducitur. 344. *fuga,*
ibidem. *à Mediolanens. duce*
pristina libertati restituitur. 352.
capitur à Florentinis vnà cum suo
fratre Ioanne Aloysio. 361.
cum fratre libertati restituitur.
 362. *ei. mors.* 390.
Octauianus Sfortia in Arthesi flumine
submergitur. 345.
Octavianus Fulgosius princeps creatur.
 436. *eius summa in gubernando*
aquitas & moderatio. ibidem. *eius-*
dem eximia ac heroica virtutes. 437.
 & 452. *laudes.* 438. *vulne-*
ratur in praelio. 438. *in cliente-*
lam Francisci regis recipitur. 445.
sefe Marchionis Pistarij fidei permit-
tit. 454. *mors.* 455.
Octauij ducis Parmensis à Casare dese-
ctio. 539.
Octo triremes & pleraque alia Pisanorum
naugia à Genuens. occupata.
 666. *naues Ligustica à Venetis*
occupata. 728.
Octouiratus. 270. & 337.
Octouiratus Georgiani Magistratus.
 800.
Oddo Lautrechius in Italiam cum vali-
diff. exercitu ablegatur. 464.
progressus. 467. *in regnum Nea-*
polit. expeditio. 468.
Odertus Lautrechius Mediolanens. pro-
rex. 450.
Odo Lufinianus. 222.
mors. 230.
Odo Burgundionum Dux. 605.
Oenusarum insularum per breuis descri-
ptio. 751.
Oggerius Scottus. 666.
Oligarchia. 339.
Olradius Lampugnans. 243.
Opicinus Spinula & Barnabas Auria,
vrbs praefecti. 95.
Opicinus cum exercitu Genuam frustra
inquadit. 97.
Opicini Mediolanens. Ducis praefecti mi-
serabilis interitus. 254.
Opius Malestina Marchio. 648.
Oppidani Genuens. repelluntur à Gibel-
linis. 102. *prospera fortuna dimi-*
cant. 104. *aduersus nobiles victoria.*
 127.
Ora Ligustica à piratis inuaditur. 446.
foederatorum classe plurimum diuexa-
tur. 462.
Oratio pro Reipub. statu corrigendo. 15.
legati Bonifacij habita Genua. 227.
item legati Genuens. coram rege
Galliarum. 154. *item coram rege*
Ludouico. 420.
Origo belli inter Pisanos ac Genuens.
 627. *cur instauratum.* 634.
Orlandinus Carmandinus. 651.
Orlandus Fulgosius. 193. & 212.
cales. *ibidem.*
Orho Cassarus. 644. & 647.
 ††† *Orho-*

Othobonus Elias à Iacobo Grillo interficitur. 50.
 Othobonus Eliscus. 75. nouarum seditionum auctor. 83.
 Othobonus Spinula. 211.
 Othobonus cognominato Bonuillanus. 624.
 Othobonus Albericus mutatur regatus ad Guliel. Sicilia regem. 648.
 Othobonus Catanensis. 686.
 Otholinus Nigrius. 729.

P.

Padi, Medoaci & aliorum fluminum exundatio. 581.
 Paganus Auria felicissimè cum foederatis insigni victoria potitur. 748.
 rursus victor. 751. interitus. 580.
 & laudes. 752.
 Palauicini inanes conatus. 693.
 Paleologorum familia vnde genus traxerit. 708.
 Paleologi seuitia in Venetos. 721.
 Panormi expugnatio. 654.
 Pantaleon Iustinianus. 719.
 Papilionum exercitus. 573.
 Parentum à Genuens. captum atque incensum. 752.
 Parmense bellum. 539.
 Parma obsidio. 702. deditio. 704.
 Partus monstrosus. 391.
 risu dignus. 406.
 Pascasius Catanensis. 729.
 Pasqualis Spinula, in Dedicat.
 Passam castrum à Genuens. recuperatur & diruitur. 647.
 Patra deditione recepta. 495.
 Paulus Auria. 88.
 Paulus Montaldus. 167.
 Paulus Monelius. 180.
 Paulus Montaldus. 192.
 Paulus Interianus. 210.
 Paulus Lercarus. 213.
 Paulus Guimisius. 242.
 Paulus Adurnius. 299.
 Paulus Fulgosius. 304. & 308. inextinguibilis ambitio. 311. ambitio & ad principatum promotio. 313.
 principatu à plebe deturbatur. 313.
 quantum princeps designatur. 315.
 tyrannus. 316. Genuam deserit. 317.
 publica quietis perturbator. 323.
 tyrannus. 362. in arcem profugit. 363.
 Paulus Fulgosius, Cardinalis substituitur. 355.
 Paulus Nigronus. 407.
 Paulus Nouius à Tribunis & infima plebe Genuens. princeps creatur. 417.
 Genua aufugit. 420. capite plectitur. 423.
 Pauli Centurionis praclarus ausus. 461.
 Paulus III. ex Farnesia familia Pontif. Romanus. 480. & 499. Genuam petit. 507. obitus. 536.
 Paulus Pansa Fliscum ab incepto debortatur. 528.

Pauli Lazania constantia & virtus. 530.
 Paulus III. Carafa Pontifex designatur. 557.
 Pax inter Ligures ac Massilienses. 29.
 inter Venetos ac Genuens. 34. inter Ligures & Mauritani. 54.
 inter Ligures & Venetos. 55.
 inter Genuenses & Carolum eiusque foederatos. 86. intertempus. Genuens. & extorres. 98. Genua inter Guelfos & Gibellinos. 113. & 188. inter Ligures atque Aragonios. 118. inter Venetos & Ligures. 133. inter Mediolanens. & Ligures. 140. inter Venetos ac Genuens. 146. inter Ligures & Afros. 159. inter Venetos & Ligures instaurata. 203. inter Ligures & Florentinos. 216. inter Alphonsum & Philip. cum maximo Reip. Genuens. detrimento. 238. inter Philippum, Venetos ac Florentinos. 268. inter Alphonsum ac Genuens. 271. inter Ligures & Florentinos. 360. & 361. inter Genuens. & Aragonios frustra tentata. 368. inter Ferdinandum & Genuens. 376.
 pacis condiciones à Daualo Senatui praescriptae. 453. Cameraci iniuria inter Casarem & Franciscum Gall. regem. 479. inter eosdem. 515. inter Franciscum Gall. & Henricum Britann. reges. 517. inter eosdem. 537. inter Pont. & Hispan. 565. inter Philippum & Henricum reges. 570. inter Ligures & Pisanos. 634. frustra tentata. 643. inter Genuens. ac Pisanos. 649. denud per Pisanos violata. ibid. inter virumque populum in XI. annos producta. ibidem. inter eosdem. 660. 664. & 677. inter Ligures & Gallos Narbonens. 661. pacis renouatio cum Venetis per decennium. 706. cum eisdem firmata. 713. item 753. 780. & 790.
 Pelegrus Promontorius. 262.
 Pera à Turcis deditione occupata. 282. à Graco Imp. in gratiam Venetorum obsidetur. 774.
 Pera & Phocaea à Venetis diripiuntur. 735.
 Perenses potissimum Damiani Grilli horreatu Chii suppetias ferunt. 787.
 Percinales Auria. 665.
 Persidia & ingrati animi exemplum. 53.
 Pestis per vniuersam Italiam. 132. & 475. in Christianorum exercitu. 593.
 Petra sancta à Genuensib. defensa. 358. deditione à Florentinis occupata. ibid.
 Petrus Capurris. 119.
 Petrus Lusitanus, Cyprius rex, Genuam proficiscitur. 137.
 fit Genuens. tributarius. 143. & 756.

Petrus Lusitanus à suis fratrib. interficitur. ibidem.
 Petrus Fulgosius in vincula coniectus. 159. iterum capitur. 161. item 164. & 270. sagacitas. 285. Genuam inuadit. 299. naualem expeditionem suscipit in Cypru. 756. victor Genuam reuertitur. 756. interitus & magnanimitas. 301.
 Petrus Auria. 205. 339. & 614. in locum demortui Luciani sufficitur. 765. responsio ad Venetos legatos. 770. interitus. 775.
 Petrus Ximenius. 376.
 Petri Baptista Guitij funestus casus. 402.
 Petri Nauarri auspiciis arx Mediolanens. à Francisco rege recipitur. 443. subsidio Genuensibus venit. 453. capitur ab Hispanis. 454. pristina libertati restituitur. 462.
 Petrus Aloysius Farnesius Fliscam conspirationem promouet. 525. cades. 533.
 Petri Toletani mors. 546. & 555.
 Petrus Strozza à March. Mariniano ingenti clade afficitur. 556. iterum ab eodem vincitur & profligatur. ib. interitus. ibid.
 Petrus Eremita Christianos principes ad sacram expeditionem sollicitat. 591.
 Petrus Ventus. 712.
 Pharia turris deditione à Gibellinis capitur. 101. mœnib. ceterisque munitionibus praeingitur. 109. à Genuensib. obsidetur. 433. & 437. eius diuturna obsidio. 433. ab Octauiano Fulgoso deditione recepta & statim solo aequata. 437.
 Philibertus Auracus mortuo Borbonio Casariani exercitus praefecturam suscepit. 469.
 Philippus Auria. 134. capitur ab Augustino Spinula. 465. & pristina libertati restituitur. 467. cum classe ad Lautrechium venit. 472. insignis victoria aduersus Casarianos. ib. Chalcidem expugnat ac diripit. 745.
 Philippus Spinula. 141.
 Philippus Mediolanensium princeps. 224. Liguriam inuadit. 232. aduersus Aragonios expeditio. 234. interitus. 274. mores & ingenium. ibidem.
 Philippus Lomellinus. 342.
 Philippus Rauesianus Genua Ludouici regis nomine praeficitur. 401. et 403. ad expugnationem Mylenarum expeditio. 404. naufragium. 404.
 Philippi Archiducis Austria interitus. 413.
 Philippus Roccalbertinus. ibidem.
 derelicta vrbe Genua, in Galliam reuertitur. 417.
 Philippus Viterius Liladamus Rhodiensis mili-

militia praefectus. 456.
Philippus Ludouicus ac eius fratres, principes Palatini. 482.
Philippus Palatinus Viennam defendit. 484.
Philippus Catanus. 528.
Philippus rex Genuam venit. 533.
Mediolanum, indeq. in Belgium proficiscitur. 534. & 559.
Philippi clades ad Meningem insulam. 573.
Philippus Sydnus. 569.
Philippus Galliarum rex, Syriaca expeditione relicta, ad suos reuertitur. 603.
Philippi & Richardi regum expeditio in Syriam. 604.
Philippus à Monteforti praeficitur Ptolemaidi. 714.
Picinini victoria aduersus Florentinos. 242.
Pij Pontif. epistola ad Paulum Fulgiosum Archiepiscopum Genuensium. 315.
Pipinus Rex Sardiniam Genuens. imperio subiicit. 627.
Pisa à Musafco Saracenorum rege direpta atque incensa. 628. earundem instauratio, *ibidem.* à Genuens. obsessa, & conditiones imposita. 633.
Pisanorum à Gabriele Vicecomite defestio. 204. Genuensium opem aduersus Florentinos implorant atque obtinent. 383. in potestatem Florentinorum veniunt. 425.
Pisani belli origo. 627. à Saracenis repelluntur. 628.
Sardiniam expugnant. 628.
clades propter naufragium. 630.
dua triremes eis à totidem Ligusticis intercipiuntur. 631. quibus conditionibus pacem à Genuensib. redeemerint. 631. in violanda pace perfidia, *ibid.* nouum bellum Genuens. indicunt. 632. eorundem fuga, *ibid.* à Genuens. magno incommodo affecti, *ibidem.*
clades. 633. reconciliatio. 634.
nouum bellum instaurant. 635.
confugiant ad Imperatorem. 635.
nouum bellum instaurant. *ibidem.*
indutia. 636. bellum renouatum, *ibidem.* Legatos mittunt ad Casarem. 637. pace neglecta Corsicā inuadunt. 638. nouum bellum inter utrosque, *ibidem.* Albingaunum ab iisdem capitur ac diripitur, *ibidem.*
naualis pugna. 639. inanes ipsorum conatus in portu Veneris & Leuanti obsidione, *ibidem.* clades propter naufragium, *ibidem.* cum Genuens. transactio. 640. eorundem fraudes atque insidiae deteguntur. *ib.* vniuersam Sardiniam insulam sibi solis vindicant. 640. Genuensibus quatuor triremes adiungunt. 641. Ca-

saris animum largitione sibi deuinciunt. *ibidem.* pacem lasti expetunt. 642. clades sibi à Lucensibus infligta. 643. contra Lucenses feliciter pugnant. 646. eorum bona fisco Imperiali adiudicantur. 646. Genuensibus denuo quatuor triremes auferunt. 647. neglectis comminationibus Casaris nouo praelio Genuenses diaxant. 646. tres triremes amittunt. 647. detrectant pugnam. 648. nauim amittunt. 648.
bellum tredecim annos cum Genuens. producant. *ibidem.* pacem per xi. annos cum iisdem fouent. 649. hanc rursus violant. *ib.* redeunt in gratiam cum Casare, *ibid.* classem instruunt pro Casare. 652. nouae similitates virimque oriuntur. 651. reconciliatio. *ibidem.* bellum innouatum. 655. improspere dimicant. 656. Bonifacium nequicquam adoriuntur. 657. confictus naualis, *ibidem.* Syracusas expugnant. 658. amittunt. *ibid.* iterum oppugnant. 659. infelici Marte praeliantur, *ibidem.* nouam classem exornant. *ibid.* tria nauigia Ligustica intercipiunt. 660. reconciliatio, *ibid.* perfidia. *ibid.* clades. 661. indutia. 662. ab iisdem mox violata. *ibid.* pax cum Genuens. 664. nouum bellum instaurant, quo Genuens. Erycem ac Trebrianum eripiunt. 665. superantur in praelio. 666. Eryce vna cum arce exiuntur, *ibid.* octo triremes, & pleraque alia nauigia amittunt, *ibidem.* iidem Castrum obsident. 667. septemdecim triremium iacturam faciunt naufragio. 668. postremum bellum aduersus Genuens. 669. insidia. 670. Langerum Sardinia municipium expugnant, *ibidem.* Cynum & Sardiniam variis excursionibus inquietant. 671. vi tempestatis pleraque ipsorum nauigia submerguntur, *ibidem.* portum Veneris frustra obsident. 672. clades. 673. bellum instaurant. *ibid.* aciem ad praelium disponunt. 674. configunt nauali praelio. 675. ipsorum pratoris nauis à Ligustica expugnatur, *ibidem.* Pisanum vexillum conuellitur & prostermitur, *ibidem.* triremium captatum numerus, *ibid.* Pisanorum vexillum cum Pisana Reip. sigillo Genuae in D. Matthaisano asseruatur. 676. pacem ineunt cum Genuens. 677. excusatio apud Senatum Genuens. *ibidem.* Ilua insula multantur. 680. maior turris portus Pisani à Genuens. diruitur, *ibidem.* Ligurnum ab iisdem Genuens. expugnatur

ac diripitur. *ibidem.* ipsorum vires penitus accise. 681. eorundem potentia & victoria, *ibidem.*
Plumbinum oppidum à Turcis frustra obsidetur. 558.
Plumbini castrum deditione à Genuens. occupatum. 633.
Pola à Genuens. expugnata. 778.
Polinus Baro in locum Strozze sufficitur. 540.
Pontificatus Innocentij v. & Adriani v. admodum breuis. 731.
Pontificij Balduini Casaris intercessionem pristina libertati à Frid. Imperat. restituitur. 700.
Populi Genuens. felicitas. 722.
Popularis inconstantia quoad gubernationem. 165.
Populonia, olim Portus Traiani sinus. 671.
Portentum. 403.
Portundi magnanimitas. 485.
interitus. *ibidem.*
Portus Ligurnus. 468. Syracusanus dolo à Turcis & Gallis occupatur. 555. frustra ab Auria tentatur. 563. Veneris frustra à Pisanis tentatus. 672. & Leuantum nequicquam à Casarianis obsidentur. 693.
Prada ingens. 512. Turcis eripitur. *ibidem.*
Praefecti se supremo magistratu abdicant. 90.
Praefagia qua mortem Henrici regis praecesserunt. 570.
Praefagium in somnio Ambros. Grimaldi. 787.
Prator. 21. eius interitus. 41.
à plebe trucidatus. 48.
Pratoris concio in Senatu. 58. eius auctoritas imminuta praefectis subiicitur. 82.
à Guelfis comprehensus. 188.
Prator extraneus. 795.
Pratoria nauis Pisana à Ligustica expugnatur. 675.
Pratorium à plebe direptum. 190. 215. 339. 467. à foederatis occupatum. 363.
Preiannes Gallica classis praefectus. 428.
Venetam classem insequitur. 428.
nauim Francisci Catanei intercipit. 438.
Prima Christophori Columbi in Indi in nauigatio. 372.
Primus rex Aragonia ex Gotthorum familia. 93.
Primus externus dominatus Genua sub Henrico Casare. 98.
Primus regius dominatus Genua. 179.
Principum multorum vno ferme tempore obitus. 570.
Principis & octo Gubernatorum electio. 793. eiusdem auctoritas, *ibidem.*
Prinatis Genuens. ducum simularibus res naualis male administrata. 723.

††† 2 Procu-

Procuratores. 795.
 Prodigia ante cladem Constantinopolitana. 285.
 Prodigium ante Romæ expugnationem visum Romæ. 458. item 514.
 in sole. 517.
 Prodigia ante Mauritiæ vitium. 532.
 & alia quæ apparuerunt. 570. &
 quæ Veneram cladem præcessere. 752.
 Proditio patefacta. 240.
 Prælium atrox inter Guelfos & Gibellinos. 102. inter Gallia atque Angliæ reges. 129. nauale inter eosdem. 223. inter P. Strozam & March. Marinianum. 556.
 ad Grauelingam. 566. inter Genuens. ac Pisanos. 638. & 657.
 in Typhernate agro. 678. inter Ligures ac Venetos. 730.
 Proscripti exules patria restituuntur. 704.
 Prosper Adurnius. 304. 308. 341.
 princeps designatus. 306. principaturæ relicto fugam cepisset. 312.
 Genuæ præficitur. 343. ad Ferdinandum Aragonium defectio. 346.
 fuga. 354. necessitate adductus in mare se præcipitat. ibidem.
 Prosper Camelus. 408.
 Prosper Columna Pontificiis copiis præficitur. 443. humanitas erga populum Genuens. 454.
 Psyllorum natura aduersus venenum. 411.
 Ptolemæi celeberrimum Christianorum emporium. 713. expugnatur. 91. à Liguribus capta. 595.
 à Christianis recepta. 603. obsidetur. 605. 733. expugnatur. 733.
 solo æquatur. 734.
 Puer Genuæ à pisce deuoratus. 413.
 Pyrrhi digitus maximus pedis inextinguibilis. 411.

Q.

Quamdiu stererit Græcorum imperium. 282.
 Quando Guelfi & Gibellini esse cœperunt. 56.
 Quando anea tormenta primum reperia fuerunt. 771.
 Quanta clades Reipub. illata propter ciuiles simulacras. 220.
 Quanta fuerit maiorum in elocandis similibus moderatio. 390.
 Quanta fuerit Genuens. potentia & amplitudo. 93.
 Quam cladem inundatio Venetis arulerit. 581.
 Quatuor naues Ligusticæ submersæ. 27. & 28.
 Quinam hac tēpestate præter Columnam navigationibus inclauerint. 375.
 Quinam fuerint postremi Andegauens. familia. 302.
 Quinam reges nostra tempestate potissimum excelluerint. 480.

Quinam præcipui Principes Hierosolymitana expeditioni interfuerint. 591.
 Quibus conditionibus Resp. Genuens. sese Galliarum regi tradiderit. 178.
 iterum 445. nostri pacem à Saladinorederint. 607.
 Quibus de causis. Genua defecerit à Gallorum imperio. 303.
 Quibus rebus ciuitates atque imperia potissimum contineantur. 568.
 Quinquennales indutiae inter Casarem & Henricum. 558. violantur. 563.
 Quis ordo in hac historia obseruatus. 7.
 Quo iure Gallici reges Mediolanum sibi vindicent. 397.
 Quo tempore Genua condita sit. 590.
 Quo tempore incipiant Genuens. annales. 4.

R.

R Amula deditione occupata. 593.
 Rapallum à Genuensib. receptum. 382.
 Raphael Adurnius. 162. princeps renunciatur. 270. sponte principatum deserit. 272.
 Raphael Montaldus. 163. eximia virtus ac sollertia. 787.
 Raphael Fulgosius. 408.
 Raphael Iustinianus. vir præstantissimus atque optimè de patria meritus. 576.
 Rarum exemplum. 48. continentia. 176. sinceritas. 327. de leone. 583. fatalis decreti. 694.
 Ratisbonensis comitia. 310.
 Rauennensis clades. 431.
 Rauestanus Genuam redit. 416.
 eiusdem discessus. 417.
 Recasenus Casariana classis præfectus. 455.
 Reconciliatio inter Genuens. & Marchiones Malespinas. 661.
 Regni Neapolitani calamitates. 396.
 Regni Mahumetani iniurium. 618.
 Renarus Andegauensis. 249. & 307.
 Genuam proficiscitur. 260. Genuens. opere regno Neapolitano potitur. ibidem. Neapoli regaliter excipitur. 261. ex regno Neapolitano discessus. 267. victoria ad Sarenum. 301. redit Masiliam. 313.
 Rentius Ceres. 460. & 468.
 Repentinus conflictus inter Consulem Genuens. ac Pisanum. 638.
 Rerum euentus non semper sanis consiliis respondent. 741.
 Res minime ab euentu pōderanda. 461.
 Res nouæ India. 488.
 Respublica. vide Genua, Genuens.
 Rhodus à Christianis recepta. 98. à Turcis nequicquam tentata. 355. deditione expugnatur. 457. eius situs. 456.
 Ribellus Grimaldus. 122.
 Richardus Pacæus. 452.
 Richardus Angliæ rex. 754. eius ex-peditio in Syriam. 604. Cyprum

expugnat. 605. à sacra militia reuersus, capitur in Germania. 608. in bello pugnans interficitur. 560.
 Ricij Passau præclara virtus. 645.
 Rinaldus Oliuarus. 194.
 Rinaldus Sanctius. 264.
 Rizzanum à Turcis deditione occupatum. 509.
 Robertus Andegauensis proficiscitur in Galliam Narbonens. 103. Genuam redit. 109.
 Robertus Sanseuerinus. 314. 340. & 342. ab Adurnio urbana militie præficitur. 348.
 Robertus Stuardus Gallicis copiis præficitur. 453.
 Robertus Belus. 562.
 Rochandolphus Ferdinandi exercitus Imperator. 510.
 Rodericus Borgia Roma Pontif. creatur. 370.
 Roderici Portundi interitus. 484.
 Rodolphus Casar. 314.
 Rodolphus Maximil. secundi primogenitus Imper. designatur. 582.
 Rogerius Malabotus. 644.
 Rogerius Castellus siue Iustinianus. 648.
 Rogerij & Tancredi Sicilia regis obitus. 652.
 Roma sub Adriano Pontif. ingenti peste diuexatur. 456. Demetrii Spartani opera pestis remittit. 456.
 expugnatur atque diripitur. 469.
 Roma portentum conspicitur. 583.
 defuncto Pontifice magna fit puer-sio. 691. anarchia. 699. Roman. Pontif. à Casarianis in Sotri oppido obsidetur. 700. Ligusticarum trirremium beneficio elabatur & Genuam venit, ibidem.
 Rossus Buscarinus. 670. & 672.
 Rossus Turcicus. 716.

S.

S Abellus Cardinalis. 355.
 Saladini origo, fortuna & ingenium. 600. Hierosolyma expugnat. ib. eiusdem insigne ac memorabile facinus. 601. obitus. 609.
 Salager Nigrius. 115. eius eximia virtus atque in bello felicitas. ibid.
 Salaris archipirata mare Tyrrhenum & Tuscanum infestat. 558.
 Salernitani Archiepiscopi fuga. 454.
 Salernitanus princeps principatu exuitur. 546. à Carolo Casare defectio, ibidem.
 Saluatus Rhodiarum trirremium præfectus. 491. impiger iuuenis. 492.
 Sanpetri Corsi cades & interitus. 576.
 Sapor Persarum rex. 199.
 Saraceni à quibus orti & unde dicti. 618. clades. 7. Mahumetem sibi ducem creant. ibid. Hispaniam inuadunt. 619. excursiones. ibidem.
 Sardinia expeditio Gallis infeliciter succedit.

- cedit. 468. à Genuens. occupata. 625. à Saracenis recipitur. 627. eius descriptio. 628. eius administratio. 629. à Saracenis denuò expugnata. 630. Genuens. & Pisanorum armis recuperata. ibidem. contentio inter utrumque populum propter ipsius possessionem. item propter episcopi inaugurationē, ibid. Sardi paciscuntur cum Genuensib. 640. Sarra Spinula interitus. 128. Sauona à Genuens. oppugnata. 44. eius deditio, arxque diruta & noua constructa, ibid. ab ipsidem recepta. 101. à Casarianis obsidetur. 697. 698. idque archisimè, ibidem. oppidani eruptionem faciunt in Casaris castra. 698. Saunonensium & vicinarum urbium à Genuensib. defectio. 54. ingratiam recepti. 55. noua defectio. 61. altera defectio. 161. à Philippo defectio. 255. cum Genuensibus contentio. 425. reconciliatio, ibid. feditio. 475. à Genuensib. multati. ibidem. Casaris studia sectantur. 688. Saxonica familia origo. 554. Saxonica familia tres Imperatores protulit. 554. Scaramucia interitus. 787. Scarparium terramotu concutitur. 519. Scelus summū, sibi ipsi vim inferre. 742. Scotorum cladem prodigia præcesserunt. 439. Scriptorum discrepantia. 763. Seditio in vrbe Genua à popularib. excitata. 104. Seleucia à nostris recepta. 593. Selymus Turcorum Casar designatur, 437. eiusdem victoria, ibidem. aduersus Sultanum victoria. 446. mors. 449. Selymi præclarum facinus. 548. patri in imperio succedit. 577. Gallia regi munera mittit. 580. mors. 583. Seneca. 394. Senensium clades. 556. sententia in dissensione inter patricos & populares Genuens. per Luchinum Mediolan. principem lata. 128. Septemuir Ioannes Casimirus. 482. Serefana deditione à Genuens. recepta. 384. Serefanum à Florentinis deditione occupatum. 361. Scripta. 48. eius descriptio. 49. obsidione liberata. 52. à Genuens. obsessa. 53. Sextrum à Gibellinis occupatum. 110. à Guelfis occupatum. 118. Sextrum vnā cum arce à Petro Fulgoso expugnatur. 296. Sfortianorum clades. 342. & 351. Sfortia magnanimitas. 379. Sfortia Palauicinus. 511. Siccitas prodigiosa. 241. Sicula expeditio frustra ab Andegauenf. tentata. 109. Sideris noui apparitio. 578. Sidon recepta. 596. Sigismundus Casar. 216. Sigismundi Pol. regis obitus. 533. Sigismundus Malatesta. 462. Signum à Casarianis obsidetur. 691. arx largitione occupatur, ibidem. Simon Spinula. 90. Simon Turrigerus. 102. Simon Buccanigra. 120. eius oratio, ib. primus Dux ac Princeps Genuens. 121. iterum fit princeps reipub. Genuens. 136. veneno interimitur. 137. Simon Quartus. 122. Simon Vignosius Ligustica clasus præfatus. 129. eius singularis laus & commendatio. 130. & 131. item 745. Simon Simonius medicus Illustriss. Ducis Augusti electoris Saxonia. 384. Simon Guercius. 666. Simon Saluagus. 721. Simultates inter Grimaldos & Aurias. 743. Sinamus Othom. clasus nauarchus Corcyram diuexat. 541. Singulare exemplum aquitatis. 606. Sinopij reguli perfidia et crudelitas. 108. Smyrna & Chius Genuensib. donata. 76. Smyrna à Saracenorū manibus abrepta. 126. Soldaia à Genuensib. occupata. 138. Solis defectus. 573. Solymanus Selymo in imperiū succedit. 449. Turcarum Imperator. 480. quibus de causis Rhodum oppugnat. 456. eius aduentus in castra. 457. fidem Rhodiensibus religiosè seruat promissam. 457. denuò cum ingenti exercitu Hungariam inuadit. 490. in Persas expeditio. 499. à Tamma-so Persarū rege haud exigua clade afficitur. ibid. Italia bellū infert. 505. Christianis variis in locis bellū infert. 510. iterum Hungariam inuadit. 512. eius singularis clementia erga Valponij præfectum, & in reliquos milites inhumanitas, ibidem. filium insequitur vsque ad necem. 536. mittit munera ad Maximilianum Casarem designatū. 574. obitus. 577. Somersetus securi percussus. 536. Somnia nonnumquam verè futura denunciare. 788. Sorleo Peuer. 690. interitus. 26. Spedia direpta atque incensa. 84. Spedia & pleraque alia loca à popularib. occupantur. 415. Spermius Palmarus. 408. Spinula Fulgosus princeps renunciatus, & mox Ludouicus eiusdem familia. 312. Spinula familia origo. 9. Spinula infelicitèr dimicant aduersus Aurias. 99. Spira cōuentus imperialis habetur. 514. Stella mons. 198. Stephanus Iustinianus. 385. Stephanus Bracellius. 408. Stephanus Ambrus Sciappalaria. 408. Strada militare. 112. 123. 246. 472. 621. 644. 699. 736. 763. Strigonium, Alba regalis, & pleraque alia loca Hungaria à Turcis occupata. 512. Struma quid sit. 411. in ea curanda, regum Gallia virtus, ibidem. Sudor Anglicus. 488. Sultanum creandiritus, deque eius magistratuum ratione. 601. Sultani militia. 602. Synodus Tridentina. 516. Syracusanorum expugnatio. 653. Syracusa à Pisanis expugnantur. 658. Syrus primus Genua Archiepiscopus. 634. T. Tabula area reperta anno 1556. 1. Tamerlanes. 197. & 198. quid significet. 199. victoria aduersus Baiazetem. 198. Tæcredus Rogerij D. Calabria filius. 650. Taurisum diripitur. 500. frustra à Carrario obsidetur. 777. Telamonis portus à Genuensib. expugnatus. 210. Tempestas dira atque horribilis. 413. exitiosa in Hollandia & Zelandia exorta, multa hominum millia absumpsit. 489. Tenedi elegans descriptio. 757. arx funditus excisa. 782. Teramus Adurnius. 225. Tergestum, Iustinopolis & Pola à Genuensib. expugnantur. 778. Tergestum à Venetis receptum ac direptum. 779. Terouana à Casarianis capta ac solo aquata. 546. Terra quam vocant D. Pauli. 412. Terraconensium origo. 92. sub Genuens. potestate. 129. priores à fœdere desciscunt. 325. Terramorus insigniores. 39. Thadeus Iustinianus. 776. Theodorus Auria. 91. Theodorus Montisferrati regulus. 207. mors. 226. Theodorus Triuultius Genua præficitur. 467. prudens ac fidele consilium. 473. Theodorus Spinula. 494. Theodorus Lascarus. 719. Theodosia à Scytharū rege obfessa. 125. Thomas Spinula. 60. & 670. victor Genuam reuertitur. 671. Thomas Fulgosus. 215. 220. 257. princeps declaratur. 222. & Georgius Adurn. arma aduersus Guanum principem expediunt. 221. sponte prim-

principatum deponit. 233. arma
sumit aduersus Philippum. 237.
princeps renunciatur. 257. in ad-
uersis fortitudo. 270. principatum
spontè oblatum recusat. 277.
Thomas Auria. 256.
Thomas Malepina. 224.
Thomas & Rolundus ~~et alii~~ capite
multati. 301.
Thomas Fulgosius matrè Cora natus
Corsicam inuadit. 345. capitur. &
in arcem Ilicensem relegatur. 361.
Thomas Rairinus. 306.
Thomas Bozulus. 357.
Thomas Iustinianus. 365. & 383.
Thomas Cataneus à Senatu ad Leonem
Pontif. pro Bendineli Saulij libera-
tione ablegatur. 448.
Tiberis inundatio. 565.
Tobia Lomellini cades. 362.
Trabs ignita. 570.
Transilvania deficit à Ferdinãdo. 551.
Trapezus. 122.
Trincherius Ismaël. 686.
Tripolis à Sultano obfessa & oppugnata.
88. à Philippo Auria expugnata.
134. elegans descriptio, ibidem.
à Ferdinando Aragonio expugnatur.
430. à Turcis expugnatur. 542.
Genuensium auxilio expugnatur. 596.
ab Ægyptio rege obsideretur. 678.
expugnatur. ibid.
Tritemium captarum numerus. 675.
Triumultus humanissime dimittitur. 476.
Tumultus in vrbe Chio. 205.
Genua. 534. in Anglia. 536.
Ambrosianus. 572.
Tuneti descriptio. 156. obsidio. 158.
rex paciscitur cum Casare. 539.
Tunetum à Ioãne Austriaco occupatum,
579. obsidio. 616. deditio. 617.
Turcarum classis à principib. Christianis
deleta. 92. excursions. 438. in
foro Iulio. 402. per Italiam,
425. militaris disciplina. 602.
Turca redit in Persidem. 500.
à Persis caduntur. ibidem.
Turcarum Imperatoris litterarum Vene-
tis missarum tenor. 577. à Biser-
tans repulsi. 579. Tuneto de-
cunt. ibidem.
Tercica classis contra Lusitanos. 505.
Turcici apparatus contra Ferdinandum.
510.
Turcicus legatus Venetias venit, eiusque
bellum denunciatur. 577.
Turres Genua iussu Prætoris depressæ.
23.
Turris Mediolani fulmine icta. 450.
Turris Lutetiana caluit tacta. 507.
Turris maior Pisani portus à Genuens.
diruta. 680.

V.

Valeriani Caesaris deploranda for-
tuna & seruili condicio. 396.

Valponum arx à Turcis expugnata de-
ditur. 512.
Vbertus Spinula. 32. 79. & 711.
Reynaldi filius à Germanis contruci-
datur. 100.
Vbertus Sardena. 83.
Vbertus Andegauens. Genuam profici-
scitur. 102.
Vbertus Folietæ. 223. & 408.
Vbertus Squarciaficus. 328.
Vbertus Auria Ligustica classi præfici-
tur. 674. eiusdem singularis sol-
ertia & stratagema. 675. prospe-
ra dimicatio, ibidem. nulli Ge-
nuensium secundus. 676.
Vestigalia necessariò imponuntur pro
Reipublica conseruatione. 149.
Venetiarum descriptio. 765.
Veneti insigni clade à Ludouico afficiun-
tur. 425. eorundem clades in Pa-
do flumine. 426. cum Pont. Iulio
reconciliatio. 426. Venetorum clas-
sis tempestate dissecta. 429. magis
in Casarem propendunt. 458. Tur-
cis Auria aduentum indicant. 491.
regno Cypri multantur. 578. ijdem
pacem ineunt. 580. Veneta inun-
datio. 580. atrox pestilentia. 581.
Veneti à Tyri obsidione repelluntur.
324. clades. 725. tres Ligu-
sticas intercipiunt, ibidem. ad
Drepanum victoria. 726. octo
nauium Ligusticarum prædam fa-
ciunt. 728. Peram & Phocæam
diripiunt. 735. Capham expu-
gnant & tres naues Ligusticas inter-
cipiunt. 735. clades. 736.
detrectant pugnam. 737.
improspero Marte configunt. 740.
nouam classem instruunt. 742.
rursus infelicitè dimicant. 743.
nouum bellum instaurant. 744.
victoria ad Carystium portum. 745.
fœdus ineunt cum Aragoniis & Gra-
co Imp. 746. cum variis po-
pulis Italia. 750. sunt in ma-
gna conseruatione propter acceptas
clades. 753. nouum bel-
lum instaurant. 754. complures
Principes sibi in societatem asciscunt.
759. nauim Ligusticam interci-
piunt. 761. eorundem clades. 763.
Veneti oratoris ad nauarchum Ge-
nuens oratio. 767. ad Mediola-
nensium opem confugiunt. 768.
ad Clodiam infelicitè pugnant. 772.
eò redacti, vt de ipsa vrbe deserenda
consilium inierint. 772.
victoria. 775.
prælium detrectant. 778. eorun-
dem ac Genuens. noui apparatus.
780. clades. 783. cum Florentinis
fœdus percutiunt. 783. aduer-
sus Philippum Mediolanensem vi-

ctoria. ibidem. contra Genuens. vi-
ctoria. 784. Chium insulam ado-
riuntur auspiciis Scaramucia Papiens.
785. quanta fuerit clades in Chy
obsidione. 789.
Verrina Flisco persuadet, vt patriæ prin-
cipatum inuadat. 521. eius & Cal-
canij diuersa consilia. 524.
Vgo Moncada in Gallorum potestatem
venit. 460. interitus. 472.
Vgolinus Comes. 672.
Vicecomitis Auria cades. 414.
Victor Pisannus è vinculis eductus noua
classi præficitur. 771. obitus ac
virtus singularis. 779.
Victoria vrbs iuxta Parmam à Friderico
condita. 702.
Vienna à Solymano obfessa. 484.
obsidionis solutio, ibidem.
Vienna prodigia post Solymani discessum.
484.
Villa Franca. 323.
Villamarinus. 292.
Vincentius Palauicinus. 466.
Vincetellus de Istria. 223. & 244. à
Zacharia Spinula deuictus. 244.
Genua securi percutitur, ibidem.
Virginus Virginius Florentino agmini
præficitur. 361.
Vivalda familia origo ex Germania de-
fluxit. 30.
Vlamanes contra Christianos mittitur.
508.
Vlpiani deditio. 557.
Vnde nascatur siccitas. 241.
Vrbani v. Pontif. ad Genuam profe-
ctio. 141. mors. 78.
Vrbes multe à Genuensib. deficiunt, quæ
mox in gratiam receptæ. 26.
Vrbes multe atq; oppida à Senatu Ge-
nuens. receptæ. 84.
Wilhelmus Princeps Lantgrauus Haf-
sia, &c. 66.
Wilhelmus Dux Cliuensis fœdus cum
Francisco Galliarum rege contrahit.
510.
Wittenbergens. Dux suam ditionem re-
cuperat. 498.
Wolfangus Bipontinus Princeps. 483.
Wormaciensis comitia. 516.

X.

Xistus IIII. Pontif. creatur. 326.
Reipublica Genuens. amantiss.
327. mors. 356.

Z.

Zacharias Spinula. 244.
Zacharias Fulgosius crudelissimè
interficitur. 435.
Zaduar arx capta. 577.
Zeanger supra fratris cadauer mortem
sibi consecuit. 548.
Zigeti obsidio & expugnatio. 558.

F I N I S.

APPROBATIO.

Historia Populi Genuensis descripta à P E T R O B I Z A R O, à me lecta est & examinata, & sine errore qui fidem Catholicam respiciat, inuenta: ideoque ad illustrationem Genuensis Reipub. & humanorum casuum (qui in hac Historia variij describuntur) cognitionem, eam posse imprimi, vendi, & vtiliter legi iudico

*Walterus Vander Steeghen S. Theologiae Licentiatuſ &
Ecclesiae Antuerpiensis Canonicus.*

SUMMA PRIVILEGII.

PHILIPPI II. *Hispaniarum Regis Catholici privilegio sanctum est, ne quis librum hunc, cui titulus est, Senatus Populiſque Genuensis rerum domi forisſque gestarum Historiae atque Annales, auctore P E T R O B I Z A R O, citra Christophori Plantini voluntatem imprimat, aut alibi impressum importet, venalemue habeat, ad octennium; sub poena confiscationis librorum: ut latius patet in litteris datis Antuerpie, IX. Iunii M. D. LXXVIII.*

Subſig.

Jac. Blyleuen.

SAVANA PRIVATE

2nd

Inc. B. 1. 1. 1.

i 18745830



+ colorchecker CLASSIC

+ calibrite



mm